

Holy Bible

Aionian Edition®

ସଢ଼ିଆର ବାବ୍

Desiya New Testament

AionianBible.org

The world's first Holy Bible untranslation

100% free to copy and print

also known as " The Purple Bible "

Holy Bible Aionian Edition ®

ସଢ଼ିଅର୍ କାଟ୍

Desiya New Testament

CC Attribution NoDerivatives 4.0, 2018-2024

Source text: eBible.org

Source version: 2/21/2024

Source copyright: CC Attribution 4.0

The Word for the World International, 2020

Formatted by Speedata Publisher 4.19.2 (Pro) on 5/4/2024

100% Free to Copy and Print

TOR Anonymously

<https://AionianBible.org>

Published by Nainoia Inc

<https://Nainoia-Inc.signedon.net>

We pray for a modern public domain translation in every language

Report content and format concerns to Nainoia Inc

Volunteer help is welcome and appreciated!

Celebrate Jesus Christ's victory of grace!

Preface

ᄒᄒᄒᄒ at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aīdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aīdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by-nd/4.0, allowing 100% freedom to copy and print, if respecting source copyrights. Check the Reader's Guide and read online at AionianBible.org, with Android, and TOR network. Why purple? King Jesus' Word is royal... and purple is the color of royalty!

Table of Contents

NEW TESTAMENT

ମାତିଉ	11
ମାର୍କ	92
ଲୁକ୍	147
ଜଥନ୍	237
ପେରିର୍	306
ରମିୟ	393
୧ମ କରନ୍ଥିୟ	434
୨ୟ କରନ୍ଥିୟ	473
ଗାଲାତିୟ	501
ଏପିସିୟ	516
ପିଲିପିୟ	530
କଲସିଅ	541
୧ ଡେସଲନିକିୟ	550
୨ ଡେସଲନିକିୟ	558
୧ମ ତିମତି	563
୨ୟ ତିମତି	575
ତିତସ୍	583
ପିଲିମନ୍	589
ଏବ୍ରି	591
ଜାକୁବ	622
୧ ମ ପିତର୍	632
୨ ଯ ପିତର୍	643
୧ ମ ଜଥନ୍	650
୨ ଯ ଜଥନ୍	661
୩ ଯ ଜଥନ୍	663
ଜିଉଦା	665
ପର୍କାସିତ	668

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



ସେବେଲା ଜିସୁ କଲଲା, “ଏ ବାବା ଏମନ୍‌କେ କେମା କରିଦିଆସୁ, କାଇକେ ବଇଲେ ଏମନ୍ କାଇଟା କଲାଇନି ସେଟା ନାଜାନର୍ !”
ସେମନ୍ ଜିସୁର୍ ପଡିଆ ନେଇ କାକେ ମିଲୁସି ବଲି କେର୍ ପୁଟାଇଲାଇ ।
ଲୁକ୍ ୨୩:୩୪

ମାତ୍ରିକ

୧ ଏଟା ଅଇଲାନି ଜିସୁକିରିସ୍ତର୍ ଆନିଦାଦିମନର୍ ନାଉଁ ତାଲିକା । ସେ ଦାଉଦ୍ ବସ୍ତର୍ ରଇଲା ଆରି ଦାଉଦ୍ ଅବ୍ରାଆମ୍ ବସ୍ତର୍ ରଇଲା । ୨ ଅବ୍ରାଆମ୍ ପଅ ଇସାକ୍, ଇସାକ୍ ପଅ ଜାକୁବ୍, ଜାକୁବ୍ ପଅ ଜିଉଦା ଆରି ତାର୍ ବାଇମନ୍ । ୩ ଜିଉଦା ପେରସ୍ ଆରି ଜେରଅର୍ ବାବା ରଇଲା, ତାକର୍ ମାଆ ଅଇଲାନି ତାମର୍ । ପେରସ୍ ପଅ ଏସ୍ରନ୍ । ୪ ଏସ୍ରନ୍ ପଅ ଆରାମ୍, ଆରାମ୍ ପଅ ଅମିନାଦବ୍ ଅମିନାଦବର୍ ପଅ ନଅସନ୍, ନଅସନ୍ ପିଲା ସଲ୍ମନ୍ ୫ ସଲ୍ମନ୍ ପଅର୍ ନାଉଁ ବୟ୍ଜ୍, ବୟ୍ଜ୍ ମାଆ ରଅବ୍ । ବୟ୍ଜ୍ ପଅର୍ ନାଉଁ ଅବେଦ୍ ଆରି ଅବେଦ୍ ମାଆର୍ ନାଉଁ ରୁଡ୍ । ଅବେଦ୍ ପଅ ଜସୟ୍, ୬ ଦାଉଦ୍ ରାଜାର୍ ସାସନ୍ ବେଲେ ଅନି ଜେଡେବଲ୍ ଇସ୍ରାଏଲ୍ ଲକ୍ମନ୍ କେ ବାବିଲନ୍ ଦେସେ ବାନ୍ତି ନେଇରଇଲା ଜାକ ସେଡ୍ କି ଆନିଦାଦିମନର୍ ତାଲିକା ଆଚେ । ଜସୟ୍ ପଅ ଦାଉଦ୍ ରାଜା । ଉରିୟ୍ ମାଇଜିର୍ ପେଟେ ଅନି ସଲ୍ମନ୍ କେ ଜନମ୍ ଦେଲା, ୭ ସଲ୍ମନ୍ ପଅ ରିଅବିୟାମ୍ ରିଅବିୟାମ୍ ପଅ ଅବିୟ୍ । ୮ ଅବିୟ୍ ପଅ ଆସା, ଆସାର୍ ପଅ ଜିଅସାପଟ୍, ଜିଅସାପଟ୍ ପଅ ଜରାମ୍, ଜରାମ୍ ପଅ ଉଜିୟ୍ । ୯ ଉଜିୟ୍ ପଅ ଜତାମ୍, ଜତାମ୍ ପଅ ଆଅସ୍, ଆଅସ୍ ପଅ ଇଜକିୟ୍ । ୧୦ ଇଜକିୟ୍ ପଅ ମନସେଅ, ମନସେଅର୍ ପଅ ଆମନ୍, ଆମନ୍ ପଅ ଜସିୟ୍ । ୧୧ ଜସିୟ୍ ବାବିଲନ୍ ନଅରେ ବାସା ଅଇରଇଲା ବେଲେ, ଜିକନିୟ୍ ଆରି ତାର୍ ବାଇମନ୍ ଜନମ୍ ଅଇଲା । ୧୨ ବାବିଲନେ ବନ୍ତିଅଇ ସାର୍ଲା ପଟେଅନି ଜିସୁର୍ ଜନମ୍ ଜାକ ଏଡ୍ କି ଆନିଦାଦିମନର୍ ତାଲିକା ଆଚେ । ଜିକନିୟ୍ ବାବିଲନେ ବାସାଅଇରଇଲା ବେଲେ, ସଲ୍ଟିଏଲ୍ ଜନମ୍ ଅଇଲା, ସଲ୍ଟିଏଲ୍ ପଅ ଜିରୁବାବେଲ୍, ୧୩ ଜିରୁବାବେଲ୍ ପଅ ଅବିଉଦ୍, ଅବିଉଦ୍ ପଅ ଏଲିୟାକିମ୍, ଏଲିୟାକିମ୍ ପଅ ଅଜୁର୍ । ୧୪ ଅଜୁର୍ ପଅ ସାଦକ୍, ସାଦକ୍ ପଅ ଆକିମ୍, ଜାକିନର୍ ପଅ ଏଲିଉଦ୍, ଏଲିଉଦ୍ ପଅ ଏଲାଜାର୍, ଏଲାଜାର୍ ପଅ ମତ୍ତାନ । ୧୫ ମତ୍ତାନର୍ ପଅ ଜାକୁବ୍, ଜାକୁବ୍ ପଅ ଜସେପ୍ । ୧୬ ଏ ଜସେପ୍ ମରିୟ୍ କେ ବିବା ଅଇରଇଲା । ମରିୟ୍ ପେଟେଅନି ଜିସୁ ଜନମ୍ ଅଇରଇଲା । ଜିସୁ କିରିସ୍ତ୍ କେ ମସିଅ ବଲି ମିସା ନାଉଁ ଆଚେ । ୧୭ ଏନ୍ତାରି ଅବ୍ରାଆମ୍ ତେଇ ଅନି ଦାଉଦ୍ ରାଜାର୍ ଜାକ ଚଉଦ ଉତାର୍, ଦାଉଦ୍ ତେଇ ଅନି ବାବିଲନ୍ ବନ୍ତିରଇଲା ଜାକ

ଚଉଦ ଉତ୍ତର, ଆରି ବାବିଲନେ ବନ୍ଦିଅଇରଇଲା ବେଲେଅନି ଜିସୁକିରିସ୍ତର୍ ଜନମ୍ ଜାକ ଚଉଦ ଉତ୍ତର । ୧୮ ଏଟା ଅଇଲାନି ଜିସୁ କିରିସ୍ତର୍ ଜନମ୍ ବିସଇ । ଜିସୁର୍ ମା ମରିୟମର୍ ସଞ୍ଜୁ ଜସେପ୍ ନାଉଁର୍ ଗଟେକ୍ ଦାଞ୍ଜୁଡାର୍ ପାଇ ବିବା ମାଞ୍ଜୁନି ଅଇରଇଲା । ମାତର୍ ସେମନର୍ ବିବା ନ ଅଇତେ ସୁକଲ୍ ଆତ୍ମା ଅନି ଗାଗ୍ତେ ଅଇରଇବାଟା ମରିୟମ୍ ଜାନିପାରୁଲା । ୧୯ ଜସେପ୍ ଗଟେକ୍ ଦରମ୍ ଲକ୍ ରଇଲା ଆରି ସବୁବେଲେ ସତ୍ କାମ୍ କର୍ତେରଇଲା । ଆରି ମରିୟମ୍‌କେ ଲକ୍‌ମନର୍ ଟାନେ ନିନ୍ତା କାତା ସୁନାଇବାକେ ମନ୍ ନ କର୍ତେ ରଇଲା । ସେଟାର୍‌ପାଇ କେ ନାଜାନ୍ତେ ତାର୍ ବିବା ମାଞ୍ଜୁନି ପିଟାଇଦେବାକେ ଉପାଇ ପାଁତ୍ତେ ରଇଲା । ୨୦ ସେ ଏନ୍ତୁ ଉପାଇ ପାଁତ୍ତୁଲା ବେଲେ, ଜସେପ୍‌କେ ଗଟେକ୍ ପର୍ମେସରର୍ ଦୁତ୍ ସପ୍ତେନ ଦେକାଇ ଅଇ କଇଲା, ଏ ଦାଉଦର୍ ନାତିର୍ ତିତି ଜସେପ୍, ତରୁନାଇ । ମରିୟମ୍‌କେ ମାଇଜି କରି ସଞ୍ଜୁଅ । କାଇକେବଇଲେ ସୁକଲ୍ ଆତ୍ମା ଅନି ସେ ଗାଗ୍ତେ ଅଇଲାଆତେ । ୨୧ ତାର୍‌ଟାନେଅନି ଗଟେକ୍ ପିଲା ଜନମ୍ ଅଇସି, ତମେ ତାକେ ଜିସୁ ବଲି ନାଉଁ ଦିଆସ୍, କାଇକେବଇଲେ ସେ ତାର୍ ଲକ୍‌ମନ୍କେ ସେମନର୍ ପାପେଅନି ଉଦାର୍ କର୍ସି । ୨୨ ଆଇବା ଦିନମନ୍କେ କାଇଟା ଅଇସି ବଲି, ପର୍ମେସର୍ ଗଟେକ୍ ବବିସତ୍‌ବକ୍ତାକେ ପାଟାଇ ଜନ୍ କାତା ସୁନାଇରଇଲା, ସେଟା ପୁରାପୁରୁନ୍ ଅଇବାକେ ଏ ସବୁ ଅଇଲା । ୨୩ ଗଟେକ୍ ଦାଞ୍ଜୁଡି ଗାଗ୍ତେ ଅଇ ପିଲା ଜନମ୍ କର୍ସି, ଆରି ସେ ପିଲା ଲକ୍‌ମନର୍ ଟାନେ ଇମାନ୍‌ଏଲ୍ ବଲି ନାମାଇ ଅଇସି, ଏ ନାଉଁର୍ ଅରତ୍ ଅଇଲାନି, ପର୍ମେସର୍ ଆମର୍ ସଞ୍ଜୁ ଆତେ । ୨୪ ଜସେପ୍ ସଇଲା ଟାନେଅନି ଉଟି, ପର୍ମେସରର୍ ଦୁତ୍ ଜେନ୍ତି କଇରଇଲା, ସେନ୍ତି କଲା । ମରିୟମ୍‌କେ ବିବା ଅଇଲା । ୨୫ ମାତର୍ ସେ ପିଲା ଜନମ୍ ନ ଅଇବା ଜାକ ମରିୟମ୍ ସଞ୍ଜୁ ସୁଆବସା କରେନାଇ । ଜସେପ୍ ସେ ପିଲାକେ ଜିସୁ ବଲି ନାଉଁ ଦେଲା ।

୨ ଏରଦ୍ ରାଜାର୍ ସାସନ୍ ବେଲେ, ଜିଉଦା ରାଇଜର୍ ବେତ୍‌ଲିଇମେ ଜିସୁ ଜନମ୍ ଅଇଲା । ଜନମ୍ ଅଇ ତନେକ୍ ଜିବାକେ ପୁରୁବ୍ ଦେସର୍ କେତେଟା ତାର୍ ବିସଇ ପଡ୍‌ତେ ରଇବା ପଣ୍ଡିତମନ୍ ଜିରୁସାଲାମେ ଆସି ପାଟାରୁଲାଇ, ୨ “ଜନ୍ ପିଲା ଜିଉଦିମନର୍ ରାଜା ଅଇବାକେ ଜନମ୍ ଅଇଲାଆତେ, ସେ କନ୍ତି ଆତେ? କାଇକେବଇଲେ ଆମେ ପୁରୁବ୍ ଦେସେ ତାର୍ ତାରା ଦେକି ତାକେ ପୁଜା କର୍ବାର୍ ଆସିଆରୁ ।” ୩ ପଣ୍ଡିତମନର୍ କାତା ସୁନି ଏରଦ୍

ରାଜା ଆରି ତାର୍ ସଞ୍ଜ ରଇବା ଜିରୁସାଲାମର୍ ଲକ୍ମନ୍ ସବୁ କିଲ୍ବିଲ୍ ଅଇଗାଲା । ୪ ଆରି ଏରଦ୍ ସବୁ ମୁକିଅ ପୁଜାରିମନ୍କେ ଆରି ସାସ୍ତର୍ ସିକାଉମନ୍କେ ଡାକାଇ କରି, “ମସିଅ ଜେ କି କିରିସ୍ଟ କନ୍ ଜାଗାଇ ଜନମ୍ ଅଇଆଚେ?” ସେଟା ସେମନର୍ତେଇ ଅନି ବୁଝବାକେ ଚେସ୍ଟା କଲା । ୫ ପଣ୍ଡିତ୍ମନ୍ ଏରଦ୍ ରାଜାକେ କଇଲା, ଜିଉଦା ରାଇଜର୍ ବେତ୍ଲିଇମ୍ ଗଡେ, ଜନ୍ଟାକି ଗଟେକ୍ ବବିସତ୍ବକ୍ତା ଏନ୍ତାରି ଲେକିଆଚେ । ୬ ଏ ଜିଉଦା ଦେସର୍ ବେତ୍ଲିଇମ୍, ତୁଇ ଜିଉଦା ରାଇଜର୍ ମୁକିଅ ଗଡ୍ମନର୍ତେଇ ଅନି ସାନ୍ ନଉଁସ୍, କାଇକେବଇଲେ ମର୍ ଇସ୍ରାଏଲର୍ ଲକ୍ମନ୍କେ ବାଟ୍ ଦେକାଇସି, ଏନ୍ତାରି ଗଟେକ୍ ସାସନ୍କାରିଆ ତର୍ତେଇଅନି ଉବଜ୍ସି । ୭ ଏଟା ସୁନି କରି ଏରଦ୍ ରାଜା ସେ ପଣ୍ଡିତ୍ମନ୍କେ ଲୁଚ୍ତେ ଡାକାଇ, ତାରା କନ୍ ବେଲାଇ ଉଦିରଇଲା, ସେମନର୍ତେଇ ଅନି ଟିକ୍ ସଞ୍ଜ ବୁଜିନେଲା । ୮ ତାର୍ପଚେ ସେମନ୍କେ କଇ ପାଟାଇଲା, “ତମେ ଜାଆ ଆରି ବେତ୍ଲିଇମେ ସେ ପିଲାକେ ନିମାନ୍ କରି କଜିଦେକା, ଆରି ପିଲା ମିଲ୍ଲେସରି ମକେ ଜାନାଆ ମୁଇ ମିସା ଜାଇ ତାକେ ଦର୍ସନ୍ କର୍ବି ।” ୯ ପଣ୍ଡିତ୍ମନ୍ ରାଜାର୍ କାତା ସୁନି ସେ ଜାଗାଇଅନି ବାରିଗାଲା । ଗାଲାବେଲେ ଏଦେ ଦେକା! ସେମନ୍ ପୁରୁବ୍ ଦେସେ ଜନ୍ ତାରା ଦେକି ରଇଲା, ସେ ତାରା ଆରି ତରେକ୍ ଡିସ୍ଲା । ୧୦ ସେମନ୍ ତାରା ଦେକି ବେସି ସାର୍ଦା ଅଇଗାଲା । ତାରା ସେମନର୍ ଆଗେ ଜାଇକରି ଜିସୁ ରଇଲା ଜାଗାର୍ ଉପ୍ରେ ଅଟ୍ଟିଗାଲା । ୧୧ ପଣ୍ଡିତ୍ମନ୍ ସେ ଗର୍ ବିତ୍ରେ ପୁରି ପିଲାକେ ତାର୍ ମା ମରିୟ୍ ସଞ୍ଜ ରଇଲାଟା ଦେକି, ତାକେ ମାଣ୍ଡିକୁଟା ଦେଇ ଜୁଆର୍ କଲା, ଆରି ଆନିରଇବା ସୁନା, କୁନ୍ତୁ ଆରି ଗନ୍ତୁରସ୍ ବେଟି, ପିଲାକେ ଦେଲା । ୧୨ ପଚେ ସେମନ୍ ଏରଦର୍ ଲଗେ ଆରିତରେକ୍ ନ ଜାଇକରି ବିନ୍ ବାଟେ ନିଜର୍ ଦେସେ ବାଉଡି ଗାଲା । କାଇକେବଇଲେ ଏରଦର୍ ଟାନେ ଆରିତରେକ୍ ବାଉଡି ନ ଜିବାକେ ପର୍ମେସର୍ ସେମନ୍କେ ସପ୍ତେନ ଆଦେସ୍ ଦେଇରଇଲା । ୧୩ ପଣ୍ଡିତ୍ମନ୍ ଗାଲାପଚେ, ପର୍ମେସରର୍ ଗଟେକ୍ ଦୁର୍ ଜସେପ୍କେ ସପ୍ତେନ ଦର୍ସନ୍ ଦେଇ କଇଲା, “ଉର୍, ପିଲାକେ ଆରି ତାକର୍ ଆୟାକେ ଦାରି ମିସର୍ ଦେସେ ଦାପ୍ରେ ଉଟିଜା । ଏରଦ୍ ପିଲାକେ ମରାଇବାକେ କଜିବୁଲ୍ସି । ମୁଇ ସେ ଜାଗା ଚାଡା ବଲି ନ କଇବା ଜାକ ତେଇସେ ରୁଆ ।” ୧୪ ଏ କାତା ସୁନି ଜସେପ୍ ସେ ରାଡି, ପିଲାକେ ଆରି ତାର୍ ମାକେ ଦାରି ମିସର୍ ଦେସେ

ଉଟିଗାଲା । ୧୫ ଏରଦ୍ ରାଜା ମରୁବା ଜାକ ମିସର୍ ଦେସେସେ ରଇଲାଇ,
 ଜେନ୍ତୁର୍ କି ବବିସଦ୍‌ବକ୍ତା କଇରଇଲା ମାପ୍‌ରୁର୍ ବାକିଅ ସିଦ୍ ଅଇଲା, ମର୍
 ପିଲାକେ ମୁଇ ମିସର୍ ଦେସେଅନି ଡାକି ଆନ୍‌ଲି । ୧୬ ପୁରୁର୍ ଦେସେଅନି
 ଆସିରଇଲା ପଶ୍ଚିମ୍‌ମନ୍ ତାକେ ନାଡାଇ କରି ଉଟିଗାଲାଇ ଆଚଦ୍ ବଲି
 ଜାନି, ଏରଦ୍ ବେସି ରିସା ଅଇଗାଲା । ବେଡ୍‌ଲିଇମ୍ ଆରି ସେ ଲଗେ ପାକେ
 ରଇବା ଦୁଇ ବରସ୍ ଅନି ତଲେ ରଇଲା ସବୁ ପିଲାମନ୍‌କେ ମରାଇବାକେ
 ଆଦେସ୍ ଦେଲା । ପଶ୍ଚିମ୍‌ମନ୍ ଟାନେଅନି ତାରା ତିସ୍‌ତେ ରଇବା ବେଲା ସେ
 ଜାନିରଇଲା । ସେ ଇସାବେ ପିଲାମନ୍‌ ବରସ୍ ଟିକ୍ କରିରଇଲା । ୧୭
 ଏନ୍ତି ଅଇଲାଜେ ଜିରିମିୟ ବବିସଦ୍‌ବକ୍ତା କଇଲା ଏ ବାକିଅ ପୁରାପୁରୁନ୍
 ଅଇଲା । ସେ ଏନ୍ତି କଇରଇଲା, ୧୮ ରାମା ନାଉଁର୍ ସଅରେ ମାର୍‌ତ୍‌ପ୍ ଅଇ
 କାନ୍ତୁବାଟା ସୁନି ଅଇଲାନି, ରାଏଲ୍ ତାର୍ ପିଲାମନ୍‌ ପାଇ କାନ୍ତୁଲାନି ।
 ତାକେ ଜେତେକ୍ ବୁଜାଇଲେ ମିସା ବୁଜେନାଇ । କାଇକେବଇଲେ ତାର୍
 ପିଲାମନ୍ ସବୁ ମରିଜାଇରଇଲାଇ । ୧୯ ଏରଦ୍ ମଲାପତେ, ଏଦେ ଦେକା!
 ମାପ୍‌ରୁର୍ ଗଟେକ୍ ଦୁଦ୍ ମିସର୍ ଦେସେ ଜସେପ୍‌କେ ଦର୍‌ସନ୍ ଦେଇ କଇଲା,
 ୨୦ “ଉର୍ ଆରି ବାରଇକରି, ଦୁଇ ମାଆ ପିଲାକେ ଇସ୍ରାଏଲ୍ ଦେସେ
 ଦାରିଜା । କାଇକେବଇଲେ ଜନ୍ ଲକ୍‌ମନ୍ କି ପିଲାର୍ ଜିବନ୍ ନେବାକେ
 ଚେସ୍‌ଟା କର୍‌ତେରଇଲାଇ, ସେମନ୍ ମରିଗାଲାଇ ଆଚଦ୍ ।” ୨୧ ଜସେପ୍ ଏ
 କାତା ସୁନି ଜିସୁ ଆରି ତାର୍ ମାଆ ମରିୟ୍‌ମ୍ ସଙ୍ଗ୍ ବାରଇକରି ଇସ୍ରାଏଲ୍
 ଦେସେ ବାଉଡି ଆଇଲାଇ । ୨୨ ମାତର୍ ଜସେପ୍, ଏରଦର୍ ପତେ ତାର୍
 ପଅ ଆର୍‌କିଲାୟ୍ ଜିଉଦା ରାଇଜର୍ ରାଜା ଅଇଆଚେ ବଲି ସୁନିକରି ତେଇ
 ଜିବାକେ ତରୁଲା । ୨୩ ମାତର୍ ଆରିଗଟେକ୍ ବିନ୍ ସପନ୍ ଇସାବେ ଗାଲିଲି
 ଦେସେ ଜାଇକରି ନାଜରିତ୍ ନାଉଁର୍ ଗଡେ ବାସା ଅଇ ରଇଲା । ଜେନ୍ତୁର୍ କି
 ବବିସଦ୍‌ବକ୍ତା କଇଲା ଏ ବାକିଅ ସିଦ୍ ଅଇଲା । ସେ ଏନ୍ତି ବଲି କଇରଇଲା,
 “ସେ ନାଜରିତିୟା ବଲି ଡାକ୍‌ପୁଟା ଅଇସି ।”

୩ ସେବେଲେ ତୁବନ୍ ଦେଉ ଜଅନ୍ ଜିଉଦା ରାଇଜର୍ ମରୁବାଲି ବୁଏଁ ଆସି
 ଜାନାଇବାର୍ ଦାରୁଲା । ୨ ସେ ଏନ୍ତି ବଲି କଇତେରଇଲା, “ପାପ୍‌ଟାନେଅନି
 ବାଉଡା, କାଇକେବଇଲେ ସରର୍ ରାଇଜ୍ ଲଗେ କେଟ୍‌ଲାନି ।” ୩ ଜିସାଇୟ୍
 ବବିସଦ୍‌ବକ୍ତା ଜନ୍ ଲକ୍‌ର୍ ବିସଇନେଇ ଏ ବାକିଅ କଇରଇଲା, ଜଅନ ସେ,
 ସେ ଲକ୍ । ମରୁବାଲି ବୁଏଁ ଗଟେକ୍ ଲକ୍ ଆକ୍‌ମାରି କଇଲାନି, “ମାପ୍‌ରୁର୍

ବାଟ୍ ତିଆର କରା, ସେ ଆଇବାକେ ଗଟେକ୍ ସଲକ୍ ବାଟ୍ କରା ।” ୪ ଜଅନ୍
 ପିନ୍ଧୁବାଟା ଉର୍ ଚାମ୍ ସଢୁ ତିଆର ଅଇ ରଇଲା । ଆରି ଚାମର୍ ଆଁଟାବେଡା
 ବାନ୍ଧିଅଇତେ ରଇଲା । ସେ ଚିଟ୍ଟା ଆରି ବନେ ରଇବା ମୁଉ କାଇତେରଇଲା
 । ୫ ସେ ବେଲେ ଜିରୁସାଲମ୍ ଅନି ଗୁଲାଇ ଜିଉଦା ଦେସ୍ ଆରି ଜର୍ଦନର୍
 ପାକର୍ ସବୁଟାନର୍ ଲକ୍ମନ୍ ବାରଇ ଜଅନର୍ ଲଗେ ଆଇତେରଇଲାଇ
 । ୬ ଆରି ନିଜର୍ ନିଜର୍ ପାପ୍ କଲାଟା ମାନିଅଇକରି ଜଅନର୍ ଟାନେ
 ଜାଇ ଜର୍ଦନ ଗାତେ ତୁବନ୍ ନେଇତେ ରଇଲାଇ । ୭ ମାତର୍ ପାରୁସି
 ଆରି ସାଦୁକି ମନର୍ ବିତ୍ରେ ଅନି ମିସା କେତେକ୍ ଲକ୍ ତୁବନ୍ ନେବାକେ
 ଆଇବାଟା ଦେକି ଜଅନ୍ ସେମନ୍କେ କଇଲା, “ଏ ବେସି ବିସ୍ତରଇବା ସାଁପର୍
 ପାରା ବସ୍ତର୍ ଲକ୍ମନ୍, ପର୍ମେସରର୍ ଟାନେଅନି ଆଇବା ଡଣ୍ଡୁତେଇ ଅନି
 ପାଲାଇବାକେ ତମ୍କେ କେ ତେଡ୍ନା ଦେଲା? ୮ ତେବର୍ ପାଇ, ଜଦି ପାପ୍
 କାମ୍ କରବାଟା ଚାଡିଆଟାସ୍, ସେନ୍ଦୁର୍ଆଲେ ନିକ କାମ୍ କରି ଦେକାଆ । ୯
 ଅବ୍ରାଆମ୍ ଆମର୍ ପୁରବର୍ ଆନିଦାଦି ବଲି କଇଲେ ତମ୍କେ ପର୍ମେସର୍
 ଦେବା ଡଣ୍ଡୁ ନ ମିଲେ ବଲି ବାବା ନାଇ । ମୁଇ ତମ୍କେ କଇଲିନି, ପର୍ମେସର୍
 ପାକ୍ନାତେଇ ଅବ୍ରାଆମର୍ ବସ୍ ତିଆର କରସି । ୧୦ ଆରି ଏବେ ମିସା
 ଗର୍ମନର୍ ବୁନ୍ଦେ ଟେଢୁଆ ଲାଗିଆତେ । ଜନ୍ ଗର୍ ନିକ ପଲ୍ ନ ପଲେ,
 ସେଟା କାଟିକରି ଜଇଟାନେ ପିଢୁ ଅଇସି । ୧୧ ମୁଇ ସିନା ତମ୍କେ ପାପେଅନି
 ମନ୍ ବଦ୍ଲାଇଲାଟା ଦେକାଇଅଇବାକେ ବଲି ପାନିତେଇ ତୁବନ୍ ଦେଲିନି,
 ମାତର୍ ମର୍ ପତେ ଜେ ଆଇଲାନି, ସେ ମର୍ତେଇ ଅନି ଅଦିକ୍ ବପୁଟା ।
 ତାର୍ ପାଦର୍ ପାଶୁଇ ମିସା ଦାରି ନେବାର୍ ମର୍ ଅଦିକାର୍ ନାଇ, ସେ ତମ୍କେ
 ସୁକଲ୍ଆଡ୍ମାଇ ଆରି ଜଇଟାନେ ତୁବନ୍ ଦେଇସି । ୧୨ ଉତାଲି କରି ପର୍
 ବେଗ୍ଲାଇ ନିକଟାକେ ସଢୁଇବାକେ ତାର୍ ଆତେ କୁଲା ଆତେ । ନିକଟା ତାର୍
 କଲ୍କିତେଇ ସଢୁଇସି ଆରି ବେଗ୍ଲାଲା ପର୍ ସବୁଦିନେ ଲାଗ୍ତେରଇବା
 ଜଇଟାନେ ପିଢୁଦେଇସି ।” ୧୩ ସେଡ୍କିବେଲେ ଜିସୁ ଜଅନର୍ ଲଗେ ତୁବନ୍
 ନେବାକେ ଗାଲିଲି ଅନି ଜର୍ଦନ ଗାତେ ଆଇଲା, ୧୪ ମାତର୍ ଜଅନ୍ ଜିସୁକେ
 ମନାକରି କଇଲା, “ମୁଇ ସିନା ତମର୍ ଲଗେ ତୁବନ୍ ନେବାର୍ ଆତେ, ମାତର୍
 ତମେ ମର୍ଲଗେ ଆଇଲାସ୍ନି?” ୧୫ ମାତର୍ ଜିସୁ ତାକେ କଇଲା, “ମର୍
 କାତାଇ ରାଜି ଅଇ ଜା । କାଇକେବଇଲେ ଏଟାର୍ ଲାଗି ଆମେ ପର୍ମେସର୍
 ମନ୍ କରିରଇବା କାମ୍ କରିଅଇସି ।” ସେଟାର୍ପାଇ ଜଅନ୍ ତାକେ ତୁବନ୍

ଦେବାକେ ରାଜି ଅଇଲା । ୧୭ ଜିସୁ ତୁବନ୍ ନେବାକେ ପାନି ବିତ୍ରେ ବୁଡ଼ି
 ବାରଇଲା ଦାପ୍ରେ ଏଦେ ଦେକା! ସରଗ୍ ଉଗାଡ଼ି ଅଇ ରଇଲାଟା ଦେକ୍ଲା ।
 ଆରି ପର୍ମେସରର୍ ଆତ୍ମା ପରୁଆ ପାରା ଅଇ ଜିସୁର୍ ଉପ୍ରେ ଉତ୍ତରୁଲା ।
 ୧୭ ଆରି ଦେକା ଆକାସେ ଅନି ଏନ୍ତି କାତା ଆଇଲା “ଏ ମର୍ ଆଲାଦର୍ ପିଲା,
 ତର୍ଟାନେ ମୁଇ ବେସି ସାର୍ଦା ।”

୪ ତାର୍ପତେ ସୁକଲ୍‌ଆତ୍ମା ଜିସୁକେ ମରୁବାଲି ବୁଏଁ ଡାକିନେଲା । ତେଇ
 ସଇତାନ୍ ତାକେ ପରିକା କଲା । ୨ ଜିସୁ ଚାଲିସ୍ ଦିନ୍ ଚାଲିସ୍ ରାତି ଉପାସ୍
 ରଇକରି ବିତାଇଲା ପତେ, ତାକେ ବେସି ବୁକ୍ କଲା । ୩ ସେଡ଼କିବେଲେ
 ସଇତାନ୍ ତାର୍ ଲଗେ ଆସି କଇଲା “ତୁଇ ଜଦି ପର୍ମେସରର୍ ପଅ, ତେବେ
 ଏ ପାକ୍ନାମନ୍ ‘ରୁଟି ଅଇଜା’ ବଲି ଆଦେସ୍ ଦେସ୍ ।” ୪ ମାତର୍ ଜିସୁ କଇଲା,
 “ସାସ୍ତରେ ଲେକାଆତେ ମୁନୁସ୍ ଅବ୍କା ରୁଟି କାଇକରି ନ ବାଁତେ, ମାତର୍
 ପର୍ମେସରର୍ ଚଣ୍ଡେ ଅନି ବାରଇବା ସବୁ ବାକିଅ ଟାନେ ବାଁସି ।” ୫
 ତେଇଅନି ସଇତାନ୍ ଜିସୁକେ ସୁକଲ୍ ଗଡ଼ ଜିରୁସାଲାମ୍ ଡାକିନେଲା । ତେଇ
 ତାକେ ମନ୍ଦିର୍ ଟିପେ ଟିଆ କରାଇ କଇଲା, ୬ “ତୁଇ ଜଦି ପର୍ମେସରର୍
 ପଅ, ତେବେ ଇତିଅନି ତଲେ ତେଗଇ ଦେସ୍, ସାସ୍ତରେ ଲେକା ଆତେ,
 “ପର୍ମେସର୍ ତାର୍ ତୁତ୍‌ମନ୍‌କେ ତର୍ ବିସଇନେଇ ଆଦେସ୍ ଦେଇସି, ଆରି
 ସେମନ୍ ତକେ ଆତେ ଦାରି ଟେକ୍‌ବାଇ । ତେବେ ତର୍ ଗଡେ ପାକ୍ନା ନ
 ପାଏ ।” ୭ ଜିସୁ ସଇତାନ୍‌କେ କଇଲା, “ପର୍ମେସରର୍ ସାସ୍ତରେ ଏନ୍ତି
 ଲେକାଆତେ, ତୁଇ ତର୍ ମାପ୍‌ରୁ ପର୍ମେସର୍‌କେ ପରିକା କର୍ନାଇ ।” ୮
 ତାର୍ ପତେ ସଇତାନ୍ ଜିସୁକେ ବେସି ଉର୍ ରଇବା ଗଟେକ୍ ଡ଼େର୍ ଟିପେ ଡାକି
 ଦାରିଗାଲା । ଆରି ଦୁନିଆର୍ ସବୁ ରାଇଜର୍ ଦନ୍ ସିପତି ଦେକାଇ କଇଲା, ୯
 “ତୁଇ ଜଦି ମକେ ମାଣ୍ଟିକୁଟା ଦେଇ ଜୁଆର୍ କର୍ସୁ ବଇଲେ ମୁଇ ଏ ସବୁ ତକେ
 ଦେଇପାକାଇବି ।” ୧୦ ତେଇ ଜିସୁ ତାକେ କଇଲା “ମର୍ଟାନେଅନି ଦୁର୍ ଅ
 ସଇତାନ୍, ସାସ୍ତରେ ଲେକା ଆତେ, ତୁଇ ପର୍ମେସର୍‌କେ ଜୁଆର୍ କର୍ସୁ,
 ଆରି ତାକେସେ ସେବା କର୍ସୁ ।” ୧୧ ତାର୍ପତେ ସଇତାନ୍ ଜିସୁକେ ଚାଡ଼ି
 ବାରିଗାଲା, ଆରି ଏଦେ ଦେକା! ସରଗର୍ ଦୁତ୍‌ମନ୍ ଆସି ଜିସୁକେ ସେବା
 କର୍ବାର୍ ଦାରୁଲା । ୧୨ ତାର୍ପତେ ତୁବନ୍ ଦେଉ ଜଅନ୍ ବନ୍ତି ଅଇଲାଆତେ
 ବଲି ଜିସୁ ସୁନିକରି ଗାଲିଲି ଉଟି ଗାଲା । ୧୩ ତାର୍ ପତେ, ସେ ନାଜରିତ୍
 ଚାଡ଼ି କରି ସର୍ଲୁନର୍ ଆରି ନପ୍‌ତାଲିନ୍ ନାଉର୍ ଜାଗା ଲଗେ ରଇବା ଗାଡ଼

କଣ୍ଠି ରଇଲା, କପରନାଉମେ ଜାଇ ବାସା କଲା । ୧୪ ଜେନ୍ତୁର କି ଜିସାୟ ବବିସଦ୍‌ବକ୍ତାର୍ ଏ କାତା ପୁରୁନ୍ ଅଇଲା । ସେ କଇରଇଲା, ୧୫ “ଜର୍ଦନ୍ ଗାଡ଼ ସେପାଟେ ସମୁଦ୍ରେ ଜିବା ବାଟେ ରଇଲା ସବ୍‌ଲୁନ୍ ଆରି ନାପୁତାଲି ନାଉଁର୍ ଦୁଇଟା ଦେସ୍, ଅବିସ୍‌ବାସି ମନର୍ ଗାଲିଲି! ୧୬ ଆନ୍ତୁରେ ରଇବା ଲକ୍‌ମନ୍ ବଡ଼ ଉଜଲର୍ ଦର୍ସନ୍ ଦେକ୍‌ବାଇ ଆରି ମରନର୍ ଆନ୍ତୁରେ ରଇଲା ଲକ୍‌ମନ୍ ଉପ୍‌ରେ ସେ ଉଜଲ୍ ଉଦ୍‌ସି ।” ୧୭ ସେ ବେଲାଇ ଅନି ଜିସୁ କଇବାର୍ ଆରାମ୍ କରି ଜାନାଇବାର୍ ଦାର୍‌ଲା । ପାପ୍ କର୍‌ବାତେଇଅନି ମନ୍ ବଦ୍‌ଲାଆ, ସରଗ୍ ରାଇଜ୍ ଲଗେ କେଟ୍‌ଲା । ୧୮ ଜିସୁ ଗାଲିଲି ସମୁଦ୍ ପାଲି ରଇବା ଜାଗାମନ୍‌କେ ବୁଲ୍‌ବାବେଲେ ସିମନ୍ ଜାକେ କି ପିତର୍ ବଲି କଇବାଇ, ଆରି ତାର୍ ବାଇ ଆନ୍ତୁରିୟ୍, ଏ ଦୁଇ ଲକ୍‌କେ ବେଟ୍ ଅଇଲା । ଏ ଦୁଇ ବାଇ ଗାଡେ ବଇଜାଲ୍ ମାରି ମାଟ୍ ଦାର୍‌ତେରଇଲାଇ । ୧୯ ଜିସୁ ସେ ଦୁଇ ବାଇକେ ଡାକି କଇଲା, “ମର୍ ସଞ୍ଜ୍ ଆସା, ମୁଇ ତମ୍‌କେ ଲକ୍‌ମନ୍‌କେ ମାପୁରୁର୍‌ବାଟେ ଆନ୍‌ବାଟା ସିକାଇବି ।” ୨୦ ସେଦାପ୍‌ରେ ସେମନ୍ ଜାଲ୍ ଚାଡ଼ି, ଜିସୁର୍ ପଟେ ପଟେ ଗାଲାଇ । ୨୧ ଜିସୁ ଆରି ତେଇଅନି କଣ୍ଠେକ୍ ଦୁର୍ ଆଗେ ଜାଇ ଜେବଦିର୍ ପଅ ଜାକୁବ୍ ଆରି ତାର୍ ବାଇ ଜଅନ୍‌କେ ବେଟ୍ ଅଇଲା । ସେଡ଼କିବେଲେ ଏ ଦୁଇବାଇ ତାକର୍ ବାବା ସଞ୍ଜ୍ ଡ଼଼ୁଇ ଜାଲ୍ ସାଜାଡ଼‌ତେ ରଇଲାଇ । ୨୨ ଜିସୁ ସେମନ୍‌କେ ମିସା ଡାକ୍‌ଲା ଆରି ସେମନ୍ ଦାପ୍‌ରେ ଡ଼଼ୁଆ ଆରି ତାକର୍ ବାବାକେ ଚାଡ଼ିକରି ଜିସୁର୍ ସଞ୍ଜ୍ ଗାଲାଇ । ୨୩ ଜିସୁ ଗାଲିଲିର୍ ଗୁଲାଇବାଟେ ବୁଲି ବୁଲି ଜିଉଦିମନ୍‌ର୍ ସବୁ ପାର୍‌ତନା ଗର୍‌ମନ୍‌କେ ସିକିଆ ଦେଇ, ପର୍‌ମେସରର୍ ରାଇଜର୍ ବିସଇ ଜାନାଇଲା । ଆରି ବିନ୍ ବିନ୍ ରଗେ ରଇବା ଲକ୍‌ମନ୍‌କେ ସବୁ ରକାମର୍ ରଗ୍ ଆରି ସବୁ ଦୁକ୍ କସ୍‌ଟ, ନିମାନ୍ କଲା । ୨୪ ସିରିଆ ଦେସର୍ ଗୁଲାଇବାଟେ ତାର୍ ନାଉଁ ଜାନ୍‌ଲାଇ ଆରି ଲକ୍‌ମନ୍ ଡୁମା ଦାରିରଇବା, ମୁର୍ତା ଅଇରଇବା, ଚେରେଞ୍ଜ୍ ଦାରି ରଇବା ଆରି ବିଆଦି ଦାରିରଇଲା ଲକ୍‌ମନ୍‌କେ ତାର୍‌ଲଗେ ଆନ୍‌ଲାଇ । ସେ ସବୁକେ ନିକ କଲା । ୨୫ ଆନି ରଇବା ସବୁ ଲକ୍‌ମନ୍‌କେ ଜିସୁ ନିକ କଲା । ଗାଲିଲି ଅନି ଆରି ଦସ୍‌ଟା ସଅରେଅନି, ଆରି ଜିରୁସାଲାମ୍, ଜିଉଦା ଆରି ଜର୍ଦନ୍ ସେବାଟେ ରଇଲା ଜାଗାମନ୍‌ତେଇଅନି ବେସି ଲକ୍‌ମନ୍ ଜିସୁର୍ ସଞ୍ଜ୍ ଗାଲାଇ ।

୫ ଜିସୁ ଜବର୍ ଲକ୍‌ମନ୍ ତାର୍‌ଗାନେ ଆଇବାଟା ଦେକି ଡ଼଼ୁର୍ ଉପ୍‌ରେ ଜାଇ ବସ୍‌ଲା । ସିସ୍‌ମନ୍ ତାକେ ଚାରିବେଡ଼ି ଗେରି ରଇଲାଇ । ୨ ସେବେଲେ ଜିସୁ

ସେମନ୍ତକେ ସିକିଆ ଦେଇ କଇବାରୁ ଦାରୁଲା । ୩ “ଜନ୍ ଲକ୍ମନ୍ ଆତ୍ମାଲ
 କାକୁରୁତି ଅଇଆତଡ଼, ସେମନ୍ତ କେଡେକ୍ ନିକ କରମ୍, କାଇକେବଇଲେ
 ସରଗ୍ ରାଇଜ୍ ତାକରୁଟା ।” ୪ ଦୁକେ ରଇବା ଲକ୍ମନ୍ କେଡେକ୍ ନିକ
 କରମ୍, କାଇକେବଇଲେ ପର୍ମେସର୍ ସେମନ୍ତ ଦୁକ୍ ସାରାଇସି । ୫
 ସୁଆଲେ ରଇବା ଲକ୍ମନ୍ କେଡେକ୍ ନିକ କରମ୍, କାଇକେବଇଲେ ସେମନ୍
 ପର୍ମେସର୍ ସପଡ଼ କରିରଇବା ବିସଇ ମିଲାଇବାଇ । ୬ ଜନ୍ ଲକ୍ମନ୍
 ପର୍ମେସରର୍ ମନ୍ କଲା ଇସାବେ କାମ୍ କରବାକେ ଆସା କରବାଇ, ତାକର୍
 କେଡେକ୍ ନିକ କରମ୍, କାଇକେବଇଲେ ପର୍ମେସର୍ ସେମନ୍ତକ ସାରୁଦା
 କରାଇସି । ୭ ବିନ୍ ଲକ୍ମନ୍ତକେ ଦୟା ଦେକାଇବା ଲକ୍ମନ୍ କେଡେକ୍ ନିକ
 କରମ୍, କାଇକେବଇଲେ ସେମନ୍ତକେ ପର୍ମେସର୍ ଦୟା କରୁସି । ୮ ମନ୍
 ବିତ୍ରେ ନିର୍ମାଲ୍ ରଇଲା ଲକ୍ମନ୍ କେଡେକ୍ ନିକ କରମ୍, କାଇକେବଇଲେ
 ସେମନ୍ତକେ ପର୍ମେସରର୍ ଦରୁସନ୍ ମିଲୁସି । ୯ ସାନ୍ତିର୍ ପାଇ କାମ୍ କରବା
 ଲକ୍ମନ୍ କେଡେକ୍ ନିକ କରମ୍, କାଇକେବଇଲେ ସେମନ୍ ପର୍ମେସରର୍
 ପିଲାଟକି ବଲି ନାମାଇ ଅଇବାଇ । ୧୦ ଜନ୍ ଲକ୍ମନ୍ ପର୍ମେସରର୍ ମନ୍
 କଲା ଇସାବେ କାମ୍ କରି ଦୁକ୍ କସ୍ଟ ପାଇବାଇ, ସେମନ୍ତ କେଡେକ୍ ନିକ
 କରମ୍, କାଇକେବଇଲେ ସରଗ୍ ରାଇଜ୍ ତାକରୁଟା । ୧୧ “ମକେ ବିସ୍ବାସ୍
 କରବାର୍ ଲାଗି ତମ୍ତକେ ଲକ୍ମନ୍ ନିନ୍ତୁ ଆରି କସ୍ଟ ଦେବାଇ, ଆରି ରୁତାଇ
 ତମର୍ ବିରୁଦେ ମିର୍ କାତା କଇବାଇ, ନିଜ୍ତକେ କେଡେ କରମର୍ ଲକ୍ ବଲି
 ମନେ କରା । ୧୨ ସାରୁଦା ଅଇ ସାରୁଦାଇ ରୁଆ, କାଇକେବଇଲେ ସରଗେ
 ତମର୍ ପାଇ ବଡ଼ ପୁରୁସ୍କାର୍ ସଞ୍ଜୁଇଲା ଆତେ । ମନେରକା ସେନ୍ତାରି
 ତମର୍ ଆଗ୍ତୁ ରଇଲା ବବିସ୍ତବକ୍ତାମନ୍ ମିସା ଦୁକ୍ପାଇ ରଇଲାଇ ।”
 ୧୩ “ତମେ ସବୁ ମୁନୁସ୍ ଜାତିର୍ପାଇ ନୁନ୍ ପାରା । ମାତର୍ ନୁନ୍ ଜଦି ସୁଆଦ୍
 ଆରାଇସି, ତେବେ ସେଟା କେନ୍ତି କରିଆ ଅଇସି? ସେଟା ଆରି କାଇ କାମେ
 ନ ଆସେ, ତେବେ ତାକେ ବାଇରେ ପିଢ଼ି ଦେବାଇ ଆରି ସେଟା ଲକ୍ମନ୍ ମାଣ୍ଡି
 ପାକାଇବାଇ ।” ୧୪ ତମେ ଗୁଲାଇ ଜଗତର୍ ପାଇ ଉଜଲ୍ ପାରା । ଜନ୍
 ଗଡ଼ ତଢ଼ୁର୍ ଉପ୍ରେ ତିଆର୍ ଅଇଲାଆତେ, ସେଟା କେବେ ମିସା ଲୁଚି ରଇ
 ନାପାରେ । ୧୫ କେ ମିସା ବତି ତସାଇକରି ଆଣ୍ଡିତାବି ନ ସଢ଼ୁଅଡ଼ । ସେଟା
 ବତିକୁଦରା ଉପ୍ରେ ସଢ଼ୁଇବାଇ ଆରି ଗରେ ରଇଲା ସବୁ ଲକ୍ତକେ ଉଜଲ୍
 ଦେଇସି । ୧୬ ସେନ୍ତାରିସେ ତମର୍ ଉଜଲ୍ ଲକ୍ମନ୍ତଟାମେ ଉଜଲ୍ ତିସ

। ସେନ୍ତୁଆଲେ ତମର୍ ସତ୍‌କାମ୍ ଦେକି ସେମନ୍ ସର୍ଗେ ରଇବା ବାବା
 ପର୍ମେସରର୍ ଡାକ୍‌ପୁଟା କର୍ବାଇ । ୧୭ “ମୁଇ ମିସା, କରିରଇବା ନିୟମ୍ କି
 ବାବଦିମନର୍ ଦରମ୍ ସାସ୍‌ତର୍ ବୁଡାଇବାକେ ଆସିଆତି ବଲି ବାବା ନାଇ
 । ମୁଇ ସେଟା ବୁଡାଇବାକେ ଆସିନାଇ ମାତର୍ ସିଦ୍ କର୍ବାକେ ଆସିଆତି
 । ୧୮ ମନେରକିରୁଆ, ମୁଇ ତମ୍‌କେ ସତ୍ କଇଲିନି ସରଗ୍ ଆରି ଦରୁତନି
 ତବିର୍ ଅଇ ରଇବା ଜାକ ମସାର୍ ନିୟମର୍ ଗଟେକ୍ ତିନ୍ ମିସା ନ ବୁଡେ ।
 ସବୁ ବିସଇ ପୁରାପୁରୁନ୍ ନ ଅଇତେ ଏ ସବୁ ନ ଗଟେ । ୧୯ ତେବର୍‌ପାଇ
 ଜେ ମିସା ନିୟମ୍ ତେଇ ରଇବା ସବୁଟାମେଅନି ସାନ୍ ଆଦେସ୍ ନ ମାନେ
 ଆରି ସେନ୍ତି କର୍ବାକେ ବିନ୍ ଲକ୍‌ମନ୍‌କେ ସିକାଇସି, ସେ ସରଗ୍ ରାଇଜେ
 ସବୁରୁଟାମେଅନି ସାନ୍ ଲକ୍ ବଲି ଏଜାଇଅଇସି । ମାତର୍ ଜେ ନିୟମର୍ ସବୁ
 ବିସଇର୍ ସାନ୍ ଆଦେସ୍ ମାନ୍‌ସି ଆରି ସେଟା ବିନ୍ ଲକ୍‌ମନ୍‌କେ ସିକାଇସି,
 ସେ ସରଗ୍ ରାଇଜେ ବଡ୍ ଲକ୍ ବଲି ଏଜାଇଅଇସି । ୨୦ କାଇକେବଇଲେ
 ମୁଇ ତମ୍‌କେ କଇଲିନି, ସାସ୍‌ତର୍ ସିକାଉମନ୍ ଆରି ପାରୁସିମନର୍‌ତେଇଅନି
 ଅଦିକ୍ ବିସ୍‌ବାସ୍ ରଇ, ପର୍ମେସରର୍ ମନ୍ କଲା ଇସାବେ, କାମ୍ କଲେସେ
 ସରଗ୍ ରାଇଜେ ଜାଇପାରାସ୍ ।” ୨୧ “ତମେ ସୁନି ଆଟାସ୍ ଜେ, ପୁର୍ବେଅନି
 ଲକ୍‌ମନ୍‌କେ କୁଆଅଇଲା ଆଟେ, ଲକ୍‌କେ ମରାଇବାର୍ ନାଇ । ଆରି ଜେ
 ମରାଇସି ବଇଲେ ସେ ବିଚାର୍ କରାଇଅଇସି । ୨୨ ମାତର୍ ମୁଇ କଇଲିନି,
 ଜେ ମିସା ବାଇକେ ରିସା ଅଇସି, ତାକେ ସବାଟାମେ ବିଚାର୍‌ନା କରାଅଇସି
 । ଜେ ବାଇକେ ଏ ବେକାର୍‌ଟାସେ ବଲି କଇସି, ତାକେ ବଡ୍ ସବାଟାମେ
 ବିଚାର୍‌ନା କର୍ବାକେ ଆନ୍‌ବାଇ, । ଆରି ଜେ ବାଇକେ ଏ ବକୁଆଟାସେ
 ବଲି କଇସି, ତାର୍‌ପାଇ ନରକର୍ ଜଇଟାମେ ପିଢୁଇଅଇବା ବିପଦ୍ ଆଟେ ।
 (Geenna g1067) ୨୩ ସେଟାର୍‌ପାଇ ତମେ ପର୍ମେସର୍କେ ବେଦି ଟାନେ
 ନିଜର୍ ଦାନ୍ ଦେଲା ବେଲେ, ତେଇ ତମର୍ ବିରୁଦେ ତମର୍ ବାଇର୍ କାଇମିସା
 କାତା ଆଟେ ବଲି ମନେ ଏତାଇଲୁସ୍, ୨୪ ସେନ୍ତି ବଇଲେ ବେଦିଲଗେ
 ବଲିଦେବାଟା ସଢୁଇଦେଇ ବାରିଜା, ଆଗେ ନିଜର୍ ବାଇ ସଢୁ ମିସା, ତାର୍
 ପଟେ ଆସି ତମର୍ ବଲି ଦିଆସ୍ ।” ୨୫ ଜଦି କେ ତମର୍ ବିରଦେ ତମ୍‌କେ
 ବିଚାର୍ କର୍ବା ଜାଗାଇ ଜିବାକେ ବାଦିଅ କର୍ସି ବଇଲେ, ବିଚାର୍ ଜାଗାଇ
 ଜିବା ଆଗୁଡୁ, ବେଲ୍ ରଇତେସେ ତାର୍ ସଢୁ ରାଜି ଅ । ନଇଲେ ବିଚାର୍
 କର୍ବା ଜାଗାଇ କେଟିଗାଲେ, ସେ ତମ୍‌କେ ବିଚାର୍କରୁକେ ସର୍ପି ଦେଇସି

ଆରି ଅଇପାରେ ବିଚାର କରୁ ତମ୍ଭେ ବନ୍ଧୁ ଗରେ ନେବାକେ ଜମାନ୍‌କେ ସର୍ବପି ଦେଇସି । ୨୬ ମୁଇ ତମ୍ଭେ ସତ୍ କଇଲିନି, ତମର୍ ଉପ୍ରେ ଟିକ୍ ଅଇଲା ଜରିମନାର୍ ସାରାସାରି ଅଣା ମିସା ନ ଦେବା ଜାକ, ତେଇଅନି କୁଲାସ୍ ନ ଉଆସ୍ । ୨୭ “ବେସିଆ କାମ୍ କରାନାଇ, ତମେ ପୁରୁବେ ଅନି ଏ ଆଦେସ୍ ସୁନି ଆସିଆଚାସ୍ । ୨୮ ମାତର୍ ମୁଇ ତମ୍ଭେ କଇଲିନି, ଜେ ମିସା ବିନ୍ ମାଇଜିକେ ବେସିଆକାମ୍ ଇସାବେ ଆଁକି ଦେକ୍‌ସି, ସେ ତାର୍ ସଞ୍ଜ୍ ମନେ ମନେ ବେସିଆ କାମର୍ ଅପ୍‌ରାଦ୍ କଲାଆଚେ । ୨୯ ସେଟାର୍‌ପାଇ ତମର୍ ଉଜାବାଟର୍ ଆଁକିର୍ ଲାଗି ତମେ ପାପ୍‌କରିଆଚାସ୍, ତେବେ ସେଟା ବେଟି ପିଢ଼ି ଦିଆସ୍, କାଇକେ ବଇଲେ ତମର୍ ସବୁ ଗାଗଡ୍ ନର୍କେ ଜିବା ବାଦୁଲେ ଗଟେକ୍ ଆଁକି ନସ୍‌ଟ ଅଇବାଟା ତମର୍‌ପାଇ ନିକ । (Geenna g1067) ୩୦ ଜଦି ତମର୍ ଉଜା ଆତ୍ ତମ୍ଭେ ପାପ୍ କାମ୍ କରାଇଲାନି ବଇଲେ, ସେଟା କାଟି ପିଢ଼ି ଦିଆସ୍, କାଇକେ ବଇଲେ ତମର୍ ସବୁ ଗାଗଡ୍ ନର୍କେ ଜିବା ବାଦୁଲେ ଗଟେକ୍ ଆତ୍ ନସ୍‌ଟ ଅଇବାଟା ନିକ ।” (Geenna g1067) ୩୧ “ଜଦି କେ ମିସା ନିଜର୍ ମାଇଜିକେ ଚାଡ଼ିଦେବାକେ ମନ୍ କଲାନି, ସେ ତାକେ ରାଜିନାମା ପତର୍ ଲେକି ଚାଡ଼ିଦେଅ । ଏ ସିକିଆ ତମେ ଆଗ୍‌ରୁ ପାଇଆଚାସ୍ । ୩୨ ମାତର୍ ମୁଇ କଇଲିନି, ଜେକି ନିଜର୍ ମାଇଜିକେ ବେସିଆ କାମ୍ ଚାଡ଼ି ଅଲ୍‌ଗା ଦସ୍ ଦାରି ଚାଡ଼ିସି, ସେ ତାକେ ପାଦ୍‌ରି କରାଇବା ଅପରାଦେ ଦସିଅଇସି, ଆରି ଜେକି ଚାଡ଼ିଲା ମାଇଜିକେ ବିବା ଅଇସି, ସେ ପାଦ୍‌ରା ଅଇସି ।” ୩୩ “ତମେ ପୁରୁବ୍ କାଲେଅନି ଏ ସିକିଆ ସୁନି ଆଇଲାସ୍‌ନି, ପର୍‌ମାନ୍ ବାଢ଼୍ଠା ନାଇ । ପର୍‌ମେସରର୍ ମୁଆଟେ ଜନ୍ ପର୍‌ମାନ୍ କରିଆଚାସ୍ ସେଟା ପୁରାପୁରୁନ୍ କରା । ୩୪ ମାତର୍ ମୁଇ ତମ୍ଭେ କଇଲିନି ସପ୍ତ କର୍‌ବା ବେଲେ ପର୍‌ମାନ୍ ନିୟ୍‌ମ୍ ପାକାଆ ନାଇ । ସରଗ୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ ସେଟା ପର୍‌ମେସରର୍ ବସ୍‌ବା ଜାଗା । ୩୫ ଦର୍‌ତନିର୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ, ସେଟା ପର୍‌ମେସରର୍ ପାଦ୍ ସଞ୍ଜୁଇବା ଜାଗା । ଜିରୁସାଲାମ୍ ଗଡର୍ ନାଉଁ ଦାରି ମିସା ରାନ୍ ପାକାଇବାଟା ଟିକ୍ ନାଇ, କାଇକେବଇଲେ ସେଟା ରାଜାମନର୍ ରାଜା ରଇବା ଜାଗା । ୩୬ ଆରି ନିଜର୍ ମୁଣ୍ଡୁ ଚିଇ କରି ପର୍‌ମାନ୍ କରାନାଇ, କାଇକେବଇଲେ ତମେ, ତେଇର୍ ଗଟେକ୍ ଚେଣ୍ଟି ଦବ୍‌ଲା କି କାଲିଆ କରିନାପାରାସ୍ । ୩୭ ମାତର୍ ତମେ ପର୍‌ମାନ୍ ନିୟ୍‌ମ୍ ନ କରି, ତର୍ ଉଁ କାତା ଉଁ ଅ, ନାଇ କାତା ନାଇ ଅ,

ଇତିଅନି ଆରି ଅଦିକ୍ କାତା କଇ ପର୍ମାନ୍ କରବାଟା ସଇତାନର୍ତ୍ତାନେଅନି ଆଇଲାଟା ।” ୩୮ “ଏ କାତା ତମେ ସୁନିଆଟାସ୍, ଆଁକିର୍ ବାଦୁଲେ ଆଁକି ଆରି ଦାଁତର୍ ବାଦୁଲେ ଦାଁତ୍, ୩୯ ମାତର୍ ମୁଇ ତମ୍ବେ କଇଲିନି, ତମର୍ ବିରଦେ କେ ଅନିଆଇ କାମ୍ କଲେ, ତାକେ ସୁଜାଇବାକେ ଚେସ୍ଟା କରା ନାଇ, ଜେ ତମର୍ ଉଜା ଗାଲେ ଚାପଡ଼ ମାର୍ସି, ତାକେ ଆରି ଗଟେକ୍ ଚାପଡ଼ା ମାର୍ବାକେ ଡେବ୍ରି ଗାଲ୍ ମିସା ଦେକାଇ ଦିଆସ୍ । ୪୦ କେ ଜଦି ତମର୍ସଞ୍ଜୁ ବିରଦ୍ କରି ବିଚାର୍ ଲଗେ ଦାବିକରି ତମର୍ କାମିଜ୍ ନେବାକେ ମନ୍ କରସି, ତାକେ ଚାଦର୍ ମିସା ଦେଇ ପାକାଆ । ୪୧ ସନିଅମନର୍ ବିତ୍ରେ ଅନି, କେ ମିସା ତମ୍ବେ ତାର୍ ବଜ୍ ରୁଆଇ କରି ଗଟେକ୍ କିଲମିଟର୍ ଛୁ ଆକା ବଇଲେ, ତମେ ତାର୍ ସଞ୍ଜୁ ଦୁଇ କିଲମିଟର୍ ଜା । ୪୨ କେ ଜଦି ତମ୍ବେ କାଇଆଲେ ଜିନିସ୍ ମାଞ୍ଜୁସି ବଇଲେ, ମନା ନ କରି ତାକେ ଦିଆସ୍ । କେ ମିସା କାଇଆଲେ ଉଦାର୍ ମାଞ୍ଜୁଲେ ତାକେ ଦିଆସ୍ ।” ୪୩ “ମଇତର୍ତ୍ତେ ଆଲାଦ୍ କରା ଆରି ତମର୍ ସତ୍ତୁକେ ଗିନ୍ କରା । ଏ ସିକିଆ ତମେ ପୁର୍ବେଅନି ସୁନି ଆଟାସ୍ । ୪୪ ମାତର୍ ମୁଇ ତମ୍ବେ କଇଲିନି, ସତ୍ତୁମନ୍ଦକେ ଆଲାଦ୍ କରା, ଜନ୍ ଲକ୍ ତମ୍ବେ କସ୍ଟ ଦେଲାଜିନି, ତାକର୍ପାଇ ପାର୍ତନା କରା । ୪୫ ଏଟା କଲେ ସରଗର୍ ପର୍ମେସରର୍ ପିଲା ବଲି ଚିନାପଡ଼ସା । କାଇକେ ବଇଲେ ପର୍ମେସର ବଲ୍ କାରାପ୍ ଦୁଇ ଲକର୍ ପାଇ ମିସା ବେଲର୍ ଉଜଲ୍ ଦେଲାନି, ଆରି ଦରମ୍ ରଇବା, ଦରମ୍ ନ ରଇବା ସବୁର୍ ଉପ୍ରେ ବରସା ମାରାଇଲାନି । ୪୬ ତେବେ, ତମ୍ବେ ଆଲାଦ୍ କରବା ଲକ୍କେ ଆଲାଦ୍ କଲେ, ପର୍ମେସର ତମ୍ବେ କାଇକେ ପୁରୁସ୍କାର୍ ଦେଇସି? ସିସ୍ତୁ ମାଞ୍ଜୁବା ଲକ୍ମନ୍ ମିସା ସେନ୍ତି କରବାଇ । ୪୭ ତମେ ଜଦି ନିଜର୍ ନିଜର୍ ବାଇମନ୍ଦକେସେ ଛୁଆର୍ କରସା, ତେବେ ଆରି ଅଦିକ୍ କାଇଟା କଲାସ୍ନି? ବିସ୍ବାସ୍ ନକଲା ଲକ୍ମନ୍ ମିସା ସେଟା କରବାଇ । ୪୮ ସେଟାର୍ ପାଇ ତମର୍ ସରଗର୍ ବାବା ଜେନ୍ତାର୍ ସିଦ୍, ତମେ ମିସା ସେନ୍ତାର୍ ସିଦ୍ ଅଇବା ଦର୍କାର୍ ।”

୨ ଲକ୍ମନ୍ଦକେ ଦେକାଇଅଇବାକେ ସବୁର୍ ମୁଆଟେ ନିକ କାମ୍ କରାନାଇ । ସେଟା କଲେ ସର୍ଗେ ରଇବା ତମର୍ ବାବାର୍ ଗାନେଅନି ପୁରୁସ୍କାର୍ ନ ପାଆସ୍ । ୨ ତେବେ ଗଟେକ୍ ଗରିବ୍ ଲକ୍କେ ଦାନ୍ ଦେବା ବେଲେ କୁଟିଆଲ୍ମନର୍ ପାରା ଦେକାଇ ନ ଉଆ । ସେମନ୍ ଲକ୍ମନର୍ତେଇ ଅନି ତାକ୍ପୁଟା ପାଇବାକେ ପାର୍ତନା ଗରେ ଆରି ସାଇ ମଜାଇ ଦାନ୍ଦରମ୍

ଦେକାଇବାଇ । ମୁଞ୍ଚ ସତ୍ କଇଲିନି ଜେ, ସେମନ୍ ଇତିଅନି ସେମନର୍ ବୁଢ଼ି
 ପୁରାପୁରୁନ୍ ପାଇସାରି ଆଚତ୍ । ୩ ମାତର୍ ତମେ ଅବାବେ ରଇଲା ଲକ୍‌କେ
 ସାଇଜ କଲାବେଲେ, ଏନ୍ତାରି କରା, ଜେନ୍ତିକି ତମର୍ ଲଗର୍ ମଇତର୍ ମିସା ଏ
 କାତା ନାଜାନ । ୪ ତମର୍ ଏ ଦାନ୍ ଲୁଚ୍‌ତେ ଅଇରଇଲେ ମିସା ସବୁ ଦେକ୍‌ବା
 ବାବା ପର୍ମେସର୍ ସେଟା ଦେକି ତମ୍‌କେ ପୁରୁସ୍‌କାର୍ ଦେଇସି । ୫ ପାର୍‌ତନା
 କର୍‌ବା ବେଲେ କୁଟିଆଲ୍ ବିସ୍‌ବାସିମନର୍ ପାରା ଉଆନାଇ । କାଇକେ ବଇଲେ
 ସେମନ୍ ଲକ୍‌ମନ୍‌କେ ଦେକାଇ ଅଇବାକେ ପାର୍‌ତନା ଗର୍‌ମନ୍‌କେ ଆରି
 ଗାଉଁର୍ ମଜା ତାଣ୍ଟେ ଟିଆ ଅଇକରି ପାର୍‌ତନା କର୍‌ବାକେ ମନ୍ କର୍‌ବାଇ ।
 ମୁଞ୍ଚ ତମ୍‌କେ ସତ୍ କଇଲିନି, ସେମନ୍ ନିଜର୍ ନିଜର୍ ପୁରୁସ୍‌କାର୍ ପାଇଲାଇବେ
 । ୬ ମାତର୍ ତମେ ପାର୍‌ତନା କର୍‌ବାକେ ତମର୍ ବାକ୍‌ରାଇ ଜାଇ, କାକେ ନ
 ଦେକାଇଅଇତେ ପୁରିକରି କାପାଟ୍ ତାବିଅଇଦିଆସ୍ ଆରି ନ ତିସାଇ ଅଇବା
 ତମର୍ ସର୍‌ଗର୍ ବାବାର୍ ଲଗେ ପାର୍‌ତନା କରା । ତମେ ଲୁଚ୍‌ତେ ଜାଇଟା
 କର୍‌ସା, ସେଟା ଦେକି ତମର୍ ବାବା ତମ୍‌କେ ପୁରୁସ୍‌କାର୍ ଦେଇସି । ୭
 ପାର୍‌ତନା କର୍‌ବା ବେଲେ ପର୍‌ମେସର୍‌କେ ବିସ୍‌ବାସ୍ ନ କର୍‌ବା ଲକ୍‌ମନର୍
 ପାରା ଅରତ୍ ନଇଲା କାତା ତର୍‌କେ ତର୍ କଇ ଆଉଲି ନ ଉଆ, ବେସି ପର୍
 ପାର୍‌ତନା କଲେ ସେ ପର୍‌ମେସର୍ ସୁନ୍‌ସି ବଲି, ସେମନ୍ ମନେ ବାବ୍‌ବାଇ ।
 ୮ ସେମନର୍ ପାରା ଉଆ ନାଇ । ତମେ ମାଞ୍ଜୁବା ଆଗ୍‌ରୁ ଜାଇଟା ଦର୍‌କାର୍,
 ତମର୍ ସରଗର୍ ବାବା ପର୍‌ମେସର୍ ସେଟା ସବୁ ଜାନ୍‌ସି । ୯ ସେଟାର୍ ପାଇ
 ତମେ ଏନ୍ତାରି ପାର୍‌ତନା କର୍‌ବାର୍ ଆଚେ । ଏ ଆମର୍ ସରଗର୍ ବାବା, ତମର୍
 ସୁକଲ୍ ନାଉଁ ତାକ୍‌ପୁଟା ପାଅ । ୧୦ ତମର୍ ସାସନ୍ ଆସ । ସର୍‌ଗେ ତମର୍
 ମନ୍ କଲାଟା ଜେନ୍ତାରି ସିଦ୍ ଅଇଲାନି, ଏ ରାଇଜେ ମିସା ସେନ୍ତାରି ତମେ ମନ୍
 କଲାଟା ସିଦ୍ ଅ । ୧୧ ଆଜି ଆମ୍‌କେ ଦର୍‌କାର୍ ରଇଲା କାଦି କାଇବାକେ
 ଦିଆ । ୧୨ ଆମର୍ ବିରଦେ ଦସ୍ କରିରଇବା ଲକ୍‌ମନ୍‌କେ ଆମେ ଜେନ୍ତାର୍
 କେମା କଲୁନି, ସେନ୍ତାରି ଆମର୍ ସବୁ ଦସ୍ କେମା କରା । ୧୩ ବେସି କସ୍‌ଟ
 ରଇବା ପରିକା ଆମ୍‌କେ ମୁରବ୍‌ବାକେ ଦିଆ ନାଇ, ମାତର୍ କାରାପ୍ କାମେଅନି
 ରକିଆ କରା ଜେନ୍ତିକି ତମର୍ ରାଇଜ୍, ତମର୍ ବପୁ, ଆରି ତାକ୍‌ପୁଟା ସବୁ
 ଜୁଗେଜୁଗେ ତମର୍ ଅଇକରି ରଅ । ଆମେନ୍! ୧୪ “ତମର୍ ବିରଦେ ଦସ୍
 କରିରଇବା ବିନ୍ ଲକ୍‌ମନ୍‌କେ ଜଦି ତମେ କେମା କର୍‌ସା, ତମର୍ ସରଗର୍
 ବାବା ପର୍‌ମେସର୍ ମିସା ତମ୍‌କେ କେମା କର୍‌ସି । ୧୫ ମାତର୍ ତମେ ଜଦି

ବିନ୍ ଲକ୍ଷ୍ମୀଙ୍କେ କେମା ନ କରାସ୍, ସରଗର୍ ବାବା ମିସା ତମେ କରିରଇବା
 ପାପଦସ୍ କେମା ନ କରେ ।” ୧୭ “ଉପାସ୍ କରବା ବେଲେ ଦରମ୍ ବଲି
 ଦେକାଇଅଇଲା ଲକର୍ ପାରା ବାଇରେ ସପାସୁତର୍ ଅଇବାଟା ଚାଡ଼ିଦେବାର୍
 ନାଇ । ସେମନ୍ ଉପାସ୍ କଲୁନି ବଲି ଲକର୍ ଲଗେ ଦେକାଇ ଅଇବାକେ
 ସେନ୍ଦୁରି କରବାଇ । ମୁଇ ତମ୍ବେ ସତ୍ କଇଲିନି, ସେମନ୍ ଏନ୍ତି କରବାର୍
 ଲାଗି ନିଜର୍ ପୁରୁସ୍କାର୍ ସବୁ ପାଇଲାଇବେ । ୧୭ ମାତର୍ ତମେ ଉପାସ୍
 କରବା ବେଲେ, ମୁଣ୍ଡେ ଚିକନ୍‌ଲାଗାଇ ଅଇ ସପା ସୁତରା ରୁଆ । ୧୮ ଜେନ୍ତିକି
 ଉପାସ୍ କଲାସ୍‌ନି ବଲି ବିନ୍ ଲକ୍ଷ୍ମୀ ନାଜାନତ୍ । ମାତର୍ ତମର୍ ନ ଡିସ୍‌ବା
 ବାବା ସବୁ କାତା ଜାନେ । ତମେ ଲୁଚ୍‌ତେ ଜାଇଟା କରସା, ସେଟା ଦେକି
 ତମ୍ବେ ପୁରୁସ୍କାର୍ ଦେଇସି ।” । ୧୯ “ଏ ଦୁନିଆଇ ନିଜର୍‌ପାଇ ଦନ୍ ଅର୍ଜା
 ନାଇ । ଇତି ସଞ୍ଜୁଇଲା ଦନ୍ ଅଲ୍‌ମା କାଇ ଚିଲମ୍ ଦାରସି ଆରି ଚର୍ମନ୍
 କଡ଼ି କାଣା କରି ତରାଇନେବାଇ । ୨୦ ସର୍ଗେ ତମର୍ ପାଇ ଏନ୍ଦୁରି ଦନ୍
 ଅର୍ଜି ସଞ୍ଜୁଆ । ତେଇ ଅଲ୍‌ମା ଆରି ଚିଲମ୍ ନ ଦାରେ । ଆରି ଚର୍ମନ୍ ମିସା
 କଡ଼ି କାଣାକରି ତରାଇ ନେଇ ନାପାରତ୍ । ଜାଗ୍‌ରତ୍! ୨୧ କାଇକେବଇଲେ
 ଜନ୍‌ଟାନେ ତମର୍ ଦନ୍, ତେଇସେ ତମର୍ ମନ୍ ।” ୨୨ “ତମର୍ ଆଁକି ଅଇଲାନି
 ଗାଗଡର୍ ବଡ଼ି । ଜେଡେବେଲା ଆଁକି ନିର୍ମଲ୍ ରଇସି, ତେବେ ତମର୍ ଗୁଲାଇ
 ଗାଗଡ୍ ମିସା ଉଜଲ୍ ବର୍ଡ଼ି ଅଇରଇସି । ୨୩ ମାତର୍ ଜେବେ ତମର୍ ଆଁକି
 ନସିରଇସି, ତେବେ ସବୁ ଗାଗଡ୍ ଆନ୍ଧୁର୍ ଅଇସି । ତେବର୍‌ପାଇ ତମର୍ ମନ୍
 ବିତ୍‌ରର୍ ଉଜଲ୍ ଜେବେ ଆନ୍ଧୁର୍ ଅଇସି, ତେବେ ସେ ଆନ୍ଧୁର୍ କେଡେକ୍ ବଡ଼
 ବିପଦ୍ ।” ୨୪ “କେ ମିସା ଗଟେକ୍ ଲକ୍ ଦୁଇଟା ସାଉକାରର୍ ସେବାକରି
 ନାପାରେ । ସେ ଗଟେକ୍ ଲକ୍‌କେ ମାନ୍‌ସି ଆରି ଗଟେକ୍ ଲକ୍‌କେ ଗିନ୍
 କରସି । ନଇଲେ ଗଟେକ୍ ଲକ୍‌କେ ବିସ୍‌ବାସ୍ କରସି ଆରି ଗଟେକ୍ ଲକ୍‌କେ
 ବିସ୍‌ବାସ୍ ନ କରେ । ତମେ ଏକାତର୍ ପର୍ମେସର୍‌କେ ଆରି ତାବୁକାସୁକେ
 ସେବାକରି ନାପାରାସ୍ ।” ୨୫ ଏଟାର୍‌ପାଇ ମୁଇ ତମ୍ବେ କଇଲିନି, ବର୍‌ବାକେ
 କାଇଟା କାଇବୁବେ? ଆରି ଗାଗଡର୍ ପାଇ କାଇଟା ପିନ୍‌ବୁ? ବଲି ବାବି ଚିନ୍ତା
 କରାନାଇ । କାଦିର୍‌ତେଇଅନି ଜିବନ୍, ଆରି ବସ୍‌ତର୍ ତେଇଅନି ଗାଗଡ୍
 ମୁକିଅ ଆଟେ । ୨୬ ତତଇମନ୍‌କେ ଦେକା, ସେମନ୍ ନ ବୁନତ୍ କି ନ କାଟ୍,
 କି କଲ୍‌କିତେଇ ନ ସଞ୍ଜୁଅତ୍, ଅଇଲେ ମିସା ସରଗର୍ ବାବା ସେମନ୍‌କେ
 କାଇବାପାଇ ଜାଗାଇଲାନି । ତମେ କାଇ ସେମନ୍‌ତେଇଅନି ମୁକିଅ ନୁଆସ୍

କି? ୨୭ ବର୍ତ୍ତବା ପାଇ ବଲି ନିଜେ ଚିନ୍ତାକରି ବିକଳ୍ ଅଇ ଜେ ତାର୍ କଣ୍ଠେକ୍
 ମିସା ବର୍ତ୍ତବା ଦିନ୍ ପାର୍ସି କି? ନାଇ ନାପାରେ । ୨୮ ବସ୍ତର୍ ପାଇ କାଇକେ
 ବିକଳ୍ ଅଇଲାସ୍ମି? ଦେକା, ବନର୍ ପୁଲ୍ମନ୍ କେନ୍ତୁ ବଡ଼ଲାଇନି, ସେମନ୍
 କାମ୍ଦାମ୍ କରତ୍ ନାଇ କି ନିଜର୍ ପାଇ ବସ୍ତର୍ ତିଆର୍ କରତ୍ ନାଇ, ୨୯
 ମାତର୍ ମୁଇ ତମ୍ବେ କଇଲିନି, ରାଜା ସଲ୍ମନ୍ ତାର୍ ସବୁ ଦନ୍ ସ୍ପତି
 ସଞ୍ଜୁ ମିସା ଏ ପୁଲ୍ ପାରା ସୁନ୍ଦୁର୍ ବସ୍ତର୍ କେବେ ପିନ୍ତୁ ନ ରଇଲା । ୩୦
 ଆଜି ପଦାଇ ରଇଲା ଗାଁସ୍ କାଲିକେ ନ ମିସା ରଏ । କାଟିକରି ଜଇଟାନେ
 ପଡାଇଦେବାଇ । ଏଲେମିସା ତାକେ ପର୍ମେସର୍ ଏନ୍ତୁ ସୁନ୍ଦୁର୍ ବେସ୍ ଦେଇସି,
 ତେବେ ଏ ଅଲପ୍ ବିସ୍ବାସିମନ୍, ସେ ବାଇଦରେ ତମ୍ବେ ଅଦିକ୍ ନିମାନ୍
 ବସ୍ତର୍ ନ ଦେଏ କି? ଦେଇସିସେ । ୩୧ ଏଟାର୍ ପାଇ କାଇଟା କାଇବି?
 ଆରି କାଇଟା ପିଇବି? ଆରି କାଇଟା ଅଦିକ୍ ବଲି ଚିନ୍ତା କରାନାଇ । ୩୨
 କାଇକେବଇଲେ ପର୍ମେସର୍କେ ନାଜାନ୍ଲା ଲକ୍ମନ୍ ଏ ସବୁ କଞ୍ଜିବୁଲ୍ବାଇ
 । ଆରି ଏ ସବୁ ବିସଇ ଜେ ତମ୍ବେ ଲତା, ସେଟା ତମର୍ ସରଗର୍ ବାବା
 ଜାନେ । ୩୩ ମାତର୍ ତମେ ତାର୍ ରାଇଜ୍ ଆରି ସେ ତମର୍ଟାନେଅନି କାଇଟା
 ମନ୍ କଲାନି, ସେ ବିସଇ କଜା । ସେନ୍ତୁର୍ କଲେ, ସେ ତମ୍ବେ ଲତାକେ
 ଆଇବା ସବୁ ବିସଇ ଜାଗାଇ ଦେଇସି । ୩୪ ଆରି, କାଲିକର୍ ପାଇ ଚିନ୍ତା
 କରାନାଇ, କାଇକେବଇଲେ କାଲିକର୍ ଚିନ୍ତା କାଲିକେ କରା । ଜନ୍ ଦିନର୍
 କସ୍ଟ, ସେଦିନର୍ପାଇ ଅଦିକ୍ ଅଇସି ।

୨ ବିନ୍ ଲକର୍ ଦସ୍ କଞ୍ଜି ବୁଲାନାଇ । ତାକର୍ ବିଚାରର୍ ଦସ୍ ନ ଦାର୍ଲେ,
 ପର୍ମେସର୍ ତମର୍ ଦସ୍ ନ ଦାରେ । ୨ କାଇକେବଇଲେ ତମେ ବିନ୍
 ଲକର୍ ଦସ୍ ଜେନ୍ତୁ ବିଚାର୍ କର୍ତ୍ତେରଇସା, ସେନ୍ତୁରିସେ ପର୍ମେସର୍ ତମର୍
 ବିଚାର୍ କର୍ସି । ତମେ ବିନ୍ ଲକ୍ମନ୍କେ ଜନ୍ ନିୟ୍ମ୍ କର୍ସା, ପର୍ମେସର୍
 ତମ୍ବେ ସେ ନିୟ୍ମ୍ କର୍ସି । ୩ ତମର୍ ଆଁକିତେଇ ବଡ଼ କାର୍ତ୍ତା ରଇଲେ
 ମିସା, କାଇକେ ତମର୍ ବାଇର୍ ଆଁକିଟାନେ ରଇବା କାର୍ତ୍ତା, ନିକସଞ୍ଜୁ
 ଦେକ୍ଲାସ୍ମି? ୪ ନିଜର୍ ଆଁକିତେଇ ବଡ଼ କାର୍ତ୍ତା ରଉରଉ ତମେ କାଇ
 ସାଆସେ ତମର୍ ବାଇର୍ ଆଁକିତେଇ ରଇବା କାର୍ତ୍ତା ବାର୍କରାଇ ଦେବି ବଲି
 କଇଲାସ୍ମି? ୫ ଏରେ କୁଟିଆଲ୍ମନ୍! ଆଗେ ନିଜର୍ ଆଁକିତେଇ ରଇଲା
 କାର୍ତ୍ତା ବାର୍କରାଇ ପାକା, ତାର୍ ପତେ ନିଜର୍ ବାଇର୍ ଆଁକିତେଇ ରଇବା
 କାର୍ତ୍ତା ବାର୍କରାଇବାକେ ନିମାନ୍ କରି ଦେକି ପାରାସ୍ । ୬ ସୁକଲ୍ ଦିନ୍ସୁ

କୁକୁରମନ୍କେ ଦିଆସ୍ ନାଇ, ସେମନ୍ ପାସ୍ଲିକରି ତମ୍କେ ଚାବିପାକାଇବାଇ ।
 ଗୁସ୍ରି ମନର୍ ମୁଆଟେ ମୁକ୍ତା ପାକାଆ ନାଇ, ସେମନ୍ ମୁକ୍ତାର୍ ମୁଲିଅ ନ
 ବୁଜିକରି ମାଣ୍ଡିପାକାଇବାଇ । ୭ ମାଝ୍ଟା, ତେବେ ତମ୍କେ ଦିଆଅଇସି । କଜା,
 ତେବେ ମିଲାଇସା, କାପାଟେ ମାରା କାପାଟ୍ ଉଗାଡି ଅଇସି । ୮ ଜେ ମାଝ୍ଟସି,
 ତାକେ ଦିଆଅଇସି, ଜେ କଜ୍ସି, ସେ ମିଲାଇସି, ଜେ କାପାଟେ ମାର୍ସି
 ତାର୍ପାଇ କାପାଟ୍ ଉଗାଡି ଦିଆଅଇସି । ୯ ତମର୍ ବିତ୍ରେ ଏନ୍ଦୁରି ବାବା କେ
 ଆଟେ କି? ତମର୍ ପିଲା ଜଦି ରୁଟି ମାଝ୍ଟଲେ, ତାକେ ପାକ୍ନା ଦେଇସା? ୧୦
 ନଇଲେ ସେ ମାଟ୍ ମାଝ୍ଟଲେ ତାକେ ସାଁପ୍ ଦେଇସା? ୧୧ ତମେ କାରାପ୍
 ଲକ୍ ଅଇରଇଲେ ମିସା ନିଜର୍ ପିଲାମନ୍କେ ନିକନିକ ଜିନିସ୍ ଦେଇସା ।
 ସେନ୍ଦୁରିସେ ଜନ୍ ଲକ୍ମନ୍ ସରଗର୍ ବାବାକେ ମାଝ୍ଟବାଇ ସେ ସେମନ୍କେ
 ଆରି କେତେ ନିକନିକ ଜିନିସ୍ ଦେଇସି । ୧୨ “ତମର୍ ପାଇ ବିନ୍ ଲକ୍ମନ୍
 ଜାଇଟା କରତ୍ ବଲି ମନ୍ କଲ୍ମାସ୍ନି, ସେନ୍ଦୁରି ତମେ ବିନ୍ ଲକ୍ମର୍ ପାଇ କରା
 । ଏଟା ଅଇଲାନି ମସା ଦେଇରଇବା ନିୟ୍ମ୍ ଆରି ବବିସତ୍ବକ୍ତାମନର୍
 ସିକିଆର୍ ଅରତ୍ ।” ୧୩ “ତିପଝ୍ଟା ଦୁଆର୍ ବାଟେ ଜାଆ । କାଇକେବଇଲେ
 ବିନାସ୍ କରବାକେ ନେବା ନର୍କେ ଜିବା ବାଟ୍ ଅସାର୍ ଆରି ସୁବିଦାର୍ଟା ।
 କେତେ କେତେ ଲକ୍ ସେ ବାଟେ ଜିବାଇ । ୧୪ ମାତର୍ ନ ସାର୍ବା ଜିବନେ
 ମିସି ରଇଲା ବାଟ୍, ତିପଝ୍ଟା ଆରି ଜିବାଟା ବେସି କସ୍ଟ । ଉନା ଲକ୍ ସେ ବାଟ୍
 କଜି କଜି ମିଲାଇବାଇ ।” ୧୫ “ଟକାବଣ୍ଡା କରବା ବବିସତ୍ବକ୍ତାମନର୍
 ତେଇଅନି ଜାଗର୍ତା ଅଇରୁଆ, ସେମନ୍ ବାଇରେ ମେଣ୍ଡା ପାରା ତ୍ରିସ୍ବାଇ
 ମାତର୍ ତାକର୍ ମନ୍ ବିତ୍ରେ ବାଲିଆତୁର୍କାମନର୍ ପାରା । ୧୬ ସେମନର୍
 କରବା କାମ୍ ଦେକି ତମେ ସେମନ୍କେ ତିନିପାରାସ୍ । କାଟା ବୁଟାଇ ଅଝ୍ଟର୍
 ନ ପଲେ କି କାଟାକଲି ବୁଟାଇ ତୁମ୍ରି ପଲ୍ ନ ଦାରେ । ୧୭ ନିକ ଗତେ
 ନିକ ପଲ୍ ଦାର୍ସି, ବାନିଆ ଗତର୍ ପଲ୍ ବାନିଆ ସେ । ୧୮ ନିକ ଗତେ
 ବାନିଆ ପଲ୍ ନ ପଲେ କି ବାନିଆ ଗତେ ନିକ ପଲ୍ ଅଇନାପାରେ । ୧୯
 ନିକ ପଲ୍ ନ ଦାର୍ଲେ ସେ ଗର୍ କାଟି କରି ଜଇଟାନେ ପାକାଇଅଇସି । ୨୦
 ସେନ୍ଦୁରି ସେ ଟକାବଣ୍ଡା କରବା ବବିସତ୍ବକ୍ତାମନର୍ କାମ୍ କରବାଟାନେ
 ଅନି ତମେ ସେମନ୍କେ ତିନିପାରାସ୍ ।” ୨୧ ମକେ ମାପ୍ତୁ, ମାପ୍ତୁ ବଲି
 ତାକ୍ବା ଲକ୍ମନର୍ତେଇ ଅନି ସବୁ ଲକ୍ ସରଗ୍ ରାଇଜେ କେଟିନାପାରତ୍
 । ମାତର୍ ଜନ୍ ଲକ୍ମନ୍ ସରଗର୍ ବାବା ମନ୍ କଲ୍ମା ଇସାବେ ଚଲାଚଲ୍ତି

କର୍ବାଇ, ସେମନ୍ଦେସ ସରଗ୍ ରାଇଜେ କେଟ୍‌ବାଇ । ୨୨ ମାପୁରୁ ବିଚାର୍ କର୍ବା ଦିନ୍ କେଟ୍‌ଲେ କେତେ କେତେ ଲକ୍ ମକେ କଇବାଇ, ଏ ମାପୁରୁ, ତମର୍ ନାଉଁ ଦାରି ଆମେ ପର୍ମେସରର୍ ସୁବ୍‌କବର୍ ଜାନାଇ ଆରୁ । ତମର୍ ନାଉଁ ଦାରି ତୁମାମନ୍‌କେ କେଦି ଆରୁ ଆରି କେତେକ୍ କାବାଅଇଜିବା କାମ୍‌ମନ୍ କରିଆରୁ । ୨୩ ସେଡ୍‌କି ବେଲେ ମୁଇ ସେମନ୍‌କେ କଇବି, ନାଇ, ମୁଇ ତମ୍‌କେ ନାଜାନି । କରାପ୍‌କାମ୍ କର୍ବା ଲକ୍‌ମନ୍, ମର୍ଲଗେ ରୁଆନାଇ । ୨୪ “ଜେ ମର୍ କାତା ସୁନି, ସେ ଇସାବେ ଚାଲ୍‌ସି, ସେ ବଡ୍ ରାଢ୍ଫୁନି ପାକ୍‌ନା ଉପ୍‌ରେ ଗର୍ କର୍ବା ଗିଆନ୍‌ଲକର୍ ପାରା । ୨୫ ଅପର୍‌ବଲ୍ ବର୍‌ସା ମାର୍‌ଲାଇ କେ ଗାଡ୍ ଉର୍‌ଲି ଗାଲା ଆରି ସେ ଗର୍ ଉପ୍‌ରେ ବେସି ପବନ୍ ଦାର୍‌ଲା । ମାତର୍ ସେ ଗର୍ ବସ୍‌ଲେ ନାଇ । କାଇକେ ବଇଲେ ସେଟା ପାକ୍‌ନା ଉପ୍‌ରେ ତିଆର୍ ଅଇରଇଲା ।” ୨୬ “ମାତର୍ ଜନ୍ ଲକ୍‌ମନ୍ ମର୍ କାତା ସୁନିକରି ମିସା ସେ ଇସାବେ ଚଲାଚଲ୍‌ତି ନ କରଡ୍, ସେମନ୍ ବାଲି ଗାଦି ଉପ୍‌ରେ ଗର୍ ତିଆର୍ କରି ରଇବା ବକୁଆ ଲକ୍ ପାରା । ୨୭ ଅପର୍‌ବଲ୍ ବର୍‌ସା ଅଇଲାକେ ଗାଡ୍ ପୁରି ଉତ୍‌ଲ୍‌ଲା, ଜବର୍ ବାଉଦୁକା ଆଇଲା ଆରି ଗର୍ କୁରୁପ୍‌ନାସ୍ ଅଇଗାଲା । ସେ କୁରୁପ୍‌ନାସ୍ ଅଇଲାଟା କେତେ ଇନସ୍‌ତା ରଇଲା!” ୨୮ ସାରାସାରି ଜାକ ଜିସୁ ସିକିଆ ଦେବାଟାନେ ଏ ସବୁ କାତା ସୁନିକରି ଲକ୍‌ମନ୍ କାବା ଅଇଗାଲା । ୨୯ ସେ ବିନ୍‌ବିନ୍ ସାସ୍‌ତର୍ ସିକାଉମନର୍ ପାରା ନ ସିକାଇକରି ନିଜର୍ ଅଦିକାର୍ ସଢ୍ଫୁ ସିକାଇତେ ରଇଲା ।

୮ ଜିସୁ ତଢ୍ଫୁରେ ଅନି ଉଡ୍‌ରି ଆଇଲା ଦାପ୍‌ରେ, ବେସି ଲକ୍‌ମନ୍ ତାର୍ ପତେ ପତେ ଇଶ୍ଟୁଲାଇ । ୧ ସେବେଲେ ଗଟେକ୍ ବଡ୍ ରଗି ଜିସୁର୍ ମୁଆଟେ ଆସି ମାଣ୍ଟିକୁଟା ଦେଇ କଇଲା, “ଏ ମାପୁରୁ, ତମେ ଜଦି ମନ୍ କଲାସ୍‌ନି ବଇଲେ ମକେ ସୁକଲ୍ କରି ପାରାସ୍ ।” ୩ ତେଇ ଜିସୁ ଆଡ୍ ଲାମାଇ ତାକେ ଚିଇ କଇଲା, “ମୁଇ ମନ୍ କଲିନି, ସୁକଲ୍ ଅ ।” ଜିସୁ ଏଡ୍‌କି କଇଲା ଦାପ୍‌ରେ ସେ ଲକ୍ ବଡ୍ ରଗେଅନି ନିକ ଅଇଲା । ୪ ଜିସୁ ତାକେ କଇଲା, “ସୁନ୍, ତୁଇ କେନ୍ତିଅଇ ନିକ ଅଇଲୁସ୍, ଏ କାତା କାକେ ମିସା କ ନାଇ, ମାତର୍ ସିଦା ପୁଜାରିର୍ ଲଗେ ଜାଇକରି ନିଜ୍‌କେ ଦେକାଇ ଅ, ଆରି ତୁଇ ନିକ ଅଇ ଆରୁସ୍ ବଲି ସବୁ ଲକର୍ ଟାନେ ଜାନାଇଅଇବାକେ ମସାର୍ ନିୟ୍‌ମ୍ ଇସାବେ ପର୍‌ମେସର୍‌କେ ସର୍‌ପିଦେସ୍ ।” ୫ ଜିସୁ କପର୍‌ନାଉମ୍ ସଅରେ କେଟ୍‌ଲା । ସେଦାପ୍‌ରେ ଗଟେକ୍ ରମିୟ୍ ସନିଅମନର୍ ମୁକିଅ ତାକେ ବେଟ୍ ଅଇକରି

ବାରୁଜିଆ କରି କଇଲା । ୭ “ଏ ମାପୁରୁ, ମର ଗଟେକ୍ ଗତିଦାଢ଼ୁଡ଼ା ଅର୍ନାଇ
 ତୁଲିକରି ବେସି କସ୍ତ ପାଇଲାନି ଉଟେ ନାଇ, ବସେ ନାଇ ।” ୭ ଜିସୁ
 ତାକେ କଇଲା, “ମୁଇ ଆସି ତାକେ ନିକ କରୁବି ।” ୮ ମାତର୍ ମୁକିଅ କଇଲା,
 “ନାଇ ମାପୁରୁ ତମେ ଜେ ମରଗରେ ପାଦ୍ ପାକାଇସା, ଏଟାର୍ପାଇ ମର
 ଅଦିକାର୍ ନଇ । ତମେ ପଦେକ୍ କଇଦିଆ, ମର ଗତିଦାଢ଼ୁଡ଼ା ନିକ ଅଇଜାଇସି
 । ୯ କାଇକେବଲେ ମୁଇ ମର ଉପ୍ରେ ଅଦିକାରିର୍ ତଲେ କାମ୍ କଲିନି,
 ଅଇଲେ ମିସା ମର ତଲେ କେତେ କେତେ ସନିଅମନ୍ ଆତର୍ । ସେମନ୍
 ବିତ୍ରେଅନି ଜଦି ମୁଇ ଗଟେକ୍ ଲକ୍‌କେ ଜାଆ ବଲି ଆଦେସ୍ ଦେଲେ, ସେ
 ଜାଇସି । ବିନ୍‌ଟାକେ ଆଉ ବଲି କଇଲେ ସେ ଆଇସି । ସେନ୍ଦ୍ରିସେ ମର ଗତି
 ଦାଢ଼ୁଡ଼ାକେ ଏଟା କର୍ ବଲି କଇଲା ଦାପ୍ରେ ସେ ସେଟା କରୁସି ।” ୧୦ ଜିସୁ
 ଏଟା ସୁନି କାବା ଅଇଗାଲା, ଆରି ତାର୍ ସଢ଼ୁ ଆଇବା ଲକ୍‌ମନ୍‌କେ କଇଲା,
 “ମୁଇ ସଦ୍ କଇଲିନି, ଇସ୍‌ରାଏଲ୍ ବିତ୍ରେ କନ୍ ଲକ୍‌ଗାଟାନେ ମିସା ଏ ଲକ୍‌
 ପାରା ବିସ୍‌ବାସ୍ ମୁଇ ଦେକିନାଇ । ୧୧ ଏ କାତା ତମର୍ ମନେ ର, ପୁରୁର୍
 ଆରି ପସ୍‌ଟିମ୍ ବାଟର୍ ଦେସେଅନି କେତେ କେତେ ଲକ୍ ସରଗ୍ ରାଇଜେ
 ଆସି ଅବ୍ରାଆମ୍ ଇସାକ୍ ଆରି ଜାକୁବର୍ ସଢ଼ୁ ବଜିତେଇ ଗଟେକ୍‌ଟାନେ
 କାଇବାକେ ବସ୍‌ବାଇ । ୧୨ ମାତର୍ ଜନ୍ ଲକ୍‌ମନ୍ ସରଗ୍ ରାଇଜେ ପୁର୍ବାର୍
 ରଇଲା, ସେମନ୍‌କେ ବାଇରର୍ ଆନ୍ତ୍ରେ ପିଢ଼ୁ ଅଇସି । ତେଇ ସେମନ୍ ଦାଁର୍
 ମୁଣ୍ଡୁ କାତ୍ରି ମାରିତପିଅଇ କାନ୍‌ବାଇ ।” ୧୩ ଜିସୁ ସନିଅମନ୍ ମୁକିଅକେ
 କଇଲା, “ତୁଇ ଏବେ ଗରେ ଜା । ତୁଇ ଜେନ୍ଦ୍ରି ବିସ୍‌ବାସ୍ କଲୁସ୍‌ନି ସେନ୍ଦ୍ରିସେ
 ଅଇସି ।” ସମାନ୍ ସେ ବେଲାଇସେ ତାର୍ ଗତିଦାଢ଼ୁଡ଼ା ପୁରାପୁରୁନ୍ ନିକ
 ଅଇଗାଲା । ୧୪ ଜିସୁ ପିତରର୍ ଗରେ ଜାଇ ତାର୍ ସାତ୍ରି ଜର୍‌ଅଇକରି
 ଅର୍ନାଇ ତୁଲି ରଇବାଟା ଦେକ୍‌ଲା । ୧୫ ସେ ପିତରର୍ ସାତ୍ରିର୍ ଆତେ
 ତିଇଲା ଦାପ୍ରେ ତାର୍ ଜର୍ ଚାଡ଼ିଗାଲା । ଆରି ସେ ଉଟିକରି ଜିସୁର୍ ସେବା
 କର୍ବାର୍ ଦାର୍‌ଲା । ୧୬ ସଞ୍ଜୁ ଅଇଲାକେ ଲକ୍‌ମନ୍, କେତେକ୍ କେତେକ୍
 ତୁମା ଦାରିରଇଲା ଲକ୍‌ମନ୍‌କେ ଜିସୁର୍ ଲଗେ ଆନ୍‌ଲାଇ । ତାର୍ ପଦେକ୍
 କାତା କଇଲା ଦାପ୍ରେସେ ତୁମା ଆତ୍‌ମାମନ୍‌କେ ବାକ୍‌ରାଇଦେଲା ଆରି
 ରଗି ଲକ୍‌ମନ୍‌କେ ନିକ କଲା । ୧୭ ଏଟା କଲାର୍ ଲାଗି ଜିସୁ ଜିସାଇୟ୍
 ବବିସ୍‌ବକ୍‌ତା ଜାନାଇ ରଇଲାଟା ପୁରାପୁରୁନ୍ ସିଦ୍‌କଲା । ବବିସ୍‌ବକ୍‌ତା
 କଇରଇଲା “ଆମର୍ ଦୁକାସୁକା ସବୁ ନିଜେ ନେଲା ଆରି ଆମର୍ ଜର୍‌ଦୁକା

ବଇଲା ।” ୧୮ ଜିସୁ ତାରୁ ଚାରିବେଟ୍ଟି ରଇଲା ବେସି ଲକ୍ମନ୍‌କେ ଦେକିକରି
 ତାରୁ ସିସ୍‌ମନ୍‌କେ ଗାଡ଼ ସେପାଟ୍ ଜିବାକେ କଇଲା । ୧୯ ତେଇ ଗଟେକ୍
 ଜିଉଦିମନର୍ ସାସ୍‌ତର୍ ସିକାଉ ତାରୁ ଲଗେ ଆସି କଇଲା, “ଏ ଗୁରୁ ତମେ ଜନ୍
 ଜାଗାଇ ଗାଲେ ମିସା ମୁଇ ତମର୍ ସଞ୍ଜୁ ଆଇବି ।” ୨୦ ମାତର୍ ଜିସୁ ତାକେ
 କଇଲା, “କଲିଆ ରଇବାକେ ପାଆର୍ ଆଚେ, ଆରି ଉଡିବୁଲ୍‌ବା ଚତଇମନ୍
 ରଇବାକେ ଗୁଡା ଆଚେ, ମାତର୍ ନର୍‌ପିଲା ମୁଇ, ମକେ ରଇବାକେ ଜାଗା
 ନାଇ ।” ୨୧ ଆରି ସିସ୍‌ମନର୍ ବିତ୍‌ରେଅନି ଗଟେକ୍ ସିସ୍ କଇଲା, “ଏ ମାପୁରୁ,
 ମକେ ପର୍‌ତୁମ୍ ମର୍ ବାବାକେ ଜାଇ ତପି ଆଇବାକେ ମେଲାନି ଦିଆ ।”
 ୨୨ ମାତର୍ ଜିସୁ ତାକେ କଇଲା, “ମରିଗାଲା ଲକ୍ମନ୍ ମଲା ଲକ୍ମନ୍‌କେ
 ତପର୍, ତୁଇ ମର୍ ପଚେ ପଚେ ଆଉ ।” ୨୩ ତାରୁ ପଚେ ଜିସୁ ଗଟେକ୍
 ତଞ୍ଜୁଇ ଚଗ୍‌ଲାକେ ତାରୁ ସିସ୍‌ମନ୍ ମିସା ତାରୁ ସଞ୍ଜୁ ଗାଲାଇ । ୨୪ ସେ ବେଲା
 ଅଟାଡ଼ ସମ୍‌ଦୁରେ ଏନ୍ତି ବାଉପବନ୍ ଆଇଲା ଆରି ଉଲ୍‌କାର୍ ଲାଗି ତଞ୍ଜୁ
 ପାନିତେଇ ବୁଡିଜିବା ପାରା ଅଇଲା । ମାତର୍ ଜିସୁ ତଞ୍ଜୁଇ ସଇଦେଇ ରଇଲା
 । ୨୫ ଆରି ସିସ୍‌ମନ୍ ଜିସୁର୍ ଲଗେ ଜାଇକରି ତାକେ ଉଟାଇ କଇଲାଇ, “ଏ
 ମାପୁରୁ ଆମ୍‌କେ ରକିଆ କର୍ । ନଇଲେ ଆମେ ବୁଡି ମରିଜିବୁବେ ।” ୨୬
 ଜିସୁ ସେମନ୍‌କେ କଇଲା, “ଏ ବିସ୍‌ବାସେ ତାଟ୍ ନ ରଇଲା ଲକ୍ମନ୍, ତମେ
 କାଇକେ ଏତେକ୍ ଡରିଗାଲାସ୍‌ନି?” ଜିସୁ ବାଉପବନ୍‌କେ ଆରି ଲଅଡିକେ
 ଦମ୍‌କାଇଲା । ତେବର୍‌ପାଇ ବାଉପବନ୍ ଆରି ଲଅଡି ତବିର୍ ଅଇଗାଲା । ୨୭
 ଏଟା ଦେକି ସିସ୍‌ମନ୍ ବେସି କାବାଅଇଜାଇ ତାକର୍ ତାକର୍ ବିତ୍‌ରେ କୁଆବଲା
 ଅଇଲାଇ, “ଏ କେନ୍ତୁର୍ ଲକ୍ ଜେ ବାଉପବନ୍ ଆରି ଲଅଡି ମିସା ଆର୍ କାତା
 ମାନ୍‌ଲାଇନି ।” ୨୮ ଜିସୁ ଆରି ତାରୁ ସିସ୍‌ମନ୍ ଗାଡ଼ ସେପାଟ୍ ଗର୍‌ରିୟୁ
 ନାଉର୍ ଜାଗାଇ କେଟ୍‌ଲା ଦାପ୍‌ରେ, ଦୁଇଟା ତୁମା ତସ୍‌ଲା ଲକ୍ ତାକେ ବେଟ୍
 ଅଇଲାଇ । ସେମନ୍ ମସନ୍ ବିତ୍‌ରେ ରଇତେରଇଲାଇ । ଆରି ସେମନ୍
 ଏନ୍ତି ରଇଲାଇ ଜେ, ସେ ବାଟେ କେ ମିସା ଆସ୍ ଜା ନ ଅଇତେ ରଇଲାଇ
 । ୨୯ ସେ ଲକ୍ମନ୍ ବେସି କିର୍କିରି କରି କଇଲାଇ, “ଏ ପର୍‌ମେସରର୍
 ପିଲା ଆମ୍‌ର୍ ଟାଣେ ତର୍ କାଇ କାମ୍ ଆଚେ? ବେଲ୍ କାଲ୍ ନ କେଟ୍‌ତେ ତୁଇ
 କାଇ ତଣ୍ଟୁ ଦେବାକେ ଇଡି ଆଇଲୁସ୍ କି?” ୩୦ ସେବେଲାଇ ସେ ଜାଗାଇଅନି
 କଣ୍ଟେକ୍ ଦୁରିକେ ଗଟେକ୍ ବଡ଼ ଗୁସ୍‌ରି ମାନ୍ତୁ ଚାରାଇତେରଇଲାଇ । ୩୧
 କାରାପ୍ ଆର୍‌ମାମନ୍ ଜିସୁକେ ଗୁଆରି କରି କଇଲାଇ, “ତୁଇ ଜଦି ଆମ୍‌କେ

ଏ ଲକ୍ଷ୍ମୀନରତେଇ ଅନି ବାର୍ଦ୍ଧକରାଇ ଦେଇସୁ ବଇଲେ ସେ ଗୁସ୍ତରି ମାନ୍ୟ ବିତ୍ତରେ ଜିବାକେ, ଆଦେସ୍ ଦେ ।” ୩୨ ଜିସୁ ସେମନ୍ତକେ ଜା! ବଲି କଇଲାକେ କାରାପ୍ ଆତ୍ମମାନ ସେ ଲକ୍ଷ୍ମୀନରତେଇଅନି ବାରଇକରି ଗୁସ୍ତରିମାନ ବିତ୍ତରେ ପୁରୁଲାଇ । ତେବର୍ ପାଇ, ଗୁସ୍ତରିମନ୍ ଟିପେଅନି ଗସ୍ତରି ସମ୍ବୁରେ ବୁଡ଼ି ମଲାଇ । ୩୩ ଆରି ତେଇ ଗୁସ୍ତରି ଚାରାଇତେ ରଇବା ଲକ୍ଷ୍ମୀନ୍ ପାଲାଇ କରି ତୁମା ତସି ରଇଲା ଲକ୍ଷ୍ମୀନ୍ତକେ କାଇକାଇଟା ଅଇଲା ସେଟା ସବୁ କଇଦେଲାଇ । ୩୪ ଆରି ସେ ଗତର୍ ସବୁ ଲକ୍ଷ୍ମୀନ୍ ଜିସୁକେ ଦେକ୍‌ବାକେ ଆଇଲାଇ । ସେମନ୍ ତାକେ ଦେକିକରି ସେ ଜାଗା ଚାଡ଼ି ଜା ବଲି ଗୁଆରି କଇଲାଇ ।

୯ ଜିସୁ ତତ୍ତ୍ଵାଇ ବସି ଗାଡ଼ ସେପାଟେ ରଇଲା ନିଜର୍ ଗଡେ ବାଉଡ଼ି ଗାଲା । ୨ ଆରି ତେଇ ଲକ୍ଷ୍ମୀନ୍ ଗଟେକ୍ ତେରେଟ୍ଟୁ ରଗିକେ ବଇକରି ତାର୍ ଲଗେ ଆନ୍‌ଲାଇ । ତେରେଟ୍ଟୁ ରଗି ଅର୍ନାଇ ସଇରଇଲା । ସେ ଲକ୍ଷ୍ମୀନ୍ ବିସ୍‌ବାସ୍ ଦେକି ରଗିକେ କଇଲା, “ସାଆସ୍ ଦାର୍, ତର୍ ସବୁ ପାପ୍ କେମା ଅଇଗାଲା ।” ୩ ଏ କାତା ସୁନି କେତେଟା ସାସ୍‌ତର୍ ସିକାଉମନ୍ ତାକର୍ ତାକର୍ ବିତ୍ତରେ କାତା ଅଇଲାଇ, “ଏ ଲକ୍ କାଇକେ ପର୍ମେସରର୍ ନିନ୍ୟା କଲାନି?” ୪ ଜିସୁ ତାକର୍ ମନର୍ ଚିନ୍ତା ଜାନି କଇଲା, “ତମେ ନିଜର୍ ନିଜର୍ ମନେ କାଇକେ କାରାପ୍ ଚିନ୍ତା କଲାସ୍‌ନି? ୫ 'ତମର୍ ପାପ୍‌ସବୁ କେମା ଅଇଗାଲା ବଲି କଇବାଟା ସଅଜ୍ କି 'ଉଟିକରି, ଇଣ୍ଡିଜା ବଲି କଇବାଟା ଅଦିକ୍ ସଅଜ୍? ୬ ମାତର୍ ଜଗତର୍ ପାପ୍ କେମା କର୍ବାକେ ନର୍ପିଲା, ମର୍ ଅଦିକାର୍ ଆଟେ, ମୁଇ ଏଟା ତମର୍ ମୁଆଟେ ଦେକାଇବି ।” ତାର୍ ପତେ ଜିସୁ ତେରେଟ୍ଟୁ ରଗିକେ କଇଲା, “ଉର୍, ନିଜର୍ ଟାଟି ଦାରି ଗରେ ଉଟିଜା ।” ୭ ଆରି ସେ ଲକ୍ ଉଟିକରି ଗରେ ବାରିଗାଲା । ୮ ଲକ୍ଷ୍ମୀନ୍ ସେଟା ଦେକି କାବା ଅଇଜାଇ ଡରିଗାଲାଇ । ମାତର୍ ନର୍ ଲକ୍‌କେ ଏନ୍ତାରି ଅଦିକାର୍ ଦେଲାର୍ ପାଇ ପର୍ମେସର୍‌କେ ତାକ୍‌ପୁଟା କଲାଇ । ୯ ଜିସୁ ତେଇଅନି ଉଟି ଜିବାବେଲେ ମାତିଉ ନାଉର୍ ଗଟେକ୍ ସିସ୍‌ତୁ ମାଟ୍ଟୁକେ, ତାର୍ ସିସ୍‌ତୁମାଟ୍ଟୁମନ୍ ମାଟ୍ଟୁବା ଜାଗାଇ ବସିରଇଲାଟା ଦେକି କଇଲା, “ମର୍ ସଟ୍ଟୁ ଆଉ ।” ମାତିଉ ସିସ୍‌ତୁମାଟ୍ଟୁମନ୍ ମାଟ୍ଟୁବା ଜାଗାଇଅନି ଉଟି ଜିସୁର୍ ସଟ୍ଟୁ ଗାଲା । ୧୦ ଜିସୁ ମାତିଉର୍ ଗରେ କାଇବାବେଲେ ବେସି ସିସ୍‌ତୁମାଟ୍ଟୁମନ୍, ଆରି ପାପି ଲକ୍ଷ୍ମୀନ୍ ତେଇ ଜିସୁ ଆରି ତାର୍ ସିସ୍‌ମନ୍‌ର୍ ସଟ୍ଟୁ ବସି କାଇତେ ରଇଲାଇ । ୧୧ ଏଟା ଦେକି ପାରୁସି ଲକ୍ଷ୍ମୀନ୍ ଜିସୁର୍

ସିଦ୍ଧାନ୍ତକୁ ପାଠାରୁଲାଇ, “କାଲକେ ତମର ଗୁରୁ ସିଦ୍ଧାନ୍ତମାନଙ୍କୁ ସଫ୍ଟ
ଆରି ପାପି ଲକ୍ଷ୍ୟମାନଙ୍କୁ ସଫ୍ଟ ବସି କାଲକାନ୍ତି?” ୧୨ ଜିସୁ କଲଲା, “ନିକ
ରଇଲା ଲକ୍ଷ୍ୟ ପାଇ ତାଙ୍କଦର ଲତା ନାଇ । ମାତର ଜରୁଦୁକାର ଲକ୍ଷ୍ୟମାନଙ୍କୁ
ପାଇ ତାଙ୍କଦର ଲତା ଆଚେ । ୧୩ ସାୟତରେ ଲେକାଅଇଆଚେ, ‘ମୁଇ ପସୁ
ପୁଜବା ବିରୁଟାନେଅନି, ଲକ୍ଷ୍ୟମାନଙ୍କୁ ଦୟା ଦେକାଇବାଟା ମନ୍ କଲିନି । ଏ
କାତାର ଅରତ୍ କାଲକାଟା? ଜାଲକରି ବୁଜବାକେ ଚେସ୍ଟା କରା । ମୁଇ ଦରମ୍
ଲକ୍ଷ୍ୟମାନଙ୍କୁ ତାଙ୍କବାକେ ଆସି ନାଇ, ପାପିମାନଙ୍କୁ ତାଙ୍କବାର ଆସିଆତି
।” ୧୪ ତାର ପଚେ ଦିନେକ୍ ତୁବନ୍ ଦେଉ ଜଅନର ସିଦ୍ଧାନ୍ତ ଜିସୁର ଲଗେ
ଆସି ପାଠାରୁଲାଇ, “ଆମେ ଆରି ପାରୁସିମନ୍ ବେସି ତର ଲାକା ଉପାସ୍
କଲୁନି, ମାତର ତମର ସିଦ୍ଧାନ୍ତ କାଲଜେ ଉପାସ୍ କରତ୍ ନାଇ?” ୧୫ ଜିସୁ
ସେମାନଙ୍କେ କଲଲା, “ବିବା ଦାଢ଼ୁତା ଜେଡେବେଲେ ଜାକ ଦାଢ଼ୁତାମାନଙ୍କୁ ସଫ୍ଟ
ବିବାଗରେ ରଇସି, ସେ ଦିନ୍ ଜାକ ସଫ୍ଟର ଦାଢ଼ୁତାମନ୍ ଦୁକ୍ ନ କରତ୍ ।
ମାତର ଜେଡେବଲ୍ ବିବା ଅଇବା ଦାଢ଼ୁତାକେ ସଫ୍ଟରଦାଢ଼ୁତାମାନଙ୍କୁଟାନେଅନି
ଦାରିଜିବାଇ, ସେମନ୍ ଦୁକ୍ କରି ଉପାସ୍ କରବାଇ ।” ୧୬ କେ ମିସା ପୁରନା
ଲୁଗା କାଣା ଅଇଲାଟାନେ, ନୁଆ ଲୁଗାର ଗର୍ଣ୍ଣା ନ ସିଲାଅତ୍, କାଲକେ
ବଇଲେ ନୁଆ ଗର୍ଣ୍ଣା ପୁରନା ଲୁଗାକେ ବେସି ଚିରି ଦେଇସି । ୧୭ ଆରି,
କେ ମିସା ନୁଆ ଅଢ଼ୁର ରସ୍, ଚାମ୍ ସଫ୍ଟ ତିଆର୍ ଅଇଲା ପୁରନା ମୁନାଇ
ବେସି ଦିନ୍ ନ ସଫ୍ଟଅତ୍, ସଫ୍ଟଲେ ମୁନା ପାଟିଜାଇସି ଆରି ରସ୍ ଚିଡ଼ତେ
ତାଲି ଅଇଜାଇସି । ସେଟାର ପାଇ ନୁଆ ରସ୍ ମୁନାଇ ସଫ୍ଟଲବାଇ ।
ଏନ୍ତି ସଫ୍ଟଲେ ମୁନା ଆରି ରସ୍ ଦୁଇଟା ଜାକ ନସ୍ଟ ନ ଅଏ । ୧୮ ଜିସୁ
ସେମାନଙ୍କେ ଏ ସବୁ କାତା କଲଲା ବେଲେ, ଦେକା ଗଟେକ୍ ଜିଉଦିମାନଙ୍କୁ
ପାର୍ତନା ଗରର୍ ନେତା ଜିସୁର ଲଗେ ଆସି ମାଣ୍ଟିକୁଟା ଦେଇ କଲଲା, “ମର୍
ଚକି ଏବେସେ ମରିଗାଲା ଆଚେ, ମାତର ତୁଇ ଆସି ତାର ଉପରେ ଆତ୍
ସଫ୍ଟଲେ ସେ ବଞ୍ଚସି ।” ୧୯ ଜିସୁ ଦାପ୍ରେ ଉଚିକରି ତାର ସିଦ୍ଧାନ୍ତ ସଫ୍ଟ
ଗାଲା । ୨୦ ତେଇ ଗଟେକ୍ ମାଇଜି ଜିସୁର ପର୍ବାଟେ ଆଇଲା । ତାକେ
ବାର ବରସ୍ ଜାକ ବନି ଜାଇତେ ରଇବା ରଗ୍ ଅଇରଇଲା । ସେ ମାଇଜି
ପଚେ ଜାଇ ଜିସୁର ଲୁଗା ଚିଇଲା । ୨୧ ସେ ମନେ ମନେ ବାବ୍ଲା ମୁଇ ତାର୍
ପିନ୍ଧୁଲାଟା ଚିଇଲେ ନିମାନ୍ ଅଇଜିବି । ୨୨ ମାତର ଜିସୁ ପାସ୍ଲି କରି ତାକେ
ଦେକି କଲଲା, “ଏ ନୁନି, ତରନାଇ ସାଆସ୍ ଦାର୍, ତର ବିସ୍ବାସ୍ ତକେ

ନିମାନ୍ କରିଆତେ ।” ଏତକି କଇଲା ଦାପ୍ରେ ସେ ମାଇଜି ନିମାନ୍ ଅଇଗାଲା । ୨୩ ତାର୍ ପତେ ଜିସୁ ଜିଉଦିମନର୍ ପାର୍ତନା ଗରର୍ ମୁକିଆର୍ ଗରେ କେଟ୍ଲା । ତେଇ ଦନକର୍ବାକେ ଆସି ରଇଲା ଲକ୍ମନ୍, ଆରି ବାଜ୍ନିଆମନ୍ କାନ୍ଦୁବା ଅଇବାଟା ଦେକି, ୨୪ ଜିସୁ କଇଲା, “ସବୁ ଲକ୍ ଇତିଅନି ବାରଇଜା । ଏ ଟକିତା ମରେନାଇ, ସଇଆତେ ।” ତାର୍ କାତା ସୁନି ତେଇ ରଇଲା ଲକ୍ମନ୍ ତାକେ କିଜାଇବାର୍ ଦାର୍ଲାଇ । ୨୫ ମାତର୍ ଲକ୍ମନ୍କେ ବାର୍କଲା ପତେ ଜିସୁ ବାକ୍‌ରାଇ ଜାଇ ଟକିର୍ ଆତେ ଦାରି ତାକେ ଉଟାଇଲା । ଟକି ଦାପ୍ରେ ଉଟିକରି ଚିଆଅଇଲା । ୨୬ ଏ ଗର୍ନାର୍ କବର୍ ସେ ଜାଗାର୍ ଗୁଲାଇ ବାଟର୍ ଲକ୍ ସୁନ୍‌ଲାଇ । ୨୭ ଜିସୁ ସେ ଜାଗାଇଅନି ବାରଇ ଜିବାବେଲେ ଦୁଇଟା କାଣା, ତାର୍ ପତେ ପତେ ଇଣ୍ଟି ଆଇଲାଇ । ସେମନ୍ ଆଉଲି ଅଇକରି କଇବାର୍ ଦାର୍ଲାଇ । “ଏ ଦାଉର୍ ରାଜାର୍ ପଥା ଆମ୍‌କେ ଦୟା କରା ।” ୨୮ ଜିସୁ ଗଟେକ୍ ଗରେ ଶାଲା ଆରି କାଣାମନ୍ ମିସା ତାର୍ ପର୍ ପର୍ ପୁର୍ଲାଇ । ପୁର୍ଲାକେ ଜିସୁ ସେମନ୍‌କେ ପାଚାର୍ଲା, “ମୁଇ ତମର୍ ଆଁକି ନିକ କରି ପାର୍‌ବି ବଲି ତମେ ବିସ୍‌ବାସ୍ କଲାସ୍‌ନି କି?” ସେମନ୍ କଇଲାଇ “ଉଁ ମାପ୍‌ରୁ ।” ୨୯ ତାର୍ ପତେ ଜିସୁ ସେମନ୍‌ର୍ ଆଁକି ଚିଇକରି କଇଲା, “ମକେ ବିସ୍‌ବାସ୍ କଲାର୍ ଲାଗି ତମର୍ ଆଁକି ତିସ ।” ୩୦ ଜିସୁ କଇଲା ଦାପ୍ରେ କାଣାମନ୍ ଆଁକି ଦେକିପାର୍ଲାଇ । ଆରି ଜିସୁ, ସେମନ୍‌କେ ତାଟ୍‌କରି, “ଏ ବିସଇ କାକେ ମିସା କୁଆ ନାଇ ।” ବଲି କଇଲା । ୩୧ ମାତର୍ ସେମନ୍ ବାରଇ ଜାଇ ଜିସୁର୍ ଏ କରିରଇବାଟା ଗୁଲାଇ ଦେସେ ଜାନାଇଲାଇ । ୩୨ ଜିସୁ ଆରି ତାର୍ ସିସ୍‌ମନ୍ ସେ ଗରେଅନି ବାରଇ ଗାଲାବେଲେ କେତେଟା ଲକ୍ମନ୍ ଗଟେକ୍ ଗୁଲା ଲକ୍‌କେ ତାର୍ ଲଗେ ଆନ୍‌ଲାଇ । ତାକେ ତୁମାଦାରିରଇଲାକେ ସେ ଗୁଲା ଅଇଜାଇରଇଲା । ୩୩ ଜିସୁ ତୁମାକେ ସେ ଲକ୍‌ଟେଇଅନି କେଦ୍‌ଲା ପତେ ସେ କାତାଅଇବାର୍ ଦାର୍ଲା । ଆରି ତେଇ ରଇଲା ଲକ୍ମନ୍ କାବାଅଇଜାଇ କଇଲାଇ । “ଇସ୍‌ରାଏଲ୍ ଦେସେ ଏନ୍ତାରି ଗର୍ନା ଆମେ କେବେ ଦେକି ନ ରଇଲୁ ।” ୩୪ ମାତର୍ ପାରୁସିମନ୍ କଇଲାଇ, “ସେ ତୁମାମନ୍‌ର୍ ନେତାର୍ ବପୁ ସତ୍ତ୍ୱ ବିନ୍ ତୁମାମନ୍‌କେ କେଦ୍‌ଲାନି ।” ୩୫ ଜିସୁ ଗାଉଁ ଗାଉଁ ବୁଲି ବୁଲି ଜିଉଦିମନର୍ ପାର୍ତନା ଗର୍ମନ୍‌କେ ଜାଇ ସିକାଇ ଦେଇତେ ରଇଲା । ଆରି ପର୍‌ମେସରର୍ ରାଇଜର୍ ନିମାନ୍ କାତା କଇତେରଇଲା । ବିନ୍ ବିନ୍ ଜର୍ ଆରି ରଗ୍ ଦାର୍ଲା ଲକ୍ମନ୍‌କେ ସବୁ ନିକ କରିଦେଲା ଆରି ପାର୍ତନା ଗରେ

ସିକିଆ ଦେଲା । ୩୭ ଆରି ତେଇ ରଇଲା ଜବର୍ ଲକ୍ମନ୍‌କେ ଦେକିକରି ସେ
 ଦୟା କଲା । କାଇକେ ବଇଲେ ସେମନ୍ ବେସି ତାକିଜାଇରଇଲା ଆରି ସାଇଜ
 ପାଇବାକେ କନ୍ ବାଟେ ଜିବାର୍ ଆଟେ, ଜାନିନାପାର୍‌ତେ ରଇଲା । ସେମନ୍
 ଗଉଡ଼ ନଇଲା ମେଣ୍ଟାୟି ପାରା ଅଇଜାଇରଇଲା । ୩୭ ସେଡ଼କିବେଲେ
 ସେ ସିସ୍‌ମନ୍‌କେ କଇଲା, “ତାସ୍ ସିନା ବୁଡେକ୍ । ମାତର୍ ସେଟା କାଟ୍‌ବାକେ,
 ଲକ୍ମନ୍ ଉନା ଆତଡ଼ । ୩୮ ତେବର୍‌ପାଇ ‘କେଡ଼ ରଇଲା ପଦାଇ କାଟ୍‌ବାକେ
 ବେସି ଲକ୍ମନ୍‌କେ ପାଟାଆ’ ବଲି ତାସ୍ କଲା ସାଉକାର୍‌କେ ପାର୍‌ତନା କରା ।”

୧୦ ଜିସୁ ତାର୍ ବାର୍‌ଟା ପେରିଡ଼ମନ୍‌କେ ଲଗେ ତାକି ଡୁମା କେଡ଼ବାକେ,
 ସବୁ ରକାମର୍ ରଗ୍ ଆରି ଜର୍‌ଦୁକା ନିମାନ୍ କର୍‌ବାକେ ଅଦିକାର୍ ଦେଲା
 । ୨ ସେ ବାର୍‌ଟା ପେରିଡ଼ମନ୍‌ ନାଉଁ ଅଇଲାନ୍ତି, ସିମନ୍ ଜାକେକି ପିତର୍
 ବଲି ତାକ୍‌ବାଇ, ଆରି ତାର୍ ବାଇ ଆନ୍‌ଦୁରିୟ, ଜେବଦିର୍ ପଅ ଜାକୁର୍ ଆରି
 ତାର୍ ବାଇ ଜଅନ୍, ୩ ପିଲିପ୍ ଆରି ବାର୍‌ତଲମି, ତମା ଆରି ସିସ୍‌ତୁମାଝୁମନ୍
 ମାତିଡ, ଆଲ୍‌ପିର୍ ପଅ ଜାକୁର୍ ଆରି ତଦିୟ, ୪ କିଶାନିୟ ସିମନ୍ ଜେ କି
 ଇସ୍ରାଏଲ୍ ଲକ୍ମନ୍‌ମର୍ ମୁକ୍ତିର୍ ପାଇ ତେସ୍‌ଟା କର୍‌ତେରଇଲା । ଆରି
 ଇସ୍କାରିୟର୍ ଜିଉଦା, ଜେ ଜିସୁକେ ସର୍‌ରୁମନ୍‌କେ ସର୍‌ପିଦେଇ ରଇଲା ।
 ୫ ଜିସୁ ବାର୍‌ଟା ସିସ୍‌ମନ୍‌କେ ପାଟାଲିବେଲେ କାଇଟା କର୍‌ବାର୍ ଆଟେ
 କାଇଟା ନାଇ ବଲି ଆଦେସ୍ ଦେଇ କଇଲା, “ତମେ ଜିଉଦି ନଇଲା ଲକ୍ମନ୍‌ମର୍
 କନ୍ ଜାଗାଇ ମିସା ଜାଆନାଇ କି ସମିରଣିୟ ଗଡେ ମିସା ପୁରାନାଇ । ୬
 ମାତର୍ ଆଜିଗାଲା ମେଣ୍ଟାମନ୍‌ ପାରା ରଇବା ଇସ୍ରାଏଲ୍‌ମନ୍‌ ଲଗେ
 ଜା । ୭ ସେମନ୍‌ ଲଗେ ଜାଇ ଜାନାଇକରି କୁଆ, ସରଗ୍ ରାଇଜ୍ ଲଗେ
 ଆଇଲା ଆଟେ! ୮ ଜରର୍ ଲକ୍ମନ୍‌କେ ନିମାନ୍ କରା, ମଲା ଲକ୍ମନ୍‌କେ
 ଉଟାଆ, ବଡ଼ ରଗିମନ୍‌କେ ନିମାନ୍ କରା, ଡୁମାମନ୍‌କେ କେଦିଦିଆସ୍ । ଏ ସବୁ
 ସରଗର୍ ମାପ୍‌ରୁର୍ ତେଇଅନି ତିନ୍‌ପଲିଆରେ ମିଲାଇ ଆଟାସ୍ । ସେନ୍ତି ବିନ୍
 ଲକ୍ମନ୍‌କେ କାଇଟା ନ ମାଝୁଡେ ଦିଆସ୍ । ୯ ତାରୁ ମିସା ନିଆନାଇ । ୧୦
 ଆରି ବୁଲ୍‌ବା ବେଲେ ମୁନା ଦାରି ବୁଲାନାଇ । ଗଟେକ୍ ଉର୍‌କା ପିନ୍‌ଦା ପତିଆ,
 ପାଣ୍ଡୁଇ, ତାଝୁ ନିଆ ନାଇ । ପାଇଟି କରୁ ତାର୍ ବୁଡି ପାଇସିସେ ।” ୧୧
 “ଗଟେକ୍ ଗଡେ କି ଗାଏଁ କେଟ୍‌ସା ବଇଲେ, ତେଇ କେ ତମ୍‌କେ ନିଜର୍ ଗରେ
 ତାକ୍‌ସି, ସେ ଲକ୍ମନ୍‌କେ କଜା, ଆରି ବିନେ ଜିବା ଜାକ ତାକର୍ ଗରେସେ ରୁଆ ।
 ୧୨ ଗରେ କେଟ୍‌ଲା ବେଲେ ତେଇ ରଇଲା ଲକ୍ମନ୍‌କେ କୁଆର୍ କରି କୁଆ,

‘ତମ୍ଭେକେ ସାନ୍ତି ମିଲ’ । ୧୩ ସେମନ୍ ଜଦି ତମ୍ଭେକେ ଗତିଆ କରି ଡାକ୍‌ବାଇ, ତମେ କଲଲା ସାନ୍ତିର୍ କାତା ପୁରୁନ୍ ଅଇସି । ମାତର୍ ସେମନ୍ ଜଦି ତମ୍ଭେକେ ଗତିଆ କରି ନ ଡାକର୍ ବଇଲେ, ତମେ କଲଲାଟା ତମର୍ ଲଗେ ବାଉଡି ଆଇସି । ୧୪ ଜଦି କେ ମିସା ତମ୍ଭେକେ ନ ଡାକର୍ କି ତମେ କଲଲା କାତା ନ ସୁନ୍‌ତ ବଇଲେ, ‘ଏ ଜାଗା ଚାଡ଼ଲୁ’ ବଲି ଗଟେକ୍ ତିନ୍ ପାରା ଦେକାଇବାକେ, ପାଦର୍ ଦୁଲି ପାପ୍‌ତି, ସେ ଜାଗା ଚାଡ଼ି ଉଟିଜା । ୧୫ ମୁଇ ତମ୍ଭେକେ ସତ୍ କଇଲିନି, ବିଚାର୍‌ନା ଦିନେ ସଦମ୍ ଗମରାକେ ପର୍ମେସର୍ ଅଦିକ୍ ଦୟା ଦେକାଇସି ।” ୧୬ “ସୁନା, ବାଲିଆତୁର୍କାମନର୍ ବିତ୍‌ରେ ମେଣ୍ଟାମନ୍‌କେ ପାଟାଇଲା ପାରା ମୁଇ ତମ୍ଭେକେ ପାଟାଇଲିନି । ସାଁପର୍ ପାରା ଚାଲାକି ଅଇ ପରୁଆପାରା ସୁଆଲ୍ ଉଆ । ୧୭ ମାତର୍ ଜାଗ୍‌ରତ୍ ଅଇରୁଆ, କାଇକେ ବଇଲେ ଲକ୍‌ମନ୍ ସେମନର୍ ବିଚାର୍ କର୍‌ବା ଜାଗାମନର୍‌ତେଇ ତମ୍ଭେକେ ସର୍‌ପିଦେବାଇ ଆରି ପାର୍‌ତନା ଗର୍‌ମନ୍‌କେ ତମ୍ଭେକେ କର୍‌ତା ମାର୍‌ବାଇ । ୧୮ ଆରି ତମେ ମର୍ ସିସ୍ ଅଇଲାର୍ ଲାଗି, ରାଜା ଆରି ସାସନ୍ କର୍‌ବା ଲକ୍‌ମନର୍ ଲଗେ ନିଆଅଇ ବିଚାର୍ କରାଇଅଇସା । ଇତିଅନି ସେମନ୍‌କେ ଆରି ଜିଉଦି ନଇଲା ଲକ୍‌ମନର୍ ତେଇ ମର୍ ବିସଇନେଇ କଇବାକେ ତମେ ବେଲା ପାଇସା । ୧୯ ତମର୍ ବିଚାର୍‌ନା ଅଇବାବେଲେ ‘କାଇଟା କଇବି, କେନ୍ତି କଇବି’ ବଲି ତିନ୍ତା କରି ତେରେପେତେ ନ ଉଆ । ଟିକ୍ ସେବେଲାଇ ସେଟା ତମ୍ଭେକେ ଜାନାଇ ଦିଆଅଇସି । ୨୦ କାଇକେ ବଇଲେ ତମେ ନିଜେ କାଇଟା କଇବାକେ ନ ପଡେ । ବାବା ପର୍ମେସର୍ ସୁକଲ୍ ଆତ୍‌ମାଇ ତମର୍ ଚଣ୍ଟେଅନି କାତା କଇସି ।” ୨୧ ଲକ୍‌ମନ୍ ନିଜର୍ ବାଇକେ ମରନର୍ ତଣ୍ଟୁ ବର୍‌ବାକେ ଦାରାଇଦେବାଇ । ବାବା ମିସା ନିଜର୍ ପିଲାମନ୍‌କେ ସେନ୍ତାରି କର୍‌ସି । ପିଲା ଟକିମନ୍ ବାବାମାଆର୍ ବିରଦେ ଉଟି ସେମନ୍‌କେ ମରାଇବାଇ । ୨୨ ମକେ ବିସ୍‌ବାସ୍ କଲାର୍ ଲାଗି ତମ୍ଭେକେ ସବୁ ଲକ୍ ଚିନ୍ କର୍‌ବାଇ । ମାତର୍ ଜନ୍ ଲକ୍ ସାରାସାରି ଜାକ ସାଆସ୍ ଦାରି ରଇସି, ସେ ମୁକ୍‌ତି ପାଇସି । ୨୩ ଗଟେକ୍ ନଅରେ ଦୁକ୍ କସ୍‌ଟ ଦେଲେ, ତମେ ଆରି ଗଟେକ୍ ନଅରେ ଉଟି ପାଲାଆ । ମୁଇ ତମ୍ଭେକେ ସତ୍‌କାତା କଇଲିନି, ତମେ ଇସ୍‌ରାଏଲ୍ ଦେସେ ରଇବା ସବୁ ଗଡେ ବୁଲି ନ ସାର୍‌ତେ, ନର୍‌ପିଲା ମୁଇ ଆରି ତରେକ୍ ବାଉଡି ଆସିରଇବି । ୨୪ “କନ୍ ସିସ୍ ମିସା ଗୁରୁର୍ ତେଇଅନି ବଡ୍ ନର୍ । ଗତିଦାଢ୍ଘ୍‌ତା ସାଉକାର୍‌ତେଇଅନି ବଡ୍ ନର୍ । ୨୫ ସିସ୍ ଚାର୍ ଗୁରୁର୍ ପାରା

ଆରି ଗତିଦାଢ଼ୁଡ଼ା ନିଜର ସାଉକାର୍ ପାରା ଅଇଲେ ସେମନ୍ ସାର୍ଦା ଅଇବାର୍ ଆଚେ । ଗଟେକ୍ ଗରର୍ ମୁକିଆ ମକେ, ବାଲ୍ଜିବୁଲ୍ ବଲି ତାକ୍ଲାଇନି ବଇଲେ, ଗରର୍ ଆରି ଅଦେକ୍ ଲକ୍ମନ୍କେ ବାଇଦରେ ଅଦିକ୍ କାରାପ୍ ନାଉଁ ଦାରି ତାକ୍ବାଇ ।” ୨୬ “ସେଟାର୍ପାଇ ଲକ୍ମନ୍କେ ତରାନାଇ । ଜନ୍ ବିସଇ କି ଲୁଚ୍ତେ ଆଚେ, ସେଟା କେବେ ନଇଲେ କେବେ ତିସ୍ସି ଆରି ସବୁ ଲୁଚ୍ଲା କାତାମନ୍ ଜାନା ପଡ଼ସି । ୨୭ ଜନ୍ଟା ମୁଇ ତମ୍କେ ଆନ୍ଧୁର୍ ବେଲାଇ କଇଲିନି ସେଟା ତମେ ଉଜ୍ଲେ କୁଆ, ଆରି ଜନ୍ଟା ଲୁଚ୍ତେ ସୁନିଆଟାସ୍ ସେଟା ଗରର୍ ଚାଉନି ଉପ୍ରେ ଚିଆଅଇ କୁଆ । ୨୮ ଜନ୍ଲକ୍ମନ୍ ତମର୍ ଗାଗଡ଼ ନସ୍ଟ୍ କରୁବାଇ ମାତର୍ ତମର୍ ଆତ୍ମାକେ କାଇଟା କରିନାପାରଡ଼ ସେମନ୍କେ ତରାନାଇ । ମାତର୍ ଜନ୍ ପର୍ମେସର୍ ତମର୍ ଗାଗଡ଼ ଆରି ଆତ୍ମାକେ ନରକ୍ କୁଣ୍ଡେ ପିଢ଼ୁସି, ତାକେ ତରା । (Geenna g1067) ୨୯

ତାବୁଦେଇ ଦୁଇଟା ଚେଟିଆ ଚତଇ ଗେନିପାରାସ୍, ମାତର୍ ତମର୍ ବାବା ପର୍ମେସର୍ ନାଜାନ୍ତେ ସେ ଚତଇମନର୍ତେଇଅନି ଗଟେକ୍ ମିସା ନ ମରଡ଼ । ୩୦ ଆରି ପର୍ମେସର୍ ତମର୍ ମୁଣ୍ଡୁର୍ ତେଣ୍ଟି ମିସା ଗଟେକ୍ ଗଟେକ୍ କରି ଏଜିଆଚେ । ୩୧ ତରାନାଇ, ବେସି ଚେଟିଆ ଚତଇମନର୍ ତେଇ ଅନି ତମର୍ ଦାମ୍ ଅଦିକ୍ ।” ୩୨ “ଜେ ମକେ ସବୁର୍ ମୁଆଟେ ‘ମର୍ ଲକ୍’ ବଲି ନାମ୍ସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ସେମନ୍କେ ‘ମର୍ ଲକ୍’ ବଲି କଇବି । ୩୩ ମାତର୍ ଜନ୍ ଲକ୍ ମକେ ସବୁର୍ ମୁଆଟେ ‘ତାକେ ନାଜାନି’ ବଲି କଇସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ‘ତାକେ ନାଜାନି’ ବଲି କଇବି ।” ୩୪ “ମୁଇ ଏ ଦୁନିଆଇ ସାନ୍ତି ଦେବାର୍ ଆସିଆତି ବଲି ତମେ ବାବା ନାଇ । ନାଇ, ସାନ୍ତି ଦେବାକେ ଆସି ନାଇ, କାଣ୍ଟା ଦେବାକେ ଆଇଲିଆତି । ୩୫ ମର୍ ଲାଗି ପିଲା ବାବାକେ ବିରଡ଼ କରୁସି, ଟକି ଆୟାକେ ବିରଡ଼ କରୁସି ଆରି ବୁଆରି ସାତ୍ରିର୍ ବିରଦେ ଉଡ଼ସି । ୩୬ ନିଜର୍ ଗରର୍ ଲକ୍ମନ୍ସେ ନିଜର୍ ସତ୍ତୁ ଅଇବାଇ ।” ୩୭ “କେମିସା ଜଦି ନିଜର୍ ମାବାବାକେ ମର୍ତେଇଅନି ଅଦିକ୍ ଆଲାଦ୍ କରୁସି, ସେ ମର୍ ସିସ୍ ଅଇନାପାରେ । ଆରି ଜନ୍ ଲକ୍ ମକେ ଆଲାଦ୍ କରୁବାଟାନେ ଅନି ନିଜର୍ ପିଲାଟକିକେ ଅଦିକ୍ ଆଲାଦ୍ କରୁସି ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ । ୩୮ ଜନ୍ ଲକ୍ ନିଜର୍ କୁରୁସ୍ ବଇ ମର୍ ସତ୍ତୁ ନ ଆସେ ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ । ୩୯ ଜନ୍ଲକ୍ ନିଜର୍ ଜିବନ୍ ରକିଆ କରୁବାକେ ଚେସ୍ଟା

କର୍ତ୍ତା ବଇଲେ ସେ ସେଟା ଆରାଇସି । ମାତର୍ ଜେ ମର୍ ଲାଗି ତାର୍ ଜିବନ୍
 ଆରାଇସି ବଇଲେ, ସେ ସତଇସେ ସେଟା ରକିଆ କର୍ତ୍ତା ।” ୪୦ “ଜନ୍
 ଲକ୍ ତମ୍‌କେ ଡାକିନେଇସି, ସେ ମର୍‌ପାଇ ସେଟା କଲାନି । ଆରି ଜନ୍ ଲକ୍
 ମକେ ଡାକିନେଇସି ସେ ମକେ ପାଟାଇଲା ବାବା ପରମେସରର୍ ପାଇ ସେଟା
 କଲାନି । ୪୧ ଜେ ମିସା ଗଟେକ୍ ବବିସ୍‌ବକ୍‌ତାକେ ‘ପରମେସରର୍ କାତା
 ସୁନାଉ’ ବଲି ଡାକ୍‌ସି, ବବିସ୍‌ବକ୍‌ତାକେ ମିଲ୍‌ବା ପୁରୁସ୍‌କାର୍‌ତେଇ ସେ ମିସା
 ମିସ୍‌ସି । ଆରି ଜେ ଦରମ୍ ଲକ୍‌କେ ଗରେ ଡାକ୍‌ସି, ଦରମ୍ ଲକ୍‌କେ ମିଲ୍‌ବା
 ପୁରୁସ୍‌କାର୍‌ତେଇ ସେ ମିସା ମିସ୍‌ସି । ୪୨ ଆରି ଜନ୍ ଲକ୍ ମର୍ ପତେ ପତେ
 ଆଇବା ମୁକିଅ ନଇଲା ଗଟେକ୍ ସାନ୍ ସିସ୍‌କେ, ଗିଲ୍‌ସକ୍ ପାନି ଦେଇସି, ସେ
 ମର୍ ସିସ୍ । ସେ ପୁରୁସ୍‌କାର୍ ପାଇସି ଆକା ।”

୧୧ ଜିସୁ ବାର୍‌ଟା ସିସ୍‌ମନ୍‌କେ ସିକାଇ କରି କଇ ପାଟାଇ ସାର୍‌ଲା ପତେ,
 ସେ ଜାଗା ଚାଡ଼ିକରି ଲଗେ ରଇଲା ଗଡ଼ମନ୍‌ର ଲକ୍‌ମନ୍‌କେ ଜାଇ ସିକାଇଲା
 ଆରି ମାପ୍‌ରୁର୍ କାତା ସୁନାଇବାର୍ ଦାର୍‌ଲା । ୧ ସେ ବେଲା ତୁବନ୍‌ଦେଉ
 ଜଅନ୍ ବନ୍ଦିଗରେ ରଇଲା । ଜିସୁ ଜନ୍ କାମ୍‌ମନ୍ ସବୁ କର୍ତ୍ତେ ରଇଲା,
 ତାର୍ କବର୍ ସୁନି ତାର୍ କେତେଟା ସିସ୍‌ମନ୍‌କେ ଜିସୁର୍ ଲଗେ ପାଟାଇଲା
 । ୩ ସେମନ୍ ଜାଇ ଜିସୁକେ ପାଟାଇଲା, “ଜନ୍ ଲକ୍ ଆଇସି ବଲି ଜଅନ୍
 କଇରଇଲା, ସେ ଲକ୍ ତମେ କି? ନଇଲେ, ଆମେ ଆରି ବିନ୍ ଲକ୍‌କେ
 ଜାଗ୍‌ବୁ କି?” ୪ ଜିସୁ ସେମନ୍‌କେ କଇଲା, “ତମେ ବାଉଡ଼ି ଜାଇ ଜନ୍‌ଟା
 ସବୁ ଦେକ୍‌ଲାସ୍ ଆରି ସୁନ୍‌ଲାସ୍, ଜଅନ୍‌କେ କଇଦିଆସ୍ । ୫ କାଣାମନ୍
 ଦେକିପାର୍‌ଲାଇନି, ତଟାମନ୍ ଇଣ୍ଡୁଲାଇନି, ବଡ଼ ରଗିମନ୍ ନିମାନ୍ ଅଇଲାଇନି,
 ବଇରାମନ୍ ସୁନ୍‌ଲାଇନି, ମଲା ଲକ୍‌ମନ୍ ଜିବନ୍ ଅଇଲାଇନି ଆରି ଗରିବ୍
 ଲକ୍‌ମନ୍‌ର ଲଗେ ନିମାନ୍ କବର୍ କେଟ୍‌ଲାନି । ୬ ଜେ ମର୍ ବିସଇ ନେଇକରି,
 ‘ସେ କି ନର୍‌ଆଲେ’ ବଲି ନ ବାବେ, ସେ କେତେ ନିକ କରମର୍ ଲକ୍
 । ଜେ ମକେ ନାମ୍‌ସି ଆରି ମକେ ସବୁ ବେଲା ବିସ୍‌ବାସ୍ କର୍ତ୍ତା ତାକେ
 ପରମେସର୍ ଆସିର୍‌ବାଦ୍ କର୍ତ୍ତା ।” ବଲି କଇଲା । ୭ ଜଅନ୍‌ର ସିସ୍‌ମନ୍
 ବାଉଡ଼ି ଗାଲାବେଲେ ଜିସୁ ଲକ୍‌ମନ୍‌କେ ଜଅନ୍‌ର ବିସଇ କଇଲା, ତମେ
 ଜଅନ୍‌କେ ଦେକ୍‌ବାକେ ଜେତେବଲ୍ ମରୁବାଲିବୁର୍‌ଆଁ ଜାଇରଇଲାସ୍, କାଇଟା
 ଦେକ୍‌ବାକେ ଆସା କରିରଇଲାସ୍? ପବନ୍ ମାର୍‌ଲେ ଜୁଲ୍‌ବା ଗାଁସ୍ ପତର୍? ୮
 କାକେ ଦେକ୍‌ବାକେ ଜାଇ ରଇଲାସ୍? କାଇ ସୁନ୍‌ର ବସ୍‌ତର୍ ପିନ୍‌ଡ଼ିରଇବା

ଲକ୍ଷ୍ମଣ ଦେବକୁ ବଳି ଜାଇ ରଇଲାୟ କି? ସେନ୍ତି ବସ୍ତର ପିନ୍ଧିବା ଲକ୍ଷ୍ମଣ
 ରାଜାର ଗରେ ରଇବାଇ । ୯ ମକେ କୁଆ, କାଇଟା ଦେବବାକେ ଜାଇ
 ରଇଲାୟ? ଗଟେକ୍ ବବିସ୍ତବକ୍ତାକେ ଦେବକୁ ବଲିକରି କି? ସେଟା ତ
 ସତ୍, ମାତର୍ ଅବକା ବବିସ୍ତବକ୍ତା ଟାନେଅନି ଗଟେକ୍ ଅଦିକ୍ ବତ୍ ଲକ୍ଷ୍ମଣେ
 ବେଟ୍‌ପାଇଆଟାୟ । ୧୦ କାଇକେ ବଇଲେ ଏ ଜଅନର୍ ବିସଇ ସାସ୍ତରେ
 ଲେକାଅଇଲା ଆତେ । ପର୍ମେସର୍ କଇଲା, “ତମର୍ ପାଇ ବାଟ୍ ତିଆର୍
 କର୍ବାକେ ମୁଇ ପର୍ତ୍ତୁମ୍ ମର୍ ଦୁତ୍‌କେ ପାଟାଇବି ।” ୧୧ ମୁଇ ତମ୍‌କେ ସତ୍
 କଇଲିନି, ଏ ଦୁନିଆଇ ପୁର୍ବେ ଅନି ଆଜିକେ ଜାକ ଜେତେକ୍ ଲକ୍ଷ୍ମଣ ସବୁ ଜନମ୍
 ଅଇଲାଅତତ୍, ସବୁ ଲକ୍ଷ୍ମଣର୍ ବିତ୍‌ରେଅନି ତୁବନ୍ ଦେଉ ଜଅନ୍ ବତ୍ ।
 ମାତର୍ ସରଗ୍ ରାଇଜେ ଜେ ସବୁଟ୍‌ଟାନେଅନି ସାନ୍, ସେ ଜଅନର୍‌ତେଇ ଅନି
 ବତ୍ । ୧୨ ତୁବନ୍ ଦେଉ ଜଅନ୍ ପର୍ମେସର୍ ନିକ କାତା ଜାନାଇବାଟା
 ଆରାମ୍ କଲାବେଲେ ଅନି ଆଜିକେ ଜାକ ସରଗ୍ ରାଇଜ୍ ନେଇକରି ବେସି
 ଜୁଇଦ୍ ଚାଲିଲାଆତେ । ଦୟା ମାୟା ନଇଲା ଲକ୍ଷ୍ମଣ୍ ତାକର୍ ବପୁସ୍ତୁ
 ସରଗ୍ ରାଇଜ୍ ଅଦିକାର୍ କର୍ବାକେ ଚେସ୍‌ଟା କଲାଲିନି । ୧୩ ଜଅନ୍ ଆଇବା
 ଜାକ ମସାର୍ ନିୟମ୍ ଆରି ବବିସ୍ତବକ୍ତାମନ୍ ସରଗ୍ ରାଇଜର୍ ବିସଇ
 କଇତେ ରଇଲାଇ । ୧୪ ଜଦି ସେମନର୍ କାତା ତମେ ବିସ୍‌ବାୟ୍ କର୍ସା,
 ତେବେ ଜଅନ୍ ଅଇଲାନି ସେ ଏଲିୟ, ଜେ କି ପର୍ତ୍ତୁମ୍ ଆଇବାର୍ ରଇଲା
 । ୧୫ ଜାକେ କାନ୍‌ଆତେ, ସେ ସୁନ । ୧୬ ଏ ଜୁଗର୍ ଲକ୍ଷ୍ମଣ୍‌କେ କାର୍
 ସତ୍ ସମାନ୍ କର୍ବି? ସେମନ୍ ଆଟ୍ ମଜାଇ ବସିକରି କେଲ୍‌ବା ପିଲାମନର୍
 ପାରା । ଗଟେକ୍ ଦଲର୍ ପିଲାମନ୍ ଆରି ଗଟେକ୍ ଦଲ୍‌କେ କଇବାଇ, ୧୭
 “ଆମେ ବିବା ବାଜା ବାଜାଇଲୁ, ମାତର୍ ତମେ ନାଟ୍ କରାୟ୍ ନାଇ । ଦୁକର୍
 ଗିଡ୍ ଗାଇଲୁ ତମେ କାନ୍‌ସ୍ ନାଇ । ୧୮ ଜଅନ୍ ତର୍‌କେ ତର୍ ଉପାୟ୍ କର୍ତେ
 ରଇଲା ଆରି କେବେ ମିସା ମଦ୍ ନ କାଇତେ ରଇଲା, ମାତର୍ ତମେ ତାକେ
 ତୁମା ଦାର୍‌ଲା ଲକ୍ଷ୍ମଣ୍ ବଲି କଇଲାସ୍‌ନି । ୧୯ ମାତର୍ ନର୍‌ପିଲା ମୁଇ କାଇଲେ
 କି ପିଇଲେ ମକେ କାଉରାଟା ଆରି ମଦୁଆଟା ବଲି କଇଲାସ୍‌ନି । ସିସ୍‌ତୁ
 ମାଟ୍‌ମନର୍ ଆରି ପାପି ଲକ୍ଷ୍ମଣ୍ ମଇତର୍ ବଲି କଇଲାସ୍‌ନି । ସେଟା ଜନ୍‌ଟା
 ଅବେ ଚାତା, ପର୍ମେସର୍ ବିଚାର୍ ସତ୍ ଆକା । ଏଟା ତାର୍ କାମେଅନି
 ଜାନାପତ୍‌ସି ।” ୨୦ ଜନ୍ ଗତ୍‌ମନ୍‌କେ ଜିସୁ ତାର୍ ବେସି କାବାଅଇଜିବା
 କାମ୍‌ମନ୍ କରିରଇଲା, ସେ ଗତର୍ ଲକ୍ଷ୍ମଣ୍ ନିଜେ କରିରଇବା ପାପ୍‌ଲାଗି

ମନ୍ ନ ବାଦ୍‌ଲାଇଲାଟା ଦେକି, ଜିସୁ ସେ ଗତରୁ ଲକ୍‌ମନ୍‌କେ ନିନ୍ଦା କରି କଇଲା, ୨୧ “ଏ କରାଜିନରୁ ଲକ୍‌ମନ୍, ତମେ କେତେ ଇନସ୍‌ତା ଅଇ ତଣ୍ଟୁ ପାଇସା! ଏ ବେତ୍‌ସାଇଦାରୁ ଲକ୍‌ମନ୍, ତମରୁ ଦସା ମିସା ସେନ୍ତୁସେ । ତମରୁ ବିତରେ ଜନ୍ କାବାଅଇଜିବା କାମ୍‌ମନ୍ କରାଅଇଲାଆରେ, ସେଟା ସବୁ ଜଦି ମୁଇ ସର ଆରି ସିଦନ୍ ଗତେ କରି ରଇଲେ, ସେ ଗତରୁ ଲକ୍‌ମନ୍ ପାପେଅନି ବାଅଡ୍‌ଲୁ ବଲି ଦେକାଇବାକେ ଗାଗ୍‌ତେ ତାରୁ ଡାଲିଅଇ, ବାସ୍‌ତା ପିନ୍ତୁକରି ମନ୍ ବାଦ୍‌ଲାଇତାଇ ।” ୨୨ “ମୁଇ ତମ୍‌କେ ସତ୍ କଇଲିନି, ପର୍‌ମେସରରୁ ବିଚାରରୁ ଦିନେ ତମର୍‌ତେଇଅନି ସର୍ ଆରି ସିଦନ୍ ଗତରୁ ଲକ୍‌ମନ୍‌କେ ସେ ଅଦିକ୍ ଦୟା ଦେକାଇସି ।” ୨୩ ଏ କପର୍‌ନାଉମରୁ ଲକ୍‌ମନ୍! ତମେ କାଇ ନିଜେ ସର୍‌ଗେ ଜିବାକେ ଚେସ୍‌ଟା କଲାସ୍‌ନି? ତମେ ନରୁକେ ପିଢ୍ଘୁ ଅଇସି । ତମରୁ ବିତରେ ମୁଇ ଜନ୍ କାବାଅଇଜିବା କାମ୍‌ମନ୍ କରିରଇଲି, ସେଟା ଜଦି ସଦମ୍ ଗତେ କରି ରଇଲେ, ସେ ଗତ୍ ଆଜିକେ ଜାକ ରଇତା । (Hadēs ୨୫୬) ୨୪ “ମୁଇ ତମ୍‌କେ ସତ୍ କାତା କଇଲିନି, ପର୍‌ମେସରରୁ ବିଚାରୁନା ଦିନେ ତମର୍‌ତେଇଅନି ସଦମର୍ ଲକ୍‌ମନ୍‌କେ ସେ ଅଦିକ୍ ଦୟା ଦେକାଇସି ।” ୨୫ ଜିସୁ ସେବେଲାଇ ପାର୍‌ତନା କରି କଇଲା, “ଏ ବାବା, ତମେ ସରଗ୍ ଆରି ମର୍‌ପୁରରୁ ମାପ୍‌ରୁ । ଏ ସବୁ ବିସଇ ସିକ୍‌ଲା ଲକ୍ ଆରି ଗିଆନି ରଇବା ଲକ୍‌ତେଇଅନି ଲୁଟାଇ ସଢ୍ଘୁଇ, ନସିକ୍‌ଲା ଲକ୍‌ମନରୁ ତେଇ ଜାନାଇ ଆରୁସ୍ ବଲି ମୁଇ ତମ୍‌କେ ଦନିଅବାଦ୍ ଦେଲିନି । ୨୬ ଓଁ ବାବା, ତମରୁ ମନ୍ କଲା ଇସାବେ ଏ ସବୁ ଗଟ୍‌ଲାନି ।” ୨୭ “ମରୁ ବାବା ମକେ ସବୁ ବିସଇ ଦାନ୍ କଲାଆରେ । ବାବାକେ ଚାଡି କେ ମିସା ତାରୁ ପିଲା, ମକେ ନାଜାନତ୍ । ଆରି ତାରୁ ପିଲା, ମକେ ଚାଡି କେ ମିସା ବାବାକେ ନାଜାନତ୍ । ତାରୁ ପିଲା ମୁଇ, ଜନ୍ ଲକ୍‌ମନରୁ ଲଗେ ବାବାକେ ଦେକାଇବି, ସେମନ୍‌ସ ବାବାକେ ତିନି ପାରତ୍ । ୨୮ “ବେସି ବଜ୍ ବଇକରି ତାକ୍‌ଲା ଲକ୍‌ମନ୍, ମରୁ ଲଗେ ଆସା । ମୁଇ ତମ୍‌କେ ପୁଣ୍ଡାଇବି । ୨୯ ମରୁ ଜୁଆଡି ବଇ ମର୍‌ଟାନେଅନି ସିକା । କାଇକେବଇଲେ ମୁଇ ନିଜେ ସୁଆଲ୍ ଆରି ମରୁ ମନ୍ କୁଓଁଲ୍ ଅଇଲାରୁ ଲାଗି ତମେ ମର୍‌ଲଗେ ପୁଣ୍ଡୁସା । ୩୦ ମୁଇ ତମରୁ ଉପ୍‌ରେ ଜନ୍ ଜୁଆଡି ସଢ୍ଘୁଇବି ସେଟା ତମ୍‌କେ ବଇବାକେ ସଅଜ୍ ଅଇସି । ଆରି ତମ୍‌କେ ଜନ୍ ବଜ୍ ଦେବି, ସେଟା ମିସା ବେସି ଉସାସ୍ ।”

୧୨ ତାର କେତେ ଦିନ ପରେ ଜିସୁ ଗଟେକ ବିସ୍ତ୍ରାମ୍ବାରେ ତାସ୍ପଦାର୍ ବାଟେ ଜାଇତେରଇଲା । ଜିବାବେଲେ ତାର ସିସ୍ତମନ୍‌କେ ବୁକ୍ ଲାଗ୍‌ଲାଜେ କେଡ୍ ତିଡାଇ କାଇବାର୍ ଦାରୁଲା । ୨ ସେଟା ଦେକି ପାରୁସିମନ୍ ଜିସୁକେ ପାଚାରୁଲା, “ଦେକ୍ ବିସ୍ତ୍ରାମ୍ବାରେ ତର୍ ସିସ୍ତମନ୍ କେନ୍ତୁରି ସାସ୍ତରେ ରଇବା ରିତିନିତି ବିରଦର୍ କାମ୍ କଲାଜନି ।” ୩ ଜିସୁ ସେମନ୍‌କେ କଇଲା, “ଦିନେକ୍ ଦାଉଡ୍ ଆରି ତାର୍ ସଞ୍ଜ୍ ରଇଲା ଲକ୍‌ମନ୍ ବୁକେ ରଇଲା ବେଲେ, ଦାଉଡ୍ କାଇଟା କରି ରଇଲା, ତମେ ସାସ୍ତରେ ପତାସ୍ ନାଇ କି? ୪ ସେଦିନେ ସେମନ୍ ମନ୍ତ୍ରିର୍ ବିତ୍ରେ ପୁରି, ମାପ୍‌ରୁପାଇ ସର୍ପି ଅଇରଇବା ରୁଟି କାଇଲା । ନିୟ୍ ଇସାବେ ପୁଜାରିକେ ଚାଡି, ସେ ରୁଟି କେ ମିସା କାଇବାର୍ ଅଦିକାର୍ ନ ରଇଲା । ୫ ତମେ କାଇ ପତାସ୍ ନାଇ କି? ମସାର୍ ନିୟ୍ ଇସାବେ ସବୁ ବିସ୍ତ୍ରାମ୍ବାରେ ପୁଜାରିମନ୍ ନିୟ୍ ନ ମାନ୍‌ଲେ ମିସା, ସେଟାର୍ ପାଇ, ସେମନ୍ ଦସି ବଲି ବିଚାର୍‌ନା ନ ଅଅଡ୍ । ୬ ମୁଇ ତମ୍‌କେ କଇଲିନି, ଆଜି ଏ ମନ୍ତ୍ରିଟାମେଅନି ମୁକିଅ ବିସଇ ଇତି ଆଚେ ।” ୭ “ସାସ୍ତର୍ କଇଲାନି, ପସୁ ପୁଜ୍‌ବା ବିରୁ ନ କରି, ଲକ୍‌ମନ୍‌କେ ଦୟା କର୍‌ବାଟା, ମୁଇ ମନ୍ କଲିନି । ଏ କାତାର୍ ଅରଡ୍ ଜଦି ସଡ୍ ଇସାବେ ବୁଜିରଇତାସ୍‌ବଇଲେ, ଏ ଦସ୍ ନ କଲା ଲକ୍‌ମନ୍‌କେ ତମେ ଦସି ନ କର୍‌ତାସ୍ । ୮ ଜାନିରୁଆ, ନର୍‌ପିଲା ମୁଇ ନିଜେ ବିସ୍ତ୍ରାମ୍ବାରେ ମାପ୍‌ରୁ ।” ୯ ଜିସୁ ସେ ଜାଗାଇଅନି ବାରଇ ଜାଇ ପାର୍‌ତନା ଗରେ ପୁରୁଲା । ୧୦ ତେଇ ଆଡ୍ ସୁକିଜାଇରଇଲା ଗଟେକ୍ ଲକ୍ ରଇଲା । ଜିସୁର୍ ଦସ୍ ଦାର୍‌ବାକେ ପାରୁସିମନ୍ ଗଟେକ୍ ଦଲଅଇ ତେଇ ଜାଗି ରଇଲା । ସେଟାର୍‌ପାଇ ସେମନ୍ ଜିସୁକେ ପାଚାରୁଲା, “ବିସ୍ତ୍ରାମ୍ବାରେ ନିମାନ୍ କର୍‌ବାଟା ଆମର୍ ନିୟ୍‌ମର୍ ବିରଦ୍ ନଏଁ କି?” ୧୧ ଜିସୁ କଇଲା, “ଜଦି ବିସ୍ତ୍ରାମ୍ବାରେ ତମର୍ ବିତ୍ରେ କାର୍‌ଆଲେ ମେଣ୍ଟା ଗଟେକ୍ ଡେଞ୍ଜ୍ କାଲେ ଅଦର୍‌ଲେ, ତମେ ତାକେ ଜିକି ନ ଆନାସ୍ କି? ୧୨ ମେଣ୍ଟାଟେଇ ଅନି ଗଟେକ୍ ଲକ୍ ମୁଲିଅ କେତେକ୍ ଅଦିକ୍ । ସେଟାର୍ ପାଇ ଆମେ ବିସ୍ତ୍ରାମ୍ବାରେ ବିନ୍ ଲକ୍‌କେ ସାଇଜ କର୍‌ବାଟା ସାସ୍ତରେ ରଇବା ରିତିନିତିର୍ ବିରଦ୍ ଅଇବା କାମ୍ ନଏଁ ।” ୧୩ ଏଡ୍‌କି କଇକରି ସେ ଆଡ୍ ସୁକିଜାଇରଇଲା ଲକ୍‌କେ କଇଲା, “ଆଡ୍ ସଲକ୍ କର୍ ।” ସେ ଲକ୍ ଆଡ୍ ସଲକ୍ କଲା ଦାପ୍‌ରେ, ସେ ଆଡ୍ ନିକ ଲକ୍ ଆଡ୍ ପାରା ଅଇଗାଲା । ୧୪ ତାର୍‌ପତେ ପାରୁସିମନ୍ ସେ ଜାଗାଇଅନି ବାରଇ ଉଟିଜାଇ ଜିସୁକେ ମରାଇବାକେ ଜଜ୍‌ନା କଲା । ୧୫

ତାର ବିରୁଦ୍ଧେ ପାଁଦ୍ୱାରା ସୁନିକରି, ଜିସୁ ସେ ଜାଗା ଚାଡ଼ି ବିନେ ଉଠିଗଲା ।
 କେତେକ୍ କେତେକ୍ ଲକ୍ ତାର ପତେ ପତେ ଗାଲାଲ । ଆରି ସେ ସବୁ ରଗି
 ଲକ୍ମନକେ ନିକ କଲା । ୧୭ ତାର ନିଜର ବିସଇ ବିନ୍ ଲକ୍ମନକେ କାଇ
 ବଲି ନ କୁଆ ବଲି ସେମନକେ ଆଦେସ୍ ଦେଇତେରଇଲା । ୧୭ ଜିସାୟ୍
 ବବିସଦ୍ବକ୍ତାର୍ ଟାନେଅନି ପର୍ମେସର୍ ଜନ୍ କାତା ସୁନାଇରଇଲା, ସେଟା
 ପୁରାପୁରୁନ୍ କର୍ବାକେ ଏଟା କଲା, ୧୮ “ଏ ମର୍ ବାଟିରଇବା ସେବାକାରିଆ
 । ଆକେ ମୁଇ ଆଲାଦ୍ କଲିନି, ତାର ଲଗେ ମର୍ ସାର୍ଦା । ମର୍ ଆତ୍ମା ତାର
 ଉପ୍ରେ ଆସି ଡାକି ଅଇସି, ସେ ସବୁ ଜାତିର୍ ଲଗେ ଜାଇ ମର୍ ଚିକ୍ ବିଚାର୍ନା
 ଜାନାଇସି । ୧୯ ସେ କାକେ କିରଜାଟି ନ କରେ । ସେ ବେସି ଆଉଲି ନ ଅଏ
 । ସାଇର୍ ମଜାଇ ଚିଆ ନ ଅଏ ଆରି ଜବର୍ ଅଇତେ କାତା ନ କଏ । ୨୦
 ଦୁର୍ବଲ୍ ଲକ୍ମନକେ ସେ ଆଲାଦ୍ ଚଲାଚଲ୍ତି କର୍ସି, ଆରି ଆକା ସାକା
 ନଇଲା ଲକ୍ମନକେ ଦୟା କର୍ସି । ସେମନ୍ ନିଆଇ ନ ପାଇବାଜାକ ସେ
 ତାର୍ କାମ୍ ବନ୍ଧୁ ନ କରେ । ୨୧ ତାକେ ସବୁ ଦେସର୍ ଲକ୍ ଆସା କର୍ବାଇ ।”
 ୨୨ ତାର୍ ପତେ ଦିନେକ୍ ଲକ୍ମନ୍ ଗଟେକ୍ କାଶା ଅଇ ଗୁଲା ଅଇଜାଇରଇଲା
 ଲକ୍ମନକେ ଜିସୁର୍ ଲଗେ ଆନ୍ଲାଲ । ତାକେ ତୁମା ଦାରିରଇଲାଜେ କାତାଅଇ
 ନାପାର୍ତେ ରଇଲା । ଜିସୁ ତାକେ ନିମାନ୍ କଲା । ଏଦେ ଦେକା! ସେ ଦେକ୍ଲା
 ଆରି କାତା କଇପାର୍ଲା । ୨୩ ଜିସୁର୍ ଏ କାମ୍ ଦେକି ସବୁ ଲକ୍ କାବା
 ଅଇଜାଇ ପାତାର୍ ଉତାର୍ ଅଇଲାଲ, “ଏ କାଇ ସେ ଦାଉଦ୍ ପଅ କି?” ୨୪
 ଏଟା ସୁନି ପାରୁସିମନ୍ କଇଲାଲ, “ସେ ତୁମାମନର୍ ମୁକିଅ ବାଲ୍ଜିବୁଲ୍
 ଟାନେଅନି ବପୁ ପାଇ ତୁମା ଚାଡାଇଲାନି ।” ୨୫ ଜିସୁ ତାକର୍ ମନର୍ କାତା
 ଜାନି ସେମନକେ କଇଲା, ଗଟେକ୍ ରାଇଜର୍ ଲକ୍ ବିନ୍ବିନ୍ ଦଲେ ବାଗ୍
 ଅଇ ନିଜର୍ ନିଜର୍ ବିତରେ ଲାଗାଲଗି ଅଇଲେ, ସେ ଦେସ୍ ବେସି ଦିନ୍ ନ
 ରଏ । କନ୍ଥାଲେ ସଅର୍ ନଇଲେ ଗର୍ ବିତ୍ରେ ବିନ୍ ବିନ୍ ଦଲ୍ ଗଡ଼ିକରି
 ଲାଗାଜଡା ଅଇଲେ ସେମନ୍ ଦାପ୍ରେସେ କୁରୁପ୍ନାସ୍ ଅଇଜିବାଇ । ୨୬
 ସେନ୍ତାରିସେ, ସଇତାନର୍ ରାଇଜେ ଜଦି ଗଟେକ୍ ଦଲ୍ ବିନ୍ ଦଲ୍ ବିରୁଦ୍ଧେ
 ଲାଗ୍ଲାନି ବଇଲେ, ସେଟା କୁଟ୍କୁଟା ଅଇ ବିଲିଜାଇସି । ଏଟା ଜାନ୍ବାର୍
 ଆତେ । ୨୭ ମୁଇ ବାଲ୍ଜିବୁଲ୍ ବପୁ ପାଇ ତୁମାମନକେ ଚାଡାଇଲିନି ବଲି
 ତମେ କଇଲାସ୍ନି ତେବେ, ସେମନକେ କେଦ୍ବାକେ ତମର୍ ସିସ୍ମନକେ କେ
 ବପୁ ଦେଲାନି? ତମର୍ ସିସ୍ମନର୍ ଏ କାମର୍ ଲାଗି, ତମେ ଦାବି କଲାଟା

ମିର୍ ବଲି ଜାନାପଡ଼ଲାନି । ୨୮ ତୁମା ଚାଡ଼ାଇବା ବପୁ ମୁଇ ବାଲ୍‌ଜିବୁଲର୍ ଟାନେଅନି ପାଇନାଇ । ସେଟା ମୁଇ ପର୍ମେସରର୍ ଆଡ଼ମାର୍‌ଟାନେଅନି ପାଇଆତି । ଏଟାର୍ ପାଇ ଆରି ଗଟେକ୍ ବିସଇ ଜାନାପତି ଗାଲାନିଜେ ସରଗ୍ ରାଇଜ୍ ତମର୍ ଲଗେ ଆସି କେଟିଗାଲାବେ । ୨୯ ଆଗେ ଗଟେକ୍ ବପୁର୍ ଲକ୍‌କେ ନ ବାନ୍ତୁଡେ କେ ମିସା ତାର୍ ଗରେ ପୁରିକରି ଗରେ ରଇଲାଟା ଚରାଇ ନେଇ ନାପାରଡ଼ । ୩୦ ଜେ ମର୍ ବାଟେ ନ ରଏ, ବାଇଦରେ ସେ ମର୍ ବିରୁଦେ ଆଟେ । ଆରି ଜେ ମର୍ ସଢ଼ୁ ମିସିକରି ନ ଟୁଲିଆଏ, ସେ ବିଚିଦେଲାନି । ୩୧ ସେଟାର୍‌ପାଇ ମୁଇ ତମ୍‌କେ କଇଲିନି, ଜଦି କେ ଆଲେ ପାପ୍ କଲେ କି ନିନ୍ତୁ କାତା କଇଲେ ମିସା, ତାର୍ ଲାଗି ତାକେ କେମା ଦିଆଅଇସି । ମାତର୍ କେ ଜଦି ସୁକଲ୍ ଆଡ଼ମାର୍ ବିରୁଦେ କାଇ ବଲି କଇସି ବଇଲେ, ତାକେ କେମା ନାଇ । ୩୨ ଜଦି କେ ନର୍‌ପିଲା, ମର୍ ବିରଦେ ନିନ୍ତୁ କାତା କଇଲେ, ତାକେ କେମା ମିଲ୍‌ସି, ମାତର୍ ଜେ ଜଦି ସୁକଲ୍ ଆଡ଼ମାର୍ ବିରୁଦେ ନିନ୍ତୁ କାତା କଇଲେ ତାକେ ଏବେ କି ପର୍‌କେ ମିସା କେମା ନ ମିଲେ । (aiōn g165) ୩୩ “ନିକ ପଲ୍ ଦାର୍‌ବାର୍‌ଆଲେ ଗଟେକ୍ ଗର୍ ନିକ ଅଇବାର୍ ଆଟେ । ବାନିଆ ଗଟେ ବାନିଆ ପଲ୍ ଅଇସି । ଗର୍ କେନ୍ତିଟା, ତାର୍ ପଲେ ଅନି ଜାନାପଡ଼ସି । ୩୪ ଏ ସାଁପ୍ ପାରା କାରାପ୍ ଲକ୍‌ମନ୍! ତମେ କାରାପ୍ ଅଇ ନିମାନ୍ କାତା କଇପାରାସ୍ କି? ମନେ ତିନ୍ତାକଲାଟା ଟଣ୍ଟୁବାଟେ ବାରଇସି । ୩୫ ଗଟେକ୍ ନିମାନ୍ ଲକ୍ ତାର୍ ମନ୍‌ବିଡ଼ରେ ଅନି ନିମାନ୍ କାତା ଆନ୍‌ସି । ଗଟେକ୍ କାରାପ୍ ଲକ୍ ତାର୍ ମନ୍ ବିଡ଼ରେ ବର୍‌ଡ଼ିଅଇ ରଇବା ବାଦ୍‌ଲାପାରା କାତା ବାର୍‌କରାଇ ଆନ୍‌ସି ।” ୩୬ “ତମେ କଇରଇଲା କାଇ ଲଡ଼ାକେ ନଇବା ସବୁ କାତା, ବିଚାର୍‌ନା ଦିନେ ତମ୍‌କେ ଇସାବ୍ ଦେବାକେ ଅଇସି । ୩୭ ତମର୍ କାତାଇଅନି ତମେ ବିଚାର୍ କରାଇଅଇ, ଦସି ନଇଲେ ଦସ୍ ନ କଲା ଲକ୍ ବଲାଇଅଇସା ।” ୩୮ ଗଟେକ୍ ଦିନେ ଜିଉଦି ମନର୍ ନିୟ୍‌ମ୍ ସିକାଇଦେବା ଲକ୍‌ମନ୍ ଆରି ପାରୁସି ଲକ୍‌ମନର୍ ବିଡ଼ରେଅନି କେଡେଲକ୍ ଜିସୁକେ କଇଲାଇ, “ଏ ଗୁରୁ, ତମର୍ ଗଟେକ୍ କାବାଅଇଜିବା ତିନ୍ ଦେକ୍‌ବାକେ ଆମେ ମନ୍‌କଲୁନି ।” ୩୯ ଜିସୁ ସେମନ୍‌କେ କଇଲା, “ଏ ଜୁଗର୍ ବିସ୍‌ବାସ୍ ନ କରୁମନ୍ କେଡେ କାରାପ୍, ଆରି ପର୍‌ମେସର୍କେ ବିସ୍‌ବାସ୍ କରନ୍‌ନାଇ । ତମେ ମକେ ଗଟେକ୍ କାବାଅଇଜିବା କାମ୍ ଦେକାଇବାକେ କଇଲାସ୍‌ନି? ନାଇ, ଅକ୍‌ବା ବାବବାଦି ଜୁନସର୍ ଜିବନେ ଗଟିରଇଲା କାବାଅଇଜିବାଟା ତମ୍‌କେ ଦେକାଇଦେଇ ଅଇସି ।” ୪୦ “ଜୁନସ୍

ଜେନ୍ତି ମାତ୍ ପେଟେ ତିନ୍ ଦିନ୍ ତିନ୍ ରାତି ରଇଲା, ସେନ୍ତି ନରପିଲା ମୁଇ ମିସା
 ମାଟି ତଲେ ତିନ୍ ଦିନ୍ ତିନ୍ ରାତି କାଟାଇବି । ୪୧ ଜନ୍ ଦିନେ ପର୍ଯ୍ୟେସର୍
 ଲକ୍ମନର୍ ବିଚାର୍ କରସି, ସେ ଦିନେ ନିନିବିର୍ ଲକ୍ମନର୍ ତମର୍ ବିରୁଦ୍ଧେ ଦାବି
 କରବାକେ ଚିଆ ଅଇବାଇ । କାଇକେ ବଇଲେ ସେମନ୍ ଜୁନସର୍ କାତା ସୁନି
 ପାଠ୍ ବାଟେଅନି ବାଅଡ଼ଲାଇ । ମୁଇ ତମ୍ବକେ କଇଲିନି, ଜୁନସର୍ ଟାନେଅନି
 ବଡ଼ ଲକ୍ ଇତି ଆଟେ । ୪୨ ବିଚାର୍ କରବାବେଲେ ଦକିନ୍ ଦେସେ ରଇବା
 ସେବା ନାଉର୍ ଗଟେକ୍ ଜାଗାର୍ ରାନି, ତମର୍ ଦସ୍ ଦେକାଇବାକେ ଚିଆ
 ଅଇସି, କାଇକେ ବଇଲେ ସଲମନର୍ ଗିଆନର୍ କାତା ସୁନବାକେ ବେସି
 ଦୁର୍ ଦେସେଅନି ସେ ଆସି ରଇଲା । ମାତର୍ ମୁଇ ତମ୍ବକେ ସଡ଼ କଇଲିନି,
 ସଲମନର୍ ଟାନେ ଅନି ଗଟେକ୍ ବେସି ବଡ଼ ଲକ୍ ଇତି ଆଟେ ।” ୪୩ ଜିସୁ
 ଆରି କଇଲା, ଜେତେବଲ୍ କାରାପ୍ ଆଡ଼ମା ଗଟେକ୍ ଲକର୍ ଗାଗ୍ତେଅନି
 ବାରଇ ଜାଇସି, ସେବେଲା, ସେ ରଇବାକେ ମରୁବାଲିବୁର୍ଁ ଜାଗା କଜି ବୁଲ୍ସି
 । ମାତର୍ ସେନ୍ତି ଜାଗା ତାକେ ନ ମିଲ୍ଲେ । ୪୪ ସେ ବେଲା ସେ କଇସି,
 “ମୁଇ ଜନ୍ ଲକର୍ତେଇଅନି ବାରଇ ଆଇଲି ଆତି, ତେଇସେ ଆରିତରେକ୍
 ଜିବି” ବଲି ବାଉଡ଼ି ଉଟିଜାଇସି । ସେତିକି ବେଲେ ସେ ଆସିକରି ବିତ୍ରେ
 ସପାସୁତର୍ ଅଇ ପରିଚଲ୍ ରଇବାଟା ଦେକ୍ଲେ, ସେ ଜାଇ ତାର୍ତେଇଅନି
 ଅଦିକ୍ କାରାପ୍ ରଇବା ସାଡ଼ଟା ଆଡ଼ମାନକେ ଡାକିଆନ୍ସି । ୪୫ ତାର୍ ପଟେ
 ସବୁ କାରାପ୍ ଆଡ଼ମାନ ଜାଇକରି ସେ ଲକର୍ ବିତ୍ରେ ବାସାକରି ରଇବାଇ
 । ସେ ବେଲା ସେ ଲକ୍ ଆଗ୍ତୁର୍ତେଇଅନି ଅଦିକ୍ କରାପ୍ଅଇଜାଇସି ।
 ଏନ୍ତିସେ ଆଜିକାଲି ଜିଇବା କାରାପ୍ ଲକ୍ମନକେ ଅଇସି । ବଲି କଇଲା । ୪୬
 ଜିସୁ ଜେତେବେଲା ତେଇ ରୁଣ୍ଡିରଇଲା ଲକ୍ମନକେ କାତା ସୁନାଇତେ ରଇଲା,
 ତାର୍ ଆୟା ଆରି ବାଇମନ୍ ଆସି ତାଣ୍ଟେ ଚିଆଅଇରଇଲାଇ । ସେମନ୍ ଜିସୁର୍
 ସଞ୍ଜୁ କାତାଅଇବାକେ ମନ୍ କର୍ତେ ରଇଲାଇ । ୪୭ ସେତିକି ବେଲେ ଗଟେକ୍
 ଲକ୍ ଜିସୁକେ କଇଲା, “ତର୍ ଆୟା ଆରି ବାଇମନ୍ ତାଣ୍ଟେ ଜାଗ୍ଲାଇ ଆଚଡ଼,
 ସେମନ୍ ତର୍ ସଞ୍ଜୁ କାତା ଅଇବାକେ ମନ୍ କଲାଇନି ।” ୪୮ ଜିସୁ ସେମନ୍କେ
 କଇଲା, “କାକେ ମର୍ ଆୟା ଆରି ବାଇମନ୍ ବଲି ବାବ୍ଲାସ୍ନି?” ୪୯ ତାର୍
 ସିସ୍ମନର୍ ବାଟେ ଆଡ଼ ଦେକାଇ କଇଲା, “ଏ ଲକ୍ମନେସ ମର୍ ଆୟା
 ଆରି ବାଇମନ୍ ଅଇବାଇ । ୫୦ ଜେ ସର୍ଗେ ରଇବା ମର୍ ବାବାର୍ ମନ୍

କଲା ଇସାବେ କାମ୍ କର୍ସି, ସେମନ୍ ଆକା ମର୍ ବାଇ, ବଇନି ଆରି ଆୟା ଅଇବାଇ ।”

୧୩ ଦିନେକ୍ ଜିସୁ ତାର୍ ସିସ୍ମନର୍ ସଞ୍ଜ୍ ଗରେ ଅନି ବାରଇ ସମ୍ବୁର୍ କଣ୍ଟି ଗାଲା । ତେଇ ସେ ବସିକରି ସିକାଇବାର୍ ଦାର୍ଲା । ୨ ଲକ୍ମନ୍ ତାର୍ ଚାରିବେଡ୍ଡି ଜବର୍ ଅଇ ରୁଣ୍ଟିରଇଲାଇଜେ ସେ ଗଟେକ୍ ତଞ୍ଜୁଇ ଜାଇ ବସ୍ଲା । ଲକ୍ମନ୍ ଚିଆ ଅଇ ତାର୍ କାତା ସୁନ୍ବାର୍ ଦାର୍ଲାଇ । ୩ ଆରି ସେ କେତେକ୍ କେତେକ୍ ବିସଇ, ଉଦାଅରଣ୍ ଦେଇ, ସିକାଇତେ ରଇଲା । ସେ କଇଲା, “ଗଟେକ୍ ଚାସି ତରେକ୍ ବିଅନ୍ ବୁନ୍ବାର୍ ବାରଇଲା । ୪ ଚାସି ସେ ଜମିଟାନେ ବିଅନ୍ ବୁନ୍ବା ବେଲେ କେତେଟା ମୁଞ୍ଚି ମଜା ବାଟେ ଅଦର୍ଲାଜେ ସେଟା ଚତଇମନ୍ ଆସି କାଇଦେଲାଇ । ୫ ଆରି ଅଦେକ୍ ମାଟି ଉନାରଇ ଜବର୍ ପାକ୍ନା ରଇବା ପଦାଇ ଅଦର୍ଲା । ତେଇ ମାଟି ବଉଲ୍ ନ ରଇଲାଜେ ଦାପ୍ରେ ଆଁକ୍ରି ଗାଜା ଅଇଲା । ୬ ମାତର୍ ଗାଜାର୍ ଚେର୍ ବିଡ୍ରେ ଜାଏ ନାଇଜେ, କାରା କଲାକେ ସେଟା ସୁକିଗାଲା । ୭ ଆରି କେତେଟା ବିଅନ୍ କାଟାବୁଟା ବିଡ୍ରେ ଅଦର୍ଲା, ଆରି କାଟାବୁଟା ଆଁକ୍ରି ଗାଜା ଅଇଲା । ବିଅନର୍ ଚାରିବେଡ୍ଡି ବର୍ଡି ଜାଇ ସେଟା ସବୁ ଗିଲିଦେଲା । ୮ ମାତର୍ ଆରି ବାକି ସବୁ ବିଅନ୍ ନିକ ବୁଏଁ ଅଦ୍ରି ବୁଟା ଅଇ ବଡିକରି ପଲ୍ ଦାର୍ଲା । କେତେଟା ବୁଟାଇ ଡିରିସ୍ ବାଗ୍, ସାଟେ ବାଗ୍, ଆରି ସଏ ବାଗ୍ ଅନି ଅଦିକ୍ ପଲ୍ଦାର୍ଲା ।” ୯ ଜିସୁ ଉଦାଅରଣ୍ ସାରାଇକରି କଇଲା, “ଜାକେ ସୁନ୍ଲା ପାରା କାନ୍ ଆଟେ, ସେ ସୁନ ।” ୧୦ ପଟେ ସିସ୍ମନ୍ ଜିସୁର୍ ଲଗେ ଆସି ପାଟାର୍ଲାଇ, “ତମେ ଲକ୍ମନ୍କେ ସିକାଇଲା ବେଲେ କାଇକେ ଉଦାଅରଣ୍ ଇସାବେ କଇଲାସ୍ନି?” ୧୧ ଜିସୁ କଇଲା, “ସରଗ୍ ରାଇଜର୍ ଟିକି ନିକି କାତା ବୁଜ୍ବାକେ ତମେ ଗିଆନ୍ ପାଇଆଚାସ୍ । ମାତର୍ ସେମନ୍ ପାଅଡ୍ ନାଇ । ୧୨ ଜାକେ ଆଟେ, ତାକେ ଦିଆଅଇସି । ତେଇଅନି ସେ ଅଦିକ୍ ଅଦିକ୍ ଲାବ୍ କର୍ସି । ମାତର୍ ଜାକେ ନାଇ, ତାର୍ଟାନେ ଜେଡ୍କି ଆଟେ, ସେଟା ମିସା ନିଆଅଇସି ।” ୧୩ ସେମନ୍କେ ମୁଇ କାତାନି ଇସାବେ ସିକାଇଲିନି । କାଇକେବଇଲେ ସେମନ୍ ଦେକି ଦେକି ରଇବାଇ, ମାତର୍ ନ ଦେକ୍ଲା ପାରା । ସୁନ୍ତେ ରଇବାଇ, ମାତର୍ ନ ସୁନ୍ଲା ପାରା ଆରି ନ ବୁଜ୍ । ୧୪ ଜିସାୟ୍ ବବିସଡ୍ବକ୍ତା କଇରଇବା ବାକିଅ ପୁରାପୁରୁନ୍ ଅଇଲା । ୧୫ ଲକ୍ମନ୍ ସୁନି ସୁନି ମିସା କାଇଟା ନ ବୁଜ୍ ଦେକ୍ତେରଇବାଇ, ମାତର୍ ନ ଦେକ୍ଲା ପାରା

। ୧୫ କାଳକେ ବଇଲେ ସେମନର୍ ବୁଦି ଉନା । ସେମନ୍ କାନେ ରୁଟିଅଇ
 ଦେଇଆଚଡ୍ ଆରି ଆଁକି ଲିମିଦେଇ ଆଚଡ୍ । ସେନ୍ତୁର୍ ନ ଅଇରଇଲେ
 ସେମନ୍ ଦେକିପାରୁତାଇ, ସୁନିପାରୁତାଇ ଆରି ମର୍ ଲଗେ ବାଉଡି ଆଇତାଇ
 । ସେମନ୍କେ ମୁଇ ନିକ କରିଦେଇଡି । ୧୬ “ତମେ କେଡେକ୍ ନିକ କରମର୍
 ଲକ୍! ତମେ ଦେକି ପାରୁଲାସୁନି ଆରି ସୁନି ପାରୁଲାସୁନି! ୧୭ ମୁଇ ତମକେ ସଡ୍
 କଇଲିନି, କେଡେକ୍ କେଡେକ୍ ବବିସଡ୍ବକ୍ତା ଆରି ପର୍ମେସରର୍ ଲକ୍ମନ୍
 ତମେ ଜନ୍ଟା ଦେକ୍ଲାସୁନି, ସେଟା ଦେକ୍ବାକେ, ଆରି ଜାଇଟା ସୁନ୍ଲାସୁନି,
 ସେଟାମନ୍ ସୁନ୍ବାକେ ମନ୍ କର୍ଡେରଇଲାଇ, ମାତର୍ ନାପାରୁଲାଇ ।” ୧୮
 “ତେବେ ସୁନା, ବିଅନ୍ ବୁନ୍ବା କାତାର୍ ଅରଡ୍ କଇଲିନି । ତମେ ବୁଜ୍ବାକେ
 ଚେସ୍ଟା କରା । ୧୯ ଜନ୍ ଲକ୍ମନ୍ ସରଗ୍ ରାଇଜର୍ ବାକିଅ ସୁନି ନ ବୁଜ୍ଡ୍,
 ସଇତାନ୍ ଆସି ସେମନର୍ ମନ୍ ବିଡ୍ରେ ଅନି ଜନ୍ଟା ବୁନାଅଇ ରଇସି, ସେଟା
 ଜିକି ଦାରିଜାଇସି । ଏଟା ଅଇଲାନି ବାଟେ ଅଡ୍ରି ରଇବା ବିଅନର୍ ଅରଡ୍
 ।” ୨୦ “ଜନ୍ ଲକ୍ମନ୍ ବାକିଅ ସୁନ୍ଲା ଦାପ୍ରେ ସାର୍ଦା ସଢ୍ଘ ମାନ୍ବାଇ,
 ସେଟା ପାକ୍ନାବାଡି ଜାଗାଇ ଅଡ୍ରିରଇବା ବିଅନ୍ ପାରା । ୨୧ ବାକିଅ
 ପୁରାପୁରୁନ୍ ତାକର୍ ମନ୍ ବିଡ୍ରେ ଜାଇ ନ ରଏ ଜେ, ସେମନ୍ ସେଟା ବେସି
 ଦିନ୍ ମାନିକରି ରଇ ନାପାରଡ୍ । ବାକିଅର୍ ଲାଗି କସ୍ଟ କି ବେମ୍ଜା ଆଇଲେ,
 ସେମନ୍ ଦାପ୍ରେସେ ସେଟା ଚାଡିଦେବାଇ । ୨୨ କାଟାବୁଟା କେନ୍ତୁର୍କି ସାନ୍
 ବୁଟାମନ୍କେ ଚାପି ଗିଲିଦେଇସି, ସେନ୍ତୁରି ଏ ଜଗତର୍ ପାଇଟି କାବାଡ୍ ଆରି
 ଦନ୍କେ ଲବ୍ ଅଇକରି, କେଡେକ୍ ଲକ୍ମନର୍ ଟାନେ କେଟିରଇବା ବାକିଅ
 ନସାଇଦେଇସି । ସେମନ୍ କାଟାବୁଟାଇ ଅଦର୍ଲା ବିଅନ୍ ପାରା । ସେମନର୍
 କାଇ ପସଲ୍ ନ ପାଚାଅଡ୍ । (aiōn g165) ୨୩ ଜନ୍ଲକ୍ମନ୍ ବାକିଅ ସୁନି
 ନିକକରି ବୁଜ୍ବାଇ, ନିକ ପଦାଇ ଅଡ୍ରିରଇବା ବିଅନର୍ ପାରା । ସେମନ୍
 ନିକ ପସଲ୍ ଲାବ୍ କର୍ବାଇ କେ ସଏ ପୁଟିଅନି ଅଦିକ୍, କେ ସାଟେ ପୁଟିଅନି
 ଅଦିକ୍, କେ ଡିରିସ୍ ପୁଟିଅନି ଅଦିକ୍ ପସଲ୍ ପାଚାଇବାଇ ।” ୨୪ ଜିସୁ ତାର୍
 ସିସ୍ମନ୍କେ ଆରି ଗଟେକ୍ ବିସଇ କାତାନି ଇସାବେ କଇଲା, ସରଗ୍ ରାଇଜ୍
 ଏନ୍ତୁରି ଗଟେକ୍ ଲକ୍ମର୍ ପାରା । ସେ ଲକ୍ ତାର୍ ଜମିଟାନେ ନିକ ବିଅନ୍ ବୁନ୍ଲା
 । ୨୫ ସେ ଦିନେକ୍, ରାତିଆ ସଇଲା ବେଲେ, ତାର୍ ଗଟେକ୍ ବିରଡ୍ ଲକ୍
 ଆସି ସେ ଜମିଟାନେ ଗାଁସ୍ ମୁଞ୍ଚି ବୁନି ଦେଇ, ଉଟିଗାଲା । ୨୬ ଜେଡେବେଲେ
 ଗର୍ ବଡି କେଡ୍ ଦାରୁଲା, ମଜାଇମଜାଇ ଜୁଡ୍ ଗାଁସ୍ ଡିସୁଲା । ୨୭ ସେ

ଲକର ଦାଢ଼ୁଡ଼ାମନ୍ ଆସି କଇଲା, “ଏ ସାଉକାର୍ ତମେ ଜମିଟାନେ ନିକ
 ବିଅନ୍ ବୁନିରଇଲାସ୍, ଏତେକ୍‌ମାଣ୍ଟୁ ଜୁଡ଼ ଗାଁସ୍ କନ୍ତିଅନି ଆଇଲା?” ୨୮ ଜମି
 ସାଉକାର୍ କଇଲା, ମର୍ ବିରଦି ଲକ୍ ଗଟେକ୍ ଏନ୍ତି କଲାଆତେ । ସେମନ୍
 ପାତାର୍‌ଲା, “ତେବେ ଆମେ ଜାଇ ସେ ଜୁଡ଼ ଗାଁସ୍‌ମନ୍‌କେ ଜିକି ପିଢ଼ିଦେବୁ
 କି?” ୨୯ ସାଉକାର୍ କଇଲା, “ନାଇ, ଜୁଡ଼ ଗାଁସ୍ ଜିକ୍‌ବାବେଲେ କେତେବଲ୍
 ଦାନ୍‌ବୁଟା ମିସା ଜିକିଅଇଜାଇସି । ୩୦ କାଟ୍‌ବା ଜାକ ଦାନ୍ ଆରି ଜୁଡ଼ ଗାଁସ୍
 ମିସ୍‌ତେ ବଡ଼ । କାଟ୍‌ବା ଲକ୍‌ମନ୍‌କେ କର୍ତ୍ତ ସେମନ୍ ପର୍‌ତୁମ୍ ଜୁଡ଼ ଗାଁସ୍ କାଟି
 ବାରା ବାନ୍ତି ପଡ଼ାଇ ଦେଅଡ଼ । ତାର୍ ପଟେ ଦାନ୍ କାଟି ମାଣ୍ଟାଇ କଲ୍‌କିଟାନେ
 ସଢ଼ୁଇ ।” ୩୧ ଜିସୁ ଆରି ଗଟେକ୍ ବିସଇ କଇଲା, “ସରଗ୍ ରାଇଜ୍ ଏନ୍ତାରି
 ଗଟେକ୍ ଲକ୍ ତାର୍ ଜମିଟାନେ ସର୍‌ସୁ ମୁଞ୍ଚି ତପିଦେଲା । ୩୨ ସେ ମୁଞ୍ଚି
 ସବୁଟାନେଅନି ସାନ୍ ଅଇଲେ ମିସା ତେଇଅନି ଜନ୍ ଗର୍ ଅଇଲା, ଜମିଟାନେ
 ରଇଲା ବିନ୍ ଗର୍‌ମନ୍‌ତେଇଅନି ଅଦିକ୍ ତେଢ଼ୁ ଅଇ ଜୁଜୁରା ଅଇଲା ।
 ଆରି ସେ ଗଟେ ଚତଇମନ୍ ବାସା ଅଇଲା ।” ୩୩ ଜିସୁ ଆରି ତରେକ୍
 ଏନ୍ତାରି କାତା କଇଲା, “ଗଟେକ୍ ମାଇଜି କଣ୍ଟେକ୍ କମିର୍ ନେଇ ଅଦ୍‌ବାସ୍‌ତା
 ଗୁଣ୍ଟୁଟାନେ ମିସାଇଦେଲା । ସମାନ୍ ବେଲାଇ ସବୁଜାକ ଗୁଣ୍ଟୁ କମିର୍‌ତେଇ ମିସି
 ପୁଲ୍‌ଲା । ସରଗ୍ ରାଇଜ୍ ବଡ଼‌ବାଟା ମିସା ଏନ୍ତାରିସେ ।” ୩୪ ଜିସୁ ଏନ୍ତାରି
 ଉଦାଅରଣ୍ ଦେଇ ସିକାଇତେ ରଇଲା । ଉଦାଅରଣ୍ ନ ଦେଇ ସେ କାଇଟା
 ମିସା ନ ସିକାଇତେ ରଇଲା । ୩୫ ଏଟାର୍‌ପାଇ ବବିସଦ୍‌ବକ୍‌ତାର୍ ଏ ବାକିଅ
 ପୁରାପୁରୁନ୍ ଅଇଲା । ମୁଇ ଉଦାଅରଣ୍ ଦେଇ ସେମନ୍‌କେ କାତା କଇବି,
 ଏନ୍ତାରିସେ କାଇଟା ତିଆର୍ ନ ଅଇବା ଆଗ୍‌ତୁଅନି ନାଜାନି ରଇବା ସବୁ
 ବିସଇ ମୁଇ ସେମନ୍‌କେ ବୁଜାଇଦେବି । ୩୬ ଜିସୁ ଲକ୍ ଗଅଲି ବିଡ଼ରେଅନି
 ବାରଇ ଆସି ଜେତେବେଲେ ଗର୍ ବିଡ଼ରେ ପୁର୍‌ଲା, ସେଡ଼କି ବେଲେ ତାର୍
 ସିସ୍‌ମନ୍ ଆସି ପାତାର୍‌ଲା, “ଆମ୍‌କେ ଜୁଡ଼ ଗାଁସ୍ ଅରଡ଼ ବୁଜାଇ ଦିଆ ।”
 ୩୭ ଜିସୁ କଇଲା, “ଜନ୍ ଲକ୍ ନିକ ବିଅନ୍ ବୁନ୍‌ଲା, ସେ ନର୍‌ପିଲା ମୁଇ । ୩୮
 ଏ ଦୁନିଆ ଅଇଲାନି ଜମି । ଜେମନ୍ ସରଗ୍ ରାଇଜର୍ ଲକ୍, ସେମନ୍ ନିକ
 ବିଅନ୍ । ଜୁଡ଼ ଗାଁସ୍ ଅଇଲାନି ସଇତାନର୍ ବାଟେ ଜିବା ଲକ୍ । ୩୯ ଜନ୍
 ବିରଦି ଲକ୍ ଜୁଡ଼ ଗାଁସ୍ ମୁଞ୍ଚି ବୁନ୍‌ଲା, ସେ ସଇତାନ୍ । କାଟାବେଟାର୍ ବେଲା
 ଅଇଲାନି ଜୁଗ୍ ସାର୍‌ବା ଦିନ୍ । ତାସ୍ କାଟ୍‌ବା ଲକ୍‌ମନ୍ ଅଇଲାଇନି ସରଗର୍
 ଦୁର୍‌ମନ୍ । (aiōn g165) ୪୦ ଜୁଡ଼ ଗାଁସ୍‌ମନ୍ ଜେନ୍ତି ଚୁଲିଆଇକରି ପଡ଼ାଇଲା,

ଜୁଗର୍ ସାରାସାରି ବେଲେ ସେନ୍ତାରି ଅଇସି । (aiōn g165) ୪୧ ନର୍ପିଲା ମୁଇ
 ମର୍ ରାଇଜେଅନି ସବୁ ପାପ୍ କାମ୍ କଲା ଲକ୍ମନ୍‌କେ ଆରି ଜେଜେମନ୍ ବିନ୍
 ଲକ୍ମନ୍‌କେ ପାପ୍ କର୍ବାକେ ଉସ୍‌କାଇଲାଇନି, ସେମନ୍‌କେ ଚୁଲିଆଇବାକେ
 ସରଗର୍ ଦୁର୍ମନ୍‌କେ ପାଟାଇବି । ୪୨ ସେମନ୍ ଏ ସବୁ ଲକ୍ମନ୍‌କେ ଲାଗି
 ରଇବା ଜଇଟାନେ ପିଢୁବାଇ । ତେଇ ସେମନ୍ କିଲ୍‌ବିଲ୍ ଅଇ କାନ୍ତୁବାଇ ଆରି
 ଦାଡ୍ କାଡ୍‌ରିଅଇବାଇ । ୪୩ ସେବେଲେ ପର୍ମେସର୍‌କେ ମାନ୍‌ବା ଲକ୍ମନ୍
 ତାକର୍ ସରଗର୍ ବାବାର୍ ରାଇଜେ ବେଲ୍‌ପାରା ଜକ୍ମକିଜିବାଇ । ସୁନ୍‌ଲା
 ପାରା କାନ୍ ରଇଲେ ସୁନା ।” ୪୪ “ଦିନେକ୍ ଗଟେକ୍ ଲକ୍ ଜମିଟାନେ କୁନି
 ନେଉନେଉ ଚପିଅଇରଇଲା ଦନ୍ ମିଲାଇଲା । ସେଟା ସେ ଗୁଡାଇପାକାଇଲା
 ଆରି ସାର୍‌ବା ସଢୁ ନିଜର୍ ସବୁ ଦନ୍ ବିକି ଦେଇ, ସେ ଜମି ଗେନ୍‌ଲା ।
 ସରଗ୍ ରାଇଜ୍ ମିସା ଏନ୍ତାରି ଚପିଅଇରଇବା ଦନ୍ ପାରା ।” ୪୫ ଆରି ସରଗ୍
 ରାଇଜ୍ ଏନ୍ତାରି, ଗଟେକ୍ ସୁନାରି ବେସି ମୁଲିଅର୍ ମୁକ୍ତା କଜି କଜି ରଇଲା
 । ୪୬ ଗଟେକ୍ ବେସି ମୁଲିଅର୍ ମୁକ୍ତା ରଇଲାଟା ସୁନି, ସେ ତାର୍ ସବୁ
 ଦନ୍ ସଁପତି ବିକି ସେଟା ଗେନ୍‌ଲା । ସରଗ୍ ରାଇଜ୍ ମିସା ସେ ମୁକ୍ତା ପାରା
 । ୪୭ ସରଗ୍ ରାଇଜ୍ ଗଟେକ୍ ମାର୍ ଦାର୍‌ବା ଜାଲ୍ ପାରା । କେଉଟ୍‌ମନ୍
 ଗାଡେ ଜାଲ୍ ପାକାଇ ବିନ୍‌ବିନ୍ ରକାମର୍ ମାର୍ ଦାର୍‌ବାଇ । ୪୮ “ଜାଲ୍
 ବର୍ତ୍ତି ଅଇଗାଲେ କଣ୍ଟିତେଇ ଜିକିଆନି ନିକନିକ ମାର୍ ବାଟି କରି ମୁର୍ତ୍ତିତେଇ
 ସଢୁଇବାଇ ଆରି ବେଢୁଟିମାର୍ ପାରାଟାମନ୍ ପିଢୁ ଦେବାଇ । ୪୯ ଜୁଗ୍
 ସାର୍‌ବା ବେଲେ ଏନ୍ତାରି ଅଇସି । ସରଗର୍ ଦୁର୍ମନ୍ ଦରମ୍ ଲକର୍ ଟାନେଅନି
 ପାପିମନ୍‌କେ ବେଲ୍‌ଲାଇବାଇ । (aiōn g165) ୫୦ ସେମନ୍‌କେ ଲାଗ୍‌ବା
 ଜଇଟାନେ ପିଢୁଦେବାଇ । ତେଇ ସେମନ୍ ମାରିଚପିଅଇ କାନ୍ତି କସ୍‌ଟେ
 ମସ୍‌ଟେ ଦାଡ୍ କାଡ୍‌ରିଅଇବାଇ ।” ୫୧ ଜିସୁ ସିସ୍‌ମନ୍‌କେ ପାଟାର୍‌ଲା, “ଏ ସବୁ
 ବିସଇ ବୁଜି ପାର୍‌ଲାସିନି କି?” ସେମନ୍ “ଉଁ ମାପୁରୁ ।” ବଲି କଇଲାଇ । ୫୨
 ଜିସୁ ସେମନ୍‌କେ କଇଲା, “ଜେନ୍ତାରିକି ଗଟେକ୍ ଗରର୍ ଲକ୍, ତାର୍ ବାଣ୍ଟାର୍
 ଗରେଅନି ତାକେ ଦର୍କାର୍ ଅଇବା ଇସାବେ ନୁଆ ଦିନ୍‌ସୁ ଆରି ପୁର୍‌ନା
 ଦିନ୍‌ସୁ ବାର୍କରାଇସି । ସରଗ୍ ରାଇଜେ ସିସ୍ ଅଇରଇବା ଗଟେକ୍ ଦରମ୍
 ଗୁରୁ ସମାନ୍ ସେନ୍ତାରିସେ କର୍‌ସି ।” ୫୩ ଜିସୁ ଏ ଉଦାଅରଣ୍ କଇସାରାଇ,
 ସେ ଜାଗା ଚାଡି ଉଟିଗାଲା । ୫୪ ଆରି ନିଜର୍ ଜାଗାଇ ବାଅଡ୍‌ଲା । ସେ
 ଜାଗାର୍ ପାର୍‌ତନା ଗରେ ତାର୍ ସିକାଇବାଟା ସୁନି ଲକ୍ମନ୍ କାବା ଅଇଜାଇ

କଇଲାଇ, “ଏତେକ୍ ଗିଆନ୍ ଏ କନ୍ତୁଅନି ମିଲାଇଲା? ଏ କାବା ଅଇଜିବା କାମ୍‌ମନ୍ କର୍ବାକେ ଆକେ କେ ବପୁ ଦେଲା? ୫୫ ଏ କାଇ ସେ ବାତଇର୍ ପିଲା! ମରିୟ୍ମ୍ ତାର୍ ମାଆ! ଜାକୁବ୍, ଜସେପ୍, ସିମନ୍ ଆରି ଜିଉଦା ତାର୍ ବାଇମନ୍! ୫୬ ତାର୍ ବଇନିମନ୍ ଇତି ଆତଡ୍! ତେବେ ଏ ସବୁ ବପୁ ସେ କନ୍ତୁଅନି ମିଲାଇଲା?” ୫୭ ଏନ୍ତାରି କଇ, ସେମନ୍ ଜିସୁକେ ନାମଡ୍ ନାଇ । ଜିସୁ ସେମନ୍‌କେ କଇଲା “ଗଟେକ୍ ବବିସଡ୍‌ବକ୍ତା ନିଜର୍ ଗରେ ଆରି ଗାଏଁ ଚାଡିଦେଲେ, ସବୁଟାନ୍‌ବେ ବଲ୍ ବଲାଇଅଇସି ।” ୫୮ କାଇକେବଇଲେ ସେମନ୍ ଜିସୁକେ ବିସ୍‌ବାସ୍ କରଡ୍ ନାଇଜେ ସେ ତେଇ ଆରି ଅଦିକ୍ କାବା ଅଇଜିବା କାମ୍‌ମନ୍ କରେ ନାଇ ।

୧୪ ସେବେଲେ ଗାଲିଲି ଦେସର୍ ସାସନ୍ କାରିଆ ଏରଡ୍, ଜିସୁର୍ ବିସଇ ସୁନ୍‌ଲା । ୨ ସେ ତାର୍‌ଟାନ୍‌କେ କାମ୍ କର୍ବା ଲକ୍‌ମନ୍‌କେ କଇଲା, “ସତଇସେ ଏ ତୁବନ୍ ଦେଉ ଜଅନ୍‌ସେ । ସେ ଆରିତରେକ୍ ଜିବନ୍ ଅଇ ଉଟି ବାଉଡି ଆଇଲାଆତେ । ସେଟାର୍‌ପାଇ ତାର୍‌ଟାନ୍‌କେ କାବା ଅଇଜିବା କାମ୍ କର୍ବା ବପୁ ଆତେ ।” ୩ ଆର୍ ଆଗ୍‌ତୁ ଏରଡ୍ ଜଅନ୍‌କେ ବାନ୍ଧୁବାକେ ଆଦେସ୍ ଦେଇରଇଲା ଆରି ତାକେ ସିକିଲି ସଢ୍ଗ ବାନ୍ଧି, ବନ୍ଧି ଗରେ ସଢ୍ଗଇରଇଲା । ତାର୍ ବାଇ, ପିଲିପର୍ ମାଇଜି ଏରଡିଆର୍ ଲାଗି, ସେ ଏନ୍ତି କରିରଇଲା । ୪ ଜଅନ୍ ତାକେ କଇରଇଲା “ତମର୍ ବଉ ଏରଡିଆକେ ବିବା ଅଇବାଟା ତମର୍ ଟିକ୍ ଅଏନାଇ ।” ୫ ସେଟାର୍‌ପାଇ ଏରଡ୍ ଜଅନ୍‌କେ ମରାଇବାକେ ଜନ୍‌ନା କର୍ତେରଇଲା, ମାତର୍ ସେ ଜିଉଡି ଲକ୍‌ମନ୍‌କେ ଡର୍ତେରଇଲା । କାଇକେବଇଲେ ଜିଉଡି ଲକ୍‌ମନ୍ ଜଅନ୍ ଗଟେକ୍ ବବିସଡ୍‌ବକ୍ତା ବଲି ମାନ୍‌ଡେରଇଲା । ୬ ମାତର୍ ଏରଡର୍ ଜନମ୍ ପୁରୁତି ଦିନେ ଏରଡିଆର୍ ଟକି, ତାକାଇରଇବା ଲକ୍‌ମନର୍ ମୁଆଟେ ନାଟ୍ କରିରଇଲା । ୭ ଏରଡ୍ ତାର୍ ଉପ୍‌ରେ ଏତେକ୍ ସାର୍‌ଦା ଅଇଲାଜେ, ସାର୍‌ଦା ଅଇ ପର୍‌ମାନ୍ ନିୟ୍ମ୍ କରି କଇଲା “ତୁଇ ଜାଇଟା ମାଢ୍ଗଲେ, ସେଟା ଦେବି!” ୮ ତାର୍ ଆୟ୍‌ର୍ କାତା ଦାରି ଟକି କଇଲା “ମକେ ଏବେଆକା ତୁବନ୍ ଦେଉ ଜଅନର୍ ମୁଣ୍ଟୁ ଗଟେକ୍ ତାଲାଇ ସଢ୍ଗଇ କରି ଦିଆ ।” ୯ ଏଟା ସୁନିକରି ରାଜା ତୁକ୍ ଅଇଗାଲା । ଏଲେମିସା ସବୁର୍ ମୁଆଟେ ନିଜେ ପର୍‌ମାନ୍ ନିୟ୍ମ୍ କରିରଇଲାଜେ ଟକିର୍ ମନ୍ କରିରଇବାଟା ପୁରୁନ୍ କର୍ବାକେ ଆଦେସ୍ ଦେଲା । ୧୦ ସେଟାର୍‌ପାଇ ବନ୍ଧି ଗରେ ଜଅନର୍ ମୁଣ୍ଟୁ କାଟା ଅଇଲା । ୧୧ ଗଟେକ୍ ତାଲାଟାନ୍‌କେ ମୁଣ୍ଟୁ ସଢ୍ଗଇ ଟକିକେ ଦେଲାଇ

। ସେ ସେଟା ନେଇକରି ତାର୍ ମାକେ ଦେଲା । ୧୨ ତାର୍ପତେ ଜଅନର୍ ସିସ୍ମନ୍ ଆସି ମଲା ଗାଗଡ୍ ନେଇ ତପ୍ବାକେ ଦାରିଗାଲା । ସେମନ୍ ଜାଇକରି ଜିସୁକେ ଏ ବିସଇ ଜାନାଇଲା । ୧୩ ଜିସୁ ଜଅନର୍ କବର୍ ସୁନ୍ଲା ଦାପ୍ରେ ତଡ୍ଡାଇ ଚଗ୍ଲା ଆରି ଗଟେକ୍ କିନରା ଜାଗାଇ ଗାଲା । ତେଇ ସେ ଜିବାଟା ଜାନିକରି ଲଗର୍ ପାକର୍ ସଅରେ ଅନି କେତେକ୍ କେତେକ୍ ଲକ୍ମନ୍ ଗାଡ୍ କଣ୍ଟିକଣ୍ଟି ଇଣ୍ଟି ଜିସୁର୍ ପତେ ପତେ ଗାଲା । ୧୪ ଜେଡେବେଲେ ଜିସୁ ତଡ୍ଡାଇଅନି ଉଡ୍ରି ଏତେକ୍ମାଣ୍ଟୁ ଲକ୍ମନ୍କେ ଦେକ୍ଲା, ସେ ଦୟା କଲା । ତେଇ ଜେଡ୍ କି ରଗିମନ୍ ରଇଲା, ସବୁକେ ନିକ କଲା । ୧୫ ସେଦିନେ ସଞ୍ଜୁବେଲା, ସିସ୍ମନ୍ ଆସି ତାକେ କଇଲା, “ବେସି ଅଲ୍ସମ୍ ଅଇଗାଲାନି । ଆରି ଏଟା ଗଟେକ୍ କିନରା ଜାଗା, ଲକ୍ମନ୍କେ କଇଦିଆସ୍, ସେମନ୍ ଗାଉଁମନ୍କେ ଜାଇ କାଦି ମିଲାଇବାଇ ।” ୧୬ ମାତର୍ ଜିସୁ ସେମନ୍କେ କଇଲା, “ସେମନ୍ ଇତିଅନି ନ ଜାଅଡ୍ । ତମେ ସେମନ୍କେ କାଇଟାଆଲେ କାଇବାକେ ଦିଆସ୍ ।” ୧୭ ସିସ୍ମନ୍ କଇଲା, “ଆମର୍ ଟାନେ ଏକାଇ ପାଁଟା ରୁଟି ଆରି ଦୁଇଟା ମାର୍ସେ ଆରେ ।” ୧୮ ଜିସୁ କଇଲା, “ସେଟା ମର୍ଟାନେ ଦାରିଆସା ।” ୧୯ ଜିସୁ ସବୁଲକ୍କେ ଗାଁସ୍ ଉପ୍ରେ ବସାଇବାକେ କଇଲା । ସେ ପାଁଟା ରୁଟି ଆରି ଦୁଇଟା ମାର୍ ଦାରି ସରଗ୍ବାଟେ ଦେକି ପର୍ମେସର୍କେ ଦନିଅବାଦ୍ ଦେଲା, ଆରି ରୁଟି ବାଡ୍ଡାଇ କରି ସିସ୍ମନ୍କେ ଦେଲା । ସିସ୍ମନ୍ ସବୁଲକ୍କେ ବାଟାକରି ଦେଲା । ୨୦ ସେଟା ସବୁଲକ୍ କାଇକରି ସାନ୍ତି ଅଇଲା । ତାର୍ପତେ ସିସ୍ମନ୍ ଅଗ୍ଲି ରଇବା ରୁଟି ଆରି ମାର୍ ରୁଲିଆଇ ବାର୍ଟା ତାଲାଇ ବର୍ଡି କଲା । ୨୧ ତେଇ ମାଇଜିମନ୍ ଆରି ପିଲାମନ୍କେ ଚାଡି, ସେ କାଦି ପାଁଟ୍ ଅଜାର୍ ଲକ୍ କାଇରଇଲା । ୨୨ ତାର୍ପତେ ଜିସୁ ସିସ୍ମନ୍କେ ତଡ୍ଡାଇ ବସାଇ ଗାଡ୍ ସେପାଟେ ଜିବାକେ କଇଲା । ସେ ନିଜେ ପତେ ରଇଜାଇକରି ଲକ୍ମନ୍କେ ପାଟାଇତେ ରଇଲା । ୨୩ ସେ ଏକ୍ଲାସେ ପାର୍ତନା କର୍ବାକେ ଗଟେକ୍ ତଡ୍ଡର୍ ଉପ୍ରେ ଗାଲା ଆରି ସଞ୍ଜୁ ଅଇବା ଜାକ ଜିସୁ ଗଟେକ୍ ଲକ୍ସେ ତେଇ ରଇଲା । ୨୪ ସେଡ୍ କି ବେଲେ ତଡ୍ଡା କଣ୍ଟିଅନି ବେସି ଦୁର୍ ଗାଡ୍ ବିଡ୍ରେ ଉଟିଜାଇରଇଲା । ଆରି ଜବର୍ ପବନ୍ କଲାଜେ, ଲଅଡି ଟଲ୍ମଲି ଜାଇତେରଇଲା । ୨୫ କୁକ୍ତା ତାକେ, ଏଦେ ଦେକା! ଜିସୁ ପାନି ଉପ୍ରେ ଇଣ୍ଟି ଇଣ୍ଟି ସିସ୍ମନ୍ ଲଗେ ଆଇଲା । ୨୬ ସିସ୍ମନ୍ ତାକେ ଦେକି କିଲ୍ବିଲ୍ ଅଇଗାଲା । ତର୍ରମାଡେ

ତୁମ୍ଭା ବଳି କିର୍କିରୁଲା । ୨୭ ସେ ଦାପ୍ତେରସେ ଜିସୁ ସେମନ୍ତେ ସାଆସ୍ ଦେଇ କଇଲା, “ମୁଇ କାଇକି, ତରାନାଇ ।” ୨୮ ଜିସୁର୍ ଏ କାତା ସୁନି ପିତର୍ କଇଲା, “ମାପୁରୁ ଜଦି ସତଇସେ ତମେ ଅଇରଇସା ବଇଲେ, ମକେ ପାନି ଉପ୍ରେ ଇଣ୍ଟି ଇଣ୍ଟି ତମର୍ ଲଗେ ଆଇବାକେ ଆଦେସ୍ ଦିଆ ।” ୨୯ ଜିସୁ କଇଲା, “ଇଣ୍ଟି ଇଣ୍ଟି ଆଉ ।” ପିତର୍ ତଡ୍ଡୁଇଅନି ବାରଇ, ପାନି ଉପ୍ରେ ଇଣ୍ଟି ଇଣ୍ଟି ଜିସୁର୍ ବାଟେ ଆଇବାର୍ ଦାରୁଲା । ୩୦ ମାତର୍ ପବନ୍ ଜବର୍ ଆଇବାଟା ଦେକିକରି ତରିଗାଲା ଆରି ପାନିଟାନେ ବୁଡ଼ିଜିବାର୍ ଦାରୁଲା । ତେବେ ଆକ୍ମାରି କରି ତାକ୍ଲା ଏ ମାପୁରୁ ମକେ ରକିଆ କରୁ । ୩୧ ଜିସୁ ସେ ଦାପ୍ରେ, ଆତ୍ ଲାମାଇକରି ତାକେ ଦାରିକରି କଇଲା, “ଏ ଅଲପ୍ ବିସ୍ବାସ୍ କରୁ, କାଇକେ ତୁଇମନିଆ ଅଇଲୁସ୍ନି?” ୩୨ ମାତର୍ ସେମନ୍ ତଡ୍ଡୁଇ ତଗଲାକେ ପବନ୍ ବନ୍ଧୁଅଇ ଗାଲା । ୩୩ ତଡ୍ଡୁଇ ରଇଲା ଲକ୍ମନ୍ ଜିସୁକେ ଜୁଆର୍ କରି କଇଲା, “ତମେ ସତ୍ସେ ମାପୁରୁର୍ ପିଲା ।” ୩୪ ଜିସୁ ଆରି ତାର୍ ସିସ୍ମନ୍ ଗାଡ଼ଲଢ଼ିକରି ଗିନେସରତ୍ ଜାଗାଇ କେଟ୍ଲାଇ । ୩୫ ଆରି ତେଇର୍ ଲକ୍ମନ୍ ଜିସୁକେ ଚିନିକରି ଲଗେ ପାକେ ରଇବା ଚାରିବେଡ଼ିର୍ ସବୁ ଜାଗାଇ କବର୍ ପାଟାଇଲା ଆରି ରଗି ଲକ୍ମନ୍କେ ତାର୍ ଲଗେ ଆନ୍ଲାଇ । ୩୬ ରଗିମନ୍ ଜିସୁର୍ ପିନ୍ଧୁଲା ଲୁଗାର୍ ଜାଲି ଚିଇବାକେ, ଆଦେସ୍ ଦେବାକେ, ଲକ୍ମନ୍ ତାକେ ବାବୁଜିଆକରି କଇଲା । ମାତର୍ ଜେତେକ୍ଲକ୍ ସେଟା ଚିଇଲା, ସବୁଲକ୍ ନିକଅଇଲା ।

୧୫ ଦିନେକ୍ କେତେଟା ପାରୁସିମନ୍ ଆରି ଦରମ୍ ଗୁରୁମନ୍ ଜିରୁସାଲାମ୍ ଅନି ଆସି ଜିସୁକେ ପାଚାରୁଲା, ୨ “ଆମର୍ ଆନିଦାଦିମନ୍ ଜନ୍ ରିଚିନିତି ଦେଇଆତଡ୍, ସେଟା ସବୁ କାଇକେ ତମର୍ ସିସ୍ମନ୍ ମାନତ୍ନାଇ? ବିଦି ଇସାବେ କାଇବା ଆଗ୍ତୁ ନିକ କରି ଆତ୍ ନ ଦଅତ୍ ।” ୩ ଜିସୁ କଇଲା, “ତମେ କାଇକେ ପର୍ମେସରର୍ ଆଦେସ୍ ନ ମାନି ନିଜର୍ ରିଚିନିତି ଇସାବେ କାମ୍ କଲାସ୍ନି?” ୪ ପର୍ମେସର୍ ଆଦେସ୍ ଦେଲାଆତେ, ମା ବାବାକେ ଆଲାଦ୍କରା । ଆରି କେ ମିସା ନିଜର୍ ବାବା ମାକେ ସାଇପ୍ ଦେଇକରି କାଇବଲି କଇସି ବଇଲେ, ସେ ମରନର୍ ତଣ୍ଟୁ ପାଇସି । ୫ ମାତର୍ ତମେ ସିକିଆ ଦେଲାସ୍ନି ଜେ, ଗଟେକ୍ ଲକ୍ ଜନ୍ ଦନ୍ ସଡ୍ଡୁ ବାବା ମାକେ ସାଇଜ କରିପାର୍ତା, ସେଟା ପର୍ମେସର୍କେ ଦାନ୍ କଲିଆତି ବଲି କଇଲେ, ୬ “ସେ ଆରି ତାର୍ ବାବା ମାଆର୍ ଦାଇତ୍ ନେବାର୍ ଲତାନାଇ । ଏନ୍ତାରି ତମେ ପର୍ମେସରର୍

ଆଦେସ୍ ନ ମାନିକରି ନିଜର ରିତିନିତି ଇସାବେ ଚାଲୁଥିଲା । ୭ ଏରେ
 ଦରମ୍ ଲକ୍ ବଲାଈଅଇବା କୁଟିଆଲ୍ମାନ୍, ତମର୍ ବିସଇ ନେଇ ଜିସାଇୟ୍
 ବବିସତ୍ବକ୍ତା କଇରଇବାଟା ଟିକ୍ ଆକା ।” ୮ ପର୍ମେସର୍ କଇଲାନ୍ତି,
 ଏ ଲକ୍ମାନ୍ କାତାଇସେ ମକେ ସନ୍ମାନ୍ ଦେଲାଈନ୍ତି, ମାତର୍ ସେମନ୍
 ମନ୍ ମର୍ତ୍ତେଇଅନ୍ତି ବେସି ଦୁରିକେ । ୯ ସେମନ୍ ମକେ ଡାକ୍ବାଟାନ୍
 କାଇ ଅରଡ୍ ନାଇ, କାଇକେ ବଇଲେ ସେମନ୍ ଲକ୍ମାନ୍ ତିଆରକରି ରଇବା
 ରିତିନିତି ମର୍ ଆଦେସ୍ ବଲି ସିକାଇଲାଈନ୍ତି । ୧୦ ତାର୍ପଟେ ଲକ୍ମାନ୍କେ
 କଇଲା, “ମନ୍ ଦେଇ ସୁନା ଆରି ବୁଜ୍ବାକେ ଡେସ୍ଟା କରା । ୧୧ ଲକ୍
 ଟଣ୍ଟେଅନ୍ତି ଜାଈଟା ବିତ୍ରେ ଗାଲାନ୍ତି, ସେଟା ତାକେ ଅସୁକଲ୍ ନ କରେ,
 ମାତର୍ ଜାଈଟା, ତାର୍ ବିତ୍ରେଅନ୍ତି ବାରଇଆଇସି, ସେଟା ତାକେ ଅସୁକଲ୍
 କରସି ।” ୧୨ ସିସ୍ମାନ୍ ଜିସୁର୍ ଲଗେ ଆସି ପାତାରୁଲାଇ, “ତମେ କଇଲା
 କାତା ପାରୁସିମନ୍କେ ବେସି ବାଦ୍ଲା, ଏଟା କାଇ ତମେ ନାଜାନାସ୍ କି?” ୧୩
 ଜିସୁ କଇଲା, “ଜନ୍ ଗର୍ମାନ୍ ମର୍ ସରଗର୍ ବାବା ରପେ ନାଇ, ସେ ସବୁ ଜିକା
 ଅଇସି । ୧୪ ସେମନ୍ ବିସଇନେଇ ତେରେପେତେ ଉଆନାଇ । ସେମନ୍
 କାଣାମନ୍କେ ବାଟ୍ ଦେକାଉ କାଣାମନ୍ । ଗଟେକ୍ କାଣା ଆରି ଗଟେକ୍
 କାଣାକେ ବାଟେଦକାଇଲେ ଦୁଇ ଲକ୍ ଜାକ କାଲେ ଅଦର୍ବାଇ ।” ୧୫ ପିତର୍
 କଇଲା, “ଏ କାତା ଆମେକ ନିକ କରି ବୁଜାଇଦେ ।” ୧୬ ଜିସୁ କଇଲା,
 “ଆଜିକେ ଜାକ ବିନ୍ଲକ୍ମାନ୍ତେଇ ଅନ୍ତି ତମର୍ ବୁଜ୍ବା ବପୁ କଣ୍ଟେକ୍ ମିସା
 ଅଦିକ୍ ଅଏନାଇ । ୧୭ ତମେ ଏଡ୍ କି ବୁଜାସ୍ ନାଇ କି? ଜନ୍ ଦିନ୍ସୁ ମୁନ୍ସୁସର୍
 ଟଣ୍ଟୁବାଟେ ପୁରସି, ସେଟା ପେଟ୍ ବିତ୍ରେ ଜାଈସି ଆରି ଗାଗ୍ଡେଅନ୍ତି ବାରଇ
 ଜାଈସି । ୧୮ ମାତର୍ ଜନ୍ଟା ସବୁ ମୁନ୍ସୁସର୍ ଟଣ୍ଟେଅନ୍ତି ବାରଇସି, ସେଟା
 ତାର୍ ମନ୍ବିତ୍ରେଅନ୍ତି ଜନମ୍ ଅଇସି ଆରି ସେଟାସେ ତାକେ ଅସୁଟି କରସି
 । ୧୯ କାଇକେବଇଲେ ତାର୍ ମନେ ଜନମ୍ ଅଇଲା କାରାପ୍ ଚିନ୍ତାଇଅନ୍ତି
 ସେ ନର୍ମାର୍ବାଟା, କାରାପ୍ କାମ୍ କର୍ବାଟା, ବେସିଆ କାମ୍ କର୍ବାଟା,
 ଚର୍ବାଟା, ମିର୍ବାଟା କଇବାଟା ଆରି ବିନ୍ଲକର୍ କୁଟ୍କାତା କଇବା ପାରା,
 ବିନ୍ ବିନ୍ ରକାମର୍ ନିୟ୍ମ ନଇଲା କାମ୍ମାନ୍ କରସି ।” ୨୦ “ଏସବୁ କାମ୍
 ଲକ୍କେ ଅସୁକଲ୍ କରସି । ମାତର୍ ସେମନ୍ କଇଲା ଇସାବେ ଆଡ୍ ନ
 ଦଇକରି କାଇଲେ, କେ ଅସୁକଲ୍ ନଅଅଡ୍ ।” ୨୧ ଜିସୁ ସେ ଜାଗା ଚାଡିକରି
 ସର ଆରି ସିଦନର୍ ସଅରେ ଗାଲା । ୨୨ ଆରି ଦେକା, ତେଇ ବାସାକରି

ରଇଲା ଗଟେକ୍ କିଶାନିୟ୍ ମାଇଜି ଜିସୁର୍ ଲଗେ ଆସି କଇଲା, “ଏ ଦାଉଦ୍
 କୁରୁମ୍ ମାପ୍ତୁ, ମକେ ଦୟାକରା । ମର୍ ଚକିକେ ତୁମା ଦାରୁଲା ଆତେ ଆରି
 ସେ ବତେ କସ୍ତ ପାଇଲାନି ।” ୨୩ ମାତର୍ ଜିସୁ ତାକେ ପଦେକ୍ କାତା ମିସା
 କଏ ନାଇ । ସିସ୍ମନ୍ ତାର୍ ଲଗେ ଆସି ବାବୁଜିଆ କଲାଇ, “ତାକେ ବିଗି
 ପାଟାଇ ଦିଆସ୍ । ଦେକା ସେ କେନ୍ତି ଆଉଲିଅଇ ଆମ୍ବକେ କେଦିଆନ୍ଲାନି?”
 ୨୪ ଜିସୁ କଇଲା, “ଆଜିରଇବା ମେଣ୍ଟାପାରା ବାଟ୍ ବାନା ଅଇଲା ଇସ୍ରାଏଲ୍
 ଲକ୍ମନର୍ ଲଗେସେ ମୁଇ ଆଇଲି ଆତି ।” ୨୫ ସେ ମାଇଜି ଆସି ଜିସୁର୍
 ଗଡ୍ତଲେ ମାଣ୍ଟିକୁଟା ଦେଇ ଜୁଆର୍ କରି କଇଲା, “ମାପ୍ତୁ ମକେ ଦୟା କରା
 ।” ୨୬ ଜିସୁ କଇଲା, “ପିଲାମନର୍ କାଦି ନେଇ କୁକୁରର୍ ମୁଆଟେ ପିଢ୍ଫୁବାଟା
 ଚିକ୍ ନାଇ ।” ୨୭ ସେ ମାଇଜି କଇଲା, ଏଟା ସତ୍ କାତା ମାପ୍ତୁ, ମାତର୍
 କୁକୁରମନ୍ ମିସା ସାଉକାରର୍ ଅଦରୁଲା ସକ୍ତି କାଇବାକେ ପାଇବାଇ । ୨୮
 ଜିସୁ ତାକେ କଇଲା, “ତମେ ଗଟେକ୍ ତାଟ୍ସଢ୍ଫୁ ବିସ୍ବାସ୍ କରବା ମାଇଜି ।
 ତୁଇ ମନ୍କଲାଟା ପୁରୁନ୍ ଅଇସି ।” ସେଦାପ୍ରେ ତାର୍ ଚକି ନିମାନ୍ ଅଇଲା ।
 ୨୯ ଜିସୁ ତେଇଅନି ବାରଇ ଗାଡ୍ କଣ୍ଟି କଣ୍ଟି ଜାଇ ଗଟେକ୍ ତଢ୍ଫୁର୍ ଉପ୍ରେ
 ବସଲା । ୩୦ ବେସି ଲକ୍ମନର୍ ତାର୍ ଲଗେ ରୁଣ୍ଟୁଲାଇ । ସେମନର୍ ବିତ୍ରେ
 ଚଟା, କାଶା, ଆଡ୍ଗଡ୍ ସୁକିଗାଲାଟା ଆରି ବେସି ଜରର୍ ଲକ୍ମନ୍କେ ଆନି,
 ଜିସୁର୍ ପାଦ୍ ତଲେ ତୁଲାଇଲାଇ । ଆରି ସେ ସେମନ୍କେ ନିକ କଲା । ୩୧
 ରୁଲା କାତା ଅଇବାଟା, ସୁକ୍ଲା ଆଡ୍ ନିକ ଅଇବାଟା, ଚଟା ଇଣ୍ଟୁବାଟା, କାଶା
 ଦେକିପାର୍ବାଟା ଦେକି ଲକ୍ମନ୍ କାବା ଅଇଗାଲାଇ ଆରି ଇସ୍ରାଏଲର୍
 ମାପ୍ତୁକେ ଜୁଆର୍ କଲାଇ । ୩୨ ଜିସୁ ସିସ୍ମନ୍କେ ତାକି କଇଲା, “ଏ
 ଲକ୍ମନ୍କେ ଦେକି ମକେ ଦୁକ୍ ଲାଗ୍ଲାନି, କାଇକେ ବଇଲେ ସେମନ୍ ମର୍
 ସଢ୍ଫୁ ତିନ୍ ତିନ୍ ଅଇଲାନି ଆତଡ୍ ଆରି ସେମନର୍ ଲଗେ କାଇଟା ମିସା
 ନାଇ । ସେମନ୍ ନ କାଇ ଇତିଅନି ଉଟିଜାଅଡ୍, ଏଟା ମୁଇ ମନ୍ କରି ନାଇ;
 କାଇକେ ବଇଲେ ବାଉଡିଗାଲାବେଲେ ବାଟେ ସେମନ୍ ତାକି ଜାଇ ଅଦର୍ ପଡ୍
 ଅଇଜିବାଇ ।” ୩୩ ସିସ୍ମନ୍ ତାକେ କଇଲା, “ଏ ମରୁବାଲିବୁସ୍ ଏଡେକ୍
 ଲକ୍ମକେ କୁଆଇବାକେ ଆମେ କନ୍ତିଅନି ଏଡେକ୍ମାଣ୍ଟୁ କାଦି ଆନ୍ବୁ?” ୩୪
 ଜିସୁ ପାଟାରୁଲା, “ତମର୍ ଲଗେ କେତେଟା ରୁଟି ଆତେ?” ସେମନ୍ କଇଲା,
 “ସାଡ୍ଟା ରୁଟି ଆରି କେତେଟା ସାନ୍ ମାଟ୍ ଆତେ ।” ୩୫ ଜିସୁ ଲକ୍ମନ୍କେ
 ବୁସ୍ ବସ୍ବାକେ କଇଲା । ୩୬ ତାର୍ପତେ ସେ ସାଡ୍ଟା ରୁଟି ଆରି ମାଟ୍

ନେଇ ପରମେସ୍ୱରକେ ଦନିଅବାଦ୍ ଦେଲା ଆରି ବାଞ୍ଛୁଇ କରି ସିସ୍ତମନ୍ତକେ ଦେଲା । ସିସ୍ତମନ୍ତ ସେଟା ଲକ୍ଷ୍ମଣକେ ବାଟାକରି ଦେଲା । ୩୭ ସବୁ ଲକ୍ଷ୍ମଣ ପେଟପୁରୁତେ କାଇଲା । ଆରି ସିସ୍ତମନ୍ତ ଅଗଲ୍ଲୀଟା ସାତଟାଡାଲାଇ ବରୁତି କଲା । ୩୮ ମାଇଜିଟକି ଆରି ପିଲାମନ୍ତକେ ଚାଡି ଚାରି ଅଜାର୍ ଲକ୍ଷ୍ମଣ ଏ କାଦି କାଇରଇଲା । ୩୯ ଏଟାର୍ ପତେ ଜିସୁ ଲକ୍ଷ୍ମଣକେ ପାଟାଇ ଦେଇ ତଢୁଆଇ ଚଗି ମଗ୍ଦାନ୍ ଜାଗାର୍ ସନ୍ତୁଲଗେ ଗାଲା ।

୧୭ ଦିନେକ୍ କେତେଟା ପାରୁସିମନ୍ତ ଆରି ସାଦୁକିମନ୍ତ ଜିସୁର ଦସ୍ ଦାର୍ବାକେ ତାର୍ ଲଗେ ଆଇଲା । ସେମନ୍ତ ତାକେ କଇଲା, “ପରମେସ୍ୱର ତକେ ବାହୁଲା ଆତେ ବଲି ଆମେ ଜାନ୍ବାକେ, ତୁଇ ଗଟେକ୍ ସରଗର୍ କାବାଅଇଜିବା ଚିନ୍ ଦେକା ।” ୨ ଜିସୁ କଇଲା, “ତମେ ସଞ୍ଜୁ ବେଲାଇ ବାଦଲ୍ ରଢୁ ଡିସ୍ଲେ ପାଗ୍ ବଲ୍ ଅଇସି ବଲି କଇସା, ୩ ଆରି ସାକାଲ୍ ବେଲାଇ ରଢୁ ଆରି ଆନ୍ଧାର୍ ଡିସ୍ଲେ ପାନି ମାର୍ସି ବଲି ଜାନ୍ସା । ବାଦଲ୍ ଦେକି ପାଗର୍ କାତା ଆଗ୍ତୁ ଜାନ୍ସା । ମାତର୍ ଆଜିକାଲିର୍ ଡିସ୍ବା ଚିନ୍ ତମେ ବୁଜିନାପାରାସ୍ । ୪ ଏ ଜୁଗର୍ ଲକ୍ଷ୍ମଣ କେତେ କାରାପ୍ ଆରି ପରମେସ୍ୱରକେ ବିସ୍ବାସ୍ ନ କରୁମନ୍ତ! ତମେ ଗଟେକ୍ କାବାଅଇଜିବା କାମ୍ ଦେକ୍ବାକେ କଇଲାସ୍ନି? ମାତର୍ ନାଇ, ଜୁନସର୍ ଜିବନେ ଗର୍ଲାଟା ଚାଡି ଆରି ଗଟେକ୍ ମିସା କାବାଅଇଜିବା କାମ୍, ତମେ ମର୍ତ୍ତେଇ ଦେକିନାପାରାସ୍ ।” ଏଟା କଇ ଜିସୁ ସେମନ୍ତକେ ଚାଡି ଉଚିଗାଲା । ୫ ସିସ୍ତମନ୍ତ ଗାଡ୍ ସେପାଟେ ଜିବାବେଲେ ରୁଟି ନେବାକେ ପାସ୍ରି ଜାଇରଇଲା । ୬ ଜିସୁ ସେମନ୍ତକେ କଇଲା, “ଜାଗ୍ରତ୍, ପାରୁସି ଆରି ସାଦୁକିମନ୍ତ କମିର୍ତେଇଅନି ଚରିକ୍ନା ଅଇ ରୁଆ ।” ୭ ସେମନ୍ତ ନିଜର୍ ନିଜର୍ ବିତ୍ରେ କୁଆ ବଲା ଅଇଲା, “ଆମେ ରୁଟି ଆନି ନ ରଇଲାର୍ ପାଇ ସେ ଏନ୍ଦୁରି କଇଲାନି ।” ୮ ସେମନ୍ତ କାଇଟା କଇତେ ରଇଲା ସେଟା ଜାନି ଜିସୁ ସେମନ୍ତକେ କଇଲା, “ତମର୍ ଲଗେ ରୁଟି ନାଇ ବଲି କାଇକେ କୁଆବଲା ଅଇଲାସ୍ନି? ତମର୍ ବିସ୍ବାସ୍ କେତେ ଦୁର୍ବଲ୍ । ୯ ଏବେ ଜାକ ତମେ ବୁଜାସ୍ ନାଇ କି? ପାର୍ ଅଜାର୍ ଲକ୍ଷ୍ମଣର ବିତ୍ରେ ମୁଇ ପାର୍ଟା ରୁଟି ବାଟାକରି ରଇବା କାତା ତମେ କାଇ ପାସ୍ରି ଗାଲାସ୍ କି? ସେଡ୍କିବେଲେ ତମେ କେତେଟା ଡାଲାଇ ବରୁତି କରି ରଇଲାସ୍? ୧୦ ଆରି ଚାରି ଅଜାର୍ ଲକ୍ଷ୍ମଣକେ ସାତଟା ରୁଟିର୍ କାତା ମନେ ନାଇ କି? ସେଡ୍କିବେଲେ କେତେ ଡାଲା ବରୁତି କରି ରଇଲାସ୍? ୧୧ “ମୁଇ ରୁଟିର୍ ବିସଇ ନ କଇତେ ରଇଲି, ତମେ

କେନ୍ଦ୍ରି ବୁଜାସ୍ ନାହିଁ? ମୁଁ କଲିନି, ପାରୁଥି ଆରି ସାଦୁକିମନର୍ କମିର୍
 ପାରା ସିକିଆ ତେଇଅନି ଚରିକ୍ନା ଅଇ ରୁଆ ବଲି ।” ୧୨ ସେତକିବେଲେ
 ସିସ୍ମନ୍ ବୁଜି ପାରୁଲାଇ ଜେ, ଜିସୁ ରୁଟିର୍ କମିରର୍ କାତା ନ କଇତେ ରଇଲା,
 ମାତର୍ ପାରୁଥି ଆରି ସାଦୁକିମନର୍ ସିକିଆ ତେଇ ଚରିକ୍ନା ଅଇ ରୁଆ ବଲି
 କଇରଇଲା । ୧୩ ଜିସୁ କାଇସେରିଆ ପିଲିପି ଗଡ୍ ପାକାପାକି ଜାଗାଇ
 ଗାଲା ପତେ ସିସ୍ମନ୍‌କେ ପାତାରୁଲା, “ନର୍ପିଲା କେ ବଲି ଲକ୍ମନ୍ କାଇଟା
 କଇଲାଇନି?” ୧୪ ସେମନ୍ କଇଲା, “କେତେ ଲକ୍ କଇଲାଇନି, ସେ ତୁବନ୍
 ଦେଉ ଜଅନ୍ । ଆରି କେତେ ଲକ୍ ‘ସେ ଏଲିୟ’, ବିନ୍ ଲକ୍ମନ୍ କଇଲାଇନି,
 ‘ସେ ଜିରିମିୟ ନଇଲେ ବବିସତ୍‌ବକ୍ତାମନର୍‌ତେଇଅନି ଗଟେକ୍ ଲକ୍’ ।” ୧୫
 ଜିସୁ ପାତାରୁଲା, “ମୁଁ କେ ବଲି ତମେ କାଇଟା ବଇଲାସ୍‌ନି?” ୧୬ ସିମନ୍
 ପିତର୍ କଇଲା, “ତମେ କିରିସ୍‌ଟ, ମସିଅ, ଜିବନ୍ ରଇବା ପରମେସରର୍ ପିଲା
 ।” ୧୭ ଜିସୁ କଇଲା, “ନିମାନ୍, ଜୁନସର୍ ପିଲା, ପିତର୍! ଏଟା ସତ୍, ତୁଇ
 ମୁନୁସ୍‌ଗାନେ ଅନି କଉସ୍ ନାଇ । ମର୍ ସରଗର୍ ବାବା ତକେ ଜାନାଇଲାକେ
 ତୁଇ କଇଲୁସ୍ । ୧୮ ସେଟାରୁପାଇ ମୁଁ ତକେ କଇଲିନି, ତୁଇ ପିତର୍, ଜାର୍
 ଅରଡ୍ କି ପାକ୍ନା । ଏ ପାକ୍ନା ଉପ୍ରେ ମୁଁ ମର୍ ମଣ୍ଡୁଲି ତିଆର୍ କର୍ବି ।
 ଜେନ୍ଦ୍ରିକି ମରନ୍ ପାରା ବପୁ ମିସା ତାକେ କାଇ କରିନାପାରେ । (Hadēs ୨୫)
 ୧୯ “ମୁଁ ତକେ ସରଗ୍ ରାଇଜର୍ କୁଟିକାଡି ଦେବି । ତୁଇ ଜାଇଟା ଜଗତେ
 ନାଇ ବଲ୍‌ସୁ, ସେଟା ସରଗେ ମିସା ନାଇ ଅଇସି । ତୁଇ ଜଗତେ ଜାଇଟା
 କରା ବଲି କଇସୁ ସେଟା ସରଗେ ମିସା କରାଅଇସି ।” ୨୦ ସେ ମସିଅ
 ବଲି କାକେ ନ କଇବାକେ, ସିସ୍ମନ୍‌କେ ଡାକ୍‌କଲା । ୨୧ ସେବେଲେଅନି
 ଜିସୁ ସିସ୍ମନ୍‌କେ ବୁଜୁଲାପାରା କଇବାର୍ ଦାରୁଲା, “ମୁଁ ଜିରୁସାଲାମ୍ ଜାଇ
 ଦରମ୍‌ଗୁରୁମନ୍, ମୁକିଅ ପୁଜାରିମନ୍ ଆରି ପାର୍‌ଚିନ୍‌ମନର୍‌ଗାନେ ବେସି କସ୍‌ଟ
 ପାଇବି । ସାରାସାରି ମକେ ମରାଇବାଇ, ମାତର୍ ତିନ୍ ଦିନ୍ ଗାଲାପତେ
 ମୁଁ ଆରି ତରେକ୍ ଜିବନ୍ ଅଇ ଉର୍ବି ।” ୨୨ ପିତର୍ ଜିସୁକେ ଅଁତ୍ରେ
 ଡାକିନେଇ ସେନ୍ଦ୍ରି ନ ଅ ବଲି ଦମ୍‌କାଇଲା । “ପର୍ମେସର୍ ତମ୍‌କେ କାଇଟା
 ନ କର, ମାପ୍‌ରୁ ତମ୍‌କ ଏ ସବୁ କେବେ ମିସା ନଅ ।” ୨୩ ଜିସୁ ପାସ୍‌ଲି
 କରି କଇଲା, “ମର୍ ମୁଆଟେଅନି ଦୁରିକେ ଜା ସଇତାନ୍ । ତୁଇ ମର୍ ବାଟ୍
 ରୁଟିଦେଲୁସ୍‌ନି । ମକେ ନିରୁ ବଲି କଅ ନାଇ । କାଇକେ ବଇଲେ ତମର୍ ତିନ୍ତା
 ମୁନୁସ୍‌ମନର୍‌ତେଇଅନି, ପର୍ମେସରର୍‌ତେଇ ଅନି ନାଇ ।” ୨୪ ତାର୍‌ପତେ

ଜିସୁ ସିସ୍ତମନ୍‌କେ କଇଲା, “କେ ମିସା ମର୍ ସଢ଼ୁ ଆଇବାକେ ମନ୍ କଲେ, ନିଜର୍ ମନ୍ କଲାଟା ସବୁ ଚାଡ଼ିଦେଇ, ନିଜର୍ କୁର୍ସ ବଇବାକେ ଅଇସି, ଆରି ମର୍ ପତେ ପତେ ଇଣ୍ଟୁବାକେ ଅଇସି । ୨୫ କାଇକେ ବଇଲେ କେ ମିସା ନିଜର୍ ଜିବନ୍ ରକିଆ କର୍ବାକେ ମନ୍ କର୍ସି ବଇଲେ, ସେଟା ସେ ଆରାଇସି, ମାତର୍ ଜେ ମର୍ ଲାଗି ଜିବନ୍ ଦେଇସି, ସେ ସତଇସେ ସେଟା ରକିଆ କର୍ସି । ୨୬ ଜଦି ଗଟେକ୍ ଲକ୍, ଗୁଲାଲ ଜଗତ୍ ଜିତିକରି ନିଜର୍ ଜିବନ୍ ଆରାଇଦେଇସି ବଇଲେ ସେଟା କାଇ ଲାବ୍? ଜିବନ୍ ବାଉତାଇ ପାଇବାକେ ଆଲେ ସେ କାଇଟା ମିସା ଦେଇ ନାପାରେ । ୨୭ ନର୍ପିଲା ମୁଇ ବାବା ପର୍ମେସରର୍ ଡାକ୍‌ପୁଟା ପାଇ ସରଗ୍ ଦୁର୍ମନର୍ ସଢ଼ୁ ଆରି ତରେକ୍ ଆଇବି । ସେଡ଼କି ବେଲେ ମୁଇ ସବୁ ଲକର୍ କରିରଇବା କାମ୍ ଦେକି ପୁରୁସ୍କାର୍ ଦେବି । ୨୮ ମୁଇ ତମ୍‌କେ ସତ୍ କଇଲିନି, ନର୍ପିଲା ମୁଇ ମର୍ ରାଇଜେ ରାଜା ଅଇ ଆଇବା ଜାକ, ଇତି ରଇଲା କେତେ ଲକ୍ ନ ମରତ୍ ।”

୧୭ ତଅ ଦିନ୍‌ପତେ ଜିସୁ ପିତର୍, ଜାକୁବ୍ ଆରି ଜଅନ୍ ଦୁଇ ବାଇକେ ନେଇ ଗଟେକ୍ ଡେଡ଼ୁ ଡେଡ଼ୁରେ ଗାଲା । ତେଇ କେ ମିସା ନ ରଇଲା । ୨ ସିସ୍ତମନ୍ ଦେକ୍‌ଲା ଦାପ୍‌ରେ ଜିସୁ, ଗଟେକ୍ ଦେକ୍‌ଲେ କାବା ଅଇଜିବା ରୁପ୍ ଅଇ ବାଦ୍‌ଲି ଗାଲା । ତାର୍ ମୁ ବେଲ୍ ପାରା ଉଜଲ୍ ଅଇଲା ଆରି ପଟିଆର୍ ଉଜଲ୍ ପୁଲ୍‌ପାରା ଦର୍ ତିସ୍‌ଲା । ୩ ସିସ୍ତମନ୍ ମସା ଆରି ଏଲିୟ୍ ଜିସୁର୍ ସଢ଼ୁ କାତାବାର୍‌ତା ଅଇବାଟା ଦେକ୍‌ଲା । ୪ ପିତର୍ ଜିସୁକେ କଇଲା, “କେତେ ସୁକର୍ କାତା, ଆଜି ଆମେ ଇତି ଆରୁ । ତମେ ଜଦି ମନ୍ କର୍ସା, ଇତି ମୁଇ ତିନ୍‌ଟା କୁଡ଼ିଆ ତିଆର୍ କର୍ବି । ତମର୍ ପାଇ ଗଟେକ୍, ମସା ଆରି ଏଲିୟ୍ ପାଇ ଦୁଇଟା ।” ୫ ପିତର୍ ଏଟା କଇବାବେଲେ ଏଦେ ଦେକା! କଣ୍ଟେକ୍ ବାଦ୍‌ଲ୍ ଉଜଲ୍ ଅଇ ସେମନର୍ ଉପ୍‌ରେ ଉଡ଼ି ଆଇଲା ଆରି ତେଇଅନି ଗଟେକ୍ ସର୍ ଆଇଲା “ଏ ମର୍ ଆଲାଦର୍ ପଅ, ଆର୍ ଲଗେ ମୁଇ ବେସି ସାର୍‌ଦା । ତାର୍ କାତା ମନ୍ ଦେଇ ସୁନା ।” ୬ ସିସ୍ତମନ୍ ସେ ସର୍ ସୁନି ଏତେକ୍ ତରି ଗାଲାଲ ଜେ ସେମନ୍ ଉମ୍‌ତାଡ଼ିଅଇ ଅର୍‌ରିଗାଲା । ୭ ଜିସୁ ସେମନର୍ ଲଗେ ଆସି ସେମନ୍‌କେ ଚିଇ କରି କଇଲା, “ଉଟା, ତରା ନାଇ ।” ୮ ସେଟାର୍ ପାଇ ସେମନ୍ ଉପ୍‌ରେ ଦେକ୍‌ଲାଲଜେ ଜିସୁକେ ଚାଡ଼ି ଆରି କେ ତିସତ୍ ନାଇ । ୯ ସେମନ୍ ଡେଡ଼ୁରେଅନି ଉର୍‌ରି ଆଇଲା ବେଲେ ଜିସୁ ସେମନ୍‌କେ ଆଦେସ୍ ଦେଇ କଇଲା, “ନର୍ପିଲା ମୁଇ ମଲାଟାନେଅନି ଆରିତରେକ୍ ନ ଉର୍‌ବା ଜାକ ଏ

ଦେକିଲା କାତା ତମେ କାକେ କୁଆ ନାଇ ।” ୧୦ ସିସ୍‌ମନ୍ ତାକେ ପାତାରୁଲାଇ
 “ଆମର୍ ଦରମ୍ ଗୁରୁମନ୍ ଏଲିୟ ପର୍ତୁମ୍ ଆଇସି ବଲି କାଇକେ କଇଲାଇ
 ଆତର୍?” ୧୧ ଜିସୁ କଇଲା, “ଉଁ ଏଲିୟ ପର୍ତୁମ୍ ଆସିକରି ସବୁ ବିସଇ
 ତିଆର୍ କରି ରଇବା କାତା । ୧୨ ମାତର୍ ମୁଇ ତମ୍‌କେ କଇଲିନି, ଏଲିୟ
 ତା ଆସି ସାରୁଲା ଆତେ ଆରି ଲକ୍‌ମନ୍ ତାକେ ନ ତିନି ଜନ୍‌ଟା ମନ୍ କଲା
 ସେଟା ତାକେ କଲା ଆତର୍ । ସେନ୍ତାରିସେ ନର୍ପିଲା ମକେ ମିସା ସେମନ୍
 ସେନ୍ତି କାରାପ୍ ଚଲାଚଲ୍‌ତି କରବାଇ ।” ୧୩ ସେତ୍‌କି ବେଲେ ସେମନ୍ ବୁଜି
 ପାରୁଲାଇ ଜେ, ଜିସୁ ତୁବନ୍ ଦେଉ ଜଅନର୍ ବିସଇ କଇଲାନି ବଲି । ୧୪ ଜିସୁ
 ଆରି ତାର୍ ସିସ୍‌ମନ୍ ଲକ୍ ଗଉଲି ବିତ୍‌ରେ ବାଉତି ଆଇଲା ପତେ, ଗଟେକ୍
 ଲକ୍ ଜିସୁର୍ ଲଗେ ଆସି ମାଣ୍ଟିକୁଟା ଦେଇ କଇଲା, ୧୫ “ମାପ୍‌ରୁ, ମର୍
 ପିଲାକେ ଦୟା କରା । ମୁର୍ତା ବେମାର୍ ଲାଗି କସ୍‌ଟ ପାଇଲାନି । ସେ ବେସି
 ତର୍ ଜଇତେଇ ଆରି ପାନିତେଇ ଅଦ୍‌ରି ଦେଲାନି । ୧୬ ତାକେ ମୁଇ ତମର୍
 ସିସ୍‌ମନ୍‌ର ଲଗେ ଆନି ରଇଲି, ମାତର୍ ସେମନ୍ ନିକ କରି ନାପାରୁଲାଇ ।”
 ୧୭ ଜିସୁ କଇଲା, “ତମର୍ କେତେ ତାଟ୍ ନ ରଇବା ବିସ୍‌ବାସ୍ ଆରି ବୁଲ୍!
 ତମର୍ ସଙ୍ଗୁ ଆରି ମୁଇ କେତେ ଦିନ୍ ରଇବି? ଆରି କେତେ ଦିନ୍ ତମର୍
 ଚଲାଚଲ୍‌ତିଟା ସୁନି ସୁନି ତୁମ୍‌ପୁଡି ରଇବି? ସେ ପିଲାକେ ମର୍ ଲଗେ ଆନା ।”
 ୧୮ ପିଲା ବିତ୍‌ରେ ରଇଲା କାରାପ୍ ଆତ୍‌ମାକେ ଜିସୁ ଦମ୍‌କାଇଲା । କାରାପ୍
 ଆତ୍‌ମା ଚାଡି ଉଟିଗାଲା ଆରି ସେ ଦାପ୍‌ରେସେ ପିଲା ନିକ ଅଇଗାଲା । ୧୯
 ତାର୍ ପତେ ସିସ୍‌ମନ୍ ଜିସୁ ଏକ୍‌ଲା ରଇଲା ବେଲେ ଆସି ତାକେ ପାତାରୁଲାଇ,
 “ଆମେ କାଇକେ ସେ କାରାପ୍ ଆତ୍‌ମାକେ କେଦି ନାପାରୁଲୁ?” ୨୦ ଜିସୁ
 ସେମନ୍‌କେ କଇଲା, “ତମର୍ ବିସ୍‌ବାସ୍ ବେସି ଦୁର୍‌ବଲ୍ । ମୁଇ ତମ୍‌କେ
 ସତ୍ କଇଲିନି, ଜଦି ଗଟେକ୍ ସର୍‌ସୁ ମୁଞ୍ଚି ଏତ୍‌କି ତମର୍ ବିସ୍‌ବାସ୍ ରଇଲେ,
 ଏ ତଙ୍ଗୁର୍, ଇତିଅନି ତେଇ ଗୁଡି ଜିବାକେ କଇଲେ, ସେଟା ଗୁଡି ଜାଇସି ।
 ବିସ୍‌ବାସର୍ ଲାଗି ତମେ ସବୁ ବିସଇ କରିପାରାସ୍ ।” ୨୧ ମାତର୍ ଉପାସ୍
 ରଇକରି ପାର୍‌ତନା ନ କଲେ, କାଇ ବିନ୍ ଉପାଇ ନେଇ ମିସା ଏନ୍ତାରି ତୁମା
 ବାରଇ ନ ଜାଏ । ୨୨ ସିସ୍‌ମନ୍ ଗାଲିଲିତେଇ ରୁଣ୍ଟୁଲା ପତେ ଜିସୁ ସେମନ୍‌କେ
 କଇଲା, “ନର୍‌ପିଲା ମୁଇ ଲକ୍‌ମନ୍‌କେ ସର୍‌ପି ଅଇବାର୍ ଗାଲିନି । ୨୩ ତେଇ
 ସେମନ୍ ମକେ ମରାଇବାଇ, ମାତର୍ ତିନ୍ ଦିନ୍ ପତେ ମୁଇ ଆରି ତରେକ୍
 ଜିବନ୍ ଅଇ ଉଟ୍‌ବି ।” ଜିସୁର୍ କାତା ସୁନି ସିସ୍‌ମନ୍ ବେସି ଦୁକ୍ ଅଇଗାଲାଇ ।

୨୪ ଜିସୁ ଆରି ତାର୍ ସିସ୍ତମନ୍ କପରନାଭମେ କେଟ୍ଲା ପତେ ମନ୍ଦିର ପାଇ ସିସ୍ତୁମାଡୁମନ୍ ପିତର୍କେ ପାଚାର୍ଲାଇ, “ତମର୍ ଗୁରୁ ମନ୍ଦିରର୍ ପାଇ ସିସ୍ତୁ ଦେଇସି କି ନାଇ?” ୨୫ ପିତର୍କ କଇଲା, “ଦେଇସି ।” ପିତର୍କ ଗର୍ ବିତ୍ରେ ପୁରୁପୁରୁ ଜିସୁ ତାକେ ପାଚାର୍ଲା, “ସିମନ୍, ତମେ କାଇଟା ବାବ୍ଲାସ୍ତି? ଏ ଜଗତର୍ ରାଜାମନ୍ କାର୍ଟାନେଅନି ସିସ୍ତୁ ନେବାଇ? ତାକର୍ ନିଜର୍ ଦେସର୍ ଲକ୍ମନର୍ଟାନେଅନି କି ବିନ୍ ଦେସର୍ ଲକ୍ମନର୍ଟାନେଅନି?” ୨୬ ପିତର୍କ କଇଲା, “ବିନ୍ ଦେସର୍ ଲକ୍ମନର୍ଟେଇଅନି ।” ଜିସୁ କଇଲା, “ସେନ୍ତି ବଇଲେ ରାଇଜର୍ ଲକ୍ମନ୍ ସିସ୍ତୁ ନ ଦେଅତ୍? ୨୭ ମାତର୍ ଆମେ ଏବେ ସେମନ୍କେ ଇନ୍ କର୍ବାକେ ମନ୍ କରୁ ନାଇ । ତୁଇ ଗାତେ ଜାଇ ବଡ଼ସି ପାକାଆ ଆରି ଜନ୍ ମାତ୍ ପର୍ତୁମ୍ ଲାଗ୍ସି, ତାର୍ ଟଣ୍ଟେଅନି ଗଟେକ୍ ଅଦ୍ଲି ମିଲାଇସୁ । ସେଟା ନେଇ ମର୍ ପାଇ ଆରି ତମର୍ ପାଇ ମନ୍ଦିରର୍ ସିସ୍ତୁମାଡୁମନ୍କେ ଦେଇଦେସ୍ ।”

୧୮ ସେ ବେଲେ ସିସ୍ତମନ୍ ଜିସୁକେ ପାଚାର୍ଲାଇ, “ସରଗ୍ ରାଇଜେ ସବୁର୍ଟାନେଅନି କେ ବଡ଼?” ୨ ଜିସୁ ଗଟେକ୍ ସାନ୍ ପିଲାକେ ତାକି ସେମନ୍ର୍ ଲଗେ ଟିଆକରାଇ କଇଲା, ୩ “ମୁଇ ତମ୍କେ ସତ୍ କଇଲିନି, ତମର୍ ମନ୍ ବାଦ୍ଲାଇ ସାନ୍ ପିଲାମନ୍ର୍ ପାରା ନ ଅଇଲେ ସରଗ୍ ରାଇଜେ କେବେ ପୁରି ନାପାରାସ୍ । ୪ ଜେ ନିଜ୍କେ ସୁଆଲ୍ କରି ସାନ୍ ପିଲାପାରା ଅଇସି, ସେ ସରଗ୍ ରାଇଜେ ସବୁର୍ଟାନେଅନି ବଡ଼, ୫ ଆରି, ଜେକି ମର୍ ନାଉଁ ଦାରି ଏ ସାନ୍ ପିଲାକେ ନାମ୍ସି, ସେ ମକେ ମିସା ନାମ୍ସି ।” ୬ “ମର୍ତେଇ ବିସ୍ବାସ୍ କର୍ତେ ରଇବା ଏ ସାନ୍ ପିଲାମନ୍ର୍ ବିତ୍ରେଅନି ଗଟେକ୍ ଲକ୍ କେ ଆଲେ ବିସ୍ବାସେ ବାଦା ଗଟାଇସି ବଇଲେ, ତାର୍ ଗାଲାଇ ଜତା ପାକ୍ନା ବାନ୍ତିକରି ତାକେ ସମ୍ତୁରେ ବୁଡାଇଦେବାଟା ନିକ ଅଇସି । ୭ ଲକ୍ମନର୍ ବିସ୍ବାସେ ବାଦା ଗଟାଇବାକେ ବେସି ବିସଇ ଆତେ । ସେଟାର୍ ପାଇ ଏ ଜଗତର୍ ଦସା ବଡେ ଇନସ୍ତା । ସବୁ ବେଲେ ଏନ୍ତି ବାଦା ଆଇସି, ମାତର୍ ଜେ ବାଦା ଗଟାଇସି, ତାର୍ ଦସା କେତେ ଇନସ୍ତା ଅଇସି!” ୮ “ଜଦି ତମେ ତମର୍ ଆତ୍ ନଇଲେ ପାଦ୍ ଲାଗି ବିସ୍ବାସ୍ ଆରାଇଲାସ୍ତି, ତେବେ ସେଟା କାଟି ପିଢ୍ଘି ଦିଆସ୍ । ଜତେକ୍ ପାଦ୍ ଆରି ଜତେକ୍ ଆତ୍ ରଇ ସବୁବେଲେ ଲାଗି ରଇବା ଜଏ ପିଢ୍ଘାଇ ଅଇବା ବାଦୁଲେ ଗଟେକ୍ ପାଦ୍ ନଇଲେ ଗଟେକ୍ ଆତ୍ ନ ରଇ, ନ ସାର୍ବା ଜିବନେ ପୁର୍ବାଟା କେତେ କରମର୍ କାତା । (aiōnios

g166) ଚ ଜଦି ତମରୁ ଆଁକିରୁ ଲାଗି ତମେ ବିସ୍ବାସ୍ ଆରାଜଲାସ୍ନି ବଇଲେ ତାକେ ବେଟି ପିଢ଼ି ଦିଆସ୍ । ଜଡେକ୍ ଆଁକି ରଇ ନରୁକେ ପିଢ଼ୁଇଅଇବା ବାଦୁଲେ ଗଟେକ୍ ଆଁକି ରଇ ନ ସାର୍ବା ଜିବନେ ପୁରୁବାଟା କେଡେ କରମରୁ କାତା ଅଇସି ।” (Geenna g1067) e୦ ଏ ସାନ୍ ପିଲାମନରୁ ବିତ୍ରେ ଅନି ଗଟେକ୍ କେ ମିସା ଇନ୍କରା ନାଇ । ମୁଇ ତମ୍ବେ କଇଲିନି, ଏ ମନରୁ ଜତନ୍ ନେଇତେ ରଇବା ସରଗରୁ ଦୁତମନ୍ ସବୁ ବେଲା ମରୁ ବାବାରୁ ଲଗେ ଆତଡ୍ । e୧ କାଇକେ ବଇଲେ ବାଟ୍ ବାନା ଅଇଲା ଲକ୍ମନକେ କଜି ରକିଆ କରୁବାକେ ନରୁପିଲା ମୁଇ ଆଇଲିଆତି । e୨ ତମେ କାଇଟା ବାବୁଲାସ୍ନି, ଜଦି ଗଟେକ୍ ଲକରୁ ସଏଟା ମେଣ୍ଟା ରଇସି ଆରି ସିତିଅନି ଗଟେକ୍ ଆଜି ଜାଇସି, ତେବେ ସେ କାଇଟା କରୁସି? ନବେ ନଅଟା ମେଣ୍ଟାକେ ତଢ଼ୁରେ ତାରୁବାକେ ଚାଡ଼ିଦେଇ ସେ ଆଜ୍ଞା ମେଣ୍ଟାକେ କଜୁବାରୁ ବାରଇସି । e୩ ମୁଇ ତମ୍ବେ ସତ୍ କଇଲିନି, ଜେଡେବଲ୍ ସେ ମେଣ୍ଟା ମିଲାଇସି, ଆଜି ନ ରଇଲା ନବେ ନଅଟା ମେଣ୍ଟାରୁ ପାଇ ତାରୁ ଜେଡୁକି ସାରୁଦା, ଏ ଗଟେକ୍ ମେଣ୍ଟାରୁ ପାଇ ସେ ଅଦିକ୍ ସାରୁଦା ଅଇସି । e୪ ସମାନ୍ ସେନ୍ତି ସେ, ଏ ସାନ୍ ପିଲାମନରୁ ତେଇ ଅନି ଗଟେକ୍ ଲକ୍ ମିସା ବାଟ୍ ବାନା ଅଅଡ୍, ଏଟା ତମରୁ ସରଗରୁ ବାବା ମନ୍ କରେ ନାଇ । e୫ “ଜଦି ତମରୁ ବାଇ ତମରୁ ବିରୁଦେ ପାପ୍ କରୁସି, ତାରୁ ଲଗେ ଜାଇ ତାରୁ ପାପ୍ ତାକେ ଦେକାଇ ଦିଆସ୍ । ମାତରୁ ତମେ ଦୁଇ ଲକ୍ ରଇଲା ବେଲେ ଏଟା ଲୁଚତେ କରା । ଜଦି ସେ ତମରୁ କାତା ସୁନ୍ସି, ତମରୁ ବାଇକେ ତମେ ଆରି ତରେକ୍ ପାଇସା । e୬ ଆରି ଜଦି ସେ ନ ସୁନ୍ଲେ, ଗଟେକ୍ ଲକ୍ କେ ନଇଲେ ଦୁଇ ଲକ୍ କେ ତାକି ନେଇ ତାରୁ ଲଗେ ଜାଆ । ଆମରୁ ସାସ୍ତରୁ ନିୟୁ ଇସାବେ, ଦୁଇଟା ନଇଲେ ତିନ୍ଟା ସାକିରୁ ମୁଆଟେ ତମରୁ ଦାବି ସତ୍ ବଲି ଜାନା ପଡୁସି । e୭ ଏଲେ ମିସା ଜଦି ସେ ତମରୁ କାତା ନ ସୁନେ, ମଣ୍ଟୁଲିତେଇ ଜାନାଇ ଦିଆସ୍ । ସାରାସାରି ଜଦି ମଣ୍ଟୁଲିରୁ କାତା ମିସା ନ ସୁନେ ବଇଲେ, ତାକେ ଗଟେକ୍ ସିସ୍ତୁମାଢ଼ୁ ବିସ୍ବାସ୍ ନ କରୁବା ଲକ୍ ବଲି ବାବିକରି, ତାରୁ ସଢ଼ୁ ମିଲାମିସା କରୁବାଟା ଚାଡ଼ି ଦିଆସ୍ । e୮ “ମୁଇ ତମ୍ବେ ସତ୍ କଇଲିନି, ତମେ ଏ ଜଗତେ ଜାଇଟା ନାଇ ବଲୁସା, ସେଟା ସରଗେ ମିସା ନାଇ ଅଇସି । ଆରି ଜନ୍ଟା ପାଇ ତମେ ଜଗତେ ଉଁ କଇସା, ସେଟା ସରଗେ ମିସା ଉଁ ଅଇସି । e୯ କାଲି ସେଡୁକି ନଏଁ, ମୁଇ ତମ୍ବେ ସତ୍ କଇଲିନି, ଜେଡେବେଲେ ମିସା ଏ ଜଗତେ ତମେ

ଦୁଇ ଲକ୍ ଜନ୍ ବିସଇ ନେଇକରି ଗଟେକ୍ ମନ୍ ଅଇକରି ପାର୍ତନା କଲେ,
 ମର୍ ସରଗର୍ ବାବା ତମେ ମାଞ୍ଜୁଲାଟା ପୁରୁନ୍ କର୍ସି । ୨୦ କାଇକେ ବଇଲେ
 ଜନ୍ତି ଦୁଇ କି ତିନ୍ ଲକ୍ ରୁଣ୍ଡିକରି ମର୍ ନାଉଁ ଦାର୍ବାଇ, ତେଇ ମୁଇ ଆତି ।”
 ୨୧ ଦିନେକ୍ ପିତର୍ ଜିସୁର୍ ଲଗେ ଆସି ପାଟାର୍ଲା, “ମାପ୍ତୁ, ଗଟେକ୍ ବାଇ
 ମର୍ ବିରଦେ ତର୍କେ ତର୍ ଦସ୍ କର୍ତେ ରଇଲେ, ତାକେ ମୁଇ କେତେ ତର୍
 କେମା କର୍ବି? କାଇ ସାତ୍ ତର୍ କି?” ୨୨ ଜିସୁ କଇଲା, “ନାଇ ସାତ୍ ତର୍
 ନାଇ । ସାତ୍ ତରର୍ ସତୁରି ଗୁନ୍ । ୨୩ ସରଗ୍ ରାଇଜର୍ ଆରି ଗଟେକ୍ କାତା
 ସୁନ୍ । ଗଟେକ୍ ରାଜା ଦିନେକ୍ ତାର୍ଟାନେ କାମ୍ କରୁମନ୍ ରୁନ୍ ନେଇରଇବାଟା
 ଇସାବ୍ କିତାବ୍ କର୍ବାକେ ମନ୍ କଲା । ୨୪ ସେ ଇସାବ୍ କର୍ବାବେଲେ
 ତାର୍ଟାନେ ଗଟେକ୍ କାମ୍ କରୁ ଲାକ୍ ଲାକ୍ ଟାଞ୍ଜୁ ରୁନ୍ ନେଇରଇଲା ଲକ୍ କେ
 ରାଜାର୍ ଲଗେ ଆନୁଲାଇ । ୨୫ ରୁନ୍ ସୁଜ୍ବାକେ ସେ ଲକ୍ଟାନେ ସେତ୍ କି
 ବସୁ ନ ରଇଲା । ତେବର୍ପାଇ ରୁନ୍ ବାନ୍ଧୁବାକେ ବଲି ତାର୍ଟାନେ ଜେତ୍ କି
 ରଇଲାଟା ବିକିକରି ତାକେ, ତାର୍ ମାଇଜିକେ ଆରି ତାର୍ ପିଲାଟକିମନ୍ କେ
 ଗତି ଇସାବେ ବିକିଦେବାକେ ରାଜା ଆଦେସ୍ ଦେଲା ।” ୨୬ କାମ୍ କରୁ
 ରାଜାର୍ ପାଦ୍ତଲେ ଅଦ୍ରି ଗୁଆରି କରି କଇଲା “ଆଗିଆଁ ଆରି କେତେଦିନ୍
 ଜାଗା, ମୁଇ ତମର୍ ସବୁଜାକ ରୁନ୍ ସୁଜିଦେବି ।” ୨୭ ରାଜା ତାକେ ଦୟା
 କଲା । ତେବର୍ପାଇ ତାକେ କେମା କରି ରୁନ୍ ନ ବାନ୍ଧାଇ ଚାଡିଦେଲା ।
 ୨୮ ମାତର୍ ସେ ଗତି ବାରଇ ଜାଇ ତାର୍ତେଇ ଅନି ପଟାସ୍ ଟାଞ୍ଜୁ ରୁନ୍
 କରି ରଇବା ଗଟେକ୍ ମିସ୍ତେ ରଇବା ଗତିଦାଞ୍ଜୁତାକେ ଦାରି ତାର୍ ଟର୍ଟି
 ପିଚକ୍ ବାର୍ ଦାର୍ଲା, “ମର୍ତେଇଅନି ନେଇ ରଇଲା ସବୁ ତାବୁ ବାଉଡାଇ ଦେ
 ।” ୨୯ ସେ ଗତି ଦାଞ୍ଜୁତା ତାର୍ ଗତେଦାରି ବାବୁଜିଆ କରି କଇଲା, “ସାଆସ୍
 ଦାରା, ତମର୍ ସବୁ ତାବୁ ସୁଜି ଦେବି ।” ୩୦ ମାତର୍ ପର୍ତୁମ୍ ଲକ୍, ସେ
 ଗୁଆରି କଲାଟା ସୁନେ ନାଇ, ରୁନ୍ ସୁଜ୍ବା ଜାକ ତାକେ ବନ୍ଦି ଗରେ ପୁରାଇ
 ସଞ୍ଜୁଇବାକେ ତିଆର୍ଲା । ୩୧ ଏଟା ଅଇଲାଟା ଦେକି ବିନ୍ କାମ୍ କରୁମନ୍
 ଦୁକ୍ କଲାଇ । ସେମନ୍ ରାଜାର୍ ଲଗେ ଜାଇ ଜନ୍ ଜନ୍ଟା ଅଇରଇଲା, ସବୁ
 ଜାନାଇଲାଇ । ୩୨ ରାଜା ପର୍ତୁମ୍ କାମ୍ କରୁକେ ତାକାଇ କଇଲା, “ଅଇରେ
 ମୁର୍କ ଦାଞ୍ଜୁତା, ତୁଇ ଗୁଆରି କଲୁସ୍ ଜେ ମୁଇ ତର୍ ସବୁ ରୁନ୍ ଚାଡି ଦେଲି ।
 ୩୩ ମୁଇ ଜେନ୍ତି ତକେ ଦୟା କଲି, ତୁଇ ମିସା ତର୍ ସଞ୍ଜୁର୍ କାମ୍ କରୁକେ
 ଦୟା କର୍ବାର୍ ରଇଲା ।” ୩୪ ରାଜା ବେସି ରିସା ଅଇଗାଲା ଆରି ସବୁ ଜାକ

ରୁନ୍ ନ ସୁଜ୍‌ବା ଜାକ ତଣ୍ଡୁ ପାଅ ବଲି ତାକେ ବନ୍ଧି ଗରେ ପାଟାଇ ଦେଲା ।
୩୫ ଜିସୁ ଏ କାତା କଇସାରାଇ କଇଲା, “ତମର୍ ବିରୁଦେ ଦସ୍ କରି ରଇବା
ବାଇମନ୍‌କେ ମନ୍ ବିତ୍‌ରେଅନି ଜଦି କେମା ନ ଦିଆସ୍, ତେବେ ମର୍ ସରଗର୍
ବାବା ମିସା ତମ୍‌କେ ଏନ୍ତାରିସେ କର୍ସି ।”

୧୯ ଜିସୁ ଏ ସବୁ କଇସାରୁଲା ପତେ ଗାଲିଲି ଚାଡିକରି ଜର୍ଦନ୍ ଗାଡ୍
ସେପାଟେ ରଇଲା ଜିଉଦା ଜାଗାଇ କେଟ୍‌ଲା । ୨ ବେସି ଲକ୍‌ମନ୍ ତାର୍ ସଢ୍ଘୁ
ଗାଲାଆରି ସେ କେତେକ୍ କେତେକ୍ ରଗିମନ୍‌କେ ନିକ କଲା । ୩ କେତେଟା
ପାରୁସିମନ୍ ଜିସୁକେ ବୁଲ୍ ଦାର୍‌ବାକେ ଚେସ୍‌ଟା କଲା । ସେମନ୍ ତାର୍ ଲଗେ
ଆସି ପାଟାରୁଲା, “ମସାର୍ ରିଡିନିତି ଇସାବେ ଗଟେକ୍ ଲକ୍ କାଇଆଲେ
ବୁଲର୍ ପାଇ ବଲି ତାର୍ ମାଇଜିକେ ଚାଡି ଦେଇ ପାରେ କି?” ୪ ଜିସୁ କଇଲା,
“ସାସ୍‌ତରେ ପଡାସ୍ ନାଇ କି? ଆଦିପୁର୍ବେ ପର୍‌ମେସର୍ ନର୍ ଲକ୍‌କେ ମୁନ୍‌ସ୍
ଆରି ମାଇଜି କରି ତିଆର୍ କଲା । ୫ ସେତେବେଲେ ମାପ୍‌ରୁ କଇରଇଲା,
ଏଗାର୍ ପାଇ ବଲି ମୁନ୍‌ସ୍, ତାର୍ ଆୟା ବାବାର୍‌ତେଇ ଅନି ବିନେ ଅଇସି ଆରି
ସେମନ୍ ଦୁଇ ଲକ୍ ଗଟେକ୍ ଅଇବାଇ । ୬ ଆରି ସେମନ୍ ଅଲ୍‌ଗା ନ ଅଅର୍,
ମିସି ରଇବାଇ । ସେମନ୍ ଦୁଇଲକ୍ ଇସାବେ ନ ରଅର୍ । ଜନ୍ ଲକ୍‌ମନ୍‌କେ
ପର୍‌ମେସର୍ ଜଡିଆତେ, ଲକ୍‌ମନ୍ ସେମନ୍‌କେ ବେଗ୍‌ଲାଇବାଟା ଟିକ୍‌ନାଇ ।”
୭ ପାରୁସିମନ୍ ଆରି ପାଟାରୁଲା, “ସେନ୍ତାରି ଆଲେ ମାଇଜିକେ ରାଜିନାମା
ପତର୍ ଲେକି ଚାଡି ଦେବାକେ ମସା କାଇକେ ନିୟ୍‌ମ୍ କଲାଆତେ?” ୮ ଜିସୁ
କଇଲା, “ତମର୍ ମନ୍‌ବିତ୍‌ରର୍ ବୁଜ୍‌ବା ବପୁ ଦୁର୍‌ବଲ୍ ରଇଲାଟା ଦେକି ମସା
ତମର୍ ମାଇଜିମନ୍‌କେ ଚାଡିବାକେ ରାଜି ଅଇଲା । ମାତର୍ ଆଦିପୁର୍ବେ
ତିଆର୍ ଅଇଲା ବେଲେ ଏନ୍ତାରି ନିୟ୍‌ମ୍ ନ ରଇଲା । ୯ ମାତର୍ ମୁଇ ତମ୍‌କେ
କଇଲିନି, କେ ମିସା ତାର୍ ମାଇଜିକେ ବେସିଆ କାମ୍ ଅପ୍‌ରାଦ୍‌କେ ଚାଡି, ବିନ୍
କାଇଆଲେ କାମର୍ ପାଇ ଚାଡାମେଲା କରି, ବିନ୍ ମାଇଜିକେ ସଢ୍ଘୁଲଲେ, ସେ
ସେ ନିଜେ ଦାରିଆ ଅଇସି ।” ୧୦ ଜିସୁର୍ ସିସ୍‌ମନ୍ କଇଲା, “ଜଦି ମାଇଜି
ମୁନ୍‌ସର୍ ବିତ୍‌ରେ ଏନ୍ତାରି ଆତେ ବଇଲେ, ବିବା ନ ଅଇବାଟା ନିକ ।” ୧୧
ଜିସୁ କଇଲା, “ଏ ସିକିଆ ସବୁ ଲକ୍ ନ ମାନର୍ । ପର୍‌ମେସର୍ ଚାନେଅନି
ଜନ୍‌ଲକ୍‌ମନ୍‌କେ ଏଟା ଦିଆଅଇଆତେ ସେମନ୍‌ସ ଏଟା ମାନ୍‌ବାଇ । ୧୨ ବିନ୍
ବିନ୍ କାମର୍‌ପାଇ ଲକ୍‌ମନ୍ ବିବା ନ ଅଇ ରଇଜିବାଇ । କେତେ ଲକ୍ ଜନମେ
ଅନି ବେଜୁ ଅଇ ବିବାଅଇ ନାପାରର୍ । କେତେ ଲକ୍‌କେ ମୁନ୍‌ସ୍‌ମନ୍ ସେନ୍ତାରି

କରି ଆବଦ୍, ଆରି କେତେ ଲକ୍ ସରଗ୍ ରାଇଜର୍ ପାଇ କାମ୍ କରବାକେ ବିବା
 ନ ଅଇକରି ଆବଦ୍ । ଜନ୍ ଲକ୍ମନ୍ ଏ ସିକିଆର୍ ଅରଦ୍ ବୁଜିପାରୁଲାଇନି,
 ସେମନ୍ ସେଟା ମାନଦ୍ ।” ୧୩ କେତେ ଲକ୍ ପିଲାମନର୍ ଉପ୍ରେ ଆଦ୍
 ସଞ୍ଜୁ ପାରତନା କରବାକେ, ସେମନେକ ଜିସୁର୍ ଲଗେ ଆନ୍ଲାଇ । ମାତର୍
 ସିସ୍ମନ୍ ସେମନେକେ ଦମ୍କାଇଲାଇ । ୧୪ ମାତର୍ ଜିସୁ କଇଲା, “ସାନ୍
 ପିଲାମନେକେ ମର୍ ଲଗେ ଆଇବାକେ ବାଟ୍ ଦିଆସ୍ । ସେମନେକେ ମନା କରା
 ନାଇ । କାଇକେ ବଇଲେ ଏମନ୍ ଆକା ସରଗ୍ ରାଇଜେ ରଇବା ଲକ୍ ।”
 ୧୫ ଜିସୁ ପିଲାମନର୍ ଉପ୍ରେ ଆଦ୍ ସଞ୍ଜୁ ଆସିରବାଦ୍ କଲା । ପରେ ସେ
 ତେଇଅନି ଉଟିଗାଲା । ୧୬ ଦିନେକ୍ ଗଟେକ୍ ସାଉକାର୍ ପିଲା ଜିସୁର୍ ଲଗେ
 ଆସି ପାଚାରୁଲା, “କାଇ ନିକ କାମ୍କଲେ, ନ ସାର୍ବା ଜିବନ୍ ମିଲ୍ସି?”
 (aiōnios g166) ୧୭ ଜିସୁ ତାକେ କଇଲା, “ନିକ କାମ୍ ବିସଇ ନେଇକରି
 ମକେ କାଇକେ ପାଚାରୁଲୁସ୍ନି? ପର୍ମେସର୍ସେ ସଦ୍ । ତାର୍ ଆଦେସ୍
 ମାନ୍ଲେ, ନ ସାର୍ବା ଜିବନ୍ ମିଲାଇସୁ ।” ୧୮ ସେ ପାଚାରୁଲା, “କାଇ କାଇ
 ଆଦେସ୍?” ଜିସୁ କଇଲା, “ନର୍ ଲକ୍ମନେକେ ମରାଇବାର୍ ନାଇ, ବେସିଆ
 କାମ୍ କରବାର୍ ନାଇ, ଚରାଇବାର୍ ନାଇ, କାର୍ ବିରୁଦ୍ ମିର୍ ସାକି ଦେବାର୍
 ନାଇ । ୧୯ ଆୟା ବାବାର୍ ସେବା କରା ଆରି ତମର୍ ପଡିସାର୍ ଲକ୍ମନେକେ
 ନିଜର୍ ପାରା ଆଲାଦ୍ କରା ।” ୨୦ ସେ ବେଣ୍ଟିଆ କଇଲା, “ମୁଇ ଏ ସବୁ
 ଆଦେସ୍ ମାନି ଆଇଲିନି । ଆରି କାଇଟା କରବାର୍ ଆଚେ?” ୨୧ ଜିସୁ
 ତାକେ କଇଲା, “ତୁଇ ଜଦି ସିଦ୍ ଅଇବାକେ ମନ୍ କଲୁସ୍ନି ବଇଲେ, ଜାଆ
 ତରଟାନେ ରଇବା ସବୁଜାକ ବିକି ଦେଇ, ସେ ତାବୁ ଗରିବ୍ ଲକ୍ମନେକେ
 ଦାନ୍ କରିଦେସ୍ । ଏଟା ସବୁ କରି ସାରାଇ ମର୍ ସଞ୍ଜୁ ଆଉ । ସେନ୍ତାର୍
 କଲେ ତକେ ସର୍ଗେ ଦନ୍ ମିଲ୍ସି ।” ୨୨ ଏଟା ସୁନି କରି ସେ ବେଣ୍ଟିଆ ମୁ
 ଉଡ଼ରାଇଦେଇ ତେଇଅନି ଉଟିଗାଲା । କାଇକେ ବଇଲେ ସେ ଲକ୍ ବେସି
 ସାଉକାର୍ ରଇଲା । ୨୩ ଜିସୁ ସିସ୍ମନେକେ କଇଲା, “ମୁଇ ତମ୍କେ ସଦ୍
 କଇଲିନି, ସାଉକାର୍ ଲକ୍ମନ୍ ସରଗ୍ ରାଇଜେ ସଲ୍କେ କେଟ୍ବାଟା ବଡେ
 ଆବଦ୍ । ୨୪ ଆରି ତରେକ୍ କଇଲିନି, ଗଟେକ୍ ବଡ଼ଟା ପସୁ ଜେନ୍ତି ସୁଜି
 କାଣାବାଟେ ଚିଢ଼ୁଲି ଜିବାକେ ଆବଦ୍, ସାଉକାର୍ ଲକ୍ ସରଗ୍ ରାଇଜେ
 କେଟ୍ବାଟା ଅଦିକ୍ ଆବଦ୍ ।” ୨୫ ସିସ୍ମନ୍ ଏ କାତା ସୁନି କାବାଅଇଜାଇ
 ପାଚାରୁଲା, “ଏନ୍ତି ବଇଲେ କେ ତେବେ ମୁକ୍ତି ପାଇପାର୍ସି?” ୨୬ ଜିସୁ

ସେମନର୍ ବାଟେ ଦିରେକରି ଦେକି କଇଲା, “ମୁନୁସ୍‌ମନର୍‌ଟାନେ ଏଟା ଅଇନାପାରେ, ମାତର୍ ପର୍‌ମେସରର୍ ଟାନେ ସବୁଟା ଅଇପାର୍‌ସି ।” ୨୭ ଏ କାତା ସୁନି ପିତର୍ କଇଲା, “ଦେକା, ଆମେ ସବୁଜାକ ଚାଡ଼ିକରି ତମର୍ ସଞ୍ଜୁ ଆସିଆରୁ । ତେବେ ଆମ୍‌କେ କାଇଟା ମିଲ୍‌ସି?” ୨୮ ଜିସୁ ସେମନ୍‌କେ କଇଲା, “ଏ କାତା ସତ୍ ବଲି ଜାନ୍‌ସା, ଜେତେବେଲେ ନୁଆ ଜୁଗେ ନର୍‌ପିଲା ମୁଇ ମର୍ ଡାକ୍‌ପୁଟା ଅଇବା ବସ୍‌ବାଟାନେ ବସ୍‌ବି । ମର୍ ବାର୍‌ଟା ସିସ୍, ତମେ ମିସା, ବାର୍‌ଟା ବସ୍‌ବାଟାନେ ବସି ଇସ୍ରାଏଲର୍ ବାର୍‌ଟା କୁଟୁମ୍‌କେ ସାସନ୍ କର୍‌ସା । ୨୯ ଜନ୍ ଲକ୍‌ମନ୍ ମର୍‌ଲାଗି ନିଜର୍ ଗର୍, ବାଇ ବଇନି, ଆୟା ବାବା, ପିଲାଟକି ଆରି ଜମିବାଡ଼ି ଚାଡ଼ି ଆତର୍, ସେମନ୍ ତାର୍ ସଏ ଗୁନ୍ ଆସିର୍‌ବାଦ୍ ପାଇବାଇ, ଆରି ନ ସାର୍‌ବା ଜିବନ୍ ମିସା ପାଇବାଇ । (aiōnios g166) ୩୦ ଏବେ ଜନ୍ ଲକ୍‌ମନ୍ ଆଗ୍ରୁ ଆତର୍, ସେମନର୍ ବିତ୍‌ରେଅନି ବେସି ଲକ୍ ପତେ ଅଇଜିବାଇ । ଆରି ଜନ୍ ଲକ୍‌ମନ୍ ପତେ ଆତର୍, ସେମନର୍ ବିତ୍‌ରେ ଅନି ବେସି ଲକ୍ ଆଗ୍ରୁ ଅଇଜିବାଇ ।”

୨୦ ସରର୍ ରାଇଜ୍ କେନ୍‌ଡିଟା, ଏଟାର୍ ପାଇ ଆରି ଗଟେକ୍ କାତା ସୁନା । ଦିନେକ୍ ଗଟେକ୍ ଲକ୍ ସାକାଲ୍ ସାକାଲ୍ ତାର୍ ଅଢ୍ଫୁର୍ ବାତେ କାମ୍ କରାଇବାକେ କୁଲିଆର୍‌ମନ୍‌କେ କଜ୍‌ବାର୍ ବାରଇଲା । ୨ ସେ ଜନ୍ ଲକ୍‌ମନ୍‌କେ ମିସ୍‌ଲା, ସେମନ୍‌କେ ଗଟେକ୍ ଦିନ୍‌କେ, ଗଟେକ୍ ଲାକା ରୁପାଟାଞ୍ଜୁ କୁଲି ଦେବାକେ ରାଜି କରି ତାର୍ ବାତେ ପାଟାଇଲା । ୩ ତାର୍ ପତେ ସାକ୍‌ଲିଆ ନଅଟା ବେଲେ ଆଟେ ଜାଇ, ଗଟେକ୍ ଦଲର୍ ଲକ୍ କାଇ କାମ୍ ନ କରି ଟିଆଅଇ ରଇଲାଟା ଦେକ୍‌ଲା । ୪ ସେ ଲକ୍ ସେମନ୍‌କେ କଇଲା, “ତମେ ମିସା ମର୍ ଅଢ୍ଫୁର୍ ବାତେ ଜାଇ କାମ୍ କରା, ତମ୍‌କେ ମିସା ସମାନ୍ ଇସାବେ ବୁଡ଼ି ଦେବି ।” ୫ ସେମନ୍ ଜାଇ କାମ୍ କର୍‌ବାର୍ ଦାର୍‌ଲାଇ । ସେନ୍ତୁରିସେ ମୁଣ୍ଟୁବେଲାଇ, ଆଡ୍‌ବେଲାଇ ମିସା ଆରି କେତେଟା କୁଲିଆର୍‌ମନ୍‌କେ ଆନି କାମେ ମିସାଇଲା । ୬ ସଞ୍ଜୁଆ ପାଁର୍‌ଟା ବେଲା ଆରି ତରେକ୍ ଆଟେ ଜାଇ ଆରି କେତେ ଲକ୍ ରୁଟାଇ ଟିଆଅଇରଇବାଟା ଦେକ୍‌ଲା । ସେମନ୍‌କେ ପାଟାର୍‌ଲା “ଗୁଲାଇ ମୁଇଦାନ୍ କାମ୍ ନ କରି କାଇକେ ଇଡ଼ି ଉଜେ ଉଜେ ଆଟାସ୍?” ୭ ସେମନ୍ ତାକେ କଇଲା, “ଆମ୍‌କେ ତା କେ ମିସା କାମେ ମିସାଅର୍ ନାଇ ।” ସାଉକାର୍ ସେମନ୍‌କେ କଇଲା “ସେନ୍ତୁଆଲେ ତମେ ସବୁ ଲକ୍ ମର୍ ଅଢ୍ଫୁର୍ ବାତେ ଜାଇ କାମ୍ କରା ।” ୮ ସେ ଦିନେ ସଞ୍ଜୁ ଅଇଲାକେ ଅଢ୍ଫୁର୍ ବାତର୍ ସାଉକାର୍

ଗୁମୁସ୍ତାକେ କଇଲା, “କୁଲିଆର୍ମନ୍‌କେ ଡାକ । ଜନ୍ ଲକ୍ମନ୍ ସବୁର୍
 ପତେ କାମ୍ ଦାର୍ଲାଲ, ସେମନ୍‌କେ ଆଗେ ବୁଟି ଦେଇଦେସ୍ । ଜନ୍ ଲକ୍ମନ୍
 ସବୁର୍ତେଇଅନି ପର୍ତୁମ୍ କାମେ ମିସି ଆତର୍, ସେମନ୍‌କେ ତାକର୍ ବୁଟି
 ସାରାସାରି ପତେ ଦେସ୍ ।” ୯ ଜନ୍ ଲକ୍ମନ୍ ସଞ୍ଜୁଆ ପାଁର୍ଟା ବେଲେ କାମେ
 ମିସି ରଇଲାଲ ସେମନ୍‌କେ ସବୁ ଲକ୍ମନ୍‌କେ ଗଟେକ୍ ଗଟେକ୍ ରୁପା ଟାଞ୍ଜା
 ଦେଲାଲ । ୧୦ ଜନ୍ ଲକ୍ମନ୍ ପର୍ତୁମ୍ କାମ୍ ଆରାମ୍ କରି ରଇଲାଲ,
 ସେମନ୍‌କେ ଅଦିକ୍ ବୁଟି ମିଲ୍‌ସି ବଲି ଆସା କଲାଲ । ମାତର୍ ସେମନ୍ ମିସା
 ଗଟେକ୍‌ସେ ରୁପା ଟାଞ୍ଜା ମିଲାଲଲାଲ । ୧୧ ସେମନ୍ ସେତ୍‌କି ନେଇ ମୁର୍ମୁରା
 ଅଇକରି ସାଉକାର୍ ବିରୁଦେ କଇଲାଲ, ୧୨ “ସଞ୍ଜୁଆ ପାଁର୍ଟା ବେଲେ
 କାମ୍ ଆରାମ୍ କଲା କୁଲିଆର୍ମନ୍ ଏକାଲ ଗଟେକ୍ ଗାଁଟାସେ କାମ୍ କଲାଲ
 ଆତର୍ । ଆମେ ଟାଇ ଟାଇ କାରାଲ, ଦିନଜାକ କଟ୍‌ଲୁ, ଏଲେ ମିସା ବୁଟି
 ଦେବା ବେଲେ ଆମ୍‌କେ ମିସା ସେମନ୍‌ର୍ ସଞ୍ଜୁ ସମାନ୍ କରିଦେଲାସ୍ ।” ୧୩
 ସାଉକାର୍ ସେମନ୍‌ର୍ ବିତ୍‌ରେଅନି ଗଟେକ୍ ଲକ୍ମନ୍‌କେ କଇଲା, “ମଇତର୍ ମୁଇ
 ତମ୍‌କେ ନାଡାଲ ନାଲ । ଗଟେକ୍ ଦିନର୍ ବୁଟି ପାଇ ଗଟେକ୍ ରୁପା ଟାଞ୍ଜା
 ନେଇ କାମ୍‌କର୍‌ବାକେ ତମେତା ସବୁ ଲକ୍ ରାଜି ଅଇରଇଲାସ୍ । ୧୪ ତମର୍
 ସେତ୍‌କି ବୁଟି ଦାରି ଗରେ ଜାଆ । ତମ୍‌କେ ଜେତ୍‌କି ଦେଲି ଆତି, ଗଟେକ୍
 ଗାଁଟା କାମ୍ କରିରଇବା ଲକ୍ମନ୍‌କେ ମିସା ସେତ୍‌କିସେ ଦେବାକେ ମର୍ ମନ୍ ।
 ୧୫ ମର୍ ନିଜର୍ ଦନ୍, ମୁଇ ଜେନ୍ତି ମନ୍ କଲିନି, ସେନ୍ତି କର୍ତ କର୍‌ବାକେ
 ମର୍‌କାଇ ଅଦିକାର୍ ନାଲ କି? କି ମୁଇ ଦାନ୍ ଇସାବେ ଦେଲିନି ବଲି ଆଁକାର୍
 ଅଇଲାସ୍‌ନି?” ୧୬ ଜିସୁ ଏ କାତା କଇସାରାଇ କଇଲା, “ଜନ୍ ଲକ୍ମନ୍ ଏବେ
 ପତେ ଆତର୍ ସେମନ୍, ଆଗ୍‌ତୁ ଅଇବାଲ । ଆରି ଜନ୍ ଲକ୍ମନ୍ ଆଗ୍‌ତୁ
 ଆତର୍ ସେମନ୍ ପତେ ସେ ରଇଜିବାଲ ।” ୧୭ ଜିସୁ ଜିରୁସାଲାମ୍ ଜିବା
 ବାଟେ ତାର୍ ବାର୍ଟା ସିସ୍‌ମନ୍‌କେ ଗଟେକ୍ ଲଗେ ଡାକି ନେଇ, କେ ନଇଲା
 ବେଲେ କଇଲା, ୧୮ “ସୁନା, ଆମେ ଜିରୁସାଲମେ ଗାଲୁନି । ତେଇ ନର୍‌ପିଲା
 ମୁଇ, ମୁକିଅ ପୁଜାରି ଆରି ଦରମ୍ ଗୁରୁମନ୍‌କେ ସର୍‌ପି ଅଇବି । ସେମନ୍
 ମକେ ମରନ୍ ଡଣ୍ଟୁ ଦେବାଲ । ୧୯ ତାର୍‌ପତେ ସେମନ୍ ମକେ, ଜିଉଦି ନ
 ଅଇଲା ଲକ୍ମନ୍‌କେ ସର୍‌ପି ଦେବାଲ । ଜିଉଦି ନ ଅଇଲା ଲକ୍ମନ୍, ମକେ
 କିଜାଇବାଲ, କର୍ତା ସଞ୍ଜୁ ମାର୍‌ବାଲ ଆରି କୁର୍‌ସେ ତଗାଇବାଲ । ମାତର୍
 ତିନ୍‌ଦିନ୍ ପତେ ମୁଇ ଆରି ତରେକ୍ ଜିବନ୍ ଅଇ ଉର୍‌ବି ।” ୨୦ ସେତିକିବେଲେ

ଜେବଦିର୍ ମାଇଜି ତାର ଦୁଇଟା ପିଲାମନର୍ ସଞ୍ଜୁ ଜିସୁରଲଗେ ଆସି ତାକେ
 ଜୁଆରକରି, ଗଟେକ୍ ବିସଇ ମାଞ୍ଜୁଲା । ୨୧ ଜିସୁ ତାକେ ପାଟାରଲା, “ତୁଇ
 କାଇଟା ମନ୍ କଲୁସ୍ନି?” ସେ କଇଲା, “ଜେଡେବଲ୍ ତମେ ତମର୍ ରାଇଜେ
 ରାଜା ଅଇସା, ମର୍ ଏ ଦୁଇଟା ପିଲାମନ୍କେ ତମର୍ ଡେବ୍ରି ବାଟେ ଆରି ଉଜା
 ବାଟେ ବସାଇବି ବଲି ମକେ କାତା ଦିଆ ।” ୨୨ ଜିସୁ ଜେବଦିର୍ ପିଲାମନ୍କେ
 କଇଲା, “ତମେ କାଇଟା ମାଗ୍ଲାସ୍ନି ସେଟା ବୁଜି ନାପାରୁଲାସ୍ନି । ମୁଇ
 ଜନ୍ ଦୁକ୍ପୁରୁନ୍ ମୁତାର୍ ପାନି କାଇବାର୍ ଗାଲିନି, ତମେ କାଇ ପାରାସ୍ କି?”
 ସେମନ୍ “ଊ” ବଲି କଇଲା । ୨୩ ଜିସୁ ସେମନ୍କେ କଇଲା, “ତମେ,
 ମର୍ ମୁତାର୍ ପାନି କାଇଲେ କାଇପାରାସ୍ । ମାତର୍ ମର୍ ଉଜା ବାଟେ ଆରି
 ଡେବ୍ରି ବାଟେ କେ ବସିପାରେ ସେଟା ବାବ୍ବାକେ ମର୍ ଅଦିକାର୍ ନାଇ ।
 ଜନ୍ ଲକ୍ମନର୍ ପାଇ ମର୍ ବାବା ସେ ଜାଗା ତିଆର୍ କଲା ଆତେ, ସେଟା
 ସେମନର୍ ପାଇ ଆକା ।” ୨୪ ବିନ୍ ସିସ୍ମନ୍ ଜେଡେବେଲ୍ ଏ କାତା ସୁନ୍ଲାଇ,
 ସେ ଦୁଇ ବାଇର୍ ଲାଗି ବେସି ରିସା ଅଇଗାଲାଇ । ୨୫ ଜିସୁ ସିସ୍ମନ୍କେ
 ଗଟେକ୍ଟାନେ ଚୁଲକରି କଇଲା, “ତମେତା ଜାନାସ୍ ଏ ଦୁନିଆର୍ ରାଜାମନ୍
 ବିନ୍ ଲକ୍ମନେକ ନିଜର୍ ଅଦିକାର୍ କରିରଇବାଇ । ବଡ୍ ବଡ୍ ନେତାମନ୍
 ମିସା ବିନ୍ ଲକ୍ମନେକ ସାସନ୍ କର୍ବାଇ । ୨୬ ମାତର୍ ତମେ ସେନ୍ତୁର୍
 ଉଆନାଇ । ତମର୍ ବିତ୍ରେ ଗଟେକ୍ ଲକ୍ ବଡ୍ ଅଇବାକେ ମନ୍ କଲାନି
 ବଇଲେ, ସେ ସବୁଲକର୍ ସେବା କର୍ବାର୍ ଆତେ । ୨୭ ତମର୍ ବିତ୍ରେ ଜେ
 ମୁକ୍ତି ଅଇବାକେ ମନ୍ କଲାସ୍ନି, ସେ ବିନ୍ ଲକ୍ ଗତିଦାଞ୍ଜୁତା ପାରା ଅଇ
 ସେମନର୍ ସେବା କର । ୨୮ ଜେନ୍ତୁରି କି ପର୍ମେସର୍ ପାଟାଇଲା ନର୍ପିଲା
 ମୁଇ ମିସା ସେବା ମିଲ ବଲି ଆସି ନାଇ, ମାତର୍ ବିନ୍ ଲକ୍ମନର୍ ସେବା
 କରି ସେମନ୍କେ ମୁକ୍ତି ମିଲ ବଲି ନିଜର୍ ଜିବନ୍ ଦେବାକେ ଆଇଲି ଆତି
 ।” ୨୯ ଦିନେକ୍ ଜିସୁ ସିସ୍ମନର୍ ସଞ୍ଜୁ ଜିରିଅ ସଅର୍ ଚାଡିକରି ଜିବାବେଲେ
 କେତେ କେତେ ଲକ୍ମନ୍ ତାର୍ ପତେ ପତେ ଇଣ୍ଟୁବାର୍ ଦାରୁଲାଇ । ୩୦
 ଆରି ଏଦେ ଦେକା! ବାଟ୍ପାଲି ବସି ରଇବା ଦୁଇଟା କାଣା, ଜିସୁ ସେ ବାଟେ
 ଆଇଲାନି ବଲି ସୁନି, ଆକ୍ମାରି ତାକ୍ଲାଇ, “ଏ ମାପ୍ତୁ ଦାଉଦର୍ ପଥା
 ଆମ୍ବକେ ଦୟା କର ।” ୩୧ ଲକ୍ମନ୍ ସେମନ୍କେ ଦମ୍ବକାଇ କରି ରୁପ୍ଅଇ
 ରଇବାକେ କଇଲାଇ । ମାତର୍ ସେମନ୍ ଅଦିକ୍ ଅଦିକ୍ ଆକ୍ମାରି କଇଲାଇ,
 “ଏ ମାପ୍ତୁ ଦାଉଦର୍ ପଥା! ଆମ୍ବକେ ଦୟା କର ।” ୩୨ ଜିସୁ ତେଇ ଚିଆଅଇ

ସେମନ୍ତକେ ଡାକି ପାଚାରୁଲା, “ମୁଁ ତମର ପାଇ କାଇଟା କରବି ବଲି ମନ୍ କଲାସ୍ନି?” ୩୩ ସେମନ୍ କଇଲା, “ମାପୁରୁ ଆମ୍ଭେ ଦେକ୍‌ବା ବପୁ ଦିଆ ।” ୩୪ ଜିସୁ ସେମନ୍‌ର ପାଇ ଦୟା ଅଇ, ତାକର୍ ଆଁକି ଚିଇଲା । ସେ ଦାପୁରେସେ ସେମନ୍ ଦେକିପାରୁଲା ଆରି ଜିସୁର ପଟେ ପଟେ ଗାଲା ।

୨୧ ଜିସୁ ଆରି ତାର ସିସ୍‌ମନ୍ ଜିରୁସାଲାମ୍ ଲଗାଲଗି ଅଇ କଣ୍ଟେକ୍ ଦୁର୍ ଜାଇ ଡଙ୍ଗୁରଲଗେ ରଇଲା ବେତ୍‌ପାଗି ଆରି ବେତିନିଆ ନାଉଁର୍ ଗାଏଁ କେଟ୍‌ଲା । ତାର ଦୁଇଟା ସିସ୍‌ମନ୍‌କେ ଆଦେସ୍ ଦେଇ କଇଲା, ୨ “ତମେ ମୁଆଟେ ରଇଲା ସେ ଗାଏଁ ଜାଆ । ତେଇ କେଟ୍‌ଲା ଦାପୁରେ, ଗଟେକ୍ ଗଦ ବାନ୍ଧିଅଇ ରଇବାଟା ଦେକ୍‌ସା ଆରି ତାର ଲଗେ ତାର ପିଲା ଆଟେ । ସେମନ୍‌କେ ମେଲି ମରୁଲଗେ ଦାରି ଆସା । ୩ କେ ଜଦି କାଇ ବଲି ପାଚାରୁଲେ କଇସା, ‘ଏଟା ସାଉକାରୁକେ ଦରୁକାରୁ ଆଟେ ।’ ସେଦ୍‌କି ଦାପୁରେ ସେ ଗଦମନ୍‌କେ ଚାଡ଼ିଦେଇସି ।” ୪ ଏ ଗଦ୍‌ନାଅନି ବାବବାଦିମନ୍ ଲେକି ରଇଲା କାତା ସିଦ୍ ଅଇଲା । ୫ “ସିଅନ୍ ଗଡେ କୁଆ! ଦେକା, ତମର ରାଜା ତମର ଲଗେ ଆଇଲାନି, ସେ କେଡେ ସୁଆଲ୍ ଗଦପିଲାର୍ ପିଟିତେଇ ବସ୍‌ଲାଆଟେ ଦେକା, ସେ ଗଦପିଲା ଉପୁରେ ବସିଆଇଲାନି ।” ୬ ସିସ୍‌ମନ୍ ଜାଇ ଜିସୁ କଇବା ଇସାବେ କଲା । ୭ ଗଦ ଆରି ତାର ପିଲାକେ ଦାରି ଆସି ତାକର୍ ଉପୁରେ ଲୁଗାମନ୍ ଅଟାଇ ଦେଲା ଆରି ଜିସୁ ଗଦ ଉପୁରେ ବସ୍‌ଲା । ୮ ତେଇ ରଇଲା ଲକ୍‌ମନ୍ ଜିସୁ ଜିବା ବାଟେ ନିଜର୍ ନିଜର୍ ପଟିଆମନ୍ ଅଟାଇ ଦେଲା ଆରି କେଡେକ୍ ଲକ୍‌ମନ୍ କର୍‌ରି ତାଲ୍ ଆନି କରି ସେ ବାଟେ ଅଟାଇଦେଲା । ୯ ଜିସୁର୍ ଆଗ୍‌ତୁବାଟେ ଆରି ପର୍‌ବାଟେ ଜାଇତେ ରଇଲା ଲକ୍‌ମନ୍ ଆକ୍‌ମାରି କରି କଇଲା, “ଦାଉଦର୍ ପଅକେ ତାକ୍‌ପୁଟା କରା, ଜେ ମାପୁରୁ ନାଉଁ ଦାରି ଆଇଲାନି ତାକେ ପର୍‌ମେସର୍ ଆସିର୍‌ବାଦ୍ କର । ପର୍‌ମେସରର୍ ତାକ୍‌ପୁଟା କରା ।” ୧୦ ଜିସୁ ଜିରୁସାଲାମ୍ କେଟ୍‌ଲାଦାପୁରେ ସେ ଗଡର୍ ଲକ୍‌ମନ୍ ଜିସୁ କେ? ବଲି କରି ଗୁଲାଇ ବାଟେ ଉଡ଼ରା ଅଇଗାଲା । ୧୧ ଲକ୍‌ମନ୍ ପାଚାରୁଲା, “ସେ କେ?” ବିନ୍ ଲକ୍‌ମନ୍ କଇଲା, “ସେ ଅଇଲାନି ଗାଲିଲି ରାଇଜେ ରଇବା ନାଜରିଦ୍ ଗଡର୍ ବବିସ୍‌ତ୍‌ବକ୍‌ତା ଜିସୁ ।” ୧୨ ଜିସୁ ମନ୍ଦିର ବିତ୍‌ରେ ପୁରିକରି ତେଇ ଗେନା ବିକା କର୍‌ତେ ରଇବା ସବୁ ଲକ୍‌ମନ୍‌କେ ବାର୍‌କରାଇ ଦେଲା । ତାବୁ ବାଦ୍‌ଲାଉମନ୍‌ର ଟେବୁଲ୍ ଆରି ପରୁଆ ବିକ୍‌ମନ୍‌ର ବସ୍‌ବାଟା ପାସ୍‌ଲା ଦେଲା । ୧୩ ଜିସୁ ସେମନ୍‌କେ କଇଲା, “ଦରମ୍

ସାୟତରେ ଲେକା ଆଚେ, ମର୍ ମନ୍ଦିର୍ ପାର୍ତନା ଗର୍ ବଲି ନାଉଁ ଅଇସି । ମାତର୍ ତମେ ତାକେ ଚର୍ମନର୍ ଆକାତା ସାଲ୍ ପାରା କରିଆଚାସ୍ ।”

୧୪ ଜିସୁ ମନ୍ଦିରେ ରଇଲାବେଲେ କାଣାମନ୍ ଆରି ମେଟାମନ୍ ତାର୍ ଲଗେ ଆଇଲାଇ ଆରି ସେ ସେମନ୍‌କେ ନିକ କଲା । ୧୫ ମୁକିଅ ପୁଜାରିମନ୍ ଆରି ଦରମ୍ ଗୁରୁମନ୍ ତାର୍ କାବା ଅଇଜିବା କାମ୍ ସବୁ ଦେକି ଆରି ପିଲାମନ୍ ଦାଉଦର୍ ପଅର୍ ଜୟ ଜୟ ଅ, ବଲି କଇବାଟା ସୁନି ରିସା ଅଇଗାଲା । ୧୬ ସେମନ୍ ଜିସୁକେ ପାଚାରୁଲାଇ, “ଏମନ୍ କାଇବଲି କଇଲାଇନି ତୁଇ ସୁନି ପାରୁଲୁସ୍ନି?” ଜିସୁ କଇଲା, “ଉଁ ସୁନଲିନି । ଦରମ୍ ସାୟତରେ କାଇ ଏ କାତା ପତାସ୍ ନାଇ କି? ‘ତମେ ପିଲାମନ୍‌କେ ଆରି କଅଁଲା ପିଲାମନ୍‌କେ ଟିକ୍ ଇସାବେ ଆରାଦନା କର୍ବାକେ’ ସିକାଇଆଚାସ୍?” ୧୭ ଏ କାତା କଇକରି ଜିସୁ ସେମନ୍‌କେ ଚାଡି ଜିରୁସାଲମେଅନି ବେତ୍‌ନିଆଇ ଗାଲା । ସେ ତେଇ ଗଟେକ୍ ରାତି ବିତାଇଲା । ୧୮ ତାର୍ ଆର୍କର୍ ଦିନେ ଜିସୁ ସାକାଲ୍ ସାକାଲ୍ ଜିରୁସାଲାମ୍ ବାଉଡ଼ଲା ବେଲେ ତାକେ ବୁକ୍ କଲା । ୧୯ ବାଟ୍‌ପାଲି ଗଟେକ୍ ତୁମ୍‌ରି ଗର୍ ରଇଲା । ଜିସୁ ସେ ଗର୍ ଲଗେ ଜାଇ ତେଇ ପତର୍ ରଇବାଟା ଚାଡି, ଆରି କାଇଟା ଦେକେ ନାଇ । ତେବେ ସେ ଗଟେକ୍ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍!” ସେ ଦାପ୍‌ରେ ସେ ତୁମ୍‌ରି ଗର୍ ସୁକିଗାଲା ।

(aiōn g165) ୨୦ ଏଟା ଦେକିକରି ସିସ୍‌ମନ୍ କାବା ଅଇଜାଇ ପାଚାରୁଲାଇ, “ଏ ଗର୍ ଏତେକ୍ ଦାପ୍‌ରେ କେନ୍ତି ସୁକିଗାଲା?” ୨୧ ଜିସୁ କଇଲା, “ମୁଇ ତମ୍‌କେ ସର୍ କଇଲିନି, ତମର୍ ମନେ ଅଇସି କି ନ ଅଏ ବଲି ଅଲପ୍ ମିସା ନ ବାବିକରି ଜଡି ପୁରାପୁରୁନ୍ ବିସ୍‌ବାସ୍ କର୍ସା ବଇଲେ ମୁଇ ଏ ତୁମ୍‌ରି ଗଟେକ୍ ଜେନ୍ତି କରିଆଚି, ତମେ ମିସା ସେନ୍ତି କରିପାରାସ୍ । ସେଡକି ଆକା ନଏଁ, ଏ ଡ଼୍ଟୁର୍ ଉଲଟିକରି ସମ୍‌ଦୁରେ ଜାଇ ଅଦର୍ ବଲି କଇଲେ ମିସା ସେଟା ଅଇସି । ୨୨ ତମେ ବିସ୍‌ବାସ୍ କରି ପାର୍ତନାଇ ଜନ୍‌ଟା ମାଢ୍ଫୁସା, ସେଟା ମିଲ୍‌ସି ।” ୨୩ ଜିସୁ ମନ୍ଦିରେ ବାଉଡ଼ି ଆସି ତେଇ ସିକିଆ ଦେଇତେ ରଇଲା ବେଲେ ମୁକିଅ ପୁଜାରିମନ୍ ଆରି ପାର୍ତିମନ୍ ତାକେ ପାଚାରୁଲାଇ, “କାଇ ଅଦିକାରେ ତୁଇ ଏ ସବୁ କାମ୍ କଲୁସ୍ନି? ତକେ ଏ ଅଦିକାର୍ କେ ଦେଲା?” ୨୪ ଜିସୁ କଇଲା, “ମୁଇ ମିସା ତମ୍‌କେ ଏକାଇ ଗଟେକ୍ ସେ ପର୍‌ସନ୍ ପାଚାରୁବି । ତାର୍ ଉତର୍ ଦେଇ ପାର୍‌ଲେ ମୁଇ କାଇ ଅଦିକାରେ ଏ ସବୁ କାମ୍ କଲିନି, ତମ୍‌କେ କଇଦେବି । ୨୫ ଜଅନ୍ ତୁବନ୍ ଦେବା ଅଦିକାର୍ କାର୍‌ଟାନେଅନି

ମିଲା ରଇଲା? ସର୍ବେଶନି କି ମୁନୁସ୍ ମନରୁଟାନେଅନି?” ସେମନ୍ ତାକର୍ ତାକର୍ ବିତ୍ରେ କୁଆବଲା ଅଇଲା “ଏ ବିସଇ ନେଇ କାଇବଲି କଉଁ? ଜଦି ପରମେସରର୍ ଟାନେଅନି ବଲି କଇଲେ, ତେବେ ସେ ଆମ୍ବକେ ‘ଜଅନ୍କେ କାଇକେ ବିସ୍ବାସ୍ କରାସ୍ ନାଇ?’ ବଲି କଇସି । ୨୭ ଜଦି ଲକ୍ମନର୍ ଟାନେଅନି ବଲି କଇଲେ, ତେବେ ଲକ୍ମନକେ ତର୍ ଲାଗ୍ଲାନି । କାଇକେ ବଇଲେ ଜଅନ୍ ଗଟେକ୍ ବବିସ୍ତବକ୍ତା ବଲି ସେମନ୍ ସବୁଲକ୍ ବିସ୍ବାସ୍ କଲାଜନି ।” ୨୭ ସେଟାର୍ପାଇ ସେମନ୍ ଜିସୁକେ କଇଲା, “ଆମେ ନାଜାନୁ ।” ଜିସୁ ସେମନ୍କେ କଇଲା, “କନ୍ ଅଦିକାରେ ଏ ସବୁ କଲିନି ସେଟା ମୁଇ ମିସା ତମ୍ବକେ ନ କଇ ।” ୨୮ ଆଲେ ଏ ବିସଇ ତମେ କାଇ ବଲି ବାବ୍ଲାସ୍ନି କଇଦେକା ପନି? ଗଟେକ୍ ଲକର୍ ଦୁଇଟା ପଅମନ୍ ରଇଲା । ଦିନେକ୍ ସେ ଲକ୍ ତାର୍ ବଡ୍ ପଅକେ କଇଲା, “ନୁନାରେ, ଆଜି ଆମର୍ ଅଢ୍ଫୁର୍ ବାଡେ ଜାଇ ପାଇଟି କର୍ । ୨୯ ‘ନାଇ ମୁଇ ନ କରି’ ବଲି ବଡ୍ ପଅ କଇଲା । ମାତର୍ ପତେ ମନ୍ ବାଦ୍ଲାଇ ପାଇଟି କର୍ବାର୍ ଗାଲା । ୩୦ ସେ ଲକ୍ ସାନ୍ ପଅକେ ମିସା ସେ କାମ୍ କର୍ବାକେ କଇଲା । ‘ଉଁ ବାବା ଗାଲିନି’ ବଲି ସାନ୍ ପଅ କଇଲା । ମାତର୍ ସେ କାମ୍ଟାନେ ମୁଲ୍କେ ଜାଏ ନାଇ । ୩୧ କଇଦେକା ପନି, ଏ ଦୁଇଟା ପଅର୍ ବିତ୍ରେ କେ ତାର୍ ବାବା ତିଆର୍ଲାଟା ମାନିରଇଲା?” ସେମନ୍ କଇଲା, “ବଡ୍ ପଅ ।” ଜିସୁ ସେମନ୍କେ କଇଲା, “ମୁଇ ସଡ୍ କଇଲିନି ସିସ୍ତୁ ମାଢ୍ଫୁମନ୍ ଆରି ବେସିଆମନ୍ ତମର୍ଟାନେଅନି ପରମେସରର୍ ରାଇଜେ ଆଗ୍ଟୁ କେଟ୍ବାଇ । ୩୨ ତୁବନ୍ ଦେଉ ଜଅନ୍ ତମର୍ଟାନେ ଆସି ଦରମର୍ ବାଟ୍ ଦେକାଇ ଦେଇରଇଲା, ମାତର୍ ତମେ ତାକେ ବିସ୍ବାସ୍ କରାସ୍ ନାଇ, ମାତର୍ ସିସ୍ତୁ ମାଢ୍ଫୁମନ୍ ଆରି ବେସିଆମନ୍ ତାର୍ କଇଲା କାତା ବିସ୍ବାସ୍ କଲା । ଏଟା ଦେକିକରି ମିସା ପତେ ତମେ ପାସ୍ କାମ୍କର୍ବାଟା ଚାଡି ମନ୍ ବାଉତାଇ ତାକେ ବିସ୍ବାସ୍ କରାସ୍ ନାଇ ।” ୩୩ ଜିସୁ କଇଲା, “ଆରି ଗଟେକ୍ କାତା ସୁନା, ଗଟେକ୍ ସାଉକାର୍ ତାର୍ ଜମିଟାନେ ଅଢ୍ଫୁର୍ ଚାସ୍ କରିରଇଲା । ତେଇ ଚାରିବେଟ୍ଟି ବାଡ୍ ବୁନ୍ଲା ଆରି ଅଢ୍ଫୁର୍ ପିଲ୍ବାକେ ଗଟେକ୍ କୁଣ୍ଟୁ ତିଆର୍କଲା । ଆରି ଜାଗୁଆଲିର୍ ପାଇ ଗଟେକ୍ ମାଟା ମିସା ତିଆର୍ କରିଦେଲା । ତାର୍ ପତେ ସେ ଜମି, ଚାସିମନ୍କେ ଆଦିବାଗ୍ ଇସାବେ ଦେଇକରି, ସାଉକାର୍ ବିଦେସେ ଉଟିଗାଲା ।” ୩୪ ଅଢ୍ଫୁର୍ ତଲ୍ବାବେଲେ ସେ ସାଉକାର୍ ତାର୍ ଦାଢ୍ଫୁତାମନ୍କେ ନିଜର୍ ଆଦିବାଗ୍ ମାଢ୍ଫୁବାକେ ଚାସିମନ୍

ଲଗେ ପାଟାଇଲା । ୩୫ ଚାସିମନ୍ ସେ ଦାଢ଼ୁଡ଼ାମନ୍‌କେ ଦାରି, ଗଟେକ୍ ଲକ୍‌କେ ମାର୍‌ଲା, ଆରି ଗଟେକ୍ ଲକ୍‌କେ ମରାଇଲା, ଆରି ଗଟେକ୍ ଲକ୍‌କେ ପାକ୍‌ନାସଢ଼ୁ ମାରିପାକାଇଲା । ୩୬ ଏଟାର୍ ପାଇ ଜମି ସାଉକାର୍ ଆଗର୍‌ତେଇଅନି ଅଦିକ୍ ଗଡ଼ିଦାଢ଼ୁଡ଼ାମନ୍‌କେ ପାଟାଇଲା । ବାଗ୍ ଚାସିମନ୍ ସେମନ୍‌କେ ମିସା ସେନ୍ତୁରିସେ କଲା । ୩୭ ସାରାସାରି ପଚେ ପଦା ସାଉକାର୍ ଚାସିମନ୍‌ରଟାନେ ତାର୍‌ପିଲାକେ ପାଟାଇଲା । ସେ ବାବ୍‌ଲା, ସେମନ୍ ମର୍ ପିଲାକେ ବାଦିଅରେ ନାମ୍‌ବାଇ । ୩୮ ମାତର୍ ଚାସିମନ୍ ସାଉକାର୍ ପଅକେ ଦେକିକରି ତାକର୍ ତାକର୍ ବିତ୍‌ରେ କୁଆବଲା ଅଇଲା, “ଏଦେ ଦେକା, ସାଉକାର୍ ପିଲା! ଆସା ଆକେ ମିସା ମାରିପାକାଉ । ଏନ୍ତୁର୍ କଲେ ଆକା ସାଉକାର୍ ଦନ୍ ଆମର୍‌ଟା ଅଇସି ।” ୩୯ ଏନ୍ତୁରି କଇକରି ସେମନ୍ ତାକେ ଜମିତେଇଅନି ଦାରି ବାର୍‌କରାଇ, ବାଇରେ ନେଇ ମାରି ମରାଇଦେଲା । ୪୦ ଜିସୁ ପାଟାର୍‌ଲା, “ଜେଡେବେଲ୍ ଜମି ସାଉକାର୍ ଆଇସି ସେ ଚାସିମନ୍‌କେ କାଇଟା କର୍‌ସି?” ୪୧ ସେମନ୍ କଇଲା “ବଦ୍‌ମାସ୍‌ମନ୍‌କେ ମାରି ମରାଇସି । ଆରି ଜନ୍ ଚାସିମନ୍ ସମାନ୍ ବେଲା ତାର୍ ଆଦିବାଗ୍ ଦେବାଇ, ସେ ଜମି ସେମନ୍‌ର୍ ଆତେ ଜିମା ଦେଇସି ।” ୪୨ ଜିସୁ ସେମନ୍‌କେ କଇଲା, “ଏ ସାସ୍‌ତରର୍ କାତା କାଇ କେବେ ତମେ ପଡାସ୍ ନାଇ କି? “ଗର୍‌ବାନ୍‌ମନ୍ ଜନ୍ ପାକ୍‌ନା ଲଡାକେ ନ ଅଏ ବଲି ଚାଡିଦେଇ ରଇଲା, ସେଟାସେ ଗର୍ କନର୍ ମୁକିଅ ପାକ୍‌ନା ଅଇଲା । ନିଜେ ମାପ୍‌ରୁଆକା ଏଟା କଲା ଆତେ । ତାର୍ କାମ୍ କେତେକ୍ କାବାଅଇଜିବା କାମ୍!” ୪୩ ଜିସୁ ଆରି କଇଲା, “ସେଟାର୍ ପାଇ ତମ୍‌କେ କଇଲିନି, ପର୍‌ମେସରର୍ ରାଇଜେ ପୁର୍‌ବା ଅଦିକାର୍ ତମର୍‌ତେଇଅନି ଦାରିଜିବାଇ ଆରି ଜନ୍ ଦଲ୍ ଏ ରାଇଜର୍ ନିମାନ୍ ପଲ୍ ଦେକାଇ ପାର୍‌ବାଇ, ସେମନ୍‌କେ ସେଟା ଦିଆଅଇସି ।” ୪୪ ଆରି ଜେ ଏ ପାକ୍‌ନା ଉପ୍‌ରେ ଅଦର୍‌ସି, ସେ କଣ୍ଟୁ କଣ୍ଟୁ ଅଇଜାଇସି । ଆରି ଏ ପାକ୍‌ନା ଜାର୍ ଉପ୍‌ରେ ଅଦର୍‌ସି, ସେଟା ତାକେ ଚାପି କରି ଗୁଣ୍ଟୁ କରି ଦେଇସି । ୪୫ ମୁକିଅ ପୁଜାରିମନ୍ ଆରି ପାରୁସିମନ୍ ଏ କାତା ସୁନି, ଜିସୁ ସେମନ୍‌କେ ଦେକାଇ କରି କଇଲାନି ବଲି ବୁଜିପାର୍‌ଲା । ୪୬ ସେଟାର୍ ପାଇ ସେମନ୍ ତାକେ ବାନ୍ତୁଇ ନେବାକେ ଚେସ୍‌ଟା କଲା, ମାତର୍ ଲକ୍‌ମନ୍‌କେ ତରି ସେମନ୍ ସେଟା କରି ନାପାର୍‌ଲା, କାଇକେବଇଲେ ଲକ୍‌ମନ୍ ଜିସୁକେ ଗଟେକ୍ ବଦିସ୍‌ତ୍‌ବକ୍‌ତା ବଲି ମନେ ବାବ୍‌ତେରଇଲା ।

୨୨ ଜିସୁ ଆରିତରେକ୍ ଉଦାଅରଣ୍ ଦେଇ ଲକ୍ମନ୍‌କେ ସିକିଆ ଦେଲା ।
 ୨ ପର୍ଯ୍ୟେସରର୍ ସରଗ୍ ରାଇଜ୍ ଏନ୍ତାରି । ତରେକ୍ ଗଟେକ୍ ରାଜା ତାର୍
 ପିଲାର୍‌ପାଇ ବଜି କରାଇଲା । ୩ ଜନ୍ ଲକ୍ମନ୍‌କେ ବିବା ବଜିଟାନେ କବର୍
 ଦେଇରଇଲା, ସେମନ୍‌କେ ଡାକିଆନ୍‌ବାକେ ଦାଢ଼ୁଡ଼ାମନ୍‌କେ ପାଟାଇଲା ।
 ମାତର୍ ସେମନ୍ ନିର୍ଲାଲ । ୪ ବିବାଟାନେ ଗାଗଡ୍ ତେଲିମନ୍‌କେ ମାରି
 ବଜି ଅଇଲା ଆତେ । ଦାପ୍‌ରେ ଆସା ବଲି ରାଜା ଆରି ତରେକ୍ ବିନ୍
 ଦାଢ଼ୁଡ଼ାମନ୍‌କେ କଇପାଟାଇଲା । ୫ ମାତର୍ କବର୍ ପାଇରଇଲା ଲକ୍ମନ୍ ଏ
 କାତା ନ ମାନିକରି ନିଜର୍ ନିଜର୍ ପାଇଟି କର୍‌ବାର୍ ଦାର୍‌ଲାଲ । କେତେ
 ଲକ୍ ବାରଇକରି ପଦାଇ ଉଟିଗାଲାଲ । ଆରି କେତେକ୍ ଲକ୍ ତାକର୍
 ଦୁକାନେ ଉଟିଗାଲାଲ । ୬ ଆରି କେତେ ଲକ୍ ରାଜାର୍ ଦାଢ଼ୁଡ଼ାମନ୍‌କେ
 ଦାରି ମାରି ମରାଇଲାଲ । ୭ ରାଜା ରିସାଅଇଜାଇ କରି ସଇନମନ୍‌କେ
 ପାଟାଇଲା । ସଇନମନ୍ ଜାଇକରି ସେ ମାରୁମନ୍‌କେ ମରାଇ ପାକାଇଲାଲ
 ଆରି ସେମନ୍ ରଇଲା ସଅର୍ ପଡାଇ ପାକାଇଲାଲ । ୮ ତାର୍ ପତେ ରାଜା
 ଗତିଦାଢ଼ୁଡ଼ାମନ୍‌କେ ଡାକି କଇଲା, ବିବା ବଜିର୍ ରାନ୍ତାବାଡା ସାର୍‌ଲାବେ
 ମାତର୍ ମୁଇ କବର୍ ଦେଇରଇଲା ଲକ୍ମନ୍ ଏ ବଜି କାଇବାକେ ବାଗ୍ ନାଇ ।
 ୯ ଏବେ ତମେ ଜାଇକରି ଗାଉଁପାଲିର୍ ଗୁଡା ଆରି ପୁଟ୍‌ମନ୍‌କେ, ଜେଡ୍‌କି
 ଲକ୍‌କେ ବେଟ୍ ଅଇସା ସେ ସବୁ ଲକ୍ମନ୍‌କେ ଆମର୍ ବଜିଟାନେ ଡାକିଆନା
 । ୧୦ ତେବେ ଦାଢ଼ୁଡ଼ାମନ୍ ଲଗର୍ ପାକର୍ ଗାଉଁମନ୍‌କେ ବୁଲି ନିକ ଲକ୍
 ଅଅର୍ କି ବାନିଆ ଲକ୍ ଅଅର୍ ଜେଡ୍‌କି ଲକ୍‌କେ ବେଟ୍ ଅଇଲାଲ, ସବୁକେ
 ଡାକି ଆନ୍‌ଲାଲ । ଆରି ବିବା ଗରେ ଲକ୍ମନ୍ ମାଣ୍ଡାବୁଣ୍ଡା ଅଇଗାଲାଲ
 । ୧୧ ପତେ ରାଜା ଡାକାଇଲା ଲକ୍ମନ୍‌କେ ଦେକ୍‌ବାର୍ ଆଇଲା । ସେ
 ଲକ୍ମନ୍‌ର ବିତ୍‌ରେ ଅନି ଗଟେକ୍ ଲକ୍ ତିଆର୍‌ପିଆର୍ ନ ଅଇକରି ନିକଟା
 ପିନ୍ତି ନ ଆସିରଇଲାଟା ରାଜା ଦେକ୍‌ଲା । ୧୨ ରାଜା ତାର୍ ଲଗେ ଜାଇ
 ପାଟାର୍‌ଲା, “ମଇତର୍, ତୁଇ ତିଆର୍ ପିଆର୍ ନ ଅଇତେ କେନ୍ତି ଏ ବଜିଟାନେ
 ଆଇଲୁସ୍” ସେ ଲକ୍ ଚିମ୍‌ରା ଅଇଦେଲା । ୧୩ ରାଜା ଦାଢ଼ୁଡ଼ାମନ୍‌କେ କଇଲା,
 “ତାର୍ ଆର୍ ଗଡ୍ ବାନ୍ତି ବାଇରେ ନେଇ ଆନ୍ତାରେ ପିଢ଼ିଦିଆସ୍ । ତେଇ ସେ
 ଦାଁଦୁମୁଣ୍ଡୁ କାଡ୍‌ରିଅଇ କାନ୍ତି କାନ୍ତି ରଅ ।” ୧୪ ଜିସୁ କାତାନି କଇସାରାଇ
 କଇଲା, ବେସି ଲକ୍‌କେ ଡାକ୍‌ବାଇ, ମାତର୍ ଉନାଲକ୍‌କେ ବାଟ୍‌ବାଇ । ୧୫
 କେତେଟା ପାରୁସିମନ୍ ଜାଇକରି ଜିସୁକେ ପର୍‌ସନ୍ ପାଟାରି ପାନ୍ତେ ପାକାଉଁ

ବଲି ବାବୁଲାଲ । ୧୭ ସେମନ୍ ତାକର୍ କେତେଟା ସିସ୍ତମନ୍‌କେ ଆରି ଏରଦର୍
 ଦଲେଅନି କେତେଟା ଲକ୍‌ମନ୍‌କେ ଜିସ୍ତୁର୍ ଲଗେ ପାଟାଲଲାଲ । ଏମନ୍ ଆସି
 ଜିସ୍ତୁକେ ପାଟାରୁଲାଲ, “ଗୁରୁ, ତମେ ସତ୍ କଇସା ଆରି ପର୍ମେସରର୍ ସତ୍
 ବିସଇ ସିକିଆ ଦେବାଟା ଆମେ ଜାନୁ । ତମେ ମୁନୁସ୍‌ମନ୍‌ ମର୍ଜିତାକେ
 କାତୁର୍ କରାସ୍ ନାଲ । ଲକ୍‌ମନ୍ କାଇ ବଲି ବାବୁବାଲ ବଲି ତିନ୍ତା କରାସ୍
 ନାଲ । ୧୭ ତେବେ କଇଦେକା ପନି, ଏ ବିସଇ ତମେ କାଇବଲି କଇଲାସ୍‌ନି?
 ରମିୟ ସର୍କାରକେ ସିସ୍ତୁ ଦେବାଟା ଆମର୍ ଦରମ୍ ସାସ୍ତରର୍ ଇସାବେ
 ଟିକ୍ କି ନାଲ?” ୧୮ ମାତର୍ ଜିସ୍ତୁ ସେମନ୍‌ର୍ କୁଟ୍‌କାତା ଜାନି କରି କଇଲା,
 “ଏ କୁଟିଆଲ୍‌ମନ୍, କାଇକେ ମକେ ପାନ୍ଦେ ପାକାଇବାକେ ଚେସ୍‌ଟା କଲାସ୍‌ନି?
 ୧୯ ଜନ୍ ଅଦ୍‌ଲି ତାରୁ ସିସ୍ତୁ ଦେଲାସ୍‌ନି, ତେଇଅନି ଗଟେକ୍ ଆନିକରି ମକେ
 ଦେକାଆ ।” ସେମନ୍ ଗଟେକ୍ ଅଦ୍‌ଲି ଆନି ତାକେ ଦେଲାଲ । ୨୦ ଜିସ୍ତୁ
 ସେମନ୍‌କେ ପାଟାରୁଲା “ଏ ଅଦ୍‌ଲି ତାରୁଟାନ୍ କାର୍ ମୁଉ ଆରି ନାଉଁ ଆଚେ?”
 ୨୧ ସେମନ୍ କଇଲାଲ, “ରମିୟ ରାଜାର୍ ମୁଉ ଆରି ନାଉଁ ଆଚେ ।” ଜିସ୍ତୁ
 ସେମନ୍‌କେ କଇଲା, “ତେବେ ଜନ୍‌ଟା ରମିୟ ରାଜାର୍‌ଟା, ସେଟା ତାକେ
 ଦିଆସ୍ ଆରି ଜନ୍‌ଟା ପରମେସରର୍‌ଟା, ସେଟା ପରମେସର୍କେ ଦିଆସ୍ ।” ୨୨
 ଏ କାତା ସୁନି ସେମନ୍ କାବାଅଇଗାଲାଲ ଆରି ତେଇଅନି ଉଟିଗାଲାଲ । ୨୩
 ସେ ଦିନେ ସାଦୁକି ଦଲର୍ କେତେ ଲକ୍ ଜିସ୍ତୁର୍ ଲଗେ ଆଇଲାଲ । ସାଦୁକିମନ୍
 ମରିଗାଲେ ଆରି ତରେକ୍ ଉଟି ନଏଁ ବଲି ବିସ୍‌ବାସ୍ କର୍ତେ ରଇଲାଲ ।
 ୨୪ ସେମନ୍ ଜିସ୍ତୁକେ ପାଟାରୁଲାଲ, “ଏ ଗୁରୁ, ଜଦି ଗଟେକ୍ ଲକ୍ ପିଲାଟକି
 ନ ଅଇତେ ମରିଜାଇସି, ତେବେ ମରିଜାଉର୍ ବାଇ ସେ ରାଣ୍ଟି ମାଇଜିକେ
 ସଞ୍ଜୁଇସି । ଆରି ତାକର୍ ଟାମେଅନି ଅଇଲା ପିଲାଜିଲା ସେ ମଲା ଲକ୍‌ପାଇ
 ଅଇସି ବଲି ମସା ନିୟ୍‌ମ୍ କଲା ଆଚେ । ୨୫ ଗଟେକ୍ କାତା ସୁନା । ଇତି
 ଆମର୍ ବିତ୍‌ରେ ସାତ୍‌ବାଇ ରଇଲାଲ । ବତ୍ ବାଇ ପିଲାଜିଲା ନ ଅଇତେ
 ମରିଗାଲାଜେ ତାର୍ ପିଟିର୍ ବାଇ ତାର୍ ବଉକେ ସଞ୍ଜୁଇଲା । ୨୬ ମାତର୍
 ବତ୍‌ମଜିଆ, ମଜିଆ, ସାନ୍‌ମଜିଆ ଏନ୍ତି ଅଇକରି ସାରାସାରି ସାନର୍ ଦସା
 ମିସା ଏନ୍ତି ଅଇଲା । ୨୭ ସାରାସାରି ପଚେ ସେ ମାଇଜି ମିସା ମରିଗାଲା । ୨୮
 ଜେବେ ମଲା ଲକ୍‌ମନ୍‌ର୍ ଉଟ୍‌ବା ଦିନ୍ ଆଇସି, ତେବେ ଏ ମାଇଜି କାର୍ ମାଇଜି
 ଅଇସି? ସବୁ ଲକ୍‌ସେ ତାକେ ସଞ୍ଜୁଇ ରଇଲାଲ ।” ୨୯ ଜିସ୍ତୁ ସେମନ୍‌କେ
 କଇଲା, “ତମେ କେତେକ୍ ବୁଲ୍ ବିସଇ ବାବୁବା ଲକ୍‌ମନ୍! ଦରମ୍ ସାସ୍ତରେ

ପରମେସର ବସୁ ବିସଇ ସମାନ୍ ଇସାବେ ଚିନ୍ତା କରାସ୍ ନାଇଜେ, ତମେ ଏ କାତା ପାଚାରୁଲାସ୍ନି ।” ୩୦ ମରିକରି ଉର୍ଲା ପଚେ, ମଲା ଲକ୍ମନ୍ ସରଗର୍ ଦୁର୍ମନର୍ ପାରା ଅଇଜିବାଇ । ସେମନ୍ ଆରି ବିବା ନ ଅଅର୍ କି ନ କରତ୍ । ୩୧ ମଲା ଲକ୍ମନ୍ ଆରି ତରେକ୍ ଉର୍ବା ବିସଇ, ପରମେସର୍ ଜନ୍ତା କଇଲା ଆଚେ, ତମେ କାଇ ସାସ୍ତରେ କେବେ ପତାସ୍ ନାଇ କି? ୩୨ ପରମେସର୍ କଇଲା ଆଚେ “ଆମେ ଅର୍ବାଆମର୍, ଇସାକର୍ ଆରି ଜାକୁବର୍ ମାପୁରୁ ।” “ପରମେସର୍ ତା ଜିବନ୍ ରଇଲା ଲକ୍ମନର୍ ମାପୁରୁ, ମଲା ଲକ୍ମନର୍ ଅଇନାପାରେ ।” ୩୩ ଲକ୍ମନ୍ ଜିସୁର୍ ସିକାଇବାଟା ସୁନିକରି କାବାଅଇଗାଲାଇ । ୩୪ ଜିସୁ ସାଦୁକିମନ୍କେ ରୁପକରାଇ ରଇବାଟା ଜାନିକରି ପାରୁସିମନ୍ ସବୁଲକ୍ ଗଟେକ୍ ଅଇ ତାର୍ ଲଗେ ଆଇଲାଇ । ୩୫ ଆରି ସେମନର୍ ବିତ୍ରେଅନି ଗଟେକ୍ ନିୟମ୍ ସିକାଇବା ଦରମ୍ ଗୁରୁ ଜିସୁକେ ପାନ୍ଦେ ପାକାଇବାକେ ଗଟେକ୍ ପର୍ସନ୍ ପାଚାରୁଲା । ୩୬ “ଏ ଗୁରୁ ମସାର୍ ଦରମ୍ ସାସ୍ତରର୍ ନିୟମ୍ ଇସାବେ ସବୁଟାନେଅନି କନ୍ ଆଦେସ୍ ମୁକିଅ?” ୩୭ ଜିସୁ ତାକେ କଇଲା, “ତମର୍ ମାପୁରୁ, ପରମେସର୍କେ ପୁରାପୁରୁନ୍ ମନ୍ଦେଇ, ପୁରାପୁରୁନ୍ ଜିବନ୍ ଦେଇ, ପୁରାପୁରୁନ୍ ଚିନ୍ତା ସଙ୍ଗ୍ ତାକେ ମାନା ଆରି ଆଲାଦ୍ କରା । ୩୮ ଏଟା ଅଇଲାନି ସବୁଟାନେଅନି ଆଗତୁ ଆରି ମୁକିଅ ଆଦେସ୍ ।” ୩୯ ତାର୍ ପଚର୍ ମୁକିଅ ଆଦେସ୍ ଅଇଲାନି, ତମର୍ ଲଗର୍ ପାକର୍ ଗରର୍ ଲକ୍ମନ୍କେ ନିଜ୍ଜେ ଆଲାଦ୍ କଲା ପାରା ଆଲାଦ୍ କରା । ୪୦ ଏ ଦୁଇଟା ଆଦେସ୍ ଆକା ମସା କରିରଇବା ସବୁ ରିଚିନିତି ଆରି ବବିସର୍ବକ୍ତାମନର୍ ସିକିଆ ଜାନାଇଲାନି । ୪୧ କେତେଟା ପାରୁସିମନ୍ ଜିସୁର୍ ଲଗେ ରଇଲା ବେଲେ, ଜିସୁ ସେମନ୍କେ ପାଚାରୁଲା । ୪୨ “କିରିସ୍ଟ ମସିଅର୍ ବିସଇ, ତମେ କାଇଟା ବାବୁଲାସ୍ନି? ସେ କାର୍ ପଅ?” ସେମନ୍ କଇଲାଇ, “ସେ ଦାଉଦର୍ ପଅ ।” ୪୩ ଜିସୁ ପାଚାରୁଲା, “ସେନ୍ତାର୍ ଆଲେ ଦାଉଦ୍ ମସିଅକେ ‘ମର୍ ମାପୁରୁ!’ ବଲି କାଇକେ ଜାନାଇ ଆଚେ?” କାଇକେବଇଲେ ଆତ୍ମା ଚାଲ୍ନା ଦେଲାକେ, ସେ ଲେକିଆଚେ, ୪୪ ପରମେସର୍ ମର୍ ମାପୁରୁକେ କଇଲା, “ଆମେ ତର୍ ସତ୍ତ୍ଵମନ୍କେ ତମର୍ ପାଦ୍ ତଲେ ନ ଆନ୍ବା ଜାକ ‘ତୁଇ ମର୍ ଉଜା ବାଟେ’ ବସି ରଅ ।” ୪୫ “ଜଦି ଦାଉଦ୍ ମସିଅକେ ‘ମର୍ ମାପୁରୁ’ ବଲି ନାମି ଆଚେ, ତେବେ ମସିଅ କେନ୍ତୁ ତାର୍ ପଅ ଅଇପାର୍ସି?”

୪୭ ଜିସୁକେ ଇତିର ଉତର କେ ମିସା ଦେଇ ନାପାରୁଲା । ସେ ଦିନେଅନି,
ଆରି ତାକେ କେ ମିସା କାଇ ପରସନ୍ ପାତାର୍ବାକେ ସାଆସ୍ କରତ୍ ନାଇ ।

୨୩ ଜିସୁ ସିସ୍‌ମନ୍‌କେ ଆରି ତେଇ ରୁଣ୍ଡି ରଇବା ଲକ୍‌ମନ୍‌କେ କଇଲା, ୨
“ପାରୁସି ଆରି ଦରମ୍ ଗୁରୁମନ୍‌କେ ମସାର୍ ନିୟମର୍ ଅରତ୍ ବୁଜାଇ ଦେବାର୍
ଅଦିକାର୍ ଆତେ । ୩ ସେମନ୍ ଜାଇଟା କର୍ବାକେ କଇଲାଇନି, ସେଟା
କରା, ମାତର୍ ସେମନ୍ ଜାଇ ଜାଇଟା କଲାଇନି, ସେଟା ଦେକି ସେନ୍ତୁରି
କରାନାଇ । କାଇକେ ବଇଲେ ସେମନ୍ ନିଜେ ଜନ୍ ସିକିଆ ଦେବାଇ, ତାର୍
ଉଲଟା କର୍ବାଇ । ୪ ସେମନ୍ ତାକର୍ ସିକିଆ ସବୁ ଲକ୍‌ମନ୍‌ର୍ ପିଟି ଉପ୍ରେ
ବେସି ବଜ୍ ପାରା ଲାଦିଦେବାଇ । ମାତର୍ ସେ ସବୁ ବଜର୍ ନିୟମ୍, ଚିନି
ଆଙ୍ଗୁଟିତେଇ ଉଟାଇବା ଏଡକି ମିସା ସାଇଜ ନ କରତ୍ । ୫ ସେମନ୍ ଲକ୍‌କେ
ଦେକାଇଅଇବାକେ ସବୁ କାମ୍ କର୍ବାଇ । ସାସ୍‌ତର୍ ପଦ୍ ଲେକାଅଇଲା
କେତେ କେତେ ବଡ୍ ବଡ୍ ତଅଁରାମନ୍ କାପାଲେ ଆରି ପଡିଆଇ ବାନ୍ଧିଅଇ
ଆତତ୍ । ଆରି ଦେକା, ସେମନ୍‌ର୍ ବସ୍‌ତରର୍ ଜାଲି କେତେକ୍ ତେଡ୍ । ୬
ସେମନ୍ ବଜିମନ୍‌କେ ମୁକିଅ ଜାଗାଇ ଆରି ପାର୍‌ତନା ଗରେ ବାଟିଅଇରଇଲା
ଜାଗା ଅଦିକାର୍ କର୍ବାକେ ମନ୍ କର୍ବାଇ । ୭ ଆଟେ ବାଟେ ଆରି ଦୁକାନେ
ଲକ୍‌ମନ୍ ସେମନ୍‌କେ ମାନିକରି ଜୁଆର୍ କରତ୍ ଆରି ‘ଗୁରୁ’ ବଲି ତାକତ୍,
ଏନ୍ତୁରି ସେମନ୍ ମନ୍ କର୍ବାଇ । ୮ ମାତର୍ ତମ୍‌କେ କେ ଗୁରୁ ବଲି ତାକ୍‌ବାର୍
ଦର୍କାର୍ ନାଇ । କାଇକେ ବଇଲେ ସବୁ ଲକ୍ ନିଜର୍ ନିଜର୍ ବିତ୍ରେ ବାଇ,
ଆରି ତମର୍ ଗୁରୁ ଗଟେକ୍ ସେ । ୯ ଆରି ଜଗତେ ତମେ କାକେ ବାବା ବଲି
ତାକ୍‌ବାକେ ଦର୍କାର୍ ନାଇ । କାଇକେ ବଇଲେ ତମର୍ ଗଟେକ୍‌ସେ ବାବା,
ସେ ସର୍ଗେ ଆତେ । ୧୦ ତମ୍‌କେ ନେତା ବଲି ମିସା କେ ନ ତାକତ୍, କାଇକେ
ବଇଲେ ଗଟେକ୍ ସେ ନେତା, ସେ ଅଇଲାନି ମାପ୍‌ରୁ ମସିଅ । ୧୧ ତମର୍
ବିତ୍ରେ ଜେ ସବୁର୍ ଟାନେଅନି ମୁକିଅ, ସେ ତମର୍ ସେବା କର । ୧୨ ଜେ
ନିଜ୍‌କେ ବଡ୍ ବଲି କଇସି, ତାକେ ସାନ୍ କରାଅଇସି ଆରି ଜେ ନିଜ୍‌କେ ସାନ୍
ବଲି ବାବ୍‌ସି, ତାକେ ବଡ୍ କରାଅଇସି ।” ୧୩ “ଅଇରେ ଦରମ୍ ଗୁରୁମନ୍ ଆରି
ପାରୁସିମନ୍! ସେସ୍‌ବେଲେ ତମର୍ ଦସା କେତେ ଅଦିକ୍ ଅଇସି! ଏଇ ଟକାବଣ୍ଡା
ଦଲ୍, ସରଗ୍ ରାଇଜେ କେଟ୍‌ବା ଦୁଆର୍ ତମେ ତାବିଦେଇଆତାସ୍! ନିଜେ
ତେଇ କେଟାସ୍ ନାଇ ଆରି ଜନ୍‌ଲକ୍‌ମନ୍ ତେଇ କେଟ୍‌ବାକେ ମନ୍ କଲାଇନି,
ସେମନ୍‌କେ ବାଟ୍ ଚାତାସ୍ ନାଇ ।” ୧୪ “ଏ କୁଟିଆଲ୍ ଦରମ୍‌ଗୁରୁମନ୍ ଆରି

ପାରୁଥିବିମନ୍! ତମର ଇନସ୍ତା କେତେକ୍ କାକୁରୁତି ଅଇସି । ତମେ ଚାଲାଇ
ଅଇକରି ଜବର ପର୍ ପାର୍ତନା କରସା । ମାତର୍ ରାଣ୍ଡି ମାଲଜିମନର୍ ଗର୍ମନ୍
ସବୁ ଦାପ୍ରେ ଗିଲିଦେଇସା । ତେବେ ତମ୍ଭେ ଅଦିକ୍ ତଣ୍ଡୁ ଦିଆଅଇସି ।”

୧୫ ଏ ଟକାବଣ୍ଡା ଦରମ୍ଗୁରୁମନ୍ ଆରି ପାରୁଥିବିମନ୍! ତମେ କେତେ ଇନସ୍ତା
ଅଇ କାକୁରୁତି ଅଇସା । ସମ୍ଭୁର୍ ଲଢ୍ଘି ବିନ୍ ବିନ୍ ଦେସ୍ମନ୍କେ ଜାଇ ଗଟେକ୍
ଲକ୍‌କେ ତମର୍ ଦରମ୍‌ଟାନେ ମିସାଇବାକେ କଜି ବୁଲ୍‌ଲାସ୍‌ନି । ମାତର୍
ସେନ୍ତୁର୍ ଗଟେକ୍ ଲକ୍‌କେ ମିଲାଇଲେ, ତାକେ ତମର୍ ଟାନେଅନି ଅଦିକ୍,
ନରକର୍ ତଣ୍ଡୁ ପାଇବାକେ ବାବ୍‌ଲାସ୍‌ନି । (Geenna g1067) ୧୬ ଏଇ ବାବ୍
ଦେକାଉ କାଣାମନ୍! ତମର୍ ଦସା କେତେକ୍ ଇନସ୍ତା ଅଇସି । କେ ମନ୍ଦିରର୍
ନାଉଁ ଦାରି ପର୍ମାନ୍ କଲେ, ସେଟା ସେମନ୍ ମାନ୍‌ବାର୍ ବାଦିଅ ନାଇ, ମାତର୍
ମନ୍ଦିରେ ରଇଲା ସୁନାର୍ ନାଉଁ ଦାରି ଜେ ପର୍ମାନ୍ କରସି, ତାକେ ସେଟା
ମାନ୍‌ବାକେ ପଡ଼ସି ବଲି ତମେ ସିକାଇତେ ରଇସା । ୧୭ ଏଇ ବୁଦି ନ ରଇବା
କାଣାମନ୍! ସୁନା ବଡ଼, କି ସୁନାକେ ସୁକଲ୍ କରତେ ରଇବା ମନ୍ଦିର ବଡ଼? ୧୮
ଗଟେକ୍ ଲକ୍ ବେଦିର୍ ନାଉଁ ଦାରି ପର୍ମାନ୍ କଲେ ସେ ସେଟା ମାନ୍‌ବାର୍ ଆକା
ଆଟେ ବଲି ନଏଁ, ମାତର୍ ବେଦି ଉପ୍ରେ ସଢ଼ୁଇ ରଇବା ମାପ୍‌ରୁକେ ଦେଲାଟା
ନାଉଁଦାରି ପର୍ମାନ୍ କଲେ, ସେଟା ମାନ୍‌ବାଟା ବଲି ତମେ ସିକାଇତେ ରଇସା
। ୧୯ ତମେ କେତେବଡ଼ କାଣାମନ୍! କନ୍‌ଟା ମୁକିଅ? ମାପ୍‌ରୁକେ ଦେଲାଟା
କି, ମାପ୍‌ରୁକେ ଦେଲାଟା ସୁକଲ୍ କରତେ ରଇବା ବେଦି? ୨୦ ତେବର୍ ପାଇ
କେ ମିସା ବେଦିର୍ ନାଉଁ ଦାରି ପର୍ମାନ୍ କଲେ, ସେ ବେଦି ଆରି ତାର୍ ଉପ୍ରେ
ରଇବା ମାପ୍‌ରୁକେ ଦେଇ ରଇବା ସବୁ ଜିନିସ୍ ନାଉଁ ଦାରି ପର୍ମାନ୍ କରସି ।
୨୧ କେ ମିସା ମନ୍ଦିରର୍ ନାଉଁ ଦାରି ପର୍ମାନ୍ କଲେ, ସେ ମନ୍ଦିର ଆରି ତେଇ
ବାସା ଅଇରଇବା ପର୍ମେସରର୍ ନାଉଁ ଦାରି ପର୍ମାନ୍ କରସି । ୨୨ କେ ମିସା
ସରଗର୍ ନାଉଁ ଦାରି ପର୍ମାନ୍ କଲେ, ସେ ପରମେସରର୍ ବସ୍‌ବା ଜାଗା ଆରି
ସେ ବସ୍‌ବା ଜାଗାଇ ବସି ରଇବା ପର୍ମେସରର୍ ନାଉଁ ଦାରି ପର୍ମାନ୍ କରସି
। ୨୩ ଏଇ କୁଟିଆଲ୍ ଦରମ୍ଗୁରୁମନ୍ ଆରି ପାରୁଥିବିମନ୍, ତମର୍ ଦସା କେତେ
ଇନସ୍ତା ଆରି କାକୁରୁତି ଅଇସି! ତମେ ପର୍ମେସରର୍ ପାଇ ବଲି ସାନ୍
ସାନ୍ ଜିନିସ୍ ଅଇଲେ ମିସା ଦସ୍‌ବାଗ୍ ଅନି ବାଗେକ୍ ଦାନ୍ କରସା, ମାତର୍
ନିଆଇ, ଦୟା, ବିସ୍‌ବାସ୍ ଏନ୍ତୁ ମୁକିଅ ମୁକିଅ ବିସଇର୍ ନିୟମର୍ ସିକିଆ ଏଲା
କଲାସ୍‌ନି । ପୁର୍ବର୍ ମୁକିଅ ବିସଇ ଏଲା ନ କରି, ଏ ସବୁଜାକ ଆଗ୍‌ତୁଅନିସେ

ଅବିଆୟ କର୍ବାର ରଇଲା । ୨୪ ଏଇ ବାଟେଦକାଇବା କାଣା ଲକ୍ମନ୍! ତମେ କାଇବାବେଳେ କେତେବଲ୍ ତେଇ କାଇଆଲେ କିତା ଅଦ୍ରି ରଇସି ବଲି ସେଟା ଚାନ୍ତି ପାକାଇତେ ରଇସା । ମାତର୍ ତମେ ଗଟେକ୍ ଗଟେକ୍ ବଡ଼ ପସୁକେ ମିସା ଗିଲି କାଇପାକାଇସା । ୨୫ ସାରାସାରି ଦିନେ ତମେ କେତେ କାକୁର୍ତି ଅଇସା, ଏଇ କୁଟିଆଲ୍ ଦରମ୍ ଗୁରୁ ଆରି ପାରୁସିମନ୍! ତମେ ଉପ୍ରେ ଉପ୍ରେ ତାଲାଗିନା ମାଜି ପରିଚଲ୍ କରିରଇସା, ମାତର୍ ସେ ବିତ୍ରେ ଛାଁଆ ଆରି ନିଜର୍ ବିସଇ ତିନ୍ତୁ କର୍ବାଟା ବର୍ତ୍ତି ଅଇରଇସି । ୨୬ ଏଇ କାଣା ପାରୁସିମନ୍! ମୁତାର ବିତ୍ରେ ରଇବାଟା ଆଗ୍ତୁ ପରିଚଲ୍ କରା, ସେନ୍ତୁର୍ କଲେ ଉପ୍ରେରଟା ମିସା ପରିଚଲ୍ ଅଇଜାଇସି । ୨୭ ଏଇ ଦରମ୍ ଗୁରୁମନ୍ ଆରି ପାରୁସିମନ୍! ତମ୍ବେ କେତେ ବଡ଼ ଡଣ୍ଟ ମିଲ୍ସି । ଏଇ କୁଟିଆଲ୍ମନ୍! ତମେ ଉପ୍ରେ ଉପ୍ରେ ରୁନ୍ସଡ଼୍ଟ ସାରଇ ରଇବା ଗୁଡାମ୍ ପାରା । ଏଟାମନ୍ ଉପ୍ରେ ସୁନ୍ତୁର୍ ତିସ୍ସି, ମାତର୍ ବିତ୍ରେ କୁଇଲା ମଡ଼ ଆରି ଆଡ଼ଗଡ଼ ବର୍ତ୍ତି ଅଇରଇସି । ୨୮ ସେନ୍ତୁରିସେ ତମେ ମିସା ବାଇରେ ଲକ୍ମନ୍ ବେକ୍ତେ ଦରମ୍ ପାରା ତିସ୍ତେରଇସା, ମାତର୍ ତମର୍ ବିତ୍ରେ କୁଟ୍ କାତା, ଆଁକାର୍, ଆରି ପାପ୍ ବର୍ତ୍ତି ଅଇଆଟେ । ୨୯ ଏଇ ଦରମ୍ଗୁରୁମନ୍ ଆରି ପାରୁସିମନ୍! ଏ ଟକାବଣ୍ଟା କରୁମନ୍! ତମର୍ ପାଇ ଏଟା କେତେକ୍ ଇନସ୍ତାର୍ ବିସଇ । ତମେ ବବିସ୍ତବକ୍ତାମନ୍ ପାଇ ସୁନ୍ତୁର୍ ସୁନ୍ତୁର୍ ସମାଦି ତିଆର୍ କଲାସ୍ନି ଆରି ଦରମ୍ ଲକ୍ମନ୍କେ ସବୁ ଦିନ୍ ଏତାଇବାକେ ନାଉଁ ଲେକି ତସାଇଲାସ୍ନି । ୩୦ ଆରି ତମେସେ କଇଲାସ୍ନି ଜଦି ତମର୍ ଆନିଦାଦିମନ୍ ବେଲେ, ତମେ ରଇତାସ୍ ବଇଲେ, ସେମନ୍ ପାରା ତଲାଚଲ୍ତି ନ କର୍ତାସ୍, କି ବବିସ୍ତବକ୍ତାମନ୍କେ ନ ମରାଇତାସ୍ । ୩୧ ଏ କାତା କଇଲାର୍ ପାଇ ତମେ ବବିସ୍ତବକ୍ତାମନ୍କେ ମରାଉମନ୍ ନାତି ତିତିର୍ ଲକ୍ ବଲି ଏବେ ମାନ୍ଲାସ୍ନି । ୩୨ ତେବେ ତମେ ଆଗ୍ତୁ ଉଆ । ତମର୍ ଆନିଦାଦିମନ୍ କରିରଇବା କର୍ତା କାମ୍ ପୁରାପୁରୁନ୍ ସାରାଇ ଦିଆସ୍ । ୩୩ ଏଇ ସାଁପ୍ମନ୍! ବିସ୍ରେଇବା ସାଁପର୍ କୁଟୁମର୍ ପାରା ଲକ୍ମନ୍, ତମେ କେନ୍ତି ନରକର୍ ତଣ୍ଟେଅନି ରକିଆ ମିଲ୍ସି ବଲି ଆସା କଲାସ୍ନି? (Geenna g1067) ୩୪ ସେଟାର୍ ପାଇ ମୁଇ ତମ୍ବେ କଇଲିନି, ତମର୍ ଲଗେ ବବିସ୍ତବକ୍ତାମନ୍କେ, ସିକାଇବା ଗୁରୁମନ୍କେ ଆରି ଗିଆନ୍ ରଇବା ବଡ଼ ଲକ୍ମନ୍କେ ମୁଇ ପାଟାଇବି । ତାକର୍ ବିତ୍ରେଅନି ତମେ କେତେ ଲକ୍କେ ମରାଇସା, କେତେ ଲକ୍କେ କୁରସେ

ଚଗାଇଯା, ଆରି ବାକି ଲକ୍ଷ୍ମୀଙ୍କେ ପାର୍ତନା ଗରେଅନି କର୍ତ୍ତା ସଞ୍ଜୁ ମାରି
 ମାରି ଗଟେକ୍ ନଅରେ ଅନି ଆରିଗଟେକ୍ ନଅରେ କେଦି ଦେଇଯା । ୩୫
 ଜେନ୍ତିକି ଏବଲର ବେଲେଅନି ଆରାମ୍ କରି ବର୍କିଆର୍ ପ ଜିକରିୟର୍ ଜାକ,
 ଜାକେ କି ତମେ ମନିର୍ ଆରି ବେଦିର୍ ମଜାଇ ମରାଇରଇଲାସ୍, ଦସ୍ ନ
 କରିରଇବା ସବୁ ଲକ୍ଷ୍ମୀଙ୍କେ ମରାଇଲା ପାଇ ତମେ ଦସିଅଇ ତଣ୍ଟୁ ପାଇଯା ।
 ୩୬ ମୁଇ ସତ୍ କଇଲିନି, ଏ ସବୁ ଲକ୍ଷ୍ମୀଙ୍କେ ମରାଇଲା ପାଇ ଏ ଜୁଗର୍
 ଲକ୍ଷ୍ମୀଙ୍କେ ତଣ୍ଟୁ ପାଇବାଇ । ୩୭ ଏ ଜିରୁସାଲାମ୍, ଏ ଜିରୁସାଲାମ୍, ତୁଇ
 ବବିସତ୍‌ବକ୍ତାମନ୍‌କେ ମରାଇଲୁସ୍‌ନି ଆରି ପର୍‌ମେସର୍ ପାଟାଇରଇଲା
 କବର୍ ଆନୁମନ୍‌କେ ପାକ୍‌ନା ମାରି ମରାଇଲୁସ୍‌ନି । ମାଇ କୁକ୍‌ତା ତାର୍
 ଚିଅଁମନ୍‌କେ ତେନା ବିତ୍‌ରେ ଦାରି ଅଲଣ୍ଟୁଲାପାରା, ତର୍ ଲକ୍ଷ୍ମୀଙ୍କେ ମୁଇ
 ପାଟାଲି ରକିଆ କର୍‌ବାକେ କେତେ କେତେ ତର୍ ଚେସ୍‌ଟା କଲି । ମାତର୍
 ମକେ ସେନ୍ତାରି କର୍‌ବାକେ ଦେଉସ୍ ନାଇ । ୩୮ ସେଟାର୍ ପାଇ ତର୍ ମନିର୍
 ବାଞ୍ଚିରୁଜି ଚିନ୍‌ବିନ୍ ଅଇଜାଇସି । ୩୯ ମାତର୍ ମୁଇ କଇଲା କାତା ରଇସି,
 ମାପ୍‌ରୁର୍ ନାଉଁ ଦାରି ଜେ ଆଇଲାନି, ସେ କେତେ କରମର୍ ଲକ୍ ବଲି ଏଟା
 ଜେବେ ଜାକ ନ କୁଆସ୍, ଆଜିଅନି ଆରି କେବେ ମକେ ଦେକି ନାପାରାସ୍ ।

୨୪ ଜିସୁ ମନିରେଅନି ବାରଇ ଇଣ୍ଟିଜାଇତେ ରଇବାବେଲେ ସିସ୍‌ମନ୍ ମନିର୍
 ପିଣ୍ଟା ଦୁଆରେ ରଇବା ବଡ୍ ବଡ୍ ପାକ୍‌ନା ବାଟେ ଦେକାଇଲାଇ । ୨ ଜିସୁ
 କଇଲା, “ଏବେ ସିନା ଏ ସବୁ ଦେକ୍‌ଲାସ୍‌ନି । ମୁଇ ତମ୍‌କେ ସତ୍ କଇଲିନି ଏ
 ମନିର୍‌ର ଗଟେକ୍ ମିସା ପାକ୍‌ନା ତାର୍ ଜାଗାଇ ନ ରଏ । ସବୁଜାକ ଅଦ୍‌ରି
 ବଲିଜାଇସି ।” ୩ ଜିସୁ ଜିତ୍ ନାଉଁର୍ ତଢ୍‌ରୁ ଉପ୍‌ରେ ବସିରଇଲା ବେଲେ,
 ତେଇ କେ ନ ରଇଲା ବେଲେ, ସିସ୍‌ମନ୍ ଆସି ତାକେ ପାଟାରୁଲାଇ, “ଏ
 ସବୁଜାକ କେବ୍‌କେ ଅଇସି ଆମ୍‌କେ କୁଆ କାଇ ଗଟ୍‌ନା ଗଟ୍‌ଲେ ଆମେ
 ଜାନିପାରୁବୁ ଜେ ତମର୍ ଆଇବା ବେଲା ଅଇଲାନି ଆରି ଏ ଜୁଗ୍ ସେସ୍ ଅଇସି
 ବଲି?” । (aiōn g165) ୪ ଜିସୁ କଇଲା, “ଜାଗ୍‌ରତ୍‌ଅଇକରି ରୁଆ, ଜେନ୍ତିକି
 କେ ମିସା ତମ୍‌କେ ନ ନାତାଅତ୍ । ୫ କେତେ କେତେ ଲକ୍ଷ୍ମୀଙ୍କେ ମର୍ ନାଉଁ
 ଦାରି ଆସି କଇବାଇ, ‘ମୁଇ ଆକା କିରିସ୍‌ଟ ମସିଅ ।’ ସେମନ୍ ଏନ୍ତାର୍ କଇ
 କେତେ କେତେ ଲକ୍ଷ୍ମୀଙ୍କେ ନାତାଇବାଇ । ୬ ତମର୍ ଲଗେ ଅଇତେ ରଇବା
 ଜୁଇଦର୍ କିଲ୍‌ବିଲ୍ ଅଇବାଟା ସୁନ୍‌ସା ଆରି ଦୁରିକେ ଅନି ଅଇତେ ରଇବା
 ଜୁଇଦର୍ କବର୍ ଜାନ୍‌ସା । ମାତର୍ ତରାନାଇ, ବାଇଦରେ ଏନ୍ତି ଗଟ୍‌ନା

ଅଇସି । ମାତର ଏଟାର ଅରତ୍ ନଏଁ ଜେ, ଜୁଗ୍‌କାଲ୍ କେଟିଗାଲା । ୭
 ଦେସ୍ ଦେସ୍ ବିତ୍ରେ ଜୁଇଦ୍ ଅଇସି, ଗଟେକ୍ ରାଇଜ୍ ଆରି ଗଟେକ୍ ରାଇଜ୍
 ଉପ୍ରେ ଜୁଇଦ୍ କରସି । ସବୁ ବାଟେ ମରତି ଆରି ଦରତନି ତୁଲ୍‌ବୁଲ୍‌ସି
 । ୮ ମାତର ଏଟାମନ୍ ସବୁ ମାଇଜିମନର୍ ଆତ୍‌ଗତ୍ ସୁକ୍‌ଅଇବା ବେଲେ
 ପରତୁମ୍ ପରତୁମ୍ ଅଇବା ଦୁକାସୁକା ପାରା । ୯ ତମେ ଦାରାଇ ଅଇ ମାତ୍
 କାଇବାକେ ଆରି ମରନର୍ ତଣ୍ଟୁ ପାଇବାକେ ସର୍ପି ଅଇସା । ତମେ ମକେ
 ବିସ୍‌ବାସ୍ କଲାର୍ ପାଇ ବଲି ସବୁ ଲକ୍ ଗିନ୍ କରବାଇ । ୧୦ ସେତ୍‌କିବେଲେ
 କେତେ କେତେ ଲକ୍ ତାକର୍ ବିସ୍‌ବାସ୍ ଆରାଇବାଇ, ତାକର୍ ତାକର୍ ବିତ୍ରେ
 ଗିନ୍ ଅଇକରି ତାକର୍ ତାକର୍ ବିତ୍ରେ ବିସ୍‌ବାସେ ବିସ୍ ଦିଆ ଦିଇ ଅଇବାଇ
 । ୧୧ ସେବେଲେ କେତେ କେତେକ୍ ଟକାବଣ୍ଟା ବବିସ୍‌ତ୍‌ବକ୍‌ତା ଆସିକରି
 ଲକ୍‌ମନ୍କେ ନାଡାଇବାଇ । ୧୨ ଏନ୍ତାରି ଅଇ ପାପ୍ ଅଦିକ୍ ଅଦିକ୍ ଅଇସି ଆରି
 ପରମେସର୍ ପାଇରଇବା ଲକ୍‌ମନର୍ ଆଲାଦ୍ ସିତଲ୍ ଅଇଜାଇସି । ୧୩
 ମାତର ଜେ ସାରାସାରି ଜାକ ମୁରତିକରି ରଇସି, ସେ ମୁକ୍ତି ପାଇସି । ୧୪
 ରାଇଜର୍ ସବୁ ବାସାର ଲକ୍‌ମନର୍ ଲଗେ, ମାପ୍‌ରୁର୍ ସାକିଦେବାକେ ଦୁନିଆର୍
 ଗୁଲାଇବାଟେ ତାର୍ କାତା ସୁନାଇବାଇ । ତାର୍‌ପଟେ ସେ ଜୁଗ୍ ସାରସି ।” ୧୫
 ଦାନିଏଲ୍ ବବିସ୍‌ତ୍‌ବକ୍‌ତା ଟିକି ନିକି ଇସାବେ ଲେକିରଇବା ସେ ବାୟାବିକଲର୍
 ଦିନ୍ ତମେ ଆରି ତରେକ୍ ଦେକ୍‌ସା । ସେଟା ସୁକଲ୍ ଜାଗାକେ ଅସୁକଲ୍
 କରିଦେଇସି । ଇତିର୍ ଅରତ୍ କାଇଟା, ପଡ୍‌ଲା ଲକ୍ ବୁଜା । ୧୬ ସେବେଲେ
 ଜନ୍ ଲକ୍‌ମନ୍ ଜିଉଦା ରାଇଜେ ରଇବାଇ, ସେମନ୍ ତଢ୍ଢୁରେ ପାଲାଅତ୍
 । ୧୭ ଜନ୍ ଲକ୍‌ମନ୍ ତାଉନି ଉପ୍ରେ ରଇବାଇ, ସେମନ୍ ଗର୍ବିତ୍‌ରର୍
 ଜିନିସ୍ ପତର୍ ନେବାକେ ତଲେ ଆସି ରୁତାଇ ରୁତାଇ ବେଲା ନ ଗତାଅତ୍
 । ୧୮ ଜନ୍ ଲକ୍‌ମନ୍ ପଦାଇ ଜାଇତେ ରଇବାଇ, ସେମନ୍ ତାକର୍ ଲୁଗା
 ପଡିଆ ନେବାକେ ଗରେ ନ ବାଉଡତ୍ । ୧୯ ସେତ୍‌କିବେଲେ ଗାଗ୍‌ତେ ରଇବା
 ମାଇଜିମନ୍ ଆରି ପିଲାକେ ଦୁଦ୍ କୁଆଇତେ ରଇବା ମାମନର୍ ଦସା କେତେ
 ଇନସ୍‌ତା ଅଇସି । ୨୦ ଏ ସବୁ ଗର୍‌ନା ସିତ୍ ଦିନେ ନ ଅ । ସେଟାର୍‌ପାଇ
 ପରମେସର୍‌କେ ପାର୍‌ତନା କର୍ତେ ରୁଆ, ଜେନ୍ତାରି କି ସିତ୍‌ମାସେ ନଇଲେ
 ବିସ୍‌ରାମ୍‌ବାରେ ତମ୍‌କେ ପାଲାଇବାକେ ନ ପଡେ । ୨୧ ସେବେଲେ ଜନ୍
 ଦୁକ୍ ପାଇବାକେ ପଡ୍‌ସି, ଦୁନିଆ ତିଆର୍ ଅଇଲାଟାନେଅନି ଆଜିକେ ଜାକ
 ଅଇ ରଇବା ସବୁ କସ୍‌ଟେଇଅନି ଅଦିକ୍ ଅଇଜାଇସି । ସେନ୍ତାରି ଦୁକ୍

ଆଗ୍ନିକେ ଆରି କେବେ ନ ଆସେ । ୨୨ ମାତର୍ ପର୍ଯ୍ୟନ୍ତ ଦୁକର୍ ବେଲା
 ଉନାକରି ଦେଇଆଚେ । ସେନ୍ତୁରି ନ କରିରଇଲେ କେ ମିସା ନ ରଇତାଇ ।
 ମାତର୍ ସେ ବାଟିରଇବା ଲକ୍ଷ୍ମୀନକେ ଜିଆଇବାପାଇ ପର୍ଯ୍ୟନ୍ତ ସେ ବେଲା
 ଉନାକରି ଦେଇଆଚେ । ୨୩ ସେବେଲେ କେ ଜଦି ତମ୍ବୁକେ ଇତି କିରିସ୍ତ
 ଆଚେ ନଇଲେ ତେଇ ସେ ଆଚେ ବଲି କଇସି, ତାକେ ବିସ୍ତାସ୍ କରା ନାଇ
 । ୨୪ କାଇକେ ବଇଲେ ମୁଇ ନିଜେ ମସିଅ କି ମୁଇ ନିଜେ ବବିସ୍ତବକ୍ତା
 ବଲାଅଇତେ ରଇବା ଟକାବଣ୍ଟାକରୁମନ୍ ସେବେଲେ ଦେକାଇଅଇବାଇ
 । ସେମନ୍ କାବା ଅଇଜିବା କାମ୍ମନ୍ ଦେକାଇ ପର୍ଯ୍ୟନ୍ତ ବାଟି ରଇବା
 ଲକ୍ଷ୍ମୀନକେ ମିସା ନାତାଇବାଇ । ୨୫ ଦେକା, ସେ ବେଲା ନ ଆଇବା, ଆଗ୍ନି
 ମୁଇ ତମ୍ବୁକେ ଜାନାଇଦେଲିନି । ୨୬ “ଦେକା, ଜଦି ଲକ୍ଷ୍ମୀନ ସେ ମରୁବାଲି
 ରଇବା ଜାଗାଇ ଆଚେ ବଲି କଇବାଇ, ତମେ ତେଇ ଜାଆ ନାଇ । କି ସେମନ୍
 ଇତି ଦେକିଦେକା ସେ ଲୁଟିଆଚେ ବଲି କଇବାଇ, ସେମନ୍କେ ବିସ୍ତାସ୍
 କରା ନାଇ । ୨୭ ଉଦିଆନ୍ ଦିଗେଅନି ରୁଡ଼ି ଦିନ୍ ଜାକ ଜେନ୍ତୁରି ବିଜ୍ଞା
 ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେନ୍ତୁରି ଅଇକରିସେ ନର୍ପିଲା
 ମୁଇ ଆଇବି ।” ୨୮ “ଜନ୍ତି ମତା ପିଢ଼ି ରଇବାଇ, ତେଇ ମତ୍ତକାଉ ଗିଦ୍ମନ୍
 ରୁଣ୍ଡିରଇବାଇ ।” ୨୯ ସେ ଦୁକର୍ବେଲା ସାର୍ବା ବେଲେ, ବେଲ୍ ଜାଉଁଲି
 ଜାଇସି, ଜନ୍ ଆରି ଉଜଲ୍ ନ ତିସାଏ, ବାଦ୍ଲେଅନି ତାରାମନ୍ ଅଦର୍ବାଇ
 ଆରି ବାଦ୍ଲେ ଉଜଲ୍ ଦେବାଟାମନ୍ ସବୁ ବାଟ୍ ବାନା ଅଇଜିବାଇ । ୩୦ ତାର୍
 ପଚେ ନରପିଲା ମୁଇ ବାଦ୍ଲେ ଆଇବାଟା ଦେକ୍ସା । ଆରି ତାକ୍ପୁଟାଅଇ
 ପାନି ବାଦ୍ଲେ ବପୁ ସଢ଼ୁ ଆଇବାଟା ଦେକି ଦର୍ତ୍ତନିର୍ ଲକ୍ଷ୍ମୀନ କାନ୍ତାରୁବା
 ଅଇଜିବାଇ । ୩୧ ବଡ଼ ମଇରି ବାଜ୍ସି । ଆରି ଗୁଲାଇ ସରଗର୍ ଗଟେକ୍
 କନେ ଅନି ବିନ୍ ବିନ୍ କନେ ରଇବା ମର୍ ବାବା ବାଟି ରଇବା ଲକ୍ଷ୍ମୀନକେ
 ଚୁଲିଆଇବାକେ ମୁନୁସ୍ ପିଲା ମୁଇ ମର୍ ଦୁର୍ମନ୍କେ ପାଟାଇବି । ୩୨ ତୁମ୍ବୁରି
 ଗଚେଅନି ସିକା । ଜେତେବେଲେ ତାର୍ କେନ୍ତିଅନି ପତର୍ ପାଲୁଆନି କର୍ସି,
 ଆରି କାଁତାପଡ଼ିଆ ତିସ୍ଲେ କାରାଦିନ୍ କେଟ୍ଲା ବଲି ତମେ ଜାନ୍ସା । ୩୩
 ସମାନ୍ ସେନ୍ତୁରସେ ଏ ସବୁ ଜାକ ଅଇବାଟା ଦେକ୍ଲେ, ସାରାସାରି ଦିନ୍କାଲ୍
 ଆରାମ୍ ଅଇଲା ବଲି ତମେ ଜାନା । ୩୪ “ଏତାଇରୁଆ, ମୁଇ ସତ୍ କଇଲିନି,
 ଏବେ ଜିବନ୍ ରଇଲା ଲକ୍ଷ୍ମୀନର୍ ବିତ୍ରେଅନି ସବୁ ଲକ୍ ମର୍ବା ଆଗ୍ନି,
 ଏସବୁ ବିସଇ ଗଟ୍ସି । ୩୫ ସରଗ୍ ଆରି ମର୍ପୁର୍ କୁରୁପ୍ନାସ୍ ଅଇଜାଇସି,

ମାତର ମରୁ ସବୁ ବାକିଅ କେବେ ମିତ୍ ନ ଅଏ । ୩୭ “ସେ ଦିନ, ସେ ବେଳା କେବେ ଆଇସି, କେ କଲନାପାରତ୍ । ପରମେସରର ପିଲା ମୁଇ ମିସା କି ସରଗର୍ ଦୁତ୍ତମନ୍ ମିସା ସେ କାତା ନାଜାନତ୍, ବାବା ପରମେସର୍ ଆକା ଜାନିଆତେ । ୩୭ ନଅର୍ ବେଲେ ଜେନ୍ତୁରି ଗଟିରଇଲା, ସମାନ୍ ସେନ୍ତୁରିସେ ନର୍ପିଲା ମୁଇ ଆଇବା ବେଲା ମିସା । ୩୮ ପୁର୍ତିବି ଉପ୍ରେ ପାନି ବର୍ତି ଅଇବାବେଲେ ଅନି ନଅ ପାନିଜାଜେ ପୁର୍ବା ଜାକ, ଲକ୍ମନ୍ କାଆ ପିଇ ଅଇ ବିବା କାମେ ତେରେପେତେ ଅଇରଇଲା । ୩୯ ପାନିତେଇ ସେମନ୍ ବଅଁଲି ଜିବା ଜାକ, କାଇଟା ଅଇଲାନି, ଜାନି ନ ରଇଲା । ନର୍ପିଲା ମୁଇ ଆଇବା ବେଲେ ସମାନ୍ ସେନ୍ତୁରି ଅଇସି । ୪୦ ସେ ବେଲାଇ ପଦାଇ ପାଇଟି କର୍ତେ ରଇବା ଦୁଇ ଲକର୍ ବିତ୍ରେ ଅନି ଗଟେକ୍ ଲକ୍ କେ ବାଟ୍ବାଇ ଆରି ଗଟେକ୍ ଲକ୍ କେ ଚାଡିଦେବାଇ । ୪୧ ଗର୍ତେରଇବା ଦୁଇଟା ମାଇଜି ମନର୍ ବିତ୍ରେ ଅନି ଗଟେକ୍ ଲକ୍ ବାଟି ଅଇସି ଆରି ଗଟେକ୍ ଲକ୍ ରଇଜାଇସି । ୪୨ ସେନ୍ତି ବଇଲେ ତମେ ଜାଗ୍‌ରତ୍ ଅଇ ରୁଆ, କାଇକେ ବଇଲେ ତମର୍ ମାପ୍‌ରୁ କେତେବେଲା ଆଇସି, ତମେ ନାଜାନାସ୍ । ୪୩ କେତେବଲ୍ ତର୍ ପୁର୍ସି ବଲି ଜାନିରଇଲେ, ଗର୍ ସାଉକାର୍ ଜାଗ୍‌ରତ୍ ରଇ ତର୍କେ ଗରେ ପୁର୍ବାକେ ନ ଦେଏ । ୪୪ ତମେ ମିସା ସବୁବେଲେ ଜାଗ୍‌ରତ୍ ରଇକରି ତିଆର୍ ଅଇ ରୁଆ । କାଇକେ ବଇଲେ ତମେ ଜାଗି ନ ରଇଲା ବେଲେସେ ନର୍ପିଲା ମୁଇ ଉଟିଆଇବି । ୪୫ “ସେନ୍ତି ବଇଲେ କେ ତେବେ ନିମାନ୍ ଆରି ବୁଦି ରଇବା ଦାଞ୍ଜୁତା? ଜାର୍ ଉପ୍ରେ ସାଉକାର୍ ବିନ୍ ଦାଞ୍ଜୁତାମନର୍ ଟିକ୍ ବେଲାଇ, କାଇବା କାଦି ଦେବା ଦାଇତ୍ ଦେଇରଇସି । ୪୬ ସାଉକାର୍ ବାଉଡି ଆଇଲା ବେଲେ ସେ ଦାଞ୍ଜୁତା ଜଦି ଟିକ୍ ସଞ୍ଜୁ କାମ୍ କରିରଇସି ବଇଲେ, ତାର୍ କେତେକ୍ ନିକ କରମ୍! ୪୭ ମୁଇ ସତ୍ କଇଲିନି, ସେନ୍ତୁରି ଦାଞ୍ଜୁତାକେ ସାଉକାର୍ ଗଟେକ୍ ଦିନେ ତାର୍ ସବୁ ଦନ୍ ସିପତିର୍ ଦାଇତ୍ ଦେଇ ଦେଇସି । ୪୮ ମାତର୍ ସେ ଦାଞ୍ଜୁତା ଜଦି ‘ସାଉକାର୍ ନ ଆସେତା’ ବଲି ବାବ୍‌ସି ଆରି ୪୯ ବିନ୍ ଦାଞ୍ଜୁତାମନ୍କେ ମାର୍ପିଟ୍ କରି ମଦୁଆମନର୍ ସଞ୍ଜୁ କିଆପିଆ କର୍ତେ ରଇସି, ୫୦ ସେ ଜାଗ୍‌ରତ୍ ନ ରଇଲା ବେଲେ ଆରି ଜନ୍ ବେଲାଇ ସେ ନାଜାନି ରଏ, ସେ ଦିନେ ଆରି ସେ ବେଲାଇସେ ସାଉକାର୍ ବାଉଡିଆଇସି । ୫୧ ତାକେ ସେଡ୍‌କି ବେଲେ କଣ୍ଟୁ କଣ୍ଟୁ କରି କାଟି ଦେଇସି । ସେ ନାତାଉମନର୍ ଦସାର୍ ତଣ୍ଟୁ ପାଇସି । ଆରି ସାରାସାରି ଦାଁତ୍ କାତ୍‌ରି ମାର୍ତପ୍ ଅଇ କାନ୍ତୁସି ।”

୨୫ “ସେତିକିବେଳେ ସରଗ୍ ରାଇଜେ କେଟ୍‌ବା ବାଟ୍ ଏନ୍ତୁ ଅଇସି । ଦସ୍‌ଟା
 ଦାଢ଼ୁଡ଼ିମନ୍ ସବୁ ଲକ୍ ଗଟେକ୍ ଗଟେକ୍ ବଡ଼ି ଦାରି ବାଟେ, ବର୍ ଦାଢ଼ୁଡ଼ାକେ
 ଜାଗ୍‌ବାର୍ ଜାଇରଇଲା । ୨ ସେମନ୍‌ର୍ ବିଡ଼ରେଅନି ପାଁର୍‌ଟା ଦାଢ଼ୁଡ଼ି
 ଚତୁର୍ ରଇଲା, ଆରି ପାଁର୍‌ଟା ଦାଢ଼ୁଡ଼ି ବକୁଆ ରଇଲା । ୩ ବକୁଆ
 ରଇଲା ଦାଢ଼ୁଡ଼ିମନ୍ ଅଦିକ୍ ଚିକନ୍ ନେଇ ନ ରଇଲା । ୪ ମାତର୍ ଚତୁର୍
 ରଇବା ଦାଢ଼ୁଡ଼ିମନ୍ ନିଜର୍ ନିଜର୍ ବଡ଼ି ଟାନେ ରଇବାଟା ଚାଡ଼ି ଆରି କାଁଟେ
 ମିସା ଚିକନ୍ ବର୍ଡ଼ି କରି ନେଇରଇଲା । ୫ ବର୍ ଦାଢ଼ୁଡ଼ା ଆଇବାଟା
 ଅଲ୍‌ସମ୍ ଅଇଲାକେ ଦାଢ଼ୁଡ଼ିମନ୍ ଜୁମ୍‌ରି ଜୁମ୍‌ରି କରି ସଇଦେଲା ।” ୬
 ମଜା ରାତିବେଲା ଆଉଲି ସୁନି ଅଇଲା, “ଏଦେ ଦେକା! ବର୍ ଦାଢ଼ୁଡ଼ା
 ଆଇଲାବେ! ଆସା ସେମନ୍‌କେ ଡାକିଆନ୍ତୁ!” ୭ ଦାଢ଼ୁଡ଼ିମନ୍ ଉଟିକରି ନିଜର୍
 ନିଜର୍ ବଡ଼ିମନ୍ ସାଜାଡ଼ଲା । ୮ ସେଡ଼କି ବେଲେ ବକୁଆ ଦାଢ଼ୁଡ଼ିମନ୍
 ଚତୁର୍ ରଇଲା ଦାଢ଼ୁଡ଼ିମନ୍‌କେ କଇଲା “ଆମ୍‌କେ କଣ୍ଠେକ୍ ଚିକନ୍ ଦିଆ ।
 ଆମ୍‌ର୍ ବଡ଼ି ଲିବିଗାଲାନି ।” ୯ ଚତୁର୍ ଦାଢ଼ୁଡ଼ିମନ୍ କଇଲା, “ତମ୍‌କେ
 ଦେଲେସରି ଆମ୍‌ର୍ ପାଇ ଚିକନ୍ ନ ଅଏ । ତମେ ଦୁକାନେ ଜାଇ ନିଜର୍
 ନିଜର୍ ପାଇ ଚିକନ୍ ଗେନିଆନା ।” ୧୦ ସେଟାପାଇ ବୁଦି ନଇଲା ଦାଢ଼ୁଡ଼ିମନ୍
 ଚିକନ୍ ଗେନ୍‌ବାକେ ବାରଇଲା । ସେମନ୍ ଗାଲା, ପଟେ ବର୍ ଦାଢ଼ୁଡ଼ା ଆସି
 କେଟ୍‌ଲା । ଜାଗ୍‌ରଡ଼ ଅଇରଇଲା ପାଁର୍‌ଟା ଚତୁର୍ ଦାଢ଼ୁଡ଼ିମନ୍ ତାକର୍ ସଢ଼ୁ
 ବିବା ବଜିଡେଇ ଗାଲା ପଟେ କାପାଟ୍ ଡାବିଅଇଗାଲା । ୧୧ ସେ ବୁଦି ନ
 ରଇଲା ଦାଢ଼ୁଡ଼ିମନ୍ ପଟେ ସେ ଜାଗାଇ ଆଇଲା, ଏ ମାପୁରୁ ଏ ମାପୁରୁ
 କାପାଟ୍ ଉଗାଡ଼ା, ଆମେ ବିଡ଼ରେ ଜିବୁ ବଲି ସେମନ୍ ଆଉଲି ଅଇଲା । ୧୨
 ବର୍‌ଦାଢ଼ୁଡ଼ା କଇଲା, “ମୁଇ ସଡ଼ କଇଲିନି, ତମେ କେ, ମୁଇ ନାଜାନି ।”
 ୧୩ କାତା କଇବାଟା ସାରାଇ, କରି ଜିସୁ କଇଲା, “ଜାଗ୍‌ରଡ଼ ଅଇ ରୁଆ ।
 ସେ ଦିନ୍ କି ବେଲା କେ ମିସା ନାଜାନାସ୍ ।” ୧୪ “ସରଗ୍ ରାଇଜ୍ ଏନ୍ତାରି,
 ସେ ବିସଇର୍ ଆରି ଗଟେକ୍ କାତା ସୁନା । ତରେକ୍ ଗଟେକ୍ ଲକ୍ ତାର୍
 ଚାକର୍‌ମନେକ, ତାର୍ ସଁପତି ଚାଡ଼ିଦେଇ ବିଦେସେ ଉଟିଗାଲା । ୧୫ ସେମନ୍‌ର୍
 ପାର୍‌ବା ଇସାବେ ସେମନ୍‌କେ କେଡେକ୍ କେଡେକ୍ ତାରୁ ଜିମା ଦେଲା ।
 ଗଟେକ୍ ଲକ୍‌କେ ପାଁର୍ ଅଜାର୍ ରୁପା ଟାଙ୍ଗା ଦେଲା, ଗଟେକ୍ ଲକ୍‌କେ ଦୁଇ
 ଅଜାର୍, ଆରି ଗଟେକ୍‌ଲକ୍‌କେ ଅଜାର୍ ରୁପା ଟାଙ୍ଗା ଦେଲା । ଆରି ବିଦେସେ
 ଉଟିଗାଲା । ୧୬ ପାଁର୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ସେ ତାରୁ

ବେବାର୍ କରି ଆରି ପାଁର୍ ଅଜାର୍ ଲାବ୍ କଲା । ୧୭ ସେନ୍ତୁରି ଦୁଇ ଅଜାର୍ଟା
 ନେଇରଇଲା ଚାକର୍ ମିସା ଆରି ଦୁଇ ଅଜାର୍ ଲାବ୍ କଲା । ୧୮ ମାତର୍
 ଜନ୍ ଚାକର୍ ଅଜାର୍ଟା ପାଇରଇଲା, ସେ ଗଟେକ୍ କାଲ୍କୁନି ସାଉକାର୍
 ଦେଇରଇବା ସେ ରୁପା ଟାଙ୍ଗୁ ଲୁଚାଇ ସଞ୍ଜୁଇଲା । ୧୯ “ବେସିଦିନ୍ ଗାଲା
 ପଟେ ସାଉକାର୍ ବାଅଡ୍ଲା ଆରି ଚାକର୍ମନର୍ ସଞ୍ଜୁ ଇସାବ୍ କିତାବ୍ କଲା ।”
 ୨୦ ପାଁର୍ ଅଜାର୍ ରୁପାଟାଙ୍ଗୁ ନେଇରଇଲା ଚାକର୍ ଆସି ଆରି ପାଁର୍ ଅଜାର୍
 ଦେଇ କଇଲା, “ସାଉକାର୍ ତମେ ମକେ ପାଁର୍ ଅଜାର୍ ଦେଇରଇଲାସ୍, ଏଦେ
 ଦେକା, ମୁଇ ଆରି ପାଁର୍ ଅଜାର୍ ଲାବ୍ କଲିଆଟି ।” ୨୧ ସାଉକାର୍ ସାର୍ଦା
 ଅଇ ତାକେ କଇଲା, “ଟିକ୍ କରିଆରୁସ୍, ତୁଇ ମର୍ କେଡେକ୍ ନିକ୍ ଆରି
 ବିସ୍ବାସ୍ ରଇବା ଚାକର୍! ତମେ ବିସ୍ବାସ୍ ସଞ୍ଜୁ ଉନା ଦନ୍ କାର୍ବାର୍ କରି
 ରଇଲାର୍ ପାଇ ତମେକ୍ ବେସି ଦନ୍ ଚାଡିଦେବି । ଆଉ ମର୍ ସଞ୍ଜୁ ସାର୍ଦା
 କର୍ ।” ୨୨ “ଦୁଇ ଅଜାର୍ ରୁପାଟାଙ୍ଗୁ ନେଇ ରଇଲା ଚାକର୍ ଆସି କଇଲା,
 ସାଉକାର୍ ତମେ ମକେ ଦୁଇ ଅଜାର୍ ଦେଇ ରଇଲାସ୍, ମୁଇ ଆରି ଦୁଇ ଅଜାର୍
 ଲାବ୍ କଲିଆଟି ।” ୨୩ ସାଉକାର୍ କଇଲା, କେଡେକ୍ ନିକ୍! ତୁଇ ମିସା ମର୍
 ବଡିଆ ଚାକର୍ । ଉନା ତାରୁ ମିସା ନିକକରି କାମେ ଲାଗାଇଲୁସ୍ । ଏବେ
 ତର୍ ଜିମାରେ ମୁଇ ରୁଡେକ୍ ଦନ୍ ଦେବି । ଆଉ ମର୍ ସଞ୍ଜୁ ସାର୍ଦା କର୍ ।
 ୨୪ ସାରାସାରି ଅଜାର୍ ରୁପାଟାଙ୍ଗୁ ପାଇରଇଲା ଚାକର୍ ଆସି କଇଲା, “ଏ
 ସାଉକାର୍ ମୁଇ ଜାନି, ତମେ ଗଟେକ୍ ବେସି ରିସା ଅଇବା ଲକ୍ । ବୁନି ନ
 ରଇବା ପଦାଇ କାଟ୍ସା ଆରି ବିଅନ୍ ନ ବୁନିକରି ତାସ୍ ବାରା ବାନ୍ଧୁସା । ୨୫
 ସେଟାର୍ ପାଇ ମୁଇ ଡରିକରି ତମର୍ ଦନ୍ ମାଟିଡେଇ କାଲ୍କୁନି ତପି ରଇଲି ।
 ଏଦେ ଦେକା! ତମର୍ ସେ ଟାଙ୍ଗୁ!” ୨୬ ସାଉକାର୍ କଇଲା, “ଅଇରେ କାମ୍କେ
 ନଇଲା ବାଡୁ! ତୁଇତା ଜାନିରଇଲୁସ୍, ମୁଇ ଜନ୍ତି ବୁନି ନ ରଇ, ତେଇ ତାସ୍
 ରୁଲିଆଇବି । ୨୭ ତେବେ ମର୍ ଟାଙ୍ଗୁନେଇ ବିନ୍ ଲକ୍ମନକେ କଲନ୍ତୁର୍
 ଇସାବେ ଦେଇରଇଲେ ମିସା ତେଇଅନି ମକେ କଲନ୍ତୁର୍ ମିଲ୍ତା ।” ୨୮
 ଏନ୍ତୁରି କଇ ସାଉକାର୍ ଆଦେସ୍ ଦେଲା, ଏ ଚାକର୍ମନେ ଅନି ସବୁ ଟାଙ୍ଗୁ
 ନେଇ, ଜାର୍ ଆଡେ ଦସ୍ଅଜାର୍ ଆରେ, ତାକେ ଦେଇଦିଆସ୍ । ୨୯ କାଇକେ
 ବଇଲେ ଜାକେ ଆରେ, ତାକେ ଅଦିକ୍ ଦିଆଅଇସି । ଆରି ସେ ଅଦିକ୍ ଅଦିକ୍
 ଲାବ୍ କର୍ସି । ମାତର୍ ଜାକେ ନାଇ ତାର୍ଲଗେ ଜାଇଟା ଆରେ, ସେଟା ମିସା
 ତାରଡେଇଅନି ଚାଡାଇ ନିଆଅଇସି । ୩୦ ଏ କାମ୍କେ ନଇଲା ଚାକର୍କେ

ବାଇରେ ଦାରିଜା ଆରି ଆନ୍ତୁରେ ପଢ଼ିଦିଆସ୍ । ତେଇ ସେ କିଲିବିଲିଅଇ ଦାଡ଼
 କାଡ଼ରି ମାରି ଚପି ଅଇ କାନ୍ତୁସି । ୩୧ ଜେତେବେଲା ନରୁପିଲା ମୁଇ ରାଜାଅଇ
 ମର୍ ସରଗର୍ ଦୁର୍ଦ୍ଦମନର୍ ସଢ଼ୁ ଆଇବି, ଆରି ମର୍ ଡାକ୍ପୁଟା ବସ୍ବା ଜାଗାଇ
 ବସ୍ବି, ୩୨ ସବୁ ଜାତିର୍ ଲକ୍ ମର୍ ମୁଆଟେ ଚୁଲ୍ ଅଇବାଇ । ସେଡ଼କି ବେଲା
 ଗଉଡ଼ ଜେନ୍ତି ମେଣ୍ଟୁ ଆରି ଚେଲିମନ୍ଦକେ ବେଗ୍ଲାଇସି, ସେନ୍ତି ନରୁପିଲା ମୁଇ
 ଲକ୍ମନ୍ଦକେ ଦୁଇ ଦଲ୍ କରି ବାଗ୍ କରବି । ୩୩ ଦରମ୍ ଲକ୍ମନ୍ଦକେ ଉଜା
 ବାଟେ ଆରି ବିନ୍ ଲକ୍ମନ୍ଦକେ ମର୍ ଡେବ୍ରି ବାଟେ ସଢ଼ୁଇବି । ୩୪ ତାର୍
 ପତେ ମର୍ ଉଜାବାଟେ ରଇଲା ଲକ୍ମନ୍ଦକେ ମୁଇ କଇବି, “ଆସା, ତମ୍‌କେ
 ମର୍ ବାବା ଆସିରବାଡ଼ କଲାଆଟେ । ଦୁନିଆ ତିଆରୁଅଇଲା ବେଲେଅନି
 ଜନ୍ ରାଇଜ୍ ତମର୍ ପାଇ ତିଆରୁ ଅଇଲା ଆଟେ, ଆସା, ତେଇ ଜାଇ ପୁରା
 । ୩୫ ମୁଇ ବୁକେ ରଇଲି, ତମେ ମକେ କୁଆଇଲାସ୍ । ମକେ ସସ୍ କଲା,
 ତମେ ମକେ କାଇବାକେ ଦେଲାସ୍ । ମୁଇ ଚିନାର୍ ଜାନାର୍ ନ ରଇଲି, ମକେ
 ତମର୍ ଗରେ ଗତିଆ କରି ଡାକ୍ଲାସ୍ । ୩୬ ମୁଇ ତୁମ୍‌ଣ୍ଟୁ ରଇଲି, ମକେ
 ବସ୍ତର୍ ପିନ୍ତୁଇଲାସ୍ । ମୁଇ ଜର୍ଦ୍ଦାରାଇ ଅଇରଇଲି, ମକେ ଜତନ୍ କଲାସ୍
 । ମୁଇ ବନ୍ତି ଗରେ ରଇଲି ମକେ ଦେକ୍‌ବାର୍ ଆସିରଇଲାସ୍ ।” ୩୭ ଦରମ୍
 ଲକ୍ମନ୍ଦ କଇବାଇ, “ମାପ୍‌ରୁ! କେବେ ତମେ ବୁକେ ରଇଲାଟା ଦେକି ତମ୍‌କେ
 କାଇବାକେ ଦେଇରଇଲୁ? କେବେ ତମ୍‌କେ ସସ୍ କଲାଜେ ପାନି କାଇବାକେ
 ଦେଇ ରଇଲୁ? ୩୮ କେବେ ତମେ ଚିନାର୍ ଜାନାର୍ ନ ଅଇରଇଲାସ୍ ଜେ
 ଆମେ ତମ୍‌କେ ଗତିଆ କରି ଗରେ ଡାକି ରଇଲୁ? ଆରି କେବେ ତୁମ୍‌ଣ୍ଟୁ
 ରଇଲାସ୍ ଜେ ପିନ୍ତୁବାକେ ବସ୍ତର୍ ଦେଇ ରଇଲୁ? ୩୯ କେବେ ତମେ ଜର୍
 ଦାରାଇ ଅଇରଇଲାସ୍‌ଜେ ଆମେ ତମ୍‌କେ ଜତନ୍ କଲୁ? ଆରି କେବେ ତମେ
 ବନ୍ତି ଗରେ ରଇଲାସ୍‌ଜେ ଆମେ ଦେକ୍‌ବାର୍ ଆସିରଇଲୁ?” ୪୦ ପତେ, ମୁଇ
 ସେମନ୍ଦକେ କଇବି, ମୁଇ ତମ୍‌କେ ସଡ଼କଇଲିନି, ଏ ମର୍ ବାଇମନର୍ ବିଡ଼ରେ
 ସବୁର୍ଟାନେଅନି ଗଟେକ୍ ସାନ୍ ଲକର୍ ପାଇ, ଜାଇଟା ସବୁ କରିଆଟାସ୍,
 ସେଟା ମର୍ ପାଇ କରିଆଟାସ୍ । ୪୧ ତାର୍‌ପତେ ଡେବ୍ରିବାଟେ ବସି ରଇବା
 ଲକ୍ମନ୍ଦକେ ମୁଇ କଇବି “ଏଇ ସାଇପ୍ ପାଇରଇବା ଦଲ୍‌ର୍ ଲକ୍ମନ୍! ମର୍
 ମୁଆଟେ ରୁଆନାଇ । ସଇତାନ୍ ଆରି ତାର୍ ସଢ଼ୁ ରଇଲା ଦୁର୍ଦ୍ଦମନର୍ ପାଇ,
 ସବୁବେଲେ ଲାଗି ରଇବା ଜଇକୁଣ୍ଟୁ ତିଆରୁ ଅଇଲାଆଟେ । ତେଇ ଜାଆ!
 (aiōnios g166) ୪୨ ମୁଇ ବୁକେ ରଇଲି, ତମେ ମକେ କାଇବାକେ ଦିଆସ୍

ନାଇ, ମକେ ସସ୍ କଲାଇଜେ ପାନି ଗୁଡ଼ିକ୍ ଦିଆସ୍ ନାଇ । ୪୩ ମୁଇ ଅତିନାର୍ ଅଇ ରଇଲା ବେଲେ ମକେ ଡାକାସ୍ ନାଇ । ମୁଇ ତୁମ୍‌ଣ୍ଟୁ ରଇଲା ବେଲେ ମକେ ବସ୍‌ତର୍ ପିନ୍ନୁଆସ୍ ନାଇ । ଜର୍ ଦାରାଅଇ ଆରି ବନ୍ତି ଅଇ ରଇଲା ବେଲେ, ମକେ ଜତନ୍ କରାସ୍‌ନାଇ ।” ୪୪ ସେମନ୍ ସେଡ଼କିବେଲେ ମକେ କଇବାଇ, “ମାପ୍‌ରୁ, ତମ୍‌କେ ଆମେ କେବେ ବୁକେ ରଇଲା ବେଲେ, ସସେ ରଇଲା ବେଲେ, ଅତିନାର୍ ରଇଲା ବେଲେ, ତୁମ୍‌ଣ୍ଟୁ ରଇଲା ବେଲେ ଆରି ଜର୍ ଦାରାଇଅଇ ବନ୍ତି ରଇବାଟା ଦେକି ତମ୍‌କେ ସାଇଜ କରୁ ନାଇ?” ୪୫ ସତଇସେ ମୁଇ କଇବି, “ଏ ସାନ୍ ଲକ୍‌ମନର୍ ବିଡ଼ରେଅନି ଗଟେକ୍ ଲକ୍‌କେ ସାଇଜ କରବାକେ ମନାକରବା ବେଲେ, ତମେ ମକେ ସାଇଜ କରାସ୍ ନାଇ । ୪୬ ଏନ୍ତାରି ଲକ୍‌ମନ୍‌କେ ସବୁ ଦିନର୍ ପାଇ ତଣ୍ଟୁ ମିଲ୍‌ସି ଆରି ଦରମ୍ ଲକ୍‌ମନ୍ ନ ସାର୍‌ବା ଜିବନ୍ ପାଇବାଇ ।” (aiōnios g166)

୨୭ ଜିସୁ ଏ ସବୁ ସିକିଆ ଦେଇ ସାରାଇଲା ପତେ ସିସ୍‌ମନ୍‌କେ, ୨ “ନିସ୍‌ତାର୍ ପରବ୍ ଅଇବାକେ ଆରି ବୁଇ ଦିନ୍ ଆତେ । ସେଟା ତମେ ଜାନାସ୍ । ସେଡ଼କିବେଲେ ନର୍‌ପିଲା ମୁଇ କୁର୍‌ସେ ମର୍‌ବାକେ ଲକ୍‌ମନ୍‌କ ସର୍‌ପି ଅଇବି ।” ୩ ସେବେଲେ ମୁକିଅ ପୁଜାରିମନ୍ ଆରି ପାର୍‌ତିନ୍‌ମନ୍ ବଡ଼ ପୁଜାରି କୟାପାର୍ ଗରେ ରୁଣ୍ଟୁ ଅଇଲାଇ । ୪ ସେମନ୍ କେ ନାଜାନ୍‌ଲାପାରା ଜିସୁକେ ଦାରି ମରାଇବାକେ ପାଁର୍‌ନା କଲାଇ । ୫ ମାତର୍ ସେମନ୍ କଇଲାଇ, “ଆମେ ପରବ୍ ବେଲେ ଏ କାମ୍ କରବାଟା ଟିକ୍ ନଏଁ । ସେ ବେଲେ ଲକ୍‌ମନ୍ ଗଣ୍ଟୁଗଲ୍ ମିସା କରିପାର୍ ।” ୬ ଜିସୁ ଦିନେକ୍ ବେଡ଼ିଆଇ, ଆଗେଅନି ବଡ଼ରଗ୍ ଅଇ ରଇବା ସିମନର୍ ଗରେ ରଇଲା । ୭ ସିମନର୍ ଗରେ ସେ କାଇବାକେ ବସି ରଇଲା ବେଲେ, ଏଦେ ଦେକା! ଗଟେକ୍ ମାଇଜି ଆଲାବାସ୍‌ଟା ନାଉଁର୍ ପାକ୍‌ନାସ୍‌ଟୁ ତିଆର୍କଲା କଣ୍ଟିତେଇ ବେସି ଦାମର୍ ବାସ୍‌ନା ଟିକନ୍ ବର୍‌ତି କରି ଆନି ତାର୍ ମୁଣ୍ଟେ ଡାଲି ଦେଲା । ୮ ଏଟା ଦେକିକରି ତାର୍ ସିସ୍‌ମନ୍ ରିସା ଅଇଗାଲାଇ । ସେମନ୍ ତାକେ ପାଟାର୍‌ଲାଇ, “ଏଡେକ୍‌ପାରା ଟିକନ୍ କାଇକେ ରୁଟାଇ ରୁଟାଇ ଡାଲିପାକାଇଲୁସ୍? ୯ ଏ ବାସ୍‌ନା ଟିକନ୍ ବିକ୍‌ଲେ ସରି, ବେସି ତାରୁ ମିଲ୍‌ଟା ଆରି ସେଟା ଗରିବ୍ ଲକ୍‌ମନ୍‌କେ ଦାନ୍ ଦେବାର୍ ଅଇତା ।” ୧୦ ସେମନ୍ କାଇଟା ବଲି କଇଲାଇନି, ଏଟା ଜାନିକରି ଜିସୁ କଇଲା, “ତାକେ କାଇକେ ତମେ ଅଇରାନ୍ କଲାସ୍‌ନି? ସେ ମର୍ ପାଇ ଗଟେକ୍ ନିକ ଆରି ସୁନ୍‌ରୁ କାମ୍ କଲାଆତେ ।” ୧୧ “ତମେ ସବୁବେଲେ ଗରିବ୍ ଲକ୍‌ମନର୍

ସଞ୍ଜ ମିସ୍ୟା । ମାତର୍ ମର୍ସଞ୍ଜ ସବୁବେଳେ ରଇ ନାପାରାୟ । ୧୭ ସେ
 ମର୍ ଉପ୍ରେ ବାସ୍ନା ଚିକନ୍ ରକଇକରି, ମକେ ସମାଦି ଦେବା ଆଗ୍ତୁ,
 ତିଆର୍ କରି ଦେଲାଆଚେ । ୧୩ ମୁଇ ତମ୍ବେ ସତ୍‌କାତା କଇଲିନି, ଗୁଲାଇ
 ଜଗତେ ଜନ୍ ଜାଗାଇ ମିସା ମାପ୍‌ରୁର୍ ନିକ କବର୍ ଜାନାଇଅଇସି, ଏ ମାଇଜି
 ଜାଇଟା କଲାଆଚେ, ତାକେ ଏତାଇକରି ସେଟା ମିସା କଇବାଇ ।” ୧୪ ଜିସୁର୍
 ବାର୍ଟା ସିସ୍‌ମନର୍ ବିତ୍‌ରେଅନି ଇସ୍କାରିୟ୍‌ଜ୍ ଜିଉଦା ନାଉର୍ ଗଟେକ୍ ସିସ୍
 ମୁକିଅ ପୁଜାରିମନର୍ ଲଗେ ଜାଇ ପାଚାରୁଲା । ୧୫ “ଜିସୁକେ ଦାରାଇଦେଲେ
 ମକେ କାଇଟା ଦେଇସା?” ସେମନ୍ ତାକେ ତିରିସ୍‌ଟା ରୁପାଟାଞ୍ଜୁ ଏଜିକରି
 ଦେଲାଇ । ୧୬ ସେ ଦିନେଅନି ଜିଉଦା ଜିସୁକେ ଦାରାଇ ଦେବାକେ ବେଲା
 କଜ୍‌ତେରଇଲା । ୧୭ ନିସ୍‌ତାର୍ ପରବର୍ ପର୍‌ତୁମ୍ ଦିନେ ସିସ୍‌ମନ୍ ଆସି
 ଜିସୁକେ ପାଚାରୁଲାଇ, “ତମର୍ ପାଇ ଆମେ କନ୍ତି ନିସ୍‌ତାର୍ ପରବର୍ ବଜି
 ତିଆର୍ କରୁ?” ୧୮ ଜିସୁ କଇଲା, “ନଅରେ ଜାଇ ସେ ଲକ୍‌କେ କଇସା,
 ତାର୍ ଦିନକାଲ୍ କେଟି ଆଇଲାନି ବଲି ଗୁରୁ କଇଲା ଆଚେ । ତାର୍ ସିସ୍‌ମନର୍
 ସଞ୍ଜ ତମର୍ ଗରେ ସେ ନିସ୍‌ତାର୍ ପରବ୍ ମାନସି ।” ୧୯ ସିସ୍‌ମନ୍, ଜିସୁ କଇଲା
 ଇସାବେ ନିସ୍‌ତାର୍ ପରବର୍ ବଜି ତିଆର୍‌କଲାଇ । ୨୦ ସଞ୍ଜୁ ଅଇଲାକେ
 ଜିସୁ ଆରି ତାର୍ ବାର୍ଟା ସିସ୍‌ମନ୍ କାଇବାର୍ ବସ୍‌ଲାଇ । ୨୧ କାଇବା
 ବେଲେ ଜିସୁ କଇଲା, “ମୁଇ ତମ୍ବେ ସତ୍ କଇଲିନି, ତମର୍ ବିତ୍‌ରେଅନି
 ଗଟେକ୍ ଲକ୍ ମକେ ବିସ୍‌ବାସେ ବିସ୍‌ଦେଲା ପାରା କରସି ।” ୨୨ ଏ କାତା
 ସୁନି ସିସ୍‌ମନ୍ କାବା ଅଇଗାଲାଇ । ଆରି ଗଟେକ୍ ଗଟେକ୍ ଲକ୍ ଜିସୁକେ
 ପାଚାରୁଲାଇ “ମାପ୍‌ରୁ ସେ ଲକ୍ ମୁଇ କି?” ୨୩ ଜିସୁ କଇଲା, “ଜନ୍ ଲକ୍‌କି
 ମର୍ସଞ୍ଜ ଗିନାତେଇ ରୁଟି ତବାଲ୍‌ଲା, ସେ ଆକା ।” ସେ ମକେ ବିସ୍‌ବାସେ
 ବିସ୍ ଦେଲାପାରା କରସି । ୨୪ ସାସ୍‌ତରର୍ ଲେକା ଇସାବେ ମୁନୁସ୍‌ପିଲା ମୁଇ
 ମରିଜିବି, ମାତର୍ ଜେ ମକେ ଦାରାଇ ଦେଇସି, ତାର୍ ଦସା କେତେ ଇନସ୍‌ତା
 ଅଇସି! ସେ ଜନମ୍ ନ ଅଇରଇଲେ ନିକ ଅଇତା । ୨୫ ବିସ୍‌ବାସେ ବିସ୍ ଦେଉ
 ଜିଉଦା ଉଟି ପାଚାରୁଲା, “ଗୁରୁ ତମେ ମକେ ଦେକାଇକରି କୁଆସ୍‌ନାଇ ତ?”
 ଜିସୁ ତାକେ କଇଲା, “ସେଟା ତୁଇସେ କଇଲୁସ୍‌ନି ।” ୨୬ ସେମନ୍ କାଇବା
 ବେଲେ ଜିସୁ ଗଟେକ୍ ରୁଟି ଦାରି ପର୍‌ମେସ୍‌ର୍‌କେ ଦନିଅବାଦ୍ ଦେଲା, ଆରି
 ସେଟା ବାଞ୍ଜୁଇ ସିସ୍‌ମନ୍‌କେ ଦେଇ କଇଲା, “ଏଟା ମର୍ ଗାଗଡ୍ । ନିଆ ଆରି
 କାଆ ।” ୨୭ ତାର୍‌ପଚେ ଅଞ୍ଜୁରୁସ୍ ରଇଲା ମୁତା ଦାରି ପର୍‌ମେସ୍‌ର୍‌କେ

ଦନିଅବାଦ୍ ଦେଲା ଆରି ତାର୍ ସିସ୍‌ମନ୍‌କେ କଇଲା, “ତମେ ସବୁ ଲକ୍ ଏ
 ମୁତାର୍‌ଟା କାଆ । ୨୮ ଏଟା ମର୍ ବନି । ମୁନୁସ୍‌ମନର୍ ପାପ୍‌କେମାର୍ ଲାଗି
 ମୁଇ ମର୍ ଜନ୍ ବନି ତାଲି ଦେବି ବଲି ଗାଲିନି, ସେଟା ପର୍‌ମେସର୍ ନୁଆ
 ନିୟ୍‌ମ୍ ଟିକ୍ କର୍‌ସି । ୨୯ ମୁଇ ତମ୍‌କେ କଇଲିନି, ମର୍ ବାବାର୍ ରାଇଜେ
 ତମର୍ ସଢ୍ଘୁ ନୁଆ ଅଢ୍ଘୁର୍ ରସ୍ କାଇବା ଜାକ ମୁଇ ଆରି କେବେ ଏ ରସ୍
 ନ କାଇ ।” ୩୦ ତାର୍‌ପତେ ସେମନ୍ ଦନିଅବାଦ୍ ଗିଡ୍ ଗାଇ ଗାଇ କରି
 ଜିତ୍‌ନାଉଁର୍ ପର୍‌ବତେ ଗାଲାଇ । ୩୧ ସେବେଲେ ଜିସୁ ସେମନ୍‌କେ କଇଲା,
 “ଆଜି ରାତି ତମେ ସବୁ ଲକ୍ ମକେ ଚାଡ଼ିକରି ଉଠିଜାଇସା । ସାସ୍‌ତର୍
 କଇଲାମି, ମୁଇ ମେଣ୍ଟା ଚାରାଉକେ ମରାଇବି ଆରି ମେଣ୍ଟାମନ୍ ତିନ୍‌ବିନ୍
 ଅଇଜିବାଇ । ୩୨ ମାତର୍ ମୁଇ ମରିକରି ଆରି ତର୍ ଉତ୍‌ଲା ପତେ, ତମର୍
 ଆଗ୍‌ରୁ ଆଗ୍‌ରୁ ଗାଲିଲି ରାଇଜେ ଜିବି ।” ୩୩ ପିତର୍ ଜିସୁକେ କଇଲା,
 “ତମ୍‌କେ ବିନ୍ ଲକ୍‌ମନ୍ ସବୁ ଚାଡ଼ିକରି ଉଠିଗାଲେ ମିସା ମୁଇ ଚାଡ଼ି ନ ଜାଇ
 ।” ୩୪ ଜିସୁ ପିତର୍‌କେ କଇଲା, “ମୁଇ ସତ୍ କଇଲିନି ଆଜି ରାତି କୁକ୍‌ତା
 ନ ତାକ୍‌ତେ, ତୁଇ ମକେ ତିନ୍ ତର୍ ନାଜାନି ବଲି କଇସୁ ।” ୩୫ ପିତର୍
 କଇଲା, “ଜଦି ମୁଇ ତମର୍ ସଢ୍ଘୁ ମର୍‌ବାର୍ ରଇଲେ ମିସା, ମୁଇ ତମ୍‌କେ
 କେବେ ନାଜାନି ବଲି ନ କଇ ।” ବିନ୍ ସିସ୍‌ମନ୍ ମିସା ସେନ୍ତୁର୍ କଇଲାଇ ।
 ୩୬ ତାର୍ ପତେ ଜିସୁ ତାର୍ ସିସ୍‌ମନର୍ ସଢ୍ଘୁ ଗେଡ଼୍‌ସିମିନି ନାଉଁର୍ ଗଟେକ୍
 ଜାଗାଇ ଜାଇ ସେମନ୍‌କେ କଇଲା, “ତମେ ଇତି ତନେକ୍ ବସି ରୁଆ । ମୁଇ
 ସେ ଲଗେ ଜାଇ ପାର୍‌ତନା କର୍‌ବି ।” ୩୭ ସେ ପିତର୍‌କେ ଆରି ଜେବଦିର୍
 ଦୁଇଟା ପିଲାମନ୍‌କେ ତାର୍ ସଢ୍ଘୁ ଡାକିନେଲା । ସେଡ଼କି ବେଲେ ସେ ବେସି
 ଦୁକ୍ କସ୍‌ଟ ଆରି କିଲ୍‌ବିଲ୍‌ଅଇ, ୩୮ ସେମନ୍‌କେ କଇଲା, “ଦୁକ୍ ଅଇ ମର୍
 ଜିବନ୍ ଚିଡ଼ିଗାଲା ପାରା ଲାଗ୍‌ଲାମି । ଇତି ତମେ ମକେ ଜାଗିରୁଆ ।” ୩୯
 ଜିସୁ ଡାକର୍ ଟାନେଅନି କଣ୍ଟେକ୍ ଦୁରିକେ ଜାଇ ବୁର୍‌ ଉମ୍‌ତାଡ଼ିଅଇ ପାର୍‌ତନା
 କଲା, “ବାବା ଜଦି ଅଇସି ବଇଲେ ଏ ଦୁକ୍ ପୁରୁନର୍ ମୁତା ମର୍‌ଟାନେଅନି
 ଦାରି ଜା, ମାତର୍ ମୁଇ ମନ୍ କଲାଟା ନର୍‌, ତମେ ମନ୍ କଲାଟା ପୁରାପୁରୁନ୍ ଅ
 ।” ୪୦ ତାର୍‌ପତେ ସେ ତିନ୍‌ଟା ସିସ୍‌ମନର୍ ଲଗେ ବାଉଡ଼ି ଆସି ଦେକ୍‌ଲା,
 ସେମନ୍ ସଇଦେଇଆତଡ୍ । ଜିସୁ ପିତର୍‌କେ କଇଲା, “ତମେ ଗଟେକ୍ ଗିଟା
 ମିସା ଜାଗି ନାପାର୍‌ଲାସ୍? ୪୧ ଜେନ୍ତିକି ପରିକାର୍ ବେଲାଇ ନ ଆରିଜିବାକେ,
 ଜାଗିରଇ ପାର୍‌ତନା କରା । କାଇକେ ବଇଲେ ଆତ୍‌ମା କର୍‌ବି ବଲି ମନ୍

କଲାନି, ମାତର୍ ଗାଗଡ଼ ନିତି ବଇଲାନି ।” ୪୭ ଜିସୁ ଆରି ତରେକ୍ ଜାଇ
 ପାର୍ତନା କଲା, “ଏ ମର୍ ବାବା ଜଦି ଏ ଦୁକର୍ ମୁତା ମର୍ଟାନେଅନି ନ
 ନେଲେ, ମୁଇ ସେଟା କାଇବାକେ ସେ ପଡ଼ସି । ମାତର୍ ମୁଇ ମନ୍ କଲାଟା
 ନାଇ, ତମେ ମନ୍ କଲାଟା ପୁରାପୁରୁନ୍ ଅ ।” ୪୩ ସେ ଆରି ତରେକ୍ ବାଉଡ଼ି
 ଆସି ସିସ୍ମନ୍ ସଇରଇଲାଟା ଦେକ୍ଲା । ସେମନ୍କେ ଗୁନ୍ ଡାବି ଆନ୍ତେ
 ରଇଲାଜେ ଆଁକି ଦେକି ନାପାର୍ତେ ରଇଲାଇ । ୪୪ ଏଟାସଞ୍ଜୁ ତିନ୍ତର୍
 ଅଇଲା ଜିସୁ ସେମନ୍କେ ଚାଡ଼ିକରି କଣ୍ଟେକ୍ ଦୁରିକେ ଜାଇ ସେନ୍ତାରି ପାର୍ତନା
 କଲା । ୪୫ ତାର୍ ପତେ ସିସ୍ମନ୍ ଲଗେ ଆସି କଇଲା, “ଏବେ ଜାକ ତମେ
 ସଇଆଟାସ୍? ଦେକା ପର୍ମେସରର୍ ନର୍ପିଲା ମୁଇ ପାପିମନ୍କେ ସର୍ପି
 ଅଇବା ବେଲା କେଟିଆଟେ । ୪୬ ଉଟା, ଜୁ । ଏଦେ ଦେକା! ମକେ ଦାରାଇ
 ଦେବା ଲକ୍ ଆସି କେଟ୍ଲାବେ ।” ୪୭ ଜିସୁ ତାର୍ ସିସ୍ମନ୍କେ ଏ କାତା
 କଇବା ବେଲେ ତାର୍ ବାଟା ସିସ୍ମନ୍ ବିତ୍ରେ ଅନି ଜିଉଦା ନାଉର୍ ସିସ୍
 ଆସି କେଟ୍ଲା । ତାର୍ ସଞ୍ଜୁ କାତି କାଣ୍ଟା ଆରି ଟେଞ୍ଜୁ ଡାଞ୍ଜୁ ଦାରି ବେସି ଲକ୍
 ତେଇ ଚୁଲ୍ ଅଇଲାଇ । ସେମନ୍କେ ମୁକିଅ ପୁଜାରିମନ୍ ଆରି ପାର୍ତିମନ୍
 ପାଟାଇରଇଲାଇ । ୪୮ ବିସ୍ବାସେ ବିସ୍ ଦେଉ ଜିଉଦା ସେମନ୍କେ ଜାନାଇ
 ରଇଲା । ସେ ସେମନ୍କେ କଇରଇଲା ମୁଇ ଜନ୍ ଲକ୍କେ ରୁମ୍ବି ତାକେ
 ତମେ କଜ୍ଲାସ୍ନି, ତାକେ ଦାରା । ୪୯ ଜିଉଦା ସଲ୍କେ ଜିସୁରଲଗେ ଜାଇ
 ତାକେ “ଏ ଗୁରୁ ଜୁଆର୍!” ବଲିକରି ରୁମ୍ଲା । ୫୦ ଜିସୁ ଜିଉଦାକେ କଇଲା,
 “ମଇତର୍ ତର୍ କାମ୍ ଦାପ୍ରେ ସାରାଇଦେସ୍ ।” ତାର୍ ପତେ ସେମନ୍ ଜିସୁକେ
 ଦାରି ବାନ୍ତି ପାକାଇଲାଇ । ୫୧ ଜିସୁର୍ ବାଟର୍ ଗଟେକ୍ ଲକ୍ ତାର୍ ନିଜର୍
 କାଣ୍ଟା ବାକ୍ତରାଇ ମୁକିଅ ପୁଜାରିର୍ ଗତିଦାଞ୍ଜୁତାକେ ମାର୍ଲା । ସେ ଲକ୍
 କାନ୍ ଚିଡ଼ି ଗାଲା । ୫୨ ଜିସୁ ତାକେ କଇଲା, “ତର୍ କାଣ୍ଟା ପୁରାଇକରି ସଞ୍ଜୁ ।
 ଜନ୍ ଲକ୍ମନ୍ କାଣ୍ଟା ଉଟାଇବାଇ, ସେମନ୍ କାଣ୍ଟାଇସେ ମର୍ବାଇ । ୫୩ ତୁଇ
 କାଇ ନାଜାନୁସ୍ କି? ମୁଇ ମର୍ ବାବାକେ ସାଇଜ ମାଞ୍ଜୁଲେ, ସେ ମର୍ପାଇ
 ଦାପ୍ରେସେ, ବାଟା ଦଲେଅନି ଅଦିକ୍ ସରଗର୍ ଦୁର୍ମନ୍କେ ପାଟାଇପାରେ
 । ୫୪ ମାତର୍ ସେନ୍ତାର୍ ଆଲେ ଏଟାମନ୍ ସବୁ ଗର୍ସି ବଲି ସାସ୍ତରେ ଜାଇ
 ଜାଇଟା ଲେକା ଅଇଲା ଆଟେ, ସେଟା କେନ୍ତି ପୁରାପୁରୁନ୍ ଅଇସି?” ୫୫ ତାର୍
 ପତେ ଜିସୁ ତେଇ ଚୁଲ୍ ଅଇରଇବା ଲକ୍ମନ୍କେ କଇଲା, “ମୁଇ କାଇ ଗଟେକ୍
 ପାଲାଇବା କାଞ୍ଜୁର୍ଜେ ଟେଞ୍ଜୁ ଡାଞ୍ଜୁ ଆରି କାଣ୍ଟା ଦାରି ମକେ ଦାବ୍ବାର୍

ଆସିଆଚାସ? ମୁଇ ସବୁ ଦିନ୍ ମନୁରେ ବସି ସିକିଆ ଦେଇତେ ରଇଲି,
 ସେବେଲେତା ମକେ ଦାରାସ୍ ନାଇ! ୫୭ ଜାଇଟା ଅବେ, ବବିସତ୍‌ବକ୍‌ତାମନ୍
 ସାସତରେ ଜାଇଟା ଲେକ୍‌ଲାଇ ଆଚର୍, ସେ ସବୁ ସିଦ୍ ଅଇବାକେ ଏଟା
 ଗର୍ଲା ।” ସେତ୍‌କିବେଲେ ସିସ୍‌ମନ୍ ସବୁଲକ୍ ଜିସୁକେ ଚାଡି ପାଇଲଲାଇ ।
 ୫୭ ଜିସୁକେ ବନ୍ଦି କରୁମନ୍ ତାକେ ବଡ୍ ପୁଜାରି କାୟାପାର୍ ଗରେ ନେଲାଇ
 । ସିତି ଦରମ୍ ଗୁରୁ ଆରି ପାର୍‌ତିନ୍‌ମନ୍ ଚୁଲ୍ ଅଇରଇଲାଇ । ୫୮ ପିତର୍
 କଣ୍ଟେକ୍ ଦୁରିକେ ରଇକରି ଜିସୁକେ ଦେକ୍‌ତେ ରଇଲା । ଆରି ସେ କାୟାପା
 ଗରର୍ ଡାଣ୍ଟୁଜାକ ଗଲା । ଏ ସବୁ ଗର୍‌ନା କାଇଟା ଅଇସି ବଲି ସେଟା
 ଦେକ୍‌ବାକେ ପିତର୍ ମନୁର୍ ଜାଗୁଆଲ୍‌ମନ୍ ସଢ୍ଫ ତେଇ ବସ୍‌ଲା । ୫୯ ମୁକିଅ
 ପୁଜାରିମନ୍ ଆରି ବଡ୍ ସବାଇ ରଇଲା ସବୁ ଲକ୍‌ମନ୍ ଜିସୁକେ ମରନ୍ ଡଣ୍ଟୁ
 ଦେବାକେ ତାର୍ ବିରୁଦେ ମିର୍ କାତା କଜ୍‌ବାକେ ଚେସ୍‌ଟା କଲାଇ । ୬୦
 କେତେ କେତେ ଲକ୍‌ମନ୍ ଜିସୁର୍ ବିରୁଦେ ମିର୍ କାତା କଇଲାଇ । ମାତର୍
 ସେନ୍ତାରି କାଇ ବୁଲ୍ କାତା ମିସା ମିଲେ ନାଇ । ପଚେ ଦୁଇଲକ୍ ଉଟିକରି,
 ୬୧ “ଏ ଲକ୍ ମୁଇ ପର୍‌ମେସରର୍ ମନୁର୍ ବାଢ୍ଫାଇ ଦେଇ, ସେଟା ତିନ୍ ଦିନ୍
 ବିତ୍‌ରେ ଆରି ତରେକ୍ ଉଟାଇ ଦେଇପାରି ।” ବଲି କଇରଇଲା । ୬୨
 ବଡ୍ ପୁଜାରି ଚିଆଅଇକରି ଜିସୁକେ କଇଲା, “ତୁଇ କାଇକେ କାଇଟାବଲି
 କଉସ୍ ନାଇ? ଏମନ୍ କଇବା କାତା ଚାପ୍‌ବାକେ ତୁଇ ଆରି କାଇଟା କଇବାର୍
 ଆଚେ କି?” ୬୩ ମାତର୍ ଜିସୁ ଚିମ୍‌ରାଅଇ ରଇଲା । ବଡ୍ ପୁଜାରି କଇଲା,
 “ମୁଇ ତମ୍‌କେ ଜିବନ୍ ରଇବା ପର୍‌ମେସରର୍ ନାଉଁ ଦାରି ପର୍‌ମାନ୍ କରାଇ
 ପାଚାର୍‌ଲିନି, ସତ୍ କଅ, ତୁଇ କାଇ ପର୍‌ମେସରର୍ ପିଲା ମସିଅ କି?” ୬୪
 ଜିସୁ କଇଲା, “ତୁଇ ସମାନ୍ କାତା କଇଆରୁସ୍ । ମାତର୍ ମୁଇ ତମ୍‌କେ ସବୁ
 ଲକ୍‌କେ କଇଲିନି, ପର୍‌ମେସର୍ ପାଟାଇଲା ନର୍‌ପିଲା ମୁଇ, ଦାପ୍‌ରେ ସେ
 ସବୁର୍ ଉପ୍‌ରର୍ ମାପ୍‌ରୁର୍ ଉଜା ବାଟେ ବସ୍‌ବାକେ ଗାଲିନି, ଆରି ମକେ
 ତମେ ସର୍‌ଗେଅନି ବାଦଲ୍ ସଢ୍ଫ ଉତ୍‌ରି ଆଇବାଟା ଦେକ୍‌ସା ।” ୬୫ ଏ
 କାତା ସୁନି ବଡ୍ ପୁଜାରି ତାର୍ ପିନ୍ଦି ରଇବାଟା ଚିରିପାକାଇ କଇଲା, “ଏଟା
 ସେ ପର୍‌ମେସର୍‌କେ ନିନ୍ଦା କର୍‌ବାଟା! ଆରି ବିନ୍ ସାକି ଦର୍‌କାର୍ ନାଇ ।
 ତମେ ଏବେସେ ଏ ଲକ୍ ପର୍‌ମେସର୍‌କେ ନିନ୍ଦା କର୍‌ବାଟା ସୁନ୍‌ଲାସ୍ । ୬୬ ଏ
 ବିସଇନେଇ କରି ତମେ କାଇଟା ବାବ୍‌ଲାସ୍‌ନି?” ସେମନ୍ ସବୁ ଲକ୍ କଇଲାଇ,
 “ସେ ଦସ୍ କିଆଟେ, ମରନ୍ ଡଣ୍ଟୁ ପାଇବାର୍ ଦର୍‌କାର୍ ଆକା ।” ୬୭ ତାର୍

ପତେ ସେମନ୍ ଜିସୁର୍ ମୁର୍ ଚୁକ୍ଲାଇ ଆରି ମାର୍ଲାଇ । କେତେ ଲକ୍ ତାକେ
 ଚାପଡ଼ ସଢ଼ୁ ମାରି କଇଲାଇ, ୨୮ “ଏ କିରିସ୍ତା! ବବିସଡ଼ କାତା ଅଲପ୍ କଅ ।
 ତକେ କେ ମାର୍ଲାଇ କଇଦେକ୍ ପନି!” ୨୯ ପିତର୍ ବଡ଼ ପୁଜାରିର୍ ଦୁଆର୍
 ମୁଆଟେ ବସି ରଇଲା ବେଲେ ଗଟେକ୍ ବଡ଼ ପୁଜାରିର୍ ପାଇଟିକାରିଆନି ଲଗେ
 ଆସି କଇଲା, “ତୁଇ ମିସା ଗାଲିଲିର୍ ଜିସୁର୍ ସଢ଼ୁ ରଇଲୁସ୍ କାଇକି?” ୩୦
 ମାତର୍ ପିତର୍ ସବୁର୍ ମୁଆଟେ ନାତାଇ କରି ଏ କାତା କଇଲା, “ତୁଇ କାଇ
 ବଲି କଇଲୁସ୍ନି ମୁଇ ନାଜାନି ।” ୩୧ ଏନ୍ତି କଇକରି ପିତର୍ ଦୁଆର୍ ମୁଆର୍
 ଲଗେ ଉଟିଗାଲା । ଆରି ଗଟେକ୍ ବିନ୍ ପାଇଟିକାରିଆନି ତାକେ ଦେକି ତେଇ
 ରଇବା ଲକ୍ମନ୍ଦକେ କଇଲା, “ଏ ନାଜରିତର୍ ଜିସୁର୍ ସଢ଼ୁ ରଇଲା ।” ୩୨
 ପିତର୍ ଆରି ତରେକ୍ କଇଲା, “ମୁଇ ପର୍ମାନ୍ କରି କଇଲିନି, ସେ ଲକ୍କେ
 ନାଜାନି ।” ୩୩ କେତେପର୍ ଗାଲାପତେ ତେଇ ରଇଲା ଲକ୍ମନ୍ଦ ପିତରର୍
 ଲଗେ ଆସି କଇଲାଇ, “ବାଇଦରେ ତୁଇ ମିସା ସେମନ୍ ବ୍ରିତ୍ରେଅନି ଗଟେକ୍
 ଲକ୍ । ତର୍ କାତାବାର୍ତାଇଅନି ଏଟା ଜାନା ପଡ଼ିଗାଲାନି ।” ୩୪ ପିତର୍
 କଇଲା, “ମୁଇ ପର୍ମାନ୍ କରି କଇଲିନି, ମର୍ କାତା ସଡ଼ ଆକା । ନଇଲେ
 ପର୍ମେସର୍ ମକେ ତଣ୍ଟୁ ଦେଅ । ସେ ଲକ୍କେ ମୁଇ ନାଜାନି ।” ସେଦାପ୍ରେ
 କୁକ୍ତା ତାକ୍ଲା । ୩୫ ଆରି ଜିସୁ ଜନ୍ ଜନ୍ କାତା କଇରଇଲା, କୁକ୍ତା
 ନ ତାକ୍ତେ ତୁଇ ମକେ ତିନ୍ ତର୍ ନାଜାନି ବଲି କଇସୁ । ସେ ସବୁ ପିତର୍
 ଏତାଇଲା ଆରି ସେ ବାଇରେ ଜାଇ ବେସି ଦୁକ୍ ଅଇ କାନୁଲା ।

୨୭ ତାର୍ ଆରକର୍ ଦିନର୍ ସାକାଲ୍ ସାକାଲ୍ ଜିସୁକେ ମରାଇଦେବାକେ
 ମୁକିଅ ପୁଜାରିମନ୍ ଆରି ପାର୍ଟିମନ୍ ରାଜି ଅଇଲାଇ । ୨ ସେମନ୍ ଜିସୁକେ
 ସିକିଲି ସଢ଼ୁ ବାନ୍ତି ରମ୍ଭାଇଜର୍ ରାଜା ପିଲାତର୍ ଲଗେ ଦାରିଗାଲା ।
 ୩ ଜେତେବେଲେ ବିସ୍ବାସେ ବିସ୍ ଦେଉ ଜିଉଦା ଜିସୁକେ ମରନ୍ ତଣ୍ଟୁ
 ଆଦେସ୍ ଅଇଲା ଆଟେ ବଲି ସୁନ୍ଲା, ସେ ଦୁକ୍ ଅଇ ଏତାଇଲା ଆରି ମୁକିଅ
 ପୁଜାରିମନ୍କେ ଆରି ପାର୍ଟିମନ୍କେ ଡିରିସ୍ଟା ରୁପାଟାଢ଼ା ବାଉତାଇଦେଇ
 କଇଲା, ୪ “ଗଟେକ୍ କାଇ ଦସ୍ ନ ରଇଲା ଲକ୍କେ ମୁଇ ବିସ୍ବାସେ ବିସ୍
 ଦେଲାପାରା କରି ବଡ଼ ପାପ୍ କରିଆତି ।” ସେମନ୍ କଇଲାଇ, “ତେଇ ଆମର୍
 କାଇଟା ଆଟେ? ସେଟା ତର୍ ନିଜର୍ କାତା ।” ୫ ଜିଉଦା ସେମନ୍ ଦେଇରଇବା
 ରୁପାଟାଢ଼ା ମନ୍ଦିର୍ ବିତ୍ରେ ପିଢ଼ିଦେଇ ଉଟିଗାଲା । ତାର୍ପତେ ସେ ଜାଇକରି
 ଗାଲା ତର୍ ବାନ୍ତି ଉକ୍ତିଅଇ ମରିଗାଲା । ୬ ମୁକିଅ ପୁଜାରିମନ୍ ଜିଉଦା

ପିଢ଼ି ରଇଲା ରୂପାଟାଢ଼ାମନ୍ ଚୁଲିଆଇ କଇଲା, “ଏଟା ବନିର୍ ମୁଲିଅ, ଏଟା ମନ୍କିରର୍ ଦାନ୍ଦେବା ଜାଗାଇ ସଢ଼ୁଇବାଟା ନିୟମ୍ ବିରୁଦ୍ଧ କାମ୍ ।” ୭ ସେ ତାରୁ କେନ୍ଦୁରି କର୍ତ୍ତ କରିଅଇସି, ଏ ବିସଇର୍ କାତାବାର୍ତା ଅଇ କୁମାର୍‌କେତ୍ ନାଉଁର୍ କଣ୍ଠେକ୍ ଜମି ଗେନ୍‌ଲାଇ । ଏଟା ବିନ୍ ଦେସର୍ ମଲା ଲକ୍‌ମନ୍‌ର୍ ପାଇ କବର୍ ଦେବା ଜାଗା ଅଇଲା । ୮ ତେବର୍ ପାଇ ଆଜିକେ ଜାକ ସେ ଜାଗାକେ ବନିର୍ ଜାଗାବଲିକରି କଇଲାଇନି । ୯ ଏ ବିସଇ ନେଇକରି ଜିରିମିୟ ବବିସତ୍‌ବକ୍ତା ଜେନ୍ତି କଇରଇଲା, ସେଟା ପୁରାପୁରୁନ୍ ଅଇଲା । ଜନ୍‌ଟା ତିରିସ୍ ଟାଢ଼ାକେ ବିକ୍‌ବାକେ ଇସ୍‌ରାଇଲର୍ ପିଲାମନ୍ ରାଜି କରିରଇଲାଇ ସେଟା ନେଲାଇ । ୧୦ ଆରି ତିରିସ୍‌ଟା ଅଦ୍‌ଲି ତାରୁ ନେଇ ସେମନ୍ କୁମାର୍ କେତ୍ ଗେନ୍‌ଲାଇ । ଏଟା କର୍‌ବାକେ ମକେ ମାପ୍‌ରୁ ଆଦେସ୍ ଦେଇରଇଲା । ୧୧ ଜିସୁର୍ ମୁଆଟେ ଦେକି ରମ୍ ରାଇଜର୍ ସାସନ୍‌କାରିଆ ପିଲାତ ପାଚାର୍‌ଲା, “ତୁଇ କାଇ ଜିଉଦି ମନର୍ ରାଜା କି?” ଜିସୁ ତାକେ କଇଲା, ତୁଇ ସେଟା କଇଲୁସ୍‌ନି । ୧୨ ମାତର୍ ମୁକିଅ ପୁଜାରିମନ୍ ଆରି ପାର୍‌ତିନ୍‌ମନ୍ ଜିସୁର୍ ବିରୁଦ୍ଧେ ଆନିରଇବା ନିନ୍ଦା କାତାର୍ କାଇମିସା ଉତର୍ ଦେଏ ନାଇ । ୧୩ ତେବର୍ ପାଇ ପିଲାତ୍ ତାକେ କଇଲା, ତର୍ ବିରୁଦ୍ଧେ ସେମନ୍ ଜାଇ ଜାଇଟା କଇଲାଇନି ସେଟା କାଇ ତୁଇ ସୁନି ନାପାର୍‌ଲୁସ୍‌ନି କି? ୧୪ ମାତର୍ ଜିସୁ ପଦେକ୍ ମିସା କଏନାଇ ଜେ ପିଲାତ୍ କାବାଅଇଗାଲା । ୧୫ ନିସ୍‌ତାର୍ ପରର୍ ବେଲେ ରମିୟ ସାସନ୍‌କାରିଆ ଲକ୍‌ମନ୍‌ର୍ ମନ୍ କଲା ଇସାବେ କାକେ ମିସା ଗଟେକ୍ ବନ୍ତି ଲକ୍‌କେ ବନ୍ତିଗରେଅନି ମୁକ୍‌ଲାଇଦେବା ରିତିନିତି ରଇଲା । ୧୬ ସେବେଲେ ବାର୍‌ବା ନାଉଁର୍ ଗଟେକ୍ ବଡ୍ ଟାଉଟରିଆ ନର୍‌ମାରୁ ବନ୍ତି ଅଇରଇଲା । ୧୭ ତେଇ ଆସି ରଇଲା ଲକ୍‌ମନ୍‌କେ ପିଲାତ୍ ପାଚାର୍‌ଲା, “ମୁଇ କାକେ ମୁକ୍‌ଲାଇ ଦେବି ବଲି ତମେ ମନ୍ କଲାସ୍‌ନି? ବାର୍‌ବାକେ କି ଜିସୁକେ, ଜାକେ କିରିସ୍‌ଟ ବଲି କଇବାଇ?” ୧୮ ପିଲାତ୍, ଜିଉଦି ନେତାମନ୍ ଆଁକାର୍ ଅଇ ଜିସୁକେ ତାର୍‌ଟାନେ ସର୍‌ପିଦେଇ ଆତତ୍ ବଲି ନିକ ସଢ଼ୁ ଜାନିରଇଲା । ୧୯ ପିଲାତ୍ ବିଚାର୍‌ନା ଜାଗାଇ ବସି ରଇଲାବେଲେ ତାର୍ ମାଇଜି ଗଟେକ୍ କବର୍ କଇଲା, “କାଇ ଦସ୍‌ପାପ୍ ନ କଲା ସେ ଲକ୍‌କେ କାଇଟା କରା ନାଇ । କାଲି ରାତି ସପ୍‌ନେ ତାର୍ ଲାଗି ମୁଇ ବେସି କସ୍‌ଟ ପାଇଲି ।” ୨୦ ମୁକିଅ ପୁଜାରିମନ୍ ଆରି ପାର୍‌ତିନ୍‌ମନ୍ ବାର୍‌ବାକେ ମୁକ୍‌ଲାଇ ଦେଇକରି, ଜିସୁକେ ମରନ୍ ତଣ୍ଟୁ ଦେବାକେ ଲକ୍‌ମନ୍‌କେ ପିଲାତର୍ ଲଗେ ଜାଇ

ଦାବି କରୁବାକେ ଉତ୍ତରକାଲିଆ । ୨୧ ପିଲାଟୁ ଆରି ତରେକ୍ ଲକ୍ଷ୍ମୀକେ
 ପାଚାରୁଲା, “ମୁଇ ଏ ଦୁଇ ଲକ୍ଷ୍ମୀ ବିତ୍ତରେଅନି କାକେ ମୁକ୍ତଲାଇ ଦେବି ବଲି
 ତମେ ମନ୍ କଲାସ୍ତି?” ସେମନ୍ କଇଲାଇ, “ବାରୁବାକେ” ୨୨ ପିଲାଟୁ
 ପାଚାରୁଲା, “ତେବେ ସବୁ ଲକ୍ଷ୍ମୀ ମସିଅ ବଲି ଜାନିରଇଲା ଜିସୁକେ ମୁଇ
 କାଇଟା କରୁବି?” “ତାକେ କୁରୁସେ ଚଗାଆ” ବଲି ସବୁଲକ୍ଷ୍ମୀ ଆଉଲି ଅଇଲାଇ
 । ୨୩ ପିଲାଟୁ ପାଚାରୁଲା, “ମାତର୍ ସେ କାଇ ଦସ୍ କଲା ଆଚେ?” ସେମନ୍
 ଆରି ଅଦିକ୍ ଆଉଲିଅଇ କଇବାରୁ ଦାରୁଲାଇ “ତାକେ କୁରୁସେ ଚଗାଆ
 ।” ୨୪ ଜେତେବେଲେ ପିଲାଟୁ ଦେକ୍ଲା ଜେ ସେମନ୍କେ ଆରି କାଇଟା
 କଇକରି ମିସା ଲାବ୍ ନାଇ, ନଇଲେ ଗଣ୍ଡୁଗଲ୍ ଅଇବାରୁ ଉପରେ ଆଚେ, ସେ
 ପାନି ଗୁଡିକ୍ ନେଇ, ସବୁ ଲକ୍ଷ୍ମୀମନ୍ ମୁଆଟେ ଆଡ୍ ଦଇପାକାଇ କଇଲା,
 “ଏ ଲକ୍ଷ୍ମୀ ମରନର୍ ପାଇ ମୁଇ ଦାଇ ନାଇ । ଏଟା ତମର୍ କାମ୍ ।” ୨୫
 ଲକ୍ଷ୍ମୀମନ୍ କଇଲାଇ, “ତାର୍ ମରନର୍ ତଣ୍ଟୁର୍ ଦସ୍ ପାଇବାରୁ ରଇଲେ, ସେ
 ଦସ୍ ଆମ୍ବକେ ଆରି ଆମର୍ ପିଲାଜିଲାକେ ପଡ଼ ।” ୨୬ ସାରାସାରି ପିଲାଟୁ
 ବାରୁବାକେ ମୁକ୍ତଲାଇଦେଇ ଜିସୁକେ କରୁତା ସଙ୍ଗୁ ମାରୁବାକେ ଆଦେସ୍
 ଦେଲା, ତାର୍ ପଚେ କୁରୁସେ ମରାଇବା ପାଇ ସନିଅମନେକ୍ ସର୍ପି ଦେଲାଇ
 । ୨୭ ପିଲାଟୁ ସନିଅମନ୍ ଜିସୁକେ ରମିୟ୍ ସାସନ୍କାରିଆର୍ ଗରେ ଦାରି
 ଗାଲାଇ ଆରି ତାର୍ ଚାରିବେଟ୍ଟି ଚିଆଅଇଲାଇ । ୨୮ ସେ ପିନ୍ଧୁ ରଇବାଟା
 ବେଟି ନେଇକରି ତାକେ ଗଟେକ୍ ଜାମ୍ବଲି ରଙ୍ଗୁର୍ ବସ୍ତର୍ ପିନ୍ଧାଇ ଦେଲାଇ
 । ୨୯ କାଟାର୍ ମୁକ୍ତୁର୍ ତିଆର୍ କରି ତାର୍ ମୁଣ୍ଡେ ପିନ୍ଧାଇ ଦେଲାଇ ଆରି ତାର୍
 ଉଜା ଆଚେ ଗଟେକ୍ ଡାଙ୍ଗୁ ଦାରାଇ ଦେଲାଇ । ତାର୍ ପଚେ, ତାର୍ ମୁଆଟେ
 ମାଣ୍ଡିକୁଟା ଦେଇ କିଜାଇକରି କଇଲାଇ, “ଏ ଜିଉଦିମନର୍ ରାଜା! ବେସି ଦିନ୍
 ବୈ ରଥ ।” ୩୦ ସେମନ୍ ଜିସୁର୍ ଉପରେ ତୁକି ପାକାଇଲାଇ ଆରି ସେ
 ଦାରି ରଇବା ତାଙ୍ଗୁସଙ୍ଗୁ ତାର୍ ମୁଣ୍ଡେ ମାରୁଲାଇ । ୩୧ ତାକେ ଏନ୍ଦାରି କିଜାଇ
 ସାରୁଲା ପଚେ ରାଜା ପିନ୍ଧୁ ବସ୍ତର୍ ବେଟିଦେଇ ତାର୍ ନିଜର୍ ବସ୍ତର୍
 ପିନ୍ଧାଇଦେଲାଇ ଆରି ତେଇଅନି ତାକେ କୁରୁସେ ଚଗାଇବାକେ ଦାରିଗାଲାଇ
 । ୩୨ ସେମନ୍ ଜିବାବାଟେ କୁରିଣି ସଅରର୍ ସିମନ୍ ନାଉଁର୍ ଗଟେକ୍ ଲକ୍ଷ୍ମୀକେ
 ବେଟ୍ ଅଇଲାଇ ଆରି ସନିଅମନ୍ ତାକେ ଜିସୁର୍ କୁରୁସ ବଇ ନେବାକେ ବାଦିଅ
 କଲାଇ । ୩୩ ସେମନ୍ ଗଲ୍ଗତା ନାଉଁର୍ ଗଟେକ୍ ଜାଗାଇ କେଟ୍ଲାଇ ।
 ଗଲ୍ଗତାର୍ ଅରଡ୍ ଅଇଲାନି, ମୁଣ୍ଡୁଗିଗ୍ତି ପାରା ରଇବା ଜାଗା । ୩୪ ତେଇ

ସେମନ୍ ଜିସୁକେ ପିତା ରଇବା ଅଢ଼ୁର ରସ୍ କାଇବାକେ ଦେଲାଇ । ସେଟା
 ଜିସୁ ଅଲପ୍ ଚାକିକରି ଆରି କାଏନାଇ । ୩୫ ସେମନ୍ ଜିସୁକେ କୁରସେ
 ମାରି କରି ସେ ପିନ୍ଧିରଇବା ବସ୍ତର୍ ତାକର୍ ତାକର୍ ବିତ୍ରେ କେଡ଼ପୁଟାଇ
 ବାଟାକରି ନେଲାଇ । ୩୬ ତାର୍ପତେ ସେମନ୍ କୁରସେ ଚଗାଇଲା ଜିସୁକେ,
 ତେଇ ଜାଗି ରଇଲାଇ । ୩୭ ତାର୍ ବିରୁଦେ ଲେକାଅଇରଇବା ଗଟେକ୍ ବରଡ଼
 ଲେକି ତାର୍ ମୁଣ୍ଡ ଉପ୍ରେ, ଜୁଲାଇ ରଇଲାଇ । ସେ ବରଡ଼ ଲଗେ ଏନ୍ତି
 ଲେକାଅଇରଇଲା, ଏ ଅଇଲାନି ଜିଉଦିମନ୍ ରାଜା, ଜିସୁ । ୩୮ ତାର୍ପତେ
 ସେମନ୍ ତେଇ ଦୁଇଟା ଚର୍ମନ୍‌କେ ଆନ୍‌ଲାଇ । ଗଟେକ୍‌କେ ଜିସୁର୍ ଉଜା
 ବାଟେ ଆରି ଗଟେକ୍‌କେ ତାର୍ ତେବ୍‌ରି ବାଟେ କୁରସେ ଚଗାଇଲାଇ । ୩୯
 ସେବାଟେ ଜାଉତେ ରଇବା ଲକ୍‌ମନ୍ ମୁଣ୍ଡ ଜୁଲାଇ ଜୁଲାଇ ଜିସୁକେ କିଜାଇ
 କିଜାଇ କଇଲାଇ, ୪୦ “ତୁଇସେ କାଇକି ମନ୍ଦିର୍ ବସ୍‌ଲାଇଦେଇ ତିନ୍ ଦିନ୍‌କେ
 ଆରି ତରେକ୍ ତିଆର୍ କରିଦେଇତେ ରଇଲୁସ୍? ତୁଇ ଜଦି ପର୍ମେସରର୍
 ପଅ, ନିଜ୍‌କେ ରକିଆ କର୍ ଆରି କୁରସେଅନି ଉଡ଼ି ଆଉ ।” ୪୧ ମୁକିଅ
 ପୁଜାରି, ଦରମ୍ ଗୁରୁ ଆରି ଜିଉଦି ଜାତିର୍ ପାର୍ତିନ୍ ନେତାମନ୍ ମିସା ଜିସୁକେ
 କିଜାଇକରି କଇଲାଇ, ୪୨ “ସେ ବିନ୍ ଲକ୍‌ମନ୍‌କେ ରକିଆ କର୍ତେ ରଇଲା,
 ମାତର୍ ନିଜ୍‌କେ ରକିଆ କରିନାପାର୍‌ଲାନି । ସେ ଇସ୍ରାଏଲର୍ ରାଜା କାଇକି?
 ଏବେ ଜଦି ସେ କୁରସେଅନି ଉଡ଼ି ଆସି ପାର୍‌ସି ବଇଲେ ଆମେ ତାକେ
 ବିସ୍‌ବାସ୍ କର୍ବୁ । ୪୩ ସେ ନିଜେ ମୁଇ ପର୍ମେସରର୍ ପଅ ବଲି କଇ,
 ପର୍ମେସର୍‌ଟାନେ ଆସା କଲାଆତେ । ଆଲେ ଦେକୁ ତେବେ, ପର୍ମେସର୍
 ତାକେ ଏବେ ରକିଆ କର୍ବାକେ ମନ୍ କଲାନି କି ନାଇ ।” ୪୪ ଜିସୁର୍ ସଢ଼ୁ
 କୁରସେ ଚଗିରଇବା ଦୁଇଟା ଚର୍ମନ୍ ମିସା ତାକେ ସେନ୍ତାରି କିଜାଇଲାଇ
 । ୪୫ ସେ ଦିନେ ମୁଣ୍ଡବେଲାଇ ଅନି ଆଡ଼ବେଲାଇ ଜାକ ଗୁଲାଇ ଜଗଡ଼
 ଆନ୍ନୁର୍ ଅଇଗାଲା ଆରି ସେଟା ତିନ୍ ଗନ୍‌ଟାଜାକ ରଇଲା । ୪୬ ଆଡ଼ବେଲାର୍
 ତିନ୍‌ଟା ବେଲେ ଜିସୁ ଆକ୍‌ମାରି କଇଲା, “ଏଲି, ଏଲି, ଲାମାସବକ୍‌ତାନି,
 ବଇଲେ ଏ ମର୍ ପର୍ମେସର୍, ଏ ମର୍ ପର୍ମେସର୍, ମକେ ତମେ କାଇକେ
 ଚାଡ଼ିଦେଲାସ୍?” ୪୭ ଲଗେ ଚିଆ ଅଇରଇବା କେତେ ଲକ୍ ଏଟା ସୁନିକରି
 କଇଲାଇ, “ସେ ଏଲିୟକେ ଡାକ୍‌ଲାନି ।” ୪୮ ଗଟେକ୍ ଲକ୍ ପାଲାଇ ଜାଇ
 ପିତା ରଇଲା ଅଢ଼ୁରସ୍‌ଟାନେ ଗଟେକ୍ ସୁତାର୍ ଗର୍ଶୁ ବୁଡ଼ାଇଲା । ଆରି
 ସେଟା ଲାଟି ଟିପେ ବାନ୍ଧି କାଅ ବଲି ଜିସୁର୍ ମୁଆଟେ ଲାମାଇଦେଲା । ୪୯

ବିନ୍ ଲକ୍ଷ୍ମୀ କଲଲାଇ “ତନେକ୍ ଜାଗା, ତାକେ ଏଲିୟ ରକିଆ କର୍ବାକେ
 ଆଇଲାନି କି ନାଇ ଦେକିଦେକୁ ।” ୫୦ ଜିସୁ ଆରି ତରେକ୍ ଆକ୍‌ମାରିକରି,
 ସାରାସାରି ଜିବନ୍ ଚାଡ଼ିଗାଲା । ୫୧ ସେଡ଼କି ବେଲେ ମନୁରେ ଜୁଲ୍‌ଡେ ରଇବା
 ପାର୍‌ଦା ଉପ୍‌ରେଅନି ତଲେ ଜାକ ଦୁଇ ଗନ୍ଧୁଅଇ ଚିରିଅଇଗାଲା । ଦର୍ତ୍ତନି
 ରୁଲ୍‌ରୁଲି ପାକ୍‌ନାମନ୍ ସବୁ ପୁଟିଗାଲା ୫୨ ଆରି କବର୍ ଦେଇରଇବା କାଲ୍‌ମନ୍
 ଉଗାଡ଼ିଅଇ କେତେକ୍ କେତେକ୍ ପର୍‌ମେସରର୍ ଦରମ୍ ଲକ୍ଷ୍ମୀ ଆରିତରେକ୍
 ଜିବନ୍ ଅଇ ଉର୍‌ଲାଇ । ୫୩ ସେମନ୍ କବର୍ ଦେଇରଇବା କାଲେଅନି ଉଟି
 ଆଇଲାଇ । ଜିସୁ ଆରିତରେକ୍ ଉର୍‌ଲା ପଡେ ଲକ୍ଷ୍ମୀ, ଏମନ୍‌କେ ସୁକଲ୍
 ଜାଗା ଜିରୁସାଲମେ ଜିବାଟା ଦେକ୍‌ଲାଇ । ୫୪ ଦର୍ତ୍ତନି ରୁଲ୍‌ରୁଲି ବିନ୍
 ବିନ୍ ଗର୍‌ନା ଅଇବାଟା ଦେକି, ଜିସୁକେ ଜାଗିରଇବା ସନିଅମନର୍ ମୁକିଅ
 ଆରି ବିନ୍ ସନିଅମନ୍ ଡରିଗାଲା । ସେମନ୍ କଲଲାଇ, “ସତଇସେ ଏ
 ନିଜେ ପର୍‌ମେସରର୍ ପଅ ଆକା!” ୫୫ ଗାଲିଲିଅନି ଜିସୁର୍ ସଢ଼ୁ ରଇକରି
 ତାକେ ସାଇଜ କରିରଇବା କେତେଟା ମାଇଜି ଦୁରିକେ ରଇକରି ଏଟା ସବୁ
 ଦେକ୍‌ଡେ ରଇଲାଇ । ୫୬ ସେମନର୍ ବିଡ଼ରେ ମଗ୍‌ଦଲିନି ମରିୟମ୍, ଜାକୁବ୍
 ଆରି ଜସେପର୍ ମାଆ ମରିୟମ୍ ଆରି ଜେବଦିର୍ ମାଇଜି ରଇଲାଇ । ୫୭
 ସଞ୍ଜୁବେଲାଇ ଆରାମାଡ଼ିଆ ସଅରର୍ ଜସେପ୍ ନାଉର୍ ଗଟେକ୍ ସାଉକାର୍
 ଆସି କେର୍‌ଲା । ସେ ମିସା ଗଟେକ୍ ସିସ୍ ରଇଲା । ୫୮ ସେ ପିଲାଡ଼କେ
 ବେଟ୍‌ଅଇକରି ଜିସୁର୍ ମଲାମଡ଼ ଦାରିଜିବାକେ ଗୁଆରି କଲା । ଜସେପ୍
 ଗୁଆର୍‌ଲାକେ ପିଲାଡ଼ ମଡ଼ ନେବାକେ ଆଦେସ୍ ଦେଲା । ୫୯ ସେ ଜିସୁର୍
 ଗାଗଡ଼ ଦାରିଗାଲା ଆରି ଗଟେକ୍ ନୁଆ ଚାଦର୍ ଗର୍‌ଣ୍ଟାଇ ଗୁଡ଼ିଆଇ ଦେଲା
 । ୬୦ ପାକ୍‌ନାଇ ତାକର୍ ନିଜର୍ ପାଇ କୁନି ରଇବା ଗଟେକ୍ ନୁଆ କବର୍
 ଦେବା ପାଆରେ ସେଟା ନେଇ ସଢ଼ୁଇଲା ଆରି ସେ ପାଆର୍ ମୁଆଟେ ଗଟେକ୍
 ବଡ଼ଟା ଚାତଡା ପାକ୍‌ନା ଡାବିଦେଇ ଉଟିଗାଲା । ୬୧ ମଗ୍‌ଦଲିନି ମରିୟମ୍
 ଆରି ବିନ୍ ମରିୟମ୍ ଜିସୁକେ କବର୍ ଦେଲା ପାଆର୍ ମୁଆଟେ ବସି ରଇଲାଇ
 । ୬୨ ତାର୍ ଆର୍କର୍ ଦିନର୍ ବିସ୍‌ରାମ୍‌ବାରେ ମୁକିଅ ପୁଜାରିମନ୍ ଆରି
 ପାରୁସିମନ୍ ପିଲାଡ଼କେ ବେଟ୍‌ଅଇ କଲଲାଇ, ୬୩ “ଆଗିଆଁ, ସେ ବେସି
 ମିରୁଆଟା । ବଠିରଇଲାବେଲେ ‘ମୁଇ ତିନ୍‌ଦିନ୍ ପଡେ ଆରିତରେକ୍ ଉର୍‌ବି’
 ବଲି କଇଡେ ରଇଲା । ଏଟା ଆମର୍ ମନେ ଆଡେ । ୬୪ ତେବର୍ ପାଇ ତିନ୍
 ଦିନ୍ ଜାକ ତାକେ କବର୍ ଦେଲାଟାମେ ଜାଗୁଆଲ୍ ଦାବ୍‌ବାକେ ଆଦେସ୍ ଦିଆସ୍

। ସେନ୍ଦ୍ରି କଲେ ତାର୍ ସିସ୍ତମନ୍ ତାର୍ ଗାଗଡ୍ ଚରାଇନେଇ ସେ ଜିବନ୍ ଅଇକରି
 ମଲାତେଇଅନି ଉତ୍ତଲା ବଲି କଇନାପାରତ୍ ।” ସେମନର୍ ଏନ୍ତାରି ମିର୍ କାତା
 ଜାନାଇବାଟା ସବୁଟାଟାଟାଟା ଅଦିକ୍ କେତି ଅଇସି । ୬୫ ପିଲାତ୍ କଇଲା,
 “ଗଟେକ୍ ଦଲ୍ ଜାଗୁଆଲ୍ମନକେ ନିଆ ଆରି ତାକେ କବର୍ ଦେଲାଟାଟାଟା
 କାଇଟା ନ ପୁରୁଲା ପାରା ଜାଗାଆ ।” ୬୬ ସେମନ୍ ଜାଇକରି ଜିସୁକେ କବର୍
 ଦେଲାଟାଟାଟା ଜାଗ୍ବାକେ ସନିଅମନ୍ ଟିକ୍ କଲାଇ । କବର୍ ମୁଆଟେ ଡାବି
 ରଇବା ପାକ୍ନା ଉପ୍ରେ ସିଲ୍ମାରି ଜାଗୁଆଲ୍ମନକେ ଜାଗାଇଲା ।

୨୮ ବିସ୍ତ୍ରାମ୍ବାରର୍ ଆର୍କର୍ ଦିନେ, ରଇବାର୍ ସାକାଲେ ମଗ୍ଦଲିନି
 ମରିୟ୍ମ୍ ଆରି ବିନ୍ ମରିୟ୍ମ୍ ଜିସୁକେ ସଞ୍ଜୁଇରଇବା କବର୍ ଦେକ୍ବାର୍
 ଗାଲା । ୨ ସେଡ୍କିବେଲେ ଅଟାଡ୍ ଦର୍ତ୍ତନି ରୁଲ୍ବୁଲିଗାଲା । ଏଦେ ଦେକା!
 ମାପ୍ପୁର୍ ଗଟେକ୍ ସରଗ୍ ଦୁଡ୍ ଉଡ୍ରି ଆସି, କବର୍ ମୁଆଟେ ଡାବିରଇଲା
 ପାକ୍ନା ତୁଲ୍ଗୁଡାଉଦେଇ ତାର୍ ଉପ୍ରେ ବସି ରଇଲା । ୩ ତାର୍ ଗୁଲାଇ
 ଗାଗଡ୍ ବିଜୁଲି ପାରା ଜଟକ୍ତେରଇଲା ଆରି ସେ ପିନ୍ଦିରଇବାଟା ବରପ୍ ପାରା
 ଚିଟ୍ ଦବ୍ ରଇଲା । ୪ ଜାଗୁଆଲ୍ମନ ଦୁଡ୍କେ ଦେକି ତରି ତର୍ତ୍ତରି ଗାଲା
 ଆରି ମଲା ଲକର୍ପାରା ଅଇଗାଲା । ୫ ସରଗର୍ ଦୁଡ୍ ମାଇଜିମନ୍କେ
 କଇଲା, “ତରା ନାଇ । ମୁଇ ଜାନି, ତମେ କୁର୍ସେ ମରିରଇବା ଜିସୁକେ
 ଦେକ୍ବାର୍ ଆସିଆଟାସ୍ । ୬ ସେ ଇତି ନାଇ । ସେ କଇଲା ଇସାବେ ଆରି
 ତରେକ୍ ଉତି ଆଟେ । ଆସି ଦେକା, ଇତି ତାର୍ ମଲା ଗାଗଡ୍ ସଞ୍ଜୁଇରଇଲା
 ।” ୭ “ତମେ ଦାପ୍ରେ ଜାଇ ତାର୍ ସିସ୍ତମନ୍କେ କୁଆ, ସେ ଆରି ତରେକ୍ ଜିବନ୍
 ଅଇଆଟେ ଆରି ତମର୍ ଆଗେ ଆଗେ ଗାଲିଲି ଗାଲା ଆଟେ । ତମେ ତେଇ
 ତାକେ ଦେକ୍ସା । ମୁଇ ଜାଇଟା କଇଲି ମନେ ରକିରୁଆ ।” ୮ ଏ କାତାସୁନି
 ସେମନ୍ ଦାପ୍ରେ କବର୍ଦେଲା ଟାଟାଟାଟାଟା ସିସ୍ତମନ୍ ଲଗେ ପାଲାଲାଇ ।
 । ତରିକରି ରଇଲେ ମିସା, ତାକର୍ ମନେ ବେସି ସାର୍ଦା ଜାନିପାର୍ତେ
 ରଇଲା । ୯ ସେଦାପ୍ରେ ଜିସୁ ସେମନ୍କେ ବେଟ୍ଅଇ କଇଲା, “ତମ୍କେ
 ସାନ୍ତି ମିଲ!” ସେମନ୍ ଜିସୁର୍ ଲଗେ ଜାଇ ତାର୍ ପାଦ୍ ଦାରି ଛୁଆର୍ କଲା ।
 ୧୦ ଜିସୁ ସେମନ୍କେ କଇଲା, “ତରା ନାଇ । ମର୍ ବାଇମନ୍କେ କୁଆ, ସେମନ୍
 ଗାଲିଲି ଆସତ୍ । ତେଇ ସେମନ୍ ମକେ ଦେକ୍ବାଇ ।” ୧୧ ମାଇଜିମନ୍
 ତେଇଅନି ଇଣ୍ଡିଜାଇତେ ରଇଲା । ଜିବାବେଲେ ଜିସୁକେ କବର୍ ଦେଇ
 ରଇବାଟାଟାଟା ଜାଗି ରଇଲା କେତେଟା ସନିଅମନ୍ ନଅରେ ବାଉଡି ଗାଲା ।

ଜାଇକରି ମୁକ୍ତି ପୁଜାରିମନ୍‌କେ ଏ ସବୁ ଅଇଲାଟା ଜାନାଇଲା । ୧୨
 ମୁକ୍ତି ପୁଜାରିମନ୍ ପାର୍‌ଚ୍ଚିମନ୍‌ର ସଞ୍ଜ ମିସି କୁଟ୍ ପାଁଲାଇ । ସେମନ୍
 ସନିଅମନ୍‌କେ ବେସି ତାରୁ ଲାଁଦେଇ କଇଲା, ୧୩ ତମେ କୁଆ “ଆମେ
 ରାତିଆ ସଇଦେଇ ରଇଲା ବେଲେ ତାର୍ ସିସ୍‌ମନ୍ ଆସି ତାର୍ ମଲା ଗାଗଡ୍
 ଚରାଇ ଦାରିଗାଲା । ୧୪ ଜଦି ସାସନ୍‌କାରିଆ ଏ କାତା ନ ସୁନ୍‌ସି, ବଇଲେ
 ତମର୍ ଦସ୍ ନାଇ ବଲି ଆମେ ବୁଜାଇ ଦେବୁ । ଏ ବିସଇନେଇ ତମେ ଦାନ୍ତା
 ଉଆନାଇ ।” ୧୫ ସନିଅମନ୍ ତାରୁ ନେଇକରି, ସେମନ୍‌କେ କଇରଇଲା
 ଇସାବେ କାମ୍ କଲା । ସେମନ୍ ସେବେଲେ ଜେନ୍ତି କଇରଇଲା, ଜିଉଦିମନ୍
 ଆଜିକେ ଜାକ ସେ କାତା ଜାନାଇଲାଇନି । ୧୬ ଜିସୁ କଇବା ଇସାବେ ତାର୍
 ଏଗାର୍‌ଟା ସିସ୍‌ମନ୍ ଗାଲିଲିର୍ ଗଟେକ୍ ତଢ୍ଫର୍ ଉପ୍‌ରେ ଗାଲା । ୧୭
 ଜିସୁକେ ତଢ୍ଫର୍ ଉପ୍‌ରେ ଦେକି ସେମନ୍ ତାକେ ଜୁଆର୍ କଲା । କେତେ
 ଲକ୍ ବିସ୍‌ବାସ୍ କରଡ୍ ନାଇ । ୧୮ ଜିସୁ ସେମନ୍‌ର ଲଗେ ଜାଇ କଇଲା,
 “ସରଗ୍ ଆରି ମର୍‌ପୁରର୍ ସବୁ ଅଦିକାର୍ ମକେ ଦିଆଅଇଲା ଆତେ । ୧୯
 ତେବେ ତମେ ଦେସ୍‌ମନ୍‌କେ ରଇବା ସବୁ ବାସାର୍ ଲକ୍‌ମନ୍‌ର ଲଗେ ଜାଇ,
 ସେମନ୍‌କେ ମର୍ ସିସ୍ କରାଆ । ବାବା, ପଅ ଆରି ସୁକଲ୍ ଆର୍‌ମାର୍ ନାଉଁଦାରି
 ସେମନ୍‌କେ ତୁବନ୍ ଦିଆସ୍ । ୨୦ ଆରି ମୁଇ ଜନ୍ ସବୁ ସିକିଆ ଦେଇଆରି,
 ସେଟା ମାନା ବଲି ସିକାଆ । ଆରି ମନେ ରଅ, କାଲ୍ କାଲ୍ ଜୁଗ୍ ଜୁଗ୍ ମୁଇ
 ସବୁବେଲେ ତମର୍ ସଞ୍ଜ ରଇବି ।” (aiōn g165)

ମାର୍ଜକ

୧ ଏଟା ଅଇଲାନି ପର୍ଯ୍ୟେସରର୍ ପଅ ଜିସୁ କିରିସ୍ତର୍ ନିମାନ୍ କବରର୍ ଆରାମ୍ । ୨ ଏଟା ଏନ୍ତାରି ଆରାମ୍ ଅଇଲା । ଜିସାୟ ବବିସତ୍ବକ୍ତାର୍ ସାସ୍ତରେ ଜେନ୍ତାର୍ ଲେକାଅଇଲା ଆଚେ, ପର୍ଯ୍ୟେସର୍ କଇଲା, ଦେକା ମୁଇ ମର୍ କବର୍ ଜାନାଉକେ ତମର୍ ଆଗେ ପାଟାଇଲିନି, ସେ ତମର୍ ବାଟ୍ ତିଆର୍ କର୍ସି । ୩ ତାର୍ ସର୍ ମରୁବାଲି ବୁର୍ସ୍ ଆଉଲିଅଇକରି ସୁନାଇଲାନି ମାପୁରୁର୍ ବାଟ୍ ତିଆର୍ କରା, ତାର୍ପାଇ ବାଟ୍ ସଲ୍‌କାଆ । ୪ ତାର୍ପଚେ ଏ ସବୁ କାତା ପୁରାପୁରୁନ୍ ଅଇଲା, ଜେଡେବେଲେ, ତୁବନ୍ ଦେଉ ଜଅନ୍ ମରୁବାଲିବୁର୍ସ୍ ଆସି ପାପ୍ କେମାର୍ ଲାଗି ବଲି ପାପ୍‌ଟାନେଅନି ବାଉଡାଇବା ବିସଇ କଇବାର୍ ଦାର୍ଲା । “ତମର୍ ପାପ୍ କେମା ଅଇବାକେ ପାପ୍‌ଟାନେ ମନ୍ ବାଦ୍‌ଲାଇ ତୁବନ୍ ନିଆ । ପର୍ଯ୍ୟେସର୍ ତମର୍ ପାପ୍ କେମା କର୍ସି ।” ୫ ସେଡ୍‌କିବେଲେ ଜିଉଦାଦେସର୍ କେଡେକ୍ ଲକ୍ ଆରି ଜିରୁସାଲାମ୍ ରାଇଜର୍ ସବୁ ଲକ୍‌ମନ୍ ବାରଇକରି ଜଅନର୍ କାତା ସୁନ୍ ବଲି ଆଇବାର୍ ଦାର୍ଲାଇ । ଆରି ନିଜର୍ ନିଜର୍ ପାପ୍‌କଲାଟା ମାନିକରି ଜର୍ଦନ୍ ଗାଡେ ତାର୍‌ଡେଇଅନି ତୁବନ୍ ନେଲାଇ । ୬ ଜଅନ୍ ଉଟର୍ ଚେଣ୍ଟିସ୍ତୁ ତିଆର୍ ଅଇଲା ଲୁଗା ପିନ୍ଧି, ପସୁ ତାମର୍ ଆଁଟାବେଡା ଆଁଟାଇ ବାନ୍ଧି ଅଇଡେରଇଲା । ତାର୍ କାଦି ଅଇଲା ତିଟ୍‌କା ଆରି ବନର୍ ମୁ । ୭ ସେ ଜାନାଇକରି କଇବାର୍ ମୁଲିଆଇଲା, “ମର୍ ପଚେ ଗଟେକ୍ ବେସି ବପୁର୍ ଲକ୍ ଆଇସି, ତାର୍ ଗତିଦାଢୁଡା ଅଇକରି ତାର୍ ଗତର୍ ପାଣ୍ଡୁଇ ବେଟ୍‌ବାର୍ ମିସା ମର୍ ଅଦିକାର୍ ନାଇ । ୮ ମୁଇ ତମ୍‌କେ ପାନିଡେଇ ତୁବନ୍ ଦେଲିନି, ମାତର୍ ସେ ତମ୍‌କେ ସୁକଲ୍‌ଆଡ୍‌ମାଇ ତୁବନ୍ ଦେଇସି ।” ୯ ସେଡ୍‌କିବେଲେ ଜିସୁ ଗାଲିଲି ଜାଗାର୍ ନାଜରିଡ୍ ଗଡେ ଅନି ଆସି ଜର୍ଦନ୍ ଗାଡେ ତୁବନ୍ ଦେଉ ଜଅନର୍ ଟାନେ ତୁବନ୍ ନେଲା । ୧୦ ସେ ପାନିଡେଇ ଅନି ବାରଇ ଆଇବାବେଲେ, ସରଗ୍ ଉଗାଡି ଅଇ ପର୍ଯ୍ୟେସରର୍ ଆଡ୍‌ମା ପରୁଆ ପାରା ଅଇ ଜିସୁର୍ ଉପ୍‌ରେ ଉଡ୍‌ରି ଆଇବାଟା ସେ ଦେକ୍‌ଲା । ୧୧ ଆରି ସର୍‌ଗେଅନି ଗଟେକ୍ ସର୍ ସୁନିଅଇଲା, “ତୁଇ ମର୍ ଆଲାଦର୍ ପିଲା, ତର୍‌ଟାନେ ମୁଇ ବେସି ସାର୍‌ଦା ।” ୧୨ ସେଦାପ୍‌ରେ ସୁକଲ୍‌ ଆଡ୍‌ମା ଜିସୁକେ ମରୁବାଲି ବୁର୍ସ୍ ପାଟାଇଲା । ୧୩ ମରୁବାଲି ବୁର୍ସ୍ ଚାଲିସ୍ ଦିନ୍ ରଇଲାବେଲେ, ସଇଡାନ୍ ତାକେ ପାପ୍‌କରାଇବାକେ ଚେସ୍‌ଟା କର୍ଡେରଇଲା । ସେ ଜାଗାଇ ବନର୍ ଜର୍ଡ୍‌ମନ୍ ରଇଲାଇ, ଆରି ସରଗର୍ ତୁଡ୍‌ମନ୍ ଆସି

ତାର ସେବା କରୁତେରଇଲା । ୧୪ କେତେଦିନ ଗାଲାପତେ ଏରଦ୍ରାଜା
 ତୁବନ୍ ଦେଉ ଜଅନ୍କେ ବନ୍ଦି ଗରେ ସଢ଼ୁଇଲା ପତେ ଜିସୁ ଗାଲିଲି ଗାଏଁ
 ବାଉଡ଼ିଆସି, ପର୍ମେସରର୍ ନିମାନ୍ କବର୍ ସୁନାଇବାର୍ ଦାରୁଲା । ୧୫
 “ସମାନ୍ ବେଲା ଆଇଲା, ପର୍ମେସରର୍ ରାଇଜ୍ ଲଗେ କେଟ୍ଲା ଆତେ ।
 ତମେ ପାପେ ଅନି ମନ୍ ବାଉଡ଼ାଇକରି ନିମାନ୍ କାତାଇ ବିସ୍ବାସ୍ କରା ।” ୧୬
 ଜିସୁ ଗାଲିଲି ସମ୍ବୁରୁ କଣ୍ଟିବାଟେ ଜିବା ବେଲେ ସିମନ୍ ଆରି ତାର୍ ବାଇ
 ଆନ୍ତୁରିଅକେ ସମ୍ବୁରେ ବଇଜାଲ୍ ପାକାଇବାଟା ଦେକ୍ଲା, ସେମନ୍ ମାର୍ ଦାରୁ
 କେଉଟ୍ମନ୍ ରଇଲା । ୧୭ ଜିସୁ ସେମନ୍କେ କଇଲା, “ମର୍ ସଢ଼ୁ ଆସା,
 ମୁଇ ତମ୍କେ ଲକ୍ମନ୍କେ ପର୍ମେସରର୍ ବାଟେ ଆନ୍ବା ବିସଇ ସିକାଇବି
 ।” ୧୮ ସେଦାପ୍ରେ ସେମନ୍ ଜାଲ୍ ଚାଡ଼ି ଜିସୁର୍ ପତେ ପତେ ଗାଲା ।
 ୧୯ ପତେ କଣ୍ଟେକ୍ ଦୁର୍ ଜାଇ ଜେବଦିର୍ ପଅମନ୍ ଜାକୁର୍ ଆରି ତାର୍ ବାଇ
 ଜଅନ୍କେ ତଢ଼ୁଇ ଜାଲ୍ ସାଜାଡ଼ବାଟା ଦେକ୍ଲା । ୨୦ ଜିସୁ ସେମନ୍କେ
 ଦେକ୍ଲା ଦାପ୍ରେ ତାକ୍ଲା, ଆରି ସେମନ୍ ତାକର୍ ବାବା ଜେବଦିକେ ଆରି
 କୁଲିଆର୍ମନ୍କେ ତଢ଼ୁଇ ଚାଡ଼ି ତାର୍ ସଢ଼ୁ ଗାଲା । ୨୧ ପତେ ଜିସୁ ଆରି
 ତାର୍ ସିସମନ୍ କପର୍ମାତମେ ଗାଲା, ଆରି ବିସରାମ୍ବାର୍ କେଟ୍ଲାକେ ସେ
 ଜିଉଦିମନ୍ ପାର୍ତନା ଗରେ ପୁରି, ଲକ୍ମନ୍କେ ସିକାଇବାର୍ ଦାରୁଲା । ୨୨
 ଲକ୍ମନ୍ ତାର୍ ସିକିଆ ସୁନି କାବା ଅଇଗାଲା, ସେ ସାସ୍ତର୍ ସିକାଉପାରା
 ନ ସିକାଇ, ନିଜର୍ ଅଦିକାର୍ ସଢ଼ୁ ସିକିଆ ଦେଇତେ ରଇଲା । ୨୩ ସେ
 ଦାପ୍ରେ ସେମନ୍ ପାର୍ତନା ଗରେ ଗଟେକ୍ ତୁମା ଦାରୁଲା ଲକ୍ କିର୍କିରି
 କରି ଜିସୁକେ କଇଲା, ୨୪ “ଏ ନାଜରିତ୍ ଗତର୍ ଜିସୁ, ତୁଇ କାଇକେ ଆମ୍କେ
 ଅରିଆନ୍ କଲୁସିନି? ତୁଇ କାଇ ଆମ୍କେ ବିନାସ୍ କରବାକେ ଆଇଲୁସ୍ କି?
 ତୁଇ କେ, ସେଟା ମୁଇ ଜାନି, ତୁଇ ଅଇଲୁସିନି ପର୍ମେସରର୍ ସୁକଲ୍ ଲକ୍ ।”
 ୨୫ ଜିସୁ ତୁମାକେ ଦମ୍କାଇ କରି କଇଲା, “ତୁପ୍ ଅ, ଆରି ଏ ଲକ୍ରେତେ ଅନି
 ବାରୁଇ ଜା ।” ୨୬ ସେଡ଼କି ବେଲେ ତୁମା ତାକେ ମଡ଼ିପିଢ଼ି ବେସି କିର୍କିରି
 କରି ତାରୁଲଗେ ଅନି ବାରଇଗାଲା । ୨୭ ତେବର୍ପାଇ ପାର୍ତନା ଗରେ
 ରଇବା ସବୁ ଲକ୍ କାବା ଅଇଗାଲା ଆରି ତାକର୍ ତାକର୍ ବିତ୍ରେ କୁଆବଲା
 ଅଇଲା । “ଏଟା କେନ୍ତାର୍? ଏଟାଟା ଅଦିକାର୍ ସଢ଼ୁ ନୁଆ ସିକିଆ । ତୁମା
 ଆତ୍ମାମନ୍ ମିସା, ସେ ତିଆରୁଲାଟା ମାନ୍ଲାଇନି ।” ୨୮ ସେଡ଼କିବେଲେ
 ଜିସୁର୍ କାତା ଗାଲିଲିର୍ ଚାରିବେଡ଼ିର୍ ଗାଉଁମନ୍କେ କେଟିଗାଲା । ୨୯

ତାର ପରେ ଜିସୁ ଆରି ତାର ସିସନର୍ ପାର୍ତନା ଗରେ ଅନି ବାରଇ ଜାକୁବ୍ ଆରି ଜଅନର୍ ସଢ଼ୁ ସିମନ୍ ଆରି ଆନୁରିୟର୍ ଗରେ ଗାଲାଇ । ୩୦ ତେଇ ରଇଲା ଲକ୍ମନ୍ ସିମନ୍ ସାତ୍ରି ଜର୍କେ ସଇରଇଲା ବିସଇ ଜିସୁକେ କଇଲାଇ । ୩୧ ସେଟାର୍ପାଇ ଜିସୁ ଜାଇ ସିମନ୍ ସାତ୍ରିର୍ ଆତେ ଦାରି ଉଟାଇଲା, ସେଦାପ୍ରେ ତାର ଜର୍ ଚାଡ଼ିଗାଲା, ଆରି ସେ ଜାଇ ସେମନ୍କେ ସେବା କର୍ବାର୍ ଦାରଲା । ୩୨ ସଞ୍ଜୁ ବେଲାଇ ବେଲ୍ ବୁଡ଼ିଗାଲା ପରେ, ଲକ୍ମନ୍ ଜରର୍ ଲକ୍ମନ୍କେ ଆରି ତୁମାଦାରି ରଇବା ସବୁଲକ୍ମନ୍କେ ଜିସୁର୍ ଲଗେ ଆନ୍ବାର୍ ଦାରଲାଇ, ୩୩ ଆରି ଗାଉଁର୍ ଲକ୍ମନ୍ ସେ ଗରର୍ ଦୁଆରେ ରୁଣ୍ଡୁଲାଇ । ୩୪ ସେଡ଼କିବେଲେ ସେ ବିନ୍ ବିନ୍ ରକାମର୍ ରଗ୍ ଅଇରଇବା ଜବର୍ ରଗି ଲକ୍ମନ୍କେ ନିମାନ୍ କଲା ଆରି ଜବର୍ ତୁମାମନ୍କେ ଚାଡ଼ାଇଲା, ମାତର୍ ସେ ତୁମାମନ୍କେ କାତା କଇବାକେ ଦେଏନାଇ । କାଇକେବଇଲେ ତୁମାମନ୍ ଜିସୁ ପର୍ମେସରର୍ ଚାନେଅନି ଆଇଲାଆତେ ବଲିକରି ଜାନି ରଇଲାଇ । ୩୫ ଆର୍କର୍ ସାକାଲେ କୁକ୍ତା ତାକ୍ ବେଲାଇ ଜିସୁ ଉଟି ଗରେଅନି ବାରଇ ଜାଇ ଗଟେକ୍ କିନରା ରଇବା ଚିମ୍ବା ଜାଗାଇ, ଜାଇ ପାର୍ତନା କର୍ବାର୍ ଦାରଲା । ୩୬ ସେଡ଼କିବେଲେ ସିମନ୍ ଆରି ତାର ସଢ଼ୁର୍ଲକ୍ ତାକେ କଇବାର୍ ଗାଲାଇ, ୩୭ ଜେଡେବଲ୍ ସେମନ୍ ଜିସୁକେ ବେଟ୍ ଅଇଲାଇ, ଆରି କାବାଅଇ ତାକେ କଇଲାଇ, “ସବୁ ଲକ୍ ତମ୍କେ କଇଲାଇନି ।” ୩୮ ସେଡ଼କିବେଲେ ଜିସୁ ସେମନ୍କେ କଇଲା, “ଆସା, ଆମେ ରଇବା ବିନ୍ ବିନ୍ ଗାଉଁମନ୍କେ ଛୁ, କାଇକେବଇଲେ ସେ ଜାଗାମନ୍କେ ମିସା ମୁଇ ପର୍ମେସରର୍ କାତା କଇବି । କାଇକେବଇଲେ ସେଟାର୍ପାଇସେ ମୁଇ ଆଇଲିଆତି ।” ୩୯ ଆରି ଗାଲିଲିର୍ ସବୁଟାନେ ବୁଲି ବୁଲି ସେମନ୍ ସବୁ ପାର୍ତନା ଗରେ, ମାପ୍ପୁର୍ କାତା ସୁନାଇଲା, ଆରି ତୁମା ଦାରଲା ଲକ୍ମନ୍କେ ଚାଡ଼ାଇଲା । ୪୦ ସେଡ଼କି ବେଲେ ଗଟେକ୍ ବଡ଼ ରଗି ତାର ଲଗେ ଆସି ମାଣ୍ଡିକଟା ଦେଇ ତାକେ ବାବୁଜିଆ କରି କଇଲା, “ତମେ ଜଡ଼ି ମନ୍କଲେ ମକେ ସୁକଲ୍ କରି ପାର୍ସା ।” ୪୧ ତେଇ ସେ ତାକେ ଜିବନ୍ ଦୁକାଇଲା ଆରି ଆଡ଼ ଲାମାଇ କରି ତାକେ ଚିଇକରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ୪୨ ସେଦାପ୍ରେ ବଡ଼ ରଗ୍ ତାର ଲଗେ ଅନି ଦୁର୍ଅଇଲା ଆରି ସେ ସୁକଲ୍ ଅଇଗାଲା । ୪୩ ଆରି, ଜିସୁ ସେ ଲକ୍କେ ତାଟ୍ସଢ଼ୁ ଆଦେସ୍ ଦେଇ ସେଦାପ୍ରେ କଇ ପାଟାଇଲା । ୪୪ “ଜାଗ୍ରଡ଼, ମୁଇ ତକେ ସୁକଲ୍ କଲି

ବଲି କାକେ ମିସା କ ନାଇ, ମାତର୍ ଜା ଆରି ନିଜେ ପୁଜାରିକେ ଦେକାଇ ଅ ଆରି ମସା ଜନ୍ ଜନ୍ ବିରୁ ପର୍ମେସର୍‌କେ ଦେବାକେ ଆଦେସ୍ ଦେଲାଆରେ, ସେ ଇସାବେ ଦେସ୍ । ଏଟାର୍ ଲାଗି ତୁଇ ସୁକଲ୍ ଅଇଜାଇଆରୁସ୍ ବଲିକରି ପୁଜାରି ସବୁଲକର୍ ମୁଆଟେ ସାକି ଦେଅ ।” ୪୫ ମାତର୍ ସେଲକ୍ ବାରଇ ଜାଇ ଜିସୁ ସୁକଲ୍ କରିରଇବା କବର୍ ଏଡେକ୍ ରାଟୁକରି କଇବୁଲ୍‌ଲାଇ ଜେ, ଜିସୁ ଲକ୍‌ମନର୍ ଦେକ୍‌ଡେ କନ୍ ଗାଉଁମନ୍କେ ମିସା ଜାଇ ପୁରି ନାପାର୍‌ଲା । ମାତର୍ ବାଇରେ ଜାଇ ତିମ୍‌ରା ଜାଗାମନ୍କେ ରଇଲା । ଅଇଲେ ମିସା ଲକ୍‌ମନ୍ ଚାରିଦିଗେ ଅନି ତାର୍ ଲଗେ ଆଇବାର୍‌ଦାର୍‌ଲା ।

୯ କେଡେଦିନ୍ ଗାଲା ପଟେ ଜିସୁ ଆରି ତରେକ୍ କପର୍‌ନାଭମେ ବାଅଡୁଲାକେ, ସେ ଗରେ ଆଟେ ବଲି ଆଲା ଅଇଗାଲା । ୨ ସେ ଗରେ ଏଡେମାଣ୍ଟୁ ଲକ୍ ଜମ୍‌ଲାଇ ଜେ, ଦୁଆରେ ମିସା ଟାନ୍ ଦାରିନାପାର୍‌ଲା, ଆରି ଜିସୁ ସେମନର୍ ଲଗେ ପର୍ମେସର୍‌ ବାକିଅ ସୁନାଇବାର୍ ଦାର୍‌ଲା । ୩ ସେଡକି ବେଲେ କେଡେକ୍ ଲକ୍‌ମନ୍ ଗଟେକ୍ ଚେରେଡ୍ଟୁ ରଗିକେ ବଇକରି ତାର୍ ଲଗେ ଦାରିଆଇଲା । ତାକର୍ ବିଡ୍‌ରେ ଅନି ତାର୍‌ଲକ୍ ରଗିକେ ବଇରଇଲା । ୪ ମାତର୍ ଲକ୍‌ମନ୍ ତିପାଟେଲା ଅଇରଇଲାକେ, ତାକେ ଜିସୁର୍ ଲଗେ ନେଇ ନାପାର୍‌ଲା । ନାପାରିକରି, ଜିସୁ ଜନ୍‌ଟାନେ ରଇଲା, ତେଇର୍ ଚାନି ବଡ଼ଟା କାଣାକରି, ରଗିକେ କର୍ ମିସ୍‌ଡେ ତାର୍ ମୁଆଟେ ସିଦା ଉଡ଼ରାଇଦେଲା । ୫ ଜିସୁ ସେମନର୍ ବିସ୍‌ବାସ୍ ଦେକି ଚେରେଡ୍ଟୁ ରଗିକେ କଇଲା, “ବାବୁରେ ମୁଇ ତର୍ ପାପ୍ କେମା କରିଦେଲି ।” ୬ ମାତର୍ ସେ ଗର୍ ବିଡ୍‌ରେ କେଡେଟା ସାସ୍‌ତର୍ ସିକାଇବା ଲକ୍‌ମନ୍ ବସି ନିଜର୍ ନିଜର୍ ମନ୍ ବିଡ୍‌ରେ ବାବିଅଇଡେରଇଲା, ୭ “ଏ ଲକ୍ ଚେରେଡ୍ଟୁ ରଗିକେ ‘ତର୍ ପାପ୍ କେମା କରିଦେଲି ।’ ବଲି କେନ୍ତି କଇପାର୍‌ଲା? ଏ ପର୍ମେସର୍‌କେ ନିନ୍ତା କର୍‌ସିଆଟେ, ସେ ଗଟେକ୍ ମାପ୍‌ରୁକେ ଚାଡିଦେଲେ, ଆରି କେ ମିସା ପାପ୍ କେମା କରି ପାର୍‌ତ୍ କି?” ୮ ସେଦାପ୍‌ରେ ଜିସୁ ସେମନ୍ ମନେ ମନେ ଏନ୍ତାରି ବାବିଅଇଲାଟା, ନିଜର୍ ଆଡ଼ମାଇ ଜାନି ସେମନ୍‌କେ କଇଲା, “ତମେ କାଇକେ ନିଜର୍ ନିଜର୍ ମନେ ଏ ସବୁଜାକ ବାବିଅଇଲାସ୍‌ନି? ୯ କନ୍‌ଟା କର୍‌ବାଟା ସଅଜ୍ ଅଇଲାନି? ବାବୁରେ ‘ମୁଇ ତର୍ ପାପ୍ କେମା କରିଦେଲି ।’ ବଲି କଇବାଟା, କି ‘ଉର୍ ତର୍ କର୍ ବଇ ଇଣ୍ଡିଜା ।’ ବଲ୍‌ବାଟା? ୧୦ ମାତର୍ ଗୁଲାଇ ଜଗତର୍ ପାପ୍ କେମା କର୍‌ବାକେ ପର୍ମେସର୍ ପାଟାଇଲା

ନରୁପିଲା ମରୁ ଅଦିକାର୍ ଆଚେ ବଲି ଏବେ ମୁଇ, ଏ ଲକ୍ଷକେ ନିକ କରି
 ଦେକାଇବି ।” ସେ ଚେରେଢ଼ୁ ରଗିକେ କଇଲା, ୧୧ “ମୁଇ ତକେ କଇଲିନି
 ଉର୍, ତରୁ କର୍ ବଇ, ନିଜର୍ ଗରେ ବାରିଜା ।” ୧୨ ସେଦାପୁରେ ସେ ରଗି
 ଉର୍ କର୍ ବଇକରି ସବୁ ଲକର୍ ଦେକ୍ତେ ବାରଇ ଗାଲା । ସେବେଲାଇ
 ସବୁଲକ୍ କାବା ଅଇ ପର୍ମେସରର୍ ମଇମା କରି କରି କଇଲାଇ, “ଆମେ
 ଏନ୍ତାରିଟା କେବେ ମିସା ଦେକି ନ ରଇଲୁ ।” ୧୩ ସେ ଆରିତରେକ୍ ସମ୍ବୁରୁ
 କଣ୍ଠିବାଟେ ବାରଇଗାଲା । ବେସି ଲକ୍ମନ୍ ତାରୁ ଲଗେ ଆଇଲାକେ, ଜିସୁ
 ସେମନ୍କେ ସିକିଆ ଦେବାରୁ ଦାରୁଲା । ୧୪ ଆରି ସେ ଜାଉ ଜାଉ ଆଲ୍ପିଅର୍
 ପଅ ଲେବିକେ ରମିୟ ସର୍କାରର୍ ପାଇ ସିସ୍ତୁମାଢ଼ୁମନ୍ ମାଢ଼ୁବା ଜାଗାଇ
 ବସି ରଇବାଟା ଦେକି ତାକେ କଇଲା, “ମରୁ ସଢ଼ୁ ଆଉ ।” ତେଇଅନି ସେ
 ତାରୁ ସିସ୍ତୁମାଢ଼ୁମନ୍ ମାଢ଼ୁବାଟା ଚାଡ଼ି ଉଟିକରି ଜିସୁର୍ ସଢ଼ୁ ଗାଲା । ୧୫
 ପରେ ଜିସୁ ଲେବିର୍ ଗରେ ଜାଇ କାଇବା ବେଲେ ବେସି ସିସ୍ତୁମାଢ଼ୁବା
 ଲକ୍ ଆରି ଜନ୍ ଲକ୍ମନ୍କେ ପାପି ବଲି କଇତେରଇଲାଇ, ତାରୁ ସିସ୍ତୁମନ୍
 ସଢ଼ୁ ମିସି କାଇତେରଇଲାଇ । କାଇକେବଇଲେ ଏନ୍ତାରି ବେସି ଲକ୍ ତାରୁ
 ସଢ଼ୁ ଜାଇତେ ରଇଲାଇ । ୧୬ ଜିସୁ ପାପି ଆରି ସିସ୍ତୁମାଢ଼ୁମନ୍ ସଢ଼ୁ
 କାଇଲାନ୍, ଏଟା ଦେକିକରି ପାରୁସି ଦଲର୍ ସାସ୍ତର୍ ସିକାଉମନ୍ ତାରୁ
 ସିସ୍ତୁମନ୍କେ କଇବାରୁ ଦାରୁଲାଇ, “ସେ କାଇକେ ସିସ୍ତୁମାଢ଼ୁମନ୍ ଆରି
 ପାପିମନ୍ ସଢ଼ୁ କାଇଲାନ୍?” ୧୭ ସେଟା ସୁନି ଜିସୁ ସାସ୍ତର୍ ସିକାଉମନ୍କେ
 କଇଲା, “ନିମାନ୍ ଲକ୍ମନ୍ପାଇ ତାକ୍ଦରର୍ ଲଡା ନାଇ, ମାତର୍ ନିମାନ୍ ନ
 ରଇଲା ଲକ୍ମନ୍କେ ଲଡା ଆଚେ । ଜେ ନିଜେ ‘ମୁଇ ଦରମ୍ ଲକ୍ ।’ ବଲି
 ବାବିଅଇବା ଲକ୍ପାଇ ମୁଇ ଆସିନାଇ, ମାତର୍ ପାପିମନ୍କେ ପାପ୍ଟାନେଅନି
 ବାଉଡାଇବାକେ ଆସିଆଚି ।” ୧୮ ତୁବନ୍ ଦେଉ ଜଅନର୍ ସିସ୍ତୁମନ୍ ଆରି
 ପାରୁସିମନ୍ ଉପାସ୍ କର୍ତେ ରଇଲାଇ । ସେବେଲାଇ କେତେଲକ୍ ଆସି
 ଜିସୁକେ କଇଲାଇ, “ତୁବନ୍ ଦେଉ ଜଅନର୍ ସିସ୍ତୁମନ୍ ଆରି ପାରୁସିମନ୍
 ସିସ୍ତୁମନ୍ ଉପାସ୍ କର୍ବାଇ, ମାତର୍ ତର୍ ସିସ୍ତୁମନ୍ କାଇକେ ଉପାସ୍ ନ
 କରତ୍?” ୧୯ ଜିସୁ ସେମନ୍କେ କଇଲା, “ବଜିଟାନେ ବିବା ଦାଢ଼ୁଡା ରଇବା
 ଜାକ ବିବା ଦାଢ଼ୁଡାରୁ ସଢ଼ୁ ରଇବା ଦାଢ଼ୁଡାମନ୍ ଉପାସେ ରଇବାଇ କି?
 ନାଇ ନ ରଅତ୍ । ବିବା ଦାଢ଼ୁଡା ଜେତେବେଲାଜାକ ରଇସି, ସେ ବେଲାଜାକ
 ସେମନ୍ ଉପାସେ ନ ରଅତ୍ । ୨୦ ମାତର୍ ବେଲା ଆଇସି, ଜେତେବେଲେ

ଲକ୍ଷ୍ମୀ ଆସି ତାଙ୍କର ଲଗେ ଅନି ବିବା ଦାଢ଼ୁତାକେ ଦାରିଜିବାଇ, ସେଦିନେ ସେମନ୍ ଉପାସ୍ କରୁବାଇ । ୨୧ “କେ ନୁଆ ଲୁଗାର୍ ଗର୍ଣ୍ଣା ପୁରନା ଲୁଗାଇ ନ ସିଲାଏ, ସିଲାଇଲେ ନୁଆ ଗର୍ଣ୍ଣା ପୁରନା ଲୁଗାକେ ଅଦିକ୍ ଚିରି ପାକାଇସି, ଆରି ଅଦିକ୍ ବଡ଼ଟା କାଣା କରିଦେଇସି । ୨୨ ଆରି କେ ନୁଆ ଅଢ଼ୁର୍ ରସ୍ ପୁରନା ଚାମ୍ ସଢ଼ୁ ତିଆର୍ କଲା ମୁନାଇ ନ ସଢ଼ୁଅର୍, ସଢ଼ୁଇଲେ ସେ ଅଢ଼ୁର୍ ରସ୍ ଆରି ଚାମ୍ ମୁନା ନସିଜାଇସି । ନାଇ ନୁଆ ଅଢ଼ୁର୍ ରସ୍ ନୁଆ ଚାମ୍ ମୁନାଇ ସଢ଼ୁଇବାର୍ ଆଚେ ।” ୨୩ ଜିସୁ ତରେକ୍ ବିସ୍‌ରାମ୍‌ବାରେ ତାସ୍ ରଇବା କେଡ଼ ବାଟେ ଜାଇତେ ରଇଲା, ଆରି ଜିବାବେଲେ ତାର୍ ସିସ୍‌ମନ୍ ଦାନ୍ କେଡ଼ ଚିତାଇତେ ଗାଲାଇ । ୨୪ ସେ ଜାଗାଇ ରଇବା ପାରୁସିମନ୍ ଜିସୁକେ କଇଲା, “ଦେକ୍ ବିସ୍‌ରାମ୍‌ବାରେ ଜନ୍‌ଟା କରୁବାର୍ ଆମର୍ ବିଦି ନଏ । ତର୍ ସିସ୍‌ମନ୍ କାଇକେ ସେଟା କଲାଇନି?” ୨୫ ଜିସୁ ସେମନ୍‌କେ କଇଲା, “ଆମର୍ ତାକ୍‌ପୁଟା ଆନିଦାଦି ଦାଉଦର୍ ଅବାବ୍ ବେଲେ, ସେ ଆରି ତାର୍ ସଢ଼ୁର୍ ଲକ୍ଷ୍ମୀନ୍ ବୁକେ ରଇଲା, ସେଡ଼କିବେଲେ ସେ କାଇଟା କରି ରଇଲା, ସେଟା କାଇ ତମେ କେବେ ପଡ଼ାସ୍ ନାଇ କି? ୨୬ ବଡ଼ ପୁଜାରି ଅବିୟାତର୍ ବେଲେ ସେ କେନ୍ତି ପର୍ମେସରର୍ ମନ୍ତ୍ରିରେ ପୁରିକରି ମାପୁରୁକେ ସର୍ପିଦେଲା ଜନ୍ ଦର୍ସନି ରୁଟି, ପୁଜାରିମନ୍‌କେ ଚାଡ଼ିଦେଲେ ଆରି କେ ମିସା କାଇବାର୍ ବିଦି ନଏ, ସେଟା ସେ କାଇଲା, ଆରି ସେ ରୁଟି ନିଜର୍ ସଢ଼ୁର୍ ଲକ୍ଷ୍ମୀନ୍‌କେ ମିସା ବାଟାକରି ଦେଇରଇଲା ।” ୨୭ ଜିସୁ ସେମନ୍‌କେ କଇଲା, “ବିସ୍‌ରାମ୍‌ବାର୍ ଲକ୍ଷ୍ମୀନ୍‌ ସାଇଜର୍‌ପାଇ ଅଇଲା ଆଚେ, ସେଟା ଲକ୍ଷ୍ମୀନ୍‌କେ ବିଜାର୍ କରୁବାକେ ଅଏନାଇ । ୨୮ ତେବର୍‌ପାଇ ପର୍ମେସର୍ ପାଟାଇଲା ନର୍ପିଲା ମୁଇ ବିସ୍‌ରାମ୍‌ବାରେ ଲକ୍ଷ୍ମୀନ୍ କାଇଟା କରୁବାର୍ ଆଚେ, କାଇଟା କରୁବାର୍ ନାଇ, ସେଟା କଇବାର୍ ମର୍ ଅଦିକାର୍ ଆଚେ ।”

୩୧ ପଚେ ଜିସୁ ଆରି ଗଟେକ୍ ତର୍ ଜିଉଦିମନ୍‌ ପାର୍ତନା ଗରେ ଗାଲା । ତେଇ ଗଟେକ୍ ଲକ୍ ରଇଲା । ତାର୍ ଗଟେକ୍ ଆଡ଼୍ ସୁକିଜାଇରଇଲା । ୨ ଜିସୁ କେଜାନେ ବିସ୍‌ରାମ୍ ବାରେ ନିମାନ୍ କରୁସି ବଲି, ସେମନ୍ ଆଁକି ନ ମରାଇତେ ଦେକ୍‌ତେରଇଲା, କାଇକେବଇଲେ ଜେନ୍ତିକି ତାର୍ ବିରୁଦେ ଦସ୍ ଦାରିପାରୁବାଇ । ୩ ଜନ୍ ଲକର୍ ଆଡ଼୍ ସୁକି ଜାଇରଇଲା, ତାକେ ଜିସୁ କଇଲା, “ଆଉ ମଜାଇ ଚିଆ ଅ ।” ୪ ଆରି ଜିସୁ ଲକ୍ଷ୍ମୀନ୍‌କେ ପାଟାରୁଲା, “ବିସ୍‌ରାମ୍‌ବାରେ କାଇଟା କରୁବା ନିଅମ୍? ନିକ କରୁବାର୍ କି

ଆସାର କରୁବାର? ଜିବନ୍ ବଞ୍ଚାଇବାର କି ମରାଇଦେବାର?” ମାତର୍ ସେମନ୍ କାଇଟା ନ କଇ ତିମ୍ରାଅଇ ରଇଲାଇ । ୫ ସେବେଲେ ତାକର୍ ମନ୍ ଡାବ୍ ରଇବାଟା ଦେକିକରି ଜିସୁ ତୁକ୍ଅଇ ରିସାସଙ୍ଗ୍, ଚାରିବେଡ଼ି ଦେକ୍ଲା । ଆରି ସେ ଲକ୍କେ କଇଲା, “ଆତ୍ ଲାମା ।” ସେ ଲକ୍ ଆତ୍ ଲାମାଇଲା, ଆରି ତାର୍ ଆତ୍ ନିମାନ୍ ଅଇଗାଲା । ୬ ତେଇଅନି ପାରୁସିମନ୍ ସେ ଜାଗାଇଅନି ଦାପ୍ରେ ବାରଇ ଜାଇ ଜିସୁକେ ମରାଉ ବଲି ତାର୍ ବିରୁଦ୍ଦେ ଏରଦ୍ ରାଜାର୍ ଲକ୍ମନର୍ସଙ୍ଗ୍ ଉପାଇ ପାଁର୍ବାର୍ ଦାର୍ଲାଇ । ୭ ସେଡ଼କିବେଲେ ଜିସୁ ସିସ୍ମନର୍ ସଙ୍ଗ୍ ଲକ୍ମନର୍ଗାନେଅନି ବେର୍ଲି କରି, ସମ୍ଭୁର୍ କଣ୍ଠିବାଟେ ବାରଇ ଗାଲା । ଆରି ଗାଲିଲି ଅନି ବେସି ଲକ୍ ତାର୍ ପଟେ ପଟେ ଆଇଲାଇ, ଆରି ଜିଉଦା, ୮ ଜିରୁସାଲାମ୍, ଇଦମ୍, ଜର୍ଦ୍ଦନ୍ ଉପର୍ ବାଟେ ରଇବା ସର ଆରି ସିଦନର୍ ଚାରିବେଡ଼ିର୍ ଲକ୍ ସେ କରିରଇବା ସବୁ କାମର୍ କାତା ସୁନି ତାର୍ ଲଗେ ଆଇଲାଇ । ୯ ସେଡ଼କିବେଲେ ଚିପାଟେଲା ରଇଲାକେ, ଲକ୍ମନ୍ ଜେନ୍ତିକି ଉପରେ ତାବି ନ ଅଅର୍, ତେବର୍ ପାଇ ଜିସୁ ସିସ୍ମନ୍କେ ତାର୍ପାଇ ଗଟେକ୍ ସାନ୍ଟା ଡଙ୍ଗା ଆନି ଜାଗାଇବାକେ ତିଆର୍ଲା । ୧୦ କାଇକେବଇଲେ ସେ ବେସି ଲକ୍ମନ୍କେ ନିମାନ୍ କଲାଜେ ଜର୍ଦ୍ଦୁକା ଅଇରଇବା ଲକ୍ମନ୍ ତାକେ ଚିଉଁ ବଲି ଉପରେ ତାବିଅଇ ଜାଇତେରଇଲାଇ । ୧୧ ଆରି ଜେଡେବେଲେ ଜିସୁକେ କରାପ୍ ଆତ୍ମାମନ୍ ଦେକ୍ତେ ରଇଲାଇ, ସେ ଆତ୍ମାମନ୍ ତାର୍ ମୁଆଟେ ଅଦ୍ରି ଆଉଲିଅଇ କଇତେରଇଲାଇ, “ତୁଇ ଆକା ପର୍ମେସରର୍ ପଅ ।” ୧୨ ମାତର୍ ଜିସୁ ତୁମାମନ୍କେ ତାର୍ ବିସଇନେଇ ବିନ୍ ଲକ୍ମନ୍କେ କାଇ ବଲି ନ କୁଆ ବଲି ତାବ୍ସଙ୍ଗ୍ ଆଦେସ୍ ଦେଇତେରଇଲା । ୧୩ ଜିସୁ ପର୍ବତ୍ ଉପରେ ଜାଇ, ଜନ୍ ଲକ୍ମନ୍କେ ସେ ମନ୍ କଲା, ସେମନ୍କେ ଲଗେ ଡାକ୍ଲା, ଆରି ସେମନ୍ ତାର୍ ଲଗେ ଆଇଲାଇ । ୧୪ ସେ ବାର ଲକ୍କେ ବାବ୍ଲା ଆରି ସେମନ୍କେ ତାର୍ କବର୍ ନେଉ ବଲି ଡାକ୍ଲା । ଜେନ୍ତି ସେମନ୍ ତାର୍ ସଙ୍ଗ୍ ରଇପାରତ୍ ଆରି ସେମନ୍ ତାର୍ କବର୍ ଜାନାଇବାଇ, ୧୫ ଆରି ତୁମାତାତାଇବାକେ ଅଦିକାର୍ ଦେଲା । ୧୬ ଜିସୁ ବାର ଲକ୍କେ ବାବ୍ଲା, ଜନ୍ଲକ୍ମନ୍ କି ସିମନ୍, ଜାକେ ସେ ପିତର୍ ବଲି ନାଉଁ ଦେଲା, ୧୭ ଜେବଦିର୍ ପ ଜାକୁର୍ ଆରି ତାର୍ ବାଇ ଜଅନ୍କେ ସେ ବିନେରିଗସ୍ ବଲି ନାଉଁ ଦେଲା, ଆର୍ ଅରତ୍ ଅଇଲାନି ମେଗ୍ନାଦର୍ ପଅମନ୍, ୧୮ ଆନୁରିୟ୍, ପିଲିପ୍, ବାର୍ତଲମି, ମାତିଉ, ତମା, ଆଲ୍ପିର୍ ପଅ ଜାକୁର୍, ତଦିୟ୍, କିଶାନିୟ୍ ସିମନ୍,

ଜେ କି ରମିୟ ସରକାରର ବିରୁଦ୍ଧେ ଉଠିରଇଲା । ୧୯ ଆରି ଇସ୍କାରିୟୁତିୟୁ
 ଜିଉଦା, ଜେ କି ଜିସୁକେ ସତ୍ତ୍ୱକେ ସର୍ପି ଦେଇରଇଲା । ୨୦ ପତେ ଜିସୁ
 ଗଟେକ୍ ଗରେ ପୁରୁଲା । ସେତ୍ତ୍ୱକି ବେଲେ ଲକ୍ମନ୍ ଆରି ତରେକ୍ ଏତେକ୍
 ରୁଣ୍ଡୁଲାଇ ଜେ, ସେ ଆରି ତାର୍ ସିସ୍ମନ୍ କାଇବାର୍ ମିସା ନାପାରୁଲାଇ ।
 ୨୧ “ଜିସୁକେ କାଇବାକେ ମିସା ବେଲା ନାଇ ।” ବଲି କଇ ତାକର୍ ଗରର୍
 ଲକ୍ ସୁନି, ତାକେ ଗରେ ଡାକିନେବାକେ ଆଇଲାଇ । କାଇକେବଇଲେ
 ସେମନ୍ କଇଲାଇ, “ତାର୍ ବୁଦି ବାନାଅଇଗାଲାନି ।” ୨୨ ଆରି, ଜିରୁସାଲାମ୍
 ଅନି ଆସିରଇବା ସାସ୍ତର୍ ସିକାଉମନ୍ କଇଲାଇ, “ଆକେ ତୁମାମନର୍
 ନେତା ବାଲ୍ଜିବୁଲ୍ ଦାରିଆଚେ, ଆରି ତୁମାମନର୍ ନେତାର୍ ବପୁସ୍ତୁ ତୁମା
 ଚାଡାଇଲାନି ।” ୨୩ ସେତ୍ତ୍ୱକିବେଲେ ଜିସୁ ସାସ୍ତର୍ ସିକାଉମନ୍କେ ଲଗେଡାକି
 ଉଦାଅରନ୍ ଦେଇ କଇଲା, “ସଇତାନ୍ କେନ୍ତି ସଇତାନ୍କେ ଚାଡାଇ ପାର୍ସି?
 ୨୪ ଜଦି ଗଟେକ୍ ରାଇଜ୍ ଦୁଇ ବାଗ୍ ଅଇ ନିଜର୍ ବିରୁଦ୍ଧେ ଉର୍ସି, ତେବେ ସେ
 ରାଜିଅ ବେସିଦିନ୍ ନ ରଏ । ୨୫ ଗଟେକ୍ ଗର୍ ବାଗ୍ ଅଇ ନିଜର୍ ବିରୁଦ୍ଧେ
 ଉର୍ସି, ତେବେ ସେ ଗର୍ ବେସି ଦିନ୍ ନ ରଏ । ୨୬ ସେନ୍ତୁର୍ସେ ସଇତାନ୍ ଜଦି
 ବାଗ୍ ଅଇ ନିଜର୍ ବିରୁଦ୍ଧେ ଉର୍ସି, ତେବେ ସେ ତବିର୍ ଅଇ ରଇ ନାପାରେ,
 ମାତର୍ ତାର୍ ବିନାସ୍ ଗର୍ସି । ୨୭ “ମାତର୍ କେ ମିସା ବପୁ ରଇବା ଲକ୍କେ
 ପର୍ତୁମ୍ ନ ବାନ୍ତୁଚେ, ତାର୍ ଗରେ ପୁରିକରି ସେଲକର୍ ନିଜର୍ ସବୁ ଚରାଇ
 ନେଇ ନାପାରେ, ମାତର୍ ସେ ବପୁ ରଇବା ଲକ୍କେ ଆଗେ ବାନ୍ତୁଲେ ସିନା ସେ
 ତାର୍ ଗରେ ପୁରି ଚରିପାର୍ସି । ୨୮ “ମୁଇ ତମ୍କେ ସର୍ କଇଲିନି, ଲକ୍ମନ୍
 ସବୁ ପାପ୍, ଆରି ସେମନ୍ ଜେତେକ୍ ନିନ୍ତୁ କାତା କଇ ପର୍ମେସରର୍ ନିନ୍ତୁ
 କଲେ ମିସା, ସେ ସବୁଜାକ କେମା କରାଅଇସି । ୨୯ ଜେକି ସୁକଲ୍ଆତ୍ମାର୍
 ବିରୁଦ୍ଧେ ନିନ୍ତୁ କାତା କଇସି, ତାକେ କନ୍ କାଲେ ମିସା ପର୍ମେସର୍ କେମା ନ
 ଦେଏ, ଆରି ସେ ନ ସାର୍ବା ପାପର୍ ଦସି ଅଇସି ।” (aiōn g165, aiōnios
 g166) ୩୦ ତାକେ କାରାପ୍ ଆତ୍ମା ଲାଗିଆଚେ ବଲି ସାସ୍ତର୍ ସିକାଉମନ୍
 କଇଲାଇକେ, ଜିସୁ ଏନ୍ତୁରି କଇଲା । ୩୧ ସେତ୍ତ୍ୱକିବେଲେ ଜିସୁର୍ ମା ଆରି
 ବାଇମନ୍ ଆସି ବାଇରେ ଟିଆ ଅଇ ଜିସୁକେ ଡାକାଇପାଟାଇଲାଇ । ୩୨
 ତେଇ ତାର୍ ଚାରିବେତ୍ତି ବସି ରଇବା ଲକ୍ମନ୍ ତାକେ କଇଲାଇ, “ଦେକା,
 ତମ୍ ମାଆ ଆରି ବାଇ ବଇନି ବାଇରେ ରଇ ତମ୍କେ କଇଲାଇନି ।” ୩୩
 ଜିସୁ ସେମନ୍କେ କଇଲା, “କେ ମର୍ ମା ଆରି ବାଇବଇନିମନ୍?” ୩୪ ସେ

ତାର ଚାରିବେଡ଼ି ବସିରଇବା ଲକ୍ଷ୍ମୀଙ୍କେ ଦେକିକରି କଇଲା, “ଏମନ୍ ମର
ମାଆ ଆରି ମର ବାଇ ବଇନି । ୩୫ ଜନ୍ ଲକ୍ଷ୍ମୀନ୍ ପର୍ମେସର ମନ୍‌କଲାଟା
ପୁରାପୁରୁନ୍ କରବାଇ, ସେ ମର ବାଇ, ବଇନି ଆରି ମା ।”

୪ ଜିସୁ ଆରିତରେକ୍ ଗାଲିଲି ସମ୍ବୁର୍ କଣ୍ଟିଗାନେ ସିକିଆ ଦେବାର୍ ଦାର୍ଲା,
ଆରି ଏତେକ୍ ମାଣ୍ଟୁ ଲକ୍ଷ୍ମୀନ୍ ତାର ଲଗେ ଚୁଲ୍‌ଅଇଲାଇଜେ, ସେ ସମ୍ବୁରେ
ରଇବା ଗଟେକ୍ ତଡ଼୍ଡାଇ ଜାଇ ବସ୍ଲା, ଆରି ଗୁଲାଇ ଲକ୍ଷ୍ମୀନ୍ ସମ୍ବୁର୍
ପାଲିକେ ରଇଲାଇ । ୨ ଜିସୁ ସେମନ୍‌କେ ବେସି ବିସଇ ଉଦାଅରନ୍ ଦେଇ
ସିକାଇଲା । ଆରି ସିକାଇବାବେଲେ ସେମନ୍‌କେ କଇଲା, ୩ “ସୁନା ଗଟେକ୍
ଚାସି ତାର୍ ବିଅନ୍ ବୁନ୍‌ବାର୍ ବାରଇଲା । ୪ ସେ ବୁନ୍ ବୁନ୍ କେତେକ୍ ବିଅନ୍
ବାଟେ ଅଦର୍ଲା, ଆରି ଚତଇମନ୍ ଆସି ସବୁଜାକ ବିଅନ୍ କାଇଦେଲାଇ
। ୫ ଆରି କେତେକ୍ ବିଅନ୍ ଉନା ମାଟିରଇ ତଲେ ପାକ୍‌ନା ରଇଲା ବୁଏଁ
ଅଦର୍ଲା, ଆରି ମାଟି ଉନା ରଇଲାକେ ଦାପ୍‌ରେ ଗାଜା ଅଇଲା । ୬ ମାତର୍
ବେଲ୍ ଉଦ୍‌ଲାକେ ଗାଜା ଅଇଲାଟା ପତି ମସ୍‌ରିଗାଲା, ଆରି ତେର୍ ବେଦି
ନ ରଇଲାଜେ ସୁକିଗାଲା । ୭ ଆରି କେତେକ୍ ବିଅନ୍ କାଟା ବୁଟା ମଜାଇ
ଅଦର୍ଲା, ଆରି କାଟା ବୁଟାମନ୍ ଉଟି ବଡ଼ିକରି ଗାଜା ଅଇ ସବୁକେ ଚାପି
ପାକାଇଲାଇ । ଚାପିଦେଲାକେ କାଇ ଦାନ୍ ମିସା ଅଏ ନାଇ । ୮ ମାତର୍,
ଆରି କେତେକ୍ ବିଅନ୍ ନିକ ବୁଏଁ ଅଦର୍ଲା ଆରି ଗାଜା ଅଇ ଉଟି ବଡ଼ିକରି
ତିରିସ୍ ଗୁଣ୍ ସାଟେ ଗୁଣ୍ ଆରି ସଏ ଗୁଣ୍ ଜାକ ପସଲ୍ ଦେଲା ।” ୯ ଆରି
ଜିସୁ କଇଲା, “ଜାକେ ସୁନ୍‌ବାକେ କାନ୍ ଆଟେବଇଲେ, ସେ ମନ୍‌ଦେଇ
ସୁନ ।” ୧୦ ଜିସୁ ଗଟେକ୍‌ଲକ୍ ରଇଲା ବେଲେ ତାର୍‌ସଢ଼୍ଟୁ ରଇଲା ଲକ୍ଷ୍ମୀନ୍
ଆରି ବାର୍‌ଟା ସିସମନ୍ ତାକେ ପାଚାର୍‌ଲାଇ, “ତମେ କାଇକେ ଉଦାଅରନ୍
ଦେଇ ସିକାଇଲାସ୍‌ନି?” ୧୧ ଜିସୁ ସେମନ୍‌କେ କଇଲା, “ପର୍ମେସରର୍
ରାଇଜେ ଲୁଟିକରି ରଇଲା ବିସଇ ତମେ ବୁଜିପାର୍‌ଲାସ୍‌ନି, ମାତର୍ ବାଇରେ
ରଇବା ବିନ୍ ଲକ୍ଷ୍ମୀନ୍‌କେ ଉଦାଅରନ୍ ଦେଇ କୁଆ ଅଇଲାନି ।” ୧୨
ଜେନ୍ତୁର୍‌କି “ମୁଇ କରବା କାମ୍‌ମନ୍ ଦେକ୍‌ତେ ରଇଲେ ମିସା ବୁଜି ନାପାର୍‌ତ୍,
ଆରି କଇଲାଟାମନ୍ ସୁନି ସୁନି ମିସା ନ ବୁଜତ୍, ବୁଜ୍‌ତାଇଆଲେ ସେମନ୍
ପର୍ମେସରର୍ ଲଗେ ବାଅଡ଼ତାଇ ଆରି ପାପ୍ କେମା ପାଇତାଇ ।” ୧୩
ଜିସୁ ସେମନ୍‌କେ କଇଲା, “ଏ ଉଦାଅରନ୍ ଅରତ୍ ତମେ ବୁଜାସ୍ ନାଇ କି?
ତେବେ ବିନ୍ ଉଦାଅରନ୍ ଅରତ୍ କେନ୍ତି ବୁଜ୍‌ସା? ୧୪ ଚାସି ପର୍ମେସରର୍

ବାକିଅ ବୁନ୍ଦି, ୧୫ ଜନ୍ମଲକ୍ଷ୍ମୀନ୍ ସୁନ୍ଦରା ଆରି ସୁନ୍ଦରା ଦାପ୍ରେ, ସଇତାନ୍ ଆସି ସେମନ୍ତ୍ ଟାନେଅନି ବୁନ୍ଦିରଇବା ବାକିଅ ଜିକି ନେଇସି, ସେମନ୍ତ୍ ବୁନ୍ଦିରଇବା ବାଟ୍‌ଲଗର୍ ବିଅନ୍ ପାରା । ୧୬ ସେନ୍ତାନ୍ ସେ, ଜନ୍ମଲକ୍ଷ୍ମୀନ୍ ବାକିଅ ସୁନ୍ଦରା ଦାପ୍ରେ ସାର୍ଦା ଅଇ ସେଟା ମାନ୍‌ବାଇ, ସେଲକ୍ ପାକ୍‌ନା ରଇବା ଜାଗାଇ ଅଦର୍ଲା ବିଅନ୍ ପାରା । ୧୭ ମାତର୍ ସେମନ୍ତ୍ ଟାନେ ଚେର୍ ନ ବେଦିରଏଜେ ଚନେକର୍‌ପାଇ ବିସ୍‌ବାସ୍ କରି ରଇବାଇ, ପଚେ ବାକିଅରୁଲାଗି କସ୍‌ଟ କି ତାଡ୍‌ନା ଆଇଲେ, ସେ ଦାପ୍ରେ ବିସ୍‌ବାସ୍ ଚାଡି ଦେବାଇ । ୧୮ ଆରି ଜନ୍ମଲକ୍ଷ୍ମୀନ୍ ବାକିଅ ସୁନ୍ଦରା, ମାତର୍ ତାର୍ ଦିନ୍‌କର୍ ବିସଇର୍ ତିନ୍ତା, ଦନର୍ ମାୟା ଆରି ବିନ୍ ବିନ୍ ବିସଇର୍ ଲାଲ୍‌ସାଟାନେ ପୁରିକରି ମାପ୍‌ରୁର୍ ବାକିଅକେ ଚାପିପାକାଇସି, ତେଇ ମାପ୍‌ରୁର୍ ବାକିଅ ନିକ କାମ୍ ନ କରେ । ୧୯ ସେନ୍ତାନ୍ ଅଦେକ୍ ଲକ୍ଷ୍ମୀନ୍ ବିଅନ୍ ବୁନ୍ଦିରଇବା କାଟାଲାଟା ବୁଇଁ ପାରା । (aiōn g165) ୨୦ ବାକିଲକ୍ଷ୍ମୀନ୍ ବାକିଅ ସୁନ୍ଦି ସେଟା ମାନ୍‌ବାଇ ଆରି ତିରିସ୍ ଗୁଣ୍, ସାଟେ ଗୁଣ୍ ଆରି ସଏ ଗୁଣ୍ ପଲ୍ ଦେବାଇ, ସେମନ୍ତ୍ ବିଅନ୍ ଅଦ୍‌ରି ରଇବା ନିକ ବୁଇଁ ପାରା ।” ୨୧ ଜିସୁ ଆରିତରେକ୍ ସେମନ୍ତ୍‌କେ କଇଲା, “ବତି ତସାଇ ମାନ୍ ତଲେ କି କଟ୍ ତଲେ ସଢ୍ଘୁଇବାକେ ନ ଆନଡ୍ । ବତି, କୁଡ୍‌ରାଇ ସଢ୍ଘୁଇବାକେ ତସାଇବାଇ । ୨୨ କାଇକେବଇଲେ ଲକ୍ଷ୍ମୀନ୍‌କେ ଏବେଜାକ ନାଜାନି ରଇବା ବିସଇ ଜାନାଇ ଦିଆଅଇସି, ଆରି ଜନ୍ ବିସଇ ସବୁ ଲୁଟି ରଇସି, ସେଟା ମେଲକରି ଦିଆଅଇସି । ୨୩ ଜଦି ଜାକେ ନିକ ସଢ୍ଘୁ ସୁନ୍‌ବାର୍ ଆଚେ, ସେ ନିକ ସଢ୍ଘୁ ସୁନ୍ ।” ୨୪ ଆରି ଜିସୁ ସେମନ୍ତ୍‌କେ କଇଲା, “କାଇଟା ସୁନ୍‌ଲାସ୍‌ନି, ସେ ବିସଇ ଏତାଇକରି ଜାଗରଡ୍ ରୁଆ । ଜନ୍ ନାପେ ତମେ ନାପ୍‌ସା, ସେ ନାପେ ପର୍‌ମେସର୍ ତମ୍‌କେ ନାପ୍‌ସି, ଆରି ତାର୍‌ତେଇଅନି ଅଦିକ୍ । ୨୫ କାଇକେବଇଲେ ଜାକେ ରଇ, କାମେ ଲାଗାଇରଇସି ତାକେ ଅଦିକ୍ ଦିଆଅଇସି, ଆରି ଜାକେ ରଇ, କାମେ ନ ଲାଗାଏ, ତାର୍‌ଟାନେ ଅନି ସେ ଅଲପ୍ ରଇଲାଟା ମିସା ନିଆଅଇସି ।” ୨୬ ଆରି ସେ କଇଲା, “ପର୍‌ମେସରର୍ ରାଇଜ୍ ଏନ୍ତାରି । ଗଟେକ୍ ଲକ୍ ନିଜର୍ ପଦାଇ ବିଅନ୍ ବୁନ୍‌ସି । ୨୭ ଆରି, ସେ ଦିନ୍‌ବେଲେ କି ରାତିବେଲେ, ସଇଲେ କି କାମ୍ କଲେ ମିସା ବିଅନ୍ କେନ୍ତି ଅକ୍‌କରି ବଡ୍‌ସି, ସେଟା ନାଜାନେ, ୨୮ ଜମି ତାର୍‌ମନ୍‌କେ ପଲ୍ ଉର୍‌ଜାଇସି, ପର୍‌ତୁମ୍ ପତର୍, ପଚେ କେଡ୍, ତାର୍‌ପଚେ ମୁଞ୍ଚି ପୁରୁନ୍ ରଇବା କେଡ୍ । ୨୯ ମାତର୍ ଚାସ୍ ପାଟ୍‌ଲା ଦାପ୍ରେ କାଟ୍‌ବା ବେଲା କେଟିଆଇଲେ,

ଚାସି କାଟ୍‌ବାକେ ଇଲା ଲାଗାଇସି ।” ୩୦ ସେ ଆରି ତରେକ୍ କଇଲା, “ଆମେ ପର୍ଯ୍ୟାୟର ରାଇଜ୍ କାଇଟା ସଫ୍ଟ୍ ସମାନ୍ କରୁ? ନଇଲେ କାଇ ଉଦାଅରନ୍ ସଫ୍ଟ୍ ବୁଜାଇଦେଉଁ? ୩୧ ସେଟା ଗଟେକ୍ ସର୍ସ୍ସୁ ମୁଞ୍ଚି ପାରା, ବୁର୍ସ୍ ବୁନ୍‌ବା ବେଲେ ସେଟା ପୁର୍ତିବିର୍ ସବୁ ମୁଞ୍ଚିତେଇ ଅନି ସାନ୍‌ଟା, ୩୨ ମାତର୍ ବୁନ୍‌ଲେ, ସେଟା ବଡ଼ିକରି ସବୁ ସାଗର୍ ଟାନେଅନି ବଡ଼ ଅଇସି, ଆରି ତାର୍ କେନ୍ଦ୍ରି ଏନ୍ଦ୍ରି ବଡ଼ ବଡ଼ ଅଇଜାଇସି ଜେ, ସରଗର୍ ତତଇମନ୍ ତାର୍ କେନ୍ଦ୍ରି ବାସା ଅଇବାଇ ।” ୩୩ ଜିସୁ ଏନ୍ଦ୍ରି କେତେକ୍ କେତେକ୍ ଉଦାଅରଣ୍ ସଫ୍ଟ୍ ସେମନର୍ ବୁଜ୍‌ବା ବପୁ ଇସାବେ ବାକିଅ ସୁନାଇତେ ରଇଲା, ୩୪ ଆରି ଉଦାଅରନ୍ ନଇତେ ସେ ତାକର୍ ଲଗେ କାଇ କାତା ନ କଇତେରଇଲା । ମାତର୍ ଜିସୁ ବିନ୍ ଲକ୍‌ମନ୍ କେ ନ ରଇଲାବେଲେ ନିଜର୍ ସିସ୍‌ମନ୍‌କେ ସବୁ ବିସଇ ବୁଜାଇ ଦେଇତେ ରଇଲା । ୩୫ ସେଦିନେ ସଞ୍ଜୁ ଅଇଲାକେ ଜିସୁ ସେମନ୍‌କେ କଇଲା, “ଆସା, ଗାଡ଼୍ ସେପାଟେ ଛୁ ।” ୩୬ ସେଡ଼ିକିବେଲେ ସେମନ୍ ଲକ୍ ଗଅଲି ଚାଡ଼ିକରି, ଜିସୁ ବସି ରଇଲା, ଗଟେକ୍ ତଢ଼ୁଇ ଜାଇ ବସିଲାଇ । ଆରି ବିନ୍ ବିନ୍ ତଢ଼ୁ ମିସା ତାକର୍ ସଫ୍ଟ୍ ରଇଲା । ୩୭ ପତେ ଅଟାଡ଼୍ ବେସି ବାଉପବନ୍ ଆଇଲା, ଆରି ଲଅଡିର୍ ମାଡ଼୍‌କେ ତଢ଼ୁଇ ପାନି ପୁରୁନ୍ ଅଇବାର୍ ଦାର୍‌ଲା । ୩୮ ସେଡ଼ିକିବେଲେ ଜିସୁ ତଢ଼ୁର୍ ପର୍ ତଟୁ ମାର୍‌ବା ଲଗେ ମର୍‌ଲା ମୁଣ୍ଡିସାକରି ସଇଦେଇ ରଇଲା । ସିସ୍‌ମନ୍ ତାକେ ଉଟାଇ କଇଲାଇ, “ଏ ଗୁରୁ, ଆମେ ବୁଡ଼ିଜିବୁବେ, ତମ୍‌କେ କାଇ ତେଡ଼ନା ନାଇ?” ୩୯ ସେଡ଼ିକିବେଲେ ଜିସୁ ଉଡି ପବନ୍‌କେ ଦମ୍‌କାଇ ଦେଇ ଲଅଡିକେ କଇଲା, “ତବିର୍ ଅଇ ରୁପ୍ ର ।” ସେଡ଼ିକି ବେଲେ ପବନ୍ ବନ୍ଧୁ ଅଇଲା, ଆରି ସବୁ ତବିର୍ ଅଇଲା । ୪୦ ଆରି ସେ ସିସ୍‌ମନ୍‌କେ କଇଲା, “କାଇକେ ଏତେକ୍ ତରୁଲାସିନି? ତମ୍‌କେ ଏବେଜାକ ମର୍‌ଲଗେ ବିସ୍‌ବାସ୍ ନାଇ କି?” ୪୧ ସେମନ୍ ବେସି ଡରି ଜାଇକରି ତାକର୍ ତାକର୍ ବିତ୍‌ରେ କୁଆବଲା ଅଇଲାଇ, “ତେବେ ଏ କେ ଜେ, ପବନ୍ ଆରି ଲଅଡି ମିସା ତାର୍ ଆଦେସ୍ ମାନ୍‌ଲାଇନି?”

୫ ଜିସୁ ଆରି ତାର୍ ସିସ୍‌ମନ୍ ସମ୍‌ବୁର୍ ସେପାଟେ ରଇବା ଗରାସିୟମନର୍ ଜାଗାଇ କେଟ୍‌ଲାଇ । ୧ ଜିସୁ ତଢ଼ୁଇଅନି ଉତର୍‌ଲା ଦାପ୍‌ରେ ଗଟେକ୍ ଡୁମା ଦାରିରଇବା ଲକ୍ ମସ୍‌ନେ ଅନି ବାରଇ ତାକେ ବେଟ୍‌ଅଇବାକେ ଆଇଲା । ୩ ସେ ଲକ୍ ମସ୍‌ନେ ବାସାଅଇରଇଲା, ଆରି କେ ମିସା ତାକେ ସିକିଲି ସଫ୍ଟ୍ ବାନ୍ଦି ନାପାର୍‌ତେ ରଇଲାଇ । ୪ ତାକେ କେତେକ୍ ତର୍ ଗଡେ କଡୁ ଆରି

ଆତେ ସିକିଲି ସଞ୍ଜ ବାନ୍ଧୁଲେ ମିସା, ସେ ସିକିଲି ସବୁ ଚିତାଇ ଦେଇ, କହୁ
 ସବୁ ବାଞ୍ଛାଇ ପାକାଇତେ ରଇଲା । ତାକେ ବାନ୍ଧି ସଞ୍ଜୁଇବାକେ କାର୍ ମିସା
 ବସୁ ନ ରଇଲା । ୫ ସେ ଦିନ ରାତି ସବୁବେଳେ ମସନେ ଆରି କୁପୁଲିତେଇ
 ରଇ କିର୍କିର୍କିତେ ରଇଲା, ଆରି ପାକ୍ନା ସଞ୍ଜ ଗାଗ୍ତେ ମୁଣ୍ଡେ ମାରିଅଇ
 କଣ୍ଡିଆ ବଣ୍ଡିଆ ଅଇଜାଇତେରଇଲା । ୬ ସେ ଜିସୁକେ ଦୁରିକେ ଅନି ଦେକି
 ପାଲାଇ ଆସି ତାର୍ ମୁଆଟେ ଅଦରୁଲା । ୭ ଆରି ଆଉଲି ଅଇ କିର୍କିରି କରି
 କଇଲା, “ଏ ସବୁର୍ ଟାନେଅନି ବଡ଼ ପର୍ମେସରର୍ ପ ଜିସୁ, ମର୍ ଟାନେ
 ତମର୍ କାଇ କାମ୍ ଆତେ? ମୁଇ ତମ୍‌କେ ପର୍ମେସରର୍ ନାଉଁ ଦାରି ଗୁଆରି
 କରି କଇଲିନି, ମକେ କସ୍‌ଟ ଦିଆନାଇ ।” ୮ କାଇକେବଲେ ଜିସୁ ତାକେ
 ଆଗ୍ତୁ କଇତେରଇଲା, “ଏରେ ତୁମା, ଏ ଲକର୍‌ଟାନେଅନି ବାରଇ ଜା ।” ୯
 ଆରି, ଜିସୁ ତାକେ ପାଚାରୁଲା, “ତର୍ ନାଉଁ କାଇ ନାଉଁ?” ସେ ତାକେ କଇଲା,
 “ମର୍ ନାଉଁ ବାଇନି ତୁମା, ଏନ୍ତି ଆମେ ଜବର୍ ଆରୁ ।” ୧୦ ଆରି, ସେ ଲକ୍
 ଜେନ୍ତିକି ସେମନ୍‌କେ ସେ ଜାଗାଇ ଅନି ବାଇରେ ନ ପାଟାଅ ବଲି, ଜିସୁକେ
 ତର୍କେ ତର୍ ଛୁଆର୍ ବିଆର୍ କଲା । ୧୧ ସେ ଲଗର୍ କୁପୁଲି ପାଲିକେ ବେସି
 ଗୁସ୍‌ରି ମାନ୍ତା ଚାର୍‌ତେରଇଲା । ୧୨ ଆରି ତୁମାମନ୍ ଜିସୁକେ ଛୁଆର୍ ବିଆର୍
 କରି କଇଲା, “ସେ ଗୁସ୍‌ରିମନ୍‌ର୍ ବିତ୍‌ରେ ପୁର୍‌ବାକେ ଆମ୍‌କେ ପାଟାଆ
 ।” ୧୩ ଜିସୁ ସେମନ୍‌କେ ଆଦେସ୍ ଦେଲାଦାପ୍‌ରେ, ସେ ଲକର୍ ଲଗେଅନି
 ତୁମାମନ୍ ବାରଇକରି ଗୁସ୍‌ରିମନ୍‌ର୍ ବିତ୍‌ରେ ପୁର୍‌ଲା । ସେଡ଼କିବେଳେ, ସେ
 ଆତାର୍ ବିଡ଼କିକରି ପାଲାଇଲା ଆରି କୁପୁଲି ଅନି ଗସ୍‌ରିକରି ସମ୍‌ତୁରେ
 ଜାଇ ବୁଡ଼ି ମରିଗାଲା । ଆତାରେ ଗୁସ୍‌ରି ମାନ୍ତା ପାକାପାକି ଦୁଇଅଜାର୍‌ଟା
 ରଇଲା । ୧୪ ଗୁସ୍‌ରିମନ୍‌କେ ଚାରାଇତେରଇବା ଲକ୍‌ମନ୍ ପାଲାଇ ଜାଇ
 ଗାଉଁ ଆରି ଗୁଡାମନ୍‌କେ ସେଟା ଜାନାଇଲା । ଜାନାଇଲାଟା ସୁନି ଲକ୍‌ମନ୍
 “ତେଇ କାଇଟା ଅଇଲାଆତେ?” ବଲି ଦେକ୍‌ବାର୍ ଆଇଲା । ୧୫ ଆରି
 ଲକ୍‌ମନ୍ ଜିସୁର୍ ଲଗେ ଆସିକରି ସେ ତୁମା ଦାରି ରଇଲା ଜନ୍‌ଲକ୍‌କେ କି
 ଆଗ୍ତୁ ବାଇନି ତୁମା ଦାରିରଇଲା, ସେ ଲକ୍ ନିମାନ୍ ଲୁଗା ପିନ୍ଧିକରି ନିକ
 ଲକ୍‌ପାରା ବସିରଇବାଟା ଦେକି ତରିଗାଲା । ୧୬ ଆରି ଜନ୍ ଲକ୍‌ମନ୍
 ଦେକିରଇଲା, ସେମନ୍ ସେ ତୁମା ଦାରିରଇବା ଲକ୍‌କେ କାଇଟା ଅଇରଇଲା,
 ସେଟା ଆରି ଗୁସ୍‌ରିମନ୍‌କେ ଅଇଲା ବିସଇ ସେମନ୍‌କେ କଇଦେଲା ।
 ୧୭ ତେଇ ଲକ୍‌ମନ୍ ଜିସୁକେ ସେମନ୍‌ର୍ ସନ୍ଧିଅନି ଚାଡ଼ି ଜିବାକେ ବାବୁଜିଆ

କଲା । ୧୮ ପରେ ଜିସୁ ତତ୍ତ୍ଵ ଚର୍ଚ୍ଚା ବେଳେ ଜନ୍ମଲକ୍ଷ୍ୟେ ଆଗ୍ରତୁ ତୁମା
 ଦାରିରଇଲା, ସେ ଲକ୍ଷ୍ୟ ତାର୍ ସତ୍ତ୍ଵ ରଇବାକେ ବାବୁଜିଆ କଲା । ୧୯ ମାତର୍
 ଜିସୁ ତାକେ ଡେବାଇକରି କଇଲା, “ତମର୍ ଗରେ, ତମର୍ ନିଜର୍ ଲକ୍ଷ୍ୟମର୍
 ଚାନେ ଜା, ଆରି ପର୍ମେସର୍ ତର୍ପାଇ ଜନ୍ ବଡ୍ କାମ୍ କଲା ଆତେ ଆରି
 ତକେ ଜନ୍ ଦୟା ଦେକାଇ ଆତେ, ସେଟା ସବୁ ସେମନ୍କେ ଜାନାଇଦେସ୍
 ।” ୨୦ ତେଇଅନି ସେ ଲକ୍ଷ୍ୟ ଜାଇକରି, ଜିସୁ ତାର୍ପାଇ ଜନ୍ ବଡ୍ କାମ୍
 କରିରଇଲା, ସେ ସବୁ ଦେକାପଲି ନଅରେ, ଗାଉଁମନ୍କେ କଇବୁଲୁଲା ।
 ତେଇ ସବୁଲକ୍ଷ୍ୟ କାବା ଅଇଗାଲା । ୨୧ ଜିସୁ ତତ୍ତ୍ଵ ଲକ୍ଷ୍ୟ ଜାଇ ଆରିତରେକ୍
 ବାଉଡି ଆଇଲାଦାପ୍ରେ, ଜବରଲକ୍ଷ୍ୟ ତାର୍ ଲଗେ ରୁଣ୍ଡୁଲା, ଆରି ସେ
 ସମ୍ପୁର୍ଣ୍ଣ କଣ୍ଟି ରଇଲା । ୨୨ ସେତ୍ତ୍ଵକିବେଳେ ଜିଉଦିମନ୍ତ ପାର୍ତନା ଗରର୍
 ମୁକିଅ, ଜାଇରସ୍ ନାଉଁର୍ ଗଟେକ୍ ଲକ୍ଷ୍ୟ ଆସି ଜିସୁକେ ଦେକି ତାର୍ ଗଡ୍ତଲେ
 ଅଦର୍ଲା । ୨୩ ଆରି ବେସି ବାବୁଜିଆ କରି କଇଲା, “ମର୍ ଚକି ମର୍ବା
 ଉପ୍ରେ ଆତେ, ସେ ଜେନ୍ତି ନିକ ଅଇ ବ୍ବିସି, ତେବର୍ ପାଇ ତମେ ଆସି ତାର୍
 ଉପ୍ରେ ଆତ୍ ସତ୍ତ୍ଵଇଦିଆସ୍ ।” ୨୪ ଜିସୁ ତାକର୍ ସତ୍ତ୍ଵ ଗାଲା, ଆରି ଗାଦିଲକ୍ଷ୍ୟ
 ତାର୍ ପତେ ପତେ ଜିବାର୍ ଦାରୁଲା, ଆରି ଲକ୍ଷ୍ୟମ୍ ତାକେ ଡାବାଡାବି
 ଅଇତେ ରଇଲା । ୨୫ ତେଇ ଗଟେକ୍ ବାର ବରସ୍ ଜାକ ଗାଗ୍ତେଅନି ବନି
 ଜିବା ମାଇଜିଟକି ରଇଲା । ୨୬ ଜେ କି କେତେ କେତେ ତାକ୍ଟର୍ଟାନେ
 ଜାଇକରି ମିସା ସାସ୍ତି ବଣି ସବୁ ବିକିଦେଇ ରଇଲା । ମାତର୍ ଅଲପ୍ମିସା
 ନିକ ନ ଅଇ ଅଦିକ୍ ଅଦିକ୍ ଅଇଜାଇତେରଇଲା । ୨୭ ଜେତେବେଳେ ସେ
 ଜିସୁର୍ ବିସଇ ସୁନି, ଲକ୍ଷ୍ୟ ଗଅଲି ବିତ୍ରେ ପର୍ବାଟେ ଆସି ଜିସୁର୍ ଲୁଗା
 ଡିଇଲା, କାଇକେବଇଲେ ସେ କଇତେ ରଇଲା, ୨୮ “କେନ୍ତି ମିସା ମୁଇ ତାର୍
 ଲୁଗାଜାଲି ଅଲପ୍ ଡିଇଲେ ନିମାନ୍ ଅଇବି ।” ୨୯ ସେ ଦାପ୍ରେ ତାର୍ ବନି
 ଜିବାଟା ବନ୍ଧୁଅଇଗାଲା, ସେଟା ସେ ନିଜେ ଜାନି ପାରୁଲା । ୩୦ ସେ ଦାପ୍ରେ
 ଜିସୁ ନିଜର୍ ଚାନେଅନି ସକ୍ତି ବାରଇବାଟା ଜାନିକରି ଲକ୍ଷ୍ୟମର୍ ବାଟେ
 ବୁଲି ଦେକି କଇଲା, “କେ ମର୍ ଲୁଗା ଡିଇଲା?” ୩୧ ତାର୍ ସିସ୍ମନ୍ ତାକେ
 କଇଲା, “ତମେତା ଦେକ୍ଲାସ୍ନି, ଲକ୍ଷ୍ୟମ୍ ତମର୍ ଉପ୍ରେ ଡାବା ଡାବି
 ଅଇଗାଲାଅନି ଆରି ତମେ କେନ୍ତି କଇଲାସ୍ନି, କେ ମକେ ଡିଇଲା ବଲି?” ୩୨
 ମାତର୍ ଜେ ଏଟା କରୁରଇଲା, ତାକେ ଦେକ୍ବାକେ ସେ ତାରିବେଡ୍ଡି ଆଁକି
 ବୁଲାଇବାର୍ ଦାରୁଲା । ୩୩ ସେତ୍ତ୍ଵକି ବେଳେ ସେ ମାଇଜିଟକି ତାକେ ଜନ୍

ଜନ୍ମଟା ଗଟିଆରେ, ସେଟା ଜାନି, ଡରିକରି ଚର୍ଚ୍ଚରି ଚର୍ଚ୍ଚରି ଆସି ଜିସୁର୍ ଗଡ଼ତଲେ ଅଦ୍ରି ସବୁ ସଦ୍‌କାତା କଇଲା । ୩୪ ଜିସୁ ତାକେ କଇଲା, “ନୁନି, ମର୍ଟାନେ ବିସ୍‌ବାସ୍ କଲାକେ ତୁଇ ନିମାନ୍ ଅଇ ଆରୁସ୍, ସାନ୍ତିଅଇ ଜା ଆରି ତର୍ ରଗେଅନି ନିମାନ୍ ଅଇ ର ।” ୩୫ ସେ ଏ କାତା କଇଲା ବେଲେ ଜିଉଦି ମନର୍ ପାର୍ତନା ଚାଲାଉ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ନୁନି ମରିଗାଲାବେ, କାଇକେ ଗୁରୁକେ ଆରି କସ୍‌ଟ ଦେଲାସ୍‌ନି?” ୩୬ ମାତର୍ ଜିସୁ ସେମନ୍ କାତା ଅଇଲାଟା ନ ସୁନ୍‌ଲାପାରାଅଇ ପାର୍ତନା ଚାଲାଉକେ କଇଲା, “ତରାନାଇ, ଆବ୍‌କା ବିସ୍‌ବାସ୍ କରା ।” ୩୭ ଆରି ପିତର୍, ଜାକୁବ ଆରି ତାର୍ ବାଇ ଜଅନକେ ଚାଡି ଆରି କାକେ ନିଜର୍ ସଞ୍ଜୁ ଜିବାକେ ଦେଏ ନାଇ । ୩୮ ସେମନ୍ ପାର୍ତନା ଚାଲାଉର୍ ଗରେ ଆଇଲା ଦାପ୍‌ରେ, ଜିସୁ ଆଉଲି ଅଇବାଟା ଆରି ବେସି ମାର୍ତପ୍ ଅଇ କାନ୍ତୁବାଟା ଦେକ୍‌ଲା । ୩୯ ମାତର୍ ବିତ୍‌ରେ ଜାଇ ଲକ୍‌ମନ୍‌କେ କଇଲା, “କାଇକେ ଆଉଲି ଅଇ କାନ୍ତୁଲାସ୍‌ନି? ଏ ନୁନି ମରେ ନାଇ, ଅବ୍‌କା ସଇଦେଇଆତେ ।” ସେଡ଼କି ବେଲେ ସେମନ୍ ଜିସୁକେ ଲାଜ୍ କରାଇ କଇବାର୍ ଦାର୍‌ଲାଇ । ୪୦ ମାତର୍ ସେ ସବୁକେ ବାର୍‌କରି ଟକିର୍ ଆୟାବାବାକେ ଆରି ନିଜର୍ ସିସ୍‌ମନର୍ ସଞ୍ଜୁ ତାକେ ଜନ୍ ଲଗେ ତୁଲାଇ ରଇଲାଇ, ସେ ଜାଗାଇ ଗାଲା । ୪୧ ଆରି ଟକିର୍ ଆଡେଦାରି ତାକେ କଇଲା, “ଟଲିତାକୁମ୍‌!” ବଇଲେ “ଏ ନୁନି ମୁଇଁ ତକେ କଇଲିନି ଉଟ୍‌!” ୪୨ ଏଡ଼କି କଇଲା ଦାପ୍‌ରେ ଟକି ଉଟି ବୁଲ୍‌ବାର୍ ଦାର୍‌ଲା, ତାକେ ବାର ବରସ୍ ଅଇରଇଲା । ସେଡ଼କିବେଲେ ସବୁଲକ୍‌ମନ୍ ଦେକି ଅଦିକ୍ କାବାଅଇଗାଲାଇ । ୪୩ ଜେନ୍ତି ଆରି, କେ ମିସା ଟକିକେ ଗଟ୍‌ଲା ବିସଇ ନାଜାନଟ୍, ତେବର୍ ପାଇ ସେ ଟକିର୍ ଆୟାବାବାକେ ଅଦିକ୍ ତାଟ୍ ସଞ୍ଜୁ ଆଦେସ୍ ଦେଲା, ଆରି “ଟକିକେ କାଇଟା ଆଲେ କାଇବାକେ ଦିଆସ୍ ।” ବଲି କଇଲା ।

୨ ଜିସୁ ସେ ଜାଗା ଚାଡି, ସାନ୍‌ବେଲେ ଅନି ବଡିଆଇଲା ନଅରେ ଆଇଲା, ଆରି ତାର୍ ସିସ୍‌ମନ୍ ମିସା ତାର୍ ସଞ୍ଜୁ ଗାଲାଇ । ୨ ବିସ୍‌ରାମ୍‌ବାର୍ ଆଇଲାକେ, ସେ ଜିଉଦିମନର୍ ପାର୍ତନା ଗରେ ସିକିଆ ଦେବାର୍ ଦାର୍‌ଲା, ଆରି କେତେ କେତେ ଲକ୍ ତାର୍ କାତା ସୁନି କାବା ଅଇ କଇଲାଇ, “ଏ ଲକ୍ ଏ ସବୁଜାକ କନ୍ତି ଅନି ସିକ୍‌ଲା? ଆରି, ଆକେ ଏନ୍ତାରି ଗିଆନ୍ କେ ଦେଲା? ଆରି କେବେ ନ ଅଇବା କାମର୍ ବପୁ କନ୍ତିଅନି ପାଇଲା? ୩ ଏ ଲକ୍‌ତା ସେ ବାଡଇ

। ସେ ମରିଯୁମର୍ ପଅ, ଜାକୁର୍, ଜସି, ଜିଉଦା ଆରି ସିମନ୍ ତାର୍ ବାଇ ଅଇବାଇ । ଆର୍ ବଇନିମନ୍ ତା ଇତି ଆମର୍ ସଢ଼ୁଆତର୍ ।” ଏନ୍ତାରି କଇକରି ସେମନ୍ ତାକେ ମାନର୍ ନାଇ । ୪ ତେଇ ଜିସୁ ସେମନ୍କେ କଇଲା, “ନିଜର୍ ନଅରର୍ କୁଟୁମର୍ ଲକ୍ମନ୍କେ ଆରି ନିଜର୍ ଗରର୍ ଲକ୍ମକେ ଚାଡ଼ି ବାକି ସବୁ ଜାଗାଇ ବାବବାଦିମନ୍କେ ସନ୍ମାନ୍ ମିଲ୍ସି ।” ୫ ସେଜାଗାଇ ଆରି କେତେଟା ରଖିମନ୍କେ ସେ ଆର୍ ସଢ଼ୁଇକରି ନିକ କର୍ବାଟା ଚାଡ଼ି ଆରି କାଇ ନ ଅଇବା କାମ୍ କରିନାପାରୁଲା । କାଇକେବଇଲେ ତେଇର୍ ଲକ୍ମନ୍ ତାକେ ବିସ୍ବାସ୍ କରର୍ ନାଇ । ୬ ଆରି ତେଇର୍ ଲକ୍ମନ୍ ତାକେ ବିସ୍ବାସ୍ ନ କର୍ବାଟା ଦେକି ଜିସୁ କାବାଅଇଗାଲା । ୭ ପତେ ସେ ଚାରିବେଡ଼ିର୍ ଗାଉଁ ମନ୍ ବୁଲି ବୁଲି ସିକିଆ ଦେବାର୍ ଦାରୁଲା । ଏଡ଼କି ବିତ୍ରେ ସେ ବାରଟା ସିସ୍ମନ୍କେ ଲଗେ ତାକି, ଦୁଇ ଦୁଇ ଲକ୍ମକେ ପାଟାଇବାର୍ ଆରାମ୍ କଲା, ସେମନ୍କେ ତୁମାମନ୍କେ ଚାଡ଼ାଇବାକେ ଅଦିକାର୍ ଦେଲା । ୮ ଜିବାବେଲେ ଗଟେକ୍ ତାଢ଼ୁ ଚାଡ଼ି ବାଟ୍ କର୍ତ୍ତର୍ ପାଇ ରୁଟି କି ବେସ୍ନିଟାନେ ତାରୁ ନ ନିଆ ବଲି ଆଦେସ୍ ଦେଲା । ୯ ମାତର୍ ସେମନ୍କେ ପାଣ୍ଡୁଇ ପିନ୍ଧୁବାକେ କଇଲା, ପିନ୍ଧିରଇବା ଚକା ଚାଡ଼ି ଆରି ଗଟେକ୍ ଚକା ନିଆନାଇ ବଲି କଇଲା । ୧୦ “ଜେତେବେଲେ ତମ୍କେ ଜାର୍ ଗରେ ଡାକ୍ବାଇ ସେ ନଅର୍ ଚାଡ଼ିଜିବା ଜାକ ତେଇସେ ରୁଆ । ୧୧ ଜଦି କନ୍ ନଅରର୍ ଲକ୍ମନ୍ ତମ୍କେ ନ ନାମର୍, ଆରି ତମର୍ କାତା ନ ସୁନର୍, ସେ ଜାଗାଇ ଅନି ଆଇବା ବେଲେ ସେମନ୍ ବରଦେ ସାକି ଇସାବେ, ତମର୍ ପାଦର୍ ବୁଲି ପାପ୍ତିଦିଆସ୍ । ଏଟାରୁଲାଗି ସେ ନଅରର୍ ଲକ୍ମନ୍ ଜାନ୍ବାଇ ଜେ, ପର୍ମେସର୍ ସେମନ୍କେ ତଣ୍ଟୁ ଦେଇସି ।” ୧୨ ସିସ୍ମନ୍ ବାରଇ ଜାଇ ଲକ୍ମନ୍କେ “ତମର୍ ପାପ୍ ଟାନେଅନି ବାଉଡା ।” ବଲି ଜାନାଇଲା । ୧୩ କେତେକ୍ କେତେକ୍ ଲକ୍ମନ୍ ଟାନେଅନି ତୁମା ଚାଡ଼ାଇଲା, ଆରି କେତେକ୍ ରଖି ଲକ୍ମନ୍କେ ଚିକନ୍ ଲାଗାଇ ନିମାନ୍ କଲା । ୧୪ ଜିସୁର୍ ନାଉଁ ସବୁବାଟେ ଉଡ଼ରା ଅଇଗାଲାକେ, ଏରଦ୍ ରାଜା ଜିସୁର୍ ବିସଇ ସୁନ୍ଲା, ଆରି ଲକ୍ମନ୍ କଇତେରଇଲା, ତୁବନ୍ ଦେଉ ଜଅନ୍ ମରିକରି ଉଟି ଆଟେ, ତେବର୍ପାଇ ଏ ସବୁ ନ ଅଇବା କାମର୍ ସକ୍ତି ତାର୍ଟାନେ କାମ୍ କଲା । ୧୫ ମାତର୍ ବିନ୍ ବିନ୍ ଲକ୍ମନ୍ କଇତେ ରଇଲା, ଏ ଏଲିୟୁ, ଆରି କେ କେ କଇତେ ରଇଲା, ଆଗର୍ ବାବବାଦି ମନର୍ପାରା ଗଟେକ୍ ଲକ୍ । ୧୬ ମାତର୍ ଏରଦ୍ ଏଟା ସୁନି କଇଲା, “ମୁଇ ଜନ୍ ଜଅନର୍

ମୁଣ୍ଡ କାଟାଇଲି, ସେ ମଲାତେଇଅନି ଉଠିଆତୋ!” ୧୭ ତେବେ ଏରଦ୍ ନିଜର ବାଇ ପିଲିପର୍ ମାଇଜି ଏରଦିଆକେ ବିବା ଅଇ ରଇଲା । ତାକେ ସାର୍ଦା କରବାକେ ନିଜେ ଏରଦ୍ ଲକ୍ମନକେ ପାଟାଇ ତୁବନ୍ ଦେଉ ଜଅନକେ ଦାରି, ବାନ୍ତିକରି ବନ୍ତି କରବାକେ ଆଦେସ୍ ଦେଲା । ୧୮ କାଇକେବଇଲେ ଜଅନ୍ ଏରଦକେ ତରକେତର୍ କଇତେରଇଲା “ମସାର୍ ନିୟମ୍ ଇସାବେ ନିଜର ବାଇର୍ ମାଇଜିକେ ସଞ୍ଜୁଇବାର୍ ତର୍ ବିଦି ନାଇ ।” ୧୯ ଏନ୍ତାରି କଇଲାକେ ଏରଦିଆ ଜଅନକେ ରିସା ଅଇ ତାକେ ମରାଇବାକେ ମନ୍ କରତେରଇଲା, ମାତର୍ ନାପାର୍ତେ ରଇଲା । ୨୦ କାଇକେବଇଲେ ଏରଦ୍ ଜଅନକେ ଗଟେକ୍ ଦରମ୍ ଆରି ସୁକଲ୍ ଲକ୍ ବଲି ଜାନି ତରତେ ରଇଲା, ଆରି ତାକେ ରକିଆ କରବାକେ ଚେସ୍ଟା କରତେରଇଲା । ଜେତେବେଲେ ମିସା ତାର୍ କାତା ସୁନ୍ତେରଇଲା, ବେସି କିଲ୍ବିଲ୍ ଅଇତେରଇଲା । ଏଲେମିସା ସେଟା ସାର୍ଦା ସଞ୍ଜୁ ସୁନ୍ତେରଇଲା । ୨୧ ପତେ ଏରଦିଆର୍ ଜାଗ୍ତେ ରଇବା ଦିନ୍ କେଟିଆଇଲା । ଏରଦ୍ ଜନମ୍ ଦିନେ, ନିଜର୍ ମନ୍ତୁରି ମନକେ ଆରି ମୁକିଅ ମୁକିଅ ସେନାପତି ଆରି ଗାଲିଲିର୍ ବଡ୍ବଡ୍ ଲକ୍ମନକେ ଡାକି, ରାତିଆ ଗଟେକ୍ ବଜିକଲା । ୨୨ ତେଇ ଏରଦିଆର୍ ଟକି ବିତ୍ରେ ପୁରି ଏରଦ୍ ଆରି ତାର୍ ସଞ୍ଜୁ ବସି କାଇବା ଲକ୍ମନକେ ନାଟ୍କରି ମନ୍ତାଇ ଦେଲା । ରାଜା ଟକିକେ କଇଲା, “ତୁଇ ଜାଇଟା ମନ୍ କଲୁସ୍ନି ସେଟା ମାଞ୍ଜୁ, ମୁଇ ତକେ ଦେବି ।” ୨୩ ଆରି ଏରଦ୍ ତାର୍ ଲଗେ ପର୍ମାନ୍ କଲା, “ତୁଇ ଆମ୍ବକେ ଜାଇଟା ମାଞ୍ଜୁଲେ ମିସା, ମୁଇ ରାଇଜର୍ ଅଦ୍ ବାଗ୍ ଜାକ ତକେ ଦେଇ ଦେବି ।” ୨୪ ତେଇଅନି ସେ ବାରଇଜାଇ ତାର୍ ମାଆକେ ପାଟାର୍ଲା, “ମୁଇ କାଇଟା ମାଞ୍ଜୁବି?” ତାର୍ ମାଆ କଇଲା, “ତୁବନ୍ ଦେଉ ଜଅନର୍ ମୁଣ୍ଡ ମାଞ୍ଜୁ ।” ୨୫ ସେଦାପ୍ରେ ଟକି ରାଜାର୍ ଲଗେ ଆସି ଏଟା କଇ ମାଞ୍ଜୁଲା, “ତୁଇ ମକେ ଏବେ ତୁବନ୍ ଦେଉ ଜଅନର୍ ମୁଣ୍ଡ ଗଟେକ୍ ତାଲାଇ କାଟି ଦେ ।” ୨୬ ସେକାତା ସୁନି ରାଜା ବେସି ଦୁକ୍ କଲା ମାତର୍ ନିଜେ କାତା ଦେଇରଇଲାଟା ଆରି କାଇବାକେ ବସି ରଇବା ଲକ୍ମନର୍ମୁଆଟେ ମାଞ୍ଜୁଲାଟା ନାଇ ବଲି କଇବାକେ ମନ୍ କରେନାଇ । ୨୭ ତେବେ ରାଜା ସେଦାପ୍ରେ ଗଟେକ୍ ସଇନକେ ପାଟାଇ ତାର୍ ମୁଣ୍ଡ ଆନ୍ବାକେ ଆଦେସ୍ ଦେଲା, ତେଇ ସଇନ ବନ୍ତି ଗରେ ଜାଇ, ତୁବନ୍ ଦେଉ ଜଅନର୍ ମୁଣ୍ଡ କାଟ୍ଲା । ୨୮ ଆରି ସେ ମୁଣ୍ଡ ଗଟେକ୍ ତାଲାଇ ଆନି ଟକିକେ ଦେଲା, ଆରି ଟକି ତୁବନ୍ ଦେଉ ଜଅନର୍ ମୁଣ୍ଡ ନେଇ ତାର୍

ମାକେ ଦେଲା । ୨୯ ଜଅନର୍ ସିସ୍‌ମନ୍ ତେଇର୍ କବର୍ ସୁନି ଆଇଲାଇ, ଆରି ମଲା ମଡ଼କେ ନେଇ ମସ୍‌ନେ ତପ୍‌ଲାଇ । ୩୦ ପଚେ ପେରିତ୍‌ମନ୍ ଜିସୁର୍ ଲଗେ ରୁଣ୍ଡୁଲାଇ, ଆରି ସେମନ୍ ଜନ୍ ଜନ୍‌ଟା କରି ରଇଲାଇ, ଆରି ଜାଇ ଜାଇଟା ସିକାଇ ଦେଇରଇଲାଇ, ସେସବୁ ତାକେ ଜାନାଇଲାଇ । ୩୧ ସେଡ଼କି ବେଲେ ଜିସୁ ସେମନ୍‌କେ କଇଲା, “ତମେମନ୍ ମର୍‌ସଙ୍ଗୁ ଆସା ଆମେ ଗଟେକ୍ କିନରା ଜାଗାଇ ଜାଇ ଚନେକ୍ ବିସ୍‌ରାମ୍ କରୁ ।” କାଇକେବଇଲେ କେତେକ୍ କେତେକ୍ ଲକ୍ ଆସ୍ ଜା ଅଇତେରଇଲାଇଜେ ସେମନ୍‌କେ କାଇବାକେ ମିସା ସୁଜଗ୍ ନ ମିଲ୍‌ତେ ରଇଲା । ୩୨ ତେବେ ଜିସୁ ଆରି ତାର୍ ସିସ୍‌ମନ୍ ବାରଇ ବେଗ୍‌ଲି ଜାଇ ତଞ୍ଜାଇ ବସି ଗଟେକ୍ କିନରା ଜାଗାଇ ଗାଲାଇ । ୩୩ ମାତର୍ ସେମନ୍ ବାରଇ ଜିବାଟା ବେସିଲକ୍ ଦେକି ଚିନ୍‌ଲାଇ, ଆରି ସବୁ ନଅରେ ଅନି ଲକ୍‌ମନ୍ ପାଲାଇ ପାଲାଇ ଜାଇ ସେମନ୍‌ର୍ ଆଗ୍‌ରୁ କେଟ୍‌ଲାଇ । ୩୪ ଜିସୁ ତଞ୍ଜାଇଅନି ବାରଇ, ବେସି ଲକ୍‌ମନ୍‌କେ ଦେକି ତାର୍ ଜିବନ୍ ଦୁକାଇ ଦୟାକଲା । କାଇକେବଇଲେ ସେମନ୍ ଗଉଡ଼ ନ ରଇଲା ମେଣ୍ଟାରାସି ପାରା ରଇଲାଇ ଆରି ସେ ସେମନ୍‌କେ କେତେକ୍ ବିସଇ ସିକିଆ ଦେବାର୍‌ଦାର୍‌ଲା । ୩୫ ଏଡ଼କି ବିତ୍‌ରେ ବେଲ୍ ବସି ଆଇବାକେ ସିସ୍‌ମନ୍ ଆସି ଜିସୁକେ କଇଲାଇ, “ଏ ଜାଗା ତା ତିମ୍‌ରା ଜାଗା ଆରି ବେଲ୍ ମିସା ବସିଆଇଲାନି, ୩୬ ତେବର୍‌ପାଇ ଲକ୍‌ମନ୍‌କେ ପାଟାଇ ଦିଆସ୍ । ଜେନ୍ତି କି ସେମନ୍ ଚାରିବେଡ଼ିତ୍‌ର୍ ଗାଉଁ ମନ୍‌କେ ଜାଇ ନିଜର୍ ନିଜର୍ ପାଇ କାଇବାକେ କାଇଟା ମିସା ଗେନଡ଼ ।” ୩୭ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇଟା ମିସା କାଇବାକେ ଦିଆସ୍ ।” ସେମନ୍ ତାକେ କଇଲାଇ, “ଆମେ ଜାଇ ଆଟ୍ ମାସର୍ କୁଲି ତାରୁ ନେଇ ଏମନ୍‌କେ ରୁଟି ଗେନିଆନି କୁଆଇରୁ କି?” ୩୮ ଜିସୁ ସେମନ୍‌କେ କଇଲା, “ତମର୍ ଲଗେ କେତେଟା ରୁଟି ଆତେ? ଜାଇ ଦେକା ।” ସେମନ୍ ଦେକିଆସି ତାକେ କଇଲାଇ, “ପାଁର୍‌ଟା ରୁଟି ଆରି ଦୁଇଟା ମାର୍ ।” ୩୯ ତେଇ ସବୁଲକ୍ ଜେନ୍ତି ଦଲ୍‌ଦଲ୍ ଅଇ କଅଁଲି ଗାଁସ୍ ଉପ୍‌ରେ ବସ୍‌ବାଇ, ଏଟାପାଇ ଜିସୁ ତାର୍ ସିସ୍‌ମନ୍‌କେ ତିଆର୍‌ଲା । ୪୦ ସେମନ୍ ସଏ ସଏ ଆରି ପରାସ୍ ପରାସ୍ ଲକ୍ ଦାଡ଼ି ଦାଡ଼ି ଅଇ ବସ୍‌ଲାଇ । ୪୧ ପଚେ ଜିସୁ ପାଁର୍‌ଟା ରୁଟି ଆରି ଦୁଇଟା ମାର୍ ଦାରି ସରଗ୍ ବାଟେ ଦେକି ପର୍‌ମେସର୍‌କେ ଦନିଅବାଦ୍ ଦେଲା, ଆରି “ରୁଟି ବାଞ୍ଜୁଇ ଲକ୍‌ମନ୍‌କେ ଦିଆସ୍ ।” ବଲି ସିସ୍‌ମନ୍‌କେ ଦେଲା । ଆରି, ସେ ଦୁଇଟା ମାର୍ ସବୁକେ ବାଟାକରି ଦେଲା । ୪୨ ତେଇ ସବୁଲକ୍

କାଇକରି ପେଟ୍ ପୁରାଇଲା, ୪୩ ଆରି ସେମନ୍ ବାଞ୍ଛୁଲା ରୁଟି ଆରି ମାଟ୍
 ରୁଣ୍ଡାଇ ବାର୍ତା ଡାଲା ପୁରୁନ୍ କଲା । ୪୪ ତେଇ କାଇଲା ଲକ୍ମନର୍
 ବିତ୍ରେ ଅବ୍କା ମନସ୍ ପିଲାମନ୍ ପାଁଟ୍ ଅଜାର୍ ରଇଲା । ୪୫ ସେଦାପ୍ରେ
 ଜିସୁ ନିଜର୍ ସିସ୍ମନ୍କେ ତଢ୍ଫାଇ ବସି ଗାଡ୍ ସେପାଟର୍ ବେତ୍ସାଇଦାଇ
 ତାର୍ ଆଗ୍ରୁ ଜିବାକେ କଇଲା, ଆରି ତେଇ ରଇଲା ଲକ୍ମନ୍କେ ନିଜର୍
 ନିଜର୍ ଗର୍ମନ୍କେ ପାଟାଇ ଦେଲା । ୪୬ ଜିସୁ ଲକ୍ମନ୍କେ ପାଟାଇଲା
 ପତେ, ପାର୍ତନା କର୍ବାକେ କୁପ୍ଲିଉପ୍ରେ ଗାଲା । ୪୭ ରାତି ଅଇଲାକେ
 ତଢ୍ଫା ସମ୍ପୁର୍ ମଜାଇ ରଇଲା, ଆରି ସମ୍ପୁର୍ ପାଲି ଜିସୁ ଗଟେକ୍ ଲକ୍ସେ
 ରଇଲା । ୪୮ ମୁଆଟ୍ ବାଟେ ଅନି ପବନ୍ ଆଇତେ ରଇଲାକେ ତାର୍ ସିସ୍ମନ୍
 ତଢ୍ଫା ଗାଟ୍ବାକେ କସ୍ତ ଅଇବାଟା ଜିସୁ ଦେକ୍ଲା । କୁକ୍ତା ତାକେ ଜିସୁ
 ସମ୍ପୁର୍ ଉପ୍ରେ ଇଣ୍ଡି ଇଣ୍ଡି ସେମନ୍ ଲଗେ ଗାଲା, ଆରି ସେମନ୍କେ ବାଟ୍
 ଦେଇ ଜିବାଟା ସିସ୍ମନ୍ ଦେକ୍ଲା । ୪୯ ମାତର୍ ସେମନ୍ ଜିସୁ ପାନିତେଇ
 ଇଣ୍ଡୁବାଟା ଦେକି ତୁମା ବଲି ବାବି କିର୍କିରୁଲା । ୫୦ କାଇକେବଇଲେ
 ସବୁଲକ୍ ତାକେ ଦେକି କିଲ୍ବିଲ୍ ଅଇଜାଇତେ ରଇଲା । ସେଦାପ୍ରେ ଜିସୁ
 ସେମନ୍ ସଢ୍ଫା କାତା ବାର୍ତା ଅଇ ସେମନ୍କେ କଇଲା, “ତରାନାଇ ସାଆସ୍
 ଦାରା, ଏଟାତା ମୁଇ ।” ୫୧ ଆରି, ସେ ସେମନ୍ ଲଗେ ଜାଇ ତଢ୍ଫାଇ ତଗ୍ଲା,
 ଆରି ପବନ୍ ବନ୍ଧୁ ଅଇଲା । ତେଇ ସେମନ୍ ମନେ ମନେ କାବା ଅଇଗାଲା,
 ୫୨ କାଇକେବଇଲେ ପାଁଟ୍ଟା ରୁଟିର୍ ଗର୍ମନାଇଅନି ଜିସୁ କେ ବଲି ବୁଜି ନ
 ରଇଲାକେ ସେମନ୍ ବୁଡି ଗୁପିଜାଇରଇଲା । ୫୩ ଜିସୁ ଆରି ତାର୍ ସିସ୍ମନ୍
 ଗାଡ୍ ଲଢ୍ଫି ଗିନେସରଟ୍ ବାଟେ ଜାଇକରି କେଟ୍ଲା ଆରି ଗାଡ୍ପାଲି ତଢ୍ଫା
 ବାନ୍ଧୁଲା । ୫୪ ଆରି, ତଢ୍ଫାଇ ଅନି ଉତର୍ଲା ଦାପ୍ରେ, ଲକ୍ମନ୍ ଜିସୁକେ
 ଚିନ୍ଲା । ୫୫ ଆରି ସେମନ୍ ଜିସୁ ଆଇଲା କବର୍ ସୁନାଇବାକେ ସବୁ ଗାଏଁ
 ପାଲାଲାଇ । ସେ ଜନ୍ ଜନ୍ ଜାଗାଇ ଆତେ ବଲି ସୁନ୍ଲା, ସେ ଜାଗାଇ
 ଜରର୍ ଲକ୍ମନ୍କେ କଟ୍ ମିସ୍ତେ ବଇ ଆନ୍ବାର୍ ଦାରୁଲା । ୫୬ ଆରି ସେ
 ଜେତେକ୍ ଜେତେକ୍ ଗାଉଁ, ସଅର୍ ଆରି ପୁଟ୍ ମନ୍କେ କେଟ୍ଲା, ଲକ୍ମନ୍ ସେ
 ସବୁ ଜାଗାଇ ଆଟ୍ ବଜାର୍ମନ୍କେ ରଗିମନ୍କେ ସଢ୍ଫାଇଦେଇ, ସେମନ୍ ତାର୍
 ଲୁଗା ଅଁଟିଟାନେ ଚିଇବୁ ବଲି ଲୁଆର୍ବିଆର୍ କଲା । ଜେତେକ୍ ଲକ୍ ତାକେ
 ଚିଇଲା, ସବୁଲକ୍ ନିକ ଅଇଲା ।

୭ ପଚେ ପାରୁସିମନ୍ ଆରି ଜିରୁସାଲାମ୍ ଅନି ଆସିରଇବା କେତେଟା ସାସ୍ତର୍ ସିକାଉ ପଣ୍ଡିତମନ୍ ଜିସୁର୍ ଲଗେ ରୁଣ୍ଡୁଲାଇ । ୨ ତାର୍ ସିସ୍ମନର୍ ବିତ୍ରେ ଅନି କେତେକ୍ ସିସ୍ମନ୍ ଜିଉଦିମନର୍ ରିତିନିତି ଇସାବେ ଆତ୍ ନ ଦଇତେ କାଇବାଟା ଦେକ୍ଲାଇ । ୩ ପାରୁସିମନ୍ ଆରି ସବୁ ଜିଉଦିଲକର୍ ପାର୍ତିନମନର୍ ନିୟମ୍ ମାନି ରିତିନିତି ଇସାବେ ଆତ୍ ନ ଦଇତେ ନ କାଇତେରଇଲାଇ । ୪ ଆରି ଆଟ୍‌ବାଟ୍ କରିଆସି ରିତିନିତି ଇସାବେ ପାନି ନ ଚିତି ଅଇତେ ନ କାଇତେ ରଇଲାଇ । ଗିନା, ମୁଟା, ପିତଲ୍ ତାଲା ଆରି ସଇବା କଟ୍ କେନ୍ଦ୍ରି ଦଇବାର୍, ସେଟା ସଢ୍ଘ ଅଲ୍ଗା ରିତିନିତି ମିସା ମାନ୍ଦେରଇଲାଇ । ୫ ତେବେ ପାରୁସି ଆରି ସାସ୍ତର୍ ସିକାଉମନ୍ ଜିସୁକେ ପାଟାରୁଲାଇ, “କାଇକେ ତର୍ ସିସ୍ମନ୍ ପାର୍ତିନମନର୍ ରିତିନିତି ନ ମାନି ଆତ୍ ନ ଦଇ କାଇଲାଇନି?” ୬ ଜିସୁ ସେମନ୍‌କେ କଇଲା, “ଏରେ କୁଟିଆଲ୍‌ମନ୍, ତମର୍ ବିସଇନେଇ ଜିସାୟ ବବିସତ୍‌ବକ୍ତା ନିକସଢ୍ଘ ଜାନାଇଆଚେ, ସେ ଏନ୍ଦ୍ରି କଇଲା ଆଚେ ।” ପର୍ମେସର୍ କଇଲାନି “ଏ ଜାତି, ମକେ ମୁଏ ସନ୍‌ମାନ୍ ଦେବାଇ, ମାତର୍ ତାକର୍ ମନ୍ ମରଟାନେଅନି ଦୁରିକେ ରଇସି । ୭ ସେମନ୍ ଲକ୍‌ମନ୍ କଲା ନିୟମ୍ ମାପୁରୁ ନିୟମ୍ ବଲି ସିକାଇବାଇ ମାତର୍ ସେ ଉପାସନାର୍ କିତି ମୁଲିଅ ନାଇ । ୮ “ତମେ ପର୍ମେସରର୍ ଆଦେସ୍ ଇନ୍‌କରି ନର୍ଲକର୍ ରିତିନିତି ଦାରି ବସିଆଟାସ୍ ।” ୯ ଆରି ଜିସୁ ସେମନ୍‌କେ କଇଲା, ତମେ ତତୁର୍ ଅଇ ନିଜର୍ ରିତିନିତି ମାନ୍‌ବାକେ ବଲି ପର୍ମେସରର୍ ଆଦେସ୍ ନିରୁ ବଇଲାସ୍ନି । ୧୦ କାଇକେବଇଲେ ମସା ସିକିଆ ଦେଇଆଚେ, ମା ବାବାକେ ମାନା, ଆରି ଜେ କି ତାର୍ ବାବାକେ କି ମାକେ ସାଇପ୍ ଦେଇସି, ସେ ମରନ୍ ତଣ୍ଡୁ ପାଇସି ଆକା । ୧୧ ମାତର୍ ତମେ ସିକାଇଲାସ୍ନି କି ଜେବେ ବାବାକେ କି ମାକେ କଇସା, “ଜନ୍‌ଟା ମୁଇ ତମ୍‌କେ ଦେବାର୍ ରଇଲା ସେଟା କର୍‌ବାନ୍ ।” କର୍‌ବାନ୍ ବଇଲେ ମାପୁରୁକେ ଆକା ମାନତ୍ କର୍‌ବାଟା । ୧୨ ତେବେ ତମେ ତାର୍ ବାବାର୍ କି ମାଆର୍ କାଇ ଉପ୍‌କାର୍ କର୍‌ବାଟାକେ ତେବାଇଲାସ୍ନି । ୧୩ ଏନ୍ଦ୍ରି ତମେ ନିଜର୍ ଆନିଦାଦିମନର୍ ବେଲେ ଅନି ଆଇବା ରିତିନିତି ମାନିକରି ପର୍ମେସରର୍ ବାକିଅ ଏଡାଇ ଦେଲାସ୍ନି, ଆରି ଏନ୍ଦ୍ରି କେତେକ୍ କେତେକ୍ କାମ୍‌ମନ୍ କଲାସ୍ନି । ୧୪ ଜିସୁ ଆରି ତରେକ୍ ଲକ୍‌ମନ୍‌କେ ଲଗେତାକି କଇଲା, “ତମେ ସବୁଲକ୍ ମର୍ କାତା ସୁନା ଆରି ବୁଜା । ୧୫ ଲକର୍ ଟଣ୍ଡେଅନି ଏନ୍ଦ୍ରି କାଇ ବିସଇ ନାଇ, ଜନ୍‌ଟା ତାର୍ ବିତ୍ରେ ପୁରି ତାକେ ଅସୁକଲ୍ କରି

ପାରେ, ମାତର ଜନ୍ ଜନ୍ତା ମୁନୁସ୍ମନର୍ତ୍ତାନେଅନି ବାରଇସି ସେ ସବୁ
 ତାକେ ଅସୁକଲ୍ କରସି । ୧୭ ଜଦି ତାକେ ସୁନ୍ବାର୍ କାନ୍ ଆଚେ, ସେ ସୁନ୍
 ।” ୧୭ ଆରି ଜିସୁ ଲକର୍ ମାନ୍ୟା ଚାଡି ଗରେ ପୁର୍ଲାପଚେ ତାର୍ ସିସ୍ମନ୍
 ସେ ଉଦାଅରନର୍ ଅରତ୍ କାଇଟା ବଲି ପାଚାର୍ବାର୍ ଦାର୍ଲାଲ । ୧୮ ଜିସୁ
 ସେମନ୍କେ କଇଲା, “ତମେ ମିସା କାଇ ବୁଜାସ୍ ନାଇ? ଜନ୍ ଜିନିସ୍ ମିସା
 ବାଇରେ ଅନି ମୁନୁସ୍ମନର୍ ବିତ୍ରେ ପୁର୍ସି, ସେଟା ତାକେ ଆସାର୍ ନ କରେ
 । ୧୯ କାଇକେବଇଲେ ସେଟା ତାର୍ ମନ୍ ବିତ୍ରେ ପୁରେନାଇ, ମାତର ପେଟ୍
 ବିତ୍ରେ ପୁରି କରି ବାଇରେ ବାରଇ ଆଇସି ।” ଏନ୍ତାରି କଇଲାକେ ସବୁ କାଦି
 ସୁକଲ୍ ଆକା ବଲି ଜିସୁ ଜାନାଇଲା । ୨୦ ଆରି ସେ କଇଲା, “ମୁନୁସ୍
 ମନ୍ବିତ୍ରେ ଅନି ଜନ୍ତା ବାରଇସି, ସେଟାସେ ତାକେ ଆସାର୍ କରସି ।
 ୨୧ କାଇକେବଇଲେ ମୁନୁସ୍ ମନ୍ ବିତ୍ରେ ଅନି କରାପ୍ ଚିନ୍ତା ବାରଇସି
 । ସେଟାମନ୍ ଅଇଲାନି, ପାଦ୍ରା ପାଦ୍ରି କାମ୍, ଚର୍କାମ୍, ଲକ୍ମନ୍କେ
 ମରାଇବା କାମ୍ । ୨୨ ବିବା ଅଇ କରବା ବେସିଆ କାମ୍, ବିବା ନଇତେ
 କରବା ବେସିଆ କାମ୍, ଲବାଇବାଟା, ମିର୍ କଇବାଟା, ଅଲ୍ସୁଆ ଅଇବାଟା,
 ଆଁକାର୍ ଅଇବାଟା, ନିନ୍ୟା କାତା କଇବାଟା, ବଡ୍ପନ୍ ଅଇବାଟା, ବକୁଆ
 ଅଇବାଟା । ୨୩ ଏ ସବୁ କରାପ୍ ବିସଇମନ୍ ବିତ୍ରେଅନି ବାରଇ ଲକ୍କେ
 ନସାଇଦେଇସି ।” ୨୪ ତାର୍ପଚେ ଜିସୁ ସେ ଜାଗା ଚାଡିକରି ସର ଆରି
 ସିଦନର୍ ସଅରେ ଗାଲା । ତେଇ ଗଟେକ୍ ଗରେ ପୁର୍ଲା । ଜେନ୍ତି କେ ମିସା
 ସେଟା ନାଜାନତ୍, ଏଟା ସେ ମନ୍ କର୍ତେ ରଇଲା, ମାତର ସେ ନ ଜାନାଇ
 ଅଇତେ ରଇନାପାର୍ଲା । ୨୫ ଜିସୁ ଆଇଲାଆଚେ ବଲି ସୁନ୍ଲା ଦାପ୍ରେ,
 ଗଟେକ୍ ମାଇଜି ଜାର୍ ସାନ୍ ଟକିକେ ତୁମା ଦାରିରଇଲା, ତାର୍ ଗଡ୍ତଲେ ଆସି
 ଅଦର୍ଲା । ୨୬ ସେ ସୁର ଦେସର୍ ପଇନିକିଆ ଜାଗାଇ ଜନମ୍ ଅଇ ଜିଉଦି
 ଜାଡିର୍ ନ ରଇଲା, ତାର୍ ଟକିକେ ତୁମା ଚାଡାଇବାକେ ସେ ଜିସୁକେ ବାବୁଜିଆ
 କଲା । ୨୭ ତେବେ ଜିସୁ ତାକେ କଇଲା, “ଆଗ୍ତୁ ପିଲାମନ୍କେ ପେଟ୍ ପୁରୁନ୍
 କାଇବାକେ ଦେସ୍, କାଇକେବଇଲେ ପିଲାମନ୍ କାଦି ନେଇ କୁକୁର୍ମନର୍
 ଚାନେ ପାକାଇବାଟା ଟିକ୍ନାଇ ।” ୨୮ ମାତର ମାଇଜି ତାକେ କଇଲା, “ଉଁ
 ମାପ୍ତୁ, କୁକୁର୍ମନ୍ ମିସା ପିଲାମନ୍ ଅଦ୍ରି ରଇଲା ସକ୍ତି କାଇବାଇ
 ।” ୨୯ ସେଡ୍ଡକି ବେଲେ ଜିସୁ ତାକେ କଇଲା, “ଏନ୍ତାରି କଇଲାର୍ପାଇ ଜା,
 ତର୍ ଟକିତେଅନି ତୁମା ବାରଇଗାଲାବେ ।” ୩୦ ଆରି ସେ ମାଇଜି ଗରେ

ଜାଇ, ଟକି କଟେ ସଇରଇବାଟା ଆରି ତାର୍ଟାନ୍ନେଅନି ତୁମା ବାରଇଜାଇ
 ରଇବାଟା ଦେକ୍ଲା । ୩୧ ଜିସୁ ଆରିତରେକ୍ ସର ସନ୍ତିଅନି ଜାଇ ସିଦନ୍
 ଦେଇ ଦେକାପଲି ଦସ୍ଟା ସଅରେ ଉତ୍ତରି ଗାଲିଲି ସମ୍ବୁରେ ଗାଲା । ୩୨
 ଆରି ତେଇ କେତେକ୍ ଲକ୍ମନ୍ ଗଟେକ୍ କସ୍ତସ୍ତୁ କାତା ଅଇବା ବଇରାକେ
 ଜିସୁର୍ ଲଗେ ଆନି ତାର୍ ଉପ୍ରେ ଆତ୍ ସଞ୍ଜୁଇବାକେ ବାବୁଜିଆ କଲାଇ ।
 ୩୩ ଜିସୁ ସେ ବଇରାକେ ଲକ୍ମନ୍ ଟାନ୍ନେଅନି ବେଗ୍ଲାଇ କରି, ଡାକିନେଇ
 ତାର୍ ଦୁଇଟା କାନେ ଆଞ୍ଜୁଟି ପୁରାଇଲା ଆରି ତୁକିକରି ଆତ୍ସଞ୍ଜୁ ସେ ଲକ୍ମନ୍
 ଜିବେ ଲାଗାଇଲା, ୩୪ ଆରି ସରଗ୍ ବାଟେ ଦେକିକରି ତେଞ୍ଜୁ ପୁଣ୍ଡା ଦାରି
 ବଇରାକେ କଇଲା, “ଇପ୍ପତା!” ବଇଲେ ପୁଟିଅ । ୩୫ ସେ ଦାପ୍ରେ ତାର୍
 କାନ୍ ଉଗାଡି ଅଇଲା, ଆରି ଜିବର୍ ବନ୍ଧୁନ୍ ପିଟିଗାଲା, ଆରି ସେ ନିମାନ୍
 ସଞ୍ଜୁ କାତା ଅଇବାର୍ ଦାର୍ଲା । ୩୬ ଜିସୁ ଲକ୍ମନ୍କେ ଏ ବିସଇ କାକେ ନ
 କଇବାକେ ଆଦେସ୍ ଦେଲା, ମାତର୍ ସେ ଲକ୍ମନ୍କେ ଜେତେକ୍ ନିରୁବଇଲେ
 ମିସା ସେମନ୍ ଆରି ଅଦିକ୍ ଅଦିକ୍ ସେଟା ଜାନାଇଲାଇ । ୩୭ ଆରି ଲକ୍ମନ୍
 ଅଦିକ୍ କାବା ଅଇ କଇଲାଇ, “ସେ ସବୁ କାମ୍ ନିମାନ୍ ସଞ୍ଜୁ କରିଆରେ,
 ସେ ବଇରାମନ୍କେ ସୁନ୍ଦା ବପୁ ଆରି ଗୁଲାମନ୍କେ କଇବା ବପୁ ମିସା
 ଦେଇଆରେ ।”

୮ ସେବେଲେ ଆରି ତରେକ୍ ବେସି ଲକ୍ମନ୍ ମିସ୍ଲାଇ, ଆରି ସେମନ୍
 ଲଗେ କାଇବା ପିଇବାକେ କାଇଟା ନ ରଇଲାଜେ ଜିସୁ ସିସ୍ମନ୍କେ ଲଗେଡାକି
 କଇଲା, ୨ “ଏ ଲକ୍ମନ୍କେ ଦେକି ମକେ ଦୁକ୍ ଲାଗ୍ଲାନି, କାଇକେବଇଲେ
 ଏମନ୍ ତିନ୍ଦିନ୍ ଅଇଲାନି ମର୍ ସଞ୍ଜୁ ଆତ୍ ଆରି ଏମନ୍ ଲଗେ କାଇବାକେ
 କାଇଟା ମିସା ନାଇ । ୩ ତେବେ ମୁଇ ସେମନ୍କେ ନ କୁଆଇତେ ଗରେ
 ପାଟାଇଲେ, ବାଟେ ସେମନ୍ ଚେଟା ଆଜିଜାଇସି, ସେମନ୍ ବିତ୍ରେ
 କେତେକ୍ ଲକ୍ ଦୁରେଅନି ଆସି ଆତ୍ ।” ୪ ସିସ୍ମନ୍ ତାକେ କଇଲାଇ,
 “ଇତି ଏ ଚିମ୍ବା ଜାଗାଇ ଲକ୍ ନ ରଇବାଟାନ୍ନେ କନ୍ତିଅନି ରୁଟି ଆନି ଏମନ୍କେ
 ପେଟ୍ ପୁରାଇବାର୍?” ୫ ଜିସୁ ସେମନ୍କେ ପାଚାର୍ଲା, “ତମ୍ଭଲଗେ
 କେତେଟା ରୁଟିଆରେ?” ସେମନ୍ କଇଲାଇ, “ସାତ୍ଟା ।” ୬ ତେଇ ଜିସୁ
 ସେ ସବୁ ଲକ୍ମନ୍କେ ବୁର୍ସି ବସ୍ତାକେ କଇଲା, ଆରି ସେ ସାତ୍ଟା ରୁଟି
 ଦାରିକରି ପର୍ମେସର୍କେ ଦନ୍ତିଅବାଦ୍ ଦେଇ ସେଟା ସବୁ ବାଞ୍ଛାଇକରି
 ବାଟାକରିଦେବାକେ ତାର୍ ସିସ୍ମନ୍କେ ଦେଲା । ଆରି ସେମନ୍ ଲକ୍ମନ୍କେ

ସେଟା ବାଟାକଲା । ୭ ସେମାନରୁ ଲଗେ ଜଡେକ୍ ପାରା କେତେଟା
 ସାନ୍ ମାତ୍ ରଇଲା, ସେଟା ମିସା ସେ ପର୍ଯ୍ୟେସର୍ବକେ ଦନିଅବାଦ୍ ଦେଇ
 ବାଟାକରବାକେ କଇଲା । ୮ ତେଇ ସେମନ୍ ସବୁ ଲକ୍ ପେଟ୍ପୁରୁତେ
 କାଇଲା ଆରି ଅଗଲ୍ଲାଟା ସାତ୍ତାଲା ବେଟ୍ଲା । ୯ ତେଇ ଚାରିଅଜାର୍
 ଲକ୍ମନ୍ ରଇଲା । ୧୦ ତାର୍ପତେ ଜିସୁ ଲକ୍ମନ୍କେ ପାଟାଇ ଦେଲା ଆରି
 ନିଜର୍ ସିସ୍ମାନର୍ ସଙ୍ଗେ ତଟ୍ଟାଇ ଚଗି ଦଲ୍ମନୁତା ନାଉଁର୍ ଗଟେକ୍ ଜାଗାଇ
 ଆଇଲା । ୧୧ ପତେ ପାରୁସିମନ୍ ବାରଇ ଆସି ଜିସୁର୍ ସଙ୍ଗେ ଦଦାପେଲା
 ଅଇବାର୍ ଦାରୁଲା । ତାକେ ପରିକା କରବାକେ ପାନେ ପାକାଉଁ ବଲି
 ମନ୍କରି, ସେ ଜେ ପର୍ଯ୍ୟେସର୍ବଟାନେଅନି ଆସିଆରେ, ଏଟା ଦେକାଇବାକେ
 ଆକାସେଅନି ଗଟେକ୍ କାବାଅଇଜିବା ତିନ୍ ଦେକାଆ ବଲି କଇଲା । ୧୨
 ଜିସୁ ଗଟେକ୍ ତେଙ୍ଗୁପୁଣ୍ଡା ପୁଣ୍ଡିକରି କଇଲା, “ଏବର୍ ଲକ୍ମନ୍ କାଇକେ କାବା
 ଅଇବା ତିନ୍ ମାଙ୍ଗୁଲାଇନି? ମୁଇ ତମ୍କେ ସତ୍ କଇଲିନି, ଆଜିକାଲିର୍ ଏ
 ଲକ୍ମନ୍କେ କାବା ଅଇବା କାଇ ତିନ୍ ମିସା ଦେକାଇ ନଏଁ ।” ୧୩ ତାର୍ପତେ
 ଜିସୁ ଆରି ତାର୍ ସିସ୍ମାନ୍ ସେମନ୍କେ ତେଇ ଚାଡି ତଟ୍ଟାଇ ଚଗି ଆରି
 ତରକ୍ ଗାଡ୍ ସେପାଟେ ଗାଲା । ୧୪ ଜିସୁର୍ ସିସ୍ମାନ୍ ତଟ୍ଟାଇ ଗାଲାବେଲେ
 କାଇବାକେ ରୁଟି ନେବାକେ ପାସ୍ରିଜାଇରଇଲା । ସେମାନର୍ଟାନେ ଏକାଇ
 ଗଟେକ୍ ସେ ରୁଟି ରଇଲା । ୧୫ ଜିସୁ ସେମନ୍କେ ଜାଗରତ୍ କରାଇ କଇଲା,
 “ପାରୁସିମାନର୍ ଆରି ଏରଦର୍କମିର୍ ଅନି ତରିକ୍ନା ଅଇ ରୁଆ ।” ୧୬ ଏଟା
 ସୁନି ସିସ୍ମାନ୍ ନିଜର୍ ନିଜର୍ ବିତ୍ରେ କାତାବାର୍ତା ଅଇକରି କଇଲା,
 “ଆମର୍ଲଗେ କାଇବାକେ ରୁଟିନାଇ ବଲି ସେ ଏନ୍ତାରି କଇଲାଇନି ।” ୧୭
 ସେମନ୍ କାଇ ବିସଇନେଇ କାତାବାର୍ତା ଅଇଲାଇନି ବଲି ଜିସୁ ଜାନିକରି
 ସେମନ୍କେ କଇଲା, “ତମର୍ ଲଗେ ଜେଡ୍କି ଦର୍କାର୍ ଆରେ, ସେଡ୍କି
 ରୁଟିନାଇ ବଲିକରି ତମେ କାଇକେ କାତାବାର୍ତା ଅଇଲାସୁନି? ଏବେଜାକ
 ତମେ କାଇ ଦେକାସ୍ ନାଇ କି ବୁଜାସ୍ନାଇ? ତମର୍ ମନ୍ କାଇ ଆଁର୍ ଅଇଗାଲା
 ଆରେ କି? ୧୮ ଆଁକି ରଉ ରଉ ଦେକାସ୍ ନାଇ? ଆରି, କାନ୍ ରଉ ରଉ
 ସୁନାସ୍ ନାଇ? ଆମର୍ଟାନେ ଜେଡେବେଲେ କାଇବାକେ ଉନା ରଇଲା, ସେ
 ବେଲେ ମୁଇ କାଇଟା କରଇଲି? ସେ ବିସଇ ତମେ ଏତାଆସ୍ ନାଇକି?
 ୧୯ ମୁଇ ଜେଡେବେଲେ ପାଁର୍ ଅଜାର୍ ଲକ୍ମର୍ ବିତ୍ରେ ପାଁଟା ରୁଟିବାଙ୍ଗୁଇ
 ରଇଲି, ସେଡ୍କି ବେଲେ ତମେମନ୍ ସବୁ କେତେକ୍ ତାଲା ବାଙ୍ଗୁଲା କଣ୍ଟୁ

ବେଟି ନେଇ ରଇଲାସ୍, ସେଟାକାଇ ତମର୍ ମନେ ନାଇ?” ସେମନ୍ ତାକେ
 କଇଲାଇ, “ବାର ତାଲା ।” ୨୦ “ଆରି, ସେ ଚାରି ଅଜାର୍ ଲକର୍ ବିତ୍ରେ
 ମୁଇଁ ଜେତେବେଲ୍ ସାତଟା ରୁଟି ବାଢ଼ୁଇ ରଇଲି, ସେତ୍ତକିବେଲେ ତମେମନ୍
 ସବୁ କେତେକ୍ ତାଲା ବାଢ଼ୁଲା କଣ୍ଟୁ ରୁଲିଆଇ ରଇଲାସ୍?” ସେମନ୍ କଇଲାଇ
 “ସାତ୍ ତାଲା ।” ୨୧ ଆରି ଜିସୁ ସେମନ୍‌କେ ପାଚାରୁଲା, “ମୁଇ କାଇଟା
 କଇଲିନି, ତମେ କେନ୍ତୁ ବୁଜାସ୍ ନାଇ?” ୨୨ ପତେ ସେମନ୍ ବେତସାଇଦାଇ
 ଉଟି ଆଇଲାଇ, ଆରି ତେଇ କେତେକ୍ ଲକ୍‌ମନ୍ ଗଟେକ୍ କାଣାଲକ୍‌କେ
 ଜିସୁର୍ ଲଗେ ଆନିକରି ତାକେ ଚିଇକରି ନିକ କର୍ବାକେ କଇଲାଇ । ୨୩
 ଜିସୁ ତାକେ ଆତେଦାରି ଗାଉଁ ବାଇରେ ଡାକିନେଲା, ଆରି ତୁକିକରି ତାର୍
 ଲାଲ୍ ସେ କାଣାର୍ ଆଁକିତେଇ ଲାଗାଇଲା । ତାର୍‌ମୁଣ୍ଡେ ଆତ୍ ସଢ଼ୁଇକରି
 “ତୁଇ ଅଲପ୍ ମିସା ଦେକି ପାରୁଲୁସ୍‌ନି କି?” ବଲି ପାଚାରୁଲା । ୨୪ ସେ
 ଚାରିବେତ୍ତି ଦେକିକରି କଇଲା, “ମୁଇ ଲକ୍‌ମନ୍ ଇଣ୍ଟୁବାଟା ଦେକିପାରୁଲିନି,
 ମାତର୍ ସେମନ୍ ଗର୍‌ପାରା ତିସ୍‌ଲାଇନି” ବଲିକରି କଇଲା । ୨୫ ଜିସୁ
 ଆରିତରେକ୍ ସେ କାଣାଲକର୍ ଆଁକିତେଇ ଆତ୍‌ସଢ଼ୁ ଚିଇଲା । ସେଦାପ୍‌ରେ
 ଅନି ତାର୍ ଆଁକି ନିମାନ୍ ଅଇଗାଲା ଆରି ପୁରାପୁରୁନ୍ ନିମାନ୍ ଦେକିପାରୁଲା ।
 ୨୬ ଆରି ଜିସୁ ତାକେ କଇଲା, “ଏବେ ତୁଇ ଗାଏଁ ନ ଜାଆ, ମାତର୍ ତର୍ ନିଜର୍
 ଗରେ ଉଟିଜା” ବଲିକରି ପାଚାଇଦେଲା । ୨୭ ତାର୍‌ପତେ ଜିସୁ ଆରି ତାର୍
 ସିସ୍‌ମନ୍ କାଇସେରିଆ ପିଲିପ୍ ନାଉର୍ ଗତ୍‌ଲଗେ ରଇବା ଚାରିବେତ୍ତିର୍
 ଗାଉଁ ମନ୍‌କେ ଗାଲାଇ । ବାଟେ ଜିସୁ ତାର୍ ସିସ୍‌ମନ୍‌କେ ପାଚାରୁଲା, “ଲକ୍‌ମନ୍
 ମକେ କେ ବଲିକରି ବାବ୍‌ଲାଇନି?” ୨୮ ସେମନ୍ ତାକେ କଇଲାଇ, “କେତେ
 ଲକ୍‌ମନ୍ ତମ୍‌କେ ତୁବନ୍ ଦେଉ ଜଅନ୍ ବଲିକରି କଇଲାଇନି, ଆରି ଅଦେକ୍
 ଲକ୍‌ମନ୍ ତମ୍‌କେ ଆଗର୍ ଏଲିୟୁ ବଲି କଇଲାଇନି ଆରି କେତେଲକ୍ ତମ୍‌କେ
 ପର୍‌ମେସରର୍‌ଟାନେଅନି ଆଦେସ୍ ପାଇ ଆସି, କାତାଅଇବା ବବିସତ୍‌ବକ୍‌ତା
 ମନର୍‌ଟାନେଅନି ଗଟେକ୍‌ଲକ୍ ବଲି କଇଲାଇନି ।” ୨୯ ଆରି ତମେ ମକେ କେ
 ବଲିକରି ବାବ୍‌ଲାସ୍‌ନି? ବଲି ଜିସୁ ସେମନ୍‌କେ ପାଚାରୁଲା । ପିତର୍ କଇଲା,
 “ତୁଇ ପର୍‌ମେସର୍ ପାଚାଇରଇବା ଉଦାର୍‌କାରିଆ କିରିସ୍‌ଟ” ବଲି କଇଲା ।
 ୩୦ ତେଇ ଜିସୁ ସେମନ୍‌କେ ତାତ୍‌ସଢ଼ୁ ଜାଗ୍ରତା କରାଇ କଇଲା, “ମୁଇ କେ
 ବଲି କାକେ ନ କୁଆ ।” ୩୧ ତାର୍‌ପତେ ଜିସୁ, ପର୍‌ମେସର୍ ଅନି ଆଇଲା
 ନର୍‌ପିଲାକେ କାଇ କାଇଟା ଅଇସି ବଲି ତାର୍ ସିସ୍‌ମନ୍‌କେ ସିକାଇଦେବାର୍

ଦାରୁଲ୍ଲା । ସେ କଲଲା, “ପର୍ଯ୍ୟେସରର୍‌ଟାନେଅନି ଆଇଲା ନର୍‌ପିଲା ମୁଇ ବେସି ଦୁକ୍ କସ୍‌ଟ ପାଇବାର୍‌ ଆଚେ । ମୁକିଅ ନେତାମନ୍, ମୁକିଅ ପୁଜାରିମନ୍, ଆରି ନିୟମ୍ ସିକାଇଦେବା ଲକ୍‌ମନ୍ ମକେ ନ ନାମର୍ । ସେମନ୍ ମକେ ମରାଇବାଇ ଆରି ତିନ୍‌ଦିନ୍ ଗାଲାପତେ ମୁଇ ଆରି ତରେକ୍ ମଲାତେଇଅନି ଜିବନ୍ ଅଇ ଉର୍‌ବି ।” ୩୨ ଏ ସବୁ ବିସଇର୍ କାତା ଜିସୁ ତାର୍ ସିସ୍‌ମନ୍‌କେ କାଇଟାମିସା ନ ଲୁଟାଇକରି କୁଲାକୁଲି ବାବେ କଇଦେଲା । ସେ ବେଲା ପିତର୍ ଜିସୁକେ ଅର୍‌ରେ ତାକିନେଇକରି କଇଲା, “ତମେ କଇବା କାତା ସବୁ ସେନ୍ତି ନ ଅ ।” ୩୩ ଜିସୁ ପିଟିବାଟେ ପାସ୍‌ଲି ତାର୍ ସିସ୍‌ମନ୍‌କେ ଦେକ୍‌ଲା ଆରି ପିତର୍‌କେ କଇଲା, “ତୁଇ ଏ କାତା ସଇତାନେଅନି କଇଲୁସ୍‌ନି, ତୁଇ ମର୍‌ଟାନେଅନି ଉଟି ଜା । ତୁଇ ପର୍‌ଯ୍ୟେସର୍ ପାରା ତିନ୍ତା ନ କରି ଲକ୍‌ମନର୍ ପାରା ତିନ୍ତା କଲୁସ୍‌ନି ।” ବଲି କଇଲା । ୩୪ ତାର୍‌ପତେ ଜିସୁ ସିସ୍‌ମନ୍‌କେ ଆରି ଲକ୍‌ମନ୍‌କେ ତାର୍‌ଲଗେ ତାକିକରି କଇଲା “କେ ମର୍ ସିସ୍ ଅଇବାକେ ମନ୍ କଲାନି ବଇଲେ, ସେ ତାର୍ ନିଜର୍ ମନ୍ କଲାଟା ତାଡିଦେଇକରି କୁରୁସତେଇ ମର୍‌ବା ଲକ୍‌ମନ୍ ପାଇବା ଦୁକ୍ କସ୍‌ଟ ପାରା ଦୁକ୍ କସ୍‌ଟ ପାଇବାକେ, ତିଆର୍ ଅଇକରି ମର୍‌ସଙ୍ଗୁ ଆଇବାର୍ ଆଚେ । ୩୫ ମାତର୍ କେ ନିଜର୍ ଜିବନ୍ ରକିଆ କର୍‌ବାକେ ମନ୍ କର୍‌ସି, ସେ ସେଟା ଆରାଇସି, ମାତର୍ ଜେ ମର୍ ଲାଗି ଆରି ସୁକ୍‌ବର୍ ଜାନାଇବାକେ ତାର୍ ଜିବନ ଆରାଇସି ବଇଲେ, ସେ ତାର୍ ଜିବନ୍ ରକିଆ କର୍‌ସି । ୩୬ ଜଦି ଗଟେକ୍ ଲକ୍ ଦୁନିଆର୍ ସବୁ ଜିନିସ୍ ପାଇକରି, ନିଜର୍ ଜିବନ୍ ଆରାଇସି, ସେଟା ତାର୍‌ପାଇ କାଇ ଲାବ୍ ନାଇ । ୩୭ ଆରି ତାର୍ ଆତ୍‌ମାର୍ ବାଦୁଲେ କାଇଟା ଦେଲେ ମିସା ସମାନ୍ ନ ଅଏ । ୩୮ ପର୍‌ଯ୍ୟେସର୍‌କେ ଚାଡିକରି ରଇବା ଏ କାରାପ୍ ଦୁନିଆଇ, ଲକ୍‌ମନ୍ ଜଦି ମର୍ ଲାଗି ଆରି ମର୍ କାତାର୍ ଲାଗି ଲାଜ୍ ଅଇବାଇ, ପର୍‌ଯ୍ୟେସରର୍ ଟାନେଅନି ଆଇଲା ନର୍‌ପିଲା ମୁଇ ମିସା ମର୍ ବାବାର୍ ବେସି ଉଜଲ୍ ଆରି ତାକ୍‌ପୁଟା ସଙ୍ଗୁ ଆରି ସରଗର୍ ସୁକଲ୍ ଦୁର୍‌ମନର୍ ସଙ୍ଗୁ ଆଇଲାବେଲେ, ସେମନ୍‌କେ ମର୍‌ଲକ୍‌ମନ୍ ବଲି କଇବାକେ ମୁଇ ମିସା ଲାଜ୍ ଅଇବି ।”

୯ ଆରିତରେକ୍ ଜିସୁ ସେମନ୍‌କେ କଇଲା, ମୁଇ ତମ୍‌କେ ସର୍ କାତା କଇଲିନି । ସେଟାର୍‌ପାଇ ସୁନା, ଏବେ ଇତି ରଇବା କେତେ ଲକ୍‌ମନ୍, ପର୍‌ଯ୍ୟେସର୍ ରାଜା ଅଇକରି ତାର୍ ରାଇଜ୍ ସାସନ୍ କର୍‌ବାଟା ନ ଦେକ୍‌ବା ଜାକ ନ ମରାସ୍ । ୨ ତଅ ଦିନ୍ ପତେ ଜିସୁ ପିତର୍ ଜାକୁର୍ ଆରି ଜଅନକେ ତାର୍ ସଙ୍ଗୁ

ମିସ୍ତେ ଡାକିକରି କେ ନଇବା ଗଟେକ୍ ତେଢ଼ୁ ପର୍ବତ୍ ଉପରେ ଗାଲା । ସିତି ସେମନର୍ ମୁଆଟେ ତାର୍ ରୁପ୍ ବଦ୍ଲିଗାଲା । ୩ ଆରି ତାର୍ ପତିଆ ବେସି ଜଗଜଗି ଜାଇ, ଦବ୍ ଅଇଗାଲା । ଆରି ଏ ଦୁନିଆ ଇସାବେ କେ ମିସା ସେନ୍ତି ଦବ୍ କରି ଦଇନାପାରତ୍ । ୪ ଆରି ମସାର୍ ସଢ଼ୁ ଏଲିୟୁ ଆରି ଜିସୁ ମିସ୍ତେ କାତାବାର୍ତା ଅଇବାଟା ସେମନ୍କେ ତିସ୍ଲା । ୫ ତେଇ ପିତର୍ ଜିସୁକେ କଇଲା, “ଏ ଗୁରୁ ଆମେ ଇତି ରଇବାଟା ନିକ । ଇତି ତିନ୍ଟା କୁଡିଆ ତିଆର୍ କରୁ । ତମର୍ପାଇ ଗଟେକ୍, ମସାର୍ପାଇ ଗଟେକ୍ ଆରି ଏଲିୟୁର୍ ପାଇ ଗଟେକ୍ ।” ୬ ପିତର୍ କଇବା ବିସଇ କାଇଟା ବଲି ନିଜେ ନାଜାନି ରଇଲା । କାଇକେବଇଲେ ସେମନ୍ ବେସି ତରିଜାଇରଇଲା । ୭ ଆରି ସେମନ୍କେ ମେଗର୍ ତାଇ ଡାବିଅଇଦେଲା । ସେ ମେଗେଅନି ଏନ୍ତାରି କାତା ଅଇଲା, “ଏ ମର୍ ଆଲାଦର୍ ପ, ଆର୍ କାତା ସୁନା ।” ୮ ଆରି ଅଟାତ୍ ସେମନ୍ ଚାରିବେଡ୍ଡି ଦେକ୍ଲା, ତାକର୍ ସଢ଼ୁ ଜିସୁକେ ଚାଡି ଆରି କାକେ ମିସା ଦେକ୍ ନାଇ । ୯ ସେମନ୍ ପର୍ବତେ ଅନି ଉତର୍ଲାବେଲେ ଜିସୁ ସେମନ୍କେ ଡାଟ୍ ସଢ଼ୁ ଆଦେସ୍ ଦେଇ ଏନ୍ତି ବଲି କଇଲା, “ପର୍ମେସରର୍ ଟାନେଅନି ଆସିରଇବା ନର୍ପିଲା ମୁଇ, ମଲାଟାନେଅନି ଆରିତରେକ୍ ନ ଉର୍ବା ଜାକ ଇତି କାଇକାଇଟା ତମେ ଦେକ୍ଲାସ୍, ସେ ବିସଇ କାକେମିସା ନ କୁଆ ।” ୧୦ ସେଟାର୍ପାଇ ପର୍ବତ୍ ଉପରେ ଜାଇଟା ସେମନ୍ ଦେକ୍ଲା, ସେ ବିସଇ କାକେମିସା କଅଟ୍ ନାଇ । ମାତର୍ ମଲାଟାନେଅନି ଆରିତରେକ୍ ଉର୍ବା ଅରଟ୍ କାଇଟା ବଲିକରି ସେମନ୍ କାତାବାର୍ତା ଅଇତେରଇଲା । ୧୧ ସିସ୍ମନ୍ ଜିସୁକେ ପାଟାର୍ଲା, “ଏଲିୟୁ ପର୍ତୁମ୍ ଆଇବାର୍ ଆଟେ ବଲି ନିୟୁମ୍ ସିକାଇଦେବା ଲକ୍ମନ୍ କାଇକେ କଇଲାଇନି?” ୧୨ ଜିସୁ ତାର୍ ସିସ୍ମନ୍ କଇଲା, “ଉଁ ପର୍ମେସରର୍ ବଇତେଇ ଏଲିୟୁ ଆଗ୍ତୁ ଆଇସି ବଲି ଲେକା ଅଇଲାକାତା ସତ୍ସେ । ଏଲିୟୁ ପର୍ତୁମ୍ ଆସିକରି ସବୁ ବିସଇ ଟିକ୍ କର୍ସି, ମାତର୍ ପର୍ମେସର୍ ଅନି ଆସିରଇବା ନର୍ପିଲା ମୁଇ ବେସି ବେସି କସ୍ଟ ପାଇବି ଆରି ଲକ୍ମନ୍ ମକେ ନ ନାମଟ୍ ବଲି ମିସା କାଇ ପର୍ମେସରର୍ ବଇଟାନେ ଲେକା ଅଏନାଇ କି? ୧୩ ମୁଇ ତମ୍କେ ସତ୍ କଇଲିନି, ଏବେ ଏଲିୟୁ ଆସି ସାର୍ଲା ଆଟେ । ଆରି ତାର୍ ବିସଇ ପର୍ମେସର୍ ଟାନେ କାଇଟା ଲେକା ଅଇଲା ଆଟେ, ସେ ସେନ୍ତିସେ ଲକ୍ମନ୍ ମିସା ତାକର୍ ନିଜର୍ ମନ୍ କଲା ଇସାବେ କରାପ୍ ଚଲାଚଲ୍ତି କଲା ।” ୧୪ ତାର୍ପତେ ଜିସୁ, ପିତର୍, ଜାକୁର୍

ଆରି ଜଅନ୍ ଦିନ୍ ସିସ୍‌ମନର୍ ଲଗେ କେଟ୍‌ଲାବେଲେ ତେଇ ବେସି ଲକ୍‌ମନ୍
 ରୁଣ୍ଡିରଇବାଟା ଦେକ୍‌ଲା । ଆରି ନିୟୁମ୍ ସିକାଇଦେବା ଲକ୍‌ମନ୍ ସିସ୍‌ମନର୍
 ସଞ୍ଜ ଦଦାପେଲା ଅଇତେରଇଲା । ୧୫ ଲକ୍‌ମନ୍ ଜେତେବେଲ୍ ଜିସୁ ତେଇ
 ଆଇବାଟା ଦେକ୍‌ଲା, ସାର୍‌ଦାରେ କାବା ଅଇଗାଲା ଆରି ଜିସୁକେ ଦୁକ୍
 ସୁକ୍ ପାତାର୍‌ବାକେ ତାର୍‌ଲଗେ ପାଲା ଅସି ଜୁଆର୍ କର୍‌ବାର୍ ଦାର୍‌ଲା ।
 ୧୬ ଜିସୁ ତାର୍ ସିସ୍‌ମନ୍କେ ପାତାର୍‌ଲା, “ତମେ ନିୟୁମ୍ ସିକାଇବା ଲକ୍, ମର୍
 ସିସ୍‌ମନର୍ ସଞ୍ଜ କାଇ ବିସଇନେଇ ଦଦାପେଲା ଅଇତେରଇଲାୟ୍?” ୧୭ ସେ
 ମାନ୍ ଲକ୍‌ମନର୍ ବିତ୍‌ରେଅନି ଗଟେକ୍ ଲକ୍ ଜିସୁକେ ଡାକି କଇଲା, “ଏ
 ଗୁରୁ, ମୁଇ ମର୍ ପିଲାକେ ନିକ କର୍‌ବାକେ ତମର୍ ଟାନେ ଆନିରଇଲି । ତାର୍
 ବିତ୍‌ରେ ଗଟେକ୍ କାରାପ୍ ଆତ୍‌ମା ପୁରିକରି ତାକେ କାତା ଅଇବାକେ ଦେଏ
 ନାଇ । ୧୮ ସେ କରାପ୍ ଆତ୍‌ମା ପିଲାକେ ଦାର୍‌ଲାବେଲେ, ତାକେ ମଡିକରି
 ଅଦ୍‌ରାଇଦେଲାନି ଆରି ତାର୍ ଟଣ୍ଡେଅନି ପେପୁଲ୍ ବାରଇଲାନି ଆରି ସେ
 ଦାତ୍ କାତର୍‌ସି । ଆରି ତାର୍ ଗାଗଡ୍ ସିଦା ଅଇଜାଇସି । ମୁଇ ତାର୍‌ତେଇ
 ଅନି କାରାପ୍ ଆତ୍‌ମାକେ ବାର୍‌କରାଇ କେଡିଦେବାଇ ବଲି ତମର୍ ସିସ୍‌ମନର୍
 ଲଗେ ଆନିରଇଲି । ମାତର୍ ତମର୍ ସିସ୍‌ମନ୍ ନାପାର୍‌ଲା ।” ୧୯ ଜିସୁ
 ସେମନ୍‌କେ କଇଲା, “ଏ ପର୍‌ମେସର୍‌କେ ବିସ୍‌ବାୟ୍ ନ ରଇବା ଆଜିକାଲିର୍
 ଲକ୍‌ମନ୍, ତମେ ବିସ୍‌ବାୟ୍ କର୍‌ବାକେ ଆରି କେତେ ଦିନ୍ ମୁଇ ତମର୍ ସଞ୍ଜ
 ରଇବାର୍ ଆତେ? ଆରି କେତେଦିନ୍ ମୁଇ ସାଆୟ୍ ଦାରି ତମର୍ ସଞ୍ଜ ରଇବାର୍
 ଆତେ? ସେ ପିଲାକେ ମର୍‌ଲଗେ ଆନା ।” ୨୦ ଆରି ଲକ୍‌ମନ୍ ସେ ପିଲାକେ
 ଜିସୁରଲଗେ ଆନ୍‌ଲା । ସେ କରାପ୍ ଆତ୍‌ମା ଜିସୁକେ ଦେକ୍‌ଲା ଦାପ୍‌ରେ
 ପିଲାକେ ତଲେ ମଡିକରି ଅଦ୍‌ରାଇଲା । ଆରି ଗୁଣ୍ଡୁଲି ଗୁଣ୍ଡୁଲି କରି ତାର୍
 ଟଣ୍ଡେଅନି ପେପୁଲ୍ ବାରଇ ଜାଇତେରଇଲା । ୨୧ ଜିସୁ ସେ ପିଲାର୍ ବାବାକେ
 ପାତାର୍‌ଲା, “ଏ ପିଲା ଏନ୍ତି ଅଇ କେତେଦିନ୍ ଅଇଲା?” ପିଲାର୍ ବାବା କଇଲା,
 “ସାନ୍‌ବେଲେଅନି” ବଲି । ୨୨ ଆରି ସେ କଇଲା, “ସେ କାରାପ୍ ଆତ୍‌ମା
 ପିଲାକେ ମରାଇବାକେ ବେସିତର୍ ପାନିଟାନେ ଆରି ଜଇଟାନେ ମଡିକରି
 ଅଦ୍‌ରାଇ ଆତେ । ମାତର୍ ତୁଇ ଜଦି କାଇଟା କର୍‌ବାକେ ପାରୁସ୍ ବଇଲେ
 ଆମର୍ ପାଇ ଦୟାକରି ସାଇଜ କର୍ ।” ୨୩ ଜିସୁ ତାକେ କଇଲା, “କାଇକେ
 ଜଦି ପାରୁସ୍ ବଇଲେ ନିମାନ୍ କର୍ ବଲିକରି କଇଲୁସ୍‌ନି? କାଇକେବଇଲେ
 ପର୍‌ମେସର୍‌କେ ବିସ୍‌ବାୟ୍ କର୍‌ବା ଲକ୍‌ମନର୍ ତେଇ ସବୁ ଅଇସି ।” ୨୪

ସେ ଦାଫରେ ପିଲାଟି ବାବା ଆଉଲିଆଙ୍କର, “ମୁଁ ବିସ୍‌ବାସ୍ କଲିନି, ଆରି
 ଅଦିକ୍ ବିସ୍‌ବାସ୍ କରବାକେ ମକେ ସାଇଜ୍ କର୍ ।” ବଲିକରି କଇଲା ।
 ୨୫ ଏ ଗର୍ନାର୍ କାମ୍ ଦେକବାକେ ଲକ୍‌ମନ୍ ଏକାତରେ ପାଲାଆଇବାଟା
 ଜିସୁ ଦେକିକରି ସେ କାରାପ୍ ଆଡ଼ମାକେ ଦମ୍‌କାଇକରି କଇଲା, “ଏ କରାପ୍
 ଆଡ଼ମା, ତୁଇ ଏ ପିଲାକେ ଗୁଲା ଆରି ବଇରା କରାଇଆରୁସ୍ । ଏ ପିଲାଟି
 ଗାଗ୍‌ଡେଅନି ବାରଇ ଉଟିଜା ଆରି କେବେ ମିସା ତାର୍ ଗାଗ୍‌ଡେ ନ ପୁର୍,
 ବଲି ମୁଇ ତକେ ଆଦେସ୍ ଦେଲିନି ।” ୨୬ ଆରି କାରାପ୍ ଆଡ଼ମା ବେସି
 ଆଉଲିଆଙ୍କରି ପିଲାକେ ମଡ଼ିକରି ଅଦରାଇ, ତାର୍‌ଟାନେଅନି ବାରଇଗାଲା
 । ଆରି ପିଲା ମରିଗାଲା ଲକ୍‌ମନ୍ ପାରା ଡିସ୍‌ଲା, ଏନ୍ତିକି କେତେକ୍ ଲକ୍‌ମନ୍
 “ସେ ମରିଗାଲା ।” ବଲିକରି କଇଲା । ୨୭ ମାତର୍ ଜିସୁ ସେ ପିଲାକେ
 ଆଡେଦାରି ଉଟାଇକରି ତାକେ ଟିଆ କରାଇଲାକେ ସେ ଟିଆଅଇଲା । ୨୮
 ଜିସୁ ଆରି ତାର୍ ସିସ୍‌ମନ୍ ଗଟେକ୍ ଗର୍ ବିତ୍‌ରେ ଗାଲାପଡେ, ଲକ୍‌ମନ୍
 କେ ନଇଲାବେଲେ ତାକେ ପାଟାର୍‌ଲା, “ଆମେ କାଇକେ ସେ କାରାପ୍
 ଆଡ଼ମାକେ କେଦି ନାପାର୍‌ଲୁ?” ୨୯ ଏ କାତା ସୁନି ଜିସୁ ସେମନ୍‌କେ କଇଲା,
 “ଏନ୍ତାରି କାରାପ୍ ଆଡ଼ମା ପର୍‌ମେସ୍‌ରେକ୍ ପାର୍‌ତନା କରିସେ କେଦ୍‌ବାର୍
 ଅଇସି, ଆରି କାଇ ବାଟ୍ ନାଇ ।” ୩୦ ତାର୍‌ପଡେ ଜିସୁ ଆରି ତାର୍ ସିସ୍‌ମନ୍
 ସେ ଜାଗା ଚାଡ଼ିକରି ଉଟିଗାଲା । ସେମନ୍ ଗାଲିଲି ଦେସର୍ ବାଟ୍‌ଦଇକରି
 ଜାଇତେରଇଲା । ସେମନ୍ କନ୍ ଜାଗାଇ ଆତଡ୍ ବଲିକରି ଲକ୍‌ମନ୍ ନ
 ଜାନଡ୍ ବଲି ଜିସୁ ମନ୍ କର୍‌ତେରଇଲା ୩୧ କାଇକେବଇଲେ ସେ ତାର୍
 ସିସ୍‌ମନ୍‌କେ ସିକାଇ ଦେବାକେ ମନ୍ କର୍‌ତେରଇଲା । ଜିସୁ ତାର୍ ସିସ୍‌ମନ୍‌କେ
 କଇଲା, “ସଡ୍ ପର୍‌ମେସ୍‌ରର୍ ଟାନେଅନି ଆସିରଇବା ନର୍‌ପିଲା ମକେ,
 ଲକ୍‌ମନ୍‌ ଆଡେ ସର୍‌ପି ଦେବାଇ ଆରି ସେମନ୍ ମକେ ମରାଇଦେବାଇ ।
 ମାତର୍ ମୁଇ ମରିକରି ତିନ୍‌ଦିନ୍ ଗାଲାପଡେ ଆରି ତରେକ୍ ମଲାଟାନେଅନି
 ଜିବନ୍ ଅଇ ଉଟ୍‌ବି ।” ୩୨ ମାତର୍ ଜିସୁ କଇବା ଏ କାତାର୍ ଅରଡ୍ ସିସ୍‌ମନ୍
 ବୁଜଡ୍ ନାଇ ଆରି ସେମନ୍ ସେ କାତାର୍ ଅରଡ୍ ପାଟାର୍‌ବାକେ ତରୁଲା ।
 ୩୩ ଜିସୁ ଆରି ତାର୍ ସିସ୍‌ମନ୍ କପର୍‌ନାଉମେ ଆଇଲା ଆରି ସେମନ୍ ଗର୍
 ବିତ୍‌ରେ ଗାଲା । ତାର୍‌ପଡେ ଜିସୁ ସେମନ୍‌କେ ପାଟାର୍‌ଲା, “ତମେ ବାଟେ
 କନ୍ ବିସଇନେଇ ଦଦାପେଲା ଅଇତେରଇଲାସ୍?” ୩୪ ମାତର୍ ତାର୍ ସିସ୍‌ମନ୍
 ତିମ୍‌ରା ଅଇଦେଲା । କାଇକେବଇଲେ ସେମନ୍ ବାଟେ, ଆମର୍ ବିତ୍‌ରେ

ସବୁରଟାନେଅନି କେ ବଡ଼ ବଲି ଦଦାପେଲା ଅଇତେରଇଲା । ୩୫ ଜିସୁ
 ବସ୍ତା ଆରି ତାର୍ ବାର୍ଟା ସିସ୍ତମ୍ନକେ ତାର୍ଲଗେ ତାକାଇ ସେମନ୍କେ
 କଇଲା, “ଜଦି କେ ମୁକିଆ ଅଇବାକେ ମନ୍ କଲେ, ସେ ସବୁରଟାନେଅନି
 ସାନ୍ ଅଇବାର୍ ଆଚେ, ଆରି ସବୁଲକର୍ ସେବା କର୍ବାର୍ ଆଚେ ।” ୩୬
 ତାର୍ପଚେ ଜିସୁ ଗଟେକ୍ ସାନ୍ଟା ପିଲାକେ ନେଇକରି ସେମନ୍ତ ମୁଆଟେ
 ଚିଆ କରାଇ ସେମନ୍କେ କଇଲା, ୩୭ “କେ କେ ମର୍ ଲାଗି ଏନ୍ତାରି ଗଟେକ୍
 ସାନ୍ଟା ପିଲାକେ ନାମ୍ବାଇ, ସେମନ୍ ମକେ ନାମ୍ଲାଇନି, ଆରି କେ କେ
 ମକେ ନାମ୍ଲାଇନି, ସେମନ୍ ମକେ ନାଇ, ମାତର୍ ମକେ ପାଟାଇରଇବା
 ମର୍ ବାବାକେ ନାମ୍ଲାଇନି ।” ୩୮ ଜଅନ୍ ଜିସୁକେ କଇଲା, “ଏ ଗୁରୁ,
 ଗଟେକ୍ ଲକ୍ ତର୍ନାଉଁ ଦାରି ଲକ୍ମନଟାନେଅନି କାରାପ୍ ଆତ୍ମାକେ
 ବାର୍କରାଇ କେଦିଦେବାଟା ଆମେ ଦେକିକରି, ତାକେ ସେନ୍ତି ନ କର୍ ବଲି
 କଇଲୁ, କାଇକେବଇଲେ ସେ ଆମର୍ ନିଜର୍ ଲକ୍ ନଏଁ ।” ୩୯ ମାତର୍
 ଜିସୁ କଇଲା, “ତାକେ ଏନ୍ତି ନ କର୍ ବଲି ତେବାଆ ନାଇ କାଇକେବଇଲେ,
 ମର୍ ନାଉଁର୍ ବପୁ ପାଇକରି କାବା ଅଇଜିବା କାମ୍ମନ୍ କରପାର୍ବା ଲକ୍,
 ମର୍ ବିରୁଦେ କାରାପ୍ କାତା ନ କଏ । ୪୦ କାଇକେବଇଲେ ଜେ ଆମ୍କେ
 ବିରଦ୍ ନ କରେ, ସେ ଆମର୍ ନିଜର୍ ଲକ୍ । ୪୧ ଆରି ମୁଇ ତମ୍କେ ସଦ୍
 କଇଲିନି, କେ ତମ୍କେ ମର୍ନାଉଁ ଦାରି ଗଟେକ୍ ଗିଲାସ୍ ପାନି କାଇବାକେ
 ଦେଇସିବଇଲେ, ସେଟାର୍ପାଇ ସତ୍ସେ ତାକେ ପୁରୁସ୍କାର୍ ମିଲ୍ସି ।” ୪୨
 ଜିସୁ କଇବାର୍ ଦାର୍ଲା “ଜଦି କେ ମର୍ତେଇ ବିସ୍ବାସ୍ କରିରଇବା ଗଟେକ୍
 ଲକ୍କେ, ସେ କରିରଇବା ବିସ୍ବାସ୍ ତାଡିଦେବାକେ ପାପ୍କାମ୍ କରାଇଲାଇନି
 ବଇଲେ, ସେ ଲକ୍ ଗାଲାଇ ଜତା ପାକ୍ନା ବାନ୍ଧିକରି ତାକେ ସମ୍ତୁରେ
 ପିଢ଼ିଦେବାଟା ତାର୍ପାଇ ନିକ ଅଇତା । ୪୩ ଜଦି ତମ୍ମର୍ ଆତ୍ ତମ୍କେ ପାପ୍
 କରାଇଲାନି ବଇଲେ, ସେ ଆତ୍ କାଟିପାକାଆ । କାଇକେବଇଲେ ଜଡେକ୍
 ଆତ୍ ରଇକରି ସବୁଦିନର୍ପାଇ ଜଇଲାଗ୍ବା ନର୍କେ ପେଲାଅଇବା ବାଦୁଲେ
 ଗଟେକ୍ ଆତ୍ ନ ରଇକରି ସର୍ଗେ କେଟ୍ବାଟା ନିକ ଅଇସି । (Geenna
 g1067) ୪୪ କାଇକେବଇଲେ ନର୍କେ ସେମନ୍ତ କିତା ନସ୍ତ ନ ଅଅତ୍ ଆରି
 ଜଇ ନ ଲିବେ । ୪୫ ଜଦି ତମ୍ମର୍ ପାତ୍ ତମ୍କେ ପାପ୍କାମ୍ କରାଇଲାନି
 ବଇଲେ, ସେ ପାତ୍ କାଟି ପିଢ଼ିଆସ୍ । ଜଡେକ୍ ପାତ୍ ରଇକରି ନର୍କେ
 ପେଲାଅଇବା ବାଦୁଲେ ତଟା ଅଇକରି ସର୍ଗେ କେଟ୍ବାଟା ତମ୍ମର୍ପାଇ

ନିକଅଇସି । (Geenna g1067) ୪୭ କାଇକେବଇଲେ ନର୍କେ ସେମନର୍ କିଡା ନସ୍ଟ ନ ଅଅଡ୍ ଆରି ଜଇ ନ ଲିବେ । ୪୭ ଜଦି ତମର୍ ଆଁକିର୍ ଲାଗି ତମେ ବିସ୍ବାସ୍ ଆରାଇଲାସ୍ନି ବଇଲେ, ସେ ଆଁକି ବେଟି ପିଢ଼ୁଦିଆସ୍ । କାଇକେବଇଲେ ଜଡେକ୍ ଆଁକି ରଇ ନର୍କେ ପେଲାଅଇବା ବାଦୁଲେ, ଗଟେକ୍ ଆଁକି ରଇକରି ସରଗ୍ ରାଇଜେ କେଟ୍‌ବାଟା ତମର୍ପାଇ ନିକରଇସି ।

(Geenna g1067) ୪୮ କାଇକେବଇଲେ ନର୍କେ ସେମନର୍ କିଡା ନସ୍ଟ ନ ଅଅଡ୍ ଆରି ଜଇ ନ ଲିବେ ।” ୪୯ “ଜେନ୍ତିକି ସୁନା ଜଇଟାମେ ପଡାଇକରି ନିର୍ମଲ୍ କଲାପାରା ସବୁ ଲକ୍‌ମନ୍‌କେ ଜଇସଞ୍ଜୁ ନିର୍ମଲ୍ କର୍‌ବାଇ ।” ୫୦ “ନୁନ୍ ଗଟେକ୍ ନିମାନ୍ ଜିନିସ୍ । ମାତର୍ ନୁନ୍ ଜଦି ତାର୍ କରିଆ ଅଇବାଟା ଆରାଇସି ବଇଲେ ସେ ଆରି ତରେକ୍ କେନ୍‌ତାର୍ କରିଆ ଅଇପାର୍‌ସି? ତମେ ନୁନ୍ ପାରା ନିମାନ୍ ଗୁନେ ପୁରାପୁରୁନ୍ ଅଇ ସବୁଲକ୍‌ମନର୍ ସଞ୍ଜୁ ମିସି ବିଡି କରି ସୁଆଲେ ରୁଆ” ବଲି କଇଲା ।

୧୦ ତାର୍‌ପତେ ଜିସୁ ସେ ଜାଗା ଚାଡିକରି ଜିଉଦା ରାଇଜର୍ ସନ୍ତି ଆରି ଜର୍‌ଦନର୍ ଆରି ଗଟେକ୍ ବାଟେ ଆଇଲା । ଆରି ସବୁ ବେଲାର୍ ପାରା ଲକ୍‌ମନ୍ ତାର୍ ଲଗେ ରୁଣ୍ଡୁଲାଇ । ଆରି ଜିସୁ ସେମନ୍‌କେ ପର୍‌ମେସରର୍ କାତା ସିକାଇଦେଲା । ୨ କେତେଟା ପାରୁସିମନ୍ ଜିସୁରୁ ଲଗେ ଆସିକରି ତାକେ ବୁଲ୍ ଦାର୍‌ବାକେ ଏନ୍ତାରି ପର୍‌ସନ୍ ପାଟାର୍‌ଲାଇ । “ଗଟେକ୍ ମୁନୁସ୍ ତାର୍ ମାଇଜିକେ ଚାଡିଦେବାଟା ଆମର୍ ନିୟମେ ଆତେ କି?” ୩ ଜିସୁ ସେମନ୍‌କେ କଇଲା, “ମସା ତମ୍‌କେ କାଇ ଆଦେସ୍ ଦେଲା ଆତେ?” ୪ ସେମନ୍ କଇଲା, “ଗଟେକ୍ ମୁନୁସ୍ ତାର୍ ମାଇଜିକେ ଚାଡିଦେବାର୍ ରାଜିନାମା ପତର୍ ଲେକି ତାକେ ଦେଲାପତେ ତାକେ ପାଟାଇଦେଇ ଅଇସି ବଲି ମସା କଇଲା ଆତେ ।” ୫ ଜିସୁ ସେମନ୍‌କେ କଇଲା, “ମସା କାଇକେ ଏନ୍ତି ଲେକିରଇଲା ବଇଲେ, ତମର୍ ମନ୍‌ବିତ୍‌ରର୍ ବୁଜ୍‌ବା ବପୁ ତାଟ୍ ରଇଲାଟା ଦେକିକରି ସେ, ଏ ଆଦେସ୍ ଲେକିଦେଲା ଆତେ । ୬ ଜେନ୍ତି ସାସ୍‌ତର୍ କଇଲାନି, ପର୍‌ମେସର୍ ଜେଡେବେଲେ ଏ ଦୁନିଆ ତିଆର୍କଲା, ସେବେଲେ ସେ ମାଇଜିମୁନୁସ୍ କରି ତିଆର୍କଲା ଆତେ । ୭ ସେଟାର୍‌ପାଇ ଗଟେକ୍ ମୁନୁସ୍ ତାର୍ ବାବା ମାକେ ଚାଡିକରି ତାର୍ ମାଇଜି ସଞ୍ଜୁ ମିସି । ୮ ସେ ଦୁଇଲକ୍ ଗଟେକ୍ ଅଇବାଇ, ଆରି ସେମନ୍ ଦୁଇଲକ୍ ଇସାବେ ନ ରଅଡ୍, ମାତର୍ ଗଟେକ୍ ଲକ୍ ଇସାବେ ରଇବାଇ । ୯ ସେଟାର୍‌ପାଇ ପର୍‌ମେସର୍ ଜନ୍

ଦୁଇଲକ୍ଷକେ ମିସାଇଆରେ, କେ ମିସା ସେମନ୍‌କେ ବିନେ ନ ବେଗ୍‌ଲାଅଡ୍
 ।” ୧୦ ଜିସୁ ଆରି ତାର୍ ସିସ୍‌ମନ୍ ଗରେ ବାଉଡ଼ିଗାଲା ପଡେ, ସିସ୍‌ମନ୍
 ଆରିତରେକ୍ ଏ ବିସଇ ତାକେ ପାଚାରୁଲା । ୧୧ ଜିସୁ ସେମନ୍‌କେ କଇଲା,
 “ଗଟେକ୍ ମନସ୍ ତାର୍ ମାଇଜିକେ ଚାଡ୍‌ପତର୍ ଦେଇ ବିନ୍ ମାଇଜିକେ ବିବା
 ଅଇସି ବଇଲେ, ସେ ମନସ୍ ପର୍ତୁମ୍ ମାଇଜିର୍ ବିରୁଦେ ପାଦ୍‌ରା କାମ୍
 କଲାନ୍ତି । ୧୨ ଆରି ସେନ୍ତି ସେ ଜନ୍ ମାଇଜିଟକି ତାର୍ ମୁନୁସ୍‌କେ ଚାଡ୍ ପତର୍
 ଦେଇ, ବିନ୍ ମୁନୁସ୍‌କେ ବିବା ଅଇସି ବଇଲେ ସେ ମିସା ପର୍ତୁମ୍ ମନସ୍
 ବିରୁଦେ ପାଦ୍‌ରି କାମ୍ କଲାନ୍ତି ।” ବଲିକରି କଇଲା । ୧୩ ଗଟେକ୍ ଦିନ୍
 କେଡେକ୍ ଲକ୍‌ମନ୍ ତାକର୍ ପିଲାଟକିମନ୍‌କେ ଜିସୁ ଆଡ୍ ସଞ୍ଜୁଇ ଆସିର୍‌ବାଦ୍
 କର ବଲି ତାରୁଲଗେ ଆନ୍‌ଲାଇ । ମାତର୍ ତାର୍ ସିସ୍‌ମନ୍ ଲକ୍‌ମନ୍‌କେ,
 ଦମ୍‌କାଲାଇ । ୧୪ ଜିସୁ ଏଟା ଦେକି ବେସି ରିସାଅଇ ସିସ୍‌ମନ୍‌କେ କଇଲା,
 “ସାନ୍ ପିଲାମନ୍‌କେ ମର୍ ଲଗେ ଆଇବାକେ ବାଟ୍ ଦିଆସ୍, ସେମନ୍‌କେ ମନା
 କରାନାଇ । କାଇକେବଇଲେ ପର୍ମେସର୍‌ର ରାଇଜ୍ ଏନ୍ତି ପିଲାଟକିମନ୍‌ର
 ପାରା ରଇବା ଲକ୍‌ମନ୍‌ର ପାଇସେ । ୧୫ ମୁଇ ତମ୍‌କେ ସଡ୍ କାତା କଇଲିନ୍ତି,
 କେ ମିସା ଗଟେକ୍ ସାନ୍ ପିଲାର୍ ପାରା ନ ଅଇ, ପର୍ମେସର୍‌ର ରାଇଜ୍ ନ
 ନାମଡ୍, ସେମନ୍ କେବେ ମିସା ତାର୍ ରାଇଜେ କେଟି ନାପାରଡ୍ ।” ୧୬
 ତାର୍‌ପଡେ ଜିସୁ ସାନ୍ ସାନ୍ ପିଲାଟକିମନ୍‌କେ ଉଁତାରି ତାକର୍ ମୁଣ୍ଡେ ଚିକକରି
 ଆସିର୍‌ବାଦ୍ କଲା । ୧୭ ଜିସୁ ଆରି ତାର୍ ସିସ୍‌ମନ୍ ତେଇଅନ୍ତି ବାରଇ
 ଜିବାବେଲେ ବାଟେ ଗଟେକ୍ ଲକ୍ ପାଲାଇ ଆସି ତାର୍ ଲଗେ କେଟ୍‌ଲା ଆରି
 ତାର୍ ମୁଆଟେ ମାଣ୍ଡିକୁଟା ଦେଇ ପାଚାରୁଲା, “ଏ ନିମାନ୍ ଗୁରୁ, ନ ସାର୍‌ବା
 ଜିବନ୍ ମିଲାଇବାକେ ଆଲେ ମୁଇ କାଇଟା କର୍‌ବାର୍ ଆଟେ?” (aiōnios
 g166) ୧୮ ଜିସୁ ତାକେ କଇଲା, “ତୁଇ ମକେ କାଇକେ ନିମାନ୍ ଲକ୍ ବଲି
 କଇଲୁସ୍‌ନି? କାଇକେବଇଲେ ପର୍ମେସର୍‌କେ ଚାଡିକରି ଆରି ବିନ୍‌ଟା କେ
 ମିସା ନିମାନ୍ ଲକ୍ ନାଇ । ୧୯ ଆରି ତୁଇ ନିଅମ୍‌ତା ଜାନିଆରୁସ୍, ମାର୍‌ବାର୍
 ନାଇ, ପାଦ୍‌ରାପାଦ୍‌ରି କାମ୍ କର୍‌ବାର୍ ନାଇ, ଚର୍ କାମ୍ କର୍‌ବାର୍ ନାଇ, ମିର୍
 ସାକି ଦେବାର୍ ନାଇ, ଆୟ୍‌ ବାବାକେ ସନ୍‌ମାନ୍ ଦିଆସ୍ ।” ବଲି କଇଲା । ୨୦
 ସେ ଲକ୍ ଜିସୁକେ କଇଲା, “ଏ ଗୁରୁ, ମୁଇତା ଏସବୁ ଆଦେସ୍ ସାନ୍ ବେଲେ
 ଅନ୍ତି ମାନ୍‌ଲିନ୍ତି ।” ୨୧ ଜିସୁ ତାକେ ନିକକରି ଦେକ୍‌ଲା ଆରି ତାକେ ଆଲାଦ୍
 କରି କଇଲା, “ତୁଇ ଏବେ ମିସା ଗଟେକ୍ ବିସଇତେଇ ଉନା ଆରୁସ୍ । ତୁଇ

ଜାଇ ତରୁ ଦନ୍‌ସପତି ବିକି, ସେ ତାରୁ ଗରିବ୍ ଲକ୍‌ମନ୍‌କେ ବାଟାକରି ଦେସ୍,
 ତୁଇ ସର୍‌ଗେ ଦନ୍ ପାଇସୁ । ଏନ୍ତିକରି ମର୍ ପତେ ପତେ ଆଉ ।” ବଲିକରି
 କଇଲା । ୨୨ ଜିସୁ କଇଲା ଏ କାତା ସୁନିକରି ସେ ଲକ୍ ମୁ ସୁକାଇ କରି,
 ଗରେ ଉଟିଗାଲା । କାଇକେବଇଲେ ସେଲକ୍ ବେସି ସାଉକାର୍ ରଇଲା । ୨୩
 ଜିସୁ ଚାରିବେଡ୍‌ତି ଦେକିକରି ସିସ୍‌ମନ୍‌କେ କଇଲା, “ସାଉକାର୍ ଲକ୍‌ମନ୍
 ପର୍‌ମେସରର୍ ରାଇଜେ ଜିବାଟା ବେସି କସ୍‌ଟ ଆତେ ।” ୨୪ ଜିସୁର୍ କାତା
 ସୁନିକରି ସିସ୍‌ମନ୍ କାବା ଅଇଗାଲା । ମାତର୍ ଜିସୁ ସେମନ୍‌କେ ଆରିତରେକ୍
 କଇଲା, “ଏ ମର୍ ପିଲାମନ୍ ପର୍‌ମେସରର୍ ରାଇଜେ ଜିବାଟା ଲକ୍‌ମନ୍‌କେ
 କେଡେକ୍ କସ୍‌ଟ! ୨୫ ଜେନ୍ତି ଗଟେକ୍ ବଡ୍ ଜର୍ଡ୍ ସୁଜି ବାଟେ ଚିଢ୍ଫୁଲି ଜିବାକେ
 କସ୍‌ଟ, ସାଉକାର୍ ଲକ୍ ପର୍‌ମେସରର୍ ରାଇଜେ କେଟ୍‌ବାଟା ତାର୍‌ତେଇଅନି
 ଅଦିକ୍ କସ୍‌ଟ ।” ୨୬ ସିସ୍‌ମନ୍ ଆରିତରେକ୍ ବେସି କାବା ଅଇଗାଲା ଆରି
 ନିଜର୍ ନିଜର୍ ବିତ୍‌ରେ କାତା ଅଇଲା, “ଏନ୍ତି ବଇଲେ କେ ତେବେ ରକିଆ
 ପାଇସି?” ୨୭ ଜିସୁ ସେମନ୍‌କେ ଦେକିକରି କଇଲା, “ଏ ବିସଇ ଲକ୍‌ମନ୍‌ର
 ଟାନେ ଅଇନାପାରେ, ମାତର୍ ପର୍‌ମେସରର୍ ଟାନେ ସବୁଟା ଅଇପାର୍‌ସି ।”
 ୨୮ ପିତର୍ ଜିସୁକେ କଇଲା, “ଦେକା ଆମେ ଆମର୍ ସବୁ ଚାଡିଦେଇ ତମର୍
 ସଢ୍ଫୁ ଆଇଲୁଆରୁ ।” ୨୯ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସର୍ କାତା
 କଇଲିନି, ଜେ ମର୍ ସଢ୍ଫୁ ଆଇବାକେ ଆରି ପର୍‌ମେସରର୍ ନିମାନ୍ କାତା
 ଜାନାଇବାକେ ଗର୍ ଦୁଆର୍, ବାଇ ବଇନି, ମା ବାବା, ପିଲାଟକି ଆରି ଜମିବାଡି
 ଚାଡିକରି ଆତେ, ୩୦ ସେ ସର୍‌ସେ, ନିଜର୍ ଚାଡିରଇଲା ସବୁ ବିସଇତେଇଅନି
 ସଏ ବାଗ୍ ଅଦିକ୍ ଏ ଜୁଗେ ପାଇସି । ଗର୍ ଦୁଆର୍, ବାଇ ବଇନି, ମାଆ ବାବା,
 ପିଲାଟକି ଆରି ଜମିବାଡି ଏ ସବୁ ଦିନ୍‌ସୁ ଅଦିକ୍ ପାଇସି ଆରି ତାର୍ ସଢ୍ଫୁ
 ଗେଞ୍ଜୁନା ମିସା ପାଇସି । ମାତର୍ ଆଇବା ଜୁଗେ ପର୍‌ମେସରର୍ ରାଇଜେ, ସେ
 ନ ସାର୍‌ବା ଜିବନ୍ ପାଇସି । (aiōn g165, aiōnios g166) ୩୧ ମାତର୍ ଜନ୍
 ଲକ୍‌ମନ୍ ଆଗ୍‌ତୁ ଅଇତେରଇବାଇ, ସେମନ୍ ପତେ ରଇବାଇ । ଆରି କେ କେ
 ପତେ ରଇବାଇ, ସେମନ୍ ଆଗ୍‌ତୁ ରଇବାଇ ।” ୩୨ ସେମନ୍ ଜିରୁସାଲମେ
 ଗାଲାବେଲେ, ଜିସୁ ସେମନ୍‌ର ଆଗ୍‌ତୁ ଆଗ୍‌ତୁ ଜାଇତେ ରଇଲା । ସେବେଲା
 ସିସ୍‌ମନ୍ କାବାଅଇଜାଇତେ ରଇଲା । ଆରି ଜିସୁର୍ ପତେ ପତେ ଜିବା
 ଲକ୍‌ମନ୍ ସବୁ ସେ ଜିରୁସାଲମେ ଗାଲାନି ବଲି ଡରିଜାଇତେ ରଇଲା ।
 ଜିସୁ ତାର୍ ବାର୍‌ଟା ସିସ୍‌ମନ୍‌କେ ବିନେ ଡାକିନେଇକରି ନିଜ୍‌କେ କାଇକାଇଟା

ଅଇସି, ସେ ବିସଇ କଇବାର୍ ଦାର୍ଲା । ୩୩ ଜିସୁ ତାର୍ ସିସ୍‌ମନ୍‌କେ
 କଇଲା, “ସୁନା ଆମେ ଜିରୁସାଲମେ ଗାଲୁନି । ତେଇ ପର୍‌ମେସରର୍‌ଟାନେଅନି
 ଆସିରଇବା ନର୍‌ପିଲା, ମକେ ବିସ୍‌ବାସେ ବିସ୍ ଦେଲାପାରା କରି ମୁକିଅ
 ପୁଜାରିମନ୍ ଆରି ନିୟ୍‌ମ୍ ସିକାଇ ଦେବା ଲକ୍‌ମନ୍‌କେ ସର୍‌ପି ଦେବାଇ ।
 ସେମନ୍ ମକେ କିଜାଇକରି ବିଚାର୍ କରି ‘ଆକେ ମରାଇବାର୍ ଆଚେ ।’ ବଲି
 ରମିୟ୍ ଲକ୍‌ମନ୍‌କେ ସର୍‌ପି ଦେବାଇ । ୩୪ ସେମନ୍ ମକେ ଟାପ୍‌ରା କର୍‌ବାଇ,
 ମର୍ ଉପ୍‌ରେ ତୁକ୍‌ବାଇ । ମକେ କର୍‌ତା ସଞ୍ଜ୍ ମାର୍‌ବାଇ, ଆରି ସାରାସାରି
 ମରାଇବାଇ । ମାତର୍ ମରିକରି ତିନ୍‌ଦିନ୍ ଗାଲାପଚେ, ମୁଇ ଆରି ତରେକ୍
 ମଲାଟାନେଅନି ଉର୍‌ବି ।” ୩୫ ଜେବଦି ନାଉଁର୍ ଗଟେକ୍ ଲକର୍ ପିଲାମନ୍
 ଜାକୁବ୍ ଆରି ଜଅନ୍ ଜିସୁର୍‌ତେଇ ଆସି ତାକେ କଇଲାଇ, “ଏ ଗୁରୁ, ଆମେ
 ତର୍‌ତେଇ ଜାଇଟା ମାଞ୍ଜୁରୁ ତୁଇ ସେଟା କର୍ ବଲି ଆମେ ମନ୍ କଲୁନି ।” ୩୬
 ଜିସୁ ପାଚାର୍ଲା, “ମୁଇ ତମର୍ ପାଇ କାଇଟା କର୍‌ବି ବଲି ମନ୍ କଲାସ୍‌ନି?”
 ୩୭ ସେମନ୍ ଜିସୁକେ କଇଲାଇ, “ତୁଇ ତର୍ ତାକ୍‌ପୁଟା ପାଇବା ବସ୍‌ବା ଜାଗାଇ
 ବସ୍‌ଲା ବେଲେ ଆମର୍ ଦୁଇଲକର୍ ବିତ୍‌ରେ ଅନି ଗଟେକ୍ ଲକ୍‌କେ ତର୍ ଉଜା
 ବାଟେ ଆରି ଗଟେକ୍ ଲକ୍‌କେ ତେବ୍‌ରି ବାଟେ ବସାଅ ବଲି ମନ୍ କଲୁନି ।”
 ୩୮ ଜିସୁ ସେମନ୍‌କେ କଇଲା, “ତମେ କାଇ ବିସଇ ମାଞ୍ଜୁଲାସ୍‌ନି ସେ ବିସଇ
 ନାଜାନାସ୍ । ମକେ ଜନ୍ ମୁତାଇ ଦୁକ୍‌କସ୍‌ଟ ପାଇବାକେ ଆଚେ, ସେ ମୁତାର୍
 ଦୁକ୍‌କସ୍‌ଟ ପାଇପାରାସ୍ କି? ଆରି ମୁଇ ଜନ୍ ତୁବନ୍ ନେବାର୍ ଆଚେ, ସେ
 ତୁବନ୍ ନେଇ ପାରାସ୍ କି?” ୩୯ ସେମନ୍ ଜିସୁକେ କଇଲାଇ, “ଉଁ ଆମେ
 ପାର୍‌ବୁ ।” ଜିସୁ ସେମନ୍‌କେ କଇଲା, “ଏଟା ସତ୍‌ସେ । ମୁଇ ଜନ୍ ମୁତାର୍
 ଦୁକ୍‌କସ୍‌ଟ ପାଇବି ଆରି ଜନ୍ ତୁବନ୍ ନେବି ତମେମିସା ସେ ମୁତାର୍ ଦୁକ୍‌
 କସ୍‌ଟ ଆରି ତୁବନ୍ ପାଇସା । ୪୦ ମାତର୍ ମର୍ ଉଜାବାଟେ କି ତେବ୍‌ରିବାଟେ
 ବସ୍‌ବାକେ ଦେବାର୍, ମର୍ ଅଦିକାର୍ ନାଇ, ମାତର୍ ମର୍ ବାବା ବାସ୍‌ସି ।” ୪୧
 ଜାକୁବ୍ ଆରି ଜଅନ୍ କଇଲା କାତା ବିନ୍ ସିସ୍‌ମନ୍ ଜେଡେବେଲ୍ ସୁନ୍‌ଲାଇ,
 ଜାକୁବ୍ ଆରି ଜଅନ୍‌କେ ବେସି ରିସା ଅଇଗାଲାଇ । ୪୨ ମାତର୍ ଜିସୁ ତାର୍
 ସିସ୍‌ମନ୍‌କେ ଗଟେକ୍‌ଟାନେ ତାକି କରି ସେମନ୍‌କେ କଇଲା, “ଏ ଦୁନିଆର୍
 ରାଜାମନ୍ ଆରି ନେତାମନ୍ ଲକ୍‌ମନ୍‌କେ ନିଜର୍ ଅଦିକାରେ ରକ୍‌ବାକେ ମନ୍
 କର୍‌ବାଇ । ଆରି ସର୍‌କାର୍ ମିସା ତାକର୍ ତଲେ ରଇଲା ଲକ୍‌ମନ୍‌କେ ନିଜର୍
 ଅଦିକାରେ ରକି ରଇବାକେ ମନ୍ କର୍‌ବାଇ । ଏ ବିସଇ ତମେ ଜାନିଆଟାସ୍ ।

୪୩ ମାତର ତମର ବିତ୍ରେ ଏନ୍ତି ନ ରଇକରି ବିନ୍ଦବାବେ ରଇବାରୁ ଆତେ ।
 ତମର ବିତ୍ରେଅନି କେ ବଡ଼ ଲକ୍ ପାରା ଦେକାଇଅଇବାକେ ମନ୍ କଲାନି
 ବଇଲେ, ସେ ତମର ସବୁ ଲକର ଗଟେକ୍ ଗତିଦାଢ଼ୁଡ଼ା ପାରା ରଅ । ୪୪ ଜଦି
 କେ ତମର ବିତ୍ରେ ଅନି ପର୍ମେସରର ମୁଆଟେ ମୁକିଅ ଲକ୍ ଅଇବାକେ ମନ୍
 କଲାନି ବଇଲେ, ସେ ଗଟେକ୍ ଗେନ୍ଲୀ ଗତିଦାଢ଼ୁଡ଼ା ପାରା ସେବା କର । ୪୫
 କାଇକେ ବଇଲେ ପର୍ମେସରଟାନେଅନି ଆସିରଇବା ନରପିଲା ମୁଇ, ବିନ୍
 ଲକ୍ମନରଟାନେଅନି ମକେ ସେବା ମିଲ ବଲି ଆସି ନାଇ, ମାତର ସେବା
 କରବାକେ ଆସି ଆତି । ଆରି ମୁଇ ଜିବନ୍ ଦେବାରୁ ଲାଗି, ବେସି ଲକ୍ ଦସି
 ବଲି ଏଜାଇ ନ ଅଇ, ପାପେଅନି ରକିଆ ପାଇବାଇ ।” ୪୬ ତାରପତେ ଜିସୁ
 ଆରି ତାର ସିସ୍ମନ୍ ଜିରିଅ ନାଉଁର୍ ଗତେ କେଟ୍ଲାଇ । ସେ ଗଡ଼ ତାଡ଼ିକରି
 ଗାଲାବେଲେ, ତିମାୟ ନାଉଁର୍ ଲକର ପିଲା ବାର୍ତିମୟ ବଲି ଗଟେକ୍ କାଣା
 ଲକ୍ ବାଟ୍ପାଲି ବସି ବିକ୍ ମାଢ଼ୁତେରଇଲା । ୪୭ ନାଜରିତର ଜିସୁ ଏବାଟେ
 ଆଇଲାନି ବଲି ସୁନି, ସେ ବେସି ଆଉଲି ଅଇକରି କଇଲା, “ଏ ଦାଉଦର ପଅ
 ଜିସୁ, ମକେ ଦୟାକରା!” ୪୮ ବେସି ଲକ୍ମନ୍ ତାକେ ଚିମ୍ଭରାଇଅଇ ରଇବାକେ
 କଇଲା, ମାତର ସେ କାଣାଲକ୍ ଅଦିକ୍ ଅଦିକ୍ ଆଉଲିଅଇକରି କଇଲା, “ଏ
 ଦାଉଦର ପଅ! ମକେ ଦୟା କରା ।” ୪୯ ଜିସୁ ତେବିକରି କଇଲା, “ତାକେ
 ମର ଲଗେ ଆଇବାକେ କୁଆ ।” ଲକ୍ମନ୍ କାଣାକେ ଡାକିକରି କଇଲା, “ସାଆସ୍
 ଦାରିକରି ଉଟ୍, ଜିସୁ ତକେ ଡାକ୍ଲାନି ।” ୫୦ କାଣା ଲକ୍ ତାର
 ଚାଦର ତେଇ ପିଢ଼ିଦେଇକରି ଚିକାଲ୍ନା ତେଗଇ ଉଟ୍ଲା ଆରି ଜିସୁର ଲଗେ
 ଗାଲା । ୫୧ ଜିସୁ ତାକେ ପାଚାରୁଲା “ମୁଇ ତରପାଇ କାଇଟା କରବି ବଲି
 ତୁଇ ମନ୍ କଲୁସ୍ନି?” ସେ କଇଲା, “ଏ ଗୁରୁ, ମୁଇ ଜେନ୍ତିକି ଦେକି ପାରବି
 ସେଟା ମନ୍ କଲିନି ।” ୫୨ ଜିସୁ ତାକେ କଇଲା, “ଜା, ତୁଇ ନିମାନ୍ ଅଇଜାଇ
 ଆରୁସ୍ । କାଇକେବଇଲେ ତୁଇ ମକେ ବିସ୍ବାସ୍ କରି ଆଁକି ଦେକି ପାରଲୁସ୍ନି
 ।” ସେଦାପ୍ରେସେ କାଣା ଆଁକି ଦେକି ବାଟେ ବାଟେ ଜିସୁର ପତେ ଜିବାର୍
 ଦାରୁଲା ।

୧୧ ଜିସୁ ଆରି ତାର ସିସ୍ମନ୍ ଜିରୁସାଲାମ୍ ଲଗାଲଗି ଅଇକରି ଜିଡ଼ ନାଉଁର୍
 ଡ଼ଢ଼ୁରଲଗେ ରଇଲା ବେଡ଼ପାଗି ଆରି ବେଡ଼ନିଆ ନାଉଁର୍ ଗାଏଁ କେଟ୍ଲାଇ ।
 ଜିସୁ ସିସ୍ମନର ବିତ୍ରେଅନି ଦୁଇଲକ୍କେ ଡାକିକରି ସେମନ୍କେ କଇଲା, ୨
 ତମେ ଆମର ମୁଆଟେ ରଇଲା ଗାଏଁ ଜା । ତମେ ଗାଉଁ ବିତ୍ରେ ଜିବାବେଲେ,

ଗଟେକ୍ ଗଦ ପିଲା ବାନ୍ଧିରଇଲାଟା ଦେକ୍‌ସା । ସେ ଗଦ ପିଲାର୍ ଉପରେ
 ଏବେଜାକ କେ ମିସା ଚଗଡ୍ ନାଇ । ତାକେ ମେଲିକରି ମରୁଲଗେ ଦାରିଆସା
 । ୩ ଜଦି କେ ତମ୍‌କେ କାଇକେ ମେଲିକରି ନେଲାସ୍‌ନି? ବଲି ପାଟାର୍‌ଲେ,
 ମାପ୍‌ରୁକେ ଦର୍କାର୍ ଆଚେ ଆରି ସେ ତମ୍‌କେ ଦାପ୍‌ରେସେ ବାଉଡାଇଦେଇସି
 । ବଲି ସେମନ୍ ଜିବା ଆଗ୍‌ତୁ ସେମନ୍‌କେ ପାଟାଇଦେଲା । ୪ ସେ ଗାଏଁ
 ଗାଲାଇ ଜେ ଗଟେକ୍ ଗରର୍ ତାଣ୍ଟୁର୍ ତିଆଗଡିଲଗେ ଗଦ ପିଲା ବାନ୍ଧିଅଇ
 ରଇଲାଟା ଦେକିକରି ତାକେ ଜାଇ ମେଲୁଲାଇ । ୫ ତେଇ ଟିଆଅଇରଇଲା
 କେତେଲକ୍‌ମନ୍ କଇଲାଇ, “ତମେ କାଇଟା କଲାସ୍‌ନି? ଆରି କାଇକେ
 ଏ ଗଦ ପିଲାକେ ମେଲୁଲାସ୍‌ନି?” ୬ ସେମନ୍‌କେ ଜିସୁ ଜେନ୍ତି କଇବାକେ
 କଇରଇଲା, ସେନ୍ତାରିସେ ସିସ୍‌ମନ୍ ଲକ୍‌ମନ୍‌କେ କଇଲାଇ । ତାର୍‌ପଚେ
 ସେ ଲକ୍‌ମନ୍ “ଗଦ ପିଲାକେ ନିଆ ।” ବଲି କଇଲାଇ । ୭ ସେମନ୍ ଗଦ
 ପିଲାକେ ଜିସୁର୍ ଲଗେ ଆନ୍‌ଲାଇ ଆରି ନିଜର୍ ନିଜର୍ ପଟିଆମନ୍ ଗଦ
 ପିଲାର୍ ପିଟି ଉପରେ ପାକାଇଲାଇ । ଆରି ଜିସୁ ଗଦ ଉପରେ ବସ୍‌ଲା । ୮
 ବେସି ଲକ୍‌ମନ୍ ଜିସୁକେ ସନ୍‌ମାନ୍ ଦେବାକେ ନିଜର୍ ନିଜର୍ ପଟିଆମନ୍ ବାଟେ
 ଅଚାଇଦେଲାଇ ଆରି ବିନ୍‌ଲକ୍‌ମନ୍ ଗଚର୍ ତାଲ୍‌ପଚର୍ ଆରି କେନ୍ତୁମନ୍
 କାଟିଆନିକରି ବାଟେ ଅଚାଇଦେଲାଇ । ୯ ଜିସୁର୍ ଆଗ୍‌ତୁବାଟେ ଆରି
 ପର୍‌ବାଟେ ଜିବା ଲକ୍‌ମନ୍ ବେସି ଆଉଲିଅଇ ଏନ୍ତି କଇତେରଇଲାଇ,
 “ଅସାନା, ପର୍‌ମେସର୍‌କେ ଡାକ୍‌ପୁଟା କରା । ପର୍‌ମେସର୍ ତାକେ ଆସିର୍‌ବାଦ୍
 କଲାଆଚେ । ୧୦ ଆମର୍ ଆନିଦାଦି ଦାଉଦ୍ ରାଜାର୍ ରାଇଜ୍ ଆଇଲାନ୍ତି, ତାର୍
 ରାଇଜ୍ ପର୍‌ମେସର୍ ଆସିର୍‌ବାଦ୍ କର । ସର୍‌ଗେ ରଇବା ବାବା ପର୍‌ମେସର୍
 ସନ୍‌ମାନ୍ ପାଇଲାପାରା କାତା କୁଆ” ବଲି କଇଲାଇ । ୧୧ ତାର୍‌ପଚେ
 ଜିସୁ ଜିରୁସାଲାମ୍ ଆସିକରି ପର୍‌ମେସର୍‌ର ଗର୍ ବିଡ୍‌ରେ ପୁର୍‌ଲା । ଆରି
 ଚାରିବେଡ୍‌ତି ରଇଲା ସବୁ ଜିନିସ୍‌ମନ୍ ନିମାନ୍ କରି ଦେକ୍‌ଲା । ସେ ବେଲା
 ବେସି ଅଲ୍‌ସମ୍ ଅଇଗାଲାଜେ, ସେ ବାର୍‌ଟା ସିସ୍‌ମନ୍‌ର ସଢ୍ଘ ବେଡ୍‌ନିଆ
 ନାଉଁର୍ ଗାଏଁ ଉଟିଜାଇକରି ତେଇ ରଇଲା । ୧୨ ତାର୍ ଆର୍କର୍ ଦିନେ ଜିସୁ
 ଆରି ତାର୍ ସିସ୍‌ମନ୍ ବେଡ୍‌ନିଆଇଅନି ଜିରୁସାଲାମ୍ ଆଇବାବେଲେ ଜିସୁକେ
 ବେସି ବୁକ୍ କଲା । ୧୩ ଜିସୁ ଦୁରିକେ ଅନି ବେସି ପଚର୍ ରଇବା ଗଟେକ୍
 ତୁମ୍‌ରିଗର୍ ଦେକ୍‌ଲା । ଆରି ସେ ଗଚେ କେତେଟା ପଲ୍ ଦାରିରଇସି ବଲି
 ବାବିକରି ଗର୍‌ବୁନ୍ତେ ଗାଲା । ମାତର୍ ଗର୍‌ଲଗେ ଜାଇକରି ଦେକ୍‌ଲାଜେ,

ଗଟେକ୍ ମିସା ପଲ୍ ମିଲେ ନାଇ । କାଇକେବଇଲେ, ସେଟା ତୁମ୍ଭିପଲ୍
ଦାର୍ବା ଦିନ୍ ନ ରଇଲା । ୧୪ ଜିସୁ ଗର୍କେ କଇଲା, “ତୁଇ ଆରି କେବେ
ମିସା ପଲ୍ ନ ଦାରୁସ୍ ।” ସେ କାତା ତାର୍ ସିସ୍ମନ୍ ସୁନ୍ଲାଇ । (aiōn g165)
୧୫ ତାର୍ପତେ ଜିସୁ ଜିରୁସାଲାମର୍ ଗଡେ ଜାଇ, ମନ୍ଦିରେ ପୁରିକରି ତେଇ
ଗୋନାବିକା କର୍ବା ଲକ୍ମନ୍କେ ତାଣ୍ଡେ ବାର୍କରାଇଦେଲା । ବିନ୍ ଦେସର୍
ତାରୁ ବାଦ୍ଲାଇବା ଲକ୍ମନ୍ ଟେବୁଲ୍ ଆରି ବିରୁ କର୍ବା ପରୁଆ ବିକ୍ବା
ଲକ୍ମନ୍ ବସ୍ବା ପିତା ପାସ୍ଲାଇ ପାକାଇଲା । ୧୬ ମନ୍ଦିରର୍ ତାଣ୍ଡେ
ଗୋନା ବିକା କର୍ବାକେ ସେ କାକେମିସା ଦେଏ ନାଇ । ୧୭ ତାର୍ ପତେ ସେ
ଲକ୍ମନ୍କେ ସିକାଇଦେବାବେଲେ ଏନ୍ତି କଇଲା, “ମର୍ ମନ୍ଦିର୍ ସବୁ ଜାତିର୍
ଲକ୍ମନ୍ ପାର୍ତନା ଗର୍ ବଲି ନାମ୍ବାଇ ବଲି ପର୍ମେସରର୍ ବଇଟାନେ
ଲେକା ଅଇଆତେ, ମାତର୍ ତମେ ସେ ଗର୍ ଚର୍ମନର୍ ପାଆର୍ କରିଆତାସ୍
।” ୧୮ ତେଇ ମୁକ୍ତି ପୁଜାରିମନ୍ ଆରି ନିୟମ୍ ସିକାଉମନ୍ ଏ କାତା ସୁନି,
ଜିସୁକେ କେନ୍ତି ମରାଇବାର୍ ଅଇସି ବଲି ଚେସ୍ଟା କର୍ତେରଇଲା । ମାତର୍
ଲକ୍ମନ୍କେ ଡର୍ତେରଇଲା । କାଇକେବଇଲେ ଲକ୍ମନ୍ ସେ ସିକାଇଦେବା
ବିସଇ କାବା ଅଇକରି ବେସି ମନ୍ କରି ସୁନ୍ତେରଇଲା । ୧୯ ଆରି
ସେଦିନର୍ ସଞ୍ଜ ଅଇଲାକେ ଜିସୁ ଆରି ତାର୍ ସିସ୍ମନ୍ ଜିରୁସାଲାମ୍ ନଅରେଅନି
ବାରଇକରି ଉଟିଗାଲା । ୨୦ ତାର୍ ଆର୍କର୍ ଦିନର୍ ସାକାଲେ ବାଉଡି
ଆଇବାବେଲେ, ଏଦେ ଦେକା! ସେ ତୁମ୍ଭିଗର୍ ବୁନ୍ଦେଅନି ଚିପେଜାକ ସୁକି
ଜାଇରଇଲାଟା ଦେକ୍ଲା । ୨୧ ସେବେଲା ଜିସୁ ଆଗ୍ତୁ କଇରଇଲା କାତା
ପିତର୍ ଏତାଇକରି ତାକେ କଇଲା, “ଏ ଗୁରୁ ଜନ୍ ତୁମ୍ଭି ଗର୍କେ ତମେ
ସାଇପ୍ ଦେଇରଇଲାସ୍, ସେ ଗର୍ ସୁକିଗାଲା ଆତେ ।” ୨୨ ଜିସୁ ସେମନ୍କେ
କଇଲା, “ତମେ ପର୍ମେସରର୍ ତେଇ ବିସ୍ବାସ୍ କରିରୁଆ । ୨୩ ମୁଇ ତମ୍କେ
ସର୍ କାତା କଇଲିନି, ଜେ ନିଜର୍ ମନେ ଅଇସି କି ନଏ ବଲିକରି ଏନେ ତେନେ
ନ ଅଇ, ସେ କଇବା କାତାଇ ବିସ୍ବାସ୍ କରି, ‘ଏ ଡଙ୍ଗର୍ ଉଲ୍ଟିକରି ସମ୍ବୁରେ
ଜାଇ ଅଦର୍ ।’ ବଲି କଇଲେ ସେଟା ସେନ୍ତାରି ଅଇସି । ୨୪ ସେଟାର୍ପାଇ
ମୁଇ ତମ୍କେ କଇଲିନି, ତମେ ପାର୍ତନାଇ ଜନ୍ଟା ମିଲ୍ସି ବଲି ବିସ୍ବାସ୍
କରି ମାଢ୍ଫୁଲେ, ସେଟା ତମ୍କେ ମିଲ୍ସି । ୨୫ ମାତର୍ ତମେ ପାର୍ତନା କର୍ବା
ବେଲେ ତମର୍ ମନେ କାର୍ ବିରଦେ ମିସା କାଇ କାତା ରଇଲେ, ତାକେ କେମା
ଦିଆସ୍ । ଏନ୍ତି କଲେ ତମର୍ ସରଗର୍ ବାବା ମିସା ତମ୍କେ ତମର୍ ପାପେଅନି

କେମା ଦେଇଥି । ୨୭ ମାତର୍ ତମେ କେମା ନ କଲେ, ତମର୍ ସରଗର୍ ବାବା ମିସା ତମ୍‌କେ କେମା ନ ଦେଏ ।” ୨୭ ସେମନ୍ ଆରିତରେକ୍ ଜିରୁସାଲାମେ ଆଇଲାଇ । ଜିସୁ ମନ୍ଦିରର୍ ଦୁଆରେ ବୁଲ୍‌ବାବେଲେ ମୁକିଅ ପୁଜାରିମନ୍, ନିୟମ୍ ସିକାଉମନ୍ ଆରି ପାର୍‌ତିନ୍‌ମନ୍ ତାର୍ ଲଗେ ଆସି ପାଟାର୍‌ଲାଇ, ୨୮ “ତୁଇ କାଇ ଅଦିକାରେ ଏ ସବୁ କାମ୍‌ମନ୍ କଲୁସନ୍? ଆରି ଏ ସବୁ କାମ୍‌ମନ୍ କର୍‌ବାକେ ତକେ କେ ଅଦିକାର୍ ଦେଲାଆତେ?” ୨୯ ମାତର୍ ଜିସୁ ସେମନ୍‌କେ କଇଲା, “ମୁଇ ମିସା ତମ୍‌କେ ଏକାଇ ଗଟେକ୍ ସେ ପର୍‌ସନ୍ ପାଟାର୍‌ବି, ସେ ପର୍‌ସନ୍‌ର ଉତର୍ ତମେ କଇଲେ, ମୁଇ ଏ ସବୁ କାମ୍ କନ୍ ଅଦିକାରେ କଲିନି, ସେଟା ତମ୍‌କେ କଇବି । ୩୦ ଜଅନ୍ ତୁବନ୍ ଦେବା ଅଦିକାର୍ ସରଗର୍ ପର୍‌ମେସରର୍‌ଟାନେଅନି ଆସିରଇଲା କି ଲକ୍‌ମନର୍ ଟାନେଅନି ଆସିରଇଲା? ଏଟା ମକେ କୁଆ ।” ବଲି କଇଲା । ୩୧ ତେଇ ସେମନ୍ ନିଜର୍ ନିଜର୍ ବିତ୍‌ରେ କୁଆବଲା ଅଇଲାଇ, “ଆମେ ଜଦି ସରଗର୍ ପର୍‌ମେସରର୍ ଟାନେଅନି ବଲି କଇବୁ ବଇଲେ, ସେନ୍ତାର୍ ଆଲେ ତମେ ଜଅନ୍ ଜନ୍‌ଟା କଇଲା ସେଟା କାଇକେ ବିସ୍‌ବାସ୍ କରାସ୍ ନାଇ? ବଲିକରି ଜିସୁ ଆମ୍‌କେ କଇସି । ୩୨ ମାତର୍ ଲକ୍‌ମନର୍‌ଟାନେଅନି ବଲି କଇବାକେ ଆମ୍‌କେ ତର୍ ଲାଗ୍‌ଲାନି । କାଇକେ ବଇଲେ ଜଅନ୍ ଗଟେକ୍ ବବିସ୍‌ତ୍‌ବକ୍‌ତା ବଲି ସେମନ୍ ସବୁଲକ୍ ବିସ୍‌ବାସ୍ କଲାଇନି ।” ୩୩ ସେଟାର୍‌ପାଇ ସେମନ୍ ଆମେ ନାଜାନୁ । ବଲି ଜିସୁକେ କଇଲାଇ । ତାର୍‌ପତେ ଜିସୁ ସେମନ୍‌କେ କଇଲା, “ଏନ୍ତି ବଇଲେ ମୁଇ ମିସା କନ୍ ଅଦିକାରେ ଏସବୁ କାମ୍ କଲିନି, ସେଟା ତମ୍‌କେ ନ କଇ ।”

୧୨ ତାର୍‌ପତେ ଜିସୁ ଲକ୍‌ମନ୍‌କେ ବୁଜାଇବାକେ କେତେଟା କାତାନି କଇବାର୍ ଦାର୍‌ଲା । ପର୍‌ତୁମ୍ କାତାନି ଅଇଲାନି, ଗଟେକ୍ ଲକ୍ ଗଟେକ୍ ଅଢ୍ଢୁର୍‌ବାଡ୍ ତିଆର୍‌କରି, ତାର୍ ଚାରିବେଡ୍‌ତି ବାଡ୍ ବୁନ୍‌ଲା, ଆରି ଅଢ୍ଢୁର୍ ପିଲ୍‌ବାକେ ଗଟେକ୍ କୁଣ୍ଟୁ ତିଆର୍‌କଲା । ବାଡ୍ ଜାଗ୍‌ବାକେ ଗଟେକ୍ ତାଢ୍ଢୁ ତିଆର୍‌କଲା । ତାସ୍ କର୍‌ବା ଲକ୍‌ମନ୍‌କେ ବାଡ୍ ଆଦିବାଗ୍ କର୍‌ବାକେ ଦେଇକରି, ସେ ଗଟେକ୍ ବିନ୍ ଦେସେ ଉଟିଗାଲା । ୨ ତାର୍‌ପତେ ଅଢ୍ଢୁର୍ ତଲ୍‌ବା ବେଲା ଆଇଲାକେ, ସାଉକାର୍ ତାର୍ ଗଟେକ୍ ଗତିଦାଢ୍ଢୁତାକେ ଅଢ୍ଢୁର୍‌ପଲର୍ ବାଗ୍ ବାଟା ପାଇବାକେ ଚାସିମନର୍‌ଲଗେ ପାଟାଇଲା । ୩ ମାତର୍ ଚାସି ଲକ୍‌ମନ୍, ସାଉକାର୍ ପାଟାଇଲା ଗତିଦାଢ୍ଢୁତାକେ ଦାରିକରି

ମାରିପାକାଇଲା ଆରି କାଇଟା ନ ଦେଇ ରୁଟା ଆଡେ ପାଟାଇଦେଲା । ୪
 ସାଉକାର୍ ତାର୍ ଆରିଗଟେକ୍ ଗତି ଦାଢ଼ୁଡ଼ାକେ ଚାସିମନର୍ ଲଗେ ପାଟାଇଲା ।
 ଚାସି ଲକ୍ମନ୍ ସେ ଗତିଦାଢ଼ୁଡ଼ାକେ ମିସା ମୁଣ୍ଡୁ ପୁଟ୍ତେ ମାର୍ଲାଆ ଆରି ଇଜଡ୍
 ଜିକ୍ଲା । ୫ ସାଉକାର୍ ଆରି ଗଟେକ୍ ଗତିଦାଢ଼ୁଡ଼ାକେ ପାଟାଇଲା ଜେ,
 ଚାସିଲକ୍ମନ୍ ତାକେ ମର୍ତ୍ତେ ମାରିଦେଲା । ତାର୍ପତେ ସାଉକାର୍ ଆରି
 ଗାଦି ଗତିଦାଢ଼ୁଡ଼ାମନ୍ଦକେ ପାଟାଇଲା ଜେ କେତେଟା ଗତିଦାଢ଼ୁଡ଼ାମନ୍ଦକେ
 ମାର୍ଲାଆ ଆରି କେତେଟାକେ ମର୍ତ୍ତେ ମାରିପାକାଇଲା । ୬ ଏବେ
 ସାଉକାର୍ ଲଗେ ଗଟେକ୍ ଲକ୍ମନ୍ ରଇଲା, ତାର୍ ନିଜର୍ ଆଲାଦର୍ ପିଲା ।
 ମର୍ ପିଲାକେ ଚାସିଲକ୍ମନ୍ ନାମ୍ବାଇ ଆକା ଆରି ମର୍ ବାଗ୍ ପାଟାଇଦେବାଇ
 । ବଲି ବାବିକରି ସେ ସାରାସାରି ତାର୍ ପିଲାକେ ଚାସିମନର୍ ଲଗେ ପାଟାଇଲା
 । ୭ ମାତର୍ ଚାସିମନ୍ ନିଜର୍ ନିଜର୍ ବିତ୍ରେ କାତା ଅଇଲା, “ଏ ଲକ୍
 ତା ଆମର୍ ସାଉକାର୍ ଗଟେକ୍ ବଲି ପିଲା, ଆସା ଆମେ ଆକେ ମର୍ତ୍ତେ
 ମାର୍ଲେ ଏ ବାଡ୍ ଆମର୍ ଅଇଜାଇସି ।” ୮ ଆରି ଚାସିମନ୍ ସାଉକାର୍
 ପିଲାକେ ଦାରିକରି ମର୍ତ୍ତେ ମାରି ଅଢ଼ୁର୍ ବାଡର୍ ସେପାଟେ ପିଢ଼ିଦେଲା । ୯
 ଏ କାତାନି କଇସାରାଇଲା ପତେ, ଜିସୁ ସେମନ୍ଦକେ ପାଟାଇଲା, “ଏନ୍ତି ବଇଲେ
 ଅଢ଼ୁର୍ ବାଡର୍ ସାଉକାର୍ କାଇଟା କର୍ସି? ସେ ଆସିକରି ଚାସିମନ୍ଦକେ
 ମର୍ତ୍ତେ ମାର୍ସି । ଆରି ଅଢ଼ୁର୍ ବାଡ୍ ବିନ୍ ଲକ୍ମନ୍ଦକେ ଆଦିବାଗ୍ କର୍ବାକେ
 ଦେଇସି । ୧୦ “ଗର୍ ବାନ୍ଧୁବା ଲକ୍ମନ୍ ଜନ୍ ପାକ୍ନା ନଏଁ ବଲି ଚାଡ଼ୁଲା, ସେ
 ପାକ୍ନା ମୁକିଆ ପାକ୍ନା ଅଇଲା ବଲିକରି ତମେ ପର୍ମେସରର୍ ବଇତେଇ
 ପଡାସ୍ ନାଇ କି?” ୧୧ ଏ ବିସଇ ମାପ୍ତୁ କରିଆଡେ, ଏଟା ଆମର୍ ପାଇ
 କାବାଅଇଜିବା ବିସଇ । ୧୨ ତେଇ ଜିଉଦି ଲକ୍ମନ୍ ମୁକିଆ ପୁଜାରିମନ୍
 ଜିସୁକେ ବାନ୍ଧିନେବାକେ ବାଟ୍ କର୍ଲା । କାଇକେବଇଲେ ଜିସୁ ଆମର୍
 ବିରଦେ ଏ କାତାନି କଇଲାଇନି ବଲିକରି ସେମନ୍ ଜାନିରଇଲା । ମାତର୍
 ଲକ୍ମନ୍ ଆମ୍ଦକେ କାଇ କାଇଟା କର୍ବାଇ । ବଲିକରି ତରି, ତାକେ ଚାଡ଼ିକରି
 ଉଟିଗାଲା । ୧୩ ତାର୍ପତେ ଜିସୁକେ ତାର୍ କାତାଇ ବୁଲ୍ ଦାବ୍ବାକେ ଜିଉଦି
 ନେତାମନ୍ କେତେଟା ପାରୁସି ଦଲର୍ ଲକ୍ମନ୍ଦକେ ଆରି ଏରଦ୍ ରାଜାର୍
 କେତେଟା ଲକ୍ମନ୍ଦକେ ତାର୍ ଲଗେ ପାଟାଇଲା । ୧୪ ସେମନ୍ ଜିସୁର୍
 ଲଗେ ଆସିକରି, “ଏ ଗୁରୁ ତମେ ସଡ୍ କାତା କଇଲାସ୍ନି ଆରି କାକେ ମିସା
 ନ ତରାସ୍, ସରୁ ଲକ୍ମନ୍ଦକେ ସମାନ୍ ଇସାବେ ଦେକ୍ଲାସ୍ନି ବଲି ଆମେ

ଜାନିଆରୁ । କାଈକେବଇଲେ ତମେ ଲକ୍ମନରୁ ଈସାବେ ନାଇ, ମାତରୁ
 ସତ୍ ବାବେ ସିକାଇଲାସ୍ନି । ଏବେ ଆମ୍ଭେ କୁଆ, ରମିଅ ରାଜାକେ ସିସ୍ତୁ
 ଦେବାଟା ନିୟମ୍ କି ନାଇ?” ୧୫ “ଆମେ ସିସ୍ତୁ ବାନ୍ଧୁରୁ କି ନାଇ?” ଜିସୁ
 ସେମନରୁ ମନ୍ଦିରରୁ କୁଟ୍ କାତା ବୁଜିକରି ସେମନ୍ତକେ କଇଲା, “କାଈକେ
 ତମେ ମକେ ପାନ୍ଦେ ପାକାଇବାକେ ଚେସ୍ଟା କଲାସ୍ନି? ରମିୟ ସରକାରରୁ
 ଗଟେକ୍ ଅଦ୍ଲି ତାରୁ ମର୍ ଲଗେ ଆନା, ମୁଇ ସେଟା ଦେକ୍ବି ।” ୧୬ ସେମନ୍
 ଗଟେକ୍ ଅଦ୍ଲି ତାରୁ ଆନ୍ଲାଇକେ ଜିସୁ ପାଟାରୁଲା, “ଏ ତାରୁ ଉପରେ କାର୍
 ମୁରୁତି ଆରି ନାଉଁ ଲେକା ଅଇଆଟେ?” ସେମନ୍ କଇଲା, “ରମିୟ ରାଜାରୁ
 ମୁରୁତି ଆରି ତାରୁ ନାଉଁ ଲେକା ଅଇଲାଆଟେ ।” ୧୭ ଜିସୁ କଇଲା, “ଏନ୍ତି
 ବଇଲେ ଜନ୍ତା ରମିୟ ରାଜାରୁ, ସେଟା ରମିୟ ରାଜାକେ ଆରି ଜନ୍ତା
 ପର୍ମେସରରୁ, ସେଟା ପର୍ମେସରୁକେ ଦିଆସ୍ ।” ଏ କାତା ସୁନିକରି ସେମନ୍
 କାବା ଅଇଗାଲା । ୧୮ ତାରୁପତେ ମଲାଟାନେଅନି ଉଟ୍ବା ବିସଇ, ବିସ୍ବାସ୍
 ନ କରୁବା ସାଦୁକି ଦଲରୁ ଲକ୍ମନ ଜିସୁରୁ ଲଗେ ଆସିକରି ଏ ପର୍ସନ୍
 ପାଟାରୁଲା । ୧୯ “ଏ ଗୁରୁ, ଜଦି ଗଟେକ୍ ଲକ୍ ବିବାଅଇକରି ପିଲାଜିଲା ନ
 ଅଇତେ ମରିଜାଇସି ବଇଲେ, ତାରୁ ବାଇ ସେ ମାଇଜିକେ ବିବାଅଇ ପିଲାଜିଲା
 ପାଇବାରୁ ଆଟେ । ଏନ୍ତି କଲେ ମରିଗାଲା ବାଇରୁ ପାଇ ସେ ପିଲାଟକିମନ୍
 ତାରୁ ନାଉଁ ଦାରୁବାଇ ବଲି ମସା ଆମର୍ପାଇ ନିଅମ୍ ଲେକିଦେଲା ଆଟେ ।
 ୨୦ ଏନ୍ତି ସାତ୍ ବାଇ ରଇଲା, ସବୁଟାନେଅନି ବଡ୍ ବାଇ ବିବା ଅଇଲା
 । ମାତରୁ ପିଲାଟକି ନ ଅଇତେ ମରିଗାଲା । ୨୧ ସେଟାରୁପାଇ ତାରୁ
 ପତରୁ ବାଇ ସେ ମାଇଜିକେ ସଢୁଇଲା । ସେ ମିସା ପିଲାଟକି ନଇତେ
 ମରିଗାଲା । ତାରୁପତରୁ ବାଇ ମିସା ବିବା ଅଇ ପିଲାଟକି ନଇତେ ମରିଗାଲା
 । ୨୨ ସାତ୍ବାଇ ଜାକ ସେ ମାଇଜିକେ ଗଟେକ୍ ଲକ୍ ପତେ ଗଟେକ୍ ଲକ୍
 ବିବା ଅଇରଇଲା । ସାରାସାରି ସାତ୍ ବାଇ ଜାକ ପିଲାଟକି ନ ଅଇତେ
 ମରିଗାଲା । ତାରୁପତେ ସେ ମାଇଜି ମିସା ମରିଗାଲା । ୨୩ ସାତ୍ବାଇ
 ଜାକ ତାକେ ବିବା ଅଇରଇଲା, ତେବେ ମରିକରି ଉଟ୍ଲା ବେଲେ, ସେ
 କାରୁ ମାଇଜି ଅଇସି? ସାତ୍ବାଇ ଜାକ ତାକେ ବିବା ଅଇରଇଲା ।” ୨୪
 ଜିସୁ ସେମନ୍ତକେ କଇଲା, “ଦରମ୍ ସାସ୍ତରେ ପର୍ମେସରୁ କାଈଟା ଲେକା
 ଅଇଲା ଆଟେ ସେ ବିସଇ, ଆରି ତାରୁ ବପୁରୁ ବିସଇ ତମେ ନାଜାନି କରି ବୁଲ୍
 ବାନ୍ଧୁଲାସ୍ନି । ୨୫ ଜେତେବେଲେ ଲକ୍ମନ ମରିକରି ଆରି ତରେକ୍ ଉଟ୍ବାଇ,

ସେବେଲେ ମୁନୁସ୍‌ପିଲାମନ୍ ବିବା ନ ଅଅଡ଼, କି ମାଇଜି ଟକିମନ୍‌କେ ବିବା
 ଅଇବାକେ ନ ଦେଅଡ଼ । ସେମନ୍ ସବୁଲକ୍ ସରଗର୍ ଦୁଡ଼ପାରା ଅଇବାଇ ।
 ୨୭ ମଲାଟାନେଅନି ଉଟ୍‌ବା ବିସଇ ମସା ଲେକ୍‌ଲା ବଇଟାନେ ପଡ଼ାସ୍ ନାଇ
 କି? ପର୍ମେସର୍ ଜଇଲାଗ୍‌ବା ବୁଟାଇ ମସାକେ ଦେକାଇରଇଲାଜେ, ‘ମୁଇ
 ଅବ୍ରାଆମର୍, ଇସାକର୍ ଆରି ଜାକୁବର୍ ପର୍ମେସର୍ ।’ ବଲି କଇଲାଟା,
 ଲେକା ଅଇଲାଆରେ । ମାତର୍ ଏ ଲକ୍‌ମନ୍ ସବୁ ମରିଗାଲାଇ ଆତର୍
 । ୨୭ ପର୍ମେସର୍ ମଲାଲକ୍‌ମନର୍ ମାପୁରୁ ନଏ । ସେ ଜିବନ୍ ରଇଲା
 ଲକ୍‌ମନର୍ ମାପୁରୁ । ଏ ବିସଇ ତମେ ବେସି ବୁଲ୍ ବୁଜ୍‌ଲାସ୍‌ନି ।” ବଲି
 କଇଲା । ୨୮ ଜିସୁ ଆରି ସାଦୁକି ଦଲର୍ ଲକ୍‌ମନ୍ ଦଦା ପେଲା ଅଇବାବେଲେ
 ଗଟେକ୍ ନିୟ୍‌ସ୍ ସିକାଉ ତାର୍ ଲଗେ ଆଇଲା । ଜିସୁ ଲକ୍‌ମନର୍ ପର୍ସନର୍
 ଉତର୍ ନିମାନ୍‌ସଙ୍ଗ କଇବାଟା ସୁନିକରି, ତାକେ ପାଚାର୍‌ଲା, “କନ୍ ଆଦେସ୍
 ସବୁର୍ଟାନେଅନି ଅଦିକ୍ ମୁକିଅ?” ୨୯ ଜିସୁ କଇଲା, “ସବୁର୍ଟାନେଅନି
 ପର୍ତୁମର୍ ମୁକିଅ ଆଦେସ୍ ଅଇଲାନି, ସୁନା ଏ ଇସ୍ରାଏଲର୍ ଲକ୍‌ମନ୍ ମାପୁରୁ
 ଆମର୍ ପର୍ମେସର୍ ଗଟେକ୍‌ସେ ମାପୁରୁ । ୩୦ ତମେ ତମର୍ ପୁରାପୁରୁନ୍ ମନ୍
 ସଙ୍ଗ୍, ପୁରାପୁରୁନ୍ ଆତ୍‌ମା ସଙ୍ଗ୍, ପୁରାପୁରୁନ୍ ଚିନ୍ତା ସଙ୍ଗ୍ ଆରି ପୁରାପୁରୁନ୍
 ବପୁସଙ୍ଗ୍ ତାକେ ଆଲାଦ୍ କର୍‌ବାର୍ ଆରେ । ୩୧ ଆରି ପତର୍ ମୁକିଅ ଆଦେସ୍
 ଅଇଲାନି, ତମେ ନିଜ୍‌କେ ଆଲାଦ୍ କଲାପାରା ପଡ଼ିସାର୍ ଲକ୍‌କେ ମିସା
 ଆଲାଦ୍ କରା । ଏ ଦୁଇଟା ଆଦେସ୍ ଚାଡ଼ିକରି ଆରି କାଇ ମିସା ମୁକିଅ
 ଆଦେସ୍ ନାଇ” ବଲି କଇଲା । ୩୨ ଏ କାତା ସୁନି ସେ ଲକ୍ ଜିସୁକେ କଇଲା,
 “ଏ ଗୁରୁ, ପର୍ମେସର୍ ଗଟେକ୍ ସେ, ତାକେ ଚାଡ଼ିଦେଲେ ଆରି କେ ମିସା
 ନାଇ । ଏ କାତା ତମେ ଟିକ୍ ବାବେ କଇଆଟାସ୍ । ୩୩ ପର୍ମେସର୍‌କେ
 ସବୁ ମନ୍‌ଦେଇକରି ସବୁ ଚିନ୍ତା ଦେଇକରି ଆରି ସବୁ ବପୁ ଦେଇ ଆଲାଦ୍
 କର୍‌ବାର୍ ଆରେ ଆରି ନିଜ୍‌କେ ଆଲାଦ୍ କଲା ପାରା ବିନ୍ ଲକ୍‌କେ ମିସା
 ଆଲାଦ୍ କର୍‌ବାର୍‌ଆରେ ବଲିକରି ତମେ କଇଲା କାତା ଟିକ୍ ସେ । ଆମେ
 ପର୍ମେସର୍‌କେ ଜେତେକ୍ ଅମ୍ କଲେ ମିସା ଆରି ଜେତେକ୍ କାଇଟା ପୁଜ୍‌ଲେ
 ମିସା, ଏ ଦୁଇଟା ଆଦେସ୍ ବେସି ମୁକିଅ ।” ବଲି କଇଲା । ୩୪ ସେଲକ୍ ବେସି
 ବୁଦି ସଙ୍ଗ୍ ଉତର୍ ଦେଲା ଆରେ ବଲି ଜିସୁ ଦେକି, ତାକେ କଇଲା, “ତୁଇ
 ପର୍ମେସର୍‌ର ରାଇଜେ ପୁର୍‌ବା ଲଗେସେ ଆରୁସ୍ ।” ତାପରେ ଆରି କେ
 ମିସା ଜିସୁକେ ପର୍ସନ୍ ପାଚାର୍‌ବାକେ ସାଆସ୍ କରି ନାପାର୍‌ଲାଇ । ୩୫

ଜିସୁ ଜିଉଦିମନ୍ ରୁଣ୍ଡୁବା ଗରର୍ ତାଣ୍ଟେ ସିକିଆ ଦେବାବେଲେ ଲକ୍ମନ୍‌କେ
 ପାଟାରୁଲା, “ପର୍ମେସର୍ ବାଟିକରି ପାଟାଇଲା ରାଜା ଦାଉଦର୍ ନାତିତିତି
 ବଲିକରି ନିୟମ୍ ସିକାଇଦେବା ଲକ୍ମନ୍ କେନ୍ତୁ କଇଲାଇନି?” ୩୭ ଦାଉଦ୍
 ସୁକଲ୍ ଆତ୍ମା ଅନି ଏନ୍ତି କଇଲା, ପର୍ମେସର୍ ମର୍ ମାପ୍‌ରୁକେ କଇଲା,
 “ମୁଇ ତର୍ ସର୍ଭୁମନ୍‌କେ ତର୍ ପାଦ୍ ତଲେ ନ ଆନ୍‌ବା ଜାକ ତୁଇ ମର୍
 ଉଜାଆଦ୍‌ବାଟେ ବସି ର ।” ୩୭ “ଜଦି ଦାଉଦ୍ ରାଜା ନିଜେ ମାପ୍‌ରୁବଲି
 କଇରଇଲା ବଇଲେ ପର୍ମେସର୍ ବାଟିକରି ପାଟାଇରଇବା ମସିଅ କେନ୍ତୁ
 ଦାଉଦର୍ ପିଲା ଅଇସି?” ତେଇ ରଇଲା ବେସି ଲକ୍ମନ୍ ସାର୍‌ଦା ସଢ୍ଘ୍ ଏ କାତା
 ସୁନ୍‌ଲାଇ । ୩୮ ଜିସୁ ଆରି କେତେଟା ବିସଇ ସିକାଇଦେବା ବେଲେ କଇଲା,
 “ତମେ ନିୟମ୍ ସିକାଇଦେବା ଲକ୍ମନ୍‌ପାରା ତଲାତଲ୍‌ତି ନ ଅଇକରି
 ଜାଗ୍‌ତ୍ ସଢ୍ଘ୍ ରୁଆ । ସେମନ୍ ସନ୍‌ମାନ୍ ପାଇବାକେ ବେସି ତେଢ୍ଘ୍ ପଟିଆ
 ପିନ୍ଧିକରି ଏନେ ତେନେ ବୁଲ୍‌ବାଇ । ଆଟେ ବାଟେ ଲକ୍ମନ୍‌ଟାନେଅନି
 ଛୁଆର୍ ପାଇକରି ସନ୍‌ମାନ୍ ପାଇବାକେ ମନ୍ କର୍‌ବାଇ । ୩୯ ଜିଉଦିମନ୍‌ର୍
 ପାର୍‌ତନା ଗରେ ମୁକିଅ ଜାଗାଇ, ବଜିଟାନର୍ ମୁକିଅ ଜାଗାଇ ବସ୍‌ବାକେ
 ମନ୍ କର୍‌ବାଇ । ୪୦ ଆରି ସେମନ୍ ରାଣ୍ଡି ମାଇଜିମନ୍‌କେ ନାତାଇକରି
 ସେମନ୍‌ର୍ ଦନ୍‌ସ୍‌ପତି ଛୁରି ନେବାଇ । ସେମନ୍ ନିମାନ୍ ଲକ୍ ବଲିକରି
 ଦେକାଇଅଇବାକେ ବେସି ପର୍ ପାର୍‌ତନା କର୍‌ବାଇ । ଏନ୍ତି ଲକ୍ମନ୍‌କେ
 ପର୍ମେସର୍ ବିନ୍ ଲକ୍ମନ୍‌ଟାନେଅନି ବେସି ବଡ୍ ତଣ୍ଟୁ ଦେଇସି ।” ୪୧
 ଜିସୁ ମନ୍ତ୍ରି ବିତ୍‌ରେ ଜାଇକରି ଚାନ୍ତାଦେବା ପେଡିଲଗେ ବସିକରି ଲକ୍ମନ୍
 ପର୍ମେସର୍‌କେ କେନ୍ତୁ ଚାନ୍ତା ଦେଲାଇନି ବଲି ଦେକ୍‌ତେରଇଲା । ସାଉକାର୍
 ଲକ୍ମନ୍ ଲତେକ୍ ଲତେକ୍ ତାରୁ ଦେବାଟା ଦେକ୍‌ଲା । ୪୨ ସାରାସାରି
 ଗଟେକ୍ ଗରିବ୍ ରାଣ୍ଡି ମାଇଜି ଦାନ୍ ଦେବା ପେଡିଲଗେ ଆସିକରି ଦୁଇଟା
 ସାନ୍ ତାମା କାସୁ ପୁରାଇଦେଲା । ସେ ଦୁଇଟା ତାରୁର୍ ଦାମ୍ ଗଟେକ୍ ଟାଙ୍ଗୁଇ
 ଅନି ମିସା ଉନା । ୪୩ ତାର୍‌ପରେ ଜିସୁ ତାର୍ ସିସ୍‌ମନ୍‌କେ ଲଗେ ଡାକି
 କଇଲା, “ମୁଇ ତମ୍‌କେ ସତ୍ କାତା କଇଲିନି, ଏ ସବୁ ସାଉକାର୍ ଲକ୍ମନ୍
 ଦେଲା ତାରୁତେଇଅନି, ଏ ଅର୍‌କିଡ୍ ରାଣ୍ଡି ମାଇଜି ଅଦିକ୍ ଦେଲାଆଟେ । ୪୪
 କାଇକେବଇଲେ ସବୁ ଲକ୍ମନ୍ ସେମନ୍‌କେ ଦର୍‌କାର୍ ଅଇକରି ଅଗଲ୍‌ଲା
 ତାରୁ ଦେଲାଆଟତ୍ । ମାତର୍ ଏ ଗରିବ୍ ରାଣ୍ଡି ମାଇଜି, ସେ ବର୍‌ବାପାଇ
 ଜେଡ୍‌କି ତାରୁ ରଇଲା, ସେ ସବୁ ଦେଲାଆଟେ” ବଲିକରି କଇଲା ।

୧୩ ଜିସୁ, ଜିଉଦିମନର୍ ପାର୍ତନା ଗରେଅନି ବାରଇକରି ଜିବାବେଲେ ତାର ଗଟେକ୍ ସିସ୍ ତାକେ କଇଲା, “ଏ ଗୁରୁ ଏଦେ ଦେକା! ବଡ଼ ବଡ଼ ପାକ୍ନାଇ ମନିର୍ କେତେକ୍ ସୁନ୍ଦର୍ ଅଇ ତିଆର୍ ଅଇଲାଆଟେ!” ୨ ଜିସୁ ତାକେ କଇଲା, “ତୁଇ ଏ ବଡ଼ ବଡ଼ ପାକ୍ନାଇ ତିଆର୍ ଅଇଲା ପର୍ମେସରର୍ ଗର୍ ଦେକ୍ଲୁସ୍ନି? ଏ ସବୁ ଗର୍ ନସ୍ଟ ଅଇଜାଇସି । ସବୁ ପାକ୍ନାମନ୍ ତୁଲିକରି ମାଟିତେଇ ଏନେତେନେ ଅଇଜାଇସି, ଗଟେକ୍ ପାକ୍ନା ଆରି ଗଟେକ୍ ପାକ୍ନାର୍ ଉପରେ ନ ରଏ ।” ୩ ତାର୍ପଚେ ଜିସୁ ପର୍ମେସରର୍ ଗରର୍ ମୁଆଟେ ରଇଲା ଜିଡ଼ ନାଉଁର୍ ଗର୍ମନ୍ ରଇବା ତଢ଼୍ରେ ବସିରଇଲା । ସେବେଲା ପିତର୍, ଜାକୁବ୍, ଜଅନ୍ ଆରି ଆନ୍ତୁରିୟ୍, କେ ନ ରଇଲାବେଲେ ତେଇ ଆସିକରି ତାକେ ପାଚାର୍ଲାଇ । ୪ “ଏ ସବୁ ଗର୍ନା କେବେ ଅଇସି ଆରି ସବୁ ଅଇବା ତିମ୍ମନ୍ କାଇଟା, ଆମ୍ବେ କଇଦେ ।” ବଲି କଇଲାଇ । ୫ ଜିସୁ ସେମନ୍କେ କଇଲା, “ତମେ ଜାଗ୍‌ରଡ଼ ଅଇକରି ରୁଆ, ତମ୍ବେ କେ ମିସା ନ ନାଡାଅଡ଼ । ୬ କାଇକେବଇଲେ ବେସି ଲକ୍ମନ୍ ମର୍ ନାଉଁ ଦାରି, ସେମନ୍ କିରିସ୍ଟ ବଲି ବେସି ଲକ୍ମନ୍କେ ବୁଲ୍‌କାଇବାଇ । ୭ ମାତର୍ ଜେଡେବେଲେ ତମେ ଜୁଇଦର୍ ବିସଇ ନଇଲେ ଜୁଇଦ୍ ଇତି ଅଇସି ନଇଲେ ସିତି ଅଇସି ବଲିକରି ଲକ୍ମନ୍ କଇବାଟା ସୁନ୍ଲେ, କିଲ୍‌ବିଲ୍ ନ ଉଆ । ଏ ସବୁ ଗର୍ନା ଅଇସି, ମାତର୍ ସେଦାପ୍ରେ ଆକା ଜୁଗ୍ ସେସ୍ ନଏ । ୮ କାଇକେବଇଲେ, ଗଟେକ୍ ଦେସର୍ ଲକ୍ମନ୍ ଆରି ଗଟେକ୍ ଦେସର୍ ଲକ୍ମନର୍ ବିରଦେ ଜୁଇଦ୍ କର୍ବାଇ । ଗଟେକ୍ ରାଇଜ୍ ଆରିଗଟେକ୍ ରାଇଜର୍ ବିରଦେ ଉର୍ବାଇ । ବେସି ଜାଗାଇ ଦର୍ତନି ରୁଲ୍‌ବୁଲ୍‌ସି, ଆରି ବେସି ଜାଗାଇ ମର୍ଡି ଅଇସି । ଏସବୁ ଗର୍ନା ଗଟେକ୍ ପିଲା ଜନମ୍ ଅଇବା ଆଗ୍ତୁ ଆଇବା ଦୁକାସୁକା ପାରା ଅଇସି ।” ୯ “ଏନ୍ତି ସବୁ ଅଇବା ବେଲା ତମେ ଜାଗ୍‌ରଡ଼ ରୁଆ । ଲକ୍ମନ୍ ତମ୍ବେ ବାନ୍ତିକରି ବିଚାର୍ କର୍ବା ଲକ୍ମନ୍‌କେ ସର୍ପିଦେବାଇ । ସେମନ୍ ନିଆଇ କର୍ବା ଜାଗାଇ ତମ୍ବେ ମାରିପାକାଇବାଇ । ତମେ ମର୍ ସିସ୍ ଅଇରଇବା ଲାଗି, ସାସନ୍ କର୍ବା ଲକ୍ମନର୍‌ଟାନେ ଆରି ରାଜାମନର୍ ମୁଆଟେ ତିଆ କରାଇବାଇ । ତମେ ମର୍‌ଟାନେ ବିସ୍‌ବାସ୍ କଲା ବିସଇ ତେଇ ସାକି ଦେଇସା । ୧୦ ଏ ସବୁ ଗର୍ନା ଅଇଜିବା ଆଗ୍ତୁ, ସବୁ ଦେସର୍ ଲକ୍ମନର୍ ଲଗେ, ଏ ନିମାନ୍ କବର୍ କେର୍‌ବାର୍ ଆଟେ । ୧୧ ସେମନ୍ ତମ୍ବେ ବନ୍ତିକରି ବିଚାର୍ କର୍ବା ବେଲେ ତେଇ କାଇଟା କଇବୁ ବଲିକରି ଆଗ୍ତୁ

ତିନ୍ତୁ କରାନାଇ । ତମେ କାଇଟା କଇବାର୍ ଆତେ, ସେ କାତା ପର୍ମେସର୍
 ତମ୍ବେ ସମାନ୍ ବେଲାଇ ଦେଇସି । କାଇକେବଇଲେ ସେ ବେଲାଇ ତମେ
 ନିଜେ ନ କୁଆସ୍ ମାତର୍ ସୁକଲ୍‌ଆତ୍‌ମା ତମର୍‌ଟାନେଅନି କାତା କଇସି ।
 ୧୭ ବାଇ ବାଇକେ ମରାଇବାତେଇ ସର୍ପିଦେବାଇ ଆରି ବାବା ପିଲାକେ
 ମରାଇବାତେଇ ସର୍ପି ଦେବାଇ ଆରି ପିଲାଟକିମନ୍ ତାକର୍ ମାଆ ବାବା
 ବିରୁଦ୍ଧେ ଉଟିକରି ସେମନ୍‌କେ ମରାଇବାକେ ସର୍ପିଦେବାଇ । ୧୮ ତମେ ମର
 ସିସ୍ ଅଇରଇଲାର୍ ଲାଗି ସବୁ ଲକ୍‌ମନ୍ ତମ୍ବେ ଗିନ୍ କର୍‌ବାଇ । ମାତର୍ ଜେ
 ସାରାସାରି ଜାକ ମୁର୍ଚ୍ଚି କରି ରଇସି, ସେ ରକିଆପାଇସି ।” ୧୪ “ମାତର୍ ତମେ
 ଜେତେବେଲା କେ ମନ୍ ନ କର୍‌ବାଟା ଆରି ନାସ୍ ଅଇବା ଦିନ୍‌ସୁ ଜନ୍‌ଟାକି
 ସୁକଲ୍ ଜାଗାଇ ସଞ୍ଜୁଇବାର୍ ନଏଁ, ସେ ଜାଗାଇ ସଞ୍ଜୁଇବାଟା ଦେକ୍‌ଲେ, ତମେ
 ସେ ଜାଗାଇଅନି ପାଲାଇବାର୍ ଆତେ । ଏ ବିସଇ ପତ୍‌ବା ଲକ୍‌ମନ୍, ତମେ ଏ
 କାତା ବୁଜା । ସେବେଲେ ଜନ୍ ଲକ୍‌ମନ୍ ଜିଉଦା ରାଇଜେ ରଇବାଇ, ସେମନ୍
 ତଞ୍ଜୁରେ ପାଲାଅର୍ । ୧୫ ଜଦି କେ ଗରର୍ ତାଉନି ଉପ୍‌ରେ ରଇସିବଇଲେ,
 ସେ ଗର୍ ବିତ୍‌ରେ ତାର୍ କାଇମିସା ଦିନ୍‌ସୁ ଆନ୍‌ବି ବଲିକରି ନ ଜାଅ । ୧୬
 ଜଦି କେ ତାସ୍ ରଇବା ପଦାଇ ରଇସି, ସେ ତାର୍ ତାଦର୍ ଆନ୍‌ବାକେ ଗରେ
 ବାଉଡି ନ ଜାଅ । ୧୭ ଗାଗ୍‌ତେ ରଇଲା ମାଇଜିମନର୍‌ପାଇ ଆରି ଦୁର୍
 କୁଆଇବା ମାଇଜିମନର୍‌ ପାଇ ସେବେଲେ ପାଲାଇବାକେ ବେସି କସ୍‌ଟ ଅଇସି
 । ୧୮ ଏ ସବୁ ଗର୍‌ନା ସିତ୍ ଦିନେ ନ ଅଇବାକେ ପାର୍‌ତନା କରା । ୧୯
 କାଇକେବଇଲେ ପର୍ମେସର୍ ଏ ଦୁନିଆ ତିଆର୍‌କଲା ଦିନେଅନି ଆଜିକେ
 ଜାକ ସେନ୍ତାରି ଦୁକ୍ କସ୍‌ଟ ଅଏନାଇ ଆରି ପତେ କେବେମିସା ନ ଅଏ । ସେନ୍ତି
 ବେସି ଦୁକ୍ କସ୍‌ଟ ଗର୍‌ନା ସେ ଦିନ୍‌ମନ୍‌କେ ଅଇସି । ୨୦ ଜଦି ପର୍ମେସର୍
 ଅପର୍‌ବଲ୍ ଦୁକ୍ ଦିନ୍‌ମନ୍ ଉନା ନ କରି ରଇଲେ, ତେବେ ଦୁନିଆର୍ କେ ମିସା
 ରକିଆ ନ ପାଇକରି ମରି ଜିବାର୍ ଅଇତା । ମାତର୍ ସେ ଜନ୍ ଲକ୍‌ମନ୍‌କେ
 ବାଟିଆତେ ସେ ଲକ୍‌ମନର୍‌ପାଇ ସେ ଦୁକ୍ ଦିନ୍‌ମନ୍ ଉନା କଲାଆତେ ।”
 ୨୧ ସେବେଲେ କେ ଜଦି ତମ୍ବେ ଇତି କିରିସ୍‌ଟ ଆତେ । ନଇଲେ ତେଇ ସେ
 ଆତେ । ବଲି କଇସି, ତାକେ ବିସ୍‌ବାସ୍ କରା ନାଇ । ୨୨ ସେଦିନ୍‌ମନ୍‌କେ
 ମୁଇଆକା କିରିସ୍‌ଟ । ବଲିକରି ମିର୍ କଇବା ବବିସ୍‌ତ୍ କଇବାଲକ୍, ବିନ୍ ବିନ୍
 ରକାମର୍ ତିନ୍ ଆରି କାବା ଅଇଜିବା କାମ୍‌ମନ୍ ଦେକାଇବାଇ । ପର୍ମେସର୍
 ବାର୍‌ଲା ଲକ୍‌ମନ୍ ତମ୍ବେ ମିସା ନାତାଇବାକେ ଚେସ୍‌ଟା କର୍‌ବାଇ । ୨୩

ସେଦିନୁମନ୍କେ କାଇ କାଇଟା ଅଇସି ସେ ବିସଇନେଇ ତମେ ଜାଗରତ୍ ଅଇ
 ରୁଆ । ସେଟାର୍ପାଇ, ଦେକା ସେ ବେଲା ନ ଆଇବା ଆଗ୍ତୁ ମୁଇ ତମ୍କେ
 ଜାନାଇଦେଲିନି । ୨୪ ସେଦିନୁମନ୍କେ, ସେ ଦୁକର୍ ଗଟ୍ନା ଅଇଲାପତେ
 ବେଲ୍ ଉଜଲ୍ ନ ଦେଇକରି ଆନୁର୍ ଅଇଜାଇସି ଆରି ଜନ୍ ମିସା ଉଜଲ୍
 ନ ଦେଏ । ୨୫ ତାରାମନ୍ ବାଦ୍ଲେଅନି ଅଦର୍ବାଇ ଆରି ବାଦ୍ଲେ ଉଜଲ୍
 ରଇବାଟାମନ୍କେ ପର୍ମେସର୍ ଆଲାଇଦେଇସି । ୨୬ “ସେବେଲା ନର୍ପିଲା
 ମୁଇ, ବେସି ବପୁତେଇ ଆରି ଡାକ୍ପୁଟା ସଞ୍ଜୁ ବାଦ୍ଲଟାମେ ଆଇବାଟା
 ଲକ୍ମନ୍ ଦେକ୍ବାଇ । ୨୭ ସେବେଲା ମର୍ ଦୁତ୍ମନ୍କେ ପାଟାଇକରି ଦୁନିଆ
 ସାର୍ଲାଅନି ଆରି ସରଗ୍ ଚିଡ଼ଲା ତେଇଅନି ପର୍ମେସର୍ ବାଦ୍ଲା ଲକ୍ମନ୍କେ
 ଚୁଲିଆଇବି ।” ୨୮ “ଏବେ ତୁମ୍ଭି ଗତର୍ ଉଦାଅରନ୍ ଅନି ଏ ବିସଇ ସିକା
 । ଜେତେବେଲେ ତାର୍ କେନ୍ଦୁଅନି ପତର୍ ପାଲୁଆନି କରି, କାଁଟାପଡ଼ିଆ
 ଡିସ୍ଲେ, କାରାଦିନ୍ କେଟ୍ଲା ବଲିକରି ତମ୍କେ କେ ନ କଇଲେମିସା ଜାନାସ୍
 । ୨୯ ସେନ୍ଦୁସେ ତମେ ଏ ସବୁ ଗଟ୍ନା ଦେକ୍ବାବେଲେ, ମୁଇ ଆଇବା ଦିନ୍
 କେଟ୍ଲା, ବଲିକରି ଜାନସା । ୩୦ ମୁଇ ତମ୍କେ ସତ୍କାତା କଇଲିନି, ଏ
 ଗଟ୍ନା ନ ଅଇବାଜାକ, ଏବେ ରଇଲା ଲକ୍ମନ୍ ନ ମରତ୍ । ୩୧ ବାଦ୍ଲ୍
 ଆରି ତେଇ ଉଜଲ୍ ଅଇ ରଇବାଟାମନ୍, ଦୁନିଆଇ ଆରି ତେଇରଇବା ସବୁ
 ଦିନ୍ସୁ ନାସ୍ ଅଇବା ସାରାସାରି ଦିନ୍ ଆଇସି, ମାତର୍ ମର୍ ବାକିଅ କେବେ
 ମିସା ନ ସାରେ ।” ୩୨ “ମାତର୍ ସବୁ ଗଟ୍ନା କେବେ ଆରି ଜେତେବେଲା
 ଅଇସି ବଲିକରି କେ ମିସା ନାଜାନତ୍ । ସରଗର୍ ଦୁତ୍ କି ସତ୍ ମାପ୍ପୁର୍ ପିଲା
 ମୁଇ ମିସା ନାଜାନି । ମର୍ ବାବା ପର୍ମେସର୍ ଗଟେକ୍ ଲକ୍ସେ ଜାନିଆତେ
 । ୩୩ ସେ ଦିନ୍ କି ବେଲା କେବେ ଆଇସି, ସେଟା ତମେ କେ ନାଜାନାସ୍ ।
 ସେଟାର୍ପାଇ ତମେ ଜାଗରତ୍ ଅଇ ତିଆର୍ଅଇ ରୁଆ । ୩୪ ମୁଇ ଆଇବା
 ଦିନ୍, ଏନ୍ଦୁ ଗଟେକ୍ ଲକ୍ ତାର୍ ଗର୍ ଚାଡ଼ି ବିନ୍ ଦେସେ ଜିବା ବିସଇ ସମାନ୍
 କରୁଅଇସି । ସେ ନିଜର୍ ଗତିଦାଞ୍ଜୁଡାମନ୍କେ ଡାକିକରି ସେମନ୍ କାଇ କାଇ
 କାମ୍ କର୍ବାଆତେ, ସେ ସବୁ ବିସଇ ସେମନ୍କେ କଇଲା । ବାଟ୍ ତିଆଗତି
 ଜାଗ୍ବା ଗତିଦାଞ୍ଜୁଡାକେ ଡାକିକରି ସେ ବାଉଡ଼ି ଆଇବା ଜାକ ଜାଗିକରି
 ରଇବାକେ କଇକରି ଗାଲା । ୩୫ ତମେମିସା ଜାଗୁଆଇର୍ ପାରା ଜାଗରତ୍
 ଅଇ ରୁଆ । କାଇକେବଇଲେ ସାଉକାର୍ ସଞ୍ଜୁବେଲା, କି ମଜାରାତି, କି
 କୁକ୍ତାତାକେ କି ସାକ୍ଲିଆ ଆଇସି ସେଟା ତମେ ନାଜାନାସ୍ । ୩୬ ଜଦି ସେ

ଅଟାଡ଼ ଆସିକରି ଦେକିଲାବେଳେ, ତମେ ଇସ୍ରାୟଲର ଲକ୍ଷ୍ମୀମନ୍ତ ପାରା
ରଇବାଟା ସେ ଦେଖିବାରୁନା । ୩୭ ମୁଇ ତମ୍ଭେ କାଇଟା କଇଲିନି, ସେ
ବିସଇସେ ସବୁ ଲକ୍ଷ୍ମୀ କଇଲିନି । ମୁଇ ଆଇବା ଦିନପାଇ ତିଆର ଅଇକରି
ସବୁବେଲା ଜାଗରତ୍ ଅଇକରି ରୁଆ ।”

୧୪ ନିସ୍ତାର ପରବ୍ ଆରି କମିର୍ ନ ମିସାଇ ରୁଟି କାଇବା ପରବ୍ ଅଇବାକେ
ଆରି ଦୁଇଦିନ ବାକିରଇଲା । ସେବେଲେ ମୁକିଅ ପୁଜାରିମନ୍ ଆରି ନିୟମ୍
ସିକାଉମନ୍ କେ ନାଜାନ୍ତେ ଜିସୁକେ କେନ୍ଦ୍ରି ବନ୍ଦିକରି ମରାଇଅଇସି ବଲିକରି
ବୁଦି ପାଁଚେରଇଲା । ୨ ମାତର୍ ସେମନ୍ କଇଲା, “ପରବ୍ ଦିନମନ୍‌କେ
ତାକେ ବନ୍ଦିକରି ନଏ । କାଇକେବଇଲେ ଲକ୍ଷ୍ମୀମନ୍ ଗଣ୍ଡୁଗଲ୍ କରବାଇ
।” ୩ ଜିସୁ ବେତ୍‌ନିଆ ଗଡେ ଆଗ୍‌ତୁ ବଡ଼ ରଗ୍ ଅଇଲା ସିମନ୍‌ ଗରେ
କାଇବାକେ ବସୁଲାବେଲେ, ଗଟେକ୍ ମାଇଜି କାଁଚେ ବେସି ଦାମ୍ ଦେବା
ବାସ୍‌ନା ଚିକନ୍ ଆନିକରି କାଁଚର୍ ଗାଲା ବାଢ଼ାଇ, ଜିସୁର୍ ମୁଣ୍ଡେ ରକଇଦେଲା
। ୪ ମାତର୍ ତେଇ ରଇବା କେତେକ୍ ଲକ୍ଷ୍ମୀମନ୍ ରିସାଅଇ ନିଜର୍ ନିଜର୍
ବିତ୍‌ରେ କାତା ଅଇଲା, “ଏ ଚିକନ୍ କାଇକେ ବେକାର୍ ବେକାର୍ ନସ୍‌ଟ
କରି ପାକାଇଲାନି? ୫ ଏଟା ବର୍‌ସେକର୍ କାମାଇଲାତେଇଅନି ଅଦିକ୍
ଡାବୁକେ ବିକି ଗରିବ୍ ଲକ୍ଷ୍ମୀମନ୍‌କେ ଦେବାର୍ ଅଇତା ।” ବଲିକରି ସେମନ୍
ସେ ମାଇଜିକେ ବେସି କଇପାକାଇଲା । ୬ ମାତର୍ ଜିସୁ ସେମନ୍‌କେ
କଇଲା, “ସେ ମାଇଜିକେ ଚାଡ଼ିଦିଆସ୍, କାଇକେ ତାକେ ଲାଗିକରି କସ୍‌ଟ
ଦେଲାସ୍‌ନି? ସେ ମର୍‌ପାଇ ନିକ କାମ୍ କଲାଆଚେ । ୭ କାଇକେବଇଲେ,
ଗରିବ୍ ଲକ୍ଷ୍ମୀମନ୍ ସବୁବେଲା ତମ୍ଭସଙ୍ଗ୍ ଆତଡ଼ । ତମେ ଜେତେବେଲା
ମନ୍‌କଲେ, ସେତେବେଲା ସେମନ୍‌କେ ସାଇଜି କରିପାରାସ୍ । ମାତର୍ ମୁଇ
ଆରି ବେସିଦିନ ତମର୍ ସଙ୍ଗ୍ ନ ରଇ । ୮ ଏ ମାଇଜି ଜେଡ଼କି ପାର୍‌ଲା,
ସେଡ଼କି କଲାଆଚେ । ସେ ମର୍ ମଲା ଗାଗଡ଼ ମସ୍‌ନେ ତପ୍‌ବା ଆଗ୍‌ତୁ ଚିକନ୍
ଲାଗାଇଦେଲା ଆଚେ । ୯ ମୁଇ ତମ୍ଭେ ସତ୍‌କାତା କଇଲିନି, ଗୁଲାଇ ଜଗତେ
ଜନ୍ ଜାଗାଇ ମିସା ମାପ୍‌ରୁର୍ ନିକ କବର୍ ଜାନାଇଅଇସି । ଏ ମାଇଜି ଜାଗଟା
କଲାଆଚେ, ତାକେ ଏତାଇକରି ସେଟା ମିସା କଇବାଇ ।” ୧୦ ତାପ୍‌ପତେ
ଜିସୁର୍ ବାଟ୍‌ଟା ସିସ୍‌ମନ୍‌ ବିତ୍‌ରେଅନି ଇସ୍କାରିୟ୍‌ଡ଼ ଜିଉଦା ନାଉଁର୍ ଗଟେକ୍
ସିସ୍ ଜିସୁକେ ମୁକିଅ ପୁଜାରିମନ୍‌ ଆଚେ ଦାରାଇଦେବାକେ ରାଜିଅଇକରି
ସେମନ୍‌ ଲଗେ ଗାଲା । ୧୧ ସେ ମୁକିଅ ପୁଜାରିମନ୍ ଜିଉଦାର୍ କାତା

ସୁନିକରି ବେସି ସାର୍ଦା ଅଇଗାଲା । ଏ କାମ୍ କଲେ ସେମନ୍ ଇସ୍କାରିୟର୍
 ଜିଉଦାକେ ତାରୁ ଦେବୁ ବଲିକରି ପର୍ମାନ୍ କରି କଇଲା । ସେଟାର୍ପାଇ
 ଇସ୍କାରିୟର୍ ଜିଉଦା ଜିସୁକେ ମୁକିଅ ପୁଜାରିମନେକ ଦାରାଇ ଦେବାକେ
 ବେଲା କଇଲା । ୧୨ କମିର୍ ନ ମିସାଇକରି ରୁଟି ତିଆରକରି କାଇବା ବଜିର୍
 ପରବର୍ ପରୁମ୍ ଦିନେ, ରକିଆ ପାଇବା ପରବେ ମେଣ୍ଟାପିଲା ପୁଜ୍ବାଇ
 । ସେଦିନେ ଜିସୁର୍ ସିସ୍ମନ୍ ତାକେ “ତର୍ପାଇ ରକିଆ ପାଇବା ପରବର୍
 ବଜି ସବୁ ଟିକ୍ କରବାକେ ଆମେ କନ୍ ଜାଗାଇ ଜିବୁ ବଲିକରି ତୁଇ ମନ୍
 କଲୁସ୍ନି?” ୧୩ ସେଟାର୍ପାଇ ଜିସୁ ତାର୍ ଦୁଇଟା ସିସ୍ମନ୍କେ ଡାକିକରି
 କଇଲା ତମେ ଗତେ ଜା । ତେଇ ଗଟେକ୍ ବଡ଼ଟା ଆଣ୍ଡିତେଇ ପାନି ନେବା
 ଲକ୍ କେ ଦେକ୍ସା । ତମେ ତାର୍ ପତେ ପତେ ଜା । ୧୪ ସେ ପାନିନେବା
 ଲକ୍ ଗଟେକ୍ ଗରେ ପୁର୍ସି । ତମେ ମିସା ସେ ଗର୍ ବିତ୍ରେ ପୁରିକରି ସେ
 ଗରର୍ ସାଉକାର୍ କୁଆ, “ଆମର୍ ଗୁରୁ ପାଟାର୍ଲାନି, ମୁଇ ମର୍ ସିସ୍ମନ୍
 ସଞ୍ଜୁ ରକିଆ ପାଇବା ପରବର୍ ବଜି କରବା ବାକ୍ରା କନ୍ତି ଆଟେ? ୧୫ ସେ
 ଗରର୍ ସାଉକାର୍ ତମ୍ କେ ଗର୍ ଉପ୍ରେ ରଇବା ନିମାନ୍ ସଜାଇଅଇରଇଲା
 ଗଟେକ୍ ବଡ଼ଟା ବାକ୍ରା ଦେକାଇଦେଇସି । ତେଇ ଆମର୍ପାଇ କାଇବା
 କାଦି ତିଆରକରା ।” ବଲି ପାଟାଇଲା । ୧୬ ତାର୍ ପତେ ଦୁଇଟା ସିସ୍ମନ୍
 ସେ ଗରେ ଗାଲା । ତେଇ ଜିସୁ ସେମନ୍କେ ଜେନ୍ତି କଇରଇଲା, ସବୁ
 ସେନ୍ତି ଦେକ୍ଲା । ସେଟାର୍ପାଇ ସେମନ୍ ତେଇ ନିସ୍ତାର୍ ପରବର୍ ବଜି
 ତିଆରକଲା । ୧୭ ସଞ୍ଜୁ ଅଇଲାକେ ଜିସୁ ତାର୍ ସିସ୍ମନ୍କେ ଡାକିନେଇ
 ତେଇ କେର୍ଲା । ୧୮ ସେମନ୍ ବସି କାଇବାବେଲେ ଜିସୁ କଇଲା, “ମୁଇ
 ତମ୍ କେ ସଡ଼କାତା କଇଲିନି, ଏବେ ତମର୍ ବିତ୍ରେଅନି ଗଟେକ୍ ଲକ୍
 ଜେକି ଆମର୍ ସଞ୍ଜୁ କାଇଲାନି, ସେ ମକେ ସଡ଼ରୁମନେକ ଦାରାଇଦେଇସି
 ।” ୧୯ ଏ କାତା ସୁନିକରି ସିସ୍ମନ୍ ବେସି ମନ୍ଦୁକ୍ ଅଇଲା । ସବୁଲକ୍
 ଗଟେକ୍ ଗଟେକ୍ ଅଇକରି ଜିସୁକେ ସେଲକ୍ ମୁଇ କି? ବଲିକରି ପାଟାର୍ଲାଇ
 । ୨୦ ଜିସୁ ସେମନ୍କେ କଇଲା, “ତମର୍ ବାର ଲକର୍ ବିତ୍ରେଅନି ଜନ୍
 ଲକ୍ ମର୍ସଞ୍ଜୁ ଗିନାତେଇ ରୁଟି ତବାଲିଆଟେ, ସେ ଆକା ।” ୨୧ “ମର୍
 ବିସଇ ପର୍ମେସରର୍ ସାସ୍ତରେ କେନ୍ତି ଲେକା ଅଇଲାଆଟେ, ସେନ୍ତିସେ
 ସବୁ ଅଇଲାନି, ସେଟା ସଡ଼ସେ, ମାତର୍ ଜାର୍ଟାନେଅନି ନର୍ପିଲା ମୁଇ
 ସଡ଼ରୁମନର୍ ଆଟେ ଦାରାଇଅଇବି, ସେ ବେସି ବଡ଼ ଡଣ୍ଟୁ ପାଇବାଲକ୍ ଆରି

ସେ ଜନମ୍ ନ ଅଇରଇଲେ ନିକ ଅଇତା ।” ୨୨ ସିସ୍‌ମନ୍ କାଇବାକେ
 ବସ୍‌ଲାବେଲେ, ଜିସୁ ରୁଟିଦାରିକରି ପର୍‌ମେସର୍‌କେ ଜୁଆର୍‌କଲା ଆରି ସେଟା
 ବାଢ଼ୁଇ ସେମନ୍‌କେ ଦେଇକରି କଇଲା, “ନିଆ ଏଟା ମର୍ ଗାଗଡ଼ ।” ୨୩
 ତାର୍‌ପତେ ଅଢ଼ୁର୍ ରସ୍ ଦାରି ପର୍‌ମେସର୍‌କେ ଜୁଆର୍ କରି ସବୁ ଲକ୍‌କେ
 କାଇବାକେ ଦେଲାଜେ ସେମନ୍ କାଇଲା । ୨୪ ଆରି ସେ ତାର୍ ସିସ୍‌ମନ୍‌କେ
 କଇଲା, ଏଟା ଅଇଲାନି ବେସି ଲକ୍‌ପାଲ ଜରାଇଲା ମର୍ ବନି । ଏ ବନି
 ସଢ଼ୁ ପର୍‌ମେସର୍ ଲକ୍‌ମନର୍ ସଢ଼ୁ ରାଜିନାମା କଲାନି । ୨୫ ମୁଇ ତମ୍‌କେ
 ସତ୍ କାତା କଇଲିନି, “ମୁଇ ପର୍‌ମେସର୍ ରାଇଜେ ନୁଆ ଅଢ଼ୁର୍ ରସ୍ କାଇବା
 ଦିନ୍ ନ ଆଇବାଜାକ, ଏଟା ଆରି କେବେ ମିସା ନ କାଇ ।” ୨୬ ସବୁ ସିସ୍‌ମନ୍
 ମିସିକରି ପର୍‌ମେସର୍‌କେ ଦନିଅବାଦର୍ ଗିଡ଼ ଗାଇ କରି ଜିଡ଼ ନାଉଁର୍
 ପର୍‌ବତେ ଗାଲା । ୨୭ ସେବେଲେ ଜିସୁ ସିସ୍‌ମନ୍‌କେ କଇଲା, “ତମେ
 ସବୁଲକ୍ ମକେ ଚାଡ଼ିକରି ଉଟିଜାଇସା । ସେଟା ପର୍‌ମେସର୍ ସାସ୍‌ତରେ
 ଏନ୍ତି ଲେକାଅଇଲାଆତେ, “ମୁଇ ମେଣ୍ଟା ଗଡ଼କେ ମରାଇବି । ତେଇର୍
 ମେଣ୍ଟାମନ୍ ତିନ୍‌ତତର୍ ଅଇଜିବାଇ ।” ୨୮ “ମାତର୍ ମୁଇ ମଲାଟାନେଅନି
 ଆରିତରେକ୍ ଉଟ୍‌ଲାପତେ, ତମେ ଗାଲିଲି ଦେସେ ଜିବା ଆଗ୍‌ତୁ, ମୁଇ ତମ୍‌ର୍
 ଆଗ୍‌ତୁ ଆଗ୍‌ତୁ ଗାଲିଲି ରାଇଜେ ଜିବି ।” ୨୯ ମାତର୍ ପିତର୍ ଜିସୁକେ କଇଲା,
 “ସବୁ ସିସ୍‌ମନ୍ ତମ୍‌କେ ଚାଡ଼ିକରି ଗାଲେ ମିସା ମୁଇ ତମ୍‌କେ କେବେ ନ ଚାଡ଼ି
 ।” ୩୦ ଜିସୁ ତାକେ କଇଲା, “ମୁଇ ତକେ ସତ୍‌କାତା କଇଲିନି, ଆଜି ରାତି
 ଦୁଇତର୍ କୁକ୍‌ତା ତାକ୍‌ବା ଆଗ୍‌ତୁ, ତୁଇ ମକେ ତିନ୍‌ତର୍ ତିନିନାଇ ବଲିକରି
 କଇସୁ ।” ୩୧ ଏ କାତା ସୁନି ପିତର୍ ଜିସୁକେ ଆରିତରେକ୍ ତାସ୍‌ସଢ଼ୁ କଇଲା,
 “ମୁଇ ତମ୍‌ର୍ ସଢ଼ୁ ମର୍‌ବାର୍ ଆଲେ ମିସା କେବେ ତମ୍‌କେ ନାଜାନି ବଲି ନ
 କଇ ।” ଆରି ବାକି ସିସ୍‌ମନ୍ ମିସା ସେନ୍ତିସେ କଇଲା । ୩୨ ତାର୍‌ପତେ
 ଜିସୁ ତାର୍ ସିସ୍‌ମନର୍ ସଢ଼ୁ ଗେଡ଼୍‌ସିମି ନାଉଁର୍ ଗଟେକ୍ ଜାଗାଇ ଆଇଲା ।
 ତେଇ ଜିସୁ ସିସ୍‌ମନ୍‌କେ କଇଲା, “ମୁଇ ପାର୍‌ତନା କର୍‌ବାବେଲେ ତମେ
 ଇତି ବସିରୁଆ ।” ୩୩ ପିତର୍, ଜଅନ୍ ଆରି ଜାକୁବ୍‌କେ ତାର୍ ସଢ଼ୁ ମିସ୍‌ତେ
 ତାକିନେଲା । ସେ ଦୁକ୍‌ଅଇ କିଲ୍‌ବିଲ୍ ଅଇବାର୍ ବସ୍‌ଲା । ୩୪ ଆରି ଜିସୁ,
 ପିତର୍, ଜାକୁବ୍ ଆରି ଜଅନ୍‌କେ କଇଲା, “ମର୍ ମନେ ବେସି ଦୁକ୍ ଅଇଗାଲା
 ଆତେ । ଜିବନ୍ ଚିଡ଼ିଗାଲା ପାରା ଲାଗ୍‌ଲାନି । ତମେ ଇତି ବସିରଇ ଜାଗିରୁଆ
 ।” ୩୫ ଜିସୁ ତାକର୍‌ଟାନେଅନି କଣ୍ଟେକ୍ ଦୁରିକେ ଇଣ୍ଟିଜାଇ ଉମ୍‌ତାଡ଼ିଅଇ ବୁର୍‌

ଅଦ୍ଭିକରି ପରମେସ୍ୱରକେ ଏନ୍ତୁ ପାର୍ତନା କଲା, “ଏନ୍ତୁ କରିଅଇସି ବଇଲେ,
 ଏ କସ୍ତର୍ ବେଲା ମକେ ନ ଆସ । ୩୭ ଏ ମର୍ ବାବା ତୁଇ ମନ୍କଲୁସ୍
 ବଇଲେ କାଇ କାମ୍ ମିସା କରିପାରୁସ୍ । ସେଟାର୍ପାଇ ଏ ଦୁକ୍ କସ୍ତର୍
 ମୁତା ମର୍ଟାନେଅନି ଦାରି ଜା । ମାତର୍ ମର୍ ମନ୍ କଲା ଇସାବେ ନ କରି
 ତମର୍ ମନ୍ କଲା ଇସାବେ କରା” ବଲି ପାର୍ତନା କଲା । ୩୭ ତାର୍ପତେ
 ଜିସୁ ତାର୍ ସିସ୍ମନର୍ ଲଗେ ବାଉଡି ଆଇଲାଜେ, ସେମନ୍ ସଇରଇବାଟା
 ଦେକ୍ଲା । ସେ ପିତର୍କେ କଇଲା, “ସିମନ୍ ପିତର୍, ତମେ ସଇଦେଲାସ୍ନି
 କି? ଗଟେକ୍ ଗାଁଟା ମିସା ତେତା ରଇ ଜାଗି ନାପାର୍ଲାସ୍ନି? ୩୮ ତମେ
 ଜେନ୍ତିକି ପରିକାର୍ ପାନ୍ତେ ନ ଅଦର୍ବାପାଇ ଜାଗି ରଇକରି ପାର୍ତନା କରା
 । ମନ୍ କର୍ବି ବଲି ମନ୍ କଲାନି ମାତର୍ ଗାଗଡ୍ ନିର୍ଲାନି ।” ୩୯ ଜିସୁ
 ଆରିତରେକ୍ ଜାଇକରି ଆଗ୍ତୁର୍ ପାରା କଇକରି ପାର୍ତନା କଲା । ୪୦
 ତାର୍ପତେ ସେ ସିସ୍ମନର୍ ଲଗେ ଆରି ତରେକ୍ ବାଉଡି ଆସି ଦେକ୍ଲା ।
 ସେମନ୍ ଆରିତରେକ୍ ସଇଦେଇରଇଲାଇ । ସେମନ୍ ଆଁକିତେଇ ଗୁନ୍
 ତାବି ଆଇତେରଇଲାଜେ ସେମନ୍ ଜିସୁକେ କାଇବଲି ମିସା କଇବାକେ ଜାନି
 ନାପାର୍ଲାଇ । ୪୧ ଏନ୍ତୁ ତିନ୍ତର୍ ପାର୍ତନା କରି ସାରାଇଲାପତେ ଜିସୁ
 ସିସ୍ମନର୍ଲଗେ ଆରିତରେକ୍ ବାଉଡି ଆଇଲା ଆରି ସେମନ୍କେ କଇଲା,
 “ଏବେଜାକ ତମେ ପୁଣ୍ଡିକରି ସଇଦେଇ ଆଟାସ୍? ଏଡ୍ କି ଅଇସିବେ, ଏବେ
 ନର୍ପିଲା ମକେ, ପାପି ଲକ୍ମନର୍ ଆତେ ଦାରାଇଦେବା ବେଲା ଆସି କେଟ୍ଲା
 । ୪୨ ଉଟା ଆମେ ଜୁବେ । ଏଦେ ଦେକା! ମକେ ସତ୍ତୁମନେକ ଦାରାଇ
 ଦେବା ଲକ୍ ଆଇଲାଆତେ ।” ବଲି କଇଲାଇ । ୪୩ ସେ ଦାପ୍ରେ ଜିସୁ ଏ
 କାତା କଇବାବେଲା, ବାର୍ଟା ସିସ୍ମନର୍ ବିତ୍ରେଅନି ଗଟେକ୍ ଲକ୍ ଜେକି
 ଇସ୍କାରିୟୁଡ୍ ଜିଉଦା ଆସି କେଟ୍ଲା । ଆରି ତାର୍ ସଞ୍ଜ୍ ବେସି ଲକ୍ମନ୍
 ରଇଲାଇ । ସେ ଲକ୍ମନର୍ ଆତେ କାଣ୍ଟା ଆରି ଟେଞ୍ଜ୍ ଦାରିରଇଲାଇ ।
 ସେ ଲକ୍ମନକେ ମୁକିଅ ପୁଜାରିମନ୍, ନିୟ୍ ସିକାଇବା ଲକ୍ମନ୍ ଆରି
 ମୁକିଅ ଜିଉଦି ନେତାମନ୍, ପାଟାଇ ରଇଲାଇ । ୪୪ ସତ୍ତୁମନର୍ ଆତେ
 ଦାରାଇଦେବା ଇସ୍କାରିୟୁଡ୍ ଜିଉଦା ଜିସୁକେ ଦେକାଇଦେବାକେ ଏନ୍ତୁ ଗଟେକ୍
 ତିନ୍ କଇରଇଲା, “ମୁଇ ଜନ୍ ଲକ୍କେ ରୁମ୍ବି, ସେ ଆକା ଜିସୁ । ତମେ
 ତାକେ ବନ୍ଦିକରି ଜାଗରଡ୍ ସଞ୍ଜ୍ ଦୁରିକେ ଦାରିଜାଇସା ।” ୪୫ ସେମନ୍
 ତେଇ ଆସିକରି କେଟ୍ଲା ଦାପ୍ରେ, ଇସ୍କାରିୟୁଡ୍ ଜିଉଦା ଜିସୁର୍ ଲଗେ

ଜାଇକରି “ଏ ଗୁରୁ, ଛୁଆରା!” ବଲିକରି ରୁମ୍‌ଲା । ୪୭ ସେବେଲା ସେଲକ୍‌ମନ୍
 ଜିସୁକେ ଦାରି ବନ୍ଦିକରି ନେବାବେଳେ, ୪୭ ସେ ଲଗେ ଟିଆଅଇରଇଲା
 ଜିସୁର ଗଟେକ୍ ସିସ୍ ତାର୍ କାଣ୍ଟା ବେଟି ମୁକିଅ ପୁଜାରିର୍ ଗତି ଦାଢ଼ୁଡ଼ାର୍
 ଉଜା କାନ୍ କାଟିଦେଲା । ୪୮ ଜିସୁ ସେ ଲକ୍‌ମନ୍‌କେ ପାଟାର୍‌ଲା, “ମୁଇ କାଇ
 ଗଟେକ୍ ଅପୁରାଦି ଲକ୍ କି, ତମେ କାଣ୍ଟା ଆରି ଟେଢ଼ୁମନ୍ ଦାରି ମକେ ନେବାର୍
 ଆସିଆଚାସ୍? ୪୯ ସବୁ ଦିନ୍ ମୁଇ ପାର୍‌ତନା ଗର୍‌ମନ୍‌କେ ସିକାଇଦେବା
 ବେଲେ ମୁଇ ତମର୍ ସଢ଼ୁ ରଇଲି । ମାତର୍ ସେବେଲେ ମକେ ଦାରାସ୍‌ନାଇ
 । ମାତର୍ ପର୍‌ମେସରର୍ ସାସ୍‌ତରେ ଜେନ୍ତି ଲେକାଅଇରଇଲା ସେଟା ସବୁ
 ସର୍ ଅଇବାକେସେ ଏନ୍ତି ଅଇଲାଆଚେ ।” ୫୦ ସେବେଲା ଜିସୁର୍ ସିସ୍‌ମନ୍
 ତାକେ ଚାଡ଼ି ଉଟିପାଲାଇଲା । ୫୧ ମାତର୍ ସେବେଲା ଗଟେକ୍ ଦାଢ଼ୁଡ଼ା
 ଅକ୍‌କା ପାତଲ୍ ଚାଦର୍ ତାବିଅଇ ଜିସୁର୍ ପଚେ ପଚେ ଜାଇତେରଇଲା ।
 ଲକ୍‌ମନ୍ ତାକେ ବନ୍ଦିକର୍‌ବାକେ ଚେସ୍‌ଟା କଲାକେ ୫୨ ସେ ଦାଢ଼ୁଡ଼ା ପାତଲ୍
 ଚାଦର୍ ଚାଡ଼ିକରି ତୁମ୍‌ଣ୍ଟା ଉଟିପାଲାଇଲା । ୫୩ ପଚେ ସେ ଲକ୍‌ମନ୍ ଜିସୁକେ
 ସବୁର୍‌ଟାନେଅନି ବଡ଼ପୁଜାରିତେଇ ଦାରିଗାଲା । ମୁକିଅ ପୁଜାରିମନ୍,
 ପାର୍‌ତିମନ୍ ଆରି ନିୟମ୍ ଗୁରୁମନ୍ ସବୁଲକ୍ ଗଟେକ୍ ତେଇ ରୁଣ୍ଟୁଲା ।
 ୫୪ ପିତର୍ ଜିସୁର୍ ଟାନେଅନି ଦୁରିକେ ରଇ ତାର୍ ପଚେ ପଚେ ଗାଲା ଆରି
 ମୁକିଅ ପୁଜାରିର୍ ତାଣ୍ଟିବିତ୍‌ରେ ଗାଲା । ଜାଗୁଆଲ୍‌ମନର୍ ସଢ଼ୁ ବସିକରି ଜଇ
 ତେକ୍‌ତେରଇଲା । ୫୫ ତେଇ ମୁକିଅ ପୁଜାରିମନ୍ ଆରି ବିତାର୍ କର୍‌ବା
 ଜିଉଦି ନେତାମନ୍ ଜିସୁକେ ମର୍‌ବା ତଣ୍ଟୁ ଦେବାକେ ତାର୍ ବିରଦେ ସାକି
 କଜ୍‌ତେରଇଲା । ମାତର୍ ସାକି ଦେବାକେ କେ ମିସା ମିଲ୍‌ତନାଇ । ୫୬
 ବେସି ଲକ୍‌ମନ୍ ଆସିକରି ଜିସୁର୍ ବିରଦେ ମିର୍ ସାକି କଇଲା, ମାତର୍
 ସେମନ୍ ସବୁଲକ୍ ବିନ୍ ବିନ୍ ରକାମର୍ କାତା କଇଲା । ୫୭ ସାରାସାରି
 କେତେ ଲକ୍ ଉଟିକରି ତାର୍ ବିରଦେ ମିର୍ ସାକି ଦେଇ ଏନ୍ତି କଇଲା, ୫୮
 “ଲକ୍‌ମନ୍ ତିଆର୍କଲା ଏ ପର୍‌ମେସରର୍ ମନ୍ଦିର୍ ମୁଇ ବାଢ଼ୁଇ ଦେଇ, ସେଟା
 ତିନ୍ ଦିନ୍ ବିତ୍‌ରେ ଆରି ତିଆର୍କରିଦେବି, ଜନ୍‌ଟାକି ଲକ୍‌ମନ୍ ତିଆର୍ ନ
 କରିଅର୍ ବଲି ସେ କଇବା ଏ କାତା ଆମେ ସୁନିଆରୁ ।” ୫୯ ମାତର୍, ଏନ୍ତି
 ବଇଲେମିସା ଏ ଲକ୍‌ମନ୍ କାଇ କାଇ ବିସଇ ସବୁ କଇତେରଇଲା, ସେଟା,
 ଗଟେକ୍ ଲକ୍‌ର୍ କାତା ଆରି ଗଟେକ୍ ଲକ୍‌ର୍ କାତା ସଢ଼ୁ ନ ମିସ୍‌ତେରଇଲା ।
 ୬୦ ତାର୍‌ପଚେ ସବୁଲକ୍‌ର୍ ଆଗୁ ବଡ଼ ପୁଜାରି ତିଆଅଇକରି ପାଟାର୍‌ଲା,

“ଏ ଲକ୍ଷ୍ମୀନ୍ ତରୁ ବିରଦେ କେତେ କାତା କଇଲାକିନି, ସେ ବିସଇନେଇ
 ତକେ କାଇଟା ମିସା କଇବାରୁ ଆତେ କି?” ୨୧ ମାତରୁ ଜିସୁ ଚିମ୍ବରା ଅଇକରି
 ରଇଲା, କାଇଟା ମିସା କଏନାଇ । ବଡ଼ପୁଜାରି ଜିସୁକେ ଆରି ତରୁ ପାଟାରୁଲା,
 “ତୁଇ କାଇ ପୁଜା ପାଇବା ପର୍ମେସରରୁ ପଅ କିରିସ୍ଟ କି?” ୨୨ ଜିସୁ
 କଇଲା, “ଉଁ, ମୁଇ ସେ । ଆରି ନରୁପିଲା ମୁଇ, ପର୍ମେସରରୁ ବେସି ବପୁରୁ
 ଉଜା ଆଡ଼ ବାଟେ ବସିରଇଲାଟା ଆରି ସରଗରୁ ମେଗେ ଆଇବାଟା ଦେକ୍ସା
 ।” ୨୩ ବଡ଼ ପୁଜାରି ଏ କାତା ସୁନିକରି ବେସି ରିସାଅଇଜାଇ ତାରୁ ନିଜରୁ
 ପରିଆ ଚିରିପାକାଇଲା ଆରି ସବୁଲକ୍ଷ୍ମୀନ୍କେ କଇଲା, “ଆମ୍ଭକେ ଆରି କାଇ
 ସାକି ଦରୁକାରୁ?” ୨୪ “ସେ ପର୍ମେସରରୁ ପିଲା ବଲିକରି କଇଲାଟା ତମେ
 ସୁନିଆଟାସ୍ । ଏବେ ତମେ କାଇଟା ବଲି ବାବୁଲାସ୍ନି?” ତେଇ ସବୁ ଲକ୍ଷ୍ମୀନ୍
 ଜିସୁକେ ଦସି କରାଇ, ତାକେ ମରୁବା ତଣ୍ଡୁ ମିଲ ବଲି କଇଲା । ୨୫ ତେଇ
 ରଇଲା କେତେ ଲକ୍ଷ୍ମୀନ୍ ତାରୁ ଉପରେ ତୁକ୍ତବାରୁ ଦାରୁଲା । କେତେଲକ୍ଷ୍ମୀନ୍
 ତାରୁ ମୁଁ ତାକିକରି ତାକେ ବିଦାସଞ୍ଜୁ ମାରୁଲା । ତାକେ କିଜାଇକରି
 କଇଲା, “ତୁଇ ଜଦି ପର୍ମେସରରୁ କାତା କଇବା ବବିସତ୍ତବକ୍ତା ବଇଲେ,
 ତକେ କେ ମାରୁଲା କ?” ପରେ ସନିଅମନ୍ ତାକେ ଦାରିଜାଇକରି ମାରୁଲା
 । ୨୬ ପିତରୁ ମଜାତାଣ୍ଡେ ଚିଆଅଇଲାବେଲେ ବଡ଼ ପୁଜାରିରୁ ଗତି ଦାଞ୍ଜୁଡି
 ତେଇ ଆଇଲା । ୨୭ ପିତରୁ ଜଇ ଚେକ୍‌ବାବେଲେ ତାକେ ନିମାନ୍ ଦେକିକରି
 କଇଲା, “ତୁଇମିସା ନାଜରିତରୁ ଜିସୁରୁ ସଞ୍ଜୁ ରଇଲୁସ୍ ।” ୨୮ ମାତରୁ ପିତରୁ
 ତାକେ କଇଲା, “ସେଟା ମୁଇ ନଇ, ମୁଇ କେବେ ମିସା ଜିସୁରୁ ସଞ୍ଜୁ ରଇନାଇ,
 ତମେ କାଇଟା କଇଲାସ୍ନି ମୁଇ ନାଜାନି ।” ତାରୁପରେ ପିତରୁ ତାଣ୍ଡେ ପୁରୁବା
 ବାଟେ ଉଡିଗାଲା । ୨୯ ଆରି ତରେକ୍ ଗତିଦାଞ୍ଜୁଡି ପିତରୁକେ ଦେକି ତେଇ
 ଚିଆଅଇଲା ଲକ୍ଷ୍ମୀନ୍କେ କଇଲା, “ଏ ଲକ୍ଷ୍ମୀନ୍ ମିସା ଜିସୁରୁ ଦଲେଅନି ଗଟେକ୍
 ଲକ୍ଷ୍ମୀନ୍ ।” ୩୦ ମାତରୁ ପିତରୁ ଆରିତରେକ୍ କଇଲା, “ଏ କାତା ମୁଲେକ୍ ସତ୍
 ନାଇ ।” ଆରି କେତେପରୁ ଗାଲା ପରେ, ତେଇ ରଇଲା ଲକ୍ଷ୍ମୀନ୍ “ତୁଇ
 ସେମନରୁ ମାନୁଇ ରଇଲୁସ୍ ଆକା, ତୁଇ ଗଟେକ୍ ଗାଲିଲି ଅନି ଆଇଲା ଲକ୍ଷ୍ମୀନ୍
 ପାରା ଡିସ୍‌ଲୁସ୍ନି ।” ବଲି କଇଲା । ୩୧ ମାତରୁ ପିତରୁ ସାଇସ୍ ଦେଇ ରାନ୍
 ପାକାଇ କଇଲା, “ମୁଇ ପର୍ମେସରରୁ ନାଉଁ ଦାରି ପର୍ମାନ୍ କରି କଇଲିନି,
 ତମେ କାରୁ କାତା କଇଲାସ୍ନି, ମୁଇ ତାକେ ମୁଲ୍‌କେ ନାଜାନି ।” ୩୨ ପିତରୁ
 ଏ କାତା କଇଲା ଦାପ୍ରେ କୁକ୍ତା ଦୁଇତରୁ ତାକ୍‌ଲା । ଜିସୁ କଇରଇବା ସବୁ

କାତା ପିତରୁ ଏତାଲଲା । ଜିସୁ କଇରଇଲା, କୁକ୍ତା ଦୁଇତରୁ ଡାକ୍ତା ଆଗୁରୁ
ତୁଇ ମକେ ତିନ୍ ତର ନାଜାନି ବଲିକରି କଇସାରାଇରଇସୁ ବଲି । ତାର୍ପତେ
ପିତରୁ ବେସି ଦୁକ୍ତକରି କାନୁବାର୍ ଦାରୁଲା ।

୧୫ ସାକାଲ୍ ସାକାଲ୍ ପାର୍ତନା ଗରର୍ ମୁକିଅ ପୁଜାରିମନ୍, ମୁକିଅ
ନେତାମନ୍, ଜିଉଦି ନେତାମନ୍, ନିୟମ୍ ସିକାଇବା ଲକ୍ମନ୍ ଆରି ଜିଉଦି
ଲକ୍ମନ୍‌କେ ସାସନ୍ କରବା ସବୁ ରକାମର୍ ନେତାମନ୍ ଜିସୁକେ କାଇଟା
କରବାର୍ ଆତେ? ବଲି ଗଟେକ୍ ବଡ୍ ପିତାଦି କଲାଇ । ସେମନ୍ ତାକେ
ବାନ୍ତିକରି ସାସନ୍ କରବା ପିଲାଡେକ୍ ସର୍ପିଦେଲାଇ । ୨ ପିଲାଡ୍ ଜିସୁକେ
ପାଚାରୁଲା, “ତୁଇ କାଇ ଜିଉଦି ମନର୍ ରାଜା?” ଜିସୁ ତାକେ କଇଲା, “ତୁଇ
ଜନ୍‌ଟା ପାଚାରୁଲୁସ୍‌ନି, ସେଟା ସଡ୍‌ସେ ।” ୩ ମୁକିଅ ପୁଜାରିମନ୍ ଜିସୁକେ ଦସ୍
ଦେଇ କଇବାର୍ ଦାରୁଲାଇ । ୪ ସେବେଲା ପିଲାଡ୍ ତାକେ ଆରିତରେକ୍
ପାଚାରୁଲା, “ତୁଇ କାଇକେ ଚିମ୍‌ରା ଅଇଦେଲୁସ୍? କାଇଟା ମିସା କଉସ୍
ନାଇ । ଦେକା ସେମନ୍ ତର ବିରଦେ କେତେକ୍ ନିନ୍‌କା କାତା କଇଲାଇନି
।” ୫ ମାତର୍ ଜିସୁ କାତା ଅଏ ନାଇ । ସେଟା ଦେକିକରି ପିଲାଡ୍ ବେସି
କାବା ଅଇଗାଲା । ୬ ରକିଆ ପାଇବାର୍ ପରବ୍ କଲାବେଲେ ସବୁ ବରସର୍
ରିତିନିତି ଇସାବେ ପିଲାଡ୍, ଜନ୍ ଆଲେ ବନ୍ତି ଲକ୍‌କେ, ଲକ୍‌ମନ୍ ବାର୍‌କରାଇ
ଦେବାକେ ମନ୍ କରତେରଇଲାଇ, ତାକେ ବାର୍‌କରାଇ ଦେଇତେରଇଲା । ୭
ସେବେଲେ ସର୍କାରର୍ ବିରୁଦେ ଦାବିକରି ବାର୍‌ବା ନାଉର୍ ଗଟେକ୍ ଲକ୍ ବନ୍ତି
ଅଇରଇଲା । ୮ ଲକ୍ ଆରି କେତେଟା ଲକ୍‌ମନର୍ ସଢ୍, ଲକ୍‌ମନ୍‌କେ ମରାଇ
ବନ୍ତି ଅଇରଇଲା । ୯ ଲକ୍‌ମନ୍ ପିଲାତର୍‌ଟାନେ ଆସି, କଇଲାଇ, “ସବୁ
ବରସର୍ ରିତିନିତି ଇସାବେ ଏ ତରେକ୍ ମିସା ଗଟେକ୍ ବନ୍ତି ଲକ୍‌କେ ମୁକ୍‌ଲାଇ
କରି ବାର୍‌କରାଇଦେସ୍ ।” ୧୦ ପିଲାଡ୍ ଲକ୍‌ମନ୍‌କେ ପାଚାରୁଲା, “ତମେ କାକେ
ମନ୍ କଲାସ୍‌ନି? ମୁଇ ତମର୍ ଲାଗି ଜିଉଦିମନର୍ ରାଜାକେ ଚାଡିଦେବି କି?”
୧୦ ପିଲାଡ୍ ରାଜା କାଇକେ ଏନ୍ତି କଇଲା ବଇଲେ, ମୁକିଅ ପୁଜାରିମନ୍ କୁଟ୍
ପାଁତି ଜିସୁକେ ତାର୍ ଆତେ ସର୍ପିଦେଇ ଆତଡ୍ ବଲିକରି ସେ ଜାନିରଇଲା ।
୧୧ ମାତର୍ ମୁକିଅ ପୁଜାରିମନ୍ ଲକ୍‌ମନ୍‌କେ ଉସ୍‌କାଇ କରି, “ଜିସୁର୍ ବାଦୁଲେ
ବାର୍‌ବାକେ ଆମର୍‌ପାଇ ବନ୍ତି ଗରେଅନି ମୁକ୍‌ଲାଇବାକେ କୁଆ ।” ବଲି
କଇଲାଇ । **୧୨** ମାତର୍ ପିଲାଡ୍ ଆରିତରେକ୍ ପାଚାରୁଲା, “ସେନ୍ତିଆଲେ ତମେ
ଜନ୍ ଲକ୍‌କେ ଜିଉଦିମନର୍ ରାଜା ବଲି କଇଲାସ୍‌ନି, ତାକେ ମୁଇ କାଇଟା

କରୁବି ବଲି ତମେ ମନ୍ କଲାସ୍‌ନି?" ୧୩ ଲକ୍‌ମନ୍ ବେସି ରାଝୁକରି କଇଲାଇ,
 "ତାକେ କୁରୁସେ ମରାଆ ।" ୧୪ ତେଇଅନି ପିଲାତ୍ ଆରିତରେକ୍ ଲକ୍‌ମନ୍‌କେ
 ପାଟାରୁଲା, "କାଇକେ, ସେ କାଇ ଦସ୍ କଲାଆଟେ ଜେ?" ମାତର୍ ଲକ୍‌ମନ୍
 ଅଦିକ୍ ଅଦିକ୍ ରାଝୁଅଇକରି କଇଲାଇ, "ତାକେ କୁରୁସ୍ କାଟେ ମରାଆ
 ।" ୧୫ ସେଟାରୁପାଇ ପିଲାତ୍ ଲକ୍‌ମନ୍‌କେ ସାର୍‌ଦା କରାଇବାକେ ମନ୍‌କରି
 ବାର୍‌ବାକେ ବନ୍ଧି ଗରେଅନି ମୁକ୍‌ଲାଇଦେଇ ଜିସୁକେ କରୁତା ସଞ୍ଜୁ ମାରି,
 କୁରୁସ୍‌କାଟେ କୁଟିମାରି ମରାଇଦେବାକେ ସନିଅମନ୍‌କେ ସର୍‌ପିଦେଲା । ୧୬
 ସନିଅମନ୍ ଜିସୁକେ ରମିୟ ସର୍କାରରୁ ସାସନ୍‌କାରିଆ ପିଲାତର୍, ମୁକିଅ
 ଗରର୍ ତାଣ୍ଟେ ଦାରିଗାଲାଇ ଆରି ସେମନ୍ ବିନ୍ ସନିଅମନ୍‌କେ ଗଟେକ୍
 ଟାନେ ତାକି ରୁଣ୍ଟାଇଲାଇ । ୧୭ ସେମନ୍ ଜିସୁକେ କିଜାଇବାକେ ଜାମ୍‌କଲି
 ରଞ୍ଜର୍ ବସ୍‌ତର୍ ପିନ୍ଧାଇଲାଇ ଆରି ଗଟେକ୍ କାଟାର୍ ମୁକୁଟ୍ ତିଆରକରି
 ତାର୍ ମୁଣ୍ଟେ ପିନ୍ଧାଇଦେଲାଇ । ୧୮ ସେମନ୍ ଜିସୁକେ କିଜାଇ କରି କଇଲାଇ,
 "ଏ ଜିଉଦିମନର୍ ରାଜା ତକେ ଜୁଆର୍, ତୁଇ ବେସି ଦିନ୍ ବର୍ ।" ୧୯
 ସେମନ୍ ତରକେତର୍ ବେତ୍ ତାଞ୍ଜୁ ସଞ୍ଜୁ ତାର୍ ମୁଣ୍ଟେ ମାର୍‌ତେରଇଲାଇ ଆରି
 ତାର୍ ଉପରେ ତୁକି କିଜାଇକରି ମାଣ୍ଟିକୁଟା ଦେଇ ଜୁଆର୍ କଲାଇ । ୨୦
 ସେମନ୍ ଜିସୁକେ କିଜାଇ ସାରାଇଲାପଟେ, ଜାମ୍‌କଲି ରଞ୍ଜର୍ ବସ୍‌ତର୍ ତାର୍
 ଗାଗ୍‌ତେଅନି ବେଟିକରି, ନିଜର୍ ବସ୍‌ତର୍ ପିନ୍ଧାଇଦେଲାଇ । ତାର୍‌ପଟେ
 ସେମନ୍ ତାକେ କୁରୁସକାଟେ ମରାଇବାକେ ଗଡ୍ ବାଇରେ ଦାରିଗାଲାଇ । ୨୧
 ସେବେଲା ଆଲେକ୍‌ଜାଣ୍ଟାର୍ ଆରି କୁରୁନିୟ ଜାଗାର୍ ରୁପ୍‌ଅର୍ ବାବା ସିମନ୍
 ନାଉର୍ ଗଟେକ୍ ଲକ୍, ପଲିଗାରାମ୍ ଅନି ଆସିକରି ସେ ବାଟେ ଜାଇତେରଇଲା
 । ସେ ସନିଅମନ୍ ତାକେ ଜିସୁର୍ କୁରୁସ ବଇବାକେ ବାଦିଅ କଲାଇ । ୨୨
 ତାର୍‌ପଟେ ସେମନ୍ ଜିସୁକେ ଗଲ୍‌ଗତା ନାଉର୍ ଗଟେକ୍ ଜାଗାଇ ଦାରିଗାଲାଇ
 । ଗଲ୍‌ଗତାର୍ ଅରତ୍ ଅଇଲାନି, କାପାଲ୍ ଜାଗା । ୨୩ ସେମନ୍ ଜିସୁକେ ଅସ
 ମିସାଇଲା ଅଞ୍ଜୁର୍ ରସ୍ କାଅ ବଲିକରି ଦେଲାଇ, ମାତର୍ ସେ ନିର୍ଲା । ୨୪
 ତାର୍‌ପଟେ ଜିସୁକେ କୁରୁସେ ଚଗାଇଲାଇ ଆରି ତାର୍ ବସ୍‌ତର୍ କାର୍‌ବାଗେ
 କାଇଟା ମିଲ୍‌ସି ବଲି ବାଟାକରି ନେବାକେ, କେଡ୍ ପୁଟାଇକରି ନିଜର୍ ନିଜର୍
 ବିତ୍‌ରେ ବାଟାକରି ନେଲାଇ । ୨୫ ସେମନ୍ ସାକ୍‌ଲିଆ ନ ଗାଁଟା ବେଲାଇ
 ଜିସୁକେ କୁରୁସେ ଚଗାଇଲାଇ । ୨୬ ଆରି "ଏଟା ଜିଉଦିମନର୍ ରାଜା ।"
 ବଲି ନିନ୍ଧା କାତା ଲେକି କୁରୁସ୍ ଉପରେ ତସାଇଲାଇ । ୨୭ କୁରୁସେ ଜିସୁର୍

ସଞ୍ଜୁ ଆରି ଦୁଇଟା ଚରମନୁକେ, ତାର ଉଜାବାଟେ ଗଟେକ୍‌କେ, ତେବ୍‌ରି
 ବାଟେ ଆରିଗଟେକ୍‌କେ ଚଗାଇରଇଲା । ୨୮ ସେ ବୁଲ୍ କଲା ଲକ୍‌ମନର୍
 ବିତ୍‌ରେଅନି ଗଟେକ୍ ଲକ୍ ବଲି, ଇସାବ୍ ଅଇଲା ବଲିକରି ପରେମସରର୍
 ସାସ୍‌ତରେ ଲେକାଅଇରଇବା ବିସଇ ସିଦ୍ ଅଇଲା । ୨୯ ସେ ବାବ୍ ଦେଇ
 ଜିବା ଲକ୍‌ମନ ନିଜେ ନିଜେ ମୁଣ୍ଟୁ ଛୁଲାଇ ଜିସୁକେ ନିନ୍ଦୁକରି କଇଲାଇ,
 “ପାର୍‌ତନା ଗର୍ ବାଢ଼ୁଇ କରି ତିନ୍‌ଦିନ୍ ବିତ୍‌ରେ ତିଆର୍ କର୍‌ବାଲକ୍ ଏ
 ସେ କି?” ବଲି କିଜାଇଲା । ୩୦ “ତୁଇ ଏବେ କୁର୍‌ସେ ଅନି ଉତ୍‌ରି
 ନିଜ୍‌କେ ରକିଆ କର୍ ।” ୩୧ ମୁକିଅ ପୁଜାରିମନ୍ ଆରି ନିୟ୍‌ମ୍ ସିକାଇବା
 ଲକ୍‌ମନ ମିସା ନିଜର୍ ନିଜର୍ ବିତ୍‌ରେ କାତାଅଇକରି କିଜାଇଲା । ସେମନ୍
 କଇତେରଇଲା, “ବିନ୍ ଲକ୍‌ମନୁକେ ରକିଆ କର୍‌ତେରଇଲା, ମାତର୍ ସେ
 ନିଜେ ରକିଆ ଅଇ ନାପାରୁଲା ।” ୩୨ “ତମେ ସତଇସେ ଇସ୍ରାଏଲର୍
 ରାଜା କିରିସ୍‌ଟ ଅଇରଇଲେ, କୁର୍‌ସେ ଅନି ଉତ୍‌ରି ଆଉ । ସେନ୍ତି ଅଇଲେ
 ଆମେ ଦେକିକରି ବିସ୍‌ବାସ୍ କର୍‌ବୁ ।” ବଲି କଇଲା । ଜନ୍ ଲକ୍‌ମନୁକେ
 ଜିସୁର୍ ସଞ୍ଜୁ କୁର୍‌ସେ ଚଗାଇରଇଲା, ସେମନ୍ ମିସା ଜିସୁକେ ନିନ୍ଦୁ କଲା ।
 ୩୩ ମୁଇଦାନିଆ ବାର୍‌ଟା ବେଲାଅନି ତିନ୍‌ଟା ଜାକ ଗୁଲାଇ ଦେସ୍ ଆନ୍ତୁର୍
 ଅଇଗାଲା । ୩୪ ଦିନ୍ ତିନ୍‌ଟା ବେଲେ ଜିସୁ ଆଉଲିଅଇ କଇଲା, “ଏଲଇ
 ଏଲଇ ଲାମା ସବକ୍‌ତାନି ।” ଆର୍ ଅରତ୍ ଅଇଲାନି, “ଏ ମର୍ ପର୍‌ମେସର୍ ଏ
 ମର୍ ପର୍‌ମେସର୍, ତମେ ମକେ କାଇକେ ଚାଡିଦେଲାସ୍?” ୩୫ ଏ କାତା
 ସୁନି ସେଲଗେ ଟିଆ ଅଇରଇବା କେତେ ଲକ୍ କଇଲା, “ସେ ଏଲିୟୁକେ
 ଡାକ୍‌ଲାନି ।” ୩୬ ତେଇଅନି ଗଟେକ୍ ଲକ୍ ପାଲାଇ ଜାଇ ଅଢ଼ୁର୍ ରସେ, ତୁଲା
 ବୁଡାଇ ତାଢ଼େ ବାନ୍ତି ଉପ୍‌ରେ ଲାମାଇଦେଲା । ସେ ଲକ୍ କଇଲା, “ଏବେ
 ଏଲିୟୁ ଆସିକରି ଆକେ କୁର୍‌ସେ ଅନି ଉତ୍‌ରାଇଦେଇସି କି ନାଇ ଦେକୁ ।” ୩୭
 ମାତର୍ ଜିସୁ ଆଉଲିଅଇଲା ଦାପ୍‌ରେ ତାର୍ ଜିବନ୍ ଚାଡିଗାଲା । ୩୮ ସେବେଲା
 ମନିର୍‌ର୍ ସୁକଲ୍ ଜାଗା ବିନେ କର୍‌ବା ପାର୍‌ଦା ଉପ୍‌ରେଅନି ତଲେ ଜାକ ଦୁଇ
 ଡାଡ୍ ଅଇ ଚିରିଅଇଗାଲା । ୩୯ ତେଇ ଜିସୁର୍ କୁର୍‌ସେ ମୁଆଟେ ଟିଆଅଇରଇଲା
 ସଏଟା ସନିଅମନର୍ ମୁକିଅ, ଜିସୁ ସାରାସାରି ଆଉଲି ଅଇଲାଟା ଆରି ସେ
 କେନ୍ତି ଅଇକରି ମଲା, ଦେକିକରି କଇଲା, “ସତଇସେ ଏ ପର୍‌ମେସରର୍
 ପିଲା ରଇଲା ।” ୪୦ ତେଇ କେତେଟା ମାଇଜିମନ୍ ମିସା କୁର୍‌ସେ ଅନି
 ଦୁରିକେ ଟିଆଅଇ ଦେକ୍‌ତେରଇଲା । ସେମନ୍ ଅଇଲାଇନି, ମର୍‌ଦଲିନି

ମରିୟମ୍, ସାନ୍ତା ଜାକୁବ୍ ଆରି ଜସିର୍ ମା ମରିୟମ୍ ଆରି ସଲମି । ୪୧ ଜିସୁ ଗାଲିଲିତେଇ ରଇଲାବେଲେ ଏ ମାଇଜିମନ୍ ଜିସୁର୍ ସଞ୍ଜୁ ଜାଇତେରଇଲା । ଆରି ତାକେ ଦର୍କାର୍ ରଇଲା ବିସଇ ସାଇଜ କର୍ତେରଇଲା । ଜିସୁର୍ ସଞ୍ଜୁ ଜିରୁସାଲାମେ ଆସିରଇଲା ବିନ୍ ମାଇଜିମନ୍ ମିସା ତେଇ ରଇଲା । ୪୨ ସେ ଦିନ୍ ବିସରାମ୍ ଦିନ୍ ପାଇ ତିଆର୍ ଅଇବା ଦିନ୍ ଅଇରଇଲା । ସେଦିନେ ସଞ୍ଜୁବେଲା, ୪୩ ଆରାମାତିଆ ଗାଉଁର୍ ବିଚାରକର୍ବା ମୁକିଅ ଲକ୍ ବିତ୍ରେ ରଇଲା ଜସେପ୍ ନାଉଁର୍ ଗଟେକ୍ ଲକ୍, ପର୍ମେସର୍ ସାସନ୍ କର୍ବା ରାଇଜର୍ ବେଲା ଆସ ବଲି ଜାଗିରଇବା ଗଟେକ୍ ଲକ୍ । ବେସି ସାଆସ୍ଅଇ ପିଲାତର୍ ଲଗେ ଜାଇକରି ଜିସୁର୍ ମଲାମତ୍ ମାଞ୍ଜୁଲା । ୪୪ ଜିସୁ ଏତେକ୍ ଦାପ୍ରେ ମରିଗାଲା ବଲି ସୁନି ପିଲାତ୍ କାବା ଅଇଗାଲା । ତାର୍ ସନିଅମନର୍ ନେତାକେ ତାକି “ଜିସୁ ମଲାବେ କି?” ବଲି ପାଚାର୍ଲା । ୪୫ ସେ ସନିଅମନର୍ ନେତା, ଜିସୁ ମରିଗାଲା ବିସଇ ପିଲାତ୍ କେ କଇଲା । ତାର୍ପତେ ଜସେପ୍ କେ ପିଲାତ୍ କଇଲା, “ତୁଇ ମତ୍ ନେଇ ପାରୁସ୍ ।” ୪୬ ସେଟାର୍ପାଇ ଜସେପ୍ ଜିସୁର୍ ଗାଗତ୍ କୁରସ୍ ଉପ୍ରେଅନି ଉତ୍ତରାଇ ଆନ୍ଲା ଆରି ଗଟେକ୍ ନୁଆ ଲୁଗା ସଞ୍ଜୁ ଗୁଡିଆଇକରି ରାଞ୍ଜୁନି କାଟି ତିଆର୍ କରି ରଇଲା ଗଟେକ୍ ପାଆରେ ନେଇକରି ସଞ୍ଜୁଇଲା । ଗଟେକ୍ ବଡ୍ ଚାତଡା ପାକ୍ନା ନେଇ ପାଆର୍ ମୁଆଟେ ତାବିଦେଲା । ୪୭ ଜିସୁକେ ଜନ୍ ଜାଗାଇ ନେଇ ସଞ୍ଜୁଇ ରଇଲା, ସେ ଜାଗା ମଗ୍ଦଲିନି ମରିୟମ୍ ଆରି ଜସିର୍ ମା ମରିୟମ୍ ଦେକିରଇଲା ।

୧୭ ବିସରାମ୍ବାର୍ ସାର୍ଲା ତାର୍ ଆର୍କର୍ ଦିନେ ମଗ୍ଦଲିନି ମରିୟମ୍, ଜାକୁବ୍ ମାଆ ମରିୟମ୍ ଆରି ସଲମି, ଜିସୁର୍ ମଲା ଗାଗ୍ତେ ଲାଗାଇବାକେ ବାସ୍ନା ଚିକନ୍ ଗେନିଆନ୍ଲା । ୧ ରଇବାର୍ ଦିନର୍ ସାକାଲ୍ ସାକାଲ୍ ସେମନ୍ ତାର୍ ଗାଗତ୍ ସଞ୍ଜୁଇଲା ଜାଗାକେ ଜାଇତେରଇଲା । ସେବେଲେ ବେଲ୍ ଉଦି ଆଇତେରଇଲା । ୩ ସେମନ୍ ନିଜର୍ ନିଜର୍ ବିତ୍ରେ “ଜିସୁର୍ ଗାଗତ୍ ସଞ୍ଜୁଇରଇଲା ମୁଆଟର୍ ବଡ୍ ଚାତଡା ପାକ୍ନା ଆମର୍ ପାଇ କେ ଗୁଚାଇଦେଇସି ତେବେ?” ବଲି କାତା ଅଇତେରଇଲା । ୪ ସେମନ୍ ସେ ଜାଗାଇ କେଟିକରି ଦେକ୍ଲାବେଲେ, ଏଦେ ଦେକା! ସେ ବଡ୍ ଚାତଡା ପାକ୍ନା ଗୁଚିଜାଇରଇଲା । ୫ ସେବେଲା ସେମନ୍ ସେ ଜାଗା ବିତ୍ରେ ପୁରିକରି ଦେକ୍ଲାବେଲେ ଗଟେକ୍ ବିଜ୍ଲି ପାରା ଜଗ୍ଜଗି ଜାଇତେରଇବା ଦବ୍ ପତିଆ ପିନ୍ଦିରଇବା ଦାଞ୍ଜୁଡା, ଜିସୁର୍ ମତ୍ ସଞ୍ଜୁଇରଇଲା ଜାଗାର୍ ଉଜାବାଟେ

ବସିରଇଲା । ସେଟା ଦେକି ସେମନ୍ ବେସି ତରିଜାଇ କାବା ଅଇଗାଲା ।
 । ୬ ମାତର୍ ସେ ଲକ୍ ସେମନ୍ କେ କଇଲା, “ତରାନାଇ, ତମେ କୁର୍ସେ
 ମଲା ନାଜରିତ୍ ଗତର୍ ଜିସୁ କିରିସ୍ତକେ କଜ୍ଲାସ୍ନି କି? ସେ ଇତି ନାଇନି,
 ଏବେ ମଲାଟାନେଅନି ଉର୍ଲା ଆତେ । ତାର୍ ମତ୍ ସଞ୍ଜୁଇଲା ଜାଗା ଦେକା
 ।” ବଲି କଇଲା । ୭ “ତମେ ଜାଇକରି ତାର୍ ସିସ୍ମନ୍ କେ ଆରି ପିତର୍ କେ
 ବାଇଦରେ କୁଆ, ତମେ ଜିବା ଆଗ୍ତୁ ଜିସୁ ଗାଲିଲି ଗତେ ଗାଲା ଆତେ । ସେ
 ତମ୍ କେ ଜେନ୍ତି କଇରଇଲା, ସେନ୍ତିସେ ଗାଲିଲି ଗତେ ତାକେ ଦେକ୍ସା ।” ବଲି
 କଇଲା । ୮ ସେ ମାଇଜିମନ୍ ବେସି କାବା ଅଇଜାଇ, ତର୍ତରି ଜାଇକରି ସେ
 ଜାଗାଅନି ବାରଇକରି ପାଲାଇଲା ଆରି ସେମନ୍ ବେସି ତରିଜାଇକରି
 କାକେ ମିସା କାଇବଲି କଅର୍ନାଇ । ୯ (note: The most reliable and
 earliest manuscripts do not include Mark 16:9-20.) ଜିସୁ ମଲାଟାନେଅନି
 ଉର୍ଲା ଆତର୍ ପର୍ତୁମ୍ ଦିନର୍ ସାକାଲେ ଜନ୍ ମାଇଜିଟାନେଅନି ଜିସୁ
 ସାତ୍ଟା ତୁମାମନ୍ କେ କେଦିରଇଲା, ମଗ୍ଦଲିନି ନାଉର୍ ମରିୟ୍ମକେ ପର୍ତୁମ୍
 ଦେକାଇଅଇଲା । ୧୦ ସେ ମାଇଜି ତେଇଅନି ଜାଇକରି, ଦୁକ୍ ଅଇ କରି
 କାନୁତେ ରଇଲା ଜିସୁର୍ ସିସ୍ମନ୍ କେ କଇଲା, ୧୧ “ଜିସୁ ମଲାତେଇଅନି
 ଉର୍ଲା ଆତେ ଆରି ମୁଇ ତାକେ ନିଜେ ଦେକିଆତି ।” ବଲି କଇଲା । ସିସ୍ମନ୍
 ତାକେ ମୁଲ୍ କେ ବିସ୍ବାସ୍ କରତ୍ ନାଇ । ୧୨ ତାର୍ପତେ ଦୁଇଟା ସିସ୍ମନ୍
 ଗଟେକ୍ ଗାଏଁ ଜିବାବେଲେ ଜିସୁ ସେମନ୍ କେ ବିନ୍ ରୁପେ ଦେକାଇଅଇଲା ।
 ସିସ୍ମନ୍ ତାକେ ଚିନି ନାପାର୍ଲା । ୧୩ ସେ ଦୁଇଟା ସିସ୍ମନ୍ ବାଉଡିଆସିକରି
 ବିନ୍ ସିସ୍ମନ୍ କେ ଏ କାତା କଇଲା । ଏନ୍ତି କଇଲେ ମିସା ସିସ୍ମନ୍
 ତାକର୍ କାତା ବିସ୍ବାସ୍ କରତ୍ ନାଇ । ୧୪ ତାର୍ପତେ ଏଗାର୍ଟା ସିସ୍ମନ୍
 କାଇବାବେଲେ ଜିସୁ ସେମନ୍ କେ ଦେକାଇଅଇଲା । ଜିସୁ ମଲାଟାନେଅନି
 ଉର୍ଲାଟା ଦେକିରଇଲା ଲକ୍ମନ୍ କଇଲା କାତା ବିସ୍ବାସ୍ ନ କରି, ସେମନ୍
 ମନ୍ ଆର୍ କଲାର୍ ଲାଗି ସେମନ୍ କେ ଲାଗ୍ଲା । ୧୫ ଜିସୁ ସେମନ୍ କେ କଇଲା,
 “ତମେ ଏ ଦୁନିଆର୍ ଗୁଲାଇବାଟେ ଜାଇକରି ସବୁ ଲକ୍ମନ୍ କେ ମର୍ ନିମାନ୍
 କାତା କୁଆ । ୧୬ ଜେ ଜେ ଏ ନିମାନ୍ କାତା ବିସ୍ବାସ୍ କରି ତୁବନ୍ ନେବାଇ,
 ସେମନ୍ ପାପେଅନି ରକିଆ ପାଇବାଇ, ମାତର୍ ଜେ ଜେ ଏ ନିମାନ୍ କାତା
 ବିସ୍ବାସ୍ ନ କରତ୍, ପର୍ମେସର୍ ସେମନ୍ କେ ତଣ୍ଟୁ ଦେଇସି । ୧୭ ଆରି
 ବିସ୍ବାସି ଲକ୍ମନ୍ ମର୍ ନାଉଁ ଦାରି ତୁମାମନ୍ କେ ବାର୍କରାଇ କେଦିଦେବାଇ

ଆରି ନାଜାନିରଇବା ବାସାଇ କାତା ଅଇବାଇ । ଏନ୍ତି ବିସ୍ବାସ୍ କରୁବା
ଲକ୍ମନରୁଟାନେ ଗଟେକ୍ ତିନ୍ ପାରା ଅଇସି । er ସେମନ୍ ନାଜାନିକରି
ସାଁପ୍ ଆତେ ଦାରଲେ କି ବିସ୍ କାଇଲେ ନ ମରତ୍ । ଜରୁଦୁକାର୍ ଲକ୍ମନ୍କେ
ଆତ୍ ଚିଇ କରି ପାର୍ତନା କଲେ, ସେଲକ୍ମନ୍ ନିମାନ୍ ଅଇଜିବାଇ” ବଲି
କଇଲା । ec ମାପ୍ତୁ ଜିସ୍ତୁ ଏ ସବୁ କାତା ସେମନ୍କେ କଇ ସାରାଇଲା ପତେ,
ପର୍ମେସର୍ ତାକେ ସର୍ଗେ ଦାରିଗାଲା ଆରି ପର୍ମେସର୍ ସନ୍ମାନ୍ ଜାଗାଇ
ବସଲା । ୨୦ ତାର୍ପତେ ତାର୍ ସିସ୍ମନ୍ ଜାଇକରି ଏ ଦୁନିଆର୍ ଗୁଲାଇବାଟେ
ମାପ୍ତୁ ଜିସ୍ତୁ ନିମାନ୍ କାତା କଇଲାଇ ଆରି ମାପ୍ତୁ ତାକର୍ ସଙ୍ଗ୍ ରଇକରି
କାବାଅଇଜିବା ବିନ୍ ବିନ୍ କାମ୍ କଲା । ଏନ୍ତାରି ସେମନ୍ କଇବା କାତା ସତ୍
ବଲି ଦେକାଇଦେଲା ।

ଲୁକ୍

୧ ଏ ତିଅପିଲ୍ ମଥାୟୟ, ଆମର୍ ବିତ୍ରେ ଜନ୍ ସବୁ ଗର୍ନା ଗର୍ଲା, ସେସବୁ
ଲେକ୍‌ବାକେ ବେସି ଲକ୍ ଚେସ୍‌ଟା କଲାଲ । ୨ ଆରାମ୍ ଅଇଲା ମୁଲେ, ଜେଜେ
ଏ ସବୁ ଦେକିରଇଲାଲ ଆରି ସୁବ୍ କବର୍ ବିନ୍ ଲକ୍‌ମନ୍‌କେ ଜାନାଇଲାଲ,
ସେମନ୍ ଆମ୍‌କେ କଇଲା ଇସାବେ ଲେକ୍‌ଲାଲ । ୩ ଡେବର୍‌ପାଇ ଏ ମାନନିୟ
ତିୟପିଲ୍. ପୁର୍ବେଅନି ଟିକିନିକି କଜ୍‌ଲଡ୍‌କରି ତେଇ ସବୁଜାକ ରିତିନିତି
ସଞ୍ଜୁ ଅଇଲାଟା ତମର୍‌ପାଇ ମୁଇ ଲେକ୍‌ବିଆକା ବଲି ମନ୍‌କଲି । ୪ ଜେନ୍ତି
ତୁଇ ସବୁ ବିସଇର୍ ସିକିଆ ପାଇଆରୁସ୍, ସେ ସିକିଆର୍ ପୁରାପୁରୁନ୍ ସତ୍
ପାଇପାରୁସ୍ । ୫ ଜିଉଦା ଦେସର୍ ରାଜା ଏରଦର୍ ବେଲେ, ଅବିୟ ପୁଜାରି
ଦଲେ ଜିକରିୟ ନାଉର୍ ଗଟେକ୍ ପୁଜାରି ରଇଲା । ତାର୍ ମାଇଜି ଏଲିସାବେଡ୍
। ସେ ଆରଣ୍ ବସର୍ ରଇଲା । ୬ ପର୍‌ମେସରର୍ ଦେକ୍‌ବା ଇସାବେ ସେମନ୍
ଦୁଇଲକ୍ ଜାକ ମାପ୍‌ରୁର୍ ସବୁ ଆଦେସ୍, ବିଦି ଇସାବେ କରତେରଇଲାଲ । ୭
ମାତର୍ ସେମନ୍‌କେ ପିଲାଜିଲା ନ ରଇଲା । କାଇକେ ବଇଲେ ଏଲିସାବେଡ୍
ବାଞ୍ଜି ରଇଲା । ଆରି ସେମନ୍ ଡକ୍‌ରା ଡକ୍‌ରି ଅଇଜାଇରଇଲାଲ । ୮ ଦିନେକ୍
ଜିକରିୟ ନିଜର୍ ଦଲର୍ ପାଲି ଇସାବେ, ଜିଉଦିମନର୍ ମନ୍ତିରେ ପୁଜାରି କାମ୍
କର୍‌ବାବେଲେ, ୯ ରିତିନିତି ଇସାବେ ଜିକରିୟର୍ ନାଉଁ କେଡ୍ ପୁର୍‌ଲାଜେ
ତାକେ ମାପ୍‌ରୁର୍ ମନ୍ତିରେ ଜାଇକରି ବେଦିଟାମେ ଦୁପ୍ ଦେବାକେ ପଢ୍‌ଲା ।
୧୦ ଆରି ଦୁପ୍ ଦେବାବେଲେ ଲକ୍‌ମନ୍ ବାଇରେ ପାର୍‌ତନା କର୍‌ତେ ରଇଲାଲ
। ୧୧ ସେଡ୍‌କିବେଲେ ଏଦେ ଦେକା! ମାପ୍‌ରୁର୍ ଗଟେକ୍ ଦୁଡ୍ ଦୁପ୍ ଦେବା
ବେଦିର୍ ଉଜାବାଟେ ଟିଆଅଇ ତାକେ ଦର୍‌ସନ୍ ଦେଲା । ୧୨ ଜିକରିୟ
ତାକେ ଦେକି କିଲ୍‌ବିଲ୍ ଅଇ ତରିଗାଲା । ୧୩ ମାତର୍ ଦୁଡ୍ ତାକେ କଇଲା,
“ଜିକରିୟ ଡର୍‌ନାଇ, କାଇକେବଇଲେ ତମେ ଗୁଆରି କଲାଟା ପର୍‌ମେସର୍
ସୁନିଆତେ । ତର୍ ମାଇଜି ଏଲିସାବେଡ୍ ଗଟେକ୍ ପିଲା ଜନମ୍ ଦେଇସି ।
ତମେ ତାକେ ଜଅନ୍ ବଲି ନାଉଁ ଦିଆସ୍ । ୧୪ ସେ ତମର୍ ପାଇ ବେସି
ସାର୍‌ଦା ଆନ୍‌ସି ଆରି କେତେ କେତେ ଲକ୍‌ମନ୍ ତାର୍ ଜନମେ ସାର୍‌ଦା
କର୍‌ବାଇ । ୧୫ ମାପ୍‌ରୁର୍ ଦେକ୍‌ବା ଇସାବେ ସେ ଗଟେକ୍ ଡାକ୍‌ପୁଟା ଲକ୍
ଅଇସି । ସେ ଆମର୍ ଅଇଜାଇରଇବା ଅଞ୍ଜୁର୍ ରସ୍ କି ନିସା ଜିନିସ୍ ମୁଲ୍‌କେ
ନ କାଏ ଆରି ମାଆର୍ ଗର୍‌ବେ ଅନି ସୁକଲ୍ ଆଡ୍‌ମାଇ ପୁରାପୁରୁନ୍ ଅଇ
ଆଇସି । ୧୬ ଆରି ଇସ୍ରାଏଲ୍ ଲକ୍‌ମନର୍ ବିତ୍ରେ ଅନି କେତେ କେତେ

ଲକ୍ଷ୍ମୀଙ୍କୁ ମାପୁରୁ ତାର ପରମେସରର ଟାନେ ବାଉଡ଼ାଇଥି । ୧୭ ସେ
 ବବିସଦ୍‌ବକ୍ତା ଏଲିୟର ଆତ୍ମାଲ ବପୁଅଇ ପରମେସରର ଆଗୁରୁ ଜାଇଥି
 । ବାବାମନର ମନ୍ ପିଲାମନରୁଟାନେ ବାଉଡ଼ାଇଥି । ପରମେସରର କାତା
 ନ ମାନବା ଲକ୍ଷ୍ମୀଙ୍କୁ ଦରମ୍ ଲକ୍ଷ୍ମୀନ୍ ତିନ୍ତା କରବା ଟାନେ ବାଉଡ଼ାଇଥି
 । ଆରି ପରମେସରର ଲକ୍ଷ୍ମୀଙ୍କୁ ତାର ପାଇ ଜାଗରତ୍ କରାଇଥି ।”
 ୧୮ ତେଇ ଜିକରିୟ ଦୁତ୍‌କେ କଇଲା, “ତମେ କଇବାଟା ସତ୍ ଅଇଥି ବଲି
 ମୁଇ କେନ୍ତି ଜାନ୍‌ବି? କାଇକେବଇଲେ ମୁଇତା ତକ୍‌ରା ଅଇଗାଲିବେ, ଆରି
 ମର୍ ମାଇଜି ମିସା ତକ୍‌ରି ଅଇଗାଲାନି ।” ୧୯ ଦୁତ୍ ତାକେ କଇଲା “ମୁଇ
 ଗାବ୍‌ରିଏଲ୍, ମୁଇ ପରମେସରର ମୁଆଟେ ଟିଆ ଅଇରଇବା ଦୁତ୍, ତମ୍‌କେ
 ଏ କବର୍ ଜାନାଇବାକେ ମକେ ପାଟାଇଆଟେ । ୨୦ ଦେକ୍, ଏ ସବୁ ନ
 ଅଇବା ଦିନ୍ ଜାକ ତୁଇ ଗୁଲାଅଇ ରଇସୁ । କାଇକେବଇଲେ ମର୍ ସବୁ
 ବାକିଅ ସମାନ୍ ବେଲାଇସେ ପୁରାପୁରୁନ୍ ଅଇଥି । ସେଟା ସବୁ ତୁଇ ବିସ୍‌ବାସ୍
 କୁରୁସ୍ ନାଇ ।” ୨୧ ଏତ୍‌କି ଅଇବା ବିତ୍‌ରେ ଲକ୍ଷ୍ମୀନ୍ ଜିକରିୟକେ ବାଇରେ
 ଜାଗିରଇଲା ଆରି ଦେଉଲେ ତାର୍ ଅଲ୍‌ସମ୍ ଅଇଲାଜେ ସେମନ୍ କାବାଅଇ
 ଜାଇତେରଇଲା । ୨୨ ମାତର୍ ଜିକରିୟ ବାରଇ ଆସି ଲକ୍ଷ୍ମୀମର୍ ସଞ୍ଜୁ
 କାତାଅଇ ନାପାର୍‌ଲା, ତେଇ ସେ ଦେଉଲେ ଦର୍‌ସନ୍ ପାଇଆଟେ ବଲି
 ଲକ୍ଷ୍ମୀନ୍ ବୁଜ୍‌ଲାଆ ଆରି ସେ ଲକ୍ଷ୍ମୀଙ୍କୁ ଆତ୍ ସଗିଆ କରି ଜାନାଇବାର୍
 ଦାର୍‌ଲା ଆରି ଗୁଲାଅଇକରି ରଇଲା । ୨୩ ଜିକରିୟ ତାର୍ ସେବା କରବା
 ପାଲି ଦିନ୍ ସବୁ ସାର୍‌ଲା ପଟେ ତାର୍ ଗରେ ଉଟିଗାଲା । ୨୪ ଏତ୍‌କି ଅଇ
 କେତେକ୍ ଦିନ୍ ଗାଲା ପଟେ ତାର୍ ମାଇଜି ଏଲିସାବେତ୍ ଗାଗ୍‌ତେ ଅଇଲା ଆରି
 ସେ ପାଁର୍ ମାସ୍ ଜାକ କାକେ ନ ଜାନାଇ ଗରେସେ ରଇଲା । ୨୫ ତାର୍‌ପଟେ
 ଏଲିସାବେତ୍ କଇଲା, “ଲକ୍ଷ୍ମୀମର୍ ଜେଞ୍ଜେର୍ କରବାଟା ଦୁର୍ କରବାକେ
 ସାରାସାରି ମକେ ଦୟା କରି ମାପୁରୁ ଏନ୍ତାରି କଲାଆଟେ ।” ୨୬ ଏଲିସାବେତ୍
 ଗାଗ୍‌ତେଅଇ ତ ମାସ୍ ଅଇଲାକେ, ପରମେସର ଗାବ୍‌ରିଏଲ୍ ଦୁତ୍‌କେ ଗାଲିଲି
 ରାଇଜର୍ ନାଜରିତ୍ ନାଉଁର୍ ନଅରେ ଗଟେକ୍ ଦାଢୁଡିର୍ ଟାନେ ପାଟାଇଲା ।
 ୨୭ ସେ ଦାଢୁଡିର୍ ନାଉଁ ମରିୟମ୍, ଦାଉଦ୍ ବସ୍‌ର୍ ଜସେପ୍ ନାଉଁର୍ ଗଟେକ୍
 ଦାଢୁଡା ସଞ୍ଜୁ ତାର୍ ମାଢୁନି ଅଇରଇଲା । ୨୮ ଦୁତ୍ ମରିୟମର୍ ଲଗେ ଆସି
 କଇଲା, “ଏ ନୁନି, ମାପୁରୁ ତକେ ଦୟାକଲା ଆଟେ, ଆରି ତର୍‌ସଞ୍ଜୁ ଆଟେ ।”
 ୨୯ ମରିୟମ୍ ସରଗର୍ ଦୁତ୍ କଇଲା ବାକିଅ ସୁନ୍‌ଲା ଆରି କାଇଟା ବୁଜିନାପାରି

ଉତୁକ୍ ଦୁତୁକ୍ ଅଇଜାଇକରି, ବାବିବାବି ରଇଲା । ୩୦ ଦୁତ୍ ତାକେ କଇଲା,
 “ମରିୟତ୍ ତର୍ ନାଇ, ତୁଇ ମାପ୍‌ରୁର୍ ଦୟା ପାଇଆରୁୟ୍ । ୩୧ ଦେକ୍ ତୁଇ
 ଗାଗ୍‌ତେ ଅଇ ପିଲା ଗଟେକ୍ ଜନମ୍ କର୍‌ସୁ ଆରି ତାର୍ ନାଉଁ ଜିସୁ ଦେଇସା
 । ୩୨ ସେ ଗଟେକ୍ ତାକ୍‌ପୁଟା ଲକ୍ ଅଇସି ଆରି ସବୁର୍ ଉପ୍‌ରେ ରଇବା
 ପର୍‌ମେସରର୍ ପଅ ବଲି କଇବାଇ, ସରଗର୍ ମାପ୍‌ରୁ ତାକେ, ତାର୍ ଆନିଦାଦି
 ଦାଉଦର୍ ପାରା ରାଜା କରାଇସି । ୩୩ ସେ କାଲ୍‌କାଲ୍ ଜୁଗ୍‌ଜୁଗ୍ ଇସ୍ରାଏଲ୍
 ଲକ୍‌ମନ୍‌କେ ସାସନ୍ କର୍‌ସି । ତାର୍ ରାଇଜ୍ କେବେ ନ ସାରେ ।” (aiōn g165)
 ୩୪ ମରିୟତ୍ ଦୁତ୍‌କେ କଇଲା, “ଏଟା କେନ୍ତୁ ଅଇସି? ମୁଇତା ମୁନୁସ୍‌କେ
 ନାଜାନି!” ୩୫ ଦୁତ୍ ତାକେ କଇଲା, “ସୁକଲ୍ ଆତ୍‌ମା ଆସି ତକେ ଡାବି ଅଇସି,
 ଆରି ସବୁର୍ ଉପ୍‌ରେ ରଇବା ପର୍‌ମେସରର୍ ବପୁ ତକେ ଗୁଡ଼ିଆଇ ଅଇସି,
 ଡେବର୍‌ପାଇ ଜେ ଜାତ୍ ଅଇସି, ସେ ସୁକଲ୍ ପର୍‌ମେସରର୍ ପଅ ବଲି ତାକ୍‌ପୁଟା
 ଅଇସି ।” ୩୬ ଆରି ଦେକ୍, ତର୍ ଲାଗାର୍ ଲିତାର୍ ଏଲିସାବେତ୍ ମିସା ତକ୍‌ରି
 ବେଲେ ଗାଗ୍‌ତେ ଆଟେ, ଜାକେ ଲକ୍‌ମନ୍ ବାଞ୍ଜି ବଲି କଇତେରଇଲାଇ ।
 ତାକେ ଏବେ ତ ମାସ୍ ଅଇଲାନି । ୩୭ କାଇକେବଇଲେ ପର୍‌ମେସରର୍‌ଟାନେ
 କାଇଟା ମିସା ନ ଅଇବା କାମ୍ ନାଇ, ବଲି କଇଲା । ୩୮ ତେଇ ମରିୟତ୍
 କଇଲା, “ଦେକା, ମୁଇ ଗଟେକ୍ ମାପ୍‌ରୁର୍ ଦାସି, ତମେ କଇବା ଇସାବେ
 ମକେ ଅ ।” ତାର୍‌ପତେ ଦୁତ୍ ତାର୍‌ଟାନେଅନି ଉଟିଗାଲା । ୩୯ ସେତ୍‌କିବେଲେ
 ମରିୟତ୍ ବାରଇକରି ଜିଉଦା ରାଇଜର୍ ଡଙ୍ଗର୍ ଜାଗାର୍ ଗଟେକ୍ ନଅରେ
 ଉଟିଗାଲା । ୪୦ ତେଇ ଜିକରିୟ୍‌ର୍ ଗରେ ପୁରିକରି ସେ ଏଲିସାବେତ୍‌କେ
 ଜୁଆର୍ କଲା । ୪୧ ମରିୟତ୍ ଜୁଆର୍‌କଲାଟା ସୁନ୍‌ଲା ଦାପ୍‌ରେ ଏଲିସାବେତ୍‌ର୍
 ଗର୍‌ବେ, ପିଲା ସାର୍‌ଦା ଅଇ ତେଗଇଲା ଆରି ଏଲିସାବେତ୍ ସୁକଲ୍ ଆତ୍‌ମାଇ
 ପୁରାପୁରୁନ୍ ଅଇଲା । ୪୨ ଏଲିସାବେତ୍ ଆଉଲି ଅଇକରି କଇଲା, “ତୁଇ ସବୁ
 ମାଇଜିମନର୍ ବିତ୍‌ରେ ଅନି କେତେକ୍ ନିକ କରମର୍ ଲକ୍! ତର୍ ଗରବର୍
 ପିଲାର୍ ମିସା କେତେକ୍ କରମ୍! ୪୩ ମୁଇ କେ ଜେ ମର୍ ମାପ୍‌ରୁର୍ ମାଆ,
 ମକେ ଦେକ୍‌ବାର୍ ଆଇଲା ଆଟେ? ୪୪ କାଇକେବଇଲେ, ଦେକ୍, ତୁଇ
 ଜୁଆର୍‌କଲାଟା ସୁନ୍‌ଲା ଦାପ୍‌ରେ ମର୍ ଗରବର୍ ପିଲା ସାର୍‌ଦା ଅଇ ତେଗଇଲା
 । ୪୫ ଜେ ବିସ୍‌ବାସ୍ କର୍‌ସି ତାର୍ କେତେକ୍ ନିମାନ୍ କରମ୍, କାଇକେବଇଲେ
 ମାପ୍‌ରୁ ତାକେ ଜାଇଜାଇଟା କୁଆଅଇଲାଆଟେ, ସେ ସବୁଜାକ ଅଇସି ଆକା
 ।” ୪୬ ତେଇ ମରିୟତ୍ କଇଲା, “ମର୍ ଜିବନ୍ ମର୍ ମାପ୍‌ରୁର୍ ମଇମା କଲାନି ।

୪୭ ଆରି ମର୍ ଆତ୍ମା ମର୍ ରକିଆକାରି ପର୍ମେସରଟାନେ ସାର୍ଦା କଲାନି । ୪୮ କାଇକେବଇଲେ ସେ ମର୍ପାରା କାକୁର୍ତିଆନିକେ ନିଜର୍ ଗତିଦାଢୁଡି ବଲି ଏତାଇଲା ଆଚେ । ଆରି ଦେକା ଆଜିଅନି କାଲକାଲ୍ ଜୁଗ୍ଜୁଗ୍, ସବୁ ଲକ୍ ମକେ ପର୍ମେସରର୍ ତେଇଅନି ଆସିର୍ବାଦ୍ ମିଲ୍ଲା ଲକ୍ ବଲି କଇବାଇ । ୪୯ କାଇକେବଇଲେ ସବୁଟାନେଅନି ବପୁର୍ ମାପୁର୍, ମର୍ପାଇ କାବାଅଇଜିବା କାମ୍ କଲାଆଚେ, ତାର୍ ନାଉଁ ସୁକଲ୍ । ୫୦ ଆରି ଜନ୍ ଲକ୍ମନ୍ ତାକେ ଡରିକରି ରଇବାଇ, ଜୁଗେ ଜୁଗେ ସେ ସେମନ୍କେ ଦୟା କର୍ସି । ୫୧ ସେ ତାର୍ ନିଜର୍ ବପୁର୍ ଆଦ୍ ଦେକାଇଆଚେ, ସେ ଆଁକାର୍ ଲକ୍ମନ୍କେ ସେମନ୍ର୍ ମନେ ବାବ୍ନା କଲାଟା ଚିନ୍ତତର୍ କଲା ଆଚେ । ୫୨ ସେ ବଡ୍ ବଡ୍ ରାଜାମନ୍କେ ସେମନ୍ ରଇବାଟାନେଅନି ଉତ୍ତରାଇ ଦେଲା ଆଚେ, ଆରି କାକୁର୍ତିଆମନ୍କେ ଉପ୍ରେ ଉଟାଇ ଆଚେ । ୫୩ ସେ ବୁକର୍ ଲକ୍ମନ୍କେ ନିକ ନିକ ବିସଇ ଦେଇ ସାର୍ଦା କରାଇ ଆଚେ, ସାଉକାର୍ଲକ୍ମନ୍କେ ରୁଟା ଆଚେ ବାଉତାଇଦେଇ ଆଚେ । ୫୪ ଆମର୍ ଆନିଦାଦିମନ୍କେ ଜନ୍ କାତା ଦେଇରଇଲା, ସେଟା ପୁରାପୁରୁନ୍ କଲା ଆରି ତାର୍ ନିଜର୍ ତାକର୍ ଇସ୍ରାଏଲର୍ ଉପ୍କାର୍ କରି ଆଚେ । ୫୫ ସେ ଅବ୍ରାଆମ୍ ଆରି ତାର୍ ନାଡିମନ୍କେ ତାର୍ ଦୟା କାଲକାଲ୍ ଜୁଗ୍ଜୁଗ୍ ଏତାଅଡ୍ବଲି ଦେକାଇଲା ଆଚେ ।” (aiōn g165) ୫୬ ଆରି ମରିୟ୍ ଡିନ୍ ମାସ୍ ପାରା ଏଲିସାବେତର୍ ସଢୁ ରଇ ନିଜର୍ ଗରେ ବାଉଡି ଗାଲା । ୫୭ ପଚେ ଏଲିସାବେତର୍ ଆଡ୍ଗଡ୍ ସୁକ୍ ଅଇବା ଦିନ୍ କେଟି ଆଇଲାଜେ, ସେ ଗଟେକ୍ ପିଲା ଜନମ୍ ଦେଲା । ୫୮ ଆରି ମାପୁରୁଜେ ତାକେ ଦୟା କଲାଆଚେ, ଏଟା ସୁନି ଜିକରିୟ୍ ଲାଗାର୍ଲିତାର୍ ଲକ୍ ଆରି ଗତିଆ କୁଟୁମ୍ ତାକର୍ ସଢୁ ସାର୍ଦା କର୍ବାର୍ ଦାର୍ଲାଇ । ୫୯ ଆଡ୍ ଦିନ୍ ଗାଲାପଚେ ଲକ୍ମନ୍ ପିଲାର୍ ସୁନଡ୍ଟାନେ ଆଇଲାଇ ଆରି ତାର୍ ବାବାର୍ ନାଉଁ ଇସାବେ ପିଲାର୍ ନାଉଁ ମିସା ଜିକରିୟ୍ ଦେବାକେ ମନ୍କଲାଇ । ୬୦ ମାତର୍ ଏଲିସାବେଡ୍ କଇଲା, “ନାଇ ତାର୍ ନାଉଁ ଜଅନ ଦିଆ ଅ ।” ୬୧ ଲକ୍ମନ୍ ତାକେ କଇଲାଇ “ତମର୍ ବସ୍ ବିତ୍ରେ ତା ଏନ୍ତାରି ନାଉଁର୍ ଲକ୍ କେ ମିସା ନାଇ ।” ୬୨ ତେଇ ସେମନ୍ ପିଲାକେ କାଇ ନାଉଁ ଦେଉଁ ବଲି ମନ୍ କଲୁସ୍ନି? ସେଟା ଜିକରିୟ୍କେ ଆଡ୍ ଦେକାଇକରି ପାଚାର୍ବାର୍ ଦାର୍ଲାଇ । ୬୩ ସେଡ୍କିବେଲେ ଜିକରିୟ୍ ଲକ୍ମନ୍କେ ଗଟେକ୍ ଲେକ୍ବା ପାଟା ମାଢୁଲା ଆରି “ଏଦେ ଦେକା! ତାର୍ ନାଉଁ ଜଅନ୍!” ବଲି ଲେକ୍ଲା । ତେଇ ସବୁଲକ୍

କାବା ଅଇଗାଲା । ୧୪ ସେତ୍ସି ଦାପ୍ରେ ଜିକରିୟର୍ ଟଣ୍ଟୁ ପୁଟ୍ଲା, ସେ ଆରି
 ତରେକ୍ କାତା ଅଇ ପର୍ମେସର୍କେ ମଇମା କର୍ବାର୍ ଦାର୍ଲା । ୧୫ ତାର୍
 ଲଗର୍ ପାକର୍ ଲକ୍ମନ୍ ତରିଗାଲା, ଆରି ଏସବୁ କାତା ଜିଉଦା ରାଇଜର୍
 ତଙ୍ଗର୍ ଜାଗାର୍ ସବୁ ବାଟର୍ ଲକ୍ମନ୍ କୁଆବଲା ଅଇଲା । ୧୬ ଆରି
 ସୁନିରଇବା ସବୁ ଲକ୍ମନ୍ କାବା ଅଇକରି, ମନେ ମନେ ବାବ୍ଲା, ତେବେ
 ଏ ପିଲା କାଇଟା ଅଇସି? କାଇକେବଇଲେ ମାପ୍ପୁର୍ ବପୁ ପିଲାର୍ସଙ୍ଗୁ ଆତେ
 ବଲି ସବୁକେ ଜାନାପଡ୍ଲା । ୧୭ ଆରି ଜଅନର୍ ବାବା ଜିକରିୟ୍ ସୁକଲ୍
 ଆଡ଼ମାଇ ପୁରାପୁରୁନ୍ ଅଇ ପର୍ମେସର୍ କବର୍ କଇବାର୍ ଦାର୍ଲା । ୧୮
 “ଆସା ଆମେ ଇସ୍ରାଏଲର୍ ମାପ୍ପୁକେ ଦନିଅବାଦ୍ ଦେଉ କାଇକେବଇଲେ
 ସେ ତାର୍ ନିଜର୍ ଲକ୍ମନ୍କେ ଦୟାକରି ମୁକ୍ତାଇସି । ୧୯ ତାର୍ ନିଜର୍
 ଗତିଦାଙ୍ଗୁଡା ଦାଉଦର୍ କୁଟୁମେ ଅନି ଆମର୍ ପାଇ ଗଟେକ୍ ବପୁ ସଙ୍ଗୁର୍
 ଉଦାର୍କାରିଆକେ ଦେଲା ଆତେ । ୨୦ ପୁରବ୍ କାଲେଅନି ସୁକଲ୍ ରଇବା
 ନିଜର୍ ବବିସତ୍ବକ୍ତାମନର୍ ଟଣ୍ଟୁଅନି କାତା ଦେଇ ଜେନ୍ତି କଇରଇଲା,
 (aiōn g165) ୨୧ ସେନ୍ତାରି ଆମ୍ବେ ଇନ୍ କର୍ବା ସବୁ ସତ୍ବୁମନର୍ ଟାନେଅନି
 ମୁକ୍ତାଇ ଆତେ । ୨୨ ଜେନ୍ତି ସେ ଆମର୍ ଆନିଦାଦିମନର୍ପାଇ ଦୟା
 ଦେକାଇଆତେ, ଆରି ସେମନର୍ ସଙ୍ଗୁ କରଇରଇବା ନିଜର୍ ସୁକଲ୍ ନିୟ୍ମ୍
 ଏତାଇ ଆତେ, ୨୩ ଆମର୍ ପୁର୍ବର୍ ବାବା ଅବ୍ରାଆମ୍ବେକ ଜନ୍ କାତା
 ଦେଇରଇଲା । ୨୪ ଆରି ଜେନ୍ତାରିକି ସତ୍ବୁର୍ ଆତେଅନି ଉଦାର୍ ପାଇ ଆବୁ
 । ୨୫ ଜେନ୍ତାରିକି ଆମେ ଜିବନ୍ସାରା ଦରମ୍ ସଙ୍ଗୁ, ସୁକଲ୍ ସଙ୍ଗୁ ତାର୍ ସେବା
 କର୍ବାକେ, ଆମ୍ବେ ଦୟା କର୍ସି । ୨୬ ଏ ମର୍ ନୁନା, ତୁଇ ସବୁର୍ ଉପ୍ରେ
 ରଇବା ପର୍ମେସର୍ ଗଟେକ୍ ବବିସତ୍ବକ୍ତା ବଲି ଡାକ୍ପୁଟା ଅଇସୁ ।
 ତୁଇ ସେ ପାଟାଇରଇବା ଗଟେକ୍ ଦୁଡ଼ପାରା, ତାର୍ପାଇ ବାଟ୍ ତିଆର୍ କର୍ସୁ
 । ୨୭ ପାପ୍ଟାନେଅନି କେମା ପାଇକରି ଜେନ୍ତି କି ଉଦାର୍ ଅଇବାଇ, ସେ
 କାତା ଜାନାଇବାକେ ଜାଇସୁ । ୨୮ ଆମର୍ ପାଦ୍ ସାନ୍ତିର୍ ବାଟେ ଆନ୍ବାକେ,
 ଆମର୍ ପର୍ମେସର୍ ଆଲାଦର୍ ଦୟାର୍ଲାଗି, ଆମର୍ପାଇ ସର୍ଗେଅନି
 ବେଲ୍ ତାରାସି । ୨୯ ସେ ପୁରାପୁରୁନ୍ ଆଲାଦର୍ ଦୟାର୍ଲାଗି ମାପ୍ପୁର୍
 ଲକ୍ମନ୍କେ, ସେମନର୍ ପାପ୍ଟାନେଅନି ମୁକ୍ତାଇବା ଗିଆନ୍ ଦେଇସୁ ।
 ତାର୍ ବାଟ୍ ତିଆର୍ କର୍ବାକେ ମୁଲିଆଇସୁ ।” ୩୦ ଆରି ଜଅନ୍ ବଡିକରି
 ଆଡ଼ମାଇ ବପୁ ଅଇଲା ଆରି ଲକ୍ମନର୍ ଟାନେ ଜାନାଇ ନ ଅଇକରି କିନରା

ଜାଗାମନ୍ଦକେ ରଇତେ ରଇଲା । ପତେ ସେ ଇସ୍ରାଏଲର୍ ଲକ୍ମନର୍ଟାନେ
ବାକିଅ ସୁନାଇବାର୍ ଦାର୍ଲା ।

୨ ସେବେଲେ ରମିୟ ରାଇଜର୍ ବଡ଼ ସାସନ୍ କାରିଆ ଅଗସ୍ତ କାଇସରର୍
ଆଦେସ୍ ଇସାବେ ସବୁଲକ୍କେ ନାଉଁ ଲେକାଇବାର୍ ଅଇଲା । **୨** କିରିଣିୟ
ନାଉଁର୍ ସାସନ୍ କାରିଆ ସିରିଆ ରାଇଜ୍ ସାସନ୍ କର୍ବା ବେଲେ ପର୍ତୁମ୍
ତର୍ ଏନ୍ତାରି ନାଉଁ ଲେକା ଅଇରଇଲା । **୩** ସେଟାର୍ପାଇ ବଲି ସବୁଲକ୍
ନାଉଁ ଲେକାଇବାକେ ନିଜର୍ ନିଜର୍ ନଅରେ ଗାଲାଇ । **୪** ଆରି ଜସେପ୍
ମିସା ନାଉଁ ଲେକାଇବାକେ ମରିୟମର୍ ସଞ୍ଜୁ ଗାଲିଲି ରାଇଜର୍ ନାଜରିତ୍
ନାଉଁର୍ ଗଟେକ୍ ନଅରେ ଅନି ଜିଉଦା ରାଇଜର୍ ବେତ୍ଲିଇମ୍ ବଲି ଦାଉଦ୍
ରାଜାର୍ ଜନମ୍ ନଅରେ ଗାଲାଇ । କାଇକେବଇଲେ, ଜସେପ୍ ଦାଉଦ୍ ବସ୍ତର୍
ଆରି ସେ କୁତୁମ୍ ଲକ୍ ରଇଲା । **୫** ତାର୍ସଞ୍ଜୁ ମରିୟମର୍ ବିବା ମାଞ୍ଜୁନି
ଅଇରଇଲା, ଆରି ମରିୟମ୍ ଗାଗ୍ତେ ଅଇରଇଲା । **୬** ଜସେପ୍ ଆରି ମରିୟମ୍
ବେତ୍ଲିଇମେ ରଇଲାବେଲେ, ମରିୟମର୍ ଆତ୍ଗତ୍ ସୁକ୍ ଅଇବା ଦିନ୍ କେଟି
ଆଇଲା । **୭** ଆରି ମରିୟମ୍ ତାର୍ ପଶୁଆ ପିଲାକେ ତେଇ ଜନମ୍ଦେଲା,
ଆରି ତାକେ ଲୁଗାସଞ୍ଜୁ ଗୁଡିଆଇକରି ଗରୁସାଲର୍ ତଞ୍ଜୁକୁଶ୍ଟେ ତୁଲାଇରଇଲା,
କାଇକେବଇଲେ ସେମନ୍ଦକେ ରଇବାପାଇ ବାସାଗରେ ଟାନ୍ ନ ରଇଲା ।
୮ ବେତ୍ଲିଇମ୍ ଲଗେ କେତେଟା ମେଣ୍ଟା ଚାରାଉ ଗଉଡ଼ମନ୍ ସେ ରାତିଆ
ପଦାଇ ରଇ ତାକର୍ ମେଣ୍ଟା ଗଟାନି ଜାଗ୍ତେରଇଲାଇ । **୯** ଆରି ଏଦେ
ଦେକା! ମାପ୍ତୁର୍ ଦୁଡ଼ ଗଟେକ୍ ଆସି ସେମନ୍ଦ ଲଗେ ଚିଆଅଇଲା, ଆରି
ମାପ୍ତୁର୍ ମଇମାର୍ ଉଜଲ୍ ତାକର୍ ଚାରିବେଡ଼ି ଜଲ୍ସିଗାଲାଜେ ଗଉଡ଼ମନ୍
ବେସି ତରିଗାଲାଇ । **୧୦** ତେଇ ଦୁଡ଼ ସେମନ୍ଦକେ କଇଲା, “ତରାନାଇ!
ଦେକା ମୁଇ ସବୁଲକ୍ପାଇ ଗଟେକ୍ ବେସି ସାର୍ଦାର୍ କବର୍ ତମ୍କେ
ଜାନାଇଲିନି, ଜନ୍ଟାକି ସବୁଲକ୍ପାଇ ସାର୍ଦାର୍ ବିସଇ ଅଇସି । **୧୧**
କାଇକେବଇଲେ, ଆଜିସେ ଦାଉଦ୍ ରାଜାର୍ ଜନମ୍ ନଅରେ ତମ୍ପାଇ
ଗଟେକ୍ ଉଦାର୍କାରିଆ ଜନମ୍କଲା ଆତେ, ସେ କିରିସ୍ତ ମାପ୍ତୁ । **୧୨** ଆରି
ତମ୍ପାଇ ବଲି ଏଟା ଗଟେକ୍ ଚିନ୍ପାରା ଅଇସି, ତମେ ଲୁଗା ଗୁଡିଆଇକରି
ଗଟେକ୍ ପିଲା ଗରୁସାଲର୍ ତଞ୍ଜୁଇ ତୁଲାଇ ରଇବାଟା କଜି ମିଲାଇସା ।”
୧୩ ସେଡ଼କିବେଲେ ଅଟାତ୍ ସର୍ଗେଅନି ଦୁଡ଼ମନ୍ ମାନ୍ଦୁଅଇ, ସେ ସରଗର୍
ଦୁଡ଼ଟାନେ କେଟି ପର୍ମେସର୍କେ ସୁମର୍ନା କର୍ବାର୍ ଦାର୍ଲାଇ । **୧୪**

“ସର୍ବେ ରଞ୍ଜୟା ପର୍ଯ୍ୟେସରଃ ଜୟ ଜୟ କରୁ, ଆରି ଦର୍ତ୍ତନିଟାନେ
 ରଞ୍ଜୟା ଜନ୍ ଲକ୍ଷ୍ମୀନକେ ପର୍ଯ୍ୟେସରଃ ବାଚ୍ଲାଆଚେ ସେମନ୍ତକେ ସାନ୍ତି ମିଲ
 ।” ୧୫ ଦୁର୍ଦ୍ଦମନ୍ ମେଣ୍ଟା ଚାରାଉ ଗଉଡ଼ମନ୍ତକେ ଚାଡ଼ି ସର୍ବେ ଉଚିତାଲା
 ପଚେ, ଗଉଡ଼ମନ୍ ତାକର୍ ତାକର୍ ବିତ୍ତରେ କୁଆବଲା ଅଇବାର୍ ଦାର୍ଲାଲ,
 “ଆସା ଆମେ ସବୁ ବେତ୍ତିଲିମ୍ ଜାକ ଜାଇକରି, ପର୍ଯ୍ୟେସରଃ ଜାନାଇରଇଲା
 ବିସଇ ଦେକୁ ।” ୧୬ ତେଇଅନି ସେମନ୍ ଦାପ୍ରେ ଜାଇ କଜିକରି ମରିୟ୍ମ୍,
 ଜସେପ୍ ଆରି ଗରୁସାଲର୍ ତଞ୍ଜୁଇ ପିଲା ତୁଲିରଇଲାଟା ଦେକ୍ଲାଲ ।
 ୧୭ ସେମନ୍ ପିଲାକେ ଦେକିକରି, ଦୁର୍ଦ୍ଦ ଜାଇ ଜାଇଟା କଇରଇଲା, ତେଇ
 ରଇଲା ସବୁଲକ୍ଷ୍ମୀକେ କଇଲାଲ । ୧୮ ଆରି ଜେତ୍ତିକି ଲକ୍ ତେଇ ରଇଲାଲ
 ଗଉଡ଼ମନ୍ ଚାନେଅନି ସେ ସବୁ କାତା ସୁନି କାବା ଅଇଗାଲାଲ । ୧୯
 ମାତର୍ ମରିୟ୍ମ୍ ଏ ସବୁ କାତା ନିଜର୍ ମନେ ସଞ୍ଜୁଇ, ସେ ବିସଇସେ ତିନ୍ତା
 କର୍ବାର୍ ଦାର୍ଲା । ୨୦ ଆରି ମେଣ୍ଟା ଚାରାଉମନ୍ତକେ ଦୁର୍ଦ୍ଦ ଜେନ୍ତି କଇରଇଲା,
 ସେନ୍ତା ସୁନ୍ଲାଲ ଆରି ଦେକ୍ଲାଲ । ସେ ସବୁରୁଲାଗି ପର୍ଯ୍ୟେସରଃ ମଇମା
 କରି କରି ବାଅଡ଼ଲାଲ । ୨୧ ଆର୍ ଦିନ୍ ଅଇଲାପଚେ ଜିଉଦିମନ୍ତ ନିୟ୍ମ୍
 ଇସାବେ ପିଲାକେ ସୁନ୍ତ କର୍ବାକେ ମନ୍ଦିରେ ନେଲାଲ । ଆରି ପିଲାର୍
 ନାଉଁ ଜିସୁ ବଲି ଦିଆଅଇଲା । ଏ ନାଉଁ ମରିୟ୍ମ୍ ଗାତେ ନ ଅଇତେ,
 ସର୍ବେ ଦୁର୍ଦ୍ଦ କଇରଇଲା । ୨୨ ପଚେ ଜେତେବଲ୍ ମସାର୍ ବିଦି ଇସାବେ,
 ଜସେପ୍ ଆରି ମରିୟ୍ମ୍ ସୁତକ୍ ଅଇରଇବା ବେଲା ପୁରୁନ୍ ଅଇଆଇଲା,
 ପିଲାକେ ପର୍ଯ୍ୟେସରଃକେ ସର୍ବପି ଦେବାକେ ଜିରୁସାଲାମ୍ ମନ୍ଦିରେ ନେଲାଲ
 । ୨୩ ମାପ୍ପୁର୍ ଲେକା ଅଇରଇବା ସାସ୍ତର୍ ଇସାବେ, ସେ ବେଲେ ଜନ୍
 ଗରେ ମିସା, ପର୍ଯ୍ୟେସରଃ ଜନମ୍ ଅଇଲା ପଶୁଆ ପିଲାମନ୍ ପର୍ଯ୍ୟେସରଃ
 ସେବାର୍ ପାଇ ସର୍ବପି ଅଇବାଇ ବଲି ମାନ୍ତେ ରଇଲାଲ । ୨୪ ଜସେପ୍ ଆରି
 ମରିୟ୍ମ୍ ଜିସୁକେ ଲେକା ଅଇରଇବା ସାସ୍ତର୍ ଇସାବେ ପର୍ଯ୍ୟେସରଃକେ
 ସର୍ବପି ଦେବାକେ ଆରି ସୁକଲ୍ ଅଇବା ବିରୁର୍ପାଇ ଦୁଇଟା ପରୁଆ ପିଲା
 ଦାରି ଜିରୁସାଲାମ୍ ଗାଲାଲ । ୨୫ ସେବେଲେସେ ଜିରୁସାଲାମେ ସିମିୟ୍ମ୍
 ନାଉଁର୍ ଗଟେକ୍ ଦରମ୍ ଲକ୍ ରଇଲା । ସେ ମାପ୍ପୁର୍ ଦେକ୍ବା ଇସାବେ
 ନିମାନ୍ ଲକ୍ । ଇସରାଏଲ୍ ଦେସେ ଉଦାର୍କାରିଆ ଆସି ସାନ୍ତି ଦେଅ ବଲି
 ଜାଗିରଇଲା । ଆରି ତାର୍ଟାନେ ସୁକଲ୍ ଆର୍ଦ୍ଦମା ବାସାଅଇରଇଲା । ୨୬
 ସୁକଲ୍ ଆର୍ଦ୍ଦମା ତାକେ ଜାନାଇଦେଇରଇଲା ଜେ, ପର୍ଯ୍ୟେସରଃ ପାଟାଇରଇବା

ଉଦାରକାରିଆରୁ ଦରସନ୍ ନ ମିଳିବାଜାକ ତାରୁ ମରନ୍ ନ ଅଏ । ୨୭
 ତାକେ ଆତ୍ମା ଚାଲାଇ ଆନ୍ତରାଳେ ସେ ଦେଉଲରୁ ତାଣ୍ଡେ ଆଇଲା, ଆରି
 ଜେଡେବଲ୍ ସାନ୍ପିଲା ଜିସୁରୁ ଆୟା ବାବା ତାକେ ବିତ୍ତରେ ଆନ୍ତରାଳ, ୨୮
 ସେଡକିବେଲେ ସିମିୟନ୍ ସାନ୍ପିଲାକେ କଲେ ଦାରି ପର୍ଯ୍ୟେସରୁ ମଇମା
 କରି କଇଲା, ୨୯ “ଏ ମାପୁରୁ! ଏବେ ତୁଇ ନିଜରୁ ବାକିଅ ଇସାବେ ତରୁ
 ନିଜରୁ ଦାସ୍ ମକେ ସାନ୍ତିସଙ୍ଗୁ ଜିବାକେ ଦେଲୁସ୍ନି! ୩୦ କାଇକେବଇଲେ
 ମରୁ ଅକି ତରୁ ଉଦାରୁ ଦେକି ଆତେ, ୩୧ ଜନ୍ ଉଦାରକାରିଆକେ ତମେ
 ସବୁଲକରୁ ମୁଆଟେ ପାଟାଇ ଆଚାସ୍ । ୩୨ ଆରି ବିଜାତି ଲକ୍ମନର୍ପାଇ
 ବଲି ଜାନାଇଅଇଲା ସତରୁ ଉଜଲ୍ ଆରି ତମରୁ ଲକ୍ମନ୍ ଇସ୍ରାଏଲରୁ
 ମଇମା କରି ଆଚାସ୍ ।” ୩୩ ସିମିୟନ୍ ଚାଟାନେଅନି ଜିସୁରୁ ବିସଇରୁ କାତା
 ସୁନି ଜସେପ୍ ଆରି ମରିୟମ୍ କାବାଅଇ ଜାଇତେ ରଇଲା । ୩୪ ଆରି
 ସିମିୟନ୍ ସେଲକ୍କେ ଆସିରୁବାଦ୍ ଦେଇ ଜିସୁରୁ ମାକେ କଇଲା, “ଏ ପିଲା
 ଇସ୍ରାଏଲ୍ ଦେସରୁ କେତେ କେତେ ଲକ୍ ଉବଜ୍ବାଟା ଆରି କେତେ କେତେ
 ଲକ୍ ବୁଡିଜିବାପାଇ ବଲି ପର୍ଯ୍ୟେସରୁ ବାଟି ପାଟାଇଲା ଲକ୍ ଅଇସି ।
 କେତେ କେତେ ଲକ୍ମନ୍ ତାରୁ ବିରୁଦେ କଇବା, ଗଟେକ୍ ତିନ୍ ପାରା ଅଇସି ।
 ୩୫ କେତେ କେତେ ଲକ୍ ତାକେ ବିରଦ୍ କରି ନିଜରୁ ମନ୍ ବିତ୍ତରୁ କାତା ସବୁ
 ଜାନାଇବାଇ । ଆରି ତମରୁ ଜିବ୍ନେ ଗଟେକ୍ କାଣ୍ଟା ବୁସିଅଇରଇଲାପାରା
 ତମ୍କେ ବେସି ଦୁକ୍ ଆଇସି ।” ୩୬ ସେ ଦାପ୍ରେ, ଏଦେ ଦେକା! ଆନା
 ନାଉର୍ ଗଟେକ୍ ମାଇଜି ବବିସତ୍ବକ୍ତା ତାକରୁ ଲଗେ ଆଇଲା । ସେ
 ଆସେରୁ ବସ୍ତରୁ ପିନ୍ଧୁଏଲରୁ ଟକି, ସେ ବେସି ତକ୍ରି ଅଇଜାଇରଇଲା । ବିବା
 ଅଇ ମୁନୁସ୍ ସଙ୍ଗୁ ସାଦ୍ ବରସ୍ ରଇକରି, ରାଣ୍ଟି ଅଇଗାଲା । ଆରି ତାକେ
 ଚାରିକଡିଚାରି ବରସ୍ ଅଇରଇଲା । ୩୭ ସେ ଦେଉଲେଅନି କେନେ ନ ଜାଇ,
 ଉପାସ୍ ରଇକରି ଦିନ୍ ରାତି ମାପୁରୁରୁ ଉପାସନା କର୍ତେରଇଲା । ୩୮
 ପିଲାକେ ମାପୁରୁଚାଟାନେ ସର୍ପି ଦେବାବେଲେ ସେ ଦେଉଲରୁ ତାଣ୍ଡେ କେଟି,
 ପର୍ଯ୍ୟେସରୁ ମଇମା କରିକରି ଜନ୍ ଲକ୍ମନ୍ ଜିରୁସାଲାମରୁ ମୁକ୍ତି ମିଲ
 ବଲି ଜାଗ୍ତେରଇଲା, ସେ ଲକ୍ମନ୍କେ ପିଲାକୁ ବିସଇ କଇବାରୁ ଦାରୁଲା ।
 ୩୯ ପରେ ଜସେପ୍ ଆରି ମରିୟମ୍ ମାପୁରୁରୁ ରିତିନିତି ଇସାବେ କରୁବା ସବୁ
 କାମ୍ ସାରାଇ, ଗାଲିଲି ନିଜରୁ ନଅର୍ ନାଜରିତେ ବାଅଡୁଲା । ୪୦ ଆରି
 ପିଲା ଦିନ୍କେ ଦିନ୍ ବଡିକରି ବପୁଅଇଲା, ଆରି ଗିଆନେ ପୁରାପୁରୁନ୍ ଅଇଲା

। ତାଙ୍କେ ପରମେସର ଦୟା ରଇଲା । ୪୧ ଜିସୁର ବାବା, ମା ସବୁବର୍ଷେ ଜିଉଦିମନର୍ ନିସ୍ତାର୍ ପରବ୍ ପାଇ ଜିରୁସାଲାମେ ଜାଇତେରଇଲା । ୪୨ ତରକ୍ ଜିସୁକେ ବାର ବରସ୍ ଅଇଲାବେଲେ ସେମନର୍ ରିତିନିତି ଇସାବେ ଜିରୁସାଲାମେ ପରବ୍ ମାନ୍ବାର୍ ଗାଲା । ୪୩ ସେମନ୍ ପରବ୍ ସାରାଇ ବାଉଡି ଆଇଲାବେଲେ, ପିଲା ଜିସୁ ଜିରୁସାଲାମେ ରଇଗାଲା । ମାତର୍ ତାର୍ ବାବା ମାଆ ମିସା ସେ ତେଇ ରଇଲାଟା ଜାନି ନ ରଇଲା । ୪୪ ତାର୍ ସଞ୍ଜ୍ ଲକ୍ମନର୍ ସଞ୍ଜ୍ ଆଟେ କାଇକି ବଲି ବାବିକରି ସେମନ୍ ଗଟେକ୍ ଦିନର୍ ବାଟେ ଇଣ୍ଟି ଉଟି ଜାଇରଇଲା । ସେମନ୍ ସାଇପଡିସା, ଚିନାର୍ ଜାନାର୍ ଲକ୍ମନ୍କେ ପାଟାରି କଜ୍ଲା । ୪୫ ତିସେନାଇକେ ଆରି କଜି କଜି ଜିରୁସାଲାମେ ବାଉଡିଗାଲା । ୪୬ ତିନ୍ଦିନ୍ ପଟେ ସେମନ୍ ତାକେ ମନିରେ ଦେକ୍ଲା, ସେ ସାସ୍ତର୍ ସିକାଉମନର୍ ମଜାଇ ବସି, ତାକର୍ କାତା ସୁନ୍ତେରଇଲା, ଆରି ପରସନ୍ ପାଟାର୍ତେରଇଲା । ୪୭ ଆରି ତେଇ ଜେଡ୍ କି ଲକ୍ ତାର୍ କାତା ସୁନ୍ତେରଇଲା, ସବୁଲକ୍ ସେ କାତା ଅଇବାଟା ଆରି ତାର୍ ବୁଦି ଦେକି କାବାଅଇ ଜାଇତେରଇଲା । ୪୮ ଜସେପ୍ ଆରି ମରିୟ୍ ମିସା ଜିସୁକେ ଦେକି କାବା ଅଇଗାଲା, ଆରି ତାର୍ ମାଆ ତାକେ କଇଲା, “ତୁଇ କାଇକେ ନୁନା ଆମ୍ବକେ ଏନ୍ତାରି କଲୁସ୍? ଦେକ୍ନି ତର୍ ବାବା ଆରି ମୁଇ କେଟେକ୍ କିଲ୍ବିଲ୍ ଅଇ କଜ୍ଲୁନି ।” ୪୯ ତେଇ ଜିସୁ ସେମନ୍କେ କଇଲା, “କାଇକେ ମକେ କଜ୍ତେରଇଲାସ୍? ମର୍ ବାବାର୍ ଗରେ ମୁଇ ରଇବାର୍ ଆଟେଆକା, ଏଟା ନାଜାନି ରଇଲାସ୍ କି?” ୫୦ ମାତର୍ ଜିସୁ ସେମନ୍କେ ଜନ୍ କାତା କଇଲା, ସେଟା ସେମନ୍ ବୁଜିନାପାର୍ଲା । ୫୧ ପଟେ ଜିସୁ ତାର୍ ବାବା ମାଆ ସଞ୍ଜ୍ ନାଜରିତେ ବାଉଡି ଆଇଲା ଆରି ତାକର୍ କାତା ମାନ୍ତେରଇଲା, ମରିୟ୍ ମିସା ଏ ସବୁ କାତା ନିଜର୍ ମନ୍ ବିତ୍ରେ ସଞ୍ଜ୍ ଚିନ୍ତା କଲା । ୫୨ ଜିସୁ, ଗିଆନେ, ଗାଗ୍ତେ, ପରମେସର୍ ଆରି ଲକ୍ମନର୍ ଦୟାଇ ବଡିଆଇଲା ।

୩ ବଡ୍ ସାସନ୍କାରିଆ ଚିବିରିଆ କାଇସର୍ ସାସନ୍ କର୍ବା ପନ୍ଦୁର ବରସ୍ ଅଇଲାବେଲେ, ପାନ୍ତ୍ରିୟ୍ ପିଲାଟ୍ ଜିଉଦା ରାଇଜ୍ ସାସନ୍ କର୍ତେରଇଲା । ଆରି ଏରବ୍ ଗାଲିଲିର୍ ସାସନ୍କାରିଆ ରଇଲା । ଏରବ୍ ବାଇ ପିଲିପ୍ ଇତୁରିଆ ଆରି ତାକ୍ନିତ୍ ରାଇଜର୍ ସାମନ୍ତ ରାଜା ରଇଲା । ଲୁସାନିଆ ନାଉର୍ ଗଟେକ୍ ଲକ୍ ଅବିଲିନି ରାଇଜର୍ ସାମନ୍ତ ରାଜା ରଇଲା । ୨ ଆନାନ୍ ଆରି

କୟାପ୍ ନାଉଁର୍ ଦୁଇ ଲକ୍ ବଡ଼ ପୁଜାରି ରଇଲା । ସେବେଲେ ଜିକରିୟର୍
 ପଅ ଜଅନ୍, ମରୁବାଲି ବୁର୍ ରଇଲାବେଲେ ପର୍ମେସରର୍ କାତା ସେ ସୁନ୍ଲା
 । ୩ ଜର୍ଦନ୍ ଗାଡ଼ ଲଗେ ରଇବା ଲଗର୍ ପାକର୍ ଗାଉଁଗଣ୍ଡାଇ ଜାଇ ଜଅନ୍
 ପାପ୍ କେମାର୍ ଲାଗି, ପାପ୍କାମ୍ ଚାଡ଼ିକରି ମାପ୍‌ରୁର୍ ବାଟେ ଆସି ତୁବନ୍
 ନେବାକେ ଜାନାଇବାର୍ ଦାର୍ଲା । ୪ ଜେନ୍ତୁରି ଜିସାୟ ବବିସଡ଼ବକ୍ତା
 ସୁନାଇରଇବା ସାସ୍ତରେ ଲେକା ଅଇଲାଆଟେ, “ମରୁବାଲିବୁର୍ ଆଉଲିଅଇ
 କଇବା ଗଟେକ୍ ଲକ୍ ସବଡ଼ କରି କଇଲାନି, ମାପ୍‌ରୁ ଆଇବାଟା ତିଆର୍କରା,
 ତାର୍ ଆଇବା ବାଟ୍ ସଲ୍‌କାଆ । ୫ ବଡ଼ ବଡ଼ ଡ଼ଙ୍ଗୁର୍ ପର୍ବଡ଼ ସବୁ ସଦ୍‌ରମ୍
 ଅଇକରି ଗାଡ଼ କଣ୍ଟି କଣ୍ଟି ରଇବା ଆଁଟାଲ୍ ବୁଟାଲ୍ ସାର୍ଦି ଅଇସି, ବାଁକ୍
 ଟେକ୍ ବାଟ୍ ସଲ୍‌କ୍ ଅଇସି, ଆରି କାଲ୍ ଡେପ୍ ଜମି ସଦ୍‌ରମ୍ ଅଇଜାଇସି
 । ୬ ମର୍ପୁରର୍ ସବୁଲକ୍ ପର୍ମେସରର୍ ଉଦାର୍କାରିଆକେ ଦେକ୍‌ବାଇ
 ।” ୭ ଜଅନ୍‌ଟାନେ ତୁବନ୍ ନେବାର୍‌ଲାଗି ବାରଇ ଆଇବା ଲକ୍‌ମନ୍‌କେ ସେ
 କଇଲା, “ଏ ବିସ୍ ରଇଲା ସାଁପର୍ ବସ୍‌ର ଲକ୍‌ମନ୍, ଆଇବା ପର୍ମେସରର୍
 କପେଅନି ପାଲାଇବାକେ ତମ୍‌କେ କେ ଚେନ୍‌ନା ଦେଲା? ୮ ଡେବର୍‌ପାଇ
 ପାପ୍‌କାମ୍ ଚାଡ଼ି ନିକ କାମ୍ କରା, ଅବ୍ରାଆମ୍‌ଟା ଆମର୍ ଆନିଦାଦି ବଲି ମନେ
 ମନେ ବାବାନାଇ, କାଇକେବଇଲେ ମୁଇ ତମ୍‌କେ କଇଲିନି, ପର୍ମେସର୍ ଏ
 ପାକ୍‌ନାମନର୍‌ଟାନେଅନି ମିସା ଅବ୍ରାମର୍ ପିଲାଜିଲା ଉବ୍‌ଜାଇ ପାର୍‌ସି । ୯
 ଏବେମିସା ଗର୍‌ମନର୍ ବୁନ୍ଦେ କୁରାଡ଼ି ଲାଗିଆଟେ, ଡେବର୍‌ପାଇ ଜନ୍ ଗର୍
 ନିମାନ୍ ପଲ୍ ନ ପଲେ, ସେଟା କାଟିକରି ଜଇଟାନେ ପିଢ଼ୁଅଇସି ।” ୧୦
 ଡେଇ ଲକ୍‌ମନ୍ ଜଅନ୍‌କେ ପାଚାର୍‌ଲାଇ, “ସେନ୍ତୁର୍ ଆଲେ ଆମେ କାଇଟା
 କର୍‌ବୁ?” ୧୧ ଜଅନ୍ ସେମନ୍‌କେ କଇଲା “ଜାର୍‌ଟାନେ ଦୁଇଟା ପିନ୍ଧୁବା
 ଲୁଗା ଆଟେ, ଜାକେ ନାଇ, ତାକେ ସେ ଗଟେକ୍ ଦେଅ, ଆରି ଜାର୍‌ଟାନେ
 କାଦି ଆଟେ, ସେ ମିସା ସେନ୍ତୁରି ବାଟା କରି ଦେଅ ।” ୧୨ ସିସ୍‌ତୁମାଢ଼ୁମନ୍
 ମିସା ତୁବନ୍ ନେବାକେ ଆସି ତାକେ ପାଚାର୍‌ଲାଇ “ଏ ଗୁରୁ ଆମେ କାଇଟା
 କର୍‌ବୁ?” ୧୩ ଜଅନ୍ ସେମନ୍‌କେ କଇଲା, “ତମର୍ ଜେଡ଼କି ନେବାର୍ ଅଦିକାର୍
 ଆଟେ, ତାର୍‌ଡେଇଅନି ଅଦିକ୍ ମାଢ଼ୁ ନାଇ ।” ୧୪ ସନିଅମନ୍ ମିସା ତାକେ
 ପାଚାର୍‌ବାର୍ ଦାର୍‌ଲାଇ, “ଆରି ଆମେ କାଇଟା କର୍‌ବୁ?” ଜଅନ୍ ସେମନ୍‌କେ
 କଇଲା, “ବପୁ ଦେକାଇ କାଇଟା ମିସା ଜିକି ଆନା ନାଇ କି ନାଡ଼ାଇକରି କାର୍
 ଦନ୍‌ସପତି ଆନା ନାଇ, ତମ୍‌କେ ଜେଡ଼କି କୁଲି ମିଲ୍‌ଲାନି ସେଡ଼କି ନେଇକରି

ସାର୍ଦ୍ଦା ସଞ୍ଜୁ ରୁଆ ।” ୧୫ ଲକ୍ଷ୍ମୀନ୍ ଆସାଅଇ କିରିସ୍ତକେ ଜାଗ୍ତେ ରଇଲାଇ
 ଜେ, କେତେବେଲେ ଏ ମିସା କିରିସ୍ତ ଅଇରଇସି ବଲି ବାବି, ଜଅନର୍ ବିସଇ
 ତିନ୍ତା କର୍ତ୍ତେରଇଲାଇ । ୧୬ ତେବେ ଜଅନ୍ ସବୁଲକ୍ଷ୍ମୀନ୍କେ କଇଲା,
 “ମୁଇସିନା ତମ୍ବକେ ପାନିଟାନେ ତୁବନ୍ ଦେଲିନି, ମାତର୍ ମର୍ତ୍ତାନେଅନି
 ଅଦିକ୍ ବପୁରଲକ୍ ଆଇଲାନି, ମୁଇ ତାର୍ ଗତିଦାଞ୍ଜୁଡ଼ା ଅଇ ପାଦର୍ ପାଣ୍ଡୁଇ
 ମିସା କୁସ୍ଲାଇବାକେ ମର୍ ଅଦିକାର୍ ନାଇ । ସେ ତମ୍ବକେ ଜଇସଞ୍ଜୁ ଆରି
 ସୁକଲ୍ ଆତ୍ମାଲ ତୁବନ୍ ଦେଇସି । ୧୭ ତାର୍ ଆତେ କୁଲାଆତେ, ତେବେ
 ସେ କଟାରେ ରଇଲା ଦାନ୍ ପରିତଲ୍ କରି ଚୁଲିଆଇ କଲ୍କିଟାନେ ସଞ୍ଜୁଇସି
 । କାଇ କାମେ ନ ଆଇବାଟା ଜାକ ସବୁବେଲେ ଲାଗିରଇବା ଜଇଟାନେ
 ପତାଇଦେଇସି ।” ୧୮ ଜଅନ୍ ଏନ୍ତାରି କେତେକ୍ କେତେକ୍ ଉପ୍ଦେସ୍
 ଦେଇକରି ଲକ୍ଷ୍ମୀନ୍କେ ମାପ୍ପୁରୁବାଟେ ଆଇବାକେ ମନ୍ କରାଇତେରଇଲା
 ଆରି ମାପ୍ପୁରୁ ନିକ କାତା ସୁନାଇତେରଇଲା ଆରି ପାପ୍ କର୍ବାଟାନେଅନି
 ବାଅଡ଼ବାକେ ବୁଜାଇତେରଇଲା । ୧୯ ମାତର୍ ସାମନ୍ତ ରାଜା ଏରଡ୍ ନିଜର୍
 ବାଇର୍ ମାଇଜି ଏରଡିଆକେ ସଞ୍ଜୁଇଲାକେ ତାର୍ କରିରଇବା ବିନ୍ ବିନ୍
 ପାପ୍କାମର୍ ବିସଇ ଜାନି ଜଅନ୍ ତାକେ ଦମ୍କାଇତେରଇଲା । ୨୦ ଏରଡ୍
 ଜଅନ୍କେ ବନ୍ଦିକରି ସେ କରିରଇବା ସବୁ ପାପ୍କାମର୍ ସଞ୍ଜୁ ଏ ବଡ୍ ପାପ୍ ମିସା
 ଜଡ଼ଲା । ୨୧ ସବୁଲକ୍ ତୁବନ୍ ନେଲା ପତେ ଜିସୁ ମିସା ତୁବନ୍ ନେଲା । ଆରି
 ପାର୍ତନା କର୍ବାବେଲେ, ଏଦେ ଦେକା! ବାଦଲ୍ ଉଗାଡିଅଇଗାଲା, ୨୨ ଆରି
 ସୁକଲ୍ ଆତ୍ମା ପରୁଆର୍ ଗାଗଡ୍ ଦାରି ଉଡ଼ରି ଆସି, ଜିସୁର ଉପ୍ରେ ବସଲା ।
 ସର୍ଗେଅନି ଗଟେକ୍ ଏନ୍ତାରି ସବଡ୍ ଆଇଲା, “ତୁଇସେ ମର୍ ଆଲାଦର୍ ପିଲା,
 ତର୍ତ୍ତାନେ ମୁଇ ବେସି ସାର୍ଦ୍ଦା ଅଇଲିନି ।” ୨୩ ଜିସୁ ପର୍ମେସରର୍ କାମ୍
 ଆରମ୍ କଲାବେଲେ ତାକେ ଡିରିସ୍ ବରସ୍ ଅଇରଇଲା । ଲକ୍ଷ୍ମୀନ୍ ବାବ୍ନା
 ଇସାବେ, ଜିସୁ ଜସେପର୍ ପଅ, ଜସେପ୍ ଏଲିର୍ ପଅ । ୨୪ ଏଲି ମଡ଼ତାତର୍
 ପଅ, ମଡ଼ତାତ୍ ଲେବିର୍ ପଅ, ଲେବି ମଲ୍କିର୍ ପଅ, ମଲ୍କି ଜନୟର୍ ପଅ,
 ଜନୟ ଜସେପର୍ ପଅ, ୨୫ ଜସେପ୍ ମତିତିଆର୍ ପଅ, ମତିତିଆ ଅମସର୍
 ପଅ, ଅମସ୍ ନାଉମର୍ ପଅ, ନାଉମ୍ ଏସ୍ମିର୍ ପଅ, ଏସ୍ମି ନଗୟର୍ ପଅ,
 ୨୬ ନଗୟ ମଅତର୍ ପଅ, ମଅଡ୍ ମତିତିଆର୍ ପଅ, ମତିତିଆ ସମଇର୍ ପଅ,
 ସମୟି ଜସେକର୍ ପଅ, ଜସେକ୍ ଜଦାର୍ ପଅ, ୨୭ ଜଦା ଜଅନର୍ ପଅ, ଜଅନ୍
 ରେସାର୍ ପଅ, ରେସା ଜିରୁବାବେଲର୍ ପଅ, ଜିରୁବାବେଲ୍ ସିଅଲ୍ଡିଏଲର୍

ପଥ, ସଅଲ୍‌ତିଏଲ୍ ନେରିର୍ ପଥ, ୨୮ ନେରି ମଲ୍‌କିର୍ ପଥ, ମଲ୍‌କି ଅଦିର୍
 ପଥ, ଅଦି କସାମର୍ ପଥ, କସାମ୍ ଏଲୁଦାନର୍ ପଥ, ଏଲୁଦାନ୍ ଏରର୍ ପଥ,
 ୨୯ ଏର ଜିୟୁଅର୍ ପଥ, ଜିୟୁଅ ଏଲିଏଜର୍ ପଥ, ଏଲିଏଜ୍ ଜରିମର୍ ପଥ,
 ଜରିମ୍ ମତ୍ତାତର୍ ପଥ, ମତ୍ତାତ୍ ଲେବିର୍ ପଥ, ୩୦ ଲେବି ସିମିୟନର୍
 ପଥ, ସିମିୟନ୍ ଜିଉଦାର୍ ପଥ, ଜିଉଦା ଜସେପର୍ ପଥ, ଜସେପ୍ ଜନାମର୍
 ପଥ, ଜନାମ୍ ଏଲିଆକିମର୍ ପଥ, ୩୧ ଏଲିଆକିମ୍ ମଲାଅର୍ ପଥ, ମଲାଅ
 ମନାର୍ ପଥ, ମନା ମତତାର୍ ପଥ, ମତତା ନାତନର୍ ପଥ, ନାତନ୍ ଦାଉଦର୍
 ପଥ, ୩୨ ଦାଉଦ୍ ଜିୟୁଅର୍ ପଥ, ଜିୟୁଅ ଆବେଦର୍ ପଥ, ଆବେଦ୍
 ବୟଜର୍ ପଥ, ବୟଜ୍ ସେଲଅର୍ ପଥ, ସେଲଅ ନଅସନର୍ ପଥ, ୩୩ ନଅସ୍
 ଅମିନାଦାବର୍ ପଥ, ଅମିନାଦାବ୍ ଅଦ୍‌ମିନର୍ ପଥ, ଅଦ୍‌ମିନ୍ ଅର୍ନିର୍ ପଥ,
 ଅର୍ନିର୍ ଏସ୍‌ରନର୍ ପଥ, ଏସ୍‌ରନ୍ ପେରସର୍ ପଥ, ପେରସ୍ ଜିଉଦାର୍ ପଥ,
 ୩୪ ଜିଉଦା ଜାକୁବର୍ ପଥ, ଜାକୁବ୍ ଇସାକର୍ ପଥ, ଇସାକ୍ ଅବ୍ରାମର୍ ପଥ,
 ଅବ୍ରାଆମ୍ ତେରଅର୍ ପଥ, ତେରଅ ନାଅର୍ ପଥ, ୩୫ ନାଅର୍ ସରୁଗର୍
 ପଥ, ସରୁଗ୍ ରଗୁର୍ ପଥ, ରଗୁ ପେଲଗର୍ ପଥ, ପେଲଗ୍ ଏବର୍ ପଥ, ଏବ
 ସେଲଅର୍ ପଥ, ୩୬ ସେଲା କଇନାନର୍ ପଥ, କଇନାନ୍ ଆର୍ପାକ୍‌ସତର୍
 ପଥ, ଆର୍ପାକ୍‌ସେତର୍ ସେ ମର୍ ପଥ, ସେମ ନଅର୍ ପଥ, ନଅ ଲାମେକର୍
 ପଥ, ୩୭ ଲାମେକ୍ ମିରୁସେଲଅର୍ ପଥ, ମିରୁସେଲଅ ଅନକର୍ ପଥ, ଅନକ୍
 ଜାରେଦର୍ ପଥ, ଜାରେଦ୍ ମଅଲେଲର୍ ପଥ, ମଅଲେଲ୍ କେନାନର୍ ପଥ ୩୮
 କେନାନ୍ ଏନସର୍ ପଥ, ଏନସ୍ ସେତର୍ ପଥ, ସେତ ଆଦମର୍ ପଥ, ଆଦମ୍
 ପର୍ମେସରର୍ ପଥ ।

୪ ଜିସୁ ସୁକଲ୍ ଆର୍ମାଲ ପୁରାପୁରୁନ୍ ଅଇକରି ଜର୍ଦନ୍ ଗାଡେଅନି ବାଉଡି
 ଆଇଲା । ଆରି ସଇତାନର୍ ଟାନେ ପରିକା କରାଇବାକେ ତାକେ ଆର୍ମା
 ଚାଲାଇ ନେଲା । ତେଇ ଚାଲିସ୍ ଦିନ୍ ଜାକ ସଇତାନ୍ ତାକେ ପରିକା
 କର୍ତ୍ତେରଇଲା । ୨ ସର୍ତେ ଦିନ୍ ସାର୍ଲା ପତେ ସେ ବୁକ୍‌କେ ବାୟାରୁରା
 ଅଇଗାଲା । ୩ ତେଇ ସଇତାନ୍ ଜିସୁକେ କଇଲା, “ତୁଇ ଜଦି ପର୍ମେସରର୍
 ପ, ତେବେ ଏ ପାକ୍‌ନା କାଦି ଅ ବଲି ଆଦେସ୍ ଦେସ୍ ।” ୪ ଜିସୁ ତାକେ
 କଇଲା, “ପର୍ମେସରର୍ ସାସ୍‌ତରେ ଲେକାଅଇ ଆତେ, ମୁନୁସ୍ ଅବ୍‌କା କାଦି
 କାଇ ନ ବୈତେ ।” ୫ ତାର୍‌ପତେ ସଇତାନ୍ ଜିସୁକେ ଗଟେକ୍ ଉର୍ ଜାଗାଇ
 ତାକି ଦାରିଜାଇ କରି ଆଁକିମିଟ୍‌କା ମାର୍‌ବା ଏଡ୍‌କି ପର୍ମେସରର୍ ସବୁ

ରାଇଜ୍ ଦେକାଇଲା । ୬ ଆରି ଜିସୁକେ କଇଲା, “ମୁଇ ତକେ ଏ ସବୁ ଦନ୍ ସପ୍ତର୍ ଅଦିକାର୍ ଆରି ମଇମା ଦେବି । କାଇକେବଇଲେ ସେଟା ସବୁ ମକେ ସର୍ପିଦେଲାଆରେ, ଆରି ମୁଇ ଜାକେ ମନ୍ କର୍ବି, ତାକେ ଦେବି । ୭ ତେବର୍ପାଇ, ଜେବେ ତୁଇ ମକେ ଜୁଆର୍ କର୍ସୁ, ତେବେ ସେ ସବୁଜାକ ତର୍ ଅଇସି ।” ୮ ଜିସୁ ତାକେ କଇଲା, “ପର୍ମେସରର୍ ସାସ୍ତରେ ଲେକାଅଇଆରେ, ତୁଇ ତର୍ ପର୍ମେସର୍କେସେ ଜୁଆର୍ କର୍ସୁ, ଆରି ତାକେସେ ସେବା କର୍ସୁ ।” ୯ ପରେ ସଇତାନ୍ ଜିସୁକେ ଜିରୁସାଲାମେ ଡାକିଦାରିଜାଇ, ମନ୍ନିରର୍ ଚାଉନି ଟିପେ ଟିଆକରାଇ କଇଲା, “ତୁଇ ଜଦି ପର୍ମେସରର୍ ପ, ତେବେ ଇତିଅନି ତଲେ ତେଗଇଦେସ୍, ୧୦ କାଇକେବଇଲେ ସାସ୍ତରେ ଲେକାଆରେ ତକେ ରକିଆ କର୍ବାକେ ପର୍ମେସର୍ ତାର୍ ନିଜର୍ ଦୁର୍ମନ୍କେ ଆଦେସ୍ ଦେଇସି । ୧୧ ଆରି ମିସା ଲେକା ଆରେ, ‘ଜେନ୍ତିକି ତର୍ ପାଦ୍ ପାକ୍ନାଇ ନ ପାଏ, ସେଟାର୍ପାଇ ଦୁର୍ମନ୍ ତକେ ଆତେଦାରି ଟେକି ନେବାଇ ।’” ୧୨ ଜିସୁ ସଇତାନ୍କେ କଇଲା, “ଏଟା ମିସା ଲେକାଆରେ, ତୁଇ ତର୍ ମାପ୍ତୁ ନିଜର୍ ପର୍ମେସର୍କେ ପରିକା କର୍ ନାଇ ।” ୧୩ ସଇତାନ୍ ସବୁ ରକାମର୍ ପରିକା ସାରାଇଲା ପରେ, ଆରି ତରେକ୍ ବେଲା ମିଲ୍ବାଜାକ କେତେ ଦିନର୍ ପାଇ ଜିସୁକେ ଚାଡି ଉଟିଗାଲା । ୧୪ ତାର୍ପରେ ଜିସୁ ଆର୍ମାଇ ବପୁଅଇକରି ଗାଲିଲି ରାଇଜେ ବାଉଡିଗାଲା । ଆରି ତାର୍ କବର୍ ଗାଲିଲି ରାଇଜର୍ ଗୁଲାଇ ଗାଉଁମନ୍ ଜାନ୍ଲାଇ । ୧୫ ପରେ ଜିସୁ ଜିଉଦିମନ୍ ପାର୍ତନା ଗର୍ମନ୍କେ ବୁଲି ବୁଲି ସିକିଆ ଦେଇକରି ସବୁ ଲକର୍ଟାନେ ଅନି ଡାକ୍ପୁଟା ପାଇବାର୍ ଦାର୍ଲା । ୧୬ ଏଡକିବିଡ୍ରେ ନାଜରିତେ, ଜନ୍ ଜାଗାଇ କି ଜିସୁ ସାନ୍ବେଲେ ଅନି ବଡ୍ ଅଇରଇଲା, ସେ ଜାଗାଇ ଗାଲା । ଆରି ନିଜର୍ ରିତିନିତି ଇସାବେ, ବିସ୍ରାମ୍ ବାରେ ଜିଉଦିମନ୍ ପାର୍ତନା ଗରେ କେଟି ଦରମ୍ ସାସ୍ତର୍ ପଡ୍ବାକେ ଟିଆ ଅଇଲା । ୧୭ ସେଡକିବେଲେ ତାକେ ଜିସାୟ ବବିସଡ୍ବକ୍ତା ଲେକିରଇଲା ଦରମ୍ ସାସ୍ତର୍ ଦିଆଅଇଲା, ଆରି ଜିସୁ ସେ ଜିସାୟ ବଇଟାନେ ଲେକାଅଇରଇଲା ଏନ୍ତାରି ବାକିଅ ମେଲାକରି ପାଇଲା । ୧୮ “ମାପ୍ତୁର୍ ଆର୍ମା ମର୍ ସଢ୍ଘ୍ ଆରେ, ତେବର୍ପାଇ ନଇଲା ମଇଲା ଲକ୍ମନ୍ ଗର୍ଟାନେ ସୁର୍ କବର୍ ଜାନାଇବାକେ, ପର୍ମେସର୍ ମକେ ବାଡିକରି ପାଟାଇଲା, ବନ୍ନି ଗରେ ରଇବା ଲକ୍ମନ୍କେ ମୁକ୍ଲାଇବାକେ, କାଶା ଲକ୍ମନ୍କେ ଦେକାଇବା ବିସଇ ଜାନାଇବାକେ ଆରି ଦୁକର୍ ଲକ୍ମନ୍କେ

ମୁକ୍ତଲାଭବାକେ, ୧୯ ଆରି ମାପୁରୁ ତାର୍ ଲକ୍ଷ୍ମୀନକେ ରକିଆ କରୁବା ବେଲା
 ଆସିଆତେ, ବଲି ଜାନାଇବାକେ ସେ ମକେ ପାଟାଇଆତେ ।” ୨୦ ପତେ ସେ
 ସାସ୍ତରୁ ଡାବି, ପାର୍ତନା ତାଲାଭବା ଗଟେକ୍ ଲକ୍ଷ୍ମୀନକେ ବାଉଡାଇଦେଇ
 ବସିଦେଲା । ପାର୍ତନା ଗରେ ରଇଲା ଲକ୍ଷ୍ମୀନ ତାକେସେ ଦେକ୍ତେରଇଲା
 । ୨୧ ଜିସୁ ଲକ୍ଷ୍ମୀନକେ କଇବାର୍ ଦାରୁଲା, “ଆଜି ତମେ ସୁନ୍ଦା ଏ ଦରମ୍
 ସାସ୍ତରରୁ ବାକିଆ ପୁରାପୁରୁନ୍ ଅଇଲା ।” ୨୨ ଜିସୁରୁ ବିସଇ ନେଇକରି
 ସବୁଲକ୍ ନିକ ସାକି ଦେବାର୍ ଦାରୁଲା ଆରି ସେ କଇବା, ମନକେ ପାଇଲା
 ବାକିଆ ସୁନି କାବାଅଇଲା, ଆରି ସେମନ୍ “ଏଟାକାଇ ଜସେପର୍ ପ ନଏ
 ଜେ?” ବଲି କଇବାର୍ଦାରୁଲା । ୨୩ ଜିସୁ ଲକ୍ଷ୍ମୀନକେ କଇଲା, “ତମେ ସେ
 ଗାଲା କାତା ଆରିତରେକ୍ କଇସା ବଲି ମୁଇ ଜାନିରଇଲି, ଏ ଅସ ଦେଉ,
 ନିଜେ ତୁଇ ନିକ ଅ, ଆରି କପରନାଉମେ ଜାଇ ଜାଇଟା ଗଟିଆତେ ବଲି
 ଆମେ ସୁନିଆରୁ, ସେଟା ସବୁ ଏ ଜାଗାଇ, ତର୍ ନିଜର୍ ଜନମ୍ ନଅରେ ମିସା
 କର୍ ।” ୨୪ “ମାତର୍ ମୁଇ ତମକେ ସତ୍ କଇଲିନି, ବବିସତ୍ବକ୍ତା ଅଇରଇବା
 କାକେମିସା ନିଜର୍ ଗାଏଁ ନ ନାମତ୍ ।” ୨୫ “ମାତର୍ ମୁଇ ତମକେ ସତ୍କାତା
 କଇଲିନି, ଜେତେବେଲେ ବବିସତ୍ବକ୍ତା ଏଲିୟର୍ ବେଲେ ତିନ୍ବରସ୍
 ତ ମାସ୍ ଜାକ ବାଦଲେଅନି ପାନିମାରେ ନାଇକେ ଗୁଲାଇ ଦେସେ ମର୍ଡି
 ଅଇରଇଲା, ସେବେଲେ ଇସ୍ରାଏଲ୍ ଦେସେ କେତେ କେତେ ରାଣ୍ଡିମାଇଜିମନ୍
 ରଇଲା । ୨୬ ରଇଲେ ମିସା ପର୍ମେସର୍ ଏଲିୟକେ କାର୍ଲଗେ ମିସା
 ନ ପାଟାଇ ସିଦନ୍ ଦେସର୍ ସାରିପତ୍ ବଲି ଗଟେକ୍ ଜାଗାଇ, ଗଟେକ୍
 ରାଣ୍ଡିମାଇଜିର୍ ଲଗେ ପାଟାଇଲା । ୨୭ ଆରି ମାପୁରୁ ବବିସତ୍ବକ୍ତା
 ଏଲିୟାୟର୍ ବେଲେ ଇସ୍ରାଏଲ୍ ଦେସେ କେତେ କୁସ୍ତି ରଗି ରଇଲା, ଏ
 ଲେ ମିସା ତାକର୍ ବିତ୍ରେ କାକେମିସା ନିକକରି ନ ରଇଲା, ସୁରିଆ ଦେସର୍
 ନାମାନ୍ ନାଉର୍ ଲକ୍ଷ୍ମୀନକେ ସେ ନିକକରି ରଇଲା ।” ୨୮ ଜିଉଦିମନର୍ ପାର୍ତନା
 ଗରେ ଏ କାତା ସୁନି ଲକ୍ଷ୍ମୀନ ବେସି ରିସାଅଇଗାଲା । ୨୯ ଆରି ସେମନ୍
 ଉଟିକରି ଜିସୁକେ ନଅରେଅନି ବାର୍କରାଇଦେଲା । ତାକର୍ ନଅରର୍
 ଜନ୍ ପର୍ବତ୍ ଉପ୍ରେ ତିଆର୍ ଅଇରଇଲା, ସେ ପର୍ବତର୍ ଦାରେଅନି
 ତଲେ ପିଢ୍ଢିଦେଉଁ ବଲି, ତାକେ ତେଇ ଦାରିଗାଲା । ୩୦ ମାତର୍ ଜିସୁ
 ସେମନର୍ ବିତ୍ରେ ପୁରି ଉଟିଗାଲା । ୩୧ ଜିସୁ ଗାଲିଲି ରାଇଜର୍ କପରନାଉମ୍
 ନାଉର୍ ଗଟେକ୍ ନଅରେ ଆଇଲା, ଆରି ବିସ୍ରାମ୍ବାରେ ଲକ୍ଷ୍ମୀନକେ ସିକିଆ

ଦେବାର୍ ଦାରୁଲା । ୩୨ ଲକ୍ମନ୍ ତାର ସିକାଇବାଟା ଦେକି କାବାଅଇଗାଲାଇ,
 କାଇକେବଇଲେ ତାର ବାକିଅ ଅଦିକାର୍ ସଢ଼ୁ ରଇଲା । ୩୩ ଦିନେକ୍
 ଜିଉଦିମନର୍ ପାର୍ତନା ଗରେ ଗଟେକ୍ ତୁମା ତସିରଇବା ଲକ୍ ରଇଲା ।
 ସେ ଆଉଲିଅଇ କିର୍କିରି କଇଲା, ୩୪ “ଏ ନାଜରିତର୍ ଜିସୁ ଆମର୍ଟାନେ
 ତର୍ କାଇ କାମ୍ ଆଟେ? ତୁଇ କାଇ ଆମ୍ବେ ମରାଇବାକେ ଆସିଆରୁସ୍?
 ତୁଇ କେ ସେଟା ମୁଇ ଜାନି, ତୁଇ ପର୍ମେସରର୍ ସୁକଲ୍ ଲକ୍ ।” ୩୫ ଜିସୁ
 ତାକେ ଦମ୍କାଇ କରି କଇଲା, “ରୁପ୍ ର, ଆର୍ଟାନେଅନି ବାରଇ ଜା ।”
 ତେଇଅନି ସେ ତୁମା ସେ ଲକ୍ବେ ସବୁର୍ ମୁଆଟେ ଅଦ୍ରାଇଲା ଆରି, ତାକେ
 କାଇଟା ନ କରି ତାର୍ ଗାଗ୍ତେଅନି ବାରଇ ଉଟିଗାଲା । ୩୬ ତେଇ ସବୁଲକ୍
 କାବାଅଇକରି ତାକର୍ ତାକର୍ ବିତ୍ରେ କୁଆବଲା ଅଇଲାଇ, “ଏଟା କାଇ
 କାତା, ସେ ବପୁ ଆରି ଅଦିକାର୍ ସଢ଼ୁ ତୁମାମନ୍କେ ମିସା ଆଦେସ୍ ଦେଲାନି
 । ସେମନ୍ ମିସା ବାରଇ ଗାଲାଇନି ।” ୩୭ ଜିସୁର୍ ଏ କବର୍ ସେ ଜାଗାର୍
 ଗୁଲାଇବାଟର୍ ଲକ୍ ଜାନୁଲାଇ । ୩୮ ପଟେ ଜିସୁ ଜିଉଦିମନର୍ ପାର୍ତନା
 ଗରେଅନି ଉଟି ସିମନର୍ ଗରେ ଗାଲା । ସିମନର୍ ସାତ୍ରିକେ ବେସି ଜର୍
 ଅଇରଇଲାଜେ ସେମନ୍ ତାର୍ ବିସଇ ନେଇ ଜିସୁକେ କଇଲାଇ । ୩୯
 ତେଇ ସେ ସିମନର୍ ସାତ୍ରିର୍ ଲଗେ ଚିଆଅଇ ଜର୍ବେ ଦମ୍କାଇଲା ଆରି
 ତାକେ ଜର୍ ଚାଡିଗାଲା । ସେଦାପ୍ରେ ସେ ଉଟିକରି ସେମନ୍କେ ସେବା
 କର୍ବାର୍ ଦାରୁଲା । ୪୦ ବେଲ୍ବସି ସଞ୍ଜୁ ଅଇଲାଜେ ଜର୍ଦୁକା ଅଇରଇଲା
 ଲକ୍ମନ୍କେ ଜିସୁର୍ ଲଗେ ଆନ୍ଲାଇ, ଆରି ସେ ଜର୍ଦୁକାର୍ ଲକ୍ମନ୍କେ
 ଗଟେକ୍ ଗଟେକ୍ ଲକ୍ ର ଉପ୍ରେ ଆଦ୍ ସଢ଼ୁଇ ନିକ କଲା । ୪୧ ତୁମା
 ଦାରିରଇବା ବେସି ଲକ୍ମନ୍ ମିସା କିର୍କିରି କରି “ତୁଇ ପର୍ମେସରର୍ ପଆ!”
 ବଲି ଲକ୍ ଟାନେଅନି ଚାଡି ପାଲାଇଲାଇ । ଜିସୁ ସେମନ୍କେ ଦମ୍କାଇ କରି
 କାତାଅଇବାକେ ମିସା ଦେଏନାଇ, କାଇକେବଇଲେ ସେମନ୍ ତାକେ କିରିସ୍ଟ
 ବଲି ଜାନିରଇଲାଇ । ୪୨ ସାକାଲ୍ ପାଇଲାଜେ ଜିସୁ ନଅରେ ଅନି ବାରଇ
 ଗଟେକ୍ କିନରା ଜାଗାଇ ଗାଲା । ଲକ୍ମନ୍ କଜି କଜି ତାର୍ ଲଗେ ଆଇଲାଇ,
 ଆରି ସେ ଜେନ୍ଟିକି ତାକର୍ ଲଗେଅନି ଉଟିନଜାଅ ବଲି ଅର୍କାଇବାକେ
 ଚେସ୍ଟା କଲାଇ । ୪୩ ମାତର୍ ଜିସୁ ସେମନ୍କେ କଇଲା, “ବିନ୍ ବିନ୍
 ନଅରେ ମିସା ମୁଇ ପର୍ମେସରର୍ ରାଇଜର୍ ନିକ କବର୍ ଜାନାଇବାର୍ ଆଟେ,
 କାଇକେ ବଇଲେ ସେଟାପାଇ ପର୍ମେସର୍ ମକେ ପାଟାଇଆଟେ ।” ୪୪

ଆରି ସେ ଜିଉଦା ଦେସର୍ ଜିଉଦି ଲକ୍ମନର୍ ପାର୍ତନା ଗର୍ମନକେ ବାକିଅ ସୁନାଇବାର୍ ଦାର୍ଲା ।

୫ ଦିନେକ୍ ଜିସୁ ଗିନେସରର୍ ଗାଡ଼କଣ୍ଠି ଟିଆଅଇରଇଲା ବେଲେ ଲକ୍ମନ୍ ମାଣ୍ଡାତୁଣ୍ଡା ଅଇ ପର୍ମେସରର୍ ବାକିଅ ସୁନ୍ତେରଇଲା । **୬** ସେଡ଼କିବେଲେ ସେ ଗାଡ଼କଣ୍ଠି ଦୁଇଟା ତଞ୍ଜା ରଇଲାଟା ଦେକ୍ଲା, କେଉଟ୍ମନ୍ ତଞ୍ଜାଅଧି ଉଡ଼ି ଜାଲ୍ ଦଇତେରଇଲା । **୭** ସେ ତଞ୍ଜାମନର୍ ବିତ୍ରେଅନି ଜନ୍ଟା କେଉଟ୍ ସିମନର୍ଟା ରଇଲା, ଜିସୁ ତେଇ ଚଗିକରି “କଣ୍ଠିତେଅନି କଣ୍ଠେକ୍ ଦୁର୍ ପାନିତେଇ ଚାଲାଇନେ ।” ବଲି ସିମନକେ କଇଲା, ଆରି ତଞ୍ଜାଇ ବସିକରି ସିକିଆ ଦେବାର୍ ଦାର୍ଲା । **୫** ଜିସୁ କାତା ସାରାଇକରି ସିମନକେ କଇଲା, “ତେଞ୍ଜା ପାନିଟାନେ ଜାଇକରି ମାଟ୍ ଦାର୍ବାକେ ତମର୍ ଜାଲ୍ ପାକାଆ ।” **୬** ତେଇ ସିମନ୍ କଇଲା, “ଏ ଗୁରୁ ଆମେ ସବୁଲକ୍ ଗୁଲାଇରାତି କସ୍ଟ କରି ଗଟେକ୍ ମିସା ଦାରୁନାଇ, ମାତର୍ ତମର୍ କାତା ଦାରି ମୁଇ ଜାଲ୍ ପାକାଇବି ।” **୭** ଆରି ଜାଲ୍ ପାକାଇଲାକେ, ଏଦେ ଦେକା! ଏନ୍ତି ମାଟ୍ ଲାଗ୍ଲାଇଜେ ତାକର୍ ଜାଲ୍ ଚିରିଅଇବାର୍ ଦାର୍ଲା । **୮** ତଞ୍ଜା ମାଟ୍ ବର୍ତି କଲାଇଜେ ସେ ଦୁଇଟା ତଞ୍ଜା ବୁଦ୍ଲା ପାରା ଅଇଗାଲା । **୯** ଏଟା ଦେକି ସିମନ୍ ପିତର୍ ଜିସୁର୍ ପାଦେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମର୍ଟାନେଅନି ଜାଆ ମାପୁରୁ, କାଇକେବଇଲେ ମୁଇ ଗଟେକ୍ ପାପି ମୁନୁସ୍ ।” **୧୦** କାଇକେବଇଲେ ତେଇ ସେମନ୍ ଏତେକ୍ ମାଟ୍ ଦାରିରଇଲାଇଜେ, ସେଟା ଦେକି ସିମନର୍ ସଞ୍ଜାରିମନ୍ କାବାଅଇଗାଲା । **୧୧** ଆରି ଜେବଦିର୍ ଦୁଇଟା ପ ଜାକୁର୍ ଆରି ଜଅନ୍ ଜନ୍ଲକ୍ମନ୍ ସିମନର୍ ସଞ୍ଜାରି ରଇଲା, ସେମନ୍ ମିସା ସେନ୍ଦ୍ରାରିସେ କାବା ଅଇଗାଲା । ଆରି ଜିସୁ ସିମନକେ କଇଲା, “ତରାନାଇ, ଆଜିଅନି ତମେ ମାଟ୍ ନ ଦାରି, ଲକ୍ମନକେ ମର୍ଟାନେ ଆନ୍ସା ।” **୧୨** ତେଇ ସେମନ୍ ସବୁ ତାକର୍ ତଞ୍ଜା କଣ୍ଠି ଆନି ଚାଡ଼ିଦେଇକରି ଜିସୁର୍ ପଟେ ପଟେ ଗାଲା । **୧୩** ତରେକ୍ ଜିସୁ ଗଟେକ୍ ନଅରେ ରଇଲାବେଲେ ଗଟେକ୍ ଗୁଲାଇ ଗାଗଡେ ବଡ଼ରଗ୍ ଅଇରଇବା ଲକ୍ ତେଇ ରଇଲା । ସେ ଡାଣ୍ଡାସନ୍ ପଡ଼ି ମୁ ବୁର୍ ଟିଆଇ ଜିସୁକେ ବାବୁଜିଆ କରି କଇଲା, “ଏ ମାପୁରୁ, ତମେ ଜଦି ମନ୍କଲୁସ୍ନି ବଇଲେ, ମକେ ନିକ କରିପାରୁସ୍ ।” **୧୪** ତେଇ ଜିସୁ ଆଡ୍ ଲାମାଇ ତାକେ ଚିଇ କରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ଦାପ୍ରେସେ ତାର୍ ବଡ଼ ରଗ୍ ଚାଡ଼ିଗାଲା । **୧୫** ଆରି ଜିସୁ ତାକେ ଆଦେସ୍ ଦେଇ କଇଲା, “ଏ

କାତା କାକେ କ ନାଇ । ମାତର୍ ପୁଜାରିର୍ ଲଗେ ଜା ଆରି ସେ ତକେ ପରିକା
 କରି ଦେକ । ତୁଇ, 'ନିକ ଅଇଲିଆଟି' ବଲି ବିନ୍ ଲକର୍ ଟାନେ ସାକିଦେବାକେ
 ମସାର୍ ଆଦେସ୍ ଇସାବେ ବିରୁ ଦେସ୍ ।" ୧୫ ମାତର୍ ଜିସୁର୍ କବର୍ ଗୁଲାଇ
 ଚାରିବେଡ଼ିର୍ଲକ୍ ଜାନ୍ଲାଇ । ତାର୍ କାତା ସୁନ୍ବାପାଇ ଆରି ନିଜର୍ ନିଜର୍
 ରଗେଅନି ନିକ ଅର୍ଭଲି ଗାଦି ଲକ୍ମନ୍ ଟୁଲ୍ ଅଇବାର୍ ଦାର୍ଲାଇ । ୧୬ ମାତର୍
 ଜିସୁ କିନରା ଜାଗାମନ୍ କେ ଜାଇ ପାର୍ତନା କର୍ତେରଇଲା । ୧୭ ଦିନେକ୍
 ଜିସୁ ସିକିଆ ଦେଇତେରଇଲା । ତେଇ ଗାଲିଲିର୍ ସବୁ ଗାଏଁଅନି, ଜିଉଦା ଆରି
 ଜିରୁସାଲମେଅନି ଆସିରଇବା ପାରୁସିମନ୍ ଆରି ନିଅମ୍ ସିକାଉମନ୍ ତେଇ
 ବସିରଇଲା । ଆରି ରଗିମନ୍ କେ ନିକ କର୍ବାକେ ମାପ୍ପୁର୍ ବପୁ, ଜିସୁକେ
 ରଇଲା । ୧୮ ଆରି ଏଦେ ଦେକା! ଗଟେକ୍ ଚେରେଢ଼ୁବାଡ଼ ଦାର୍ଲାଇ ମୁନୁସ୍ କେ,
 କେତେଲକ୍ କଟ୍ ମିସ୍ତେ ବଇଆନିକରି, ଗର୍ ବିତ୍ରେ ନେଇ ଜିସୁର୍ ମୁଆଟେ
 ସଢ଼ୁଉବଲି, ଚେସ୍ଟା କରତେରଇଲା । ୧୯ ମାତର୍ ଚିପାଟେଲାର୍ଲାଇ,
 ତାକେ ବିତ୍ରେ ନେବାକେ ବାଟ୍ ମିଲେନାଇ । ଏଦେ ଦେକା! ସେମନ୍ ରଗିକେ
 ଗର୍ ଉପ୍ରେ ଚଗାଇ ଚାଉନି ଉଜାଡ଼ି, କଟ୍ ମିସ୍ତେ ଲକ୍ମନ୍ ମଜାଇ ଜିସୁର୍
 ମୁଆଟେ ଉତ୍ତରାଇଦେଲା । ୨୦ ଜିସୁ ସେମନ୍ ବିସ୍ବାସ୍ ଦେକି କଇଲା,
 "ଏ ବାବୁ, ତମ୍ ସବୁ ପାପ୍ କେମା ଅଇଗାଲାବେ ।" ୨୧ ସାସ୍ତର୍ ସିକାଇବା
 ଲକ୍ମନ୍ ଆରି ପାରୁସି ଲକ୍ମନ୍ ମନେ ମନେ କୁଆବଲା ଅଇ, ଏନ୍ତି କଇବାର୍
 ଦାର୍ଲାଇ, "ଏ କେ ଜେ ପର୍ମେସରର୍ ନିନ୍ତୁକଲାନି? ପର୍ମେସର୍କେ ଚାଡ଼ି
 ଆରି କେ ପାପ୍ କେମା କରିପାର୍ସି?" ୨୨ ତେଇ ସେମନ୍ ମନେ ମନେ
 କୁଆବଲା ଅଇବାଟା ଜାନିକରି ସେମନ୍ କେ ଜିସୁ କଇଲା, "ତମେ କାଇକେ
 ସବୁଲକ୍ ନିଜର୍ ମନେ ମନେ ଏନ୍ତାରି କୁଆବଲା ଅଇଲାସ୍ନି? ୨୩ କାଇଟା
 ଉପାସ୍ କାତା? ତର୍ ସବୁ ପାପ୍ କେମା ଅଇଗାଲା ବଲି କଇବାଟା, କି ଉଟିକରି
 ଇଣ୍ଡି ଜା ବଲି କଇବାଟା? ୨୪ ମାତର୍ ପୁର୍ତ୍ତିବିର୍ ସବୁ ପାପ୍ କେମା କର୍ବାକେ
 ପର୍ମେସରର୍ ଟାନେଅନି ଆଇଲା ନର୍ପିଲା ମର୍ ଅଦିକାର୍ଆତେ ।" ଏଟା
 ତମେ ଜେନ୍ତି ଜାନିପାରାସ୍ । ଏଟାର୍ପାଇ ଜିସୁ ଚେରେଢ଼ୁବାଡ଼ ଦାର୍ଲାଇ ରଗିକେ
 କଇଲା, "ମୁଇ ତକେ କଇଲିନି, ଉର୍ ନିଜର୍ ବିର୍ନା ଦାରି ଗରେ ଜା ।" ୨୫
 ସେଦାପ୍ରେ ଚେରେଢ଼ୁ ଦାର୍ଲାଇ ଲକ୍ ସବୁଲକ୍ ଦେକ୍ତେ ଉଟିକରି ଜନ୍
 କଟେ ସଇରଇଲା, ସେଟା ବଇ ପର୍ମେସରର୍ ମଇମା କରି କରି ତାର୍ ଗରେ
 ଉଟିଗାଲା । ୨୬ ତେଇ ରଇଲା ସବୁଲକ୍ କାବା ଅଇଜାଇକରି ପର୍ମେସରର୍

ମଇମା କର୍ବାର ଦାରୁଲାଇ ଆରି ମାପୁରୁ ଚକିତ୍ କାମ୍ ଦେକି, “ଆଜି
 ଆମେ କେବେ ନ ଅଇଲାଟା ଦେକ୍ଲୁ!” ବଲି କଇଲାଇ । ୨୭ ତାର୍ପତେ
 ଜିସୁ ବାରଇଜାଇ ଲେବି ନାଉଁର୍ ଗଟେକ୍ ସିସ୍ତୁମାଡ୍, ସିସ୍ତୁମାଡ୍ମନ୍
 ମାଡ୍ମବାଟାନେ ବସିରଇବାଟା ଦେକି, ତାକେ କଇଲା, “ମର୍ସଡ୍ ଆଉ ।”
 ୨୮ ତେଇ ଲେବି ସବୁଜାକ ଚାଡିଦେଇ ଉଟିକରି ଜିସୁର୍ ସଡ୍ ଜିବାର୍ଦାରୁଲା
 । ୨୯ ଆରି ଲେବି ଜିସୁର୍ପାଇ ନିଜର୍ ଗରେ, ଗଟେକ୍ ବଡ୍ ବଜିକଲା ।
 ତେଇ ସିସ୍ତୁମାଡ୍ମନ୍, ଅଦିକ୍ ଲକ୍ ଆରି ବିନ୍ ବିନ୍ ଲକ୍ମନର୍ ସଡ୍ ସେ
 କାଇବାକେ ବସ୍ଲା । ୩୦ ତେଇ ପାରୁସିମନ୍ ଆରି ତାକର୍ ଦଲର୍ ସାସ୍ତର୍
 ସିକାଉମନ୍ ଜିସୁର୍ ମୁଆଟେ ତାର୍ ସିସ୍ମନ୍କେ ଦସ୍ ଦେକାଇ କଇଲାଇ,
 “ତମେ କାଇକେ ସିସ୍ତୁମାଡ୍ମନ୍ ସଡ୍ ଆରି ପାପିମନ୍ ସଡ୍ ମିସି କିଆ
 ପିଆ କଲାସ୍ନି?” ୩୧ ଜିସୁ ସେମନ୍କେ କଇଲା, “ଜାକେ ଦୁକାଦାରି ରଇସି,
 ସେସେ ଅସ କାଇସି, ଜାକେ ଦୁକା ଦାରେ ନାଇ ତାକେ ଅସ ଲତାନାଇ ।
 ୩୨ ମୁଇ ଦରମ୍ ଲକ୍ବଲି ନିଜ୍କେ ବାବ୍ବା ଲକ୍ମନର୍ ପାଇ ଆସିନାଇ,
 ମାତର୍ ପାପି ଲକ୍ମନ୍କେ ପାପେଅନି ମନ୍ ବାଦ୍ଲାଇବାକେ ଆଇଲିଆତି
 ।” ୩୩ କେତେକ୍ ଲକ୍ ଜିସୁକେ ପାଚାରୁଲାଇ, “ତୁବନ୍ ଦେଉ ଜଅନର୍
 ସିସ୍ମନ୍ ତରକେତର୍ ଉପାସ୍ କରି ପାର୍ତନା କର୍ବାଇ । ପାରୁସିମନ୍
 ସିସ୍ମନ୍ ମିସା ସେନ୍ତାରି ସେ କର୍ବାଇ । ମାତର୍ ତମର୍ ସିସ୍ମନ୍ କିଆ ପିଆ
 କର୍ବାଇ ।” ୩୪ ଜିସୁ ସେମନ୍କେ କଇଲା, “ବର୍ବାଟର୍ ଲକ୍ମନର୍ସଡ୍ ବର୍
 ରଇଲାବେଲେ, ତମେ କାଇ ସେମନ୍କେ ଉପାସ୍ କରାଇପାରାସ୍? ନାଇ,
 ନାପାରାସ୍ । ୩୫ ମାତର୍ ବେଲା ଆଇସି, ଜେତେବେଲେ ତାକର୍ଟାନେଅନି
 ବର୍କେ ତାକିଦାରିଜିବାଇ, ସେଡ୍କିବେଲେ ସେମନ୍ ଉପାସ୍ କଇବାଇ ।” ୩୬
 ଜିସୁ ସେମନ୍କେ ଆରି ଗଟେକ୍ ଉଦାଅରନ୍ ଦେଇ କଇଲା, “କେ ମିସା ପୁର୍ନା
 ଲୁଗା ପାଟିରଇଲାଟାନେ ନୁଆଲୁଗା ତିରି ଚାପ୍ ନ ଦେଅଡ୍, ଚାପ୍ ଦେଲେ
 ନୁଆଟା ମିସା ନସିଜାଇସି, ନୁଆ ଲୁଗାର୍ ଚାପ୍ ପୁର୍ନାଟାନେ ନ ମିସେ ।
 ୩୭ ବେସି ଦିନର୍ ପୁର୍ନା ଗାର୍ଗିଟାନେ କେ ମିସା ଏବେ ଉଡ୍ରାଇଲା ମଦ୍
 ନ ରକଅଡ୍, ତେଇ ଜଦି ସେ ମଦ୍ ରକଇ ତାବିଦେଲେ, ଗାର୍ଗି ପୁଟିକରି
 ପତାଅଇଜାଇସି । ୩୮ ତେବେ ମଦ୍ ଉଡ୍ରାଇଲା ଦାପ୍ରେ ନୁଆ ଗାର୍ଗିଟାନେ
 ରକଇ ସଡ୍ମଇବାର୍ଆତେ । ୩୯ ଆରି କେ ମିସା ପୁର୍ନା ମଦ୍ କାଇକରି ଏବେ

ଉତ୍ତରାଲଲା ମଦ୍ କାଇବାକେ ମନ୍ ନ କରଡ଼, କାଇକେବଇଲେ, ସେ ବାସିଟା ଆକା ନିକ ବଲି କଇସି ।”

୨ ତରେକ୍ ବିସ୍ତରାମ୍ ବାରେ ଜିସୁ ତାସ୍ ରଇଲା ପଦାବାଟେ ଜିବାବେଲେ ତାର୍ ସିସ୍ମନ୍ କେଡ଼ ଚିତାଇ ଆତେ ରମ୍ଦି କାଇତେରଇଲା । ୨ ସେମନ୍କେ ଦେକ୍ତେରଇବା ପାରୁସି ଲକ୍ମନର୍ ବିତ୍ରେଅନି କେତେଲକ୍ କଇଲା, “ବିସ୍ତରାମ୍ ବାରେ ଜନ୍ଟା କର୍ବାର୍ ବିଦି ନଏ, ସେଟା ତମେ କାଇକେ କଲାସ୍ନି?” ୩ ଜିସୁ ସେମନ୍କେ କଇଲା, “ଦାଉଡ୍ ଆରି ତାର୍ ସଞ୍ଜ୍ଠର୍ ଲକ୍ମନ୍ ବୁକେ ରଇଲାବେଲେ, ଦାଉଡ୍ କାଇଟା କରିରଇଲା, ସେଟା କାଇ ତମେ ପତାସ୍ ନାଇ କି? ୪ ସୁନା, ଦାଉଡ୍ ପର୍ମେସରର୍ ଗରେ ପୁରି, ପର୍ମେସର୍କେ ସର୍ପି ଅଇରଇଲା ଜନ୍ ରୁଟି, ପୁଜାରିମନ୍କେ ଚାଡ଼ି ଆରି କେ ମିସା କାଇବାର୍ ବିଦି ନ ରଇଲା, ସେଟା ନେଇକରି କାଇଲା ଆରି ତାର୍ ସଞ୍ଜ୍ଠର୍ ଲକ୍ମନ୍କେ ମିସା ଦେଇରଇଲା ।” ୫ ଆରି ଜିସୁ କଇଲା, “ପର୍ମେସର୍ ପାଟାଇରଇବା ନର୍ପିଲା ମୁଇ ବିସ୍ତରାମ୍ ବାରେ ଲକ୍ମନ୍ କାଇଟା କର୍ବାର୍ ଆତେ କାଇଟା କର୍ବାର୍ ନାଇ, ସେଟା କଇବାର୍ ମର୍ ଅଦିକାର୍ ଆତେ ।” ୬ ଆରି ଜିସୁ ବିନ୍ ଗଟେକ୍ ବିସ୍ତରାମ୍ବାରେ, ଜିଉଦି ଲକ୍ମନର୍ ପାର୍ତନା ଗରେ ଜାଇକରି ସିକାଇତେରଇଲା । ତେଇ ଗଟେକ୍ ଲକ୍ ରଇଲା । ତାର୍ ଉଜା ଆଡ୍ ସୁକିଜାଇରଇଲା । ୭ ଆରି ଜିସୁ ବିସ୍ତରାମ୍ବାରେ ମିସା କେ ଜାନେ ନିକ କର୍ସି, ଏଟା ଦେକ୍ତୁ ବଲି ପାରୁସି ଲକ୍ମନ୍ ଆରି ସାସ୍ତର୍ ସିକାଉମନ୍ ତାକେସେ ଦେକି ଦେକି ରଇଲା, କାଇକେବଇଲେ ତାର୍ ବିରୁଦେ ଦସ୍ ଦାର୍ବାକେ । ୮ ମାତର୍ ଜିସୁ ତାକର୍ ମନେ ବାଲ୍ଲାଟା ଜାନିକରି, ଜନ୍ ଲକର୍ ଆଡ୍ ସୁକିଜାଇରଇଲା, ତାକେ କଇଲା, “ଉର୍ ଆରି ସବୁଲକର୍ ମୁଆଟେ ଚିଆ ଅ ।” ଆରି ସେଲକ୍ ଉଟି ଚିଆଅଇଲା । ୯ ତେଇ ଜିସୁ ସେମନ୍କେ କଇଲା, “ମୁଇ ତମ୍କେ ପାତାର୍ଲିନି, ବିସ୍ତରାମ୍ବାରେ ବିଦି ଇସାବେ କାଇଟା କର୍ବାର୍? ନିକ କର୍ବାର୍ କି କାରାପ୍ କର୍ବାର୍? ଜିବନ୍ ବଞ୍ଚାଇବାର୍ କି ମରାଇବାର୍?” ୧୦ ଆରି ସେ ଚାରିବେଡ଼ି ସବୁକେ ଦେକି ସେ ଲକ୍କେ କଇଲା, “ତମର୍ ଆଡ୍ ଲାମାଆ ।” ତେଇ ସେ ସେନ୍ଦ୍ରାର୍ କଲା, ଆରି ତାର୍ ଆଡ୍ ପୁରାପୁରୁନ୍ ନିକ ଅଇଗାଲା । ୧୧ ମାତର୍ ପାରୁସିମନ୍ ଆରି ସାସ୍ତର୍ ସିକାଉମନ୍ ବେସି ରିସା ଅଇଗାଲା ଆରି ଜିସୁର୍ ବିରୁଦେ “କାଇଟା କରୁ?” ବଲି ତାକର୍ ତାକର୍ ବିତ୍ରେ ନିଆଇ କଲା । ୧୨ ସେବେଲେ ଦିନେକ୍

ଜିସୁ ପାର୍ତନା କରବାକେ ବାରଇ, ପରବତେ ଗାଲା ଆରି ଗୁଲାଇରାତି
 ପର୍ଯ୍ୟେସରକେ ପାର୍ତନା କରି କରି ରଇଲା । ୧୩ ସାକାଲ୍ ପାଇଲାକେ,
 ଜିସୁ ସିସ୍ତମନ୍କେ ଲଗେ ଡାକି ସେମନର୍ ବିତ୍ରେଅନି ବାର ଲକ୍କେ ବାଟୁଲା,
 ଆରି ସେମନ୍କେ ପେରିତ୍ ବଲି ନାଉଁ ଦେଲା । ୧୪ ସେମନ୍ ରଇଲା, ସିମନ୍
 ଜାକେ କି ସେ ପିତର୍ ବଲି ମିସା ନାଉଁ ଦେଲା, ଆରି ସିମନର୍ ବାଇ ଆନ୍ତୁରିୟ,
 ଜାକୁବ୍ ଆରି ଜଅନ୍, ପିଲିପ୍ ଆରି ବାର୍ତଲମି । ୧୫ ମାଡିଉ ଆରି ତମା,
 ଆଲ୍ପିର୍ ପ ଜାକୁବ୍ ଆରି ସିମନ୍, ଜାକେ କି କାଇ କାମ୍ କରବାକେ ମିସା
 ଆଗ୍ତୁ ଅଇସି ବଲି କଇବାଇ । ୧୬ ଜାକୁବର୍ ପ ଜିଉଦା ଆରି ଇସ୍କାରିତ
 ଜିଉଦା, ଜେ କି ଜିସୁକେ ସତ୍ତୁମନ୍ଦେକ ସର୍ପିଦେଇ ରଇଲା । ୧୭ ଆରି
 ଜିସୁ ପେରିତ୍ମନର୍ ସତ୍ତୁ ଉତ୍ତରିକରି, ଗଟେକ୍ ସଦ୍‌ରମ୍ ରଇଲା ଜାଗାଇ
 ଚିଆଅଇଲା । ଆରି ତେଇ ତାର୍ ବେସି ସିସ୍ତମନ୍, ଜିଉଦା ରାଇଜର୍ ବେସି
 ଲକ୍, ଜିରୁସାଲାମ୍ ଆରି ସମ୍ତୁର୍ ପାଲି ରଇବା ସର ଆରି ସିଦନ୍ ସଅରେଅନି
 ବେସି ଲକ୍ମନ୍ ରୁଣ୍ଡିରଇଲା । ୧୮ ଲକ୍ମନ୍ ତାର୍ ବାକିଅ ସୁନ୍‌ବାକେ ଆରି
 ନିଜର୍ ନିଜର୍ ରଗେଅନି ନିକ ଅଇବାକେ ଆସିରଇଲା । ଜନ୍ ଲକ୍ମନ୍
 ତୁମା ଦାରାଇଅଇ ଦୁକ୍ କସ୍ତ ପାଇତେରଇଲା, ସେମନ୍କେ ଜିସୁ ନିକ
 କଲା । ୧୯ ସବୁଲକ୍ମନ୍ ଜିସୁକେ ଚିଇବାକେ ତେସ୍ତା କର୍ତେରଇଲା
 । କାଇକେବଇଲେ ତାର୍ ଗାଗ୍ତେଅନି ମାପ୍‌ରୁର୍ ବସୁ ବାରଇତେରଇଲା
 ଆରି ସବୁଲକ୍ମନ୍କେ ନିକ କରତେରଇଲା । ୨୦ ସେବେଲେ ଜିସୁ ନିଜର୍
 ସିସ୍ତମନର୍ ବାଟେ ଦେକି କଇଲା, “ତମେ ଏବେ କାକୁର୍ତି ଅଇଆତାସ୍
 ତମର୍ କେତେକ୍ ନିକ କରମ୍, କାଇକେବଇଲେ ପର୍ଯ୍ୟେସରର୍ ରାଇଜ୍
 ତମର୍ତା । ୨୧ ତମେମନ୍ ଏବେ ବୁକେ ଆତାସ୍, ତମର୍ କେତେକ୍ ନିକ
 କରମ୍, କାଇକେବଇଲେ, ତମ୍‌କେ ପର୍ଯ୍ୟେସର୍ ପୁରାପୁରୁନ୍ ଦେଇସି ।
 ତମେମନ୍ ଏବେ କାନ୍ତୁଲାସ୍‌ନି, ତମର୍ କେତେକ୍ ନିକ କରମ୍, କାଇକେବଇଲେ
 ତମେମନ୍ ସାର୍‌ଦା ଅଇକରି ଆସ୍‌ସା ।” ୨୨ ଲକ୍ମନ୍ ଜେବେ ପର୍ଯ୍ୟେସର୍
 ପାଟାଇରଇବା ନର୍ପିଲା ମର୍ ଲାଗି ତମ୍‌କେ ଇନ୍ କରବାଇ, ଆରି ବେଗ୍‌ଲାଇ
 ଦେବାଇ, ନିନ୍ତୁକରି ତମର୍ ନାଉଁ ମନ୍ତୁ ବଲି ଦାରବାଇ, ତମର୍ କେତେକ୍
 ନିକ କରମ୍ । ୨୩ ସେ ଦିନେ ସାର୍‌ଦା ଅଇ ନାଟ୍ କରସା । କାଇକେବଇଲେ
 ଦେକା, ସର୍ଗେ ତମର୍ ପୁରୁସ୍‌କାର୍ ଅଦିକ୍ ଆରି ସେନ୍ତୁରି ତା ସେମନର୍
 ଆନିଦାଦିମନ୍, ବବିସ୍‌ବକ୍‌ତାମନ୍‌କେ କର୍ତେରଇଲା । ୨୪ ମାତର୍ ଏ

ତଣ୍ଡୁ ପାଉମନ୍, ତମେମନ୍ ଏବେ ସାଉକାର୍ ଆତାସ୍, କାଇକେବଇଲେ ତମେ
 ନିଜେ ନିଜେ ସୁକ୍ ପାଇଲାସ୍ବେ । ୨୫ ଏ ତଣ୍ଡୁପାଉମନ୍, ଏବେ ତମେ ନିକସଞ୍ଜୁ
 କାଇଲାସ୍ବି, କାଇକେବଇଲେ, ତମେ ବୁକେସେ ରଇସା । ଏ ତଣ୍ଡୁପାଉମନ୍,
 ତମେମନ୍ ଏବେ ଆଁସ୍ଲାସ୍ବି, କାଇକେବଇଲେ ପତେ ଦୁକେ ରଇକରି
 କାନୁସା । ୨୬ “ଜେତେବେଲେ ତମକେ ଲକ୍ମନ୍ ବଲ୍ ବଲିକରି ବାବ୍ଲାଇନି,
 ଏ ତଣ୍ଡୁପାଉମନ୍, ତାକର୍ ଆନିଦାଦି ତା ମାପ୍‌ରୁର୍ କାତା ବୁଲ୍‌କାଉମନର୍‌ପାଇ
 ସେନ୍ତୁରି କର୍‌ତେରଇଲାଇ ।” ୨୭ “ମାତର୍ ତମେମନ୍ ସୁନି ଆତାସ୍‌ଜେ
 ମୁଇ ତମକେ କଇଲିନି, ତମର୍ ସତ୍‌ରୁମନ୍‌କେ ଆଲାଦ୍ କରା, ଜନ୍ ଲକ୍ମନ୍
 ତମକେ ଇନ୍ କର୍‌ବାଇ, ସେମନର୍ ମଞ୍ଜୁଲ୍ କରା । ୨୮ ଜନ୍ ଲକ୍ମନ୍ ତମକେ
 ସାଇପ୍ ଦେବାଇ, ସେମନକେ ଆସିର୍‌ବାଦ୍ କରା । ଜନ୍ ଲକ୍ମନ୍ ତମକେ
 ଇଜତ୍ ଜିକ୍‌ବାଇ, ସେମନର୍‌ପାଇ ପାର୍‌ତନା କରା । ୨୯ ଜେ ତମକେ ଗଟେକ୍
 ଗାଲେ ତାପତ୍ ମାର୍‌ସି, ତାକେ ଆରିଗଟେକ୍ ଗାଲ୍ ମିସା ଦେକାଇଦିଆସ୍ । ଜେ
 ତମର୍ ତାଦର୍ ଦାରିଜାଇସି, ତାକେ ତମର୍ ପିନ୍ଧୁଲାଟା ନେବାକେ ମିସା ମନା
 କରାନାଇ । ୩୦ ଜେ ତମକେ ମାଞ୍ଜୁସି, ତାକେ ଦିଆସ୍ । ଆରି ଜେ ତମର୍ ଦନ୍
 ସିମ୍‌ପତି ଉଦାର୍ ନେଇସି, ତାର୍‌ଟାନେଅନି ସେଟା ଆରିତରେକ୍ ମାଞ୍ଜୁନାଇ
 । ୩୧ ଲକ୍ମନ୍ ତମକେ ଜେନ୍ତି କରତ୍ ବଲି ମନ୍ କଲାସ୍ବି, ତମେମିସା
 ସେମନର୍‌ଟାନେ ସେନ୍ତୁର୍ କରା ।” ୩୨ “ଆରି ଜନ୍ ଲକ୍ମନ୍ ତମକେ
 ଆଲାଦ୍ କଲାଇନି, ଜଦି ସେମନକେସେ ତମେ ଆଲାଦ୍ କର୍‌ସା ବଇଲେ କାଇ
 ଆସିର୍‌ବାଦ୍ ପାଇସା? କାଇକେବଇଲେ ପାପିମନ୍ ମିସା ସେନ୍ତୁରି କର୍‌ବାଇ ।
 ୩୩ ଜଦି ଜନ୍ ଲକ୍ମନ୍ ତମର୍ ମଞ୍ଜୁଲ୍ କଲାଇନି, ସେମନକେସେ ମଞ୍ଜୁଲ୍
 କର୍‌ସା ବଇଲେ, କାଇ ଆସିର୍‌ବାଦ୍ ପାଇସା? କାଇକେବଇଲେ ପାପିମନ୍
 ମିସା ସେନ୍ତୁରି କର୍‌ବାଇ । ୩୪ ଆରି ଜନ୍ ଲକ୍ମନର୍‌ଟାନେଅନି ତମର୍
 ମିଲାଇବାର୍ ଆସା ରଇସି, ଜଦି ସେମନକେସେ ଉଦାର୍ ଦେଇସା ବଇଲେ,
 ତମେ କାଇ ଆସିର୍‌ବାଦ୍ ପାଇସା? ପାପିମନ୍ ମିସା ସମାନ୍ ଇସାବେ ବାନ୍ଧୁଲାଟା
 ମିଲବଲି, ରୁନ୍ ଦେବାଇ । ୩୫ ମାତର୍ ତମର୍ ସତ୍‌ରୁମନ୍‌କେ ଆଲାଦ୍ କରା
 । ଆରି ସେମନର୍ ମଞ୍ଜୁଲ୍ କରା । ରୁନ୍ ବାନ୍ଧୁ ବଲି ଆସା ନ କରି, ରୁନ୍
 ଦିଆସ୍ । ସେନ୍ତୁରକଲେ ତମର୍ ପୁରୁସ୍‌କାର୍ ଅଦିକ୍ ଅଇସି । ଆରି ତମେ
 ପର୍‌ମେସରର୍ ପ ଅଇସା । କାଇକେବଇଲେ ସେ ନ ମାନ୍‌ବା ଲକର୍ ଆରି
 କରାପ୍ ଲକର୍ ମିସା ଦୟାକାରିଆ । ୩୬ ତମର୍ ସରଗର୍ ବାବା ଜେନ୍ତୁରି

ଦୟା କଲାମି, ସେନ୍ତୁରି ତମେ ମିସା ଦୟା କରା ।” ୩୭ “ବିନ୍‌ଲକର ବିଚାର
 କରାନାଇ, ସେନ୍ତୁରକଲେ ପର୍ମେସର୍ ତମ୍ଭେ ବିଚାର କରସି । ଦସ୍ ନ
 ଦିଆସ୍, ସେନ୍ତୁରକଲେ ପର୍ମେସର୍ ତମ୍ଭେ ଦସ୍ ନ ଦାରେ । କେମା କରା,
 ସେନ୍ତୁରକଲେ ତମ୍ଭେ କେମା ମିଲ୍‌ସି । ୩୮ ବିନ୍‌ଲକ୍‌କେ ଦାନ୍ କରା,
 ସେନ୍ତୁରକଲେ ପର୍ମେସର୍ ତମ୍ଭେ ଦାନ୍ ଦେଇସି, ଲକ୍‌ମନ୍ ମାନ୍‌ଟାନେ କାଦି
 ପୁରୁନ୍‌କରି ତାକେ ଚାପି ଛୁଲାଇ, ଉତ୍‌ଲାଇକରି, ତମର୍ ଅଁଟିତେଇ ଦେବାଇ,
 କାଇକେବଇଲେ ଜନ୍ ଇସାବେ ତମେ ନାପ୍‌ସା, ସେ ଇସାବେ ସେ ତମ୍ଭେ
 ନାପି ଦିଆଅଇସି ।” ୩୯ ଜିସୁ ସେମନ୍‌କେ ଉଦାଅରନ୍ ଦେଇ କଇଲା, “କାଣା
 କାଇ କାଣାକେ ବାଟ୍ ଦେକାଇପାରେକି? ନାଇ, ନାପାରେ । ଜଦି ସେମନ୍
 ସେନ୍ତୁରି କରବାଇ ବଇଲେ ଦୁଇଲକ୍‌ଜାକ କାଲେ ନ ଅଦରତ୍ କି? ୪୦
 ଗୁରୁଟାନେଅନି ସିସ୍ ବଡ୍ ନାଇ । ମାତର୍ ସିସ୍‌ମନ୍ ସିକିଆ ପାଇ ସାରାଇଲେ
 ସିଦ୍‌ଅଇ ଗୁରୁର୍ ସମାନ୍ ଅଇବାଇ ।” ୪୧ “ଆରି କାଇକେ ତମର୍ ବାଇର୍
 ଅଁକିଟାନେ ରଇବା ସାନ୍ କାର୍‌ରା ଦେକ୍‌ଲାସ୍‌ନି? ମାତର୍ ତମର୍ ନିଜର୍
 ଅଁକିଟାନେ ଜନ୍ ବଡ୍ କାର୍‌ରା ଆଟେ, ସେଟା ବାବିଦେକାସ୍‌ନାଇ । ୪୨ ତମେ
 ନିଜର୍ ଅଁକିଟାନେ ରଇବା ବଡ୍‌ଟା କାର୍‌ରା ନ ଦେକିକରି, ନିଜର୍ ବାଇର୍ ଅଁକି
 ଟାନେ ରଇବା ସାନ୍ କାର୍‌ରା ଦେକି କେନ୍ତି କଇପାରାସ୍, ଆଉ ବାଇ ତମର୍
 ଅଁକିଅନି କାର୍‌ରା ବାକ୍‌ରାଇଦେବି? ଏ କୁଟିଆଲ୍‌ମନ୍, ପର୍‌ତୁମ୍ ନିଜର୍
 ଅଁକିଅନି କାର୍‌ରା ବାକ୍‌ରାଇପାକା, ତାପ୍‌ତେ ନିଜର୍ ବାଇର୍ ଅଁକିଟାନେ
 ରଇବା କାର୍‌ରା ସବୁ ବାକ୍‌ରାଇବାକେ, ନିକକରି ଦେକିପାରାସ୍ ।” ୪୩
 “ନିକ ଗଟେ କାରାପ୍ ପଲ୍ ନ ପଲେ, କାରାପ୍ ଗଟେ ନିକ ପଲ୍ ନ ପଲେ ।
 ୪୪ କାଇକେବଇଲେ ଗର୍‌ମନ୍‌କେ ତାପ୍ ପଲ୍‌ରୁଲାଗି ଜାନିଅଇସି । କାଟା
 ଗଟେଅନି ଲକ୍‌ମନ୍ ତୁମ୍‌ରି ପଲ୍ ନ ତଲ୍‌ତ୍, କି କାଟା ବୁଟାଅନି ଅଢ୍ଢୁର୍ ପଲ୍
 ନ ତଲ୍‌ତ୍ । ୪୫ ନିକ ଲକ୍ ନିଜର୍ ମନ୍ ବିତ୍‌ରର୍ ଗରବ୍‌ବିତ୍‌ରେ ଅନି ନିକଟା
 ବାକ୍‌ରାଇସି । ଆରି କାରାପ୍ ଲକ୍‌ମନ୍ ନିଜର୍ ମନ୍ ବିତ୍‌ରର୍ ଗରବ୍‌ଟାନେ
 ଅନି କାରାପ୍‌ଟା ବାକ୍‌ରାଇବାଇ । କାଇକେବଇଲେ, ମନ୍‌ବିତ୍‌ରେ ତିନ୍ତା
 କରବାଟା, ଟଣ୍ଟୁ କାତା କଇସି ।” ୪୬ “ଆରି ତମେ କାଇକେ ମକେ ଏ ମାପ୍‌ରୁ
 ଏ ମାପ୍‌ରୁ, ବଲି ତାକିକରି ମର୍ ଆଦେସ୍ ମାନାସ୍ ନାଇ? ୪୭ ଜେ ମିସା
 ମର୍‌ଲଗେ ଆସି, ମର୍ କାତା ସୁନି, ସେଟା ସବୁ ମାନ୍‌ସି, ସେ କାର୍ ସମାନ୍
 ରଇସି, ସେଟା ମୁଇ ତମ୍ଭେ ଦେକାଇବି । ୪୮ ସେ ଏନ୍ତୁରି ଗଟେକ୍ ଗର୍

ଉଟାଇବା ଲକ୍ଷ୍ୟପାଠ୍ୟ । ଜେ ଗଈରୁ କର କୁନି, କୁନାଦି ପାକ୍‌ନା ଉପରେ ବସାଇଲା । ବନିଆ ପାନି ଆସି ସେଟା ଉଲ୍‌କା ମାରୁଲା ମିସା ସେଟା ବସୁଲା ନାପାରୁଲା । କାଇକେବଇଲେ ସେଟା ନିମାନ୍‌କରି ଉଟାଇରଇଲା । ୪୯ ମାତରୁ ଜନ୍ ଲକ୍‌ମନ୍ ମର୍କାତା ସୁନିକରି ମିସା ସେ ଇସାବେ ଚଲାଚଲ୍‌ତି ନ କରତ୍, ସେ କୁନାଦି ନ କରି, ବାଲି ଉପରେ ଗରୁକଲା ଲକ୍‌ପାଠ୍ୟ । ଜବରୁ ଅଇତେ ଉଦ୍‌କାମାରୁଲା ଦାପ୍‌ରେ ସେ ଗରୁ ବସୁଲିଗାଲା ଆରି ସେଟା ଅପରୁବଲ୍ ବିନାସ୍ ଅଇଲା ।”

୭ ଜିସୁ ଲକ୍‌ମନ୍‌କେ ସବୁ କାତା କଇ ସାରାଇକରି କପରୁନାଉମ୍ ସଅରେ କେଟୁଲା । ୨ ସେବେଲେ ସଏଟା ସନିଅମନର୍ ମୁକିଆର୍ ଗଟେକ୍ ଗତିଦାଢୁଡା, ଜରୁ ଅଇକରି ମଲାପାରା ଅଇଜାଇରଇଲା । ସେ ତାକେ ନିଜରୁଲକ୍ ପାରା ଆଲାଦ୍ କରତେରଇଲା । ୩ ସେ ଜିସୁର୍ ବିସଇର୍ କବର୍ ସୁନି, ଜିସୁ ଜେନ୍‌କି ଆସି ତାର୍ ଗତିଦାଢୁଡାର୍ ଜିବନ୍ ରକିଆ କରୁସି ବଲି ବାବୁଲା । ସେଟାରୁପାଇ ଜିସୁର୍ ଲଗେ କେତେଟା ଜିଉଦି ପାରୁତିନ୍‌ମନ୍‌କେ ପାଟାଇ ତାକେ ବାରୁଜିଆ କଲାଇ । ୪ ପାରୁତିନ୍‌ମନ୍ ଜିସୁର୍ଲଗେ କେଟିକରି ତାକେ ଛୁଆର୍ ବିଆର୍ କରି କଇବାର୍ ଦାରୁଲାଇ, “ତାରୁପାଇ ତମେ ଏନ୍ତାରି କରିରଇଲେ, ନିକରଇସି । ୫ କାଇକେବଇଲେ ସେ ଆମର୍ ଲକ୍‌ମନ୍‌କେ ଆଲାଦ୍ କରୁସି ଆରି ନିଜେ ସେ ଆମର୍ ସବୁଲକର୍ ପାଇ ପାରୁତନାଗର୍ ତିଆରୁକରି ଦେଇଆତେ ।” ୬ ତେଇ ଜିସୁ ତାକର୍ ସଢୁ ଗାଲା । ସେ ଗରେ କେଟ୍‌ବାକେ କଣ୍ଟେକ୍ ଦୁର୍ ରଇଲାକେ, ସଏଟା ସନିଅମନର୍ ମୁକିଆ ଲକ୍‌ମନ୍‌କେ ପାଟାଇ ତାକେ କଇଲା, “ମାପୁରୁ, କସ୍‌ଟ ଉଆନାଇ, କାଇକେବଇଲେ ତମେ ଜେ ମର୍ ଗରେ ପାଦ୍ ପାକାଇସା, ମର୍ ଏନ୍ତାରି ବାଗିଅ ନାଇ । ୭ ଏଟାରୁପାଇ ମୁଇ ତମର୍‌ଟାନେ ଆଇବାକେ ମନ୍ କରିନାଇ । ମାତର୍ ଗଟେକ୍ ପଦ୍ ଆଦେସ୍ କରା, ମର୍ ଗତିଦାଢୁଡା ନିକ ଅଇଜାଇସି । ୮ ମୁଇ ଗଟେକ୍ ଲକ୍‌ଟ ଚଲେ କାମ୍ କରତେରଇଲେ ମିସା ମର୍ ତଲେ ସନିଅମନ୍ ଆତତ୍ । ଆରି ମୁଇ ଗଟେକ୍ ଲକ୍‌କେ ଜା ବଲି କଇଲେ, ସେ ଜାଇସି । ବିନ୍ ଲକ୍‌କେ ଆଉ ବଇଲେ ସେ ଆଇସି । ମର୍ ଗତିଦାଢୁଡାକେ ଏଟା କର୍ ବଇଲେ, ସେ ସେଟା କରୁସି ।” ୯ ଜିସୁ ତାର୍ ଏ ସବୁ ବିସଇ ସୁନି କାବା ଅଇଗାଲା, ଆରି ବୁଲିକରି ତାର୍ ପତେ ଆଇତେରଇବା ଲକ୍‌ମନ୍‌କେ କଇଲା, “ମୁଇ ତମ୍‌କେ କଇଲିନି, ଇସ୍ରାଏଲ୍ ବିତ୍‌ରେ ମିସା ଏତେକ୍ ବଡ୍ ବିସ୍‌ବାସି ନ ମିଲତ୍ ।” ୧୦ ଆରି ଜିସୁକେ ତାକ୍‌ବାକେ ଜାଇରଇଲା ଲକ୍‌ମନ୍

ଗରେ ବାଉଡ଼ି ଆସି ଗତିଦାଢ଼ୁଡ଼ା ନିକ ଅଇରଇବାଟା ଦେକଲା । ୧୧
ତେଇଅନି ଜିସୁ ନାଇନ୍ ନାଉଁର୍ ନଅରେ ଗାଲା । ତାର୍‌ସଢ଼ୁ ସିସ୍‌ମନ୍ ଆରି
ଲକ୍‌ମନ୍ ବେସି ଜାଇତେରଇଲା । ୧୨ ସେ ନଅରର୍ ଦୁଆରଲଗେ କେଟୁ
କେଟୁ ଏଦେ ଦେକା! ଲକ୍‌ମନ୍ ଗଟେକ୍ ମଲା ଲକ୍‌କେ ବଇଆନ୍‌ତେ ରଇଲା
। ସେ ନିଜର୍ ମାଆର୍ ଗଟେକ୍ ସେ ପିଲା, ଆରି ସେ ମାଇଜି ରାଣ୍ଡିଟା ।
ନଅରର୍ ବେସିଲକ୍‌ମନ୍ ତାର୍ ସଢ଼ୁ ରଇଲା । ୧୩ ସେ ରାଣ୍ଡି ମାଇଜିକେ
ଦେକି ଜିସୁ ଦୁକ୍‌କଲା ଆରି ତାକେ କଇଲା, “ଏ ମାଆ କାନୁନାଇ ।” ୧୪
ଆରି, ଜିସୁ ଜାଇକରି ଡାଣ୍ଡିଆ ଚିଲଲାଇକେ ବଇ ଆନ୍‌ତେରଇବା ଲକ୍‌ମନ୍
ଟିଆଅଇଲା । ଆରି ସେ କଇଲା, “ମୁଇ ତକେ କଇଲିନି, ନୁନା ଉଟ୍!”
୧୫ ତେଇ ସେ ଦାଢ଼ୁଡ଼ା ଉଟିବସ୍‌ଲା ଆରି କାତା କଇବାର୍ ଦାର୍‌ଲା । ଆରି
ଜିସୁ ସେ ଦାଢ଼ୁଡ଼ାକେ ତାର୍ ମାକେ ସର୍‌ପିଦେଲା । ୧୬ ତେଇ ସବୁଲକ୍
ତରିଗାଲା, ଆରି ପର୍‌ମେସରର୍ ମଇମା କରି କରି କଇଲା “ଆମର୍
ବିତ୍‌ରେ ଗଟେକ୍ ମଆନ୍ ବବିସର୍‌ବକ୍‌ତା ଆଇଲାଆତେ, ଆରି ପର୍‌ମେସର୍
ନିଜର୍ ଲକ୍‌ମନ୍‌କେ ଉଦାର୍ କର୍‌ବାକେ ଆସିଆତେ ।” ୧୭ ଜିସୁର୍ ଏ ବିସଇର୍
କାତା ଗୁଲା ଜିଉଦା ଦେସେ ଆରି ଚାରିବାଟର୍ ଗାଉଁଗଣ୍ଡା ଲକ୍‌ମନ୍
ଜାନ୍‌ଲା । ୧୮ ପତେ ତୁବନ୍ ଦେଉ ଜଅନର୍ ସିସ୍‌ମନ୍ ଏ ସବୁ କାତା
ଜଅନ୍‌କେ ଜାନାଇଲା । ୧୯ ତେଇ ଜଅନ୍ ନିଜର୍ ସିସ୍‌ମନ୍ ବିତ୍‌ରେଅନି
ଦୁଇଲକ୍‌କେ ଡାକି ମାପ୍‌ରୁର୍ ଲଗେ ଏନ୍ତାରି କଇ ପାଟାଇଲା, “ଜେ ଆଇବାର୍
ରଇଲା, ସେ ଲକ୍ ତମେସେ କି? କି କାଇ ବିନ୍ ଲକ୍‌କେ ଆମେ ଜାଗ୍‌ରୁ?”
୨୦ ସେ ଲକ୍‌ମନ୍ ଜିସୁରଲଗେ କେଟିକରି କଇଲା, “ତୁବନ୍ ଦେଉ ଜଅନ୍
ଆମ୍‌କେ ଏନ୍ତାରି କଇ ତମର୍‌ଲଗେ ପାଟାଇଆତେ, ଜେ ଆଇବାର୍ ରଇଲା,
ସେ ଲକ୍ ତମେ କି? କି କାଇ ଆମେ ଆରି ବିନ୍ ଲକ୍‌କେ ଜାଗ୍‌ରୁ?” ୨୧
ସେବେଲେ ଜିସୁ ଜର୍ ଦୁକା, ଆରି ତୁମା ଦାର୍‌ଲା ଲକ୍‌ମନ୍‌କେ ନିକ କଲା ।
ଆରି କେତେଟା କାଣାମନ୍‌କେ ମିସା ଆଁକି ଡିସାଇଲା । ୨୨ ଜିସୁ ଜଅନର୍
ସିସ୍‌ମନ୍‌କେ କଇଲା, “ତମେମନ୍ ଜନ୍ ଜନ୍‌ଟା ଦେକ୍‌ଲାସ୍ ଆରି ସୁନ୍‌ଲାସ୍,
ସେଟା ସବୁ ଜାଇ ଜଅନ୍‌କେ ଜାନାଆ, କାଣା ଲକ୍‌ମନ୍ ଦେକିପାର୍‌ଲାଇନି,
ତଟାମନ୍ ଇଣ୍ଡିରୁଲାଇନି, ବଡ୍ ରଗିମନ୍ ନିକ ଅଇଲାଇନି, ବଇରା ଲକ୍‌ମନ୍
ସୁନ୍‌ଲାଇନି, ମଲାଲକ୍‌ମନ୍ ଜିବନ୍‌ଅଇ ଉଟ୍‌ଲାଇନି, ଆରି ଦୁକର୍ ଲକ୍‌ମନ୍‌କେ
ମାପ୍‌ରୁର୍ ବାକିଅ ସୁନାଇଅଇଲାନି । ୨୩ ଜନ୍‌ଲକ୍ ମକେ ‘କିରିସ୍‌ଟ’ ସେ

କି ନାହିଁ? ବଲି ନ ବାବିକରି ବିସ୍ୱାସ କରୁଥି, ତାର କେତେକ ନିକ କରମ୍
 ।” ୨୪ ଜଅନର୍ ସିସ୍ମନ୍ ବାଉଡ଼ିଗାଲାପତେ ଜିସୁ ଲକ୍ଷ୍ମୀକେ ଜଅନର୍
 ବିସଇ କଇବାରୁଦାଲ୍ଲା, “କାଇଟା ଦେକ୍ବାକେ ତମେ ମରୁବାଲି ବୁଧ୍ ବାରଇ
 ଜାଇରଇଲାସ୍? କାଇ ପବନେ ଜୁଲ୍ତେରଇବା ବାଉଁସ୍ ନାଲା? ୨୫ ସେଟା
 ନଇଲେ ତମେ କାଇଟା ଦେକ୍ବାକେ ବାରଇଜାଇ ରଇଲାସ୍? କାଇ ଜବର୍
 ତାରୁଦେଇ ବସ୍ତର୍ ଗେନି ପିନ୍ତୁରଇବା ଗଟେକ୍ ଲକ୍ଷ୍ମୀକେ ଦେକ୍ବାକେ? ଦେକା,
 ଜନ୍ ଲକ୍ଷ୍ମୀକେ ଜେ କି ସୁନ୍ଦର୍ ବସ୍ତର୍ ପିନ୍ତୁକରି, ସୁକର୍ ସଞ୍ଜ ଦିନ୍ ବିତାଇବାଇ,
 ସେମନ୍ ତା ରାଜାର୍ ନଅରେ ରଇବାଇ । ୨୬ ସେନ୍ତୁର୍ ନଇଲେ କାଇକେ
 ବାରଇ ଜାଇରଇଲାସ୍? କାଇ ଗଟେକ୍ ବବିସ୍ତବକ୍ତାକେ ଦେକ୍ବାକେ?
 ମୁଇ ତମ୍ବେକେ ସତ୍ କଇଲିନି, ଜଅନ୍ ବବିସ୍ତବକ୍ତାମନର୍ ତେଇଅନି ମିସା
 ଅଦିକାର୍ ରଇବା ଲକ୍ ।” ୨୭ ଜାର୍ ବିସଇ ନେଇକରି ଦରମ୍ ସାସ୍ତରେ
 ଲେକାଆତେ । ପର୍ମେସର୍ କଇଲା, “ଆମେ ନିଜର୍ ଦୁର୍ବେକେ ତମର୍ ଆଗେ
 ପାଟାଇଲୁନି, ସେ ତମର୍ ମୁଆଟେ ତମର୍ପାଇ ବାଟ୍ ତିଆର୍ କରୁଥି, ଏ ସେ
 ଲକ୍ । ୨୮ ମୁଇ ତମ୍ବେକେ ସତ୍ କଇଲିନି, ମାଇଜିମନର୍ ଟାନେଅନି ଜାତ୍
 କରିରଇବା ସବୁର୍ ବିତ୍ରେ, ଜଅନର୍ ଟାନେଅନି ଆରି ମୁକିଅ କେ ମିସା ନାଇ,
 ଏଲେମିସା ପର୍ମେସରର୍ ରାଇଜେ ଜେ ସାନ୍, ସେ ଜଅନର୍ ଟାନେଅନି ବତ୍
 ।” ୨୯ ଜନ୍ ଲକ୍ଷ୍ମୀକେ ଏ ସବୁ କାତା ସୁନ୍ତେରଇଲାଇ, ସେମନ୍, ଜେନ୍ତୁରିକି
 ସିସ୍ତୁମାଞ୍ଜୁମନ୍ ମିସା ପର୍ମେସରର୍ ଦାବିକଲାଟା ମାନି ଜଅନର୍ ଟାନେ
 ଦୁବନ୍ ନେଇରଇଲାଇ । ୩୦ ମାତର୍ ପାରୁସିମନ୍ ଆରି ନିଅମ୍ ସିକାରମନ୍
 ତାକର୍ ଜିବନର୍ପାଇ ପର୍ମେସର୍ କରିରଇବା ଜଜ୍ନା ମାନତ୍ନାଇ, ଆରି
 ଜଅନର୍ଟାନେ ଦୁବନ୍ ନେଅତ୍ନାଇ । ୩୧ ଜିସୁ ଆରିତରେକ୍ କଇଲା, ଏବର୍
 ଲକ୍ଷ୍ମୀକେ ମୁଇ କାର୍ ସଞ୍ଜ ସମାନ୍ କରୁବି? ଆରି ସେମନ୍ କାର୍ ପାରା? ୩୨
 ଜନ୍ ପିଲାମନ୍ ତାଣ୍ଟେବାଟେ ବସି ସେମନ୍ ସେମନ୍ ତାକାତାକିଅଇ କୁଆକୁଇ
 ଅଇବାଇ, “ଅଇରେ, ଆମେ ତମର୍ଲଗେ ବାଉଁସି ପୁକ୍ଲୁ, ତମେ ନାଟ୍
 କରାସ୍ନାଇ, ଦୁକର୍ ଗିତ୍ ଗାଇଲୁ, ତମେ କାନ୍ତାସ୍ନାଇ, ସେମନ୍ ତାକର୍ପାରା
 । ୩୩ କାଇକେବଇଲେ, ଦୁବନ୍ ଦେଉ ଜଅନ୍ ଆସି ଉପାସେ ରଇ, ଆମଟ୍
 ଅଇଲା ପଲ୍ଲରସ୍ ମିସା କାଏନାଇ, ଆରି ତମେ ତାକେ କଇଲାସ୍ନି ଦୁମା
 ଦାରିଆତେ ବଲି । ୩୪ ପର୍ମେସର୍ ପାଟାଇରଇବା ନର୍ପିଲା ମୁଇ ଆସି
 କିଆପିଆ କଲିନି, ଆରି ତମେମନ୍ କଇଲାସ୍ନି, ଦେକା ଅ! ଏ ଗଟେକ୍

କାରରାଟା ଆରି ମଦୁଆଟା, ସିସ୍ତୁମାଞ୍ଜୁମନର୍ ଆରି ପାପିମନର୍ ମଇତର୍ ।
 ୩୫ ମାତର୍ ଜନ୍‌ଲକ୍‌ମନ୍ ପର୍‌ମେସରର୍ ଗିଆନ୍ ମାନ୍‌ବାଇ, ସେମନର୍‌ଟାନେ
 ମାପୁରୁ ସତ୍ ଇସାବେ ତିସ୍‌ସି ।” ୩୬ ଆରି ପାରୁସିମନର୍ ବିତ୍‌ରେଅନି ଗଟେକ୍
 ଲକ୍ ଜିସୁକେ କାଇବାକେ ଡାକ୍‌ଲା । ତେଇ ଜିସୁ ପାରୁସିର୍ ଗରେ ଜାଇକରି
 କାଇବାକେ ବସ୍‌ଲା । ୩୭ ଆରି ଦେକା, ସେ ନଅରେ ଗଟେକ୍ ପାପି ମାଇଜି
 ରଇଲା । ଜିସୁ ପାରୁସିର୍ ଗରେ କାଇବାକେ ବସିଆଚେ ବଲି ଜାନିକରି,
 ସେ ଗଟେକ୍ କଣ୍ଟିତେଇ ବାସ୍‌ନା ଚିକନ୍ ଆନ୍‌ଲା । ୩୮ ପର୍‌ବାଟେ ଜିସୁର୍
 ପାଦ୍‌ଲଗେ ଚିଆଅଇ ଆଁସୁ ଜରାଇ ଜରାଇ ତାର୍ ଆଁସୁ ପାନି ସଞ୍ଜୁ ଜିସୁର୍
 ପାଦ୍ ବିଜାଇକରି ତାର୍ ଚେଣ୍ଟିସଞ୍ଜୁ ସେଟା ପୁର୍‌ବାର୍ ଦାର୍‌ଲା । ଆରି ତାର୍
 ପାଦେ ରୁମି ରୁମି କରି ସେ ଚିକନ୍ ଲାଗାଇବାର୍ ଦାର୍‌ଲା । ୩୯ ସେଟା
 ଦେକିକରି ଜନ୍ ପାରୁସି ତାକେ ଡାକିରଇଲା, ସେ ମନେ ମନେ ବାଦ୍‌ଲା, “ଜଦି
 ଏ ଲକ୍ ବବିସତ୍‌ବକ୍‌ତା ଅଇରଇତା ବଇଲେ, ଆକେ ଜେ ଡିଇଲାନି, ସେ
 କେ ଆରି ସେଟା କେନ୍ତୁର୍ ମାଇଜି, ବଲି ଜାନ୍‌ତା । କାଇକେବଇଲେ ସେ
 ଗଟେକ୍ ପାପି ମାଇଜି ।” ୪୦ ଜିସୁ ତାକେ କଇଲା, “ସିମନ୍ ତକେ ମୁଇ ଅଲପ୍
 କଇବାର୍ ଆଚେ ।” ସେ କଇଲା, “ଗୁରୁ କୁଆ ଡେବେ ।” ୪୧ “ଗଟେକ୍
 ସାଉକାର୍ ରୁନ୍ ନେଇରଇବା ଦୁଇଲକ୍ ରଇଲାଇ, ଗଟେକ୍‌ଲକ୍ ପାଁଦ୍‌ସ
 ରୁପାଟାଞ୍ଜୁ ଆରି ଗଟେକ୍‌ଲକ୍ ପତାସ୍ ରୁପାଟାଞ୍ଜୁ ରୁନ୍ କରିରଇଲାଇ । ୪୨
 ରୁନ୍ ବାନ୍ଧୁବାକେ ସେମନ୍‌କେ କାଇଟା ନ ରଇଲାଜେ, ସାଉକାର୍ ଦୁଇଲକର୍
 ଜାକ ରୁନ୍ ଚାଡିଦେଲା । ଡେବେ ସେମନର୍ ବିତ୍‌ରେ କେ ତାକେ ବେସି ଆଲାଦ୍
 କର୍‌ସି?” ୪୩ ସିମନ୍ କଇଲା, “ମୁଇ ବାଦ୍‌ଲିନି, ସାଉକାର୍ ଜାକେ ଅଦିକ୍ ରୁନ୍
 ଚାଡିଦେଲା, ସେ ।” ଜିସୁ ତାକେ କଇଲା, “ତମେ ଟିକ୍ ବିତାର୍ କଲାସ୍ ।”
 ୪୪ ଆରି ଜିସୁ ସେ ମାଇଜିର୍‌ବାଟେ ମୁ ବୁଲାଇକରି ସିମନ୍‌କେ କଇଲା, “ଏ
 ମାଇଜିକେ ଦେକ୍‌ଲୁସ୍‌ନି? ମୁଇ ତମର୍ ଗରେ ଆଇଲି, ମକେ ଗଡ୍ ଦଇବାକେ
 ପାନି ଦିଆସ୍‌ନାଇ, ମାତର୍ ଏ ତାର୍ ଆଁସୁପାନି ସଞ୍ଜୁ ମର୍ ପାଦ୍ ବିଜାଇ ତାର୍
 ଚେଣ୍ଟିସଞ୍ଜୁ ସେଟା ପୁଡିଦେଲା । ୪୫ ତମେ ମକେ ରୁମାସ୍‌ନାଇ, ମାତର୍ ମୁଇ
 ବିତ୍‌ରେ ଆଇଲା ବେଲେଅନି ଏ ମର୍ ପାଦେ ରୁମି ରୁମି, ତାକେନାଇ । ୪୬
 ତମେ ମକେ ସନ୍‌ମାନର୍ ସଞ୍ଜୁ ମୁଣ୍ଡେ ଚିକନ୍ ଲାଗାଆସ୍‌ନାଇ, ମାତର୍ ଏ ମର୍
 ପାଦେ ବାସ୍‌ନା ଚିକନ୍ ଲାଗାଇଲା । ୪୭ ଡେବର୍‌ପାଇ ମୁଇ ତକେ କଇଲିନି,
 ଏ ମାଇଜିର୍ କେତେ କେତେ ପାପ୍ କେମାଅଇଲାଆଚେ, କାଇକେବଇଲେ ସେ

ବେସି ଆଲାଦ୍ କଲା, ମାତର୍ ଜାକେ ଅଲପ୍ କେମା ଦିଆଅଇସି, ସେ ଅଲପ୍ ଆଲାଦ୍ କରସି ।” ୪୮ ଆରି ଜିସୁ ସେ ମାଇଜିକେ କଇଲା, “ତର୍ ସବୁ ପାପ୍ କେମା ଅଇଲା ଆତେ ।” ୪୯ ତେଇ ଜିସୁର୍ସଞ୍ଜ୍ କାଇବାକେ ବସିରଇବା ଲକ୍ମନ୍ ମନେ ମନେ କଇବାର୍ ଦାର୍ଲାଇ, “ପାପ୍ ମିସା କେମାକଲାନିଜେ, ଏ କେ?” ୫୦ ମାତର୍ ଜିସୁ ସେ ମାଇଜିକେ କଇଲା, “ତୁଇ ମକେ ବିସ୍ବାସ୍ କଲାର୍ପାଇ ବଲି ରକିଆ ପାଇଆରୁସ୍, ସାନ୍ତିସଞ୍ଜ୍ ଉଟିଜା ।”

୮ ତେଇଅନି ଚନେକ୍ ଗାଲାପତେ, ଜିସୁ ନଅରେ ନଅରେ ଆରି ଗାଏଁ ଗାଏଁ ପର୍ମେସରର୍ ରାଇଜର୍ ସୁବ୍ବକବର୍ କଇ ବୁଲ୍ବାର୍ ଦାର୍ଲା, ଆରି ବାରଟା ସିସ୍ମନ୍ ତାର୍ ସଞ୍ଜ୍ ରଇଲାଇ । ୨ ଜନ୍ ମାଇଜିମନ୍ ତୁମାଦାର୍ଲା ଟାନେଅନି ଆରି ଜର୍ତୁକା ଟାନେଅନି ନିକ ଅଇରଇଲାଇ, ସେମନ୍ ମିସା ତାର୍ ସଞ୍ଜ୍ ରଇଲାଇ । ମାଇଜିମନ୍ ବିତ୍ରେ ଅନି ମରିୟ୍ମ୍ ଜାକେ କି ମର୍ଦଲିନି ମରିୟ୍ମ୍ ବଲି କଇବାଇ । ଜାର୍ଟାନେଅନି ସାତ୍ଟା ତୁମା ବାରଇ ଜାଇରଇଲାଇ । ୩ ଏରଦ୍ ରାଜାର୍ ଗୁମସ୍ତା କୁଜାର୍ ମାଇଜି ଜଆନା, ସସନା, ଆରି କେତେକ୍ କେତେକ୍ ମାଇଜିମନ୍, ଜିସୁର୍ ସଞ୍ଜ୍ ରଇ ନିଜର୍ ନିଜର୍ ଦନ୍ ସାରାଇ ତାକେ ସେବା କର୍ତେରଇଲାଇ । ୪ ଜେତେବେଲେ ଲକ୍ମନ୍ ଗଟେକ୍ ଜାଗାଇ ବୁଲ୍ଅଇଲାଇ, ଆରି ନଅରେ ନଅରେ ଅନି ତାର୍ଲଗେ ଆଇଲାଇଜେ ଜିସୁ ଏନ୍ତି ଉଦାଅରନ୍ ଦେଇ କଇଲା, ୫ “ଗଟେକ୍ ଚାସି ତାର୍ ବିଅନ୍ ବୁନ୍ବାକେ ବାରଇଲା । ସେ ବୁନ୍ ବୁନ୍ କେତେଟା ବିଅନ୍ ବାଟେ ଅଦର୍ଲା । ଲକ୍ମନ୍ ସେଟା ମାଣ୍ଟୁଟୁ କରିଦେଲାଇ ଆରି ଚତଇମନ୍ ଆସି କାଇଦେଲାଇ । ୬ କେତେଟା ପାକ୍ନା ବାଡି ରଇଲା ବୁଏଁ ଅଦର୍ଲା, ସେଟା ଆକ୍ରି ଗାଜା ଅଇଲା, ମାତର୍ ମାଟି ନ ବିଜିରଇଲାଜେ ସୁକିଗାଲା । ୭ କେତେଟା କାଟାବୁଟାମନ୍ ମଜାଇ ଅଦର୍ଲା । କାଟାବୁଟାମନ୍ ଦାପ୍ରେ ବଡିକରି ଆକ୍ରିଲାଟାମନ୍ କେ ଚାପିଦେଲା । ୮ ଆରି ବାକି କେତେଟା ନିକ ଜମିଟାନେ ଅଦର୍ଲା ଆରି ସଏ ଗୁନ୍ ପଲ୍ ପଲ୍ଲା ।” ଏଟା କଇସାରାଇ ଜିସୁ ଆଉଲିଅଇକରି କଇଲା, “ଜାକେ ସୁନ୍ଲାପାରା କାନ୍ ଆତେ, ସେ ସୁନ୍ ।” ୯ ତାର୍ ସିସ୍ମନ୍ ଏ ଉଦାଅରନ୍ ଦେଇରଇବାଟା କାଇଟା ଅଇରଇସି ବଲି ତାକେ ପାଟାର୍ବାର୍ ଦାର୍ଲାଇ । ୧୦ ତେଇ ଜିସୁ ସେମନ୍କେ କଇଲା, “ପର୍ମେସରର୍ ରାଇଜର୍ ଟିକିନିକି ବିସଇ ଜାନଡ୍ ବଲି ତମ୍ବକେ ଗିଆନ୍ ଦିଆଅଇଲାଆତେ, ମାତର୍ ବିନ୍ଲକ୍ମନ୍କେ ଉଦାଅରନ୍ ଦେଇ କଇଅଇସି, ଜେନ୍ତୁରିକି ସେମନ୍

ଦେକି ଦେକି ନ ଦେକତ୍ କି ସୁନି ସୁନି ମିସା ନ ବୁଜତ୍ ।” ୧୧ “ଉଦାଅରନର୍
 କାତା ଏନ୍ତାରି, ବିଅନ୍ ଅଇଲାନି ପର୍ମେସରର୍ ବାକିଅ । ୧୨ ବାଟ୍‌ଲଗେ
 ଅଦରୁଲା ବିଅନ୍, ଏନ୍ତାରି ଲକ୍‌ମନର୍‌ପାରା, ଜେମନ୍ ବାକିଅ ସୁନ୍‌ବାଇ ।
 ତାର୍‌ପତେ ସଇତାନ୍ ଆସି, ଜେନ୍ତିକି ସେମନ୍ ବିସ୍‌ବାସ୍ କରି ରକିଆ ନ ପାଅତ୍,
 ସେ ଲକ୍‌ମନର୍ ମନ୍‌ବିତ୍‌ରେଅନି ବାକିଅ ଜିକିନେଇସି । ୧୩ ପାକ୍‌ନାବାଡି
 ବୁଏଁ ଅଦରୁଲା ବିଅନ୍ ଏନ୍ତାରି ଲକ୍‌ମନ୍‌କେ ବୁଜାଇସି । ସେମନ୍ ବାକିଅ ସୁନି
 ସାର୍‌ଦାସଙ୍ଗ୍ ମାନ୍‌ବାଇ, ମାତର୍ ସେମନ୍‌କେ ଚେର୍ ନ ରଇଲାର୍‌ପାଇ ବଲି
 ଚନେକ୍ ବିସ୍‌ବାସ୍ କର୍‌ବାଇ ଆରି କାଇଆଲେ ପରିକା ବେଲାଇ ବିସ୍‌ବାସ୍
 ଚାଡିଦେବାଇ । ୧୪ ଆରି କାଟାବୁଟାମନର୍ ମଜାଇ ଅଦରୁଲା ବିଅନ୍ ଏନ୍ତାରି
 ଲକ୍‌ମନ୍‌କେ ବୁଜାଇସି । ଜନ୍‌ଲକ୍‌ମନ୍ ବାକିଅ ସୁନ୍‌ବାଇ, ମାତର୍ ଜଗତର୍
 ଚିନ୍ତା, ଦନ୍ ସିପତିର୍ ଚିନ୍ତା କରି କରି ଚାପିଅଇଜିବାଇ । ତେଇ ନିକ ଦାନ୍
 ନ ଅଏ । ୧୫ ଆରି ନିମାନ୍ ବୁଏଁ ଅଦରୁଲା, ବିଅନ୍ ଏନ୍ତାରି ଲକ୍‌ମନ୍‌କେ
 ବୁଜାଇସି । ଜନ୍ ଲକ୍‌ମନ୍ କି ନିମାନ୍ ଆରି ଦରମ୍ ମନେ ବାକିଅ ସୁନିକରି
 ସେଟା ତାଟ୍ ସଙ୍ଗ୍ ଦାରି ସଙ୍ଗ୍‌ଲବାଇ ଆରି ଜାଗିରଇକରି ପଲ୍‌ପଲ୍‌ବାଇ ।” ୧୬
 “ବଡି ତସାଇ କରି କେ ମିସା ତାଲାତାବି ନ ସଙ୍ଗ୍‌ଅତ୍ । କି କଟ୍ ତଲେ ନ
 ସଙ୍ଗ୍‌ଅତ୍ । ମାତର୍ ବଡି କୁର୍‌ରା ଉପ୍‌ରେ ସଙ୍ଗ୍‌ଲବାଇ । ଜେନ୍ତାରିକି ଆଇଲା
 ଲକ୍‌ମନ୍ ଉଜଲ୍ ଦେକିପାରତ୍ ।” ୧୭ “କାଇକେବଇଲେ, ଏନ୍ତାରି ଲୁଟିରଇବା
 ବିସଇ କାଇଟା ନାଇ, ଜନ୍‌ଟା ଜାନା ନ ପତେ । ତାବିଅଇରଇବା ବିସଇ
 କାଇଟା ନାଇ ଜନ୍‌ଟା ଉଗାଡି ନଏଁ ।” ୧୮ “ସେଟାର୍ ପାଇ, ଜେନ୍ତାରି ସୁନ୍‌ସା,
 ସେ ବିସଇ ନେଇକରି ଜାଗ୍‌ରତ୍ ରୁଆ । କାଇକେବଇଲେ ଜାକେ ଆତେ
 ତାକେ ଅଦିକ୍ ଦିଆଅଇସି । ଆରି ଜାକେ ନାଇ, ସେ ଜେତ୍‌କି ନିଜର୍‌ଟା
 ଆତେ ବଲି ବାସ୍‌ସି, ସେ ଅଲ୍‌ପ୍‌ଟା ମିସା ତାର୍‌ଟାନେଅନି ନିଆଅଇସି ।”
 ୧୯ ଜିସୁର୍ ମାଆ ଆରି ବାଇମନ୍ ତାର୍ ଲଗେ ଆଇଲାଇ । ମାତର୍ ଲକ୍‌ମନ୍
 ଜବର୍ ରଇଲାଇକେ ତାର୍ ସଙ୍ଗ୍ ମିସିନାପାର୍‌ତେ ରଇଲାଇ । ୨୦ ତେଇ
 ଜିସୁକେ ଏ କବର୍ ଦେଲାଇ, “ତମର୍ ମାଆ ଆରି ବାଇମନ୍ ତକେ ଦେକ୍‌ବାକେ
 ମନ୍‌କରି ବାଇରେ ଟିଆଅଇଲାଇ ଆତତ୍ ।” ୨୧ ମାତର୍ ଜିସୁ ଲକ୍‌ମନ୍‌କେ
 କଇଲା, “ଜନ୍ ଲକ୍‌ମନ୍ ପର୍ମେସରର୍ ବାକିଅ ସୁନ୍‌ବାଇ ଆରି ମାନ୍‌ବାଇ
 ସେମନ୍ ମର୍ ମାଆ ଆରି ବାଇମନ୍ ।” ୨୨ ଦିନେକ୍ ଜିସୁ ଆରି ତାର୍ ସିସ୍‌ମନ୍
 ଗଟେକ୍ ତଙ୍ଗ୍‌ଇ ଚର୍‌ଲାଇ, ଆରି ସେ ସିସ୍‌ମନ୍‌କେ କଇଲା, “ଆସା, ଗାଡ୍

ସେପାଟେ ଛୁ ।” ତେଇ ସେମନ୍ ତଢ଼ୁ ମେଲ୍‌ଲା । ୨୩ ମାତର୍ ତଢ଼ୁଗାଟି
 ଗାଲାବେଲେ ଜିସୁ ସଇଦେଲା । ସେତକିବେଲେ ଗାତେ ଅଟାତ୍ ବାଉପବନ୍
 ଆଇଲା ଆରି ତଢ଼ୁଇ ପାନିପୁରି ବର୍ତ୍ତି ଅଇବାର୍ ଦାର୍‌ଲା । ସେମନ୍ ବଡ଼
 ବିପଦେ ପଡ଼ିଗାଲା । ୨୪ ତେଇ ସିସ୍‌ମନ୍ ଜିସୁରଲଗେ ଆସି ତାକେ ଉଟାଇ
 କଇଲା “ଏ ଗୁରୁ, ଏ ଗୁରୁ, ଆମେ ମରିଜିବୁବେ!” ତେଇ ଜିସୁ ଉଟିକରି ପବନ୍
 ଆରି ବଡ଼ ଲଅଡ଼ିକେ ଦମ୍‌କାଇଲା, ଆରି ସେଟା ସବୁ ଚିମ୍‌ରାଇଅଇ ତବିର୍
 ଅଇଲା । ୨୫ ସେ ସିସ୍‌ମନ୍‌କେ କଇଲା, “ତମର୍ ବିସ୍‌ବାସ୍ କେନେ ଅଇଲା?”
 ମାତର୍ ସେମନ୍ ତରିକରି କାବାଅଇ ନିଜେ ନିଜେ କଇବାର୍ ଦାର୍‌ଲା ।
 “ତେବେ ଏ କେ ଜେ ପବନ୍ ଆରି ପାନିକେ ମିସା ଆଦେସ୍ ଦେଲା ଦାପ୍‌ରେ,
 ସେଟା ସବୁ ତାର୍ ଆଦେସ୍ ମାନ୍‌ବାଇ ।” ୨୬ ପତେ ଜିସୁ ଆରି ତାର୍ ସିସ୍‌ମନ୍
 ଗାଲିଲି ମୁଆଟର୍ ସେପାଟେ ଗରାସିୟମନ୍‌ର ଜାଗାଇ କେଟ୍‌ଲା । ୨୭
 ଜିସୁ ତଢ଼ୁଇଅନି ଉତର୍‌ଲା ଦାପ୍‌ରେ, ସେ ନଅରର୍ ଗଟେକ୍ ତୁମାଦାର୍‌ଲା
 ଲକ୍ ତାକେ ବେଟ୍‌ଅଇଲା । ସେ ବେସି ଦିନେଅନି କାଇଟା ନ ପିନ୍‌କିରି ଗରେ
 ନ ରଇ, ମସ୍‌ନେ ରଇତେ ରଇଲା । ୨୮ ସେ ଜିସୁକେ ଦେକି କିର୍‌କିରି
 ତାର୍ ପାଦେ ଅଦ୍‌ରି, ଆଉଲିଅଇ କଇଲା, “ଏ ବେସି ବପୁର୍‌ସଢ଼ୁ ରଇବା
 ପର୍‌ମେସରର୍ ପଅ ଜିସୁ, ମର୍ ଲଗେ ତମର୍ କାଇ କାମ୍ ଆତେ? ମୁଇ
 ତମ୍‌କେ ବାବୁଜିଆ କରି କଇଲିନି, ମକେ କସ୍‌ଟ ନ ଦିଆ ।” ୨୯ କାଇକେ
 ବଇଲେ ଜିସୁ ତୁମାକେ ସେ ମୁନୁସର୍ ଟାନେଅନି ବାରଇଜାଅ ବଲି ଆଦେସ୍
 ଦେଇରଇଲା । ସେ ତୁମା ସେଲକ୍‌କେ ଦାରିଲାଗିରଇଲା, ଆରି ଲକ୍‌ମନ୍
 ତାକେ ସିକିଲି ସଢ଼ୁ ବାନ୍ତି ଜାଗ୍‌ତେ ରଇଲା । ମାତର୍ ସେ ବାନ୍ତୁଲାଟା
 ସବୁ ଚିତାଇ ପାକାଇତେରଇଲା ଆରି ତୁମା ତାକେ କିନରା ଜାଗାମନ୍‌କେ
 ଦାରିଜାଇତେରଇଲା । ୩୦ ଜିସୁ ତାକେ ପାଚାର୍‌ଲା, “ତର୍ ନାଉଁ କାଇ ନାଉଁ?”
 ସେ କଇଲା, ବାଇନି, କାଇକେ ବଇଲେ ତାକେ ଗାଦା ତୁମାମନ୍ ଦାରି ରଇଲା ।
 ୩୧ ଆରି ଜିସୁ ଜେନ୍‌କି ସେମନ୍‌କେ ପାତାଲେ ଜିବାକେ ଆଦେସ୍ ନ ଦେଏ,
 ଏଟାର୍ ପାଇ ସେମନ୍ ତାକେ ବାବୁଜିଆ କର୍‌ବାର୍ ଦାର୍‌ଲା । (Abyssos
 ୨12) ୩୨ ତେଇ କୁପ୍‌ଲି ଲଗେ ଗଟେକ୍ ମାନ୍‌ଟୁ ଗୁସ୍‌ରି ରାସି ତାର୍‌ତେ ରଇଲା ।
 ଆରି ସେ ଜେନ୍‌ଟୁରି ସେମନ୍‌କେ ସେ ଗୁସ୍‌ରି ମାନ୍‌ଟୁ ମଜାଇ ପୁର୍‌ବାକେ
 ଆଦେସ୍ ଦେଇସି, ଏଟାର୍ ପାଇ ସେମନ୍ ଜିସୁକେ ବାବୁଜିଆ କଲା । ୩୩
 ଜିସୁ ସେମନ୍‌କେ ଆଦେସ୍ ଦେଲା ଦାପ୍‌ରେ ତୁମାମନ୍ ସେ ମୁନୁସର୍‌ଟାନେଅନି

ବାରଇ ଗୁସ୍ତରି ରାସିର୍ ମଜାଇ ପୁରୁଲାଇ । ପୁରୁଲାଇକେ ଗୁସ୍ତରି ମାନ୍ନୁ ଜବର୍
 ପାଲାଇକରି ଗଡ଼ଗଡ଼ାବାଟେ ଜାଇ ଗାଡେ ଅଦ୍ରି ମରିଗାଲାଇ । ୩୪ ଗୁସ୍ତରି
 ଚାରାଇତେ ରଇଲା ଲକ୍ମନ୍ ସେ ଗଟ୍ଟନା ଦେକି ପାଲାଇକରି ନଅରେ ଆରି
 ଗାଉଁମନ୍ଦକେ ଜାଇ ସେ କାତା ଜାନାଇଲାଇ । ୩୫ ତେଇ ଲକ୍ମନ୍ ସେ
 ଗଟ୍ଟନା ଦେକ୍ବାକେ ବାରଇ ଆଇଲାଇ ଆରି, ସେମନ୍ ଜିସୁର୍ ଲଗେ ଆସି
 ଜନ୍ ମୁନୁସର୍ ଟାନେଅନି ତୁମାମନ୍ ବାରଇଲାଇ, ସେ ଲକ୍ ଲୁଗା ପିନ୍ଧି
 ନିକ ମନର୍ ସଞ୍ଜୁ ଜିସୁର୍ ପାଦ୍ ତଲେ ବସି ରଇବାଟା ଦେକି ଡରିଗାଲାଇ
 । ୩୬ ଆରି ଜନ୍ଲକ୍ମନ୍ ଏଟା ସବୁ ଦେକି ରଇଲାଇ, ସେମନ୍ ସେ ତୁମା
 ଦାରୁଲା ଲକ୍ କେନ୍ଦୁରି ନିକ ଅଇଲା, ସେଟା ବିନ୍ ଲକ୍ମନ୍ଦକେ ଜାନାଇଲାଇ
 । ୩୭ ତେଇ ଗରାସିୟୁମନର୍ ଚାରିବେଡ଼ିର୍ ଜାଗାର୍ ଲକ୍ମନ୍ ଜିସୁକେ
 ତାକରୁଟାନେଅନି ଜିବାକେ ଗୁଆରି କଲାଇ । କାଇକେବଇଲେ ସେମନ୍ ବେସି
 ଡରିଜାଇ ରଇଲାଇ ଆରି, ଜିସୁ ଗଟେକ୍ ଡଞ୍ଜାଇ ବସି ବାଉଡି ଆଇଲା । ୩୮
 ମାତର୍ ଜନ୍ ଲକ୍ମନ୍ ଟାନେଅନି ତୁମାମନ୍ ବାରଇଜାଇ ରଇଲାଇ, ସେ ଜିସୁର୍
 ସଞ୍ଜୁ ରଇବି ବଲି ଗୁଆରି କର୍ବାର୍ଦାରୁଲା । ୩୯ ମାତର୍ ସେ ତାକେ କଇକରି
 ପାଟାଇଲା । “ତର୍ ଗରେ ବାଉଡି ଜା ଆରି ପର୍ମେସର୍ ତରୁଲାଗି ଜନ୍ ଜନ୍
 କାମ୍ କଲାଆଟେ ସେ ସବୁ କଇଦେସ୍ ।” ତେଇ ସେ ଲକ୍ ଇଣ୍ଡିଜାଇ ଜିସୁ ତାର୍
 ପାଇ ଜନ୍ ଜନ୍ କାମ୍ କରିରଇଲା, ଗୁଲାଇ ନଅରେ ଜାନାଇବାର୍ ଦାରୁଲା
 । ୪୦ ଜିସୁ ଗାଡ଼ ସେପାଟେ ଅନି ଏ ପାଟେ ଆରିତରେକ୍ ବାଉଡି ଆଇଲା
 ପଟେ, ଲକ୍ମନ୍ ତାକେ ସାର୍ଦା ସଞ୍ଜୁ ମାନ୍ଲାଇ । କାଇକେ ବଇଲେ ସେମନ୍
 ତାକେ ଜାଗି ରଇଲାଇ । ୪୧ ଆରି ଏଦେ ଦେକା! ଜାଇରସ୍ ନାଉଁର୍ ଗଟେକ୍
 ଲକ୍ ଆଇଲା । ସେ ଜିଉଦି ଲକ୍ମନର୍ ପାର୍ତନା ଗରର୍ ମୁକିଆ ରଇଲା ।
 ସେ ଜିସୁର୍ ପାଦ୍ ତଲେ ଅଦ୍ରି ତାର୍ ଗରେ ଆଇବାକେ ଗୁଆରି କଲା । ୪୨
 କାଇକେ ବଇଲେ ତାଉଁକେ ଗଟେକ୍ସେ ବାର ବରସର୍ ଟକି ରଇଲା ଆରି ସେ
 ମଲାପାରା ଅଇଜାଇରଇଲା । ମାତର୍ ଜିସୁ ଜାଇତେ ରଇବାବେଲେ ଲକ୍ମନ୍
 ତାର୍ ଉପ୍ରେ ମାଣ୍ଡୁରୁଣ୍ଡୁଅଇଜାଇତେ ରଇଲାଇ । ୪୩ ସେଡ଼କିବେଲେ ବାର
 ବରସ୍ ଦାରି ବନି ଜାଇତେ ରଇବା ଗଟେକ୍ ରଗିନି ମାଇଜି ରଇଲା । ନିଜର୍
 ସବୁଡାରୁ ସାରାଇକରି ମିସା କାର୍ ଲଗେ ଜାଇ ନିକ ଅଇ ନାପାରୁଲା । ୪୪
 ସେ ପର୍ବାଟେଅନି ଆସି ଜିସୁର୍ ଲୁଗା ଜାଲି ଚିଇଲା । ଚିଇଲା ଦାପ୍ରେ ତାର୍
 ବନି ଜିବାଟା ତେବ୍ଲା । ୪୫ ତେଇ ଜିସୁ କଇଲା, “କେ ମକେ ଚିଇଲା?”

ମାତର ସବୁ ଲକ୍ ନାଲ ବଲି କଲଲାଭଜେ, ପିତର କଲଲା, “ଏ ଗୁରୁ ଲକ୍ମନ୍ ମାଣ୍ଡୁରୁଣ୍ଡୁଅଇ ତମର ଉପରେ ଡାବିଅଇଆଇଲାଭନି ।” ୪୬ ମାତର ଜିସୁ କଲଲା, “କେ କି ଗଟେକ୍ ଲକ୍ ମକେ ଚିଇଲା, କାଇକେ ବଇଲେ ମର ବିତ୍ରେଅନି ବପୁ ବାରଇଲା ବଲି ମୁଇ ଜାନ୍ଲି ।” ୪୭ ଜେଡେବଲ୍ ମାଇଜି ଦେକ୍ଲାଜେ ମୁଇ ଲୁଟିନାପାରି, ସେ ତରତରି ତରତରି ଆସି ଜିସୁର ପାଦେ ଅଦ୍ରି, କାଇଟାର ପାଇ ତାକେ ଚିଇଲା, ଆରି କେନ୍ଦୁରି ଦାପ୍ରେ ନିକ ଅଇଲା, ସେଟା ସବୁ ଲକ୍ମନ୍ ମୁଆଟେ ଜାନାଇଲା । ୪୮ ତେଇ ଜିସୁ ତାକେ କଲଲା, “ନୁନି ତର ବିସ୍ବାସ୍ ତକେ ନିମାନ୍ କଲାଆତେ ସାନ୍ତିଅଇ ଉଟିଜା ।” ୪୯ ସେ ଏ କାତା କଇବା ବେଲେ ଜିଉଦିମନର୍ ପାର୍ତନା ଗରର୍ ମୁକିଆ ଜାଇରସର୍ ଗରେଅନି ଗଟେକ୍ ଲକ୍ ଆସି କଲଲା, “ତମର ଟକି ମରିଗାଲାବେ, ଗୁରୁକେ ଆରି କସ୍ଟ ଦିଆସ୍ ନାଇ ।” ୫୦ ମାତର ଜିସୁ ଏଟା ସୁନି ଜାଇରସ୍କେ କଲଲା, “ତରାନାଇ ଅବ୍କା ବିସ୍ବାସ୍ କରା, ସେ ବର୍ସି ।” ୫୧ ଜିସୁ ଜାଇରସର୍ ଗରେ ଆସି ପିତର, ଜଅନ୍ ଆରି ଜାକୁବ୍ ଆରି ଟକିର୍ ବାବା ମାଆ କେ ଚାଡିକରି କାକେ ମିସା ବିତ୍ରେ ଡାକିନେଏ ନାଇ । ୫୨ ମାତର ସବୁ ଲକ୍ ଟକିର୍ ଲାଗି କାନ୍ତି କାନ୍ତି କରି ବୁକେ ମାରିଅଇତେ ରଇଲାଇ । ତେଇ ଜିସୁ କଲଲା “କାନ୍ତା ନାଇ, ସେ ମରେ ନାଇ, ମାତର ସଇ ଦେଲାଆତେ ।” ୫୩ ମାତର ଟକି ମରିଗାଲାଆତେ ବଲି ଜାନି ରଇଲାଭଜେ ଲକ୍ମନ୍ ଜିସୁକେ କିଜାଇବାର୍ ଦାର୍ଲାଇ । ୫୪ ମାତର ଜିସୁ ଟକିର୍ ଆତେ ଦାରି କଲଲା, “ଏ ନୁନି ଉଟ୍ ।” ୫୫ ତେଇ ଟକିର୍ ଜିବନ୍ ବାଉଡି ଆଇଲା, ଆରି ସେ ସେଡ୍କି ବେଲେସେ ଉଟ୍ଲା । ଜିସୁ ତାକେ କାଇଟା ଆଲେ କାଇବାକେ ଦିଆସ୍ ବଲି ଆଦେସ୍ ଦେଲା । ୫୬ ତେଇ ଟକିର୍ ବାବା ମା କାବା ଅଇଗାଲାଇ, ମାତର ଜିସୁ ସେ ଗଟ୍ନାର୍ କାତା କାକେ ଜାନାଆ ନାଇ ବଲି ଆଦେସ୍ ଦେଲା ।

୯ ପତେ ଜିସୁ ବାର୍ଟା ସିସ୍ମନ୍କେ ରୁଣ୍ଡୁଇକରି, ସେମନ୍କେ ସବୁ ତୁମା ଚାଡାଇବାକେ, ରଗ୍ ନିକ କର୍ବାକେ ବପୁ ଆରି ଅଦିକାର୍ ଦେଲା । ୨ ଆରି ସେମନ୍କେ ପର୍ମେସରର୍ ରାଇଜ୍ ଜାନାଇବାକେ ଆରି ରଗ୍ତୁକା ଅଇରଇବା ଲକ୍ମନ୍କେ ନିକ କର୍ବାକେ ପାଟାଇଲା । ୩ ସେମନ୍କେ କଲଲା, “ତମେ ଜିବାବେଲେ ତାଡ୍ଡୁ କି ମୁନା କି ରୁଟି, କି ତାରୁ କାଇଟା ମିସା ନିଆନାଇ । ପିନ୍ଧୁଲାଟା ଚାଡିକରି ଆରି ଉଟ୍କା ନିଆନାଇ । ୪ ଜେଡେବେଲେ ତମ୍କେ ଜାର୍ ଗରେ ଡାକିନେବାଇ, ସେ ନଅର୍ ଚାଡି ଜିବାଜାକ ତେଇସେ ରୁଆ ।

୫ ଆରି ଜେତେଲକ୍ ତମକେ ନ ମାନତ୍, ସେ ନଅରେଅନି ବାରଇ ଆଇବା ବେଲାଇ, ତାକର୍ ବିରୁଦେ ସାକି ଇସାବେ ତମର୍ ପାଦେଅନି ଦୁଲି ପାପ୍ତି ଦିଆସ୍ ।” ୬ ତେଇଅନି ସିସ୍ତମନ୍ ଜାଇକରି ଗାଉଁ ଗାଉଁ ବୁଲି ଗୁଲାଇ ଜାଗାଇ ସୁର୍ କବର୍ କଇ କଇ ଆରି ଜର୍ଦ୍ଦୁକାର୍ ଲକ୍ମନ୍କେ ନିମାନ୍ କର୍ବାର୍ ଦାର୍ଲାଇ । ୭ ଏଡ୍‌କିବିଡ୍ରେ ଗାଲିଲିର୍ ମୁକିଅ ରାଜା ଏରଦ୍ ଏ ସବୁ ଅଇରଇବା ବିସଇ ଜାନି କାନାବାନା ଅଇଗାଲା । କାଇକେବଇଲେ ତୁବନ୍ ଦେଉ ଜଅନ୍ ମଲାତେଇଅନି ଉର୍ଲାଆତେ ବଲି କେ କେ କଇତେରଇଲାଇ । ୮ ଆରି, କେ କେ ଏଲିୟୁ ଦର୍ସନ୍ ଦେଲାଆତେ ବଲି କଇଲାଇ । ବିନ୍ ଲକ୍ମନ୍ ପୁରବକାଲର୍ ବବିସଡ୍‌ବକ୍ତାମନର୍ ବିଡ୍ରେଅନି ଗଟେକ୍‌ଲକ୍ ଉଟି ଆସିଆତେ ବଲି କଇତେ ରଇଲାଇ । ୯ ମାତର୍ ଏରଦ୍ କଇଲା, “ମୁଇ ତା ତୁବନ୍ ଦେଉ ଜଅନର୍ ମୁଣ୍ଟୁ କାଟାଇଆତି, ମାତର୍ ଜାର୍ ବିସଇ ଆମେ ଏନ୍ତୁର୍ କାତା ସୁନ୍‌ଲୁନି, ଏ କେ?” ଆରି ସେ ତାକେ ଦେକ୍‌ବିବଲି ତେସ୍‌ଟା କର୍ତେରଇଲା । ୧୦ ପତେ ବାର୍ଟା ସିସ୍ତମନ୍ ବାଉଡି ଆସି ଜାଇ ଜାଇଟା କରିରଇଲାଇ, ସେ ସବୁ ଜିସୁର୍ ଲଗେ ବାତାଇଦେଲାଇ । ତେଇଅନି ଜିସୁ ଜେନ୍ତିକି ଲକ୍ମନର୍ଗାମେଅନି ବିନେ ରଇବାକେ ସେମନ୍‌କେ ବେଡ୍‌ସାଇଦା ନାଉଁର୍ ନଅରେ ଡାକିନେଲା । ୧୧ ମାତର୍ ଲକ୍ମନ୍ ସେଟା ଜାନିକରି ତାକର୍ ପତେ ପତେ ଗାଲାଇ । ଜିସୁ ସେମନ୍‌କେ ମିସା ଆଲାଦ୍‌କରି ଡାକି ପର୍ମେସରର୍ ରାଇଜର୍ ବିସଇ କଇବାର୍ ଦାର୍ଲା । ଆରି ଜନ୍ ଲକ୍ମନ୍ ନିକ ଅଇବାର୍ ରଇଲା, ସେମନ୍‌କେ ନିକକଲା । ୧୨ ଏଡ୍‌କିବିଡ୍ରେ ଦିନ୍ ସାରି ରାତିଅଇବାର୍ ଆରାମ୍ ଅଇଲା, ତେଇ ପାଟାଇରଇବା ବାର୍ଟା ସିସ୍ ଜିସୁର୍ଲଗେ ଆସି କଇଲାଇ, “ଲକ୍ମନ୍ ଜାଇକରି ତାକର୍ପାଇ ବାସା ଆରି କାଦିର୍ପାଇ ଚାରିବେଡ୍‌ତିର୍ ଗାଉଁ ଆରି ଗୁଡାମନ୍‌କେ କଜଡ୍ । ସେଟାର୍ପାଇ ତମେ ସେମନ୍‌କେ ମେଲାନି ଦିଆସ୍ । କାଇକେବଇଲେ ଆମେ ଇତି ମେଲାନ୍ ଜାଗାଇ ଆରୁ ।” ୧୩ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇବାକେ ଦିଆସ୍ ।” ସେମନ୍ କଇଲାଇ, “ଆମର୍ଲଗେ ଏକାଇ ପାଁଟା ରୁଟି ଆରି ଦୁଇଟା ମାର୍ ଚାଡି ଅଦିକ୍ ନାଇ । ସେନ୍ତୁର୍ଆଲେ ଆମେ ଜାଇକରି ଏ ସବୁଲକର୍ପାଇ କନ୍ତିଅନି କାଦି ଗେନ୍‌ବୁ?” ୧୪ କାଇକେବଇଲେ ସେମନ୍ ଅବ୍‌କା ମୁନ୍‌ସ୍‌ପିଲାମନ୍‌ସେ ପାଁର୍ ଅଜାର୍ ରଇଲାଇ । ଜିସୁ ସିସ୍ତମନ୍‌କେ କଇଲା, “ଗଟେକ୍ ଗଟେକ୍ ଦାଡି, ପଚାସ୍ ଲକ୍‌କେ ଲାକା ବସାଆ ।” ୧୫ ତେଇ

ସେମନ୍ ସେନ୍ତାରିକରି ଲକ୍ମନ୍‌କେ ବସାଇଲା । ୧୭ ଆରି, ଜିସୁ ପାଁଟା
 ରୁଟି ଆରି ଦୁଇଟା ମାଟ୍ ଦାରି, ସରଗ୍‌ବାଟେ ମୁ କରି ଦନିଅବାଦ୍ ଦେଲା ଆରି
 ବାଢ଼ୁଇକରି ସିସ୍‌ମନ୍‌କେ ବାଟାକଲା । ୧୭ ତେଇ ସବୁଲକ୍ ପେଟ୍ ପୁରୁତେ
 କାଇଲା ଆରି ସାନ୍ତି ଅଇଲା । ପତେ ସିସ୍‌ମନ୍ ତେଇ ଅଗ୍ଲି ରଇବା
 ବାଢ଼ୁଇଲାଟାମନ୍ ବାର ତାଲା ଉବ୍‌ରାଇଲା । ୧୮ ତରେକ୍ ଜିସୁ ଗଟେକ୍
 ଲକ୍‌ସେ କିନରା ଜାଗାଇ ବସି ପାର୍ତନା କର୍‌ବାବେଲେ ସିସ୍‌ମନ୍ ତାର୍‌ଲଗେ
 ଆଇଲା, ଆରି ସେ ସିସ୍‌ମନ୍‌କେ ପାଟାରୁଲା, “ମୁଇ କେ ବଲି ଲକ୍‌ମନ୍
 କଇଲାଇନି?” ୧୯ ସେମନ୍ କଇଲା, “କେ କେ ତୁବନ୍ ଦେଉ ଜଅନ୍, ଆରି
 କେ କେ ଏଲିୟ, ଆରି କେ କେ ପୁରୁବର୍ ବବିସ୍‌ଦ୍‌ବକ୍‌ତାମନର୍ ବିତ୍‌ରେଅନି
 ଗଟେକ୍‌ଲକ୍ ମଲାତେଇଅନି ଜିବନ୍ ଅଇଲାଆତେ ବଲି କଇଲାଇନି ।” ୨୦
 ସେ ସିସ୍‌ମନ୍‌କେ ପାଟାରୁଲା, “ମାତର୍ ତମେ ମୁଇ କେ ବଲି ବାବ୍‌ଲାସ୍‌ନି?”
 ପିତର୍ କଇଲା “ତମେ ପର୍‌ମେସର୍ ପାଟାଇଲା କିରିସ୍‌ଟ ।” ୨୧ ତେଇ
 ଜିସୁ ଏଟା କାକେ ନ କଇବାପାଇ ସେମନ୍‌କେ ଜାଗ୍‌ରକ୍‌କରି ତିଆରୁଲା
 । ୨୨ ସେ ସେମନ୍‌କେ କଇଲା, “ପର୍‌ମେସର୍ ପାଟାଇଲା ନର୍‌ପିଲା ମୁଇ
 ବେସି ଦୁକ୍ କସ୍‌ଟ୍ ଅଇବାରୁଆତେ । ପାର୍‌ତିନମନ୍, ସାସ୍‌ତର୍ ସିକାଉମନ୍
 ଆରି ମୁକ୍ତି ପୁଜାରିମନ୍ ମକେ ନ ନାମଟ୍ । ସେମନ୍ ମକେ ମରାଇବାଇ ।
 ଆରି ତିନିଦିନ ପତେ ମୁଇ ଆରିତରେକ୍ ମଲାତେଇଅନି ଜିବନ୍ ଅଇ ଉବ୍‌ବି
 ।” ୨୩ ସେତ୍‌କିବେଲେ ଜିସୁ ସବୁଲକ୍‌କେ କଇଲା, “ତେବେ କେ ମିସା
 ମର୍‌ସ୍‌ଟୁ ଆଇବାକେ ମନ୍ କର୍‌ସି, ସେ ନିଜର୍ ମନ୍‌କଲାଟା ସବୁ ଚାଡିଦେବାର୍
 ଆତେ, ଆରି ସବୁଦିନ ତାର୍ ନିଜର୍ କୁର୍‌ସ ବଇ ମର୍ ସଙ୍ଗ୍ ଆସ । ୨୪
 କାଇକେବଇଲେ, ଜେ ନିଜର୍ ଜିବନ୍ ବଞ୍ଚାଇବାକେ ମନ୍ କର୍‌ସି, ସେ ସେଟା
 ଆରାଇସି । ମାତର୍ ଜେ ମର୍‌ପାଇବଲି ଜିବନ୍ ଆରାଇସି, ସେ ସେଟା ରକିଆ
 କର୍‌ସି । ୨୫ ଆରି ଜଦି ଗଟେକ୍ ମୁନୁସ୍ ଗୁଲାଇ ଦୁନିଆ ଜିତିକରି ନିଜେ
 ବିନାସ୍ ଅଇସି, କି ଆରାଇସି, ତେବେ ତାର୍ କାଇ ଲାବ୍? ୨୬ ତେବେ
 କେ ମିସା ମର୍‌ପାଇ ଆରି ମର୍ ବାକିଅର୍ ଲାଜ୍ ଅଇସି, ଜେତ୍‌କିବେଲେ
 ପର୍‌ମେସର୍ ପାଟାଇରଇବା ନର୍‌ପିଲା ମୁଇ ନିଜର୍ ଆରି ବାବାର୍, ଆରି
 ସୁକଲ୍ ଦୁର୍‌ମନର୍ ମଇମାସଙ୍ଗ୍ ବାଉତି ଆଇବି, ସେତ୍‌କିବେଲେ ତାର୍ ବିସଇ
 ନେଇ ଲାଜ୍‌ଅଇବି । ୨୭ ମାତର୍ ମୁଇ ତମ୍‌କେ ସତ୍ କଇଲିନି, ପର୍‌ମେସରର୍
 ରାଇଜ୍ ନ ଦେକ୍‌ବାଜାକ ଇତି ଚିଆଅଇରଇବା ଲକ୍‌ମନର୍ ବିତ୍‌ରେଅନି

କେତେଲକ୍ଷ, ପର୍ଯ୍ୟେସରର ରାଇଜ୍ ଦେକ୍‌ବାଇ ।” ୨୮ ଜିସୁ ଏ ସବୁ କଇ
 ପାକାପାକି ଆର୍ଦ୍ଦିନ୍ ଗାଲାପରେ, ଜଅନ୍, ପିତର୍ ଆରି ଜାକୁବର୍ ସଫ୍ଟ
 ପାର୍ତନା କର୍ବାକେ ପର୍ବତ୍ ଉପରେ ଗାଲା । ୨୯ ଆରି, ସେ ପାର୍ତନା
 କର୍ବାବେଲେ ତାର୍ ମୁ ବିନ୍ ଅଇଗାଲା ଆରି ସେ ପିନ୍‌ଲୁ ଲୁଗା ଦବ୍ ଅଇ
 ବିଜ୍‌ଲିପାରା ଜିକ୍‌ମିକିଗାଲା । ୩୦ ଆରି ଏଦେ ଦେକା! ସେଦାପ୍‌ରେ ମସା
 ଆରି ଏଲିୟୁ ତାର୍‌ସଫ୍ଟ କାତାବାର୍‌ତା ଅଇବାର୍ ଦାର୍‌ଲାଇ । ୩୧ ସେମନ୍
 ସରଗର୍ ମଇମାସଫ୍ଟ ତିସ୍‌ତେ ରଇଲାଇ । ସେ କେନ୍ତି ଜିରୁସାଲାମେ ଦୁକ୍
 କସ୍‌ଟ ପାଇ ମରିକରି ପର୍ଯ୍ୟେସରର ଜନ୍ନା ସିଦ୍ କର୍ବାର୍ ଆଚେ ବଲି
 ସେମନ୍ ଜିସୁରସଫ୍ଟ କାତା ଅଇଲାଇ । ୩୨ ସେତ୍‌କିବେଲେ ପିତର୍ ଆରି
 ତାର୍ ସଫ୍ଟର୍ ଲକ୍‌ମନ୍ ଟାଟିଅଇତେ ସଇଦେଇରଇଲାଇ, ମାତର୍ ସେମନ୍
 ଚେତାଅଇ ଜାଗରତ୍ ଅଇବାକେ, ଜିସୁର୍ ମଇମା ଆରି ତାର୍‌ସଫ୍ଟ ଦୁଇଲକ୍
 ଚିଆଅଇରଇବାଟା ଦେକ୍‌ଲାଇ । ୩୩ ମସା ଆରି ଏଲିୟୁ ବାରଇ ଜିବା
 ବେଲେ ପିତର୍ ଜିସୁକେ କଇବାର୍ ଦାର୍‌ଲା, “ଏ ଗୁରୁ, ଆମେ ତା ଏ ଜାଗାଇ
 ଆରୁ, ଏଟା ନିକ ଜାଗା, ଇତି ତିନ୍‌ଟା କୁଡିଆ ତିଆର୍ କରୁ । ତମର୍‌ପାଇ
 ଗଟେକ୍, ମସାର୍‌ପାଇ ଗଟେକ୍ ଆରି ଏଲିୟୁର୍‌ପାଇ ଗଟେକ୍ ।” ମାତର୍ ସେ
 କାଇଟା କଇଲାନି, ସେଟା ସେ ଜାନିନାପାର୍‌ଲା । ୩୪ ସେ ଏନ୍ତି କଇବାବେଲେ
 ବାଦଲ୍ ଆସି ସେମନ୍‌କେ ଡାବିଅଇଦେଲା । ବାଦଲ୍ ଡାବିଦେଲାକେ ସେମନ୍
 ତରିଗାଲାଇ । ୩୫ ଆରି, ବାଦ୍‌ଲେଅନି ଏନ୍ତି ବାକିଅ ଆଇଲା, “ଏଟାସେ
 ମର୍ ପିଲା, ଆକେ ମୁଇ ବାଟିଆଟି, ସେ କଇବାଟା ସୁନା ।” ୩୬ ସେ
 ସବଦ୍ ଅଇଲାପଚେ ଜିସୁ ଗଟେକ୍‌ଲକ୍‌ସେ ତିସ୍‌ଲା । ଆରି, ସେମନ୍ ତିମ୍‌ରା
 ଅଇରଇଲାଇ, ତେଇ ଜାଇଜାଇଟା ଦେକିରଇଲାଇ, ସେବେଲେ ସେ କାତା
 କାକେ ନ କଇ, ମନେ ଦାରିରଇଲାଇ । ୩୭ ଆର୍କର୍ ଦିନେ ଜିସୁ ଆରି ତିନ୍‌ଟା
 ସିସ୍‌ମନ୍ ତଫ୍ଟରେଅନି ଉତ୍‌ରି ଆଇଲାଇ । ଆରି ସେ ଜାଗାଇ ବେସି ଲକ୍‌ମନ୍
 ତାକର୍‌ସଫ୍ଟ ବେଟ୍ ଅଇଲାଇ । ୩୮ ଆରି ଦେକା ଲକ୍‌ମନର୍ ବିତ୍‌ରେଅନି
 ଗଟେକ୍ ଲକ୍ ଆଉଲିଅଇ କଇଲା, “ଏ ଗୁରୁ ମୁଇ ତମ୍‌କେ ବାବୁଜିଆ କଲିନି,
 ମର୍ ପିଲାକେ ଅଲପ୍ ଦେକି ଦୟାକରା, କାଇକେବଇଲେ ସେ ମର୍ ଗଟେକ୍
 ବଲି ପଅ । ୩୯ ଦେକା, ତାକେ ଗଟେକ୍ ଦୁମା ଦାର୍‌ସି, ଆରି ସେ ଅଟାଡ୍
 କିର୍‌କିରି ଉର୍‌ସି, ତାକେ ସେ ଏନ୍ତି ମଡିପାକାଇସିଜେ, ତାର୍ ମୁଅନି ପେପୁଲ୍
 ବାରଇଜାଇସି, ଆରି ସେ ତାକେ କଣ୍ଡିଆବଣ୍ଡିଆ କରି ତାର୍‌ଟାନେଅନି କସ୍‌ଟେ

ବାରଇଜାଜସି । ୪୦ ତାକେ ତୁମା ଚାତାଇବାକେ ବଲି ମୁଇ ତମର୍ ସିସ୍‌ମନର୍
 ଲଗେ ଆନି ଗୁଆରି କରିରଇଲି, ମାତର୍ ସେମନ୍ ନାପାରୁଲା ।” ୪୧ ଜିସୁ
 କଇଲା, “ଏରେ କରାପ୍‌ବାଟେ ଜାଇ ବିସ୍‌ବାସ୍ ନ କଲା ଲକ୍‌ମନ୍, କେତେ
 କାଲ୍ ଆରି ମୁଇ ତମର୍‌ସଙ୍ଗେ ମୁର୍ଚି ରଇବି, ପିଲାକେ ଇତି ଦାରିଆସା ।” ୪୨
 ପିଲା ଆଇବାବେଲେ କାର୍ ଆତ୍‌ମା ତାକେ ବୁର୍‌ଆପ୍‌ଟିଦେଇ ମତିପାକାଇଲା,
 ସେ ଆତ୍‌ମାକେ ଜିସୁ ଦମ୍‌କାଇଲା ଆରି ପିଲାକେ ନିକକରି ତାର୍ ବାବାକେ
 ସର୍‌ପିଦେଲା । ୪୩ ତେଇ କେବେ ଦେକି ନ ରଇବା ପର୍‌ମେସର୍‌ର ବପୁ
 ଦେକି ସବୁଲକ୍ କାବା ଅଇଗାଲା । ୪୪ ତାର୍ କରିରଇବା ସବୁ କାମର୍‌ଲାଗି
 ସବୁଲକ୍ ଚକିତ୍ ଅଇବାବେଲେ ସେ ସିସ୍‌ମନ୍କେ କଇଲା, “ଏବେ ମୁଇ
 କାତା ନିମାନ୍‌କରି କଇଦେଲିନି, ସୁନା । କାଇକେବଇଲେ ପର୍‌ମେସର୍
 ପାଟାଇରଇବା ନର୍‌ପିଲା ମୁଇ ବିସ୍‌ବାସେ ବିସ୍‌ଦେଲାପାରା ଲକ୍‌ମନ୍କେ
 ସର୍‌ପି ଅଇବାର୍ ଗାଲିନି ।” ୪୫ ମାତର୍ ସିସ୍‌ମନ୍ ସେ କାତା ବୁଜିନାପାରୁଲା,
 ଆରି ସେଟା ତାକର୍‌ଟାନେଅନି ଲୁଚିରଇଲା । ତେବର୍‌ପାଇ ସେମନ୍ ଏଟା
 ବୁଜିନାପାରୁଲେ ମିସା ଜିସୁକେ ପାଟାର୍‌ବାକେ ଡର୍‌ଡେରଇଲା । ୪୬ ତରେକ୍
 ସିସ୍‌ମନର୍ ବିତ୍‌ରେ କେ ମୁକିଆ, ସେ ବିସଇ ନେଇ ଦଦାପେଲା ଅଇଲା ।
 ୪୭ ମାତର୍ ଜିସୁ ତାକର୍ ମନ୍‌ବିତ୍‌ରର୍ କାତା ଜାନିକରି, ଗଟେକ୍ ସାନ୍ ପିଲାକେ
 ଦାରୁଲା ଆରି ତାକର୍ ମୁଆଟେ ଟିଆକରି ସେମନ୍‌କେ କଇଲା, ୪୮ “କେ ମିସା
 ମର୍ ନାଉଁଦାରି ଏ ପିଲାକେ ନାମ୍‌ସି, ସେ ମକେ ନାମ୍‌ସି । ଜେ ମକେ ନାମ୍‌ସି,
 ସେ ମର୍ ପାଟାଇରଇବା ବାବାକେ ନାମ୍‌ସି । ସେଟାର୍‌ପାଇ ତମର୍ ବିତ୍‌ରେ ଜେ
 ସବୁର୍ ଟାନେଅନି ସାନ୍, ସେ ପର୍‌ମେସର୍ ତେଇ ମୁକିଆ ।” ୪୯ ତେଇ ଜଅନ୍
 କଇଲା, “ଏ ଗୁରୁ ଆମେ ଗଟେକ୍ ଲକ୍, ତମର୍ ନାଉଁ ଦାରି ତୁମା ଚାତାଇବାଟା
 ଦେକ୍‌ଲୁ ଆରି ତାକେ ନ କର୍ ବଲି ତେବାଇଲୁ କାଇକେବଇଲେ ସେ ଆମର୍
 ଦଲର୍ ଲକ୍ ନର୍ ।” ୫୦ ମାତର୍ ଜିସୁ ସେମନ୍‌କେ କଇଲା, “ତେବାଆ
 ନାଇ, ଜନ୍‌ଲକ୍ ତମର୍ ବିରଦେ ନାଇ, ସେମନ୍ ତମର୍ ବାଟେ ।” ୫୧
 ପତେ ଜେତେବେଲେ ଜିସୁର୍ ସର୍‌ଗେ ଜିବାର୍ ବେଲା କେଟିଆଇତେରଇଲା,
 ସେତେବେଲେ ସେ ଜିରୁସାଲାମ୍ ଜିବାକେ ମନ୍‌କଲା । ୫୨ ସେ ଜିବା ଆଗ୍‌ତୁ
 କେତେଟା ଲକ୍‌ମନ୍କେ ପାଟାଇଲା । ସେମନ୍ ଜାଇକରି ଜିସୁର୍‌ପାଇ ସବୁ
 କର୍‌ବାକେ ସମିରଣିୟମନର୍ ଗଟେକ୍ ଗାଏଁ କେଟ୍‌ଲା । ୫୩ ମାତର୍
 ଜିସୁ ଜିରୁସାଲାମ୍ ଜିବାକେ ମନ୍‌କଲାଆତେ ବଲି ଜାନିକରି, ତାକେ ଡାକି

ବସାଅଡ଼ନାଇ । ୫୪ ଏଟାଦେକି ଜାକୁବ୍ ଆରି ଜଅନ୍ କଇଲା, “ମାପୁରୁ ଏଲିୟ ମିସା ଜେନ୍ତି କରିରଇଲା, ସେନ୍ତୁରସେ ଆମେ ବାଦ୍‌ଲେଅନି ଜଇ ଅଡ଼ରାଇ ସେମନ୍‌କେ ନାସ୍‌କରବାକେ ତମେ ମନ୍ କଲାସ୍‌ନି କି?” ୫୫ ମାତର୍ ଜିସୁ ବୁଲିକରି ସେମନ୍‌କେ ଦମ୍‌କାଇକରି କଇଲା, “ତମେମନ୍ କେନ୍ତୁରି ଆଡ଼ମାର୍ ଲକ୍, ଏଟା ନାଜାନାସ୍ । ମାପୁରୁ ପାଟାଇରଇବା ନର୍‌ପିଲା ମୁଇ ମୁନ୍‌ସ୍‌ମନର୍ ଜିବନ୍ ନାସ୍ କରବାକେ ନ ଆସି, ରକିଆ କରବାକେ ଆସିଆତେ ।” ୫୬ ତାର୍‌ପତେ ସେମନ୍ ଆରିଗଟେକ୍ ଗାଏଁ ଉଟିଗାଲା । ୫୭ ସେମନ୍ ଜିବାବେଲେ ବାଟେ ଗଟେକ୍ ଲକ୍ ଜିସୁକେ କଇଲା, “ତମେ ଜନ୍ ଜାଗାଇ ଜାଇସା, ମୁଇ ତମର୍‌ସଙ୍ଗୁ ଆଇବି ।” ୫୮ ଜିସୁ ତାକେ କଇଲା, “କକପାନ୍‌ଟିର୍ ପାଆର୍ ଆତେ, ଚତଇମନେକ୍ ଗୁଡା ଆତେ, ମାତର୍ ମାପୁରୁ ପାଟାଇରଇବା ନର୍‌ପିଲା ମକେ ବସ୍‌ବାକେ ନିଜର୍ ଗର୍ ନାଇ ।” ୫୯ ତାର୍‌ପତେ ଜିସୁ ଆରିଗଟେକ୍ ଲକ୍‌କେ କଇଲା, “ମର୍‌ସଙ୍ଗୁ ଆଉ ।” ମାତର୍ ସେ କଇଲା, “ପରୁତୁମ୍ ଜାଇ ମର୍ ବାବାକେ ଦନ୍ କରିଆଇବାଜାକ ମକେ ଆଦେସ୍ ଦିଆ ।” ୬୦ ମାତର୍ ଜିସୁ ତାକେ କଇଲା, “ମଲାଲକ୍‌ମନ୍ ମଲାଲକ୍‌ମନ୍‌କେ ଦନ୍ କରବାକେ ଚାଡ଼ିଦିଆସ୍, ମାତର୍ ତମେ ଜାଇ ପର୍‌ମେସରର୍ ରାଇଜ୍ ଜାନାଆ ।” ୬୧ ଆରିଗଟେକ୍ ଲକ୍ କଇଲା, “ମାପୁରୁ ମୁଇ ତମର୍‌ସଙ୍ଗୁ ଆଇବି, ମାତର୍ ଗରର୍ ଲକ୍‌ମନ୍‌କେ ଗାଲିନି ବଲି କଇକରି ଆଇବାକେ ଆଦେସ୍ ଦିଆ ।” ୬୨ ମାତର୍ ଜିସୁ ତାକେ କଇଲା, “ଜେ କସ୍‌ବାବେଲେ ନଙ୍ଗୁଲ୍‌ଦାରି ପତେ ଦେକିଲାଗିରଇସି, ସେ ପର୍‌ମେସରର୍ ରାଇଜର୍ ସେବା କରବାକେ ଅଦିକାର୍ ନ ପାଏ ।”

୧୦ ତାର୍‌ପତେ ମାପୁରୁ ଆରି ସତୁରିଦୁଇ ଲକ୍‌କେ ମିସାଇଲା ଆରି ସେ ଜନ୍ ଜନ୍ ଜାଗାଇ ଆରି ଜନ୍ ଜନ୍ ନଅରେ ଜିବାକେ ମନ୍ କରିରଇଲା, ସେ ଜାଗାମନ୍‌କେ ଦୁଇ ଦୁଇ ଲକ୍‌କରି, ସେ ଜିବା ଆଗ୍‌ତୁ ପାଟାଇଲା । ୧ ଆରି ଜିସୁ ସେମନ୍‌କେ କଇଲା, ଜମିତେଇ ପସଲ୍ ସିନା ଅଦିକ୍, ମାତର୍ କାମ୍‌କରୁମନ୍ ଉନା । ତେବର୍‌ପାଇ ତାର୍ ଚାସ୍‌କେତେ, ଅଦିକ୍ ଲକ୍‌ମନ୍‌କେ ପାଟାଇ ଦେବାକେ ଜମି ସାଉକାର୍‌ଟାନେ ଜାନାଆ । ୩ ତମେ ଜାଆ । ଦେକା, ବାଲିଆତୁରକାମନର୍ ବିତ୍‌ରେ ମେଣ୍ଟାମନ୍‌କେ ପାଟାଇଲା ପାରା ମୁଇ ତମ୍‌କେ ପାଟାଇଲିନି । ୪ ତାଲା, ମୁନା କି ପାଣ୍ଟୁଇ ମିସା ନିଆନାଇ, ଆରି ବାଟେ କାକେ ଜୁଆର୍ କରାନାଇ । ୫ ଜାର୍ ଗରେ ତମେ କେଟ୍‌ଲେ, ପର୍‌ତୁମ୍ କରା,

ଏ ଗରେ ସାନ୍ତି ମିଳ । ୭ ଜଦି ସେ ଜାଗାଇ ଗଟେକ୍ ସାନ୍ତିର ଲକ୍ ରଇସି,
 ସେନ୍ତୁରୁଆଲେ ତମର୍ ଆସିରବାଦ୍ ତାକେ ମିଲ୍ସି । ୭ ତାକରଲଗେ ଜନ୍ତା
 ରଇସି, ସେଟା କାଇକରି, ସେ ଗରେ ରୁଆ । କାଇକେବଇଲେ, ପାଇଟିକରୁ
 ନିଜର୍ ବୁଡି ପାଇବାଇଆକା । ଗର୍ ଗର୍କେ ଜାଆନାଇ । ୮ ଜନ୍ ନଅରେ
 ତମେ କେଟ୍ଲେ, ଆରି ଲକ୍ମନ୍ ତମ୍କେ ଡାକିନେଲେ, ତେଇ ତମ୍କେ ଜନ୍ତା
 କାଇବାକେ ଦେଲେ ସେଟା କାଆ । ୯ ସେ ଜାଗାଇ ଜର୍ ଦୁକା ଅଇରଇଲା
 ଲକ୍ମନ୍କେ ନିକ କରା, ଆରି ସେମନ୍କେ କୁଆ ପର୍ମେସରର୍ ରାଇଜ୍
 ତମ୍ଲଗେ ସେ । ୧୦ ମାତର୍ ଜନ୍ ନଅରେ ତମେ କେଟ୍ସା, ତେଇର୍ ଲକ୍
 ତମ୍କେ ନ ଡାକିନେଲେ, ସେ ଡାଣ୍ଟେଅନି, ସେ ସାଇ ଅନି ବାରଇ କୁଆ, ୧୧
 ତମର୍ ନଅରର୍ ଜନ୍ ଦୁଲି ଆମର୍ ପାଦେ ଲାଗିଆତେ, ସେଟାମିସା ତମର୍ପାଇ
 ପାପ୍ତିଦେଲୁନି, ଅଇଲେମିସା ପର୍ମେସରର୍ ରାଇଜ୍ ଲଗେସେ, ଏଟା ତମେ
 ଜାନିରୁଆ । ୧୨ ମୁଇ ତମ୍କେ ସଦ୍ କଇଲିନି, ବିଚାର୍ ଅଇବାଦିନେ ସେ
 ନଅରର୍ ଦସା, ତଣ୍ଟୁଲାଗି ସଦମର୍ ଦସାତେଇଅନି ଅଦିକ୍ ରଇସି । ୧୩
 ଅଇରେ ତଣ୍ଟୁପାଇବାକେ ଜାଗିରଇବା କରାଜିନ୍! ଅଇରେ ତଣ୍ଟୁପାଇବାକେ
 ଜାଗିରଇବା ବେଦ୍ସାଇଦା! ତମର୍ଟାନେ ବପୁର୍ସଞ୍ଜ୍ ଜନ୍ ଜନ୍ ନ ଅଇବା
 କାମ୍ମନ୍ ଅଇଲାଆତେ, ସେ ସବୁ ସର ଆରି ସିଦନେ ଅଇରଇତା ବଇଲେ,
 ସେମନ୍ କେତେକାଲ୍ ପୁର୍ବେ ବାସ୍ତା ପିନ୍ତି, ତାରେ ବସି, ମାପୁରୁଟାନେ
 ମନ୍ ବାଉଡାଉଡାଇ । ୧୪ ଅଇଲେମିସା ବିଚାର୍ଦିନେ ତମର୍ ଦସା ସର
 ଆରି ସିଦନର୍ ଦସାଟାନେଅନି ଅଦିକ୍ ଅଇସି । ୧୫ ଆରି ଏ କପର୍ନାଉମ୍,
 ସରଗ୍ ଜେଡ୍କି ଉର୍, ତୁଇ କାଇ ସେଡ୍କିଜାକ ଉର୍ ଅଇସୁ କି? ପାତାଲ୍
 ଜେଡ୍କି ତଲେ ଆତେ, ସେଡ୍କି ତଲେ ତକେ ଆନାଅଇସି । (Hadēs ୨86)
 ୧୬ ଜେତେବେଲେ ଜନ୍ ଲକ୍ମନ୍ ତମର୍ କାତା ସୁନ୍ବାଇ, ସେମନ୍ ମର୍
 କାତା ସୁନ୍ବାଇ । ଜନ୍ ଲକ୍ମନ୍ ତମ୍କେ ନ ମାନଡ୍, ସେମନ୍ ମକେ ନ
 ମାନଡ୍, ଆରି ଜନ୍ ଲକ୍ମନ୍ ମକେ ନ ମାନଡ୍, ସେମନ୍ ମକେ ପାଟାଇରଇବା
 ପର୍ମେସର୍କେ ମିସା ନ ମାନଡ୍ । ୧୭ ତାର୍ପତେ ସେ ସତୁରି ଲକ୍ ବାଉଡି
 ଆଇଲାଇ ଆରି ସାର୍ଦାଅଇକରି କଇଲାଇ, “ମାପୁରୁ, ତମର୍ ନାଉଁ ଦାରି
 ଆଦେସ୍ ଦେଲେ ତୁମାମନ୍ମିସା ଆମର୍ କାତା ମାନ୍ଲାଇନି ।” ୧୮ ମାତର୍ ଜିସୁ
 ସେମନ୍କେ କଇଲା, “ସଇତାନ୍ ବାଦ୍ଲେଅନି ବିଜ୍ଲି ପାରା ଅଇ ଅଦର୍ବାଟା
 ମୁଇ ଦେକ୍ଲି । ୧୯ ଦେକା, ମୁଇ ତମ୍କେ ସାଁପ୍ ଆରି ବିସ୍କାକ୍ତା ଉପ୍ରେ

ଈଶ୍ଵରୀକେ ବପୁ ଦେଲିଆଡ଼ି, ଆରି ସତ୍‌ରୁ ଉପରେ ରଇବା ବପୁ ମିସା
 ଦେଲିଆଡ଼ି । ତମ୍‌କେ କେ ମିସା କାଇଟା କରିନାପାରତ୍ । ୨୦ ଏଲେମିସା
 ଆତ୍‌ମାମନ୍ ଆମର୍ କାତା ମାନ୍‌ଲାଇନି ବଲି ସାର୍‌ଦା ଉଆନାଇ । ତମର୍
 ନାଉଁମନ୍ ସର୍‌ଗେ ଲେକାଅଇଆଟେ ବଲି ସାର୍‌ଦାଉଆ ।” ୨୧ ଜିସୁ ସେ ତାଣ୍ଟେ
 ସୁକଲ୍‌ଆତ୍‌ମାଲ ପୁରୁନ୍‌ଅଇ କଇଲା, “ଏ ବାବା! ସରଗ୍ ଆରି ମତ୍‌ପୁରର୍
 ମାପ୍‌ରୁ! ତୁଇ ଗିଆନି ଆରି ବୁଦିରଇବା ଲକ୍‌ମନର୍‌ଟାନେଅନି ଏ କାତା
 ଲୁଟାଇରଇଲେ ମିସା, ସାନ୍ ପିଲାମନର୍ ପାରା ଲକ୍‌ରଟାନେ ଜାନାଇଲାସ୍
 । ଏଟାର୍‌ପାଇ ତମ୍‌କେ ସୁମର୍‌ନା କଲିନି । ଉଁ ବାବା, କାଇକେବଇଲେ
 ତମେ ଏନ୍ତାଟା ଦେକ୍‌ବାକେ ମନ୍‌କର୍‌ତେ ରଇଲାସ୍ । ୨୨ ମର୍ ବାବାର୍
 ସବୁ ବିସଇ ମକେ ସର୍‌ପି ଅଇଲାଆଟେ, ଆରି ପଅ କେ, ଏଟା ବାବାକେ
 ଚାଡି ଆରି କେ ନାଜାନତ୍, ଆରି ବାବା କେ, ଏଟା ପଅକେ ଚାଡି କେ
 ନାଜାନତ୍ । ପଅ ଜାର୍‌ଲଗେ ମର୍ ବାବାକେ ଜାନାଇବି ବଲି ମନ୍‌କରିରଇସି,
 ସେସେ ଜାନିରଇସି ।” ୨୩ ଜିସୁ ସିସ୍‌ମନର୍‌ବାଟେ ମୁ ବୁଲାଇ ସେମନ୍‌କେ
 କଇଲା, “ତମେ ଜନ୍ ଜନ୍‌ଟା ଦେକ୍‌ଲାସ୍‌ନି, ସେ ସବୁ ଜେ ଦେକ୍‌ସି, ସେଟା
 ନିକ । ୨୪ କାଇକେବଇଲେ ମୁଇ ତମ୍‌କେ କଇଲିନି, ତମେ ଜନ୍ ଜନ୍‌ଟା
 ଦେକ୍‌ଲାସ୍‌ନି, ସେ ସବୁଜାକ ଦେକ୍‌ବାକେ କେତେ କେତେ ରାଜାମନ୍ ଆରି
 ମାପ୍‌ରୁ କବର୍ ଜାନାଉମନ୍ ମନ୍‌କଲାଇ, ମାତର୍ ଦେକିନାପାର୍‌ଲାଇ । ଆରି
 ତମେ ଜନ୍ ଜନ୍‌ଟା ସୁନ୍‌ଲାସ୍‌ନି, ସେ ସବୁ ସୁନ୍‌ବାକେ ସେମନ୍ ମନ୍‌କଲାଇ,
 ମାତର୍ ସୁନିନାପାର୍‌ଲାଇ ।” ୨୫ ତାର୍‌ପଟେ ଗଟେକ୍ ଦରମ୍ ସାସ୍‌ତର୍
 ସିକାଉ ତାକେ ପରିକାକରି ପାଚାର୍‌ଲା, “ଏ ଗୁରୁ କେବେ ନ ସାର୍‌ବା ଜିବନ୍
 ମିଲାଇବାକେ ଆଲେ ମୁଇ କାଇଟା କର୍‌ବାର୍ ଆଟେ?” (aiōnios g166)
 ୨୬ ଜିସୁ ତାକେ କଇଲା, “ନିୟ୍‌ମ୍ ସାସ୍‌ତରେ କାଇଟା ଲେକାଆଟେ? ତୁଇ
 କେନ୍ତାରି ପଡ୍‌ଲୁସ୍‌ନି?” ୨୭ ସେ କଇଲା, “ତମେ ନିଜର୍ ସବୁ ଗାଗତ୍,
 ମନ୍, ଆତ୍‌ମା ଆରି ବପୁ ଦେଇ ପର୍‌ମେସର୍‌କେ ଆଲାଦ୍ କରା । ଆରି
 ପଡିସାର୍ ଲକ୍‌ମନ୍‌କେ ନିଜର୍ ସମାନ୍ ଆଲାଦ୍ କରା ।” ୨୮ ତାର୍‌ପଟେ
 ଜିସୁ ତାକେ କଇଲା, “ତମେ ଟିକ୍ କଇଲାସ୍ । ଏନ୍ତାର୍ କର୍, ତେବେ ଜିବନ୍
 ମିଲାଇସୁ ।” ୨୯ ମାତର୍ ସେ ନିଜେ ଦରମ୍‌ଲକ୍ ବଲି ଦେକାଇବାକେ ମନ୍‌କରି
 ଜିସୁକେ ପାଚାର୍‌ଲା, “ତେବେ କେ ମର୍ ପଡିସାର୍ ଲକ୍?” ୩୦ ଜିସୁ ତାକେ
 କଇଲା, ଗଟେକ୍ ଲକ୍ ଜିରୁସାଲମେଅନି ଜିରିଅ ଜିବାବେଲେ ତର୍‌ମନର୍

ମୁଆଟେ ପଢ଼ଲା । ଚର୍ମନ୍ ତାର ଲୁଗାପଟିଆ ଚାତାଇ, ତାକେ ମାରୁଲାଇ ଆରି ମରିଗାଲାପାରା ଅଇଲାକେ ଚାଡ଼ି ଉଟିଗାଲା । ୩୧ ସେଟା ଅଇସାରି କେତେପର୍ ଜିବାକେ ଗଟେକ୍ ପୁଜାରି ସେ ବାଟେ ଜାଇତେରଇଲା ଆରି ତାକେ ଦେକି, ବାଟ୍ ପିଟାଇଅଇ ଉଟିଗାଲା । ୩୨ ସେନ୍ତୁରିସେ ଗଟେକ୍ ଲେବିୟ ଲକ୍ ମିସା ସେ ଜାଗାଇ ଆସି ତାକେ ଦେକି ବାଟ୍ ପିଟାଇଅଇ ଉଟିଗାଲା । ୩୩ ମାତର୍ ସମିରଣିୟର୍ ଗଟେକ୍ ଲକ୍ ତାରୁଲଗେ ଆସି, ଦେକ୍ଲା ଆରି ବେସି ମନ୍ଦୁକ୍ କଲା । ୩୪ ଆରି ତାରୁଲଗେ ଜାଇ ମାଡ଼ଅଇ କଣ୍ଡିଆ ବଣ୍ଡିଆ ଅଇଲାଟାନେ, ଚିକନ୍ ଆରି ଆମାଟ୍ ଅଢ଼ୁରୁରସ୍ ଲାଗାଇଦେଲା । ତାକେ ଗର୍ଣ୍ଣା ବାନ୍ଧି, ଗଦଉପରେ ବସାଇ, ଲକ୍ମନ୍ ବସି ମିଟିଢ଼ୁ କର୍ବା ଗରେ ନେଇ ସେବାଜତନ୍ କଲା । ୩୫ ତାର୍ ଆର୍କର୍ ଦିନେ ସିମରଣିୟ ଲକ୍ ଦୁଇଟା ରୁପାଟାଢ଼ୁ ବାବ୍‌କରାଇ, ମିଟିଢ଼ୁ ଗରର୍ ମୁକିଆକେ ଦେଇ କଇଲା, “ଆର୍ ସେବା ଜତନ୍ କରା, ଆରି ଅଦିକ୍ କର୍ତ ଅଇଲେ, ସେଟା ମୁଇ ବାଉଡ଼ିଆଇବା ବେଲେ ତମ୍‌କେ ସୁଜିଦେବି ।” ୩୬ ଏ ଚିନ୍‌ଲକର୍ ବିତ୍‌ରେଅନି କେ ଚର୍ମନ୍ ଚାନେ ମାଡ଼କାଉ ଲକର୍ ପଡ଼ିସାର୍ ଲକ୍ ବଲି ବାବ୍‌ଲୁସ୍‌ନି? ୩୭ ସାସ୍‌ତର୍ ସିକାଉ କଇଲା, “ଜନ୍ ଲକ୍ ତାକେ ଦୟାକଲା, ସେ ଆକା ।” ଜିସୁ ତାକେ କଇଲା, “ଜା ତୁଇ ମିସା ସେନ୍ତୁରି କର୍ ।” ୩୮ ଜିସୁ ଆରି ତାର୍ ସିସ୍‌ମନ୍ ଜିବାବେଲେ ଗଟେକ୍ ଗାଏଁ କେଟ୍‌ଲା । ତେଇ ମାର୍ତା ନାଉର୍ ଗଟେକ୍ ମାଇଜି ଜିସୁକେ ତାର୍ ଗରେ ତାକି ବସାଇଲା । ୩୯ ମାର୍ତାକେ ମରିୟମ୍ ନାଉର୍ ଗଟେକ୍ ବଇନି ରଇଲା । ସେ ମାପ୍‌ରୁ ପାଦେ ବସି ତାର୍ ବାକିଅ ସୁନ୍‌ତେରଇଲା । ୪୦ ମାତର୍ ମାର୍ତାକେ ବେସି ପାଇଟି ରଇଲାଜେ ଦାନ୍ତୁ ଅଇଜାଇତେ ରଇଲା । ତେବର୍‌ପାଇ ସେ ଜିସୁରୁଲଗେ ଆସି କଇଲା, “ଏ ମାପ୍‌ରୁ, ମର୍ ବଇନି ଗରର୍ ସବୁ ପାଇଟି ମକେ ସେ କରାଇଲାନ୍ତି, ସେବାଟେ କାଇ ତମର୍ ମନ୍ ନାଇ କି? ସେଟାର୍‌ପାଇ ତାକେ କୁଆ, ସେ ମକେ ଆସି ସାଇଜ କର ।” ୪୧ ମାତର୍ ମାପ୍‌ରୁ ତାକେ କଇଲା, “ଏ ମାର୍ତା, ତୁଇ ବେସି ବିସଇ ଚିନ୍ତା କରି, ଦାନ୍ତୁଅଇଗାଲୁସ୍‌ନି, ୪୨ ମାତର୍, ଗଟେକ୍ ବିସଇ ଆକା ସବୁର୍‌ଟାନେଅନି ମୁକିଅ । ସେଟା ମରିୟମ୍ ବାଟିକରି ନେଇଆଟେ । ସେଟା ତାର୍‌ଟାନେଅନି କେ ନେଇ ନାପାରତ୍ ।”

୧୧ ତରେକ୍ ଜିସୁ ଗଟେକ୍ ଜାଗାଇ ପାର୍ତନା କର୍ତେରଇଲା । ସେ ପାର୍ତନା କରି ସାରାଇଲା ପଟେ, ତାକର୍ ସିସ୍‌ମନ୍ ବିତ୍‌ରେଅନି ଗଟେକ୍

ଲକ୍ ତାକେ କଇଲା, “ଏ ମାପୁରୁ ତୁବନ୍ ଦେଉ ଜଅନ ଜେନ୍ତାରି ନିଜର୍
 ସିସ୍‌ମନ୍‌କେ ପାର୍‌ତନା କର୍‌ବାକେ ସିକାଇଲା, ତମେମିସା ଆମ୍‌କେ ପାର୍‌ତନା
 କର୍‌ବାକେ ସିକାଆ ।” ୨ ଜିସୁ ସେମନ୍‌କେ କଇଲା, ଜେତେବେଲେ ତମେ
 ପାର୍‌ତନା କର୍‌ସା, ସେତ୍‌କିବେଲେ କୁଆ, “ବାବା ତମର୍ ନାଉଁ ସୁକଲ୍‌ବଲି
 ସବୁଲକ୍ ମାନତ୍ । ତମର୍ ରାଇଜ୍ ଆସ । ୩ ସବୁଦିନ୍ ଆମ୍‌କେ ଆମର୍
 ଦର୍‌କାର୍ ରଇଲା କାଦି କାଇବାକେ ଦିଆ । ୪ ଆମର୍ ସବୁ ପାପ୍ କେମା
 କରିଦିଆସ୍, କାଇକେବଇଲେ ଆମେ ମିସା ଆମର୍ ବିରୁଦେ ବୁଲ୍ କଲା
 ଲକ୍‌ମନ୍‌କେ କେମା କଲୁନି । ଆମେକ୍ ପାପ୍ ଦସ୍ କରାଇବା ସବୁର୍‌ତେଇଅନି
 ରକିଆ କରା ।” ୫ ପରେ ଜିସୁ ତାର୍ ସିସ୍‌ମନ୍‌କେ କଇଲା, “ତମର୍ ଏନ୍ତାରି
 କାର୍ ମଇତର୍ ଆତେ କି, ଜାର୍‌ଲଗେ କି ତମେ ମଜାରାତି ଜାଇ କଇପାରାସ୍,
 ଏ ମଇତର୍, ମକେ ତିନ୍‌ଟା ରୁଟି ଉଦାର୍ ଦେଇରୁଆ, ୬ କାଇକେବଇଲେ,
 ମର୍ ଗଟେକ୍ ବେସି ଦୁରର୍ ସାଙ୍ଗ୍ ଆସିଆତେ, ତାକେ କାଇବାକେ ଦେବାକେ
 ମର୍‌ଲଗେ କାଇଟାମିସା ନାଇ । ୭ ଆରି ବିତ୍‌ରେଅନି ସେ କଇସି, ମକେ କସ୍‌ଟ
 ଦିଆନାଇ, କାପାଟ୍ ଡାବ୍‌ଲୁବେ, ଆରି ମର୍‌ସଙ୍ଗ୍ ମର୍ ପିଲାମନ୍ ସଇଆତର୍
 । ତମ୍‌କେ ଉଟିକରି ଦେଇନାପାରି । ୮ ମୁଇ ତମ୍‌କେ କଇଲିନି, ତମର୍
 ମଇତର୍ ଅଇରଇଲେ ମିସା ସେ ଉଟିକରି ରୁଟି ନ ଦେଏ, ମାତର୍ ତମେ ଲାଜ୍
 ନ ଅଇ ମାଙ୍ଗ୍‌ଲାରଗଇଲେ, ସେ ଉଟିକରି ତକେ ଜେତ୍‌କି ଲତା, ସେତ୍‌କି
 ଦେଇସି ।” ୯ ମୁଇ ତମ୍‌କେ କଇଲିନି, ମାଙ୍ଗ୍ ଡେବେ ତମ୍‌କେ ଦିଆଅଇସି ।
 କଜା, ତେଇ ତମେ ମିଲାଇସା । କାପାଟେ ବାଜାଆ, ତେଇ ତମର୍‌ପାଇବଲି
 ଉଗାଡି ଦିଆଅଇସି । ୧୦ କାଇକେବଇଲେ, ଜେ ମାଙ୍ଗ୍‌ସି, ସେ ପାଇସି । ଜେ
 କଜ୍‌ସି, ସେ ମିଲାଇସି । ଜେ କାପାଟେ ବାଜାଇସି, ତାର୍‌ପାଇ କାପାଟ୍ ଉଗାଡି
 ଦିଆଅଇସି । ୧୧ “ଆରି ତମର୍ ବିତ୍‌ରେ ଏନ୍ତାରି ବାବା କେ ଆତେ, ଜେ କି ଜନ୍
 ବାବାକେ ତାର୍ ପଅ ମାଟ୍ ମାଙ୍ଗ୍‌ଲେ, ତାକେ ମାଟ୍ ନ ଦେଇ ସାଁପ୍ ଦେଇସି?
 ୧୨ କି ଗାର୍ ମାଙ୍ଗ୍‌ଲେ, ସେ ତାକେ ବିସ୍‌କାକ୍‌ତା ଦେଇସି? ୧୩ ତେବେ ତମେ
 କରାପ୍ ଲକ୍ ଅଇଲେ ମିସା, ନିଜର୍ ନିଜର୍ ପିଲାମନ୍‌କେ ନିକ ନିକ ବିସଇ
 ଦେବାର୍ ଜାନାସ୍ । ତେବେ ଜନ୍ ବାବା ସର୍‌ଗେଅନି ଦାନ୍ କଲାନି, ସେ ଜାନେ,
 ସେ ତାକେ ମାଙ୍ଗ୍‌ବା ଲକ୍‌କେ କେତେକ୍ ଅଦିକ୍ ସୁକଲ୍ ଆତ୍‌ମା ଦେଇସି!”
 ୧୪ ତରେକ୍ ଜିସୁ ଗଟେକ୍ ଲକ୍‌ତେଇଅନି ତୁମା ତାଡାଇତେରଇଲା । ସେ
 ତୁମା ଗୁଲାଟା । ତୁମା ବାରଇଗାଲା ପରେ ଗୁଲା ଲକ୍ କାତା କଇଲା ।

କାତାକଇଲାକେ ଡେଇ ରଇବା ଲକ୍ମନ୍ କାବାଅଇଗାଲା । ୧୫ ମାତର୍
 ସେମନ୍ ବିତ୍ରେ କେ କେ କଇଲା, “ସେ ତୁମାମନ୍ ନେତା ବାଲ୍‌ଜିବୁଲ୍‌
 ସାଇଜ ନେଇ ତୁମା ଚାଡାଇସି ।” ୧୬ ବିନ୍‌ଲକ୍‌ମନ୍ ଜିସୁକେ ପରିକାକରି
 ପାନ୍ଦେ ପାକାଇବାକେ ବାବ୍‌ଡେ ରଇଲା । ଡେବର୍‌ପାଇ ପର୍‌ମେସର୍‌ ତାର୍
 ରକିଆକାରି ବଲି ସବୁକେ ଜାନାଇବାକେ ଗଟେକ୍ କାବାଅଇଜିବା ଚିନ୍
 ଦେକାଇବାକେ କଇଲା । ୧୭ ମାତର୍ ଜିସୁ ତାକର୍ ମନ୍ କାତା ଜାନି,
 ସେମନ୍‌କେ କଇଲା, “ଗଟେକ୍ ରାଇଜ୍ ଦୁଇ ବାଗ୍ ଅଇକରି, ନିଜର୍ ନିଜର୍
 ବିରୁଦ୍ଦେ ଜୁଇଦ୍ କଲେ, ସେଟା କୁରୁପ୍‌ନାସ୍ ଅଇଜାଇସି । ଗଟେକ୍ ଗରର୍ ଲକ୍
 ନିଜର୍ ନିଜର୍ ବିରୁଦ୍ଦେ ଲାଗ୍‌ଲେ, ସେ ଗର୍ ମିସା ବାଢ଼ିଜାଇସି । ୧୮ ଆରି
 ସଇତାନ୍ ମିସା ବାଗ୍ ବାଗ୍ ଅଇ, ନିଜର୍ ବିରୁଦ୍ଦେ ଉର୍‌ଲାନି ବଇଲେ, ତାର୍
 ରାଇଜ୍ କେନ୍ତି ତବିର୍ ଅଇକରି ରଇସି? ନାଇ ନ ରଏ । ମୁଇ କାଇକେ ଏଟା
 କଇଲିନି ବଇଲେ, ବାଲ୍‌ଜିବୁଲ୍‌ ସାଇଜ ନେଇ ତୁମା ଚାଡାଇଲିନି ବଲି ତମେ
 ତା କଇଲାସିନି । ୧୯ ତମର୍ ପଅମନ୍ ବାଲ୍‌ଜିବୁଲ୍‌ ବପୁ ପାଇ ସେମନ୍‌କେ
 ଚାଡାଇବାଇ, ଡେବର୍‌ପାଇ ସେମନ୍‌ସେ ତମ୍‌କେ ବିଚାର୍ କର୍‌ବାଇ । ୨୦ ନାଇ,
 ମୁଇ ପର୍‌ମେସରର୍ ବପୁସଙ୍ଗ୍ ତୁମା ଚାଡାଇବି । ଡେବେ ତା ଏଟା ଜାନାଇ
 ଦେଲାନି, କି ପର୍‌ମେସରର୍ ରାଇଜ୍ ତମର୍ ଲଗେ କେଟ୍‌ଲାବେ ବଲି ।” ୨୧
 “ଜେଡେବେଲେ ଗଟେକ୍ ବପୁର୍ ଲକ୍ ଆଡ୍‌ଅଡିଆର୍ ଦାରି ନିଜର୍ ଗର୍ ଜାଗ୍‌ସି,
 ସେଡେବେଲାଜାକ ତାର୍ ଦନ୍ କାଇଟା ନ ଅଏ । ୨୨ ମାତର୍ ଜେଡେବେଲେ
 ତାର୍ ଟାନେଅନି ଅଦିକ୍ ବପୁର୍‌ଲକ୍ ଆସି, ତାକେ ଲାଗିକରି ଜିତ୍‌ସି । ଗରର୍
 ସାଉକାର୍ ଜନ୍ ଆଡ୍‌ଆଡିଆର୍ ଦାରି ନିଜେ ରକିଆ ପାଇଡେରଇଲା, ସେ
 ସବୁଜାକ ବପୁର୍ ଲକ୍ ଚାଡାଇନେଇସି । ଆରି ଚାଡାଇ ନେଲାଟା ସେ ମନ୍‌କଲା
 ପାରା କାକେ ମିସା ବାଟା କରିଦେଇସି । ୨୩ “ଜେ ଆମ୍‌କେ ବିରଦ୍ ନ କରେ,
 ସେ ଆମର୍ ନିଜର୍ ଲକ୍ । ଜେ ମର୍ ସଙ୍ଗ୍ କୁଡାଏନାଇ, ସେ ବିତିପାକାଇସି
 ।” ୨୪ “ଗଟେକ୍ କରାପ୍ ଆଡ୍‌ମା ମୁନୁସର୍‌ଟାନେଅନି ବାରଇଗାଲାପଡେ,
 ସେ ଆଡ୍‌ମା ବିସ୍‌ରାମ୍ କର୍‌ବାକେ ସୁକ୍‌ଲା ଜାଗାଇ କନ୍‌ଆଲେ ଲକର୍‌ଟାନେ
 ରଇବାକେ କଜି ବୁଲ୍‌ସି । ଆରି ଜାଗା ନ ମିଲ୍‌ଲେ କଇସି, ମୁଇ ଜନ୍
 ଲକର୍ ଟାନେଅନି ବାରଇଆସି ରଇଲି, ସେ ଲକର୍‌ଟାନେସେ ବାଉଡି ଜିବି ।
 ୨୫ ଜେଡେବେଲେ ସେ ତୁମା ଚାଡ୍‌ଲା ମୁନୁସର୍‌ଲଗେ ଆସି ପରିଚର୍‌ରଇ
 ନିମାନ୍ ସଜାଇଅଇରଇଲାଟା ଦେକ୍‌ସି । ୨୬ ତାର୍‌ପଡେ ସେ ତୁମା ଜାଇକରି

ଚାର୍ତ୍ତାନ୍ତେନି ବାନିଆରଇବା ବିନ୍ ବିନ୍ ସାତ୍ତା ଚୁମାମନ୍ତକେ ଡାକିଆନ୍ତସି ।
 ସେମନ୍ କେଟିକରି ତେଇ ବାସା ଅଇବାଇ, ଆରି ସେ ଲକ୍ ଆଗ୍ତୁ ଜେନ୍ତୁର୍
 ଅଇରଇଲା, ଚାର୍ତ୍ତେଅନି ସାରାସାରି ଅଦିକ୍ କରାପ୍ ଅଇଜାଇସି ।” ୨୭
 ଜିସୁ ଏନ୍ତୁରି ସବୁ କାତା କଇବାବେଲେ ଲକ୍ମନର୍ ବିତ୍ତରେଅନି ଗଟେକ୍
 ମାଇଜିଟକି ଆଉଲିଅଇ କଇଲା, “କେତେକ୍ କରମର୍ ମାଆ ଜେ କି ତମ୍‌କେ
 ଜନମ୍ ଦେଲା ଆରି ନିଜର୍ ଦୁଦ୍ କୁଆଇଲା ।” ୨୮ ମାତର୍ ଜିସୁ କଇଲା,
 “ନାଇ, ଜନ୍ ଲକ୍ମନ୍ ପର୍ମେସରର୍ ବାକିଅ ସୁନ୍‌ବାଇ ଆରି ସେଟା ମାନ୍‌ବାଇ,
 ସେମନ୍ ନିକ କରମର୍ ଲକ୍ ।” ୨୯ ଲକ୍ମନ୍ ଦଲ୍ ଦଲ୍ ଅଇ ଜିସୁରଲଗେ ଗୁଲ୍
 ଅଇବାବେଲାଇ ସେ କଇବାର୍ ଦାର୍‌ଲା । “ଏବର୍ ଜୁଗର୍ ମୁନ୍‌ସ୍‌ମନ୍ କରାପ୍,
 ଏମନ୍ କାବା ଅଇଜିବା କାମର୍ ତିନ୍ କଜ୍‌ଲାଇନି । ମାତର୍ ଜୁନସ୍‌କେ ଗର୍‌ଲା
 ତିନ୍ ଚାଡିକରି ଆରି କାଇ ବିନ୍ ତିନ୍ ମିସା ଦିଆ ନ ଅଏ । ୩୦ କାଇକେବଇଲେ
 ଜୁନସ୍ ଜେନ୍ତି ନିନିବିୟ ଲକ୍ମନର୍‌ପାଇ ତିନ୍‌ପାରା ଅଇଲା, ପର୍ମେସର୍
 ପାଟାଇରଇବା ନର୍‌ପିଲା ମୁଇ ମିସା ଏବର୍ ଲକ୍ମନର୍‌ପାଇ ତିନ୍ ପାରା
 ଅଇବି । ୩୧ ବିଚାର୍‌ନା ଦିନେ ଦକିନ୍ ଦେସେ ରଇବା ସେବା ନାଉଁର୍ ରାନି,
 ଏବର୍ ଲକ୍ମନର୍ ବିରଦେ ଉଟି, ଏମନ୍‌କେ ଦସି କରାଇସି, କାଇକେବଇଲେ
 ସେ ରାନି, ସଲ୍‌ମନ୍ ରାଜା ସିକାଇରଇବା ଗିଆନର୍ କାତା ସୁନ୍‌ବାକେ ବେସି
 ଦୁର୍‌ଅନି ଆସିରଇଲା । ଆରି ଦେକା! ସଲ୍‌ମନର୍‌ଟାନ୍‌ଆନି ଅଦିକ୍ ବଡ୍ ଲକ୍
 ଇତି ଆତେ । ୩୨ ବିଚାର୍‌ନାଦିନେ ନିନିବିର୍ ଲକ୍ମନ୍ ଏବର୍ ମୁନ୍‌ସ୍‌ମନର୍
 ବିରୁଦେ ଟିଆଅଇ ଏମନ୍‌କେ ଦସି କର୍‌ବାଇ । କାଇକେବଇଲେ ସେମନ୍,
 ଜୁନସ୍ ମାପ୍‌ରୁର୍ କାତା ଜାନାଇଲାକେ, ପାପ୍‌କାମେଅନି ବାଉଡିରଇଲାଇ,
 ଆରି ଦେକା! ଜୁନସ୍ ଟାନ୍‌ଆନି ବଡ୍ ଲକ୍ ଇତି ଆତେ । ୩୩ “କେ ମିସା ବତି
 ତସାଇ ମାନ୍‌ତଲେ ଡାବିକରି ନ ସଞ୍ଜୁଅଡ୍ । ମାତର୍ ବତି ସଞ୍ଜୁଇବା କୁଡ୍‌ରାଇ
 ସଞ୍ଜୁଇବାଇ, ଜେନ୍ତୁରିକି ଗର୍‌ବିତ୍ତରେ ଜିବାଲକ୍ମନ୍ ଉଜଲ୍ ଦେକିପାର୍‌ବାଇ ।
 ୩୪ ତମର୍ ଆଁକି, ଗାଗଡ୍‌ ବତି । ଜେଡେବଲ୍ ତମର୍ ଆଁକି ନିକ ରଇସି,
 ସେଡେବେଲେ, ତମର୍ ଗୁଲାଇ ଗାଗଡ୍ ମିସା ଉଜଲ୍ ଅଇସି । ମାତର୍
 ଜେଡେବେଲେ ସେଟା ମୁର୍‌କି ରଇସି, ସେଡ୍‌କିବେଲା ତମର୍ ଗାଗଡ୍ ମିସା
 ଆନ୍ତୁର୍ ଅଇଜାଇସି । ୩୫ ତେବେ ମନେ ରଅ, ଜାଗ୍‌ରତ୍‌ଅଇ ରୁଆ, ଜେନ୍ତିକି
 ତମର୍ ବିତ୍ତରର୍ ଉଜଲ୍ କେବେ ଆନ୍ତୁର୍ ନ ଅଏ । ୩୬ ଏଟାପାଇ ତମର୍
 ଗୁଲାଇ ଗାଗଡ୍ ଜଦି ଉଜଲ୍ ଅଇସି ଆରି ତେଇର୍ କଣ୍ଟେକ୍ ମିସା ଆନ୍ତୁର୍ ନ

ରଏ, ସେନ୍ତୁରାଅଇଲେ, ବଡ଼ି ଜେନ୍ତି ଜଗଜଗି ଜାଇ ଉଜଲ୍ ଦେଇସି, ସେନ୍ତୁରି
 ତମର୍ ଗୁଲାଇ ଗାଗଡ଼ ଉଜଲ୍ ଅଇସି ।” ୩୭ ଜିସୁ କାତା କଇସାରାଇଲା
 ପଟେ ଗଟେକ୍ ପାରୁସିଲକ୍ ତାକେ ନିଜର୍ ଗରେ କାଇବାକେ ଡାକ୍ଲା, ଆରି
 ଗରେ ବସାଇଲା । ୩୮ ମାତର୍ ଜିସୁ ଜିଉଦି ରିତିନିତି ଇସାବେ ଦୁଆପୁତା ନ
 ଅଇରଇଲାକେ ଏଟା ଦେକି ସେ ପାରୁସି ଲକ୍ କାବା ଅଇଗାଲା । ୩୯ ଜିସୁ
 ତାକେ କଇଲା, “ତମେ ପାରୁସିମନ୍ ଗିନା ଆରି ତାଲାର୍ ବାଇରେ ମାଞ୍ଜିରଇସା,
 ମାତର୍ ତମର୍ ବିତ୍ତର୍ ସକ୍ତି ବେନ୍ବେନା ରଇସି । କରାପ୍ଟା ଆରି ଲବ୍
 କର୍ବାଟା ସବୁ ପୁରୁନ୍ ଅଇଆଟେ । ୪୦ ଏ ବକୁଆମନ୍! ଜେ ଗାଗଡ଼
 ବାଇରଟା ତିଆର୍ କଲା ଆଟେ, ସେ କାଇ ବିତ୍ତର୍ଟା ମିସା ତିଆର୍
 କରେନାଇ କି? ୪୧ ତେବର୍ପାଇ ତମେ ଜନ୍ଟା କଟିକରି ସଞ୍ଜୁ ଆତାସ୍,
 ସେଟା ଦୁକ୍ତିଲୁକି ଲକ୍ମନକେ ଦାନକରା, ଆରି ଦେକା, ତମେ ପୁରାପୁରୁନ୍
 ପରିଚଲ୍ ଅଇଜାଇସା ।” ୪୨ “ଅଇରେ ପାରୁସିମନ୍! ତମର୍ ଉପ୍ରେ ଗଟେକ୍
 ବଡ଼ ତଣ୍ଟୁ ଲାଦିଅଇସିବେ! କାଇକେବଇଲେ ତମର୍ ବାଡେଅନି କାମାଇଲାଟା
 ଦସ୍ବାଗ୍ ଅନି ବାଗେକ୍ ଦେଲାସ୍ନି । ମାତର୍ ତମେ ନିଆଇ ଆରି ଦୟା ଏଲା
 କଲାସ୍ନି । ଏଟାସଞ୍ଜୁ ବାଗେକ୍ ଦେବାଟା ମିସା ଚାଡ଼ବାର୍ ନାଇ ।” ୪୩
 “ଅଇରେ ପାରୁସିମନ୍, ତମର୍ ଉପ୍ରେ ଗଟେକ୍ ବଡ଼ ତଣ୍ଟୁ ଲାଦିଅଇସିବେ!
 କାଇକେବଇଲେ ତମେ ପାର୍ତନାଗରେ ମୁକିଅ ଜାଗାଇ ବସ୍ବାକେ ମନ୍
 କର୍ସା ଆରି ଆଟେବାଟେ ଲକ୍ମନର୍ଟାନେଅନି ଜୁଆର୍ କରାଇଅଇବାକେ
 ବଲ୍ ବଲାଅଇସା । ୪୪ ଅଇରେ ପାରୁସିମନ୍! ତମର୍ ଉପ୍ରେ ଗଟେକ୍ ବଡ଼
 ତଣ୍ଟୁ ଲାଦିଅଇସିବେ । କାଇକେବଇଲେ, ତମେ ନ ତିସ୍ବା ସମାଦି ପାରା ।
 ତାର୍ ଉପ୍ରେ ଆସା ଜା କର୍ବା ଲକ୍ମନ୍ ସେଟା ସମାଦି ବଲି ନାଜାନଡ଼ ।”
 ୪୫ ତେଇ ସାସ୍ତର୍ ସିକାଇବା ଦରମ୍ ଗୁରୁମନର୍ ବିତ୍ତରେଅନି ଗଟେକ୍ ପଣ୍ଡିତ୍
 ଜିସୁକେ କଇଲା, “ଏ ଗୁରୁ ତମେ ପାରୁସିମନର୍ ବିସଇ କଇକରି ଆମ୍ବକେ ଲାଜ୍
 କରାଇଲାସ୍ନି ।” ୪୬ ଜିସୁ କଇଲା, “ଅଇରେ ସାସ୍ତର୍ ସିକାଉ ପଣ୍ଡିତ୍ମନ୍!
 ତମର୍ ଉପ୍ରେ ଗଟେକ୍ ବଡ଼ ତଣ୍ଟୁ ଲାଦିଅଇସିବେ! କାଇକେବଇଲେ ତମେ
 ଲକ୍ମନକେ ବେସି ଆବଡ଼ ନିୟମ୍ ମାନବାକେ କଇଲାସ୍ନି, ଆରି ସେ ନିୟମ୍
 ମାନବାକେ ମୁଲ୍କେ ଆଢ଼ୁଟିତେଇ ଉଟାଇବା ଏଡ଼କି ମିସା ସାଇଜ କରାସ୍
 ନାଇ । ୪୭ ଅଇରେ, ତଣ୍ଟୁ ପାଉମନ୍! ତମର୍ ଉପ୍ରେ ଗଟେକ୍ ବଡ଼ ତଣ୍ଟୁ
 ଲାଦିଅଇସିବେ । କାଇକେବଇଲେ, ତମେ ବବିସତ୍ବକ୍ତାମନର୍ ମସ୍ନେ

ସମାପ୍ତି ତିଆରି କରୁଥିଲେ, ମାତ୍ର ତମର ଆନିଦାଦିମନ୍ ସେମନ୍ତେ
 ମରାଉଛନ୍ତି । ୪୮ ତେବେ ତମର ଆନିଦାଦିମନ୍ ଦରମ୍ କରମ୍
 ବିସଇର୍ ତମେ ସାକି ଆତାସ୍ । ଆରି ସେଟା ମାନ୍ଲାସ୍ କାଳକେବଲେ
 ସେମନ୍ ସିନା ବବିସତ୍ବକ୍ତାମନ୍ତେ ମରାଉଛନ୍ତି, ମାତ୍ର ତମେ
 ସେମନ୍ତେ ସମାପ୍ତି କାମ୍ ତିଆରି କଲାସ୍ । ୪୯ ତେବେ ପର୍ଯ୍ୟନ୍ତ
 ମିସା ନିଜର୍ ବୁଦ୍ଧିରେ କଲିଆତେ, ମୁଇ ବବିସତ୍ବକ୍ତାମନ୍ତେ ଆରି
 କବର୍ ନେତମନ୍ତେ ସେମନ୍ତେ ଲଗେ ପାଟାଇବି । ସେମନ୍ତେ ବିତ୍ରେ
 କେତେଲକ୍ତେ ସେମନ୍ ମରାଉବାଇ ଆରି କେତେଲକ୍ତେ ନିନ୍ଦୁକରି କସ୍ତ
 ଦେବାଇ । ୫୦ ସେଟାପାଇ ଜଗତ୍ ତିଆରିଅଇଲାଟାନେଅନି, ଏବଲର୍
 ବେଲେଅନି ଆରାମ୍ କରି ବର୍କିଆର୍ ପ ଜିକରିୟର୍ ଜାକ, ଜାକେ କି ତମେ
 ମନିର୍ ଆରି ବେଦିର୍ ମଜାଇ ମରାଉଛନ୍ତି ଜେତକି ବବିସତ୍ବକ୍ତାମନ୍ତେ
 ମରାଉଆତାସ୍ ସେ ସବୁ ତଣ୍ଟୁ ଏ ଆଜିକାଲିର୍ ଲକ୍ତମନ୍ ପାଇବାର୍ ଆତେ
 । ୫୧ ସେ ସବୁର୍ ମୁଲିଅ, ଏବର୍ ଲକ୍ତମନ୍ ଟାନେଅନି ନିଆ ଅଇସି
 ।” ୫୨ “ଅଇରେ, ଦରମ୍ଗୁରୁମନ୍! ତମର୍ ଉପ୍ରେ ଗଟେକ୍ ବଡ୍ ତଣ୍ଟୁ
 ଲାଦିଅଇସିବେ! କାଳକେବଲେ, ତମେ ପର୍ଯ୍ୟନ୍ତ ଗିଆନର୍ କାପାଟ୍
 ଡାବିଦେଇ ଆତାସ୍ । ନିଜେ ପର୍ଯ୍ୟନ୍ତ ଗିଆନଟାନେ ନ ଜାଇକରି ତେଇ
 ଜିବାକେ ମନ୍ତଲା ଲକ୍ତମନ୍ତେ ମିସା ବାଦାଦେଲାସ୍ ।” ୫୩ ଆରି ଜିସୁ
 ତେଇଅନି ବାରଇଗାଲାପତେ, ପାରୁସିମନ୍ ଆରି ସାସ୍ତର୍ ସିକାଉମନ୍ ବେସି
 ତାସ୍ତେ ଜିସୁକେ ବିରତ୍ କରବାକେ ଆରାମ୍ କଲାଇ । ୫୪ ତାଟାନେଅନି
 ବୁଲ୍ ଦାରବାକେ କାଲ କାଲ ପର୍ଯ୍ୟନ୍ତ ପାଟାବାର୍ ଦାରଲାଇ ।

୧୨ ଏତକି ବିତ୍ରେ ଅଜାର୍ ଅଜାର୍ ଲକ୍ତ ଗୁଲ୍ଅଇକରି, ତାକର୍ ତାକର୍
 ବିତ୍ରେ ମାଣ୍ଡାଗୁଣ୍ଡା ଅଇଜାଇତେ ରଇଲାଇ, ସେତକିବେଲେ ଜିସୁ ପର୍ଯ୍ୟନ୍ତ
 ନିଜର୍ ସିମନ୍ତେ କଇବାର୍ ଦାରଲା, “ପାରୁସିମନ୍ କମିର୍ ପାରା କପଟ୍
 ତେଇଅନି ଜାଗର୍ତ୍ ଅଇରୁଆ । ୨ ଡାବିଅଇରଇବା ସବୁ ବିସଇ ଜାନାପତ୍ସି,
 ଆରି ଲୁଚିରଇବା ବିସଇ ସବୁ ଦେକାଅଇସି । ୩ ତେବର୍ପାଇ, ତମେମନ୍
 ଜନ୍ ଜନ୍ଟା ଆନୁରେ କଇଆତାସ୍, ସେ ସବୁଜାକ ଉଇଲେ ସୁନ୍ବାଇ, ଆରି
 ଜନ୍ ଜନ୍ଟା ବିତ୍ରେଗରେ, କେ ନ ସୁନ୍ତେ କଇଆତାସ୍, ସେଟା ଗରର୍
 ଚାନ୍ତିପ୍ରେ ଅନି ସୁନାଇଅଇସି ।” ୪ “ମାତ୍ର ତମେ ମର୍ ମଇତର୍, ତମ୍ତେ
 ମୁଇ କଲିନି, ଜନ୍ ଲକ୍ତମନ୍ ଗାଗତ୍ତେ ମରାଉବାଇ, ମାତ୍ର ତାପ୍ରେ

ତମର ଆତ୍ମାକୁ କାହିଁକି କରିନାପାରୁ, ସେମାନଙ୍କେ ତରାନାଇ । ୫
 ମାତର କାଳେ ତରସା, ସେଟା ମୁଇ ତମ୍ଭେ ଜାନାଇବି, ମରାଇଲାପତେ
 ନରୁକେ ପିଢ଼ୁବାକେ ଜାର୍ ଅଦିକାର୍ ଆତେ, ତାକେ ତରା, ଉଁ ମୁଇ ତମ୍ଭେ
 ସତ୍ କଲିନି, ପର୍ମେସର୍‌କେ ତରା । (Geenna g1067) ୬ “ପାଁଟା ଚେଟିଆ
 ଚତଇ କାଲ ଅଲପ୍ ତାରୁକେ ବିକା ନଅଏ କି? ଏଲେ ମିସା ସେମନର୍
 ବିତ୍‌ରେଅନି ଗଟେକ୍‌କେ ମିସା ପର୍ମେସର୍ ନ ପାସ୍‌ରେ । ୭ ମାତର ତମର୍
 ମୁଣ୍ଡର ସବୁ ଚେଣ୍ଟି ମିସା ଏଜା ଅଇଲାଆତେ । ତରାନାଇ, ତମେମନ୍ କେତେକ୍
 କେତେକ୍ ଚେଟିଆ ଚତଇର୍ ଟାନେଅନି ମୁକିଅ ।” ୮ “ଆରି ମୁଇ ତମ୍ଭେ
 କଲିନି, ଜେ ଜଦି ମକେ ଲକ୍‌ମନର୍ ମୁଆଟେ ନାମ୍‌ସି ଆରି ବିସ୍‌ବାସ୍
 କରସି, ପର୍ମେସର୍ ପାଟାଇରଇବା ନର୍‌ପିଲା ମୁଇ ମିସା ପର୍ମେସର୍‌ର
 ଦୁର୍‌ମନର୍ ମୁଆଟେ ତାକେ ନାମ୍‌ସି । ୯ ମାତର ଜେ ଲକ୍‌ମନର୍ ମୁଆଟେ
 ମକେ ନ ନାମି, ବିସ୍‌ବାସ୍ ନ କରେ, ତାକେ ପର୍ମେସର୍‌ର ଦୁର୍‌ମନର୍
 ମୁଆଟେ ମୁଇ ଇନ୍ କରବି ।” ୧୦ “ଆରି ଜେ ପର୍ମେସର୍ ପାଟାଇରଇବା
 ନର୍‌ପିଲା ବିରୁଦେ କଲଲେ, ତାକେ କେମା ଦିଆଅଇସି, ମାତର ଜେ
 ସୁକଲ୍ ଆତ୍ମାର ବିରୁଦେ କଇସି, ତାକେ କେମା ନ ଦିଆଅଏ । ୧୧ “ଆରି
 ଜେତେବେଲେ ସେମନ୍ ତମ୍ଭେ ଜିଉଦି ଲକ୍‌ମନର୍ ପାର୍‌ତନା ଗରେ, ସାସନ୍
 କରବା ଲକ୍‌ମନର୍‌ଟାନେ କି ବିନ୍ ବିନ୍ ଅଦିକାରି ମନର୍‌ଟାନେ ବାନ୍ତିନେଲେ,
 ସେତ୍‌କିବେଲେ କାହିଁକି କଇସା, ସେ ବିସଇ ନେଇକରି ତିନ୍ତା କରାନାଇ ।
 ୧୨ କାଲକେବଇଲେ କାହିଁକି କଇବାକେ ଅଇସି, ସେବେଲାଇ ସୁକଲ୍‌ଆତ୍ମା
 ତମ୍ଭେ ସିକାଇସି ।” ୧୩ ଲକ୍‌ମନର୍ ଗଅଲି ବିତ୍‌ରେଅନି ଗଟେକ୍ ଲକ୍
 ଜିସୁକେ କଇଲା, “ଏ ଗୁରୁ, ମର୍ ବାବାର୍ ସଁପତି ବାଗ୍‌ବାଟା କରବାକେ
 ମର୍ ବାଇକେ କୁଆ ।” ୧୪ ଏଟା ସୁନି ଜିସୁ ତାକେ କଇଲା, “ଏ ମଇତର୍,
 ତମର୍ ବିତ୍‌ରେ ନିଆଇ କରବାକେ ଆରି ଦନ୍‌ସଁପତି ବାଗ୍‌ବାଟା କରିଦେବାକେ
 ମକେ କେ ଅଦିକାର୍ ଦେଲାଆତେ?” ୧୫ ଆରି ଜିସୁ ସେମନ୍‌କେ କଇଲା,
 “ଜାଗ୍‌ରା, ସବୁରକାମର୍ ଲବ୍ କରବାଟାନେଅନି ନିଜେ ନିଜେ ଦୁରେ ରୁଆ ।
 କାଲକେବଇଲେ ଗଟେକ୍ ଲକ୍‌ର ଜିବନ୍‌ଟାନେଅନି ଦନ୍‌ସଁପତି ବତ୍ ବିସଇ
 ନଏ ।” ୧୬ ଆରି ସେ ଲକ୍‌ମନ୍‌କେ ଗଟେକ୍ ଉଦାଅରନ୍ ଦେଇ କଇଲା,
 ଗଟେକ୍ ସାଉକାର୍‌କେ ତାର୍ ଜମିଟାନେଅନି ବେସି ତାସ୍ ପାର୍‌ଲା । ୧୭
 ସେ ଲକ୍ ମନେ ମନେ ବାବ୍‌ନାକରି କଇଲା, “କାହିଁକି କରବି? ମର୍ କାଦି

ଆନି ସଞ୍ଜୁକବାକେ ଜାଗାନାଇ ।” ୧୮ ଆରି ସେ କଇଲା, “ଏନ୍ତାରି କରୁବି, ମରୁ କାଦି ସଞ୍ଜୁକବା ଗରୁ କତି ବାଞ୍ଛୁକକରି ବଡ଼ ବଡ଼ କରି ତିଆରକରୁବି ଆରି ତେଇ ମରୁ ସବୁ କାଦିକଣ୍ଠା ଜାଗରତ୍ କରି ସଞ୍ଜୁକବି । ୧୯ ଆରି ମରୁ ଜିବନ୍ଦେ କଇବି, ର ଜିବନ୍, ତରୁପାଇବଲି ବେସି ବରସରୁ କାଦିକଣ୍ଠା ସଞ୍ଜୁକ ଅଇଲାଆରେ, ପୁଣ୍ଠୁ କାଆ ଆରି ଆରାମ୍‌ସଞ୍ଜୁ ର ।” ୨୦ ମାତରୁ ପରମେସରୁ ତାକେ କଇଲା, “ଏରେ ବକୁଆ ଜଦି ଆଜି ରାତି ପରମେସରୁ ତରୁ ଜିବନ୍ ମାଞ୍ଜୁସି ବଇଲେ, ତୁଇ ତରୁପାଇ ଜେତକି ସଞ୍ଜୁକଆରୁସ୍, ସେ ସବୁ କାର୍‌ଟା ଅଇସି? ୨୧ ଜେ ନିଜରୁପାଇ ଦନ୍ ଜତନ୍ କରି ସଞ୍ଜୁକସି, ସେ ପରମେସରୁ ମୁଆଟେ ସାଉକାରୁ ନଏଁ, ତାରୁପାଇ ଏନ୍ତାରି ଗଟ୍‌ସି ।” ୨୨ ଜିସୁ ନିଜରୁ ସିସ୍‌ମନ୍‌କେ କଇଲା, “ଏଟାରୁପାଇ ମୁଇ ତମ୍‌କେ କଇଲିନି, କାଇଟା କାଇକରି ଜିବନ୍ ବଞ୍ଚାଉ ଆରି ଗାଗତରୁପାଇ କାଇଟା ପିନ୍ଧୁ ବଲି ତିନ୍ତା କରାନାଇ । ୨୩ କାଇକେବଇଲେ କାଦିଟାନେଅନି ଜିବନ୍ ଆରି ବସ୍‌ତରୁଟାନେଅନି ଗାଗତ୍ ଆକା ମୁକିଅ । ୨୪ ତତଇମନରୁ ବିସଇନେଇକରି ବାବିଦେକା, ସେମନ୍ ନ ବୁନତ୍ କି ନ କାଟତ୍, ଆରି ସେମନରୁ ବାଣ୍ଟାରୁଗରୁ କି କାଦି ସଞ୍ଜୁକବା ଆମାରୁ ଗରୁ ନାଇ । ଅଇଲେ ମିସା ମାପୁରୁ ସେମନ୍‌କେ କାଦି ଜାଗାଇଦେଇସି । ତମେ ତତଇମନରୁ ଟାନେଅନି କେତେକ୍ ଅଦିକାରୁ ଲକ୍ । ୨୫ ତମରୁ ବିତ୍‌ରେ ଏନ୍ତାରିଲକ୍ ନ ରଅତ୍, ଜେ କି ତିନ୍ତାକରି ତାରୁ କଣ୍ଠେକ୍ ମିସା ଆଇସ୍ ବଡ଼ାଇ ପାରୁସି । ୨୬ ତେବରୁପାଇ ତମେମନ୍ ଗଟେକ୍ ସାନ୍ ବିସଇ ମିସା କରିନାପାରୁଲାସିନି ବଇଲେ ବଡ଼ ବଡ଼ ବିସଇ କାଇକେ ତିନ୍ତା କଲାସିନି? ୨୭ ପୁଲ୍‌ମନରୁ ବିସଇ ବାବିଦେକା, ସେମନ୍ କେନ୍ତି ପୁର୍‌ଲାଇନି, ସୁଟା ନ କାଟତ୍ କି ଲୁଗା ନ ବୁନତ୍ । ଏଲେମିସା ମୁଇ ତମ୍‌କେ କଇଲିନି, ସବୁଟାନେଅନି ମଆନ୍ ଆରି ଦନି ରାଜା ସଲ୍‌ମନ୍ ମିସା ସେ ପୁଲ୍‌ମନରୁ ବିତ୍‌ରେଅନି ଗଟେକ୍ ପୁଲରୁ ଏତକି ସଜାଇ ନ ଅଇରଇଲା । ୨୮ ଆଜି ଜନ୍ ଗାଁସ୍ ପଦାଇ ଆରେ, କାଲିକେ ସେଟା ରୁଣ୍ଠାଇ ଜଇ ଲାଗାଇବାଇ । ସେଟାକେ ପରମେସରୁ ଏନ୍ତାରି ବେସ୍ ଦେଲାନି ବଇଲେ, ଏ ଅଲପ୍ ବିସ୍‌ବାସ୍ କରୁବା ଲକ୍‌ମନ୍, ସେ ତମ୍‌କେ ପିନ୍ଧୁବାକେ କେତେକ୍ ଅଦିକ୍ ଦେଇସି!” ୨୯ “ଆରି କାଇଟା କାଇବୁ? ବଲି ତିନ୍ତାକରି ଲାଗିରୁଆନାଇ, ୩୦ କାଇକେବଇଲେ ପରମେସରୁକେ ନାଜାନ୍‌ଲା ଲକ୍‌ମନ୍ ଏ ସବୁ ବିସଇ କଜିବୁଲୁବାଇ । ମାତରୁ ଏ ସବୁ ବିସଇ ତମ୍‌କେ ଦରୁକାରୁ, ସେଟା ତମରୁ ବାବା ଜାନିରଇସି । ୩୧ ମୁଇ କଇଲିନି ତମେ

ପରମେସର ସରଗ୍ ରାଇଜ୍ କଜା, ଆରି ଏ ସବୁ ବିସଇ ସେ ତମ୍ବେ ଦେଇସି ।” ୩୨ ଏ ଉନା ମେଣ୍ଟୁରାସି, ତରାନାଇ, କାଇକେବଇଲେ ତମ୍ବେ ବାବା ତମ୍ବେ ତାର୍ ରାଇଜ୍ ଦେବାକେ ମନ୍‌କଲିଆତେ । ୩୩ ତମ୍ବେ ଜନ୍ ଜନ୍‌ଟା ଆତେ, ସେଟା ବିକିଦେଇ ଗରିବ୍‌ମନ୍‌କେ ଦାନ୍ କରା । ଜନ୍‌ଟା କି କେବେ ନ ସାରେ, ନିଜର୍ ନିଜର୍‌ପାଇ ଏନ୍ତୁରି କାଣା ନ ଅଇବା ବେସ୍‌ନି ତିଆର୍କରା । ଜନ୍‌ଟାନେ ଚର୍ ନ ଆସେ କି କିତାମନ୍ ମିସା ନ ନସାଅର୍ । ସର୍ଗେ ଏନ୍ତୁରି ନ ସାର୍‌ବା ଦନ୍ ସଞ୍ଜୁଇରୁଆ । ୩୪ କାଇକେବଇଲେ ଜନ୍‌ଟାନେ ତମ୍ବେ ଦନ୍, ତେଇସେ ତମ୍ବେ ମନ୍ । ୩୫ “ତମ୍ବେ ଆଟର୍ ତୁଆଲ୍ ବାନ୍ତିଅଇ ସେବା କର୍ବାକେ ଜାଗିରୁଆ, ଆରି ବତି ଲାଗ୍‌ତେରଅ । ୩୬ ମାପୁରୁ ବିବା ବଜିଟାନେଅନି ବାଉଡିଆସି କାପାଟେ ବାଜାଉ ବାଜାଉ ଜନ୍‌ଲକ୍‌ମନ୍ ଦାପ୍‌ରେ କାପାଟ୍ ଉଗାଡ୍‌ବାକେ ଜାଗିରଇବାଇ, ତମେ ସେମନର୍‌ପାରା ଅଇରୁଆ । ୩୭ ମାପୁରୁ ଆସି ଜନ୍ ଦାଞ୍ଜୁଡାମନ୍‌କେ ଜାଗ୍‌ରତ୍ ରଇବାଟା ଦେକ୍‌ସି, ସେମନ୍ କେତେ ନିକ କରମର୍ ଲକ୍ । ମୁଇ ତମ୍ବେ ସତ୍ କଇଲିନି, ସେ ନିଜର୍ ଆଁଟାଇ ତୁଆଲ୍ ବାନ୍ତିକରି, ସେମନ୍‌କେ କାଇବାକେ ବସାଇ, ତାକର୍‌ଲଗେ ଜାଇ ସେବାକର୍‌ସି । ୩୮ ଆରି ସେ ଜଦି ମଜାରାତି କି କୁକ୍‌ତାତାକେ ମିସା ଆସି ସେମନ୍‌କେ, ସେନ୍ତୁରି ରଇବାଟା ଦେକ୍‌ସି, ସେନ୍ତୁରୁଆଲେ ସେ ଦାଞ୍ଜୁଡାମନ୍ କେତେ ନିକ କରମର୍ ଲକ୍ । ୩୯ ମାତର୍ ଏଟା ଜାନିରୁଆ, କେତେବେଲେ ଚର୍ ଆଇସି, ଏଟା ଗରର୍ ସାଉକାର୍ ଜେବେ ଜାନ୍‌ସି, ସେନ୍ତୁରୁଆଲେ ସେ ନିଜର୍ ଗରର୍ ପେଡି ବାଞ୍ଜୁଇବାକେ ନ ଦେଏ । ୪୦ ତମେ ମିସା ଜାଗ୍‌ରତ୍‌ଅଇ ରୁଆ, କାଇକେବଇଲେ, କେବେ ତମେ ବାବି ନ ରୁଆସ୍, ସେ ବେଲେ ପରମେସର୍ ପାଟାଇରଇବା ନର୍‌ପିଲା ମୁଇ ଆଇବି ।” ୪୧ ସେଟାସୁନି ପିତର୍ କଇଲା, “ଏ ମାପୁରୁ ତମେ ଆମ୍‌କେସେ କି ସବୁଲକ୍‌କେ ଏନ୍ତୁରି କାତା ଦେକାଇ କଇଲାସୁନି?” ୪୨ ଜିସୁ କଇଲା, “ବିସ୍‌ବାସେ ରଇବା ଲକ୍ ଆରି ବୁଦିମାନ୍ ଲକ୍ କେ ଆତର୍? ତାକେ ସେ ସାଉକାର୍ ଗର୍ ଚାଲାଇବା ଦାଇତ୍ ଦେଇସି । ସେ ସମାନ୍ ବେଲାଇ ବିନ୍ ଦାଞ୍ଜୁଡାମନ୍‌କେ କାଦି ଜାଗାଇ ଦେଇସି । ୪୩ ସାଉକାର୍ ଆସି, ତାର୍ ନିଜର୍ ଦାଞ୍ଜୁଡା ଏନ୍ତୁର୍ କର୍ବାଟା ଦେକ୍‌ସି ବଇଲେ ସେ କେତେ ନିକ କରମର୍ ଲକ୍ । ୪୪ ମୁଇ ତମ୍ବେ ସତ୍ କଇଲିନି, ସେ ତାକେ ନିଜର୍ ସବୁର୍ ଉପ୍‌ରେ ଅଦିକାର୍ ଦେଇସି । ୪୫ ଜଦି ସେ ଦାଞ୍ଜୁଡା, ମର୍ ସାଉକାର୍ ଆଇବାଟା ଅଲ୍‌ସମ୍ ଅଇସି ବଲି ମନେକରି, ମାତୁଆଲ୍ ଅଇ ବିନ୍

ଦାଢ଼ୁଡ଼ାମନ୍କେ ଲାଗ୍ମାର୍ କର୍ବାର୍ ଆରାମ୍ କର୍ସି, ୪୭ ସେନ୍ତୁରାଆଲେ
 ଜନ୍ ଦିନେ ସେ ଜାଗି ନ ରଏ, ଆରି ସେ କେଡେବେଲେ ଆଇବାଟା ଜାନି
 ନ ରଏ, ସେ ସାଉକାର୍ ଆସି ତାକେ ବେସି ବଡ଼ ତଣ୍ଡୁ ଦେଇସି । ଆରି
 ବିସ୍ବାସ୍ ନ କର୍ବା ଲକର୍ ସଢ଼ୁ ମିସାଇ ଦେଇସି ।” ୪୬ “ଆରି ଜନ୍ ଦାଢ଼ୁଡ଼ା
 ନିଜର୍ ସାଉକାର୍ ମନ୍ ଜାନିକରି ଜାଗରତ୍ ନ ଅଇରଏ, କି ସାଉକାର୍ ମନ୍
 ମନ୍କଲା ଇସାବେ ପାଇଟି ନ କରେ, ତାକେ କର୍ଡା ସଢ଼ୁ ଅପର୍ବଲ୍ ମାଡ଼
 ଅଇସି । ୪୮ ମାତର୍ ଜେ ତାର୍ ମନ୍କଲାଟା ନାଜାନିକରି, ତଣ୍ଡୁମିଲ୍ବା
 କାମ୍ କର୍ବାର୍ ଦାର୍ସି, ତାକେ ଅଲପ୍ ମାଡ଼ ଅଇସି । ଜନ୍ ଲକ୍କେ ଅଦିକ୍
 ଦିଆଅଇରଇସି, ତାକେ ଅଦିକ୍ ଦାବି କରାଅଇସି । ଆରି ଲକ୍ମନ୍ ତାକେ
 ଜାର୍ଲଗେ ଅଦିକ୍ ସର୍ପି ଦେଲାଆତର୍, ଅଦିକ୍ ଅଦିକ୍ ଦାବି କର୍ବାଇ
 ।” ୪୯ ଜିସୁ କଇଲା, “ମୁଇ ଏ ଦୁନିଆଇ ଜଇ ଲାଗାଇବାର୍ ଆଇଲିଆଟି ।
 ସେଟା ଜଦି ଲାଗ୍ବାକେ ଆରାମ୍ ଅଇଲାନି, ସେନ୍ତୁରାଆଲେ ମୁଇ ମନ୍କଲାଟା
 ପୁରାପୁରୁନ୍ ଅଇଗାଲାବେ । ୫୦ ମାତର୍ ମକେ ଆରି ଗଟେକ୍ ତୁବନେ ତୁବନ୍
 ନେବାକେ ପଡ଼ସି, ଆରି ସେଟା ନ ସାର୍ବାଜାକ, ମର୍ ମନ୍ବିତ୍ରେ କେନ୍ତି
 କସ୍ଟ ଲାଗ୍ଲାନି । ୫୧ ଜଗତେ ସାନ୍ତି ଦେବାକେ ଆସିଆଟେ ବଲି ତମେ
 କାଇ ମକେ ବାବ୍ଲାସ୍ନି କି? ନାଇ ମୁଇ ସାନ୍ତି ଆନ୍ବାକେ ନାଇ, ମାତର୍
 ବିଚାର୍ନା କର୍ବାକେ ଆସିଆଟି । ୫୨ ଏବେଅନି ଗଟେକ୍ ଗରେ ପାର୍ ଲକ୍
 ରଇଲେ, ଦୁଇଲକର୍ ବିରୁଦେ ତିନ୍ଲକ୍ ଆରି ତିନ୍ଲକର୍ ବିତ୍ରେ ଦୁଇ ଲକ୍
 ବାଗ୍ ଅଇବାଇ । ୫୩ ପଅର୍ ବିରୁଦେ ବାବା, ବାବାର୍ ବିରୁଦେ ପଅ, ଜିଇର୍
 ବିରୁଦେ ମା, ମାଆର୍ ବିରୁଦେ ଜିଇ, ବୁଆରିର୍ ବିରୁଦେ ସାତ୍ରି, ସାତ୍ରିର୍
 ବିରୁଦେ ବୁଆରି ବିନେ ଅଇବାଇ ।” ୫୪ ଆରି ଜିସୁ ଲକ୍ମନ୍କେ କଇଲା,
 “ବୁଡ଼ି ଦିଗେ ବାଦଲ୍ ଚର୍ବାଟା ଦେକ୍ଲେ, ପାନି ଆଇସିବେ ବଲି କଇସା
 । ଆରି ସେନ୍ତୁରି ସେ ଅଇସି । ୫୫ ଆରି ଦକିଣ୍ଡିଗ୍ ବାଟେଅନି ପବନ୍
 ମାର୍ବାଟା ଜାନ୍ଲେ କାରା ଅଇସି ବଲି କଇସା । ଆରି ସେଟା ସେନ୍ତୁରି
 ଅଇସି । ୫୬ ଏ କୁଟିଆଲ୍ମନ୍, ତମେ ଜଗତର୍ ଆରି ସରଗର୍ କାତା ଜାନି
 ପାଗ୍ କେନ୍ତି ଅଇସି ବଲି ଆଗ୍ତୁ କଇଲାସ୍ନି, ମାତର୍ ଏବେ କାଇଟା ଗର୍ସି,
 ସେଟା କାଇକେ ନାଜାନ୍ଲାସ୍ନି?” ୫୭ “ଆରି ନିଜେ ନିଜେ କାଇକେ ଟିକ୍
 ବିଚାର୍ କରାସ୍ ନାଇ? ୫୮ ଜଦି ତମର୍ ବିରଦିସଢ଼ୁ ବିଚାର୍କାରିଆରଲଗେ
 ଗାଲାସ୍ନି, ମଜାବାଟେ ତାର୍ସଢ଼ୁ ବୁଜାମାନା ଅଇବାକେ ଚେସ୍ଟା କରା ।

ନଇଲେ କେତେବେଳେ ସେ ତମ୍ଭେ ବିଚାରକାରିଆର୍ ଟାନେ ଜିକିନେଇସି,
ବିଚାରକାରିଆ ସନିଅମନର୍ ଆତେ ସର୍ପିଦେଇସି, ସନିଅମନ୍ ତମ୍ଭେ ବନ୍ଦି
ଗରେ ନେଇ ପୁରାଇଦେବାଇ ।” ୫୯ ମୁଇ ତମ୍ଭେ କଇଲିନି, “କେନ୍ଦ୍ରିକଲେ
ମିସା ସବୁ ତାରୁ ନ ସୁଜ୍‌ବାଜାକ ସେ ଜାଗାଇଅନି ବାରଇ ଆସିନାପାରାସ୍ ।”

୧୩ ଗାଲିଲିଅନି କେତେ ଲକ୍ ଆସି ପାର୍ତନା ଗରେ ବଲି
ଦେଇତେରଇଲାବେଳେ ପିଲାଟ୍ ତାର୍ ସଇନମନ୍‌କେ ପାଟାଇ ଗାଲିଲିଅ
ମନ୍‌କେ ମରାଇଲା । ତେଇ ମଲାଲକର୍ ବନି ପୁଜ୍‌ଲା ପସୁର୍ ବନି ସଞ୍ଜୁ
ମିସ୍‌ଲା । ଏ ବିସଇ କେତେଲକ୍ ଆସି ଜିସୁକେ ଜାନାଇଲାଇ । ୨ ତେଇ ଜିସୁ
ସେମନ୍‌କେ କଇଲା, “ଏ ସବୁ କସ୍‌ଟ ପାଇବାକେ, ଏ ଗାଲିଲିୟମନ୍ ବିନ୍ ସବୁ
ଗାଲିଲିୟମନର୍ ଟାନେଅନି ଅଦିକ୍ ପାପ୍ କଲାଇ ଆତର୍ ବଲି ବାବ୍‌ଲାସ୍‌ନି
କି? ୩ ମୁଇ ତମ୍ଭେ କଇଲିନି, ଜେତେବେଳେ ଜାକ ପାପେଅନି ମନ୍ ନ
ବାବ୍‌ଲାଆସ୍, ତମେ ସବୁ ଲକ୍ ସେନ୍ଦ୍ରି କୁରୁପ୍‌ନାସ୍ ଅଇଜାଇସା । ୪ ନଇଲେ
ସିଲଅତେଇ ରଇଲା ଜନ୍ ଅଟ୍‌ର ଲକର୍ ଉପରେ ବଡ୍ ଗର୍ ଅଦ୍‌ରି ମରିଜାଇ
ରଇଲା, ସେମନ୍ ତେବେ? ତମେ ସେମନ୍‌କେ ଜିରୁସାଲାମର୍ ବିନ୍ ଲକ୍‌ମନର୍
ଟାନେଅନି ଅଦିକ୍ ପାପ୍ କଲାଇ ଆତର୍ ବଲି ବାବ୍‌ଲାସ୍‌ନି କି? ୫ ନାଇ, ମୁଇ
ତମ୍ଭେ କଇଲିନି, ପାପେଅନି ମନ୍ ନ ବାବ୍‌ଲାଲେ ତମେସବୁ ଲକ୍ ସେନ୍ଦ୍ରି
କୁରୁପ୍‌ନାସ୍ ଅଇଜାଇସା ।” ୬ ଆରି ଜିସୁ ଏ କାତାନି କଇଲା, ଗଟେକ୍ ଲକର୍
ଅଞ୍ଜୁର୍ ବାତେ ଗଟେକ୍ ତୁମ୍‌ରି ଗର୍ ରପିରଇଲା । ସେ ସାଉକାର୍ ଆସି ତେଇ
ପଲ୍ କଜ୍‌ଲା, ମାତର୍ ମିଲେନାଇ । ୭ ସେଟାର୍‌ପାଇ ସାଉକାର୍ ଅଞ୍ଜୁର୍ ବାତର୍
ଜାଗୁଆଲ୍‌କେ କଇଲା, “ଦେକା, ଏଟା ତିନ୍ ବରସ୍ ଅଇଲା ମୁଇ ଆସି ଏ
ତୁମ୍‌ରି ଗଟେ ପଲ୍ କଜ୍‌ଲିନି ମାତର୍ ମିଲାଇ ନାଇ, ଏଟା କାଟି ପାକା । ଏଟା
କାଇକେ ବେକାର୍ ମାଟିକେ ମିସା କାରାପ୍ କର୍‌ସି?” ୮ ମାତର୍ ଜାଗୁଆଲ୍
ସାଉକାର୍‌କେ କଇଲା, “ସାଉକାର୍ ଏଟାକେ ବର୍‌ସେକ୍ ମିସା ଚାଡିଦେଉଁ, ମୁଇ
ଏ ବିତ୍‌ରେ ଗତର୍ ଚାରିବେଡ୍‌ତି କୁନିକରି କଡ୍ ଦେବି, ୯ ତାର୍ ପତେ ଜଦି
ପଲ୍ ଦାର୍‌ଲେଟା ନିକ, ନଇଲେ ତାକେ କାଟି ପାକାଉଁ ।” ୧୦ ତରେକ୍ ଜିସୁ
ବିସ୍‌ରାମ୍‌ବାରେ ଗଟେକ୍ ପାର୍ତନା ଗରେ ସିକିଆ ଦେଇତେରଇଲା । ୧୧
ତେଇ ଗଟେକ୍ ମାଇଜି ରଇଲା । ତାକେ ତୁମା ଦାରି ଅଟ୍‌ର ବରସ୍ ଜାକ କୁବ୍‌ତି
ଅଇରଇଲା । ସେ ବିଲ୍‌କୁଲ୍ ସିଦା ଅଇ ଇଶ୍ଟି ନାପାର୍‌ତେ ରଇଲା । ୧୨ ଜିସୁ
ତାକେ ଦେକି ଲଗେ ଡାକି କଇଲା, “ଏ ନିନି ତକେ ମୁଇ, ଏ କୁବ୍‌ତି ରଗେଅନି

ନିକ କଲିନି ।” ୧୩ ଜିସୁ ସେ ମାଇଜିର୍ ଉପରେ ଆଡ଼ ସଞ୍ଜୁଲିଲା । ସେ ମାଇଜି ସେ ଦାପ୍ରେସେ ସଲକ୍ ଅଇ ପର୍ମେସର୍କେ ମଇମା କର୍ବାର୍ ଲାଗିଲା । ୧୪ ଜିସୁ ବିସ୍ତ୍ରାମ୍‌ଦିନେ ସେ ମାଇଜିକେ ନିକ କଲିଟା ଦେକି ଜିଉଦିମନର୍ ପାର୍ତନା ଗରର୍ ମୁକିଆ ବେସି ରିସା ଅଇଗାଲାଇ । କାଇକେ ବଇଲେ ଲକ୍‌ମନ୍‌କେ ନିକ କର୍ବାଟା ଗଟେକ୍ କାମ୍ ବଲି ଜିଉଦି ଲକ୍‌ମନ୍ ବାବ୍‌ତେ ରଇଲାଇ । ସେଟାର୍ ପାଇ ପାର୍ତନା ଗରର୍ ମୁକିଆ କଇଲା, “ଗଟେକ୍ ଆଟେ କାମ୍ କର୍ବାକେ ତଅ ଦିନ୍ ଆଟେ, ସେ ଦିନ୍ ମନ୍‌କେ ତମେ ନିକ ଅଇବାକେ ଆସା । ମାତର୍ ବିସ୍ତ୍ରାମ୍‌ବାରେ ନିକ ଅଇବାକେ କେବେ ମିସା ଆସାନାଇ ।” ୧୫ ମାତର୍ ଜିସୁ ତାକେ ଆରି ତେଇ ରଇଲା ଲକ୍‌ମନ୍‌କେ କଇଲା, “ଏ କୁଟିଆଲ୍‌ମନ୍! ତମେ ତମର୍ ଗରୁମନ୍‌କେ ମେଲି ପାନି କୁଆଇବାକେ ନିଆସ୍ ନାଇ କି? ସେଟା ମିସା ଗଟେକ୍ କାମ୍‌ସେ ।” ୧୬ “ମୁଇ ତାକେ ନିକ କଲି ଆଡି । ଏ ମାଇଜି ଅବ୍ରାଆମର୍ କୁରୁମର୍ ଲକ୍ । ସଇତାନ୍ ତାକେ ଅବ୍‌ର ବରସ୍ ଜାକ ଦାରି ରଇଲା । ସେ ମାଇଜି ବିସ୍ତ୍ରାମ୍ ବାରେ ନିକ ଅଇବାଟା ଟିକ୍ ନଏଁ କି?” ୧୭ ଜିସୁ କଇଲା କାତା ସୁନି ତାର୍ ବିରଦି ଲକ୍‌ମନ୍ ଲାଜ୍ ଅଇଲାଇ । ମାତର୍ ବିନ୍ ଲକ୍‌ମନ୍ ସେ କର୍ବା ସବୁ କାବାଅଇଜିବା କାମ୍ ଦେକି ସାର୍‌ଦା ଅଇଗାଲାଇ । ୧୮ ତାର୍ ପଟେ ଜିସୁ କଇଲା, “ପର୍ମେସରର୍ ରାଇଜ୍ କେନ୍ଦ୍ରାଟା, ଆରି ମୁଇ କାଇଟା ସଞ୍ଜୁ ସେଟା ସମାନ୍ କର୍ବି? ୧୯ ପର୍ମେସରର୍ ରାଇଜ୍ ଗଟେକ୍ ବଡ଼ ବର୍ ଗଟର୍ ସାନ୍‌ଟା ମୁଞ୍ଜି ପାରା । ଗଟେକ୍ ଲକ୍ ଗଟେକ୍ ସାନ୍‌ଟା ମୁଞ୍ଜି ରପିଦେଲା । ସେ ମୁଞ୍ଜି ତେଇ ଗାଜା ଅଇ ବଡ଼ ଗର୍‌ପାରା ଅଇଲା ଆରି ଚଡ଼ଇମନ୍ ଆସି ତାର୍ କେନ୍ଦ୍ରାଇ ଗୁଡା ବାନ୍ଧୁଲାଇ ।” ୨୦ ଜିସୁ ଆରି କଇଲା, “ପର୍ମେସରର୍ ରାଇଜ୍ କେନ୍ଦ୍ରାଟା ଆରି କାଇଟା ସଞ୍ଜୁ ସମାନ୍ କରିଅଇସି?” ୨୧ ସେଟା କମିର୍ ପାରା । ଜନ୍‌ଟା କି ଗଟେକ୍ ମାଇଜି ମାନେକ୍ ଗୁଣ୍ଡାଟାନେ କଣ୍ଟେକ୍ କମିର୍ ପାକାଇ ଚକଟ୍‌ଲା ଆରି ସାରାସାରି ସେ କମିର୍, ଗୁଲାଇ ଗୁଣ୍ଡା ଆମଟ୍ କରିଦେଲା । ୨୨ ତାର୍ ପଟେ ଜିସୁ ତାର୍ ସିସ୍‌ମନ୍ ସଞ୍ଜୁ ଜିରୁସାଲମେ ଗାଲାବେଲେ ଗାଉଁମନ୍‌କେ ଆରି ଗଡ଼ମନ୍‌କେ ପର୍ମେସରର୍ ରାଇଜର୍ ବିସଇ ସିକାଇ ଦେଲା । ୨୩ ସେବେଲେ ଲକ୍‌ମନ୍‌ବିତ୍ରେଅନି ଗଟେକ୍ ଲକ୍ ଜିସୁକେ କଇଲା, “ଏ ମାପୁରୁ, ଉନା ଲକ୍‌ମନ୍‌ସ ପାପେ ଅନି ରକିଆ ପାଇବାଇ କି?” ଜିସୁ ସେମନ୍‌କେ କଇଲା, ୨୪ “ତିପୁଢ଼ି ଦୁଆର୍ ବାଟେ ପୁର୍ବାକେ ଚେସ୍‌ଟା କରା । କାଇକେ ବଇଲେ

ବେସି ଲକ୍ମନ୍ ସେ ଚିପୁଢ଼ିବାଟ୍‌ଦେଇ ଜିବାକେ ଚେସ୍‌ଟା କରୁବାଇ ମାତର
 ଜାଇ ନାପାରତ୍ । ୨୫ ମୁଇ ଗଟେକ୍ ଗରର ସାଉକାର୍ ପାରା । ଜେଡେବଲ୍
 ସେ ସାଉକାର୍ କାପାଟ୍ ଡାକି ଦେଇସି । ସେଡକି ବେଲେ ତମେ ଦୁଆରେ
 ଚିଆ ଅଇ ରଇସା ଆରି କାପାଟ୍ ଡକ୍ ଡକ୍ କରି ଏ ମାପୁରୁ ଆମର୍ ପାଇ
 କାପାଟ୍ ଉଗାଡା! ବଲି ଜୁଆର୍ ବିଆର୍ କରସା । ମାତର ସେ କାପାଟ୍ ନ
 ଉଗାଡି ସେମନ୍‌କେ କଇସି, ‘ତମେ କନ୍‌ଡିଅନି?’ ମୁଇ ତମ୍‌କେ ମୁଲ୍‌କେ
 ନାଜାନି । ୨୬ ମାତର ତମେ କଇସା ‘ଏ ମାପୁରୁ ଆମେ ତମର୍ ସଢ଼୍ଠୁ କାଇପିଇ
 ଅଇରଇଲୁ, ତୁଇ ଆମର୍ ଦୁଆର୍ ମନ୍‌କେ ସିକିଆ ଦେଇଡେରଇଲୁସ୍ ବଲି
 କଇସା’ ୨୭ ଆରି ସେ ତମ୍‌କେ କଇସି, ତମେ କନ୍ ଜାଗାର୍ ଲକ୍ମନ୍ ମୁଇ
 ତମ୍‌କେ ମୁଲ୍‌କେ ନାଜାନି, ଏ କରାପ୍ କାମ୍ କରୁବା ଲକ୍ମନ୍, ‘ତମେ ସବୁ ମର୍
 ମୁଆଟେ ଅନି ଉଟି ଜା ।’ ୨୮ ଆରି ସେ ତମ୍‌କେ ପାଟାଇଦେବା ଜାଗାଇଅନି
 ଅବ୍ରାଆମ୍ ଇସାକ୍, ଜାକୁବ୍, ଆରି ପର୍ମେସରର୍ ଟାନେଅନି ଆସି ରଇଲା
 ବବିସଡ୍ ବକ୍‌ତାମନ୍ ରଇବାଟା ଦେକ୍‌ସା । ମାତର ପର୍ମେସରର୍ ତାର୍ ରାଇଜେ
 ତମ୍‌କେ ଜାଗା ନ ଦେଏ । ଜେଡେବଲ୍ ଏଟା ଅଇସି, ସେ ବେଲା ସେଟା ଦେକି,
 ତମେ କାଇକାଇ କାରାପ୍ କାମ୍‌ମନ୍ କରି ରଇଲାସ୍ ସେଟା ସବୁ ଏତାଇ କରି
 ମାରିତପିଅଇ କାନୁସା ଆରି ଦାଡ୍ ମୁଣ୍ଟୁ କାଡ୍‌ରି ଅଇସା । ୨୯ ଆରି ଜିଉଦି
 ନଇଲା ଲକ୍ମନ୍ ଏ ଦୁନିଆର୍ ସବୁ କନ୍‌ଟିକନ୍‌ଟି ଅନି ଆସି ପର୍ମେସରର୍
 ରାଇଜେ କାଇବାକେ ବସ୍‌ବାଇ । ୩୦ ଆରି ଦେକା, ସାରାସାରି ରଇଲା
 ଲକ୍ ଆଗୁରୁ ଅଇବାଇ ଆରି ଆଗୁରୁ ରଇବା ଲକ୍ମନ୍ ପଡେ ଅଇଜିବାଇ
 ।” ୩୧ ସେଡକିବେଲେ କେଡେଟା ପାରୁସି ଲକ୍ମନ୍ ଜିସୁର୍ ଲଗେ ଆସି
 କଇଲା, “ତମେ ଏ ଜାଗା ଚାଡି ଉଟି ଜା, କାଇକେ ବଇଲେ ଏରଡ୍ ତମ୍‌କେ
 ମରାଇବାକେ ମନ୍ କଲାନି ।” ୩୨ ଜିସୁ ସେମନ୍‌କେ କଇଲା, “ତମେ ଜାଇ ସେ
 କଲିଆପାରା ଲକ୍‌କେ କୁଆ, ଦେକ୍ ଆଜି ଆରି କାଲି ମୁଇ ତୁମା ଚାଡାଇଲିନି
 ଆରି ନିକ କଲିନି । ଆରି ପର୍ଦିନ୍‌କେ ମୁଇ ମର୍ କାବା ଅଇଜିବା କାମ୍‌କଲିନି ।
 ପର୍ମେସରର୍ ଜନ୍‌ନାଇ ରଇଲା ବେଲା କେଟ୍‌ବା ଆଗୁରୁ ମୁଇ ଏନ୍ତି କାମ୍ କରି
 ସାରାଇବି । ୩୩ କାଇଟା ମିସା ଅ, ମୁଇ ଆଜି, କାଲିକେ ଆରି ପର୍ଦିନ୍‌କେ
 ଜାଇଡେ ରଇବାର୍ ଆଡେ, କାଇକେ ବଇଲେ ପର୍ମେସରର୍ ଟାନେଅନି
 ଆଇଲା ସବୁ ବବିସଡ୍‌ବକ୍‌ତାମନ୍‌କେ ଜିରୁସାଲାମେସେ ମରାଇଆଡ୍ ।”
 ୩୪ ଜିସୁ କଇଲା, “ଏ ଜିରୁସାଲମର୍ ଲକ୍ମନ୍! ପର୍ମେସରର୍ ତମର୍‌ଟାନେ

ଜେଡ଼ି ପାଟାଲରଇଲା ବବିସତ୍‌ବକ୍ତାମନ୍‌କେ ମାରି ମରାଇଲାସ୍! ଆରି
 ପେରିଡ଼ମନ୍‌କେ ତରକେ ତର ପାକ୍‌ନା ମାରି ମରାଇଲାସ୍ । ତେବେ ତମର୍‌ପାଇ
 ମର୍ ଲଗେ ଗଟେକ୍ କାତା ଆତେ । ମାଇ କୁକୁଡ଼ା ଜେନ୍ତି ତାର୍ ଚିଅଁମନ୍‌କେ
 ତେନା ତଲେ ରୁଣ୍ଡାଇସି, ମୁଇ ସେନ୍ତି କେତେ ତର ତମ୍‌କେ ରକିଆ କର୍ବାକେ
 ମନ୍ କଲି । ମାତର୍ ସେନ୍ତି କର୍ବାକେ ତମେ ନ ଦିଆସ୍ । ୩୫ ଦେକା, ତମର୍
 ମନ୍ତୁର୍ ଚାଡ଼ିଦେଇ ଆତର୍ । ସେଟାର୍ ପାଇ ପର୍‌ମେସର୍ ଏବେ ତମ୍‌କେ
 ‘ପାର୍‌ତନା ଗର୍ ଆରି ତମର୍ ଗର୍ ନିଜେ ରକିଆ କରା’ ବଲି ଚାଡ଼ି ଦେଲାଆତେ
 । ମୁଇ ତମ୍‌କେ କଲଲିନି, ପର୍‌ମେସର୍ ଜନ୍ ଲକ୍‌କେ ଆସିର୍‌ବାଦ୍ କରି ଆମର୍
 ଲଗେ ପାଟାଲଆତେ ବଲି ମର୍ ବିସଇ ନେଇ, ତମେ ନ କଇବାଜାକ ମକେ
 ଦେକିନାପାରାସ୍ ।”

୧୪ ତରେକ୍ ଜିସୁ ବିସ୍ରାମ୍‌ବାରେ ବଜି କାଇବାକେ ଗଟେକ୍ ପାରୁସି
 ନେତାର୍ ଗରେ ଗାଲା । ଆରି ସେମନ୍ ଜିସୁକେ କାଇଆଲେ ବୁଲ୍ ଦାର୍‌ବାକେ
 ଆଁକିମରାଇ ଦେକ୍‌ତେ ରଇଲାଇ । ୨ ତେଇ ଜିସୁ ତାର୍ ମୁଆଟେ ଗଟେକ୍
 ପୁଲାରଗ୍ ଅଇରଇଲା ଲକ୍‌କେ ଦେକ୍‌ଲା । ୩ ତାର୍ ପତେ ଜିସୁ ସେ ପାରୁସି
 ଆରି ମସାର୍ ନିୟ୍‌ମ୍ ସିକାଇଦେବା ଲକ୍‌ମନ୍‌କେ ପାଚାରୁଲା । “ମସାର୍
 ନିୟ୍‌ମ୍ ଇସାବେ ବିସ୍ରାମ୍‌ବାରେ ଗଟେକ୍ ରଗ୍ ଅଇଲା ଲକ୍‌କେ ନିକ କର୍ବା
 ବିଦି ଆତେ କି ନାଇ?” ୪ ମାତର୍ ସେମନ୍ କାଇଟାବଲି ମିସା ନ କଇ
 ରୁପ୍‌ପାଅ ରଇଲାଇ । ସେଟାର୍ ପାଇ ଜିସୁ ସେ ରଗିକେ ଚିଲିଆ ଆରି
 ନିକ କରି ପାଟାଲ ଦେଲା । ୫ ତାର୍ ପତେ ଜିସୁ ସେମନ୍‌କେ ପାଚାରୁଲା,
 “ବିସ୍ରାମ୍‌ବାରେ ତମର୍ ବିତ୍‌ରେଅନି ଗଟେକ୍ କାର୍‌ଆଲେ ନିଜର୍ ପିଲା
 ନଇଲେ ଗଟେକ୍ ଗରୁ କୁଇସାଲେ ଅଦ୍‌ରି ରଇଲେ ତାକେ ଦାପ୍‌ରେ ଜିକି ନ
 ଆନାସ୍ କି?” ୬ ଏତର୍ ମିସା ସେମନ୍ ଏ କାତାର୍ ଉତର୍ ଦେଇ ନାପାରୁଲାଇ
 । ୭ ଆରି ତେଇ କାଇବାର୍ ଆସି ରଇଲା ଲକ୍‌ମନ୍ ନିଜର୍ ନିଜର୍ ପାଇ
 ମୁକିଅ ଜାଗା ବାଟି ରଇଲାଇ । ସେଟା ଜିସୁ ଦେକି କରି ସେମନ୍‌କେ ଏ
 ଉଦାଅରନ୍ ଦେଇ କଇଲା, ୮ “ଜେଡେବେଲା ତମ୍‌କେ କାର୍‌ଆଲେ ବିବାଗରେ
 ଜିବାକେ ଡାକ୍‌ବାଇ, ସେବେଲା ମୁକିଅ ଲକ୍‌ମନ୍ ବସ୍‌ବା ଜାଗାଇ ଜାଇ
 ବସାନାଇ । କାଇକେ ବଇଲେ ସେମନ୍ ତମର୍‌ତେଇଅନି ବଡ଼ ଲକ୍‌କେ ମିସା
 ବିବାଟାନେ ଜିବାକେ ଡାକି ରଇବାଇ । ୯ କେ ତମ୍‌କେ ଆରି ବଡ଼ ଲକ୍‌କେ
 ଡାକ୍‌ଲା ଆତେ ସେ ଆସିକରି ତମ୍‌କେ କଇସି, ‘ଆକେ ଏ ନିକ ଜାଗା ଦେସ୍’

ବଲି । ତେଜ ତମେ ଉଟି ମୁକ୍ତିଅ ନଇଲା ଜାଗାଇ ଜାଇ ବସ୍‌ବାର୍ ଆଚେ
 । ସେବେଲା ତମ୍ଭେ ବେସି ଲାଜ୍ ଲାଗ୍‌ସି । ୧୦ ମାତର୍ ଜେତେବଲ୍
 ତମ୍ଭେ ତାକ୍‌ବାଇ, ସେତ୍‌କିବେଲେ ତମେ ଜାଇ ମୁକ୍ତିଅ ନଇଲା ଜାଗାଇ
 ବସା । ସେବେଲା ତକେ ତାକ୍‌ଲା ଲକ୍ ଆସି କଇସି, ‘ଏ ମଇତର୍ ତୁଇ
 କାଇକେ ଇତି ବସିଆରୁସ୍? ଆଉ ଏ ନିମାନ୍ ଜାଗାଇ ବସ୍’ । ସେବେଲା
 ତମର୍ ସଞ୍ଜ୍ ବସ୍‌ଲା ସବୁ ଲକ୍‌ମନର୍ ମୁଆଟେଅନି ତାକିନେଇ ନିକ ଜାଗାଇ
 ବସାଇ ଦେଇସି । ଆରି ସବୁ ଲକ୍‌ମ୍ ମୁଆଟେ ତମେ ସନ୍‌ମାନ୍ ପାଇସା । ୧୧
 କେ ନିଜ୍‌କେ ବଡ୍ ଲକ୍ ବଲି ବାବ୍‌ଲାନି ତାକେ ପର୍‌ମେସର୍ ସାନ୍ କରାଇସି ।
 ଆରି କେ ନିଜ୍‌କେ ସାନ୍ ଲକ୍ ବଲି ବାବ୍‌ସି ତାକେ ପର୍‌ମେସର୍ ବଡ୍ କରାଇସି
 ।” ବଲି କଇଲା । ୧୨ ତାର୍‌ପତେ ଜିସୁ ବଜିତେଇ ତାକ୍‌ଲା ଲକ୍‌କେ କଇଲା,
 “ତୁଇ ଲକ୍‌ମନ୍‌କେ ବଜିତେଇ ତାକ୍‌ବା ବେଲାଇ ତର୍ ମଇତର୍‌ମନ୍‌କେ,
 ବାଇମନ୍‌କେ, ନିଜର୍ ଲକ୍‌ମନ୍‌କେ ଆରି ସାଉକାର୍ ଲକ୍‌ମନ୍‌କେ ତାକ୍ ନାଇ ।
 କାଇକେବଇଲେ ସେମନ୍ କେତେବଲ୍ ମିସା ତକେ ତାକିକରି ତୁଇ ଦେଲାପାରା
 ବଜି ବାଉତାଇ ଦେଇପାରତ୍ । ୧୩ ତେବେ ତୁଇ ବଜି କଲେ ଗରିବ୍, କାଶା,
 ତଟା ଆରି ତେରେଞ୍ଜୁରଗି ଏନ୍ତାରି ଲକ୍‌ମନ୍‌କେ ତାକି ଦେସ୍ । ୧୪ ସେନ୍ତି
 କଲେ ପର୍‌ମେସର୍ ତକେ ଆସିର୍‌ବାଦ୍ କର୍‌ସି । କାଇକେ ବଇଲେ ଏନ୍ତାରି
 ଲକ୍‌ମନ୍ ତୁଇ ଦେଲା ବଜି ବାଉତାଇ ଦେଇ ନାପାରତ୍ । ପର୍‌ମେସର୍ ଦରମ୍
 ଲକ୍‌ମନ୍‌କେ ମଲାଟାନେଅନି ଉଟାଇଲା ବେଲେ ତକେ ପୁରୁସ୍‌କାର୍ ମିଲ୍‌ସି
 ।” ୧୫ ଜିସୁ କଇଲା ବିସଇ ସୁନିକରି ତାର୍ ସଞ୍ଜ୍ ବଜିତେଇ କାଇବାକେ
 ବସି ରଇଲା ଲକ୍‌ମନର୍ ବିତ୍‌ରେଅନି ଗଟେକ୍ ଲକ୍ କଇଲା, “କେ କେ
 ପର୍‌ମେସର୍ ରାଇଜେ ତାର୍ ସଞ୍ଜ୍ ବଜି କାଇବାକେ ବସ୍‌ବାଇ, ସେଟା
 ତାକର୍ ପାଇ ଗଟେକ୍ ବଡ୍ ଆସିର୍‌ବାଦ୍ ।” ୧୬ ଜିସୁ ସେ ଲକ୍‌କେ କଇଲା,
 “ତରେକ୍ ଗଟେକ୍ ଲକ୍ ବେସି ବଡ୍ ବଜି କଲା ।” ସେ ବଜିତେଇ ବେସି
 ଗତିଆମନ୍‌କେ ତାକି ରଇଲା । ୧୭ ଆରି ରାନ୍ତୁବାଟା ଚିକ୍ ଅଇଲା ପତେ
 ସାଉକାର୍ ତାର୍ ଗତିଦାଞ୍ଜୁତାକେ ତାକି କଇଲା, “ମୁଇ ବଜିର୍ ପାଇ ତାକ୍‌ଲା
 ଲକ୍‌କେ ଜାଇ କଅ, କାଇବାଟା ଅଇଗାଲାବେ କାଇବାକେ ଆସତ୍ ।” ୧୮
 ମାତର୍ ଲକ୍‌ମନ୍ ଗଟେକ୍ ରକାମ୍ କଇଲା, “ମକେ କାମ୍ ଆଚେ, ନ ଆସୁ”
 ବଲି । ଗଟେକ୍ ଲକ୍ କଇଲା “ମୁଇ ନୁଆ ବେଡା ଗେନ୍‌ଲି ଆଚି ସେ ବେଡା
 ଦେକ୍‌ବାକେ ଜିବି । ଆସି ନାପାରି, ଦୟାକରି ତର୍ ସାଉକାର୍‌କେ ଅଲପ୍

କଇଦେସ୍ ।” ୧୯ ଆରି ଗଟେକ୍ ଲକ୍ କଇଲା, “ମୁଇ ପାଁର୍ମୁଣ୍ଡୁ ଗରୁ ଗେନି
 ଆଡି, ଗରୁମନ୍କେ କସିକରି ଦେକ୍ବାକେ ଗାଲିନି । ଆସିନାପାରି ଦୟାକରି
 ତର୍ ସାଉକାର୍କେ ଅଲପ୍ କଇଦେସ୍ ।” ୨୦ ଆରି ଗଟେକ୍ ଲକ୍ କଇଲା,
 “ମୁଇ ନୁଆରେ ବିବା ଅଇଆଡି, ତେବେ ମୁଇ ଆସି ନାପାରି ।” ୨୧ ତାର୍ ପତେ
 ସେ ଗତିଦାଢ୍ଘୁଡା ଆସି ସାଉକାର୍କେ ଏ ସବୁ କାତା ଜାନାଇଲା । ସେଟା
 ସୁନି ସାଉକାର୍ ବେସି ରିସାଅଇଜାଇ ତାକେ କଇଲା, “ଦାପ୍ରେ ଜାଇକରି
 ନଅରେ ଆରି ଗାଉଁ ମନ୍କେ ରଇଲା ଗରିବ୍, କାଶା, ଚଟା, ବଇରା ଆରି
 ଚେରେଢ୍ଘୁରଗିମନ୍କେ ଇତି ତାକି ଆନ୍ ।” ୨୨ ସେ ଗତିଦାଢ୍ଘୁଡା ଜାଇକରି
 ସାଉକାର୍ କଇଲାପାରା ଲକ୍ମନ୍କେ ଆନ୍ଲା । ତାର୍ ପତେ ଗତିଦାଢ୍ଘୁଡା ତାର୍
 ସାଉକାର୍କେ କଇଲା, “ଏ ସାଉକାର୍ ତୁଇ କଇଲା ଇସାବେ ମୁଇ ତାକିଆନ୍ଲି
 । ଏଲେ ମିସା ଆରି କେତେ ଲକର୍ ପାଇ ଜାଗା ଆତେ ।” ୨୩ ଆରି ସାଉକାର୍
 ସେ ଗତିଦାଢ୍ଘୁଡାକେ କଇଲା, “ଗଡର୍ ସଡକ୍ ପାଲି ରଇଲା ଲକ୍ମନ୍କେ
 ଆରି ଗାଁ ରଇଲା ଗରିବ୍ ଲକ୍ମନ୍କେ ଜାଇକରି ତାକିଆନ୍ । ମର୍ ଗରେ
 ଲକ୍ ପୁରୁନ୍ ଅଅଡ୍ ବଲି ମୁଇ ମନ୍ କଲିନି ।” ୨୪ ତାର୍ପତେ ଜିସୁ କଇଲା,
 “ମୁଇ ଜନ୍ ଲକ୍ମନ୍କେ ପର୍ତୁମ୍ ତାକିରଇଲି, ସେମନ୍ କଣ୍ଠେକ୍ ମିସା ତାକି
 ନାପାରତ୍ ।” ୨୫ ତରେକ୍ ବେସି ଲକ୍ମନ୍ ଜିସୁର୍ ସଢ୍ଘୁ ଜାଇତେ ରଇଲା ।
 ଆରି ସେ ପର୍ବାଟେ ବୁଲିକରି ସେମନ୍କେ କଇଲା । ୨୬ “ଜେ ମର୍ ଲଗେ
 ଆସିକରି ନିଜର୍ ବାବା, ମାଆ, ମାଇଜି ପିଲା, ବାଇ ବଇନି ଆରି ନିଜ୍ଜେ
 ମର୍ତେଇଅନି ଅଦିକ୍ ଆଲାଦ୍ କର୍ସି, ସେ ମର୍ ସିସ୍ ଅଇନାପାରେ । ୨୭
 ଗଟେକ୍ ଲକ୍ ମର୍ ପତେ ପତେ ଇଣ୍ଠୁବାର୍ଆଲେ, ତାକେ ଦିଆଅଇଲା କୁରୁସ୍
 ବଇକରି ନ ଇଣ୍ଠେ ବଇଲେ, ସେ କେବେ ମର୍ ସିସ୍ ଅଇନାପାରେ । ୨୮
 ତମେ ଜଦି ଗଟେକ୍ ବଡ୍ ଗର୍ ବାନ୍ଧୁବାକେ ମନ୍ କଲାସ୍ନି ବଇଲେ, ବାନ୍ଧୁବା
 ଆଗ୍ତୁ କେତେକ୍ କର୍ତ ଅଇସି ସେଟା ବସି କରି ଇସାବ୍ କର୍ସା । ଆରି ସେ
 ଗରର୍ ସବୁ କାମ୍ କରିସାରାଇବାକେ ତମର୍ ଲଗେ ସେତ୍କି ତାରୁ ଆତେକି
 ନାଇ ବଲି ଇସାବ୍ କରିଦେକ୍ସା । ୨୯ ତମେ ଜଦି ଇସାବ୍ କରି ନ ଦେକ୍ଲେ
 ଗର୍ କାମ୍ ଆରାମ୍ କରି ସାରାଇ ନାପାରାସ୍ । ସେ କାମ୍ କରି ନ ସାରାଇଲେ
 ତମ୍କେ ଦେକ୍ବା ଲକ୍ମନ୍ ଆସିକରି ଲାଜ୍କରି ଦେବାଇ । ୩୦ ସେମନ୍
 କଇବାଇ, ଏ ଲକ୍ ବଡ଼ଟା ଗର୍ ବାନ୍ଧୁବାର୍ ଆରାମ୍ କଲା, ମାତର୍ ସାରାଇବାର୍
 ନାପାର୍ଲା ।” ୩୧ ଆରି ଜିସୁ କଇଲା, “ଗଟେକ୍ ରାଜା ଦସ୍ଅଜାର୍ ସନିଅ

ଦାରି, କଡେଅଜାର୍ ସନିଅ ରଇଲା ରାଜାସଞ୍ଜୁ ଛୁଇଦ୍ କର୍ବାର୍ ଆଇଲେ,
ପରୁତୁମ୍ ତାର୍ ସନିଅମନ୍ ସଞ୍ଜୁ ବସିକରି ତାର୍ ଦସ୍ଅଜାର୍ ସନିଅମନ୍ ସଞ୍ଜୁ
ଛୁଇଦ୍ କଲେ ଜିତି ଅଇସି କି ନାଇ ବଲି ଜଜ୍ନା ନ କରେକି? ୩୨ ଜଦି ସେ
ରାଜା ଜିତି ନଏଁ ବଲି ବାବ୍ଲେ ସେମନ୍ ଦୁରିକେ ରଇଲା ବେଲେସେ, ଏ ରାଜା
ତାର୍ କେତେଟା ଲକ୍‌କେ ପାଟାଇ କରି, ଛୁଇଦ୍ ନ କରି ସାନ୍ତିରୁ ରାଜିନାମା
କର୍ବାକେ କଇସି । ୩୩ ତମେମିସା ସେନ୍ତୁରିସେ ମର୍ ସିସ୍ ଅଇବାକେ ମନ୍
କଲେ ତମର୍ତେଇ ରଇଲା ସବୁଟା ଚାଡିଦେବାକେ ମନ୍ କର୍ବାର୍ ଆତେ ।
ନଇଲେ ତମେ ମର୍ ସିସ୍ ଅଇ ନାପାରାସ୍ ।” ୩୪ “ନୁନ୍ ଗଟେକ୍ ବଡିଆ
ଦିନ୍ସୁ । ନୁନ୍ ଜଦି ନୁନ୍ ପାରା କରିଆ ନ ଅଇଲେ ସେଟା ଆରିତରେକ୍ କେନ୍ତି
ନୁନ୍‌ପାରା କରିଅଇସି । ୩୫ ସେଟା ମାଟି କି କଡ୍ କର୍ବାକେ ମିସା କାମେ ନ
ଆସେ । ସେଟା ପିଢ଼ି ଦେବାର୍‌ସେ ଅଇସି । ଜାକେ ସୁନ୍‌ଲାପାରା କାନ୍ ଆତେ
ସେ ସୁନ ।”

୧୫ ଦିନେକ୍ ଜିସୁ କଇବା କାତା ସୁନ୍‌ବାକେ ସିସ୍ତୁ ମାଞ୍ଜୁବା ଲକ୍‌ମନ୍ ଆରି
ଏନ୍ତି ବେସି ପାପିଲକ୍‌ମନ୍ ତାର୍ ଲଗେ ଆଇତେ ରଇଲା । ୨ ତେଇ ପାରୁସି
ଲକ୍‌ମନ୍ ଆରି ନିୟମ୍ ସିକାଇ ଦେବା ଲକ୍‌ମନ୍, ଏଟା ଦେକି ତାର୍ ବିରଦେ
ଏନ୍ତି କଇବାର୍ ବସ୍‌ଲା । “ଏ ଲକ୍‌କେ ଦେକା, ସେ ପାପି ଲକ୍‌ମନର୍ ସଞ୍ଜୁ
ମଇତର୍ ପାରା ଅଇ ତାକର୍ ସଞ୍ଜୁ ମିସ୍ତେ କାଇଲାନି ।” ୩ ସେଟାର୍ ପାଇ
ଜିସୁ ସେମନ୍‌କେ ଏ ଉଦାଅରନ୍ କଇଲା । ୪ “ଜଦି ତମର୍ ବିତ୍ରେ ଗଟେକ୍
ଲକର୍ ସଏଟା ମେଣ୍ଟୁ ରଇସି ଆରି ସେ ବିତ୍ରେଅନି ଗଟେକ୍ ଆଜିଜାଇସି
ବଇଲେ ତମେ କାଲଟା କର୍ସା? ସେ ନବେ ନଅଟା ମେଣ୍ଟୁମନ୍‌କେ ଚାର୍‌ବଲି
ଚାଡିଦେଇ, ଆଜିଗାଲା ଗଟେକ୍ ମେଣ୍ଟୁ ମିଲ୍‌ବାଜାକ ନ କଜାସ୍ କି? ୫
ଆରି ଜେଡେବଲ୍ ସେ ମେଣ୍ଟୁ ମିଲାଇସି, ବେସି ସାର୍‌ଦା ଅଇ ମେଣ୍ଟୁକେ
କନ୍ଦେ ବଇକରି ଗରେ ଦାରିଆଇସା । ୬ ତମେ ଗରେ କେଟ୍‌ଲା ପତେ,
ତମର୍ ମଇତର୍‌ମନ୍‌କେ ଆରି ଗର୍ ଲଗର୍ ଲକ୍‌କେ ଡାକିକରି ‘ମର ସଞ୍ଜୁ
ସାର୍‌ଦା କରା, କାଇକେବଇଲେ ମର୍ ଆଜିଗାଲା ମେଣ୍ଟୁ ମିଲ୍‌ଲା’ ବଲି କଇସା
। ୭ ସେନ୍ତୁରି ମୁଇ ତମ୍‌କେ କଇଲିନି, ‘ଆମେ ପାପି ଲକ୍‌ମନ୍ ନଉଁ’ ବଲି
ବାବ୍‌ତେରଇବା ନବେ ନଅଟା ଦରମ୍ ଲକ୍‌ମନ୍ ରଇଲେମିସା ଗଟେକ୍ ପାପି
ଲକ୍ ନିଜେ ‘ମୁଇ ଗଟେକ୍ ପାପି’ ବଲି ଏତାଇସି । ପତେ ମନ୍‌ବାଲାଇ କରି
ପର୍ମେସରର୍ ଲଗେ ଆଇସି । ସେ ନବେ ନଅଟା ଦରମ୍ ଲକ୍‌ମନର୍‌ତେଇ

ଅନି ଏ ଗଟେକ୍ ଲକର୍ ପାଇ ସର୍ଗେ ଅଦିକ୍ ସାର୍ଦା କର୍ବାଇ ।” ୮ ଏ କାତା ସୁନାଇ ଦେବାକେ ଜିସୁ ଆରି ଗଟେକ୍ କାତାନି ସେମନ୍କେ କଇଲା, “ଜଦି ଗଟେକ୍ ମାଇଜିର୍ ଦସ୍ତା ରୁପାଟାଢୁଆ ରଇଲା । ତେଇଅନି ଗଟେକ୍ ଅଦ୍ଲି ଆଜିଗାଲେ ସେ କାଇଟା କର୍ସି? ସେ ବଡି ଲାଗାଇ ଗୁଲାଇ ଗର୍ ସେଟା ନ ମିଲ୍ବାଜାକ ବାତାନ୍ ରୁତାନ୍ କରି କଜ୍ସି । ୯ ଆରି ସେଟା ମିଲ୍ଲା ଦାପ୍ରେ ତାର୍ ମଇତର୍ମନ୍କେ ଆରି ଗର୍ ଲଗେ ରଇଲା ଲକ୍ମନ୍କେ କଇସି ‘ତମେ ମର୍ସଢୁ ସାର୍ଦା କରା, କାଇକେ ବଇଲେ ଆଜିଗାଲା ରୁପାଅଦ୍ଲି ତାରୁ ମକେ ମିଲ୍ଲା ଆତେ’ । ୧୦ ମୁଇ ତମ୍କେ କଇଲିନି, ସେନ୍ତୁସେ ଗଟେକ୍ ପାପି ଲକ୍ ମାପ୍ପୁରୁତେଇ ମନ୍ବାଦ୍ଲାଇସି ବଇଲେ, ପର୍ମେସର୍ ତୁର୍ମନ୍ ବେସି ସାର୍ଦା କର୍ବାଇ ।” ୧୧ ଏ କାତା ବୁଜାଇ ଦେବାକେ ଜିସୁ ସେମନ୍କେ ଆରି ଗଟେକ୍ କାତାନି କଇଲା । ଗଟେକ୍ ଲକ୍କେ ଦୁଇଟା ପିଲାମନ୍ ରଇଲାଇ । ୧୨ ଦିନେକ୍ ସାନ୍ ପଅ ତାର୍ ବାବାକେ କଇଲା, “ଏ ବାବା ତର୍ ଦନ୍ ମର୍ବାଗେ ଜେଡ୍କି ଅଇସି, ସେଟା ଏବେ ମକେ ଦେଇପାକା ।” ସେଟାର୍ ପାଇ ତାର୍ ବାବା ତାର୍ ଦନ୍ ଦୁଇବାଗ୍ କରି ତାର୍ ପିଲାମନ୍କେ ଦେଲା । ୧୩ ଅଲପ୍ ଦିନ୍ ଗାଲା ପତେ ସାନ୍ ପିଲା ତାର୍ ବାଗର୍ ସବୁ ଦନ୍ ବିକିଦେଇ ମିଲ୍ଲା ତାରୁ ଗୁଲିଆଇ ଗଟେକ୍ ଦୁର୍ ଦେସେ ଉଟିଗାଲା । ଆରି ତାର୍ ସବୁ ତାରୁ ନିଜେ ମନ୍କଲା ଇସାବେ କର୍ତ କଲା । ୧୪ ତାର୍ଲଗେ ରଇଲା ସବୁ ତାରୁ ସାରାଇଦେଲା । ପତେ ସେ ଦେସର୍ ଗୁଲାଇ ବାଟେ ମର୍ଡି ଅଇଲା । ଆରି କାଇଟା ମିସା ଗେନି କାଇବାକେ ତାର୍ଲଗେ ତାରୁ ନ ରଇଲା । ୧୫ ତେବେ ସେ ଗତେ ଗଟେକ୍ ଲକର୍ ଗରେ କୁଲି ମିଲ୍ସି କାଇକି ବଲି କାମ୍ କଜ୍ବାର୍ ଗାଲା । ସେ ଲକ୍ ତାକେ ଗୁସ୍ରି ତାରାଇବା କାମ୍ ଦେଲା । ୧୬ ଆରି ତାକେ ବେସି ବୁକ୍ ଲାଗ୍ତେ ରଇଲା । ତାକେ ଗୁସ୍ରିମନ୍ କାଦି କାଇବାକେ ମନ୍ଲାଗୁଲା ମାତର୍ ସେ କାଦି ମିସା ଦେଅର୍ ନାଇ । ୧୭ ସେବେଲେ ତାକେ ତେନ୍ନା ଆଇଲାଜେ ସେ ମନେ ମନେ ଏନ୍ତୁ ବାଦ୍ଲା । ମର୍ ବାବାର୍ ଗରେତା କାମ୍ କର୍ବା ଗତିଦାଢୁଡାମନ୍ କେତେ କାଦି ଉର୍ବି ଗାଲାନି । ମାତର୍ ମୁଇ ଇଡି ବୁକେ ମରିଜିବିବେ । ୧୮ ସେଟାର୍ପାଇ ମୁଇ ଏ ଜାଗା ଚାଡିକରି ମର୍ ବାବାର୍ ଲଗେ ବାଉଡି ଜିବି । ଆରି ତାକେ କଇବି, “ଏ ବାବା ମୁଇ ପର୍ମେସର୍ ଆରି ତର୍ ବିରଦେ ପାପ୍ କରିଆଡି । ୧୯ ମୁଇ ଆରି ତର୍ ପିଲା ଅଇବାର୍ ଅଦିକାର୍ ନାଇ ଆରି ତର୍ ଗତିଦାଢୁଡାମନ୍ ବିତ୍ରେ ଗଟେକ୍

ଗତିଦାଢ଼ୁଡ଼ା ଅଇ ରଇବି” ବଲି କଇବି । ୨୦ ଆରି ସେ ଜାଗା ଚାଡ଼ି ବାବାର୍ ଲଗେ ଜିବାକେ ବାରଇଲା । ମାତର୍ ସେ ପିଲା ଦୁରିକେ ରଇଲାବେଲେ ବାବା ତାକେ ଦେକ୍ଲା । ତାକେ ଦେକି ବେସି କଲିକରମ୍ ଅଇ, ତାର୍ ଲଗେ ପାଲାଇ ଆସି ପାଟାଲିକରି ରୁମ୍ଲା । ୨୧ ସେ ପିଲା ତାର୍ ବାବାକେ କଇଲା, “ଏ ବାବା ମୁଇ ପର୍ମେସରର୍ ବିରଦେ ଆରି ତର୍ ବିରଦେ ପାପ୍ କଲିଆତି ସେଟାର୍ପାଇ ତର୍ ପିଲା ଅଇବାର୍ ମର୍ ଅଦିକାର୍ ନାଇ ।” ୨୨ ମାତର୍ ତାର୍ ବାବା ନିଜର୍ ଗତିଦାଢ଼ୁଡ଼ାମନ୍ଦକେ କଇଲା, “ତମେ ବେଗି ଜାଇକରି ସବୁର୍ଟାନେଅନି ନିମାନ୍ ଚକାପଟିଆ ତାକେ ପିନ୍ଧାଇଦିଆସ୍ । ଆରି ତାର୍ ଆଢ଼ୁଟି ମୁନ୍ଧି ପିନ୍ଧାଆ । ତାର୍ ଗତେ ପାଣ୍ଡୁଇ ପିନ୍ଧାଇଦିଆସ୍ ।” ୨୩ ଆରି ତାର୍ ଗତିଦାଢ଼ୁଡ଼ାମନ୍ଦକେ କଇଲା, “ଆମର୍ତେଇ ରଇଲା ସବୁର୍ଟାନେଅନି ଗଟେକ୍ ଗାଗଡ୍ ରଇବା ପସୁ ଆନି ମାରା, ଆରି ଆମେ ସାର୍ଦା ଅଇକରି ବଜି କରୁ । ୨୪ କାଇକେ ବଇଲେ ମର୍ ପିଲା ମରିଜାଇରଇଲା, ଆରି ଏବେ ଜିବନ୍ ଅଇଲା ଆତେ । ସେ ଆଜିଜାଇ ରଇଲା ଏବେ ମିଲ୍ଲା ଆତେ ।” ସେଟାର୍ପାଇ ସେମନ୍ ବଜି କର୍ବାର୍ ବସ୍ଲାଇ । ୨୫ ସେ ବେଲା ତାର୍ ବଡ୍ ପଅ ତାସ୍ପଦାଇ ରଇଲା । ସେ ବାଉଡ଼ି କରି ଗର୍ ଲଗେ ଆଇବା ବେଲାଇ ବାଜାବାଇଦ୍ କରି ନାଟ୍ଗିଡ୍ କର୍ବାଟା ସୁନ୍ଲା । ୨୬ ସେ ଗଟେକ୍ ଗତିଦାଢ଼ୁଡ଼ାକେ ଡାକିକରି ପାଚାର୍ଲା, “ଇତି କାଇଟା ଅଇଲାନି?” ୨୭ ଗତିଦାଢ଼ୁଡ଼ା ତାକେ କଇଲା, “ତର୍ ବାଇ ଗରେ ବାଉଡ଼ି ଆଇଲା ଆତେ । ଆରି ତର୍ ବାବା, ତର୍ ବାଇ ଜର୍ଦୁକା ନ ଅଇ ଜିବନ୍ଅଇ ଆଇଲାକେ ଗଟେକ୍ ଗାଗଡ୍ ପସୁକେ ମାର୍ଲା ଆତେ ।” ୨୮ ଏ କାତା ସୁନି ବଡ୍ ପଅ ବେସି ରିସା ଅଇଗାଲା । ସେ ଗର୍ ବିତ୍ରେ ପୁରେ ମିସା ନାଇ । ମାତର୍ ତାର୍ ବାବା ବଡ୍ ପଅର୍ ଲଗେ ଜାଇ ଗରେ ଜିବାକେ ବୁଜାଇବାର୍ ଦାର୍ଲା । ୨୯ ମାତର୍ ବଡ୍ ପଅ ତାର୍ ବାବାକେ କଇଲା, “ଦେକ୍, ମୁଇ ଏତେକ୍ ବରସ୍ ଜାକ ଗଟେକ୍ ଗତିଦାଢ଼ୁଡ଼ା ପାରା ତର୍ ସେବା କଲିନି ଆରି ତର୍ କାତା ମାନି କରି ରଇଲି । ତୁଇ ମକେ କାଇଟା ଦେଇଆରୁସ୍? ମର୍ ମଇତର୍ମନର୍ ସଢ଼ୁ ବଜି କରା ବଲି ଗଟେକ୍ ସାନ୍ଟା ପସୁ ମିସା ଦେଉସ୍ ନାଇ । ୩୦ ମାତର୍ ତର୍ ଏ ସାନ୍ ପଅ ସବୁ ଦନ୍ ଦାରିଜାଇ ବେସିଆମନ୍ଦକେ ଦେଇ ସାରାଇଦେଲା ଆରି ସେ ଗରେ ବାଉଡ଼ି ଆଇଲାକେ ତୁଇ ତାର୍ ପାଇ ଗଟେକ୍ ଗାଗଡ୍ଟା ପସୁକେ ମାର୍ଲୁସ୍!” ୩୧ ସେବେଲେ ତାର୍ ବାବା ବଡ୍ ପଅକେ କଇଲା, “ଏ ନୁନା ତୁଇତା ସବୁ ବେଲା ମର୍ ସଢ଼ୁ ରଇଲୁସ୍ନି ଆରି

ମର ଜେଡ଼ିକି ଦନ୍ ଆଚେ ସେଟା ସବୁ ଚର୍ଚ୍ଚାସେ । ୩୨ ମାତରୁ ଚର୍ଚ୍ଚା ବାଇ ମରିଜାଇରଇଲା । ଏବେ ସେ ଜିବନ୍ ଅଇଆଚେ ସେ ଆଜିଜାଇରଇଲା ମାତରୁ ଏବେ ମିଲୁଲା ଆଚେ । ସେଟାରୁପାଇ ଆମେ ସାର୍ଦା କର୍ବାର ରଇଲା ।”

୧୭ ଜିସୁ ତାରୁ ସିସ୍‌ମନ୍‌କେ ଗଟେକ୍ କାତାନି ବୁଜାଇ କଇଲା । “ଗଟେକ୍ ସାଉକାରୁ ଲକ୍ ରଇଲା । ତାରୁ ଦନ୍ ଇସାବ୍‌କିତାବ୍ କର୍ବାକେ ଗଟେକ୍ ମୁକିଅ ଗତିଦାଞ୍ଜୁଡା ରଇଲା । ଆରି ସେ ସବୁ ଦନ୍ ଏନେତେନେ କରିଦେଲାନି ବଲି ଗଟେକ୍ ଲକ୍‌ଚେଇ ଅନି ସାଉକାରୁ ସୁନ୍‌ଲା ।” ୨ ସେଟାରୁ ପାଇ ସାଉକାରୁ ମୁକିଅ ଗତିଦାଞ୍ଜୁଡାକେ ଡାକି କଇଲା, “ତୁଇ ଟିକ୍ ସଞ୍ଜୁ ଇସାବ୍‌ପତରୁ କରୁସ୍ ନାଇ ବଲି ମୁଇ ବେସି କାତା ସୁନ୍‌ଲିନି । ମରୁ ସବୁ ତାରୁ ଇସାବ୍ ମକେ ଦେ । କାଇକେ ବଇଲେ ତୁଇ ଆରି ମର ମୁକିଅ ଗତିଦାଞ୍ଜୁଡାରୁ କାମେ ନ ରଉସ୍ ।” ୩ ସେବେଲା ସେ ମୁକିଅ ଗତିଦାଞ୍ଜୁଡା ମନେ ମନେ ଏତାଇଲା । ଏବେ ମୁଇ କାଇଟା କର୍ବି? ମରୁ ସାଉକାରୁ କାମେ ଅନି ବାରକରିଦେବି ବଲି କଇଲା ଆଚେ । ମାଟି ମାର୍ବାକେ ମକେ ବପୁ ନାଇ ଆରି ବିକ୍ ମାର୍ବି ବଇଲେ ମିସା ଲାଜ୍ ଲାଗ୍‌ଲାନି । ୪ ମୁଇ କାଇଟା କର୍ବାରୁ ଆଚେ ବଲି ଜାନି ଆଚି । ମକେ ଏ କାମେଅନି ବାର କରିଦେଲା ପଚେ କାଇଟା କଲେ ଲକ୍‌ମନରୁ ଗରେ ମକେ ଡାକି ନିକକରି ଦେବ୍‌ବାଇ ବଲି ବାବ୍‌ଲା । ୫ ତେବେ ସେ ମୁକିଅ ଗତିଦାଞ୍ଜୁଡା ତାରୁ ସାଉକାରୁଚେଇଅନି ଉଦାରୁ ନେଲା ସବୁ ଲକ୍‌କେ ଡାକ୍‌ଲା । ପର୍ତୁମ୍ ଗଟେକ୍ ଲକ୍‌କେ ଡାକି ପାଚାରୁଲା, “ତୁଇ ମରୁ ସାଉକାରୁକେ କେତେକ୍ ଦେବାରୁ ଆଚେ?” ୬ ସେ ଲକ୍ ତାକେ “ସଏ ଡାବା ଟିକନ୍ ।” ବଲି କଇଲା । ମୁକିଅ ଗତିଦାଞ୍ଜୁଡା ତାକେ କଇଲା, “ତମେ ଉଦାରୁ ନେଲା ପତିଲଗେ ଉନା କରି ପଚାସ୍ ଡାବା ବଲି ଲେକିଦେସ୍ ।” ୭ ତାରୁ ପଚେ ସେ ଆରି ଗଟେକ୍ ଲକ୍‌କେ ପାଚାରୁଲା, “ତମେ କେତେକ୍ ଦେବାରୁ ଆଚେ?” ଉଦାରୁ ନେଲା ଲକ୍ କଇଲା, “ଅଜାରୁ ବାସ୍‌ତା ଦାନ୍ ।” ମୁକିଅ ଗତିଦାଞ୍ଜୁଡା ତାକେ କଇଲା “ତୁଇ ଉଦାରୁ ନେଲା ପତିତେଇ ଉନାକରି ଆର୍ ସଅ ବାସ୍‌ତା ବଲି ଲେକିଦେସ୍ ।”

୮ ସେଟାରୁ ପାଇ ସେ ମିରୁଆ ମୁକିଅ ଗତିଦାଞ୍ଜୁଡାକେ ତାରୁ ସାଉକାରୁ କଇଲା, “ତୁଇ ବେସି ଚାଲାକି ଅଇକରି ଏନ୍ତି କାମ୍ କରିଆରୁସ୍ । କାଇକେ ବଇଲେ ଏ ଦୁନିଆରୁ ଲକ୍‌ମନ୍ ନିଜରୁ କାମ୍ କର୍ବାକେ ପର୍ମେସରରୁ ଲକ୍‌ମନରୁ ଗାନେଅନି ଅଦିକ୍ ଚାଲାକି ।” (aiōn g165) ୯ ଆରି ଜିସୁ କଇଲା, “ସେଟାରୁ ପାଇ ମୁଇ ତମ୍‌କେ କଇଲିନି, ଲକ୍‌ମନ୍‌କେ ଏ ଦୁନିଆରୁ ଦନ୍ ଦେଇ କରି

ନିଜର ନିଜର ପାଇ ମଇତର କରା । ସେନ୍ତୁରି କଲେ ଜେଡେବଲ୍ ତମର
ଦୁନିଆର ଦନ୍ ସାରିଜାଇସି, ପର୍ମେସର ତମ୍ବେ କାଲକାଲ୍ ଜୁଗ୍‌ଜୁଗ୍ ରଇବା
ଗରେ ଡାକି ନେଇସି । (aiōnios g166) **e୦** କେ ସାନ୍ ବିସଇ ସତ୍‌ସତ୍ କରସି,
ସେ ବଡ଼ ବିସଇ ସତ୍‌ସତ୍ କରସି । ସେନ୍ତୁରସେ କେ ସାନ୍ ବିସଇ ନେଇକରି
ସତ୍ କାମ୍ ନ କରେ ସେ ବଡ଼ ବିସଇତେଇ ମିସା ସତ୍ କାମ୍ ନ କରେ । **ee**
ପର୍ମେସର ତମ୍ବେ ଏ ଦୁନିଆଇ ଦେଲା ଡାବୁ ଆରି ଦନର୍ ବିସଇ ସତଇସେ
ନ କରାସ୍ ବଇଲେ ସରଗର୍ ଦନ୍ ତମ୍ବେ ମିଲ୍‌ବାକେ ନ ଦେଏ । **e୨** ତମେ
ବିନ୍ ଲକ୍‌ମନର୍ ଦନ୍ ସତ୍‌ବାବେ ନ ସତ୍‌ଲେଲେ ନିଜର ଦନ୍ କେ ତମ୍ବେ
ଦେଇସି? **e୩** ଗଟେକ୍ ଗତିଦାଢୁଡା ଦୁଇଟା ସାଉକାରର ଦାଇତ୍ ସମାନ୍
ବାବେ କରିନାପାରେ । କାଇକେବଇଲେ ସେ ଗଟେକ୍ ସାଉକାରକେ ଆଲାଦ୍
କରସି ଆରି ଗଟେକ୍ ସାଉକାରକେ ଗିନ୍ କରସି । ଗଟେକ୍ ସାଉକାରକେ
ନାମ୍‌ସି ଆରି ଗଟେକ୍‌କେ ନ ନାମେ । ସେନ୍ତୁରସେ ଗଟେକ୍ ଲକ୍ ଏକାତରେକ୍
ଏ ଦୁନିଆର ଦନ୍ ଆରି ପର୍ମେସରକେ ସମାନ୍‌ବାବେ ସେବା କରିନାପାରେ ।”
e୪ ପାରୁସି ଦଲର୍ ଲକ୍‌ମନ୍ ଏ ସବୁ କାତା ସୁନି ଜିସୁକେ ଟାପ୍‌ରା କଲାଲ,
କାଇକେ ବଇଲେ ଡାବୁ ଆକା ସେମନର୍ ଜିବର୍ ଦନ୍ ବଲି ବାବ୍‌ତେ ରଇଲାଲ
। **e୫** ଜିସୁ ସେମନ୍‌କେ କଇଲା, “ତମେ ଲକ୍‌ର ମୁଆଟେ ନିକ ବଲି ଦେକାଇ
ଅଇଲାସ୍‌ନି । ମାତର୍ ତମର୍ ମନ୍‌ବିତ୍‌ରେ କାଇଟା ଆଟେ ସେଟା ପର୍ମେସର
ଜାନିଆଟେ । ଜନ୍ ଦିନ୍‌ସୁ ଲକ୍‌ମନ୍ ବେସି ମୁଲିଅ ବଲି ବାବ୍‌ଲାଜନି ସେଟା
ପର୍ମେସର ଦେକ୍‌ବା ଇସାବେ ବେସି ଗିନର୍ ବିସଇ ।” **e୬** “ତୁବନ୍ ଦେଉ
ଜଅନ୍ ଆସି ନିକ କାତା କଇବାଟା ଆରାମ୍ କରବା ଜାକ, ମସାର୍ ନିୟୁମ୍
ଆରି ବବିସତ୍‌ବକ୍‌ତାମନର୍ କାତା ତମ୍ବେ କାତାଇ ନେଇତେ ରଇଲା ।
ଜଅନ୍ ଆଇଲା ପଟେ, ପର୍ମେସରର ରାଇଜର୍ ସୁବ୍ କବର୍ ଜାନାଇଲାଜନି ।
ଆରି ନିଜର ବସୁସତ୍ ପର୍ମେସରର ରାଇଜେ ଜିବାକେ ବେସି ଲକ୍‌ମନ୍
ଚେସ୍‌ଟା କଲାଜନି । **e୭** ସରଗ୍ ଆରି ଦୁନିଆ ନସିଗାଲେ ମିସା ନିୟୁମେ
ଲେକା ଅଇରଇଲାଟା ଗଟେକ୍ ମିସା ଅଇକର୍ ନ ନସେ ।” **e୮** “କେମିସା
ନିଜର ମାଇଜିକେ ଚାଡି ବିନ୍‌ଟା ଆନ୍‌ଲେ, ସେ ଦାଢୁଡିସତ୍ ବେସିଆ କାମ୍
କଲା ଲକ୍ ଅଇଜାଇସି । ଆରି କେ, ସେ ଚାଡୁଲା ଦାଢୁଡିକେ ବିବା ଅଇସି
ବଇଲେ ସେ ମିସା ଦାଢୁଡିସତ୍ ବେସିଆ କାମ୍ କଲା ଆଟେ ।” ବଲି କଇଲା
। **ec** ଜିସୁ ସେମନ୍‌କେ ଗଟେକ୍ କାତାନି ବୁଜାଇକରି କଇଲା, “ଗଟେକ୍

ସାଉକାର୍ ଲକ୍ ରଇଲା । ସେ ଲତେକ୍ ମଲ୍ ଦେଇ ଗେନ୍ଲା ନିକ ନିକ
 ଚକା ପଟିଆ ପିନ୍ଧୁତେ ରଇଲା । ସେ ସବୁଦିନ୍ ବଜି କରି ନିଜେ ସାର୍ଦା
 ଅଇତେରଇଲା । ୨୦ ତେଇ ଲାଜାର୍ ନାଉର୍ ଅର୍କିତ୍ ଲକ୍ ଗଟେକ୍ ରଇଲା
 । ତାର୍ ଗୁଲାଇ ଗାଗଡ୍ ଗାଉ ଅଇରଇଲା । ତାକେ ଆନିକରି ସାଉକାର୍
 କାପାଟ୍ ଲଗେ ହୁଲାଇତେ ରଇଲା । ୨୧ ତେଇ ରଇ, ସେ ସାଉକାର୍
 ତାଲିଅନି ଅଦରୁଲା ସକ୍ତି ବାଡ୍‌ସିତା ବେଟି କାଇବାକେ ମନ୍ କର୍ତେ ରଇଲା
 । କୁକୁର୍ମନ୍ ତାର୍ ଗାଗଡ୍ ଗାଉ ଚାଟ୍‌ତେ ରଇଲା ।” ୨୨ କେତେ ଦିନ୍
 ଗାଲାପତେ ସେ ଅର୍କିତ୍ ଲକ୍ ମରିଗାଲା । ଆରି ପର୍ମେସରର୍ ଦୁର୍ମନ୍
 ଆସି ତାକେ ସରଗ୍‌ପୁରର୍ ବଜିତେଇ ଅବ୍ରାଆମ୍ ଲଗେ ବସ୍‌ବାକେ ଦାରି
 ଗାଲା । ଆରି କେତେ ଦିନ୍ ଗାଲାପତେ ସେ ସାଉକାର୍ ମିସା ମରିଗାଲା ।
 ତାକେ ନେଇ ତପିଦେଲା । ୨୩ ଆରି ସେ ନରକ୍ କୁଣ୍ଡେ ଗାଲା । ତେଇ
 ସେ ବେସି କସ୍‌ଟ ପାଇବାବେଲା ଉପ୍‌ରେ ସରଗ୍‌ପୁରେ ଦେକ୍‌ଲେ ଲାଜାର୍
 ଅବ୍ରାଆମ୍ ଲଗେ ବସି ଆତେ । (Hadēs ୨୪) ୨୪ ସେ ଆଉଲି ଅଇ
 କଇଲା, “ଏ ବାବା ଅବ୍ରାଆମ୍, ମକେ ଦୟା କର୍ । ଲାଜାର୍‌କେ ମର ଲଗେ
 ପାଟାଇଦେସ୍ । ସେ ଆସିକରି ନିଜର୍ ଆଢ୍ଘୁଟି ସଢ୍ଘୁ ପାନି ଦେଇ, ମର୍ ଜିବ୍
 କାକର୍ କର । କାଇକେ ବଇଲେ ମୁଇ ଏ ନରକ୍‌ପୁରର୍ ଜଇଲଗେ ବେସି
 କସ୍‌ଟ ପାଇଲିନି ।” ୨୫ ମାତର୍ ଅବ୍ରାଆମ୍ କଇଲା, “ବାବୁରେ, ତୁଇ
 ଜିବନ୍ ରଇଲାବେଲାର୍ କାତା ମନେ ଏତାଇ ଦେକ୍ । ତର୍ ଜିବନେ ସବୁ
 ନିମାନ୍ ବିସଇ ପାଇରଇଲୁସ୍ । ଆରି ଲାଜାର୍ ସବୁ କାରାପ୍ ବିସଇ ପାଇଲା
 । ମାତର୍ ସେ ଏବେ ଏ ଜାଗାଇ ସାର୍ଦାଅଇ ଆତେ । ଆରି ତୁଇ ବେସି
 କସ୍‌ଟ ପାଇଲୁସ୍ନି । ୨୬ ଆରି ଗଟେକ୍ ବିସଇ ଅଇଲାନି, ତର୍ ଆମର୍
 ମଜାଇ ଗଟେକ୍ ବଡେଟା ପାଗଡ୍ ଆତେ । ଇତିର୍ ଲକ୍ ସିତି ଜାଇ ନଏଁ
 ଆରି ସିତିର୍ ଲକ୍ ଇତି ଆସି ନଏଁ” ବଲି କଇଲା । ୨୭ ସେ ବେଲା ସେ
 ସାଉକାର୍ କଇଲା, “ଏ ବାବା ଏନ୍ତି ବଇଲେ ମୁଇ ତକେ ବାବୁଜିଆ କଲିନି
 ଲାଜାର୍‌କେ ଦୟାକରି ମର୍ ବାବାର୍ ଗରେ ପାଟାଇଦେସ୍ । ୨୮ କାଇକେ
 ବଇଲେ ତେଇ ମର୍ ପାଁଟା ବାଇମନ୍ ଆତଡ୍ । ଲାଜାର୍ ଜାଇ ସେମନ୍‌କେ
 ଜାଗ୍‌ରଡ୍ କରାଅ । ସେମନ୍ ସେ କାତା ସୁନି ପାପେଅନି ମନ୍ ବାଦ୍‌ଲାଅଡ୍ ।
 ସେମନ୍ ମଲେ ମୁଇ ଏବେ ବେସି କସ୍‌ଟ ପାଇବା ଏ ଜାଗାଇ ନ ଆସଡ୍” ବଲି
 କଇଲା । ୨୯ ମାତର୍ ଅବ୍ରାଆମ୍ ତାକେ କଇଲା, “ସେମନ୍ ଜାଗ୍‌ରଡ୍ ଅଇ

ରଇବାକେ ମସାରୁ ନିୟମ୍ ଆରି ବବିସତ୍‌ବକ୍‌ତାମନ୍ କଇଲା କାତା ସବୁ
 ତାକର୍ ଲଗେ ଆତେ । ସେଟା ସେମନ୍ ପଡ଼ିକରି ସିକତ୍ ।” ବଲି କଇଲା
 । ୩୦ ଆରି ସେ ସାଉକାର୍ ଅବରାଆମେକ କଇଲା, “ସେତ୍‌କି ନଏଁ ବାବା,
 ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ସେମନ୍ ବିସ୍‌ବାସ୍ କରି
 ପାପେଅନି ମନ୍ ବାଉତାଇବାଇ ।” ବଲି କଇଲା । ୩୧ ଅବରାମ୍ ତାକେ
 କଇଲା, “ତର୍ ବାଇମନ୍ ମସାରୁ ଆରି ବବିସତ୍‌ବକ୍‌ତାମନ୍ କାତା ନ ସୁନତ୍
 ବଇଲେ ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ମିସା ସେମନ୍
 ନ ମାନତ୍ ।”

୧୭ ଦିନେକ୍ ଜିସୁ ତାରୁ ସିସ୍‌ମନ୍‌କେ କଇଲା, “ଏ ଦୁନିଆଇ ସବୁ ବେଲା
 ଲକ୍‌ମନ୍‌କେ ପାପ୍ କରାଇବାକେ କାଇଆଲେ ପରିକା ଆଇସି । ମାତର୍ ଜନ୍
 ଲକ୍ ଏନ୍ତି ବିନ୍ ଲକ୍‌କେ ପାପ୍ କରାଇସି, ସେମନ୍‌କେ କେତେକ୍ କସ୍‌ଟର୍ ଦସା
 ଅଇସି । କାଇକେବଇଲେ ପର୍‌ମେସର୍ ସେମନ୍‌କେ ବେସି ବତ୍ ତଣ୍ଟୁ ଦେଇସି
 । ୨ ସେନ୍ତୁରି ଲକ୍, ଦରମ୍ ଲକ୍‌ମନ୍‌କେ ପାପ୍‌କରାଇବା ବାଦୁଲେ ଗାଲାଇ
 ଗଟେକ୍ ବତ୍‌ଟା ଜତା ପାକ୍‌ନା ବାନ୍ତିକରି ତେଙ୍ଗୁ ପାନିତେଇ ପିଢ଼ି ଦେବାପାରା
 ତଣ୍ଟୁ ତାର୍‌ପାଇ ନିକ ଅଇତା । ୩ ତେବର୍‌ପାଇ ତମର୍ ତଲାତଲ୍‌ତିତେଇ
 ବେସି ଜାଗ୍‌ରତ୍‌ଅଇ ରୁଆ । ଜଦି ତମର୍ ବାଇ କି ବଇନି ପାପ୍ କଲେ, ସେଟା
 ନିକ କାମ୍ ନଏଁ ବଲି ଟିକ୍ କରା । ଆରି ସେ କରିରଇବା ବୁଲ୍ ଏତାଇ କରି
 ମନ୍ ବାଦ୍‌ଲାଇସି ବଇଲେ, ତାକେ କେମା ଦିଆସ୍ । ୪ ଜଦି ସେ ଗଟେକ୍
 ଦିନେ ସାତ୍‌ପାଲି ଜାକ ତମର୍ ବିରଦେ ପାପ୍ କରି, ପତେ ନିଜର୍ ବୁଲ୍ କଲାଟା
 ଏତାଇ ମନ୍ ବାଦ୍‌ଲାଇକରି ତମର୍ ତେଇ ଆସି ଜେତେପାଲି କେମା ମାଗ୍‌ଲେ,
 ସେତ୍‌କିପାଲି ତାକେ କେମା ଦିଆସ୍ ।” ୫ ଆରି ପେରିତ୍‌ମନ୍ ଜିସୁକେ
 କଇଲା, “ଆମର୍ ବିସ୍‌ବାସ୍ ଅଦିକ୍ କରିଦିଆସ୍ ।” ୬ ଜିସୁ ସେମନ୍‌କେ
 କଇଲା, “ଗଟେକ୍ ସର୍‌ସୁ ମୁଞ୍ଚି ପାରା ତମର୍ ବିସ୍‌ବାସ୍ ରଇସି ବଇଲେ ତମେ
 ବତ୍ ଗଟ୍‌କେ ଜିକିଅଇ ସମ୍‌ଦୁରେ ଜାଇ ରପିଅ ବଲି କଇଲେ ସେ ଗଟ୍ ତମର୍
 କାତା ମାନ୍‌ସି ।” ୭ “ଜଦି ତୁଇ ଗଟେକ୍ ସାଉକାର୍ ଅଇରଇସୁ ବଇଲେ ତର୍
 ଗତିଦାଢ଼ୁଟା କସ୍‌ବାଟାନେଅନି ନଇଲେ ଗରୁଚାରାଇବାଟାନେଅନି ଆସି ତାର୍
 ନିଜର୍ କାମ୍ ନ ସାରାଇବା ଆଗ୍‌ତୁ ତୁଇ ତାକେ ‘କାଇବାକେ ବସ୍‌ବେ’, ବଲି
 କଇସୁ କି? ନାଇ, ସେନ୍ତି ନ କଉସ୍ । ୮ ମାତର୍ ସେ ନିଜର୍ କାଦି କାଇବା
 ଆଗ୍‌ତୁ ତର୍‌ପାଇ ରାନ୍ତି ନ ଦେବା ଜାକ, ତୁଇ ତାକେ କାଇବାକେ ନ ଦେଉସ୍

। ୯ ଆରି ତୁଇ ସେ ଗତିଦାଢ଼ୁଡ଼ାକେ ‘ସବୁ କାମ୍ କରି ସାରାଇଲୁସ୍!’ ବଲି
ଦନିଅବାଦ୍ ଦେଇସୁ କି? ନାଇ ନ ଦେଉସ୍ । ୧୦ ସେନ୍ତାରି ତମ୍‌କେ କଇରଇଲା
ସବୁ ବିସଇ କରିସାରାଇଲା ପଟେ ତମେ କଇବାର୍ ଆଟେ । ଆମେ ଅଦ୍‌କା
ଗତିଦାଢ଼ୁଡ଼ାମନ୍, ଆମର୍ ଜେତ୍‌କି କର୍‌ବାର୍ ରଇଲା, ସେତ୍‌କିସେ ଆମେ
କରିଆରୁ ।” ୧୧ ଜିସୁ ତାର୍ ସିସ୍‌ମନର୍ ସଢ଼ୁ ଜିରୁସାଲମେ ଜିବା ବେଲେ
ସେ ଗାଲିଲି ଆରି ସମିରଣ ଜିଲାର୍ ମଜାଇ କେଟ୍‌ଲା । ୧୨ ଆରି ସେ
ଗାଉଁ ବିତ୍‌ରେ ପୁରବା ବେଲେ ବଡ଼ରଗ୍ ଅଇରଇଲା ଦସ୍‌ଟା ଲକ୍‌ମନ୍ ତାକେ
ଦୁରିକେଅନି ଦେକ୍‌ଲା । ସେମନର୍ ନିୟମେ ବଡ଼ରଗ୍ ରଇଲା ଲକ୍‌ମନ୍,
ବିନ୍ ଲକ୍‌ମନର୍ ଲଗେ ଆସି ନାପାରତ୍ । ସେଟାର୍ ପାଇ ସେମନ୍ ଜିସୁର୍
ଲଗେ ନ ଆସି ଦୁରିକେ ରଇକରି, ୧୩ ବେସି ଆଉଲିଅଇ କଇଲା, “ଜିସୁ!
ଏ ଗୁରୁ! ଆମ୍‌କେ ଦୟାକରା ।” ୧୪ ଜିସୁ ସେମନ୍‌କେ ଦେକି କରି କଇଲା,
“ତମେ ଜାଇକରି ପର୍‌ମେସରର୍ ପୁଜାରିମନ୍‌କେ ତମର୍ ଗାଗଡ଼ ଦେକାଆ
। ତମେ ନିମାନ୍ ଅଇଲାସ୍ କି ନାଇ ବଲି ସେମନ୍ ଦେକତ୍ ।” ପଟେ ସେ
ଦସ୍ ଲକ୍ ପର୍‌ମେସରର୍ ପୁଜାରିମନର୍ ଲଗେ ଜିବା ବେଲେ, ବାଟେ ନିମାନ୍
ଅଇଗାଲା । ୧୫ ଏଦେ ଦେକା! ସେମନର୍ ବିତ୍‌ରେଅନି ଗଟେକ୍ ଲକ୍ ନିଜର୍
ଗାଗଡ଼ ନିମାନ୍ ଅଇଲାଟା ଦେକି, ଜିସୁର୍ ଲଗେ ବାଉଡ଼ି ଆଇଲା । ଆରି ସେ
ବେସି ଆଉଲି ଅଇ ପର୍‌ମେସରର୍ ତାକ୍‌ପୁଟା କଲା । ୧୬ ସେ ପାଲାଇ ଆସି
ଜିସୁର୍ ପାଦେ ଅଦର୍‌ଲା “ତମେ ମକେ ନିମାନ୍ କରିଆଟାସ୍” ବଲି ଦନିଅବାଦ୍
କଲା । ସେ ଜିଉଡି ଲକ୍ ନଏଁ । ସେ ସମିରଣିୟ ବଲି ଗଟେକ୍ ଜାଗାର୍ ଲକ୍ ।
୧୭ ଜିସୁ ତାକେ କଇଲା, “ମୁଇତା ଦସ୍‌ଲକ୍‌କେ ନିମାନ୍ କରି ରଇଲି । ତକେ
ଗଟେକ୍ ଲକ୍‌କେ ଚାଡ଼ି ଆରି ନଅ ଲକ୍ କେନେ ଗାଲାଇ? ୧୮ ନିମାନ୍ ଅଇଲା
ପଟେ ବାଉଡ଼ି ଆସି ପର୍‌ମେସର୍‌କେ ଦନିଅବାଦ୍ କର୍‌ବାକେ ଏ ଗଟେକ୍
ସମିରଣିୟ ଲକ୍‌ସେ ରଇଲା କି?” ୧୯ ତାର୍ ପଟେ ଜିସୁ ତାକେ କଇଲା, “ତୁଇ
ଏବେ ଉର୍ ଆରି ଜାଆ, କାଇକେ ବଇଲେ ମୁଇ ତକେ ନିମାନ୍ କରିପାର୍‌ବି
ବଲି ବିସ୍‌ବାସ୍ କରିରଇଲୁସ୍ ।” ୨୦ କେତେଟା ପାରୁସି ଲକ୍‌ମନ୍ ଜିସୁକେ
“କେବେଅନି ପର୍‌ମେସର୍ ଲକ୍‌ମନ୍‌କେ ସାସନ୍ କର୍‌ସି?” ବଲି ପାଟାର୍‌ଲା ।
ଜିସୁ ସେମନ୍‌କେ କଇଲା, “ପର୍‌ମେସର୍ କେନ୍ତି ସାସନ୍ କର୍‌ସି, ସେ ରାଇଜ୍
ତମର ଆଁକିତେଇ ନ ତିସେ । ୨୧ ଆରି ପର୍‌ମେସର୍ ଇତି ସାସନ୍ କଲାନ୍ତି
ନଇଲେ ସିତି ସାସନ୍ କଲାନ୍ତି ବଲି କଇବାର୍ ନାପାରାସ୍ । କାଇକେ ବଇଲେ,

ଲକ୍ଷ୍ମୀନର ମନ୍ ବିତ୍ରେ ପର୍ଯ୍ୟେସର୍ ସାସନ୍ କର୍ଯ୍ୟି ।” ୨୨ ପତେ ତାର୍
 ସିସ୍ମନ୍ନେ କଲଲ, ଏନ୍ତୁ ବେଲା ଆଇସି ତମେ ପର୍ଯ୍ୟେସର୍ଚାନେଅନି
 ଆଇଲା ନର୍ପିଲା ମର୍ସଢ୍ଢ ଗଟେକ୍ ଦିନ୍ ରଇବାକେ ବେସି ମନ୍ କର୍ଯ୍ୟା ।
 ମାତର୍ ସେବେଲା ମକେ ଦେକି ନାପାରାସ୍ ୨୩ ଲକ୍ଷ୍ମୀନ୍ ତମ୍ନେ କଲବାଇ,
 ପର୍ଯ୍ୟେସର୍ଚାନେଅନି ଆଇଲା ନର୍ପିଲା ଇତି ଆତେ ସିତି ଆତେ ବଲି ।
 ତମେ ସେଟା ଦେକ୍ବାକେ ନ ଜାଆ । ତମେ କନ୍ତି ଆତାସ୍ ତେଇସେ ରୁଆ
 । ୨୪ କାଇକେବଲଲେ ପର୍ଯ୍ୟେସର୍ଚାନେଅନି ଆଇଲା ନର୍ପିଲା ମୁଇ,
 ବାଉଡ୍ବାଟା ତମେ ଦେକ୍ସା । ସେଟା କେନ୍ତୁର୍ ବଲଲେ, ଆକାସେ ଜେନ୍ତି
 ଗଟେକ୍ ବାଟେଅନି ଆରି ଗଟେକ୍ ବାଟେ ବିଜ୍ଜି ମାରିକରି ଗୁଲାଇ ଆକାସ୍
 ଉଜଲ୍ ଅଇସି, ସେନ୍ତୁରିସେ ସବୁ ଲକ୍ଷ୍ମୀନ୍ ଦେକିଅଇସି । ୨୫ ମାତର୍ ସେଟା
 ଅଇବା ଆଗୁ ପର୍ଯ୍ୟେସର୍ଚାନେଅନି ଆଇଲା ନର୍ପିଲା ମୁଇ ବେସି ଦୁକ୍
 କସ୍ଟ ପାଇବାର୍ ଆତେ । ଆରି ମର୍ ସବୁ କାମ୍ ଦେକ୍ଲା ଲକ୍ଷ୍ମୀନ୍ ମକେ ନ
 ନାମର୍ । ୨୬ ନଅ ରଇଲା ବେଲା ଲକ୍ଷ୍ମୀନ୍ ଜେନ୍ତୁରି ରଇଲାଇ ସେନ୍ତୁରିସେ
 ପର୍ଯ୍ୟେସର୍ଚାନେଅନି ଆଇଲା ନର୍ପିଲା ମୁଇ ବାଉଡି ଆଇବାବେଲେ
 ଲକ୍ଷ୍ମୀନ୍ ରଇବାଇ । ୨୭ ସେବେଲାଇ ନଅ ବଡେଟା ପାନିଜାଜେ ପୁର୍ବା
 ଦିନ୍ ଜାକ ଲକ୍ଷ୍ମୀନ୍ ଅବ୍କାସେ ରଇଲାଇ । ସେମନ୍ ବଜି କର୍ବାର୍, ଦାଢ୍ଢୁଡି
 ଆନ୍ବାର୍, ଆରି ଦାଢ୍ଢୁଡି ଦେବାର୍ କର୍ତେ ରଇଲାଇ । ପତେ ବେସି ପାନିଅଇ
 ସବୁ ଡାବିଅଇଲା । ନଅ ଆରି ତାର୍ କୁଟୁମର୍ ଲକ୍ଷ୍ମୀନ୍ ଚାଡି ସବୁ ଲକ୍ଷ୍ମୀନ୍
 ପାନି ବୁଡାଇ ପାକାଇଲାଇ । ୨୮ ଲଡ୍ ନାଉର୍ ଗଟେକ୍ ଲକ୍ଷ୍ମୀନ୍ ବେଲେ ମିସା
 ସେନ୍ତୁର୍ ପାରା ଅଇରଇଲା । ଲକ୍ଷ୍ମୀନ୍ ସବୁ ଦିନର୍ ପାରାସେ କାଆ ପିଇ,
 ବିକାବିକ୍ରି, ଗର୍ପା ଆରି ଗର୍ବାନ୍ତୁଡେଇ ଲାଗିରଇଲାଇ । ୨୯ ମାତର୍
 ଲଡ୍ ସଦମ୍ ନାଉର୍ ଗଡେଅନି ବାରଇକରି ଜିବା ଦିନେ ସେ ବାଦ୍ଲେଅନି ଜଇ
 ଆରି ଗନ୍ତୁଲା ଆସି ଲଡ୍ ଆରି ତାର୍ କୁଟୁମର୍ ଲକ୍ଷ୍ମୀନ୍ ଚାଡି ସେ ଗଡର୍ ସବୁ
 ଲକ୍ଷ୍ମୀନ୍ ମରାଇ ଦେଲା । ୩୦ ପର୍ଯ୍ୟେସର୍ଚାନେଅନି ଆଇଲା ନର୍ପିଲା
 ମୁଇ ବାଉଡି ଆଇବା ଦିନେ ମିସା ସେନ୍ତୁରିସେ ଅଇସି । ୩୧ “ସେ ଦିନେ ନିଜର୍
 ଗର୍ ଉପ୍ରେ ରଇଲେ ତୁଇ ଉଡ୍ରି ତର୍ ଦିନ୍ସୁ ଆନ୍ବାକେ ଗର୍ ବିତ୍ରେ ନ
 ଜାଆ । ସେନ୍ତୁରି ତାସ୍ ପଦାଇ ରଇଲେ, ଦିନ୍ସୁ ବେଟି ନେବାକେ ଗରେ ନ
 ଆଉ । ୩୨ ଲଡର୍ ମାଇଜିକେ କାଇଟା ଅଇରଇଲା ସେଟା ଏତାଇ ଦେକା ।
 ତାର୍ ଦନ୍ ସିପତି କେନ୍ତୁର୍ ଅଇଲା ବଲି ପାସ୍ଲି ଦେକ୍ଲାଜେ ସେ ନୁନ୍ କୁମ୍

ପାସ୍ତୁଲି ଗାଲା । ୩୩ କେ କେ ଏ ଦୁନିଆଇ ଜିଇବା ଜିବନ୍ ମନ୍ କଲେ ତାକେ
 ନ ସାର୍ବା ଜିବନ୍ ନ ମିଲେ । ଆରି କେ କେ ଏ ଦୁନିଆଇ ଜିଇବା ଜିବନ୍
 ଆରାଇସି, ତାକେ ନ ସାର୍ବା ଜିବନ୍ ମିଲ୍ସି । ୩୪ ମୁଇ ବାଉଡି ଆଇବା ସେ
 ରାତି, ତମେ ଦୁଇ ଲକ୍ ଗଟେକ୍ ବାକ୍‌ରାଇ ସଇରଇସା । ଗଟେକ୍ ଲକ୍‌କେ
 ଡାକି ନେବି, ଆରି ଗଟେକ୍ ଲକ୍‌କେ ଚାଡି ଦେବି । ୩୫ ଦୁଇଟା ମାଇଜିମନ୍
 ଗର୍ତ୍ତେ ରଇବାଇ, ତେଇଅନି ଗଟେକ୍ ମାଇଜିକେ ନେବି ଆରି ଗଟେକ୍‌କେ
 ଚାଡି ଦେବି । ୩୬ ଦୁଇ ଲକ୍ ପଦାଇ ରଇବାଇ, ଗଟେକ୍ ଲକ୍‌କେ ନେବି,
 ଆରି ଗଟେକ୍ ଲକ୍‌କେ ଚାଡିଦେବି ।” ୩୭ ତାର୍‌ପରେ ସିସ୍‌ମନ୍ ଜିସୁକେ
 ପାଚାର୍‌ଲାଇ, “ଏ ମାପ୍‌ରୁ ଏଟା କନ୍ତୁ ଗର୍‌ସି?” ଜିସୁ ସେମନ୍‌କେ କଇଲା,
 “ଜନ୍ତୁ ମତା ରଇସି, ତେଇ ମଡ୍‌କାଉ ଗିଦ୍‌ମନ୍ ରୁଣ୍ଡିରଇବାଇ ।”

୧୮ ଜିସୁ ଦିନେକ୍ ତାର୍ ସିସ୍‌ମନ୍‌କେ ପର୍‌ମେସର୍‌କେ ମାଝ୍‌ବାବେଲେ ନ
 ତାକି ପାର୍‌ତନା କରିକରି ରଇବାକେ, ଗଟେକ୍ କାତାନି ବୁଜାଇ କଇଲା, ୨
 ଗଟେକ୍ ଗଡେ ଗଟେକ୍ ବିଚାର୍ କାରିଆ ଲକ୍ ରଇଲା । ସେ ପର୍‌ମେସର୍‌କେ
 ନ ତର୍‌ତେ ରଇଲା, କି ଲକ୍‌ମନ୍‌କେ ନ ନାମ୍‌ତେ ରଇଲା । ୩ ସେ ଗଡେ
 ଗଟେକ୍ ରାଣ୍ଡି ମାଇଜି ମିସା ରଇଲା । ସେ ସବୁ ବେଲେ ବିଚାର୍ କାରିଆର୍
 ଲଗେ ଜାଇ ଏନ୍ତୁ କଇତେ ରଇଲା, ଗଟେକ୍ ଲକ୍ ମର୍ ବିରଦି ଅଇଲା ଆଚେ
 । ଏ ବିସଇନେଇକରି ତମେ ମର୍ ବିରଦିକେ ବିଚାର କରା । ଜେନ୍ତୁକି,
 ସେ ମକେ ନିଆଇ ଇସାବେ ଚଲାଚଲ୍‌ତି କର୍‌ସି । ୪ ଏନ୍ତୁ ବେସି ଦିନ୍ ସେ
 ବିଚାର୍‌କାରିଆ ନିଆଇ କର୍‌ବାକେ ମନ୍ ନ କଲେ ମିସା, ସେ ଦିନ୍‌କେ ଆସି
 ବେମ୍‌ଜା କର୍‌ତେରଇଲା । ମାତର୍ ସେ ବିଚାର୍‌କାରିଆ ଲକ୍ ମନେ ମନେ
 ବାବ୍‌ଲା, “ମୁଇ ପର୍‌ମେସର୍‌କେ ତରି ନାଇକି ଲକ୍‌ମନ୍‌କେ ନାମି ନାଇ । ୫
 ମାତର୍ ଏ ରାଣ୍ଡିମାଇଜି ସବୁ ବେଲା ଆସି ବେମ୍‌ଜା କଲାମି । ସେଟାର୍‌ପାଇ
 ତାକେ ନିଆଇ ମିଲ୍‌ଲା ପାରା ବିଚାର୍ କର୍‌ବି । କାଇକେ ବଇଲେ ଏନ୍ତୁ ବିଚାର୍
 ନ କଲେ ସେ ସବୁଦିନ୍ ଆସି ମକେ ବେମ୍‌ଜା କର୍‌ତେ ରଇସି ।” ୬ ତେଇ
 ମାପ୍‌ରୁ କଇଲା, “ଏ ଅନିଆଇ ବିଚାର୍‌କାରିଆ କାଇଟା କର୍‌ବାକେ ବାବ୍‌ଲା,
 ସେଟା ତମେ ସିକା । ୭ ସେନ୍ତୁ ଲାରୁଆଁ ବିଚାର୍‌କାରିଆ ସେ ରାଣ୍ଡିମାଇଜିର୍
 ବିଚାର୍ କଲା । ସେନ୍ତୁର୍ ଆଲେ, ତାର୍‌ତେଇଅନି କେତେ ନିମାନ୍ ଇସାବେ
 ପର୍‌ମେସର୍ ସେ ବାବ୍‌ଲା ଲକ୍‌ମନର୍ ଦିନ୍‌ରାତିର୍ ପାର୍‌ତନା ସୁନି ନିମାନ୍
 ନିଆଇ ବିଚାର୍ କର୍‌ସି । ସେମନ୍‌କେ ସାଇଜ କର୍‌ବାକେ ସେ ଅଲ୍‌ସମ୍ ନ

କରେ । ୮ ମୁଠା ତମ୍ବୁଳେ କଇଁଳିନି, ସେ ଦାପ୍ରେସେ ତାରୁ ଲକ୍ଷ୍ମୀନରପାଇ
 ନିମାନ୍ ନିଆଇବିତାରୁ କରୁସି । ମାତରୁ ପରମେସର ଟାନେଅନି ଆଇଲା
 ନରପିଲା ମୁଠା ଆରିତରେକ୍ ଆଇବାବେଲେ ଏ ଦୁନିଆଇ, ମକେ ବିସ୍ବାସ
 କରୁବା ଲକ୍ଷ୍ମୀନକେ ଦେକ୍ବି କି ନାଇ?” ୯ ତେଇ ରଇଲା କେତେକ୍ ଲକ୍ଷ୍ମୀନ
 ନିଜକେ ମୁଠା ନିକ ଆତି ବଲି ବାବିଆଇ ବିନଲକ୍ଷ୍ମୀକେ ଗିନ୍ କରୁତେ ରଇଲାଇ
 । ସେନ୍ତି ଲକ୍ଷ୍ମୀନରୁ ବିସଇ ବୁଝାଇବାକେ ଜିସୁ ସେମନ୍ତକେ ଏ କାତାନି କଇଲା
 । ୧୦ ଦିନେକ୍ ଦୁଇଲକ୍ଷ୍ମୀ ପାରୁତନା କରୁବାକେ ଗଟେକ୍ ମନ୍ତ୍ରିରେ ଗାଲାଇ ।
 ଗଟେକ୍ ଲକ୍ଷ୍ମୀ ପାରୁସି ଦଲରୁ ଲକ୍ଷ୍ମୀ ଆରି ଗଟେକ୍ ସିସ୍ତୁମାଢୁ । ୧୧ ପାରୁସି
 ଲକ୍ଷ୍ମୀ ନିଜେ ଅଲପ୍ ଦୁରିକେ ଚିଆଅଇ ଏନ୍ତି ପାରୁତନା କରୁବାରୁ ବସୁଲା, “ଏ
 ପରମେସର ମୁଠା ତମ୍ବୁଳେ ଦନିଅବାଦ୍ ଦେଲିନି । ମୁଠା ବିନଲକ୍ଷ୍ମୀପାରା
 ଲବରା ନାଇ କି ମିତ୍ତମାୟା ନାଇ କି ବେସିଆ କାମ୍ କରି ନାଇ । ଆରି
 ତକେ ଜୁଆରୁ କଲିନି ମୁଠା ଏ ସିସ୍ତୁମାଢୁ ପାରା ନଇ ।” ୧୨ ଆରି ସେ
 କଇଲା, “ମୁଠା ଜିଉଦିମନରୁ ନିୟମ୍ ଇସାବେ ଆଟ୍ଟକେ ଦୁଇ ଦିନ୍ ଉପାସ୍
 ରଇ ପାରୁତନା କଲିନି । କାମାଲଲାଟାନରୁ ଦସ୍ବାଗର ବାଗେକ୍ ତମ୍ବୁଳେ
 ଦେଲିନି ।” ବଲି ପାରୁତନା କଲା । ୧୩ ମାତରୁ ସେ ସିସ୍ତୁମାଢୁ ଦୁରିକେ
 ଚିଆଅଇ ପାରୁତନା କରୁବା ବେଲେ ସରଗ୍ବାଟେ ଦେକ୍ବାକେ ମିସା ମନ୍
 ନକରି ନିଜରୁ ବୁକେ ମାରିଅଇ ଏନ୍ତି ପାରୁତନା କଲା । “ଏ ପରମେସର ମୁଠା
 ଗଟେକ୍ ପାପି ଲକ୍ଷ୍ମୀ ମକେ ଦୟା କରା!” ୧୪ ଜିସୁ ତାରୁ ସିସ୍ତୁମାଢୁ କଇଲା,
 “ସେ ଦୁଇଲକ୍ଷ୍ମୀ ପାରୁତନା ସାରାଇ ବାଅଡୁଲାକେ, ସିସ୍ତୁମାଢୁସେ ପରମେସର
 ଦେକ୍ବା ଇସାବେ ଦରମ୍ ରଇଲା । ପାରୁସି ନାଇ । ଜେ ବଡ୍ପନ୍ ଦେକାଇ
 ଅଇସି ଆରି ବଡ୍ ବଲି ବାସ୍ସି, ତାକେ ପରମେସର ସାନ୍ ଲକ୍ଷ୍ମୀ କରୁସି ।
 ମାତରୁ ଜେ ନିଜକେ ସାନ୍ ଲକ୍ଷ୍ମୀପାରା ବାସ୍ସି ତାକେ ପରମେସର ବଡ୍ ଲକ୍ଷ୍ମୀ
 କରୁସି, ଏ କାତା ଏତାଇ ରୁଆ ।” ୧୫ ଆରି ଗଟେକ୍ ଦିନେ ଲକ୍ଷ୍ମୀନ ତାକରୁ
 ସାନ୍ସାନ୍ ପିଲାମନ୍ତକେ “ଜିସୁ ତି କରି ଆସିରୁବାଦ୍ କର ।” ବଲି ଆନ୍ତେ
 ରଇଲାଇ । ସିସ୍ତୁମାଢୁ ସେଟା ଦେକି ଲକ୍ଷ୍ମୀନକେ ଲାଗୁଲାଇ । ୧୬ ମାତରୁ
 ଜିସୁ ପିଲାମନ୍ତକେ ଲଗେ ତାକି, ସିସ୍ତୁମାଢୁ କଇଲା, “ପିଲାମନ୍ତକେ ମରୁ
 ଲଗେ ଆନ୍ଦବାକେ ମନାକରା ନାଇ । କାଇକେ ବଇଲେ ସରଗ୍ ରାଇଜ୍ ଏନ୍ତି
 ସାନ୍ ସାନ୍ ପିଲାମନ୍ତ ପାରା ବିସ୍ବାସ୍ କରୁବା ଲକ୍ଷ୍ମୀନରପାଇସେ । ୧୭
 ଏତାଇ ରୁଆ! ମୁଠା ତମ୍ବୁଳେ ସତ୍ତକାତା କଇଲିନି । କେ ମିସା ଏ ସାନ୍ଲକ୍ଷ୍ମୀ

ବିସ୍ୱାସ କଲାପାରା ମକେ ବିସ୍ୱାସ ନ କଲେ, ସେ ପର୍ଯ୍ୟେସର ରାଇଜେ
 ଜାଇ ନାପାରେ ।” **୧୮** ଦିନେକ୍ ଗଟେକ୍ ଜିଉଦି ନେତା ଜିସୁକେ ପାଚାର୍ଲା,
 “ଏ ନିମାନ୍ ଗୁରୁ! ନ ସାର୍ବା ଜିବନ୍ ମିଲାଇବାକେ ମୁଇ କାଇଟା କର୍ବାର୍
 ଆଚେ?” (**aiōnios g166**) **୧୯** ଜିସୁ ତାକେ କଇଲା, ମକେ କାଇକେ ନିମାନ୍
 ବଲି କଇଲୁସ୍ତନି? କାଇକେ ବଇଲେ ପର୍ଯ୍ୟେସର ଗଟେକ୍ ଲକ୍ସେ ନିମାନ୍ ।
୨୦ ମାତର୍ ମୁଇ ତମ୍ବେ କଇଲିନି “ବେସିଆ କାମ୍ କରା ନାଇ, କାକେ ମରାଆ
 ନାଇ, ବିନ୍ ଲକ୍ ବନ୍ ଦିନ୍ସୁ ଚରାଆ ନାଇ, ମିର୍ ସାକି କୁଆ ନାଇ, ଆରି ତମର
 ମାଆବାବାର୍ କାତା ମାନା । ପର୍ଯ୍ୟେସର ମସାକେ ଏନ୍ତି ନିୟମ୍ ଦେଲାଆଚେ
 ଜାନି ଆରୁସ୍ ।” **୨୧** ସେ ଲକ୍ ଜିସୁକେ କଇଲା, “ଏ ସବୁ ନିୟମ୍ ତା ମୁଇ
 ପିଲାବେଲେ ଅନି ମାନ୍ଲିନି । ମୁଇ ଆରି କାଇଟା କର୍ବାର୍ ଆଚେ?” **୨୨** ଜିସୁ
 ଏଟା ସୁନି ତାକେ କଇଲା, ତର୍ଟାନେ ଆରି ଗଟେକ୍ ବିସଇ ଉନା ଆଚେ । ତର୍
 ସବୁ ଦନ୍ ସ୍ପତି ବିକି ଗରିବ୍ ଲକ୍ମନ୍କେ ବାଟାକରିଦେସ୍ । ଏନ୍ତି କଲେ ତକେ
 ସର୍ଗେ ଦନ୍ ରଇସି । ଏଟା ସବୁ କଲା ପଚେ ତୁଇ ମର୍ ସଙ୍ଗୁ ଆଉ । **୨୩**
 ମାତର୍ ସେ ଲକ୍ ଏ କାତା ସୁନି ମନ୍ ଦୁକ୍ ଅଇ ଉଟିଗାଲା । କାଇକେ ବଇଲେ
 ସେ ବେସି ସାଉକାର୍ ରଇଲା । **୨୪** ସେ ଲକ୍ ମନ୍ଦୁକ୍ ଅଇଲାଟା ଦେକି ଜିସୁ
 ତାର୍ ସିସ୍ମନ୍କେ କଇଲା, “ସାଉକାର୍ ଲକ୍ମନ୍ ସରଗ୍ ରାଇଜେ ଜିବାଟା
 କେତେ କସ୍ଟର୍ ବିସଇ! **୨୫** ସେ ଲକ୍ମନ୍ ସରଗ୍ ରାଇଜେ ଜିବାଟାନେଅନି
 ଗଟେକ୍ ବଡ୍ ଜିଉ ସୁଜିକାଣାବାଟେ ଚିଢ୍ଗୁଲି ଜିବାକେ ସଅଜ୍ ଅଇସି ।” **୨୬**
 ଏକାତା ସୁନ୍ତେ ରଇଲା ଲକ୍ମନ୍ କଇଲା, “ଏନ୍ତି ବଇଲେ କେ ତେବେ
 ଉଦାର୍ ପାଇସି?” **୨୭** ଜିସୁ କଇଲା, “ପର୍ଯ୍ୟେସର ଟାନେ ନାପାର୍ଲା
 ବିସଇ କାଇଟା ନାଇ ।” **୨୮** ପିତର୍ ଜିସୁକେ କଇଲା, “ଦେକା ଆମର୍ ଗରର୍
 ସବୁ ଚାଡିକରି ତମର୍ ସଙ୍ଗୁ ଆଇଲୁଆରୁ ।” **୨୯** ଜିସୁ ସେମନ୍କେ କଇଲା, “ଉ
 ମୁଇ ତମ୍ବେ ସଦ୍‌କାତା କଇଲିନି । ଜନ୍ ଲକ୍ ପର୍ଯ୍ୟେସର ରାଇଜ୍ ପାଇ
 ନିଜର୍ ଗର୍ଦୁଆର୍, ମାଇଜିପିଲା, ବାଇବଇନି, ମାଆବାବା ଆରି ପିଲାଟକିକେ
 ଚାଡି ଆଚେ ବଇଲେ, **୩୦** ତାକେ ଏ ଦୁନିଆର୍ ଜିବନେ, ସେ ଜେଡ୍‌କି ଚାଡି
 ରଇଲା ତାର୍ ତେଇ ଅନି ଅଦିକ୍ ମିଲ୍ସି । ଆରି ପଚେ ତାକେ ନ ସାର୍ବା
 ଜିବନ୍ ମିଲ୍ସି ।” (**aiōn g165, aiōnios g166**) **୩୧** ତାର୍ ପଚେ ଜିସୁ ତାର୍
 ବାର୍ଟା ସିସ୍ମନ୍କେ ବିନେ ତାକିନେଇ କଇଲା, “ସୁନା! ଆମେ ଜିରୁସାଲମେ
 ଗାଲୁନି, ଜନ୍‌ବେଲା ଆମେ କେଟ୍‌ରୁ ସେବେଲା ପର୍ଯ୍ୟେସର ଟାନେଅନି

ଆଇଲା ନର୍ପିଲା, ମର୍ ବିସଇ ନେଇ ବବିସତ୍‌ବକ୍ତାମନ୍ ଲେକି ରଇଲା
ସବୁ ବିସଇ ପୁରାପୁରୁନ୍ ଅଇସି । ୩୨ ସେଟା କାଇଟା ବଇଲେ, ଜିରୁସାଲମେ
ମକେ ରମିୟ ଲକ୍‌ମନ୍‌କେ ସର୍ପିଦେବାଇ ଆରି ସେମନ୍ ମକେ କିଜାଇବାଇ
ଆରି ଲାଜ୍ କରାଇ, ମର୍ ଉପ୍‌ରେ ତୁକ୍‌ବାଇ । ୩୩ ତାର୍‌ପତେ କର୍ତା ସଢ୍ଫୁ
ମାର୍‌ବାଇ, ପତେ ମକେ ମରାଇବାଇ । ମାତର୍ ତିନ୍‌ଦିନ୍ ପତେ ମୁଇ ଆରି
ତରେକ୍ ଜିବନ୍ ଅଇ ଉର୍ବି ।” ୩୪ ମାତର୍ ସିସ୍‌ମନ୍ ଏ ସବୁ କାତା ଅଲପ୍
ମିସା ବୁଜିନାପାରୁଲା, ସେ ବିସଇ ସେମନର୍‌ଟାନେଅନି ଲୁଟିରଇଲା । ୩୫
ଜିସୁ ଜିରିଅ ଗତେ କେଟାକେଟି ଅଇଲାବେଲେ ଗଟେକ୍ କାଣା ବାଟ୍‌ପାଲି
ବସି ବିକ୍ ମାଢ୍ଫୁତେ ରଇଲା । ୩୬ ଜିସୁର୍ ସଢ୍ଫୁ ଜିବା ଲକର୍ କାତା ସୁନି,
“ଏଟା କାଇଟା ଅଇଲାନି?” ବଲି ତେଇ ରଇଲା ଲକ୍‌ମନ୍‌କେ ପାଚାରୁଲା ।
୩୭ ସେ ଲକ୍‌ମନ୍ କାଣାକେ କଇଲା, “ନାଜରିତ୍ ଗାଉଁର୍ ଜିସୁ ଏ ବାଟେ
ଗାଲାନି ।” ୩୮ ତେଇ ସେ ଆଉଲିଅଇ କଇଲା, “ଏ ଦାଉଦ୍ ରାଜାର୍ କୁଟୁମର୍
ପିଲା ଜିସୁ! ତମେ ମକେ ଦୟା କରା ।” ୩୯ ଆଗେ ଜିବା ଲକ୍‌ମନ୍ କାଣାକେ
ଦମ୍‌କାଇ କରି ରୁପ୍‌ଅଇ ରଇବାକେ କଇଲା । ମାତର୍ ସେ ଅଦିକ୍ ଅଦିକ୍
ଆଉଲି ଅଇ “ଏ ଦାଉଦ୍ ରାଜାର୍ କୁଟୁମର୍ ପିଲା ଜିସୁ! ମକେ ଦୟା କରା!”
ବଲି କଇଲା । ୪୦ ଜିସୁ ତାର୍ କାତା ସୁନି ଟିଆ ଅଇଲା ଆରି, “ତାକେ ମର୍
ଲଗେ ଆନା” ବଲି ଆଦେସ୍ ଦେଲା । ୪୧ କାଣା ବିକାରି ଜିସୁର୍ ଲଗେ
ଆଇଲାଜେ, ଜିସୁ ତାକେ ପାଚାରୁଲା, “ମୁଇ ତର୍‌ପାଇ କାଇଟା କର୍ବି ବଲି
ମନ୍ କଲୁସ୍‌ନି?” ସେ ଜିସୁକେ “ଏ ମାପ୍‌ରୁ, ମକେ ଦେକ୍‌ବା ବପୁ ଦିଆ । ସେନ୍ତି
ମକେ ନିମାନ୍ କରିଦେ ।” ବଲି କଇଲା । ୪୨ ତେବେ ଜିସୁ ତାକେ କଇଲା,
“ତୁଇ ଦେକ୍‌ବାକେ ପାଆ! ମୁଇ ତର୍ ଆଁକି ନିକ କର୍ବି କାଇକେ ବଇଲେ,
ତୁଇ ମର୍‌ତେଇ ବିସ୍‌ବାସ୍ କରି ଆରୁସ୍ ।” ୪୩ ସେ ଦାପ୍‌ରେ, ସେ କାଣା ଦେକି
ପାରୁଲା । ଆରି ପର୍‌ମେସର୍‌କେ ଦନିଅବାଦ୍ କରିକରି ଜିସୁର୍ ସଢ୍ଫୁ ଗାଲା । ଏ
ଗର୍‌ନା ଦେକ୍‌ଲା ସବୁ ଲକ୍‌ମନ୍ ପର୍‌ମେସର୍‌ ତାକ୍‌ପୁଟା କଲା ।

୧୯ ଜିସୁ ଆରି ତାର୍ ସିସ୍‌ମନ୍ ଜିରିଅ ବାଟେ ଜାଇତେ ରଇଲା । ୨
ତେଇ ଜକିୟ ନାଉଁର୍ ଗଟେକ୍ ମୁକିଅ ସିସ୍‌ତୁମାଢ୍ଫୁ ରଇଲା । ସେ ବେସି
ସାଉକାର୍ ରଇଲା । ୩ ଜିସୁ କେନ୍ଦ୍ରାର୍ ଲକ୍ ବଲି ଦେକ୍‌ବାକେ ଜକିୟ ମନ୍
କର୍‌ତେ ରଇଲା । ମାତର୍ ଜିସୁର୍ ସଢ୍ଫୁ ବେସି ଲକ୍‌ମନ୍ ଜାଇତେ ରଇଲାକେ
ତାକେ ଦେକିନାପାର୍‌ତେ ରଇଲା । କାଇକେବଇଲେ ସେ ବୁଟି ରଇଲା । ୪

ସେଟାର ପାଇଁ ସେ, ଲକ୍ଷ୍ମୀନର ଆଗ୍ରହ ପାଲାଇ ଜାଇ ଜିସୁକେ ଦେବଦାକେ
 ଗଟେକ୍ ଡୁମ୍ବି ଗଟେ ଚଗ୍ଲା । କାଇକେ ବଇଲେ ଜିସୁ ସେ ବାଟେଦଇ
 ଜିବାର ରଇଲା । ୫ ଜିସୁ ସେ ଜାଗାଇ କେଟି ଉପରେ ଦେକିକରି ଜକିୟକେ
 କଇଲା, “ଜକିୟ ବିଗି ଉତ୍ତରି ଆଉ, ଆଜି ମୁଇ ତମର ଗରେ ରଇବି ।” ୬
 ତାର ପଟେ ଜକିୟ ଦାପ୍ତରେ ଉତ୍ତରି ଆସି ବେସି ସାର୍ଦାଅଇ ଜିସୁକେ ତାର
 ଗରେ ତାକିନେଲା । ୭ ସେଟା ଦେକି ତେଇ ରଇଲା ଲକ୍ଷ୍ମୀନ ଜିସୁ ଗଟେକ୍
 ପାପି ଲକ୍ଷ୍ମୀ ଗରେ କାଇବାକେ ଗାଲାନି ବଲି ଗୁରୁମୁରି ଜାଇତେରଇଲା ।
 ୮ ଜକିୟ ଟିଆଅଇ ଜିସୁକେ କଇଲା, “ଏ ମାପ୍ତରୁ, ସୁନା! ମର ସପ୍ତଅନି
 ଅଦାବାଗ୍ ଗରିବ୍ ଲକ୍ଷ୍ମୀନକେ ଦାନ କରଦେବି । ଆରି ସିସୁ ମାଞ୍ଜୁବା
 ବେଲାଇ କାର୍ଟା ଅନିଆଇକରି ଆନି ରଇଲାଟା ମୁଇ ତାରୁଗୁନ୍ ଅଦିକ୍
 ବାଉତାଇ ଦେବି ।” ୯ ଜିସୁ ଜକିୟକେ କଇଲା, “ଆଜି ଏ ଗରେ ମୁକ୍ତି
 ମିଲ୍ଲା । କାଇକେବଇଲେ ଏ ମିସା ଗଟେକ୍ ଅବରାଆମର୍ ନାତିତିତି ।
 ୧୦ ପର୍ମେସର୍ ଟାନେଅନି ଆସିରଇବା ନର୍ପିଲା ମୁଇ ପାପେ ରଇଲା
 ଲକ୍ଷ୍ମୀନକେ ସେମନର୍ ପାପେଅନି ରକିଆ କର୍ବାକେ ଆସିଆଚି ।” ୧୧
 ସେମନ୍ ଜିରୁସାଲମ୍ ଲଗେ ଆଇଲା ବେଲାଇ ଜିସୁର୍ ସଞ୍ଜୁ ଜିବା ଲକ୍ଷ୍ମୀନ
 ତାର କଇବା ସବୁ କାତା ସୁନ୍ତେ ରଇଲା । କାଇକେବଇଲେ ତାର କାତା
 ସୁନ୍ଲା ଲକ୍ଷ୍ମୀନ ପର୍ମେସରର ରାଇଜର୍ ସାସନ୍ ଦାପ୍ତରେ ଅଇସି ବଲି
 ବାବ୍ତେ ରଇଲା । ୧୨ ସେଟାରୁପାଇଁ ସେ ଏ କାତାନି କଇଲା, ଗଟେକ୍ ବଡ଼
 ଗରେ ଜନମ୍ ଅଇଲା ଲକ୍ଷ୍ମୀ ଦୁର୍ ଦେସେ ଜିବାକେ ତିଆର୍ ଅଇଲା । କାଇକେ
 ବଇଲେ ତେଇ ତାକେ ରାଜା କରାଇବାଇ । ସମାନ୍ ବେଲାଇ ତାର ଦେସେ
 ସେ ବାଉତି ଆଇସି । ୧୩ ତାର ଆଗ୍ରହ ସେ ତାର ଦସ୍ତା ଦାଞ୍ଜୁତାମନ୍କେ
 ତାକି, ଗଟେକ୍ ଗଟେକ୍ ଲକ୍ଷ୍ମୀକେ ଗଟେକ୍ ଗଟେକ୍ ସୁନାର ତାରୁ ଦେଇ କରି
 କଇଲା, “ମୁଇ ବାଉତି ଆଇବାଜାକ ଏ ତାରୁ ବେବାର୍ କରି ବୁଡେକ୍ କରି
 ରୁଆ ।” ୧୪ ମାତର୍ ତାର ଦେସର୍ ଲକ୍ଷ୍ମୀନ ତାକେ ଇନ୍ କର୍ତ୍ତେରଇଲା ।
 ଆରି ସାସନ୍ କର୍ବା ଲକ୍ଷ୍ମୀନ ଲଗେ କବର୍ କଇ ପାଟାଇଲା, “ଏ ଲକ୍ଷ୍ମୀ
 ଆମ୍ବକେ ସାସନ୍ କର ବଲି ଆମେ ମନ୍ କରୁନାଇ ।” ୧୫ ଏନ୍ତି ବଲି କଇଲେ
 ମିସା, ସେ ରାଜାଅଇ ଗରେ ବାଉତି ଆଇଲା । ଆରି ସେ କାକେ କାକେ
 ସୁନାର ତାରୁ ଦେଇ ରଇଲା, ସେମନ୍ କେତେକ୍ ଲାକା ଲାବ୍ କଲାଇ ଆତର୍
 ବଲି ଜାନ୍ବାକେ ତାକାଇ ପାଟାଇଲା । ୧୬ ତେଇ ପର୍ତୁମର୍ ଲକ୍ଷ୍ମୀ ଆସି

କଇଲା, “ଏ ଆଗିଆଁ, ତମେ ଦେଲା ଗଟେକ୍ ସୁନାର୍ ତାବୁ ନେଇ ଆରି ଦସ୍ତା
 କଲିଆଟି ।” ୧୭ ସେ ରାଜା ସାର୍ଦା ଅଇ ତାକେ କଇଲା “ତୁଇ ନିକ ଦାଢ଼ୁଡ଼ା,
 ଅଲପ୍ ବିସଇ ଦାଇତ୍ ନେଇ କାମ୍ କଲୁସ୍ । ସେଟାର୍ପାଇ ମୁଇ ତକେ ଦସ୍ତା
 ଗଡ଼ ଉପ୍ରେ ସାସନ୍ କର୍ବାକେ ସର୍ପି ଦେଲିନି ।” ୧୮ ଆରି ଗଟେକ୍ ଲକ୍
 ଆସି କଇଲା, “ଆଗିଆଁ, ତୁଇ ଦେଇରଇଲା ସୁନାର୍ ତାବୁ ନେଇ ଆରି ପାଁଟା
 ଲାବ୍ କଲିଆଟି ।” ୧୯ ସେ ରାଜା ତାକେ ମିସା କଇଲା “ତକେ ସାସନ୍
 କର୍ବାକେ ପାଁଟା ଗଡ଼ ସର୍ପିଦେଲିନି ।” ୨୦ ମାତର୍ ଆରି ଗଟେକ୍ ଦାଢ଼ୁଡ଼ା
 ରାଜାର୍ ଲଗେ ଆସି କଇଲା, “ଏ ଆଗିଆଁ, ତମେ ଦେଇରଇଲା ସୁନାର୍ ତାବୁ
 ଏଦେ ଦେକା, ଗଟେକ୍ ଗର୍ଣ୍ଣୁଇ ଗୁଡ଼ିଆ ବାନ୍ଧି ସଢ଼ୁଇ ଦେଇରଇଲି । ୨୧ ତୁଇ
 ସାସନ୍ କର୍ବା ଲକ୍ ବଲି ତରିକରି ମୁଇ ସେଟା ନେଇ ବେବାର୍ କରିନାଇ ।
 କାଇକେବଇଲେ ଜାକେ ଦେଇ ନ ରଉସ୍ ତାର୍ତେଇଅନି ମାଢ଼ୁନେଇସୁ । ଆରି
 ଜନ୍ତି ବୁନି ନ ରଉସ୍ ତେଇଅନି କାଟି ନେଇସୁ ।” ୨୨ ସେ ରାଜା ରିସାଅଇ
 କଇଲା, “ଅଇରେ ଦାଢ଼ୁଡ଼ା, ତର୍ କାତା ଇସାବେ ଆକା ତକେ ବିଚାର୍ କର୍ବି ।
 ମୁଇ ଲକ୍ମନ୍ ଜନ୍ଟା ଦେଇ ନ ରଇ ସେଟା ମାଗିନେବି, ଆରି ଜନ୍ତେଇ ବୁନି
 ନ ରଇ ତେଇଅନି କାଟ୍ବି, ସେଟା ଜାନିରଇଲୁସ୍ । ୨୩ ସେନ୍ଦ୍ରାଆଲେ ମର୍
 ସୁନାର୍ ତାବୁ କାଇକେ ବେକେ ସଢ଼ୁଇସ୍ ନାଇ? ସଢ଼ୁଇ ରଇଲେ ତେଇଅନି
 ମକେ କଲନ୍ତୁର୍ ମିଲ୍ତା ।” ୨୪ ଆରି ସେ ଲଗେ ଟିଆଅଇଲା ଲକ୍ମନ୍କେ
 ରାଜା କଇଲା, “ତାର୍ ତେଇଅନି ଏ ଅଦ୍ଲି ମାଗିନେଇ ଜେ ଦସ୍ତା ଅଦ୍ଲି
 ଲାବ୍କଲା ଆତେ, ତାକେ ଦିଆସ୍ ।” ୨୫ ମାତର୍ ସେ ଲକ୍ମନ୍ ରାଜାକେ
 ପାତାର୍ଲାଇ, “ଏ ଆଗିଆଁ ତାର୍ଟାନେ ଦସ୍ତା ଆତେ ଆରି ତାକେ କାଇକେ
 ଦେଉଁ?” ୨୬ ସେ କଇଲା, “ମୁଇ ତମ୍କେ କଇଲିନି, ଜାକେ ଆତେ ତାକେ
 ଅଦିକ୍ ଦିଆଅଇସି, ମାତର୍ ଜାର୍ ନାଇ, ତାର୍ତେଇ ରଇଲା ଅଲପ୍ ମିସା
 ଚାତାଇ ନିଆଅଇସି । ୨୭ ମାତର୍ ଜେମନ୍ ମୁଇ ତାକର୍ ରାଜା ଅଇବାକେ ମନ୍
 ନ କର୍ତେ ରଇଲାଇ, ସେମନ୍କେ ତାକି ଆନି ମର୍ ମୁଆଟେ ମରାଇଦିଆସ୍ ।”
 ୨୮ ଜିସୁ ଏ ସବୁ କାତା କଇସାରାଇ ସିସ୍ମନର୍ ଆଗ୍ତୁ ଆଗ୍ତୁ ଜିରୁସାଲାମ୍
 ବାଟେ ଗାଲା । ୨୯ ଜେଡେବଲ୍ ଜିସୁ ଆରି ତାର୍ ସିସ୍ମନ୍ ଜିଡ଼ଗର୍ମନ୍
 ରଇଲା ତଢ଼ୁର୍ ପାଲି ଆରି ବେଡ଼ପାଗି ଆରି ବେଡ଼ନିଆ ଗଡେ କେଟ୍ଲାଇ,
 ସେ ସିସ୍ମନର୍ ବିଡ଼ରେ ଅନି ଦୁଇ ଲକ୍କେ, ସେମନ୍ ଜିବା ଆଗ୍ତୁ ଏନ୍ଦ୍ରାରି
 କଇପାଟାଇଲା । ୩୦ ତମର୍ ମୁଆଟେ ରଇବା ଗାଏଁ ଜାଆ । ସେ ଗାଏଁ

ଗାଲେ, କେ କେବେ ମିସା ଚଗିନରଇବା ଗଦପିଲା ବାନ୍ଧିଅଇରଇଲାଟା
 ଦେକ୍‌ସା । ତାକେ ମେଲି ଦାରିଆସା । ୩୧ ଜେ ଜଦି ତମ୍‌କେ “କାଇକେ
 ମେଲି ନେଲାସ୍‌ନି?” ବଲି କଇଲେ “ଏଟା ଗୁରୁକେ ଦର୍କାର୍ ଆଟେ ବଲି
 କୁଆ ।” ୩୨ ପଟେ ସିସ୍‌ମନ୍ ସେ ଗାଏଁ ଜାଇ, ଜିସୁ ଜେନ୍ତି କଇରଇଲା
 ସେନ୍ତି ଦେକ୍‌ଲା । ୩୩ ଆରି ସେମନ୍ ସେ ଗଦପିଲାକେ ମେଲ୍‌ବାବେଲେ
 ଗଦ ପିଲାର୍ ସାଉକାର୍ ସେମନ୍‌କେ ପାଟାର୍‌ଲା, “କାଇକେ ଗଦପିଲାକେ
 ମେଲ୍‌ଲାସ୍‌ନି?” ୩୪ ସିସ୍‌ମନ୍ କଇଲା, “ଏ ଗଦପିଲା ଗୁରୁକେ ଦର୍କାର୍
 ଆଟେ ।” ୩୫ ସିସ୍‌ମନ୍ ଗଦ ପିଲାକେ ଜିସୁର୍ ଲଗେ ଆନି ନିଜର୍ ନିଜର୍ ଲୁଗା
 ଗଦର୍ ଉପ୍‌ରେ ତାବି ଜିସୁକେ ତାର୍ ଉପ୍‌ରେ ବସାଇଲା । ୩୬ ଆରି ଜିସୁ
 ଗାଲା ବାଟେ ଲକ୍‌ମନ୍ ନିଜର୍ ନିଜର୍ ପଟିଆମନ୍ ଅଟାଇ ଦେଲା । ୩୭ ଜିସୁ
 ଜେଡେବଲ୍ ଜିଡଗର୍‌ମନ୍ ରଇଲା ଗଡଗଡା ଜାଗା ଲଗେ କେଟ୍‌ଲା, ସେବେଲା
 ତେଇ ରଇଲା ତାର୍ ଜେଡକି ସିସ୍ ମାନ୍‌ ସେ କରିରଇଲା କାବାଅଇଜିବା
 କାମ୍ ଏଟାଇ, ସାର୍‌ଦାଅଇ ଆଉଲିଅଇକରି ପର୍‌ମେସର୍‌କେ ଛୁଆର୍ କରି
 କଇଲା, ୩୮ “ପର୍‌ମେସର୍‌ ନାଉଁ ନେଇକରି ଜନ୍ ରାଜା ଆଇଲାନି ତାକେ
 ସେ ଆସିବ୍‌ବାଦ୍ କର । ସର୍‌ଗେ ସାନ୍ତି ଅ, ଆରି ସବୁର୍‌ଟାନେ ଅନି ବଡ୍
 ପର୍‌ମେସର୍‌ ମଇମା ଅ ।” ୩୯ ସେ ସିସ୍ ମାନ୍‌ ବର୍‌ରେ କେତେଟା
 ପାରୁସିମନ୍ ଜିସୁକେ କଇଲା, “ଏ ଗୁରୁ ତରସ୍‌ଟୁ ଆଇବା ସିସ୍‌ମନ୍‌କେ
 ଚିମ୍‌ରାଅଇ ରଇବାକେ କଅ ।” ୪୦ ମାତର୍ ଜିସୁ ସେମନ୍‌କେ କଇଲା, “ମୁଇ
 ତମ୍‌କେ କଇଲିନି, ଏ ଲକ୍‌ମନ୍ ଚିମ୍‌ରାଅଇ ରଇଲେ ପାକ୍‌ମାମନ୍ ତାକର୍ ନିଜେ
 ନିଜେ ଆଉଲି ଅଇବାଇ ।” ୪୧ ଜିସୁ ଜିରୁସାଲାମ୍ ଲଗେ କେଟ୍‌ଲା ବେଲେ
 ସେ ଗଡ୍ ଦେକି କାନ୍ତିକରି କଇଲା, ୪୨ “ସାନ୍ତି ପାଇବାକେ କାଇଟା ଦର୍କାର୍,
 ସେଟା ଜଦି ତମେ ଆଜି ଜାନିରଇତାସ୍ ଆଲେ, କେତେ ନିକ ଅଇତା! ମାତର୍
 ସେସବୁ ଏବେ ତମେ ଦେକି ନାପାର୍‌ଲାସ୍‌ନି । ୪୩ ସେଟାର୍‌ପାଇ ବଲି ଏନ୍ତି
 ବେସି ବାଦା ଅଇଜିବା ଦିନ୍ ଆଇସି । ତମର୍ ସର୍‌ରୁମନ୍ ତମର୍ ଚାରିବେଟ୍‌ତି
 ପାରୁରି ବାନ୍ଧି ଅଟ୍‌କାଇବାଇ ଆରି ଚାରିବେଟ୍‌ତି ଅନି ତମର୍ ଉପ୍‌ରେ ମାଣ୍ଡି
 ଆଇବାଇ । ୪୪ ସେମନ୍ ତମ୍‌କେ ଆରି ତମର୍ ପାରୁରି ତେଇ ରଇବା
 ଲକ୍‌ମନ୍‌କେ ପୁରାପୁରୁନ୍ ନସାଇ କୁଟ୍‌କୁଟା କରିଦେବାଇ । ଗଟେକ୍ ପାକ୍‌ମା
 ମିସା ନିଜର୍ ଜାଗାଇ ନ ଚାଡ୍‌ତ୍ । କାଇକେବଇଲେ ପର୍‌ମେସର୍ ତମ୍‌କେ
 ରକିଆ କର୍‌ବାକେ ଆସିରଇଲା, ସେବେଲା ତମେ ଜାନି ନାପାର୍‌ଲାସ୍ ।”

୪୫ ଆରି ଜିସୁ ଜିରୁସାଲୀମ୍ ମନ୍ଦିର ବିତ୍ରେ ପୁରିକରି ତେଇ ଗେନାବିକା କର୍ବା ଲକ୍ମନକେ ବାରକରାଇଦେବାର୍ ଦାର୍ଲା । ୪୬ ସେମନ୍କେ କଇଲା, “ଦରମ୍ ସାସ୍ତରେ ଏନ୍ତାରି ଲେକାଅଇଲା ଆତେ, ମର୍ ଗର୍ ପାର୍ତନା ଗର୍ ଅଇସି । ମାତର୍ ତମେ ସେଟା ଚର୍ମନର୍ ଲୁର୍ବା ଜାଗା କରିଆତାସ୍ ।” ୪୭ ତାର୍ ପତେ ଜିସୁ ସବୁଦିନେ ଜିରୁସାଲୀମ୍ ମନ୍ଦିରେ ସିକିଆ ଦେଇତେ ରଇଲା । ମାତର୍ ମୁକିଅ ପୁଜାରିମନ୍, ସାସ୍ତର୍ ସିକାଉମନ୍ ଆରି ନେତାମନ୍ ମିସି ଜିସୁକେ ମରାଇବାକେ ଚେସ୍ଟା କର୍ତେ ରଇଲା । ୪୮ କାଇକେ ବଇଲେ ଗୁଲାଲ ଲକ୍, ଜିସୁ ସିକାଇଦେବା କାତା ଆରି ସେ କଇତେରଇବା ପର୍ମନ୍ ମନ୍ଦିଆନ୍ ଦେଇ ସୁନ୍ତେ ରଇଲା । ତେବର୍ ପାଇ ସେମନ୍ କେନ୍ତା କର୍ବାର୍ ବଲି ବାଟ୍ ମିଲାଲ ନାପାର୍ତେ ରଇଲା ।

୨୦ ଦିନେକ୍ ଜିସୁ ମନ୍ଦିରେ ଲକ୍ମନକେ ମାପୁରୁ ନିମାନ୍ କାତାର୍ ସିକିଆ ଦେଇତେରଇଲା । ସେବେଲାଲ ମୁକିଅ ପୁଜାରିମନ୍, ନିୟୁମ୍ ସିକାଇଦେବା ଲକ୍ମନ୍ ଆରି ପାର୍ତନିମନ୍ ଜିସୁର୍ ଲଗେ ଆସି ପାଚାର୍ଲା । ୧ “ତୁଇ କାର୍ ଅଦିକାର୍ ମିଲାଲକରି ଏସବୁ ବିସଇ କଲୁସିନି? କେ ତକେ ଏ ଅଦିକାର୍ ଦେଲା? ଆମ୍କେ କ ।” ୩ ମାତର୍ ଜିସୁ କଇଲା, “ମୁଇ ମିସା ତମ୍କେ ଗଟେକ୍ କାତା ପାଚାର୍ବି, ତମେ ମକେ କୁଆ । ୪ ଜଅନ୍ କାର୍ ଅଦିକାର୍ ମିଲାଲ ଲକ୍ମନକେ ତୁବନ୍ ଦେଇତେ ରଇଲା? ସରଗର୍ ପର୍ମେସର୍ ଦେଲାଟାନେ ଅନି କି, ଲକ୍ମନର୍ଟାନେ ଅନି?” ୫ ସେବେଲାଲ ସେମନ୍ ନିଜର୍ ନିଜର୍ ବିତ୍ରେ ଦଦାପେଲା ଅଇଲା । ଜଦି ଜଅନର୍ ତୁବନ୍ ସର୍ଗେଅନି ବଲି କଇଲେ, କାଇକେ ତାକେ ବିସ୍ବାସ୍ କରାସ୍ ନାଇ? ବଲି କଇବାଇ । ୬ ମାତର୍ ଆମେ ଲକ୍ମନର୍ତେଇଅନି ବଲି କଇଲେ ସବୁ ଲକ୍ ଆମ୍କେ ପାକ୍ନା ମାର୍ବାଇ । କାଇକେ ବଇଲେ, ଜଅନ୍ ସତଇସେ ପର୍ମେସର୍ତେଇ ଅନି ଆଇଲା ବବିସର୍ବକ୍ତା ବଲି ଆମ୍ବ୍ ଜିଉଦି ଲକ୍ମନ୍ ବିସ୍ବାସ୍ କଲାଇନି । ୭ ଏଟା ବାବିକରି ସେମନ୍ “ଆମେ ନାଜାନୁ ।” ବଲି କଇଲା । ୮ ଆରି ଜିସୁ ସେମନ୍କେ କଇଲା, “ଏନ୍ତି ବଇଲେ ମୁଇ ମିସା କାର୍ ଅଦିକାର୍ ମିଲାଲକରି ଏସବୁ ବିସଇ କଲିନି, ସେଟା ତମ୍କେ ନ କଇ ।” ୯ ତାର୍ ପତେ ଜିସୁ ଲକ୍ମନକେ ବୁଜାଇବାକେ ଗଟେକ୍ କାତାନି କଇଲା । “ଗଟେକ୍ ଲକ୍ ତାର୍ ପଦାଇ ଅଢୁର୍ ତାସ୍ କରି, କେତେଟା ତାସିକେ ଆଦିବାଗ୍ କର୍ବାକେ ଦେଲା । ଦେଇକରି ସେ ବେସି ଦିନର୍ ପାଇ ଗଟେକ୍ ଦୁର୍ ଦେସେ ରଇବାକେ

ଉଚିତାଲା । ୧୦ ଆରି ଅଢ଼ୁରୁ ତଲ୍‌ବାବେଲା କେଟ୍‌ଲାକେ ସାଉକାର୍ ତାର୍
 ଗଟେକ୍ ଦାଢ଼ୁତାକେ ତାର୍ ବାଗ୍ ମାଢ଼ି ଆନ୍‌ବାକେ ପାଟାଇଲା । ମାତର୍ ସେ
 ଲକ୍‌ମନ୍ ତାର୍ ବାଗ୍ ନ ଦେଇ ତାର୍ ଦାଢ଼ୁତାକେ କୁଟ୍‌କୁଟା ମାରି ରୁଟା ଆଡେ
 ପାଟାଇଦେଲା । ୧୧ ତାର୍ ପଡେ ସେ ଆରି ଗଟେକ୍ ଦାଢ଼ୁତାକେ ପାଟାଇଲା
 । ସେମନ୍ ତାକେ ମିସା ମାରିକରି ନିନ୍ଦା କାତା କଇ, ଲାଜ୍ କରାଇକରି
 ରୁଟା ଆଡେ ପାଟାଇ ଦେଲା । ୧୨ ତାର୍ ପଡେ ସାଉକାର୍ ଆରି ଗଟେକ୍
 ଦାଢ଼ୁତାକେ ସେମନ୍‌ର ଲଗେ ପାଟାଇଲା । ମାତର୍ ସେ ଦାଢ଼ୁତାକେ ମିସା
 ରଗ୍‌ରଗା ଅଇଡେ ମାରି କେଦିଦେଲା । ୧୩ ତାର୍ ପଡେ ସାଉକାର୍ ମନେ
 ମନେ ବାବ୍‌ଲା, “ଏବେ ମୁଇ କାଇଟା କରବି? ମୁଇ ବେସି ଆଲାଦ୍ କରବା ମର୍
 ପିଲାକେ ପାଟାଇବି । ବାଇଦରେ ସେମନ୍ ତାକେ ମାନ୍‌ବାଇ ।” ୧୪ ମାତର୍
 ସେମନ୍ ସେ ପିଲା ଆଇବାଟା ଦେକିକରି ତାକର୍ ବିତ୍‌ରେ କାତାଅଇଲା, “ଏଟାସେ
 ସେ ସାଉକାର୍ ପିଲା, ଆମେ ଆକେ ମରାଇଦେଲେ ଏ ସବୁ ଦନ୍
 ଆମର୍ ଅଇଜାଇସି । ୧୫ ଆରି ସେମନ୍ ସାଉକାର୍ ପିଲାକେ ବାଇରେ ନେଇ
 ମାରି ମରାଇଦେଲା । ଏନ୍ତି ବଇଲେ ସାଉକାର୍ ସେ ଲକ୍‌ମନ୍‌କେ କାଇଟା
 କରଇଇସି? ୧୬ ମୁଇ ତମ୍‌କେ କଇଲିନି, ସେ ଆସିକରି ସେ ଲକ୍‌ମନ୍‌କେ
 ମରାଇ ଦେଇସି । ଆରି ବଡ୍ ବିନ୍‌ଲକ୍‌ମନ୍‌କେ ଆଦିବାଗ୍ କରବାକେ ଦେଇସି
 ।” ମାତର୍ କାତାନି ସୁନ୍‌ଡେ ରଇଲା ଲକ୍‌ମନ୍ କଇଲା, “ଏନ୍ତାର୍ କେବେ
 ମିସା ନଅ ।” ୧୭ ମାତର୍ ଜିସୁ ଲକ୍‌ମନ୍‌କେ ନିକ ଦେକିକରି କଇଲା,
 “ଏନ୍ତି ବଇଲେ ପର୍‌ମେସରର୍ ସାସ୍‌ତରେ ଲେକାଅଇଲା ଅରଡ୍ କାଇଟା?
 ଗର୍‌ବାନ୍‌ବା ଲକ୍‌ମନ୍ ଜନ୍ ପାକ୍‌ନା ‘ନ’ଏଁ ବଲି ଚାଡି ଦେଇରଇଲା ସେ
 ପାକ୍‌ନାସେ ଗର୍ କନର୍ ମୁଲ୍ ପାକ୍‌ନା ଅଇଲା । ୧୮ ଜନ୍ ଲକ୍‌ମନ୍ ସେ ପାକ୍‌ନା
 ଉପ୍‌ରେ ଅଦର୍‌ବାଇ, ସେମନ୍ କଣ୍ଟୁ କଣ୍ଟୁ ଅଇଜିବାଇ, ଆରି ସେ ପାକ୍‌ନା
 ଜାର୍ ଉପ୍‌ରେ ଅଦର୍‌ସି, ସେ ବିଲି ଆଜିଜାଇସି ।” ୧୯ ସେବେଲା ସାସ୍‌ତର୍
 ସିକାଉମନ୍ ଆରି ମୁକ୍‌ଅ ପୁଜାରିମନ୍ ଜିସୁର୍ କାତାନି ସୁନି, ତାକେ ଦାପ୍‌ରେ
 ବନ୍ଧି କରବାକେ ବାଟ୍ କଜ୍‌ଡେ ରଇଲା । କାଇକେ ବଇଲେ ଜିସୁ କଇବା
 ଅଢ଼ୁରୁ ବାଡର୍ କାତା, ସେମନ୍‌ର ବିସଇନେଇ କଇଲାନି ବଲି ରୁଜ୍‌ଲାଇ ।
 ମାତର୍ ସେମନ୍ ଲକ୍‌ମନ୍‌କେ ଡର୍‌ଡେ ରଇଲା । ୨୦ ସେଟାର୍‌ପାଇ ସେମନ୍
 ତାର୍ ବୁଲ୍ ଦାର୍‌ବାକେ ଗଟେକ୍ ସୁଜଗ୍ କଜ୍‌ଡେ ରଇଲା । ସେମନ୍ କେତେଟା
 ଡର୍‌ମନ୍‌କେ ଲାଁଡେଦଇ ଦରମ୍ ଲକ୍‌ପାରା ଦେକାଇ ଅଇବାକେ ପାଟାଇଲା

। କାଇକେ ବଇଲେ ଜିସୁର୍ ଟଣ୍ଡେଅନି ବୁଲ୍‌କାତା ବାର୍‌କରାଇ, ଦସ୍ ଦାରି,
 ରମିୟ ସାସନ୍‌କାରିଆକେ ସର୍ପି ଦେବାକେ ମନ୍‌କର୍‌ତେ ରଇଲା । ୨୧
 ସେଟାର୍‌ପାଇ ସେ ଚର୍‌ମନ୍ ଜିସୁକେ ପାଟାରୁଲା, “ଏ ଗୁରୁ, ତମେ ଟିକ୍
 କଇଲାସ୍‌ନି ଆରି ଟିକ୍ ସିକାଇଲାସ୍‌ନି ବଲି ଆମେ ଜାନିଆରୁ । କାର୍‌ବାଟେ ନ
 ଅଇ ଲକ୍‌ମନର୍ ଜିବନର୍‌ପାଇ ପର୍‌ମେସରର୍ ସର୍ ବିସଇସେ ସିକାଇଲୁସ୍‌ନି
 । ୨୨ ଏବେ ତୁଇ ଆମ୍‌କେ କଅ, ରମିୟ ସର୍‌କାରର୍ ରାଜା କାଇସର୍‌କେ
 ସିସ୍‌ତୁ ଦେବାଟା ଆମର୍ ନିୟ୍‌ମ୍ ଇସାବେ ଟିକ୍ କି ନାଇ?” ୨୩ ମାତର୍ ଜିସୁ
 ସେମନର୍ ମନ୍‌ବିତ୍‌ରର୍ କାତା ଜାନିକରି କଇଲା, ୨୪ “ମକେ ଗଟେକ୍ ରମିୟ
 ସର୍‌କାରର୍ ଅଦ୍‌ଲି ତାରୁ ଦେକାଆ । ତେଇ କାର୍ ମୁର୍‌ତି ଆରି କାର୍ ନାଉଁ
 ଆଟେ?” “କାଇସରର୍ ମୁର୍‌ତି ଆରି ନାଉଁ ଆଟେ ।” ବଲି ସେମନ୍ କଇଲା ।
 ୨୫ “ସେନ୍ତୁର୍ ରଇଲେ ଜନ୍‌ଟା କାଇସରର୍‌ଟା ସେଟା କାଇସର୍‌କେ ଦିଆସ୍,
 ଜନ୍‌ଟା ପର୍‌ମେସରର୍‌ଟା ସେଟା ପର୍‌ମେସର୍‌କେ ଦିଆସ୍ ।” ବଲି କଇଲା
 । ୨୬ ଏ କାତା ସୁନି ସବୁଲକର୍ ମୁଆଟେ ସେମନ୍ ଜିସୁର୍ ବୁଲ୍ ଦାର୍‌ବାର୍
 ନାପାରୁଲା । ଆରି ଜିସୁର୍ କାତା ସୁନି ସେମନ୍ କାବାଅଇଜାଇ, ରୁପ୍‌ଅଇ
 ରଇଲା । ୨୭ ତାର୍ ପଟେ କେତେଟା ସାଦୁକି ଲକ୍‌ମନ୍ ଜିସୁର୍ ଲଗେ ଗାଲା ।
 । ସେମନ୍, ମଲା ଲକ୍‌ମନ୍ ଆରି ତରେକ୍ ଜିବନ୍‌ଅଇ ଉର୍‌ବା ବିସଇ ବିସ୍‌ବାସ୍
 ନ କର୍‌ତେ ରଇଲା । ୨୮ ସେମନ୍ ଜିସୁକେ ପାଟାରୁଲା, “ଏ ଗୁରୁ, ମସା
 ଆମର୍ ପାଇ ଏନ୍ତି ନିୟ୍‌ମ୍ ଲେକିଆଟେ ଜେ, ଗଟେକ୍ ଲକ୍ ବିବାଅଇ ପିଲାଟକି
 ନ ଅଇତେ ମରିଗାଲେ ତାର୍ ବାଇ ସେ ରାଣ୍ଟିମାଇଜିକେ ସଢ୍ଘୁଇସି । ଆରି
 ପିଲାଟକି ଅଇଲେ ତାର୍ ବଡ୍‌ବାଇର୍ କୁଟୁମ୍ ରକିଆ ଅଇସି । ୨୯ ଏନ୍ତି
 ସାଡ୍‌ବାଇ ରଇଲା । ପର୍‌ତୁମ୍ ବାଇ ବିବା ଅଇ ପିଲାଟକି ନଇତେ ମରିଗାଲା
 । ୩୦ ତାର୍ ପଟେ ବଡ୍‌ମଜିଆ ରାଣ୍ଟିମାଇଜିକେ ସଢ୍ଘୁଇଲା । ମାତର୍ ସେ ମିସା
 ପିଲାଟକି ନଇତେ ମରିଗାଲା । ୩୧ ତାର୍ ପଟେ ମଜିଆବାଇ ରାଣ୍ଟିମାଇଜିକେ
 ସଢ୍ଘୁଇଲାକେ ପିଲାଟକି ନଇତେ ମରିଗାଲା । ସେନ୍ତି ସେ ରାଣ୍ଟିମାଇଜିକେ
 ସାଡ୍ ବାଇ ଜାକ ସଢ୍ଘୁଇ ପିଲାଟକି ନଇତେ ମରିଗାଲା । ୩୨ ସାରାସାରି
 ପଟେ ସେ ମିସା ମରିଗାଲା । ୩୩ ଏନ୍ତି ବଇଲେ ମଲାତେଇଅନି ଉର୍‌ଲା ପଟେ
 ସେ କାର୍ ମାଇଜି ଅଇସି? କାଇକେ ବଇଲେ ସେମନ୍ ସାଡ୍ ଲକ୍‌ଜାକ ତାକେ
 ସଢ୍ଘୁଇ ରଇଲା ।” ୩୪ ଜିସୁ ସେମନ୍‌କେ କଇଲା, “ଏ ଜୁଗର୍ ମାଇଜି ମନସ୍
 ବିବା ଅଇବାଇ, (aiōn g165) ୩୫ ମାତର୍ ଜନ୍ ମାଇଜିମନସ୍ ମଲାଟାନେଅନି

ଉଚି, ଆଇବା ଜଗତେ ଜିଇବା କାଇବାକେ ବାଟିଅଇଆଚତ୍, ସେମନ୍ ବିବା
 ନ ଅଅଚ୍ । (aiōn g165) ୩୭ ସେମନ୍ ପର୍ମେସରର୍ ଦୁର୍ମନର୍ପାରା ଅଇ
 ଆରି କେବେମିସା ନ ମରଚ୍ । ପଚେ ମଲାଟାନେଅନି ଉଚି ପର୍ମେସରର୍
 ପିଲାଟକି ଅଇ ରଇବାଇ । ୩୭ ମସା ବଲ୍ କରି ବୁଜାଇ ଦେକାଇଦେଇ ଆଚେ
 । ମଲା ଲକ୍ମନ୍ ଜିବନ୍ ଅଇ ଉଚ୍‌ବାଇ । ଲାଗ୍‌ଚେ ରଇବା ବୁଟାର୍ କାତାଇ,
 ମସା ଅବ୍ରାଆମର୍ ପର୍ମେସର, ଇସାକର୍ ପର୍ମେସର ଆରି ଜାକୁବର୍
 ପର୍ମେସର ବଲି ପର୍ମେସରକେ ଜାନାଇ ଆଚେ । ୩୮ ପର୍ମେସର ମଲା
 ଲକ୍ମନର୍ ମାପ୍‌ରୁ ନଏଁ, ଜିବନ୍ ରଇଲା ଲକ୍ମନର୍ ମାପ୍‌ରୁ । ପର୍ମେସରର୍
 ଦେକ୍‌ବା ଇସାବେ ତେଇ ସେମନ୍ ସବୁ ଲକ୍ ଜିବନ୍ ଅଇଆଚତ୍ ।” ୩୯
 ତାର୍ ପଚେ କେତେଟା ସାସ୍‌ତର୍ ସିକାଉମନ୍ “ଏ ଗୁରୁ ତୁଇ ବଡେ ନିକସ୍‌ଠୁ
 ଉତର୍ ଦେଇଆରୁସ୍!” ବଲି ଜିସୁକେ କଇଲାଇ । ୪୦ କାଇକେବଇଲେ
 ଜିସୁକେ ଆରି କେ ମିସା ପର୍ସନ୍ ପାଚାର୍‌ବାକେ ସାଆସ୍ କରଚ୍ ନାଇ । ୪୧
 ତାର୍ ପଚେ ଜିସୁ ତାର୍ କାତା ସୁନ୍‌ବା ଲକ୍ମନକେ ପାଚାର୍‌ଲା, “ପର୍ମେସର
 ବାଟିପାଟାଇଲା କିରିସ୍‌ଟ ଦାଉଦ୍ ରାଜାର୍ ନାଟିତିତି ବଲି ଲକ୍ମନ୍ କାଇକେ
 କଇଲାଇନି?” ୪୨ କାଇକେ ବଇଲେ ଦାଉଦ୍ ରାଜା ଗିତ୍‌ସ୍‌ଠିଟା ବଇତେଇ
 ନିଜେ ଏନ୍ତି ଲେକି ଆଚେ, ପର୍ମେସର ମର୍ ମାପ୍‌ରୁକେ କଇଲା, ୪୩ ମୁଇ
 ତର୍ ବିରଦିମନକେ ଆରାଇକରି ତର୍ ପାଦ୍‌ତଲେ ସଞ୍ଜୁଇବା ପିତାପାରା ନ
 କର୍‌ବା ଜାକ, ତୁଇ ମର୍ ଉଜାବାଟେସେ ବସି ର । ୪୪ ଜଦି ଦାଉଦ୍ ରାଜା
 କିରିସ୍‌ଟକେ ମାପ୍‌ରୁ ବଲି ତାକି ରଇଲେ ଆରି କିରିସ୍‌ଟ କେନ୍ତି ଦାଉଦ୍ ରାଜାର୍
 ନାଟିତିତି ଅଇସି? ବଲି ପାଚାର୍‌ଲା । ୪୫ ସେବେଲା ସବୁ ଲକ୍ମନ୍ ଜିସୁ
 ସିକାଇବା ବିସଇ ସୁନ୍‌ତେ ରଇଲାବେଲେ, ସେ ତାର୍ ସିସ୍‌ମନକେ କଇଲା,
 ୪୬ “ନିୟ୍‌ମ୍ ସିକାଇବା ଲକ୍ମନର୍‌ତେଇଅନି ଜାଗ୍‌ରଚ୍ ରୁଆ । ସେମନ୍
 ନିମାନ୍ ପତିଆ ପିନ୍ତି ବୁଲ୍‌ବାକେ ମନ୍ କର୍‌ବାଇ । ଆଟେବାଟେ ଛୁଆର୍
 ପାଇବାକେ, ପାର୍‌ତନା ଗରର୍ ମୁକିଆ ଜାଗାଇ ବସ୍‌ବାକେ, ଆରି ବଜିତେଇ
 ସବୁ ଲକ୍‌ଟାନେଅନି ଆଗ୍‌ରୁ ବସ୍‌ବାକେ ମନ୍ କର୍‌ବାଇ । ୪୭ ସେମନ୍ ଲାଜ୍
 ନଅଇ ରାଣ୍ଟି ମାଇଜିମନକେ ନାଡାଇକରି ସେମନର୍ ଦନ୍‌ସ୍‌ପତି ଜୁରି ନେବାଇ
 । ମାତର୍ ସେମନ୍ ନିମାନ୍ ଲକ୍‌ପାରା ଦେକାଇଅଇବାଇ । ଆରି ଲକ୍ମନର୍
 ମୁଆଟେ ବେସି ଲମାଇକରି ପାର୍‌ତନା କର୍‌ବାଇ । ଏନ୍ତାରି ଲକ୍ମନକେ
 ପର୍ମେସର ବେସି ବଡ୍ ତଣ୍ଟୁ ଦେଇସି ।”

୨୧ ତାର ପରେ ଜିସୁ ଚାରିବେଢ଼ି ଦେକ୍ଲା ଆରି ସାଉକାର୍ ଲକ୍ମନ୍ ମନ୍କିରୁର୍ ପେଟିଆଟାନେ ଦାନ୍ ଦେବାଟା ଦେକ୍ଲା । ୨ ସେବେଲା ଗଟେକ୍ ଅର୍କିଡ଼ ରାଣ୍ଟି ମାଇଜି ମିସା ଜଡେକ୍ ତାମାକାସୁ ଦେବାଟା ଜିସୁ ଦେକ୍ଲା । ୩ “ମୁଇ ତମ୍‌କେ ସଡ଼ କାତା କଇଲିନି, ସବୁ ଲକର୍‌ଟାନେଅନି ଏ ରାଣ୍ଟିମାଇଜି ଅଦିକ୍ ଦେଲା ଆଚେ । ୪ କାଇକେ ବଇଲେ ସାଉକାର୍ ଲକ୍ମନ୍ ନିଜର୍ ନିଜର୍ ଅଗଲ୍‌ଲା ଦନ୍‌ଡେଇଅନି ଅଲପ୍ ଅଲପ୍ ଦେଲା ଆଚଡ଼ । ମାତର୍ ଏ, ନିଜେ ବର୍‌ବା ପାଇ ତାର୍ ଜେଡ଼କି ରଇଲା ସବୁ ଦେଲା ଆଚେ ।” ୫ କେତେଟା ସିସମନ୍ ମନ୍କିରୁର୍ ବିସଇ ନେଇକରି ନିଆଇ କର୍‌ଡେ ରଇଲା । “ଡେଇ ଲାଦିରଇବା ସୁନ୍‌ରୁ ସୁନ୍‌ରୁ ପାକ୍‌ନା ଆରି ପର୍‌ମେସର୍‌କେ ସର୍‌ପି ଦେଲା ଦାନ୍ ସଡ଼୍ କେତେକ୍ ସୁନ୍‌ରୁ ଗର୍ ବାନ୍‌ଲାଇ ଆଚଡ଼” ବଲି କାତାଅଇଡେ ରଇଲା । ୬ “ଏନ୍ତି ଦିନ୍ ଆଇସି, ଏବେ ତମେ କାଇ କାଇଟା ଦେକ୍‌ଲାସିନି ସେଟା ସବୁ କୁରୁପ୍‌ନାସ୍ ଜାଇସି । ଗଟେକ୍ ପାକ୍‌ନା ମିସା ତାର୍ ଜାଗାଇ ନ ରଏ । ସବୁ ମାଟିଡେଇ ମିସି ଜାଇସି ।” ୭ ତାର୍ ପରେ ସେମନ୍ ଜିସୁକେ ପାଚାର୍‌ଲା, “ଏ ଗୁରୁ ଏଟା ସବୁ କେବେ ଅଇସି? ଆରି ଏ ସବୁ ଗର୍‌ନା କେର୍‌ବା ଆଗ୍‌ତୁ ସେଟା କେଡେବଲ୍ ଅଇସି ବଲି କେନ୍ତି ଚିନି ଅଇସି?” ୮ ଜିସୁ ସେମନ୍‌କେ କଇଲା, “ଜାଗ୍‌ରଡ଼ଅଇକରି ରୁଆ, ନାଡାଇ ଉଆ ନାଇ । ବେସି ଲକ୍ ମର୍ ନାଉଁଦାରି ଆସି କଇବାଇ, ‘ମୁଇ ସେ ଆକା ।’ ବେଲା କେର୍‌ଲା ଆଚେ, ମାତର୍ ତମେ ସେମନ୍‌ର୍ ପରେ ଜାଆ ନାଇ । ୯ ଆରି କେବେ ତମେ ଜୁଇଡ଼ ଆରି କିରମାର ଅଇବାଟା ସୁନ୍‌ସା, ସେବେଲା ତରା ନାଇ । କାଇକେ ବଇଲେ ଏ ସବୁ ଗର୍‌ନା ଆଗ୍‌ତୁ ଅଇସିସେ । ମାତର୍ ଏ ଦୁନିଆର୍ ସେସ୍ ଦିନ୍ ସେଦାପ୍‌ରେ ନ ଆସେ ।” ୧୦ ଆରି ଜିସୁ କଇଲା, “ଦେସ୍ ବିରୁଦେ ଦେସ୍ ଆରି ଜାତି ବିରୁଦେ ଜାତି ଉର୍‌ସି । ୧୧ ଦର୍‌ଡନି ରୁଲ୍‌ବୁଲ୍‌ସି । ବଡ଼ ରଗ୍‌ମନ୍ ଅଇସି ଆରି ଆକାସେ କେବେ ନ ଅଇବା କାବା ଅଇଜିବା ଚିନ୍‌ମନ୍ ଡିସ୍‌ସି । ୧୨ ମାତର୍ ଏ ସବୁ ବିସଇ ନ ଅଇବା ଆଗ୍‌ତୁ, ତମ୍‌କେ ବାନ୍ତିକରି ନେଇ ସାସ୍‌ତି ଦେବାଇ, ପାର୍‌ତନା ଗର୍‌ମନ୍‌କେ ବିତାର୍ କରି ବନ୍ତିଗରେ ପାକାଇବାକେ ସର୍‌ପିଦେବାଇ । ମର୍‌ପାଇ ତମେ ରାଜା ଆରି ସାସନ୍ କାରିଆମନ୍ ମୁଆଟେ ଚିଆ ଅଇସା । ୧୩ ମର୍ ବିସଇ ତମେ ବିନ୍ ଲକ୍ମନ୍‌କେ କଇବାକେ ଗଟେକ୍ ସମାନ୍ ବେଲା ଅଇସି । ୧୪ ଡେବର୍ ପାଇ ‘ମୁଇ ନିଜ୍‌କେ କେନ୍ତି ରକିଆ କର୍‌ବି?’ ସେ ବିସଇ ବାବିକରି ଆଗେଅନି ଚିନ୍ତା କରା ନାଇ । ୧୫ କାଇକେ ବଇଲେ ମୁଇ ତମ୍‌କେ

ଟିକ୍‌ପଦ୍ କଇବାକେ ଗିଆନ୍ ଦେବି । ତମ୍‌କେ ବିରଦ୍ କରୁବା ଲକ୍‌ମନ୍ ସେ
 ଗିଆନର୍ ବାଦୁଲେ କାଇଟା କଇନାପାରତ୍ । ୧୭ ଆରି ତମର୍ ମାଆ ବାବା,
 ବାଇ, ନିଜର୍ ଲାଗାର୍ ଲିଡାର୍ ଲକ୍, ମଇତର୍‌ମନ୍ ଆରି କୁଟୁମର୍ ଲକ୍‌ମନ୍,
 ତମ୍‌କେ ବିରଦିମନ୍‌କେ ସର୍ପି ଦେବାଇ ଆରି ତମର୍ ବିତ୍‌ରେ ଅନି କେତେ
 ଲକ୍‌କେ ମରାଇଦେବାଇ । ୧୭ ତମେ ମର୍‌ତେଇ ବିସ୍‌ବାସ୍ କଲାସ୍‌ନି ବଲି
 ଗୁଲାଇ ଲକ୍‌ମନ୍ ତମ୍‌କେ ଇନ୍ କରୁବାଇ । ୧୮ ମାତର୍ ତମର୍ ମୁଣ୍ଡୁର୍ ତେଣ୍ଟି
 ମିସା ଗଟେକ୍ ନ ନସେ । ୧୯ ତମେ ତାଟ୍‌ଅଇ ରଇଲେ ଏ ସବୁ ବିସଇ
 ମୁର୍‌ଚିକରି, ତମର୍ ଆତ୍‌ମାକେ ରକିଆ କରୁସା ।” ୨୦ “ମାତର୍ ଜେତେବଲ୍
 ତମେ ଜିରୁସାଲାମ୍ ଗତେ ବିରଦି ସନିଅମନ୍ ଚାରିବେଡ୍‌ତି କିନ୍ତୁରି ରଇବାଟା
 ଦେକ୍‌ସା ବଇଲେ, ସେବେଲା ଜିରୁସାଲାମ୍ ନସ୍‌ଟ ଅଇବା ବେଲା ଲଗେ
 କେଟ୍‌ଲା ବଲି ଜାନା । ୨୧ ସେବେଲାଇ କେ କେ ଜିଉଦା ଦେସେ ରଇବାଇ,
 ସେମନ୍ ତଟ୍‌ଟୁର୍ ବିତ୍‌ରେ ପାଲାଅତ୍ । କେ କେ ଗଡ୍ ବିତ୍‌ରେ ରଇବାଇ ସେମନ୍
 କେନେ ମିସା ବ୍‌ଟ୍‌ବାକେ ପାଲାଅତ୍ । କେ କେ ଗଡ୍ ବାଇରେ ରଇବାଇ
 ସେମନ୍ ଗଡ୍ ବିତ୍‌ରେ ନ ପୁରତ୍ । ୨୨ କାଇକେ ବଇଲେ ସେଟା ସାସ୍‌ତରର୍
 ସବୁ ବିସଇ ଜେନ୍ତିକି ସିଦ୍ ଅଇସି, ସେଟାର୍ ପାଇ ସେ ଦିନ୍‌ମନ୍ ବେସି ତଣ୍ଟୁ
 ପାଇବା ଦିନ୍‌ମନ୍ ଅଇସି । ୨୩ ସେ ଦିନ୍‌ମନ୍‌କେ ଗାର୍‌ତେ ରଇବା ମାଇଜିମନ୍
 ଆରି ଦୁଦ୍ କୁଆଇତେରଇବା ମାଆମନର୍ କେତେକ୍ ଦୁକର୍ ଦିନ୍ ଅଇସି । ଏ
 ଦେସର୍ ଲକ୍‌ମନ୍‌କ ଅପର୍‌ବଲ୍ ଦୁକ୍ ଆଇସି ଆରି ସେମନ୍ ତଣ୍ଟୁ ପାଇବାଇ ।
 ୨୪ କେତେ ଲକ୍‌କେ କାଣ୍ଟୁର୍‌ଦାର୍ ସଡ୍ ମରାଇବାଇ ଆରି କେତେ ଲକ୍‌ମନ୍‌କେ
 ବନ୍ତିକରି ବିନ୍‌ବିନ୍ ଦେସେ ଦାରିଜିବାଇ । ଜିଉଦି ନଇଲା ଲକ୍‌ମନର୍ ବେଲା ନ
 ସାର୍‌ବାଜାକ ଜିରୁସାଲାମ୍ ବିନାସ୍ କରୁବାକେ ଚାଡିଦେବାଇ ।” ୨୫ “ବାଦ୍‌ଲେ,
 ବେଲ୍‌ଟାନେ, ଜନ୍‌ଟାନେ ତାରାମନର୍‌ଟାନେ କେବେ ନ ତ୍ରିସ୍‌ବା ଚିନ୍‌ମନ୍
 ତିସ୍‌ସି । ଦୁନିଆର୍ ସବୁ ଦେସର୍ ଲକ୍, ବେସି ଦୁକ୍ କସ୍‌ଟ୍ ପାଇବାଇ ।
 ଜେତେବେଲା ସମ୍‌ଦୁରର୍ ବଡ୍ ଲଅଡି ଗରଜ୍‌ଲେ ଲକ୍‌ମନ୍ କାଇଟା କରୁବାର୍
 ଆତେ କାଇଟା ନାଇ ବଲି ବାୟାବିକଲ୍ ଅଇଜିବାଇ । ୨୬ ଆରି ଲକ୍‌ମନ୍
 ଦୁନିଆଇ ଆଇବା ସବୁ ଗଟ୍‌ନା ଦେକିକରି ‘କାଇକେ ଏନ୍ତି ଅଇଲାନି?’ ବଲି
 ତରିକରି କେତେ ଲକ୍ ମୁର୍‌ଚା ଅଇଜିବାଇ । କାଇକେ ବଇଲେ ଆକାସେ
 ରଇଲା ସବୁ ବିସଇ ପର୍‌ମେସର ରୁଲ୍‌ବୁଲାଇ ଦେଇସି । ୨୭ ସେବେଲାଇ
 ଲକ୍‌ମନ୍ ପର୍‌ମେସର୍ ତେଇଅନି ଆସିରଇବା ନର୍‌ପିଲା ମୁଇ, ବେସି ବପୁସ୍‌ଟୁ

ଆରି ତାଙ୍କପୁତ୍ରାଅଇକରି ବାଦ୍‌ଲେ ଆଇବାଟା ଦେକ୍‌ବାଇ । ୨୮ ମାତର୍ ଏ ସବୁ ଗର୍ବନା ଆରାମ୍ ଅଇଲେ ତମେ ତାଟ୍‌ସଙ୍ଗ୍ ଟିଆଅଇ ଉପ୍‌ରେ ଦେକା । କାଇକେ ବଇଲେ ତମର୍ ରକିଆ ପାଇବା ଦିନ୍ ଲଗେ ଆତେ ।” ୨୯ ଆରି ଜିସୁ ସେମନ୍‌କେ ଗଟେକ୍ ଉଦାଅରନ୍ କଇଲା, “ତୁମ୍‌ରି ଗର୍ ଆରି ବିନ୍ ସବୁ ଗତର୍ କାତା ଚିନ୍ତା କରା । ୩୦ ଜେତେବେଲେ ତାର୍ କେନ୍ଦୁଅନି ପତର୍ ପାଲୁଆନି କର୍‌ସି, ଆରି କାଁତାପତ୍‌ରିଆ ଡିସ୍‌ଲେ କାରାଦିନ୍ କେଟ୍‌ଲା ବଲି ତମେ ଜାନ୍‌ସା । ୩୧ ସେନ୍ତୁରିସେ ଏ ସବୁ ବିସଇ ଅଇବାଟା ଦେକ୍‌ଲେ ପର୍‌ମେସର୍‌ର ରାଇଜ୍ କେଟି ଆଇଲା ବଲି ଜାନ୍‌ସା ।” ୩୨ “ମୁଇ ତମ୍‌କେ ସତ୍‌କାତା କଇଲିନି । ମନେ ରକା, ଏବେ ଜିବନ୍ ରଇବା ସବୁ ଲକ୍‌ମନର୍ ମରନ୍ ଅଇବା ଆଗ୍ରୁ ଏ ସବୁ ଗର୍‌ସି । ୩୩ ସରଗ୍ ଆରି ମର୍‌ପୁର୍ ନସି ଜାଇସି, ମାତର୍ ମର୍ ବାକିଅ କେବେ ନ ନସେ ।” ୩୪ “ମାତର୍ ତମେ ନିଜର୍ ନିଜର୍ ବିସଇ ନେଇକରି ଜାଗ୍‌ରତ୍ ରୁଆ । ତମର୍ ମନ୍ ସବୁବେଲାଇ ବଜିବାତ୍ କରି ମତ୍ ପେଣ୍ଟୁମ୍ କାଇବା ବିସଇ ଆରି କେନ୍ତୁର୍ ଜିଇବାର୍ ଅଇସି କେନ୍ତୁର୍ ନାଇ ବଲି ଚିନ୍ତାକରି ରଇଲାବେଲେ, ସେ ଦିନ୍ ଅଟାତ୍ ପାନ୍ତୁ ପାରା ଆସି ଲାଗିଜାଇସି । ୩୫ ସେନ୍ତୁରିସେ ଏ ଦୁନିଆର୍ ସବୁ ଲକ୍‌କେ ସେଟା ଗର୍‌ସି । ୩୬ ସେ ଦିନ୍‌ମନ୍‌କେ ଗର୍‌ବା ସବୁ ବିସଇ ଦେଇ, କାଇ ବିପତ୍ ନ ଅଇ ଜିବାକେ ଆରି ପର୍‌ମେସର୍ ପାଟାଈରଇବା ନର୍‌ପିଲା ମର୍ ମୁଆଟେ ଟିଆ ଅଇବାକେ, ପାର୍‌ତନା କରି ଜାଗରତ୍ ଅଇରୁଆ ।” ୩୭ ଜିସୁ ସେ ଦିନ୍‌ମନ୍‌କେ ମନ୍ଦିରେ ଜାଇ ନିମାନ୍ କାତା ସିକାଇ ଦେଇତେ ରଇଲା । ଆରି ତାର୍ ସିସ୍‌ମନର୍ ସଙ୍ଗ୍ ସବୁ ରାତି ବାରିଜାଇ ଜିତ୍ ନାଉଁର୍ ତଙ୍ଗ୍‌ରେ ବିତାଇତେ ରଇଲା । ୩୮ ବେସି ଲକ୍ ଜିସୁର୍ କାତା ସୁନ୍‌ବାକେ ସବୁ ଦିନ୍ ସାକାଲେ ମନ୍ଦିରେ ଜାଇତେରଇଲା ।

୨୨ କମିର୍ ନ ପାକାଇ ରୁଟି ଟିଆର୍ କର୍‌ବା ପରବ୍ ଜାକେକି ନିସ୍‌ତାର୍ ପରବ୍ ବଲି ମିସା କଇବାଇ, ସେ ପରବ୍ ଲଗାଲଗି କେଟି ଆଇତେ ରଇଲା । ୨ ଆରି ମୁକିଅ ପୁଜାରିମନ୍, ସାସ୍‌ତର୍ ସିକାଉମନ୍ ଲକ୍‌ମନ୍‌କେ ତର୍‌ତେ ରଇଲା । ଜିସୁକେ କେନ୍ଦୁ ଲୁଟ୍‌ତେ ମରାଉଁ? ବଲି ବାଟ୍ କଜ୍‌ତେ ରଇଲା । ୩ ଆରି ଜିସୁର୍ ବାର୍‌ଟା ସିସ୍‌ମନର୍ ବିତ୍‌ରେଅନି ଇସ୍କାରିୟ୍‌ତ୍ ଜିଉଦା ନାଉଁର୍ ଗଟେକ୍ ସିସ୍ ରଇଲା । ସେବେଲାଇ ତାର୍ ମନ୍ ବିତ୍‌ରେ ସଇତାନ୍ ପୁରିଦେଲା । ୪ ଆରି ସେ ମୁକିଅ ପୁଜାରିମନ୍ ଆରି ମନ୍ଦିର୍ ଜାଗି ରଇବା ସେନାପତିମନର୍ ଲଗେ, କେନ୍ଦୁକରି ଜିସୁକେ ବିସ୍‌ବାସେ ବିସ୍ ଦେଲା ପାରା କରି, ତାକେ

ଦାରାଲଦେବି ବଲି ସେମନ୍ତ ସଞ୍ଜ କାତାବାର୍ତ୍ତା ଅଇବାର୍ ଗାଲା । ୫
 ସେଟାର୍ପାଇ ସେ ଲକ୍ମନ୍ ବେସି ସାର୍ଦା ଅଇକରି ତାକେ ତାରୁ ଦେବାକେ
 ରାଜି ଅଇଲା । ୬ ଜିଉଦା ମିସା ରାଜି ଅଇଲା ଆରି ଲକ୍ମନ୍ ନ ଜାନ୍ତେ
 ଜିସୁକେ ଦାରାଲଦେବାକେ ସୁଜଗ୍ କଜ୍ତେରଇଲା । ୭ ତାର୍ପତେ ନିସ୍ତାର୍
 ପରବର୍ ବଜି କରି ମେଣ୍ଟାପିଲା ମାର୍ବା ଦିନ୍ ଅଇଲା । ୮ ଜିସୁ, ପିତର୍
 ଆରି ଜଅନ୍କେ ଏ କାତା କଇ ପାଟାଇଲା । “ଜା ଆରି ଆମର୍ପାଇ ନିସ୍ତାର୍
 ପରବର୍ ବଜି କାଇବାକେ ଟିକ୍ କରା ।” ୯ ସେମନ୍ ଜିସୁକେ ପାଟାଇଲା,
 “ଆମେ କନ୍ ଜାଗାଇ ବଜି ତିଆର୍କରୁ ବଲି ତମେ ମନ୍ କଲାସ୍ନି?”
 ୧୦ ଜିସୁ ସେମନ୍କେ କଇଲା, ଦେକା, ତମେ ଗଡ୍ ବିତ୍ରେ ପୁରବା ବେଲେ
 ଗଟେକ୍ ଆଣ୍ଟିତେଇ ପାନିନେଇ ଜିବା ଲକ୍ମନ୍ ବେଟ୍ପାଇସା । ସେ ଜନ୍ ଗରେ
 ପୁରସି, ତାର୍ ପର୍ପର୍ ଜାଇ ସେ ଗରର୍ ସାଉକାର୍କେ କୁଆ, ୧୧ “ଆମର୍
 ଗୁରୁ ତମ୍କେ ଏ କବର୍ କଇ ପାଟାଇଆଟେ, ମୁଇ ଆରି ମର୍ ସିସ୍ମନ୍ କନ୍
 ବାକ୍ରାଇ ରକିଆ ପାଇବା ପରବର୍ ବଜି ମାନ୍ତୁ? ୧୨ ତାର୍ପତେ ସେ ଲକ୍
 ତମ୍କେ ଗର୍ ଉପ୍ରେ ରଇବା ମଅଲା ତିଆର୍ ଅଇରଇଲା ଗଟେକ୍ ବଡ୍
 ବାକ୍ରା ଦେକାଇ ଦେଇସି । ତେଇ ତମେ କାଦି ତିଆର୍ କରା ।” ୧୩ ସେମନ୍
 ଜାଇକରି ଜିସୁ ସେମନ୍କେ ଜେନ୍ତି କଇରଇଲା ସେନ୍ତିସେ ଦେକ୍ଲାଇ । ଆରି
 ନିସ୍ତାର୍ ପରବର୍ ବଜି ତିଆର୍ କଲା । ୧୪ ସମାନ୍ ବେଲା କେଟ୍ଲାକେ
 ଜିସୁ ପେରିତ୍ମନ୍ତର୍ ସଞ୍ଜ କାଇବାକେ ମିସ୍ତେ ବସ୍ଲାଇ । ୧୫ ସେବେଲା
 ଜିସୁ ସେମନ୍କେ କଇଲା, “ମୁଇ ଦୁକ୍ କସ୍ଟ ପାଇବା ଆଗ୍ତୁ ନିସ୍ତାର୍ ପରବ୍
 ତମ୍ବସଞ୍ଜ ମିସ୍ତେ କର୍ବାକେ ବେସି ମନ୍ କରିରଇଲି । ୧୬ ମୁଇ ତମ୍କେ
 କଇଲିନି, ପର୍ମେସରର୍ ରାଇଜେ ଏଟା ପୁରାପୁରୁନ୍ ନ ଅଇବାଜାକ, କେବେ
 ମିସା ଏଟା ନ କାଇ ।” ୧୭ ଆରି ସେ ଅଞ୍ଜର୍ ରସ୍ ଦାରି ପର୍ମେସର୍କେ
 ଜୁଆର୍ କରି କଇଲା, “ଏଟା ନେଇ ତମର୍ ନିଜର୍ ନିଜର୍ ବିତ୍ରେ ବାଟା କରା
 । ୧୮ ମୁଇ ତମ୍କେ କଇଲିନି ପର୍ମେସରର୍ ରାଇଜ୍ ନ ଆଇବା ଜାକ, ଏ
 ରସ୍ କେବେ ମିସା ନ କାଇ ।” ୧୯ ଆରି ରୁଟି ଦାରିକରି ପର୍ମେସର୍କେ
 ଦନିଅବାଦେଦଇ ବାଞ୍ଛାଇ ସେମନ୍କେ ଦେଇକରି କଇଲା, “ଏଟା ମର୍ ଗାଗଡ୍,
 ଜନ୍ଟା ତମର୍ ପାଇ ଦିଆଅଇଲା ଆଟେ । ମକେ ଏଟାଇବା ପାଇ ଏଟା
 କରା ।” ୨୦ ସେନ୍ତାରିସେ କାଇଲା ପତେ ସେ ମୁତାଇ ଅଞ୍ଜର୍ ରସ୍ ଦାରି
 କଇଲା, “ଏ ମୁତା ମର୍ ବନିତେଇ, ପର୍ମେସର୍ ଲକ୍ମନ୍ତର୍ ସଞ୍ଜ କଲା ନୁଆ

ରାଜିନାମା । ଏଟା ତମରୁପାଇ ଜରୁଲା ମରୁ ବନି ।” ୨୧ “ମାତରୁ ଦେକା
 ଇତି ମରୁସଞ୍ଜ ବସି କାଇବା ଗଟେକ୍ ଲକ୍ଷେ ବିରଦି ଲକ୍ଷମନରୁ ଆତେ
 ମକେ ଦାରାଇ ଦେଇସି । ୨୨ ପରୁମେସରୁଟାନେଅନି ଆଇଲା ନରୁପିଲା
 ମୁଇ, ସେ ଜେନ୍ତି ଜଜନା କଲାଆତେ, ସେନ୍ତୁରିସେ ମରୁବାକେ ଅଇସି ।
 ମାତରୁ ଜନ୍ ଲକ୍ଷ ମକେ ବିସ୍ବାସେ ବିସ୍ ଦେଲାପାରା ବିରଦିମନରୁ ଆତେ
 ଦାରାଇ ଦେଇସି, ତାକେ ବେସି ତଣ୍ଟୁ ମିଲ୍ସି ।” ୨୩ ସେବେଲାଇ ସିସ୍ମନ୍
 ସେମନରୁ ବିତ୍ରେ କାତା ଅଇଲାଇ, “ଏନ୍ତି ବଇଲେ ଆମରୁ ବିତ୍ରେ କେ
 ଜିସୁକେ ସେନ୍ତି କରୁସି?” ୨୪ ତାରୁ ପତେ ସେମନରୁ ବିତ୍ରେଅନି କେ ବଡ଼
 ବଲି ଦଦାପେଲା ଅଇଲାଇ । ୨୫ ଜିସୁ ସେମନକେ କଇଲା, “ଏ ଦୁନିଆରୁ
 ରାଜାମନ୍ ସେମନରୁ ଲକ୍ଷମନକେ ନିଜରୁ ଅଦିକାରୁ ଦେକାଇ ସାସନ୍ କରୁବାଇ
 । ଆରି ସେମନ୍, ଆମେ ଲକ୍ଷମନକେ ଦରମ୍ କରୁବା ଲକ୍ଷ ବଲି ତାକ୍ପୁଟା
 ଅଇବାଇ । ୨୬ ମାତରୁ ତମରୁ ବିତ୍ରେ ଏନ୍ତି ନ ଉଆ । କେ ବଡ଼ ସେ
 ସାନ୍ ଅ । ଆରି କେ ନେତା ରଇସି ସେ ସବୁଲକରୁ ସେବା କରୁବାରୁ ଆତେ
 । ୨୭ ଏ ଦୁନିଆରୁ ଇସାବେ, ବସିକରି କାଇବା ଲକ୍ଷ ବଡ଼ କି, ବାଟାକରି
 ଦେବା ଲକ୍ଷ ବଡ଼? ବସିକରି କାଇବା ଲକ୍ଷ ସେ ବଡ଼ ଅଇସି । ମାତରୁ ମୁଇ
 ସେନ୍ତି ନଇ । ମୁଇ ତମରୁ ବିତ୍ରେ ବାଟାକରି ଦେବା ଲକରୁ ପାରା । ୨୮
 ତମେ ମରୁ ସବୁ ପରିକାଟାନେ ମରୁସଞ୍ଜ ରଇ ଆଇଲାସ୍ମି । ୨୯ ମରୁ ବାବା
 ପରୁମେସରୁ ଜେନ୍ତି ସାସନ୍ କରୁବାକେ ମକେ ତାରୁ ରାଇଜରୁ ଅଦିକାରୁ ଦେଲା
 ଆତେ, ସେନ୍ତି ମୁଇ ମିସା ତମକେ ଅଦିକାରୁ ଦେବି । ୩୦ ଆରି ତମେ ମରୁ
 ରାଇଜେ ମରୁସଞ୍ଜ ବସି କାଆପିଆ କରୁସା । ରାଜ୍ଗାଦି ବସି ଇସ୍ରାଏଲରୁ
 ବାରଟା ଜାତିରୁ ଲକ୍ଷମନକେ ସାସନ୍ କରୁସା ।” ୩୧ “ଏ ସିମନ୍, ସିମନ୍!
 ସୁନ୍! ଚାସି ଜେନ୍ତି ଦାନ୍ ଉଡାଲିକରି ପଟ୍ ବିନେ କରୁସି, ସେନ୍ତୁରି ସଇତାନ୍
 ତମକେ ତେରେପେତେ କରୁବାକେ ଆଦେସ୍ ପାଇଲା ଆତେ । ୩୨ ମାତରୁ
 ତରୁ ବିସ୍ବାସ୍ ଉନା ନ ଅ ବଲି ମୁଇ ପାରୁତନା କଲିଆତି । ସେ ପରିକାଇ,
 ବିସ୍ବାସେ ତାଟ୍ଅଇ, ଜିତି ଆଇଲେ ତରୁ ବାଇମନକେ ମିସା ସେନ୍ତି ତାଟ୍
 କରାଇସୁ ।” ୩୩ ସେବେଲାଇ ସିମନ୍ ଜିସୁକେ କଇଲା, “ଏ ମାପ୍ରୁ ମୁଇ
 ତରୁସଞ୍ଜ ବନ୍ତି ଗରେ ଜିବାକେ ଆରି ମରୁବାକେ ମିସା ରାଜି ଆତି ।” ୩୪
 ତାରୁ ପତେ ଜିସୁ କଇଲା, “ଏ ପିତରୁ ମୁଇ ତକେ କଇଲିନି, ତୁଇ ଏବେ
 ଏନ୍ତି କଇଲୁସ୍ମି, ମାତରୁ ଆଜି ରାତି କୁକ୍ତା ନ ତାକ୍ବା ଆଗ୍ତୁ ମକେ

ତିନିତରୁ ନାଜାନି ବଳି କଇସୁ ।” ୩୫ ଜିସୁ ତାରୁ ସିସ୍‌ମନ୍‌କେ ପାଚାରୁଲା ।
 “ମୁଇ ତମ୍‌କେ ପାଚାଇଲାବେଲେ ବେସ୍‌ନି, ମୁନା ଆରି ପାଣ୍ଟୁଇ ନ ନେବାକେ
 କଇରଇଲି । ସେବେଲାଇ ତମ୍‌କେ କାଇ ଅବାବ୍ ଅଇଲା କି?” “ନାଇ, କାଇଟା
 ମିସା ଅବାବ୍ ଏଏ ନାଇ ।” ବଳି କଇଲା । ୩୬ ଆରି ସେ କଇଲା, “ମାତର୍
 ଏବେ ତମ୍‌କେ କଇଲିନି, ବେସ୍‌ନି କି ମୁନା ରଇଲେ ନିଆ । ଆରି ଜାକେ କାଣ୍ଟା
 ନାଇ, ସେ ପିନ୍ଧୁବାଟା ବିକି କାଣ୍ଟା ଗେନ । ୩୭ ମୁଇ ତମ୍‌କେ କାଇକେ କଇଲିନି
 ‘ସେ ଅପରାଦିମନର୍ ସଙ୍ଗୁ ସମାନ୍ ଦସା ପାଇଲା’ ବଳି ସାସ୍‌ତରେ ଲେକା
 ଅଇଲା କାତା ସିଦ୍ ଅଇବାକେ ଗାଲାନି ।” ୩୮ ସିମନ୍ ଜିସୁକେ କଇଲା,
 “ଏ ମାପୁରୁ, ଦେକା ଆମର୍ ବିତ୍‌ରେ ଜତେକ୍ କାଣ୍ଟା ଆଚେ ।” ଜିସୁ କଇଲା,
 “ସେତ୍‌କି ଅଇସି ।” ୩୯ ତେଇଅନି ଜିସୁ ଗତ୍ ଚାଡି ଆଗ୍‌ତୁର୍ ଅବିଆସ୍
 ଇସାବେ ଜିତ୍‌ନାଉଁର୍ ତଙ୍ଗୁରେ ପାର୍‌ତନା କର୍‌ବାକେ ଗାଲା । ସିସ୍‌ମନ୍ ମିସା
 ତାରୁ ସଙ୍ଗୁ ରଇଲା । ୪୦ ଆରି ସେ ଜାଗାଇ କେଟିକରି ସିସ୍‌ମନ୍‌କେ
 କଇଲା, “ତମେ ପରିକାର୍ ପାନ୍ତେ ନ ଲାଗାଇ ଅଇବାକେ ପାର୍‌ତନା କରା
 ।” ୪୧ ତାରୁ ପଚେ ଜିସୁ ତାକର୍‌ତେଇଅନି କଣ୍ଟେକ୍ ଦୁର୍ ଜାଇ ମାଣ୍ଟିକୁଟା
 ଦେଇକରି ପାର୍‌ତନା କର୍‌ବାରୁ ଦାରୁଲା । ୪୨ “ଏ ବାବା, ତୁଇ ମନ୍‌କଲେ
 ଏ କସ୍‌ଟର୍ ମୁତା ମର୍‌ତେଇଅନି ଦୁରିକେ ନେ । ମାତର୍ ମୁଇ ମନ୍ କଲା
 ଇସାବେ ନାଇ, ତର୍ ମନ୍‌କଲା ଇସାବେ ସିଦ୍ ଅ ।” ୪୩ ସେତ୍‌କିବେଲେ
 ଏଦେ ଦେକା! ପର୍‌ମେସରର୍ ଗଟେକ୍ ଦୁର୍ ଆସି ଜିସୁକେ ଦେକାଇଅଇଲା
 ଆରି ତାଟ୍‌ସଙ୍ଗୁ ରଇବାକେ ବପୁଦେଲା । ୪୪ ମାତର୍ ଜିସୁ ଅଦିକ୍ ବିକଲ୍
 ଅଇ, ମନ୍‌ଦିଆନ୍ ଦେଇ ପାର୍‌ତନା କର୍‌ବାରୁ ଦାରୁଲା । ତାରୁ ଗାଗ୍‌ତର୍ ଜାଲ୍
 ପାନି, ବନିପାରା ଜର୍‌ଜର୍ ଅଇ ରୁଏଁ ଚିପିଗାଲା । ୪୫ ଆରି ଜିସୁ ପାର୍‌ତନା
 କରିସାରାଇ ସିସ୍‌ମନ୍‌ର୍ ଲଗେ ଗାଲା । ସେମନ୍ ସବୁ ଲକ୍ ଦୁକ୍‌ଅଇକରି
 ତାକିଜାଇ ସଇରଇଲାଟା ସେ ଦେକ୍‌ଲା । ୪୬ ତେଇ ସେମନ୍‌କେ କଇଲା,
 “ତମେ କାଇକେ ସଇଦେଇ ଆଚାସ୍? ଉଟା ପରିକାର୍ ପାନ୍ତେ ନ ଲାଗାଇ
 ଅଇବାକେ ପାର୍‌ତନା କରା ।” ୪୭ ଜେଡେବଲ୍ ଜିସୁ ଏ କାତା କଇତେରଇଲା
 ଗାଦି ଲକ୍‌ମନ୍ ତେଇ ଆଇଲା । ଜିସୁର୍ ବାର୍‌ଟା ସିସ୍‌ମନ୍‌ର୍ ବିତ୍‌ରେଅନି
 ଜିଉଦା ନାଉଁର୍ ସିସ୍, ସେମନ୍‌ର୍ ଆଗ୍‌ତୁ ଅଇ ସେମନ୍‌କେ ତାକିଆନ୍‌ଲା, ।
 ଆରି ଜିସୁକେ ରୁମିକରି ସେମନ୍‌କେ ଚିନାଇଦେଲା । ୪୮ ଜିସୁ ଜିଉଦାକେ
 ପାଚାରୁଲା, “ଏ ଜିଉଦା ପର୍‌ମେସର୍‌ତେଇ ଅନି ଆଇଲା ନର୍‌ପିଲା ମକେ, ତୁଇ

ବିରଦି ଲକ୍ଷ୍ମୀଙ୍କୁ କେ ରୁମ୍‌କରି ଦାରାଇଦେଲୁଥିଲି କି?” ୪୯ ସେ ବିରଦି ଲକ୍ଷ୍ମୀଙ୍କୁ
 ଜିପୁକେ ବନ୍ଦୁକରି ଦାରିଜିବାଇ ବଲି ସିସ୍‌ମନ୍ ଜାନ୍‌ଲାଲ । ସେବେଲାଇ
 ସିସ୍‌ମନ୍ ଜିପୁକେ ପାଚାରୁଲାଲ, “ଏ ମାପୁରୁ ଆମର୍ କାଣ୍ଡା ବେଟ୍‌ରୁ କି?” ୫୦
 ସିସ୍‌ମନ୍ ବିତ୍‌ରେଅନି ଗଟେକ୍ ଲକ୍, ବଡ୍ ପୁଜାରିର୍ ଗତିଦାଢ଼ୁଡ଼ାର୍ ଉଜା
 କାନ୍ ଚିତ୍‌ତେ କାଟିପାକାଇଲା । ୫୧ ଏଟା ଦେକି ଜିପୁ କଇଲା, “ନିରୁ” ।
 ସେ ଚିତ୍‌ଲା କାନ୍ ଚିତ୍‌କରି ନିକ କଲା । ୫୨ ଜିପୁ ତାକେ ବନ୍ଦୁ କର୍‌ବାକେ
 ଆଇଲା ମୁକିଅ ପୁଜାରିମନେକ, ମନ୍ଦିର୍ ଜାଗି ରଇବା ସେନାପତିମନ୍‌କେ ଆରି
 ପାର୍‌ଚିନ୍‌ମନ୍‌କେ କଇଲା, “ମୁଇ କାଇ ତାକୁ କି? ମକେ ଦାର୍‌ବାକେ ବଡ୍ ବଡ୍
 ଟେଢ଼ୁ ଆରି କାଟିକାଣ୍ଡା ଦାରି ଆସି ଆଚାସ୍ । ୫୩ ସବୁ ଦିନେଟା ମୁଇ ମନ୍ଦିରେ
 ତମର୍ ସଢ଼ୁ ରଇଲି, ମାତର୍ ତମେ ମକେ ବାନ୍ଦୁସ୍ ନାଇ । ଏବେ ବେଲା
 କେଟ୍‌ଲା ଆଚେ । ମକେ କାଇଟାମିସା କର୍‌ବାକେ ପର୍‌ମେସର୍ ସଇତାନ୍‌କେ
 ଅନୁମତି ଦେଲାଆଚେ ।” ୫୪ ତାର୍ ପଚେ ସେମନ୍ ଜିପୁକେ ବାନ୍ଦୁକରି ବଡ୍
 ପୁଜାରିର୍ ଗରେ ଦାରିଗାଲାଲ । ପିତର୍ ଦୁରିକେ ରଇ ସେମନ୍ ପଚେପଚେ
 ଗାଲା । ୫୫ ସନିଅମନ୍ ଜଇଲାଗାଇ ଚାରିବେଡ଼ି ବସ୍‌ଲାଲ । ପିତର୍ ମିସା
 ସେମନ୍ ସଢ଼ୁ ବସ୍‌ଲା । ୫୬ ଗଟେକ୍ ଗତିଦାଢ଼ୁଡ଼ି ପିତର୍‌କେ ଜଇପାଲି
 ବସ୍‌ଲାଟା ନିକକରି ଦେକି କଇଲା, “ଏ ଲକ୍ ମିସା ଜିପୁର୍ ସଢ଼ୁ ରଇଲା!”
 ୫୭ ମାତର୍ ପିତର୍ ରାଜି ନ ଅଇ କଇଲା, “ଏ ଗତିଦାଢ଼ୁଡ଼ି, ତାକେ ମୁଇ
 ମୁଲ୍‌କେ ନାଜାନି ।” ୫୮ ଚନେକ୍ ରଇଲା ପଚେ ଆରି ଗଟେକ୍ ଲକ୍ ପିତର୍‌କେ
 ଦେକି କଇଲା, “ତୁଇ ମିସା ତାର୍ ସଢ଼ୁ ରଇଲୁସ୍ ।” ମାତର୍ ପିତର୍ ତାକେ
 କଇଲା, “ମୁଇ ନଇ ।” ୫୯ ଗଟେକ୍ ଗାଁଟା ଗାଲାପଚେ ଆରି ଗଟେକ୍ ଲକ୍
 ପିତର୍‌କେ ଦେକି କଇଲା, “ଏ ଲକ୍‌ମିସା ନିଜେ ତାର୍ ସିସ୍‌ମନ୍ ସଢ଼ୁ ରଇଲା
 । ଆକେ ମୁଇ ନିକକରି ଜାନି । କାଇକେ ବଇଲେ ସେ ଗଟେକ୍ ଗାଲିଲିର୍
 ଲକ୍ ।” ୬୦ ଏଟା ସୁନି ପିତର୍ ସେ ଲକ୍‌କେ କଇଲା, “ଏ ବାଇ ତୁଇ କାଇଟା
 କଇଲୁସ୍‌ନି? ମୁଇ ବିଲ୍‌କୁଲ୍ ନାଜାନି ।” ସେ କାତା ପିତର୍ କଇଲା ଦାପ୍‌ରେ,
 କୁକ୍‌ତା ତାକ୍‌ଲା । ୬୧ ସେବେଲେ ଜିପୁମାପୁରୁ ପିତର୍‌କେ ପାସ୍‌ଲି ନିମାନ୍
 କରି ଦେକ୍‌ଲା । ଜିପୁ ଆଗ୍‌ତୁ କଇଲା କାତା ସେ ଏତାଇଲା । ସେ ତାକେ
 କଇରଇଲା ତୁଇ ମକେ ଆଜି କୁକ୍‌ତା ତାକ୍‌ବା ଆଗ୍‌ତୁ ତିନ୍‌ତର୍ ନାଜାନି, ବଲି
 କଇସୁ । ୬୨ ସେଟାର୍‌ପାଇ ପିତର୍ ସେଟା ଏତାଇ, ଦୁକ୍ ଅଇ ତାଣ୍ଡେଅନି
 ବିନେ ଜାଇ ବେସି କାନ୍ଦୁଲା । ୬୩ ଜିପୁକେ ଦାରିକରି ସଢ଼ୁଇରଇଲା ଲକ୍‌ମନ୍

ତାଙ୍କେ ମାରିମାରି କିଜାଇଲା । ୧୪ ଆରି ତାର୍ ଆଁକି ବାନ୍ଧିକରି ତାଙ୍କେ ପାଚାରୁଲା, “ତାଙ୍କେ କେ ମାରୁଲା, କଅ?” ୧୫ ଆରି କେତେଟା କାତା କଇ ତାଙ୍କେ ନିନ୍ଦା କଲା । ୧୬ ତାର୍ ଆର୍କର୍ ଦିନେ ଜୁଲ୍ପୁଲ୍ ଉଜଲ୍ ବେଲା, ପାର୍ଚିନ୍ମନ୍, ମୁକିଅ ପୁଜାରିମନ୍ ଆରି ସାସ୍ତର୍ ସିକାଇଦେବା ଲକ୍ମନ୍ ଗଟେକ୍ଟାନେ ରୁଣ୍ଡୁଲା । ଆରି ଜିସୁକେ ବିଚାର୍ କରବା ବଡ଼ଟା ଜାଗାଇ ନେଲା । ୧୭ “ତୁଇ ସତଇସେ ପର୍ମେସର୍ ବାଟିପାଟାଇଲା କିରିସ୍ଟ କି? ଆମ୍ବକେ କଅ ।” ମାତର୍ ଜିସୁ ସେମନ୍କେ କଇଲା, “ମୁଇ କଇଲେ ମିସା ତମେ ବିସ୍ବାସ୍ ନ କରାସ୍ । ୧୮ ମୁଇ ତମ୍ବକେ ପାଚାରୁଲେ ମିସା ନ କୁଆସ୍ । ୧୯ ମାତର୍ ଏବେ ଅନି, ପର୍ମେସର୍ଟାନେଅନି ଆଇଲା ନର୍ପିଲା ମୁଇ ତାର୍ ଉଜାବାଟେ ବସିରଇବି ।” ୨୦ ସେ କାତା ସୁନି ଗୁଲା ଲକ୍ମନ୍ ଆଉଲିଅଇ ଜିସୁକେ ପାଚାରୁଲା, “ଏନ୍ତି ବଇଲେ ତୁଇକାଇ ପର୍ମେସର୍ ପିଲା କି?” ଜିସୁ ସେମନ୍କେ କଇଲା “ମୁଇସେ ବଲି ତମେ କଇଲାସ୍ନି ।” ୨୧ ଆରି ସେମନ୍ କଇଲା, “ଆମ୍ବକେ ଆରି କାଇ ସାକି ଦର୍କାର୍ ତା? ଆମେ ନିଜେ ତାର୍ ଟଣ୍ଟେଅନି ସୁନ୍ଲୁ ଆରୁ ।”

୨୩ ତାର୍ ପଟେ ବିଚାର୍ କରବା ବଡ଼ ସବାର୍ ଜାଗାଇ ବସିରଇଲା ସବୁ ଲକ୍ମନ୍ ଉଟିକରି ଜିସୁକେ ପିଲାତର୍ ଲଗେ ଦାରିଗାଲା । ୨ ସେ ଲକ୍ମନ୍ ଜିସୁକେ ନିନ୍ଦା କରି ଏନ୍ତି କଇବାର୍ ବସୁଲା, “ଏ ଲକ୍ ଆମର୍ ଲକ୍ମନ୍କେ ବୁଲ୍ ସିକିଆ ଦେଇତେ ରଇଲା ଆରି କାଇସର୍ ସମ୍ବରାଟ୍କେ ସିସ୍ତୁ ଦିଆସ୍ ନାଇ ବଲି ସିକାଇଲା ବେଲେ ତାଙ୍କେ ଦାରୁଲୁ । ଆରି ସେ ନିଜ୍ବକେ ମୁଇ ପର୍ମେସର୍ ବାଟି ପାଟାଇଲା ରାଜା କିରିସ୍ଟ ବଲି କଇଲାନି ।” ୩ ସେଟାର୍ ପାଇ ପିଲାତ୍ ଜିସୁକେ ପାଚାରୁଲା, “ତୁଇ କାଇ ଜିଉଦି ଲକ୍ମନର୍ ରାଜା କି?” ଜିସୁ ତାଙ୍କେ କଇଲା, “ତମେତା କଇଲାସ୍ନି ।” ୪ ତାର୍ ପଟେ ପିଲାତ୍ ମୁକିଅ ପୁଜାରିମନ୍କେ ଆରି ତେଇ ରଇଲା ସବୁ ଲକ୍ମନ୍କେ କଇଲା, “ମୁଇ ଏ ଲକ୍ ଦସି ବଲି କାଇ ବୁଲ୍ ଦେକି ନାଇ ।” ୫ ମାତର୍ ସେମନ୍ ତର୍କେତର୍ ଆଉଲିଅଇ କଇଲା, “ତାର୍ ସିକିଆର୍ ଲାଗି ସେ ଜିଉଦାର୍ ସବୁବାଟର୍ ଲକ୍ମନର୍ ବିତ୍ରେ କଲି ଲାଗାଇଲାନି । ସେଟା, ସେ ଗାଲିଲିତେଇ ଆରାମ୍ କରି, ଏବେ ଇତି ଜାକ ଆଇଲା ଆଟେ ।” ୬ ଏ କାତା ସୁନି ପିଲାତ୍ ଲକ୍ମନ୍କେ ପାଚାରୁଲା, “ଏଟା ଗଟେକ୍ ଗାଲିଲି ଦେସର୍ ଲକ୍ କି?” ୭ ପିଲାତ୍ ଜିସୁକେ ଗାଲିଲି ଦେସର୍ ଲକ୍ ବଲି ଜାନି, ତାଙ୍କେ ଗାଲିଲି ଦେସ୍

ସାସନ୍ କର୍ବା ଏରଦ୍‌ଲଗେ ପାଟାଇ ଦେଲା । କାଇକେ ବଇଲେ, ସେ
 ବେଲେ ଏରଦ୍ ମିସା ଜିରୁସାଲମେ ରଇଲା । ୮ ଏରଦ୍ ଜିସୁକେ ଦେକି କରି
 ବେସି ସାର୍ଦା ଅଇଲା । କାଇକେ ବଇଲେ ଜିସୁର୍ ବିସଇ ଆଗ୍‌ତୁ ସୁନି ରଇଲା
 ଆରି ତାର୍ ମୁଆଟେ କାବା ଅଇଜିବା କାମ୍ ଦେକ୍‌ବାକେ ମନ୍ କର୍‌ତେରଇଲା ।
 ୯ ସେଟାର୍ ପାଇ ଏରଦ୍ ତାକେ କାଇ କାଇ ବିସଇ ପାଟାର୍‌ବାର୍ ଦାର୍‌ଲା
 । ମାତର୍ ଜିସୁ ତାକେ କାଇବଲି ମିସା କଏ ନାଇ । ୧୦ ସେଡିକି ବେଲେ
 ତେଇ ଟିଆଅଇରଇଲା ମୁକିଅ ପୁଜାରିମନ୍ ଆରି ନିୟ୍‌ମ୍ ସିକାଉମନ୍ ସବୁ
 ମିସି କରି ଜିସୁର୍ ବିରୁଦେ ଆଉଲିଅଇ କଇବାର୍ ଦାର୍‌ଲା । ୧୧ ଏରଦ୍
 ଆରି ତାର୍ ସନିଅମନ୍ ଜିସୁକେ କିଜାଇଲା ଆରି ନିନ୍ଦା କଲା । ଜିସୁକେ
 ରାଜାମନ୍ ପିନ୍ଦୁବା ନିମାନ୍ ପଟିଆ ପିନ୍ଦାଇ ପିଲାଟ୍‌ଟାନେ ପାଟାଇ ଦେଲା ।
 ୧୨ ସେ ଦିନେଅନି ପିଲାଟ୍ ଆରି ଏରଦ୍ ମଇତର୍ ଅଇଲା । ତାର୍
 ଆଗ୍‌ତୁ ସେମନ୍ ଦୁଇ ଲକ୍ ସର୍‌ରୁ ଅଇରଇଲା । ୧୩ ତାର୍‌ପଟେ ପିଲାଟ୍
 ମୁକିଅ ପୁଜାରିମନ୍‌କେ, ନେତାମନ୍‌କେ ଆରି ସବୁ ଲକ୍‌ମନ୍‌କେ ଗଟେକ୍‌ଟାନେ
 ରୁଣ୍ଡାଇକରି ସେମନ୍‌କେ କଇଲା, ୧୪ ଏ ଲକ୍ ଲକ୍‌ମନ୍‌କେ ସର୍‌କାର୍‌ର
 ବିରୁଦେ ବୁଲ୍ ସିକିଆ ଦେଲାନି ବଲି ମର୍ ଲଗେ ଆନିଆଟାୟ୍ । ଆରି ଦେକା
 ମୁଇ ତମର୍ ମୁଆଟେ ତାକେ ପରିକା କଲି, ତାର୍ ବିରଦେ ତମେ ସବୁଲକ୍
 ନିନ୍ଦାକଲାଟା ମିଲେନାଇ । ୧୫ ଏରଦ୍ ମିସା ତାର୍‌ଟାନେ କାଇ ବୁଲ୍‌କଲାଟା ନ
 ଦେକି ଆମ୍‌କେ ବାଉଡାଇଦେଲା ଆତେ । ଏ ଲକ୍ ମରନ୍ ଡଣ୍ଟ ପାଇବାପାରା
 ବୁଲ୍ କାମ୍ କରେ ନାଇ । ୧୬ ସେଟାର୍‌ପାଇ ମୁଇ ଆକେ କର୍‌ତା ମାଡ୍
 ମାରିକରି ଚାଡିଦେବି । ୧୭ ଆରି ଦେକା ସବୁ ବର୍‌ସେ ରକିଆ ପାଇବା
 ପରବ୍ ବେଲାଇ ଜିଉଦି ଜାତିକେ ସନ୍‌ମାନ୍ ଦେବାକେ ଗଟେକ୍ ବନ୍ଦିକେ
 ମୁକ୍‌ଲାଇ ଦେବା ନିୟ୍‌ମ୍ ରଇଲା । ୧୮ ମାତର୍ ସବୁଲକ୍‌ମନ୍ ଆଉଲିଅଇ
 କଇଲା, “ଆକେ ମରାଆ ଆରି ଆମର୍ ପାଇ ବାର୍‌ବାକେ ଚାଡିଦିଆୟ୍ ।”
 ୧୯ ଏ ବାର୍‌ବା ବଲ୍‌ବା ଲକ୍, ସର୍‌କାର୍‌ର ବିରଦେ ବୁଲ୍ କରିରଇଲା ଆରି
 ଗଟେକ୍ ଲକ୍‌କେ ମାରି ରଇଲା । ସେଟାର୍‌ପାଇ ତାକେ ବନ୍ଦି କରିରଇଲା ।
 ୨୦ ମାତର୍ ପିଲାଟ୍ ଜିସୁକେ ଚାଡିଦେବାକେ ମନ୍‌କରି ତାର୍ ଲଗେ କାଇ
 ବୁଲ୍‌କଲାଟା ଡିସେନାଇ ବଲି ସେମନ୍‌କେ ତର୍କେ ତର୍ ବୁଜାଇଲା । ୨୧
 ମାତର୍ ଲକ୍‌ମନ୍ ବେସି ଆଉଲି ଅଇ, “ତାକେ କୁର୍‌ସେ ଚଗାଇ ମରାଆ!
 ତାକେ କୁର୍‌ସେ ଚଗାଇ ମରାଆ!” ୨୨ ତାର୍‌ପଟେ ପିଲାଟ୍ ସେମନ୍‌କେ ଆଗେ

ଦୁଇତର ପାଚାରୁଲାଟା ଚାଡ଼ି ଆରିତରେକ୍ ସମାନ୍ତାସେ କଇଲା, “କାଇକେ? ସେ କାଇ ବୁଲ୍ କଲାଆତେ ଜେ? ତାର୍ଟାନେ କାଇମିସା ମରନ୍ ପାଇବା ତଣ୍ଟୁ ଏଡ଼କି ଦସ୍ ମିଲେ ନାଇ । ଏନ୍ତି ବଇଲେ ମିସା ତାକେ କରୁତା ମାଡ଼ ମାରି ଚାଡ଼ି ଦେବି ।” ୨୩ ମାତର୍ ଲକ୍ମନ୍ ଆରି ବେସି ଆଉଲିଅଇ ତର୍କେ ତର୍ “ତାକେ କୁର୍ସେ ଚଗାଇ ମରାଆ!” ବଲି ବାଦିଅ କଲାଇ । ସାରାସାରି ପତେ ସେମନ୍ ଆଉଲିଅଇଲାଟା ଜିତ୍ଲା । ୨୪ ତାର୍ ପତେ ପିଲାଡ଼ ଲକ୍ମନ୍ ଜାଇଟା କରବାକେ ମନ୍ କଲାଇ, ସେ ଇସାବେ ଜିସୁକେ ମରନର୍ ତଣ୍ଟୁ ଦେବାକେ ରାଜି ଅଇଲା । ୨୫ ପତେ ପିଲାଡ଼ ଲକ୍ମନ୍ କଇବା ଇସାବେ, ବାର୍ବା ନାଉର୍ ଲକ୍ ଜେ କି, ଆଗୁଟୁ ଗଟେକ୍ ଲକ୍କେ ମରାଇରଇଲା ଆରି ସର୍କାରର୍ ବିରୁଦେ ବୁଲ୍କାମ୍ କରି ବନ୍ଦି ଅଇରଇଲା, ତାକେ ମୁକ୍ତଲାଇଲା । ଜିସୁକେ ତାକର୍ ମନ୍କଲା ଇସାବେ ତଣ୍ଟୁ ଦେବାକେ ସର୍ପିଦେଲା । ୨୬ ସନିଅମନ୍ ଜିସୁକେ ଦାରିଜିବା ବେଲେ କୁରିଣିୟ ସିମନ୍ ନାଉର୍ ଲକ୍କେ ବେଟ୍ପାଇଲାଇ । ଜେ କି ଗାଏଁଅନି ଜିରୁସାଲାମେ ଆଇତେରଇଲା । ତାକେ ଅଟ୍ଟକାଇକରି ଜିସୁ ବଇଲା କୁର୍ସ ଲାଦିଦେଲାଇ ଆରି ତାର୍ ପତେ ଜିବାକେ ବାଦିଅ କଲାଇ । ୨୭ ଆରି ବେସି ଲକ୍ମନ୍ ଜିସୁର୍ ପତେ ପତେ ଜାଇତେ ରଇଲାଇ । ତେଇ କେତେଟା ବୁକେ ପିଟିଅଇ କାନ୍ଦୁବା ମାଇଜିମନ୍ ମିସା ରଇଲାଇ । ୨୮ ମାତର୍ ଜିସୁ ସେମନ୍ ବାଟେ ପାସ୍ଲିକରି କଇଲା, ଏ ଜିରୁସାଲମ୍ ଗତର୍ ମାଇଜିମନ୍, ମର୍ପାଇ କାନ୍ଦୁ ନାଇ । ମାତର୍ ନିଜର୍ ପାଇ ଆରି ନିଜର୍ ପିଲାମନ୍ ପାଇ କାନ୍ଦୁ । ୨୯ କାଇକେବଇଲେ ଦେକା “ଜନ୍ ମାଇଜି ବାଞ୍ଜି ଆରି କେବେ ମିସା ଗାଟେ ନ ଅଇକରି ଆତଡ଼, ଆରି ଜେ କି କେବେ ମିସା ଦୁଦ୍ କୁଆଏ ନାଇ, ସେମନ୍ କେତେକ୍ ନିକ କରମର୍ ଲକ୍!” ବଲି କଇବା ଦିନ୍ ଆଇଲାନି । ୩୦ ସେବେଲାଇ ଲକ୍ମନ୍ ତଟ୍ଟୁର୍ମନ୍କେ କଇବାର୍ ଦାର୍ବାଇ, ଆମର୍ ଉପରେ ଅଦ୍ରି ଦିଆସ୍ । କୁପ୍ଲିମନ୍କେ କଇବାର୍ ଦାର୍ବାଇ, ଆମ୍କେ ତପିଦିଆସ୍ । ୩୧ କାଇକେ ବଇଲେ ଗର୍ କାଁତାପଡ଼ିଆ ରଇଲା ବେଲେ, ଜଦି ଏ ସବୁ ଗର୍ନା ଗର୍ଲାନି ବଇଲେ ସେଟା ସୁକିଗାଲେ ଆରି କାଇଟା ଅଇସି । ୩୨ ଜିସୁର୍ ସଢ଼ୁ ଆରି ଦୁଇଟା ବଡ଼ ବୁଲ୍ କରିରଇବା ଲକ୍ମନ୍କେ ମିସା ମରାଇବାକେ ନେଲାଇ । ୩୩ ଆରି ସେମନ୍ କପ୍ରି ନାଉର୍ ଗଟେକ୍ ଜାଗାଇ କେଟିକରି ଜିସୁକେ ଆରି ଚର୍ମନ୍କେ, ତାର୍ ତେବ୍ରି ବାଟେ ଗଟେକ୍ ଲକ୍କେ ଆରି ଉଜାବାଟେ ଗଟେକ୍ ଲକ୍କେ ଆତେ, ପାଦେ କୁଟିମାରି

ଟେକିଦେଲା । ୩୪ ସେବେଲା ଜିସୁ କଇଲା, “ଏ ବାବା ଏମନ୍‌କେ କେମା
 କରିଦିଆସ୍, କାଇକେ ବଇଲେ ଏମନ୍ କାଇଟା କଲାକନି ସେଟା ନାଜାନତ୍
 ।” ସେମନ୍ ଜିସୁର୍ ପଟିଆ ନେଇ କାକେ ମିଲ୍‌ସି ବଲି କେଡ୍ ପୁଟାଇଲା ।
 ୩୫ ସବୁ ଲକ୍‌ମନ୍ ଟିଆଅଇ ଦେକ୍‌ବାବେଲେ ଜିଉଦି ନେତାମନ୍ ଜିସୁକେ
 କିଜାଇକରି ଆସ୍‌ଲାଆ ଆରି କଇଲା “ସେ ବିନ୍‌ଲକ୍‌ମନ୍‌କେ ରକିଆ କଲା,
 ଜଦି ତୁଇ ପର୍‌ମେସର୍ ବାଟିପାଟାଇଲା କିରିସ୍‌ଟ ବଇଲେ ନିଜ୍‌କେ ରକିଆ
 କର ।” ୩୬ ଆରି ସନିଅମନ୍ ଜିସୁର୍ ଲଗେ ଆସିକରି ତାକେ ଗନ୍ଧୁବା ରସ୍
 ଦେଇ କିଜାଇକରି କଇଲା, । ୩୭ “ତୁଇ ଜଦି ଜିଉଦି ଲକ୍‌ମନ୍‌ର ରାଜା,
 ନିଜ୍‌କେ ରକିଆ କର ।” ୩୮ ଆରି ତାର୍ କୁର୍‌ସର୍ ଟିପେ ଏଟା ଜିଉଦିମନ୍‌ର
 ରାଜା, ବଲି ଲେକି ଅଲାକଦେଲା । ୩୯ ତେଇ ବଡ୍ ବୁଲ୍ କରି କୁର୍‌ସେ
 ଚଗାଇଅଇରଇବା ଗଟେକ୍ ଲକ୍ ଜିସୁକେ ନିନ୍ତା କରି କଇଲା, “ତୁଇ ଜଦି
 ପର୍‌ମେସର ବାଟି ପାଟାଇଲା କିରିସ୍‌ଟ ରାଜା ଜିସୁ ବଇଲେ, ନିଜ୍‌କେ ରକିଆ
 କରି ଆମ୍‌କେ ମିସା ରକିଆ କର ।” ୪୦ ମାତର୍ ଆରି ଗଟେକ୍ ଲକ୍ ତାକେ
 ଦମ୍‌କାଇ କରି କଇଲା, “ତୁଇ କାଇ ପର୍‌ମେସର୍‌କେ ତରୁସ୍ ନାଇ କି? ତୁଇ
 ମିସା ତାର୍‌ପାରା ସମାନ୍ ତଣ୍ଟ ପାଇଲୁସ୍‌ନି କି ନାଇ? ୪୧ ଆରି ଆମେ ବୁଲ୍‌କରି
 ନିୟ୍‌ମ୍ ଇସାବେ ତଣ୍ଟ ପାଇଲୁନି । ମାତର୍ ସେଟା କାଇ ବୁଲ୍ କରେ ନାଇ ।”
 ୪୨ ଆରି ସେ ଜିସୁକେ, “ଏ ଜିସୁ, ତୁଇ ନିଜର୍ ରାଇଜେ ରାଜା ଅଇ ଆଇଲେ
 ମକେ ଏତାଆ ।” ୪୩ ଜିସୁ ତାକେ କଇଲା, “ମୁଇ ତକେ ସଡ୍ କଇଲିନି,
 ଆଜିସେ ତୁଇ ମର୍‌ସ୍‌ଟୁ ପାରଦେସେ ରଇସୁ ।” ୪୪ ସେବେଲେ ଆଡ୍‌ବେଲା
 ଅଇରଇଲା । ଆରି ବେଲର୍ ଉଜଲ୍ ଜାଉଁଲିଜାଇକରି, ତିନ୍ ଗଟା ଜାକ ଗୁଲାଇ
 ଦେସ୍ ଆନ୍ତାର୍ ଅଇଗାଲା ୪୫ ଆରି ଏଦେ ଦେକା! ମନ୍ତ୍ରିରର୍ ସୁକଲ୍ ଜାଗା,
 ବିନେ କର୍‌ବା ପାର୍‌ଦା ମଜାଇ ଦୁଇପତା ଅଇ ଚିରିଅଇଲା । ୪୬ ଆରି ଜିସୁ
 ଆଉଲିଅଇ କଇଲା, “ଏ ବାବା, ମର୍ ଆଡ୍‌ମା ତକେ ସର୍‌ପିଦେଲିନି ।” ଏଡ୍‌କି
 କଉ କଉ ତାର୍ ଜିବନ୍ ଚାଡ଼ିଗାଲା । ୪୭ ରମିୟ୍ ସନିଅମନ୍‌ର ସେନାପତି ଏ
 ଗର୍‌ନା ଦେକି, ପର୍‌ମେସରର୍ ମଇମା କରି କଇଲା, “ସତଇସେ ଏ ଗଟେକ୍
 ଦରମ୍ ଲକ୍ ରଇଲା ।” ୪୮ ଆରି ଜନ୍ ଲକ୍‌ମନ୍ ଏ ଗର୍‌ନା ଦେକ୍‌ବାକେ
 ରୁଣ୍ଡିରଇଲା ସେମନ୍ ସେଟା ସବୁ ଦେକି ଦୁକ୍‌କରି ବୁକେ ମାରିଅଇ ଗରେ
 ବାଅଡ୍‌ଲା । ୪୯ ମାତର୍ ଜିସୁର୍ ଚିନାର୍‌ଜାନାର୍ ଲକ୍‌ମନ୍ ଆରି ଗାଲିଲିଅନି
 ଆସି ତାର୍ ପର୍‌ପର୍ ଆଇତେରଇବା ମାଇଜିମନ୍ ଦୁରିକେ ଟିଆଅଇ ଏ ସବୁ

ଦେକ୍ତେ ରଇଲା । ୫୦ ଆରି ଦେକା, ଆରାମାତିଆ ଗଡ଼ର୍ ଜିଉଦିମନର୍ ନେତା ଜସେପ୍ ନାଉର୍ ଗଟେକ୍ ଦରମ୍ ଆରି ମର୍ଜିତାର୍ ଲକ୍ ରଇଲା । ସେ ପର୍ମେସରର୍ ରାଇଜ୍ ଆସ ବଲି ଜାଗିରଇଲା । ୫୧ ମାତର୍ ଆରାମାତିଆ ଗାଉର୍ ସେ ଲକ୍ ବଡ଼ସବାର୍ ଗଟେକ୍ ମେମର୍ ରଇଲେ ମିସା, ସେମନର୍ ନିଆଇ ଆରି କାମ୍ ସଞ୍ଜ ରାଜିଅଇ ନ ରଇଲା । ଆରି ପର୍ମେସରର୍ ରାଇଜ୍ ଜାଗ୍ତେରଇଲା । ୫୨ ସେ ପିଲାତର୍ ଲଗେ ଜାଇ ଜିସୁର୍ ମଲା ମଡ଼ ମାଞ୍ଜୁଲା । ୫୩ ଜିସୁର୍ ମଡ଼ କୁର୍ସେଅନି ଉତ୍ତରାଇ ଉଲ୍ତଲା ପଟିଆଇ ଗୁଡିଆଇକରି ଜେନ୍ତିକି କେବେ କାକେ ନ ସଞ୍ଜଇରଇଲା, ଗଟେକ୍ ରାଞ୍ଜୁନି କାଟି ତିଆରକରି ରଇଲା ପାଆରେ ନେଇ ସଞ୍ଜଇଲା । ୫୪ ସେ ଦିନ୍ ବିସ୍ତରାମ୍ବାର୍ ଦିନ୍ ନ ଅଇରଇଲା, ସେ ଦିନ୍ କେଟି ଆଇତେରଇଲା । ୫୫ ଆରି ଗାଲିଲିଅନି ଜିସୁର୍ ସଞ୍ଜ ରଇଲା ମାଇଜିମନ୍ ଜସେପର୍ ସଞ୍ଜ ଜାଇକରି ପାଆର୍ ବିତ୍ତରେ ଜିସୁର୍ ଗାଗଡ଼ କେନ୍ତି ସଞ୍ଜଇଲା ଆତେ ବଲି ଦେକ୍ଲା । ୫୬ ସେମନ୍ ବାଉଡିଜାଇ ବାସ୍ନା ଚିକନ୍ ଆରି ବାସ୍ନା ଦିନ୍ସୁ ତିଆର୍ କର୍ତେ ରଇଲା । ସେ କାମ୍ ସାର୍ବାକେ ବିସ୍ତରାମ୍ବିନ୍ କେଟ୍ଲା । ଆରି ସେ ଦିନେ ମସାର୍ ନିୟମ୍ ଇସାବେ, ସେମନ୍ ବିସ୍ତରାମ୍ କଲା ।

୨୪ ଆଟର୍ ପର୍ତୁମ୍ ଦିନର୍ ସାକାଲେ, ମାଇଜିମନ୍ ସେମନ୍ ତିଆର୍ କରିରଇବା ବାସ୍ନା ଦିନ୍ସୁ ଆରି ବାସ୍ନା ଚିକନ୍ ଦାରି ଜିସୁର୍ ମଡ଼ ରଇଲା ପାଆରେ ଗାଲା । ୨ ଆରି ପାଆରର୍ ମୁଆଟେ ରଇଲା ପାକ୍ନା ଗୁଣ୍ଡୁଲିରଇଲାଟା ଦେକ୍ଲା । ୩ ସେଟା ଦେକି ପାଆର୍ ବିତ୍ତରେ ଜାଇ ଦେକ୍ଲା, ତେଇ ଜିସୁର୍ ଗାଗଡ଼ ନ ରଇଲା । ୪ କାଇଟା ଅଇଲାବେ, ବଲି, ବାବିକରି ରଇଲାବେଲେ, ଏଦେ ଦେକା! ବିଜ୍ଜି ପାରା ଜଗ୍ଜଗି ଜାଇତେରଇବା ଲୁଗା ପିନ୍ତି ଦୁଇ ଲକ୍ ସେମନର୍ ମୁଆଟେ ଟିଆ ଅଇଲା । ୫ ମାଇଜିମନ୍ ସେ ଦୁଇ ଲକ୍ କେ ଦେକି ଚରିକରି ଉତ୍ତାଡିଅଇ ଡୁଲିଦେଲା । ସେ ଦୁଇଲକ୍ ସେମନ୍କେ କଇଲା, “ଜିବନ୍ ରଇଲା ଲକ୍ କେ କାଇକେ ମଲା ଲକ୍ କେ ସଞ୍ଜଇଲାଟାନେ କଇଲାସ୍ନି? ୨ ଜିସୁ ଇତି ନାଇ, ପର୍ମେସର୍ ତାକେ ଉଟାଇଲାଆତେ । ସେ ତମର୍ ସଞ୍ଜ ଗାଲିଲିତେଇ ମିସ୍ତେ ରଇଲା ବେଲେ ତମ୍ କେ କାଇବଲି କଇରଇଲା, ସେଟା ତମର୍ ମନେ ନାଇ କି? ୨ ନର୍ପିଲା ପାପି ଲକ୍ମନର୍ ଆତେ ସର୍ପାଇ ଅଇସି ଆରି ସେମନ୍ ତାକେ କୁର୍ସେ କୁଟିମାରି ମରାଇ ଦେବାଇ । ମାତର୍ ତିନ୍ଦିନ୍ ଗାଲାପତେ ସେ ଆରି

ତରେକ୍ ଜିବନ୍ ଅଇ ଉର୍ସି ।” ୮ ସେତକି ବେଲେ ମାଇଜିମନ୍ ଜିସୁ ଏନ୍ତି କାତା
 କଇରଇଲା ବଲି ଏତାଇଲା । ୯ ସେଟାର୍ ପାଇ ସେମନ୍ ତେଇଅନି ଦାପ୍ରେ
 ବାଉଡି ଆସିକରି ଏଗାର୍ଟା ସିସ୍ମନ୍କେ ଆରି ତେଇ ରଇଲା ଲକ୍ମନ୍କେ
 ସେ ଜାଗାଇ ଅଇଲା ଗର୍ନା ସବୁ କଇଲା । ୧୦ ମଗ୍ଦଲିନି ମରିୟମ୍,
 ଜଆନା, ଜାକୁବର୍ ମାଆ ମରିୟମ୍ ଆରି ତାକର୍ସଞ୍ଜୁ ରଇଲା ବିନ୍ ମାଇଜିମନ୍
 ମିସା କାଇ କାଇଟା ଗର୍ନା, ସେ ସବୁ ବିସଇ ପେରିତ୍ମନ୍କେ କଇଲା ।
 ୧୧ ମାତର୍ ପେରିତ୍ମନ୍ ମାଇଜିମନ୍ କାତା ଟଣ୍ଡେ ପାନ୍ତି କଇଲାକିନି ବଲି
 ବିସ୍ବାସ୍ କରତ୍ ନାଇ । ୧୨ ମାତର୍ ପିତର୍ ଅଦର୍ପତ୍ ଅଇ ପାଲାଇ ପାଆରେ
 ଜାଇ ଏରି ଦେକ୍ଲା । ପାଆର୍ ବିତ୍ରେ ଏରି ଦେକ୍ଲାକେ ତେଇ ଜିସୁକେ
 ଗୁଡିଆଇଲା ଉଲ୍ତଲା ପଟିଆ ଚାଡି ଆରି କାଇଟା ନ ରଇଲା । ପିତର୍ ସେ
 ଗର୍ନା ଦେକି କାବାଅଇ ଜାଇକରି, ଗରେ ବାଉଡି ଆଇଲା । ୧୩ ସେ ଦିନେସେ
 ଜିସୁର୍ ଦୁଇଟା ସିସ୍ମନ୍ ଜିରୁସାଲମେଅନି ଏଗାର କିଲମିଟର୍ ଦୁର୍କେ ରଇଲା
 ଇମାୟୁ ନାଉର୍ ଗାଏଁ ଇଣ୍ଟିକରି ଜାଇତେ ରଇଲା । ୧୪ ଜିସୁକେ କାଇକାଇଟା
 ଅଇରଇଲା ଆରି ସେ ସବୁ ବିସଇନେଇ ସେମନ୍ କାତାଅଇ କାତାଅଇ ଇଣ୍ଡେ
 ରଇଲା । ୧୫ ସେମନ୍ ଏନ୍ତି କାତାବାର୍ତା ଅଇ ଆଇବାବେଲେ ଏଦେ
 ଦେକା! ଜିସୁ ନିଜେ ଆସି ସେମନ୍ ସଞ୍ଜୁ ଇଣ୍ଟିବାର୍ ଦାର୍ଲା । ୧୬ ସେମନ୍
 ତାକେ ଦେକ୍ଲା, ମାତର୍ ତିନି ନାପାର୍ଲା । ୧୭ ସେତିକିବେଲେ ଜିସୁ
 ସେମନ୍କେ କଇଲା, “ତମେ ଇଣ୍ଟି ଇଣ୍ଟି କାର୍ ବିସଇନେଇକରି ଏତେକ୍ କାତା
 ଅଇଲାସ୍ନି?” ସେବେଲାଇ ସେମନ୍ ମନ୍ଦୁକ୍କରି ମୁଁ ସୁକାଇ ଚିଆଅଇଲା ।
 ୧୮ “ଗାଲା କେତେଦିନ୍ ବିତ୍ରେ ଜିରୁସାଲମ୍ ଜନ୍ ଗର୍ନା ଗଟିଗାଲା ଆତେ?
 ସେଟା ନାଜାନୁଲାଟା ତୁଇ ଗଟେକ୍ ଲକ୍ସେ କି?” ୧୯ ଜିସୁ ସେମନ୍କେ
 ପାଚାର୍ଲା, “କାଇଟା ଅଇରଇବା ବିସଇ ତମେ କଇଲାସ୍ନି?” ସେମନ୍,
 “ନାଜରିତର୍ ଜିସୁକେ ଜାଇଟା ସବୁ ଗର୍ନା । ସେ ଗଟେକ୍ ବବିସତ୍ବକ୍ତା
 ରଇଲା । ପର୍ମେସରର୍ ମୁଆଟେ ଆରି ଲକ୍ମନ୍ଗଟାନେ ଗଟେକ୍ ବପୁସଞ୍ଜୁର୍
 ଲକ୍ ରଇଲା । ତାର୍ ସବୁକାମ୍ ଆରି କାତାଇଅନି ଏ ସବୁ ଜାନାପତ୍ତେ
 ରଇଲା । ୨୦ ଆମର୍ ମୁକିଅ ପୁଜାରିମନ୍ ଆରି ସାସନ୍ କାରିଆମନ୍ ତାକେ
 ମରନ୍ ତଣ୍ଡୁ ପାଇବାକେ ସତ୍ତ୍ମନ୍କେ ସର୍ପିଦେଲାଇ ଆରି ତାକେ କୁର୍ସେ
 ତଗାଇ ମରାଇଲା । ୨୧ ସେ ଆକା ଇସ୍ରାଏଲର୍ ଲକ୍ମନ୍କେ ରକିଆ
 କର୍ସି ବଲି ଆସା କରି ରଇଲୁ । ମାତର୍ ତାକେ ମରାଇ ତିନ୍ଦିନ୍ ଅଇଲାନି ।

୨୨ ଆମର ଦଲର କେତେଟା ମାଇଜିମନ୍ ଆମକେ କାବାଅଇଜିବା କାତା
 କଇଲା । ସେମନ୍ ଆଜି ସାକାଲ୍ ସାକାଲ୍ ତାର୍ ମତ୍ ରଇବା ପାଆରେ
 ଗାଲା । ୨୩ ମାତର୍ ତେଇ ତାର୍ ଗାଗତ୍ ନ ରଇଲା । ସେମନ୍ କଇଲା,
 ପାଆରେଅନି ବାଉଡ଼ଲାବେଲେ ସରଗର୍ ଦୁତ୍ତମନ୍ ଦର୍ସନ୍ ପାଇରଇଲା
 ଆରି ସେ ଦୁତ୍ତମନ୍ ଜାନାଇଲାକେ, ସେ ଏବେ ଜିବନ୍ ଅଇଆତେ । ୨୪
 ଆମର୍ ସଞ୍ଜ୍ରିମନ୍ ବିତ୍ରେଅନି ଜେ ଜେ ସେ ପାଆରେ ଜାଇ ଦେକ୍ଲା
 ମିସା ମାଇଜିମନ୍ ଜେନ୍ତି କଇରଇଲା, ସେ ସମାନ୍ ଇସାବେ ଦେକ୍ଲା ।
 ମାତର୍ ସେମନ୍ ଜିସୁକେ ଦେକତ୍ ନାଇ ।” ୨୫ ସେବେଲେ ଜିସୁ ସେମନ୍କେ
 କଇଲା, “ତମେ କେତେକ୍ ବକ୍ତୁଆ ଲକ୍ମନ୍, ବବିସତ୍ ବକ୍ତାମନ୍ କଇଲା
 କାତା ବିସ୍ବାସ୍ କରବାକେ କାଇକେ ଜାଗ୍ତ୍ ଉଆସ୍ ନାଇ? ୨୬ ଏ ସବୁ
 ଦୁକ୍ତସ୍ ପାଇଲା ପତେସେ ପର୍ମେସର୍ ବାତିପାଟାଇଲା କିରିସ୍ତକେ
 ମଇମା ପାଇବାକେ ଅଇସି । ୨୭ ଜିସୁ ମସାର୍ ବଇତେଅନି ଆରି ବିନ୍ ବିନ୍
 ବବିସତ୍ ବକ୍ତାମନ୍ ଲେକିରଇଲା କାତାଇ ଅନି ଆରାମ୍ କରି ସବୁ ଦରମ୍
 ସାସ୍ତରେ ତାର୍ ଜେତକି ବିସଇ ଲେକା ଅଇରଇଲା, ସେ ସବୁ ସେମନ୍କେ
 ବୁଜାଇଦେଲା ।” ୨୮ ଆରି ସେମନ୍ ଜନ୍ ଗାଉଁ ଜିବାର୍ ରଇଲା, ସେ ଗାଉଁ
 ଲଗାଲଗି ଅଇବାକେ ଜିସୁ ଆଗ୍ତୁ ଗାଲାପାରା ଅଇ ଇଣ୍ଟୁବାର୍ ଦାର୍ଲା । ୨୯
 ମାତର୍ ସେ ଲକ୍ମନ୍ ଜିସୁକେ ସୁତରାଇ କରି କଇଲା, “ଆମର୍ ସଞ୍ଜ୍ ର,
 କାଇକେ ବଇଲେ ବେଲ୍ ବସିଗାଲା ଆରି ରାତି ଅଇଗାଲାନି ।” ସେଟାର୍
 ପାଇ ଜିସୁ ସେମନ୍ ସଞ୍ଜ୍ ରଇବାକେ ଗର୍ବିତ୍ରେ ଗାଲା । ୩୦ ଆରି
 ସେମନ୍ ସଞ୍ଜ୍ କାଇବାକେ ବସ୍ଲା । ରୁଟି ଦାରି ପର୍ମେସର୍କେ ଦନିଅବାଦ୍
 ଦେଇକରି ସେଟା ବାଞ୍ଛାଇକରି ସେମନ୍କେ ଦେଲା । ୩୧ ସେ ବେଲାଇ
 ସେମନ୍ ତାବିଅଇ ଜାଇରଇଲା ଆଁକି ପିଟିଗାଲାଜେ ତାକେ ତିନି ପାର୍ଲାଇ
 । ମାତର୍ ସେ ଦାପ୍ରେ ଜିସୁ ସେମନ୍ତେଅନି ମାୟା ଅଇଗାଲା । ୩୨
 ସେବେଲାଇ ସେମନ୍ ସେମନ୍ ବିତ୍ରେ କାତା ଅଇଲା, “ଜେତେବଲ୍
 ସେ ଆମର୍ ସଞ୍ଜ୍ ବାଟେ କାତା ଅଇତେ ରଇଲା, ଆରି ପର୍ମେସର୍
 ସାସ୍ତରର୍ କାତା ବୁଜାଇ ଦେଇତେ ରଇଲା, ଆମର୍ ମନ୍ ବିତ୍ରେ ଉତ୍ତୁକ୍
 ଦୁତ୍ତୁକ୍ ନ ଅଇତେ ରଇଲା କି?” ୩୩ ସେଦାପ୍ରେ ସେମନ୍ ଦୁଇଲକ୍ ଉଟିକରି
 ଜିରୁସାଲାମେ ବାଉଡ଼ି ଉଟିଗାଲା । ତେଇ ଜିସୁର୍ ଏଗାର୍ଟା ସିସ୍ମନ୍
 ଆରି ବିନ୍ଲକ୍ମନ୍ କାତାବାର୍ତା ଅଇତେରଇଲାଟା ଦେକ୍ଲା । ୩୪ ସେ

ଲକ୍ଷ୍ମୀନରତେଇଅନି ସେମନ୍ ଜିସୁମାପୁରୁ ଆରି ତରେକ୍ ଜିବନ୍‌ଅଇ ଉର୍‌ଲା
 ଆଚେ ଆରି ସିମନ୍‌କେ ଦେକାଇଅଇଲା ଆଚେ ବଲି ଜାନ୍‌ଲା । ୩୫ ତାର୍
 ପଚେ ଦୁଇଲକ୍ ଇମାୟୁ ଗାଉଁ ଆଇବା ବାଟେ କାଇକାଇଟା ଅଇରଇଲା
 ସେଟା ସବୁ କଇଲା । ଆରି ସେମନ୍ ଜିସୁ ରୁଟି ବାଢ଼ୁଇ କରି ଦେଲାବେଲେ
 କେନ୍ଦ୍ରି ତାକେ ଚିନ୍ତି ଦେଇରଇଲା ସେଟା ମିସା ସେମନ୍‌କେ କଇଲା । ୩୬
 ସେ ଦୁଇଲକ୍ ଏନ୍ତି କଇବା ବେଲେ ଏଦେ ଦେକା! ମାପୁରୁ ନିଜେ ସେମନ୍‌ର
 ମଜାଇ ଟିଆଅଇଦେଲା । ଆରି ସେମନ୍‌କେ କଇଲା, “ତମ୍‌କେ ସାନ୍ତି ଅ
 ।” ୩୭ ମାତର୍ ସେମନ୍ ସବୁ ଲକ୍ ଏଟା ଗଟେକ୍ ବୁଡ଼ ଦେକ୍‌ଲୁନି ବଲି
 ତରିଗାଲା । ୩୮ ଜିସୁ ସେମନ୍‌କେ କଇଲା, “ତମେ କାଇକେ ତରୁଲାସ୍‌ନି?
 ଆରି ଦେକି କରି ମିସା କାଇକେ ବିସ୍‌ବାସ୍ କରାସ୍ ନାଇ? ୩୯ ମର୍ ଆଚେ
 ଆରି ଗତେ ଦେକା, ଏଟା ମୁଇ ନିଜେ । ମକେ ତିଇକରି ଦେକା । ଏଟା
 ମକେ ଜେନ୍ଦୁରି ଆଡ଼ ଆରି ମାଉଁସ୍ ଆଚେ ସେନ୍ତି ବୁଡ଼କେ ନ ରଏ ।” ୪୦
 ଜିସୁ ଏଟା କଇକରି, ତାର୍ ଆଡ଼ ଆରି ଗଡ଼ ସେମନ୍‌କେ ଦେକାଇଲା । ୪୧
 ସେଟା ଦେକି ସେମନ୍ ସାର୍‌ଦା ଅଇକରି କାବାଅଇ ଗାଲା ମିସା ତାକେ
 ବିସ୍‌ବାସ୍ କରତ୍ ନାଇ । ସେଟାର୍ ପାଇ ଜିସୁ ସେମନ୍‌କେ ପାଚାରୁଲା, “ତମର୍
 ଲଗେ କାଇଟା କାଇବାଟା ଆଚେ କି?” ୪୨ ସେବେଲା ସେମନ୍ ତାକେ
 କଣ୍ଠେକ୍ ବାଜୁଲା ମାଡ଼ ଦେଲା । ୪୩ ସେଟା ଜିସୁ ଦାରିକରି ସେମନ୍‌ର
 ମୁଆଟେ କଇଲା । ୪୪ ଜିସୁ ସେମନ୍‌କେ କଇଲା, “ମସାର୍ ନିୟୁମ୍ ଆରି
 ବବିସ୍‌ବକ୍‌ତାମନ୍ କଇଲା କାତା ଆରି ଗିଡ଼୍‌ସ୍‌ଢ଼ିଟା ବଇଟା‌ନେ କାଇକାଇଟା
 ଲେକା ଅଇଲାଆଚେ ସେ ସବୁ ସତ୍ ଅଇବାର୍ ରଇଲା । ମୁଇ ତମର୍ ସଢ଼ୁ
 ରଇଲାବେଲେ ଏ ସବୁ କାତା ତମ୍‌କେ କଇରଇଲି ।” ୪୫ ତାର୍‌ପଚେ ଦରମ୍
 ସାସ୍‌ତରର୍ ଅରତ୍ ବୁଜ୍‌ବାକେ ଜିସୁ ସେମନ୍‌ର ବୁଜ୍‌ବା ବପୁ ଉଗାଡ଼ି ଦେଲା
 । ୪୬ ଆରି ସେମନ୍‌କେ କଇଲା, “ପର୍‌ମେସର୍ ବାଟି ପାଟାଇଲା କିରିସ୍‌ଟ
 ରାଜା ମୁଇ, ଏନ୍ତି ଦୁକ୍ କସ୍‌ଟ ପାଇକରି ମର୍‌ବି । ପଚେ ତିନ୍‌ଦିନ୍ ଗାଲେ ଆରି
 ତରେକ୍ ଉର୍‌ବି ବଲି ଲେକା ଅଇଲା ଆଚେ । ୪୭ ଆରି ଜିରୁସାଲମେଅନି
 ଆରାମ୍ କରି ସବୁ ଦେସର୍, ସବୁ ଜାତିର୍ ଲକ୍‌ମନ୍‌କେ ମର୍ ନାଉଁଦାରି ପାପ୍
 କେମା କରାଇ, ମନ୍ ବଦ୍‌ଲାଇବାକେ କଇବାର୍ ଆଚେ । ୪୮ ତମେ ଏ ସବୁ
 ବିସଇର୍ ସାକି ଆଚାସ୍ । ୪୯ ଆରି ମର୍ ବାବା ଜନ୍ ଜିଦ୍ କରିରଇଲା, ମୁଇ
 ନିଜେ ସେଟା ପାଟାଇବି । ମାତର୍ ତମେ ପର୍‌ମେସରର୍ ଟା‌ନେଅନି ବପୁ ନ

ମିଲିବା ଜାକ, ଏ ଜିରୁସାଲମେସେ ରୁଆ ।” ୫୦ ତାର୍ପରେ ଜିସୁ ସେମନ୍‌କେ
ବେତ୍‌ନିଆ ନାଉଁର୍ ଜାଗାଇ ଜିବା ବାଟ୍‌ଜାକ ଡାକିନେଲା । ଆରି ସେମନ୍‌କେ
ଆର୍ ଟେକି ଆସିର୍‌ବାଦ୍ କଲା । ୫୧ ସେ ଏନ୍ତି ସେମନ୍‌କେ ଆସିର୍‌ବାଦ୍
କର୍‌ବାବେଲେ ପର୍‌ମେସର୍ ତାକେ ସରଗ୍‌ପୁରେ ଦାରିଗାଲା । ୫୨ ସେମନ୍
ତାକେ ଜୁଆର୍ କଲାଆ ଆରି ସାର୍‌ଦାଅଇ ଜିରୁସାଲମେ ବାଉଡି ଆଇଲାଇ
। ୫୩ ସବୁବେଲା ମନ୍ଦିରେ ରଇକରି ପର୍‌ମେସରର୍ ଡାକ୍‌ପୁଟା କର୍‌ବାର୍
ଦାର୍‌ଲାଇ ।

ଜଅନ୍

୧ କାଇଟା ତିଆର୍ ନ ଅଇରଇଲା ପୁର୍ବେ ବାକିଅ ରଇଲା । ସେ ବାକିଅ ପର୍ମେସରର୍ ସଞ୍ଜୁ ରଇଲା । ସେ ଆରି ପର୍ମେସର ଗଟେକ୍ ରଇଲା । ୨ କାଇଟା ତିଆର୍ ନ ଅଇବା ଆଗ୍ତୁ ଏ ବାକିଅ ପର୍ମେସର ସଞ୍ଜୁ ରଇଲା । ୩ ପର୍ମେସର ସେ ବାକିଅ ଦେଇ ସବୁ ବିସଇ ତିଆର୍ କଲାଆଚେ । ଏ ଦୁନିଆଇ ତିଆର୍ ଅଇଲା ଗଟେକ୍ ବିସଇ ମିସା ତାର୍ଟାନେଅନି ତିଆର୍ ନ ଅଇଲାଟା ନ ରଇଲା । ୪ ସେ ବାକିଅ ନ ସାର୍ବା ଜିବନ୍ ଦାନ୍ ଦେଲା ଆରି ସେ ଜିବନ୍ ଦୁନିଆର୍ ଲକ୍ମନ୍‌କେ ଉଜଲ୍ ଦେକାଇଦେଲା । ୫ ସେ ଉଜଲ୍ ଆନ୍ତୁର୍ ବିତ୍ରେ ସବୁବେଲେ ଉଜଲ୍ ଦେଇସି । ଆନ୍ତୁର୍ କେବେ ମିସା ସେ ଉଜଲ୍ ଲିବାଇ ନାପାରେ । ୬ ପର୍ମେସର, ଜଅନ୍ ନାଉଁର୍ ଗଟେକ୍ ଲକ୍ମନ୍‌କେ ତାର୍ କବରନେଉ କରି ପାଟାଇଲା । ୭ ସେ ଲକ୍ମନ୍‌କେ ଉଜଲ୍ ବିସଇ କଇବାର୍ ଆସିରଇଲା । ଜେନ୍ତୁରିକି ଗୁଲାଇ ଜଗତର୍ ଲକ୍ମନ୍ ତାର୍‌ତେଇଅନି ସେ ଉଜଲ୍ ବିସଇ ସୁନ୍‌ବାଇ ଆରି ବିସ୍‌ବାସ୍ କର୍‌ବାଇ । ୮ ଜଅନ୍ ନିଜେ ସେ ଉଜଲ୍ ନ ରଇଲା, ମାତର୍ ଲକ୍ମନ୍‌କେ ସେ ଉଜଲ୍ ବିସଇର୍ ସାକି ଦେବାକେ ଆସିରଇଲା । ୯ ସେ ସତ୍ ଏବେ ଉଜଲ୍ ଅଇଲା, ଏ ଉଜଲ୍ ଦୁନିଆଇ ଆଇଲା ଆରି ସବୁ ଲକ୍ମନ୍‌ର୍ ମନ୍‌ବିତ୍ରେ ରଇବା ଆଁକି ତିସାଇଲା । ୧୦ ବାକିଅ ଏ ଦୁନିଆଇ ରଇଲା । ତାର୍ଟାନେଅନି ପର୍ମେସର ଏ ଦୁନିଆ ତିଆର୍ କରିରଇଲେ ମିସା ଏ ଦୁନିଆର୍ ଲକ୍ମନ୍ ତାକେ ଚିନ୍ତ ନାଇ । ୧୧ ସେ ତାର୍ ନିଜର୍ ଲକ୍ମନ୍‌ର୍ ଟାନେ ଆଇଲା, ମାତର୍ ତାର୍ ନିଜର୍ ଲକ୍ ଇସ୍‌ରାଏଲର୍ ପିଲାଜିଲା ତାକେ ନାମ୍‌ତନାଇ । ୧୨ ମାତର୍ ଜେ ଜେ ତାକେ ନାମ୍‌ଲାଇ, ଆରି ତାକେ ବିସ୍‌ବାସ୍ କଲାଇ, ସେ ଲକ୍ମନ୍‌କେ ପର୍ମେସରର୍ ପିଲାଜିଲା ଅଇଜିବାକେ ସେ ଅଦିକାର୍ ଦେଲା । ୧୩ ସେମନ୍ ମୁନ୍ତୁସ୍‌ମନ୍ ମନ୍‌କଲା ଇସାବେ ଜନମ୍ ଅଅତ୍‌ନାଇ, କି ଗାଗତର୍ ବନି ଇସାବେ ଅଅତ୍‌ନାଇ । ନିଜେ ପର୍ମେସର ସେମନ୍ ବାବା । ୧୪ ଆରି ସେ ବାକିଅ ନର୍ ଲକ୍ ଅଇକରି ଆମର୍ ସଞ୍ଜୁ ଜିଇଲା । ତାର୍ ସତ୍ ଆରି ଜିବନ୍ ଦୁକାଇବାଟା ପୁରାପୁରୁନ୍ ରଇଲା । ତାର୍ ବାବାର୍ ଗଟେକ୍‌ସେ ପିଲା ବଲି ସେ ମଇମା ପାଇରଇଲା । ତାର୍ ମଇମା ଆମେ ଦେକିଆରୁ । ୧୫ ଦୁବନ୍ ଦେଉ ଜଅନ୍ ଜିସୁର୍ ବିସଇ ଲକ୍ମନ୍‌କେ ଆକ୍‌ମାରି କରି ଏନ୍ତୁରି କଇଲା, “ଏ ଲକ୍ ବିସଇ ମୁଇ ଏନ୍ତି କଇରଇଲି, ଜେ ମର୍ପତେ ଆଇଲାନି, ସେ ମର୍ତେଇଅନି ବେସି ମୁକିଅ,

କାଲକେବଲେ ମୁଇ ଜନମ୍ ଅଇବା ଆଗୁଅନି ସେ ଆଚେ ।” ୧୭ “ତାର୍
 ମନ୍ ବିତ୍ରେ ରଇଲା ପୁରାପୁରୁନ୍ ଜିବନ୍ ଦୁକାଇବା ତେଇଅନି ଆମେ ସବୁ
 ଆସିବାଦ୍ ପାଇଆରୁ । ଉଁ, ଆସିବାଦର୍ ପଚେ ଆସିବାଦ୍ ପାଇଆରୁ ।
 ୧୭ କାଲକେ ବଇଲେ ପର୍ମେସର୍ ଆମ୍ବେ ମସାର୍ଟାନେଅନି ନିୟମ୍ ଦେଲା
 ଆଚେ । ମାତର୍ ଜିସୁ କିରିସ୍ଟ୍ଟାନେଅନି ଆମ୍ବେ ଜିବନ୍ ଦୁକାଇ ସର୍
 ବାଟ୍ ଆଇଲା ଆଚେ । ୧୮ କେ ମିସା କେବେ ପର୍ମେସର୍ବେ ଦେକନ୍ତାଇ ।
 ମାତର୍ ତାର୍ ଗଟେକ୍ ବଲି ପିଲା ଜେ କି ପର୍ମେସର୍ବେ ସମାନ୍ ଆଚେ ଆରି
 ତାର୍ କଲେ ଆଚେ, ସେ ଆକା ଆମ୍ବେ ତାର୍ ବିସଇ ଜାନାଇ ଦେଲା ଆଚେ
 ।” ୧୯ ଜିରୁସାଲମର୍ ଜିଉଦି ନେତାମନ୍, କେତେଟା ଦରମ୍ ଗୁରୁମନ୍କେ ଆରି
 ଲେବି ଦଲର୍ ଲକ୍ମନ୍କେ ତୁବନ୍ ଦେଉ ଜଅନର୍ ଲଗେ “ତମେ କେ?” ବଲି
 ପାଚାର୍ବାକେ ପାଟାଇଲା । ୨୦ ସେ ସର୍ ବିସଇ କଇବାକେ ନ ନିତିକରି,
 ସବୁ ଲକ୍ ବୁଜ୍ଲା ପାରା କଇଲା, “ମୁଇ କିରିସ୍ଟ୍ଟ ନଇ ।” ୨୧ ତେଇ ସେମନ୍
 ପାଚାର୍ଲା, “ସେନ୍ତି ବଇଲେ ତମେ କେ ତେବେ? ବବିସର୍ବକ୍ତା ଏଲିୟୁ
 କି?” ଜଅନ୍ କଇଲା, “ନଇ, ମୁଇ ଏଲିଅ ନଇ ।” ଆରି ସେମନ୍ ପାଚାର୍ଲା,
 “ତୁଇ ସେ ବବିସର୍ବକ୍ତା କି?” ଜଅନ୍ କଇଲା, “ମୁଇ ସେ ନଇ ।” ୨୨
 ତାର୍ ପଚେ ସେମନ୍ ପାଚାର୍ଲା, “ସେନ୍ତୁଆଲେ ତମେ କେ? ଆମ୍ବେ
 ପାଟାଇଲା ଲକ୍ମନ୍କେ ଆମେ ଜାଇ, କାଜଟା ବଲି କଇବୁ, ସେଟାପାଇ
 ତମର୍ ନିଜର୍ ବିସଇ ଅଲପ୍ କଇଦିଆ ।” ୨୩ ଜିସାୟ ବବିସର୍ବକ୍ତା
 ଜେନ୍ତି କଇରଇଲା, ଜଅନ୍ ସେମନ୍କେ ସେନ୍ତି କଇଲା । “ମୁଇ ମରୁବାଲି
 ବୁଏଁ ଆକ୍ମାରି ବୁଲ୍ବା ଗଟେକ୍ ସବର୍ ମାପ୍ତୁ ଜିବାକେ ଗଟେକ୍ ସଲକ୍
 ବାଟ୍ ତିଆର୍ କରା!” ୨୪ ତାର୍ ପଚେ ପାରୁସିମନ୍ ପାଟାଇ ରଇଲା କବର୍
 ନେଉମନ୍ ଜଅନ୍କେ ପାଚାର୍ଲା । ୨୫ “ତମେ ଜଦି କିରିସ୍ଟ୍ଟ ନୁଆସ୍,
 ଏଲିୟୁ ନୁଆସ୍, ଆରି ବବିସର୍ବକ୍ତା ନୁଆସ୍, କାଲକେ ଲକ୍ମନ୍କେ ତୁବନ୍
 ଦେଲାସ୍ନି?” ୨୬ ଜଅନ୍ ସେମନ୍କେ କଇଲା, “ମୁଇ ଲକ୍ମନ୍କେ ପାନିତେଇ
 ତୁବନ୍ ଦେଲିନି, ଜନ୍ ଲକ୍କେ କି ତମେ ନାଜାନାସ୍, ମାତର୍ ସେ ତମର୍ ସଢ୍ଘ
 ଆଚେ । ୨୭ ସେ ମର୍ ପଚେ ଆଇଲାନି । ଆରି ତାର୍ ଗତିଦାଢ୍ଘଟା ଅଇ ତାର୍
 ପାଣ୍ଟୁଇର୍ ପିତା ବେଟ୍ବାର୍ ମିସା ମର୍ ଅଦିକାର୍ ନାଇ ।” ୨୮ ଏ ଗର୍ନା
 ଜର୍ଦ୍ଦନ୍ ଗାତର୍ ସେପାଟେ ବେଟ୍ନି ନାଉର୍ ଜାଗାଇ, ଜଅନ୍ ଲକ୍ମନ୍କେ
 ତୁବନ୍ ଦେଲା ବେଲା ଅଇରଇଲା । ୨୯ ତାର୍ ଆର୍କର୍ ଦିନେ ଜିସୁ ତାର୍

ଲଗେ ଆଇବାଟା ଦେକିକରି ଜଅନ୍ କଇଲା, “ଏଦେ ଦେକା! ପର୍ମେସରର୍
 ମେଣ୍ଟାପିଲା ଜେ କି, ଏ ଦୁନିଆର୍ ସବୁ ଲକ୍ମନର୍ ପାପର୍ ଡଣ୍ଟ ବଇକରି
 ନେଇସି । ୩୦ ଏ ଲକର୍ ବିସଇ ମୁଇ ଆଗ୍ତୁ ଏନ୍ତି କଇରଇଲି, ମୁଇ ଆଇଲା
 ପଚେ ଜନ୍ ଲକ୍ ଆଇଲାନି ସେ ମର୍ତ୍ତେଇଅନି ବେସି ବଡ୍ଲକ୍ ଆରି ମୁଇ
 ଜନମ୍ ଅଇଲା ବେସି ଆଗ୍ତୁଅନି ଆଚେ । ୩୧ ମୁଇ ନିଜେ ମିସା ସେ କେ
 ଅଇରଇସି ବଲି ନାଜାନିରଇଲି । ମାତର୍ ଇସ୍ରାଏଲର୍ ଲକ୍ମନର୍ ତାର୍ ବିସଇ
 ଜାନତ୍ ବଲି ମୁଇ ପାନିତେଇ ତୁବନ୍ ଦେବାକେ ଆସିଆଚି ।” ୩୨ ତାର୍
 ପଚେ ଜଅନ୍ ଆରି ଏ ସାକି ଦେଇ କଇଲା, “ସୁକଲ୍ ଆତ୍ମା ପରୁଆପାରା
 ଅଇକରି ସର୍ଗେଅନି ଉତ୍ତରି ଆସି ତାର୍ ଉପ୍ରେ ବସ୍ବାଟା ମୁଇ ଦେକିଆଚି ।
 ୩୩ ଏଲେମିସା ସେଡ୍‌କିବେଲା ଜାକ ଏ ଲକ୍ ସେ ଆକା ବଲି ମୁଇ ଜାନି ନ
 ରଇଲି । ମାତର୍ ପାନିତେଇ ତୁବନ୍ ଦେବାକେ ପାଟାଇରଇଲା ପର୍ମେସର୍
 ମକେ କଇରଇଲା, ଜେଡେବେଲା ଗଟେକ୍ ଲକର୍ ଉପ୍ରେ ସୁକଲ୍ ଆତ୍ମା
 ଉତ୍ତରି ଆଇବାଟା ତୁଇ ଦେକ୍ସୁ, ସେସେ ଅଇଲାନି ତୁଇ କଜ୍‌ବା ଲକ୍ । ସେ
 ଲକ୍ ସୁକଲ୍ ଆତ୍ମାଇ ତୁବନ୍ ଦେଇସି । ୩୪ ଏନ୍ତି ସୁକଲ୍ ଆତ୍ମା ତାର୍
 ଉପ୍ରେ ଉତ୍ତରି ଆଇବାଟା ମୁଇ ଦେକ୍ଲି ଆରି ସେ ପର୍ମେସରର୍ ପିଲା
 ବଲି ମୁଇ ତମ୍‌କେ ସାକିଦେଲିନି” ବଲି ଜଅନ୍ କଇଲା । ୩୫ ତାର୍ ଆର୍କର୍
 ଦିନେମିସା ଜଅନ୍ ସେ ଜାଗାଇସେ ରଇଲା । ଆରି ତାର୍ ଦୁଇଟା ସିସ୍‌ମନର୍
 ସଢ୍ଗୁ ଟିଆ ଅଇରଇଲା । ୩୬ ଆରି ଜିସୁ ସେ ବାଟେ ଜିବାଟା ଜଅନ୍ ଦେକିକରି
 କଇଲା, “ଏଦେ ଦେକା! ପର୍ମେସରର୍ ମେଣ୍ଟାପିଲା ଗାଲାନି ।” ୩୭ ଜଅନର୍
 ଦୁଇଟା ସିସ୍‌ମନ୍ ତାର୍ କାତା ସୁନି, ଜିସୁର୍ ପଚେ ପଚେ ଗାଲାଇ । ୩୮ ଜିସୁ
 ପାସ୍‌ଲିକରି ଦେକ୍‌ବା ବେଲେ ସେ ଦୁଇଟା ସିସ୍‌ମନ୍ ତାର୍ ପଚେ ପଚେ ଜିବାଟା
 ଦେକି ସେମନ୍‌କେ ପାଟାରୁଲା ତମେ କାଇଟା କଜ୍‌ଲାସ୍‌ନି? ସେମନ୍ ଜିସୁକେ
 କଇଲା, “ରାବି ତମେ କନ୍ ଜାଗାଇ ରଇଲାସ୍‌ନି?” ରାବିର୍ ଅରତ୍ ଅଇଲାନି
 ସିକାଇ ଦେବା ଗୁରୁ । ୩୯ ଜିସୁ ସେମନ୍‌କେ କଇଲା, “ମର୍ ସଢ୍ଗୁ ଆସା ମୁଇ
 ରଇବା ଜାଗା ଦେକ୍‌ସା ।” ସେଟାର୍ ପାଇ ସେମନ୍ ତାର୍ ସଢ୍ଗୁ ଜାଇ ସେ ରଇବା
 ଜାଗା ଦେକ୍‌ଲା । ଆରି ସେ ଦିନେ ତାର୍ ସଢ୍ଗୁ ରଇଲା । ସେବେଲା ସଞ୍ଜୁଆ
 ତାର୍‌ଟା ଅଇରଇଲା । ୪୦ ତାକର୍ ବିତ୍‌ରେଅନି ଗଟେକ୍ ଲକ୍ ଅଇଲାନି
 ସିମନ୍ ପିତରର୍ ବାଇ, ଆନ୍ତୁରିୟ୍ । ୪୧ ସେ ଦାପ୍‌ରେ ସେ ତାର୍ ବାଇ ସିମନ୍
 ପିତର୍କେ କଜିକରି ବେଟ୍ ପାଇ କଇଲା, “ପର୍ମେସରର୍ ବାଟି ପାଟାଇଲା

ମସିଅକେ ଆମେ ବେଟ୍‌ପାଇଲୁ ।” ୪୨ ତାର ପତେ ଆନ୍ତୁରିୟ ସିମନ୍‌ପିତର୍କେ ଜିସୁର୍ ଲଗେ ଡାକି ଆନ୍‌ଲା । ଜିସୁ ତାକେ ଦେକି କଇଲା, “ତମେ ସିମନ୍, ଜଅନର୍ ପିଲା ଏବେଅନି ତକେ କେପା ବଲି ଡାକ୍‌ବାଇ ।” କେପାର୍ ଅରଡ୍ ଅଇଲାନି ପିତର୍କ ଆରି ପିତରର୍କ ଅରଡ୍ ଅଇଲାନି ରାଢ୍ଘୁନି ପାକ୍‌ନା । ୪୩ ତାର୍ ଆରକର୍ ଦିନେ ଜିସୁ ଗାଲିଲି ଦେସେ ଜିବାକେ ମନ୍ କଲା । ଆରି ସେ ଜିବା ବେଲେ ପିଲିପ୍‌କେ ବେଟ୍‌ପାଇ ତାକେ କଇଲା, “ମର୍ ସଢ୍ଘୁ ଆଉ ।” ୪୪ ଆନ୍ତୁରିୟ ଆରି ପିତର୍କ ପାରା ପିଲିପ୍ ମିସା ବେଟ୍‌ସାଇଦା ଗଡର୍ ଲକ୍ ରଇଲା । ୪୫ ପିଲିପ୍ ନିତନିଏଲ୍‌କେ ବେଟ୍ ପାଇ କଇଲା, “ଜନ୍ ଲକର୍ ବିସଇ ମସାର୍ ନିୟମେ ଲେକିରଇଲା ଆରି ବବିସଡ୍‌ବକ୍‌ତାମନ୍ ଲେକି ଆତଡ୍, ଆମେ ତାକେ ଦେକ୍‌ଲୁ ଆରୁ । ସେ ଜସେପର୍ ପିଲା ନାଜରିଡ୍ ଗଡର୍ ଜିସୁ ।” ୪୬ ନିତନିଏଲ୍ ପିଲିପ୍‌କେ ପାଚାରୁଲା, “ନାଜରିଡ୍ ଗଡେଅନି କାଇଆଲେ ନିକ ବିସଇ ଆଇସି କି?” ପିଲିପ୍ ତାକେ କଇଲା, “ତୁଇ ଆସିକରି ଦେକ୍!” ୪୭ ଜିସୁ ନିତନିଏଲ୍‌କେ ତାର୍ ଲଗେ ଆଇବାଟା ଦେକି ତାର୍ ବିସଇ ନେଇ କଇଲା, “ଏଦେ ଦେକା! ଏ ଗଟେକ୍ ଇସ୍ରାଏଲର୍ ସଡ୍ ଲକ୍, ଏ ଲକର୍‌ଡେଇ କାଇମିସା କୁଟ୍‌କପଟ୍ ନାଇ ।” ୪୮ ନିତନିଏଲ୍ ଜିସୁକେ ପାଚାରୁଲା “ମକେ କେନ୍ତୁ ଜାନୁସ୍?” ଜିସୁ କଇଲା, “ପିଲିପ୍ ତମ୍‌କେ ଡାକ୍‌ବା ଆଗ୍‌ତୁ ମୁଇ ତକେ ତୁମ୍‌ରି ଗଡ୍ ତଲେ ଦେକି ରଇଲି ।” ୪୯ ତାର୍ ପତେ ନିତନିଏଲ୍ ଜିସୁକେ କଇଲା, “ଏ ଗୁରୁ, ତମେ ପର୍ମେସରର୍ ପିଲା ଆରି ଇସ୍ରାଏଲର୍ ରାଜା!” ୫୦ ଜିସୁ ତାକେ କଇଲା, “ମୁଇ ତକେ ତୁମ୍‌ରି ଗଡ୍ ତଲେ ଚିଆଅଇଲାଟା ଦେକ୍‌ଲି ବଲି କଇଲାକେ ବିସ୍‌ବାସ୍ କଲୁସ୍‌ନି କି? ଇତିଅନି ଆରି ଅଦିକ୍ ବଡ୍ ବଡ୍ କାବା ଅଇଜିବା ବିସଇମନ୍ ଦେକ୍‌ସୁ ।” ୫୧ ଜିସୁ ଆରି ତରେକ୍ କଇଲା, “ମୁଇ ତକେ ସଡ୍‌କାତା କଇଲିନି, ସରଗ୍ ଉଗାଡି ଅଇଜାଇ ନର୍‌ପିଲା ମର୍ ଉପ୍‌ରେ, ପର୍ମେସରର୍ ଦୁର୍‌ମନ୍ ଚଗି ଜିବାଟା ଆରି ଉଡ୍‌ରି ଆଇବାଟା ତମେ ଦେକ୍‌ସା ।”

୨ ଦୁଇ ଦିନ୍ ପତେ ଗାଲିଲି ଦେସର୍ କାନା ନାଉର୍ ଗଡେ ଗଟେକ୍ ବିବା ଅଇତେ ରଇଲା । ସେ ବିବାତେଇ ଜିସୁର୍ ମାଆ ମରିୟ୍‌ମ୍ ରଇଲା । ୨ ଜିସୁ ଆରି ତାର୍ ସିମ୍‌ନକେ ମିସା ସେ ବିବାତେଇ ଡାକି ରଇଲା । ୩ ବଜି ନ ସାର୍‌ଡେ ଅଢ୍ଘୁର୍ ରସ୍ ସାରିଗାଲାକେ ଜିସୁର୍ ମାଆ ଆସି ତାକେ କଇଲା, “ସେମନର୍ ଅଢ୍ଘୁର୍ ରସ୍ ସାରିଗାଲାବେ ।” ୪ ଜିସୁ ତାକେ କଇଲା,

“ଏ ମାଆ, ମରତାନେ ତରୁ କାଇଟା ଆଚେ? ତୁଇ ମକେ କାଇଟା ମିସା
 କରବାକେ କଅ ନାଇ । ମରୁ ବେଲା ଏବେ ଜାକ ଆସେ ନାଇତା ।” ୫ ଜିସୁର
 ମା ବାଣ୍ଟାରୁଗରିଆମନ୍‌କେ କଇଲା, “ଜିସୁ ତମ୍‌କେ ଜାଇଟା କଇସି ସେଟା
 କରା ।” ୬ ସେ ଜାଗାଇ ବଡ଼ ବଡ଼ ପାକ୍‌ନା ସଞ୍ଜୁ ତିଆରୁ କଲା ଚଅଟା କୁଣ୍ଡୁ
 ରଇଲା । ଜିଉଦି ଲକ୍‌ମନ୍ ସୁକଲ୍ ଅଇବାକେ ସେମନର୍ ରିତିନିତି ଇସାବେ
 ଏ କୁଣ୍ଡୁ ପାନି କାମେ ଲାଗାଇତେ ରଇଲା । ଗଟେକ୍ ଗଟେକ୍ କୁଣ୍ଡୁ
 ସଏ ଲିଟରୁ ଲାକା ପାନି ଦାରୁତେ ରଇଲା । ୭ ଜିସୁ ବାଣ୍ଟାରୁଗରିଆମନ୍‌କେ
 “ସେ କୁଣ୍ଡୁମନ୍‌କେ ପାନି ବରୁତି କରା” ବଲି କଇଲା ଆରି ସେମନ୍ ସେ ସବୁ
 କୁଣ୍ଡୁ ପାନି ବରୁତି କଲା । ୮ ତାରୁ ପଚେ ଜିସୁ ସେମନ୍‌କେ ତେଇର୍ ପାନି
 ତୁମିନେଇ ବଜି ଦାଇତେ ରଇଲା ଲକ୍‌କେ ଦିଆସ୍ ବଲି କଇଲା । ସେମନ୍
 ତେଇର୍ ପାନି ତୁମି ନେଇ ତାକେ ଦେଲା । ୯ ମାତରୁ ସେ ସବୁ ପାନି
 ଅଞ୍ଜୁରୁ ରସ୍ ଅଇଜାଇରଇଲା । ବଜି ଦାଇତେ ରଇଲା ଲକ୍ ଅଞ୍ଜୁରୁ ରସ୍
 କନ୍ତିଅନି ବଲି ଜାନି ନ ରଇଲା । ମାତରୁ ସେ ପାନି ତୁମି ନେଲା ଲକ୍‌ମନ୍
 ଜାନି ରଇଲା, ପଚେ ସେ ଲକ୍ ତାକି କରି ଏ ରସ୍ କନ୍ତିଅନି ଆନ୍‌ଲାଇ
 ବଲି ବିବା ଅଇବା ଦାଞ୍ଜୁତାକେ ତାକି ପାଚାରୁଲା, ୧୦ “ଲକ୍‌ମନ୍ ସବୁ ବେଲା
 ପରୁତୁମ୍ ପରୁତୁମ୍ କାଇବାକେ ନିମାନ୍ ଅଞ୍ଜୁରୁ ରସ୍ ଦେବାଇ । ଆରି ଗତିଆ
 ଲକ୍‌ମନ୍ କାଇ ପୁରୁନ୍ ଅଇଲା ପଚେ ଚପୁରାଟା ଦେବାଇ । ମାତରୁ ତମେ
 ଏବେ ସାରାସାରି ଜାକ ନିମାନ୍ ଅଞ୍ଜୁରୁ ରସ୍ କନ୍ତି ସଞ୍ଜୁଇ ରଇଲାସ୍?” ୧୧
 ଏଟା ଜିସୁ ପରୁତୁମ୍ କଲା କାବାଅଇଜିବା କାମ୍ । ସେଟା ଗାଲିଲି ଦେସର୍
 କାନା ନଅରେ କରିରଇଲା । ଏନ୍ତି କରି ତାରୁ ମଇମା ଦେକାଇଲା ଆରି ତାରୁ
 ସିସ୍‌ମନ୍ ତାକେ ବିସ୍‌ବାସ୍ କଲା । ୧୨ ତାରୁ ପଚେ ଜିସୁ, ତାରୁ ମାଆ ତାରୁ
 ବାଇମନ୍ ଆରି ତାରୁ ସିସ୍‌ମନ୍ ସଞ୍ଜୁ କପରୁନାଉମ୍ ଗତେ ଜାଇ ତେଇ କେତେ
 ଦିନ୍ ପାରା ରଇଲା । ୧୩ ସେ ବେଲା ଜିଉଦି ଲକ୍‌ମନର୍ ନିସ୍‌ତାରୁ ପରବ୍
 କେଟି ଆଇତେ ରଇଲା । ସେଟାରୁପାଇ ଜିସୁ ଜିରୁସାଲମେ ଗାଲା । ୧୪ ତେଇ
 ସେ ମନ୍ତ୍ରିର୍ ବିତ୍‌ରେ, ଲକ୍‌ମନ୍ ଗରୁଗାଇ ମେଣ୍ଟା, ଆରି ପାରୁଆମନ୍ ବେବାରୁ
 କରବାଟା, ଆରି ବିନ୍ ଦେସର୍ ତାରୁ ବାଦ୍‌ଲାଉମନ୍ ସେମନର୍ ଟେବୁଲେ
 ବସିରଇଲାଟା ଦେକଲା । ୧୫ ତେଇ ଜିସୁ କସିରା ସଞ୍ଜୁ କରୁତା ତିଆରୁ କରି
 ମେଣ୍ଟା ଆରି ଗରୁମନର୍ ସଞ୍ଜୁ ସବୁ ଲକ୍‌ମନ୍‌କେ ମନ୍ତ୍ରିରେଅନି ବାରୁକରାଇ
 ଦେଲା । ଆରି ଲକ୍‌ମନର୍‌ତେଇ ଅନି ବାଦ୍‌ଲାଇ ନେବା ତାରୁ ସବୁ ବିଚିଦେଇ

ସେମାନର ଟେବୁଲ୍ ପାସଲାଲ ଦେଲା । ୧୭ ପରୁଆ ବିକ୍‌ବା ଲକ୍‌ମନ୍‌କେ କଲଲା, “ଏ ସବୁ ଦିନ୍‌ସୁ ଇତିଅନି ଦାରିଜା । ମର ବାବାର୍ ଗରେ ଗେନା ବିକା ଜାଗା ପାରା କରାନାଇ ।” ୧୭ ଏ ସବୁ ଗର୍‌ନା ଅଇବାବେଲେ ଜିସୁର୍ ସିସ୍‌ମନ୍ ପର୍‌ମେସର୍‌ର ସାସ୍‌ତରେ ଲେକାଅଇଲା ଗଟେକ୍ ବାକିଅ ଏତାଇଲାଲ । ତମର୍ ଗରର୍ ପାଇ ରଇବା ମର୍ ବକ୍‌ତି, ମର୍ ମନ୍ ବିତ୍‌ରେ ଜଇ ଲାଗ୍‌ଲା ପାରା ଲାଗ୍‌ଲାନି । ୧୮ ତେଇ ଜିଉଦି ନେତାମନ୍ ଜିସୁର୍ ଲଗେ ବାଉଡି ଆସି ଏନ୍ତାରି କଇଲାଲ । “ତୁଇ ଏନ୍ତାରି ସବୁ କାମ୍ କର୍‌ବାକେ ଅଦିକାର୍ ପାଇଆରୁସ୍ ବଲି ଆମେ କେନ୍ତି ଜାନ୍‌ବୁ ଆରି କାଇ ତିନର୍‌ଲାଗି ଆମ୍‌କେ ସେଟା ଦେକାଇଲୁସ୍‌ନି?” ୧୯ ଜିସୁ ସେମନ୍‌କେ କଇଲା, “ତମେ ଏ ମନ୍ତ୍ରିର୍ ବସ୍‌ଲାଲ ଦିଆସ୍ । ସେଟା ମୁଇ ତିନ୍‌ଦିନ୍ ବିତ୍‌ରେ ଆରିତରେକ୍ ତିଆର୍ କରିଦେବି ।” ୨୦ ଜିସୁର୍ ଏ କାତା ସୁନି ସେମନ୍ କଇଲାଲ, “କାଇଟା! ତିନ୍‌ଦିନ୍ ବିତ୍‌ରେ ତୁଇ ତିଆର୍ କରି ପାରୁସ୍ କି? ଏ ମନ୍ତ୍ରିର୍ ତିଆର୍ କର୍‌ବାକେ ଚାଲିସ୍ ତଅ ବରସ୍ ଲାଗିରଇଲା ।” ୨୧ ମାତର୍ ଜିସୁ ତାର୍ ନିଜର୍ ଗାଗତର୍ ବିସଇ ମନ୍ତ୍ରିର୍‌କେ ଦେକାଇ କରି ଏ କାତା କଇରଇଲା । ୨୨ ସେ ମରିକରି ଆରିତରେକ୍ ଜିବନ୍ ଅଇ ଉର୍‌ଲା ପତେ ସିସ୍‌ମନ୍‌ର ମନେ ପଡ୍‌ଲା ଜେ, ସେ ଏନ୍ତାରି କଇରଇଲା । ତେବର୍‌ପାଇ ସେମନ୍ ଦରମ୍ ସାସ୍‌ତର୍ ଆରି ଜିସୁର୍ ବାକିଅ ବିସ୍‌ବାସ୍ କଲାଲ । ୨୩ ନିସ୍‌ତାର୍ ପରବ୍‌ବେଲେ ଜିସୁ ଜିରୁସାଲାମ୍ ରଇଲାବେଲେ କେତେକ୍ କେତେକ୍ ଲକ୍ ସେ କରିରଇବା କାବା ଅଇଜିବା କାମ୍‌ମନ୍ କଲାଟା ଦେକି ତାକେ ବିସ୍‌ବାସ୍ କଲାଲ । ୨୪ ମାତର୍ ଜିସୁ ସେ ଲକ୍‌ମନ୍ ବିସ୍‌ବାସ୍ କରିରଇବାଟା ସତ୍‌ବଲି ବାବେନାଇ । କାଇକେ ବଇଲେ ସେ ସବୁ ଲକ୍‌ର୍ ବିସଇ ସେ ନିକସ୍‌ଟୁ ଜାନି ରଇଲା । ୨୫ ଲକ୍‌ମନ୍‌ର ବିସଇନେଇକରି ତାକେ, କେ ମିସା କାଇଟାବଲି କଇବାର୍ ଦର୍କାର୍ ନ ରଇଲା, କାଇକେବଇଲେ ସେ ତାକର୍ ମନ୍ ବିତ୍‌ରର୍ କାତା, ନିଜେ ଜାନି ରଇଲା ।

୩ ପାରୁସିମନ୍‌ର ବିତ୍‌ରେଅନି ନିକଦିମ ନାଉର୍ ଗଟେକ୍ ଲକ୍ ରଇଲା । ସେ ଜିଉଦି ମନ୍‌ର ଗଟେକ୍ ନେତା । ୨ ସେ ଦିନେକ୍ ରାତିଆ ଜିସୁର୍ ଲଗେ ଆସି କଇଲା, “ଏ ଗୁରୁ ଆମେ ଜାନ୍ତୁ, ତମେ ପର୍‌ମେସର୍‌ ପାଟାଇରଇବା ଗଟେକ୍ ଗୁରୁ । କାଇକେ ବଇଲେ ଜଦି ଗଟେକ୍ ଲକ୍‌ର୍ ସଟ୍ଟୁ ପର୍‌ମେସର୍‌ ନ ରଇଲେ, ତମେ ଜନ୍ ସବୁ କାବାଅଇଜିବା କାମ୍‌ମନ୍ କଲାସ୍‌ନି, ସେତକି କାମ୍‌ମନ୍ କେ ମିସା କରିନାପାରତ୍ ।” ୩ ଜିସୁ ତାକେ କଇଲା, “ମୁଇ ତକେ ସତ୍ କାତା

କଇଲିନି, ଆରିତରେକ୍ ଜନମ୍ ନ ଅଇଲେ କେ ମିସା ପର୍ମେସରର୍ ରାଇଜ୍
 ଦେକି ନାପାରତ୍ ।” ୪ ନିକଦିମ ତାକେ ପାଚାରୁଲା, “ତକ୍‌ରା ଅଇଲା ଲକ୍
 କେନ୍ତି ଆରି ତରେକ୍ ଜନମ୍ ଅଇସି? ସେ ଆରି ତରେକ୍ ମାଆର୍ ପେଟ୍ ବିତ୍ରେ
 ଜାଇକରି ଜନମ୍ ଅଇସି କି? ନାଇ ଅଇ ନଏଁ ।” ୫ ଜିସୁ ତାକେ କଇଲା,
 “ମୁଇ ତକେ ସତ୍‌କାତା କଇଲିନି, ଗଟେକ୍ ଲକ୍ ପାନି ଆରି ଆତ୍‌ମାଇଅନି
 ଜନମ୍ ନ ଅଇଲେ, ପର୍ମେସରର୍ ରାଇଜେ ଜାଇ ନାପାରେ । ୬ ଗଟେକ୍
 ନର୍ ଲକ୍ ତାର୍ ନର୍ ମାଆ ବାବାର୍‌ତେଇଅନି ଜନମ୍ ଅଇସି । ମାତର୍ ସୁକଲ୍
 ଆତ୍‌ମା ତାର୍ ଆତ୍‌ମାଇ ନୁଆ ଜିବନ୍ ଦେଇସି । ୭ ସେଟାର୍‌ପାଇ ମୁଇ
 ତକେ ଆରିତରେକ୍ ଜନମ୍ ଅଇବାକେ ଅଇସି ବଲି କଇବା ବିସଇ ସୁନି
 କାବାଅଇଜାଆ ନାଇ । ୮ ପବନ୍ ଜନ୍ ବାଟେ ଜିବାକେ ମନ୍ କର୍ସି ସେ
 ବାଟେସେ ଜାଇସି, ଆରି ତମେ ତାର୍ ସବଦ୍ ସୁନ୍‌ସା । ମାତର୍ ସେଟା କନ୍ତିଅନି
 ଆଇସି ଆରି କନ୍ ବାଟେ ଜାଇସି ସେଟା ନାଜାନାସ୍ । ଆତ୍‌ମାଇ ଜନମ୍
 ଅଇଲା ସବୁ ଲକ୍‌ମନ୍ ମିସା ସେନ୍ତାରିସେ ।” ୯ ନିକଦିମ ଜିସୁକେ ପାଚାରୁଲା,
 “ଏବେ ତୁଇ କଇବା କାତା କେନ୍ତି ଅଇପାର୍‌ସି?” ୧୦ ଜିସୁ ତାକେ କଇଲା,
 “ତୁଇ ଇସ୍ରାଏଲର୍ ଗଟେକ୍ ବଡ୍ ଗୁରୁ ଅଇକରି ମିସା କେନ୍ତି ଏ ସବୁ କାତା
 ବୁଜି ନାପାରୁଲୁସିନି? ୧୧ ମୁଇ ତକେ ସତ୍‌କାତା କଇଲିନି, ଆମେ ଜନ୍‌ଟା ଜାନୁ
 ସେଟା କଇଦେବୁ, ଜନ୍‌ଟା ଦେକିରଇବୁ ସେଟା ସାକି ଦେବୁ, ଅଇଲେ ମିସା
 ତୁଇ କାଇକେ ବିସ୍‌ବାସ୍ କରୁସ୍‌ନାଇ? ୧୨ ମୁଇ ତକେ ଏ ଦୁନିଆର୍ ବିସଇ
 କଇବାବେଲେ ବିସ୍‌ବାସ୍ କରୁସ୍ ନାଇ । ଆରି ସରଗର୍ ବିସଇ କଇବି ବଇଲେ
 କେନ୍ତି ମକେ ବିସ୍‌ବାସ୍ କର୍ସୁ? ୧୩ ସର୍ଗେଅନି ଉତ୍‌ରି ଆଇଲା ନର୍‌ପିଲା
 ମୁଇ, ମକେ ଚାଡିକରି ଆରି କେ ମିସା ସର୍ଗେ ଜାଅତ୍ ନାଇତା ।” ୧୪ “ଆରି
 ମସା କେନ୍ତି ମରୁବାଲି ବୁଏଁ ପିତଲ୍ ସାଁପ୍‌କେ ତେଲି ଉପ୍‌ରେ ଟେକି ରଇଲା,
 ସମାନ୍ ସେନ୍ତାରିସେ ପର୍ମେସର୍ ତେଇଅନି ଆଇଲା ନର୍‌ପିଲା ମକେ ମିସା,
 ଗଟେକ୍ ଦିନେ ଉପ୍‌ରେ ଟେକ୍‌ବାଇ । ୧୫ ତେବେ, ତାକେ ବିସ୍‌ବାସ୍ କର୍ବା
 ସବୁ ଲକ୍‌ମନ୍ ନ ସାର୍‌ବା ଜିବନ୍ ପାଇବାଇ । (aiōnios g166) ୧୬ ପର୍ମେସର୍
 ଏ ଦୁନିଆର୍ ଲକ୍‌ମନ୍‌କେ ଏତେକ୍ ଆଲାଦ୍ କଲାଜେ, ତାର୍ ଗଟେକ୍ ବଲି
 ପିଲାକେ ସର୍‌ପିଦେଲା । ଜେ ମିସା ତାକେ ବିସ୍‌ବାସ୍ କର୍ବାଇ ବଇଲେ,
 ସେମନ୍ ନସ୍‌ଟ ନ ଅଇକରି, ନ ସାର୍‌ବା ଜିବନ୍ ମିଲାଇବାଇ । (aiōnios g166)
 ୧୭ ପର୍ମେସର୍ ତାର୍ ପିଲାକେ ଏ ଦୁନିଆଇ ବିତାର୍ କର୍ବାକେ ପାଟାଏନାଇ,

ମାତର ତାର ଲାଗି ଦୁନିଆ ରକିଆ ପାଅ ବଳି ପାଟାଇ ଆଚେ । ୧୮ କେ
 ପରମେସରର ପିଲାକେ ବିସ୍ବାସ କଲାନି ତାର ବିଚାରନା ନଏ । ମାତର ଜେ
 ପରମେସରର ପିଲାକେ ବିସ୍ବାସ କରେନାଇ ତାର ବିଚାରନା ଅଇସାରୁଲାବେ
 । କାଇକେବଇଲେ ସେ ଗଟେକ୍ ବଳି ପିଲାକେ ବିସ୍ବାସ କରେନାଇ ।
 ୧୯ ଆରି ସେ ବିଚାରନା ଏନ୍ତି ଅଇସି, ସରଗେ ଅନି ଉଜଲ୍ ଏ ଦୁନିଆଇ
 ଆସିରଇଲା । ମାତର ଏ ଦୁନିଆରୁ ଲକ୍ମନ୍ ସେ ଉଜଲେଅନି ଆନ୍ତୁରକେ
 ବେସି ମନ୍ କଲାଇ । କାଇକେବଇଲେ ସେମନ୍ କରୁବା କାମ୍ ସବୁ ବେସି
 କାରାପ୍ । ୨୦ ଜନ୍ଲକ୍ମନ୍ କାରାପ୍ କାମ୍ କଲାଇନି ସେମନ୍ ଉଜଲ୍କେ ଗିନ୍
 କଲାଇନି । ଆରି ସେ ଉଜଲେ ନ ଆସତ୍ । କାଇକେବଇଲେ ସେମନ୍
 ସବୁ କାରାପ୍ କାମ୍ ସେ ଉଜଲେ ଡିସ୍ସି । ୨୧ ମାତର ଜନ୍ଲକ୍ ସତ୍ ଆରି
 ଟିକ୍ ଇସାବେ କାମ୍ କରି ଚଲାଚଲ୍ଡି କଲାନି, ସେ ଉଜଲ୍ ଲଗେ ଆଇସି ।
 ତେବେ, ସେ କରୁବା କାମ୍ ପରମେସରର ମନ୍ କରୁବା ଇସାବେ ଅଇଲାନି ।”
 ୨୨ ତାର ପତେ ଜିସୁ ଆରି ତାର ସିସ୍ମନ୍ ଜିଉଦା ଦେସେ ଗାଲାଇ ଆରି
 ସେ ଜାଗାଇ ରଇକରି ଲକ୍ମନ୍କେ ଡୁବନ୍ ଦେଲାଇ । ୨୩ ସେ ବେଲାଇ
 ଜଅନ୍ ମିସା ସାଲମ୍ ଗଡ୍ଲଗେ ଏନନ୍ ନାଉଁର୍ ଗଟେକ୍ ଗାଏଁ ଡୁବନ୍ ଦେଇତେ
 ରଇଲା । କାଇକେ ବଇଲେ ସେ ଜାଗାଇ ବେସି ପାନି ରଇଲା । ଆରି ଲକ୍ମନ୍
 ଆସିକରି ଡୁବନ୍ ନେଇତେ ରଇଲାଇ । ୨୪ ସେତ୍କି ଦିନ୍ ଜାକ ଜଅନ୍
 ବନ୍ଦି ନ ଅଇରଇଲା । ୨୫ ସେବେଲା ଗଟେକ୍ ଜିଉଦି ଲକ୍ ଆରି ଜଅନ୍
 ସିସ୍ମନ୍ ଅସୁକଲ୍ଅନି ରିତିନିତି ଇସାବେ ସୁକଲ୍ ଅଇବା ବିସଇ ନେଇ ତାକର୍
 ବିତ୍ରେ ଦଦାପେଲା ଅଇତେ ରଇଲାଇ । ୨୬ ଆରି ଜଅନ୍ ସିସ୍ମନ୍ ତାର
 ଲଗେ ଆସି କଇଲାଇ, “ଏ ଗୁରୁ, ତମେ ଜର୍ଦ୍ଦନ୍ ଗାଡ୍ ସେପାଟେ କାର୍ସଝୁ
 ବେଟ୍ ଅଇରଇଲାସ୍ ଆରି ତାର ବିସଇ ତମେ ସାକି ଦେଇତେରଇଲାସ୍, ସେ
 ଲକ୍ ଏବେ ଲକ୍ମନ୍କେ ଡୁବନ୍ ଦେଲାନି ଆରି ସବୁ ଲକ୍ମନ୍ ତାର ଲଗେ
 ଗାଲାଇନି ।” ୨୭ ଜଅନ୍ କଇଲା, “ପରମେସର ନ ଦେଲେ, କେ ମିସା କାଇଟା
 ନ ପାଅତ୍ । ୨୮ ମୁଇ କଇରଇଲି ପରମେସର ପାଟାଇଲା ମସିଅ ମୁଇ ନଇ
 ବଳି । ମୁଇ ଅବ୍କା ପାଟାଇରଇବା ଗଟେକ୍ ଦୁର୍ ପାରା ଅଇ ଆସିଆତି ।
 ୨୯ ଜେ ବିବା ଅଇସି, ସେ ବର୍ ଦାଝୁଡା । ମାତର ବର୍ ଦାଝୁଡାର ଲଗେ
 ବରର୍ ସଝୁରି ଚିଆଅଇ ତାର କାତା ସୁନ୍ସି । ସେ ବର୍ ଦାଝୁଡାର କାତା
 ସୁନି, ବେସି ସାର୍ଦା ଅଇସି । ସେନ୍ତୁରିସେ ମର୍ ସାର୍ଦା ମିସା ପୁରାପୁରୁନ୍

ଅଇଲାଆରେ । ୩୦ ସେ ମଥାନ୍ ଅଇତେ ଜାଅ ଆରି ମୁଇ ସାନ୍ ଅଇତେ ଜିବି
 ।” ୩୧ “ଜେ ସର୍ଗେଅନି ଆଇଲା ଆରେ, ସେ ସବୁ ଲକ୍ମନର୍ତେଇଅନି
 ମଥାନ୍ । ଜେ ଜଗତେ ଅନି ଜନମ୍ ଅଇଆରେ, ସେ ଜଗତର୍ କାତାସେ କଇସି
 । ମାତର୍ ଜେ ସର୍ଗେଅନି ଆସିଆରେ, ସେ ସବୁକଲର୍ତେଇ ଅନି ମଥାନ୍
 । ୩୨ ସେ ଜନ୍ତା ଦେକ୍ଲା ଆରେ ଆରି ସୁନ୍ଲା ଆରେ ସେ ବିସଇ ସେ
 ଜାନାଇଲାନି । ମାତର୍ ସେ କଇରଇବା କାତା କେ ମିସା ନାମତ୍ ନାଇ ।
 ୩୩ ଜେ ତାର୍ କଇରଇବା କାତା ନାମସି, ସେ ପର୍ମେସର୍ ସତ୍ତା ବଲି
 ନାମସି । ୩୪ ଜାକେ ପର୍ମେସର୍ ପାଟାଇଲା ଆରେ, ସେ ପର୍ମେସର୍
 ବାକିଅ କଇସି । କାଇକେ ବଇଲେ ତାକେ ପର୍ମେସର୍ ଆତ୍ମା ପୁରାପୁରୁନ୍
 ଦିଆଅଇଲାଆରେ । ୩୫ ବାବା ପିଲାକେ ଆଲାଦ୍ କରି ସବୁ ବିସଇ ତାର୍
 ଆରେ ସର୍ପି ଦେଲାଆରେ । ୩୬ ଆରି କେ ପର୍ମେସର୍ ପିଲାକେ ବିସ୍ବାସ୍
 କର୍ସି, ସେ ନ ସାର୍ବା ଜିବନ୍ ପାଇସି । ମାତର୍ ଜେ ପର୍ମେସର୍ ପିଲାକେ
 ନାମେ ନାଇ, ସେ ନ ସାର୍ବା ଜିବନ୍ ନ ପାଏ । ଆରି ପର୍ମେସର୍ ତଣ୍ଟୁ
 ପାଇବାକେ ସେ ରଇସି ।” (aiōnios g166)

୪ ଜଅନର୍ତେଇଅନି ଜିସୁକେ ଅଦିକ୍ ସିସ୍ ଅଇବାଟା ଆରି ତୁବନ୍ ଦେବା
 କାତା ପାରୁସିମନ୍ ସୁନ୍ଲାଇ । ୨ ଜିସୁ ସତଇସେ ନିଜେ କାକେ ମିସା ତୁବନ୍
 ନ ଦେଇତେ ରଇଲା, ମାତର୍ ତାର୍ ସିସ୍ମନ୍ ତୁବନ୍ ଦେଇତେ ରଇଲାଇ
 । ୩ ତାର୍ ବିସଇ ନେଇ ଲକ୍ମନ୍ ଏନ୍ତାରି କାତା ଅଇବାଟା ସୁନି, ଜିସୁ
 ଜିଉଦା ରାଇଜ୍ ଚାଡିକରି ଆରି ତରେକ୍ ଗାଲିଲି ଦେସେ ଉଟିଗାଲା । ୪
 ମାତର୍ ତାକେ ସମିରଣ୍ ଗଡ୍ ବାଟେ ଜିବାକେ ପଡ୍ଲା । ୫ ଆରି ଜାକୁବ୍
 ତାର୍ ନିଜର୍ ପିଲା ଜସେପ୍ କେ ଜନ୍ ଜାଗା ଦାନ୍ ଦେଇରଇଲା, ସେ ଲଗେ
 ସମିରଣ୍ ଗଡ୍ ଗଟେକ୍ ସୁକାର୍ ନାଉର୍ ଜାଗାଇ ଜିସୁ ଆସି କେଟ୍ଲା ।
 ୬ ସେ ଜାଗାଇ ଜାକୁବ୍ ଗଟେକ୍ କୁଇସାଲ୍ ରଇଲା । ଜିସୁ ଇଣ୍ଟି ଇଣ୍ଟି
 ତାକି ଜାଇକରି କୁଇସାଲ୍ ଲଗେ ବସି ରଇଲା । ସେବେଲା ତିଆମୁଇଦାନ୍
 ଅଇରଇଲା । ୭ ଗଟେକ୍ ସମିରଣ୍ ମାଇଜି କୁଇସାଲେ ପାନି ନେବାକେ
 ଆଇଲା । ଆରି ଜିସୁ ସେ ମାଇଜିକେ କଇଲା, “ଏ ମା ମକେ ଗୁଡିକ୍ ପାନି
 କାଇବାକେ ଦେ ।” ୮ ସେଡ୍ କିବେଲେ ତାର୍ ସିସ୍ମନ୍ କାଦି ଗେନ୍ବାକେ ଗଡ୍
 ବିତ୍ରେ ଜାଇରଇଲା ଆରି ଜିସୁ ଗଟେକ୍ ଲକ୍ ସେ ରଇଲା । ୯ ତେଇ
 ସମିରଣ୍ ମାଇଜି କାବାଅଇ ଜିସୁକେ କଇଲା, “ତୁଇ ଗଟେକ୍ ଜିଉଦି ଲକ୍

ଆରି ମୁଇ ଗଟେକ୍ ସମିରଣିୟ, ତୁଇ କେନ୍ଦ୍ରି ମର୍ ଆତର୍ ପାନି କାଇବାକେ ମାଢ୍ଗୁଲୁୟ୍ନି?” କାଇକେ ବଇଲେ, ଜିଉଦି ଲକ୍ମନ୍ ସମିରଣିୟ ଲକ୍ମନ୍ ତର କାଇବାତେଇ ନ କାଇତେ ରଇଲା । ୧୦ ଜିସୁ ତାକେ କଇଲା, “ପର୍ମେସର୍ ଦେବା ଦାନର୍ ବିସଇ, ତୁଇ ଅଲପ୍ ଆଲେ ଜାନି ରଇଲେ ଆରି ମୁଇ କେ ବଲି ଜାନୁୟ୍ ବଇଲେ ମକେ ମାଢ୍ଗୁତୁୟ୍ । ଆରି ମୁଇ ତକେ ଜିବନ୍ ଦେବା ପାନି ଦେଇତି ।” ୧୧ ମାଇଜି କଇଲା, “ଆଗିଆଁ, ତମର୍ ଲଗେତା ପାନି ଜିକ୍ବାକେ ବାଲଟିନାଇ, ଆରି ଏ କୁଇସାଲ୍ ବେସି ତେଡ୍ଡୁ ଆତେ । କନ୍ଦ୍ରିଅନି ତମେ ଜିବନ୍ ଦେବା ପାନି ମିଲାଇସୁ? ୧୨ ତୁଇ କାଇ ଆମର୍ ଆନିଦାଦି ଜାକୁବର୍ତେଇ ଅନି ବଡ୍ କି? ଜାକୁବ୍ ଆମ୍ବକେ ଏ କୁଇସାଲ୍ ଦେଇରଇଲା । ସେ ନିଜେ ମିସା ଏ କୁଇସାଲର୍ ପାନି କାଇତେରଇଲା । ତାର୍ ଗରର୍ ଲକ୍ମନ୍ ଆରି ସେ ପସିରଇଲା ଗରୁଗାଇମନ୍ ଇତିର୍ ପାନି କାଇଲା” ବଲି କଇଲା । ୧୩ ଜିସୁ ତାକେ କଇଲା, “ଏ କୁଇସାଲର୍ ପାନି କାଇବା ସବୁ ଲକ୍ମନ୍କେ ଆରିସେ ସୟ୍ ଲାଗ୍ସି । ୧୪ ମାତର୍ ମୁଇ ଜନ୍ ପାନି ଦେବି, ସେ ପାନି ଜେ କାଇସି ବଇଲେ, ତାକେ କେବେ ମିସା ସୟ୍ ନ ଲାଗେ । ମୁଇ ଜନ୍ ପାନି ଦେବି, ସେଟା ଜିବନ୍ ଦେବା ପାନି ପାରା ଉର୍ଲି ଜାଇତେରଇସି । ତେଇ ଅନି ଜେ କାଇଲେ, ସେ ନ ସାର୍ବା ଜିବନ୍ ପାଇସି ।” (aiōn g165, aiōnios g166) ୧୫ ସେ ମାଇଜି ଜିସୁକେ କଇଲା, “ଏ ଆଗିଆଁ ମକେ ସେ ପାନି ଦେ, ଜେନ୍ଦ୍ରିକି କେବେ ମିସା ମକେ ସୟ୍ ନ ଲାଗ ଆରି ମୁଇ ଏତେକ୍ ଦୁର୍ ପାନି ନେବାକେ ନ ଆସି ।” ୧୬ ଜିସୁ ସେ ତାକେ କଇଲା, “ତୁଇ ଜାଇକରି ତର୍ ମୁନୁୟ୍କେ ଇତି ତାକିଆନ୍ ।” ୧୭ ସେ ମାଇଜି “ମକେ ମୁନୁୟ୍ ନାଇ” ବଲି କଇଲା । ଜିସୁ ତାକେ କଇଲା, “ମକେ ମୁନୁୟ୍ ନାଇ ବଲି ସଡ୍ କାତା କଇଆରୁୟ୍ । ୧୮ କାଇକେ ବଇଲେ ତର୍ ପାଁଟ୍ଟା ମୁନୁୟ୍ ରଇଲା ଆରି ଏବେ ତୁଇ ଜନ୍ ଲକର୍ ସଡ୍ଡୁ ଆରୁୟ୍, ସେ ମିସା ତର୍ ମୁନୁୟ୍ ନଏଁ । ଏଟା ସଡ୍ କଇଆରୁୟ୍ ।” ୧୯ ସେ ମାଇଜି କଇଲା, “ଏ ଆଗିଆଁ ତୁଇ ଗଟେକ୍ ବବିସତର୍ କାତା କଇବା ଲକ୍ ବଲି, ଏବେ ମୁଇ ଜାନିପାର୍ଲିନି । ୨୦ ଆମର୍ ସମିରଣିୟ୍ ଆନିଦାଦିମନ୍ ପର୍ମେସର୍କେ ଏ ତଡ୍ଡୁରେ ଉପାସନା କର୍ତେ ରଇଲା । ମାତର୍ ତମେ ଜିଉଦି ଲକ୍ମନ୍ କଇଲାଇନି ଜିରୁସାଲମ୍ସେ ପର୍ମେସର୍କେ ଉପାସନା କର୍ବା ଟିକ୍ ଜାଗା ।” ୨୧ ଜିସୁ ତାକେ କଇଲା, “ଏ ମାଆ ମର୍କାତା ବିସ୍ବାୟ୍ କର୍ । ଏନ୍ଦ୍ରି ବେଲା ଆଇଲାନି ତମେ ପର୍ମେସର୍କେ ଏ ତଡ୍ଡୁରେ କି ଜିରୁସାଲାମେ ମିସା ଉପାସନା

ନ କରାସ୍ । ୨୨ ତମେ ସମିରଣ୍ ଲକ୍ମନ୍ ଜାକେ ଉପାସନା କଲାସ୍ନି ତାକେ ସତଇସେ ନାଜାନାସ୍ । ମାତର୍ ଆମେ ଜିଉଦି ଲକ୍ମନ୍ ତାକେ ଜାନିକରି ଉପାସନା କଲୁନି । କାଇକେ ବଇଲେ ମୁକ୍ତି ଜିଉଦି ଲକ୍ମନ୍ ତେଇଅନି ଆଇସି । ୨୩ ବେଲା ଆଇଲାନି ଆରି ସେ ବେଲା କେଟ୍ଲାବେ, ଜେତେବେଲା କି ସୁକଲ୍ ଆତ୍ମାର୍ ବପୁସ୍ ଲକ୍ମନ୍, ବାବା ପର୍ମେସର୍ କେ ନିକସ୍ ଚିନ୍ବାଇ । ସେବେଲେ ସେମନ୍ ତାକର୍ ମନେ ସତ୍ସଞ୍ଜ ଉପାସନା କର୍ବାଇ । ସେନ୍ଦ୍ରି ଉପାସନା କର୍ବା ଲକ୍ମନ୍ କେ ବାବା ମନ୍ କଲାନି । ୨୪ ପର୍ମେସର୍ ଅଇଲାନି ଆତ୍ମା । ଆରି ଜନ୍ମଲକ୍ମନ୍ ତାକେ ଉପାସନା କଲାଇନି, ସେମନ୍ ସତ୍ସଞ୍ଜ ଆତ୍ମାଇ ଉପାସନା କର୍ବାର୍ ଆତେ ।” ୨୫ ସେ ମାଇଜି କଇଲା, “ମୁଇ ଜାନି, ମସିଅ ଜାକେ କି କିରିସ୍ଟ ବଲ୍ବାଇ । ସେବେଲା ଆସି ଆମ୍ବେକେ ସବୁ ବିସଇ ବୁଜାଇ ଦେଇସି ।” ୨୬ ଜିସୁ ତାକେ କଇଲା, “ଏବେ ତର୍ ସତ୍ସଞ୍ଜ ଜେ କାତା ଅଇଲାନି, ମୁଇ ସେ ।” ୨୭ ସେବେଲା ଜିସୁର୍ ସିସ୍ମନ୍ ଗତେଅନି ବାଉଡି ଆଇଲାଇ । ଜିସୁ ଗଟେକ୍ ମାଇଜିସତ୍ସଞ୍ଜ କାତା ଅଇବାଟା ଦେକି କାବାଅଇଗାଲାଇ । ମାତର୍ ତାକେ କେ ମିସା ତୁଇ କାଇକେ ତାର୍ ସତ୍ସଞ୍ଜ କାତା ଅଇଲୁସ୍ନି, କି କାଇ ବିସଇ ତମେ କାତା ଅଇତେ ରଇଲାସ୍? ବଲି ପାଟାର୍ବାକେ ସାଆସ୍ କରନ୍ନାଇ । ୨୮ ତାର୍ ପରେ ସେ ମାଇଜି ତାର୍ ଆଣ୍ଟିର୍ ପାନି, ତେଇ ଚାଡିକରି ସଅର୍ ବିତ୍ରେ ଉଟିଗାଲା ଆରି ଜାଇକରି ସବୁ ଲକ୍ମନ୍ କେ କଇଲା, ୨୯ “ଆସା ଗଟେକ୍ ଲକ୍ମନ୍ ଦେକ୍ସା । ଆଗେ ମୁଇ ଜାଇଜାଇଟା କରିରଇଲି, ସେ ସବୁ କାତା ସେ ମକେ କଇଦେଲା । ସେ ପର୍ମେସର୍ ବାଟି ପାଟାଇଲା ରାଜା ମସିଅ ଅଇଲେ ଅଇରଇସି କାଇକି ।” ୩୦ ସେଟାର୍ ପାଇ ଲକ୍ମନ୍ ସଅରେ ଅନି ବାରଇକରି ଜିସୁକେ ଦେକ୍ବାକେ ଗାଲାଇ । ୩୧ ଏଡକି ବିତ୍ରେ ସିସ୍ମନ୍ ଜିସୁକେ “ଏ ଗୁରୁ କାଇଟା ଆଲେ ଅଲପ୍ କାଆ ।” ବଲି ବାବୁଜିଆ କଲାଇ । ୩୨ ମାତର୍ ଜିସୁ ସେମନ୍ କେ କଇଲା, “ମର୍ ଲଗେ ଜନ୍ କାଦି ଆଟେ, ସେ କାଦିର୍ ବିସଇ ତମେ ନାଜାନାସ୍ ।” ୩୩ ସେଟାର୍ ପାଇ ସିସ୍ମନ୍ ନିଜର୍ ନିଜର୍ ବିତ୍ରେ କୁଆବଲା ଅଇଲାଇ, “ତାର୍ ପାଇ କେ କାଦି ଆନିଦେଲାଇ ଆତଡ୍ କି?” ୩୪ ଜିସୁ ସେମନ୍ କେ କଇଲା, “ମକେ ପାଟାଇରଇବା ପର୍ମେସର୍ ମନ୍ କଲାଟା ମାନିକରି ଆରି ସେ ଦେଇରଇବା କାମ୍ ପୁରାପୁରୁନ୍ କର୍ବାଟାସେ ମର୍ କାଦି । ୩୫ ଚାରି ମାସ୍ ଗାଲେ କାଟାବେଟା ଦିନ୍ ଆଇସି ବଲି ତମେ କଇତେରଇସା । ମାତର୍ ମୁଇ

ତମକେ କଇଲିନି କେତ୍ତମନ୍ତେ ନିକ କରି ଦେକିଦେକା । ଏବେ ତେଇର୍
 ତାସ୍ ପାଟିଗାଲା ଆତେ ଆରି କାଟ୍‌ବା ବେଲା ସମାନ୍ ଅଇଲା ଆତେ । ୩୭
 ଏବେ ମିଆ ଜନ୍ ଲକ୍ ତାସ୍ କାଟ୍‌ଲାନ୍ତି ତାକେ ବୁଡି ଦିଆ ଅଇଲାନ୍ତି, ସେ ନ
 ସାର୍‌ବା ଜିବନର୍ ପାଇ ତାସ୍ ଚୁଲିଆଇଲାନ୍ତି । ସେଟାର୍ ପାଇ ବୁନ୍‌ଲା ଲକ୍
 ଆରି କାଟ୍‌ବା ଦୁଇ ଲକ୍‌ଜାକ ମିସି ସାର୍‌ଦା କର୍‌ବାଇ । (aiōnios g166) ୩୭
 କାଇକେବଇଲେ ଗଟେକ୍ ଲକ୍ ବିଅନ୍ ବୁନ୍‌ଲେ ସେଟା ବିନ୍ ଲକ୍ କାଟ୍‌ସି
 । ଏ କାତା ପୁରାପୁରୁନ୍ ସତ୍ । ୩୮ ତମେ ଜନ୍ତି ବୁନ୍ ନ ରଇଲାସ୍ ତେଇ
 କାଟ୍‌ବାକେ ପାଟାଇଆତି । ବିନ୍ ଲକ୍‌ମନ୍ କାମ୍‌କଲାଇ ଆରି ତମେ ସେମନ୍
 କଲା କାମେଅନି ଲାବ୍ ପାଇଲାସ୍‌ନି ।” ୩୯ ସେ ସଅରର୍ କେତେକ୍ କେତେକ୍
 ସମିରଣିୟମନ୍ ଜିସୁକେ ବିସ୍‌ବାସ୍ କଲାଇ । କାଇକେବଇଲେ, ସେ ମାଇଜି
 ସେମନ୍‌କେ କଇରଇଲା । ଆଗେ ମୁଇ ଜାଇଜାଇଟା କରିରଇଲି, ସେ ସବୁ
 କାତା ସେ ମକେ କଇଦେଲା । ୪୦ ଆରି ସମିରଣିୟ ଲକ୍‌ମନ୍ ଜିସୁର୍ ଲଗେ
 ଆସି ତାର୍ ସତ୍ କେତେ ଦିନ୍ ରଇବାକେ ଗୁଆରି କଲାଇ, ସେଟାର୍‌ପାଇ ସେ
 ତେଇ ଦୁଇ ଦିନ୍ ରଇଲା । ୪୧ ଜିସୁର୍ କାତା ସୁନି ତାକେ ବେସି ଲକ୍‌ମନ୍
 ବିସ୍‌ବାସ୍ କଲାଇ । ୪୨ ଲକ୍‌ମନ୍ ସେ ମାଇଜିକେ କଇଲାଇ, “ତୁଇ କଇଲାକେ
 ଆମେ ବିସ୍‌ବାସ୍ କରୁନାଇ, ଆମେ ନିଜେ ତାର୍ କାତା ସୁନି କରି ଏ ଆକା
 ଦୁନିଆର୍ ରକିଆକରୁ ବଲି ବିସ୍‌ବାସ୍ କଲୁ ।” ୪୩ ଜିସୁ ତେଇ ଦୁଇ ଦିନ୍
 ରଇଲା ପତେ ଗାଲିଲି ରାଇଜେ ଗାଲା । ୪୪ ଆରି ଗଟେକ୍ ବବିସତ୍‌ବକ୍‌ତା
 ନିଜର୍ ଦେସେ ସମ୍‌ମାନ୍ ନ ପାଏ ବଲି ଜିସୁ ଆଗୁତୁସେ ତାର୍ ସିସ୍‌ମନ୍‌କେ
 କଇରଇଲା । ୪୫ ସେଟାର୍‌ପାଇ ସେ ଜେଡେବେଲା ଗାଲିଲି ଦେସେ କେଟ୍‌ଲା,
 ସେବେଲା ଲକ୍‌ମନ୍ ଆଲାଦ୍ ସତ୍ ଡାକିନେଲାଇ । କାଇକେବଇଲେ ଆଗେ
 ଜିରୁସାଲାମେ ନିସ୍‌ତାର୍ ପରବ୍‌ଟାନେ ସେମନ୍ ସେ କରିରଇବା କାମ୍ ସବୁ
 ଦେକିରଇଲାଇ । ୪୬ ଜିସୁ ଗାଲିଲିର୍ କାନା ନାଉର୍ ଗତେ ଆରି ତରେକ୍
 ଗାଲା । ସେ ଗତେସେ ପାନି ଅଟ୍ଟୁର୍ ରସ୍ କରିରଇଲା । ତେଇ ରମିଅ
 ସାସନ୍‌କାରିଆର୍ ଗଟେକ୍ ମୁକିଅ ଲକ୍‌ର୍ ପଅ କପର୍‌ନାତମେ ଜର୍ ଅଇରଇଲା
 । ୪୭ ଜିସୁ ଜିଉଦାଇ ଅନି ଗାଲିଲି ଆଇଲା ଆତେ ବଲି ସୁନିକରି ଜର୍ ଅଇଲା
 ପିଲାର୍ ବାବା ତାର୍ ଲଗେ ଗାଲା । ମର୍‌ବା ସମାନ୍ ଅଇରଇବା ପିଲାକେ
 ନିମାନ୍ କର୍‌ବାକେ କପର୍‌ନାତମେ ଜୁ ବଲି ଜିସୁକେ ଜୁଆର୍ ବିଆର୍ କଲା ।
 ୪୮ ଜିସୁ ତାକେ କଇଲା, “ତମେ କାବା ଅଇଜିବାଟା ଆରି କେବେ ନ ଅଇଲା

ପାରା କାମର୍ ତିନିମନ୍ ନ ଦେକଲେ କେବେ ମିସା ମକେ ବିସ୍ବାସ୍ ନ କରାସ୍ ।” ୪୯ ସେ ଲକ୍ ତାକେ କଇଲା, “ଏ ଗୁରୁ, ମର୍ ପିଲା ନ ମର୍ବା ଆଗ୍ତୁ ତମେ ମର୍ ସଙ୍ଗୁ ଆସା ।” ୫୦ ଜିସୁ ତାକେ କଇଲା, “ଏବେ ତୁଇ ତର୍ ଗରେ ଜା, ତର୍ ପିଲା ଜିବନ୍ ଅଇଗାଲାବେ ।” ସେ ଲକ୍ ଜିସୁ କଇରଇବା କାତା ବିସ୍ବାସ୍ କରି ବାଉଡିଗାଲା । ୫୧ ସେ ଗରେ ଗାଲାବେଲେ ତାର୍ କେତେଟା ଗତି ଦାଢ଼ୁଡ଼ାମନ୍ ତାକେ ବେଟ୍‌ପାଇକରି, “ତର୍ ପିଲା ନିମାନ୍ ଅଇଲାବେ” ବଲି କଇଲା । ୫୨ ସେ ଲକ୍ ତାର୍ ଗତିଦାଢ଼ୁଡ଼ାମନ୍‌କେ ପାଚାର୍‌ଲା, “ପିଲା କେତେବେଲେ ନିମାନ୍ ଅଇଲା?” ଗତିଦାଢ଼ୁଡ଼ାମନ୍, “କାଲି ଗାଁଟେ ବେଲେ ନିମାନ୍ ଅଇଲା” ବଲି କଇଲା । ୫୩ ଜିସୁ ଟିକ୍ ସେବେଲାସେ ତର୍ ପିଲା ନିମାନ୍ ଅଇଲାବେ ବଲି କଇରଇଲାଟା ସେ ମୁକିଅ ଲକ୍ ମନେପାକାଇଲା । ସେଟାର୍‌ପାଇ ସେ ଲକ୍ ଆରି ତାର୍ ଗରର୍ ସବୁ ଲକ୍ ଜିସୁକେ ବିସ୍ବାସ୍ କଲା । ୫୪ ଜିସୁ ଜିଉଦାଇ ଅନି ଗାଲିଲି ଦେସେ ଆଇଲା ପଟେ ଏଟାସଙ୍ଗୁ ଦୁଇପାଲି କାବାଅଇଜିବା କାମ୍ କରି ରଇଲାଟା ।

୫ ତାର୍ ପଟେ ଜିଉଦିମନର୍ ଗଟେକ୍ ମୁକିଅ ପରର୍ ରଇଲା । ସେଟାର୍ ପାଇ ଜିସୁ ଜିରୁସାଲାମ୍ ଗାଲା । ୬ ଜିରୁସାଲାମର୍ ମେଣ୍ଟୁ ଦୁଆର୍ ଲଗେ ଗଟେକ୍ ବନ୍ଦୁ ରଇଲା । ସେଟାକେ ଏର୍‌ରି ବାସାଇ ବେତେସ୍‌ଦା ବଲି କଇବାଇ । ତେଇ ପାଁର୍‌ଟା ମଣ୍ଟୁପ୍ ରଇଲା । ୭ ସେ ମଣ୍ଟୁପ୍ ମନର୍‌ଟାନେ କେତେକ୍ କେତେକ୍ ଜର୍‌ଦୁକା ଅଇଲା ଲକ୍‌ମନ୍ ରଇତେ ରଇଲା । ରଗିମନର୍ ବିତ୍‌ରେଅନି କାଣା, ଚଟା, ଆରି କେତେକ୍ ଅଦୁଆ ରଗିମନ୍ ରଇଲା । ୪ କାଇକେବଇଲେ କେତେ କେତେବଲ୍ ପର୍‌ମେସରର୍ ଗଟେକ୍ ଦୁର୍ ଆସିକରି ସେ ବନ୍ଦୁର୍ ପାନି ଅଲ୍‌କା କର୍‌ତେ ରଇଲା । ଆରି ସେ ଅଲ୍‌କା ଅଇଲାପଟେ, ଜନ୍ ଲକ୍ ପର୍‌ତୁମ୍ ଜାଇତେ ରଇଲା, ତାକେ କାଇ ରଗ୍ ଅଇରଇଲେ ମିସା ନିମାନ୍ ଅଇଜାଇତେରଇଲା । ୫ ତାକର୍ ବିତ୍‌ରେ ତିରିସ୍ ଆଟ୍ ବରସ୍ ଜାକ ତୁଲିରଇବା ଗଟେକ୍ ରଗି ଲକ୍ ରଇଲା । ୬ ତେଇ ଜିସୁ ସେ ରଗି ତୁଲିରଇବାଟା ଦେକି, ଏ ଲକ୍ ବେସି ବରସର୍ ରଗି ବଲି ଜାନି ତାକେ ପାଚାର୍‌ଲା “ତମେ କାଇ ନିମାନ୍ ଅଇବାକେ ମନ୍ କଲାସ୍‌ନି କି?” ୭ ସେ ରଗି ଲକ୍ ଜିସୁକେ କଇଲା, “ଏ ଆଗିଆଁ ପାନି ଅଲ୍‌କା କଲାବେଲେ, ସେ ବନ୍ଦୁ ବିତ୍‌ରେ ମକେ ନେବାକେ କେ ନାଇ । ଆରି ବନ୍ଦୁ ବିତ୍‌ରେ ଜିବାକେ ଚେସ୍‌ଟା କଲାବେଲେ ବିନ୍ ଲକ୍ ମର୍ ଆଗ୍ତୁ ଉଟିଜିବାଇ ।” ୮ ଜିସୁ ତାକେ କଇଲା,

“ଉଟି ଟିଆଅ, ଆରି ତର୍ ଟାଟି ଦାରି ଇଣ୍ଡିଜା ।” ୯ ସେ ଦାପ୍ରେ ସେ ଲକ୍ ନିମାନ୍ ଅଇଗାଲା ଆରି ନିଜର୍ ଟାଟି ଦାରିକରି ଇଣ୍ଡିବାର୍ ଦାରଲା । ସେ ଦିନ୍ ବିସ୍ତରାମ୍ବାର୍ ରଇଲା । ୧୦ ସେଟାର୍ପାଇ ଜିଉଦି ନେତାମନ୍, ନିମାନ୍ ଅଇଲା ରଗିକେ କଇବାର୍ ଦାରଲା, “ଆଜି ବିସ୍ତରାମ୍ ଦିନେ, ତୁଇ ଟାଟି ଦାରି ଜିବାଟା ଆମର୍ ନିୟ୍ମ୍ ନାଇ ।” ୧୧ ମାତର୍ ସେ ଲକ୍ ସେମନ୍କେ କଇଲା, “ଜେ ମକେ ନିମାନ୍ କଲା ସେ ମକେ ତମର୍ ଟାଟିଦାରିକରି ଜା ବଲି କଇଲାଆଟେ ।” ୧୨ ସେମନ୍ ତାକେ ପାତାର୍ଲା, “ଜେ ତକେ ଟାଟି ଦାରି ଜା ବଲି କଇଲା, ସେ ଲକ୍ କେ?” ୧୩ ମାତର୍ ସେ ନିମାନ୍ ଅଇଲା ଲକ୍ ଜିସୁ କେ ବଲି ଚିନି ନରଇଲା, କାଇକେ ବଇଲେ ସେ ଜାଗାଇ ବେସି ଲକ୍ମନ୍ ରଇଲାଇଜେ, ଜିସୁ ତେଇଅନି ବିନେ ପିସ୍ଲି ଉଟିଜାଇରଇଲା । ୧୪ ତାର୍ ପତେ ଜିସୁ ସେ ନିକ ଅଇଲା ଲକ୍କେ ମନ୍ଦିର୍ ବିତ୍ରେ ଦେକିକରି କଇଲା, “ଦେକ୍ ଏବେ ତୁଇ ନିକ ଅଇଜାଇଆତୁସ୍ । ତୁଇ ଆରି ପାପ୍ କାମ୍ କର୍ନାଇ । ନଇଲେ ତକେ ଆରି ଅଦିକ୍ ଦୁକ୍ କସ୍ଟ ଆଇସି ମିସା ।” ୧୫ ତାର୍ ପତେ ସେ ନିକ ଅଇଲା ଲକ୍ ଜିଉଦି ନେତାମନ୍ ଲଗେ ଜାଇକରି, “ଜେ ତାକେ ନିକ କରିରଇଲା, ସେ ଜିସୁ” ବଲି କଇଲା । ୧୬ ଏ ନିମାନ୍ କାମ୍ କଲାଟା, ବିସ୍ତରାମ୍ ବାରେ ଅଇରଇଲା ଜେ, ଜିଉଦି ନେତାମନ୍ ଜିସୁକେ ଦୁକ୍କସ୍ଟ ଦେବାର୍ ବସ୍ଲା । ୧୭ ମାତର୍ ଜିସୁ ସେମନ୍କେ କଇଲା, “ମର୍ବାବା ପର୍ମେସର୍ ସବୁବେଲା କାମ୍କଲାନି, ମୁଇ ମିସା ସେନ୍ତି କାମ୍ କଲିନି ।” ୧୮ ଜିସୁ ଏନ୍ତି କଇରଇଲାଜେ ଜିଉଦି ନେତାମନ୍ ତାକେ ମରାଇବାକେ ଅଦିକ୍ ତେସ୍ଟା କଲା । କାଇକେ ବଇଲେ ଜିସୁ ବିସ୍ତରାମ୍ ବାର୍ ନିୟ୍ମ୍ ମାନେ ନାଇ ବଲି ନାଇ, ମାତର୍ ସେ ପର୍ମେସର୍କେ ମର୍ ବାବା ବଲି କଇ, ନିଜ୍କେ ପର୍ମେସର୍ ସଢ୍ଘ୍ ସମାନ୍ କରି ରଇଲା । ୧୯ ଜିସୁ ସେମନ୍କେ କଇଲା, “ମୁଇ ତମ୍କେ ସତ୍ କଇଲିନି, ପର୍ମେସର୍ ପିଲା ମୁଇ ନିଜେ କାଇଟା ମିସା କରିନାପାରି । ମର୍ ବାବା ଜନ୍ ଜନ୍ଟା ସବୁ କର୍ବାଟା ମୁଇ ଦେକ୍ଲିନି ସେଟାସେ ମୁଇ କରିପାରି । କାଇକେ ବଇଲେ ବାବା ଜନ୍ ଜନ୍ଟା ସବୁ କଲାନି ତାର୍ପିଲା ମୁଇ ମିସା ସେଟା ସବୁ ସେନ୍ତିସେ କଲିନି । ୨୦ ବାବା ମକେ ଆଲାଦ୍ କର୍ସି ଆରି ନିଜେ ଜନ୍ଟା କର୍ସି, ସେ ସବୁ ମକେ ଦେକାଇସି । ଆରି ଏବେ ଜାଇଟା ଗଟ୍ଲା ଆଟେ, ତାର୍ତେଇଅନି ଅଦିକ୍ ବଡ୍ ବଡ୍ କାବାଅଇଜିବା କାମ୍ମନ୍ ମକେ ଦେକାଇସି । ସେଟା ସବୁ ଦେକି ତମେ

ସବୁଲକ୍ କାବାଅଇଜାଇସା । ୨୧ ବାବା ପର୍ମେସର୍ ଜେନ୍ତି ମଲାଲକ୍ମନ୍କେ
 ଜିବନ୍ କରି ଉଟାଇସି, ସମାନ୍ ସେନ୍ତି ମୁଇ ମିସା ତାର୍ ପିଲା ଜାକେ ଜାକେ
 ମନ୍ କର୍ବି, ସେମନ୍କେ ମଲାଡେଇଅନି ଉଟାଇବି । ୨୨ ବାବା ପର୍ମେସର୍
 କାକେ ମିସା ତାର୍ ପାପ୍ କାମ୍ଲାଗି ବିଚାର୍ ନ କରେ । ମାତର୍ ସବୁ ଲକ୍ମନ୍
 ବିଚାର୍ କର୍ବା ପୁରାପୁରୁନ୍ ଅଦିକାର୍ ତାର୍ ପିଲା ମକେ, ଦେଲା ଆଡେ ।
 ୨୩ ତେବେ ସବୁ ଲକ୍ମନ୍ ବାବାକେ ଜେନ୍ତି ସମ୍ମାନ୍ ଦେଲାଇନି, ସେନ୍ତିସେ
 ତାର୍ ପିଲା ମକେ ମିସା ସମ୍ମାନ୍ ଦେବାଇ । ଜଦି ଜନ୍ ଲକ୍ମନ୍ ତାର୍ ପିଲା
 ମକେ ସମ୍ମାନ୍ ଦେଅଡ୍ ନାଇ, ସେମନ୍ ମକେ ପାଟାଇଲା ବାବାକେ ମିସା
 ସମ୍ମାନ୍ ଦେଅଡ୍ ନାଇ । ୨୪ “ମୁଇ ତମ୍କେ ସଡ୍ କଇଲିନି, ଜେ ମର୍ କାତା
 ସୁନି ମକେ ପାଟାଇଲା ପର୍ମେସର୍କେ ବିସ୍ବାସ୍ କର୍ସି, ସେ ନ ସାର୍ବା
 ଜିବନ୍ ପାଇସି । ଆରି ସେ ବିଚାର୍ନା କରାଇ ନ ଅଏ । କାଇକେବଇଲେ
 ସେ ମରନ୍କେ ଜିତି କରି ଜିବନ୍ ପାଇଆଡେ । (aiōnios g166) ୨୫ ମୁଇ
 ତମ୍କେ ସଡ୍ କଇଲିନି ଏନ୍ତି ଗଟେକ୍ ବେଲା ଆଇଲାନି, ସେ ବେଲା ଏବେ
 କେଟିଆଡେ । ଜେତେବେଲା ମଲା ଲକ୍ମନ୍ ପର୍ମେସର୍ ପିଲା ମର୍
 କର୍ବର୍ ସର୍ ସୁନ୍ବାଇ, ସେମନ୍ ଜିବନ୍ ଅଇ ଉଟ୍ବାଇ । ୨୬ ବାବା ଜେନ୍ତିକି
 ଜିବନ୍ ମୁଲ୍, ସେନ୍ତୁରିସେ ତାର୍ ପିଲା ମୁଇ ମିସା ଜିବନ୍ ମୁଲ୍ । ୨୭
 ଆରି ମୁଇ ପର୍ମେସର୍ ଟାନେଅନି ଆଇଲା ନର୍ପିଲା ଅଇଲାର୍ଲାଗି, ସବୁ
 ଲକ୍ମନ୍କେ ବିଚାର୍ କର୍ବା ଅଦିକାର୍ ସେ ମକେ ଦେଲାଆଡେ । ୨୮ ତମେ
 ଏଟାର୍ପାଇ କାବା ଉଆନାଇ, ଏନ୍ତି ବେଲା ଆଇଲାନି, ମରିକରି ତପିଅଇଲା
 ସବୁ ଲକ୍ମନ୍ ମର୍ କର୍ବର୍ ସୁନ୍ବାଇ । ୨୯ ଆରି ସେମନ୍ ସମାଦି ଅନି ଆରି
 ତରେକ୍ ଉଟ୍ବାଇ । କେ କେ ନିକ କାମ୍ କରିଆଡ୍, ସେମନ୍ ମଲାଟାନେଅନି
 ଜିବନ୍ ଅଇକରି ଉଟ୍ବାଇ । କାରାପ୍ କାମ୍ କରୁମନ୍ ମିସା ମଲାଟାନେଅନି
 ଉଟ୍ବାଇ ଆରି ଦସି ବଲାଅଇବାଇ ।” ୩୦ ମୁଇ ମର୍ ନିଜର୍ ଅଦିକାରେ
 କାଇଟା ମିସା କରିନାଇ, ବାବା ମକେ କେନ୍ତି କଇଲା ଆଡେ, ସେନ୍ତିସେ
 ବିଚାର୍ କର୍ବି । ଆରି ମୁଇ କର୍ବାଟା ଟିକ୍ସେ । କାଇକେବଇଲେ ମୁଇ
 ନିଜେ ମନ୍କଲାଟା ପୁରାପୁରୁନ୍ କର୍ବାକେ ନାଇ, ମାତର୍ ମକେ ପାଟାଇଲା
 ପର୍ମେସର୍ ମନ୍କଲାଟା ପୁରାପୁରୁନ୍ କଲିନି । ୩୧ ମର୍ ନିଜର୍ ପାଇ ଜଦି
 ମୁଇ ସାକି ଦେବି, ସେଟା ସଡ୍ ବଲି ଦାରା ନ ଜାଏ । ୩୨ ମାତର୍ ମର୍ ପାଇ
 ଆରି ଗଟେକ୍ ଲକ୍ ସାକିଦେଲାନି, ଆରି ସେଟା ମୁଇ ଜାନି । ସେ ମର୍ ବିସଇ

କାଇଟା ସବୁ କଇଲାନି ସେଟା ସବୁ ସତ୍ତ୍ୱେ । ୩୩ ତମେ ଜଅନ୍ ଲଗେ
 କବର୍ ନେଉମନ୍‌କେ ପାଟାଇ ରଇଲାସ୍, ଆରି ସେ ତମ୍‌କେ ସତ୍ ବିସଇ
 ସାକି ଦେଲାଆତେ । ୩୪ ମର୍ ବିସଇ କେ ମିସା ସାକି ଦେଅତ୍ ବଲି ମୁଇ
 ମନ୍ କରିନାଇ । ଜେନ୍‌ଟିକି ତମେ ପାପେଅନି ରକିଆ ପାଇସା ସେଟାର୍ ପାଇ
 ମୁଇ ଏ ସବୁ କଇଲିନି । ୩୫ ଜଅନ୍ ଗଟେକ୍ ବତିପାରା ଲାଗିକରି ଅଲପର୍
 ପାଇ ଉଜଲ୍ ଦେଇତେରଇଲା । ଆରି ତମେ ସେ ଉଜଲ୍, ଅଲପ୍ ଦିନର୍
 ପାଇ ପାଇକରି ସାର୍‌ଦା ଅଇରଇଲାସ୍ । ୩୬ ମାତର୍ ମର୍ଲଗେ, ଜଅନ୍‌ର୍
 ତେଇଅନି ଅଦିକ୍ ବପୁର୍ ଗଟେକ୍ ସାକି ଆତେ । ପର୍ମେସରର୍ ଆଦେସ୍
 ଇସାବେ ମୁଇ ଜନ୍ ସବୁ କାମ୍ କଲିନି, ସେଟା ସବୁ ମର୍ ପାଇ ନିକ ସାକି ।
 ସେ ସବୁ କଇଲାନିଜେ, ମକେ ପର୍ମେସର୍ ପାଟାଇଲା ଆତେ ବଲି । ୩୭
 ଆରି ମକେ ପାଟାଇଲା ବାବା ପର୍ମେସର୍ ମିସା ମର୍ ବିସଇ ସାକି ଦେଲାନି ।
 ତମେ କେବେ ମିସା ତାର୍ କାଟ୍ ସୁନାସ୍ ନାଇ, କି ସେ କେନ୍‌ଟା ଦେକାସ୍ ନାଇ
 । ୩୮ ଆରି ତାର୍ କାତା ତମର୍ ମନ୍‌ବିତ୍‌ରେ ରଏନାଇ । କାଇକେବଇଲେ
 ସେ ଜାକେ ପାଟାଇଲା ଆତେ ତାକେ ତମେ ବିସ୍‌ବାସ୍ କରାସ୍ ନାଇ । ୩୯
 ତମେ ଜତନ୍‌ସ୍ତୁ ସାସ୍‌ତର୍ମନ୍ ପତି କଜ୍‌ଲାସ୍‌ନି । ତେଇଅନି ନ ସାର୍‌ବା
 ଜିବନ୍ ପାଇଅଇସି ବଲି ସେ ସବୁ ପଡ୍‌ଲାସ୍‌ନି । ସେ ସବୁ ସାସ୍‌ତର୍ ମର୍
 ବିସଇସେ ସାକି ଦେଲାନି । (aiōnios g166) ୪୦ ଏଲେମିସା ତମେ ନ ସାର୍‌ବା
 ଜିବନ୍ ପାଇବାକେ ମର୍ ଲଗେ ଆଇବାକେ ନିର୍‌ଲାସ୍‌ନି । ୪୧ “ମୁଇ ମୁନ୍‌ସ୍
 ଲକ୍‌ମନର୍ ଟାନେଅନି ଡାକ୍‌ପୁଟା କଜି ନାଇ । ୪୨ ମୁଇ ଜାନି, ତମେ କେନ୍‌ଟି
 ରକାମର୍ ଲକ୍, ତମର୍ ମନ୍ ବିତ୍‌ରେ ପର୍ମେସର୍‌କେ ଆଲାଦ୍ କର୍‌ବାଟା ନାଇ
 । ୪୩ ମୁଇ ମର୍ ବାବା ପର୍ମେସରର୍ ଅଦିକାର୍ ପାଇ ଆଇଲିଆତି । ମାତର୍
 ତମେ ମକେ ନାମାସ୍ ନାଇ । ମାତର୍ ଜେତେବେଲା କେ ମିସା ବିନ୍ ଲକ୍
 ନିଜେ ମନ୍‌କରି ଆଇଲେ ତାକେ ଡାକିନେଲାସ୍‌ନି । ୪୪ ତମେ ନିଜର୍ ନିଜର୍
 ବିତ୍‌ରେ ସନ୍‌ମାନ୍ ପାଇବାକେ ମନ୍‌କଲାସ୍‌ନି । ମାତର୍ ପର୍ମେସରର୍ ଆଲାଦ୍
 ପାଇବାକେ ମନ୍ କରାସ୍ ନାଇ । ସେନ୍‌ଟି ବଇଲେ ତମେ କେନ୍‌ଟି ମକେ ବିସ୍‌ବାସ୍
 କରିପାରାସ୍? ୪୫ ମୁଇ ତମର୍ ବିରଦେ ପର୍ମେସର୍‌ତେଇ ଦସି କର୍‌ବି ବଲି
 ତମେ ବାବାନାଇ । ତମେ ଜନ୍‌ଟା ମସାର୍ ତେଇ ଆସା କରିଆତାସ୍ ସେ ସେ
 ତମର୍ ବିରଦେ ଦସି କଲାନି । ୪୬ ଜଦି ତମେ ମସାକେ ସତ୍‌ବଲି ବିସ୍‌ବାସ୍
 କଲାସ୍‌ନି ବଇଲେ ମକେ ମିସା ବିସ୍‌ବାସ୍ କର୍‌ତେ ରଇସା । କାଇକେବଇଲେ

ମସା ମର୍ ବିସଇସେ ଲେକିଆଚେ । ୪୭ ମାତର୍ ସେ ଜନ୍ତା ଲେକିଆଚେ, ତେଇ ଜଡି ତମର୍ ବିସ୍ବାସ୍ ନାଇ ବଇଲେ, ମୁଇ ଜନ୍ତା କଇଲିନି, ସେଟା କେନ୍ତୁ ବିସ୍ବାସ୍ କରସା?”

୨ ତାର୍ ପଚେ ଜିସୁ ଗାଲିଲି ଗାଡ୍ ସେପାଚେ ସେ ଗାଡ୍‌କେ ଡିବିରିଆ ଗାଡ୍ ବଲି ମିସା କଇବାଇ, ସେ ଜାଗାଇ ଗାଲା । ୨ ଆରି ବେସି ଲକ୍‌ମନ୍ ତାର୍ ପଚେ ପଚେ ଗାଲା । କାଇକେ ବଇଲେ ସେ ରଗି ଲକ୍‌ମନ୍‌କେ ତାର୍ କାବାଅଇଜିବା ବପୁ ସଞ୍ଜୁ ନିମାନ୍ କର୍ବାଟା ସେମନ୍ ଦେକି ରଇଲା । ୩ ଜିସୁ ତାର୍ ସିସ୍‌ମନ୍‌ର ସଞ୍ଜୁ ଗଟେକ୍ ଡଞ୍ଜୁର୍ ଉପ୍‌ରେ ଜାଇ ବସ୍‌ଲା । ୪ ସେବେଲେ ଜିଉଦି ମନର୍ ନିସ୍‌ତାର୍ ପରବ୍ କେଟି ଆଇତେରଇଲା । ୫ ତାର୍ ଲଗେ ବେସି ଲକ୍‌ମନ୍ ଆଇବାଟା ଦେକିକରି ଜିସୁ ପିଲିପ୍‌କେ ପାଚାର୍‌ଲା, “ଏତେକ୍‌ମାଣ୍ଟୁ ଲକ୍‌ମନ୍‌ର ପାଇ କନ୍ତୁଅନି ଜାଇ କାଦି ଗେନିଆନି ଅଇସି?” ୬ ମାତର୍ ପିଲିପ୍‌କେ ପରିକା କର୍ବାକେ ଜିସୁ ଏନ୍ତୁରି ପାଚାରି ରଇଲା । କାଇକେ ବଇଲେ ଜିସୁ କାଇଟା କର୍ବାକେ ଗାଲାନି ବଲି ସେ ନିଜେ ଜାନିରଇଲା । ୭ ପିଲିପ୍ ଜିସୁକେ କଇଲା, “ଇତି ରଇଲା ସବୁ ଲକ୍‌ମନ୍‌କେ ଦୁଇସ ତେଇ ଅନି ଅଦିକ୍ ରୁପାଟାଙ୍ଗାର୍ ରୁଟି ଗେନ୍‌ବାକେ ପଡ୍‌ସି ।” ୮ ତେଇ ଆନ୍ତୁରିୟ୍ ନାଉର୍ ଗଟେକ୍ ସିସ୍ ରଇଲା, ସେ ସିମନ୍ ପିତରର୍ ବାଇ । ସେ କଇଲା, “ଇତି ଗଟେକ୍ ପିଲାର୍ ଟାନେ ପାଁଟା ରୁଟି ଆରି ଦୁଇଟା ବାଜ୍‌ଲା ସାନ୍ ମାର୍ ଆଚେ । ୯ ମାତର୍ ଏଡ୍‌କି ଲକ୍‌ପାଇ ସେଟା ନ ଅଏ ।” ୧୦ ଜିସୁ ତାର୍ ସିସ୍‌ମନ୍‌କେ କଇଲା, “ଲକ୍‌ମନ୍‌କେ ଗାଁସ୍ ଉପ୍‌ରେ ବସାଆ ।” ସେ ପଡିଆଇ ବେସି ଗାଁସ୍ ରଇଲା । ଗାଁସ୍ ଉପ୍‌ରେ ସବୁଲକ୍ ବସ୍‌ଲା । ଆରି ତେଇ ଅବ୍‌କା ମୁନ୍‌ସ୍ ପିଲାସେ ପାଁଟ୍ ଅଜାର୍ ଲକ୍ ରଇଲା । ୧୧ ଜିସୁ ରୁଟି ଦାରି ପର୍‌ମେସର୍‌କେ ଦନିଅବାଦ୍ ଦେଲା ଆରି ତେଇ ବସିରଇବା ଲକ୍‌ମନ୍‌କେ ବାଟାକରି ଦେଲା । ସେନ୍ତୁସେ ମାର୍ ମିସା ବାଟାକରି ଦେଲା । ତେଇ ସେମନ୍‌କେ ପେର୍ ପୁର୍‌ତେ କାଇବାକେ ମିଲ୍‌ଲା । ୧୨ ସବୁ ଲକ୍‌ମନ୍ ପେର୍ ପୁର୍‌ତେ କାଇଲା ପଚେ, ଜିସୁ ତାର୍ ସିସ୍‌ମନ୍‌କେ କଇଲା, “ଅଗଲ୍‌ଲା ମାର୍ ଆରି ରୁଟି ଗଟେକ୍‌ଟାନେ ଚୁଲିଆଉ, ତେବେ କଣ୍ଟେକ୍ ମିସା ନସ୍‌ଟ ନ ଅଏ ।” ୧୩ ଲକ୍‌ମନ୍ କାଇସାରାଇଲା ପଚେ, ସେ ପାଁଟା ରୁଟିଅନି ଜେଡ୍‌କି ଅଗଲ୍‌ଲା, ସିସ୍‌ମନ୍ ସେଟା ଚୁଲିଆଇ କରି ବାର୍‌ଟା ଡାଲାଇ ବର୍ଡି କଲା । ୧୪ ଜିସୁ କଲା ଏ କାବାଅଇଜିବା କାମ୍ ଦେକିକରି ତେଇ ରଇଲା ଲକ୍‌ମନ୍

କଇଲାଲ “ଏ ଦୁନିଆଇ ପର୍ଯ୍ୟେସରର୍ ଜନ୍ ବବିସଦ୍‌ବକ୍ତା ଆଇବାର୍
 ରଇଲା, ସତଇସେ ଏ ଆକା ।” ୧୫ ସେଦାପ୍‌ରେସେ ଲକ୍‌ମନ୍ ଜିସୁକେ
 ରାଜା କରାଇବାକେ ତିଆର୍ ଅଇବାଟା ଜାନି, ତେଇଅନି ସେ ଗଟେକ୍ ଲକ୍
 ତଞ୍ଜୁର୍ ଉପ୍‌ରେ ଉଟିଗାଲା । ୧୬ ସେ ଦିନେ ସଞ୍ଜୁ ଅଇଗାଲାକେ ଜିସୁର୍
 ସିସ୍‌ମନ୍ ତେଇଅନି ଉଡ୍‌ରିକରି ଗାଡେ ଗାଲାଲ । ୧୭ ସିସ୍‌ମନ୍ ତଞ୍ଜୁଇ ବସି
 ଗାଡ୍ ସେପାଟେ ରଇଲା କପର୍‌ନାଉମ୍ ଜାଗାଇ ବାଉଡ୍‌ବାର୍ ଦାର୍‌ଲାଲ ।
 ସେଡ୍‌କିବେଲେ ଆନ୍ତୁର୍ ଅଇ ଆଇତେ ରଇଲା । ମାତର୍ ସେ ବେଲା ଜାକ
 ଜିସୁ ତାକର୍ ଲଗେ ଆସି ନ ରଇଲା । ୧୮ ଆରି ତେଇ ବେସି ବାଉ ପବନ୍
 ଅଇବାର୍ ଦାର୍‌ଲାଲେ ଗାଡେ ବେସି ବଡ୍ ବଡ୍ ଲଅତି ଅଇତେ ରଇଲା ।
 ୧୯ ସେମନ୍ ଚଟୁ ଗାଟି ଗାଟି ପାଁର୍ କି ତଅ କିଲମିଟର୍ ଗାଲା ପରେ, ଜିସୁ
 ପାନି ଉପ୍‌ରେ ଇଣ୍ଡି ଇଣ୍ଡି ତଞ୍ଜୁ ଲଗେ ଆଇବାଟା ଦେକିକରି ସେମନ୍ ବେସି
 ତରିଗାଲାଲ । ୨୦ ମାତର୍ ଜିସୁ ସେମନ୍‌କେ କଇଲା, “ଡରାନାଇ, ଏଟା
 ମୁଇସେ ।” ୨୧ ଜିସୁ ଏ କାତା କଇଲା ପରେ, ସିସ୍‌ମନ୍ ତାକେ ବେସି ସାର୍‌ଦା
 ସଞ୍ଜୁ ତଞ୍ଜୁଇ ଚଗାଇଲାଲ । ଆରି ସେମନ୍ ଜନ୍ ଜାଗାଇ ଜାଇତେରଇଲାଲ,
 ସେ ଜାଗାଇ ଦାପ୍‌ରେ ଜାଇ କେଟ୍‌ଲାଲ । ୨୨ ତାର୍ ଆର୍କର୍ ଦିନର୍
 ସାକାଲେ, ଗାଡ୍ ସେପାଟେ ରଇଲା ଲକ୍‌ମନ୍ ଜାନିପାର୍‌ଲାଲ ଜେ, ତେଇ
 ଗଟେକ୍‌ସେ ତଞ୍ଜୁ ରଇଲା । ଆରି ସିସ୍‌ମନ୍ ଜିସୁକେ ମିସ୍‌ତେ ତାକି ନ ନେଇ,
 ତଞ୍ଜୁଇ ବସି ମଜାଗାଡେ ଉଟିଗାଲାଲ ଆତଡ୍ ବଲି । ସେମନ୍ ତାକେ ଚାଡିକରି
 ଜାଇରଇଲାଲ । ୨୩ ଜନ୍ ଜାଗାଇ ମାପ୍‌ରୁ ଜିସୁ ପାର୍‌ତନା କରି ଲକ୍‌ମନ୍‌କେ
 ରୁଟି କାଇବାକେ ଦେଇରଇଲା, ସେ ଜାଗା ଲଗେ ତିବିରିଆ ଗାଡେଅନି ଆରି
 କେଡେଟା ତଞ୍ଜୁ ଆସି କେଟ୍‌ଲା । ୨୪ ସେ ଜାଗାଇ ଲକ୍‌ମନ୍ ଜିସୁକେ ଆରି
 ତାର୍ ସିସ୍‌ମନ୍‌କେ ବେଟ୍ ନ ଅଇଲାକେ, ତଞ୍ଜୁମନ୍‌କ ଚଗି ତାକେ କଜି
 କଜି କପର୍‌ନାଉମ୍ ଜାଗାବାଟେ ଜିବାକେ ବାରଇଲାଲ । ୨୫ ଲକ୍‌ମନ୍
 ଜିସୁକେ ଗାଡ୍ ସେପାଟେ ବେଟ୍‌ଅଇକରି ପାଚାର୍‌ଲାଲ, “ଏ ଗୁରୁ ତମେ ଇତି
 କେଡେବଲ୍ ଆସି କେଟ୍‌ଲାସ୍?” ୨୬ ଜିସୁ ସେମନ୍‌କେ କଇଲା, ମୁଇ ତମ୍‌କେ
 ସଡ୍ କଇଲିନି, ମୁଇ କରିରଇବା କାବାଅଇଜିବା କାମ୍ ବୁଜିକରି ମକେ କଜାସ୍
 ନାଇ । ମାତର୍ ତମେ ପେଟ୍ ପୁର୍‌ତେ ରୁଟି କାଇରଇଲାସ୍ ବଲି ଆସିଆଚାସ୍ ।
 ୨୭ ଜନ୍ କାଦି ନସିଜାଇସି, ସେ କାଦିର୍ ପାଇ ଏଡେକ୍ କସ୍‌ଟ କରାନାଇ,
 ମାତର୍ ଜନ୍‌ଟା ନ ନସେ, ସେଟା ନ ସାର୍‌ବା ଜିବନ୍ ଦେଇସି, ସେଟାର୍

ପାଇଁ କସ୍ତ କରା । ଏ କାଦି ନରୁପିଲା ମୁଁ ଦେବି । କାଇକେ ବଇଲେ, ସେଟାରୁପାଇଁ ବାବା ପରମେସର ମକେ ଅଦିକାର ଦେଲାଆତେ । (aiōnios g166) ୨୮ ସେବେଲେ ଲକ୍ଷ୍ମୀ ଜିସୁକେ ପାଟାରୁଲା, “ଜନ୍ମଟା ପରମେସର ମନ୍ କଲାନି, ସେଟା ଆମେ କରୁବାରୁ ଆଲେ କାଇଟା କରୁବାରୁ ଆତେ?” ୨୯ ଜିସୁ ସେମନ୍‌କେ କଇଲା, “ଜାକେ ପରମେସର ପାଟାଇଲା ଆତେ, ତାକେ ତମେ ବିସ୍‌ବାସ୍ କଲେ ସେଟା କରିପାରାସ୍ ।” ୩୦ ସେବେଲା ସେମନ୍ ଜିସୁକେ ପାଟାରୁଲା, “ଏନ୍ତି ବଇଲେ ଆମେ ଜେନ୍ତି ବିସ୍‌ବାସ୍ କରୁ, ସେଟାରୁ ପାଇ ଆମ୍‌କେ କାଇଆଲେ କାବାଅଇଜିବା କାମ୍ କରି ଦେକାଇପାରୁସ୍ କି? କ କାଇଟା କରିପାରୁସ୍?” ୩୧ ଆରି ସେମନ୍ କଇଲା, “ଆମରୁ ଆନିଦାଦିମନ୍ ମରୁବାଲି ବୁର୍ଦ୍ଧା ମାନା କାଦି କାଇରଇଲା, ସେଟା ଆମରୁ ଦରମ୍ ସାସ୍‌ତରୁ ଇସାବେ ପରମେସର ସେମନ୍‌କେ ସରଗେ ଅନି ଦେଇରଇଲା ।” ୩୨ ଜିସୁ ସେମନ୍‌କେ କଇଲା, “ମୁଁ ତମ୍‌କେ ସତ୍ କଇଲିନି, ଜନ୍ମଟା ମସା ତମ୍‌କେ ଦେଇରଇଲା, ସେଟା ସରଗେଅନି ଆସିରଇଲା କାଦି ନଏ । ମାତରୁ ମରୁ ବାବା ତମ୍‌କେ ସରଗେଅନି ସତ୍ କାଦି ଦେଇସି । ୩୩ ପରମେସର କାଦି ଅଇଲାନି ଗଟେକ୍ ଲକ୍ ଜେ କି ନ ସାରୁବା ଜିବନ୍ ଦେବାକେ ସରଗେଅନି ଦୁନିଆଇ ଆସିରଇଲା” ବଲି କଇଲା । ୩୪ ଲକ୍ଷ୍ମୀ ଜିସୁକେ କଇଲା, “ଆଗିଆଁ ସବୁବେଲେ ଆମ୍‌କେ ଏ କାଦି ଦିଆ ।” ୩୫ ତାରୁ ପତେ ଜିସୁ ସେମନ୍‌କେ କଇଲା, “ମୁଁ ସେ ଜିବନ୍ କାଦି । ଜନ୍ ଲକ୍ ମରୁ ଲଗେ ଆଇସି, ସେ କେବେ ମିସା ବୁକେ ନ ରଏ । ଆରି କେ ମକେ ବିସ୍‌ବାସ୍ କରୁସି ତାକେ କେବେ ମିସା ସସ୍ ନ ଲାଗେ । ୩୬ ମୁଁ ତମ୍‌କେ କଇଲିନି, ତମେ ମକେ ଦେକିକରି ମିସା ବିସ୍‌ବାସ୍ କରାସ୍‌ନାଇ । ୩୭ ମରୁ ବାବା ପରମେସର ଜନ୍ ଲକ୍ଷ୍ମୀକେ ମକେ ଦେଲା ଆତେ, ସେ ଲକ୍ଷ୍ମୀ ମରୁ ଲଗେ ଆଇବାଇ । ଆରି ମରୁ ଲଗେ ଆଇବା ଲକ୍ଷ୍ମୀକେ କେବେ ମିସା ନ ବାଉତାଇ । ୩୮ କାଇକେବଇଲେ ମୁଁ ନିଜେ ମନ୍ କଲାଟା ପୁରାପୁରୁନ୍ କରୁବାକେ ଆସି ନାଇ, ମାତରୁ ମକେ ପାଟାଇରଇବା ପରମେସର ମନ୍‌କଲାଟା ପୁରାପୁରୁନ୍ କରୁବାକେ ସରଗେଅନି ଆସିଆତି । ୩୯ ଜନ୍ ଲକ୍ଷ୍ମୀକେ ସେ ମକେ ଦେଲାଆତେ, ସେମନ୍‌ରୁ ବିତ୍‌ରେଅନି ମୁଁ ଗଟେକ୍ ଲକ୍‌କେ ମିସା ନ ଆଜାଇ । ସାରାସାରି ଦିନେ ସେ ସବୁ ଲକ୍‌କେ ଆରିତରେକ୍ ଜିବନ୍ କରି ଉଟାଇବି । ଏଟା ଆକା ସେ ମନ୍ କରୁବାଟା । ୪୦ ପରମେସର ପିଲା ମୁଁ କେ କେ

ମକେ ଦେକ୍‌ବାଇ ଆରି ବିସ୍‌ବାସ୍ କର୍‌ବାଇ, ସେମନ୍ ନ ସାର୍‌ବା ଜିବନ୍
 ପାଇବାର୍ ଆତେ ବଲି ପର୍‌ମେସର୍ ମନ୍ କଲାନି । ଆରି ମୁଇ ସେମନ୍‌କେ
 ସାରାସାରି ଦିନେ ମଲାଟାନେଅନି ଜିବନ୍ ଅଇକରି ଉଟାଇ ଦେବାର୍ ଆତେ
 ବଲି ମିସା ପର୍‌ମେସର୍ ମନ୍ କଲାନି” ବଲି କଇଲା । (aiōnios g166) ୪୧ ଏଟା
 ସୁନିକରି ଜିଉଦି ନେତାମନ୍ ଜିସୁର୍ ବିରଦେ ସେମନ୍‌ର୍ ବିତ୍‌ରେ ଦଦାପେଲା
 ଅଇଲାଇ । କାଇକେ ବଇଲେ, ଜିସୁ ମୁଇ ସର୍‌ଗେ ଅନି ଆସିରଇବା କାଦି
 ବଲି କଇଲାର୍ ପାଇ ସେମନ୍ ଏନ୍ତି ଅଇଲାଇ । ୪୨ ସେମନ୍ କଇଲାଇ “ଏଟା
 ଜସେପର୍ ପିଲା ଜିସୁ ନଏଁ କି? ଆମେ ତାର୍ ଆୟା ବାବାକେ ଜାନି ଆରୁ । ସେ
 କେନ୍ତି ‘ମୁଇ ସର୍‌ଗେଅନି ଆସିଆତି’ ବଲି କଇଲାନି?” ୪୩ ଜିସୁ ସେମନ୍‌କେ
 କଇଲା, ତମେ ଦଦାପେଲା ଉଆନାଇ, ଚିମ୍‌ରାଇଅଇ ରୁଆ । ୪୪ ମକେ
 ପାଟାଇରଇବା ପର୍‌ମେସର୍ ମର୍ ଲଗେ ଡାକି ନ ଆନ୍‌ଲେ, କେ ମିସା ମର୍
 ଲଗେ ଆସିନାପାର୍ତ୍ । ଆରି ଜେ ଜେ ଆଇବାଇ, ସେମନ୍‌କେ ମୁଇ ସାରାସାରି
 ଦିନେ ମଲାଟାନେଅନି ଜିବନ୍ କରି ଉଟାଇବି । ୪୫ ବବିସତ୍‌ବକ୍‌ତାମନ୍ ଦରମ୍
 ସାସ୍‌ତରେ ଲେକିଆତ୍, ପର୍‌ମେସର୍‌ଟାନେଅନିସେ ସବୁଲକ୍ ସିକ୍‌ବାଇ ।
 କେ ମିସା ବାବାର୍ କାତା ସୁନି ତାର୍ ସିକିଆ ପାଇସି, ସେ ମର୍‌ଲଗେ ଆଇସି
 । ୪୬ କେ ମିସା ବାବାକେ ଦେକତ୍‌ନାଇ । ମୁଇ ପର୍‌ମେସର୍‌ର୍ ତେଇଅନି
 ଆସିଆତେ, ମୁଇସେ ବାବାକେ ଦେକିଆତି । ୪୭ ମୁଇ ତମ୍‌କେ ସତ୍ କଇଲିନି,
 ଜନ୍ ଲକ୍ ମକେ ବିସ୍‌ବାସ୍ କର୍‌ସି, ସେ ନ ସାର୍‌ବା ଜିବନ୍ ପାଇସି । (aiōnios
 g166) ୪୮ ଓଁ, ମୁଇସେ ଜିବନ୍ ଦେବା କାଦି । ୪୯ ତମର୍ ଆନିଦାଦିମନ୍
 ମରୁବାଲିବୁଏଁ ମାନା କାଦି କାଇରଇଲାଇ, ଏଲେମିସା ସେମନ୍ ମଲାଇ ।
 ୫୦ ମାତର୍ ଜନ୍ କାଦି ସର୍‌ଗେଅନି ଆଇସି, ସେଟା ଜେ କାଇଲେ ମିସା, ନ
 ମରତ୍ । ୫୧ ମୁଇସେ ସର୍‌ଗେଅନି ଆଇଲା ଜିବନ୍ ଦେବା କାଦି । ଏ କାଦି
 କାଇଲା ଲକ୍‌ମନ୍ ସବୁ ଦିନର୍ ପାଇ ବୈତି ରଇବାଇ । ଏ କାଦି ଅଇଲାନି
 ମର୍ ଗାଗତ୍ । ଏ ଦୁନିଆର୍ ଲକ୍‌ମନ୍ କାଲ୍‌କାଲ୍ ଜୁଗ୍‌ଜୁଗ୍ ବୈତି ରଇବାକେ
 ମର୍‌ଗାଗତ୍ ଦେବି ବଲି କଇଲା । (aiōn g165) ୫୨ ଜିସୁ କଇଲା କାତା ସୁନି
 ଜିଉଦି ନେତାମନ୍ ରିସାଅଇ ଆଉଲିଅଇକରି “ଏ ଲକ୍ କେନ୍ତି ନିଜର୍ ଗାଗତ୍
 ଆମ୍‌କେ କାଇବାକେ ଦେଇ ପାରେ?” ବଲି ଦଦାପେଲା ଅଇ କଇଲାଇ । ୫୩
 ଜିସୁ ସେମନ୍‌କେ କଇଲା, “ମୁଇ ସତ୍‌କାତା କଇଲିନି, ପର୍‌ମେସର୍ ପାଟାଇ
 ରଇବା ନର୍‌ପିଲା ମୁଇ, ମର୍ ଗାଗତ୍ ଆରି ବନି ନ କାଇଲେ, ଜିବନ୍ ମିଲାଇ

ନାପାରାୟ । ୫୪ ମାତର୍ ଜନ୍ ଲକ୍ ମର୍ ଗାଗଡ୍ ଆରି ବନି କାଇସି ସେ ନ
 ସାର୍ବା ଜିବନ୍ ପାଇସି । ମୁଇ ସେ ଲକ୍ କେ ସାରାସାରି ଦିନେ ମଲାଟାନେଅନି
 ଉଟାଇବି । (aiōnios g166) ୫୫ କାଇକେବଇଲେ, ମର୍ ଗାଗଡ୍ ଅଇଲାନି
 ସତ୍ କାଦି ଆରି ମର୍ ବନି ଅଇଲାନି ସତ୍ ପାନି । ୫୬ ଜନ୍ ଲକ୍ ମର୍ ଗାଗଡ୍
 ଆରି ବନି କାଇସି, ସେ ମର୍ଟାନେ ରଇସି ଆରି ମୁଇ ତାର୍ଟାନେ ରଇବି ।
 ୫୭ ଜିବନ୍ ରଇବା ବାବା ମକେ ପାଟାଇଆତେ, ଆରି ତାର୍ଲଗି ମୁଇ ବଞ୍ଚିଆତି
 । ସେନ୍ତୁରିସେ ଜେ ମକେ କାଇସି, ମର୍ଲଗି ବଞ୍ଚିରଇସି । ୫୮ ଏଟାସେ
 ସର୍ଗେଅନି ଆସିରଇବା କାଦି । ଜନ୍ କାଦି ତମର୍ ଆନିଦାଦିମନ୍ କାଇକରି
 ପତେ ମଲାଇ, ଏଟା ସେନ୍ତୁରି କାଦି ନଏ । ଏ କାଦି ଜେ କାଇସି ସେ କାଲ୍ କାଲ୍
 ଜୁର୍ଜୁଗ୍ ବଞ୍ଚିରଇସି ।” (aiōn g165) ୫୯ ଜିସୁ କପର୍ନାଉମେ ଜିଉଦିମନର୍
 ପାର୍ତନା ଗରେ ସିକିଆ ଦେବାବେଲେ ଏ ସବୁ କାତା କଇରଇଲା । ୬୦
 ଜିସୁର୍ ସିସ୍ମନର୍ ବିତ୍ରେ ଅନି କେତେକ୍ ଲକ୍ ଏ କାତା ସୁନିକରି କଇଲା,
 “ଏ ସିକିଆ ମୁଲ୍ କେ ବୁଜି ନଇଲାନି । ସେଟାର୍ପାଇ କେ ଏଟା ନାମ୍ସି?” ୬୧
 ଜିସୁକେ ଏ ବିସଇ ନେଇକରି କେ କାଇବଲି ନ କଇରଇଲେ ମିସା, ସିସ୍ମନ୍
 କୁଆବଲା ଅଇଲାଇନି ବଲି ଜାନିକରି, ସେ ସେମନ୍ କେ କଇଲା, “ତମେ
 ଏ କାତା ସୁନି ମନ୍ଦୁକ୍ କଲାସ୍ନି କି? ୬୨ ଏନ୍ତି ବଇଲେ, ନର୍ପିଲା ମୁଇ
 ଜନ୍ ଜାଗାଇଅନି ଆସିରଇଲି, ସେ ଜାଗାଇ ଆରି ତରେକ୍ ବାଉଡି ଜିବାଟା
 ଦେକ୍ଲେ ତମେ କାଇଟା ବଲି କଇସା? ୬୩ ପର୍ମେସରର୍ ଆତ୍ମାସେ
 ଜିବନ୍ ଦେଇପାରେ । ମୁନ୍ଦୁସର୍ ବପୁ କାଇଟା କରିନାପାରେ । ପର୍ମେସରର୍
 ଜିବନ୍ ଦେବା ଆତ୍ମା ତମେ ଜେନ୍ତୁରିକି ଜାନି ପାର୍ସା? ସେଟାର୍ପାଇ
 ମୁଇ ଏ କାତା କଇଲିଆତି । ୬୪ ମାତର୍ ତମର୍ ବିତ୍ରେଅନି କେତେକ୍
 ଲକ୍ମନ୍ ମକେ ବିସ୍ବାସ୍ କରାସ୍ ନାଇ ।” କାଇକେବଇଲେ ବିସ୍ବାସ୍ ନ
 କର୍ବା ଲକ୍ମନ୍ କେ ଜିସୁ ଆଗେଅନି ଜାନିରଇଲା । ଆରି ପତେ ଜନ୍ ଲକ୍
 ତାକେ ସର୍ବୁକେ ସର୍ପି ଦେଇସି, ତାକେ ମିସା ଜାନି ରଇଲା । ୬୫ ଆରି
 ଜିସୁ କଇଲା, “ସେଟାର୍ ପାଇସେ ମୁଇ ତମ୍ କେ କଇଲିନି, ଜଦି ବାବା ନ
 ପାଟାଇଲେ, କେ ମିସା ମର୍ ଲଗେ ଆସିନାପାରେ ।” ୬୬ ଜିସୁ ଏ କାତା
 କଇଲାକେ ତାର୍ ସଞ୍ଜୁ ଜାଇତେରଇବା ଲକ୍ମନର୍ତେଇଅନି ବେସିଲକ୍ ତାର୍
 ସଞ୍ଜୁ ଜିବାକେ ମନ୍ ନ କରି ତାଡି ଉଟିଗାଲାଇ । ୬୭ ସେବେଲେ ଜିସୁ ତାର୍
 ବାର୍ଟା ସିସ୍ମନ୍ କେ ପାଟାରୁଲା, “ତମେ ମିସା ମକେ ତାଡିକରି ଉଟିଜିବାକେ

ମନ୍ କଲ୍ୟାଣି କି?” ୨୮ ସିମନ୍ ପିତରୁ ତାକେ କଇଲା, “ମାପୁରୁ ତମ୍ଭେ ଚାଡ଼ି
ଆମେ କାରୁଲଗେ ଜିବୁ? ତମ୍ଭେଟାମେତା ନ ସାର୍ବା ଜିବନରୁ ବାକିଆ ଆତେ
। (aiōnios g166) ୨୯ ତମେତା ପର୍ଭେସରୁ ଟାମେଅନି ଆଇଲା ସୁକଲ୍
ଲକ୍ ବଲି, ଏବେ ଆମେ ବିସ୍ବାସ୍ କରି ଜାନ୍ଲୁ ।” ୩୦ ଜିସୁ ସେମନ୍ତକେ
କଇଲା, “ମୁଇ କାଇ ତମ୍ଭେ ବାର ଲକ୍ତକେ ବାଡ଼ି ନାଇ କି? ଏଲେମିସା
ତମ୍ଭ ବିତ୍ରେଅନି ଗଟେକ୍ ଲକ୍ ସଇତାନରୁ ।” ୩୧ ଇସ୍କାରିୟୁତରୁ ପିଲା
ଜିଉଦାକେ ଦେକାଇକରି ସେ ଏନ୍ତି କଇରଇଲା । କାଇକେ ବଇଲେ ବାର୍ଟା
ସିସ୍ତମନ୍ ବିତ୍ରେ ଅନି ଜିଉଦା ଗଟେକ୍ ଲକ୍ ଅଇମିସା, ଜିସୁକେ ବିସ୍ବାସେ
ବିସ୍ ଦେଲାପାରା ସତ୍ତୁମନ୍ତକେ ସର୍ପି ଦେବାକେ ମନ୍ କର୍ତେ ରଇଲା ।

୩୨ ତାରୁ ପତେ ଜିସୁ ଗାଲିଲି ବାଟେ ବୁଲ୍ବାରୁ ଗାଲା । ସେ ଜିଉଦା ଦେସେ
ଜିବାକେ ମନ୍ କରେନାଇ । କାଇକେ ବଇଲେ ଜିଉଦି ନେତାମନ୍ ତାକେ
ମରାଇବାକେ ଚେସ୍ଟା କର୍ତେ ରଇଲାଟା, ସେ ଜାନି ରଇଲା । ୩୩ ସେ
ବେଲେ ଜିଉଦିମନ୍ ଗଟେକ୍ କୁଡ଼ିଆ ପରବ୍ ଲଗେ କେଟି ରଇଲା । ୩୪
ସେଟାରୁପାଇ ଜିସୁରୁ ବାଇମନ୍ ତାକେ କଇଲା, “ତୁଇ ଏ ଜାଗା ଚାଡ଼ିକରି
ଜିଉଦା ଦେସେ ପରବ୍ କାଇବାରୁ ଜା, ତେବେ ତୁଇ କର୍ବା କାବାଅଇଜିବା
କାମ୍ମନ୍ ତରୁ ସିସ୍ତମନ୍ ଦେକି ପାରତ୍ ।” ୩୫ ଜେ ତାକ୍ପୁଟା ବଲି ଜାନାଇ
ଅଇବାକେ ମନ୍ତଲାନି, ସେ ନିଜରୁ କାମ୍ ଲୁଚାଇକରି ନ ସଞ୍ଜୁଇ ରଏ ।
ଜେତେବେଲା ତମେ ଏସବୁ କରିପାରୁଲ୍ୟାନ୍ତି ବଇଲେ, ଦୁନିଆରୁ ସବୁଲକ୍
ତମ୍ଭେ ଜାନ୍ବାଇ । ୩୬ କାଇକେ ବଇଲେ ଜିସୁରୁ ନିଜରୁ ବାଇମନ୍ ମିସା
ତାକେ ବିସ୍ବାସ୍ ନ କର୍ତେ ରଇଲା । ୩୭ ଜିସୁ ତାରୁ ବାଇମନ୍ତକେ କଇଲା,
“ଏବେ ଜାକ ମରୁ ସମାନ୍ ବେଲା ଆସେ ନାଇତା । ମାତରୁ ତମ୍ଭେପାଇ ସବୁ
ବେଲା ସମାନ୍ତେ । ୩୮ ଏ ଦୁନିଆରୁ ଲକ୍ତମନ୍ ତମ୍ଭେ ଗିନ୍ ନ କରତ୍, ମାତରୁ
ମକେ ଗିନ୍ କର୍ବାଇ । କାଇକେ ବଇଲେ ସେମନ୍ କର୍ବା କାମ୍ମନ୍ କାରାପ୍
ବଲି ମୁଇ ଜାନାଇଲିନି । ୩୯ ତମେ ପରବ୍ କର୍ବାକେ ଜାଆ, ମୁଇ ଜାଇ
ନାପାରି । କାଇକେ ବଇଲେ ଏବେ ଜାକ ମରୁ ସମାନ୍ ବେଲା ଆସେ ନାଇତା
।” ୪୦ ଜିସୁ ସେମନ୍ତକେ ଏ ସବୁ କାତା କଇକରି ଗାଲିଲିତେଇସେ ରଇଗାଲା
। ୪୧ ତାରୁ ବାଇମନ୍ ପରବ୍ ଟାମେ ଗାଲାପତେ, ଜିସୁ ମିସା ତେଇ ଗାଲା
। ସେ ସବୁଲକ୍ ଦେକ୍ଲାପାରା ନ ଜାଇକରି ଲୁଚେ ଗାଲା । ୪୨ ତେବେ
ପରବ୍ତେଇ ଜିଉଦି ନେତାମନ୍, “ଜିସୁ କନ୍ତି ଆତେ?” ବଲି ପାଚାରି ପାଚାରି

କଜ୍ଜିଲାଇ । ୧୨ ତେଇ ରଇଲା ବେସି ଲକ୍ଷ୍ମୀନ୍ ନିଜର୍ ନିଜର୍ ବିତ୍ରେ ଜିସୁର୍
 ବିସଇ କାତା ଅଇତେ ରଇଲା । କେତେ ଲକ୍ ଜିସୁ ବେସି ନିକ ଲକ୍,
 ବଲି କଇତେ ରଇଲା ମାତର୍ ଆରି ଅଦେକ୍ ଲକ୍ଷ୍ମୀନ୍ ତାକେ ନାଇ, ସେ
 ଲକ୍ଷ୍ମୀନ୍‌କେ ବୁଲ୍ ସିକିଆ ଦେଲାନି, ବଲି କଇତେ ରଇଲା । ୧୩ ମାତର୍
 ଜିଉଦି ନେତାମନ୍‌କେ ଡରିକରି କେ ମିସା ଜିସୁର୍ ବିସଇ ସବୁଲକ୍ ଜାନ୍‌ତେ
 ସବୁର୍ ମୁଆଁଟେ କଅର୍ ନାଇ । ୧୪ ଆରି ପରର୍ ଅଦାଅଦି ସାରିଗାଲା ପରେ,
 ଜିସୁ ମନ୍ତ୍ରିର୍ ବିତ୍ରେ ଜାଇକରି ଲକ୍ଷ୍ମୀନ୍‌କେ ସିକିଆ ଦେବାର୍ ଦାରୁଲା । ୧୫
 ତେଇ ଜିଉଦି ନେତାମନ୍ କାବାଅଇଜାଇ କରି କଇଲା, “ଏ ଲକ୍ ପାଟ୍
 ନ ପଡି ମିସା କେନ୍ତୁ ଏଡକି ବିସଇ ଜାନିଆଟେ?” ୧୬ ଜିସୁ ସେମନ୍‌କେ
 କଇଲା, “ମୁଇ ସିକାଇଦେବା ଏ ସିକିଆ ମର୍ ନିଜର୍‌ଟାନେ ଅନି ନଏଁ, ମାତର୍
 ମକେ ପାଟାଇରଇବା ପର୍ମେସରର୍ ତେଇଅନି ଆସିଆଟେ । ୧୭ ଜେ
 ଜଦି ପର୍ମେସର୍ ମନ୍‌କଲାଟା ପୁରୁନ୍ କର୍ବାକେ ମନ୍ କର୍ସି ବଇଲେ
 ସେ ଜାନିପାର୍ସି, ମୁଇ ଦେଇତେରଇବା ସିକିଆ ପର୍ମେସରର୍ ଟାନେ ଅନି
 ଆଇଲାନି କି ସେଟା ମର୍ ନିଜର୍ ବପୁର୍ ସଢ୍ଘ କଲିନି ବଲି । ୧୮ ଜନ୍ ଲକ୍
 ନିଜର୍ ଅଦିକାରେଅନି କାତା କଇସି ସେ ନିଜେ ମଇମା ପାଇ ଅଇବାକେ କଇସି
 । ମାତର୍ ଜନ୍‌ଲକ୍ ମକେ ପାଟାଇଲା ଲକ୍ ସନ୍‌ମାନ୍ ପାଅ ବଲି ମନ୍ କର୍ସି
 ବଇଲେ, ସେ ମିର୍ ନ କଇ ସର୍ କାତା କଇସି । ଆରି ତାର୍‌ଟାନେ କାଇ ବୁଲ୍
 ବିସଇ ନ ରଏ । ୧୯ ମସା ତମ୍‌କେ ନିୟମ୍ ଦେଲା ଆଟେ, ଏଟା ସର୍ । ମାତର୍
 ତମର୍ ବିତ୍ରେ କେ ମିସା ଏ ନିୟମ୍ ମାନାସ୍ ନାଇ । ତମେ କାଇକେ ମକେ
 ମରାଇବାକେ ଚେସ୍‌ଟା କଲାସ୍‌ନି?” ୨୦ ଲକ୍ଷ୍ମୀନ୍ ତାକେ କଇଲା, “ତକେ
 ତୁମା ଦାରୁଲା ଆଟେ । କେ ତକେ ମରାଇବାକେ ଚେସ୍‌ଟା କଲାନି?” ୨୧ ଜିସୁ
 ସେମନ୍‌କେ କଇଲା, “ମୁଇ ଗଟେକ୍ ଚକିଡ୍ ଅଇଜିବା କାମ୍ କଲି, ସେଟା ଦେକି
 ତମେ କାବା ଅଇଗାଲାସ୍ । ୨୨ ‘ତମର୍ ପିଲାଜିଲାମନ୍‌କେ ସୁନର୍ କରାଆ’
 ବଲି ମସା ଆଦେସ୍ ଦେଇରଇଲା । ଅଇଲେମିସା ମସା ଏ ନିୟମ୍ ଆରାମ୍ କରି
 ନ ରଇଲା । ତମର୍ ଆନିଦାଦିମନ୍‌କେ ବେଲେଅନି ଏଟା ଚଲିଆଇତେରଇଲା
 ଆରି ତମର୍ ପିଲାମନ୍‌କେ ବିସ୍‌ରାମ୍‌ବାରେ ସୁନର୍ କରାଇଲାସ୍‌ନି । ୨୩
 ଜଦି ବିସ୍‌ରାମ୍‌ବାରେ ଗଟେକ୍ ପିଲାକେ ସୁନର୍ କରାଇବାକେ ମସାର୍ ନିୟମ୍
 ମାନାସ୍ ନାଇ, ମୁଇ ଜଦି ବିସ୍‌ରାମ୍‌ବାରେ ଗଟେକ୍ ଲକ୍‌କେ ପୁରାପୁରୁନ୍ ନିକ
 କଲେ, କାଇକେ ରିସା ଅଇଗାଲାସ୍‌ନି? ୨୪ ବାଇରର୍ ବିସଇ ଦେକିକରି

କାଇ ବିଚାର କରାନାଇ । ଜନ୍ମଟା ଟିକ୍, ସେ ଇସାବେ ବିଚାର କରା ।”

୨୫ ଜିରୁସାଲାମର୍ କେତେକ୍ ଲକ୍ କଇଲା, “ସେ ଜିଉଦି ନେତାମନ୍ ଜନ୍ ଲକ୍ କେ ମରାଇବାକେ ଚେସ୍ଟା କଲାକନି, ଏ କାଇ ସେ ଲକ୍ ନଏଁ କି? ୨୬ ଦେକା, ସବୁଲକର୍ଟାନେ ଏଡକି ସବୁ କଇପାକାଇଲାନି, ମାତର୍ ତାକେ ର ବଲିକରି କେ ମିସା ପଦେକ୍ କଅଡନାଇ । ସତଇସେ ଏ ପର୍ମେସର୍ ପାଟାଇଲା ମସିଅ ବଲି ନେତାମନ୍ ଜାନିଆତର୍ କି? ୨୭ ଜେଡେବେଲେ ପର୍ମେସର୍ ପାଟାଇଲା ମସିଅ ଆଇସି, ସେଡକିବେଲେ ସେ କନ୍ତି ଅନି ଆସିଆତେ ବଲି କେ ମିସା ନାଜାନର୍ । ମାତର୍ ଏ ଲକ୍ କନ୍ତିଅନି ଆସିଆତେ, ସେଟା ଆମେ ସବୁ ଜାନୁ ।” ୨୮ ଜିସୁ ମନ୍ତ୍ରେ ସିକିଆ ଦେବାବେଲେ ବେସି ଆଉଲିଅଇ କଇଲା, “ଉଁ ତମେ ମକେ ନିକ ସଢ୍ଘ ଜାନିଆତାସ୍ । ସତଇସେ ମୁଇ କେ ଆରି କନ୍ତିଅନି ଆସିଆତି ଜାନିଆତାସ୍ କି? ମାତର୍ ମୁଇ ମର୍ ନିଜର୍ ଅଦିକାରେ ଆସିନାଇ, ମକେ ଜେ ପାଟାଇ ଆତେ ସେ ସର୍ । ତମେ ତାକେ ନାଜାନାସ୍ । ୨୯ ମାତର୍ ମୁଇ ତାକେ ଜାନି ଆତି । କାଇକେ ବଇଲେ ମୁଇ ତାର୍ଡେଇଅନି ଆଇଲି ଆତି ଆରି ସେ ମକେ ପାଟାଇଲା ଆତେ ।”

୩୦ ଜିସୁ ଏ କାତା କଇବାବେଲେ, ସେମନ୍ ସୁନିକରି ତାକେ ଦାର୍ବାକେ ଚେସ୍ଟା କଲା । ମାତର୍ କେ ମିସା ଚିଇ ନାପାର୍ଲା । କାଇକେ ବଇଲେ ସେଡକି ବେଲା ଜାକ ତାର୍ ବେଲା କେଟି ନ ରଇଲା । ୩୧ ମାତର୍ ତେଇ ରଇଲା ଲକ୍ମନର୍ ବିଡ୍ରେଅନି କେତେକ୍ ଲକ୍ ଜିସୁକେ ବିସ୍ବାସ୍ କରି କଇଲା, “ମସିଅ ଆଇଲେ ଆର୍ଟାନେଅନି ସେ କାଇ ଅଦିକ୍ କାବା ଅଇଜିବା କାମ୍ କର୍ସି କି? ନାଇ ନ କରେ ।” ୩୨ ଲକ୍ମନ୍ ଜିସୁର୍ ବିସଇ ତାକର୍ ବିଡ୍ରେ ଏନ୍ଦ୍ରି କାତା ଅଇତେ ରଇଲାଟା ପାରୁସି ଦଲର୍ କେତେକ୍ ଲକ୍ମନ୍ ସୁନ୍ଲା । ତେବେ ମୁକିଅ ପୁଜାରିମନ୍ ଆରି ପାରୁସି ଲକ୍ମନ୍ ଜିସୁକେ ବନ୍ତି କର୍ବାକେ କେତେଟା ମନ୍ତ୍ରେ ଜାଗୁଆଲ୍ମନ୍ କେ ପାଟାଇଲା । ୩୩ ପତେ ଜିସୁ କଇଲା, “ମୁଇ ତନେକ୍ସେ ତମର୍ ସଢ୍ଘ ରଇବି । ତାର୍ ପତେ ମକେ ଜେ ପାଟାଇଲା ଆତେ, ତାର୍ ଲଗେ ବାଉଡି ଜିବି । ୩୪ ତମେ ମକେ କଇସା, ମାତର୍ ବେଟ୍ ନ ଉଆସ୍ । ଆରି ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ଆସି ନାପାରାସ୍ ।” ୩୫ ଜିଉଦି ନେତାମନ୍ ନିଜର୍ ନିଜର୍ ବିଡ୍ରେ କାତା ଅଇଲା “ଏନ୍ତି ବଇଲେ ଏ ଲକ୍ କନ୍ତି ଜାଇସିଜେ ଆମେ ତାକେ କଜି ନାପାରୁ । ସେ କାଇ ଗିରିକ୍ ନଅରେ ଜାଇକରି ଏନେ ତେନେ

ଅଇରଇବା ଆମର ଲକ୍ଷ୍ୟକୁ ଦିଅନ୍ତୁ କି? ୩୭ ସେ କଲଲାନି,
 ତମେ ମନେ କରୁଛା ମାତ୍ର ବେଟ୍ ଅଇ ନାପାରୁ ବଲି । ଆରି ଏନ୍ତି ମିସା
 କଲଲାନି, ‘ମୁଇ ଜନ୍ ଜାଗାଇ ଜିବି, ତେଇ ତମେ ଆସିନାପାରାୟ୍’ ବଲି ।
 ଏନ୍ତି ବଇଲେ ସେ କଲବା କାତାର୍ ଅରତ୍ କାଇଟା?” ୩୭ ପରବର୍ ସାରାସାରି
 ଦିନେ, ଜନ୍ଟାକି ମୁକିଅ ଦିନେ, ଜିସୁ ଟିଆଅଇ ଆକ୍ମାରି କଲଲା, “ଜଦି
 କାକେ ସସ୍ କଲାନି, ସେ ମର୍ ଲଗେ ଆସ । ୩୮ ଜେ ମକେ ବିସ୍ବାସ୍
 କରୁସି, ସେ ଆସି କାଅ । କାଇକେବଇଲେ ପର୍ମେସରର୍ ସାସ୍ତରେ ଏନ୍ତି
 ଲେକା ଆତେ, ଜେ ମର୍ଟାନେ ବିସ୍ବାସ୍ କରୁସି ତାର୍ ମନ୍ ବିତ୍ରେଅନି ନ
 ସାର୍ବା ଜିବନ୍ ଦେବା ପାନି ଉତ୍ତଲି କରି ବାରଇସି ।” ୩୯ ଜିସୁ ଜିବନ୍ ଦେବା
 ପାନି ବଲି ସୁକଲ୍ ଆତ୍ମାର୍ ବିସଇ କଇତେ ରଇଲା । ତାକେ ବିସ୍ବାସ୍
 କରବା ଲକ୍ଷ୍ୟକୁ ପତେ ପର୍ମେସର୍ ଏ ସୁକଲ୍ ଆତ୍ମା ଦେଇସି ।
 ମାତର୍ ଏବେ ଜାକ, କାକେ ଦେଇ ନ ରଇଲା । କାଇକେବଇଲେ ଜିସୁ
 ସେବେଲା ଜାକ ମଇମାଇ ପୁରାପୁରୁନ୍ ନ ଅଇରଇଲା । ୪୦ ଜିସୁର୍ ଏ କାତା
 ସୁନିକରି କେତେକ୍ ଲକ୍ କଇଲା, “ସତ୍କାତା, ଏ ଲକ୍ ଗଟେକ୍ ପର୍ମେସର୍
 ଟାନେଅନି ଆସିରଇବା ବସିସତ୍ବକ୍ତା!” ୪୧ ଆରି ଅଦେକ୍ ଲକ୍ କଇଲା,
 “ସେ ପର୍ମେସର୍ ବାଟି ପାଟାଇଲା ମସିଅ” ବଲି । ଆରି ଅଦେକ୍ ଲକ୍ମନ୍
 ପାଟାଇଲା, “ପର୍ମେସର୍ ବାଟି ପାଟାଇଲା ରାଜା ମସିଅ କାଇ ଗାଲିଲି
 ଦେସେଅନି ନ ଆସେ କି? ୪୨ ସାସ୍ତରେ ଏନ୍ତି ଲେକା ଅଇଲା ଆତେ,
 ପର୍ମେସର୍ ବାଟି ପାଟାଇଲା ରାଜା ମସିଅ, ଦାଉଦ୍ ରାଜାର୍ ଜାଗାଇ, ତାର୍
 କୁରୁମେ ବେତ୍ଲିଇମ୍ ଗତେ ଜନମ୍ ଅଇ ଆଇସି ।” ବଲି କଇଲା । ୪୩
 ଏନ୍ତି ସେମନର୍ ବିତ୍ରେ ଜିସୁର୍ ବିସଇନେଇ ବାଗ୍ ବାଗ୍ ଅଇଲା । ୪୪
 ଆରି ଲକ୍ମନର୍ ବିତ୍ରେଅନି କେତେ ଲକ୍ ଜିସୁକେ ବାନ୍ଦୁଇ ଅ ବଲି ମନ୍
 କର୍ତ୍ତେରଇଲା । ମାତର୍ କେ ମିସା ତାକେ ଦାରି ନାପାରୁଲା । ୪୫
 ଜିସୁକେ ବନ୍ଦି କର୍ବାକେ ଜାଇରଇବା ଜାଗୁଆଲ୍ମନ୍, ବାଉଡିଆଇଲାକେ
 ମୁକିଅ ପୁଜାରି ଆରି ପାରୁସିମନ୍ ସେମନ୍କେ ପାଟାଇଲା, “ତମେ କାଇକେ
 ଜିସୁକେ ବାନ୍ଦି କରି ଆନାସ୍ ନାଇ?” ୪୬ ଜାଗୁଆଲ୍ମନ୍ କଇଲା, “ଏ ଲକ୍
 କଇଲା ପାରା କାତା ଆଜିକେଜାକ କେ ମିସା କଅଡ୍ ନାଇ ।” ୪୭ ପାରୁସିମନ୍
 ସେମନ୍କେ କଇଲା, “ଏନ୍ତି ବଇଲେ ତମ୍କେ ମିସା ସେ ବକ୍ତୁଆ କରିଦେଲା
 କି?” ୪୮ ଆରି ପାଟାଇଲା, “ଗଟେକ୍ ନେତା ନଅଇଲେ ଗଟେକ୍ ପାରୁସି

ତାକେ ବିସ୍ୱାସ କରୁଥିବାରୁ ବଳି ତମେ ସୁନିଆରାସ୍ କି? ୪୯ ମାତର୍ ଏ ଲକ୍ଷ୍ମୀ, ମସାର ନିୟମ୍ ନାଜାନତ୍ । ତେବର୍ ପାଇ ଏମନ୍ ସବୁ ଅବିସାପ୍ ପାଇରଇବା ଲକ୍ ।” ୫୦ ତେଇ ସେ ଦଲେଅନି ନିକଦିମ ନାଉର୍ ଗଟେକ୍ ନେତା ରଇଲା । ସେ ତରେକ୍ ଜିସୁକେ ଦେକ୍‌ବାର୍ ଜାଇରଇଲା । ସେ କଇଲା, ୫୧ “ଆମର୍ ନିୟମ୍ ଇସାବେ ଗଟେକ୍ ଲକ୍‌କେ ଦସି କର୍ବା ଆଗ୍‌ତୁ ତାର୍ କାତା ସୁନ୍‌ବାକେ ପଦ୍‌ସି ଆରି କାଇଟା କଲାଆତେ କର୍ବାକେ ପଦ୍‌ସି ।” ୫୨ ବିନ୍‌ଲକ୍‌ମନ୍ କଇଲା, “ଏନ୍ତି ବଇଲେ ତୁଇ ମିସା କାଇ ଗଟେକ୍ ଗାଲିଲିର୍ ଲକ୍ କି? କେ ମିସା ପର୍ମେସରର୍ ତେଇଅନି ବବିସତ୍‌କାତା କଇବା ଲକ୍ ଗାଲିଲିଅନି ଆସତ୍ ନାଇ ।” ୫୩ ତାର୍ ପତେ ତେଇ ରଇଲା ଲକ୍‌ମନ୍ ସେ ଜାଗା ତାଡିକରି ନିଜର୍ ନିଜର୍ ଗରେ ବାଉଡି ଗାଲାଇ ।

୮ ଜିସୁ ଜିତ୍ ନାଉର୍ ଗର୍ମନ୍ ରଇଲା ପର୍ବତେ ଉଟିଗାଲା । ୨ ତାର୍ ଆର୍କର୍ ଦିନର୍ ସାକାଲେ ସେ ମନୁରେ ବାଉଡି ଆଇଲା ଆରି ତେଇ ସବୁଲକ୍ ତାର୍‌ଲଗେ ରୁଣ୍ଡୁଲାଇଜେ, ସେ ବସିକରି ସେମନ୍‌କେ ସିକାଇବାର୍ ଦାର୍‌ଲା । ୩ ସେଡକିବେଲେ କେତେଟା ସାସ୍‌ତର୍ ସିକାଉମନ୍ ଆରି ପାରୁସିମନ୍, ଗଟେକ୍ ବେସିଆନି ମାଇଜିକେ ବେସିଆ କାମ୍ କର୍ବାବେଲେ ଦାରିକରି ଜିସୁର୍ ଲଗେ ଆନ୍‌ଲାଇ । ତାକେ ସବୁ ଲକ୍‌ର୍ ମୁଆଟେ ଟିଆ କରାଇ ଜିସୁକେ ପାଚାର୍‌ଲାଇ, ୪ “ଏ ଗୁରୁ, ଏ ମାଇଜିକେ ବେସିଆ କାମ୍ କଲାବେଲେ ଦାରିଆରୁ । ୫ ଏନ୍ତାରି ମାଇଜିକେ ପାକ୍‌ନା ସଢ୍ଗ୍ ମାରି ମରାଆ ବଲି ମସାର୍ ନିୟମେ ଲେକା ଅଇଲା ଆତେ । ଏନ୍ତି ବଇଲେ ତୁଇ କାଇଟା ବଲି କଇଲୁସ୍‌ନି?” ୬ ସେମନ୍ ଜେନ୍ତିକି ଜିସୁ କଇବା ଉତ୍‌ତେଇଅନି ବୁଲ୍ ଦାରି ତାକେ ଦସି କର୍ବାକେ ଏ କାତା କଇଲାଇ । ମାତର୍ ଜିସୁ ଲଇଁ କରି ଆଢ୍ଗ୍‌ଟି ସଢ୍ଗ୍ ବୁର୍ ଲେକ୍‌ବାର୍ ଦାର୍‌ଲା । ୭ ମାତର୍ ସେମନ୍ ତାକେ ତର୍‌କେ ତର୍ ପାଚାରିଲାଗି ରଇଲାଇ ଜେ ସେ ଟିଆଅଇ କଇଲା, “ଇତି ମୁଲ୍‌କେ ପାପ୍ ନ କଲା ଲକ୍ କେ ଆତାସ୍ ବଇଲେ ସେ ଆଗ୍‌ତୁ ଆସିକରି ତାକେ ପାକ୍‌ନା ମାର ।” ୮ ତାର୍‌ପତେ ସେ ଆରି ତରେକ୍ ଲଇଁକରି ବୁର୍ ଲେକ୍‌ବାର୍ ଦାର୍‌ଲା । ୯ ଜିସୁର୍ ଏ କାତା ସୁନି ମାଇଜିକେ ଆନିରଇବା ସବୁଲକ୍ ସେ ଜାଗାଇଅନି ଗଟେକ୍ ଗଟେକ୍ ଲକ୍ ବାରଇ ଉଟିଗାଲାଇ । ପର୍‌ତୁମ୍ ତକ୍‌ରାମନ୍ ଗାଲାଇ । ତେଇ ସାରାସାରି ଜାକ ଜିସୁ ଆରି ସେ ମାଇଜିସେ ରଇଲାଇ । ୧୦ ଜିସୁ ଟିଆଅଇ ତାକେ ପାଚାର୍‌ଲା, “ସେ ଲକ୍‌ମନ୍ କେନେ ଗାଲାଇ? ଇତି କେ ମିସା ତକେ ଦସ୍

ଦାର୍ଦ୍ରବାକେ ନାଇ କି?" ୧୧ ସେ କଇଲା, "ନାଇ ମାପୁରୁ କେ ମିସା ମକେ ଦସି ବଲି ବିଚାର୍ କରତ୍ ନାଇ ।" ଜିସୁ ତାକେ କଇଲା, "ମୁଇ ମିସା ତକେ ଦସି ବଲି ବିଚାର୍ ନ କରି । ମାତର୍ ଜା ଆରି ପାପ୍ କର୍ ନାଇ ।" ୧୨ ଜିସୁ ଆରିତରେକ୍ ପାରୁସିମନ୍‌କେ କଇଲା, "ମୁଇସେ ଏ ଦୁନିଆର୍ ଉଜଲ୍ । ଜନ୍‌ଲକ୍ ମର୍ ପତେ ପତେ ଆଇସି, ସେ ଜିବନର୍ ଉଜଲ୍ ପାଇସି । ଆରି କେବେ ମିସା ଆନ୍ତରେ ନ ରଏ ।" ୧୩ ପାରୁସିମନ୍ ତାକେ କଇଲା, "ତୁଇ ନିଜେ ନିଜର୍ ବିସଇ ସାକି ଦେଲୁସ୍‌ନି, ସେଟାର୍‌ପାଇ, ତର୍ ସାକି ଦେଲାଟା ସତ୍ ନଏ ।" ୧୪ ଜିସୁ ସେମନ୍‌କେ କଇଲା, "ନାଇ, ମୁଇ ମର୍ ନିଜର୍ ପାଇ ସାକି ଦେଲେ ମିସା, ମୁଇ ଜନ୍‌ଟା କଇଲିନି ସେଟା ସତ୍‌ସେ । କାଇକେ ବଇଲେ ମୁଇ କନ୍ତିଅନି ଆଇଲି ଆତି ଆରି କନ୍ତି ଗାଲିନି, ସେଟା ମୁଇସେ ଜାନି । ମାତର୍ ମୁଇ କନ୍ତିଅନି ଆଇଲିଆତି ଆରି କନ୍ତି ଜିବି, ସେଟା ତମେ ନାଜାନାସ୍ । ୧୫ ଆରି ତମେ ମକେ ଲକ୍‌ମନର୍ ଇସାବେ ବିଚାର୍ କଲାସ୍‌ନି । ମାତର୍ ମୁଇ କାକେ ବିଚାର୍ ନ କରି । ୧୬ ଜଦି ମୁଇ ବିଚାର୍ କର୍ତି ବଇଲେ ମର୍ ବିଚାର୍ ପୁରାପୁରୁନ୍ ଟିକ୍ ଅଇତା । କାଇକେ ବଇଲେ ମୁଇ ଗଟେକ୍ ଲକ୍ ନାଇ, ମାତର୍ ମକେ ପାଟାଇରଇବା ମର୍ ବାବା ମିସା ମର୍ ସଢ୍ଘ୍ ମିସ୍‌ତେ ଆତେ । ୧୭ କାଇଆଲେ ଗର୍‌ନାର୍ ବିସଇ ରଇଲେ, ଦୁଇ ଲକର୍ ସାକି ସମାନ୍ ଅଇଲାନି ବଇଲେ, ସେମନ୍ କଇଲା କାତା ସତ୍‌ସେ । ତମର୍ ଦରମ୍ ସାସ୍‌ତରେ ଏନ୍ତି ଲେକା ଅଇଲା ଆତେ । ୧୮ ମୁଇ ନିଜେ ନିଜର୍ ବିସଇ ସାକି ଦେଲିନି, ଆରି ମକେ ପାଟାଇଲା ପର୍‌ମେସର୍ ମିସା ମର୍ ସାକି ଦେଲାନି ।" ୧୯ ଲକ୍‌ମନ୍ ଜିସୁକେ ପାଟାର୍‌ଲାଇ "ତର୍ ବାବା କନ୍ତି ଆତେ?" ଜିସୁ ସେମନ୍‌କେ କଇଲା, "ତମେ ମକେ ନାଜାନାସ୍ ଆରି ମର୍ ବାବାକେ ମିସା ନାଜାନାସ୍ । ତମେ ଜଦି ମକେ ଜାନିରଇତାସ୍ ବଇଲେ ମର୍ ବାବାକେ ମିସା ଜାନ୍‌ତାସ୍ ।" ୨୦ ଜିସୁ ମନ୍ଦିରର୍ ଦାନ୍ ସଢ୍ଘ୍‌ଇବା ପେଡିମନ୍ ରଇବା ଆକ୍ରାଈ ଏ ସବୁ ବିସଇ ସିକିଆ ଦେଇତେରଇଲା । ଆରି କେ ମିସା ତାକେ ବନ୍ଦି କରି ନାପାର୍‌ଲାଇ । କାଇକେବଇଲେ ତାର୍ ବେଲା କେଟି ନ ରଇଲା । ୨୧ ଜିସୁ ଲକ୍‌ମନ୍‌କେ ଆରି ତରେକ୍ କଇଲା, "ମୁଇ ଗାଲିନି ଆରି ତମେ ମକେ କଜ୍‌ସା । ମାତର୍ ନିଜର୍ ନିଜର୍ ପାପ୍ କେମା ନ କରାଇଅଇ ମର୍‌ସା । ଆରି ମୁଇ ଜନ୍ ଜାଗାଇ ଜିବି ତମେ ତେଇ ଆସି ନାପାରାସ୍ ।" ୨୨ ଜିସୁ ଏନ୍ତି କଇଲାକେ ଜିଉଦି ନେତାମନ୍ ନିଜର୍ ନିଜର୍ ବିତ୍‌ରେ କୁଆବଲା ଅଇଲା, "ସେ କାଇକେ ମୁଇ ଜନ୍ ଜାଗାଇ

ଗାଲିନି, ତମେ ତେଜ ଜାଇନାପାରାସ୍ ବଲି କଇଲାନି? ଜିସୁ କାଇ ନିଜେ
 ଉର୍ବକି ଅଇ ମରବାକେ ମନ୍ କଲାନି କି?" ୨୩ ଜିସୁ ସେମନ୍‌କେ କଇଲା,
 "ତମେ ଏ ଦୁନିଆଇଅନି ଆସିଆତାସ୍ । ମାତର୍ ମୁଇ ସର୍ଗେଅନି ଆସିଆତି ।
 ତମେ ଏ ଦୁନିଆର୍ ଲକ୍, ମାତର୍ ମୁଇ ଏ ଦୁନିଆର୍ ଲକ୍ ନଇ । ୨୪ ତମେ
 ନିଜର୍ ନିଜର୍ ପାପ୍ କେମା ନ କରାଇଅଇତେ ମରସା ବଲି ମୁଇ ତମ୍‌କେ
 କଇରଇଲି । ନିଜେ ମୁଇ ସେ । ଏଟାକେ ବିସ୍‌ବାସ୍ ନ କଲେ, ତମେ ନିଜର୍
 ପାପେ ସେ ମରସା ।" ୨୫ ଜିଉଦି ନେତାମନ୍ ପାଚାରୁଲାଇ, "ତୁଇ କେ?
 ଆମ୍‌କେ କି ।" ଜିସୁ ସେମନ୍‌କେ କଇଲା, "ଆରାମେ ଅନି ମୁଇ କେ ବଲି
 କଇଆଇଲିନି । ୨୬ ତମେ ପାପ୍ କରିରଇବାଟା ଆରି ଦସ୍ କରିରଇବା ବିସଇ
 ମର୍ ଟାନେ ବେସି ଆତେ । କାଇକେବଇଲେ, ଜେ ମକେ ପାଟାଇ ଆତେ,
 ତାର୍‌ତେଇ ଅନି ମୁଇ ଜାଇଟା ସୁନି ଆତି, ସେଟା ସେ ଜାନାଇଲିନି ।" ୨୭
 ମାତର୍ ଜିସୁ ତାର୍ ବାବାର୍ ବିସଇ ଏନ୍ତାରି କଇଲାନି ବଲି ସେମନ୍ ମୁଲ୍‌କେ
 ବୁଜି ନାପାରୁଲାଇ । ୨୮ ସେଟାର୍‌ପାଇ ସେ ସେମନ୍‌କେ କଇଲା, "ତମେ
 ନର୍‌ପିଲା ମକେ କୁର୍‌ସେ କୁଟି ମାରି ଉଟାଇଲାବେଲେ ଜାନ୍‌ସା, ସେ ନିଜେ
 ମୁଇ ସେ । ମୁଇ ନିଜର୍ ଅଦିକାରେ କାଇଟା କରି ନାପାରି, ମର୍ ବାବାର୍
 ଟାନେଅନି ଜାଇଟା ସିକ୍‌ଲି ଆତି, ସେଟାସେ କଇଲିନି, ସେଟା ତମେ ବୁଜୁସା ।
 ୨୯ ଜେ ମକେ ପାଟାଇଆତେ, ସେ ମର୍ ସଞ୍ଜୁ ଆତେ । ସେ ମକେ ଏକ୍‌ଲା
 ଚାଡ଼ି ଦେଏନାଇ, କାଇକେବଇଲେ ସେ ଜାଇଟା ମନ୍‌କଲାନି, ମୁଇ ସେଟାସେ
 କଲିନି ।" ୩୦ ଜିସୁର୍ ଏ ସବୁ କାତା ସୁନି, ବେସି ଲକ୍‌ମନ୍ ତାକେ ବିସ୍‌ବାସ୍
 କଲାଇ । ୩୧ ଜିସୁ ତାର୍‌ଟାନେ ବିସ୍‌ବାସ୍ କରିରଇବା ଜିଉଦି ଲକ୍‌ମନ୍‌କେ
 କଇଲା, "ଜଦି ତମେ ମର୍ ସିକିଆ ମାନିକରି ତବିର୍ ଅଇ ରଇସା, ବଇଲେ
 ସତଇସେ ମର୍ ସିସ୍ ଅଇସା । ୩୨ ଆରି ତମେ ସତ୍ ବିସଇ ଜାନ୍‌ସା, ସେ
 ସତ୍ ତମ୍‌କେ ମୁକ୍‌ଲାଇସି ।" ୩୩ ଜିଉଦି ଲକ୍‌ମନ୍ ତାକେ କଲାଇ, "ଆମେ
 ଅବ୍ରାଆମର୍ ନାତିତିତିମନ୍, ଆରି ଆମେ କେବେ ମିସା କାର୍ ଗତିଅଇ
 ରଉନାଇ, ଏନ୍ତି ବଇଲେ ତମେ କେନ୍ତି ମୁକ୍‌ଲୁସା ବଲି କଇଲୁସୁନି? ଏ କାତାର୍
 ଅରତ୍ କାଇଟା?" ୩୪ ଜିସୁ କଇଲା, "ମୁଇ ତମ୍‌କେ ସତ୍ କାତା କଇଲିନି, ଜେ
 ପାପ୍ କର୍‌ସି, ସେ ପାପର୍ ଗତିଦାଞ୍ଜୁଡ଼ା । ୩୫ ଗତିଦାଞ୍ଜୁଡ଼ା ଗଟେକ୍ ଗରେ ସବୁ
 ଦିନର୍‌ପାଇ ନ ରଏ । ମାତର୍ ସେ ଗରର୍ ପିଲାସେ ସବୁଦିନର୍‌ପାଇ ରଇସି ।
 (aiōn g165) ୩୬ ସେଟାର୍‌ପାଇ ମୁଇ ଜଦି ତମ୍‌କେ ମୁକ୍‌ଲାଇବି ବଇଲେ,

ସତରଞ୍ଜେ ତମେ ମୁକଲ୍ୟା । ୩୭ ତମେ ଅବ୍ରାହମ୍ କୁଟୁମ୍ଭ ଲକ୍ଷ୍ମଣ
 ବଲି ମୁକ୍ତ ଜାନିଆତି, ଅଇଲେ ମିସା ତମର ବିତ୍ତରେଅନି କେତେ ଲକ୍ଷ୍ମଣ
 ମକେ ମରାଇବାକେ ଚେଷ୍ଟା କଲାସ୍ତୁନି । କାଇକେ ବଇଲେ ମରୁ ସିକିଆ
 ତମେ ମାନାସ୍ ନାଇ । ୩୮ ମୁକ୍ତ ମରୁ ବାବା ସଞ୍ଜ ରଇଲାବେଲେ ମକେ ସେ
 ଜାଇଟା ଦେକାଇଆଚେ, ସେଟା ତମ୍ଭକେ କଇଲିନି । ମାତରୁ ତମରୁ ବାବା
 ତମ୍ଭକେ ଜାଇଟା ସିକାଇଆଚେ, ସେଟା କଲାସ୍ତୁନି ।” ୩୯ ଜିଉଦି ଲକ୍ଷ୍ମଣ
 ତାକେ କଇଲା, “ଆମରୁ ବାବା ଅବ୍ରାହମ୍ ।” ଜିସୁ କଇଲା, “ତମେ
 ଜଦି ସତରଞ୍ଜେ ଅବ୍ରାହମ୍ ନାତିତିତି ଅଇରଇତାସ୍ ବଇଲେ, ଅବ୍ରାହମ୍
 କରିରଇଲା କାମ୍ମନ୍ କରତାସ୍ । ୪୦ ପର୍ମେସରୁ ତେଇଅନି ସୁନ୍ଦା ସତ୍
 କାତା ଚାଡି ମୁକ୍ତ ଆରି ତମ୍ଭକେ କାଇଟା କଇନାଇ । ଅଇଲେ ମିସା ତମେ
 ମକେ ମରାଇବାକେ ଚେଷ୍ଟା କଲାସ୍ତୁନି । ମାତରୁ ଅବ୍ରାହମ୍ ଏନ୍ଦାରି କାଇ
 କାମ୍ କରି ନ ରଇଲା । ୪୧ ତମରୁ ବାବାମନ୍ ଜନ୍ କାମ୍ମନ୍ କରି ରଇଲା,
 ତମେ ସେଟା କଲାସ୍ତୁନି ।” ମାତରୁ ଜିଉଦିମନ୍ କଇଲା, “ଆମରୁ ବାବା
 ପର୍ମେସରୁ ସେ । ଆମେସେ ତାରୁ ପିଲାଟକିମନ୍ ।” ୪୨ ଜିସୁ ସେମନ୍କେ
 କଇଲା, “ଜଦି ପର୍ମେସରୁ ତମରୁ ବାବା ଅଇରଇଲେ, ତମେ ମକେ ଆଲାଦ୍
 କରତାସ୍ । କାଇକେ ବଇଲେ ମୁକ୍ତ ପର୍ମେସରୁ ତେଇଅନି ଆସି ଏବେ
 ଇତି ଆତି । ମାତରୁ ନିଜରୁ ଅଦିକାରେ ଆସିନାଇ । ସେ ମକେ ଏ ଦୁନିଆଇ
 ପାଟାଇଲା ଆଚେ । ୪୩ ତମେ କାଇକେ ମରୁ କାତା ବୁଜି ନାପାରୁଲାସ୍ତୁନି?
 କାଇକେ ବଇଲେ ତମେ ମରୁ ସିକିଆ ସୁନି ତବିରୁଅଇ ରଇ ନାପାରୁଲାସ୍ତୁନି ।
 ୪୪ ସଇତାନ୍ ଅଇଲାନି ତମରୁ ବାବା । ଆରି ତମେ ସେ କରୁବା କାରାପ୍
 କାମ୍ମନ୍ କରୁବାକେ ମନ୍ କଲାସ୍ତୁନି । ସେ ଆଗୁରୁଅନି ଲକ୍ଷ୍ମଣକେ ନସ୍ଟ
 କଲାନି, ଆରି ସେ ସତ୍ ବିସଇ ଗିନ୍ କଲାନି । ତାରୁତେଇ ସତ୍ ବିସଇ ନାଇ ।
 ଜେତେବେଲା ସେ ମିର୍ କଇଲାନି, ସେବେଲା ସେ ନିଜରୁ ଗୁନ୍ ତଲନ୍ଅନି
 ସେନ୍ତି କଇଲାନି । କାଇକେ ବଇଲେ ସେ ମିର୍ କଇବା ଲକ୍, ଆରି ମିର୍
 କଇବା ଲକ୍ମନରୁ ବାବା । ୪୫ ଏବେ ମୁକ୍ତ ସବୁବେଲା ସତ୍କାତା କଇଲିନି
 ମିସା ତମେ ମକେ ବିସ୍ବାସ୍ କରାସ୍ନାଇ । ୪୬ ତମରୁ ବିତ୍ତରେ ଅନି କେମିସା
 ଗଟେକ୍ ଲକ୍ ମୁକ୍ତ ପାପ୍ କଲିଆତି ବଲି ମକେ ଦସି କରାଇପାରେ କି?
 ଆରି ମୁକ୍ତ ଜଦି ସତ୍କାତା କଇଲିନି ବଇଲେ, ତମେ କାଇଜେ ବିସ୍ବାସ୍
 କରାସ୍ ନାଇ? ୪୭ ଜେଡ୍ କି ଲକ୍ ପର୍ମେସରୁ ଅଇଲା ଆଚରୁ, ସେମନ୍

ପର୍ଯ୍ୟେସରର୍ କାତା ସୁନ୍ଦାଲ । ଆରି ତମେ ପର୍ଯ୍ୟେସରର୍ତେଇଅନି
ଆଇଲା ଲକ୍ ନୁଆସ୍ । ସେଟାର୍ପାଇ ତମେ ମର୍ ବାକିଅ ସୁନ୍ଦାସ୍ ନାଇ ।” ୪୮
ଜିଉଦିମନ୍ ଜିସୁକେ ପାଟାର୍ଲାଲ, “ତୁଇ ଗଟେକ୍ ସମିରଣିୟ୍ ଲକ୍, ତକେ
ଗଟେକ୍ ତୁମା ଦାର୍ଲା ଆତେ ବଲି ଆମେ କଇଲା କାତା ସତ୍ ନଏଁ କି?”
୪୯ ଜିସୁ ସେମନ୍କେ କଇଲା, “ନାଇ! ମକେ ତୁମା ଦାରେ ନାଇ । ମୁଇ ମର୍
ବାବାକେ ସନ୍ମାନ୍ ଦେଲିନି । ମାତର୍ ତମେ ମକେ ନିନ୍ଦାକାତା କଇ ଲାଜ୍
କରାଇଲାସ୍ନି । ୫୦ ମୁଇ ନିଜେ ଡାକ୍ପୁଟା ପାଇବାକେ ଚେସ୍ଟା କରିନାଇ ।
ମାତର୍ ଆରି ଗଟେକ୍ ଲକ୍ ମକେ ଡାକ୍ପୁଟା କରାଇବାକେ ମନ୍ କଲାନି । ସେ
ଟିକ୍ ବାବେ ବିଚାର୍ କର୍ବା ମାପୁରୁ । ୫୧ ମୁଇ ତମ୍କେ ସତ୍କାତା କଇଲିନି,
ଜେ ମୁଇ ସିକାଇବା କାତା ମାନ୍ସି, ସେ କେବେ ମିସା ନ ମରେ ।” (aiōn
g165) ୫୨ ସେମନ୍ ଜିସୁକେ କଇଲାଲ, “ଏବେ ଆମେ ଜାନ୍ଲୁ ତକେ ଗଟେକ୍
ତୁମା ଦାର୍ଲା ଆତେ । ଅବ୍ରାଆମ୍ ଆରି ବବିସତ୍ବକ୍ତାମନ୍ ମରିଗାଲାଲ
ଆତର୍, ମାତର୍ ତୁଇ କଇଲୁସ୍ନି ଜଦି କେ ମିସା ମର୍ କାତା ମାନ୍ସା ବଇଲେ
ସେ କେବେ ମିସା ନ ମରେ ବଲି ।” (aiōn g165) ୫୩ ସେମନ୍ ପାଟାର୍ଲାଲ
“ତୁଇକାଇ ଆମର୍ ବାବା ଅବ୍ରାଆମ୍ଟାନେଅନି ବଡ୍ ଲକ୍କି? ସେମନ୍ ମିସା
ମରିଗାଲାଲ ଆତର୍ ଆରି ବବିସତ୍ବକ୍ତାମନ୍ ମିସା ମରିଜାଇଆତର୍ । ତୁଇ
ନିଜ୍କେ କେ ବଲି ବାବ୍ଲୁସ୍ନି?” ୫୪ ଜିସୁ ସେମନ୍କେ କଇଲା, “ମୁଇ ଜଦି
ନିଜ୍କେ ଡାକ୍ପୁଟା କର୍ବି ବଲି ଚେସ୍ଟା କର୍ତି ବଇଲେ, ସେ ଡାକ୍ପୁଟାର୍
କାଇ ମୁଲିଅ ନାଇ । ମର୍ ବାବା ଜାକେ କି ତମେ ତମର୍ ପର୍ଯ୍ୟେସର୍ ବଲି
କଇଲାସ୍ନି, ସେ ସେ ମକେ ଡାକ୍ପୁଟା କରାଇଲାନି । ୫୫ ତମେ ତାକେ
ନାଜାନାସ୍, ମାତର୍ ମୁଇ ଜାନି । ଜଦି ମୁଇ ତାକେ ନାଜାନି ବଲି କଇବି,
ସେନ୍ତୁର୍ଆଲେ ମୁଇ ମିସା ତମର୍ପାରା ମିର୍ କଇବା ଲକ୍ ଅଇବି । ମାତର୍
ମୁଇ ତାକେ ଜାନିଆତି ଆରି, ତାର୍ କାତା ମାନ୍ଲିନି । ୫୬ ମୁଇ ଆଇବା ଦିନ୍
ଦେକ୍ବି ବଲି ତମର୍ ବାବା ଅବ୍ରାଆମ୍, ବେସି ଆସା କରି ସାର୍ଦା ଅଇତେ
ରଇଲା । ଆରି ସେ ଦିନ୍କେ ଦେକି କରି ସାର୍ଦା ଅଇଲା” ବଲି କଇଲା
। ୫୭ ତାର୍ ପତେ ଜିଉଦିମନ୍ ଜିସୁକେ କଇଲାଲ, “ତକେ ପତାସ୍ ବରସ୍
ମିସା ଅଏ ନାଇତା, ତୁଇ କାଇ ଅବ୍ରାଆମ୍କେ ଦେକି ଆରୁସ୍ କି?” ୫୮ ଜିସୁ
ସେମନ୍କେ କଇଲା, “ମୁଇ ତମ୍କେ ସତ୍କାତା କଇଲିନି, ଅବ୍ରାଆମ୍ ଜନମ୍
ଅଇବା ଆଗ୍ତୁଅନି ମୁଇ ଆତି ।” ୫୯ ଜିସୁ ଏ କାତା କଇବାବେଲେ ସେମନ୍

ତାକେ ମାର୍ବାକେ ପାକ୍ନା ବେଟ୍‌ଲାଇ, ମାତର୍ ଜିସ୍ତୁ, ମନ୍ତ୍ରିରେ ଅନି ବାରଇ
ଲକ୍ମନର୍ ବିତ୍‌ରେ ପୁରି ଉଟିଗାଲା ।

୯ ଦିନେକ୍ ଜିସ୍ତୁ ଜିବାବେଲେ ଗଟେକ୍ ଜନ୍ମେଅନି କାଶା ରଇଲା ଲକ୍ମକେ
ଦେକ୍ଲା । ୨ ଆରି ତାର୍ ସିସ୍‌ମନ୍ ତାକେ ପାଚାର୍‌ଲାଇ, “ଏ ଗୁରୁ କେ ପାପ୍
କଲାଇଜେ ଏ ଲକ୍ କାଶାଅଇ ଜନମ୍ ଅଇଲା? ସେ ନିଜେ କି ତାର୍ ବାବା
ମାଆର୍ ପାପର୍ ଲାଗି?” ୩ ଜିସ୍ତୁ କଇଲା, “ତାର୍ କି ତାର୍ ବାବା ମାଆର୍ କାଇ
ପାପ୍‌ସ୍ ନାଇ । ପର୍ମେସରର୍ ବପୁ ତାର୍‌ଗାନେ ଜାନାପଦ୍‌ସି ବଲି, ସେ କାଶା
ଅଇ ଜନମ୍ ଅଇଲା ଆଚେ । ୪ ବେଲ୍ ରଇତେସେ ମକେ ପାଟାଇରଇବା
ପର୍ମେସରର୍ କାମ୍ ଆମେ କର୍‌ବାର୍ ଆଚେ । ଏନ୍ତି ଆନ୍ତ୍‌ର ଆଇଲାନି ସେ
ବେଲାଇ କେ ମିସା କାଇ କାମ୍ କରି ନାପାର୍ତ୍ । ୫ ମୁଇ ଜେତେ ଦିନ୍ ଜାକ
ଏ ଦୁନିଆଇ ରଇବି ସେତ୍‌କି ଦିନ୍ ଜାକ ଏ ଦୁନିଆର୍ ଉଜଲ୍ ।” ୬ ଜିସ୍ତୁ ଏ
କାତା କଇଲା ପଚେ, ମାଟିତେଇ ତୁକି ସେ ତୁକ୍ ସଞ୍ଜ୍ କାଦ ଚକଟ୍‌ଲା । ଆରି
ସେ କାଦ ନେଇକରି କାଶାର୍ ଦୁଇଟା ଆଁକିତେଇ ଲିପିଦେଲା । ୭ ଆରି
ତାକେ କଇଲା, “ତୁଇ ଜା ଆରି ସିଲଅ ନାଉଁର୍ ବନ୍ଦେ ଜାଇକରି ମୁ ଦଇ ଆଉ
।” ସିଲଅର୍ ଅରଡ୍ ଅଇଲାନି ପାଟାଇଲାଟା । ତାର୍ ପଚେ ସେ ଲକ୍ ବନ୍ଦେ
ଜାଇକରି ମୁ ଦଇଲାଜେ, ଦେକିପାର୍‌ଲା ଆରି ଆଇଲା । ୮ କେତେକ୍ ଲକ୍ମନ୍
ଏ ଲକ୍‌କେ ଆଗ୍‌ତୁ ବିକ୍ ମାଞ୍ଜୁବାଟା ଦେକି ରଇଲାଇ । ସେଟାର୍ ପାଇ ଏ
ଲକ୍ମନ୍ ଆରି କାଶାର୍ ଗର୍ ଲଗର୍ ଲକ୍ମନ୍ ତାକେ ଦେକି କଇଲାଇ, “ଜନ୍
ଲକ୍‌କି ସବୁବେଲା ବସିକରି ବିକ୍ ମାଞ୍ଜୁତେ ରଇଲା ସେ କାଇ ଏ ଲକ୍ ନଏଁ
କି?” ୯ କେତେ ଲକ୍ମନ୍ କଇଲାଇ, “ଉଁ ଏତାଉ ସେ ଲକ୍‌ସେ ।” ମାତର୍ ଆରି
ଅଦେକ୍ ଲକ୍ କଇଲାଇ, “ନାଇ ଏ ସେ ଲକ୍ ନଏଁ ମାତର୍ ତାର୍ ପାରା ତିସ୍‌ଲାନି
।” ମାତର୍ କାଶା କଇଲା, “ମୁଇସେ ଆଗ୍‌ତୁ କାଶା ଅଇରଇଲି ।” ୧୦ ଲକ୍ମନ୍
ତାକେ ପାଚାର୍‌ଲାଇ, “ଏନ୍ତି ବଇଲେ ତୁଇ କେନ୍ତି ଦେକିପାର୍‌ଲୁସ୍‌ନି?” ୧୧
କାଶା ସେମନ୍‌କେ କଇଲା, “ଲକ୍ମନ୍ ଜନ୍ ଲକ୍‌କେ ଜିସ୍ତୁ ବଲି କଇଲାଇନି,
ସେ କାଦ କରି ମର୍ ଆଁକିତେଇ ଲିପିଦେଲା । ତାର୍‌ପଚେ ସେ ମକେ ‘ସିଲଅ
ନାଉଁର୍ ବନ୍ଦେ ଜାଇକରି ଦ’ ବଲି କଇଲା । ପଚେ ମୁଇ ଜାଇକରି ବନ୍ଦେ ମୁ
ଦଇଲା ଦାପ୍‌ରେ ଦେକି ପାର୍‌ଲି ।” ୧୨ ଆରି ଲକ୍ମନ୍ ତାକେ କଇଲାଇ, “ସେ
କନ୍ତି ଆଚେ?” ସେ “ମୁଇ ନାଜାନି” ବଲି କଇଲା । ୧୩ ତାର୍ ପଚେ ଲକ୍ମନ୍
ଆଗେଅନି କାଶା ଅଇରଇଲା ଲକ୍‌କେ ପାରୁସିମନର୍ ଲଗେ ତାକିନେଲାଇ

। ୧୪ ଜିସୁ ଜନ୍ ଦିନେ କାଦ ଲିପିକରି ତାର୍ ଆଁକି ନିକ କରିରଇଲା, ସେ
 ଦିନ୍ ବିସ୍ତରାମ୍ବାର୍ ରଇଲା । ୧୫ ପାରୁସି ଲକ୍ମନ୍ ତାକେ ଆରିତରେକ୍
 ପାଚାରୁଲା, “ତୁଇ କେନ୍ତୁର୍ ଦେକିପାରୁଲୁସ୍ନି?” ତେଇ ସେ ସେମନ୍କେ
 କଇଲା, “ଜିସୁ ମର୍ ଆଁକିଟାନେ କାଦ ଲାଗାଇଦେଲା । ପତେ ମୁଇ ମୁ ଦଇ
 ଆଇଲି ଆରି ଏବେ ଦେକି ପାରୁଲିନି ।” ୧୬ କେତେଟା ପାରୁସିମନ୍ କଇଲା, “ଏ
 ଲକ୍ ପର୍ମେସରର୍ ତେଇଅନି ଆସେ ନାଇ । ସେଟାର୍ ପାଇଁ ସେ ବିସ୍ତରାମ୍
 ଦିନର୍ ନିୟମ୍ ମାନେନାଇ ।” ଆରି ଅଦେକ୍ ଲକ୍ମନ୍ କଇଲା, “ଗଟେକ୍
 ପାପି ଲକ୍ କେବେ ମିସା ଏନ୍ତି କାବାଅଇଜିବା କାମ୍ କରିନାପାରେ ।” ଏନ୍ତି
 ଜିଉଦି ଲକ୍ମନ୍ ତୁଇ ବାଗ୍ ଅଇଗାଲା । ୧୭ ସେଟାର୍ ପାଇଁ ସେମନ୍
 ସେ ଲକ୍କେ ଆରି ତରେକ୍ ପାଚାରୁଲା, “ତକେ ଜିସୁ ନିମାନ୍ କଲାଜେ
 ଦେକି ପାରୁଲୁସ୍ନି । ଏନ୍ତି ବଇଲେ ତୁଇ ତାକେ କେ ବଲି ବାବୁଲୁସ୍ନି?” ସେ
 ଲକ୍ ସେମନ୍କେ କଇଲା, “ସେ ଗଟେକ୍ ବବିସତ୍ବକ୍ତା ।” ୧୮ ଜିଉଦି
 ନେତାମନ୍ ସେ ନିମାନ୍ ଅଇଲା ଲକ୍ ଆଗୁତୁ କାଶା ରଇଲା ଜେ ଏବେ ସେ
 ଦେକିପାର୍ବା ବିସଇ ମୁଲ୍କେ ବିସ୍ବାସ୍ କରତ୍ନାଇ । ପାରୁସିମନ୍ ସେ ଲକ୍
 ମାଆ ବାବାକେ ନ ଡାକ୍ବା ଜାକ ମୁଲ୍କେ ବିସ୍ବାସ୍ କରତ୍ନାଇ । ୧୯
 ସେମନ୍ ତାର୍ ମାଆ ବାବାକେ ପାଚାରୁଲା, “ଏଟା ତମର୍ ପିଲା କି? ସେ
 ଜନ୍ମେ ଅନି କାଶାଟା ବଲି ତମେ କଇଲାସ୍ନି, ଏନ୍ତି ବଇଲେ ସେ କେନ୍ତି
 ଦେକିପାରୁଲାନି?” ୨୦ ତାର୍ ମାଆ ବାବା କଇଲା, “ଉଁ ଏଟା ଆମର୍ ପିଲା
 । ସେ ଜନ୍ମେଅନି କାଶା ରଇଲା ବଲି ଆମେ ଜାନି ଆରୁ । ୨୧ ମାତର୍ ଏବେ
 ସେ କେନ୍ତି ଦେକିପାରୁଲାନି ଆରି କେ ତାକେ ନିମାନ୍ କଲା ସେଟା ଆମେ
 ନାଜାନୁ । ସେ ଏବେ ବଡ୍ ଅଇଲା ଆତେ ତାକେ ପାଚାରା ସେ ନିଜେ କଇସି
 ।” ୨୨ ତାର୍ ମାଆ ବାବା ଜିଉଦି ନେତାମନ୍କେ ଡରି ଏନ୍ତି ବଲି କଇଦେଲା ।
 । କାଇକେ ବଇଲେ ଜିସୁକେ ଜଦି ମସିଅ ବଲି କଇସି ବଇଲେ ତାକେ
 ପର୍ମେସର୍କେ ଉପାସନା କର୍ବା ଗର୍ ବିତ୍ରେ ଜିବାକେ ନ ଦେଅତ୍ ବଲି
 ଆଗୁତୁସେ କଇରଇଲା । ୨୩ ସେଟାର୍ପାଇଁ ସେ ମାଆ ବାବା କଇଲା, “ସେ
 ତ ବଡ୍ ଅଇଲା ଆତେ, ତାକେ ପାଚାରା ।” ୨୪ ସେମନ୍ ସେ ଲକ୍କେ
 ଆରି ତରେକ୍ ବିତ୍ରେ ଡାକି କରି ପାଚାରୁଲା, “ପର୍ମେସର୍କେ ରାନ୍
 ପାକାଇ କ । ଜିସୁ ଗଟେକ୍ ପାପି ଲକ୍ ବଲି ଆମେ ଜାନୁ ।” ୨୫ ତାର୍ ପତେ
 ସେମନ୍କେ ସେ କଇଲା, “ସେ ପାପି ଲକ୍କି ନଏଁ ସେଟା ମୁଇ ଜାନି ନାଇ

। ମାତର୍ ମୁଈ ଗଟେକ୍ ବିସଇ ଜାନି ଆତି ସେଟା ଅଇଲାନି, ମୁଈ ଆଗ୍ତୁ କାଣା ରଇଲି, ଏବେ ଦେକି ପାର୍ଲିନି ।” ୨୭ ଜିଉଦି ନେତାମନ୍ ତାକେ ପାଚାର୍ଲାଇ, “ସେ ତକେ କାଇଟା କଲା? କେନ୍ତୁ ତର୍ ଆଁକି ପିଟାଇଦେଲା?” ୨୭ ସେ ସେମନ୍କେ କଇଲା, “ମୁଈ ଆଗ୍ତୁସେ କଇ ସାରାଇଆତି, ମାତର୍ ତମେ ମାନ୍ବାକେ ମନ୍ କରାସ୍ ନାଇ । ଏବେ ଆରି ତରେକ୍ କାଇକେ ପାଚାର୍ଲାଇସ୍ନି? ତମେ ମିସା କାଇ ତାର୍ ସିସ୍ ଅଇବାକେ ମନ୍କଲାସ୍ନି କି?” ୨୮ ସେମନ୍ ସାଇପ୍ ଦେଇ କଇଲା, “ତୁଇ କାଇ ତାର୍ ସିସ୍ ଅଇସ୍, ଆମେ ନଉଁ, ଆମେ ମସାର୍ ସିସ୍ମନ୍ । ୨୯ ପର୍ମେସର୍ ମସାର୍ତେଇ କାତା ଅଇରଇଲାଟା ଆମେ ଜାନିଆରୁ, ମାତର୍ ଏ ଲକ୍ କନ୍ତୁଅନି ଆଇଲାଆରେ, ସେଟା ନାଜାନୁ ।” ୩୦ ତାର୍ ପରେ ସେ ଲକ୍ ଜିଉଦି ନେତାମନ୍କେ କଇଲା, “ଏଟା ଗଟେକ୍ ବେସି ବଡ୍ କାବାଅଇଜିବା ବିସଇ । ସେ ଲକ୍ ମର୍ ଆଁକି ନିମାନ୍ କଲାଆରେ, ମାତର୍ ସେ କନ୍ତୁଅନି ଆଇଲା ଆରେ, ସେଟା ତମେ ନାଜାନୁ ବଲି କଇଲାସ୍ନି ।” ୩୧ ପାପି ଲକ୍ମନର୍ ପାର୍ତନା ପର୍ମେସର୍ ନ ସୁନେ ବଲି ସବୁ ଲକ୍ମନ୍ ଜାନିଆତଡ୍ । ମାତର୍ ଜନ୍ ଲକ୍ ପର୍ମେସର୍କେ ଛୁଆର୍ କରି ସେ ମନ୍କଲା ଇସାବେ ତଲାଚଲ୍ତି କଲାନି, ସେ ତାର୍ କାତା ସୁନ୍ସି । ୩୨ ଦୁନିଆ ଆରାମେଅନି, ଜନ୍ମେ ଅନି କାଣା ରଇଲା ଗଟେକ୍ ଲକ୍କେ ଆଁକି ଡିସାଇବାଟା ଏବେ ଜାକ ମିସା ନ ସୁନିରଇଲାଇ । (aiōn g165) ୩୩ ଏ ଲକ୍ ଜଦି ପର୍ମେସର୍ ଟାନେଅନି ଆସି ନ ରଇଲେ, କେବେ ମିସା ଏ କାମ୍ କରିନାପାର୍ତା । ୩୪ ସେବେଲା ଜିଉଦି ନେତାମନ୍ କଇଲା, “ତୁଇ ପାପେ ଜନମ୍ ଅଇକରି ପୁରାପୁରୁନ୍ ପାପେ ବୁଡି ଆରୁସ୍ । ତେଇଅନି ତୁଇ ବାଅଡ୍ । ଆମ୍କେ ସିକାଇଲୁସ୍ନି?” ଏନ୍ତି କଇକରି ସେମନ୍ ତାକେ ଜିଉଦିମନର୍ ପାର୍ତନା ଗରେଅନି ବାର୍କରାଇଦେଲାଇ । ୩୫ ଜିସୁ ସେ ଲକ୍କେ ପାର୍ତନା ଗରେ ଅନି ବାର୍ କରାଇ ଦେଲାଟା ସୁନି ଆରିତରେକ୍ ତାକେ ଦେକାଇଅଇ, ପାଚାର୍ଲା, “ତୁଇ ପର୍ମେସର୍ ତେଇଅନି ଆଇଲା ନର୍ପିଲାକେ ବିସ୍ବାସ୍ କଲୁସ୍ନି କି?” ୩୬ ସେ କାଣା ଲକ୍ କଇଲା, “ଏ ଆଗିଆଁ ସେ ଲକ୍ କେ? ମୁଈ ତାକେ ବିସ୍ବାସ୍ କର୍ବି ।” ୩୭ ଜିସୁ ତାକେ କଇଲା, “ତୁଇ ତାକେ ଦେକିଆରୁସ୍, ଆରି ଏବେ ଜନ୍ ଲକର୍ ସଞ୍ଜୁ କାତା ଅଇଲୁସ୍ନି, ସେ ଆକା ସେ ଲକ୍ ।” ୩୮ ସେବେଲା ସେ କଇଲା, “ମାପ୍ତୁ ମୁଈ ତକେ ବିସ୍ବାସ୍ କଲିନି ।” ଆରି ଜିସୁର୍ ମୁଆଟେ ମାଣ୍ଡିକୁଟା ଦେଇ

ଛୁଆର୍ କଲା । ୩୯ ଜିସୁ କଇଲା, “ମୁଇ ଏ ଦୁନିଆର୍ ଲକ୍ମନ୍‌କେ ବିଚାର୍ କରବାର୍ ଆସିଆତି । ସେଟାର୍ ପାଇ କାଣା ଲକ୍ମନ୍ ଦେକିପାର୍‌ବାଇ, ଆରି ଦେକିପାର୍‌ବା ଲକ୍ମନ୍ କାଣା ଅଇଜିବାଇ ।” ୪୦ ଜିସୁ ଏନ୍ତି କଇବା କାତା, ଲଗେ ରଇଲା କେତେଟା ପାରୁସି ଲକ୍ମନ୍ ସୁନିକରି ତାକେ ପାତାର୍‌ଲାଇ, “ଏନ୍ତି ବଇଲେ ଆମ୍‌କେ କାଇ କାଣା ଲକ୍ମନ୍ ବଲି ବାବ୍‌ଲୁସ୍‌ନି କି?” ୪୧ ଜିସୁ ସେମନ୍‌କେ କଇଲା, “ତମେ କାଣା ଅଇରଇତାସ୍ ଆଲେ ଦସି ନ ଅଇତାସ୍ । ମାତର୍ ଦେକି ପାର୍‌ଲୁନି ବଲି କଇଲାସ୍‌ନିଜେ ଅଦିକ୍ ଦସି ।”

୧୦ ଜିସୁ କଇଲା, “ମୁଇ ତମ୍‌କେ ସତ୍ କଇଲିନି, ଜେ ଦୁଆର୍ ବାଟେ ନ ଜାଇ ବିନ୍‌ବାଟେ ଜାଇ ମେଣ୍ଟାସାଲେ କେଟ୍‌ସି, ସେ ଚର୍ ଆରି କାଢ୍ଫାର୍ । ୨ ମାତର୍ ଜେ ଦୁଆର୍ ବାଟେ ଜାଇ ମେଣ୍ଟାସାଲେ କେଟ୍‌ସି, ସେ ମେଣ୍ଟା ରାସିର୍ ଗଉଡ୍ । ୩ ଜାଗୁଆଲ୍ ଦୁଆର୍ ଉଗାଡି ଦେଇସି ଆରି ନାଉଁ ଦାରି ତାକ୍‌ସି । ମେଣ୍ଟାମନ୍ ତାର୍ ତାକ୍‌ଲାଟା ସୁନ୍‌ବାଇ, ଆରି ସେମନ୍‌କେ ବାର୍‌କରାଇ ଦାରିଜାଇସି । ୪ ନିଜର୍ ସବୁ ମେଣ୍ଟାମନ୍‌କେ ବାଇରେ ଆନ୍‌ବା ବେଲେ, ସେ ଆଗେ ଆଗେ ଇଣ୍ଟୁସି ଆରି ମେଣ୍ଟାମନ୍ ତାର୍ ପତେ ପତେ ଜିବାଇ । କାଇକେବଇଲେ ମେଣ୍ଟାମନ୍ ତାର୍ ତାକ୍‌ଲାଟା ଜାନତ୍ । ୫ ମାତର୍ ମେଣ୍ଟାମନ୍ କେବେ ମିସା ନ ଚିନ୍‌ଲା ଲକର୍ ପର୍ ପର୍ ନ ଜାଅତ୍, ତାର୍‌ଲଗେଅନି ପାଲାଇବାଇ । କାଇକେବଇଲେ ସେମନ୍ ଅତିନାର୍ ଲକ୍ ତାକ୍‌ଲେ ନ ଜାଅତ୍ ।” ୬ ଜିସୁ ସେମନ୍‌କେ ଏନ୍ତି ଉଦାଅରଣ୍ ଦେଇ କଇଲା, ମାତର୍ ସେମନ୍ ତାର୍ ଅରତ୍ କାଇଟା ବଲି ବୁଜି ନାପାର୍‌ଲାଇ । ୭ ସେଟାର୍ ପାଇ ଜିସୁ ଆରିତରେକ୍ କଇଲା, “ମୁଇ ତମ୍‌କେ ସତ୍ କଇଲିନି ମୁଇ ମେଣ୍ଟାମନ୍‌ର୍ ତିଆଗତି । ୮ ମର୍ ଆଗ୍‌ତୁ ଜେତେଲକ୍ ଆସିଆତତ୍, ସେମନ୍ ସବୁଲକ୍ ଜାକ ଚର୍ ଆରି କାଢ୍ଫାର୍‌ମନ୍, ସେଟାର୍‌ପାଇ ମେଣ୍ଟାମନ୍ ତାକର୍ କାତା ମୁଲ୍‌କେ ସୁନତ୍‌ନାଇ । ୯ ମୁଇ ଦୁଆର୍, ଜଦି କେ ମିସା ମର୍ ବାଟେ ଆସି କେଟ୍‌ସି ବଇଲେ, ସେ ରକିଆପାଇସି, ଆରି ସେ ବିତ୍‌ରେ ଆରି ବାଇରେ ଜାଇ ଚାରି ପାର୍‌ସି । ୧୦ ଚର୍, ଚରାଇବାକେ, ମରାଇବାକେ, ଆରି ନାସ୍ କରବାକେସେ ଆଇସି, ମାତର୍ ମୁଇ ଜେନ୍ତିକି ସେମନ୍‌କେ ପୁରାପୁରୁନ୍ ଜିବନ୍ ଦେବାକେ ଆଇଲି ଆତି ।” ୧୧ ମୁଇ ନିମାନ୍ ମେଣ୍ଟା ଚାରାଉ ଗଉଡ୍ । ନିମାନ୍ ଗଉଡ୍ ମେଣ୍ଟାମନ୍‌ର୍ ଲାଗି ନିଜର୍ ଜିବନ୍ ମିସା ଦେଇସି । ୧୨ ଜେ ମେଣ୍ଟା ଚାରାଉ ନଏଁ, ମାତର୍ ବୁଡି ପାଉ, ମେଣ୍ଟାମନ୍ ତାର୍ ନିଜର୍‌ଟା ନଅତ୍, ସେଟାର୍‌ପାଇ ତୁର୍କା ଆଇବାଟା

ଦେକି ମେଣ୍ଟାମନ୍କେ ଚାଡ଼ି ପାଲାଈସି । ଆରି ତୁରକା ମେଣ୍ଟାମନ୍କେ ଦାରି
 ଚିନ୍ ଚତରୁ କରିଦେଇସି । ୧୩ ଜେ ବୁଡ଼ି ମିଲବଲି ମେଣ୍ଟା ଚାରାଇସି, ସେ
 ମେଣ୍ଟାମନ୍କେ ଚାଡ଼ି ଉଟିଜାଇସି । କାଇକେବଇଲେ ସେ ମେଣ୍ଟାମନରୁ ପାଇ
 ଚିନ୍ତା ନ କରେ । ୧୪ ମୁଇ ନିକ ମେଣ୍ଟା ଚାରାଉ । ବାବା ଜେନ୍ତୁରି ମକେ
 ଜାନେ, ମୁଇ ମିସା ସେନ୍ତି ବାବାକେ ଜାନି, ୧୫ ସେନ୍ତୁରିସେ ମୁଇ ମରୁ ନିଜରୁ
 ମେଣ୍ଟାମନ୍କେ ଜାନି । ଆରି ମେଣ୍ଟାମନ ମିସା ମକେ ଜାନତ୍ । ମୁଇ ସେମନରୁ
 ଲାଗି ମରୁ ଜିବନ୍ ଦେବାକେ ମିସା ରାଜି । ୧୬ ଏନ୍ତୁରି ମରୁ ବିନ୍ ମେଣ୍ଟାମନ
 ଆତତ୍ । ସେମନ ଏ ରାସି ଟାନେ ନାଇ, ମକେ ସେମନ୍କେ ମିସା ଆନ୍ବାକେ
 ପଡ଼ସି । ସେମନ ମୁଇ ଡାକ୍ବାଟା ସୁନ୍ବାଇ ଆରି ତେଇରୁ ଗଟେକ୍ ରାସି ଅଇ
 ରଇବାଇ । “ ୧୭ “ମରୁ ବାବା ମକେ ଆଲାଦ୍ କଲାନି, କାଇକେବଇଲେ ମୁଇ
 ମରୁ ଜିବନ୍ ଦେବାକେ ମନ କଲିନି । ଆରି ମରୁ ଜିବନ୍ ଦାନ କରବି ବଇଲେ
 ଆରିତରେକ୍ ସେଟା ପାଇବି । ୧୮ ମରୁ ଜିବନ୍ ବିନ୍ ଲକ୍ ନେଇ ନାପାରତ୍
 । ସେଟା ମୁଇ ନିଜେ ମନ୍କରି ଦାନ କରବି କି ଆରିତରେକ୍ ଆନ୍ବାକେ
 ମିସା ମରୁ ଅଦିକାରୁ ଆତେ । ମରୁ ବାବା ମକେ ଏ ଅଦିକାରୁ ଦେଇଆତେ
 ।” ୧୯ ଜିସୁରୁ ଏ ସବୁ କାତାରୁ ଲାଗି ଜିଉଦିମନ ବାଗ୍ ବାଗ୍ ଅଇଗାଲାଇ
 । ୨୦ ସେମନରୁ ବିତରେ କେତେକ୍ ଲକ୍ କଇବାରୁ ଦାରୁଲାଇ, “ତାକେ
 ତୁମା ଦାରିଆତେ, ସେ ବାୟାଟା, କାଇକେ ତାରୁ କାତା ସୁନ୍ଲାସୁନି?” ୨୧
 ମାତରୁ ବିନ୍ଲକ୍ମନ କଇଲାଇ, “ଏ ସବୁ କାତା ତା ତୁମା ଦାରି ରଇବା ଲକ୍
 କଇନାପାରେ । ତୁମା କାଇ କାଣା ଲକ୍ ଥାକି ନିମାନ୍ କରିଦେଇପାରେ କି?”
 ୨୨ ସେ ବେଲେ ସିତ୍ ବିନ୍ ଅଇରଇଲା ଆରି ଜିରୁସାଲାମ୍ ମନ୍କିରୁ ତିଆରୁ
 କଲା ପରବ୍ ଅଇତେରଇଲା । ୨୩ ତେଇ ଜିସୁ ମନ୍କିରେ ସଲ୍ମନରୁ ମଣ୍ଟୁପେ
 ବୁଲ୍ତେରଇଲା । ୨୪ ତେଇ ଜିଉଦିମନ ତାକେ ଚାରିବେଟ୍ତିଅନି ଡାବିଅଇ
 ପାତାରୁବାରୁ ଦାରୁଲାଇ, “ଆରି କେତେ ଦିନ୍ ଜାକ ଆମ୍ବକେ ନାଡାଈସୁ? ତମେ
 ଜଦି ପରମେସରୁ ବାଡ଼ି ପାଟାଇଲା ରାଜା ମସିଅ ଅଇରଇଲେ ଆମ୍ବକେ ସତ୍
 କାତା କ ।” ୨୫ ଜିସୁ ସେମନ୍କେ କଇଲା, “ମୁଇ ତମକେ ପରୁତୁମ୍ କଇଆତି,
 ମାତରୁ ମକେ ବିସ୍ବାସ୍ କରାସୁନାଇ । ମରୁ ବାବାରୁ ଅଦିକାରେ ମୁଇ ଜନ୍
 ଜନ୍ କାମ୍ମନ କଲିଆତି, ସେ ସବୁଜାକ ମରୁ ବିସଇରୁ ସାକି ଦେଲାନି । ୨୬
 ମାତରୁ ତମେ ମକେ ବିସ୍ବାସ୍ କରାସୁନାଇ, କାଇକେବଇଲେ ତମେ ମରୁ
 ମେଣ୍ଟାମନ ନୁଆସ୍ । ୨୭ ମରୁ ସବୁ ମେଣ୍ଟାମନ ମୁଇ ଡାକ୍ବାଟା ସୁନ୍ବାଇ,

ମୁଁ ଯେମନ୍ତଙ୍କେ ଜାଣି, ଆରି ସେମନ୍ତ ମର ପରେ ପରେ ଆଇବାଇ । ୨୮
 ଆରି ମୁଁ ଯେମନ୍ତଙ୍କେ ନ ସାର୍ବବା ଜିବନ୍ତ ଦେବି । ସେମନ୍ତ କେବେମିସା ନସ୍ତ
 ନ ଅଥର୍ । ସେମନ୍ତଙ୍କେ ମର ଆଡେଅନି କେ ମିସା ଚାଡାଇ ନେଇ ନାପାରନ୍ତ
 । (aiōn g165, aiōnios g166) ୨୯ ମର ବାବା ମକେ ଜନ୍ତା ଦେଲାଆଡେ,
 ସେଟା ସବୁଟାଣେଅନି ଅଦିକ୍ ମୁଲିଅ । ବାବାର୍ ଆଡେଅନି ସେଟା କେ ମିସା
 ଚାଡାଇ ନେଇ ନାପାରନ୍ତ । ୩୦ ବାବା ଆରି ମୁଁ ଗଟେକ୍ ସେ ।” ୩୧ ଏ କାତା
 ସୁନି ଲକ୍ମନ୍ତ ତାକେ ଆରିତରେକ୍ ମାର୍ବବାକେ ପାକ୍ନା ବେଟ୍ଲାଲ । ୩୨
 ଜିସୁ ସେମନ୍ତଙ୍କେ କଲଲା, “ମୁଁ ବାବାର୍ ଆଦେସ୍ ଇସାବେ ତମ୍‌କେ କେଡେକ୍
 କେଡେକ୍ ନିମାନ୍ କାମ୍ ଦେକାଇ ଆତି, ସେ ସବୁ ନିମାନ୍ କାମ୍ ବିଡ୍‌ରେଅନି,
 କନ୍ କାମର୍‌ପାଇ ମକେ ମାର୍ବବାକେ ପାକ୍ନା ବେଟିଆଟାସ୍?” ୩୩ ସେମନ୍ତ
 ତାକେ କଲଲା, “ନିମାନ୍ କାମର୍ ଲାଗି ତକେ ଆମେ ମାର୍ବବାକେ ପାକ୍ନା
 ବେଟୁନାଇ, ମାତର୍ ପର୍‌ମେସର୍‌କେ ନିନ୍ତୁ କଲୁସ୍‌ନି ବଲିକରି, ଆରି ତୁଇ
 ମନସ୍ ଅଇକରି ନିଜ୍‌କେ ପର୍‌ମେସର୍ ବଲାଇଅଇବାର୍ ଲାଗି ।” ୩୪ ଜିସୁ
 ସେମନ୍ତଙ୍କେ କଲଲା, “ତମର୍ ରିତିନିତି ଟାଣେ କାଇ ଏଟା ଲେକାନାଇ କି?
 ପର୍‌ମେସର୍ କଲଲା ତମେ ପର୍‌ମେସର୍ । ୩୫ ଆମେ ଜାନୁ ସାସ୍‌ତରର୍
 ବାକିଅ ସବୁ ଦିନର୍ ପାଇ ସର୍ । ପର୍‌ମେସରର୍ ବାକିଅ ଜନ୍‌ଲକ୍ମନ୍
 ଜାଣିଆଡର୍, ସେମନ୍ତଙ୍କ ପର୍‌ମେସର୍ ବଲି କୁଆ ଅଇଲାଆଡେ । ୩୬ ବାବା
 ମକେ ବାଚିକରି ଏ ଦୁନିଆଇ ପାଟାଇଆଡେ, ସେନ୍ତୁର୍ ଆଲେ ମୁଁ ନିଜ୍‌କେ
 ପର୍‌ମେସରର୍ ପ ବଲି କଲଲାକେ, ତମେ ମକେ କେନ୍ତୁ ପର୍‌ମେସର୍‌କେ
 ନିନ୍ତୁ କଲୁସ୍‌ନି ବଲି କଲଲାସ୍‌ନି? ୩୭ ମୁଁ ଜଦି ମର୍ ବାବାର୍ କାମ୍ ନ କରି,
 ସେନ୍ତୁର୍‌ଆଲେ ମକେ ବିସ୍‌ବାସ୍ କରାନାଇ । ୩୮ ଜଦି ମୁଁ ସେ ମନ୍‌କଲାଟା
 ପୁରାପୁରୁନ୍ କର୍‌ବି ବଇଲେ, ମକେ ବିସ୍‌ବାସ୍ ନ କଲେମିସା ମୁଁ କର୍‌ବା
 କାମ୍ ବିସ୍‌ବାସ୍ କରା । ସେଟାର୍ ପାଇ ତମେ ଜାଣିପାରାସ୍ ଜେ, ମର୍ ବାବା
 ପର୍‌ମେସର୍ ମର୍ ସଙ୍ଗୁ ଆଡେ ଆରି ମୁଁ ଚାର୍‌ଟାଣେ ଆତି ।” ୩୯ ସେମନ୍ତ
 ଆରିତରେକ୍ ଜିସୁକେ ଦାର୍‌ବାକେ ଚେସ୍‌ଟା କଲା, ମାତର୍ ଜିସୁ ସେମନ୍ତଙ୍କେ
 ଦାରାଇ ନ ଅଇକରି କସ୍‌ରି ଉଟିଗାଲା । ୪୦ ତାର୍‌ପରେ ସେ ଆରିତରେକ୍
 ଜର୍‌ଦନ୍ ଗାଡର୍ ସେପାଟେ ଉଟିଜାଇକରି ଆଗେ ଜଅନ୍ ଜନ୍ ଜାଗାଇ ତୁବନ୍
 ଦେଇ ରଇଲା, ସେ ଜାଗାଇ ଜାଇକରି ରଇଲା । ୪୧ ଆରି ବେସିଲକ୍ମନ୍
 ତାର୍‌ଲଗେ ଆସିକରି କଲଲା, “ଜଅନ୍ ସିନା କାଇ କାବାଅଇ ଜିବା କାମ୍

କରି ନ ରଇଲା, ମାତର୍ ଏ ଲକର୍ ବିସଇନେଇ ଜଅନ୍ ଜେଡକି କାତା
କଇରଇଲା, ସେ ସବୁ ସଡ୍ ଆକା ।” ୪୨ ଆରି ସେ ଜାଗାଇ ବେସି ଲକ୍ମନ୍
ଜିସୁକେ ବିସବାସ୍ କଲାଇ ।

୧୧ ବେଡନିଆ ଗଡେ ଲାଜାର୍ ନାଉର୍ ଗଟେକ୍ ଲକ୍ମନ୍ ଜର୍ ଅଇରଇଲା ।
ମରିୟମ୍ ଆରି ତାର୍ ବଇନି ମାର୍ତା ସେ ଗାଏଁ ରଇଲାଇ । ୨ ଏ ମରିୟମ୍
ଅଇଲାନି, ଜନ୍ ମାଇଜି କି ବେସି ଦାମ୍ଦେବା ବାସ୍ନା ଚିକନ୍ ଜିସୁର୍ ପାଦେ
ରକଇକରି ତାର୍ ଚେଣ୍ଟିସ୍ଟ୍ ପୁଟିଦେଇରଇଲା । ତାର୍ ବାଇ ଲାଜାର୍କେ
ଆକା ଜର୍ ଅଇରଇଲା । ୩ ସେଟାର୍ପାଇ ତାର୍ ବଇନିମନ୍ ଜିସୁର୍ ଲଗେ
କବର୍ ପାଟାଇଲାଇ, “ମାପ୍ଟୁ ତମେ ଜାକେ ଆଲାଦ୍ କଲାସ୍ନି, ସେ ବେସି
ଜର୍ ଅଇଲାଆଟେ ।” ୪ ମାତର୍ ଜିସୁ ଏ କାତା ସୁନିକରି କଇଲା, “ଏ ଜର୍
ମର୍ବାପାଇ ଅଏ ନାଇ, ମାତର୍ ପର୍ମେସରର୍ ମଇମାର୍ ପାଇ । ସେଟାର୍
ଲାଗି, ତାର୍ ପଅ, ମୁଇ ମିସା ମଇମା ପାଇବି ।” ୫ ଜିସୁ, ମାର୍ତା, ତାର୍
ବଇନି ଆରି ଲାଜାର୍କେ ବେସି ଆଲାଦ୍ କର୍ତେରଇଲା । ୬ ସେଟାର୍ପାଇ
ଲାଜାର୍ ନିକ ନ ରଇବା କବର୍ ପାଇ ଜିସୁ ଜନ୍ ଜାଗାଇ ରଇଲା, ସେ
ଜାଗାଇ ଆରି ଦୁଇଦିନ୍ ରଇଲା । ୭ ତାର୍ ପଟେ ସେ ସିସ୍ମନ୍କେ କଇଲା,
“ଆସା, ଆମେ ଆରିତରେକ୍ ଜିଉଦା ଦେସେ ବାଉଡି ଜୁ ।” ୮ ସିସ୍ମନ୍
ତାକେ କଇଲାଇ, “ଏ ଗୁରୁ, ତମ୍କେତା କେତେ ଦିନ୍ ଆଗେ, ଲକ୍ମନ୍
ପାକ୍ନା ସଢ୍ଘ୍ ମାର୍ବାକେ ଚେସ୍ଟା କର୍ତେରଇଲାଇ, ତମେ ଆରିତରେକ୍
ତେଇ ଜିବାକେ ମନ୍ କଲାସ୍ନି କି?” ୯ ଜିସୁ କଇଲା “ଗଟେକ୍ ଦିନେ
କାଇ ବାର ଗାଁଟା ଉଜଲ୍ ନ ରଏ କି? ଜନ୍ ଲକ୍ମନ୍ ଦିନ୍ବେଲାର୍ ଉଜ୍ଲେ
ରଇବାଇ, ସେମନ୍ ଜଟିଆଇ ନ ଅଅଡ୍, କାଇକେବଇଲେ ସେମନ୍କେ ଏ
ଜଗତର୍ ଉଜଲ୍ ଡିସ୍ସି । ୧୦ ମାତର୍ ରାତିଆ ଇଣ୍ଟୁଲେ ଜଟିଆଇ ଅଇବାଇ ।
କାଇକେବଇଲେ ସେମନ୍ରଟାଗେ ଉଜଲ୍ ନ ରଏ ।” ୧୧ ଜିସୁ ଏ ସବୁ କାତା
କଇଲା ପଟେ, ସିସ୍ମନ୍କେ କଇଲା, “ଆମର୍ ସବୁଲକର୍ ମଇତର୍ ଲାଜାର୍
ଏବେ ସଇଆଟେ, ତାକେ ମୁଇ ଉଟାଇବାର୍ ଗାଲିନି ।” ୧୨ ତେଇ ସିସ୍ମନ୍
ଜିସୁକେ କଇଲାଇ, “ମାପ୍ଟୁ, ଜଦି ସେ ସଇଲାଆଟେ ବଇଲେ ନିକ ଅଇସି ।”
୧୩ ଜିସୁ ଲାଜାର୍ ମରନ୍ ବିସଇ ନେଇକରି କଇରଇଲା, ମାତର୍ ସିସ୍ମନ୍
ଲାଜାର୍କେ ଗୁନର୍ଲାଗି ସଇଲା ବିସଇ କଇଲାନି ବଲି ବାବ୍ଲାଇ । ୧୪
ସେଟାର୍ପାଇ ଜିସୁ ସେମନ୍କେ ନିକ ସଢ୍ଘ୍ ବୁଜ୍ଲା ପାରା କଇଲା, “ଲାଜାର୍

ମରିଗାଲାଆଚେ । ୧୫ ଆରି ମୁଇ ତେଇ ନ ରଇଲି, ସେଟାପାଇ ତମର୍
 ସଞ୍ଜ ସାର୍ଦା କଲିନି, ଜେନ୍ତାରିକି ତମେ ବିସ୍ବାସ୍ କରସା । ମାତର୍ ଆସା,
 ଏବେ ଆମେ ତାକେ ଜାଇ ଦେକୁ ।” ୧୬ ତେଇ ତମା ନାଉଁର୍ ଜାକେ କି ବିଦୁମ୍
 ବଲି କଇବାଇ, ସେ ତାର୍ ସଞ୍ଜର୍ ସିସ୍‌ମନ୍‌କେ କଇଲା, “ଜୁ ଆମେ ମିସା
 ଗୁରୁର୍ ସଞ୍ଜ ଜାଇ ତାର୍‌ସଞ୍ଜ ମରୁ ।” ୧୭ ଜିସୁ ବେତ୍‌ନିଆଇ କେଟିକରି ସୁନ୍‌ଲା
 ଜେ ଲାଜାର୍‌କେ ସମାଦି ଦେଇ ତାର୍‌ଦିନ୍ ଅଇରଇଲା । ୧୮ ଜିରୁସାଲାମ୍ ଅନି
 ବେତ୍‌ନିଆ ତିନ୍ କିଲମିଟର୍ ତେଇଅନି ଉନାର୍ ବାଟ୍ । ୧୯ ଆରି ଜିଉଦିମନର୍
 ତେଇଅନି କେତେକ୍ କେତେକ୍ ଲକ୍‌ମନ୍ ମାର୍ତା ଆରି ମରିୟମ୍ ଲଗେ ତାର୍
 ମରିଜାଇରଇବା ବାଇର୍ ବିସଇ ସାଁତାଇବାକେ ଆସିରଇଲା । ୨୦ ଜିସୁ
 ଆଇଲାନି ବଲି ସୁନ୍‌ଲା ଦାପ୍‌ରେ ମାର୍ତା ତାକେ ବେଟ୍‌ଅଇବାର୍ ଗାଲା ।
 ମାତର୍ ମରିୟମ୍ ଗରେସେ ବସିରଇଲା । ୨୧ ମାର୍ତା ଜିସୁକେ କଇଲା,
 “ମାପ୍‌ରୁ ତମେ ଜଦି ଇତି ରଇତାସ୍ ବଇଲେ, ମର୍ ବାଇ ନ ମର୍ତା । ୨୨
 ମାତର୍, ମୁଇ ଜାନି ଆତି । ଏବେ ମିସା ତମେ ପର୍‌ମେସର୍‌କେ ଜାଇଟା
 ମାଞ୍ଜୁଲେ, ସେଟା ଦେଇସି ।” ୨୩ ଜିସୁ ତାକେ କଇଲା, “ତର୍ ବାଇ ଆରି
 ଜିବନ୍ ଅଇ ଉଟ୍‌ସି ।” ୨୪ ମାର୍ତା ଜିସୁକେ କଇଲା, “ସେ ସାରାସାରି ଦିନେ
 ଆରିତରେକ୍ ଉଟ୍‌ବା ବେଲାଇ ଉଟ୍‌ସି, ଏଟା ମୁଇ ଜାନି ।” ୨୫ ଜିସୁ ତାକେ
 କଇଲା, “ମୁଇ ଜିବନ୍ ଆରି ମରିକରି ଆରିତରେକ୍ ଉଟ୍‌ବା ଲକ୍ । ଜେ
 ମକେ ବିସ୍ବାସ୍ କରସି, ସେ ମଲେ ମିସା, ବର୍‌ସି । ୨୬ ଆରି ଜେ ଜଦି
 ବର୍‌ଟି ରଇକରି ବିସ୍ବାସ୍ କରସି, ସେ କେବେ ମିସା ନ ମରେ । ଏ କାତା
 ବିସ୍ବାସ୍ କଲାସ୍‌ନି କି?” (aiōn g165) ୨୭ ମାର୍ତା ଜିସୁକେ କଇଲା, “ଉଁ
 ମାପ୍‌ରୁ, ମୁଇ ବିସ୍ବାସ୍ କଲିନି । ତମେ ସେ ପର୍‌ମେସର୍‌ ପ । ଜନ୍ ମସିଅ
 ଏ ଜଗତେ ଆଇବାର୍ ରଇଲା, ତମେ ସେ ଆକା ।” ୨୮ ଏ ସବୁ କାତା
 କଇସାର୍‌ଲାପତେ ମାର୍ତା ଜାଇକରି ନିଜର୍ ବଇନିକେ କେ ନ ସୁନ୍‌ଲାପାରା
 ତାକି କଇଲା, “ଆଉ ଗୁରୁ ଆସିଆଚେ ଆରି ତକେ ତାକ୍‌ଲାନି ।” ୨୯ ମରିୟମ୍
 ଏ କାତା ସୁନିକରି ଦାନ୍ତା ପାନ୍ତା ଅଇ ଜିସୁକେ ବେଟ୍‌ ଅଇବାର୍ ଗାଲା ।
 ୩୦ ଜିସୁ ସେତ୍‌କିବେଲା ଗାଉଁ ବିଟ୍‌ରେ ଆସି ନ ରଇଲା, ମାତର୍ ମାର୍ତା
 ତାକେ ଜନ୍ ଜାଗାଇ ବେଟ୍ ଅଇରଇଲା, ତେଇସେ ରଇଲା । ୩୧ ମରିୟମ୍
 ଉଟିକରି ଦାନ୍ତା ପାନ୍ତା ଅଇ ବାଇରେ ସାଁତାଇବାକେ ଆସିରଇଲା ଲକ୍‌ମନ୍
 ଦେକ୍‌ଲାଇ, ସେମନ୍ ମିସା ତାର୍ ପତେ ପତେ ଗାଲାଇ । ସେମନ୍ ବାବ୍‌ଲାଇ,

ସେ କବର ଲଗେ କାନ୍ଥୁବାର୍ ଗାଲାନି । ୩୨ ତେଇ ଜିସୁ ଜନ୍ ଜାଗାଇରଇଲା,
 ମରିୟମ୍ ସେ ଜାଗାଇ କେଟ୍ଲା ଆରି ଜିସୁକେ ଦେକିକରି ତାର୍ ପାଦେ
 ଡାଣ୍ଡାସନ୍ ପତି କଇଲା, “ମାପୁରୁ ତମେ ଜଦି ଇତି ରଇତାସ୍ତାଲେ ମର୍
 ବାଇ ନ ମର୍ତା ।” ୩୩ ମରିୟମ୍ ତାକେ ଆରି ତାର୍ ସଢ଼ୁ ରଇବା ଲକ୍ମନ୍
 କାନ୍ଥୁତେରଇବାଟା ଦେକି ଜିସୁ ଆତ୍ମାଲ ବେସି ମନ୍ଦୁକ୍ ଅଇଗାଲା । ୩୪ ସେ
 ପାଟାର୍ଲା, “ତାକେ କନ୍ତି କବର ଦେଇଆତାସ୍?” ସେମନ୍ ତାକେ କଇଲାଲ,
 “ମାପୁରୁ ଆସିଦେକା ।” ୩୫ ଜିସୁ କାନ୍ଥୁଲା । ୩୬ ତେଇ ଜିଉଦି ଲକ୍ମନ୍
 କଇଲାଲ, “ଦେକା, ସେ ଲାଜାର୍କେ କେନ୍ତି ଆଲାଦ୍ କର୍ତେରଇଲା ।”
 ୩୭ ମାତର୍ ସେମନ୍ ବ୍ ବିତ୍ରେଅନି କେତେକ୍ ଲକ୍ କଇଲାଲ, “ଏ ଲକ୍
 ଜନ୍ କାଣାକେ ଆଁକି ଡିସାଇରଇଲା, ସେ ମନ୍କଲେ କାଇ ଏ ଲାଜାର୍
 ମରନ୍ ମିସା ତେବାଇ ନାପାର୍ତା କି?” ୩୮ ତେଇ ଆରିତରେକ୍ ଜିସୁ ମନ୍
 ବିତ୍ରେ କିଲ୍ବିଲ୍ ଅଇ ସମାଦି ଲଗେ ଗାଲା । ସମାଦିଟାମେ ଗଟେକ୍ ପାଆର୍
 ଆରି ପାଆର୍ ମୁଆଟେ ଗଟେକ୍ ବଡ଼ ପାକ୍ନା ଡାବିଅଇରଇଲା । ୩୯ ଜିସୁ
 ତିଆର୍ଲା, “ଏ ପାକ୍ନା ଗୁରାଇଦିଆସ୍ ।” ମରିଜାଉ ଲାଜାର୍ ବଇନି ମାର୍ତା
 କଇଲା, “ମାପୁରୁ ସେଟା କୁଇକରି ଗନ୍ତି ଗାଲାବେ, କାଇକେବଇଲେ, ତାକେ
 କବରଦେଇ ତାର୍ଦିନ୍ ଅଇଗାଲା ।” ୪୦ ଜିସୁ ମାର୍ତାକେ କଇଲା, “ତୁଇ
 ଜଦି ବିସ୍ବାସ୍ କର୍ସୁ ବଇଲେ ପର୍ମେସରର୍ ମଇମା ଦେକ୍ସୁ ବଲି ମୁଇ
 ତକେ କଇ ନ ରଇଲି କି?” ୪୧ ତେଇ ସେମନ୍ ପାକ୍ନା ଗୁରାଇଲା । ଜିସୁ
 ସରଗ୍ବାଟେ ମୁ କରି କଇଲା, “ବାବା ତମେ ମର୍ ପାର୍ତନା ସୁନ୍ଲାସ୍ ବଲି
 ମୁଇ ତମ୍କେ ଦନିଅବାଦ୍ ଦେଲିନି । ୪୨ ତମେ ଜେତେବେଲେ ମିସା ମର୍
 ପାର୍ତନା ସୁନ୍ସା, ଏଟା ମୁଇ ଜାନି, ମାତର୍ ଜନ୍ ଲକ୍ମନ୍ ଏ ଚାରିବେଡ଼ି
 ତିଆଅଇ ଆତର୍, ସେମନ୍ ଜେନ୍ତିକି ତମେଆକା ମକେ ପାଟାଇଆତାସ୍ ବଲି
 ବିସ୍ବାସ୍ କର୍ବାଇ, ଏଟାର୍ ପାଇ ମୁଇ ଏନ୍ତିବଲି କଇଲି ।” ୪୩ ଏନ୍ତି କଇ
 ସାରାଇ ଜିସୁ ଆକ୍ମାରି ଡାକ୍ଲା, “ଲାଜାର୍ ତୁଇ ବାରଇ ଆଉ ।” ୪୪
 ଡାକ୍ଲା ଦାପ୍ରେ ମଲା ଲାଜାର୍ ବାରଇ ଆଇଲା । ତାର୍ ଆତେ ଗଡେ ମଡା
 ଲୁଗା ବାନ୍ଧୁଅଇରଇଲା । ମୁଏ ମିସା ଗର୍ଣ୍ଣା ଗୁଡିଆଇ ଅଇରଇଲା । ଜିସୁ
 ସେମନ୍କେ କଇଲା “ତାକେ ବାନ୍ଧୁଲାଟା କୁସ୍ଲାଇ କରି, ଜିବାକେ ଦିଆସ୍
 ।” ୪୫ ଜିଉଦି ଲକ୍ମନ୍ ବ୍ ବିତ୍ରେଅନି, ବେସି ଲକ୍ ମରିୟମ୍ ଲଗେ
 ଆସିରଇଲାଲ, ଆରି ଜିସୁର୍ ଏ କାମ୍ ଦେକି, ତାକେ ବିସ୍ବାସ୍ କଲାଲ । ୪୬

ଆରି ସେମନର୍ ବିତ୍ତରେଅନି କେତେଲକ୍ ପାରୁସିମନର୍ ଲଗେ ଜାଇକରି ଜିସୁ କରି ରଇବା କାମ୍ ଲକ୍ମନକେ ଜାନାଇଲା । ୪୭ ପତେ ମୁକ୍ତିଅ ପୁଜାରିମନ୍ ଆରି ପାରୁସିମନ୍ ଗଟେକ୍ ବଡ଼ ପିତାଦି ତାକାଇ କଇଲା, “ଆମେ କାଇଟା କରୁ? ଦେକା ଏ ଲକ୍ ତା କେତେକ୍ କେତେକ୍ କାବାଅଇଜିବା କାମ୍ମନ କଲାନି । ୪୮ ଆମେ ଜଦି ଆକେ ଏନ୍ତାରି ଚାଡିଦେଉଁ ବଇଲେ ସବୁଲକ୍ ତାର୍ଟାନେ ବିସ୍ବାସ୍ କରବାଇ ଆରି ରମିୟୁ ଅଦିକାରି ଆସିକରି ଆମର୍ ଏ ମନୁର ଆରି ଆମର୍ ବିସ୍ବାସ୍ କରବା ଦରମ୍ ସବୁ କୁରୁପ୍ନାସ୍ କରିପାକାଇସି ।” ୪୯ ମାତର୍ ସେମନର୍ ବିତ୍ତରେଅନି ଗଟେକ୍ କୟାପା ନାଉଁର୍, ସେ ବରସର୍ ପାଇ ବାଟିରଇବା ବଡ଼ ପୁଜାରି, କଇଲା “ତମେ କେତେ ବକୁଆ ଲକ୍ମନ! ୫୦ ତମେ କାଇ ବୁଜି ନାପାରୁଲାସ୍ନି? ଗୁଲାଇ ଜାତି ନାସ୍ ଅଇବା ବାଦୁଲେ ଗଟେକ୍ ଲକ୍ ମରବାଟା ନିକ ।” ୫୧ କୟାପା ସତଇସେ ତାର୍ ନିଜର୍ଟାନେ ଅନି ଏନ୍ତି କଇ ନ ରଇଲା, ମାତର୍ ସେ ବରସର୍ ବଡ଼ ପୁଜାରି ଅଇରଇଲାର୍ ଲାଗି ପତର୍ ଗଟ୍ନା ସବୁ ବବିସଡ଼କାତା ତାର୍ ମୁସ୍ ଅନି ବାରଇରଇଲା । ସେ ଜାନିଦେଇ ରଇଲା ଜେ, ୫୨ ତିନ୍ ଚତର୍ ଅଇଜାଇରଇବା ପର୍ମେସରର୍ ଲକ୍ମନକେ ଚୁଲିଆଇ, ଗଟେକ୍ କୁଟୁମ୍ କରାଇବାକେ ଜିସୁ ମରବାକେ ଗାଲାନି । ୫୩ ତେବର୍ପାଇ ସେ ଦିନେଅନି ଜିଉଦିନେତାମନ୍ ଜିସୁକେ ମରାଇବାକେ ପାଁଟ୍ନା କଲା । ୫୪ ତେବେ ଜିସୁ ଜିଉଦି ଲକ୍ମନର୍ ବିତ୍ତରେ ସବୁଲକ୍ ଜାନ୍ଲା ପାରା ବୁଲାଚାଲା ନ କର୍ତେ ରଇଲା । ସେ ଜାଗାଇଅନି ବାରଇଜାଇକରି, ମରୁବାଲି ବୁସ୍ ରଇବା କିନରା ଜାଗାଇ ରଇଲା ଏପ୍ପରଇମ୍ ନାଉଁର୍ ଗଟେକ୍ ଗତେ ଜାଇ ସିସ୍ମନର୍ ସଢ଼ୁ ତେଇ ରଇଲା । ୫୫ ଜିଉଦିମନର୍ ନିସ୍ତାର୍ ପରବ୍ କେଟିଆଇଲା । ସେ ପରବ୍ ଅଇବା ଆଗ୍ତୁ ନିଜେ ନିଜେ ସୁକଲ୍ ଅଇବାକେ ଗୁଲାଇ ରାଇଜର୍ ଲକ୍ମନ ନିସ୍ତାର୍ ପରବ୍ ଆଗ୍ତୁ ଜିରୁସାଲାମ୍ ଜିବାକେ ବାଟ୍ଦାରୁଲା । ୫୬ ସେମନ୍ ଜିସୁକେ କଇଲା ଆରି ମନୁର ଚିଆଅଇଲାବେଲେ ତାକର୍ ତାକର୍ ବିତ୍ତରେ କୁଆବଲା ଅଇଲା, “ସେ ପରବ୍ଟାନେ ନ ଆସେବଲି କାଇ ତମେ ବାବୁଲାସ୍ନି କି?” ୫୭ ମୁକ୍ତିଅ ପୁଜାରି ଆରି ପାରୁସି ଲକ୍ମନ୍ ଜିସୁକେ ଦାର୍ବାକେ ସେ କନ୍ତି ଆତେ ଜାନିରଇବାଇ ବଲି, ସେଟା ଆଦେସ୍ ଦେଇରଇଲା ।

୧୨ ଏତକ ବିତ୍ତରେ ଜିସୁ ନିସ୍ତାର ପରବ୍ ଅଇବାକେ ଚ ଦିନର୍ ଆଗ୍ତୁ
 ବେତ୍ନିଆ ଗାଲା । ତେଇ ଲାଜାରର୍ ଗର୍ । ଜିସୁ ଏ ଲାଜାରକେସେ
 ମଲାଟାନେଅନି ଉଟାଇରଇଲା । ୨ ସେ ରାତି ତେଇ ଜିସୁର୍ପାଇ ଗଟେକ୍
 ବଜି ଟିକ୍ କଲାଇ । ଆରି ମାର୍ତ୍ତା ସେମନ୍କେ କୁଆପୁଟା କରାଇତେରଇଲା
 । ଲାଜାର୍ ଜିସୁର୍ ସଞ୍ଜ୍ ବଜିତେଇ ବସି ରଇଲା । ୩ ସେତ୍ତକିବେଲେ
 ମରିୟମ୍ ଜଟାମାଉଁସ୍ ନାଉଁର୍ ବେସି ଦାମେ ତିଆର୍ ଅଇଲା ଅଦ୍ ଲିଟର୍
 ବାସ୍ନା ଟିକନ୍ ଆନି ଜିସୁର୍ ପାଦେ ରକଇ ନିଜର୍ ଚେଣ୍ଡିସଞ୍ଜ୍ ପୁଟିଦେଲା ।
 ଆରି ସେ ଟିକନର୍ ସୁନ୍ଦର୍ ବାସ୍ନା ଗୁଲାଇ ଗର୍ ଗମ୍ବିଗାଲା । ୪ ଜିସୁର୍
 ସିସ୍ମନର୍ ବିତ୍ତରେ ଅନି ଇସ୍କାରିୟତ୍ ଜିଉଦା ନାଉଁର୍ ସିସ୍, ଜେ କି ଜିସୁକେ
 ସତ୍ତୁମନେକ୍ ସର୍ପିଦେବାକେ ଜାଇତେ ରଇଲା, ସେ କଇଲା, ୫ “ଏ ବାସ୍ନା
 ଟିକନ୍ ତିନ୍ ସଅ ରୁପା ଟାଙ୍ଗୁକେ ବିକିକରି ସେ ତାରୁ ଗରିବ୍ ଲକ୍ମନକେ
 ଦେଲେ ନଇତା କି?” ୬ ଇସ୍କାରିୟତ୍ ଜିଉଦା ଗରିବ୍ ଲକ୍ମନର୍ପାଇ ଚିନ୍ତା
 କର୍ତ୍ତେରଇଲାଜେ ଏନ୍ତି କଇଲା ବଲି ନାଇ, ମାତର୍ ସେ ଗଟେକ୍ ଚର୍ ।
 ତାର୍ ଦାଇତେ ରଇଲା ଟାଙ୍ଗୁମୁନା ଟାନେଅନି ସେ ନିଜର୍ ପାଇ କେତେକ୍
 କେତେକ୍ ଲୁଟାଇ ନେଇତେରଇଲା । ୭ ମାତର୍ ଜିସୁ କଇଲା, “ତାକେ
 କାଇଟା ବଲି କୁଆ ନାଇ, ତାର୍ଟାନେ ଜେତ୍ତକି ଆତେ, ସେଟା ଜେନ୍ତିକି ମର୍
 ସମାଦି ଦିନର୍ପାଇ ସଞ୍ଜ୍ଆତେ । ୮ ଗରିବ୍ ଲକ୍ମନ୍ ତା ସବୁବେଲେ ତମର୍
 ସଞ୍ଜ୍ ରଇଲାଇନି, ମାତର୍ ମୁଇ ସବୁବେଲେ ନ ରଇ ।” ୯ ଏତକିବିତ୍ତରେ
 ଜିସୁ ବେତ୍ନିଆଇ ଆତେ ବଲି ଜାନିକରି ବେସି ଜିଉଦି ଲକ୍ମନ୍ ଆଇଲାଇ
 । ଅବ୍କା ଜିସୁକେ ସେ ଦେକ୍ବାକେ ନାଇ, ମାତର୍ ଜନ୍ ଲାଜାରକେ ଜିସୁ
 ମଲାଟାନେଅନି ଉଟାଇରଇଲା ତାକେ ମିସା ଦେକ୍ବାର୍ ଆସିରଇଲାଇ ।
 ୧୦ ମାତର୍ ମୁକିଅ ପୁଜାରିମନ୍ ଲାଜାରକେ ମିସା ମରାଇବାକେ ଜଜ୍ନା
 କଲାଇ । ୧୧ କାଇକେବଇଲେ ତାର୍ଲାଗି ବଲି କେତେକ୍ କେତେକ୍ ଜିଉଦି
 ଲକ୍ମନ୍ ନେତାମନ୍କେ ଚାଡି ଜିସୁକେ ବିସ୍ବାସ୍ କର୍ତ୍ତେରଇଲାଇ । ୧୨
 ତାର୍ ଆର୍କର୍ ଦିନେ ରକିଆପାଇବା ପରବେ ଆସିରଇବା ବେସି ଲକ୍ମନ୍
 ଜିସୁ ଜିରୁସାଲାମ୍ ଆଇଲାନି ବଲି ସୁନ୍ଲାଇ । ୧୩ ସେଟାର୍ ପାଇ ସେମନ୍
 କଜ୍ରିତାଲ୍ ଦାରି ଜିସୁକେ ବେଟ୍ଅଇବାର୍ ଗାଲାଇ, ଆରି ଆଉଲିଅଇକରି
 କଇଲାଇ, “ଅସାନା, ଜେ ମାପ୍ତୁର୍ ନାଉଁଦାରି ଆଇଲାନି ତାର୍ ମଞ୍ଜୁଲ୍ ଅ,
 ପର୍ମେସର୍ ତାକେ ଆସିର୍ବାଦ୍ କର । ସେ ଇସ୍ରାଏଲର୍ ରାଜା ତାକ୍ପୁଟା

ପାଅ ।” ୧୪ ଆରି ଜିସୁ ଗଟେକ୍ ଗଦ ପିଲାଋ ଉପ୍ରେ ବସି ଆଇତେ ରଇଲା । ଜେନ୍ତିକି ସାସ୍ତରେ ଲେକାଅଇଲା ଏ ବବିସର୍ କାତା ସିଦ୍ ଅଇଲା । ୧୫ “ଏ ସିୟନ୍ ନଅରୁ ଲକ୍ମନ୍, ତମେ ତରାନାଇ ଦେକା ତମର୍ ରାଜା ଗଟେକ୍ ଗଦ ପିଲାଋ ଉପ୍ରେ ବସି ଆଇଲାନି ।” ୧୬ ପର୍ତୁମ୍ ପର୍ତୁମ୍ ଜିସୁର୍ ସିସ୍ମନ୍ ଏ ବିସଇ ବୁଜି ନ ରଇଲାଇ । ମାତର୍ ଜିସୁ ଜେତେବେଲା ମଲାଟାନେଅନି ଉଟ୍ଲା ପତେ ଏ ସବୁଜାକ ଲେକା ଏତାଇଲାଇଜେ, ସାସ୍ତରେ ତାର୍ ବିସଇସେ ଲେକା ଅଇରଇଲା । ଆରି ସେମନ୍ ତାର୍ ପାଇ ସବୁ କାମ୍ କରିରଇଲାଇ । ୧୭ ଜିସୁ ଲାଜାର୍କେ ମଲାଟାନେଅନି ଉଟାଇକରି ସମାଦିଅନି ବାରଇବାକେ କଇଲାବେଲେ ଜନ୍ ଲକ୍ମନ୍ ଜିସୁର୍ ସଢ୍ଠୁ ରଇଲାଇ, ସେମନ୍ ସେ ଗର୍ମା ବିସଇର୍ ସାକି ଦେବାର୍ ଦାର୍ଲାଇ । ୧୮ ସେଟାର୍ପାଇ ଲକ୍ମନ୍ ତାକେ ବେଟ୍ଅଇବାକେ ଜାଇରଇଲାଇ । କାଇକେବଇଲେ ସେ ଆକା ଏ କାବା ଅଇବା କାମ୍ମନ୍ କଲାନି ବଲି ସେମନ୍ ସୁନିରଇଲାଇ । ୧୯ ତେଇ ପାରୁସିମନ୍ ତାକର୍ ତାକର୍ ବିତ୍ରେ କୁଆବଲା ଅଇଲାଇ, “ଦେକ୍ଲାସ୍ନି କାଇକି, ଆମେ ତେସ୍ତା କଲାଟା ଗଟେକ୍ ମିସା ଅଏନାଇ, ଦେକାନି ଗୁଲାଇ ଦୁନିଆଜାକ ତାର୍ ପତେ ଗାଲାନି ।” ୨୦ ନିସ୍ତାର୍ ପରବ୍ କର୍ବାକେ ଆସିରଇବା ଲକ୍ମନ୍ ବିତ୍ରେ ଗିରିକ୍ ଲକ୍ମନ୍ ମିସା କେତେଲକ୍ ରଇଲାଇ । ୨୧ ସେମନ୍ ପିଲିପ୍ ଲଗେ ଆସି ତାକେ କଇଲାଇ, “ଏ ଆଗିଆଁ ଆମେ ଜିସୁକେ ଦେକ୍ବାକେ ମନ୍ କଲୁନି ।” ପିଲିପ୍ ବେତ୍ସାଇଦାର୍ ଲକ୍ ରଇଲା । ୨୨ ପିଲିପ୍ ଜାଇ ଆନ୍ତୁରିୟକେ ଏ କବର୍ ଜାନାଇଲାକେ ସେମନ୍ ଜାଇ ଜିସୁକେ କଇଲାଇ । ୨୩ ଜିସୁ ସେମନ୍କେ କଇଲା, “ପର୍ମେସର୍ତେଇ ଅନି ଆଇଲା ନର୍ପିଲା ମୁଇ ତାକ୍ପୁଟା ପାଇବା ବେଲା ଆସି କେଟି ଆତେ । ୨୪ ମୁଇ ତମ୍କେ ସତ୍କାତା କଇଲିନି ଜଦି ଗଅମ୍ ମୁଞ୍ଚି ବୁଏଁ ଅଦ୍ରି ନ ମର୍ବା ଜାକ ସେନ୍ତିସେ ରଇସି । ସେଟା ମଲେ ସେ ବେସି ମୁଞ୍ଚି ଦାର୍ସି । ୨୫ ଜେ ନିଜର୍ ଜିବନ୍କେ ବେସି ଆଲାଦ୍ କର୍ସି, ସେ ସେଟା ଆରାଇସି । ଜେ ନିଜର୍ ଜିବନ୍ ଗିନ୍ କର୍ତେରଇସି, କାଲ୍ କାଲ୍ ଛୁଟ୍ ଛୁଟ୍ ଜାକ ତାର୍ ଜିବନ୍ ରକିଆ କର୍ସି । (aiōnios g166) ୨୬ ଜନ୍ ଲକ୍ ମର୍ ସେବା କର୍ବାକେ ମନ୍ କଲାନି, ସେ ମର୍ ସଢ୍ଠୁ ଆସ । ମୁଇ ଜନ୍ ଜାଗାଇ ରଇବି, ମର୍ ସେବା କାମ୍ କର୍ବା ଲକ୍ମନ୍ମିସା ସେ ଜାଗାଇ ରଇବାଇ । ଆରି ସେ ମର୍ ଆରି ମର୍ ବାବା ପର୍ମେସରର୍ ସନ୍ମାନ୍ ପାଇସି ।” ୨୭ ଏବେ ମର୍ ଜିବନ୍ ବେସି ବାୟାବିକଲ୍

ଅଇଗାଲାନି । କାଇଟା କଇବି? ଏ ବାବା ମକେ ଏ ଦୁକର୍ ବେଲାଅନି
 ରକିଆ କର୍ ବଲି ଗୁଆରି କର୍ବି କି? ନାଇ ସେନ୍ତି ନ କଇ । ଦୁକ୍ କସ୍ତ
 ମୁରବବାକେ ସେ ମୁଇ ଆଇଲିଆତି । ୨୮ ଏ ବାବା ତର୍ ନାଉଁ ତାକ୍ପୁଟା
 କର । ସେ ବେଲା ସର୍ଗେଅନି ଏ କାତା କଇବା ସବଦ୍ ଆଇଲା, “ମର୍
 ନାଉଁ ତାକ୍ପୁଟା କଲିଆତି, ଆରି ତରେକ୍ ତାକ୍ପୁଟା କର୍ବି ।” ୨୯ ତେଇ
 ଚିଆଅଇ ରଇଲା ଲକ୍ମନ୍ ଏ ସବଦ୍ ସୁନି କରି “ଏଟା ବାଦଲ୍ ଗୁଡ୍‌ଗୁଡ୍‌ଲା”
 ବଲି କଇଲା । ମାତର୍ ଅଦେକ୍ ଲକ୍ମନ୍, “ସର୍ଗେଅନି ଗଟେକ୍ ଦୁଡ୍
 ତାର୍ ସଢ୍ଘ କାତା ଅଇଲାନି” ବଲି କଇଲା । ୩୦ ଜିସୁ ସେ ଲକ୍ମନ୍‌କେ
 କଇଲା, “ଏ ସବଦ୍ ମର୍ ପାଇ ଅଏନାଇ, ମାତର୍ ତମର୍ ପାଇସେ ଅଇଲା ।
 ୩୧ ଏବେ ଏ ଦୁନିଆର୍ ବିତାର୍ କର୍ବା ଦିନ୍ କେଟ୍‌ଲା ଆତେ, ଏ ଦୁନିଆର୍
 ସାସନ୍ କରୁକେ ମୁଇ ବାଇରେ ପିଢ୍ଘିଦେବି । ୩୨ ଆରି ମକେ କୁର୍ସେ
 ଟେକ୍‌ଲେ, ସବୁ ଲକ୍ମନ୍‌କେ ମର୍ବାଟେ ଜିକ୍‌ବି” ବଲି କଇଲା । ୩୩ ସେ
 କେନ୍ତିଅଇ ମର୍ବାକେ ଗାଲାନି, ସେଟା ଜାନାଇବାକେ ଏନ୍ତି କଇରଇଲା
 । ୩୪ ସେବେଲା ସବୁ ଲକ୍ମନ୍ ତାକେ କଇଲା, “ମସିଅ ସବୁ ଦିନର୍
 ପାଇ ବଠି ରଇସି ବଲି ଆମର୍ ସାସ୍ତରେ ଲେକା ଆତେ । ତୁଇ କେନ୍ତି
 ପର୍ମେସରର୍ ପିଲାକେ କୁର୍ସେ ଟେକ୍‌ବାଇ ବଲି କଇଲୁସ୍‌ନି? ଏନ୍ତିବଇଲେ
 ପର୍ମେସରର୍ ଟାନେଅନି ଆଇଲା ନର୍‌ପିଲା କେ ତେବେ?” (aiōn g165)
 ୩୫ ଜିସୁ ସେମନ୍‌କେ କଇଲା, “ଏବେ ତମର୍ ମୁଆଟେ ଜନ୍ ଉଜଲ୍, ଉଜଲ୍
 ଦେଲାନି, ସେଟା ଚନେକର୍‌ପାଇସେ ରଇସି । ଜନ୍ ଜାଗାଇ ଜିବାର୍ ଆତେ,
 ଉଜଲ୍ ରଇତେ ଆକା ଇଶ୍ଟା । ସେନ୍ତୁରୁଆଲେ ତମ୍‌କେ ଆନ୍ତୁର୍ ନ ତାବେ ।
 ଆନ୍ତୁରେ ରଇବା ଲକ୍ କେନେ ଗାଲାନି ସେଟା ନାଜାନେ । ୩୬ ସେଟାର୍ ପାଇ
 ତମର୍ ଲଗେ ଉଜଲ୍ ରଇତେସେ ଉଜଲ୍ ପାରା ରଇବା ମର୍‌କାତା ବିସ୍‌ବାସ୍
 କରା । ତେବେ ତମେ ଉଜଲ୍ ଲକ୍ ଅଇସା” ବଲିକରି କଇଲା । ଜିସୁ ଏ
 କାତା କଇକରି ଉଟିଗାଲା ଆରି ସେମନ୍‌କେ ନ ଦେକାଇଅଇକରି ରଇଲା ।
 ୩୭ ଜିସୁ ସେମନ୍‌ର୍ ଦେକ୍‌ତେ କେତେକ୍ କେତେକ୍ କାବା ଅଇଜିବା କାମ୍‌ମନ୍
 କରିରଇଲେ ମିସା, ସେମନ୍ ତାକେ ବିସ୍‌ବାସ୍ କରନ୍‌ନାଇ । ୩୮ ଜେନ୍ତୁରି
 ଜିସାୟ୍ ବବିସ୍‌ତବକ୍‌ତା କଇଲା କାତା ସର୍ ଅଇଲା । ସେ ଏନ୍ତି କଇରଇଲା,
 “ଏ ମାପ୍‌ରୁ ଆମେ କଇଲା କାତା ସୁନିକରି କେ ବିସ୍‌ବାସ୍ କଲାଆତେ?
 ଆରି ମାପ୍‌ରୁ କାର୍‌ଲଗେ ତାର୍ ରକିଆ କର୍ବା ବପୁ ଦେକାଇଲା?” ୩୯

ସେଟାପାଇଁ ସେମନ୍ ବିସ୍ତାପ୍ତ ନ କରୁତେରଇଲା । ତେବେ ଜିସାୟ
 ଆରିତରେକ୍ କଇଲାଆତେ, ୪୦ ପର୍ଯ୍ୟନ୍ତ ଜେନ୍ତୁକି ତାକର୍ ଦେକ୍ବା ଆଁକି
 କାଣା କରିଦେଇଆତେ ଆରି ସେମନ୍ ବୁଜ୍ବା ବପୁ ନସାଇଦେଇଆତେ
 ସେଟାପାଇଁ ସେମନ୍ ଦେକି ନାପାରୁଲାକି କି ମୁଲ୍କେ ବୁଜି ନାପାରୁଲାକି
 । ସେମନ୍ ନିକ ଅଇବାକେ ମର୍ତ୍ତ୍ୟେନେ ବାଉଡି ଆସତ୍ନାଇ । ଏଟା ପର୍ଯ୍ୟନ୍ତ
 କଇଲାକି । ଆମେ ସେମନ୍କେ ନିକ ନ କରୁ । ୪୧ ଜିସାୟ ବସିସତ୍ବକ୍ତା
 ପୁର୍ବେ ଜିସୁ ମାପୁରୁ ଏ ସବୁ ମଇମା ଜାନିରଇଲାଜେ ଏନ୍ତୁ ବଲି କଇରଇଲା
 । ୪୨ ଏଲେ ମିସା ଜିଉଦି ନେତାମନ୍ ବିତ୍ରେଅନି କେତେ ଲକ୍ ତାକେ
 ବିସ୍ତାପ୍ତ କଲା । ମାତର୍ ସେମନ୍ ପାରୁସି ମନର୍ଲାଗି ପାର୍ତନା ଗରେ ଅନି
 ବାର୍ତ୍ତକରଇଦେବାଇ ବଲି ଡରିକରି କାତାବାର୍ତା ନ ଅଇତେ ରଇଲା । ୪୩
 ସେମନ୍ ପର୍ଯ୍ୟନ୍ତକେ ମାନାଇବା ଟାନେଅନି ଲକ୍ମନ୍କେ ମାନାଇବାଟା
 ଅଦିକ୍ ନିକ ବଲି ବାବ୍ତେରଇଲା । ୪୪ ଜିସୁ ଆଉଲିଅଇ କଇଲା, “ଜନ୍
 ଲକ୍ ମକେ ବିସ୍ତାପ୍ତ କରୁସି, ସେ ମକେସେ ବିସ୍ତାପ୍ତ କରେନାଇ, ମକେ
 ଜେ ପାଟାଇଲା ଆତେ, ତାକେ ମିସା ବିସ୍ତାପ୍ତ କଲାକି ।” ୪୫ ଜେ ମକେ
 ଦେକି ଆତେ, ସେ ମକେ ପାଟାଇକେ ମିସା ଦେକି ଆତେ । ୪୬ ମୁଇ ଜଗତର୍
 ଉଜ୍ଜ୍ ଅଇ ଆଇଲିଆତି । ଜେ ମକେ ବିସ୍ତାପ୍ତ କରୁସି, ସେ ଆରି ଆନୁରେ
 ନ ରଏ । ୪୭ ଜେ ମର୍ ବାକିଅ ସୁନି ନ ମାନେ, ମୁଇ ତାର୍ ବିଚାର୍ ନ କରି ।
 କାଇକେବଇଲେ ମୁଇ ଜଗତର୍ ଲକ୍ମନ୍କେ ବିଚାର୍ କରୁବାର୍ ଆସିନାଇ,
 ମାତର୍ ସେମନ୍କେ ରକିଆ କରୁବାର୍ ଆସିଆତି । ୪୮ ଜେ ମକେ ନିତି କରି
 ମର୍ ବାକିଅ ନ ମାନେ, ମର୍ ଟଣ୍ଟୁର୍ ବାକିଅ ତାର୍ ବିଚାର୍ କାରିଆ ଅଇସି ।
 ସାରାସାରି ଦିନେ ସେ ବାକିଅସେ ତାକେ ବିଚାର୍ କରୁସି । ୪୯ ମୁଇ ନିଜର୍
 ମନେ ଅନି କାଇଟା ମିସା କଇନାଇ, ଏ କାତା ସତ୍ । ମାତର୍ ମୁଇ କଇବାଟା
 ମକେ ପାଟାଇରଇବା ବାବା ଆଦେସ୍ ଦେଇଆତେ । ୫୦ ଆରି ମୁଇ ଜାନିଆତି,
 ତାର୍ ଆଦେସ୍ ନ ସାର୍ବା ଜିବନ୍ ଦେଇସି । ମର୍ ବାବା ମକେ ଜନ୍ କାତା
 କଇବାକେ ଆଦେସ୍ ଦେଇଆତେ, ସେଟାସେ ମୁଇ କଇଲିନି । (aiōnios g166)

୧୩ ନିସ୍ତାର୍ ପରବର୍ ଆଗ୍ତୁର୍ ଦିନ୍ ଅଇରଇଲା । ଜିସୁ, ଏ ଜଗତ୍
 ଚାଡି ବାବା ପର୍ଯ୍ୟନ୍ତ ଲଗେ ଜିବାକେ ତାର୍ ବେଲା କେଟ୍ଲାବେ ବଲି
 ଜାନିରଇଲା । ଦୁନିଆଇ ରଇବା ତାର୍ ସବୁ ଲକ୍ମନ୍କେ ସାରାସାରି ଜାକ
 ବେସି ଆଲାଦ୍ କରୁତେରଇଲା । ୨ ସେଦିନର୍ ରାତି ଜିସୁ ଆରି ତାର୍ ସିସ୍ମନ୍

କାଇବାକେ ବସିରଇଲାଇ । ଜିସୁକେ ବିସ୍ବାସେ ବିସ୍ ଦେଲାପାରା କରାଇବା
 ଚିନ୍ତା, ସଇତାନ୍ ସିମନ୍ ଇସ୍କାରିୟୁତର୍ ପିଲା ଜିଉଦାର୍ ମନେ ପୁରିକରି
 ଦେଲା । ୩ ବାବା ପର୍ମେସର୍, ତାକେ ସବୁ ବିସଇର୍ ଅଦିକାର୍ ଦେଇ
 ଆରେ, ସେ ପର୍ମେସରର୍ ଟାନେଅନି ଆସିଆରେ ଆରି ତାର୍ ଲଗେସେ
 ଜାଇସି, ବଲି ଜିସୁ ସବୁ ବିସଇ ଜାନିରଇଲା । ୪ ତେବର୍ପାଇ ସେ କାଇବା
 ଜାଗାଇଅନି ଉଟିକରି ଅତି ରଇବା ବସ୍ତର୍ ବେଟି ସଞ୍ଜୁଇ, ଆଁଟାଇ ଗଟେକ୍
 ତୁଆଲ୍ ବାନ୍ତିଅଇଲା । ୫ ତାର୍ ପଚେ ସେ ଗଟେକ୍ ମୁତାଇ ପାନିନେଲା
 ଆରି ନିଜର୍ ସିସ୍ମାନର୍ ପାଦ୍ ଦଇକରି ବାନ୍ତିଅଇଲା ତୁଆଲ୍ ବେଟି ପୁଟି
 ଦେବାର୍ ଦାରୁଲା । ୬ ଜେତେବେଲେ ଜିସୁ ସିମନ୍ ପିତରର୍ ଲଗେ ଆଇଲା,
 ପିତର୍ ତାକେ କଇଲା, “ମାପ୍ତୁ ତମେ ମର୍ ପାଦ୍ ଦଇସା କି?” ୭ ଜିସୁ
 ତାକେ କଇଲା, “ମୁଇ ଏବେ ଜାଇଟା କଲିନି, ସେଟା ତମେ ବୁଜି ନାପାରାସ୍,
 ମାତର୍ ପଚେ ବୁଜସା ।” ୮ ପିତର୍ ତାକେ ମନାକରି କଇଲା, “ନିତୁ, ତମେ
 ମର୍ ପାଦ୍ ତୁଆନାଇ ।” ଜିସୁ ତାକେ କଇଲା, “ମୁଇ ଜଦି ତର୍ ପାଦ୍ ନ
 ଦଇଲେ, କେବେ ମିସା ମର୍ ସିସ୍ ଅଇ ନାପାରୁସ୍ ।” (aiōn g165) ୯ ସିମନ୍
 ପିତର୍ ତାକେ କଇଲା, “ମାପ୍ତୁ ସେନ୍ତୁଆଲେ କାଇକେ ମର୍ ପାଦ୍ ସେ ଦଇ
 ଦେଇସୁ? ମର୍ ମୁଣ୍ଡୁ ଆରି ଆଦ୍ ମିସା ଦଇଦିଆସ୍ ।” ୧୦ ଜିସୁ ପିତର୍କେ
 କଇଲା, “ଜନ୍ ଲକ୍ମନ୍ ଗାଦଇ ସାରିଆତଡ୍, ସେମନ୍ ପୁରାପୁରୁନ୍ ସୁକଲ୍
 । ପାଦ୍ ଦଇବାଟା ଚାଡି, କାଇଟା ଦଇବାର୍ ଲତାନାଇ । ଗଟେକ୍ ଲକ୍ମେ
 ଚାଡି, ତମେ ସବୁଲକ୍ ସୁକଲ୍ ଆଚାସ୍ ।” ୧୧ କାଇକେ ବଇଲେ ଜନ୍
 ସିସ୍ ଜିସୁକେ ସତ୍ତୁମନେକ ଦାରାଇଦେଇସି ତାକେ ଜିସୁ ଜାନି ରଇଲା ।
 ସେଟାର୍ ପାଇ ସେ ଗଟେକ୍ ଲକ୍ମେ ଚାଡି ସବୁଲକ୍ ସୁକଲ୍ ଆଚାସ୍ ବଲି
 କଇଲା । ୧୨ ଜିସୁ ସିସ୍ମାନର୍ ପାଦ୍ ଦଇଲା ପଚେ ବେଟିରଇଲା ବସ୍ତର୍
 ପିନ୍ଧିକରି ବସି ସେମନ୍କେ ପାଚାରୁଲା, “ଏବେ ମୁଇ ତମର୍ ପାଇ କଲା କାମ୍
 ବୁଜୁଲାସ୍ନି କି?” ୧୩ ଆରି ସେ କଇଲା, “ତମେ ମକେ ଗୁରୁ ଆରି ମାପ୍ତୁ
 ବଲି ଡାକ୍ଲାସ୍ନି, ସେଟା ଟିକ୍ସେ । କାଇକେ ବଇଲେ ଗୁରୁ ଆରି ମାପ୍ତୁ
 ମୁଇସେ ।” ୧୪ ମୁଇ ତମର୍ ଗୁରୁ ଆରି ମାପ୍ତୁ ଅଇକରି, ତମର୍ ପାଦ୍
 ଦଇଦେଲି ଆଡି ବଇଲେ ତମେ ମିସା ତମର୍ ତମର୍ ବିତ୍ରେ ପାଦ୍ ଦଇବାର୍
 ଆଚେ । ୧୫ ମୁଇ ଏଟା ତମର୍ ପାଇ ଗଟେକ୍ ଉଦାଅରଣ୍ ପାରା କଲିଆଡି,
 ତମେ ମିସା ବିନ୍ ଲକ୍ମନ୍କେ ଏନ୍ତି କରା । ୧୬ ମୁଇ ତମ୍କେ ସତ୍ କାତା

କଇଲିନି, ଗତିଦାଢ଼ୁଡ଼ା ନିଜର ସାଉକାରରୁ ତେଇଅନି ବଡ଼ ନଏଁ । ଆରି
 କବର ନେଉଁ କବର ପାଟାଲଲା ଲକରତେଇଅନି ବଡ଼ ନଏଁ । ୧୭ ଜଦି
 ତମେ ଏ ସବୁ ବିସଇ ଜାନିଆଟାସ୍, ଆରି ସେ ଇସାବେ କରସା ବଇଲେ
 ବେସି ସାର୍ଦା ଅଇସା । ୧୮ ମୁଇ ତମର ସବୁ ଲକର ବିସଇ ନେଇକରି
 କଇନାଇ, ଜନ୍ ଲକ୍ମନକେ ବାଟି ଆଟି, ସେମନ୍ କେନ୍ତୁ ବଲି ଜାନିଆଟି
 । ମାତର ସାସ୍ତରେ ଲେକା ଅଇଲା କାତା ସିଦ୍ ଅଇବାକେ ଏନ୍ତୁ ଗର୍ନା
 ଅଇଲାନି । ସାସ୍ତରେ ଲେକା ଅଇଲା ଆତେ ଜେ ମର ସଢ଼ୁ କାଇଲାନି ସେ
 ମର ବିରଦେ ଉର୍ସି । ୧୯ ଏବେ ଏ ଗର୍ନା ଅଇବା ଆଗୁରୁସେ ମୁଇ ତମକେ
 ଏ କାତା କଇଲିନି । ଜେତେବେଲା ଏ ଗର୍ନା ଗର୍ସି, ତମେ ମୁଇ ମସିଅ
 ବଲି ବିସ୍ବାସ୍ କରସା । ୨୦ “ତମକେ ସତ୍ କାତା କଇଲିନି, ଜନ୍ ଲକ୍ମନ
 ମର କବର ନେବା ଲକ୍ମନକେ ନାମ୍ବାଇ, ସେମନ୍ ମକେ ମିସା ନାମ୍ବାଇ,
 ଆରି ମକେ ପାଟାଲଲା ପର୍ମେସର୍କେ ମିସା ନାମ୍ବାଇ ।” ୨୧ ଜିସୁ ଏ ସବୁ
 କାତା କଇସାରାଇଲା ପତେ, ଆତ୍ମାଇ ବାୟୁବିକଲ୍ ଅଇ ପୁଟ୍‌କାର୍ କରି
 କଇଲା, “ମୁଇ ତମକେ ସତ୍ କାତା କଇଲିନି, ତମର ବିତ୍ରେଅନି ଗଟେକ୍
 ଲକ୍ ମକେ ବିସ୍ବାସେ ବିସ୍ ଦେଲାପାରା କରସି ।” ୨୨ ସେ ଏ କାତା,
 କାର୍ ବିସଇ ନେଇକରି କଇଲାନି ବଲି ସିସ୍‌ମନ୍ ବୁଜିନାପାରି ନିଜର ନିଜର
 ବିତ୍ରେ ଆର୍ ମୁଏ ସେ ତାର୍ ମୁଏ ଏ, ଦେକାଦେକି ଅଇବାର୍ ଦାର୍ଲାଇ ।
 ୨୩ ଜିସୁର ସିସ୍‌ମନର୍ ବିତ୍ରେଅନି ଜଅନ୍, ଜାକେକି ଜିସୁ ମୁକିଅ ଇସାବେ
 ଆଲାଦ୍ କରତେ ରଇଲା, ସେ ଜିସୁର ଲଗେ ବସିକରି କାଇତେ ରଇଲା । ୨୪
 ସିମନ୍ ପିତର ଜଅନ୍‌କେ ସଗିଆ କରି କଇଲା, “ସେ କାର୍ ବିସଇ ନେଇକରି
 କଇଲାନି, ତାକେ ପାଟାର୍ ।” ୨୫ ସେଟାର୍ ପାଇ ଜଅନ୍ ଜିସୁର ଉପ୍ରେ
 ଆଉଜି ଅଇକରି ପାଟାର୍ଲା, “ଏ ମାପ୍‌ରୁ, ସେ ଲକ୍ କେ?” ୨୬ ଜିସୁ କଇଲା,
 “ମୁଇ ଏ ରୁଟି ଜଲେ ତବାଲି ଜାକେ ଦେବି, ସେ ଲକ୍ ସେ ।” ସେବେଲେ ସେ
 ରୁଟି ଜଲେ ତବାଲି କରି ସିମନ୍ ଇସ୍କାରିୟତର୍ ପିଲା ଜିଉଦାକେ ଦେଲା
 । ୨୭ ଇସ୍କାରିୟତ୍ ଜିଉଦା ରୁଟି ମାଢ଼ୁଲା ଦାପ୍ରେ ସଇତାନ୍ ତାର୍ ମନ୍
 ବିତ୍ରେ ଜାଇକରି ଚାଲାଇବାର୍ ଦାର୍ଲା । ଜିସୁ ସେ ବେଲାଇ ତାକେ କଇଲା,
 “ତୁଇ ଜାଜା କର୍ବାକେ ଗାଲୁସ୍‌ନି ବେଗି କର୍ ।” ୨୮ ଜିସୁ ଏ କାତା
 ଇସ୍କାରିୟତ୍ ଜିଉଦାକେ କାଇକେ କଇଲା, ତେଇ କାଇବାକେ ବସି ରଇଲା
 ଲକ୍ମନର୍ ବିତ୍ରେଅନି କେମିସା, ବୁଜି ନାପାର୍ଲାଇ । ୨୯ ଇସ୍କାରିୟତ୍

ଜିଉଦାର୍ ଲଗେ ତାରୁ ପେଡ଼ି ରଇଲାଜେ କେତେଟା ସିସ୍‌ମନ୍ ପାଟାରୁଲାଇ,
 “ପରବ୍ ପାଇ କାଇକାଇଟା ଦରକାର୍ ଆତେ, ସେଟାର୍‌ପାଇ ନଇଲେ ଗରିବ୍
 ଲକ୍‌ମନ୍‌କେ ଦାନ୍‌ଦେବାକେ ଜିସୁ ତାକେ କଇଲାଆତେ ।” ୩୦ ତାର୍ ପତେ
 ଇସ୍କାରିୟୁତ ଜିଉଦା ରୁଟି ଫାଙ୍ଗି ଦାପ୍‌ରେ ବାରଇକରି ଉଟିଗାଲା । ସେ
 ବେଲେ ରାତି ଅଇରଇଲା । ୩୧ ଇସ୍କାରିୟୁତ ଜିଉଦା ବାରଇକରି ଉଟିଗାଲା
 ପତେ ଜିସୁ କଇଲା, “ଏବେ ପର୍‌ମେସରର୍ ତେଇଅନି ଆଇଲା ନର୍‌ପିଲା ମୁଇ
 ତାର୍‌ଟାନେଅନି ତାକ୍‌ପୁଟା ପାଇବା ବେଲା ଆସିଆତେ । ଆରି ମର୍ ଲାଗି
 ପର୍‌ମେସର୍ ମିସା ତାକ୍‌ପୁଟା ପାଇସି । ୩୨ ଜଦି ପର୍‌ମେସର୍ ମର୍‌ତେଇଅନି
 ତାକ୍‌ପୁଟା ଅଇଲେ, ନିଜର୍ ମଇମାସଙ୍ଗୁ ନର୍‌ପିଲା ମକେ ମିସା ତାକ୍‌ପୁଟା
 କରାଇସି । ଦାପ୍‌ରେସେ ମକେ ସେନ୍ତି କରାଇସି । ୩୩ ଏ ମର୍ ପିଲାମନ୍
 ମୁଇ ତମର୍ ସଙ୍ଗୁ ଚନେକର୍‌ପାଇ ରଇବି । ତାର୍ ପତେ ତମେ ମକେ କଜ୍‌ସା,
 ଆରି ମୁଇ ଜନ୍ତି ଗାଲିନି ତମେ ତେଇ ଜାଇନାପାରାସ୍ । ଏ ବିସଇ ଜିଉଦି
 ନେତାମନ୍‌କେ ଜେନ୍ତି କଇରଇଲି, ସେନ୍ତି ଏବେ ତମ୍‌କେ ଆରିତରେକ୍ କଇଲିନି
 । ୩୪ ମୁଇ ତମ୍‌କେ ଗଟେକ୍ ନୁଆ ଆଦେସ୍ ଦେଲିନି, ତମେ ତମର୍ ନିଜର୍
 ନିଜର୍ ବିତ୍‌ରେ ଆଲାଦ୍ କରା । ମୁଇ ଜେନ୍ତି ତମ୍‌କେ ଆଲାଦ୍ କଲିଆତି,
 ତମେ ମିସା ନିଜର୍ ନିଜର୍ ବିତ୍‌ରେ ଆଲାଦ୍ କର୍‌ବାର୍‌ଆତେ । ୩୫ ତମର୍
 ନିଜର୍ ନିଜର୍ ବିତ୍‌ରେ ଆଲାଦ୍ ରଇଲେ, ତମେ ମର୍ ସିସ୍ ବଲି ସବୁଲକ୍
 ଜାନ୍‌ବାଇ ।” ୩୬ ସିମନ୍ ପିତର୍ ଜିସୁକେ ପାଟାରୁଲା, “ଏ ମାପ୍‌ରୁ ତମେ
 କନ୍ତି ଗାଲାସ୍‌ନି?” ଜିସୁ କଇଲା, “ମୁଇ ଜନ୍ତି ଗାଲିନି ସେ ଜାଗାଇ ଏବେ ତୁଇ
 ଆସି ନାପାରୁସ୍ ମାତର୍ ପତେ ଆଇସୁ ।” ୩୭ ପିତର୍ ଜିସୁକେ କଇଲା, “ଏ
 ମାପ୍‌ରୁ ଏବେ କାଇକେ ତମର୍ ପତେ ପତେ ଆସିନାପାରି? ମୁଇ ତମର୍‌ପାଇ
 ମର୍‌ବାକେ ମିସା ରାଜିଆତି ।” ୩୮ ଜିସୁ ତାକେ କଇଲା, “ତୁଇ କାଇକେ
 ମର୍‌ପାଇ ମର୍‌ସୁ? ମୁଇ ତକେ ସତ୍ କାତା କଇଲିନି କୁକୁଡା ନ ତାକ୍‌ତେ ତୁଇ
 ମକେ ତିନ୍ ତର୍ ନାଜାନି ବଲି କଇସୁ ।”

୧୪ ଆରି ଜିସୁ କଇଲା, “ତମେ କିଲ୍‌ବିଲ୍ ନ ଉଆ, ପର୍‌ମେସରର୍‌ଟାନେ
 ବିସ୍‌ବାସ୍ କରା । ଆରି ମର୍‌ଟାନେ ମିସା ବିସ୍‌ବାସ୍ କରା । ୨ ମର୍ ବାବାର୍
 ଗରେ ରଇବାକେ ବେସି ବାକ୍‌ରା ଆତେ । ଆରି ତେଇ ମୁଇ ତମର୍ ପାଇ
 ଜାଗା ଟିକ୍ କର୍‌ବାର୍ ଗାଲିନି । ଜଦି ଏଟା ସତ୍ ନଇତା ଆଲେ, ମୁଇ ତମ୍‌କେ
 ଏନ୍ତି ବଲି ନ କଇତି । ୩ ଆରି ମୁଇ ଜାଇ ତମର୍ ପାଇ ଜାଗା ଟିକ୍ କଲା

ପତେ, ଆରି ତରେକ୍ ବାଉଡି ଆସି ତମ୍ବେ ମର୍ ସଞ୍ଜୁ ଡାକିନେବି । ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ମର୍ ସଞ୍ଜୁ ରଇସା । ୪ ମୁଇ ଜନ୍ ଜାଗାଇ ଗାଲିନି, ତମେ ସେ ଜାଗାଇ ଜିବା ବାଟ୍ ଜାନିଆତାସ୍ ।” ୫ ତମା ଜିସୁକେ କଇଲା, “ଏ ମାପ୍‌ରୁ ତମେ କନ୍ ଜାଗାଇ ଗାଲୁସ୍‌ନି, ସେଟା ଆମେ ନାଜାନ୍ତୁ, ଆରି ତେଇ ଜିବା ବାଟ୍ କେନ୍ତି ଜାନ୍‌ବୁ?” ୬ ଜିସୁ ତାକେ କଇଲା, “ମୁଇ ସତ୍, ବାଟ୍ ଆରି ଜିବନ୍ । ମର୍‌ବାଟେ ନ ଗାଲେ ବାବା ପର୍‌ମେସର୍ ଲଗେ କେ ମିସା ଜାଜନାପାରେ ।” ୭ ସେ କଇଲା, “ଜଦି ତମେ ମକେ ଜାନିରଇତାସ୍ ବଇଲେ, ମର୍ ବାବାକେ ମିସା ଜାନ୍‌ତାସ୍ । ଏବେ ମିସା ତମେ ତାକେ ଜାନ୍‌ଲାସ୍‌ନି ଆରି ଦେକ୍‌ଲାସ୍‌ନି ।” ୮ ପିଲିପ୍ ଜିସୁକେ କଇଲା, “ଏ ମାପ୍‌ରୁ ଆମ୍‌କେ ବାବାକେ ଦେକାଇ ଦେ, ସେତ୍‌କିସେ ଆମର୍‌ପାଇ ବେସି ।” ୯ ଜିସୁ ତାକେ କଇଲା, “ପିଲିପ୍ ଏତ୍‌କି ଦିନ୍ ମୁଇ ତମର୍ ସଞ୍ଜୁ ରଇଲି, ତୁଇ ମକେ ତିନି ନାପାର୍‌ଲୁସ୍ କି?” ଜେ ମକେ ଦେକ୍‌ଲା ଆତେ ସେ ମର୍ ବାବା ପର୍‌ମେସର୍‌କେ ଦେକ୍‌ଲା ଆତେ । କେନ୍ତି ଆମ୍‌କେ ତର୍ ବାବାକେ ଦେକାଇ ଦେ ବଲି କଇଲୁସ୍‌ନି? ୧୦ ତୁଇ ବିସ୍‌ବାସ୍ କୁରୁସ୍ ନାଇ କି ପିଲିପ୍? ମୁଇ ବାବାର୍ ତେଇ ଆତି ଆରି ବାବା ମର୍‌ଟାନେ ଆତେ । ମୁଇ ତମ୍‌କେ ଜନ୍ କାତା ସବୁ କଇଲିଆତି, ସେ ସବୁ କାତା ମର୍ ନିଜର୍‌ତେଇଅନି କଇନାଇ । ମାତର୍ ବାବା ମର୍‌ତେଇ ରଇକରି ତାର୍ କାମ୍, ମର୍‌ଟାନେଅନି କଲାନି । ୧୧ ମୁଇ ବାବାର୍‌ତେଇ ଆତି ଆରି ବାବା ମର୍‌ଟାନେ ଆତେ ବଲି ମୁଇ କଇବା ଏ କାତା ବିସ୍‌ବାସ୍ କରା । ନଇଲେ ମୁଇ କର୍‌ବା କାମ୍ ଦେକି ବିସ୍‌ବାସ୍ କରା । ୧୨ ମୁଇ ତମ୍‌କେ ସତ୍ କଇଲିନି, ଜେ ମକେ ବିସ୍‌ବାସ୍ କର୍‌ସି ସେ, ମୁଇ କର୍‌ବା ଏନ୍ତି କାମ୍‌ମନ୍ କର୍‌ସି ଆରି ମର୍‌ତେଇଅନି ଅଦିକ୍ ବଡ୍ ବଡ୍ କାମ୍‌ମନ୍ ମିସା କର୍‌ସି । କାଇକେ ବଇଲେ ମୁଇ ମର୍ ବାବାର୍ ଲଗେ ଗାଲିନି । ୧୩ ତମେ ମର୍ ନାଉଁଦାରି ଜାଇଟା ମାଞ୍ଜୁସା ସେଟା ସବୁ ମୁଇ ତମ୍‌କେ ଦେବି । ଇତିଅନି ବାବାର୍ ତାକ୍‌ପୁଟା ମର୍‌ତେଇ ଜାନାପତ୍‌ସି । ୧୪ ତମେ ଜଦି କାଇ ବିସଇ ମିସା ମର୍ ନାଉଁଦାରି ମାଞ୍ଜୁସା ବଇଲେ ମୁଇ ସେଟା ଦେବି । ୧୫ ତମେ ଜଦି ମକେ ଆଲାତ୍ କର୍‌ସା, ମର୍ ଆଦେସ୍ ମିସା ମାନ୍‌ସା । ୧୬ ମୁଇ ମର୍ ବାବାକେ ଗୁଆରି କର୍‌ବି । ଆରି ତମର୍ ସଞ୍ଜୁ ସବୁବେଲା ରଇବା ପାଇ, ସେ ଗଟେକ୍ ସାଇଜକାରିଆକେ ପାଟାଇସି । (aion g165) ୧୭ ସେ ଅଇଲାନି ସତ୍ ଆତ୍‌ମା, ଜେକି ସତ୍‌ସଞ୍ଜୁ ପର୍‌ମେସର୍‌ର ବିସଇ ଦେକାଇସି । ଏ ଦୁନିଆର୍ ଲକ୍‌ମନ୍ ତାକେ ନ ନାମର୍,

କାଲକେ ବଇଲେ ତାକେ ଦେକତ୍ ନାଇ କି ଜାନତ୍ ନାଇ । ମାତର୍ ତମେ
 ତାକେ ଜାନି ଆତାସ୍ । କାଲକେ ବଇଲେ ସେ ତମର୍ ସଢ୍ଗୁ ଆତେ ଆରି ତମର୍
 ମନ୍ ବିତ୍ରେ ରଇସି । ୧୮ ମୁଇ ଜେଡେବଲ୍ ଜିବି, ତମ୍‌କେ ଚୁରା ପିଲାମନର୍
 ପାରା କରି ଚାଡ଼ି ନ ଜାଇ । ଆରିତରେକ୍ ତମର୍ ଲଗେ ବାଉଡ଼ି ଆଇବି ।
 ୧୯ ତନେକ୍ ଗାଲେ ଦୁନିଆ ଆରି ମକେ ଦେକିନାପାରେ । ମାତର୍ ତମେ
 ଦେକ୍‌ସା, କାଲକେ ବଇଲେ ମୁଇ ସବୁବେଲେ ଜିବନ୍ ରଇବି, ଆରି ତମେ
 ମିସା ଜିବନ୍ ରଇସା । ୨୦ ସେ ଦିନ୍ ଆଇଲେ ତମେ ଜାନ୍‌ସା, ମୁଇ ବାବାର୍
 ଲଗେ, ତମେ ମର୍ ଲଗେ, ଆରି ମୁଇ ତମର୍ ଲଗେ ସବୁବେଲେ ରଇବି ।
 ୨୧ “ଜେ ମର୍ ଆଦେସ୍ ମାନ୍‌ସି, ସେ ଆକା ମକେ ଆଲାଦ୍ କର୍‌ସି । ଜେ
 ମକେ ଆଲାଦ୍ କର୍‌ସି, ମର୍ ବାବା ତାକେ ଆଲାଦ୍ କର୍‌ସି । ମୁଇ ମିସା ତାକେ
 ଆଲାଦ୍ କରି ନିଜ୍‌କେ ତାର୍‌ଟାନେ ଦେକାଇଅଇବି ।” ୨୨ ତାର୍ ପଚେ ଜିଉଦା,
 ଇସ୍କାରିୟତ୍ ଜିଉଦା ନଏଁ, କଇଲା “ଏ ମାପ୍‌ରୁ ଏଟା କେନ୍ତୁ ଅଇସି? ତମେ
 ନିଜ୍‌କେ ଦୁନିଆଇ ଦେକାଇ ନ ଅଇ ଆମର୍ ଲଗେ କେନ୍ତୁ ଦେକାଇଅଇସା?”
 ୨୩ ଜିସୁ ତାକେ କଇଲା, “ଜନ୍ ଲକ୍ ମକେ ଆଲାଦ୍ କର୍‌ସି ସେ ମୁଇ ସିକାଇବା
 ବାକିଅ ମାନ୍‌ସି । ସେନ୍ତୁ କଲେ ମର୍ ବାବା ପର୍‌ମେସର୍ ତାକେ ଆଲାଦ୍ କର୍‌ସି
 । ବାବା ଆରି ମୁଇ ଆସି ସେ ଲକର୍ ଟାନେ ରଇବୁ । ୨୪ ଜେ ମକେ ଆଲାଦ୍
 ନ କରେ, ସେ ମର୍ ବାକିଅ ନ ମାନେ । ଆରି ମୁଇ କଇବା ଏ କାତା ସବୁ
 ମର୍‌ତେଇ ଅନି ନଏଁ, ମାତର୍ ମକେ ପାଟାଇଲା ମର୍ ବାବାର୍ ତେଇଅନି
 କଇଲିନି ।” ୨୫ ମୁଇ ତମର୍ ଲଗେ ରଇକରିସେ ଏ ସବୁ କାତା କଇଲିନି ।
 ୨୬ ମାତର୍ ପର୍‌ମେସର୍ ଜନ୍ ସାଇଜକାରିଆ ସୁକଲ୍ ଆତ୍‌ମାକେ ମର୍ ନାଉଁ
 ଦାରି ତମର୍ ଲଗେ ପାଟାଇସି, ସେ ତମ୍‌କେ ସବୁ ବିସଇ ସିକାଇଦେଇସି ଆରି
 ମୁଇ ଜନ୍ ଜନ୍ କାତା କଇଲିଆତି ସେଟା ସବୁ ତମ୍‌କେ ଏତାଇ ଦେଇସି । ୨୭
 “ମୁଇ ତମ୍‌କେ ସାନ୍ତି ଦେଇକରି ଗାଲିନି । ମର୍ ନିଜର୍ ସାନ୍ତି ତମ୍‌କେ ଦାନ୍
 ଦେଇକରି ଗାଲିନି । ଏଟା ଦୁନିଆ ଦାନ୍ ଦେଲାପାରା ସାନ୍ତି ନଏଁ । ସେଟାର୍
 ପାଇ ତିନ୍ତା କରା ନାଇ କି କିଲ୍‌ବିଲ୍ ଅଇ ତରା ନାଇ । ୨୮ ମୁଇ ଜାଇଟା
 କଇରଇଲି, ସେଟା ସୁନିଆତାସ୍ । ମୁଇ ଗାଲିନି ମାତର୍ ଆରି ତରେକ୍ ବାଉଡ଼ି
 ଆଇବି । ମକେ ଜଦି ଆଲାଦ୍ କର୍‌ତାସ୍ ବଇଲେ, ମୁଇ ବାବାର୍ ଲଗେ ଗାଲିନି
 ବଲି ସୁନି ସାର୍‌ଦା ଅଇତାସ୍, କାଲକେ ବଇଲେ ମର୍ ବାବା ମର୍‌ତେଇଅନି
 ବଡ଼ । ୨୯ ଜାଇଟା ସବୁ ଗର୍‌ବାର୍ ଆତେ ସେଟା ସବୁ ମୁଇ ତମ୍‌କେ ଆଗ୍‌ରୁ

ଜାନାଇଦେଲି । ଜେନ୍ତୁକି ସେଟା ସବୁ ଗଟ୍ଟଲେ, ତମେ ମକେ ବିସ୍‌ବାସ୍ କରୁସା ।
 । ୩୦ ମୁଇ ତମର୍ ସଢ଼ୁ ଆରି ଅଦିକ୍ ପର୍ କାତାବାର୍ତା କରି ନାପାରି ।
 କାଇକେ ବଇଲେ, ଏ ଦୁନିଆର୍ ସାସନ୍‌କାରିଆ ଆଇଲାନି । ଆରି ମର୍ଟାନେ
 ତାର୍ କାଇ ଅଦିକାର୍ ନାଇ । ୩୧ ମୁଇ ମର୍ ବାବାକେ ଆଲାଦ୍ କଲିନି ଆରି
 ବାବାର୍ ଆଦେସ୍ ଇସାବେ କାମ୍ କଲିନି, ଏଟା ଦୁନିଆର୍ ଲକ୍‌ମନ୍ ଜାନତ୍
 ବଲି ଏନ୍ତି ଗଟ୍ଟନା ଅଇଲାନି । ଛୁ, ଆମେ ଏ ଜାଗାଇଅନି ବାରଇ ଉଟି ଛୁ ।”

୧୫ “ମୁଇ ଅଇଲିନି ସତ୍ ଅଢ଼ୁର୍ ମାଲ୍ ଆରି ମର୍ ବାବା ଅଇଲାନି ତାସି ।
 ୨ ମର୍ଟାନେ ରଇବା ପିଲ୍‌କା ମାଲେ ପଲ୍ ନ ଦାର୍ଲେ, ସେ କାଟି ପାକାଇସି ।
 ଆରି ଜନ୍ ମାଲେ ପଲ୍ ଦାର୍ସି ସେ ମାଲ୍ ଅଦିକ୍ ପଲ୍ ଦାର୍‌ବାକେ ପରିଚଲ୍
 କର୍ସି । ୩ ମର୍ତେଇ ଅନି ପାଇରଇବା ସିକିଆଇ ଅନି ତମେ ପରିଚଲ୍
 ଅଇସାରି ଆତାସ୍ । ୪ ତମେ ମର୍ସଢ଼ୁ ମିସିକରି ରୁଆ । ସେନ୍ତି ବଇଲେ
 ମୁଇ ମିସା ତମର୍ ସଢ଼ୁ ରଇବି । କେନ୍ତୁ ଜଦି ବୁନ୍‌ସଢ଼ୁ ମିସିକରି ନ ରଇଲେ
 ନିଜେ ପଲ୍ ନ ଦାରେ, ସେନ୍ତି ତମେ ମିସା ମର୍ତେଇ ମିସି ନ ରଇଲେ, ପଲ୍
 ଦାରିନାପାରାସ୍ ।” ୫ “ମୁଇ ଅଇଲିନି ମୁଲ୍ ଅଢ଼ୁର୍ ମାଲ୍, ତମେ ଅଇଲାସ୍‌ନି
 ପିଲ୍‌କା ମାଲ୍ । ଜେ ମର୍ତେଇ ରଇସି ଆରି ମୁଇ ଜାର୍ତେଇ ରଇବି ସେ
 ବେସି ପଲ୍ ଦାର୍ସି, କାଇକେ ବଇଲେ ମକେ ଚାଡିକରି ତମେ କାଇଟା କରି
 ନାପାରାସ୍ । ୬ ଜେ ମର୍ତେଇ ନ ରଏ, ତାକେ ଗଟେକ୍ ଗର୍ଣ୍ଣି କରି ପିଢ଼ୁଲା
 ମାଲ୍‌ପାରା ବାଇରେ ପିଢ଼ୁ ଦେବାଇ ଆରି ସେଟା ସୁକି ଜାଇସି । ଏନ୍ତାରି
 ମାଲ୍‌ମନ୍‌କେ ଚୁଲିଆଇ ଜଇତେଇ ପିଢ଼ୁ ଦେବାଇ ଆରି ସେଟା ପତି ଜାଇସି ।
 ୭ ଜଦି ତମେ ମର୍ସଢ଼ୁ ମିସିକରି ରଇସା ଆରି ମର୍ ବାକିଅ ତମର୍ ମନେ
 ରଇସି, ତମେ ମନ୍‌କରି କାଇ ବିସଇ ମାଢ଼ୁସା ବଇଲେ ସେଟା ମିଲାଇସା । ୮
 ତମେ ବେସି ପଲ୍ ଦାର୍ଲେ, ମର୍ ବାବା ଡାକ୍‌ପୁଟା ପାଇସି, ଆରି ଇତିଅନି
 ତମେ ମର୍ ସତ୍ ସିସ୍‌ମନ୍ ବଲି ଜାନ୍‌ବାଇ । ୯ ମର୍ ବାବା ଜେନ୍ତି ମକେ ଆଲାଦ୍
 କଲା ଆତେ, ସେନ୍ତି ମୁଇ ମିସା ତମ୍‌କେ ଆଲାଦ୍ କଲିନି । ମର୍ ଆଲାଦେ
 ତବିର୍ ଅଇରୁଆ । ୧୦ ମୁଇ ଜେନ୍ତି ମର୍ ବାବାର୍ ଆଦେସ୍ ମାନିକରି ତବିର୍
 ଅଇଆତି । ସେନ୍ତି ତମେ ମର୍ ଆଦେସ୍ ମାନ୍‌ସା ବଇଲେ ମର୍ ଆଲାଦେ ତବିର୍
 ଅଇକରି ରଇସା ।” ୧୧ “ଜେନ୍ତିକି ମର୍ ସାର୍‌ଦା ତମର୍ ଟାନେ ରଇକରି, ସେ
 ସାର୍‌ଦା ପୁରାପୁରୁନ୍ ଅଇବାକେ ତମ୍‌କେ ଏ ସବୁ କାତା କଇଲିଆତି । ୧୨
 ମୁଇ ତମ୍‌କେ ଜେନ୍ତି ଆଲାଦ୍ କଲିଆତି, ସମାନ୍ ସେନ୍ତି ତମେ ମିସା ନିଜର୍

ନିଜର ବିତ୍ତରେ ଆଲାଦ୍ ଅଇକରି ରୁଆ । ଏଟାସେ ମର୍ ଆଦେସ୍ । ୧୩
ନିଜର ମଇତରମନ୍ ଲାଗି ଜିବନ୍ ଦେବାଟା ଅଇଲାନି ସବୁରଟାନେଅନି
ବଡ୍ ଆଲାଦ୍ । ୧୪ ମୁଇ ତମ୍ବେ ଜନ୍ ଆଦେସ୍ ଦେଇଆତି, ସେଟା ମାନ୍ସା
ବଇଲେ ତମେ ମର୍ ମଇତରମନ୍ । ୧୫ ଏବେ ମୁଇ ତମ୍ବେ ଗତିଦାଢୁଡ଼ାମନ୍
ବଲି ନ ତାକି, କାଇକେ ବଇଲେ, ଗତିଦାଢୁଡ଼ା ତାର୍ ସାଉକାର୍ କାଇଟା କରୁସି
ସେଟା ନାଜାନେ । ମାତର୍ ମୁଇ ତମ୍ବେ ମଇତର ବଲି ତାକ୍ବି, କାଇକେ
ବଇଲେ ମୁଇ ବାବାର୍ତେଇ ଅନି ଜନ୍ ଜନ୍ ବିସଇ ସୁନି ଆତି, ସେଟା ତମ୍ବେ
କଇଦେଲିଆତି । ୧୬ ତମେ ମକେ ବାତାସ୍ ନାଇ, ମାତର୍ ମୁଇ ତମ୍ବେ
ବାଚ୍ଲି ଆତି । ଆରି ଜାଇକରି ଅଦିକ୍ ଅଦିକ୍ ପଲ୍ ଦାର୍ବାକେ ତମ୍ବେ
ଦାଇଡ୍ ଦେଲି । ତମର୍ ପଲ୍ ସବୁ ଦିନର୍ ପାଇ ରଇସି । ତେବେ ତମେ ମର୍
ନାଉଁ ଦାରି ବାବାକେ କାଇଟା ମାଢୁଲେ ମିସା ସେ ତମ୍ବେ ଦେଇସି । ୧୭
ତମର୍ ତମର୍ ବିତ୍ତରେ ଆଲାଦ୍ କରା । ଏଟା ଅଇଲାନି ମର୍ ଆଦେସ୍ ।”
୧୮ “ଜାନିରୁଆ, ତମ୍ବେ ଜଦି ଏ ଦୁନିଆ ଗିନ୍ କରୁସି, ତେବେ ତମ୍ବେ ଗିନ୍
କରୁବା ଆଗ୍ତୁସେ ମକେ ଗିନ୍ କଲାଆତେ । ୧୯ ତମେ ଜଦି ଏ ଦୁନିଆର୍
ଲକ୍ମନ୍ ଅଇରଇତାସ୍ ଆଲେ ଏ ଦୁନିଆ ତମ୍ବେ ନିଜର୍ ବାବି ଆଲାଦ୍
କରୁତା, ମାତର୍ ମୁଇ ତମ୍ବେ ବାତି ଦୁନିଆଇଅନି ବେଗ୍ଲାଇ ଦେଇଆତି ।
ସେଟାର୍ ପାଇ ଏ ଦୁନିଆ ତମ୍ବେ ଗିନ୍କରୁସି । ୨୦ ମୁଇ ଜନ୍ଟା କଇରଇଲି
ଏତାଇଦେକା, ଗତିଦାଢୁଡ଼ା ତାର୍ ସାଉକାର୍ତେଇଅନି ବଡ୍ ନଏଁ ବଲି ମୁଇ
ତମ୍ବେ କଇରଇଲି । ସେମନ୍ ମକେ ସାଦି ଆତର୍ ଆରି ତମ୍ବେ ମିସା
ସାଦ୍ବାଇ । ଜଦି ସେମନ୍ ମର୍ ସିକିଆ ମାନିଆତର୍ ବଇଲେ ତମର୍ କାତା
ମିସା ମାନ୍ସା । ୨୧ ମାତର୍ ତମେ ମର୍ ଲକ୍ ଅଇରଇବାର୍ ଲାଗି ସେମନ୍
ତମ୍ବେ ଏନ୍ତାରି କରୁବାଇ । କାଇକେ ବଇଲେ ମକେ ଜେ ପାଟାଇଲା ଆତେ,
ସେଟା ସେମନ୍ ନାଜାନତ୍ । ୨୨ ଜଦି ମୁଇ ଆସି ଏ ସବୁ ବିସଇ ସେମନ୍କେ
ବୁଜାଇ ନ ରଇତି ବଇଲେ, ସେମନ୍ ଦସି ନ ଅଇତାଇ, ମାତର୍ ଏ ପାପର୍
ତଲାଚଲ୍ତି ପାଇ କାଇ ଚାଲାକି ଦେକାଇ ନାପାରତ୍ । ୨୩ ଜେ ମକେ ଗିନ୍
କରୁସି, ସେ ମର୍ ବାବା ପର୍ମେସର୍କେ ମିସା ଗିନ୍ କରୁସି । ୨୪ ଜଦି ମୁଇ
ତାକର୍ ବିତ୍ତରେ କାବା ଅଇଜିବା କାମ୍ ନ କରି ରଇଲେ, ସେମନ୍ ପାପି ବଲି
ଦସି ନ ଅଇତାଇ । ମାତର୍ ସେମନ୍ ମୁଇ କଲା କାବାଅଇଜିବା କାମ୍ମନ୍
ଦେକ୍ଲାଇ ଆତର୍ । ଏନ୍ତି ବଇଲେ ମିସା ସେମନ୍ ମକେ ଆରି ମର୍ ବାବା

ପରମେସର୍କେ ଗିନ୍ କଲାଲ ଆଚତ୍ । ୨୫ ମାତର୍ ଏସବୁ ଗଟ୍‌ବାର୍ ରଇଲା । କାଇକେବଇଲେ ସେଟାର୍ ଲାଗି ସେମନ୍‌ ସାସ୍‌ତରେ ଜାଇଟା ଲେକାଅଇଲା ଆଚେ, ସେଟା ସିଦ୍ ଅଇଲା । କାଇ ଦସ୍ ନ ରଇତେ ସେମନ୍ ମକେ ଗିନ୍ କଲାଲ । ୨୬ ସତଇସେ ସାଇଜକାରିଆ ଆତ୍‌ମା ଆଇସି । ସେ ବାବାର୍‌ତେଇ ଅନି ଆସି, ପରମେସର୍କେ ସବୁ ବିସଇର୍ ସତ୍ ଦେକାଇଦେଇସି । ମୁଇ ତାକେ ବାବାର୍‌ତେଇଅନି, ତମର୍ ଲଗେ ପାଟାଇବି । ଆରି ସେ ମର୍ ବିସଇ ତମ୍‌କେ କଇସି । ୨୭ ଆରି ତମେ ମିସା ମର୍ ବିସଇସେ କଇସା, କାଇକେବଇଲେ ଆରାମେଅନି ତମେ ମର୍ ସଢ୍ଘୁ ଆତାସ୍ ।”

୧୭ “ତମେ ମକେ କରିରଇବା ବିସ୍‌ବାସ୍ ନ ଚାଡ଼ି, ତାଟ୍ ସଢ୍ଘୁ ରଇବାକେ, ମୁଇ ଏ ସବୁ କାତା କଇଲିଆଚି । ୨ ସେମନ୍ ତମ୍‌କେ ପାର୍‌ତନା ଗରେଅନି ବାର୍‌କରାଇ ଦେବାଇ । ଉଁ ଏନ୍ତାରି ବେଲା ଆଇଲାନ୍ତି, ଜେ ମିସା ତମ୍‌କେ ମରାଇବାଇ, ସେଟା ପରମେସର୍କେ ସେବା କଲାପାରା ରଇସି । ୩ ତମ୍‌କେ ସେମନ୍ ଏନ୍ତି ସବୁ କାମ୍‌ମନ୍ କର୍‌ବାଇ । କାଇକେ ବଇଲେ ସେମନ୍ ମକେ ଆରି ମର୍ ବାବାକେ ନାଜାନତ୍ । ୪ ଏବେ ମୁଇ ଏ ସବୁ କାତା କଇଲିନି । ସେଟାର୍ ପାଇ ଏ ସବୁ ଗଟ୍‌ନାମନ୍ ଗଟ୍‌ବା ବେଲା କେଟ୍‌ଲେ ମୁଇ କଇଲା କାତା ଏତାଇସା । ଆରାମେ ଅନି ମୁଇ ତମର୍ ସଢ୍ଘୁ ରଇଲି ଜେ ଏ ସବୁ କାତା କଇ ନ ରଇଲି ।” ୫ “ମାତର୍ ମୁଇ ଏବେ ମର୍ ପାଟାଉର୍ ଲଗେ ଗାଲିନି । ଏଲେମିସା ତମର୍ ବିତ୍‌ରେ ଅନି କେ ମିସା ମକେ କେନେ ଜାଇସୁ ବଲି ପାଟାରାସ୍ ନାଇ । ୬ ମାତର୍ ଏବେ ମର୍ ଏ ସବୁ କାତା ସୁନିକରି ଦୁକ୍ ଅଇକରି ଆତାସ୍ । ୭ ମୁଇ ତମ୍‌କେ ସତ୍‌କାତା କଇଲିନି, ମୁଇ ଉଚିଜିବା ବିସଇ ତମର୍ ପାଇ ଗଟେକ୍ ମଞ୍ଜୁଲର୍ ବିସଇ ଅଇସି । କାଇକେ ବଇଲେ ମୁଇ ନ ଗାଲେ ସାଇଜକାରିଆ ତମର୍‌ଟାନେ ନ ଆସେ, ମୁଇ ଗାଲେ ତାକେ ତମର୍‌ଟାନେ ପାଟାଇଦେବି । ୮ ସେ ଆସିକରି ଦୁନିଆର୍ ଲକ୍‌ମନ୍‌କେ ପାପ୍, ଦରମ୍ ଆରି ନିଆଇ ବିସଇର୍ ସାକି ଦେଇସି । ୯ ଏ ଦୁନିଆର୍ ଲକ୍‌ମନ୍ ପାପ୍ ବିସଇ ବୁଲ୍ ବୁଜ୍‌ଲାଲ ଆଚତ୍ । ସେ ଦେକାଇ ଦେଇସି ଜେ, ମକେ ବିସ୍‌ବାସ୍ ନ କର୍‌ବାଟାସେ ପାପ୍ । ୧୦ ଟିକ୍ ଇସାବେ ଚଲାଚଲ୍‌ତି କର୍‌ବା ବିସଇ, ଦୁନିଆର୍ ଲକ୍‌ମନ୍ ବୁଲ୍ ବୁଜିଆଚତ୍ । ମୁଇ ମର୍ ବାବାର୍ ଲଗେ ବାଉଡ଼ି ଗାଲିନି, ଆରି ତମେ ମକେ ଦେକିନାପାରାସ୍ । ସେଟା ମୁଇ ମାନ୍‌ବା ଦରମ୍ ବିସଇ ସାକି ଦେଲାନ୍ତି । ୧୧ ଦୁନିଆର୍ ଲକ୍‌ମନ୍ ବିଚାର୍ କର୍‌ବା

ବିସଇ ବୁଲୁ ବୁଲୁଲାଇ ଆତର୍ । କାଇକେବଇଲେ ଏ ଦୁନିଆର୍ ସାସନ୍‌କାରିଆ
 ଦସି ବଲି ବିଚାର୍ ଅଇ ସାରାଇ ଆତେ ।” ୧୨ “ମୁଇ ତମ୍‌କେ କେତେକ୍
 କେତେକ୍ କାତା କଇବାର୍ ଆତେ । ମାତର୍ ଏବେ ତମେ ସେ ସବୁ କାତା
 ଦାରିନାପାରାସ୍ । ୧୩ ମାତର୍ ସତ୍ ଆତ୍‌ମା ଆଇଲେ, ସେ ତମ୍‌କେ ସବୁ ସତ୍
 ବିସଇର୍ ବାଟେ ଡାକିନେଇସି । କାଇକେ ବଇଲେ, ସେ ନିଜର୍ ଅଦିକାରେ
 କାଇ କାତା ନ କଏ । ମାତର୍ ସେ ବାବାର୍‌ତେଇଅନି ଜନ୍ ଜନ୍ କାତା ସୁନ୍‌ସି,
 ସେ ସବୁ କଇସି । ଆରି ଆଇବା ଦିନ୍‌ମନ୍‌କେ କାଇଟା ଅଇସି ସେ ସବୁ ବିସଇ
 ମିସା କଇସି । ୧୪ ସେ ମୁଇ କଇବାଟାନେ ଅନି ନେଇକରି ଆକା ତମ୍‌କେ
 କଇସି । ଆରି ମକେ ଡାକ୍‌ପୁଟା କରାଇ ଦେକାଇସି । ୧୫ ଜନ୍‌ଟା ବାବାର୍‌ଟା,
 ସେ ସବୁ ମର୍‌ଟା । ସେଟାର୍‌ପାଇ ମୁଇ ତମ୍‌କେ କଇଲିନି, ସୁକଲ୍ ଆତ୍‌ମା
 ମର୍‌ଟାନେଅନି ନେଇକରି ସେ ତମ୍‌କେ କଇସି ।” ୧୬ “ଚନେକ୍ ଗାଲା ପତେ
 ତମେ ଆରି ମକେ ଦେକି ନାପାରାସ୍ । ଆରି ଚନେକ୍ ଗାଲେ ଦେକ୍‌ସା ।”
 ୧୭ ସେବେଲେ ତାର୍ ସିସ୍‌ମନର୍ ବିତ୍‌ରେଅନି କେତେ ଲକ୍ ତାକର୍ ବିତ୍‌ରେ
 କୁଆବଲା ଅଇଲାଇ । “ସେ ଆମ୍‌କେ କଇଲାନି, ଚନେକ୍ ଗାଲାପତେ ତମେ
 ଆରି ମକେ ଦେକି ନାପାରାସ୍, ଆରି ଚନେକ୍ ଗାଲେ ମକେ ଦେକ୍‌ସା । ମୁଇ
 ଏବେ ବାବାର୍ ଲଗେ ଗାଲିନି ବଲି କଇବା ଅରତ୍ କାଇଟା?” ୧୮ ତେବେ
 ସେମନ୍ କଇଲାଇ, “ଏ ଚନେକ୍ ପତେ ବଲି କାଇକେ କଇଲାନି? ସେ କାଇଟା
 ବଲି କଇଲାନି, ଆମେ ବୁଝି ନାପାରୁଲୁନି ।” ୧୯ ସେମନ୍ ମକେ ପାତାର୍‌ବାକେ
 ମନ୍ କଲାଇନି ବଲି ଜିସୁ ଜାନିକରି ସେମନ୍‌କେ କଇଲା, “ଚନେକ୍ ଗାଲେ
 ତମେ ଆରି ମକେ ଦେକି ନାପାରାସ୍ ଆରି ଚନେକ୍ ଗାଲାପତେ ମକେ ଦେକ୍‌ସା
 ବଲି କଇଲା ଏ କାତା ନେଇକରି ତମର୍ ତମର୍ ବିତ୍‌ରେ କାଇକେ କୁଆବଲା
 ଅଇଲାସ୍‌ନି? ୨୦ ମୁଇ ତମ୍‌କେ ସତ୍ କାତା କଇଲିନି, ତମେ ସାତାରି ସାତାରି
 କାନୁସା, ମାତର୍ ଦୁନିଆର୍ ଲକ୍‌ମନ୍ ସାର୍‌ଦା ଅଇବାଇ । ତମେ ପର୍‌ତୁମ୍ ଦୁକ୍
 ଅଇରଇସା ମାତର୍ ତମର୍ ଦୁକ୍ ସାର୍‌ଦାଇ ପୁରୁନ୍ ଅଇଜାଇସି । ୨୧ ଗଟେକ୍
 ମାଇଜି ନିକ ଅଇବା ବେଲା କେଟ୍‌ଲେ ବେସି ଦୁକ୍ ଅଇସି । କାଇକେବଇଲେ
 ତାର୍ ଦୁକ୍ କସ୍‌ଟର୍ ବେଲା କେଟିଆତେ । ମାତର୍ ନିମାନ୍ ଅଇସାର୍‌ଲା ପତେ
 ତାର୍ ଦୁକ୍ କସ୍‌ଟ୍ ପାସ୍‌ରିଜାଇସି । କାଇକେ ବଇଲେ ତାର୍‌ତେଇଅନି ଗଟେକ୍
 ପିଲା ଦୁନିଆଇ ଜନମ୍ ଅଇଲା ଆତେ । ୨୨ ସେନ୍ତାରିସେ ତମ୍‌କେ ମିସା
 ଅଇସି । ଏବେ ତମେ ଦୁକ୍‌ଅଇ ଆତାସ୍, ମାତର୍ ଆରି ଚରେକ୍ ମୁଇ ତମ୍‌କେ

ଦେକାଇଅଛନ୍ତି, ତାର ପତେ ତମେ ବେସି ସାର୍ଦ୍ଦା ଅଇସା । ଆରି କେମିସା
 ତମର ସାର୍ଦ୍ଦା ତମରଗାନେଅନି ଚାଡ଼ାଇ ନେଇ ନାପାରନ୍ତି । ୨୩ “ସେବେଲା
 ତମେ ମକେ ମୁଲ୍ଲକେ ନ ପାଚାରାସ୍ । ମୁଇ ତମକେ ସତ୍ କାତା କଇଲିନି,
 ତମେ ମର୍ ନାଉଁ ଦାରି ବାବାକେ କାଇଟା ମିସା ମାଢ଼ୁସା ବଇଲେ ସେଟା
 ଦେଇସି । ୨୪ ତମେ ଏବେ ଜାକ ମର୍ ନାଉଁ ଦାରି କାଇଟା ମିସା ମାଢ଼ୁସା
 ନାଇତା । ଏବେ ମାଢ଼ୁ, ତେବେ ତମକେ ମିଲ୍ସି । ଆରି ତମର ସାର୍ଦ୍ଦା
 ପୁରାପୁରୁନ୍ ଅଇସି ।” ୨୫ “ମୁଇ ତମକେ କାତା ମଲ୍ଲକାଇ କରି ଏ ସବୁ
 କଇଲିନି, ଏନ୍ତି ବେଲା ଆଇସି, ତମକେ ଆରି ମୁଇ କାତା ନ ମଲ୍ଲକାଇ,
 ସଲ୍ଲକେ ବାବାର୍ ବିସଇ କଇଦେବି । ୨୬ ତମେ ସେ ଦିନମକେ ମର୍
 ନାଉଁ ଦାରି ପର୍ମେସରକେ ବେସି ବିସଇମନ୍ ମାଢ଼ୁସା । ଆରି ମୁଇ ତମର
 ପାଇ ବାବା ପର୍ମେସରର୍ ତେଇ ଗୁଆରି କର୍ବାର୍ ଦର୍କାର୍ ନ ରଏ ।
 ୨୭ କାଇକେବଇଲେ ବାବା ତମକେ ଆଲାଦ୍ କଲାନି, ସେ ତମକେ ଆଲାଦ୍
 କଲାନି କାଇକେବଇଲେ ତମେ ଜେନ୍ତିକି ମକେ ଆଲାଦ୍ କରି ଆଚାସ୍, ଆରି
 ମୁଇ ପର୍ମେସରର୍ ତେଇଅନି ଆଇଲି ଆତି ବଲି ବିସ୍ବାସ୍ କରିଆଚାସ୍ ।
 ୨୮ ମୁଇ ବାବାର୍ଗାନେଅନି ଏ ଦୁନିଆଇ ଆସିଆତି, ଆରି ଏବେ ମୁଇ ଏ
 ଦୁନିଆ ଚାଡ଼ିକରି ବାବାର୍ ଲଗେ ବାଉଡ଼ି ଗାଲିନି ।” ୨୯ ଜିସୁର୍ ସିସ୍ମନ୍
 କଇଲା, “ଏବେ ତମେ ଆମକେ କାତା ମଲ୍ଲକାଇ ନ କଇକରି ସଲ୍ଲକେସେ
 କଇଲାସ୍ନି । ୩୦ ତମେ ସବୁ ବିସଇ ଜାନିଆରୁସ୍, ଏଟା ଏବେ ଆମେ
 ଜାନ୍ଲୁ । ଆରି କେ ତମେକ ଜାନେ କି ନାଇ ବଲି, ପାଚାର୍ବାର୍ ଲତା ନାଇ
 । ଏଟାର୍ପାଇ ତମେ ପର୍ମେସରର୍ଗାନେ ଅନି ଆସିଆରୁସ୍ ବଲି ଆମେ
 ବିସ୍ବାସ୍ କଲୁନି ।” ୩୧ ଜିସୁ ସେମନ୍କେ କଇଲା, “ଏବେ କାଇ ତମେ
 ବିସ୍ବାସ୍ କଲାସ୍ନି? ୩୨ ଦେକା, ଏନ୍ତି ବେଲା ଆଇଲାନି, ଓଁ ସେ ବେଲା
 କେଟ୍ଲା ଆଚେ, ତମେ ମକେ ଗଟେକ୍ ଲକ୍କେ ଚାଡ଼ି, ଏନେ ତେନେ ଅଇକରି
 ନିଜର୍ ନିଜର୍ ଗରେ ଉଟିପାଲାଇସା । ଏଲେମିସା ମୁଇ ଗଟେକ୍ ଲକ୍ ନାଇ,
 ସବୁବେଲା ମର୍ ସଢ଼ୁ ବାବା ଆଚେ । ୩୩ ଜେନ୍ତୁରି କି ତମେ ମର୍ତେଇ
 ରଇକରି ସାନ୍ତି ପାଇସା, ସେଟାର୍ପାଇ ମୁଇ ତମକେ ଏ ସବୁ ବିସଇ କଇଆତି
 । ଏ ଦୁନିଆଇ ତମର୍ପାଇ ବେସି ଦୁକ୍ କସ୍ ଆଚେ, ମାତର୍ ତାଟ୍ସଢ଼ୁ ରୁଆ,
 ମୁଇ ଦୁନିଆର୍ କାରାପ୍ ବପୁ ନସାଇକରି ଜିତିଆତି ।”

୧୭ ଜିସୁ ଏ ସବୁ କାତା କଇସାରାଇଲା ପରେ, ସରଗ୍ ବାଟେ ଦେକି କଇଲା, “ଏ ସରଗର୍ ବାବା, ଏବେ ବେଲା କେଟ୍ଲା ଆଟେ । ତମର୍ ପିଲା ମକେ ଡାକ୍ପୁଟା କରା । ଜେନ୍ତିକି ତମର୍ ପିଲା ମୁଇ ତମ୍‌କେ ଡାକ୍ପୁଟା କର୍ବି । ୨ ତମେ ମକେ ସବୁ ମୁନ୍‌ସ୍ ଜାତି ଉପ୍‌ରେ ଅଦିକାର୍ ଦେଇଆଟାସ୍ । ଆରି ଜନ୍‌ଲକ୍‌ମନ୍‌କେ ମକେ ସର୍ପି ଦେଇଆଟାସ୍, ସେମନ୍‌କେ ମୁଇ ନ ସାର୍‌ବା ଜିବନ୍ ଦେବି । (aiōnios g166) ୩ ତମେସେ ଗଟେକ୍ ପର୍‌ମେସର୍, ତମ୍‌କେ ଆରି ତମେ ପାଟାଇରଇବା ଜିସୁ କିରିସ୍‌ଟକେ ଜାନ୍‌ବାଟା ଅଇଲାନି ନ ସାର୍‌ବା ଜିବନ୍ । (aiōnios g166) ୪ ତମେ ମକେ ଜନ୍ କାମ୍‌ମନ୍ କର୍‌ବାକେ ଦେଇଆଟାସ୍, ସେଟା ମୁଇ ସାରାଇ କରି, ଏ ଦୁନିଆଇ ତମ୍‌କେ ଡାକ୍ପୁଟା କରିଆଟି । ୫ ଏ ବାବା, ଏ ଦୁନିଆ ତିଆର୍ ନ ଅଇତେ, ତମର୍ ସଢ୍ଘ ରଇଲାବେଲେ, ମର୍ ଜନ୍ ଡାକ୍ପୁଟା ରଇଲା, ଏବେ ତମେ ରଇତେ ଆକା, ମକେ ଡାକ୍ପୁଟା କର୍ । ୬ “ଏ ଜଗତର୍ ଜନ୍ ଲକ୍‌ମନ୍‌କେ ତମେ ମକେ ସର୍ପି ଦେଇରଇଲାସ୍, ସେମନ୍‌ର୍ ଲଗେ ମୁଇ ତମ୍‌କେ ଜାନାଇଆଟି । ସେମନ୍ ତମର୍ ଅଇରଇଲାଇ, ଆରି ମକେ ସେମନ୍‌କେ ସର୍ପିଦେଲୁସ୍ । ସେମନ୍ ତମର୍ ବାକିଅ ମାନ୍‌ଲାଇନି । ୭ ତମେ ମକେ ଜନ୍ ଜନ୍‌ଟା ସର୍ପି ଦେଇ ଆଟାସ୍, ସେଟାମନ୍ ସବୁ ତର୍‌ଟାନେଅନି ଆକା ଅଇଲାଆଟେ, ବଲି ଏବେ ସେମନ୍ ବୁଜିଆଟର୍ । ୮ ତମେ ମକେ ଦେଇରଇବା କବର୍ ମୁଇ ସେମନ୍‌କେ ସୁନାଇଆଟି, ସେମନ୍ ସେଟା ମାନି ଆଟର୍ । ମୁଇ ତମର୍‌ଟାନେଅନି ଆସିଆଟି ଆରି ତମେ ମକେ ପାଟାଇଆଟାସ୍, ସେମନ୍ ଏ କାତା ସର୍ ବଲି ଜାନିକରି ବିସ୍‌ବାସ୍ କଲାଇ ଆଟର୍ ।” ୯ ମୁଇ ସେମନ୍‌ର୍‌ଲାଗି ପାର୍‌ତନା କଲିନି, ଦୁନିଆର୍ ଲକ୍‌ମନ୍‌ର୍ ପାଇ ପାର୍‌ତନା କରିନାଇ । ମାତର୍ ତମେ ମକେ ଜନ୍ ଲକ୍‌ମନ୍‌କେ ଦେଇଆଟାସ୍, ସେ ଲକ୍‌ମନ୍‌ର୍ ପାଇ ପାର୍‌ତନା କଲିନି । କାଇକେ ବଇଲେ ସେମନ୍ ତମର୍ ଲକ୍‌ମନ୍ । ୧୦ ଜେଡ୍‌କି ମର୍‌ଟା, ସେ ସବୁ ତମର୍‌ଟା । ଆରି ଜେଡ୍‌କି ତମର୍‌ଟା ସେ ସବୁ ମର୍‌ଟା । ଆକର୍‌ଲାଗି ଆକା ମର୍ ଡାକ୍ପୁଟା ଅଇଆଟେ । ୧୧ ଏବେ ମୁଇ ତମର୍ ଲଗେ ଆଇଲିନି, ମୁଇ ଏ ଦୁନିଆଇ ରଇନାଇ । ମାତର୍ ଏମନ୍ ରଇଲାଇନି । ସୁକଲ୍ ରଇବା ବାବା! ତମେ ଜନ୍ ଲକ୍‌ମନ୍‌କେ ମକେ ସର୍ପି ଦେଇଆଟୁସ୍, ତମେ ଦେଇରଇବା ନାଉଁର୍ ବପୁର୍ ଲାଗି ସେମନ୍‌କେ ରକିଆ କରା । ଜେନ୍ତୁରି ତମେ ଆରି ମୁଇ ଗଟେକ୍ । ସେନ୍ତୁରିସେ ସେମନ୍ ଗଟେକ୍ ଅଇରଇବାକେ ସାଇଜ କରା । ୧୨ ମୁଇ

ସେମାନର ସଞ୍ଜ ରଇଲା ବେଳେ ତମର ନାଉଁର ବପୁସଞ୍ଜ ସେମାନଙ୍କେ ରକିଆ
 କରିରଇଲି । ଜେନ୍ତି କି ସେମନ୍ କାଲକାଲ ଛୁରୁଛୁରୁ ପରମେସରଟାନେ
 ଅନି ବିନେ ଅଇ ନସ୍ତ ନ ଅଅଡ଼ । ଗଟେକ୍ ଲକ୍‌କେ ଚାଡ଼ି ସବୁଲକ୍‌କେ
 ରକିଆ କରିଆତି । ସେ ଗଟେକ୍ ଲକ୍‌ ନସ୍ତ ଅଇସି ଆକା । ଜେନ୍ତିକି ଦରମ୍
 ସାସ୍ତରେ ଲେକା ଅଇଲାଟା ସିଦ୍ ଅଇବାର୍ ରଇଲା । ୧୩ ଏବେ ମୁଇ ତମର
 ଲଗେ ଆଇଲିନି । ଏ ଦୁନିଆଇ ରଇଲା ବେଳେ ସେମନ୍‌କେ, ସେମାନର
 ମନେ ରଇବା ମର୍ ସାର୍‌ଦା ପୁରାପୁରୁନ୍ ଅଇବାକେ, ଏ ବିସଇ କଇରଇଲି ।
 ୧୪ ମୁଇ ସେମନ୍‌କେ ତମର ବାକିଅ ସୁନାଇଆତି । ତେବର୍‌ପାଇ ଏ ଦୁନିଆ
 ସେମନ୍‌କେ ଗିନ୍ କଲାନି । କାଇକେ ବଇଲେ ମୁଇ ଜେନ୍ତି ଏ ଦୁନିଆଇ ଅନି
 ଜାଡ଼ ଅଇଲାଟା ନଇ, ସେନ୍ତି ସେମନ୍ ମିସା ଏ ଦୁନିଆର୍ ନଅଡ଼ । ୧୫ ତମେ
 ସେମନ୍‌କେ ଏ ଦୁନିଆଇଅନି ଦାରିଜା ବଲି ମୁଇ ପାର୍‌ତନା କରିନାଇ ।
 ମାତର୍ ସଇତାନର୍ ପାନେ ଅନି ରକିଆ କରା ବଲି ଗୁଆରି କଲିନି । ୧୬
 ମୁଇ ଜେନ୍ତିକି ଏ ଦୁନିଆର୍ ନଇ, ସେନ୍ତି ସେମନ୍ ମିସା ଏ ଦୁନିଆର୍ ନଅଡ଼ ।
 ୧୭ ତମର ସତ୍‌ସଞ୍ଜ ସେମନ୍‌କେ ସୁକଲ୍ କରା, ତମର ବାକିଅ ତା ସଡ଼ ।
 ୧୮ ତମେ ମକେ ଜେନ୍ତି ଏ ଦୁନିଆଇ ପାଟାଇ ଆଚାସ୍, ସେନ୍ତାରି ମୁଇ ମିସା
 ସେମନ୍‌କେ ଏ ଦୁନିଆଇ ପାଟାଇଲିନି । ୧୯ ଜେନ୍ତିକି ସେମନ୍ ତମରଟାନେ
 ସର୍‌ପି ଅଇବାଇ । ସେଟାପାଇ ମୁଇ ନିଜ୍‌କେ ତମରତେଇ ସୁକଲ୍ ଅଇଲିନି
 । ୨୦ “ମୁଇ ଅବ୍‌କା ଏ ସିସ୍‌ମନର୍ ଲାଗିସେ ପାର୍‌ତନା କରିନାଇ, ମାତର୍ ଏ
 ଲକ୍‌ମନ୍ ଜାନାଇବା କାତାଇଅନି ଜନ୍ ଲକ୍‌ମନ୍ ମକେ ବିସ୍‌ବାସ୍ କରୁବାଇ,
 ସେ ଲକ୍‌ମନର୍ ପାଇ ମିସା ପାର୍‌ତନା କଲିନି । ୨୧ ଏ ବାବା ତମେ ଜେନ୍ତାରି
 ମର୍‌ଟାନେ ମିସି ଗଟେକ୍ ଅଇଆଚାସ୍, ଆରି ମୁଇ ତମରଟାନେ ମିସିକରି
 ଗଟେକ୍ ଅଇଆତି । ସେନ୍ତାରିସେ ସେମନ୍ ମିସା ସେମାନର୍ ବିତ୍‌ରେ ମିସିକରି
 ଗଟେକ୍ ଅଇ ରଇବାକେ ମୁଇ ପାର୍‌ତନା କଲିନି । ଜେନ୍ତିକି ତମେସେ ମକେ
 ପାଟାଇ ଆଚାସ୍ ବଲି ଏ ଦୁନିଆ ବିସ୍‌ବାସ୍ କର । ୨୨ ଜେନ୍ତି ତମର ଡାକ୍‌ପୁଟା
 ମକେ ଦେଇଆଚାସ୍, ସେନ୍ତି ସେଟା ମୁଇ ସେମନ୍‌କେ ଦେଇଆତି । ତେବେ
 ଆମେ ଗଟେକ୍ ଅଇରଇଲାପାରା, ସେମନ୍‌ମିସା ସେମାନର୍ ବିତ୍‌ରେ ଗଟେକ୍
 ଅଇରଇବାଇ । ୨୩ ତମେ ଜେନ୍ତି ମର୍‌ଟାନେ ଆଚାସ୍, ସେନ୍ତି ମୁଇ ମିସା ତାକର୍
 ଟାନେ ରଇବି । ସେନ୍ତି ରଇଲେ ଆକା ସେମନ୍ ପୁରାପୁରୁନ୍ ଗଟେକ୍ ଅଇ
 ରଇବାଇ । ଏନ୍ତି ଅଇଲେ ଦୁନିଆ ଜାନ୍‌ସି ଜେ, ତମେ ମକେ ପାଟାଇ ଆଚାସ୍,

ଆରି ମକେ ଜେନ୍ତି ଆଲାଦ୍ କଲାସ୍ନି, ସେମନ୍‌କେ ମିସା ସେନ୍ତିସେ ଆଲାଦ୍ କଲାସ୍ନି ।” ୨୪ ଏ ବାବା, ତମେ ମକେ ଜନ୍ ଲକ୍‌ମନ୍‌କେ ଦେଇଆଚାସ୍, ମୁଇ ଜନ୍ ଜାଗାଇ ରଇବି, ସେମନ୍ ମିସା ମର୍ ସଞ୍ଜ ରଅତ୍ ବଲି ମନ୍ କଲିନି । ତେବେ ମକେ ଦେଇରଇବା ଡାକ୍‌ପୁଟା ସେମନ୍ ଦେକ୍‌ବାଇ । କାଇକେ ବଇଲେ ତମେ ଏ ଦୁନିଆ ତିଆର୍ କର୍‌ବା ଆଗ୍‌ତୁସେ ମକେ ଆଲାଦ୍ କରିଆଚାସ୍ । ୨୫ ଏ ଦରମର୍ ବାବା, ଏ ଦୁନିଆ ତମ୍‌କେ ନାଜାନେ, ମାତର୍ ମୁଇ ତମ୍‌କେ ଜାନିଆତି । ଆରି ତମେସେ ମକେ ପାଟାଇଆଚାସ୍ ବଲି ସିସ୍‌ମନ୍ ଜାନିଆତର୍ । ୨୬ ମୁଇ ସେମନ୍‌କେ ତମର୍ ବିସଇ ଜାନାଇ ଆତି, ଆରି ସବୁ ବେଲେ ଜାନାଇତେରଇବି । ତେବେ ମର୍‌ଲାଗି ସେମନ୍ ତମର୍ ଆଲାଦ୍ ଏତାଇବାଇ ଆରି ମୁଇ ସେମନ୍‌ର୍ ମନ୍ ବିତ୍‌ରେ ରଇବି ।

୧୮ ଜିସୁ ଏ ପାର୍‌ତନା ସାରାଇକରି ନିଜର୍ ସିସ୍‌ମନ୍‌ର୍ ସଞ୍ଜ କିଦ୍‌ରଣ୍ ନାଉଁର୍ ଜଲା ସେପାଟର୍ ଜାଗାଇ ଗାଲା । ତେଇ ଗଟେକ୍ ବାଡ୍ ରଇଲା, ଜିସୁ ଆରି ତାର୍ ସିସ୍‌ମନ୍ ସେ ବାଡେ ପୁରୁଲାଇ । ୨ ଜନ୍ ଜିଉଦା କି ଜିସୁକେ ସତ୍‌ରୁମନ୍‌କେ ସର୍‌ପିଦେଲା, ସେ ମିସା ସେ ଜାଗା ଜାନି ରଇଲା । କାଇକେବଇଲେ ଜିସୁ ତାର୍ ସିସ୍‌ମନ୍‌ର୍ ସଞ୍ଜ ସେ ବାଡେ କେତେ ତର୍ ଜାଇରଇଲା । ୩ ସେଟାର୍ ପାଇ ଜିଉଦା ରମିୟ ସନିଆମନ୍‌ର୍ ଗଟେକ୍ ଦଲ୍, ମୁକିଅ ପୁଜାରିମନ୍ ଆରି ପାରୁସିମନ୍ ପାଟାଇ ରଇବା ମନ୍ତ୍ରିର୍ ଜାଗୁଆଲ୍‌ମନ୍‌କେ ଦାରି, ସେ ବାଡେ କେଟ୍‌ଲା । ସେମନ୍ ଆଡ୍‌ଆତିଆର୍, ଲାଁତର୍ ଆରି ଜଇଉମ୍‌ଲା ଦାରିକରି ତେଇ ଆଇଲାଇ । ୪ ସେବେଲା କାଇ କାଇ ଗର୍‌ନାମନ୍ ଗର୍‌ସି, ସେଟା ସବୁ ଜିସୁ ଜାନିକରି ଆଗ୍‌ତୁ ଗାଲା ଆରି ସେମନ୍‌କେ “ତମେ କାକେ କଇଲାସ୍‌ନି?” ବଲି ପାଚାର୍‌ଲା । ୫ “ନାଜରିତିୟ ଜିସୁକେ କଇଲୁନି ।” ସେମନ୍ କଇଲା । “ମୁଇସେ ଜିସୁ ।” ବଲି ସେମନ୍‌କେ କଇଲା । ବିସ୍‌ବାସେ ବିସ୍ ଦେଉ ଜିଉଦା ମିସା ସେ ଲକ୍‌ମନ୍‌ର୍ ସଞ୍ଜ ଟିଆଅଇରଇଲା । ୬ ଜିସୁ ଜେଡେବେଲା “ମୁଇ ଆକା ସେ ଲକ୍ ।” ବଲି ସେମନ୍‌କେ କଇଲା, ସେ ଲକ୍‌ମନ୍ ପତେ ଗୁଡିଜାଇ ତଲେ ଅଦର୍‌ଲାଇ । ୭ ଜିସୁ ସେମନ୍‌କେ ଆରିତରେକ୍ ପାଚାର୍‌ଲା, “ତମେ କାକେ କଇଲାସ୍‌ନି?” ସେମନ୍ କଇଲା, “ଆମେ ନାଜରିତିୟ ଜିସୁକେ କଇଲୁନି ।” ୮ ଜିସୁ କଇଲା, “ମୁଇ ଆକା ସେ ଲକ୍ ବଲି ତମ୍‌କେ କଇଲି । ତମେ ଜଦି ମକେ କଇଲାସ୍‌ନି ବଇଲେ ଏ ଲକ୍‌ମନ୍‌କେ ଚାଡିଦିଆସ୍ ।” ୯ ଜେନ୍ତିକି ସେ ଆଗ୍‌ତୁ କଇରଇଲା ବାକିଅ

ସିଦ୍ଧ ଅଇସି, ବାବା ତମେ ମନେ ଜନ୍ ଲକ୍ଷ୍ମୀଙ୍କୁ ଦେଇଆଚାସି, ସେମାନର
 ବିଦ୍ରେଶନି ଗଣେକ୍ ଲକ୍ଷ୍ମୀଙ୍କୁ ମିସା ଆଜାଇ ନାଇ । ୧୦ ସିମନ୍ ପିତରୁ
 ଆତେ ଗଣେକ୍ କାଣ୍ଡା ରଇଲା । ସେ କାଣ୍ଡା ବାରକରାଇ ବଡ଼ ପୁଜାରିର
 ଗତିଦାଢ଼ୁଡ଼ାର ଉଜା କାନ୍ ଚିଡ଼ତେ ମାରଲା । ସେ ଗତିଦାଢ଼ୁଡ଼ାର ନାଉଁ
 ମାଲକ୍ । ୧୧ ମାତର ଜିସୁ ପିତରୁକେ କଇଲା, “ତର କାଣ୍ଡା ଜାଗରଡ଼
 କରି କଲ୍ ବିଦ୍ରେ ପୁରାଇ ସଢ଼ୁଇ ଦେସ୍ । ମର ବାବା ପରମେସର ମନେ
 ଜନ୍ ଦୁକ୍ଷକସ୍ତ ପାଇବାକେ ପାଟାଇ ଆତେ, ସେଟା ମୁଇ ନ ପାଇ କି?”
 ୧୨ ତାର ପତେ ରମିୟ ସନିଅମନ୍, ସନିଅ ମନର ମୁକ୍ତି ନେତାମନ୍ ଆରି
 ମନିରୁ ଜାଗୁଆଲ୍ମମନ୍ ଜିସୁକେ ଦାରି ବାନ୍ଧୁଲା । ୧୩ ଆରି ତାକେ ବାନ୍ଧିକରି
 ପରୁତୁମ୍ କାୟାପାର୍ ସାଦରା ଆନାର୍ ଲଗେ ନେଲା । କାଇକେ ବଇଲେ
 ଆନା ସେ ବରସର ବଡ଼ ପୁଜାରି ରଇଲା । ୧୪ ଏ କାୟାପାସେ ଆଗୁରୁ
 ଜିଉଦି ନେତାମନ୍କେ, ସବୁ ଲକ୍ଷ୍ମୀ ପାଇ ଗଣେକ୍ ଲକ୍ଷ୍ମୀ ମରବାଟା ଗଣେକ୍
 ମଢ଼ୁଲର ବିସଇ ବଲି କଇରଇଲା । ୧୫ ସିମନ୍ ପିତରୁ ଆରି ଗଣେକ୍ ବିନ୍
 ସିସ୍ ଜିସୁର ପତେ ପତେ ଜାଇତେ ରଇଲା । ବିନ୍ ସିସ୍ ବଡ଼ ପୁଜାରିକେ
 ଜାନି ରଇଲା । ସେଟାର୍ପାଇ ଜିସୁର ସଢ଼ୁ ବଡ଼ ପୁଜାରିର ତାଣ୍ଡେ ପୁରୁଲା
 । ୧୬ ମାତର ପିତରୁ ବାଇରୁ ତିଆଗତିଲଗେ ଟିଆଅଇ ରଇଲା । ବଡ଼
 ପୁଜାରିକେ ଜାନିରଇଲା ସିସ୍ ତାଣ୍ଡେ ବାଉଡି ଆସି ତାଣ୍ଡୁର ତିଆଗତି ଲଗେ
 ଜାଗିରଇଲା । ଗତିଦାଢ଼ୁଡ଼ିକେ କଇକରି ପିତରୁକେ ବିଦ୍ରେ ତାକିନେଲା ।
 ୧୭ ସେ ତିଆଗତି ଜାଗି ରଇଲା ଗତିଦାଢ଼ୁଡ଼ି ସେବେଲା ପିତରୁକେ ପାଟାରୁଲା,
 “ତୁଇ ମିସା ଏ ଲକ୍ଷ୍ମୀଙ୍କୁ ବିଦ୍ରେଶନି ଗଣେକ୍ ଲକ୍ଷ୍ମୀ ନଉଁସ୍ କି?” ପିତରୁ
 କଇଲା “ମୁଇ ତାର ଲକ୍ଷ୍ମୀ ନଇ ।” ୧୮ ସିଦ୍ଧ କଲାଜେ ଗତିଦାଢ଼ୁଡ଼ାମନ୍
 ଆରି ଜାଗୁଆଲ୍ମମନ୍ ଜଇଲାଗାଇକରି ଚାରିବେଡ଼ି ଟିଆଅଇ ଜଇ ଚେକ୍ତେ
 ରଇଲା । ପିତରୁ ମିସା ସେମାନର ସଢ଼ୁ ଟିଆଅଇକରି ଜଇଚେକ୍ତେ ରଇଲା
 । ୧୯ ଏଡ଼କି ବିଦ୍ରେ ବଡ଼ ପୁଜାରି ଜିସୁର ସିସ୍ମାନର ବିସଇ ଆରି ଜିସୁ
 ସିକାଇଦେଲା ବିସଇ ସେମାନକେ ପାଟାରୁବାରୁଲା । ୨୦ ଜିସୁ ସେମାନକେ
 କଇଲା, “ମୁଇ ସବୁବେଲେ ଲକ୍ଷ୍ମୀଙ୍କୁ ଜାନ୍ତେ ସିକାଇତେ ରଇଲି । ଆରି
 ଜିଉଦି ଲକ୍ଷ୍ମୀଙ୍କୁ ଉପାସନା ଗରେ ଆରି ମନିରେତଇ ସବୁ ଜିଉଦି ଲକ୍ଷ୍ମୀଙ୍କୁ
 ରୁଣ୍ଡିରଇଲା ବେଲେ ସେମାନକେ ସିକାଇଲିଆତି । କାଇଟାମିସା ଲୁଚ୍ତେ
 କଇନାଇ । ୨୧ ଏନ୍ତି ବଇଲେ କାଇକେ ମନେ ପାଟାରୁଲୁସି? ଜନ୍ ଲକ୍ଷ୍ମୀଙ୍କୁ

ମୁଇ କଇଲା କାତା ସୁନିଆତଡ଼, ସେ ଲକ୍ଷ୍ମୀଙ୍କେ ପାଚାର୍ । ମୁଇ ଜାଇଜାଇଟା
 କଇଲିଆତି, ସେଟା ସେମନ୍ ଜାନିଆତଡ଼ ।” ୨୨ ଜିସୁ ଏ କାତା କଇବା ବେଲେ
 ଜିସୁର ଲଗେ ଚିଆଅଇରଇଲା ଜାଗୁଆଲ୍‌ମନର୍ ବିତ୍ତରେଅନି ଗଟେକ୍ ଲକ୍
 ଜିସୁକେ ଗଟେକ୍ ଚାପ୍ତା ମାରି କଇଲା, “ତୁଇ ବଡ଼ ପୁଜାରିକେ ଏନ୍ତାରି କାତା
 ଅଇଲୁସ୍‌ନି?” ୨୩ ଜିସୁ ତାକେ କଇଲା “ମୁଇ ଜଦି ବୁଲ୍ କାତା କଇରଇଲେ,
 ସବୁର୍ ମୁଆଟେ ମର୍ ବୁଲ୍ ଦେକାଆ, ମୁଇ ସତ୍‌କାତା କଇଲିନି ବଇଲେ,
 ମକେ କାଇକେ ମାର୍‌ଲୁସ୍‌ନି?” ୨୪ ତାର୍‌ପତେ ଆନାନ୍ ଜିସୁକେ ବାନ୍ତୁନେସେ
 ବଡ଼ ପୁଜାରି କାୟାପାର୍ ଲଗେ ପାଟାଇଦେଲା । ୨୫ ସିମନ୍ ପିତର୍ ଚିଆଅଇ
 ଜଇଚେକ୍‌ବା ବେଲେ ବିନ୍ ଲକ୍ଷ୍ମୀନ୍ ତାକେ ପାଚାର୍‌ଲାଇ, “ତୁଇ ମିସା ଏ
 ଲକ୍‌ର୍ ସିସ୍‌ମନର୍ ବିତ୍ତରେଅନି ଗଟେକ୍ ଲକ୍ ନଉଁସ୍ କି?” ମାତର୍ ପିତର୍
 କଇଲା, “ନାଇ ମୁଇ ତାର୍ ସିସ୍ ନଇ ।” ୨୬ ବଡ଼ ପୁଜାରିର୍ ଗତିଦାଢ଼ୁଡ଼ାମନର୍
 ବିତ୍ତରେଅନି ଗଟେକ୍ ଲକ୍ ଜାକେ କି ପିତର୍ କାନ୍ କାଟିପାକାଇରଇଲା, ସେ
 ତାର୍ ସଢ଼ୁ କଇଲା, “ସେ ବାତେ ମୁଇ ତକେ ତାର୍ ସଢ଼ୁ ରଇଲାଟା ଦେକି
 ରଇଲି ।” ୨୭ ପିତର୍ ଆରି ତରେକ୍ କଇଲା “ନାଇ ମୁଇ ତାକେ ମୁଲ୍‌କେ
 ନାଜାନି ।” ସମାନ୍ ସେଡ଼କି ଦାପ୍‌ରେ କୁକ୍‌ତା ଡାକ୍‌ଲା । ୨୮ ତାର୍ ପତେ
 ଜିସୁକେ କାୟାପାର୍ ଗରେଅନି ରମିୟ୍ ସର୍କାର୍ ପିଲାତର୍‌ତେଇ ଦାରିଗାଲାଇ
 । ସେଟା କୁକ୍‌ତା ତାକେ ଅଇରଇଲା । ଆରି ଜିସୁକେ ନିନ୍ତା କର୍‌ବା ଲକ୍ଷ୍ମୀନ୍
 ନିଜ୍‌କେ ଅସୁକଲ୍ ଅଇବାର୍ ଅଇସି ବଲିକରି ବିତ୍ତରେ ଜାଅଡ଼ନାଇ । କାଇକେ
 ବଇଲେ ନିସ୍‌ତାର୍ ପରବର୍ ବଜିର୍ ପାଇ ବଲି ସେମନ୍ ଅସୁକଲ୍ ଅଇବାକେ
 ମନ୍ ନ କର୍‌ତେରଇଲାଇ । ୨୯ ତେବେ ରମିୟ୍ ସର୍କାର୍ ପିଲାଡ଼, ବାଇରେ
 ଆସିପାଚାର୍‌ଲା, “ଏ ଲକ୍‌ର୍ ବିରୁଦେ ତମର୍ କାଇ ଦାବି ଆନିଆଚାସ୍?”
 ୩୦ ସେ ଲକ୍ଷ୍ମୀନ୍ ପିଲାଡ଼କେ କଇଲା, “ଏ ଲକ୍ ଜଦି ବୁଲ୍ କାମ୍ କରି ନ
 ରଇଲେ, ଆମେ ତମର୍ ଲଗେ ନ ଆନ୍‌ତୁ ।” ୩୧ ସେଡ଼କି ବେଲା ପିଲାଡ଼
 ସେମନ୍‌କେ କଇଲା, “ତମେ ତାକେ ଦାରିଜାଇକରି ତମର୍ ନିୟ୍‌ମ୍ ଇସାବେ
 ବିଚାର୍ କରା ।” ଜିଉଦି ନେତାମନ୍ କଇଲା, “ଗଟେକ୍ ଲକ୍‌କେ ମରନ୍ ତଣ୍ଟୁ
 ଦେବାଟା ରମିୟ୍ ସର୍କାର୍‌କେ ସେ ଆତେ । ଜିଉଦି ଲକ୍ଷ୍ମୀନ୍ କାକେମିସା
 ମରନ୍ ତଣ୍ଟୁ ଦେବାକେ ଆମର୍ ଅଦିକାର୍ ନାଇ ।” ୩୨ ଜିସୁ କେନ୍ତାରି ଅଇ
 ମର୍‌ବାକେ ଗାଲାନି ସେ ବିସଇ ନେଇକରି ଜନ୍ କାତା କଇରଇଲା ସେ କାତା
 ସିଦ୍‌ଅଇବାକେ ଏନ୍ତି ଅଇଲା । ୩୩ ପିଲାଡ଼ ଆରି ତରେକ୍ ମେଡ଼ ବିତ୍ତରେ

ବାଉଁଶ ଜାଇକରି, ଜିପୁକେ ଡାକି ପାଚାରୁଲା, “ତୁଇ କାଇ ଜିଉଦି ମନର୍
 ରାଜା କି?” ୩୪ ଜିପୁ ତାକେ କଇଲା, “ତୁଇ କାଇ ଏଟା ନିଜର୍ଟାନେଅନିସେ
 କଇଲୁସ୍ନି, କି ବିନ୍ ଲକ୍ମନ୍ ତକେ କଇଲାଜେ କଇଲୁସ୍ନି?” ୩୫ ପିଲାଡ଼
 ପରସନ୍ କଲା, “ମୁଇ ଗଟେକ୍ ଜିଉଦି ଲକ୍ ବଲି ବାବ୍ଲୁସ୍ନି କି? ତର୍
 ନିଜର୍ ଲକ୍ମନ୍ ଆରି ମୁକିଅ ପୁଜାରିମନ୍ ତକେ ମର୍ଟାନେ ସର୍ପି ଦେଇ
 ଆତର୍ । ତୁଇ କାଇ ବୁଲ୍ କରିଆରୁସ୍?” ୩୬ ଜିପୁ କଇଲା “ମର୍ ରାଇଜ୍ ଏ
 ଦୁନିଆର୍ ରାଇଜ୍ପାରା ନଏଁ । ଜଦି ମର୍ ରାଇଜ୍ ଏ ଦୁନିଆର୍ ରାଇଜ୍ ପାରା
 ଅଇତା, ସେନ୍ତୁଆଲେ ମର୍ ସିସ୍ମନ୍ ମର୍ବାଟେ ଅଇ ଛୁଇଦ୍ କର୍ତାଇ
 । ଆରି ମକେ ଜିଉଦି ନେତାମନର୍ ଟାନେ ସର୍ପି ନ ଦେଇତାଇ । ମାତର୍
 ମର୍ ରାଇଜ୍ ଏ ଦୁନିଆର୍ ରାଇଜ୍ପାରା ନଏଁ ।” ୩୭ ସେବେଲେ ପିଲାଡ଼
 ତାକେ ପାଚାରୁଲା, “ଏନ୍ତି ବଇଲେ ତୁଇ କାଇ ଗଟେକ୍ ରାଜା ନଉଁସ୍ କି?”
 ଜିପୁ କଇଲା, “ତୁଇସେ ମକେ ରାଜା ବଲି କଇଲୁସ୍ନି । ମୁଇ ସଡ଼ ବାଟେ
 ସାକି ଦେବାକେ ଆକା ଜନମ୍ କରି, ଏ ଦୁନିଆଇ ଆସିଆତି । ଜନ୍ଲକ୍ମନ୍
 ସଡ଼ କଜ୍ଲାଇନି, ସେମନ୍ସେ ମର୍ କାତା ସୁନ୍ବାଇ ।” ୩୮ ପିଲାଡ଼ ଜିପୁକେ
 କଇଲା “ଏନ୍ତି ବଇଲେ ସଡ଼ ବିସଇ କାଇଟା?” ପଟେ ସେ ତାଣ୍ଟେ ବାରଇ
 କରି ଜିଉଦି ନେତାମନ୍କେ କଇଲା, “ଏ ଲକ୍ମର୍ଟାନେ ତଣ୍ଟେ ଦେବା ଏଡ଼କି
 କାଇ ଦସ୍ ଦେକିନାଇ । ୩୯ “ତମର୍ ରିତିନିତି ଇସାବେ ନିସ୍ତାର୍ ପରବ୍
 ବେଲେ ଗଟେକ୍ ବନ୍ତି ଲକ୍କେ, ମୁଇ ମୁକ୍ଲାଇବାର୍ ଆତେ । ତେବର୍ ପାଇ
 ତମର୍ ଜିଉଦିମନର୍ ରାଜା ଜିପୁକେ ମୁଇ ମୁକ୍ଲାଇ ଦେବି । ଏଟା ତମେ
 ମନ୍କଲୁସ୍ନି କି?” ୪୦ ମାତର୍ ଲକ୍ମନ୍ ଆଉଲିଅଇକରି କଇଲା, “ନାଇ
 ଏ ଲକ୍କେ ନାଇ, ମାତର୍ ବାର୍ବାକେ ମୁକ୍ଲାଇ ଦିଆସ୍ ।” ଏ ବାରବ୍ବା
 ଗଟେକ୍ ତାକୁ ଲକ୍ ରଇଲା ।

୧୯ ତାର୍ ପଟେ ପିଲାଡ଼ ଜିପୁକେ ନେଇ କର୍ତା ସଙ୍ଗୁ ମାରା ବଲି ଆଦେସ୍
 ଦେଲା । ୨ ସନିଅମନ୍ କାଟାର୍ ମୁକୁଟ୍ ତିଆର୍ କରି ଜିପୁର୍ ମୁଣ୍ଟେ ପିନ୍ଧାଇଲା
 ଆରି ଜାମ୍ବଲି ରଙ୍ଗୁର୍ ପଟିଆ ଗାଗ୍ତେ ପିନ୍ଧାଇଦେଲା । ୩ ସେମନ୍ ଜିପୁର୍
 ଲଗେ ଆସିକରି କଇଲା “ଏ ଜିଉଦିମନର୍ ରାଜା ଛୁଆର୍! ତୁଇ ବେସି ବରସ୍
 ବର୍!” ବଲି ତାକେ ଚାପଡ଼ ଚାପଡ଼ ମାରୁଲା । ୪ ପିଲାଡ଼ ଆରି ତରେକ୍
 ତାଣ୍ଟେ ବାରଇକରି ରୁଣ୍ଟିରଇଲା ଲକ୍ମନ୍କେ କଇଲା, “ଦେକା, ଏବେ ମୁଇ
 ତାକେ ଦସି କର୍ବାକେ କାଇ ବୁଲ୍କଲାଟା ମିଲେନାଇ । ଏଟାର୍ପାଇ ତମର୍

ଲଗେ ଆନ୍ବି । ଜେନ୍ଦ୍ରିକି ତମେ ଜାନ୍ବାର୍ ଆଚେ ।” ୫ ସେବେଲା ଜିସୁ କାଟାର୍ ମୁକୁର୍ ଆରି ଜାମ୍ବଲି ରଞ୍ଜୁର୍ ପଟିଆ ପିନ୍ଦ୍ ତାଣ୍ଟେ ଆଇଲା । ପିଲାତ୍ ସେମନ୍‌କେ କଇଲା, “ଏଦେ ଦେକା! ଏଦେ ସେ ଲକ୍!” ୬ ତାକେ ଦେକ୍‌ଲା ଦାପ୍‌ରେ ମୁକିଅ ପୁଜାରିମନ୍ ଆରି ମନ୍ଦିର୍ ଜାଗୁଆଲ୍‌ମନ୍ ଆଉଲିଅଇକରି କଇଲା, “ତାକେ କୁରୁସେ ଚଗାଆ! ତାକେ କୁରୁସେ ଚଗାଆ!” ବଲି । ପିଲାତ୍ କଇଲା, “ତମେ ତାକେ ନେଇକରି କୁରୁସେ ଚଗାଆ, କାଇକେ ବଇଲେ, ମୁଇ ତାର୍‌ଟାନେ କାଇ ବୁଲ୍ ମିସା ଦେକିନାଇ ।” ୭ ଜିଉଦି ନେତାମନ୍ ତାକେ କଇଲା, “ଆମର୍ ଗଟେକ୍ ନିୟ୍‌ମ୍ ଆଚେ । ସେ ନିୟ୍‌ମ୍ ଇସାବେ ଏ ମର୍ବାର୍ ଆଚେ ଆକା । କାଇକେ ବଇଲେ ସେ ନିଜେ ମୁଇ ପର୍‌ମେସରର୍ ପିଲା ବଲି ଦାବି କଲାଆଚେ ।” ୮ ତେଇ ପିଲାତ୍ ଏ କାତା ସୁନିକରି ଅଦିକ୍ ଡରିଗାଲା । ୯ ପିଲାତ୍ ଜିସୁକେ ଆରିତରେକ୍ ତାର୍ ମେତେ ବାଉତାଇ ନେଇ ପାଚାରୁଲା, “ତୁଇ କନ୍ଦ୍ରିଅନି ଆସିଆରୁସ୍?” ମାତର୍ ଜିସୁ ତାକେ ପଦେକ୍ ମିସା କଏନାଇ । ୧୦ ସେବେଲା ପିଲାତ୍ ତାକେ କଇଲା, “ତୁଇ କାଇ ମର୍ ସଞ୍ଜୁ କାତା ନ ଅଉସ୍ କି? ତକେ ମୁକ୍‌ଲାଇବାର୍ ମର୍ ଅଦିକାର୍ ଆଚେ ଆରି କୁରୁସେ ଚଗାଇବାର୍ ମିସା ମର୍ ଅଦିକାର୍ ଆଚେ । ଏଟା ତୁଇ ନାଜାନୁସ୍ କି?” ୧୧ ଜିସୁ ତାକେ କଇଲା, “ପର୍‌ମେସର୍ ତକେ ଦେଲାକେସେ ମର୍ ଉପ୍‌ରେ ତର୍ ଅଦିକାର୍ ଆଚେ, ମାତର୍ ତର୍‌ଟାନେ ମକେ ଜେ ସର୍‌ପି ଦେଲାଆଚେ, ତାର୍ ପାପ୍ ଅଦିକ୍ ଜବର୍ ।” ୧୨ ଏ କାତା ସୁନି ପିଲାତ୍ ଜିସୁକେ ମୁକ୍‌ଲାଇବାକେ ଚେସ୍‌ଟା କଲା । ମାତର୍ ଜିଉଦି ଲକ୍‌ମନ୍ ଆଉଲିଅଇ କଇଲା, “ତୁଇ ଜଦି ଆକେ ମୁକ୍‌ଲାଇସୁ ବଇଲେ, ସମ୍‌ରାଟର୍ ମଇତର୍ ନଉଁସ୍ । ଜେ ନିଜ୍‌କେ ରାଜା ବଲି ଦାବି କର୍ସି, ସେ ତାର୍ ବିରଦେ କଇଲାନି ।” ୧୩ ପିଲାତ୍ ଜିଉଦି ନେତାମନ୍‌ଟାନେଅନି ଏ କାତା ସୁନିକରି ଜିସୁକେ ବାର୍‌କରାଇ ଆନି ପାକ୍‌ନାଇ ତିଆର୍ ଅଇରଇଲା ବିତାର୍ କର୍ବା ମଣ୍ଡୁପେ ବସ୍‌ଲା । ଜନ୍‌ଟାକି ଇବ୍‌ରୁ ବାସାଇ ଗବ୍‌ବତା ବଲି କଇବାଇ । ୧୪ ସେଦିନେ ନିସ୍‌ତାର୍ ପରବର୍ ପାଇ ତିଆର୍ ଅଇବା ଦିନ୍ ରଇଲା । ସେଟା ସେଦିନର୍ ଆଡ୍‌ବେଲା ଅଇ ଆଇତେ ରଇଲା । ଆରି ପିଲାତ୍ ଜିଉଦିନେତାମନ୍‌କେ କଇଲା, “ଏଦେ ଦେକା! ତମର୍ ରାଜା!” ୧୫ ସେବେଲା ଜିଉଦି ଲକ୍‌ମନ୍ ଆଉଲିଅଇ କଇଲା “ତାକେ ମରାଆ! “ତାକେ ମରାଆ! କୁରୁସେ ଚଗାଆ!” ପିଲାତ୍ ସେମନ୍‌କେ କଇଲା, “ମୁଇ ତମର୍ ରାଜାକେ କୁରୁସେ ଚଗାଇବି କି?” ଏଟା

ସୁନି ମୁକ୍ତିଫଳ ପୁଜାରିମନ୍ କଲଲା, “ସମ୍ଭାବ୍ୟେ ତାତିକରି ଆମର୍ ଆରି କେ ରାଜା ନାଲ ।” ୧୭ ସାରାସାରି ପିଲାତ୍ ଜିସୁକେ ସେମନ୍ତ ମନ୍ କଲା ଇସାବେ କୁର୍ସେ ଚଗାଇ ମରାଇବାକେ ସର୍ପିଦେଲା । ତାର୍ପତେ ସନିଅମନ୍ ଜିସୁକେ ଦାରିଗାଲା । ୧୭ ଜିସୁ ତାର୍ ନିଜର୍ କୁର୍ସ ବଇକରି ନଅରର୍ ବାଇରେ ରଇବା କାପାଲ୍ ନାଉର୍ ଜାଗାଇ ଗାଲା । ଏର୍ବି ବାସାଇ ସେ ଜାଗାକେ ଗଲ୍ଗାତା ବଲି କଇବାଇ । ୧୮ ତେଇ ସେମନ୍ ଜିସୁକେ କୁର୍ସେ ଚଗାଇଲା । ତାର୍ ସଞ୍ଜ ଦୁଇ ଲକ୍କେ ମିସା କୁର୍ସେ ଚଗାଇଲା । ଦୁଇ ଲକ୍କେ ଦୁଇବାଟେ ଚଗାଇ ଜିସୁକେ ମଜାଇ କଲା । ୧୯ ଆରି ପିଲାତ୍ ନିଜେ ଗଟେକ୍ ବରତ୍ ଲେକି କୁର୍ସେ ଅଲାଇବାକେ ଆଦେସ୍ ଦେଲା । ସେ ବରତ୍ତେଇ ନାଜରିତିୟ୍ ଜିସୁ, ଜିଉଦିମନ୍ତ ରାଜା ବଲି ଲେକିରଇଲା । ୨୦ ଜିସୁକେ ଜନ୍ ଜାଗାଇ କୁର୍ସେ ଚଗାଇ ରଇଲା, ସେଟା ଗଡେ ଅନି ବେସି ଦୁର୍ ନ ରଇଲା । ସେ ବରତ୍ତେ ଏର୍ବି ବାସାଇ, ଲାଟିନ୍ ବାସାଇ ଆରି ଗିରିକ୍ ବାସାଇ ଲେକାଅଇରଇଲା । ବେସି ଲକ୍ମନ୍ ତେଇ ଲେକ୍ଲାଟା ପଡ୍ଲା । ୨୧ ସେବେଲା ଜିଉଦିମନ୍ତ ମୁକ୍ତିଫଳ ପୁଜାରିମନ୍ ପିଲାତ୍କେ କଇଲା “ଜିଉଦିମନ୍ତ ରାଜା ବଲି ନ ଲେକି, ସେ ନିଜେ ମୁଇ ଜିଉଦିମନ୍ତ ରାଜା ବଲି କଇଲା ପାରା ଲେକ୍ ।” ୨୨ ପିଲାତ୍ କଇଲା “ନାଲ ମୁଇ ଜନ୍ଟା ଲେକ୍ଲି ଆତି ସେଟା ଆରି ନ ବାଦ୍ଲା ।” ୨୩ ଜିସୁକେ କୁର୍ସେ ଚଗାଇଲା ପତେ, ତାର୍ଟା ସନିଅମନ୍ ତାର୍ ପଟିଆ ନେଇ ଚାରି ବାଗ୍ କଲା । ସବୁ ସନିଅମନ୍କେ ଗଟେକ୍ ଗଟେକ୍ ବାଗ୍ ମିଲ୍ଲା । ସେମନ୍ ଜିସୁ ଉପ୍ରେ ପିନ୍ଧୁବା ବସ୍ତର୍ ମିସା ବେଲ୍ଲା । ସେ ବସ୍ତର୍ ସିଲାଇ ନ ଅଇ ଉପ୍ରେଅନି ତଲେ ଜାକ ଗଟେକ୍ସେ ରଇଲା । ୨୪ ସେଟାର୍ପାଇ ସେମନ୍ ନିଜର୍ ନିଜର୍ ବିତ୍ରେ କାତା ଅଇଲା । “ଆମେ ଏ ପଟିଆ ନ ଚିରିକରି ଏଟା କାକେଅଇସି ବଲି ଜାନ୍ବାକେ କେଡ୍ ପୁଟାଉଁ ।” ଜେନ୍ଟିକି ସାସ୍ତରେ ଲେକାଅଇଲା କାତା ସିଦ୍ ଅଇବାକେ ଏନ୍ତି ଅଇଲା । “ମର୍ ପଟିଆ ସେମନ୍ ନିଜର୍ ନିଜର୍ ବିତ୍ରେ ବାଟା କଲା, ଆରି ମୁଇ ପିନ୍ଧୁବା ପଟିଆର୍ ପାଇ କେଡ୍ପୁଟାଇଲା ।” ସେଟାସେ ସନିଅମନ୍ କଲା । ୨୫ ଜିସୁର୍ କୁର୍ସ ଲଗେ ତାର୍ ଆୟ୍ ମରିୟ୍, ତାର୍ ଆୟ୍ ବଇନି, କଲ୍ପାର୍ ମାଇଜି ମରିୟ୍ ଆରି ମର୍ବଲିନି ମରିୟ୍ ଚିଆଅଇ ରଇଲା । ୨୬ ଜିସୁ ବେସି ଆଲାଦ୍ କର୍ବା ଗଟେକ୍ ସିସ୍ ତାର୍ ମାଆର୍ ଲଗେ ଚିଆ ଅଇରଇଲାଟା ଦେକି ଜିସୁ ତାର୍ ମାକେ କଇଲା, “ଏଦେ

ଦେକା! ତରୁ ପଥା!” ୨୭ ତାରୁ ପତେ ସେ ସିସ୍ତକେ କଇଲା “ଏଦେ ଦେକା!
 ତରୁ ଆୟା!” ସେଦିନେ ଅନି ସେ ସିସ୍ ଜିସୁର୍ ମାକେ ନିଜରୁ ଗରେ ଡାକିନେଲା
 । ୨୮ ଏଡକି ବିତ୍ରେ ଜିସୁ ସବୁ ବିସଇ ପୁରାପୁରୁନ୍ ଅଇଲାଟା ଜାନିପାରୁଲା,
 ମାତରୁ ସାସ୍ତରରୁ ବବିସତ୍ କାତା ପୁରା କରବାପାଇ ସେ କଇଲା “ମାକେ
 ସସ୍ କଲାନି ।” ୨୯ ତେଇ ଗଟେକ୍ ନକିଟାନେ ତପୁରା ଅଢୁରୁ ରସ୍ ରଇଲା
 । ସନିଅମନ୍ ଗଟେକ୍ ସୁତାରୁ ଗରୁଣ୍ଡା ତବାଲ୍ଲାଇ ଆରି ତେଢୁ ସୁଲ୍ତାଢୁ
 ଚିପେ ବାନ୍ତି ଜିସୁର୍ ଟଣ୍ଟୁଲଗେ ଲାମାଇଦେଲାଇ । ୩୦ ଜିସୁ ସେଟା କାଇକରି
 “ସାରିଗାଲାବେ!” ବଲି କଇଲା । ଏଡକି କଇକରି ତାରୁ ଆତ୍ମା ସର୍ପିଦେଲା
 । ୩୧ ସେଦିନ୍ ନିସ୍ତାରୁ ପରବର୍ ନିଉତା ଦିନ୍ ରଇଲାଜେ, ମଲା ଗାଗଡ୍
 କୁରସ୍ ଉପ୍ରେ ନ ରଏ, କାଇକେବଇଲେ ସେ ଦିନ୍ ବିସ୍ତରାମ୍ବାରରୁ ସୁକଲ୍
 ଦିନ୍ ରଇଲା । ସେଟାରୁପାଇ କୁରସ୍ ରଇବା ତିନିଲକରୁ ଗଡ୍ ବାଢୁଇକରି
 ବିନ୍ ଜାଗାଇ ନେଅଡ୍ ବଲି ଜିଉଦିଲକ୍ମନ୍ ପିଲାଡକେ ଗୁଆରି କଲାଇ ।
 ୩୨ ସେଟାରୁପାଇ ସନିଅମନ୍ ଜାଇ ଜିସୁର୍ ସଢୁ ତଗାଇଅଇରଇବା ଆରି
 ଦୁଇଲକରୁ ଗଡ୍ ବାଢୁଇଦେଲାଇ । ୩୩ ମାତରୁ ଜେତେବେଲା ସେମନ୍
 ଜିସୁର୍ ଲଗେ ଆସି ଦେକ୍ଲାଇଜେ, ସେ ମରିଜାଇରଇଲା । ସେଟାରୁପାଇ
 ସେମନ୍ ତାରୁ ଗଡ୍ ବାଢୁଅଡ୍ ନାଇ । ୩୪ ମାତରୁ ଗଟେକ୍ ସନିଅ ତେଲ୍ ସଢୁ
 ତାରୁ ପାଞ୍ଜୁରା ତଲେ ବୁସ୍ଲା ଦାପ୍ରେ ବନି ଆରି ପାନି ବାରଇଲା । ୩୫
 ଏଟା ଜେ ଦେକି ରଇଲା, ସେ ଏ ସାକି ଦେଲାଆତେ । (ସେଟାରୁ ପାଇ ତମେ
 ମିସା ବିସ୍ବାସ୍ କରା । ତାରୁ ସାକିଦେଲାଟା ସତ୍ସେ । ଆରି ସେ ସତ୍କାତା
 କଇଲା ଆତେ ବଲିକରି ନିଜେ ବିସ୍ବାସ୍ କରସୁ ।) ୩୬ କାଇକେବଇଲେ
 ସାସ୍ତରରୁ ଏ ବାକିଅ ପୁରାପୁରୁନ୍ ଅଇବାପାଇ ବଲି ଏ ସବୁ ବିସଇ ଗଟ୍ଲା,
 “ତାରୁ ଗଟେକ୍ ଆଡ୍ ମିସା ନ ଚିଲ୍ପେ ।” ୩୭ ପର୍ମେସରରୁ ସାସ୍ତରେ ଆରି
 ଗଟେକ୍ ବାକିଅ ଏନ୍ଦାରି ଆତେ ଜାକେ ସେମନ୍ ବୁସ୍ଲାଲଆତଡ୍, ତାକେ
 ଦେକ୍ବାଇ ଆରି ତାରୁ ବାଟେସେ ଦେକ୍ତେ ରଇବାଇ । ୩୮ ଏ ସବୁ ଗଟ୍ନା
 ଅଇଲା ପତେ ଆରାମାତିଆ ଗଡ୍ ଜସେପ୍ ନାଉର୍ ଗଟେକ୍ ଲକ୍ ପିଲାଡକେ
 ଜିସୁର୍ ଗାଗଡ୍ ମାଢୁଲା । ଜସେପ୍ ଜିସୁର୍ ସିସ୍ ରଇଲା । ମାତରୁ ସେ
 ଜିଉଦି ନେତାମନ୍କେ ଡରିକରି ଜାନାଇ ନ ଅଇ ରଇତେ ରଇଲା । ପିଲାଡ୍
 ଜସେପ୍କେ ଜିସୁର୍ ଗାଗଡ୍ ନେ ବଇଲାକେ, ସେ ଜିସୁର୍ ମଲାଗାଗଡ୍ ଦାରି
 ଗାଲା । ୩୯ ନିକଦିମ ମିସା ଜସେପ୍ ସଢୁ ଗାଲା । ଏ ନିକଦିମ ଗଟେକ୍

ରାତି ଜିପୁକେ ମିସ୍‌ବାର୍ ଜାଇରଇଲା । ସେ ଜିପୁର୍ ଗାଗ୍‌ତେ ଲାଗାଇବାକେ
ଗନ୍ଧୁରସ୍ ଆରି ଅଢ୍ଢୁର୍ ମିସାଇଲା ବାସ୍‌ନା ଚିକନ୍ ତିରିସ୍ କେଜି ଆନିରଇଲା
। ୪୦ ସେମନ୍ ଦୁଇ ଲକ୍ ମିସିକରି ଜିଉଦିମନ୍‌ର ରିତିନିତି ଇସାବେ ଜିପୁର୍
ଗାଗଡ୍ ନେଇ ବାସ୍‌ନା ଦିନ୍‌ସୁ ସଢ୍ଢୁ, ତେଢ୍ଢୁ ପଟିଆ ଗୁଡିଆଇ ଦେଲାଇ । ୪୧
ତାକେ ଜନ୍ ଜାଗାଇ କୁର୍‌ସେ ଚଗାଇ ରଇଲାଇ, ସେ ଜାଗାଇ ଗଟେକ୍ ବାଡ୍
ରଇଲା । ଆରି ସେ ବାଡେ ମଲା ଲକ୍‌ମନ୍‌କେ ସଢ୍ଢୁଇବାକେ ଗଟେକ୍ ନୁଆ
ପାଆର୍ ରଇଲା । ସେ ପାଆରେ କେବେ ମିସା କାକେ ନ ସଢ୍ଢୁଇ ରଇଲାଇ
। ୪୨ ବିସ୍‌ରାମ୍ ବାରର୍ ନିଉତା ଦିନ୍ ଅଇରଇଲା ଆରି ସେ ପାଆର୍ ଲଗେ
ରଇଲା ଜେ, ସେମନ୍ ଜିପୁର୍ ଗାଗଡ୍ ନେଇକରି ସେ ପାଆରେ ସଢ୍ଢୁଇଦେଲାଇ
।

୨୦ ଆଟର୍ ପର୍‌ତୁମ୍ ଦିନର୍ ସାକାଲେ ଛୁଲ୍‌ପୁଲ୍ ଉଜଲ୍ ବେଲାଇ ମଗ୍‌ଦଲିନି
ମରିୟୁମ୍ ଜିପୁକେ ପାକ୍‌ନା ସଢ୍ଢୁ ତିଆର୍ କରି ସଢ୍ଢୁଇଲା ପାଆରେ ଆସିକରି
ଡାବିରଇଲା ପାକ୍‌ନା ଗୁଡିରଇଲାଟା ଦେକ୍‌ଲା । ୧ ସେଟାର୍‌ପାଇ ସେ ପାଲାଇ
କରି ସିମନ୍ ପିତର୍ ଆରି ଜିପୁ ଜନ୍ ସିସ୍‌କେ ବେସି ଆଲାଦ୍ କର୍‌ତେ ରଇଲା,
ସେମନ୍‌କେ ଆସି କଇଲା, “ସେମନ୍ ମାପ୍‌ରୁକେ, ସଢ୍ଢୁଇଲା ଜାଗାଇଅନି
ଦାରିଗାଲାଇ ଆତଡ୍ । ଆରି ତାକେ କନ୍ ଜାଗାଇ ସଢ୍ଢୁଇଲାଇ ଆତଡ୍ ସେଟା
ଆମେ ନାଜାନୁ ।” ୩ ସେଡ୍‌କି ବେଲେ ପିତର୍ ଆରି ସେ ସିସ୍, ଜିପୁକେ
ସଢ୍ଢୁଇଲା ଜାଗାଇ ଜିବାକେ ବାରଇଲାଇ । ୪ ସେମନ୍ ଦୁଇ ଲକ୍ ମିସ୍‌ତେ
ପାଲାଇତେ ରଇଲାଇ । ଆରି ସେ ବିନ୍ ସିସ୍ ପିତର୍‌କେ ପଚେ କରି ଆଗ୍‌ତୁ
ସଢ୍ଢୁଇ ରଇଲା ଜାଗାଇ କେଟ୍‌ଲା । ୫ ସେ ପାଆର୍ ବିଡ୍‌ରେ ଲଇଁକରି ଏରି
ଦେକ୍‌ଲାଜେ, ଏଦେ ଦେକା! ତେଇ ଜିପୁର୍ ଗାଗ୍‌ତେ ଗୁଡିଆଇ ଅଇରଇଲା
ଲୁଗା ଅଦ୍‌ରିରଇଲାଟା ଦେକ୍‌ଲା । ମାତର୍ ସେ ବିଡ୍‌ରେ ପୁରେନାଇ । ୬ ପଚେ
ସିମନ୍ ପିତର୍ ମିସା ତାର୍ ପଚେ ପଚେ ଜାଇ କେଟ୍‌ଲା ଆରି ପାଆର୍ ବିଡ୍‌ରେ
ଜାଇ ତେଇ ଅଦ୍‌ରି ରଇଲା ଲୁଗା ଦେକ୍‌ଲା । ୭ ଆରି ଜିପୁର୍ ମୁଣ୍ଡେ ଜନ୍ ଲୁଗା
ଗୁଡିଆଇ କରି ବାନ୍ଧିରଇଲାଇ, ସେଟା ପାତଲ୍ ଲୁଗା ସଢ୍ଢୁ ନ ଅଇକରି ଗଟେକ୍
ବିନ୍‌ଟାନେ ଗୁଡିଆଇଅଇ ରଇଲା । ୮ ତାର୍ ପଚେ ସେ ବିନ୍ ସିସ୍ ଜେକି ଆଗ୍‌ତୁ
କେଟି ରଇଲା ସେ ପାଆର୍ ବିଡ୍‌ରେ ଜାଇକରି ସେଟା ସବୁ ଦେକିକରି ବିସ୍‌ବାସ୍
କଲା । ୯ (ସେ ସିସ୍‌ମନ୍ ସେ ବେଲା ଜାକ ପର୍‌ମେସରର୍ ବଇତେଇ ଲେକା
ଅଇଲା ଇସାବେ, ଜିପୁ ମଲାଟାନେଅନି ଆରି ତରେକ୍ ଜିବନ୍ ଅଇ ଉର୍‌ସି ବଲି

ବୁଝି ନ ରଇଲା । ୧) ୧୦ ତାର୍ ପରେ ସିସ୍ତମ୍ ପାଆର୍ ଦେକି ସାରାଇ ଗରେ
 ବାଉଡ଼ି ଉଟି ଗାଲା । ୧୧ ମାତର୍ ମରିୟମ୍ ଜିସୁର୍ ଗାଗଡ଼ ସଞ୍ଜୁଇରଇଲା
 ପାଆର୍ ଲଗେ ଚିଆଅଇ କାନ୍ତୁତେ ରଇଲା । ସେ କାନ୍ତି କାନ୍ତି ଲଇଁକରି ପାଆର୍
 ବିତ୍ରେ ଦେକ୍ଲା, ୧୨ ଆରି ଏଦେ ଦେକା! ତେଇ ଦବ୍ପତିଆ ପିନ୍ତୁରଇବା
 ଦୁଇଟା ସରଗର୍ ଦୁତମନ୍ ଜିସୁକେ ଜନ୍ ଜାଗାଇ ସଞ୍ଜୁଇରଇଲା, ଗଟେକ୍
 ଲକ୍ ମୁଣ୍ଡବାଟେ ଆରିଗଟେକ୍ ଲକ୍ ଗଡ଼ବାଟେ ବସିରଇଲାଟା ଦେକ୍ଲା ।
 ୧୩ ସେମନ୍ ମରିୟମ୍କେ ପାଚାରୁଲା, “ତୁଇ କାଇକେ ମା କାନ୍ତୁଲୁସ୍ନି?”
 ମରିୟମ୍ କଇଲା, “ସେମନ୍ ମର୍ ମାପ୍ତୁର୍ ଗାଗଡ଼ କେନେକି ଦାରିଗାଲା
 ଆତର୍ । ଆରି ସେମନ୍ ତାକେ କନ୍ତି ସଞ୍ଜୁଇଲା ଆତର୍ ସେଟା ମୁଇ ନାଜାନି
 ।” ୧୪ ସେ ଏନ୍ତି କଇକରି ପାସଲ୍ଲା ବେଲେ, ତେଇ ଜିସୁ ଚିଆଅଇ ରଇଲାଟା
 ଦେକ୍ଲା । ମାତର୍ ମରିୟମ୍ ତାକେ ଜିସୁ ବଲି ଚିନି ନାପାରୁଲା । ୧୫
 ଜିସୁ ତାକେ ପାଚାରୁଲା “ଏ ମାଆ ତୁଇ କାଇକେ କାନ୍ତୁଲୁସ୍ନି? ତୁଇ କାକେ
 କଇଲୁସ୍ନି?” ମରିୟମ୍ ଏ ଲକ୍ ବାତର୍ କାମ୍ କରୁ ମାଲି ବଲି ବାବିକରି
 ତାକେ କଇଲା, “ଏ ଆଗିଆଁ, ତୁଇ କାଇ ଜିସୁର୍ ଗାଗଡ଼ ନେଇ ଆରୁସ୍ କି?
 ତାକେ ତୁଇ କନ୍ତି ସଞ୍ଜୁଇ ଆରୁସ୍? ମକେ କଇଦେ, ମୁଇ ଜାଇକରି ତାକେ
 ଦାରିଜିବି ।” ୧୬ ଜିସୁ ତାକେ “ମରିୟମ୍!” ବଲି ଡାକ୍ଲା । ମରିୟମ୍ ତାର୍
 ବାଟେ ପାସଲି କରି “ରାବୁସ୍ନି!” ବଲି ଏବ୍ରି ବାସାଇ କଇଲା । ଏଟାର୍ ଅରଡ଼
 ଅଇଲାନି ଗୁରୁ । ୧୭ ଜିସୁ ତାକେ କଇଲା, “ମକେ ଦାରି ର ନାଇ, ଏବେ ଜାକ
 ମୁଇ ବାବା ପର୍ମେସର୍ ଲଗେ ଜାଇନାଇ । ମାତର୍ ତୁଇ ଜାଇକରି ମର୍
 ବାଇମନ୍କେ କଅ, ମୁଇ, ମର୍ ବାବା ଆରି ସେମନ୍ ବାବା, ମର୍ ପର୍ମେସର୍
 ଆରି ସେମନ୍ ପର୍ମେସରର୍ ଲଗେ ବାଉଡ଼ି ଗାଲିନି ।” ୧୮ ମର୍ଦଲିନି
 ମରିୟମ୍ ସିସ୍ତମନ୍ ଲଗେ ବାଉଡ଼ି ଗାଲା ଆରି କଇଲା “ମୁଇ ମାପ୍ତୁକେ
 ଦେକ୍ଲି ଆତି ।” ଆରି ଜିସୁ କଇଲା ସବୁ କାତା ସିସ୍ତମନ୍କେ କଇଦେଲା ।
 ୧୯ ସେ ଦିନ୍ ଆଟର୍ ପର୍ତୁମ୍ ଦିନ୍ ଅଇରଇଲା । ସଞ୍ଜୁ ବେଲା ସବୁ ସିସ୍ତମନ୍
 ଗଟେକ୍ ତେଇ ରୁଣ୍ଡୁଲା । ସେମନ୍ ଜିଉଦି ନେତାମନ୍କେ ଡରିକରି ଗରର୍
 କାପାଟ୍ ସବୁ ଡାବିଅଇଦେଇ ରଇଲା । ସେ ବେଲା, ଏଦେ ଦେକା! ଜିସୁ
 ଅଟାଟ୍ ସେମନ୍କେ ଦେକାଇଅଇକରି ସେମନ୍ ଚିଆଅଇଲା ଜାଗାଇ “ତମ୍କେ
 ସାନ୍ତି ମିଲା!” ବଲି କଇଲା । ୨୦ ଜିସୁ ଏ କାତା କଇଲା ପରେ ନିଜର୍
 ଆର୍ ଆରି ପାଞ୍ଜୁରା ଦେକାଇଲା । ସିସ୍ତମନ୍ ମାପ୍ତୁକେ ଦେକିକରି ବେସି

ସାର୍ଦ୍ଦା ଅଇଗାଲାଲ । ୨୧ ଜିସୁ ଆରି ତରେକ୍ ସେମନ୍‌କେ କଇଲା “ତମ୍‌କେ ସାନ୍ତି ମିଲ! ବାବା ପର୍‌ମେସର୍‌ ମକେ ଜେନ୍ତି ପାଟାଇଆତେ, ସେନ୍ତିସେ ମୁଇ ତମ୍‌କେ ପାଟାଇଲିନି ।” ୨୨ ତାର୍‌ ପତେ ଜିସୁ ସେମନ୍‌ ଉପ୍‌ରେ ପୁଣ୍ଡୁଲା ଆରି “ତମେ ସୁକଲ୍‌ ଆତ୍‌ମାକେ ନାମା!” ୨୩ “ଜଦି ତମେ ଲକ୍‌ମନ୍‌ ପାପ୍‌ କେମା କରୁସା ବଇଲେ, ପର୍‌ମେସର୍‌ ମିସା ସେମନ୍‌ ପାପ୍‌ କେମା ଦେଲା ଆତେ । ଜଦି ତମେ ଲକ୍‌ମନ୍‌ ପାପ୍‌ କେମା ନ କରାସ୍ ବଇଲେ ପର୍‌ମେସର୍‌ ମିସା ସେମନ୍‌ ପାପ୍‌ କେମା ନ କରେ ।” ବଲି କଇଲା । ୨୪ ଜିସୁ ବାର୍‌ଟା ସିସ୍‌ମନ୍‌ ବିତ୍‌ରେଅନି ତମା ଜାକେକି ଜଅଁଲା ବଲି ଡାକ୍‌ବାଇ, ଜିସୁ ସିସ୍‌ମନ୍‌କେ ଦେକାଇଅଇଲା ବେଲେ ସେ ନ ରଇଲା । ୨୫ ସେଟାର୍‌ ପାଇ ତେଇ ରଇଲା ବିନ୍ ସିସ୍‌ମନ୍‌ ତମା ଆଇଲା ପତେ କଇଲାଇ, ଆମେ ମାପ୍‌ରୁକେ ଦେକଲୁ ଆରୁ । ମାତର୍‌ ତମା କଇଲା, “ମୁଇ ତାର୍‌ ଆତେ କୁଟିର୍‌ ତିନ୍ ନ ଦେକ୍‌ତେ ଆରି ସେ ତିନେ ମର୍‌ ଆଢ୍ଗୁଟି ନ ତିଢ୍ଗୁଲାଇବା ଜାକ ଆରି ତାର୍‌ ପାଞ୍ଜୁରାଇ ଆତ୍ ନ ପୁରାଇବା ଜାକ ବିସ୍‌ବାସ୍ ନ କରି ।” ୨୬ ଗଟେକ୍ ଆତ୍ ଗାଲା ପତେ ସିସ୍‌ମନ୍‌ ଆରି ତରେକ୍ ଗର୍ ବିତ୍‌ରେ ରଇଲାଇ, ତମା ମିସା ସେମନ୍‌ ସଢ୍ଗୁ ତେଇ ରଇଲା । କାପାଟେ ଗାଡା ଦେଇରଇଲାଇ । ମାତର୍‌ ଏଦେ ଦେକା! ଆଗ୍‌ତୁର୍ ପାରା ଜିସୁ ଗର୍ ବିତ୍‌ରେ ପୁରିକରି ସେମନ୍‌ ମଜାଇ ତିଆଅଇକରି କଇଲା, “ତମ୍‌କେ ସାନ୍ତି ମିଲ!” ୨୭ ତାର୍‌ ପତେ ଜିସୁ ତମାକେ କଇଲା, “ତର୍ ଆଢ୍ଗୁଟି ଇତି ସଢ୍ଗୁଇ ମର୍ ଆତ୍ ଦେକ୍, ଆରି ମର୍ ପାଞ୍ଜୁରାଇ ଆତ୍ ପୁରାଇ ଦେକ୍ । ଆରି କେବେ ମିସା ବିସ୍‌ବାସ୍ କରିନାଇ ବଲି କଅ ନାଇ, ମାତର୍ ବିସ୍‌ବାସ୍ କର୍ ।” ୨୮ ତମା ଜିସୁକେ କଇଲା, “ଏ ମର୍ ମାପ୍‌ରୁ, ଏ ମର୍ ପର୍‌ମେସର୍!” ୨୯ ଜିସୁ ତାକେ କଇଲା, “ତୁଇ ମକେ ଦେକିକରି ବିସ୍‌ବାସ୍ କଲୁସ୍‌ନି କି? ମାତର୍ ଜନ୍ ଲକ୍‌ମନ୍ ମକେ ନ ଦେକିକରି ମିସା ବିସ୍‌ବାସ୍ କଲାଲିନି, ସେମନ୍ କେତେ ସାର୍‌ଦା ପାଇବାଇ!” ୩୦ ଜିସୁ ସିସ୍‌ମନ୍‌ ସଢ୍ଗୁ ରଇଲାବେଲେ କେତେକ୍ କେତେକ୍ କାବାଅଇଜିବା କାମ୍‌ମନ୍ କରୁରଇଲା । ସେଟା ସରୁ ଏ ବଇତେଇ ଲେକା ଅଏନାଇ । ୩୧ ମାତର୍ ଏଡ୍‌କିସେ ଲେକାଅଇଲା, “ତମେ ଜେନ୍ତିକି ବିସ୍‌ବାସ୍ କରୁସା ଜେ, ଜିସୁସେ ପର୍‌ମେସର୍‌ ପଅ, ଜେକି ମସିଅ, ଆରି ତାକେ ବିସ୍‌ବାସ୍ କଲେସେ ତମେ ଜିବନ୍ ପାଇସା ।”

୨୧ ତାର ପତେ ଜିସୁ ନିଜେ ଆରି ତରେକ୍ ସିସ୍ତମନ୍‌କେ ଡିବିରିଆର୍
 ଗାଡ଼ପାଲି ଦେକାଇଅଇଲା । ସେଟା ଏନ୍ତି ଅଇଲା । ୨ ଜିସୁର୍ କେତେଟା
 ସିସ୍ତମନ୍ ଗଟେକ୍ ତେଇ ରୁଣ୍ଡିରଇଲା । ସେମନ୍ ଅଇଲାଇନି, ସିମନ୍ ପିତର୍,
 ବିଦୁମ୍ ବଲି ଡାକ୍‌ବା ତମା ନାଉଁର୍ ସିସ୍, ଗାଲିଲି ଦେସର୍ କାନା ଗଡେ ରଇଲା
 ନିତନିଏଲ୍, ଜେବଦିର୍ ଦୁଇଟା ପିଲା ଜାକୁବ୍, ଜଅନ୍ ଆରି ବିନ୍ ଦୁଇଟା
 ସିସ୍ତମନ୍ । ୩ ସିମନ୍ ପିତର୍ ସେମନ୍‌କେ “ମୁଇ ମାର୍ ଦାର୍‌ବାର୍ ଗାଲିନି
 ।” ବଲି କଇଲା । ସେମନ୍ ମିସା “ତର୍ ସଞ୍ଜୁ ଆଇରୁ ।” ବଲି କଇଲା ।
 । ଆରି ତଞ୍ଜୁଇ ଚଗି, ସେମନ୍ ଗୁଲାଇ ରାତି ଜାଲ୍ ମାର୍‌ଲାଇ, ମାତର୍
 ମୁଲ୍‌କେ ଦାରତ୍‌ନାଇ । ୪ ଆର୍‌କର୍ ଦିନେ ଜୁଲ୍‌ପୁଲ୍ ଉଜଲେ ଜିସୁ ଗାଡ଼କଣ୍ଡି
 ଡିଆଅଇରଇଲା । ମାତର୍ ସିସ୍ତମନ୍ ତାକେ ଜିସୁ ବଲି ଚିନି ନାପାର୍‌ଲା । ୫
 ଜିସୁ ସେମନ୍‌କେ ପାଟାର୍‌ଲା, “ଏ ମଇତର୍‌ମନ୍ ତମେ ଜଡେକ୍ ମିସା ମାର୍
 ଦାରାସ୍ ନାଇ କି?” ସେମନ୍ “ମୁଲ୍‌କେ ଦାରୁ ନାଇ ।” ବଲି କଇଲା । ୬ ଜିସୁ
 ସେମନ୍‌କେ କଇଲା, “ତଞ୍ଜୁର୍ ଉଜାବାଟେ ଜାଲ୍ ମାରା, ତମେ ମାର୍‌ଦାର୍‌ସା
 ଆଲେ ।” ସେ କଇଲା ପାରା ଜାଲ୍ ପାକାଇଲାଇ ଜେ, ଏତର୍ ତାକର୍ ଜାଲେ
 ଏଡେକ୍ ମାର୍ ଲାଗୁଲାଇଜେ, ସେମନ୍ ଜାଲ୍ ଜିକି ନାପାର୍‌ଲା । ୭ ଜିସୁ
 ଜନ୍ ସିସ୍‌କେ ଆଲାଦ୍ କର୍ତେ ରଇଲା, ସେ ସିସ୍ ପିତର୍‌କେ କଇଲା, “ଏଦେ
 ଦେକା! ଏଟା ନିଜେ ଆମର୍ ମାପୁରୁ ସେ!” ପିତର୍ ଏଟା ମାପୁରୁ ଆକା ବଲି
 କଇଲାଟା ସୁନିକରି ବେଟି ସଞ୍ଜୁଇଲା ବସ୍‌ତର୍ ପିନ୍ତୁ ଗାଡେ ଡେଗଇଦେଲା
 । କାଇକେ ବଇଲେ ସେ ମାର୍ ଦାର୍‌ବାବେଲେ, ଉପ୍‌ରେ ପିନ୍ତୁଲା ବସ୍‌ତର୍
 ବେଟି ସଞ୍ଜୁଇ ରଇଲା । ୮ ଆରି ବାକି ସିସ୍ତମନ୍ ମାର୍ ବର୍ତ୍ତି ରଇଲା ଜାଲ୍
 ଜିକିଜିକି ତଞ୍ଜୁ କଣ୍ଡିତେଇ ଆନି ଲାଗାଇଲା । ସେମନ୍ କଣ୍ଡିଅନି ଦୁଇସ
 ଆଡ୍ ଦୁରିକେସେ ରଇଲା । ୯ ସିସ୍ତମନ୍ ତଞ୍ଜୁଇଅନି ଉଡ଼ିକରି ପଦାଇ
 କେଟ୍‌ଲାବେଲେ, ଜଇରଇଲା ଇଞ୍ଜୁରା ଉପ୍‌ରେ କେତେଟା ବାଜିଅଇଲା ମାର୍
 ଆରି ରୁଟି ସଞ୍ଜୁଅଇ ରଇଲାଟା ଦେକ୍‌ଲା । ୧୦ ତାର ପତେ ଜିସୁ “ତମେ
 ଏବେ ଦାର୍‌ଲା କେତେଟା ମାର୍ ଆନା ।” ବଲି କଇଲା । ୧୧ ସେଟାର୍
 ପାଇ ସିମନ୍ ପିତର୍ ଜାଇ ମାର୍ ବର୍ତ୍ତି ରଇଲା ଜାଲ୍ ପଦାପାଲିକେ ଜିକି
 ଆନୁଲା । ସେ ଜାଲେ ସଏ ପଟାସ୍ ତିନ୍‌ଟା ବଡ଼ବଡ଼ ମାର୍ ଲାଗି ରଇଲା ।
 । ମାର୍‌ମନର୍ ଲାଗି ବେସି ବଜ୍ ରଇଲା ମିସା, ଜାଲ୍ ଡିଡେନାଇ । ୧୨
 ଜିସୁ ସେମନ୍‌କେ “ଆସା କାଆ!” ବଲି କଇଲା । ସିସ୍ତମନର୍ ବିଡ଼ରେଅନି

କେ ମିସା ତୁଇ କେ? ବଲି ପାଚାର୍‌ବାକେ ସାଆସ୍ କରତ୍ ନାଇ । କାଇକେ
 ବଇଲେ ସେମନ୍ ସେ ମାପ୍‌ରୁ ବଲି ଜାନି ରଇଲା । ୧୩ ଜିସୁ ତାକର୍ ଲଗେ
 ଜାଇ ରୁଟି ଆରି ମାଟ୍ ବାଟାକରିଦେଲା । ୧୪ ଜିସୁ ମରିକରି ଜିବନ୍‌ଅଇ,
 ସିସ୍‌ମନ୍‌କେ ଏଟା ସଢ଼ୁ ମିସାଇ, ତିନ୍‌ତର୍ ଦେକାଇଅଇଲା । ୧୫ ସେମନ୍
 କାଇଲା ପଚେ ଜିସୁ ସିମନ୍ ପିତର୍‌କେ କଇଲା, “ଜଅନର୍ ପଅ ସିମନ୍,
 ତୁଇକାଇ ଏମନ୍‌ତେଇଅନି ମକେ ଅଦିକ୍ ଆଲାଦ୍ କଲୁସ୍‌ନି କି?” ପିତର୍
 କଇଲା, “ଉଁ ମାପ୍‌ରୁ ମୁଇ ଆଲାଦ୍ କଲିନି ବଲି ତୁଇ ଜାନିଆରୁସ୍ ।” ଜିସୁ
 ତାକେ “ତୁଇ ମର୍ ମେଣ୍ଟାମନ୍‌କେ ନିମାନ୍ କରି ଜତନ୍ କର୍ ।” ବଲି କଇଲା
 । ୧୬ ତାର୍ ପଚେ ଜିସୁ ଆରି ତରେକ୍ ତାକେ ପାଚାର୍‌ଲା, “ଜଅନର୍ ପଅ
 ସିମନ୍, ତୁଇ କାଇ ମକେ ସତଇସେ ଆଲାଦ୍ କଲୁସ୍‌ନି କି?” ପିତର୍ କଇଲା,
 “ଉଁ ମାପ୍‌ରୁ ମୁଇ ତକେ ଆଲାଦ୍ କଲିନି ବଲି ତୁଇ ଜାନିଆରୁସ୍ ।” ତାର୍
 ପଚେ ଜିସୁ କଇଲା, “ସେନ୍ତାରିଆଲେ ମର୍ ମେଣ୍ଟାମନ୍‌ର ଜତନ୍ କର୍ ।” ୧୭
 ଜିସୁ ତୁଇତର୍ ପାଚାରି ସାରି ଆରିତରେକ୍ ପାଚାର୍‌ଲା, “ଏ ଜଅନର୍ ପଅ
 ସିମନ୍ ତୁଇ ମକେ ଆଲାଦ୍ କଲୁସ୍‌ନି କି?” ଜିସୁ ତାକେ ତିନ୍ ତର୍ ଜାକ
 ଗଟେକ୍ କାତାସେ ପାଚାର୍‌ଲାଜେ ପିତର୍ ତୁକ୍ ଅଇଗାଲା, ଆରି କଇଲା, “ଏ
 ମାପ୍‌ରୁ ମୁଇ ଆଲାଦ୍ କଲିନି ବଲି ତୁଇ ସବୁ ଜାନିଆରୁସ୍ ।” ଜିସୁ ପିତର୍‌କେ
 କଇଲା, “ତୁଇ ମର୍ ମେଣ୍ଟାମନ୍‌କେ ନିମାନ୍ କରି କୁଆଡ଼ । ୧୮ “ମୁଇ ତକେ
 ସତ୍ କାତା କଇଲିନି, ତୁଇ ଦାଢ଼ୁତା ରଇଲାବେଲେ, ଚକା ପଟିଆ ପିନ୍ଧି କରି
 ଜେନେ ପାର୍‌ଲା ତେନେ ଜାଇତେ ରଇଲୁସ୍ । ମାତର୍ ତକ୍‌ରା ଅଇଲେ ଆର୍
 ଟେକ୍‌ସୁ, ଆରି ବିନ୍ ଲକ୍‌ମନ୍ ତକେ ବାନ୍ଧି ଜନ୍ତି ଜିବାକେ ମନ୍ ନ ରଏ, ସେ
 ବାଟେସେ ତକେ ନେବାଇ ।” ୧୯ ସେ କେନ୍ତାରି ଅଇ ମରିକରି ପର୍‌ମେସରର୍
 ତାକ୍‌ପୁଟା କର୍‌ସି, ସେଟା ଜାନାଇବାକେ ଜିସୁ ଏନ୍ତାରି କଇଲା । ଏନ୍ତି କଇ
 ସାରାଇ ସେ ପିତର୍‌କେ କଇଲା “ମର୍ ସଢ଼ୁ ଆଉ ।” ୨୦ ପିତର୍ ପାସ୍‌ଲିକରି
 ଜିସୁର୍ ଆଲାଦ୍‌ର୍ ବିନ୍ ସିସ୍‌କେ ଦେକ୍‌ଲା । ଜାକେ କି ଜିସୁ ବେସି ଆଲାଦ୍
 କର୍‌ତେରଇଲା । ଜନ୍ ସିସ୍ କି ରାତିଆ କାଇଲାବେଲେ ଜିସୁର୍ ବୁକେ ଆଉଜି
 ଅଇକରି ପାଚାରିରଇଲା । “ମାପ୍‌ରୁ କେ ତମ୍‌କେ ବିସ୍‌ବାସେ ବିସ୍ ଦେଲାପାରା
 ସତ୍‌ରୁମନ୍‌କେ ସତ୍‌ପି ଦେଇସି?” ୨୧ ପିତର୍ ସେ ସିସ୍‌କେ ଦେକି ଜିସୁକେ
 ପାଚାର୍‌ଲା, “ଏ ମାପ୍‌ରୁ ଆର୍ ବିସଇ କାଇଟା ଅଇସି?” ୨୨ ଜିସୁ ତାକେ
 କଇଲା, “ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଢ଼ି କରି ରଅ ବଲି

ମୁଇ ମନ୍ କଲିନି ବଇଲେ, ଏଟାର୍ପାଇ ତୁଇ କାଇକେ ଚିନ୍ତା କଲୁସ୍ନି? ତୁଇ ମର୍ ସଢୁ ଆଉ ।” ୨୩ ତେବେ ଜିସୁ ଜନ୍ ସିସ୍କେ ଆଲାଦ୍ କର୍ତେ ରଇଲା, ସେ ନ ମରେ ବଲି କଇରଇଲା ବିସଇ ଗୁଲାଇ ବାଟର୍ ବିସବାସ୍ କର୍ବା ବାଇମନର୍ତେଇ କେଟ୍ଲା । ମାତର୍ ସେ ନ ମରେ ବଲି ଜିସୁ କଇ ନ ରଇଲା । ମୁଇ ଏ ଦୁନିଆଇ ଆରି ତରେକ୍ ଆଇବା ଜାକ ସେ ବ୍ଟିକରି ରଥ ବଲି ମୁଇ ଜଦି ମନ୍ କଲିନି ବଇଲେ, ଏଟାର୍ପାଇ ତୁଇ କାଇକେ ଚିନ୍ତା କଲୁସ୍ନି? ବଲି କଇରଇଲା । ୨୪ ସେ ସିସ୍ ଏ ସବୁ ବିସଇ କଇଲାଆଚେ, ଏ ସବୁଜାକ ସେ ଲେକି ମିସା ଆଚେ ଆରି ସେଟା ଆମେ ଜାନୁ । ସେ ଜାଇଟା କଇଲା ଆଚେ ସେଟା ସବୁ ସତ୍ସେ । ୨୫ ଜିସୁ କରିରଇବା କାମ୍ମନ୍ ଆରି କେତେକ୍ କେତେକ୍ ଆଚେ, ମାତର୍ ମର୍ ବିଟାର୍ ଇସାବେ ସେ ସବୁଜାକ ଜଦି ଗଟେକ୍ ଲକ୍ ଲେକ୍ଲେ, ଜେଡ୍କି ବଇ ଲେକା ଅଇସି, ସେଟାମନ୍ ସଢୁଇବାକେ ଟାନ୍ ନ ଅଏ ।

ପେରିଡ଼

୧ ସାର୍ଦ୍ଦାର୍ ତିଅପିଲ୍, ମର୍ ପର୍ତୁମ୍ ଲେକିରଇବା ଲୁକ୍‌ବଇଟାନ୍ନେ ଆରାମେଅନି, ପର୍ମେସର୍ ତାକେ ସର୍ଗେ ନେବା ଦିନ୍ ଜାକ, ଜିସୁ କରିରଇବା ଆରି ସିକାଇରଇବା ସବୁ ବିସଇ ଲେକିରଇଲି । ୨ ତାର୍ ଆଗ୍ତୁ ସୁକଲ୍‌ଆତ୍‌ମାର୍ ବପୁସ୍ତୁ ସେ ବାଟିରଇବା ପେରିଡ଼ମନ୍‌କେ କେତେଟା ଆଦେସ୍ ଦେଇରଇଲା । ୩ ସେ ଦୁକ୍ କସ୍‌ଟ ଅଇଲାପତେ, ସେମନ୍‌କେ ନିଜେ ବେସି ତର୍ ଦେକାଇଅଇଲା । ତାଲିସ୍ ଦିନ୍‌ଜାକ ବିନ୍ ବିନ୍ ବେଲାଇ ଦେକାଇଅଇଲା । ମଲାତେଇଅନି ଉଟ୍‌ଲାଟା ସତ୍‌ସ୍ତୁ ଜାନାଇଲା । ସେମନ୍ ତାକେ ଦେକ୍‌ଲାଇ, ଆରି ସେ ସେମନ୍‌ସ୍ତୁ ପର୍ମେସର୍ ରାଇଜ୍ ବିସଇନେଇ କାତା ଅଇଲା । ୪ ତରେକ୍ ସେମନ୍‌ସ୍ତୁ ମିସିକରି କାଇବା ବେଲେ, ସେ ଏ ଆଦେସ୍ ଦେଲା, “ଜିରୁସାଲମ୍ ତାତାନାଇ । ମାତର୍ ଜନ୍‌ଟା ମର୍ ସରଗର୍ ବାବା, ଇନାମେ ଦେବିବଲି କଇଆତେ, ସେଟା ନ ମିଲ୍‌ବା ଜାକ ଜାଗିରୁଆ । ୫ କାଇକେବଇଲେ ଜଅନ୍ ପାନିତେଇ ତୁବନ୍ ଦେଇରଇଲା, ମାତର୍ କେତେ ଦିନ୍ ବିତ୍‌ରେ ପର୍ମେସର୍ ତମ୍‌କେ ସୁକଲ୍‌ ଆତ୍‌ମାଇ ତୁବନ୍ ଦେଇସି ।” ୬ ଦିନେକ୍ ପେରିଡ଼ ସିସ୍‌ମନ୍ ଗଟେକ୍‌ତେଇ ରୁଣ୍ଡିରଇଲା ବେଲେ ଜିସୁକେ ପାଚାର୍‌ଲାଇ, “ମାପ୍‌ରୁ, ତମେ କାଇ ଏବେ ଇସ୍‌ରାଏଲର୍ ଲକ୍‌ମନ୍‌କେ ତାକର୍ ରାଇଜ୍ ଆରିତରେକ୍ ବାଉତାଇ ଦେଇସୁ କି?” ୭ ଜିସୁ ସେମନ୍‌କେ କଇଲା, “ମର୍ ବାବା ତାର୍ ନିଜର୍ ଅଦିକାର୍‌ସ୍ତୁ ବେଲାଗତି ଟିକ୍‌କରି ସ୍ତୁଇ ଆତେ । ଏ ସବୁ କେବେ ଗଟ୍‌ସି, ସେଟା ତମର୍ ଜାନ୍‌ବା ଦର୍କାର୍ ନାଇ । ୮ ମାତର୍ ସୁକଲ୍‌ ଆତ୍‌ମା ତମର୍ ଉପ୍‌ରେ ଉତ୍‌ରଲେ, ତମେ ପୁରାପୁରୁନ୍ ବପୁ ଅଇସା ଆରି ଜିରୁସାଲମ୍, ଜିଉଦାର୍ ସବୁଟାନ୍ନେ, ସମିରଣ୍ ଆରି ଜଗତର୍ ସାରାସାରି ଜାକ ମର୍ ନାଉଁ ଦାରି ସାକି ଅଇସା ।” ୯ ଏତ୍‌କି କାତା ସେମନ୍‌କେ କଇସାରାଇଲା ପତେ, ସେମନ୍ ଜିସୁକେ ସର୍ଗେ ନେବାଟା ଦେକ୍‌ଲାଇ । ଗଟେକ୍ ଡେଲ୍‌କା ବାଦଲ୍ ଆସି ତାବିଅଇଲାକେ ସେ ବାନା ଅଇଗାଲା । ଆରି ସେମନ୍ ତାକେ ଦେକି ନାପାର୍‌ଲାଇ । ୧୦ ସେ ସର୍ଗେ ଗାଲାପତେ ମିସା ସେମନ୍ ଆଁକି ମରାଇକରି ଉପ୍‌ରେ ସେ ଦେକ୍‌ତେ ରଇଲାଇ । ସେତ୍‌କିବେଲେ ଏଦେ ଦେକା! ଦବ୍ ପତିଆ ପିନ୍‌ଲା ଦୁଇ ଲକ୍, ସେମନ୍‌ର୍ ମୁଆଟେ ଆସି ଚିଆଅଇଲାଇ । ୧୧ ଆରି କଇଲାଇ “ଏ ଗାଲିଲିର୍ ଲକ୍‌ମନ୍, ତମେ କାଇକେ ଇତି ଚିଆଅଇ ଆକାସେ ଦେକ୍‌ଲାସ୍‌ନି? ଏ ଜିସୁକେ ପର୍ମେସର୍

ତମରୁଟାନେଅନି ସର୍ବେ ନେଲା ଆଚେ । ସେ ସର୍ବେ ଜେନ୍ତି ଜାଇରଇଲା,
 ସେନ୍ତାରିସେ ଦରୁତନିତେଇ ଆଇବାଟା ଦେକ୍‌ସା ।” ୧୨ ତାରୁପଚେ ପେରିତ୍
 ସିସ୍‌ମନ୍ ଜିତ୍ ପରବତେଅନି ଜିରୁସାଲାମ୍ ବାଉତି ଗାଲାଇ । ସେ ପରବତ୍,
 ଜିରୁସାଲମ୍ ନଅରେଅନି ଗଟେକ୍ କିଲମିଟର୍ ଦୁର୍ ରଇଲା । ୧୩ ଜିରୁସାଲେମ୍
 ନଅରେ ଜାଇକରି ସେମନ୍ ରଇବା ବାକରାଇ ପୁରୁଲାଇ । ପିତର୍, ଜଅନ୍,
 ଜାକୁବ୍ ଆରି ତାର୍ ବାଇ ଆନ୍ତୁରିୟ୍, ପିଲିପ୍, ତମା, ବାର୍ତଲମି, ମାତିଉ,
 ଆଲ୍‌ପିର୍ ପିଲା ଜାକୁବ୍, ଦେସ୍ ଆଲାଦକର୍ବା ସିମନ୍ ଆରି ଜାକୁବର୍ ପିଲା
 ଜିଉଦା, ଏମନ୍ ରଇଲା ତେଇର୍ ପେରିତ୍ ସିସ୍‌ମନ୍ । ୧୪ ସେମନ୍ ତରକେତର୍
 ଗଟେକ୍ ଦଲ୍ ଇସାବେ ପାର୍ତନା କର୍ବାକେ ରୁଣ୍ଡେତ ରଇଲାଇ । ଆରି
 ସେମନର୍ସଞ୍ଜ୍ ଜିସୁର୍ ଆୟା ମରିୟ୍, ବିନ୍ ମାଇଜିମନ୍ ଆରି ଜିସୁର୍ ବାଇମନ୍
 ମିସା ମିସ୍‌ତେରଇଲାଇ । ୧୫ କେତେ ଦିନ୍ ଗାଲାପଚେ ପାକାପାକି ସଏ କଡେ
 ଲକ୍ ବିସ୍‌ବାସି ବାଇମନ୍ ରଇଲା ଗଟେକ୍ ସବାଇ, ପିତର୍ ଲକ୍‌ମନର୍ ମୁଆଟେ
 ଉଚି ଚିଆଅଇ କଇଲା, ୧୬ “ଏ ମର୍ ବାଇବଇନିମନ୍, ଜନ୍ ଇସ୍କାରିୟ୍
 ଜିଉଦା ଜିସୁକେ ଦାରାଇଦେବାକେ ସତ୍‌ରୁମନ୍‌କେ ବାଟ୍ ଦେକାଇ ଆନିରଇଲା,
 ତାର୍ ବିସଇ, ଦାଉଦ୍ ସୁକଲ୍‌ଆତ୍‌ମାଇ ପୁରୁନ୍‌ଅଇ ବବିସତ୍‌କାତା ସୁନାଇ
 ରଇଲା । ଦରମ୍ ସାସ୍‌ତରର୍ କାତା ସିଦ୍ ଅଇବାକେ ଏଟା ଗଟ୍‌ବାର୍ ରଇଲା ।
 ୧୭ ଏଲେମିସା ସେ ଆମର୍ ଦଲର୍ ଲକ୍ ରଇଲା । ଆରି ଆମର୍ ସଞ୍ଜ୍ କାମ୍
 କର୍ବାକେ ବାଟାଇଅଇ ରଇଲା ।” ୧୮ ଜିଉଦା କରିରଇବା କରାପ୍ କାମେଅନି
 ମିଲାଇଲା ତାରୁକେ ଗଟେକ୍ ଜମି ଗେନାଅଇରଇଲା । ଆରି ସେ ଜମିତେଇ,
 ଉମ୍‌ତାତିଅଇ ଅଦ୍‌ରି ମଲା । ତାର୍ ପେଟ୍ ଚିରିଅଇ ଆଁତି ବାରଇଗାଲା । ୧୯
 ଜିରୁସାଲମ୍ ନଅରେ ବାସାଅଇରଇବା ସବୁ ଲକ୍‌ମନ୍ ଏ ସବୁ ବିସଇ ସୁନ୍‌ଲାଇ
 । ସେମନର୍ ବାସାଇ ସେ ଜମିର୍ ନାଉଁ ଆକେଲ୍‌ଦାମା ତାର୍ ଅରତ୍ ଅଇଲାନି
 ବନିର୍ ପଦା ବଲି ନାଉଁ ଦେଲାଇ ଆଚତ୍ । ୨୦ ଗିତ୍‌ସଞ୍ଜିତା ବଇଟାନେ ଏ
 ବିସଇ ଲେକା ଅଇଲା ଆଚେ, “ତାର୍ ଗର୍ ରୁଟା ଅଇଜାଅ, ତେଇ ବାସା
 ଅଇବାକେ କେ ମିସା ନ ରଅତ୍ ।” ଆରି ମିସା ଲେକା ଅଇଲା ଆଚେ, “ତାର୍
 ଜାଗାଇ ସେବା କର୍ବାକେ ଆରି ଗଟେକ୍ ଲକ୍ ମିସ ।” ୨୧ “ସେଟାର୍
 ପାଇ, ଜିସୁମାପୁରୁ ଆମର୍ ସଞ୍ଜ୍ ଗାଲାବେଲେ ଜେ ଆମର୍ ଦଲେ ସବୁବେଲେ
 ରଇଲା, ସେନ୍ତାରି ଗଟେକ୍ ଲକ୍‌କେ ବାଟ୍‌ବାର୍ ଆଚେ । ୨୨ ଜନ୍ ଲକ୍‌କେ
 ଆମେ ବାଟ୍‌ରୁ, ପର୍‌ମେସର୍ ଜିସୁକେ ଜେନ୍ତି ଜିବନ୍ କରି ଉଟାଇଲା, ସେ

ବିସଇ ଆମରସଞ୍ଜ ସେ ସାକି ଅଇବାରୁଆଚେ । ଜଅନ୍ ଜିସୁକେ ଡୁବନ୍ଦେଲା
 ବେଲେଅନି, ପର୍ମେସର୍ ଆମରୁଟାନେଅନି ତାକେ ସର୍ଗେ ନେବା ଜାକ,
 ସେ ଲକ୍ ଆମର୍ ଦଲେ ରଇବାରୁ ଆଚେ ।” ୨୩ ସେମନ୍ ଦୁଇ ଲକର୍ ନାଉଁ
 ଦେଲାଇ । ଜସେପ୍ ଜେକି ବର୍ସବା ଆରି ଜୁସ୍ତକ୍ ବଲି ମିସା କଇବାଇ ଆରି
 ମତିୟ । ୨୪ ଆରି ସେମନ୍ ପାର୍ତନା କଲାଇ, “ମାପୁରୁ ତମେତା ସବୁ ଲକର୍
 ମନର୍ କାତା ଜାନାସ୍ । ଜିଉଦା ଜନ୍ ଜାଗାଇ ରଇବାରୁରଇଲା, ଟିକ୍ ତେଇ
 ଉଟିଗାଲା । ପଚେ ତାରୁ ଜାଗାଇ ତମେ ବାଟିରଇବା ଲକ୍, ଏ ଦୁଇ ଲକର୍
 ବିତ୍ରେ ଅନି କେ ଅଇରଇସି? ୨୫ ଜେ ପେରିତ୍ ସିସ୍କାମ୍ କରିପାର୍ସି,
 ତାକେ ଆମ୍‌କେ ଜାନାଆ ।” ୨୬ ତାରୁପଚେ ଦୁଇ ଲକର୍ଟାନେଅନି ଗଟେକ୍
 ଲକ୍‌କେ ବାବ୍‌ବାକେ କେଡ୍‌ପୁଟାଇଲାଇ । କେଡ୍‌ପୁଟାଇଲାକେ ମତିୟସର୍
 ନାଉଁ ପୁଟ୍‌ଲା । ସେନ୍ତୁରି, ଏଗାରୁଟା ସିସ୍‌ମନର୍ ଦଲେ ସେ ମିସ୍‌ଲା ।

୨ ଜନ୍ ଦିନେ ସେମନ୍ ପେନ୍‌ଟିକସ୍ ପରବ୍ ମାନ୍‌ତେରଇଲାଇ, ଜିସୁକେ
 ବିସ୍‌ବାସ୍ କର୍ବା ସବୁ ଲକ୍‌ମନ୍ ଗଟେକ୍ ଜାଗାଇ ରୁଣ୍ଡିରଇଲାଇ । ୨ ଅଟାଡ୍
 ଆକାସେଅନି ବେସି ପବନ୍ ଆଇଲାପାରା ଗଟେକ୍ ସବଦ୍ ଅଇଲା । ଆରି ଜନ୍
 ଗରେ ସେମନ୍ ବସି ରଇଲାଇ, ସେଟା ସେ ସବଦେ ପୁରୁନ୍ ଅଇଲା । ୩
 ତାରୁପଚେ ସେମନ୍ ଦେକ୍‌ଲାଇ, କେତେଟା ଜଇଜିବ୍ ଉଦ୍‌ଲିକରି ବିଟି ଅଇଲା
 । ଆରି ତେଇ ରଇଲା ସବୁ ବିସ୍‌ବାସିମନ୍‌କେ ଚିଇଲା । ୪ ସେମନ୍ ସବୁଲକ୍
 ସୁକ୍‌ଆତ୍‌ମାଇ ପୁରାପୁରୁନ୍ ଅଇଲାଇ ଆରି ଆତ୍‌ମା ଦେଲା ବପୁ ଇସାବେ
 ନାଜାନ୍‌ଲା ବାସାମନର୍ ସଞ୍ଜ କାତା ଅଇବାରୁ ଦାରୁଲାଇ । ୫ ଜଗତର୍ ବିନ୍
 ବିନ୍ ଦେସେଅନି ଆସିରଇଲା ଜିଉଦି ଲକ୍‌ମନ୍ ସେଡ୍‌କିବେଲେ ଜିରୁସାଲମେ
 ରଇଲାଇ । ୬ ଏନ୍ତୁରି ଅଇଲାଟା ଦେକି ସେମନ୍ ସାର୍‌ଦା ଅଇଗାଲାଇ ।
 କାଇକେବଇଲେ ସେ ବିସ୍‌ବାସିମନ୍ ତାକର୍ ତାକର୍ ବାସାଇ କାତା ଅଇବାଟା
 ସେମନ୍ ସୁନ୍‌ଲାଇ । ୭ ସେମନର୍ ବୁଦିଗୁପିଗାଲା ଆରି କାବା ଅଇଜାଇ
 ପାଟାରୁଲାଇ, “ଏନ୍ତୁରି ବାସାଇ କାତା ଅଇବା ଲକ୍‌ମନ୍ ଗାଲିଲିଅନି ନଅଡ୍ କି?
 ୮ ସେନ୍ତିଆଲେ ଆମେ କେନ୍ତି ସେମନ୍‌କେ ଆମର୍ ନିଜର୍ ନିଜର୍ ଜନମ୍ ଜାଗାରୁ
 ବାସାଇ କାତା ଅଇବାଟା ସୁନିଆରୁ? ୯ ଆମେ ପାର୍‌ତିୟ, ମାଦିୟ, ଏଲାମିୟ
 ଆରି ମେସପଟାମିୟ, ଜିଉଦା ଦେସ୍ ଆରି କାପ୍‌ଦକିଆ, ପନ୍ଥୁ ଆରି ଆସିଆ,
 ୧୦ ପିରିଜିଆ ଆରି ପପୁଲିଆ, ମିସର୍ ଆରି କୁରିଣି ଲଗେ ରଇଲା ଲିବିଆ
 ଜାଗାରୁ ଲକ୍ । ଆମର୍ ବିତ୍ରେ ରମ୍‌ରାଇଜେଅନି ଆସିରଇବା, ଜନମେ ଅନି

ଜିଉଦି ଅଇଲା ଲକ୍ ଆରୁ ଆରି ପତେ ଜିଉଦି ଦରମ୍ ନେଲା ଲକ୍ ମିସା ଆରୁ
 । ୧୧ ଆମର୍ ବିତ୍ରେଅନି କେତେଲକ୍ କିର୍ତିୟୁଅନି ଆରି ଆରବିୟୁଅନି
 ଆଇଲୁ ଆରୁ । ଏନ୍ତି ଆମେ ସବୁ ବିନ୍ ବିନ୍ ଜାଗାଇଅନି ଆଇଲୁ ଆରୁ ।
 ଏନ୍ତି ବଇଲେ ମିସା ପର୍ମେସର୍ କଲା ବଡ଼ ବଡ଼ କାବାଅଇଜିବା କାମ୍ ଏ
 ଲକ୍ମନ୍ ଆମର୍ ନିଜର୍ ନିଜର୍ ବାସାଇ କାତାଅଇବାଟା ସୁନ୍ଲୁନି ।” ୧୨
 ଏନ୍ତି ବଲି ସେମନ୍ ବେସି କାବାଅଇଗାଲା । ଆରି ସେମନ୍ ରୁଦି ଆଜି
 ଗାଲା । ଆରି ତାକର୍ ତାକର୍ ବିତ୍ରେ “ଏଟା କେନ୍ତୁର୍ ଅଇଲା ତେବେ?”
 ବଲି ସବୁ ବେଲେ ପାତାର୍ତ୍ତାର୍ ଅଇତେ ରଇଲା । ୧୩ ମାତର୍ ବିନ୍
 ଲକ୍ମନ୍ ବିସ୍ବାସିମନ୍କେ କିଜାଇକରି କଇଲା, “ସେମନ୍ ମାତିଆତ୍ତା!”
 ୧୪ ପିତର୍ ତାର୍ ସଞ୍ଜୁ ରଇଲା ଏଗାର୍ଟା ପେରିତ୍ ମନର୍ ସଞ୍ଜୁ ଚିଆଅଇ
 ଆଉଲି ଅଇ କଇଲା, “ଏ ମର୍ ପାରା ଜିଉଦି ଲକ୍ମନ୍ ଆରି ଜିୟାଲମେ
 ରଇବା ସବୁ ବାଇମନ୍, ମର୍ କାତା ମନ୍ଦେଇ ନିମାନ୍ ସୁନା । ଏଟା କାଇଟା
 ଅଇଲାନି ବଲି ମୁଇ ତମ୍କେ ରୁଜାଇ କଇବି । ୧୫ ଏବେ ସାକ୍ଲିଆ ନଅଟା
 ବେଲା ଅଇଲା ଆତେ । ତମେ ବାବ୍ଲାପାରା ଏ ଲକ୍ମନ୍ ମାତର୍ ନାଇ ।
 ୧୬ ଏଟା ଜଏଲ୍ ନାଉର୍ ବବିସତ୍ବକ୍ତା କଇଲା କାତା ପାରା ଗଟ୍ନା ଗଟି
 ଆତେ ।” ୧୭ ସେଟା କାଇଟା ବଇଲେ ପର୍ମେସର୍ କଇଲାନି, “ସାରାସାରି
 ଦିନେ ମୁଇ ଏ ସବୁ ବିସଇ କର୍ବି । ମର୍ ଆତ୍ମା ଜବର୍ ଅଇତେ ସବୁବାଟର୍
 ଲକ୍କେ ଦେବି । ତମର୍ ପିଲାଜିଲା ମୁଇ କଇବା କାତା କଇବାଇ । ତମର୍
 ଦାଢୁଡାପିଲାମନ୍କେ ମୁଇ ଦରସନ୍ ଦେକାଇବି । ଆରି ତକ୍ତା ଲକ୍ମନ୍ ମର୍
 ବିସଇନେଇ ସପନ୍ ଦେକ୍ବାଇ । ୧୮ ସେ ଦିମ୍ମନ୍କେ ମର୍ ଆତ୍ମା ଜବର୍
 ଅଇତେ ମର୍ ଦାଢୁଡା ଅଇରଇବା ମାଇଜିମୁନ୍ସୁମନ୍କେ ଆଜାତି ଦେବି ।
 ସେମନ୍ ମୁଇ କଇବା କାତା କଇବାଇ । ୧୯ ଆକାସେ କାବା ଅଇଜିବା କାମ୍
 କର୍ବି । ଦରତନି ତେଇ ମିସା କାବାଅଇଜିବା ତିମ୍ମନ୍ କର୍ବି । ଲକ୍ମନ୍
 ବନି, ଜଇ ଆରି କାଲିଆ ଦୁଆଁ ଦେକ୍ବାଇ । ୨୦ ବେଲ୍କେ ଆନ୍ତୁର୍ ତିସ୍ଲା
 ପାରା କରାଇବି, ଜନ୍, ବନି ପାରା ତିସ୍ବାକେ କରାଇବି । ମୁଇ ବାଉଡି
 ଆଇବା ସେ ବଡ଼ ଉଜଲର୍ ଦିନ୍ ଆଗ୍ତୁ, ଏଟାସବୁ ଅଇସି । ୨୧ ଜେଡ୍ କି ଲକ୍
 ମର୍ ନାଉଁ ଦାରି ତାକ୍ବାଇ, ସେମନ୍କେ ମୁଇ ରକିଆ କର୍ବି ।” ୨୨ ପିତର୍
 କଇଲା, “ଏ ଇସ୍ରାଏଲ୍ ଦେସର୍ ଲକ୍ମନ୍ ତମେ ମୁଇ କଇବା କାତା ସୁନା ।
 ପର୍ମେସର୍ସେ ବାତି ପାଟାଇଲା ଲକ୍, ନାଜରିତ୍ ଗତର୍ ଜିସୁ ବଲିକରି ସେ

ତମର ଲଗେ ରଇଲା ବେଳେ, ଦେକାଇଦେଲା । ସେଟା କେନ୍ଦ୍ରୀୟ ବଇଲେ,
 ପରମେସ୍ୱର ତାର୍ତ୍ତେଇଅନି କାବା ଅଇଜିବା କାମ୍ କଲାଆତେ । ଏଟା ସତ୍
 ବଲି ତମେ ଜାନିଆତାସ୍ । ୨୩ ତାର୍ ଆଗ୍ତୁରୁ ଜଙ୍ଗନା ଇସାବେ ସେ କାତା
 ଦେଇସାରାଇରଇଲା କି, ଜିସୁ ତମର ଆତେ ସର୍ପାଇ ଅଇସି । ତାର୍ପତେ
 ତାର୍ ନିୟମ୍ ନ ମାନ୍ବା ଲକ୍ମନ୍ ତାକେ କୁରୁସେ ତଗାଇ ମରାଅତ୍ ବଲି
 ତମେ ତାକେ ଏନ୍ତି କଲାସ୍ । ୨୪ ମାତର୍ ପରମେସ୍ୱର ଜିସୁକେ ମଲାଟାନେଅନି
 ଆରି ତରେକ୍ ଉଟାଇଲା । ମରନର୍ ବପୁତେଇଅନି ତାକେ ମୁକ୍ତଲାଇଲା
 । କାଇକେବଇଲେ କେ ମିସା ତାକେ ମରାଇକରି ସେ ଜାଗାଇ ସଞ୍ଜୁଇ
 ନାପାରୁଲା । ୨୫ ଏ ବିସଇ ଦାଉଦ୍ ରାଜା ଏନ୍ତି କଇ ଆତେ । ସେଟା କାଇଟା
 ବଇଲେ, “ପରମେସ୍ୱର ସବୁ ବେଲା ମର୍ ମୁଆଟେ ରଇବାଟା ଦେକ୍ଲି । ସେ
 ମର୍ ସଞ୍ଜୁ ଆତେ । ସେଟାର୍ପାଇ ମକେ କେ ମିସା କତପତ କରିନାପାରତ୍ ।
 ୨୬ ସେଟାର୍ ପାଇ ମୁଇ ସାର୍ଦାସଞ୍ଜୁ ଆତି । ଆରି ସାର୍ଦାର୍ କାତା କଇବି ।
 ମର୍ ଏ ମର୍ବା ଗାଗତ୍ ରଇଲେ ମିସା ମୁଇ ସବୁବେଳେ ତମର ତେଇ ଆସା
 କରୁବି । ୨୭ କାଇକେ ବଇଲେ ତୁଇ ମକେ ମଲାଲକ୍ମନର୍ ଜାଗାଇ ତାଡି ନ
 ଦିଆସ୍ । ତମର ସୁକଲ୍ ଦାଞ୍ଜୁତାକେ ସମାଦିଟାନେ କୁଇବାକେ ନ ଚାତାସ୍ ।
 (Hadēs ୨୮) ୨୮ ତମେ ମକେ ଜିବନର୍ ବାଟ୍ ଦେକାଇ ଆତାସ୍ । ତମେ
 ମର୍ ସଞ୍ଜୁ ଆତାସ୍, ସେଟାର୍ପାଇ ମୁଇ ସାର୍ଦା ସଞ୍ଜୁ ରଇବି ।” ୨୯ ଆରି
 ପିତର୍ କଇଲା, “ଏ ଇସ୍ରାଏଲର୍ ବାଇବଇନିମନ୍, ଆମର୍ ଆନିଦାଦିବେଲର୍
 ଦାଉଦ୍ ରାଜାର୍ ବିସଇ ତାଟ୍ସଞ୍ଜୁ କଇବାକେ ମର୍ ଅଦିକାର୍ ଆତେ । ସେ
 ମଲାକେ ତାକେ ତପି ଦେଲା । ସେ ତପ୍ଲା ଜାଗା ଏବେ ଜାକ ଇତି ଆତେ
 । ୩୦ ସେ ଗଟେକ୍ ବବିସତ୍ବକ୍ତା ରଇଲା ଆରି ପରମେସ୍ୱର ସପତ୍ବକରି
 କଇଲା ବିସଇ ଜାନିରଇଲା । ପରମେସ୍ୱର ତାକେ କାତା ଦେଇରଇଲା ଜେ,
 ତାର୍ ଗଟେକ୍ ନାତିତି ଦିନେକ୍ ତାର୍ପାରା ସାସନ୍ କରୁସି । ୩୧ ଏ ବିସଇ
 ଆଗେ ସେ ଜାନି ରଇଲାର୍ପାଇ ପରମେସ୍ୱର ମସିଅକେ ମଲାତେଇଅନି
 ଆରିତରେକ୍ ଜିବନ୍ କରାଇସି ବଲି ସେ କଇପାରୁଲା ।” “ପରମେସ୍ୱର ତାକେ
 ମରିକରିସେ ତେଇ ରଇବାକେ ଚାଡିଦେଏ ନାଇ । ଆରି ତାର୍ ଗାଗତ୍ ସମାଦି
 ତେଇ କୁଇ ଜିବାକେ ଚାଡେନାଇ ।” (Hadēs ୨୮) ୩୨ ଏବେ ଏ ଜିସୁକେ
 ପରମେସ୍ୱର ଜିବନ୍ ଦେଇ ଉଟାଇଆତେ । ଆମେ ସବୁ ସେ ଗଟ୍ନାର୍ ସାକି ।
 ୩୩ ପରମେସ୍ୱର ତାକେ ତାର୍ ଉଜାବାଟେ ବସ୍ବାକେ ଉଟାଇଆତେ । ଆରି

ସେ କାତା ଦେଲା ଇସାବେ ତାର୍‌ଟାନେଅନି ସୁକଲ୍‌ଆତ୍‌ମା ପାଇଲାଆତେ । ତମେ ଏବେ ଜନ୍‌ଟା ଦେକ୍‌ଲାସ୍‌ନି ଆରି ସୁନ୍‌ଲାସ୍‌ନି, ସେଟା ଅଇଲାନି ତାର୍‌ ଦାନ୍‌କରି ରଇବାଟା । ଜନ୍‌ଟା କି ସେ ଆମ୍‌କେ ଜବର୍‌ ଅଇତେ ଆଜାତି ଦେଲାଆତେ । ୩୪ ସର୍‌ଗେ ଗାଲା ଲକ୍‌ ଦାଉଦ୍‌ ନ‌ଏଁ । ମାତର୍‌ ସେ କଇଲା, “ପର୍‌ମେସର୍‌ ମର୍‌ ମାପ୍‌ରୁକେ କଇଲା ତମର୍‌ ସବୁ ସର୍‌ରୁମନ୍‌କେ ଆରାଇବା ଜାକ ମର୍‌ ଉଜାବାଟେ ବସ୍‌ ଆରି ସାସନ୍‌ କର୍‌ ।” ୩୫ ଆରି ତର୍‌ ସର୍‌ରୁମନ୍‌କେ ତର୍‌ ପାଦ୍‌ତଲେ ନ ଆନ୍‌ବା ଜାକ ମର୍‌ ଉଜାବାଟେ ବସି ର । ୩୬ ପିତର୍‌ ଆରି କଇଲା “ଏ ଇସ୍ରାଏଲର୍‌ ସବୁ ଲକ୍‌ମନ୍‌, ତମେ ଜନ୍‌ ଜିସୁକେ କୁର୍‌ସେ କୁଟିମାରି ମରାଇରଇଲାସ୍, ପର୍‌ମେସର୍‌ ତାକେ ମାପ୍‌ରୁ ଆରି ମସିଅ କଲାଆତେ ବଲି ତାଟ୍‌ସଞ୍ଜୁ ଜାନ୍‌ବାର୍‌ଆତେ ।” ୩୭ ଏ କାତା ପିତର୍‌ଟାନେଅନି ସୁନ୍‌ଲା ସବୁ ଲକ୍‌ମନ୍‌ ତାକର୍‌ ନିଜର୍‌ ବୁଲ୍‌ ଏତାଇକରି ମନ୍‌ ବିତ୍‌ରେ କିଲ୍‌ବିଲ୍‌ ଅଇଗାଲାଇ । ସେମନ୍‌ ପିତର୍‌କେ ଆରି ପେରିତ୍‌ମନ୍‌କେ ପାଚାର୍‌ଲାଇ, “ଏ ବାଇମନ୍‌ ଏନ୍ତାର୍‌ ବଲି କଇଲେ ଆମେ କାଇଟା କର୍‌ବାର୍‌ ଆତେ?” ୩୮ ପିତର୍‌ ସେମନ୍‌କେ କଇଲା, “ତମେ ଗଟେକ୍‌ ଗଟେକ୍‌ ଲକ୍‌ ପାପେଅନି ବାଉଡିକରି ଜିସୁ କିରିସ୍‌ଟେ ନାଉଁ ଦାରି ତୁବନ୍‌ ନେବାର୍‌ ଆତେ, ଜେନ୍ତାରି କି ତମର୍‌ ପାପ୍‌ ସବୁ କେମା ଅଇସି ଆରି ପରମେସର୍‌ ତମ୍‌କେ ସୁକଲ୍‌ ଆତ୍‌ମା ଦେଇସି । ୩୯ ଏ ସପର୍‌ ତମର୍‌ପାଇ ଆରି ତମର୍‌ ପିଲାମନର୍‌ପାଇ । ଆରି ଇତିଅନି ଦୁରିକେ ରଇବା ସବୁର୍‌ପାଇ । ଜନ୍‌ ସବୁଲକ୍‌କେ ସେ, ତାର୍‌ ଲଗେ ତାକ୍‌ଲାନି ।” ୪୦ ଆରି ପିତର୍‌ ସେମନ୍‌କେ ଜାଗ୍‌ରତ୍‌ କରାଇବାକେ ବେସି ବିସଇ କଇଲା ଆରି ସେମନ୍‌କେ ବାବୁଜିଆ କଲା । ବିସ୍‌ବାସ୍‌ ନ କର୍‌ବା ଜିଉଦି ବାଇମନ୍‌କେ ଆଇତେରଇବା ବଡ୍‌ ତଣ୍ଡେଅନି ନିଜ୍‌କେ ରକିଆ କରା । ବଲି କଇଲା । ୪୧ ତେଇ ପିତର୍‌ର କାତା ସୁନି ବେସି ଲକ୍‌ ବିସ୍‌ବାସ୍‌ କଲା । ଆରି ସିସ୍‌ମନ୍‌ ସେମନ୍‌କେ ତୁବନ୍‌ ଦେଲା । ସେ ଦିନେ ତିନ୍‌ଅଜାର୍‌ ଲକ୍‌ମନ୍‌ ତାକର୍‌ ଦଲେ ମିସ୍‌ଲା । ୪୨ ସେମନ୍‌ ପେରିତ୍‌ମନ୍‌ ସିକାଇଲା ବିସଇ ମାନ୍‌ଲା । ମିସିବିଡି ରଇବାକେ, ମିସିକରି କାଇବାକେ, ଆରି ପାର୍‌ତନା କର୍‌ବାକେ । ୪୩ ଆରି ଲକ୍‌ମନ୍‌ ଡରିଜାଇତେରଇଲା । ପର୍‌ମେସର୍‌ ପେରିତ୍‌ମନର୍‌ ତେଇଅନି ବେସି କାବାଅଇଜିବା କାମ୍‌ମନ୍‌ କର୍‌ତେ ରଇଲା । ସବୁ ଲକ୍‌ମନ୍‌ ପରମେସର୍‌କେ ନାମ୍‌ଲା । ୪୪ ଜିସୁକେ ବିସ୍‌ବାସ୍‌ କଲା ଲକ୍‌ମନ୍‌ ଗଟେକ୍‌ ଗରର୍‌ ଲକ୍‌ପାରାଅଇ ରଇତେ ରଇଲା । ଆରି ତାକର୍‌ତେଇ କାଇକାଟା

ରଇଲା, ସେଟା ସେମନ୍ ବାଟା କର୍ତ୍ତେରଇଲା । ୪୫ ତାକର୍ ବିତ୍ରେ
 କେତେଲକ୍ ଜମି ଆରି ନିଜର୍ପାଇ ରଇବାଟା ବିକିକରି, ସେ ତାରୁ ଦରକାର
 ଅଇଲା ଲକ୍ମନ୍‌କେ ଦେଇତେରଇଲା । ୪୬ ସବୁଦିନ୍ ପାର୍ତନା କର୍ବା
 ମନ୍ତ୍ରେ ଗଟେକ୍ ଦଲ୍‌ଅଇ ମିସ୍‌ତେରଇଲା । ଗରେ ଗରେ ମିସିବିଡି
 କାଇତେରଇଲା । ସାର୍‌ଦାସଙ୍ଗୁ ରଇକରି, ମନେ କାଇଟା ନ ବାବି ଦିଆନିଆ
 ଅଇତେରଇଲା । ୪୭ ସେମନ୍ ପର୍ମେସର୍‌କେ ଡାକ୍‌ପୁଟା କର୍ତ୍ତେରଇଲା
 ଆରି ଜିରୁସାଲେମର୍ ସବୁଲକ୍ ସେମନ୍‌କେ ନିକ ବଲି ବାବ୍‌ତେରଇଲା ।
 ମାପ୍‌ରୁ ଜନ୍ ଲକ୍ମନ୍‌କେ ମୁକ୍ତି କର୍ତ୍ତେରଇଲା, ଦିନ୍‌କେ ଦିନ୍ ସେମନ୍‌ର
 ଦଲେ ମିସାଇତେରଇଲା ।

୩ ଗଟେକ୍ ଦିନେ ପିତର୍ ଆରି ଜଅନ୍ ପାର୍ତନା କର୍ବାକେ ମନ୍ତ୍ରେ
 ଗାଲାଇ, ଜେତେବେଲେ କି ପାର୍ତନା କର୍ବା ବେଲା ମୁଇଦାନିଆ ତିନ୍
 ଗଟା ଅଇରଇଲା । ୨ ତେଇ ଗଟେକ୍ ଲକ୍ ରଇଲା । ସେ ଜନମେଅନି
 ତଟା । ତାକେ ସବୁଦିନ୍ ଲକ୍ମନ୍ ବଇକରି ସୁନ୍‌ର ବଲି କଇବା ମନ୍ତ୍ରେର
 ତିଆଗତି, ନିଆ ଆନା କର୍ତ୍ତେରଇଲା । ସେ ଜେନ୍ତୁକି ମନ୍ତ୍ରେ ଆଇଲା
 ଲକ୍ମନ୍‌କେ ବିକ୍ ମାଡ୍ଡି ପାର୍‌ସି । ୩ ପିତର୍ ଆରି ଜଅନ୍ ମନ୍ତ୍ରେ ବିତ୍ରେ
 ପୁର୍ବାଟା ଦେକି ସେ ସେମନ୍‌କେ କାଇଟା ମିସା ଦିଆ, ବଲି ବିକ୍‌ମାଗ୍‌ଲା
 । ୪ ପିତର୍ ଆରି ଜଅନ୍ ତାକେ ନିମାନ୍‌କରି ତିରିଆଇ ଦେକ୍‌ଲା ଆରି
 ପିତର୍ କଇଲା, “ଆମର୍ ବାଟେ ଦେକ୍!” ୫ ସେ କାଇଟାଆଲେ ପାଇବା
 ଆସାଇ ସେମନ୍‌ର ବାଟେ ମୁ ବୁଲାଇ ଦେକ୍‌ଲା । ୬ ମାତର୍ ପିତର୍ ତାକେ
 କଇଲା, “ମର୍ଲଗେ ସୁନା କି ରୁପା ନାଇ, ମକେ ଜାଇଟା ଆଟେ ସେଟା
 ତକେ ଦେଲିନି । ନାଜରିତର୍ ଜିସୁର୍ ନାଉଁଦାରି ମୁଇ ଆଦେସ୍ ଦେଲିନି, ଉର୍
 ଆରି ଇଣ୍ଟୁ!” ୭ ଏନ୍ତୁ କଇକରି ପିତର୍ ତାକେ ଉଜା ଆର୍ ଦାରି ଉଟାଇଲା,
 ସେ ଦାପ୍‌ରେ ସେ ଲକ୍‌ର ପାଦ୍ ଆରି ଗଡ୍ ସବୁ ତାଟ୍ ଅଇଲା । ୮ ସେ
 ଚିକାଲ୍‌ନା ତେଗଇକରି ଉର୍‌ଲା ଆରି ଇଣ୍ଟୁବାର୍ ଦାର୍‌ଲା । ସେ ଇଣ୍ଟୁ ଇଣ୍ଟୁ
 ତେଗଇ ତେଗଇ ପର୍ମେସର୍‌ର ଡାକ୍‌ପୁଟା କରକରି ତାକର୍ ସଙ୍ଗୁ ମନ୍ତ୍ରେ
 ଗାଲା । ୯ ତେଇ ରଇବା ଲକ୍ମନ୍ ତାକେ ଇଣ୍ଟୁବାଟା ଆରି ପର୍ମେସର୍‌କେ
 ଡାକ୍‌ପୁଟା କର୍ବାଟା ଦେକ୍‌ଲା । ୧୦ ମନ୍ତ୍ରେର ସୁନ୍‌ର ନାଉଁର୍ ତିଆଗତି ବସି
 ରଇଲା ମାଡ୍ଡୁତିଆ ବଲି ଚିନ୍‌ଲା । ଆରି ତାକେ ଜାଇଟା ଗଟି ରଇଲା ସବୁ
 ଜାନି କାବାଅଇଜାଇ କାନାବାନା ଅଇଲା । ୧୧ ସେ ଲକ୍ ପିତର୍‌କେ ଆରି

ଜଅନକେ ନ ଚାଡ଼ତେରଇଲା । ସଲ୍‌ମନର୍ ପିଣ୍ଡା ତାକର୍ ସଞ୍ଜୁ ରଇବାଟା
 ଦେକି, ଲକ୍‌ମନ୍ କାବାଅଇଗାଲା । ପତେ ପାଲାଆଇଲା । ୧୨ ପିତର୍
 ସେମନ୍‌କେ ଦେକି କଇଲା, “ଏ ଇସ୍ରାଏଲର୍ ବାଇମନ୍, ତମେ କାଇକେ
 କାବାଅଇଜାଇ ଆମର୍ ବାଟେ ଏନ୍ତା ଦେକ୍‌ଲାସ୍‌ନି? କାଇଟା ବାବ୍‌ଲାସ୍‌ନି?
 ଆମର୍ ନିଜର୍ ବପୁସଞ୍ଜୁ କି ଦରମ୍‌ସଞ୍ଜୁ ଏ ଲକ୍‌କେ ଇଣ୍ଟୁବା ବପୁ ଦେଲୁଆରୁ?
 ୧୩ ଆମର୍ ଆନିଦାଦିମନର୍ ପର୍ମେସର୍ ଅବ୍ରାଆମର୍, ଇସାକର୍ ଆରି
 ଜାକୁବର୍ ପରମେସର୍ ତାର୍ ସେବାକାରିଆ ଜିସୁକେ ଡାକ୍‌ପୁଟା କଲାଆତେ ।
 ମାତର୍ ତମେ ତାକେ ସାସନ୍‌କାରିଆମନର୍ ଆତେ ସର୍ପିଦେଲାସ୍ । ଏନ୍ତି
 କି ପିଲାତ୍ ତାକେ ଚାଡ଼ିଦେବାକେ ମନ୍‌କରି ରଇଲେ ମିସା ତାର୍ ମୁଆଟେ
 ଚାଡ଼ନାଇ ବଲି କଇଲାସ୍ । ୧୪ ସେ ଆକା ଗଟେକ୍‌ସେ ସୁକଲ୍ ଆରି ଦରମ୍
 ଲକ୍ ରଇଲା । ମାତର୍ ତମେ ତାକେ ନାମାସ୍ ନାଇ ଆରି ତାର୍ ବାଦୁଲେ
 ଗଟେକ୍ ନର୍ମାରୁକେ ମୁକ୍‌ଲାଇବାକେ ପିଲାତ୍‌କେ ଗୁଆରି କଲାସ୍ । ୧୫ ଜେ
 ଜିବନର୍ ବାଟ୍ ଦେକାଉ, ତାକେ ତମେ ମାର୍‌ଲାସ୍, ମାତର୍ ପର୍ମେସର୍ ତାକେ
 ମଲାଟାନେଅନି ଆରି ତରେକ୍ ଜିବନ୍ କରି ଉଟାଇଲା । ଆମେ ଅଇଲୁନି
 ତାର୍ ସାକି । ୧୬ ତାର୍ ନାଉଁର୍ ବପୁ ସଞ୍ଜୁ ଏ ଚଟା ନିମାନ୍ ଅଇଲାଆତେ
 । ଜନ୍ ଗଟ୍‌ନା ଏବେ ତମେ ନିଜେ ଦେକି ସତ୍ ବଲି ଜାନ୍‌ଲାସ୍, ସେଟା
 ଅବ୍‌କା ତାର୍ ନାଉଁଦାରି ବିସ୍‌ବାସ୍ କଲାକେସେ ମିଲ୍‌ଲା ଆତେ । ଜିସୁକେ
 ବିସ୍‌ବାସ୍ କଲାକେ ସେ ନିମାନ୍ ଅଇଲା ଆତେ, ଏଟା ତମେ ଦେକ୍‌ଲାସ୍
 ।” ୧୭ “ସେଟାର୍ ପାଇ ଏ ଇସ୍ରାଏଲର୍ ବାଇମନ୍, ତମେ ଆରି ତମର୍
 ନେତାମନ୍ ଜିସୁକେ ଜାଇଟା କଲାସ୍, ସେଟା ନାଜାନିକରି କଲାସ୍, ଏଟା
 ମୁଇ ଜାନି । ୧୮ ବେସି ବରସ୍ ଆଗ୍‌ତୁ ତାର୍ ବବିସତ୍‌ବକ୍‌ତା ମନର୍‌ଟାନେ
 ଅନି ଜାନାଇରଇବା କାତା ଇସାବେ ଏବେ ସିଦ୍ ଅଇଲା ଜେ, ସେ ମସିଅ
 ଦୁକ୍‌ପାଇବାକେ ଅଇସି । ୧୯ ସେନ୍ତିଆଲେ ତମେ ମନ୍‌ବାଦ୍‌ଲାଇ କରି
 ପରମେସର୍ ବାଟେ ବାଉଡ଼ି ଆସା । ତେବେ ସେ ତମର୍ ପାପ୍ କେମା କର୍‌ସି
 ।” ୨୦ ଆରି ମାପ୍‌ରୁଟାନେଅନି ଆଡ଼ମାଇ ବପୁ ପାଇସା, ପରମେସର୍
 ତମର୍‌ପାଇ ସେ ଆଗେଅନି ବାବ୍‌ଲା, ମସିଅ ଜିସୁକେ ପାଟାଇସି । ୨୧
 ପର୍ମେସର୍ ସବୁ ବିସଇ ନୁଆ କର୍‌ବା ବେଲା ଜାକ ସେ ସର୍‌ଗେ ରଇସି ।
 ଏଟା ପର୍ମେସର୍ ପୁର୍‌ବେ ରଇଲା ତାର୍ ସୁକଲ୍ ବବିସତ୍‌ବକ୍‌ତାମନ୍‌କେ
 ସପତ୍ କିରିରଇଲା । (aiōn g165) ୨୨ ସେ ବିସଇ ମସା କଇରଇଲା, ତମର୍

ମାପୁରୁ ପରମେସ୍ୱର ତମରୁ ଲଗେ ମରୁପାରା ବବିସତ୍ୱବକ୍ତାକେ ପାଟାଇସି ।
 ତମରୁ ବାଇମନରୁ ବିତ୍ରେ ଅନି ଗଟେକ୍ ଲକ୍ତକେ ପାଟାଇସି । ସେ ଜେତ୍ୱକି
 ବିସଇ କଇସି, ସେଟା ସବୁ ତମେ ମାନୁବାରୁ ଆଟେ । ୨୩ କେ ଜଦି ସେ
 ବବିସତ୍ୱବକ୍ତାରୁ କାତା ନ ନାମେ ତାକେ ପରମେସ୍ୱର ଲକ୍ତମନରୁଟାନେଅନି
 ଅଲ୍ଲଗା କରି କୁରୁପ୍ତନାସ୍ କରିପାକାଇସି । ୨୪ ଜେତ୍ୱକି କବରୁ ସୁନିରଇବା
 ବବିସତ୍ୱବକ୍ତା ରଇଲାଇ, ସାମୁଏଲ୍ ଆରି ଜେ ଜେ ତାରୁ ପଟେ ଆଇଲାଇ
 ଆରି ଏବେ ଜାଇଟା ଗଟ୍ଲା, ସେ ବିସଇ କଇରଇଲାଇ । ୨୫ ପରମେସ୍ୱର
 ବବିସତ୍ୱବକ୍ତାମନରୁ ଟଣ୍ଟେଅନି ଜନ୍ସବୁ କାତା ଦେଲାଆଟେ ସେଟା ତମରୁ
 ପାଇସେ ଟିକ୍ । ତମରୁ ଆନିଦାଦିମନରୁ ସତ୍ତ୍ୱ ଜନ୍ ରାଜିନାମା କଲାଆଟେ,
 ତମେ ମିସା ତେଇ ମିସିଆତାସ୍ । ପରମେସ୍ୱର ଅବରାଆମେକ୍ କଇରଇଲା,
 “ମୁଇ ତମରୁ ନାତିତି ମନରୁଟାନେଅନି ଜଗତରୁ ସବୁ ଲକ୍ତକେ ଆସିରୁବାଦ୍
 କରୁବି । ୨୬ ସେଟାରୁପାଇ ପରମେସ୍ୱର ତାରୁ ସେବାକାରିଆକେ ବାରୁଲା
 ଆରି ତମକେ ସବୁ ଲକ୍ତକେ ବାନିଆ ବାଟେଅନି ବାଉଡାଇଆନ୍ବାକେ ଆରି
 ଆସିରୁବାଦ୍ କରୁବାକେ ପରତୁମ୍ ତାକେ ତମରୁ ଲଗେ ପାଟାଇଲା ।”

୪ ପିତରୁ ଆରି ଜଅନ୍ ଲକ୍ତମନୁକେ ଏନ୍ତି ସିକିଆ ଦେଇତେ ରଇଲା ବେଲେ
 ମନୁରୁ କେତେଟା ପୁଜାରି ଆରି ଜାଗୁଆଲ୍ମନରୁ ସେନାପତି ଆରି କେତେଟା
 ସାଦୁକିମନ୍ ଆସି କେଟ୍ଲାଇ । ୨ ସେମନ୍ ରିସା ଅଇଗାଲାଇ କାଇକେ
 ବଇଲେ ପେରିତ୍ ସିସ୍ ଦୁଇଲକ୍ ଜିସୁ ମଲାତେଇଅନି ଉଟ୍ଲା ଆଟେ ବଲି
 ସିକାଇତେରଇଲାଇ । ଏନ୍ତି ସିକାଇଲେସରି ଲକ୍ତମନ୍ ମଲାଟାନେଅନି
 ଉଟ୍ବାଇବଲି ପରମାନ୍ କର୍ତେ ରଇଲାଇ । ୩ ସେଟାରୁପାଇ ସେ ଦୁଇଟା
 ପେରିତ୍ ସିସ୍ମନୁକେ ଦାରି ବାନ୍ଧୁଲାଇ । ଆରି ସେ ଦିନେ ବେସି ଅଲ୍ସମ୍
 ଅଇଜାଇରଇଲାକେ ଆରକର୍ ଦିନ୍ ଜାକ ବନୁଗରେ ରକିରଇଲାଇ । ୪
 ମାତରୁ ବେସି ଲକ୍ତ ସେମନରୁ ସିକିଆ ସୁନିକରି ବିସ୍ବାସ୍ କଲାଇ, ଆରି
 ତାକରୁ ବିତ୍ରେଅନି ମୁନୁସ୍ପିଲା ସେ ଅଦିକ୍ ଅଇକରି ପାକାପାକି ପାଁଟ୍ଅଜାରୁ
 ଅଇଲାଇ । ୫ ତାରୁ ଆରକର୍ ଦିନେ ଜିଉଦି ନେତାମନ୍, ଆରି ପାର୍ଟିନ୍ମନ୍
 ଆରି ନିୟମ୍ ସିକାଉମନ୍ ଜିରୁସାଲମେ ରୁଣ୍ଟୁଲାଇ । ୬ ସେମନରୁ ବିତ୍ରେ
 ବଡ୍ପୁଜାରି ଆନାନ୍, କାୟାପା, ଜଅନ୍, ଆଲେକ୍ଜାଣ୍ଟାରୁ ଆରି ବଡ୍ ପୁଜାରିରୁ
 କୁରୁମେ ରଇବା ବିନ୍ ଲକ୍ତମନ୍ ମିସ୍ଲାଇ । ୭ ପେରିତ୍ମନୁକେ ସେମନରୁ
 ମୁଆଟେ ତାକାଇ ପାଟାରୁଲାଇ, “ତମେ ଏଟା ସବୁ କେନ୍ତୁରୁ କଲାସ୍ନି?”

କାର୍ ବପୁସଞ୍ଜୁ ନଇଲେ କାର୍ ନାଉଁଦାରି ଏଟା କଲାସ୍ନି?” ୮ ସେଟାର୍ ପାଇ
 ପିତର୍ ସୁକଲ୍ ଆତ୍ମା ପୁରାପୁରୁନ୍ ଅଇ ସେମନ୍ତେ କଇଲା, “ତମେ ଜେ କି
 ଆମର୍ ସାସନ୍ କାରିଆମନ୍ ଆରି ପାର୍ତିନ୍ମନ୍! ୯ ଜଦି ଆଜି ଏ ଚଟାର୍
 ପାଇ କରିରଇଲା ନିମାନ୍ କାମର୍ଲାଗି ଆମ୍ତେ ପର୍ସନ୍ କଲାସ୍ନି ଆରି ସେ
 କେନ୍ଦ୍ରା ନିମାନ୍ ଅଇଲା ବଲି ଜାନ୍ବାକେ ମନ୍ କଲାସ୍ନି, ୧୦ ତେବେ ତମେ
 ଆରି ଇସ୍ରାଏଲର୍ ସବୁ ଲକ୍ ଜାନ୍ବାର୍ ଦରକାର୍ ଜେ, ତମର୍ ମୁଆଟେ
 ଟିଆଅଇରଇଲା ଏ ଲକ୍ ଅବକା ନାଉଁରିତ୍ ଗତର୍ ଜିସୁକିରିସ୍ଟର୍ ବପୁସଞ୍ଜୁ
 ପୁରାପୁରୁନ୍ ନିମାନ୍ ଅଇଲା ଆତେ । ସେ ଜିସୁକେ ତମେ କୁର୍ସେ ମରାଇଲାସ୍
 । ମାତର୍ ପର୍ମେସର୍ ତାକେ ମଲାତେଇଅନି ଆରି ତରେକ୍ ଉଟାଇଲା
 ଆତେ ।” ୧୧ ଜିସୁର୍ ବିସଇ ଦରମ୍ ସାସ୍ତରେ ଲେକା ଅଇଲାଆତେ, ଗର୍
 ଟିଆର୍କରୁମନ୍ ଜନ୍ ପାକ୍ନା ନଏଁ ବଲି ପିଞ୍ଜିଦେଇ ରଇଲାଇ, ସେଟାସେ
 କନର୍ ମୁକିଆ ପାକ୍ନା ଅଇଲା । ୧୨ ସେ ଆକା ଆମ୍ତେ ମୁକ୍ତି ଦେଇସି
 । ଗୁଲାଇ ଜଗତର୍ପାଇ ପର୍ମେସର୍ ତାକେସେ ଦେଲା ଆତେ । ଜେ କି
 ଆମ୍ତେ ରକିଆ କର୍ସି । ୧୩ ବଡ଼ସବାର୍ ଲକ୍ମନ୍ ପିତର୍ ଆରି ଜଅନର୍
 ସାଆସ୍ ଦେକି କାବା ଅଇଗାଲାଇ । ସେମନ୍ ପାଟ୍ସାଟ୍ ନ ପଡି ଅବକା
 ଲକ୍ମନ୍ସେ ବଲି ଜାନିରଇଲାଇ । ଆରି ସେମନ୍ ଦୁଇ ଲକ୍ ଜିସୁର୍ ସଞ୍ଜୁ
 ରଇଲାଇ ବଲି ଚିନିରଇଲାଇ । ୧୪ ମାତର୍ ତାକର୍ ବିରୁଦେ କାଇବଲି
 କଇନାପାର୍ଲାଇ, କାଇକେ ବଇଲେ ନିମାନ୍ ଅଇଲା ଲକ୍ତେ ପିତର୍ ଆରି
 ଜଅନ୍ସଞ୍ଜୁ ଟିଆଅଇରଇଲାଟା ଦେକ୍ଲାଇ । ୧୫ ସେଟାର୍ ପାଇ ସେମନ୍
 ସିସ୍ମନ୍ତେ ସେ ସବାଇଅନି ବାର୍କରାଇଦେଇକରି ତାକର୍ ତାକର୍ ବିତ୍ରେ
 କାତାବାର୍ତା ଅଇବାର୍ ଦାର୍ଲାଇ । ୧୬ ସେମନ୍ କାତା ଅଇଲାଇ, “ଆମେ
 ଏମନ୍ତେ କାଇଟା କରୁ? ଏମନ୍ କରିରଇବା ଏ କାବା ଅଇଜିବା କାମ୍ ବିସଇ
 ଜିରୁସାଲମର୍ ସବୁ ଲକ୍ ଜାନିଗାଲାଇ ଆତର୍ । ଏ ସର୍ ଗଟେନାଇ କି ନାଜାନ୍
 ବଲି କଇ ନାପାରୁ । ୧୭ ମାତର୍ ଏ କାତା ଲକ୍ମନ୍ ବିତ୍ରେ ଆରି ଅଦିକ୍
 ଉତ୍ତରା ଅଇ ନ ଜାଅ, ଜିସୁର୍ ବିସଇ ଆରି କେବେ କାର୍ ମୁଆଟେ ନ କଇବାକେ
 ସେମନ୍ତେ ଆମେ ତାଟ୍ ସଞ୍ଜୁ ଜାଗ୍ତର୍ କରାଇଦେଉଁ ।” ୧୮ ସେଟାର୍ ପାଇ
 ସେମନ୍ ପିତର୍ ଆରି ଜଅନ୍ତେ ଆରି ତରେକ୍ ବିତ୍ରେ ତାକ୍ଲାଇ । ଆରି
 କେବେମିସା ଜିସୁର୍ ନାଉଁ ଦାରି କାଇମିସା କାତା ନ କଇବାକେ ଆରି ସିକିଆ
 ନ ଦେବାକେ ଜାଗ୍ତର୍ କରାଇଦେଲାଇ । ୧୯ ମାତର୍ ପିତର୍ ଆରି ଜଅନ୍

କଇଲାଇ, “ତମର ବାଦିଅ ଅଇରୁ, କି ପରମେସରର ବାଦିଅ ଅଇରୁ, କନ୍
 ବିସଇ ପରମେସରର ମୁଆଟେ ଟିକ୍ ସେଟା ତମେ ବିଚାର୍ କରା । ୨୦
 କାଇକେ ବଇଲେ ଆମେ ଜାଇଟା ଦେକ୍ଲୁ ଆରୁ ଆରି ସୁନ୍ଲୁ ଆରୁ ସେଟା
 ନ କଇକରି ରଇନାପାରୁ ।” ୨୧ ମାତର୍ ବଡ଼ସବାର୍ ଲକ୍ ଆରି ତାଟ୍ସଝୁ
 ସେମନ୍କେ ଦମ୍କାଇକରି ଚାଡି ଦେଲାଇ । ସେମନ୍କେ ତଣ୍ଡଦେବାଟା କସ୍ଟ
 ବଲି ସେମନ୍ ଜାନିପାର୍ଲାଇ । କାଇକେ ବଇଲେ ସେ କାବାଅଇଜିବା କାମର୍
 ଲାଗି ଲକ୍ମନ୍ ପର୍ମେସରକେ ଛୁଆର୍ କର୍ତେ ରଇଲାଇ । ୨୨ ଜନ୍ ଲକ୍
 କାବା ଅଇଜିବା କାମର୍ଲାଗି ନିମାନ୍ ଅଇରଇଲା, ତାକେ ଚାଲିସ୍ ବରସେଅନି
 ଅଦିକ୍ ଅଇରଇଲା । ୨୩ ପିତର୍ ଆରି ଜଅନ୍ ମୁକଲ୍ଲା ଦାପ୍ରେ ନିଜର୍
 ଦଲେ ବାଉଡିଗାଲାଇ ଆରି ମୁକିଅ ପୁଜାରିମନ୍ ଆରି ପାର୍ଡିମନ୍ ଜାଇଟା
 କଇରଇଲାଇ, ସେଟା ସେମନ୍କେ ଜାନାଇଲାଇ । ୨୪ ବିସ୍ବାସିମନ୍ ସବୁ
 କାତା ସୁନ୍ଲା ପତେ ଗଟେକ୍ ଅଇ ପର୍ମେସରକେ ଏ ପାର୍ଡନା କଲାଇ, ଏ
 ମାପ୍ଲୁ ସରଗ୍, ଦର୍ତନି, ସମ୍ବୁର୍ ଆରି ତେଇ ରଇବା ସବୁ ବିସଇ ତମେସେ
 ତିଆର୍ କଲାଇ! ୨୫ ତମେ ସୁକଲ୍ ଆଡ଼ମାଇଅନି ଆମର୍ ଆନିଦାଦିମନ୍
 ଆରି ତମର୍ ଦାଢୁଡା ଦାଉଦର୍ ଟଣ୍ଡେଅନି ଏ କାତା ସୁନାଇ ରଇଲାଇ । ସେ
 କଇରଇଲା, ଜିଉଦି ନଇଲା ଲକ୍ମନ୍ କାଇକେ ରିସା ଅଇଲାଇ? ଲକ୍ମନ୍
 କାଇକେ ରୁଟାଇ ସଡ଼ଜ୍ତର୍ କଲାଇ? ୨୬ ମାପ୍ଲୁର ବିରଦେ ଆରି ତାକର
 ମସିଆର୍ ବିରଦେ ଜଗତର୍ ରାଜାମନ୍ ଆରି ସାସନ୍କାରିଆମନ୍ ଜୁଜ୍ବାକେ
 ନିଜକେ ତିଆର୍ ଅଇ ରୁଣ୍ଡୁଲାଇ । ୨୭ କାଇକେବଇଲେ ଏ ନଅରେ ଏରଡ୍
 ଆରି ପନ୍ତିୟୁ ପିଲାଡ୍ ଇସ୍ରାଏଲିୟୁମନ୍ ସଝୁ ଆରି ଜିଉଦି ନ ଅଇରଇବା
 ଲକ୍ସଝୁ ମସି ଜିସୁର୍ ବିରଦେ ଜଜ୍ନା କଲାଇ । ସେ ସେ ତମର୍ ସୁକଲ୍
 ଦାଢୁଡା ଆରି ତମେ ବାଟ୍ଲା ମସିଅ । ୨୮ ତମର୍ ବପୁ ଆରି ମନ୍ କଲାଇଟା
 ଇସାବେ ଜାଇଟା ସବୁ ଗଟାଇବାପାଇ ତମେ ଟିକ୍ କରି ରଇଲାଇ, ସେମନ୍
 ଗଟେକ୍ ଅଇ ସେ ସବୁ କର୍ବାକେ ଲାଗିପଡ଼ଲାଇ । ୨୯ “ଏ ମାପ୍ଲୁ, ସେମନ୍
 ଆମ୍ବକେ ଜନ୍ ଦମକ୍ ଦେଲାଇ ଆତର୍ ସେ ବିସଇ ସୁନା ଆରି ନ ତର୍ତେ
 ତମର୍ କାତା ଜାନାଇବାକେ ତମର୍ ଏ ଦାଢୁଡାମନ୍କେ ତାଟ୍ କରା । ୩୦
 ନିମାନ୍ କର୍ବାକେ ତମର୍ ଆଡ଼ ଲାମାଆ ଆରି ତମର୍ ସୁକଲ୍ ଦାଢୁଡା ଜିସୁର୍
 ନାଏଁ ନ ଅଇବା କାମ୍ ଆରି କାବା ଅଇଜିବା କାମ୍ମନ୍ ସାଦନ୍ କରାଆ ।”
 ୩୧ ସେମନ୍ ପାର୍ଡନା କରିସାରଇଲା ପତେ ଜନ୍ ଜାଗାଇ ରୁଣ୍ଡୁରଇଲାଇ,

ସେଟା ଚୁଲୁଚୁଲିଗାଲା । ସେମନ୍ ସବୁ ସୁକଲ୍‌ଆତ୍‌ମାଇ ପୁରାପୁରୁନ୍ ଅଇଲା ।
 ଆରି ନ ଡର୍‌ଡେ ପର୍‌ମେସରର୍ କାତା ଜାନାଇବାର୍ ଦାର୍‌ଲାଲ । ୩୨ ସବୁ
 ବିସ୍‌ବାସିମନ୍ ଗଟେକ୍ ବିସଇ ଚିନ୍ତା କରି ମନ୍ କଲାଲ । କେ ମିସା ନିଜର୍
 ସଁମ୍‌ପତି ନିଜର୍ ବଲି ଦାବି ନ କର୍‌ଡେ ରଇଲାଲ । ତାକର୍‌ଟାନେ ଜେଡ୍‌କି
 ରଇଲା ସେଟା ସବୁଲକ୍ ସମାନ୍ କରି ବାଟାସାଟା କର୍‌ଡେ ରଇଲାଲ । ୩୩
 ପେରିଡ୍ ସିସ୍‌ମନ୍ ବପୁସଙ୍ଗ୍ ସାକି ଦେବାର୍ ଦାର୍‌ଲାଲ । ପର୍‌ମେସର୍ ମାପ୍‌ରୁ
 ଜିସୁକେ କେନ୍ଦ୍ରିକରି ମଲାଟାନେଅନି ଉଟାଇଲା ବଲି । ଆରି ପର୍‌ମେସର୍
 ସବୁ ବିସ୍‌ବାସିମନ୍‌କେ ଅଦିକ୍ ଅଦିକ୍ ଜିବନ୍ ଦୁକାଇଲା । ୩୪ ତାକର୍ ଦଲେ
 ଜିଇବା କାଇବାକେ କାକେ ମିସା ଅବାବ୍ ନ ରଇଲା । ଜନ୍ ଲକ୍‌ମନ୍‌କେ ଗର୍
 ଆରି ଜମିରଇଲା, ସେମନ୍ ସେଟା ବିକିକରି ତାରୁ ଆନି, ୩୫ ପେରିଡ୍‌ମନ୍‌କେ
 ସର୍‌ପିଦେଇରଇଲା । ସେ ତାରୁ ପେରିଡ୍ ମନ୍ ଅବାବେ ରଇଲା ଲକ୍‌ମନ୍‌କେ
 ବାଟାକରି ଦେଇଡେରଇଲାଲ । ୩୬ ସାଇପରସ୍ ନାଉଁର୍ ଗଟେକ୍ ଜାଗାଇ
 ଜନମ୍ କରିରଇବା ଲେବି କୁରୁମର୍ ଜସେପ୍, ଜାକେ ପେରିଡ୍ ସିସ୍‌ମନ୍
 ବର୍‌ନବା ବଲି ନାଉଁ ଦେଇ ରଇଲାଲ । ବର୍‌ନବାର୍ ଅରଡ୍ ଦୁକ୍ ସାରାଇବା
 ପିଲା । ସେ ତାର୍ ଜମି ବିକ୍‌ଲା ଆରି ୩୭ ତାରୁ ପେରିଡ୍ ସିସ୍‌ମନ୍‌କେ
 ସର୍‌ପିଦେଲା ।

୫ ସେ ଦଲର୍ ଅନନିୟ୍ ନାଉଁର୍ ଗଟେକ୍ ଲକ୍ ଆରି ତାର୍ ମାଇଜି ସପିରା
 ସେମନର୍ କେଡେକ୍ ଜମି ବିକ୍‌ଲାଲ । ୨ ମାତର୍ ମାଇଜିମୁନ୍‌ସ୍ ରାଜିଅଇକରି
 ବିକିକରି ପାଇଲା କେଡେକ୍ ତାରୁ ଅନନିୟ୍ ନିଜର୍ ପାଇ ସଙ୍ଗୁଲଲା ।
 ଅଗଲ୍‌ଲାଟା ସେ ପେରିଡ୍ ସିସ୍‌ମନ୍‌କେ ଦେଲା । ୩ ପିତର୍ ତାକେ କଇଲା,
 “ଅନନିୟ୍ ତୁଇ କେନ୍ଦ୍ରି ସଇତାନର୍ ପାନ୍‌ନେପତି ଜମି ବିକି ଆନିରଇବା ତାରୁ
 କେଡେକ୍ ନିଜର୍ ପାଇ ସଙ୍ଗୁଲକରି ସୁକଲ୍ ଆତ୍‌ମାର୍ ମୁଆଟେ ମିର୍ କଇଲୁସ୍?
 ୪ ବିକ୍‌ବା ଆଗ୍‌ରୁ ସେ ଜମି ତମର୍ ରଇଲା । ବିକ୍‌ଲା ପଡେ ମିସା ସେ
 ତାରୁ ତମର୍‌ଟାସେ । ଏନ୍ତି କାମ୍ କର୍‌ବାକେ କାଇକେ ମନ୍ କଲୁସ୍? ତୁଇ
 ଲକ୍‌ମନ୍‌କେ ନାଡାଉସ୍ ନାଇ ମାତର୍ ପର୍‌ମେସର୍‌କେ ନାଡାଇଆରୁସ୍ ।” ୫
 ଅନନିୟ୍ ଏ କାତା ସୁନ୍‌ଲା ଦାପ୍‌ରେ ତଲେ ଆପ୍‌ଟି ଅଇ ଅଦ୍‌ରି ମରିଗାଲା
 । ଜନ୍ ଲକ୍‌ମନ୍ ଏ କାତା ସୁନ୍‌ଲାଲ ସେମନ୍ ସବୁଲକ୍ ବେସି ଡରିଗାଲାଲ
 । ୬ ଦଲର୍ ଦାଙ୍ଗୁଡାମନ୍ ଅନନିୟ୍‌ର୍ ମଲା ଗାଗଡ୍ ଲୁଗାଇ ଗୁଡିଆଇକରି
 ବାଇରେ ବଇକରି ଦାରିଗାଲାଲ ଆରି ତପିଦେଲାଲ । ୭ ପାକାପାକି ତିନ୍‌ଟା

ପତେ ଅନନିୟରୁ ମାଇଜି ତେଇ ଆସି କେଟ୍‌ଲା । ସେ, ଏ ଗଟ୍‌ନା ନାଜାନି ରଇଲା । ୮ ପିତରୁ ତାକେ ପାଚାରୁଲା “ମକେ କ ପନି, ତୁଇ ଆରି ତର ମୁନୁସ୍ ଜେଡ୍‌କି ଜମି ବିକ୍‌ଲାସ୍, ଏଟା କାଇ ତାରୁ ପୁରାଦାମ୍ କି?” ସେ କଇଲା, “ଉଁ ଏଡ୍‌କିସେ ।” ୯ ପିତରୁ ତାକେ କଇଲା, “ମାପ୍‌ରୁରୁ ଆଡ୍‌ମାକେ ପରିକା କରବାକେ ତୁଇ ଆରି ତର ମୁନୁସ୍ କାଇକେ ରାଜିଅଇଲାସ୍? ଜନ୍ ଲକ୍‌ମନ୍ ତର ମୁନୁସ୍‌କେ ସମାଦି ଦେଲାଇ ଆତଡ୍, ବାଟ୍ ଡିଆଗଡି କେଟ୍‌ଲାଇବେ, ସେମନ୍ ତକେ ମିସା ବଇ ଦାରିଜିବାଇବେ ।” ୧୦ ସେ ଦାପ୍‌ରେ ସେ ମିସା ପିତରୁରୁ ପାଡ୍‌ତଲେ ଅଡ୍‌ରି ମରିଗାଲା । ଦାଢ୍ଫୁଡାମନ୍ ବିତ୍‌ରେ ଆସି ତାରୁ ମଲା ଗାଗଡ୍ ବଇନେଲାଇ ଆରି ତାରୁ ମୁନୁସ୍‌ରୁ ଲଗେ ତାକେ ମିସା ସମାଦି ଦେଲାଇ । ୧୧ ଜିରୁସାଲେମର୍ ଗୁଲାଇ ମଣ୍ଟୁଲିରୁ ଲକ୍‌ମନ୍ ଆରି ଜେଡ୍‌କି ଲକ୍ ଏ କାତା ସୁନ୍‌ଲାଇ, ସବୁଲକ୍ ତରିଗାଲାଇ । ୧୨ ପେରିଡ୍ ସିସ୍‌ମନର୍ ଟାନେଅନି ଲକ୍‌ମନର୍ ବିତ୍‌ରେ ବେସି କାବା ଅଇଜିବା କାମ୍‌ମନ୍ ଆରି ତିନ୍‌ମନ୍ ସାଦନ୍ ଅଇତେ ରଇଲା । ସବୁ ବିସ୍‌ବାସିମନ୍ ସଲ୍‌ମନର୍ ମଣ୍ଟୁପେ ରୁଣ୍ଟୁତ ରଇଲାଇ । ୧୩ ସେମନର୍ ବିସଇ ବିନ୍‌ଲକ୍‌ମନ୍ ନିମାନ୍ କାତା କଇତେ ରଇଲାଇ । ମାତରୁ ଦଲ୍ ବାଇରେ ରଇଲା ଲକ୍‌ମନ୍ କେ ମିସା ଦଲେ ମିସ୍‌ବାକେ ସାଆସ୍ ନ କର୍ତେ ରଇଲାଇ । ୧୪ ଏଲେ ମିସା ପର୍‌ମେସର୍‌କେ ବିସ୍‌ବାସ୍ କରି ଅଦିକ୍ ଅଦିକ୍ ମାଇଜିଟକି ଆରି ମୁନୁସ୍ ପିଲାମନ୍ ଏ ଦଲେ ମିସ୍‌ଲାଇ । ଆରି ସେ ଦଲ୍ ଦିନ୍‌କେ ଦିନ୍ ଅଦିକ୍ ଅଦିକ୍ ବଡ୍‌ତେ ଗାଲା । ୧୫ ପେରିଡ୍ ସିସ୍‌ମନର୍ କାମ୍ ଅଦିକ୍ ବଡି ବଡି ଗାଲା । ଏନ୍ତିକି ପିତରୁ ଇଣ୍ଟିଗାଲାବେଲେ ତାରୁ ତାଇଆଲେ ଅଲପ୍ ପଡବଲି ଲକ୍‌ମନ୍ ରଗିମନ୍‌କେ ବଇଆନି ବାଟ୍‌ପାଲି କଟେ ଆରି ଟାଟିମନ୍ ଅଚାଇକରି ସୁଆଇ ଦେଇତେ ରଇଲାଇ । ୧୬ ଜିରୁସାଲମର୍ ଚାରିବେଟ୍‌ଟି ରଇବା ଗଡର୍ ରଗି ଆରି ତୁମାଦାରୁଲା ଲକ୍‌ମନ୍‌କେ ପେରିଡ୍‌ମନର୍ ଲଗେ ଆନ୍‌ତେ ରଇଲାଇ । ଆରି ସେମନ୍ ସବୁ ଲକ୍ ନିମାନ୍ ଅଇତେ ରଇଲାଇ । ୧୭ ତାରୁ ପତେ ବଡ୍ ପୁଜାରି, ତାରୁସଢ୍ଫୁ ରଇବା ଲକ୍‌ମନ୍ ଆରି ସାଦୁକି ଦଲ୍‌ରୁ ଲକ୍‌ମନ୍, ସିସ୍‌ମନେକ ଝିଆ ଅଇଗାଲାଇ । ଆରି ସେମନର୍ ବିରୁଦେ କାଇଟାଆଲେ କରୁ ବଲି ଜନ୍‌ନା କଲାଇ । ୧୮ ସେମନ୍ ପେରିଡ୍ ସିସ୍‌ମନେକ ଦାରି ବାନ୍ତିକରି ବନ୍ତିଗରେ ସଢ୍ଫୁଇଲାଇ । ୧୯ ମାତରୁ ସେ ରାତି ମାପ୍‌ରୁରୁ ଗଟେକ୍ ଦୁଡ୍ ବନ୍ତିଗରୁ କାପାଟ୍ ଉଗାଡିଦେଲା ଆରି ସେମନ୍‌କେ ମୁକ୍‌ଲାଇ ଆନି କଇଲା, ୨୦ “ଜା

ଆରି ମନୁରେ ଚିଆଅଇକରି ଲକ୍ମନକେ ଏ ନୁଆ ଜିବନ୍ ବିସଇ ସବୁ କାତା କୁଆ ।” ୨୧ ସିସ୍ମନ୍ ସେ ଦୁତର୍ କାତା ମାନି ସାକାଲ୍ ସାକାଲ୍ ମନୁରେ ପୁରି ସିକିଆ ଦେବାର୍ ଦାର୍ଲାଇ । ବଡ଼ ପୁଜାରି, ତାକର୍ ସଞ୍ଜୁରିମନ୍ ଆରି ଇସ୍‌ରାଏଲର୍ ପାର୍‌ଚିନ୍‌ମନ୍ ଗଟେକ୍ ପୁରା ସବା ପାଇ ତାକାଇ ପାଟାଇଲାଇ । ତାର୍ ପଟେ ପେରିଡ଼୍ ସିସ୍ମନ୍‌କେ ବନୁଗରେ ଅନି ସବାଇ ଆନ୍‌ବାକେ ବନୁଗରର୍ ଜାଗୁଆଲ୍‌ମନ୍ ମୁକିଆମନ୍‌କେ ଆଦେସ୍ ଦେଲାଇ । ୨୨ ମାତର୍ ସେ ମୁକିଆମନ୍ ବନୁଗରେ କେଟ୍‌ଲାଇକେ ପେରିଡ଼୍‌ମନ୍‌କେ ତେଇ ଦେକଡ଼ନାଇ । ସେଟ୍‌ପାଇ ସେମନ୍ ବଡ଼ସବାଇ ବାଉଡ଼ି ଆଇଲାଇ । ଆରି ଲକ୍ମନକେ କଇଲାଇ, ୨୩ “ଆମେ ବନୁ ଗରେ କେଟି ଦେକ୍‌ଲୁ ଜେ ଦୁଆର୍ ନିକସଞ୍ଜୁ ତାବି ଅଇରଇଲା । ଆରି ଜାଗୁଆଲ୍‌ମନ୍ ମିସା ଜାଗିରଇଲାଇ । ମାତର୍ କାପାଟ୍ ଉଗାଡ଼ଲା ପଟେ ଆମେ ବିଡ଼ରେ କାକେ ମିସା ଦେକୁ ନାଇ ।” ୨୪ ଏ କାତା ସୁନି ମୁକିଆ ପୁଜାରିମନ୍ ଆରି ମନୁର୍ ଜାଗୁଆଲ୍‌ମନ୍ ଦାଇତେ ରଇଲା ଲକ୍ମନ୍ କାବାଅଇଗାଲାଇ । ପେରିଡ଼୍ ସିସ୍ମନ୍‌କେ କାଇଟା ଅଇଲାଆଟେ ବଲି ସେମନ୍ ବୁଜି ନାପାର୍‌ଲାଇ । ୨୫ ସେଡ଼କିବେଲେ ଗଟେକ୍ ଲକ୍ ଆସି କଇଲା “ସୁନା! ଜନ୍ ଲକ୍ମନକେ ବନୁ ଗରେ ରକିରଇଲାସ୍, ସେମନ୍ ଏବେ ମନୁରେ ଲକ୍ମନକେ ସିକିଆ ଦେଲାଇନି ।” ୨୬ ମନୁରର୍ କାମ୍‌କରୁମନ୍ ଜାଗୁଆଲ୍‌ମନ୍ ସଞ୍ଜୁ ଜାଇ ପେରିଡ଼୍ ସିସ୍ମନ୍‌କେ ସୁଡ଼ରାଇକରି ଆରିତରେକ୍ ତାକିଆନ୍‌ଲାଇ । ସେମନ୍ ତରାବିଡ଼ରା କରଡ଼ ନାଇ । କାଇକେବଇଲେ ସେମନ୍‌କେ ଲକ୍ମନ୍ ପାକ୍‌ନାପୁକ୍‌ନି ମାର୍‌ବାଇ ବଲି ତରିଜାଇତେରଇଲାଇ । ୨୭ ପେରିଡ଼୍ ସିସ୍ମନ୍‌କେ ବିଡ଼ରେ ତାକିଆନି ବଡ଼ସବାର୍ ମୁଆଟେ ଚିଆ କରାଇଲାଇ, ଆରି ବଡ଼ ପୁଜାରି ସେମନ୍‌କେ ପାଟାର୍‌ଲା । ୨୮ “ଏ ଜିସୁର୍ ନାଉଁ ଦାରି କାଇମିସା ସିକିଆ ନ ଦେବାକେ ତମ୍‌କେ ତାଟ୍ ସଞ୍ଜୁ ଆଦେସ୍ ଦେଇରଇଲୁ, ମାତର୍ ଦେକା, ତମେ କାଇଟା କରିଆଟାସ୍! ତମେ ଦେଇରଇବା ଏ ସିକିଆ ଜିରୁସାଲମେ ରଇଲା ଲକ୍ମନର୍‌ଟାନେ କେଟ୍‌ଲା ଆଟେ । ଆରି ତାର୍ ମରନ୍ ପାଇ ଆମ୍‌କେ ଦାଇ କର୍‌ବାକେ ଚେସ୍‌ଟା କଲାସ୍‌ନି!” ୨୯ ପିତର୍ ଆରି ବିନ୍ ସିସ୍ମନ୍ କଇଲାଇ, “ଆମେ ତମର୍ ଆଦେସ୍ ମାନ୍‌ବା ବାଦୁଲେ ପର୍‌ମେସରର୍ ଆଦେସ୍ ମାନ୍‌ବୁ । ୩୦ ତମେ ଜିସୁକେ କୁର୍‌ସେ ତଗାଇ ମରାଇଲାପଟେ, ଆମର୍ ଆନିଦାଦିମନ୍ ପର୍‌ମେସର୍ ତାକେ ମଲାଟାନେଅନି ଉଟାଇଲାଆଟେ । ୩୧ ଇସ୍‌ରାଏଲର୍ ଲକ୍ମନ୍ ତାକର୍

ପାପେଅନି ବାଅତତ୍ ଆରି ପାପ୍ କେମା ଅଅତ୍ ବଲି ପର୍ମେସର୍ ତାକେ
ତାର୍ ଉଜା ବାଟେ ବସାଇଆଟେ । ଜେନ୍ତିକି ସେ ଆମର୍ ସାସନ୍‌କାରିଆ ଆରି
ରକିଆକର୍‌ବା ଲକ୍ ଅଇସି । ୩୭ ଆମେ ଏ ସବୁ ବିସଇର୍ ସାକି ଆରୁ ।
ଆରି ଜନ୍ ସୁକଲ୍ ଆତ୍‌ମାକେ ପର୍ମେସର୍ ତାକର୍ ଆଗିଆଁକାରିମନ୍‌କେ
ଦାନ୍‌କଲାଆଟେ, ସେ ମିସା ଏଟାର୍ ସାକି ।” ୩୩ ବଡ଼ସବାର୍ ଲକ୍‌ମନ୍ ଏ
କାତା ସୁନି ଏତେକ୍ ରିସାଅଇଗାଲାଇ ଜେ, ପେରିତ୍‌ମନ୍‌କେ ମରାଇବାକେ ମନ୍
କଲାଇ । ୩୪ ମାତର୍ ସେମନ୍‌ର୍ ବିତ୍‌ରେଅନି ଗମଲିଏଲ୍ ନାଉଁର୍ ଗଟେକ୍
ପାରୁସି ଲକ୍ ରଇଲା । ସେ ନିୟ୍‌ମ୍ ସିକାଇତେ ରଇଲା । ତାକେ ଲକ୍‌ମନ୍
ମାନିଅ କର୍‌ତେରଇଲାଇ । ସେ ବଡ଼ ସବାଇ ଚିଆଅଇ ପେରିତ୍‌ମନ୍‌କେ
ଚନେକର୍ ପାଇ ବାଇରେ ନେବାକେ ଆଦେସ୍ ଦେଲା । ୩୫ ଆରି ବଡ଼ ସବାର୍
ଲକ୍‌ମନ୍‌କେ କଇଲା, “ଏ ଇସ୍ରାଏଲିୟ୍ ବାଇମନ୍, ଏ ଲକ୍‌ମନ୍‌କେ ଜାଇଟା
କର୍‌ବାକେ ଗାଲାସ୍‌ନି ଅଲପ୍ ବାବିତିନ୍ତି କରି କରା । ୩୬ ତମର୍ ମନେରଇସି,
ଅଲପ୍ ଆଗ୍ରୁ ତିଉଦା ନାଉଁର୍ ଗଟେକ୍ ଲକ୍ ରମିୟ୍‌ମନ୍‌ର୍ ବିରୁଦେ ଉର୍‌ଲା
। ସେ ନିଜେ ବଡ଼ଲକ୍ ବଲି ଲକ୍‌ମନ୍‌କେ କଇଲାକେ ତାର୍ ସଢ଼ୁ ଚାରିସଅ
ଲକ୍ ମିସି ରଇଲାଇ । ମାତର୍ ତାକେ ମରାଇଲାଇ, ତାର୍‌ପତେ ତାର୍‌ସଢ଼ୁର୍
ଲକ୍‌ମନ୍ ଚିନ୍‌ବିନ୍ ଅଇଗାଲାଇ ଆରି ତାର୍ ଦଲ୍ ବୁଡ଼ିଗାଲା । ୩୭ ତାର୍‌ପତେ
ଗାଲିଲି ଅନି ଜିଉଦା ନାଉଁର୍ ଆରି ଗଟେକ୍ ଲକ୍ ରମିୟ୍‌ମନ୍‌ର୍ ବିରୁଦେ ଉର୍‌ଲା
। ରମିୟ୍ ସର୍‌କାର ଲକ୍‌ମନ୍‌ର୍ ନାଉଁ ଲେକାଇବା ବେଲେ ଏଟା ଅଇଲା ।
ବେସି ଲକ୍‌କେ ତାର୍ ଦଲେ ମିସାଇବାକେ ସୁତ୍‌ରଇଲା । ମାତର୍ ତାକେ ମିସା
ମରାଇଲାଇ । ଆରି ତାର୍ ସବୁ ସିସ୍‌ମନ୍ ଚିନ୍‌ବିନ୍ ଅଇଗାଲାଇ । ୩୮ ସେଟାର୍
ପାଇ ଜିସୁର୍ ସିସ୍‌ମନ୍‌ର୍ ବିସଇ ମୁଇ ତମ୍‌କେ କଇଲିନି, ସେମନ୍ କର୍‌ବା
କାମ୍ ତେବାଆ ନାଇ, ଚାଡ଼ିଦିଆସ୍ । ସେମନ୍ କର୍‌ବା କାମ୍ ଆରି ଜଜନା
ଜଦି ଲକ୍‌ମନ୍‌ର୍‌ଟାନେଅନି ଆସିରଇସି, ତେବେ ସେମନ୍ ମିସା ଆରିଜିବାଇ ।
୩୯ ମାତର୍ ସେଟା ଜଦି ପର୍ମେସର୍‌ଟାନେ ଆସିରଇସି ବଇଲେ, ତାକେ
ତମେ ଦବାଇନାପାରାସ୍ । ସେତ୍‌କିଅନି ତିସ୍‌ସି ଜେ ତମେ ପର୍ମେସର୍‌ର୍
ବିରଦେ ଛୁଜ୍‌ଲାସ୍‌ନି ।” ବଡ଼ସବାର୍ ଲକ୍‌ମନ୍ ଗମଲିଏଲ୍ କଇଲା କାତା
ମାନ୍‌ଲାଇ । ୪୦ ସେମନ୍ ପେରିତ୍ ସିସ୍‌ମନ୍‌କେ ବଡ଼ସବାର୍ ବିତ୍‌ରେ
ଆନ୍‌ବାକେ ଆଦେସ୍ ଦେଲାଇ । ତାକିଆନିକରି ସେମନ୍‌କେ କର୍‌ତା ସଢ଼ୁ
ମାରାଇଲାଇ । ଆରି ଜିସୁର୍ ନାଉଁଦାରି କାଇମିସା କାତା ନ କଇବାକେ ଆଦେସ୍

ଦେଇ ଚାଡ଼ିଦେଲା । ୪୧ ପେରିଡ଼ ସିସ୍‌ମନ୍ ସାର୍‌ଦାସଞ୍ଜୁ ବଡ଼ସବାଇଅନି ବାରଇଲା, କାଇକେବଇଲେ ପର୍‌ମେସର୍‌ ଦେକ୍‌ବା ଇସାବେ ଜିସୁର୍‌ ସିସ୍‌ ଅଇକରି ଅପ୍‌ମନ୍‌ ପାଇବାକେ ଅଦିକାର୍‌ ପାଇରଇଲା । ୪୨ ଆରି ସେମନ୍‌ ସବୁ ଦିନ୍‌ ମନୁରେ ଆରି ଲକ୍‌ମନର୍‌ ଗରେ ଗରେ ମସିଅ ଜିସୁର୍‌ ବିସଇର୍‌ ସୁକ୍‌ବର୍‌ ଜାନାଇଲା ଆରି ସିକିଆ ଦେବାର୍‌ ଦାର୍‌ଲା ।

୨ ସେ ବେଲା, ବେସି ଜିଉଦି ଲକ୍‌ମନ୍‌ ଜିସୁର୍‌ ସିସ୍‌ ଅଇ ଆଇଲା । ଗିରିକ୍‌ ବାସା କଇତେରଇବା ଜିଉଦିମନ୍‌, ଏବ୍‌ରି ବାସା କଇତେରଇବା ଜିଉଦିମନର୍‌ ବିରୁଦେ କାତା ଉଟାଇଲା । କାଇକେବଇଲେ ଗିରିକ୍‌ ବାସାଇ କାତା ଅଇବା ଜିଉଦିମନ୍‌, ରାଣ୍ଟିମନ୍‌କେ ଦିନ୍‌କର୍‌ କାଦି ବାଟା କଲାବେଲେ ତାକର୍‌ ରାଣ୍ଟିମନ୍‌କେ ଏଲା କର୍‌ତେରଇଲା ପନି । ୨ ସେଟାର୍‌ ପାଇ ବାର୍‌ଟା ପେରିଡ଼ ସିସ୍‌ମନ୍‌ ସବୁ ବିସ୍‌ବାସିମନ୍‌କେ ରୁଣ୍ଟାଇକରି କଇଲା, “କାଇବାଟା ବାଟାକର୍‌ବାର୍‌ ଆତେ ବଲିକରି ପର୍‌ମେସରର୍‌ ବାକିଅ ସିକାଇବାଟା ଜଦି ଆମେ ଏଲା କର୍‌ବୁ ବଇଲେ ସେଟା ନିକ ବିସଇ ନଏ । ୩ ସେଟାର୍‌ ପାଇ ଏ ବାଇବଇନିମନ୍‌, ତମର୍‌ ବିତ୍‌ରେଅନି ସୁକଲ୍‌ଆତ୍‌ମାଇ ଆରି ଗିଆନେ ପୁରାପୁରୁନ୍‌ ଅଇରଇବା ଲକ୍‌ ବଲି ସବୁଲକ୍‌ ଜାନିରଇବା ସାତ୍‌ ଲକ୍‌କେ ବାଟା । ଆମେ ସେମନ୍‌କେ ଏ ସବୁ ବିସଇ କର୍‌ବାକେ ଦାଇତ୍‌ ଦେବୁ । ୪ ସେନ୍ତୁର୍‌ ଆଲେ ପାର୍‌ତନା ଆରି ପର୍‌ମେସରର୍‌ ବାକିଅ ସିକାଇବାକେ ଆମେ ସବୁ ଦିଆନ୍‌ ଦେଇପାରିଅଇସି ।” ୫ ଦଲର୍‌ ସବୁ ଲକ୍‌ ପେରିଡ଼ ସିସ୍‌ମନର୍‌ କଇଲା କାତାଇ ରାଜିଅଇଲା, ଆରି ଏ କାମ୍‌ କର୍‌ବାକେ ବିସ୍‌ବାସ୍‌ ଆରି ସୁକଲ୍‌ ଆତ୍‌ମାଇ ପୁରୁନ୍‌ ଅଇରଇବା ତିପାନ୍‌ ନାଉର୍‌ ଗଟେକ୍‌ ଲକ୍‌, ଆରି ପିଲିପ୍‌, ପକ୍‌ରସ୍‌, ନିକାନର, ତିମନ୍‌, ପର୍‌ମନା ଆରି ଆଗେ ଜିଉଦି ଦରମ୍‌ ବିସ୍‌ବାସ୍‌ କରିରଇବା, ଆନ୍‌ଟିକିୟୁଇ ଅନି ଆସିରଇବା ଗଟେକ୍‌ ଜିଉଦି ନ ଅଇଲା, ନିକଲାୟୁକେ ବାର୍‌ଲା । ୬ ବିସ୍‌ବାସିମନ୍‌ ଏ ସାତ୍‌ଲକ୍‌କେ ପେରିଡ଼ମନର୍‌ ଲଗେ ଆନ୍‌ଲା । ସେମନ୍‌କେ, ଆତ୍‌ ସଞ୍ଜୁଇ ପାର୍‌ତନା କଲା । ୭ ଏନ୍ତୁରି ପର୍‌ମେସରର୍‌ ବାକିଅ ଗୁଲାଇବାଟର୍‌ ଲକ୍‌ ସୁନ୍‌ଲା । ଜିରୁସାଲମେ ଅଦିକ୍‌ ଅଦିକ୍‌ ସିସ୍‌ମନ୍‌ ବଡ଼ବାର୍‌ ଦାର୍‌ଲା, ବେସି ପୁଜାରିମନ୍‌ ମିସା ଜିସୁକେ ବିସ୍‌ବାସ୍‌ କଲା । ୮ ପର୍‌ମେସର୍‌ଟାନେ ବେସି ଆସିର୍‌ବାତ୍‌ ପାଇ ଆରି ବପୁ ସଞ୍ଜୁ ପୁରୁନ୍‌ ଅଇରଇବା ତିପାନ୍‌, ଲକ୍‌ମନର୍‌ ବିତ୍‌ରେ ବେସି ନ ଅଇବା କାମ୍‌ମନ୍‌, କାବା ଅଇଜିବା କାମ୍‌ମନ୍‌ ସାଦନ୍‌ କଲା । ୯ ମାତର୍‌ କେତେଲକ୍‌

ତାକେ ବିରତ୍ କଲା । ଏମନ୍ ଗତି କର୍ବାତେଇଅନି, ମୁକ୍ତିରଇବା ଜିଉଦିମନ୍‌କେ ନେଇ, ଅଇରଇବା ପାର୍ତନା ଗରର୍ କେତେ ଲକ୍, ସେମନ୍‌ ବିତ୍‌ରେଅନି କେତେଲକ୍ ସାରିଆ ଅନି, କେତେକ୍ ଆଲେକ୍‌ଜାଣ୍ଡୁରିଆ ଅନି । ସେମନ୍ ସିଲିସିଆ ଅନି ଆରି ଆସିଆଇଅନି ଆସିରଇବା ବିନ୍ ଜିଉଦିମନ୍‌ ସତ୍ତ୍ୱ ମିସିକରି ତିପାନ୍‌ ବିରଦେ ଦଦାପେଲା ଅଇଲା । ୧୦ ମାତର୍ ସୁକଲ୍ ଆତ୍‌ମା ତିପାନ୍‌କେ ଏନ୍ତୁ ଗିଆନ୍ ଦେଲାଜେ, କେମିସା ତାର୍ କାତା ଚାତାକରି କଇ ନାପାର୍ତେ ରଇଲା । ୧୧ ଏଲେମିସା ସେ “ମସାର୍ ବିରଦେ ଆରି ପର୍‌ମେସର୍‌ ବିରଦେ କାତା କଇବାଟା ଆମେ ସୁନ୍‌ଲୁ ।” ବଲି, ଏ ମିର୍ ସାକି ଦେବାକେ କେତେ ଲକ୍‌କେ ଲାଁର୍ ଦେଇ ଉସ୍‌କାଇଲା । ୧୨ ଏନ୍ତୁରିକରି ସେମନ୍ ଲକ୍‌ମନ୍‌କେ, ପାର୍‌ତିମନ୍ ଆରି ସାସ୍‌ତର୍ ସିକାଉମନ୍‌କେ ରିସା ଅଇବା କାତା କଇଲା । ଆରି ତିପାନ୍‌କେ ଦାରି ବତ୍‌ସବାଇ ନେଲା । ୧୩ ତାର୍ ପତେ ସେମନ୍ ତାର୍ ବିରୁଦେ ମିର୍ ସାକି ଦେବାକେ କେତେଟା ଲକ୍‌ମନ୍‌କେ ବିତ୍‌ରେ ଆନ୍‌ଲା । ସେମନ୍ କଇଲା, “ଏ ଲକ୍ ସବୁବେଲେ ଆମର୍ ସୁକଲ୍ ମନ୍ତ୍ରି ଆରି ମସାର୍ ରିତିନିତି ବିରୁଦେ ନିନ୍ତୁ କାତା କଇବୁଲ୍‌ଲାନି । ୧୪ ନାଜରିତର୍ ଜିସୁ ମନ୍ତ୍ରି ବାଞ୍ଛାଇ ପାକାଇସି ଆରି ଆମେ ମସାର୍ ଚାନେଅନି ପାଇ ରଇବା ସବୁ ବିଦିବିଦାନ୍ ବାଦ୍‌ଲାଇ ଦେଇସି ବଲି ଏ ଲକ୍ କଇବାଟା ଆମେ ସୁନି ଆରୁ ।” ୧୫ ସେତ୍‌କି ବେଲେ ବତ୍‌ସବାଇ ବସି ରଇବା ସବୁ ଲକ୍ ଆକିଗାଡି ତିପାନ୍‌ ବାଟେ ଦେକ୍‌ଲା ଜେ, ଏଦେ ଦେକା! ତାର୍ ମୁ ସରଗର୍ ଦୁର୍ ପାରା ତିସ୍‌ତେ ରଇଲା ।

୨ ବତ୍ ପୁଜାରି ତିପାନ୍‌କେ ପାଚାର୍‌ଲା, “ତର୍ ବିରୁଦେ କଇବା ଏ ସବୁ କାତା ସତ୍ କି?” ୨ ତିପାନ୍ କଇଲା, “ଇତି ରଇବା ମର୍ ବାଇମନ୍ ଆରି ବାବାମନ୍ ଅଲପ୍ ସୁନା, ଆମର୍ ଆନିଦାଦି ଅବ୍ରାଆମ୍ ଆରନେ ବାସା ଅଇବାକେ ଜିବା ଆଗ୍‌ତୁ ମଇମା କର୍ବା ପର୍‌ମେସର୍ ମେସପଟାମିଆଇ ଦେକାଇଅଇଲା ।” ୩ ଆରି ତାକେ କଇଲା, ‘ତମର୍ ଦେସ୍ ଆରି ତମର୍ କୁଟୁମ୍‌କେ ଚାଡିକରି ମୁଇ ଜନ୍ ଦେସ୍ ଦେକାଇବି, ସେ ଦେସେ ଜା । ୪ ତେବର୍‌ପାଇ ସେ ତାର୍ ଦେସ୍ ଚାଡିକରି ଆରାନ୍ ନାଉଁର୍ ଗଟେକ୍ ଦେସେ ବାସା ଅଇବାକେ ଗାଲା । ଅବ୍ରାଆମର୍ ବାବା ମଲା ପତେ, ପର୍‌ମେସର୍ ତାକେ, ତମେ ରଇବା ଏ ଦେସେ ଆନ୍‌ଲା । ୫ ସେବେଲେ ପର୍‌ମେସର୍ ଅବ୍ରାଆମ୍‌କେ ଏ ଦେସେ କାଇ ଅଦିକାର୍ କି ପାଦେକ୍ ଜମି ମିସା ଦେଇ ନ ରଇଲା । ମାତର୍ ତାକେ

ଏ ଦେସ୍ ପତେ ଦେବାକେ ପର୍ମେସର୍ କାତାଦେଇରଇଲା । ଆରି ସେଟା ତାର୍ ନାତିତିତି ମନର୍ ପାଇ ଅଇସି ବଲି ସପତ୍ କଲା । ପର୍ମେସର୍ ଏ କାତା ଦେଇରଇଲା ବେଲେ ଅବ୍ରାଆମେକ ପିଲାଟକି ନ ଅଇରଇଲା । ୭ ସେବେଲେ ପର୍ମେସର୍ ଅବ୍ରାଆମେକ ଏନ୍ତିବଲି କଇରଇଲା, “ତମର୍ ନାତିତିତିମନ୍ ବିନ୍ ଦେସେ ଚାଲିସ୍ ବରସ୍ ଜାକ ଗତି ଅଇକରି ରଇବାଇ । ସେ ଦେସର୍ ଲକ୍ ସେମନ୍କେ କରାପ୍ ଚଲାଚଲ୍ତି ଦେକାଇବାଇ । ୭ ମାତର୍ ସେମନ୍ ଜନ୍ ଲକ୍ମନର୍ ସେବା କର୍ବାଇ, ମୁଇ ସେ ଲକ୍ମନ୍କେ ବିଚାର୍ କର୍ବି । ପତେ ତମର୍ ନାତିତିତିମନ୍ ସେ ଦେସେଅନି ବାରଇ ଆଇବାଇ ଆରି ଏ ଜାଗାଇ ମର୍ ଉପାସନା କର୍ବାଇ ।” ୮ ତାର୍ପତେ ପର୍ମେସର୍ ଅବ୍ରାଆମର୍ ସଙ୍ଗେ କାତାଦେଇ ରଇବା ରାଜିନାମାର୍ ଚିନ୍ ଇସାବେ ସୁନତ୍ କର୍ବା ବିଦି ତିଆର୍ କଲା । ଇସାକ୍ ଜନମ୍ ଅଇ ଆବ୍ଦିନ୍ ପତେ ଅବ୍ରାଆମ୍ ତାକେ ସୁନତ୍ କଲା । ପତେ ଇସାକ୍ ତାର୍ ପଅ ଜାକୁବ୍କେ ସେନ୍ତୁରି କଲା । ସେନ୍ତୁରିସେ ଜାକୁବ୍ ତାର୍ ବାର୍ଟା ପଅମନ୍କେ ସୁନତ୍ କଲା, ଜନ୍ ଲକ୍ମନ୍ କି ଆମର୍ ତାକ୍ପୁଟା ସଙ୍ଗେ ରଇବା ଆନିଦାଦିମନ୍ । ୯ “ଜାକୁବ୍ ପଅମନ୍ ତାକର୍ ସାନ୍ ବାଇ ଜସେପ୍କେ ଇସା ଅଇକରି, ମିସର୍ ଦେସର୍ ବେବାର୍ମିମନ୍କେ ବିକିଦେଲାଇ । ମାତର୍ ପର୍ମେସର୍ ଜସେପ୍ ସଙ୍ଗେ ରଇଲା । ୧୦ ଆରି ସବୁ ଦୁକ୍ କସ୍ତେଇଅନି ତାକେ ରକିଆ କଲା । ଜେତେବେଲେ ଜସେପ୍ ମିସର୍ ରାଜାର୍ ମୁଆଟେ ଚିଆଅଇଲା, ପର୍ମେସର୍ ତାକେ ଗିଆନ୍ ଦେଲା । ଆରି ସବୁଲକ୍ ମନ୍କଲାପାରା ଚଲାଚଲ୍ତି ଦେଲା । ପାର ରାଜା ଜସେପ୍କେ ସେ ଦେସର୍ ସାସନ୍କାରିଆ ଆରି ତାର୍ କୁଟୁମର୍ ସବୁ ଦେକାରକା କର୍ବା ଦାଇତ୍ ସର୍ପି ଦେଲା । ୧୧ ଜସେପ୍ ସାସନ୍କାରିଆ ରଇଲାବେଲେ ମିସର୍ ଆରି କିଶାନ୍ ଦେସେ ମର୍ଡି ଅଇଲା ଜେ ଲକ୍ମନ୍ ବେସି ଅଇରାନ୍ ଅଇଗାଲାଇ । ସେବେଲେ ଆମର୍ ଆନିଦାଦିମନ୍କେ କାଇଟା ମିସା କାଇବାଟା ମିଲେନାଇ । ୧୨ ମିସର୍ ଦେସେ ଦାନ୍ ମିଲ୍ସି, ବଲି ସୁନି ଜାକୁବ୍ ପର୍ତୁମ୍ତର୍ ତାର୍ ପିଲାମନ୍କେ କାଦି ଗେନ୍ବାକେ ପାଟାଇଲା । ଜେକି ଆମର୍ ଆନିଦାଦିମନ୍ ଅଇବାଇ । ୧୩ ତେଇ ସେମନ୍ ପତର୍ ପାଲି ଗାଲାବେଲେ ଜସେପ୍ ତାର୍ ନିଜର୍ ବାଇମନ୍କେ ଚିନାଇ ଅଇଲା ଆରି ମିସରର୍ ରାଜା ପାର ଜସେପ୍ କୁଟୁମେକ୍ ଜାନ୍ଲା । ୧୪ ତାର୍ ପତେ ଜସେପ୍ ତାର୍ ବାବା ଜାକୁବ୍ ଆରି ତାର୍ କୁଟୁମର୍ ସବୁକେ ମିସାଇ ସତୁରି ପାଁର୍ ଲକ୍କେ ମିସରେ ଆଇବାକେ

କବର ପାଟାଇଲା । ୧୫ ଜାକୁବ୍ ମିସର୍ ଦେସେ ଗାଲା, ତେଇ ସେ, ତାର
 ପଅମନର୍ ମରନ୍ ଅଇଲା । ୧୬ ସେମନର୍ ମଲା ଗାଗଡ୍ ସେକିମେ ନେଲା
 । ଆରି ଅବ୍ରାଆମ୍ କେତେକ୍ ତାରୁଦେଇ ଆମ୍ ନାଉଁର୍ ଗଟେକ୍ କୁଟୁମେ
 ଅନି ଗେନ୍ଲା ମସ୍ନେ ନେଇ ସେମନ୍କେ ସଢୁଇଲା ।” ୧୭ ପର୍ମେସର୍
 ଅବ୍ରାଆମ୍ ଜନ୍ ସପତ୍ ଦେଇ ରଇଲା ସେଟା ସିଦ୍ ଅଇଲା । ମିସର୍ଦେସେ
 ଆମର୍ ଜାତିର୍ ଲକ୍ମନ୍ ବେସି ବଡ଼ି ଗାଲା । ୧୮ ସାରାସାରି, ଜସେପର୍
 ବିସଇ ଜାନି ନ ରଇବା ଗଟେକ୍ ରାଜା, ମିସର୍ ଦେସ୍ ସାସନ୍ କଲା । ୧୯ ସେ
 ଆମର୍ ଆନିଦାଦିମନ୍କେ ବେସି ନାଡାଇଲା । ଆରି ବେସି ଅଇରାନ୍ କଲା
 । ସେମନର୍ କଅଁଲା ପିଲାମନ୍କେ ନିପାତ୍ କରି ବାଇରେ ପିଢୁଁ ଦେବାକେ
 ଆଦେସ୍ ଦେଲା । ୨୦ ସେ ବେଲାଇ ମସା ଜନମ୍ ଅଇଲା । ସେ ଗଟେକ୍
 ବେସି ସୁନ୍ଦର୍ ପିଲା ରଇଲା । ତାକେ ତିନ୍ ମାସ୍ ଜାକ ଗରେସେ ପସ୍ତଲା ।
 ୨୧ ଆରି ଜେଡେବେଲେ ବାଇରେ ଲୁଚାଇଦେଲା, ପାର ରାଜାର୍ କନିଆ
 ତାକେ ମିଲାଇକରି ନିଜର୍ ପିଲାପାରା ପସ୍ପାଲ୍ କଲା । ୨୨ ମିସର୍ ଦେସେ
 ଜେଡକ୍ ଗିଆନ୍ ରଇଲା, ସେ ସବୁ ଗିଆନ୍ ମସାକେ ସିକାଇଲା । ସେ
 ବଡ଼ିକରି ତାର୍ କାତାବାର୍ତା ଆରି କାମର୍ ଲାଗି ଗଟେକ୍ ଡାକ୍ପୁଟା ଲକ୍
 ବଲାଅଇଲା । ୨୩ ଜେଡେବେଲେ ମସାକେ ଚାଲିସ୍ ବରସ୍ ଅଇଲା, ସେ
 ତାର୍ ଇସ୍ରାଏଲର୍ ବାଇମନ୍ କାମ୍ କରବା ଜାଗା ଦେକ୍ବାକେ ମନ୍କଲା ।
 ୨୪ ଇସ୍ରାଏଲିଅ ମନର୍ ବିତ୍ରେଅନି ଗଟେକ୍ ମିସରିୟର୍ ଗଟେକ୍ ଲକ୍
 ସାଦ୍ବାନ୍ କରବାଟା ଦେକି ମସା ତାକେ ରକିଆ କଲା । ଆରି ସେ କରବାଟା
 ସୁଜାଇବି ବଲି ମିସରିଅକେ ସେ ମରାଇଲା । ୨୫ ମସା ବାବିରଇଲା,
 ସେମନ୍କେ ମୁକ୍ଲାଇବାକେ ପର୍ମେସର୍ ତାକେ ବାଲ୍ଲାଆତେ ବଲି ତାର୍
 ନିଜର୍ ବାଇମନ୍ ଏତାଇବାଇ । ମାତର୍ ସେମନ୍ ସେଟା ବୁଜନ୍ଦାଇ । ୨୬
 ତାର୍ ଆର୍କର୍ ଦିନେ ଦୁଇଟା ଇସ୍ରାଏଲିଅ ମନ୍ ମାରାମାରି ଅଇତେରଇବାଟା
 ଦେକ୍ଲା । ଆରି ସେମନ୍ ମିସତ୍ ବଲି ବୁଜାଇବାକେ ତେସ୍ଟା କଲା । ସେ
 କଇଲା, “ସୁନା ତମେ ଦୁଇ ଲକ୍ତା ଇସ୍ରାଏଲର୍ ବାଇବାଇ ଅଇସା । କାଇକେ
 ଏନ୍ତାରି ମାରାମାରି ଅଇଲାସ୍ନି?” ୨୭ ମାତର୍ ଜନ୍ ଲକ୍ ଆରିଗଟେକ୍ ଲକ୍କେ
 କାରାପ୍ କାତା କଇ ଲାଗ୍ତେରଇଲା, ସେ ମସାକେ ଏତାଇଦେଇ କଇଲା,
 “ଆମ୍କେ ସାସନ୍ କରବାକେ ଆରି ଆମ୍କେ ବିଚାର୍ କରବା ଅଦିକାର୍, କେ
 ତକେ ଦେଇଆତେ? ୨୮ କାଲି ଜେନ୍ତୁ ଗଟେକ୍ ମିସରିୟକେ ମରାଇଲୁସ୍,

ସେନ୍ଦ୍ର ମକେ ମିସା ମରାଇବାକେ ମନ୍ କଲୁସନ୍ କି?" ୨୯ ଏଟା ସୁନିକରି ମସା
 ମିସର୍ଦେସେଅନି ଉଟିପାଲାଇଲା ଆରି ମିଦିଅନ୍ ଦେସେ ଜାଇ ବାସାକଲା ।
 ତେଇ କେତେ ବରସ୍ ରଇକରି ଆରି ତାର୍ ଦୁଇଟା ପିଲା ଜନମ୍ ଅଇଲାଇ ।
 ୩୦ "ତାଲିସ୍ ବରସ୍ ରଇଲା ପତେ, ମରୁବାଲି ରଇବା ଜାଗାର୍ ସିନୟ୍ ନାଉଁର୍
 ପର୍ବତେ ଗଟେକ୍ ଜଇ ଲାଗ୍ବା ବୁଟାର୍ ମଜାଇ ପର୍ମେସରର୍ ଗଟେକ୍ ଦୁର୍,
 ମସାକେ ଦେକାଇ ଅଇଲା ।" ୩୧ ମସା ଏଟା ଦେକି ବେସି କାବା ଅଇଗାଲା,
 ଆରି କଣ୍ଟେକ୍ ନିକକରି ଦେକ୍ବି ବଲି ବୁଟା ଲଗେ ଗାଲା । ମାତର୍ ତେଇ
 ସେ ମାପ୍ପରୁର୍ କାତା ସୁନ୍ଲା । ୩୨ "ମୁଇ ତମର୍ ଆନିଦାଦି ଅବ୍ରାଆମ୍,
 ଇସାକ୍ ଆରି ଜାକୁବର୍ ପର୍ମେସର୍ ।" ମସା ଡରିକରି ଡର୍ଡର୍ ଗଜ୍ଗଜ୍
 ଅଇ ଦେକ୍ବାର୍ ନାପାର୍ଲା । ୩୩ ମାପ୍ପରୁ ତାକେ କଇଲା, "ତୁଇ ପିନ୍ଦିରଇବା
 ପାଣ୍ଡୁଇ ବେଟ୍ । କାଇକେବଇଲେ ତୁଇ ଜନ୍ ଜାଗାଇ ଚିଆଅଇଆରୁସ୍,
 ସେଟା ସୁକୁଲା ଜାଗା । ୩୪ ମିସର୍ ଦେସେ ମର୍ ଲକ୍ମନ୍ କସ୍ଟ ଅଇବାଟା
 ଦେକିଆଟି । ମୁଇ ସେମନର୍ କାନ୍ଦୁରୁବା ସୁନିଆଟି ଆରି ସେମନ୍କେ ମୁକୁଲାଇ
 ଆନ୍ବାକେ ଉଡ୍ରି ଆଇଲିଆଟି । ଏବେ ଆଉ, ମୁଇ ତକେ ମିସର୍ ଦେସେ
 ପାଟାଇବି ।" ୩୫ ମସାକେ ଇସ୍ରାଏଲର୍ ଲକ୍ମନ୍ ନିର୍ତ୍ତେରଇଲାଇ ।
 ସେମନ୍ ପାଟାରି ରଇଲାଇ, "ଆମ୍‌କେ ସାସନ୍ କର୍ବାକେ ଆରି ଆମ୍‌କେ
 ବିଚାର୍ କର୍ବାକେ କେ ଅଦିକାର୍ ଦେଇଆଟେ?" ମାତର୍ ପର୍ମେସର୍ ଆକା
 ନିଜେ ମସାକେ ସେ ଲକ୍ମନର୍ ଉପ୍ରେ ସାସନ୍ କର୍ବାକେ ଆରି ସେମନ୍କେ
 ମୁକୁଲାଇ ଆନ୍ବାକେ ପାଟାଇରଇଲା । ଜଇଲାଗ୍ବା ବୁଟାଇ ଦର୍ସନ୍ ଇସାବେ
 ଦେକାଇଅଇଲା । ୩୬ ମିସର୍ ଦେସେ, ଲଇଡ୍ ସାଗରେ ଆରି ତାଲିସ୍ ବରସ୍
 ମରୁବାଲି ବୁର୍ କେତେକ୍ କେତେକ୍ କାବା ଅଇଜିବା କାମ୍‌ମନ୍ ଆରି ଚିନ୍‌ମନ୍
 କଲା । ୩୭ ମସା ନିଜେ ଇସ୍ରାଏଲର୍ ଲକ୍ମନ୍କେ କଇରଇଲା, "ମକେ ଜେନ୍ଦ୍ର
 ପର୍ମେସର୍ ପାଟାଇଲା । ସେନ୍ଦ୍ରାସିସେ ତମର୍ ବାଇମନର୍ ଲଗେ ଗଟେକ୍
 ବବିସ୍‌ବକ୍ତାକେ ପାଟାଇସି, ସେ ତମର୍ ନିଜର୍ ଲକ୍ମନର୍ ଟାନେଅନିସେ
 ଅଇସି ।" ୩୮ "ଇସ୍ରାଏଲିଅ ଲକ୍ମନ୍ ମରୁବାଲି ବୁର୍ ରଇଲାବେଲେ ସେ
 ସେମନର୍ ସଢ୍ଘ୍ ରଇଲା । ସିନୟ୍ ପର୍ବତେ ଆମର୍ ଆନିଦାଦିମନର୍ ସଢ୍ଘ୍ ଦୁର୍
 କାତା ଅଇଲାବେଲେ ସେ ରଇଲା । ଆରି ସେ ପର୍ମେସର୍‌ଟାନେଅନି ଜିବନ୍
 ଦେବା ବାକିଅ ମିଲାଇକରି ଆମ୍‌କେ ଜାନାଇଲା ।" ୩୯ "ମାତର୍ ଆମର୍
 ପୁର୍ବର୍ ଆନିଦାଦିମନ୍ ମସାର୍ କାତା ସୁନ୍ ଡ୍ ନାଇ । ମିସର୍ ଦେସେ ବାଉଡି

ଛୁ ବଳି ମନ୍ଦକଲାଇ ।” ୪୦ ସେଟାର୍‌ପାଇ ସେମନ୍ ଆରଣ୍ଡକେ କଇଲାଇ,
 “ଆମ୍‌କେ ମିସର୍ ଦେସେଅନି ବାର୍‌କରାଇ ଆନ୍‌ଲା ମସା କେନେ ଗାଲାଆଲେ,
 ଆମେ ନାଜାନୁ । ଏବେ ଆମ୍‌କେ ବାଟ୍ ଦେକାଇ ନେବାକେ କେତେଟା
 ପୁତ୍‌ଲା ବନାଇ ଦେ । ସେମନ୍ ଆମର୍ ଦେବ୍‌ତା ଅଇ ବାଟ୍‌ଦକାଇବାଇ ।”
 ୪୧ ସେବେଲେ ସେମନ୍ ତେଇ ଗଟେକ୍ ବାଟାପିଲା ପାରା ତିସ୍‌ବା ପୁତ୍‌ଲା
 ତିଆର୍‌କଲାଇ । ଆରି ତାର୍‌ଲାଗି ପୁଜାକରୁ ବଳି ଚଗାଇଲାଇ । ଆରି
 ନିଜେ ତିଆର୍ କରଇବା ସେ ମୁର୍‌ତିକେ ସନ୍‌ମାନ୍ ଦେବାକେ ଗଟେକ୍
 ବଜି କଲାଇ । ୪୨ ସେଟାର୍‌ପାଇ ପର୍‌ମେସର୍ ସେମନ୍‌କେ ଦେକେନାଇ
 ଆରି ସେମନ୍‌କେ, ଆକାସର୍ ତାରାମନ୍ ପୁଜା କରତ୍ ବଳି ଚାଡ଼ିଦେଲା ।
 ଏ ବିସଇ ବବିସଦ୍‌ବକ୍‌ତାର୍ ବଇଟାମେ ଲେକା ଆଡେ, “ଏ ଇସ୍ରାଏଲ୍
 ବ୍‌ସର୍ ଲକ୍‌ମନ୍, ମରୁବାଲି ବୁର୍‌ ଚାଲିସ୍‌ବରସ୍ ଜାକ ତମେ ପସ୍ତୁମନ୍‌କେ
 ମରାଇକରି ବଳି ଇସାବେ ଦେଲାସ୍ । ମାତର୍ ସେଟା ମର୍‌ପାଇ ଦେଇ ନ
 ରଇଲାସ୍ । ୪୩ ମଲେକ୍ ପୁତ୍‌ଲାକେ ପର୍‌ମେସର୍ ବଳି ତାର୍ ତମୁ ଗଟେକ୍
 ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ । ରେପାନ୍ ତାରାର୍ ପୁତ୍‌ଲା
 ମିସା ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ । ଏ ସବୁଜାକ
 ପୁତ୍‌ଲାମନ୍‌କେ ତମେ ପୁଜାବିଦି କର୍‌ବାକେ ବନାଇରଇଲାସ୍ । ସେଟାର୍‌ପାଇ
 ମୁଇ ତମ୍‌କେ ତମର୍ ନିଜର୍ ଦେସେଅନି ବାବିଲନ୍ ଦେସର୍ ତେନ୍‌କେ
 ନେବାକେ ଜନ୍‌ନା କର୍‌ବି ।” ୪୪ ତିପାନ୍ ଆରି କଇଲା, “ମରୁବାଲିବୁର୍‌ ଆମର୍
 ଆନିଦାଦିମନ୍ ରଇଲାବେଲେ ପର୍‌ମେସର୍ ସେମନ୍‌କେ ଲେକି ଦେଇରଇବା
 ନିୟ୍‌ମ୍ ମନ୍ ବିତ୍‌ରେ ରଇଲା । ସେଟା ପର୍‌ମେସର୍ ମସାକେ ଜେନ୍ତି ତମୁ
 ତିଆର୍ କର୍‌ବାକେ କଇରଇଲା, ଆରି ତାକେ ଜନ୍ କାମ୍ ଦେକାଇ ରଇଲା,
 ଏଟା ସେନ୍ତାରିସେ ତିଆର୍ ଅଇରଇଲା ।” ୪୫ “ପତେ ଆମର୍ ଆନିଦାଦିମନ୍
 ସେମନର୍ ଆନିଦାଦିମନର୍ ଟାମେଅନି ମିଲାଇକରି ସେ ତୁମ୍ ଜିଅସୁଅ ସଢ୍ଫୁ
 ବଇ ଦାରିଗାଲାଇ । ଆରି ପର୍‌ମେସର୍ ବାର୍‌କରାଇ କେଦି ରଇବା ବିନ୍
 ଜାତିମନର୍ ଦେସ୍, ସେମନ୍ ଅଦିକାର୍ କଲାଇ । ଦାଉଦର୍ ସାସନ୍ ବେଲେ
 ଜାକ ସେ ତମୁ ତେଇସେ ରଇଲା । ୪୬ ଦାଉଦ୍ ପର୍‌ମେସରର୍ ମନ୍‌କେ
 ଜାଇରଇଲାଜେ ଜାକୁବର୍ ପର୍‌ମେସରର୍ ପାଇ ଗଟେକ୍ ମନ୍ତ୍ରି ତିଆର୍ କର୍‌ବି
 ବଳି ତାର୍ ଆଦେସ୍ ପାଇବାକେ ମନ୍ କର୍‌ତେ ରଇଲା । ୪୭ ପତେ ସେ ମନ୍ତ୍ରି
 ଦାଉଦର୍ ପଅ ସଲ୍‌ମନ୍ ତିଆର୍ କର ବଳି ମନ୍‌କଲାଇ ।” ୪୮ ଅଇଲେ ମିସା

ସବୁର ଉପରର ପର୍ଯ୍ୟେସର ଲକ୍ଷ୍ମୀ ତିଆର କଲା ଗରେ ବାସା ନ କରେ ।
 ଏ ବିସଇ ବବିସତ୍‌ବକ୍ତା ଲେକ୍‌ଲା ଆତେ, ୪୯ ମାପୁରୁ କଇଲାନି, ସରଗ୍
 ମର ବସବା ଜାଗା ଦରତନି ଅଇଲାନି ମର ପାଦର ପିତା । ତମେ ମରପାଇ
 କେନ୍ଦୁରି ଗର ତିଆର କରସା? ମୁଇ ପୁଣ୍ଡୁବାକେ କନ୍ତି ଜାଗା ଆତେ କି? ୫୦
 “ମୁଇ ନିଜେ କାଇ ଏ ସବୁ ବିସଇ ତିଆର କରି ନାଇ କି?” ୫୧ ତିପାନ୍ ଆରି
 କଇଲା, “ତମେ ବିଲ୍‌କୁଲ୍ କାତା ନ ମାନବା ଲକ୍ଷ୍ମୀ ।” ତମର ମନ୍ ତାଟ୍
 ଅଇଗାଲା ଆତେ । ମାପୁରୁ ବାକିଅରପାଇ ପୁରାପୁରୁନ୍ ବଇରା ଅଇଆତାସ୍ ।
 ତମେ ସମାନ୍ ତମର ଆନିଦାଦିମନର ପାରା । ସବୁବେଲେ ସୁକଲ୍ ଆତ୍‌ମାକେ
 ବିରୁଦ୍ଧ କଲାସ୍‌ନି । ୫୨ ତମର ଆନିଦାଦିମନ୍ ବବିସତ୍‌ବକ୍ତାମନକେ ନ
 ସାଦିକରି ଚାଡ଼ିରଇଲାଇ କି? ମସିଅ ଆଇସି ବଲି କେତେ କେତେ ବରସ୍
 ଆଗ୍‌ତୁ ଜାନାଇବା ପର୍ଯ୍ୟେସର କାତାଜାନାଉମନକେ ମରାଇଲାଇ । ଏବେ
 ତମେ ତାକେ ବିସବାସେ ବିସ୍ ଦେଲାପାରା କରି ମରାଇଆତାସ୍ । ୫୩ ତମେ
 ସରଗର ଦୁତ୍‌ମନ୍ ଜାନାଇରଇବା ରିତିନିତି ଦାରିଆତାସ୍ । ମାତର ସେଟା
 ମାନାସ୍ ନାଇ । ୫୪ ବଡ଼ ସବାର ଲକ୍ଷ୍ମୀ ତିପାନ୍ କାତା ଅଇବାଟା ସୁନିକରି
 ବେସି ରିସା ଅଇଗାଲା ଆରି ରିସାର ମାତେ ଦାତ୍ କାତ୍‌ରି ଅଇଲାଇ । ୫୫
 ମାତର ତିପାନ୍ ସୁକଲ୍ ଆତ୍‌ମାଇ ପୁରାପୁରୁନ୍ ଅଇ ସରଗ୍ ବାଟେ ମୁ କଲା ।
 ଆରି ପର୍ଯ୍ୟେସର ମଇମା ଆରି ଜିସୁ ତାର ଉଜାବାଟେ ତିଆଅଇରଇବାଟା
 ଦେକ୍‌ଲା । ୫୬ ତିପାନ୍ କଇଲା, “ଏଦେ ଦେକା! ସରଗ୍ ଉଗାଡ଼ି ଅଇବାଟା
 ଆରି ନରପିଲା ପର୍ଯ୍ୟେସର ଉଜାବାଟେ ତିଆ ଅଇରଇବାଟା ଦେକ୍‌ଲିନି
 ।” ୫୭ ବଡ଼ ସବାର ଲକ୍ଷ୍ମୀ ସେ କାତା ସୁନିକରି ଆତ୍ ସଞ୍ଜ କାନେ
 ରୁଟିଅଇଦେଲା, ଆରି ବେସି ଆଉଲିଅଇଲାଇ । ତାରପତେ ସବୁଲକ୍
 ଗଟେକ୍ ଅଇକରି ତିପାନର ବାଟେ ଉଦ୍‌ଲି ଆଇଲାଇ । ୫୮ ତାକେ ନଅର
 ବାଇରେ ଜିକିନେଇକରି ତାର ଉପରେ ପାକ୍‌ନା ସଞ୍ଜ ମାର୍‌ବାର ଦାରଲାଇ
 । ସାକି ଦେଉମନ୍ ତିପାନ୍ ପିନ୍ଧିରଇଲା ବସ୍‌ତର ସାଉଲ୍ ନାଉର୍ ଗଟେକ୍
 ଦାଞ୍ଜୁତାକେ ଜିମାଦେଇ ଚାଡ଼ି ଜାଇରଇଲାଇ । ୫୯ ସେମନ୍ ତିପାନର ଉପରେ
 ପାକ୍‌ନା ମାର୍‌ବା ବେଲେ ସେ ମାପୁରୁକେ ପାର୍‌ତନା କରି କଇଲା, “ମାପୁରୁ
 ଜିସୁ, ମର ଆତ୍‌ମାକେ ସଞ୍ଜୁଆ!” ୬୦ ତିପାନ୍ ମାଣ୍ଡିକୁଟା ଦେଇ ଆକ୍‌ମାରି
 କଇଲା, “ମାପୁରୁ, ଏମନର ବିରଦେ ଏ ପାପ୍ ଆରି ଏତାଆ ନାଇ କି ତଣ୍ଡୁ
 ଦିଆସ୍‌ନାଇ ।” ଏତ୍‌କି କଇଲା ଦାପ୍‌ରେ ତାର ଜିବନ୍ ଚାଡ଼ିଗାଲା ।

୮ ସାଉଲ୍ ତିପାନର୍ ମରନେ ରାଜିଅଇକରି ତେଇ ରଇଲା । ସେ ଦିନେଅନି ଜିରୁସାଲାମେ ରଇବା ମଣ୍ଟ୍ରିମନ୍‌କେ ଲକ୍‌ମନ୍ ଜବର୍ ତାଡ଼ନା ଦେବାର୍ ଆରାମ୍ କଲା । ସେଟାର୍‌ପାଇ ପେରିଡ୍ ସିସ୍‌ମନ୍ ତେଇରଇଲା ଆରି ବିନ୍ ବିସ୍‌ବାସିମନ୍ ଜିବନ୍ ଆଡେଦାରି ଜିଉଦା ଆରି ସମିରଣ୍ ଜାଗାଇ ପାଲାଇଲା । ୨ ପର୍‌ମେସର୍‌କେ ନାମ୍‌ବା କେଡେକ୍ ଲକ୍ ଆକ୍‌ମାରି କାନ୍ତିକରି ତିପାନର୍ ମଲା ଗାଗଡ୍ ନେଇ ସମାଦି କଲା । ୩ ମାତର୍ ସାଉଲ୍ ମଣ୍ଟ୍ରିକେ କ୍ଲୁପ୍‌ନାସ୍ କର୍‌ବାକେ ଡେସ୍‌ଟା କଲା । ସେ ଗରେ ଗରେ ଜାଇ ଜିସୁକେ ବିସ୍‌ବାସ୍ କର୍‌ବା ମୁନୁସ୍ ପିଲା ଆରି ମାଇଜି ଟେମନ୍ ସବୁକେ ଜିକି ଆନି ବନ୍ତି ଗରେ ପୁରାଇ ଦେଲା । ୪ ଜିରୁସାଲମେଅନି ପାଲାଇରଇବା ବିସ୍‌ବାସିମନ୍ ଗୁଲାଇବାଟେ ଜାଇ ସୁବ୍‌କବର୍ ଜାନାଇବାର୍ ଦାର୍‌ଲା । ୫ ସେମନର୍ ବିଡ୍‌ରେଅନି ପିଲିପ୍ ବଲି ଗଟେକ୍ ଲକ୍ ସମିରଣ୍ ମୁକିଅ ନଅରେ ଜାଇ, ତେଇ ରଇବା ଲକ୍‌ମନ୍‌କେ ମସିଅ କଇରଇବା କାତା ଜାନାଇଲା । ୬ ପିଲିପ୍ କଇବା କାତା ସୁନି ଆରି ସେ କରିରଇବା କାବା ଅଇଜିବା କାମ୍‌ମନ୍ ସବୁ ଦେକି ଲକ୍‌ମନ୍ ତାକେ ଅଦିକ୍ ମନ୍‌ଦିଆନ୍ ଦେଇ ସୁନ୍‌ବାର୍ ଦାର୍‌ଲା । ୭ କେଡେ କେଡେ ଲକ୍‌ମନର୍ ଟାନେଅନି ତୁମାମନ୍ କିର୍କିରି କରି ବାରଇ ଗାଲା । କେଡେ କେଡେ ଡେରେଟ୍ଟୁ ରଗି ଆରି ଆଡ୍ ଗଡ୍ ନ ଆଇବାଟାମନ୍ ନିକ ଅଇଗାଲା । ୮ ଏଟାର୍ ପାଇ ସେ ନଅର୍ ସାଇସାର୍‌ଦା ଅଇରଇଲା । ୯ ସମରିଆ ଜାଗାଇ ସିମନ୍ ନାଉଁର୍ ଗଟେକ୍ ଲକ୍ ତାର୍ ଜନ୍ତୁର୍ ମନ୍ତୁର୍ ବିଦିଆ କରକିରି ତେଇର୍ ଲକ୍‌ମନ୍‌କେ କାବା କରାଇଡେରଇଲା । ୧୦ ସେ, ମୁଇ ନିଜେ ଗଟେକ୍ ବଡ୍ ଲକ୍ ବଲାଅଇଡେରଇଲା । ଆରି ସେ ନଅରେ ରଇବା ସାନ୍ ବଡ୍ ସବୁ ତାକେ ମାନିରଇଲା । ପର୍‌ମେସର୍‌ ଜନ୍ ବପୁ ମଆନ୍ ସେ ବପୁ ଏଟା ଆକା ବଲି ଲକ୍‌ମନ୍ କଇଡେ ରଇଲା । ୧୧ ବେସି ବରସ୍ ଦାରି ତାର୍ ଗୁନି ବିଦିଆର୍ ବପୁ ସଡ୍ଡୁ ତେଇର୍ ଲକ୍‌ମନ୍‌କେ କାବା କରାଇଡେରଇଲା । ସେଟାର୍‌ପାଇ ଗୁଲାଇ ସମିରଣିୟ୍ ଲକ୍‌ମନ୍ ତାକେ ମାନିକରି ରଇଲା । ୧୨ ମାତର୍ ପିଲିପର୍ ଟାନେଅନି ପର୍‌ମେସର୍‌ ରାଇଜ ଆରି ଜିସୁର୍ ବିସଇ ସୁନ୍‌ଲା । ସୁନିକରି ତେଇର୍ ଲକ୍‌ମନ୍ ମାପ୍‌ରୁକେ ବିସ୍‌ବାସ୍ କଲା । ଆରି ସେ ଜାଗାର୍ ବିସ୍‌ବାସ୍ କଲା ମନସ୍ ପିଲା ଆରି ମାଇଜିଟକିକେ ପିଲିପ୍ ତୁବନ୍ ଦେଲା । ୧୩ ସିମନ୍ ନିଜେ ପିଲିପ୍ ଜାନାଇରଇବା ମାପ୍‌ରୁର୍ ବାକିଅ ସୁନି ବିସ୍‌ବାସ୍ କଲା । ଆରି ପିଲିପ୍ ତାକେ ତୁବନ୍ ଦେଲା । ସେ ପିଲିପର୍ ସଡ୍ଡୁ

ସବୁଜାଗା ଡିବା ବାରି । ପିଲିପ୍ କରଇବା କାବା ଅଇଜିବା କାମ୍‌ମନ୍
 ଆରି ଚିନ୍‌ମନ୍ ଦେକିକରି ସେ କାବା ଅଇଜାଇତେରଇଲା । ୧୪ ସମରିଆର୍
 ଲକ୍‌ମନ୍ ପର୍‌ମେସରର୍ ବାକିଅ ବିସ୍‌ବାସ୍ କଲାଅ ଆତର୍ ବଲି ଜିରୁସାଲାମ୍
 ରଇବା ପେରିଡ୍ ସିସ୍‌ମନ୍ ସୁନ୍‌ଲାଅ । ପିତର୍ ଆରି ଜଅନ୍‌କେ ସେମନ୍‌ ଲଗେ
 ପାଟାଇଲା । ୧୫ ସେମନ୍ ତେଇ କେଟ୍‌ଲା ପତେ ସମିରଣର୍ ବିସ୍‌ବାସିମନ୍
 ସୁକଲ୍ ଆତ୍‌ମା ପାଇବାକେ, ପାର୍‌ତନା କଲା । ୧୬ କାଇକେ ବଇଲେ
 ସେଡ୍‌କିବେଲ୍ ଜାକ କାର୍ ଉପ୍‌ରେ ସୁକଲ୍ ଆତ୍‌ମା ଉଡ୍‌ରି ନ ରଇଲା ।
 ସେମନ୍‌କେ ଜିସୁକିରିସ୍‌ଟର୍ ନାଉଁଦାରି ଅବ୍‌କାସେ ଡୁବନ୍ ଦେଇରଇଲା । ୧୭
 ପିତର୍ ଆରି ଜଅନ୍ ସେମନ୍‌ ଉପ୍‌ରେ ଆତ୍ ସଞ୍ଜୁଇଲା ଦାପ୍‌ରେ ସେମନ୍
 ସୁକଲ୍ ଆତ୍‌ମା ପାଇଲା । ୧୮ ପେରିଡ୍ ସିସ୍‌ମନ୍ ବିସ୍‌ବାସିମନ୍ ଉପ୍‌ରେ
 ଆତ୍ ସଞ୍ଜୁଇଲାକେ ସୁକଲ୍‌ଆତ୍‌ମା ପାଇଲାଟା ଦେକି, ସିମନ୍, ପିତର୍ ଆରି
 ଜଅନ୍‌କେ ତାକୁ ଜାଟ୍‌ଲା ଆରି କଇଲା, ୧୯ “ମୁଇ ବିନ୍ ଲକ୍‌ର୍ ଉପ୍‌ରେ
 ଆତ୍ ସଞ୍ଜୁଇଲେ, ସେମନ୍ ଜେନ୍ତି ସୁକଲ୍ ଆତ୍‌ମା ପାଇପାର୍‌ବାଇ, ସେଟ୍‌ର୍
 ପାଇ ମକେ ସେ ବପୁ ଦିଆ ।” ୨୦ ମାତର୍ ପିତର୍ ତାକେ କଇଲା, “ତର୍
 ତାକୁ ତର୍ ସଞ୍ଜୁ ନସ୍‌ଟ ଅ । ତର୍ ସଞ୍ଜୁ ତର୍ ତାକୁ ମିସା ନର୍‌କେ ଜାଅ ।
 କାଇକେବଇଲେ ପର୍‌ମେସରର୍ ଦାନ୍ ତାକୁସଞ୍ଜୁ ଗେନ୍‌ବି ବଲି ବାବ୍‌ଲୁସ୍‌ନି
 । ୨୧ ଆମର୍ କାମ୍‌ଟାନେ ତର୍ କାଇମିସା ବାଗ୍ ନାଇ, କାଇକେବଇଲେ
 ପର୍‌ମେସର୍ ଦେକ୍‌ବା ଇସାବେ ତର୍ ମନ୍ ନିକ ନାଇ । ୨୨ ସେଟ୍‌ର୍
 ପାଇ ତମର୍ ଏ କରାପ୍ ବାବ୍‌ନାର୍ ପାଇ ମନ୍ ବାବ୍‌ଲାଆ । ଏନ୍ତାରି ବିସଇ
 ଚିନ୍ତାକଲାର୍ ପାଇ ମାପ୍‌ରୁ ଜେନ୍ତାରି କେମା ଦେଇସି, ତାର୍ ଲାଗି, ମାପ୍‌ରୁକେ
 ପାର୍‌ତନା କର୍ । ୨୩ କାଇକେ ବଇଲେ ମୁଇ ଦେକ୍‌ଲିନି ଜେ ତର୍ ମନ୍
 ଆଁକାରେ ବର୍‌ତି ଅଇଆତେ । ତୁଇ ପାପର୍ ବନ୍‌ନେ ବନ୍‌ନିଅଇ ଆରୁସ୍ ।”
 ୨୪ ସିମନ୍ ସେମନ୍‌କେ କଇଲା, “ତମେ ଜାଇଟା ସବୁ କଇଲାସ୍ ସେଟା
 ଜେନ୍ତି ମର୍ ଉପ୍‌ରେ ନ ଗଟ । ମୁଇ ତମ୍‌କେ ବାବୁଜିଆ କଲିନି ମର୍‌ପାଇ
 ମାପ୍‌ରୁକେ ପାର୍‌ତନା କରା ।” ୨୫ ନିଜର୍ ଜିବନେ ଅଇରଇବା ବିସଇର୍
 ସାକି ଆରି ମାପ୍‌ରୁର୍ ସୁବ୍ କବର୍ କଇସାରାଇଲା ପତେ ପିତର୍ ଆରି ଜଅନ୍
 ଜିରୁସାଲାମେ ବାଅଡ୍‌ଲାଅ । ବାଅଡ୍‌ବା ବାଟେ ସେମନ୍ ସମିରଣର୍ ବେସି
 ଗାଉଁମନ୍‌କେ ସୁବ୍‌କବର୍ ଜାନାଇଲା । ୨୬ ପର୍‌ମେସରର୍ ଗଟେକ୍ ଦୁର୍
 ପିଲିପ୍‌କେ କଇଲା, “ତିଆର୍ ଅ, ଆରି ଦକିଣ୍ ଦିଗେ ଜିରୁସାଲମେଅନି ଗାଜା

ବଲି ଗଟେକ୍ ଜାଗାଇ ଜିବାବାଟେ ଜା । ଆଜିକାଲି ଏବାଟେ ଆରି ଲକ୍ମନ୍
 ଆସ୍ ଜା କରତ୍ ନାଇ ।” ୨୭ ପିଲିପ୍ ତିଆର୍ ଅଇ ସେବାଟେ ଗାଲା । ଏଦେ
 ଦେକା! ଇତିଅପିଆର୍ ଗଟେକ୍ ଲକ୍! ସେ ଗଟେକ୍ ବେଲୁ ରଇଲା । ସେ
 ଜିରୁସାଲମେ ପାର୍ତନା କର୍ବାକେ ଆସିରଇଲା । ୨୮ ସେ ଗଟେକ୍ ମୁକିଆ
 ଆରି ଇତିଅପିଆ ରାନିର୍ ବାଣ୍ଟାଗରିଆ ରଇଲା । ସେ ପର୍ମେସର୍କେ
 ଉପାସନା କର୍ବାକେ ଜିରୁସାଲେମ୍ ଜାଇରଇଲା । ତାର୍ ରତେ ବସି ଗରେ
 ବାଉଡି ଆଇତେରଇଲା । ବସିକରି ଜିସାୟ ବବିସତ୍ବକ୍ତାର୍ ବଇଟାନେଅନି
 ଆଉଲି ଅଇ ପଡ୍ତେରଇଲା । ୨୯ ସୁକଲ୍ଆତ୍ମା ପିଲିପ୍କେ କଇଲା, “ସେ
 ରତେ ଜା ଆରି ସେ ଲକ୍ ଲଗେ ର ।” ୩୦ ପିଲିପ୍ ପାଲାଇ ପାଲାଇ ଗାଲା
 ଆରି ସେ ଲକ୍ ଜିସାୟ ବବିସତ୍ବକ୍ତାର୍ ବଇ ପଡ୍ବାଟା ସୁନ୍ଲା । ସେ
 ତାକେ ପାତାର୍ଲା “ତୁଇ ଜାଇଟା ପଡ୍ଲୁସ୍ନି, ସେଟା ବୁଜିପାର୍ଲୁସ୍ନିକି?”
 ୩୧ ସେ ବାଣ୍ଟାଗରିଆ କଇଲା, “କେ ମିସା ଗଟେକ୍ ଲକ୍ ବୁଜାଇ ନ ଦେଲେ
 ମୁଇ କେନ୍ତି ବୁଜିପାର୍ବି?” ତାର୍ ସତ୍ଟୁ ରତେ ବସ୍ବାକେ ସେ ପିଲିପ୍କେ
 ତାକ୍ଲା । ପିଲିପ୍ ଜାଇ ବସ୍ଲା । ୩୨ ଦରମ୍ ସାସ୍ତରର୍ ଏ ପଡ୍ ପଡ୍ତେ
 ରଇଲା, “ମରାଇବାକେ ନେବା ମେଣ୍ଟାପାରା, ଲକ୍ମନ୍ ତାକେ ତାକିନେଲାଇ,
 ଗଟେକ୍ ମେଣ୍ଟା ବାଲ୍ କାଟ୍ବା ବେଲେ ଜେନ୍ତି ସେ ତିମ୍ରାଇଅଇରଇସି,
 ସେନ୍ତାରି ସେ ପଦେକ୍ ମିସା କାତା କଏ ନାଇ । ୩୩ ଲକ୍ମନ୍ ନିନ୍ତା
 କଲାବେଲେ ତାକେ ନିଆଇ ମିଲେ ନାଇ ତାର୍ କୁରୁମର୍ ଲକ୍ ବସଇ, କେ
 କଇ ନାପାର୍ତ୍, କାଇକେବଇଲେ ମର୍ପୁରେ ତାର୍ ଜିବନ୍ ସାରିଗାଲା ଆତେ
 ।” ୩୪ ବାଣ୍ଟାଗରିଆ ପିଲିପ୍କେ ପାତାର୍ଲା, “ମୁଇ ତକେ ଗୁଆରି କଲିନି ।
 ବବିସତ୍ବକ୍ତା କାର୍ ବସଇ କଇଲାନି, ମକେ କୁଆ । ତାର୍ ନିଜର୍ ବସଇ କି
 ଆରି କାର୍ ବସଇ?” ୩୫ ପିଲିପ୍ ଦରମ୍ ସାସ୍ତରର୍ ଏ ପଦେଅନି ଆରାମ୍
 କରି ଜିସୁର୍ ବସଇର୍ ସୁର୍ କବର୍ ତାକେ ଜାନାଇଲା । ୩୬ ସେମନ୍ ଜାଉ ଜାଉ
 ଗଟେକ୍ ବନ୍ତୁ ଲଗେ କେଟ୍ଲାଇ । ସେ ବାଣ୍ଟାଗରିଆ କଇଲା, ୩୭ “ଇତି
 ପାନି ଆତେ, କାଇ ଅସୁବିଦା ନ ରଇଲେ ମକେ ତୁବନ୍ ଦିଆ ।” ୩୮ ସେ ଲକ୍
 ରତ୍ ତେବାଇବାକେ ତିଆର୍ଲା । ପିଲିପ୍ ଆରି ସେ, ପାନି ବିତ୍ରେ ଗାଲାଇ
 ଆରି ପିଲିପ୍ ତାକେ ପାନିତେଇ ତୁବନ୍ ଦେଲା । ୩୯ ସେମନ୍ ପାନିତେଇଅନି
 ବାରଇ ଆଇଲା ପତେ, ମାପ୍ପୁର୍ ଆତ୍ମା ପିଲିପ୍କେ ଆରିଗଟେକ୍ ଜାଗାଇ
 ମାୟା କରି ଦେଲା, ସେ ଲକ୍ ପିଲିପ୍କେ ଆରି କେବେ ଦେକି ନାପାର୍ଲା,

ମାତର ସାର୍ଦ୍ଧା ପୁରୁନ୍ ଅଇ ତାର ବାଟେ ଉଟିଗାଲା । ୪୦ ଚନେକ୍ ଗାଲା ପତେ ପିଲିପ୍ ଦେକ୍ଲାଜେ ସେ ଅସଦର୍ ବଲି ଗଟେକ୍ ଜାଗାଇ କେଟିଆଡେ । ତେଇଅନି ସେ କାଇସେରିଆଇ ଗାଲା ଆରି ବାଟେ ରଇବା ସଅର୍ମନ୍କେ ସୁର୍ କବର୍ ଜାନାଇଲା ।

୯ ସେ ସବୁ ଗଟ୍‌ବା ବେଲେ, ସାଉଲ୍ ମାପ୍‌ରୁର୍ ସିସ୍‌ମନ୍କେ ମରାଇଦେବି ବଲି ଦମ୍‌କାଇତେ ରଇଲା । ସେ ବଡ଼ ପୁଜାରିର୍ ଲଗେ ଗାଲା । ୨ ଜାଇକରି ଦାମାସ୍କାସେ ଜିଉଦିମନର୍ ପାର୍ତନା ଗରେ ଦେବାକେ ଅଦିକାରର୍ ଚିଟି ମାଢ଼ୁଲା । ଦାମାସ୍କାସେ ଜନ୍ ମାଇଜି ଆରି ମୁନ୍‌ସ୍‌ମନ୍ ମାପ୍‌ରୁର୍ ବାଟେ ଆଇଲାଇ ଆତଡ଼, ସେମନ୍କେ ବନ୍ଦୁକରି ତଣ୍ଟୁ ଦେବାକେ, ଜିରୁସାଲମର୍ ଜିଉଦି ନେତାମନର୍‌ଗାନେ ଆନିଅଇସି । ବାନ୍ଦୁକରି ଜିରୁସାଲମେ ଆନ୍‌ବାକେ ସାଉଲ୍କେ ଏ ଚିଟି ଅଦିକାର୍ ଦେଲା । ୩ ସାଉଲ୍ ଦାମାସ୍କାସ୍ ନଅର୍ ଲଗାଇଗି ଅଇବା ବେଲେ, ଅଟାଡ଼ ବାଦ୍‌ଲେଅନି ଗଟେକ୍ ଉଜଲ୍ ସାଉଲର୍ ଚାରିବେଡ଼ତି ଜଗ୍‌ଜଗି ଗାଲା । ୪ ତେଇ ସେ ତଲେ ଅଦ୍‌ରି ଗାଲା ଆରି ଗଟେକ୍ କଇବା କାତା ସୁନ୍‌ଲା “ଏ ସାଉଲ୍ ତୁଇ ମକେ କାଇକେ ସାଦ୍‌ଲୁସ୍‌ନି?” ୫ ସେ କଇଲା, “ତମେ କେ ମାପ୍‌ରୁ?” “ତୁଇ ଜାକେ ସାଦ୍‌ଲୁସ୍‌ନି, ସେ ଜିସୁ ମୁଇ । ୬ ଏବେ ଉଟ୍, ନଅରେ ଜା, କାଇଟା କର୍‌ବାକେ ଅଇସି, ତେଇ ତକେ ଜାନାଇବି ।” ୭ ସାଉଲର୍ ସଢ଼ୁ ଜିବା ଲକ୍‌ମନ୍ କାବାଅଇଜାଇ ତେବିଦେଲାଇ, ତାକର୍ ଟଣ୍ଟେଅନି ପଦେକ୍ କାତା ବାରଏ ନାଇ । କଇବା ସବଦ୍ ସେମନ୍ ସୁନ୍‌ଲାଇ, ମାତର କାକେ ଦେକି ନାପାର୍‌ଲାଇ । ୮ ସାଉଲ୍ ଉଟି ଆଁକି ଦେକ୍‌ଲା ମାତର ତାକେ କାଇଟା ତିସେ ନାଇ । ତେବେ ତାର୍ ସଢ଼ୁର୍ ଲକ୍‌ମନ୍ ଆତେ ଦାରି ଦାମାସ୍କାସ୍ ଡାକିନେଲାଇ । ୯ ତିନ୍‌ଦିନ୍ ଜାକ ସେ କାଇଟା ଦେକି ନାପାର୍‌ଲା ଆରି ତିନ୍‌ଦିନ୍ ଜାକ କାଏ ନାଇ କି ପିଏ ନାଇ । ୧୦ ଦାମାସ୍କାସେ ଅନନିୟ ନାଉର୍ ଗଟେକ୍ ବିସ୍‌ବାସି ଲକ୍ ରଇଲା, ସେ ମାପ୍‌ରୁର୍ ଦର୍‌ସନ୍ ପାଇଲା, ମାପ୍‌ରୁ ତାକେ କଇଲା, “ଅନନିୟ!” ସେ କଇଲା, “ମୁଇ ଇତି ଆତି ମାପ୍‌ରୁ କୁଆ ।” ୧୧ ମାପ୍‌ରୁ କଇଲା, “ତିଆର୍ ଅ । ସଲକ୍ ନାଉର୍ ବାଟ୍‌ଦାରି ଜିଉଦାର୍ ଗରେ ଜା । ତେଇ ତାର୍‌ସସେଅନି ଆସି ରଇବା ସାଉଲ୍ ନାଉର୍ ଗଟେକ୍ ଲକ୍‌କେ କଜ୍ । ସେ ପାର୍ତନା କଲାନି । ୧୨ ସେ ଦର୍‌ସନ୍ ଦେକ୍‌ଲାବେଲେ ଅନନିୟ ବଲି ଗଟେକ୍ ଲକ୍ ତାର୍ ଗରେ ପୁର୍‌ବାଟା ସେ ଦେକିଆଡେ, ତୁଇ ଜା ଆରି ସେ ଜେନ୍ଦ୍ରିକି ଆରିତରେକ୍ ଦେକିପାର୍‌ସି

ତାର ଉପରେ ଆଡ଼ ସଢ଼ୁ ।” ୧୩ ମାତର୍ ଅନନ୍ୟ କଲଲା, “ମାପୁରୁ ଏ ଲକ୍ ଜିରୁସାଲମେ ତମର୍ ଲକ୍ମନକେ ଜେଡ଼କି ପାପ୍ କାମ୍ କଲା ଆତେ, ସେ ବିସଇ କେତେ କେତେ ଲକ୍ ମକେ ଜାନାଇ ଆତଡ଼ । ୧୪ ଆରି ସେ ଲକ୍ ମୁକିଅ ପୁଜାରିମନର୍ ଟାନେଅନି ଅଦିକାର୍ କାଗଜ୍ ନେଇକରି ଦାମାସ୍କାସେ, ତମ୍ବକେ ପାର୍ତନା କର୍ବା ଲକ୍ମନକେ ଦାରି ନେବାକେ ଆସିଆତେ ।”

୧୫ ମାପୁରୁ ତାକେ କଲଲା, “ଜାଆ ଜିଉଦି ନ ଅଇଲା ଲକ୍ମନ, ତାକର୍ ରାଜାମନ୍ ଆରି ଇସ୍ରାଏଲର୍ ଲକ୍ମନକେ, ମର୍ ନାଉଁ ଜାନାଇବାକେ ଆରି ମର୍ ସେବା କର୍ବାକେ ମୁଇ ତାକେ ବାଟ୍ଲି ଆଟି । ୧୬ ସେ ମର୍ ପାଇ ଜେଡ଼କି ସବୁ କସ୍ଟ ମୁରବ୍ବାର୍ ଆତେ, ମୁଇ ନିଜେ ତାକେ ଜାନାଇବି ।”

୧୭ ଅନନ୍ୟ ଗାଲା ଆରି ସାଉଲ୍ ରଇବା ଗରେ କେଟ୍ଲା । ସାଉଲ୍‌କେ ବେଟ୍‌ଅଇ ତାର ଉପରେ ଆଡ଼ ସଢ଼ୁଇ ତାକେ କଲଲା, “ଏ ବାଇ ସାଉଲ୍, ଇତି ତର୍ଟାନେ ଆଇବାକେ ମାପୁରୁ ଜିସୁ ମକେ ପାଟାଇଆତେ । ତୁଇ ଇତି ଆଇବା ବାଟେ ସେସେ ତକେ ଦେକାଇଅଇଲା । ତୁଇ ଜେନ୍ଟିକି ଆରି ତରେକ୍ ଦେକି ପାରୁସ୍ ଆରି ସୁକଲ୍ ଆଡ଼ମାଇ ପୁରାପୁରୁନ୍ ଅଇପାରୁସ୍ । ସେଟାର୍‌ପାଇ ପର୍ମେସର୍ ମକେ ପାଟାଇଆତେ ।”

୧୮ ଅନନ୍ୟ ଏ କାତା କଲଲା ଦାପୁରେ ଏଦେ ଦେକା! ସାଉଲର୍ ଆଁକିଅନି ମାଡ଼ କସ୍ଲି ପାରାଟା କୁସ୍ଲି ଅଦର୍ଲା । ସେ ଆରି ତରେକ୍ ଦେକି ପାରୁଲା । ସେ ଉଟ୍ଲା ଆରି ଅନନ୍ୟ ତାକେ ତୁବନ୍ କଲା । ୧୯ ଆରି କାଆପିଆ ଅଇ ବପୁ ଅଇଲା । ସାଉଲ୍ ଜିସୁକେ ବିସ୍‌ବାସ୍ କର୍ବା ଲକ୍ମନର୍ ସଢ଼ୁ ଦାମାସ୍କାସେ କେତେ ଦିନ୍ ରଇଲା । ୨୦ ସେ ସିଦା ପାର୍ତନା କର୍ବା ଗର୍ମନକେ ଜାଇ ଜିସୁସେ ପର୍ମେସର୍ ପଅ ବଲି ଜାନାଇବାର୍ ଦାରୁଲା । ୨୧ ଜନ୍ ଲକ୍ମନ୍ ତାର୍ କାତା ସୁନ୍‌ଲାଇ, କାବାଅଇଜାଇକରି ପାଟାରୁଲାଇ, “ଜିରୁସାଲମେ ଜିସୁକେ ବିସ୍‌ବାସ୍ କରି ପାର୍ତନା କର୍ବା ଲକ୍ମନକେ ଜନ୍‌ଲକ୍ ମରାଇତେ ରଇଲା, ଏ କାଇ ସେ ଲକ୍ ନଏଁ କି? ସେମନ୍‌କେ ମୁକିଅ ପୁଜାରିମନର୍ ଲଗେ ଦାରିନେବାକେ ସେ କାଇ ଇତି ଆସି ନ ରଇଲା କି?”

୨୨ ମାତର୍ ସାଉଲ୍ ଦରମ୍ ସାସ୍‌ତରେ ଅନି, ଜିସୁ ଆକା ମସିଅ ବଲି ସଡ଼ ଦେକାଇଲା । ଏ ବିସଇଟାନେ ତାର୍ କଇବା କାତା ଏତେ ବପୁ ରଇଲା ଜେ, ଦାମାସ୍କାସେ ବାସାଅଇ ରଇବା ଜିଉଦିମନ୍ ତାର୍ କଇବା କାତାର୍ ଗଟେକ୍ ମିସା ଉତର୍ ଦେଇନାପାରୁଲାଇ । ୨୩ କେତେଦିନ୍ ଗାଲା ପତେ ଜିଉଦିମନ୍ ଗଟେକ୍ ଅଇକରି ସାଉଲ୍‌କେ ମରାଇବାକେ ପାର୍ତନା

କଲା । ୨୪ ମାତର୍ ସାଉଲ୍ ସେମନର୍ କୁଟ୍ କାତା ଜାନଲା । ସାଉଲ୍‌କେ
 ମରାଇବାକେ ସେମନ୍ ଦିନ୍ ରାତି ନଅରର୍ ସବୁ ଦୁଆର୍ମନ୍କେ ଜାଗଲା ।
 ୨୫ ମାତର୍ ଦିନେକ୍, ରାତିବେଲେ ସାଉଲ୍ ସିସ୍‌ମନ୍ ତାକେ ଡାଲାଇ ସାଜାତି
 ନଅରର୍ ଚାରିବେଟ୍ଟି ରଇବା ପାଉରୁର୍ କାଶା ବାଟେ ତଲେ ଉତ୍‌ରାଇଦେଲା ।
 । ୨୬ ସାଉଲ୍ ଜିରୁସାଲମେ ଜାଇ ସିସ୍‌ମନର୍ ସଞ୍ଜ୍ ମିସ୍‌ବାକେ ଚେସ୍‌ଟା
 କଲା । ମାତର୍ ସେମନ୍ ସାଉଲ୍‌କେ ଗଟେକ୍ ସିସ୍ ବଲି ମୁଲ୍‌କେ ବିସ୍‌ବାସ୍
 କରତ୍ ନାଇ । ସବୁ ଲକ୍ ତାକେ ତରତେ ରଇଲା । ୨୭ ମାତର୍ ପଟେ,
 ବରନବା ତାକେ ପେରିତ୍ ସିସ୍‌ମନର୍ ଲଗେ ନେଲା । ଦାମାସ୍କସର୍ ବାଟେ
 କେନ୍ଦ୍ରି ସାଉଲ୍ ମାପ୍‌ରୁର୍ ଦର୍ସନ୍ ପାଇରଇଲା, ଆରି ମାପ୍‌ରୁ ତାକେ କାତା
 କଇରଇଲା, ଏ ସବୁ ବିସଇ ସେମନ୍‌କେ ବୁଜାଇକରି କଇଲା । ଦାମାସ୍କସେ
 ସାଉଲ୍ ନ ତରତେ କେନ୍ଦ୍ରି ଜିସ୍‌ର ନାଉଁ ଦାରି ତାର୍ ବାକିଅ ଜାନାଇରଇଲା,
 ସେମନ୍‌କେ ଟିକି ନିକି ବୁଜାଇ କରି କଇଲା । ୨୮ ଆରି ସାଉଲ୍, ପେରିତ୍
 ସିସ୍‌ମନର୍ ସଞ୍ଜ୍ ରଇଲା ଆରି ଜିରୁସାଲମର୍ ଗୁଲାଇବାଟେ ଜାଇ, ନ ତରତେ
 ମାପ୍‌ରୁର୍ ବାକିଅ ଜାନାଇଲା । ୨୯ ସାଉଲ୍ ଏ ସବୁ ବିସଇ ଗିରିକ୍ ବାସା
 କଇବା ଜିଉଦିମନର୍ ସଞ୍ଜ୍ ଦଦାପେଲା ଅଇଲା । ମାତର୍ ସେମନ୍ ସାଉଲ୍‌କେ
 ମରାଇବାକେ ଚେସ୍‌ଟା କଲା । ୩୦ ବିସ୍‌ବାସି ବାଇମନ୍ ଏ କାତା ଜାନିକରି
 ସାଉଲ୍‌କେ କାଇସରିଆ ନାଉଁର୍ ଗଟେକ୍ ଜାଗାଇ ଦାରିଗାଲା । ଆରି
 ତେଇଅନି ତାକେ ତାର୍‌ସିସ୍ ବଲି ବିନ୍ ଗଟେକ୍ ଜାଗାଇ ପାଟାଇ ଦେଲା ।
 ୩୧ ଜିଉଦା, ଗାଲିଲି ଆରି ସମିରଣେ ରଇବା ମଣ୍ଡୁଲିମନର୍ ପାଇ ସେବେଲା
 ଗଟେକ୍ ସାନ୍ଦ୍ରିର୍ ବେଲା ରଇଲା । ସୁକଲ୍ ଆତ୍‌ମା ସେମନର୍ ସଞ୍ଜ୍ ରଇଲା
 ଜେ ଲକ୍‌ମନ୍ ଦିନ୍କେଦିନ୍ ଅଦିକ୍ ଅଦିକ୍ ଅଇ ତାଟ୍ ଅଇଲା । ଜିସ୍‌କେ
 ବିସ୍‌ବାସକର୍‌ବା ଲକ୍‌ମନ୍, ମାପ୍‌ରୁକେ ତରିକରି ଆରି ମାନିକରି ଜିଇତେ
 ରଇଲା । ୩୨ ପିତର୍ ବିନ୍ ବିନ୍ ଜାଗାଇ ବୁଲି ବୁଲି ତରେକ୍ ଲୁଦାଇ
 ବାସାଅଇରଇବା, ମାପ୍‌ରୁର୍ ଲକ୍‌ମନର୍ ସଞ୍ଜ୍ ମିସ୍‌ବାକେ ଗାଲା । ୩୩ ତେଇ
 ଏନିୟ୍ ନାଉଁର୍ ଗଟେକ୍ ଲକ୍‌କେ ସେ ବେଟ୍ ଅଇଲା, ଏନିୟ୍‌କେ ଚେରେଟ୍ଟୁ
 ବାଟ୍ ଦାରି ଆଟ୍ ବରସ୍ ଅଇଜାଇରଇଲା । ସଇଲାଟାମେଅନି ଉଟି ନାପାର୍‌ତେ
 ରଇଲା । ୩୪ ପିତର୍ ତାକେ କଇଲା, “ଏନିୟ୍ ଜିସ୍ ମାପ୍‌ରୁ ତକେ ନିକ
 କରିଆତେ । ଉଟ୍ ଆରି ତର୍ ଅର୍‌ନା ସାଜାତ୍ ।” ୩୫ କଇଲା ଦାପ୍‌ରେ ଏନିୟ୍
 ଉଟି ଟିଆଅଇଲା । ଏଟା ଦେକି କରି ଲୁଦା ଆରି ସାରନେ ବାସା ଅଇରଇବା

ସବୁ ଲକ୍ଷ୍ମୀନ୍ ମାପୁରୁ ବାଟେ ଆଇବାକେ ମନ୍ କଲା । ୩୭ ଜପାଇ,
 ଟାବିତା ନାଉଁର୍ ଗଟେକ୍ ବିସ୍ବାସି ମାଇଜି ବାସା ଅଇରଇଲା । ତାର୍ ଗିରିକ୍
 ନାଉଁ, ଦାର୍କାସ୍ । ତାର୍ ଅରତ୍ କଟ୍ଟରା । ସେ ସବୁବେଲା ସତ୍ କାମ୍ କରି,
 ରଗି ଦୁକ୍ଷିମନର୍ ସେବା କର୍ତ୍ତେ ରଇଲା । ସେବେଲେ ସେ ରଗ୍ବେମାର୍ ଅଇ
 ମରିଗାଲା । ୩୭ ତାର୍ ଲକ୍ଷ୍ମୀକ୍ଷମନ୍ ଟାବିତାର୍ ମଲାମତ୍ ପାନିଦୁଆଇଲା
 ଆରି ଲୁଗା ସତ୍ଟ୍ ଗୁଡିଆଇ ଉପର୍ ତାଲାର୍ ବାକ୍ରାଇ ସୁଆଇଦେଲା । ୩୮
 ଜପା ଜାଗା ଲୁଦାଇଅନି ଦୁରିକେ ନ ରଇଲା । ପିତର୍ ଲୁଦାଇ ଆଟେ ବଲି
 ସୁନିକରି ଜପାଇ ରଇବା ବିସ୍ବାସିମନ୍ ଦୁଇ ଲକ୍ଷ୍ମୀକେ ପିତର୍ ଲଗେ କଇ
 ପାଟାଇଲା । “ଅଲସମ୍ ନ କରି, ଦାପେ ଆମର୍ ଲଗେ ଚନେକ୍ ଆସା ।” ୩୯
 ପିତର୍ ତିଆର୍ ଅଇକରି ସେମନର୍ ସତ୍ଟ୍ ଗାଲା । ତେଇ ସେ କେଟ୍ଲା ଦାପ୍ରେ
 ଲକ୍ଷ୍ମୀନ୍ ତାକେ ଉପର୍ ତାଲାର୍ ବାକ୍ରାଇ ତାକି ନେଲା । ରାଣ୍ଡି ମାଇଜିମନ୍
 ଚାରିବେଡ୍ଡି ଅଇକରି କାନ୍ତି କାନ୍ତି ଦାର୍କାସ୍ ଜିବନ୍ ରଇଲାବେଲେ ସିଲାଇ
 ରଇବା ବସ୍ତର୍ ଆରି ଲୁଗାମନ୍ ସବୁ ପିତର୍କେ ଦେକାଇଲା । ୪୦ ପିତର୍
 ବାକ୍ରାଇଅନି ସବୁକେ ବାକ୍ରାଇ ଦେଲା ଆରି ମାଣ୍ଡିକୁଟା ଦେଇ ପାର୍ତନା
 କଲା । ତାର୍ପଟେ ଦର୍କାସର୍ ମଲା ଗାଗତରୁବାଟେ ଦେକିକରି କଇଲା,
 “ଟାବିତା ଉଟ୍!” ଏଦେ ଦେକା! ଦର୍କାସ୍ ଆଁକି ଦେକ୍ଲା ଆରି ପିତର୍କେ
 ଦେକି ଉଟିକରି ବସ୍ଲା । ୪୧ ପିତର୍ ଆତ୍ ଲାମାଇ ତାକେ ଉଟାଇଲା । ତାର୍
 ପଟେ ତେଇ ରୁଣ୍ଡି ରଇଲା ସବୁ ବିସ୍ବାସି ଆରି ରାଣ୍ଡି ମାଇଜିମନ୍କେ ତାକି
 ଦର୍କାସ୍କେ ସର୍ପିଦେଲା । ୪୨ ଏ କବର୍ ଜପାର୍ ଗୁଲାଇ ବାଟର୍ ଲକ୍
 ସୁନ୍ଲା ଆରି କେତେ କେତେ ଲକ୍ଷ୍ମୀନ୍ ମାପୁରୁକେ ବିସ୍ବାସ୍ କଲା । ୪୩
 ପିତର୍ ବେସି ଦିନ୍ ଜପାଇ ସିମନ୍ ନାଉଁର୍ ଗଟେକ୍ ଲକ୍, ଜେକି ପସୁମନର୍
 ଚାମ୍ ସତ୍ଟ୍ କାଇକାଇ ଜିନିସ୍ମନ୍ ତିଆର୍ କରି ବ୍ଟେ ରଇଲା, ତାର୍ ଗରେ
 ରଇଲା ।

୧୦ କାଇସରିଆ ଅନି କର୍ନିଲିଅ ନାଉଁର୍ ଗଟେକ୍ ଲକ୍ ରଇଲା । ସେ,
 ଇଟାଲି ଅନି ଆଇବା ଗଟେକ୍ ବଡ୍ ଦଲର୍ ରମିୟ ସନିଅମନର୍, ନେତା
 ରଇଲା । ୧ ସେ ଗଟେକ୍ ଦରମ୍ ଲକ୍ ରଇଲା । ସେ ଆରି ତାକର୍ ଗରର୍
 ଲକ୍ଷ୍ମୀନ୍ ସବୁ ପର୍ମେସର୍କେ ଉପାସନା କର୍ତ୍ତେ ରଇଲା । ସେ ରକ୍ଷିଦୁକି
 ଜିଉଡିମନ୍କେ ବେସି ଉପକାର୍ କର୍ତ୍ତେ ରଇଲା । ଆରି ଜେତେବେଲ୍ ମିସା
 ପର୍ମେସର୍କେ ପାର୍ତନା କର୍ତ୍ତେ ରଇଲା । ୩ ଦିନେକ୍ ଆଡ୍ବେଲାର୍

ତିନିଟା ବେଳେ କରୁନିଲିଆ ପାର୍ତନା କଲାବେଳେ, ଗଟେକ୍ ଦରସନ୍ ପାଇଲା
 । ତେଇ ପର୍ଯ୍ୟାୟରୁ ଦୁର୍ ଆସି ତାକେ “କରୁନିଲିଆ!” ବଲି ଡାକ୍‌ବାଟା ନିକ
 ସଞ୍ଜ ଦେକ୍‌ଲା । ୪ ସେ ତରିକରି ସରଗର୍ ଦୁର୍‌ବାଟେ ଦେକିକରି କଇଲା,
 “କାଇଟା ବଲି କଇଲୁୟ୍‌ନି ମାପ୍‌ରୁ?” ସରଗର୍ ଦୁର୍ କଇଲା, “ପର୍ଯ୍ୟାୟ
 ତର୍ ପାର୍ତନା ଆରି ଦୁକିରକିମନ୍‌କେ ଦାନ୍ କରୁବାଟା ଦେକି ସାର୍‌ଦା ଅଇଲା
 । ଆର୍ ବାଦୁଲେ କାଇଟାଆଲେ ଦେବାକେ ସେ ମନ୍ କଲାନି । ୫ ଏବେ ସିମନ୍
 ପିତର୍ ନାଉଁର୍ ଗଟେକ୍ ଲକ୍‌କେ ଇତି ତାକି ଆନ୍‌ବାକେ, ଜପାଇ ଲକ୍ ପାଟାଆ
 । ୬ ସେ ସମ୍‌ଦୁର୍ କଣ୍ଟି ବାସାଅଇରଇବା ସିମନ୍ ନାଉଁର୍ ଗଟେକ୍, ପସୁମନର୍
 ଚାମ୍ ସଞ୍ଜ କାଇକାଇଟା ତିଆର୍ କରୁବା ଲକ୍‌ର ଗରେ ରଇଲାନି ।” ୭ ଏତ୍‌କି
 କାତା କଇ ସରଗର୍ ଦୁର୍ ଉଟିଗାଲା । କରୁନିଲିଆ ତାକର୍ ଗରର୍ ଦୁଇଟା
 ଗତିଦାଞ୍ଜୁତାକେ ଆରି ତାକେ ସେବା କରୁତେରଇବା ଆରି ପର୍ଯ୍ୟାୟକେ
 ଉପାସନା କରୁତେରଇବା ଗଟେକ୍ ସଇନକେ ଡାକାଇଲା । ୮ ସେ ସେମନ୍‌କେ
 ଦୁର୍ କଇରଇବା ସବୁ କାତା ଜାନାଇ କରି ଜପାଇ ପାଟାଇଲା । ୯ ତାର୍
 ଆର୍କର୍ ଦିନେ ଆଡ୍‌ବେଲାଇ ସେମନ୍ ଜପାର୍ ଲଗାଇଗି ଅଇଲାବେଳେ,
 ପିତର୍ ପାର୍ତନା କରୁବାକେ ମେଡ୍‌ଗରର୍ ଚାଉନି ଉପ୍‌ରେ ଜାଇ ରଇଲା ।
 ୧୦ ସେ ଉପାସ୍ ସାରାଇକରି, କାଇଟାଆଲେ କାଇବାକେ ମନ୍ କଲା ଆରି
 କାଦି ତିଆର୍ ଅଇବା ବେଲାଇ ସେ ଗଟେକ୍ ଦରସନ୍ ଦେକ୍‌ଲା । ୧୧ ଏଦେ
 ଦେକା! ଆକାସ୍ ଉଗାଡିଅଇଲାଟା ଆରି ଗଟେକ୍ ବଡ୍ ଚାଦର୍ ଚାରିକନେ
 ବାନ୍ଧିଅଇକରି ଦରୁତନି ଉପ୍‌ରେ ଉଡ୍‌ରି ଆଇବାଟା ଦେକ୍‌ଲା । ୧୨ ତେଇ
 ଜଗତେ ରଇବା ରକାମ୍ ରକାମ୍ ଗଡ୍ ସଞ୍ଜ ଇଣ୍ଟୁବା ପସୁ, ରାଞ୍ଜୁବା ଜନ୍ମୁ ଆରି
 ଉଡ୍‌ବା ଚତଇମନ୍! ୧୩ ଆରି ସେ ଗଟେକ୍ କାତା ଅଇବା ସବଦ୍ ସୁନ୍‌ଲା,
 “ପିତର୍! ଉଡ୍ ସେମନ୍‌କେ ମାରିକରି କାଆ!” ୧୪ ମାତର୍ ପିତର୍ କଇଲା,
 “ନାଇ ମାପ୍‌ରୁ, ଆମର୍ ଜିଉଦି ନିୟ୍‌ମ୍ ଇସାବେ ଅସୁକଲ୍ ବଲି କଇବା କାଇ
 ମାଉଁସ୍ ମିସା କାଇନାଇ ।” ୧୫ ସେ ସବଦ୍ ଆରି କଇଲା “ପର୍ଯ୍ୟାୟ
 ଜନ୍‌ଟା ସୁକଲ୍ କଲାଆତେ ସେଟା ନିର୍‌ବାର୍ ନାଇ ।” ୧୬ ଏନ୍ତାରି ତିନିତର୍
 ଅଇଲା ପତେ ଚାଦର୍ ସରଗ୍ ବାଟେ ଚଗାଇ ଦାରି ଗାଲାଇ । ୧୭ ପିତର୍
 ଜନ୍ ଦରସନ୍ ପାଇରଇଲା, ତାର୍ ଅରଡ୍ କାଇଟା, ସେଟା ବାଦି କାନାବାନା
 ଅଇଗାଲା । ଟିକ୍ ସେନ୍ତି ଅଇଲାବେଳେ, ଏଦେ ଦେକା! କରୁନିଲିଆ ପାଟାଇଲା
 ଲକ୍‌ମନ୍ ସିମନ୍‌କେ କଜି କଜି ଆସି, ତାର୍ ଗରର୍ ବାଡ୍‌ତିଆଗତି ଲଗେ

ଟିଆଅଇଲା । ୧୮ ସେମନ୍ ତାକିକରି ପାଟାରୁଲା, “ସିମନ୍ ପିତର, ନାଉଁର
ଗତିଆ ଲକ୍ ଇତି ଆଚେ କି?” ୧୯ ପିତର ସେ ଦରସନ୍ ବିସଇ ତିନ୍ତା କର୍ତ୍ତେ
ରଇଲାବେଲେ ଆତ୍ମା ତାକେ କଇଲା, “ସୁନ୍! ତକେ ତିନ୍ ଲକ୍ କଜ୍ଜିଲାନି
।” ୨୦ “ଉଟ୍, ତଲେ ଜାଆ । ଏ ଲକ୍ମନର୍ ସଞ୍ଜ ଜିବାକେ ନିର୍ନାଇ,
କାଇକେବଇଲେ ମୁଇ ସେମନ୍କେ ପାଟାଇଆତି ।” ୨୧ ତେଇଅନି ପିତର
ସେ ଲକ୍ମନର୍ ଲଗେଜାଇ କଇଲା, “ତମେ ଜାକେ କଜ୍ଜିଲାନି, ସେ ଲକ୍
ମୁଇ, ତମେ କାଇକେ ଆସି ଆଟାସ୍?” ୨୨ ସେମନ୍ କଇଲା, “କର୍ନିଲିଅ
ନାଉଁର ରମିୟ ସଇନମନର୍ ନେତା ଆମ୍‌କେ ପାଟାଇଆଚେ । ଜେ କି ଗଟେକ୍
ଦରମ୍ ଲକ୍ ଆରି ପର୍ମେସର୍‌କେ ନାମ୍‌ସି । ଗୁଲାଇ ଜିଉଦି ଲକ୍ମନର୍ ତାକେ
ନାମ୍‌ବାଇ । ତୁଇ କଇବାଟା ସୁନ୍‌ବାକେ, ସେ ତକେ ତାର୍ ଗରେ ତାକାଇଆଚେ
। ଏନ୍ତାରି କର୍ବାକେ ପର୍ମେସର୍ ପାଟାଇଲା ତୁ ତାକେ ଡିଆରୁଲା ଆଚେ ।”
୨୩ ପିତର ସେମନ୍‌କେ ବିତ୍ରେ ତାକିନେଇକରି ସେ ରାତି ତେଇ ରଇବାକେ
ଗୁଆରି କଲା । ତାର୍ ଆରକର୍ ଦିନେ ସେ ଉଚି ସେମନର୍ ସଞ୍ଜ ଗାଲା ।
ଆରି ଜପା ନାଉଁର ଜାଗାର୍ କେତେଟା ବିସ୍‌ବାସି ବାଇମନ୍ ମିସା ସେମନର୍
ସଞ୍ଜ ଗାଲା । ୨୪ ଆରି ଗଟେକ୍ ଦିନେ ସେମନ୍ ସିସେରିଆଇ କେଟ୍‌ଲା ।
। ତେଇ କର୍ନିଲିଅ ତାର୍ ମଇତର୍‌ମନ୍‌କେ ଆରି କୁଟୁମର୍ ଲକ୍ମନ୍‌କେ
ରୁଣ୍ଡାଇକରି ପିତରକେ ଜାଗିରଇଲା । ୨୫ ପିତର ଗର୍ ବିତ୍ରେ ଜିବାବେଲେ
କର୍ନିଲିଅ ତାକେ ବେଟ୍‌ଅଇ, ତାର୍ ପାଦେ ତାଣ୍ଡାସନ୍ ପଡି ଜୁଆର୍ କଲା
। ୨୬ ପିତର ତାକେ ଉଟାଇକରି କଇଲା, “ଟିଆ ଅ, ମୁଇ ମିସା ତର୍‌ପାରା
ଗଟେକ୍ ମୁନ୍‌ସ୍‌ସେ ।” ୨୭ ପିତର କର୍ନିଲିଅର୍ ସଞ୍ଜ କାତା ଅଇ ଅଇ ଗର୍
ବିତ୍ରେ କେଟ୍‌ଲା ଆରି ତେଇ ବେସିଲକ୍ ରୁଣ୍ଡିରଇବାଟା ଦେକ୍‌ଲା । ୨୮
ସେ ସେମନ୍‌କେ କଇଲା, “ଜିଉଦି ନ ଅଇଲା ଲକ୍ମନର୍ ସଞ୍ଜ ମିସ୍‌ବାଟା
କି ତାକର୍ ଗରେ ଜିବାଟା ଆମର୍ ଜିଉଦି ଲକ୍ମନର୍ ବିଦି ନାଇ । ସେଟା
ତମେ ନିକକରି ଜାନାସ୍ । ଏଲେମିସା କନ୍‌ଆଲେ ଗଟେକ୍ ଲକ୍‌କେ ଅସୁକଲ୍
ଇସାବେ ଦେକ୍‌ବାର୍ ନାଇ ବଲି ପର୍ମେସର୍ ମକେ କଇଲାଆଚେ । ୨୯
ତେବେ ମକେ ତାକାଇଲା ଦାପ୍‌ରେ କାଇଟା ନ ବାବିକରି ଆଇଲି । ମକେ
କାଇକେ ତାକାଇଲୁସ୍ ତେବେ? ସେଟା ମୁଇ ଜାନ୍‌ବାକେ ମନ୍ କଲିନି ।” ୩୦
କର୍ନିଲିଅ କଇଲା, ତିନ୍‌ଦିନ୍ ଆଗ୍‌ତୁ ଆଡ୍‌ବେଲାର୍ ତିନ୍‌ଟା ସମାନ୍ ଏଡ୍‌କି
ବେଲାଇ, ମୁଇ ଗରେ ପାର୍‌ତନା କର୍ତ୍ତେ ରଇଲି । ସେଡ୍‌କି ବେଲେ, ଏଦେ

ଦେକା! ଦବ୍ ପଟିଆ ପିନ୍ଧି ରଇବା ଗଟେକ୍ ଲକ୍ ମର୍ ମୁଆଟେ ଟିଆଅଇଲା,
 ଆରି କଇଲା, ୩୧ “କର୍ନିଲିଆ! ପର୍ମେସର୍ ତର୍ ପାର୍ତନା ସୁନ୍ଲା ଆରି
 ତମେ ଦୁକିରକିକେ ଯାଇଜ କର୍ବାଟା ଦେକି ସାର୍ଦା ଅଇଆଟେ । ୩୨
 ସିମନ୍ ପିତର୍ ନାଉର୍ ଗଟେକ୍ ଲକ୍ କେ ଆନ୍ବାକେ ଜପା ନାଉର୍ ଜାଗାଇ,
 ଲକ୍ମନକେ ପାଟାଆ । ସେ ସମ୍ପୁର୍ କଣ୍ଟି ବାସାଅଇରଇବା ପସୁମନର୍ ତାମ୍
 ସଞ୍ଜୁ କାଇକାଇଟା ତିଆର୍କରୁ ସିମନର୍ ଗରେ ଗତିଆ ଅଇଆଟେ । ୩୩
 ତେବର୍ ପାଇ, ମୁଇ ତକେ ଦାପ୍ରେ ତାକାଇଲି, ଆରି ତମେ ମର୍ କାତା
 ମାନିକରି ଆସି ଆଟାସ୍ । ଏବେ ଆମେ ସବୁ ଲକ୍ ପର୍ମେସର୍ ରଇବା ଏ
 ଜାଗାଇ ରୁଣ୍ଡିଆରୁ । ମାପ୍ରେ ତକେ ଜନ୍ଟା କଇବାକେ ଆଦେସ୍ ଦେଲା ଆଟେ,
 ସେଟା ସୁନ୍ବାକେ ଜାଗିଆରୁ ।” ୩୪ ସିତିଅନି ପିତର୍ କଇଲା, “ଏବେ ମୁଇ
 ବୁଜିପାରୁଲିନି ଜେ ପର୍ମେସର୍ କେତେଟା ଦଲ୍ମନକେସେ ତାକ୍ସି, ସେନ୍ତାରି
 ନର୍ସ, ମାତର୍ ସବୁକେ ସମାନ୍ ଇସାବେ ତାକ୍ସି । ୩୫ ଜନ୍ ଜାତିର୍ ଲକ୍ ମିସା
 ତାକେ ଡରିକରି, ତାର୍ ମୁଆଟେ ସତ୍କାମ୍ କଲେ, ମାପ୍ରେ ତାକେ ତାକ୍ସି । ୩୬
 ଇସ୍ରାଏଲିଆ ମନର୍ ଲଗେ ପର୍ମେସର୍ ଜନ୍ କବର୍ ପାଟାଇରଇଲା, ସେଟା
 ତୁଇ ଜାନିଆରୁସ୍ । ଜିସୁ କିରିସ୍ଟ ଜେ କି ସବୁର୍ ମାପ୍ରେ, ସେ କିରିରଇବା
 କାମେଅନି ସବୁଲକ୍ମନ୍ ସାନ୍ତିସଞ୍ଜୁ ମିସ୍ବାଇ, ବଲି ପର୍ମେସର୍ ଆମ୍ବକେ
 ଜାନାଇଲାଆଟେ । ୩୭ ତୁବନ୍ ଦେଉ ଜଅନ୍ ପାପ୍ କାମ୍ କର୍ବାଟାନେଅନି
 ବାଉଡ୍ବା ବିସଇ ଆରି ତୁବନ୍ ନେବା ବିସଇ କଇଲାପଟେ, ଗାଲିଲିଅନି
 ଆରାମ୍ କି ଗୁଲାଇ ଜିଉଦାର୍ ସବୁବାଟେ ଜନ୍ ଗଟ୍ନାସବୁ ଗଟ୍ଲା ଆଟେ,
 ସେଟା ତୁଇ ଜାନୁସ୍ । ୩୮ ନାଜରିତର୍ ଜିସୁର୍ ବିସଇ ଆରି ପର୍ମେସର୍ ତାକେ
 କେନ୍ତି ସୁକଲ୍ ଆତ୍ମା ଆରି ବପୁ ପୁରାପୁରୁନ୍ ଦେଇରଇଲା, ସେଟା ଜାନୁସ୍ ।
 ଆରି ଜାନିଆରୁସ୍, ସେ ସବୁ ବାଟେ ଜାଇ ନିକନିକ କାମ୍ମନ୍ କିରିରଇଲା ।
 ସଇତାନର୍ ବାନ୍ତନେ ରଇଲା ଲକ୍ମନକେ ମୁକ୍ତାଇଲା । କାଇକେବଇଲେ
 ପର୍ମେସର୍ ତାର୍ ସଞ୍ଜୁ ରଇଲା । ୩୯ ଜିସୁ ଇସ୍ରାଏଲ ଦେସେ ଆରି
 ଜିରୁସାଲାମେ ଜେଡ୍ କି ସବୁ କାମ୍ମନ୍ କଲା, ଆମେ ସବୁ ଲକ୍ ତାର୍ ସାକି
 ଆରୁ । ତାପଟେ ତାକେ କୁର୍ସେ କୁଟି ମାରି, ମରାଇଲା । ୪୦ ମାତର୍
 ପର୍ମେସର୍ ତାକେ ତିନ୍ଦିନ୍ ଅଇଲାକେ ମଲାତେଇଅନି ଉଟାଇ ଜିବନ୍
 କରାଇ, କେତେଲକ୍ କେ ଦେକାଇଦେଲା । ୪୧ ସବୁଲକ୍ ତାକେ ଦେକ୍ବାକେ
 ପର୍ମେସର୍ ଦେଏନାଇ, ଅବ୍କା ସେ ବାଟ୍ଲା ସାକିମନକେସେ । ତାକେ

ଆରିତରେକ୍ ଜିବନ୍ କରାଇଲାପତେ, ତାର୍ ସଞ୍ଜୁ କାଆ ପିଇ ଅଇରଇଲା
 ଲକ୍ମନ୍ ଆମେସେ । ୪୭ ଲକ୍ମନ୍ ଲଗେ ସୁବ୍ବବର୍ ଜାନାଇବାକେ
 ସେ ଆମ୍ବେ ଆଦେସ୍ ଦେଲା । ବଞ୍ଚିରଇବା ଲକ୍ମନ୍ ଆରି ମଲା ଲକ୍ମନ୍
 ବିଚାର୍‌କାରିଆ ଇସାବେ ତାକେସେ ବାଢ଼ଲା ଆତେ, ଏ କାତାର୍ ସାକିଦେବାକେ
 ମିସା ସେ ଆମ୍ବେ ଆଦେସ୍ ଦେଲାଆତେ । ୪୩ ସବୁ ବବିସଦ୍‌ବକ୍‌ତାମନ୍
 ତାର୍ ବିସଇନେଇ, ଏ କବର୍ କଇରଇଲା । ଜେ ମସିଆକେ ବିସ୍‌ବାସ୍ କର୍ସି,
 ମସିଆ କରିରଇବା କାମର୍ ଲାଗି, ପର୍ମେସର୍ ତାର୍ ପାପ୍‌କେମା କର୍ସି ।”
 ୪୪ ପିତର୍ ସିକିଆ ଦେବା ବେଲେ ଜେତେ ଲକ୍ ସୁନ୍‌ତେ ରଇଲା, ସେ ସବୁ
 ଲକ୍ମନ୍ ଉପ୍‌ରେ ସୁକଲ୍ ଆତ୍‌ମା ଉତ୍‌ରି ତାବିଅଇଲା । ୪୫ ଜିଉଦିନଇଲା
 ଲକ୍ମନ୍ ଉପ୍‌ରେ ମିସା ପର୍ମେସର୍ ସୁକଲ୍ ଆତ୍‌ମା ତାବିଅଇବାଟା ଦେକି
 ଜପାଇଅନି ପିତର୍ ସଞ୍ଜୁ ଆସିରଇବା ଜିଉଦି ବିସ୍‌ବାସିମନ୍ କାବାଅଇଗାଲା ।
 । ୪୬ କାଇକେବଇଲେ ସେମନ୍ ପର୍ମେସର୍‌କେ ତାକ୍‌ପୁଟା କର୍ବାଟା,
 ଆରି ବିନ୍‌ବିନ୍ ବାସାଇ କାତାଅଇବାଟା, ଜିଉଦି ବିସ୍‌ବାସିମନ୍ ସୁନ୍‌ଲା ।
 । ଜପାଇଅନି ଆସିରଇବା ଜିଉଦି ବିସ୍‌ବାସିମନ୍‌କେ ପିତର୍ କଇଲା, ୪୭
 “ପର୍ମେସର୍ ଆମ୍ବେ ଜେନ୍ତି ସୁକଲ୍‌ଆତ୍‌ମା ଦେଲାଆତେ, ସେନ୍ତାରିସେ ଏ
 ଲକ୍ମନ୍‌କେ ମିସା ଦେଲାଆତେ । ସେମନ୍‌କେ ତୁବନ୍ ନ ନିଆ ବଲି କେ ମିସା
 ଅଟ୍‌କାଇପାର୍‌ସି କି?” ୪୮ ସେଟାର୍ ପାଇ ପିତର୍ ସେମନ୍‌କେ ଜିସୁକିରିସ୍‌ଟର୍
 ନାଉଁ ଦାରି ତୁବନ୍ ଦେଲାପତେ କର୍ନିଲିଆ ଆରି ତାର୍ ସଞ୍ଜୁ ରଇବାଲକ୍ମନ୍
 ତାକେ ଆରି କେତେ ଦିନ୍ ସେମନ୍‌ର୍ ସଞ୍ଜୁ ରଇବାକେ ବାବୁଜିଆ କଲା ।

୧୧ ଜିଉଦି ନଇଲା ଲକ୍ମନ୍ ମିସା ପର୍ମେସର୍ ବାକିଆ ନାମି ଆତତ୍ ବଲି
 ପେରିତ୍ ସିସ୍‌ମନ୍ ଆରି ଜିଉଦା ରାଇଜର୍ ବିନ୍ ବିସ୍‌ବାସି ବାଇମନ୍ ସୁନ୍‌ଲା ।
 ୨ ପିତର୍ କାଇସେରିଆ ଅନି ଜିରୁସାଲାମ୍ ଗାଲା । ଜିଉଦି ନଇଲା ଲକ୍ମନ୍‌କେ
 ସୁନ୍‌ତ୍ କରୁ ବଲି କଇବା ଲକ୍ମନ୍ ତାକେ ବାକାନିକରି କଇଲା, ୩ “ତୁଇ
 ଜିଉଦି ନଇଲା ଗରେ, ଅବ୍‌କା ଗତିଆଅଇ ଜାଉସ୍ ନାଇ, ତେଇ କାଇଲୁସ୍
 ମିସା ।” ୪ ମାତର୍ ମୁଲେଅନି କର୍ନିଲିଆକେ କାଇକାଇଟା ଗଟିରଇଲା,
 ସେଟା ରୁଜାଇବାକେ ପିତର୍ କଇଲା । ୫ “ମୁଇ ଜପା ନାଉଁର୍ ନଅରେ
 ପାର୍‌ତନା କର୍ବା ବେଲେ ଗଟେକ୍ ଦର୍‌ସନ୍ ଦେକ୍ଲି । ଗଟେକ୍ ବଡେଟା
 ଚାଦର୍ ଚାରିକନେ ତର୍‌ସଞ୍ଜୁ ବାନ୍ତି ଜୁଲାଅଇ ଆକାସେଅନି ଉତର୍‌ଲା ଆରି
 ସେଟା ମର୍‌ଲଗେ ଅଟେକ୍ଲା ।” ୬ ସେ ବିତ୍‌ରେ, ଗରେପସ୍‌ବା ପସ୍ତୁ, ତଞ୍ଜୁରେ

ରଇବା ପସ୍ତୁ, ରାଢ଼ି ବୁଲୁବାଟାମନ୍ ଆରି ବିନ୍ ବିନ୍ ରକାମର୍ ଚତଇମନ୍
 ରଇଲାଟା ନିକକରି ଦେକ୍ଲି । ୭ ତାର୍ପତେ ଗଟେକ୍ କର୍ତ୍ ସୁନ୍ଲି, “ପିତରୁ!
 ଉର୍, ମାରିକରି କାଆ ।” ୮ ମାତର୍ ମୁଇ କଇଲି, “ନାଇ ମାପୁରୁ! ମୁଲ୍‌କେ
 ନିଚି! ଆମର୍ ଜିଉଦିମନର୍ ନିୟମ୍ ମନାକରିରଇବା ଇସାବେ, ଏବେ ଜାକ
 କାଇମିସା ମାଉଁସ୍ ଟଣ୍ଡେ ତିଆଇ ନାଇତା ।” ୯ ସର୍ଗେଅନି ଆରିତରେକ୍
 ଏ କର୍ତ୍ ଆଇଲା, “ପରମେସର୍ କାଇଟା ଆଲେ କାଇ ଅଇସି ବଲି କଇଲେ
 ସେଟା ନିର୍ବାର୍ ନାଇ ।” ୧୦ ଏନ୍ତାରି ତିନ୍ତର୍ ଅଇଲା ପତେ, ସେ ଜର୍ତ୍ମନ୍
 ରଇଲାଟା ସଢ଼୍ ସେ ତାଦର୍ ସରଗ୍ ଉପ୍ରେ ଜିକିନେଲାଇ । ୧୧ ସମାନ୍
 ବେଲାଇସେ, କର୍ନିଲିଅ ପାଟାଇଲା ତିନ୍ ଲକ୍ ସିସେରିଆଇ ଅନି ମୁଇ
 ରଇବା ଗରେ ଆସି କେଟ୍‌ଲାଇ । ୧୨ ଦୁଇମନିଆ ନ ଅଇ ସେମନର୍
 ସଢ଼୍ ଜିବାକେ ମକେ ସୁକଲ୍‌ଆର୍ମା ଚାଲ୍‌ନା ଦେଲା । ଜପାର୍‌ର ଏ ଚଅଟା
 ବିସ୍‌ବାସି ବାଇମନ୍ ମିସା ମର୍ ସଢ଼୍ ସିସେରିଆଇ ଗାଲାଇ ଆରି ଆମେ ସବୁ
 ଲକ୍ କର୍ନେଲିଅର୍ ଗରେ କେଟ୍‌ଲୁ । ୧୩ ତାର୍ ଗରେ ସେ କେନ୍ତି ସରଗ୍
 ଦୁତର୍ ଦର୍ସନ୍ ପାଇରଇଲା, ସେ ବିସଇ ଆମ୍‌କେ ଜାନାଇଲା । ସରଗ୍ ଦୁତ୍
 ତାକେ ଏନ୍ତି କଇରଇଲା, ଜପାତେଇ ରଇବା ପିତର୍‌କେ, ତାର୍ ଆରି ଗଟେକ୍
 ନାଉଁ ଅଇଲାନି ସିମନ୍, ତାକେ ଇତି ତାକି ଆନ୍‌ବାକେ ଲକ୍ ପାଟା । ୧୪
 ସେ ଆସି ତମ୍‌କେ ସିକିଆ ଦେଇସି ଆରି ସିତିଅନି ତମ୍‌କେ ଆରି ତମର୍
 ଗରର୍ ଲକ୍‌କେ ପର୍ମେସର୍ ରକିଆ କର୍ସି । ୧୫ ଆରି ମୁଇ ଜେତେବଲ୍
 ସିକିଆଦେବାର୍ ଆରାମ୍ କଲି, ଆଗେ ସୁକଲ୍ ଆର୍ମା ଜେନ୍ତାରି ଆମର୍
 ଉପ୍ରେ ତାବିଅଇରଇଲା, ସେନ୍ତାରି ସେମନର୍ ଉପ୍ରେ ତାବିଅଇଲା । ୧୬
 ତାର୍‌ପତେ ମୁଇ ମାପୁରୁ ଏ ବାକିଅ ଏତାଇଲି, ଜଅନ୍ ତମ୍‌କେ ପାନି ସଢ଼୍
 ତୁବନ୍ ଦେଲା, ମାତର୍ ପର୍ମେସର୍ ତମ୍‌କେ ସୁକଲ୍‌ଆର୍ମା ତୁବନ୍ ଦେଇସି
 । ୧୭ “ଏଟା ପୁରାପୁରନ୍ ସତ୍ ଜେ, ଆମେ ମାପୁରୁ ଜିସୁକିରିସ୍‌ଟେକେ ବିସ୍‌ବାସ୍
 କଲାକେ ପରମେସର୍ ଆମ୍‌କେ ଜନ୍ ଦାନ୍ ଦେଲାଆତେ, ଜିଉଦିନଇଲା
 ଲକ୍‌ମନ୍‌କେ ମିସା ସେ ଦାନ୍ ଦେଲା ଆତେ । ଜଦି ପର୍ମେସର୍ ମନ୍ କର୍ସି
 ବଇଲେ, ମୁଇ କେ ଜେ ପରମେସର୍ ଏ କାମ୍ ଅଟ୍‌କାଇବି!” ୧୮ ଜିଉଦି
 ବିସ୍‌ବାସିମନ୍ ଏଟା ସୁନ୍‌ଲା ପତେ ଆରି ନ ବାକାନିକରି ପର୍ମେସର୍‌କେ
 ତାକ୍‌ପୁଟା କଲାଇ, “ସେନ୍ତାରି ଆଲେ ଜିଉଦିନଇଲା ଲକ୍‌ମନ୍‌କେ ମିସା
 ପାପ୍ କଲାଟା ମାନିଅଇକରି ନ ସାର୍‌ବା ଜିବନ୍ ପାଇବାକେ ସେ ସୁଜଗ୍

ଦେଲାଆତେ ।” ୧୯ ଜିରୁସାଲେମର ଲକ୍ଷ୍ମୀନ୍ ତିପାନ୍‌କେ ମରାଇଲାପତେ
 ବିସ୍‌ବାସିମନ୍‌କେ ତାଡ଼ନା ଦେଲା । ତେଇଅନି କେତେଲକ୍ ବିନ୍‌ବିନ୍
 ଅଇଗାଲା । ସେମନ୍, ପିନିସିଆ, ସାଇପରସ୍ ଆରି ଆନ୍‌ଟିଅକ୍ ଟାନେ ଜାଇ
 ଅବ୍‌କା ଜିଉଦିମନ୍‌କେସେ ସୁବ୍ କବର୍ ଜାନାଇଲା । ୨୦ ମାତର୍ କେତେଟା
 ସାଇପରସ୍ ଆରି କୁରିନିୟର୍ ବିନ୍ ବିସ୍‌ବାସିମନ୍, ଆନ୍‌ଟିଅକେ ଜାଇ ଜିଉଦି
 ନଇଲା ଲକ୍ଷ୍ମୀନରତେଇ ଜିସୁ ମାପ୍‌ରୁର୍ ସୁବ୍ କବର୍ ଜାନାଇଲା । ୨୧
 ପରମେସରର୍ ବପୁ ସେମନର୍ ସଙ୍ଗୁ ରଇଲା ଆରି ବେସି ଲକ୍ ବିସ୍‌ବାସ୍
 କରି ମାପ୍‌ରୁର୍ ବାଟେ ମନ୍ ବାଉଡାଇଲା । ୨୨ ଆନ୍‌ଟିୟକିଆଇ ବେସି
 ଲକ୍ ଜିସୁଟାନେ ବିସ୍‌ବାସ୍ କଲାଜନି ବଲି ଜିରୁସାଲେମର୍ ମଣ୍ଡୁଲିମନ୍
 ସୁନ୍‌ଲା । ଆରି ସେମନ୍ ବରନବାକେ ଆନ୍‌ଟିୟକିଆଇ ପାଟାଇଲା । ୨୩
 ବରନବା ତେଇ କେଟିକରି ପରମେସର୍ ସେ ଲକ୍ଷ୍ମୀନକେ କେନ୍‌ତି ଆସିର୍‌ବାଦ୍
 କଲାଆତେ, ସେଟା ଦେକି ସାର୍‌ଦା ଅଇଲା । ଆରି ମନ୍‌ପରାନ୍ ଦେଇକରି
 ମାପ୍‌ରୁକେ ବିସ୍‌ବାସ୍ କରି ଚଲାଚଲ୍‌ତି କରବାକେ ସେମନ୍‌କେ ସିକିଆ ଦେଇ
 ସାର୍‌ଦା କଲା । ୨୪ ବରନବା ସୁକଲ୍‌ଆଡ଼ମାଇ ଆରି ବିସ୍‌ବାସେ ପୁରୁନ୍ ଅଇ
 ରଇବା ଗଟେକ୍ ଦରମ୍ ଲକ୍ ରଇଲା । ସେ କବର୍ ଜାନାଇଲାକେ ବେସି ଲକ୍
 ମାପ୍‌ରୁର୍ ଲଗେ ଆଇଲା । ୨୫ ତାର୍ ପତେ ବରନବା ସାଉଲ୍‌କେ କଜ୍‌ବାକେ
 ତାର୍‌ସସ୍ ଜାଗାଇ ଗାଲା । ୨୬ ତେଇ ତାକେ ବେଟ୍‌ପାଇ ବରନବା ଆନ୍‌ଟିଅକେ
 ଡାକି ଦାରିଆଇଲା । ପୁରା ଗଟେକ୍ ବରସ୍ ଜାକ ବରନବା ଆରି ସାଉଲ୍
 ତେଇ ମଣ୍ଡୁଲିର୍ ବିସ୍‌ବାସିମନର୍ ସଙ୍ଗୁ ମିସି, ଲକ୍ଷ୍ମୀନକେ ସିକିଆ ଦେଲା ।
 ଏ ଆନ୍‌ଟିଅକର୍ ବିସ୍‌ବାସିମନ୍‌କେସେ ଲକ୍ଷ୍ମୀନ୍ ସିଗ୍ ପରତୁମ୍ କିରିସ୍‌ଟାନ୍
 ବଲି କଇରଇଲା । ୨୭ ସେବେଲାଇ କେତେଟା ବବିସ୍‌ଦ୍‌ବକ୍‌ତାମନ୍
 ଜିରୁସାଲମେଅନି ଆନ୍‌ଟିଅକେ ଆଇଲା । ୨୮ ସେମନର୍ ବିତ୍‌ରେଅନି
 ଆଗାବ୍ ନାଉର୍ ଗଟେକ୍ ଲକ୍ ଆଡ଼ମାର୍ ବପୁ ସଙ୍ଗୁ ପୁରୁନ୍ ଅଇ, ଗୁଲାଇ
 ଦେସେ ଗଟେକ୍ ବଡ଼ ମର୍ଡି ଅଇସି ବଲି ବବିସ୍‌ଦ୍ କାତା ସୁନାଇ ରଇଲା
 । ଏଟା ବଡ଼ ସାସନ୍‌କାରିଆ କଲ୍‌ତିୟ ରମ୍‌ଦେସେ ସାସନ୍ କଲାବେଲେ
 ଗଟି ରଇଲା । ୨୯ ଆନ୍‌ଟିଅକିଅର୍ ସିସ୍‌ମନ୍ ଜିଉଦାଇ ରଇଲା ବିସ୍‌ବାସି
 ବାଇମନ୍‌କେ ତାକର୍ ପାର୍‌ଲା ଏଡ଼କି ତାରୁ ପାଟାଇବାକେ ଟିକ୍ କଲା ।
 ୩୦ ସେମନ୍ ତାରୁ ଜମାଇକରି ବରନବା ଆରି ସାଉଲ୍ ଆତେ, ମଣ୍ଡୁଲିର୍
 ପାର୍‌ତିନମନ୍ ଲଗେ ପାଟାଇ ଦେଲା ।

୧୨ ଏ ବେଲାଈ, ଏରତ୍ ରାଜା ଜିରୁସାଲେମ୍ ମଣ୍ଡଳିର କେତେକ ବିସ୍ବାସିମାନଙ୍କେ ତାହା ଦେବାର ଦାରୁଲା । ୨ ଜଅନର୍ ବାଇ ଜାକୁବ୍‌କେ କାଣ୍ଡା ସଞ୍ଜୁ ମାରି ମରାଇଲା, ଜାକୁବ୍ ଜଅନର୍ ବତ୍ ବାଇ ରଇଲା । ୩ ଜାକୁବ୍‌କେ ମରାଇଲାଟା ଜିଉଦିମାନଙ୍କେ ସାର୍ଦା କରାଇଲା । ଏଟା ଦେକି ଏରତ୍ ପିତର୍କେ ମିସା ବନ୍ଦି କରବାକେ ତିଆରୁଲା । ଏଟା ଜିଉଦିମନ୍ କମିର୍ ନ ମିସାଇତେ ରୁଟିକରବା ପରବ୍ ବେଲେ ଅଇରଇଲା । ୪ ସଇନମନ୍ ପିତର୍କେ ବାନ୍ଦିକରି ବନ୍ଦିଗରେ ପୁରାଇଲାଈ । ରକିଆ ପାଇବା ପରବର୍ ପତେ ସବୁ ଲକର୍ ମୁଆଟେ ବିଚାର୍ନା କରବି ବଲି ଏରତ୍ ବାବି ରଇଲା । ସେଟାପାଇ ଗଟେକ୍ ଦଲେ ଚାରିଲକ୍ ଲାକା ଅଇ, ଚାରିଟା ଦଲ୍‌କରି ସନିଅମନ୍ ତାକେ ଜାଗିରଇଲାଈ । ୫ ପିତର୍ ବନ୍ଦିଗରେ ରଇଲାବେଲେ ଜିରୁସାଲେମେ ରଇବା ମଣ୍ଡଳିର ବିସ୍ବାସିମନ୍ ଗଟେକ୍ ଅଇକରି ତାପାଇ ପରଫେସର୍‌କେ ପାର୍ତନା କର୍ତେରଇଲାଈ । ୬ ଜନ୍ ଦିନେ ଏରତ୍ ପିତର୍କେ ଲକ୍‌ମନର୍ ମୁଆଟେ ଆନ୍‌ବାକେ କାତା ଦେଇରଇଲା, ତାର୍ ଆଗ୍‌ତୁର୍ ରାତି ପିତର୍ ବନ୍ଦିଗରେ ଦୁଇଟା ଜାଗୁଆଲ୍‌ମନର୍ ମଜାଇ ସଇରଇଲା । ତାକେ ସନିଅମନର୍ ମିସ୍ତେ ଦୁଇଟା ଆତେ ଦୁଇଟା ସିକ୍‌ଲି ସଞ୍ଜୁ ବାନ୍ଦିରଇଲାଈ । ଆରି ଜାଗୁଆଲ୍‌ମନ୍ ବନ୍ଦିଗରର୍ ଦୁଆରେ ଜାଗିରଇଲାଈ । ୭ ସେ ଦାପ୍‌ରେ, ଏଦେ ଦେକା! ମାପ୍‌ରୁର୍ ଗଟେକ୍ ଦୁତ୍ ଆସି ପିତରର୍ ମୁଆଟେ ଚିଆଅଇଲା ଆରି ଗୁଲାଈ ବାକ୍‌ରା ଉଜଲ୍ ଅଇଗାଲା । ସରଗର୍ ଦୁତ୍ ପିତର୍କେ କନ୍ଦେ ଦାରି ରୁଲ୍‌ରୁଲାଈ ଆରି ସଇଲାଟାନେଅନି ଉଟାଇକରି କଇଲା “ଦାପ୍‌ରେ ଉଟ୍!” ଉଟ୍‌ଲା ଦାପ୍‌ରେ ବାନ୍ଦି ଅଇରଇଲା ସିକ୍‌ଲି କୁସ୍‌ଲିଗାଲା । ୮ ତାର୍‌ପତେ ଦୁତ୍ କଇଲା, “ଆଁଟାଇ ତୁଆଲ୍ ବାନ୍ଦିଅ ଆରି ପାଣ୍ଡୁ ପିନ୍ଧୁ ।” ପିତର୍ ସେନ୍ଦ୍ରି କଲା ପତେ ଦୁତ୍ କଇଲା, “ତାଦର୍ ତାବିଅଇକରି ମର୍ ସଞ୍ଜୁ ଆଉ ।” ୯ ପିତର୍ ଦୁତର୍ ପତେ ପତେ ବନ୍ଦିଗରେ ଅନି ବାରଇ ଆଇଲା । ଦୁତ୍ ଜନ୍‌ଟା କର୍ତେରଇଲା, ସେଟା ସତ୍ କି ନର୍ସି ବଲି ଜାନି ନାପାର୍ତେରଇଲା । “ଏଟା ଗଟେକ୍ ଦର୍ସନ୍ ଦେକ୍‌ଲିନି ।” ବଲି ବାବ୍‌ତେରଇଲା । ୧୦ ସେମନ୍ ଜାଗୁଆଲ୍‌ମନ୍ ରଇବା ଦୁଇଟା ଜାଗା ଜିତିକରି ପତେ ନଅରେ ପୁର୍ବା ଲୁଆ କାପାଟ୍ ରଇବା ଲଗେ ଆଇଲାଈ । ତାକର୍‌ପାଇ ଲୁଆ କାପାଟ୍ ତାର୍‌ମନ୍କେସେ ଉଗାଡିଅଇଗାଲା ଆରି ସେମନ୍ ବାରଇ ଉଟିଆଇଲାଈ । ସେମନ୍ ବାଟେ ଇଣ୍ଡୁ ଇଣ୍ଡୁ ଅଟାତ୍ ସରଗର୍ ଦୁତ୍ ପିତର୍କେ ଚାଡି ମାୟା ଅଇଗାଲା । ୧୧ ତାର୍‌ପତେ ଜାଇଟା

ଗଠିରଇଲା, ସେତୁକିବେଳେ ତାକେ କାଉଟା ଅଇରଇଲା, ସେଟା ପିତରୁ ଜାନିପାରି କଇଲା, “ଏଟା ସତ୍ ବଲି ମୁଇ ଜାନିଆତି । ଏରଦର୍ ଟାନେଅନି ଆରି ଜିଉଦି ଲକ୍ମନ୍ ଜାଉଟା ଗର୍ସି ବଲି ଆସା କରିରଇଲା, ତେଇଅନି ମକେ ରକିଆ କର୍ବାକେ ମାପୁରୁ ସରଗର୍ ଦୁତକେ ପାଟାଇରଇଲା ।” ୧୨ ନିଜରୁ ବିସଇ ଜାନିକରି ସେ ଜଅନ୍ ମାର୍କରୁ ଆୟା ମରିୟମରୁ ଗରେ ଗାଲା । ତେଇ ବେସି ବିସ୍ବାସିମନ୍ ରୁଣ୍ଡିକରି ପିତରୁ ପାଇ ପାର୍ତନା କର୍ତେ ରଇଲା । ୧୩ ପିତରୁ ବାଇରରୁ କାପାଟେ ଟକ୍ଟକ୍ କରି ମାରୁଲାକେ, ରଦା ନାଉଁରୁ ଗଟେକ୍ ଗତିଦାଢୁଡି କାପାଟ୍ ଉଗାଡ୍ବାକେ ଆଇଲା । ୧୪ ପିତରୁ କର୍ସ୍ସର୍ ଜାନିପାରି ସେ ଏତେକ୍ ସାର୍ଦା ଅଇଲା ଜେ କାପାଟ୍ ନ ଉଗାଡି ବିତ୍ରେ ପାଲାକକରି ତେଇରୁ ବିସ୍ବାସିମନ୍କେ କଇଲା, “ପିତରୁ ବାଇରେ ଚିଆଅଇଲା ଆଟେ ।” ୧୫ ସେମନ୍ ତାକେ କଇଲା, “ତୁଇ ବାୟାଅଇଲୁସ୍ନି! ମାତରୁ ‘ଏଟା ସତ୍ ।’ ବଲି ସେ ତାଟ୍ ସଢୁ କଇଲାଗୁଲାକେ, ସେମନ୍ ଏଟା ତାରୁ ଦୁତ୍ କାଇକି,” ବଲି ବାବୁଲା । ୧୬ ପିତରୁ ତରୁକେ ତରୁ କାପାଟେ ମାର୍ତେ ରଇଲା । ସାରାସାରି ସେମନ୍ କାପାଟ୍ ଉଗାଡି ତାକେ ଦେକି କାବାଅଇଗାଲା । ୧୭ ସେ ଆଡ୍ ସାଗିଆକରି ସେମନ୍କେ ଚିମ୍ବରା ଅଇବାକେ କଇଲା । ଆରି ମାପୁରୁ କେନ୍ତି ତାକେ ବନ୍ଦି ଗରେଅନି ବାର୍କରାଇ ଆନୁଲା, ସେ ବିସଇ ସେମନ୍କେ କଇଲା । ତାରୁ ପଟେ ଏ ସବୁ କାତା ଜାକୁର୍ ଆରି ବିନ୍ ସବୁ ବାଇମନ୍କେ ଜାନାଆ ବଲି କଇଲା । ପଟେ ସେ ତେଇଅନି ବିନ୍ବାଟେ ଉଟିଗାଲା । ୧୮ ସାକାଲ୍ ପାଇଲାକେ “ପିତରୁ କେନେଗାଲା?” ବଲି ଜାଗୁଆଲ୍ମନ୍ କିଲ୍ବିଲ୍ ଅଇଗାଲା । ୧୯ ଏରଦ୍ ଏଟା ସୁନିକରି ପିତରୁକେ କର୍ବାକେ ତାରୁ ସନିଅମନ୍କେ ଆଦେସ୍ ଦେଲା । ମାତରୁ ସେମନ୍ ତାକେ ମିଲା ନାପାରୁଲା । ତେବେ ସାରାସାରି ଜାଗୁଆଲ୍ମନ୍କେ ପାଟାରୁଲା । କେନ୍ତି ଏଟା ଅଇଲାଟା କଇନାପାରୁଲାକେ ସେମନ୍କେ ମରନରୁ ତଣ୍ଡୁ ଦେବାକେ ଆଦେସ୍ ଦେଲା । ତାରୁ ପଟେ ଏରଦ୍ ଜିଉଦା ରାଇଜେଅନି ଜାଇ କେତେ ଦିନରୁପାଇ କାଇସରିଆଇ ବାସା ଅଇରଇଲା । ୨୦ ସେ ବେଲାଇ ଏରଦ୍ ସର୍ ଆରି ସିଦନର୍ ଲକ୍ମନ୍କେ ବେସି ରିସା ଅଇରଇଲା । ସେଟାରୁ ପାଇ ତେଇରୁ ଲକ୍ମନ୍ ଗଟେକ୍ ଦଲ୍, ତାକେ ବେଟ୍ ଅଇବାକେ ଗାଲା । ପର୍ତୁମ୍ ସେମନ୍ ରାଜା ସଇବା ଗର୍ ଦାଇତେ ରଇଲା ବାଲ୍ସଟ୍ସକେ ବୁଜାଇ, ତାରୁ ସାଇଜ ପାଇଲା । ତାରୁ ପଟେ ସେମନ୍ ଏରଦ୍ ଲଗେ ଜାଇ

ସାନ୍ନିସଢ଼ୁ ରଉଁ ବଲି କାତା ଅଇଲାଇ, କାଇକେ ବଇଲେ ଏରଦର୍ ରାଇଜେଅନି
 ସେମନର୍ ଦେସେ କାଇବା ଜିନିସ୍ ଜାଇତେରଇଲା । ୨୧ ଜନ୍ ଦିନେ
 ଏରଦର୍ ସଢ଼ୁ ସେମନ୍ ବେଟ୍ ଅଇବାକେ ଟିକ୍ କରିରଇଲାଇ, ସେ ରାଜାମନ୍
 ପିନ୍ଧୁବା ବସ୍ତର୍ ପିନ୍ଧୁଲା ଆରି ତାର୍ ବସ୍ବା ଜାଗାଇ ବସି ଲକ୍ମନ୍‌କେ
 ଗଟେକ୍ ବାସନ୍ ଦେଲା । ୨୨ ସୁନ୍‌ବା ଲକ୍ମନ୍ ଆଉଲିଅଇଲାଇ, “ଜେ କାତା
 ଅଇଲାନ୍ତି, ସେ ଲକ୍ ନଏଁ, ମାତର୍ ପର୍ମେସର୍!” ୨୩ “ମୁଇ ପର୍ମେସର୍
 ନଇ,” ବଲି କଏ ନାଇକେ ଦାପ୍ରେ ମାପ୍‌ରୁର୍ ଦୁର୍ ଏରଦ୍‌କେ ରଗି କରାଇଲା
 । ସେଟାର୍‌ପାଇ ତାର୍ ଗୁଲାଇଗାଗଡ୍ କିଡା କାଇଲାଇ ଆରି ମରିଗାଲା । ୨୪
 ଏ ବେଲାଇ ବିସ୍ବାସିମନ୍ ପର୍ମେସରର୍ ବାକିଅ ସୁନ୍‌ଲାଇ ଆରି ବିସ୍ବାସ୍
 କର୍ବା ଲକ୍ମନ୍ ବଡ଼ିଗାଲାଇ । ୨୫ ଜିଉଦା ଦେସର୍ ବିସ୍ବାସିମନ୍‌କେ ଡାବୁ
 ଦେଇ ସାରାଇକରି ବର୍ନବା ଆରି ସାଉଲ୍, ଆନ୍‌ଟିଅକିଆଇ ଆଇଲାଇ ।
 ଜଅନ୍ ଆରି ମାର୍କକେ ମିସା ସେମନ୍ ସଢ଼ୁ ନେଇ ଜିରୁସାଲମେ ବାଅଡ଼ଲାଇ
 ।

୧୩ ଆନ୍‌ଟିଅକି ମଶ୍ଟୁଲିତେଇ କେତେଟା ବବିସ୍‌ଦ୍‌ବକ୍ତା ଆରି ସିକିଆ
 ଦେବା ଗୁରୁ ରଇଲାଇ । ସେମନର୍ ବିତ୍ରେ ରଇଲାଇ ବର୍ନବା, ସିମନ୍ ଜାକେ
 କି ନିଗର୍ ଡାକ୍‌ତେରଇଲାଇ, ଲୁସିଅସ୍, ଜେ କି କୁରିନିୟ୍ ଅନି ଆସିରଇଲା,
 ମନଏଁମ୍ ଜେ କି ଏରଦର୍ ଗରେ ବଡ଼ି ରଇଲା ଆରି ସାଉଲ୍ । ୨ ସେମନ୍
 ମାପ୍‌ରୁର୍ ସେବା ଆରି ଉପାସ୍ କଲାବେଲେ, ସୁକଲ୍ ଆଡ଼ମା ସେମନ୍‌କେ
 କଇଲା, “ମୁଇ ଜନ୍ କାମ୍‌ପାଇ ସାଉଲ୍ ଆରି ବର୍ନବାକେ ଡାକ୍‌ଲି ଆଡ଼ି,
 ସେଟାର୍ ପାଇ ସେମନ୍‌କେ ଅଲ୍‌ଗା କରା ।” ୩ ସେଟାର୍‌ପାଇ ସେମନ୍ ଉପାସ୍
 କଲାଇ ଆରି ପାର୍ତନା କରି ତାକର୍ ଉପ୍ରେ ଆଡ଼ ସଢ଼ୁଇ ସେମନ୍‌କେ
 କବର୍ କଇବା କାମେ ପାଟାଇଲାଇ । ୪ ସୁକଲ୍ ଆଡ଼ମାଇଅନି ଆଦେସ୍
 ପାଇକରି ଜାଇରଇବା ବର୍ନବା ଆରି ସାଉଲ୍ ସେଲୁକିଆଇ ଗାଲାଇ । ଆରି
 ତେଇଅନି ପାନି ଜାଜେ ବସି ସାଇପରସ୍ ସମ୍‌ଦୁର୍ ମଜାଇ ରଇବା ଜାଗାଇ
 ଗାଲାଇ । ୫ ସାଲାମି ଗତେ କେଟି ଜିଉଦିମନର୍ ପାର୍ତନା ଗର୍ମନ୍‌କେ
 ପର୍ମେସରର୍ ବାକିଅ ଜାନାଇଲାଇ । ଜଅନ୍ ମାର୍କ ମିସା ସେମନ୍ ସଢ଼ୁ
 ରଇକରି ସେମନ୍‌କେ ସାଇଜ କର୍ତେ ରଇଲାଇ । ୬ ସେମନ୍ ସାଇପରସ୍
 ଜାଗା ଚାଡ଼ି ପାପ୍‌ତେ ନାଉଁର୍ ଜାଗାଇ ଗାଲାଇ । ତେଇ ବାର୍‌ଜିସୁ ନାଉଁର୍
 ଗଟେକ୍ ମୈତର୍ ସିକିରଇବା ଜିଉଦିକେ ବେଟ୍‌ଅଇଲାଇ । ସେ ନିଜ୍‌କେ ମିର୍ରେ

ବବିସତ୍‌ବକ୍ତା ବଲି କଇତେ ରଇଲା । ୭ ସେ ସମୁଦୁର୍ ମଜାଇ ରଇଲା
 ଜାଗାର୍ ସାସନ୍ କାରିଆର୍ ସର୍ଗିଅ ପାଉଲର୍ ମଇତର୍ ରଇଲା । ସର୍ଗିଅସ୍
 ଗଟେକ୍ ଗିଆନି ଲକ୍ ରଇଲା । ସେ ପରମେସରର୍ ବାକିଅ ସୁନ୍‌ବାକେ ମନ୍
 କରି ବର୍ନବା ଆରି ପାଉଲ୍‌କେ ଡାକାଇଲା । ୮ ମାତର୍ ଗୁନିଆଁ ଏଲିମାସ୍,
 (ଏଟା ତାର୍ ଗିରିକ୍ ନାଉଁ) ସେମନ୍‌କେ ନିରୁ ବଲି କଇଲା, କାଇକେ ବଇଲେ,
 ସେ ସାସନ୍ କାରିଆ କିରିସ୍‌ଟକେ ବିସ୍‌ବାସ୍ ନ କର ବଲି ବାବ୍‌ତେ ରଇଲା । ୯
 ମାତର୍ ସାଉଲ୍ ଜାର୍ ନାଉଁକି ପାଉଲ୍, ସୁକଲ୍ ଆତ୍‌ମାଇ ପୁରୁନ୍ ଅଇ, ମିତର୍
 ଜାନିରଇବା ଲକର୍ ବାଟେ ନିକ ଦେକ୍‌ଲା । ୧୦ ଆରି କଇଲା, “ଏ ସଇତାନର୍
 ପିଲା! ତୁଇ, ସବୁ ନିମାନ୍ ବିସଇ ବିରଦ୍ କଲାସ୍‌ନି । ତୁଇ ସବୁ ରକାମର୍
 କରାପ୍ କାମେ ପୁରୁନ୍ ଅଇ ଆରୁସ୍ ଆରି ସବୁବେଲେ ପରମେସରର୍ କାମ୍ ମିର୍
 ବଲି ଦେକାଇବାକେ ଚେସ୍‌ଟା କଲୁସ୍‌ନି । ୧୧ ଏବେ ମାପ୍‌ରୁର୍ ଆତେ ତଣ୍ଡୁ
 ପାଇସୁ । ତୁଇ କାଣା ଅଇଜାଇକରି ତନେକର୍‌ପାଇ ବେଲର୍ ଉଜଲ୍ ଦେକି
 ନାପାରୁସ୍ ।” ସେଦାପ୍‌ରେ ଏଲିମାସ୍ ଆଁକି ଦୁର୍‌ରି ଆନ୍ଧାର୍ ଅଇଗାଲାପାରା
 ଲାଗ୍‌ଲା । ଆରି ତାକେ ଆତେ ଦାରି ତାକିନେବାକେ ଗଟେକ୍ ଲକ୍‌କେ
 ଏନେତେନେ ଆଣ୍ଡାଲି ଅଇ କଜି ବୁଲ୍‌ଲା । ୧୨ ଏଟା ଦେକି ସାସନ୍‌କାରିଆର୍
 ବିସ୍‌ବାସ୍ ଅଇଲା, କାଇକେ ବଇଲେ ମାପ୍‌ରୁର୍ ସିକିଆ ସୁନି ସେ କାବା
 ଅଇଜାଇରଇଲା । ୧୩ ପାଉଲ୍ ଆରି ତାର୍ ସତ୍ଟୁ ଜିବା ଲକ୍‌ମନ୍ ପାପସ୍
 ଜାଗାଇ ଅନି ପାନିଜାଜେ ଜାଇ ପପୁଲିଆର୍ ପର୍‌ଗା ନାଉଁ ଜାଗାର୍ ଗଟେକ୍
 ଗତେ କେଟ୍‌ଲାଇ । ଜଅନ୍‌ମାର୍‌କ ତେଇ ସେମନ୍‌କେ ଚାଡିକରି ଜିରୁସାଲାମ୍
 ବାଉଡିଗାଲା । ୧୪ ସେମନ୍ ପର୍‌ଗାଇଅନି ଜାଇ ପିସିଡିଆର୍ ଆନ୍‌ଟିଅକେ
 କେଟ୍‌ଲାଇ । ଆରି ବିସ୍‌ରାମ୍‌ବାର୍ ଦିନେ ପାର୍‌ତନା ଗରେ ଜାଇ ବସ୍‌ଲାଇ
 । ୧୫ ମସାର୍ ନିୟ୍‌ମ୍ ଆରି ବବିସତ୍‌ବକ୍ତାମନର୍ ଲେକା ପଡ୍‌ଲା ପତେ,
 ପାର୍‌ତନା ତାଲାଉମନ୍ ସେମନ୍‌କେ ଏ କାତା କଇପାଟାଇଲାଇ, “ବାଇମନ୍
 ଜଦି ଲକ୍‌ମନର୍ ସାର୍‌ଦା ବଡାଇବାପାରା ଉପ୍‌ଦେସ୍ ଦେବାର୍ ଆତେ, ତେବେ
 କୁଆ ।” ୧୬ ପାଉଲ୍ ଚିଆଅଇ ଲକ୍‌ମନ୍‌କେ ଚିମ୍‌ରାଇ ଅଇବାକେ ଆତ୍
 ସାଗିଆ କରି କଇଲା । “ଇଡି ରୁଣ୍ଡୁଅଇଲା ଇସ୍‌ରାଏଲ ବାଇମନ୍ ଆରି
 ପରମେସର୍କେ ପାର୍‌ତନା କର୍‌ବା ଜିଉଦି ନଇଲା ଲକ୍‌ମନ୍, ମର୍ କାତା
 ସୁନା! ୧୭ ଇସ୍‌ରାଏଲ୍ ଜାତିର୍ ପରମେସର୍ ଆମର୍ ଆନିଦାଦିମନ୍‌କେ
 ବାର୍‌ଲା । ଆରି ମିସର୍ ଦେସେ ସେମନ୍ ପର୍‌ଦେସିଅଇ ରଇତେ ରଇଲା

ବେଳେ, ଗଟେକ୍ ବଡ଼ ଜାତି କଲା । ପରମେସର୍ ତାର ବଡ଼ ବପୁ ସଞ୍ଜୁ
 ସେମନ୍ତେକ ମିସରେଅନି ବାବକରାଇ ଆନ୍ଲା । ୧୮ ଆରି ଚାଲିସ୍ ବରସ୍ ଜାକ
 ମରୁବାଲିବୁର୍ସ୍ ସେମନର୍ ସାଦ୍‌ବାନ୍ କଲାଟା ମୁରତ୍ଲା । ୧୯ ସେ କିଶାନେ
 ସାତ୍‌ଟା ଦଲ୍‌କେ ନସ୍‌ଟ କରି ତାର ବାବଲା ଲକ୍‌ମନ୍‌କେ ସେ ଦେସ୍ ଦେଲା ।
 ୨୦ ପାକାପାକି ତାର୍ ସଅ ପତାସ୍ ବରସ୍ ବିତ୍‌ରେ ଏ ସବୁ ଗଟ୍‌ନା ଗଟିଗାଲା ।”
 “ତାର୍ ପଟେ ସାମୁଏଲ୍ ବବିସ୍‌ବକ୍‌ତାର୍ ବେଲା ଜାକ ପରମେସର୍ ସେମନର୍
 ଉପ୍‌ରେ ବିଚାର୍‌ପତିମନ୍‌କେ ବାବଲା । ୨୧ ଜେଡେବେଲେ ସେମନ୍ ଗଟେକ୍
 ରାଜା ଦର୍କାର୍ ବଲି କଇଲାଇ, ପରମେସର୍ ସେମନ୍‌କେ ଚାଲିସ୍ ବରସ୍
 ଜାକ ସାସନ୍ କରବାକେ ବେନ୍‌ଜାମିନ୍ କୁଟୁମର୍ କିସ୍‌ଅର୍ ପଅ ସାଉଲ୍‌କେ
 ବାବଲା । ସାଉଲ୍ ଇସ୍ରାଏଲିୟମନ୍‌କେ ଚାଲିସ୍‌ବରସ୍ ସାସନ୍ କଲା ।
 ୨୨ ତାର୍ ପଟେ ପରମେସର୍ ତାକେ ରାଜା ପଦ୍ ତାଡାଇକରି ଦାଉଦ୍‌କେ
 ସେମନର୍ ରାଜା କଲା ।” ପରମେସର୍ ତାର୍ ବିସଇ କଇରଇଲା, “ମୁଇ
 ଜନ୍ ରକାମେ ଲକ୍‌ମନ୍‌କେ ଆଲାଦ୍ କରବି, ଜେସିର୍ ପଅ ଦାଉଦ୍ ସେନ୍ତାରି
 ଗଟେକ୍ ଲକ୍ । ସେ ମୁଇ ମନ୍‌କଲା ଇସାବେ ସବୁଜାକ କାମ୍ କରସି ।”
 ୨୩ ଏ ଦାଉଦ୍ କୁଟୁମର୍ ଲକ୍‌ରଟାନେଅନି ପରମେସର୍ ସେ କାତା ଦେଲା
 ଇସାବେ ଜିସୁକେ ଇସ୍ରାଏଲ୍ ଜାତିର୍ ମୁକ୍‌ତିକାରିଆ କଲାଆଟେ । ୨୪
 ଜିସୁ ତାର୍ କାମ୍ ଆରାମ୍ କରବା ଆଗ୍ରୁ, ଜଅନ୍ ଇସ୍ରାଏଲର୍ ସବୁ ଲକର୍
 ଲଗେ ଜାନାଇକରି, ସେମନ୍‌କେ ପାପେଅନି ମନ୍ ବାଉଡାଇ ତୁବନ୍ ନେବାକେ
 ଅଇସି ବଲି କଇରଇଲା । ୨୫ ଆରି ଜଅନ୍ ତାର୍ ସେବା କାମ୍ ସାରାଇବା
 ଆଗ୍ରୁ ଲକ୍‌ମନ୍‌କେ ପାଚାର୍‌ଲା, “ମର୍ ବିସଇ ତମେ କାଇଟା ବାବଲାସ୍‌ନି?
 ତମେ ଜାକେ ଜାଗି ଆତାସ୍, ମୁଇ ସେ ନଇ । ମାତର୍ ସୁନା! ସେ ଦାପ୍‌ରେ
 ଆଇଲାନି । ତାର୍ ଗତିଦାଢ୍ଘ୍‌ଡା ଅଇକରି ପାଣ୍ଟୁଇର୍ ପିତା ମିସା କୁସ୍‌ଲାଇବାକେ
 ମର୍ ଅଦିକାର୍ ନଇ ।” ୨୬ ଏ ମର୍ ଇସ୍ରାଏଲର୍ ବାଇମନ୍, ଅବ୍ରାଆମର୍
 ନାତିତିମନ୍ ଆରି ପରମେସର୍‌କେ ପାର୍‌ତନା କରବାକେ ଇତି ରୁଣ୍ଟୁଲା
 ଜିଉଦି ନଇଲା ଲକ୍‌ମନ୍, ଆମ୍‌କେ ସେ ମୁକ୍‌ତିର୍ କବର୍ ମିଲ୍‌ଲା ଆଟେ । ୨୭
 ମାତର୍ ସେ ଆକା ଉଦାର୍‌କାରିଆ । ଜିରୁସାଲମର୍ ଲକ୍ ଆରି ସେମନର୍
 ନେତାମନ୍ ବିସ୍ରାମ୍‌ବାରେ ବବିସ୍‌ବକ୍‌ତାମନର୍ ଲେକାଇଅନି ପଡ଼ଲାଟା
 ଲକ୍‌ମନ୍ ବୁଜ୍‌ତନାଇ । ଏଲେମିସା ଜିସୁକେ ଦସି କରି ବବିସ୍‌ବକ୍‌ତାମନର୍
 କାତା ସିଦ୍ କଲାଇ । ୨୮ ଜିସୁକେ ବେସି ଲକ୍ ଦସ୍‌ଦେଲାଇ । ମାତର୍ କେ

ମିସା ମରନରୁ ତଣ୍ଡୁ ପାଇବା ଏଡ଼କି ଦସ୍ କଜି ନାପାରୁଲା । ଏଲେମିସା ତାକେ ମରନରୁ ତଣ୍ଡୁ ଦେବାକେ ପିଲାତୁକେ ବାଦିଅ କଲା । ୨୯ ସାସ୍ତରେ ଜନ୍ ସବୁ ବିସଇ ଲେକା ଆତେ, ସେ ଇସାବେ ସବୁ କାମ୍ କଲାପତେ ସେମନ୍ ତାକେ କୁରୁସେଅନି ଉତୁରାଇ ଆନ୍ଲା । ବିନ୍ଲକ୍ମନ୍ ଆସିକରି ତାର୍ ଗାଗଡ଼ ନେଇ ସମାଦିଟାନେ ସଞ୍ଜୁଇଲା । ୩୦ ମାତର୍ ପର୍ମେସର୍ ତାକେ ମଲାତେଇଅନି ଉଟାଇଲା । ୩୧ ବେସି ଦିନ୍ ଜାକ, ତାର୍ ସଞ୍ଜୁ ଗାଲିଅନି ଜିରୁସାଲମ୍ ଆଇବାଜିବା ଲକ୍ମନ୍ ତାକେ ଦେକ୍ଲା । ଏବେ ସେମନ୍ ଇସ୍ରାଏଲ୍ ଲକ୍ମନରୁତେଇ ତାର୍ ସାକି ଆତଡ଼ । ୩୨ ଆମର୍ ଆନିଦାଦିମନକେ ପର୍ମେସର୍ କାତା ଦେଇରଇଲା ଇସାବେ ଆମେ ତମ୍କେ ଏ ସୁବ୍ କବର୍ ଜାନାଇଲୁନି । ୩୩ ପରମେସର୍ ଜିସୁକେ ମଲାତେଇଅନି ଉଟାଇକରି ସେଟା ସିଦ୍ କଲାଆତେ । ସେମନର୍ ପିଲାମନ୍ ଆମ୍କେ, ଆମର୍ ବିଡ଼ରେ ସେ କାତା ଦେଲାଟା ସିଦ୍ ଅଇଲା ଆତେ । ଗିଡ଼ ସଞ୍ଜୁତାର୍ ଦୁଇ ଲମର୍ ଗିତେ ଦାଉଡ଼ ଏନ୍ତୁରି ଲେକିଆତେ, “ତମେ ମର୍ ପଅ, ଆଜି ମୁଇ ସବୁକେ ଦେକାଇ ଆତି ଜେ ସତଇସେ ମୁଇ ତର୍ ବାବା ।” ୩୪ ଆରି ପର୍ମେସର୍ ପୁରୁବେଅନି ସପଡ଼ କରି କାତାଦେଇରଇଲା । ମୁଇ ତାକେ ମଲାତେଇଅନି ଉଟାଇବି । ତାର୍ ଗାଗଡ଼ ସମାଦିତେଇ କୁଇ ଜିବାକେ ନ ଦେଇ । ଦାଉଡ଼କେ ଦେଇ ରଇବା ସପଡ଼ ଇସାବେ ସତଇସେ ମୁଇ ତମ୍କେ ସୁକଲ୍ କରି ସବୁ ଆସିରୁବାଦ୍ ଦେବି । ୩୫ ଦାଉଡ଼ ଆରି ଗଟେକ୍ ଗିତସଞ୍ଜୁତାଇ ଲେକ୍ଲାଆତେ, ମୁଇ ମରିଗାଲେ ମର୍ଗାଗଡ଼ ଦୁଇ ସମାଦିତେଇ କୁଇ ଜିବାକେ ଚାଡ଼ି ନ ଦେଉସ୍ । ୩୬ ଦାଉଡ଼ ସାସନ୍ କଲାବେଲେ ପର୍ମେସର୍ ମନ୍ କଲା ଇସାବେ କାମ୍ କରି ସାରାସାରି ମଲା । ଆରି ଆନିଦାଦିମନର୍ ସଞ୍ଜୁ ତପିଅଇଲା । ତାର୍ ଗାଗଡ଼ ସମାଦିତେଇ କୁଇଲା । ୩୭ ମାତର୍ ପର୍ମେସର୍ ଜାକେ ମଲାଟାନେଅନି ଉଟାଇଲା, ତାର୍ ଗାଗଡ଼ କୁଏ ନାଇ । ୩୮ ତେବର୍ପାଇ ମର୍ ଏ ଇସ୍ରାଏଲର୍ ବାଇମନ୍, ତମେ ଏଟା ଜାନିରୁଆ । ଜିସୁ କରିରଇବା କାମେଅନି ସେ, ତମର୍ ପାପ୍ କେମା ଅଇସି । ୩୯ ମସାର୍ ନିୟମ୍ ମାନିକରି ଆରୁ ବଇଲେ ପାପ୍ କେମା ନ ଅଇତା । ମାତର୍ ଜିସୁର୍ ଟାନେ ବିସ୍ବାସ୍ କଲାର୍ପାଇ ଆମେ ସବୁଲକ୍ ପାପେ ଅନି ମୁକ୍ଲି ଆରୁ, ସେଟା ତମେ ଜାନ୍ବାର୍ ଆତେ । ୪୦ ଜାଗ୍ଡ଼, ବବିସଡ଼ବକ୍ତାମନ୍ ଜାଇଟା କଇଲା ଆତଡ଼, ସେଟା ଜେନ୍ତିକି ତମ୍କେ ନ ଗଟ । ୪୧ ପର୍ମେସର୍ କଇଲା, ଏ ମକେ କିଜାଇବା ଲକ୍ମନ୍!

ତମେମନ୍ କିଲ୍‌ବିଲ୍ ଅଇ ମରା! କାଇକେ ବଇଲେ ତମର୍ ବେଲାଇ ମୁଇ
 ଜନ୍ କାମ୍ କରବାକେ ଗାଲିନି, ସେଟା ଜେ ମିସା ବୁଜାଇ କଇଲେ, ତମେ
 ବିସ୍‌ବାସ୍ ନ କରାସ୍ । ୪୨ ପାଉଲ୍ ଆରି ବରନବା ପାର୍ତନା ଗରେଅନି
 ବାରଇବା ବେଲେ, ଆରି ଗଟେକ୍ ବିସ୍‌ରାମ୍‌ବାରେ ବାଉଡି ଆସି ଏ ସବୁ
 ବିସଇ ଆରି ବୁଜାଇବାକେ, ଲକ୍‌ମନ୍ ବାବୁଜିଆ କଲାଇ । ୪୩ ଲକ୍‌ମନ୍
 ପାର୍ତନା ଗରେଅନି ଉଟିଗାଲା ପଡେ, ବେସି ଜିଉଦିମନ୍ ଆରି ଜିଉଦି ଦରମ୍
 ନେଇରଇବା ଜିଉଦି ନ ଅଇଲା ଲକ୍‌ମନ୍, ସାଉଲ୍ ଆରି ବରନବାର୍ ସଞ୍ଜୁ
 ଜିବାର୍‌ଦାରୁଲାଇ । ପେରିଡ୍ ସିସ୍‌ମନ୍ ତାକର୍ ସଞ୍ଜୁ କାତା ଅଇ ପରମେସରର୍
 ଜିବନ୍‌ଦୁକାଇଲାଟାକେ ମାନିକରି ଜିଇବାକେ ସେମନ୍‌କେ ସାର୍‌ଦା କରାଇଲାଇ
 । ୪୪ ତାର୍ ଆର୍କର୍ ବିସ୍‌ରାମ୍‌ବାରେ ଆନ୍‌ଟିଅକିଅ ଗଡର୍ ସବୁ ଲକ୍
 ମାପ୍‌ରୁର୍ ବାକିଅ ସୁନ୍‌ବାକେ ଜିଉଦିମନ୍‌ର୍ ପାର୍ତନା ଗରେ ରୁଣ୍ଡୁଲାଇ । ୪୫
 ବେସି ଲକ୍ ରୁଣ୍ଡୁଲାଟା ଦେକି, ଜିଉଦି ନେତାମନ୍ ଛିଆ ଅଇଲାଇ । ଆରି
 ପାଉଲ୍ କଇବା କାତା, ବିରଡ୍ କରି ନିନ୍ତା କଲାଇ । ୪୬ ମାତର୍ ପାଉଲ୍
 ଆରି ବରନବା ଅଦିକ୍ ତାଟ୍ ସଞ୍ଜୁ କଇଲାଇ, “ପର୍ତମେ ପରମେସରର୍
 ବାକିଅ ତମର୍ ଲଗେ ଜାନାଇବାର୍ ଦର୍କାର୍ ରଇଲା । ମାତର୍ ତମେ ସେଟା
 ନିର୍ଲାସ୍‌ନି । ଆରି ତାର୍ ସଞ୍ଜୁ ନ ସାର୍‌ବା ଜିବନ୍ ପାଇବାକେ ଅଦିକାର୍ ନାଇ
 ବଲି ବିତାର୍ କଲାସ୍‌ନି । ସେଟାର୍‌ପାଇ ଆମେ ତମ୍‌କେ ତାଡି, ଏ କାତା ଜିଉଦି
 ନଇଲା ଲକ୍‌ମନ୍‌କେ କଇବାର୍ ଗାଲୁନି । (aiōnios g166) ୪୭ କାଇକେ ବଇଲେ
 ମାପ୍‌ରୁ ଆମ୍‌କେ ଏ ଆଦେସ୍ ଦେଲା ଆଟେ ।” ଆନ୍ତାରେ ଉଜଲ୍ ଅଇଲାପାରା
 ଜିଉଦି ନ ଅଇଲା ଲକ୍‌ମନ୍‌କେ ମର୍ ବିସଇ ଜାନାଇବାକେ ମୁଇ ତମ୍‌କେ
 ବାଡିଆଡି । ଜେନ୍ତାରି କି ମୁଇ ସେମନ୍‌କେ ରକିଆ କରି ପାର୍‌ବି ବଲି ଦୁନିଆର୍
 ସବୁ ଲକ୍‌ମନ୍‌କେ ତମେ କଇପାରାସ୍ । ୪୮ ଜିଉଦି ନଇଲା ଲକ୍‌ମନ୍ ଏଟା
 ସୁନି ବେସି ସାର୍‌ଦା ଅଇଗାଲାଇ ଆରି ପର୍ତମେସରର୍ କବର୍ ପାଇ ଛୁଆର୍
 କଲାଇ । ଜନ୍ ଲକ୍‌ମନ୍ ନ ସାର୍‌ବା ଜିବନ୍‌ର୍ ପାଇ ବାତାଇ ଅଇରଇଲାଇ,
 ସେମନ୍ ସେ କବର୍ ସୁନି ବିସ୍‌ବାସ୍ କଲାଇ । (aiōnios g166) ୪୯ ତେଇର୍
 ବିସ୍‌ବାସିମନ୍ ସେ ଜାଗାଇ ବୁଲି ବୁଲି ମାପ୍‌ରୁର୍ ବାକିଅ ଜାନାଇଲାଇ । ୫୦
 ମାତର୍ ସେ ଗଡର୍ ବଡ୍ ଲକ୍‌ମନ୍ ଆରି ପର୍ତମେସର୍‌କେ ଉପାସନା କର୍‌ବା
 ଉପର୍‌କେ ରଇବା ଜିଉଦି ନ ଅଇଲା ମାଇଜିମନ୍‌କେ ସୁଡ଼ରାଇକରି, ତେଇର୍
 ଜିଉଦିମନ୍, ପାଉଲ୍ ଆରି ବରନବାକେ ବିରଡ୍ କଲାଇ । ସେମନ୍ ତାଉଁକେ

ତାହା ଦେବାର ଆରାମ୍ କଲା । ଆରି ସେ ଜାଗାଅଧି ବାର୍ କରାଦେଲା ।
 । ୫୧ ତେଲଅଧି ଜିବାବେଲେ ପେରିତ୍ ସିସ୍‌ମନ୍ ସେ ଲକ୍‌ମନର୍ ବିରଦେ
 ତାକର୍ ପାଦର୍ ଦୁଲି ପାପ୍‌ଡିଦେଇ ଇକନିଅତେଇ ଗାଲା । ୫୨ ଆନ୍‌ଟିଅକର୍
 ବିସ୍‌ବାସିମନ୍ ସୁକଲ୍ ଆତ୍‌ମା ଆରି ସାର୍‌ଦାଇ ପୁରୁନ୍ ଅଇଲା ।

୧୪ ଜନ୍‌ଟା ଆନ୍‌ଟିଅକିତେଇ ଗଟିରଇଲା, ସେ ସମାନ୍ ବିସଇ ଆକିଅଟାନେ
 ମିସା ଅଇଲା । ପାଉଲ୍‌ଆରି ବରନବା ପାର୍‌ତନା ଗରେ ଏନ୍ତି ତାଟ୍ ସଞ୍ଜୁ
 ପର୍‌ତାର୍ କଲା ଜେ ବେସି ଜିଉଦି ଆରି ଗିରିକ୍ ଲକ୍‌ମନ୍ ଜିସୁକେ ବିସ୍‌ବାସ୍
 କଲା । ୨ ମାତର୍ ଜନ୍ ଜିଉଦିମନ୍ ସେ ବାକିଅ ବିସ୍‌ବାସ୍ କରନ୍‌ନାଇ,
 ସେମନ୍ ଜିଉଦି ନ ଅଇଲା ଲକ୍‌ମନ୍‌କେ ବେମଜା କରି, ବିସ୍‌ବାସି ବାଇମନ୍‌କେ
 ବିରଦ୍ କରାଇଲା । ୩ ଏଲେମିସା ପାଉଲ୍ ଆରି ବରନବା ତେଇ ବେସିଦିନ୍
 ରଇକରି ତାଟ୍ ସଞ୍ଜୁ ମାପ୍‌ରୁର୍ ବିସଇ ଜାନାଇଲା । ମାପ୍‌ରୁ ଏମନ୍‌କେ କାବା
 ଅଇଜିବା କାମ୍‌ମନ୍ କରି ଦେକାଇବାକେ ବପୁଦେଲା । ଏନ୍ତାରି ମାପ୍‌ରୁ ତାର୍
 ଜିବନ୍ ଦୁକାଇଲା ବାକିଅ ସତ୍‌ବଲି ଦେକାଇଲା । ୪ ଇକନିଆ ନଅରର୍
 ଲକ୍‌ମନ୍ ଦୁଇଟା ଦଲେ ବାଟ୍ ଅଇଲା । ସେମନର୍ ବିତ୍‌ରେଅନି କେତେ
 ଲକ୍ ଜିଉଦିମନର୍ ବାଟେ ଆରି କେତେ ଲକ୍ ପେରିତ୍ ସିସ୍‌ମନର୍ ବାଟେ
 ଅଇଲା । ୫ ତାର୍‌ପତେ କେତେଟା ଜିଉଦି ନଇଲା ଲକ୍ ଆରି ଜିଉଦିମନ୍
 ସେମନର୍ ନେତାମନର୍ ସଞ୍ଜୁ ଏକ୍‌ଜୁଟ୍ ଅଇ ପେରିତ୍ ସିସ୍‌ମନ୍‌କେ ବେସି
 କାରାପ୍ ଚଲାଚଲ୍‌ତି କରି ସେମନର୍ ଉପ୍‌ରେ ପାକ୍‌ନା ମାରି ମରାଇଦେବାକେ
 ପାଁର୍‌ଲା । ୬ ମାତର୍ ପାଉଲ୍ ଆରି ବରନବା ସେଟା ଜାନିକରି ଲୁକାନିଆଇ
 ରଇବା ଲୁସ୍‌ତାରା ଆରି ଦର୍‌ବି ଗତର୍ ଚାରିବେଡ୍‌ତିର୍ ଜାଗାଇ ଦାପ୍‌ରେ
 ପାଲାଇଲା । ୭ ଆରି ସିତି ସୁବ୍ କବର୍ ଜାନାଇଲା । ୮ ଲୁସ୍‌ତାରାତେଇ
 ଜନ୍‌ମେଅନି ଗଡ୍ ବାଞ୍ଜୁଟି ରଇଲା ଗଟେକ୍ ଚଟା ଲକ୍ ରଇଲା । ସେ ବିଲ୍‌କୁଲ୍
 ଇଣ୍ଡି ନାପାର୍‌ତେ ରଇଲା । ୯ ତେଇ ବସି, ସେ ପାଉଲ୍‌ର୍ ସିକିଆ ସୁନ୍‌ତେ
 ରଇଲା । ତାର୍ ମନେ ବିସ୍‌ବାସ୍ ଅଇଲାଆତେ ଆରି ସେ ନିମାନ୍ ଅଇପାର୍‌ସି
 ବଲି ପାଉଲ୍ ଜାନି ପାର୍‌ଲା । ସେଟାର୍ ପାଇ ତାର୍‌ବାଟେ ତିରିଆଇ ଦେକି,
 ୧୦ ଆଉଲିଅଇ କଇଲା, “ମଇତର୍ ପାଦ୍ ମାଣ୍ଡିକରି, ସିଦା ଟିଆ ଅ!” ସେ
 ଲକ୍ ତେଗଇ କରି ଚାରିବେଡ୍‌ତି ଇଣ୍ଡିବାର୍ ଦାର୍‌ଲା । ୧୧ ତେଇ ରୁଣ୍ଡିଲା
 ଲକ୍‌ମନ୍ ପାଉଲ୍‌ର୍ କାମ୍ ଦେକି ତାକର୍ ଲୁକାନିଆ ବାସାଇ ସାର୍‌ଦା ଅଇ
 ଆଉଲିଅଇବାର୍ ଦାର୍‌ଲା । “ଦେକା, ଏ ଲକ୍‌ମନ୍ ସତଇସେ ଦେବ୍‌ତା

ଅଇରଇବାଇ । ନିଜେ ମନସ୍ ରୁପ୍ ଦାରି ଉତ୍ତରି ଆଇଲାଇ ଆଚତ୍ ।” ୧୨
 ସେମନ୍ ବରନବାକେ ଜିଅସ୍ ବଲି ଜେ କି ତାକର୍ ମୁକିଅ ଦେବ୍ତା ରଇଲା,
 ଆରି ପାଉଲ୍‌କେ ଏରମିସ୍ ବଲି ନାମ୍‌ଲାଇ । ଏରମିସ୍ କାଇକେବଇଲେ ସେ
 ବେସି କାତା ଅଇତେରଇଲା । ୧୩ ଗତ୍ ବାଇରର୍ ମୁଆଟେ ରଇଲା ଜିଅସ୍
 ମନିରର୍ ପୁଜାରି, ଦୁଆର୍ ଲଗେ କେତେଟା ପୁଲ୍ ମାଲା ପିନ୍ଧାଇକରି, କେତେଟା
 ସଣ୍ଟୁମନ୍‌କେ ଆନ୍‌ଲା । କାଇକେବଇଲେ ସେ ଆରି ସିତି ରୁଣ୍ଟୁଲା ଲକ୍‌ମନ୍
 ପେରିତ୍ ସିସ୍‌ମନର୍ ପାଇ ବଲଦ୍‌ମନ୍‌କେ ବିରୁ କରବାକେ ମନ୍ କରିରଇଲାଇ
 । ୧୪ ସେମନ୍ ଜନ୍ କାମ୍ କରବାକେ ଜାଇରଇଲାଇ, ବରନବା ଆରି ପାଉଲ୍
 ସେଟା ସୁନ୍‌ଲା ଦାପ୍‌ରେ, ନିଜର୍ ବସ୍ତର୍ ଚିରିପାକାଇଲାଇ, ଲକ୍‌ମନର୍
 ବିତ୍ରେ ପାଲାଇଜାଇ ଆଉଲିଅଇ କରି କଇଲାଇ, ୧୫ “ଏ ଲକ୍‌ମନ୍ ତମେ
 କାଇକେ ଏଟା କଲାସ୍‌ନି? ଆମେ ତମର୍ ପାରା ଲକ୍ ସେ । ତମ୍‌କେ ସୁବ୍
 କବର୍ ଜାନାଇବାକେ ଆଇଲୁଆରୁ । ଆରି ଏ ରୁଚାଇ ରଇବା ପୁତ୍‌ଲାମନ୍‌କେ
 ପୁଜା କରବାଟା ଚାଡିକରି, ଜିବନ୍ ରଇବା ପର୍ମେସର୍‌କେ ଉପାସନା କରା
 ବଲି, କଇବାକେ ଆସିଆରୁ । ଏ ପର୍ମେସର୍ ସରଗ୍, ଦର୍ତ୍ତନି, ସମ୍‌ଦୁର୍
 ଆରି ତାର୍ ବିତ୍ରେ ରଇବା ସବୁ ବିସଇ ତିଆର୍ କଲାଆଟେ । ୧୬ ପୁର୍ବେ
 ନିଜେ ମନ୍‌କରି ନିଜର୍ ବାଟେ ଜିବାକେ, ପର୍ମେସର୍ ଲକ୍‌ମନ୍‌କେ ଚାଡିଦେଇ
 ରଇଲା । ୧୭ ମାତର୍ ତାକର୍ ସବୁ ନିମାନ୍ କାମେଅନି ସେ ସବୁବେଲାଇ
 ଚିନ୍ ଦେକାଇଆଟେ; ସେ ଆକାସେଅନି ପାନି ଆରି ସମାନ୍ ବେଲାଇ କାଦି
 ପାଚାଇସି, ବେସି କାଦି ଜାଗାଇସି ଆରି ସାର୍‌ଦା ସଞ୍ଜ୍ ତମର୍ ମନ୍ ପୁରୁନ୍
 ଅଇଜାଇସି ।” ୧୮ ଏତ୍‌କି କଇଲେ ମିସା, ପାଉଲ୍ ଆରି ବରନବାର୍‌ପାଇ ବଲି
 ଦେବାର୍ ଆଟେଆକା ବଲି କଇଲାଇ । ୧୯ ପଟେ ପିସିକିଆର୍ ଆନ୍‌ଟିଅକ
 ଆରି ଇକନିୟ୍‌ଅନି କେତେଟା ଜିଉଦିମନ୍ ଆଇଲାଇ । ସେମନ୍ ଲକ୍‌ମନ୍‌କେ
 ସୁତ୍ରାଇକରି ତାକର୍‌ବାଟେ ନେଲାଇ । ପାଉଲ୍‌କେ ପାକ୍‌ନାମାରାଇଲାଇ ଆରି
 ତାକେ ମଲାବଲି ବାବି ଗତ୍ ବାଇରେ ଅର୍ଗତି ଜିକିନେଲାଇ । ୨୦ ମାତର୍
 ବିସ୍‌ବାସିମନ୍ ଆସି ତାର୍ ଚାରିବେଟ୍‌ତି ଚିଆଅଇଲାକେ, ସେ ଉଟିକରି ତାକର୍
 ସଞ୍ଜ୍ ଗତ୍ ବିତ୍ରେ ବାଅଡ୍‌ଲା । ତାର୍ ଆର୍କର୍ ଦିନେ ସେ ଆରି ବରନବା
 ଲୁସ୍‌ରା ଚାଡି ଦର୍ବିଏ ଗାଲାଇ । ୨୧ ପାଉଲ୍ ଆରି ବରନବା ଦର୍ବିତେଇ ସୁବ୍
 କବର୍ ଜାନାଇକରି ବେସି ଲକ୍‌ମନ୍‌କେ ସିସ୍‌କଲାଇ । ତାର୍ ପଟେ ସେମନ୍
 ଲୁସ୍‌ପାରା, ଦର୍ବି, ଇକନିଅ ଆରି ପିସିକିଆର୍ ଆନ୍‌ଟିଅକିତେଇ ବାଉଡି

ଗାଲାଲ । ୨୨ ସେମନ୍ ବିସ୍ବାସିମନ୍‌କେ ବିସ୍ବାସେ ଡାଟ୍‌ଅଇ ରଇବାକେ ସାର୍‌ଦା କଲାଲ । ସେମନ୍ ସିକିଆ ଦେଇ କଇଲାଲ, “ପରମେସରର୍ ରାଇଜେ କେଟ୍‌ବାକେ ଆଲେ ଆମ୍‌କେ ବେସି ଦୁକ୍‌କସ୍‌ଟ ଦେଇ ଜିବାକେ ଅଇସି ।” ୨୩ ସବୁ ମଣ୍ଟୁଲିର୍ ପାର୍‌ତିନ୍‌ମନ୍‌କେ ବାଟ୍‌ଲାଲ ଆରି ଜନ୍ ମାପ୍‌ରୁର୍‌ତେଇ ସେମନ୍ ବିସ୍ବାସ୍ କରି ରଇଲାଲ, ସେମନ୍‌କେ ପାର୍‌ତନା ଆରି ଉପାସ୍ ସଞ୍ଜୁ ସର୍‌ପାଇଲାଲ । ୨୪ ପିସିଦିଆ ବାଟ୍‌ଦଇ ସେମନ୍ ପପୁଲିଆଇ ଆଇଲାଲ । ୨୫ ତାର୍‌ପତେ ପର୍‌ଗାଇ କେଟ୍‌ଲାଲ । ଆରି ମାପ୍‌ରୁର୍ କାତା ଜାନାଇ ଆତାଲିଆତେଇ ଗାଲାଲ । ୨୬ ଆତାଲିଆଇ ସେମନ୍ ପାନିଜାଜେ ଚଗି ଆନ୍‌ଟିଅକିଅତେଇ ବାଉଡି ଆଇଲାଲ । ଏ ଆନ୍‌ଟିଅକିଅର୍ ବିସ୍ବାସିମନ୍ ପାଉଲ୍ ଆରି ବର୍‌ନବାକେ ପରମେସର୍‌ଟାନେ ସର୍‌ପାଇଦେଇକରି ବିନ୍ ଜାଗାମନ୍‌କେ ମାପ୍‌ରୁର୍ ବାକିଅ ଜାନାଇବାକେ ପାଟାଇରଇଲାଲ । ୨୭ ସେମନ୍ ଆନ୍‌ଟିଅକି କେଟି ମଣ୍ଟୁଲିର୍ ଲକ୍‌ମନ୍‌କେ ରୁଣ୍ଟାଇଲାଲ । ପରମେସର୍ ତାକର୍‌ଟାନେ କରିରଇବା ସବୁ କାମ୍ ସେମନ୍‌କେ ଜାନାଇଲାଲ । ଜିଉଦି ନ ଅଇଲା ଲକ୍‌ମନ୍ ଜିସୁଟାନେ ବିସ୍ବାସ୍ କର୍‌ବାକେ ପରମେସର୍ କେନ୍ତି ବାଟ୍ ଉଗାଡ୍‌ଲା, ସେଟା ସବୁଜାକ ସେମନ୍‌କେ ଜାନାଇଲାଲ । ୨୮ ପାଉଲ୍ ଆରି ବର୍‌ନବା ତେଇ ବିସ୍ବାସିମନ୍‌ର୍ ସଞ୍ଜୁ ବେସି ଦିନ୍ ଜାକ ରଇଲାଲ ।

୧୫ ଜିଉଦାଇଅନି କେତେକ୍ ଲକ୍ ଆନ୍‌ଟିଅକ୍ ନଅରେ ଆଇଲାଲ । ସେମନ୍ ଆନ୍‌ଟିଅକର୍ ବିସ୍ବାସି ବାଇମନ୍‌କେ ଏନ୍ତି କଇକରି ସିକାଇଲାଲ, “ମସାର୍ ନିୟମ୍ ଇସାବେ ଜଦି ତମେ ସୁନତ୍ ନ ଉଆସ୍, ତମର୍ ପାପର୍ ତଣ୍ଟେଅନି ମୁକ୍ତି ନ ପାଆସ୍ ।” ୨ ଏ ବିସଇ, ସେମନ୍‌ର୍ ସଞ୍ଜୁ ପାଉଲ୍ ଆରି ବର୍‌ନବା ବେସି ଦଦାପେଲା ଅଇଲାଲ । ତେବର୍‌ପାଇ ଆନ୍‌ଟିଅକର୍ ବିସ୍ବାସିମନ୍ ରାଜି ଅଇଲାଲଜେ, ପାଉଲ୍ ଆରି ବର୍‌ନବା ଆରି ଆନ୍‌ଟିଅକ୍ ମଣ୍ଟୁଲିଅନି କେତେ ଲକ୍ ଜିରୁସାଲାମେ ଜାଅଡ୍ ଆରି ତେଇର୍ ପାର୍‌ତିନ୍ ଆରି ପେରିଡ୍ ସିସ୍‌ମନ୍‌ର୍ ସଞ୍ଜୁ ଏ ବିସଇ କାତା ଅଅଡ୍ । ୩ ଆନ୍‌ଟିଅକର୍ ମଣ୍ଟୁଲି ସେମନ୍ ଜିବାଟା ସୁବିଦା କରିଦେଇ ପାଟାଇଲାଲ । ସେମନ୍ ପିନିସିଆ ଆରି ସମିରଣ୍ ବାଟ୍ ଦେଇ ଜିବାବେଲେ, ଜିଉଦି ନଇଲା ଲକ୍‌ମନ୍ କେନ୍ତି ମନ୍ ବାଦ୍‌ଲାଇକରି ପରମେସର୍‌କେ ନାମ୍‌ଲାଲ, ସେ ବିସଇ ଜାନାଇଲାଲ । ଏ କାତା ସୁନି ବିସ୍ବାସି ବାଇମନ୍ ବେସି ସାର୍‌ଦା ଅଇଲାଲ । ୪ ସେମନ୍ ଜିରୁସାଲାମ୍ କେଟ୍‌ଲା ପତେ ମଣ୍ଟୁଲିର୍ ଲକ୍, ପେରିଡ୍ ସିସ୍‌ମନ୍ ଆରି ମଣ୍ଟୁଲିର୍ ପାର୍‌ତିନ୍‌ମନ୍‌କେ

ବେଦ୍ ଅଇଲା । ଆରି ପରମେସର୍ ତାକରୁଲଗେ କରିରଇବା କାମ୍ ବିସଇ
 ପାଉଲ୍ ଆରି ବରନବାକେ ଜାନାଇଲା । ୫ ମାତର୍ ପାରୁସି ଦଲର୍
 କେତେଟା ବିସ୍ବାସିମନ୍ ଟିଆଅଇ କଇଲା, “ଜିଉଦି ନଇଲା ଲକ୍ମନ୍
 ସୁନତ୍ ଅଇବାର୍ ଆତେ ଆକା ଆରି ମସାର୍ ବିନ୍ ନିୟମ୍ମନ୍ ମାନ୍ବାକେ
 ମିସା ସେମନ୍‌କେ ସିକାଇବାର୍ ଆତେ ।” ୬ ଏ ବିସଇ ଆଲ୍‌ତନା କର୍ବାକେ
 ପେରିତ୍ ସିସ୍ମନ୍ ଆରି ମଣ୍ଟୁଲିର୍ ପାର୍ତିନ୍ ରୁଣ୍ଟୁଲା । ୭ ବେସି ପର୍
 ଦଦାପେଲା ଅଇଲା ପତେ ପିତର୍ ଟିଆଅଇ କଇଲା, “ମର୍ ବାଇବଇନିମନ୍
 ଜିଉଦି ନଇଲା ଲକ୍ମନ୍, ସୁନିକରି ବିସ୍ବାସ୍ କର୍ବାକେ ସେମନ୍‌ଟାନେ
 ସୁକ୍‌ବର ଜାନାଇବାକେ, ଆଗେଅନି ମକେସେ ବାଟ୍‌ଲାଆତେ । ଏଟା ତମେ
 ଜାନାସ୍ । ୮ ସବୁ ଲକ୍ମନ୍‌ର୍ କାତା ଜାନ୍‌ବା ପରମେସର୍ ଆମ୍‌କେ ଜେନ୍ତି
 ସୁକଲ୍ ଆତ୍ମା ଦାନ୍ କଲା ଆତେ, ସମାନ୍ ସେନ୍ତି ବିସ୍ବାସ୍ କର୍ବା ଜିଉଦି
 ନଇଲା ଲକ୍ମନ୍‌କେ ମିସା ଦାନ୍‌ଦେଇ ସେମନ୍‌କେ ବାଟ୍‌ଲା ଆତେ । ୯
 ସେମନ୍‌ର୍ ଆରି ଆମର୍ ବିତ୍‌ରେ, ସେ କାଇମିସା ବଡ୍‌ସାନ୍ ଦେକେ ନାଇ ।
 ସେମନ୍ ଜିସୁକେ ବିସ୍ବାସ୍ କଲାର୍‌ପାଇ, ସେ ସେମନ୍‌କେ ସୁକଲ୍ କଲାଆତେ
 । ୧୦ ସେନ୍ତି ଆଲେ ଗଟେକ୍ ବଡ୍ ବଜ୍ ପିଟିତେଇ ଲାଦିଦେଲାପାରା, ଆମର୍
 ସବୁ ନିୟମ୍ ମାନ୍‌ବାର୍ ଆତେ ବଲି କଇକରି ପର୍ମେସର୍‌କେ କାଇକେ ପରିକା
 କଲାସ୍‌ନି? ଆଜି ଜନ୍ ବଜ୍ ବଇବାକେ, ଆମର୍ ଆନିଦାଦିମନ୍ କି ଆମେ ମିସା
 ବଇ ନାପାର୍‌ତେ ରଇଲୁ । ୧୧ ନାଇ, ମନେ ଏତାଇଦେକା, ଆମେ ଜେନ୍ତି
 ବିସ୍ବାସ୍ କରି ମାପ୍‌ରୁ ଜିସୁ ଜିବନ୍‌ଦୁକାଇଲାକେ ମୁକ୍ତି ପାଇଆରୁ, ସେମନ୍
 ମିସା ସେନ୍ତାରିସେ ।” ୧୨ ତାର୍‌ପତେ ପାଉଲ୍ ଆରି ବରନବାଟାନେଅନି ଜିଉଦି
 ନଇଲା ଲକ୍ମନ୍‌ର୍‌ତେଇ ପରମେସର୍ ଜନ୍ ସବୁ କାବା ଅଇଜିବା କାମ୍‌ମନ୍
 ଆରି ଚକିତ୍ ବିସଇ କରି ରଇଲା, ସେ ସବୁ କାତା ସୁନି ଦଲର୍ ସବୁ ଲକ୍
 ଚିମ୍‌ରାଅଇ ରଇଲା । ୧୩ ସେମନ୍ କଇସାରାଇଲା ପତେ ଜାକୁବ୍ କଇଲା,
 ଏ ମର୍ ବାଇବଇନିମନ୍ ମର୍ କାତା ସୁନା! ୧୪ ପରମେସର୍ ପର୍‌ତମେ ଜିଉଦି
 ନଅଇଲା ଲକ୍ମନ୍‌କେ ଆଲାଦ୍ କରି, ତାର୍ ନିଜର୍ ଲକ୍ ଅଅତ୍ ବଲି, ତାକର୍
 ବିତ୍‌ରେ ଅନି, ଲକ୍ମନ୍‌କେ ବାଟ୍‌ଲା । ଏ କାତା ସିମନ୍ ବୁଜାଇ ଦେଇଆତେ ।
 ୧୫ ପର୍ମେସର୍ କରିରଇବା ଏ କାମ୍ ବବିସତ୍‌ବକ୍‌ତାମନ୍ କଇରଇବାଟା ସଢ୍ଫୁ
 ସମାନ୍ ଆତେ । ୧୬ ମାପ୍‌ରୁ କଇଲା, “ତାର୍ ପତେ ମୁଇ ନିଜେ ଦିନେକ୍ ବାଉଡି
 ଆଇବି, ଆରି ଦାଉଦର୍ ବାଢ଼ିଜାଇରଇବା ରାଇଜ୍ ଆରିତରେକ୍ ତିଆର୍ କର୍ବି

। ଜେନ୍ତିକି ସେଟା ପୁରାପୁରୁନ୍ ତାଟ୍ ରଇସି । ୧୭ ତେଇଅନି ସବୁଜାକ ମନସ୍
ଜାତି ମର୍ ଲଗେ ଆଇବାଇ, ଜନ୍ ଜିଉଦି ନଇଲା ଲକ୍ମନ୍‌କେ ମାପୁରୁ ନିଜର୍
କର୍ବାକେ ତାକ୍‌ଲାଆତେ ସେମନ୍ ସବୁ ଲକ୍ ମକେ ନାମ୍‌ବାଇ । ୧୮ ମାପୁରୁ
ଏ କାତା କଇଲାନି, ଜେ କି ବେସି ଆଗୁତୁ ଏ କାତା କଇରଇଲା ।” (aiōn g165)
୧୯ ଏବେ ଜାକୁବ୍ କଇବାକେ ଆରାମ୍‌କଲା । ସେ କଇଲା, “ମର୍ ବିତାର୍
ଇସାବେ, ଜନ୍ ଜିଉଦି ନଇଲା ଲକ୍ମନ୍ ପରମେସରର୍ ବାଟେ ବାଅଡ୍‌ଲାଇ
ଆତର୍, ଆମେ ଆରି ସେମନ୍‌କେ ଅଇରାନ୍ ନ କରୁ । ୨୦ ଏଲେ ସେମନ୍
ଆରି ଜେନ୍ତିକି ପୁତ୍‌ଲା ଦେବ୍‌ତାମନ୍‌କେ ସର୍ପିଦେଲା କାଇମିସା ଅସୁକଲ୍
କାଦି ନ କାଆ, ବିନ୍ ଲକର୍ ମାଇଜି କି ମୁନୁସର୍ ସଞ୍ଜୁ ମିସ୍‌ବାଟାନେଅନି
ଦୁରିକେ ରଅଡ୍, ଟର୍ରି ପିର୍‌କି ମରାଇରଇବା ପସୁର୍ ମାଉଁସ୍ କି ବନି, ନ
କାଅଡ୍ ଏ ସବୁ ବିସଇଟାନେ ସେମନ୍‌କେ ଉପ୍‌ଦେସ୍ ଦେଇ, ସେମନ୍‌ର୍
ଲଗେ ଗଟେକ୍ ଚିଟି ଲେକୁ । ୨୧ କାଇକେବଇଲେ ବେସି ଦିନେଅନି ସବୁ
ବିସ୍‌ରାମ୍‌ବାରେ ଆମର୍ ପାର୍ତନା ଗର୍ମନ୍‌କେ ମସାର୍ ନିୟ୍ମ୍ ପଡ୍‌ଲାଇନି,
ଆରି ସବୁ ଗଡେ ସେ ନିୟ୍ମ୍‌ମନ୍ ଜାନାଇଲାଇନି ।” ୨୨ ପଡେ ପେରିଡ୍
ସିସ୍‌ମନ୍, ମଣ୍ଡୁଲିର୍ ପାର୍‌ଚିନ୍‌ମନ୍, ଆରି ସବୁ ମଣ୍ଡୁଲିର୍ ବାଇମନ୍ ଗୁଣ୍ଡୁଲାଇ ।
ସେମନ୍ ରାଜିଅଇରଇବା କାତା ଆନ୍‌ଟିଅକର୍ ବିସ୍‌ବାସିମନ୍‌କେ ଜାନାଇବାକେ
ପାଉଲ୍ ଆରି ବର୍ନବା ସଞ୍ଜୁ ଜିବାକେ କେତେଲକ୍‌କେ ବାଟ୍‌ଲାଇ । ବର୍ସବା
ନାଉଁର୍ ଜିଉଦା ଆରି ସିଲାକେ ବାଟ୍‌ଲାଇ । ଏ ଦୁଇଲକ୍‌କେ ସବୁ ବିସ୍‌ବାସିମନ୍
ସନ୍‌ମାନ୍ ଦେଇତେରଇଲାଇ । ୨୩ ବିସ୍‌ବାସିମନ୍ ଏ ତଲେ ଲେକାଅଇଲା
ଚିଟି, ସେ ଦୁଇ ଲକର୍ ଆତେ ପାଟାଇଲାଇ । “ଆନ୍‌ଟିଅକ, ସିରିଆ ଆରି
ସିଲିସିଆ ରଇବା ଜିଉଦିନଇଲା ଆମର୍ ବାଇମନ୍, ଜୁଆର୍! ଜିରୁସାଲମର୍
ପେରିଡ୍‌ମନ୍, ପାର୍‌ଚିନ୍‌ମନ୍ ଆରି ତମର୍ ବାଇମନ୍, ଏ ଚିଟି ପାଟାଇଲୁନି
। ୨୪ ଆମେ ସୁନ୍‌ଲୁନି ଜେ, ଆମର୍ ଦଲେଅନି କେତେ ଲକ୍ ତମର୍‌ଟାନେ
ଆସି, ଜାଇଜାଇଟା ସିକାଇଆତର୍, ତେଇଅନି ସେମନ୍ ତମ୍‌କେ କଟପଟ
ଆରି ତେରେପେତେ କଲାଅଆତର୍ । ମାତର୍ ଆମେ ସେମନ୍‌କେ ସେନ୍ତୁରି
କର୍ବାକେ, କାଇମିସା ଆଦେସ୍ ଦେଉନାଇ । ୨୫ ସେଟାର୍ ପାଇ ଆମେ
ସବୁ ଲକ୍ ଗଟେକ୍ ଅଇକରି କେତେଟା କବର୍ କଉମନ୍‌କେ ବାଟି, ତମର୍
ଲଗେ ପାଟାଇବାକେ ଟିକ୍ କଲୁ । ସେମନ୍ ଆମର୍ ଆଲାଦର୍ ମଇତର୍‌ମନ୍,
ବର୍ନବା ଆରି ପାଉଲର୍ ସଞ୍ଜୁ ଜିବାଇ । ୨୬ ଏ ମଇତର୍‌ମନ୍ ମାପୁରୁ ଜିସୁର୍

ସେବାତେଲ ନିଜର ଜିବନ୍ ସର୍ପିଦେଇ ଆଚର୍ । ୨୭ ସେଟାର ପାଇ ଜିଉଦା
 ଆରି ସିଲୀକେ ତମର୍ ଲଗେ ପାଟାଇଲୁନି । ଆମେ ଜାଇଟା ଲେକିଆରୁ,
 ସେଟା ତମ୍ଭେ ସେମନ୍ ନିଜେ ବାଟାଇଦେବାଇ । ୨୮ କେତେଟା ଦରକାର
 ରଇଲା ନିୟମ୍ ଚାଡ଼ି, ତମର୍ ଉପ୍ରେ ଆରି କାଇମିସା ବଜ୍ ନ ଲାଦ୍‌ବାକେ
 ଆମେ ସୁକଲ୍‌ଆତ୍‌ମାଇ ଅନି ଚାଲ୍‌ନା ପାଇଲୁଆରୁ । ୨୯ ସେ କେତେଟା
 ନିୟମ୍ ଅଇଲାନି ପୁତ୍‌ଲା ଦେବ୍‌ତାମନ୍‌କେ ପୁଜା କରିରଇବା କାଇମିସା
 କାଦି କାଇବାର ନାଇ । ଟର୍ରି ପିଚ୍‌କି ମରାଇଲା କନ୍ ମିସା ପସୁର୍ ବନି
 କି ମାଉଁସ୍ କାଇବାର ନାଇ । ଆରି ବିନ୍ ମାଇଜି କି ମୁନୁସର୍ ମିଲମିସା
 ଟାନେଅନି ଦୁରିକେ ରଇବାର । ଏ ସବୁ କାମ୍ ନ କରବାକେ ତମେ ଜାଗ୍ରତ୍
 ରଇଲେ, ଅଇଜାଇସି । ଏତ୍‌କିକେ ରଇଲୁନି ।” ୩୦ ଜନ୍ କବର୍ କଉମନ୍‌କେ
 ପାଟାଇ ରଇଲାଇ, ସେମନ୍ ଆନ୍‌ଟିଅକ୍‌ତଇ ଜାଇ ବିସ୍‌ବାସିମନ୍ ସବୁ
 ଦଲ୍‌କେ ରୁଣ୍ଡାଇକରି ସେ ଚିଟି ଦେଲାଇ । ୩୧ ତେଇର୍ ବିସ୍‌ବାସିମନ୍ ସେ
 ଚିଟି ପଡ଼ିକରି ବେସି ସାର୍‌ଦା ଅଇଗାଲାଇ । ୩୨ ଜିଉଦା ଆରି ସିଲୀ ନିଜେ
 ଦୁଇ ଲକ୍ ବବିସ୍‌ତ୍‌ବକ୍‌ତା ରଇଲାଇ । ସେମନ୍ ଆନ୍‌ଟିଅକ୍‌ ବିସ୍‌ବାସି
 ବାଇମନ୍‌କେ ବେସିଦିନ୍ ରଇକରି, କବର୍ ଜାନାଇ, ସେମନ୍ ବିସ୍‌ବାସ୍ ଡାଟ୍
 କଲାଇ । ୩୩ ତେଇ କେତେ ଦିନ୍ ରଇଲା ପତେ, ଜନ୍‌ଲକ୍‌ମନ୍ ସେମନ୍‌କେ
 ପାଟାଇରଇଲାଇ, ସେମନ୍ ଲଗେ ବାଉଡ଼ି ଜିବାକେ, ବିସ୍‌ବାସି ବାଇମନ୍
 ସେମନ୍‌କେ ସାନ୍ତି ସଞ୍ଜୁ, ପାଟାଇ ଦେଲାଇ । ୩୪ ମାତର୍ ସିଲୀ ତେଇସେ
 ରଇବାଟା ଟିକ୍ ବଲି ତେଇ ରଇବାକେ ମନ୍ କଲା । ୩୫ ପାଉଲ୍ ଆରି
 ବର୍ନବା ଆନ୍‌ଟିଅକ୍‌ତଇ କେତେ ଦିନ୍ ରଇକରି ବେସି ଲକ୍‌ମନ୍ ସଞ୍ଜୁ,
 ମିସିବିଡ଼ି ମାପ୍‌ରୁର୍ ବାକିଅ ଜାନାଇଲା ଆରି ସିକିଆ ଦେଲାଇ । ୩୬ କେତେ
 ଦିନ୍ ପତେ ପାଉଲ୍ ବର୍ନବାକେ କଇଲା, “ଜୁ, ଆମେ ବାଉଡ଼ି ଜୁ, ସବୁ
 ଗତ୍‌ମନ୍‌କେ, ଆମର୍ ଜନ୍ ବାଇମନ୍‌କେ ମାପ୍‌ରୁର୍ ବାକିଅ ଜାନାଇ ରଇଲୁ,
 ସେମନ୍‌କେ ବେଟ୍ ଅଉଁ ଆରି ସେମନ୍ ବିସ୍‌ବାସେ କେନ୍ତି ଆଚର୍ ରୁଜି ଦେକୁ ।”
 ୩୭ ଜଅନ୍ ମାର୍‌କେ ମିସା ଡାକର୍ ସଞ୍ଜୁ ନେବାକେ ବର୍ନବା ମନ୍ କଲା ।
 ୩୮ ମାତର୍ ପାଉଲ୍ କଇଲା “ନିରୁ, କାଇକେ ବଇଲେ, ପପୁଲିଆଇ ଜନ୍ ଦିନେ
 ଆମର୍ କାମ୍ ସାରି ନ ରଇଲା, ସେ ଆମ୍‌କେ ଚାଡ଼ି ବାଉଡ଼ି ଉଟିଆଇଲା ।”
 ୩୯ ଏ ବିସଇ, ବେସି କୁଆବଲା ଅଇଲା ଆରି ସେମନ୍ ବିନେ ଅଇଲାଇ ।
 ବର୍ନବା ଜଅନ୍‌ମାରକେ ନେଇ ସାଇପରସେ ଜିବା ପାନିଜାଜେ ଚଗ୍‌ଲାଇ ।

୪୦ ମାତର୍ ପାଉଲ୍ ତାର୍ ସଞ୍ଜୁ ଜିବାକେ ସିଲାଇକେ ବାଚ୍ଲା । ଆରି ମାପ୍ପୁରୁ ଜିବନ୍ଦୁକାନି ତେଇ ସେମନ୍କେ ସର୍ପିଦେଇ, ବିସ୍ବାସିମନ୍ ପାଟାଇ ଦେଲାଇ । ୪୧ ପାଉଲ୍ ଆରି ସିଲାଇ, ସିରିଆ ଆରି ସିଲିସିଆଇ ବୁଲି ବୁଲି କରି ତେଇର୍ ମଣ୍ଡୁଲିମନ୍କେ ତାଚ୍ କରାଇଲାଇ ।

୧୭ ତେଇଅନି ପାଉଲ୍ ଦର୍ବି ଆରି ଲୁସ୍ତାରାଇ ଆଇଲା । ସେ ନଅରେ ତିମତି ନାଉର୍ ଗଟେକ୍ ବିସ୍ବାସି ଲକ୍ ରଇଲା । ତାର୍ ମାଆ ଗଟେକ୍ ଜିଉଦି ବିସ୍ବାସି ରଇଲା । ମାତର୍ ତାର୍ ବାବା ଗଟେକ୍ ଗିରିକ୍ ଲକ୍ ରଇଲା । ୨ ଲୁସ୍ତାରା ଆରି ଇକନିଅତେଇ ରଇବା ସବୁ ବିସ୍ବାସି ବାଇମନ୍ ତିମତିକେ ସନ୍ମାନ କର୍ତେରଇଲାଇ । ୩ ପାଉଲ୍ ତାର୍ ସଞ୍ଜୁ ତିମତିକେ ନେବାକେ ମନ୍ କଲା, ସେଟାର୍ପାଇ ଜିବା ଆଗ୍ତୁ ମସାର୍ ନିୟ୍ ଇସାବେ ତାକେ ସୁନ୍ଦ କଲା । ଜେନ୍ତିକି ସେ ଜାଗାର୍ ଜିଉଦିମନ୍ ତାକେ ନିନ୍ଦା ନ କରତ୍ । କାଇକେବଇଲେ ତେଇର୍ ଲକ୍ମନ୍ ତିମତିର୍ ବାବା ଗିରିକ୍ ଲକ୍ ବଲି ଜାନିରଇଲାଇ । ୪ ସେମନ୍ କେଟ୍ଲା ସବୁ ଜାଗାଇ ଜିଉଦି ନ ଅଇଲା ବିସ୍ବାସିମନ୍ପାଇ, ଜିରୁସାଲମର୍ ପାର୍ତିମନ୍ ଆରି ପେରିତ୍ମନ୍ ରାଜି ଅଇରଇବା ନିତିନିୟ୍ ବିସଇ କଇଲାଇ । ୫ ସବୁ ନିୟ୍ ମାନ୍ବାକେ ବିସ୍ବାସିମନ୍କେ କଇଲାଇ । ୬ ସେଟାର୍ପାଇ ମଣ୍ଡୁଲିମନ୍ ଲକ୍ମନ୍ ବିସ୍ବାସେ ତାଚ୍ ଅଇଲାଇ ଆରି ଦିନକେ ଦିନ ତାକର୍ ବିସ୍ବାସ୍ ବଡ୍ବାର୍ ଦାର୍ଲାଇ । ୭ ସୁକଲ୍ଆତ୍ମା ସେମନ୍କେ ଆସିଆ ଦେସେ ମାପ୍ପୁରୁ କାତା କଇବାକେ ତାଲ୍ନା ଦେଅତ୍ନାଇକେ, ସେମନ୍ ପିରିଜିଆ ଆରି ଗାଲାତିଆ ଜାଗାଇ ଗାଲାଇ । ୮ ମିସିଆର୍ ସନ୍ତିଲଗେ କେଟି ବିତିନିଆ ରାଇଜେ ଜିବାକେ ଚେସ୍ଟା କଲାଇ । ମାତର୍ ବାରଇଲାବେଲେ ଜିସୁରୁଲାଗି ତାକର୍ ବିତ୍ରେ ରଇବା ସୁକଲ୍ ଆତ୍ମା, ସେମନ୍କେ ଜିବାକେ ତାଲ୍ନା ଦେଏନାଇ । ୯ ସେଟାର୍ ପାଇ ସେମନ୍ ମିସିଆବାଚ୍ ଦେଇ ତରଆତେଇ ଗାଲାଇ । ୧୦ ତରଆଇ ରଇଲାବେଲେ, ସେ ରାତିଆ ପାଉଲ୍ ଗଟେକ୍ ଦର୍ସନ୍ ଦେକ୍ଲା । ସେ ଦର୍ସନେ ମାସିଦନିଆର୍ ଗଟେକ୍ ଲକ୍ ତିଆଅଇ ବାବୁଜିଆ କରି କଇଲା “ମାସିଦନିଆଇ ଆସି ଆମ୍କେ ସାଇଜ କରା!” ୧୧ ପାଉଲ୍ ଏ ଦର୍ସନ୍ ଦେକ୍ଲା ଦାପ୍ରେ, ମାସିଦନିଆଇ ଜିବାକେ ଆମେ ତିଆର୍ ଅଇଲୁ, କାଇକେବଇଲେ ଆମେ ନିକ ସଞ୍ଜୁ ଜାନ୍ଲୁ, ପର୍ମେସର୍ ତେଇର୍ ଲକ୍ମନ୍ ବିତ୍ରେ, ସୁର୍ କବର୍ ଜାନାଇବାକେ ଆମ୍କେ ତାକ୍ଲା ଆତେ । ୧୧ ଆମେ

ତରଥାଅନି ଜାଜେ ଚଗି ସିଦା ସାମ୍ବତରା ଗାଲୁ ଆରି ତାର୍ ଆର୍କର୍ ଦିନେ
 ନିଆପଲି କେଟ୍ଲୁ । ୧୭ ତେଇଆମେ ଉତ୍ତରିକରି ମାସିଦନିଆ ଜିଲାର୍ ମୁକିଅ
 ଗଡ୍ ପିଲିପେ ଗାଲୁ । ଏ ଗଡ୍ ଗଟେକ୍ ରମିୟ୍ ଦଲ୍ ରଇବା ଗଡ୍ ରଇଲା ।
 ତେଇ ଆମେ ବେସି ଦିନ୍ ଜାକ ରଇଲୁ । ୧୩ ବିସ୍‌ରାମ୍‌ବାରେ ଗଡ୍ ବାଇରର୍
 ଗାଡ୍ କଣ୍ଟି ଗାଲୁ । ତେଇ ଜିଉଦିମନ୍ ରୁଣ୍ଟିକରି ପାର୍ତନା କର୍ବାକେ ଗଟେକ୍
 ଜାଗା ବଲି ବାବ୍ଲୁ । ଆମେ ତେଇ ବସ୍‌ଲୁ ଆରି ତେଇ ରୁଣ୍ଟି ରଇବା ମାଇଜି
 ମନର୍ ସଞ୍ଜ୍ କାତାବାର୍ତା ଅଇଲୁ । ୧୪ ସେମନର୍ ବିତ୍‌ରେଅନି ତୁୟ୍‌ଟିରା
 ଗଡ୍ ଲୁଦିଆ ନାଉଁର୍ ଗଟେକ୍ ମାଇଜି, ଆମର୍ କାତା ସୁନ୍‌ତେରଇଲା ।
 ସେ ବେସି ଦାମ୍ ଅଇବା ଜାମ୍‌କଲିଆ ରଞ୍ଜ୍ ଲୁଗା ବିକ୍‌ତେରଇଲା । ସେ
 ପରମେସରକ୍ ପାର୍ତନା କର୍ବା, ଜିଉଦି ନ ଅଇଲା ଲକ୍ । ପାଉଲ୍ ମାପ୍‌ରୁର୍
 କାତା କଇଲାବେଲେ ସେଟା ନାମ୍‌ବାକେ ମାପ୍‌ରୁ ତାର୍ ମନ୍ ଉଗାଡିଦେଲା ।
 ୧୫ ବିସ୍‌ବାସ୍ କଲାପତେ, ସେ ଆରି ତାର୍ କୁଟୁମର୍ ଲକ୍ ତୁବନ୍ ନେଲାଇ ।
 ତାର୍ ପତେ ସେ ଆମ୍‌କେ ଡାକିକରି କଇଲା, “ଜଦି ସତଇସେ ମୁଇ ମାପ୍‌ରୁକେ
 ବିସ୍‌ବାସ୍ କଲିନି ବଲି ତମେ ବାବ୍‌ଲାସ୍‌ନି, ତେବେ ଆସି ମର୍ ଗରେ ରୁଆ
 ।” ସେ ଏନ୍ତି କଇ ଆମ୍‌କେ ତାର୍ ଗରେ ଜିବାକେ ସୁତ୍ରାଇଲା । ୧୬
 ଆରି ଗଟେକ୍‌ଦିନେ ଆମେ ପାର୍ତନା ଜାଗାଇ ଜାଇରଇଲୁ । ତେଇ ତୁମା
 ଡସିରଇବା ଗଟେକ୍ ଗତିଦାଞ୍ଜୁଡିକେ ବେଟ୍‌ଅଇଲୁ । ସେ ତାର୍ ବିତ୍‌ରେ ରଇଲା
 କାରାପ୍‌ଆଡ୍‌ମାର୍ ବପୁ ସଞ୍ଜ୍ ବବିସ୍‌ତ୍ କାତା କଇପାର୍ତେ ରଇଲା । ସେ
 ଲକ୍‌ମନର୍ ଆଡ୍ ଦେକି, ବବିସ୍‌ତ୍ କାତା କଇଦେଇକରି, ସାଉକାର୍‌ମନ୍‌କେ
 ବେସି ତାରୁ କାମାଇଦେଇତେରଇଲା । ୧୭ ଆମେ ତାର୍‌ଲଗେ ଗାଲାକେ,
 ସେ ପାଉଲ୍ ବଲି କିର୍କିରି ଆମର୍ ପର୍ ପର୍ ଆଇଲା । ଆରି କଇଲା, “ଏ
 ଲକ୍‌ମନ୍ ସବୁର୍‌ଟାନେଅନି ବଡ୍ ପରମେସରକ୍ ସେବାକରୁମନ୍ । ତମେ କେନ୍ତି
 ମୁକ୍ତି ପାଇସା, ଏ କାତା ସେମନ୍ କଇଲାଇନି ।” ୧୮ ସେ ଦାଞ୍ଜୁଡି ବେସି
 ଦିନ୍ ଦାରି ଏନ୍ତି କଲା । ସାରାସାରିପତେ ପାଉଲ୍ ବିଜାର୍ ଅଇଲା । ସେ
 ପର୍‌ବାଟେ ପାସ୍‌ଲି ଦେକି କାରାପ୍‌ଆଡ୍‌ମାକେ ଦମ୍‌କାଇକରି କଇଲା, “ଜିସୁ
 କିରିସ୍‌ଟର୍ ନାଉଁ ଦାରି ଆଦେସ୍ ଦେଲିନି, ତାର୍‌ତେଇଅନି ବାରଇ ଜା ।”
 ସେ କଇଲା ଦାପ୍‌ରେ, କରାପ୍‌ ଆଡ୍‌ମା ତାର୍‌ତେଇଅନି ବାରଇଗାଲା । ୧୯
 ଜେଡେବେଲ୍ ତାକର୍ ସାଉକାର୍‌ମନ୍‌କେ ନିଜର୍ ଦନ୍ ଅରଜ୍‌ବାଟା, ବୁଡିଗାଲା
 ବଲି ଜାନ୍‌ଲାଇ, ପାଉଲ୍ ଆରି ସିଲାକେ ଗଡ୍ ମଜାଇ ରଇବା ରମିଅ

ଅଦିକାରିରୁ ଲଗେ ଜିକି ଆନ୍‌ଲାଇ । ୨୦ ସେମନ୍‌କେ ତାକର୍ ମୁଆଟେ ଆନି
 ଦସ୍‌ଦେଇ କରି କଇଲାଇ “ଏମନ୍ ଜିଉଦି ଲକ୍, ଆମର୍ ଗଡେ ଆସି ଗଣ୍ଡୁଗଲ୍
 କଲାଇନି ।” ୨୧ ଆମର୍ ନିୟମ୍ ବିରଦେ ରିତିନିତି ସିକାଇଲାଇନି । ଆମେ
 ରମିଅ ଲକ୍, ସେଟାର୍ ପାଇ ଏ ରିତିନିତି ମାନି ନାପାରୁ । ୨୨ ସାଉକାର୍ ମନର୍
 କାତାମିସାଇ ତେଇ ରଇଲା ଲକ୍‌ମନ୍, ପାଉଲ୍ ଆରି ସିଲାର୍ ବିରଦେ ଉଟ୍‌ଲାଇ
 । ସେ ଅଦିକାରିମନ୍ ପାଉଲ୍ ଆରି ସିଲାର୍ ବସ୍‌ତର୍ ତିରିକରି କର୍ତା ସଢ୍ଫୁ
 ମାର୍‌ବାକେ ଆଦେସ୍ ଦେଲାଇ । ୨୩ ବେସି ମାଡ୍‌କାଇଲା ପଟେ ସେମନ୍‌କେ
 ବନ୍ଦି ଗରେ ପୁରାଇଲାଇ ଆରି କୁଟିଦେଇ ଜାଗ୍‌ବାକେ ବନ୍ଦି ଗର୍ ଜାଗୁଆଲ୍‌କେ
 ଆଦେସ୍ ଦେଲାଇ । ୨୪ ଏ ଆଦେସ୍ ପାଇ ବନ୍ଦି ଗର୍ ଜାଗୁଆଲ୍ ସେମନ୍‌କେ
 ଗଟେକ୍ ବିତ୍‌ରର୍ ବାକ୍‌ରାଇ ପୁରାଇ ଦେଇ, ବଜ୍‌ରଇବା ଦାରୁମୁଟ୍‌ଲାଇ
 ତାକର୍ ଗଡ୍ ବାନ୍ଦିଦେଲା । ୨୫ ପାଉଲ୍ ଆରି ସିଲା ମଜା ରାତି ବେଲାଇ
 ପର୍‌ମେସର୍‌କେ ପାର୍‌ତନା କରି ଗିଡ୍ ଗାଇତେ ରଇଲାଇ । ବନ୍ଦି ଗରେ
 ରଇବା ବିନିଲକ୍‌ମନ୍ ସେଟା ସବୁ ସୁନ୍‌ତେ ରଇଲାଇ । ୨୬ ସେଡ୍‌କିବେଲେ,
 ଅଟାଡ୍ ବେସି ଦର୍‌ତନି ତୁଲ୍‌ତୁଲ୍‌ଲା ଆରି ବନ୍ଦି ଗରର୍ ପାକାଇଲା କୁନାଦି
 ପାକ୍‌ନା ଆଲିଗାଲା, ସେ ଦାପ୍‌ରେ କାପାଟ୍‌ମନ୍ ଉଗାଡି ଅଇଗାଲା ଆରି ସବୁ
 ବନ୍ଦିମନର୍ ସିକ୍‌ଲି କୁସ୍‌ଲି ଗାଲା । ୨୭ ବନ୍ଦି ଗରର୍ ଜାଗୁଆଲ୍ ତେତାଅଇ
 ଉଟ୍‌ଲା ଆରି ବନ୍ଦି ଗରର୍ କାପାଟ୍ ଉଗ୍‌ତା ଅଇରଇଲାଟା ଦେକ୍‌ଲା । ସେ
 ବନ୍ଦିମନ୍ ସବୁ ପାଲାଇ ଆଚଡ୍ ବଲି ବାବ୍‌ଲା । ସେଟାର୍ ପାଇ ସେ ତାର୍
 କାଣ୍ଟା ବେଟି ରୁସି ଅଇ ମର୍‌ବାକେ ଜାଇତେ ରଇଲା । ୨୮ ମାତର୍ ପାଉଲ୍
 ଆଉଲିଅଇ କଇଲା, “ନିଜେ ତର୍ ଗାଗଡ୍ କାଟିଅଇ ନସାନାଇ । ଆମେ ସବୁ
 ଲକ୍ ଇତି ଆରୁ! କେ ପାଲାଉ ନାଇ ।” ୨୯ ବନ୍ଦି ଗର୍ ଜାଗୁଆଲ୍ ଗଟେକ୍ ବତି
 ଆନ୍‌ବାକେ ଡିଆର୍‌ଲା । ଆରି ସେ ବତି ଦାର୍‌ଲା ଆରି ତର୍‌ତରି ତର୍‌ତରି ଆସି
 ପାଉଲ୍ ଆରି ସିଲାର୍ ଗଡ୍ ତଲେ ଅଦର୍‌ଲା । ୩୦ ତାର୍ ପଟେ ସେମନ୍‌କେ
 ବାଇରେ ନେଇ ପାଚାର୍‌ଲା, “ଆଗିଆଁମନ୍! ପର୍‌ମେସର୍‌ ଡଣ୍ଠେଅନି ରକିଆ
 ପାଇବାକେ ମୁଇ କାଇଟା କର୍‌ବାର୍ ଆଚେ?” ୩୧ ସେମନ୍ କଇଲାଇ, “ମାପ୍‌ରୁ
 ଜିସୁକେ ବିସ୍‌ବାସ୍ କଲେ, ତୁଇ ଆରି ତମର୍ କୁରୁମର୍ ସବୁ ମୁକ୍ତି ପାଇସା
 ।” ୩୨ ତାର୍ ପଟେ ସେମନ୍ ତାକେ ଆରି ତାକର୍ ଗରର୍ ସବୁ ଲକ୍‌କେ
 ମାପ୍‌ରୁର୍ ବାକିଅ କଇଲାଇ । ୩୩ ସେ ଦାପ୍‌ରେ ମଜାରାତି ବେଲେ, ବନ୍ଦି ଗର୍
 ଜାଗୁଆଲ୍ ସେମନ୍‌କେ ତାକିନେଇ ସେମନ୍‌ ଗାଉ ଅଇଲାଟା ସବୁ ଦଇଦେଲା

। ତାର୍ପତେ ସେ ଆରି ତାର୍ କୁଟୁମର୍ ସବୁ ଲକ୍ ଡୁବନ୍ ନେଲା । ୩୪
 ତାର୍ପତେ ସେ ପାଉଲ୍ ଆରି ସିଲାକେ ତାକର୍ ଗରେ ଡାକିନେଇ କାଇବାକେ
 ଦେଲା । ତେଇ ପରମେସର୍କେ ବିସ୍ବାସ୍ କଲାର୍ ପାଇ ସେ ଆରି ତାର୍
 କୁଟୁମର୍ ସବୁ ଲକ୍ମନ୍ ସାର୍ଦା ଅଇଗାଲା । ୩୫ ଆରିଗଟେକ୍ ଦିନର୍
 ସାକାଲେ ରମିଅ ସାସନ୍କାରିଆମନ୍ ସେ ଲକ୍ମନ୍କେ ଚାଡ଼ି ଦିଆସ୍ ବଲି
 ଜାଗୁଆଲ୍ମନ୍କେ କଇକରି ପାଟାଇଲା । ୩୬ ସେଟାର୍ ପାଇ ବନ୍ଦିଗର୍
 ଜାଗୁଆଲ୍ ପାଉଲ୍କେ କଇଲା, “ରମିଅ ସାସନ୍କାରିଆ ତମ୍କେ ଆରି ସିଲାକେ
 ଚାଡ଼ି ଦେବାକେ ଆଦେସ୍ ଦେଲା ଆତେ । ଏବେ ତମେ ଏ ଜାଗାଇଅନି ସାନ୍ତି
 ସଞ୍ଜୁ ଉଟି ଜା ।” ୩୭ ମାତର୍ ପାଉଲ୍ ସନିଅମନ୍କେ କଇଲା, “କାଇମିସା
 ଅପ୍ରାଦେ ଦସି ଅଇ ନ ରଇଲେ ମିସା, ସେମନ୍ ଆମ୍କେ ଲକ୍ମନର୍ ମୁଆଟେ
 ମାର୍ଲା । ଆମେ ରମିଅ ଲକ୍, ମାତର୍ ସେମନ୍ ଆମ୍କେ ବନ୍ଦି କଲା ।
 ଏବେ ଆମ୍କେ ଲୁଚେ ଚାଡ଼ିଦେବାକେ ମନ୍ କଲାଇନି । ଏଟା କର୍ବାକେ
 ଆମେ ନ ଦେଉଁ । ରମିୟ୍ ଅଦିକାରି ନିଜେ ଆସି ଇତି ଆମ୍କେ ମୁକ୍ଲାଅ
 ।” ୩୮ ସନିଅମନ୍ ରମିଅ ସାସନ୍କାରିଆକେ ଏ କାତା ଜାନାଇଲା ।
 ପାଉଲ୍ ଆରି ସିଲା ରମିଅ ଲକ୍ ବଲି ସୁନି ସେମନ୍ ତରିଗାଲା । ୩୯
 ସେଟାର୍ପାଇ ବନ୍ଦିଗରେ ଜାଇ ସେମନ୍କେ କେମା ମାଞ୍ଜୁଲା ଆରି ସେମନ୍କେ
 ବନ୍ଦି ଗରେଅନି ବାର୍କରାଇ ଗଡ଼ ଚାଡ଼ି ଉଟିଜିବାକେ ବାବୁଜିଆ କଲା । ୪୦
 ପାଉଲ୍ ଆରି ସିଲା ବନ୍ଦି ଗରେଅନି ବାରଇ ଲୁଦିଆର୍ ଗରେ ଗାଲା । ତେଇ
 ସେମନ୍ ବିସ୍ବାସି ବାଇମନ୍କେ ବେଟ୍ ଅଇ, ସେମନ୍କେ ସାର୍ଦା କରାଇ, ସେ
 ଜାଗା ଚାଡ଼ିଉଟିଗାଲା ।

୧୭ ପାଉଲ୍ ଆରି ସିଲା ଅମ୍ପିପଲି ଆରି ଆପଲନିଆ ବାଟେଦଇ ତେସ୍ଲନି
 ଜାଗାଇ କେଟ୍ଲା । ତେଇ ଜିଉଦିମନର୍ ଗଟେକ୍ ପାର୍ତନା ଗର୍ ରଇଲା ।
 ୧ ପାଉଲ୍ ତାର୍ ରିତିନିତି ଇସାବେ, ପାର୍ତନା ଗରେ ଗାଲା । ତେଇ ସେ ଲାଗି
 ଲାଗି ତିନଟା ବିସ୍ରାମ୍ବାରେ ଲକ୍ମନର୍ ସଞ୍ଜୁ କାତାବାର୍ତା କଲା । ୩ ଦରମ୍
 ସାସ୍ତର୍ ପଡ଼ିକରି ବୁଜାଇଲା ଜେ, ମସିଅ ଦୁକ୍ ପାଇବାର୍ ରଇଲା ଆରି
 ପର୍ମେସର୍ ତାକେ ମଲାତେଇଅନି ଉଟାଇବାର୍ ରଇଲା । ପାଉଲ୍ କଇଲା,
 “ଜନ୍ ଜିସୁର୍ ବିସଇ ମୁଇ ଜାନାଇଲି, ସେ ଅଇଲାନି ମସିଅ ।” ୪ ସେମନର୍
 ବିତ୍ରେଅନି କେତେ ଲକ୍ ଏଟା ବିସ୍ବାସ୍ କଲା । ପାଉଲ୍ ଆରି ସିଲାର୍
 ସଞ୍ଜୁ ମିସ୍ଲା । ସେନ୍ତି ଡାକ୍ପୁଟା ରଇବା ମାଇଜିମନ୍ ଆରି ପରମେସର୍କେ

ପାର୍ତନା କରୁବା ଗିରିକ୍ ମନର୍ ଗଟେକ୍ ବଡ଼ ଦଲ୍ ମିସା ସେମନର୍ ସଞ୍ଜୁ
 ମିସ୍ଲାଇ । ୫ ମାତର୍ କେତେଟା ଜିଉଦିମନ୍ ପାଉଲ୍ ଆରି ସିଲାଇ କୁଟ୍
 କରି, କାଇ କାମ୍ ନ କରୁବା ଅଲ୍ପିଆ ଲକ୍ମନ୍କେ ଏକ୍ଜୁଟ୍ କଲାଇ, ଆରି
 ତୁଲିଆଇ, ଗୁଲାଇ ଗଡ଼ ଜାକର୍ ଲକ୍ମନ୍କେ ଉସ୍କାଇ ରିସା କରାଇଲାଇ ।
 ସେମନ୍ ପାଉଲ୍ ଆରି ସିଲାଇ କଜି ଆନ୍ବାକେ ଗଟେକ୍ ଜେସନ୍ ନାଉଁର୍
 ଗରେ ଜାଇ, ତାର୍ ଗର୍ ଚପିପାକାଇଲାଇ । ୬ ମାତର୍ ତେଇ ପାଉଲ୍ ଆରି
 ସିଲାଇ ତିସଡ଼ ନାଇଜେ, ସେମନ୍ ଜେସନ୍ ଆରି ବିନ୍ କେତେଟା ବିସ୍ବାସି
 ବାଇମନ୍କେ, ଗଡ଼ ନେତାମନର୍ ଲଗେ ଜିକିନେଇ ଆଉଲିଅଇ କଇଲାଇ,
 “ଏ ଲକ୍ମନ୍ ଚାରିବେଟ୍ଟି ଗଣ୍ଡୁଗଲ୍ କଲାଇନି! ଏବେ ଆମର୍ ଗଡେ ମିସା
 ଆଇଲାଇ ଆତଡ଼ ୭ ଆରି ଏସନ୍ ସେମନ୍କେ ତାର୍ ଗରେ ରକିରଇଲା ।
 ଜିସୁ ନାଉଁ ଦାରି ଆରି ଗଟେକ୍ ରାଜା ଆତେ ବଲି କଇକରି ସେମନ୍ ଆମର୍
 ବଡ଼ ସାସନ୍କାରିଆର୍ ନିୟୁମ୍ ବାଞ୍ଛୁଲାଇନି ।” ୮ ଏ କାତା କଇ ସେମନ୍,
 ଲକ୍ମନ୍କେ ଆରି ସାସନ୍କାରିଆର୍ ବିରଦେ ଆଉଲି ଅଇକରି ବେସି ରିସା
 କରାଇଲାଇ ଆରି ଗଣ୍ଡୁଗଲ୍ କରାଇଲାଇ । ୯ ସାସନ୍ କରୁମନ୍ ଜେସନ୍ ଆରି
 ବିସ୍ବାସିମନର୍ତେଇଅନି ଚାଡ଼ବାକେ, ଜେଡ଼କି ତାରୁ ବାନ୍ଧୁବାକେ ରଇଲା,
 ଲାଁର୍ ନେଇକରି ସେମନ୍କେ ଜାମିଲେ ଚାଡ଼ିଦେଲାଇ । ୧୦ ରାତି ଅଇଲା
 ଦାପ୍ରେ, ବିସ୍ବାସି ବାଇମନ୍ ପାଉଲ୍ ଆରି ସିଲାଇକେ ବେରିଆ ନାଉଁର୍ ଜାଗାଇ
 ପାଟାଇଦେଲାଇ । ସେମନ୍ ତେଇ କେଟି, ଜିଉଦି ଲକ୍ମନର୍ ପାର୍ତନା ଗରେ
 ଗାଲାଇ । ୧୧ ତେସଲନିର୍ ଜିଉଦିମନର୍ ଟାନେଅନି ବେରିଆର୍ ଜିଉଦିମନ୍
 କୁଲାଇଲି ମନ୍ ରଇବା ଲକ୍ ରଇଲାଇ । ସେମନ୍ ଅଦିକ୍ ମନ୍ଦିଆନ୍ ଦେଇ
 ସିସ୍ମନର୍ ସିକିଆ ସୁନ୍ଲାଇ । ଆରି ପାଉଲ୍ କଇଲା କାତା, ସଡ଼ କି ନାଇ ବଲି
 ଜାନ୍ବାକେ ସବୁ ଦିନ୍ ଦରମ୍ ସାସ୍ତର୍ ପଡ଼ତେରଇଲାଇ । ୧୨ ସେମନର୍
 ବିତ୍ରେଅନି ବେସି ଲକ୍ ବିସ୍ବାସ୍ କଲାଇ । ବେସି ସାଉକାର୍ ଅଇ ସନ୍ମାନ୍
 ପାଇବା ଗିରିକ୍ ମାଇଜି ଆରି ଗିରିକ୍ ଲକ୍ମନ୍ ମିସା ବିସ୍ବାସିମନର୍ ସଞ୍ଜୁ
 ମିସ୍ଲାଇ । ୧୩ ମାତର୍ ଜେତେବଲ୍ ତେସଲନିର୍ ଜିଉଦିମନ୍ ସୁନ୍ଲାଇ
 ଜେ ବେରିଆତେଇ ମିସା ପାଉଲ୍ ପରମେସରର୍ ବାକିଅ ଜାନାଇଲାନି,
 ସେମନ୍ ତେଇ ଆସି ପାଉଲ୍ ବିରଦେ ଗଣ୍ଡୁଗଲ୍ କରୁବାକେ ଲକ୍ମନ୍କେ
 ଉସ୍କାଇଲାଇ । ୧୪ ସେ ଦାପ୍ରେ ବିସ୍ବାସି ବାଇମନ୍ ପାଉଲ୍କେ ସମ୍ପୁର୍
 ପାଲିବାଟେ ପାଟାଇଦେଲାଇ, ମାତର୍ ସିଲାଇ ଆରି ତିମତି ଦୁଇ ଲକ୍ ବେରିଆଇ

ରଇଲା । ୧୫ ପାଉଲ୍‌କେ ଡାକିନେବା ଲକ୍‌ମନ୍, ତାର୍ ସଞ୍ଜୁ ଆତେନସ୍
 ଜାକ ଗାଲା । ତେଇଅନି ସେମନ୍ ବେରିଆଇ ବାଉଡି ଆସି, ସିଲା ଆରି
 ତିମତିକେ କଇଲା, “ତମ୍‌କେ ପାଉଲ୍ ବେଗି ମିସ୍‌ବାକେ କବର୍ ପାଟାଇ
 ଆଦେସ୍ ଦେଲାଆତେ ।” ୧୬ ସିଲା ଆରି ତିମତିକେ ଆତେନେସ୍‌ତେଇ ଜାଗି
 ରଇଲା ବେଲେ, ଗଡ଼ଜାକର୍ ଲକ୍ ପୁଜା କର୍ବା ଦେବ୍‌ତାମନର୍ ମୁର୍ତିମନ୍
 ଦେକି, ପାଉଲ୍‌ର୍ ମନ୍ ବେସି ଉଡୁକ୍‌ଡୁଡୁକ୍ ଅଇଗାଲା । ୧୭ ସେଟାର୍‌ପାଇ
 ସେ ଜିଉଦିମନର୍ ପାର୍ତନା ଗରେ ସେମନର୍ ସଞ୍ଜୁ, ଆରି ପରମେସ୍‌ର୍‌କେ
 ପାର୍ତନା କର୍ବା ଜିଉଦି ନଇଲା ଲକ୍‌ମନର୍ ସଞ୍ଜୁ, ଏ ବିସଇ ସବୁ ଦିନ୍
 ଆଲ୍‌ତନା କର୍ବାର୍ ଦାର୍ଲା । ଆଟେବାଟେ ଜିବାଆଇବା କର୍ବା ଲକ୍‌ମନର୍
 ସଞ୍ଜୁ ସେ ବିସଇ ଆଲ୍‌ତନା କଲା । ୧୮ କେତେଟା ଏପିକିଉରିଆନ୍ ଆରି
 ଟେକ୍ ସିକିଆ ଦେବା ଗୁରୁମନର୍ ସଞ୍ଜୁ ଦଦାପେଲା ଅଇଲା । ସେମନର୍
 ବିତ୍‌ରେଅନି କେତେ ଲକ୍ କଇଲା, “ଏ ବକୁଆ ବଡ଼ପନିଆ, କାଇଟା
 କଇବାକେ ଚେସ୍‌ଟା କଲାନ୍ତି?” ବିନ୍ ଲକ୍‌ମନ୍ କଇଲା, “ବିନ୍ ଦେସେ
 ରଇବା ଦେବ୍‌ତାମନର୍ ବିସଇ, ସେ ଜାନାଇଲାନି ପାରା ଲାଗ୍‌ଲାନ୍ତି ।” ଜିସୁ
 ଆରି ତରେକ୍ ଜିବନ୍ ଅଇ ଉଟ୍‌ଲା ବିସଇ ପାଉଲ୍ ଜାନାଇବାଟା ସୁନି ସେମନ୍
 ଏନ୍ତି କଇଲା । ୧୯ ସେଟାର୍‌ପାଇ ସେମନ୍ ପାଉଲ୍‌କେ ଦାରି ସେ ନଅର୍
 ବିଚାର୍ କର୍ବା ଜାଗା, ଜନ୍‌ଟା କି ଏରିଅପାଗସ୍ ତେଇ ଆନ୍‌ଲା । ଆରି
 ତେଇ କଇଲା, “ତୁଇ ଜନ୍ ନୁଆ ସିକିଆ ବିସଇ କଇଲୁସ୍‌ନି, ସେ ବିସଇ
 ଆମେ ଜାନ୍‌ବାକେ ମନ୍ କଲୁନି ।” ୨୦ ତୁଇ କଇବା କେତେଟା କାତା ଆମେ
 ଆଗ୍‌ତୁ କେବେ ସୁନି ନ ରଇଲୁ । ଆମେ ତାର୍ ଅରଡ଼ ଜାନ୍‌ବାକେ ମନ୍ କଲୁନି
 । ୨୧ କାଇକେବଇଲେ ଆତେନେସ୍‌ର୍ ଲକ୍ ଆରି ତେଇ ରଇବା ବିନ୍ ଦେସ୍‌ର୍
 ଲକ୍‌ମନ୍ ନୁଆ ବିସଇ ସୁନ୍‌ବାକେ ଆରି କଇବାକେ ବଲ୍‌ପାଇତେ ରଇଲା ।
 ତେଇ ସେମନ୍ ବେସି ବେଲା ଦେଇତେ ରଇଲା । ୨୨ ପାଉଲ୍ ସେ ଗଡ଼ର୍
 ସବା ମୁଆଟେ ଟିଆ ଅଇ କଇଲା, ଆତେନିଅର୍ ଲକ୍‌ମନ୍, ତମେ ସବୁ ଦରମ୍
 ଲକ୍ ବଲି ଜାନାପଡ଼ଲାନ୍ତି । ୨୩ କାଇକେବଇଲେ, ମୁଇ ତମର୍ ନଅରେ ବୁଲି
 ଦେକ୍‌ଲା ବେଲେ, ତମର୍ ପୁଜା କର୍ବା ଜାଗାମନ୍ ଦେକ୍‌ଲି । ତେଇ ଗଟେକ୍
 ବେଦି ରଇଲା । ଗଟେକ୍ ନ ଜାନ୍‌ଲା ଦେବ୍‌ତାକେ, ଲେକାରଇଲାଟା ମିସା
 ଦେକ୍‌ଲି । ତମେ ଜାକେ ନାଜାନି ପୁଜାକଲାସ୍‌ନି । ଏବେ ତାର୍ ବିସଇ ତମ୍‌କେ
 ଜାନାଇଲିନି । ୨୪ ପରମେସ୍‌ର୍ ଦୁନିଆ ଆରି ତେଇ ରଇଲା ସବୁ ବିସଇ

ତିଆର କଲା । ସେ ସରଗ୍ ଆରି ଜଗତର୍ ମାପୁରୁ । ଲକ୍ମନ୍ ତିଆର କଲା ମନୁରେ ରଇବାକେ ମନ୍ ନ କରେ । ୨୫ ଆମେ ତାର୍ ପାଇ କାମ୍ କରି ତାକେ ଦେଇପାରୁ ପାରା କାଇଟା ମିସା ସେ ମନ୍ କରେ ନାଇ । କାଇକେବଇଲେ ସେ ସବୁକେ ଜିବନ୍, ପବନ୍ ଆରି ସବୁ ଦରକାର୍ ରଇଲାଟା ଦେଲାଆତେ । ୨୬ ଗଟେକ୍ ଲକ୍ମନ୍ ସେ ସବୁ ମୁନୁସ୍ ଜାତିକେ ତିଆର କଲା । ଆରି ତାର୍ ଆଦେସ୍ ଇସାବେ ସେମନ୍ ଦୁନିଆର୍ ବିନ୍ ବିନ୍ ଜାଗାଇ ବାସା ଅଇଲାଇ ଆତର୍, ସେଟା ପୁରୁବେଅନି ପରମେସର୍ ଟିକ୍ କଲାଆତେ । ୨୭ ତାକର୍ ଆଦେସ୍ ରଇଲା ଜେ ସବୁ ଲକ୍ ତାକେ କଜି କରି ବେଟ୍ ଅଅର୍ । ମାତର୍ ସତଇସେ ପରମେସର୍ କାର୍ଟାନେଅନି ମିସା ଦୁରିକେ ନାଇ । ୨୮ ଏ ବିସଇ କେକି ଗଟେକ୍ ଲକ୍ କଇଲା ଆତେ, “ତାର୍ ଲଗେ ଆକା ଆମାର୍ ଜିବନର୍ କୁଟିକାତି ଆତେ ।” ତମର୍ ବିତ୍ରେଅନି କେତେଲକ୍ କଇଆତର୍, ଆମେ ମିସା ତାର୍ ପିଲାଜିଲା । ୨୯ ଆମେ ପରମେସରର୍ ପିଲାଜିଲା ଅଇଲାର୍ ପାଇ ମୁନୁସ୍ ତିଆର କଲା ସୁନା, ରୁପା ନଇଲେ ପାକ୍ନା ସଙ୍ଗୁ ତିଆର କଲା ପୁତ୍ଲା, ପରମେସର୍ ରୁପ୍ ବଲି ବାବି ନାପାରୁ । ୩୦ ଲକ୍ମନ୍ ପରମେସର୍କେ ଜାନି ନ ରଇଲା ବେଲେ, ସେ ଦସ୍ ଦାରି ନ ରଇଲା, ମାତର୍ ଏବେ ସବୁ ଜାଗାର୍ ସବୁ ଲକ୍ମନ୍କେ, ସେମନର୍ ପାପ୍ ବାଟେଅନି ବାଅଡ୍‌ବାକେ ଆଦେସ୍ ଦେଲାନି । ୩୧ ସେ ଗଟେକ୍ ଦିନ୍ ଟିକ୍ କଲା ଆତେ । ସେ ଦିନେ, ସେ ବାଟିରଇବା ଲକ୍ମନ୍ ସଙ୍ଗୁ ଗୁଲାଇ ଦୁନିଆର୍ ବିତାର୍ କରସି । ସେ ଲକ୍ ମଲାଟାନେଅନି ଉଟି ଏ କାତା ସର୍ ବଲି, ସବୁକେ ଜାନାଇଲା ଆତେ । ୩୨ ପାଉଲର୍ଟାନେ, ମଲାଟାନେଅନି ଉଟ୍ଲା ବିସଇ ସୁନି ସେମନର୍ ବିତ୍ରେଅନି କେତେ ଲକ୍ ତାକେ କିଜାଇଲା, ମାତର୍ ବିନ୍ ଲକ୍ମନ୍ କଇଲା, “ତମର୍ତେଇଅନି ଆମେ ଆରିତରେକ୍ ଏ ବିସଇ ସୁନ୍‌ବାକେ ମନ୍ କଲୁନି ।” ୩୩ ପାଉଲ୍ ସେ ଦିନର୍ ସବାଇ ଅନି ଉଟି ବାରିଗାଲା । ୩୪ ତାୟନିସିଅସ୍ ନାଉର୍ ସବାର୍ ଗଟେକ୍ ମେମର୍, ଦାମାରି ନାଉର୍ ଗଟେକ୍ ମାଇଜି ଆରି କେତେଟା ଲକ୍, ବିସ୍‌ବାସ୍ କରି ତାର୍ ସଙ୍ଗୁ ମିସ୍‌ଲାଇ ।

୧୮ ତାର୍‌ପତେ ପାଉଲ୍ ଆଦେସ୍ ଚାଡି କରନ୍ତିଅ ଗାଲା । ୨ ତେଇ ପନ୍‌ତସ୍‌ତେଇ ଜନମ୍ କରିରଇବା ଆକିଲା ନାଉର୍ ଗଟେକ୍ ଜିଉଦିକେ ବେଟ୍ ଅଇଲା । ବଡ୍ ସାସନ୍‌କାରିଆ କଲଡିଅସ୍, ସବୁ ଜିଉଦିକେ ରମ୍ ଦେସ୍ ଚାଡ୍‌ବାକେ ଆଦେସ୍ ଦେଇରଇଲା । ସେଟାର୍‌ପାଇ, ସେ ଅଲପ୍ ଦିନ୍ ଆଗୁରୁ

ତାର ମାଉଜି ପିରିସ୍କିଲାର ସଞ୍ଜ ଇଟାଲିଅନି ଆସିରଇଲା । ୩ ପାଉଲ୍
 ସେମନ୍ତେ ବେଟ୍ ଅଇବାକେ ଜାଇ ସେମନ୍ତେ ସଞ୍ଜ ରଇଲା । କାଇକେବଇଲେ
 ସେ ମିସା ସେମନ୍ତେ ପାରା ତୁମ୍ ତିଆର୍ କରି ଜିଉନାକାଉନା କର୍ତ୍ତେରଇଲା ।
 ୪ ଜିଉଦି ଆରି ଗିରିକ୍ ମନ୍ ମାପ୍ତୁରୁକେ ଅଦିକ୍ ବିସ୍ବାସ୍ କରାଇବାକେ, ସବୁ
 ବିସ୍ବାମ୍ବାରେ ପାର୍ତନା ଗରେ ଆଲ୍ତନା କର୍ତ୍ତେ ରଇଲା । ୫ ସିଲା ଆରି
 ତିମତି ମାସିଦନିଆଇଅନି ବାଉଡି ଆଇଲା ପଟେ ପାଉଲ୍ ଜିଉଦିମନ୍ତେ ଲଗେ
 ଜିସୁର୍ ସୁର୍ କବର୍ ଜାନାଇବାକେ ପୁରାପୁରି ବେଲା ଦେଲା ଆରି ଜିସୁକେ
 ମସିଅ ବଲି ସାକି ଦେଲା । ୬ ମାତର୍ ସେମନ୍ ତାକେ ବିରଦ୍ କରି ତାର୍ କୁଟ୍
 ପାଁର୍ବାର୍ ଦାର୍ଲାଇ, ସେଟା ବିରଦ୍ କର୍ବା ଇସାବେ, ତାର୍ ବସ୍ତରର୍ ଦୁଲି
 ପାପ୍ତିଦେଇ ସେ ସେମନ୍ତେ କଇଲା, “ଜଦି ତମେ କୁରୁପ୍ନାସ୍ ଅଇସା,
 ତେବେ ସେଟାର୍ପାଇ ତମେ ନିଜେ ଦାଇ ଅଇସା । ମୁଇ ଏଟାର୍ପାଇ ଦାଇ
 ନଇ, ଏବେ ମୁଇ ଜିଉଦି ନଇଲା ଲକ୍ମନ୍ତେ ଲଗେ ଜିବି ।” ୭ ସେଟାର୍ପାଇ
 ସେ ସେମନ୍ତେ ତାତି ପର୍ମେସର୍ତ୍ତେ ପାର୍ତନା କର୍ବା ତିତସ୍ ଜୁସ୍ତ
 ନାଉର୍ ଗଟେକ୍ ଜିଉଦି ନଇଲା ଲକ୍ମନ୍ତେ ଗରେ ରଇବାକେ ଗାଲା । ଜୁସ୍ତର୍
 ଗର୍ ପାର୍ତନା ଗର୍ ଲଗେ ରଇଲା । ୮ ପାର୍ତନା ଗରର୍ ମୁକିଅ କିରିସ୍ପସ୍
 ଆରି ତାର୍ କୁରୁମର୍ ସବୁ ଲକ୍ ମାପ୍ତୁରୁତେଇ ବିସ୍ବାସ୍ କଲା ଆରି
 କରନ୍ତିଅର୍ ଅଦିକ୍ ଅଦିକ୍ ଲକ୍ ପାଉଲ୍ତେ ସିକିଆ ସୁନି ବିସ୍ବାସ୍ କଲା ଆରି
 ପାନିତେଇବୁଡି ତୁବନ୍ ନେଲା । ୯ ଗଟେକ୍ ରାତି, ପାଉଲ୍ ଦର୍ସନ୍ ଦେକ୍ଲା
 । ଦର୍ସନେ ମାପ୍ତୁ ତାକେ କଇଲା, “ତର୍ ନାଇ, ଜାନାଇତେ ରଅ, ସେଟା
 ତେବାନାଇ । ୧୦ କାଇକେ ବଇଲେ ମୁଇ ତର୍ ସଞ୍ଜ ଆତି । କେ ତମ୍ତେ
 କାଇଟା କରି ନାପାର୍ତ୍, କାଇକେବଇଲେ ଏ ନଅରେ ମର୍ ବେସି ଲକ୍ ଆତର୍
 ।” ୧୧ ସେଟାର୍ପାଇ ପାଉଲ୍ ପର୍ମେସର୍ତ୍ତେ ବାକିଅ ସିକିଆ ଦେଇ, ତେଇ
 ବର୍ସେକ୍ ତ ମାସ୍ ଜାକ ରଇଗାଲା । ୧୨ ଗାଲିୟନ୍ ଆକାୟର୍ ରମିଅ
 ସାସନ୍କାରିଆ ରଇଲା ବେଲେ, ଜିଉଦିମନ୍ ଏକ୍ଜୁଟ୍ଅଇ ପାଉଲ୍ତେ ଦାରି
 ବିଚାର୍ନା ଜାଗାଇ ନେଲା । ୧୩ ସେମନ୍ କଇଲା, “ଏ ଲକ୍ ଆମର୍ ନିୟ୍ମ୍
 ବିରଦେ ପର୍ମେସର୍ତ୍ତେ ପାର୍ତନା କର୍ବାକେ ଲକ୍ମନ୍ତେ ସୁତ୍ରାଇଲାନି ।”
 ୧୪ ପାଉଲ୍ କାତା ଅଇବାକେ ଗାଲାବେଲେ, ଗାଲିଅ ଜିଉଦିମନ୍ତେ କଇଲା,
 “ଜଦି ଇତି କାଇ ଦସ୍ ନଇଲେ ଅପ୍ତରାଦର୍ ବିସଇ ରଇସି, ତେବେ ତମର୍
 ବିସଇ ସମାଲି କରି, ତମର୍ କାତା ସୁନ୍ବାଟା, ମର୍ ଇସାବେ ଟିକ୍ ଅଇସି ।

୧୫ ମାତର୍ ଏ କାତା ତମର୍ ବିଦିବିଦାନ ଆରି ରିତିନିତିର୍ କାତା ଅଇଲାର୍ ପାଇ, ଏଟା ତମେ ଟିକ୍‌କର୍‌ବାଟା ନିକ ଅଇସି । ମୁଇ ଏନ୍ତି ବିଚାର୍ ନ କରି ।”
୧୬ ଏନ୍ତି କଇକରି ସେମନ୍‌କେ ବିଚାର୍‌ନା ଜାଗାଇଅନି କେଦିଦେଲା । **୧୭** ସେମନ୍ ପାର୍‌ତନା ଗରର୍ ମୁକିଆ ସସ୍‌ତନସ୍‌କେ ଦାରି ବିଚାର୍‌ନା ଜାଗାର୍ ମୁଆଟେ ମାତ୍‌ମାର୍‌ଲାଇ । ମାତର୍ ଗାଲିଅ ସେଟାକେ ମନ୍‌ଦେଏ ନାଇ । **୧୮** ପାଉଲ୍ କରନ୍ତିତେଇ ବିସ୍‌ବାସି ବାଇମନ୍ ସଞ୍ଜ ବେସି ବେଲା ଜାକ ରଇଲା । ତାର୍‌ପତେ ସେମନ୍‌କେ ଚାଡି ପିରିସ୍‌କିଲା ଆରି ଆକିଲାର୍ ସଞ୍ଜ, ସିରିଆ ଜିବାକେ ପାନିଜାଜେ ବାଟ୍ ଦାର୍‌ଲାଇ । ସେକେରିଆଅନି ଜିବାଟା ଆରାମ୍ କର୍‌ବା ଆଗୁରୁ ତାକର୍ ଗଟେକ୍ ମାନର୍ ଇସାବେ ପାଉଲ୍ ମୁଣ୍ଡୁ କୁରାଇଅଇଲା । **୧୯** ସେମନ୍ ଏପିସ୍‌ସ୍‌ତେଇ କେଟ୍‌ଲା ପତେ ପାଉଲ୍ ପିରିସ୍‌କିଲା ଆରି ଆକିଲାକେ ପାଟାଇଦେଲା । ତେଇ ସେ ପାର୍‌ତନା ଗରେ ଜାଇ ଜିଉଦିମନର୍ ସଞ୍ଜ କାତାବାର୍‌ତା ଅଇଲା । **୨୦** ଲକ୍‌ମନ୍ ତାକେ ଆରି ବେସି ଦିନ୍ ରଇବାକେ କଇଲାଇ, ମାତର୍ ସେ ରାଜି ନଇଲା । **୨୧** ଜିବା ବେଲାଇ ସେ ସେମନ୍‌କେ କଇଲା, “ଜଦି ପରମେସର୍ ମନ୍ କଲେ, ତମର୍ ଲଗେ ବାଉଡି ଆଇବି ।” ତାର୍ ପତେ ସେ ଏପିସେ ଅନି ଜାଜେ ଚଗି ଗାଲା । **୨୨** ସେ ସିରିଆ କେଟିକରି ତେଇଅନି ଜିରୁସାଲାମେ ଗାଲା ଆରି ମଣ୍ଡୁଲିକେ ଜୁଆର୍ ଜାନାଇ ତେଇଅନି ଆନ୍‌ଟିକିଅ ଗାଲା । **୨୩** ତେଇ କେତେ ଦିନ୍ ରଇଲା ପତେ, ସେ ଆରି ତରେକ୍ ଜିବାଟା ଆରାମ୍ କରି ଗାଲାଡିଅ ଆରି ପିରିଜିଆ ବାଟେଦଇ ଗାଲା । ବାଟେ ବିସ୍‌ବାସିମନ୍‌କେ ବିସ୍‌ବାସେ ତାଟ୍ ଅଇରଇବାକେ ସାଆସ୍ ଦେଲା । **୨୪** ସେ ବେଲାଇ ଆଲେକ୍‌ଜାଣ୍ଡ୍ରିଆଇ ଜନମ୍ ଅଇ ରଇଲା, ଆପଲ୍ ନାଉର୍ ଗଟେକ୍ ଜିଉଦି ଏପିସେ ଆଇଲା । ସେ ଗଟେକ୍ ନିମାନ୍ ସଞ୍ଜ କାତାକଉ ଆରି ଦରମ୍ ସାସ୍‌ତରେ ତାର୍ ବେସି ଗିଆନ୍ ରଇଲା । **୨୫** ସେ ମାପ୍‌ରୁ ଜିସୁର୍ ବାଟ୍ ବିସଇ ସିକିଆ ପାଇରଇଲା ଆରି ଆତ୍‌ମାଇ ପୁରାପୁରୁନ୍ ଅଇକରି ବେସି ସାର୍‌ଦା ସଞ୍ଜ ସତ୍ କାତା ବାର୍‌କରି, ସିକିଆ ଦେଇତେ ରଇଲା । ମାତର୍ କାଲି ଜଅନ ତୁବନ୍ ଦେବା ବିସଇ ଜାନି ରଇଲା । **୨୬** ପାର୍‌ତନା ଗରେ ସେ ନ ତର୍‌ତେ ସିକିଆ ଦେବାକେ ଲାଗ୍‌ଲା । ତାର୍ ସିକିଆ ସୁନି ପିରିସ୍‌କିଲା ଆରି ଆକିଲା ତାକର୍ ନିଜର୍ ଗରେ ତାକିନେଲାଇ ଆରି ତେଇ ପରମେସରର୍ ବାଟ୍ ବିସଇ ଅଦିକ୍ ବୁଜାଇଦେଲାଇ । **୨୭** ତାର୍ ପତେ ଆପଲ୍ ଆକାୟା ରାଇଜେ ଜିବାକେ ଟିକ୍ କଲାକେ, ଏପିସର୍ ବିସ୍‌ବାସି ବାଇମନ୍ ତାକେ ସାଇଜ୍ କଲାଇ ଆରି

ତାକେ ସାର୍ଦ୍ଧା ସଞ୍ଜ ଗତିଆ କରବାକେ କଇ ଆକାୟାର୍ ବିସ୍ବାସିମନ୍କେ
 ଚିଟି ଲେକ୍ଲାଲ । ସେ ତେଇ କେଟିକରି ପରମେସର ଜିବନ୍ ଦୁକାଇଲାକେ
 ବିସ୍ବାସି ଅଇରଇବା ଲକ୍ମନ୍କେ ବେସି ସାଇଜ କଲା । ୨୮ ଜିସୁ ଜେ
 ମସିଅ, ତାକର୍ ବେସି ତାଟ୍ ଜୁକ୍ତି, ଦରମ୍ ସାସ୍ତରେଅନି ଜାନାଇ କରି,
 ଜିଉଦିମନ୍କେ ଆରାଇଲା ।

୧୯ ଆପଲ୍ କରନ୍ତିଏ ରଇଲାବେଲେ, ପାଉଲ୍ ସେ ରାଇଜର୍ ଉପର୍ ବାଗେ
 ବୁଲି ସାରାଇ, ଏପିସିଏ କେଟ୍ଲା । ତେଇ ସେ କେତେଟା ସିସ୍ମନ୍କେ ବେଟ୍
 ଅଇଲା । ୨ ସେମନ୍କେ ପାଚାର୍ଲା “ତମେ ବିସ୍ବାସି ଅଇବା ବେଲାଇ ସୁକଲ୍
 ଆତ୍ମା ପାଇରଇଲାସ୍ କି?” ସେମନ୍ କଇଲା, “ସୁକଲ୍ ଆତ୍ମା ଆତେ ବଲି
 ଆମେ କେବେ ମିସା ସୁନ୍ନୁ ନାଇ ।” ୩ ପାଉଲ୍ ପାଚାର୍ଲା, “ସେନ୍ତି ଆଲେ
 ତମେ କେନ୍ତୁରି ତୁବନ୍ ନେଇ ଆଚାସ୍?” ସେମନ୍ କଇଲା “ତୁବନ୍ ଦେଉ
 ଜଅନର୍ ତୁବନ୍ ।” ୪ ପାଉଲ୍ କଇଲା, “ଜନ୍ ଲକ୍ମନ୍ ପାପେଅନି ବାଉତି
 ରଇଲା, ଜଅନର୍ ତୁବନ୍ ସେମନର୍ ପାଇ ଟିକ୍ ରଇଲା । ମାତର୍ ତାର୍ପତେ
 ଜେ ଆଇବାର୍ ରଇଲା, ଜନ୍ଟା କି, ଜିସୁ, ତାର୍ ଲଗେ ବିସ୍ବାସ୍ କରବାକେ,
 ଜଅନ୍ ଇସ୍ରାଏଲ୍ ଲକ୍ମନ୍କେ କଇରଇଲା ।” ୫ ଏଟା ସୁନି ସେମନ୍ ମାପ୍ତୁ
 ଜିସୁର୍ ନାଉଁ ଦାରି ତୁବନ୍ ନେଲା । ୬ ପାଉଲ୍ ସେମନର୍ ଉପ୍ରେ ଆତ୍
 ଚିଇଲା ଆରି ସୁକଲ୍ ଆତ୍ମା ତାକର୍ଗାନେ ଉତର୍ଲା । ସେମନ୍ ବିନ୍ ବିନ୍
 ବାସାଇ କାତା କଇଲା ଆରି ପରମେସରର୍ ସୁବ୍ କବର୍ ଜାନାଇଲା । ୭
 ସେମନ୍ ମୁନୁସ୍ ପିଲା ବାର ଲକ୍ ରଇଲା । ୮ ତାର୍ ପତେ ପାଉଲ୍ ତିନ୍
 ମାସ୍ ଜାକ ନ ତର୍ତେ ପାର୍ତନା ଗରେ କାତାବାର୍ କରି ପରମେସରର୍
 ରାଇଜ୍ ବିସଇ ସେମନର୍ ମନେ ବିସ୍ବାସ୍ ଜନ୍ମାଇବାକେ ଚେସ୍ଟା କଲା । ୯
 ମାତର୍ ସେମନର୍ ବିତ୍ରେଅନି କେତେକ୍ ଲକର୍ ମନ୍ ତାଟ୍ ରଇଲା । ସେମନ୍
 ବିସ୍ବାସ୍ କରନ୍ନାଇ । ଦଲର୍ ସବୁ ଲକର୍ ମୁଆଟେ ସେମନ୍ ମାପ୍ତୁର୍ ବାଟ୍
 ବିସଇନେଇ, ତିପୁଲ୍ କାତା କଇଲା । ସେଟାର୍ପାଇ ପାଉଲ୍ ସେମନ୍କେ
 ଚାଡ଼ି, ବିସ୍ବାସିମନ୍କେ ନେଇ, ସବୁ ଦିନ୍ ଚିରାନସ୍ ନାଉଁର୍ ଗରେ ନିଆଇ
 କର୍ବାର୍ ଦାର୍ଲା । ୧୦ ଏଟା ଦୁଇ ବରସ୍ ଦାରି ଚାଲ୍ଲା । ରମ୍ ଦେସର୍
 ଆସିଆ ଦେସେ ବାସା କରିରଇବା ବେସି ଜିଉଦି ଆରି ଗିରିକ୍ ଲକ୍ ମିସା
 ମାପ୍ତୁର୍ ବାକିଅ ସୁନ୍ନାଇ । ୧୧ ପରମେସର୍ ପାଉଲ୍ଚତେଇଅନି ବେସି
 ବଡ୍ ବଡ୍ କାବାଅଇଜିବା କାମ୍ମନ୍ କଲା । ୧୨ ଏନ୍ତି କି ପାଉଲ୍ ପୁତିଅଇବା

ଉର୍ମାଲ୍ ଆରି ବସ୍ତର୍ ରଗିମନର୍ ଲଗେ ନେଲେ, ସେମନ୍ ନିମାନ୍ ଅଇତେ
 ରଇଲା । ସେମନର୍ ଗାଗ୍ତେଅନି କାରାପ୍ ଆତ୍ମାମନ୍ ସବୁ ବାରଇଜାଇତେ
 ରଇଲା । ୧୩ କେତେଟା ଏନେତେନେ ବୁଲ୍ବା ତୁମା ଚାତାଇବା ଜିଉଦିମନ୍
 ମିସା, ଜିସୁର୍ ନାଉଁ ଦାରି ତୁମା ଚାତାଇବାକେ ଚେସ୍ଟା କଲା । ସେମନ୍
 କାରାପ୍ ଆତ୍ମାମନ୍କେ କଇତେ ରଇଲା, “ପାଉଲ୍ ଜାନାଇବା ଜିସୁର୍ ନାଉଁ
 ଦାରି ତକେ ଆଦେସ୍ ଦେଲିନି ।” ୧୪ ଏସ୍କେବା ନାଉଁର୍ ଗଟେକ୍ ଜିଉଦି,
 ବଡ୍ ପୁଜାରିର୍ ସାତଟା ପିଲାମନ୍, ଏ ରକାମ୍ କର୍ତେ ରଇଲା । ୧୫ ମାତର୍
 କାରାପ୍ ଆତ୍ମା ସେମନ୍କେ କଇଲା, “ମୁଇ ଜିସୁକେ ଜାନି ଆରି ପାଉଲ୍କେ
 ତିନି ଆରି, ମାତର୍ ତମେ କେ?” ୧୬ କାରାପ୍ ଆତ୍ମା ଦାରିରଇଲା ଲକ୍,
 ସେମନ୍କେ ଦାରି ଚାକ୍ତାତର୍ କରି ପାକାଇଲା । ସେମନର୍ ଲୁଗାପଟିଆ ଚିରି
 ତୁମ୍ବୁ କରଦେଲା । ସେମନ୍ କଣ୍ଟିଆ ବଣ୍ଟିଆ ଅଇ ତାର୍ ଗରେଅନି ବାରଇ
 ପାଲାଲଲା । ୧୭ ଏପିସେ ବାସାଅଇରଇବା ଜିଉଦି ବିସ୍ବାସିମନ୍ ଆରି
 ଗିରିକ୍ ଲକ୍ମନ୍, ଏ ବିସଇ ସୁନି ତରିଗାଲା ଆରି ତେଇ ମାପୁରୁ ଜିସୁର୍ ନାଉଁ
 ଅଦିକ୍ ତାକ୍ପୁଟା ଅଇଲା । ୧୮ ବିସ୍ବାସିମନର୍ ବିତ୍ରେଅନି ବେସି ଲକ୍
 ସବୁର୍ ମୁଆଟେ ନିଜେ କଲା କାରାପ୍ କାମ୍ ମାନ୍ଲା । ୧୯ ପାଞ୍ଜୁନ୍ ବିଦିଆ
 ଅବିଆସ୍ କର୍ତେରଇବା ବେସି ଲକ୍ମନ୍ ତାକର୍ ବଇମନ୍ ଆନି ଗୁଲିଆଇକରି
 ସବୁ ଲକର୍ ମୁଆଟେ ପଡାଇ ଦେଲା । ସବୁ ମିସିକରି ସେମନର୍ ବଇର୍ ଦାମ୍
 ପଚାସ୍ ଅଜାର୍ ରୁପାଟାଙ୍ଗୁ ଏଡ୍କି ରଇଲା । ୨୦ ଏନ୍ତିବାବ୍ରେ ପରମେସରର୍
 ବାକିଅ ଅଦିକ୍ ଅଦିକ୍ ଗୁଲାଇବାଟେ ଉଡ଼ରା ଅଇଜାଇ ଅଦିକ୍ ବପୁ ଅଇବାର୍
 ଦାର୍ଲା । ୨୧ ଏ ସବୁ ଗଟ୍ନା ପତେ ପାଉଲ୍ ମାସିଦନିଆ ଆରି ଆକାୟା ବାଟ୍
 ଦେଇ ଜିରୁସାଲମେ ଜିବାକେ ଟିକ୍ କଲା । ସେ କଇଲା, “ତେଇ ଗାଲା ପତେ,
 ମୁଇ ରମ୍ ଦେସେ ମିସା ଜିବାର୍ ଆତେ ।” ୨୨ ସେଟାର୍ପାଇ ସେ ତାର୍ ଦୁଇଟା
 ସଙ୍ଗୁରି, ତିମତି ଆରି ଏରାସ୍ତସ୍କେ ମାସିଦନିଆଇ ପାଟାଇଲା, ମାତର୍ ସେ
 ନିଜେ ଆସିଆ ଦେସେ ଆରି କେତେ ଦିନ୍ ରଇଲା । ୨୩ ଏଡ୍କି ବିତ୍ରେ
 ମାପୁରୁ ଦେକାଇରଇବା ବାଟ୍ ବିସଇ ନେଇ, ଗଟେକ୍ ବେସି ବଡ୍ ଗଣ୍ଡୁଗଲ୍
 ଅଇବାଟା ଉବଜ୍ଲା । ୨୪ ଦିମିତିରିୟୁ ନାଉଁର୍ ଗଟେକ୍ ରୁପାର୍ ପୁଡ୍ଲା
 ତିଆର୍ କରୁ, ଆର୍ତେମି ଦେବିର୍ ମନ୍ଦିରେ ପୁଡ୍ଲା ତିଆର୍ କର୍ତେ ରଇଲା
 । ଏନ୍ତାରି ବେବାର୍କରି ପୁଡ୍ଲା ତିଆର୍ କରୁମନ୍, ବେସି ଲାବ୍ ପାଇତେ
 ରଇଲା । ୨୫ ସେଟାର୍ପାଇ ସେ ତାର୍ ସଙ୍ଗୁର୍ ବେବାରିମନ୍କେ ଗୁଣ୍ଡୁଇକରି

କଇଲା, “ଆଗିଆମନ୍, ଏ ବେବାର୍ ଆମ୍ଭେ ଯାଉକାର୍ କଲାଆତେ ବଲି
 ସବୁ ଲକ୍ ଜାନାସ୍ । ୨୭ ଏବେ, ଏ ଲକ୍ ପାଉଲ୍ କାଇଟା କଲାନି, ସେଟା
 ତମେ ନିଜେ ଦେକିପାରୁଲ୍ୟାସ୍ନି ଆରି ସୁନି ପାରୁଲ୍ୟାସ୍ନି । ସେ କଇଲାନି,
 ଲକର୍ ଆତେ ତିଆର୍ କଲା ଦେବ୍ତା ସବୁ ବିଲ୍କୁଲ୍ ଦେବ୍ତା ନଅଡ୍ । ସେ
 ଇତି ଏପିସେ ଆରି ସବୁ ଆସିଆ ଦେସେ ବେସି ଲକ୍ମନ୍‌କେ ଏ ବିସଇ
 କଇ ଉସ୍‌କାଇଲାନି । ୨୭ ସେଟାର୍‌ପାଇ ଆମର୍ ବେବାର୍ ବୁଡିଜିବାର୍
 ଉପରେ ଆତେ । କାଲି ସେଡ୍‌କି ନଏ, ଜନ୍ ଦେବି ଆସିଆଇ ଆରି ଗୁଲାଇ
 ଜଗତେ ସବୁର୍‌ଗାନେଅନି ପୁଜାପାଇସି, ସେ ତାକ୍‌ପୁଟା ଆର୍‌ତେମି ଦେବି,
 ମନିରର୍ ତାକ୍‌ପୁଟା ଆରି ନ ରଏ, ଆରି ଆର୍‌ତେମି ଦେବିର୍ ମର୍‌ଜିତା ନସ୍‌ଟ
 ଅଇସି ।” ୨୮ ଲକ୍ମନ୍ ଏ କାତା ସୁନି ରିସା ଅଇଗାଲାଇ ଆରି ଆଉଲିଅଇ
 କଇଲାକ, “ଏପିସିୟର୍ ଆର୍‌ତେମି ବଡ୍‌ଦେବିର୍ ତାକ୍‌ପୁଟା ଆ!” ୨୯ ଏ
 ଗଣ୍ଡୁଗଲ୍ ଅଇଲାଟା ଗୁଲାଇ ନଅରେ କେଟିଗାଲା । ଲକ୍ମନ୍ ପାଉଲ୍ ସଢ୍ଘ
 ରଇବା ମାକିଦନିଆର୍ ଗାୟ ଆରି ଆରିସ୍‌ତାକସ୍, ଦୁଇଲକ୍‌କେ ଦାରି, ଦାପ୍‌ରେ
 ଜୁଇଦ୍ ବାଟେ ପାଲାଇଲାଇ । ୩୦ ତେଇ ପାଉଲ୍ ଏକ୍‌ଲାସେ ଲକ୍ମନ୍‌ର୍
 ବିତ୍‌ରେ ଜିବାକେ ମନ୍‌କଲା । ମାତର୍ ବିସ୍‌ବାସିମନ୍ ତାକେ ବିତ୍‌ରେ ଜିବାକେ
 ଚାଡ୍‌ତନାଇ । ୩୧ ଆସିଆ ରାଇଜର୍ କେତେଟା ମୁକିଅ ସାସନ୍ କାରିଆମନ୍
 ମିସା ପାଉଲ୍‌ର୍ ମଇତର୍ ରଇଲାଇଜେ, ପାଉଲ୍‌କେ ଜୁଇଦ୍ ପଡିଆଇ ନ
 ଜାଅ ବଲି, କବର୍ ପାଟାଇଲାଇ । ୩୨ ଏଡ୍‌କି ବିତ୍‌ରେ ରୁଣ୍ଡିରଇବା ସବୁ
 ଲକ୍ ରିସା ଅଇଜାଇରଇଲାଇ । ଲକ୍ମନ୍ ଦଲ୍‌ଦଲ୍ ଅଇକରି ଏକାତା, ସେ
 କାତା କଇକଇ କରି ଆଉଲିଅଇ ଜାଇତେ ରଇଲାଇ । ମାତର୍ ସେମନ୍‌ର୍
 ବିତ୍‌ରେଅନି କେତେକ୍ ଲକ୍, କାଇକେ ରୁଣ୍ଡିଆତଡ୍ ବଲି ନାଜାନିରଇଲାଇ ।
 ୩୩ ସେମନ୍‌ର୍ ବିତ୍‌ରେଅନି କେତେକ୍ ଲକ୍ ଏଟାର୍‌ପାଇ ଆଲେକ୍‌ଜାଣ୍ଡାର୍‌କେ
 ଦାଇ କଲାକ । କାଇକେବଇଲେ ଜିଉଦି ଲକ୍ମନ୍, ଆଗ୍‌ତୁ ତାକେ ତିଆ
 କରାଇରଇଲା । ଆଲେକ୍‌ଜାଣ୍ଡାର୍ ଲକ୍ମନ୍‌କେ ଆଡ୍‌ଟେକି ଚିମ୍‌ରାଇଅଇ
 ରଇବାକେ କଇଲା ଆରି ତାର୍ ବାସନ୍‌ଗାନେ ବିସ୍‌ବାସିମନ୍‌ର୍ ବାଟେ ଅଇକରି
 ବୁଜାଇବାକେ ଚେସ୍‌ଟା କଲା । ୩୪ ମାତର୍ ସେ ଗଟେକ୍ ଜିଉଦିଲକ୍ ବଲି
 ଜାନିକରି ଲକ୍ମନ୍ ଏକାତରେକ୍ ଆଉଲିଅଇକରି “ଆର୍‌ତେମି ଦେବିର୍ ଜୟ
 ଜୟ ଆ!” ବଲି ଦୁଇ ଗଟା ଜାକ ଆଉଲି ଅଇ ରଇଲାଇ । ୩୫ ପତେ
 ନଅର୍‌ର୍ ଅଦିକାରେ ରଇବା ଗଟେକ୍ କାମ୍‌କରୁ, ଲକ୍ମନ୍‌କେ ବୁଜା ସୁଜା କରି

ତିମ୍ବରା କଲ୍ମା ଆରି କଇଲ୍ଲା, “ଏ ଏପିସିୟର୍ ବାଇମନ୍, ଏପିସିୟ୍ ନଅରେ ବଡ଼ଦେବି ଆର୍ଡେମିର୍ ମନ୍ଦିର ଆରି ଆକାସେଅନି କସ୍ରି ଆଇଲ୍ଲା ସୁକଲ୍ ପାକ୍ନା ରକିଆ କର୍ବା ଦାଇଡ୍, ଏପିସିୟ୍ ନଅରେ ରଇବା ଲକ୍ମନର୍ । ୩୭ କେ ମିସା ଏଟା ନଏଁ ବଲି କଇନାପାରଡ୍ । ସେଟାର୍ ପାଇ ତମେ ସବୁ ଲକ୍ ତିମ୍ବରାଇ ଉଆ । କାଇକାମ୍ ମିସା ବକ୍ତୁଆପାରା କରାନାଇ । ୩୭ ଏ ଲକ୍ମନ୍ ମନ୍ଦିରେଅନି କାଇଟା ଚରି କରଡ୍ ନାଇ, କି ଆମର୍ ଦେବିର୍ ବିରଦେ, କାଇମିସା କାରାପ୍ କାତା କଅଡ୍ ନାଇ, ଏଲେମିସା ତମେ ଏମନ୍କେ ଦାରି ଆନିଆଟାସ୍ । ୩୮ ଜଦି ଦିମିତିରିୟ୍ ଆରି ତେଇର୍ ପୁଡ୍ଲା ତିଆର୍କରୁମନ୍କେ, କାର୍ ବିରଦେ ଦାବାକର୍ବାଟା ଆରେ, ସେଟା ବିଚାର୍ କର୍ବାକେ ଆମର୍ ଲକ୍ମନ୍ ଆତଡ୍ । ଆରି ବିଚାର୍ ଅଇବା ଗଟେକ୍ ଦିନ୍ ଆରେ । ତେଇ ସେ ଦାବା ବିସଇ କଇପାରାସ୍ । ୩୯ ଜଦି ଆର୍ଡେଇଅନି ଆରି ଅଦିକ୍ କାଇଟା ଜାନ୍ବାକେ ମନ୍ କଲାସ୍ନି, ତେବେ ଲକ୍ମନ୍ ଟିକ୍କଲ୍ଲା ନିୟମର୍ ସବାଇ, ସେଟା ଟିକ୍ କରାଅଇସି । ୪୦ ଆଜି ଜାଇଟା ଗଟ୍ଲା ଆରେ, ତେଇ ଗଣ୍ଡୁଗଲ୍ କର୍ବା ଆରି ଦାବା କର୍ବା ବିସଇ ଆମର୍ ବିରଦେ କାତା ଉଟିପାରେ । ଏ ଗଣ୍ଡୁଗଲ୍ କାଇମିସା କାରନ୍ ଦେକାଇ ନାପାରୁ ।” ୪୧ ଏ ସବୁ କାତା କଇ ସେ ଲକ୍ମନ୍କେ ତିମ୍ବରା କରାଇ ସବା ସେସ୍ କଲ୍ଲା ।

୨୦ ଗଣ୍ଡୁଗଲ୍ ବନ୍ଦୁ ଅଇଲା ପରେ, ପାଉଲ୍ ବିସ୍ବାସିମନ୍କେ ଗଟେକ୍ତେଇ ରୁଣ୍ଡୁଇ ସାର୍ଦାର୍ କାତା ସୁନାଇଲ୍ଲା । ସେମନ୍କେ ଜିବିବେ ବଲି କଇ, ତେଇଅନି ବାରଇ ମାକେଦନିଆଇ ଗାଲା । ୧ ତେଇର୍ ସବୁ ଜାଗାଇ ଗାଲା, ଆରି ବେସି ଲକ୍ମନ୍କେ ଉପ୍ଦେସ୍ ଦେଇ, ସାର୍ଦା କରାଇଲ୍ଲା, ତାର୍ପତେ ସେ ଗିରିସେ ଗାଲା । ୩ ତେଇ ସେ ତିନ୍ ମାସ୍ ରଇଲ୍ଲା, ଆରି ସିରିଆଇ ଜିବାକେ ତିଆର୍ ଅଇଲାବେଲେ, ଜିଉଦିମନ୍ ତାକର୍ ବିରଦେ କୁର୍ପାଁର୍ଲାଇନି ବଲି କବର୍ ପାଇ ମାକିଦନିଆବାଟେ ବାଉଡି ଜିବାକେ ଟିକ୍ କଲ୍ଲା । ୪ ବେରିଆତେଇ ରଇବା ପୁରର୍ ପଅ ସପାତର୍, ତେସ୍ଲନିକିୟ୍ ଆରିସ୍ତାକସ୍ ଆରି ସେକ୍ସ୍, ଦର୍ବିର୍ ଗାୟ, ଏସିଆ ଦେସର୍ ତୁକିକ୍, ତର୍ପିମ୍ ଆରି ତିମତି । ୫ ସେମନ୍ ଆଗ୍ତୁ ଜାଇ ତରିୟାଇ ଆମ୍କେ ଜାଗି ରଇଲାଇ । ୬ କମିର୍ ନ ପାକାଇ ରୁଟି କାଇବା ପରବର୍ ପରେ, ଆମେ ପିଲିପେଅନି ପାନିଜାଜେ ଜାଇ ପାଁର୍ ଦିନ୍ ପତେ ତରିୟାଇ ସେମନର୍ ସଙ୍ଗୁ ମିସ୍ଲୁ ଆରି ତେଇ ଗଟେକ୍ ଆଟ୍ ଜାକ ରଇଲୁ । ୭ ଆଟର୍ ପର୍ତୁମ୍ ଦିନର୍ ସଞ୍ଜୁବେଲାଇ ଆମେ ସବୁଲକ୍ ମିସି

କାଇବାକେ ରୁଣ୍ଡୁଲୁ । ପାଉଲ୍ ଲକ୍ମନକେ ମଜାରାତି ଜାକ ଉପଦେସ୍ ଦେଲା
 । କାଇକେବଇଲେ ତାର୍ ଆର୍କର୍ ଦିନେ ସେ ଜାଗା ଚାଡ଼ି ଜିବାର୍ ରଇଲା
 । ୮ ଜନ୍ ଉପର୍ ତାଲାର୍ ବାକ୍ରାଇ ଆମେ ସବା କର୍ତେ ରଇଲୁ, ତେଇ
 ବେସି ବତିମନ୍ ଲାଗିରଇଲା । ୯ ତେଇ ଇଉଟିକସ୍ ନାଉର୍ ଗଟେକ୍ ଦାଢ଼ୁଡ଼ା
 କିଡ଼କି ଲଗେ ବସି ରଇଲା । ପାଉଲ୍ କାତା କଇବା ବେଲାଇ, ତାକେ ଗୁନ୍
 ଡାବି ଆଇଲା, ସେ ଗୁନର୍ ଲାଡେ, ତିନ୍ତାଲାର୍ ଗର୍ ଉପ୍ରେଅନି ତଲେ
 ଅର୍ରିଦେଲା । ସେମନ୍ ତାକେ ଉଟାଇବା ବେଲାଇ, ସେ ମରିଜାଇରଇଲା ।
 ୧୦ ମାତର୍ ପାଉଲ୍ ତଲକେ ଉର୍ରି ଆସି ତାକେ ପାଟାଲି, ଦାରି କଇଲା, “ତରା
 ନାଇ । ତାକେ ଜିବନ୍ ଆଟେ ।” ୧୧ ତାର୍ପଟେ ସେ ଉପ୍ରେ ବାଉଡ଼ିଜାଇ
 ରୁଟି ବାଢ଼ୁଇ କାଇଲା, ଆରି ବେଲ୍ ଉଦ୍‌ବାଜାକ ସେମନର୍ ସଢ଼ୁ ବେସି
 କାତାବାର୍ତା ଅଇ ତେଇଅନି ବାରଇଲା । ୧୨ ଲକ୍ମନ୍ ଦାଢ଼ୁଡ଼ାକେ ଜିବନ୍
 ରଇଲାଟା ଦେକି ତାର୍ ଗରେ ଦାରିଗାଲାଇ ଆରି ସାର୍‌ଦା ଅଇଲାଇ । ୧୩
 ଆମେ ଆଗୁଡୁ ଜାଜେ ଚଗି, ଆସସେ ଜିବାକେ ବାରଇଲୁ । ତେଇଅନି ଆମେ
 ପାଉଲ୍‌କେ ଜାଜେ ନେଇଜିବାକେ ଟିକ୍ କରୁରଇଲୁ । କାଇକେବଇଲେ ସେ
 ସମ୍‌ଦୁର୍‌ବାଟେ ଜାଇ, ସେ ଜାଗାଇ କେଟ୍‌ବି ବଲି କଇରଇଲା । ୧୪ ସେ
 ଜେଡେବେଲା ଆମ୍‌କେ ଆସସେ ବେଟ୍ ଅଇଲା, ଆମେ ତାକେ ଜାଜେ ଚଗାଇ
 ମିତିଲିନି ଜାଗାଇ ଗାଲୁ । ୧୫ ତେଇଅନି ଆରି ଜିବାର୍‌ଦାରି ତାର୍ ଆର୍କର୍
 ଦିନେ କିଅସ୍ ଲଗେ କେଟ୍‌ଲୁ । ତାର୍ ଆର୍କର୍ ଦିନେ ମିଲିଟସେ କେଟ୍‌ଲୁ
 । ଆରି ଗଟେକ୍ ଦିନ୍ ପଟେ ଆମସେ କେଟ୍‌ଲୁ । ତାର୍ ଆର୍କର୍ ଦିନେ
 ମିଲିଟସେ କେଟ୍‌ଲୁ । ୧୬ ଆସିଆ ରାଇଜେ ଆରି ବେସି ଦିନ୍ ନ ରଇକରି,
 ଏପିସସ୍ କଣ୍ଡିକଣ୍ଡି ଜାଜ୍ ଚାଲାଇବାକେ ପାଉଲ୍ ଟିକ୍ କଲା । ଜଦି ଅଇପାର୍‌ସି,
 ପେନ୍‌ଟିକସ୍ ଦିନେ ଜିରୁସାଲାମ୍ କେଟ୍‌ବାକେ ସେ ତେରେପେଟେ ଅଇଡେ
 ରଇଲା । ୧୭ ପାଉଲ୍ ମିଲିଟସେଅନି ଏପିସି ମଣ୍ଡୁଲିର୍ ପାର୍‌ତିନ୍ ମନ୍କେ ତାର୍
 ସଢ଼ୁ ମିସ୍‌ବାକେ ଡାକାଇଲା । ୧୮ ସେମନ୍ ଆସି କେଟ୍‌ଲାକେ ପାଉଲ୍ କଇଲା,
 “ରମିୟ ରାଇଜର୍ ଆସିଆଇ କେଟ୍‌ଲା ପର୍‌ଡୁମ୍ ଦିନେଅନି, କେନ୍ତି ତମର୍ ସଢ଼ୁ
 ବେସି ବେଲା କାଟାଇଲି ଆଟି, ସେଟା ତମେ ଜାନିଆଟାସ୍ । ୧୯ ଜିଉଦିମନର୍
 କୁଟ୍ ପାଁନାର୍ ଲାଗି, ମକେ ଜନ୍ ଦୁକ୍ କସ୍‌ଟ ପାଇକରି ମୁରବ୍‌ବାକେ ପଢ଼ୁଲା,
 ସେ ବିଡ଼ରେ ମୁଇ ପରମେସରର୍ ସେବାକାରିଆ ଇସାବେ ଆଁସୁପାନି ଜଡ଼ାଇ,
 ମୁଣ୍ଡୁ ତଲେକରି, କାମ୍ କଲିଆଟି । ୨୦ ତମେ ଜାନିଆଟାସ୍, ଲକ୍ମନର୍ ଲଗେ

କବର ଜାନାଇଲାବେଳେ ଆରି ତମର ଗର୍ମନକେ ଉପଦେୟ ଦେଲାବେଳେ,
 ତମର ଉପକାର୍ ଅଇଲାପାରା କାଇ ବିସଇ ମିସା ଜାନାଇବାକେ ମୁଇ
 ଦୁଇମନିଆ ଅଇନାଇ ।” ୨୧ ଜିଉଦି ଆରି ଗିରିକ୍ ଲକ୍ମନକେ ସବୁକେ ମୁଇ
 ତାଟ୍ ସଢ଼୍ ଜାଗରତ୍ ରଇବା କାତା ସୁନାଇ ରଇଲି, ଜେନ୍ତୁରିକି, ସେମନ୍
 ପାପେଅନି ବାଉଡିକରି ପର୍ମେସରର୍ ବାଟେ ମନ୍ ଦେଅତ୍ ଆରି ମାପୁରୁ
 ଜିସୁକେ ବିସ୍ବାସ୍ କରତ୍ । ୨୨ ଏବେ ସୁକଲ୍ଆତ୍ମାର୍ ତାଲ୍ନାଦେଲା
 ଆଦେସ୍ ମାନିକରି, ମୁଇ ଜିରୁସାଲମେ ଗାଲିନି । ତେଇ ମକେ କାଇଟା ଅଇସି
 ନାଜାନି । ୨୩ ସୁକଲ୍ଆତ୍ମା ମକେ ଜାଗରତ୍ କରିଦେଇ ଆତେ ଜେ, ମୁଇ
 ସବୁ ନଅରେ ବନ୍ଦି ଗରେ ରଇକରି କସ୍ଟ୍ ପାଇବି । ୨୪ ମର୍ ନିଜର୍ ଜିବନ୍,
 ମର୍ ପାଇ, ମୁଇ ଇନ୍ କଲିନି । ପର୍ମେସରର୍ ଜିବନ୍ ଦୁକାଇଲା ବିସଇ
 ଆରି ମାପୁରୁ ଜିସୁ ଜନ୍ କାତା ଜାନାଇବାକେ ମକେ ଦାଇତ୍ ଦେଲାଆତେ,
 ସେଟା ସାରାଇବି ଆରି ସୁବ୍ କବର ଜାନାଇବାଟା ପୁରାପୁରୁନ୍ କର୍ବି । ଏଡକି
 ସେ ମୁଇ ମନ୍ କଲିନି । ୨୫ “ପର୍ମେସରର୍ ରାଇଜ୍ ବିସଇ ଜାନାଇବାକେ
 ମୁଇ ତମର୍ ସବୁ ଲକର୍ ଲଗେ ଜାଇଆତି । ଏବେ ମୁଇ ଜାନିଆତି, ତମର୍
 ବିତ୍ରେଅନି କେମିସା ମର୍ ମୁଁ କେବେ ଦେକି ନାପାରାସ୍ । ୨୬ ତେବର୍ପାଇ
 ଆଜି ବେଲା ମିଲ୍ଲା ଆତେ ବଲି ମୁଇ ତାଟ୍ ସଢ଼୍ ତମ୍କେ ଜାନାଇଲିନି ।
 ତମର୍ ବିତ୍ରେଅନି କେ ଜଦି ବାଟ୍ ବାନା ଅଇଗାଲେ, ସେଟାପାଇ ମୁଇ ଦାଇ
 ନଇ । ୨୭ କାଇକେବଇଲେ ତମର୍ଟାନେ ପର୍ମେସରର୍ ସବୁଜାକ ଆଦେସ୍
 ଜାନାଇବାକେ, ମୁଇ ଦୁଇମନିଆ ଅଇନାଇ । ୨୮ ତେବର୍ପାଇ ତମେ ନିଜର୍
 ବିସଇ ଆରି ସୁକଲ୍ଆତ୍ମା ତାର୍ ସତ୍ ଗିଆନେ ଜନ୍ ବିସ୍ବାସି ମାନ୍ତୁକେ
 ଦେକାରକାପାଇ ଚାଡିଦେଇ ଆତେ, ସେ ସବୁ ବିସଇଟାନେ ଜାଗରତ୍ ଉଆ ।
 ମେଣ୍ଟୁ ଚାରାଉ ଗଉଡ଼ପାରା ପର୍ମେସରର୍ ମଣ୍ଟୁଲିର୍ ଜତନ୍ ନିଆ । ସେ
 ମଣ୍ଟୁଲିକେ ପର୍ମେସର୍ ତାର୍ ନିଜର୍ ବନିଦେଇ ଗେନିଆତେ । ୨୯ ମୁଇ
 ଜାନିଆତି, ମୁଇ ଗାଲାପତେ ତମର୍ ବିତ୍ରେ ଅପର୍ବଲ୍ ଗଦତୁର୍କାମନ୍
 ଆଇବାଇ ଆରି ମେଣ୍ଟୁରାସିକେ ତିନ୍ ଚତର୍ କରିସେ ଚାଡ଼ବାଇ । ୩୦ ବେଲା
 ଆଇସି, ତମର୍ ନିଜର୍ ଦଲର୍ କେତେ ଲକ୍ ବିସ୍ବାସିମନ୍କେ ମିର୍ କାତା କଇ
 ତାକର୍ ବାଟେ ତାକି ନେବାଇ । ୩୧ ସେ ବେଲେ ତମେ ଜାଗରତ୍ ଅଇ ରୁଆ ।
 ମୁଇ ତିନ୍ ବରସ୍ ଜାକ ଦିନ୍ ରାତି ଆଁସୁପାନି ଜରାଇ, ତମ୍କେ ଗଟେକ୍ ଗଟେକ୍
 କରି, ସବୁ ଲକ୍କେ ସିକାଇ ଆତି, ଏ କାତା ଏତାଇରୁଆ ।” ୩୨ “ଏବେ

ମୁଇ ତମ୍ଭେ ପରମେସରେକ, ଆରି ତାର୍ ଜିବନ୍ ଦୁକାଇବା ବାକିଅଟାନେ
 ସର୍ପି ଦେଲିନି । ସେ ବାକିଅ ତମ୍ଭେ ତାଟ୍ କରାଇସି ଆରି ପରମେସରର୍
 ଲକ୍ମନର୍ ପାଇ ଅଇବା ସବୁ ଆସିର୍ବାଦ୍ ତମ୍ଭେ ଦେଇପାର୍ସି । ୩୩ ମୁଇ
 କାର୍ ସୁନା, ରୁପା କି ଲୁଗାପଟିଆ ମିଲାଇବି ବଲି ଆସା କରିନାଇ । ୩୪
 ମର୍ ଏ ଦୁଇଟା ଆତେ କସ୍ତ କରି, ମର୍ ପାଇ ଆରି ମର୍ସଝୁ ରଇବାଲକର୍
 ପାଇ, ଦର୍କାର୍ ରଇଲାଟା ପୁରାପୁରୁନ୍ କଲିଆଟି ଏଟା ତମେ ଜାନିଆଟାସ୍ ।
 ୩୫ ମିଲାଇବାଟାନେଅନି ଦାନ୍ଦେବାଟା ଅଦିକ୍ ସାର୍ଦାର୍ ବିସଇ ଅଇରଇସି
 । ନିଜେ ଜିସୁ ମାପୁରୁ ଏ ବାକିଅ ସୁମର୍ନା କରିରଇଲା । ଏନ୍ତାରି କସ୍ତ
 କାମେଅନି ନାପାରୁଲା ଲକ୍ମନକେ ସାଇଜ କର୍ବାର୍ ଆତେ । ଏ ବିସଇ ମୁଇ
 ତମ୍ଭେ ସବୁବେଲେ କରିଦେକାଇଆଟି ।” ୩୬ ଏ ସବୁ କାତା କଇସାରାଇ
 ପାଉଲ୍ ସେମନର୍ ସଝୁ ମାଣ୍ଟିକୁଟା ଦେଇ ପାର୍ତନା କଲା । ୩୭ ସବୁ ଲକ୍
 କାନ୍ତି କାନ୍ତି କରି ପାଉଲ୍କେ ପାଟାଲିକରି ରୁମ୍ତାଟ୍ କରି ପାଟାଇଦେଲାଇ
 । ୩୮ ପାଉଲ୍ ସେମନକେ “ତମେ ଆରି ମକେ ଦେକିନାପାରାସ୍ ।” ବଲି
 କଇରଇଲାକେ, ସେମନ୍ ବେସି ମନ୍ଦୁକ୍ ଅଇଜାଇରଇଲାଇ । ଲକ୍ମନ୍
 ପାଉଲ୍କେ ପାଟାଇ ଦେବାକେ, ଜାଜେ ନେଇ ଚାଡ଼ିଲାଇ ।

୨୧ ସେମନକେ ପାଟାଇଦେଇକରି ଆମେ ତେଇଅନି ଜାଜେ ଚଗି ସିଦା
 କସ୍ ନାଉର୍ ଜାଗାଇ କେଟ୍ଲୁ । ତାର୍ ଆର୍କର୍ ଦିନେ ରଦେ କେଟ୍ଲୁ,
 ସମ୍ବୁର୍ ପାଲି ପାଲି ଜାଇ ପାତାରା ନାଉର୍ ଜାଗାଇ ଗାଲୁ । ୨ ତେଇଅନି
 ପିନିସିଆଇ ଜାଇତେ ରଇବା ଗଟେକ୍ ଜାଜେ ଚଗି ଜିବାର୍ ଦାର୍ଲୁ । ୩
 ତାର୍ପତେ ଡିସ୍ତେରଇବା ସାଇପରସ୍ ନାଉର୍ ଗଟେକ୍ ଜାଗାଇ କେଟ୍ଲୁ
 । ତେଇଅନି ତାର୍ ଦକିଣ୍ଡିଗ୍ ବାଟେ ଜାଇ ସିରିଆଇ କେଟ୍ଲୁ । ଆମେ
 ଗାୟର୍ ନାଉର୍ ଗଟେକ୍ ଜାଗାଇ, ପାନିଜାଜେଅନି ଉତର୍ଲୁ, କାଇକେ
 ବଇଲେ, ଏ ଜାଜେଅନି ଦିନ୍ସୁମନ୍ ଉତ୍ତରାଇବାର୍ ରଇଲା । ୪ ତେଇ
 ଆମେ କେତେଟା ବିସ୍ବାସିମନର୍ ସଝୁ ବେଟ୍ ଅଇ ସେମନର୍ ସଝୁ ଗଟେକ୍
 ଆଟ୍ ରଇଲୁ, ସୁକଲ୍ଆଟ୍ମାର୍ ଚାଲ୍ନା ପାଇକରି ସେମନ୍, ଜିରୁସାଲମେ
 ଜିବାକେ ପାଉଲ୍କେ ମନା କଲାଇ । ୫ ମାତର୍ ସେମନର୍ ସଝୁ ଗଟେକ୍ ଆଟ୍
 ରଇଲା ପତେ, ଆମେ ସେମନକେ ଚାଡ଼ିକରି ଆମର୍ ବାଟେ ଉଟି ଆଇଲୁ
 । ଆମ୍ଭେ ପାଟାଇ ଦେବାକେ ସେମନ୍ ନିଜର୍ ନିଜର୍ ପିଲା ମାଇଜି ସଝୁ
 ଗଡ଼ ବାଇରେ ରଇବା, ସମ୍ବୁର୍ କଣ୍ଟିଜାକ ଆଇଲାଇ । ତେଇ ଆମେ ସବୁ

ଲକ୍ ମାଣ୍ଡିକୁଟା ଦେଇ ପାର୍ବତୀ କଲୁ । ୬ ତାତ୍ପରେ ଆମେ ସେମାନର
 ସଙ୍ଗେ, ଛୁଆରବେଟ୍ ଅଇ ଜାଣେ ଚରୁଲୁ, ସେମନ୍ ଗରେ ବାଉଡ଼ି ଗାଲାଇ
 । ୭ ଆମେ ଟାୟରେଅନି ପାନିଜାଣେ ବାରଇ ପତ୍ତଲମା ନାଉଁର ଜାଗାଇ
 କେଟ୍ଲୁ, ତେଇ ବିସ୍ବାସି ବାଇମାନର ସଙ୍ଗେ ଛୁଆରବେଟ୍ ଅଇ ଗଟେକ୍
 ଦିନ୍ ରଇଲୁ । ୮ ଆରକର ଦିନେ ଆମେ ସେ ଜାଗା ଚାଡ଼ି, ସିସେରିଆ
 ନାଉଁର ଜାଗାଇ କେଟ୍ଲୁ, ତେଇ ମାପ୍ପୁର କାତା ଜାନାଇବା, ପିଲିପର୍ ଗରେ
 ରଇଲୁ, ଜିରୁସାଲମେ ସେବା କର୍ବାକେ ବାଚାଇଅଇରଇବା ସାତ୍ ଲକର
 ବିତ୍ରେଅନି, ପିଲିପ୍ ଗଟେକ୍ ଲକ୍ ରଇଲା । ୯ ପିଲିପର୍ ଚାର୍ଟା ଦାଢ଼ୁଡ଼ି
 ଚକିମନ୍ ବିବା ନ ଅଇକରି ରଇଲା, ସେମନ୍ ପରମେସର୍ କଇଲା କାତା
 ଜାନାଇତେ ରଇଲା । ୧୦ ଆମେ ସେ ଜାଗାଇ ବେସି ଦିନ୍ ରଇଲା ପରେ,
 ଜିଉଦା ରାଇଜେଅନି ଆଗାବ୍ ନାଉଁର ଗଟେକ୍ ବବିସତ୍ବକ୍ତା ତେଇ ଆଇଲା
 । ୧୧ ସେ ଆମର୍ ଲଗେ ଆସି ପାଉଲର୍ ଆଟାବେଡା ନେଲା, ତେଇ ସେ
 ନିଜର୍ ଆତ୍ ଗତ୍ ବାନ୍ତି କରି କଇଲା, “ସୁକଲ୍ଆତ୍ମା ମକେ ଜାନାଇଲା
 ଆତେ ଜେ, ଏ ଆଟାବେଡାର୍ ସାଉକାର୍କେ ଜିରୁସାଲାମର୍ ଜିଉଦିମନ୍,
 ଏନ୍ତି ବାନ୍ତି ଜିଉଦିନଇଲା ଲକ୍ମନେକ ସର୍ପିଦେବାଇ ।” ୧୨ ଏଟା ସୁନି
 ଆମେ ଆରି ସେ ଜାଗାଇ ରଇଲା ବିନ୍ଲକ୍ମନ୍, ପାଉଲ୍କେ “ଜିରୁସାଲାମେ
 ନ ଜାଆ” ବଲି ବାବୁଜିଆ କଲୁ । ୧୩ ମାତର୍ ପାଉଲ୍ କଇଲା, “ତମେ
 ଏଟା କାଇଟା କଲାସ୍ନି, କାଇକେ ଏନ୍ତି କାନ୍ଦୁରୁବା ଅଇ ମର୍ ମନ୍ କିଲ୍ବିଲ୍
 କଲାସ୍ନି? ଜିରୁସାଲାମ୍ ଅବ୍କା ବାନ୍ତୁଇ ଅଇବାକେସେ ନାଇ, ମାତର୍ ମୁଇ
 ମାପ୍ପୁ ଜିସୁର୍ ପାଇ ମର୍ବାକେ ମିସା ରାଜି ଆତି ।” ୧୪ ଆମେ ତାକେ
 ବୁଜାଇ ନାପାରି, ତେଇଅନି ଚିମ୍ଭରାଇ ଅଇ କଇଲୁ “ମାପ୍ପୁ ମନ୍ କଲାଟା
 ପୁରାପୁରୁନ୍ ଅ ।” ୧୫ ତେଇ କେତେଦିନ୍ ରଇକରି, ଆମର୍ ଦିନ୍ସୁପତର୍
 ସାଜାତି ଜିରୁସାଲମେ ଜିବାକେ ବାରଇଲୁ । ୧୬ ସିସେରିଆର୍ କେତେଟା
 ସିସ୍ମନ୍, ଆରି ସାଇପରସର୍ ମନାସନ୍ ନାଉଁର ବିସ୍ବାସି ମିସା ଆମର୍ ସଙ୍ଗେ
 ଆଇଲା । ମନାସନ୍ ଗରେ ଆମେ ରଇବାକେ ଟିକ୍ ଅଇରଇଲା । ୧୭
 ଜିରୁସାଲମର୍ ବିସ୍ବାସି ବାଇମନ୍ ଆମ୍ବକେ ସାର୍ଦାସଙ୍ଗେ ଗତିଆ କଲାଇ ।
 ୧୮ ତାତ୍ ଆରକର ଦିନେ ପାଉଲ୍ ଆମର୍ ସଙ୍ଗେ ଜାକୁବ୍କେ ଦେକ୍ବାକେ ଗାଲା,
 ମଣ୍ଡିଲିର୍ ସବୁ ପାର୍ଟିମନ୍ ତେଇ ରୁଣ୍ଡି ରଇଲା । ୧୯ ପାଉଲ୍ ସେମନ୍କେ
 ଛୁଆରବେଟ୍ ଅଇ ତାକର୍ କାମେଅନି, ପରମେସର୍ ଜିଉଦିନଇଲା ଲକ୍ମନର

ବିତ୍ରେ ଜାଇଟା କରିରଇଲା ତାର ଗଟେକ୍ ଟିକିନିକିରୁ ତାଲିକା ଦେଲା ।
 ୨୦ ତାର କାତା ସୁନ୍ଦାପତେ ସେମନ୍ ସବୁ ଲକ୍ ପରମେସରରୁ ତାକ୍ପୁଟା
 କଲା । ତାରପତେ କଇଲା, “ବାଇ ପାଉଲ୍, ତମେ ଦେକ୍ଲାସ୍ତି, କେନ୍ତି,
 ଏବେ ଅଜାର୍ ଅଜାର୍ ଜିଉଦିମନ୍ ମାପୁରୁ ଜିସୁକେ ମାନ୍ଲାଇନି ଆରି ସେମନ୍
 ରିତିନିତି ମିସା ମାନ୍ଲାଇନି । ୨୧ ସେମନ୍ କବର୍ ପାଇଆଚତ୍ ଜେ, ତମେ
 ଜିଉଦିନଇଲା ଦେସେ ବାସା ଅଇରଇଲା, ଜିଉଦିମନ୍କେ ମସାର୍ ରିତିନିତି
 ଚାଡିଦେବାକେ, ସେମନ୍ ପିଲାମନ୍କେ ସୁନ୍ତ ନ କର୍ବାକେ ଆରି ଜିଉଦି
 ରିତିନିତି ନ ମାନ୍ବାକେ ସିକିଆ ଦେଲାସ୍ତି । ୨୨ ତମେ ଇତି କେଟିଆଚାସ୍
 ବଲି ସେମନ୍ ସତ୍ସେ ସୁନ୍ବାଇ । ସେନ୍ତି ଆଲେ କାଇଟା କରିଅଇସି? ୨୩
 ଆମେ ମନ୍କଲୁନି ତମେ ଗଟେକ୍ କାମ୍ କରା ବଲି । ଇତି ରଇଲା ଚାରିଲକ୍
 ଗଟେକ୍ ମାନ୍ତ କଲାଆଚତ୍ । ୨୪ ସେମନ୍ ସଞ୍ଜୁ ଜାଆ । ସୁକଲ୍
 ଅଇବା ବିଦି ମାନ୍ବାତେଇ ସେମନ୍ ସଞ୍ଜୁ ମିସା ଆରି ସେମନ୍ କର୍ତା
 ଦେ । ତାରପତେ ସେମନ୍ ନିଜର୍ ନିଜର୍ ମୁଣ୍ଟୁ କୁରାଇ ଅଅତ୍ । ଇତିଅନି
 ଜାନାପତ୍ସି ଜେ, ତମର୍ ବିସଇ ବାରଇରଇବା କାଇମିସା କବର୍ ସତ୍ ନଏଁ,
 ମାତର୍ ତମେ ମସାର୍ ରିତିନିତି ଇସାବେ ଜିବନ୍ ଜିଇଲାସ୍ତି । ୨୫ ମାତର୍
 ଜିଉଦି ନ ଅଇଲା ଲକ୍ମନ୍ ବିସ୍ବାସି ଅଇଆଚତ୍ । ସେମନ୍କେ ଗଟେକ୍ ଚିଟି
 ଲେକି ଉପ୍ଦେସ୍ ଦେଲୁଆରୁ ଜେ, ଆମର୍ କଇଲା କାତା ଇସାବେ, ସେମନ୍
 ପୁତ୍ଲାମନ୍କେ ବିରୁକଲା କାଦି ନ କାଅତ୍, ବନି ନ କାଅତ୍, ଟର୍ରି ପିଟ୍କି
 ମରାଇରଇବା ପସୁର୍ ମାଉଁସ୍ ନ କାଅତ୍ ଆରି ବିନ୍ ମାଇଜିମନ୍ ସଞ୍ଜୁ ପାପ୍
 କାମ୍ କର୍ବାଟାନେଅନି ଦୁରିକେ ରଅତ୍ ।” ୨୬ ତାର ପର୍ଦିନେ ପାଉଲ୍ ସେ
 ତାର ଲକର୍ ସଞ୍ଜୁ ସୁକଲ୍ ଅଇବା ବିଦି ମାନ୍ଲା । ତାର ପତେ ସେ ମନ୍ତିରେ
 ଜାଇ ସୁକଲ୍ ଅଇବା କାମ୍ କେବେ ସାର୍ସି, ଆରି କେତେବଲ୍ ବିରୁ କର୍ବାଟା
 ଅଇସି, ସେଟା ଜାନାଇଦେଲା । ୨୭ ଏ ସୁକଲ୍ ଅଇବା କାମର୍ ସାତ୍ ଦିନ୍
 ଗାଲା ପତେ, ଆସିଆ ରାଇଜର୍ କେତେଟା ଜିଉଦିମନ୍ ପାଉଲ୍କେ ମନ୍ତିରେ
 ଦେକ୍ଲାଇ, ସେମନ୍ ତେଇ ରୁଣ୍ଡୁଲା ଲକ୍ମନ୍କେ ଉସ୍କାଇକରି ପାଉଲ୍କେ
 ଦାରୁଲା । ୨୮ ସେମନ୍ ଆଉଲି ଅଇକରି କଇଲା, “ଏ ଇସ୍ରାଏଲ୍
 ବାଜମନ୍ ଆମ୍କେ ସାଇଜ କରା! ଏ ଲକ୍ ଚାରିବାଟେ ଜାଇକରି ଇସ୍ରାଏଲ୍
 ମନ୍ ବରଦେ, ମସାର୍ ନିୟ୍ମ୍ ଆରି ଏ ମନ୍ତିର୍ ବିରଦେ, ସିକିଆ ଦେଲାନି
 । ଏବେ କେତେଟା ଗିରିକ୍ ଲକ୍ମନ୍କେ ମନ୍ତିର୍ ବିତ୍ରେ ଆନି, ଏ ସୁକଲ୍

ଜାଗା ଅସୁକଲ୍ କଲା ଆଡେ ।” ୨୯ ସେମନ୍ ଗଡ଼ ବିତ୍ରେ ଏପିସସର୍
 ତରୁପିମ୍ବେ ପାଉଲ୍ ସଞ୍ଜ ଦେକି ରଇଲାର୍ ପାଇ ବାବ୍ଲାଇ ଜେ, ପାଉଲ୍
 ତାକେ ମନୁରେ ନେଲା ଆଡେ ବଲି । ୩୦ ଗଡ଼ ଗୁଲାଇ ବାଟେ ରିସାର୍
 କିଲ୍ବିଲ୍ ତାବିଅଇଗାଲା । ଲକ୍ମନ୍ ପାଉଲ୍କେ ମନୁର୍ ବାଇରେ ଅର୍ଗତି
 ଆନୁଲା, ଆରି ମନୁରର୍ କାପାଟ୍ମନ୍ ତାବିଦେଲା । ୩୧ ରିସାଅଇଲା
 ଲକ୍ମନ୍ ପାଉଲ୍କେ ମରାଇବାକେ ଚେସ୍ଟା କଲା, ମାତର୍ ସମାନ୍ ସେ
 ବେଲା “ଜିରୁସାଲାମେ ଗଣ୍ଡୁଗାଲ୍ ଚାଲୁଲା ଆଡେ ।” ବଲି ରମିୟ୍ ସନିଅମନର୍
 କବର୍ ସୁନୁଲା । ୩୨ ସେ କେତେଟା ସେନାପତି କେତେଟା ସନିଅମନ୍କେ
 ଦାରି ଦାପ୍ରେ, ଗଟ୍ମା ଗଟ୍ମା ଜାଗାଇ ଆସି କେଟ୍ମା । ଲକ୍ମନ୍ ସନିଅ
 ଆରି ସେନାପତିକେ ଦେକିକରି ପାଉଲ୍କେ ମାର୍ବାଟା ଚାଡ଼ିଦେଲା । ୩୩
 ସେନାପତି ପାଉଲ୍କେ ବନୁକରି, ତାକେ ଦୁଇଟା ସିକ୍ଲିଡେଇ ବାନ୍ଧୁବାକେ
 ଆଦେସ୍ ଦେଲା, ତାର୍ ପଡେ ସେ ପାଚାରୁଲା, “ଏ ଲକ୍ କେ? ଆରି ସେ
 କାଇଟା କଲା ଆଡେ?” ୩୪ ଲକ୍ମନର୍ ମାନ୍ୟୁଅନି କେ କେତେ ରକାମ୍ କାତା
 କଇ ଆଉଲିଅଇଲା । ଏନ୍ତି କିରମାର୍ ଅଇଲା ଜେ, ସନିଅମନର୍ ମୁକିଆ,
 ସତ୍ସେ, ଏ ଗଟ୍ମା କାଇକେ ଅଇଲା ବଲି ବୁଜିନାପାରୁଲା । ସେଟାର୍ପାଇ
 ସେ ପାଉଲ୍କେ ଗଡ଼ବିତ୍ରେ ଦାରିଜିବାକେ ସନିଅମନ୍କେ ଆଦେସ୍ ଦେଲା
 । ୩୫ ସନିଅମନ୍ ପାଉଲ୍କେ ଦାରି ଚଗ୍ବା ପାଉରେ କେଟ୍ମା ଦାପ୍ରେ,
 ତାର୍ ଚାରିବେଡ଼ି ରଇଲା ଲକ୍ମନ୍ ବେସି ଆଉଲି ଅଇଲାକେ ସନିଅମନ୍
 ତାକେ ବଇ ଦାରିଗାଲା । ୩୬ ବଇନେବା ବେଲେ ଲକ୍ମନ୍ ପର୍ପର୍ ଆସି
 ତାକେ ମରାଆ ବଲି ଆଉଲି ଅଇତେରଇଲା । ୩୭ ପାଉଲ୍କେ ସନିଅମନ୍
 ଗଡ଼ବିତ୍ରେ ନେବାବେଲେ ସେ ସନିଅମନର୍ ମୁକିଆକେ କଇଲା, “ମୁଇ
 ତମର୍ ସଞ୍ଜ କାତା ଅଇପାର୍ବି କି?” ସନିଅମନର୍ ମୁକିଆ କଇଲା, “ତୁଇତା
 ଗିରିକ୍ କଇଲୁସ୍ନି । ୩୮ ସେନ୍ତି ଆଲେ କେତେ ଦିନ୍ ଆଗେ ମିସରର୍ ଜନ୍ ଲକ୍
 ଚାରି ଅଜାର୍ କାଞ୍ଜୁର୍ମନର୍ ସଞ୍ଜ କେଟିରଇଲା, ତମେ ସେ ଲକ୍ ନୁଆଁସ୍!”
 ୩୯ ପାଉଲ୍ କଇଲା, “ମୁଇ ସିଲିସିଆର୍ ତାର୍ସିସେ ଜନମ୍ କରିରଇବା ଗଟେକ୍
 ଜିଉଦି, ଗଟେକ୍ ମୁକିଅ ଗଡ଼ର୍ ଲକ୍ । ଏ ଲକ୍ମନ୍କେ ବୁଜାଇ କଇବାକେ
 ଦୟାକରି ମକେ ଅଲପ୍ ଆଦେସ୍ ଦିଆ ।” ୪୦ ସେନାପତି ତାକେ ଆଦେସ୍
 ଦେଲାକେ ପାଉଲ୍ ପାଉର୍ ଉପ୍ରେ ଚିଆଅଇ, ଲକ୍ମନ୍କେ ଚିମ୍ବରା ଅଇବାକେ

ଆତ୍ ସାଗିଆ କଲା । ସେମନ୍ ତମ୍ଭରା ଅଇଲାକେ, ପାଉଲ୍ ଇବ୍ଠୁ ବାସାଇ କଇଲା ।

୨୨ “ମର୍ ସଞ୍ଜୁରି ଜିଉଦି ବାଇ ଆରି ବାବାମନ୍, ମର୍ ନିଜର୍ବାଟେଅନି ମୁଇ ଜାଇଟା କଇଲିନି ସେଟା ସୁନା!” ୨ ସେମନ୍ ସଞ୍ଜୁ ସେ ଇବ୍ଠୁ ବାସାଇ କାତା କଇବାଟା ସୁନି, ଲକ୍ ମାନ୍ତା ରୁପ୍ତାପ୍ ଅଇଲାକ ଆରି ପାଉଲ୍ କଇବାକେ ଦାରଲା, ୩ “ମୁଇ ଗଟେକ୍ ଜିଉଦି ଲକ୍, ସିଲିସିଆର୍ ତାର୍ସିସେ ମର୍ ଜନମ୍, ମାତର୍ ମୁଇ ଜିରୁସାଲାମେ କାଇପିଇ ବଡ୍ ଅଇରଇଲି ଆରି ଗମଲିଏଲର୍ ସିସ୍ ରଇଲି । ଆମର୍ ଆନିଦାଦିମନ୍ ରିତିନିତି, ମୁଇ ଟିକ୍ ଇସାବେ ସିକିରଇଲି ଆରି ତମର୍ ପାରା ପର୍ମେସର୍କେ ମାନିକରି ଜିଇତେରଇଲି । ୪ ମାପ୍ଠୁର୍ ବାଟେ ଜିବା ଲକ୍ମନ୍କେ ମାର୍ଦାର୍ କରି ସେମନ୍କେ ମରାଇଦେଇତେ ରଇଲି । ମାଇଜିଟକି ମୁନୁସ୍ପିଲା ସବୁକେ ବାନ୍ତିକରି ବନ୍ତି ଗରେ ପୁରାଇ ଦେଇତେ ରଇଲି । ୫ ମର୍ ଏ କାତା ପୁରା ସତ୍ । ବଡ୍ ପୁଜାରି ଆରି ବଡ୍ ସବାର୍ ସବୁ ପାର୍ତିମନ୍ ସାକି ଆଚଡ୍ । ଲକ୍ମନ୍କେ ବନ୍ତି କରି ସିକ୍ଲି ସଞ୍ଜୁ ବାନ୍ତି ଜିରୁସାଲାମ୍ ଦାରିଆଇବାକେ, ମୁଇ ବଡ୍ ପୁଜାରିର୍ ଟାନେଅନି ଆଦେସ୍ ପତର୍ ପାଇ, ଦାମାସ୍କସେ ରଇବା ଜିଉଦି ବାଇମନ୍ ଲଗେ ଗାଲି ।” ୬ “ମୁଇ ଜେଡେବେଲା ବାରଇ ଜିରୁସାଲାମେ ଜିବାବେଲେ ଦାମାସ୍କସ୍ ଲଗାଲଗି ଅଇଲି, ପାକାପାକି ମୁଣ୍ଡବେଲାକ, ଆକାସେଅନି ଗଟେକ୍ ଉଜଲ୍ ମର୍ ଚାରିବେଡ୍ଡି ଉଜଲ୍ ଅଇଗାଲା ।” ୭ ମୁଇ ବୁଏଁ ଉମ୍ତାଡିଅଇ ଅଦ୍ରିଗାଲି ଆରି ମର୍ପାଇ ଏ କାତା ସୁନ୍ଲି, ସାଉଲ୍, ସାଉଲ୍! ମକେ ତୁଇ କାଇକେ କସ୍ଟ ଦେଲୁସ୍ନି? ୮ ମୁଇ ପାଚାର୍ଲି, “ମାପ୍ଠୁ, ତମେ କେ? ସେ ମକେ କଇଲା, ‘ତମେ ଜାକେ କସ୍ଟ ଦେଲାସ୍ନି’ ମୁଇ ସେ ନାଜରିତର୍ ଜିସୁ ।” ୯ ମର୍ସଞ୍ଜୁ ରଇଲା ଲକ୍ ସେ ଉଜଲ୍ ଦେକ୍ଲାକ, ମାତର୍ ମର୍ ସଞ୍ଜୁ କାତା ଅଇବା ଲକର୍ ସର୍ ସୁନି ନାପାର୍ଲାକ । ୧୦ ମୁଇ ପାଚାର୍ଲି, “ମାପ୍ଠୁ, ମୁଇ କାଇଟା କର୍ବି?” ମାପ୍ଠୁ ମକେ କଇଲା, “ଉଟ୍, ଆରି ଦାମାସ୍କସେ ଜାଆ, ପରମେସର୍ ତର୍ ପାଇ ଜନ୍ କାମ୍ ଟିକ୍ କଲା ଆଚେ, ସେଟା ତମ୍ଭକେ ତେଇ ଜାନାଇ ଦିଆଅଇସି ।” ୧୧ ସେ ଉଜଲ୍ ଏଡେକ୍ ଉଜଲ୍ ରଇଲା ଜେ, ସେ ଉଜଲ୍ ବପୁ ସଞ୍ଜୁ, ମୁଇ କାଶା ଅଇଜାଇରଇଲି । ସେଟାର୍ପାଇ ମର୍ ସଞ୍ଜୁ, ଜିବା ଲକ୍ମନ୍, ମର୍ ଆଚେ ଦାରି, ମକେ ଦାମାସ୍କସେ ଡାକିନେଲାକ । ୧୨ ଦାମାସ୍କସେ ଅନନିଅ ନାଉର୍ ଗଟେକ୍ ଦରମ୍ ଲକ୍ ରଇଲା ।

ସେ ଆମରୁ ରିତିନିତି ନାମି କରି ରଇଲା, ତେଇ ରଇବା ଜିଉଦିମନ୍ ସବୁ
 ତାକେ ବେସି ନାମ୍ତେ ରଇଲା । ୧୩ ସେ ମରୁଲଗେ ଆସି ଚିଆଅଇ
 କଇଲା, “ବାଇ ସାଉଲ୍, ତୁଇ ଆଁକି ଆରି ତରେକ୍ ଦେକ୍ ।” ଟିକ୍ ସେ
 ଦାପ୍ରେ, ମୁଇ ଆରି ତରେକ୍ ଦେକ୍ବା ବପୁ ପାଇଲି । ୧୪ ସେ କଇଲା,
 “ଆମରୁ ଆନିଦାଦିର୍ ମାପୁରୁ ସେ ମନ୍କରୁବାଟା ଜାନ୍ବାକେ, ତାର୍ ଦରମରୁ
 ଦାଢ଼ୁତାକେ ଦେକ୍ବାକେ ଆରି ତାର୍ କାତା ସୁନ୍ବାକେ, ତକେ ବାଚ୍ଲା
 ଆତେ । ୧୫ ତୁଇ କାଇଟା ଦେକିଆରୁସ୍ ଆରି ସୁନି ଆରୁସ୍, ସେଟା ସବୁ
 ଲକର୍ ଲଗେ ଦେକାଇବାକେ ଆରି ସୁନାଇବାକେ ତାକର୍ ସାକି ଅଇସୁ ।
 ୧୬ ଆରି କାଇକେ ଅଲ୍ସମ୍ କଲୁସ୍ନି? ଉର୍, ତୁବନ୍ ନେ, ଆରି ତାକେ
 ପାର୍ତନା କରି ତର୍ ସବୁ ପାପେଅନି ପରିଚଲ୍ ଅ ।” ୧୭ “ମୁଇ ଜିରୁସାଲମେ
 ବାଉଡି ଜାଇ, ତେଇର୍ ମନ୍ଦିରେ ପାର୍ତନା କରୁବାବେଲେ, ମକେ ମାପୁରୁ
 ଦରସନ୍ ମିଲ୍ଲା । ୧୮ ମାପୁରୁ ମକେ ନିଜେ ଦେକାଇଅଇ କଇଲା, ଦାପ୍ରେ
 ଜିରୁସାଲମ୍ ଚାଡି ଉଡି ଜା, କାଇକେ ବଇଲେ ଇଡିର୍ ଲକ୍ମନ୍ ମର୍ ବିସଇ,
 ତୁଇ ସାକିଦେବାଟା ନ ନାମତ୍ ।” ୧୯ ମୁଇ କଇଲି “ମାପୁରୁ, ମୁଇ ପାର୍ତନା
 ଗର୍ମନକେ ଜାଇ, ତମ୍କେ ବିସ୍ବାସ୍ କରୁବା ଲକ୍ମନକେ, କେନ୍ତୁରି ବନ୍ଦି
 କରି ରଇଲି ଆରି ମାତ୍ ମାରି ରଇଲି, ଏଟା ସେମନ୍ ନିକ ସଢ଼ୁ ଜାନତ୍ । ୨୦
 ଆରି ଜେତେବେଲ୍ ତମର୍ ସାକି ଦେଇ ରଇବା ତିପାନ୍କେ ମରାଇଦେଲାଇ,
 ମୁଇ ନିଜେ ତେଇ ରଇଲି, ତାକେ ମାରି ମରାଇଦେବାକେ ରାଜିଅଇରଇଲି
 । ମାରୁମନର୍ ବେଟ୍ଲା ବସ୍ତର୍ ଜାଗି ରଇଲି ।” ୨୧ ମାପୁରୁ ମକେ
 କଇଲା, “ଜାଆ ମୁଇ ତକେ ବେସି ଦୁରିକେ ଜିଉଦି ନଇଲା ଲକ୍ମନର୍ ଲଗେ
 ପାଟାଇବି ।” ୨୨ ପାଉଲ୍ ଏ କାତା କଇବାଜାକ ଲକ୍ମନ୍ ମନ୍ଦିଆନ୍ ଦେଇ
 ସୁନ୍ତେ ରଇଲାଇ, ମାତର୍ ତାର୍ ପତେ ସେମନ୍ ଆଉଲିଅଇକରି କଇଲାଇ,
 “ତାକେ ଜଗତେଅନି ବାର୍କରାଇ ଦିଆସ୍! ମରାଇ ଦିଆସ୍, ସେନ୍ତୁ! ଲକ୍
 ଜିଇବାକେ ଲଡା ନାଇ!” ୨୩ ସେମନ୍ ଆଉଲି ଅଇକରି ବସ୍ତର୍ ଉପ୍ରେ
 ଉତାଇତେରଇଲାଇ ଆରି ଦୁଲି ମିସା ଉପ୍ରେ ଉତାଇତେ ରଇଲାଇ ।
 ୨୪ ରମିୟ୍ ସନିଅମନର୍ ମୁକିଆ ପାଉଲ୍କେ ଗତ୍ ବିତ୍ରେ ଦାରିଜିବାକେ
 ସନିଅମନକେ ତିଆର୍ଲା ଆରି ଜିଉଦିମନ୍ କାଇକେ ତାର୍ ବିରୁଦେ ଆଉଲି
 ଅଇଲାଇନି, ସେଟା ଜାନ୍ବାକେ ପାଉଲ୍କେ କର୍ତା ସଢ଼ୁ ମାର୍ବାକେ ଆଦେସ୍
 ଦେଲା । ୨୫ ମାତର୍ ସେମନ୍ ତାକେ କର୍ତା ମାର୍ବାକେ ବାନ୍ଦିରଇଲା

ବେଳେ, ପାଉଁଳ ତେଜ ରଇବା ଗଟେକ୍ ଅଦିକାରିକେ କଇଲା, “କାଇ ଦସ୍
 ନ ରଇକରି ଏବେ ଜାକ ବିଚାର୍ନା ନ ଅଇରଇବା ଗଟେକ୍ ରମିଅ ଲକ୍‌କେ
 କରୁତା ସଢ୍ଘ୍ ମାର୍‌ବାଟା, ଏଟା ତୁଇ ନିୟ୍‌ମ୍ ମାନୁଲୁସ୍‌ନି କି?” ୨୭ ଏ କାତା
 ସୁନିକରି ସନିଅ ଗାଲା ଆରି ସନିଅମନର୍ ମୁକିଅକେ କଇଲା, “ତୁଇ କାଇଟା
 କଲୁସ୍‌ନି? ଏ ଗଟେକ୍ ରମିଅ ଲକ୍‌!” ୨୭ ସନିଅମନର୍ ମୁକିଅ ପାଉଁଳର୍
 ଲଗେ ଜାଇ ପାଚାର୍‌ଲା, “ସତଇସେ ତମେ କାଇ, ରମିଅ ଲକ୍‌ କି?” ପାଉଁଳ
 ଉତର୍ ଦେଲା “ଉଁ ।” ୨୮ ସେନାପତି କଇଲା, “ମୁଇ ରମିଅ ସର୍କାର୍‌କେ
 ତାରୁ ଦେଇକରି ଗଟେକ୍ ରମିଅ ଲକ୍‌ ଅଇଲି ଆତି ।” ପାଉଁଳ କଇଲା “ମାତର୍
 ମୁଇ ଜନମ୍ କଲାବେଲେଅନି ରମିଅ ଲକ୍‌ ।” ୨୯ ଏଟା ସୁନିକରି ଜନ୍‌ଲକ୍‌ମନ୍
 ପାଉଁଳକେ ପାଚାର୍‌ବାର୍ ଜାଇରଇଲା, ସେମନ୍ ପର୍‌କେ ଗୁର୍‌ଲା । ପାଉଁଳ
 ଗଟେକ୍ ରମିୟ୍ ଲକ୍‌ ବଲି ଜାନ୍‌ଲାକେ, ସେମନର୍ ନେତା ମିସା ଡର୍‌ଲା ।
 କାଇକେବଇଲେ ପାଉଁଳକେ ସିକ୍‌ଲି ସଢ୍ଘ୍ ବାନ୍‌ବାକେ ସେ ସେ ତିଆରିରଇଲା
 । ୩୦ ଜିଉଦିମନ୍ ପାଉଁଳକେ କାଇବଲି ନିନ୍‌ କର୍‌ତେରଇଲା, ସେଟା
 ଜାନ୍‌ବାକେ ସନିଅମନର୍ ମୁକିଅ ମନ୍ କର୍‌ତେରଇଲା । ତେବର୍‌ପାଇ ତାର୍
 ଆର୍କର୍ ଦିନେ ସରୁ ପୁଜାରିମନ୍‌କେ ଆରି ବଡ୍ ସବାର୍ ମେମର୍‌ମନ୍‌କେ
 ରୁଣ୍ଡାଇବାକେ ତିଆର୍‌ଲା । ତାର୍ ପତେ ସେ ପାଉଁଳକେ ବାନ୍‌ଲା ସିକ୍‌ଲି
 କୁସ୍‌ଲା, ଦାରିକରି ଆନ୍‌ଲା ଆରି ବଡ୍ ସବାଇ ତାକର୍ ମୁଆଟେ ଚିଆ
 କରାଇଲା ।

୨୩ ପାଉଁଳ ବଡ୍‌ସବାର୍ ଲକ୍‌ମନ୍‌କେ ସିଦା ଦେକି କଇଲା, “ଏ ଇସ୍ରାଏଲର୍
 ବାଇମନ୍! ଆଜିକେ ଜାକ ମୁଇ ପରମେସର୍‌ର୍ ମୁଆଟେ କେନ୍ତାର୍ ଜିବନ୍
 ବିତାଇ ଆତି, ସେ ବିସଇଟାନେ ମନ୍ ପୁରାପୁରୁନ୍ ନିର୍‌ମଲ୍ ଆତେ ।” ୨ ଏ
 କାତା ସୁନିକରି ଅନିଅ ନାଉଁର୍ ବଡ୍ ପୁଜାରି ପାଉଁଳର୍ ଲଗେ ଚିଆଅଇରଇବା
 ଲକ୍‌ମନ୍‌କେ, ତାର୍ ଗାଲେ ଚାପଡ୍ ମାରା ବଲି ତିଆର୍‌ଲା । ୩ ପାଉଁଳ
 ତାକେ କଇଲା, “ଏ ତୁନ୍ ମାରିଅଇଲା ଦବ୍‌ଲା ଉଆଁରି କତି, ପର୍‌ମେସର୍
 ତକେ ଡଣ୍ଡ ଦେଇସି ଆକା । ନିୟ୍‌ମ୍ ଇସାବେ ମର୍ ବିଚାର୍ କର୍‌ବାକେ,
 ତୁଇ ତେଇ ବସିଆରୁସ୍ । ଏଲେ ମିସା, ନିୟ୍‌ମ୍ ବାଢ୍ଝିକରି ମକେ ମାର୍‌ବାକେ
 ତିଆର୍‌ଲୁସ୍‌ନି!” ୪ ଲଗେ ରଇବା ଲକ୍‌ମନ୍ ପାଉଁଳକେ କଇଲା, “ପର୍‌ମେସର୍
 ବାତିରଇବା ବଡ୍ ପୁଜାରିକେ ତୁଇ ନିନ୍‌ କଲୁସ୍‌ନି!” ୫ ପାଉଁଳ କଇଲା,
 “ଏ ଇସ୍ରାଏଲର୍ ବାଇମନ୍, ସେ ବଡ୍ ପୁଜାରି ବଲି ମୁଇ ନାଜାନିରଇଲି ।

ସାସ୍ତରେ ଲେକାଆତେ, ତମେ ନିଜର୍ ଜାତିର୍ ସାସନ୍‌କାରିଆକେ କରାପ୍
 କାତା କଇବାର୍‌ନାଇ ।” ୭ ବଡ଼ ସବାର୍ ମେମର୍‌ମନର୍ ବିତ୍‌ରେ କେତେଟା
 ପାରୁସି ଆରି କେତେଟା ସାଦୁକିମନ୍ ରଇଲାଟା ଦେକି ପାଉଲ୍ ବଡ଼ ସବାର୍
 ଲକ୍‌ମନ୍‌କେ ଦେକାଇ ଆଉଲି ଅଇକରି କଇଲା, “ଏ ଇସ୍ରାଏଲର୍ ବାଇମନ୍,
 ମୁଇ ଗଟେକ୍ ପାରୁସି ଲକ୍, ମର୍ ଆୟା ବାବା ମିସା ପାରୁସି । ମଲା ଲକ୍‌ମନ୍
 ଆରିତରେକ୍ ଉଟ୍‌ବାଟା ମର୍ ଆସା ଆତେ ବଲି, ଇତି ମର୍ ବିତାର୍‌ନା ଅଇଲାନି
 ।” ୭ ପାଉଲ୍ ଏ କାତା କଇଲା ଦାପ୍‌ରେ, ପାରୁସି ଆରି ସାଦୁକିମନର୍ ବିତ୍‌ରେ
 ଲାଗାଜତା ଅଇଗାଲାଇ ଆରି ସେମନ୍ ବେଗ୍‌ଲି ଗାଲାଇ । ୮ କାଇକେବଇଲେ
 ସାଦୁକିମନର୍ ବିସ୍‌ବାସ୍ ଇସାବେ ମଲା ଲକ୍‌ମନ୍ ନ ଉଟ୍ । ସରଗର୍ ଦୁଡ଼ କି
 ଆତ୍‌ମା ମିସା ନାଇ ବଲି, ବିସ୍‌ବାସ୍ କର୍‌ବାଇ, ମାତର୍ ପାରୁସିମନ୍ ଏ ତିନ୍‌ଟା
 ଜାକ ବିସ୍‌ବାସ୍ କର୍‌ତେରଇଲାଇ । ୯ ସେମନର୍ କିରଜାତି ଅଇବାଟା ଅଦିକ୍
 ଅଦିକ୍ ଅଇଆଇଲା । ପାରୁସି ଦଲର୍ କେତେଟା ଦରମ୍ ଗୁରୁ ଉଟିକରି ତାଟ୍
 ସଞ୍ଜୁ କଇଲାଇ, “ଆମେ ଏ ଲକର୍ ଟାନେଅନି କାଇ ଦସ୍ ମିସା ମିଲାଉ ନାଇ ।
 କେଜାନେ ଆକେ ଗଟେକ୍ ସରଗର୍ ଦୁଡ଼ କି ଆତ୍‌ମା କାତା କଇରଇସି ।”
 ୧୦ ତାକର୍ ଦଦାପେଲା ଅଦିକ୍ ଅଦିକ୍ ଅଇଗାଲାକେ ଲକ୍‌ମନ୍ ପାଉଲ୍‌କେ
 ଗନ୍ତାଗନ୍ତା କରି ତିରି ପାକାଇବାଇ ବଲି ସନିଅମନର୍ ମୁକିଅ ଡର୍‌ଲା । ତେବେ
 ସେ ଗଣ୍ଡୁଗଲ୍ ଅଇବା ଲକ୍‌ମନର୍ ବିତ୍‌ରେଅନି ପାଉଲ୍‌କେ ରକିଆ କରି ଗଡ଼
 ବିତ୍‌ରେ ଦାରି ଜିବାକେ ସନିଅମନ୍‌କେ ତିଆର୍‌ଲା । ୧୧ ସେ ରାତି ମାପ୍‌ରୁ
 ପାଉଲ୍‌ର୍ ଲଗେ ଚିଆଅଇ କଇଲା, “ଡର୍ ନାଇ! ମର୍ ପାଇ ଇତି ଜିରୁସାଲାମେ
 ତୁଇ ସାକି ଦେଇ ଆରୁସ୍ । ରମ୍ ଦେସେ ମିସା ତୁଇ ସେନ୍‌ତାରି କର୍‌ବାର୍
 ଆତେ ।” ୧୨ ଆରକର୍ ଦିନର୍ ସାକାଲେ କେତେଟା ଜିଉଦିମନ୍ ଗଟେକ୍‌ଟାନେ
 ରୁଣ୍ଡି ଜନ୍‌ନା କଲାଇ । ପାଉଲ୍‌କେ ନ ମରାଇବା ଜାକ ସେମନ୍ ଅରନ୍‌ପାନି ନ
 ତିଉ ବଲି ସପଡ଼ କଲାଇ । ୧୩ ଚାଲିସ୍‌ତେଇଅନି ଅଦିକ୍ ଲକ୍ ଏ ଜନ୍‌ନା
 କଲାଇ । ୧୪ ସେମନ୍ ଜାଇକରି ମୁକିଅ ପୁଜାରିମନ୍‌କେ ଆରି ପାର୍‌ତିମନ୍
 କେ କଇଲାଇ, “ପାଉଲ୍‌କେ ନ ମରାଇବା ଜାକ ଅରନ୍‌ପାନି ନ ତିଉ ବଲି
 ଆମେ ସପଡ଼ କରିଆରୁ । ୧୫ ତମେ ଆରି ବଡ଼ସବାର୍ ଲକ୍‌ମନ୍ ରମିୟ ନେତା
 ପାଉଲ୍‌କେ ଇତି ଆରିତରେକ୍ ଆନା ବଲି କବର୍ ପାଟାଆ । ତାର୍ ବିସଇର୍
 ଚିକିନିକି ଜାନ୍‌ବାର୍ ଆତେ ବଲି ମିକ୍ କଇକରି ଆନାଆ । ସେ ବଡ଼ ସବାଇ
 ଆଇବା ବେଲେ ତାକେ ବାଟେ ଜାଗି ମାରି ମରାଇଦେବୁ ।” ୧୬ ପାଉଲ୍‌ର୍

ବାନ୍ଧା ଏମନର୍ କୁଟ୍ କାତା ସୁନିକରି ଗଡ଼ ବିତ୍ରେ ଗାଲା ଆରି ସବୁ କାତା
 ପାଉଲ୍‌କେ କଇଦେଲା । ୧୭ ପାଉଲ୍ ଗଟେକ୍ ରମିୟୁ ଅଦିକାରିକେ ଡାକାଇ
 କରି କଇଲା, “ଏ ଦାଢ଼ୁଡାକେ ସନିଅମନର୍ ମୁକିଅ ଲଗେ ଦାରି ଜାଅର୍ ।
 ସେ ତାକେ କାଇଟାକି କଇବାର୍ ଆଚେ ।” ୧୮ ସନିଅ ତାକେ ମୁକିଆର୍
 ଲଗେ ନେଇ କଇଲା, “ବନ୍ଧି ରଇବା ପାଉଲ୍ ମକେ ତାକି ଏ ଦାଢ଼ୁଡାକେ
 ତମର୍ ଲଗେ ଆନ୍‌ବାକେ କଇଲା । ତମ୍‌କେ ପନି ସେ କାଇଟା କଇବାର୍
 ଆଚେ ।” ୧୯ ସନିଅମନର୍ ମୁକିଅ ତାର୍ ଆର୍ ଦାରିକରି ଗଟେକ୍ ପାଲିକେ
 ଡାକିନେଲା ଆରି ପାଚାର୍‌ଲା, “କାଇଟା କଇବାର୍ ଆଚେ କଅ!” ୨୦ ଦାଢ଼ୁଡା
 କଇଲା, “ପାଉଲ୍ ଟିକିନିକି ବିସଇ ଜାନ୍‌ବାର୍ ଆଚେ ବଲି ନାଡାଇକରି
 ତାକେ ଜିଉଦିମନ୍ ବଡ଼ ସବାଇ ନେବାକେ, ତମ୍‌କେ ଗୁଆରି କର୍‌ବାଇ । ୨୧
 ମାତର୍ ତମେ ତାକର୍ କାତା ସୁନା ନାଇ । କାଇକେ ବଇଲେ ଚାଲିସ୍‌ତେଇଅନି
 ଅଦିକ୍ ଲକ୍ ଲୁଟିକରି ପାଉଲ୍‌କେ ମରାଇବାକେ ଜାଗିଆଚର୍ । ‘ତାକେ ନ
 ମରାଇବା ଜାକ ଅରନ୍‌ପାନି ନ କାଉଁ’ ବଲି ସପର୍ କଲାଇ ଆଚର୍ । ଏବେ
 ସେମନ୍ ତମର୍ ଆଦେସ୍ ଦେବାଟାକେ ଜାଗିକରି ଆଚର୍ ।” ୨୨ ସନିଅମନର୍
 ମୁକିଅ କଇଲା, “ତୁଇ ମକେ ଏ କାତା ଜାନାଇ ଆତି ବଲି କାକେ କଅ ନାଇ
 ।” ଏନ୍‌ତାରି କଇକରି ଦାଢ଼ୁଡାକେ ପାଟାଇ ଦେଲା । ୨୩ ସନିଅମନର୍ ମୁକିଅ
 ତାର୍ ତଲେ ରଇଲା ଦୁଇଟା ସନିଅକେ ଡାକାଇ କଇଲା, “ଆଜି ରାତି ନଅଟା
 ବିତ୍ରେ ସିସେରିଆ ଜିବାକେ ଦୁଇସ ସନିଅକେ ତିଆର୍, ଆରି ସତୁରିଟା
 ଗତାଇ ଚଗୁମନ୍ ଆରି ଦୁଇ ସଅ ବର୍ତି ଦାରୁମନ୍‌କେ ଟିକ୍ କର୍ । ୨୪ ପାଉଲ୍
 ଜିବା ପାଇ କେତେଟା ଗଡ଼ା ଦିଆସ୍ ଆରି ନିକ ସଢ଼େ ତାକେ ସାସନ୍‌କାରିଆ
 ପେଲିକ୍‌ସ୍ ଲଗେ ଦାରି ଜାଆ ।” ୨୫ ସନିଅମନର୍ ମୁକିଅ ପେଲିକ୍‌ସ୍‌କ
 ଏନ୍‌ତି ଗଟେକ୍ ଟିଟି ଲେକ୍‌ଲା, ୨୬ “ଏ ଟିଟି ମୁଇ କାଲାଡିଆକେ ଲିସିଆର୍
 ସବୁର୍‌ଟାନେଅନି ଡାକ୍‌ପୁଟା ରଇବା ସନ୍‌ମାନର୍ ସାସନ୍‌କାରିଆ ପେଲିକ୍‌ସ୍‌କ
 ଲେକ୍‌ଲିନି, ଜୁଆର୍ । ୨୭ ଆଗିଆ, ଜିଉଦିମନ୍ ଏ ଲକ୍‌କେ ଦାରି ତାକେ ମର୍ତ୍ତେ
 ମାରିଦେବାକେ ଚେସ୍‌ଟା କର୍ତ୍ତେ ରଇଲାଇ । ସେ ଗଟେକ୍ ରମିୟୁ ଲକ୍ ବଲି
 ଜାନ୍‌ଲା ପଚେ, ମୁଇ ତାକେ ମର୍ ସନିଅମନ୍ ସଢ଼େ ତାକେ ରକିଆ କଲି । ୨୮
 ସେମନର୍ ବିରଦେ ସେ କାଇ ଦସ୍ କଲା ଆଚେ, ସେଟା ଜାନ୍‌ବାକେ ତାକେ
 ମୁଇ ସେମନର୍ ବଡ଼ସବାଇ ଦାରିଗାଲି । ୨୯ ମାତର୍ ସେ ମରନର୍ କି ବନ୍ଧି
 ଡଣ୍ଡୁ ପାଇବା ପାରା କାଇମିସା ବୁଲ୍ କାମ୍ କରେ ନାଇ ବଲି ମୁଇ ଜାନିପାର୍‌ଲି

। ତାର ବିରଦେ ଅଇଲା ଦାବା ସବୁ, ତାକର ନିଜର ଦରମ୍ ବିସଇ । ୩୦ ଆରି
 ତାର ବିରଦେ ଗଟେକ୍ କୁଟ୍ ଜଜ୍ନା ଅଇଲାନି ବଲି କବର ସୁନି, ବେଗି ବେଗି
 ତମର ଲଗେ ପାଟାଇ ଦେବାକେ ଟିକ୍ କଲି, ତାର ବିରଦେ ରଇଲା ଦାବା,
 ତର ମୁଆଟେ ଜାନାଇବାକେ ତାର ଦାବାଦାରିମନ୍‌କେ ମୁଇ କଇଲିଆତି ।”
 ୩୧ ସନିଅମନ୍ ସେ ଆଦେସ୍ ଇସାବେ ପାଉଲ୍‌କେ ସେ ରାତି ଆନ୍‌ତିପଟ୍‌ରିସେ
 କେଟାଇଦେଲା । ୩୨ ତାର ଆର୍କର ଦିନେ ଇଣ୍ଟିଜିବା ସନିଅମନ୍ ଗଡେ
 ବାଉଡିଗାଲାଇ ଆରି ଗଡାଇ ଜାଉ ସନିଅମନ୍‌କେ ଜିବାକେ କଇଲା । ୩୩
 ସନିଅମନ୍ ପାଉଲ୍‌କେ ଦାରି ସିସେରିଆଇ କେଟ୍‌ଲା । ତେଇ ସନିଅମନ୍‌ର
 ମୁକିଅର୍ ଚିଟି ସଢ୍ଘେ ପାଉଲ୍‌କେ ସାସନ୍‌କାରିଆର୍ ଆଡେ ଜିମାଦେଇଦେଲା ।
 ୩୪ ସାସନ୍‌କାରିଆ ଚିଟି ପଡି ପାଉଲ୍‌କେ କନ୍ ରାଇଜେଅନି ଆସିଆରୁସ୍?
 ବଲି ପାଟାରୁଲା । ପାଉଲ୍ ସିଲିସିଆଇଅନି, ବଲି ଜାନ୍‌ଲା । ୩୫ ସେ କଇଲା,
 “ତମର ଦାବାଦାରିମନ୍ ଆସି କେଟ୍‌ଲା ପଡେ, ମୁଇ ତର କାତା ସୁନ୍‌ବି ।”
 ତାର ପଡେ ପାଉଲ୍‌କେ ଏରଦ୍ ରାଜାର ନଅରେ ବନ୍ଦି କରି ସଢ୍ଘୁଇବାକେ
 ଆଦେସ୍ ଦେଲା ।

୨୪ ପାଁର୍ଦିନ୍ ପଡେ ବଡ୍ ପୁଜାରି ଅନନ୍‌ୟ କେଡେଟା ପାର୍‌ତିନ୍ ଆରି
 ତରତୁଲସ୍ ନାଉର୍ ଗଟେକ୍ ଅକିଲ୍ ସଢ୍ଘୁ ସିସେରିଆଇ ଗାଲାଇ । ସେମନ୍
 ପେଲିକ୍‌ସର୍ ମୁଆଟେ ଚିଆଅଇ ପାଉଲ୍‌ର ବିରଦେ ସେମନ୍‌ର ଦାବା
 ଜାନାଇଲା । ୨ ତାରପଡେ ପାଉଲ୍‌କେ ତେଇଆନି ଚିଆ କରାଇଲା ଆରି
 ତରତୁଲସ୍ ଏନ୍ତି ତାକର ଦାବାମନ୍ ସବୁ ଜାନାଇଲା । “ଆଗିଆଁ, ତମେ ଗଟେକ୍
 ଡାକ୍‌ପୁଟା ଲକ୍, ତମର ନିମାନ୍ ସାସନ୍‌ଅନି ଆମେ ବେସି ଦିନ୍ ଦାରି ସାର୍‌ଦା
 ଅଇ ସାନ୍ତି ସଢ୍ଘୁ ଜିଇଲୁନି, ଆମର୍ ଦେସର ମଢ୍ଘୁଲ୍ ପାଇ ବେସି ଦର୍କାର୍
 ରଇଲା କାମ୍‌ମନ୍ କରାଇଆଟାସ୍ । ୩ ସବୁଜାଗାଇ ଆରି ସବୁ ବେଲାଇ
 ଆମେ ଏଟାକେ ନାମ୍‌ଲୁନି, ଏଟାର୍‌ପାଇ ଆମେ ତମ୍‌କେ ମାନି ଆଇଲୁନି । ୪
 ସେଟା ଜାଇଟା ଅ, ମୁଇ ତମର୍ ଅଦିକ୍ ବେଲା ନେବାକେ ମନ୍ କରିନାଇ ।
 ସେଟାର୍ ପାଇ ଆମର୍ ଗଟେକ୍ ତଟ୍ ଅର୍‌ସାସଢ୍ଘୁର୍ କାତା ସୁନ୍‌ବାକେ ବାବୁଜିଆ
 କଲିନି । ୫ ଏ ଲକ୍ ଗଟେକ୍ ବେସି ବଡ୍ ଗଣ୍ଡୁଗଲ୍ କରାଇ ବଲି ଆମେ
 ଜାନ୍ତୁ, ସେ ଦେସ୍‌ବିଦେସେ ସବୁ ବାଟେ ବୁଲିବୁଲି ଜିଉଦିମନ୍‌କେ କିରମାର
 କରାଇବାକେ ଉସ୍‌କାଇଲାନି, ସେ ନାଜରିତ୍ ଦଲର୍ ଗଟେକ୍ ନେଟା । ୬ ସେ
 ଆମର୍ ମନ୍ଦିର୍ ଅସୁକଲ୍ କରବାକେ ଚେସ୍‌ଟା କଲାବେଲେ ଆମେ ତାକେ ବନ୍ଦି

କଲୁ । ୭ ଆମର ନିୟମ୍ ଇସାବେ ଏ ଲକ୍ଷକେ ବିଚାର୍ କରବାକେ ଆମେ
 ମନ୍ କରତେରଲଲୁ । ୮ ଆର୍ ବିରଦେ ଜନ୍ ସବୁ ଦାବା କଲୁଆରୁ, ସେଟା
 ତମେ ଏ ଲକ୍ଷକେ ପାଚାରିକରି ଜାନିପାରାସ୍ ।” ୯ ତେଇରଲଲୁ ଜିଉଦିମନ୍
 ଏଟା ସତ୍‌ବଲି ତାଟ୍ ସଞ୍ଜ୍ ସେ କାତାଇ ରାଜି ଅଇଲାଇ । ୧୦ ତାର୍‌ପତେ
 ସାସନ୍‌କାରିଆ ପାଉଲ୍‌କେ କାତା ଅଇବାକେ ସାଗିଆ କଲାକେ ପାଉଲ୍
 କଇଲା । “ମୁଇ ଜାନି ଜେ ବେସି ବରସ୍ ଦାରି ତମେ ଏ ଜାତିର୍ ବିଚାର୍‌କରୁ
 ଅଇ ଆରୁସ୍, ସେଟାର୍ ପାଇ ତମର୍ ମୁଆଟେ କଇବାଟା କେତେ କରମର୍
 କାତା । ୧୧ ଆଗିଆ, ତମେ ନିଜେ କଜିକରି ଜାନିପାର୍‌ସା ଜେ, ପାକାପାକି
 ବାରଦିନ୍ ତଲେ, ମୁଇ ଜିରୁସାଲାମେ ପାର୍‌ତନା କରବାକେ ଜାଇରଇଲି ।
 ୧୨ ମନ୍କିରେ କାର୍ ସଞ୍ଜ୍, ମୁଇ ଦଦାପେଲା କରବାଟା ଜିଉଦିମନ୍ ଦେକି ନ
 ରଇଲାଇ କି ପାର୍‌ତନା ଗର୍‌ମନ୍‌କେ କି ଗତର୍ କନ୍ ବିନ୍ ଜାଗାଇ ଲକ୍‌ମନ୍‌କେ
 ଉସ୍‌କାଇବାଟା ଦେକି ନ ରଇଲାଇ । ୧୩ ସେଟାର୍ ପାଇ ମର୍ ବିରଦେ
 ଏବେ ଆନିରଇବା ଦାବାର୍ ପାଇ, ସେମନ୍ କାଇମିସା ସାକି ଦେଇ ନାପାରତ୍
 । ୧୪ ଏଲେ ମିସା ମୁଇ ତମର୍ ଲଗେ ରାଜି ଅଇଲିନି ଜେ, ଜନ୍ ବାଟ୍
 ସେମନ୍ ମିର୍ ବଲି କଇଲାଜନି, ସେ ବାଟେ ଜାଇ, ଆମର୍ ଆନିଦାଦିମନ୍‌ର୍
 ପରମେସର୍‌କେ ପାର୍‌ତନା କଲିନି । ମାତର୍ ମୁଇ ମିସା ମସାର୍ ରିଡିନିତି ଆରି
 ବବିସତ୍‌ବକ୍‌ତାମନ୍‌ର୍ ସାସ୍‌ତରେ ଲେକାଅଇଲା ସବୁ ବିସଇ ବିସ୍‌ବାସ୍ କଲିନି
 । ୧୫ ଏମନ୍‌ର୍ ପାରା, ମାପ୍‌ରୁର୍ ଲଗେ ମର୍ ଗଟେକ୍ ଆସା ଆଟେ ଜେ, ନିକ
 ଲକ୍ ଅଅର୍ କି କାରାପ ଲକ୍ ଅଅର୍, ସବୁ ମଲାଟାନେଅନି ଉଟ୍‌ବାଇ । ୧୬
 ସେଟାର୍ ପାଇ ପରମେସର୍‌ ଆରି ମୁନୁସର୍ ମୁଆଟେ ନିର୍‌ମଲ୍ ବିବେକ୍
 ଇସାବେ ଚଲାଚଲ୍‌ତି କରବାକେ ସବୁବେଲେ ଚେସ୍‌ଟା କଲିନି । ୧୭ “ବେସି
 ବରସ୍ ଦାରି ଦୁରିକେ ରଇଲା ପତେ, ଜିରୁସାଲେମର୍ ଲକ୍‌ମନ୍‌ର୍ ପାଇ କିତି
 ତାରୁ ନେବାକେ ଆରି ବଲିଦେବାକେ ମୁଇ ତେଇ ଜାଇରଇଲି । ୧୮ ମୁଇ
 ନିର୍‌ମଲ୍ ଅଇବା ବିଦି ସାରାଇଲା ବେଲେ, ସେମନ୍ ମକେ ମନ୍କିରେ ଦେକ୍‌ଲାଇ
 । ସେଡ୍‌କିବେଲେ ମର୍ ଲଗେ ବେସି ଲକ୍ ନ ରଇଲାଇ କି କାଇମିସା ଗଣ୍ଠୁଗଲ୍
 ଅଇ ନ ରଇଲା । ୧୯ ମାତର୍ ତେଇ ଆସିଆ ଦେସର୍ କେତେଟା ଜିଉଦି
 ରଇଲାଇ, ଜଦି ସେମନ୍‌କେ ମର୍ ବିରଦେ କାଇଟା କଇବାର୍ ରଇଲା, ଆଗ୍‌ତୁ
 ସେମନ୍ ନିଜେ ତମର୍ ମୁଆଟେ ଆସି ଦାବା କରବାର୍ ରଇଲା । ୨୦ ଆରି
 ତରେକ୍ ମୁଇ ଜେତେବେଲା ବଡ୍ ସବାର୍ ମୁଆଟେ ଟିଆଅଇରଇଲି, କନ୍

ଅପରାଦେ ଦସି ଅଇଲି, ସେଟା ଇତି ରଇଲା ଲକ୍ମନ୍ କଅର୍ । ୨୧ ଏଲେମିସା
ମୁଇ ଗଟେକ୍ କାତା କଇରଇଲି । ସେମନର୍ ମୁଆଟେ ଚିଆ ଅଇରଇଲା
ବେଲେ ମଲାଲକ୍ମନ୍ ଆରିତରେକ୍ ଉଟ୍‌ବାଇ ବଲି ତାଟ୍ ସଞ୍ଜୁ ବିସ୍‌ବାସ୍
କର୍ତ୍ତେ ରଇଲାର୍ ପାଇ ଆଜି ତମର୍‌ଟାନେ ବିଚାର୍‌ନା ପାଇଲିନି । ଏଟାକେ
ଚାଡି ଆରି ସେମନର୍ ମୁଆଟେ କିତି କଇନାଇ ।” ୨୨ ପେଲିକ୍‌ସ୍ ସେ ବାଟ୍
ବିସଇର୍ ଟିକିନିକି ଜାନି ରଇଲାର୍ ପାଇ ସୁନାଇବାଟା ବନ୍ଦୁ କରି କଇଲା,
“ସନିଅମନର୍ ମୁକିଅ ଲିସିଅସ୍ କେଟ୍‌ଲା ପଟେ, ମୁଇ ତମର୍ ବିଚାର୍‌ନା
ସୁନାଇବି ।” ୨୩ ତାର୍‌ପଟେ ସେ ଅଦିକାରେ ରଇବା ମୁକିଆକେ କଇଲା,
“ପାଉଲ୍‌କେ ବନ୍ଦି ଇସାବେ ଜାଗିରଇବାର୍ ଆଟେ, ମାତର୍ ତାକେ ଦର୍‌କାର୍
ଅଇବା ଜିନିସ୍ ତାର୍ ଲକ୍ମନ୍ ଆନିଦେଲେ, ସେଟା ତେବାଇବାର୍ ନାଇ ।”
୨୪ କେଡେଦିନ୍ ପଟେ ପେଲିକ୍‌ସ୍ ତାର୍ ଜିଉଦି ମାଇଜି ଦୁରୁସିଲା ସଞ୍ଜୁ ତେଇ
ଆଇଲା । ସେ ପାଉଲ୍‌କେ ତାକାଇ ଜିସୁକିରିସ୍‌ଟକେ ବିସ୍‌ବାସ୍ କର୍‌ବା ବିସଇ,
ତାର୍ କାତା ନିକକରି ସୁନ୍‌ଲା । ୨୫ ମାତର୍ ଜେଡେବେଲେ ପାଉଲ୍ ଦରମ୍
ଚଲାଚଲ୍‌ତି ଆରି ଲକ୍ମନ୍ ନିଜର୍ ପାପର୍ ଗୁନ୍‌ଚଲନ୍ ଇସାବେ ନ ଜାଇକରି
ନିଜେ ଦାରିଅଇରଇବା ବିସଇ, ଆରି ଆଇବା ଦିନର୍ ବିଚାର୍‌ନା ବିସଇ
କଇବାକେ ଦାର୍‌ଲା, ପେଲିକ୍‌ସ୍ ଡରିଜାଇକରି “ତମେ ଏବେ ଜାଇପାରାସ୍
।” ବଲି କଇଲା, “ବେଲା ପାଇଲେ ଆରି ତରେକ୍ ମୁଇ ତମ୍‌କେ ତାକାଇବି
।” ୨୬ ସେ ବେଲା ପାଉଲ୍ ତାକେ କେଡେକ୍ ତାବୁ ଲାଟ୍ ଦେଇସି ବଲି ସେ
ଆସା କରି ରଇଲା, ସେଟାର୍ ପାଇ ସେ ତର୍କେ ତର୍କ ତାକେ ତାକାଇ ତାର୍
ସଞ୍ଜୁ କାତାବାର୍‌ତା ଅଇବାର୍ ଦାର୍‌ଲା । ୨୭ ଏନ୍ତି ଦୁଇ ବରସ୍ ଗାଲାପଟେ
ପର୍କିୟସ୍ ପେସ୍‌ଟସ୍ ପେଲିକ୍‌ସ୍ ଜାଗାଇ ସାସନ୍‌କାରିଆ ଅଇ ଆଇଲା ।
ପେଲିକ୍‌ସ୍ ଜିଉଦିମନ୍‌କେ ବଲ୍‌ବଲାଇ ଅଇବାକେ ମନ୍ କରି ପାଉଲ୍‌କେ ନ
ମୁକ୍‌ଲାଇ ବନ୍ଦି ଗରେ ଚାଡି ଉଟିଗାଲା ।

୨୫ ପେସ୍‌ଟସ୍ ସାସନ୍‌କାରିଆ ଅଇକରି ଆଇଲା ଜାଗାଇ, ତିନ୍ ଦିନ୍
ପଟେ, ସେ ସିସିରିଆ ଅନି ଜିରୁସାଲମେ ଗାଲା । ୨ ସେ ଜିରୁସାଲମେ
ରଇଲାବେଲେ, ତେଇ ମୁକିଅ ପୁଜାରି ଆରି ଜିଉଦିନେତାମନ୍ ଆରି ତରେକ୍
ପାଉଲ୍‌ର୍ ବିରଦେ ରଇବା ଦାବି ନେଇ, ସେମନର୍ ଲଗେ ଗାଲାଇ । ସେମନ୍
ପେସ୍‌ଟେସ୍‌କେ ବାବୁଜିଆ କଲାଇ, ୩ ଜେନ୍ତିକି ପାଉଲ୍‌କେ ଜିରୁସାଲାମେ
ଆନ୍‌ବାକେ ଗୁଆରି କଲାଇ । କାଇକେବଇଲେ ବାଟେ ଜାଗିରଇ ସେମନ୍

ପାଉଲ୍‌ଙ୍କେ ମାରିମରାଇବାକେ ଜନ୍ମା ତିଆର୍ କରିରଇଲା । ୪ ପେସ୍‌ଟସ୍ କଇଲା, “ପାଉଲ୍‌ଙ୍କେ ଗଟେକ୍ ବନ୍ଦି ଇସାବେ ସିସେରିଆଇ ରକାଅଇଲା ଆଚେ ଆରି ବେଗି ମୁଇ ତେଇ ବାଉତି ଜିବି । ୫ ଜଦି ସେ କାଇ ଦସ୍ କଲା ଆଚେ, ତେବେ ତମର୍ ନେତାମନ୍ ମର୍ ସଢ୍ଗ୍ ସିସେରିଆଇ ଆସତ୍ ଆରି ତାର୍ ବିରଦେ ସେମନର୍ ଦାବା ଜାନାଅତ୍ ।” ୬ ପେସ୍‌ଟସ୍ ସେମନର୍ ସଢ୍ଗ୍ ଆର୍ ଦସ୍ ଦିନ୍ ଜିରୁସାଲମେ ରଇକରି ସିସେରିଆଇ ବାଅଡ୍ଲା । ତାର୍ ଆର୍କର୍ ଦିନେ ବିଚାର୍ କରବା ଗରେ ବସି ପାଉଲ୍‌ଙ୍କେ ଆନ୍‌ବାକେ ଆଦେସ୍ ଦେଲା । ୭ ପାଉଲ୍ ଆଇଲା ଦାପ୍‌ରେ ଜିରୁସାଲମେଅନି ଆସିରଇବା ଜିଉଦିମନ୍ ତାକର୍ ଚାରିବେଟ୍‌ତି ବେତି ତିଆ ଅଇଲା ଆରି ତାର୍ ବିରଦେ କେତେକ୍ କେତେକ୍ ବଡ୍ ବଡ୍ ଦାବା କଲା, ମାତର୍ ସେମନ୍ ଏ ସବୁ ସତ୍ ବଲି ଦେକାଇ ନାପାରୁଲା । ୮ ମାତର୍ ପାଉଲ୍ ନିଜେ ନିଜର୍ ବାଟେ ଅନି କଇଲା, “ଜିଉଦିମନର୍ ରିତିନିତି, ମନ୍ଦିରର୍ କି ରମିଅ ସାସନ୍‌କାରିଆ, କାର୍ ମିସା ବିରଦେ ମୁଇ ଦସ୍ କରିନାଇ ।” ୯ ମାତର୍ ପେସ୍‌ଟସ୍ ଜିଉଦିମନ୍କେ ବଲ୍ ବଲାଇ ଅଇବାକେ ମନ୍ କରି ପାଉଲ୍‌ଙ୍କେ ପାଚାରୁଲା, “ଜିରୁସାଲମେ ଜିବାକେ ଆରି ତେଇ ମର୍ ମୁଆଟେ, ଏ ସବୁ ଦାବାର୍ ବିଚାର୍ କରବାକେ ତୁଇ କାଇ ରାଜି ଅଇସୁ କି?” ୧୦ ପାଉଲ୍ କଇଲା, “ମୁଇ ବଡ୍ ସାସନ୍‌କାରିଆର୍ ନିଜର୍ ବିଚାର୍‌ନା ଜାଗାଇ ତିଆ ଅଇଲିଆତି, ଇତିସେ ମର୍ ବିଚାର୍ ଅଇବାର୍ ଦର୍କାର୍ । ତମେ ନିକକରି ଜାନାସ୍ ଜେ, ମୁଇ ଜିଉଦିମନର୍ ବିରଦେ କାଇମିସା ଦସ୍ କରିନାଇ । ୧୧ ଜଦି ମୁଇ ରିତିନିତି ନ ମାନି ମରନ୍ ତଣ୍ଟୁ ପାଇବାପାରା କାଇ ଦସ୍ କଲିଆତି ବଇଲେ, ମର୍ବାକେ ନ ତରି । ମାତର୍ ସେମନ୍ ମର୍ ବିରଦେ ଆନିରଇବା ଦାବା ବିତ୍‌ରେ କାଇମିସା ସତ୍ ନ ରଏ, ତେବେ କେ ମିସା ମକେ ସେମନେକ୍ ସର୍ପିଦେଇ ନାପାରତ୍ । ବଡ୍ ସାସନ୍‌କାରିଆ ଆକା ମକେ ବିଚାର୍‌ନା କର ବଲି ଗୁଆରି କଲିନି ।” ୧୨ ତାର୍‌ପଚେ ପେସ୍‌ଟସ୍ ତାର୍ ସବାଇ ରଇଲା ଲକ୍‌ମନର୍ ସଢ୍ଗ୍ କାତାବାର୍‌ତା ଅଇ କଇଲା, “ତମେ ବଡ୍ ସାସନ୍‌କାରିଆ ବିଚାର୍ କର ବଲି ଗୁଆରି କରିଆଚାସ୍, ସେଟାର୍ ପାଇ ତମ୍‌କେ ବଡ୍ ସାସନ୍‌କାରିଆର୍ ଲଗେ ପାଟାଇବି ।” ୧୩ କେତେଦିନ୍ ପଚେ ରାଜା ଆଗ୍ରିପା ଆରି ବର୍ନିସ୍ ପେସ୍‌ଟସ୍‌କେ ଜୁଆର୍ ଜାନାଇବାକେ କାଇସରିଆଇ ମିସ୍‌ବାର୍ ଆଇଲା । ୧୪ ତେଇ ସେମନ୍ କେତେ ଦିନ୍ ରଇଲା ପଚେ ପେସ୍‌ଟସ୍ ପାଉଲ୍‌ର୍ ବିସଇ ରାଜାକେ ଜାନାଇଲା, “ପେଲିକସ୍

ବନ୍ଧୁକରି ଜାଇରଇବା ଗଟେକ୍ ଲକ୍ ଇତି ଆଚେ ।” ୧୫ ମୁଇ ଜେଡେବେଲା
 ଜିରୁସାଲମ୍ ଜାଇରଇଲି, ଜିଉଦିମନର୍ ମୁକିଅ ପୁଜାରିମନ୍ ଆରି ସେ ଦରମର୍
 ପାର୍ତିମନ୍ ତାର୍ ବିରଦେ କେଡେଟା ଦାବା କଲାଲ ଆରି ତାକେ ଦସି
 କର୍ବାକେ ମକେ କଇଲାଲ । ୧୬ ମାତର୍ ମୁଇ ସେମନ୍କେ କଇଲି ଜେ,
 ଗଟେକ୍ ଦସିକେ ବିଚାର୍ କର୍ବା ଗରେ, ତାକେ ଦାବା କରୁମନର୍ ମୁଆଟେ
 ନିଜର୍ ବାଟେଅନି କଇବାକେ ବେଲା ଦେବା ଆଗ୍ତୁ, ତାକେ ଦସି କର୍ବାଟା
 ଆମର୍ ରମିୟମନର୍ ନିୟମେ ନାଇ । ୧୭ ସେମନ୍ ଇତି ଆଇଲା ପଚେ
 ମୁଇ ଅଲ୍ସମ୍ ନ କରି, ତାର୍ ପର୍ଦିନେ ବିଚାର୍ କର୍ବା ଗରେ ବସ୍ଲି ଆରି
 ସେ ଲକ୍କେ ବିତ୍ରେ ଆନ୍ବାକେ ଆଦେସ୍ ଦେଲି । ୧୮ ମର୍ ବାବ୍ବାଟା
 ବୁଲ୍ ରଇଲା, ସେମନ୍ ତାର୍ ବିରୁଦେ ଆନିରଇବା ଦାବି, ସେ କରିରଇବା
 କରାପ୍ ବିସଇ ଅଇରଇସି ବଲି ବାବ୍ଲି, ମାତର୍ ସେନ୍ତୁର୍ ନ ରଇଲା ।
 ୧୯ ସେମନର୍ ଦାବି ତାକର୍ ନିଜର୍ ଦରମ୍ ବିସଇ ରଇଲା, ଆରି ଜିସୁ
 ବଲି ଗଟେକ୍ ମରିଜାଇରଇବା ଲକର୍ ବିସଇ ରଇଲା । ମାତର୍ ସେଲକ୍
 ବର୍ଲ୍ ଆଚେ ବଲି ପାଉଲ୍ କଇଲା । ୨୦ ଏ ସବୁ ବିସଇର୍ ସର୍ କେନ୍ତି
 ବାର୍କରାଇବି ବଲି ମୁଇମିସା ନାଜାନିରଇଲି, ତେବେ ଏ ସବୁ ବିଚାର୍ନା
 କର୍ବାକେ ପାଉଲ୍କେ ଜିରୁସାଲମେ ଜାଇସୁ କି ନାଇ ବଲି ପାଚାର୍ଲି ।
 ୨୧ ମାତର୍ ପାଉଲ୍, ନିଜେ ରମ୍ ରାଇଜର୍ କାଇସର୍ ରାଜା, ତାର୍ ବିଚାର୍
 କର ବଲି କଇ ସନିଅମନ୍ ରକିଆ କରତ୍ ବଲି ମନ୍ କଲା । ସେଟାର୍ପାଇ
 ବଡ୍ ସାସନ୍କାରିଆ ଲଗେ ପାଟାଇବା ଜାକ ବନ୍ଧି କରି ରକ୍ବାକେ ଆଦେସ୍
 ଦେଲିଆଚି । ୨୨ ଆଗ୍ରିପା ପେସ୍ଟସ୍କେ କଇଲା, “ମୁଇ ନିଜେ ଏ ଲକର୍
 କାତା ସୁନ୍ବାକେ ମନ୍ କଲିନି ।” ପେସ୍ଟସ୍ କଇଲା, “କାଲିକେ ତମେ ତାର୍
 କାତା ସୁନ୍ସା ।” ୨୩ ତାର୍ ଆର୍କର୍ ଦିନେ ଆଗ୍ରିପା ଆରି ବର୍ନିସ୍ ଆସି
 କେଟ୍ଲାଇ । ସେମନ୍ ରାଜାମନ୍ ପିନ୍ତୁଲାପାରାଟା ପିନ୍ତୁର ଇଲା । ସନିଅମନର୍
 ନେତାମନ୍ ଆରି ସେ ଗଡର୍ ବଡ୍ ବଡ୍ ଲକ୍ମନର୍ ସଙ୍ଗ୍ ବେସି ତାକ୍ପୁଟା
 ସଙ୍ଗ୍ ଆସି, ବିଚାର୍ନା ଜାଗାଇ ପୁର୍ଲାଇ । ପେସ୍ଟସ୍ ଆଦେସ୍ କଲାକେ,
 ପାଉଲ୍କେ ବିତ୍ରେ ଆନ୍ଲାଲ । ୨୪ ପେସ୍ଟସ୍ କଇଲା, “ରାଜା ଆଗ୍ରିପା
 ଆରି ରୁଣ୍ଡି ରଇଲା ସବୁ ଲକ୍, ତମେ ଏ ଜନ୍ ଲକ୍କେ ଦେକ୍ଲାସ୍ନି, ତାର୍
 ବିରଦେ ଇତିର୍ ଜିଉଦିମନ୍ ଆରି ଜିରୁସାଲମର୍ ଜିଉଦିମନ୍ ମର୍ ଲଗେ ଦାବା
 କଲାଲ ଆଚତ୍ । ସେମନ୍ ତାକେ ମରାଉଁ ବଲିକରି କଇ ଆଉଲି ଅଇଲାଇନି

। ୨୫ ମାତର୍ ମୁଈ କଜି ବାର୍କରାଇଲି ଜେ, ଏ ଲକ୍ ମରନ୍ ତଣ୍ଟୁ ପାଇବା ଏଡକି, କାଇ ଦସ୍ କରେନାଇ । ସେ ନିଜେ ବଡ଼ସାସନ୍କାରିଆକେ ଗୁଆରି କଲାର୍ ପାଇ, ମୁଈ ତାକେ ତେଇ ପାଟାଇବାକେ ଟିକ୍ କଲି ଆତି । ୨୬ ମାତର୍ ତାର୍ ଦାବି ବିସଇ ଟିକ୍ ସଞ୍ଜୁ ବଡ଼ସାସନ୍କାରିଆକେ ଲେକ୍ବାକେ ମର୍ ଲଗେ କାଇଟା ନାଇ । ସେଟାର୍ପାଇ ମୁଈ ସବୁର୍ ମୁଆଟେ ଆରି ଏ ଆଗ୍ରିପା ରାଜା, ତମର୍ ମୁଆଟେ ଆନ୍ଲି ଆତି, ଜେନ୍ତି କି ତାର୍ ବିସଇ ତମେ ନିକ ସଞ୍ଜୁ କଜ୍ଲା ପଟେ ବଡ଼ସାସନ୍କାରିଆକେ ଲେକିପାର୍ବି । ୨୭ କାଇକେବଇଲେ ଗଟେକ୍ ବନିର୍ ବିରଦର୍ ଦାବା ନିକସଞ୍ଜୁ ନ ଦେକାଇ, ବଡ଼ସାସନ୍କାରିଆର୍ ଲଗେ ପାଟାଇବାଟା ଟିକ୍ ନଏଁ ବଲି ମୁଈ ବାବ୍ଲିନି ।”

୨୭ ଆଗ୍ରିପା ପାଉଲ୍କେ କଇଲା, “ତକେ ତର୍ ନିଜର୍ ବିସଇ ଜାଇଟା କଇବାର୍ ଆଟେ, ସେଟା କଇବାକେ ଅଦିକାର୍ ଦିଆଅଇଲା ।” ପାଉଲ୍ ଆତ୍ ଉଟାଇକରି ନିଜର୍ବାଟେଅନି କଇଲା, ୨ “ରାଜା ଆଗ୍ରିପା! ଜିଉଦିମନ୍ ମକେ ଜନ୍ ସବୁ ବିସଇ ନେଇ ଦସି କରିଆଟତ୍, ସେଟାର୍ ବିରଦେ ତମର୍ ମୁଆଟେ, ନିଜର୍ ବାଟେଅନି କଇବାକେ ବେଲା ପାଇଲାର୍ ପାଇ ମୁଈ କେତେ କରମର୍ ଲକ୍ ବଲି ବାବ୍ଲିନି ।” ୩ କାଇକେବଇଲେ ଜିଉଦିମନ୍ ରିତିନିତି ବିସଇ ଆରି ସେମନ୍ ଲାଗାଜତା ବିସଇ ତମେ ନିକସଞ୍ଜୁ ଜାନାସ୍ । ମୁଈ ଗୁଆରି କଲିନି, ତମେ ବିଜାର୍ ନ ଅଇକରି ମର୍ ସବୁକାତା ସୁନା । ୪ “ପିଲାବେଲେଅନି କେନ୍ତି ମୁଈ ଜିଇଲି ଆତି, ସେଟା ଜିଉଦିମନ୍ ଜାନତ୍ । ପର୍ତୁମ୍ ମର୍ ନିଜର୍ ଦେସେ ଆରି ପଟେ ଜିରୁସାଲମେ ମୁଈ କେନ୍ତି ଜିବନ୍ କାଟ୍ଲି ଆତି, ସେଟା ମିସା ସେମନ୍ ଜାନତ୍ । ୫ ଆଗେଅନି ମୁଈ ଜିଉଦି ନିୟମ୍ ସବୁ ମାନିକରି ପାରୁସିମନ୍ ପାରା ଚଲାଚଲ୍ତି କଲିଆତି, ସେ ବିସଇ ସେମନ୍ ସାକି ଦେଇପାରତ୍ ।” ୬ ପର୍ମେସର୍ ଆମର୍ ଆନିଦାଦିମନ୍କେ ଜନ୍ କାତା ଦେଇ ରଇଲା, ତେଇ ମର୍ ଆସା ରଇଲାର୍ପାଇ ଆଜି ମୁଈ ଇତି ବିଚାର୍ନା କରାଇଅଇବାକେ ଟିଆ ଅଇଲିଆତି । ୭ ମାତର୍ ଏ ରାଜା, ଏ ଆସା ଆମର୍ ବାର୍ଟା ଜିଉଦି ଜାତିର୍ ଲକ୍ ଦିନ୍ ରାତି ମାପ୍ଟୁକେ ପାର୍ତନା କରି, ପାଇବାକେ ଆସାକଲାଇନି । ଆରି ଏ ଆସାର୍ ଲାଗି ଆମର୍ ଜିଉଦିମନ୍ ମକେ ଦସି କରିଆଟତ୍ । ୮ ପର୍ମେସର୍ ମଲା ଲକ୍କେ ଉଟାଇସି, ବଲି କାଇକେ ବିସ୍ବାସ୍ କରିନାପାର୍ଲାସ୍ନି? ୯ “ମୁଈ ମିସା ସେମନ୍ ପାରା ରଇଲି । ନାଜରିତ୍ଯୁ ଜିସୁର୍ ବାଟେ ଜିବା ସବୁ ଲକ୍ମନ୍ ବିରୁଦେ ମର୍

ଜେଡ଼ିକି ବପୁ ସଞ୍ଜୁ ମିସା କାମ୍ କରୁବାର୍ ଆଚେ ବଲି ଚିନ୍ତା କଲି । ୧୦ ମୁଇ
 ଜିରୁସାଲୀମେ ସେନ୍ତି କଲି । ମୁକିଅ ପୁଜାରିମନର୍ତେଇଅନି ଅଦିକାର୍ ଚିଟି
 ପାଇ, ପରମେସରର୍ ବେସି ଲକ୍ମନକେ ବାନ୍ତି କରି, ବନ୍ତି ଗରେ ପୁରାଇଦେଲି
 । ଆରି ସେମନକେ ମରନର୍ ଡଣ୍ଟୁ ଦେବାକେ ବିଚାର୍ନା କଲାବେଲେ,
 ସେମନର୍ ବିରୁଦେ ଚିଆଅଇଲି । ୧୧ କେତେ କେତେ ତର୍ ପାର୍ତନା
 ଗର୍ମନକେ ସେମନ୍ ବିସ୍ବାସ୍ ଚାଡ଼ ବଲି ମାର୍ବାକେ ଚିଆରୁଲି, ସେମନର୍
 ଉପରେ ଏତେ ରିସା ଅଇଜାଇରଇଲି ଜେ, ସେମନକେ କସ୍ତ ଦେବାକେ
 ବିଦେସେ, ରଇବା ଗଡ଼ମନକେ ମିସା ଜାଇରଇଲି ।” ୧୨ “ଏଟା କରୁବାକେ
 ମୁଇ ମୁକିଅ ପୁଜାରିମନର୍ତେଇଅନି ଅଦିକାର୍ ଚିଟି ଆରି ଆଦେସ୍ ନେଇ
 ଦାମାସ୍କସେ ଜାଇରଇଲି । ୧୩ ଏ ରାଜା ଏଗ୍ରିପା, ଅଟାଡ଼ ଦିନେକ୍
 ମୁଣ୍ଡୁବେଲା ଲଗେ, ଜିବାବାଟେ ବେଲ୍ ତାରାସେଅନି ଅଦିକ୍ ଉଜଲ୍ ଦେକ୍ଲି ।
 ସର୍ଗେଅନି ସେ ଉଜଲ୍ ଆସି ମକେ ଆରି ମର୍ ସଞ୍ଜୁ ଜିବା ଲକ୍ମର୍ ଚାରିବେଟ୍ଟି
 ବିଚି ଅଇଲା ।” ୧୪ ଆମେ ସବୁ ଲକ୍ ତଲେ ଅଦ୍ରି ତୁଲିଦେଲୁ ଆରି ଇବ୍ରୁ
 ବାସାଇ ମକେ କଇତେରଇବା ଏ କାତା ସୁନ୍ଲି, “ସାଉଲ୍, ସାଉଲ୍!” ତୁଇ
 ମକେ କାଇକେ କସ୍ତ ଦେଲୁସ୍ନି? କସ୍ଲାବେଲେ କସ୍ବାଲକ୍ ବଲଦ୍ କେ
 ତୁତାରିବୁସ୍ଲେ ବଲଦ୍ ଲାଡ଼ମାର୍ବା ପାରା, ତୁଇ ନିଜେ କସ୍ତ ପାଇଲୁସ୍ନି
 । ୧୫ “ମୁଇ ପାଚାରୁଲି, ‘ମାପୁରୁ ତମେ କେ?’ ସେ କଇଲା, ‘ମୁଇ ଜିସୁ,
 ମକେସେ ତୁଇ କସ୍ତ ଦେଲୁସ୍ନି ।’ ୧୬ ମାତର୍ ଉଟିକରି ଚିଆ ଅ । ତକେ
 ମର୍ ସେବାକାରିଆ କରୁବାକେ, ଦରସନ୍ ଦେଲିଆତି । ଆଜି ତୁଇ ମର୍ ବିସଇ
 ଜାଇଟା ଦେକ୍ଲୁସ୍ ଆରି ପର୍କେ ମିସା ମୁଇ ଜାଇଟା ଦେକାଇବି, ସେ ବିସଇ
 ତୁଇ ବିନ୍ ଲକ୍ମନକେ ସାକିଦେସ୍ । ୧୭ ଜନ୍ ଜିଉଦି ଆରି ଜିଉଦିନଇଲା
 ଲକ୍ମନର୍ତେଇ ତକେ ପାଟାଇବି, ସେମନର୍ତେଇ ଅନି ତାଡ଼ନା ପାଇଲେ,
 ମୁଇ ତକେ ରକିଆ କରୁବି । ୧୮ ତୁଇ ସେମନର୍ ଆଁକି ପିଟାଇଦେସ୍ ବଲି ମୁଇ
 ତକେ କଇଲିନି । ଜେନ୍ତିକି ସେମନ୍ ଆନୁରେଅନି ଉଜଲେ ଆରି ସଇତାନର୍
 ବାନ୍ତୁନେଅନି ମାପୁରୁ ବାଟେ ବାଅଡ଼ବାଇ । ଜେନ୍ତିକି ମକେ ବିସ୍ବାସ୍ କଲାର୍
 ପାଇ, ସେମନର୍ ପାପ୍ କେମା ଅଇସି । ଆରି ମାପୁରୁ ବାରୁଲା ଲକ୍ମନର୍ ସଞ୍ଜୁ
 ସେମନକେ ମିସା ଡାକିନେବାଇ ।” ୧୯ “ସେଟାର୍ପାଇ ଏ ରାଜା ଆଗ୍ରିପା
 ମୁଇ ସର୍ଗେଅନି ଜନ୍ ଦରସନ୍ ପାଇଲିଆତି, ସେଟା ପୁରାପୁରୁନ୍ ମାନ୍ଲି । ୨୦
 ସେନ୍ତାରି ମୁଇ ପର୍ତମେ ଦାମାସ୍କସେ ଆରାମ୍କରି ତାର୍ପତେ ଜିରୁସାଲୀମେ,

ପତେ ଜିଉଦାର୍ ସବୁବାଟେ ଆରି ଜିଉଦିନଇଲା ଲକ୍ମନର୍ ବିତରେ ମାପୁରୁ ବିସଇ ଜାନାଇଲି । ଜେନ୍ତି କି ସେମନ୍ କରିରଇବା ପାପ୍ ଏତାଇ, ଦୁକ୍‌କରି ମାପୁରୁବାଟେ ବାଅଡ଼ବାଇ । ଆରି ସେମନ୍ ଜନ୍‌ଟା ମାନିଆଇଲାଇ ଆତଡ଼, ସେଟା ତାକର୍ ଚଲାଚଲ୍‌ତିଅନି ଜାନିଅଇସି । ୨୧ ଏଟାର୍‌ପାଇ ମୁଇ ମନ୍ତିରେ ରଇଲାବେଲେ ଜିଉଦିମନ୍ ମକେ ଦାରି ମରାଇବାକେ ଚେସ୍‌ଟା କଲାଇ । ୨୨ ମାତର୍ ପର୍‌ମେସର୍ ମକେ ଆଜିକେଜାକ ରକିଆ କଲାଆଚେ ଆରି ସେଟାର୍‌ପାଇ ଆଜି ସାନ୍ ବଡ଼ ସବୁ ଲକର୍ ଲଗେ ସମାନ୍ ଇସାବେ ମର୍ ସାକିଦେବାକେ ଚିଆକରାଇଆଚେ । ବବିସଡ଼ବକ୍‌ତା ଆରି ମସା ଜାଇଟା ଗର୍‌ସି ବଲି କଇରଇଲାଇ, ଟିକ୍ ସେ କାତା ମୁଇ କଇଲିନି । ୨୩ ମସିଅ ଦୁକ୍ ପାଇସି ଆରି ମଲାଲକ୍‌ମନର୍ ବିତରେଅନି ସିଗ୍ ପର୍‌ତୁମେ ଉଟି, ଜିଉଦି ଆରି ଜିଉଦି ନଇଲା ଲକ୍‌ମନର୍ ଲଗେ ମୁକ୍‌ତିର୍ ଉଜଲ୍ ଦେକାଇସି ।” ୨୪ ପାଉଲ୍ ନିଜର୍ ବାଟେଅଇ କଇଲା ବେଲେ, ପେସ୍‌ଟସ୍ ତାକେ ଆଉଲିଅଇ କରି କଇଲା, “ପାଉଲ୍, ତୁଇ ବାୟା ଅଇଗାଲୁୟା! ତୁଇ ପାଟ୍‌ପତି ବେସି ପାଇରଇବା ଚିଆନ୍ ତକେ ବାୟା କଲାଆଚେ ।” ୨୫ ପାଉଲ୍ କଇଲା, “ଏ ମାପୁରୁ ପେସ୍‌ଟସ୍, ମୁଇ ବାୟା ଅଇନାଇ, ମୁଇ ଜାଇଟା କଇଲିନି ସେଟା ପୁରାପୁରୁନ୍ ସଡ଼ । ଆରି ତବିର୍ ବୁଦିର୍ କାତା କଇଲିଆଚି । ୨୬ ଏ ରାଜା ଅଗ୍ରିପା! ତମେ ଏ ବିସଇ ଜାନିରଇଲାର୍ ପାଇ, ତମର୍ ମୁଆଟେ ଏ କାତା କଇବାକେ ସାଆସ୍ କଲିନି! ମୁଇ ଜାନାଇରଇବା ସବୁ ବିସଇର୍ କାଇ କାତା ମିସା, ସେ ନାଜାନେ, ବଲି ମୁଇ ବିସ୍‌ବାସ୍ କରିନାଇ! କାଇକେବଇଲେ ଏଟା ଲୁଚ୍‌ତେ କରାଅଏ ନାଇ । ୨୭ ରାଜା ଆଗ୍ରିପା, ତମେ ବବିସଡ଼ବକ୍‌ତାମନ୍‌କେ ବିସ୍‌ବାସ୍ କଲାସ୍‌ନି ତ? ମୁଇ ଜାନି ତମେ ବିସ୍‌ବାସ୍ କଲାସ୍‌ନି!” ୨୮ ଆଗ୍ରିପା ପାଉଲ୍‌କେ କଇଲା, “ଏ ଅଲପ୍ ବେଲା ବିତରେ ତୁଇ କାଇ ମକେ ବିସ୍‌ବାସି କରିଦେବି ବଲି ବାବ୍‌ଲୁସ୍‌ନି କି?” ୨୯ ପାଉଲ୍ କଇଲା, “ତନେକ୍ ଅ କି ପରେକ୍ ଅ, ପର୍‌ମେସରର୍ ଲଗେ ମର୍ ଏଡ଼କି ମାଡ଼ୁଲିନି । ଅବ୍‌କା ତମେସେ ନାଇ ରାଜା, ଆଜି ମର୍ କାତା ସୁନିରଇବା ସବୁ ଲକ୍ ମର୍‌ପାରା କିରିସ୍‌ଟର୍ ସିସ୍ ଉଆ । ମାତର୍ ମର୍‌ପାରା ଏନ୍ତି ସିକ୍‌ଲିସ୍‌ଟ୍ଟ୍ ବାନ୍‌ଟାଇ ଉଆ ବଲି ମୁଇ କଇନାଇ ।” ୩୦ ତାର୍ ପତେ ରାଜା, ସାସନ୍‌କାରିଆ, ଆରି ବର୍‌ନିସ୍ ଆରି ବିନ୍ ଲକ୍‌ମନ୍ ଜିବାକେ ଉଟ୍‌ଲାଇ । ୩୧ ସେମନ୍ ବାରଇଲା ବେଲେ ତାକର୍ ତାକର୍ ବିତରେ କଇଲା, “ଏ ଲକ୍ ଏନ୍ତି କାଇମିସା କାମ୍ କରେ ନାଇ, ଜନ୍‌ଟା କି ସେ

ମରନରୁ ଡ଼ଣ୍ଡୁ ପାଇବାକେ କି ବନ୍ଧୁ ଅଇବାକେ ।” ୩୨ ଆଗ୍ରିପା ପେସ୍‌ସ୍‌ସ୍‌କେ
କଇଲା, “ଜଦି ଏ ଲକ୍ ବଦ୍‌ସାସନ୍‌କାରିଆଟାନେ ବିଚାର୍ ପାଇବି ବଲି ଗୁଆରି
କରି ନ ରଇଲେ, ତେବେ ଆମେ ତାକେ ଚାଡି ଦେଇରୁ ।”

୨୭ ଆମେ ଜେତେବେଲେ ପାନି ଜାଜେ ବସି ଇଟାଲି ଜିବାକେ ଟିକ୍ କଲାଇ,
ସେଡ୍‌କିବେଲେ କେତେଟା ବନ୍ଧୁ ଅଇଲା ଲକ୍‌କେ ଆରି ପାଉଲ୍‌କେ ରମିୟ
ସନିଅମନର୍ ସେନାପତି ଜୁଲିୟସ୍‌କ ସର୍ପି ଅଇଲାଇ । ୨ ଆମେ ସବୁଲକ୍
ରମ୍ ରାଇଜର୍ ଆସିଆ ଜାଗାର୍ ଗାଡ୍‌କଣ୍ଟି ରଇଲା ବିନ୍ ବିନ୍ ଜାଗାଇ ଜୁ
ବଲି ଆଦରାମୁଦିୟମର୍ ଗଟେକ୍ ପାନିଜାଜେ ବସି ଗାଲୁ । ଆରି ମାକିଦନିଆ
ବଲି ଗଟେକ୍ ଜାଗାର୍ ଆରିସ୍‌ତାକସ୍ ନାଉର୍ ତେସ୍‌ଲନିକି ଲକ୍ ଆମର୍ ସଢ୍ଫୁ
ରଇଲା । ୩ ଆର୍କର୍ ଦିନେ ଆମେ ସିଦନେ କେଟ୍‌ଲୁ । ଜୁଲିୟସ୍ ପାଉଲ୍‌କେ
ବେସି ଦୟା ଦେକାଇତେରଇଲା । ପାଉଲ୍‌ର୍ ସଢ୍ଫୁରିମନର୍ ଟାନେଅନି ତାର୍
ଦର୍କାର୍ ଅଇବା ଜିନିସ୍‌ମନ୍ ଗୁଲିଆଇବାକେ ତାକର୍‌ସଢ୍ଫୁ ଜାଇ ମିସ୍‌ଟ୍ ବଲି
ପାଉଲ୍‌କେ ଆଦେସ୍ ଦେଲା । ୪ ଆମେ ତେଇଅନି କେତେଦୁର୍ ଗାଲାପତେ
ପବନ୍ ଅଇଲାଜେ ସାଇପରସ୍ ଗାଡ୍‌ର୍ ପାଲି ପାଲି ଗାଲୁ । ୫ ସିଲିସିଆ ଆରି
ପପୁଲିଆ ନାଉର୍ ଦୁଇଟା ଜାଗା ଜିତିକରି ଲୁକିଆ ବଲି ମୁରା ନଅର୍ ଜାଗାଇ
ଆଇଲୁ । ୬ ତେଇ ସେନାପତି ଆଲେକ୍‌ଜାଣ୍ଡ୍ରିଆର୍ ଗଟେକ୍ ପାନି ଜାଜ୍
ଇଟାଲି ଜାଇତେରଇଲାଜେ ଆମ୍‌କେ ଦେକି, ସେ ଜାଜେ ବସାଇଲା । ୭
ପତେ ଆମ୍‌କେ ବେସିଦିନ୍ ଲାଗିଗାଲା ଦିରେ ଦିରେ ଜାଇ କରି କେତେକ୍
କସ୍‌ଟେ କିଡ୍ ନାଉର୍ ଗଟେକ୍ ଜାଗାଇ କେଟ୍‌ଲୁ । ତେଇ କେଟ୍‌ଲା ପତେ
ବେସି ପବନ୍ ଅଇଲାଜେ ଆମେ ଆରି ଆଗ୍‌କେ ଜାଇ ନାପାର୍‌ଲୁ । ତେବେ
ସାଲନି ବଲି ଗଟେକ୍ ଜାଗାର୍ ମୁଆଟ୍ ବାଟେ ଜାଇ କିରିତର୍ ପାଲି ପାଲି
ଗାଲୁ । ୮ ଆରି ପାଲି ପାଲି ଆସି ବଡେ କସ୍‌ଟେ ସୁନ୍ଦୁର୍ ବନ୍ଧୁ ବଲି ଗଟେକ୍
ପାନିଜାଜ୍‌ମନ୍ ଲାଗ୍‌ବାଟାନେ ଆସି କେଟ୍‌ଲୁ । ସେଟା ଲାସିଆ ସଅର୍ ଲଗେ
ରଇଲା । ୯ ସେ ଜାଗାଇ ଆମେ ବେସିଦିନ୍ ରଇଲୁ । ଜିଉଦିମନର୍ ଉପାସ୍
ମାନିଅଇବା ପରବ୍ ସାରି ଜାଇରଇଲା । ତେବେ ଗାଡ୍ ଗାଡ୍ ଜିବାଟା ବିପଦ୍
ରଇଲା । ସେଟାର୍‌ପାଇ ପାଉଲ୍ ସେମନ୍‌କେ ଜାଗ୍‌ରୁ କରାଇ କଇଲା, ୧୦
“ମଇତର୍‌ମନ୍ ଆମେ ଏ ଗାଡ୍ ଗାଡ୍ ଗାଲେ ସରି ଜାଆଜ୍ ଆରି ଜିନିସ୍‌ପତର୍
ଆକା କେଡି ନ ଅଏ, କେତେବେଲେ ଜାଜେ ଜିବା ଲକ୍‌ମନର୍ ମିସା ଦସା
କେଟ୍‌ସି ।” ୧୧ ମାତର୍ ସେନାପତି ପାଉଲ୍‌ର୍ କାତା ବିସ୍‌ବାସ୍ ନ କରି, ଜାଜ୍

ଚାଲାଉ, ଜାଜ୍ ସାଉକାରରୁ କାତା ବିସ୍ବାସ୍ କଲା । ୧୭ ସେ ଗାଡେ ସିଡ଼ମାସେ
 ରଇବାଟା ବେସି କସ୍ଟ ରଇଲା । ତେବେ କେନ୍ଦ୍ରି କରି ମିସା କସ୍ଟେ ମସ୍ଟେ
 ପେନିକସ୍ ବଲି ଗଟେକ୍ ଜାଗାଇ କେଟି, ଦରକାର୍ ପଡ଼ଲେ ତେଇ ରଇବାକେ
 ଜାଜେ ଜିବା କେତେଲକ୍ମନ୍ କର୍ତ୍ତେରଇଲା । ପିନିକସ୍ ଅଇଲାନି କିରିତେ
 ଦକିଣ୍, ପଟିମ୍ ଆରି ଉତର୍ ପୁରୁବ୍ ଦିଗେ ରଇବା ଗଟେକ୍ ଜାଗାର୍ ନାଉଁ ।
 ୧୩ ଜେଡେବେଲେ ଦକିନ୍ ଦିଗ୍ବାଟେଅନି ଅଲପ୍ ଅଲପ୍ ପବନ୍ ଆଇଲା,
 ସେଡେବେଲେ ଜାଜେ ବସିରଇବା ଲକ୍ମନ୍ ଏଟା ଗଟେକ୍ ସୁବ୍ବବର୍ ବଲି
 ବାବ୍ଲା । ଜାଜ୍ ଅଟ୍ଟକାଇବା ପାର୍ଦା ଟେକିଦେଲାଇ ଆରି କିରିଡ୍ ଗାଡ୍
 ପାଲି ପାଲି ଜାଜ୍ ଚାଲାଇ ଚାଲାଇ ନେବାର୍ ଦାର୍ଲା । ୧୪ ମାତର୍ ଚନେକ୍
 ଗାଲା ପଟେ କିରଡ୍ବାଟେଅନି ଉତର୍ ପୁରବ୍ ବଲି କଇବା ପବନ୍ ଆଇଲା
 । ୧୫ ସେ ପବନ୍ ଅପର୍ବଲ୍ ଆସି ଜାଜେ ପିଟିଅଇଲା । ପବନ୍ ଆଇବା
 ମୁଆଟ୍ବାଟେ ଜାଜ୍ ନେବାକେ ଟେସ୍ଟା କରି କରି ନାପାରି ଡାକିଗାଲୁ । ତେବେ
 ପବନ୍ ଜାଜ୍କେ ପାନି ଟାନେ ଉପକାଇକରି ନେଅ ବଲି ଚାଡିଦେଲୁ । ୧୬
 ଆରି କାଉଦ୍ ବଲି ଗୁଲାଇ ବାଟେ ପାନି ରଇକରି ମଜାଇ ସୁକ୍ଲା ବୁଇଁ ରଇବା
 ଜାଗାର୍ ଦକିଣ୍ ଦିଗ୍ବାଟେ ଗାଲାବେଲେ ଅଲପ୍ ପବନ୍ଟାନେ ଅନି ରକିଆ
 ପାଇଲୁ । ତେଇ ଆମେ କସ୍ଟେମସ୍ଟେ ଜାଆଜର୍ ସାନ୍ତଢ୍ଫୁ କାଇ ବିପଦ୍
 ନଇତେ ସଢ୍ଫୁପାରଲୁ । ୧୭ ଜାଜ୍ ଚାଲାଉମନ୍ ସାନ୍ ତଢ୍ଫୁ ଜାଜ୍ଉପରେ
 ଟେକି ନେଲାଇ ଆରି ତର୍ ସଢ୍ଫୁ ଡାଟ୍କରି ଜାଜର୍ ଚାରିବେଟ୍ଟି ନ ବାଢ୍ଫୁ
 ବଲି ବାନ୍ତି ଦେଲାଇ । ଜାଜ୍ ଚାଲାଉମନ୍ ଜାଜ୍କେ ଲିବିଆର୍ ପାଲି ପାଲି
 ବାଲିବନ୍ତୁ ବାଟେ ଉଟିଜାଇସି ବଲି ଜାଜେ ବାନ୍ତି ରଇବା ତେରା ଉଡ଼ରାଇକରି
 ପବନେ ସେ ବୁଲି ବୁଲି ର ବଲି ଚାଡି ଦେଲାଇ । ୧୮ ଚନେକ୍ ମିସା ନ
 ତେବି ଅପର୍ବଲ୍ ପବନ୍ ଆଇବାର୍ ଦାର୍ଲା ଜେ, ତାର୍ ଆର୍କର୍ ଦିନେ
 ସେମନ୍ ଜାଜେଅନି ଜିନିସ୍ ପତର୍ ପାନିତେଇ ପିଢ୍ଫୁବାର୍ ଦାର୍ଲା । ୧୯
 ତାର୍ ଆର୍କର୍ ଦିନେ ସେମନ୍ ଜାଜର୍ ପାଇ ଦରକାର୍ ଅଇବା କେତେଟା
 ଜିନିସ୍ ବେଟି ପିଢ୍ଫୁ ଦେଲାଇ । ୨୦ ବେସି ଦିନ୍ ଅଇଗାଲା ଆମେ ବେଲର୍
 ମୁକ୍ ନାଇ କି ତାରାର୍ ମୁକ୍ ଦେକୁନାଇ ସେନ୍ଦ୍ରି ରଇଗାଲୁ । ପବନ୍ ଚନେକ୍
 ମିସା ତେବେ ନାଇ, ଅଦିକ୍ ଅଦିକ୍ ଆଇତେସେ ରଇଲା । ସାରାସାରି ଆମେ
 ବୁର୍ବାର୍ ଆସା ଚାଡି ଦେଇରଇଲୁ । ୨୧ ଏତେକ୍ ଦିନ୍ ଅଇଲା ସବୁ ଲକ୍ଜକ
 ନ କାଇ ନ ପିଇ ରଇଲା ପଟେ ପାଉଲ୍, ଜାଜେ ଜିବା ଲକ୍ମନର୍ ମଜାଇ

ଟିଆଅଇ କଇଲା, ମଇତରମନ୍ ତମେ ମରୁ କାତା ଦାରି କିରତେଅନି ଜାଜ୍ ନ
 ଆନି ରଇଲେ ଆମ୍ବେ ଏ ଦସା ନ ଆଇତା । ୨୨ ମାତର୍ ଏବେ ତମ୍ବେ
 ଗୁଆରି କରି କଇଲିନି, ନ ତରି, ବରସ୍ ଅଇରୁଆ । ତମର୍ ବିତ୍ରେଅନି
 କେ ମିସା ନ ମରାସ୍ । ଜାଜ୍ସେ ନସ୍ତ ଅଇସି । ୨୩ କାଇକେବଇଲେ
 ମୁଇ ଜାର୍ ଲକ୍ ଅଇଲିଆତି, ଆରି ଜନ୍ ପର୍ମେସର୍ବକେ ପାର୍ତନା କଲିନି,
 କାଲି ରାତି ତାର୍ ଗଟେକ୍ ସରଗର୍ ଦୁତ୍ ମକେ ଆସି କଇଲା, ୨୪ ପାଉଲ୍
 ତୁଇ ତର୍ ନାଇ । ବାଇଦରେ ସମ୍ବରାଟର୍ ମୁଆଟେ ତୁଇ ଟିଆ ଅଇସୁଆକା
 । ପର୍ମେସର୍ ତକେ ଜିବନ୍ ଦୁକାଇଲାଆତେ । ଜେ କି, ତକେ ଆରି ତର୍
 ସଞ୍ଜୁ ଜାଇତେ ରଇବା ସବୁ ଲକ୍ମନ୍କେ ବଞ୍ଚାଇସି । ୨୫ ତେବେ ବାଇମନ୍
 ତମେ ନ ତରି ବରସ୍ ଅଇରୁଆ । କାଇକେ ବଇଲେ ମୁଇ ପର୍ମେସର୍ବକେ
 ବିସ୍ବାସ୍ କଲିନି, ମକେ ଜେନ୍ତି କଇଲାଆତେ ଟିକ୍ ସେନ୍ତୁରିସେ ଅଇସି । ୨୬
 ମାତର୍ ଆମେ ଆଗ୍ବକେ ଗାଲେ ଗଟେକ୍ ଗୁଲାଇବାଟେ ପାନି ରଇକରି ମଜାଇ
 ରଇବା ସୁକ୍ଲା ଜାଗାଇ ପବନ୍ କେଟାଇସି । ୨୭ ଏନ୍ତୁରି ଆମେ ବାଉପବନ୍
 ଆରାମ୍ଅଇକରି ଚଉଦ ଦିନ୍ ଚଉଦ ରାତି ମିସା ଅଇଗାଲା । ପବନ୍ ଆମ୍ବେ
 ବୁମ୍ବ୍ ସମ୍ବୁରେ ଏନେ ତେନେ ନେଇତେରଇଲା । ମଜାରାତି ଅଇଲାକେ
 ଜାଜ୍ ଚାଲାଉମନ୍ ଗଟେକ୍ କଣ୍ଟିପାଲି ଲଗାଇଗି ଆଇଲୁ ବଲି ଅନ୍ମାନ୍ କଲାଇ
 । ୨୮ ତେବେ ସେମନ୍ ଗଟେକ୍ ବଜ୍ ଜିନିସ୍ ତର୍ସଞ୍ଜୁ ବାନ୍ତିକରି ନାପିକରି
 ଜାନ୍ଲାଲ ଜେ, ତେଇ ସଏ କଡେ ପୁଟ୍ ପାନି ତେଞ୍ଜୁ ରଇଲା । ଆରି କଣ୍ଟେକ୍
 ଦୁର୍ ଆଇଲାଲକେ ନବେ ପୁଟ୍ ପାନି ନାପୁଲାଇ । ୨୯ ପାନି ଜାଜ୍ କନ୍ଆଲେ
 ତଞ୍ଜୁର୍ ପାକ୍ନାଇ ତୁକାଇ ଅଇଜାଇସି ବଲି ତରିକରି ସେମନ୍ ପର୍ବାଟେ
 ଚାର୍ଟା ଜାଜ୍ ଅଟ୍କାଇବାଟା ପାକାଇଲାଇ । ଆରି ଦାପ୍ରେ ସାକାଲ୍ ପାଅ
 ବଲି ପାର୍ତନା କଲାଇ । ୩୦ ତାର୍ ପତେ ଜାଜ୍ ଚାଲାଉମନ୍ ଜାଜେଅନି ଲୁଟି
 ପାଲାଇବାକେ ଚେସ୍ଟା କଲାଇ । ସାନ୍ ତଞ୍ଜୁ ବାନ୍ତିରଇବା ତର୍ ବେଟି ତଞ୍ଜୁ
 ସମ୍ବୁରେ ଉର୍ଭାଇଲାଇ । ସେମନ୍ ଆରି କେତେଟା ଜାଜ୍ ଅଟ୍କାଇବାଟା
 ମୁଆଟ୍ବାଟେ ପାକାଇବୁ ବଲି ନାଡାଇଲାଇ । ୩୧ ମାତର୍ ପାଉଲ୍, ସେନାପତି
 ଆରି ସନିଅମନ୍କେ କଇଲା, “ଜଦି ଜାଜ୍ ଚାଲାଉମନ୍ ଜାଜେ ନ ରଇଲେ
 ତମେ ମରିଜାଇସା ।” ୩୨ ସେଟାର୍ପାଇ ସନିଅମନ୍ ତଞ୍ଜୁର୍ ତର୍ କାଟି
 ଦେଲାଇ ଆରି ପାନି ଉପ୍ରେ ବଞ୍ଚି ଜାଅ ବଲି ଚାଡି ଦେଲାଇ । ୩୩ ପାଉଲ୍
 କୁକ୍ତାତାକେ ସବୁ ଲକ୍କେ କାଆ ବଲି ବାବୁଜିଆ କଲା । ସେ କଇଲା,

ଆଜିକେ ଚଉଦ ଦିନ ଅଇଗାଲା କାଆସ୍ ନାଇ, ପିଆସ୍ ନାଇ, ବୁକେସେ
 ଆତାସ୍ । ୩୪ ତେବେ ମୁଇ ତମ୍ବେ କାଇଟା ଆଲେ କାଆ ବଲି ବୁଜାଇଲିନି,
 କାଇକେ ବଇଲେ, ବୈତି ରଇବାର୍ ଆଲେ କାଇବାର୍ ଆଟେଆକା । ତରା
 ନାଇ! ତମ୍ବେ କାଇଟା ନ ଅଏ । ୩୫ ପାଉଲ୍ ଏନ୍ତାରି କଇକରି ରୁଟି ଦାର୍ଲା
 ଆରି ସବୁ ଲକର୍ ମୁଆଟେ ପର୍ମେସର୍ବକେ ଦନିଅବାଦ୍ ଦେଇ ରୁଟି ଚିତାଇ
 କାଇବାର୍ ଦାର୍ଲା । ୩୬ ତେଇ ସେମନ୍ ସବୁ ଲକ୍ ସାଆସ୍ ଅଇକରି ଆରି
 ନିଜେ ନିଜେ କାଇବାର୍ ଦାର୍ଲାଲାଇ । ୩୭ ଆମେ ସେ ଜାଜେ ସବୁ ଲକ୍ ମିସି
 ଦୁଇସ ସତୁରି ତଅ ଲକ୍ ରଇଲୁ । ୩୮ ସବୁ ଲକ୍ ପେଟ୍ ପୁର୍ତେ କାଇ ସାର୍ଲା
 ପଟେ ଜାଜ୍ ଉସାସ୍ ଅ ବଲି ଜାଜେ ରଇଲା ସବୁ କାଦିକଣ୍ଟା ସମ୍ବୁରେ ପିଢ଼ି
 ଦେଲାଲ । ୩୯ ସାକାଲ୍ ପାଇଲାକେ କଣ୍ଟିର୍ କନ୍ ଜାଗାଇ ଆସି କେଟ୍ଲୁଆରୁ
 ବଲି ଜାଜ୍ ଚାଲାଉମନ୍ ଜାନି ନାପାର୍ଲାଲାଇ । ମାତର୍ ସେମନ୍ ଦେକ୍ଲାଲ,
 ଜେ ସେଟା ଗଟେକ୍ ସମ୍ବୁର୍ ଆରି ଗାଡ୍ ମିସ୍ଲା ବାଲିପଟା ଜାଗା । ଜଦି
 ପାର୍ଲେ ତେଇ ଜାଜ୍ ଲାଗାଉଁ ବଲି ଚେସ୍ଟା କଲାଲ । ୪୦ ସେଟାର୍ପାଇ
 ଜାଜ୍ ଅଟ୍ଟକାଇବାକେ ବାନ୍ତି ରଇବା ତର୍ ସବୁ କାଟି ଦେଇ, ସେଟା ସବୁ
 ସମ୍ବୁରେ ତପି ଅଇବାକେ ଚାଡି ଦେଲାଲ । ଆରି ଜାଜ୍ ସଲ୍କାଇବାକେ
 ବାନ୍ତି ରଇବା ତର୍ କୁସ୍ଲାଲଦେଇ ମୁଆଟେ ବାନ୍ତି ଅଇରଇବା ତେରାକେ
 ଟେକି ଦେଲାଲ । ସେନ୍ତା କଲାକେ ଜାଜ୍ ପବ୍ନେ ଟେଲାଲ ଟେଲାଲ ଅଇକରି
 କଣ୍ଟିବାଟେ ଜିବାର୍ ଦାର୍ଲା । ୪୧ ଗାଡ୍ ଆରି ସମ୍ବୁର୍ ମିସ୍ଲା ସାଙ୍ଗୁମର୍
 ବାଲିପାଟାଇ, ଜାଜ୍ ତୁକାଇ ଅଇ ମୁଆର୍ଟ୍ ବାଟର୍ଟା ତଲେ ତପିଅଇ ଅଟ୍ଟକି
 ଦେଲା । ଅପର୍ବଲ୍ ଲଉଡି ଆସି ଜାଜର୍ ପର୍ବାଟେ ତୁକାଇ ଅଇଲାକେ ପର୍
 ବାଟର୍ଟା ମିସା ବାଡ଼ି କଣ୍ଟି କଣ୍ଟି ଅଇଗାଲା । ୪୨ ସନିଅମନ୍ ବନ୍ତି ଲକ୍ମନ୍କେ
 ପଅଁରି ପଅଁରି ଉଟିଜିବାଇ ବଲି ବାବି କରି ମାରିମରାଇବାକେ ବାବ୍ଲାଲ ।
 ୪୩ ମାତର୍ ସେନାପତି ପାଉଲ୍ ଜିବନ୍ ବୈତାଇବି ବଲି ବାବ୍ତେ ରଇଲା ।
 ତେବେ ସେ ସନିଅମନ୍କେ ସେନ୍ତାରି କରାନାଇ ବଲି ମନାକଲା । ଜେଡ୍କି
 ପଅଁରି ପାର୍ବା ସବୁ ଲକ୍ମନ୍କେ ପାନିଟାନେ ତେଗଇକରି ପଅଁରି ପଅଁରି
 କଣ୍ଟିତେଇ ଜିବାକେ ଆଦେସ୍ ଦେଲା । ୪୪ ଆରି ବାକି ଲକ୍ମନ୍କେ ଜାଜର୍
 ବାଙ୍ଗୁଲା ପାଟା ଆରି କାଇ କାଇଟାମନ୍ ଦାରି ପଅଁରି କରି ବାରୁଆ । ବଲି
 କଇଲା । ଏନ୍ତାରି ଅଇ ସବୁଲକ୍ କାଇଟା ନ ଅଇତେ କଣ୍ଟି ଆସି ବାରଇଲାଲ ।
 ସାରାସାରି ଆମେ ସବୁଲକ୍ କଣ୍ଟି କେଟ୍ଲୁ ।

୨୮ କାଇଟା ନ ଅଇ, କଣ୍ଠିପାଲି ଜାଇ ଦେକ୍ଲୁ ଜେ, ଆମେ ମେଲିତି ନାଉଁର୍
 ଚାରିବେଟ୍ଟି ପାନିର୍ ମଜାଇ ରଇବା ସୁକ୍ଲ୍ୟା ଜାଗାଇ କେଟିଆରୁ । **୨** ତେଇ
 ପୁର୍ବେଅନି ରଇବା ଲକ୍ମନ୍ ଆମ୍ବକେ ଆଲାଦ୍ ଦେକାଇଲାଇ, ସେବେଲେ
 ବର୍ସା ମାରି ସିଦ୍ ଅଇତେ ରଇଲା । ସେଟାର୍ ପାଇ ସେମନ୍ ଆମ୍ବକେ ଜଇ
 ଲାଗାଇ ଗତିଆ ମାନ୍ଲାଇ । **୩** ପାଉଲ୍ ଗଟେକ୍ ବିଡା ଦାରୁ ଜଇତେଇ
 ପାକାଇବା ବେଲେ ଜଇ ତାଡିର୍ ଲାଗି ବିଡାଇଅନି ଗଟେକ୍ ବିସ୍‌ରଇବା
 ସାଁପ୍ ବାରଇଲା ଆରି ପାଉଲ୍ ଆତେ ଚଗି ଚାବି ତସିରଇଲା । **୪** ସେ
 ଜାଗାର୍ ଲକ୍ମନ୍ ପାଉଲ୍ ଆତେ ଚାବିକରି ତସି ଜୁଲ୍‌ତେ ରଇବା ସାଁପ୍‌କେ
 ଦେକି ତାକର୍ ତାକର୍ ବିତ୍‌ରେ କୁଆବଲା ଅଇଲାଇ, “ଏ ବାଇଦରେ ଗଟେକ୍
 ନର୍ମାରୁ ଲକ୍, ସେ ଜାଇଟା ମିସା ଅ ବେ, ସେ ସମ୍‌ଦୁରେ ରକିଆ ପାଇରଇଲେ
 ମିସା ତାର୍ କରମ୍ ତାକେ ବର୍ଦ୍‌ବାକେ ନ ଦେଏ ।” **୫** ମାତର୍ ପାଉଲ୍
 ତାର୍ ଆଦ୍ ଜିଞ୍ଜାଦ୍‌ଲାକେ ସାଁପ୍ ଜଇତେଇ ଅଦର୍ଲା ଆରି ତାକେ କାଇଟା
 ଅଏନାଇ । **୬** ଲକ୍ମନ୍ ପାଉଲ୍ ଆଦ୍ ପୁଲିଜାଇସି ନଇଲେ ଅଟାଦ୍ ଅଦ୍‌ରି
 ମରିଜାଇସି ବଲି ଜାଗିରଇଲାଇ, ମାତର୍ ବେସି ପର୍ ଜାଗିକରି ଦେକ୍‌ଲାଇ
 ମିସା ତାକେ କାଇଟା ଅଏ ନାଇ । ପତେ ସେମନ୍ କାତା ପାସ୍‌ଲାଇକରି
 କଇଲାଇ “ଏ ଗଟେକ୍ ଦେବ୍‌ତା!” **୭** ତେଇଅନି ଅଲପ୍ ଦୁରିକେ ସେ ଜାଗାର୍
 ମୁକିଅ ନେତା, ତାର୍ ନାଉଁ ପବ୍‌ଲିଅ । ତାର୍ କେତେଟା ପଦା ରଇଲା, ସେ
 ଆମ୍ବକେ ଗତିଆ ମାନିକରି ଡାକିନେଲା । ଆରି ଆମେ ତିନ୍ ଦିନ୍ ଜାକ ତାକର୍
 ଗରେ ଗତିଆ ଅଇ ରଇଲୁ । **୮** ସେବେଲେ ପବ୍‌ଲିଅସର୍ ବାବା ଜର୍ ଆରି
 ରକଡ୍‌ଜାତା ଦାରାଇଅଇ ତୁଲିରଇଲା । ପାଉଲ୍ ତାକର୍ ବାକ୍‌ରାଇ ଜାଇ
 ତାର୍‌ପାଇ ପାର୍‌ତନା କରି ତାର୍ ଉପ୍‌ରେ ଆଦ୍ ଚିଇ ତାକେ ନିମାନ୍‌କଲା ।
୯ ଏ ଗର୍‌ନା ପତେ ସେ ଜାଗାର୍ ଜେଡ୍‌କି ରଗିମନ୍ ସବୁ ପାଉଲ୍ ଲଗେ
 ଆସି ନିମାନ୍ ଅଇଲାଇ । **୧୦** ସେମନ୍ ଆମ୍ବକେ ବେସି ବିନ୍ ବିନ୍ ରକାମର୍
 ଜିନିସ୍ ଇନାମେ ଦେଲାଇ ଆରି ଆମେ ତେଇଅନି ଜାଜେ ବସି ଜିବାବେଲେ
 ସେମନ୍ ଆମର୍‌ପାଇ ଦର୍‌କାର୍ ରଇଲା ସବୁ ଜିନିସ୍ ଜାଜେ ଆନି ଦେଲାଇ ।
୧୧ ସେ ଜାଗାଇଅନି ବାରଇବାକେ ଆମ୍ବକେ ତିନ୍‌ମାସ୍ ଲାଗ୍‌ଲା । ସିଦ୍‌ଦିନ୍
 ଅଇରଇଲାକେ ତବିର୍‌ଅଇଲା ଆଲେକ୍‌ଜାଣ୍ଡ୍‌ରିଆ ନଅରେଅନି ଆସିରଇବା
 ଗଟେକ୍ ଜାଜେ ଆମେ ବାରଇଲୁ । ସେ ଜାଜର୍ ନାଉଁ ରଇଲା ଜିଲି ଦେବ୍‌ତା
 । **୧୨** ପର୍‌ଦୁମ୍ ସିର୍‌କୁସ୍ ନାଉଁର୍ ନଅରେ କେଟି ତେଇ ତିନ୍‌ଦିନ୍ ରଇଲୁ

। ୧୩ ତେଜଅନି ଆରି ତରେକ୍ ଜିବାଟା ଆରାମ୍ କରି ଆମେ ରେଜିଅମ୍
 ସଅରେ କେଟ୍ଲୁ । ତାର୍ ଆର୍କର୍ ଦିନେ ଦକିଣ୍ ଦିଗେଅନି ପବନ୍ ଆଇଲା
 ଆରି ଦୁଇଦିନ୍ ପତେ ପୁତେଅଲି ସଅରେ କେଟ୍ଲୁ । ୧୪ ତେଜ କେତେଟା
 ଜିସୁକେ ବିସ୍ବାସ୍ କରବା ବାଇମନ୍‌କେ ମିସ୍ଲୁ । ତାକର୍ ସଞ୍ଜ୍ ଗଟେକ୍
 ଆର୍ ରଇବାକେ ସେମନ୍ ଆମ୍‌କେ ବାବୁଜିଆ କଲାଇ । ସାରାସାରିପତେ
 ଆମେ ରମ୍ ଦେସେ ଜାଇ କେଟ୍ଲୁ । ୧୫ ଆମେ ଗାଲା କବର୍ ସୁନିକରି
 ରମ୍ ଦେସର୍ ବିସ୍ବାସି ବାଇମନ୍ ତେଜଅନି ଆପିଅ ଜାଗାର୍ ଆଟେ ଆରି
 ତିନ୍‌ସରା ନାଉଁର୍ ନଅର୍ମନ୍ ଜାକ ଆମ୍‌କେ ବେଟ୍ ଅଇବାକେ ଇଣ୍ଟି ଇଣ୍ଟି
 ଆଇଲାଇ । ସେମନ୍‌କେ ଦେକି ପାଉଲ୍ ପର୍ମେସର୍‌କେ ଦନିଅବାଦ୍ ଦେଲା
 ଆରି ବେସି ସାର୍‌ଦା ଅଇଲା । ୧୬ ଆମେ ରମ୍ ଦେସେ କେଟ୍ଲା ପତେ
 ପାଉଲ୍‌କେ ଗଟେକ୍ ସନିଅ ସଞ୍ଜ୍ ଗଟେକ୍ ଗରେ ରଇବାକେ ଆଦେସ୍ ମିଲ୍ଲା
 । ୧୭ ତିନ୍ ଦିନ୍ ପତେ ପାଉଲ୍ ସେ ଜାଗାର୍ ଜିଉଦି ନେତାମନ୍‌କେ ଗଟେକ୍
 ସବା କରବାକେ କବର୍ ପାଟାଇଲା । ସେମନ୍ ଆସି ରୁଣ୍ଡୁଲାଇକେ ପାଉଲ୍
 ସେମନ୍‌କେ କଇଲା, “ଏ ଇସ୍ରାଏଲର୍ ବାଇମନ୍, ମୁଇ ଆମର୍ ଲକ୍‌ମନର୍
 ବିରୁଦେ କି ଆମର୍ ଆନିଦାଦିମନର୍ ଟାନେଅନି ସିକିରଇବା ରିତିନିତି ବିରୁଦେ
 କିଟି କରିନାଇ, ଏଲେ ମିସା ଜିରୁସାଲାମର୍ ଜିଉଦିମନ୍ ମକେ ଦାରି ବନୁଗରେ
 ପୁରାଇ ରମିଅମନ୍‌କେ ସର୍ପିଦେଲାଇ । ୧୮ ମକେ ପାତାର୍ ଉତାର୍ କଲା
 ପତେ ମରନ୍ ତଣ୍ଟୁ ପାଇବା ଏଡ୍‌କି କାଇ ଅପ୍‌ରାଦ୍ କରେ ନାଇ ବଲି ଜାନ୍‌ଲାଇ
 । ପତେ ରମିଅ ଲକ୍‌ମନ୍ ମକେ ମୁକ୍‌ଲାଇବାକେ ମନ୍ କର୍ତେ ରଇଲାଇ ।
 ୧୯ ମାତର୍ ଜିଉଦି ଲକ୍‌ମନ୍ ମକେ ତାଡ୍‌ବାକେ ରାଜି ଅଅଡ୍‌ନାଇ । ତେବେ
 ମର୍ ନିଜର୍ ଲକ୍‌ମନର୍ ବିରୁଦେ ମର୍ କାଇ ଦାବି ନ ରଇଲା ମିସା, ମୁଇ
 ବଡ୍‌ସାସନ୍‌କାରିଆକେ ଗୁଆରି କର୍ବି ଆକା ବଲି ବାବ୍‌ଲି । ୨୦ ସେଟାର୍‌ପାଇ
 ଏ ବିସଇ କାତାବାର୍ତା ଅଉଁ ବଲି ମୁଇ ତମ୍‌କେ ଡାକାଇ ଆତି । ଇସ୍ରାଏଲର୍
 ଲକ୍‌ମନ୍ ଏବେ ଜାକେ ଆସା କରି ଆଇଲାଇନି, ତାର୍‌ପାଇ ବଲିକରି ମୁଇ
 ଆଜି ସିକ୍‌ଲି ସଞ୍ଜ୍ ବାନ୍ତୁଇ ଅଇଆତି ।” ୨୧ ସେମନ୍ କଇଲାଇ, “ଆମ୍‌କେ
 ଜିଉଦା ଦେସେଅନି ତମର୍ ବିସଇ କାଇ ଚିଟି ଗଟେକ୍ ମିସା ମିଲେ ନାଇ,
 କି ବାଇମନର୍ ବିଡ୍‌ରେଅନି କେ ମିସା ଇତି ଆସି ତମର୍ ବିସଇର୍ ବୁଲ୍
 କାତା ସୁନାଅଡ୍ ନାଇ କି କଅଡ୍ ମିସା ନାଇ । ୨୨ ମାତର୍ ତମେ କାଇଟା
 ବଲି ବିସ୍ବାସ୍ କଲାସ୍‌ନି, ସେଟା ତମର୍‌ଟାନେଅନି ଆମେ ସୁନ୍‌ବାକେ ମନ୍

କଲୁନି । କାଲକେବଇଲେ, ଗୁଲାଇବାଟର ଲକ୍ ତମର ଦଲ୍ ବିରୁଦ୍ଧେ କାତା
 ଅଇଲାଇନି ।” ୨୩ ସେମନ୍ ଗଟେକ୍‌ଦିନ୍ ଟିକ୍ କଲାଲ ଆରି ଟିକ୍ କଲା ଦିନେ
 ସେମନ୍‌ର ବିତ୍‌ରେଅନି ବେସି ଲକ୍ ପାଉଲ୍ ରଇବା ଜାଗାଇ ଆଇଲାଲ ।
 ପାଉଲ୍ ସେମନ୍‌କେ ସାକାଲେଅନି ସଞ୍ଜୁଜାକ ପରମେସର୍ ରାଇଜ୍ ବିସଇ
 ବୁଜାଇଦେଲା ଆରି ମସାର୍ ରିତିନିତି ଆରି ବବିସତ୍‌ବକ୍‌ତାମନ୍ ଲେକ୍‌ଲା
 ସାସ୍‌ତରର୍ ବାକିଆ ଦେକାଇକରି ଜିସୁର୍ ବିସଇ ବୁଜାଇଲା । ୨୪ ତେଇ
 କେତେ ଲକ୍ ପାଉଲ୍ କଇଲା କାତା ବିସ୍‌ବାସ୍ କଲାଲ, ମାତର୍ କେତେ ଲକ୍
 ବିସ୍‌ବାସ୍ କରତ୍ ନାଇ । ୨୫ ତେବେ ତାକର୍ ତାକର୍ ବିତ୍‌ରେ ଦଦାପେଲା
 ଅଇକରି ବାରଇ ଉଟିଗାଲାଲ । ପାଉଲ୍ ଗଟେକ୍ କାତା କଇଲା, ସୁକଲ୍
 ଆତ୍‌ମା ତମର୍ ଆନିଦାଦିମନ୍‌କେ ଜିସାୟ୍ ବବିସତ୍‌ବକ୍‌ତାର୍ ତଣ୍ଡେଅନି ସତ୍
 କାତା କଇରଇଲା! ୨୬ ସେ କଇରଇଲା, “ଏ ଲକ୍‌ମନ୍‌କେ ଜାଇ କଅ, ତମେ
 ସୁନି ସୁନି ରଇସା, ମାତର୍ ନ ବୁଜାସ୍ । ଦେକି ଦେକି ରଇସା, ମାତର୍ ନ
 ତିନାସ୍ ।” ୨୭ କାଲକେ ବଇଲେ ଏ ଲକ୍‌ମନ୍‌ର ମନ୍ ବେସି ଆଁଟ୍, ସେମନ୍
 ନିଜର୍ ନିଜର୍ ଆଁକି ଲିମିଦେଇ ଆତତ୍ ଆରି କାନ୍ ରୁଟି ଦେଇ ଆତତ୍,
 ସେମନ୍ ଜଦି ଆଁକି ଦେକ୍‌ତାଇ, ଆରି ରୁଟି ଅଇଲା କାନ୍ ଉଗାଡି ସୁନ୍‌ତାଇ ।
 ସେନ୍ତୁର୍ ଆଲେ ସେମନ୍ ମନେ ମନେ ବୁଜ୍‌ତାଇ । ଆରି ସେମନ୍ ମର୍ଲଗେ
 ବାଅଡ୍‌ତାଇ ଆରି ମୁଇ ସେମନ୍‌କେ ନିକ କରତି । ଏଟା ପରମେସର୍ କଇଲାନି
 । ୨୮ ସାରାସାରିପତେ ପାଉଲ୍ କଇଲା “ତେବେ ପରମେସରର୍ ମୁକ୍ତି
 ଜିଉଦିନଇଲା ଲକ୍‌ମନ୍‌ର ପାଇ ଆଇଲା ଆତେ । ଏଟା ତମେ ଜାନିରୁଆ,
 ସେମନ୍ ମିସା ସେଟା ମାନ୍‌ବାଇ ।” ୨୯ ପାଉଲ୍ ଏ ସବୁ କାତା କଇଲାକେ,
 ଜିଉଦିମନ୍ ନିଜର୍ ନିଜର୍ ବିତ୍‌ରେ ଦଦାପେଲା ଅଇଅଇକରି ଉଟିଗାଲାଲ ।
 ୩୦ ପାଉଲ୍ ଗଟେକ୍ ଗର୍ ବାଡାକରି ତେଇ ଦୁଇ ବରସ୍ ଜାକ ରଇଲା ଆରି
 ତାକେ ଦେକ୍‌ବାକେ ଆଇଲା ସବୁ ଲକ୍‌ମନ୍‌କେ ତେଇ ଗତିଆ ମାନ୍‌ତେରଇଲା
 । ଜେତ୍‌କି ଲକ୍ ପାଉଲ୍‌ର ଲଗେ ଆଇତେ ରଇଲାଲ ସେ ସବୁ ଲକ୍‌କେ ଡାକି,
 କାକେ ନ ତରୁତେ କଲା । ୩୧ ଆରି ତାକେ କେ ମିସା ତେବାଅତ୍ ନାଇ । ସେ
 ପରମେସରର୍ ରାଇଜ୍ ବିସଇ ଜାନାଇକରି ମାପ୍‌ରୁ ଜିସୁକିରିସ୍‌ଟର୍ ବିସଇ
 ସିକିଆ ଦେଇତେରଇଲା ।

ରମିୟ

୧ ମୁଁ ପାଉଁ ଏବଂ ଲେକ୍‌ଲିନି, ମୁଁ କିରିସ୍‌ଟ ଜିସୁର ଗଟେକ୍ ସେବାକାରିଆ । ପରମେସର୍ ମକେ ବାହା ଆରି ତାର୍ ନିମାନ୍ କବର୍ ଜାନାଇବାକେ ସର୍ପିଦେଲା । ୨ ରାଜେ ରଇବା ତମର୍ ସବୁଲକର୍‌ପାଇ ମୁଁ ଏ ଚିଟି ପାଟାଇଲିନି । ୩ ପରମେସର୍ ଏ ବିସଇ ଆଗେଅନି କାତା ଦେଇରଇଲା, ଆରି ସୁକଲ୍ ସାସ୍‌ତରେ ସେ ସବୁ ଲେକ୍‌ବା ପାଇ ତାର୍ ବବିସ୍‌ତବକ୍‌ତାମନ୍‌କେ ଡିଆର୍‌ଲା । ୪ ଏ ସୁବ୍‌କବ୍‌ତେଇ ପରମେସର୍‌ର ପଅ, ଆରି ଆମର୍ ମାପୁରୁ ଜିସୁକିରିସ୍‌ଟର୍ ବିସଇ ଆତେ । ସେ ଏ ମର୍‌ପୁରେ ନର୍ ରୁପ୍‌ଦାରି ଦାଉଦର୍ ନାତିତି ଅଇ ଜାତ୍ ଅଇଲା । ୫ ମାତର୍ ସେ ପୁରାପୁରୁନ୍ ସୁକଲ୍ ରଇଲା, ଆରି ପରମେସର୍‌ର ବଡ୍ ବପୁସ୍‌ତୁ ତାକେ ମଲାଟାନେଅନି ଉଟାଇଲା । ମଲାଟାନେଅନି ଉଟ୍‌ଲାର୍‌ପାଇ ସେ ପରମେସର୍‌ର ପଅ ବଲି ଦେକାଇଲା । ୬ ପରମେସର୍ କିରିସ୍‌ଟର୍ ତେଇଅନି ମକେ ଗଟେକ୍ ପେରିଡ୍ କଲାଆତେ, ଜେନ୍ତୁରି କି ସବୁ ଜଗତର୍ ଲକ୍‌ମନ୍‌କେ ତାର୍ ବିସଇ ଜାନାଇବି । ସେମନ୍ ସେଟା ବିସ୍‌ବାସ୍ କରି ମାନ୍‌ବାଇ । ୭ ଏ ରମ୍ ଦେସର୍ ଲକ୍! ତମେମିସା ଜିସୁକିରିସ୍‌ଟର୍ ସିସ୍ ଅଇବାକେ ବାତାଇ ଅଇଆତାସ୍ । ୮ ରମେ ରଇବା ସବୁ ଲକ୍‌କେ ଏ ଚିଟି ଲେକ୍‌ଲିନି । କାଇକେବଇଲେ ତମ୍‌କେ ପରମେସର୍ ଆଲାଦ୍ କଲାନି । ଆରି ତାର୍ ନିଜର୍ ଲକ୍ ଅଇବାକେ ତାକି ଆତେ । ଆମର୍ ବାବା ପରମେସର୍ ଆରି ମାପୁରୁ ଜିସୁକିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ । ୯ ମୁଁ ତମ୍‌କେ ପର୍‌ତମେ ଏ ବିସଇ କଇବାକେ ମନ୍ କରି ରଇଲିଜେ, ତମର୍ ସବୁଲକର୍‌ପାଇ ମୁଁ ମାପୁରୁ ଜିସୁର ନାଉଁ ଦାରି ପରମେସର୍‌କେ ଦନିଅବାଦ୍ ଦେଲିନି । କାଇକେବଇଲେ ଗୁଲାଇ ଜଗତର୍ ଲକ୍, ତମେ ବିସ୍‌ବାସ୍ କରିରଇବା ବିସଇ ସୁନ୍‌ଲାଲିନି । ୧୦ ମୁଁ ମର୍ ସବୁ ମନ୍‌ପରାନ୍ ଦେଇ ଜନ୍ ପରମେସର୍‌କେ ସେବା କଲିନି, ଆରି ଜନ୍ ପରମେସର୍‌ର ପଅର୍ ସୁବ୍ କବର୍ ଜାନାଇଲିନି, ସେ ପରମେସର୍ ମର୍ ସାକି । ୧୧ ମୁଁ ପାର୍‌ତନା କଲାବେଲେ ତମ୍‌କେ ସବୁବେଲେ ଏତାଇଲିନି । ସେ ମନ୍ କଲେ, ମକେ ତମର୍ ଲଗେ ଜିବାକେ ବେଲା ଟିକ୍ କରି ଦେଅ ବଲି ପରମେସର୍‌କେ ଗୁଆରି କଲିନି । ୧୨ ତମର୍ ଲଗେ ଆଇବାକେ ମୁଁ ବେସି ମନ୍ କଲିନି । ମର୍ ପାଇରଇଲା ଆତ୍‌ମାର୍ ଦାନ୍ ବିସଇ ଜାନାଇବାଟାନେଅନି ତମର୍ ବିସ୍‌ବାସ୍ ତାଟ୍ କରାଇବି । ୧୩ ଏଟାର୍ ଲାଗି ତମର୍ ବିସ୍‌ବାସେଅନି ମର୍ ବିସ୍‌ବାସ୍

ତାହୁଁ ଅଇସି ଆରି ମରୁ ବିସ୍‌ବାସେଅନି ତମରୁ ବିସ୍‌ବାସ୍ ତାହୁଁ ଅଇସି । ୧୩
 ବାଇବଇନିମନ୍, ତମରୁ ଟାନେ ଆଇବାକେ ମୁଇ ବେସି ତରୁ ମନ୍ କରିରଇଲି,
 ମାତରୁ ଦାରାବାନ୍ଧୁଅଇ ଜାଇରଇଲି ଜେ ଆଜିକେ ଜାକ ଆସି ନାପାରୁଲିନି ।
 ବିନ୍ ବିନ୍ ଜାଗାରୁ ଜିଉଦି ନଇଲା ଲକ୍‌ମନରୁ ବିତ୍‌ରେ ସୁବ୍‌କବରୁ ଜାନାଇକରି
 ମକେ ଜେତୁକି ସାର୍‌ଦା ମିଲୁଲା ଆଚେ, ତମରୁ ଜାଗାଇ ମିସା ସେଟା କରୁବାକେ
 ମୁଇ ମନ୍ କଲିନି । ୧୪ କାଇକେବଇଲେ, ଗିରିକ୍ ଲକ୍‌ମନରୁ ପାରା ଗିଆନ୍
 ରଇଲେ ମିସା, ମୁରୁକ ଲକ୍ ଅଇରଇଲେ ମିସା, ସିକିରଇବା ଲକ୍ ଅଇରଇଲେ
 ମିସା, କି ନ ସିକିରଇବା ଲକ୍ ଅଇରଇଲେ ମିସା, ଏ ସବୁ ଦଲରୁ ଲକ୍‌ମନରୁ
 ପାଇ ମରୁ ଦାଇତୁ ଆଚେ । ୧୫ ସେଟାରୁ ପାଇ ରମ୍ ଗତରୁ ଲକ୍, ତମରୁ
 ଲଗେ ମିସା ନିମାନ୍ କବରୁ ଜାନାଇବାକେ ମୁଇ ମନ୍ କଲିନି । ୧୬ ସେ
 ସୁବ୍ କବରୁଟାନେ ମରୁ ପୁରାପୁରୁନ୍ ଆସାଆଚେ, ସେଟା ସିଗ୍ ପରୁତମେ
 ଜିଉଦି ଲକ୍‌ମନରୁ ପାଇ ଆରି ତାରୁ ପଚେ ବିସ୍‌ବାସ୍ କରୁବା ଜିଉଦି ନଇଲା
 ଲକ୍‌ମନରୁ ପାଇ ପରମେସରରୁ ବଡ଼ ବପୁ । ୧୭ ଲକ୍‌ମନ୍ ପରମେସରରୁ
 ଲଗେ କେନ୍ତୁ ଦରମ୍ ଲକ୍ ବଲାଇ ଅଇ ପାରୁବାଇ, ତାରୁ ଉପାଇ ତେଇ
 ଦେକାଇ ଦିଆଅଇଲା ଆଚେ । ଆରାମେ ଅନି ସାରାସାରିଜାକ ମୁକ୍ତି ପାଇବା
 ଗଟେକ୍ ମାତରୁ ଉପାଇ ଅଇଲାନି, ବିସ୍‌ବାସ୍ । ସାସ୍‌ତରରୁ ବାକିଅ ଇସାବେ
 “ଜେ ବିସ୍‌ବାସ୍ କରି ପରମେସରରୁ ମୁଆଟେ ଦରମ୍ ବଲାଇ ଅଇସି, ସେ
 ବୁଝି ।” ୧୮ ଜନ୍ ପାପି ଲକ୍‌ମନ୍ ନିଜରୁ କାରାପ୍ କାମେଅନି ସଡ଼ ବିସଇ
 ଅଟୁକାଇବାଇ, ସେମନରୁ ବିରଦେ ସର୍‌ଗେଅନି ପରମେସରରୁ ରିସା ଦେକାଇ
 ଅଇସି । ୧୯ କାଇକେବଇଲେ ପରମେସରରୁ ବିସଇନେଇ ଜାଇଟା ଜାନ୍‌ବାରୁ
 ରଇଲା ସେମନ୍ ସେଟା ଜାନ୍‌ଲାଇ ଆଚତୁ । ପରମେସରୁ ନିଜେ ସେଟା
 ଦେକାଇ ଦେଲାଆଚେ । ୨୦ ପରମେସରୁ ଜଗତୁ ତିଆର୍ କଲାତେଇଅନି,
 ତାରୁ ନ ଦେକାଇଅଇବା ଗୁନ୍ ଅଇଲାନି, ତାରୁ କାବାଅଇଜିବା କାମ୍ ଆରି
 ନ ସାରୁବା ବପୁ । ସେ ତିଆର୍ କଲା ବିସଇତେଇ ସେଟା ଦେକିଅଇଲାନି ।
 ସେଟାରୁ ପାଇ ସେମନ୍ ନାଜାନୁବଲି କଇନାପାରତୁ । (aīdios g126) ୨୧
 ସେମନ୍ ପରମେସରୁକେ ଜାନିକରି ମିସା ନିକ ନାମତୁ ନାଇ କି ତାକେ କାଇ
 ବିସଇ ନେଇକରି ମିସା ଦନିଅବାଦ୍ ଦେଅଡ଼ ନାଇ । ସେମନ୍ ତିନ୍ତା କରୁବାଟା
 ସବୁ କାରାପ୍ ଆରି ତାକରୁ ରୁଚାଇ ରଇବା ମନ୍, ଆନ୍ତୁରେ ଆଚେ । ୨୨
 ସେମନ୍ ନିଜୁକେ ଗିଆନି ବଲି ବାବୁଲାଇନି, ମାତରୁ ସତଇସେ ସେମନ୍

ବକୁଆ । ୨୩ ସତ୍ ପରମେସ୍ୱରକେ ନ ନାମିକରି ନସିଜିବା ମୁନୁସ୍, ପସ୍ତୁ,
 ଚତଇ, ସାଁପ୍ପାରା ପୁତ୍ତଲା ତିଆର୍ କରି ସେଟାମନ୍କେ ପୁଜା କଲାଇନି
 । ୨୪ ସେଟାର୍ ପାଇ ପରମେସ୍ୱର ସେମନ୍କେ ଚାଡ଼ିଦେଲାଆଚେ, ଆରି
 ସେମନ୍ ନିଜର୍ ନିଜର୍ ମନ୍ କଲା କାରାପ୍ କାମେ ବୁଡ଼ି ରଇଲାଇନି । ସେମନ୍
 ତାକର୍ ତାକର୍ ବିତ୍ରେ ଲାଜ୍ ଅଇଜିବା ମିସାବିତା କର୍ବାଟା ସଞ୍ଜୁଆଚତ୍
 । ୨୫ ସେମନ୍ ପରମେସ୍ୱରର୍ ବିସଇଟାନେ ରଇବା ସତ୍ ବାଦୁଲେ ମିର୍
 ଦାରିକରି ଆଚତ୍ । ସବୁବେଲେ ତାକ୍ପୁଟା ପାଇବା ପରମେସ୍ୱରକେ ପାର୍ତନା
 ନ କରି, ତିଆର୍ କଲା ଦିନ୍ସୁମନ୍କେ ପାର୍ତନା କଲାଇନି । ସେ କାଲ୍
 କାଲ୍ ଜୁର୍ ଜୁର୍ ତାକ୍ପୁଟା ପାଅ! ଆମେନ୍ । (aiōn g165) ୨୬ ସେମନ୍
 ଲାଜ୍ ଅଇଜିବା ପାପ୍ କାମେ ବୁଡ଼ି ରଇଲାର୍ ପାଇ ପରମେସ୍ୱର ସେମନ୍କେ
 ଚାଡ଼ି ଦେଲାଆଚେ । ତାକର୍ ମାଇଜିମନ୍ ନିଜର୍ ମୁନୁସ୍ ମନର୍ ସଞ୍ଜୁ ସୁଆବସା
 ନ ଅଇ, କାରାପ୍ ଇସାବେ ବିନ୍ ମୁନୁସ୍ ମନର୍ ସଞ୍ଜୁ ସୁଆବସା କଲାଇନି
 । ୨୭ ସେନ୍ଦ୍ରାରିସେ ମୁନୁସ୍ ମନ୍ ମିସା ଆଲାଦେ ମାଇଜି ସଞ୍ଜୁ ସୁଆବସା ନ
 କରି ନିଜର୍ ନିଜର୍ ବିତ୍ରେ କାରାପ୍ ଅଇ ମିସାବିତା ଅଇବା ଚିନ୍ତାଇ ଜଲି
 ଗାଲାଇନି । ମୁନୁସ୍ ମନ୍ ତାକର୍ ତାକର୍ ବିତ୍ରେ ଲାଜ୍ ଅଇବା ଚଲାଚଲ୍ତି
 କଲାଇନି ଆରି ସେଟାର୍ ପାଇ ତଣ୍ଟୁ ପାଇବାକେ ତିଆର୍ ଅଇଲାଇନି । ୨୮ ଏ
 ଲକ୍ ମନ୍ ପରମେସ୍ୱରର୍ ବିସଇନେଇ ନିମାନ୍ ବାବ୍ ବାକେ ମନ୍ ନ କଲାର୍
 ପାଇ, ପରମେସ୍ୱର ସେମନ୍କେ ଚାଡ଼ି ଦେଲାଆଚେ । ଆରି ମନ୍ ବିତ୍ରେ
 କାରାପ୍ ଚିନ୍ତା କର୍ବାଟା କରତ୍ ବଲି ଚାଡ଼ିଦେଲାଆଚେ । ଏଟାର୍ ପାଇ ସେମନ୍
 ନ କର୍ବା କାମ୍ କର୍ବାଇ । ୨୯ ତାକର୍ ବିତ୍ରେ ସବୁରକାମର୍ କାରାପ୍
 ବିସଇ, ଜନ୍ ଟାମନ୍କି, କାରାପ୍ ଚିନ୍ତା କର୍ବାଟା, ବାନିଆ ଚିନ୍ତା କର୍ବାଟା,
 ଲବାଇବାଟା, ଲାଁର୍ ନେବାଟା, ତାକର୍ ତାକର୍ ବିତ୍ରେ ଛିସାତଲା ଅଇବାଟା,
 ନର୍ ମରାଇବାଟା, କିରମାର ଅଇବାଟା, ନାଡ଼ାଇବାଟା, ଆଁକାର୍ କର୍ବାଟା
 ଆରି କୁଟ୍ କାତା ଅଇବାଟା ବର୍ତ୍ତି ଅଇଆଚେ । ୩୦ ସେମନ୍ କାନେ ପୁସ୍ତୁର୍
 ପାସାର୍ ଅଇବାଟା, ବିନ୍ ଲକ୍ କେ ନିନ୍ତା କର୍ବାଟା, ପରମେସ୍ୱରକେ ଗିନ୍
 କର୍ବାଟା, ବଡ଼ପନ୍ ଅଇବାଟା, ବଡ଼ପନିଆ କାତା ଅଇବାଟା, ବିନ୍ ଲକ୍ କେ
 ପାନ୍ତେ ଅଦରାଇବାଟା, ଆରି ଆୟା ବାବାର୍ କାତା ନ ମାନ୍ ବାଟା, ୩୧
 ଦରମ୍ ବିବେକ୍ ନ ଅଇବାଟା, କାତା ଦେଲା ପଚେ ସେଟା ବାଞ୍ଛୁଇବାଟା,
 ତାକର୍ ବିତ୍ରେ ଆଲାଦ୍ ନ କର୍ବାଟା ଆରି ଜିବନ୍ ନ ଦୁକାଇବାଟା ।

୩୨ ଜନ୍ ଲକ୍ଷ୍ମୀନ୍ ଏନ୍ତି ଚଳାଚଳ୍ପି କରୁବାଇ ସେମନ୍ ମରିଜିବାଟା ନିକ । ପରମେସରର୍ ଏ ନିୟମ୍ ସେମନ୍ ଜାନ୍ଲେ ମିସା ଏନ୍ତିସେ ଚଳାଚଳ୍ପି କରୁବାଇ, ଅବ୍ବା ସେଟା ନଏଁ, ମାତର୍ ଏନ୍ତି ଚଳାଚଳ୍ପି କରୁବା ଲକର୍ ବାଟେ ଅଇକରି, ସାର୍ଦା ସଞ୍ଜ ଏଟା ଟିକ୍ ବଲି ସେମନ୍କେ କଇବାଇ ।

୨ ତେବେ ଏ ମର୍ ମଇତର୍ମନ୍, ତମେ କାଇ ବିନ୍ ଲକର୍ ବିଚାର୍ କଲାସ୍ନି କି? ତମେ ଜେ ଅଇରଇଲେ ମିସା, ଏନ୍ତି କରୁବାଟା ଟିକ୍ ନଏଁ । ବିନ୍ ଲକର୍ ଦସ୍ଦାରି ତମେ ଜଦି ନିଜେ ସେ ଦସ୍ କରୁତେ ରଇସା ବଇଲେ, ତମେ ନିଜେ, ନିଜ୍ଜକେ ଦସି ବଲାଇ ଅଇଲାସ୍ନି । ୨ ଆମେ ଜାନ୍ତୁ, ପରମେସର୍ ଏନ୍ତି କରୁତେ ରଇବା ଲକ୍ଷ୍ମୀନ୍କେ ଟିକ୍ ସଞ୍ଜ ବିଚାର୍ କରୁସି । ୩ ଜନ୍ କାରାପ୍ କାମର୍ ଲାଗି ତମେ ବିନ୍ ଲକ୍ଷ୍ମୀନ୍ ଦସ୍ ଦାରୁଲାସ୍ନି, ସେଟା ତମେ ନିଜେ କରୁତେ ରଇସା, ସେଟାର୍ ପାଇ ତମେ ପରମେସରର୍ ବିଚାର୍ ଜାଗାଇ ଟିଆ ନଉଁ ବଲି ବାବୁଲାସ୍ନି କି? ୪ ସେନ୍ତି ବଇଲେ ତା, ତମେ ପରମେସରର୍ ବେସି ଜିବନ୍ ଦୁକାଇଲାଟା, ଉଦାର୍ କରୁବାଟା ଆରି ମୁରୁବାଟାକେ ନାମାସ୍ ନାଇ । ତମେ ସତଇସେ ଜାନିଆତାସ୍ ଜେ, ତମର୍ ମନେ କାରାପ୍ କାମ୍ ଅଇଲାଟା ମାନିଅଇବାକେ ପରମେସର୍ ଏତେକ୍ ଦୟା କଲାଆଟେ । ୫ ମାତର୍ ତମେ ବଡ଼ପନିଆ ଆରି ମନ୍ ଜିଦିଆ । ସେଟାର୍ ପାଇ ସାରାସାରି ବିଚାରୁନା ଦିନେ ପରମେସର୍ ଟିକ୍ ସଞ୍ଜ ତାର୍ ବିଚାରୁନା ଦେକାଇସି । ସେ ରିସାର୍ ଦିନେ ନିଜର୍ ପାଇ ରିସା ଚୁଲିଆଇଲାସ୍ନି । ୬ କାଇକେବଇଲେ ପରମେସର୍ ସେ ଦିନେ ତାର୍ କରମ୍ ଇସାବେ ସବୁକେ ପୁରୁସ୍କାର୍ ଦେଇସି । ୭ ଜନ୍ ଲକ୍ଷ୍ମୀନ୍ ଡାକ୍ପୁଟା, ସନ୍ମାନ୍ ଆରି ଅମର୍ ଅଇବା ଆସାଇ ମୁର୍ଚ୍ଚିକରି ସତ୍ତ୍ୱକାମ୍ କରିଜିବାଇ, ସେମନ୍କେ ପରମେସର୍ ନ ସାରୁବା ଜିବନ୍ ଦେଇସି । (aiōnios g166) ୮ ମାତର୍ ଜନ୍ ଲକ୍ଷ୍ମୀନ୍ ନିଜର୍ ଲାବ୍ ଆରି ସତ୍ ରଇବା ବିସଇ ନ ମାନି, ମିଚ୍କାତା ମାନ୍ବାଇ, ସେମନ୍ ଉପରେ ବଡ଼ ରିସା ଆଇସି । ୯ ଜନ୍ ଲକ୍ଷ୍ମୀନ୍ କାରାପ୍ କାମେ ବୁଡି ଆତଡ଼, ସେମନ୍ ପାଇ କସ୍ଟ ଆରି ଦୁକର୍ ଦିନ୍ ଆଇଲାନି । ସବୁକେ ଆଗୁରୁ ଜିଉଦିକେ ଆରି ତାର୍ ପଟେ ଜିଉଦି ନଇଲା ଲକ୍ଷ୍ମୀନ୍ ପାଇ । ୧୦ ମାତର୍ ଜନ୍ ଲକ୍ଷ୍ମୀନ୍ ସତ୍ ଇସାବେ କାମ୍ କଲାଇନି, ସେମନ୍ ଜିଉଦି ଅଅଡ଼ କି ଜିଉଦି ନଇଲା ଲକ୍ ଅଅଡ଼, ସେମନ୍କେ ପରମେସର୍ ଡାକ୍ପୁଟାକରି ସନ୍ମାନ୍ ଆରି ସାନ୍ତି ଦେଇସି । ୧୧ କାଇକେ ବଇଲେ ପରମେସର୍ ଗଟେକ୍ ତୁଲାଇସେ ସବୁର୍ ବିଚାର୍

କରୁଥି । ୧୭ ଜିଉଦି ନଇଲା ଲକ୍ମନ୍, ମସା ଲେକ୍ଲା ନିୟମ୍ ପାଅଡ୍ ନାଇ । ନିୟମ୍ ନ ପାଇ ପାପ୍ କଲା, ସେମନ୍ ନିୟମ୍ ନ ଅଇତେ କୁରୁପ୍ନାସ୍ ଅଇବାଇ । ଆରି ଗଟେକ୍ବାଟେ ଜିଉଦିମନ୍ ନିୟମ୍ ଜାନିକରି ମିସା, ପାପ୍ କଲା, ସେମନ୍ ସେ ନିୟମ୍ ଇସାବେ ଡଣ୍ଟୁ ପାଇବାଇ । ୧୩ କାଇକେବଇଲେ ଲକ୍ମନ୍ ଉଜେ ନିୟମ୍ ସୁନ୍ଲେସେ ପରମେସରର୍ ମୁଆଟେ ଦରମ୍ ଲକ୍ ବଲି ଏଜାଇଅଇ ନାପାରଡ୍, ମାତର୍ ନିୟମ୍ ନାମ୍ଲେସେ ଅଇପାରଡ୍ । ୧୪ ଜିଉଦିନଇଲା ଲକ୍ମନର୍ ନିୟମ୍ ନାଇ, ମାତର୍ ସେମନ୍ ଅବିଆସ୍ କରି ନିୟମ୍ ବିଦିମନ୍ ନାମ୍ବାଇ, ସେଟାସେ ସେମନର୍ ନିୟମ୍ ପାରା । ୧୫ ସେମନର୍ କାମ୍ଦାମ୍ଟାନେଅନି ଟିକ୍ ସଞ୍ଜୁ ଜାନାପଡ୍ଲାନି ଜେ, ନିୟମ୍ ବିଦିବିଦାନ୍ ସେମନର୍ ମନେ ଲେକାଅଇଲା ଆତେ । ଏ କାତା ସଡ୍, ସେମନର୍ ବିବେକ୍ ଟିକ୍ ବଲି କଇବା ଚଲାଚଲ୍ଡିଅନି ଜାନାପଡ୍ଲାନା । ଜେନ୍ତୁରିକି ସଡ୍ କାମ୍ କଲାବେଲେ ତାକର୍ ବିବେକ୍, ଡ୍ ବଲି କଇସି, ଆରି କାରାପ୍ କାମ୍ କଲାବେଲେ ବିବେକ୍ ସେମନେକ ଦସି କରାଇସି । ୧୬ ଜନ୍ ଦିନେ ପରମେସର୍ ଜିସୁକିରିସର୍ ଟାନେଅନି ମୁନୁସର୍ ବିଡ୍ରେ ଲୁଚ୍ଲା ବିସଇମନ୍ ବିଚାର୍ କରୁସି, ସେ ଦିନେ ମୁଇ ଜାନାଇ ରଇଲା ସୁବ୍ବକବର୍ ଇସାବେ ଏ ସବୁ ଗଟ୍ସି । ୧୭ ତମେମନ୍ ତେବେ? ନିଜ୍ଜେ ଜିଉଦି ବଲାଅଇଲାସ୍ନି, ନିୟମ୍ ଆସାକରି ଆରି ପରମେସର୍ ସଞ୍ଜୁ ମିସାବିତା କର୍ବାଟା ନେଇ ବଡ୍ପନ୍ ଅଇଲାସ୍ନି, ୧୮ ପରମେସର୍ ତମର୍ଟାନେଅନି କାଇଟା ମନ୍ କଲାନି ସେଟା ତମେ ଜାନିଆଟାସ୍ । ଆରି ନିୟମେଅନି ସଡ୍ ଆରି ସଡ୍ ନ ଅଇବା ଗିଆନ୍ ପାଇଆଟାସ୍, ୧୯ ସତଇସେ ଜାନିଆଟାସ୍ ଜେ, ତମେ କାଣାକେ ବାଟ୍ଡକାଇବା ଲକ୍, ଆନ୍ତ୍ରେ ରଇବା ଲକ୍ମନର୍ ପାଇ ଉଜଲ୍ ପାରା । ୨୦ ବକୁଆମନ୍କେ ନିମାନ୍ କାତା କଇବା ଲକ୍, ଗିଆନ୍ ନ ରଇବା ଲକ୍ମନର୍ ରୁରୁ । ତମେ ବିସ୍ବାସ୍ କଲାସ୍ନି ଜେ, ନିୟମ୍ ଜାନିକରି ପୁରାପୁରୁନ୍ ସଡ୍ ଆରି ଗିଆନ୍ ପାଇଆଟାସ୍ ବଲି । ୨୧ ତମେ ବିନ୍ଲକ୍ମନ୍କେ ସିକାଇଲାସ୍ନି, ମାତର୍ କାଇକେ ନିଜେ ସିକାସ୍ ନାଇ? ଚରାଇବାର୍ ନାଇ ବଲି ସିକିଆ ଦେଇ ନିଜେ ଚରାଇଲାସ୍ନି କି? ୨୨ ପାଦ୍ରା କାମ୍ କରାନାଇ ବଲି କଇ, ନିଜେ ପାଦ୍ରା କାମ୍ କଲାସ୍ନି କି? ପୁଡ୍ଲା ପୁଜାକେ ଗିନ୍ କରି ଦେଉଲର୍ ଦିନ୍ସୁ ଚର୍ଲାସ୍ନି କି? ୨୩ ପରମେସରର୍ ନିୟମ୍ ମିଲାଅଆରୁ ବଲି ବଡ୍ପନ୍ ଦେକାଇଲାସ୍ନି, ମାତର୍ ସେଟାକେ ଏଡିଦେଇକରି ତାକେ ଲାଜ୍ କରାଇଲାସ୍ନି

କି? ୨୪ ସାୟତରେ ଲେକାଅଇଲା ଆଡେ, “ତମରୁଲାଗି ଜିଉଦି ନଇଲା ଲକ୍ମନର ବିତ୍ତରେ ପରମେସର ନିନ୍ଦା ପାଇଲାନି ।” ୨୫ ଜଦି ତମେ ନିୟମ୍ ମାନଲେ, ତମର ସୁନତ୍ ଅଇବାଟା ଟିକ୍ ଆଡେ । ଜଦି ନିୟମ୍ ନ ମାନଲେ ସୁନତ୍ ନ ଅଇଲା ଲକ୍ମନର ସଢ଼୍ଘ ସମାନ୍ । ୨୬ ଜଦି ସୁନତ୍ ନ ଅଇଲା ଗଟେକ୍ ଜିଉଦି ନଇଲା ଲକ୍ ନିୟମର ବିଦିବିଦାନ୍ ସବୁ ନାମ୍ତେ ରଇସି, ପରମେସର ତାକେ ସୁନତ୍ ଲକ୍ ଇସାବେ ନ ତାକେ କି? ୨୭ ସେଟାର୍ ପାଇ ଗାଗ୍ତେ ସୁନତ୍ ନ ଅଇରଇଲା ଜିଉଦି ନ ଅଇଲା ଲକ୍ମନ, ନିୟମ୍ ମାନିକରି ତମର ବିତାର୍ କରବାଇ, କାଇକେ ବଇଲେ ତମେ ଗାଗ୍ତେ ସୁନତ୍ ଅଇ ନିୟମ୍ ପାଇରଇଲେ ମିସା, ସେଟା ନାମାସ୍ ନାଇ । ୨୮ ଉଜେ ଗାଗ୍ତେ ସୁନତ୍ ଅଇ ଉପ୍ରେ ଉପ୍ରେ ଜିଉଦି ବଲି ତିନାଇଅଇବା ଲକ୍ ସତଇସେ ଜିଉଦି ନଅତ୍ । ୨୯ ଜେ ମନ୍ ବିତ୍ତରେଅନି ଜିଉଦି, ସେ ଅଇଲାନି ସତଇସେ ଜିଉଦି । ସତଇସେ ସୁନତ୍ ମନ୍ ବିତ୍ତର ବିସଇ । ସେଟା ସୁକଲ୍ ଆତ୍ମାର୍ କାମ୍ । ଲେକ୍ଲା ନିୟମ୍ ସେଟା କରନାପାରେ । ଏନ୍ତାରି ଲକ୍ ଲକ୍ମନରୁଟାନେଅନି ତାକ୍ପୁଟା ନ ପାଏ, ମାତର୍ ପରମେସରଅନି ପାଇସି ।

୩ ତେବେ ଜିଉଦି ନଇଲା ଲକ୍ମନରତେଇଅନି ଜିଉଦିମନର୍ ଅଦିକ୍ ସୁବିଦା କାଇଟା? ସୁନତ୍ କଲେ କାଇ ଲାବ୍? ୨ ସବୁ ରକାମର୍ ଲାବ୍ ଆଡେ । ତେବେ ପର୍ତୁମ୍, ପରମେସର ତାର୍ କବର୍ ଜାନାଇବା ଦାଇତ୍ ଜିଉଦିମନର୍ ଆଡେ ଦେଲା ଆଡେ । ୩ ତେବେ କାଇଟା ଅଇସି? ଜିଉଦିମନର୍ ବିତ୍ତରେଅନି କେତେ ଲକ୍ ବିସ୍ବାସ୍ ନ କଲେ ପରମେସର କାତା ଦେଇରଇବାଟା ପୁରାପୁରୁନ୍ ନ ଅଏ କି? ୪ କେବେ ନାଇ । ମୁନ୍ଦୁସ୍ମନ୍ ସବୁ ଲକ୍ ମିରୁଆ ଅଇଲେ ମିସା, ପରମେସର ସତ୍ତ୍ସେ । ସାୟତରେ ଲେକା ଆଡେ, “ତମର୍ ବାକିଅ ଅନି ତମେସେ ସତ୍ ବଲି ତିନାଇ ଉଆ, ତମେ ବିତାର୍ କରାଇ ଅଇଲାବେଲେ ଜିତି କରି ରୁଆ ।” ୫ ଇତି ଗଟେକ୍ ପର୍ସନ୍ ଅଇପାରେ, “ଆମର୍ କାରାପ୍ ତଲାତଲ୍ତି, ପରମେସରର୍ ଦରମ୍କେ ତିନାଇ ଦେଇସି ବଇଲେ, ସେ ଆମ୍କେ ତଣ୍ଡୁଦେଇ ଅନିଆଇ କଲାନି ବଲି କଇପାରିଅଇସି କି? ୬ କେବେ ନାଇ । ପରମେସର ଜଦି ନିଆଇତେଇ ନାଇ, ତେବେ ସେ କେନ୍ତୁ ଜଗତର୍ ନିଆଇ ବିତାର୍ କରସି?” ୭ “ଜଦି ମୁଇ ମିର୍ କଇବାଟା ପରମେସରର୍ ସତ୍ ଅଦିକ୍ ତିସି କରି ତାକ୍ପୁଟା କରାଇସି ବଇଲେ, ମୁଇ କାଇକେ ପାପି ବଲି ତଣ୍ଡୁ ପାଇବି?” ୮ ସେନ୍ତୁଆଲେ “ଆସା, ଆମେ କାରାପ୍ କାମ୍ କରୁ ଜେନ୍ତୁରି କି

ତେଜଅନି ନିକ ବିସଇ ବାରଇସି” ବଲି କଇଅଇସି କି? ନାଇ, କଇ ନଏ
 । ମୁଇ ସମାନ୍ ଏନ୍ତି କାତା କଇଲିନି ବଲି ଦାବା କରି କେତେ ଲକ୍ ମକେ
 ଇଜତ୍ ଜିକ୍ଲାଇନି । ସେମନ୍ ସେଟାର୍ ପାଇ ଜନ୍ ତଣ୍ଟୁ ପାଇବାର୍ ରଇଲାଇ,
 ସତଇସେ ପାଇବାଇ । ୯ ତେବେ କାଇ ଜିଉଦିମନର୍ ଜିଉନା କାଉନା, ଜିଉଦି
 ନଇଲା ଲକ୍ମନର୍ଟାନେଅନି ଅଦିକ୍ ନିକ କି? ନାଇ, ମୁଲେକ ନାଇ! ମୁଇ
 ଆଗ୍ତୁଅନି କଇଲି ଆତି ଜେ, ସେମନ୍ ଦୁଇ ଦଲ୍ ଜାକ ପାପର୍ ସାସନେ ଆଚତ୍
 । ୧୦ ସାସ୍ତରେ ଲେକା ଆଚେ, ଦରମ୍ ଲକ୍ କେ ନାଇ ଗଟେକ୍ ଲକ୍ ମିସା
 ନାଇ, ୧୧ କେ ମିସା ଶିଆନ୍ ରଇବା ଲକ୍ ନାଇ । ସତଇସେ ପରମେସର୍କେ
 ଉପାସନା କର୍ବା ଲକ୍ ନାଇ । ୧୨ ସେମନ୍ ସବୁ ଲକ୍ ପରମେସର୍ଟାନେଅନି
 ଅନି ଦୁରିକେ ଜାଇ ଆଚତ୍ । ସେମନ୍ ବାଟ୍ ବାନା ଅଇଗାଲାଇ ଆଚତ୍ ।
 କେ ଗଟେକ୍ ଲକ୍ ମିସା ସତ୍ କାମ୍ କରତ୍ ନାଇ । ୧୩ ସେମନର୍ କାତା
 କଇବାଟାନେ ଅଦିକ୍ ନାତାଇବାଟା ଆଚେ, ଟଣ୍ଟୁଅନି ଗାଡ୍ ଗାଲାପାରା ମିଟ୍
 କାତା ବାରଇଲାନି । ଜିବ୍ତଲେ ନାଗ୍ ସାପର୍ ବିସ୍ ପାରା ଆଚେ । ୧୪
 ସେମନର୍ କାତା, ପିତା ଅଇ, ଅବିସାପେ ପୁରୁନ୍ ଅଇଆଚେ । ୧୫ ସେମନ୍
 ମାର୍ବାକେ ଆରି ମରାଇବାକେ ତେରେପେତେ ଅଇଲାଇନି । ୧୬ ସେମନ୍
 ଜନ୍ବାଟେ ଗାଲାଇନି, ତେଇ କୁରୁପ୍ନାସ୍ ଅଇବାଟା ଆରି କସ୍ଟ ଅଇବାଟା
 ଉବଜ୍ଲାନି । ୧୭ ସେମନ୍ ସାନ୍ତିର୍ ବାଟ୍ ନାଜାନତ୍, ୧୮ କି ପରମେସର୍କେ
 ତର୍ବାଟା ସିକତ୍ ନାଇ । ୧୯ ଆମେ ଜାନ୍ତୁ, ଜନ୍ ଲକ୍ମନ୍ ନିୟମର୍ ସାସନ୍
 ତଲେ ଆଚତ୍, ତେଇର୍ ସବୁ ବିଦିବିଦାନ୍ ମାନ୍ବାକେ ବାଦିଅ । ପରମେସର୍
 ଜେତେବଲ୍ ଗୁଲାଇ ଜଗତର୍ ବିଚାର୍ କର୍ସି, ନିୟମ୍ ନ ମାନ୍ଲା ଲକ୍ମନ୍
 କାଇ କାମ୍ ମିସା ଦେକାଇକରି, ଦସ୍ କରିନାଇ ବଲି କଇନାପାରତ୍ । ୨୦
 ମାତର୍ ନିୟମର୍ ରିତିନିତି ମାନିକରି କେ ମିସା ପରମେସରର୍ ମୁଆଟେ
 ଦରମ୍ ଲକ୍ ଅଇନାପାରେ । ନିୟମେଅନି ସେ ଲକ୍ ଅବ୍କା ପାପର୍ ବଜେସ
 ପାଇସି । ୨୧ ମାତର୍ ଏବେ ଲକ୍ମନ୍ ତାର୍ ମୁଆଟେ ଦରମ୍ ବଲି ଏଜାଇ
 ଅଇବାକେ, ପରମେସର୍ ଜନ୍ଟା ଜଜ୍ନା କରି ରଇଲା, ସେଟା ସେ ଆମ୍କେ
 ଜାନାଇଦେଲାଆଚେ । ମାତର୍ ଏଟା ନିୟମ୍ ମାନ୍ଲାକେ ଅଏନାଇ । ଏ
 ଜଜ୍ନା ମସାର୍ ନିୟମେ ଆରି ବିନ୍ ବବିସତ୍ବକ୍ତାମନର୍ ଟାନେ ମିସା
 ରଇଲା । ୨୨ ଉଜେ ଜିସୁକିରିସ୍ଟକେ ବିସ୍ବାସ୍ କଲାକେ ଏବେ ଆମେ
 ପରମେସରର୍ ଦେକ୍ବା ଇସାବେ ଦରମ୍ ଲକ୍ ବଲାଇ ଅଇଆରୁ । ପରମେସର୍

କେତେ ଲକ୍ଷକେ ଆଲାଦ୍ କରି ଆରି କେତେକ୍ ଲକ୍ଷକେ ଗିନ୍ କରେନାଇ ।
 କିରିସ୍ତକେ ବିସ୍ବାସକରବା ସବୁ ଲକ୍ଷମନ୍ଦକେ ଏ ଅଦିକାର ଦେଲାଆତେ
 । ୨୩ ସବୁ ଲକ୍ଷ ପାପ୍ କଲାଲ ଆତଡ୍ ଆରି ପରମେସରର୍ ପୁରାପୁରୁନ୍
 ମଇମାଇଅନି ଉନା ଅଇଗାଲାଲ ଆତଡ୍ । ୨୪ ମାତର୍ ପରମେସର୍ କିରିସ୍ତ
 ଜିସୁର୍ତେଇଅନି ଇନାମେ ନ ସାର୍ବା ଜିବନ୍ ଦୁକାନି ଦାନ୍ କଲାଆତେ । ଜନ୍
 ଲକ୍ଷମନ୍ ସେଟା ମିଲାଲଆତଡ୍, ସେମନ୍ଦକେ ମାପ୍ତୁ ଜିସୁ ମୁକ୍ତି ଦେଇସି
 । ସେମନ୍ ପରମେସରର୍ ମୁଆଟେ ଦରମ୍ ଲକ୍ଷ ବଲାଲ ଅଇବାଇ । ୨୫
 ପରମେସର୍ ଜିସୁକେ ଦାନ୍କଲା, ଜେନ୍ତିକି ତାର୍ ମରନ୍, ତାକେ ବିସ୍ବାସ
 କରବା ଲକ୍ଷମନ୍ ପାପ୍ କେମାର୍ ବାଟ୍ ଦେକାଇସି । ସେ ନିଜର୍ ଦରମ୍
 ଅଇଲାଟା ଦେକାଇବାକେ ଏଟା କଲା । ସେ ସବୁ ମୁରତିକରି ଲକ୍ଷମନ୍
 ଆଗ୍ତୁ କରିରଇବା ପାପ୍ ଦାରେ ନାଇ । ୨୬ ମାତର୍ ଏବେ ସେ ତାର୍ ଦରମ୍
 ଅଇଲାଟା ଦେକାଇବାକେ ସେ ସବୁ ପାପ୍, ଜନ୍ ପାପ୍ କି ଜିସୁ କୁର୍ସକାଟେ
 ଦାରିରଇଲା, ତେଇ ମିସାଇ ଆତେ । ଏଟାର୍ଲାଗି ପରମେସର୍ ପୁରାପୁରୁନ୍
 ଦରମ୍ ଆତେ । ଆରି ଜେଡ୍ କି ଲକ୍ଷ ଜିସୁକେ ବିସ୍ବାସ କରବାଇ ସେ ସବୁ
 ଦରମ୍ ଲକ୍ଷ ବଲି ଏଜାଇଅଇବାଇ । ୨୭ ସେନ୍ତୁଆଲେ ଆମେ କାଇ
 ବିସଇନେଇ ବଡ୍ପନ୍ ଅଇବାର୍ ଆତେ? ନାଇ ସେନ୍ତି କାଇଟା ମିସା ନାଇ ।
 ଆମେ ବଡ୍ପନ୍ ଦେକାଇବାକେ କାଇ ବିସଇ ଆତେ କି? ଆମେ ପୁରାପୁରି
 ନିୟମ୍ ମାନ୍ଲୁନି ବଲିକରି କି? ନାଇ, ଅବ୍ବା ବିସ୍ବାସ କରବାଟାସେ ଆମର୍
 ବଡ୍ପନ୍ ଦେକାଇବାଟା । ୨୮ ଆମେ ସତଇସେ ବୁଜି ପାର୍ଲୁ ଜେ, ଗଟେକ୍
 ଲକ୍ଷ ଅବ୍ବା ବିସ୍ବାସ କରିସେ ଦରମ୍ ଲକ୍ଷ ବଲାଲ ଅଇସି, ନିୟମ୍ ମାନିକରି
 ନାଇ । ୨୯ ପରମେସର୍ କାଇ ଉଜେ ଜିଉଦିମନ୍ଦସେ ପରମେସର୍ କି?
 ସେ କାଇ ଜିଉଦିନଇଲା ଲକ୍ଷମନ୍ ପରମେସର୍ ନଏଁ କି? ସତଇସେ ସେ
 ସବୁ ଲକ୍ଷ ପରମେସର୍ । ୩୦ ପରମେସର୍ ଗଟେକ୍ସେ । ଜିଉଦି ଆରି
 ଜିଉଦିନଇଲା ଲକ୍ଷ ପାଇ ସମାନ୍ । ସେମନ୍ଦ ବିସ୍ବାସ ପାଇ ସେମନ୍ଦକେ
 ଦରମ୍ ଲକ୍ଷ ଇସାବେ ବାଟ୍ସି । ୩୧ ଏଟାର୍ ଅରଡ୍ କାଇଟା, ଏନ୍ତୁରି ବିସ୍ବାସ
 କରି ନିୟମ୍ ନସାଇଦେଉଁ କି? ନାଇ, ଆମେ ଜଦି ଜିସୁକିରିସ୍ତକେ ବିସ୍ବାସ
 କରୁ ବଇଲେ, ନିୟମ୍କେ ମିସା ତାଟ୍ କରୁ ।

୪ ଆମର୍ ବାବା ଅବ୍ରାଆମର୍ ବିସଇନେଇ କାଇଟା ବଲି କଉଁ? ସେ ଆମର୍
 ଜିଉଦି ବସ୍ତର୍ ଆନିଦାଦି ରଇଲା । ସେ କେନ୍ତି ଦରମ୍ ବଲାଲ ଅଇଲା? ୨

ଜଦି ଅବ୍ରାହାମ୍ ନିଜର କରିରଇବା କାମେଅନି ସେ ପରମେସରର ମୁଆଟେ
 ଦରମ୍ ଲକ୍ ବଲାଇ ଅଇତା, ସେ ବଡ଼ପନ୍ କାତା କଇପାର୍ତା । ମାତର
 ସେଟା ପରମେସରର ମୁଆଟେ ଅଇ ନାପାରେ । ୩ ସାୟତର ଇସାବେ,
 “ଅବ୍ରାହାମ୍ ପରମେସରତେଇ ବିସ୍ବାସ୍ କଲା, ଆରି ଏ ବିସ୍ବାସର ଲାଗି
 ପରମେସର ତାକେ ଦରମ୍ ଲକ୍ ଇସାବେ ନିଜର କଲା ।” ୪ ଜେ କାମ୍ କରୁସି
 ସେ ରୁଡ଼ି ପାଇସି ଆକା । କାର୍ଟାନେଅନି ଦାନ୍ ଇସାବେ ନ ପାଏ । ୫ ମାତର
 ଜେ ନିଜର ଉପରେ ଆସା ନ କରି, ପରମେସରତେଇ ବିସ୍ବାସ୍ କରୁସି,
 ତାର ବିସ୍ବାସର ଲାଗି, ଅପ୍ରାଦର୍ ଦସ୍ ନ ଦାରି ଚାଡ଼ିଦେବା ପରମେସର,
 ତାକେ ଦରମ୍ ଲକ୍ ଇସାବେ ତାକ୍ସି । ୬ ଜନ୍ ଲକର ରିତିନିତି ନ ଦେକି
 ପରମେସର ତାକେ ଦରମ୍ ଲକ୍ ବଲି ତାକ୍ସି, ସେନ୍ତାରି ଲକର ବିସଇନେଇ
 ଦାଉଡ଼ କଇଆଟେ, ୭ ଜାର ଦସ୍ ଦଇଅଇଲା ଆଟେ ସେ କେତେ କରମର୍
 ଲକ୍ । ଜେ ପାପ୍ କେମା ପାଇଲାଆଟେ ସେ କେତେ କରମର୍ ଲକ୍ । ୮
 ମାପୁରୁ ଜାର ପାପର ଇସାବ୍ ନ କରେ, ସେ କେତେ କରମର୍ ଲକ୍! ୯
 ଇତି ଦାଉଡ଼ ଜନ୍ ଲକ୍ ମନକେ କେତେ କରମର୍ ଲକ୍ ବଲି କଇଲାଆଟେ,
 ସେମନର ବିତ୍ରେ କାଇ ଅବ୍ କା ସୁନତ୍ ଅଇଲା ଲକ୍ ସେ ରଇଲା କି?
 ନାଇ, ସୁନତ୍ ନ ଅଇଲା ଲକ୍ ମିସା କେତେ କରମର୍ ଲକ୍ ଅଇପାରତ୍ ।
 ଆମେ କଇଲୁନି ଅବ୍ରାହାମ୍ ବିସ୍ବାସ୍ କଲାକେସେ ଦରମ୍ ଲକ୍ ଇସାବେ
 ଏଜାଇଅଇଲା, ୧୦ ଏଟା କେତେବେଲେ ଗଟିରଇଲା? ଅବ୍ରାହାମ୍ ସୁନତ୍
 ଅଇଲା ପଟେ କି, ତାର ଆଗୁତୁ? ଆଗୁତୁ ପଟେ ନାଇ । ୧୧ ସୁନତ୍ ଅଇବା
 ଆଗୁତୁ, ଅବ୍ରାହାମ୍ ବିସ୍ବାସ୍ ଲାଗି ପରମେସର ତାକେ ଦରମ୍ ଲକ୍
 ଇସାବେ ତାକି ରଇଲା । ଏଟା ଜାନାଇବାକେ ଗଟେକ୍ ତିନ୍ପାରା ଅବ୍ରାହାମ୍
 ଏ ସୁନତ୍ ବିଦି କରବାଟା ନାମି ରଇଲା । ଜେନ୍ତାରିକି ଜନ୍ ଲକ୍ ମନ ସୁନତ୍
 ନ ଅଇକରି ମିସା, ବିସ୍ବାସ୍ କରବାଇ, ସେମନ୍ ଦରମ୍ ଲକ୍ ବଲି ଏଜାଇ
 ଅଇବାଇ । ସେଟାର୍ ପାଇ ଗାଗତ୍ ଇସାବେ ଅବ୍ରାହାମ୍ ସେମନର ବାବା
 ବଲାଇଅଇସି, ୧୨ ଅବ୍ରାହାମ୍ ସୁନତ୍ ଅଇବା ଆଗୁତୁ ବିସ୍ବାସର ଜନ୍ ତିନ୍
 ଦେଇରଇଲା, ଜଦି ସୁନତ୍ ନଇଲା ଲକ୍ ମନ ନିଜର ଜିବନେ ସେ ରକାମ୍
 ବିସ୍ବାସ୍ ଦେକାଇ ପାରବାଇ ବଇଲେ, ଅବ୍ରାହାମ୍ ସେମନର ମିସା ବାବା ।
 ୧୩ ଅବ୍ରାହାମ୍ ନିୟମ୍ ମାନ୍ ଲାର୍ ପାଇ ନାଇ, ଅବ୍ କା ବିସ୍ବାସ୍ କଲାର୍ ପାଇ
 ସେ ଦରମ୍ ଲକ୍ ବଲି ଏଜାଇଅଇରଇଲା । ଆରି ସେଟାର୍ ପାଇ, ସେ ଆରି

ତାର କୁଟୁମ୍ବର ଲକ୍ଷ୍ମୀନ୍ ଜଗତର ଅଧିକାରି ଅଇବାଇ ବଲି ପରମେସ୍ବର କାତା
 ଦେଇରଇଲା । ୧୪ ଜନ୍ ଲକ୍ଷ୍ମୀନ୍ ନିୟମ୍ ମାନ୍ବାଇ, ଅବ୍ବକା ସେମନ୍ସେ
 ଜଦି ପରମେସ୍ବର ଦାନ୍ ପାଇବାଇ, ତେବେ ଲକ୍ଷ୍ମୀନ୍ ବିସ୍ବବାସ୍ ରୁତାଇ
 ଅଇସି । ପରମେସ୍ବର ଦେଇରଇବା କାତା ମିସା ରୁତାଇସେ । ୧୫ ନିୟମ୍ ନ
 ମାନ୍ଲାର୍ପାଇ ଲକ୍ଷ୍ମୀନ୍ ପରମେସ୍ବର ବଡ଼ ରିସାଇ ପଡ଼ୁବାଇ । ମାତର୍
 ଜନ୍ମି ନିୟମ୍ ନାଇ, ତେଇ ନିୟମ୍ ନ ମାନ୍ବା କାତା ଉଟେ ନାଇ । ୧୬
 “ସେଟାର୍ପାଇ ପରମେସ୍ବର କାତା ଦେଇରଇବାଟା ବିସ୍ବବାସ୍ ଲାଗି ରଇସି ।
 ଜନ୍ ଲକ୍ଷ୍ମୀନ୍ ନିୟମ୍ ମାନ୍ବାଇ, ଅବ୍ବକା ସେମନ୍ସେ ପାଇସେ ପରମେସ୍ବର
 କାତା ଦେଏ ନାଇ । ଅବ୍ବରାଆମର୍ ପାରା ବିସ୍ବବାସ୍ କର୍ତ୍ତେ ରଇବା ସବୁର୍
 ପାଇ ସେଟା ଲଡା । କାଇକେବଇଲେ ଅବ୍ବରାମ୍ ସେମନ୍ସେ ଆଡ଼ମା ଇସାବେ
 ରଇବା ବାବା ।” ୧୭ ଏ ବିସଇ ସାସ୍ତରେ ଲେକାଆତେ “ତକେ ଆମେ
 ସବୁ ବ୍ବସର୍ ବାବା କରିଆରୁ ।” ପରମେସ୍ବର ଇସାବେ ଏ କାତା ଦେଲାଟା
 ଟିକ୍ ରଇଲା, କାଇକେ ବଇଲେ ଜନ୍ ପରମେସ୍ବରକେ ଅବ୍ବରାଆମ୍ ବିସ୍ବବାସ୍
 କର୍ତ୍ତେ ରଇଲା, ସେ ପରମେସ୍ବର ବାଜିଅ ମଲା ଲକ୍ଷ୍ମୀନ୍କେ ଜିବନ୍ କର୍ସି
 ଆରି କାଇଟା ନଇଲାତେଇଅନି ସବୁ ବିସଇ ତିଆର୍ କର୍ସି । ୧୮ ଆସା
 କର୍ବାକେ କାଇଟା ନ ରଇଲେ ମିସା, ଅବ୍ବରାଆମ୍ ବିସ୍ବବାସ୍ କରି ଆସାଅଇ
 ରଇଲା । ସେଟାର୍ପାଇ ସେ ସବୁ ବ୍ବସର୍ ବାବା ଅଇଲା, କାଇକେ ବଇଲେ
 ସେ ସାସ୍ତରେଅନି କାତା ମିଲାଇରଇଲା, “ତାର୍ କୁଟୁମ୍ବର ଲକ୍ଷ୍ମୀନ୍ ଏଜି
 ନାପାର୍ବୁ ଆକାସ୍ବର ତାରାପାରା ଅଇବାଇ ।” ୧୯ ତାକେ ସେଡ଼କିବେଲେ
 ସଏ ବରସ୍ ଅଇରଇଲା । ମାତର୍ ତାକର୍ ମଲାପାରା ଗାଗଡ଼ର୍ କାତା ବାବି,
 କି ସାରା ଜେକି ଆରି ପିଲା ପାଇ ନାପାରେ, ଏ କାତା ଜାନିକରି ମିସା, ତାକର୍
 ବିସ୍ବବାସ୍ ଉନା ଅଏନାଇ । ୨୦ ସେ ତାର୍ ବିସ୍ବବାସେଅନି ବିନେ ବେଗ୍ଲେ
 ନାଇ, କି ପରମେସ୍ବର ଦେଇରଇବା କାତା ଅଇସି କି ନଏଁ ବଲି କଏନାଇ ।
 ସେ ବିସ୍ବବାସ୍ କରି ବପୁ ସଢ଼ୁ ପୁରାପୁରୁନ୍ ଅଇଲା ଆରି ସେ ପରମେସ୍ବରକେ
 ତାକ୍ପୁଟା କଲା । ୨୧ “ପରମେସ୍ବର ଜନ୍ କାତା ଦେଇରଇଲା, ସେଟା ସେ
 କର୍ସି ଆକା ବଲି ତାଟ୍ସଢ଼ୁ ବିସ୍ବବାସ୍ କଲା ।” ୨୨ ସେ ବିସ୍ବବାସ୍ ଲାଗି
 ଅବ୍ବରାଆମ୍ ପରମେସ୍ବର ଦେକ୍ବା ଇସାବେ ଦରମ୍ ଲକ୍ଷ୍ ବଲି ଏଜାଇଅଇଲା
 । ୨୩ ଦରମ୍ ଲକ୍ଷ୍ ଇସାବେ ଏଜାଇଅଇବାଟା ସାସ୍ତରର୍ କାତା, ଉଜେ
 ଅବ୍ବରାମ୍କେସେ ଅଇସି, ସେନ୍ତାରି ନାଇ । ୨୪ ସେଟା ଆମର୍ପାଇ ମିସା

ଲେକାଅଇଆରେ । ଆମେ ମିସା ପରମେସର୍‌କେ ବିସ୍‌ବାସ୍ କଲେ ଦରମ୍ ଲକ୍ ବଲି ଏଜାଇଅଇବୁ । ସେ ମାପ୍‌ରୁ ଜିସୁକେ ମଲାତେଇଅନି ଆରି ତରେକ୍ ଜିବନ୍ କରି ଉଟାଇଲା ଆତେ ବଲି ବିସ୍‌ବାସ୍ କଲୁନି । ୨୫ ମାପ୍‌ରୁ ଜିସୁ ଆମର୍ ପାପର୍ ଲାଗି ମରିରଇଲା ଆରି ପରମେସର୍‌ତେଇ ଆମ୍‌କେ ଦରମ୍ ଲକ୍ କରାଇବାକେ ଆରି ତରେକ୍ ଜିବନ୍ ଅଇ ଉଟ୍‌ଲା ।

୫ ଏବେ ଆମେ ବିସ୍‌ବାସ୍ କଲାର୍ ପାଇ ପରମେସର୍ ଦେକ୍‌ବା ଇସାବେ ଦରମ୍ ଲକ୍ ବଲାଅଇଲୁ ଆରୁ ଆରି ମାପ୍‌ରୁ ଜିସୁ କିରିସ୍‌ଟର ଲାଗି ପରମେସର୍ ସଢ୍ଘୁ ସାନ୍ତି ସଢ୍ଘୁ ଆରୁ । ୨ କାଇକେବଇଲେ ଆମେ ବିସ୍‌ବାସ୍ କଲାର୍ ପାଇସେ ତାର୍ ଜିବନ୍ ଦୁକାଇଲାଟାନେ ଆମ୍‌କେ ଆନି ଆତେ । ଜନ୍‌ତେଇ କି ଏବେ ଆମେ ଆରୁ । ଆମେ ବେସି ସାର୍‌ଦା ସଢ୍ଘୁ ବଡ଼ପନର୍ କାତା କଇବୁ । କାଇକେବଇଲେ ପରମେସର୍ ତାକ୍‌ପୁଟାର୍‌ତେଇ ମିସ୍‌ରୁ ବଲି ଆମ୍‌କେ ଆସା ଆତେ । ୩ ସରୁ ରକାମର୍ ଦୁକ୍ କସ୍ ମୁର୍ଚି କରି ସାର୍‌ଦା ଅଇଲୁନି, କାଇକେବଇଲେ ତେରେପେତେ ନ ଅଇ କସ୍ ମୁର୍ଚଲେ, ମନେ ସାଆସ୍ ଆଇସି । ୪ ସାଆସ୍ ଦାରି ରଇଲେ ପରମେସର୍ ସାର୍‌ଦା ଅଇସି । ତାର୍ ସାର୍‌ଦାଇଅନି ଆସା ଆଇସି । ୫ ଏ ଆସା ଆମ୍‌କେ ମୁର୍‌ମୁରା ଅଇବାକେ ନ ଦେଏ, କାଇକେ ବଇଲେ ପରମେସର୍ ଆମ୍‌କେ ସୁକଲ୍‌ଆତ୍‌ମା ଦେଇ କରି ଆମର୍ ମନେ ତାର୍ ଆଲାଦ୍ ବର୍ଚି କରିଦେଲାଆତେ । ସୁକଲ୍‌ଆତ୍‌ମା ଆମର୍ ପାଇ ରଇବା ପର୍‌ମେସର୍‌ର ଦାନ୍ । ୬ ଆମ୍‌କେ କେ ମିସା ଆକାସାକା ନ ରଇଲା ବେଲେ, ପରମେସର୍ ଟିକ୍ କଲା ବେଲାଇ କିରିସ୍‌ଟ ପାପିମନର୍ ପାଇ ମଲା । ୭ ଦରମ୍ ଲକର୍ ପାଇ କେ ମିସା ଗଟେକ୍ ଲକ୍ ମର୍‌ବାଟା ଆମେ ନାଜାନୁ ମାତର୍ ଏନ୍ତାରି ମିସା ଅଇସି ଜେ, ଗଟେକ୍ ନିମାନ୍ ଲକର୍‌ପାଇ ନିଜର୍ ଜିବନ୍ ଦେବାକେ କେ ଆଲେ ସାସ୍ କର୍‌ବାଇ । ୮ ମାତର୍ ଆମେ ପାପି ରଇଲାବେଲେ ଜିସୁ ଆମର୍ ପାଇ ନିଜର୍ ଜିବନ୍ ସର୍‌ପିଦେଲା । ଇତିଅନି ପରମେସର୍ ଆମ୍‌କେ କେତେକ୍ ଆଲାଦ୍ କଲାନି, ସେଟା ଜାନାପତିଆତେ । ୯ କିରିସ୍‌ଟର୍ ବନିର୍‌ଲାଗି ପରମେସର୍ ଆମ୍‌କେ ଦରମ୍ ଲକ୍ କଲାଆତେ । ସେନ୍ତି ଆଲେ ପରମେସର୍ ବଡ଼ ରିସାଇଅନି ଆମ୍‌କେ ରକିଆ କର୍‌ବାକେ କିରିସ୍‌ଟ କେତେକ୍ ମନ୍‌ଦିଆନ୍ ନ ଦେଏ! ୧୦ ଆମେ ପରମେସର୍‌ର ସତ୍‌ରୁ ରଇଲାବେଲେ ତାର୍ ପିଲା ଆମର୍ ପାଇ ଜିବନ୍ ଦେଲା । ତେଇଅନି ପରମେସର୍ ସଢ୍ଘୁ ଆମେ ଆରିତରେକ୍ ଜଡ଼ିଅଇଲୁ । ତାର୍ ସଢ୍ଘୁ ଆରିତରେକ୍ ଜଡ଼ିଅଇଲା ପତେ, ଏବେ କିରିସ୍‌ଟର୍

ଜିବନର ଲାଗି ଆମେ ରକିଆ ପାଇବାକେ କେତେକ ଅଦିକ୍ ନ ପାଉ? **୧୧**
 ଅବକା ସେତକିସେ ନଏ, ମାପରୁ ଜିସୁକିରିସ୍ତର୍ ତେଇଅନି ପରମେସର୍
 ଜନ୍ ସବୁ କାମ୍ କଲାଆଚେ, ସେଟାର୍ ପାଇ ଆମର୍ ମନ୍ ଉଡୁକ୍‌ଡୁଡୁକ୍
 ଆରି ସାର୍‌ଦାଇ ପୁରୁନ୍ ଅଇଆଚେ। ସେ ଜିସୁ ପରମେସର୍ ସଞ୍ଜୁ ଆମ୍‌କେ
 ଆରିତରେକ୍ ମିସାଇଲା ଆଚେ । **୧୨** ପର୍ତମେ ଗଟେକ୍ ଲକ୍‌ସେ ପାପ୍
 କରିରଇଲା । ଆରି ପାପର୍ ଲାଗି ମରନ୍ ଆଇଲା । ସବୁ ଲକ୍ ପାପ୍ କଲାର୍
 ପାଇ ମରନ୍ ସବୁ ମୁନୁସ୍ ଜାତିକେ ଡାବିଅଇଲା । **୧୩** ନିୟୁମ୍ ମିଲ୍‌ବା ଆଗୁରୁ
 ଲକ୍‌ମନ୍ ପାପ୍ କର୍ତେରଇଲା । ମାତର୍ ନିୟୁମ୍ ନ ରଇବାଟାନେ ପାପର୍
 ଇସାବ୍ ନ ଅଇତେରଇଲା । **୧୪** ଆଦମର୍ ବେଲାଅନି ମସାର୍ ବେଲା
 ଜାକ, କେ ଆଦମର୍ ପାରା କାତା ନ ମାନି, ସେ କରି ରଇବା ପାପ୍ ପାରା
 ନ କରିରଇଲେ ମିସା, ସବୁ ଲକ୍ ମଲା । ଜେ ଆଇବାର୍ ରଇଲା, ସେ
 ଆଦମର୍ ଗଟେକ୍ ରୁପ୍ । **୧୫** ମାତର୍ ପରମେସର୍ ଇସାବ୍ ନଇଲା ଦାନ୍
 ଆରି ଆଦମର୍ ପାପ୍ ବିତ୍‌ରେ କେତେକ୍ କେତେକ୍ ଦୁର୍ ଆଚେ । ଗଟେକ୍
 ଲକ୍ ପାପର୍ ପାଇ ବେସି ଲକ୍ ମରନ୍ ଅଇଲା । ମାତର୍ ପରମେସର୍
 ତାର୍ ଜିବନ୍‌ଦୁକାଇଲାକେ, ଲକ୍‌ମନର୍ ପାଇ ଆରି ଗଟେକ୍ ଲକ୍‌କେ ଇନାମେ
 ଦେଲା । ସେ ବଡ୍ ଇନାମ୍ ଜିସୁ କିରିସ୍ତର୍ ଜିବନ୍ ଦୁକାଇଲାକେ ପୁରାପୁରୁନ୍
 ଅଇଲା । **୧୬** ସେ ଗଟେକ୍ ପାପ୍ କାମ୍ ଅଇଲା ପଚେ ସବୁ ମୁନୁସ୍ ଜାତି
 ବିଚାର୍‌ନା ଜାଗାଇ ଟିଆଅଇ ଦସି ବଲାଅ ଅଇଲା । ମାତର୍ ଏବେ ଜବର୍
 ଲକ୍ ପାପର୍ ଲାଗି ଲକ୍‌ମନର୍ ଆସା ନ ରଇଲେ ମିସା, ପର୍ମେସର୍
 ଦାନ୍ କଲାକେ ଦସି ନାଇ ବଲି ଏଜାଇଅଇଲା । **୧୭** ଏଲେମିସା ଗଟେକ୍
 ମୁନୁସର୍ ପାପର୍ ପାଇ ସବୁ ଲକ୍‌କେ ମରନର୍ ତଣ୍ଟୁ ଆଇଲା । ମାତର୍ ସେ
 ଗଟେକ୍ ମୁନୁସ୍ ଜନ୍‌ଟାକି କିରିସ୍ତର୍, ଜାଇଟା କଲାଆଚେ ସେଟା କେତେକ୍
 ବଡ୍ ବିସଇ! ଜେତେକ୍ ଲକ୍ ପରମେସର୍ ବଡ୍ ଜିବନ୍‌ଦୁକାଇଲାଟା ଜବର୍
 ଅଇତେ ଇନାମେ ମିଲାଅଆଚତ୍, ସେମନ୍ ଜିସୁକିରିସ୍ତର୍ ବାଟେଅନି ସବୁ
 ଲକ୍ ତାର୍‌ଟାନେ ଦରମ୍ ବଲାଅ ଅଇବାଇ । ସେମନ୍ କିରିସ୍ତର୍ ସଞ୍ଜୁ ଜିତି
 କରି ଜିଉନା କାଉନା କରି ସାସନ୍ କର୍ବାଇ । **୧୮** ଗଟେକ୍ ଲକ୍ ପାପ୍
 ଜେନ୍ତି ଗୁଲାଇ ଲକ୍‌କେ ତଣ୍ଟୁ ଆନାଇଲା, ସେନ୍ତିସେ ଗଟେକ୍ ଲକ୍ ଦରମ୍
 ଗୁଲାଇ ଲକ୍‌ପାଇ ମୁକ୍ତି ଆରି ନ ସାର୍‌ବା ଜିବନ୍ ଆନିଦେଲାଆଚେ । **୧୯**
 ଗଟେକ୍ ଲକ୍ ଆଦେସ୍ ନ ମାନ୍‌ଲାର୍ ପାଇ ଜେନ୍ତିକି ସବୁ ଲକ୍ ପାପି ଅଇଲା,

ସେନ୍ଦ୍ର ଗଟେକ୍ ଲକ୍ ଆଦେସ୍ ମାନଲେ ପରମେସରର୍ ମୁଆଟେ ଦରମ୍ ଲକ୍
 ବଲାଇଅଇବାଇ । ୨୦ ନିୟମ୍ ଚାଲ୍ଲାର୍ ପାଇ କାରାପ୍ କାମ୍ ବଡ଼ଲା ।
 ମାତର୍ ପାପ୍ ବଡ଼ି ବଡ଼ି ଗାଲାକେ ପରମେସରର୍ ଜିବନ୍ଦୁକାନି ମିସା ବେସି
 ବଡ଼ଲା । ୨୧ ପାପ୍ ଜେନ୍ଦ୍ରକି ସବୁର୍ପାଇ ମରନର୍ ଡଣ୍ଟୁ ଆନିରଇଲା, ସେନ୍ଦ୍ର
 ପରମେସରର୍ ଜିବନ୍ଦୁକାନି ମାପୁରୁ ଜିସୁ କିରିସ୍ଟର୍ ସାଇଜେ ଅନି ଆମ୍ବକେ
 ଦରମ୍ ବାଟେ ଡାକିନେଇ ନ ସାର୍ବା ଜିବନ୍ ଦେଇସି । (aiōnios g166)

୨ ସେନ୍ଦ୍ରୁଆଲେ କାଇଟା କଉଁ? ପରମେସରର୍ ଜିବନ୍ଦୁକାନି ଆରି ଅଦିକ୍
 ମିଲ୍ସି ବଲି ଆମେ କାଇ ଆରି ସେ ପାପେ ରଇକରି ଚଲାଚଲ୍ତି କରୁ କି? ୨
 ନାଇ କେବେ ନାଇ । ପାପ୍ କର୍ବା ବିସଇତେଇ ଆମେ ମରିଗାଲୁଆରୁ ।
 ଆରି କେନ୍ଦ୍ର ପାପ୍ କର୍ତେସେ ରଇବୁ? ୩ ତମେ ଜାନାସ୍, ତୁବନ୍ ନେଲାକେ
 ଜିସୁକିରିସ୍ଟର୍ ସଢ଼ୁ ମିସିକରି ଆମେ ତାର୍ ମରନେ ମିସା ମିସିଆରୁ । ୪
 ସେଟାର୍ପାଇ ତୁବନ୍ ନେଲାପତେ ଆମେ ତାର୍ ମରନେ ମିସି, ତାର୍ ସଢ଼ୁ
 ତପି ଅଇଲୁଆରୁ । ସେ ଜେନ୍ଦ୍ରାରି ବାବାର୍ ଡାକ୍ପୁଟା ବପୁ ସଢ଼ୁ ଆରିତରେକ୍
 ଉର୍ଲା, ଆମେ ମିସା ସେନ୍ଦ୍ରାରି ନୁଆ ଜିବନ୍ ପାଇକରି ଚଲାଚଲ୍ତି କର୍ବାର୍
 ଆଟେ । ୫ କାଇକେବଇଲେ ଆମେ ମରନେ ମିସି ତାର୍ ସଢ଼ୁ ଗଟେକ୍ ଅଇଲୁ
 ଆରୁ, ଡାକେ ଆରିତରେକ୍ ଉର୍ବାତେଇ ମିସା, ତାର୍ ସଢ଼ୁ ଗଟେକ୍ ଅଇକରି
 ରଇବୁ । ୬ ଆମେ ଜାନିଆରୁ, କିରିସ୍ଟର୍ ସଢ଼ୁ କୁର୍ସେ ଆମର୍ ପୁରନା ଜିବନ୍
 ମରିଗାଲାଆଟେ । ତେଇଅନି ଆମର୍ ପାପର୍ ଚଲାଚଲ୍ତି କୁରୁପନାସ୍ ଅଇଲା
 ଆଟେ ଆରି ଆମେ ପାପର୍ ଗତିଅନି ମୁକ୍ଲିଆରୁ । ୭ କାଇକେବଇଲେ ମୁନୁସ୍
 ମରିଗାଲେସେ, ପାପର୍ ବାନ୍ଦନେଅନି ରକିଆ ପାଇସି । ୮ ଆମେ ଜିସୁର୍
 ସଢ଼ୁ ମରିରଇଲାର୍ ପାଇ, ତାର୍ ସଢ଼ୁ ମିସା ଜିବନ୍ ଅଇବୁ ବଲି ବିସ୍ବାସ୍
 କଲୁନି । ୯ ଆମେ ଜାନୁ, କିରିସ୍ଟ ମଲାତେଇଅନି ଉର୍ଲାପାଇ, ସେ ଆରି
 କେବେ ମିସା ନ ମରେ । ତାର୍ ଉପ୍ରେ ଆରି କେବେ ମରନର୍ ସାସନ୍ ନ
 ଚାଲେ । ୧୦ ସେ ଜନ୍ ମରନ୍ ପାଇଲା, ତାର୍ଲାଗି ପାପର୍ ବପୁତେଇଅନି
 ଏକାତରେକ୍ ଆମ୍ବକ ମୁକ୍ଲାଇଲା । ସେ ଏବେ ଜନ୍ ଜିବନେ ଜିଇଲାନି,
 ସେଟା ପରମେସର୍ ସଢ଼ୁ ମିସିକରି ରଇଲା ଜିବନ୍ । ୧୧ ସେନ୍ଦ୍ରାରି ତମେ
 ମିସା ପାପେ ମରିଜାଇଆରୁ ବଲି ଏତାଆ । ତମେ ଏବେ କିରିସ୍ଟ ଜିସୁର୍
 ଜିବନେଅନି ପରମେସର୍ ସଢ଼ୁ ମିସ୍ଲାସ୍ । ୧୨ ତମର୍ ନସିଜିବା ଗାଗଡ଼
 ଉପ୍ରେ ଆରି ପାପ୍ ଅଦିକାର୍ ନ କର, ସେଟାର୍ପାଇ ଆମର୍ ଏ ଗାଗଡ଼

ମନକରୁବା କାରାପ୍ ବିସଇ ମାନିକରି ରୁଆନାଇ । ୧୩ କାରାପ୍ କାମର୍
 ଲାଗି ଆମର୍ ଗାଗଡର୍ କଣ୍ଠେକ୍ ବାଗ୍ ମିସା ପାପ୍ କରୁବାକେ ଦିଆସ୍ନାଇ
 । ମାତର୍ ଦରମ୍ କାମ୍ କରୁବାପାଇ ତମର୍ ଗୁଲାଇ ଗାଗଡ୍ ତାକେ ସର୍ପି
 ଦିଆସ୍ । ପର୍ମେସର୍ ତମ୍‌କେ ମରନେଅନି ଜିବନ୍ କରି ଆନ୍‌ଲାଆତେ ।
 ୧୪ କାଇକେ ବଇଲେ ପାପ୍ ତମର୍ ଉପ୍ରେ ସାସନ୍ ନ କର । ତମେ ଆରି
 ନିୟମର୍ ତଲେ ନାଇ । ମାତର୍ ପରମେସରର୍ ଜିବନ୍‌ଦୁକାନି ଅନି କାଇଟା
 ନ ଅଇତେ ଆଚାସ୍ । ୧୫ ସେନ୍ତିଆଲେ ଆମେ ନିୟମର୍ ତଲେ ନ ରଇ,
 ପରମେସରର୍ ଜିବନ୍‌ଦୁକାନି ପାଇଲୁ ଆରୁ ବଲି ପାପ୍ କର୍ତେ ରଉଁ କି?
 ନାଇ, କେବେ ମିସା ନଏଁ । ୧୬ ଏଲେ ମିସା ତମେ ଜାନିଆଚାସ୍, ଜଦି ତମେ
 କାକେ ତର୍ ତଲେ ଆକା ମୁଇ ବଲି କଇକରି ତାର୍ ପୁରାପୁରୁନ୍ କାତାମାନ୍‌ସା
 ବଇଲେ, ତମେ ତାର୍ ଗେନ୍‌ଲା ଗତିଦାଞ୍ଜୁଡା । ଜଦି ପାପର୍ ଗତିଦାଞ୍ଜୁଡା
 ଅଇସା, ଏଟାର୍ ଦସା ଅଇସି ମରନ୍, ଜଦି ଦରମର୍ ବାଟେ ଇଶ୍ଟୁସା, ବଇଲେ
 ନ ସାର୍‌ବା ଜିବନ୍ ପାଇସା । ୧୭ ମୁଇ ପରମେସର୍କେ ଦନିଅବାଦ୍ କଲିନି,
 ତମେ ଗଟେକ୍ ବେଲାଇ ପାପର୍ ଗତିଦାଞ୍ଜୁଡା ଅଇରଇଲାସ୍ ମିସା, ଏବେ ଜନ୍
 ସିକିଆ ଟାନେ ପାଇରଇବା ସର୍, ପୁରାପୁରୁନ୍ ମନ୍‌ଦେଇକରି ନାମ୍‌ଲାସ୍ନି ।
 ୧୮ ଏବେ ତମେ ପାପେଅନି ମୁକ୍‌ଲିକରି ଦରମର୍ ଗତିଦାଞ୍ଜୁଡା ଅଇଆଚାସ୍ ।
 ୧୯ ଗଟେକ୍ ବେଲାଇ ତମେ ତମର୍ ଗୁଲାଇ ଗାଗଡ୍, ମନ୍, ପରାନ୍, ଅସୁକଲ୍
 ଆରି କାରାପ୍ ତଲାରଲ୍‌ତି କରୁବାକେ ଗତିଦାଞ୍ଜୁଡା ଅଇ ସର୍ପି ଦେଇରଇଲାସ୍
 । ସେନ୍ତାରିସେ ସୁକଲ୍ ଆରି ଦରମ୍ ତଲାରଲ୍‌ତିର୍‌ପାଇ ଦରମର୍ ଲଗେ
 ନିଜ୍‌କେ ପୁରାପୁରୁନ୍ ସର୍ପିଦିଆସ୍ । ୨୦ ତମେ ପାପର୍ ଗତିଦାଞ୍ଜୁଡା
 ରଇଲାବେଲେ, ଦରମ୍ ଜିବନ୍ ଜିଇବାକେ ମୁର୍‌ମୁରା ଅଇରଇଲାସ୍ । ୨୧
 ଏବେ ତମ୍‌କେ ଜନ୍ କାମ୍‌ମନ୍ କରୁବାକେ ଲାଜ୍‌ଲାଗ୍‌ଲାନି, ସେଡ୍‌କିବେଲେ
 ସେ ସବୁ କର୍ତେ ରଇଲାସ୍ । ତେଇଅନି ତମ୍‌କେ କାଇ ଲାବ୍ ଅଇଲା? ସେ
 ସବୁ କାମର୍ ଦସା ଅଇଲାନି ମରନ୍ । ୨୨ ମାତର୍ ତମେ ଏବେ ପାପେଅନି
 ମୁକ୍‌ଲିକରି ପରମେସରର୍ ଗତିଦାଞ୍ଜୁଡା ଅଇଆଚାସ୍ । ଏଟାର୍ ଲାବ୍ ଅଇଲାନି,
 ପରମେସରର୍‌ତେଇ ପୁରାପୁରୁନ୍ ସଲଦ୍ । ଆରି ଇତିଅନି ମିଲ୍‌ବାଟା ଅଇଲାନି
 ନ ସାର୍‌ବା ଜିବନ୍ । (aiōnios g166) ୨୩ ପାପ୍ କାମର୍ ରୁତି ଅଇଲାନି ମରନ୍,
 ମାତର୍ ପରମେସର୍ ଜାଚାଇକରି ଦାନ୍ ଦେଇଆତେ । ସେଟା ଆମର୍ ମାପ୍‌ରୁ

ଜିସୁ କିରିସ୍ତର ସଞ୍ଜୁ ମିସିକରି ମିଲାଇରଇବା ନ ସାର୍ବା ଜିବନ୍ । (aiōnios
g166)

୭ ଏ ବାଇବଇନିମନ୍, ଏବେ ମୁଇ ଜାଇଟା କଇବାକେ ଗାଲିନି, ସେଟା
ଅଇଲାନି ନିୟମ୍ । ନିୟମ୍ କାଇଟା ବଲି ତମେ ବୁଜିପାରାସ୍, ତାର୍ ଅରତ୍
ମିସା ଜାନାସ୍ । ମୁନୁସ୍ ଅବକା ତାର୍ ଜିଇବା କାଇବା ଦିନ୍ ଜାକ ନିୟମର୍
ତଲେ ରଇସି । ୨ ବିବା ଅଇବା ବିସଇ ଦେକ୍ଲେ, ମୁନୁସ୍ ବଠି ରଇବା ଜାକ,
ତାର୍ ମାଇଜି ସଞ୍ଜୁ ବିବା ବାନ୍ଦୁନେ ବାନ୍ଦୁଅଇରଇସି । ମାତର୍ ମୁନୁସ୍ ମରିଗାଲା
ପତେ ତାର୍ ମାଇଜି ଏ ନିୟମେଅନି ମୁକଲ୍ସି । ୩ ସେ ବଠି ରଇଲା ବେଲେ,
ତାର୍ ମାଇଜି ଜଦି ବିନ୍ ମୁନୁସ୍କେ ବିବା ଅଇସି, ତେବେ ତାକେ ଚାଡ଼ରି ବଲି
କଇବାଇ, ମାତର୍ ମୁନୁସ୍ ମରନ୍ ପତେ ବିନ୍ ମୁନୁସ୍କେ ବିବା ଅଇଲେ,
ତାକେ ଆରି ଚାଡ଼ରି ବଲି ନ କଅଡ଼ । ନିୟମ୍ ଇସାବେ ସେ ଗଟେକ୍ ମୁକ୍ଲି
ରଇବା ମାଇଜି । ୪ ଏ ମର୍ ବାଇବଇନିମନ୍, ତମେ ମିସା ସମାନ୍ ସେନ୍ଦୁରିସେ
। ନିୟମ୍ ଇସାବେ କିରିସ୍ତର ଗାଗ୍ତେ ମିସ୍ଲାର୍ପାଇ ତମେମିସା ମରିଆଟାସ୍
। ଏବେ ତମେ ତାର୍ଟା । ପର୍ମେସର୍ ତାକେ ମରନେଅନି ଉଟାଇଆଟେ ।
ଜେନ୍ଦୁରିକି ତାର୍ ସେବାକାମେ ଆମେ ମିସା ମିସ୍ବୁ । ୫ ଜେତେଦିନ୍ ଜାକ
ଆମେ ଗାଗ୍ତ ମନ୍ କଲା ଇସାବେ ବାନ୍ଦୁଅଇରଇଲୁ, ନିୟମ୍ ଆମ୍ବେ ନାଇ
ବଲି କଇତେରଇଲା । ସେଟା ଆମର୍ ପାପ୍ ଅଦିକ୍ ଅଦିକ୍ କରାଇତେ ରଇଲା
। ଆରି ଆମେ ମରନ୍ ବାଟେ ଜାଇତେରଇଲୁ । ୬ ଏବେ ଆମେ ନିୟମର୍
ସାସନେଅନି ମୁକଲ୍ଲୁ ଆରୁ, କାଇକେବଇଲେ ଜନ୍ଟା ଆମ୍ବେ ଦିନେକ୍ ବନ୍ଦୁ
କରି ସଞ୍ଜୁଅଇରଇଲା, ସେଟା ଆମର୍ ବିତ୍ରେ ମରିଗାଲାଆଟେ । ଆମେ ଆରି
ଆଗ୍ତୁର୍ ପାରା ଲେକାଅଇଲା ନିୟମ୍ ଇସାବେ ପର୍ମେସର୍କେ ସେବାକରୁ
ନାଇ । ଏବେ ସୁକଲ୍ ଆତ୍ମା ଦେକାଇଲା ବାଟେ ଇଣ୍ଟୁଲୁନି । ୭ ତେବେ
ଆମେ କାଇଟା ବଲି କଉଁ, ନିୟମେସେ ପାପ୍ ଆଟେ କି? ସେଟା ସତଇସେ
ନଏ । ମାତର୍ ପାପ୍ କାଇଟା? ସେଟା, ମକେ ନିୟମ୍ ଜାନାଇଦେଲା ଆଟେ ।
“ବିନ୍ ଲକର୍ ଦିନ୍ସୁ ଲବାଇବାର୍ ନାଇ ।” ଏ ଆଦେସ୍ ଜଦି ନିୟମ୍ତେଇ ନ
ରଇତା, ଲବାଇବାଟା କାଇଟା ବଲି ମୁଇ ନାଜାନ୍ତି । ୮ ମାତର୍ ଉପରର୍
ଆଦେସର୍ ସୁବିଦାନେଇ ପାପ୍ ମର୍ ବିତ୍ରେ ବିନ୍ବିନ୍ ରକାମର୍ କାରାପ୍
ମନ୍ କର୍ବାଟା ଜନ୍ମାଇଲା । ନିୟମ୍କେ ଚାଡ଼ିଦେଲେ ପାପ୍ ମଲା ସମାନ୍
ଆଟେ । ୯ ଗଟେକ୍ ବେଲାଇ, ମୁଇ ନିୟମ୍ ନାଜାନି କରି ଜିଇତେ ରଇଲି,

ନିୟମ୍ ଜାନ୍‌ଲା ପତେ ପାପ୍ ପୁରୁଲା, ୧୦ ଆରି ମୁଇ ମରିଗାଲି । ଜନ୍ ନିୟମ୍
ଜିବନ୍ ଦେବାକେ ଟିକ୍ କରିରଇଲା, ସେଟା ମର୍ ପାଇ ମରନ୍ ଆନ୍‌ଲା ।
୧୧ କାଇକେବଇଲେ ନିୟମ୍ ସୁବିଦା ନେଇ ମକେ ପାପ୍ ନାତାଇଲା ଆରି
ମରାଇଲା । ୧୨ ନିୟମ୍ ପର୍ମେସରର୍‌ଟାନେଅନି ଆଇଲାକେ ସୁକଲ୍ ଆତେ
। ତାର୍ ଆଦେସ୍ ସବୁ ସୁକଲ୍, ଟିକ୍ ଆରି ବେସି ନିକ । ୧୩ ସେନ୍ତିଆଲେ
ଜନ୍‌ଟା ନିକ, ସେଟା କାଇକେ ମର୍ ମରନ୍ ଆନ୍‌ବାଟା ଅଇରଇଲା? ସେନ୍ତୁରି
କେବେ ନ ଅ । ମାତର୍ ପାପର୍ ମରନ୍ ଅଇଲା । ତାର୍ ନିୟମ୍, ଜେନ୍ତିକି
ଆମର୍ ପାପ୍ କେତେକ୍ କାରାପ୍ ଆଚେବଲି ଡିସାଇବାକେ ପର୍ମେସରର୍
ଜଜ୍‌ନା ରଇଲା । ତେବର୍‌ପାଇ ତାର୍ ନିୟମ୍‌ଲାଗି ଏଟା ସାଦନ୍ କଲା । ୧୪
ଆମେ ଜାନ୍‌ ଜେ, ନିୟମ୍ ଆତ୍‌ମାଇ ଆଇସି, ମାତର୍ ମୁଇ ମର୍ ଗାଗଡ୍ ମନ୍
କଲାଟାକେ ମାନ୍‌ଲାର୍‌ପାଇ ପାପର୍ ଗତିଦାଢୁଡା ଅଇଲିଆତି । ୧୫ ମୁଇ
ଜନ୍‌ଟା କଲିନି, ସେଟା ବୁଜି ନାଇ, ମାତର୍ ଜନ୍ ନିକ କାମ୍ କର୍‌ବାକେ ମନ୍
କଲିନି ସେଟାସେ କରିନାପାରୁଲିନି । ଆରି ଜନ୍ କାରାପ୍ କାମ୍ କର୍‌ବାକେ
ମୁଇ ମୁଲ୍‌କେ ମନ୍ କରି ନାଇ, ସେଟାସେ କଲିନି । ୧୬ ମାତର୍ ମୁଇ ମନ୍ ନ
କରି ରଇବା କାମ୍ କର୍‌ବାର୍ ଲାଗି, ନିୟମ୍ ଟିକ୍ ଆତେ ବଲି ମାନ୍‌ଲିନି । ୧୭
ସେଟାର୍ ପାଇ ଏ ସବୁ ଜାକ କାମ୍ ମୁଇ କରି ନାଇ । ମର୍ ବିତ୍‌ରେ ରଇବା
ପାପ୍‌ସେ ସେଟା କଲାନି । ୧୮ ମର୍ ଗାଗଡର୍ କାରାପ୍ ମନ୍ କର୍‌ବାଟାନେଅନି
କାଇମିସା ନିମାନ୍ ବିସଇ ନ ଆସେ ବଲି ମୁଇ ଜାନ୍‌ଲିନି । କାଇକେବଇଲେ
ନିକ କାମ୍ କର୍‌ବାକେ ମନ୍ ରଇଲେ ମିସା ସେଟା କରି ନାପାରୁଲିନି । ୧୯
ସେଟାର୍ ପାଇ ଜନ୍ ନିକ କାମ୍ କର୍‌ବାକେ ମୁଇ ମନ୍ କଲିନି, ସେ କାମ୍ ନ
କରି, ଜନ୍ କାରାପ୍ କାମ୍ କର୍‌ବାକେ ମୁଲ୍‌କେ ମନ୍ ନାଇ, ସେଟାସେ କଲିନି ।
୨୦ ଜଦି ମୁଇ ମନ୍ ନ କର୍‌ବାଟା କରିଲାଗି ଆତି, ସେନ୍ତୁର୍‌ଆଲେ ଜାଇଟା
କଲିନି, ସେଟା ମୁଇ ସତଇସେ କରିନାଇ, ମର୍ ବିତ୍‌ରେ ରଇଲା ପାପ୍‌ସେ
ସେଟା କଲାନି । ୨୧ ଏଟା ମର୍ ବିତ୍‌ରେ ଗଟେକ୍ କାମ୍‌କର୍‌ବା ନିୟମ୍ ବଲି
ମନେ ଅଇଲାନି । ଜନ୍‌ଟା ନିକ, ସେଟା ମୁଇ କର୍‌ବାକେ ଗାଲାବେଲେ,
ଅବ୍‌କା କାରାପ୍ ବିସଇସେ କଲିନି । ୨୨ ପର୍ମେସରର୍ ନିୟମ୍ ନାମ୍‌ବାକେ
ମୁଇ ବେସି ମନ୍ କଲିନି, ୨୩ ମାତର୍ ମର୍ ମନ୍ କଲା ବିରଦେ ମର୍ ଗାଗଡ୍
ତେବାଇବା ବିଦି ସବୁବେଲେ ଜୁଇଦ୍ କଲାନି । ମର୍ ଗାଗଡେ କାମ୍‌କର୍‌ତେ
ରଇବା ସବୁ ପାପ୍ ମକେ ବନ୍ଦି କରି ସଢୁଇଲା ଆତେ । ୨୪ କେତେ କରମ୍

ନଇଲା ଲକ୍ ମୁଇ! ମରନର୍ ମୁର୍ଦ୍ଧା ଜିକିନେବା ଏ ଗାଗଡର୍ ଚଲାଚଲ୍ତି ଅନି କେ ମକେ ମୁକ୍ତଲାଇସି? ୨୫ ପରମେସର୍ ଦନିଅବାଦ୍ ପାଆ! ମାପ୍ତୁ ଜିସୁ କିରିସ୍ଟର୍ ଲାଗି ମୁଇ ଉଦାର୍ ପାଇଆତି । ତେବେ, ଏଟା ଅଇଲାନି ମର୍ କରମ୍ । ପରମେସର୍ ନିୟମ୍ କାଲି ମୁଇ ମର୍ ମନେ ନାମି ପାର୍ବି । ମାତର୍ ମର୍ ମୁନୁସ୍ ଇସାବର୍ ଚଲାଚଲ୍ତି ମକେ ପାପର୍ ଗତି ଦାଢ଼ୁଡ଼ା ଅଇବାକେ ବାଦିଅ କଲାନି ।

୮ ତେବେ ଆମେ ଜେଡକି ଲକ୍ ଜିସୁ କିରିସ୍ଟର୍ ସଢ଼ୁ ମିସିକରି ଆରୁ, ଆମର୍ପାଇ ଆରି ପର୍ମେସର୍ ତଣ୍ଟୁ ନାଇ । ୨ ଜିସୁ କିରିସ୍ଟର୍ ସଢ଼ୁ ମିସିଲାର୍ପାଇ ସୁକଲ୍ଆତ୍ମା ଆମ୍ବକେ ନୁଆ ଜିବନ୍ ଦେଲାଆଚେ । ତେଇଅନି, ପାପ୍ କଲେ ମର୍ବା ନିୟମେଅନି, ଆମ୍ବକେ ମୁକ୍ତଲାଇ ଆଚେ । ୩ ସେ ଆମର୍ ଗୁନ୍ତଲନ୍ ନିକ ନ ରଇଲାକେ, ମସା ଦେଇରଇବା ରିତିନିତି ମାନୁ ନାଇ । ତେଇ ନିୟମ୍ ସାଇଜ କରି ନାପାରୁଲା । ମାତର୍ ସେଟା ପର୍ମେସର୍ କରିଆଚେ । ସେ ଆମର୍ ପାରା ପାପିମନର୍ ଗଟେକ୍ ଗାଗଡ୍ ଦାରାଇ ତାର୍ ପଅକେ ପାଟାଇଲା । ଆରି ସେ ଏନ୍ଦ୍ରିକରି ଆମର୍ ଉପରେ ରଇବା ପାପର୍ ସାସନ୍ କୁରୁପ୍ନାସ୍ କଲା । ୪ ଆମେ ଜେନ୍ଦ୍ରି କି ନିୟମର୍ ସବୁ ଆଦେସ୍ ମାନିକରି ରଇରୁ, ସେଟାର୍ ପାଇ ପର୍ମେସର୍ ଏନ୍ତି କଲାଆଚେ । ଆମେ ଏବେ ମୁନୁସର୍ ଚଲାଚଲ୍ତି ନ କରି ସୁକଲ୍ଆତ୍ମାର୍ ବାଟେ ଇଣ୍ଟଲେସେ ଏନ୍ତି କରିଅଇସି । ୫ ଜନ୍ ଲକ୍ମନ୍ ମୁନୁସର୍ ଚଲାଚଲ୍ତି ଇସାବେ ଜିଉନା କାଉନା କର୍ତ୍ତେରଇବାଇ, ସେମନ୍ ନିଜର୍ ଗାଗଡର୍ ମନ୍ କର୍ବାଟା ଚିନ୍ତା କର୍ତ୍ତେରଇବାଇ । ମାତର୍ ଜନ୍ ଲକ୍ମନ୍ ସୁକଲ୍ଆତ୍ମାର୍ ଚାଲ୍ନା ଇସାବେ କାମ୍ବକର୍ବାଇ, ସେମନ୍ ସୁକଲ୍ଆତ୍ମା ଜନ୍ ବିସଇ କର୍ବାକେ ମନ୍ କରାଇସି, ସେଟା କର୍ବାଇ । ୬ ମୁନୁସର୍ ଚଲାଚଲ୍ତି ଇସାବେ ଗାଲେ ମରନର୍ ଦସା ଅଇସି, ସୁକଲ୍ଆତ୍ମାର୍ ଚାଲ୍ନା ଇସାବେ ଗାଲେ ଜିବନ୍ ଆରି ସାନ୍ତି ମିଲ୍ସି । ୭ ଜଦି ଗଟେକ୍ ଲକ୍ ତାର୍ ଗାଗଡର୍ ମନ୍ କଲା ଇସାବେ ଚଲାଚଲ୍ତି କର୍ସି, ସେ ପରମେସର୍ ବିରଦି ଅଇସି । କାଇକେ ବଇଲେ ସେ ପରମେସର୍ ନିୟମ୍ ମାନେ ନାଇ, ସେ ସେଟା କର୍ବାକେ ନାପାରେ । ୮ ଜନ୍ ଲକ୍ମନ୍ ମୁନୁସର୍ ଚଲାଚଲ୍ତି ଇସାବେ କାମ୍ କଲାଇନି, ସେମନ୍ ପର୍ମେସର୍କେ ସାର୍ଦା କରିନାପାରଡ୍ । ୯ ଜଦି ସତଇସେ ପରମେସର୍ ସୁକଲ୍ଆତ୍ମା ତମର୍ ବିତ୍ତରେ ଆଚେ, ତେବେ ତମେ ଆରି ମୁନୁସର୍ ଚାଲିଚଲନ୍ ପାରା

ଜିଉନାକାଉନା କରିନାପାରାସ୍, ମାତର୍ ଜିବନେ ସୁକଲ୍ ଆତ୍ମାର୍ ଆଦେସ୍
 ମାନ୍ସା । ଜାର୍ତେଇ କିରିସ୍ତର୍ ଆତ୍ମା ନାଇ, ସେ କେବେ ମିସା ତାକର୍
 ଲକ୍ ଅଇନାପାରେ । ୧୦ ମାତର୍ ତମର୍ ବିତ୍ରେ କିରିସ୍ତ ବାସାଅଇ ରଇସି
 ବଇଲେ, ତମର୍ ଗାଗଡ୍ ପାପେ ନସ୍ତ ଅଇବାକେ ଜାଇତେ ରଇଲେ ମିସା,
 ସୁକଲ୍ଆତ୍ମା ତମ୍‌କେ ଜିବନ୍ ଦାନ୍ ଦେଇସି । କାଇକେ ବଇଲେ ତମେ
 ପରମେସରର୍ ମୁଆଟେ ଦରମ୍ ଲକ୍ ବଲି ଏଜାଇଅଇ ଆଟାସ୍ । ୧୧ ଜଦି
 ତମର୍ ବିତ୍ରେ ଜିସୁକେ ମଲାତେଇଅନି ଉଟାଇଲା ପରମେସରର୍ ଆତ୍ମା
 ଆଟେ, ତେବେ ସେ ଆତ୍ମାର୍ ସାଇଜ ସଞ୍ଜ୍, ପରମେସର୍ ଜେ କି କିରିସ୍ତକେ
 ମଲାତେଇଅନି ଉଟାଇଲା, ସେନ୍ତୁସେ ତମର୍ କୁଇଜିବା ଗାଗଡ୍ ମିସା ଜିବନ୍
 କରସି । ୧୨ ତେବେ ଏ ବାଇବଇନିମନ୍, ଆମର୍ କାମ୍ ଅଇଲାନି, ମୁନୁସର୍
 ଗୁନ୍‌ତଲନ୍ ଇସାବେ ଜିଉନାକାଉନା ନ କରୁ । ୧୩ କାଇକେବଇଲେ ସେନ୍ତୁ
 କଲେ, ତମେ ମର୍ସା ମାତର୍ ସୁକଲ୍ଆତ୍ମାର୍ ସାଇଜ ସଞ୍ଜ୍ ନିଜର୍ ପାପ୍‌ତଲନ୍
 ନସ୍ତ କରି ଆରି ପାପ୍ କାମ୍ ନ କରାସ୍, ତେବେସେ ତମେ ବର୍ସା । ୧୪
 ଜନ୍ ଲକ୍‌ମନ୍ ପରମେସରର୍ ଆତ୍ମା ଇସାବେ ଚାଲ୍‌ଲାଇନି, ସେମନ୍‌ସେ
 ପରମେସରର୍ ପିଲାଟକି । ୧୫ କାଇକେବଇଲେ ପରମେସର୍ ଦେଲା ଆତ୍ମା,
 ତମ୍‌କେ ଗତିଦାଞ୍ଜୁଡା ଅଇବା ତେଇଅନି ମୁକ୍‌ଲାଇଲା ଆଟେ । ତମେ ଆରି
 ତର୍‌ବାର୍ ଲତା ନାଇ । ମାତର୍ ସୁକଲ୍ଆତ୍ମା ତମ୍‌କେ ପରମେସରର୍
 ପିଲାଟକି କରିଆଟେ । ତାର୍ ବପୁ ଏତାଇକରି ଏବେ ଆମେ ପରମେସର୍କେ
 “ବାବା, ମର୍ ବାବା!” ବଲି ଡାକ୍‌ଲୁନି । ୧୬ ପରମେସରର୍ ଆତ୍ମା ଆମର୍
 ବିତ୍ରେ ଆତ୍ମା ସଞ୍ଜ୍ କର୍ ମିସାଇ ଆମ୍‌କେ ତାର୍ ପିଲାଟକି ବଲି ଜାନାଇଲାନି
 । ୧୭ କାଇକେବଇଲେ ଆମେ ପରମେସରର୍ ପିଲାଟକି । ତାର୍ ଲକ୍‌ମନ୍‌କେ
 କାତା ଦେଇରଇବା ଆସିର୍‌ବାଦେ ଆମେ ମିସୁ । ଆରି କିରିସ୍ତର୍ ପାଇ
 ପରମେସର୍ ଜନ୍‌ଟା ଟୁଲାଇ ସଞ୍ଜ୍‌ଇଲା ଆଟେ, ତେଇ ମିସା ଆମର୍ ପାଇ
 ବାଟା ଆଟେ । ଜଦି ଆମେ ଜିସୁର୍ ଦୁକ୍‌ପାଇବାତେଇ ମିସ୍‌ଲୁ ଆଟୁ, ତେବେ
 ତାର୍ ଡାକ୍‌ପୁଟା ପାଇବାତେଇ ମିସା ମିସୁ । ୧୮ ଜନ୍ ଡାକ୍‌ପୁଟାର୍ ଦିନେ
 ଆମେ ମିସ୍‌ବାକେ ଗାଲୁନି, ଦେକ୍‌ଲେସରି ଏ ଜିବନେ ଅଇବା ଆମର୍ ଦୁକ୍
 କସ୍ତ କିତି ନାଇ । ୧୯ ପରମେସର୍ ତିଆର୍‌କଲା ସବୁଜାକ ଜାଗର୍‌ତା
 ସଞ୍ଜ୍ ସେ ଦିନ୍‌କେ ଜାଗି ଆଟର୍ । ସେବେଲାଇ ପରମେସର୍ ତାର୍ ସର୍
 ପିଲାଟକିମନ୍ କେ, ବଲି ଦେକାଇସି । ୨୦ କାଇକେବଇଲେ ପରମେସର୍

ତିଆର କରିରଇବା ସବୁଜାକ, ଅବିସାପେ ପୁରୁନ୍ ଅଇଲାଆଚେ । ଜନ୍‌ବାଟେ
 ଜିବାର ରଇଲା ସେ ବାଟେ ନ ଜାଇ, ବିନ୍ ବାଟେ ଗାଲାଆଚେ । ମାତର୍ ଏଟା
 ତାର ନିଜର୍ ମନ୍ କଲା ଇସାବେ ଅଏନାଇ । ପର୍ମେସର୍ ମନ୍ କଲାକେସେ
 ଅଇଲା । ଏଲେମିସା ତାର ଆସା ରଇଲା, ୨୧ ଜେନ୍‌ଟିକି ଗଟେକ୍ ଦିନେ
 କୁଇଜିବାଟାନେ ଅନି ମୁକ୍‌ଲିକରି ପର୍ମେସର୍ କୁଟୁମର୍ ତାକ୍‌ପୁଟାଇ ମିସ୍‌ରୁ
 । ୨୨ ମାତର୍ ଏବେ ଜାକ ତିଆରଅଇଲାଟା ସବୁ ଗାଗ୍‌ଡେ ରଇଲା ମାଇଜି
 ନିକଅଇବା ଦୁକା ପାରା ଅଇକରି “ଆନା, ଆୟା!” ଅଇଲାନି । ୨୩ ଆମେ,
 ପର୍ମେସର୍ ଦେଲା ପର୍‌ଟୁମର୍ ବାନ୍ ପାରା ସୁକଲ୍‌ଆତ୍‌ମା ପାଇଲୁଆରୁ,
 ଆମେ ମିସା ବିତ୍‌ରେ ବିତ୍‌ରେ “ଆନା, ଆୟା!” ଅଇଲୁନି । ଏଲେମିସା
 ପର୍ମେସର୍ ଆମ୍‌କେ କୁଟୁମର୍ ଲକ୍ କରାଇକରି ପୁରାପୁରୁନ୍ ମୁକ୍‌ଲାଇସି
 ବଲି ଜାଗିକରି ଆରୁ । ୨୪ କାଇକେବଇଲେ ଆସା କଲାକେସେ ଆମେ ମୁକ୍‌ତି
 ପାଇଆରୁ । ମାତର୍ ଜାଇଟା ଡିସ୍‌ଲାନି ସେଟାର୍ ପାଇ ଆସାକର୍‌ବାଟା, ସେଟା
 ସତଇସେ ଆସା ରକ୍‌ବାଟା ନଏ । କେ କାଇ ଡିସ୍‌ବାଟାକେ ଆସା କର୍‌ସି କି?
 ନାଇ, ନ କରେ । ୨୫ ମାତର୍ ଆମେ ଜଦି ନ ଡିସ୍‌ବା ବିସଇ ଆସାକର୍‌ରୁ,
 ତେବେ ଆମ୍‌କେ ସାଆସ୍ ସଢ୍ଘ ଜାଗ୍‌ବାକେ ପଡ୍‌ସି । ୨୬ ଆମ୍‌କେ ବପୁ
 ନାଇ, ମାତର୍ ସୁକଲ୍‌ଆତ୍‌ମା ଆମ୍‌କେ ସାଇଜ କର୍‌ସି । କେନ୍ତୁରି ପାର୍‌ତନା
 କର୍‌ବାକେ ଅଇସି, ସେଟା ଆମେ ନାଜାନୁ । ସେଟାର୍ ପାଇ ଜନ୍‌ଟା ଆମେ
 କଇ ନାପାର୍‌ଲୁନି, ସେଟା ସୁକଲ୍‌ ଆତ୍‌ମା ନିଜେ ଆମର୍‌ପାଇ “ଆନା, ଆୟା!”
 ଅଇକରି ପର୍ମେସର୍‌କେ ଗୁଆରି କର୍‌ସି । ୨୭ ପର୍ମେସର୍ ଆମର୍ ମନର୍
 କାତା ଜାନେ । ସୁକଲ୍‌ଆତ୍‌ମା ମନର୍ ଚିନ୍ତା ସେ ଜାନେ । କାଇକେବଇଲେ
 ସୁକଲ୍‌ଆତ୍‌ମା ପର୍ମେସର୍ ମନ୍ କଲା ଇସାବେ, ତାକର୍ ଲକ୍‌ମନର୍ ପାଇ
 ଗୁଆରି କର୍‌ଡେ ରଇସି । ୨୮ ଜନ୍ ଲକ୍‌ମନ୍କେ ପର୍ମେସର୍ ତାର୍ ମନ୍
 କଲାଟା ପୁରାପୁରୁନ୍ କର୍‌ବାକେ ତାକ୍‌ଲାଆଚେ, ଆରି ସେମନ୍ ତାକେ ଆଲାଦ୍
 କଲାଇନି, ସେମନର୍ ପାଇ ସେ ସବୁ ମଢ୍ଘଲର୍ ବିସଇ କରାଇଦେଇସି ।
 ୨୯ ଜନ୍ ଲକ୍‌ମନ୍କେ ପର୍ମେସର୍ ବାଟ୍‌ଲା ଆଚେ, ସେମନ୍କେ ତାର୍ ପଅ
 ପାରା ଅଇବାକେ ଆଗ୍‌ତୁସେ ଟିକ୍ କରିଆଚେ । ସେନ୍ତିଆଲେ, ଗଟେକ୍ ବଡ୍
 କୁଟୁମେ, ତାର୍ ପଅ ସେମନର୍ ବଡ୍ ବାଇ ଅଇସି । ୩୦ ଜନ୍ ଲକ୍‌ମନ୍
 ଏନ୍ତୁରି ବାତିଅଇଲାଇ ଆଚଡ୍, ସେମନ୍କେ ତାକିଆଚେ । ସେ ଲକ୍‌ମନ୍କେ
 ପର୍ମେସର୍‌ର ମୁଆଟେ ଦରମ୍‌ଲକ୍ ବଲାଇ ଅଇ, ତାର୍ ତାକ୍‌ପୁଟାଇ ମିସାଇ

ଆତର୍ । ୩୧ ଏ ସବୁରତେଇଅନି ଆରି କାଇଟା କଇବାର୍ ଅଇସି? ଜଦି ପରମେସର୍ ଆମର୍ ବାଟେ ଆରେ, ତେବେ କେ ଆମର୍ ବିରଦି ଅଇପାର୍ସି? ୩୨ ପରମେସର୍ କେବେମିସା ଆମର୍ ବିରଦି ନଏଁ, କାଇକେବଇଲେ ସେ ନିଜର୍ ପଅକେ ମିସା ରକିଆ ନ କରି ଆମର୍ ପାଇ ଦାନ୍ ଦେଇଆରେ । ସେନ୍ଦିଆଲେ ସେ ଆମର୍ ପାଇ କାଇ ସବୁ ବିସଇ ଦାନ୍ ନ ଦେଏ କି? ୩୩ ପରମେସର୍ ବାଟ୍ଲା ଲକ୍ମନେକ କେ ଦସିବଲି କଇପାର୍ସି? ସେମନ୍କେ ସେ ନିଜେ କାଇ ଦସ୍ କରି ନ ରଇବା ଲକ୍ ବଲି ଉଡ଼ରା କଲାଆରେ । ୩୪ ତେବେ ସେମନ୍କେ ଦସି ବଲି କେ କଇନାପାର୍ । କିରିସ୍ଟ ଜିସୁ ତା କେବେ ନ କରେ, କାଇକେବଇଲେ ତାକେ ପରମେସର୍ ମଲାତେଇଅନି ଜିବନ୍ କରି ଉଟାଇଲାଆରେ । ଏବେ ସେ ପରମେସରର୍ ଉଜାବାଟେ ରଇକରି ଆମର୍ପାଇ ଗୁଆରି କରି ପାର୍ତନା କଲାନି । ୩୫ ସେନ୍ଦ୍ରାଆଲେ ତେବେ କେ ମିସା ଆମ୍ବକେ କିରିସ୍ଟର୍ ଆଲାଦେଅନି ବେଗ୍ଲାଇ ନାପାର୍ । ଦୁକେ ରଇଲେ ମିସା, କସ୍ଟ ପାଇକରି ରଇଲେ ମିସା, ନିନ୍ଦ୍ ପାଇକରି ରଇଲେ ମିସା, କାକୁର୍ତି ଅଇକରି ରଇଲେ ମିସା, ବୁକେ ରଇଲେ ମିସା, ବିପଦେ ରଇଲେ ମିସା କି ମରାଇଲେ ମିସା ଏ ସବୁ ବେଗ୍ଲାଇ ନାପାରେ । ୩୬ ସାସ୍ତରେ ଲେକାଆରେ, “ତମର୍ଲାଗି ସବୁ ଦିନ୍ ଆମେ ମରନର୍ ମୁଆଟେ ଗାଲୁନି, ପୁଜ୍ବାକେ ନେଲା ମେଣ୍ଡାପିଲା ପାରା ଆମେ ବାଟି ଅଇଲୁ ଆରୁ ।” ୩୭ ଜେ ଆମ୍ବକେ ଆଲାଦ୍ କଲାଇନି, ତାର୍ ସାଇଜ ସଙ୍ଗୁ ଆମେ ଏ ସବୁର୍ ଉପ୍ରେ ଜିତି ଆରୁ । ୩୮ ମୁଇ ସତଇସେ ଜାନ୍ଲିନି ଜେ, ପରମେସର୍ ଜନ୍ ବଡ୍ ଆଲାଦ୍ ଆମ୍ବକେ ଦେକାଇଲାଆରେ, ସେ ଆଲାଦେଅନି କାଇଟା ମିସା ଆମ୍ବକେ ବେଗ୍ଲାଇ ନାପାରେ । ଆମେ ମରିଗାଲେ କି ଜିବନ୍ ରଇଲେ, ସରଗର୍ ଦୁଡ୍ ଅଅଡ୍ କି ସାସନ୍କାରିଆମନ୍, କି କାଇ ବିନ୍ ବପୁ କି ଏବେ ଜନ୍ଟା ଅଇଲାନି, ପଡ୍କେ ଜନ୍ଟା ଅଇସି, ୩୯ ଉପ୍ରେର୍ ଦୁନିଆ କି ତଲର୍ ଦୁନିଆ, ଏ ଜଗତେ ତିଆର୍ ଅଇରଇବା କାଇ ବିସଇ ମିସା ପରମେସରର୍ ବଡ୍ ଆଲାଦେ ଅନି ଆମ୍ବକେ ବେଗ୍ଲାଇ ନାପାରେ । ଆମର୍ ମାପ୍ତୁ ଜିସୁକିରିସ୍ଟକେ ଦେଲା ପରମେସରର୍ ସେ ବଡ୍ ଆଲାଦେ ଅନି, ଏ ସବୁ ବିସଇ ଆମ୍ବକେ ଦେକାଇଲା ଆରେ । ଏଟା ମୁଇ ଜାନିଆତି ।

୯ ମୁଇ ତମ୍ବକେ ଗଟେକ୍ ସଡ୍କାତା କଇବି । ମୁଇ କିରିସ୍ଟର୍ ଲକ୍, ଆରି ସୁକଲ୍ ଆତ୍ମା ମର୍ ବିବେକ୍କେ ତାକିନେଲାନି । ସେଟାପାଇ ମିସା ମୁଇ

ମିତ୍ କଇନାଇ ବଲି ଜାନ୍‌ଲିନି । ୨ ଏଟା ମୁଇ କିରିସ୍‌ଟକେ ସାକିଦେଇ କଇଲିନି । ମୁଇ ଜେ କେଡେକ୍ ତେରେପେତେ ଆରି ନ ସାର୍‌ବା ଦୁକେ, ମର୍ ମନ୍ କେଡେକ୍ ଉଡୁକ୍ ଦୁଡୁକ୍ ଅଇଲାନି । ୩ କାଇକେବଇଲେ ମର୍ ରକଡ୍ ମାଉଁସ୍ ରଇବା ଜିଉଦି ବାଇବଇନିମନ୍ କିରିସ୍‌ଟକେ ବିସ୍‌ବାସ୍ କରଡ୍ ନାଇ । ଜଦି ଏଟା ଅଇପାର୍‌ସି, ତେବେ ମୁଇ ମନ୍ କଲିନି, ନିଜେ ତାକର୍ ପାଇ ପରମେସରର୍‌ଟାନେ ସାଇପ୍ ପାଇକରି, କିରିସ୍‌ଟର୍‌ଡେଇ ଅନି ବେଗଲ୍‌ବି ବଲି । ୪ କାଇକେବଇଲେ ସେମନ୍ ପରମେସରର୍ ଲକ୍ । ପରମେସର୍ ସେମନ୍‌କେ ନିଜର୍ ପିଲା କରି ବାଟିଆତେ । ସେ ସେମନ୍‌ର୍ ଲଗେ ନିଜର୍ ତାକ୍‌ପୁଟା ଦେକାଇରଇଲା । ସେମନ୍‌ର୍ ସଢ୍ଘ ରାଜିନାମା କରି ସେମନ୍‌କେ ନିୟୁମ୍ ଦେଇରଇଲା । ସେମନ୍ ସତଇସେ ପାର୍‌ତନା କର୍‌ବାଇ । ସେମନ୍‌କେ ପରମେସର୍ କାତା ଦେଇରଇଲା । ୫ ସେମନ୍ ଆମର୍ ତାକ୍‌ପୁଟା ଜିଉଦି ଆନିଦାଦିମନ୍ ନାତିଡିଡିମନ୍ । ଆରି ମୁନ୍‌ସ୍ ରୁପ୍ ଦାରି କିରିସ୍‌ଟ ତାକର୍ କୁଟୁମେଅନି ଜନମ୍ ଅଇଲା । ସବୁର୍‌ଟାନେଅନି ବେସି ବପୁର୍ ପରମେସର୍ ଜୁଗେ ଜୁଗେ ତାକ୍‌ପୁଟା ପାଅ, ଆମେନ୍ । (aiōn g165) ୬ ପରମେସର୍ ତାର୍ କାତା ଦେଇରଇଲାଟା ପୁରାପୁରୁନ୍ କରେନାଇ ବଲି ମୁଇ କଇନାଇ । କାଇକେବଇଲେ ଇସ୍ରାଏଲିୟମନ୍ କେଡେଟା ନାତିଡିଡିମନ୍ ପରମେସରର୍ ଲକ୍ ନଅଡ୍, ୭ କି ଅବ୍ରାଆମର୍ କୁଟୁମର୍ ସବୁ ଲକ୍ ପରମେସରର୍ ପିଲାଟକି ନ ଅଅଡ୍ । ପରମେସର୍ ଅବ୍ରାଆମେକ୍ କଇରଇଲା, “ମୁଇ ତର୍ ଜନ୍ କୁଟୁମର୍ ବିସଇନେଇ କାତା ଦେଇରଇଲି, ସେମନ୍ ଇସାକର୍ ଟାନେଅନି ଜାଡ୍ ଅଇବାଇ ।” ୮ ଏଟା ଅରଡ୍ ଅଇଲାନି, ଗାଗଡ୍ ଦାରି ଜନମ୍ ଅଇବା ପିଲାଟକି ନାଇ । ଜେ କି ପରମେସରର୍ ପିଲାଟକିମନ୍ ଅଇବାଇ, ମାତର୍ ତାର୍ କାତା ଦେଇରଇବା ଇସାବେ ଜନମ୍ କରିରଇବା ପିଲାଟକିମନ୍ ତାର୍ ମୁଆଟେ ସତଇସେ ତାର୍ ପିଲାଟକି ବଲି ଏଜାଇ ଅଇବାଇ । ୯ ପରମେସର୍ ଅବ୍ରାଆମେକ୍ ଏନ୍ତି କାତା ଦେଇରଇଲା, “ସମାନ୍ ଏ ଦିନେ ଆମେ ବାଉଡି ଆଇଲାବେଲେ, ସାରା ଗଟେକ୍ ପିଲା ଜନମ୍ ଦେଇରଇସି ।” ୧୦ ଏ ପିଲା ଆମର୍ ପୁର୍‌ବର୍ ଆନିଦାଦି ଇସାକ୍ ରଇଲା । ରିବିକାର୍ ଜଅଁଲା ପିଲାମନ୍‌ବିଡ୍‌ରେ ଅନି ଗଟେକ୍ ବାବା ଇସାକର୍‌ଟାନେଅନି ଅଇରଇଲା । ୧୧ ପରମେସର୍ ରିବିକାକେ କାତା ଦେଇରଇଲା । ବଡ୍ ପିଲା ସାନ୍ ପିଲାର୍ ଗତିଦାଢ୍ଘୁଡା ଅଇସି । ଜାଁଲା ପିଲାମନ୍ ଜନମ୍ ନ ଅଇତେ, ଆରି

ନିକ କାମ୍ କି ବାନିଆ କାମ୍ କରୁବା ଆଗୁରୁ ଏଟା ପର୍ଯ୍ୟେସର୍ କଇରଇଲା । ଜନ୍ ପିଲାକେ ସେ ବାଚୁଲା, ପିଲା କରିରଇବା କାମର୍ ଲାଗି ଅଏନାଇ । ମାତର୍ ପର୍ଯ୍ୟେସର୍ କରିରଇବା ଜଜ୍ନର୍ ପୁରାପୁରୁନ୍ ଅଇବାକେସେ ସେଟା ଅଇଲା । ୧୨ ଏଟାର୍ ପାଇ ତାକେ ଏ କାତା କଇରଇଲା । “ବଡ଼ ପିଲା ସାନ୍ ପିଲାର୍ ଗତିଦାଢ଼ୁଡ଼ା ଅଇସି ।” ୧୩ ସାସ୍ତରର୍ ବାକିଅ ଇସାବେ “ଜାକୁବ୍ କେ ମୁଇ ଆଲାଦ୍ କଲି, ମାତର୍ ଏସକେ ନାଇ ।” ୧୪ ସେନ୍ତୁର୍ ଆଲେ କାଇଟା ବଲି କର୍ଡ଼, “ପରମେସର୍ ଅନିଆଇ କରସି କି? ନାଇ କେବେ ନ କରେ ।” ୧୫ କାଇକେବଇଲେ ସେ ପୁର୍ବେ ମସାକେ କଇରଇଲା, “ମୁଇ ଜାକେ ମନ୍ କରୁବି ତାକେ ଦୟା ଦେକାଇବି ଆରି ଜିବନ୍ ଦୁକାଇବି । ୧୬ ସେଟାର୍ ପାଇ ପରମେସର୍ ତାର୍ ଲକ୍ମନ୍ କେ ଦେବା ସବୁ ମଢ଼ୁଲର୍ ଦାନ୍ ଲକ୍ମନ୍ ମନ୍ କଲାକେ କି ତାକର୍ ନିକ କାମ୍ କଲାକେ ଅଏ ନାଇ । ମାତର୍ ପର୍ଯ୍ୟେସରର୍ ଜିବନ୍ ଦୁକାନିଟାନେଅନି ସେ ସେଟା ଅଇଲାଆତେ ।” ୧୭ ସାସ୍ତର ଇସାବେ ପରମେସର୍ ମିସରର୍ ରାଜାକେ କଇରଇଲା, “ତକେ ଦେଇ ମର୍ ବପୁ ଦେକାଇବି ଆରି ଗୁଲାଇ ଜଗତ୍ କେ ମର୍ ତାକ୍ପୁଟା ଦେକାଇବାକେ ମୁଇ ତକେ ରାଜା କରିଆତି ।” ୧୮ ତେବର୍ପାଇ ପରମେସରର୍ ମନ୍ କଲା ଇସାବେ, ସେ କାକେ କାକେ ଦୟା ଦେକାଇସି ଆରି କାକେ କାକେ ମନ୍ ଆର୍ ଅଇବାକେ ଚାଡ଼ିଦେଇସି । ୧୯ ତମର୍ ବିତ୍ରେଅନି କେ ଆଲେ ମକେ କଇବାଇ, “ସେନ୍ତୁର୍ଆଲେ, ପରମେସର୍ କାଇକେ ଲକ୍ମନ୍ କେ ଦସି କଲାନି? ପରମେସର୍ ମନ୍ କଲାଟା ବାଦ୍ଲାଇବା ଲକ୍ କେ ମିସା ଆତର୍ କି?” ୨୦ ମାତର୍ ମୁଇ ତମ୍ କେ କଇବି, “ଏ ମଇତର୍ ପରମେସରର୍ କାତା ନାଇ ବଲ୍ବାକେ ତମେ କେ?” ଗଟେକ୍ ଆଣ୍ଟି ମକେ କାଇକେ ଏନ୍ତିକରି ଗଡ଼ଲୁସ୍ ବଲି କୁମାର୍ କେ ପାଟାରି ନାପାରେ । ୨୧ ନିଜର୍ ମନ୍ କଲା ଇସାବେ ମାଟି ଚକ୍ଟିକରି ଆଣ୍ଟି ଗଟେକ୍ ତିଆର୍ କରୁବାକେ କୁମାର୍ ସବୁ ଅଦିକାର୍ ଆତେ । ଗଟେକ୍ ଚକଟ୍ଲା ମାଟି ବେଲାଇଅନି ଦୁଇ ରକାମର୍ ଆଣ୍ଟି ତିଆର୍ କରସି । ତେଇଅନି ଗଟେକ୍ କେ ପରବ୍ ଦିନ୍ ମନ୍ କେ ବାଇବାଇ । ଆରି ଗଟେକ୍ ଉଜର୍ ଦିନ୍ ମନ୍ କେ ବାଇବାଇ । ତେଇ ତାର୍ ସବୁ ଅଦିକାର୍ ଆତେ । ୨୨ ପରମେସର୍ ମିସା ଟିକ୍ ସେନ୍ତିସେ କଲାଆତେ । ଜେତେବେଲେ ତାର୍ ରିସା ଆରି ବପୁ ଦେକାଇବାକେ ମନ୍ କର୍ତେ ରଇଲା, ଜେଡ଼କି ଲକ୍ ତାର୍ ରିସାର୍ ଆଣ୍ଟିତେଇ ଅଦ୍ରି ନସ୍ଟ ଅଇବାକେ ରଇଲା, ସେମନ୍ ପାଇ

ପରମେସ୍ୱର ବେସି ଜିବନ୍ତୁକାଲିଲା । ୨୩ ଆରି ସେ ତାର ବେସି ବଡ଼
 ଡାକ୍ତରୀ ଦେକାଇବାକେ ଆମ୍ଭେକେ ବେସି ଜିବନ୍ତୁକାଲିଲା ଆଚେ । ଆରି
 ଆମ୍ଭେକେ ବେସି ଆଗରୁ ସେ ବାଟି ରଇଲା । ୨୪ ଜନ୍ ଲକ୍ଷ୍ମୀନକେ ସେ
 ଡାକିଆଚେ, ସେ ବିତ୍ତରେ ଆମେ ମିସା ଆରୁ । ସେଟା ଅବ୍ବା ଜିଉଦିମନର୍
 ବିତ୍ତରେ ଅନି ନାଇ, ମାତର୍ ଜିଉଦି ନଅଇଲା ଲକ୍ଷ୍ମୀନର୍ ବିତ୍ତରେଅନି ମିସା
 । ୨୫ ଏ ବିସଇନେଇ ଅସେୟ ବଇତେଇ ପରମେସ୍ୱର କଇଆଚେ, “ଜନ୍
 ଲକ୍ଷ୍ମୀନ ଆମର୍ ଲକ୍ ନ ରଇଲା, ସେମନ୍ତେ ମୁଇ ଏବେ ନିଜର୍ ଲକ୍
 ଇସାବେ ଡାକ୍ବି । ଜନ୍ ଜାତିକେ ମୁଇ ଆଲାଦ୍ କରି ନ ରଇଲି, ତାକେ ‘ଆମର୍
 ନିଜର୍’ ବଲି ଡାକ୍ବି ।” ୨୬ “ଜନ୍ ଜାଗାଇ ସେମନ୍ତେ କଇରଇଲୁ, “ତମେ
 ଆମର୍ ଲକ୍ ନୁଆଁସ୍” “ତେଇ ସେମନ୍ ଜିବନ୍ ରଇବା ପରମେସ୍ୱରର୍ ପିଲାଟକି
 ବଲାଇଅଇବାଇ ।” ୨୭ ଆରି ଇସ୍ରାଏଲ୍ ବିସଇନେଇ ଜିସାୟ କଇଲା
 ଆଚେ, “ଇସ୍ରାଏଲ୍ ସମ୍ପଦୁର ବାଲିପାରା ଅଇଲେ ମିସା, ସେମନ୍ତ
 ବିତ୍ତରେଅନି କେତେଲକ୍ସେ ମୁକ୍ତି ପାଇବାଇ । ୨୮ କାଇକେବଇଲେ
 ମାପ୍ତୁ ଦାପ୍ତରେସେ ଗୁଲାଇ ଜଗତର୍ ନିଆଇ ବିଚାର୍ କର୍ସି ।” ୨୯ ଜେନ୍ତୁକି
 ଜିସାଇୟ ମିସା କଇରଇଲା, “ସବୁଟାମେଅନି ବପୁ ରଇବା ମାପ୍ତୁ, ଆମର୍
 କେତେଟା ଲକ୍ଷ୍ମୀନକେ ରକିଆ କରି ନ ରଇଲେ, ଆମର୍ ଦସା ସଦମ୍
 ଆରି ଗମ୍ଭାର୍ ଲକ୍ଷ୍ମୀନର୍ ପାରା ଅଇତା ।” ୩୦ ସେଟାର୍ ପାଇ ଜିଉଦି
 ନଇଲାଲକ୍ଷ୍ମୀନର୍ ବିସଇନେଇ ଏଟା କଇପାରୁ, ସେମନ୍ ଦରମ୍ ଲକ୍ ବଲାଇ
 ଅଇବାକେ ମନ୍ କରି ନ ରଇଲା ମିସା, ସେମନ୍ତ ବିସ୍ବାସ୍ ଲାଗି ସେମନ୍
 ପରମେସ୍ୱରର୍ ମୁଆଟେ ଦରମ୍ ଲକ୍ ବଲାଇ ଅଇଲା ଆଚଡ୍ । ୩୧ ମାତର୍
 ଇସ୍ରାଏଲ୍ ଲକ୍ଷ୍ମୀନ ନିୟମ୍ ଆନିକରି ପରମେସ୍ୱରର୍ ମୁଆଟେ ଦରମ୍
 ଲକ୍ ବଲାଇ ଅଇବାକେ ବେସି ତେସ୍ଟା କଲା, ମାତର୍ ନାପାର୍ଲାଇ
 । ୩୨ କାଇକେ ନାପାର୍ଲାଇ? କାଇକେବଇଲେ ସେମନ୍ ପରମେସ୍ୱରକେ
 ବିସ୍ବାସ୍ ନ କର୍ତେ ନିୟମ୍ ମାନ୍ବାକେ ତେସ୍ଟା କଲା ଆରି ତାର୍ ମୁଆଟେ
 ଦରମ୍ ବଲାଇ ଅଇବାକେ ବାବ୍ଲାଇ । ଏଟାର୍ଲାଗି ବାଟେ ଗାଡିରଇବା ବଡ଼
 ପାକ୍ନାଟାମେ ଟେସାଇଅଇଲା ଲକ୍ଷ୍ମୀନର୍ପାରା ଅଇଗାଲା । ୩୩ ଜେନ୍ତୁକି
 ସାସ୍ତରେ ଲେକାଆଚେ, ଦେକା ଆମେ ସିୟନେ ଗଟେକ୍ ବାଦାପାକାଇବା
 ପାକ୍ନା ଆରି ଅବ୍ବାକାଇବା ରାଝ୍ଟୁନିପାକ୍ନା ସଝ୍ଟୁଲୁ ଆରୁ, ତେଇ ଲକ୍ଷ୍ମୀନ

ଜଟିଆଇ ଅଇ ଅଦର୍ବାଇ । ମାତର୍ ଜେ ତାକେ ବିସ୍ବାସ୍ କରସି, ସେ କେବେ ମୁର୍ମୁରା ନ ଅଏ ।

୧୦ ଏ ବାଇବଇନିମନ୍, ମର୍ ନିଜର୍ ଲକ୍ ମୁକ୍ତି ପାଅଡ୍ ବଲି ମୁଇ ବେସି ମନ୍ କଲିନି । ଆରି ଏଟାର୍ପାଇ ମୁଇ ସବୁବେଲେ ପର୍ମେସର୍କେ ପାର୍ତନା କଲିନି । **୨** ସେମନ୍ ପର୍ମେସର୍କେ ପୁରାପୁରୁନ୍ ବିସ୍ବାସ୍ କଲାଇନି । ମାତର୍ ତାକେ କେନ୍ଦୁରି ସାର୍ଦା କରାଇବାର୍ ଆଟେ, ସେଟା ନାଜାନଡ୍ । **୩** ଲକ୍ମନ୍କେ ନିଜର୍ ମୁଆଟେ ଦରମ୍ ବଲାଇ ଅଇବାକେ, ପର୍ମେସର୍ ଜନ୍ ଜଜ୍ନା କଲା, ସେଟା ସେମନ୍ ନିଚ୍ଲାଇ । ମାତର୍ ନିଜେ ଜଜ୍ନା ତିଆର୍ କରି, ନିୟମ୍ ବାଟେ ଇଶ୍ଟୁଲାଇ । **୪** କିରିସ୍ଟ ଆଇଲାତେଇଅନି ନିୟମ୍ ମାନ୍ବାଟା କାଇ ମୁଲିଅ ନାଇ । ଜେନ୍ଦୁରି କି ତାକେସେ ବିସ୍ବାସ୍ କଲେ, ମୁନ୍ସୁ ପର୍ମେସର୍ ମୁଆଟେ ଦରମ୍ ଲକ୍ ବଲି ଏଜାଇ ଅଇସି । **୫** ନିୟମ୍ ମାନ୍ବାଟେଇଅନି ଦରମ୍ଲକ୍ ଅଇବା ବିସଇ ମସା ଲେକ୍ଲା ଆଟେ । ଜଡି ଜନ୍ ଲକ୍ମନ୍ ନିୟମ୍ ସବୁଜାକ ଆଦେସ୍ ମାନ୍ବାଇ, ସେମନ୍ ବର୍ବାଇ । **୬** ମାତର୍ ଲକ୍ମନ୍ ବିସ୍ବାସ୍କରି ପର୍ମେସର୍ ମୁଆଟେ ଦରମ୍ ବଲାଅଇବାଇ, ସେ ବିସଇ ସାସ୍ତରେ ଏନ୍ତି ଲେକାଆଟେ, କେ ସର୍ଗେ ଜାଇକରି କିରିସ୍ଟକେ ଉତ୍ତରାଇ ଆନ୍ସି? ବଲି ମନେ ମନେ କଇ ଉଆନାଇ । **୭** ଆରି କୁଆନାଇ, କେ ପାତାଲେ ଜାଇକରି କିରିସ୍ଟକେ ମଲାଟାନେଅନି ଆରିତରେକ୍ ଉଟାଇ ଆନ୍ସି? (Abyssos g12) **୮** କାଇକେବଇଲେ ସାସ୍ତରେ ଏନ୍ଦୁରି ମିସା ଲେକାଅଇଆଟେ, “ପର୍ମେସର୍ କବର୍ ତମର୍ ଲଗେ, ତମର୍ ଟଣ୍ଡେ ଆରି ମନେ ଆଟେ ।” ବିସ୍ବାସ୍ ବିସଇର୍ ଏ କବର୍ସେ ଆମେ ଜାନାଇଲୁନି । **୯** ଜଡି ଉଁ, କିରିସ୍ଟସେ ମାପ୍ଟୁ ବଲି କଇଲାସ୍ନି ଆରି ଉଁ, ପର୍ମେସର୍ ତାକେ ମଲାତେଇଅନି ଉଟାଇଲା ଆଟେ ବଲି ମନେ ମନେ ବିସ୍ବାସ୍ କଲାସ୍ନି, ସେନ୍ଦୁର୍ ଆଲେ ତମେ ମୁକ୍ତି ପାଇସା । **୧୦** ଆମର୍ ବିସ୍ବାସର୍ ଲାଗି ପର୍ମେସର୍ ଆମ୍କେ ଦରମ୍ ଲକ୍ ବଲି ଏଜ୍ଲାନି । ଆରି ଟଣ୍ଡେ ଉଁ ବଲି ମାନିଆଇଲୁନିଜେ ଆମେ ମୁକ୍ତି ପାଇଆରୁ । **୧୧** ସାସ୍ତର୍ ଇସାବେ, “କେ ମିସା ତାକେ ବିସ୍ବାସ୍ କରସି, ସେ ବିସ୍ବାସ୍ କରି କେବେ ଲାଜ୍ ନ ଅଏ ।” **୧୨** କାଇଟାବଇଲେ, ଜିଉଦି ଆରି ଜିଉଦି ନଇଲା ଲକର୍ ବିତ୍ରେ କାଇ ସାନ୍ ବଡ୍ ନାଇ । ସେଟାର୍ ପାଇ ସବୁ ଲକର୍ ତା ଗଟେକ୍ ମାପ୍ଟୁ, ଆରି ଜେଡ୍କି ଲକ୍ ତାକେ ପାର୍ତନା କର୍ବାଇ ସେ ସବୁ ଲକ୍କେ

ମଞ୍ଜୁଳ କରସି । ୧୩ କାଳକେବଲେ “ଜେ ମିସା ମାପୁରୁ ନାଉଁ ଦାରି ପାର୍ତନା କରସି, ସେ ମୁକ୍ତି ପାଇସି ।” ୧୪ ମାତର୍ ସେମନ୍ ତାକେ ବିସ୍ବାସ ନ କଲେ, କେନ୍ତୁ ତାର ନାଉଁ ଦାରି ପାର୍ତନା କରବାଇ? ଆରି ତାର ବିସଇର୍ ସୁବକବର୍ ନ ସୁନିରଇଲେ କେନ୍ତୁ ବିସ୍ବାସ କରବାଇ? ଆରି ସେମନ୍କେ କବର୍ ନ ସୁନାଇଲେ, କେନ୍ତୁ ସୁନ୍ବାଇ? ୧୫ ଆରି କବର୍ ନେଉକେ ନ ପାଟାଇଲେ କେନ୍ତୁ ଜାନାଇସି? ଏ ବିସଇ ସାସ୍ତରେ ଲେକା ଆଚେ “ସୁବକବର୍ ଜାନାଉମନ୍ ଆଇବାଟା, କେତେ ସାର୍ଦାର କାତା!” ୧୬ ମାତର୍ ସୁବକବର୍ ଜାନାଇବାଟାନେ ସବୁ ଲକ୍ ମାନତ୍ ନାଇ । ସେଟାର୍ ପାଇ ଜିସାଇୟ ଲେକ୍ଲା ଆଚେ, “ଏ ମାପୁରୁ ଆମେ କଲଲା କାତା ସୁନିକରି କେ ବିସ୍ବାସ କରତ୍ନାଇ ।” ୧୭ ତେବର୍ପାଇ ସୁବକବର୍ ସୁନ୍ବାଟାନେଅନି ବିସ୍ବାସ ଅଇସି । ଆରି କିରିସ୍ତକେ ଜାନାଇବାଟା ସେ ସୁବକବର୍ । ୧୮ ମାତର୍ ମୁଇ ପାଟାର୍ଲିନି ଇସ୍ରାଏଲର୍ ଲକ୍ମନ୍ କାଇ, ସେ କବର୍ ସୁନତ୍ ନାଇ କି? ବାଇଦରେ ସୁନିଆଚତ୍, କାଳକେବଲେ ଲେକାଆଚେ, “ଜାନାଉମନ୍ ସବତ୍ ଗୁଲାଇ ଜଗତ୍ ତାବିଅଇଗାଲା ଆଚେ, ସେମନ୍ କାତା ରାଇଜ୍ ଚିତ୍ଲା ଜାକ କେଟ୍ଲା ଆଚେ ।” ୧୯ ଆରି ତରେକ୍ ମୁଇ ପାଟାର୍ଲିନି, ଇସ୍ରାଏଲର୍ ଲକ୍ମନ୍ ସେଟା ନିକସ୍ତୁ ବୁଜତ୍ ନାଇ କି? ଉଁ ବୁଜିଆଚତ୍ । କାଳକେବଲେ ବେସି ବରସ୍ ଆଗ୍ତୁ ମସା ଉତର୍ଦେଇ ଲେକ୍ଲା ଆଚେ, ଗଟେକ୍ ନାଜାନ୍ଲା ଜାତିକେ ସାଇଜ କରି ମର୍ ଲକ୍ମନ୍କେ ଈସା କରାଇବି । ସେନ୍ତୁ ଗଟେକ୍ ବକୁଆ ଜାତିର୍ ଲକ୍କେ ଦୟାକରି ମୁଇ ସେମନ୍କେ ରିସା କରାଇବି । ୨୦ ଜିସାଇଅ ଆରି ମିସା ତାଟ୍ସତ୍ସୁ କଇଲା ଆଚେ, “ଜନ୍ ଲକ୍ମନ୍ ମକେ ନ କଜ୍ତେରଇଲାଇ, ସେମନ୍ ମକେ ବେଟ୍ ପାଇଲାଇ, ଜନ୍ ଲକ୍ମନ୍ ମର୍ ବିସଇ ନ ପାଟାର୍ତେ ରଇଲାଇ, ମୁଇ ନିଜେ ସେମନ୍କେ ଦେକାଇଅଇଲି ।” ୨୧ ମାତର୍ ପର୍ମେସର୍ ଇସ୍ରାଏଲର୍ ବିସଇ କଇଲାନ୍ତି, “ଗୁଲାଇଦିନ୍ ସେମନ୍କେ ତାକି ନେବାକେ ଆତ୍ ଲାମାଇଲି, ମାତର୍ ସେମନ୍ ମକେ ନ ମାନିକରି ବିରତ୍ କଲାଇ ।”

୧୧ ମୁଇ ଆରିତରେକ୍ ପାଟାର୍ଲିନି, “ତେବେ ପରମେସର୍ ସବୁ ଜିଉଦି ଲକ୍ମନ୍କେ ଚାଡି ଦେଲା ଆଚେ କି? ନାଇ, କେବେ ନାଇ । ମୁଇ ମିସା ନିଜେ ସେମନ୍ପାରା ଗଟେକ୍ ଜିଉଦି, ଅର୍ବାଆମ୍ତା ମର୍ ଆନିଦାଦି ଆରି ମୁଇ ବେନ୍ଜାମିନ୍ କୁରୁମର୍ ଲକ୍ ଅଇଆତି ।” ୨ ପରମେସର୍ ମୁଲେଅନି

ବାଟିରଇଲା ତାର ଲକ୍ଷ୍ମୀଙ୍କୁ କେବେ ମିଶା ଚାହେନା । ତମେ ସାସ୍ତରେ
 ପଢ଼ିଆଚାସୁ, ଏଲିଅ କେନ୍ଦ୍ର ଇସ୍ରାଏଲ୍ ମନର୍ ପାପର୍ ଚଲାଚଲ୍‌ତିର୍‌ପାଇ
 ପରମେସର୍‌କେ ପାର୍‌ତନା କରିରଇଲା, ¶ “ଏ ମାପୁରୁ, ସେମନ୍ ତମର୍
 ବବିସର୍‌ବକ୍‌ତାମନ୍‌କେ ମରାଇଆତର୍ ଆରି ତମର୍ ପୁଜା କର୍‌ବା ବେଦି ସବୁ
 ବାଢ଼ୁଇ ପାକାଇଲା ଆତର୍ । ମୁଇ ଗଟେକ୍ ଲକ୍ଷ୍ମୀ ଡକେ ପୁଜା କର୍‌ବାକେ
 ଆତି । ମକେ ମିଶା ସେମନ୍ ମାରିପାକାଇବାକେ ଚେସ୍‌ଟା କଲାଇନି ।”
 ୪ ପରମେସର୍ ଏଲିଅକେ କାଇବଲି କଇ ରଇଲା । “କାରାପ୍ ଦେବ୍‌ତା
 ବାଲ୍ ପୁତ୍‌ଲାକେ ପୁଜା ନ କରିରଇବା ତମର୍ ବିତ୍‌ରେଅନି ସାତ୍ ଅଜାର୍
 ଲକ୍ଷ୍ମୀକେ ମର୍ ପାଇ ସଢ଼ୁଇ ଆତି ।” ୫ ଏବେ ସେ ସମାନ୍ ବେଲା ଗର୍‌ଲା
 ଆତେ । ପରମେସର୍ ଜିବନ୍ ଦୁକାଇ ଜନ୍ ଲକ୍ଷ୍ମୀଙ୍କୁ ବାଟି ରଇଲା,
 ସେମନ୍ ବିତ୍‌ରେଅନି ଅଲପ୍ କେତେଟା ଜିଉଦିମନ୍ ଅଗ୍‌ଲି ଆତର୍ । ୬
 ପରମେସର୍ ସେମନ୍‌କେ ତାର୍ ନିଜର୍ ଜିବନ୍ ଦୁକାଇକରି ବାଟ୍‌ଲା ଆତେ ।
 ସେମନ୍ କରି ରଇବା ନିକ କାମର୍ ଲାଗି ନାଇ । ଜଦି ସେମନ୍ ନିକ କାମର୍
 ଲାଗି ସେମନ୍‌କେ ବାଟିରଇତା, ତାର୍ ଜିବନ୍ ଦୁକାନି ସତ୍ ଜିବନ୍ ଦୁକାନି ନ
 ଅଇତା । ୭ ତେବେ କାଇଟା ଅଇଲା? ଇସ୍ରାଏଲର୍ ଲକ୍ଷ୍ମୀ ନିଜେ ଦରମ୍
 ବଲାଅଇବାକେ ଗଟେକ୍ ବାଟ୍ କର୍‌ଲା । ମାତର୍ ତେଇଅନି ଗଟେକ୍ ସାନ୍
 ଦଲ୍‌କେସେ ପର୍‌ମେସର୍ ବାଟିରଇଲା । ଆରି ବାକିଲକ୍ଷ୍ମୀ କେ ମିଶା ସେ
 ଡାକ୍‌ଲାକେ ସୁନତ୍ ନାଇ । ୮ ସାସ୍ତରର୍ ବାକିଅ “ଜେନ୍ଦ୍ରିକି ପରମେସର୍
 ସେମନ୍‌ର୍ ଆଁକି ଆରି ମନ୍ ବାନ୍ତି ଦେଲା ଆତେ । ଏବେ ଜାକ ସେମନ୍ ଦେକି
 ନାପାର୍‌ଲାଇନି କି ସୁନି ନାପାର୍‌ଲାଇନି ।” ୯ ସେମନ୍ ବିସଇନେଇ ଦାଉଦ୍
 ଲେକ୍‌ଲା ଆତେ, ସେମନ୍ ଆମେ ପାପ୍ କରୁନାଇ ବଲି ବୁଲ୍ ଚିନ୍ତା କରତ୍ ।
 ସେମନ୍ ତେଇ ଅଦ୍‌ରି ଜାଅତ୍ । ଅଦ୍‌ରିଜାଇକରି ଡଣ୍ଡୁ ପାଅତ୍ । ୧୦ ସେମନ୍
 କାଣାକାଣି ଅଇକରି କାଇଟା ମିଶା ଦେକି ନାପାର୍‌ତ୍ । ସବୁବେଲେ ଦୁକ୍
 କର୍‌ଟ୍ ପାଇପାଇ ସେମନ୍‌ର୍ ଆଁଟା ସବୁବେଲର୍ ପାଇ ବାଁକ୍ ଅଇଜାଅ । ୧୧
 ମର୍ ସଢ଼ୁର୍ ଜିଉଦିମନ୍ ଜଟିଆଇ ଅଇକରି ଆଜିଜାଇ ନସ୍‌ଟ୍ ଅଇଗାଲାଇ
 । ମାତର୍ ସେମନ୍‌କେ ବାଉଡାଇ ଆନ୍‌ବାକେ ପର୍‌ମେସର୍ ନାପାରେ ବଲି
 ବାବ୍‌ଲାସ୍‌ନି କି? ନାଇ ସେ ପାର୍‌ସି । ସେମନ୍ ପର୍‌ମେସର୍‌ର୍ ବାକିଅ
 ନିର୍‌ଲାକେ ଜିଉଦି ନ ଅଇଲା ଲକ୍ଷ୍ମୀ ମୁକ୍ତି ପାଇଲା ଆତର୍ । ଜେନ୍ଦ୍ରି
 କି ଜିଉଦିମନ୍ ଈସା ଅଇଜିବାଇ । ୧୨ ଜିଉଦିମନ୍ ନ ମାନ୍‌ବାଟା, ଜଗତର୍

ବିନ୍ ଲକ୍ଷ୍ମୀଙ୍କୁ ବେସି ଆସିବାକୁ ମିଳିଲା । ଜିଉଦିମନ୍ ପର୍ଯ୍ୟେସରୁକେ ନ
 ମାନୁଲୀଙ୍କେ ଜିଉଦି ନ ଅଇଲା ଲକ୍ଷ୍ମୀ ତାର୍ତ୍ତାନେ ଅନି ବଡ଼ ଆସିବାକୁ
 ପାଇଲା । ସେନ୍ତୁରୁ ଆଲେ ପର୍ତ୍ତକେ ବାଟି ରଇବା ସବୁ ଜିଉଦିମନ୍ ବିସ୍ବାସ
 କଲେ, ସେ ଆସିବାକୁ କେତେକ୍ ଅଦିକ୍ ଅଇସି । ୧୩ ଜିଉଦି ନଇଲା
 ଲକ୍ଷ୍ମୀ, ତମ୍ବକେ ମୁଇ କଇଲିନି, ପେରିତ୍ସିସ୍ ଇସାବେ ତମର୍ ବିତ୍ରେ
 କାମ୍ କରବାକେ ପର୍ଯ୍ୟେସର୍ ମକେ ବାଟୁଲା ଆତେ । ସେ ମକେ ଜେତ୍ତି
 କାମ୍ ଦେଲାଆତେ, ସେଟା ମୁଇ ଜତନ୍ସଞ୍ଜୁ କଲିନି । ୧୪ ମୁଇ ତମ୍ବକେ
 ସାଇଜ କଲାପାଇ, ମର୍ ସଞ୍ଜୁର୍ ଜିଉଦିମନ୍ ଇସା ଅଅଡ଼ ବଲି ମୁଇ ମନ୍
 କଲିନି । କେ ଜାନେ ସେମନ୍ ବିତ୍ରେଅନି କେତେଲକ୍ ବିସ୍ବାସ୍ କରି
 ପର୍ଯ୍ୟେସରୁ ତଣ୍ଟେଅନି ରକିଆ ପାଇବାଇ । ୧୫ ଜିଉଦିମନ୍ ପର୍ଯ୍ୟେସରୁ
 ଟାନେଅନି ବେଗଲୁଲାକେ, ଜିଉଦି ନ ଅଇଲା ଲକ୍ଷ୍ମୀ ତାର୍ ନିଜର୍ ଲକ୍
 ଅଇପାରୁଲା । ସେନ୍ତୁରୁଆଲେ ଜିଉଦି ଲକ୍ଷ୍ମୀ ତାର୍ତ୍ତାନେ ଆରିତରେକ୍
 ବାଉଡିଆଇଲେ, ଜିଉଦି ନ ଅଇଲା ଲକ୍ଷ୍ମୀଙ୍କେ କେତେକ୍ ଅଦିକ୍ ଆସିବାକୁ
 ଅଇସି । ସେନ୍ତୁରି ଅଇଲେ କେତେକ୍ ନିକ କରମ୍! ସବୁ ମଲାଲକ୍ଷ୍ମୀ
 ଜିବନ୍ଅଇ ଉର୍ଲାପାରା ଅଇସି । ୧୬ ରୁଟିତେଇଅନି କଣ୍ଟେକ୍ ପର୍ଯ୍ୟେସରୁକେ
 ଦିଆଅଇରଇଲେ, ସବୁଜାକ ରୁଟି ଦିଆଅଇଲା ଆତେ ବଲି ବାବ୍ବାର୍ ।
 ଗଟେକ୍ ଗଟର୍ ତେର୍ ସୁକଲ୍ ରଇଲେ, ତାର୍ କେନ୍ୟାକଡ଼ ମିସା ସୁକଲ୍ ଆତେ
 ବଲି ବାବ୍ବାକେ ଅଇସି । ୧୭ ଇସ୍ବାଏଲ୍ କୁଟୁମର୍ ଲକ୍ଷ୍ମୀ ପର୍ଯ୍ୟେସରୁ
 ଜତନ୍ କରଇରଇବା ଗଟେକ୍ ଜିତ୍ ଗଟର୍ ପାରା । ସେ ଗଟେଅନି କେତେଟା
 କେନ୍ୟା ବାଞ୍ଛାକରି ବନର୍ ଜିତ୍ ଗଟର୍ କେନ୍ୟା ତେଇ, ଜଡିଆତେ । ତମେ
 ଜିଉଦି ନ ଅଇଲା ଲକ୍ଷ୍ମୀ ସେ ବନର୍ ଜିତ୍ ଗଟ୍ ପାରା । ଏବେ ତମେ
 ଜିଉଦିମନ୍ ତାଟ୍ ଆଡ଼ମାର୍ ଜିବନ୍ତେଇ ଜଡିଅଇଆତାସ୍ । ୧୮ ସେଟାର୍
 ପାଇ ତମେ ଜିଉଦିମନ୍ ଟାନେଅନି ବଡ଼ ବଲି ବାବାନାଇ । କାଇକେବଇଲେ
 ତମେ ଅବ୍ବା କେନ୍ୟାସେ ଆରି କେନ୍ୟାମନ୍ କାଦି ଗଟର୍ ତେରେଅନିସେ
 ଆଇସି । ତେରର୍ କାଦି କେନ୍ୟାଅନି ନ ଆସେ । ୧୯ “ଉଁ ତମେ କଇପାରାସ୍,
 ଜିଉଦି ନ ଅଇଲା ଲକ୍ଷ୍ମୀ ଆମେସେ ବଡ଼ । କାଇକେବଇଲେ ଆମ୍ବକେ
 ଜଡ଼ବାକେ କେନ୍ୟାମନ୍ ବାଞ୍ଛୁଇଲା ।” ୨୦ ତମ୍ବକେ ଜଡିଆତେ, ସେଟା ସଡ଼
 ସେ । ମାତର୍ ଜିଉଦିମନ୍ ବିସ୍ବାସ୍ ନ କଲାପାଇ ପର୍ଯ୍ୟେସରୁ ସେମନ୍କେ
 କାଟିଦେଲାଆତେ । ତମେ ବିସ୍ବାସ୍ କଲାକେସେ ତମ୍ବକେ ଜଡିଆତେ ।

ସେଟାପାଇଁ ବହୁତ ନ ଅଇ ତରିକରି ରୁଆ । ୨୧ କାଇକେବଇଲେ
 ଜଦି ଗରେଅନି ନିଜେ ବାରଇଲା କେନ୍ଦୁ ପାରା ଜିଉଦିମନ୍‌କେ ପରମେସର୍
 ବାଞ୍ଛାଇଦେଲା, ତେବେ ବନେଅନି ଆନି ଜଡିରଇବା କେନ୍ଦୁମନ୍‌କେ କେତେକ୍
 ଅଦିକ୍ ସେ ନ ବାଞ୍ଛାଏ? ସେ କେନ୍ଦୁମନ୍ ଅଇଲାନି, ତମେ ବିସ୍‌ବାସ୍ ନ କଲା
 ଜିଉଦି ନଇବା ଲକ୍‌ମନ୍ । ୨୨ ଇତିଅନି ଆମେ ଦେକ୍‌ଲୁନି ପରମେସର୍
 କେନ୍ଦୁ ଆଲାଦ୍‌କାରିଆ, ଆରି ସାସନ୍‌କାରି ମିସା! ଜନ୍ ଲକ୍‌ମନ୍ ତାର୍ କାତା
 ମାନର୍ ନାଇ, ସେମନ୍‌କେ ତଣ୍ଟୁ ଦେଲା । ମାତର୍ ତାର୍ ଦୟା ତମେ ତାଟ୍
 ସଞ୍ଜୁ ଦାରିରଇଲେ, ସେ ତମ୍‌କେ ଦୟା ଦେକାଇସି । ଜଦି ସେନ୍ଦୁରି ନ
 କଲେ, ତମ୍‌କେ ମିସା କାଟିଦେଇସି । ୨୩ ଜଦି ଜିଉଦିମନ୍ ବିସ୍‌ବାସ୍ କଲେ,
 ଗର୍ତ୍ତ ରୁନ୍ଦେ ରଇବା ତାକର୍ ଆଗର୍ ଜାଗାଇ ପର୍ମେସର୍ ସେମନ୍‌କେ
 ବାଉତାଇସି । କାଇକେବଇଲେ ସେଟା ପର୍ମେସର୍‌ସେ କରିପାରେ । ୨୪
 ତମେ ଜିଉଦିନଇଲା ଲକ୍‌ମନ୍ ବନର୍ ଜିତ୍ ଗର୍ତ୍ତ ବାଞ୍ଛାଇଲା କେନ୍ଦୁପାରା ।
 ସବୁବେଲେ ଜଡ୍‌ବାଟାନେ କଲାପାରା ନ କରି, ପର୍ମେସର୍ ନିଜେ ଜତନ୍
 କର୍ବା ଗତେ, ତମ୍‌କେ ଜଡ୍‌ଲାଆତେ । ଜିଉଦିମନ୍ ସେ ନିଜେ ଜତନ୍
 କରିରଇବା ଗର୍ତ୍ତପାରା । ସେନ୍ଦୁଆଲେ ଗର୍ତ୍ତରୁନ୍ଦେ ରଇବା କେନ୍ଦୁମନ୍‌କେ
 ଆଗର୍ ଜାଗାଇ ନେଇ ଜଡ୍‌ବାକେ କେତେକ୍ ଅଦିକ୍ ସଅଜ୍ ଅଇସି । ୨୫
 ଏ ବାଇବଇନିମନ୍, ଏ ବିସଇଟାନେ ଗଟେକ୍ ଲୁଚିରଇଲା ସତ୍ ତମେ ବୁଜା
 ବଲି ମୁଇ ମନ୍ କଲିନି । ଆମେ ଜିଉଦିମନ୍‌ର୍ ଟାନେଅନି ବଡ୍ ଆରୁ ବଲି
 ତମେ ବହୁତ ନ ଅଇବାକେ, ଏଟା ତମ୍‌କେ ବୁଜାଇଲିନି । ଜିଉଦିମନ୍‌ର୍
 କାତା ନ ମାନ୍‌ବାଟା, ବେସିଦିନ୍ ଜାକ ନ ରଏ । ମାତର୍ ଜେତ୍‌କି ଜିଉଦି
 ନ ଅଇଲା ଲକ୍‌ମନ୍‌କେ ପର୍ମେସର୍ ବାଟ୍‌ଲାଆତେ, ସେମନ୍ ବିସ୍‌ବାସ୍
 କର୍ବାଜାକ ସେଟା ରଇସି । ୨୬ ତାର୍ ପତେ ଇସ୍‌ରାଏଲିଅମନ୍ ସବୁ ଲକ୍
 ଏ ସାସ୍‌ତରର୍ ଇସାବେ ରକିଆ ପାଇବାଇ । ମୁକ୍‌ତିକାରିଆ ଜିଉଦିମନ୍‌ର୍
 ବିତ୍‌ରେ ଅନି ଆଇସି, ଆରି ତାର୍ ଲାଗି ଜାକୁବର୍ କୁରୁମେଅନି ସବୁ ତାକର୍
 କାରାପ୍ ଚଲାଚଲ୍‌ତି ଚାଡ୍‌ବାଇ । ୨୭ ସେମନ୍‌ର୍ ପାପ୍ ରଇବା ଚଲାଚଲ୍‌ତି
 ମୁଇ ଦାରିଜିବାବେଲେ, ସେମନ୍‌ର୍ ସଞ୍ଜୁ ଏ ରାଜିନାମା କର୍ବି । ୨୮ ସୁବ୍
 କବର୍ ବିସ୍‌ବାସ୍ ନ କରି ଜିଉଦିମନ୍ ପର୍ମେସର୍‌ର୍ ସତ୍‌ରୁ ଅଇଗାଲାଇ ।
 ଏନ୍ଦୁରି ଅଇଲାକେ ତମେ ଜିଉଦି ନ ଅଇଲା ଲକ୍‌ମନ୍ ମୁକ୍‌ତି ପାଇଲାସ୍ ।
 ଏନ୍ଦୁରି ଅଇଲେମିସା ପର୍ମେସର୍ ଜନ୍ କାତା ତାକର୍ ଆନିଦାଦିମନ୍‌କେ

ଦେଇରଇଲା, ଆରି ସେମନ୍ ତାର୍ ବାତିରଇବା ଲକ୍ମନ୍ ଅଇଲାକେ ମିସା,
 ସେମନ୍ ତାର୍ ଲକ୍ ଅଇଆତଡ୍ । ୨୯ କାଇକେବଇଲେ ପର୍ମେସର୍ ଜନ୍
 ଲକ୍ମନ୍କେ ବାତିକରି ଆସିରବାଦ୍ କରସି, ସେ ଦାନ୍ ଦେବାକେ ଜାଗରତା
 ରଇସି । ୩୦ ଜିଉଦିନଇଲା ଲକ୍ମନ୍ ତମେ ପୁର୍ବେ ପର୍ମେସର୍ କାତା ନ
 ମାନ୍ତେ ରଇଲାସ୍, ମାତର୍ ଜିଉଦିମନ୍ କାତା ନ ମାନ୍ଲାର୍ ପାଇ, ଏବେ
 ତମେ ପର୍ମେସର୍ ଜିବନ୍ ଦୁକାନିର୍ ଆଲାଦ୍ ପାଇଆତାସ୍ । ୩୧ ଏଟା
 ଜିଉଦି ଅଇରଇବା ଲକ୍ମନର୍ ପାଇ ମିସା ସେନ୍ତାରିସେ । ଏବେ ସେମନ୍
 କାତା ନ ମାନ୍ଲେ ମିସା, ତମ୍କେ ଜେନ୍ତାରି ପର୍ମେସର୍ ଦୟା ଦେକାଇ
 ଆଲାଦ୍ କଲାଆତେ, ସେ ପର୍କେ ସେମନ୍କେ ମିସା ଦୟା ଦେକାଇସି । ୩୨
 ଗୁଲାଇ ମନସ୍ ଜାତି ତାର୍ କାତା ନ ମାନ୍ଲାକେ ତଣ୍ଟୁ ପାଇବାର୍ ଆତେ ବଲି
 ପର୍ମେସର୍ ଦେକାଇଲା ଆତେ । ତାର୍ ଜିବନ୍ ଦୁକାଇଲାଟା ସବୁକେ ତିସ୍ସି
 ବଲି ଏନ୍ତାରି କଲାଆତେ । (eleēsē g1653) ୩୩ ପର୍ମେସର୍ ଦୟା କେତେକ୍
 ବଡ୍! ତାର୍ ଚିଆନ୍ ଆରି ବିତାର୍ କରବା ବପୁ କେ ବୁଜିନାପାରଡ୍! ସେ ଜନ୍ଟା
 ଓଁ କରସି, ସେଟା ଲକ୍ମନ୍ ବୁଜିନାପାରଡ୍ । ସେ ଜନ୍ କାମ୍ କରବାକେ
 ଗାଲାନି, ସେଟା କେ ବାତାଇ ନାପାରଡ୍ । ୩୪ କାଇକେବଇଲେ ସାସ୍ତରେ
 ଏନ୍ତାରି ଲେକା ଅଇଲାଆତେ । “ପର୍ମେସର୍ ମନେ ଚିନ୍ତା କରବାଟା କେ ବୁଜି
 ପାରଡ୍? ତାକେ କେ ମିସା ବୁଦିର୍ କାତା କଇବାକେ ଲତାନାଇ ।” ୩୫ ତାକେ
 କାଇଟା ଉନା ନାଇ । ସେ ଆମର୍ ରୁଣି ଅଇବାକେ, ତାକେ କାଇଟା ଦେଇ
 ନାପାରୁ । ୩୬ ତିଆର୍ ଅଇଲା ସବୁ ବିସଇ ସେ ସେ ଚାଲାଇଲାନି । ଆରି ସବୁ
 ବିସଇ ତାର୍ପାଇସେ । ପର୍ମେସର୍, କାଲେ କାଲେ ଜୁଗେ ଜୁଗେ, ତାର୍
 ତାକ୍ପୁଟା ଅ । ଆମେନ୍! (aiōn g165)

୧୨ ସେଟାର୍ ପାଇ ଏ ବାଇବଇନିମନ୍, ଆମର୍ ଉପ୍ରେ ପର୍ମେସର୍
 ବଡ୍ ଜିବନ୍ଦୁକାନିର୍ ଲାଗି, ତମ୍କେ ମୁଇ ବାବୁଜିଆ କଲିନି, ପର୍ମେସର୍
 ଲଗେ ଗଟେକ୍ ବଲି ଇସାବେ ନିଜର୍ ଜିବନ୍ ସର୍ପିଦିଆସ୍ । ଏନ୍ତାରି ବଲି
 ଅଇବାଟା ମର୍ବାକେ ନଏଁ, ମାତର୍ ତାର୍ ସେବାକରବାକେ ନିଜେ ସର୍ପି
 ଅଇବାଟା । ସେନ୍ତୁ ଅଇଲେ ପର୍ମେସର୍ ସାର୍ଦା ଅଇସି । ପର୍ମେସର୍କେ
 ଏ ରକାମ୍ ଉପାସନା କରବାର୍ ଆତେ । ୨ ଏ ଜଗତେ ରଇବା ଲକ୍ମନର୍
 ପାରା ଚଲାଚଲ୍ତି ଇସାବେ ଜିଉନା କାଉନା କରାନାଇ । ପର୍ମେସର୍ ତମର୍
 ମନ୍ ନୁଆକରି ବାଦ୍ଲାଅ । ସେନ୍ତୁ ଅଇଲେ ସେ ମନ୍ କରବାଟା ବୁଜିପାର୍ସା

। ଆରି ଜନ୍ ଚଲାଚଲ୍ତି ତାର୍ ମୁଆଟେ ନିକ, ସିଦ୍ ଆରି ତାକେ ସାର୍ଦା
 କରାଇସି, ସେଟା ଜାନି ପାର୍ସା । (aiōn g165) ¶ ପରମେସର୍ ମକେ
 ଜିବନ୍ଦୁକାଇକରି ଅଦିକାର୍ ଦେଲାକେ ତମ୍ବକେ ସବୁ ଲକ୍ଷକେ କଇଲିନି, ।
 କେ ମିସା ମୁଇ ବିନ୍ ଲକ୍ଷଟାନେଅନି ବଡ୍ ବଲି ବାବାନାଇ । ପରମେସର୍
 ତମ୍ବକେ ଜେଡ୍ ବିସ୍ବାସ୍ ଦେଲାଆଟେ, ସେଡ୍ ନିଜ୍ଜକେ ବିଚାର୍ କରା । ୪
 ଆମ୍ବକେ ସବୁଲକ୍ଷକେ ଗାଗେଡ୍ ବିନ୍ ବିନ୍ ବାଗ୍ ଆଟେ । ସେ ଗାଗଡ୍ ବିନ୍
 ବିନ୍ ବାଗର୍, ବିନ୍ ବିନ୍ କାମ୍ ଆଟେ । ୫ ସେନ୍ତୁରିସେ ଆମେ ଜେଡ୍ ଲକ୍
 କିରିସ୍ଟତେଇ ମିସ୍ଲୁଆରୁ, ଆମେ ତାର୍ ଗାଗଡ୍ ଅଇଲୁଆରୁ । ଗାଗଡ୍
 ଆଡ୍ ଗଡ୍ ପାରା ଆମେ ସବୁ ଲକ୍ ମିସିଆରୁ । ୬ ସେଟାର୍ ପାଇ ପରମେସର୍
 ଆମ୍ବକେ ଜିବନ୍ ଦୁକାଇ ଜେଡ୍ ବିନ୍ ବିନ୍ ବପୁର୍ ଦାନ୍ ଦେଲା ଆଟେ, ସେ
 ସବୁ ବପୁ ଆମର୍ କାମେ ଲାଗାଇବାର୍ ଆଟେ । ଜଦି ଆମ୍ବକେ ପରମେସର୍
 ବାକିଅ ଜାନାଇବା ବପୁ ଦେଲାଆଟେ, ସେନ୍ତୁରୁଆଲେ ଆମେ ପାଇରଇବା
 ବିସ୍ବାସ୍ ଇସାବେ ସେଟା କରବାର୍ ଆଟେ । ୭ ଜଦି ଆମର୍ ସଞ୍ଜୁର୍ ଲକ୍ଷକେ
 ସାଇଜ କରବା ବପୁ ଦେଲାଆଟେ, ତେବେ ସେଟା କର୍ତେ ରଇବାର୍ ଆଟେ
 । ଜଦି ପରମେସର୍ ବାକିଅ ସିକାଇବାଟା ଦେଲାଆଟେ, ତେବେ ସେଟା
 ଜତନ୍ ସଞ୍ଜୁ କରବାର୍ ଆଟେ । ୮ ବିନ୍ ଲକ୍ଷମନ୍ଦକେ ସାର୍ଦା କରାଇବାକେ
 ବପୁ ଦେଇରଇଲେ, ସେଟା କର୍ତେ ରଉଁ । ଅର୍କିଡ୍ ଲକ୍ଷମନ୍ଦକେ ଦାନ୍
 କରବା ବପୁ ଦେଇରଇଲେ, କାଇଟା ନ ବାବିକରି ଦାନ୍ କରୁ । ବିନ୍ ଲକ୍ଷ
 କାମ୍ବକେ ଦେକାରକା କରବା ଅଦିକାର୍ ଦେଇରଇଲେ, ନିଜେ ବେସି କାମ୍
 କରବାରୁଆଟେ । ଜଦି ବିନ୍ ଲକ୍ଷମନ୍ଦକେ ଦୟା ଦେକାଇବା ବପୁ ଦେଲାଆଟେ,
 ବିଜାର୍ ନ ଅଇ ସାର୍ଦା ସଞ୍ଜୁ କରବାର୍ ଆଟେ । ୯ ବିନ୍ ଲକ୍ଷମନ୍ଦକେ ଆଲାଦ୍
 କରବାର୍ ଆଲେ କାଇ କପଟ୍ ରଇବାର୍ ନାଇ । କାରାପ୍ ଚଲାଚଲ୍ତି ଶିନ୍
 କରି, ସଡ୍ ଚଲାଚଲ୍ତି ଚାଡ୍ବାର୍ ନାଇ । ୧୦ ତମେ କିରିସ୍ଟଟାନେ
 ବାଇବଇନି ଅଇଲାର୍ ପାଇ, ଗଟେକ୍ ଲକ୍ ଆରି ଗଟେକ୍ ଲକ୍ଷକେ ଆଲାଦ୍
 କରି ସନ୍ମାନ୍ କରା । ୧୧ ନିସଡ୍ ନଅଇକରି ଲାଗିରୁଆ । ଜିବନ୍ ପରାନ୍
 ଦେଇକରି ପରମେସର୍କେ ସେବା କରା । ୧୨ ଆମ୍ବକ ରଇବା ଆସାର୍
 ଲାଗି ଆମେ ସାର୍ଦା ଅଉଁ । ଦୁକ୍ କସ୍ଟ ଆଇଲେ ମୁରୁଚିକରି ରଉଁ ।
 ସବୁବେଲା ପରମେସର୍କେ ପାର୍ତନା କର୍ତେ ରଉଁ । ୧୩ ଆମର୍ ଟାନେ
 ରଇବା ଅର୍କିଡ୍ ବାଇବଇନିମନ୍ଦକେ ସାଇଜ କରୁ । ନ ଜାନ୍ବା ଲକ୍ଷମନ୍

ଆମର ଗରେ ଆଇଲେ ଗତିଆ କରି ଡାକିନେଉଁ । ୧୪ ଜନ୍ମଲକ୍ଷ୍ମୀ ତମ୍ଭେ ନିନ୍ତୁ କରବାଇ, ସେମନ୍ତେ ପରମେସ୍ୱର ଆସିରବାଦ୍ କରବଲି ପାର୍ତନା କରା । ସେମନ୍ତେ ଆସିରବାଦ୍ କରା, ସାଇପ୍ ଦିଆସ୍ ନାଇ । ୧୫ ଜଦି ଗଟେକ୍ ଲକ୍ଷ୍ମୀକେ ସାର୍ଦାର୍ ଦିନ୍ ଆଇଲାଆତେ, ତେବେ, ତାର୍ ସଞ୍ଜୁ ମିସି ସାର୍ଦା କରା, ଜଦି ଦୁକର୍ ଦିନ୍ ଆସିରଇଲେ, ସେ ଲକ୍ଷ୍ମୀ ସଞ୍ଜୁ ମିସି ଦୁକ୍ କରା । ୧୬ ସବୁ ଲକ୍ଷ୍ମୀକେ ସମାନ୍ ଇସାବେ ଆଲାଦ୍ ଦେକାଆ । ଆଁକାର୍ ବୁଦି ଚାଡିକରି ସଲଦ୍ ଅଇ ସାନ୍ ସାନ୍ କାମ୍ କରବାକେ ମିସା ରାଜି ଉଆ । ନିଜ୍ଜେ ଗିଆନ୍ ରଇବାଲକ୍ ବଲି ଦେକାଇ ଉଆନାଇ । ୧୭ କେ ତମ୍ଭେ ଅନିଆଇ କଲେ, ତାକେ ବେର୍ ଦାର୍ଦାର୍ ନାଇ, ଜନ୍ ତଲାତଲ୍ତି ସବୁର୍ ମନ୍ତେ ଜାଇସି, ସେଟା କର୍ତ୍ତେରଇବାର୍ । ୧୮ ସବୁ ଲକ୍ଷ୍ମୀ ସୁସାରେ ଜିଇବାକେ ଜେତେକ୍ ପାରାସ୍, ସେତେକ୍ ଚେସ୍ଟା କରା । ୧୯ ମର୍ ଆଲାଦର୍ ବାଇବଇନିମନ୍, ଜଦି କେ ତମ୍ଭେ ଅନିଆଇ କଲେ, ତମେ ବେର୍ ଦାରାନାଇ, କାଇକେବଇଲେ, ପର୍ମେସ୍ୱରସେ ତଣ୍ଟୁ ଦେଇସି । କାଇକେ ବଇଲେ ସାସ୍ତରଲେ ଲେକା ଆତେ । ମାପ୍ତୁ କଇଲାନି, “ମୁଇ ବେର୍ ଦାର୍ବି । ମୁଇ ତଣ୍ଟୁ ଦେବି ।” ୨୦ ଏଲେ ସାସ୍ତରର ଲେକା ଇସାବେ “ତମର୍ ସତ୍ତୁ ବୁକେ ରଇଲେ, ତାକେ କାଇବାକେ ଦିଆସ୍, ସସେ ରଇଲେ, ପାନି କୁଆ । ଏନ୍ତୁରକଲେ ସେ ତମ୍ଭେ କରିରଇବା ଅନିଆଇର୍ ଲାଗି ବେସି ଲାଜ୍ ଅଇଜାଇସି ।” ୨୧ ମିର୍ କାମ୍ କରି ଆରିଜାଆ ନାଇ, ସବୁ ବିସଇ ସତ୍ ବାବେ କରି ଜିତିକରି ରୁଆ ।

୧୩ ସାସନ୍କାରିଆମନ୍ତ କାତା ସବୁ ଲକ୍ଷ୍ମୀ ମାନ୍ବାକେ ବାଦିଅ, କାଇକେବଇଲେ ପରମେସ୍ୱର ଆଦେସ୍ ନ ଦେଲେ କେ ମିସା ସାସନ୍ କରବାକେ ଅଦିକାର୍ ନ ପାଏ । ଗାଦିଟାନେ ରଇଲା ସାସନ୍କାରିଆମନ୍ତକେ ପରମେସ୍ୱର ବସାଇଲା ଆତେ । ୨ ସେଟାର୍ ପାଇ ଜେ ଗାଦିତେଇ ବସୁଲା ସାସନ୍କାରିଆମନ୍ତକେ ବିରଦ୍ କର୍ସି, ସେ ପରମେସ୍ୱର ତିଆରକଲା ଗାଦିର ବିରଦ୍ କଲାନି । ଜେ ଏଟା କର୍ସି ସେ ପର୍ମେସ୍ୱର ବିଚାର୍ନା ଜାଗାଇ ତିଆଅଇସି । ୩ ଆମର୍ ତଲାତଲ୍ତି ସତ୍ ରଇଲେ ସାସନ୍କାରିଆକେ ତର୍ବାର୍ ଦର୍କାର୍ ନାଇ । କାରାପ୍ ରଇଲେ ତର୍ବାର୍ ଆତେ । ସାସନ୍କାରିଆମନ୍ତକେ ତମେ ତର୍ବାକେ ମନ୍ କରାସ୍ ନାଇ, ସେନ୍ତୁରାଲେ ନିକ କାମ୍ କରା ଆରି ସେମନ୍ ତମ୍ଭେ ନାମ୍ବାଇ । ୪ ସେମନ୍ ପର୍ମେସ୍ୱର ଗତିଦାଞ୍ଜୁତାମନ୍

ଆରି ତମର ନିକପାଇସେ କାମ୍ କଲାଇନି । ତମେ ଜଦି କାରାପ୍ କାମ୍ କରୁତେରଇସା, ତେବେ ସେମନ୍‌କେ ଡରୁବାର୍ ଆତେ । କାଇକେବଇଲେ ତମ୍‌କେ ଡଣ୍ଟୁ ଦେବାକେ ତାକର୍ ଅଦିକାର୍ ଆତେ । ସେମନ୍ ପର୍ମେସରର୍ ଗତିଦାଢ଼ୁଆ ଆରି ଜେଡ଼କି ଲକ୍ କାରାପ୍ କାମ୍ କରୁତେରଇବାଇ, ସେମନ୍‌କେ ପର୍ମେସର ଡଣ୍ଟୁ ଦେବାଇ । ୫ ସେଟାର୍‌ପାଇ ତମେ ସାସନ୍‌କାରିଆମନର୍ କାତା ମାନ୍‌ବାର୍ ଆତେ । ଉଜେ ପରମେସରର୍ ଡଣ୍ଟୁ ଡରିକରି ନାଇ, ମାତର୍ ନିଜର୍ ରୁଦ୍‌ସଢ଼ୁ ଏଟା ଟିକ୍ କାମ୍ ବଲି ଜାନିକରି ମିସା ଏଟା କରୁବାର୍ ଆତେ । ୬ ଏଟାର୍‌ପାଇ ତମେ ସିସ୍‌ତୁ ମିସା ଦେଲାସ୍‌ନି, କାଇକେବଇଲେ ସାସନ୍‌କାରିଆମନ୍ ଟିକ୍‌ସଢ଼ୁ କାମ୍ କଲାବେଲେ ପରମେସରର୍ ସେବା କରୁତେ ରଇବାଇ । ୭ ସେଟାର୍ ପାଇ ସେମନ୍ ଜେଡ଼କି ପାଇବାର୍ ଆତେ ସେଟା ସେମନ୍‌କେ ଦେଇଦିଆସ୍ । ତମେ ସିସ୍‌ତୁ କି ଅତି ଜାଇଟା ଦେବାର୍ ଆତେ, ସେଟା ବାନ୍ଦିଦିଆସ୍ ଆରି ସେମନ୍‌କେ ନାମିକରି ସନ୍‌ମାନ୍ କରା । ୮ ନିଜର୍ ନିଜର୍ ବିତ୍‌ରେ ଆଲାଦ୍ କରାକରି ଅଇବାଟା ଚାଡି ଆରି କାଇ ବିସଇ କାର୍ ଲଗେ ମିସା ଉଦାର୍ ଉଆ ନାଇ । ଜେ ଏଟା ବିନ୍ ଲକର୍‌ପାଇ କରୁସି, ସେ ନିୟମ୍ ମାନ୍‌ସି । ୯ ନିୟମ୍‌ତେଇ ଲେକାଅଇଲା ଆତେ, “ବେସିଆ କାମ୍ କରୁବାର୍ ନାଇ, ନର୍ ମାର୍‌ବାର୍ ନାଇ, ଚରାଇବାର୍ ନାଇ, ବିନ୍ ଲକର୍ ଦିନ୍‌ସୁ ଲବାଇବାର୍ ନାଇ ।” ନିଜ୍‌କେ ଆଲାଦ୍ କଲାପାରା ବିନ୍ ଲକ୍‌ମନ୍‌କେ ଆଲାଦ୍ କରା । ଏ ଗଟେକ୍ ଆଦେସ୍ ଜଦି ତମେ ମାନ୍‌ସା, ନିୟମେ ରଇବା ସବୁ ଆଦେସ୍ ମାନ୍‌ଲାପାରା ଅଇସି । ୧୦ କାଇକେବଇଲେ ତମେ ଗଟେକ୍ ଲକ୍‌କେ ଆଲାଦ୍ କରୁତେ ରଇଲେ, କେବେ ମିସା ତାକେ ଅନିଆଇ ନ କରାସ୍ । ଆରି ତମେ ଜଦି ସେମନ୍‌କେ ଆଲାଦ୍ କରୁସାବଇଲେ, ସବୁ ନିୟମ୍ ମାନିକରିଆତାସ୍ । ୧୧ ଏବେ ତମେ ଏଟା କରୁବାର୍ ଆତେ । କାଇକେବଇଲେ ବେଲା କେଟ୍‌ଲାଆତେ । ଆମେ ସଇରଇବା ଲକର୍‌ପାରା ନ ଅଇକରି ଚେତା ଅଇ ଜାଗ୍‌ରଡ୍ ଅଇରଇବାର୍ ଆତେ । ବିସ୍‌ବାସ୍ କରୁବା ବେଲା ଆଗ୍‌ତୁ ରଇଲେ ମିସା ଆମର୍ ମୁକ୍ତି ପାଇବା ଦିନ୍ ଲଗେ ଅଇଆତେ । ୧୨ ରାତି ଦାପ୍‌ରେ ସାରିଜାଇସିବେ, ସାକାଲ୍ ଅଇବାକେ ଗାଲାନି । ସେଟାର୍‌ପାଇ ଆସା, ରାତିଆ କରିରଇବା କାରାପ୍ କାମ୍ ସବୁ ଚାଡିକରି, ଉଜ୍‌ଲେ ଜୁଇଦ୍ କରୁବା ଆଡ୍‌ଆଡିଆର୍ ଦାରୁ । ୧୩ ବେସିଆମନର୍ ଦଲେ ମିସ୍‌ବାର୍ ନାଇ, ମାଡୁଆଲ୍‌ମନର୍ ଦଲେ ଜିବାର୍ ନାଇ, ବିନ୍ ମାଇଜିମନର୍ ସଢ଼ୁ ମିସିରଇବାର୍

ନାଇ, ଲାଗାଜତା ଅଇବାର୍ ନାଇ ଆରି ଛିଞା ଅଇବାର୍ ନାଇ । ଆମେ
ଜେଡ଼କି ଲକ୍ ଉଜ୍ଜଲେ ରଇଆରୁ, ଟିକ୍ ସଞ୍ଜ ଚଲାଚଲ୍ତି କରୁ । ୧୪ ମାପରୁ
ଜିସୁକିରିସ୍ତର୍ ଆଡ଼ିଆଡ଼ିଆର୍ ଦାରି ରଇଁ । ଆରି ଆମର୍ ପାପର୍ ଗୁନ୍ତଲନ୍
ନ ମାନିକରି ଆମେ ମନ୍ କର୍ବାଟା ପୁରାପୁରୁନ୍ ନ କରୁ ।

୧୪ ଜଦି କେତେକ ଲକ୍ କିରିସ୍ତକେ ବିସ୍ବାସ୍ କଲାଇନି, ମାତର୍ ତାକର୍
ବିସ୍ବାସ୍ ଡାଁଟନାଇ, ସେମନ୍କେ ମିସା ତାକି ମିସାଆ । ମାତର୍ ସେମନ୍ ଚିନ୍ତା
କର୍ବାଟା ତମର୍ପାପା ନ ରଇଲେ, ତାକର୍ ସଞ୍ଜ ଦଦାପେଲା ଉଆ ନାଇ । ୨
କେତେକ ଲକ୍ ବିସ୍ବାସ୍, ଜେନ୍ତି ରକାମର୍ କାଦିକେ ମିସା ଉଁ ବଲି କଇବାଇ
। ମାତର୍ ଜାର୍ ବିସ୍ବାସ୍ ଏବେଜାକ ଡାଁଟନାଇ ସେମନ୍ କାଇ ମାଉଁସ୍ ମିସା
କାଇବାର୍ ନଏଁ, ଅବ୍କା ସାଗ୍ଡାଲ୍ସେ କାଇବାଇ । ୩ ଜନ୍ ଲକ୍ମନ୍ ସବୁଜାକ
କାଇବାଇ, ସେମନ୍ ଆମେ ଅବ୍କା ସାଗ୍ଡାଲ୍ କାଇବା ଲକ୍ମନ୍ଟାନେଅନି ବଡ଼
ବଲି ବାବ୍ବାର୍ ନାଇ । ସେନ୍ତାରିସେ ଜନ୍ଲକ୍ମନ୍ ଅବ୍କା ସାଗ୍ଡାଲ୍ସେ
କାଇବାଇ, ସେମନ୍ ଆମେ ସବୁରକାମର୍ କାଦିକାଇବା ଲକ୍ମନ୍ଟାନେଅନି
ବଡ଼ ବଲି ବାବ୍ବାର୍ନାଇ । କାଇକେବଇଲେ ପର୍ମେସର୍ ଦୁଇ ଦଲର୍
ଲକ୍ମନ୍କେ ମିସା ବାବ୍ଲା ଆତେ । ୪ ବିନ୍ ଲକ୍ମନ୍ ଦାଞ୍ଜୁତାମନ୍କେ ଆମେ
ବିଚାର୍ କର୍ବାର୍ ନାଇ । କାଇକେବଇଲେ ସେମନ୍ କର୍ବା କାମ୍ କଲାଇ
ଆତର୍ କି ନାଇ ବଲି ତାକର୍ ସାଉକାର୍ ଦେକ୍ସି । ଆରି ପର୍ମେସର୍ ଜନ୍ଟା
ମନ୍ କଲାନି, ସେମନ୍ ସେଟା କର୍ବାଇ । କାଇକେବଇଲେ ପର୍ମେସର୍
ସେମନ୍କେ ସାଇଜ କଲାନି । ୫ ସେନ୍ତାରିସେ, ବିନ୍ଦିନ୍ ମନର୍ଟାନେଅନି
କନ୍ଆଲେ ଗଟେକ୍ଦିନ୍ ସୁବ୍ଦିନ୍ ବଲି କେତେ ଲକ୍ ବାବ୍ବାଇ । ବିନ୍
ଲକ୍ମନ୍ ସବୁଦିନ୍ ସମାନ୍ ବଲି ବାବ୍ବାଇ । କନ୍ଟା ଟିକ୍ ରଇସି ବଲି
ଲକ୍ମନ୍ ନିଜେ ନିଜେ ବିଚାର୍ କର୍ବାର୍ ଆତେ । ୬ ଜନ୍ ଲକ୍ମନ୍
ବିନ୍ଦିନ୍ ମନର୍ଟାନେଅନି ଗଟେକ୍ ଦିନ୍ ସୁବ୍ ବଲି ବାବ୍ବାଇ, ସେମନ୍
ପର୍ମେସର୍କେ ସାର୍ଦା କରାଇବାକେ ସେନ୍ତାରି ବାବ୍ବାଇ । ସେନ୍ତାରିସେ,
ଜନ୍ଲକ୍ମନ୍ ସବୁ ରକାମ୍ କାଦି କାଇବାଇ, ସେଟା ପର୍ମେସର୍କେ ସାର୍ଦା
କରାଇବାକେ କର୍ବାଇ ଆରି ସେଟାପାଇ ତାକେ ଦନିଅବାଦ୍ ଦେବାଇ ।
ଆରି ଜନ୍ଲକ୍ମନ୍ ଅବ୍କା ସାଗ୍ଡାଲ୍ କାଇବାଇ, ସେମନ୍ ସେଟା ପର୍ମେସର୍
ସାର୍ଦା ଅଇସି ବଲି କାଇଲାଇନି ଆରି ସେମନ୍ ମିସା ତାକେ ଦନିଅବାଦ୍
ଦେଲାଇନି । ୭ ଆମର୍ ବିତ୍ରେ ସବୁଲକ୍ ଦର୍ତନିତେଇ ବଞ୍ଚିରଇଲେ କି

ମରିଗାଲେ ମିସା ପରମେସରର୍ । ୮ ଆମେ ବଞ୍ଚିରଇଲେ ପରମେସରର୍
 ପାଇ, ମରିଗାଲେମିସା ସେନ୍ତୁରିସେ । ତେବର୍ପାଇ ଆମେ ବଞ୍ଚିରଇଲେ
 କି ମରିଗାଲେ ପରମେସରର୍ ପାଇସେ । ୯ କାଇକେବଇଲେ କିରିସ୍ଟ
 ମରିଗାଲା ଆରି ମଲାତେଇଅନି ଆରିତରେକ୍ ଉର୍ଲା । ସେଟାର୍ପାଇ ସେ
 ମଲାଲକ୍ମନ୍କେ ଆରି ଜିବନ୍ ରଇଲା ଲକ୍ମନ୍କେ ସାସନ୍ କର୍ସି । ୧୦
 ତେବେ ତମେ କାଇକେ ଅବ୍କା ସାଗ୍ଡାଲ୍ କାଇବା ବାଇମନ୍କେ ବିଚାର୍
 କଲାସ୍ନି? ଆରି ଜନ୍ଲକ୍ମନ୍ ସବୁ ରକାମ୍ କାଦି କାଇଲାସ୍ନି, ଅବ୍କା
 ସାଗ୍ଡାଲ୍ କାଇବା ଲକ୍ମନ୍କେ କାଇକେ ଗିନ୍ କଲାସ୍ନି? କାଇକେବଇଲେ
 ଆମେ ସବୁଲକ୍ ପରମେସରର୍ ମୁଆଟେ ଟିଆ ଅଇଲେ, ସେ ଆମ୍କେ
 ବିଚାର୍ କର୍ସି । ୧୧ କାଇକେବଇଲେ ସାସ୍ତରେ ଲେକାଆଟେ, “ମାପୁରୁ
 କଇଲାନି, ମୁଇ ଜିବନ୍ ରଇବା ପରମେସରର୍, ତେବର୍ପାଇ ସବୁ ମୁନ୍ସୁଜାତି
 ମର୍ ମୁଆଟେ ମାଣ୍ଟିକୁଟା ଦେବାଇ । ମୁଇ ପରମେସରର୍ ବଲି ସବୁ ଲକ୍
 ନାମ୍ବାଇ ।” ୧୨ ସେବେଲେ ଆମେ ସବୁ ଲକ୍ ପରମେସରର୍ ଲଗେ ଟିଆଅଇ
 ଆମେ କରିରଇବା କାମର୍ ଇସାବ୍ ଦେବାକେ ପଡ୍ସି । ୧୩ ସେଟାର୍ ପାଇ
 ତମର୍ ବିତ୍ରେ ଗଟେକ୍ ଲକ୍ ଆରି ଗଟେକ୍ ଲକ୍କେ ବିଚାର୍ କରାନାଇ ।
 ତାର୍ ବାଦୁଲେ ଆମର୍ ବାଇମନର୍ ତଲାତଲ୍ତିତେଇ ବିନ୍ ଲକ୍କେ ପାପ୍
 କରାଇବା କାଇମିସା ବିସଇ ଆଟେ କି ନାଇ, ସେଟା ଆମେ ନିଜେ ଦେକ୍ବାର୍
 ଆଟେ । ୧୪ ଜିସୁ ମାପୁରୁର୍ ସଙ୍ଗୁ ମିସ୍ଲାର୍ପାଇ ପରମେସରର୍ ଦେକ୍ବା
 ଇସାବେ କାଇ କାଦି ମିସା ନିବ୍ବାଟା ନାଇ ବଲି ମୁଇ ଜାନି । ମାତର୍
 କାଇମିସା ଗଟେକ୍ କାଦି ପରମେସରର୍ ନିର୍ଲା ଆଟେ ବଲି ଗଟେକ୍ ଲକ୍
 ବିସ୍ବାସ୍ କଲେ, ସେଟା ସେ ନ କାଇଲେ ତାର୍ପାଇ ନିକ । ୧୫ ତମେ
 କାଇ କାଦି ମିସା କାଇଲାର୍ପାଇବଲି ଜଦି ତମର୍ ଗଟେକ୍ ବାଇକେ ଦୁକ୍
 କରାଇସା, ସେନ୍ତୁଆଲେ ତାର୍ପାଇ ତମର୍ କାଇ ଆଲାଦ୍ ନାଇ ପାରା ଆଟେ
 । ତମର୍ କାଇବା କାଦିରୁଲାଗି ଆରିଗଟେକ୍ ଲକ୍ ମନ୍ କଲାନି । ସେଟା
 ନିକ ନର୍ସି । କାଇକେବଇଲେ ସେ ମିସା ତମର୍ ସଙ୍ଗୁର୍ ବିସ୍ବାସି । ଆରି
 ତାର୍ ଜାଗାଇମିସା କିରିସ୍ଟ ମଲାଆଟେ । ୧୬ ଜଦି ଆରି କନ୍ ରକାମ୍
 ତଲାତଲ୍ତି ପରମେସରର୍ ମନ୍କେ ଜାଏ ନାଇ ବଲି କେତେଟା ବିସ୍ବାସି
 ବାବ୍ବାଇ, ମାତର୍ ସେଟା ବଲ୍ ବଲି ତମେ ବାବ୍ସା ବଇଲେ ସେଟା କରା
 ନାଇ । ସେନ୍ତୁଆଲେ ସେଟା ନିକ ନର୍ସି ବଲି କେ ବାଦିନାପାରଡ୍ । ୧୭

ପରମେସରର ରାଜତ୍ଵ ଯାସନ୍ ଅବକା ନ କାଇବା କାଦିପିଦିର ନିଅମରୁପାଇ
ନାଇ । ମାତର ତାର ପୁଆଟେ ଦରମ୍ ବଲାଇଅଇବାଟା, ବିନ୍ ଲକ୍ମନର ସଞ୍ଜୁ
ମିସି ସୁକ୍ସାନ୍ତିସଞ୍ଜୁ ରଇବାଟା, ଆରି ସୁକଲ୍ ଆତ୍ମା ଦେଇରଇବା ସାର୍ଦା
ବିସଇ ଆଟେ । ୧୮ ଆମେ କିରିସ୍ଟକେ ଏ ରକାମ୍ ନାମ୍ଲେ, ପରମେସରକେ
ସାର୍ଦା କରାଇରୁ ଆରି ବିନ୍ ଲକ୍ମନକେ ନାମାଇରୁ । ୧୯ ସେଟାରୁ ପାଇ
ଆସା, ଆମେ ଏନ୍ତାରି ଚଲାଚଲ୍ତି କରୁ, ଜେନ୍ତାରିକି ଆମରୁ ଆମରୁ ବିତ୍ରେ
ସୁକ୍ ସାନ୍ତିସଞ୍ଜୁ ରଇଅଇସି । ଆରି ଆମରୁ ବିସ୍ବାସ୍ ତାଟ୍ ରଇସି । ୨୦ ଜନ୍
କାଦି କାଇବାକେ ବିନ୍ ଲକ୍ମନ ମନ୍ନାଇ, ସେ କାଦି କାଇକରି, ପରମେସରର
କାମ୍ ନସାଆ ନାଇ । ଜନ୍ ରକାମ୍ କାଦିମିସା କାଇଅଇସି । ମାତର ତମେ
କାଇଲାରୁପାଇ ବିନ୍ ଲକ୍ମନକେ ପାପ୍ବାଟେ ଡାକିନେଲେ, ସେଟା ରୁଲ୍ ।
୨୧ ବିନ୍ ଲକ୍ମନ ନିତ୍ବା କାଦି ଆମେ କାଇବାରୁ ନାଇ । କି ମତ୍ କାଇବାରୁ
ନାଇ । ଆମରୁ ବିତ୍ରେ ରଇବା ଗଟେକ୍ ବାଇ କି ବଇନିକେ ପାପ୍ବାଟେ ଜିବା
ବିସଇ ନ କରୁ । ୨୨ ଏ ବିସଇନେଇ ତମେ କାଇଟା ବିସ୍ବାସ୍ କଲ୍ମାସ୍ନି
ସେଟା ପରମେସରରୁ ଆରି ତମରୁ ବିତ୍ରେ ରଅ । ଜନ୍ ଲକ୍ମନ ନିଜରୁ
ଚଲାଚଲ୍ତିରୁପାଇ ନିଜରୁ ବିବେକ୍ ସେମନ୍କେ ଦସ୍ ନ ଦାରେ, ସେ କେଡେକ୍
କରମରୁ ଲକ୍ । ୨୩ ଜଦି ଗଟେକ୍ ଲକ୍ ତାରୁ କାଇବାଟା ଟିକ୍ କି ନାଇ
ବଲି ବାବ୍ଲାନି, ଆରି ମନ୍କେ ନ ଲାଗ୍ବା କାଦି କାଇସି, ସେନ୍ତାଆଲେ
ସେ, ପରମେସରରୁ ବିରୁଦେ ପାପ୍କଲାନି । କାଇକେବଇଲେ ସେ ନିଜରୁ
ବିବେକ୍କେ ମାନେନାଇ । ଜନ୍ତା ନିକ ନଏଁ ବଲି ଆମେ ବିସ୍ବାସ୍ କଲୁନି,
ଆରି ସେଟାସେ କରିଆଇଲୁନି, ସେନ୍ତାଆଲେ ଆମେ ପାପ୍କଲୁନି ।

୧୫ ଏବେ ଆମେ, ଜାରୁ ବିସ୍ବାସ୍ ତାଟ୍ ଆଟେ, ଜନ୍ ଲକ୍ମନ ବିସ୍ବାସେ
ଦୁର୍ବଲ୍ ଆତତ୍ ଆରି ଅସୁବିଦାଇ ଆତତ୍, ସେମନ୍କେ ଆମେ ସାଇଜ
କର୍ବାରୁ ଆଟେ । ଆରି ନିଜେ ସାର୍ଦା ରଇବା ବିସଇ ଚିନ୍ତା କର୍ବାରୁ ନାଇ ।
୨ ମାତରୁ ଆମରୁ ବାଇବଇନିମନ୍କେ ସାର୍ଦା କରାଇବାକେ ଆରି ସେମନରୁ
ବିସ୍ବାସ୍ ତାଟ୍ କର୍ବାକେ ତାକରୁ ପାଇ ନିକ ବିସଇ କର୍ବାରୁ ଆଟେ
। ୩ କାଇକେବଇଲେ କିରିସ୍ଟ ନିଜ୍ଜକେ ସାର୍ଦା କରାଏ ନାଇ । ମାତରୁ
ସାସ୍ତରେ ଏନ୍ତାରି ଲେକାଅଇଲାଆଟେ, ଜନ୍ ଲକ୍ମନରୁ କାରାପ୍ କାତା
ତମ୍କେ ନିନ୍ତୁକଲା, ସେଟା ମକେମିସା ନିନ୍ତୁ କଲାଇ । ୪ କାଇକେବଇଲେ
ସାସ୍ତରେ ଜେଡ୍କି ଲେକା ଅଇଲାଆଟେ, ସେ ସବୁ ଆମ୍କେ ସିକାଇବାକେ ।

ଜେନ୍ତୁରିକି, ସାସ୍ତରେଅନି ଜନ୍ ମୁର୍ତ୍ତି ରଇବାଟା ଆରି ସାର୍ଦା କରାଇବାଟା
 ଆମେ ମିଲାଇଆରୁ, ତେଇଅନି ଆମର୍ ଆସା ବର୍ଦ୍ଧି । ୫ ପର୍ମେସର୍ସେ
 ଆମ୍ବକେ ମୁର୍ତ୍ତିରଇବାଟା ଆରି ସାର୍ଦା କରାଇବାଟା ଦେଇସି । ଆରି
 ଜିସୁକିରିସ୍ଟର୍ ବାଟେ ଇଣ୍ଟି କରି ସବୁର୍ ମନ୍ ଗଟେକ୍ ଅଇବାକେ ସାଇଜ
 କର । ୬ ଜଦି ସେଟା ଅଇଲେ ଆମର୍ ମାପୁରୁ ଜିସୁକିରିସ୍ଟର୍ ବାବା ଆରି
 ଆମର୍ ପର୍ମେସର୍ସକେ ଡାକ୍ପୁଟା କର୍ବାତେଇ ତମେ ସବୁ ଗଟେକ୍ ଅଇସା
 । ୭ କିରିସ୍ଟ ଜେନ୍ତୁ ତମ୍ବକେ ଡାକ୍ଲା ଆଟେ, ତମେ ମିସା ସେନ୍ତୁ ତମର୍
 ସଞ୍ଜୁର୍ ବିସ୍ବାସିମନ୍କେ ଡାକିନିଆ । ତମେ ଜଦି ଏନ୍ତୁ କଲେ ପର୍ମେସର୍
 ଡାକ୍ପୁଟା ପାଇସି । ୮ କିରିସ୍ଟ ଜିଉଦିମନର୍ଲଗେ ଗଟେକ୍ ଗତିଦାଞ୍ଜୁଡାପାରା
 ଅଇଲା । ପର୍ମେସର୍ ତାକର୍ ଆନିଦାଦିମନ୍କେ ଜନ୍ କାତା ଦେଇରଇଲା,
 ସେଟା ସର୍ସଞ୍ଜୁ ସେ ପୁରାପୁରୁନ୍ କର୍ସିଆକା ବଲି ଦେକାଇବାକେ ସେନ୍ତୁରି
 କରିରଇଲା । ୯ ଜିଉଦି ନ ଅଇଲା ଲକ୍ମନ୍କେ ପର୍ମେସର୍ ତାର୍ ଦୟା
 ଦେକାଇସି, ଆରି ସେମନ୍ ତାକେ ଡାକ୍ପୁଟା କର୍ବାଇ । ଜେନ୍ତୁରି କି ସେମନ୍
 ତାକେ ଡାକ୍ପୁଟା କର୍ବାଇ । ଏ ବିସଇ ସାସ୍ତରେ ଲେକା ଆଟେ । ମୁଇ
 ଜିଉଦିନଇଲା ଲକ୍ମନର୍ ବିତ୍ରେ ତମ୍ବକେ ଡାକ୍ପୁଟା କର୍ବି, ସବୁବେଲା
 ତମର୍ ଡାକ୍ପୁଟାର୍ ଶିର୍ ଗାଇବି । ୧୦ ଆରି ଏନ୍ତୁରିମିସା ଲେକାଆଟେ, “ତମେ
 ଜିଉଦିନଇଲା ଲକ୍ମନ୍ ଏ ସାର୍ଦାଇ ମିସା କାଇକେବଇଲେ ଏବେ ତମେ
 ଜିଉଦିମନର୍ପାରା । ତମେ ପର୍ମେସର୍ ବାଚିରଇବା ଜିଉଦିମନର୍ପାରା ।”
 ୧୧ ଆରିତରେକ୍ ସେ କଇଲାଆଟେ “ଜେଡ୍ କି ଜିଉଦି ନ ଅଇଲା ଲକ୍ମନ୍
 ପର୍ମେସର୍ସକେ ତୁସ୍ତକରା!” ଆରି ଗୁଲାଇ ମୁନୁସ୍ ଜାତି ତାକେ ଡାକ୍ପୁଟା
 କରା । ୧୨ ଆରି ଜିସାଇଅ କଇଆଟେ, “ଜେସିର୍ କୁଟୁମେଅନି ଗଟେକ୍
 ଲକ୍ ବାରଇସି, ସେ ଜିଉଦି ନଇଲା ଲକ୍ମନ୍କେ ସାସନ୍ କର୍ସି ଆରି
 ସେମନ୍ ତାକେ ବିସ୍ବାସ୍ କର୍ବାଇ ।” ୧୩ ପର୍ମେସର୍ ଜେକି ସବୁ ଆସାର୍
 ମୁଲ୍ତେଲି । ତମର୍ ବିସ୍ବାସର୍ ଲାଗି ସେ ତମ୍ବକେ ସବୁ ସାନ୍ତି ସାର୍ଦା ଦେଅ
 । ସୁକଲ୍ ଆର୍ମାର୍ ବପୁ ସଞ୍ଜୁ ତମର୍ ଆସା ଅଦିକ୍ ଅଇଜାଅ । ୧୪ ଏ
 ବାଇବଇନିମନ୍ ତମର୍ ବିସ୍ବାସ୍ ନିକଆଟେ, ବଲି ମୁଇ ଜାନିଆତି । ଆରି
 ପର୍ମେସର୍ସ ବାକିଅ ତମେ ନିକସଞ୍ଜୁ ବୁଜ୍ଲାସ୍ନି ଆରି ଏବେ ତମେ ବିନ୍
 ଲକ୍ମନ୍କେ ମିସା ସିକାଇପାର୍ସା । ୧୫ ମାତର୍ ଏ ଚିଟିତେଇ ତମ୍ବକେ
 କେତେଟା ବିସଇନେଇ ଜାଗ୍ବର୍ କରାଇବାକେ ମୁଇ ବପୁ ଅଇଲି ଆତି ।

କାଳକେବଳେ ପର୍ଯ୍ୟେସର୍ ମକେ ଅଦିକାର୍ ଦେଲାକେ ମୁଇ ଡାଟ୍ ସଞ୍ଜୁ
 ଏଟା ତମ୍ବକେ କଲଲିନି । ୧୭ କିରିସ୍ଟ ଜିସୁର୍ ଦାଞ୍ଜୁଡା ଇସାବେ ଜିଉଦି
 ନଇଲା ଲକ୍ମନର୍ ପାଇ କାମ୍ କର୍ବାକେ ପର୍ଯ୍ୟେସର୍ ମକେ ବାଟ୍ଲାଆଟେ
 । ପର୍ଯ୍ୟେସର୍ ସୁବ୍ କବର୍ ଜାନାଇବା ପାଇ ମୁଇ ଗଟେକ୍ ଦରମ୍ ଗୁରୁ
 ଇସାବେ କାମ୍ କଲିନି । ଜେନ୍ତୁରିକି ଜିଉଦିନଇଲା ଲକ୍ମନ୍ ଗଟେକ୍ ସୁକଲ୍
 ବଲି ଇସାବେ ପର୍ଯ୍ୟେସର୍କେ ସର୍ପିଦେବାଇ । ଏ କାମ୍ ସୁକଲ୍ ଆତ୍ମା
 ପୁରାପୁରୁନ୍ କର୍ସି । ୧୭ କିରିସ୍ଟ ଜିସୁର୍ ତେଇ ମକେ ମିସାଇଲାପାଇ,
 ତାର୍ ଏ ସେବା କାମ୍ କର୍ବାକେ ମୁଇ ମୁଲ୍ କେ ଲାଜ୍ ଅଇନାଇ । ୧୮ ଜିଉଦି
 ନ ଅଇଲା ଲକ୍ମନ୍କେ ପର୍ଯ୍ୟେସର୍ ଆଦେସ୍ ମାନୁବାକେ କିରିସ୍ଟ ମକେ
 ଦେଇକରି ଜନ୍ମଟା ସାଦନ୍ କଲାଆଟେ, ଅବ୍ କା ସେଟାସେ ମୁଇ ଡାଟ୍ ସଞ୍ଜୁ
 କଇବି । କାଲଟା କଇବାର୍ ଆଟେ, ଆରି କାଲଟା କର୍ବାର୍ ଆଟେ, ସେମକେ
 ଜାନାଇଲାକେ ଏଟା ଅଇଲା । ୧୯ ଚିନର୍ ଲାଗି, କାବାଅଇଜିବା କାମର୍ ଲାଗି
 ଆରି ସୁକଲ୍ ଆତ୍ମାର୍ ବପୁର୍ ଲାଗି ଏଟା ସବୁ କଲାଆଟେ । ସେଟାର୍ ପାଇ
 ମୁଇ ଜିରୁସାଲମେ ଅନି ଇଲିରିକମ୍ କେ ଗାଲାବେଲେ ବାଟେ କିରିସ୍ଟର
 ସୁବ୍ କବର୍ ପୁରାପୁରୁନ୍ ଜାନାଇଲି ଆତି । ୨୦ ଜନ୍ ଜାଗାମନ୍ କେ ଲକ୍ମନ୍
 କିରିସ୍ଟର୍ ବିସଇ ସୁନନ୍ ନାଇ, ସିତି ତାର୍ କବର୍ ଜାନାଇବାର୍ ମର୍ ଆଦେସ୍
 ରଇଲା । କାଳକେବଳେ ଜନ୍ ଲକ୍ମନ୍କେ ସୁବ୍ କବର୍ ବିନ୍ ଲକ୍ମନ୍ ଜାନାଇ
 ସାରାଇଆତ୍, ତେଇ ମୁଇ ଆରିତରେକ୍ କଇବାକେ ମନ୍ କରିନାଇ । ୨୧
 ଜେନ୍ତିକି ସାସ୍ତରେ ଲେକା ଆଟେ, “ଜନ୍ ଲକ୍ମନ୍ ତାର୍ ନାଉଁ ଏବ୍ କେଜାକ
 ସୁନନ୍ ନାଇ, ଏବେ ସେ କେ ବଲି ଜାନ୍ ବାଇ । ଜନ୍ ଲକ୍ମନ୍କେ ଏବେଜାକ
 ତାର୍ ବିସଇ ଜାନାଅନ୍ ନାଇ, ସେମନ୍ ବୁଜ୍ ବାଇ ।” ୨୨ ମୁଇ ବେସିତର୍
 ତମ୍ବକେ ଦେକିଆଇବାଟା ପିଟିଗାଲା ଆଟେ । ୨୩ ମାତର୍ ଏ ଜାଗା ଲଗେ
 ମର୍ କାମ୍ ସାରିଗାଲା ଆଟେ । ଆରି ତମ୍ବକେ ଦେକ୍ ବାକେ ମର୍ ବେସି
 ବରସର୍ ଆସା ଏବେ ପୁରାପୁରୁନ୍ ଅଇସି । ୨୪ ସାରାସାରି ଏବେ ମୁଇ
 ତମ୍ବକେ ଦେକ୍ ବାକେ ଆସିଅଇସି । ଏସ୍ ପେନ୍ ଦେସେ ଜିବା ବାଟେ ତମ୍ବକେ
 ଦେକିଆଇବି ବଲି ବାବ୍ ଲିଆତି । ତମ୍ବଟା ନେ ସାର୍ ଦାସ୍ କେତେ ବେଲା
 ବିତାଇଲା ପଟେ ତମ୍ବ ସାଇଜେ ଏସ୍ ପେନ୍ ଦେସେ ଉଟିଜିବି । ୨୫ ଏବେ ମୁଇ
 ପର୍ତୁମ୍ ଜିରୁସାଲମେ ଗାଲିନି । କାଳକେବଳେ ତେଇର୍ ବିସ୍ ବାସିମନ୍ କେ
 ସେବାକାମେ ସାଇଜ କର୍ବା କେତେକ୍ ତାରୁ ନେଇଦେବାକେ ମକେ କଲଲାଇ

ଆତତ୍ । ୨୭ ମାକିତନିଆ ଆରି ଗିରିସର୍ ଆକାୟାତେଇ ରଇବା ବିସ୍ବାସିମନ୍ ଜିରୁସାଲାମେ ରଇବା ଅର୍କିତ୍ ବିସ୍ବାସିମନ୍‌ପାଇ ଏ ସାଇଜ ପାଟାଇବାଟା ନିକ ରଇସି ବଲି ବାବୁଲାଇ । ୨୭ ସେମନ୍ ବେସି ସାର୍ଦାଅଇ ଏ ସାଇଜ ଦେଲାଇନି । ଏଟା ଦେଇକରି ସେମନ୍ ଟିକ୍ ବିସଇ କଲାଇ । କାଇକେବଇଲେ, ଜିରୁସାଲେମେ ରଇବା ବିସ୍ବାସିମନ୍‌ଟା ନେ ସେମନ୍ ରୁନି ଅଇଆତତ୍ । ସେଟା କେନ୍ଦିବଇଲେ ଜିଉଦିମନ୍‌ଟା ନେ ଅନିସେ ପରମେସରର୍ ବାକିଅ ଇତିର୍ ଜିଉଦି ନ ଅଇଲା ଲକ୍‌ମନ୍‌କେ ଆନିରଇଲା । ସେଟାପାଇ ତେଇର୍ ଅର୍କିତ୍ ଜିଉଦିମନ୍‌କେ କେତେକ୍ ତାବୁ ସାଇଜ ପାଟାଇବାଟା ନିକ ବିସଇ । ୨୮ ଆରି ମର୍ ଏ କାମ୍ ସାରାଇକରି ସେମନ୍ ସାଇଜପାଇ ଆନିରଇବା ତାବୁ ସର୍ପିଦେଲା ପତେ, ମୁଇ ଇସ୍‌ପେନ୍‌ଦେସେ ଜିବାକେ ବାରଇବି । ଆରି ବାଟେ ତେବିକରି ତମ୍‌କେ ଦେକ୍‌ବି । ୨୯ ମୁଇ ଜାନିଆତି, ତମ୍‌ଟା ନେ କେଟ୍‌ଲାବେଲେ କିରିସ୍‌ଟର୍ ପୁରାପୁରୁନ୍ ଆସିର୍‌ବାଦ୍‌ନେଇ ମୁଇ ଆଇବି । ୩୦ ଏ ମର୍ ଆଲାଦର୍ ବାଇବଇନିମନ୍! ଆମର୍ ମାପୁରୁ ଜିସୁ କିରିସ୍‌ଟର୍ ନାଉଁ ଦାରି ଆରି ସୁକଲ୍‌ଆତ୍‌ମା ଦେଲା ଆଲାଦର୍ ପାଇ ମୁଇ ତମ୍‌କେ ଗୁଆରି କଲିନି, ମର୍ ପାଇ ମନ୍‌ଦେଇ ପାର୍ତନା କରୁତେରୁଆ । ୩୧ ଜିଉଦା ଦେସେ ରଇବା ବିସ୍ବାସି ନ କଲା ଲକ୍‌ମନ୍‌ଟା ନେ ଅନି ମକେ କାଇଟା ନ ଅଅ ବଲି ପାର୍ତନା କରା । ଜିରୁସାଲାମର୍ ବିସ୍ବାସିମନ୍‌କେ ଜନ୍ ସାଇଜ ମୁଇ ନେଇଦେଲିନି, ସେଟ୍‌କିରେ ସେମନ୍ ସାର୍ଦାସଢ୍ଗୁ ରଅତ୍, ବଲି ସେଟାପାଇ ମିସା ପାର୍ତନା କରା । ୩୨ ସେଟା ସାର୍‌ଲାପତେ ପରମେସର୍ ମନ୍ କଲେ ମୁଇ ତମର୍ ଲଗେ ଆଇବି । ଆରି ତମର୍ ସଢ୍ଗୁ ସାର୍ଦାସଢ୍ଗୁ କେତେଦିନ୍ ରଇକରି ମର୍ ମନେ ସାନ୍ତି ପାଇବି । ୩୩ ସାନ୍ତିଦେବା ପରମେସର୍ ତମର୍ ସବୁ ଲକର୍ ସଢ୍ଗୁ ରଅ । ଆମେନ୍ ।

୧୭ ଏ ତିଟିତେଇ ପିବି, ଜେ କି କିରିସ୍‌ଟର୍ ଲାଗି ଆମର୍ ବଇନି ଅଇଲାଆତେ, ତାର୍ ବିସଇ ଜାନାଇଲିନି । ସେ କେଁକ୍ ଜାଗାଇ ରଇବା ମଣ୍ଡୁଲିଟା ନେ ଏବେ ସେବାକାମ୍ କଲାନି । ତାକେ ମୁଇ ତମର୍‌ଲଗେ ପାଟାଇଲିନି । ୨ ଆମର୍ ମାପୁରୁ ନାଉଁ ଦାରି ତାକେ ଡାକିନିଆ । କାଇକେବଇଲେ ଏନ୍ଦାରି ତଲାଚଲ୍‌ତି ବିସ୍ବାସିମନ୍‌ପାଇ ନିକ । ତାକେ କାଇଆଲେ ଲଡା ରଇଲେ ସାଇଜ କରା । କାଇକେବଇଲେ ସେ ମକେ ଆରି ବେସି ବିସ୍ବାସିମନ୍‌କେ ସାଇଜ କଲାଆତେ । ୩ କିରିସ୍‌ଟର୍ ମର୍ ସଢ୍ଗୁ କାମ୍‌କରୁମନ୍ ପିରିସ୍‌କିଲା ଆରି

ଆକିଲାକେ ମର୍ ଜୁଆର୍ ଜାନାଆ । ୪ ସେମନ୍ ମକେ ସାଇଜ କଲାର୍‌ପାଇ
 ନିଜର୍ ଜିବନ୍ ବିପଦେ ପାଇଲ ଆଚଡ୍ । ଏଟାର୍‌ପାଇ ମୁଇ ସେମନ୍‌କେ
 ବେସି ଜୁଆର୍ କଲିନି । ଅବ୍‌କା ମୁଇସେ ନାଇ, ଇତି ରଇବା ସବୁ ଜିଉଦି
 ନଇଲା ମଣ୍ଡୁଲିମନ୍ ମିସା ସେମନ୍‌କେ ଜୁଆର୍ ଜାନାଇଲାଇନି । ୫ ସେମନ୍‌ର୍
 ଗରେ ପାର୍‌ତନାକେ ରୁଣ୍ଡୁବା ମଣ୍ଡୁଲିକେ ମିସା ମର୍ ଜୁଆର୍ ଜାନାଇଲିନି ।
 ମର୍ ଆଲାଦର୍ ମଇତର୍ ଏପାଇନେତନ୍‌କେ ମର୍ ଜୁଆର୍ ଜାନାଇଲିନି ।
 ଆସିଆ ରାଇଜେ ସେ ସିଗ୍ ପର୍‌ତୁମ୍ କିରିସ୍‌ଟ ବିସ୍‌ବାସି ଅଇରଇଲା । ୬
 ତମର୍ ନିକ ପାଇ ବେସି କସ୍‌ଟ ପଡିରଇବା ମରିୟ୍‌ମ୍‌କେ ମର୍ ଜୁଆର୍ ଜାନାଇ
 ଦିଆସ୍ । ୭ ଆନ୍ତୁରନିକ୍ ଆରି ୟୁନିୟାକେ ମର୍ ଜୁଆର୍ ଜାନାଇଲିନି । ଏ
 ଦୁଇଟା ମର୍ ସଞ୍ଜର୍ ଜିଉଦିଲକ୍ । ସେମନ୍ ମର୍ ସଞ୍ଜ ବନ୍ଦିସାଲେ ରଇଲାଇ ।
 ମର୍ ଆଗ୍‌ତୁ ସେମନ୍ କିରିସ୍‌ଟକେ ବିସ୍‌ବାସ୍ କଲାଇ । ଆରି ସବୁ ପେରିଡ୍
 ସିସ୍‌ମନ୍ ସେମନ୍‌କେ ସନ୍‌ମାନ୍ ଦେବାଇ । ୮ ମାପ୍‌ରୁରଲଗେ ମର୍ ଆଲାଦର୍
 ମଇତର୍ ଆମ୍‌ପଲିଆକେ ଜୁଆର୍ ଜାନାଇଦିଆସ୍ । ୯ କିରିସ୍‌ଟର୍ ସେବାଇ
 ମର୍ ସଞ୍ଜାରି ଉର୍‌ବାନ ଆରି ମର୍ ଆଲାଦର୍ ମଇତର୍ ତାକିୟାକେ ମିସା
 ମର୍ ଜୁଆର୍ ଜାନାଇଦିଆସ୍ । ୧୦ କିରିସ୍‌ଟକେ ବିସ୍‌ବାସ୍‌କରି ସେବାକର୍‌ବା
 ଆପଲ ଆରି ଆରିସ୍‌ତବଲର୍ କୁଟୁମର୍ ସବୁକେ ମର୍ ଜୁଆର୍ ଜାନାଇଦିଆସ୍ ।
 ୧୧ ମର୍ ସଞ୍ଜର୍ ଜିଉଦି ଏରଦିୟନ୍ ଆରି ନାରସିସର୍ ଗରେ ରୁଣ୍ଡୁବା ବିସ୍‌ବାସି
 ବାଇବଇନିମନ୍‌କେ ମର୍ ଜୁଆର୍ ଜାନାଇଦିଆସ୍ । ୧୨ ମାପ୍‌ରୁର୍ ସେବାଇ
 ଲାଗିରଇଲା ତିରିପନ୍ ଆରି ତିରିପସା ଆରି ମାପ୍‌ରୁର୍ ପାଇ ବେସି କସ୍‌ଟ
 ପଡିରଇବା ଆଲାଦର୍ ପର୍‌ସିସ୍‌କେ ମର୍ ଜୁଆର୍ ଜାନାଇଦିଆସ୍ । ୧୩
 ମାପ୍‌ରୁର୍ ମୁକିଅ ଦାଞ୍ଜୁଡା ରୁପସ୍ ଜେ କି ସେବା କାମ୍‌ଟାନେ ଆବଡ୍ ଅଇ
 କଲାଆତେ । ଆରି ମର୍ ଆୟାପାରା ତାକର୍ ଆୟାକେ ମିସା ମର୍ ଜୁଆର୍
 । ସେ ମକେ ନିଜର୍ ପଅ ପାରା ଦେକ୍‌ଲା । ୧୪ ଆସୁକିରି, ପେଲେଗନ୍,
 ଅର୍‌ମିସ୍, ପାଡ୍‌ରବା, ଅର୍‌ମାସ୍ ଆରି ସେମନ୍‌ର୍ ସଞ୍ଜ ରଇବା ସବୁ ବିସ୍‌ବାସି
 ବାଇବଇନିମନ୍‌କେ ଜୁଆର୍ ଜାନାଆ । ୧୫ ପିଲଲଗ୍ ଆରି ଜୁଲିଆ, ନିରୁସ୍
 ଆରି ତାର୍ ବଇନି ଆରି ଅଲୁମ୍‌ପା ଆରି ସେମନ୍‌ର୍ ସଞ୍ଜ ରଇତେରଇବା ସବୁ
 ପର୍‌ମେସରର୍ ଲକ୍‌ମନ୍‌କେ ମର୍ ଜୁଆର୍ ଜାନାଆ । ୧୬ ତମର୍ ବିଡ୍‌ରର୍
 ଆଲାଦ୍ ଦେକାଇକରି ଗଟେକ୍ ଲକ୍ ଆରି ଗଟେକ୍ ଲକ୍‌କେ ଜୁଆର୍‌ବେଟ୍
 ଉଆ । କିରିସ୍‌ଟର୍ ସବୁ ମଣ୍ଡୁଲି ତମ୍‌କେ ଜୁଆର୍ ଜାନାଇଲାନି । ୧୭ ଏ

ମର ବାଇବଇନିମନ୍, ମୁଇ ତମ୍ବକେ ବାବୁଜିଆ କଲିନି, ତମେ ଜାଗରତ୍
 ଅଇକରି ରୁଆ । ତମର ବିସ୍ବାସ୍ ଆରି ଗଟେକ୍ ମନ୍ ଅଇରଇବାଟା ଜନ୍
 ଲକ୍ମନ୍ ବେଗ୍ଲାଇବାକେ ତେସ୍ଟା କଲାଇନି, ତାକର୍ଟାନେଅନି ଦୁରିକେ
 ରୁଆ । କାଇକେବଇଲେ, ତମେ ଜନ୍ ସିକିଆ ପାଇଆଟାସ୍, ତାର୍ ବିରଦ୍
 କଲାଇନି । **୧୮** ଜନ୍ ଲକ୍ମନ୍ ଏନ୍ତାରି କାମେ ବୁଡି ଆତଡ୍, ସେମନ୍ ଆମର୍
 ମାପୁରୁ କିରିସ୍ଟର୍ ଆଦେସ୍ ମାନଡ୍ ନାଇ । ସେମନ୍ କାଲି ନିଜର୍ ମନ୍
 କର୍ବାଟା ପୁରାପୁରୁନ୍ କର୍ବାକେ ତେରେପେତେ ଅଇଲାଇନି । ସୁଆଦ୍
 କାତା ଆରି ତିପୁଲ୍ କାତା କଇ ଦରମ୍ ଲକ୍ମନ୍କେ ବୁଲ୍କାଇଦେଲାଇନି
 । **୧୯** ତମେ ପର୍ମେସରର୍ ଆଦେସ୍ ମାନ୍ଲାସ୍ନି ବଲି ତାର୍ ସୁବ୍‌କବର୍
 ଗୁଲାଇବାଟର୍ ଲକ୍ ଜାନ୍ଲାଇ । ସେଟାର୍ ପାଇ ମୁଇ ବେସି ସାର୍ଦା ।
 ମୁଇ ମନ୍ କଲିନି, ତମେ ସଡ୍ ବିସଇତେଇ ଗିଆନି ଉଆ ଆରି କାରାପ୍
 ବିସଇତେଇ ବୁଡି ରୁଆନାଇ । **୨୦** ଆରି ସାନ୍ତିଦେଉ ପରମେସର୍ ତମର୍ ଲାଗି
 ସଇତାନ୍କେ ପୁରାପୁରୁନ୍ କୁରୁପ୍ନାସ୍ କର୍ସି । ଆମର୍ ମାପୁରୁ ଜିସୁକିରିସ୍ଟର୍
 ଜିବନ୍‌ଦୁକାଇଲାଟା ତମର୍ ସଙ୍ଗ୍ ସବୁବେଲେ ରଅ । **୨୧** ମର୍ ସଙ୍ଗ୍ ମିସିକରି
 କାମ୍‌କର୍ବା ସଙ୍ଗ୍‌ରି ତିମତି, ଆରି ଆମର୍ ଜିଉଦି ବାଇମନ୍ ଲୁକିଅ, ଜାସନ୍
 ଆରି ସପିପାଡ୍‌ର ତମ୍ବକେ ଜୁଆର୍ ଜାନାଇଲାଇନି । **୨୨** ମୁଇ ତର୍ଡିଅ, ମର୍
 ସଙ୍ଗ୍‌ରି ପାଉଲ୍, କଇଦେଲାକେ ଏ ଚିଟି ଲେକ୍‌ଲିଆତି । ମାପୁରୁ ନାଉଁ
 ଦାରି ମୁଇ ତମ୍ବକେ ଜୁଆର୍ ଜାନାଇଲିନି । **୨୩** ଗାୟ୍‌ସ୍ ତମ୍ବକେ ଜୁଆର୍
 ଜାନାଇଲାନି । ମୁଇ ତାର୍ ଗରେ ରଇଲିନି ଆରି ତାର୍ ଗରେ ରୁଣ୍ଡୁବା ଇତିର୍
 ବିସ୍ବାସିମନ୍ ତମ୍ବକେ ଜୁଆର୍ ଜାନାଇଲାଇନି । ଏ ଗଡର୍ ତାବୁ ଇସାବ୍‌କିତାବ୍
 କରୁ ଏରାସ୍‌ଟ ଆରି ବାଇ କାର୍‌ତ ମିସା ତମ୍ବକେ ଜୁଆର୍ ଜାନାଇଲାନି ।
୨୪ ମାପୁରୁ ଜିସୁକିରିସ୍ଟର୍ ଜିବନ୍‌ଦୁକାନି ତମର୍ ସବୁ ଲକର୍ ଲଗେ ରଅ ।
୨୫ ଆସା, ପରମେସର୍‌କେ ଡାକ୍‌ପୁଟା କରୁ । ମୁଇ ଜାନାଇତେରଇବା ଜିସୁ
 କିରିସ୍ଟର୍ ବିସଇର୍ ସୁବ୍ କବର୍ ଆରି ଜୁଗ୍ ଜୁଗ୍ ଦାରି ଲୁଡି ରଇବା ଟିକିନିକିର୍
 ସଡ୍ ଇସାବେ ରଇବା ତମର୍ ବିସ୍ବାସ୍ ପରମେସର୍ ଡାକ୍‌କରି ସଙ୍ଗୁଇବାକେ
 ପାରେ । (aiōnios g166) **୨୬** ସେ ଟିକିନିକିର୍ ସବୁ ସଡ୍ ବବିସଡ୍‌ବଡ୍‌ତାମନର୍
 ସାସ୍ତରେ ସେ ଜାନାଇଲା ଆତେ । ଆରି ଏବେ ମାପୁରୁ ପରମେସରର୍ ସଡ୍
 ଜୁଗ୍ ଜୁଗ୍ ଅନି ସବୁ ଲକ୍‌ମନର୍ ବିତ୍‌ରେ ଜାନାଇଆତେ । ଇତିଅନି ସବୁ
 ବିସ୍ବାସ୍ କରି ପରମେସରର୍ କାତାମାନି ଚାଲି ପାର୍‌ବାଇ । (aiōnios g166)

୨୭ ମାତୁରୁ ଜିଣୁ କିରିସ୍‌ଚେଇଅନି ସବୁ ଜାନ୍‌ବା ଗଟେକ୍‌ସେ ପରମେସର୍
କାଲେ କାଲେ ଜୁଗେ ଜୁଗେ ଡାକ୍‌ପୁଟା ପାଅ । ଆମେନ୍! (aiōn g165)

୧ମ କରନ୍ତିୟ

୧ ମୁଞ୍ଚ ପାଉଲ ଆରି ଆମର୍ ସଞ୍ଜୁର୍ ବିସ୍ବାସି ସସ୍ତିନା ଜୁଆର୍ ଜାନାଇଲୁନି । ପର୍ମେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ପେରିଡ୍ ଅଇବାକେ ମକେ ବାଟିଆଚେ । ୨ କରନ୍ତିୟ ନଅରେ ରଇବା ପର୍ମେସରର୍ ମଣ୍ଟୁଲିର୍ ଲକ୍ମନକେ ଲେକ୍ଲୁନି । ପର୍ମେସର୍ ତମ୍ବେ ଜିସୁକିରିସ୍ଟ ସଞ୍ଜୁ ମିସାଇ, ତାର୍ ନିଜର୍ ଲକ୍ କଲାଆଚେ । ଆରି ମାପ୍ତୁ ଜିସୁକିରିସ୍ଟକେ ଉପାସନା କର୍ବା, ସବୁ ଜାଗାଇ ରଇବା ଲକ୍ ସଞ୍ଜୁ ତମ୍ବେ ସୁକଲ୍ ଅଇବାକେ ବାଟିଆଚେ । ସେ ଆମର୍ ମାପ୍ତୁ ଆରି ତାକର୍ ମିସା । ୩ ଆମର୍ ବାବା ପର୍ମେସର୍ ଆରି ଜିସୁ କିରିସ୍ଟ ତମ୍ବେ ଜିବନ୍ ଦୁକାଇ ସାନ୍ତି ଦେଅ । ୪ କିରିସ୍ଟ ଜିସୁର୍ଟାନେ ପର୍ମେସରର୍ ଜେନ୍ତି ଜିବନ୍ ଦୁକାଇରଇଲା, ସେ ଜିବନ୍ ଦୁକାନିର୍ ଲାଗି, ମୁଞ୍ଚ ସବୁବେଲେ ତମ୍ବେ ବିସଇନେଇ ପର୍ମେସର୍କେ ଦନିଅବାଦ୍ ଦେଲିନି । ୫ କାଇକେବଇଲେ ତମେ କିରିସ୍ଟ ସଞ୍ଜୁ ମିସିକରି ଆତାସ୍ ବଲି ପର୍ମେସର୍ ତମ୍ବେ ଲଡାକେ ଅଇବା ସବୁ ବିସଇ, ତମର୍ କାତା ଅଇବା ବପୁ ଆରି ସବୁ ରକାମର୍ ଗିଆନ୍ ଦେଇଆଚେ । ୬ କିରିସ୍ଟର୍ ବିସଇନେଇ ତମ୍ବେ ଜନ୍ କବର୍ କଇରଇଲୁ, ସେଟା ଟିକ୍ ଆକା ବଲି ଜାନା ପଡ୍ଲାନି । ୭ ତେବେ ତମେ ଆମର୍ ମାପ୍ତୁ ଜିସୁ କିରିସ୍ଟର୍ ଏ ଜଗତେ ବାଉଡି ଆଇବାଟା ଜାଗିରଇବାକେ ସବୁ ରକାମର୍ ଆତ୍ମାର୍ ଦାନ୍ ମିଲାଇ ଆତାସ୍ । ୮ ଜେନ୍ତିକି ଆମର୍ ମାପ୍ତୁ ଜିସୁ ଆଇବା ଦିନେ ତମ୍ବେ କାଇ ମିସା ନିନ୍ତୁ ନ ଅ । ଏଟାପାଇ ମାପ୍ତୁ ତମ୍ବେ ସାରାସାରି ଜାକ ମିସା ତବିର୍ କରି ସଞ୍ଜୁଇସି । ୯ ଜନ୍ ପର୍ମେସରର୍ ଲାଗି ତମେ ତାର୍ ପଅ ଜିସୁ କିରିସ୍ଟ, ଆମର୍ ମାପ୍ତୁର୍ସଞ୍ଜୁ ମିସିବିଡି ରଇବାକେ ବାଟିଅଇ ଆତାସ୍, ସେ ସେନ୍ତି କର୍ସି ଆକା ବଲି ତାଟ୍ ସଞ୍ଜୁ ବିସ୍ବାସ୍ କଲାସ୍ନି । ୧୦ ଏ ମର୍ ବାଇବଇନିମନ୍, ଆମର୍ ମାପ୍ତୁ ଜିସୁ କିରିସ୍ଟର୍ ନାଉଁ ଦାରି ମୁଞ୍ଚ ତମ୍ବେ ବାବୁଜିଆ କଲିନି, ଜେନ୍ତିକି ତମେ ସବୁଲକ୍ ଗଟେକ୍ କାତାଇ ରାଜି ଉଆ, ଆରି ତମର୍ ତମର୍ ବିତ୍ରେ ବେଗ୍ଲା ବେଗ୍ଲି ଉଆନାଇ । ମାତର୍ ତମେ ଗଟେକ୍ ଦଲ୍, ଗଟେକ୍ ମନ୍ ଆରି ଗଟେକ୍ କାତାଇ ରାଜି ଉଆ । ୧୧ ତମର୍ ତମର୍ ବିତ୍ରେ ଲାଗାଜତା ଆଚେ ବଲି ମୁଞ୍ଚ କିଲିୟର୍ କୁଟୁମେ ଅନି ସୁନିଆତି । ୧୨ ମୁଞ୍ଚ ବାବ୍ଲିନି, ତମର୍ ବିତ୍ରେ କେତେଲକ୍ କଇବାଇ, ଆମେ ପାଉଲର୍ ବାଟେ ଜିବାଲକ୍, କେତେଲକ୍ ଆପଲର୍ ବାଟେ ଜିବାଲକ୍, କେତେଲକ୍

କେପାର୍ ବାଟେ ଜିବା ଲକ୍, ଆରି କେତେଲକ୍ ଆମେ କିରିସ୍ତର୍ ବାଟେ
 ଜିବା ଲକ୍ । ୧୩ କିରିସ୍ତକେ ମୁକା ମୁକା କରି ବାଗ୍ ବାଗ୍ କଲାପାରା ଦଲ୍
 ଅଇଆଚାସ୍ । ମୁଇ ପାଉଲ୍, ତମର୍ ପାଇ କୁରସେ ମରିରଇଲି କି? କି ତମେ
 ପାଉଲର୍ ନାଉଁ ଦାରି ତୁବନ୍ ନେଇରଇଲାସ୍? ୧୪ ସେଟାର୍ପାଇ କିରିସ୍ତ
 ଆରି ଗାଅକେ ଚାଡଲେ ତମର୍ ବିତ୍ରେ ଆରି କାକେ ମିସା ତୁବନ୍ ଦେଇ ନାଇ
 ବଲି ମୁଇ ପର୍ମେସର୍କେ ଦନିଅବାଦ୍ ଦେଲିନି । ୧୫ ତମେ ମର୍ ନାଉଁ ଦାରି
 ତୁବନ୍ ନେଇଆଚାସ୍ ବଲି କେତେବେଲେ କେ ମିସା କଇଦେବାଇ । ୧୬
 ଓଁ ତିପାନ୍କେ ଆରି ତାର୍ କୁଟୁମର୍ ଲକ୍କେ ମିସା ତୁବନ୍ ଦେଇରଇଲି ।
 ଆରି କାକେ ତୁବନ୍ ଦେଲିଆତି କି ନାଇ ବଲି ମକେ ଏତ୍ ଆସେ ନାଇ । ୧୭
 କାଇକେବଇଲେ କିରିସ୍ତ ମକେ ତୁବନ୍ ଦେବାକେ ପାଟାଏ ନାଇ, ନିମାନ୍
 କବର୍ ଜାନାଇବାକେ ପାଟାଇଲା ଆଟେ । ଜଦି ଲକ୍ମନର୍ ଗିଆନ୍ ଇସାବେ
 ସେଟା ମୁଇ କର୍ତି, ସେନ୍ତାର୍ ଆଲେ କିରିସ୍ତର୍ କୁରସର୍ କବରର୍ ବପୁ ଉନା
 ଅଇତା । ୧୮ କୁରୁପ୍ନାସ୍ ଅଇଜାଇତେରଇବା ଲକ୍ମନର୍ପାଇ, କୁରୁସେ
 ଅଇଲା କିରିସ୍ତର୍ ମରନର୍ କାତା, କାଇ ମୁଲିଅ ନାଇ । ମାତର୍, ଆମର୍ପାଇ
 ସେଟା ପର୍ମେସର୍ ବପୁ । ଆମେ ମୁକ୍ତି ପାଇତେରଇବା ଲକ୍ମନ୍ । ୧୯
 ତେବେ ଦରମ୍ ସାସ୍ତରେ ଏନ୍ତି ଲେକାଆଟେ, ମୁଇ ଗିଆନ୍ ରଇବା ଲକ୍ମନର୍
 ଗିଆନ୍ ନସାଇବି, ଆରି ବୁଦି ରଇବା ଲକ୍ମନର୍ ବୁଦି କାଇ ଲତାକେ ନ
 ଆଇଲା ପାରା କର୍ବି । ୨୦ ତେବେ ଗିଆନ୍ ରଇବା ଲକ୍ମନର୍ ବିସଇ
 କାଇଟା କଇଅଇସି? ସାସ୍ତର୍ ସିକାଉମନର୍ ବିସଇ କାଇଟା କଇ ଅଇସି?
 ଆରି ଏ ଜୁଗର୍ ଦଦାପେଲା ଅଇବା ଲକ୍ମନର୍ ବିସଇ କାଇଟା କଇଅଇସି?
 ପର୍ମେସର୍ ଏ ଜଗତର୍ ଗିଆନ୍ ରଇବା ଲକ୍ମନ୍କେ କାଇ ଲତାକେ ନ
 ଆଇବାଟା ବଲି କଏ ନାଇ କି? (aiōn g165) ୨୧ ଏ ଜଗତର୍ ଲକ୍ମନ୍ ତାକର୍
 ଚାଲାକିସ୍ତ୍ ପର୍ମେସର୍କେ ନ ଜାନତ୍ ବଲି, ସେ ନିଜର୍ ଗିଆନ୍ ଇସାବେ
 ଚିକ୍କଲା । ଆମେ ଜାନାଇବା ବିସଇ ଜନ୍ଟା କି କାଇ ମୁଲିଅ ନାଇ ବଲି
 ଲକ୍ମନ୍ କଇବାଇ, ସେଟା ବିସ୍ବାସ୍ କର୍ବା ଲକ୍ମନ୍କେ ମୁକ୍ତି ଦେବାକେ
 ପର୍ମେସର୍ ସାର୍ଦା ଅଇଲା । ୨୨ ଜିଉଦିମନ୍ କାବା ଅଇଜିବା ଚିନ୍ ପାଇ
 ଦାବି କଲାଇନି । ଗିରିକ୍ମନ୍ ଗିଆନ୍ କଇଲାଇନି । ୨୩ ମାତର୍ ଆମେ
 କୁରୁସ୍ ଉପ୍ରେ ଚଗାଇ ଅଇରଇବା କିରିସ୍ତର୍ ବିସଇ ଜାନାଇଲୁନି । ଏ
 କାତା ସୁଲେ ଜିଉଦିମନ୍ ରିସା ଅଇଗାଲାଇନି ଆରି ଜିଉଦି ନଇଲା ଲକ୍ମନ୍

ସେ କାତାର କାଈ ମୁଲିଅ ନାଈ ବଲି ବାବୁଲାଇନି । ୨୪ ମାତର ଜିଉଦି
 ଅଅଡ଼, କି ଜିଉଦି ନଇଲା ଲକ୍ ଅଅଡ଼, ଜନ୍ ଲକ୍ମନ୍ ବାଚି ଅଇଆଚଡ଼,
 ସେମନର ପାଈ କିରିସ୍ତ ପର୍ମେସରର ବପୁ ଆରି ପର୍ମେସରର ଗିଆନ୍
 ପାରା ଆଚେ । ୨୫ ତେବେ ଜନ୍ଟା ପର୍ମେସରର ବକୁଆ ବିସଇ ସେଟା
 ମୁନୁସର ଗିଆନେ ଅନି ଅଦିକ୍ ଆଚେ, ଆରି ଜନ୍ଟା ପର୍ମେସରର ଦୁର୍ବଲ୍
 ବିସଇ, ସେଟା ମୁନୁସର ବପୁଟାନେଅନି ଅଦିକ୍ ବପୁ । ୨୬ ଏ ବାଇବଇନିମନ୍,
 ପର୍ମେସର ତମ୍ବେ ବାବୁଲା ବେଲେ ତମେ କେନ୍ତୁର ରଇଲାୟ୍ ବାବିଦେକା ।
 ଜଗତର ବିଦି ଇସାବେ ବେସିଲକ୍ ଗିଆନି ନ ରଇଲାୟ୍ । ବେସିଲକ୍ ନେତା ନ
 ରଇଲାୟ୍ ଆରି ବଡ଼ ଗରେ ଜନମ୍ ନ ଅଇରଇଲାୟ୍ । ୨୭ ପର୍ମେସର ଗିଆନି
 ଲକ୍ମନ୍କେ ଲାଜ୍ କରାଇବାକେ ଜଗତର ଦୁର୍ବଲ୍ ଲକ୍ମନ୍କେ ବାବୁଲା,
 ଜେନ୍ତିକି ଜଗତେ ଗିଆନି ରଇବା ଲକ୍ମନ୍ ଆରି ବପୁ ରଇବା ଲକ୍ମନ୍ ଲାଜ୍
 ଅଇଜିବାଇ । ୨୮ ତେବର ପାଈ, ପର୍ମେସର ଏ ଜଗତର କାଈ ଲତାକେ ନ
 ଆସେ ବଲି କଇବା ଲକ୍ମନ୍କେ, ଆରି ସବୁବେଲେ ତଲେ ରଇ ଲକ୍ମନ୍ ଗିନ୍
 କର୍ତ୍ତେରଇବା ଲକ୍ମକେ ବାବୁଲାଆଚେ । ୨୯ ଜେନ୍ତୁର କି ଜଗତ ବିତ୍ରେ
 ଜନ୍ ଲକ୍ମନ୍ ବଡ଼ ବଲି ନାମାଈ ଅଇବାଇ, ସେମନ୍ କାଈ ଲତାକେ ନ ଆସଡ଼
 ଆରି ପର୍ମେସରର ମୁଆଟେ କେ ମିସା ବଡ଼ପନ୍ ଅଇ ନ କଅଡ଼ । ୩୦
 ମାତର ପର୍ମେସର ତମ୍ବେ କିରିସ୍ତ ଜିସୁର ସଙ୍ଗୁ ମିସାଇଆଚେ ଆରି ସେ
 କିରିସ୍ତକେସେ ଆମର୍ପାଈ ଗିଆନ୍ ପାରା କରିଆଚେ । ତାରୁଲାଗି ଆମେ
 ପର୍ମେସର ସଙ୍ଗୁ ସଡ଼ ମିସାବିତା ଅଇଲାଟା ଆରିତରେକ୍ ଜଡ଼ିଅଇଲାଆଚେ
 । ଆମେ ଦରମ୍ ଆରି ସୁକଲ୍ ଲକ୍ ଅଇ ପାପେ ଅନି ମୁକ୍ତି ପାଇଆରୁ ।
 ୩୧ ମାତର ଜେନ୍ତି ଦରମ୍ ସାସ୍ତରେ ଲେକା ଅଇଆଚେ, ଜେ ଜଦି ବଡ଼ପନ୍
 ଅଇସି, ତେବେ ସେ ମାପୁରୁ କଲା କାମ୍ ତେଇ ବଡ଼ପନ୍ ଅ ।

୨ ଏ ବାଇବଇନିମନ୍, ଜେଡ଼କିବେଲେ ମୁଇ ତମର୍ ଲଗେ ପର୍ମେସରର
 ଟିକିନିକି କାତା ସୁନାଇବାକେ ଆସି ରଇଲି ପଶ୍ଚିତ୍ମନର ପାରା କି ବାସଣ୍
 ଦେବା ଲକ୍ମରପାରା ବଡ଼ ବଡ଼ କାତା କଇ ନ ରଇଲି । ୨ କାଈକେବଇଲେ
 କୁରୁସ୍ କାଟେ ମରିରଇବା ଜିସୁ କିରିସ୍ତକେ ଚାଡ଼ି ଆରି ବିନ୍ ବିସଇ ତମ୍ବେ
 ନ କଇ ବଲି ମୁଇ ଟିକ୍ କଲି । ୩ ସେବେଲେ ମୁଇ ତମର୍ ଲଗେ ଦୁର୍ବଲ୍ ଅଇ
 ତରିକରି ରଇଲି ଆରି ତର୍ତ୍ତରି ଗଜ୍ଗଜି ରଇଲି । ୪ ଜେନ୍ତିକି ତମର୍ ବିସ୍ବାସ୍
 ମୁନୁସର ଗିଆନ୍ ଉପ୍ରେ ନ ରଇକରି ପର୍ମେସରର ବପୁ ଉପ୍ରେ ବାନ୍ତିଅଇ

ରଥ । ୫ ଡେବର୍ପାଇ ମର୍ ସିକିଆ ଆରି ମୁଇ ସୁନାଇବା ବାକିଅ, ମର୍
 ନିଜର୍ ଗିଆନେ ଅନି ନ ରଇଲା । ତାଲାକି କାତା କଇକରି ମୁଇ ସୁନାଇଲାଟା
 ତମ୍ବେ ବିସ୍ବାସ୍ କରାଇନାଇ । ମାତର୍ ପର୍ମେସରର୍ ଆତ୍ମା ଆରି ତାର୍
 ବପୁ ସଞ୍ଜୁ ମୁଇ କଇଲା ବିସଇ ସର୍ ବଲି ଜାନାପଡ଼ଲା । ୬ ଏଲେମିସା ଆମେ
 ଜେଡେବଲ୍ ଆତ୍ମାଇ ବଡିରଇବା ବିସ୍ବାସିମନର୍ ସଞ୍ଜୁ ରଇଲାବେଲେ
 ଗିଆନର୍ କାତା କଇଲୁନି । ମାତର୍ ସେଟା ଏ ଜୁଗର୍ ଗିଆନ୍ ନଏଁ କି ଏ
 ଜୁଗର୍ ନସ୍ଟ ଅଇଜାଇରଇବା ନେତାମନର୍ ଗିଆନ୍ ନଏଁ । (aiōn g165) ୭
 ନାଇ, ଜନ୍ ଗିଆନର୍ ବିସଇ ଆମେ କଇଲୁନି, ସେଟା ପର୍ମେସରର୍ ଟିକିନିକି
 ଗିଆନର୍ କାତା । ପୁର୍ବେ ପର୍ମେସର୍ ତାର୍ ଜଜ୍ନା କାକେ ମିସା ଜାନାଏ
 ନାଇ । ସେ ଜଜ୍ନା ଇସାବେ, ପର୍ବେ ଆମର୍ ମଇମାର୍ପାଇ ସେ ବାଡିରଇଲା
 । (aiōn g165) ୮ ଏ ଜୁଗର୍ ଅଦିକାରିମନ୍କେ ମିସା ସେଟା ବୁଜଡ଼ନାଇ ।
 କାଇକେବଇଲେ ସେମନ୍ ସେଟା ଜାନିରଇଲେ ଡାକ୍ପୁଟା ମାପ୍ପୁକେ କୁର୍ସେ
 ମାରି ନ ରଇତାଇ । (aiōn g165) ୯ ଜେନ୍ତାରି କି ସାସ୍ତରେ ଲେକା ଆଚେ,
 ଜନ୍ଟାକି କାର୍ ଅଁକି କେବେ ଦେକେନାଇ, କାର୍ କାନ୍ କେବେ ସୁନେ ନାଇ
 ଆରି କେ ମିସା କେବେ ବାବି ନ ରଅଡ୍, ସେ ସବୁ ବିସଇ, ପର୍ମେସର୍ ଜନ୍
 ଲକ୍ମନ୍କେ ଆଲାଡ୍ କଲାନ୍ତି, ତାକର୍ପାଇ ଡିଆର୍ କଲାଆଚେ । ୧୦ ମାତର୍
 ଆମ୍ବେସେ ପର୍ମେସର୍ ତାର୍ ଟିକିନିକି ବିସଇ ଜାନାଇଆଚେ । ସେ ସୁକଲ୍
 ଆତ୍ମାସେ ସବୁ ବିସଇ ସିକାଇସି ଆରି ତାର୍ ବିଡ୍ରେ ରଇବା ଟିକିନିକି
 ଚିନ୍ତା ମିସା କର୍ସି । ୧୧ ମୁନ୍ସୁ କର୍ବା ଚିନ୍ତା ସବୁ ତାର୍ ବିଡ୍ରେ ରଇବା
 ଆତ୍ମାକେ ଚାଡ଼ଲେ ଆରି କେ ମିସା ନାଜାନଡ୍ । ସେନ୍ତୁସେ ପର୍ମେସରର୍
 ସବୁ ଚିନ୍ତା କଲାଟା ତାର୍ ଆତ୍ମାକେ ଚାଡ଼ିଦେଲେ ଆରି କେ ମିସା ନାଜାନଡ୍ ।
 ୧୨ ଏ ଜଗତର୍ ଲକ୍ମନ୍ ପାଇରଇବା ଆତ୍ମା ପାରା ଆମେ ପାଉନାଇ ।
 ମାତର୍ ପର୍ମେସରର୍ ଆତ୍ମା ପାଇଆରୁ । ଜେନ୍ତାରିକି ଜନ୍ ସବୁ ବିସଇ
 ଆମ୍ବେସେ ଦେଲାଆଚେ, ସେଟା ସବୁ ଆମେ ଜାନ୍ରୁ । ୧୩ ଡେବେ ସେ
 ସବୁ ବିସଇ ମିସା ଆମେ ଜଗତର୍ ଗିଆନ୍ ଇସାବେ ସିକାଉନାଇ, ମାତର୍
 ଜନ୍ ବିସଇ ଆମ୍ବେସେ ପର୍ମେସରର୍ ସୁକଲ୍ ଆତ୍ମା ସିକାଇଲା ଆଚେ, ସେ
 ବିସଇ ଆକା ସିକାଇଲୁନି । ଜନ୍ ଲକ୍ମନ୍ ସୁକଲ୍ ଆତ୍ମା ପାଇଆଚଡ୍, ସେ
 ଲକ୍ମନ୍କେ ଏ ଆତ୍ମାର୍ ବିସଇ ସିକାଇଲୁନି । ୧୪ ମାତର୍ ସୁକଲ୍ଆତ୍ମା ନ
 ପାଇ ରଇବା ଲକ୍, ଆତ୍ମାର୍ ବିସଇ ନ ମାନେ, ମାତର୍ ସେଟାମନ୍ ତାର୍ପାଇ

ଗଟେକ୍ କାଇଟା ନାଜାନ୍ବା ବକ୍ତୃତା ପାରା, ଆରି ସେ ସେଟା ବୁଝି ନାପାରେ,
 କାଇକେବଇଲେ ସେ ସବୁ ବିସଇ ସୁକଲ୍ ଆତ୍ମା ସିକାଇଲେ ସେ ବୁଝିଅଇସି
 । ୧୫ ମାତର୍ ଜନ୍ମଲକ୍ଷ୍ମୀ ଆତ୍ମା ପାଇଆତର୍, ସେ ସବୁ ବିସଇର୍ ମୁଲିଅ,
 ସତ୍ ବାବେ ବିଚାର୍ କରସି । ଏଲେ ମିସା ତାକେ କେ ବିଚାର୍ ନ କରତ୍ ।
 ୧୬ ସାସ୍ତରେ ଲେକା ଅଇଲାପାରା କେ ମିସା ମାପ୍ତୁର୍ ମନର୍ କାତା ଜାନି
 ନାପାରତ୍, କି କେ ମିସା ତାକେ ସିକାଇ ନାପାରତ୍ । ମାତର୍ ଆମେ କିରିସ୍ତର୍
 ମନ୍ ପାଇଆରୁ ।

୩ ଏ ବାଇବଇନିମନ୍, ମୁଇ କରନ୍ତିୟତେଇ ରଇଲାବେଲେ ସୁକଲ୍ଆତ୍ମା
 ପାଇଲା ଲକ୍ଷ୍ମୀମନ୍ ଇସାବେ ତମ୍ବେ କାତା ଅଇ ନାପାରୁଲି । ମାତର୍ ନିଜେ
 ମନ୍କଲା ଇସାବେ ରଇବା ଲକ୍ଷ୍ମୀମନ୍ ଇସାବେସେ କାତା ଅଇଲି । କାଇକେ
 ବଇଲେ ତମେ ସେବେଲେସେ, ବିସ୍ବାସ୍ କରବାକେ ମୁଲିଆଇ ରଇଲାସ୍
 । କିରିସ୍ତର୍ ତେଇ କଅଁଲା ପିଲାମନ୍ ପାରା । ୨ ମୁଇ ତମ୍ବେ ଆଁଟ୍
 କାଦି ନ ଦେଇ କରି ଦୁତ୍ କାଇବାକେ ଦେଇରଇଲି । କାଇକେବଇଲେ ତମେ
 ଆଁଟ୍ କାଦି କାଇବାର୍ ନାପାରୁତେ ରଇଲାସ୍ । ଏବେ ମିସା ନାପାରାସ୍ । ୩
 ତେବେ, ତମେ ନିଜର୍ ମନ୍ କଲା ଇସାବେ ରଇବା ଲକ୍ଷ୍ମୀମନ୍ପାରା ଆତାସ୍ ।
 ମୁଇ ଏଟାର୍ ପାଇ କଇଲିନି, କାଇକେବଇଲେ ତମର୍ ତମର୍ ବିତ୍ରେ ଇସା
 ତଲା, ଲାଗାଜତା ଆରି ଜାତିନିତି ଆତେ । ତମେ ନିଜର୍ ମନ୍ କଲା ଇସାବେ
 ରଇବା ଲକ୍ ବଲି ଜାନାପତ୍ଲାନି । ଜଗତର୍ ଲକ୍ଷ୍ମୀମନ୍ ପାରା, ନିଜର୍
 ମନ୍ କଲା ଇସାବେ ତଲାତଲ୍ତି କଲାସ୍ନି । ୪ ଜେନ୍ତିକି ତମର୍ ବିତ୍ରେ
 କେତେଲକ୍ କଇବାଇ, ଆମେ ପାଉଲର୍ ବାଟେ ଗାଲୁନି । ତେଇଅନି ଆରି
 କେତେଲକ୍ କଇବାଇ, ଆମେ ଆପଲର୍ ବାଟେ ଗାଲୁନି । ସେତ୍କିବେଲେ
 ତମେ କାଇ ନିଜର୍ ମନ୍ କଲା ଇସାବେ ରଇବା ଲକ୍ ନୁଆସ୍ କି? ୫ ସେ
 ଇସାବେ ଦେକ୍ଲେ ଆପଲ୍ କେ? ଆରି ମୁଇ ମିସା କେ? ଆମେତା ଅବ୍କା
 ସେବା କରୁମନ୍ । ଜେନ୍ତିକି ତମ୍ବେ ବିସ୍ବାସ୍ କରବାକେ ଆମେ ସାଇଜ
 କଲୁ । ପର୍ମେସର୍ ଆମ୍ବେ ଜନ୍ କାମ୍ କରବାକେ ଦେଇରଇଲା, ଆମେ
 ସେ କାମ୍ କରିଆରୁ । ୬ ମୁଇ ମୁଞ୍ଚି ରପ୍ଲା ଲକ୍ ପାରା, ଆରି ଆପଲ୍ ଗତେ
 ପାନିଦେଲା ଲକ୍ ପାରା । ମାତର୍ ପର୍ମେସର୍ ସେ ଗର୍ ବଡାଇଆତେ
 । ୭ ସେନ୍ତିସେ ଜେ ରପିରଇସି ଆରି ଜେ ପାନି ଦେଇସି, ତାକର୍ କାଇଟା
 ନାଇ, ଜେ ବଡାଇରଇସି, ସେ ପର୍ମେସର୍ ସେ ସବୁଟା । ୮ ଜେ ରପ୍ଲା

ଆତେ ଆରି ଜେ ପାନି ଦେଲାଆତେ, ସେ ଦୁଇଲକ୍ ଗଟେକ୍ କାଲିଆଲେ
 ଲତାର୍ପାଇ କାମ୍ କଲାଲିନି । କାଲକେବଇଲେ ସେମନ୍କେ ପର୍ମେସର୍
 ନିଜର୍ ନିଜର୍ କାମ୍ ଇସାବେ ପୁରୁସ୍କାର୍ ଦେଇସି । ୯ ଆମେ ପର୍ମେସର୍
 ସଞ୍ଜ୍ କାମ୍ କରବା କୁଲିଆର୍ ମନ୍ । ଆରି କରନ୍ତିୟର୍ ବିସ୍ବାସିମନ୍ ତମେ,
 ପର୍ମେସର୍ ତାସ୍ କରବା ଜମି, ଆରି ତାର୍ ଗର୍ । ୧୦ ପର୍ମେସର୍ ମକେ
 ଦେଇରଇବା ତାର୍ ଜିବନ୍ ଦୁକାନି ଇସାବେ ମୁଇ ଗଟେକ୍ ସବୁ ଜାନିରଇବା
 ଗର୍ ତିଆରକରୁ ପାରା କୁନାଦି ବସାଇଆତି । ସେବେଲେଅନି ବିନ୍ ଲକ୍ ତାର୍
 ଉପ୍ରେ ତିଆର୍ କଲାଲିନି । ମାତର୍ ତିଆର୍ କରବା ବେଲେ ତମେ, ଗଟେକ୍
 ଗଟେକ୍ ଲକ୍ ଜାଗରତ୍ ରଇବାର୍ ଆତେ । ୧୧ କାଲକେବଇଲେ, ଜନ୍
 କୁନାଦି ତିଆର୍ ଅଇସାର୍ଲା ଆତେ, ତାକେ ଚାଡ଼ି ଅଲ୍ଗା କୁନାଦି କେ ମିସା
 ତିଆର୍ କରି ନାପାରତ୍ । ସେ କୁନାଦିର୍ ମୁଲ୍ ପାକ୍ନା ଅଇଲାଲି ଜିପୁକିରିସ୍ତ
 । ୧୨ ମାତର୍ କେତେକ୍ ଗର୍ ବାନ୍ଧୁମନ୍ କୁନାଦି ଉପ୍ରେ ସୁନା, ରୁପା ଆରି
 ବେସି ଦାମ୍ ଅଇବା ପାକ୍ନା ସଞ୍ଜ୍ ବାନ୍ଧୁଲାଲିନି । ଆରି କେତେକ୍ ଲକ୍ ଦାରୁ,
 ଗାଁସ୍ ଆରି ପିରି ସଞ୍ଜ୍ କୁନାଦି ଉପ୍ରେ ବାନ୍ଧୁଲାଲିନି । ୧୩ କିରିସ୍ତ ଆରି
 ତରେକ୍ ଆଇବା ଦିନେ ଗଟେକ୍ ଗଟେକ୍ ଲକ୍ କିରିରଇବା ସବୁ କାମ୍
 କେନ୍ଦ୍ରାଟା ବଲି ଜଇଟାମେ ଜାନାପଡ଼ିଜାଇସି । ସେଟା ଗଟେକ୍ ଏନ୍ତି ବେଲା
 ଆଇସି ଜେତେବେଲେ ସବୁ ଜିନିସ୍ ଜଇଟାମେ ପଡ଼ାଇ ପରିକା କରାଅଇସି
 । ୧୪ ଜନ୍ଲକ୍ମନ୍ କିରିରଇବା କୁନାଦି ଉପ୍ରେ ଜଇର୍ ପରିକାଟାମେ
 ନ ନସେ, ସେ ପୁରୁସ୍କାର୍ ପାଇସି । ୧୫ ଜଦି ଜାର୍ କାମ୍ ପଡ଼ି ଜାଇସି,
 ସେ କାମ୍ କରୁକେ କାଇଟା ନ ମିଲେ । ମାତର୍ ସେ ଲକ୍ ଲାଗ୍ତେରଇବା
 ଜଇଟାମେଅନି ରକିଆ ପାଇଲା ପାରା ନିଜେ ରକିଆ ପାଇସି । ୧୬ ତମେ
 ନିକ ସଞ୍ଜ୍ ଜାନିଆତାସ୍, ତମେ ଅଇଲାସ୍ନି ପର୍ମେସରର୍ ମନ୍ଦିର୍ । ଆରି
 ତାର୍ ଆତ୍ମା ତମର୍ ଗାଗଡ଼ ବିତ୍ରେ ବାସାଅଇଆତେ । ୧୭ ଜଦି କେ ମିସା
 ପର୍ମେସରର୍ ମନ୍ଦିର୍ ନସାଇସି, ତେବେ ପର୍ମେସର୍ ତାକେ ନସାଇସି ।
 କାଲକେବଇଲେ ପର୍ମେସରର୍ ମନ୍ଦିର୍ ସୁକଲ୍ଟା । ତମେମନ୍ ଆକା ସେ
 ମନ୍ଦିର୍ । ୧୮ ନିଜ୍ଜକେ ମିସା ନାଡ଼ାଇ ନ ଉଆ । ଜେ ଜଦି ମୁଇ ଜଗତର୍
 ଇସାବେ ଗିଆନ୍ ରଇବାଲକ୍ ବଲି ମନେ ମନେ ବାବ୍ସି, ତେବେ ସେ ସତ୍
 ଗିଆନ୍ ପାଇବାକେ ଆଲେ, କାଇଟା ନାଜାନ୍ଲା ବକୁଆ ଲକ୍ପାରା ଅଇବାର୍
 ଆତେ । (aiōn g165) ୧୯ କାଲକେବଇଲେ ଏ ଜଗତର୍ ଗିଆନ୍ ପର୍ମେସରର୍

ମୁଆଟେ କାଇ ଲତାକେ ନ ଆସେ । ଜେନ୍ତିକି ସାସ୍ତରେ ଲେକା ଆଟେ,
 ଗିଆନ୍ ରଇଲା ଲକ୍ମନ୍‌କେ ତାକର୍ ଚାଲାକିତେଇସେ ପର୍ମେସର୍ ଦାର୍ସି
 । ୨୦ ଆରିତରେକ୍ ସାସ୍ତରେ ଲେକାଆଟେ । ଗିଆନ୍ ରଇବା ଲକ୍ମନ୍
 ବାବ୍‌ବାଟା ସବୁ ରୁଚାଇସେ ବଲି ପର୍ମେସର୍ ଜାନିଆଟେ । ୨୧ ଆରି କେ
 ମିସା ଲକ୍ମନ୍ କରିରଇବା କାମ୍‌ଟାନେ ବଡ୍‌ପନ୍ ନ ଉଆ । ଏବେ ତମେ
 ସବୁ ବିସଇର୍ ଅଦିକାର୍ ପାଇଆଟାସ୍ । ୨୨ ଜଦି ମୁଇ ଅଇଲେ କି, ଆପଲ୍
 ଅଇଲେ କି, ପିତର୍ ଅଇଲେ କି, ଜଗତର୍ କାଇଟା ମିସା ଅଇଲେ, ତମେ
 ମଲେ କି ବଞ୍ଚିଲେ, ଏବେ ଜାଇଟା ଅଇଲେ କି ପର୍‌କେ ଜନ୍‌ଟା ଅଇଲେ ମିସା,
 ସବୁ ବିସଇ ତମର୍ ମଞ୍ଜୁଲର୍ ପାଇସେ । ୨୩ ମାତର୍ ତମେ କିରିସ୍‌ଟର୍ ଲକ୍,
 ଆରି କିରିସ୍‌ଟ ପର୍ମେସରର୍ ।

୪ ଡେବେ ତମେ ଆମ୍‌କେ କିରିସ୍‌ଟର୍ ସେବା କରୁମନ୍ ବଲି ନାମ୍‌ବାର୍ ଆଟେ
 । ଆରି ପର୍ମେସର୍ ଆମ୍‌କେ ଚିକିନିକି ସତ୍ ବିସଇର୍ ବାଣ୍ଟୁରଗରିଆର୍
 ଦାଇତ୍ ଦେଲାଆଟେ । ୨ ଆରି ସେନ୍ତାରି ଦାଇତ୍ ନେଇରଇବା ସେବାକରୁମନ୍
 ସତ୍ ବାବେ କାମ୍ କର୍‌ବାର୍ ଆଟେ । ୩ ମାତର୍ ତମର୍ ବିତ୍‌ରେ କେଡେକ୍
 ଲକ୍ କି, ବିନ୍ ଲକ୍ କେ ମିସା ମର୍ କାମ୍ ଦେକି ମକେ ବିଚାର୍‌ନା କଲେ, ମକେ
 କାଇଟା ନଏଁ । ମୁଇ ନିଜେ ମର୍ ବିଚାର୍‌ନା ନ କରି । ୪ କାଇକେବଇଲେ ମୁଇ
 ନିଜର୍ ବିରୁଦେ କାଇ ଦସ୍ କଲାଟା ମର୍ ମନ୍ ନାଜାନେ । ଅଇଲେ ମିସା
 ମୁଇ ଇତି କାଇ ଦସ୍ ନ କଲା ଲକ୍ ବଲି କଇନଏ । ମାତର୍ ଜେ ମକେ
 ବିଚାର୍ କର୍‌ସି, ସେ ମାପ୍‌ରୁ । ୫ ସେଟାପ୍‌ପାଇ ତମେ କାକେ ମିସା କାଇ
 ବିସଇ ନେଇ ବିଚାର୍ କରାନାଇ । କାଇକେବଇଲେ ବିଚାର୍‌ନା କର୍‌ବାକେ
 ବେଲା ଅଏ ନାଇଟା । ମାପ୍‌ରୁ ବିଚାର୍‌ନା କର୍‌ବାକେ ଆଇବାଜାକ ଜାଗା ।
 ମାପ୍‌ରୁ ଆଇଲେ ଆକା ସାରାସାରି ବିଚାର୍‌ନା ଅଇସି । ସେ ଆନ୍ତୁର୍ ବିତ୍‌ରେ
 ଲୁଚ୍‌ତେ ରଇଲା ସବୁ ବିସଇ ଉଜଲେ ଦେକାଇ ଦେଇସି । ଆରି ଲକ୍‌ମନ୍‌ର୍
 ମନ୍ ବିତ୍‌ରର୍ କାତା ସବୁ ଦେକାଇ ଦେଇସି । ସେଡ୍‌କି ବେଲେ ସବୁଲକ୍
 ପର୍ମେସରର୍ ଟାନେଅନି ଲାଡ୍ ପାଇବାଇ । ୬ ଏ ବାଇବଇନିମନ୍, ମୁଇ ଏ
 ସବୁ କାତା ତମେ ସିକା ବଲି, ମର୍ ବିସଇ ଆରି ଆପଲ୍‌ର୍ ବିସଇ ଉଦାଅରନ୍
 ଦେଇ କଇଲି । ଜେନ୍ତିକି ସାସ୍ତରେ ଲେକାଅଇଲାଟାନର୍ ଅରଡ୍ ତମେ
 ସିକ୍‌ସା । ସାସ୍ତରେ ଜେଡ୍‌କି ସବୁ ଲେକା ଅଇଲାଆଟେ, ତାର୍‌ଟାନେଅନି
 ଅଦିକ୍ କରାନାଇ । ସେନ୍ତାରି କଲେ କାକେ ମିସା ନେଇକରି ବଡ୍‌ପନ୍ ନ

ଉଥାସ୍, ଆରି କାକେ ମିସା ଇନ୍ ନ କରାସ୍ । ୭ କାଇକେବଇଲେ ବିନ୍
 ଲକ୍ଷ୍ମୀନେଅନି କେ ତମ୍ବେ ବଡ଼ କରତ୍ ନାଇ । ଆରି ଜନ୍ ଗୁଣ୍ ତମେ ଦାନ୍
 ଇସାବେ ମିଲାଇଆତାସ୍ ସେଟା ପର୍ମେସର୍ ଦେଲାଆତେ । ତେବେ ତମର୍
 ନିଜର୍ଟା ବଲି ବଡ଼ପନ୍ ଅଇ କଇ ନାପାରାସ୍ । ୮ ତମ୍ବେ ଦରକାର୍ ରଇଲା
 ସବୁ ବିସଇ ମିଲାଇ ଆତାସ୍ କି? ତମେ କାଇ ସାତକାର୍ ଅଇସାରି ଆତାସ୍
 କି? ଗଟେକ୍ ଗଟେକ୍ ରାଜା ଅଇଜାଇଆତାସ୍ କି? ଏଲେ ମିସା ଆମେ ଅଇ
 ନାପାର୍ଲୁନି । ସତଇସେ ତମେ ରାଜାଅଇତାସ୍ କି? ସେନ୍ତୁଆଲେ, ଆମେ
 ମିସା ତମର୍ ସଞ୍ଜୁ ରଇ କାମ୍ କରତୁ । ୯ ମାତର୍ ମୁଇ ବାବ୍ଲିନି ପର୍ମେସର୍
 ଆମର୍ ପାରା ପେରିତ୍ତମନ୍କେ ଦାଡିର୍ ସାରାସାରି ଜାଗା ଦେଲାଆତେ ।
 ଜଗତର୍ ସବୁ ଲକ୍ ଆରି ସର୍ଗର୍ ଦୁର୍ତ୍ତମନ୍ ଦେକ୍ତେ ରଇବାବେଲେ ଆମେ,
 ବନ୍ଦି ଅଇଲା ଲକ୍ମନ୍କେ ମରାଇବାକେ ନେଲାପାରା ଆରୁ । ୧୦ ଆମେ
 କିରିସ୍ଟର୍ ଲାଗି ବକୁଆ ଲକ୍, ମାତର୍ ତମେ କିରିସ୍ଟର୍ ସଞ୍ଜୁ ମିସ୍ଲାର୍ ପାଇ
 ବୁଦିରଇବା ଲକ୍ । ଆମେ ଦୁର୍ବଲ୍, ମାତର୍ ତମେ ବପୁରଇବା ଲକ୍, ତମ୍ବେ
 ଲକ୍ମନ୍ ସନ୍ମାନ୍ ଦେଲାଇନି, ମାତର୍ ଆମ୍ବେ ସନ୍ମାନ୍ ମିଲେନାଇ । ୧୧
 ଏବେ ଜାକ ମିସା ଆମ୍ବେ ପେଟ୍ପୁର୍ତେ କାଇବାପିଇବାକେ ମିଲେନାଇ ।
 ପିନ୍ଧୁବାକେ ବେସି ପୁର୍ନା ବସ୍ତର୍ ଆତେ । ଲକ୍ମନ୍ ଆମ୍ବେ ମାର୍ଲାଇନି
 ଆରି ରଇବାକେ ଜାଗା ନଇଲାର୍ ପାଇ ଏନେତେନେ ଅଇ ବୁଲ୍ଲୁନି । ୧୨
 ଆବଡ଼ କାମ୍ କରି ଆମେ ଦିନ୍କେ ଦିନ୍ ଜୁଲିସୁକି ଗାଲୁନି । କେ ଆମ୍ବେ
 ସାଇସ୍ ଦେଲେ ତାକେ ଆମେ ଆସିର୍ବାଦ୍ କଲୁନି, ଆରି ଉଡା ସୁନିକରି
 ମିସା ମୁର୍ତି କରି ରଇଲୁନି । ୧୩ ନିନ୍ଦା ପାଇଲେ, ଆଲାଦର୍ କାତା କଇଲୁନି
 । ଆମେ ଏବେ ଜାକ ମିସା ଜଗତର୍ କାତ୍ତରା ପାରା ଅଇଆରୁ । ଲକ୍ମନ୍
 ଆମ୍ବେ ଆଣ୍ଟି ଦଇରଇବା ମୁର୍କି ପାନିପାରା ଦେକ୍ଲାଇନି । ୧୪ ମୁଇ
 ତମ୍ବେ ଲାଜ୍ କରାଇବାକେ ଏ ସବୁ ବିସଇ ଲେକିନାଇ, ମାତର୍ ତମ୍ବେ ମର୍
 ଆଲାଦର୍ ପିଲାଟକି ବଲି ଏତାଇ କରି ତେନ୍ନା ଦେବାକେ, ଏ ସବୁ ଲେକ୍ଲିନି
 । ୧୫ କାଇକେବଇଲେ ତମ୍ବେଟାକେ କିରିସ୍ଟର୍ ବିସଇ ସିକାଇବାକେ
 କେତେକ୍ କେତେକ୍ ଗୁରୁ ରଇଲେ ମିସା, ବାବା ଇସାବେ ତମ୍ବେ ବେସି ଲକ୍
 ନାଇ । କିରିସ୍ଟ ଜିସୁର୍ତେଇ ମିସ୍ଲାର୍ ପାଇ ମୁଇ ତମର୍ ବାବା ଅଇଗାଲି ।
 କାଇକେବଇଲେ ମୁଇ ତମ୍ବେ ଜିସୁକିରିସ୍ଟର୍ ସୁବ୍‌କବର୍ କଇରଇଲି ।
 ୧୬ ତେବେ ମୁଇ ତମ୍ବେ ବାବୁଜିଆ କରି କଇଲିନି, ମୁଇ ଜାଇଟା କଲିନି

ତମେ ମିସା ସେନ୍ତୁରି କରା । ୧୭ ସେଟାର୍‌ପାଇ ମୁଇ ତମତିକେ ତମର୍ ଲଗେ ପାଟାଇ ଆତି । ମୁଇ ତାକେ ଆଲାଦ୍ କଲିନି । ସେ ମର୍ ନିଜର୍ ପିଲା ପାରା ଆରି ମାପ୍‌ରୁର୍ ସେବାକାମେ ସବୁ ନିକସଙ୍ଗୁ କରୁସି । ଜେଡ୍‌କିବେଲେ ସେ ତମର୍‌ଟାନେ ଆଇସି, କିରିସ୍‌ଟର୍‌ତେଇ ମିସ୍‌ଲାର୍ ପାଇ ବଲି ମୁଇ କେନ୍ତି ତଲାଚଲ୍‌ତି କଲିନି, ସେ ବିସଇନେଇ ସେ ତମ୍‌କେ କଇସି । ସେ ସମାନ୍ ବିସଇ, ସବୁ ମଣ୍ଟୁଲିର୍ ବିସ୍‌ବାସିମନ୍‌କେ ମୁଇ ସିକାଇଲିନି । ୧୮ ସେ କରନ୍ତିଅତେଇ ଆରି କେବେ ନ ଆସେ, ବଲିକରି ତମର୍ ବିତ୍‌ରର୍ କେତେ ଲକ୍ ବଡ୍‌ପନ୍ ଅଇଆଟାସ୍ । ୧୯ ମାତର୍ ଜଦି ମାପ୍‌ରୁ ମନ୍ କଲେ ମୁଇ ଦାପ୍‌ରେ ତମର୍‌ଟାନେ ଆଇବି । ଏ ବଡ୍‌ପନିଆ ଲକ୍‌ମନ୍ କାଇ କାତା ଅଇଲାଇନି ବଲି ମୁଇ ନିଜେ ଜାନ୍‌ବି ଆରି ତାକର୍ ବପୁ ପରମେସରର୍‌ଟାନେଅନି କି ନାଇ, ସେଟା ଜାନ୍‌ବି । ୨୦ ପରମେସରର୍ ରାଇଜ୍, ଅବ୍‌କା କାତା ଅଇବା ବିସଇ ନଏଁ, ମାତର୍ ବପୁର୍ ସଙ୍ଗୁ ରଇବା ବିସଇ । ୨୧ ମୁଇ ଆଇଲାବେଲେ ତମ୍‌କେ କେନ୍ତି ତଲାଚଲ୍‌ତି ଦେକାଇବାର୍ ଆଟେ? ମୁଇ ବେଡ୍‌ଡାଙ୍ଗୁ ଦାରି ତମର୍ ଲଗେ ଆଇବାର୍ କି, ଆଲାଦ୍ ଆରି ସାନ୍ତିର୍ ମନ୍ ଦାରି ଆଇବି?

୫ ମୁଇ ସତ୍‌ସେ ସୁନ୍‌ଲି ଜେ, ତମର୍ ବିତ୍‌ରେ ବେସିଆ କାମ୍ ଆଟେ । ଆରି ଏନ୍ତୁରି ବେସିଆ କାମ୍, ଜନ୍‌ଟାକି ବିସ୍‌ବାସ୍ ନ କଲା ଲକ୍‌ର ବିତ୍‌ରେ ମିସା ନାଇ । ଜେନ୍ତୁରକି ନିଜର୍ ସାନ୍ ଆୟାର୍ ସଙ୍ଗୁ ସୁଆବସା ଅଇଲାନି । ୨ ଆରି ତମର୍ ବିତ୍‌ରେଅନି ଗଟେକ୍ ଲକ୍ ଏନ୍ତୁରି କାମ୍ କଲାଆଟେ, ତେବେ ତମେ କାଇକେ ବଡ୍‌ପନ୍ ଦେକାଇଲାସ୍‌ନି? ସେ କରିରଇବା ପାପ୍ କାମର୍ ଲାଗି ଲାଜ୍ ଅଇକରି ସେନ୍ତୁରି ଲକ୍‌କେ ତମର୍ ବିତ୍‌ରେଅନି ବାର୍‌କରାଇ ଦେବାର୍ ରଇଲା । ୩ ମୁଇ ଗାଗଡ୍ ଇସାବେ ତମର୍ ଟାନେ ନ ରଇଲେମିସା ସେନ୍ତି କର୍‌ବାର୍ ରଇଲା, ଏଲେ ମିସା ଆଡ୍‌ମାଇ ତମର୍ ସଙ୍ଗୁ ଆତି । ଜେ କି ଏନ୍ତୁର୍ କାମ୍ କରିଆଟେ, ମୁଇ ତେଇ ରଇଲା ପାରା, ବେସି ବଡ୍ ଦସ୍ କଲା ଲକ୍‌କେ ତଣ୍ଟୁ ଦେବାର୍ ଆଟେ ବଲି ମାପ୍‌ରୁ ଜିସୁକିରିସ୍‌ଟର୍ ନାଉଁ ଦାରି, ମୁଇ ବିଚାର୍ କରି ସାରାଇ ଆତି । ୪ ତମେ ମାପ୍‌ରୁ ଜିସୁର୍ ନାଉଁଦାରି ଗଟେକ୍‌ଲଗେ ରୁଣ୍ଟୁ ଅଇଲା ବେଲେ ମର୍ ଆଡ୍‌ମା ଆରି ମାପ୍‌ରୁ ଜିସୁର୍ ବପୁ ତେଇ ଆଟେ । ୫ ଏନ୍ତୁରି ଲକ୍‌କେ ତାର୍ ଗାଗଡ୍ କୁରୁପ୍‌ନାସ୍ ଅଇଜିବାକେ ସଇତାନର୍ ଆଟେ ସର୍‌ପି ଦେବାର୍ ଆଟେ । ସେନ୍ତୁର୍ କଲେ ମାପ୍‌ରୁ ଆରି ତରେକ୍ ଆଇବା ବେଲେ ତାର୍ ଆଡ୍‌ମା ରକିଆ ପାଇପାର୍‌ସି । ୬ ଏନ୍ତୁରି ଲକ୍‌କେ ତମର୍

ମଣ୍ଡୁଲିତେଇ ସଞ୍ଜୁକକରି ଏନ୍ତି ବଡ଼ପନ୍ ଅଇବାଟା ବଲ୍ଲନାଇ । ମନେ ରକା କଣ୍ଠେକ୍ କମିରର୍ ଲାଗି, ଚକଟ୍ଲା ସବୁ ଗୁଣ୍ଡୁ ଆମର୍ ଅଇଜାଇସି, ଏଟା କାଇ ତମେ ନାଜାନାସ୍ କି? ୭ ତମର୍ ବିତ୍ରେ ରଇବା ପାପର୍ ପୁରନା କମିର୍ ପିଢ଼ିଦେଇ ପୁରାପୁରୁନ୍ ସୁକଲ୍ ଉଆ । ସେନ୍ତୁର୍ କଲେ ତମେ କମିର୍ ନଇତେ ଚକଟ୍ଲା ନୁଆ ଗୁଣ୍ଡୁ ପାରା ଅଇସା । ମୁଇ ଜାନି, ଏବେମିସା ତମେ ସେନ୍ତୁରି ଆଟାସ୍ । ଆମର୍ ନିସ୍ତାର୍ ପରବ୍ ଦିନ୍ ତିଆର୍ ଅଇ ସାର୍ଲା ଆଟେ । ପରବର୍ ମେଣ୍ଡୁପିଲା ନିଜେ କିରିସ୍ତ ସର୍ପି ଅଇଆଟେ । ୮ ତେବେ ଆସା, ଆମର୍ ପାପ୍ ଆରି କାରାପ୍ ରଇବା ପୁରନା କମିର୍ ଚାଡ଼ିଦେଉଁ ଆରି କମିର୍ ନ ମିସ୍ଲା ରୁଟି ପାରା ଜେନ୍ତିକି ସର୍ ଆରି ସୁଆଲ୍ ଅଇ ଏ ପରବର୍ ସାର୍ଦା କରୁ । ୯ ମୁଇ ଆଗ୍ତୁ ବେସିଆମନର୍ ସଞ୍ଜୁ ନ ମିସ୍ବାକେ ଚିଟି ଲେକିରଇଲି । ୧୦ ତାର୍ ଅରଡ୍ ନଏଁ ଜେ ଏ ଜଗତେ ରଇବା ବେସିଆ, ଲବ୍‌ରା, ଚର୍ନା ଆରି ମୁର୍ତି ପୁଜା କର୍ବା ଲକର୍ ସଞ୍ଜୁ ମୁଲ୍‌କେ ମିସା ନାଇ ବଲି । ଜଦି ସେନ୍ତୁର୍ କଲେ ତମେ ଜଗତ୍ ଚାଡ଼ି ବାରଇଜିବାକେ ପଡ଼ସି । ୧୧ ମାତର୍ ମର୍ କଇବାଟା ଅଇଲାନି, ଜନ୍ ବାଇ ମୁଇ ବିସ୍ବାସି ବଲି କଇକରି ବେବିଚାର୍ କାମ୍ କର୍ସି, କି କାଇଟା ଦେବାକେ ମିସା ଲବ୍ କର୍ସି, କୁଟ୍ କାତା କଇସି, ପୁଡ଼ଲା ପୁଜା କର୍ସି, ବିନ୍ ଲକର୍‌ଟା ଦନ୍ତିପନ୍ତିକରି ନେଇସି, ଆରି ମାତୁଆଲ୍ ଅଇସି ବଇଲେ, ତାର୍ ସଞ୍ଜୁ ମିସାନାଇ । ଏନ୍ତିକି ତାର୍ ସଞ୍ଜୁ ମିସିକରି କାଇବାର୍ ମିସା ନାଇ । ୧୨ ବିସ୍ବାସ୍ ନ କର୍ବା ଲକ୍‌ମନ୍‌କେ ବିଚାର୍ କର୍ବାକେ ମୁଇ କେ? ପର୍ମେସର୍ ସେମନ୍‌କେ ବିଚାର୍ କର୍ସି । ଜନ୍ ଲକ୍‌ମନ୍ ମଣ୍ଡୁଲିତେଇ ରଇବାଇ, ସେମନ୍‌କେ ବିଚାର୍ କର୍ବାଟା ଆମର୍ କାମ୍ । ୧୩ ସାସ୍ତରେ ଲେକା ଅଇଲାପାରା ତମର୍ ବିତ୍ରେ ଜନ୍‌ଲକ୍ ସେନ୍ତୁରି କାରାପ୍ ଚଲାଚଲ୍‌ତି କଲାନି, ତାକେ ତମର୍ ବିତ୍ରେଅନି ବାର୍‌କରାଇ ଦିଆସ୍ ।

୭ ଜଦି ତମର୍ ବିତ୍ରେ ଗଟେକ୍ ବିସ୍ବାସି ବାଇକେ ଆରି ଗଟେକ୍ ବିସ୍ବାସି ବାଇର୍ ବିରୁଦ୍ଧେ କାତା ରଇଲେ, ସେଟା ବିଚାର୍ କର୍ବାକେ ବିସ୍ବାସ୍ ନ କଲା ବିଚାର୍‌କାରିଆର୍ ଲଗେ ଜାଆ ନାଇ । ତାର୍ ବାଦୁଲେ ବିସ୍ବାସିମନ୍ ସେଟା ବିଚାର୍ କରଡ୍ । ୨ ମନେ ରଅ, ପର୍ମେସରର୍ ଲକ୍‌ମନ୍ ଜଗତର୍ ଲକ୍‌ମନ୍ ବିଚାର୍ କର୍ବାଇ । ସେନ୍ତୁର୍‌ଆଲେ, ଏ ଗଟେକ୍ ସାନ୍ ବିସଇ ବିଚାର୍ କରିନାପାରାସ୍ କି? ୩ ଏଦେ ସୁନା! ଦିନେକ୍ ଆମେ ସରଗର୍ ଦୁର୍ମନେକ୍ ବିଚାର୍ କର୍ବୁ । ତେବେ ଏ ଜିବନେ ଆଇବା ସାନ୍ ସାନ୍ ବିସଇ

ବିଚାର କରବାକେ ଅଦିକ୍ ସଅଜ୍ ନଏଁ କି? ୪ ଜଦି ବିନ୍ ବିସ୍ବାସି ମନର୍
 ସଞ୍ଜୁ ଲାଗାଜଡା ଅଇଲେ ରାଜିନାମା କରବାକେ ତମର୍ ମଣ୍ଡୁଲି ବିତ୍ରେ
 ବିସ୍ବାସ୍ ଇସାବେ ସନ୍ମାନ ନ ପାଇବା ଲକର୍ଟାନେ କାଇକେ ଗାଲାସ୍ନି?
 ୫ ମୁଇ ତମ୍ବେକେ ଲାଜ୍‌କରାଇବାକେ ଏ କାତା ଲେକିଆଟି । ବିସ୍ବାସି ବାଇ
 ବାଇ ବିତ୍ରେ କିରମାର ଅଇଲାଟା ରାଜିନାମା କରବାକେ ସତଇସେ ତମର୍
 ବିତ୍ରେ ଗଟେକ୍ ମିସା ବୁଦି ରଇଲା ଲକ୍ ନାଇ କି? ୬ ଏଦେ ଦେକା!
 ଏଟା କେନ୍ଦୁର୍ କଲାସ୍ନି? ଗଟେକ୍ ବିସ୍ବାସି ବାଇ ଆରି ଗଟେକ୍ ବାଇର୍
 ବିରୁଦେ ବିଚାରନା ଗରେ ଗାଲାନି, ଆରି ସେ ବିଚାରନା, ବିସ୍ବାସ୍ ନ
 କରୁମନ୍‌କେ ସର୍ପିଦେଲାସ୍ନି । ୭ ତମେ ତମର୍ ତମର୍ ବିତ୍ରେ ଲାଗାଜଡା
 ଅଇକରି କରବ୍ ଦୁଆର୍ ଜାକ ଗାଲାସ୍ନି । ଇତିଅନି ଜାନା ପଡ୍‌ଲାନିଜେ
 ମିସାବିତାଟାନେ ପୁରାପୁରୁନ୍ ଆରି ଜାଇ ଆଚାସ୍ । ତମର୍ ପାଇ ଅନିଆଇ
 ମୁର୍ତ୍ତିକରି, କେତି ଅଇବାଟା ମୁର୍ତ୍ତିକରି ରଇଲେ ନିକ ଅଇତା । ୮ ତାର୍
 ବାଦୁଲେ ତମର୍ ତମର୍ ବିତ୍ରେ ଅନିଆଇ ଆରି କେତି କଲାସ୍ନି । ସେଟା
 ମିସା ନିଜର୍ ବିସ୍ବାସି ବାଇବଇନିମନ୍‌କେ! ୯ ମନେରଅ ଜନ୍ ଲକ୍‌ମନ୍
 ପାପେରଇକରି ବର୍ଦ୍‌ବାଇ ସେମନ୍ ପର୍ମେସରର୍ ରାଇଜେ ଜାଇ ନାପାରବ୍
 । ନିଜେ ନାଡାଇ ଉଆନାଇ । ଜନ୍ ଲକ୍‌ମନ୍ ନିୟମ୍ ବିରୁଦେ ଚଲାଚଲ୍‌ତି
 କଲାଇନି କି ମୁର୍ତ୍ତି ପୁଜା କଲାଇନି କି ବେବିଚାର୍ କାମ୍ କଲାଇନି କି
 ମନସ୍ ମନସ୍ ବିତ୍ରେ ଆରି ମାଇଜି ମାଇଜି ବିତ୍ରେ ଅଇବା କାରାପ୍ କାମ୍
 କଲାଇନି, ବେସିଆ କାମ୍ କଲାଇନି, ୧୦ ଚର୍ନା ଅଇଲାନି, କି ଦନ୍ ଲବ୍‌ରା
 ଅଇଲାନି, ମାତୁଆଲ୍ କି ନିନ୍ଦା କରବାଲକ୍ ଅଇଲାନି କି ଅଲ୍‌ଗା ଲକର୍
 ଜିନିସ୍ ଚରାଇବା ଲକ୍ ଅଇଲାନି, ଏମନ୍ ପର୍ମେସରର୍ ରାଇଜେ ଜାଇ
 ନାପାରବ୍ । ୧୧ ମାପ୍‌ରୁକେ ବିସ୍ବାସ୍ କରବା ଆଗ୍‌ତୁ, ତମର୍ ବିତ୍ରେ କେ
 କେ ଏନ୍ତାରି ଅଇରଇଲାସ୍, ମାତର୍ ପର୍ମେସର୍ ତମର୍ ପାପ୍ ସବୁ ଦଇ ଦେଲା
 । ଆରି ମାପ୍‌ରୁ ଜିସୁ କିରିସ୍‌ଟ ଆରି ସୁକଲ୍ ଆଡ୍‌ମାର୍ ଲାଗି ଦରମ୍ ବଲାଇ
 ଅଇଆଚାସ୍ । ୧୨ ତମର୍ ବିତ୍ରେ କେତେଲକ୍ କଇବାଇ, “ମୁଇ ଜନ୍‌ଟା
 ମନ୍ କଲିନି, ସେଟା କରବି” । ମୁଇ କଇବି, “ଉଁ, ସେଟା ସତ୍, ମାତର୍ ସବୁ
 ବିସଇ ମର୍ ପାଇ ନିକ ନଏଁ ।” କେତେଲକ୍ କଇବାଇ ସବୁ କରବାକେ ମର୍
 ଅଦିକାର୍ ଆଚେ, । ମାତର୍ ମୁଇ କଇବି, ଜନ୍ ବିସଇ ମିସା ମକେ ଦାରି
 ରକିରଇବାକେ ମୁଇ ନ ଦେଇ, । ୧୩ କେତେଲକ୍ କଇବାଇ, ପେଟ୍ ଜଦି

କାଦି କାଇବାକେ ମନ୍ କଲାନି ବଇଲେ କାଦି କାଇବାଟା ନିକ, । ମାତର୍ ମୁଇ କଇଲିନି, ପର୍ମେସର୍ ଗଟେକ୍ ଦିନ୍ ଏ ଦୁଇଟାକେ ମିସା କୁରୁପ୍ନାସ୍ କର୍ସି । ଗାଗଡ୍ ବେବିଟାର୍ କାମ୍ କର୍ବାକେ ନାଇ, ମାତର୍ ମାପ୍‌ରୁର୍ ସେବା କର୍ବାକେ ଲାଗ । ଗାଗଡ୍‌କେ ଦର୍କାର୍ ଅଇବାଟା ମାପ୍‌ରୁ ଜାଗାଇସି । ୧୪ ପର୍ମେସର୍, ମାପ୍‌ରୁ ଜିସୁକେ ତାର୍ ନିଜର୍ ବପୁସ୍ତୁ ମଲାତେଇଅନି ଉଟାଇଲା । ସେନ୍ତୁରିସେ ଆମ୍‌କେ ମିସା ଉଟାଇସି, । ୧୫ ତମର୍ ଗାଗଡ୍ କିରିସ୍‌ଟର୍ ଗାଗଡ୍ ମିସିକରି ଆରେ, ଏଟା କାଇ ତମେ ନାଜାନାସ୍ କି? ତେବେ ମୁଇ କାଇ କିରିସ୍‌ଟର୍ ଗାଗଡ୍ ଗଟେକ୍ ବାଗ୍ ନେଇକରି ବେସିଆର୍ ଗାଗଡ୍ ମିସାଇବି କି? ନାଇ, ସେନ୍ତୁରି କେବେ ମିସା ନ ଅ । ୧୬ ମାତର୍ ଜେ ବେସିଆ ସ୍ତୁ ମିସିସି, ସେ ତାର୍ ସ୍ତୁ ଗଟେକ୍ ଗାଗଡ୍ ଅଇସି । ଏଟା ତମେ ନାଜାନାସ୍ କି? କାଇକେବଇଲେ ଲେକା ଅଇଆରେ, ସେ ଦୁଇଲକ୍ ଜାକ ଗଟେକ୍ ଅଇବାଇ । ୧୭ ମାତର୍ ଜେ ମାପ୍‌ରୁର୍ ସ୍ତୁ ମିସିସି, ତାର୍ ଆତ୍‌ମା ଆରି ମାପ୍‌ରୁର୍ ଆତ୍‌ମା ଗଟେକ୍ ଅଇଜାଇସି । ୧୮ ବେବିଟାର୍ କାମେଅନି ଦୁରିକେ ରୁଆ । ଲକ୍‌ମନ୍ କାଇ ବିନ୍ ପାପ୍ କଲେ ମିସା, ସେଟା ତାର୍ ଗାଗଡ୍ ବିରୁଦେ ନଏ । ମାତର୍ ଜେ ବେବିଟାର୍ କାମ୍ କର୍ସି, ସେ ନିଜର୍ ଗାଗଡ୍ ବିରୁଦେ ପାପ୍ କର୍ସି । ୧୯ ମନେ ରଅ, ତମର୍ ଗାଗଡ୍ ସୁକଲ୍ ଆତ୍‌ମା ରଇବା ମନ୍ନିର୍, ଜନ୍ ଆତ୍‌ମା ତମର୍ ବିତ୍‌ରେ ବାସା ଅଇଲାଆରେ, ସେଟା ପର୍ମେସରର୍ ଟାନେଅନି ମିଲାଇ ଆଟାସ୍ । ତମେ ନିଜେ, ନିଜର୍ ନୁଆସ୍ ମାତର୍ ପର୍ମେସରର୍ । ୨୦ କାଇକେବଇଲେ ପର୍ମେସର୍ ତମ୍‌କେ ଜବର୍ ଦାମ୍ ଦେଇକରି ଶେନିଆରେ, ସେଟାର୍ ପାଇ ତମର୍ ଗାଗଡ୍ କାମ୍ ସ୍ତୁ ପର୍ମେସରର୍ ମଇମା କରା ।

୨ ଏବେ ତମେ ଲେକ୍‌ଲାଟାନେ ଜନ୍ ସବୁ ବିସଇ ଆରେ, ସେ ସବୁର୍ ଉତର୍ ମୁଇ ଦେବି । ତମେ ପାଟାରିରଇଲାସ୍ ବିସ୍‌ବାସିମନ୍ ବିବା ନ ଅଇବାଟା ନିକ କି? ୨ ଓଁ ସେଟା ସର୍, ମାତର୍ ବେସି ଲକ୍ ବେବିଟାର୍ କାମେ ଚଲାଚଲ୍‌ତି କଲାଇନି । ମୁଇ କଇଲିନି ଗଟେକ୍ ଗଟେକ୍ ମୁନୁସ୍‌କେ ତାର୍ ନିଜର୍ ମାଇଜି ଆରି ଗଟେକ୍ ଗଟେକ୍ ମାଇଜିକେ ତାର୍ ନିଜର୍ ମୁନୁସ୍ ରଇବାର୍ ଆରେ । ୩ ଗଟେକ୍ ମନସ୍ ବିବା ଅଇଲାର୍ ଲାଗି, ତାର୍ ମାଇଜିକେ କିରିରଇବା ସବୁ ଦାଇଡ୍ କର୍ବାର୍ ଆରେ । ସେନ୍ତୁରିସେ ମାଇଜି ମିସା ତାର୍ ମୁନୁସ୍‌କେ କର୍ବାର୍ ଆରେ । ୪ ମାଇଜିକେ ତାର୍ ନିଜର୍ ଗାଗଡ୍ ଅଦିକାର୍ ନାଇ,

ମାତର୍ ମୁନୁସର୍ ଆଚେ । ସେନ୍ତୁରିସେ ମୁନୁସକେ ତାର୍ ନିଜର୍ ଗାଗତର୍
 ଅଦିକାର୍ ନାଇ, ମାତର୍ ମାଇଜିର୍ ଆଚେ । ୫ ଦୁଇ ମାଇଜି ମୁନୁସ୍ ବେଗ୍ଲିକରି
 ନ ରଅର୍ । ମାତର୍ ବେଗ୍ଲିକରି ରଇବାର୍ ଆଲେ, ଦୁଇ ଲକ୍ ରାଜି ଉଆ
 । ଜେନ୍ତୁରି କି ସେ ବେଗ୍ଲି ରଇବା ବେଲାଇ, ପାର୍ତନା କରିଅଇସି ।
 ମାତର୍ ତାର୍ପଚେ ଆରିତରେକ୍ ଆସି ମିସାଆ । ଏନ୍ତୁରିକଲେ ସଇତାନର୍
 ପରିକାତେଇ ଅନି ତମେ ରକିଆ ପାଇସା । କାଇକେବଇଲେ ତମ୍ବକେ
 ମୁର୍ଚିକରି ରଇବା ବପୁ ଉନା ଆଚେ । ୬ ଏ ବିସଇ ମୁଇ ତମ୍ବକେ ଜେଡ୍‌କି
 କଇଲି ଆଡି, ସେଟା ଆଦେସ୍ ଦେଲା ପାରା କଇନାଇ, ମାତର୍ ତମର୍ ଦୁର୍ବଲ୍
 ଜାନିକରି ଉପଦେସ୍ ଦେଲା ପାରା କଇଲିନି । ୭ ତମେ ସବୁଲକ୍ ମର୍ପାରା
 ବିବା ନ ଉଆ ବଲି ମୁଇ ମନ୍ କଲିନି । ମାତର୍ ଗଟେକ୍ ଗଟେକ୍ ଲକ୍‌କେ
 ପର୍ମେସରର୍ ଟାନେଅନି ମୁଲିଅ ରଇବା ଦାନ୍ ମିଲିଆଚେ । ଗଟେକ୍ ଲକ୍‌କେ
 ଗଟେକ୍ ରକାମ୍‌ଟା ଆରି ବିନ୍ ଲକ୍‌କେ ବିନ୍ ରକାମ୍ ଦାନ୍ ଦେଲାଆଚେ । ୮
 ଏବେ ମୁଇ ବିବା ନ ଅଇରଇବା, ଆରି ରାଣ୍ଡି ମାଇଜିମନ୍‌କେ କଇଲିନି, ତମେ
 ମର୍ ପାରା ଏକ୍‌ଲା ରଇଲେ ତମର୍ପାଇ ନିକ ଅଇସି । ୯ ମାତର୍ ତମେ ଜଦି
 ମନର୍ ଲାଲ୍‌ସା ମୁର୍ଚିକରି ରଇ ନାପାର୍‌ଲାସ୍‌ନି ବଇଲେ, ବିବା ଅଇବାଟା
 ନିକ । କାଇକେବଇଲେ ଲାଲ୍‌ସାଇ ପଡିଜିବା ବାଦୁଲେ ବିବା ଅଇବାଟା ନିକ
 । ୧୦ ମାତର୍ ବିବା ଅଇବା ବିସ୍‌ବାସିମନ୍‌କେ ମୁଇ ଆଦେସ୍ ଦେଲିନି, ମୁଇ
 ଦେଇ ନାଇ ମାତର୍ ମାପ୍‌ରୁ ଦେଲାନି । ଜଦି ତମେ ଗଟେକ୍ ବିବାଇ ମାଇଜି,
 ସେନ୍ତୁର୍ ଆଲେ ମୁନୁସକେ ଚାଡି ବିନେ ନ ରୁଆ । ୧୧ ଜଦି ତାକେ ଚାଡୁଲେ,
 ବିବା ନ ଅଇତେ ରୁଆ । ନଇଲେ ଆରି ଗଟେକ୍ ତର୍ ନିଜର୍ ମୁନୁସ୍ ସଞ୍ଜୁ
 ମିସା । ଜଦି ତମେ ବିବାଇ ମୁନୁସ୍, ନିଜର୍ ମାଇଜିକେ ନ ଚାଡା । ୧୨ ଏବେ
 ମୁଇ ବିସ୍‌ବାସିମନ୍ ଜେ କି ବିସ୍‌ବାସ୍ ନ କଲାଟାମନ୍‌କେ ବିବା ଅଇଆଚର୍,
 ସେମନ୍‌କେ କଇଲିନି, ମୁଇ କଇନାଇ ମାପ୍‌ରୁ କଇଲାନି, । ଜଦି ଗଟେକ୍
 ବିସ୍‌ବାସି, ବିସ୍‌ବାସ୍ ନଇଲା ମାଇଜିକେ ବିବା ଅଇଲାଆଚେ, ଆରି ସେ
 ମାଇଜି ତାର୍ ସଞ୍ଜୁ ମିସି ରଇବାକେ ମନ୍ କର୍‌ସି ବଇଲେ, ସେ ବାଇ ତାକେ
 ନ ଚାଡ । ୧୩ ଆରି ଜନ୍ ବିସ୍‌ବାସି ମାଇଜି ବିସ୍‌ବାସ୍ ନ କଲା ମୁନୁସକେ
 ବିବାଅଇରଇସି, ଆରି ସେ ତାର୍‌ସଞ୍ଜୁ ମିସି ରଇବାକେ ମନ୍ କର୍‌ସି, ତେବେ
 ସେ ନିଜର୍ ମୁନୁସକେ ନ ଚାଡ । ୧୪ କାଇକେବଇଲେ ଜଦି ତମେ ଗଟେକ୍
 ବିସ୍‌ବାସି ମାଇଜି, ବିସ୍‌ବାସ୍ ନ କର୍‌ବା ମୁନୁସକେ ବିବା ଅଇଆଚାସ୍, ତର୍

ମୁନୁସ୍ ତର୍ ସଞ୍ଜୁ ମିସ୍ଲାର୍ପାଲ ତାକେ ପର୍ମେସର୍ ତାର୍ ନିଜର୍ ସୁକଲ୍ ଲକ୍ କଲାଆତେ । ସେନ୍ତୁରିସେ ବିସ୍ବାସ୍ ନ କରିରଇବା ମାଇଜିକେ, ପର୍ମେସର୍ ତାକ୍ଲା ଆତେ । କାଇକେବଇଲେ ସେ ବିସ୍ବାସ୍ କର୍ବା ମନସ୍ ସଞ୍ଜୁ ମିସ୍ଲା ଆତେ । ଏନ୍ତୁରି ନ ରଇଲେ ତମର୍ ପିଲାମନ୍ ବିସ୍ବାସ୍ ନ କର୍ବା ଲକର୍ ପିଲାମନର୍ପାରା ଅଇତାଇ । ମାତର୍ ଏବେ ସେମନ୍କେ ମିସା ପର୍ମେସର୍ ତାର୍ ନିଜର୍ ଲକ୍ କଲାଆତେ । ୧୫ ସେ ଜାଇଟା ମିସା ଅ, ଜଦି ଗଟେକ୍ ବିସ୍ବାସ୍ ନ କଲା ଲକ୍ ତାର୍ ବିସ୍ବାସି ମାଇଜି କି ମୁନୁସ୍ ଟାନେଅନି ବିନେ ଅଇବାକେ ମନ୍ କଲାନି ବଇଲେ, ସେ ବିନେ ଅ । ଏନ୍ତୁରି ଅଇଲେ କିରିସ୍ଟକେ ବିସ୍ବାସ୍ କର୍ବା ମାଇଜି କି ମୁନୁସ୍ ବିବା ବନ୍ଧୁନେ ଅନି ମୁକ୍ଲି ଆତେ । ପର୍ମେସର୍ ତମ୍କେ ସାନ୍ତିସଞ୍ଜୁ ମିସି ବିଡି ଜିଇବାକାଇବାକେ ତାକ୍ଲା ଆତେ । ୧୬ ଅଇପାରେ, ତୁଇ ଗଟେକ୍ ବିସ୍ବାସି ବିବାଅଇଲା ମାଇଜି, ତର୍ ବିସ୍ବାସ୍ ନ କଲା ମୁନୁସ୍କେ କିରିସ୍ଟର୍ ଟାନେ ବିସ୍ବାସ୍ କରାଇପାରୁସ୍ । ସେନ୍ତୁରିସେ ତୁଇ ଗଟେକ୍ ବିସ୍ବାସି ବିବାଅଇଲା ମୁନୁସ୍, ତର୍ ବିସ୍ବାସ୍ ନ କଲା ମାଇଜିକେ କିରିସ୍ଟର୍ ଟାନେ ବିସ୍ବାସ୍ କରାଇ ପାରୁସ୍ । ୧୭ ମାପ୍ତୁ ଜାକେ ଜେନ୍ତି ଜିବନ୍ ଦୁକାଇ ଆତେ, ପର୍ମେସର୍ ଜାକେ ଜନ୍ ଇସାବେ ତାକ୍ଲା ଆତେ, ସେ ସେନ୍ତୁର୍ ଜିଉନା କାଉନା କର । ମୁଇ ସବୁ ମଶ୍ଟୁଲିଟାନେ ଏ ରକାମ୍ ଆଦେସ୍ ଦେଲିନି । ୧୮ ଜଦି ତମେ ଗଟେକ୍ ସୁନତ୍ ଅଇଲା ଜିଉଦି ଲକ୍ ଆରି ପର୍ମେସର୍ ତମ୍କେ ତାକ୍ଲାଆତେ, ସେନ୍ତୁର୍ ଆଲେ ତମେ ତମର୍ ଗାଗ୍ତେଅନି ସୁନତ୍ ତିନ୍ ଲିବାଇବାକେ ଚେସ୍ଟା କରା ନାଇ । ସେନ୍ତୁରିସେ ତମେ ଜଦି ଜିଉଦି ନ ଅଇଲା ଲକ୍ ଜାକେ କି ପର୍ମେସର୍ ତାକ୍ଲା ଆତେ, ତମେ ସୁନତ୍ ଅଇବାକେ ଚେସ୍ଟା କରାନାଇ । ୧୯ ଲକ୍ମନ୍ ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ନାଇ, ପର୍ମେସରର୍ ଆଦେସ୍ ମାନ୍ବାଟାସେ ମୁକିଅ । ୨୦ ମାପ୍ତୁ ତମ୍କେ ଜନ୍ ଇସାବେ ତାକିଆତେ, ତମେ ସେ ଇସାବେ ରୁଆ । ୨୧ ପର୍ମେସର୍ ତମ୍କେ ତାକ୍ଲାବେଲେ ତମେ କାଇ ଗତିଦାଞ୍ଜୁତା ରଇଲାସ୍ କି? ସେ ବିସଇନେଇ ମନ୍ଦୁକ୍ କରାନାଇ । ଜଦି ତର୍ ସାଉକାର୍ ତକେ ମୁକ୍ଲାଲଲାନି, ତେବେ ଉଚିଜା । ୨୨ ମାପ୍ତୁ ତାକ୍ଲାବେଲେ ଜେ ଗତିଦାଞ୍ଜୁତା ରଇଲା ସେ ଏବେ ମୁକ୍ଲି ରଇଲା ଲକ୍ । କାଇକେବଇଲେ ମାପ୍ତୁ ତାକେ ମୁକ୍ଲାଲ ଆତେ । ସେନ୍ତୁରିସେ ଏବେ ଜେ ମୁକ୍ଲିକରି ଆତେ, ସେ କିରିସ୍ଟର୍ ଗତିଦାଞ୍ଜୁତା । ୨୩ ତମ୍କେ ଅଦିକ୍

ଦାମ୍ ଦେଇ ଗୋନାଅଇଆଚେ । ଲକ୍ମନର ଗତିଦାଢ଼ୁଡ଼ା ଉଆ ନାଇ । ୨୪
 ଏ ବାଇବଇନିମନ୍, ତମ୍ବେ ପର୍ମେସର୍ ତାକ୍ଲାଇବେଲେ ଜନ୍ ଇସାବେ
 ରଇଲାସ୍, ସେ ଇସାବେ ପର୍ମେସର୍ ସଢ଼ୁ ମିସିକରି ରଇବାର୍ ଆଚେ ।
 ୨୫ ଏବେ ମୁଇ ବିବା ନ ଅଇଲା ଦାଢ଼ୁଡ଼ାଦାଢ଼ୁଡ଼ି ବିସଇନେଇ ଲେକ୍ବି ।
 ସେ ବିସଇନେଇ ମାପ୍‌ରୁର୍ ଲଗେଅନି କାଇ ଆଦେସ୍ ପାଇନାଇ । ମାତର୍
 ପର୍ମେସର୍ ମକେ ଦୟା କରି ଗଟେକ୍ ସତ୍‌ଦରମ୍ ଲକ୍ ଇସାବେ ନିଜର୍
 ମନର୍ କାତା କଇଲିନି । ୨୬ ଏବର୍ ଦୁକ୍ କସ୍‌ଟର୍ ବେଲା ଏତାଇଲେ, ମୁଇ
 ବାକ୍‌ଲିନି ଗଟେକ୍ ଲକ୍ ଜେନ୍ତୁରି ଆଚେ, ସେନ୍ତୁରିସେ ରଇବା ଦର୍କାର୍ । ୨୭
 ତମେ କାଇ ମାଇଜି ସଢ଼ୁ ବାନ୍ତିଅଇ ଆତାସ୍ କି? ସେନ୍ତୁରିଆଲେ ମୁକଲ୍‌ବାକେ
 ଚେସ୍‌ଟା କରାନାଇ । ତମେ କାଇ ବିବା ଉଆସ୍ ନାଇ କି? ସେନ୍ତୁରିଆଲେ
 ମାଇଜି କଜ୍‌ବାକେ ଚେସ୍‌ଟା କରାନାଇ । ୨୮ ଜଦି ତମେ ବିବାଅଇ ଆତାସ୍,
 ବଇଲେ ତମେ ପାପ୍ କରାସ୍ ନାଇ । ଜଦି ଗଟେକ୍ ଦାଢ଼ୁଡ଼ି ବିବାଅଇସି, ସେ
 ମିସା ପାପ୍ କରେନାଇ । ମାତର୍ ବିବାଅଇଲା ଲକ୍ମନ ଦୁକ୍ କସ୍‌ଟ୍ ମୁରୁଟିକରି
 ରଇବାକେ ପଡ଼ସି । ଏନ୍ତୁରି ଦୁକ୍ କସ୍‌ଟର୍ ବେଲାଇ ସିତିଅନି ରକିଆ ପାଆ,
 ବଲିକରି ମୁଇ ମନ୍ କଲିନି । ୨୯ ମାତର୍ ଏ ବାଇମନ୍ ମୁଇ ତମ୍ବେ କଇଲିନି,
 ଏବେ ଆମ୍‌କେ ଅଲପ୍ ଦିନ୍ ଆଚେ । ଏଟାର୍ ପାଇ ଏବେଅନି ଜେ ବିବା
 ଅଇଆଚେ ସେ ବିବା ନ ଅଇଲା ଲକ୍‌ର୍ ପାରା ରଅ । ୩୦ ସେନ୍ତୁରିସେ ଜନ୍
 ଲକ୍ମନ୍ କାନ୍ତୁବୁବା ଅଇରଇଲାସ୍‌ନି, ସେମନ୍ କାନ୍ତୁବୁବା ନ ଅଇ ରଇଲା
 ଲକ୍‌ର୍ ପାରା ରୁଆ । ଆରି ଜନ୍ ଲକ୍ମନ୍ ସାର୍‌ଦା ଅଇରଇଲାଇନି, ସେମନ୍
 ସାର୍‌ଦା ନ ଅଇଲା ଲକ୍‌ର୍ ପାରା ଅଇ ରଅତ୍ । ଜନ୍ ଲକ୍ମନ୍ ଗେନ୍‌ବାଇ,
 ସେଟା ନିଜର୍‌ଟା ନଏଁ ବଇଲାପାରା ରଅତ୍ । ୩୧ ଜନ୍ ଲକ୍ମନ୍ ଜଗତର୍
 ଜିନିସ୍ ନେଇ ବେବାର୍‌ପାନି କଲାଇନି, ସେମନ୍ ସବୁବେଲେ ସେ ବିସଇ ଚିନ୍ତା
 ନ କଲା ଲକ୍‌ର୍ ପାରା ରଅତ୍ । କାଇକେବଇଲେ ଜନ୍ ଜଗତେ ଆମେ ଆରୁ,
 ସେ ଜଗତର୍ ସବୁ ଜିନିସ୍ ବୁଡ଼ିଜାଇସି । ୩୨ ମାତର୍ ତମେ ଏ ବିସଇନେଇ
 ଚେରେପେଚେ ଉଆନାଇ । ବିବା ନ ଅଇଲା ଲକ୍ମନ୍ ସବୁବେଲେ ମାପ୍‌ରୁର୍
 ସେବା କାମ୍ କର୍‌ବାକେ ମନ୍ କର । କାଇକେବଇଲେ ମାପ୍‌ରୁକେ ସାର୍‌ଦା
 କରାଇବାଟା ତାର୍ ମୁକିଅ କାମ୍ । ୩୩ ମାତର୍ ଜେ ବିବାଅଇଆଚେ, ସେ
 ଏ ଜଗତର୍ ସବୁ ବିସଇନେଇ ଚିନ୍ତା କର୍‌ସି । କାଇକେବଇଲେ ସେ ତାର୍
 ମାଇଜିକେ ସାର୍‌ଦାସଢ଼ୁ ରକ୍‌ବାକେ ମନ୍ କର୍‌ସି । ୩୪ ସେନ୍ତୁସେ ତାର୍ ମନ୍

ଦୁଇବାଟେ ଜିଙ୍କଟାନ୍ ଅଇଲାନି । ବିବା ନ ଅଇଲା ମାଇଜି କି ଦାଢ଼ୁଡ଼ି ମାପୁରୁ
 କାମାର୍ ବିସଇ ଚିନ୍ତା କରସି । କାଇକେବଇଲେ ସେ ତାର୍ ଗାଗଡ଼ ଆରି
 ଆତ୍ମା ପରମେସର୍କେ ସରପି ଦେବାକେ ମନ୍ କରସି । ମାତରୁ ବିବା ଅଇଲା
 ମାଇଜି ଏ ଜଗତରୁ ସବୁଦିନରୁ ବିସଇ ଚିନ୍ତା କରସି । କାଇକେ ବଇଲେ ତାର୍
 ମୁନୁସ୍କେ ସାର୍ଦା କରବାକେ ସେ ବାବ୍ତେ ରଇସି । ୩୫ ଏ କାତା ମୁଇ
 ତମ୍ବକେ ନିଜରୁ ମଢ଼ୁଲରୁ ପାଇ କଇଲିନି । ତମ୍ବକେ ଆଦେସ୍ ମାନ୍ବାକେ
 ଦେଇ ନାଇ ମାତରୁ ତମେ ଜେନ୍ତିକି ସତ୍ ବାବେ ଚଲାଚଲ୍ତି କରି ଏନେତେନେ
 ଚିନ୍ତା ନ ଅଇକରି ପୁରାପୁରୁନ୍ ବାବେ ମାପୁରୁକେ ସରପି ଅଇବାକେ କଇଲିନି
 । ୩୬ କନିଆ ମାଢ଼ୁନି ଅଇଲାପତେ ଜଦି ଜନ୍ ମନସ୍ ତାର୍ ମାଢ଼ୁଲା ମାଇଜି
 ସତ୍ଟ ଟିକ୍ସତ୍ଟ ଚଲାଚଲ୍ତି କରି ନାପାରୁଲାନି ଆରି ତାର୍ ଲାଲ୍ସା ସେ କନିଆ
 ଉପରେ ବଡ଼ିଗାଲାନି, । ତାର୍ ଇସାବେ ବିବା ଅଇବାର୍ ଆତେ ଆକା ବଇଲେ,
 ସେ ବିବା ଅଇ ପାରେ । ଏଟାର୍ପାଇ କାଇ ପାପ୍ ନାଇ । ୩୭ ମାତରୁ ସେ
 ଜଦି କାର୍ ବାଦିଅ ନ ଅଇ ତାର୍ ମନ୍ ତାଟ୍ କରି ଟିକ୍କଲେ, ଆରି ତାର୍ ମନ୍
 କଲାଟା ପୁରାପୁରୁନ୍ ଦାରି ରକିପାରୁଲେ, ସେ ତିଶ୍ଟା ଟକିକେ ବିବା ନ କଲେ
 ନିକ । ୩୮ ତେବେ ଜାକେ ତିଶ୍ଟା ଟକିର୍ ମାଢ଼ୁନି ଅଇଲା ଆତେ, ସେ ଟିକ୍
 କାମ୍ କଲାନି, ମାତରୁ ଜେ ବିବା ନ ଅଏ, ସେ ତାର୍ ତେଇଅନି ଅଦିକ୍ ନିମାନ୍
 କାମ୍ କଲାନି । ୩୯ ମୁନୁସ୍ ଜିବନ୍ ରଇବା ଜାକ, ମାଇଜି ବାନ୍ତି ଅଇରଇସି
 । ଜଦି ମୁନୁସ୍ ମରିଜାଇସି, ତେବେ ମାଇଜି ମାପୁରୁକେ ବିସ୍ବାସ୍ କରବା
 ଲକ୍ବକେ, କାକେ ମିସା ବିବା ଅଇପାରସି । ୪୦ ମୁଇ ବାବ୍ଲିନି ସେ ବିବା ନ
 ଅଇ ସେନ୍ତିସେ ରଇଲେ ଅଦିକ୍ ସୁକ୍ ମିଲ୍ସି । ଆରି ଏଟା ପରମେସରରୁ
 ସୁକଲ୍ ଆତ୍ମାର୍ ମନ୍ କଲାଟା ବଲି ମୁଇ ବାବ୍ଲିନି ।

୮ ଏବେ ମୁଇ ଦେବିଦେବ୍ତାମନ୍କେ ପୁଜୁଲା ମାଉଁସ୍ ବିସଇନେଇ ଲେକ୍ଲିନି
 । ଏଟା ସତ୍ ଜେ ଆମ୍ବକେସେ ବୁଦି ଆତେ ବଲି ତମେ ଜନ୍ଟା କଇଲାସିନି,
 ସେଟା ଆମେ ଜାନିଆରୁ । ସେନ୍ତା ଗଟେକ୍ ଲକ୍ବକେ ଆଁକାର୍ ଜନମ୍ କରାଇସି ।
 ମାତରୁ ଆଲାଦ୍ ଆମାର୍ ବିସ୍ବାସ୍କେ ତାଟ୍ କରାଇସି । ୨ ଜନ୍ ଲକ୍, ଏ ବିସଇ
 ମୁଇ ଅଲପ୍ ଜାନିଆତିବଲି ବାବ୍ସି, ସେ ସତଇସେ ଜାଇଟା ଜାନ୍ବା ଦର୍କାର୍,
 ସେଟା ଜାନେ ନାଇ । ୩ ମାତରୁ ଜନ୍ଲକ୍ ଜଦି ପରମେସର୍କେ ଆଲାଦ୍
 କଲାନି, ତାକେ ପରମେସର୍ ଜାନେ । ୪ ତେବେ ଦେବିଦେବ୍ତାମନ୍କେ
 ପୁଜୁଲା ମାଉଁସ୍ ବିସଇ ଜାନିଆରୁ ଜେ, ଏ ଜଗତେ ଦେବି ଦେବ୍ତା ବଲି କାଇଟା

ନାଇ । ଆମର ପର୍ଯ୍ୟେସର୍କେ ଚାଡ଼ିଦେଲେ ଆରି କେ ମିସା ପର୍ଯ୍ୟେସର୍କେ
 ନାଇ । ୫ କାଇକେବଇଲେ ସରଗ୍ ପୁରେ ଅ କି ମର୍ପୁରେ ଅ ଜନ୍‌ଟାମନ୍‌କେ
 ଦେବିଦେବ୍‌ତା ବଲି କଇଲାଇନି, ଏଲେ ମିସା ସେମନ୍ ରଇପାରତ୍ । ଏନ୍ତି
 କେତେକ୍ କେତେକ୍ ଦେବ୍‌ତା ଆରି ମାପ୍‌ରୁ ଆତତ୍ । ୬ ସେମନ୍ ରଇଲେ
 ମିସା ଆମର୍ ଗଟେକ୍ ଆକା ବାବା ପର୍ଯ୍ୟେସର୍କେ, ଜନ୍ ବାବା କି ସବୁ ତିଆର୍
 କଲାଆତେ, ଆରି ଆମେ ତାର୍ ଲାଗି ବର୍‌ଲୁନି, ମାତର୍ ଗଟେକ୍ ବଲି
 ମାପ୍‌ରୁ ଜିସୁ କିରିସ୍‌ଟ, ତାର୍ ଲାଗି ସବୁ ବିସଇ ଅଇଆତେ, ଆରି ତାର୍
 ଲାଗି ଆମେ ବର୍‌ଲୁନି । ୭ ଏଲେ ମିସା ଏ ସତ୍ ଗିଆନ୍ ସବୁଲକ୍ ନାଜାନତ୍
 । ମାତର୍ କେତେଲକ୍ ଆଗେଅନି ଦେବି ଦେବ୍‌ତା ଆତତ୍ ବଲି ବାବିକରି
 ସେମନ୍‌କେ ପୁଜା କରି ଆଇଲାଇନି । ସେମନ୍‌ର ବିସ୍‌ବାସ୍ ତାଟ୍ ନାଇଜେ
 ଦେବିଦେବ୍‌ତାମନ୍‌କେ ପୁଜୁଲାଟା କାଇଲେସରି ସେମନ୍ ସୁକଲ୍ ଅଇବାର୍
 ନଏ ବଲି ବାବ୍‌ଲାଇନି । ୮ ମାତର୍ କାଦି କାଇବାଟା, ପର୍ଯ୍ୟେସର୍କେନେଅନି
 ଆମ୍‌କେ ବିନେ ନ କରେ । ଆମେ କାଇଲେ କାଇ ଲାବ୍ ନଏ, କି ନ କାଇଲେ
 ମିସା କାଇଟା ନ ଜାଏ । ୯ ମାତର୍ କାଇଟା କାଇଲାସ୍‌ନି ସେ ବିସଇନେଇ
 ଜାଗ୍‌ରତ୍ ରୁଆ । ତମେ ଜନ୍‌ଟା କାଇଲାର୍ ଲାଗି ତମର୍ ଜନ୍ ବାଇର୍
 ବିସ୍‌ବାସ୍ ତାଟ୍ ନାଇ, ସେ ତମର୍‌ଲାଗି ପାପ୍ କର୍‌ବାର୍ ନାଇ । ୧୦ କାଇକେ
 ବଇଲେ, ତମେ ଗଟେକ୍ ବୁଦି ରଇଲା ଲକ୍ । ପୁଜୁଲାଟା କାଇଲେ କାଇଟା
 ନଏ ବଲି ଜାନାସ୍ । ଜଦି ମନ୍ ବିତ୍‌ରେ ବିସ୍‌ବାସେ ତାଟ୍ ନଇଲା ତମର୍
 ଗଟେକ୍ ବାଇ, ସେ ତମ୍‌କେ ମନ୍ତ୍ରେ କାଇବାଟା ଦେକ୍‌ଲେ, ତାକେ ମିସା
 ପୁଜୁଲାଟା କାଇବାକେ ମନ୍ ଲାଗ୍‌ସି । ୧୧ ତେବେ ସେ ବାଇ ନସ୍‌ଟ ଅଇଲାନି,
 କାଇକେବଇଲେ ପୁଜୁଲାଟା କାଇଲାକେ ପାପ୍ କଲିନି ବଲି ସେ ବାବ୍‌ସି ।
 କିରିସ୍‌ଟ ସେ ବାଇର୍‌ପାଇ ମଲାଆତେ ବଲି ମିସା ତମର୍ ମନେ ରଇବାର୍
 ଆତେ । ୧୨ ଏନ୍ତାରି ତମେ ସଜ୍ଜୁର୍ ବିସ୍‌ବାସି ବାଇମନ୍‌ର ବିରୁଦେ ପାପ୍
 କଲାସ୍‌ନି ଆରି ତାକର୍ ବୁଜ୍‌ବା ବପୁ ଉନାଟାକେ, ବାଦା ଦେଇ ମାପ୍‌ରୁ ଜିସୁର୍
 ବିରୁଦେ ମିସା ପାପ୍ କଲାସ୍‌ନି । ୧୩ ତେବେ ମୁଇ ପୁଜୁଲା ମାଉଁସ୍ କାଇଲାର୍
 ଲାଗି ମର୍ ବାଇବଇନିମନ୍‌କେ ପାପ୍ କରାଇଲିନି ବଇଲେ, ମୁଇ କେବେ ମିସା
 ସେଟା ନ କାଇ । କାଇକେବଇଲେ ସେଟାର୍‌ଲାଗି ମର୍ ବାଇବଇନିମନ୍ ପାପେ
 ନ ପଡ୍‌ତ୍ । (aiōn g165)

୯ ମରୁ ଜାଇଟା ମନ୍ କଲାଟା, ସେଟା କାଇ କରିନାପାରି କି? ମୁଇ କାଇ ଗଟେକ୍ ପେରିତ୍ ନଇ କି? ମୁଇ କାଇ ଆମର୍ ମାପୁରୁ ଜିସୁର୍ ଦରସନ୍ ପାଇ ନାଇ କି? ତମେ ସବୁ ମୁଇ ମାପୁରୁ ପାଇ କରିରଇବା କାମର୍ ଲାଗି ବିସ୍ବାସ୍ କଲାସ୍ ନାଇ କି? **୨** ଜଦି ମକେ ବିନ୍ ଲକ୍ମନ୍ ଗଟେକ୍ ପେରିତ୍ ବଲି ନ ନାମ୍ଲେ ମିସା, ତମେ ମକେ ସତ୍ ଇସାବେ ନାମି ଆଟାସ୍ । କାଇକେବଇଲେ ମାପୁରୁ ସତ୍ତ୍ୱ ତମର୍ ଜିବନ୍ ମିସ୍ଲାର୍ ଲାଗି, ମର୍ ପେରିତ୍ ପଦର୍ ସାକି ଆଟାସ୍ । **୩** ତମେ ଗଟେକ୍ ପେରିତ୍ କି? ବଲି ମକେ ପରସନ୍ କରବା ଲକ୍ମନ୍କେ ମୁଇ ଏ କାତା କଇବି । **୪** ଆମେ ମାପୁରୁ ଜିସୁର୍ ପେରିତ୍ ମନ୍ । ତାର୍ କାମର୍ ଲାଗି, କାଇବାଟା କି ପିଇବାଟା ମିଲ୍ଲେ, ସେଟା ନେବାର୍ ମର୍ ଅଦିକାର୍ ନାଇ କି? **୫** ଅଲ୍ଗା ପେରିତ୍ମନର୍ ପାରା, ପିତର୍ ଆରି ଆମର୍ ମାପୁରୁ ଜିସୁର୍ ବାଇମନର୍ ପାରା, ବିସ୍ବାସ୍ କରିରଇବା ମାଇଜିକେ ବିବା ଅଇକରି ତାକେ ମର୍ ସତ୍ତ୍ୱ ନେବାକେ କାଇ ମର୍ ଅଦିକାର୍ ନାଇ କି? **୬** ଅବ୍କା ଜିଇବା କାଇବାକେ ମୁଇ ଆରି ବରନବା ଆବତ୍ କାମ୍ କର୍ତେ ରଇରୁ କି? **୭** ବାବିଦେକା, ଗଟେକ୍ ସଇନ ଜୁଇଦେ ରଇଲାବେଲେ ନିଜେ କର୍ତ କରି କେବେ କାମ୍ କରିପାରେ କି? ନାଇ, ନାପାରେ । କି ଗଟେକ୍ ଚାସି ତାର୍ କେତେ ଅନି ଅଇଲା ପସଲ୍, ତାର୍ କାଇବାର୍ ଅଦିକାର୍ ନାଇ କି? ଆରି କେ ଗରୁଗାଇ ପସିରଇକରି ସେମନର୍ ଦୁଦ୍ ନ କାଅତ୍ କି? **୮** ମୁଇ କାଇ ଏଟା ମୁନ୍ସ୍ ଇସାବେ କଇଲିନି କି? ନିୟମେ ଏଟା ଲେକା ଅଏ ନାଇ କି? **୯** ସେ ନିୟମେ ଏନ୍ତାରି ଲେକା ଅଇଆତେ । ଦାନ୍ ଗାନାଇ ବୁଲ୍ତେ ରଇବା ବଲଦର୍ ତମ୍ନାଇ ବାନ୍ତୁନାଇ । ଜେନ୍ତି କି ସେ ଅଲପ୍ ଅଲପ୍ କାଇତେରଇସି । ଏ ନିୟମ୍ ଲେକ୍ଲାବେଲେ ପର୍ମେସର୍ କାଇ ଏ ବଲଦ୍ମନର୍ ବିସଇସେ ଚିନ୍ତା କର୍ତେରଇଲା କି? **୧୦** ଏଟା ଆମର୍ ପାଇ ଲେକା ଅଇଲାଆତେ । ଜେନ୍ତିକି ଜନ୍ ଲକ୍ମନ୍ କସ୍ବାତେଇ ଆରି କାଟ୍ବାତେଇ ମିସ୍ଲାଇ ଆତର୍, ସେମନ୍କେ ତେଇର୍ ପସଲ୍ଟାନେ ବାଗ୍ ମିଲ୍ସି ବଲି ଆସା କରି କାମ୍ କର୍ବାଇ । **୧୧** ଆମେ ତମର୍ ବିତ୍ରେ ଆତ୍ମାର୍ ମୁଞ୍ଚି ବୁନ୍ଲୁ ଆରୁ । ସେଟାର୍ ପାଇ ତମର୍ଟାନେ ଅନି କାଇ ଜଗତର୍ ପସଲ୍ ପାଇବାକେ ମନ୍ କର୍ବାଟା, ଗଟେକ୍ କାରାପ୍ କାତା କି? **୧୨** ତମର୍ ଟାନେଅନି ଏଟା ଆସା କର୍ବାକେ ଜଦି ବିନ୍ ଲକ୍ମନ୍ ଅଦିକାର୍ ଆତେ, ସେନ୍ତି ବଇଲେ ତାକର୍ଟାନେଅନି ଆମର୍ ଅଦିକାର୍ ବେସି ନଏଁ କି? ଏଲେ ମିସା ସେ ଅଦିକାର୍ ଆମେ ବେବାର୍

କରୁନାହିଁ, ମାତ୍ର କିରିସ୍ତର ସୁଦ୍ଧାକବରକ କାଳମିଆ ଅସୁବିଦା ନ ଆସ
 ବଲି ଆମେ ସବୁ ରକାମର କସ୍ତ ମୁରତି କରି ରଇଲୁନି । ୧୩ ଜନ୍
 ଲକ୍ଷ୍ମୀ ମନୁରେ ସେବା କଲାଜନି, ସେମନ୍ ମନୁରେ ଅନି କାଦି ପାଇବାଇ ।
 ଆରି ଜେ ସବୁଦିନେ ବେଦିଟାନେ ବଲି ଦେଲାଜନି, ସେମନ୍ ବେଦିଟାନେ
 ବଲିକଲା ବାଟାଇ ମିସବାଇ, ଏଟା ତମେ ଜାନିଆଟାସ୍ । ୧୪ ସୁସମାଚାର
 ଜାନାଇବା ଲକ୍, ତେଇଅନି ଜିଉନା କାଉନା କରା ବଲି ମାପୁରୁ ଆଦେସ୍
 ଦେଲାଆଟେ । ୧୫ ମାତ୍ର ମୁଇ ଏନ୍ତାରି କାଳମିଆ ଅଦିକାର୍ ମାଞ୍ଜିନାଇ,
 ଏ ବିସଇ ଦାବି କରବାକେ ମୁଇ ଲେକିନାଇ । ତମରଟାନେଅନି ମାଞ୍ଜିବା
 ବାଦୁଲେ ମୁଇ ମରିଜିବି ସିନା, ନ ମାଞ୍ଜି । କାଲକେବଇଲେ ମୁଇ ତମରଟାନେ
 କାଇଟା ନ ମାଞ୍ଜିତେ କାମ୍ କଲି, ବଲି ବଡ଼ପନ୍ ଅଇବି । ୧୬ ସୁଦ୍ଧାକବର
 ସୁନାଇଲିନି ବଲି ମର ବଡ଼ପନ୍ ଅଇବା ଅଦିକାର୍ ନାଇ, କାଲକେବଇଲେ
 ଏଟା ମକେ ତିଆରିରଇବା କାମ୍ । ଜଦି ମୁଇ ସୁଦ୍ଧାକବର ନ ଜାନାଇଲେ
 ମକେ ବଡ଼ ତଣ୍ଡୁ ମିଲୁସି । ୧୭ ଏଟା ଜଦି ମୁଇ ନିଜର ମନ୍ କଲା ଇସାବେ
 କଲେ, କୁଲି ପାଇବାକେ ମର ଅଦିକାର୍ ରଇଟା । ମାତ୍ର ପରମେସର
 ମକେ ଏ କାମ୍ ସରପି ଦେଲାକେ, ମୁଇ ଏଟା କଲିନି । ୧୮ ସେନ୍ତାରିଆଲେ
 ମକେ କେତେକ୍ କୁଲି ମିଲୁଲାନି? ମର କରଟା ପାଇ ମାଞ୍ଜିବାକେ ମର ଦାବି
 ରଇଲେ ମିସା, ମୁଇ କୁଲି ନ ପାଇତେ ସୁଦ୍ଧାକବର ଜାନାଇଲିନି । ସୁଦ୍ଧାକବର
 ଜାନାଇବାକେ ଜନ୍ ଅଦିକାର୍ ମୁଇ ପାଇ ଆତି, ସେଟାସେ ମର କୁଲି ।
 ୧୯ ଏଟାରପାଇ ମୁଇ କାର୍ ତଲିଆ ନାଇ କି କାର୍ ଗତିଦାଞ୍ଜୁଡା ନାଇ ।
 ଅଇଲେ ମିସା କେତେକ୍ କେତେକ୍ ଲକ୍କେ କିରିସ୍ତରତେଇ ଆନ୍ବାକେ
 ମୁଇ ସବୁଲକର ଗତିଦାଞ୍ଜୁଡା ଅଇଆତି । ୨୦ ମୁଇ ଜିଉଦି ଲକ୍ଷ୍ମୀକେ
 ପାଇବାକେ, ତାକର ପାରା ଚଲାଚଲ୍ତି କଲିନି, ଜେନ୍ତିକି ମୁଇ ସେମନ୍କେ
 କିରିସ୍ତର ବାଟେ ଆନିପାରୁବି । ମୁଇ ଜଦି ମସାର ନିୟମର ତଲିଆର୍
 ନ ଅଇରଇଲେ ମିସା, ସେମନ୍କେ କିରିସ୍ତର ବାଟେ ଆନ୍ବାକେ, ନିୟମ୍
 ମାନ୍ବା ଲକର ପାରା ଚଲାଚଲ୍ତି କଲିନି । ୨୧ ସେନ୍ତାରିସେ ଜିଉଦି ନ
 ଅଇଲା ଲକ୍ଷ୍ମୀମର ସଞ୍ଜ ରଇଲାବେଲେ, ମୁଇ ଜିଉଦି ନିୟମ୍ ମାନି ନାଇ
 । ସେ ବେଲେ ମୁଇ ଜିଉଦି ନ ଅଇଲା ଲକର ପାରା ଚଲାଚଲ୍ତି କରୁବି
 । ଜେନ୍ତିକି ସେମନ୍କେ କିରିସ୍ତର ବାଟେ ଆନିପାରୁବି । ଏଟାର ଅରଡ଼
 ନଏଁ ଜେ ମୁଇ ପରମେସର ନିୟମ୍ ମାନି ନାଇ । କାଲକେବଇଲେ ମୁଇ

କିରିସ୍ତର୍ ନିୟମର ତଳେ ଆତି । ୨୨ ଜେଡେବେଲେ ମୁଇ ବିସ୍ବାସେ
 ଦୁର୍ବଲ୍ ଲକର ସଞ୍ଜ ରଇବି, ତାକର୍ପାରା ଦୁର୍ବଲ୍ ଅଇବି । ଜେନ୍ତିକି
 ସେନ୍ତିଅଇକରି ସେମନ୍‌କେ କିରିସ୍ତର୍ ବାଟେ ଆନି ପାର୍ବି । ସେଟାର୍‌ପାଇ
 ମୁଇ ବିନ୍ ବିନ୍ ଲକରଟାନେ ବିନ୍ ବିନ୍ ରକାମ୍ ଅଇରଇଲି । କେନ୍ତିକରି ମିସା
 ମୁଇ ସେମନ୍‌କେ ରକିଆ କର୍ବି । ୨୩ କିରିସ୍ତର୍ ସୁବକବର୍ ସବୁବାଟେ
 ଜାନାଇବାକେ ଆରି ତାର୍ ଆସିର୍ବାଦ୍ ପାଇବାକେ ମୁଇ ସବୁଟା କଲିନି ।
 ୨୪ ଆରାଜିତା ଟାନେ ପାଲାଇବା ଲକ୍ ବେସି ଆତର୍, ଏଟା ସର୍ । ମାତର୍
 ଗଟେକ୍ ଲକ୍‌କେସେ ପୁରୁସ୍‌କାର୍ ମିଲ୍‌ସି । ଏଟା ତମେ ଜାନିଆଟାସ୍ । ତମେ
 ମିସା ପୁରୁସ୍‌କାର୍ ପାଇଲା ପାରା ପାଲାଆ । ୨୫ ଜେ ପାଲାଇବାଟାନେ ବାଗ୍
 ନେଇସି, ସେ ଅବିଆସ୍ କରି, ତାର୍ ଗାଗଡ୍ ଡାକ୍ କରିରଇସି । ଆରି ସେ
 ଦାପେ ନସିଜିବା ପୁରୁସ୍‌କାର୍ ମିଲାଇବାକେ ସେଟା କର୍ସି । ମାତର୍ ଆମେ,
 କେବେ ମିସା ନ ନସ୍‌ବା ପୁରୁସ୍‌କାର୍ ପାଇବାକେ, ସେଟା କଲୁନି । ୨୬
 ମୁଇ ଏନେତେନେ ନ ଦେକି ସାରାସାରି କେଟ୍‌ବାଟାନେ ପାଲାଇବା ଲକର
 ପାରା ଆତି । ମୁଇ ଗଟେକ୍ ବିଦା ସଞ୍ଜ ଜୁଇଦ୍ କର୍ବା ଲକରପାରା, ଜେକି
 ତାର୍ ବିଦା ମାର୍‌ଲେ ପାଇସି ଆକା । ୨୭ ମୁଇ କସ୍‌ଟ ମୁର୍ଚିକରି ଗାଗଡ୍
 ମେଲା ଚାଡିନାଇ । କାଇକେ ବଇଲେ ବିନ୍ ଲକ୍‌ମନର୍ ଲଗେ ସୁବକବର୍
 ଜାନାଇରଇଲେ ମିସା ମକେ ଜେନ୍ତିକି ନାଇବଲିକରି ନ କଅର୍ ।

୧୦ ଏ ମର୍ ବାଇବଇନିମନ୍, ଆମର୍ ଆନିଦାଦିମନ୍, ଜନ୍ ଲକ୍‌ମନ୍ ମସାର୍
 ବାଟେ ଜାଇତେରଇଲାଇ, ସେମନ୍‌କେ କାଇଟା ଅଇଲା ଏତାଇ ଦେକା ।
 ସେମନ୍ ସବୁ ଲକ୍ ବାଦଲ୍ ତଳେ ରଇ ରକିଆ ପାଇତେରଇଲାଇ । ଆରି
 ରଞ୍ଜ ସମ୍‌ଦୁରେ ନ ବୁଡ୍‌ତେ ଇଣ୍ଟି ଇଣ୍ଟି ଲଞ୍ଜୁଲାଇ । ୨ ସେମନ୍ ସବୁ ବାଦ୍‌ଲେ
 ଆରି ସମ୍‌ଦୁରେ ଡୁବନ୍ ନେଲାଇ । ମସାର୍ ସିସ୍‌ମନ୍ ବଲି ସେମନ୍‌କେ
 ଗଟେକ୍ ଚିନ୍ ରଇଲା । ୩ ଆରି ସବୁଲକ୍ ପର୍‌ମେସର୍ ଜାଗାଇ ରଇବା କାଦି
 କାଇଲାଇ, ୪ ଆରି ସେ ପାକ୍‌ନାଇ ଅନି ଆଇବା ପାନି କାଇଲାଇ । ସେ
 ପାକ୍‌ନା ଅଇଲାନି କିରିସ୍ତ । ୫ ଏଲେମିସା ସେମନ୍‌ର୍ ବିର୍‌ରେ ଅନି ବେସି
 ଲକ୍‌କେ ପର୍‌ମେସର୍‌ର୍ ସାର୍‌ଦା ନ ରଇଲା । ସେଟାର୍ ପାଇ ସେମନ୍ ମରୁବାଲି
 ବୁର୍‌ ମଲାଇ । ୬ ସେମନ୍ ଜନ୍ ରକାମ୍ ଆସାର୍ ବିସଇର୍ ପାଇ ଲାଲ୍‌ସା ଅଇ
 ରଇଲାଇ, ଆମେ ମିସା ସେ ରକାମ୍ ଲାଲ୍‌ସା ନ ଅଇ । ସେଟାର୍‌ପାଇ ଏ
 ସବୁ ଗର୍‌ଲା ବିସଇ ଆମର୍‌ପାଇ ଲେକାଅଇଆଟେ । ୭ ଜେନ୍ତିକି ସେମନ୍‌ର୍

ବିତ୍ରେ ଅନି କେତେଲକ୍ ପୁତ୍ତା ପୁଜା କର୍ବାର୍ ଦାର୍ଲାଲ, ତମେ ସେନ୍ତାରି
 ପୁତ୍ତା ପୁଜା କର୍ବାଟା, ଆରାମ୍ କରା ନାଲ । ସାସ୍ତରେ ଲେକା ଅଇଆତେ,
 ଜେନ୍ତିକି ଲକ୍ମନ୍ ପୁଜାକଲାଟା କାଇବାକେ ବସିରଇଲାଲ ଆରି ମଦ୍ କାଇକରି
 ବେବିଚାର୍ କର୍ବାର୍ ଦାର୍ଲାଲ । ୮ ଜେନ୍ତିକି ସେମନର୍ ବିତ୍ରେ କେତେଲକ୍
 ବେସିଆ କାମ୍କରି ଗଟେକ୍ ଦିନେ କଡେ ତିନ୍ ଅଜାର୍ ଲକ୍ ପର୍ମେସରର୍
 ତଣ୍ଟୁ ପାଇକରି ମରିଗାଲାଲ । ସେନ୍ତାରି ଆମେ ବେସିଆ କାମ୍ ନ କରୁ । ୯
 ସେନ୍ତିସେ ସେମନର୍ ବିତ୍ରେ କେତେଲକ୍ ମାପ୍ତୁକେ ପରିକା କଲାଲ ଆରି
 ବିସ୍ ରଇବା ସାଁପ୍ ଟକାଇ ଅଇକରି ମଲାଲ । ସେନ୍ତାରି ଆମେ ମାପ୍ତୁକେ
 ପରିକା ନ କରୁ । ୧୦ ସେମନ୍ ଜେନ୍ତିକି ପର୍ମେସରର୍ ବିରୁଦେ ତାକର୍
 ତାକର୍ ବିତ୍ରେ ଦଦାପେଲା ଅଇକରି, କୁରୁପ୍ ନାସ୍ କର୍ବା ଦୁତର୍ଲାଗି
 ମରିଆଜିଗାଲାଲ । ତମେ ସେନ୍ତାରି ଦଦାପେଲା ଉଆନାଲ । ୧୧ ସବୁ
 ଲକ୍ପାଲ ଏ ସବୁ ଗଟ୍ନା ଗଟ୍ଲା । ଆରି ଆମ୍କେ ଚେଟ୍ନା ପାଇବାକେ
 ସେଟା ସବୁ ଲେକାଅଇଆତେ । କାଇକେବଇଲେ ଏ ଜଗତର୍ ସାରାସାରି
 ବେଲା ଆସି କେଟ୍ଲା ଆତେ । (aiōn g165) ୧୨ ସେଟାର୍ପାଇ ଜେ ମୁଇ ନିଜେ
 ତାଟ୍ ଆତି ବଲି ମନେ ମନେ ଏତାଇସି, ସେ ବିସ୍ବାସେ ଅନି ବିନ୍ବାଟେ ନ
 ଜାଆ, ସେଟାର୍ପାଇ ଜାଗ୍ତର୍ ରୁଆ । ୧୩ ଆମ୍କେ ପରିକା ଜାଇ ପରିକା
 ଆଇସି, ସେଟା ନୁଆ ବିସଇ ନଏ । କାଇକେବଇଲେ ସବୁବେଲେ ଏନ୍ତାରି
 ଲକ୍ମନ୍କେ ପରିକା ଆଇତେରଇସି । ମାତର୍ ପର୍ମେସର୍ ତାର୍ କାତାଇ
 ତାଟ୍ ଆତେ । ଆମ୍କେ ମୁର୍ଚି ନାପାର୍ଲା ପାରା ପରିକା ଅଇବାକେ ସେ
 ନ ଦେଏ । ପରିକା ଆଇବାବେଲେ ସେ ଆମ୍କେ ବପୁ ମିସା ଦେଇସି ଆରି
 ତେଇ ଅନି ରକିଆ ପାଇବା ବାଟ୍ ଦେକାଇସି । ୧୪ ସେଟାର୍ ପାଇ ଏ ମର୍
 ଆଲାଦର୍ ବାଇବଇନିମନ୍, ପୁତ୍ତା ପୁଜା କର୍ବା ଟାନେଅନି ଦୁରିକେ ଉଟିଜା
 । ୧୫ ମୁଇ ବୁଦି ରଇଲା ଲକ୍ମନ୍କେ କଇଲା ପାରା କଇଲିନି । ମୁଇ କାଜା
 କଇଲିନି ସେଟା ତମେ ବିଚାର୍ କରା । ୧୬ ଜେଡେବେଲେ ଆମେ ମାପ୍ତୁର୍
 କାଦିର୍ପାଇ ରୁଣ୍ଟୁ ଜନ୍ ମୁତାଇଅନି ଆମେ କାଇବୁ, ସେ ମୁତାର୍ପାଇ ଆମେ
 ପର୍ମେସର୍କେ ଦନିଅବାଦ୍ ଦେଲୁନି । ସେ ମୁତାଇଅନି କାଇଲାବେଲେ
 ଆମେ କିରିସ୍ଟର୍ ବନିତେଇ ମିସ୍ଲୁନି । ଜନ୍ ରୁଟିଆମେ ବାଢ୍ଫାଇବୁ, ସେଟା
 କାଇଲାବେଲେ କିରିସ୍ଟର୍ ଗାଗ୍ଡେ ମିସ୍ଲୁନି । ୧୭ କାଇକେବଇଲେ ରୁଟି
 ଗଟେକ୍ ଅଇଲେ ମିସା ଆମେ ବୁଡେକ୍ ଲକ୍ ଆରୁ । ସେ ଗଟେକ୍ ରୁଟି ଆମେ

ମିସିକରି କାଇବାବେଳେ ଗଟେକ୍ ଗାଗଡ୍ ଅଇଗାଲୁନି । ୧୮ ଜିଉଦି ମନର୍ ବିସଇ ବାବିଦେକା । ଜନ୍ ଲକ୍ମନ୍ ପୁଜାକଲା ମାଉଁସ୍ କାଇଲାଇନି, ସେମନ୍ କାଇ ବେଦିଲଗେ ଉପାସନା କଲାବେଳେ ନ ମିସତ୍? ୧୯ ଏଟାର୍ପାଇ ମୁଇ କଇଲିନି ଜେ, ଦେବ୍ତାମନର୍ ବଲି କଲା ପର୍ସାଦ୍ କାଇଟା ନାଇ କି ପୁତ୍ଲା ବଲି କାଇଟା ନାଇ । ୨୦ ପୁତ୍ଲାକେ ପୁଜା କରୁମନ୍ ସେମନ୍ ଜନ୍ ଜନ୍ଟା ବଲି ଇସାବେ ସର୍ପି ଦେଲାଇନି, ସେସବୁ ପର୍ମେସର୍କେ ନ ସର୍ପାଇ କରି ତୁମାମନ୍କେ ସରପୁଲାଇନି । ସେଟାର୍ପାଇ, ତମେ ତୁମାମନର୍ ପୁଜାଟାନେ ମିସା ନାଇ । ୨୧ ତମେ ଜଦି ମାପ୍ପୁର୍ କାଦିଟାନେ ମିସିଆଟାସ୍, ସେନ୍ଦ୍ରାଆଲେ ତୁମାମନ୍କେ ପୁଜିରଇବା କାଦି ତମେ କାଇବାର୍ ନାଇ । ୨୨ ଜଦି ମାପ୍ପୁ ଆମର୍ ଉପ୍ରେ ରିସା ଅଇଲେ, ତାର୍ ତଣ୍ଟେଅନି ଆମେ ରକିଆ ପାଇ ନାପାରୁ । କାଇ ମାପ୍ପୁର୍ ଟାନେଅନି ଆମେ ଅଦିକ୍ ବପୁ ଆରୁକି? ୨୩ ସବୁ ବିସଇ କର୍ବାକେ ଆମର୍ ଅଦିକାର୍ ଆଟେ, ସେନ୍ଦ୍ର ସେମନ୍ କଇବାଇ, ସେଟା ସତ୍ । ମାତର୍ ମୁଇ କଇଲିନି ସବୁ ବିସଇ ଆମ୍ବେ ସାଇଜ ନ କରେ । ୨୪ କେ ମିସା ଅବ୍କା ନିଜର୍ ପାଇ କାଇଟା ନିକ ଅଇସି ବଲି ତିନ୍ତା ନ କରି, ନିଜର୍ ବଇମନର୍ ମଞ୍ଜୁଲ୍ ବିସଇ ମିସା ତିନ୍ତା କରା । ୨୫ ଆଟେ ବିକ୍ରି ଅଇବା ଜନ୍ ମାଉଁସ୍ ମିସା କାଇବାର୍ ତମର୍ ଅଦିକାର୍ ଆଟେ, ତମର୍ ବିବେକର୍ ପାଇ ଏଟା ପୁଜା କଲାଟା କି ନାଇ? ବଲି ନ ପାଚାରି କାଇଦିଆସ୍ । ୨୬ ଜେନ୍ଦ୍ରିକି ସାସ୍ତରେ ଲେକା ଅଇଲାପାରା ଏ ଗୁଲାଇ ଜଗତେ ରଇବାଟା ମାପ୍ପୁର୍ଟା । ୨୭ ଜଦି ବିସ୍ବାସ୍ ନ କଲା ଗଟେକ୍ ଲକ୍ ତମ୍ବେ ତାର୍ ଗରେ କାଇବାକେ ଡାକ୍ଲେ, ତମେ ଜିବାକେ ମନ୍ କର୍ସା ବଇଲେ ତେଇ ତମ୍ବେ ଜାଇଟା ଦେଲେ ମିସା ସେଟା କାଇଦିଆସ୍ । ମାତର୍ ତମର୍ ବିବେକର୍ ଲାଗି ଏଟା ପୁଜାକଲାଟା କି ନାଇ? ବଲି ପାଚାରା ନାଇ । ୨୮ ମାତର୍ କେମିସା ତମ୍ବେ ଏ କାଦି ପୁଜା କଲାଟା । ବଲି କଇଲେ, ସେଟା ନିଟା । ଜେନ୍ଦ୍ରିକି ସେ କଇଲାର୍ପାଇ ଆରି ତମର୍ ବିବେକର୍ପାଇ ସେଟା କାଆ ନାଇ । ୨୯ ସେଟା ତର୍ ବିବେକର୍ ପାଇ ନାଇ, ସେଟା କଇଲା ଲକର୍ ବିବେକର୍ ପାଇ । ବାଦିଅରେ କେ ମିସା ପାଚାରି ପାରତ୍, ଜଦି ଆମର୍ ମନ୍ କଲା ଇସାବେ କାଇଟା ମିସା କର୍ବାକେ ଅଦିକାର୍ ଆଟେ, ବିନ୍ ଲକର୍ ବିବେକର୍ ଲାଗି ମୁଇ କାଇକେ ନ କାଇ? ୩୦ ସେ କଇସି, “ଜଦି ମୁଇ ପର୍ମେସର୍କେ ଦନିଆବାଦ୍ ଦେଇ କାଇବି, ତେବେ ମର୍ ସଞ୍ଜୁର୍ ବିସ୍ବାସିମନ୍ ମକେ କାଇକେ ନିନ୍ତା

ଦେବାର୍ ଆଚେ?" ୩୧ ଡେବର୍ପାଇ ବାଡ଼ କା, କି ପାନି କା, କି ଜାଇଟା ମିସା କରା, ପର୍ମେସର୍ ଡାକ୍ପୁଟା ପାଇବାକେ ସବୁ କରା । ୩୨ ଜିଉଦି ଅ କି ଜିଉଦି ନ ଅଇଲା ଲକ୍ ଅ କି ତମର୍ ସଞ୍ଜୁର୍ ପର୍ମେସରର୍ ମଣ୍ଡୁଲିର୍ ବିସ୍ବାସି ଅ, କାକେ ମିସା ତମର୍ ଚଲାଚଲ୍ତି ଦେକି ନିନ୍ତା ପାଇବାକେ ଦିଆସ୍ନାଇ । ୩୩ ତମେ ମର୍ପାରା ଚଲାଚଲ୍ତି କରା, ମୁଇ ସବୁଲକର୍ ମଞ୍ଜୁଲ୍ ଅ ବଲି ଚେସ୍ଟା କଲିନି । ମୁଇ ମର୍ ନିଜର୍ ମଞ୍ଜୁଲ୍ ଅ, ବଲି ଚିନ୍ତା କରିନାଇ, ମାତର୍ ସବୁଲକର୍ ମଞ୍ଜୁଲ୍ ଅ ବଲି ଚିନ୍ତା କଲିନି । ଜେନ୍ତିକି ସେମନ୍ ସବୁଲକ୍ ରକିଆ ପାଇବାଇ ।

୧୧ ମୁଇ ଜେନ୍ତାରି ମାପ୍ପୁର୍ ପଚେ ପଚେ ଗାଲିନି, ତମେମନ୍ ମିସା ସେନ୍ତାରି ମର୍ ପଚେ ପଚେ ଆସା । ୨ ତମେ ସବୁ ବିସଇଟାନେ ମକେ ଏତାଇଲାସ୍ନି ଆରି ମୁଇ ତମକେ ଜନ୍ ସବୁ ବିଦିବିଦାନ୍ ସିକାଇଆତି, ସେ ସବୁ ମାନ୍ଲାସ୍ନି, ସେଟାର୍ ପାଇ ମୁଇ ତମକେ ଦନିଅବାଦ୍ ଦେଲିନି । ୩ କିରିସ୍ଟ ସବୁ ମୁନ୍ସୁ ପିଲାମନର୍ ନେତା, ଆରି ମୁନ୍ସୁ ମାଇଜିର୍ ନେତା, ଆରି ପର୍ମେସର୍ କିରିସ୍ଟର୍ ନେତା । ଏଟା ତମେ ଜାନିରୁଆ ବଲି ମୁଇ ମନ୍ କଲିନି । ୪ ଜେଡେବେଲେ ତମେ ମଣ୍ଡୁଲିଡେଇ ରୁଣ୍ଡୁସା, ତେଇ ଗଟେକ୍ ମୁନ୍ସୁ ପିଲା ପାର୍ତନା କଲାନି କି ପର୍ମେସରର୍ କାତା ଜାନାଇଲାନି, ସେ ତାର୍ ମୁଣ୍ଡୁ ଡାବ୍ବାର୍ ନାଇ । ସେନ୍ତାର୍ କଲେ ସେ କିରିସ୍ଟକେ ଲାଜ୍ କରାଇସି । ୫ ସେନ୍ତାରିସେ ଗଟେକ୍ ମାଇଜି ପାର୍ତନା କଲାନି, କି ପର୍ମେସରର୍ କାତା ଜାନାଇଲାନି, ସେ ତାର୍ ମୁଣ୍ଡୁ ଅତ୍ନା ପାକାଇବାର୍ ଆଚେ । ସେନ୍ତାର୍ ନ କଲେ ସେ ମୁନ୍ସୁକେ ଲାଜ୍ କରାଇସି । ସେ ଗଟେକ୍ ମୁଣ୍ଡୁରି ମାଇଜିର୍ ପାରା ରଇସି । ୬ କାଇକେବଇଲେ ସେ ମାଇଜି ଜଦି ଅତ୍ନା ନ ପାକାଏ, ତାର୍ ଚେଣ୍ଡି କାଟିଦେବାଟା ନିକ । ଗଟେକ୍ ମାଇଜି ଜଦି ତାର୍ ଚେଣ୍ଡି କାସ୍ସି କି ମୁଣ୍ଡୁ କୁରାଇସି, ସେଟା ତାର୍ ପାଇ ଲାଜର୍ ବିସଇ, ସେଟାର୍ପାଇ ସେ ମୁଣ୍ଡୁ ଅତ୍ନା ପାକାଇବାର୍ ଆଚେ । ୭ ମାତର୍ ଗଟେକ୍ ମୁନ୍ସୁ ପିଲା ପାର୍ତନା କଲାବେଲେ ତାର୍ ମୁଣ୍ଡୁ ଅତ୍ନା ପାକାଇବାର୍ ଦର୍କାର୍ ନାଇ । କାଇକେ ବଇଲେ ସେ ପର୍ମେସରର୍ ଚାଇଁ ଆରି ତାର୍ ଡାକ୍ପୁଟା ଦେକାଇସି । ଆରି ମାଇଜି ମୁନ୍ସୁର୍ ଡାକ୍ପୁଟା ଦେକାଇସି । ୮ କାଇକେବଇଲେ ମୁନ୍ସୁ ମାଇଜିର୍ ତେଇଅନି ତିଆର୍ ଅଏନାଇ, ମାତର୍ ମାଇଜି ମୁନ୍ସୁର୍ତେଇ ଅନି ତିଆର୍ ଅଇଆଚେ । ୯ ମନସ୍ ମାଇଜିର୍ ପାଇ ତିଆର୍ ଅଏନାଇ । ମାତର୍ ମାଇଜି ମୁନ୍ସୁର୍

ପାଇ ତିଆର୍ ଅଇଲାଆତେ । ୧୦ ସେଟାର୍ ପାଇ ମାଇଜିମନ୍ ମୁଣ୍ଡେ ଅତ୍ତନା
 ପାକାଇବାଟା ନିକ, ଜେନ୍ତିକି ସରଗର୍ ଦୁତ୍ତମନ୍ ମିସା ସେ ତାର୍ ମୁନୁସର୍
 ଅଦିକାରେ ଆତେ ବଲି ଜାନ୍‌ବାଇ । ୧୧ ମାତର୍ ଆମେ ବିସ୍‌ବାସିମନର୍‌ପାଇ
 ମାଇଜି ନଇତେ ମୁନୁସ୍ ରଇ ନାପାରେ କି ମୁନୁସ୍ ନଇତେ ମାଇଜି ରଇ
 ନାପାରେ । ୧୨ ମାଇଜି ମୁନୁସର୍ ଗାଗ୍‌ତେ ଅନି ଜାତ୍ ଅଇଲେମିସା, ମୁନୁସ୍
 ମିସା ମାଇଜି ଜନମ୍ ଦେଲାକେ ଜାତ୍ ଅଇଆତେ । ମାତର୍ ସବୁ ବିସଇ
 ପର୍ମେସର୍ ଟାନେଅନି ଜାତ୍ ଅଇଆତେ । ୧୩ କନ୍‌ଟା ନିକ ବଲି ତମେ ନିଜେ
 ନିଜେ ବିଚାର୍ କରା । ଜଦି ଗଟେକ୍ ମାଇଜି ମଣ୍ଡୁଲିତେଇ ସବୁର୍ ମୁଆଟେ
 ମୁଣ୍ଡେ ଅତ୍ତନା ନ ପାକାଇ ପାର୍‌ତନା କଲେ ସେଟା ସୁନ୍‌କ୍ କି? ନାଇ ସୁନ୍‌କ୍
 ନାଇ । ୧୪ ସେନ୍ତୁରିସେ ଜଗତର୍ ଜାନ୍‌ବା ବିସଇ ନେଇକରି ମୁନୁସ୍ ପିଲା ଜଦି
 ମାଇଜିମନର୍ ପାରା ଚେଣ୍ଟି ବଡାଇରଇଲେ ସେଟା ଲାଜର୍ କାତା । ୧୫ ମାତର୍
 ମାଇଜିଟକି ଚେଣ୍ଟି ବଡାଇଲେ ତାର୍‌ପାଇ ସୁନ୍‌କ୍ ବିସଇ । କାଇକେବଇଲେ
 ପର୍ମେସର୍ ତାର୍ ଡେଢ୍ଫୁ ଚେଣ୍ଟି ତାର୍ ମୁଣ୍ଡେ ଡାବି ଅଇବାକେ ଦେଲା ଆତେ ।
 ୧୬ ଜଦି ଏ ବିସଇନେଇ କେ ମିସା ମର୍ ଆଦେସ୍ ମାନ୍‌ବାକେ ମନ୍ ନ କରେ,
 ଆମେ କି ପର୍ମେସରର୍ ବିନ୍ ମଣ୍ଡୁଲିମନ୍‌କେ ମିସା ଏଟା ଚାଡି ଆରି କାଇ
 ଅବିଆସ୍ ନାଇ । ୧୭ ଆରି ଗଟେକ୍ ବିସଇ ମୁଇ କଇବାର୍ ଆତେ । ତମେ
 ଉପାସନା କର୍‌ବାକେ ରୁଣ୍ଡୁଲାବେଲେ ଗଟେକ୍ କର୍‌ବା ବିସଇ ମର୍ ମନ୍‌କେ
 ଜାଏନାଇ । କାଇକେବଇଲେ ତମେ ରୁଣ୍ଡୁଲାର୍ ଲାଗି ତମର୍ ବିସ୍‌ବାସ୍ ଡାଟ୍
 ଅଏନାଇ, ମାତର୍ ଦୁର୍‌ବଲ୍ ପାରା ଅଇଗାଲାନ୍ତି । ୧୮ ମୁଇ ସୁନିଆଡି ଜେ,
 ତମେ ଉପାସନା କର୍‌ବାକେ ରୁଣ୍ଡୁଲାବେଲେ ବାଗ୍ ବାଗ୍ ଅଇକରି ଗଟେକ୍
 ବାଟର୍ ଲକ୍ ଆରି ଗଟେକ୍ ବାଟର୍ ଲକ୍‌କେ ବିରଦ୍ କଲାସ୍‌ନି ଆରି ଏଟା
 ସଦ୍ ବଲି ମୁଇ ଜାନି । ୧୯ ତମର୍ ବିତ୍‌ରେ ଏନ୍ତୁରି ଅଇବାଟା ନିକ ।
 ଜେନ୍ତୁରି କି ତେଇଅନି ପରିକାଟାନେ ସିଦ୍ ଅଇଲା ଲକ୍‌ମନ୍ ବାରଇବାଇ
 । ୨୦ ଜେଡେବେଲେ ତମେ ମାପ୍‌ରୁର୍ କାଦି କାଇବାକେ ଗଟେକ୍ ଜାଗାଇ
 ଜମ୍‌ଲାସ୍‌ନି, ସେଟା ସତଇସେ ମାପ୍‌ରୁର୍ କାଦି ନଏ, ୨୧ କାଇକେ ବଇଲେ,
 ତମର୍ ବାଇମନର୍‌ପାଇ କାଇଟା ଚାଡାସ୍ ନାଇ । ଏଟାର୍‌ପାଇ କେତେଲକ୍
 ବୁକେ ଉଟିଗାଲାଜନି । ଆରି କେତେଲକ୍ ମାଡ୍‌ଲାସ୍‌ନି । ୨୨ ତମେ କାଇବାକେ
 କାଇ ନିଜର୍ ଗର୍ ନାଇ କି? ତମର୍ ଲାଗି ତମର୍ ଗରିବ୍ ବାଇମନ୍ ଲାଜ୍
 ଅଇଗାଲାଜନି । ଆରି ବାକି ବିସ୍‌ବାସିମନ୍‌କେ ଇଜଡ୍ ଜିକାଇଲାସ୍‌ନି । ଏ

ବିସଇ ଆରି ମୁଇ ତମ୍ବେ କାଇଟା ବଲି କଇବି? ଏନ୍ତାରି ଅ ବଲି କଇବି କି? ନାଇ, ନ କଇ । ୨୩ କାଇକେବଇଲେ ମାପ୍‌ରୁର୍ ସିକିଆ ପାଇଲି ଆତି, ସେଟାସେ ମୁଇ ତମ୍ବେ ସିକାଇଆତି । ଜନ୍ ରାତି ଆମର୍ ମାପ୍‌ରୁ ଜିସୁ ବିସ୍‌ବାସେ ବିସ୍ ଦେଲାପାରା ଅଇଲା, ସେ ରୁଟିନେଇ, ପର୍ମେସର୍‌କେ ଦନିଅବାଦ୍ ଦେଲା । ୨୪ ଏଟା ତମର୍ ପାଇ ବଲିଅଇରଇବା ମର୍ ଗାଗଡ୍, ମକେ ଏତାଇବାକେ ଏନ୍ତା କରା । ୨୫ ସେନ୍ତାରିସେ କାଇଲା ପତେ, ସେ ମୁତା ଦାରିକରି କଇଲା “ଏ ମୁତା ପର୍ମେସରର୍ ନୁଆ ରାଜିନାମା, ଜନ୍‌ଟା କି ମର୍ ନିଜର୍ ବନି ଦେଲାକେ, ଟିକ୍ ଅଇଲା ।” ୨୬ ଆମର୍ ମାପ୍‌ରୁ ଜିସୁ ବାଅଡ୍‌ବାଜାକ, ଜେଡ୍‌କିତର୍ ରୁଟି କାଇସା କି ଏ ମୁତାଇ ଅନି ତୁକ୍‌ସା, ତମେ ମାପ୍‌ରୁର୍ ମରନ୍ ବିସଇର୍ କବର୍ ଜାନାଇସା । ୨୭ ଏଟାର୍ ଅରଡ୍ ଅଇଲାନି, ଜେ ଜଦି ମାପ୍‌ରୁକେ ସନ୍‌ମାନ୍ ନ ଦେଇ, ଏ ରୁଟି କାଇସି କି ମୁତାଇ ଅନି ତୁକ୍‌ସି, ସେ ମାପ୍‌ରୁର୍ ଗାଗଡ୍ ଆରି ବନିର୍ ବିରୁଦେ ପାପ୍ କଲାନି । ୨୮ ସେଟାର୍‌ପାଇ ତମେ ନିଜ୍‌କେ ପରିକା କରି ଦେକ୍‌ବାର୍‌ଆତେ, ଦେକି ସାରାଇ ଏ ରୁଟି କାଇଅଇସି ଆରି ମୁତାଇଅନି ତୁକି ଅଇସି । ୨୯ କାଇକେବଇଲେ ଜଦି ସେ ରୁଟି କାଇଲାବେଲେ ଜେ ମାପ୍‌ରୁର୍ ଗାଗଡ୍ ଆରି ମୁତାଇଅନି ତୁକ୍‌ଲାବେଲେ ସତ୍‌ବିସଇ ନ ବୁଜଡ୍, ସେମନ୍ ନିଜେ ନିଜର୍ ଉପ୍‌ରେ ପର୍ମେସରର୍ ତଣ୍ଟୁ ତାକି ଆନ୍‌ଲାଲାନି । ୩୦ ସେଟାର୍‌ପାଇ ତମର୍ ବିତ୍‌ରେ ବେସି ଲକ୍ ଦୁର୍‌ବଲ୍ ଆତାସ୍ ଆରି ବିନ୍ ବିନ୍ ଜର୍ ଦାରାଇ ଅଇଆତାସ୍ ଆରି ମଲାସ୍‌ନି ମିସା । ୩୧ ମାତର୍ ଆମେ ଜଦି ନିଜ୍‌କେ ପରିକା କର୍‌ତା ଆଲେ, ପର୍ମେସରର୍ ତଣ୍ଟୁ ଆମର୍ ଉପ୍‌ରେ ନ ଆଇତା । ୩୨ ମାତର୍ ଜଗତର୍ ଲକ୍‌ମନର୍ ପତର୍ ତଣ୍ଟୁଲଗେ ଅନି ଆମ୍‌କେ ରକିଆ କର୍‌ବାକେ ପର୍ମେସର୍ ଆମ୍‌କେ ବିତାର୍ କରି ଦେଇସି । ୩୩ ତେବେ ଏ ମର୍ ବାଇବଇନିମନ୍, ତମେ ଆମର୍ ମାପ୍‌ରୁର୍ କାଦି କାଇବାକେ ରୁଣ୍ଟୁଲା ବେଲେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଜାଗା । ୩୪ ଜଦି କେ ବୁକେ ଆତେ, ସେ ନିଜର୍ ଗରେ କାଇକରି ଆଇବାର୍ ଆତେ । ଜେନ୍ତିକି ତମେ ରୁଣ୍ଟୁଲାବେଲେ ପର୍ମେସରର୍ ତଣ୍ଟୁ ତମର୍ ଉପ୍‌ରେ ନ ଆସେ । ଆରି ରଇଲା ବିନ୍ ବିନ୍ ବିସଇମନ୍ ମୁଇ ଆଇଲେ, ପତେ ବୁଜାଇ ଦେବି ।

୧୨ ମର୍ ବାଇମନ୍, ତମେ ସୁକଲ୍ ଆତ୍‌ମା ଦେବା ଦାନ୍ ବିସଇର୍ ଜାଇଟା ଲେକିରଇଲାସ୍ ସେଟା ନିକସଡ୍ ବୁଜା ବଲି ମୁଇ କଲିନି । ୨ ତମେ ଜିସୁକେ

ବିସ୍ୱାସ କରବା ଆଗ୍ରୁ ଜିବନ୍ ନ ରଇବା ପୁତ୍ରଲୀମନ୍‌କେ ପୁଜାକରି ବାଟ୍
 ବାନା ଅଇଜାଇ ରଇଲାସ୍ । ୩ ସେଟାର୍‌ପାଇ ମୁଇ ଏବେ ତମ୍‌କେ କଇଲିନି,
 ଜନ୍ ଲକ୍ ସୁକଲ୍ ଆତ୍‌ମାର୍ ଚାଲ୍‌ନା ପାଇଲାଆଚେ, ସେ ଜିସୁକେ ଅବିସାପ୍
 ଦେଇ ନାପାରେ । ଆରି ଜନ୍ ଲକ୍ ତାର୍ ଆତ୍‌ମା ପାଏନାଇ, ସେ ଜିସୁ
 ପର୍‌ମେସର୍ ବଲି କଇନାପାରେ । ୪ ସୁକଲ୍ ଆତ୍‌ମାର୍ ଦାନ୍ ବିନ୍ ବିନ୍
 ରକାମ୍, ମାତର୍ ଜନ୍ ଆତ୍‌ମା ସେଟାମନ୍ ଦେଇସି ସେ ଗଟେକ୍ ସେ । ୫
 ସେବା ବିନ୍ ବିନ୍ ରକାମର୍, ମାତର୍ ଜନ୍ ମାପୁରୁ ସେବା ପାଇଲାନି, ସେ
 ଗଟେକ୍ ସେ । ୬ କାମ୍ କରବା ବପୁ ବିନ୍ ବିନ୍ ରକାମର୍, ମାତର୍ ପର୍‌ମେସର୍
 ଗଟେକ୍ । ସେ ଆକା ସବୁକେ ବପୁ ଦେଲାନି । ୭ ମାତର୍ ସବୁ ଲକର୍
 ମଞ୍ଜୁଲ୍ ପୁରାପୁରୁନ୍ ଅଇବାକେ ବିନ୍ ବିନ୍ ଲକର୍ ବିତ୍‌ରେ ସୁକଲ୍ ଆତ୍‌ମାର୍
 ବପୁ ବିନ୍ ବିନ୍ ଇସାବେ ଜାନାପତ୍‌ସି । ୮ ସୁକଲ୍ ଆତ୍‌ମା କାକେ କାକେ
 ବୁଦିର୍ ବାକିଅ କଇବାକେ ଦେଇସି, ଆରି କାକେ କାକେ ଗିଆନର୍ ବାକିଅ
 ଦେଇସି । ୯ ସେ ଗଟେକ୍ ସୁକଲ୍ ଆତ୍‌ମାସେ କାକେ କାକେ ବିସ୍ୱାସ୍
 ଦେଇସି ଆରି କାକେ କାକେ ନିକ ଅଇବା ବପୁର ଦାନ୍ ଦେଇସି । ୧୦ କାକେ
 କାକେ କାବାଅଇଜିବା କାମ୍ କରିପାର୍‌ବା ବପୁ, କାକେ କାକେ ପର୍‌ମେସର୍
 ଜାନାଇଲା କାତା କଇବା ବପୁ, କେତେ ଲକ୍‌କେ ଆତ୍‌ମା ଦେଇରଇବା ଦାନ୍
 ତିନ୍‌ବା ବପୁ, ଆରି କେତେକ୍ ଲକ୍‌କେ ସେ ନାଜାନି ରଇବା ବିନ୍ ବିନ୍ ବାସାଇ
 କାତା କଇବା ବପୁ, ଆରି କେତେକ୍ ଲକ୍‌କେ ସେ ବାସାର୍ ଅରତ୍ ବୁଜାଇବା
 ବପୁ ଦେଇରଇସି । ୧୧ ମାତର୍ ଏ ସବୁଜାକ ବପୁ ଗଟେକ୍ ଆତ୍‌ମାସେ
 କରି ରଇସି । ସେ ନିଜର୍ ମନ୍ କଲା ଇସାବେ ବିନ୍ ବିନ୍ ଲକ୍‌ମନ୍‌କେ ବିନ୍
 ବିନ୍ ବିସଇର୍ ଦାନ୍ ଦେଇରଇସି । ୧୨ ଜେନ୍‌ଜିକି ବିନ୍ ବିନ୍ ବାଗ୍ ମିସିକରି
 ରଇଲେ ମିସା ଗାଗଡ୍ ଗଟେକ୍‌ସେ, ସେନ୍‌ଦୁରିସେ କିରିସ୍‌ଟ ଗଟେକ୍ ଗାଗଡ୍
 ପାରା । ଜନ୍‌ତେଇ କି ବିନ୍ ବାଗ୍ ମିସିଆତ୍ । ୧୩ କାଇକେବଇଲେ ଆମେ
 ସବୁ ଜିଉଦି ଅଇଲେ କି ଜିଉଦି ନ ଅଇଲେ ମିସା, ଗତିଦାଞ୍ଜୁଡା ଅଇଲେ କି
 ନିଜର୍ ଇସାବେ ଚଲାଚଲ୍‌ତି କଲେ ମିସା ପର୍‌ମେସର୍‌ର ସେ ସମାନ୍ ଗଟେକ୍
 ଆତ୍‌ମାର୍ ଲାଗି, ଗଟେକ୍ ଗାଗଡ୍ ଅଇବାକେ ତୁବନ୍ ନେଇଆରୁ । ଆରି
 ଏ ସମାନ୍ ସୁକଲ୍ ଆତ୍‌ମା ପାଇଆରୁ । ୧୪ ଆମର୍ ଗାଗଡ୍ ବିସଇ ଆରି
 ଗଟେକ୍‌ତର୍ ଚିନ୍ତା କରିଦେକୁ । ସେଟାକେ ଗଟେକ୍ ବାଗ୍ ନାଇ ମାତର୍ ବେସି
 ବାଗ୍ ଆଚେ । ୧୫ ଜଦି ପାଦ୍, “ମୁଇ ଆତ୍ ନଇ, ମୁଇ ଗାଗଡ୍ ନଇ ।”

ବଲିକରି କଲଲେ ମିସା ପାଦ୍ ଗାଗଡ଼ର୍ ସେ । ୧୭ ସେନ୍ଦ୍ରିସେ କାନ୍ ଜଦି,
 ମୁଇ ଆଁକି ନଇ, ମୁଇ ଗାଗଡେ ମିସ୍ବାଟା ନଇ ସେନ୍ଦ୍ରି କଲଲେ ମିସା ଆଁକି
 ଗାଗଡ଼ର୍ଟାସେ । ୧୭ ସବୁ ଗାଗଡ଼ ଜଦି ଗଟେକ୍ ଆଁକିସେ ରଇଲେ, ତେବେ
 ସୁନ୍ବାଟା କନ୍ତି ରଇତା? ସବୁ ଗାଗଡ଼ ଜଦି ଗଟେକ୍ କାନ୍ସେ ଅଇତା, ତେବେ
 ସୁଢ଼ୁବାଟା କନ୍ତି ରଇତା? ୧୮ ମାତର୍ ଗାଗଡ଼ ସେନ୍ଦ୍ରି ନିଏଁ । କାଲକେବଲଲେ
 ପର୍ମେସର୍ ତାର୍ ନିଜର୍ ମନ୍ କଲା ଇସାବେ ଗାଗଡ଼ର୍ ସବୁ ବାଗ୍, ସମାନ୍
 ଜାଗାଇ ସାଜାଡି ସଢ଼ୁଆରେ । ୧୯ ଆରି ଗାଗଡ଼କେ ଜଦି ଗଟେକ୍ସେ ବାଗ୍
 ରଇତା, ତେବେ ଗାଗଡ଼ ବଲି କେନ୍ଦ୍ରି ବଲାଇ ଅଇତା? ୨୦ ମାତର୍ ସତ୍ ବିସଇ
 ଅଇଲାନି ବେସି ବାଗ୍ ରଇଲେ ମିସା ଗାଗଡ଼ ଗଟେକ୍ସେ । ୨୧ ତର୍ ଟାନେ
 ମର୍ କାଇ ଲତା ନାଇ, ବଲି ଆଁକି ଆଡ଼କେ କଇନାପାରେ କି, ମୁଣ୍ଟୁ ପାଦ୍କେ
 କଇ ନାପାରେ । ୨୨ କାଲକେବଲଲେ ଜନ୍ ଗାଗଡ଼ର୍ ବାଗ୍ ବିନ୍ଟାମନର୍
 ତେଇଅନି ଦୁର୍ବଲ୍ ଆତେ ବଲି ଆମେ ବାବ୍ଲୁନି, ସେଟାମନ୍ସେ ଆମ୍ବକେ
 ବେସି ଲଡାକେ ଆଇସି । ୨୩ ଆରି ଜନ୍ ଗାଗଡ଼ର୍ ବାଗ୍ ବେସି ମୁକିଅ ନାଇ,
 ଆରି ସୁନ୍ଦୁର୍ ନ ତିସେ, ସେଟାମନ୍ସେ ଆମେ ନିକସଢ଼ୁ ଜତନ୍ କରି ତାବ୍ଲୁନି
 । ୨୪ ଆରି ଜନ୍ ବାଗ୍ ବାଇରେ ଅନି ସୁନ୍ଦୁର୍ ତିସି, ସେଟାମନ୍ ସେନ୍ଦ୍ରି
 ଜତନ୍ କର୍ବା ଦର୍କାର୍ ନାଇ । ପର୍ମେସର୍ ଆମର୍ ଗାଗଡ଼ର୍ ବାଗ୍ମନ୍କେ
 କାଲକେ ଏନ୍ଦ୍ରି ସାଜାଇଲା ବଇଲେ, ଜନ୍ଟାକି ବେସି ମୁକିଅ ନାଇ ବଲି ଆମେ
 ବାବ୍ଲୁନି, ସେଟାମନ୍କେ ଆମେ ନିକସଢ଼ୁ ଜତନ୍ କରି ସନ୍ମାନ୍ ଦେବୁ ।
 ୨୫ ଜେନ୍ଦ୍ରି କି ଗାଗଡ଼ର୍ ବାଗ୍ ସବୁ ଗଟେକ୍ ବାଗ୍ ଆରି ଗଟେକ୍ ବାଗ୍କେ
 ବିରଡ୍ ନ କରେ, ମାତର୍ ତାକର୍ ତାକର୍ ବିଡ଼ରେ ସାଇଜ ଅଇବାଇ । ତେବେ
 ଗାଗଡ଼ର୍ ଗଟେକ୍ ବାଗ୍କେ ଦୁକା ଅଇଲେ, ସେଟା ସବୁର୍ପାଇ ଦୁକା । ୨୬
 ଗଟେକ୍ ବାଗ୍ ଦୁକା ଅଇଲେ, ଆରି ଅଲ୍ଗା ବାଗ୍କେ ମିସା ଦୁକା ଅଇସି ।
 ଗଟେକ୍ ବାଗ୍ ତାକ୍ପୁଟା ଅଇଲେ, ସେମନ୍ ସବୁ ମିସି ସାର୍ଦା ଅଇବାଇ
 । ୨୭ ଆମେ ଜେଡ଼କି ଲକ୍ ବିସ୍ବାସି, କିରିସ୍ତର୍ ଗାଗଡ଼ ସଢ଼ୁ ସମାନ୍
 କରିଅଇସି । ଆରି ତେଇ ଆମେ ଗଟେକ୍ ଗଟେକ୍ ବାଗ୍ । ୨୮ କିରିସ୍ତର୍ ଏ
 ଗାଗଡ଼େ ପର୍ମେସର୍ ବିନ୍ ବିନ୍ ଲକ୍ମନ୍କେ ବିନ୍ ବିନ୍ କାମ୍ ଦେଲାଆତେ
 । ପର୍ତ୍ତୁମ୍ ପେରିଡ୍ ଇସାବେ ବାବ୍ଲା ଲକ୍, ତାର୍ ପତେ ବବିସତ୍ କାତା
 କଇବା ଲକ୍ମନ୍କେ, ସିକାଉମନ୍କେ, କାବାଅଇଜିବା କାମ୍ କର୍ବା ଲକ୍କେ,
 ନିକ କର୍ବା ଲକ୍ମନ୍କେ, ସାଇଜ କର୍ବା ଲକ୍ମନ୍କେ, ନେତା ଇସାବେ

ଦାଇତ୍ ନେବାକେ, ଆରି ନାଜାନୁଲା ବାସାଇ କାତା କଇବା ଲକ୍ମନକେ ବାବୁଲା ଆତେ । ୨୯ ସେମନ୍ ସବୁଲକ୍ ପେରିତ୍ ନଅତ୍ କି ବବିସତ୍ ବକ୍ତା କି ସିକାଉମନ୍ ନଅତ୍ । ସବୁଲକ୍ କେ କାବା ଅଇଜିବା କାମ୍ କରବା ବପୁ ନାଇ । ୩୦ କି ନିକ କରବା ବପୁ କି ନାଜାନୁବା କାତାଇ କଇବା ବପୁ, କି ଜନ୍ତା କଇଲାଟା ବୁଜାଇବା ବପୁ ନାଇ । ୩୧ ତେବେ ଅଦିକ୍ ମୁକିଅ ରଇବା ବପୁ ପାଇବାକେ ଆମେ ମନ୍ କରବାର୍ ଆତେ । ସବୁରୁଟାନେ ଅନି ମୁକିଅ ବପୁର୍ ବିସଇ ମୁଇ ତମ୍ କେ ଜାନାଇବି ।

୧୩ ଜଦି ମୁଇ ଲକ୍ମନର୍ ବାସାଇ କି ସରଗର୍ ଦୁତ୍ମନର୍ ବାସାଇ କାତା ଅଇବି । ମର୍ ବାଇମନ୍ କେ ମୁଇ ଆଲାଦ୍ ନ କରି ବଇଲେ, ମର୍ କାତା ରୁଟାଇସେ, ଜେନ୍ତିକି ଗଟେକ୍ ସବଦ୍ ଅଇକରି ବାଜୁବା ଗାଁଟା ପାରା । ୨ ସେନ୍ତାରି ମକେ ମାପୁରୁର୍ ବାକିଅ ବୁଜାଇବା ବପୁ ରଇଲେ ମିସା, କି ମୁଇ ସବୁ ବିସଇ ଜାନିରଇଲେ ମିସା, ଟିକି ନିକି ବିସଇ ବୁଜିରଇଲେ ମିସା ଆରି ମର୍ ବିସବାସ୍ ଏଡେକ୍ ଡାଟ୍ ଆତେ ଜେ, ତଢ୍ଫୁର୍ ଉଟ୍ କାଇବା ପାରା ମର୍ ଡାଁଟର୍ ବିସବାସ୍ ରଇଲେ ମିସା ବାଇମନ୍ ପାଇ ଆଲାଦ୍ ନାଇ ବଇଲେ ମୁଇ ରୁଟାଇସେ । ୩ ଜଦି ମୁଇ ମର୍ ସବୁ ଦନ୍ ସପତି ଅର୍କିତ୍ ଲକ୍ମନକେ ଦେଇରଇଲେ ମିସା, ଆରି କିରିସ୍ ଟରପାଇ ମର୍ ଗାଗଡ୍ ପଡାଇବାକେ ସର୍ପି ଦେଲେ ମିସା ମର୍ ଆଲାଦ୍ ନାଇ ବଇଲେ, ମର୍ପାଇ କାଇ ଲାବ୍ ନାଇ । ୪ ଆମେ ବାଇମନ୍ କେ ଆଲାଦ୍ କଲେ ଦାପେ ରିସା ନ ଅଇ ଦୟା ଦେକାଇବୁ । ଆଁକାର୍ ନ ଅଇ, ବଡ୍ପନ୍ ନ ଅଇ ଲକ୍ମନକେ ନିଜର୍ ତଲିଆ ନ ଦେକୁ । ୫ ଆମେ କାରାପ୍ ବେବାର୍ ନ କରୁ, ନିଜେ ପାଇବାକେ ମନ୍ ନ କରୁ । ଦାପେ ବିର୍ବିରା ନ ଅଉଁ ଆରି ଆଗେ କଲା ବୁଲ୍ କାମ୍ମନର୍ ଇସାବ୍ ନ କରୁ । ୬ ଆମେ ଦରମ୍ ନଇଲାଟାକେ ଦେକି ସାର୍ଦା ନ ଅଉଁ, ମାତର୍ ସତ୍ ଟାନେ ସାର୍ଦା ଅଇବୁ । ୭ ସବୁ ବିସବାସ୍ କରୁ, ସବୁଟା ଆସାକରୁ, ସବୁବିସଇ ମୁରବ୍ ବାଟା ନ ଚାଡୁ । ୮ ଆଲାଦ୍ କରାକରି ଅଇବାଟାର୍ ସେସ୍ ନାଇ । ପର୍ମେସରର୍ ବାକିଅ କଇବା ବପୁ, ଆରି ନାଜାନୁବା ବାସା କଇବା ବପୁ, ସବୁ ସାରିଜାଇସି । ସେନ୍ତାରିସେ ଆମ୍ କେ ଗିଆନ୍ ରଇଲେ ମିସା ସେଟା ଆଜିଜାଇସି । ୯ ମାତର୍ ଆମର୍ ଗିଆନ୍ ଏବେ ଜାକ ପୁରାପୁରୁନ୍ ଅଏ ନାଇତା । ଆରି ପର୍ମେସରର୍ ବାକିଅ କଇବାଟା ମିସା ଏବେ ଜାକ ପୁରାପୁରୁନ୍ ଅଏ ନାଇତା । ୧୦ ମାତର୍ ଜେତେବେଲେ ଗଟେକ୍ ଦିନ୍ ଆଇସି, ଆମେ

ସବୁ ନିକକରି ଜାନ୍‌ବୁ । ସେ ଦିନମନ୍‌କେ ଲକ୍‌ମନ୍‌ ସଞ୍ଜୁର୍ ବିସ୍‌ବାସିମନ୍‌କେ
 ସିକାଇବାକେ ଦରକାର ନ ପଡେ । ୧୧ ମୁଇ ଜେଡେବେଲେ ପିଲା ରଇଲି,
 ପିଲାମନ୍‌ କଇଲାପାରା କାତା ଅଇଲି ଆରି ପିଲାମନ୍‌ ଚିନ୍ତା କଲାପାରା ଚିନ୍ତା
 କର୍ତ୍ତେରଇଲି ଆରି ସେମନ୍‌ ବାବ୍‌ଲା ପାରା ବାବ୍‌ଡେରଇଲି । ମାତର୍‌ ମୁଇ
 ଏବେ ବୟସେ ବଡ଼ ଅଇଗାଲିଜେ ପିଲାମନର୍‌ ପାରା ଚଲାଚଲ୍‌ତି କର୍‌ବାଟା
 ଚାଡ଼ିଦେଲି । ୧୨ ମାତର୍‌ ଜନ୍‌ଟା ଆମେ ଏବେ ଦେକ୍‌ଲୁନି, ସେଟା ଦର୍‌ପନେ
 ଦେକ୍‌ଲାପାରା ସେତେକ୍‌ ନିକ ତିସେ ନାଇ । ମାତର୍‌ ଗଟେକ୍‌ ଦିନ୍‌ ଆଇସି,
 ଜେବେ କିରିସ୍‌ଟକେ ଆମର୍‌ ମୁଆଟେ ଦେକ୍‌ବୁ । ସେ ବେଲେ ଆମେ ନିକସଞ୍ଜୁ
 ଜାନ୍‌ବୁ । ଏବେ ଆମେ ଉନା ବିସଇ ଜାନ୍‌ଲୁନି, ମାତର୍‌ ସେ ଦିନମନ୍‌କେ ଆମେ
 ପୁରାପୁରୁନ୍‌ ବାବେ ଜାନ୍‌ବୁ । ଜେନ୍ତୁର୍‌ କି ପର୍‌ମେସର୍‌ ଆମ୍‌କେ ପୁରାପୁରୁନ୍‌
 ବାବେ ଜାନେ । ୧୩ ସାରାସାରି ତିନ୍‌ଟା ବିସଇ ଆତେ, ପର୍‌ମେସର୍‌ ଟାନେ
 ବିସ୍‌ବାସ୍‌ କର୍‌ବାଟା, ସେ କାତା କଇଲାଟା ଆସା କର୍‌ବାଟା, ଆରି ବାଇମନର୍‌
 ପାଇ ରଇବା ଆମର୍‌ ଆଲାଦ୍‌ । ଏ ତିନ୍‌ଟା ବିତ୍‌ରେଅନି ବାଇମନ୍‌କେ ଆଲାଦ୍‌
 କର୍‌ବାଟା ସବୁରଟାନେଅନି ମୁକିଅ ବିସଇ ।

୧୪ ତେବେ ବାଇମନ୍‌କେ ଆଲାଦ୍‌ କର୍‌ବାକେ ତମର୍‌ ସବୁ ବପୁ ସାରାଆ
 । ସୁକଲ୍‌ଆତ୍‌ମା ଜନ୍‌ ସବୁ ବପୁ ଦେଲାନି, ସେଟା ପାଇବାକେ ମିସା ମନ୍‌
 କରା । ସେ ବିତ୍‌ରେ ଅନି ପର୍‌ମେସର୍‌ ବାକିଅ ଜାନାଇବା ବପୁ ପାଇବାକେ
 ମନ୍‌ କରା । ୧ କାଇକେବଇଲେ ଜେ ନାଜାନ୍‌ଲା ବାସା ସଞ୍ଜୁ କାତା ଅଇସି,
 ସେ ଲକ୍‌ମନର୍‌ ସଞ୍ଜୁ ନାଇ, ମାତର୍‌ ପର୍‌ମେସର୍‌ ସଞ୍ଜୁ କାତା ଅଇଲାନି ।
 କାଇକେବଇଲେ ତାର୍‌ କାତା କେ ମିସା ବୁଜତ୍‌ ନାଇ । ସେମନ୍‌ ଆତ୍‌ମାର୍‌
 ବପୁର୍‌ ସଞ୍ଜୁ ଲୁଚେ ରଇବା ସତ୍‌ ବିସଇ କାତା ଅଇଲାଲାନି । ୩ ମାତର୍‌ ଜେ
 ପର୍‌ମେସର୍‌ ବାକିଅ ଜାନାଇସି, ଲକ୍‌ମନର୍‌ ସଞ୍ଜୁ କାତା ଅଇସି । ଜେନ୍ତୁରିକି,
 ସେମନ୍‌କେ ସାଇଜ, ସାର୍‌ଦା ଆରି ଦୁକ୍‌ ସାରାଇବାଟା ଦେଇରଇସି । ୪
 ଜେ ନାଜାନ୍‌ଲା ବାସାଇ କାତାଅଇସି, ସେଟା ତାର୍‌ ନିଜର୍‌ ବିସ୍‌ବାସ୍‌କେ
 ତାଟ୍‌ କରାଇସି । ମାତର୍‌ ଜେ କି ପର୍‌ମେସର୍‌ ବାକିଅ ଜାନାଇସି, ସେ
 ଗୁଲାଇ ମଣ୍ଡୁଲିର୍‌ ବିସ୍‌ବାସ୍‌ ତାଟ୍‌ କରାଇସି । ୫ ତମେ ସବୁଲକ୍‌ ନାଜାନ୍‌ଲା
 ବାସାଇ କାତା ଅଇଲେ ମୁଇ ସାର୍‌ଦା ଅଇବି । ମାତର୍‌ ପର୍‌ମେସର୍‌ ବାକିଅ
 ଜାନାଇବାକେ ବପୁ ଉଆ ବଲି ମୁଇ ଅଡିକ୍‌ ମନ୍‌ କଲିନି । କାଇକେବଇଲେ
 ପର୍‌ମେସର୍‌ ବାକିଅ ପାଇକରି ଜାନାଇବା ଲକ୍‌, ନାଜାନ୍‌ବା ବାସାଇ କାତା

ଅଇବା ଲକ୍ଷ୍ମୀ ଟାନେଅନି ମୁକ୍ତିଅ । ଜଦି ମଣ୍ଡୁଲିରୁ କେ ମିସା ସେ କଇଲା
 ବିସଇରୁ ଅରତ୍ ନ ବୁଜାଇବାଜାକ ଗୁଲାଇ ମଣ୍ଡୁଲି ସାଇଜ ନଏ । ୭ ତେବେ ଏ
 ବାଇବଇନିମନ୍ ମୁଇ ତମର୍ଟାନେ ଆଇଲାବେଲେ, ଜଦି ନାଜାନ୍ଲା ବାସାଇ
 କାତା କଇଲେ, ତମ୍ବକେ କେନ୍ତୁ ତାଟ୍ କରାଇବି? ମୁଲ୍ବକେ ନାଇ, ଜଦି ମୁଇ
 ପର୍ମେସର୍ ଟାନେଅନି ପାଇଲା ବାକିଅ, କି ଗିଆନ୍, କି ବବିସତ୍ କାତା
 ସିକ୍ବା ବିସଇ ନ ଜାନାଇଲେ, ତେବେ ତମ୍ବକେ କେନ୍ତୁ ତାଟ୍ କରାଇବି? ୭
 ସେନ୍ତୁରିସେ ବାଉଁସି ଆରି ତୁତୁଟ୍ଟୁ ପାରା ଜିବନ୍ ନ ରଇବା ବାଇଦ୍ ବିସଇ
 ବାବିଦେକ୍, ସେଟା ଜଦି ବାଜନ୍ତେଇ ବିନ୍ ସର୍ ନ ରଇଲେ, ସେଟା ବାଜ୍ଲାନ୍ତି
 ବଲିକରି ଜାନି ନଏ । ୮ ସେନ୍ତୁରିସେ ସନିଅମନ୍ ଜନ୍ ବାକା ବାଜାଇବାଇ,
 ଜଦି ତାର୍ ସବ୍ ଟିକ୍ ନାଇ, ଜୁଇଦେ ଜିବାଜେ କେ ମିସା ଜାଗ୍ତର୍ ନ
 ଅଅତ୍ । ୯ ସେନ୍ତୁରିସେ ନ ବୁଜ୍ବା କାତା କଇଲେ, ତମେ କାଇଟା କାତା
 ଅଇଲାସ୍ନି ବଲି କେ ବୁଜି ନାପାରତ୍ । ତମର୍ କାତା ପବନ୍ ଉଡାଇନେଲା
 ପାରା ଅଇସି । ୧୦ ଏ ଜଗତେ କେତେକ୍ କେତେକ୍ ବାସା ଆତେ । ଆରି
 ସେଟାର୍ ସବୁର୍ ଅରତ୍ ଆତେ । ୧୧ ମାତର୍ କାତାଅଇରଇବା ବାସା ଜଦି
 ମୁଇ ବୁଜି ନାପାରଲିନି, ସେ ବାସାଇ କାତା ଅଇବା ଲକ୍ଷ୍ମୀନ୍ ମର୍ ଅତିନାର୍
 ଲକ୍ ପାରା, ମୁଇ ମିସା ସେମନର୍ପାଇ ଅତିନାର୍ ପାରା । ୧୨ ତେବେ
 ତମେ ଜେନ୍ତୁରିକି ସୁକଲ୍ ଆତ୍ମାର୍ ବିନ୍ ବିନ୍ ରକାମର୍ ଦାନ୍ ପାଇବାକେ
 ମନ୍ କଲାସ୍ନି, ସେ ସବୁର୍ ଟାନେଅନି ଜନ୍ ସବୁ ଦାନ୍ ତମର୍ ମଣ୍ଡୁଲିକେ
 ତାଟ୍ କରାଇସି, ସେ ଦାନ୍ ବାଇବାକେ ତେସ୍ଟା କରା । ୧୩ ତେବେ ଜେ
 ନାଜାନ୍ଲା ବାସାଇ କାତା ଅଇସି, ସେ କାତା ଅଇଲାଟା ବୁଜାଇବା ଦାନ୍
 ମିଲ ବଲି ପାର୍ତନା କର । ୧୪ କାଇକେବଇଲେ ମୁଇ ଜଦି ନାଜାନ୍ବା
 ବାସାଇ ପାର୍ତନା କର୍ବି, ମର୍ ଆତ୍ମା ପାର୍ତନା କଲାନ୍ତି । ମାତର୍ ମର୍
 ବୁଜ୍ବାର୍ ବପୁ ତେଇ ମିସେନାଇ । ୧୫ ତେବେ ମୁଇ କାଇଟା କର୍ବି? ମର୍
 ଆତ୍ମା ପାର୍ତନା କର୍ବି, ମାତର୍ ବୁଜ୍ଲା ପାରା ମିସା ପାର୍ତନା କର୍ବି
 । ମର୍ ଆତ୍ମା ଗିତ୍ କଇବି । ମାତର୍ ବୁଜ୍ଲାପାରା ମିସା ଗିତ୍ କଇବି ।
 ୧୬ କାଇକେବଇଲେ ପର୍ମେସର୍ବକେ ଆତ୍ମାଲସେ ଦନିଅବାଦ୍ ଦେଇସା,
 ସବାଇ ରଇଲା ମାମୁଲି ଲକ୍ଷ୍ମୀନ୍ ତମର୍ ପାର୍ତନା ସୁନିକରି, କେ ଆମେନ୍
 ବଲି କଇପାର୍ବାଇ? ନାଇ ନା ପାରେ । କାଇକେବଇଲେ ତମେ କାଇଟା
 କଇଲାସ୍ନି, ସେଟା ସେ ନାଜାନେ । ୧୭ ତେବେ ପର୍ମେସର୍ ଟାନେ ତମର୍

ଦନିଅବାଦ୍ ଦେବାଟା ବେସି ନିକ ରଇଲେ ମିସା ତମର୍ ବିନ୍ ବାଇମନ୍‌କେ
 ଡାଟ୍ କରାଇ ନାପାରୁଲାସ୍ । ୧୮ ମୁଇ ପର୍ମେସର୍‌କେ ଦନିଅବାଦ୍ ଦେଲିନି,
 ମୁଇ ତମର୍ ସବୁର୍‌ଟାନେଅନି ଅଦିକ୍, ନାଜାନ୍‌ଲା ବାସାଇ କାତା କଇପାରି ।
 ୧୯ ମାତର୍ ମଣ୍ଟୁଲିର୍ ଉପାସନା ବେଲାଇ, ନାଜାନ୍‌ଲା ବାସାଇ ଅଜାର୍ ଅଜାର୍
 ପଦ୍ ନ କଇକରି ସବୁଲକ୍ ବୁଝୁଲା ପାରା ପାଁର୍‌ଟା ପଦ୍ କଇବାଟା ନିକ ।
 ୨୦ ଏ ବାଇବଇନିମନ୍ ତମେ ପିଲାମନର୍ ପାରା ଚିନ୍ତା କରାନାଇ । କାରାପ୍
 ବିସଇତେଇ ପିଲାପାରା ଉଆ । ମାତର୍ ବୁଦି ଆରି ବିଚାର୍ କରୁବାତେଇ ବଡ୍
 ଲକର୍ ପାରା ଅଇବାର୍ ଦରକାର୍ । ୨୧ ସାସ୍‌ତରେ ଲେକାଆତେ, ମାପ୍‌ରୁ
 କଇଲାନି, ବିନ୍ ବାସା କଇବା ଲକ୍‌ମନର୍ ବାଟେଅନି ଏ ଲକର୍ ସଞ୍ଜୁ ମୁଇ
 କାତା ଅଇବି । ନାଜାନ୍‌ବା ବାସା କଇବା ଲକର୍ ଟଣ୍ଟେଅନି ମୁଇ ଏ ଜାତିସଞ୍ଜୁ
 କାତା ଅଇବି, ଏଲେ ମିସା ସେମନ୍ ମର୍ କାତା ନ ସୁନତ୍ । ୨୨ ନାଜାନ୍‌ବା
 ବାସା କାତା ଅଇବା ବପୁ, ବିସ୍‌ବାସ୍ ନ କଲା ଲକ୍‌ମନର୍ ପାଇ ଗଟେକ୍ ଚିନ୍
 ପାରା । ମାତର୍ ବିସ୍‌ବାସିମନର୍‌ପାଇ ନାଇ । ଆରି ପର୍ମେସରର୍ ବାକିଅ
 ଜାନାଇବା ବପୁ ବିସ୍‌ବାସି ମନର୍‌ପାଇ ଗଟେକ୍ ଚିନ୍, ଆରି ବିସ୍‌ବାସ୍ ନ କରୁବା
 ଲକ୍‌ମନର୍ ପାଇ ନାଇ । ୨୩ ତେବେ ତମେ ମଣ୍ଟୁଲି ଇସାବେ ରୁଣ୍ଟୁଲା ବେଲେ
 ନାଜାନ୍‌ଲା କାତା କଇସା ବଇଲେ, ତେଇରଇବା ବିନ୍ ଲକ୍‌ମନ୍ ଆରି ବିସ୍‌ବାସ୍
 ନ କରୁବା ଲକ୍‌ମନ୍ କାଇଟା ବଲି କଇବାଇ? “ଏ ତା ବାୟା ଅଇଗାଲା
 ଆତେ!” ୨୪ ଜଦି ସବୁଲକ୍ ପର୍ମେସର୍ ଜାନାଇଲା କାତା କଇଲାସ୍‌ନି, ଜଦି
 ତେଇ ଗଟେକ୍ ବିସ୍‌ବାସ୍ ନ କଲା ଲକ୍ କି ଗଟେକ୍ ମାମୁଲି ଲକ୍ ଆଇଲେ,
 ତେବେ ସେ ନିଜର୍ ପାପର୍ ବିସଇର୍ ତେତ୍‌ନା ପାଇସି । ଆରି ସେ ସୁନ୍‌ଲା
 ସବୁ ବିସଇର୍ କାତାଇଅନି ତାକେ ବିଚାର୍ ଅଇସି । ୨୫ ଆରି ତାର୍ ମନେ
 ଲୁଚି ରଇବା ବିସଇ ସବୁ ଜାନାପଡ୍‌ସି । ପତେ ସେ ପର୍ମେସର୍‌କେ ଡାଣ୍ଟାସନ୍
 ପଡି, ତାର୍ କରଇରଇବା ପାପ୍ ମାନିଅଇକରି “ତମର୍ ବିତ୍‌ରେ ସତଇସେ
 ପର୍ମେସର୍ ଆତେ!” ବଲି କଇସି । ୨୬ ଏ ବାଇବଇନିମନ୍, ମର୍ କଇବା
 କାତା ଅଇଲାନି, ତମେ ଉପାସନା କରୁବାକେ ରୁଣ୍ଟୁଲା ବେଲାଇ ଏନ୍ତାରି କରା
 । ତମର୍ ବିତ୍‌ରେଅନି କାକେ କାକେ ଗିତ୍ ଆତେ, କାକେ କାକେ, ସିକିଆ
 ଦେବାଟା ଆତେ, ଆରି କାକେ କାକେ ପର୍ମେସରର୍ ଟାନେ ଅନି କାତା ପାଇ,
 ସେଟା ଜାନାଇବାଟା ଆତେ, କି ନାଜାନ୍‌ଲା ବାସାଇ କାତା କଇବାଟା ଆତେ,
 ଆରି କାକେ କାକେ ନାଜାନ୍‌ଲା ବାସାଇ କଇଲା କାତାର୍ ଅରତ୍ ବୁଜାଇବା

ବସୁ ଆଚେ, ଏନ୍ତି କାଇଟା ନଇଲେ କାଇଟା ଆଚେ । ଏଟା ସବୁ ଅଇସି,
 ତେବେ ମଣ୍ଡୁଲିର ବିସ୍‌ବାସି ମନର ବିସ୍‌ବାସ୍ ଡାଞ୍ଚ ଅଇସି । ୨୭ ଜଦି କେ
 ନାଜାନୁଲା ବାସାଇ କାତା ଅଇଲେ, ଦୁଇ ତିନ୍ ଲକର ତେଇଅନି ଅଦିକ୍ ଲକ୍
 ନ କଅଡ୍ । ଆରି ଗଟେକ୍ ଲକର ପତେ ଗଟେକ୍ ଲକ୍ କଇବାର୍ ଆଚେ ।
 ଆରି ସେ କାତା ବୁଜାଇ ଦେବା ଲକ୍ ମିସା ତେଇ ରଇବାର୍ ଆଚେ । ୨୮
 ଜଦି ସେଟା ବୁଜାଇବାକେ ତେଇ କେ ନାଇ, ସେ ଉପାସନାଇ ରୁପ୍ ଅଇ
 ରଅ । ସେ ଅବ୍‌କା ମନେ ମନେ ପର୍ମେସରର ସଞ୍ଜୁ କାତା ଅ । ୨୯ ଜଦି
 ପର୍ମେସରରଟାନେଅନି କାତା ପାଇ, ଜାନାଇବା ଲକ୍ ଆଚଡ୍, ତେବେ ଦୁଇ
 ଲକ୍ କି ତିନ୍ ଲକ୍ ରଇବାର୍ । ସେ ବେଲାଇ ତେଇ ରଇଲା ଲକ୍‌ମନ୍ ସେ
 ବାକିଅ ବିଚାର୍ କରବାର୍ ଆଚେ । ୩୦ ମାତର୍ ଉପାସନାତେଇ ରଇବା ଜଦି
 କାକେ ଅଟାଡ୍ ପର୍ମେସରର ଟାନେ ଅନି କାତା ପାଇସି, ତେବେ ବାକିଅ
 କଇତେରଇବା ଲକ୍ ତେଇ ବନ୍ଧୁ କରିରଇବାର୍ ଆଚେ । ୩୧ କାଇକେବଇଲେ
 ତମେ ଏନ୍ତାରି କଲେ ପର୍ମେସରର ବାକିଅ, ଗଟେକ୍ ଲକର ପତେ ଗଟେକ୍
 ଲକ୍, କଇ ପାରାସ୍ । ଜେନ୍ତିକି ସବୁଲକ୍ ସିକିଆ ପାଇକରି ଚେତ୍‌ନା ଅଇବାଇ
 । ୩୨ ମାତର୍ ପର୍ମେସରର ବାକିଅ ଜାନାଇବା ଦାନ୍, ଜାନାଇବା ଲକର
 ତଲିଆ ରଇବା ଦରକାର୍ । ୩୩ କାଇକେବଇଲେ ପର୍ମେସର ଆଗାପତା ନ
 ଅଇକରି ସବୁ ବିସଇ ଅର୍ସା ସଞ୍ଜୁ ଅ, ବଲି ମନ୍ କଲାନି । ପର୍ମେସରର
 ବିନ୍ ଉପାସନା ମଣ୍ଡୁଲିତେଇ ଜେନ୍ତାରି, ୩୪ ତମେ ମଣ୍ଡୁଲି ଇସାବେ ରୁଣ୍ଡୁଲା
 ବେଲେ, ମାଇଜିମନ୍ ରୁପ୍‌ତାପ୍ ଅଇରଇବାର୍ ଆଚେ । ତେଇ ସେମନ୍ କାତା
 କଇବାକେ ସେମନ୍‌କେ ଆଦେସ୍ ମିଲେନାଇ । ଜିଉଦି ନିୟମ୍ ଇସାବେ ସେମନ୍
 ମନସ୍ ପିଲାର୍ ତଲିଆ ରଇବାର୍ ଆଚେ । ୩୫ ସେମନ୍ ଜଦି କାଇ ବିସଇ
 ବୁଞ୍‌ବାକେ ମନ୍ କଲାଇନି, ଗରେ ଜାଇ କରି ନିଜର୍ ମୁନୁସ୍‌କେ ପାତାର ।
 କାଇକେବଇଲେ ମଣ୍ଡୁଲିଟାନେ କାତା କଇବାଟା ମାଇଜିମନର୍ ପାଇ ଗଟେକ୍
 ଲାଜର୍ କାତା । ୩୬ କାଇଟା? ପର୍ମେସରର ବାକିଅ ତମର୍ ଟାନେଅନି ଜାଡ୍
 ଅଇଲା ଆଚେ କି? ସେ ବାକିଅ କାଇ ତମର୍‌ଟାନେସେ ଆସିରଇଲା କି?
 ନାଇ ଆସି ନ ରଇଲା । ୩୭ କେ ଜଦି ତମର୍ ବିତ୍‌ରେ ପର୍ମେସରର ବାକିଅ
 ଜାନାଇବା ଲକ୍ କି ସୁକଲ୍ ଆଡ୍‌ମା ଅନି ଦାନ୍ ପାଇଲିଆତି ବଲି ବାବ୍‌ସି,
 ସେନ୍ତିଆଲେ ମୁଇ ତମ୍‌କେ ଜାଇ ଜାଇଟା ଲେକ୍‌ଲିନି, ସେ ସବୁ ଜେ ମାପ୍‌ରୁର୍
 ଆଦେସ୍, ଏଟା ସେ ଜାନ୍‌ବାର୍ ଆଚେ । ୩୮ ଜଦି ସେ ଏ ସବୁ କାତା ନ

ସୁନେ କି ନ ମାନେ, ତମେ ମିସା ତାର୍ କାତା ସୁନା ନାଇ କି ମାନା ନାଇ ।
 ୩୯ ସେଟାର୍‌ପାଇ ଏ ବାଇବଇନିମନ୍ ପର୍ମେସରର୍ କାତା ଜାନାଇବାକେ
 ମନ୍ କରା, ମାତର୍ ନ ବୁଜ୍‌ବା ବାସାଇ କାତା କଇବାକେ କାକେ ନିରୁ ବଲି
 କୁଆନାଇ । ୪୦ ତମର୍ ସବୁ କାମ୍ ଟିକ୍ ବାବେ ଆରି ଅର୍ସା ସଞ୍ଜୁ କର୍ବାର୍
 ଦର୍କାର୍ ।

୧୫ ଏ ବାଇବଇନିମନ୍, ମୁଇ ତମର୍ ଲଗେ ଜନ୍ ସୁବ୍‌କବର୍ ଜାନାଇରଇଲି
 ସେଟା ତମ୍‌କେ ଏତାଇଦେବି ବଲି ମନ୍ କଲିନି । ସେଟା ତମେ ମାନି
 ରଇଲାସ୍ ଆରି ତେଇସେ ତମର୍ ବିସ୍‌ବାସ୍ ଡାଁଟ୍ ଆତେ । ୨ ଜଦି ଏ
 ସୁସମାତାର୍ ତମେ ତାଟ୍ ସଞ୍ଜୁ ଦାରିରଇସା, ତେବେ ଉଦାର୍ ପାଇସା, ନଇଲେ
 ତମେ ବେକାର୍ ବିସ୍‌ବାସି ଅଇ ଆତାସ୍ । ୩ କାଇକେବଇଲେ ଜନ୍ ସିକିଆ
 ମୁଇ ପାଇରଇଲି, ତେଇଅନି ଏ ବଡ୍ ସିକିଆ ତମ୍‌କେ ସିକାଇ ରଇଲି ।
 ସାସ୍‌ତର୍ ଇସାବେ କିରିସ୍‌ଟ ଆମର୍ ପାସ୍ କେମା ଅଇବାକେ ମରିଗାଲା
 । ୪ ତାକେ ତପିରଇଲାଇଜେ, ସାସ୍‌ତର୍ ଇସାବେ ତିନ୍‌ଦିନ୍ ନ ଅଇତେ
 ତାକେ ପର୍ମେସର୍ ଜିବନ୍ କରି ଉଟାଇଲା । ୫ ସେ ପିତର୍ ଆରି ତାର୍
 ବାର୍‌ଟା ପେରିଡ୍ ସିସ୍‌ମନ୍‌କେ ଦର୍ସନ୍‌ଦେଲା । ୬ ତାର୍ ପତେ ତର୍ ସଞ୍ଜୁ
 ଜାଇତେରଇବା ଏକାତର୍ ପାଁସ୍‌ଅ ଲଗେଅନି ଅଦିକ୍ ବାଇମନ୍‌କେ ଦର୍ସନ୍
 ଦେଲା । ସେମନର୍ ବିତ୍‌ରେ ଅନି କେତେଲକ୍ ମରିଗାଲାଆରି ବେସି
 ଲକ୍ ଆଜିକେ ଜାକ ଜିବନ୍ ଆତର୍ । ୭ ତାର୍‌ପତେ ସେ ଜାକୁବ୍‌କ ଆରି
 ସବୁ ପେରିଡ୍‌ମନ୍‌କେ ଦର୍ସନ୍ ଦେଲା । ୮ ସେ ଦର୍ସନ୍ ଦେଲା ଲକ୍‌ମନର୍
 ବିତ୍‌ରେ ସାରାସାରି ମୁଇ ରଇଲି । ସବୁର୍ ପତେ, ଦିନ୍ ନ କେଟ୍‌ତେ, ଜନମ୍
 ଅଇଲା ପିଲା ପାରା ମକେ ମିସା ଦର୍ସନ୍ ଦେଲା । ୯ ସବୁ ପେରିଡ୍ ସିସ୍‌ମନର୍
 ବିତ୍‌ରେ ଅନି ମୁଇସେ ସାନ୍ । ପେରିଡ୍ ବଲି ତାକାଇ ଅଇବାକେ ମର୍
 ଅଦିକାର୍ ନାଇ । କାଇକେବଇଲେ ପର୍ମେସରର୍ ମଣ୍ଟୁଲିର୍ ବିସ୍‌ବାସିମନ୍‌କେ
 ମୁଇ କସ୍‌ଟେ ଦେଇତେ ରଇଲି । ୧୦ ଅଇଲେ ମିସା, ପର୍ମେସରର୍ ଜିବନ୍
 ଦୁକାଇଲାଟାନେଅନି ମୁଇ ଏବେ ଏନ୍ତୁରି ଆତି । ତାର୍ ଜିବନ୍ ଦୁକାଇଲାଟା
 ମକେ ଦାରି ଆତେ ବଲି ଜାନା ପଡ୍‌ଲାନି । କାଇକେବଇଲେ ମର୍ ସଞ୍ଜୁର୍
 ପେରିଡ୍ ମନର୍‌ଟାନେଅନି ମୁଇ ଅଦିକ୍ କାମ୍ କରିଆତି । ମାତର୍ ସେଟା ମର୍
 ନିଜର୍ ବପୁସଞ୍ଜୁ ନାଇ, ପର୍ମେସରର୍ ଜିବନ୍ ଦୁକାଇ ମକେ ସାଇଜ କଲା । ୧୧
 ଅଇଲେ ମିସା ମୁଇ ସୁବ୍‌କବର୍ ଜାନାଇଲେ କି ସେମନ୍ ଜାନାଇଲେ ମିସା କିତି

ବିନ୍ ନାଲ । କାଇକେବଇଲେ ଆମେ ସବୁ ଜାନାଇବାଟା ଗଟେକ୍ ବିସଇସେ ।
 ସେଟା ତମେ ବିସ୍ବାସ୍ କରିଆଟାସ୍ । ୧୨ ଜଦି କିରିସ୍ଟକେ ପର୍ମେସର୍
 ମଲାତେଇଅନି ଜିବନ୍ କରି ଉଟାଇଆତେ ବଲି ଆମେ ସିକାଇଲୁନି, ତେବେ
 କାଇକେ ତମର୍ ବିତ୍ରେ କେତେଲକ୍, ମଲା ଲକ୍ମନର୍, ଆରି ତରେକ୍ ଜିବନ୍
 ଅଇବାଟା ନଏ, ବଲି କଇଲାସ୍ନି? ୧୩ ମଲା ଲକ୍ମନ ଆରିତରେକ୍ ଜିବନ୍ ନ
 ଅଇବାଟା ଜଦି ସତ୍, ତେବେ କିରିସ୍ଟକେ ମିସା ଜିବନ୍ କରାଇ ଉଟାଏ ନାଇ
 । ୧୪ ଆରି, ଜଦି କିରିସ୍ଟକେ ମଲାତେଇ ଅନି ଉଟାଏ ନାଇ, ତେବେ ଆମେ
 ଜାନାଇବାଟା ରୁଟାଇସେ, ତମେ ବିସ୍ବାସ୍ କରବାଟା ମିସା ରୁଟାଇସେ । ୧୫
 ସେତ୍କିସେ ନଏ, ଆମେ ପର୍ମେସର୍ ବିସଇର୍ ମିର୍ ସାକି ଦେଇତେରଇଲୁ
 ବଲି ଜାନାପତ୍ସି । କାଇକେବଇଲେ ଆମେ କିରିସ୍ଟକେ ଜିବନ୍ କରାଇ
 ଉଟାଇ ଆତେ ବଲି କଇରଇଲୁ । ମାତର୍ ମଲାଲକ୍ ଜିବନ୍ ଅଇ ନ ଉଟ୍,
 ସେଟା ଜଦି ସତ୍, ସେନ୍ତୁରିଆଲେ ପର୍ମେସର୍ କିରିସ୍ଟକେ ଜିବନ୍ କରାଇ
 ଉଟାଏ ନାଇ । ୧୬ ଜଦି ମଲା ଲକ୍ମନକେ ନ ଉଟାଏ, ତେବେ, କିରିସ୍ଟକେ
 ମିସା ଉଟାଏ ନାଇ । ୧୭ ଜଦି କିରିସ୍ଟକେ ଉଟାଏ ନାଇ, ତେବେ ତମର୍
 ବିସ୍ବାସ୍ କରବାଟା ରୁଟାଇସେ । ଆରି ତମେ ଏବେ ଜାକ ନିଜର୍ ନିଜର୍
 ପାପେ ଆଟାସ୍ । ୧୮ ସେନ୍ତୁରିସେ ଜନ୍ ଲକ୍ କିରିସ୍ଟକେ ବିସ୍ବାସ୍ କରି
 ମରିଗାଲାଇ ଆତର୍, ସେମନ୍ ରକିଆ ଅଅଟ୍ ନାଇ, ମାତର୍ ନସ୍ଟ ଅଇଆତର୍
 । ୧୯ ଜଦି କିରିସ୍ଟର୍ ଟାନେ ଆମର୍ ଆସା କରିରଇବାଟା ଏ ଜଗତର୍ ଜିବନ୍
 ସତ୍ସ୍ ସାର୍ସି, ତେବେ ସବୁଲକର୍ ତେଇଅନି ଆମର୍ କେତେକ୍ କାକୁର୍ତିର୍
 କରମ୍ । ୨୦ ମାତର୍ କିରିସ୍ଟକେ ମଲାତେଇଅନି ଉଟାଇଆତେ, ଏଟା
 ଅଇଲାନି ସତ୍ ଆରି ଏନ୍ତୁରିସେ ସବୁ ମଲା ଲକ୍ମନକେ ପର୍ମେସର୍ ଜିବନ୍
 କରି ଉଟାଇସି, ଏଟା ଆମେ ଜାନୁ । ୨୧ କାଇକେବଇଲେ ଗଟେକ୍ ଲକର୍
 ଲାଗି ଗୁଲାଇ ଲକ୍ ମର୍ବାର୍ଆତେ । ସେନ୍ତୁରିସେ ଗଟେକ୍ ଲକର୍ ଲାଗି
 ଗୁଲାଇ ଲକ୍କେ ମଲାତେଇଅନି ଉଟାଅଇସି । ୨୨ ଜେନ୍ତି ଆଦମର୍ ବସେଅନି
 ଆଇଲା ଲକ୍ମନ ମର୍ବାଇ, ସେନ୍ତୁରିସେ କିରିସ୍ଟରେତଇ ରଇଲା ସବୁଲକ୍
 ଜିବନ୍ ଅଇ ଉଟ୍ବାଇ । ୨୩ ମାତର୍ ଗଟେକ୍ ଗଟେକ୍ ଲକ୍ ଆଗାପଟା
 ଇସାବେ ଉଟ୍ବାଇ । ପର୍ତ୍ତୁମ୍ କିରିସ୍ଟ ତାର୍ପତେ ସେ ଆଇବା ଦିନେ
 ଜେତ୍କି ଲକ୍ ସବୁ ତାର୍ଲଗେ ରଇଲାଇ । ୨୪ ତାର୍ପତେ ଜୁଗର୍ ସାରାସାରି
 ଦିନ୍ କେଟ୍ସି । ସେତ୍କିବେଲେ ସବୁ ସାସନ୍କାରିଆମନକେ, ଅଦିକାର୍ ଆରି

ବସୁ ରଈଲୀ ଲକ୍ଷ୍ମୀଙ୍କୁ କେ ଯେ ଆରାଧ୍ୟା ଆରି ବାବା ପରମେସ୍ୱରଙ୍କେ ଯେ
 ରାଜ୍ୟ ସର୍ପି ଦେଇସି । ୨୫ କାଳକେବଲେ ପରମେସ୍ୱର ତାର ସବୁ
 ସତ୍ତ୍ୱମାନଙ୍କେ ଆରାଧ୍ୟ, ତାର ପାଦତଳେ ଆନୁବାଜୀକ କିରିସ୍ତ ସାସନ
 କରବାରୁ ଆଚେ । ୨୬ ସାରାସାରି ପଚେ ସତ୍ତ୍ୱମାନ ମିସା ଆରିଜିବାଇ ।
 ୨୭ ଜେନ୍ତି କି ସାସ୍ତରେ ଲେକା ଅଇଲାଆଚେ, ପରମେସ୍ୱର ସବୁ ବିସଇ
 ତାର ପାଦତଳେ ସଞ୍ଜୁଆଚେ । ସବୁ ବିସଇ ବଲି, କଇବା ବେଲେ ତାର
 ଅରତ୍ ଅଇଲାନି, ପରମେସ୍ୱରଙ୍କେ ଚାଡି ସବୁ ବିସଇ । ସେ ଆକା ସବୁ ବିସଇ
 କିରିସ୍ତର୍ ତଲିଆ କରି ସଞ୍ଜୁଆଚେ । ୨୮ ସବୁ ବିସଇ କିରିସ୍ତର୍ ତଲେ
 ସଞ୍ଜୁଇଲା ପଚେ, ନିଜେ କିରିସ୍ତ ଜେ କି ପଅ, ସେ ପରମେସ୍ୱର ତଲିଆ
 ଅଇ ରଇସି । ସବୁ ବିସଇ ପରମେସ୍ୱର ତାର ତଲିଆ କରି ସଞ୍ଜୁଆଚେ ଆରି
 ପରମେସ୍ୱର ପୁରାପୁରୁନ୍ ସବୁର ଉପରେ ସାସନ କରସି । ୨୯ ମଲାଲକ୍ଷ୍ମୀଙ୍କେ
 ଆରିତରେକ୍ ନ ଉଟାଏ, ଜଦି ଏଟା କେନ୍ତୁର୍ ଜେ ମଲା ଲକ୍ଷ୍ମୀମର ପାଇ
 ତାର ମଇତରମନ୍ ତୁବନ୍ ନେଲାଇନି? ତେବେ ସେମନ୍ଙ୍କେ କାଇଟା ମିଲସି?
 ଜଦି ମଲାଲକ୍ଷ୍ମୀଙ୍କେ ନ ଉଟାଅତ୍, ସେନ୍ତୁର୍ ଆଲେ କାଇକେ ଏମନ୍
 ମଲା ଲକ୍ଷ୍ମୀମରପାଇ ତୁବନ୍ ନେଲାଇନି? ୩୦ ଆରି ଆମେ ମିସା କାଇକେ
 ସବୁ ବେଲେ ଆମର୍ ଜିବନ୍ ବିପଦେ ପାକାଇତେ ରଇବୁ? ୩୧ ଏ ମର୍
 ବାଇବଇନିମନ୍ ଦିନ୍କେ ଦିନ୍, ଲକ୍ଷ୍ମୀମ ମକେ ମରାଇବାକେ ଚେସ୍ତା
 କଲାଇନି । ମୁଇ ଏଟା କାଇକେ କଇଲିନି ବଇଲେ, ତମର୍ଗାନେ ମର୍ ଜନ୍
 ବତ୍ପନ୍ ଆଚେ, ଆରି ଆମର୍ ମାପୁରୁ ଜିସୁକିରିସ୍ତର୍ ଟାନେ ଆମର୍ ଜିବନ୍
 ମିସିରଇଲାଜେ ମୁଇ କଇଲିନି । ୩୨ ଏପିସି ସଅରେ ମୁଇ ବେସି କସ୍ତ
 ପାଇଲି । କାଇକେବଇଲେ ଜନ୍ ଲକ୍ଷ୍ମୀମ ମକେ ବିରତ୍ କଲାଇ, ସେମନ୍
 ସଞ୍ଜୁ ତଞ୍ଜୁରେ ରଇବା ପସୁମନ୍ ପାରା ଜୁଜିରଇଲି । ତେଇ ଆମେ ଜେନ୍ତି
 କସ୍ତ ପାଇତେରଇଲୁ, ସେନ୍ତୁରି ଅଇଲାକେ ଆମ୍ଭକେ କାଇ ଲାବ୍ ମିଲିଲା?
 ଜଦି ମଲା ଲକ୍ଷ୍ମୀଙ୍କେ ନ ଉଟାଏ, ତେବେ ଏନ୍ତୁରି କଇବାଟା ନିକ ରଇସି ।
 “ଆସା ଆମେ ବଜିକରି କାର୍ଡ, କାଇକେବଇଲେ ଆମେ କାଲିକେ ମର୍ବାରୁ
 ଅଇସିବେ ।” ୩୩ ନାଡାଇ ଉଆନାଇ, କାରାପ୍ ଲକ୍ଷ୍ମୀମର ସଞ୍ଜୁ, ସାଞ୍ଜୁ
 ଅଇଲେ ସେମନ୍ ତମର୍ ନିକ ଚଲାଚଲ୍ତି କରବାଟା ନସାଇ ଦେବାଇ । ୩୪
 ଚିକ୍ଷୁଟ୍ଟ ଚିନ୍ତା କରା । ତମର୍ ପାପର୍ ଚଲାଚଲ୍ତି କରବାଟା ଚାଡିଆସ୍ ।
 କାଇକେବଇଲେ ପରମେସ୍ୱରଙ୍କେ ନାଜାନ୍ଲା କେତେକ୍ ଲକ୍ଷ୍ମୀ ତମର୍ ବିତ୍ରେ

ଆତତ୍ । ଏଟା ମୁଇ ତମ୍ଭେ ଲାଜ୍ କରାଇବାକେ କଲିନି । ୩୫ କେତେଲକ୍ ପାଟାର୍‌ବାଇ, “ମଲା ଲକ୍‌ମନ୍‌କେ କେ ଜିବନ୍ ଦେଇ ଉଟାଇସି? ଆରି ସେମନର୍ ଗାଗଡ୍ କେନ୍ଦ୍ରାର୍ ରଇସି?” ଜେ ଏନ୍ଦ୍ରାରି ପର୍‌ସନ୍ ପାଟାର୍‌ସି, ସେ ବକୁଆଟା । ୩୬ ତମେ ଜାନାସ୍ । ଜେତେବେଲେ ଗଟେକ୍ ମୁଞ୍ଚି ରପା ଅଇସି, ମୁଞ୍ଚିର୍ ଉପ୍‌ରର୍ ତପା କୁଇଜାଇସି, ମାତର୍ ବିତ୍‌ରର୍‌ଟା ଆଁକର୍‌ସି । ୩୭ ଜେତେବେଲେ ଗଟେକ୍ ମୁଞ୍ଚି ରପା ଅଇସି, ସେଟା ଦାନ୍ ଅ, କି ଆରି କାଇ ମୁଞ୍ଚି ଅ, ମୁଞ୍ଚିସେ ରପି ଅଇସି । ପତେ ବଡ଼ିରଇବା ବୁଟା ନ ରପତ୍ । ୩୮ ପର୍‌ମେସର୍ ନିଜର୍ ମନ୍ କଲା ଇସାବେ ମୁଞ୍ଚିତେଇଅନି ଆଁକ୍‌ରି ଗର୍ ଅ, ବଲି ଟିକ୍ କଲା । ଆରି ସେ ବିନ୍ ବିନ୍ ରକାମର୍ ମୁଞ୍ଚି ବଡ଼ବାକେ ଦେଲା, ଜେନ୍ତିକି ଗଟେକ୍ ଗଟେକ୍‌କେ ତାର୍ ଗାଗଡର୍ ରୁପ୍ ବାଦ୍‌ଲାଇସି । ୩୯ ଜିବନ୍ ରଇବା ସବୁ ଗାଗଡ୍ ସମାନ୍ ନଏଁ । ଲକ୍‌ମନ୍‌କେ ଗଟେକ୍ ରକାମ୍ ଗାଗଡ୍, ପସୁ ଚଡ଼ଇ ଆରି ମାତ୍‌ମନ୍‌କେ ବିନ୍ ବିନ୍ ରକାମ୍ ଗାଗଡ୍ ଆତେ । ୪୦ ସେନ୍ତିସେ ସର୍‌ଗେ ରଇବାଟାମନ୍ ଆରି ଦର୍‌ତନି ରଇବାଟାମନ୍ ଆତତ୍ । ଜେନ୍ତିକି ସର୍‌ଗେ ରଇବାଟାମନର୍ ସୁନ୍ଦର୍ ଗଟେକ୍ ରକାମ୍, ଦର୍‌ତନି ରଇବାଟାମନର୍ ବିନ୍ ବିନ୍ ରକାମ୍ । ୪୧ ବେଲ୍ ତାର୍ ନିଜର୍ ଇସାବେ ସୁନ୍ଦର୍ ଆତେ । ସେନ୍ଦ୍ରାରିସେ ଜନ୍ ତାରାମନ୍ ମିସା ନିଜର୍ ନିଜର୍ ଇସାବେ ସୁନ୍ଦର୍ ଆତତ୍ । ୪୨ ସେନ୍ଦ୍ରାରିସେ ଆମର୍ ଗାଗଡ୍ ଆରି ଜନ୍ ଗାଗଡ୍ ପର୍‌ମେସର୍ ଉଟାଇସି, ଦୁଇଟାଜାକ ବିନ୍ ଆତେ । କାଇକେବଇଲେ ଆମର୍ ଗାଗଡ୍ ଏବେ ମରିକରି କୁଇଜାଇସି । ମାତର୍ ଜନ୍ ଗାଗଡ୍ ପର୍‌ମେସର୍ ଉଟାଇସି, ସେଟା କେବେ ନ ମରେ । ୪୩ ସେଟା ତପ୍‌ଲାବେଲେ ଦୁର୍‌ବଲ୍ ଅଇ ସୁନ୍ଦର୍ ନ ରଏ । ମାତର୍ ଉଟାଇଲାବେଲେ ସୁନ୍ଦର୍ ରଇକରି ଡାଁଟ୍ ରଇସି । ୪୪ ତପ୍‌ଲା ବେଲେ ଅବ୍‌କା ଗାଗଡ୍, ମାତର୍ ଉଟାଇଲାବେଲେ ଆତ୍‌ମାର୍ ଗାଗଡ୍ ଅଇସି । ଅବ୍‌କା ଗାଗଡ୍ ଆତେ ବଇଲେ ଆତ୍‌ମାର୍ ଗାଗଡ୍ ମିସା ରଇବାର୍ ଆତେ । ୪୫ ଜେନ୍ଦ୍ରାରିକି ଲେକା ଅଇଲାଆତେ, ପର୍‌ତୁମ୍ ମୁନ୍‌ସ୍ ଜେ କି ଆଦମ୍, ତାକେ ତିଆର୍ କରି ଜିବନ୍ ଦେଇରଇଲା, ମାତର୍ ସାରାସାରିପତର୍ ଆଦମ୍ ନ ସାର୍‌ବା ଜିବନ୍ ଦେବା ଆଦମ୍ ଅଇଲା । ୪୬ ମାତର୍ ଆତ୍‌ମାର୍ ଗାଗଡ୍ ପର୍‌ତୁମ୍ ନ ଆସେ । ରୁତାଇ ଗାଗଡ୍ ଅଇସି, ତାର୍‌ପତେ ଆତ୍‌ମାର୍ ଗାଗଡ୍ । ୪୭ ପର୍‌ତୁମ୍ ଆଦମ୍ ମାଟିସଢ୍ଫୁ ତିଆର୍ ଅଇ ଏ ଦର୍‌ତନି ଆଇଲା । ମାତର୍ ପତର୍ ଆଦମ୍ ସର୍‌ଗେ ଅନି ଆଇଲା । ୪୮ ଜନ୍ ଲକ୍‌ମନ୍ ଏ ଦର୍‌ତନିର୍, ସେମନ୍ ଜେ କି ମାଟି

ସଞ୍ଜୁ ତିଆର୍ ଅଇରଇଲା, ତାର୍‌ପାରା । ଆରି ଜନ୍ ଲକ୍ ସର୍ଗର୍, ଜେ କି ସର୍ଗେ ଅନି ଆଇଲା, ତାର୍‌ପାରା । ୪୯ ଜେନ୍ତିକି ଆମେ ଜନ୍‌ଲକ୍ ମାଟିସଞ୍ଜୁ ତିଆର୍ ଅଇରଇଲା, ତାର୍ ବାନିମୁର୍ତି ଆରୁ, ସେନ୍ତୁରିସେ ଜେ ସର୍ଗେଅନି ଆଇଲା ତାର୍ ପାରା ବାନିମୁର୍ତି ଦାର୍‌ବୁ । ୫୦ ଏ ବାଇବଇନିମନ୍, ମୁଇ କଇବା ଅରଡ୍ ଅଇଲାନି ବନି ମାଉଁସ୍ ରଇବା ଗାଗଡ୍ ପର୍ମେସରର୍ ରାଇଜେ ମିସିନାପାରଡ୍ । ଆରି ଜନ୍ ଗାଗଡ୍ ମର୍ବାଇ, ସେମନ୍‌କେ ନ ସାର୍‌ବା ଜିବନ୍ ଦେଇ ନର୍ଏ । ୫୧ ସୁନା, ମୁଇ ତମ୍‌କେ ଗଟେକ୍ ଆଗ୍‌ରୁ ନ ଜାନାଇରଇବା ବିସଇ କଇବି । ଆମେ ସବୁଲକ୍ ନ ମରୁ, ମାତର୍ ଆମର୍ ଗାଗଡ୍ ସବୁ ବାଦ୍‌ଲି ଜାଇସି । ୫୨ ଗଟେକ୍ ଲକ୍ ଆଁକି ମିଟ୍‌କା ମାର୍‌ଲା ବିଡ୍‌ରେ ସେଟା ଗଟ୍‌ସି । ସାରାସାରିର୍ ମଇରି ବାଜ୍‌ଲା ବେଲେ ମଲା ଲକ୍‌ମନ୍ ଜିବନ୍ ଅଇ ଉର୍‌ବାଇ । ସେମନ୍ ଆରି କେବେ ମିସା ନ ମରଡ୍ ଆରି ଆମେ ସବୁ ବଦ୍‌ଲି ଜିବୁ । ୫୩ କାଇକେବଇଲେ ଆମର୍ ଏ ମର୍‌ବା ଗାଗଡ୍ ନ ମର୍‌ବା ଗାଗଡ୍ ଅଇ ବାଦ୍‌ଲିଜାଇସି । ୫୪ ସେଟା ଅଇଲାବେଲେ ଜନ୍‌ଟା କି ସାୟ୍‌ତରେ ଲେକା ଅଇରଇଲା, ସେଟା ପୁରାପୁରୁନ୍ ଅଇସି ମରନ୍ ଆରିଜାଇକରି, ଜିଡ୍‌ବାଟା ପୁରାପୁରୁନ୍ ଅଇଲା । ୫୫ ତେବେ ଆମେ କଇ ପାର୍‌ବୁ, ଅଇରେ ମରନ୍! ତୁଇ କେନେ ଜିଡ୍‌ଲୁସ୍? ଅଇରେ ମରନ୍! କେନେ ତର୍ ବପୁ? (Hadēs ୨86) ୫୬ ଆମର୍ ପାପେଅନି ଆମ୍‌କେ ବାଦ୍‌ବା ବପୁ ମରନ୍ ପାଇଲା ଆତେ । ଆରି ପର୍ମେସରର୍ ନିୟ୍‌ମ୍ ନ ମାନ୍‌ଲାତେଅନି ପାପ୍ ବପୁ ପାଇସି । ୫୭ ମାତର୍ ଆମେ ପର୍ମେସର୍କେ ଦନିଅବାଦ୍ ଦେଲୁନି । କାଇକେବଇଲେ ଆମର୍ ମାପ୍‌ରୁ ଜିସୁ କିରିସ୍‌ଟ କଲା କାମେଅନି ପାପ୍‌କେ ଆରି ମରନ୍‌କେ ଆରାଇବା ବପୁ ସେ ଆମ୍‌କେ ଦେଲାଆତେ । ୫୮ ସେଟାର୍‌ପାଇ ଏ ମର୍ ଆଲାଦର୍ ବାଇବଇନିମନ୍, ଡାଁର୍ ଅଇକରି ରୁଆ । ମାପ୍‌ରୁ ଜିସୁକିରିସ୍‌ଟର୍ ସେବା କାମ୍ ଆବଡ୍ ଅଇକରି କରା । କାଇକେବଇଲେ ତମେ ଜାନାୟ୍, ତାର୍‌ପାଇ ଜନ୍ କାମ୍ ସବୁ କର୍‌ସା, ସେଟା ସବୁ ଲତାକେ ଆଇସି ।

୧୭ ଜିଉଡା ମଣ୍ଡୁଲିର୍ ବିସ୍‌ବାସିମନ୍‌କେ ତାରୁ ସାଇଜ କର୍‌ବା ବିସଇ ମୁ ଲେକ୍‌ଲିନି । ମୁ ଗାଲାତିଅ ମଣ୍ଡୁଲିମନ୍‌କେ ଜାଇଟା କର୍‌ବାକେ ଆଦେସ୍ ଦେଲିଆତି, ସେ ଆଦେସ୍ ଡାଁର୍ ସଞ୍ଜୁ କର୍‌ବାର୍‌ଆତେ । ୨ ତମର୍ କାମାଇବା ଇସାବେ, ସବୁ ବିସ୍‌ବାସିମନ୍, ବିସ୍‌ରାମ୍ ଦିନେ ମଣ୍ଡୁଲିତେଇ ରୁଣ୍ଡୁଲାବେଲେ ଅଲପ୍ ଅଲପ୍ ତାରୁ ଜମାଇବାର୍ ଆତେ । ଜେନ୍ତିକି ମୁଇ ଆଇଲାବେଲେ ଆରି

ତାକୁ ତଲ୍ଲବାକେ ନ ଲାଗେ । ୩ ମୁଇ ଆଇଲାବେଲେ ତମେ ବାଟିରଇବା
 ଲକ୍ଷ୍ମୀନକେ ଗଟେକ୍ ଚିଟି ଲେକିଦେବି ଆରି ସେମନ୍ ଜମାଇଲା ତାକୁ ଆରି
 ସେମନ୍କେ ଜାନାଇବା ତିଟି ଦାରି, ଜିରୁସାଲାମ୍ ଜିବାଇ । ୪ ଜଦି ମର୍
 ଜିବାକେ ଦର୍କାର୍ ଅଇସି ବଇଲେ ସେମନ୍ ମର୍ସଞ୍ଜୁ ଜାଇପାରତ୍ । ୫ ମାତର୍
 ମୁଇ ଏବେ ମାକିଦନିଆଇ ଗାଲିନି । ତେଇଅନି ଜାଇ ଆଇଲେ ତମର୍ ଲଗେ
 ଆଇବି । ୬ ମୁଇ ତେଇ ତମର୍ ସଞ୍ଜୁ କେତେକ୍ ଦିନ୍ ରଇବି । ଅଇପାରେ
 ସିତ୍ତଦିନ୍ ସାର୍ବା ଜାକ । ତାର୍ପତେ ଜନ୍ତି ଜିବାକେ ମନ୍ କଲିନି, ତେଇ
 ଜିବାକେ ତମେ ମକେ ସାଇଜ କରିପାରାସ୍ । ୭ କାଇକେବଇଲେ ଜିବାବେଲେ
 ବାଟେ ତମର୍ ସଞ୍ଜୁ ବେଟ୍ ଅଇକରି ତନେକ୍ସେ ରଇବାକେ ମର୍ ମନ୍ ନାଇ ।
 ମୁଇ ଆସା କଲିନି ମାପ୍ତୁ ମନ୍ କଲେ ମୁଇ ତମର୍ ସଞ୍ଜୁ ଏତର୍ ବେସି ଦିନ୍
 ରଇବି । ୮ ମାତର୍ ମୁଇ ପେନ୍ଟିକସ୍ ପରବ୍ ଜାକ ଏପିସିଏ ରଇବି, ୯ ଇତି
 ମର୍ ବିରଦେ ବେସିଲକ୍ ରଇଲେ ମିସା, ସପଲ୍ ଅଇବା କାମ୍ କର୍ବାକେ ମର୍
 ପାଇ ଦୁଆର୍ ଉଗାତି ଅଇଆତେ । ୧୦ ଜଦି ତିମତି ତମର୍ଟାନେ ଆଇଲେ,
 ତାକେ ଗତିଆ କରି ତାକିନିଆ । କାଇକେବଇଲେ ସେ ମିସା ମର୍ପାରା
 ମାପ୍ତୁର୍ କାମ୍ କଲାନି । ୧୧ ସେଟାର୍ ପାଇ ତାକେ କେ ମିସା ସାନ୍ ପାରା
 ଦେକାନାଇ । ମାତର୍ ତାକେ ସାଇଜ କରା, ଜେନ୍ତିକି, ସେ ତମର୍ ଜାଗାଇଅନି
 ଗାଲାବେଲେ, ସାନ୍ତିସଞ୍ଜୁ ଜାଇପାରସି । ଆରି ସେ ମର୍ଲଗେ ବାଅଡ୍ସି ।
 ଇତିର୍ ବାଇବଇନିମନର୍ ସଞ୍ଜୁ ମୁଇ ତାକେ ଜାଗଲିନି । ୧୨ ବାଇ ଆପଲର୍
 ବିସଇ ମୁଇ କଲିନି । ଦିନ୍ ବିସ୍ବାସିମନର୍ ସଞ୍ଜୁ ତମ୍କେ ବେଟ୍ ଅଇବାକେ
 ମୁଇ ତାକେ ବେସି ତର୍ ସାର୍ଦା କରାଇଲି, ମାତର୍ ସେ ଏବେ ଜିବାକେ
 ମୁଲ୍କେ ରାଜି ଅଏନାଇ । ପତେ ସୁଜଗ୍ ମିଲ୍ଲେ ସେ ତମର୍ଟାନେ ଆଇସି
 ଆକା । ୧୩ ତମେ ଜାଗ୍ରତ୍ ରଇକରି ବିସ୍ବାସେ ଡାଟ୍ ରୁଆ । ବପୁ ଅଇକରି
 ସାଆସେ ରୁଆ । ୧୪ ତମେ କର୍ବା ସବୁ କାମ୍ ଆଲାଦେ ସାରାଇବାର୍ ଆତେ
 । ୧୫ ଏ ବାଇମନ୍, ତମେ ତିପାନ୍ ଆରି ତାର୍ କୁଟୁମ୍ ବିସଇ ଜାନାସ୍ ।
 ସେମନ୍ ଆକାୟାର୍ ପର୍ତୁମ୍ ବିସ୍ବାସିମନ୍ ଆରି ପର୍ମେସରର୍ ଲକ୍ଷ୍ମୀନର୍
 ସେବାଇ ନିଜେ ସର୍ପି ଅଇଲାଇ ଆତତ୍ । ଏ ବାଇବଇନିମନ୍ ମୁଇ ତମ୍କେ
 ବାବୁଜିଆ କଲିନି, ୧୬ ଏନ୍ତାରି ଦାଇତ୍ ନେବା ଲକ୍ଷ୍ମୀନର୍ ତଲିଆ ରୁଆ ।
 ଆରି ସେମନର୍ ସଞ୍ଜୁ ସେବା କର୍ବା ଲକ୍ଷ୍ମୀନର୍ ତଲିଆ ଉଆ । ୧୭ ତିପାନା,
 ପର୍ତୁନାତ୍ ଆରି ଆକାଇ ଇତି ଆଇଲାକେ ମୁଇ ବେସି ସାର୍ଦା ଅଇଲିନି ।

କାଇକେବଇଲେ ତମେ ନ ରଇଲେ ମିସା ସେମନ୍ ତମର୍ ଜାଗାଇ ରଇଲା
ପାରା । ୧୮ ତମ୍ବେ ଜେନ୍ତି ସାର୍ଦା କରାଇଲା, ମକେ ମିସା ସେନ୍ତି ସାର୍ଦା
କରାଇଲା । ଏନ୍ତାରି ଲକ୍ମନ୍‌କେ ନାମ୍ବାର୍ ଆତେ । ୧୯ ଆସିଆ ଦେସର୍
ମଣ୍ଡୁଲିମନ୍ ତମ୍ବେ ଜୁଆର୍ ଜାନାଇଲାଇନି । ଆକିଲା, ପିରିସ୍‌କିଲା ଆରି
ସେମନର୍ ଗରେ ଉପାସନା କର୍ତ୍ତେରଇବା ମଣ୍ଡୁଲି ମାପ୍‌ରୁର୍ ନାଉଁ ଦାରି
ତମ୍ବେ ତାକର୍ ମନ୍ ବିତ୍‌ରେ ଅନି ଜୁଆର୍ ଜାନାଇଲାଇନି । ୨୦ ଇତିର୍
ବାଇବଇନିମନ୍ ସବୁ ତମ୍ବେ ଜୁଆର୍ ଜାନାଇଲାଇନି । ତମର୍ ତମର୍ ବିତ୍‌ରେ
ଆତେ ଦାରାଦାରି ଅଇ କିରିସ୍‌ଟର୍ ଆଲାଦେ ସାଲାମ୍ କରି ଜୁଆର୍‌ବେଟ୍ ଉଆ
। ୨୧ ମୁଇ ପାଉଲ୍, ଏଡ୍‌କିସେ ଲେକି ଜୁଆର୍ ଜାନାଇଲିନି । ୨୨ ଜଦି କେ
ମାପ୍‌ରୁକେ ଲାଡ୍ ନ କରେ, ସେ ଅବିସାପ୍ ପାଅ । ମାରାନାତା, ଆମର୍ ମାପ୍‌ରୁ
ଆସ । ୨୩ ମାପ୍‌ରୁ ଜିସୁର୍ ଜିବନ୍ ଦୁକାନି ତମ୍‌ଟାନେ ରଅ । ୨୪ କିରିସ୍‌ଟ୍
ଜିସୁକିରିସ୍‌ଟର୍ ସଢ୍ଗ୍ ମିସିରଇବା ସବୁକେ ମର୍ ଆଲାଦ୍ ରଅ ।

୨ୟ କରନ୍ତିୟ

୧ ମୁଇ ପାଉଲ୍, ପର୍ଯ୍ୟେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ଗଟେକ୍ ପେରିଟ୍ ସିସ୍ ବାଚାଇଅଇଲିଆତି । ମୁଇ ଆରି ଆମର୍ ବାଇ ତିମତି ଆରି କରନ୍ତିୟଟାନେ ରଇବା ପର୍ଯ୍ୟେସରର୍ ଗୁଲାଇ ମଣ୍ଡୁଲିମନ୍ଦକେ ଆରି ଆକାଇଆଟାନେ ରଇବା ସବୁ ପର୍ଯ୍ୟେସରର୍ ଲକ୍ମନ୍ଦକେ, ଏ ଚିଟି ଲେକ୍ଲୁନି । ୨ ଆମର୍ ବାବା ପର୍ଯ୍ୟେସର୍ ଆରି ମାପ୍ତୁ ଜିସୁର୍ ଟାନେଅନି ଜିବନ୍ ଦୁକାଇଲାଟା ଆରି ସାନ୍ତି ତମ୍ବକେ ଅ । ୩ ଆମର୍ ମାପ୍ତୁ ଜିସୁ କିରିସ୍ଟର୍ ବାବା ପର୍ଯ୍ୟେସର୍ଦକେ ଦନିଅବାଦ୍ ଦେଉଁ । ସେ ଆମର୍ ଦୟାକାରିଆ ବାବା ଆରି ଜାର୍ ଟାନେଅନି କି ଆମ୍ବକେ ସବୁ ବିସଇର୍ ସାଇଜ ଆଇସି । ୪ ସେ ଆମ୍ବକେ ସବୁ ଦୁକ୍ କସ୍ଟ ଆଇଲେ ସାଇଜ କର୍ସି । ସେନ୍ତାରିସେ ବିନ୍ ବିନ୍ ରକାମର୍ କସ୍ଟ ପାଇଡେରଇବା ଲକ୍ମନ୍ଦକେ ଆମେ ଜେନ୍ତି ଦୁକ୍ ସାରାଇବୁ । ପର୍ଯ୍ୟେସର୍ ଟାନେଅନି ଜନ୍ ସାଇଜ ଆମେ ପାଇଲୁଆରୁ, ସେ ସାଇଜର୍ ଲାଗି, ଆମେ ମିସା ବିନ୍ ଲକ୍ବକେ ସାଇଜ କର୍ବୁ । ୫ କାଇକେବଇଲେ ଜେନ୍ତିକି କିରିସ୍ଟର୍ଡେଇ ମିସ୍ଲାର୍ପାଇ ଆମର୍ ଦୁକ୍, କସ୍ଟ ଅଦିକ୍ ଅଦିକ୍ ଅଇଆଟେ, ସେନ୍ତାରିସେ କିରିସ୍ଟର୍ ଲାଗି ଆମର୍ ଦୁକ୍ ସାରାଇବାଟା ମିସା ଅଦିକ୍ ଅଦିକ୍ ଅଇଲାନି । ୬ ମାତର୍ ଆମ୍ବକେ ଦୁକ୍ କସ୍ଟ ଅଇଲେ, ସେଟା ତମର୍ ଦୁକ୍ ସାରାଇବାକେ ଆରି ନ ସାର୍ବା ଜିବନ୍ ପାଇବାକେ । ସେନ୍ତାରିସେ ଜେଡେବେଲେ ଆମେ ପର୍ଯ୍ୟେସରର୍ ଟାନେଅନି ସାଇଜ ମିଲାଇବୁ, ସେଟା ତମର୍ପାଇ ମିସା ସାଇଜ ମିଲ୍ଲା ପାରା । ଏନ୍ତାରି ସେ ତମର୍ ବିସ୍ବାସ୍ କର୍ବାଟା ଡାଟ୍ କରାଇସି, ଜେନ୍ତିକି ଆମେ ଦୁକ୍ କସ୍ଟ ଆଇଲେ ମିସା ମୁର୍ଚି କରି ଆରୁ, ସେନ୍ତାରି ଦୁକ୍ କସ୍ଟ ଆଇଲେ ତମେ ମିସା ମୁର୍ଚି କରି ରଇପାରାସ୍ । ୭ ଏଟାର୍ଲାଗି ତମର୍ଟାନେ ଆସା କର୍ବାଟା ଡାଟ୍ ଅଇଲାଆଟେ । କାଇକେବଇଲେ, ଆମେ ଜାନିଆରୁ, ଆମ୍ବକେ ଦୁକ୍ କସ୍ଟ ଆଇଲେ ମିସା ମୁର୍ଚିକରି ଆରୁ, ତମେ ମିସା ସେନ୍ତାରି ମୁର୍ଚିକରି ଆଟାସ୍ । ଜେନ୍ତାରି କି ପର୍ଯ୍ୟେସର୍ ଟାନେଅନି ଆମେ ସାଇଜ ମିଲାଇଆରୁ । ସେନ୍ତାରିସେ ତମେ ମିସା ସାଇଜ ମିଲାଇଆଟାସ୍ । ୮ କାଇକେ ବଇଲେ, ଏ ବାଇବଇନିମନ୍, ଆସିଆ ରାଇଜେ ଆମ୍ବକେ ଅଇରଇବା ବଡ୍ ଦୁକ୍ କସ୍ଟ ବିସଇ ତମେ ଜାନିରୁଆ ବଲି ଆମେ ମନ୍ କଲୁନି । ମୁର୍ଚି ନାପାର୍ଲା ବଡ୍ ପରିକା ଆଇଲା । ଏନ୍ତାରି କି ଆମେ ଆରି ନ ରଇକରି ମରିଜିବାର୍ ଅଇସିବେ ବଲି ବାଦ୍ଡେରଇଲୁ । ୯ ଓଁ,

ଆମ୍ଭେକ ମରନ୍ ଆସି ଡାବିଅଇରଇଲା । ମାତର୍ ନିଜର୍ ନିଜର୍ ଉପରେ ଆସା
 ନ କରି, ଜନ୍ ପର୍ମେସର୍ ମଲା ଲକ୍ମନ୍‌କେ ଉଟାଇସି, ତାର୍ ଉପରେ ଆସା
 କର୍ବାକେ ଏ ସବୁ ଅଇଲା । ୧୦ ସେ ଆମ୍ଭେକେ ମରନ୍‌ଟାନେ ଅନି ବଞ୍ଚାଇଲା
 । ସେଟାର୍‌ପାଇ ଆମେ ରକିଆ ପାଇଲୁ । ମରନ୍ ରଇଲା ଆକା, ମାତର୍
 ମରୁନାଇ । ଆରି ସେ ଆମ୍ଭେକେ ସାଇଜ କର୍ତେରଇସି ଆକା ବଲି ଜାନିଆରୁ
 । ଆମ୍ଭେକେ ବଡ଼ ଆସା ଆତେ ଜେ, ସେ ଆମ୍ଭେକେ ସାଇଜ କର୍ବାଟା କେବେ ନ
 ତେବାଏ । ୧୧ ତମେ ଆମର୍ ପାଇ ପାର୍ତନା କରି ଆମ୍ଭେକେ ସାଇଜ କର୍ବାର୍
 ଆତେ । ସେନ୍ତୁର୍ କଲେ ପର୍ମେସର୍ ସବୁ ପାର୍ତନାଇ ମାଝୁଲାଟା ପାଟାଇସି
 । ଆରି ବେସି ଲକ୍ ପର୍ମେସର୍‌କେ ଦନିଅବାଦ୍ ଦେବାଇ । କାଇକେବଇଲେ
 ସେ ଆମ୍ଭେକେ ଆସିର୍ବାଦ୍ କଲାଆତେ । ୧୨ ବାଇମନ୍ ଆମେ ବଡ଼ପନ୍
 ଅଇକରି କଇବା ଗଟେକ୍ କାତା ଆତେ । ସେଟା ଆମେ ସର୍ ବଲି ଜାନ୍‌ଲୁନି
 ଆରି ସେଟା ଅଇଲାନି, । ସବୁଲକର୍‌ଟାନେ ଆରି, ତମର୍‌ଟାନେ ମିସା ଆମର୍
 ତଲାତଲ୍‌ତି ସୁକଲ୍ ଆରି ଦରମ୍ ଆତେ । ଏଟା ଆମର୍ ବିବେକ୍ ସାକି ଦେଲାନି
 । ଲକ୍ମନ୍‌ର୍ ଗିଆନ୍ ଇସାବେ ଆମେ କରୁନାଇ, ମାତର୍ ପର୍ମେସର୍‌ର୍
 ଜିବନ୍ ଦୁକାଇଲା ବପୁର୍ ସଢ଼୍ ଏ ସବୁଜାକ କଲୁନି । ୧୩ କାଇକେ ବଇଲେ,
 ଆମେ ଚିଟି ପାଟାଇଲା ବେଲେ ତମେ ଜାଇଜାଇଟା ପଡ଼ିକରି ବୁଜିପାରାସ୍,
 ସେଟାସେ ଲେକି ପାଟାଇଲୁନି । ୧୪ ଏବେ ଆମେ ଜାଇଟା କଲୁନି, ସେ
 ବିସଇ ତମେ ଅଲପ୍ ଅଲପ୍ ବୁଜିଲାସ୍‌ନି । ମାତର୍ ମୁଇ ଆସା କଲିନି,
 ସେଟା ତମେ ପୁରାପୁରୁନ୍ ବୁଜି ପାର୍‌ସା । ଜେନ୍ତୁରି କି, ଆମର୍ ମାପୁରୁ ଜିସୁ
 ବାଉଡ଼ଲା ଦିନେ, ତମେ ଆମର୍ ଲାଗି ସାର୍‌ଦା କର୍‌ସା, ସେନ୍ତୁରିସେ ଆମେ
 ମିସା ତମର୍‌ଲାଗି ସାର୍‌ଦା କର୍‌ବୁ । ୧୫ ଏଟା ସବୁ ତମେ ବୁଜି ପାର୍‌ସା,
 ସେଟା ଜାନିକରି ମୁଇ ତମର୍‌ଟାନେ ବୁଲିଆଇବି ବଲି ମନ୍‌କଲି । ଜେନ୍ତୁରି କି
 ମୁଇ ତମ୍‌କେ ଦୁଇତର୍ ସାଇଜ କରିପାର୍‌ବି । ୧୬ କାଇକେବଇଲେ ମୁଇ
 ମାକିଦନିଆଇ ଜିବାବାଟେ ତମର୍‌ଟାନେ ଆସି ରଇବି ବଲି ମନ୍‌କଲି । ଆରି
 ମୁଇ ଗରେ ବାଅଡ଼ବାବେଲେ ଆରିତରେକ୍ ତମର୍‌ଟାନେ ତେବ୍‌ବି ବଲି ମନ୍
 କଲି । କାଇକେବଇଲେ ମୁଇ ଜେବେ ଜିଉଦା ଦେସେ ଜିବାକେ ବାରଇବି,
 ସେ ବେଲେ ତମେ ମକେ ସାଇଜ କରି ପାରାସ୍ । ୧୭ ତେବେ ମୁଇ ଏନ୍ତୁରି
 ମନ୍ କଲାକେ ମକେ ତମେ ଦୁଇ ମନିଆ ଲକ୍ ବଲି ବାବ୍‌ଲାସ୍‌ନି କାଇକି ।
 ନିଜର୍ ମନ୍ କଲା ଇସାବେ ଚିନ୍ତା କର୍‌ବା ଗଟେକ୍ ଲକର୍‌ପାରା ତମେ ମକେ

ବାବଲାୟ କାଇକି । ମୁଇ ଆଇବି ବଲି କଇଲେ ମିସା ତମର୍ ମନେ ସେ ନ
ଆସେ, ବଲି ବାବଲାୟ କାଇକି । ୧୮ ଜଦି ପର୍ମେସର୍ କଇବାଟା ସତ୍,
ସେନ୍ତ୍ରାର୍ ଆଲେ ମୁଇ କଇବାଟା ମିସା ସତ୍ ସେ । ଏକାବେଲେ ଉଁ ଆରି ନାଇ
ବଲି, ନ କଇ । ୧୯ ମୁଇ, ସିଲାନ ଆରି ତିମତି, ପର୍ମେସର୍ ପଅ ଜେ କି
କିରିସ୍ତ ଜିସୁ, ତାର୍ ବିସଇନେଇ ତମ୍ବେ ଜାନାଇରଇଲୁ । ସେ ଉଁ ଆରି
ନାଇ, ବଲି କଇବା ଦୁଇ ମନିଆ ଲକ୍ ନଏଁ । ୨୦ ତାର୍ଲୀଗି ପର୍ମେସର୍
ଉଁ ବଲି, କଇରଇବାଟା, ସବୁଜାକ ପୁରାପୁରୁନ୍ କରସି । ସେଟାର୍ପାଇ
ଜିସୁକିରିସ୍ତକେ ଆମେ ଆମେନ୍ ବଲି, କଇବାଟା ପର୍ମେସର୍ ମଇମା
ପାଇ ଅଇସି । ୨୧ ତମ୍ବେ ଆରି ଆମ୍ବେ ଜିସୁକିରିସ୍ତତେଇ ମିସିରଇବାକେ
ଆଇବା ତାଟ୍ ବିସ୍ବାୟ ଆନ୍ବାଟା, ପର୍ମେସର୍ ସେ । ଆରି ସେ ଆମ୍ବେ
ବାବଲା ଆଟେ । ୨୨ ଆମେ ତାର୍ଟା ବଲି ଜାନ୍ବାକେ ସେ ଆମ୍ବେ ତାର୍
ତିନ୍ ମାର୍ଲା ଆଟେ ଆରି ସୁକଲ୍ଆତ୍ମା ଆମର୍ ବିତ୍ରେ ଦାନ୍ କଲା ଆଟେ ।
ପର୍ମେସର୍ ଆମର୍ପାଇ ଜେଡ୍ ବିସଇ ସଞ୍ଜୁଆଟେ, ସେ ଆତ୍ମାର୍ ଲୀଗି
ଆମେ ସେଟା ସବୁ ପାଇବୁ ବଲି ଜାନ୍ଲୁନି । ୨୩ ଜଦି ମୁଇ କଇବାଟା ସତ୍
ନାଇ, ସେନ୍ତ୍ରାଆଲେ ପର୍ମେସର୍ ମକେ ତଣ୍ଟୁ ଦେଅ । ମୁଇ କରନ୍ତିଅତେଇ
ବୁଲି ଆଇବାକେ କାଇକେ ଅଏ ନାଇ ବଲି ସେ ଜାନେ । ମୁଇ ତେଇ ଆଇଲେ,
ତମର୍ ତଲାତଲ୍ତିର୍ ବୁଲ୍ଟିକ୍ ଦେକ୍ଲେ, ତମେ ଦୁକ୍ କର୍ତାୟ । ୨୪ ତମେ
କନ୍ଟା ମାନ୍ବାର୍ ଆଟେ, କନ୍ଟା ନାଇ, ସେଟା ଆଦେସ୍ ଦେବାକେ ଆମେ
ମନ୍ କରୁନାଇ । କାଇକେବଇଲେ, ତମର୍ ବିସ୍ବାୟ ତାଟ୍ ଅଇଗାଲା ଆଟେ ।
ତମର୍ ସଞ୍ଜୁ ମିସିକରି କାମ୍ କର୍ବାକେ ଆମେ ମନ୍ କଲୁନି । ଜେନ୍ତ୍ରାରିକି
ତମେ ସାର୍ଦା ଅଇସା ।

୨ ମାତର୍ ମୁଇ ଆଗତୁ ଆଇଲା ବେଲେ ଜେନ୍ତିକି ତମ୍ବେ ଦୁକ୍ ଦେଲି, ସେନ୍ତି
ଆରିତରେକ୍ ଦୁକ୍ ଦେବାର୍ ଆଲେ ନ ଆସି ବଲି ବାବ୍ତେ ରଇଲି । ୨
ଜଦି ମୁଇ ତମ୍ବେ ଦୁକ୍ଦେବି, ତେବେ କେ ମକେ ସାର୍ଦା କରାଇବାଇ?
ଜନ୍ ଲକ୍କେ ମୁଇ ଦୁକ୍ ଦେଇରଇଲି, ସେ ସମାନ୍ ଲକ୍ ତମେ ଆକା । ୩
ସେଟାର୍ପାଇ ମୁଇ ତମ୍ବେ ଚିଟି ଲେକିରଇଲି । ଜନ୍ ଲକ୍ମନ୍ ମକେ ସାର୍ଦା
କରାଇବାର୍ ଆଟେ, ମୁଇ ଆଇଲେ ସେମନ୍ସେ ମକେ ଦୁକ୍ ଦେଅତ୍ ବଲି ମନ୍
କରିନାଇ । ମୁଇ ଜାନି, ମୁଇ ସାର୍ଦା ଅଇକରି ରଇଲେ, ତମେ ମିସା ସବୁଲକ୍
ସାର୍ଦା ଅଇରଇସା । ୪ ମୁଇ ମନେ ମନେ ବେସି ଦୁକ୍ କସ୍ତ୍ ଅଇକରି

ଆରି ମନେ ମନେ କାନ୍ତି ଆସୁଜରାଇ କରି ଲେକି ରଇଲି, ଜେନ୍ତିକି ତମେ
 ଦୁକ୍ ଅଇରୁଆ ବଲିକରି ମୁଇ ବାବିନାଇ । କାଇକେବଇଲେ ମୁଇ ତମ୍ବକେ
 ବେସି ଆଲାଦ୍ କଲିନି । ଏଟା ଜେନ୍ତିକି ତମେ ଜାନିରୁଆ । ୫ ଏବେ ତମର୍
 ବିତ୍ରେ ଜେ ପାପ୍ କରି ତମ୍ବକେ ଦୁକ୍ ଦେଲା ଆଚେ, ସେ ଅବ୍କା ମକେ
 ଦୁକ୍ ଦେଏନାଇ, ମାତର୍ ତମ୍ବକେ ସବୁକେ ଦୁକ୍ ଦେଲାଆଚେ । ସବୁକେ
 ନଇଲେ ମିସା, କେତେଲକ୍କେ ଦେଇଆଚେ । ତାର୍ ପାପ୍ କଲାଟା ଅଦିକ୍
 ବଡ୍ ଅଇକରି ତିସ ବଲି ମୁଇ ମନ୍ କରିନାଇ । ୬ ତମର୍ ବିତ୍ରେ ଜବର୍
 ଲକ୍ ତାକେ ଡଣ୍ଟୁ ଦେଲାଇ ଆଚଡ୍ । ଆରି ସେମନ୍ ତାକେ ଦେଇରଇବା
 ଡଣ୍ଟୁ ତାର୍ପାଇ ଅଇଜାଇସି । ୭ ଏବେ ତମେ ତାକେ କେମା ଦେଇକରି
 ସାଆସ୍ ଦେବାର୍ ଆଚେ । ସେନ୍ତୁରି ନ କଲେ, ସେ ବେସି ଦୁକ୍ ଅଇକରି
 ତାର୍ ମନ୍ ବାଢ଼ିଜାଇସି । ୮ ସେଟାର୍ପାଇ ତାକେ ଆରିତରେକ୍ ଆଲାଦ୍
 କରା ବଲି ମୁଇ ତମ୍ବକେ ବାରୁଜିଆ କଲିନି । ୯ କାଇକେବଇଲେ ତମେ
 ବିସ୍ବାସର୍ ପରିକାତେଇ ତାଟ୍ ଅଇ ରଇଲାସ୍ କି ନାଇ, ଆରି ତମେ ମର୍
 ଆଦେସ୍ ମାନ୍ଲାସ୍ନି କି ନାଇ ବଲି ଜାନ୍ବାକେ ମୁଇ ତମ୍ବକେ ଆଗ୍ତୁର୍
 ସେ ଚିଟି ଲେକିରଇଲି । ୧୦ ଜେଡେବେଲେ ମିସା ତମେ ସେ କରିରଇବା
 କାମର୍ ପାଇ ତାକେ କେମା କର୍ସା, ତେବେ ମୁଇମିସା ତାକେ କେମା କର୍ବି,
 ଜଦି କାଇଟା ମିସା ମୁଇ କର୍ବାର୍ ରଇଲା, ତମର୍ପାଇ ମୁଇ କିରିସ୍ଟର୍
 ମୁଆଟେ ସେମନ୍କେ କେମା ଦେଇସାରାଇ ଆଚି । ୧୧ ଜେନ୍ତିକି ସଇତାନ୍,
 ଆମର୍ ଉପ୍ରେ ଜିତି ନାପାରେ, କାଇକେବଇଲେ, ସେ କରିରଇବା ସବୁ
 ଜଜ୍ନା ଆମେ ଜାନ୍ଲୁନି । ୧୨ କିସ୍ଟର୍ ସୁବ୍ବକବର୍ ଜାନାଇବାକେ ମୁଇ
 ଜେଡେବେଲେ ଆଇଲି, ତର୍ଆୟାଇ ସେବା କାମର୍ପାଇ ମାପ୍ତୁର୍ ବାଟ୍
 ମେଲାଅଇଆଚେ ବଲି ମୁ ଜାନି ପାର୍ଲି । ୧୩ ମାତର୍ ଆମର୍ ବାଇ ତିତସ୍ବକେ
 ବେଟ୍ ନ ଅଇଲି ଜେ ମର୍ ମନେ ମନେ ବେସି ଚିନ୍ତା ରଇଗାଲା । ତେବର୍
 ପାଇ ମୁଇ ତେଇର୍ ଲକ୍ମନ୍କେ ଗାଲିନିବେ ବଲି ତେଇଅନି ମାକିଦନିଆଇ
 ଉଟିଗାଲି । ୧୪ ମାତର୍ ପର୍ମେସର୍ ଦନିଅବାଦ୍ ପାଅ । କିରିସ୍ଟେଇ
 ମିସିରଇଲାର୍ପାଇ ତାର୍ ଜିତ୍ଲା ଦଲର୍ ଦାଡିତେଇ ବନ୍ତି ଲକ୍ ଇସାବେ
 ପର୍ମେସର୍ ଆମ୍ବକେ ସବୁବେଲେ ଡାକିନେଲାନି । ସବୁଲକ୍କେ କିରିସ୍ଟର୍
 ବିସଇ ଜାନାଇବାକେ ସେ ଆମର୍ ଦେଇକରି କାମ୍ କଲାନି । ଜନ୍ଟା କି
 ଦୁପ୍ ପାଗା ସବୁ ଜାଗାଇ ବାସ୍ନା ମାର୍ସି । ୧୫ କାଇକେବଇଲେ ଆମେ

କିରିସ୍ତ ପର୍ଯ୍ୟନ୍ତ ପଢ଼ା ଦେଇଦେଇବା ଦୁଇ ପାଠା ଆରୁ । ଆମେ ଜାଣାଇଦେଇବା ସୁଦ୍ଧା ଗଣେକ୍ ସୁନ୍ଦର ବାସନା ପାଠା ସବୁଲକ୍ଷ୍ୟେ ଗାଲାନି । ଗଣେକ୍ ବାଟର ଲକ୍ଷ୍ୟନ୍ ଆଜିଗାଲାନି, ଆରି ଗଣେକ୍ ବାଟର ଲକ୍ଷ୍ୟନ୍ ରକିଆ ପାଇଲାନି । ୧୭ ଜନ୍ ବାଟର ଲକ୍ଷ୍ୟନ୍ ଆଜିଗାଲାନି, ସେମାନପାଇ ସେଟା ଗନ୍ଧୁ । ଆରି ସେଟା ମର୍ଦ୍ଦା ବାଟେ ଡାକିନେଇସି । ମାତର ଜନ୍ ବାଟର ଲକ୍ଷ୍ୟ ରକିଆ ପାଇଲାନି, ସେଟା ସେମାନକେ ସୁନ୍ଦର ବାସନା । ଆରି ସେଟା ନ ସାର୍ଦ୍ଦା ଜିବନ୍ଦେଇ ଡାକିନେଇସି । ଏ ଆବଡ୍ କାମ୍ କେ ମିସା କରି ନାପାରତ୍ । ୧୭ କେତେକ୍ ଲକ୍ଷ୍ୟନ୍ ପର୍ଯ୍ୟନ୍ତ ବାକିଆ ବେବାର୍ କର୍ତ୍ତେଇବା ଜିନିସ୍ ପାଠା ବାଇବାଇ, ମାତର ଆମେ ସେନ୍ତୁର ନାଇ । କାଇକେବଇଲେ ପର୍ଯ୍ୟନ୍ତ ଆମ୍ଭକେ ପାଟାଇଆରେ । କିରିସ୍ତର ଗତିଦାଢ଼ୁଡ଼ା ଇସାବେ, ଆମେ ତାର୍ ମୁଆଟେ ସତ୍ ବାକିଆ ଜାଣାଇବୁ ।

୩ ଆମେ ଆରିତରେକ୍ ନିଜ୍ଜକେ ଉପରକେ ଉଟାଇବା କାତା କଇଲୁନି ବଲି ତମେ କୁଆ ନାଇ । ଆମେ ତେଇ ରଇବା କେତେଟା ଦରମ୍ ଗୁରୁମନର୍ ପାଠା ନାଇ । ବିନ୍ ଲକ୍ଷ୍ୟ ତେଇଅନି ଏ ଲକ୍ଷ୍ୟ ନିକଟା ବଲି ଚିଟି ଆନ୍ଲେ, ତମେ ସେମାନକେ ଡାକି ନେଇସା, ଆରି ତମର୍ ଜାଗା ଚାଡ଼ିକରି ଗାଲେ, ଏ ଲକ୍ଷ୍ୟ ନିକଟା ବଲିକରି ତମର୍ଟାନେଅନି ଏମନ୍ ଚିଟି ମାଢ଼ୁବାଇ । ଆମ୍ଭକେ ସେନ୍ତୁରି ଚିଟି ଦରକାର୍ ନାଇ । ୨ ତମେସେ ଆମର୍ ମନ୍ ବିତ୍ରେ ଲେକିଅଇ ରଇବା ଚିଟି । ସବୁ ଲକ୍ଷ୍ୟ ତମ୍ଭକେ ଦେବ୍ବାଇ ଆରି ତମର୍ ଚଲାଚଲ୍ତି ଜାନ୍ବାଇ । ୩ କିରିସ୍ତ ଆମ୍ଭକେ ଏ ଚିଟି ଲେକ୍ଲା ଆରେ । ଏଟା ସିରା ସଢ଼ୁ ଲେକା ଅଏନାଇ, ମାତର ଜିବନ୍ ରଇବା ପର୍ଯ୍ୟନ୍ତ ଆତ୍ମା ସଢ଼ୁ ଲେକାଅଇଆରେ । ଏଟା ପାକ୍ନାଇ ଲେକା ନ ଅଇକରି ଲକ୍ଷ୍ୟମନର୍ ମନ୍ବିତ୍ରେ ଲେକାଅଇଆରେ । ୪ ଆରି କିସ୍ତର ଲାଗି ପର୍ଯ୍ୟନ୍ତ ଆସା କରି ଆମେ ସାଆସ୍ ସଢ଼ୁ କଇପାରୁଲୁନି । ୫ ଏ କାମ୍ ଆମେ ନିଜର୍ ବପୁ ସଢ଼ୁ କରି ପାରୁବୁ ବଲି କଉନାଇ । ପର୍ଯ୍ୟନ୍ତ ଆକା ଆମ୍ଭକେ ବପୁ ଦେଇସି । ୬ ସେ ତା ଆମ୍ଭକେ ବପୁ ଦେଲାଆରେ, ଜେନ୍ତିକି ଆମେ ତାର୍ ନୁଆ ରାଜିନାମା କଲାଟା ସବୁକେ ଜାଣାଇ ପାରୁବୁ । ସେଟା ଲେକ୍ଲା ନିୟମ୍ ନଏଁ, ମାତର ତାର୍ ଆତ୍ମା ଅନି ଅଇଲାଟା । ଲେକ୍ଲା ନିୟମ୍ ମରନ୍ ଆନ୍ସି, ମାତର ପର୍ଯ୍ୟନ୍ତ ଆତ୍ମା ନ ସାର୍ଦ୍ଦା ଜିବନ୍ ଦେଇସି । ୭ ମସାର୍ ନିୟମ୍ ପର୍ତମେ ତେପ୍ଟା ପାକ୍ନାଇ ଲେକା ଅଇରଇଲା

ଆରି ସେ ନିୟମ୍ ଦେଲାବେଳେ ପର୍ଯ୍ୟେସରର୍ ମଇମା ଡିସ୍‌ଡେରଇଲା । ମସାର୍ ମୁଏ ରଇଲା ସେ ମଇମା ଉନା ଉନା ଅଇଜାଇଡେରଇଲା । ଅଇଲେ ମିସା ତାର୍ ଉଜଲର୍‌ପାଇ ଇସ୍‌ରାଏଲର୍ ଲକ୍‌ମନ୍ ତାର୍ ମୁଏ ଆଁକି ସଞ୍ଜୁଇ ନାପାର୍‌ଡେରଇଲା । ଜଦି ପର୍ଯ୍ୟେସରର୍ ମରନ୍ ଆନ୍‌ବା ସେ ନିୟମ୍ ମଇମା ସଞ୍ଜୁ ପାଟାଇରଇଲା, r ଡେବେ ପର୍ଯ୍ୟେସରର୍ ଆଡ୍‌ମାଇ ଅନି ଆଇବା ନୁଆ ରାଜିନାମା ଆରି କେଡେକ୍ ଅଦିକ୍ ମଇମାସଞ୍ଜୁ ରଇସି । ୯ ଲକ୍‌ମନ୍ ଡଣ୍ଟୁ ପାଇବାଇ ବଲି ଜାନାଇ ଅଇବା କାମ୍, ଜଦି ମଇମା ସଞ୍ଜୁ ଆଇଲା, ଡେବେ ଆମର୍ ସବୁ ପାପ୍ କେମା ଅଇଲାଆଚେ ବଲି ଜାନାଇବା ବାକିଅ କେଡେକ୍ ଅଦିକ୍ ମଇମା ଅଇରଇସି? ୧୦ ପର୍‌ରୁମ୍ ନିୟମ୍ ମଇମା ବେସି ଉଜଲ୍ ରଇଲା, ମାତର୍ ଏବେ ନୁଆ ନିୟମ୍ ରାଜିନାମାର୍ ଲାଗି ପୁରନା ନିୟମ୍ ମଇମା ଉନାଅଇଗାଲା ଆଚେ । ୧୧ ଜଦି ଆଗର୍ ପର୍‌ମାନ୍ ନିୟମ୍ ପାକାଇ କାତା ଦେଇରଇବାଟା ଚନେକର୍‌ପାଇ ଅଇଲେ ମିସା ମଇମାସଞ୍ଜୁ ରଇଲା, ଡେବେ ନୁଆ ପର୍‌ମାନ୍ ନିୟମ୍ ପାକାଇ ଦେଇରଇବାଟା, ଜନ୍‌ଟା କି କେବେ ନ ସାରେ, ସେଟା କେଡେକ୍ ଅଦିକ୍ ମଇମା ସଞ୍ଜୁ ରଇସି! ୧୨ ଆମ୍‌କେ ଏ ଆସା ରଇଲାକେ, ଆମେ ବେସି ସାଆସ୍ ସଞ୍ଜୁ ଆରୁ । ୧୩ ଆମେ ମସାର୍ ପାରା ନାଇ, ସେ ମୁ ଡାବିଅଇ ରଇଲା । ଜେନ୍‌ଟିକି, ଲିବି ଆଇଡେରଇବା ଆରି ଇସ୍‌ରାଏଲର୍ ଲକ୍‌ମନ୍ ଡେଇର୍ ମଇମା ଉନା ଅଇକରି ପୁରାପୁରୁନ୍ ଜିବାଟା ନ ଦେକଡ୍ । ୧୪ ସେବେଲେ ଇସ୍‌ରାଏଲର୍ ଲକ୍‌ମନ୍ ନ ବୁଜ୍‌ଡେରଇଲା, ତାକର୍ ମନ୍ ଡାବ୍‌ଲା ପାରା ଅଇରଇଲା । ଆରି ସେମନ୍ ପୁରନା ରାଜିନାମାର୍ ବଇମନ୍ ପଡ୍‌ଲାଇନି ଜେ ଏବ୍‌କେ ଜାକ ରୁଜ୍‌ଡ୍ ନାଇ । ଜେଡେବେଲେ ଜାକ ସେମନ୍ କିରିସ୍‌ଟର୍‌ଡେଇ ନ ମିସି ରଅର୍, ସେ ବେଲା ଜାକ ତାକର୍ ମନର୍ ଡାବ୍‌ନା ନ ବେଟି ଅଏ । ୧୫ ଏବେ ଜାକ ମିସା ସେମନ୍ ମସାର୍ ନିୟମ୍ ପଡ୍‌ବାବେଲେ, ତାକର୍ ମନ୍ ସେନ୍ତି ଡାବିସେ ଅଇରଇସି । ୧୬ ମାତର୍ ସାସ୍‌ଡର୍ କଇଲାନ୍ତି, “ଜଦି ଜେ ମାପ୍‌ରୁର୍ ବାଟେ ମନ୍ ବାଉଡାଇଲେ, ତାର୍ ମନେ ଡାବିଅଇ ରଇବାଟା ଉଗାଡି ଅଇସି ।” ୧୭ ଏ ଚିଟିଡେଇ ମାପ୍‌ରୁ ବଲି କଇବାଟା ଅଇଲାନ୍ତି ଆଡ୍‌ମା ଆରି ମାପ୍‌ରୁର୍ ଆଡ୍‌ମା ଜନ୍ତି ମିସା ରଇଲେ, ଡେଇ ଆମେ ମୁକ୍‌ଲି କରି ଆରୁ । ୧୮ ଡେବେ ଆମେ ଜେଡ୍‌କି ଲକ୍ ସବୁ ମାପ୍‌ରୁକେ ବିସ୍‌ବାସ୍ କରୁଆରୁ, ଆମର୍ ମୁଁ ଡାବି ଅଏନାଇ । ପର୍‌ଯ୍ୟେସରର୍ ବପୁ ଆରି ମଇମା ଦେକାଇଅଇବା ଗଟେକ୍ ଦର୍‌ପନ୍ ପାରା ଆମେ ଆରୁ ।

ଆମେ ତାର୍‌ପାରା ଅଇବା ଜାକ ଦିରେ ଦିରେ ବାଦ୍‌ଲାଇ ଅଇ ଆଇଲୁନି ।
ପର୍ମେସରର୍ ଆତ୍‌ମାସେ ଆମ୍‌କେ ବାଦ୍‌ଲାଇଲାନି ।

୪ ପର୍ମେସର୍ ତାର୍ ଜିବନ୍ ଦୁକାଇକରି ଆମ୍‌କେ ଏ ସେବାକାମ୍ ଦେଲାଆଚେ । ସେଟାର୍‌ପାଇ, ଆମେ ବପୁ ନଇଲା ଲକର୍ ପାରା କାମ୍ କରୁନାଇ । ୨ ଆମେ ଲୁଚ୍‌ତେ ରଇବା କାମ୍ କି ଲାଜ୍ କରାଇବା କାମ୍ କରୁନାଇ । ଆମେ ଲକ୍‌ମନ୍‌କେ ନାତାଉ ନାଇ । ଆମେ ଜାନାଇତେରଇବା ମାପ୍‌ରୁର୍ ବାକିଅ ତେଇ ମିର୍ ସିକିଆ ମିସାଉ ନାଇ । ମାତର୍ ସବୁଲକ୍ ବୁଜ୍‌ଲାପାରା ସତ୍ ସିକିଆ ଦେଲୁନି । ଜେନ୍ତୁର୍ କି, ମୁଇ କଇଲା ବାକିଅ ଲକ୍‌ମନ୍ ତାକର୍ ବିବେକ୍‌ଟାନେ ସତ୍ ବଲି ଜାନ୍‌ବାଇ । ଆମେ କର୍‌ବା ସବୁ କାମ୍ ପର୍ମେସରର୍ ମୁଆଟେ ଆଚେ । ୩ ଜଦି ଆମେ ଜାନାଇବା ସୁବ୍‌କବର୍ ନ ବୁଜ୍‌ବା ଲକ୍ ଆଚତ୍, ସେନ୍ତୁର୍ ଆଲେ ସେମନ୍‌ସେ ଆଜିଜାଇରଇବା ଲକ୍ । ୪ ଏ ଜଗତର୍ କାରାପ୍ ସାସନ୍‌କରିଆ ତାକର୍ ମନ୍ ଆନ୍ତୁର୍ କରି ଦେଇଆଚେ ଜେ, ସେମନ୍ ବିସ୍‌ବାସ୍ କରତ୍ ନାଇ । ଜନ୍ ଉଜଲ୍ ତାକର୍ ଉପ୍‌ରେ ଉଜଲ୍ ଦେଲାନି, ସେଟା ନ ଦେକ୍‌ବାକେ ସେ ଆଗ୍‌ଟିଦେଲାନି । କିରିସ୍‌ଟର୍ ମଇମାର୍ ଉଜଲ୍ ତାର୍ ସୁବ୍‌କବରେଅନି ଆଇସି । କିରିସ୍‌ଟ ସମାନ୍ ପର୍ମେସରର୍ ପାରାସେ ଆଚେ । (aiōn g165) ୫ କାଇକେବଇଲେ ଆମେ ନିଜର୍ ବିସଇ ଜାନାଇ ଅଉନାଇ । ମାତର୍ ଜିସୁ କିରିସ୍‌ଟ ଜେ କି ମାପ୍‌ରୁ, ତାର୍ ବିସଇ ଜାନାଇଲୁନି । ଜିସୁର୍ ଲାଗି ତମର୍ ଗତିଦାଢ୍ଘ୍‌ତା ଇସାବେ ଆମେ ନିଜେ ଜାନାଇଅଇଲୁନି । ୬ ପର୍ମେସର୍ ଜେ କି କଇଲା “ଉଜଲ୍ ଆନ୍ତୁରେ ଅନି ଉଜଲ୍ ଦେଇସି ।” ସେ ସମାନ୍ ପର୍ମେସର୍ କିରିସ୍‌ଟର୍ ମୁଏ ଅନି ତାର୍ ଉଜଲ୍ ଆମର୍ ବିତ୍‌ରେ ଉଜଲ୍ କରାଇଲା । ଜେନ୍ତୁରି କି କିରିସ୍‌ଟ ତେଇ ରଇବା ପର୍ମେସରର୍ ମଇମା, ଆମେ ବୁଜି ପାରୁ । ୭ ଆମେ ଗଟେକ୍ ମାଟି ଆଣ୍ଟି ପାରା । କାଇକେବଇଲେ ଆମ୍‌କେ ବପୁ ନ ରଇଲେ ମିସା ପର୍ମେସର୍ ତାର୍ ବେସି ମୁଲିଅ ରଇବା ବାକିଅ ଆମ୍‌କେ ସର୍ପି ଦେଲାଆଚେ । ଜେନ୍ତୁରି କି ଆମ୍‌କେ ବପୁ ନ ରଇକରି ପର୍ମେସର୍‌କେସେ ବେସି ବପୁ ଆଚେ ବଲି ଲକ୍‌ମନ୍ ଜାନ୍‌ବାଇ । ୮ ଆମେ ସବୁ ରକାମର୍ ଦୁକ୍‌କସ୍‌ଟ ଅଇକରି ଗାଲୁନି, ଏଲେ ମିସା କସ୍‌ଟ ପାଉ ନାଇ । କେବେ କେବେ କାଇଟା କର୍‌ବୁ ବଲି ଗିଆନ୍ ନ ରଇଲା ଲକର୍‌ପାରା ଅଇଲୁନି, ଅଇଲେମିସା ମନ୍‌ଦୁକ୍ କରୁ ନାଇ । ୯ ସତ୍‌ରୁମନର୍ ଟାନେଅନି ଉଡା ସୁନି ସୁନି ରଇଲୁ, ଏଲେମିସା ମାପ୍‌ରୁ ଆମ୍‌କେ ଚାଡେ ନାଇ । ଆମର୍

ଗାଗ୍ରେ କେତେକ୍ କେତେକ୍ ମାତ୍ ଅଇଲା । ଅଇଲେ ମିସା ମାପ୍ତୁ ଆମ୍ବକେ
 ବିନାସ୍ ଅଇବାକେ ଦେଏନାଇ । ୧୦ ଆମେ ସବୁବେଲେ ଜିସୁର୍ ମରନ୍ ଆମର୍
 ଗାଗ୍ରେ ଏତାଇଲୁନି । ଜେନ୍ତିକି ଜିସୁର୍ ଜିବନ୍ମିସା ଆମର୍ ଗାଗ୍ରେ ତିସ୍ସି ।
 ୧୧ ଆମେ ଜିସୁର୍ ସଞ୍ଜ ରଇଲାର୍ ପାଇ ବର୍ବାଜାକ ମର୍ବା ବିପଦେ ଆରୁ
 । ଜେନ୍ତିକି ଲକ୍ମନ୍ ଏ ମର୍ବା ଗାଗ୍ରେ ଜିସୁ ବର୍ତ୍ତିରଇବାଟା ଦେକ୍ବାଇ
 । ୧୨ ଏନ୍ତାରିସେ ଆମେ ମରନ୍ ଦାରିଆରୁ । ମାତର୍ ତମର୍ଟାନେ ଜିବନ୍
 ଅଇ ଆଇଲାନି । କାଇକେବଇଲେ ତମେ ନ ସାର୍ବା ଜିବନ୍ ପାଇସା ।
 ୧୩ ସାସ୍ତରେ ଲେକା ଅଇଲାପାରା “ମୁଇ ବିସ୍ବାସ୍ କଲି, ତେବର୍ପାଇ
 ମୁଇ କାତା ଅଇଲି” । ସେ ସମାନ୍ ବିସ୍ବାସର୍ ଆତ୍ମା, ଜନ୍ ବାକିଅ ମୁଇ
 ବିସ୍ବାସ୍ କଲିଆଡି, ସେଟାସେ ମୁଇ ଏବେ ଲକ୍ମନ୍କେ ଜାନାଇଲିନି । ୧୪
 କାଇକେ ବଇଲେ ଆମେ ଜାନିଆରୁ ପର୍ମେସର୍ ଜେ କି ମାପ୍ତୁ ଜିସୁକେ
 ଜିବନ୍ କରି ଉଟାଇଲା, ସେ ଆମ୍ବକେ ମିସା ମାପ୍ତୁ ଜିସୁର୍ ସଞ୍ଜ ଉଟାଇସି ।
 ଆରି ତମର୍ ସଞ୍ଜ ଆମ୍ବକେ ମିସା ପର୍ମେସରର୍ ମୁଆଟେ ନେଇସି । ୧୫
 ତେବର୍ପାଇ ଜେତ୍କି ସବୁ ସାଦ୍ନା ବାନ୍ଧୁନା ଆଇଲାନି, ସେ ସବୁ ବିସଇ
 ତମର୍ ମଞ୍ଜୁଲର୍ପାଇ ସେ ଅଇଲାନି । ପର୍ମେସରର୍ ଜିବନ୍ ଦୁକାଇଲାଟା
 ଅଦିକ୍ ଅଦିକ୍ ଅଇକରି ଲକ୍ମନର୍ଟାନେ କେଟ୍ସି, ଆରି ସେମନ୍ ସବୁଲକ୍
 ତାକେ ଦନିଅବାଦ୍ ଦେବାଇ । ୧୬ ତେବର୍ପାଇ ଆମେ ସାଆସ୍ ନ ଅଇରଇବା
 ଲକ୍ମର୍ ପାରା ନ ଅଉଁ । କାଇକେବଇଲେ ଆମର୍ ବାଇରର୍ ଗାଗ୍ତ୍ ମରିମରି
 ଆଇଲେ, ମିସା ବିତ୍ରେ ରଇବା ଲକ୍ ଦିନ୍କେ ଦିନ୍ ନୁଆ ଅଇ ଆଇଲାନି ।
 ୧୭ କାଇକେ ବଇଲେ ଆମର୍ ଦୁକ୍ କସ୍ଟ୍ ସବୁ ଉନା ଅଇକରି ତନେକର୍ପାଇ
 । ମାତର୍ ସେଟା ଆମ୍ବକେ ନ ସର୍ବା ସବୁଦିନର୍ ମଇମା ଆନ୍ସି । ସେଟା
 ଆମର୍ ଦୁକ୍ କସ୍ଟ୍ ଟାନେଅନି ବଡ୍ ରଇସି । (aiōnios g166) ୧୮ ତେବର୍
 ପାଇ ଆମେ ଏ ଜଗତେ ତିସ୍ବା ବିସଇ ଆସା ନ କରି ନ ତିସ୍ବା ବିସଇ ଆସା
 କଲୁନି । କାଇକେବଇଲେ ଦେକ୍ବା ବିସଇ ସବୁଦିନ୍ ନ ରଏ, ମାତର୍ ନ
 ଦେକ୍ବା ବିସଇ ସବୁ ଦିନର୍ପାଇ ରଇସି । (aiōnios g166)

୫ ଆମର୍ ଗାଗ୍ତ୍ ତୁମ୍ ଟାନିକରି ବାନ୍ଧିରଇବା ଗର୍ପାରା । ଆରି ଆମେ ଜାନୁ
 ଜେ ଜେତେବେଲେ ମିସା ଏଟା ବାଞ୍ଛି ଜାଇସି, ତେବେ ସର୍ଗେ ରଇବାପାଇ
 ଆମ୍ବକେ ଗଟେକ୍ ଗର୍ ଆଟେ । ଏଟା ନିଜେ ପର୍ମେସର୍ ତିଆର୍ କଲାଟା ।
 ସେଟା କେବେ ବିନାସ୍ ନ ଅଏ । ସବୁ ଦିନର୍ପାଇ ରଇସି । (aiōnios g166) ୨

ମାତର୍ ଆମେ ଏ ଜଗତେ ରଉ ରଉ ଏତ୍ତକି କସ୍ତ ପାଇଲୁନି । ସର୍ଗେ
 ରଇବା ଆମର୍ ନୁଆ ଗାଗଡ୍ ଏବେଆକା ଆମ୍ବକେ ମିଲ ବଲି ଆମେ ମନ୍
 କଲୁନି । ୩ କାଇକେବଇଲେ ମଲାତେଇଅନି ଆମ୍ବକେ ଉଟାଇଲାବେଲେ
 ଆମର୍ପାଇ ଗଟେକ୍ ଗାଗଡ୍ ଦରକାର୍ ଆତେ । ୪ ଏ ଜଗତେ ଆମେ ବଞ୍ଚି
 ରଇଲାବେଲେ, ଇତିର୍ ଗାଗଡ୍ ନେଇକରି ଜେତ୍ତକି ଦୁକ୍ କସ୍ତ ପାଇବାର୍
 ଆତେ, ସେଟା ସବୁ ବଇକରି ଆଉଜି ଗାଲୁନି । ମାତର୍ ଏ ଗାଗଡ୍ ଚାଡ଼ବାକେ
 ଆମେ ମନ୍ କରୁ ନାଇ । ସର୍ଗେ ଅନି ଆଇବା ନୁଆ ଗାଗଡ୍ ଆମ୍ବକେ
 ମିଲ ବଲି ମନ୍ କଲୁନି । ସେନ୍ତୁଆଲେ ମରନ୍କେ ସର୍ପି ଦେଇରଇବା
 ଏ ଗାଗଡର୍ ବାଦୁଲେ ସବୁଦିନର୍ ପାଇ ଜିବନ୍ ରଇବା ଗଟେକ୍ ଗାଗଡ୍
 ମିଲାଇବୁ । ୫ ମାତର୍ ପର୍ମେସର୍ ଆମର୍ପାଇ ଏ ସବୁ ବିସଇ ଜାଗାଇଦେଇ
 ସାରାଇଆତେ । ଜେନ୍ତିକି ଆଇବା ଦିନମନ୍କେ ଏଟାସବୁ ଅଇସି । ଏଟା
 ସବୁ ସେ ପୁରାପୁରୁନ୍ କର୍ସି ବଲି ଆମ୍ବକେ ଚିନ୍ ଇସାବେ ସୁକଲ୍ ଆତ୍ମା
 ଦେଲାଆତେ । ୬ ସେଟାର୍ ପାଇ ଆମେ ସବୁବେଲେ ସାଆସ୍ ଅଇକରି ଆରୁ ।
 ଏ ସାର୍ବା ଗାଗଡେ ଆମେ ରଉ ରଉ, ମାପ୍ତୁ ରଇବା ଗରେ ଅନି ଦୁରିକେ
 ବାସା ଅଇଆରୁ ବଲି ଜାନିଆରୁ । ୭ ଏ ଜଗତେ ରଇବା ଆମର୍ ଜିବନ୍,
 ପର୍ମେସର୍ଗାନେ ବିସ୍ବାସ୍ କରି ରଇଲୁନି । କାଇକେବଇଲେ ଜନ୍ ଜାଗାଇ
 ଆମେ ବାସା ଅଇବାକେ ଗାଲୁନି, ସେ ଜାଗା ଏବେଜାକ ଆମେ ଦେକୁ ନାଇତା
 । ୮ ଉଁ ଆମର୍ ବିସ୍ବାସ୍ ସବୁବେଲେ ଡାଞ୍ଚ୍ ଆତେ । ଏ ସାରିଜିବା ଗାଗଡ୍
 ଚାଡ଼ିକରି ମାପ୍ତୁର୍ ଗରେ ଜିବାକେ ବଲି ଆମେ ଜାନିଆରୁ । ୯ ମାତର୍
 ଏବେ ଆମେ ଜନ୍ତି ରଇଲେ ମିସା, ଏ ଜଗତେ ରଇଲେ କି, ପର୍ମେସର୍
 ରଇବାଟାନେ ରଇଲେ ମିସା, ସେ ଜନ୍ଟା ଆମର୍ଗାନେଅନି ଆସା କଲାନ୍ତି,
 ସେଟା ପୁରାପୁରୁନ୍ ଅ ବଲି ଆମେ ମନ୍ କଲୁନି । ୧୦ ଆମେ ସବୁଲକ୍
 କିରିସ୍ତର୍ ମୁଆଟେ ଆଇବାକେ ପଡ଼ସି । କାଇକେବଇଲେ ସେ ଆମର୍ କାମ୍
 ବିଚାର୍ କର୍ସି । ଏ ଜଗତେ ରଇକରି ଆମେ ଜନ୍ଟା କଲୁଆରୁ, ସେଟା ନିକ
 ଅ କି ନ ଅ, ସେ ଇସାବେ ଆମ୍ବକେ ଗଟେକ୍ ଗଟେକ୍ ଲକ୍କେ ବୁଡ଼ି ମିଲସି ।
 ୧୧ ଆମେ ଜାନିଆରୁ ମାପ୍ତୁ ଆମ୍ବକେ ବିଚାର୍ କର୍ବାବେଲେ ଗଟେକ୍ ଡର୍ବା
 ବେଲା ଅଇସି । ସେଟାର୍ପାଇ ଆମେ ଲକ୍ମନ୍କେ ମାନାଇଲୁନି । ପର୍ମେସର୍
 ଆମ୍ବକେ ପୁରାପୁରୁନ୍ ଜାନ୍ଲାନ୍ତି । ଆରି ମୁଇ ଆସା କଲିନି ତମେ ମିସା ତମର୍
 ମନେ ମନେ ମକେ ଜାନିରୁଆ । ୧୨ ଏଟା ସବୁ ଲେକିକରି ତମେ ଆମ୍ବକେ

ଆରିତରେକ୍ ଏ ଲକ୍ ନିକ ବଲିକରି କୁଆଇଅଇବାକେ ଆମେ ମନ୍ କରୁନାଇ । ମାତର୍ ଆମେ ଆସା କର୍ବାଟା ଟିକ୍ ଆରେ, ସେଟା ତମେ ଜାନା ବଲି ଆମେ ମନ୍ କଲୁନି । ଆରି ଜନ୍ ଲକ୍ମନ୍ ନିକ ଗୁନ୍ ନ ମାନିକରି, ବାଇରେ ଡିସ୍ବା ବିସଇଟାନେ ବଡ଼ପନ୍ ଅଇବାଇ, ସେମନ୍କେ ବୁଜାଇପାରାସ୍ । ୧୩ କେତେଲକ୍ ଆମେ ବାୟା ଅଇଗାଲୁଆରୁ ବଲି ବାବ୍ବାଇ । ସେନ୍ତୁଆଲେ ସେନ୍ତି ଅଇବାଟା ପର୍ମେସର୍ ମନ୍ କଲା ଇସାବେ । ଜଦି ଆମେ ନିକ ଆରୁ ବଲି ବାବ୍ଲେ ସେଟା ତମର୍ ବଲ୍ ପାଇ । ୧୪ କିରିସ୍ଟର୍ ଆଲାଦ୍ ଆମ୍ବକେ ବାଟ୍ ଦେକାଇଲାନି । ସେଟା ଆମେ ଜାନିଆରୁ । ସେଟା ଲାଗି ଆମେ ସବୁଲକ୍ ତାର୍ ମରନେ ମିସିଆରୁ । ୧୫ ସେ ସବୁ ଲକ୍ପାଇ ମଲାଆଟେ । ଜେନ୍ତି କି ଜନ୍ଲକ୍ମନ୍ ବୈ ଆତର୍, ସେମନ୍ ନିଜର୍ ପାଇ ନ ବୈତର୍ । ଜେ ତାକର୍ ପାଇ ମରିକରି ଜିବନ୍ ଅଇ ଉଟ୍ଲା, ଅବ୍ବା ତାର୍ ପାଇସେ ବୈବାର୍ ଆଟେ । ୧୬ ଏ ଜଗତର୍ ଲକ୍ମନ୍ ବିଚାର୍ କଲାପାରା ଆମେ ଲକ୍ମନ୍କେ ବିଚାର୍ନା କରୁନାଇ । ପୁର୍ବେ ଆମେ କିରିସ୍ଟକେ ମିସା ଏ ଜଗତର୍ ଲକ୍ ବିଚାର୍ କଲାପାରା କର୍ତେରଲୁ । ମାତର୍ ଏବେ ଆମେ ସେନ୍ତି କରୁନାଇ । ୧୭ ଜେ ଜଦି କିରିସ୍ଟ ସଞ୍ଜୁ ମିସ୍ଲେ ସେ ଗଟେକ୍ ନୁଆ ଲକ୍ ଅଇସି । ପୁର୍ନା ଚଲାଚଲ୍ତି ଆରି ନାଇନି, ସବୁଜାକ ନୁଆ ଅଇଗାଲା ଆଟେ । ୧୮ ଏଟା ସବୁ ପର୍ମେସର୍ କଲାଆଟେ । ସେ କିରିସ୍ଟକେ ଦେଇ ଆମ୍ବକେ ସତ୍ତୁ ରଇବା ତେଇଅନି ମଇତର୍ କରିଆଟେ । ବିନ୍ ଲକ୍ମନ୍କେ ମିସା ତାର୍ ମଇତର୍ କରାଇବା କାମ୍ ଆମ୍ବକେ ସର୍ପି ଦେଲାଆଟେ । ୧୯ ତେବେ ଆମେ ଏ ବିସଇ ଜାନାଇଦେଲୁନି, ଜେ କିରିସ୍ଟର୍ ଲାଗି ପର୍ମେସର୍ ସବୁ ମୁନ୍ସ୍ ଜାତିକେ ତାର୍ ନିଜର୍ ମଇତର୍ କରିପାର୍ସି । ଆରି ସେ ତାକର୍ ସବୁ ପାପ୍ କେମା କରିଦେଇସି । ବିନ୍ ଲକ୍ମନ୍କେ ମିସା ତାର୍ ମଇତର୍ କରାଇବା କାମ୍ ଆମ୍ବକେ ସର୍ପି ଦେଲାଆଟେ । ୨୦ ପର୍ମେସର୍ ଆମ୍ବକେ ଦେଇ ତମ୍ବକେ ବାବୁଜିଆ କଲାନି । ଏଟାପାଇ କିରିସ୍ଟ ଆମ୍ବକେ ପାଟାଇଲା ଆଟେ । ଆରି କିରିସ୍ଟର୍ ଲାଗି ଆମେ ମିସା ତମ୍ବକେ ବାବୁଜିଆ କଲୁନି । ପର୍ମେସର୍ ତମ୍ବକେ ସତ୍ତୁଟାନେଅନି ମଇତର୍ କର । ୨୧ କିରିସ୍ଟକେ କାଇ ପାପ୍ ନ ରଇଲା । ମାତର୍ ଆମର୍ ପାପର୍ ପାଇ ଆକା ସେ ତଣ୍ଟୁ ପାଅ ବଲି ପର୍ମେସର୍ ଟିକ୍ କଲା । କିରିସ୍ଟ ସଞ୍ଜୁ ମିସ୍ଲାର୍ପାଇ ଏବେ ପର୍ମେସର୍ ଆମ୍ବକେ ଦରମ୍ ଲକ୍ ଇସାବେ ଦେକ୍ଲାନି ।

୨ ଚେବେ ପର୍ଯ୍ୟେସରର୍ ଏ କାମେ, ଆମେ କାମକରୁମନ୍ ଅଇଲୁଆରୁ ଜେ, ତମ୍ବେ ଆମେ ବାରୁଜିଆ କଲୁନି । ତମେ ତାର୍ ଜିବନ୍ ଦୁକାଇଲାଟା ମିଲାଇ ଆଟାସ୍ । ସେଟା ରୁଟାଇ ନ ଅ । ୨ ପର୍ଯ୍ୟେସର କଇବାଟା ସୁନା । “ତମ୍ବେ ଦୟା ଦେକାଇବା ବେଲା ସମାନ୍ ଅଇଲାକେ, ମୁଇ ତମେ ଗୁଆରି କଲାଟା ସୁନ୍ଲି । ଜନ୍ ଦିନେ ମୁଇ ମୁକ୍ତାଇବା ଦିନ୍ ବଲି ଟିକ୍ କଲି, ସେ ଦିନେ ମୁଇ ତମ୍ବେ ସାଇଜ କଲି ।” ସୁନା! ପର୍ଯ୍ୟେସର ତମ୍ବେ ତାର୍ ଆଲାଦ୍ ଦେକାଇବି ବଲି, ଟିକ୍ କଲା ଦିନ୍ ଆଜିସେ । ତମର୍ ପାପର୍ ତଣ୍ଟେ ଅନି ସେ ତମ୍ବେ ରକିଆ କର୍ବା ଦିନ୍ ଆଜି ସେ । ୩ ଜେନ୍ତିକି ଆମର୍ ସେବା କାମେ ଲକ୍ମନ୍ ଆମ୍ବେ ଦସ୍ ନ ଦାରତ୍ ବଲି ଆମେ ମନ୍ କରୁନାଇ । ସେଟାପାଇ କିରିସ୍ତର୍ ପତେ ଜିବା ଲକ୍ମନ୍କେ ଆମ୍ବେ ଆଗ୍ଟୁ ନାଇ । ୪ ତାର୍ ବାଦୁଲେ ଆମେ ଜାଇଟା କଲେ ମିସା ପର୍ଯ୍ୟେସରର୍ ସେବାକାରିଆ ଇସାବେ କଲୁନି । ଜେନ୍ତିକି, କିରିସ୍ତର୍ ଲାଗି ଉତ୍ତାସୁନ୍ବା ଟାନେ, ଦୁକ୍ କସ୍ଟ ଟାନେ, ଆମେ ସାଆସ୍ ଅଇ ମୁର୍ଚ୍ଚିକରି ଆରୁ । ୫ ଆମେ କର୍ତ୍ତା ମାଡ୍ କାଇ ବନ୍ଦି ଗରେ ରଇଆରୁ, ମାନ୍ତୁ ଲକ୍ମନ୍ଟାନେ ଅନି କେଦାଇଅଇଆରୁ, ବେସି ଆବଡ୍ କାମ୍ କରି ଆରୁ, ନ ସଇକରି ରଇଲୁଆରୁ, ଦିନ୍ ଦିନ୍ ଦାରି ନ କାଇ ନ ପିଇ କରି ରଇଆରୁ । ୬ ଆମର୍ ସୁକଲ୍ କାମେ, ଆମର୍ ଗିଆନେ, ଆମର୍ ମୁର୍ଚ୍ଚି ରଇବାଟାନେ, ଆମର୍ ଦୟା ଦେକାଇବାଟାନେ, ସୁକଲ୍ଆଡ୍ମାଟାନେ, ଆମର୍ ସଡ୍ ଆଲାଦ୍ଟାନେ, ଆମେ ପର୍ଯ୍ୟେସରର୍ ସେବା କାରିଆ ବଲିକରି ଜାନାଇ ଅଇଲୁନି । ୭ ଆମେ ସିକାଇବା ବାକିଅ ସଡ୍ ବାକିଅ । ଆରି ଆମର୍ ସଢ୍ଘ୍ ପର୍ଯ୍ୟେସରର୍ ବପୁ ଆତେ । ପର୍ଯ୍ୟେସର ଦେକ୍ବା ଇସାବେ, ଆମର୍ ଦରମ୍ ବଲାଇ ଅଇବାଟା ଗଟେକ୍ ଆଡ୍ଆତିଆର୍ ପାରା । ଆମର୍ ସଡ୍ମୁମନ୍ ବରୁଦେ ଜୁଜ୍ବାକେ ଆରି ନିଜ୍ଜେ ରକିଆ ପାଇବାକେ, ସେଟା ବାଇଲୁନି । ୮ କେବେ କେବେ ଆମ୍ବେ ସମ୍ମାନ୍ ମିଲ୍ଲାନି । ମାତର୍ କେବେ କେବେ ତଲେ ପାକାଇଲାଇନି । କେବେ କେବେ ନିକ ଲକ୍ ବଲାଇଅଇଲୁନି । ମାତର୍ କେବେ କେବେ ଆମେ ନିନ୍ତୁ ପାଇଲୁନି । ୯ ଆମେ ମିରୁଆ ବଲାଇଅଇଲୁନି । ମାତର୍ ସଡ୍ କାଟା କଇଲୁନି । ନାଜାନ୍ତେ ରଇଲେ ମିସା ସବୁଲକ୍ ଜାନି ଆତଡ୍ । ମଲା ସମାନ୍ ରଇଲୁ, ମାତର୍ ଆଜିକେ ଜାକ ବଞ୍ଚିଆରୁ । ତଣ୍ଟୁ ପାଇଲୁ ମିସା ମରୁନାଇ । ୧୦ ବେସି ଦୁକେ ରଇଲେ ମିସା ସାର୍ଦ୍ବା ସଢ୍ଘ୍ ଆରୁ । ଆମେ ଅର୍କିଡ୍ ପାରା ଅଇରଇଲେ ମିସା, ବିନ୍ ଲକ୍ମନ୍କେ ସାଉକାର୍ କରାଇଆରୁ

। ଆମେ କାଲଟା ନ ରଇବା ଲକର୍ ପାରା ଆରୁ, ମାତର୍ ସବୁଜାକ ଆମର୍ଟା । ୧୧ ଏ କରନ୍ତିଏ ରଇବା ଆମର୍ ମଇତର୍ମନ୍, କାଇ କପଟ୍ ନ କରି, ଆମର୍ ମନେ ଜାଲଟା ରଇଲା, ସେଟା ସବୁ ତମର୍ ମୁଆଟେ କଇଲୁଆରୁ । ଆମେ ତମ୍ବେକେ ବେସି ଆଲାଦ୍ କଲୁନି । ୧୨ ତମର୍ପାଇ ବଲିକରି ଆମର୍ ଆଲାଦ୍ ଉନା ଅଏ ନାଇ । ମାତର୍ ଆମର୍ ପାଇ ରଇବା ତମର୍ ଆଲାଦ୍ ଉନା ଅଇଆଟେ । ୧୩ ନିଜର୍ ପିଲାମନ୍କେ କଇଲା ପାରା ତମ୍ବେକେ କଇଲିନି, ଆମେ ଜେନ୍ତୁରି କି ତମ୍ବେକେ ଆଲାଦ୍ କଲୁନି, ସେନ୍ତୁରିସେ ତମେ ଆମ୍ବେକେ ଆଲାଦ୍ କରା । ୧୪ ତମେ ବିସ୍ବାସ୍ ନ କର୍ବା ଲକ୍ମନର୍ ସଞ୍ଜୁ ମିସିକରି କାମ୍ କରାନାଇ । ସେ କାମ୍ କେବେମିସା ନ ଅଏ । କାଇକେବଇଲେ ସତ୍ ଆରି ମିର୍ ମିସାଇ ନ ଅଏ । ଉଜଲ୍ ଆରି ଆନ୍ଦାର୍ ନ ମିସତ୍ । ୧୫ କିରିସ୍ଟ ଆରି ସଇତାନ୍ କାଇ ବିସଇଟାନେ ମିସା ରାଜି ନ ଅଅତ୍ । ଗଟେକ୍ ବିସ୍ବାସ୍ କର୍ବା ଲକ୍ ଆରି ଗଟେକ୍ ବିସ୍ବାସ୍ ନ କର୍ବା ଲକ୍, ଗଟେକ୍ ଟାନେ ମିସିକରି ନ ରଅତ୍ । ୧୬ ପର୍ମେସରର୍ ମନ୍ଦିରେ ପୁଡ଼ଲା ପୁଜା କର୍ବାର୍ ନ ଅଏ । ଆମେ ପର୍ମେସରର୍ ମନ୍ଦିର୍ ପାରା । କାଇକେବଇଲେ ଜିବନ୍ ରଇବା ପର୍ମେସର୍ ଆମର୍ ବିତ୍ରେ ବାସା ଅଇଆଟେ । ସେ ନିଜେ କଇଲାଆଟେ “ଜନ୍ ଲକ୍ମନ୍ ମର୍ ଲକ୍, ମୁଇ ସେମନର୍ ସଞ୍ଜୁ ରଇବି । ତାକର୍ ବିତ୍ରେ ଚାଲାବୁଲା କର୍ବି । ମୁଇ ସେମନର୍ ପର୍ମେସର୍ ଅଇବି । ଆରି ସେମନ୍ ମର୍ ଲକ୍ ଅଇବାଇ ।” ୧୭ ତେବେ ମାପ୍ଟୁ କଇଲାନି, “ଜନ୍ ଲକ୍ମନ୍ ମର୍ ସଞ୍ଜୁ ଆସତ୍ ନାଇ, ସେ ମାନ୍ଦୁଇ ଅନି ଚାଡି କରି ବେଗ୍ଲି ଉଟିଆସା । ସୁକଲ୍ ନ ରଇବା କାଲଟା ମିସା ଚିଆନାଇ । ସେନ୍ତୁଆଲେ ମୁଇ ତମ୍ବେକେ ଡାକିନେବି ।” ୧୮ ମୁଇ ତମର୍ ବାବା ଅଇବି ଆରି, ତମେ ମର୍ ପିଲାଜିଲା ଅଇସା । ଏଟା ସବୁଟାନେ ଅନି ବପୁ ରଇବା ମାପ୍ଟୁ କଇଲାନି ।

୨ ଡେବର୍ପାଇ ଏ ମର୍ ଆଲାଦର୍ ମଇତର୍ମନ୍, ପର୍ମେସର୍ କାତା ଦେଇରଇବାଟା ସବୁ ଆମ୍ବେକେ ସର୍ପିଆଟେ । ଡେବର୍ପାଇ ଜନ୍ଟା ସବୁ ଆମର୍ ଗାଗଡ଼କେ ଆରି ଆଡ଼ମାକେ ସୁକଲ୍ ନ କରାଏ, ସେଟା ସବୁ ଚାଡିଦେଉଁ । ପର୍ମେସର୍କେ ଡରିରଇକରି ପୁରାପୁରୁନ୍ ସୁକଲ୍ ଅଇରଉଁ । ୨ ତମେ ଆମ୍ବେକେ ଅଦିକ୍ ଆଲାଦ୍ କର୍ବା ଦର୍କାର୍ । ଆମେ ତମର୍ ବିରୁଦେ କାଇ ଦସ୍ କରୁନାଇ । ଆମେ କାକେ ନସ୍ଟ କରୁନାଇ, କି କାକେ ନାଡାଉ ନାଇ । ୩ ମୁଇ ତମ୍ବେକେ ଦସ୍ଦେବାକେ ଏ କାତା କଇନାଇ । ଆଗ୍ଟୁ କଇଲାପାରା,

ଆମେ ତମେକ ସତ୍ତ୍ୱେ ଆଲାଦ୍ କଲିନି, ବୈଚି ରଇଲେ କି ମଲେ ମିସା, ତମେ
 ଆମର୍ ମନ୍ ବିତ୍ତରେ ଆଚାସ୍ । ୪ ତମର୍ ଲଗେ ମର୍ ବିସ୍ବାସ୍ ଆଚେ । ଆରି
 ମୁଇ ତମର୍ ବିସଇନେଇ ବଡ଼ପନ୍ ଅଇଲିନି । ଆମେ ବେସି ଦୁକ୍ କସ୍ଟ
 ଆଇଲେ ମିସା ସାଆସ୍ ଦାରି ଆରୁ । ମର୍ ମନ୍ବିତ୍ତରେ ସାର୍ଦା ଅଦିକ୍ ଅଦିକ୍
 ଅଇକରି ଉର୍ଲି ଗାଲାନି । ୫ ଆମେ ମାକିଦନିଆଇ ଆଇଲାପଚେ ମିସା
 ଚନେକ୍ ପୁଣ୍ଡୁନାଇ । କାଇକେବଇଲେ ତେଇ ଦୁକ୍ କସ୍ଟ ରଇଲା, କେତେଲକ୍
 ଆମର୍ ବିରଦେ କଇ ଲାଗାଜଡା କଲାଇ । ଆମେ ମନ୍ ବିତ୍ତରେ ବେସି
 ଡରିଜାଇତେ ରଇଲୁ । ୬ ମାତର୍ ଜେ କି ଆକା ସାକା ନ ରଇବା ଲକ୍ମନ୍କେ
 ଦୁକ୍ ସାରାଇବା ପର୍ମେସର୍ ତିତସ୍କେ ଆନାଇ କରି ଆମ୍ବକେ ସାର୍ଦା
 କରାଇଲା । ୭ ଅବ୍ବା ସେ ଆଇଲାକେସେ ଆମେ ସାର୍ଦା ଅଉନାଇ, ମାତର୍
 ତମର୍ ଲାଗି ତିତସ୍ ବେସି ସାର୍ଦା ଅଇଗାଲା ବଲି ଆମ୍ବକେ କଇଲାର୍ପାଇ
 ମିସା ସାର୍ଦା ଅଇଲୁ । ତମେ ମକେ ଦେକ୍ବାକେ ମନ୍ କଲାସ୍ନି ବଲି
 ମିସା ସେ କଇଲା । ଆରି ତେଇ ମକେ ଜେଡ଼କି ଗଟ୍ଲା, ସେଟାର୍ପାଇ
 ଦୁକ୍ ଅଇକରି ଆଚାସ୍ । ଆରି ତମେ ମର୍ବାଟେ ଅଇକରି କଇବାକେ ମିସା
 ରାଜିଆଚାସ୍ । ୮ ମାତର୍ ସବୁ ସୁନିକରି ମୁଇ ବେସି ସାର୍ଦା ଅଇଗାଲି । ୯
 ମର୍ ଚିଟିରୁଲାଗି ତମେ ଦୁକ୍ ଅଇରଇଲେ ମିସା, ସେ ଚିଟି ତମ୍ବକେ ପାଟାଇଲି
 ବଲି, ମୁଇ ଦୁକ୍ କରିନାଇ । ସେ ଚିଟିରୁ ଲାଗି ତମେ ଚନେକର୍ ପାଇ ଦୁକ୍
 କରିରଇଲାସ୍ ଜେ ଜାନିକରି, ମୁଇ ମିସା ଦୁକ୍ ଅଇରଇଲି, ଏଟା ସତ୍ । ୧୦
 ମାତର୍ ମୁଇ ଏବେ ସାର୍ଦାସଢ୍ଢେ ଆତି । ତମ୍ବକେ ଦୁକ୍ଦେଇ ଆତି ବଲିକରି
 ନାଇ, ମାତର୍ ସେ ଦୁକ୍ ଲାଗି ତମେ ତମର୍ ତଲାତଲ୍ତି ବଦ୍ଲାଇଲାସ୍
 । ସେ ଆସିରଇବା ଦୁକ୍ ପର୍ମେସରର୍ ମନ୍ କଲା ଇସାବେ ଅଇବାଟା ।
 ଜେନ୍ତିକି ମାନିଆଇସା । ସେନ୍ତୁର୍ଆଲେ ଆମେ ତମର୍ ପାଇ କାଇ ବାଦା
 ଆନୁନାଇ । ୧୧ କାଇକେବଇଲେ ଜଦି ଗଟେକ୍ ଲକର୍ ଦୁକ୍ ପର୍ମେସରର୍
 ମନ୍ କଲା ଇସାବେ ଆଇସି, ସେଟା ନିଜର୍ ପାପ୍ କଲାଟା ମାନିଅଇକରି,
 ମନ୍ ବାଉଡାଇବାକେ ଲଡାକେ ଆଇସି । ତେଇ କାଇ ମିସା ଦୁକ୍ ନାଇ ।
 ମାତର୍ ମୁନ୍ସମନ୍ ଟାନେଅନି ଅଇବା ଦୁକ୍ ମରନ୍ବାଟେ ଡାକିନେଇସି ।
 ୧୧ ତମ୍ବକେ ଦୁକ୍ ଦେଇକରି ପର୍ମେସର୍ କାଇଟା କଲାଆଚେ ଦେକିଦେକା
 । ଜେନ୍ତିକି ଏବେ ତମେ ଟିକ୍ ତଲାତଲ୍ତି କର୍ବାକେ ମନ୍ କଲାସ୍ନି, ବୁଲ୍
 କାମ୍ କରୁନାଇ ବଲି ବୁଜାଇବାକେ ଚେସ୍ଟା କଲାସ୍ନି, ଲାଜ୍ ପାଇବା କାମ୍

କରବାକେ ବାକାନ୍ଲାସ୍ନି, ଡରିକରି ଆତାସ୍, ଆମେ ଆରିତରେକ୍ ବେଟ୍
 ଅଇବୁ ବଲି ମନ୍ କଲାସ୍ନି, ମକେ ସାର୍ଦା କରାଇବାକେ ମନ୍ କଲାସ୍ନି, ପାପ୍
 କଲା ଲକ୍‌କେ ଦାପ୍ରେ ତଣ୍ଟୁ ଦେଲାସ୍, ଏଟା ସବୁ କଲାକେ ସେ କରିରଇବା
 ପାପେ ତମର୍ କାଇ ବୁଲ୍ ନାଇ । ୧୨ ଜନ୍ ଲକ୍ ପାପ୍ କରିଆତେ, ତାର୍ ବଲ୍
 ପାଇ କି ଜନ୍ ଲକର୍ ବିରୁଦେ ପାପ୍ କରାଇଅଇଲା, ତାର୍ ବଲ୍ ପାଇ ମୁଇ
 ସେ ଚିଟି ଲେକିନାଇ । ମାତର୍ ଆମ୍‌କେ ତମେ ଏତେକ୍ ଆଲାଦ୍ କଲାସ୍ନି,
 ସେଟା ତମେ ନିକସଙ୍ଗୁ ଜାନ୍‌ବାକେ ମୁଇ ଲେକିରଇଲି । ପର୍ମେସର୍ ଏଟା
 ଜାନିଆତେ । ୧୩ ସେଟାର୍‌ପାଇ ତମେ ଆମ୍‌କେ ବେସି ସାର୍ଦା କରାଇଲାସ୍ ।
 ଅବ୍‌କା ଆମେସେ ସାର୍ଦା ଅଇଲୁ ସେଡ୍‌କି ନଏଁ, ମାତର୍ ତିତସ୍ ସାର୍ଦା
 ଅଇଲାଟା ଦେକିକରି ମିସା ଆମେ ସାର୍ଦା ଅଇଲୁ । ତମେ ସବୁ ତାକେ ସାର୍ଦା
 କରାଇଲାକେ ସେ ମିସା ସାର୍ଦା ଅଇରଇଲା । ୧୪ ତିତସ୍ ତମର୍‌ଟାନେ ନ
 ଆଇବା ଆଗ୍‌ତୁ, ମୁଇ ତମର୍ ବିସଇ ବଡ୍‌ପନ୍ ଅଇକରି ତାକେ କଇରଇଲି ।
 ସେ ତମର୍‌ଟାନେ ଆଇଲାକେ ମୁଇ ବଡ୍‌ପନ୍ ଅଇକରି ସବୁ କଇଲାଟା ସଡ୍
 ବଲି ଜାନ୍‌ଲା । ତମେ ମକେ ଲାଜ୍ କରାସ୍ ନାଇ । ମୁଇ ତମ୍‌କେ ଜାଇଟା ସବୁ
 କଇଲି ଆଟି, ସେଟା ସଡ୍ । ଆରି ତିତସ୍‌କେ ଜାଇଟା କଇରଇଲି ସେଟା ମିସା
 ସଡ୍ ବଲି ଜାନାପଡ୍‌ଲାନି । ୧୫ ତେବେ ତମେ ତାର୍ ସବୁ ଆଦେସ୍ ମାନ୍‌ଲାସ୍
 ଆରି ତମେ ତାକେ ସାର୍ଦା ରଇସି କି ନ ରଏ ବଲି ଡରିକରି ରଇଲାଟା
 ସେ ଏଡ୍ କଲା । ତମର୍ ପାଇ ରଇବା ତାର୍ ଆଲାଦ୍, ଅଦିକ୍ ଅଦିକ୍ ଅଇ
 ଆଇଲାନି । ୧୬ ତମର୍‌ଟାନେ ମର୍ ପୁରାପୁରୁନ୍ ଆସା ଆତେ ବଲିକରି ମୁଇ
 ବେସି ସାର୍ଦା ଅଇଲିନି ।

୮ ଏ ମର୍ ବାଇବଇନିମନ୍, ମାସିଦନିଆର୍ ବିସ୍‌ବାସିମନ୍‌କେ ପର୍ମେସର୍
 ଜିବନ୍‌ଦୁକାଇ ରଇଲାର୍‌ପାଇ ତେଇ କାଇଟା ଗର୍‌ଲା, ସେଟା ତମେ ଜାନିରୁଆ
 ବଲି ମୁଇ ମନ୍ କଲୁନି । ୨ ବେସି ବଡ୍ ଦୁକ୍ କସ୍‌ଟ ପାଇ, ମୁର୍‌ତି
 ରଇକରି, ତେଇ ସେମନ୍ ବେସି ସାର୍ଦା କଲା । ତାକର୍ ସାର୍ଦା ଏତେକ୍
 ବଡିଜାଇରଇଲା ଜେ ସେମନ୍ ଅର୍‌କିଡ୍ ଅଇରଇଲେ ମିସା ତାକର୍ ବିସ୍‌ବାସି
 ବାଇମନର୍ ପାଇ ବେସି ବେସି ଦାନ୍ କଲା । ୩ ସେମନ୍ ଜେଡ୍‌କି ଦେବାର୍
 ରଇଲା, ତାର୍‌ତେଇଅନି ଅଦିକ୍ ଦେଲାଇ ବଲି ମୁଇ ସାକି ଦେଲିନି । ଦେବାର୍
 ମନ୍ ରଇଲାକେ ନିଜର୍ ମନ୍ କଲା ଇସାବେ ଦେଲାଇ । ୪ ଜିଉଦା ଦେସେ
 ରଇବା ପର୍ମେସର୍ ଲକ୍‌ମନ୍‌କେ ସାଇଜ କରବାକେ ସେମନ୍ ମିସା ମିସଡ୍

ବଲି ଆମ୍ଭଙ୍କେ ବାବୁଜିଆ କଲା । ୫ ଡାକରୁଟାନେଅନି ଆମେ ଜେଡ଼କି
 ଆସା କରିରଇଲୁ, ତାର୍ତ୍ତେଇଅନି ଅଦିକ୍ ଦେଲା । କାଇକେବଇଲେ
 ପର୍ତ୍ତମେ ସେମନ୍ ନିଜେ ନିଜେ ମାପୁରୁକେ ସର୍ପି ଅଇଲା । ତାର୍ତ୍ତପରେ
 ପର୍ତ୍ତମେସରର୍ ମନ୍ କଲା ଇସାବେ ସେମନ୍ ଆମ୍ଭଙ୍କେ ମିସା ସର୍ପି ଅଇଲା ।
 । ୬ ତେବର୍ପାଇ ତିତସ୍ ଜେ କି ତମର୍ ବିତ୍ରେ ଏ କାମ୍ ଜେନ୍ତି ଆରାମ୍
 କରିରଇଲା, ସେନ୍ତାରି ଆକା ତମର୍ ଆଲାଦର୍ ଦାନ୍ ସାରାଅ ବଲି ଆମେ
 ତାକେ ବାବୁଜିଆ କଲୁ । ୭ ତମେ ବେସି ବିସଇଟାନେ ପୁରାପୁରୁନ୍ ଆଚାସ୍
 । ସବୁ ବିସଇଟାନେ ସାଉକାର୍ ଅଇଆଚାସ୍ । ବିସ୍ବାସେ ଡାଞ୍ଚୁଆଚାସ୍,
 ବାକିଅ ସିକାଇବାକେ ଜାନିଆଚାସ୍, ବାକିଅତେଇ ତମର୍ ଗିଆନ୍ ଜବର୍
 ଆଚେ, ସଙ୍ଗୁର୍ ବିସ୍ବାସିମନ୍କେ ସାଇଜ କର୍ବାଟା ଆରି ଆମର୍ପାଇ ରଇବା
 ତମର୍ ଆଲାଦ୍ ବେସି ବଡ଼ ଆଚେ । ସେନ୍ତାରିସେ ଦାନ୍ ଦେବାଟାନେ ମିସା
 ଅଦିକ୍ ଅଦିକ୍ ଦିଆସ୍ ବଲି ଆମେ ମନ୍ କଲୁନି । ୮ ଏଟା ତମ୍ଭଙ୍କେ ମୁଇ
 ତିଆରୁଲା ପାରା କଇନାଇ, ମାତର୍ ବିନ୍ ବିସ୍ବାସିମନ୍ ତାର୍ ବାଇମନ୍କେ
 କେନ୍ତି ଅଦିକ୍ ମନ୍ କରି ସାଇଜ କଲାଇନି, ସେଟା ଜାନିରଇବାକେ କଇଲିନି ।
 ସେମନ୍ କଲାପାରା ତମେ କରିପାରାସ୍ ଆରି ସେଟା ଦେକି ତମର୍ ଆଲାଦ୍
 ସର୍ କି ମିର୍ ବଲି ମୁଇ ଜାନିପାର୍ବି । ୯ ଆମର୍ ମାପୁରୁ ଜିସୁକିରିସ୍ଟ
 ଜିବନ୍ ଦୁକାଇ ଅଇଲା ବିସଇ ତମେ ଜାନିଆଚାସ୍ । ସର୍ଗେ ସେ ବେସି
 ସାଉକାର୍ ଅଇରଇଲେ ମିସା ସେ ନିଜେ ଅର୍କିଡ଼ ଅଇଆଇଲା । ଜେନ୍ତି କି
 ତାରୁଲାଗି ତମେ ସାଉକାର୍ ଅଇସା । ୧୦ ସାଇଜ କର୍ବାକେ ତମେସେ
 ଆଗୁଡୁ ଅଇଲାସ୍ ଆରି ପରୁ ଅନି ଆରାମ୍ କରିଆଚାସ୍ । ଏବେ ମୁଇ ବାବୁଲିନି,
 ସେଟା ତମେ ସାରାଇଦେବାଟା ନିକ । ଉଜେ କାମ୍କର୍ବାଟାସେ ନାଇ, ମାତର୍
 କାମ୍କର୍ବାକେ ମନ୍ କରି କର୍ବାକେ ତମେ ପର୍ତ୍ତୁମ୍ ଆଚାସ୍ । ୧୧ ତେବେ
 ତମେ ସେଟା କରା, ଆରି ଦେବାଟା ସାରାଇଦିଆସ୍ । ତମେ ବେସି ସାର୍ଦା
 ଅଇ ମୁଲିଆଇଲାସ୍ । ସେନ୍ତାରିସେ ସାର୍ଦା ଅଇ ସାରାଇବାର୍ ଆଚେ ।
 ଗଟେକ୍ ଗଟେକ୍ ଲକ୍ ଜେଡ଼କି ଦେଇପାରାସ୍, ସେଡ଼କି ଦେଇ ସାରାଇଦିଆସ୍
 । ୧୨ କାଇକେ ବଇଲେ ଜଦି ତମ୍ଭଙ୍କେ ଦାନ୍ ଦେବାକେ ମନ୍ଆଚେ, ତମର୍
 ପାର୍ବା ଏତେକ୍ ଦେଲାସ୍ନି । ତମେ ଦେବାଟା ପର୍ତ୍ତମେସର୍ ସଙ୍ଗୁଇସି ।
 କାଇକେବଇଲେ, ତମେ ନାପାର୍ବା ଏଡ଼କି ଦିଆ ବଲି ମାଢ୍ଗେ ନାଇ । ୧୩
 ତମର୍ ବାଇମନ୍କେ ସାଇଜ କରିକରି ତମର୍ଟା ଉନା ଅଇଜାଅ ବଲି ମୁଇ

ମନ୍ କରନାଲ । ମାତର୍ ଏବେ ତମର୍ ଟାନେ ଜବର୍ ଆଚେଜେ, ଜାକେ
 ଲତାଆଚେ, ତାକେ ସାଇଜ କର୍ବାଟା ଟିକ୍ ରଇସି । ୧୪ ଏନ୍ତାରିକଲେ,
 ତମ୍ବେ ଜେତେବେଲେ ଲତା ପଡ଼ସି, ଆରି ସେମନ୍ତକେ ଜବର୍ ରଇଲେ,
 ସେମନ୍ ତମ୍ବେ ସାଇଜ କର୍ବାଇ । ଏନ୍ତାରି ଦୁଇ ବାଟର୍ ଲକ୍ ସମାନ୍
 ଇସାବେ ପାଇବାଇ । ୧୫ ଜେନ୍ତିକି ସାସ୍ତରେ ଲେକା ଅଇଆଚେ, ଜେ
 ଅଦିକ୍ କାମାଲଲା, ତାର୍ଟା ଉର୍ରେ ନାଇ, ଆରି ଜେ ଉନା କାମାଲଲା,
 ତାକେ ଉନା ଅଏନାଇ । ୧୬ ଆମେ ପର୍ମେସର୍ବକେ ଦନିଅବାଦ୍ ଦେଲୁନି,
 ଜେନ୍ତି ତମ୍ବେ ସାଇଜ କର୍ବାକେ ମନ୍ କଲୁ, ସେନ୍ତାରିସେ ତିତସ୍ବକେ ମିସା
 ସାଇଜ କର୍ବାକେ ମନ୍ ଦେଲା । ୧୭ ଆମେ ଜେତେବେଲେ ତିତସ୍ବକେ
 ତମ୍ବେଟାନେ ଜିବାକେ କଇଲୁ, ସେ ଦାପ୍ରେ ଜିବାକେ ରାଜି ଅଇଲା । ସେ
 ନିଜେ ମନ୍ କରି ତମ୍ବେଟାନେ ଜାଇ ତମ୍ବେ ସାଇଜ କର୍ବି ବଇଲା । ୧୮
 ତାର୍ ସଞ୍ଜୁ ଆରି ଗଟେକ୍ ବାଇକେ ମିସା ପାଟାଇଲୁନି । ଏ ଲକ୍ ଜିସୁକିରିସ୍ଟର୍
 ସୁବ୍ବକବର୍ ଜାନାଇଲାନିଜେ ସବୁ ବିସ୍ବାସିମନ୍ ତାକେ ସମ୍ମାନ୍ ଦେଲାଇନି
 । ୧୯ କାଲି ସେତ୍ବକିରେ ନଏଁ, ତମେ ଦେଇରଇବା ଆଲାଦର୍ ଦାନ୍ ଆମେ
 ଲତା ରଇବା ବାଇମନର୍ ଲଗେ ନେବାବେଲେ, ଆମର୍ ସଞ୍ଜୁ ଜିବାକେ ସବୁ
 ବିସ୍ବାସିମନ୍ ତାକେ ବାଟିକରି ପାଟାଇଆଚର୍ । ଏଟା ପର୍ମେସର୍ ଡାକ୍ପୁଟା
 ପାଇବାକେ ଆରି ତମ୍ବେ ସାଇଜ କର୍ବାକେ ଆମେ ସାର୍ଦା ଅଇକରି ଏନ୍ତାରି
 କଲୁନି । ୨୦ ଆମର୍ ଲାଗି ସେବା କାମର୍ ପାଇ ତମେ ଆଲାଦ୍ ସଞ୍ଜୁ ଦେଇ
 ଜମାଇରଇଲା ଏ ତାରୁ ଜନ୍ଟାକି ଆମେ ଦାରିଗାଲୁନି, । ଏ ତାରୁ ବିସଇନେଇ
 ଆମ୍ବେ କେ ମିସା ନିନ୍ତା ନ କରର୍ । ସେଟାର୍ପାଇ ଆମେ ଜାଗ୍ବର୍ ଅଇଆରୁ
 । ୨୧ କାଇକେ ବଇଲେ ଆମେ କର୍ବା କାମ୍ ସବୁ ଟିକ୍ ରଇବାର୍ ଆଚେ ।
 ଅବ୍ବା ପର୍ମେସର୍ ଦେକ୍ବା ଇସାବେସେ ନାଇ ମାତର୍ ଲକ୍ମନ୍ ଦେକ୍ବା
 ଇସାବେ ମିସା ଅ । ୨୨ ଆମେ ଆରି ଗଟେକ୍ ବାଇକେ ମିସା ତିତସର୍ ଦଲ୍
 ସଞ୍ଜୁ ପାଟାଇଲୁନି । ଏ ବାଇକେ ଆମେ ବେସି ତର୍ ପରିକା କଲୁଆରୁ ।
 ଆରି ତାକେ ସାଇଜ କର୍ବାକେ ବେସି ମନ୍ ଆଚେ । ଏବେ ସେ ଅଦିକ୍ ମନ୍
 କଲାନ୍ତି । କାଇକେବଇଲେ ସେ ତମ୍ବେ ଅଦିକ୍ ଆସା କଲାନ୍ତି । ୨୩ ଏବେ
 ତିତସର୍ ବିସଇ ଜାନ୍ବାର୍ ଆଲେ ସେ ତମ୍ବେ ସାଇଜ କର୍ବାକେ ମର୍
 ସଞ୍ଜୁ କାମ୍ କଲାନ୍ତି । ଆରି ସେ ଦୁଇଟା ବିନ୍ ବାଇମନ୍ ଇତିର୍ ବିସ୍ବାସିମନ୍
 କଇଲାକେସେ ତାର୍ସଞ୍ଜୁ ଗାଲାନ୍ତି । ସେମନ୍ କର୍ବା କାମର୍ ଲାଗି କିରିସ୍ଟ

ଡାକ୍ତରୀ ଅଇସି । ୨୪ ସେମନ୍ ଡେଇ କେଟ୍‌ଲେ ସରି ତମେ ଆଲାଦ୍ କରି ସେମନ୍‌କେ ଡାକିନିଆ । ଜେନ୍ତୁରି କି ତମର୍ ଆଲାଦ୍ ସତ୍ ବଲି ସବୁ ବିସ୍‌ବାସିମନ୍ ଜାନ୍‌ବାଇ ଆରି ତମର୍ ବିସଇନେଇ ଆମେ ବଡ୍‌ପନ୍ ଅଇ ସବୁ କଇବାଟା, ସତ୍ ବଲି ଜାନ୍‌ବାଇ ।

ଜିଉଦାଦେସେ ରଇବା ପର୍ମେସରର୍ ଲକ୍‌ମନ୍‌କେ ଦାନ୍ ଦେଇ ପାଟାଇତେରଇବା ତାବୁ ବିସଇ ତମ୍‌କେ ଆରି ମୁଇ ନ ଲେକି । ୨ କାଇକେବଇଲେ ମୁଇ ଜାନି ଆତି, ତମେ ସବୁବେଲେ ସାଇଜ କର୍‌ବାକେ ସାର୍‌ଦା ଅଇଲାସ୍‌ନି । ଆରି ମୁଇ ବଡ୍‌ପନ୍ ଅଇ ତମର୍ ବିସଇନେଇ ମାକିଦନିଆର୍ ଲକ୍‌ମନ୍‌କେ କଇ ଆତି । ମୁଇ କଇଲି “ଆକାୟାର୍ ବାଇବଇନିମନ୍ ପରୁଅନି ସାଇଜ କର୍‌ବାକେ ଜାଗିଆତତ୍ ।” ସେମନ୍ ଏଟା ସୁନ୍‌ଲାବେଲେ ତାକର୍ ବିତ୍‌ରେ ଅନି ବେସି ଲକ୍ ଦେବାକେ ମନ୍ କଲାଇ । ୩ ଏବେ ମୁଇ ଏ ବାଇବଇନିମନ୍‌କେ ପାଟାଇଲିନି । ଜେନ୍ତୁକି ତମର୍ ବିସଇନେଇ ମୁଇ ବଡ୍‌ପନ୍ ଅଇ କଇଲାଟା ଅବ୍‌କା କାତାଇ ନ ରଅ । ମାତର୍ ମୁଇ କଇଲାପାରା ତମେ ଦାନ୍ ଦେବା ତାବୁସଢ୍ଘ ଜାଗ୍‌ରତ୍ ଅଇ ରୁଆ । ୪ ମାତର୍ ମାକିଦନିଆର୍ ଲକ୍‌ମନ୍ ଜଦି ମର୍ ସଢ୍ଘ ଆସି ତମେ ଜାଗ୍‌ରତ୍ ନ ଅଇଲାଟା ଦେକ୍‌ଲେ, ତାକର୍ ମୁଆଟେ ଆମେ ଲାଜ୍ ଅଇଜିବାର୍ ଅଇସି । ଆରି ତମେ ମିସା ଲାଜ୍ ଅଇଜାଇସା । କାଇକେବଇଲେ ଆମେ ତମ୍‌କେ ବେସି ଆସାକରି ରଇଲୁ । ୫ ତେବେ ମୁଇ ବାବ୍‌ଲି, ଏ ବାଇବଇନିମନ୍, ମୁଇ ଜିବା ଆଗ୍‌ରୁ ସେମନ୍ ଜାଇକରି ଜନ୍ ଦାନ୍ ତମେ ଦେବୁ ବଲି କଇତେରଇଲାସ୍, ସେଟା ଜମାଇକରି ସଢ୍ଘଇବାକେ ସେମନ୍‌କେ ବାରୁଜିଆ କର୍‌ବି । ଜଦି ଆମେ ସେନ୍ତୁରି କର୍‌ବୁ ବଇଲେ, ଦାନ୍ ଦେବା ତାବୁ ମୁଇ ଆଇଲା ବେଲେ, ଜାଗ୍‌ରତ୍ ଅଇରଇସି । ଆରି ସେଟା ତମେ ନିଜେ ମନ୍ କରି ଦେଲାସ୍ । ବାଦିଅ କଲାକେ ଦିଆସ୍ ନାଇ ବଲି ଜାନାପଡ୍‌ସି । ୬ ତମର୍ ମନେ ର । ଜଦି ଗଟେକ୍ ଚାସି ଉନା ବିଅନ୍ ବୁନ୍‌ସି, ସେ ଉନା ପସଲ୍ ପାଇସି । ଆରି ଜନ୍ ଚାସି ବୁଡେକ୍ ବିଅନ୍ ବୁନ୍‌ସି, ସେ ବୁଡେକ୍ ପସଲ୍ ପାଇସି । ୭ ଦାନ୍ ଦେବାକେ ତମେ ଜେନ୍ତୁ କାତାବାର୍‌ତା ଅଇଆଟାସ୍, ସେନ୍ତୁରି ଦେବାର୍‌ଆଟେ । ଦୁକ୍ ଅଇକରି ନାଇ କି କେ ବାଇଦ କଲାପାଇ ନାଇ । କାଇକେବଇଲେ ତମେ ସାର୍‌ଦା ସଢ୍ଘ ଦେଲେ ପର୍ମେସର୍ ସେଟା ମନ୍ କର୍‌ସି । ୮ ଆରି ତମ୍‌କେ ଜେଡ୍‌କି ଲଡା ଆଟେ, ତାର୍‌ତେଇଅନି ଅଦିକ୍ ପର୍ମେସର୍ ଦେଇ ପାର୍‌ସି । ଜେନ୍ତୁରିକି

ନିଜରୁପାଇ ଜେଡ଼କି ଦରକାର, ସେଡ଼କି ତମରୁଟାନେ ସବୁ ବେଲେ ରଇସି ଆରି ବିନ୍ ଲକ୍ମନକେ ସାଇଜ କରବାକେ ମିସା ଜବର ରଇସି । ୯ ସାସ୍ତର କଇଲାପାରା ଲତାକେ ଆଇବା ଲକ୍ମନକେ ସେ ଜବର ଦେଇସି ଆରି ତାରୁ ଜିବନ୍ ଦୁକାଇଲାଟା କେବେ ମିସା ନ ସାରେ । (aiōn g165) ୧୦ ଆରି ପରମେସରୁ ଜେ କି ବୁନ୍ଦବାକେ ବିଅନ୍ ଆରି କାଇବାକେ କାଦି ଦେଇସି, । ସେ ତମ୍ବକେ ଜେଡ଼କି ବିଅନ୍ ଦରକାର ସେଡ଼କି ଦେଇସି । ଆରି ସେଟା ବଡ଼କରି ବେସି ପସଲୁ ଅଇସି । କାଇକେବଇଲେ ତମେ ଜବର ଦେଲାସ୍ତି । ୧୧ ସେ ତମ୍ବକେ ସାଉକାରୁ କରାଇସି । ଜେନ୍ତୁରି କି ତମେ ସବୁବେଲେ ଜବର ଦେଇପାରାସ୍ । କାଇକେବଇଲେ ଆମରୁଟାନେଅନି ପାଇରଇବା, ତମେ ଦେଲା ଦାନରୁପାଇ ବେସି ଲକ୍ ପରମେସରୁକେ ଦନିଅବାଦ୍ ଦେବାଇ । ୧୨ ତମେ କରବା ଏ ନିକ କାମରୁ ଲାଗି ପରମେସରୁ ଲକ୍ମନକେ ଲତାକେ ଆଇବା ବିସଇ ପୁରାପୁରୁନ୍ ଅଇଲାନି । ଆରି ପରମେସରୁଟାନେ ଦନିଅବାଦ୍ ଆଜାଡ଼ି ଅଇଲାପାରା ମିସା ଅଇଲାନି । ୧୩ ତମେ କରବା ଏ ନିକ କାମ୍ ଦେକିକରି ଲକ୍ମନ ପରମେସରୁକେ ମଇମା କରବାଇ । କାଇକେବଇଲେ ବିସ୍ବାସ୍ କରିରଇବା କିରିସ୍ତର୍ ସୁବ୍‌କବରୁ ତମେ ମାନୁଲାସ୍ତି । ଆରି ସେମନ୍‌କେ ଆରି ବିନ୍‌ଲକ୍ମନକେ ମିସା ଜବର ଦେଲାସ୍ତି । ୧୪ ପରମେସରୁ ଜିବନ୍ ଦୁକାଇ ତମ୍ବକେ ଦୟା ଦେକାଇଲାପାଇ ସେମନ୍ ବେସି ଆଲାଦ୍ ଅଇକରି ତମରୁପାଇ ପାର୍ତନା କରବାଇ । ୧୫ ପରମେସରୁ ବେସି ମୁଲିଅ ରଇବା ଦାନରୁପାଇ ଆମେ ତାକେ ଦନିଅବାଦ୍ ଦେଉଁ ।

୧୦ ମୁଇ ପାଉଲ୍ ତମ୍ବକେ ବାବୁଜିଆ କଲିନି, ମୁଇ ତମରୁ ସଢ଼ୁ ରଇଲାବେଲେ, ତମ୍ବକେ ଲାଗ୍‌ବାକେ ତରୁସି ବଲି କେତେଲକ୍ କଇଲାଇନି । ମାତରୁ ଲେକ୍‌ବାକେ ସାଆସ୍ ଅଇକରି ବାଦ୍‌ଲାପାରା ଲେକ୍‌ଲାନି ବଲି କଇଲାଇନି । ଆମେ କିରିସ୍ତର୍ ସଢ଼ୁ ଗାଲୁନି, ଜେ କି ବେସି ସୁଆଲ୍ ଆରି ଦରମ୍ । ସେଟା ନେଇକରି ବାବୁଜିଆ କଲିନି । ୨ ମୁଇ ତେନେ ଆଇଲାବେଲେ ତମରୁ ତଲାତଲୁଡ଼ି ନିକ ଅଇରଅ । ଜେନ୍ତୁରି କି ମୁଇ ତମ୍ବକେ ଲାଗ୍‌ବାକେ ନ ପଡ଼େ । ମାତରୁ ଜନ୍ ଲକ୍ମନ ଏ ଜଗତରୁ ଲକ୍ ପାରା ନିଜରୁ ମନ୍ କଲା ଇସାବେ ଗାଲାଇନି ବଲି ଆମରୁ ବିସଇନେଇ କଇଲାଇନି, ସେମନ୍‌କେ ଲାଗ୍‌ବାକେ ମୁଇ ନ ତରି । ୩ ଆମେ ଏ ଜଗତେ ବୁଝୁନି ଏଟା ସତ୍, ମାତରୁ ଲକ୍ମନରୁ ଗିଆନ୍ ସଢ଼ୁ ଜୁଜିକରି ରଉନାଇ । ୪ ଜନ୍ ଆଦ୍ ଆଡ଼ିଆରୁ ସଢ଼ୁ

ଆମେ ଜୁଜୁଲୁନି, ସେଟା ଲକ୍ଷ୍ମୀନରୁଟାନେଅନି ଆସେନାଇ, ମାତରୁ ସେଟା
 ବେସି ବପୁରୁ ସଞ୍ଜ ରଇବା ପର୍ଯ୍ୟନ୍ତ ଚାନ୍ଦେଅନି ଆଇସି । ଏ ବପୁ
 ସଞ୍ଜ ପର୍ଯ୍ୟନ୍ତ ବିରୁଦେ ତାରୁ ସତ୍ତ୍ୱମନ୍ ଉଟାଇରଇବା ଡାଁଟରୁ କଟି
 ଜାକ ଆରି ଲକ୍ଷ୍ମୀନରୁ ମନ୍ ବିତ୍ରେ ଦଦାପେଲା ଅଇବା ଚିନ୍ତା ସବୁ ଆମେ
 ଆରାଇପାରୁ । ୫ ବଡ଼ପନ୍ ଅଇବା ଲକ୍ଷ୍ମୀନ ପର୍ଯ୍ୟନ୍ତ ବିରୁଦେ ନିଜ୍ଜକେ
 ଉଟାଇବାଟା ଆରି ଜେତକି ସବୁ ଚିନ୍ତା ପର୍ଯ୍ୟନ୍ତ ଗିଆନ୍ ଉପ୍ରେ ଉଟ୍ସି,
 ସେଟା ସବୁ ଜାକ ଆମେ ବାନ୍ଧିକରି କିରିସ୍ତକେ ମାନତ୍ ବଲି ସର୍ପାଇରୁ । ୬
 ତମେ କିରିସ୍ତରୁ ଆଦେସ୍ ସବୁ ମାନ୍ଲାଟା ଦେକାଇଲା ପତେ, ତେଇ ରଇବା
 ଜେତକି ସବୁ ବିସ୍ତାସିମନ୍, ଜନ୍ଲକ୍ଷ୍ମୀନ କି ତାରୁ ଆଦେସ୍ ମାନ୍ବାକେ ମନ୍
 କରତ୍ ନାଇ, ସେମନ୍ତକେ ତଣ୍ଟୁ ଦେବାକେ ଆମେ ଜାଗ୍‌ରତ୍ ଅଇକରି ରଇରୁ
 । ୭ ତମେ ଲକ୍ଷ୍ମୀନରୁ ବାଇରରୁ ବିସଇ ଦେକ୍‌ଲାସ୍‌ନି । କାଇକେବଇଲେ
 ତମରୁ ବିତ୍ରେ କେତେଲକ୍ ବୁଲ୍ ଚିନ୍ତାକରି ଆମେସେ କିରିସ୍ତରୁ ସତ୍
 ସେବାକରୁମନ୍ ବଲି ବାବ୍‌ଲାଇନି । ସେମନ୍ ଆରିତରେକ୍ ନିଜରୁ ବିସଇ
 ଚିନ୍ତାକରି ଦେକ୍‌ବାରୁ ଆତେ । କାଇକେବଇଲେ ସେମନ୍ ଜେନ୍ତାରି ଆତତ୍
 ଆମେ ମିସା ସେନ୍ତାରି କିରିସ୍ତରୁ ସତ୍ ଦାସ୍ । ୮ ତମରୁ ଉପ୍ରେ ଆମରୁ
 ଅଦିକାରୁ ଆତେ । ସେଟା ପର୍ଯ୍ୟନ୍ତ ଆମ୍‌କେ ଦେଇରଇଲା । ମାତରୁ ସେ
 ଅଦିକାରରୁ ବିସଇନେଇ ଜଦି ମୁଇ ବେସି ବଡ଼ପନ୍ ଅଇଲିଆତି, ସେଟାପାଇ
 ମକେ ଲାଜ୍ ନ ଲାଗେ । ତମ୍‌କେ ନସ୍ତ କରୁବା ଅଦିକାରୁ ସେ ମକେ
 ଦେଏନାଇ, ମାତରୁ ଜେନ୍ତି କି ତମରୁ ବିସ୍ତାସ୍ ଡାଁଟ୍ କରାଇବି । ୯ ଏ ଚିଟି
 ଲେକିକରି ମୁଇ ତମ୍‌କେ ତରାଇବାକେ ମନ୍ କରୁନାଇ । ୧୦ ମାତରୁ ତମ୍‌କେ
 ଲେକ୍‌ଲାବେଲେ ଦମ୍‌କାଇ କରି ଲେକ୍‌ଲିନି ବଲି କେତେଲକ୍ କଇଲାଇନି ।
 ମାତରୁ ତମରୁ ସଞ୍ଜ ରଇଲାବେଲେ ମୁଇ ଦୁର୍ବଲ୍ ଅଇକରି ମରୁ କଇଲା ପତ୍
 କାଇ ମୁଲିଅ ନାଇ ପାରା ରଇଲା । ୧୧ ଜନ୍ ଲକ୍ଷ୍ମୀନ ଏନ୍ତାରି କାତା ଅଇବାଇ,
 ଚିଟିଟାନେ ଆମେ ଜନ୍ ବିସଇ ଲେକିଆରୁ, ତେଇ ଆଇଲେ, ସମାନ୍ ବିସଇସେ
 କରୁରୁ ବଲି ସେମନ୍ ଜାନ୍‌ବାରୁ ଆତେ । ୧୨ ଜନ୍‌ଲକ୍ଷ୍ମୀନ ଆମେ ନିଜେ
 ବଡ଼ଲକ୍ ବଲି ବାବିଅଇଲାଇନି, ସେମନ୍ତ ସଞ୍ଜ ସମାନ୍ ଅଇବାକେ ଆମେ
 ମନ୍ କରୁନାଇ । ସେମନ୍ ସବୁଟାନେ ଅନି ଆମେ ଆକା ଜାନିଆରୁ ବଲି ବୁଲ୍
 ଚିନ୍ତା କଲାଇନି । ସେମନ୍ ସତଇସେ ବକୁଆ । ନିଜ୍ଜକେ ନାପ୍‌ବାକେ, ନାପି
 ଅଇବାଟା ନିଜେ ତିଆରୁ କଲାଇନି । ନିଜ୍ଜକେ ବିତାରୁ କରୁବାକେ ପରିକା

ନିଜେ ତିଆର କଲାଈନି । ୧୩ ମାତର ଆମେ, ଆମର କାମ୍ ବିସଇନେଇ ଅଦିକ୍ ବଡ଼ପନ୍ ଅଉନାଇ । ଆମେ ଜେତକି ବଡ଼ପନ୍ ଅଇବାର୍ ଆଚେ ସେତକି ବଡ଼ପନ୍ ଅଇରୁ । ପର୍ମେସର୍ ଆମ୍‌କେ ଜେତକି କାମ୍ ଦେଲାଆଚେ, ସେତକି କାମେ, ଆମେ ବଡ଼ପନ୍ ଅଇରୁ । ଆରି ତମର୍ ବିତ୍‌ରେ ଆମେ କରବା କାମ୍ ମିସା ତେଇ ମିସଲା ଆଚେ । ୧୪ ପର୍ମେସର୍ ଆମ୍‌କେ ଦେଇରଇବା କାମେ ତମେ ମିସ୍‌ଲାର୍‌ପାଇ କିରିସ୍‌ଟର୍ ସୁବ୍‌କବର୍ ନେଇକରି ଆଇଲାବେଲେ, ପର୍ମେସର୍ ଆମ୍‌କେ ଦେଲା କାମେଅନି ବାଇରେ ଜାଏ ନାଇ । ୧୫ ତେବର୍‌ପାଇ ବିନ୍ ଲକର୍ କାମ୍ କଲାଟା ନେଇକରି ଆମେ ନିଜେ ଡାକ୍‌ପୁଟା ଅଉନାଇ । ସେ କାମ୍ କରବାକେ ପର୍ମେସର୍ ଆମ୍‌କେ ଦେଏ ନାଇ । ମାତର୍ ତମର୍ ବିସ୍‌ବାସ୍ ଡାଟ୍ ଅ ବଲି ଆମେ ମନ୍ କଲୁନି । ଜେନ୍ତିକି ତମର୍ ଜାଗାଇ ଆମେ କରବା କାମ୍ ଅଦିକ୍ ଅଦିକ୍ ଅଇସି । କାଇକେବଇଲେ ପର୍ମେସର୍ ଆମ୍‌କେ ଦେଇରଇବା କାମେଅନି ଅଦିକ୍ କରବାକେ ଆମେ ମନ୍ କରୁନାଇ । ୧୬ ସେନ୍ତ୍ରାଆଲେ ଆମେ ଜାଇକରି କିରିସ୍‌ଟର୍ ସୁବ୍‌କବର୍ ତମର୍ ଜାଗାଇ ଅନି ତେନ୍‌କର୍ ଜାଗା ମନ୍‌କେ ଜାନାଇରୁ । କାଇକେବଇଲେ ଆମ୍‌କେ ଦେଇରଇବା କାମେସେ ଆମେ ବଡ଼ପନ୍ ଅଇରୁ ବଲି ମନ୍ କଲୁନି । ବିନ୍ ଲକ୍ କିରିରଇବା କାମ୍‌ଟାନେ ବଡ଼ପନ୍ ନ ଅଉ । ୧୭ ସାସ୍‌ତର୍ କଇଲାପାରା “ଜେ ବଡ଼ପନ୍ ଅଇବାକେ ମନ୍ କଲାନି, ସେ ମାପୁରୁ କଲା କାମେସେ ବଡ଼ପନ୍ ଅଇବାର୍ ଆଚେ ।” ୧୮ କାଇକେ ବଇଲେ ଗଟେକ୍ ଲକ୍ ନିଜେ ବଲ୍ ବଲାଅଇଲେ, ମାପୁରୁ ତାକେ ଅଦିକାର୍ ନ ଦେଏ । ମାତର୍ ମାପୁରୁ ଦେକ୍‌ବା ଇସାବେ ଜେ ନିକ, ସେ ତାର୍ ନିଜର୍ ଲକ୍ ଅଇସି ।

୧୧ ଜଦି ମୁଇ ବକୁଆ ଲକର୍‌ପାରା କାତା କଇଲେ ମିସା ତମେ ସେଟା ସୁନି ତିମ୍‌ରା ଅଇରୁଆ । ୨ ମାପୁରୁ ତମର୍ ବିସଇନେଇ ମର୍ ଲକ୍‌ମନ୍ ମକେସେ ନାମିକରି ରଅଡ୍ ବଲି ଦାରିଆଚେ । ସେନ୍ତିସେ ମୁଇ ମିସା ତମ୍‌କେ ପର୍ମେସର୍‌କେସେ ମନ୍ କରା ବଲି ଆସା କଲିନି । ସୁକଲ୍ ଅଇରଇବା ଗଟେକ୍ ଦାଢ଼ୁତିପାରା ମୁଇ ତମ୍‌କେ ଗଟେକ୍ ଦାଢ଼ୁଡାର୍ ପାଇ ମାଢ଼ୁନି କଲିଆତି । ସେ ଅଇଲାନି ନିଜେ କିରିସ୍‌ଟ । ୩ ମୁଇ ତମର୍ ବିସଇନେଇ ବାବି ବାବି ଆତି । କେତେବେଲେ ତମର୍ ମନର୍ ଚିନ୍ତା କିରିସ୍‌ଟେଇ ଅନି ବିନ୍ ବାଟେ ଜାଇସି ଆରି ତାର୍‌ପାଇ ରଇବା ତମର୍ ଆଲାଦ୍ ପୁରାପୁରୁନ୍ ମନ୍ ସଢ଼ୁ ନ ରଏ । ଅବା ପାରା ତମେ ନାଡାଇଅଇସା ମିସା । ଜେନ୍ତିକି ସେ ଗଟେକ୍ ଚତୁର୍

ସାଁପର୍ କାତା ଦାରି ନାଡ଼ାଇଅଇଲା । ୪ କାଇକେବଇଲେ, ଜଦି କେ ମିସା
 ତମର୍ ଲଗେ ଆସି କରି ଆମେ ତମ୍‌କେ ଜାନାଇରଇବା ଜିସୁର୍ ବିସଇକେ
 ଚାଡ଼ି, ବିନ୍ ସିକିଆ ଦେଲେ ତମେ ସାର୍‌ଦା ଅଇସା । ସୁକଲ୍ ଆତ୍‌ମାକେ ନ
 ପାଇକରି ବିନ୍ ଆତ୍‌ମାକେ ପାଇଲାସ୍‌ନି । ଆରି ସେମନ୍ ଜନ୍ ସୁବ୍‌କବର୍
 ଜାନାଇଲାଜନି, ସେଟା ଆମେ ଜାନାଇବା ସୁବ୍‌କବର୍ ନଏ । ୫ ତମର୍ ଟାନେ
 ଜେଡ଼କି ସିକାଉମନ୍ ଆତର୍ । ଜଦି ସେମନ୍ ଆମେ ସବୁର୍‌ଟାନେଅନି ମୁକିଅ
 ପେରିତ୍‌ମନ୍ ବଲି ନିଜେ କଇଅଇଲେ ମିସା, ସେମନ୍ ମର୍‌ଟାନେଅନି ବଡ଼
 ବଲି ମୁଇ ବାବି ନାଇ । ୬ ମୁଇ ଅଦିକ୍ କାତା କଇ ନାପାର୍‌ଲେ ମିସା, ସତ୍
 ସିକିଆ ଜାନିଆତି । ଆରି ମୁଇ ତମ୍‌କେ ଜେଡେବେଲେ ଜାକ ଏ ସିକିଆ
 ଦେଇଡେରଇଲି, ଏଟା ତମ୍‌କେ ଜାନାଇଆତି । ୭ ତମ୍‌କେ ମୁଇ ଜେଡେବେଲେ
 ସୁବ୍‌କବର୍ ଜାନାଇରଇଲି, କେବେ ମିସା ମର୍ ବୁଡ଼ି ମାଡ଼୍ଟି ନାଇ । ତମ୍‌କେ
 ମୁକିଅ ଲକ୍ କରାଇବାକେ ମୁଇ ନିଜେ ତଲ୍‌କେ ଅଇଲି । ମୁଇ କରିରଇଲାଟା
 ବୁଲ୍ ରଇଲା କି? ୮ ମୁଇ ତମର୍ ବିତ୍‌ରେ ସେବା କାମ୍ କଲାବେଲେ, ବିନ୍
 ମଣ୍ଟୁଲିର୍ ଲକ୍‌ମନ୍ ମର୍‌ପାଇ କର୍ତ ଅଇଲାଟା ଦେଲାଇ । ତମ୍‌କେ ସାଇଜ
 କର୍ବାକେ ଚାର୍‌ଟାନେଅନି ମୁଇ ଚରାଇକରି କଲାପାରା ଅଇଲା । ୯ ମୁଇ
 ତମର୍‌ଟାନେ ରଇଲାବେଲେ ମକେ ଲଡ଼ା ରଇଲାବେଲେ, ତମର୍‌ଟାନେଅନି
 ମାଡ଼୍ଟିନାଇ । କାଇକେବଇଲେ ମାକିଦନିଆର୍ ବାଇବଇନିମନ୍ ମକେ ଜାଇଟା
 ଲଡ଼ା ରଇଲା, ସେଟା ସବୁ ଆନିଦେଲାଇ । ପୁର୍ବେ ଜେନ୍ତି ରଇଲା, ପର୍‌କେ
 ମିସା ମୁଇ ତମର୍‌ଟାନେଅନି କାଇଟା ନ ମାଡ଼୍ଟି । ୧୦ ମୁଇ ବଡ଼ପନ୍ ଅଇକରି
 ଏନ୍ତୁରି କଇବାଟା ଆକାୟାର୍ କେ ମିସା ମର୍ ବିରୁଦେ କଇନାପାର୍‌ତ୍ ।
 ମୁଇ କଇବାଟା ସତ୍ । କାଇକେବଇଲେ କିରିସ୍‌ଟ ମର୍‌ସଙ୍ଗୁ ଆତେ । ୧୧
 ମକେ ଆଲାଦ୍ ନାଇକେ ମାଡ଼୍ଟେ ନାଇ ବଲି ବାବ୍‌ଲାସ୍‌ନି କି? ମାତର୍ ମୁଇ
 ତମ୍‌କେ ସତଇସେ ଆଲାଦ୍ କର୍ବାଟା ପର୍‌ମେସର୍ ଜାନେ । ୧୨ ମୁଇ
 ତମର୍‌ଟାନେ ଅନି କାଇକେ ବୁଡ଼ି ନେଇନାଇ ବଇଲେ, ଜେନ୍ତୁରିକି ତମର୍
 ଟାନେ ରଇବା ବିନ୍ ପେରିତ୍‌ମନ୍ ବଡ଼ପନ୍ ଅଇକରି, ଆମେ ପର୍‌ମେସର୍
 ପାଇ କର୍ବା କାମ୍ ସମାନ୍ ଆତେ ବଲି କଇନାପାର୍‌ତ୍ । ୧୩ ସେମନ୍ ସତ୍
 ପେରିତ୍‌ମନ୍ ନଅତ୍ । ସେମନ୍ ମିରୁଆଟାମନ୍ । ଜେ କି ନିଜର୍ ନିଜର୍ କାମ୍
 ବିସଇନେଇ ମିର୍ କଇବାଇ । ଆରି ସେମନ୍ ମିର୍ ବେସ୍ ଦାରିକରି ଆମେ ସତ୍
 ପେରିତ୍ ବଲି ଦେକାଇଅଇବାଇ । ୧୪ ଏଟା ଦେକି କାବାଅଇ ଜାଆ ନାଇ

। କାଇକେବଇଲେ, ସଇତାନ୍ ମିସା ନିଜେ ବାଦ୍‌ଲାଇଅଇ ଉଜଲର୍ ଦୁର୍ ପାରା ଦେକାଇ ଅଇସି । ୧୫ ସେନ୍ତୁର୍ ଆଲେ ତାର୍ ସେବାକାମ୍ କରୁମନ୍ ମିସା ବାଦ୍‌ଲାଇଅଇ ଦରମ୍ କାମ୍‌କରୁମନ୍ ପାରା ଦେକାଇଅଇଲେ, ସେଟା କାବା ଅଇଜିବା ବିସଇ ନଏ । ସାରାସାରି ସେମନ୍‌କେ ତାକର୍ କରିରଇବା କାରାପ୍ କାମ୍ ଇସାବେ ତଣ୍ଟୁ ମିଲ୍‌ସି । ୧୬ ମୁଇ ଏ କାତା ଆରିତରେକ୍ କଇଲିନି ଜେ, ଏଟା ଗଟେକ୍ ବକୁଆଟା, ବଲି ବାବାନାଇ । ଜଦି ତମେ ମକେ ବକୁଆ ବଲି ମାନ୍‌ଲାସ୍‌ନି, ମୁଇ କଇବା ଏ ବଡ୍‌ପନ୍ କାତା ଆରି ଅଲପ୍ ସୁନାତା । ସେନ୍ତୁର୍ କଲେ ମୁଇ ବଡ୍‌ପନ୍ ଅଇ କାତା ଅଇବି । ୧୭ ମୁଇ ଏ କଇବା କାତାମନ୍ ମାପ୍‌ରୁ ମକେ କଅ ବଲି ମନ୍ କରେନାଇ । ମାତର୍ ଏ କାତା ଗଟେକ୍ ବକୁଆ ଲକର୍‌ପାରା ବଡ୍‌ପନ୍ ଅଇକରି କଇଲିନି । ୧୮ କାଇକେବଇଲେ, ଏ ଜଗତେ ତାକର୍ ନିଜର୍ କାମ୍ ବିସଇନେଇ ବଡ୍‌ପନ୍ ଅଇ କଇବାଲକ୍ ବେସି ଆତର୍ । ମୁଇ ମିସା ମର୍ ବିସଇନେଇ ବଡ୍‌ପନ୍ ଅଇକରି କଇବି । ୧୯ ତମେ ସବୁ ବୁଦି ରଇବା ଲକ୍ ବଲି ବଲାଇ ଅଇଲାସ୍‌ନି । ମାତର୍ ବକୁଆ ମନ୍ କାମ୍ ଦେକ୍‌ଲେ ରୁପ୍ ଅଇଆତାସ୍ । ୨୦ ତେବର୍‌ପାଇ ସେମନ୍ ଜଦି ତମ୍‌କେ ଗତିଦାଢ୍ଘୁଡା କରି ସଢ୍ଘୁଇଲେ, କି ତମର୍ ଦନ୍ ସଁପତି ନେଲେ, କି ତମ୍‌କେ କାଇଆଲେ ପାନେ ପାକାଇଲେ, କି ଆମର୍ ତଲେ ରୁଆ ବଲି କରି କଇଲେ କି ଏନ୍ତୁରି କି କେ ତମର୍ ଗାଲେ ଚାପଡ୍ ମାର୍‌ଲେ ମିସା ତମେ ମୁର୍ଚି କରି ରଇସା । ୨୧ ସେ ସବୁ କାରାପ୍ ବିସଇ କର୍‌ବାକେ ଆମ୍‌କେ ସାଆସ୍ ନ ରଇଲା । ଏଟା ସଡ୍ ବଲି କଇବାକେ ମୁଇ ଲାଜ୍ ଅଇନାଇ । ମାତର୍ ସେମନ୍ କାଇ ବିସଇନେଇ ବଡ୍‌ପନ୍ ଅଇ କାତା ଅଇବାକେ ସାଆସ୍ କର୍‌ବାଇ, ସେନ୍ତି ମୁଇ ମିସା ସାଆସ୍ କର୍‌ବି । ଦେକା! ମୁଇ ଏଟା ଗଟେକ୍ ବକୁଆ ଲକର୍‌ପାରା କାତା ଅଇଲିନି । ୨୨ ସେମନ୍ ଜଦି ଆମେ ଏବ୍‌ରି ବସ୍‌ସର୍ ଲକ୍ ବଇଲେ, ମୁଇ ମିସା ତେଇର୍‌ଟାସେ, ଜଦି ଆମେ ଇସ୍‌ରାଏଲର୍ ନାତିତିତି ବଇଲେ, ମୁଇ ମିସା ତେଇର୍ ଗଟେକ୍ । ଅବ୍‌ରାଆମ୍ ଆମର୍ ଆନିଦାଦି ବଇଲେ, ସେ ମର୍ ମିସା ଆନିଦାଦି । ୨୩ ସେମନ୍ ଜଦି ଆମେ କିରିସ୍‌ଟର୍ ଦାଢ୍ଘୁଡା ବଇଲେ, ମୁଇ ମିସା ଗଟେକ୍ ଦାଢ୍ଘୁଡା । ମାତର୍ ସେମନ୍ ଟାନେ ଅନି ମୁଇ ଅଦିକ୍ ନିକ ଦାଢ୍ଘୁଡା । ନିଜ୍‌କେ ବଡ୍ କରାଇ ମୁଇ ଗଟେକ୍ ବାୟାଲକର୍ ପାରା କାତା ଅଇଲିନି ବଲି ଜାନିଆତି । ମୁଇ ତାକର୍‌ଟାନେ ଅନି ଅଦିକ୍ ଆବଡ୍ କାମ୍ କରିଆତି, ଅଦିକ୍ ତର୍ ବନ୍ତିଗରେ ରଇଆତି, ଅଦିକ୍ ତର୍ ମାଡ୍

କାଇଆଡ଼ି, ଅଦିକ୍ ତରୁ ମଲାସମାନ୍ ଅଇଜାଇରଇଲି । ୨୪ ମୁଇ ଜିଉଦି
 ଲକ୍ମନରୁଟାନେଅନି ପାଁର୍ପାଲି ତିରିସ୍ ନ ତାଢୁ ମାଡ଼କାଇ ଆତି । ୨୫
 ରମିଅମନରୁଟାନେ ତିନତରୁ କରୁତା ସଢୁ ମାଡ଼କାଇ ଆତି । ଗଟେକ୍ତରୁ
 ସେମନ୍ ମକେ ପାକ୍ନା ମାରୁଲାଇ । ମୁଇ ଜନ୍ ଜାଜେ ଜାଇତେରଇଲି, ସେ
 ଜାଜ୍ ତିନତରୁ ବୁଡ଼ି ଜାଇରଇଲା । ତରେକ୍ ମରୁ ଜାଜ୍ ନସିଗାଲାକେ ମୁଇ
 ଗଟେକ୍ ଦିନ୍ ଆରି ଗଟେକ୍ ରାତି, ସମ୍ବୁରେ ଉପକ୍ ଅଇ ରଇଲି । ୨୬ ମୁଇ
 ଜିବାବେଲେ ବାଟେ, ମରୁ ମୁଆଟେ କେତେକ୍ କେତେକ୍ ବିପଦ୍ ଆଇଲା ।
 ଜେନ୍ତିକି, ବନିଆର୍ ବିପଦେ, ତରୁମନରୁ ବିପଦେ, ମରୁ ଜିଉଦି ବାଇମନରୁ
 ବିପଦେ, ଜିଉଦି ନ ଅଇଲା ଲକ୍ମନରୁ ବିପଦେ, ସଅରେ ଅଇରଇବା ବିପଦେ,
 କିନରା ଜାଗା ମନରୁ ବିପଦେ, ତଢୁରୁର୍ ଜାଁଡ଼୍ ଜିଆଦ୍ ମନରୁ ବିପଦେ,
 ସମ୍ବୁରେ ବନିଆ ଆଇଲାବେଲରୁ ବିପଦେ ଆରି କିରିସ୍ଟରୁ ବିସ୍ବାସିମନ୍
 ବଲି ନାତାଇ ଅଇରଇବା ଲକ୍ମନରୁ ବିପଦେ । ୨୭ ମରୁ କାମ୍ ଆବଡ଼୍ କାମ୍
 ଆରି ମୁଇ ସବୁବେଲେ ଆବଡ଼୍ କାମ୍ କଲିଆତି । ବେସି ତରୁ ରାତିଆ ସଇ
 ନାପାରୁଲି, ବୁକେ ସସେ ରଇଆତି, ବେସି ତରୁ ମକେ କାଦି କେଟେ ନାଇ,
 ପିନ୍ଧୁବାକେ ବସ୍ତରୁ ନାଇ, କି ରଇବାକେ ଗରୁ ନ ରଇଲା । ୨୮ ସେ ସବୁ
 ବିସଇ ମରୁପାଇ ଅଇରଇଲା । ମାତରୁ ଆରି ମରୁ ବିନ୍ ବିନ୍ ଦୁକ୍ କସ୍ଟ
 ଆଟେ । ସବୁ ମଣ୍ଡଲିରୁ ପାଇ ତିନ୍ତା କରି ମୁଇ ଦୁକ୍ କସ୍ଟ ପାଇଲିନି । ୨୯
 ଜଦି କିରିସ୍ଟରୁ ଲଗେ ରଇବା କାରୁ ବିସ୍ବାସ୍ ଉନା ଅଇସି ବଇଲେ ମକେ
 ମିସା ଦୁରୁବଲ୍ ଲାଗସି । କେ ଜଦି ପାପ୍ କଲେ, ତାରୁ ଲାଗି ମୁଇ ବେସି ଦୁକ୍
 କସ୍ଟ ପାଇଲିନି । ୩୦ ମୁଇ ବଡ଼ପନ୍ ଅଇ କାତା ଅଇବାକେ ମନ୍ କରିନାଇ ।
 ଜଦି ସେନ୍ତି କରୁବାରୁ ଆଲେ, ମକେ ଗଟିରଇବା, ଦୁକ୍ କସ୍ଟ ବିସଇନେଇ
 ମୁଇ ବଡ଼ପନ୍ ଅଇବି । ସେନ୍ତୁରୁଆଲେ ମୁଇ କେତେ ଦୁରୁବଲ୍ ଆତି ବଲି
 ତମେ ଜାନ୍ସା । ୩୧ ମୁଇ ତମ୍ବକେ ଜେଡ଼କି ବିସଇ କଇଲି, ସେଟା ସବୁ ସଡ଼୍
 । ଗଟେକ୍ ମିସା ମିର୍ ନସି । ଆମରୁ ମାପୁରୁ ଜିସୁରୁ ବାବା ପରୁମେସରୁ ଏଟା
 ଜାନେ । ସେ ଜୁଗ୍ ଜୁଗ୍ ତାକ୍ପୁଟା ପାଅ । (aiōn g165) ୩୨ ପୁରୁବେ ମୁଇ
 ଦାମାସ୍କାସେ ରଇଲା ବେଲେ ରାଜା ଆରେତାସରୁ ତଲେ ଗଟେକ୍ ସାସନ୍
 କାରିଆ ରଇଲା । ସେ ସଅର୍ ସନ୍ତି ଜାଗୁବାକେ ତାରୁ ସନିଅମନ୍କେ କଇଲା
 । ଜେନ୍ତୁରି କି ଜେଡେବେଲେ ମୁଇ ସେ ସଅରେ ବାରଇତି, ସେମନ୍ ମକେ

ଦାର୍ତ୍ତାଈ । ୩୩ କେନ୍ଦ୍ରି ବଇଲେ ତେଇର୍ ପାକ୍ନା ପାତୁରିର୍ କାଶାବାଟେ ମକେ
ଚାଟ୍ନାଇ ପୁରାଇ ଉତ୍ତରାଇ ଦେଲାଈ । ଆରି ତାର୍ ଟାନେ ଅନି ବଞ୍ଚିଗାଲି ।

୧୨ ସେନ୍ତୁଆଲେ ମୁଇ ବଡ଼ପନ୍ ଅଇ କଇଲା ଟାନେ କାଇ ଲାବ୍ ନଇଲେ
ମିସା ମୁଇ ବଡ଼ପନ୍ ଅଇ କାତା ଅଇବି । ଏବେ ମୁଇ ଦର୍ସନ୍ ବିସଇ ଆରି
ମାପୁରୁ ମକେ ଜାନାଇଲା ବିସଇ ତମ୍ବେ କଇବି । ୨ ମୁଇ ଜାନିରଇବା
ଗଟେକ୍ ବିସ୍ବାସି ଆଟେ । ଜାକେ କି ଚଉଦ ବରସର୍ ଆଗେ ସର୍ଗେ
ନେଲାଈ । ସେ ସଡ଼ରେ ସର୍ଗେ ଗାଲା କି ତାକେ ଦର୍ସନେ ସେ ସରଗ୍
ଦେକାଇଅଇଲା କି ନାଇ ବଲି ମୁଇ ନାଜାନି । ସେଟା ପର୍ମେସର୍ ସେ ଜାନେ
। ୩ ମାତର୍ ମୁଇ ଜାନିଆତି, ତାକେ ସର୍ଗେ ନେଲାଈ ବଲି । ମୁଇ ଆରି
ତରେକ୍ କଇଲିନି ସେ ସତଇସେ ତେଇ ଗାଲା କି ଦର୍ସନେସେ ସରଗ୍
ଦେକାଇ ଅଇରଇଲା, ସେଟା ମୁଇ ନାଜାନି । ସେଟା ପର୍ମେସର୍ ସେ ଜାନେ
। ୪ ଆରି ସେ ତେଇ ରଇଲାବେଲେ ଲକର୍ ବାସାଇ କାତା ନ ଅଇବା
ବିସଇ ସୁନ୍ଲା । ଜନ୍ଟା ମୁନ୍ସୁ ମନର୍ କଇବାର୍ ଅଦିକାର୍ ନାଇ, ସେଟା
ମିସା ସେ ସୁନ୍ଲା । ୫ ଏ ଲକର୍ ବିସଇନେଇ ମୁଇ ବଡ଼ପନ୍ ଅଇ କାତା
ଅଇବି, ମାତର୍ ମର୍ ନିଜର୍ ବିସଇନେଇ ବଡ଼ପନ୍ ଅଇ କାତା ନ ଅଇ ।
ମର୍ ଦୁର୍ବଲ୍ ରଇବା ବିସଇଟାନେସେ ମୁଇ ବଡ଼ପନ୍ ଅଇବି । ୬ ମୁଇ ଜଦି
ବଡ଼ପନ୍ ଅଇ କାତା ଅଇବାକେ ମନ୍ କଲେ, ସେଟା ବୁଦି ନ ରଇଲା ଲକ୍
ବଡ଼ପନ୍ ଅଇଲାପାରା ନ ଅଏ । ମୁଇ କଇବାଟା ସବୁ ସଡ଼ । ମାତର୍ ମୁଇ
ବଡ଼ପନ୍ ଅଇକରି କାତା ନ ଅଇ । କାଇକେବଇଲେ ଲକ୍ମନ୍ କେତେବେଲେ
ମିସା ମକେ ମୁଇ ଜେଡ଼କି ଆତି, ତାର୍ତେଇଅନି ଅଦିକ୍ ଗଟେକ୍ ବଡ଼ ଲକ୍
ଇସାବେ ଦେକ୍ବାଇ । ମୁଇ କର୍ବା କାମ୍ ଦେକିକରି ଆରି ମୁଇ କଇବା କାତା
ସୁନିକରିସେ ସେମନ୍ ମାନ୍ବାଇ । ୭ ମୁଇ ପର୍ମେସର୍ ଟାନେଅନି ବେସି
ବଡ଼ିଆ ଦର୍ସନ୍ ପାଇଲିଆତି ବଲିକରି ବଡ଼ପନ୍ ନ ଅଇବାକେ ପର୍ମେସର୍
ମକେ ଦୁକାଇବା ଗଟେକ୍ ରଗ୍ ଦେଲା । ଏ ରଗ୍ ସଇତାନର୍ ଦୁଡ଼ପାରା
ମାର୍ବାକେ ମର୍ ଗାଗଡେ ଆଟେ । ଜେନ୍ଦ୍ରି କି ମୁଇ ଆରି ବଡ଼ପନ୍ ନ ଅଇ
। ୮ ଏ ରଗ୍ ମର୍ଟାନେଅନି ଦାରିଜାଅ ବଲି ମୁଇ ତିନ୍ତର୍ ମାପୁରୁକେ
ଗୁଆରି କଲି । ୯ ମାତର୍ ସେ ଏନ୍ଦ୍ରି କଇଲା, “ତମ୍ବେ ଜେଡ଼କି ସବୁ ଲତା
ଆଟେ, ମର୍ ଜିବନ୍ ଦୁକାଇଲାଟା, ସେଟା ପୁରାପୁରୁନ୍ କର୍ବାକେ ଅଇସି ।
କାଇକେବଇଲେ ଜେତେବେଲେ ତୁଇ ଦୁର୍ବଲ୍ ରଇସୁ, ସେବେଲେ ମର୍ ବପୁ

ନିକକରି ତିସ୍ତସି ।” ତେବେ ମର୍ ଦୁର୍ବଲ୍ ବିସଇନେଇ ବଡ଼ପନ୍ ଅଇକରି
କଇବାକେ ମକେ ବେସି ସାର୍ଦା ଲାଗ୍ସି । କାଇକେବଇଲେ ମୁଇ ଦୁର୍ବଲ୍
ରଇଲାବେଲେ କିରିସ୍ତର୍ ବପୁ ମକେ ସାଇଜ କର୍ବାଟା ଜାନ୍ଲିନି । ୧୦
ସେଟାର୍ ପାଇ ମକେ କିରିସ୍ତର୍ ଲାଗି ଜେତ୍ କି ସବୁ ଗର୍ସି, ମୁଇ ସାର୍ଦା
ଅଇ ରଇବି । ଜେନ୍ତିକି ମର୍ଗାଗଡ଼ ଦୁର୍ବଲ୍ ରଇଲେ ମିସା, ନିନ୍ତୁ ପାଇଲେ
ମିସା, ଦୁକ୍ କସ୍ଟ ଅଇରଇଲେ ମିସା, ଆରି ସାଦ୍ବାନ୍ ଅଇ ଦୁକ୍ କସ୍ଟ
ପାଇଲେ ମିସା । କାଇକେବଇଲେ ଜେତେବେଲେ ମୁଇ ଦୁର୍ବଲ୍ ଅଇଆତି,
ସେତ୍ କି ବେଲେ ମୁଇ ବପୁ ଅଇଆତି । ୧୧ ନିଜେ ବଡ଼ ଅଇବାକେ ମୁଇ
ବକ୍ତୁଆ ଲକର୍ ପାରା ଅଇଲିନି । ମାତର୍ ମୁଇ ତମ୍କେ ଦସ୍ ଦେଲିନି ।
କାଇକେବଇଲେ ତମେ ଜଦି ମକେ ସନ୍ମାନ୍ ଦେଇତାସ୍, ମୁଇ ଏନ୍ତାରି ନ
କର୍ତି । ମୁଇ କାଇ କାମେ ନାଇ, ବଲି କେତେଲକ୍ କଇଲେ ମିସା ତମର୍ ସେ
ପେରିତ୍ମନର୍ ଟାନେ ଅନି ଉନା ନଇ । ୧୨ ଜେତେବେଲେ ମୁଇ ତମର୍ଟାନେ
ରଇଲି, ସେ ବେଲେ ମୁଇ ମୁର୍ଚିକରି ରଇବା କାବା ଅଇଜିବା କାମ୍ମନ୍ ଆରି
ତିନ୍ମନ୍ ତମେ ଦେକିରଇଲାସ୍ । ସେଟା ଦେକି ମୁଇ ଗଟେକ୍ ପେରିତ୍ ବଲି
ତମେ ଜାନ୍ଲାସ୍ । ୧୩ ବିନ୍ ମଣ୍ଡୁଲିମନ୍କେ ମୁଇ ଜାଇଟା କରିରଇଲି, ସେ
ସମାନ୍ ବିସଇସେ ତମର୍ପାଇ ମିସା କଲି । ଏତ୍ କି ସେ ଜେ ତମ୍କେ ବୁଡ଼ି
ମାଡ଼ି ତମର୍ ଉପ୍ରେ ବଜ୍ ଚାପାଇନାଇ । ଜଦି ସେଟା ମର୍ ବୁଲ୍ ଅଇଲା
ଆତେ ବଇଲେ ମକେ କେମା କରିଦିଆସ୍ । ୧୪ ଦେକା, ଏଟା ସତ୍ଟୁ ତିନ୍ ତର୍
ଅଇଲାବେ ମୁଇ ତମର୍ଲଗେ ବୁଲି ଆଇବି ବଲି ଜାଗିଆତି । ଆଗର୍ ପାରା
ଏବେ ମିସା ତମର୍ଟାନେ ଅନି କାଇଟା ନ ମାଡ଼ି । ତମେ ଦେବାଟା ମୁଇ ମନ୍
କରିନାଇ, ତମର୍ ଆଲାଦ୍ ମନ୍ କଲିନି । ଏନ୍ତାରି ନଏଁ ଜେ ପିଲାମନ୍ ଆୟା
ବାବାର୍ପାଇ ସତ୍ଟୁଇବାଇ, ମାତର୍ ଆୟାବାବା ପିଲାମନର୍ ପାଇ ସତ୍ଟୁଇବାର୍
ଆତେ । ୧୫ ସତଇସେ ମର୍ ଜେତ୍ କି ସବୁ ଆତେ, ସେଟା ସବୁଜାକ ତମ୍କେ
ଦେବାକେ ମୁଇ ସାର୍ଦା ଅଇବି । ଜେନ୍ତାରି କି ତମ୍କେ ସାଇଜ କର୍ବାକେ
ମର୍ ଗାଗଡ଼ ମିସା ସର୍ପି ଅଇଦେବି । ତମର୍ ପାଇ ରଇବା ମର୍ ଆଲାଦ୍
ଅଦିକ୍ ଅଦିକ୍ ଅଇ ଆଇଲାନି, ମାତର୍ ମର୍ ପାଇ ରଇବା ତମର୍ ଆଲାଦ୍ ଉନା
ଅଇ ଆଇଲାନି । ୧୬ ମୁଇ ତମର୍ଟାନେଅନି ବୁଡ଼ି ମାଡ଼ିନାଇ, ସେଟା ସର୍
ବଲି ତମେ କଇଲାସ୍ନି, ମାତର୍ ତମର୍ ବିତ୍ରେ କେତେ ଲକ୍ କଇଲାଇନି,
ଜେ ମୁଇ ଚାଲକି ଆରି ମର୍ ଲାଗି ତମେ ନାଡାଇଅଇଲାସ୍ । ୧୭ ମୁଇ

ତମ୍ଭେ କେନ୍ଦ୍ରି ନାତାଲି? ମୁଇ ତମର୍ ଲଗେ ଜନ୍ ଲକ୍ମନ୍‌କେ ପାଟାଲ ରଇଲି, ସେମନ୍‌ର ଦେଇ ନାତାଲି କି? ୧୮ ମୁଇ ତିତସ୍‌କେ ତମର୍ ଲଗେ ଜିବାକେ ବାବୁଜିଆ କଲି । ଆରି ତାର୍‌ସଞ୍ଜ ଜିବାକେ ଗଟେକ୍ ବିସ୍‌ବାସି ବାଇକେ ମିସା ପାଟାଲରଇଲି । ତିତସ୍‌କାଲ ତମର୍ ଲଗେ ଅନି କାଇଟା ଲାବ୍ କଲା ଆଚେ କି? ତିତସ୍ ତମ୍ଭେ ନାତାଲି ବଲି ତମେ କଇନାପାରାସ୍ । କାଇକେବଇଲେ, ସେ ଆରି ମୁଇ, ଆମେ ସୁକଲ୍ କାମର୍ ପାଇସେ ଏଟା କଲୁନି । ୧୯ ଆମେ ତମର୍ ବିରୁଦେ କାଇ ଦସ୍ କରୁନାଇ ବଲି ତମ୍ଭେ ଦେକାଇ ଅଇବାକେ ଚେସ୍‌ଟା କଲୁନି ବଲି ତମେ ବାସ୍‌ସା ମିସା । ମାତର୍ ସେନ୍ଦ୍ରି ନାଇ । ଆମେ କିରିସ୍‌ଟର୍ ଲକ୍ ଇସାବେ ପର୍‌ମେସରର୍ ମୁଆଟେ କାତା ଅଇଲୁନି । ଆଲାଦର୍ ମଇତର୍‌ମନ୍! ତମର୍ ଟାନେ ଆମେ ଜେଡ୍‌କି ବିସଇ କଲୁଆରୁ, ସେଟା ତମର୍ ବଲ୍ ପାଇ । ୨୦ ମୁଇ ବେସି ତିନ୍ତାଇ ଆତି, ମୁଇ ତମର୍ ଟାନେ ଆଇଲାବେଲେ, ମନ୍ ନ କର୍‌ବା ଚଲାଚଲ୍‌ତି ତମର୍ ବିତ୍‌ରେ ଦେକ୍‌ବି ମିସା । ସେନ୍ଦ୍ରି ଅଇଲେ, ମୁଇ ତମ୍ଭେ ଦମ୍‌କାଇବାକେ ପଡ୍‌ସି ଆରି ସେଟା ତମେ ମନ୍ ନ କରାସ୍ । ତେଇ କେତେଟା ଜୁଜିଆଲ୍‌ମନ୍, ଈସ୍‌ଲିଆମନ୍, ଦାପ୍‌ରେ ରିସା ଅଉମନ୍, ନିଜର୍ ବିସଇ ଦେକାଇ ଅଉମନ୍, ତାର୍ ବାଇମନ୍‌କେ ନିନ୍ଦା କରୁମନ୍, ତିପ୍‌ଲିଆମନ୍, ବଡ୍‌ପନିଆମନ୍, ଆରି ବିସ୍‌ବାସିମନ୍ ଗଟେକ୍ ମନ୍ ନ ଅଇଲାଟା ଦେକ୍‌ବି । ୨୧ ମୁଇ ତିନ୍ତାଇ ଆତି ଜେ, ମୁଇ ଆରିତରେକ୍ ଆଇଲାବେଲେ, ତମର୍ ମୁଆଟେ ମକେ ପର୍‌ମେସର୍ ଲାଜ୍ କରାଇସି । ଆରି ମୁଇ ବେସି ଦୁକ୍ ଅଇବି । କାଇକେବଇଲେ, ଆଗେ ଜେଡ୍‌କି ଲକ୍ ପାପ୍ କରି ଆଚଡ୍ ବଲି ମୁଇ ଜାନିଆତି । ସେମନ୍ ଏବ୍‌କେ ଜାକ ତାକର୍ କାରାପ୍ ଚଲାଚଲ୍‌ତିର୍ ଲାଗି ମାନି ଅଅଡ୍ ନାଇ । ଜନ୍‌ଟାକି ନିଜର୍ କାରାପ୍ ମନ୍ କଲା ଇସାବେ ବର୍‌ବାଟା ଆରି ବେସିଆ କାମ୍ କର୍‌ବାଟା ।

୧୩ ଏଟାସଞ୍ଜ ତିନ୍ତର୍ ଅଇଲାବେ ତମର୍ ଲଗେ ମୁଇ ଆଇଲିନି । ସାସ୍‌ତର୍ କଇଲାପାରା "ମଣ୍ଡୁଲିର୍ ବାଇମନ୍‌ର ବିରୁଦେ ନିନ୍ଦା କାତା ଉଟ୍‌ଲେ, ସେଟା ତିନ୍ ଲକ୍ ନଇଲେ ଦୁଇଲକର୍ ସାକିର୍ ମୁଆଟେ ସବୁଜାକ ରାଜିନାମା କରାଇବାର୍ ଆଚେ । ୨ ଆଗେ ପାପ୍‌କରି ରଇବା ଲକ୍‌ମନ୍‌କେ, ଆରି ଏବେ ପାପ୍ କଲା ଲକ୍‌ମନ୍‌କେ ମୁଇ ତମର୍ ଲଗେ ଦୁଇପାଲି ଆଇଲା ବେଲେ କଇରଇଲି । ମୁଇ ତେଇ ନ ଆଇବା ଆଗ୍‌ତୁ କଇଲିନି, ମୁଇ ଆରିତରେକ୍ ଆଇଲାବେଲେ କେ ଜଦି ତାକର୍ ପାପେ ଅନି ନ ବାଉଡ୍‌ଡ୍, । ସେମନ୍‌କେ ଦୟା ନ ଦେକାଇ । ୩

ମୁଁ କଲବାଟା ଏ ସବୁ କିରିସ୍ତର ଆଦେସେ ଅନି ଆଚେବଲି ଜାନ୍‌ବାକେ
 ଚିନ୍ ମାଞ୍ଜୁଲୀସନ୍ । ମୁଁ ତମ୍‌କେ ଡଣ୍ଟ ଦେଲାବେଲେ ସେ ଚିନ୍ ବିସଲ ଜାନ୍‌ସା
 । କିରିସ୍ତ ତମର୍ ବିତ୍‌ରେ କାଲ କାମ୍ କଲେ ମିସା ବପୁର୍ ସଞ୍ଜ କର୍‌ସି,
 ଦୁର୍‌ବଲ୍ ଅଇକରି ନାଲ । ୪ କାଲକେବଲେଲେ କୁର୍‌ସେ ଚଟାଲଲାବେଲେ ସେ
 ଦୁର୍‌ବଲ୍ ପାରା ଡିସ୍‌ଲେ ମିସା ପର୍‌ମେସରର୍ ବପୁସଞ୍ଜ ସେ ବଞ୍ଚିଆଚେ ।
 ସେନ୍ତାରିସେ କିରିସ୍ତରେତଲ ମିସି ରଇଲାର୍‌ପାଲ ଆମେ ମିସା ଦୁର୍‌ବଲ୍
 ପାରା ଡିସ୍‌ଲୁନି । ମାତର୍ ପର୍‌ମେସରର୍ ବପୁ ସଞ୍ଜ ଜିଲ ରଇବୁ ଆରି ତମର୍
 ବିତ୍‌ରେ କର୍‌ବା ଜନ୍ କାମେ ମିସା ତାର୍ ବପୁ ରଇସି । ୫ ତମେ ନିଜେ ନିଜେ
 ବିସ୍‌ବାସେ ଆଚାସ୍ କି ନାଲ, ବିଚାର୍ କରି ଦେକା । ଜିସୁକିରିସ୍ତ ତମର୍
 ବିତ୍‌ରେ ବାସା ଅଇଆଚେ ବଲି ନାଜାନାସ୍ କି? ତମେ ବିସ୍‌ବାସ୍ କରାସ୍
 ନାଲକେ, କିରିସ୍ତ ତମର୍‌ଟାନେ ବାସା ଅଏନାଲ । ୬ ମାତର୍ ମୁଁ ଆସା
 କଲିନିଜେ, ଆମେ ସବୁଲକ୍ କିରିସ୍ତର୍ ପେରିଡ୍ ଅଇଆରୁ । ୭ ତମେ କାଲ
 କରାପ୍ କାମ୍ ନ କରା ବଲି, ଆମେ ପର୍‌ମେସର୍କେ ଗୁଆରି କଲୁନି । ଇତି
 ପୁରାପୁରୁନ୍ ଟିକ୍ କରିଆରୁ ବଲି ଆମେ ଦେକାଇବାକେ ଜାଉନାଲ, ମାତର୍
 ସେଟା ନାପାରି ରଇଲେ ମିସା, ତମେ ଜେନ୍ତିକି ସତ୍‌କାମ୍ କର୍‌ସା, ଏଟାର୍‌ପାଲ
 ଆମେ ପାର୍‌ତନା କଲୁନି । ୮ ସତ୍ ବିସଲର୍ ବିରୁଦେ ଆମେ କାଲଟା ନ କରୁ,
 ମାତର୍ ତାର୍ ପାଲ ଟିଆ ଅଇରୁ । ୯ ଜଦି ଲକ୍‌ମନ୍ ଆମ୍‌କେ ଦୁର୍‌ବଲ୍ ଆଚଡ୍
 ବଲି କଲଲେ ମିସା, ଆମେ ସାର୍‌ଦାସଞ୍ଜ ଆରୁ । ତମେ ଆକା ବିସ୍‌ବାସେ ଡାଞ୍ଚ
 ରଇବାର୍‌ଆଚେ । ଆରି ତମର୍ ଚଲାଚଲ୍‌ତି ସିଦ୍ ଅଇଜାଅ ବଲି ଆମେ ଗୁଆରି
 କଲୁନି । ୧୦ ମୁଁ ନ ଆଇତେ ଏ ସବୁଜାକ ତମ୍‌କେ କାଲକେ ଲେକ୍‌ଲିନି
 ବଇଲେ, ଜେନ୍ତିକି ମୁଁ ଆଇଲାବେଲେ ମାପ୍‌ରୁ ମକେ ଦେଇରଇବା ଅଦିକାର୍
 ସଞ୍ଜ ତମ୍‌କେ ଡଣ୍ଟ ଦେବାକେ ନ ପଡେ । ଜନ୍ ଅଦିକାର୍ ତମର୍ ବିସ୍‌ବାସ୍
 ବତାଇବାକେ ଦେଲାଆଚେ, ମାତର୍ ସେଟା ଉନା କର୍‌ବାକେ ନାଲ । ୧୧
 ଏବେ ଏ ମର୍ ବାଇବଇନିମନ୍ ମୁଁ ରଇଲିନି । ତମର୍ ଚଲାଚଲ୍‌ତି ସିଦ୍
 କର୍‌ବାକେ ଜବର୍ ଚେସ୍‌ଟା କରା । ମର୍ ଆଦେସ୍ ସବୁ ମାନିକରି ରୁଆ ।
 ସବୁଲକ୍ ଗଟେକ୍ ମନ୍ ଅଇକରି ସାନ୍ତିଅଇ ରୁଆ । ତେବେ ଆଲାଦ୍ ଆରି
 ସାନ୍ତିର୍ ପର୍‌ମେସର୍ ତମର୍ ସଞ୍ଜ ରଇସି । ୧୨ ତମେ ରୁଣ୍ଡୁଲା ବେଲେ ନିଜର୍
 ନିଜର୍ ବିତ୍‌ରେ କିରିସ୍ତର୍ ଆଲାଦେ ଜୁଆର୍‌ବେଟ୍ ଉଆ । ୧୩ ଇତି ରଇବା
 ପର୍‌ମେସରର୍ ଲକ୍‌ମନ୍ ତମ୍‌କେ ଜୁଆର୍‌ ଜାନାଇଲାଇନି । ୧୪ ଆମର୍ ମାପ୍‌ରୁ

ଜିୟୁକିରିସ୍‌ଟର୍ ଜିବନ୍ ଦୁକାଈଲାଟା, ପର୍ମେସର ଆଲାଦ୍ ଆରି ସୁକଲ୍
ଆର୍‌ମାର୍ ମିସିକରି ରଇବାଟା, ତମର୍ ସବୁ ଲକର୍ ସଙ୍ଗୁ ରଥ । ଜୁଆର୍ ।

ଗାଲାତିୟ

୧ ମୁଇ ପେରିତ୍ ସିସ୍ ପାଉଲ୍ । ପେରିତ୍ ସିସ୍ ଅଇବାକେ ମୁଇ ଲକ୍ମନର୍ ଟାନେଅନି କି ଲକ୍ମନର୍ ମାଲାକାରିଆ ଇସାବେ ଡାକ୍ତରା ପାଇନାଇ । ଏ ଡାକ୍ତରା ମୁଇ ବାବା ପରମେସରର୍ ଆରି ଜିସୁ କିରିସ୍ଟର୍ ତେଇଅନି ପାଇଲିଆତି । ପରମେସର୍ ତାକେ ମଲାଟାନେଅନି ଉଟାଇଆଚେ । ୨ ଆରି ଏଟା ଗାଲାତିୟ ମଣ୍ଟୁଲିତେଇ ରଇବା ତମର୍ ପାଇ ମର୍ ଚିଟି । ଜନ୍ ବିସ୍ବାସି ବାଇବଇନିମନ୍ ମର୍ ସଢୁ ଆଚର୍, ସେମନ୍ ମିସା ମର୍ ସଢୁ ଲୁଆର୍ ଜାନାଇଲାଇନି । ୩ ଆମର୍ ବାବା ପରମେସର୍ ଆରି ମାପ୍ତୁ ଜିସୁ କିରିସ୍ଟ ତମ୍ବେ ଜିବନ୍ ଦୁକାଇ ସାନ୍ତି ଦେଅ । ୪ ଏବେ ଏ ପାପ୍ ବର୍ତ୍ତି ଅଇରଇବା ଜଗତେଅନି ଆମ୍ବେ ଉଦାର୍ କର୍ବାକେ ଆମର୍ ବାବା ପରମେସର୍ ମନ୍ କଲାଟା, ମାନିକରି କିରିସ୍ଟ ଆମର୍ ପାପର୍ ପାଇ ନିଜ୍ବେ ସର୍ପିଦେଲା । (aiōn g165) ୫ ପରମେସର୍ କାଲ୍ କାଲ୍ ଲୁଗ୍ ଲୁଗ୍ ଡାକ୍ପୁଟା ପାଅ । ଆମେନ୍! (aiōn g165) ୬ କିରିସ୍ଟ ଜିବନ୍ ଦୁକାଇକରିସେ ତମ୍ବେ ଡାକିରଇଲା । ମାତର୍ ତମେ ତାକେ ଏତେକ୍ ଦାପ୍ରେ ଚାଡ଼ିଦେଇକରି ଆରି ଗଟେକ୍ ବିନ୍ ସୁବ୍ବକବର୍ବାଟେ ମନ୍ ଦେଲାସ୍ନି । ତମର୍ ଏ ମନ୍ ବାଦ୍ଲାଇବାଟା ଦେକିକରି ଇତି ମୁଇ କାବା ଅଇଗାଲିନି । ୭ ଏ ସୁବ୍ବକବର୍ ଚାଡ଼ି ଆରି ଗଟେକ୍ ବିନ୍ ସୁବ୍ବକବର୍ ନାଇ । ମାତର୍ ମୁଇ ଏନ୍ତି କଇଲିନି, କାଇକେ ବଇଲେ କେତେଲକ୍ କିରିସ୍ଟର୍ ସୁବ୍ବକବର୍ ବିନ୍ ବିନ୍ ରକାମ୍ କରି, ତମ୍ବେ କତପତ କର୍ବାକେ ତେସ୍ଟା କଲାଇନି ବଲି ମୁଇ ସୁନ୍ଲିନି । ୮ ମାତର୍ ଆମେ ତମର୍ ଲଗେ ଜନ୍ ସୁବ୍ବକବର୍ ଜାନାଇ ରଇଲୁ, ଜଦି ସେଟାକେ ଚାଡ଼ି ବିନ୍ ଗଟେକ୍ ସୁବ୍ବକବର୍ ଆମେ ନିଜେ, ନଇଲେ ସରଗ୍ ଦୁଡ୍ ମିସା ଜାନାଇସି ବଇଲେ, ସେ ଅବିସାପ୍ ପାଅ । ୯ ଏଟା ଆମେ ଆଗ୍ତୁ କଇରଇଲୁ ଆରି ମୁଇ ଏବେ ଆରି ତରେକ୍ କଇଲିନି, ତମେ ତମର୍ ଜିବନେ ଜନ୍ ସୁବ୍ବକବର୍ ମାନିରଇଲାସ୍, ସେଟା ଚାଡ଼ି ଆରି ଜଦି କେ, କାଇମିସା ବିନ୍ ସୁବ୍ବକବର୍ ଜାନାଇସି ବଇଲେ ସେ ଅବିସାପ୍ ପାଅ । ୧୦ ଏଟା ସୁନି ତମେ ମନେ ମନେ କାଇଟା ବାଦ୍ଲାସ୍ନି? ମୁଇ ଲକ୍ମନର୍ ମାନ୍ବାଟା ପାଇବାକେ ତେସ୍ଟା କଲିନି କି? ନାଇ, କେବେ ନାଇ । ମୁଇ ପରମେସରର୍ ମାନ୍ବାଟାସେ ମନ୍ କଲିନି । ମୁଇ କାଇ ଡାକ୍ପୁଟା ଅଇବି ବଲି ମନ୍ କଲିନି କି? ମୁଇ ଜଦି ଏବେ ଜାକ ଡାକ୍ପୁଟା ଅଇବାକେ ମନ୍ କର୍ତ୍ତି ବଇଲେ, ଆଜି କିରିସ୍ଟର୍

ସେବାକାରିଆ ନ ଅଇତି । ୧୧ କାଇକେବଇଲେ, ଏ ବାଇବଇନିମନ୍ ମୁଇ
 ତମ୍ବେ ଜନ୍ ସୁବ୍‌କବର୍ ଜାନାଇଲିନି, ସେଟା ମୁନୁସର୍‌ଟାନେଅନି ବାରଏ
 ନାଇ । ୧୨ ତେବେ ମୁଇ ସେଟା ମୁନୁସ୍ ମନର୍ ଟାନେଅନି ପାଇନାଇ, କି କେ
 ମକେ ସିକାଅର୍ ନାଇ । ନିଜେ ଜିସୁ କିରିସ୍ଟ ସେଟା ମକେ ଜାନାଇଲା ଆତେ
 । ୧୩ ଆଗୁତୁ ମୁଇ ଜିଉଦି ଦରମ୍ ନାମ୍‌ବା ବେଲାଇ ଜେନ୍‌ଟିକି ଜିଇତେ କାଇତେ
 ରଇଲି । ପାର୍‌ତନା କର୍‌ବାକେ ରୁଣ୍ଟୁବା ଲକ୍‌ମନ୍‌କେ କେନ୍‌ଟି କସ୍‌ଟ ଦେଇତେ
 ରଇଲି ଆରି ସେଟାମନ୍ ନସ୍‌ଟ କର୍‌ବାକେ କେନ୍‌ଟି ତେସ୍‌ଟା କିରିରଇଲି, ଏଟା
 ସବୁ ବିସଇ ତମ୍ବେ ଜାନାଇଦିଆଅଇଆତେ । ୧୪ ଜିଉଦି ଦରମ୍ ମାନ୍‌ବା
 ବେଲେ, ମୁଇ ଦାଢ଼ୁଡ଼ା ବଇସେ ଆମର୍ ଜିଉଦିମନର୍ ବିତ୍‌ରେ ସବୁକେ ଅନି
 ଆଗୁତୁ ରଇଲି ଆରି ଆମର୍ ଆନିଦାଦିମନ୍ ବିସ୍‌ବାସ୍ କିରି ଆଇତେରଇବା
 ରିତିନିତି ବେସି ଡାଟ୍ ସଢ଼ୁ ମାନ୍‌ତେରଇଲି । ୧୫ ମାତର୍ ପରମେସର୍ ତାର୍
 ଜିବନ୍ ଦୁକାଇ ମର୍ ମାଆର୍ ଗର୍‌ବେ ରଇଲା ବେଲେ, ମକେ ବାଟିରଇଲା
 ଆରି ତାର୍ ସେବା କର୍‌ବାକେ ଡାକ୍‌ଲା । ୧୬ ଆରି ଜେତେବେଲେ ଜିଉଦି
 ନଇଲା ଲକ୍‌ମନର୍ ଟାନେ ସୁବ୍‌କବର୍ ଜାନାଇବାକେ ପରମେସର୍ ମକେ
 ତାର୍ ପଅକେ ଦେକାଇଲା, । ଏ ବିସଇନେଇ ମୁଇ କାର୍‌ଲଗେ ଜିବି ଆରି
 ସେମନ୍ ମକେ ସିକାଇଦେଅର୍ ବଲି ଚିନ୍ତାକରି ନାଇ । ୧୭ ଜେନ୍‌ଟିକି ମର୍
 ଆଗୁତୁ ଜେଡ୍‌କି ଲକ୍‌ ପେରିଡ୍ ସିସ୍ ଅଇରଇଲାଇ, ସେମନର୍ ସଢ଼ୁ ମିସ୍‌ବାକେ
 ଜିରୁସାଲାମେ ଜାଇନାଇ । ସେବେଲେ ମୁଇ ଦାପ୍‌ରେ ବାରଇ ଆରବ୍ ଦେସେ
 ଉଟିଗାଲି । ଜାଇକରି ଆରିତରେକ୍ ଦାମାସ୍କସେ ବାଉତି ଆଇଲି । ୧୮
 ଆରି ତିନ୍ ବରସ୍ ପତେ ମୁଇ ପିତର୍‌କେ ବେଟ୍ ଅଇବାକେ ଜିରୁସାଲାମେ
 ଗାଲି । ତେଇ ତାର୍‌ସଢ଼ୁ ଦୁଇ ଆଟ୍ ରଇଲି । ୧୯ ମାତର୍ ମାପ୍‌ରୁର୍ ବାଇ
 ଜାକୁବ୍‌କେ ଚାଡ଼େଲ ଆରି ମୁଇ କନ୍ ପେରିଡ୍ ସିସ୍‌କେ ମିସା ବେଟ୍ ଅଇନାଇ ।
 ୨୦ ମୁଇ ଜେଡ୍‌କି ବିସଇ ଲେକ୍‌ଲିନି, ସେଟା ସର୍, ପରମେସର୍ ଜାନିଆତେ
 ମୁଇ କାଇଟା ମିସା ମିର୍ କଇନାଇ! ୨୧ ତାର୍‌ପତେ ମୁଇ ସିରିଆ ଆରି
 ସିଲିସିଆର୍ ବେସି ଜାଗାଇ ଜାଇରଇଲି । ୨୨ ସେବେଲା ଜିଉଦା ରାଇଜେ
 ରଇଲା କିରିସ୍‌ଟକେ ବିସ୍‌ବାସ୍ କର୍‌ବା ମଣ୍ଟୁଲିର୍ ଲକ୍‌ମନ୍ ମକେ ନିକସଢ଼ୁ
 ନାଜାନି ରଇଲାଇ । ୨୩ ବିନ୍ ଲକ୍‌ମନ୍ ମର୍ ବିସଇ ଜାଇଟା କଇରଇଲାଇ,
 ସେମନ୍ ସେଡ୍‌କିସେ ଜାନିରଇଲାଇ । ବିନ୍ ଲକ୍‌ମନର୍‌ଟାନେଅନି ସେମନ୍
 ସୁନିରଇଲାଇ କି, ଜନ୍ ଲକ୍ ଟାଟେକ୍ ବେଲାଇ ଆମ୍‌କେ କସ୍‌ଟ ଦେଇତେ

ରଇଲା, ଆମର ଦରମ୍ କୁରୁପ୍ନାୟ କରିଦେବାକେ ଚେସ୍ଟା କର୍ତ୍ତେ ରଇଲା,
ଏବେ ସେ ଆକା ମାପୁରୁର ସୁବ୍‌କବର୍ ଜାନାଇଲାନି! ୨୪ ସେଟାର୍ ପାଇ
ସେମନ୍ ମର୍ପାଇ ପରମେସରର୍ ଡାକ୍‌ପୁଟା କର୍ତ୍ତେରଇଲା ।

୨ ଚଉଦ ବରସ୍ ପତେ ବରୁନବାର୍ ସଢ୍ଘ ମୁଇ ଜିରୁସାଲମେ ବାଉଡିଆଇଲି ।
ଆମର୍ ସଢ୍ଘ ତିତସ୍‌କେ ମିସା ଡାକି ନେଇରଇଲୁ । ୨ ମୁଇ ତେଇ ଜିବାର୍
ଆତେଆକା ବଲି ପରମେସରର୍‌ଟାନେଅନି ଆଦେସ୍ ପାଇ ଜାଇରଇଲି ।
ଜିଉଦି ନ ଅଇଲା ଲକ୍‌ମନର୍ ଲଗେ ମୁଇ ଜନ୍ କବର୍ ଜାନାଇଲିନି, ସେଟା
ଜିରୁସାଲମର୍ ନେତା ବଲି ମାନିଅ ପାଇରଇବା ଲକ୍‌ମନ୍, ଗଟେକ୍ ଗରେ
ବସ୍‌ଲା ବେଲେ, ତେଇ ବୁଜାଇ ଦେଲି । ଜେନ୍ତିକି ମର୍ ଆଗର୍ ପତର୍
ଜାନାଇବା ସୁବ୍‌କବର୍ ବେକାର ନ ଅ, ସେଟାର୍ ପାଇ ମୁଇ ଦିଆନ୍ ଦେଇରଇଲି
। ୩ ମୁଇ କଇଲା ବିସଇ ସେମନ୍ ରାଜି ଅଇଲା । କାଇକେବଇଲେ ମର୍
ସାଢ୍ଘ ତିତସ୍, ଗଟେକ୍ ଗିରିକ୍ ଲକ୍ ଅଇରଇଲେ ମିସା, ତାକେ ସୁନତ୍ ଅ
ଆକା ବଲି ବାଦିଅ କରତ୍ ନାଇ । ୪ ଏଲେମିସା କେତେକ୍ ଲକ୍ ତାକେ
ସୁନତ୍ କର୍ବାକେ ମନ୍ କର୍ତ୍ତେ ରଇଲା । ସେମନ୍ ବିସ୍‌ବାସି ବାଇ ବଲି
ନାଡାଇକରି କୁଟିଆଲ୍ ଇସାବେ ଦଲେ ମିସିରଇଲା । କିରିସ୍‌ଟ ଜିସୁର୍ ସଢ୍ଘ
ମିସିରଇଲାର୍ ଲାଗି ଆମେ ଜନ୍ ମୁକ୍‌ଲିରଇବା ଦିନ୍ ପାଇଲୁଆରୁ, ସେ ବିସଇ
କଜି ମିଲାଇବାକେ ସେମନ୍ ମନ୍ କର୍ତ୍ତେ ରଇଲା । ଆମ୍‌କେ ଆରିତରେକ୍
ମସାର୍ ନିୟମର୍ ଦାଢ୍ଘତା କର୍ବାକେ ମିସା ମନ୍ କର୍ତ୍ତେରଇଲା । ୫
ମାତର୍ ତମର୍ ଲାଗି, ସୁବ୍‌କବର୍ ସତ୍‌ସଢ୍ଘ ଦାରି ରକ୍‌ବାକେ, ଆମେ ସେ
ନାଡାଉମନ୍‌କେ ଚନେକ୍ ମିସା ବେଲା ଦେଇ ନ ରଇଲୁ । ୬ ମାତର୍ ଜନ୍
ଲକ୍‌ମନ୍ ନେତା ବଲାଅ ଅଇତେ ରଇଲା, ସେମନ୍ ଜେ ମିସା ଅଅତ୍,
ସେଟାର୍ ପାଇ ମକେ କାଇଟା ନ ଅଏ । କାଇକେବଇଲେ ପରମେସର୍ କାକେ
ମିସା ବାଇରର୍ ଚଲାଚଲ୍‌ତି ଦେକି ବିଚାର୍‌ନା ନ କରେ । ସେ ନେତାମନ୍
ମକେ କାଇମିସା ନୁଆ ଜଜ୍‌ନା ନ ଦେଇରଇଲା । ୭ ଆରି ଗଟେକ୍ ବାଟେ
ସେମନ୍ ଦେକ୍‌ଲାଇ ଜେ, ପରମେସର୍ ଜେନ୍ତିକି ପିତର୍‌କେ ଜିଉଦିମନର୍
ଲଗେ ସୁବ୍‌କବର୍ ଜାନାଇବାକେ ଦାଇତ୍ ଦେଇ ରଇଲା, ସେନ୍ତି ଜିଉଦି ନଇଲା
ଲକ୍‌ମନର୍ ଟାନେ ସୁବ୍‌କବର୍ ଜାନାଇବାକେ ମକେ ଦାଇତ୍ ଦେଲାଆତେ । ୮
କାଇକେବଇଲେ ପିତର୍ ଜେନ୍ତି ପର୍ମେସରର୍ ବପୁ ପାଇକରି ଜିଉଦିମନର୍
ପାଇ ପେରିତ୍ ସିସ୍ ଇସାବେ ଦାଇତ୍ ପାଇରଇଲା, ସମାନ୍ ସେନ୍ତି, ମୁଇ ମିସା

ପରମେସର ବସୁ ପାଇକରି ଜିଉଦି ନଇଲା ଲକ୍ମନର୍ ପାଇ ପେରିଡ୍
 ସିସ୍ ଇସାବେ ଦାଇଡ୍ ପାଇଲିଆତି । ୯ ନେତା ଇସାବେ ଏଜାଇଅଇରଇବା
 ଜାକୁର୍, ପିତର୍ ଆରି ଜଅନ୍, ଓଁ ବଲି ମାନି ଅଇରଇଲା ଜେ, ପରମେସର୍
 ମକେ ଏ ମୁକିଅ କାମର୍ ଦାଇଡ୍ ଦେଲାଆଚେ । ସେଟାର୍ ପାଇ ସେମନ୍ ମକେ
 ଆରି ବରନବାକେ, ଆମେ ମିସିକରି କାମ୍ କରୁବଲି ଗଟେକ୍ ଚିନ୍ ଇସାବେ
 ଆଡ୍ ମିଲାଇଲା । ବରନବା ଆରି ମୁଇ ଜିଉଦି ନଇଲା ଲକ୍ମନର୍ ବିଡ୍ରେ
 ଆରି ସେମନ୍ ଜିଉଦିମନର୍ ବିଡ୍ରେ କାମ୍ କରୁବୁ ବଲି ରାଜି ଅଇରଇଲୁ
 । ୧୦ ସେମନ୍ ଆମ୍‌କେ ସେମନର୍ ଦଲେ ଅବାବେ ରଇଲା ଲକ୍ମନ୍କେ
 ଏତାଇତେରୁଆ ବଲି ଅବ୍‌କା ଏଡ୍‌କି ଗୁଆରି କରିରଇଲା । ସେ ବିସଇ
 କରୁବାକେସେ ମର୍ ମନ୍ ରଇଲା । ୧୧ ପିତର୍ ଆନ୍ତିଅକିଅତେଇ ଆସି ରଇଲା
 ବେଲେ ମୁଇ ସବୁ ଲକ୍ମର୍ ମୁଆଟେ ତାକେ ମନାକରିରଇଲି, କାଇକେ ବଇଲେ
 ସତଇସେ ସେ ବୁଲ୍ କାମ୍ କର୍ତେରଇଲା । ୧୨ ଆଗ୍‌ତୁ ସେ ଜିଉଦି ନଇଲା
 ଲକ୍ମନର୍ ସଢ୍ଘ କାଇତେରଇଲା, ମାତର୍ ଜେତେବଲ୍ ଜାକୁର୍ ପାଟାଇରଇବା
 ଲକ୍ମନ୍ ତେଇ ଆଇଲା, ତେଇ ମିସିକରି କାଇବାଟା ଚାଡି ବିନେ ରଇଲା ।
 ଜନ୍ ଜିଉଦି ବିସ୍‌ବାସିମନ୍ ଜିଉଦି ନଇଲାଟାମନ୍‌କେ ସୁନର୍ ଉଆ ବଲି ବାଦିଅ
 କର୍ତେରଇଲା, ସେମନ୍‌କେ ତରି ପିତର୍ ଏନ୍ତି କଲା । ୧୩ ବିନ୍ ଜିଉଦି
 ବାଇମନ୍ ମିସା ପିତର୍ ସଢ୍ଘ ମିସି କୁଟିଆଲ୍‌ମନର୍ ପାରା ଚଲାଚଲ୍‌ତି କର୍ତେ
 ରଇଲା । ଏନ୍ତିକି ବରନବା ମିସା ସେନ୍ତାରି ଅଇଗାଲା । ୧୪ ସବୁର୍ ମୁଆଟେ
 ମୁଇ ପିତର୍‌କେ କଇଲି, “ତୁଇ ଜିଉଦି ଅଇକରି ମିସା, ଜିଉଦି ନଇଲା ଲକ୍ମର୍
 ପାରା କେତେଟା ଜିଉଦି ରିତିନିତି ଚାଡିଦେଇ ଆରୁସ୍ । ସେନ୍ତାରିଆଲେ ଜିଉଦି
 ନ ଅର୍ଜମନ୍‌କେ ଆମର୍ ଦରମର୍ ସବୁ ରିତିନିତି ମାନ୍‌ବାକେ କେନ୍ତି ବାଦିଅ
 କଲୁସ୍‌ନି?” ୧୫ ଏବେ ଆମ୍‌କେ ଜନ୍‌ମେଅନି ଜିଉଦି ଲକ୍ ବଲି ଜାନଡ୍ ।
 ପରମେସର ନିୟ୍ ମାଜାନ୍‌ଲା ଜିଉଦି ନଇଲା ଲକ୍ମନର୍‌ପାରା ନର୍ ।
 ୧୬ ଅଇଲେ ମିସା ଆମେ ଜାନ୍ତୁ, ମସାର୍ ନିୟ୍‌ମର୍ ଦାବି ପୁରାପୁରୁନ୍ କଲେ
 ନର୍, ମାତର୍ ଉଜେ ଜିସୁ କିରିସ୍‌ଟର୍‌ତେଇ ବିସ୍‌ବାସ୍ କଲେ, ଗଟେକ୍ ଲକ୍
 ପରମେସରର୍ ମୁଆଟେ ଦସ୍ ନ ରଇବା ଲକ୍ ବଲାଅଇସି । ତାର୍ ମୁଆଟେ
 ଦରମ୍ ଲକ୍ ବଲାଅଇବାକେ, ଆମେ ଜିଉଦିମନ୍ ମିସା ଜିସୁକିରିସ୍‌ଟେକେ
 ବିସ୍‌ବାସ୍ କଲୁନି । କାଇକେବଇଲେ ପରମେସରର୍ ମୁଆଟେ କେମିସା ନିୟ୍
 ମାନ୍‌ବା ଲକ୍ ଦରମ୍ ବଲି ଏଜାଇ ନ ଅଅଡ୍ । ୧୭ ମାତର୍ କିରିସ୍‌ଟର୍ ସଢ୍ଘ

ମିସିରଇଲାଇକେ ତାର୍ ମୁଆଟେ ଆମେ ଦରମ୍‌ଲକ୍ ବଲି ଏଜାଇ ଅଇବୁ । ମାତର୍ ମସାର୍ ନିୟମ୍ ଇସାବେ, ଜିଉଦି ନଇଲା ଲକ୍‌ମନର୍ ପାରା ଆମେ ପାପିଲକ୍ ବଲି ଏଜାଇ ଅଇଲୁନି । କିରିସ୍ଟ ଲକ୍‌ମନ୍କେ ପାପ୍ କରାଇବାକେ ବାଦିଅ କଲାନି ବଲି ତାର୍ ଅରଡ୍ ଆଡେ କି? ନାଇ, ଏନ୍ତୁରି କେବେ ନ ଅଏ । **er** କାଇକେବଇଲେ ମୁଇ ମସାର୍ ନିୟମ୍ ପିଟି ପାସ୍‌ଲିଦେଲି । ମାତର୍ ଜନ୍ ନିୟମ୍ ମୁଇ ଚାଡିଦେଇରଇଲି, ସେଟା ଆରିତରେକ୍ ମାନୁବାକେ ଚେସ୍‌ଟା କଲେ ସତଇସେ ପାପି ଅଇଜିବି । **ec** ନିୟମର୍ ପାଇ ମୁଇ ମଲାସମାନ୍ ଅଇଆତି । ନିୟମର୍ ଲାଗି ସେ, ପର୍ମେସରର୍ ମୁଆଟେ ଦସି ଅଇକରି ମରନର୍ ତଣ୍ଟୁ ପାଇଲି । **୨୦** ପର୍ମେସରର୍ ପାଇ ବ୍‌ବ୍‌ବାକେ ମକେ କିରିସ୍ଟର୍ ସଞ୍ଜୁ କୁର୍ସେ ମରାଇଆଡେ । ଏବେ ମୁଇ ଜିଇକରି ରଇନାଇ । ମାତର୍ କିରିସ୍ଟ ମର୍ଟାନେ ଜିଇକରି ଆଡେ । ଏବେ ମର୍ ଗାଗଡ୍ ବିସ୍‌ବାସର୍ ଲାଗି ଜିବନ୍ ଆଡେ । ଜନ୍‌ଟା କି ପର୍ମେସରର୍ ପଅ ଜିସୁ କିରିସ୍ଟ ମକେ ଆଲାଦ୍ କରି ମର୍ପାଇ ସେ ନିଜେ ସର୍ପି ଅଇଲା । ତାକେ ବିସ୍‌ବାସ୍ କରି ମୁଇ ଜିଇଲି ଆତି । **୨୧** ଏଟାର୍ପାଇ ପର୍ମେସରର୍ ଜିବନ୍ ଦୁକାଇଲାଟାକେ ମୁଇ କେବେ ମିସା ନାଇ ବଲି କଇନାପାରି । କାଇକେ ବଇଲେ ନିୟମ୍ ମାନ୍‌ଲେ ଜଦି ଗଟେକ୍ ଲକ୍ ତାର୍ ମୁଆଟେ ଦରମ୍ ଲକ୍ ଅଇପାରେ, ତେବେ କିରିସ୍ଟ ମଲାର୍ କିଟି ମୁଲିଅ ନାଇ । ଏ ସବୁ ବିସଇ ମୁଇ ଆନ୍‌ଟିଅକେ କଇଲି ।

୩ ଏ ବକୁଆ ଗାଲାତିଅମନ୍! କେ ତମ୍‌କେ ଏନ୍ତୁରି ବୁଲ୍ ସିକିଆ ଦେଇ ଚର୍ପଟ୍ କରାଇଲାନି? ତମର୍ ମୁଆଟେ ତା କୁର୍ସେ ମରିରଇବା ଜିସୁ କିରିସ୍ଟର୍ ବିସଇ ଅର୍ସା ସଞ୍ଜୁ ବାତାଇ ଦେଇଆରୁ । **୨** ଗଟେକ୍ କାତା ମକେ କଇଦେକାପନି, ମସାର୍ ନିୟମ୍ ମାନ୍‌ଲାକେ ତମେ ସୁକଲ୍‌ଆତ୍‌ମା ପାଇଆତାସ୍ କି, ସୁବ୍‌କବର୍ ସୁନି ସେଟା ବିସ୍‌ବାସ୍ କଲାକେ? **୩** ତମେ କେନ୍ତୁର୍ ଏଡେକ୍ ବୁଦି ନଇଲା ଲକ୍ ପାରା ଅଇଗାଲାସ୍‌ନି? ଆତ୍‌ମାର୍ ବପୁ ପାଇକରି ତମେ ଜନ୍ ବିସ୍‌ବାସର୍ ଜିବନ୍ ଆରାମ୍ କଲାସ୍, ସେଟା କାଇ ନିଜର୍ ବପୁସଞ୍ଜୁ ସାରାଇବାକେ ମନ୍‌କଲାସ୍‌ନି କି? **୪** ସେଟାର୍ପାଇ ତମେ ଆଗ୍‌ତୁ ସିକ୍‌ଲାଟା ସବୁ ବେକାର୍ କି? ତେଇଅନି କାଇଟା ମିସା ସିକାସ୍ ନାଇ କି? **୫** ପର୍ମେସର୍ କାଇକେ ତାର୍ ଆତ୍‌ମା ଦେଇ ତମର୍ ବିତ୍‌ରେ କାବଅଇଜିବା କାମ୍‌ମନ୍ କଲା? ତମେ ମସାର୍ ନିୟମ୍ ମାନ୍‌ଲାର୍ ପାଇ କି ଜନ୍ ସୁବ୍‌କବର୍ ତମ୍‌କେ ଜାନାଇରଇଲା ସେଟା ବିସ୍‌ବାସ୍ କଲାକେ?

୭ ଅବ୍ରାହାମର କାତା ଏତାଇ ଦେକା । ସାସ୍ତରେ ଲେକାଆତେ, “ସେ
 ପରମେସର କଲଲା ବିସଇ ବିସ୍ବାସ୍ କଲା । ଆରି ତାର ବିସ୍ବାସ୍ ଲାଗି
 ପରମେସର ତାକେ ଦରମ୍ ଲକ୍ ଇସାବେ ଲେକା କଲା ।” ୭ ଜନ୍ ଲକ୍ମନ୍
 ବିସ୍ବାସ୍ କରବାଇ, ସେମନ୍ସେ ଅବ୍ରାହାମର କୁଟୁମ୍ବର ଲକ୍ । ଏଟା ତମେ
 ଜାନ୍ବାର୍ ଆତେ । ୮ ପୁର୍ବେଅନି ଦରମ୍ ସାସ୍ତରେ ଲେକାଅଇଲା ଆତେ
 ଜେ, ବିସ୍ବାସ୍ କଲେସେ ପରମେସର ଜିଉଦିନଇଲା ଲକ୍ମନ୍କେ ମିସା
 ଦରମ୍ ଲକ୍ ଇସାବେ ଲେକା କରସି । ପରମେସର ତମଟ୍ଟାନେଅନି ଜଗତର୍
 ସବୁ ଲକ୍କେ ଆସିରବାଦ୍ କରସି । ଏ କବର୍ ପର୍ତୁମ୍ ଅବ୍ରାହାମେକ
 ଜାନାଇ ଦିଆଅଇରଇଲା । ୯ ଅବ୍ରାହାମ୍ ବିସ୍ବାସ୍ କରି ଆସିରବାଦ୍
 ପାଇରଇଲା । ସେଟାର୍ ପାଇ ଜେତ୍ତି ଲକ୍ ବିସ୍ବାସ୍ କରବାଇ, ସେମନ୍ ସବୁ
 ଲକ୍ ତାର୍ ପାରା ଆସିରବାଦ୍ ପାଇବାଇ । ୧୦ ଜନ୍ ଲକ୍ମନ୍ ରିତିନିତିର୍
 ନିୟମ୍ ମାନ୍ଲୁନି ବଲି ବଡ୍ପନ୍ ଅଇବାଇ, ସେମନ୍ ସାଇପ୍ ପାଇବାଇ ।
 କାଇକେ ବଇଲେ ଦରମ୍ସାସ୍ତରେ ଲେକାଆତେ, “ମସାର୍ ନିୟମ୍ ବଇଟାନେ
 ଜାଇଟା ସବୁ ଲେକାଅଇଲା ଆତେ, ଜଦି କେ ସେଟା ପୁରାପୁରୁନ୍ ନ ମାନେ,
 ସେ ପରମେସରର୍ ସାଇପ୍ ପାଇସି ।” ୧୧ ଏଟା ନିକସ୍ତୁ ଜାନାପଡ୍ଲାନି
 । ରିତିନିତିର୍ ନିୟମ୍ ମାନିକରି କେ ମିସା ପରମେସରର୍ ମୁଆଟେ ଦରମ୍
 ବଲାଅଇ ନ ଅଅଡ୍ । କାଇକେବଇଲେ ଦରମ୍ ଲକ୍ ବିସ୍ବାସ୍ ଲାଗି
 ବର୍ବାଇ । ୧୨ ନିୟମ୍ ମାନ୍ବାଟା ଆରି ବିସ୍ବାସ୍ କରବାଟା ଦୁଇଟା ମୁଲ୍କେ
 ନ ମିସେ । ଦରମ୍ ସାସ୍ତରେ ଲେକାଆତେ, ଜନ୍ ଲକ୍ ନିୟମ୍ ଦାବି ଇସାବେ
 କାମ୍ କରସି ସେ ଜିବନ୍ ପାଇସି । ୧୩ ଆମେ କେ ମିସା ନିୟମ୍ ସବୁ ଆଦେସ୍
 ମାନି ନାପାରୁ । ସେଟାର୍ପାଇ ଆମେ ସବୁ ତଣ୍ଟୁ ପାଇବାର୍ ରଇଲା । ମାତର୍
 କିରିସ୍ଟ ଆମର୍ ସାଇପ୍ ନିଜେ ନେଲା ଆରି ନିୟମ୍ ସାଇପେଅନି ଆମ୍କେ
 ମୁକ୍ଲାଇଲା । ଦରମ୍ ସାସ୍ତରେ ଲେକାଆତେ, ଜେ ଗତେ ଉତ୍ତିଅଇ
 ମରସି, ସେ ପରମେସରର୍ତେଇ ଅନି ସାଇପ୍ ପାଇଲା ଲକ୍! ୧୪ ଅବ୍ରାହାମ୍
 ଜନ୍ ଆସିରବାଦ୍ କରବାକେ ସପଡ୍ କରିରଇଲା ଜିଉଦି ନଇଲା ଲକ୍ମନ୍
 ମିସା ସେଟା ପାଇବାଇ, ସେଟାର୍ ପାଇ କିରିସ୍ଟ ଏ କାମ୍ କଲାଆତେ ।
 ସେଟାର୍ ପାଇ ବିସ୍ବାସ୍ କରି ଆମେ ମିସା ପରମେସରର୍ କାତା ଦେଲା
 ଇସାବେ ସୁକଲ୍ଆଦ୍ମା ପାଇପାରୁ । ୧୫ ଏ ବାଇବଇନିମନ୍! ପରମେସର୍
 ଅବ୍ରାହାମେକ ଜନ୍ ସପଡ୍ ଦେଇ ରଇଲା, ସେଟା ବାତାଇବାକେ ମୁଇ ଗଟେକ୍

ଉଦାଅରନ୍ କଲବି । ଜେତେବଲ୍ ଦୁଇ ଲକ୍ ଗଟେକ୍ ବିସଇତେଇ ରାଜିନାମା
 ଲେକ୍‌ବାଇ, ସେ ରାଜିନାମା କେ ମିସା ବାଞ୍ଛାଇ ନାପାରତ୍ । କି ତେଇ କାଇଟା
 ମିସାଇ ନାପାରତ୍ । ୧୭ ସେନ୍ତୁରସେ ପରମେସର୍ ଅବ୍ରାଆମ୍ ଆରି ତାର୍
 ନାତିତିତିକେସେ ସପତ୍ ଦେଇରଇଲା । ଏ ବିସଇନେଇ ନାତିତିତିମନ୍ ବଲି
 ସାସ୍ତରେ ଲେକାରଇବାଟା, ଅବ୍ରାଆମର୍ ସବୁ ନାତିତିତିମନ୍‌କେ କଏନାଇ
 । ମାତର୍ ଗଟେକ୍ ଲକ୍‌କେସେ କଇଲାଆଚେ । ଜେ କି କିରିସ୍ଟ । ୧୭
 ମର୍ କଇବାର୍ ଅରତ୍ ଅଇଲାନି, ପରମେସର୍ ଅବ୍ରାଆମର୍ ସଞ୍ଜୁ ଗଟେକ୍
 ରାଜିନାମା ତିଆର୍ କରିରଇଲା, ଆରି ସେଟା ମାନ୍‌ବାକେ ସପତ୍ କରିରଇଲା
 । ଜନ୍ ନିୟମ୍ ତାରି ସଅ ତିରିସ୍ ବରସ୍ ପଚେ ଦିଆଅଇଲା, ସେ ନିୟମ୍
 ରାଜିନାମା କେ ମିସା ବାଞ୍ଛାଇ ଦେଇ, ପରମେସରର୍ ଦେଇରଇବା ସପତ୍
 ନସ୍ଟ କରିନାପାରେ । ୧୮ ପରମେସରର୍ ଆସିର୍ବାଦ୍ ପାଇବାଟା ଜଦି ନିୟମ୍
 ମାନ୍‌ବା ଉପ୍ରେ ଅଇସି ବଇଲେ, ତେବେ ସେଟା ଆରି ତାକର୍ ସପତର୍ ଲାଗି
 ଅଇଲାଟା ବଲି କଇ ନଏ । ସେଟାର୍ ପାଇ ପରମେସର୍ ଅବ୍ରାଆମେକ୍
 ଅବ୍‌କା ତାର୍ ସପତ୍ ଇସାବେ ସେ ଆସିର୍ବାଦ୍ ଦେଇରଇଲା । ୧୯ ତେବେ
 ନିୟମ୍ କାଇକେ ଦିଆଅଇଲା? ମୁନୁସର୍ ସତ୍ ନ ଅଇବା ସବୁ କାମ୍ ଦେକାଇ
 ଦେବାକେ ଦିଆଅଇଲା । ଆରି ଅବ୍ରାଆମର୍ ଜନ୍ କୁଟୁମ୍ ଦେକି ପରମେସର୍
 ସେ ସପତ୍ କରିରଇଲା, ସେ ଲକ୍ ଆଇବା ଜାକ ନିୟମ୍ ଦରକାର୍ ରଇଲା ।
 ପରମେସର୍ ଗଟେକ୍ ଲକ୍‌କେ ମାଲାକାରିଆ କରାଇ ସରଗର୍ ଦୁତ୍‌ମନର୍
 ଆଚେ ନିୟମ୍ ପାଟାଇରଇଲା । ୨୦ ମାତର୍ ଅବ୍ରାଆମେକ୍ ସପତ୍ ଦେଲା
 ବେଲେ ମାଲାକାରିଆମନ୍ ନ ରଇଲାଇ । ପରମେସର୍ ନିଜେସେ ସପତ୍
 କରିରଇଲାଇ । ୨୧ ନିୟମ୍ କାଇ ପରମେସରର୍ ସପତ୍ ବିରତ୍ କଲାନି
 କି? ନାଇ କେବେ ନାଇ! କାଇକେବଇଲେ ଲକ୍‌କେ ଜିବନ୍ ଦେଲାପାରା
 ଗଟେକ୍ ନିୟମ୍ କରା ଅଇତା, ତେବେ ସେଟା ମାନ୍‌ଲେସରି ସେ ପରମେସରର୍
 ମୁଆଟେ ଦସ୍ ନ କଲାଲକ୍ ବଲାଇ ଅଇତା । ୨୨ ମାତର୍ ଦରମ୍ ସାସ୍ତରେ
 ଲେକା ଆଚେ, ସବୁ ମୁନୁସ୍ ଜାତି ପାପର୍ ତଲେ ଆଚତ୍, ସେଟାର୍ ପାଇ
 କିରିସ୍ଟ ବିସ୍‌ବାସିମନ୍, ଜିସୁ କିରିସ୍ଟର୍‌ତେଇ ବିସ୍‌ବାସ୍ କଲାର୍ ପାଇ
 ସପତର୍, ଆସିର୍ବାଦ୍ ପାଇବାଇ । ୨୩ ବିସ୍‌ବାସର୍ ଜୁଗ୍ ଆଇବା ଆଗ୍‌ତୁ
 ଆରି ଦେକାଇଅଇବା ଜାକ, ନିୟମ୍ ଆମ୍‌କେ ବନ୍ଦି କରି ରକିରଇଲା । ୨୪
 କିରିସ୍ଟର୍ ଆଇବା ଜାକ ଆମେ ନିୟମ୍ ତଲେ ରଇଲୁ । ମାତର୍ ତାର୍

ପରେ, କାଲି ବିସ୍ବାସେଅନି ଆମେ ପରମେସରର୍ ମୁଆଟେ ଦସି ନଇଲା
 ଲକ୍ ବଲାଇ ଅଇବୁ । ୨୫ ଏବେ ବିସ୍ବାସର୍ ଜୁଗ୍ କେଟିଆରେ, ଆମେ
 ଆରି ନିୟମର୍ ତଲେ ନାଇ । ୨୬ ବିସ୍ବାସ୍ କଲାକେ କିରିସ୍ଟ ଜିସୁର୍ ସଢ୍ଘ
 ମିସିକରି, ଆମେ ସବୁ ପରମେସରର୍ ପିଲାଟକି ଅଇଆରୁ । ୨୭ ଆମେ
 ତୁବନ୍ ନେଇକରି କିରିସ୍ଟର୍ ସଢ୍ଘ ଗଟେକ୍ ଅଇଆରୁ ଆରି ଏବେ ଜିସୁ
 କିରିସ୍ଟର୍ ଜିବନ୍ ରୁପର୍ ବସ୍ତର୍ ପିନ୍ଧି ଆରୁ । ୨୮ ସେଟାର୍ ପାଇ ଜିଉଦି
 ଆରି ଜିଉଦିନଇଲା ଲକ୍, ଗେନାଅଇଲା ଗତିଦାଢ୍ଘଡାଦାଢ୍ଘଡି କି ମୁକ୍ଲାଇଲା
 ଲକ୍, ମୁନୁସ୍ କି ମାଇଜି ବିତ୍ରେ, କାଇଟା ମିସା ବିନ୍ ନାଇ । ଆମେ ସବୁ ଲକ୍
 ଜିସୁର୍ ସଢ୍ଘ ମିସିକରି ଗଟେକ୍ ଅଇଆରୁ । ୨୯ ଜଦି ତମେ କିରିସ୍ଟର୍ ଲକ୍,
 ତେବେ ତମେ ମିସା ଅବ୍ରାଆମର୍ କୁରୁମର୍ ଆରି ପରମେସର ଜାଇଟା ସପର୍
 କଲାଆରେ, ସେଟା ମିଲାଇସା ।

୪ କାତା ଇସାବେ କଇଅଇସି । ପିଲା ବାବାର୍ ସବୁ ଦନ୍ସିମ୍ପତି ପାଇବାର୍
 ଅଦିକାର୍ ଆରେ, ମାତର୍ ସବୁ ଜାକ ତାର୍ ଅଇରଇଲା ପରେ ମିସା, ବୟସ୍
 ନ ଅଇବା ଜାକ ସେ ଗତିଦାଢ୍ଘଡା ଇସାବେ ଲେକା ଅଇସି । ୨ ବୟସ୍ ନ
 ଅଇବା ଜାକ, ତାର୍ ବାବା ଟିକ୍ କର୍ବା ବେଲା ନ ଅଇବା ଜାକ, ବିନ୍ ଲକ୍ମନ୍
 ତାକେ ଜତନ୍ କର୍ବାଇ ଆରି ତାର୍ ସବୁ ବିସଇ ଦେକାରକା କର୍ବାଇ । ୩
 ସେନ୍ତୁରିସେ ଆମେ ମିସା ଆତ୍ମାର୍ ଇସାବେ ବୟସ୍ ନ ଅଇବା ଆଗ୍ତୁ,
 ଜଗତ୍ କେ ସାସନ୍ କର୍ବା ନିଅମ୍, ଆରି ରିତିନିତିର୍ ଗତିଦାଢ୍ଘଡା ଅଇ ରଇଲୁ ।
 ୪ ସାରାସାରି ଜେଡେବଲ୍ ସମାନ୍ ବେଲା କେଟ୍ଲା, ପରମେସର ତାର୍ ନିଜର୍
 ପଅକେ ପାଟାଇଲା । ଗଟେକ୍ ମାମୁଲି ଟକିର୍ ଗର୍ବେଅନି ଜାତ୍ ଅଇକରି ସେ
 ଜିଉଦି ନିଅମ୍ ମାନିକରି ଜିଇଲାଇ କାଇଲାଇ । ୫ ଜେନ୍ତୁକି ଦର୍କାର୍ ରଇଲା
 ମୁଲିଅ ଦେଇ, ନିଅମର୍ ବନ୍ଦୁନେଅନି ଲକ୍ମନ୍ନେକ ମୁକ୍ଲାଇବାକେ ଆରି
 ସେମନ୍କେ ପରମେସରର୍ ପିଲାଜିଲା ଅଇବାକେ ବେଲା ଟିକ୍ କର୍ବାକେ,
 ତାର୍ ଜିବନର୍ ଆଦେସ୍ ରଇଲା । ୬ ତମେମନ୍ ଜେ ପରମେସରର୍ ପିଲାଜିଲା,
 ଏଟା ଦେକାଇ ଦେବାକେ, ପରମେସର ତାର୍ ପଅର୍ ଆତ୍ମା ଆମର୍ ମନ୍
 ବିତ୍ରେ ପାଟାଇଲା ଆରେ । ସେ ଆତ୍ମା ଆଉଲିଅଇ କଇଲାନି, “ବାବା!
 ଏ ମର୍ ବାବା!” ୭ ସେଟାର୍ପାଇ ତମେ ଆରି ବିକିଅଇରଇବା ଗତିଦାଢ୍ଘଡା
 ନୁଆସ୍, ମାତର୍ ପିଲାମନ୍ । ତମେ ତାର୍ ପିଲାଜିଲା ଅଇଲାର୍ ଲାଗି,
 ପରମେସର ତାର୍ ପିଲାଟକିମନ୍ପାଇ ଜାଇଟା ସଢ୍ଘଇଲା ଆରେ, ସେଟା

ସବୁ ତମ୍ଭେ ଦାନ କରଦେଇସି । ୮ ଆଗୁରୁ ତମେମନ୍ ପରମେସରୁକେ
 ଜାନି ନ ରଇଲାସ୍, ସେଟାର୍ ପାଇ ତମେ ମିର୍ ଦେବିଦେବତାମନର୍ ଗତି
 ଅଇରଇଲାସ୍ । ୯ ମାତର୍ ଏବେ ତମେ ପରମେସରୁକେ ଜାନିଆତାସ୍,
 ନଇଲେ ମୁଇ କଇବି ପରମେସର୍ ତମ୍ଭେ ଜାନିଆତେ । ତେବେ ଏଟା
 କେନ୍ତୁ ଅଇପାରେ ଜେ, ତମ୍ଭେ ରକିଆ କରିନାପାରି, ବସୁ ନ ରଇ ନସିଜିବା
 ଦେବତାମନର୍ ଲଗେ ଆରି ତରେକ୍ ବାଉଡ଼ି ଜିବାକେ ମନ୍ କଲାସ୍ନି? ତମେ
 କାଇକେ ଆରି ତରେକ୍ ସେମନର୍ ଗତିଦାଢ଼ୁଡ଼ା ଅଇବାକେ ମନ୍ କଲାସ୍ନି?
 ୧୦ ଦୁକର୍ କାତା, ତମେ କେତେଟା ଦିନ୍, ମାସ୍, ପାଗ୍ ଆରି ବରସ୍କେ
 ବେସି ମନ୍ଦିଆନ୍ ଦେଲାସ୍ନି । ୧୧ ମୁଇ ତମର୍ ପାଇ ବେସି ତିନ୍ତା କଲିନି
 । ତମର୍ପାଇ ମର୍ ସବୁ କାମ୍ ବେକାର୍ ଅଇଲା କି? ୧୨ ବାଇମନ୍, ମୁଇ
 ତମ୍ଭେ ଛୁଆର୍ କରି କଇଲିନି, ମୁଇ ଜେନ୍ତୁର୍ କଇଲିନି, ସେନ୍ତୁରି ଜିଆ ।
 ମୁଇ ଜିଉଦି ଅଇଲେ ମିସା ତମର୍ପାଠା ଜିଉଦି ନଇଲା ଲକ୍ ପାଠା ଅଇକରି,
 ମସାର୍ ନିୟମେଅନି ମୁକ୍ଲିଆତି । ଆରି ତମେ ମକେ କାଇମିସା ଅନିଆଇ
 କରାସ୍ ନାଇ । ୧୩ ମୁଇ ପର୍ତୁମ୍ ତର୍ କାଇକେ ତମର୍ ସଢ଼ୁ ରଇଲି, ସେଟା
 ଏତାଆ । ସେତୁକି ବେଲେ ମକେ ଜର୍ଅଇରଲାକେ ତମ୍ଭେ ସୁବ୍‌କବର୍
 ଜାନାଇରଇଲି । ୧୪ ମାତର୍ ମର୍ ଗାଗଡ଼ ନିକ ନ ରଇଲାର୍ପାଇ ତମ୍ଭେ
 ବେସି ଅସୁବିଦା ଅଇଲା । ଅଇଲେମିସା ତମେ ମକେ ଏଲା କରାସ୍ ନାଇ
 କି ଚାଡ଼ି ଦିଆସ୍ ନାଇ, ମାତର୍ ମକେ ଗଟେକ୍ ସରଗର୍ ଦୁତ୍‌ପାଠା ଡାକି
 ରଇଲାସ୍ । କିରିସ୍‌ଟ ଜିସୁକେ ଜେନ୍ତୁ ତମେ ଡାକ୍‌ତାସ୍, ସେନ୍ତୁ ମକେ ମିସା
 ଡାକ୍‌ଲାସ୍ । ୧୫ ସେବେଲା ତମେ କେତେକ୍ ସାର୍ଦା ରଇଲାସ୍! ମାତର୍
 ଏବେ ଆମର୍ ବିତ୍‌ରେ ରଇବା ସେ ସାର୍ଦା କେନେ ଗାଲା? ତମର୍ ବିସଇ
 ମୁଇ ଡାବ୍‌ସଢ଼ୁ କଇଲିନି ଜେ, ଜଦି ଅଇପାର୍ତା ଆଲେ, ତମର୍ ନିଜର୍ ନିଜର୍
 ଆଁକି ବେଟି ଆନି ମକେ ଦେଇତାସ୍! ୧୬ ମାତର୍ ମୁଇ ଏବେ ସତ୍ କଇଲାର୍
 ପାଇ, କାଇ ତମର୍ ସତ୍‌ରୁ ଅଇଗାଲି ଆତି କି? ୧୭ ସେ ବିନ୍ ଲକ୍‌ମନ୍ ତମର୍
 ବାଟେ ବେସି ଦିଆନ୍ ଦେଲାଇନି । ମାତର୍ ସେମନର୍ ଦିଆନ୍ ଦେବାଟା ସତ୍
 ଇସାବେ ନାଇ । ସେମନ୍ ଏଟା ମନ୍ କଲାଇନି, ଜେନ୍ତୁକି ମର୍ବାଟେଅନି
 ତମ୍ଭେ ବିନେ କଲେ, ତମେ ତାକର୍ବାଟେ ମନ୍ କରସା । ୧୮ ବିନ୍ ଲକ୍‌ମନ୍
 ତମର୍ ବାଟେ ବେସି ଦିଆନ୍ କର୍ବାଟା ନିକ ବିସଇ । ମୁଇ ରଇଲା ବେଲେ
 କି ନ ରଇଲା ବେଲେ ସେମନ୍ ତମର୍‌ଟାନେ ଦିଆନ୍ ଦେବାଟା ନିକ ବିସଇ,

ମାତର ତାକର ଦିଆନ୍ ଦେବାଟା ଟିକ୍ ରଇବାର୍ ଆଚେ । ୧୯ ଏ ମର
 ଆଲାଦର୍ ପିଲାମନ୍, ତମର୍ ବିତ୍ରେ କିରିସ୍ତର୍ ପାରା ଚଲାଚଲ୍ତି ଅଇ
 ଆଇବାକେ, ମୁଇ ଆରିତରେକ୍ ଆତ୍ଗଡ୍ ସୁକ୍ ଅଇବା ପାରା ଦୁକ୍କସ୍ତ
 ପାଇଲିନି । ୨୦ ଜେନ୍ତୁରିକି ମୁଇ ଏବେ ତମର୍ ଲଗେ ରଇକରି ଦାକାପୁକା ନ
 କରି, ବିନ୍ ଇସାବେ କାତା ଅଇବାକେ ମନ୍ କଲିନି । କାଇକେବଇଲେ ମୁଇ
 ତମର୍ ବିସଇନେଇ ବେସି ଚିନ୍ତା କଲିନି । ୨୧ ମସାର୍ ରିତିନିତିର୍ ତଲେସେ
 ରଇବାକେ ତମେ ମନ୍ କଲାସ୍ନି କି? ମକେ କଇଦେକାପନି, ତମେ କାଇ
 ରିତିନିତିଟାନର୍ ବାକିଅ ସୁନାସ୍ ନାଇ କି? ୨୨ ଅବ୍ରାଆମେକ୍ ଦୁଇଟା ପଅ
 ରଇଲାଇ । ଗଟେକ୍ ତାର୍ ଗରେ ପାଇଟି କର୍ବା କୁଲିଆର୍ନିର୍ଟା, ଆରି
 ଗଟେକ୍ ତାର୍ ନିଜର୍ ବିବାଇ ମାଇଜିର୍ଟା । କାଇକେବଇଲେ ଲେକା ଆଚେ,
 ୨୩ ଜନ୍ଟା କୁଲିଆର୍ନିର୍ ପଅ, ସେ ମୁନୁସର୍ ମନ୍ କଲା ଇସାବେ ଜନମ୍
 ଅଇଲା । ଜନ୍ଟା ବିବାଇ ମାଇଜିର୍ଟା, ପର୍ମେସର୍ କରିରଇବା ସପଡ୍
 ଇସାବେ ଜାଡ୍ ଅଇଲାଟା । ୨୪ ଏ କାତା ଗଟେକ୍ ଜଟ୍ଟକା ଇସାବେ ଆଚେ
 । କାଇକେବଇଲେ ଦୁଇଟା ମାଇଜି ଦୁଇଟା ରାଜିନାମା ପାରା । ଗଟେକ୍
 ରାଜିନାମା ଆରାବ୍ ଦେସେ ରଇବା ସିନଅ ପର୍ବଡ୍ ଉପ୍ରେ ପର୍ମେସର୍
 ମସାକେ ଦେଇରଇବା ନିୟମ୍ । ଏ ରାଜିନାମା ଆଗାର୍କେ ସମାନ୍ କରି
 ଅଇସି । କାଇକେବଇଲେ ଆଗାର୍ ଆରି ତାର୍ ପିଲାମନ୍ ଗତି ଅଇରଇଲାଇ
 । ସମାନ୍ ସେନ୍ତୁରିସେ ଏ ରାଜିନାମାର୍ ପିଲାମନ୍ ସବୁଲକ୍ ଗତିଦାଢୁଡା
 । ୨୫ ଆଗାର୍କେ ଆରବର୍ ସିନଅ ପର୍ବଡ୍ ସଢୁ ସମାନ୍ କରିଅଇସି,
 କନ୍ତିଅନି ନିୟମ୍ ଆଇଲାଆଚେ । ତାକେ ଏବର୍ ଜିରୁସାଲାମ୍ ସଅର୍କେ ମିସା
 ସମାନ୍ କରିଅଇସି । କାଇକେବଇଲେ, ଜିରୁସାଲାମେ ରଇବା ଜିଉଦିମନ୍
 ମସାର୍ ନିୟମ୍ ବିସ୍ବାସ୍ କଲାଇନି । ସେ ନିୟମ୍ ବିସ୍ବାସ୍ କରି ନିୟମ୍
 ଗତିଦାଢୁଡା ଅଇଆଚଡ୍ । ୨୬ ମାତର୍ ଅବ୍ରାଆମର୍ ବିବାଇ ମାଇଜି ଜେ କି
 ଗତିଦାଢୁଡା ନଏଁ, ତାକେ ସରଗର୍ ଜିରୁସାଲାମ୍କେ ସମାନ୍ କରିଅଇସି । ସେ
 ଆମେ ବିସ୍ବାସ୍ କର୍ବା ସବୁ ଲକର୍ ମାଆ । ୨୭ ଜେନ୍ତୁରିକି ସାସ୍ତରେ
 ଲେକାଅଇଆଚେ, “ଅଇରେ ବାଞ୍ଛି ମାଇଜି, ତୁଇ ସାର୍ଦା ଅ, କେବେମିସା
 ପିଲାଜିଲା ପାଇବା ଦୁକାସୁକା ଦାରାଇ ଅଇବାଟା ନାଜାନିରଇଲେ ମିସା ଆଉଲି
 ଅଇ ତର୍ ସାର୍ଦା ସବୁକେ ଜାନାଇଦେସ୍ । କାଇକେବଇଲେ ମୁନୁସ୍ ସଢୁ
 ବାସା ଅଇରଇବା ମାଇଜିର୍ ଟାନେଅନି ଗଟେକ୍ ଚାଡ୍ରି ମାଇଜିର୍ ପିଲାଜିଲା

ଅଦିକ୍ ଅଇସି ।” ୨୮ ଏ ବାଇବଇନିମନ୍ ତମେ ଇସାକର୍ ପାରା ପର୍ମେସର୍ ସପର୍ କରି ପାଟାଇରଇବା ପିଲାଜିଲା ଅଇଗାଲାୟ । ୨୯ ସେବେଲେ ଅବ୍ରାଆମର୍ ପିଲା ଜେ କି ଗାଗତର୍ ଇସାବେ ଜନମ୍ ଅଇରଇଲା, ତାର୍ ସାନ୍ ବାଇକେ ସାଦ୍‌ବାନ୍ କଲା । ଜେ କି ପର୍ମେସର୍ ଆତ୍ମା ଇସାବେ ଜନମ୍ ଅଇଲା । ସେଟା ଏବେ ମିସା ଅଇଲାନି । ୩୦ ମାତର୍ ଏ ବିସଇନେଇ ସାସ୍ତର୍ କାଇଟା କଇଲାନି? ତେଇ ଲେକାଅଇଆଟେ, କୁଲିଆର୍ନି ଆରି ତାର୍ ପଅକେ ବାର୍‌କରାଇ ଦିଆସ୍ । କାଇକେବଇଲେ କୁଲିଆର୍ନିର୍ ପଅ ବିବାଇ ମାଇଜିର୍ ପଅର୍ ସଞ୍ଜ୍ ବାବାର୍ ଦନ୍ ସ୍ପିଟି ପାଇନାପାରେ । ୩୧ ତେବେ ଏ ମର୍ ବାଇବଇନିମନ୍ ଆମେ କୁଲିଆର୍ନିର୍ ପିଲାଜିଲା ନଉଁ, ବିବାଇ ମାଇଜିର୍ ପିଲାଜିଲା ।

୫ ଏବେ ଆମେ ବାନ୍ତୁନେଅନି ମୁକ୍ତିଆରୁ । ଆମ୍ଭେକେ କିରିସ୍ଟ ବାନ୍ତୁନେଅନି ମୁକ୍ତିଆରୁ । ସେଟାର୍ ପାଇ ଆମେ ବାନ୍ତୁନ୍ କୁସ୍‌ଲାଇ ତାଟ୍ ସଞ୍ଜ୍ ରଉଁ । ଆରି ତରେକ୍ ଗତିଦାଞ୍ଜୁତାର୍ ବାନ୍ତୁନେ ବାନ୍ତିଅଇବାକେ ନ ଦେଉ । ୨ ମୁଇ ପାଉଲ୍ ଏବେ କଇଲିନି ସୁନା, ତମେ ଜଦି ପର୍ମେସର୍ ମୁଆଟେ ଦରମ୍ ଅଇବାକେ ସୁନତ୍ ଅଇବା ରିତିନିତି ମାନ୍‌ଲାସ୍‌ନି, ତମ୍ଭେକେ କିରିସ୍ଟ ଆରି ଲଡାନାଇ ବଲି ତେଇଅନି ଜାନା ପଡ୍‌ଲାନି । ୩ ଜନ୍ ଲକ୍ ସୁନତ୍ ଅଇବାକେ ଗାଲାନି, ମୁଇ ଆରିତରେକ୍ ତାକେ ଜାଗ୍‌ରତ୍ କରାଇଦେଲିନି ଜେ, ମସାର୍ ନିୟମ୍ ପୁରାପୁରୁନ୍ ମାନ୍‌ବାର୍ ଆଟେ । ୪ ତମର୍ ବିତ୍‌ରେ ଜେଡ୍‌କି ଲକ୍ ନିୟମ୍ ମାନ୍‌ଲାର୍‌ପାଇ ପର୍ମେସର୍ ମୁଆଟେ ଦରମ୍ ଅଇବାକେ ତେସ୍‌ଟା କଲାସ୍‌ନି, ତମେ କିରିସ୍ଟ‌ତେଇ ଅନି ବିନେ ଅଇଆଟାସ୍, ଆରି ପର୍ମେସର୍ ଜିବନ୍ ଦୁକାଇଲାତେଇଅନି ବାଇରେ ଆଟାସ୍ । ୫ ମାତର୍ ଆମେ ଆସାକଲୁନି ଜେ, ପର୍ମେସର୍ ଆମ୍ଭେକେ ତାର୍ ବିଚାର୍ ଇସାବେ ଦସ୍ ନଇଲା ଲକ୍ ବଲି କଇସି, ଜନ୍ ସୁକଲ୍ ଆତ୍ମାର୍ ବପୁ ବିସ୍‌ବାସର୍ ଲାଗି ଆମର୍ ବିତ୍‌ରେ କାମ୍ କଲାନି, ସେ ବପୁର୍ ଲାଗି ସେଟା ଅଇସିବଲି ଆମେ ଜାଗ୍‌ଲୁନି । ୬ କାଇକେବଇଲେ ଜିସୁ କିରିସ୍ଟର୍ ସଞ୍ଜ୍ ମିସିକରି ଜିଇଲେ କାଇଲେ, ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ମିସା ନାଇ । ଏକାଇ ଗଟେକ୍‌ସେ ଦର୍‌କାର୍ ରଇଲା ବିସଇ । ସେଟା ଅଇଲାନି, ବିସ୍‌ବାସେ ତାଟ୍ ରଇ ଆଲାଦ୍ ସଞ୍ଜ୍ ଦାଇତେ ରଇବା କାମ୍ କର୍‌ବାର୍ । ୭ ତମେ ନିମାନ୍ ସଞ୍ଜ୍ ଆଗ୍‌କେ ଜାଇତେ ରଇଲାୟ୍! ସତ୍ ବାଟେ ଇଣ୍ଟୁଲା ବେଲେ, କେ ତମ୍ଭେକେ

ଅଟକାଇଲା? କାରାପ୍ ବାଟେ ଜିବାକେ କେ ଉତ୍ସକାଇଲା? ୮ ତମ୍ଭେ
 ଡାକି ରଇଲା ପରମେସ୍ୱରୀନେଅନି ଏଟା ଅଏନାଇ । ୯ କାତାଇ ଆତେ,
 ଚକ୍ଟି ରଇବା ସବୁ ଅଟାଗୁଣ୍ଡ ପୁଲାଇବାକେ କଣ୍ଠେକ୍ସେ କମିର୍ ଲଡା । ୧୦
 ସେଟା ଜାଇଟା ଅଇଲେ ମିସା ଅଅବେ, ଏବେ ଜାକ ମର୍ ତମର୍ ଉପ୍ରେ
 ଆସାବର୍ସା ଆତେ । କାଇକେ ବଇଲେ ଆମେ ସବୁ ଲକ୍ ମାପ୍ପୁର୍ ସଞ୍ଜୁ
 ମିସି ଆରୁ । ମୁଇ ବିସ୍ବାସ୍ କଲିନି, ତମେ ମର୍ ସିକିଆ ବିରଦ୍ ନ କରାସ୍ ।
 ଆରି ଜନ୍ ଲକ୍ ତମ୍ଭେ କତପତ କଲାଇନି, ସେ ଜେ ଅଇରଇଲେ ମିସା,
 ତାକେ ପର୍ମେସ୍ୱର୍ ତଣ୍ଟୁ ଦେଇସି । ୧୧ ମାତର୍ ଏ ବାଇବଇନିମନ୍, ମୁଇ
 ଆଜିକେଜାକ ଜିଉଦି ନ ଅଇଲା ଲକ୍ମନ୍ ବିସ୍ବାସ୍ କଲେ ମିସା, ସୁନର୍
 କର୍ବାର୍ ଆତେ ଆକା ବଲି ସିକାଇଲିନି ପନି । ମୁଇ ଏନ୍ତାରି ସିକାଇଲିନି
 ବଲି, କେତେକ୍ ଲକ୍ମନ୍ କଇବୁଲ୍ଲାଇନି । ସେନ୍ତାଆଲେ ମୁଇ ଏବେ
 ମିସା କାଇକେ ନିନ୍ତୁ ପାଇଲିନି? ତେବେ ମୁଇ କିରିସ୍ତର୍ କୁରୁସ୍ ବିସଇ
 ଜାନାଇବାଟା ସୁନିକରି ଜିଉଦିଲକ୍ମନ୍ ରିସା ନ ଅଇତାଇ । ୧୨ ମୁଇ ମନ୍
 କଲିନି, ଏ ବିସଇନେଇ ଜେ ଜେ ତମ୍ଭେ କତପତ କଲାଇନି, ସେମନ୍ ଆରି
 ଅଲପ୍ ଆଗ୍ଟେ ଜାଅର୍ । ଉଜେ ସୁନର୍ ନ ଅଇ ସେମନ୍ ଲିଢ୍ ପୁରାପୁରନ୍
 କାଟି ଦେଅର୍! ୧୩ ଏ ବାଇବଇନିମନ୍, ନିୟମର୍ ତଣ୍ଟେଅନି ମୁକ୍ଲାଇ
 ଅଇବାକେ ପର୍ମେସ୍ୱର୍ ତମ୍ଭେକ୍ ଡାକ୍ଲାଆତେ । ମାତର୍ ଜାଗ୍ରେଡ୍, ଏବେ
 ଆରି ଗାଗତର୍ ମନ୍ କର୍ବାଟା ସବୁ ପୁରାପୁରନ୍ କରିଅଇସି ବଲି କୁଆନାଇ
 । ମାତର୍ ଆଲାଦେଅନି ଚଲାଚଲ୍ତି ଅଇ ତମର୍ ବିତ୍ରେ ଗଟେକ୍ ଲକ୍
 ଆରି ଗଟେକ୍ ଲକର୍ ସେବା କରା । ୧୪ କାଇକେ ବଇଲେ ସବୁ ନିୟମ୍
 ଏ ଗଟେକ୍ ବାକିଅତେଇ ସିଦ୍ ଅଇସି, ତମେ ନିଜେକ୍ ଆଲାଦ୍ କଲାପାରା
 ବିନ୍ ଲକ୍ କେକ୍ ଆଲାଦ୍ କରା । ୧୫ ମାତର୍ ତମେ ଜଦି କିରମାର ଅଇ ତମର୍
 ବିତ୍ରେ ତାବାକାତ୍ରା ଅଇସା, ତେବେ ଜାଗ୍ରେଡ୍, ଜେନ୍ତିକି ତମର୍ ଗଟେକ୍
 ଲକ୍ ଆରି ଗଟେକ୍ ଲକ୍ ମାରି ନସ୍ଟ ନ ଉଆ । ୧୬ ମର୍ କଇବା
 କାତା ଅଇଲାନି, କେନ୍ତି ଚଲାଚଲ୍ତି କର୍ବାର୍ ସେଟା ସୁକଲ୍ଆତ୍ମା ତମ୍ଭେ
 ସିକାଅ । ସେନ୍ତି ବଇଲେ, ତମେ ଆରି ଲକର୍ ଚଲନ୍ ଆରି ଲାଲ୍ସା ବାଟେ
 ନ ଜାଆସ୍ । ୧୭ ଲକର୍ ଚଲନ୍ ସୁକଲ୍ଆତ୍ମାର୍ ବିରଦି । ସେନ୍ତି ସେ
 ସୁକଲ୍ଆତ୍ମା ମନ୍ କର୍ବାଟା, ଲକର୍ ଚଲନ୍ ବିରଦି । ଏମନ୍ ଗଟେକ୍
 ଲକ୍ ଆରି ଗଟେକ୍ ଲକର୍ ସତ୍ତୁ । ସେଟାର୍ ପାଇ ତମେ କାଇଟା କର୍ବାକେ

ମନ୍ କଲ୍ୟାଣି ଯେଟା କରି ନାପାରାୟ । ୧୮ ଜଦି ସୁକଲ୍ୟାଣି ତମକେ
 ଚାଲିନା ଦେଇସି, ତେବେ ତମେ ଆରି ମସାର୍ ନିୟମର୍ ତଲେ ନାଲ । ୧୯
 ଗାଗଡର୍ କାମ୍‌ମନ୍ ତା ନିକ ସଞ୍ଜୁ ଜାନା ପଡ଼ଲାନି, ବେସିଆ କାମ୍ କରବାଟା,
 ସୁକଲ୍ ନଇଲାଟା, ୨୦ କାରାପ୍ ଇସାବେ ଦେକ୍‌ବାଟା, ପୁତ୍‌ଲୀପୁଜା କରବାଟା,
 ଜାଦୁବିଦିଆ କରବାଟା, ଲାଗାଜତା କରି ସତ୍‌ରୁ ଅଇବାଟା, ଅଁକାର୍ ଅଇବାଟା,
 ରିସା ଅଇବାଟା, କାମ୍ ଅଇଲାପତେ ପାଚାରି ନ ଦେକ୍‌ବାଟା, ଦଲ୍‌ବିରଦି
 ଅଇବାଟା, କିରମାର୍ ଅଇବାଟା, ୨୧ ଛିଂସାତଲା ଅଇବାଟା, ମାତୁଆଲ୍
 ଅଇବାଟା, ମଜାମଜଲିସ୍ ଅଇବାଟା, ଏ ସବୁ କାମ୍‌ମନ୍ ମୁଇ ଆଗ୍‌ତୁ ଜେନ୍ତି
 ତମକେ କଇରଇଲି, ସେଟାର୍ ପାଇ ଆରିତରେକ୍ କଇଦେଲିନି ଜେ, ଜନ୍
 ଲକ୍‌ମନ୍ ଏନ୍ତାରି କାମ୍ କରବାଇ, ସେମନ୍ ପରମେସରର୍ ରାଇଜେ ପୁରୁବା
 ଅଦିକାର ପାଇ ନାପାରତ୍ । ୨୨ ମାତର୍ ଆତ୍‌ମାର୍ ପଲ୍ ଅଇଲାନି, ଆଲାଦ୍
 କରାକରି ଅଇବାଟା, ସାର୍‌ଦାସଞ୍ଜୁ ରଇବାଟା, ସାନ୍ତିସଞ୍ଜୁ ରଇବାଟା, ମୁରୁତିକରି
 ରଇବାଟା, ବିନଲକ୍‌କେ ଉପକାର୍ କରବାଟା, ନିମାନ୍ ଚଲାଚଲ୍‌ତି କରବାଟା,
 ବିସ୍‌ବାସେ କାମ୍‌କରବାଟା, ସଲ୍‌ଦ୍ ଅଇବାଟା, ଆତ୍‌ମାଇ ସାଆସ୍ ଦାରି
 ଚଲାଚଲ୍‌ତି କରବାଟା, ୨୩ ଏ ସବୁର୍ ଚଲନ୍ ମାନ୍‌ବା ଲକ୍ ନିୟମର୍ ବିରୁଦେ
 କାଇଟା ନ କରେ । ୨୪ ଜନ୍ ଲକ୍‌ମନ୍ କିରିସ୍‌ଟ ଜିସୁର୍, ସେମନ୍ ତାକର୍
 ଗାଗଡ୍‌କେ ତାର୍ ମନ୍ କରବାଟା ଆରି ଆସା କରବାଟା ସଞ୍ଜୁ କୁରୁସତେଇ
 ମରାଇ ଆତର୍ । ୨୫ ଜଦି ଆମେ ସୁକଲ୍ୟାଣିଆତ୍‌ମାଇଅନି ଜିବନ୍ ପାଇଆରୁ,
 ତେବେ ଆତ୍‌ମାର୍ ଇସାବେ ଚଲାଚଲ୍‌ତି କରୁ । ୨୬ ଆମେ ତୁଚାଇ ବଡ଼ପନ୍
 ଅଇ ଗଟେକ୍ ଲକ୍ ଆରି ଗଟେକ୍ ଲକ୍‌କେ ରିସା ନ କରୁ ଆରି ଛିଂସା ନ କରୁ ।

୨ ଏ ବାଇବଇନିମନ୍ ଜଦି ତମର୍ ବିତ୍‌ରେ କେ କାରାପ୍ କାମ୍ କଲା ବେଲେ
 ଦାରାପଡ଼ଲେ, ତମର୍‌ଟାନେ ଜେ ସୁକଲ୍ୟାଣିଆତ୍‌ମାଇଅନି ଚାଲିନା ପାଇଲାନି,
 ସେ ତାକେ ଟିକ୍ ବାଟେ ଆନ୍‌ବାର୍ ଆତେ । ମାତର୍ ସେ ଏ କାମ୍ ସାର୍‌ଦା ଆରି
 ସଲ୍‌ଦ୍‌ସଞ୍ଜୁ କରବାର୍ ଆତେ । ଆରି ଜାଗ୍‌ରତ୍, ଜେନ୍ତିକି ସେ ନିଜେ ସେନ୍ତାର୍
 କାମ୍ କରବାକେ ମନ୍ କରବାର୍ ନାଲ । ୨ ତମର୍ ତମର୍ ବିତ୍‌ରେ, ଜିବନେ
 ଆଇବା ବଜ୍ ବିସଇ ବଇବାକେ ସାଇଜ କରାକରି ଉଆ । ଏନ୍ତାରି କଲେ
 ତମେ କିରିସ୍‌ଟର୍ ଆଦେସ୍ ମାନ୍‌ସା । ୩ ଜେ ନିଜର୍ ବିସଇନେଇ ବଡ଼ ବଲି
 ବାସ୍‌ସି, ସତଇସେ ଦେକ୍‌ଲେ ସେ ବଡ଼ ନଏ । ସେ ନିଜେ ନାଡାଇ ଅଇଲାନି ।
 ୪ ସବୁ ଲକ୍ ନିଜର୍ ନିଜର୍ ଚଲାଚଲ୍‌ତି ବିଚାର୍ କରି ଦେକ୍‌ବାର୍ ଆତେ । ଜଦି

ସେଟା ନିକ ଅଇରଇସି, ତେବେ ସେ ନିଜେ ସାର୍ଦ୍ଦା ଅ । ଆରି ବିନ୍ ଲକ୍‌ର
 କାମ୍‌ସଢ୍ଘୁ ନିଜେ କଲ୍‌ଗା ସମାନ୍ ନ କର । ୫ କାଇକେ ବଇଲେ ସବୁ ଲକ୍
 ନିଜର୍ ନିଜର୍ ଜିବନେ ଆଇବା ବଜ୍ ବଇବାକେ ପଡ଼ସି । ୬ ଜନ୍ ଲକ୍‌ମନ୍
 ବାକିଅଟାନେ ସିକିଆ ପାଇଲାଇନି, ସେମନର୍‌ଟାନେ ଜନ୍‌ଟା ଆଚେ, ସେଟା
 ତାକର୍ ସିକାଉମନର୍ ସଢ୍ଘୁ ବାଟା କର୍‌ବାର୍ ଆଚେ । ୭ ପରମେସର୍ ନାତାଇ
 ନ ଅଏ, ନିଜେ ନାତାଇ ଉଆ ନାଇ । ଜେ ଜନ୍‌ଟା ବୁନିରଇସି, ସେ ସମାନ୍‌ଟା
 ଆକା କାଟ୍‌ସି । ୮ ଜେ ନିଜର୍ ଗାଗଡର୍ ଗୁନ୍‌ଚଲନ୍ ଇସାବେ ବୁନ୍‌ସି, ସେ
 ଗାଗଡେଅନି ବାରଇବା ମରନର୍ କେଡ୍ କାଟ୍‌ସି । ମାତର୍ ଜେ ଆଡ୍‌ମାର୍
 ଇସାବେ ବୁନ୍‌ସି, ସେ ଆଡ୍‌ମାଇଅନି ବାରଇଲା ନ ସାର୍‌ବା ଜିବନ୍‌ପାରା
 କେଡ୍ କାଟ୍‌ସି । (aiōnios g166) ୯ ସେଟାର୍ ପାଇ ଆମେ ନିକ କାମ୍ କରି
 ଲାଗି ରଇବୁ । କାଇକେ ବଇଲେ ନ ତାକ୍‌ଲେ ସେ ସମାନ୍ ବେଲାଇ ପସଲ୍
 ପାଇବାର୍ ଅଇସି । ୧୦ ସେନ୍ତି ବଇଲେ ଜେତେକ୍ ତର୍ ବେଲା ପାଇଲୁନି,
 ସବୁବେଲା ସବୁର୍‌ସଢ୍ଘୁ ଜନ୍‌ଲକ୍‌ମନ୍ ଆମର୍ ବିସ୍‌ବାସି କୁଟୁମେ ମିସ୍‌ଲାଇ
 ଆଚଡ୍, ସେମନର୍ ପାଇ ନିମାନ୍ କର୍‌ବାର୍ ଆମର୍ ଦାଇଡ୍ । ୧୧ ଦେକା,
 କେତେ ବଡ୍ ବଡ୍ ଅଇକର୍‌ସଢ୍ଘୁ ମୁଇ ତମ୍‌କେ ଏ ଚିଟିର୍ ସାରାସାରି କାତା
 ମର୍ ନିଜର୍ ଆଚେ ଲେକ୍‌ଲିନି । ୧୨ ଜନ୍ ଲକ୍‌ମନ୍ ବାଇରର୍ ରିଡିନିଡି
 ମାନିକରି ତାକ୍‌ପୁଟା ପାଇବାକେ ମନ୍ କର୍‌ବାଇ, ସେମନ୍ ତମ୍‌କେ ସୁନଡ୍
 ଅଇବାକେ ବାଦିଅ କଲାଇନି । କିରିସ୍‌ଟର୍ କୁର୍‌ସର୍ ଲାଗି ସେମନ୍ ଜେନ୍ତି
 ସଢ୍ଘୁର୍ ଜିଉଦିମନର୍ କସ୍‌ଟ ନ ପାଇବାର୍ ଲାଗି ଏଟା କଲାଇନି । ୧୩
 କାଇକେ ବଇଲେ ଜନ୍ ଲକ୍‌ମନ୍ ସୁନଡ୍ ବିଦିକେ ଟିକ୍ ବଲି କଇଲାଇନି,
 ସେମନ୍ ନିଜେ, ମସାର୍ ସବୁ ନିୟମ୍ ମାନଡ୍ ନାଇ । ଜେନ୍ତି କି ତମେ ସୁନଡ୍
 ଅଇ ସେମନର୍‌ବାଟେ ମିସ୍‌ଲାସ୍ । ଏଟା ନେଇକରି ବଡ୍‌ପନ୍ ଅଇବାଇ । ୧୪
 ମାତର୍ ମାପୁରୁ ଜିସୁ କିରିସ୍‌ଟର୍ କୁରୁସ୍ ଚାଡିକରି ଆରି କାଇତେଇ ବଡ୍‌ପନ୍
 ଅଇବାଟା ମର୍‌ଟାନେଅନି ଦୁରିକେ ରଅ । କାଇକେବଇଲେ ଜଗଡ୍ ଜନ୍
 ବିସଇର୍ ପାଇ ବେସି ଦାନ୍ତୁ ଅଇଲାନି, ସେଟା ମୁକିଅ ବିସଇ ବଲି ମୁଇ ନ ବାବି
 । ଆରି ଜଗଡ୍ ମିସା ମକେ କାଇ ମୁଲିଅ ନ ଅଇଲା ଲକ୍ ପାରା ଦେକ୍‌ଲାନି ।
 ୧୫ କେ ସୁନଡ୍ ଅଇଲା, କେ ସୁନଡ୍ ଅଏନାଇ, ସେଟା କିତି ନାଇ । ମାତର୍
 ପର୍‌ମେସର୍ ଆମ୍‌କେ ନୁଆ ଜନମ୍ ଦେଲାଆଚେ, ସବୁର୍‌ଟାନେଅନି ସେଟାସେ
 ମୁକିଅ ବିସଇ । ୧୬ ଜନ୍ ଲକ୍‌ମନ୍ ନିଜର୍ ଜିବନେ ଏ କାତା ଦାର୍‌ବାଇ,

ସେମନ୍ ସବୁ ଲକ୍ ଆରି ପରମେସରର୍ ସବୁ ଲକ୍ମନ୍ ଜିବ୍ନେ ସାନ୍ତି ଆରି
ଜିବନ୍ ଦୁକାନି ପାଇବାଇ । ୧୭ ସାରାସାରି ଏଡକି କଇଲିନି, ଆଜିଅନି ବୁଲ୍
ସିକିଆ ଦେଇକରି ମକେ ଆରି କେ ମିସା କସ୍ଟ ନ ଦେଅ, କାଇକେ ବଇଲେ
ମୁଇ ଜିସୁର୍ ଗତିଦାଞ୍ଜୁଡା ବଲି ଦେକାଇବାକେ ମର୍ ଗାର୍ଡେ ତାର୍ କଣ୍ଟିଆ
ତିନ୍ ଆଚେ । ୧୮ ଏ ବାଇବଇନିମନ୍! ଆମର୍ ମାପୁରୁ ଜିସୁକିରିସ୍ଟର୍ ଜିବନ୍
ଦୁକାନି ତମର୍ ସବୁ ଲକର୍ ଲଗେ ରଅ । ଆମେନ୍!

ଏପିସିୟ

୧ ମୁଞ୍ଚ ପାଉଲ୍ ପର୍ଯ୍ୟେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ଗଟେକ୍ ପେରିଡ୍ ସିସ୍ ଅଇ ବାଟି ଅଇଆତି । ଜିସୁ କିରିସ୍ଟର୍ ସଞ୍ଜୁ ମିସିକରି ବିସ୍ବାସସଞ୍ଜୁ ଜିଉନା କାଉନା କର୍ତେ ରଇବା ଏପିସିୟର୍ ବିସ୍ବାସିମନର୍ ଲଗେ ଏ ଚିଟି ଲେକ୍ଲିନି । ୨ ଆମର୍ ବାବା ପର୍ଯ୍ୟେସର୍ ଆରି ମାପ୍ତୁ ଜିସୁକିରିସ୍ଟ ତମ୍ବେକେ ସବୁଲକ୍କେ ଜିବନ୍ ଦୁକାଇକରି ସାନ୍ତି ଦେଅ । ୩ ଆମର୍ ମାପ୍ତୁ ଜିସୁ କିରିସ୍ଟର୍ ବାବା ପର୍ଯ୍ୟେସର୍ ଦନିଅବାଦ୍ ପାଅ । କାଇକେ ବଇଲେ ସେ ଆମ୍ବେକେ କିରିସ୍ଟର୍ ସଞ୍ଜୁ ମିସାଇକରି ସର୍ଗେ ରଇବା ସବୁଜାକ ଆତ୍ମାଅନି ମିଲାଇବା ଆସିର୍ବାଦ୍ ଦେଇଆତେ । ୪ କିରିସ୍ଟର୍ ସଞ୍ଜୁ ମିସିରଇକରି ଆମେ ଜେନ୍ତି ପର୍ଯ୍ୟେସରର୍ ଅଇବୁ, ସେଟାପାଇ ସେ ଆମ୍ବେକେ ଜଗତ୍ ତିଆର୍ ନ ଅଇବା ଆଗ୍ତୁ ବାଟି ରଇଲା । ଜେନ୍ତାରିକି ସୁକଲ୍ ଆରି କାଇ ଦସ୍ ନ ଅଇତେ ତାର୍ ମୁଆଟେ ଚିଆଅଇବୁ । ୫ ତାର୍ ଆଲାଦର୍ ଲାଗି, ଜିସୁ କିରିସ୍ଟର୍ ସଞ୍ଜୁ ସେ ଆମ୍ବେକେ ତାର୍ ନିଜର୍ ପଅଜି ପାରା କର୍ବାକେ ବାଟିଆତେ । ଏଟାସେ ତାର୍ ଆଦେସ୍ ଆରି ସାର୍ଦା । ୬ ଜେନ୍ତାରିକି ତାର୍ ବଡ୍ ଜିବନ୍ ଦୁକାନିର୍ ଲାଗି ଆମେ ତାକେ ତାକ୍ପୁଟା କରୁ । ତାର୍ ଆଲାଦର୍ ପଅ କରି ରଇଲା କାମର୍ ଲାଗି, ଇନାମେ ତାର୍ ଜିବନ୍ ଦୁକାଇଲାଟା ସେ ଆମ୍ବେକେ ଦେଲା ଆତେ । ୭ କିରିସ୍ଟ ବନି ଜରାଇ ମଲାପାଇ ଆମେ ମୁକ୍ତି ପାଇଆରୁ ଆରି ଆମର୍ ସବୁଜାକ ପାପ୍ କେମା ଅଇଲା ଆତେ । ପର୍ଯ୍ୟେସର୍ ଜିବନ୍ ଦୁକାଇଲାଟା କେତେ ବଡ୍ ବିସଇ! ୮ ସେଟା ସେ ଆମ୍ବେକେ ନ ସାରାଇତେ ଦେଇଆତେ । ସବୁ ଗିଆନ୍ ଆରି ବୁଜ୍ବା ବପୁ ସଞ୍ଜୁ ମିସା ଦେଲା ଆତେ । ୯ ଆଗ୍ତୁ ଆମେ ଜାନି ନ ରଇଲା ତାର୍ ଜଜ୍ନାର୍ ଚିକିନିକି ବିସଇ, ସେ ଆମ୍ବେକେ ଜାନାଇ ଆତେ । ସେଟା ଜିସୁ କିରିସ୍ଟର୍ ଦେଇ ସେ ପୁରାପୁରୁନ୍ କଲାଆତେ, କାଇକେ ବଇଲେ ଏଟା ତାକେ ସାର୍ଦା କଲା । ୧୦ ସରଗେ ଆରି ଜଗତେ ତିଆର୍ ଅଇରଇବା ସବୁ ବିସଇ ଗଟେକ୍ଟାନେ ଆନ୍ବାକେ ପର୍ଯ୍ୟେସରର୍ ଜଜ୍ନା ରଇଲା । କିରିସ୍ଟ ସେସବୁ ବିସଇର୍ ମୁଣ୍ଟୁ ପାରା ଅଇକରି ରଇସି । ଏଟା ସମାନ୍ ବେଲାଇ ସେ ପୁରାପୁରୁନ୍ କର୍ସି । ୧୧ କିରିସ୍ଟର୍ ସଞ୍ଜୁ ମିସାଇ କରି, ପର୍ଯ୍ୟେସର୍, ଆମେ ଜିଉଦିମନ୍ଦେକ ବାଟି ଆତେ । କାଇକେ ବଇଲେ ଆଗେ ଅନି ଏନ୍ତାରି କର୍ବାକେ ସେ ଜଜ୍ନା କରି ରଇଲା । ସେ ଜେନ୍ତାରି ମନ୍ କର୍ସି, ସେ ଇସାବେ

ସବୁ ବିସଇ ପୁରାପୁରୁନ୍ କରୁସି । ୧୨ ଜେନ୍ତୁରିକି ଆମେ ଜେଡ଼କି ଜିଉଦି ଲକ୍
 ପରୁତୁମ୍ କିରିସ୍ତକେ ଆସାକରି ରଇଲୁ, ସବୁଲକ୍ ପରମେସରକେ ମଇମା
 କରୁ! ୧୩ ତମେ ମିସା ଜେଡେବେଲେ ମୁକ୍ତି ପାଇବା, ଏ ସୁବ୍ କବରର୍
 ସତ୍ କାତା ସୁନ୍ଲୀୟ, ସେ ବେଲେଅନି ପରମେସରର୍ ଲକ୍ ଅଇଆତାସ୍
 । ତମେ କିରିସ୍ତକେ ବିସ୍ବାସ୍ କଲାକେ, ପରମେସର୍ ସେ ଦେଇରଇବା
 କାତା ଇସାବେ ସୁକଲ୍ ଆତ୍ମା ଦାନ୍ କରିଆତେ । ଆରି ସେ ତମ୍‌କେ
 ତିନ୍ କଲାଆତେ । ୧୪ ପରମେସର୍ ତାର୍ ଲକ୍‌ମନ୍‌କେ ଜେଡ଼କି ବିସଇ
 ଦାନ୍ କରବାକେ କାତା ଦେଲାଆତେ, ସେ ସବୁଜାକ ଆମେ ମିଲାଇପାରୁ ।
 ସୁକଲ୍‌ଆତ୍ମା ଆମରବାଟେ ଚିଆଅଇସି । ପରମେସର୍ ତାର୍ ଲକ୍‌ମନ୍‌କେ
 ପୁରାପୁରୁନ୍ ନିଜେ ମନ୍‌କରି ମୁକ୍ତି ଦେଇସି । ଏଟା ସତ୍ ବଲିକରି, ଆସା
 ପରମେସରକେ ମଇମା କରୁ! ୧୫ ସେଟାର୍ ପାଇ ମାପୁରୁ ଜିସୁର୍ ଲଗେ ତମେ
 ବିସ୍ବାସ୍ କରବାଟା ଆରି ପରମେସରର୍ ଲକ୍‌ମନ୍‌ର୍ ପାଇ ରଇବା ତମର୍
 ଆଲାଦର୍ ବିସଇ ସୁନ୍ଲୀ ଦିନେଅନି, ୧୬ ମୁଇ ପରମେସରକେ ତମର୍‌ପାଇ
 ଦନିଅବାଦ୍ ଦେଇ ଆଇଲିନି । ମୁଇମିସା ପାର୍ତନା କଲାବେଲେ ତମର୍‌ପାଇ
 ପରମେସରକେ ଦନିଅବାଦ୍ ଦେବାକେ ପାସ୍‌ରି ଜାଇ ନାଇ । ମୁଇ ପାର୍ତନା
 କଲାବେଲେ ତମ୍‌କେ ଏତାଇଲିନି । ୧୭ ଆରି ଡାକ୍‌ପୁଟାର୍ ବାବା, ଆମର୍
 ମାପୁରୁ ଜିସୁକିରିସ୍ତର୍ ପରମେସରକେ ପାର୍ତନା କଲିନି । ଜେନ୍ତୁକି ସେ
 ତମ୍‌କେ ସୁକଲ୍ ଆତ୍ମା ଦେଇସି । ସେ ଆତ୍ମା ତମ୍‌କେ ଗିଆନ୍ କରାଇସି
 ଆରି ପରମେସରକେ ତମର୍ ମୁଆଟେ ଦେକାଇସି । ୧୮ ମୁଇ ପାର୍ତନା
 କଲିନି, ଜେନ୍ତୁରିକି ତାର୍ ଉଜଲ୍ ଦେକବାକେ ତମର୍ ଆତ୍ମାର୍ ଆଁକି ତ୍ରିସ
 । ଜେନ୍ତୁକି ଜନ୍ ଆସା ନେଇକରି ତମେ ତାର୍ ଲଗେ ଆସି ଆତାସ୍, ସେଟା
 ଜାନିପାରାସ୍ । ୧୯ ତାର୍ ଲକ୍‌ମନ୍‌ର୍ ପାଇ ସେ ଦେଇରଇବା କାତାର୍ ସବୁ ବଡ଼
 ଆସିରବାଦ୍ କେଡେକ୍ ଅଦିକ୍ ଆତେ । ଆରି ଆମର୍ ପାରା ବିସ୍ବାସିମନ୍‌ର୍
 ପାଇ ରଇବା ତାର୍ ବପୁ କେଡେ ବଡ଼, ସେଟା ତମେ ଜାନି ପାରାସ୍ । ୨୦
 ଏବେ ଆମର୍ ବିତ୍ରେ କାମ୍ କରେତରଇବା ସେ ବପୁର୍ ସଞ୍ଜେସ୍, ପରମେସର୍
 କିରିସ୍ତକେ ମଲାଡେଇଅନି ଉଟାଇକରି ତାର୍ ଉଜାବାଟେ ବସାଇଆତେ
 । ୨୧ କିରିସ୍ତ ସର୍ଗେ, ସାସନ୍ କରବା ଲକ୍‌ମନ୍‌କେ, ସନ୍‌ମାନ୍ ପାଇବା
 ଲକ୍‌ମନ୍‌କେ, ବପୁରଇବା ଲକ୍‌ମନ୍‌କେ ଆରି ସାସନ୍‌କାରିଆମନ୍‌ର୍ ଉପ୍ରେ
 ସାସନ୍ କରୁସି । ତାର୍ ଅଦିକାର୍ ଏବର୍ ସାସନ୍‌କାରିଆମନ୍‌ର୍ କି ଆଇବା

ଦିନରୁ ସାସନକାରିଆମନରୁ ତେଜଅନି ଅଦିକ୍ ବସୁ ସଞ୍ଚୁର୍ ଆଚେ । (aiōn g165) ୨୨ ପରମେସରୁ ସବୁବିସଇ କିରିସ୍ଟରୁ ପାଦ୍ତଲେ ସଞ୍ଚୁଆଚେ । ଆରି ସବୁ ବିସଇରୁ ଉପରେ, ସବୁରୁତେଜଅନି ଉପରରୁ ମାପୁରୁ କରି ମଣ୍ଡୁଲିକେ ଦାନକଲା ଆଚେ । ୨୩ ମଣ୍ଡୁଲି ଅଇଲାନି କିରିସ୍ଟରୁ ଗାଗଡ଼ । କିରିସ୍ଟରୁ ଜିବନ୍ ସଞ୍ଚୁ ମଣ୍ଡୁଲି ପୁରାପୁରୁନ୍ ଅଇସି । ଆରି କିରିସ୍ଟ ସବୁବିସଇ ପୁରାପୁରୁନ୍ କରସି ।

୨ ଆଗୁତୁ ତମରୁ ପାପରୁ ଲାଗି, ତମେ ଆତ୍ମାଲ ମରି ରଇଲାସ୍ । ୨ ସେବେଲେ ଜଗତରୁ ସତ୍ ନଇଲା ବାଟେ ଇଶ୍ଟୁତେରଇଲାସ୍ ଆରି ଆକାସରୁ, ଗାଗଡ଼ ଦାରି ନ ରଇବା, ସାସନକାରିଆରୁ ତଲେ ରଇଲାସ୍ । ସେ ସାସନକାରିଆ ଏବେ ପରମେସରୁ ଆଦେସ୍ ନ ମାନବା ଲକ୍ମନେକ ସାସନ କଲାନି । (aiōn g165) ୩ ସତଇସେ ଆମେ ସବୁଜାକ, ସେ ରକାମ୍ ରଇଲୁ ଆରି ଗାଗଡ଼ରୁ ଆରି ମନରୁ ଲାଲ୍‌ସା ଇସାବେ ଜିଉନା କାଉନା କରୁତେ ରଇଲୁ । ଆରି ଅଲ୍‌ଗା ଲକ୍ମନରୁ ପାରା ଆମେମିସା ପରମେସରୁ ରିସାରୁ ତଣ୍ଡୁ ପାଇବାକେ ଜାଇତେ ରଇଲୁ । ୪ ମାତରୁ ଏ ରକାମ୍ ରଇଲେମିସା ଦୟାଦେକାଇବା ପରମେସରୁ, ଆମ୍‌କେ ଜନ୍ ବଡ଼ ଆଲାଦ୍ ସଞ୍ଚୁ ଆଲାଦ୍ କଲା, ୫ ସେଟାରୁପାଇ ଆମ୍‌କେ କିରିସ୍ଟରୁ ସଞ୍ଚୁ ଜିବନ୍ କଲାଆଚେ, ସେ ଜିବନ୍ ଦୁକାଇଲାକେ ତମେ ମୁକ୍ତି ପାଇ ଆଚାସ୍ । ୬ ପରମେସରୁ କିରିସ୍ଟରୁ ସଞ୍ଚୁ ଆମ୍‌କେ ଉଚାଇଲା ଆଚେ, ଆରି ତାରୁ ସଞ୍ଚୁ ଗଟେକ୍ ଅଇବାରୁ ଲାଗି, ସରଗ୍ ଉପରେ ସାସନ କରବାପାଇ ବଲିକରି, ତାରୁ ସଞ୍ଚୁ ବସାଇଲା ଆଚେ । ୭ ଜେନ୍‌ଟିକି ଆଇବା ଦିନ୍‌ମନେକ ଜିସୁ କିରିସ୍ଟରୁ ଲାଗି ରଇବା ତାରୁ ବଡ଼ ଜିବନ୍‌ଦୁକାଇଲାଟା, ସବୁକେ ଦେକାଇ ଅଇସି ।

(aiōn g165) ୮ କାଇକେବଇଲେ ପରମେସରୁ ଜିବନ୍ ଦୁକାଇଲାରୁପାଇ, ତମେ ମୁକ୍ତି ପାଇ ଆରୁସ୍, ସେଟା ତମେ ବିସ୍‌ବାସ୍ କଲାରୁ ଲାଗି, । ତମେ କରିରଇବା କାଇ ନିକ କାମରୁ ଲାଗି ନାଇ, ସେଟା ପରମେସରୁ ଦାନ । ୯ ଜେନ୍‌ଟିକି ଏ ବିସଇନେଇ କେ ମିସା ନିଜେ ବଡ଼ପନ୍ ଅଇ ନାପାରେ । ୧୦ ପରମେସରୁସେ ଆମ୍‌କେ ତିଆରୁ କଲା ଆଚେ । ତମେ କିରିସ୍ଟରୁ ସଞ୍ଚୁ ମିସ୍‌ଲାରୁପାଇ, ନିକ କାମ୍ କରବାକେ ସେ ଆମ୍‌କେ ନୁଆ କଲା ଆଚେ । ଏଟା ଆଗୁତୁଆନି ସେ ଆମରୁ ପାଇ ମନ୍ କରି ରଇଲା । ୧୧ ତମେ, ଜିଉଦି ନ ଅଇଲା ଲକ୍ମନ୍, ଆଗେ କେନ୍ତୁରୁ ରଇଲାସ୍ ଏତାଇ ଦେକା ।

ନିଜେ ସୁନତ୍ ବଲାଇଅଇତେ ରଇବା ଜିଉଦିମନ୍ ତମକେ ସୁନତ୍ ନ ଅଇଲା
 ଲକ୍ ବଲି କଇତେ ରଇଲା । ମାତର୍ ସୁନତ୍ ଅଇବାଟା ଗାଗତେ କର୍ବା
 କାମ୍ । ୧୭ ଆଗେ ତମେ କିରିସ୍ତର୍ ଲଗେ ଅନି ଦୁରକେ ରଇଲାସ୍ ।
 ଆରି ପର୍ମେସର୍ ବାଟିରଇବା ଲକ୍ମନର୍ଟାନେ ମିସି ନ ରଇଲାସ୍ । ତାର୍
 ଲକ୍ମନକେ କାତା ଦେଇ, ତିଆର୍ କରିରଇବା ନିୟ୍ମଟାନେ, ତମର୍ କାଇ
 ମିସା ଅଦିକାର୍ ନ ରଇଲା । ତମେ ଜଗତେ ବାସାକରି, କାଇ ଆସା ନ ରଇକରି
 ପର୍ମେସରର୍ ଲକ୍ ନ ଅଇ ରଇଲାସ୍ । ୧୩ ଗଟେକ୍ ବେଲାଇ ଦୁରିକେ
 ରଇଲାସ୍ । ଏବେ ଜିସୁର୍ ସତ୍ତ୍ଵ ମିସିକରି କିରିସ୍ତ ବନି ଦେଇ ମଲାର୍ପାଇ
 ତାର୍ ଲଗେ ଅଇଆଟାସ୍ । ୧୪ କାଇକେ ବଇଲେ ଜିଉଦି ଆରି ଜିଉଦି ନଇଲା
 ଲକ୍କେ ଗଟେକ୍ କରି, କିରିସ୍ତ ନିଜେ ଆମର୍ ବିତ୍ରେ ସାନ୍ତି ଆନିଦେଇ
 ଆତେ । ସେମନ୍କେ ବେଗ୍ଲାଇକରି ନିଜର୍ ନିଜର୍ ସତ୍ତ୍ଵ ପାରା କରି
 ସତ୍ତ୍ଵଅଇରଇବା ପାରୁରି, ସେ ତାର୍ ଗାଗତ୍ସତ୍ତ୍ଵ ବାଞ୍ଛୁଇଲା ଆତେ । ୧୫ ସେ
 ଜିଉଦିମନ୍ ମାନିଆଇତେରଇବା ସବୁ ରିତିନିତି ନିୟ୍ମ ବାଞ୍ଛୁଇକରି, ଜିଉଦି
 ଆରି ଜିଉଦି ନଇଲା ଲକ୍ମନର୍ଟାନେଅନି ତାର୍ ସାଇଜ ପାଇତେରଇବା
 ଗଟେକ୍ ନୁଆ ମୁନୁସ୍ଜାତି ତିଆର୍ କଲାଆତେ । ଏନ୍ତାରି କରି ଦୁଇ ଦଲ୍
 ବିତ୍ରେ ସେ ସାନ୍ତି ଆନିଦେଇ ଆତେ । ୧୬ ସେ କୁର୍ସେ ମଲାର୍ପାଇ ବଲି
 ତାକର୍ ତାକର୍ ବିତ୍ରେ ସତ୍ତ୍ଵ ଅଇ ରଇବାଟା, ଲିବାଇଦେଇଆତେ । କୁରୁସର୍
 ଲାଗି ସେ ଦୁଇଟାଜାକ ମିସାଇକରି ଗଟେକ୍ ଗାଗତ୍ ପାରା କଲାଆତେ । ଆରି
 ସେମନ୍କେ ପର୍ମେସରର୍ ଲଗେ ବାଉତାଇ ଆନ୍ଲାଆତେ । ୧୭ ସେଟାର୍
 ପାଇ କିରିସ୍ତ ଆଇଲା ଆରି ପର୍ମେସର୍ତେଇଅନି ଦୁରିକେ ଜାଇ ରଇବା
 ଜିଉଦି ନଇଲା ଲକ୍ମନକେ ଆରି ତାର୍ ଲଗର୍ ଜିଉଦିମନ୍କେ ସୁକ୍ବର୍
 ସୁନାଇଲା । ୧୮ କିରିସ୍ତର୍ ଲାଗିସେ ଜିଉଦି ଆରି ଜିଉଦି ନଇଲା ସବୁଲକ୍
 ଗଟେକ୍ ଆତ୍ମାଜ, ବାବାର୍ ମୁଆଟେ ଆସି ପାରୁଲୁ । ୧୯ ତେବର୍ ପାଇ ଏ
 ଜିଉଦି ନଇଲା ଲକ୍ମନ୍, ତମେ ଆରି ବିନ୍ ଦେସେ ବାସା ଅଇରଇବାଲକ୍
 ନୁଆସ୍ । ଏବେ ପର୍ମେସରର୍ ଲକ୍ମନର୍ସତ୍ତ୍ଵ ତମେମିସା ତାର୍ ରାଇଜେ
 ମିସ୍ବା ଲକ୍ ଆରି ତାର୍ ଜାତିର୍ କୁଟୁମର୍ ଲକ୍ । ୨୦ ତମେ ମିସା ପେରିତ୍
 ସିସ୍ମନ୍ ଆରି ବବିସ୍ତବକ୍ତାମନ୍ କରିରଇବା କୁନାଦି ଉପ୍ରେ, ତିଆର୍
 ଅଇଲା ଗର୍ ପାରା । ସେ ଗର୍ କନର୍ ମୁଲ୍ ପାକ୍ନା ଅଇଲାନି କିରିସ୍ତ ଜିସୁ ।
 ୨୧ ସେ ଆକା ଗର୍କେ ସମାନ୍କରି ସତ୍ତ୍ଵଇଲା ଆତେ ଆରି ମାପୁରୁପାଇ

ଗଟେକ୍ ସର୍ପିଦେଲା ସୁକଲ୍ ମନ୍ଦିରପାରା କଲାଆତେ । ୨୨ କିରିସ୍ଟର୍ ସଞ୍ଜୁ
ମିସ୍ଲାର୍ ପାଇ, ଗଟେକ୍ ଗର୍ ପାରା ତମେ ସବୁକେ ମିସିକରି ତିଆର୍ କଲାନି
। ଜେନ୍ତାରିକି ତମେ ପର୍ମେସର୍ ତାର୍ ଆତ୍ମା ରଇବା ଗଟେକ୍ ବାସା
ଅଇବା ଗର୍ ପାରା ଅଇସା ।

୩ ଏଟାରୁଲାଗି ତମର୍ ପାରା ଜିଉଦି ନଇଲା ଲକର୍ ପାଇ, କିରିସ୍ଟ ଜିସୁର୍
ଲାଗି ବନ୍ଦି ଅଇରଇବା ପାଉଲ୍ ମୁଇ, ପର୍ମେସର୍କେ ପାର୍ତନା କଲିନି
। ୨ ତମର୍ ନିକପାଇ ପର୍ମେସର୍ ତାର୍ ଜିବନ୍ ଦୁକାଇଲାର୍ ତେଇଅନି
ମକେ ଏ କାମ୍ ଦେଇଆତେ । ଏଟା ନିଜେ ସୁନିଆତାସ୍ । ୩ ପର୍ମେସର୍
ସେ ଜାନାଇ ନରଇଲା ବିସଇ ମକେ ଜାନାଇ ଆତେ । ଏ ବିସଇ ମୁଇ
ଆଗ୍ତୁ ତମେକ ଅଲପ୍ ଲେକି ରଇଲି । ୪ ସେଟା ପଡ୍ଲେ, କିରିସ୍ଟର୍
ପାଇ ରଇବା ପର୍ମେସର୍ ଟିକିନିକି ବିସଇ ମୁଇ ବୁଞ୍ଜିଆତି ବଲି, ତମେ
ଜାନି ପାର୍ସା । ୫ ଆଗର୍ ଲକ୍ମନେକ ଏ ଟିକିନିକି ବିସଇ ନ କୁଆଅଇ
ରଇଲା । ମାତର୍ ଏବେ ତାର୍ ଆତ୍ମା ଦେଇ, ସେ ବାତି ରଇବା ତାର୍ ସୁକଲ୍
ପେରିତ୍ମନେକ ଆରି ବବିସତ୍ବକ୍ତାମନେକ ସେ ଜାନାଇଲା ଆତେ । ୬ ଏ
ଲୁଚି ରଇବା ବିସଇ ଅଇଲାନି, ସୁକ୍ବରରୁ ଲାଗି, ଜିଉଦି ବିସ୍ବାସିମନର୍
ସଞ୍ଜୁ, ଜିଉଦି ନଇଲା ବିସ୍ବାସିମନ୍ ମିସା ପର୍ମେସର୍ ଆସିର୍ବାଦେ
ମିସ୍ବାଇ । ସେମନ୍ ମିସିକରି, ଗଟେକ୍ ଗାଗଡ୍ ପାରା ଅଇଜିବାଇ । ମାପୁରୁ
ଜିସୁ କିରିସ୍ଟର୍ ଲାଗି ପର୍ମେସର୍ ଦେଇ ରଇବା ସବୁ କାତାଇ ବାଗ୍ ଅଇସା
। ୭ ପର୍ମେସର୍ ତାର୍ ଜିବନ୍ ଦୁକାଇଲାର୍ ତେଇଅନି ମକେ ଜନ୍ ଦାନ୍ ଦେଇ
ଆତେ, ସେଟାର୍ ଲାଗି ମୁଇ ନିମାନ୍ କବର୍ ଜାନାଇବା ଲକ୍ ଅଇଲିଆତି
। ତାର୍ ବପୁ ମର୍ ବିଡ୍ରେ କାମ୍ କଲାର୍ ଲାଗି ଏଟା ଅଇଲା । ୮ ମୁଇ
ପର୍ମେସର୍ ଲକ୍ମନର୍ ସବୁଟାନେଅନି ସାନ୍ ଅଇଲେ ମିସା ଜିଉଦିନଇଲା
ଲକ୍ମନେକ କିରିସ୍ଟର୍ଟାନେ ରଇବା ନିକ ନିକ ବିସଇ ଜାନାଇବାକେ ମକେ
ସେ ବାଚ୍ଲା ଆତେ । ଏ ବିସଇ ଲକ୍ମନ୍ ବୁଞ୍ଜବାକେ ଆବଡ୍ ରଇବାଟା ।
୯ ପର୍ମେସର୍ ତାର୍ ଲୁଚ୍ତେରଇବା ଜଜ୍ନା କେନ୍ତାର୍ ପୁରାପୁରୁନ୍ କର୍ସି,
ସେଟା ସବୁ ଜାନାଇବାକେ ମିସା ମକେ ବାଚ୍ଲା ଆତେ । ସବୁ ବିସଇ ତିଆର୍
କଲା ବେଲେଅନି, ଏବେ ଜାକ ସେ ତାର୍ ଟିକିନିକି ବିସଇ ଲୁଚାଇକରି
ସଞ୍ଜୁଇରଇଲା, । (aiōn g165) ୧୦ ଜେନ୍ତାର୍ ମଣ୍ଡୁଲିର୍ ଟାନେଅନି ତାର୍
ବିନ୍ ବିନ୍ ରକାମର୍ ଗିଆନ୍ ସର୍ଗର୍ ସାୟନ୍କାରିଆମନେକ ଆରି ବପୁ

ରଇବାଟାମନ୍କେ, ସେ ଜାନାଇସି । **୧୧** ଜଗତ୍ ତିଆର୍ କରବା ଆଗରୁ, ଏଟା ସେ ଜଜନା କରିରଇଲା । ଏଟା ଆମର୍ ମାପ୍‌ରୁ ଜିସୁ କିରିସ୍‌ଟର୍ ଲାଗି ସେ ପୁରାପୁରୁନ୍ କଲା ଆଟେ । **(aiōn g165)** **୧୨** କିରିସ୍‌ଟର୍ ତେଇ ବିସ୍‌ବାସ୍ କଲାର୍ ପାଇ ଆରି ତାର୍ ସଞ୍ଜ୍ ମିସି ରଇଲାର୍ ପାଇ, ନ ତରେତ, ସାଆସ୍ ଅଇକରି, ପର୍ମେସରର୍ ମୁଆଟେ ଟିଆ ଅଇବୁ । **୧୩** ସେଟାର୍ ପାଇ ମୁଇ ତମ୍‌କେ ବାବୁଜିଆ କରି କଲିନି, “ତମର୍ ପାଇ ବଲି ଅଇବା ମର୍ ଦୁକ୍ କସ୍‌ଟର୍ ପାଇ ମନ୍‌ଦୁକ୍ କରାନାଇ, ଏ ସବୁ ତମର୍ ବଲ୍ ପାଇ ଅଇଆଟେ ।” **୧୪** ସେଟାର୍‌ପାଇ ବଲିକରି ମୁଇ ପର୍ମେସରର୍ ମୁଆଟେ ମାଣ୍ଟିକୁଟା ଦେଇ ପାର୍ତନା କଲିନି, **୧୫** ତାର୍ ଲାଗିସେ ସରଗର୍ ଆରି ପୁରତିବିର୍ ସବୁ କୁଟୁମ୍ ଅଇଲା ଆଟେ, **୧୬** ମୁଇ ପାର୍ତନା କଲିନି ଜେନ୍ତୁକି ସେ ତାର୍ ନ ସାର୍‌ବା ମଇମାଇଅନି, ତାର୍ ଆତ୍‌ମା ତମ୍‌କେ ବପୁ ଦେଇସି, ଜେନ୍ତୁକି ତମର୍ ମନ୍ ତାଟ୍ ଅଇସି । **୧୭** ମୁଇ ପାର୍ତନା କଲିନି, ଜେନ୍ତୁକି ତମର୍ ବିସ୍‌ବାସର୍ ଲାଗି, କିରିସ୍‌ଟ ତମର୍ ବିତ୍ତେର ବାସା ଅଇସି । ଆରି, ତମେ ପର୍ମେସରେକ ଆରି ବିନ୍ ଲକ୍‌କେ ଆଲାଦ୍ କଲାଟାନେଅନି, ବୁର୍ଦ୍ଧ ଜାଇତେରଇବା ଗତର୍ ତେରପାରା ଆରି କୁନାଦି ଉପ୍‌ରେ ତିଆର୍ ଅଇଲା ଗର୍ ପାରା ତାଟ୍ ଅଇସା । **୧୮** ମୁଇ ପାର୍ତନା କଲିନି ତମେ ପର୍ମେସରର୍ ଲକ୍‌ମନର୍ ସଞ୍ଜ୍ ମିସିକରି କିରିସ୍‌ଟର୍ ଆଲାଦ୍ ବୁଜବାକେ ବପୁ ପାଇସା । ତାର୍ ବଡ୍ ଆଲାଦ୍ ସଞ୍ଜ୍ ସେ ଆମ୍‌କେ ଆଲାଦ୍ କଲା ଆଟେ । **୧୯** ଉଁ, ନର୍ଲକ୍ ବୁଜବା ତେଇଅନି ଅଦିକ୍ କିରିସ୍‌ଟ ଆମ୍‌କେ ଆଲାଦ୍ କଲା ଆଟେ, ସେ ଆଲାଦ୍ ତମେ ଜାନା ବଲି ମୁଇ ପାର୍ତନା କଲିନି । ଜେନ୍ତୁରିକି ତମର୍ ଚାଲାଚାଲ୍‌ତି ପର୍ମେସରର୍ ପାରା ଅଇ ଆଇସି । **୨୦** ପର୍ମେସର୍ ଜେକି ଆମେ ତାକେ ମାଞ୍ଜୁବା ତେଇଅନି କି ଚିନ୍ତା କରବା ତେଇଅନି ଅଦିକ୍ କରିପାର୍‌ସି, କାଇକେ ବଇଲେ ତାର୍ ବଡ୍ ବପୁ ସଞ୍ଜ୍ ସେ ଆମର୍ ବିତ୍ତେର କାମ୍ କରି ଆଇଲାନି । **୨୧** ମାଣ୍ଟିଲିଟାନେ ଆରି କିରିସ୍‌ଟ ଜିସୁଟାନେଅନି ପର୍ମେସରର୍ ବଡ୍ ବପୁ ବିନ୍ ଲକ୍‌କେ ଡିସ୍‌ଲାନି, ତାର୍ ବଡ୍ ବପୁର୍ ଲାଗି ପର୍ମେସରେକ ତାକ୍‌ପୁଟା କରୁ, କାଲ୍‌କାଲ୍ ଜୁଗ୍‌ଜୁଗ୍ ସେ ତାକ୍‌ପୁଟା ପାଇତେରଅ । ଆମେନ୍! **(aiōn g165)**

୪ ଏ ସବୁର୍ଲାଗି ମାପ୍‌ରୁର୍ ସେବାକାରିଆ ମୁଇ ବନ୍ଦିଗରେ ଆତି । ମାପ୍‌ରୁ ତମ୍‌କେ କେନ୍ତୁରି ତଲାଚଲ୍‌ତି କରବାକେ ତାକ୍‌ଲାଆଟେ, ସେନ୍ତୁରିସେ କରାବଲି ମୁଇ ତମ୍‌କେ ବାବୁଜିଆ କଲିନି । **୨** ତମେ ଲକ୍‌ମନର୍ ସଞ୍ଜ୍

ମିସାବିତା ଅଇଲାବେଳେ, ପୁରାପୁରୁନ୍ ଦରମ୍ ଅଇ ସୁଆଲେ ରୁଆ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କଲାର୍‌ପାଇ ସାଆସ୍ ଅଇ, ମୁରୁତିକରି ରୁଆ । ୩ ଜନ୍‌ଟା କି ଗଟେକ୍ ମନ୍ ଅଇକରି ରଇବାକେ ସୁକଲ୍‌ଆତ୍‌ମା ଆମ୍‌କେ ବାନ୍ତିଆରେ, ସେନ୍ତାରି ସାନ୍ତି ଅଇକରି ରୁଆ । ୪ ଆମେ ସବୁ ବିସ୍‌ବାସି ବାଇବଇନିମନ୍ ଗଟେକ୍ ଗାଗଡ୍ ପାରା ଆରି ସବୁଲକ୍ ସମାନ୍ ଆତ୍‌ମା ମିଲାଇଆରୁ । ସେନ୍ତାରିସେ ସମାନ୍ ଆସିର୍‌ବାଦ୍ ମିଲାଇବାକେ ସେ ଆମ୍‌କେ ଡାକ୍‌ଲାଆରେ । ୫ ଆମ୍‌କେ ଗଟେକ୍ ମାପୁରୁ ଆରେ, ସମାନ୍ ସିକିଆଇ ବିସ୍‌ବାସ୍ କଲୁନି ଆରି ସମାନ୍ ତୁବନ୍ ନେଲୁ ଆରୁ । ୬ ଗଟେକ୍ ପର୍‌ମେସରକେ ଆମେ ଉପାସନା କଲୁନି । ଜେ କି ସବୁର୍ ବାବା ଅଇଆରେ । ସେ ଆମର୍ ବିତ୍‌ରେ ରଇକରି ଆରି ଆମ୍‌କେ ଦେଇକରି ସବୁର୍ ଉପ୍‌ରେ ସାସନ୍ କଲାନି । ୭ ମାତର୍ କିରିସ୍‌ଟ ଆମେ ବିନ୍ ବିନ୍ ଲକ୍‌କେ ବିନ୍ ବିନ୍ ଦାନ୍ ଦେଲାଆରେ । ସେଟା କାକେ କେନ୍ତାରି ବାଟା କର୍‌ବାର୍ ଆରେ, ସେ ସେ ଟିକ୍ କଲାଆରେ । ୮ ତେବର୍ ପାଇ ସାସ୍‌ତରେ ଲେକାଅଇଲା ଆରେ, “ସେ ତାର୍ ସତ୍‌ରୁମନ୍‌କେ ଆରାଇକରି ଜେଡେବେଲେ ଉର୍ ରଇବା ଜାଗାଇ ଗାଲା, ତାର୍ ଆରାଇ ରଇବା ସତ୍‌ରୁମନ୍‌କେ ବାନ୍ତିକରି ନେଲା ଆରି ତାର୍ ଦାନ୍ ବିନ୍ ବିନ୍ ଲକ୍‌କେ ଦେଲା । ୯ “ସେ ଗଟେକ୍ ଉର୍ ଜାଗାଇ ଗାଲା ।” ଏନ୍ତାରି ଲେକ୍‌ବା ଅରଡ୍ କାଇଟା? ଏଟାର୍ ଆରଡ୍ ଅଇଲାନି, କିରିସ୍‌ଟ ଉଡ୍‌ରି କରି ଏ ଜଗତେ ଆସି ସାରି ଆରେ । ୧୦ ଜେ କି ଏ ଜଗତେ ଉଡ୍‌ରି ଆଇଲା, ସେ ସମାନ୍ ଲକ୍‌ସେ, ସର୍‌ଗେ ଅନି ଉପ୍‌ରେ ରଇବା ଜାଗାଇ ଚଗି ଗଲା । ଜେନ୍ତାରି କି ସେ ଗୁଲାଇ ଜଗଡ୍‌କେ ପୁରାପୁରୁନ୍ କର୍‌ସି । ୧୧ ସେ ଆକା କେତେ ଲକ୍‌ମନ୍‌କେ ପେରିଡ୍ ଅଇବାକେ, କେତେଲକ୍‌କେ ବବିସଡ୍ କାତା କଇବାକେ, କେତେଲକ୍‌କେ ସୁବ୍‌କବର୍ ଜାନାଇବାଟା ଅଇବାକେ, କେତେଲକ୍‌କେ ମଣ୍ଡୁଲି ଚାଲାଇବାକେ ଆରି କେତେଲକ୍‌କେ ସିକାଇବାକେ ବପୁ ଦେଇ ବାଟ୍‌ଲାଆରେ । ୧୨ ପର୍‌ମେସରର୍ ଲକ୍‌ମନ୍ ଜେନ୍ତାରି କି ତାକେ ସେବା କରିପାରଡ୍, ତାର୍‌ଲାଗି ଏ ସବୁ ଦାନ୍ ତାର୍ ଲକ୍‌ମନ୍‌କେ ଦେଲା । ଏନ୍ତାରି ଅଇ କିରିସ୍‌ଟର୍ ଗାଗଡ୍ ପାରା ଅଇବା ବିସ୍‌ବାସିମନ୍ ବପୁ ଅଇ ସିଦ୍ ଅଅଡ୍ । ୧୩ ଏନ୍ତାରି ଅଇ ଆମେ ସବୁ ବିସ୍‌ବାସେ ବଡିକରି ଆରି ପର୍‌ମେସରର୍ ପଅକେ ଜାନିକରି, ସିଦ୍ ଅଇବୁ । ଆମେ ଜେନ୍ତାରିକି ପୁରାପୁରୁନ୍ କିରିସ୍‌ଟର୍ ପାରା ଅଇବୁ । ସେ ପୁରାପୁରୁନ୍ ସିଦ୍ ଆରେ । ୧୪

ଡେବେ ଆମେ ସାନ୍ ପିଲାମନର୍ ପାରା ନ ଅଇ କରି, ଜଗତର୍ ମନସ୍ମନର୍
 ସିକିଆଇ ଆରି ତାକର୍ ଦବାପେଲା ଅଇବା ପାରା ବିଚାର୍ନା ଇସାବର୍ ବିନ୍
 ବିନ୍ ସିକିଆଇ, ଗାତର୍ ଲଅତି ଆରି ମାର୍ବା ପବନ୍ ଜେନ୍ତୁରି ତଢ୍ଫୁକେ
 ଏନେତେନେ କର୍ସି, ସେନ୍ତୁରି ତାକର୍ ସିକିଆ ସୁନିକରି ଏନେତେନେ ନ
 ଅର୍ । ୧୫ ତାର୍ ବାଦୁଲେ ଆମେ ପର୍ମେସରର୍ ସର୍ ବିସଇର୍ ଆଲାଦ୍
 ଜାନାର୍ । ସେନ୍ତୁରି ମୁଣ୍ଟୁ ଇସାବେ ରଇବା କିରିସ୍ଟର୍ ପାରା ଆମେ ସବୁ
 ବିସଇତେଇ ସିଦ୍ ଅଇ, ତାର୍ ପାରା ଅଇବୁ । ୧୬ କାଇକେବଇଲେ କିରିସ୍ଟ
 ତାର୍ ସବୁ ଲକ୍ମନକେ ମିସାଇକରି ସଢ୍ଫୁଇ ଆତେ । ଗଟେକ୍ ଗାଗତର୍ ସନ୍ତି
 ଜେନ୍ତିକି ସେ ଗାଗତର୍ ସବୁ ବାଗ୍ କେ ମିସାଇକରି ସଢ୍ଫୁଇସି, ସେନ୍ତୁରିସେ
 ଗାଗତର୍ ଗଟେକ୍ ଗଟେକ୍ ବାଗ୍ ନିଜର୍ ନିଜର୍ କାମ୍ କଲେ, ଗୁଲାଇ ଗାଗତ୍
 ବଡିକରି ବପୁ ଅଇସି । ୧୭ ତେବର୍ ପାଇ ମାପ୍ତୁରୁ ନାଉଁଦାରି ମୁଇ ତମ୍ କେ
 ଜାଗତା କରିଦେଲିନି । ତମେ ଆରି ପର୍ମେସର୍କେ ନାଜାନ୍ଲା ଲକର୍ପାରା
 ତଲାଚଲ୍ତି କରା ନାଇ । ୧୮ ସେମନ୍ ତିନ୍ତାକର୍ବାଟା ରୁତାଇସେ । ସେମନ୍
 ପର୍ମେସରର୍ ବିସଇ ବୁଜି ନାପାର୍ । ଆରି ସେ ଦେଇରଇବା ଜିବନେ ଅନି
 ଦୁରିକେ ଆତର୍ । ସେମନ୍ ତାକର୍ ମନ୍ ତାଟ୍ କଲାର୍ପାଇ ତାକେ ନାଜାନର୍
 । ୧୯ ସେମନ୍ ପାପ୍ କାମ୍ କଲେ ମିସା, ବୁଲ୍ କଲି ବଲି ଲାଜ୍ କି ଦୁକ୍ ନ
 ଅଅର୍ । ତେବର୍ପାଇ ସବୁରକାମର୍ ବେସିଆ କାମ୍ କର୍ବାଟାନେ ସର୍ପିଅଇ
 ଆତର୍ । ଏନ୍ତୁରି କାମ୍ କରି କରି ଆରି କର୍ବାକେସେ ଲାଲ୍ସା ଅଇ ଆତର୍
 । ୨୦ ମାତର୍ ତମେ କିରିସ୍ଟର୍ ଟାନେଅନି ସେନ୍ତୁରି ସିକିଆ ସିକାସ୍ ନାଇ
 । ୨୧ ତମେ ଜେତେବେଲେ ତାର୍ ବିସଇ ସୁନିକରି ସିକ୍ଲାସ୍, ସେଟା ତାର୍
 ସର୍ ସିକିଆଅନି ସିକ୍ଲାସ୍ । ୨୨ ଆଗ୍ତୁ ଜନ୍ ପୁର୍ନା ତଲାଚଲ୍ତି କରି
 ତମେ ଜିଉନା କାଉନା କର୍ତେ ରଇଲାସ୍, ସେଟା ତାଟ୍ବାକେ ତମ୍ କେ ସିକାଇ
 ରଇଲାଇ । ତମର୍ ମନେ କାରାପ୍ ତିନ୍ତା ଆଇବାଟା, ତମ୍ କେ ନାତାଇକରି
 ତମର୍ ଜିବନ୍ ନସାଇ ଦେଲାଇ । ୨୩ ତମେ ତିନ୍ତା କର୍ବାଟା ପର୍ମେସର୍
 ନୁଆକରି ବାଦ୍ଲାଇବାକେ ତାକେ ସର୍ପି ଦିଆସ୍ ବଲି ସିକାଇଲାଇ ଆତର୍ ।
 ୨୪ ପର୍ମେସର୍ ତମ୍ କେ ତାକର୍ ଗୁନ୍ତଲନ୍ ପାରା ରଇବା ନୁଆ ଗୁନ୍ତଲନ୍
 ଦେଲାଆତେ । ତେବର୍ପାଇ ସେ ରକାମ୍ ତଲାଚଲ୍ତି କରା । ପୁରାପୁରୁନ୍
 ଦରମ୍ ଅଇକରି ସୁକଲ୍ ଅଇରୁଆ । ୨୫ ତମର୍ ବିତ୍ରେ ମିର୍ କଇବାଟା
 ଚାଡିଦିଆସ୍, ନିଜର୍ ନିଜର୍ ବିତ୍ରେ ସର୍ କୁଆକୁଇ ଉଆ । କାଇକେବଇଲେ

ଆମେ ସବୁଲକ୍ ଗଟେକ୍ ଗାଗଡର୍ ବିନ୍ ବିନ୍ ବାଗ୍ ଅଇଲୁଆରୁ । ୨୭
 ଜେଡେବେଲେ ରିସା ଆଇଲେ, ସେଡେବେଲେ ପାପ୍‌କରା ନାଇ । ବେଲ୍
 ନ ବୁଡ୍‌ଡେ ତମର୍ ରିସା ଚାଡି ଦିଆସ୍ । ୨୭ ତମ୍‌କେ ପାପ୍ କରାଇବା
 ସଇତାନ୍‌କେ ଜାଗା ଦିଆସ୍‌ନାଇ । ୨୮ ଜେ ଚରାଇଡେ ରଇଲା, ସେ ଆରି ନ
 ଚର୍ ଅଅ । ମାତର୍ ନିଜେ ତାର୍ ଜିଉନା କାଉନାର୍ ପାଇ କାଇଆଲେ ନିକ
 କାମ୍ କର । ସେନ୍ତୁଆଲେ ଅର୍‌କିଡ୍ ଲକ୍‌ମନ୍‌କେ ଦେବାକେ ତାର୍‌ଟାନେ
 କାଇଟା ମିସା ରଇସି । ୨୯ ଜନ୍ କାତା ବିନ୍‌ଲକ୍‌ମନ୍‌କେ ଲଡାକେ ନ ଆସେ,
 ସେନ୍ତୁରି କାତା ତମର୍ ଟଣ୍ଟେ ଅନି ନ ବାରଅ । ତାର୍‌ବାଦୁଲେ ସେମନ୍‌କେ
 ସାର୍‌ଦା କରାଇ ବପୁ ଆଇବା କାତା କୁଆ । ଜେନ୍ତୁରିକି ସୁନ୍‌ବା ଲକ୍‌ମନ୍
 ତାକର୍ ଲଡାକେ ଆଇବା ବେଲାଇ ସେଟା ସୁନିକରି ସାର୍‌ଦା ଅଇବାଇ । ୩୦
 ପର୍‌ମେସରର୍ ସୁକଲ୍ ଆଡ୍‌ମାକେ ଦୁକ୍ ଦିଆସ୍ ନାଇ । ତାକେ ମୁକଲ୍‌ବା ଦିନ
 ଜାକ ଗଟେକ୍ ଚିନ୍ ଇସାବେ ସେ ତମ୍‌କେ ଦେଲାଆଡେ । ୩୧ ସବୁ ରକାମର୍
 କୁଟ୍ କାତା ଚିନ୍ତା କର୍‌ବାଟା, ରିସା ଅଇବାଟା, କିରଜାଟି କର୍‌ବାଟା, ନିନ୍ତୁ କାତା
 କଇବାଟା, ଛୁଆ ତଲା ଅଇବାଟା, ଏ ସବୁଜାକ ତମର୍‌ଟାନେ ଅନି ଦୁରିକେ
 ସଢୁଆ । ୩୨ ତାର୍ ବାଦୁଲେ ତମର୍ ତମର୍ ବିଡ୍‌ରେ ମାନାମାନି ଅଇକରି
 ଆଲାଦ୍ ସଢୁ ଦରମ୍ ଅଇ ରୁଆ । ଜେନ୍ତୁକି କିରିସ୍‌ଟର୍ ଲାଗି ପର୍‌ମେସର୍
 ତମ୍‌କେ କେମା କରିଦେଲା ଆଡେ । ତମେମନ୍ ମିସା ସେ ରକାମ୍ ନିଜର୍
 ନିଜର୍ ବିଡ୍‌ରେ କେମା କରାକରି ଉଆ ।

୫ ପର୍‌ମେସର୍‌କେ ବେସି ଆଲାଦ୍ କର୍‌ବା ତାର୍ ପିଲାମନ୍ ଅଇବାକେ,
 ତାର୍‌ପାରା ଅଇ ଗଟେକ୍ ଆଲାଦର୍ ଚଲାଚଲ୍‌ତି କରା । ୨ ଜେନ୍ତୁର୍ କି
 କିରିସ୍‌ଟ ଆମ୍‌କେ ଆଲାଦ୍ କରି ଆମର୍ ପାଇ ମରି ରଇଲା । ଗଟେକ୍ ସୁନ୍‌ର୍
 ବାସ୍‌ନା ଅଇବା ବଲି ପାରା ସେ ତାର୍ ଜିବନ୍ ପର୍‌ମେସର୍‌କେ ସର୍‌ପିଦେଲା ।
 ୩ ମାତର୍ ତମର୍ ବିଡ୍‌ରେ ବେସିଆ ଇସାବେ ରଇବା ଚଲାଚଲ୍‌ତି, କି କାଇ
 ରକାମର୍ ସୁକଲ୍ ନ ଅଇବାଟା କି ଲବ୍ ଅଇବାଟା ଆଡେ, ବଲି ବିନ୍ ଲକ୍‌ମନ୍ ନ
 କଅଡ୍ । କାଇକେବଇଲେ ଏଟା ସବୁ ପର୍‌ମେସରର୍ ସୁକଲ୍ ଲକ୍‌ମନ୍ କର୍‌ବା
 ଟିକ୍ ବିସଇ ନଏ । ୪ ସେନ୍ତୁରିସେ ଜନ୍‌ଟାକି ଲଡାକେ ନ ଆଇବା ଗୁନ୍‌ଚଲନ୍,
 କି କାରାପ୍ କାତା, ଲାଜ୍ କର୍‌ବା କାତା କି ଟାପ୍‌ରା କାତା ତମର୍‌ଟାନେ ନ
 ଡିସ । ଏଟାମନ୍ ତମର୍‌ଟାନେ ରଇବାଟା ଟିକ୍ ନଏ । ତାର୍‌ବାଦୁଲେ ତମେ
 ପର୍‌ମେସର୍‌କେ ଦନିଅବାଦ୍ ଦେବା କାତା କୁଆ । ୫ ତମେ ଜାନ୍‌ବାର୍ ଆଡେ

ଜେ, କେନ୍ଦୁରି ମିସା ବେସିଆ କାମ୍ କର୍ବା ଲକ୍, କି ସୁକଲ୍ ନ ଅଇଲା ଲକ୍,
 କି ଲବ୍‌ରା ଲକ୍ ପରମେସରର୍ ଆରି କିରିସ୍‌ଟର୍ ରାଇଜେ ରଇବା କାଇ ବିସଇ
 ମିଲାଇବାକେ ଅଦିକାର୍ ପାଇ ନାପାରତ୍ । ଗଟେକ୍ ଲବ୍‌ରା, ପୁତ୍‌ଲା ପୁଜା
 କର୍ବା ଲକର୍ ସଢ୍ଘ୍ ସମାନ୍ । ୬ ବିନ୍ ଲକର୍ ଟାନେଅନି କାଇ ଲଡାକେ ନ
 ଆଇବା ରୁଟା କାତା ସୁନି ନାତାଇ ଉଆ ନାଇ । କାଇକେବଇଲେ, ଏନ୍ଦୁରି କରି
 ତାକେ ନ ନାମ୍‌ବା ଲକ୍‌ମନ୍‌କେ ପରମେସର୍ ତଣ୍ଟୁ ଦେଇସି । ୭ ତେବର୍‌ପାଇ
 ସେନ୍ଦୁରି ଲକ୍‌ମନ୍‌ର ସଢ୍ଘ୍ ମିସା ନାଇ । ୮ କାଇକେବଇଲେ ଆଗ୍‌ରୁ ତମେ
 ଆନ୍ତରେ ରଇଲାସ୍ । ମାତର୍ ଏବେ ମାପ୍‌ରୁର୍ ସଢ୍ଘ୍ ମିସ୍‌ଲାର୍‌ପାଇ ଉଜଲେ
 ପୁରି ଆତାସ୍ । ତେବର୍‌ପାଇ ଉଜଲେ ରଇବା ଲକ୍‌ମନ୍‌ପାରା ଚଲାଚଲ୍‌ତି
 କରା । ୯ କାଇକେବଇଲେ, ଉଜଲେ ରଇଲେ ତେଇଅନି ସବୁ ରକାମର୍
 ନିକ, ଦରମ୍, ଆରି ସତ୍ ବିସଇ ବାରଇସି । ୧୦ ପରମେସର୍କେ ସାର୍‌ଦା
 କରାଇବା ବିସଇ କଜିକରି ମିଲାଆ । ୧୧ ଆନ୍ତରେ ରଇବା ଲକ୍‌ମନ୍ କର୍ବା
 କାଇ ମୁଲିଅ ନ ରଇବା କାମେ ମିସାନାଇ । ସେଟାମନ୍‌କେ କାଇ ମୁଲିଅ ନାଇ
 । ତାର୍ ବାଦୁଲେ ସେନ୍ଦୁରି କାରାପ୍ ଅଇବା କାମ୍ ନ ଲୁଚାଇ ଦେକାଇଦିଆସ୍
 । ୧୨ ସେନ୍ଦୁରି ଲୁଚ୍‌ତେ କର୍ବା କାମର୍ ବିସଇ କାତା ଅଇବାକେ ମିସା
 ଲାଜ୍ ଲାଗ୍‌ସି । ୧୩ ଏନ୍ଦୁରି କାମ୍ ନ ଲୁଚାଇ ବାକ୍‌ରାଇଲେ, ତେଇର୍ ସତ୍
 ବିସଇ ଲକ୍‌ମନ୍ ଦେକ୍‌ବାଇ । ୧୪ କାଇକେବଇଲେ ଉଜଲର୍ ସବୁ ବିସଇ
 ଉଜଲ୍‌ସେ । ସେଟାର୍ ପାଇ ଏନ୍ଦୁରି ଲେକାଅଇଲାଆତେ, “ଏ ଗୁନେରାମନ୍
 ଉଟା, ମଲାପାରା ନ ରଇକରି ଜିବନ୍ ରୁଆ, କିରିସ୍‌ଟ ତମ୍‌କେ ଉଜଲ୍ ଦେଇସି
 ।” ୧୫ ତେବେ ତମର୍ ଚଲାଚଲ୍‌ତି କର୍ବାଟାନେ ଜାଗ୍‌ରତ୍ ରୁଆ । ବକୁଆ
 ଲକ୍‌ମନ୍‌ପାରା ନ ଅଇ ବୁଦିରଇବା ଲକ୍‌ପାରା ରୁଆ । ୧୬ ସବୁବେଲେ ନିକ
 କାମ୍ କର୍ବାକେ କଜ୍‌ତେ ରୁଆ । କାଇକେବଇଲେ ଏ ଜୁଗର୍ ଲକ୍‌ମନ୍ ବେସି
 କାରାପ୍ ଆତତ୍ । ୧୭ ତେବର୍‌ପାଇ ବୁଦିନଇଲା ଲକ୍ ପାରା ନଅଇ ମାପ୍‌ରୁର୍
 ମନ୍‌କଲାଟା କଜିକରି ମିଲାଆ । ୧୮ ମତ୍ ପେଣ୍ଟୁମ୍ କାଇ ମାତା ନାଇ ।
 କାଇକେବଇଲେ ସେଟା ତମ୍‌କେ ଡିଲା ଚାଡ୍‌ବା ଗରୁଗାଇର୍ ପାରା ଚଲାଚଲ୍‌ତି
 କର୍ବାକେ ଡାକିନେଇସି । ତାର୍‌ବାଦୁଲେ ସୁକଲ୍‌ଆତ୍‌ମା ବାନ୍ତିନେବାକେ
 ସର୍‌ପିଅଆ । ୧୯ ଗିତ୍ ସଢ୍ଠିତାର୍ ଗିତ୍, ଆତ୍‌ମାଇ ଅନି ଆଇବା ବିନ୍ ଗିତ୍‌ମନ୍,
 ତମର୍ ବିତ୍‌ରେ କୁଆକୁଇ ଉଆ । ଗିତ୍ କଇକରି ନିଜେ ନିଜେ ମନ୍‌ବିତ୍‌ରେ
 ମାପ୍‌ରୁକେ ଡାକ୍‌ପୁଟା କରା । ୨୦ ଆମର୍ ମାପ୍‌ରୁ ଜିସୁକିରିସ୍‌ଟର୍ ନାଉଁଦାରି

ସବୁବେଳେ ସବୁ ବିସଇର୍ପାଇ ବାବା ପର୍ମେସର୍କେ ଦନିଅବାଦ୍ ଦିଆସ୍
 । ୨୧ କିରିସ୍ଟର୍ପାଇ ରଇବା ତମର୍ ସନ୍ମାନର୍ ଲାଗି, ତମର୍ ତମର୍
 ବିତ୍ରେ ସର୍ପାସର୍ପି ଉଆ । ୨୨ ଏ ମାଇଜିମନ୍ ତମେ ଜେନ୍ତାର୍ ମାପୁରୁକେ
 ସର୍ପିଅଇ ଆଚାସ୍, ସେନ୍ତାରି ତମର୍ ନିଜର୍ ନିଜର୍ ମୁନୁସ୍କେ ମିସା ସର୍ପି
 ଉଆ । ୨୩ କାଇକେବଇଲେ କିରିସ୍ଟ ଜେ କି ତାର୍ ଗାଗଡ୍ପାରା ରଇବା
 ମଣ୍ଟୁଲିର୍ ନେତା ଆଚେ, ସେନ୍ତାରିସେ ମୁନୁସ୍ ମିସା ତାର୍ ମାଇଜିର୍ ନେତା
 ଆଚେ । କିରିସ୍ଟସେ ତାର୍ ମଣ୍ଟୁଲିକେ ରକିଆ କଲାଆଚେ । ୨୪ ଡେବର୍ପାଇ
 ମଣ୍ଟୁଲି ଜେନ୍ତାର୍ କିରିସ୍ଟକେ ସର୍ପି ଅଇସି, ସେନ୍ତାରି ଏ ମାଇଜିମନ୍, ତମେ
 ମିସା ସବୁ ବିସଇଡେଇ ତମର୍ ମନସ୍ମନର୍ ଟାନେ ସର୍ପି ଅଇବାର୍ଆଚେ
 । ୨୫ ଏ ମୁନୁସ୍ମନ୍, କିରିସ୍ଟ ଜେନ୍ତାର୍ ମଣ୍ଟୁଲିକେ ଆଲାଦ୍ କରି, ତାକେ
 ସୁକଲ୍ କରବାକେ ନିଜେ ସର୍ପିଅଇଲା, ସେନ୍ତାରିସେ ତମେ ମିସା ନିଜର୍
 ମାଇଜିମନ୍କେ ଆଲାଦ୍ କରା । ୨୬ କିରିସ୍ଟ ପର୍ମେସରର୍ ବାକିଅ ସଢ୍ଘୁ ଆରି
 ପାନିସଢ୍ଘୁ ଦଇକରି ମଣ୍ଟୁଲିକେ ସୁକଲ୍ କଲା । ୨୭ ମଣ୍ଟୁଲିକେ ତାର୍ ମୁଆଟେ
 ଆନ୍ଲାବେଲେ, ମଣ୍ଟୁଲି ଜେନ୍ତାରି କି, କାଇ ମୁର୍କି ନ ଅଇଡେ, ଅସୁକଲ୍
 ନଇଡେ, କାଇ ଦସ୍ ନ ଅଇଡେ ରଇ, ତାର୍ ବାଦୁଲେ ସୁକଲ୍ ଆରି ସିଦ୍ କାରାଇ
 ତାକେ ଚିଆ କରାଇସି । ୨୮ ସେନ୍ତାରିସେ ମୁନୁସ୍ମନ୍ ନିଜର୍ ଗାଗଡ୍କେ
 ଜତନ୍ କରି ଆଲାଦ୍ କଲାପାରା ନିଜର୍ ମାଇଜିମନ୍କେ ସେନ୍ତାରି କରା । ଜେ
 ନିଜର୍ ମାଇଜିକେ ଆଲାଦ୍ କର୍ସି, ସେ ନିଜ୍ଜେ ମିସା ଆଲାଦ୍ କର୍ସି । ୨୯
 କେ ମିସା କେବେ ନିଜର୍ ଗାଗଡ୍କେ ଗିନ୍ ନ କରେ । ମାତର୍ ତାର୍ପାଇ
 ଦୁଆପୁଟା କରି କାଦି କୁଆଇସି । ଜେନ୍ତାରି କି କିରିସ୍ଟ ତାର୍ ମଣ୍ଟୁଲିର୍ ପାଇ
 ଜତନ୍ କଲାନି । ୩୦ କାଇକେବଇଲେ ଆମେ ସବୁ ତାର୍ ଗାଗଡ୍ ବାଗ୍
 ଅଇଆରୁ । ୩୧ ଏଟାର୍ପାଇ ଦରମ୍ ସାସ୍ତରେ ଲେକାଅଇଆଚେ ମୁନୁସ୍ ତାର୍
 ନିଜର୍ ଆୟା ବାବାକେ ଚାଡି ନିଜର୍ ମାଇଜିର୍ ସଢ୍ଘୁ ମିସି ଜାଇସି । ଆରି ସେ
 ଦୁଇଲକ୍ ମିସି ଗଟେକ୍ ଅଇବାଇ । ୩୨ ଏଟା ଗଟେକ୍ ବଡ୍ ଲୁଚି ରଇବା
 ବିସଇ । ମାତର୍ ମୁଇ କିରିସ୍ଟ ଆରି ମଣ୍ଟୁଲି ବିତ୍ରେ ମିସିବିଡି ରଇବା ବିସଇ
 କାତା ଅଇଲିନି । ୩୩ ସାରାସାରି ତମେ ଗଟେକ୍ ଗଟେକ୍ ଲକ୍ ନିଜେ ନିଜେ
 ଆଲାଦ୍ ଅଇଲାପାରା ନିଜର୍ ନିଜର୍ ମାଇଜିକେ ସେନ୍ତାରି କର୍ବାର୍ ଆଚେ ।
 ଆରି ମାଇଜିମନ୍ ତାକର୍ ମୁନୁସ୍ମନ୍କେ ସନ୍ମାନ୍ ଦେବାର୍ ଆଚେ ।

୨ ଏ ମର୍ ପିଲାଟକିମନ୍, ତମେ ମାପୁରୁର୍ ସଞ୍ଜୁ ମିସ୍ଲାର୍ପାଲ ଆୟା ବାବାର୍ କାତା ମାନିକରି ରୁଆ । ତମେ ଏନ୍ତାରି କରବାର୍ ଆଚେଆକା । ୨ ଏନ୍ତାରି ଲେକା ଅଇଲାଆଚେ, ନିଜର୍ ଆୟା ବାବାକେ ସନ୍ମାନ୍ ଦିଆସ୍ । ଜେନ୍ତାରି କି ତମର୍ପାଲ ସବୁ ବିସଇ ମଞ୍ଜୁଲ୍ ରଇସି । ଆରି ତମେ ସାର୍ଦା ଅଇ ବେସି ଦିନ୍ ଜାକ ଏ ଜଗତେ ବଞ୍ଚିରଇସା । ୩ ଏଟା ଅଇଲାନି ପର୍ମେସରର୍ ପର୍ତୁମ୍ ଆଦେସ୍ ଜନ୍ଟା କି ସେ ଗଟେକ୍ ଦେଇରଇବା କାତା ମିସା ତେଇ ମିସାଇଆଚେ । ୪ ଏ ବାବାମନ୍, ପିଲାମନ୍କେ ରିସା କରାଆ ନାଇ । ତାର୍ ବାଦୁଲେ ସେମନ୍କେ ମାପୁରୁର୍ ବାକିଅ ଇସାବେ ସିକାଇକରି ବଡାଆ । ୫ ଏ ଗତିଦାଞ୍ଜୁତାମନ୍, ଏ ଜଗତେ ରଇବା ସାଉକାର୍ମନର୍ କାତା ମାନିକରି ରୁଆ । ସେମନ୍କେ ସନ୍ମାନ୍ ଦେଇ, ପୁରାପୁରୁନ୍ ମନ୍ ସଞ୍ଜୁ ନାମିକରି ରୁଆ । ଜେନ୍ତାରି କି ତମେ କିରିସ୍ଟକେ ନାମିକରି ରଇସା । ୬ ଅବ୍କା ସେମନର୍ ମୁଆଟେ ବଲ୍ ବଲାଇ ଅଇବାକେ ନାଇ, କି ସେମନ୍ ଦେକ୍ଲାବେଲେସେ ନାଇ । ମାତର୍ କିରିସ୍ଟର୍ ଗତିଦାଞ୍ଜୁତା ପାରା, ପର୍ମେସର୍ ମନ୍କଲ୍ମାଟା ପୁରାପୁରୁନ୍ ମନ୍ ଦିଆନ୍ ଦେଇ କରା । ୭ ତମ୍କେ ଦାଇଡ୍ ଦେଇରଇବା ସବୁ କାମ୍ ସାର୍ଦା ସଞ୍ଜୁ କରା । ଜେନ୍ତାରିକି ତମେ ଅବ୍କା ଲକ୍ମନର୍ ପାଇ କାମ୍ ନ କରି ମାପୁରୁର୍ ସେବା କଲା ପାରା କରା । ୮ କାଇକେବଇଲେ ତମେ ନିକ କାମ୍ କଲେ, ମାପୁରୁ ତମ୍କେ ପୁରୁସ୍କାର୍ ଦେଇସି । ତମେ ଗତିଦାଞ୍ଜୁତା ଅଇରୁଆ କି ମୁକଲ୍ଲା ଲକ୍ ଅଇରୁଆ । ୯ ଏ ସାଉକାର୍ମନ୍, ସେନ୍ତାରିସେ ତମର୍ ଦାଞ୍ଜୁତାମନ୍କେ ନିକସଞ୍ଜୁ ଦେକାରକା କରା । ସେମନ୍କେ ଦାକାପୁକା ଦିଆସ୍ ନାଇ । ତମର୍ ମନେ ରଅ, ତାକର୍ ଆରି ତମର୍ ସାଉକାର୍ ସର୍ଗେ ଆଚେ । ଆରି ସେ ସାନ୍ ବଡ୍ ନ ବାବି ଦେକାରକା କରସି । ୧୦ ସାରାସାରି ପଚେ, ମାପୁରୁର୍ ଟାନେ ମିସିକରି ତାର୍ ବପୁପାଇକରି ଡାଟ୍ ଅଇରୁଆ । ୧୧ ପର୍ମେସର୍ ତମ୍କେ ଦେଇରଇବା ଜୁଇଦର୍ ସବୁ ରକାମ୍ ଆଡ୍ ଆଡିଆର୍ ସାଜାଡିକରି ରୁଆ । ଜେନ୍ତାରିକି ତମ୍କେ ସଇତାନ୍ ନାତାଇବା ବେଲେ ତାକେ ବିରଡ୍ କରିପାରାସ୍ । ୧୨ କାଇକେବଇଲେ ଆମେ ଜଗତର୍ ଲକ୍ମନର୍ ବିରୁଦେ ଜୁଇଦ୍ କରୁନାଇ । ମାତର୍ କାରାପ୍ ଆଡ୍ମାମନ୍କେ, ଆନୁରେ ରଇବା ଜଗତର୍ ସାସନ୍କାରିଆମନ୍କେ, ଆରି ସର୍ଗେ କାରାପ୍ ବପୁ ପାଇରଇବା ଆଡ୍ମାମନର୍ ବିରୁଦେ ଜୁଇଦ୍ କଲୁନି । (aiōn g165) ୧୩ ତେବର୍ପାଇ ପର୍ମେସର୍ ଦେଇରଇବା ସବୁରକାମ୍ ଜୁଜ୍ବା ଆଡ୍ ଆଡିଆର୍ ଗଟେକ୍ ସନିଅ

ପିନ୍ଧୁଲୀପାରା ପନ୍ଥକରି ସାଜାତା । ସେନ୍ତୁର ରଇଲେ ସଇତାନ୍ ଆରି ତାର୍
କାରାପ୍ ଆତ୍ମାମନ୍ ତମ୍ବେ ଜୁଜ୍ଜଲୀବେଲେ ସେମନ୍ତେ ତମେ ବିରଦ୍ କରି
ପାରାସ୍ । ଜୁଜ୍ଜଦର୍ପାଇ ସବୁ ରକାମ୍ବଟା ସାଜାତି ରଇଲେ ତମେ ପତେ ନ
ଗୁଚିକରି ଟିଆଅଇ ପାର୍ସା । ୧୪ ତେବେ ଜୁଜ୍ଜଦର୍ପାଇ ତମେ ଏନ୍ତାରି
ଜାଗ୍‌ରତ୍ ଉଆ । ଜେନ୍ତୁରି କି, ପର୍ମେସରର୍ ସଦ୍ ଆଁଟାବେତା, ଆଁଟାଇ
ବାନ୍ଧିଅଇ, ତାର୍ ଦରମର୍ ସାଞ୍ଜୁ ଜଗାତି ଅଇ, ୧୫ ସୁବ୍‌କବରେଅନି ଆଇବା
ସାନ୍ତିର୍ ପାଣ୍ଡୁଇ ପିନ୍ଧି ସାଜାତି ଉଆ । ୧୬ ଏ ସବୁର୍ ଉପରେ ବିସ୍‌ବାସର୍
ତେବାଇବା ତାଲ୍ ଦାରିରୁଆ । ଏ ତାଲ୍‌ସଞ୍ଜୁ ସଇତାନ୍ ତମର୍ ମୁଆଟେ ବିନ୍ଧୁବା
ଜଇର୍ କାଣ୍ଡୁ ଅଟ୍‌କାଇ ପାର୍ସା । ୧୭ ଆରି ମାପୁରୁ ଦେଇରଇବା ମୁକ୍ତି,
ଗଟେକ୍ ଟପିପାରା ମୁଣ୍ଡୁ ରକିଆ କର୍ବାକେ ପିନ୍ଧିରୁଆ । ସୁକଲ୍‌ଆତ୍ମା
ଦେଇରଇବା କାଣ୍ଡୁ ଦାରିରୁଆ । ସେ କାଣ୍ଡୁ ଅଇଲାନି ପର୍ମେସରର୍ ବାକିଅ ।
୧୮ ସୁକଲ୍‌ଆତ୍ମା ତେତ୍‌ନା ଦେଲା ଇସାବେ ପାର୍ତନା କରା । ସବୁ ରକାମର୍
ପାର୍ତନା ଆରି ଗୁଆରିସଞ୍ଜୁ ପାର୍ତନା କରା । ଏଟାର୍‌ଲାଗି ଜାଗ୍‌ରତ୍
ଅଇରୁଆ । ପର୍ମେସରର୍ ଲକ୍‌ମନର୍ପାଇ ପାର୍ତନା କରିଲାଗିରୁଆ ।
୧୯ ମର୍ପାଇ ମିସା ପାର୍ତନା କରା । ଜେନ୍ତିକି ମୁଇ କାତା ଅଇବାବେଲେ
ପର୍ମେସର୍ ମକେ ଟିକ୍ ବାକିଅ ଦେଅ । ସେନ୍ତୁର କଲେ, ସୁବ୍ କବରର୍
ଲୁଚିରଇବା ବିସଇ ମୁଇ କାକେ ନ ଡରିକରି ଲକ୍‌ମନ୍‌କେ ଜାନାଇ ପାର୍ବି ।
୨୦ ଏବେ ମୁଇ ବନ୍ଧି ଅଇ ରଇଲେ ମିସା କିରିସ୍‌ଟର୍ ସୁବ୍‌କବର୍ ଜାନାଇବାପାଇ
ଗଟେକ୍ ରାଜାର୍ ଦୁର୍ ପାରା ଅଇଲିଆତି । ସୁବ୍‌କବର୍ ଟିକ୍ ସଞ୍ଜୁ, ନ ଡରିକରି
ଜାନାଇବାକେ ପର୍ମେସର୍ ମକେ ବପୁ ଦେଅ ବଲି ପାର୍ତନା କରା । ୨୧
ତକିକସ୍ ଜେ କି ଆମର୍ ଆଲାଦର୍ ବାଇ, । ସେ ମାପୁରୁକେ ବିସ୍‌ବାସ୍ ସଞ୍ଜୁ
ସେବା କଲାନି । ମୁଇ କେନ୍ତି ଆତି ଆରି କାଇଟା କଲିନି, ସେ ସବୁ ବିସଇ
ତମ୍ବେ କଇଦେଇସି । ୨୨ ଆମ୍‌କେ ଗର୍‌ବା ବିସଇ ସବୁ ତମେ ଜାନିରୁଆ
ବଲିକରି ମୁଇ ତାକେ ତମର୍‌ଟାନେ ପାଟାଇଲିନି । ଆରି ସେ ତମ୍ବେ ସାର୍‌ବା
କରାଇସି । ୨୩ ଆମର୍ ବାବା ପର୍ମେସର୍ ଆରି ମାପୁରୁ ଜିସୁକିରିସ୍‌ଟ ସବୁ
ବିସ୍‌ବାସି ବାଇମନ୍‌କେ ସାନ୍ତି ଦେଅ । କିରିସ୍‌ଟକେ ବିସ୍‌ବାସ୍ କରି ତମର୍
ବିତ୍‌ରେ ଆଲାଦ୍ କରାକରି ଅଇବାକେ ସେମନ୍ ତମ୍ବେ ସାଇଜ କରତ୍ ।
୨୪ ଆମର୍ ମାପୁରୁ ଜିସୁ କିରିସ୍‌ଟକେ ଜେଡ୍‌କି ଲକ୍ ଆଲାଦ୍ କଲାଇନି,

ସେମନ୍ତେ ପର୍ଯ୍ୟେସ୍ ତାର୍ ଜିବନ୍ ଦୁକାଲ୍ଲୀଟା ଆରି ନ ସାର୍ବା ଆଲାଦ୍
ଦେଅ ।

ପିଲିପିୟ

୧ ଏ ଚିଠି ପାଉଲ୍ ଆରି ତିମତି, କିରିସ୍ଟ ଜିସୁର୍ ଦୁଇଟା ଗତିଦାଢ଼ୁଡ଼ାମନ୍ ଲେକ୍ଲୁନି । ଜିସୁକିରିସ୍ଟର୍ ଅଇକରି ପିଲିପି ନଅରେ ରଇବା ସବୁ ପର୍ମେସରର୍ ଲକ୍ମନର୍ପାଇ ଏଟା ଲେକାଅଇଲା ଆଚେ । ତମର୍ ବିତ୍ରେ ନେତା ଅଇକରି ତମ୍ବେ ସାଇଜ କରବା ଲକ୍ମନର୍ପାଇ ମିସା । ୨ ଆମର୍ ବାବା ପର୍ମେସର୍ ଆରି ମାପ୍ତୁ ଜିସୁକିରିସ୍ଟ ତମ୍ବେ ଜିବନ୍ ଦୁକାଇକରି ସାନ୍ତି ଦେଅ । ୩ ମୁଇ ତମ୍ବେ ଜେଡ୍‌କିତର୍ ଏତାଇଲିନି, ସେଡ୍‌କିତର୍ ମର୍ ପର୍ମେସର୍ବେ ଦନିଅବାଦ୍ ଦେଇତେରଇବି । ୪ ପାର୍ତନା କଲାବେଲେ ସବୁତର୍ ତମର୍ପାଇ ସାର୍ଦାସ୍ତୁ ପାର୍ତନା କଲିନି । ୫ କାଇକେବଇଲେ ସୁବ୍‌କବର୍ ଜାନାଇବା କାମେ ତମେ ମର୍ ସ୍ତୁ ମିସିକରି ରଇଲାସ୍ । ବିସ୍‌ବାସ୍ କରବା ପର୍ତୁମ୍ ଦିନେଅନି ଆଜିକେ ଜାକ ତମେ ମକେ ଏଟା କଲାସ୍ନି । ଆରି ଏବେ ମିସା କରି ଆଇଲାସ୍ନି । ୬ ପର୍ମେସର୍ ଜେକି ତମର୍ ମନ୍ ବିତ୍ରେ କାମ୍ କରବାକେ ଆରାମ୍‌କରିଆଚେ, ଜିସୁକିରିସ୍ଟ ବାଉଡିଆଇବା ଜାକ, ସେଟା କରି ସାରାଇସି । ୭ ତମେ ସବୁବେଲେ ମର୍ ମନ୍ ବିତ୍ରେ ଆଟାସ୍ । ତେବର୍ପାଇ ତମର୍ ବିସଇନେଇ କରି ଏନ୍ତାରି ବାବ୍‌ବାଟା ଟିକ୍ ସେ । ମୁଇ ବନ୍ଧୁ ନ ଅଇକରି ରଇଲାବେଲେ କି ଏବେ ବନ୍ଧୁ ରଇକରି ସୁବ୍‌କବର୍ ବିରୁଦ୍ଦେ ଦଦାପେଲା ଉଟ୍‌ଲାବେଲେ, ଏଟା ସଦ୍ ଆକା ବଲି ତାଟ୍‌ସ୍ତୁ ଦେକାଇବାଟାନେ ମିସା, ତମେ ସବୁ ମିସ୍‌ବାକେ ପର୍ମେସର୍ ବେଲା ଟିକ୍ କରି ଦେଲାଆଚେ । ୮ ମୁଇ ତମ୍ବେ ସବୁ ଲକ୍‌କେ ଆରିତରେକ୍ ଦେକ୍‌ବି ବଲି ମନ୍ କଲିନି । ଏ ବିସଇତେଇ ନିଜେ ପର୍ମେସର୍ ସାକିଆଚେ । କାଇକେବଇଲେ ଜିସୁକିରିସ୍ଟ ଆଲାଦ୍ କଲାପାରା ମୁଇ ତମ୍ବେ ଆଲାଦ୍ କଲିନି । ୯ ମୁଇ ତମର୍ପାଇ ଏନ୍ତାରି ପାର୍ତନା କଲିନି, ଜେନ୍ତାରିକି ତମେ ଆଲାଦ୍ କରବାଟାନେ ଅଦିକ୍ ଅଦିକ୍ ବଡ଼ସା । ପର୍ମେସର୍ ଜେନ୍ତାରି ଆଚେ, ସେ ବିସଇ ତମେ ଅଦିକ୍ ଅଦିକ୍ ଜାନ୍‌ସା ବଲି ମୁଇ ପାର୍ତନା କଲିନି । ଆରି ଜେଡେବଲ୍ ମିସା କନ୍‌ଟା ସଦ୍ କନ୍‌ଟା ବୁଲ୍ ସେଟା ଜାନିପାର୍‌ସା । ୧୦ ସେନ୍ତାରିଆଲେ ଟିକ୍ ବିସଇ କନ୍‌ଟା ବଲି ବାଟିକରି କରିପାର୍‌ସା । ଆରି ଏବେଅନି କିରିସ୍ଟ ବାଉଡି ଆଇବାଜାକ ସବୁ ପାପେଅନି ମୁକ୍‌ଲିକରି କାଇ ଦସ୍ ନ ଅଇକରି ରଇପାର୍‌ସା । ୧୧ ଜେନ୍ତାରିକି ଗଟେକ୍ ପଲ୍ ଦେବା ଗର୍ ପଲ୍ ଦେଇସି, ସେନ୍ତାରିସେ ତମେ ମିସା ଜିସୁକିରିସ୍ଟର୍ ବପୁ ସ୍ତୁ ଦରମ୍ କାମର୍ ପଲ୍ ଦେଇସା । ଏଟା

ପର୍ଯ୍ୟେସର୍କେ ତାକ୍‌ପୁଟା ଆରି ମଇମା କରୁସି । ୧୨ ଏ ବାଇବଇନିମନ୍, ତମେ ଜାନ୍‌ବାର୍ ଆତେ କି କିରିସ୍‌ଟର୍‌ପାଇ ମର୍ ଜିବନେ ଜେଡ୍‌କି ଗଟିଆତେ, ତାରୁଲ୍‌ଗି ଅଦିକ୍ ଲକ୍ ସୁବ୍‌କବର୍ ବିସ୍‌ବାସ୍ କର୍‌ବାକେ ଗଟେକ୍ ବାଟ୍ ଆଇଲା । ୧୩ ଜେନ୍‌ଟିକି, ସମ୍‌ରାଟର୍ ମେତେ ଜେଡ୍‌କି ସଇନ ଜାଗିଆତର୍, ସେମନ୍ ସବୁ ମୁଇ କିରିସ୍‌ଟକେ ସେବା କଲାର୍ ପାଇ ବନ୍ଦିଗରେ ଆତିବଲି ଜାନ୍‌ଲା । ୧୪ ମୁଇ ବନ୍ଦିଗରେ ରଇଲାର୍‌ପାଇ, ଇତି ରଇବା କେତେକ୍ କେତେକ୍ ବିସ୍‌ବାସି ବାଇବଇନିମନ୍‌କେ ମାପୁରୁ ବପୁ ଦେଲାଆତେ । ପର୍ଯ୍ୟେସର୍କ ବାକିଅ ନ ତରୁତେ ଜାନାଇବାକେ ସେମନ୍‌କେ ଏବେ ସାଆସ୍ ଆତେ । ୧୫ ଅଇଲେ ମିସା ସେମନ୍‌ର ବିତ୍‌ରେ ଅନି କେତେଲକ୍ ମକେ ଅଁକାର୍ କଲାର୍‌ପାଇ କିରିସ୍‌ଟର୍ ବିସଇ ଜାନାଇବାକେ ମନ୍ କଲାଇନି । ସେମନ୍ ମର୍‌ଟାନେଅନି ବଡ୍ ବଲି ଦେକାଇଅଇବାକେ ଏନ୍ତି କଲାଇନି । ମାତର୍ ଆରି କେତେକ୍ ଲକ୍ ଏଟା ସତ୍ ବଲି ମନେବାବିକରି କଲାଇନି । ୧୬ ଏ ଲକ୍‌ମନ୍ ମକେ ଆଲାଦ୍ କଲାର୍ ପାଇ ସୁବ୍‌କବର୍ ଜାନାଇଲାଇନି । କିରିସ୍‌ଟର୍ ସୁବ୍‌କବର୍ ଦେକାରକା କର୍‌ବାକେ ପର୍ଯ୍ୟେସର୍କେ ମକେ ଏ ବନ୍ଦିଗରେ ସଞ୍ଜୁଇଆତେ ବଲି ଜାନିକରି ମିସା । ୧୭ ମାତର୍ ଜନ୍ ଲକ୍‌ମନ୍ ମକେ ଅଁକାର୍ କଲାଇନି, ମର୍‌ଟାନେଅନି ବଡ୍ ଅଇବୁ ବଲିକରି, କିରିସ୍‌ଟର୍ ସୁବ୍‌କବର୍ ଜାନାଇଲାଇନି । ତାକର୍ ମନେ ଏଟା ସତ୍‌ବଲି ବାବିକରି କରତ୍‌ନାଇ । ମୁଇ ବନ୍ଦି ଗରେ ରଇକରି ଜେଡ୍‌କି କସ୍‌ଟ ମୁରୁଲିନି, ତାର୍‌ତେଇଅନି ଅଦିକ୍ କସ୍‌ଟ ମିସାଇବାକେ କୁଟ୍ ପାଁର୍‌ଲାଇନି । ୧୮ ମାତର୍ ଏଟା ମର୍‌ପାଇ କାଇଟା ନାଇ । ସେମନ୍ ସତଇସେ କଲେ କି ବୁଲ୍ କାମର୍ ପାଇ କଲେ ମିସା, କିରିସ୍‌ଟର୍ ବିସଇର୍ କବର୍ ଜାନାଇ ଅଇଲେ, ସେଟା ମୁକିଅ ବିସଇ । ଆରି ସେଟାର୍‌ପାଇ ମୁଇ ସାର୍‌ଦା ସଞ୍ଜୁ ରଇବି । ୧୯ ଆରି ମୁଇ ସାର୍‌ଦା ଅଇତେରଇବି । କାଇକେବଇଲେ ତମେ ମର୍‌ପାଇ ପାର୍‌ତନା କଲାସ୍‌ନି ବଲି ମୁଇ ଜାନି । ଆରି ଜିସୁକିରିସ୍‌ଟର୍ ସୁକଲ୍ ଆର୍‌ମାର୍ ସାଇଜର୍‌ଲ୍‌ଗି ପର୍ଯ୍ୟେସର୍କ ମକେ ମୁକ୍‌ଲାଇସି । ୨୦ ମୁଇ ଦିଆନ୍ ଦେଇ ଆରି ଆସା କରି ଜାଗ୍‌ଲିନି । ମୁଇ ଜିବନ୍ ରଇଲେ କି ମର୍‌ବାକେ ଅଇଲେ ମିସା ମର୍ କାମ୍‌ଟାନେ ଏଲା ନ କରି । ମାତର୍ ଅଦିକାର୍ ସଞ୍ଜୁ ରଇବା ଲକ୍‌ମନ୍ ମୁଆଟେ କାତା ଅଇବାକେ ମକେ ଅଦିକ୍ ସାଆସ୍ ଆଇସି । ଏନ୍ତୁରିକରି ମୁଇ ଜେଡ୍‌କି କାମ୍ କଲିନି, କିରିସ୍‌ଟକେ ତାକ୍‌ପୁଟା କରାଇବି । ୨୧ କାଇକେବଇଲେ ମର୍‌ପାଇ ଜିଇବା କାଇବାଟା ସବୁ କିରିସ୍‌ଟସେ ।

ଆରି ମରୁ ଇସାବେ, କିରିସ୍ତର୍ତ୍ତାନେ ରଇକରି ମରୁବାଟା ବେସି ନିକ । ୨୨
ମୁଇ ଜିଇରଇଲେ, କିରିସ୍ତର୍ତ୍ତାଲ ନିକ ସଞ୍ଜୁ କାମ୍ କରିଅଇସି । ମାତର୍
ମଲେ ନିକ କି ଜିଇରଇଲେ ନିକ ବଲି ଜାନି ନାପାରୁଲିନି । ୨୩ ଏ ଦୁଇଟା
ବିତ୍ରେ କାଇଟା କର୍ବି ବଲି ଜିକାଟାନା ଅଇଲିନି । ଏ ଜିବନ୍ ଚାଡ଼ି ସର୍ଗେ
କିରିସ୍ତର୍ତ୍ତ ସଞ୍ଜୁ ରଇବାକେ ମୁଇ ମନ୍ କଲିନି । କାଇକେବଇଲେ ସେଟା
ଅଦିକ୍ ନିକ । ୨୪ ମାତର୍ ତମର୍ପାଇ ମୁଇ ଜିଇକରି ରଇବାଟା ବେସି
ମୁକିଅ ବିସଇ । ୨୫ ଏ ବିସଇ ମୁଇ ଡାଁଟ୍ ସଞ୍ଜୁ ଜାନୁଲିନି । ତେବର୍ପାଇ
ମୁଇ ଜିଇକରି ରଇବି ଜେନ୍ତୁରିକି, ତମେ ବିସ୍ବାସେ ଡାଁଟ୍ ଅଇସା ଆରି
ବିସ୍ବାସ୍ କଲାର୍ପାଇ ସାର୍ଦା ଅଇସା । ୨୬ ସେନ୍ତୁରୁଆଲେ, ମୁଇ ତମର୍
ସଞ୍ଜୁ ଆରିତରେକ୍ ମିସ୍ବାବେଲେ, ଜିସୁକିରିସ୍ତର୍ତ୍ତ ସଞ୍ଜୁ ମିସ୍ଲାର୍ପାଇ ତମେ
ମରୁ ବିସଇନେଇ ବଡ଼ପନ୍ ଅଇସା । ୨୭ ସବୁରୁଟାନେଅନି ମୁକିଅ ବିସଇ
ଅଇଲାନି ଏଟା । କିରିସ୍ତର୍ତ୍ତ ସୁବ୍ କବର୍ ବିସ୍ବାସ୍ କର୍ବା ଲକ୍ମନ୍ କେନ୍ତୁରି
ଚଲାଚଲ୍ଡି କର୍ବାରୁଆଟେ, ତମେ ସେନ୍ତୁରି କରା । ମୁଇ ତମ୍ବେ ଦେକ୍ବାର୍
ଆଇଲେମିସା, କି ତମର୍ଟାନେଅନି ଦୁରିକେ ରଇ ଅବ୍କା ସୁନିପାରୁଲେ
ମିସା ଏନ୍ତୁରି ଜିଇତେରୁଆ । ଏଟାରୁଲଗି ତମେ ସବୁ ଗଟେକ୍ ମନ୍ ଅଇ
ମିସିଆଚାସ୍ ବଲି ମୁଇ ଜାନିପାର୍ବି । ଜନ୍ ଲକ୍ମନ୍ ସୁବ୍ କବରର୍ ବିରୁଦେ
ଦଦାପେଲା କଲାଜନି, ତାକର୍ ମୁଆଟେ କିରିସ୍ତର୍ତ୍ତ ସୁବ୍କବର୍ ଦେକାରକା
କର୍ବାକେ ତମେ ସବୁ ଗଟେକ୍ ଅଇ ଚିଆଅଇଲାସ୍ନି ବଲି ମୁଇ ଜାନୁବି । ୨୮
ଜନ୍ ଲକ୍ମନ୍ ତମର୍ ବିରଦେ ଆଇଲାଜନି, ସେମନ୍କେ ତରା ନାଇ । ତମେ
ସାଆସ୍ ଦାରିରଇଲେ, ପର୍ମେସର୍ ସେମନ୍କେ କୁରୁପ୍ନାସ୍ କରି ତମ୍ବେ
ରକିଆ କର୍ସି ବଲି ଜାନୁବାଇ । ଏ ସବୁ ବିସଇ ପର୍ମେସର୍ସେ କର୍ସି ।
୨୯ କାଇକେବଇଲେ ପର୍ମେସର୍ ତମ୍ବେ କିରିସ୍ତର୍ତ୍ତେ ଅବ୍କା ବିସ୍ବାସ୍
କର୍ବା ଦାନ୍ ଦେଏନାଇ, ମାତର୍ ତାର୍ପାଇ ଦୁକ୍ କସ୍ଟ ପାଇକରି ରଇବା
ଦାନ୍ ମିସା ଦେଲାଆଟେ । ୩୦ ତମର୍ ବିରୁଦେ ଆଇବା ଲକ୍ମନ୍ ସଞ୍ଜୁ
ଜନ୍ ଜୁଇଦେ ତମେ ରଇଲାସ୍, ସେନ୍ତୁରିସେ ଗଟେକ୍ ଜୁଇଦେ ମୁଇ ମିସା
ପିଲିପ୍ତେଇ ରଇଲାବେଲେ ଅଇଲାଟା ତମେ ଦେକିଆଚାସ୍ । ଆରି ଏବେ
ମିସା ସେ ଜୁଇଦେ ମୁଇ ଆଡି ବଲି ତମେ ସୁନି ଆଇଲାସ୍ନି ।

୨ ଜଦି କିରିସ୍ତର୍ତ୍ତ ସଞ୍ଜୁ ମିସ୍ଲାର୍ ପାଇ ତମର୍ ମନ୍ ସାର୍ଦା ଅଇଲାଆଟେ,
ଆରି ତାର୍ ଆଲାଦର୍ ଲାଗି ସାନ୍ତି ପାଇଆଚାସ୍, ଜଦି ସୁକଲ୍ଆତ୍ମାର୍ ସଞ୍ଜୁ

ମିସିବିଡ଼ିକରି ଆତାସ୍, ଆରି ଜଦି କିରିସ୍ତ ଚମ୍ବକେ ଜିବନ୍ ଦୁକାଇ ଦୟା
ଦେକାଇଆଚେ, ୨ ସେନ୍ତୁଆଲେ, ମୁଇ ଚମ୍ବକେ ଜୁଆର୍ କରି କଇଲିନି,
ତମର୍ ତମର୍ ବିତ୍ରେ ଗଟେକ୍ ମନ୍ ଉଆ । ଗଟେକ୍ ଲକ୍ ଆରି ଗଟେକ୍
ଲକ୍ବେ ସମାନ୍ ଇସାବେ ଆଲାଦ୍ କରା । ଗଟେକ୍ ଚିନ୍ତା କରା ଆରି ତମର୍
ଆତ୍ମାଲ ଗଟେକ୍ ଅଇକରି ତମର୍ ବାବ୍ବାଟା ଗଟେକ୍ ଅ । ଏନ୍ତାରି କରି
ମକେ ପୁରାପୁରୁନ୍ ସାର୍ଦା କରାଆ । ୩ ବିନ୍ ଲକ୍ମନର୍ ଟାନେଅନି ନିଜେ
ବଡ୍ ଅଇବାକେ ଚେସ୍ଟା କରାନାଇ । ଅବ୍ବା ବଡ୍ପନ୍ କାତା କଇବାକେ
କାଇ ବିସଇ ମିସା କରାନାଇ । ତାର୍ ବାଦୁଲେ ନିଜ୍ବେ ସାନ୍ କରା । ବିନ୍
ଲକ୍ବ ଟାନେଅନି, ନିଜେ ମୁଇ ବଡ୍ ବଲି ବାବାନାଇ । ୪ ମର୍ ନିଜର୍ପାଇ
କାଇଟାକଲେ ଅଦିକ୍ ନିକ ରଇସି ବଲି ଅବ୍ବା ସେଟାସେ ବାବି ବାବି ରୁଆନାଇ
। ବିନ୍ ଲକ୍ବପାଇ ଜନ୍ ବିସଇ ନିକ ରଇସି, ସେଟାମିସା ଏତାଇରୁଆ ।
୫ କିରିସ୍ତ ଜିସୁର୍ ମନ୍ ଜେନ୍ତି ରଇଲା, ତମର୍ ମନ୍ମିସା ସେ ରକାମ୍ ଅ
। ୬ ସେ ପର୍ମେସରର୍ ପାରା ସବୁ ରକାମ୍ ରଇଲେ ମିସା, ତାର୍ ସଞ୍ଜୁ
ସମାନ୍ଅଇ ରଇବା ଅଦିକାର୍ ନିଜର୍ପାଇ ଦାରିକରି ରଇବି ବଲି ମନ୍ କରେ
ନାଇ । ୭ ତାର୍ ବାଦୁଲେ ସେ ନିଜେ ମନ୍କରି, ତାକେ ରଇଲା ସବୁଟା
ଚାଡ଼ିଦେଇ ଗଟେକ୍ ଗତିଦାଞ୍ଜୁଡାର୍ ରୁପ୍ ଦାରିଆଇଲା । ନର୍ ଲକ୍ ପାରା
ଅଇକରି ନର୍ ଲକ୍ବ ବାନିମୁର୍ତି ଦାରି ଜାଡ୍ଅଇଲା । ୮ ନର୍ଲକ୍ ପାରା ଅଇ
ଆଇଲାପଚେ, ସେ ପର୍ମେସରର୍ ଆଦେସ୍ ମାନିକରି, ନିଜ୍ବେ ଆରି ଅଦିକ୍
ସାନ୍କଲା । ଲକ୍ମନ୍ ମରାଅଡ୍ବଲି ସର୍ପାଇଅଇଲା । ଅବ୍ବା ମର୍ବାକେ
ନାଇ, ମାତର୍ କୁରୁସ୍ କାଟେ କୁଟିମାରାଇଅଇ ଚଗାଇଅଇବାକେ ମିସା ।
୯ ତେବର୍ପାଇ ପର୍ମେସର୍ ତାକେ ସବୁଟେଇଅନି ଉପ୍ରେ ଉଟାଇଲା
। ଆରି ସବୁର୍ ନାଉଁଟାନେଅନି ଅଦିକ୍ ଡାକ୍ପୁଟା ଆରି ଅଦିକାର୍ ରଇବା
ନାଉଁ ତାକେ ଦେଲା । ୧୦ ଜେନ୍ତିକି ସରଗ୍ପୁରେ, ମର୍ପୁରେ ଆରି ପାତାଲେ
ରଇବା ସବୁ, ଜିସୁକେ ମାଣ୍ଟିକୁଟା ଦେଇ ଜୁଆର୍ କର୍ବାଇ । ସେଟାପାଇ
ପର୍ମେସର୍ ଏ ସବୁ କଲାଆଚେ । ୧୧ ଆରି ସବୁ ଲକ୍ ଜିସୁକିରିସ୍ତସେ
ମାପ୍ବୁ ବଲି ମାନିଅଇବାଇ । ଏନ୍ତାରି ଅଇଲେ ବାବା ପର୍ମେସର୍ ଡାକ୍ପୁଟା
ପାଇସି । ୧୨ ତେବର୍ ପାଇ, ଏ ମର୍ ଆଲାଦ୍ ମଇତର୍ମନ୍, ତମେ
ଜେନ୍ତାରିକି, ମାପ୍ବୁର୍ ଆଦେସ୍ ମାନିକରି ରଇଆତାସ୍, ଜାଗିରଇ ଡରିକରି
ତମର୍ ମୁକ୍ତିର୍ କାମ୍ ପୁରାପୁରୁନ୍ କରା । ମୁଇ ରଇଲାବେଲେସେ ନାଇ,

ମାତୃ ମୁକ୍ତ ହୁରିକେ ରଇଲେ ମିସା ଏଟା କରା । ୧୩ ପର୍ଯ୍ୟନ୍ତ ନିଜେ
 ତମର ବିତ୍ତରେ ଏ କାମ୍ କଲାର୍ପାଇ ତମେ ଏଟା କରିପାରସା । ତମ୍ଭେ
 ଜାଇଟା କରତ୍ ବଲି ସେ ମନ୍ କଲାନି, ସେ ସମାନ୍ ମନ୍ କରବାଟା, ତମ୍ଭେ
 ମିସା ଦେଇସି । ଆରି ସେଟା କରବାକେ ବପୁ ମିସା ଦେଇସି । ୧୪ ମୁରୁମୁରା
 ଆରି କିରଜାଟି ନ ଅଇକରି ସବୁ ଲକ୍ଷ୍ମୀକ କାମ୍ କରା । ୧୫ ଏନ୍ତାରିକଲେ,
 ତମେ କାରାପ୍ କାମ୍ କଲାଇସି ବଲି ବିନ୍ଲକ୍ କାଇ ଦସ୍ ନ ଦାରତ୍ ଆରି
 ତମେ ସୁକଲ୍ ଅଇସା । ପାପକରି କାରାପ୍ କାମ୍ କରବା ଲକ୍ଷ୍ମୀମନ୍ ମଜାଇ
 ପର୍ଯ୍ୟନ୍ତ ସିଦ୍ ପିଲାଟକି ଇସାବେ ତମେ ରଇସା । ତାକର୍ ବିତ୍ତରେ
 ଆନ୍ତୁର୍ ଜଗତେ ଉଜଲ୍ ଜଟକ୍ଲା ପାରା ତମର୍ ତଲାଟଲ୍ଡି ତିସି । ୧୬ ନ
 ସାର୍ବା ଜିବନର୍ କବର୍ ସବୁ ଲକ୍ଷ୍ମୀକେ ଜାନାଆ । ଏନ୍ତାରିକଲେ, କିରିସ୍ଟ
 ବାଅଡ୍ ଦିନେ ମୁକ୍ତ ତମର୍ ବିସଇର୍ ଲାଗି ବଡ୍ପନ୍ ଅଇବି । ତମର୍
 ବିତ୍ତରେ ଆବଡ୍ ଅଇକରି କରିରଇବା କାମ୍ ରୁଟାଇ ଅଏ ନାଇ ବଲି ସେ ଦିନେ
 ତିସି । ୧୭ ସୁକ୍ତବର୍ ବିସବାସ୍ କଲାର୍ପାଇ, ତମେ ଜେନ୍ତାରି ଦୁକ୍ କସ୍ଟ
 ପାଇକରି ମୁରୁଲାଇସି, ସେନ୍ତାରିସେ ମୁକ୍ତ ମିସା ସୁକ୍ତବର୍ ଜାନାଇଲାର୍
 ପାଇ ଦୁକ୍ କସ୍ଟ ପାଇକରି ମରିମିସା ଜିବି । ସେନ୍ତାରିଅଇଲେ ମିସା ମୁକ୍ତ
 ନିଜେ ସାର୍ଦା ଅଇ ତମର୍ସଞ୍ଜ୍ ସାର୍ଦା କର୍ବି । ୧୮ ସେନ୍ତାରିସେ ତମେମିସା
 ସାର୍ଦା ଅଇକରି ମର୍ସଞ୍ଜ୍ ସାର୍ଦା କର୍ବାର୍ ଆଟେ । ୧୯ ଜଦି ମାପ୍ଟୁ
 ମନ୍କଲେ, ତିମତିକେ ତମର୍ଟାନେ ଦାପ୍ରେ ପାଟାଇବାକେ ମନ୍ କଲିନି
 । ତାର୍ଟାନେଅନି ତମେ ନିକ ଆତାସ୍ ବଲି ସୁନ୍ଲେ, ମୁକ୍ତ ମିସା ସାର୍ଦା
 ଅଇବି । ୨୦ ତିମତିକେ ଚାଡିଦେଲେ ଆରି ତମର୍ ବିସଇ କେ ମିସା, ଅଦିକ୍
 ତିନ୍ତା କର୍ବା ଲକ୍ ମର୍ ଲଗେ ନାଇ । ସେ ତମର୍ ଦୁକ୍ ସୁକ୍ ବିସଇନେଇ
 ସତଇସେ ତିନ୍ତା କର୍ସି । ୨୧ ମୁକ୍ତ କାଇକେ ଏନ୍ତାରି କଇଲିନି ବଇଲେ,
 ସବୁ ଲକ୍ ନିଜର୍ ନିଜର୍ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କର୍ବାଇ
 । ଜିସୁକିରିସ୍ଟ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କରତ୍ ନାଇ ।
 ୨୨ ତମେଟା ଜାନିଆଟାସ୍, ତିମତି ନିଜ୍ଜକେ ସତ୍ବାବେ କାମ୍ କର୍ବା ଲକ୍
 ପାରା ଦେକାଇଅଇଆଟେ । ସେ ଜେନ୍ତାରି ଗଟେକ୍ ପଅ, ତାର୍ ବାବା ସଞ୍ଜ୍
 ସେବା କର୍ସି, ସେନ୍ତାରିସେ ସେ ମର୍ସଞ୍ଜ୍ ସୁକ୍ତବର୍ ଜାନାଇବା କାମେ
 ମିସିଆଟେ । ୨୩ ତେବର୍ ପାଇ, ମକେ କାଇଟା ଗର୍ସି, ସେଟା ଜାନ୍ଲା
 ଦାପ୍ରେ, ତାକେ ତମର୍ ଲଗେ ପିଲିପିତେଇ ପାଟାଇବି ବଲିକରି ଆସା କଲିନି

। ୨୪ ମୁଇ ମାପୁରୁ ଲଗେ ବିସ୍ବାସ୍ କଲିନିଜେ, ମୁଇ ନିଜେ ମିସା ଦାପୁରେ
 ତମ୍ବେ ଦେକ୍ବାକେ ଆଇବି । ୨୫ ମାତର୍ ଆମର୍ ବାଇ ଏପାପର୍ଦିତକେ
 ତମର୍ଟାନେ ପାଟାଇବି ବଲି ମୁ ମନେ ମନେ ବାବ୍ଲିନି । ସେ ମର୍ ସଙ୍ଗୁ କାମ୍
 କରି ସୁବ୍ବକବରର୍ ଦେକାରକା ପାଇ ଆବଡ୍ କଲା । ତମର୍ ବାଦୁଲେ ମର୍ ସବୁ
 ବିସଇ ପୁରାପୁରୁନ୍ କର୍ବାକେ ତାକେ ତମେ ପାଟାଇରଇଲାସ୍ । ୨୬ କାଇକେ
 ବଇଲେ ସେ ତମ୍ବେ ଦେକ୍ବାକେ ବେସି ମନ୍ କଲାନି । ଆରି ତାକେ ବେମାର୍
 ଦାରାଇ ଅଇଆଚେ ବଲିକରି ତମେ ସୁନିକରି ଦାନ୍ତାପାନ୍ତା ଅଇରଇଲାସ୍ ବଲି
 ସେ ଜାନିରଇଲା । ୨୭ ଓଁ, ସେ ମର୍ବା ଉପ୍ରେ ରଇଲା । ଆରି ପର୍ମେସର୍
 ତାକେ ଦୟାକଲା । ଅବ୍ବା ତାକେସେ ନାଇ, ମାତର୍ ଜେନ୍ତିକି ମର୍ପାଇ
 ଦୁକ୍ତପ୍ରେ ଦୁକ୍ ନ ଆସ ବଲି ମକେ ମିସା ଦୟାକଲା । ୨୮ ତେବର୍ପାଇ
 ମୁଇ ତାକେ ଆରିତରେକ୍ ବେସି ସାର୍ଦା ସଙ୍ଗୁ ପାଟାଇଲିନି । ଜେନ୍ତିକି ତମେ
 ତାକେ ଆରିତରେକ୍ ଦେକି ସାର୍ଦା ଅଇସା ଆରି ମୁଇ ମିସା ଦୁକ୍ ନ କରି
 । ୨୯ ତେବର୍ପାଇ ତାକେ ଗଟେକ୍ ବିସ୍ବାସି ବାଇ ଇସାବେ ସାର୍ଦା ସଙ୍ଗୁ
 ଡାକିନିଆ । ତାର୍ପାରା ଲକ୍ମନ୍କେ ସନ୍ମାନ୍ ଦିଆସ୍ । ୩୦ କାଇକେବଇଲେ
 କିରିସ୍ଟର୍ ଲାଗି ବଲିକରି ସେ ତାର୍ ଜିବନ୍ ବିପଦେ ପାକାଇଲା । ଆରି ତମେ
 ମର୍ଲାଗି ବଲିକରି ସେବାକାମେ ଜାଇଟାସବୁ ଉନା ଅଇଲାଆଚେ, ସେଟା
 ସବୁଜାକ ସେ ପୁରାପୁରୁନ୍ କଲା ।

୩ ସାରାସାରି ପଚେ ଏ ମର୍ ବାଇବଇନିମନ୍, ମୁଇ ତମ୍ବେ ଆଗ୍ତୁ କଇଲାଟା
 ଆରିତରେକ୍ କଇବାକେ ମକେ ବିଜାର୍ ଲାଗେନାଇ । କାଇକେବଇଲେ
 ସେନ୍ତାରି କଲେ ବୁଲ୍ ବିସଇ ସିକାଉମନର୍ଟାନେଅନି ତମେ ଜାଗ୍ବଡ୍
 ଅଇରଇସା । ୧ କୁକୁର୍ମନର୍ ପାରା ରଇବା ସେନ୍ତାରି ଲକ୍ମନର୍ ଟାନେଅନି
 ଜାଗ୍ବଡା ରୁଆ । କାଇକେବଇଲେ ସେମନ୍ କାରାପ୍ ବିସଇ କଲାଇନି
 । ବିସ୍ବାସି ଅଇବା ମନସ୍ ପିଲାମନ୍ ସବୁ ସୁନଡ୍ ଅଇବାର୍ ଆଚେ ବଲି
 କଇଲାଇନି । ୩ କାଇକେ ବଇଲେ ଆମେସେ ସତଇସେ ପର୍ମେସରର୍
 ଲକ୍ । ଆମେସେ ସୁକଲ୍ଆଡ୍ମାର୍ ସାଇଜ ସଙ୍ଗୁ ପର୍ମେସର୍କେ ଜୁଆର୍
 କଲୁନି । ଆମେ ଜିସୁ କିରିସ୍ଟକେ ଡାକ୍ପୁଟା କଲୁନି । ଆମର୍ ନିଜର୍
 ରିତିନିତି ସେ ମୁକିଅ ବଲି ଚଲୁନାଇ । ୪ ମୁଇତା ଆମର୍ ରିତିନିତି ଇସାବେ
 ଚାଲ୍ବାକେ ଅଦିକ୍ ମନ୍ କର୍ତି । ଜଦି କେଆଲେ ବିନ୍ ଲକ୍ ରିତିନିତିକେ
 ଆସା କର୍ବାଇ, ସେନ୍ତାଆଲେ ସେମନର୍ତେଇଅନି ମୁଇ ଅଦିକ୍ କର୍ତି

। ୫ ପର୍ଯ୍ୟନ୍ତ ଆମର ଆନିଦାଦିମନ୍କେ ତିଆରୀପାରା ଗଟେକ୍ ଆର୍
 ଅଇଲାକେ ମକେ ସୁନତ୍ କରିରଇଲା । ମୁଇ ଗଟେକ୍ ଇସ୍‌ରାଏଲ୍‌ର ଲକ୍ ।
 ଦେକ୍‌ବାକେ ଗାଲେ ମୁଇ ବେନିଜାମିନ୍ କୁରୁମର ଲକ୍ । ମୁଇ ଗଟେକ୍ ଏବ୍‌ରିଅ
 ଆରି ଆମର ଆନିଦାଦିମନ୍ ମିସା ଏବ୍‌ରିଅ ରଇଲା । ମସାର ରିତିନିତି
 ମାନବାକେ ଗଟେକ୍ ପାରୁସି ପାରା ରଇଲି । ୬ ପର୍ଯ୍ୟନ୍ତ ମନ୍କଲୀଟା
 ପୁରାପୁରୁନ୍ କର୍ବାକେ ମୁଇ ବେସି ମନ୍ କଲି ଆରି ସେନ୍ତାରି କରୁ କରୁ
 ଜିସୁର୍ ସିସ୍‌ମନ୍କେ କସ୍‌ଟ ଦେଲି । ଆମର ଜିଉଦି ନିୟମ୍ ସବୁ ପୁରାପୁରୁନ୍
 ମାନଲାର୍ ପାଇ ଜଦି ଗଟେକ୍ ଲକ୍ ଦରମ୍ ଅଇପାର୍ତା ବଇଲେ, ମୁଇ
 ସେନ୍ତାରି ଅଇତି । କାଇକେବଇଲେ ମୁଇ ସେ ସବୁ ନିୟମ୍ ମାନତେରଇଲି
 । ୭ ମାତର୍ ଆଗେ ମୁଇ ଜେଡ୍‌କି ସବୁ ବିସଇ ବେସି ମୁଲିଅ ଆରେବଲି
 ବାବ୍‌ତେରଇଲି, ଏବେ କିରିସ୍‌ଟର୍ ସଙ୍ଗୁ ମିସ୍‌ଲାର୍ ପାଇ ସେଟାମନ୍ ସବୁ
 ରୁଚାଇସେ ବଲି ଜାନ୍‌ଲିନି । ୮ ସେଡ୍‌କିସେ ନଏଁ ଆଗ୍‌ତୁ ଜେଡ୍‌କି ସବୁ ବିସଇ
 ପର୍ଯ୍ୟନ୍ତକେ ସାର୍‌ଦା କରାଇବାକେ କର୍ତେରଇଲି, ଜିସୁ କିରିସ୍‌ଟକେ
 ମର୍ ମାପୁରୁ ବଲି ମାନଲୀତେଅନି, ସେଟା ରୁଚାଇସେ ବଲି ଜାନ୍‌ଲିନି ।
 ତାର୍‌ପାଇ ମୁଇ ସବୁ ବିସଇ ଚାଡିଦେଲିଆତି । କିରିସ୍‌ଟର୍ ସିସ୍ ଅଇବି ବଲିକରି
 ସେଟାମନ୍ ରୁଚାଇସେ ବଲି ଏଡ୍‌କଲିନି । ୯ ଜେନ୍ତାରି କି ମୁଇ ତାର୍ ସଙ୍ଗୁ
 ପୁରାପୁରୁନ୍ ମିସିରଇବି । ରିତିନିତି ମାନକରି ପର୍ଯ୍ୟନ୍ତକେ ମୁଆଟେ ଦରମ୍
 ଲକ୍ ଅଇବି ବଲି ଚେସ୍‌ଟା କର୍ତେରଇଲି, ଏବେ ସେଟା ସବୁ ଚାଡିଦେଲି
 । ତାର୍ ବାଦୁଲେ କିରିସ୍‌ଟକେ ବିସ୍‌ବାସ୍ କଲାର୍‌ପାଇ ପର୍ଯ୍ୟନ୍ତ ମକେ
 ଦରମ୍ ଲକ୍ ଇସାବେ ଦେକ୍‌ଲାନି । ୧୦ ମୁଇ କିରିସ୍‌ଟକେ ଜାନ୍‌ବି ବଲି ମନ୍
 କଲିନି । ଆରି ପର୍ଯ୍ୟନ୍ତ ତାକେ ଜନ୍ ବପୁସଙ୍ଗୁ ମଲୀତେଅନି ଉଟାଇଲା,
 ସେ ବପୁ ମୁଇ ମର୍ ଜିବନେ ମିଲାଇବି ବଲି ଆସା କଲିନି । ସେ ଜେନ୍ତାରି
 ମର୍‌ପାଇ ଦୁକ୍ କସ୍‌ଟ ପାଇଲା, ସେନ୍ତାରିସେ ମୁଇମିସା ତାର୍‌ପାଇ ଦୁକ୍ କସ୍‌ଟ
 ପାଇବି ଆରି ତାର୍ ମରନେ ମିସ୍‌ବି । ୧୧ ସେନ୍ତାରି ପର୍ଯ୍ୟନ୍ତକେ ଜେଡ୍‌କି
 ଲକ୍‌କେ ମଲୀତେଅନି ଜିବନ୍ କରି ଉଟାଇସି, ସେମନର୍ ବିତ୍‌ରେଅନି ମୁଇ
 ଗଟେକ୍ ଲକ୍ ଅଇବି । ୧୨ ଏ ସବୁ ବିସଇ ମୁଇ କରିସାରାଇ ଆତି ବଲି
 କଇନାଇ । ପର୍ଯ୍ୟନ୍ତ ମକେ ସିଦ୍ କରି ସାରାଇଆତେ ବଲି ମିସା ମୁଇ
 କଇନାଇ । ମାତର୍, କିରିସ୍‌ଟର୍ ପାରା ଅଇବାକେ ମୁଇ ବେସି ଚେସ୍‌ଟା
 କଲିନି । ସେଟାର୍‌ପାଇ କିରିସ୍‌ଟ ମକେ ବାର୍‌ଲା ଆତେ । ୧୩ ନାଇ, ମର୍

ବାଇବଲ୍‌ନିମନ୍, ଏ ସବୁଜାକ କରିଯାଇଅଛି ବଲି ମୁଇ କଇନାଇ । ମାତର୍
 ଅଦିକ୍ ଗଟେକ୍ ମୁକିଅ ରଇବା ବିସଇ ମୁଇ କଲିନି, । ଜେଡ୍‌କି ସବୁ ବିସଇ
 ଅଇସାରୁଲା ଆରେ, ସେଟା ସବୁ ପାସ୍‌ରି ଚାଡିଦେଇକରି କିରିସ୍‌ଟ ଜନ୍ ରକାମ୍
 ମକେ ଅଇବାରୁଆରେ ବଲି ମନ୍ କଲାନି, ସେନ୍ତାରି ଅଇବାକେ ମୁଇ ଚେସ୍‌ଟା
 କଲିନି । ୧୪ ମର୍ ସାରାସାରି ଜାଗାଇ କେଟ୍‌ବା ଜାକ ଆଗୁରୁ ଆଗୁରୁ ଗାଲିନି ।
 ଜେନ୍ତିକି ମୁଇ ସର୍ଗେ ପୁରୁସ୍‌କାର୍ ପାଇବି । ଜିସୁକିରିସ୍‌ଟ ମର୍ପାଇ ଜେଡ୍‌କି
 ବିସଇ କଲାଆରେ, ସେଟାପାଇ ସେ ପୁରୁସ୍‌କାର୍ ମୁଇ ସର୍ଗେ ପାଇବି ।
 ୧୫ ସେନ୍ତାରିଆଲେ ଆସା, ଆମେ ଜେଡ୍‌କି ଲକ୍ ସୁକଲ୍ ଅଇଆରୁ, ଏ ରକାମ୍
 ବିସଇ ସମାନ୍ ଇସାବେ ଚିନ୍ତା କର୍ତେରଇଁ । ଆରି ଜଦି ଏ ସବୁ ବିସଇର୍ପାଇ
 ତମେ ମର୍ ସଢ୍ଗୁ ରାଜି ଉଆସ୍‌ନାଇ, ଟିକ୍ ସଢ୍ଗୁ ଚିନ୍ତା କର୍ବାକେ ପର୍ମେସର୍
 ତମକେ ସାଇଜ କର୍ସି । ୧୬ କେନ୍ତି ମିସା ପର୍ମେସର୍ ଜେଡ୍‌କି ବିସଇ ସବୁ
 ଆମ୍‌କେ ଦେକାଇ ସାରାଇଆରେ, ସେ ସବୁଜାକ ଆମେ ମାନ୍‌ବାରୁ ଆରେ ।
 ୧୭ ଏ ମର୍ ବାଇବଲ୍‌ନିମନ୍, ମୁଇ ଜେନ୍ତାରି କଲିନି, ତମେ ମିସା ସେନ୍ତାରିସେ
 କରା । ଆମେ ତମର୍ ସଢ୍ଗୁ ରଇଲାବେଲେ ଜେନ୍ତି ଚଲାଚଲ୍‌ତି କର୍ତେରଇଲୁ,
 ସେଟା ଜାଗୁର୍ ସଢ୍ଗୁ ଦେକା ଆରି ସେନ୍ତାରି ଚଲାଚଲ୍‌ତି କରା । ୧୮ କାଇକେ
 ବଇଲେ ମୁଇ ତମ୍‌କେ ଆଗୁରୁ କେତେତର୍ କଇ ସାରାଇଆଡି, ଆରି ଏବେ
 ବେସି ଦୁକର୍ ସଢ୍ଗୁ କାନିକରି କଇଲିନି, ବେସି ଲକ୍ କିରିସ୍‌ଟର୍ ବିରଦି ଇସାବେ
 ଚଲାଚଲ୍‌ତି କର୍ବାଇ । ୧୯ ସାରାସାରି ପର୍ମେସର୍ ସେମନ୍‌କେ ବିନାସ୍
 କର୍ସି । ସେମନ୍ ଅବ୍‌କା ଗାଗଡ୍ ମନ୍ କର୍ବାଟା ପୁରାପୁରୁନ୍ କର୍ବାକେ ମନ୍
 କଲାଇନି । ଲାଜର୍ ବିସଇ କରି ସାର୍‌ଦା କଲାଇନି । ଅବ୍‌କା ଏ ଜଗତର୍
 ବିସଇସେ ଚିନ୍ତା କଲାଇନି । ୨୦ ମାତର୍ ଆମେତା ସରଗର୍ ଲକ୍‌ମନ୍, ସେ
 ଜାଗାଇଅନି ଆମର୍ ଉଦାର୍‌କାରିଆ ମାପୁରୁ ଜିସୁକିରିସ୍‌ଟ ବାଉଡି ଆଇବା
 ବେଲାକେ ଆମେ ଜାଗୁଲୁନି । ୨୧ ଜେନ୍ତିକି ତାକେ ଜଗତର୍ ସବୁ ବିସଇ
 ସର୍ପିଅଇବାଇ, ସେନ୍ତାରି ତାର୍‌ଟାନେ ବପୁ ଆରେ । ସେ ବପୁସଢ୍ଗୁ ଆମର୍
 ମର୍ବା ଗାଗଡ୍‌ମନ୍‌କେ ନୁଆ କରି ବାଦ୍‌ଲାଇସି । ପର୍ମେସର୍ ତାକେ ଜିବନ୍
 କରି ଉଟାଇଲାବେଲେ, ସେ ଜନ୍ ମଇମାର୍ ଗାଗଡ୍ ପାଇରଇଲା, ସେନ୍ତାରି
 ରଇବା ମଇମାର୍ ଗାଗଡ୍ ଆମ୍‌କେ ମିସା ଦେଇସି ।

୪ ତେବର୍ ପାଇ ଏ ମର୍ ବିସ୍‌ବାସି ବାଇବଲ୍‌ନିମନ୍, ମୁଇ ତମ୍‌କେ ଆଲାଦ୍
 କରି ଦେକ୍‌ବାକେ ମନ୍ କଲିନି, ତମେ ମକେ ବେସି ସାର୍‌ଦା କରାଇଲାସ୍‌ନି

ଆରି ତମେ ଆକା ମର୍ ପୁରୁସ୍କାର୍ । ମର୍ ମଇତରମନ୍, ମୁଇ ତମ୍ବେ
 ଜେତ୍‌କି ବିସଇ କଇଆଡି, ସେନ୍ତାରିସେ ମାପ୍‌ରୁଟାମେ ବିସ୍‌ବାସେ ତାଟ୍
 ରୁଆ । ୨ ଇୟଦିଆକେ ଆରି ସନ୍ତୁକେ ମୁଇ ବାବୁଜିଆକରି କଇଲିନି, ତମେ
 ଦୁଇଲକ୍ ଜାକ ମାପ୍‌ରୁର୍ ଲକ୍ ଅଇଆଟାସ୍ । ତେବର୍ ପାଇ ତମର୍ ବିତ୍‌ରେ
 ଗଟେକ୍ ମନ୍ ଅଇ ରାଜିଉଆ । ୩ ଆରି ବାଇ ଜେ କି ସବୁବେଲେ ମକେ
 ସାଇଜ କର୍ସୁ, ଏ ଦୁଇଟା ମାଇଜିମନ୍ ସାନ୍ତି ସଙ୍ଗୁ ରଇବାକେ ତୁଇ ସାଇଜ
 କର୍ । କାଇକେବଇଲେ ସୁବ୍‌କବର୍ ଜାନାଇବା କାମେ ସେମନ୍ ମର୍‌ସଙ୍ଗୁ
 ରଇକରି ବେସି ଆବଡ୍ ଅଇଲାଇ ଆତଡ୍ । ସେନ୍ତାରିସେ କେଲେମେନ୍‌ଟ୍ ଆରି
 ବିନ୍ ଲକ୍‌ମନ୍ ମିସା ମର୍ ସଙ୍ଗୁ କାମ୍ କର୍‌ତେରଇଲାଇ । ପର୍‌ମେସର୍ ତାର୍
 ବଇଟାମେ ସେମାନର୍ ସବୁ ଲକର୍ ନାଉଁ ଲେକ୍‌ଲା ଆତେ । ସେ ସବୁ ଲକ୍ ନ
 ସାର୍‌ବା ଜିବନ୍ ପାଇଲାଇ ଆତଡ୍ । ୪ ମାପ୍‌ରୁର୍ ସଙ୍ଗୁ ମିସିରଇଲାର୍‌ପାଇ
 ସବୁବେଲେ ସାର୍‌ବା ଅଇକରି ରୁଆ । ମୁଇ ଆରିତରେକ୍ କଇଲିନି ସାର୍‌ବା
 ଅଇକରି ରୁଆ । ୫ ଦରମ୍ ଅଇକରି ସବୁ ଲକର୍ ସଙ୍ଗୁ ଚଲାଚଲ୍‌ତି କରା ।
 ମାପ୍‌ରୁ ଆଇବା ଦିନ୍ କେଟି ଆଇଲାନି ବଲି ପାସ୍‌ରାନାଇ । ୬ କାଇ ବିସଇ
 ନେଇକରି ମିସା ଚିନ୍ତା କରି ଦାନ୍ତା ଉଆନାଇ । ତାର୍ ବାଦୁଲେ ସବୁ ଗଟ୍‌ନା
 ଅଇଲା ବେଲେ, ତମ୍ବେ ଜାଇଟା ଲତା ଆତେ, ସେ ବିସଇ ପର୍‌ମେସର୍‌କେ
 ରୁଆରି କରା । ଆରି ପାର୍‌ତନା କଲାବେଲେ, ତାକେ ଦନିଅବାଦ୍ ମିସା ଦିଆସ୍
 । ୭ ଏନ୍ତାରି କଲେ, ପର୍‌ମେସର୍ ତମ୍ବେ ସାନ୍ତି ଦେଇସି । ଏ ସାନ୍ତି ଲକ୍‌ମନ୍
 ବୁଜ୍‌ବା ସାନ୍ତିର୍‌ପାରା ନାଇ । କିରିସ୍‌ଟ୍ ଜିସୁର୍ ସଙ୍ଗୁ ମିସ୍‌ଲାର୍‌ପାଇ ଜଦି ଏ
 ସାନ୍ତି ତମେ ପାଇଲେ, ତମର୍ ଜିବନେ କସ୍‌ଟ୍ ଆଇଲେ ମିସା ନ ଡରିକରି,
 ଚିନ୍ତାକରି ଦାନ୍ତା ନ ଅଇବାକେ ସାଇଜ କର୍ସି । ୮ ସାରାସାରି ପତେ ଏ ମର୍
 ବାଇବଇନିମନ୍, ଜେତ୍‌କି ସବୁ ବିସଇ ନିକ ରଇସି, ଜେତ୍‌କି ସବୁ ବିସଇ
 ସନ୍‌ମାନ୍ ପାଇସି, ଜନ୍ ସବୁ ବିସଇ ସଡ୍ ରଇସି, ଜନ୍ ସବୁ ବିସଇ ପାପ୍
 ନଇତେ ରଇସି, ଜନ୍ ସବୁ ବିସଇ ଦରମ୍ ରଇସି, ଆରି ତାକ୍‌ପୁଟା ରଇସି,
 ଏ ସବୁ ବିସଇନେଇ ଚିନ୍ତା କରା । ୯ ତମ୍ବେ ମୁଇ ଜେତ୍‌କି ସବୁ ବିସଇ
 ସିକାଇରଇଲି, ଆରି ତମେ ମାନିରଇଲାସ୍ ସେଟା ସବୁ କର୍‌ତେରୁଆ । ମୁଇ
 ଜେତ୍‌କି ବିସଇ କଇତେରଇଲି, ସେଟା ସୁନ୍‌ତେରଇଲାସ୍ ଆରି ଜେତ୍‌କି
 ବିସଇ କର୍‌ତେରଇଲି, ସେଟା ଦେକିରଇଲାସ୍, ସେଟା ସବୁ କର୍‌ତେରୁଆ ।
 ପର୍‌ମେସର୍ ତମର୍‌ସଙ୍ଗୁ ରଇ ତମ୍ବେ ସାନ୍ତି ଦେଇସି । ୧୦ ମାପ୍‌ରୁର୍ ସଙ୍ଗୁ

ମିସ୍ତ୍ରୀମାନଙ୍କ ପାଇଁ ମୁକ୍ତ ବେସି ସାର୍ବଦା ଅଛନ୍ତି । କାଳକେବଳେ, ମନେ
ଲତାକେ ଲାଗିବାଟା ପାଟାଲଦେଲୀକେ ତମେ ମରୁ ବିସଇ ତିନ୍ତୁ କଲୀସ୍ତି
ବଲି ମୁକ୍ତ ଜାନ୍ତିନି । ତମରୁ ଆଲାଦ୍ ଦେକାଇବାକେ ଏବେସେ ତମ୍ଭକେ
ବେଲା ଟିକ୍ ଅଇଲା । ୧୧ ମନେ ଲତାକେ ଲାଗିବା ବିସଇ ମରୁଲଗେ ନ
ରଇଲାକେ ବଲି ଏନ୍ତାରି କଇନାଇ । କାଳକେବଳେ ମରୁ ଜିବନରୁ କାଇ
ରକାମରୁ ଗର୍ଜନା ଆଇଲେ ମିସା, ସାର୍ବଦା ସଞ୍ଜୁ ରଇବାକେ ସିକ୍ଲିଆତି । ୧୨
ଅଲପ୍ତକେ ମିସା ସାର୍ବଦାସଞ୍ଜୁ ରଇବାକେ, କି ବୁଡେକ୍ ରଇଲେ ମିସା ସାର୍ବଦା
ସଞ୍ଜୁ ରଇବାକେ ସିକ୍ଲିଆତି । ପେଟ୍ ପୁରୁତେ କାଇଲେମିସା, କି ବୁକେ
ରଇଲେ ମିସା, ଲତାକେ ଆଇବା ସବୁ ବିସଇ ରଇଲେ ମିସା, ନ ରଇଲେ
ମିସା, ସାର୍ବଦାସଞ୍ଜୁ ରଇବାକେ ମୁକ୍ତ ଜାନ୍ତି । ୧୩ ଏ ସବୁ ଗର୍ଜନା ଆଇଲେ ମିସା
ମୁକ୍ତ ମୁରୁତିକରି ରଇବାକେ ସିକ୍ଲିଆତି । କାଳକେବଳେ, କିରିସ୍ତ ମନେ
ବପୁ ଦେଲାନି । ୧୪ ଏନ୍ତାରି ଅଇଲେ ମିସା ଅବାବ୍ ରଇଲା ବେଲାଇ, ତମେ
ମନେ ଦୟାଦେକାଇ ମରୁପାଇ ସାଇଜ ପାଟାଲଲାସ୍ । ୧୫ ପିଲିପିଅତେଇ
ରଇବା ବାଇବଇନିମନ୍, ତମେ ସତଇସେ ଜାନ୍ତିଆଟାସ୍, ସିଗ୍ ପରୁତୁମ୍
ସୁବ୍ବକବରୁ ବିସଇ ସିକାଇବା ବେଲେ, ମୁକ୍ତ ମାକେଦନିଆଇଅନି ଜେତେବଲ୍
ବାରଇ ଜାଇରଇଲି, । ବିସ୍ବାସି ମନରୁ ଦଲ୍ ବିତ୍ରେ, ତମରୁ ମଣ୍ଡୁଲିର୍
ବିସ୍ବାସିମନ୍ସେ ମନେ ତାରୁ ଦାନ୍ କରିରଇଲାସ୍ । ୧୬ ତେସଲନିକିଆ
ନଅରେ ରଇବାବେଲେ ମିସା ମନେ ଲତା ରଇଲାବେଲେ, ତମେ ଦୁଇତରୁ
ଦାନ୍ ପାଟାଲଲାସ୍ । ୧୭ ତମ୍ଭକେ ମୁକ୍ତ ଦାନ୍ ପାଟାଲତେରଅଡ୍ ବଲି ଏନ୍ତାରି
କଇନାଇ । ମାତରୁ ମନେ ସାଇଜ କଲାରୁ ପାଇ, ପର୍ମେସର୍ ତମ୍ଭକେ
ପୁରୁସ୍କାର ଦେଅ ବଲି ମୁକ୍ତ ମନ୍ କଲିନି । ୧୮ ତେବେ ତମେ ମରୁପାଇ
ପାଟାଲଲାଟା ସବୁଜାକ ମରୁଟାନେ କେଟ୍ଲା ଆରେ । ଆରି ସେଟା ମରୁପାଇ
ଅଦିକ୍ । ତମେ ପାଟାଲଲା ସବୁ ବିସଇ ଏପାପର୍ଦିସ୍ ମରୁଲଗେ ଆନ୍ଲାକେ,
ମନେ ଲତାକେ ଆଇବା ସବୁ ମୁକ୍ତ ମିଲାଇଆତି । ଏନ୍ତାରି କଲୀକେ ତମେ
ପର୍ମେସର୍କେ ସର୍ପି ଦେଲା ନିକ ବାସ୍ନା ଅଇବା ଦାନ୍ ପାରା ଅଇଲା
ଆରେ । ସେ ସେଟା ସଞ୍ଜୁକରି ସାର୍ବଦା ଅଇଲାଆରେ । ୧୯ ଜିସୁକିରିସ୍ଟ
କରି ରଇବା କାମରୁ ଲାଗି, ବେସି ରଇବା ତାରୁ ଦନ୍ସପତି ଟାନେଅନି ସେ
ତକେ ଲତାକେ ଆଇବା ସବୁ ବିସଇ ଦେଇସି । ୨୦ ଆମର୍ ସରଗର୍ ବାବା
ପର୍ମେସର୍ କାଲ୍ କାଲ୍ ଛୁଗ୍ଛୁଗ୍ ତାକ୍ପୁଟା ପାଅ । ଆମେନ୍! (aiōn g165)

୨୧ କିରିସ୍ତ ଜିସୁକେ ବିସ୍ବାସ୍ କରବା ପର୍ମେସରର୍ ସବୁ ଲକ୍ମନ୍କେ
ଜୁଆର୍ କରା । ମର୍ସଟ୍ଟୁ ରଇବା ଆମର୍ ବିସ୍ବାସି ବାଇବନିମନ୍ ତାକର୍
ଜୁଆର୍ ଜାନାଇଲାଇନି । ୨୨ ଏ ନଅରେ ରଇବା ବାକି ସବୁ ପର୍ମେସରର୍
ଲକ୍ମନ୍ ତମ୍ବେ ଜୁଆର୍ ଜାନାଇଲାଇନି । ଜନ୍ ବିସ୍ବାସିମନ୍, ଜନ୍ଲକ୍
କି ରମିଅ ସାସନ୍କାରିଆର୍ ଗତିଦାଢ୍ଘ୍ତା ଅଇଲାଆଚର୍, ସେମନ୍ ତାକର୍
ଜୁଆର୍ ଜାନାଇଲାଇନି । ୨୩ ମାପ୍ଟୁ ଜିସୁକିରିସ୍ତ ତମ୍ବେ ଜିବନ୍ ଦୁକାଇ
ଦୟା କଲାଟା ତମର୍ ବିତ୍ରେ ରଥ ।

କଲସିଅ

୧ ଏ ଚିଟି ମୁଇ ପାଉଲ୍ ଆରି ବିସ୍ବାସର୍ ଲାଗି ଆମର୍ ବାଇଅଇରଇବା ତିମତି ମିସି ଲେକ୍ଲୁନି । ପର୍ମେସର୍ ମକେ ବାଟ୍ଲାପାଲ ମୁଇ ଜିସୁକିରିସ୍ଟର୍ ଗଟେକ୍ ପେରିଡ୍ ଅଇଆତି । ୨ କଲସି ନଅରେ ରଇବା ପର୍ମେସର୍ ଲକ୍ମନ୍ ତମ୍କେ, ମୁଇ ଏ ଚିଟି ଲେକି ପାଟାଇଲିନି । ତମେ ଆମର୍ ବିସ୍ବାସ୍ ରଇବା ବାଇବଇନିମନ୍ ଆରି କିରିସ୍ଟର୍ ସଙ୍ଗୁ ମିସିଆଟାସ୍ । ଆମର୍ ବାବା ପର୍ମେସର୍ ତମ୍କେ ଜିବନ୍ ଦୁକାଇ ସାନ୍ତି ଦେଅ । ୩ ଆମେ ତମର୍ପାଇ ପାର୍ତନା କଲାବେଲେ ଆମର୍ ମାପୁରୁ ଜିସୁକିରିସ୍ଟର୍ ବାବା ପର୍ମେସର୍କେ ଦନିଅବାଦ୍ ଦେଲୁନି । ୪ କାଇକେବଇଲେ ମାପୁରୁ ଜିସୁକିରିସ୍ଟର୍ ତେଇ ରଇବା ତମର୍ ବିସ୍ବାସ୍ ଆରି ପର୍ମେସର୍ ଲକ୍ମନ୍ ପାଇ ରଇବା ତମର୍ ଆଲାଦର୍ ବିସଇ ଆମେ ସୁନିଆରୁ । ୫ ତମେ ପର୍ତୁମ୍ ସୁବ୍ କବରର୍ ବିସଇ ସୁନ୍ଲାବେଲେ, ସୁବ୍କବରେ ରଇବା ଆସାକର୍ବା ବିସଇ ଜାନିରଇଲାସ୍ । ତେବର୍ପାଇ ତମେ ବିସ୍ବାସ୍ କରି ପର୍ମେସର୍ ଲକ୍ମନ୍କେ ଆଲାଦ୍ କରେତ ରଇଲାସ୍ । ତମର୍ପାଇ ସର୍ଗେ ତିଆର୍ ଅଇରଇବା ପୁରୁସ୍କାର୍ ଆସାକରି ଏନ୍ତାରି କଲାସ୍ । ୬ ଗୁଲାଇ ଜଗତର୍ କେତେକ୍ କେତେକ୍ ଲକ୍ମନ୍ ଏ ସୁବ୍କବର୍ ବିସ୍ବାସ୍କରି ତାକର୍ ମନ୍ ବାଦ୍ଲାଇଲାଲିନି । ତମେ ସୁବ୍କବର୍ ସୁନ୍ଲା ପର୍ତୁମ୍ ଦିନେଅନି ତମର୍ ବିତ୍ରେ ମିସା ଏନ୍ତାରିସେ ଅଇରଇଲା ଆରି ପର୍ମେସର୍ ଜିବନ୍ ଦୁକାଇଲା ସତ୍ ବିସଇ ତମେ ପୁରାପୁରୁନ୍ ଜାନିରଇଲାସ୍ । ୭ ପର୍ମେସର୍ ତାର୍ ଜିବନ୍ ଦୁକାଇ ଦୟା ଦେକାଇଲା ବିସଇ ଆମର୍ ଆଲାଦର୍ ଗତିଦାଙ୍ଗୁଡା ଏପାପରାସ୍ ତମ୍କେ ସିକାଇରଇଲା । ଆମର୍ ବାଦୁଲେ ସେ ବିସ୍ବାସ୍ ରଇକରି କିରିସ୍ଟକେ ସେବାକଲାନି । ୮ ପର୍ମେସର୍ ଲକ୍ମନ୍କେ ଆଲାଦ୍ କର୍ବାକେ ତମ୍କେ ସୁକଲ୍ଆତ୍ମା କେନ୍ତାରି ସାଇଜ କଲାଆତେ ବଲି ଏପାପରସ୍ ଆମ୍କେ ଜାନାଇଆତେ । ୯ ଆମେ ତମର୍ ବିସଇର୍ ଏ ନିକ କବର୍ ସୁନିକରି, ତମର୍ପାଇ ପାର୍ତନା କରିଲାଗିଆରୁ । ତାର୍ ସୁକଲ୍ଆତ୍ମାଇଅନି ପାଇରଇବା ଗିଆନ୍ ଆରି ବୁଜ୍ବା ବପୁସଙ୍ଗୁ ସେ ମନ୍କଲାଟା ତମେ ପୁରାପୁରୁନ୍ ଜାନିପାର୍ସା ବଲି ଆମେ ମାପୁରୁକେ ଗୁଆରି କଲୁନି । ୧୦ ତେବର୍ପାଇ ତମେ ତାକେ ସାର୍ଦା କରାଇଲାପାରା ତଲାଚଲ୍ତିକରି ସେ ମନ୍କଲାପାରା ଜିଉନାକାଉନା କର୍ସା । ବିନ୍ ଲକ୍ମନ୍କେ ସାଇଜ କରିଲାଗିରଇସା ଆରି ପର୍ମେସର୍ ବିସଇ ଜାନ୍ବାକେ ଅଦିକ୍ ଅଦିକ୍ ବତିଆଇସା । ୧୧ ତାର୍

ବଡ଼ ବପୁସଞ୍ଜ ନିଜେ ବପୁଅଇ ତମେ ସାର୍ଦାସଞ୍ଜ ମୁରୁତିକରି ରଇପାରୁସା
 । ୧୨ ବାବା ପର୍ମେସର୍ ଉଜଲର୍ ରାଇଜେ ତାର୍ ଲକ୍ମନର୍ ପାଇ
 ଜାଇଟା ଟୁଲିଆଇ ଆଟେ, ତେଇ ମିସ୍ବାକେ ସେ ତମ୍ବକେ ବାଟୁଲା ଆଟେ ।
 ସେଟାର୍ପାଇ ସାର୍ଦା ସଞ୍ଜ ତାକେ ଦନିଅବାଦ୍ ଦେଇସା । ୧୩ ସେ ଆମ୍ବକେ
 ଆନୁରର୍ ବପୁତେଇଅନି ମୁକ୍ଲାଇକରି ତାର୍ ଆଲାଦର୍ ପଅର୍ ରାଇଜେ
 ତାକିଆନିଆଟେ । ୧୪ ତାର୍ ପଅର୍ଲାଗି ସେ ଆମ୍ବକେ ମୁକ୍ଲାଇକରି ଆମର୍
 ସବୁ ପାପ୍ କେମା କରିଦେଲାଆଟେ । ୧୫ କିରିସ୍ଟ ନ ତିସ୍ବା ପର୍ମେସରର୍
 ସମାନ୍ ବାନିମୁରୁତି ଆଟେ । ତିଆର୍ କରିରଇବା ସବୁର୍ ଉପ୍ରେ, ପର୍ତୁମ୍
 ଜନମ୍ ଅଇଲା ପଅ ଇସାବେ, ତାର୍ ଅଦିକାର୍ ଆଟେ । ୧୬ କାଇକେବଇଲେ
 ପର୍ମେସର୍ ତାର୍ଟାନେଅନି ସବୁ ବିସଇ ତିଆର୍କଲା ଆଟେ । ଜଗତେ
 ରଇବାଟା ସବୁଜାକ, ସର୍ଗେ ରଇବାଟା ସବୁଜାକ, ତିସ୍ବାଟା ଆରି ନ
 ତିସ୍ବାଟା, ବପୁରଇ ସାସନ୍ କର୍ବା ଦୁର୍ମନ୍ ଆରି ଆତ୍ମା ରଇବାଟାମନ୍ ।
 କିରିସ୍ଟର୍ତେଇଅନି ସବୁ ବିସଇ ତିଆର୍ କରିରଇଲା ଆରି ତାର୍ଲାଗିସେ
 ସବୁ ବଞ୍ଚିଆତର୍ । ୧୭ କାଇଟା ତିଆର୍ ନ ଅଇତେ ସେ ରଇଲା, ଆରି
 ତାର୍ଟାନେ ସବୁ ବିସଇ ମିସିକରି ତାଲ୍ତେରଇସି । ୧୮ ମଣ୍ଡୁଲି ଅଇଲାନି ତାର୍
 ଗାଗଡ୍ ଆରି ସେ ମଣ୍ଡୁଲିର୍ ମୁଣ୍ଡୁ । ମୁଣ୍ଡୁ ଗାଗଡ୍କେ ସାସନ୍ କଲାପାରା, ସେ
 ମଣ୍ଡୁଲିକେ ସାସନ୍ କଲାନି । ତାକେସେ ପର୍ମେସର୍ ମରନେଅନି ପର୍ତୁମ୍
 ଉଟାଇରଇଲା । ଜେନ୍ତିକି କିରିସ୍ଟ ସବୁର୍ ଉପ୍ରେ ସାସନ୍ କର୍ସି । ୧୯
 କାଇକେବଇଲେ ପର୍ମେସର୍ ତାର୍ ପଅକେ ତାର୍ ପୁରାପୁରୁନ୍ ଗୁନ୍ତଲନ୍ସଞ୍ଜ
 ରଅ ବଲି ଟିକ୍ କରିରଇଲା । ୨୦ ଆରି କିରିସ୍ଟର୍ଟାନେଅନି ସେ ତିଆର୍
 କରିରଇବା ସବୁଜାକ, ତାର୍ଟାନେ ବାଉତାଇ ଆନ୍ଦି ବଲି ଟିକ୍ କରିରଇଲା
 । ଦର୍ତନିଟାନେ ରଇବାଟା ଅ କି ସର୍ଗେ ରଇବାଟା ଅ । ତାର୍ ପଅ
 କୁରୁସ୍କାଟେ ମରି ବନି ଜରାଇଲାର୍ପାଇ ସବୁ ବିସଇ ତାର୍ଟାନେ ସାନ୍ତିଅଇ
 ରଇସି । ୨୧ ଗଟେକ୍ ବେଲାଇ ତମେ ପର୍ମେସରର୍ ଟାନେଅନି ବେଗ୍ଲି
 ରଇଲାସ୍ । ତମେ କରିରଇବା ଆରି ମନେ ବାବିରଇବା କାରାପ୍ ବିସଇର୍
 ଲାଗି ତାର୍ ସତ୍ତୁ ଅଇରଇଲାସ୍ । ୨୨ ମାତର୍ ଏବେ କିରିସ୍ଟ ନର୍ ରୁପ୍
 ନେଇ ମଲାର୍ ପାଇ ସେ ତମ୍ବକେ ତାର୍ ମୁଆଟେ ସାନ୍ତି ସଞ୍ଜ ଆଇବାକେ
 ଟିକ୍ କଲାଆଟେ । ତମେ ତାର୍ ମୁଆଟେ ଟିଆଅଇଲାବେଲେ ତମ୍ବକେ
 ପୁରାପୁରୁନ୍ ସୁକଲ୍ ଇସାବେ କାଇ ପାପ୍ ନ କରି, କାଇ ନିନ୍ଦା ନ ରଇଲା

ଲକ୍ଷ୍ମୀପାତ୍ରା ସେ ଦେବ୍ୟି । ୨୩ ତମେ ବିସ୍ୱାସ୍ କରିଲାଗିରଇଲେ, ତମର
 ବିସ୍ୱାସ୍ ତାଟ୍ ରଇସି । ସୁବ୍ କବରଟାନେ ମାପୁରୁ ଜନ୍ ଆସା ଦେବି ବଲି
 କାତା ଦେଇଆଟେ, ସେ ଆସା ପାଇବାଟାନେଅନି ତମ୍‌କେ କେ ମିସା ନ
 ତେବାଅଡ୍ । ଏ କବର ତମେ ଆଗୁରୁ ସୁନିସାରାଇଆଟାସ୍ । ଆରି ଜଗତର୍
 ଗୁଲାଇଲକ୍‌କେ ଜାନାଇଅଇଆଟେ । ଏ ସୁବ୍ କବର ଜାନାଇବାକେ ମୁଇ
 ପାଉଲ୍ ଗଟେକ୍ ଗତିଦାଢ୍ଘୁଡା ଅଇଲିଆଟି । ୨୪ ଏବେ ମୁଇ ସାର୍‌ଦାଅଇଆଟି
 । କାଇକେବଇଲେ ଜେଡ୍‌କି ଦୁକ୍‌କସ୍‌ଟ ମୁଇ ମୁରତିକରିଆଟି, ସେଟା ତମର୍
 ନିକପାଇ । ତାର୍ ବାଦୁଲେ ରଇକରି ଜେଡ୍‌କି ଦୁକ୍‌କସ୍‌ଟ ମକେ ମୁରବ୍‌ବାକେ
 କିରିସ୍‌ଟ ମନ୍ କଲାନି, ସେଟା ସବୁ ସାର୍‌ଦାସ୍‌ଢ୍ଘୁ କଲିନି । ତାର୍ ଗାଗଡ୍ ପାରା
 ରଇବା ତାର୍ ମଣ୍ଡୁଲିର୍ ନିକପାଇ ମୁଇ ସେଟା କଲିନି । ୨୫ ପର୍‌ମେସର୍
 ମକେ ମଣ୍ଡୁଲିର୍ ଗତିଦାଢ୍ଘୁଡା କରିଆଟେ । ତମ୍‌କେ ସାଇଜ କରବାକେ ସେ
 ମକେ ବାଟିଆଟେ । ତାର୍ କବର ତମ୍‌କେ ପୁରାପୁରୁନ୍ ଜାନାଇବାଟା ଅଇଲାନି
 ମର୍ କାମ୍ । ୨୬ ପୁର୍‌ବେ ବ୍‌ଟିରଇବା ସବୁଲକର୍ ଟାନେଅନି ଏ ବିସଇ
 ଲୁଟାଇକରି ସଢ୍ଘୁଇରଇଲା । ମାତର୍ ଏବେ ସେଟା ତାର୍ ଲକ୍‌ମନ୍‌କେ ସେ
 ଜାନାଇଆଟେ । (aiōn g165) ୨୭ ଜିଉଦି ନ ଅଇଲା ଲକ୍‌ମନ୍‌ ପାଇ ସେ
 ଟିକ୍ କରିରଇବା ମଇମାସଢ୍ଘୁର୍ ଜଜ୍‌ନା ତାର୍ ଲକ୍‌ମନ୍‌କେ ଜାନାଇବାକେ
 ପର୍‌ମେସର୍ ଟିକ୍‌କଲା । ସେ ଲୁଟିରଇବା ବିସଇ ଅଇଲାନି, ଜିଉଦି ନଇଲା
 ଲକ୍‌ମନ୍‌ଟାନେମିସା କିରିସ୍‌ଟ ରଇସି । ଆରି ସେ କାତା ଦେଇରଇବା ସବୁ
 ରକାମର୍ ମଇମା ତମେମିସା ପାଇସା ବଲି ଜାନିରୁଆ । ୨୮ କିରିସ୍‌ଟର୍ ବିସଇ
 ରଇବା ଏ କବର ଆମେ ସବୁକେ ଜାନାଇଲୁନି । ଆମେ ସବୁକେ ଜାଗ୍‌ରଡ୍
 କରାଇ, ସେ ଆମ୍‌କେ ଦେଇରଇବା ଗିଆନ୍ ସଢ୍ଘୁ ସିକାଇଲୁନି । ଜେନ୍ତୁରିକି
 ସେମନ୍ ତାର୍ ମୁଆଟେ ଟିଆଅଇଲାବେଲେ କିରିସ୍‌ଟର୍‌ସଢ୍ଘୁ ମିସିରଇଲା
 ସବୁଲକ୍ ପୁରାପୁରୁନ୍ ସିଦ୍ ଅଇରଇବାଇ । ୨୯ ଏ କାମ୍ ମୁଇ ପୁରାପୁରୁନ୍
 କରବାକେ ମକେ କିରିସ୍‌ଟ ଦେଇରଇବା ବଡ୍ ବପୁସଢ୍ଘୁ ଆବଡ୍ ଅଇ କଲିନି ।

୨ କାଇକେବଇଲେ ତମର୍‌ପାଇ, ଲାଉଦିକିଆର୍ ଲକ୍‌ମନ୍‌କେ ଆରି ଏବେ
 ଜେଡ୍‌କି ଲକ୍ ମକେ ନ ଦେକିରଇଲାଇ, ସେ ସବୁଲକର୍ ପାଇ, ମୁଇ କେଡେକ୍
 କସ୍‌ଟ କଲିନି, ସେଟା ତମେ ଜାନା ବଲିକରି ମନ୍‌କଲିନି । ୨ ଏ ସବୁ
 ବିସଇ ତମ୍‌କେ ଆଡ୍‌ମା ଇସାବେ ସାର୍‌ଦା କରାଇବାପାଇ ମୁଇ କଲିନି ।
 ଜେନ୍ତୁରିକି ତମେ ଗଟେକ୍ ମନ୍ ଅଇକରି ଆଲାଦ୍ କରାକରି ଅଇସା । ତମେ

ପୁରାପୁରୁନ୍ ବୁଝିବାବେଳେ ବେସି ଆସା ଆରି ସାର୍ଦା ଅଇରଇସା । ଜଦି
 ତମ୍ବେ ଏ ଆସା ରଇଲେ, ପର୍ମେସର୍ ଜନ୍ନା କଲ୍ମାଟା ଜାନିପାରାସ୍ ।
 ସେ ଆସା ପୁର୍ବେ ରଇଲା ଲକ୍ମନକେ ଜାନାଇ ନ ରଇଲା । ସେଟା ନିଜେ
 କିରିସ୍ଟର୍ ବିସଇସେ । ୩ ସେ ନିଜେ ଏ କବରର୍ ଅରଡ୍ ବୁଜାଇପାର୍ସି
 । ସେଟା ଗଟେକ୍ ବେସି ମୁଲିଅ ରଇବା ବିସଇ । ୪ କେ ମିସା କାତାର୍
 ଚାଲାକିସ୍ଟ୍ ତମ୍ବେ ନ ନାଡାଅଡ୍ ବଲି ଆସାକରି ଏଟା ମୁଇ ତମ୍ବେ
 ଲେକ୍ଲିନି । ସେମନ୍ କଇବା କାତା ସଡ୍ପାରା ଲାଗ୍ଲେମିସା ନାଡାଇ
 ଉଆନାଇ । ୫ କାଇକେବଇଲେ ଗାଗଡ୍ ଇସାବେ ମୁଇ ତମର୍ ସଢ୍ଗ୍ ନ
 ରଇଲେ ମିସା ଆଡ୍ମା ଇସାବେ ଆତି । ତମେ କିରିସ୍ଟକେ ଡାଟ୍ସଢ୍ଗ୍
 ବିସ୍ବାସ୍ କଲ୍ମାଟା ଆରି ଗଟେକ୍ ମନ୍ ଅଇରଇବାଟା ଦେକି ମୁଇ ବେସି
 ସାର୍ଦା ଅଇଲିନି । ୬ ତେବେ ଜିସୁକିରିସ୍ଟକେ ତମର୍ ମାପୁରୁ ଇସାବେ
 ଜେନ୍ତି ବିସ୍ବାସ୍ କରିଆଟାସ୍, ସେନ୍ତୁରି ଡାଟ୍ସଢ୍ଗ୍ ମିସିକରି ରୁଆ । ୭
 କିରିସ୍ଟର୍ ବିସଇ ବିସ୍ବାସ୍ କରିରଇବା କବର୍ ଡାଟ୍ସଢ୍ଗ୍ ଦାରିରୁଆ ।
 ତାର୍ ବିସଇ ଅଦିକ୍ ଅଦିକ୍ ସିକା ଆରି ବିସ୍ବାସେ ଡାଟ୍ ଉଆ । ଜେନ୍ତିକି
 ତମ୍ବେ ସିକାଲ୍ମାପାରା, ପର୍ମେସର୍କେ ଦନିଅବାଡ୍ ଦେଇତେରୁଆ । ୮
 କେ ମିସା ନିଜର୍ ଚାଲାକିକରି ପର୍ମେସରର୍ ବିସଇ ତିଆରକରି ରଇବାଟା
 ସଢ୍ଗ୍ ତମ୍ବେ ପାନ୍ତେ ନ ଲାଗାଅଡ୍, ସେଟାର୍ପାଇ ଜାଗ୍ରଡ୍ ଅଇରୁଆ ।
 ସେମନ୍ ସିକାଇବାଟା କାଇ ଲଡାକେ ନ ଆସେ ଆରି ସେଟା ସଡ୍ ବିସଇ
 ନଏଁ । ସେଟା ବିନ୍ ଲକର୍ଟାନେଅନି ସୁନି ସୁନି ଆଇବାଟା ଆରି ସେଟା ଏ
 ଜଗଡ୍ ବିତ୍ରେ ରଇବା ନିୟମ୍ । ମାତର୍ କିରିସ୍ଟର୍ ବିସଇଟାନେ ରଇବା,
 ସଡ୍ ସିକିଆ ନଏଁ । ୯ କାଇକେବଇଲେ ନରୁପ୍ ଦାରିରଇବାବେଳେ ମିସା
 କିରିସ୍ଟ ପୁରାପୁରୁନ୍ ପର୍ମେସର୍ ରଇଲା । ୧୦ ଆରି ତମେ ତାର୍ ସଢ୍ଗ୍
 ମିସିରଇଲାର୍ପାଇ ଆଡ୍ମା ଇସାବେ ପୁରାପୁରୁନ୍ ଅଇଆଟାସ୍ । ବିନ୍ ବିନ୍ ବପୁ
 ଆରି ଅଦିକାର୍ ଉପ୍ରେ ରଇ, କିରିସ୍ଟର୍ ସାସନ୍ ବଡ୍ । ୧୧ ତମେ କିରିସ୍ଟ
 ସଢ୍ଗ୍ ମିସ୍ଲାର୍ପାଇ ସୁନଡ୍ ଅଇଲାପାରା ଅଇଆଟାସ୍ । ଜେନ୍ତିକି ତମର୍ ପାପର୍
 ଗୁନ୍ତଲନେ ଅନି ମୁକ୍ଲିଆଟାସ୍ । ଗାଗଡ୍ ଇସାବେ ସୁନଡ୍ ଅଇଆଟାସ୍
 ବଲି ମୁଇ କଇନାଇ, ମାତର୍ କିରିସ୍ଟସେ ତମର୍ ପାପର୍ ଗୁନ୍ତଲନେଅନି
 ମୁକ୍ଲାଇଆଟେ । ୧୨ ତମେ ଜେଡେବେଲେ ତୁବନ୍ ନେବାକେ ପାନିଟାନେ
 ବୁଡ୍ଲାସ୍, ସେଟା ତମର୍ ପାପର୍ ଗୁନ୍ତଲନ୍ କିରିସ୍ଟର୍ ସଢ୍ଗ୍ ମରିକରି

ତପିଅଇଲାପାରା ଅଇରଇଲାୟ । ପାନିବିତ୍ରେଅନି ବାରଇଲାଟା ନୁଆ
 ଗୁନ୍ତଲନ୍ ଦାରି କିରିସ୍ତର୍ ସଞ୍ଜୁ ଆରି ତରେକ୍ ଉତ୍ତଲାପାରା ଅଇଲା ।
 ପର୍ମେସର୍ ତାର୍ ବପୁସଞ୍ଜୁ ମଲାତେଇଅନି ଜିବନ୍କରି କିରିସ୍ତକେ ଉଟାଇଲା
 ବଲି ତମେ ବିସ୍ବାୟ କଲାର୍ପାଇ ଏଟା ତମ୍ବକେ ଗର୍ଲା । ୧୩ ତମେ ଜିଉଦି
 ନ ଅଇଲା ଲକ୍ମନ୍ ପର୍ମେସରର୍ ନିୟମ୍ ନ ମାନ୍ଲାର୍ପାଇ ତାର୍ଟାନେଅନି
 ବେଗ୍ଲି ରଇଲାୟ । ଆରି ତମର୍ ପାପର୍ ଗୁନ୍ତଲନ୍ ବପୁଅନି ମୁକ୍ଲି ନ
 ରଇଲାୟ । ମାତର୍ ପର୍ମେସର୍ କିରିସ୍ତର୍ ସଞ୍ଜୁ ଗଟେକ୍ ନୁଆ ଜିବନ୍ କରି
 ତମ୍ବକେ ଉଟାଇଆତେ । ସେ ଆମର୍ ସବୁ ପାପ୍ କେମାକରି ଦେଲାଆତେ
 । ୧୪ ଆମେ କରିରଇବା ସବୁ ପାପ୍ ଲେକାଅଇରଇବା ଚିଟିପତର୍ ଜନ୍ଟା
 କି ଆମ୍ବକେ ଦସିକରିରଇଲା, ସେ ସବୁ ପର୍ମେସର୍ ଲିବାଇଦେଲା ।
 ଲେକ୍ଲୀଟାମନ୍ କୁରୁସ୍ତକାଟେ କୁଟି ମାରି କୁରୁପ୍ତମାୟ କଲା । ୧୫ ସାସନ୍ କରି
 ଅଦିକାରେ ରଇବା ସବୁ କାରାପ୍ ଆତ୍ମମାମନ୍କେ ସେ ଆରାଇଲା । କିରିସ୍ତ
 କୁରୁସ୍ତକାଟେ ମଲାକେ, ସେ ସବୁ ସାସନ୍କାରିଆମନ୍କେ ଆରାଇଲା ବଲି
 ଦେକାଇଲା । ୧୬ ତେବର୍ପାଇ ତମର୍ କାଇବା, ପିଇବା, ବିସଇ ଅ କି ତାକର୍
 କେତେଟା ପରବ୍ତନ୍ତୁଟାନେ କି ଉଆଁସ୍ତାତି ବେଲେ କି ବିସ୍ତ୍ରାମ୍ବାରେ ତମେ
 ମିସାସ୍ନାଇ, ବଲି କାକେ ବିତାର୍ କର୍ବାକେ ଦିଆସ୍ନାଇ । ୧୭ ଏ ସବୁ
 ନିୟମ୍ ପର୍ମେସର୍ ଆମ୍ବକେ ଦେବିବଲି କାତାଦେଇରଇବା ବିସଇର୍ ତିନ୍ । ଏ
 ସବୁ ନିୟମ୍ ତିନ୍ କିରିସ୍ତର୍ଟାନେ ପୁରାପୁରୁନ୍ ସିଦ୍ ଅଇସି । ୧୮ ନିଜ୍ବକେ
 ନିବ୍କରି ସେମନ୍ ଉପାସନା କଲାପାରା ଦୁର୍ତ୍ତମନ୍କେ ଉପାସନା କର୍ବାକେ,
 କାକେମିସା ବାଦିଅ କର୍ବାକେ ଦିଆସ୍ନାଇ । ସେନ୍ତୁର୍କଲେ ପର୍ମେସର୍
 କାତାଦେଇରଇବା ପୁରୁସ୍ତକାର୍ ତମ୍ବକେ ନ ମିଲେ । ସେନ୍ତୁରି ସିକାଇବା
 ଗଟେକ୍ଲକ୍, ପର୍ମେସର୍ଟାନେ ଅନି ଦର୍ସନ୍ ଦେକିଆତି ବଲିକରି ଅଦିକାର୍
 ସଞ୍ଜୁ ସିକାଇଲାନି । ସେ ତାର୍ ଚାଲାକିସଞ୍ଜୁ ନିଜେ ତିଆର୍କରିରଇବା ବିସଇର୍
 ଲାଗି ବଡ୍ପନ୍ ଅଇସି, ମାତର୍ ସତଇସେ ସେନ୍ତୁରି ବଡ୍ପନ୍ ଅଇବାକେ
 କାଇଟାମିସା ନାଇ । ୧୯ କିରିସ୍ତର୍ ବିସଇଟାନେ ରଇବା ସଦ୍ ସିକିଆ
 ଚାଡିଦେଲାଆତେ । କିରିସ୍ତ ଜେ କି ଗାଗଡ୍ ମୁଣ୍ଟୁ ଅଇଆତେ । ମୁଣ୍ଟୁ
 ଜେନ୍ତୁର୍କି ଗାଗଡ୍ବକେ ବାଟ୍ ଦେକାଇସି, ସେନ୍ତୁରିସେ ତାର୍ ଲକ୍ମନ୍ ଗଟେକ୍
 ଅଇରଇବାକେ କିରିସ୍ତ ବାଟ୍ ଦେକାଇସି । ଗାଗଡ୍ ସନ୍ଦି ଆରି ତିର୍
 ଗାଗଡ୍ବକେ ଗଟେକ୍ କିରି ସଞ୍ଜୁଇଲାପାରା । ଆରି ପର୍ମେସର୍ ମନ୍କଲାପାରା

ସେଟା ବହୁସି । ୨୦ ତମେ କିରିସ୍ତର୍ ସଞ୍ଜୁ ମଲାର୍‌ପାଇ ଏ ଜଗତର୍ ସାସନ୍‌କାରିଆମନର୍ ଟାନେଅନି ମୁକ୍ତିଆଟାସ୍ । ତେବେ ଏ ଜଗତେ ରଇବା ନିୟମ୍‌ମନ୍ ଏବେ ଜାକ କାଇକେ ମାନିଆଟାସ୍? ୨୧ ଏନ୍ତାରିଟାମନ୍ ଦାରାନାଇ କି କାଆନାଇ କି, ଏନ୍ତାରିଟାମନ୍ ତିଆନାଇ ମିସା । ଏ ନିୟମ୍‌ମନ୍ କାଇକେ ମାନିକରି ଆଟାସ୍? ୨୨ ଏ ସବୁଜାକ ନିୟମ୍ ମାନିକରି ଚାଲ୍‌ଲେ ତମ୍‌କେ କାଇ ଲତାକେ ନ ଆସେ । କାଇକେବଇଲେ ସେଟା ଲକ୍‌ମନ୍ ତିଆର୍‌କଲାଟା । ୨୩ ଏ ରକାମର୍ ନିୟମ୍ ବେସି ଗିଆନ୍ ରଇଲାପାରା ତିସ୍‌ସି । ବାଦିଅକରି ଦୁର୍‌ମନ୍‌କେ ଉପାସନା କର୍‌ବାଟାନେ ଆରି ଲକ୍‌ମନ୍‌କେ ଦେକାଇଅଇଲା ପାରା ନିଜ୍‌କେ ନିର୍‌କରି ଆରି ଗାଗଡ୍‌କେ କସ୍‌ଟ ଦେବା ବିସଇ ସିକାଇବାଇ । ମାତର୍ ଏ ସବୁ ନିୟମ୍ ଲକ୍‌ମନର୍ ପାପର୍ ଗୁନ୍‌ଚଲନ୍ ଜାର୍‌ରଡ୍ କରି ସଞ୍ଜୁଇବାକେ କାଇ ମୁଲିଅ ନ ରଏ ।

୩ କିରିସ୍ତର୍ ସଞ୍ଜୁ ମରିରଇଲାର୍ ପାଇ ଆରି ତାର୍ ସଞ୍ଜୁ ନୁଆଜିବନ୍ ପାଇ ପର୍‌ମେସର୍ ତମ୍‌କେ ଉଟାଇଲାର୍‌ପାଇ ସର୍‌ଗେ ରଇବା ବିସଇ ଦେକ୍‌ତେରୁଆ । ତେଇ କିରିସ୍ତର୍ ପର୍‌ମେସରର୍ ଉଜାବାଟେ ବସିଆଟେ । ୨ ଏ ଜଗତର୍ ବିସଇ ନ ବାବିକରି ସରଗର୍ ବିସଇ ତିନ୍ତାକରା । ୩ କାଇକେବଇଲେ ତମେ ମରିକରି ପର୍‌ମେସରର୍ ମୁଆଟେ କିରିସ୍ତର୍ ସଞ୍ଜୁ ମିସିରଇବା ଜିବନ୍ ବିତାଇଲାସ୍‌ନି । ସେ ଜିବନ୍ ଲୁଚିକରିଆଟେ । ୪ କିରିସ୍ତର୍ ଅଇଲାନି ତମର୍ ଜିବନ୍ । ସେ ବାଅଡ୍‌ଲାବେଲେ ତମେ ମିସା ସବୁର୍ ଦେକ୍‌ତେ ତାର୍ ମଇମାତେଇ ମିସା । ୫ ତମର୍ ପାପର୍ ଗୁନ୍‌ଚଲନ୍ ଇସାବେ ଜେଡ୍‌କି ସବୁ ପାପ୍ କାମ୍ କର୍‌ତେରଇଲାସ୍, ସେଟାମନ୍ ଆରି କରାନାଇ । ଜେନ୍ତାରି କି ବେସିଆ କାମ୍, ସୁକଲ୍ ନ ରଇବା ତଲାଚଲ୍‌ତି, ଗାଗଡ୍‌ର୍ ଲାଲ୍‌ସାଅଇବାଟା, କାରାପ୍ ବିସଇ ମନ୍ କର୍‌ବାଟା, ଆରି ଲବ୍ ଅଇବାଟା, ଏ ସବୁ ବିସଇ ପୁର୍‌ଲ୍‌ମାମନ୍‌କେ ଜୁଆର୍ କର୍‌ବାଟା ସଞ୍ଜୁ ସମାନ୍ । ୬ ଏ ସବୁ କାମେ ବୁଡିକରି ଜନ୍‌ଲକ୍‌ମନ୍ ପର୍‌ମେସରର୍ କାତା ନ ମାନଡ୍, ସେମନ୍‌କେ ତାର୍ ବଡ୍ ରିସା ଆଇସି । ୭ ପୁର୍‌ବେ ତମେ ମିସା ଏ ସବୁ କାମେ ମିସି ରଇକରି ସେନ୍ତାରି ତଲାଚଲ୍‌ତି କର୍‌ତେରଇଲାସ୍ । ୮ ମାତର୍ ଏବେ ସେନ୍ତାରି ବିସଇ କରା ନାଇ । ଜେନ୍ତାରି ରିସା ଅଇବାଟା, ଇସାତଲା କର୍‌ବାଟା, ବିନ୍‌ଲକ୍‌କେ ଗିନ୍ କର୍‌ବାଟା, ନିନ୍ତାକାତା କଇବାଟା, ଆରି ପିଟ୍‌ତେ କାତାକଇବାଟା ଚାଡିଦିଆସ୍ । ୯ ନିଜର୍ ନିଜର୍ ବିଡ୍‌ରେ ମିର୍ କାତା କୁଆବଲା ଉଆନାଇ । କାଇକେ

ବଇଲେ ତମେ ପୁରନା ଗୁନ୍‌ଚଲନରୁ ସବୁ ଅବିଆସ୍ ଚାଡ଼ିଦେଇକରି, ୧୦ ନୁଆ
 ଚଲାଚଲ୍‌ତି ଆରାମ୍‌କରି ଆଚାସ୍ । ପର୍ମେସର୍ ତମ୍‌କେ ଦେଇରଇବା ଏ ନୁଆ
 ଚଲାଚଲ୍‌ତିତେଇ ତମେ ତାର୍ ବିସଇ ଅଦିକ୍ ଅଦିକ୍ ଜାନ୍‌ସା ଆରି ତାର୍‌ପାରା
 ଅଦିକ୍ ଅଦିକ୍ ଅଇଆଇସା । ୧୧ ତମେ ଜିଉଦି ଲକ୍ ଉଆ କି ଜିଉଦି ନ
 ଅଇଲା ଲକ୍ ଉଆ, ସୁନତ୍ ଅଇଲାଲକ୍ କି ସୁନତ୍ ନ ଅଇଲା ଲକ୍, ଦାପ୍‌ରେ
 ରିସା ଅଇ ମାରିମରାଇବା ଲକ୍ କି ବିନ୍ ଦେସର୍ ଗତିଦାଢ୍ଘ୍‌ଡ଼ା କି ମୁକ୍‌ଲାଲଲା
 ଲକ୍, ସେଟା କାଇଟା ନଏଁ । ମାତର୍ କିରିସ୍‌ଟ ସବୁର୍‌ଟାନେ ଆଚେ ଆରି ସେ
 ଆକା ସବୁର୍ ଉପ୍‌ରେ ସାସନ୍ କଲାନ୍ତି । ୧୨ ତେବେ ପର୍ମେସର୍ ତମ୍‌କେ
 ତାର୍ ଲକ୍ ଅଇବାକେ ବାତିରଇଲାର୍ ପାଇ ଆରି ତମ୍‌କେ ଆଲାଦ୍ କରି
 ସୁକଲ୍ ଲକ୍ ଅଇବାକେ ବେର୍‌ଲାଲଲାର୍ ପାଇ, ଦୟା ଦେକାଇବାକେ, ଦରମ୍
 ଅଇବାକେ, ନିତ୍ ଅଇବାକେ, ସୁଆଲ୍ ଅଇବାକେ, ମୁର୍‌ତିକରି ରଇବାକେ
 ଜାଗ୍‌ରତ୍ ଉଆ । ୧୩ ତମ୍‌ର୍ ତମ୍‌ର୍ ବିତ୍‌ରେ ଦସ୍ ଦାରାଦାରି ଅଇ ବୁଲ୍‌କଲେ
 କେମା ଦିଆଦିଇ ଉଆ । ବିନ୍ ଲକର୍ ବିରତ୍ କାତା ରଇଲେ ମୁର୍‌ତିକରି
 କେମା ଦିଆଦିଇ ଉଆ । ମାପ୍‌ରୁ ତମ୍‌କେ କେମା ଦେଲାପାରା ତମ୍‌ର୍ ବିତ୍‌ରେ
 କେମା କରାକରି ଉଆ । ୧୪ ଏ ସବୁ ବିସଇ କରି ତମ୍‌ର୍ ବିତ୍‌ରେ ଆଲାଦ୍
 କରାକରି ଉଆ । ସେନ୍ତୁର୍‌ଆଲେ ତମେ ଗଟେକ୍‌ମନ୍ ଅଇକରି ରଇବାଟା
 ସିଦ୍ ଅଇସି । ୧୫ ତମେ ସବୁଲକ୍ ଗଟେକ୍ ଗାଗ୍‌ଡେ ରଇବା ବିନ୍ ବିନ୍‌ଟା
 ଅଇଲାର୍ ପାଇ, କର୍‌ବା ସବୁ କାମେ କିରିସ୍‌ଟ ତମ୍‌କେ ବାଟ୍ ଦେକାଅ । ସେ
 ତମ୍‌କେ ସାନ୍ତି ଦେଲା ଆଚେ । ତମେ ସାନ୍ତି ସଞ୍ଜ୍ ରଇବାକେ ସେ ତମ୍‌କେ
 ବାଟ୍‌ଲାଆଚେ । ଆରି ପର୍ମେସର୍‌କେ ଦନିଅବାଦ୍ ଦେଇତେରୁଆ । ୧୬
 କିରିସ୍‌ଟର୍ ବାକିଅ ଦିଆନ୍‌କରି ଲାଗିରୁଆ । ତମ୍‌ର୍ ତମ୍‌ର୍ ବିତ୍‌ରେ ସିକିକରି
 ଜାଗ୍‌ରତ୍ ଅଇରୁଆ । ଏଟା ଗିଆନ୍ ସଞ୍ଜ୍ କରା । ଗିତ୍ ସଞ୍ଜ୍‌ଟା ବଇର୍ ଗିତ୍‌ମନ୍,
 ବିନ୍ ଗିତ୍‌ମନ୍ ଆରି ସୁକଲ୍ ଗିତ୍‌ମନ୍ କଇତେରୁଆ । ମନ୍‌ବିତ୍‌ରେ ଦନିଅବାଦ୍
 କଇକରି ପର୍ମେସର୍‌କେ ଗିତ୍ କଇତେରୁଆ । ୧୭ ତମେ କାଇଟା ମିସା
 କଇଲେ କି କଲେ, ସେ ସବୁ ମାପ୍‌ରୁ ଜିସୁର୍ ନାଉଁଦାରି ବାବା ପର୍ମେସର୍‌କେ
 ଦନିଅବାଦ୍ ଦିଆସ୍ । ୧୮ ଏ ମାଇଜିମନ୍, ତମେ ନିଜର୍ ନିଜର୍ ମୁନ୍‌ସ୍‌ମନ୍
 କାତା ମାନିକରି ରୁଆ । ଜିସୁ କିରିସ୍‌ଟର୍ ସଞ୍ଜ୍ ମିସିରଇଲାର୍ ପାଇ ଏନ୍ତାରି
 କର୍‌ବାଟା ନିକ । ୧୯ ଏ ମୁନ୍‌ସ୍‌ମନ୍, ତମେ ନିଜର୍ ନିଜର୍ ମାଇଜିମନ୍‌କେ
 ଆଲାଦ୍ କରି ଦରମ୍ ଉଆ । ୨୦ ଏ ପିଲାଟକିମନ୍, ତମ୍‌ର୍ ଆୟାବାବାର୍

କାତା ମାନିକରି ରୁଆ । ସେଟା ପର୍ଯ୍ୟନ୍ତକେ ସାର୍ଦ୍ଦା କରାଇସି । ୨୧
ଏ ଆୟା ବାବାମନ୍, ତମର୍ ପିଲାଟକିମନ୍‌କେ ସବୁବେଲେ ଲାଗିକରି ମନ୍
ବାଢ଼ୁଆ ନାଇ । ୨୨ ଏ ଗତିଦାଢ଼ୁଡ଼ାମନ୍, ତମେ କରିରଇବା ସବୁକାମ୍‌ଟାନେ
ତମର୍ ଜଗତେରଇବା ସାଉକାର୍‌ମନ୍‌ କାତା ମାନିକରି ରୁଆ । ସେମନ୍
ତମର୍ କାମ୍ ଦେକି ବଲ୍ ବଲ୍‌ବାକେ ନାଇ ମାତର୍ ମାପ୍‌ରୁକେ ତରିକରି ସର୍
ମନେ ରଇ ସବୁ କାମ୍ କରା । ୨୩ ତମେ ଜାଇଟା କଲେମିସା ପୁରାପୁରୁନ୍
ମନ୍, ଦିଆନ୍, ଜିବନ୍, ପରାନ୍ ଦେଇ ମାପ୍‌ରୁପାଇ କଲା ଇସାବେ କରା ।
ଲକ୍‌ମନ୍‌ ପାଇ କାମ୍ କଲାପାରା କରାନାଇ । ୨୪ କାଇକେବଇଲେ ମାପ୍‌ରୁ
ତମ୍‌କେ ପୁରୁସ୍‌କାର୍ ଦେଇସି ଆରି ତାର୍ ଲକ୍‌ମନ୍‌କେ ସେ ଦେବି ବଲି କାତା
ଦେଇରଇବା ସବୁ ଆସିର୍‌ବାଦ୍ ତମେ ପାଇସା ବଲି ଜାନିଆଟାସ୍ । ତମେ
ସେବା କର୍‌ବା ସାଉକାର୍ କିରିସ୍‌ଟ, ବଲି ଏତାଇରୁଆ । ୨୫ ଜଦି କେ ମିସା
ବୁଲ୍ କାମ୍ କରି ଲାଗିରଇଲେ, ପର୍ଯ୍ୟନ୍ତକେ ସେମନ୍‌କେ ତଣ୍ଟୁ ଦେଇସି ଆରି
ସେ ସବୁଲକ୍‌କେ ସମାନ୍ ନାପ୍‌ବା ତାଢ଼ୁସ୍‌ଟୁ ବିତାର୍ କର୍‌ସି ।

୪ ଏ ସାଉକାର୍‌ମନ୍, ତମର୍ ଦାଢ଼ୁଡ଼ାମନ୍‌କେ ଜତନ୍ କରା ଆରି ସେମନ୍‌କେ
ସବୁକେ କାଇ ଅନିଆଇ ନ କରି ଚଲାଚଲ୍‌ତି କରା । କାଇକେବଇଲେ ସର୍‌ଗେ
ମିସା ତମର୍ ପାଇ ଗଟେକ୍ ସାଉକାର୍ ଆଟେ ବଲି ଏତାଆ । ୨ ପାର୍‌ତନା
କରିଲାଗିରୁଆ । ଆରି ଜାଗ୍‌ରତ୍ ଅଇରୁଆ । ପର୍ଯ୍ୟନ୍ତକେ ସବୁବେଲେ
ଦନିଅବାଦ୍ ଦେଇତେରୁଆ । ୩ ଆମର୍ ପାଇ ମିସା ପାର୍‌ତନା କରା ।
ଜେନ୍‌ଡିକି କିରିସ୍‌ଟର୍ ବିସଇଟାନେ ରଇବା ଏ ସୁବ୍‌କବର୍ ଆମେ ସବୁଲକ୍‌କେ
ଜାନାଇପାର୍‌ବୁ । ଏ ସୁବ୍ କବର୍ ସେମନ୍ ଆଗ୍‌ତୁ ନାଜାନିରଇଲାଇ । ଏ
ସୁବ୍‌କବର୍ ଜାନାଇଲାପାଇ ମୁଇ ଏବେ ବନ୍‌ଡିଗରେ ଆତି । ୪ ଜେନ୍‌ଡିକି ମୁଇ
ଜେଡ୍‌କି ଲକ୍‌କେ ଏ ସୁବ୍‌କବର୍ ନିକସ୍‌ଟୁ ଜାନାଇବି, ସେଟାର୍‌ପାଇ ପାର୍‌ତନା
କରା । ୫ ମାପ୍‌ରୁ ଜିସୁକିରିସ୍‌ଟକେ ବିସ୍‌ବାସ୍ ନ କଲା ଲକ୍‌ମନ୍‌ତେଇ
ଜାଗ୍‌ରତ୍ ସ୍‌ଟୁ ଚଲାଚଲ୍‌ତି କରା । ତମେ ମିଲାଇରଇବା ସବୁ ବେଲା ବୁଦିର୍
ସ୍‌ଟୁ କରା । ୬ ସେମନ୍‌କେ ସମ୍‌ମାନ୍ ଦେଇ କାତା ଉଆ । ଜେନ୍‌ଡିକି ତମେ
କଇବା ବିସଇ ସେମନ୍ ମନ୍‌କର୍‌ବାଇ । ତେବେ ତମେ ବିସ୍‌ବାସ୍ କର୍‌ବା
ବିସଇଟାନେ କାଇଆଲେ କାତା ଉଟ୍‌ଲେ, ତମେ ଉତ୍‌ର୍ ଦେଇପାର୍‌ସା । ୭
ତୁକିକ କଲସିଅ ଆଇଲାବେଲେ ମକେ କାଇକାଟା ଗଟ୍‌ଲାନ୍ ବଲି ତମ୍‌କେ
କଇଦେଇସି । ସେ, ମୁଇ ବେସି ଆଲାଦ୍ କର୍‌ବା ଗଟେକ୍ ବିସ୍‌ବାସି ବାଇ ।

ସେ ବିସ୍ବାସ୍ ସଞ୍ଜୁ କାମ୍ କରସି ଆରି ମର୍ ସଞ୍ଜୁ ମାପୁରୁକେ ସେବା କରସି
 । ୮ ଆମ୍ବେ କାଇଟା ଗଟ୍ଲାନି ବଲି ତାର୍ଟାନେଅନି ଜାନ୍ସା । ଆରି
 ସେ ତମ୍ବେ ବିସ୍ବାସ୍ କରାଇବାଟା ତାଟ୍ କରାଇସି । ଏଟାର୍ପାଇ ତାକେ
 ତମ୍ବେଟାନେ ପାଟାଇଲିନି । ୯ ଅନିସିମ୍ବେ ତାର୍ଟାଞ୍ଜୁ ପାଟାଇଲିନି । ସେ
 ଆମର୍ ଆଲାଦର୍ ବେସି ବିସ୍ବାସ୍ ରଇବା ବାଇ । ସେ ତମର୍ ନଅରର୍
 ଲକ୍ । ଇତି ଗଟ୍ବା ସବୁ ବିସଇ ସେମନ୍ ତମ୍ବେ ଜାନାଇବାଇ । ୧୦
 ଆରିସ୍ତାକସ୍ ତାର୍ ଜୁଆର୍ ଜାନାଇଲାନି । ସେ ମର୍ ସଞ୍ଜୁ ବନ୍ଦିଗରେ ଆଟେ
 । ବରନବାର୍ ମେଏନାବାଇ ମାର୍କ ମିସା ଜୁଆର୍ ଜାନାଇଲାନି । ମାର୍କର୍
 ବିସଇ ତମେ ସୁନିସାରାଇ ଆଟାସ୍ । ସେ ତମର୍ ଲଗେ ଆଇଲେ ତାକେ ତାକି
 ନିଆ । ୧୧ ଜୁସ୍ତ ନାଉଁଦାରି ତାକ୍ପୁଟା ଅଇଲା ଜିୟୁସୁୟ ମିସା ତମ୍ବେ
 ଜୁଆର୍ ଜାନାଇଲାନି । ଏ ତିନ୍ ଲକ୍ସେ ଇତି ରଇବା ଜିଉଦି ବିସ୍ବାସିମନ୍ ।
 ପର୍ମେସରର୍ ରାଇଜ୍ ବିସଇତେଇ ରଇବା ସୁବ୍ବବର୍ ଜାନାଇବାକେ ସେମନ୍
 ମର୍ ସଞ୍ଜୁ କାମ୍ କଲାଲିନି । ସେମନ୍ ମକେ ବେସି ସାର୍ଦା କରାଇଆଟର୍ ।
 ୧୨ ଏପାପୁରା ତାର୍ ଜୁଆର୍ ଜାନାଇଲାନି । ସେ ମିସା ତମର୍ ନଅରର୍ ଲକ୍ ।
 ସେ ମିସା ଗଟେକ୍ ଜିସୁକିରିସ୍ଟର୍ ଗତିଦାଞ୍ଜୁଡା । ସେ ତମର୍ପାଇ ସବୁବେଲେ
 ମନ୍ଦିଆନ୍ ଦେଇ ପାର୍ତନା କରିଲାଗିରଇସି । ଜେନ୍ଦ୍ରିକି ତମେ ତାଟ୍ ଅଇ ସିଦ୍
 ଅଇସା ଆରି ପର୍ମେସର୍ ତମ୍ବେ କରା ବଲି ମନ୍କଲାଟା ଜାନିରଇସା । ୧୩
 ଏରାପଲି ଆରି ଲାଉଦିକିଆଇ ରଇବା ବିସ୍ବାସିମନ୍ପାଇ ଆରି ତମର୍ପାଇ
 ମିସା ସେ ଆବଡ୍ ଅଇଲାନି ବଲି ମୁଇ ସାକି ଦେଲିନି । ୧୪ ଆମର୍ ଆଲାଦର୍
 ନିଜେ ଅସଦେଉ ଲୁକ ଆରି ଦିମା ତମ୍ବେ ଜୁଆର୍ ଜାନାଇଲାଇନି । ୧୫
 ଲାଉଦିକିଆତେଇ ରଇବା ବାଇବଇନିମନ୍କେ, ମର୍ ଜୁଆର୍ ଜାନାଇଦିଆସ୍ ।
 ବଇନି ନୁମ୍ପାକେ ଆରି ତାର୍ ଗରେ ରୁଣ୍ଡୁବା ସବୁ ବିସ୍ବାସିମନ୍କେ ମିସା ମର୍
 ଜୁଆର୍ ଜାନାଆ । ୧୬ ତମେ ଏ ତିଟିତେଇ ଲେକ୍ଲାଟା ସୁନିସାରାଇଲାପଟେ
 ଲାଉଦିକିଆଇ ରଇବା ବାଇବଇନିମନ୍କେ ମିସା ସୁନାଇଦେବାର୍ଆଟେ ଆକା
 । ୧୭ “ମାପୁରୁ ତକେ ସର୍ପିଦେଲା କାମ୍ ତୁଇ କରିସାରାଇବାର୍ ଆଟେ
 ଆକା” ବଲି ଆର୍କିପସ୍ବେ କୁଆ । ୧୮ ମୁଇ ପାଉଲ୍ ଏଟା ନିଜେ ଲେକ୍ଲିନି,
 “ଜୁଆର୍! ମୁଇ ବନ୍ଦିଗରେ ଆଟିବଲି ଏଟାଆ ।” ପର୍ମେସରର୍ ଜିବନ୍ ଦୁକାଇ
 ଦୟା ଦେକାଇଲାଟା ତମର୍ ସଞ୍ଜୁ ରଅ ।

୧ ତେସଲନିକିୟ

୧ ମୁଁ ପାଉଲ ଆରି ମର୍ ବାଇମନ୍ ସିଲାନ, ଆରି ତିମତି ତେସଲନିକିୟ ମଣ୍ଡୁଲିଡେଇ ରଇବା ଲକ୍ମନ୍ କେ ଏ ଚିଠି ଲେକ୍ଲୁନି । ବାବା ପର୍ମେସର୍ ଆରି ମାପ୍‌ରୁ ଜିସୁକିରିସ୍‌ଟ ଜିବନ୍ ଦୁକାଇଲା ସାନ୍ତି ତମ୍‌କେ ମିଲ । ୨ ଆମେ ସବୁବେଲେ ତମର୍ ସବୁ ଲକ୍‌ପାଇ ପର୍ମେସର୍‌କେ ଦନିଅବାଦ ଦେଇତେରଇବୁ ଆରି ପାର୍ତନା କଲାବେଲେ ତମର୍ ବିସଇ ସବୁବେଲେ ଜାନାଇତେରଇବୁ । ୩ ତମେ ବିସ୍‌ବାସ୍ କରି କେନ୍ତୁ ଚଲାଚଲ୍‌ତି କଲାସ୍‌ନି ଆରି ତମର୍ ତମର୍ ବିତ୍‌ରେ ରଇବା ଆଲାଦର୍ ଲାଗି, ମିସିବିଡି କେନ୍ତୁ ସାଇଜ କରାକରି ଅଇଲାସ୍‌ନି ଆରି ମାପ୍‌ରୁ ଜିସୁ କିରିସ୍‌ଟ ଟାନେ ତମର୍ ବିସ୍‌ବାସ୍ କେନ୍ତୁ ତାଟ୍ ଅଇଆଟାସ୍ । ୪ ବାଇବଇନିମନ୍! ଆମେ ଜାନିଆରୁ ଜେ, ପର୍ମେସର୍ ତମ୍‌କେ ଆଲାଦ୍ କଲାନି । ଆରି ସେ ତମ୍‌କେ ନିଜର୍ ଲକ୍ କର୍‌ବି ବଲି ବାଟ୍‌ଲାଆଟେ । ୫ ଜେଡେବେଲେ ଆମେ ତମ୍‌କେ ଏ ସୁବ୍ କବର୍ ଜାନାଇରଇଲୁ, ସେଟା ଅବ୍‌କା କାତାଇ ନ ରଇଲା, ମାତର୍ ସୁକଲ୍‌ଆର୍‌ମାର୍ ବପୁ ସଙ୍ଗ୍ ଆରି ସେଟା ସତ୍ ବଲି ପୁରାପୁରୁନ୍ ବିସ୍‌ବାସର୍ ସଙ୍ଗ୍ ରଇଲା । ତମେ ଜାନାସ୍, ତମର୍ ସଙ୍ଗ୍ ରଇଲାବେଲେ ଆମେ କେନ୍ତୁ ରକାମେ ଜିଉନାକାଉନା କର୍‌ତେରଇଲୁ, ଜେନ୍ତୁକି ତମର୍ ମଙ୍ଗ୍‌ଲ୍ ଅ ବଲି ଆମର୍ ବାବ୍‌ନା ରଇଲା । ୬ ତମେ ଚଲାଚଲ୍‌ତିତେଇ ଆମର୍ ପାରା ଆରି ମାପ୍‌ରୁର୍ ପାରା ରଇଲାସ୍ । ତମ୍‌କେ ଦୁକ୍‌କସ୍‌ଟ ଅଦିକ୍ ରଇଲେ ମିସା ସୁକଲ୍ ଆର୍‌ମାର୍ ଟାନେଅନି ମିଲାଇରଇବା ସାର୍‌ଦା ସଙ୍ଗ୍ ସୁବ୍ କବର୍ ମାନ୍‌ଲାସ୍ । ୭ ତେବେ ତମେ ମାକିଦନିଆ ଆରି ଆକାୟାଡେଇ ରଇବା ସବୁ ବିସ୍‌ବାସିମନ୍‌କେ ଗଟେକ୍ ବାଟ୍‌ଦକାଉ ପାରା ରଇଲାସ୍ । ୮ ତମର୍‌ଲଗେଅନି ମାସିଦନିଆ ଆରି ଆକାୟାର୍ ଜାଗାମନ୍‌କେ ଅବ୍‌କା ମାପ୍‌ରୁର୍ ସୁବ୍‌କବର୍‌ସେ ବିଚି ନ ଅଇରଇଲା । ମାତର୍ ତମେ ମାପ୍‌ରୁକେ ବିସ୍‌ବାସ୍ କରିରଇବା କାତା ସବୁ ବାଟେ ଜାନାପଡ୍‌ଲା ଆଟେ । ୯ ବିସଇ ଆରି ଆମେ ଅଦିକ୍ କଇବା ଦର୍‌କାର୍ ନାଇ । ୧୦ ଆମେ ତମର୍‌ଲଗେ ଆଇଲାବେଲେ ତମେ ଜେନ୍ତୁ ଆଲାଦର୍‌ସଙ୍ଗ୍ ଡାକିରଇଲାସ୍ ଆରି ରୁଟା ପାକ୍‌ନାମନ୍ ପୁଜା କର୍‌ବାଟା ଚାଡିକରି ଜିବନ୍ ରଇବା ପର୍ମେସର୍‌କେ ଉପାସନା କର୍‌ବାକେ ଆଗ୍ରୁ ଆସିରଇଲାସ୍ । ୧୧ ସବୁ ବିସଇ ତେଇର୍ ଲକ୍‌ମନ୍ କାତା ଅଇଲାଇନି । ୧୨ ଆରି ପର୍ମେସର୍ ତାର୍ ନିଜର୍ ଜନ୍ ପଅକେ, ମଲା ଲକ୍‌ମନ୍ ବିତ୍‌ରେ ଅନି ଉଟାଇଲା ।

ଆରି ଜେ କି ଆଇତେରଇବା ପର୍ମେସରର୍ ବଡ଼ ତଣ୍ଡୁତେଇଅନି ଆମ୍ବକେ
ରକିଆ କରସି । ତାର୍ପିଲା ଜିସୁ ସର୍ଗେଅନି ଆରିତରେକ୍ ଆଇବାଟାକେ
ଆମେ ଜାଗିକରି ରଇଁ । ଏ ସବୁ ବିସଇ ମିସା ତେଇର୍ ଲକ୍ମନ୍ କାତାବାର୍ତା
ଅଇଲାଇନି ।

୨ ଏ ବାଇବଇନିମନ୍ ତମେ ନିଜେ ଜାନି ଆତାସ୍, ତମର୍ଲଗେ ଆମେ
ଆଇଲାଟା ରୁତାଇ ନ ରଇଲା । ୨ ତମର୍ଟାନେ ଆଇବା ଆଗ୍ତୁ ପିଲିପେ
ଆମ୍ବକେ କେନ୍ତି ଦୁକ୍ ନିନ୍ତୁ ଅଇରଇଲା, ସେଟା ତମେ ଜାନାସ୍ । ବେସି ଲକ୍
ଆମ୍ବକେ ବିରଦ୍ କଲେ ମିସା ସୁବ୍‌କବର୍ ତମ୍ବକେ ଜାନାଇବାକେ ପର୍ମେସର୍
ସାଆସ୍ ଦେଇରଇଲା । ୩ ଆମେ ବାବୁଜିଆ କଲାଟା, ଲକ୍ମନ୍‌ର ବୁଲ୍
ଆଦେସ୍ ଅନି ନ ରଇଲା ଆରି ନାତାଇବାଟା କି ବୁଲ୍‌ବାଟେ ନେବା ବିସଇ
ନ ରଇଲା । ୪ ମାତର୍ ସବୁବେଲେ ଆମେ ପର୍ମେସରର୍ ମନ୍ କଲା
ଇସାବେ ସେ କାତା କଇତେରଇବୁ । କାଇକେବଇଲେ ସେ ଆମ୍ବକେ ବାଟିକରି
ସୁବ୍‌କବର୍ ଜାନାଇବା ଦାଇଡ୍ ସର୍ପି ଦେଲାଆତେ । ଲକ୍ମନ୍‌କେ ସାର୍ଦା
କରାଇବାକେ ଆମର୍ ଆଦେସ୍ ନାଇ । ଜନ୍ ପର୍ମେସର୍ ଆମର୍ ମନ୍
ବିଡ୍‌ରଟା ପରିକା କରି ଦେକିପାରସି, ତାକେ ଆକା ସାର୍ଦା କର୍ବାକେ
ଆମେ ତେସ୍‌ଟା କଲୁନି । ୫ ତମେଟା ନିକ କରି ଜାନାସ୍ । ଆମେ କେବେ ମିସା
ତମ୍ବକେ ସାର୍ଦା କରାଇବା କାତା କଇ ନ ରଇଲୁ । ଆମର୍ ଲବ୍‌ଅଇବାଟାକେ
ଲୁଟାଇକରି ସଢ଼ୁଢ଼ନାଇ । ତମର୍ଲଗେ କାରାପ୍ ବେବାର୍ କରି ନ ରଇଲୁ । ଏ
ବିସଇଟାନେ ପର୍ମେସର୍ ଆମର୍ ସାକି । ୬ ଆମେ କାର୍ଲଗେ ଅନି ସନ୍‌ମାନ୍
ପାଇବୁ ବଲି ତେସ୍‌ଟା କରି ନ ରଇଲୁ । ତମର୍ଟାନେ ଅନି କି ବିନ୍ ଲକର୍
ଟାନେଅନି ମିସା ନାଇ । ୭ ଜଦି କିରିସ୍‌ଟ ପାଟାଇରଇବା ପେରିଡ୍ ଇସାବେ
ଆମ୍ବକେ ତମେ ମାନିକରି ରୁଆ ବଲି ଦାବି କର୍ତୁ । ମାଆ ଜେନ୍ତି ନିଜର୍
ପିଲାମନ୍‌କେ ଜତନ୍ କର୍ତେରଇସି, ଆମେ ତମର୍ଲଗେ ରଇବା ବେଲାଇ
ସେରକାମ୍ କର୍ତେରଇଲୁ । ୮ ଆମେ ତମ୍ବକେ ବେସି ଆଲାଦ୍ କଲୁ ଜେ,
ତମ୍ବକେ ଅବ୍‌କା ପର୍ମେସରର୍ ସୁବ୍ କବର୍ ଜାନାଇବୁ ବଲି ନାଇ, ମାତର୍
ତମର୍ଲାଗି ନିଜ୍‌କେ ସର୍ପି ଅଇବାକେ ମିସା ତିଆର୍ ଅଇରଇଲୁ । ତମେ
ଆମର୍ କେତେକ୍ ନିଜର୍ ନ ରଇଲାସ୍! ୯ ଏ ବାଇବଇନିମନ୍ ଆମେ ଆବଡ୍
ଅଇ ଗାଗେଡ୍ ବାଦିଜାଇରଇଲେ ମିସା ମାନିଅଇ କାମ୍ କଲାଟା ତମ୍ବକେ
ମନେରଇସି । ଆମେ ଜେନ୍ତିକି ତମର୍ ଉପ୍ରେ ବଜ୍ ନ ଅଇକରି, ଏଟାର୍‌ପାଇ

ଦିନ ରାତି କସ୍ତ ପାଇ ପର୍ଯ୍ୟେସରର୍ ସୁବ୍‌କବର୍ ତମ୍‌କେ ଜାନାଇରଇଲୁ ।
 ୧୦ ଜେଡେବେଲେ ଆମେ ତମ୍‌ଟାନେ ରଇଲୁ, ଆମେ କେନ୍ତୁ ସୁକଲ୍‌ଅଇ,
 ସତଇସେ କାଇ ଦସ୍ ନ ଅଇକରି ଚଲାଚଲ୍‌ତି କର୍ତେରଇଲୁ । ନିଜେ
 ପର୍ଯ୍ୟେସର୍ ଆରି ତମେ ଆକା ଆମର୍ ସାକି ଆଚାସ୍ । ୧୧ ତମେତା
 ଜାନାସ୍ । ବାବା ଜେନ୍ତୁ ନିଜର୍ ପିଲାମନ୍‌କେ ଚଲାଚଲ୍‌ତି କର୍ତା, ଆମେ
 ମିସା ସମାନ୍ ସେନ୍ତାରିସେ ଚଲାଚଲ୍‌ତି କରିରଇଲୁ । ୧୨ ଆମେ ତମ୍‌କେ
 ସାଆସ୍ ଦେଇରଇଲୁ, ଦୁକ୍ ସାରାଇରଇଲୁ, ଆରି ପର୍ଯ୍ୟେସର୍‌ଟାନେ ଟିକ୍‌ସ୍ତୁ
 ଚଲାଚଲ୍‌ତି ଅଇ ବର୍ବାକେ ବାବୁଜିଆ କର୍ତେରଇଲୁ । ପର୍ଯ୍ୟେସର୍ ଜେ
 କି ତାର୍ ରାଇଜେ ଆରି ତାର୍ ମଇମା ଟାନେ ମିସିରଇବାକେ ତମ୍‌କେ
 ଡାକ୍‌ଲାନି । ୧୩ ଆମେ ପର୍ଯ୍ୟେସର୍‌କେ ଏଟାର୍‌ପାଇ ମିସା ଦନିଅବାଦ୍
 ଦେଲୁନି, କାଇକେବଇଲେ ଜେଡେବେଲେ ଆମେ ତାର୍ ସୁବ୍‌କବର୍ ତମ୍‌କେ
 ଜାନାଇରଇଲୁ ସେଟା ପର୍ଯ୍ୟେସର୍ ଟାନେ ଅନି ଆଇଲା ବାକିଅ ବଲି
 ତମେ ମାନ୍‌ଲାସ୍ । ଏଟା ଲକ୍‌ମନର୍ ଟାନେଅନି ଆସି ଆଚେ ବଲି ନାଇ ।
 ସତଇସେ ସେଟା ପର୍ଯ୍ୟେସରର୍ ବାକିଅ । ଆରି ତମ୍‌ପାରା ବିସ୍‌ବାସିମନର୍
 ମନ୍ ବିତ୍‌ରେ, ସେଟା ଡାଟ୍ ଅଇରଇସି । ୧୪ ଏ ବାଇବଇନିମନ୍ ଜିଉଦା
 ଦେସେ ରଇବା ପର୍ଯ୍ୟେସରର୍ ମଣ୍ଡୁଲିମନ୍‌କେ ଆରି ତେଇ ରଇବା କିରିସ୍‌ଟ
 ବିସ୍‌ବାସିମନର୍‌ଲାଗି ଜନ୍ ଗଟ୍‌ନା ଗଟିରଇଲା, ତମ୍‌ପାଇ ମିସା ସେ ଗଟ୍‌ନା
 ଗଟ୍‌ଲା ଆଚେ । ସେମନ୍ ଜିଉଦିମନର୍ ଲଗେଅନି ଜନ୍ ରକାମ୍ ତାଡ୍‌ନା
 ପାଇରଇଲା, ତମେ ମିସା ନିଜର୍ ଦେସର୍ ଲକ୍‌ମନର୍ ଲଗେଅନି ସେ
 ସମାନ୍ ତାଡ୍‌ନା ପାଇଆଚାସ୍ । ୧୫ ଜିଉଦିମନ୍ ମାପ୍‌ରୁ ଜିସୁକେ ଆରି
 ବବିସ୍‌ତ୍‌ବକ୍‌ତାମନ୍‌କେ ମରାଇରଇଲା ଆରି ଆମ୍‌କେ ମିସା ଦୁକ୍ କସ୍‌ଟ
 ଦେଇରଇଲା । ସେମନ୍‌ଟାନେ ପର୍ଯ୍ୟେସର୍ ସାନ୍ତି ନାଇ । ସେମନ୍ ସବୁ
 ମୁନ୍‌ସୁଜାତିର୍ ସତ୍‌ରୁ । ୧୬ ଜେନ୍ତୁରି କି ଜନ୍ ସୁବ୍‌କବର୍ ଜାନାଇଲେ ଜିଉଦି
 ନଇଲା ଲକ୍‌ମନ୍‌କେ ମୁକ୍‌ତି ମିଲି ପାର୍‌ସି, ସେଟା ଚାଡି ଦେଅଡ୍ ବଲି ଆମ୍‌କେ
 ସେମନ୍ ଚେସ୍‌ଟା କଲାଇନି । ଏନ୍ତୁରି ସେମନ୍ କର୍ତେରଇବା ପାପ୍ ଅଦିକ୍
 ଅଦିକ୍ ବଡିଜାଇକରି ସାରାସାରି ଆସି କେଟିଆଚେ । ଏବେ ସାରାସାରି
 ବେଲାଇ ସେମନ୍ ବିରୁଦେ ପର୍ଯ୍ୟେସରର୍ ରିସା ଅଇଆଚେ । ୧୭ ଏ
 ବାଇବଇନିମନ୍ ଜେଡେବେଲେ ଆମେ ଚନେକର୍‌ପାଇ ତମ୍‌ଟାନେଅନି ବିନେ
 ଅଇଜାଇରଇଲୁ, ସେଟା ଗାଗଡ୍ ଇସାବେ । ମାତର୍ ଆମର୍ ମନ୍ ବିତ୍‌ରେ

ତମେ ସବୁବେଳେ ବାସାଅଇରଇଲାସ୍ । ତମ୍ଭେ ଏତାଇ ଏତାଇ କରି ବେସି
 ତିନ୍ତା କର୍ତ୍ତେରଇଲୁ । ପତେ ଆରିତରେକ୍ ତମ୍ଭେ ଦେକ୍ବାକେ ଚେସ୍ତା
 କର୍ତ୍ତେରଇଲୁ । ୧୮ ମାତର୍ ତମ୍ଭଲଗେ ବାଉଡିଆଇବାକେ ଆମ୍ଭେ
 ବେସି ମନ୍‌ରଇଲା । ମୁଇ ନିଜେ ତମ୍ଭଲଗେ ବାଉଡିଆଇବାକେ ଗଟେକ୍‌ତର୍
 ଚେସ୍ତାକରିରଇଲି, ମାତର୍ ଏଟାପାଇ ଆମ୍ଭେ ସଇତାନ୍ ବାଦା ଦେଲା ।
 ୧୯ ସେ ଗାଲା କାତା ଗାଲାବେ । ମର୍ ଆସା ଆତେ, ମାପ୍‌ରୁ ଜିସୁ ଆଇବା
 ବେଲେ ତମେ ଆମର୍ ଆସା, ସାର୍‌ଦା ବଡ୍‌ପନ୍ ଆରି ଜିଡ୍‌ବାଟା । ୨୦ ତମେ
 ସବୁବେଳେ ଆମର୍‌ପାଇ ତାକ୍‌ପୁଟା ଆରି ସାର୍‌ଦା ।

୩ ସାରାସାରିପତେ ଆମେ ଦୁକ୍ କସ୍‌ଟ ମୁର୍ତ୍ତି ନାପାରିକରି ଆତିନେସ୍‌ତେଇ
 କାର୍ ସଞ୍ଜ ନ ମିସିକରି ଜିଉନାକାଉନା କରୁବଲି, କାତା ଅଇଲୁ । ୨ ତମ୍ଭେ
 ବପୁ କରାଇବାକେ ଆରି ତମର୍ ବିସ୍‌ବାସ୍ ତାଟ୍ କରାଇବାକେ ତମର୍ ଲଗେ
 ଆମର୍ ବାଇ ତିମତିକେ ପାଟାଇରଇଲୁ । ସେ ଆମର୍‌ସଞ୍ଜ କିରିସ୍‌ଟର୍
 ସୁକ୍‌ବର୍ ଜାନାଇକରି ପର୍‌ମେସରର୍ ସେବା କଲାନି । ୩ ତମର୍ ଉପ୍‌ରେ
 ଅଇତେରଇବା ବିପତର୍ ଲାଗି ଜେନ୍‌ଟିକି କେ ମିସା ବିନ୍ ବାଟେ ନ ଜାଅଡ୍ ।
 ସେଟାପାଇ ସେ ତମ୍ଭେ ସାଇଜ କର୍‌ସି । ଏଲେମିସା ତମେତା ଜାନାସ୍,
 ଆମ୍ଭେ ମିସା ଏନ୍ତାରି କସ୍‌ଟ ମିଲ୍‌ଲାନି, ଏଟା ଆମର୍ ପାଇ ପର୍‌ମେସର
 ମନ୍ କର୍‌ବାଟା । ୪ ଆମେ ତମର୍‌ସଞ୍ଜ ରଇଲା ବେଲେ, ବେସି ଆଗେଅନି
 ଆମ୍ଭେ ଦୁକ୍‌କସ୍‌ଟ ଆଇସି ବଲି ପୁର୍‌ବେଅନି ଜାନାଇ ଦେଇରଇଲୁ । ଏବେ
 ତମେ ଜାନ୍‌ଲାସ୍‌ନି, ଟିକ୍ ସେଟାସେ ଗର୍‌ଲା । ୫ ଏଟାପାଇ ତମର୍ ବିସଇ
 ନାଜାନିକରି ମୁଇ ରଇ ନାପାର୍‌ଲି । ତମେ ବିସ୍‌ବାସେ ଆଟାସ୍ କି ନାଇ
 ତିନ୍ତାକରି ମୁଇ ତିମତିକେ ପାଟାଇଲି । ଏଟାପାଇ ବଲି କେତେବେଳେ
 ସଇତାନ୍ ତମ୍ଭେ ପରିକା କରି ଆମେ ଆବଡ୍ ଅଇ କଲାଟା ରୁଟାଇ ଜାଇସି
 ବଲି ତର୍‌ତେ ରଇଲି । ୬ ମାତର୍ ତିମତି ତମ୍ଭଲଗେଅନି ବାଉଡି ଆସି
 ତମର୍ ବିସ୍‌ବାସ୍ ଆରି ଆଲାଦର୍ ବିସଇର୍ ସୁକ୍‌ବର୍ ଆନ୍‌ଲା । ସେ ଆମ୍ଭେ
 ଜାନାଇଦେଲାଆତେଜେ, ତମେ ସବୁବେଳେ ଆମ୍ଭେ ଆଲାଦ୍ ସଞ୍ଜ ଏଡ୍
 କଲାସ୍‌ନି ଆରି ଆମେ ଜେନ୍‌ଟିକି ତମ୍ଭେ ଦେକ୍‌ବାକେ ମନ୍ କଲୁନି, ତମେ
 ମିସା ସେରକାମ୍ ଆମ୍ଭେ ଦେକ୍‌ବାକେ ମନ୍ କଲାସ୍‌ନି । ୭ ତେବେ ଏ
 ବାଇବଇନିମନ୍, ଆମେ କାକୁର୍‌ତି ଅଇ ଦୁକ୍ କସ୍‌ଟ ପାଇଲା ବେଲେ ତମର୍
 ବିସ୍‌ବାସ୍‌ଲାଗି ସାର୍‌ଦା ଅଇଲୁନି । ତମର୍ ବିସ୍‌ବାସ୍ ଆକା ଆମ୍ଭେ ସାଆସ୍

ଦେଇକରି ସଞ୍ଜୁଆଣେ । ୮ କାଳକେବଲେ ଏବେ ତମେ ଡାକ୍ତରୀ ମାପୁରୁ
ସଞ୍ଜୁ ମିସିକରି ଆଚାସ୍ । ଏଟା ଆମେ ଜାନିକରି ଆରିତରେକ୍ ସାର୍ଦା ସଞ୍ଜୁ
ଜିଇଲୁନି । ୯ ଡ଼, ଆମର୍ ପର୍ମେସରର୍ ମୁଆଟେ ତମର୍ ଲାଗି ଆମେ ସବୁଲକ୍
ସାର୍ଦା ଅଇଲୁନି । ସେଟାପାଇ ତମର୍ଲାଗି ପର୍ମେସର୍କେ ଦନିଅବାଦ୍
ଦେଲୁନି । ୧୦ ତମେ ବିସ୍ବାସ୍ କଲାଟାନେ କେତେଟା ଉନା ଆଟେ । ସେଟା
ପୁରାପୁରୁନ୍ କର୍ବାକେ, ଆମେ ତମର୍ସଞ୍ଜୁ କେନ୍ତି ମିସିପାରୁ, ଏଟାପାଇ
ଦିନ୍ ରାତି ପାର୍ତନା କରିଲାଗିଆରୁ । ୧୧ ତମର୍ଲଗେ ଆଇବାକେ ଆମ୍ବକେ
ଆମର୍ ବାବା ପର୍ମେସର୍ ଆରି ଆମର୍ ମାପୁରୁ ଜିସୁ ବାଟ୍ ତିଆର୍କରି ଦେଅର୍
। ୧୨ ଜେନ୍ତିକି ଆମର୍ ଆଲାଦ୍ ତମର୍ପାଇ ବଡିଆଇଲାନି, ସେନ୍ତୁରିସେ
ନିଜର୍ ନିଜର୍ ବିତ୍ରେ, ଆରି ସବୁ ଲକ୍ମନକେ ମାପୁରୁ ଆଲାଦ୍ ବଡାଇକରି
ଅଦିକ୍ କର । ୧୩ ମାପୁରୁ ଏନ୍ତୁରି ତମ୍ବକେ ତବିର୍ କରାଅ । ଜେତେବେଲେ
ଆମର୍ ମାପୁରୁ ଜିସୁ ତାର୍ ନିଜର୍ ସୁକଲ୍ ଲକ୍ମନର୍ ସଞ୍ଜୁ ଆଇବା ବେଲେ,
ତମେ କାଇ ଦସ୍ ନ ଅଇତେ ଆରି ସୁକଲ୍ ଅଇ, ବାବା ପର୍ମେସରର୍ ମୁଆଟେ
ଟିଆଅଇସା ।

୪ ତେବେ ଏ ବାଇମନ୍ ସାରାସାରି ବେଲାଇ କେନ୍ତୁରି ତଲାଚଲ୍ତି କଲେ
ପର୍ମେସର୍ ସାର୍ଦା ଅଇସି, ସେ ବିସଇ ତମେ ଆମର୍ଟାନେଅନି ସିକିଆଚାସ୍
। ଆରି ସେନ୍ତୁରିସେ ତଲାଚଲ୍ତି କଲାସ୍ନି । ତମେ ଜେନ୍ତୁରି କଲାସ୍ନି,
ସେ ଇସାବେ ଆରି ଆଗ୍ତୁ ଆଗ୍ତୁ ଜିବାକେ ଆମେ ତମ୍ବକେ ମାପୁରୁ ଜିସୁର୍
ନାଉଁଦାରି ବାରୁଜିଆ କରି ସାର୍ଦା କରାଇଲୁନି । ୨ କାଳକେବଲେ ମାପୁରୁ
ଜିସୁର୍ଟାନେଅନି ଆଦେସ୍ ପାଇକରି ଜାଇ ଜାଇଟା କର୍ବାକେ କଇରଇଲୁ,
ସେଟା ତମେ ଜାନାସ୍ । ୩ ଜେନ୍ତୁରି କି ତମେ ବେସିଆ କାମ୍ଟାନେଅନି ବିନେ
ରଇକରି, ସୁକଲ୍ ସଞ୍ଜୁ ରଇବାଟା ପର୍ମେସର୍ ମନ୍ କଲାନି । ୪ ସବୁଲକ୍
ସୁକଲ୍ ଆରି ଆଲାଦ୍ସଞ୍ଜୁ ନିଜର୍ ନିଜର୍ ମାଇଜିମନର୍ ସଞ୍ଜୁ ରଇବାକେ ସିକା
। ୫ ଆରି, ଜେନ୍ତିକି ବିସ୍ବାସ୍ ନ କଲା ଲକ୍ମନର୍ପାରା ପର୍ମେସରର୍ ବାଜିଅ
ନ ମାନିକରି ଆସାର୍ କାମ୍ କରାନାଇ । ୬ ଜେ ଜଦି ଏ ବିସଇ ନ ମାନିକରି
କନ୍ ବିସ୍ବାସି ବାଇକେ ମିସା ଅନିଆଇ କର୍ସି ବଇଲେ, ମାପୁରୁ ଏ ସବୁ
ବିସଇ ନେଇ ତଣ୍ଟୁ ଦେଇସି । ଏ କାତା ଆମେ ପୁର୍ବେ ଜାନାଇଦେଇ ଆରୁ ।
୭ କାଳକେବଲେ ପର୍ମେସର୍ ଆମ୍ବକେ ସୁକଲ୍ ନ ଅଇକରି ଜିଉନା କାଉନା
କର୍ବାକେ ତାକେନାଇ ମାତର୍ ସୁକଲ୍ ଅଇ ରଇବାକେ ତାକିଆଟେ । ୮

ଡେବେ ଜେ ଆମର ଏ ସିକିଆ ନ ନାମେ, ସେ ଅବକା ମୁନୁସ୍କେ ନ ନାମେ ।
 ମାତର ଜନ୍ ପର୍ମେସର ତମର ବିତ୍ରେ ସୁକଲ୍‌ଆତ୍‌ମା ଦେଇସି, ତାକେ ନ
 ନାମେ । ୯୯ କିରିସ୍‌ଟ ବିସ୍‌ବାସି ବାଇବଇନିମନ୍, ତମର ଆଲାଦ୍ କରବା
 ବିସଇ ଆମେ ଆରି ଅଦିକ୍ ଲେକ୍‌ବାର୍ ଦରକାର୍ ନାଇ । କାଇକେବଇଲେ
 ତମେ ପର୍ମେସରଟାନେଅନି ନିଜର୍ ନିଜର୍ ବିତ୍ରେ ଆଲାଦ୍ କରବାଟା
 ସିକିଆତାସ୍ । ୧୦ ଆରି ଗୁଲାଲ ମାକିଦନିଆଇ ରଇବା ସବୁ ବିସ୍‌ବାସି
 ବାଇମନ୍‌କେ ସେନ୍ତାରି କଲାସ୍‌ନି । ଏଲେମିସା, ତମେ ଆରି ଅଦିକ୍ ଅଦିକ୍
 ସେନ୍ତାରି କରା । ୧୧ ଆରି ତମ୍‌କେ ପୁରବେ ଦିଆଅଇରଇବା ଆଦେସ୍
 ଇସାବେ ତମେ ସାନ୍ତିସଙ୍ଗ୍ ରଇକରି ନିଜର୍ ନିଜର୍ କାମେ ଲାଗିରୁଆ, ପାଇଟି
 କାବାଡ୍ କରି ରୁଆ । ଏଟାର୍‌ପାଇ ଆମେ ତମ୍‌କେ ବାବୁଜିଆ କଲୁନି । ୧୨
 ଏନ୍ତାରି କଲେ ବିସ୍‌ବାସ୍ ନ କରବା ଲକ୍‌ମନ୍ ମିସା ତମ୍‌କେ ନାମ୍‌ବାଇ ।
 ଆରି କାଇଟା ମିସା ଅବାବ୍ ନ ଅଏ । ତମ୍‌କେ ଦରକାର୍ ରଇବା ବିସଇପାଇ
 ବିନ୍‌ଲକ୍‌କେ ଆସା କରବାକେ ନ ପଡେ । ୧୩ ଏ ବାଇବଇନିମନ୍, ଆସା ନ
 କରବା ବିନ୍ ଲକ୍‌ମନ୍‌ର ପାରା ଦୁକ୍ ଚିନ୍ତା ଅଇ ରୁଆନାଇ । ଏଟାର୍‌ପାଇ ତମେ
 ମରିଜାଇରଇବା ଲକ୍‌ମନ୍‌ର ବିସଇ ଜାନିରୁଆ । ୧୪ କାଇକେବଇଲେ ଜିସୁ
 ମରିକରି ଆରିତରେକ୍ ଉଟିଆଟେ ବଲିକରି ଆମେ ବିସ୍‌ବାସ୍ କଲୁନି । ଡେବେ
 ଆମେ ତାଟ୍ ସଙ୍ଗ୍ ଜାନି ଆରୁ କି, ଜନ୍ ଲକ୍‌ମନ୍ ଜିସୁକେ ବିସ୍‌ବାସ୍ କରି
 ମରିଆତଡ୍, ସେ ଆରିତରେକ୍ ଆଇଲେ ପର୍ମେସର ତାର୍ ସଙ୍ଗ୍ ସେମନ୍‌କେ
 ଦାରିଜାଇସି । ୧୫ ଏବେ ଆମେ ତମ୍‌କେ ଜନ୍ ସିକିଆ ଦେଲୁନି, ସେଟା
 ମାପ୍‌ରୁର୍ ସିକିଆ । ମାପ୍‌ରୁ ଆଇବା ବେଲେ ଜେଡ୍‌କି ଲକ୍ ଆମେ ନ
 ମରିକରି ଜିଇ ଆରୁ, ଆମେ ଦେକ୍‌ବା ଆଗ୍‌ରୁ ମରିଜାଇରଇବା ବିସ୍‌ବାସିମନ୍
 ମାପ୍‌ରୁକେ ଦେକ୍‌ବାଇ । ୧୬ କାଇକେବଇଲେ ମାପ୍‌ରୁ ନିଜେ ଆଦେସ୍ ଦେଇ,
 ମୁକିଆ ଦୁତର୍ ସର୍ ଆରି ପର୍ମେସରର୍ ବାଜାମଇରି ସଙ୍ଗ୍ ସର୍ଗେ ଅନି
 ଉତର୍ସି । ଜିସୁକିରିସ୍‌ଟକେ ବିସ୍‌ବାସ୍‌କରି ଜନ୍‌ଲକ୍‌ମନ୍ ମରିଆତଡ୍ ସେମନ୍
 ତେଇ ପର୍ତମେ ଉର୍‌ବାଇ । ୧୭ ତାର୍‌ପଡେ ଆମେ ଜେଡ୍‌କି ଲକ୍ ଜିବନ୍
 ରଇବୁ, ସେବେଲେ ମେଗ୍‌ମାଲାଅନି ସେମନ୍‌ରସଙ୍ଗ୍ ଉର୍‌ରିକରି ସବୁବେଲେ
 ମାପ୍‌ରୁର୍ ସଙ୍ଗ୍ ସରଗ୍‌ପୁରେ ରଇବୁ । ୧୮ ଏସବୁ କାତାମନ୍ ସୁନାଇକରି ତମେ
 ନିଜର୍ ନିଜର୍ ଲକ୍‌ମନ୍‌କେ ସାଆସ୍ କରାଆ ।

୫ ଏ ବାଇମନ୍, ମାପୁରୁ ଜିୟୁର୍ ଦିନ୍ କେବେ ଆରି କେତେବେଲେ ଗର୍ଦ୍ଧି,
 ସେ ବିସଇ ତମ୍ବେ ଆରି ଅଦିକ୍ ଲେକ୍‌ବାକେ ଲତା ନାଇ, ୬ କାଇକେବଇଲେ
 ମାପୁରୁର୍ ଦିନ୍ ଗଟେକ୍ ଚର୍ ରାତିଆ ଗରେ ଆସି ପୁରୁଲ୍ଲାପାରା କେର୍ଦ୍ଧି । ୭
 ଜେତେବେଲେ ଲକ୍‌ମନ୍ ସାନ୍ତିସଙ୍ଗ୍ ରଇକରି ଆମ୍ବେ ଆରି କାଇ ବିପଦ୍ ନ
 ଆସେ ବଲି ବାବ୍‌ତେରଇବାଇ, ସେତ୍‌କିବେଲେ ଅଟାଡ୍ ଗାଗ୍‌ତେଅଇ ରଇଲ୍ଲା
 ମାଇଜିକେ ପିଲ୍ଲା ଜନମ୍ ଅଇବାବେଲର୍ ଦୁକାୟୁକାପାରା ବିନାସର୍ ବେଲ୍ଲା
 ଆସି କେର୍ଦ୍ଧି । ଆରି ସେମନ୍ କାଇଟା କଲେମିସା ତେଇଅନି ବ୍‌ଟି ନାପାରଡ୍ ।
 ୪ ମାତର୍ ଏ ବାଇବଇନିମନ୍, ଏବେ ତମେ ଆନ୍ତୁରେ ବାସାଅଇ ରୁଆସ୍ ନାଇ
 । ତେବେ ସେ ଦିନ୍ ତମର୍ ନାଜାନ୍‌ତେ ଆରି ଜାଗ୍‌ରଡ୍ ନ ରଇଲ୍ଲା ବେଲାଇ
 ଚର୍‌ପାରା ଅଇ ନ ଆସେ । ୫ ତମେ ସବୁଲକ୍ ଉଜଲ୍ ଆରି ଦିନ୍ ବେଲର୍
 ପିଲ୍ଲାମନ୍ । ଆମେ ରାତିଆଇ କି ଆନ୍ତୁରେ ରଇନାଇ । ୬ ତେବେ ଆସା, ଆମେ
 ବିନ୍ ଲକ୍‌ମନର୍ ପାରା ଗୁନି ଗୁନି କରି ନ ରଉଁ । ତେତା ଅଇକରି ଜାଗ୍‌ରଡ୍‌ସଙ୍ଗ୍
 ରଉଁ । ୭ ତେବେ ଜନ୍ ଲକ୍‌ମନ୍ ସଇବାଇ, ସେମନ୍ ରାତିବେଲେ ସଇବାଇ ।
 ଆରି ଜନ୍ ଲକ୍‌ମନ୍ ମାଡ୍‌ବାଇ, ସେମନ୍ ରାତିଆ ମାଡ୍‌ବାଇ । ୮ ଆମର୍
 ବିସ୍‌ବାସ୍ ଆରି ଆମର୍ ଆଲ୍ଲାଡ୍ ଗଟେକ୍ ରକିଆ ପାଇବା ଲୁଆର୍ ବସ୍‌ତର୍
 ପାରା ରକିଆ କର୍ଦ୍ଧି । ଆମର୍ ଆସା ଗଟେକ୍ ଲୁଆର୍ ଟପି ପାରା ଆମ୍ବେ
 ରକିଆ କର୍ଦ୍ଧି । ୯ କାଇକେବଇଲେ ପର୍‌ମେସର୍ ଆମ୍ବେ ରିସାର୍ ମୁତାର୍
 ତଣ୍ଟୁ ପାଇବାକେ ନ ବାଟିକରି ଆମର୍ ମାପୁରୁ ଜିୟୁକିରିସ୍‌ଟର୍ ଲାଗି, ମୁକ୍‌ତି
 ପାଇବାକେ ତିଆର୍ କଲାଆତେ । ୧୦ ସେ ଆମର୍ ଲାଗି ତାର୍ ଜିବନ୍ ଦେଲା ।
 ଜେନ୍ତିକି ଆମେ ଜାଗ୍‌ରଡ୍ ଅଇକରି ରଇଲେ କି ସଇକରି ରଇଲେ ମିସା ତାର୍
 ସଙ୍ଗ୍ ଜିଇକରି ରଇବାର୍ ଅଇସି । ୧୧ ତେବେ ତମେ ଜେନ୍ତୁରି କଲାସ୍‌ନି,
 ସେନ୍ତୁରି ନିଜର୍ ଲକ୍‌ମନ୍କେ ଦୁକ୍ ସାରାଆ । ଆରି ସାଇଜ କର୍‌ତେରୁଆ ।
 ୧୨ ଏ ବାଇବଇନିମନ୍, ଆମେ ତମ୍ବେ ଗୁଆରି କଲୁନି । ତମର୍ ବିତ୍‌ରେ
 ଜନ୍ ଲକ୍‌ମନ୍ କସ୍‌ଟ କର୍‌ବାଇ, ଆରି ମାପୁରୁର୍ ସେବା କାମେ ମିସିକରି,
 ନେତା ପାରା ରଇକରି ତମ୍ବେ ସିକାଇବାଇ, ସେମନ୍‌କେ ମାନିଅ କରା । ୧୩
 ତାକର୍ କାମର୍ ଲାଗି ସେମନ୍‌କେ ଜିବନ୍ ପରାନ୍ ଦେଇକରି ଆଲ୍ଲାଡ୍ କରା ।
 ନିଜର୍ ନିଜର୍ ଲକ୍‌ମନର୍ ସଙ୍ଗ୍ ସାନ୍ତିସଙ୍ଗ୍ ରୁଆ । ୧୪ ଏ ବାଇବଇନିମନ୍,
 ଆମେ ତମ୍ବେ ଗୁଆରି କଲୁନି । ପାଇଟି କାବାଡ୍ ନ କରି ବାଡୁ ଅଇ ରଇବା
 ଲକ୍‌ମନ୍କେ ଜାଗ୍‌ରଡ୍ କରା । ତାକ୍‌ଲା ପୁଣ୍ଡୁଲ୍ଲା ଲକ୍‌ମନ୍କେ ଜତନ୍ କରା ।

ଡରବା ଲକ୍ମନଙ୍କେ ସାଆସ୍ ଦିଆସ୍ । ଲକ୍ମନର୍ କୁଆ କାତା ମୁରୁତି କରି
 ରୁଆ । ୧୫ ଜାଗରତା, କେ ମିସା କାର୍ଥାଲେ ଅନିଆଇର୍ ବାଦୁଲେ ଅନିଆଇ
 ନ କରା । ତାର୍ ବାଦୁଲେ ନିଜର୍ ନିଜର୍ ବିତ୍ରେ ଆରି ସବୁଲକର୍ ପାଇ
 ସବୁବେଲେ ମାଢୁଲ୍ କର୍ବାକେ ଚେସ୍ଟା କରା । ୧୬ ସବୁବେଲେ ସାର୍ଦାଅଇ
 ରୁଆ । ୧୭ ସବୁବେଲେ ପାର୍ତନା କରା । ୧୮ ସବୁ ସୁକ୍ ଦୁକ୍ ବେଲେ
 ମାପୁରୁକେ ଦନିଅବାଦ୍ ଦିଆସ୍ । କାଇକେବଇଲେ କିରିସ୍ଟ ଜିସୁର୍ ସଢୁ
 ମିସିକରି ଜିଉନା କାଉନା କଲାସ୍ନି ବଲି ପର୍ମେସର୍ ତମର୍ଟାନେ ଅନି
 ମାଢୁଲ୍ମାନି । ୧୯ ସୁକଲ୍ଆତ୍ମାକେ ଏଲା କରାନାଇ । ୨୦ ସୁକଲ୍ଆତ୍ମା
 କଇଲା କାତା ଏଲା କରାନାଇ । ୨୧ ସବୁ ବିସଇ ପରିକା କରି ଦେକା, ଜନ୍ତା
 ସତ୍, ସେଟା ଚାତାନାଇ । ୨୨ ସବୁ ରକାମର୍ କାରାପ୍ କାମେଅନି ଦୁରିକେ
 ରୁଆ । ୨୩ ନିଜେ ସାନ୍ତି ଦେବା ପର୍ମେସର୍ ତମ୍ବେ ପୁରାପୁରୁନ୍ କରି ସୁକଲ୍
 କର । ଆରି ଆମର୍ ମାପୁରୁ ଜିସୁ ଆରିତରେକ୍ ଆଇବା ବେଲେ, ତମର୍
 ଆତ୍ମା, ଜିବନ୍, ଗାଗଡ୍ କାଇ ଦସ୍ ପାପ୍ ନ ଅଇକରି ସଢୁଇ ରଅ । ୨୪ ଜେ
 ତମ୍ବେ ବାର୍ଲା ଆତେ, ସେ ସେଟା କର୍ସି । କାଇକେବଇଲେ ସେ ବିସ୍ବାସ୍
 ରକ୍ବା ଲକ୍ । ୨୫ ଏ ବାଇବଇନିମନ୍, ଆମର୍ପାଇ ମିସା ପାର୍ତନା କରା ।
 ୨୬ ସବୁ ବାଇମନ୍ଙ୍କେ ସୁକଲ୍ ରଇ, ଆତେ ଦାରି ଜୁଆର୍ କରା । ୨୭ ସବୁ
 ବାଇବଇନିମନ୍ ଲଗେ ଏ ଚିଟି ପତାଆ ବଲି ମୁଇ ମାପୁରୁ ନାଉଁ ଦାରି
 ତମ୍ବେ ମୁଇ ତିଆର୍ଲିନି । ୨୮ ମାପୁରୁ ଜିସୁ ଜିବନ୍ ଦୁକାଇ ଦୟା କଲାଟା
 ତମର୍ ସଢୁ ର ।

୨ ତେସଲନିକିୟ

୧ ମୁଁ ପାଉଲ୍, ବାବା ପର୍ଯ୍ୟେସର୍ ଲଗେ ଆରି ମାପ୍‌ରୁ ଜିସୁକିରିସ୍‌ଟ ତେଇ ରଇବା ତେସଲନିକିୟ ମଣ୍ଡଲିର୍ ଲକ୍‌ମନ୍‌କେ ଏ ଚିଟି ଲେକି ପାଟାଇଲିନି । ମର୍ ସଞ୍ଜୁ ରଇକରି ସିଲା ଆରି ତିମତି ମିସା ଜୁଆର୍ ଜାନାଇଲାଇନି । ୨ ଆମର୍ ବାବା ପର୍ଯ୍ୟେସର୍ ଆରି ମାପ୍‌ରୁ ଜିସୁକିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ । ୩ ଏ ବାଇବଇନିମନ୍ ତମର୍‌ପାଇ ଆମେ ପର୍ଯ୍ୟେସର୍‌କେ ସବୁବେଲେ ଦନିଅବାଦ୍ ଦେବା କାତା । ଏଟା ଟିକ୍ ବିସଇ । କାଇକେବଇଲେ ତମର୍ ବିସ୍‌ବାସ୍ ଅଦିକ୍ ଅଦିକ୍ ଅଇଲାନି । ଆରି ତମର୍ ନିଜର୍ ନିଜର୍ ବିତ୍‌ରେ ସବୁଲକ୍‌କେ ଆଲାଦ୍ ବଡ଼ିଗାଲାନି । ୪ ତମେ ଜେଡ୍‌କି ସବୁ ଉଡାସୁନିକରି ମିସା ବିସ୍‌ବାସ୍ କରି ବପୁସଞ୍ଜୁ, ତାଟ୍ ଅଇକରି ଆତାସ୍ । ଏ କାତା ଆମେ ପର୍ଯ୍ୟେସର୍‌ର ମଣ୍ଡଲିମନ୍‌କେ ବଡ୍‌ପନ୍ ଅଇକରି କଇଲୁନି । ୫ ପର୍ଯ୍ୟେସର୍‌ ଜନ୍ ରାଇଜର୍‌ପାଇ ତମେ ଦୁକ୍ କସ୍‌ଟ ପାଇଲାସ୍‌ନି, ସେ ରାଇଜ୍ ପାଇସା । ପର୍ଯ୍ୟେସର୍‌ ବିତାଟ୍ କର୍‌ବାଟା ଟିକ୍ ଆକା, ଇତିଅନି ସେଟା ଜାନିଅଇଲାନି । ୬ ଜନ୍‌ଟା ଟିକ୍, ସେଟା ପର୍ଯ୍ୟେସର୍ ପୁରାପୁରୁନ୍ କର୍‌ସି । ଜନ୍‌ଲକ୍‌ମନ୍ ଏବେ ତମ୍‌କେ କସ୍‌ଟ ଦେଲାଇନି, ସେମନ୍ କସ୍‌ଟ ପାଇବାଇ । ୭ ପର୍ଯ୍ୟେସର୍ ତମର୍ ଦୁକ୍ କସ୍‌ଟ ଅଇବାଟା ସାରାଇକରି ଆମ୍‌କେ ମିସା ସାନ୍ତି ଦେଇସି । ଜେଡେବେଲେ ମାପ୍‌ରୁ ଜିସୁ ସର୍‌ଗେଅନି ତାର୍ ବପୁର୍ ଦୁର୍‌ମନର୍ ମଜାଇ ବପୁଅଇ ଆଇସି, ପର୍ଯ୍ୟେସର୍ ଏ କାମ୍ ପୁରାପୁରୁନ୍ କର୍‌ସି । ୮ ଜନ୍‌ଲକ୍‌ମନ୍ ପର୍ଯ୍ୟେସର୍‌କେ ନାଜାନର୍, ଆରି ଆମର୍ ମାପ୍‌ରୁ ଜିସୁର୍ ବାକିଅ ନ ମାନର୍, ସେନ୍ତାରି ଲକ୍‌ମନ୍‌କେ ସେ ଡଣ୍ଟୁ ଦେବାକେ ଲାଗ୍‌ତେରଇବା ଜଇସଞ୍ଜୁ ଆଇସି । ୯ ସେ ଲକ୍‌ମନ୍ ମାପ୍‌ରୁର୍ ମୁଆଟେ ତାଟ୍‌ସଞ୍ଜୁ ତାକ୍‌ପୁଟା ପାଇବା ତେଇଅନି, କାଲ୍ କାଲ୍ ଜୁଗ୍ ଜୁଗ୍ ପାଇ କୁରୁପ୍‌ନାସ୍ ଅଇଜିବାଇ । (aiōnios g166) ୧୦ ସେଦିନେ ମାପ୍‌ରୁ ତାର୍ ଲକ୍‌ମନର୍ ଟାନେଅନି ଆରି ସବୁ ଲକ୍‌ମନର୍ ଟାନେଅନି ତାକ୍‌ପୁଟା ଅଇ ସନ୍‌ମାନ୍ ପାଇସି । ଏମନର୍ ବିତ୍‌ରେ ତମେ ମିସା ମିସାସା । କାଇକେବଇଲେ ଆମେ ଜନ୍ କବର୍ ଦେଇରଇଲୁ, ସେଟା ତମେ ବିସ୍‌ବାସ୍ କଲାସ୍ ଆରି ମାନ୍‌ଲାସ୍ । ୧୧ ତମ୍‌କେ ଜେନ୍ତି ଜିଉନା କାଉନା କର୍‌ବାପାଇ ପର୍ଯ୍ୟେସର୍ ବାଟ୍‌ଲା ଆଟେ, ସେନ୍ତାରି ତଲାତଲ୍‌ତି କରାଇବାକେ ଆମେ ପର୍ଯ୍ୟେସର୍‌କେ ଗୁଆରି କଲୁନି । ସେ ତାର୍ ବପୁସଞ୍ଜୁ ସବୁ ଆସା କର୍‌ବା ସତ୍ ପୁରାପୁରୁନ୍ କରି ତମର୍ ବିସ୍‌ବାସ୍ ଡାଟ୍ କର । ସେଟାଟ୍‌ପାଇ

ଆମେ ସବୁବେଳେ ତମରୁଲୀ ପାଠନା କଲୁନି । ୧୭ ଏନ୍ତାରି କଲେ ଆମର
ସବୁଲକର ପରମେସର ଆରି ମାପରୁ ଜିପୁକିରିସ୍ତ ଜିବନ୍ ଦୁକାଇ ତମକେ
ମିସା ତାକ୍ପୁଟା କରାଇସି । ଆରି ତମେ ମିସା ତାର୍ତ୍ତାନେ ତାକ୍ପୁଟା ଅଇସା
।

୨ ଏ ବାଇବଇନମନ୍, ମାପରୁ ଜିପୁକିରିସ୍ତ ଆରିତରେକ୍ ଆଇବା ବିସଇ
ଆରି ତାର୍ତ୍ତାନେ ଆମେ ସବୁଲକ୍ ରୁଣ୍ଡୁଅଇବା ବିସଇ, ତମକେ ଆମେ ବାବୁଜିଆ
କଲୁନି । ୨ କାର୍ଲଗେଅନି ମିସା ମାପରୁର୍ ଦିନ୍ କେଟ୍ଲାବେ, ବଲିକରି
ସୁନିଦେଇ କିଲ୍ବିଲ୍ ଉଆନାଇ । ଜଦି ସେ କବର୍ ଆମେ ବବିସଦ୍‌କାତା କଇଲୁ
କି ଜାନାଇଲୁ ନଇଲେ ଚିଟିଟାନେ ଲେକିଆତର୍ ବଲି ସୁନଲେ ମିସା ସେନ୍ତା
ଉଆନାଇ । ୩ କେ ମିସା ସେନ୍ତାରିକରି ତମକେ ବୁଲ୍ ବାଟେ ନ ନେଅ ।
କାଇକେବଇଲେ ପରୁତୁମ୍ ଦରମର୍ ପାଇ ବିରଦ୍ ଅଇସି । ତାର୍ପତେ ବିନାସ୍
କରୁ ଜେ କି ପାପି ମୁନୁସ୍ ଆଇବା ଦରକାର୍ । ସେ ପାପି ମୁନୁସ୍ ନ ସାର୍ବା
ମରନେ ଜାଇସି । ୪ ସେ ଦୁରାତାର୍ ମୁନୁସ୍ ଜନ୍ ସବୁ ବିସଇ ପରମେସର
ବଲି ଲକ୍‌ମନ୍ ପୁଜା କଲାଇନି, ସବୁର୍ତ୍ତାନେଅନି ସେ ନିଜେ ମୁକିଅ ବଲି
କଇସି । ଜେନ୍ତି କି ପରମେସର ମନୁରେ ବସିକରି ମୁଇ ଆକା ପରମେସର୍,
ବଲି ଦେକାଇ ଅଇସି । ୫ ମୁଇ ତମର୍ ସଙ୍ଗ୍ ରଇଲାବେଲେ ତର୍କେ ତର୍ ଏ
ସବୁ ବିସଇ ଏତାଇ ଦେଇତେ ରଇଲି । ସେଟା କାଇ ତମର୍ ମନେ ନାଇ
କି? ୬ ଅଇଲେମିସା ସେ ବିପଦ୍ ଏବେ ନ ଗଟେତା । କାଇକେବଇଲେ
ତାର୍‌ସଙ୍ଗ୍ ଜୁଜ୍‌ବାକେ ଏବେ ଗଟେକ୍ ବପୁ ଆତେ । ସେଟା କାଇ ତମେ ଜାନାସ୍
କି? ସମାନ୍ ବେଲାଇ ସେ କାରାପ୍ ଲକ୍ ବାରଇସି । ୭ କାଇକେବଇଲେ
ଏବେ ମିସା ଲୁର୍ତେ ଅନିଆଇର୍ ପାପ୍ କାମ୍ ତାଲିଆତେ । ଜନ୍ କାରାପ୍
ଲକ୍ ମାପରୁର୍ ବାଟେ ଜିବା ଲକ୍‌ମନ୍‌କେ ବିରଦ୍ କଲାନି, ସେ ଲକ୍ ବିନାସ୍
ନ ଅଇବା ଜାକ, ଏଟା ଏନ୍ତିସେ ଅଇତେରଇସି । ୮ ସେଡ୍‌କିବେଲେ ସେ
କାରାପ୍ ଲକ୍ ଦେକାଇ ଅଇସି । ତାକେ ମାପରୁ ଜିପୁ ତାର୍ ନିଜର୍ ଟଣ୍ଟେଅନି
ବାରଇବା ପୁଣ୍ଡା ସଙ୍ଗ୍ ନାସ୍ କରସି । ଆରି ତରେକ୍ ସେ ତାକ୍ପୁଟା ସଙ୍ଗ୍
ଆଇବାବେଲେ ସେ କାରାପ୍ ଲକ୍ ବିନାସ୍ ଅଇଜାଇସି । ୯ ସେ କାରାପ୍
ଲକ୍, ସଇତାନର୍ ବପୁ ପାଇକରି ଆଇସି । ଆରି କାବା ଅଇବା କାମ୍‌ମନ୍
କରି ଦେକାଇସି । ୧୦ କେତେ କେତେ ଲକ୍‌ମନ୍ ସେ କର୍ବା କାମେ ଜାଇ
କିଲ୍ବିଲ୍ ଅଇବାଇ ଆରି ନସ୍ତ ଅଇଜିବାଇ । ଜନ୍ ସର୍ ମାନିକରି ସେବାଟେ

ଗାଲେ, ସେମନ୍ ନ ସର୍ବା ଜିବନ୍ ପାଇତାଇ, ସେଟା ଚାଡ଼ିଦେଇରଇବା ଲାଗି
 ସେମନ୍‌କେ ଏ ଦସା ଅଇସି । ୧୧ ସେମନ୍ ଜେନ୍ତୁକି ମିର୍ କାତା ବିସ୍‌ବାସ୍
 କର୍‌ବାଇ, ସେଟାର୍‌ପାଇ ପର୍‌ମେସର୍ ସେମନ୍‌ଟାନେ ସତ୍ ନଇବା ବପୁ
 ପାଟାଇସି । ୧୨ ଜେନ୍ତୁକି ଜନ୍ ଲକ୍‌ମନ୍ ସତ୍ ବିସଇ ବିସ୍‌ବାସ୍ ନ କରି ମିର୍
 ବିସଇ ବିସ୍‌ବାସ୍ କରି ସାର୍‌ଦା ଅଇବାଇ, ସେମନ୍ ସବୁଲକ୍ ଏ ରକାମ୍ ତଣ୍ଟୁ
 ପାଇବାଇ । ୧୩ ତେବର୍‌ପାଇ ଏ ବାଇବଇନିମନ୍, ତମର୍‌ପାଇ ସବୁବେଲେ
 ପର୍‌ମେସର୍‌କେ ଦନିଅବାଦ୍ ଦେବାର୍ ଆତେ । କାଇକେ ବଇଲେ ପର୍‌ମେସର୍
 ତମ୍‌କେ ଆଲାଦ୍ କଲାନି ଆରି ଆଗେଅନି ସେ ତମ୍‌କେ ବାଟ୍‌ଲା ଆତେ
 । ଜେନ୍ତୁକି ସେ ତମ୍‌କେ ରକିଆ କରି ପାର୍‌ସି । ସୁକଲ୍ ଆତ୍‌ମାର୍ କାମର୍
 ଲାଗି ତମେ ସୁକଲ୍ ଅଇ ସତ୍ ବିସଇ ବିସ୍‌ବାସ୍ କରି ପାର୍‌ସା । ୧୪ ଆମେ
 ତମର୍‌ଟାନେ ଜନ୍ ନିମାନ୍ କବର୍ ଜାନାଇଆରୁ, ସେଟାର୍‌ଲାଗି ପର୍‌ମେସର୍
 ତମ୍‌କେ ବାଟ୍‌ଲା ଆତେ । ଆମର୍ ମାପ୍‌ରୁ ଜିସୁ କିରିସ୍‌ଟର୍ ନାଉଁ ଡାକ୍‌ପୁଟା
 ଅଇବା ଟାନେ ମିସାଇବାକେ ବାଟିଆତେ । ୧୫ ତେବେ ଏ ବାଇବଇନିମନ୍,
 ତମେ ତବିର୍ ଅଇକରି ରୁଆ । ଆମେ ବାକିଅ ଦେଲାଟାନେ ଅନି, କି ଚିଟିତେଇ
 ଅନି ତମେ ଜନ୍‌ଟା ସିକିଆତାସ୍, ସେ ସବୁ ଚାଡାନାଇ । ୧୬ ନିଜେ ଆମର୍
 ମାପ୍‌ରୁ ଜିସୁ କିରିସ୍‌ଟ, ଆରି ଜନ୍ ଆମର୍ ବାବା ପର୍‌ମେସର୍ ଆମ୍‌କେ ଆଲାଦ୍
 କଲା, ସେ ଆକା ଆମ୍‌କେ ଜିବନ୍ ଦୁକାଇକରି କେବେ ନ ସାର୍‌ବା ବପୁ
 ଆରି ଆସା ଦେଇଆତେ । (aiōnios g166) ୧୭ ସେ ସବୁବେଲେ ସତ୍ କାମ୍
 କର୍‌ବାକେ ଆରି ବାକିଅତେଇ ତବିର୍ ଅଇ ରଇବାକେ ସାଇଜ କର ।

୩ ଏ ବାଇବଇନିମନ୍, ସାରାସାରି ଆମର୍‌ପାଇ ପାର୍‌ତନା କରା । ମାପ୍‌ରୁର୍
 ବାକିଅ ତମର୍ ବିତ୍‌ରେ ଜେନ୍ତୁକି ଦାପ୍‌ରେ ଡାବିଅଇ ଜାଇରଇଲା, ସେନ୍ତୁରିସେ
 ଦାପ୍‌ରେ ଗୁଲାଇବାଟେ ବିତିଅଇକରି ଡାକ୍‌ପୁଟା ଅ । ୨ ଜେନ୍ତୁରି କି
 ପର୍‌ମେସର୍ ଆମ୍‌କେ ପର୍‌କାର୍ ଆରି କୁଟିଆଲ୍ ଲକ୍‌ମନ୍‌ଟାନେଅନି ରକିଆ
 କର । କାଇକେବଇଲେ, ସବୁଲକ୍ ମାପ୍‌ରୁର୍ ବାକିଅ ବିସ୍‌ବାସ୍ କରତ୍ ନାଇ
 । ଏଟାର୍‌ପାଇ ଆରିତରେକ୍ ପାର୍‌ତନା କରା । ୩ ମାତର୍ ମାପ୍‌ରୁ, କାତା
 ରକିଆକାରି । ସେ ତମ୍‌କେ କାରାପ୍‌ଟାନେଅନି ରକିଆ କରି ତବିର୍ କରାଇସି
 । ୪ ଆମେ ଜେଡ୍‌କି ସବୁ ଆଦେସ୍ ଦେଲେ ମିସା ତମେ ସେଟା କଲାଇସି, ଆରି
 କର୍‌ସା ମିସା । ଏଟା ମାପ୍‌ରୁର୍ ଟାନେ ତମର୍ ବିସଇ ନେଇ ଆମେ ଡାକ୍‌ସଙ୍ଗୁର୍
 ବିସ୍‌ବାସ୍ । ୫ ଆରି ମାପ୍‌ରୁ ତମର୍ ମନ୍‌କେ ପର୍‌ମେସର୍‌ର ଆଲାଦ୍ ଆରି

କିରିସ୍ତର୍ ଯାଆସ୍ ବାଟେ ଜିବାକେ ସାଇଜ କର । ୭ ଏ ବାଇବଇନିମନ୍, ଆମେ ତମ୍ବେ ଆମର୍ ମାପୁରୁ ଜିସୁ କିରିସ୍ତର୍ ନାଉଁ ଦାରି ଆଦେସ୍ ଦେଲୁନି । କନ୍ ବାଇ ମିସା ଆମର୍ଟାନେଅନି ପାଇରଇବା ସିକିଆ ଇସାବେ ମାନିକରି ବାଡୁଅଇକରି ଚଲାଚଲ୍ତି କର୍ସି ବଇଲେ, ତାର୍ଟାନେଅନି ବେର୍ଲି ଦିଆସ୍ । ୭ କାଇକେବଇଲେ, ତମେ, ଆମେ କଲାପାରା କର୍ବା ଦର୍କାର୍ । ଆରି ସେଟା କେନ୍ଦୁରି କର୍ବାର୍ ନିଜେ ଜାନିଆଟାସ୍ । ସେଟାର୍ପାଇ ଆମେ ତମର୍ ଟାନେ ବାଡୁଅଇକରି ଚଲାଚଲ୍ତି କରୁନାଇ । ୮ କାର୍ ଗରେ ମିସା ଉଜେ ଉଜେ ମାଡ୍ଲି ନ କାଇତେରଇଲୁ । ତମର୍ ବିତ୍ରେ କାର୍ମିସା ବଜ୍ ପାରା ନ ଅଇ ରଇକରି କସ୍ଟ ପାଇ, ଆବଡ୍ ପାଇଟି କରି ଦିନ୍ରାତି କାମ୍ କର୍ତେରଇଲୁ । ୯ ତମ୍ବେ କାଇବାଟା ମାଡ୍ଲିବାକେ ଆମର୍ ଅଦିକାର୍ ରଇଲା, ମାତର୍ ସେନ୍ଦୁରି କରୁନାଇ । କାଇକେବଇଲେ ତମର୍ପାଇ ଗଟେକ୍ ଉଦାଅରନ୍ ଦେକାଇବାକେ ସେନ୍ଦୁରି କଲୁ । ୧୦ ତମର୍ ସଢ୍ଗ୍ ରଇଲାବେଲେ ଆମେ ତମ୍ବେ କଇରଇଲୁ, ଜନ୍ ଲକ୍ ପାଇଟି କାବାଡ୍ ନ କରେ, ସେ ବାଡ୍ପେଜ୍ ନ କାଅ । ୧୧ ଏବେ ଏ କାତା ଆରିତରେକ୍ କଇଲୁନି, କାଇକେବଇଲେ ଆମେ କବର୍ ପାଇଲୁ ଆରୁଜେ, ତମର୍ ବିତ୍ରେ କେତେକ୍ ଲକ୍ମନ୍ ବାଡୁ ଅଇକରି ଜିଉନାକାଉନା କଲାଇନି । କାଇ ପାଇଟି ନକରି ବିନ୍ ଲକର୍ କାମେ ମଜାଇ ଅଇସି ଆରି କାଇଟାମିସା ନ କରଡ୍ । ୧୨ ମାପୁରୁ ଜିସୁକିରିସ୍ତର୍ ନାଉଁ ଦାରି ଆମେ ସେ ଲକ୍ମନ୍କେ ଜାଗ୍ରଡ୍କରି ଆଦେସ୍ଦେଲୁନି, ସେମନ୍ ସେନ୍ଦୁରି କର୍ବାଟା ଚାଡିଦେସ୍ । ଜେନ୍ଦୁରିକି ନିଜର୍ ପେଟର୍ପାଇ କାଦି ପାଇବାକେ ପାଇଟି କରଡ୍ । ୧୩ ମାତର୍ ଏ ବାଇବଇନିମନ୍ ତମେ ସଡ୍କାମ୍ କର୍ବାକେ ତାକିଜାଆ ନାଇ । ୧୪ ଏ ଚିଟିଲଗେ ତମ୍ବେ ଜନ୍ କବର୍ପାଟାଇଲୁ ଆରୁ, କେନ୍ଦୁ ଆଲେ ତମର୍ ବିତ୍ରେଅନି କେ ମିସା ସେଟା ମାନ୍ବାକେ ମନ୍ ନ କରେ, ସେନ୍ଦୁରି ଲକ୍କେ ଚିନିରୁଆ ଆରି ତାର୍ସଢ୍ଗ୍ ମିସିବିତି ରଇବାଟା ଚାଡି ଦିଆସ୍ । ୧୫ ସେନ୍ଦୁର୍ କଲେ ସେ ଲାଇ ଅଇଜାଇସି । ମାତର୍ ତାର୍ସଢ୍ଗ୍ ସଡ୍ରୁର୍ ପାରା କାତାବାର୍ତା ନ ଅଇକରି, ନିଜର୍ ବିସ୍ବାସି ବାଇପାରା ତାକେ ଜାଗ୍ରଡ୍ କରା । ୧୬ ଜନ୍ମାପୁରୁ ଆମ୍ବେ ସାନ୍ତି ଦେଲାନି, ସେ ତମ୍ବେ ସବୁବେଲେ ଆରି ସବୁରକାମ୍ ସାନ୍ତିଦେଅ । ମାପୁରୁ ତମର୍ ସବୁର୍ଲଗେ ରଅ । ୧୭ ମୁଇ ମର୍ ନିଜର୍ ଆତେ ଏଟା ଲେକ୍ଲିନି । ପାଉଲର୍ ଜୁଆର୍ ଜାନାଇଲୁନି । ମୁଇ ଲେକିରଇବା ସବୁ ଚିଟିପତର୍ ଲଗେ ମୁଇ ଏନ୍ଦୁରି ଦସ୍ତକଡ୍ କରି

ଲେକିରଇବି । er ଆମର୍ ମାପୁରୁ ଜିପୁକିରିସ୍ତର୍ ଜିବନ୍ ଦୁକାନି ତମ୍ବେ
ସବୁକେ ମିଲ ।

୧ମ ତିମତି

୧ ମୁଇ ପାଉଲ୍ ଜିସୁକିରିସ୍ଟର୍ ଗଟେକ୍ ପେରିଡ୍, ଏ ଚିଟି ଲେକ୍ଲିନି । ଆମର୍ ମୁକ୍ତିକାରିଆ ପର୍ମେସର୍ ଆରି ଆମେ ଆସା କରିରଇବା କିରିସ୍ଟ ଜିସୁର୍ ଆଦେସ୍ ଇସାବେ ବାଟିଅଇଆଚି । ୨ କିରିସ୍ଟକେ ବିସ୍ବାସ୍ କଲାର୍ପାଇ, ତୁଇ ତିମତି ମର୍ ନିଜର୍ ପଅ ଅଇ ଆରୁସ୍ । ଆମର୍ ବାବା ପର୍ମେସର୍ ଆରି ମାପ୍ତୁ ଜିସୁ କିରିସ୍ଟ ତମ୍କେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ । ୩ ମୁଇ ମାକିଦନିଆଇ ଜିବା ଆଗ୍ରୁ ତମ୍କେ ଏପିସିଅଡେଇ ରୁଆ ବଲି କଇରଇଲି । ତେଇ ଜନ୍ ଲକ୍ମନ୍ ବୁଲ୍ ସିକିଆ ସବୁ ଦେଲାଇନି, ସେମନ୍କେ ବୁଲ୍ ସିକିଆ ଦେବାଟା ବନ୍ଧୁ କର୍ବାକେ ଆଦେସ୍ ଦିଆସ୍ ବଲି ମୁଇ ତମ୍କେ କଇରଇଲି । ୪ ସେମନ୍ ଟଣ୍ଟେ ପାନ୍ତି କାତା କଇବାଇ ଆରି ଆଗ୍ରୁର୍ ଆନିଦାଦିମନ୍ କୁରୁମର୍ କାତା ତିଆର୍ କର୍ବାଟା ଚାଡାବଲି ତିଆରା । ଲକ୍ମନ୍କେ ଏନ୍ତୁରି ସିକିଆ ଦେଇତେରଇଲେ ଲକ୍ମନ୍ ତେଇ ଦଦାପେଲା ଅଇବାଇ । ବିସ୍ବାସ୍ ମାନିକରି ଜନ୍କାମ୍ ପର୍ମେସର୍ ସେମନ୍କେ କରଡ୍ ବଲି ମନ୍ କଲାନି, ସେଟା ସେମନ୍ କରଡ୍ ନାଇ । ୫ ତମେ ଏନ୍ତୁରିଟା ତିଆରା ଜେନ୍ତୁରିକି, ସେମନ୍ ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କର୍ବାଇ । ଜନ୍ ଲକ୍ମନ୍କେ ସଡ୍ ବିସ୍ବାସ୍ ଆରି ସୁକଲ୍ ଜିବନ୍, କାଇ କପଟ୍ ନ ରଇବା ମନ୍ ଆଚେ, ସେମନ୍ସେ ଏଟା କରିପାର୍ବାଇ । ୬ ମାତର୍ ଜନ୍ ଲକ୍ମନ୍ ବୁଲ୍ ସିକିଆ ଦେଲାଇନି, ଏ ସବୁ ବିସଇ ଚାଡିଦେଇକରି ରୁଟା ବିସଇ କାତା ଅଇଲାନି । ୭ ନିୟମ୍ ଗୁରୁ ଇସାବେ ସବୁଲକ୍ ସେମନ୍କେ ନାମଡ୍ ବଲି ସେମନ୍ ମନ୍ କଲାଇନି । ମାତର୍ ସେମନ୍ ସିକାଇବା ବିସଇ ନିଜେ ବୁଜଡ୍ନାଇ ଆରି ସାଆସ୍ ସଞ୍ଜୁ ଜନ୍ଟା ସଡ୍ ବଲି କଇଲାଇନି, ସେଟା ସଡ୍ କି ନଏଁ ବଲି ନାଜାନଡ୍ । ୮ ପର୍ମେସର୍ ନିୟମ୍ଟାନେ କାଇ ଅନିଆଇ ନାଇ । ମାତର୍ ଲକ୍ମନ୍ ସେଟା ଟିକ୍ ସଞ୍ଜୁ ସିକାଇବାର୍ ଆଚେ । ୯ ଦରମ୍ କାମ୍ କର୍ବା ଲକ୍ମନର୍ପାଇ ନିୟମ୍ ତିଆର୍ ନ ଅଇରଇଲା । ତାର୍ ବାଦୁଲେ ଜନ୍ ଲକ୍ମନ୍ ତାର୍ ବିରଦି ଅଇରଇଲା, ଆରି ତାର୍ କାତା ମାନି ନ ରଇଲା, ସେନ୍ତୁରି ଲକ୍ମନର୍ ପାଇ ପର୍ମେସର୍ ନିୟମ୍ ତିଆର୍ କରିରଇଲା । ଜନ୍ ଲକ୍ମନ୍ ପର୍ମେସର୍ ରଏ ନାଇ ବଲି ଚଲାଚଲ୍ତି କଲାଇନି, ଜନ୍ ଲକ୍ମନ୍ ପାପ୍ କର୍ବାଇ, କରାପ୍ କାମ୍ କର୍ତେରଇବାଇ, ଆରି ପର୍ମେସର୍କେ ସନ୍ମାନ୍ ନ ଦେଇତେରଅଡ୍, ଜନ୍ଲକ୍ମନ୍ କି ତାକର୍ ଆୟା ବାବାମନ୍କେ ମରାଇବାଇ

କି ବିନ୍ ଲକ୍ଷ୍ମୀନକେ ମିସା ମରାଇବାଇ, ୧୦ ବେବିତାର୍ କାମ୍ କରି ପାପ୍
 କର୍ବାଇ, ମୁନ୍ନୁସ୍ମୁନ୍ନୁସ୍ ବିତ୍ରେ ଆରି ମାଇଜିମାଇଜି ବିତ୍ରେ ବେବିତାର୍
 କାମ୍ କର୍ବା ଲକ୍ଷ୍ମୀନର୍ପାଇ, ଗତିଦାଢୁଡା ଇସାବେ ଲକ୍ଷ୍ମୀନକେ ବିକ୍ବା
 ସାଉକାର୍ ମନର୍ପାଇ, ଜନ୍ ଲକ୍ ସତ୍ କଅତ୍ନାଇ, ସତ୍ସେ କଇବି ବଲି
 କାତା ଦେଇରଇକରି ମିତ୍ କଇବା ଲକ୍ଷ୍ମୀନର୍ପାଇ ଆରି ପର୍ମେସରର୍
 ବିସଇଟାନେ ରଇବା ସତ୍ ସିକିଆ ବିରୁଦେ ଜେତ୍ କି ସବୁ କାତା ଉତ୍ସି, ସେ
 ସବୁର୍ପାଇ । ୧୧ ଏ ସତ୍ ସିକିଆ ସୁବ୍ କବରର୍ ସିକିଆ ସତ୍ ମିସ୍ସି । ଆମର୍
 ତାକ୍ପୁଟା ପର୍ମେସରର୍ ମଇମା ଆରି ଜନ୍ ସୁବ୍ କବର୍ ଜାନାଅ ବଲି ସେ
 ମକେ ଦାଇତ୍ ଦେଲାଆତେ, ସେଟାମିସା ମିସ୍ସି । ୧୨ ଆମର୍ ମାପୁରୁ ଜିସୁ
 କିରିସ୍ଟକେ ମୁଇ ଦନିଅବାଦ୍ ଦେଲିନି । ସେ ମକେ ବପୁ ଦେଲାଆତେ । ତାର୍
 ମୁଆଟେ ଗଟେକ୍ ବିସ୍ବାସ୍ ସତ୍ ରଇବା ଗତି ଦାଢୁଡା ଇସାବେ ଏଜ୍ଲା ଆରି
 ତାକେ ସେବା କର୍ବାକେ ମକେ ବାଟ୍ଲା । ୧୩ ଗଟେକ୍ ବେଲାଇ କିରିସ୍ଟର୍
 ବିସଇର୍ କାରାପ୍ କାତା କଇତେରଇଲେ ମିସା ଆରି ବିନ୍ ବିସ୍ବାସିମନ୍କେ
 କାରାପ୍ ଇସାବେ ଦେକି ନିନ୍ କର୍ତେରଇଲି ମିସା, ପର୍ମେସର୍ ମକେ ଦୟା
 ଦେକାଇଲା । କାଇକେବଇଲେ ମୁଇ କାଇଟା କର୍ତେରଇଲି, ସେଟା ନିଜେ
 ନାଜାନ୍ତେରଇଲି । ଆରି ମୁଇ କିରିସ୍ଟକେ ବିସ୍ବାସ୍ ନ କରିରଇଲି । ୧୪
 ଆମର୍ ମାପୁରୁ ମକେ ବେସି ଦୟା ଦେକାଇଲା । ଜେନ୍ତୁରି କି, କିରିସ୍ଟ
 ଜିସୁର୍ ସତ୍ ମିସ୍ଲାପ୍ପାଇ ମୁଇ ତାକେ ବିସ୍ବାସ୍ କରି ବିନ୍ ଲକ୍ଷ୍ମୀନକେ
 ଆଲାଦ୍ କରିପାରୁଲି । ୧୫ ଏଟା କଇବାଟା ପୁରାପୁରୁନ୍ ସତ୍ ଆତେ । ଆରି
 ସେଟା ଅଇସି କି ନଏଁ ବଲି ନ ବାବିକରି ନାମ୍ବାର୍ ଆତେ । ପାପିମନ୍କେ
 ଉଦାର୍ କର୍ବାକେ କିରିସ୍ଟ ଜିସୁ ଏ ଜଗତେ ଆଇଲା ଆରି ପାପିମନ୍
 ବିତ୍ରେଅନି ମୁଇ ବତ୍ ପାପି । ୧୬ ଏଲେମିସା ଏଟାର୍ପାଇ ମକେ କିରିସ୍ଟ
 ଦୟା ଦେକାଇଲା । ସେ ମକେ କେମା କଲାକେ କେତେକ୍ ମୁରୁଟିକରି ଆତେ
 ବଲି ଦେକାଇବାକେ ସେ ମନ୍ କଲା । ବିନ୍ ଲକ୍ଷ୍ମୀନକେଅନି ମୁଇ ଅଦିକ୍
 ପାପ୍ କଲିଆତି । ଏଟା ଏନ୍ତୁରି ଅଇଲା । ଜେନ୍ତୁକି ଦିନେକ୍ ଜେତ୍ କି ଲକ୍ଷ୍ମୀ
 ତାକେ ବିସ୍ବାସ୍ କରି ସବୁଦିନର୍ପାଇ ମୁକ୍ତି ପାଇବାଇ ସେମନର୍ପାଇ
 ମୁଇ ଗଟେକ୍ ସାକି ଇସାବେ ରଇବି । (aiōnios g166) ୧୭ ଜନ୍ ରାଜା କାଲ୍
 କାଲ୍ ଜୁଗ୍ ଜୁଗ୍ ସାସନ୍ କର୍ସି, ଆରି ଜାକେ କି କେ ଦେକି ନାପାରତ୍,
 ସେ ଆକା ଗଟେକ୍ ପର୍ମେସର୍ । ସେ କାଲ୍ କାଲ୍ ଜୁଗ୍ ଜୁଗ୍ ମଇମା

ଆରି ସନ୍ମାନ ପାଅ । ଆମେନ୍! (aiōn g165) ଏଫ ମର ପଅ ତିମତି,
ମୁଇ ତକେ ଏଟା ତିଆରୁଲିନି, ତମେ କାଇଟା କରୁସା ବଲି ସୁକଲ୍‌ଆତ୍‌ମା
କେତେଟା ବବିସତ୍‌ବକ୍‌ତାମନ୍‌କେ ଜାନାଇରଇଲା ଇସାବେ ମୁଇ ଏଟା
କଇଲିନି । ସେ ବବିସତ୍‌ବକ୍‌ତାମନ୍‌ କଇଲା ବିସଇ ସୁବ୍‌କବରର୍ ଦେକାରକା
କରୁବା ଜୁଇଦର୍ କାମେ ତମେ ଜେନ୍‌ଜି ସାର୍‌ଦା ସଞ୍ଜୁ ମିସ୍‌ସା, ସେ ବିସଇ
କଇଲିନି । **୧୯** ତାର୍‌ସଞ୍ଜୁ ସବୁବେଲେ ବିସ୍‌ବାସ୍ କରୁବାଟା ଚାତାନାଇ ।
ଆରି ଏଟା ସତ୍ ବଲି ନିଜେ ଜାନିରଇବା ବିସଇ କରୁତେରୁଆ । କେତେକ୍
ଲକ୍ ନିଜର୍ ବିବେକ୍ କଇବାଟାକେ ଦିଆନ୍ ନ ଦେଇକରି କିରିସ୍‌ଟକେ
ବିସ୍‌ବାସ୍ କରୁବାଟା ଚାଡିଦେଇଆଚତ୍ । **୨୦** ସେମନର୍ ବିତ୍‌ରେ ଉମନାୟକେ
ଆରି ଆଲେକ୍‌ଜାଣ୍ଟାରୁକେ ବିନ୍ ବିସ୍‌ବାସି ମନର୍‌ଚାନେଅନି ବେଗ୍‌ଲାଇକରି
ସଇତାନ୍‌କେ ସର୍‌ପିଦେଲିଆତି । ଏନ୍ତୁରି କଲେ ପର୍‌ମେସରର୍ ବିରଦେ
କାରାପ୍ କାତା କଇବାଟା ସେମନ୍ ଚାଡିଦେବାଇ ବଲି ଆସା କଲିନି ।

୨ ପର୍‌ତୁମ୍ ବିସଇ ତମ୍‌କେ ତାର୍‌ସଞ୍ଜୁ କଇଲିନି, ସେଟା ଅଇଲାନି
ସବୁର୍‌ଚାନେଅନି ମୁକିଅ ବିସଇ । ସବୁ ଲକ୍‌ମନର୍‌ପାଇ ପର୍‌ମେସର୍‌କେ
ଗୁଆରି କରା । ସେମନର୍‌ପାଇ ପାର୍‌ତନା କରି ମଜାଇ ଉଆ ଆରି ସେମନର୍
ପାଇ ତାକେ ଦନିଅବାଦ୍ ଦିଆସ୍ । **୨** ରାଜା ମନ୍‌କେ ଆରି ଅଦିକାରେ
ରଇକରି ସାସନ୍ କରୁବା ଲକ୍‌ମନର୍‌ପାଇ ପାର୍‌ତନା କରା । ସେନ୍ତୁରି କଲେ
କାଇଟା ନ ଅଇତେ ସାନ୍ତିସଞ୍ଜୁ ରଇପାର୍‌ସା । ଆରି ଆମେ କାକେ ନ ତ୍‌ର୍‌ତେ
ପର୍‌ମେସର୍‌କେ ପାର୍‌ତନା କରି ତାର୍ ମନ୍ କଲା ଇସାବେ ଚଲାଚଲ୍‌ତି
କରିପାରୁ । **୩** ଲକ୍‌ମନର୍ ପାଇ ଏନ୍ତୁରି ପାର୍‌ତନା କରୁବାର୍ ଦର୍‌କାର୍
ଆକା । କାଇକେବଇଲେ ଏ ରକାମର୍ ପାର୍‌ତନା ଆମର୍ ଉଦାର୍‌କାରିଆ
ପର୍‌ମେସର୍‌କେ ସାର୍‌ଦା କରାଇସି । **୪** ସବୁଲକ୍ ଜେନ୍ତୁର୍ କି ରକିଆ ପାଅତ୍
ଆରି ସତ୍ ବିସଇ ଜାନତ୍ ବଲି ପର୍‌ମେସର୍ ମନ୍ କଲାନି । **୫** କାଇକେବଇଲେ
ଗଟେକ୍ ସେ ପର୍‌ମେସର୍ ଆଚେ । ଆରି ଗଟେକ୍‌ସେ ଲକ୍ ଆଚେ, ଜେ କି
ପର୍‌ମେସର ଆରି ଲକ୍‌ମନର୍ ବିତ୍‌ରେ ସାନ୍ତି ଆନିପାର୍‌ସି । ସେ ଲକ୍ ଅଇଲାନି
ଜିସୁ କିରିସ୍‌ଟ । **୬** ସବୁଲକ୍‌କେ ମୁକ୍‌ଲାଇବାକେ ସେ ନିଜେ ସର୍‌ପି ଅଇଲା ।
ସମାନ୍ ବେଲାଇ ପର୍‌ମେସର୍ ତାକେସେ ବାର୍‌ଲା । ସେ ସବୁକେ ରକିଆ
କରୁବି ବଲି ମନ୍ କଲାଟା ଏନ୍ତୁରି ଜାନାଇଲା । **୭** ତେବର୍‌ପାଇ ପର୍‌ମେସର୍
ତାର୍ ସୁର୍ କବର୍ ଜାନାଇବାକେ ଆରି ତାର୍ ପେରିତ୍ ଅଇବାକେ ମକେ ବାର୍‌ଲା

। ମୁଞ୍ଚ ମିତ୍ କଇନାଇ, ସତ୍‌ସେ କଇଲିନି । ଜିଉଦି ନ ଅଇଲା ଲକ୍‌ମନ୍‌କେ ମିସା ସୁବ୍ କବରର୍ ସତ୍ ବିସଇ ଜାନାଇବାକେ ମକେ ବାଟିରଇଲା । ୮ ମୁଞ୍ଚ ମୁନ୍‌ସ୍ ପିଲାମନ୍‌କେ କଇଲିନି, ସେମନ୍ ଜେତେବେଲେ ପାର୍‌ତନା କର୍‌ବାକେ ରୁଣ୍ଟୁବାଇ, ସୁକଲ୍ ଚଲାଚଲ୍‌ତି ଅଇକରି ତାକର୍ ଆତ୍ ଟେକି ପାର୍‌ତନା କରତ୍ । ଜଦି ଏବେ ମିସା ସେମନ୍ ଦଦାପେଲା ଅଇରଇଲେ କି ଲାଗାଲାଗି ଅଇରଇଲେ, ସେଟା ରାଜିନାମା କର୍‌ବାର୍ ଆତେ । ୯ ସେନ୍‌ଦୁରିସେ ମାଇଜିମନ୍ ମିସା ଜାଗ୍‌ରତ୍ ରଇକରି ସୁଆଲ୍‌ସୁତର୍ ଉଆ । ମୁଣ୍ଟୁର୍ ଚେଣ୍ଟିତେଇ ଚିକ୍‌ତାକ୍ ନ କରି, ସୁନା କି ମୁକ୍‌ତା କି ଅଦିକ୍ ଦାମ୍ ଦେଇରଇବା ଲୁଗା ନ ପିନ୍ଧିକରି, ନିକ ରୁଦିସତ୍ଟୁ ମର୍‌ଜିତା ସତ୍ଟୁ ନିଜ୍‌କେ ମାନ୍‌ଲାପାରା ତିଆର୍ ଉଆ । ୧୦ ତାର୍ ବାଦୁଲେ ବିନ୍‌ଲକ୍‌ମନ୍‌କେ ଦୟା ଦେକାଅତ୍ । ପର୍‌ମେସର୍‌କେ ଛୁଆର୍ କଲୁନି ବଲି କଇବା ମାଇଜିମନ୍‌ପାଇ ସେଟା ନିକ ଚଲାଚଲ୍‌ତି ଅଇସି । ୧୧ ମାଇଜିମନ୍ ଚିମ୍‌ରାଇଅଇ ରଇ ସୁଆଲ୍‌ସୁତର୍ ଅଇକରି ବସତ୍ । ୧୨ ମୁଞ୍ଚ ମାଇଜିମନ୍‌କେ ସିକାଇବା ଅଦିକାର୍ କି ମୁନ୍‌ସର୍ ଉପ୍‌ରେ ସାସନ୍ କର୍‌ବା ଅଦିକାର୍ ଦେଇନାଇ । ତାର୍ ବାଦୁଲେ ସେମନ୍ ଚିମ୍‌ରାଇଅଇ ରଅତ୍ । ୧୩ କାଇକେ ବଇଲେ ପର୍‌ମେସର୍ ପର୍‌ତମେ ଆଦମ୍‌କେ ତିଆର୍ କଲା । ତାର୍ ପତେ ଅବାକେ । ୧୪ ପର୍‌ତମେ ଆଦମ୍ ସଇତାନର୍‌ଟାନେ ନାଡାଇ ଅଏନାଇ, ମାତର୍ ମାଇଜି ନାଡାଇ ଅଇ ପର୍‌ମେସର୍‌ର ଆଦେସ୍ ନ ମାନିକରି ପାପି ଅଇଲା । ୧୫ ମାତର୍ ମାଇଜିମନ୍ ପିଲାଟକିମନ୍‌କେ ଜନମ୍ ଦେଇକରି ଉଦାର୍ ପାଇବାଇ । ସେମନ୍ କିରିସ୍‌ଟକେ ବିସ୍‌ବାସ୍ କରି ବିନ୍ ଲକ୍‌ମନ୍‌କେ ଆଲାଦ୍ କରି ସୁଆଲ୍ ସୁକଲ୍ ସତ୍ଟୁ ଚଲାଚଲ୍‌ତି କରତ୍ ।

୩ ଏ କାତା ସତ୍ ଜେ, କେ ଜଦି ମଣ୍ଟୁଲିଟାନେ ମୁକିଅ ପଦ୍ ପାଇବାକେ ମନ୍ କଲାନି, ତେବେ ସେ ନିମାନ୍ କାମ୍ କର୍‌ବାକେ ମନ୍ କଲାନି । ୨ ତେବର୍‌ପାଇ ଜେନ୍‌ଡୁକି ତାର୍ ଜିବନେ ବିନ୍ ଲକ୍‌ମନ୍‌ର କାଇ ନିନ୍‌ନା ରଇବାର୍ । ସେ ଗଟେକ୍ ମାଇଜି ସତ୍ଟୁଇରଇବାର୍ ଆତେ । ନିଜେ ଜାଗ୍‌ରତ୍ ରଇକରି, ନିଜର୍ ଜିବନେ ସୁସ୍‌ତା ରଇକରି, ସବୁଲକର୍ ସନ୍‌ମାନ୍ ପାଇକରି, ଆଇଲା ଲକ୍‌ମନ୍‌କେ ଡାକିନେବା ପାରା ଲକ୍ ଅଇକରି, ଲକ୍‌ମନ୍‌କେ ବୁଦିର୍ କାତା ସିକାଇବା ଲକ୍ ଅଇ, ୩ ନ ମାତି କରି, କିରମାର୍ ନ ଅଇକରି ସାନ୍ତିସତ୍ଟୁ ରଇ, ଦଦାପେଲା ନ ଅଇକରି, ଦନ୍ ମିଲାଇବାକେ ଆସା ନ ଅଇକରି ରଇବାର୍ ଆତେ । ୪ ନିଜର୍ କୁଟୁମ୍‌କେ ନିକକରି ଚାଲାଇତେରଇବାର୍ ଆତେ । ଆରି ତାର୍

ପିଲାଟକିମନ୍କେ ସେ ତିଆରୁଲୀଟା ମାନ୍ବାକେ ବାଦିଅ କରାଇବା ସିକିଆ ଦେଇରଇବାର୍ ଆଚେ । ୫ ଜଦି କେ ମିସା ନିଜର୍ କୁଟୁମ୍ବେ ଚାଲାଇବାର୍ ନାଜାନେ, ସେ କେନ୍ଦ୍ରି ପର୍ମେସରର୍ ମଣ୍ଡୁଲିର୍ ଦାଇତ୍ ନେଇପାର୍ସି? ୬ ସେ ନୁଆ ନୁଆ ବିସ୍ବାସ୍ କର୍ବା ଲକ୍ ନ ରଇବାର୍ ଆଚେ । ନଇଲେ ସେ ବଡ଼ପନିଆ ଅଇକରି ସଇତାନ୍ ଜେନ୍ଦ୍ରି ତଣ୍ଟୁ ପାଇଲା, ସେ ମିସା ସେନ୍ଦ୍ରିର୍ ତଣ୍ଟୁ ପାଇସି । ୭ ତାର୍ ଚଲାଚଲ୍ତି ଦେକି ବିସ୍ବାସ୍ ନ କର୍ବା ଲକ୍ମନ୍ ମିସା ତାକେ ଗଟେକ୍ ସନ୍ମାନର୍ ଲକ୍ ପାରା ନାମ୍ବାର୍ ଆଚେ । ଜେନ୍ଦ୍ରିକି ଲକ୍ମନ୍ ତାକେ ନିନ୍ଦା ନ କରି ସଇତାନର୍ ପାନ୍ଦେ ନ ଲାଗେ । ୮ ସେନ୍ଦ୍ରିସେ ମଣ୍ଡୁଲିର୍ ସେବା କରୁମନ୍ ମୁକିଅର୍ ପାରା ସବୁ ଲକ୍ମନ୍ ଗେନେଅନି ସନ୍ମାନ୍ ପାଇବା ଲକ୍ ରଇବାର୍ ଆଚେ । ସେମନ୍ ସତ୍ ବାବେ ଚଲାଚଲ୍ତି କର୍ବାର୍ ଆଚେ । ମଦୁଆ ଲକ୍ ଅଇ ରଇବାର୍ ନାଇ । ତାବୁକାସୁର୍ ପାଇ ଆସା ନ ରଇବାର୍ ଆଚେ । ୯ ପର୍ମେସର୍ ଜନ୍ ସତ୍ କବର୍ ସେମନ୍କେ ଜାନାଇଆଚେ, ସେଟା ସେମନ୍ ତାଟ୍ ସଢ୍ଘୁ ବିସ୍ବାସ୍ କର୍ବାର୍ ଆଚେ । ଆରି ସେମନ୍ ପାପେ ରଉନାଇ ବଲି ତାକର୍ ବିବେକ୍ ସାକିଦେବାର୍ ଆଚେ । ୧୦ ମଣ୍ଡୁଲିର୍ ସେବାକରୁ ଅଇବା ଆଗ୍ତୁ ବିନ୍ ଲକ୍ମନ୍ ସେମନ୍କେ ପରିକା କରି ଦେକତ୍ । କାଇ ଦସ୍ ନ ରଇଲେ ସେମନ୍ ସେବା କର୍ବାକେ ଦାଇତ୍ ନେଅତ୍ । ୧୧ ସେନ୍ଦ୍ରିସେ ତାକର୍ ମାଇଜିମନ୍ ମିସା ବିନ୍ଲକ୍ମନ୍ ସନ୍ମାନ୍ ପାଇଲା ପାରା ଚଲାଚଲ୍ତି କରତ୍ । ସେମନ୍ ତିପୁଲ୍ କାତା କଇବାର୍ ନାଇ । ତାର୍ ବାଦୁଲେ ନିଜେ ଜାଗ୍ତର୍ ରଇବାର୍ ଆଚେ । ସେମନ୍ ସତ୍ ଲକ୍ ବଲି ବିନ୍ ଲକ୍ ଆସା କର୍ବାର୍ ଆଚେ । ୧୨ ସେବାକରୁ ଗଟେକ୍ ମାଇଜି ସଢ୍ଘୁ, ତାର୍ ପିଲାଟକିମନ୍କେ, ତାର୍ କୁଟୁମ୍ବର୍ ବିନ୍ ଲକ୍ମନ୍କେ, ଆରି ଗତିଦାଢ୍ଘୁତାମନ୍କେ ନିକସଢ୍ଘୁ ଜତନ୍ କର୍ବାର୍ ଆଚେ । ୧୩ ସେବାକାରିଆମନ୍ ଆବତ୍ ଅଇ ନିକ କାମ୍ କଲେ, ଲକ୍ମନ୍ ଗେନେଅନି ଅଦିକ୍ ସନ୍ମାନ୍ ମିଲ୍ସି । ସେନ୍ଦ୍ରି ଲକ୍ କିରିସ୍ଟ ଜିସୁର୍ ବିସଇ ବିନ୍ ଲକ୍ମନ୍କେ ତାଟ୍ ସଢ୍ଘୁ କଇପାର୍ବାଇ । ୧୪ ମୁଇ ଏପିସେ ଆସି ଦାପ୍ରେ ତମ୍ବେ ଦେକ୍ ବି ବଲି ମନ୍ କଲିନି । ଅଇଲେ ମିସା ଏ ଚିଟିଟାନେ ତମ୍ବେ ମୁଇ ତିଆରୁଲିନି । ୧୫ କାଇକେବଇଲେ ଜଦି ମର୍ ଆଇବାଟା ଅଲ୍ସମ୍ ଅଇଲେ ମିସା, ପର୍ମେସରର୍ କୁଟୁମ୍ବ୍ ଇସାବେ ମଣ୍ଡୁଲିଟାନେ ତମେ ଗଟେକ୍ ଲକ୍ ଆରିଗଟେକ୍ ଲକ୍କେ କେନ୍ଦ୍ରି ମିସିକରି ରଇବାର୍ଆଚେ, ସେ ବିସଇ ତମେ ଜାନ୍ସା । ଏ ମଣ୍ଡୁଲି ପର୍ମେସରର୍, ଜେକି ସତଇସେ ବଢ଼ିଆଚେ ।

ସେ କୁନାଦି ଆରି ମୁଲ୍ ତେଲି ପାରା ଅଇ ସତ୍ ବିସଇକେ ତାଟ୍ କରାଇଲାନି ।
 ୧୭ ଆମର୍ ବିସ୍ବାସ୍ତାନେ କେ ନାଜାନ୍ଲା ପାରା ବିସଇ ଲୁଚିକରି ଆଚେ
 । ସେନ୍ତୁରି ନଏଁ ବଲି କେ କଇନାପାରତ୍ । “ଜିସୁକିରିସ୍ତ୍ ନର୍ ରୁପ୍ ଦାରି
 ଆଇଲା । ସେ ନିଜେ ପର୍ମେସରର୍ ପଥ ବଲି ସୁକଲ୍ ଆତ୍ମା କାତାଦେଲା
 ଆଚେ । ଦୁର୍ମନ୍ ତାକେ ଦେକ୍ଲାଇ । ତାର୍ ବିସଇର୍ ସତ୍ କବର୍ ଗୁଲାଇ
 ରାଇଜେ ଜାନାଇଲାଇ । ସବୁ ଜାଗାର୍ କେତେକ୍ କେତକ୍ ଲକ୍ମନ୍ ତାକେ
 ବିସ୍ବାସ୍ କଲାଇ । ପର୍ମେସର୍ ତାକେ ସର୍ଗେ ନେଲା ।”

୪ ସୁକଲ୍ ଆତ୍ମା ନିକସ୍ତ୍ କଇଲାନି, ସାରାସାରି ଦିନେ, ଲକ୍ମନ୍ ସତ୍
 ବିସଇ ବିସ୍ବାସ୍ କର୍ବାଟା ଚାଡିଦେବାଇ । କାରାପ୍ ଆତ୍ମାମନର୍ ସିକିଆ
 ମାନ୍ବାଇ । ଆରି ସେମନ୍ ସିକାଇବା ବୁଲ୍ ସିକିଆ ବିସ୍ବାସ୍ କର୍ବାଇ । ୨
 ଏନ୍ତୁରି ସିକିଆ ଦେବାବେଲେ ଏଟା ସତ୍ ସିକିଆବଲି ଲକ୍ମନ୍ ମାନ୍ବାଇ
 । ମାତର୍ ସେଟା ମିର୍ ସିକିଆ ରଇସି । ସେମନ୍ ଟିକ୍ କଲାଇନି କି ବୁଲ୍
 କଲାଇନି, ସେଟା ନିଜେ ଜାନି ନ ରଅତ୍ । ଜେନ୍ତୁରି କି ତପ୍ଲା ଲୁଆସ୍ତ୍
 ମାଉଁସ୍ତାନେ ଚାପ୍ଲେ ମରିଜାଇସି, ସେନ୍ତୁରିସେ । ୩ ସେମନ୍, ମାଇଜି
 ମନସ୍ ବିବା ଅଇବାର୍ ନାଇ ଆରି କାଇ କାଦି କାଇବାର୍ ନାଇ ବଲି ବୁଲ୍
 ସିକିଆ ଦେବାଇ । ସବୁ ରକାମର୍ କାଦି ପର୍ମେସର୍ ତିଆର୍ କଲାଆଚେ
 । ଜେନ୍ତି କି ଜେଡକ୍ ସବୁ ଲକ୍ ତାର୍ ସତ୍ କବର୍ ବିସ୍ବାସ୍ କର୍ବାଇ,
 ସେମନ୍ ସେ କାଦିର୍ ଲାଗି ତାକେ ଦନିଅବାଦ୍ ଦେବାଇ । ୪ ସେନ୍ତୁରି
 ସିକିଆ ଦେଉମନ୍ ବୁଲ୍ ସିକିଆ ଦେଲାଇନି । କାଇକେବଇଲେ କାଦି ଆରି
 ପର୍ମେସର୍ ତିଆର୍କଲା ସବୁ ବିସଇ ନିକଆଚେ । ଆରି କାଇ ରକାମର୍
 କାଦି ମିସା ନିର୍ବାର୍ ନାଇ । ତାର୍ ବାଦୁଲେ ସବୁ କାଦି ନିକ ବଲି ମାନିକରି
 ତାକେ ଦନିଅବାଦ୍ ଦେବାର୍ ଆଚେ । ୫ କାଇକେବଇଲେ ପର୍ମେସର୍
 କଇରଇବା ବାକିଆ ଆରି ଆମର୍ ପାର୍ତନା ବିସଇ ସବୁ ସୁକଲ୍ ଅଇଆଚେ ।
 ୬ ଏ ସବୁ ବିସଇ ତମେ ବିସ୍ବାସିମନ୍କେ ସିକାଇବାର୍ ଲାଗି, ତମେ ଜିସୁ
 କିରିସ୍ତ୍କେ ସେବା କଲାସ୍ନି । ତମର୍ ବିସ୍ବାସର୍ ଲାଗି ଆରି ସତ୍ ସିକିଆ
 ମାନ୍ଲାର୍ ଲାଗି ପର୍ମେସର୍ ତମ୍କେ ବଡାଇସି । ୭ ଜନ୍ ସବୁ ସିକିଆ ମିର୍,
 ଆରି ଜନ୍ଟା ସବୁ ଟଣ୍ଟୋପାନ୍ତି କଇବାଟାନେ ଅନି ଦୁରିକେ ରୁଆ । ତାର୍
 ବାଦୁଲେ ନିଜେ ଜାଗ୍ତ୍ ରଇକରି ପର୍ମେସର୍ ଜନ୍ଟା ମନ୍ କଲାନ୍ତି, ସେନ୍ତୁରି
 ତଲାତଲ୍ତି କରା । ୮ କାଇକେବଇଲେ ଗାଗଡ୍କେ ବୁଲ୍ତାଲା କରି ନିକ

ସଞ୍ଜ ସଞ୍ଜୁଇବାଟା କେତେଟା କାମର୍ ପାଇ ନିକ ବିସଇ । କାଇକେବଇଲେ
 ଏଟା ଜଗତେ ବଢ଼ିରଇଲେ କି ମରିଗାଲେ ମିସା ତାକେ ଲତାକେ ଆଇସି
 । ମାତର୍ ଆତ୍ମାଈ ଚଲାଚଲ୍ତି କର୍ବାଟା ସବୁ କାମେ ନିକ ରଇସି । ୯
 ଏଟା ବାଇଦରେ ସତ୍ ଆକା । ଏଟା ସବୁଲକ୍ ଅଇସି କି ନ ଅଏ ବଲିକରି
 ପୁରାପୁରୁନ୍ ବିସ୍ବାସ୍ କରିଅଇସି । ୧୦ ଆମେ ପର୍ମେସର୍କେ ବିସ୍ବାସ୍
 କଲାର୍ପାଇ କସ୍ଟ ଅଇ କାମ୍ କରି ଏଟା ଆସା କଲୁନି । ସେ ସତଇସେ
 ବଢ଼ିଆଟେ । ସେ ଗୁଲାଇ ମନସ୍ ଜାତିର୍ ଉଦାର୍କାରିଆ, ଜେତ୍ କି ସବୁ ତାକେ
 ବିସ୍ବାସ୍ କଲାଇନି, ତାକର୍ପାଇ ଅଦିକ୍ । ୧୧ ମୁଇ ତମ୍ କେ ଜେତ୍ କି ବିସଇ
 ଲେକ୍ଲିଆତି ସେଟାସବୁ ବିନ୍ ଲକ୍ମନକେ ସିକାଆ ଆରି ତିଆରା । ୧୨
 ତକେ ଦାଞ୍ଜୁଡା ଆଟେ ବଲି କେ ମିସା ଇନ୍ ନ କର । ମାତର୍ ସବୁ ବିସ୍ବାସି
 ମନର୍ପାଇ ଗଟେକ୍ ସାକିପାରା ନିକ ଚଲାଚଲ୍ତି କର୍ । ସବୁ ବେଲେ ସତ୍
 କାତା କଇତେର, ନିକସଞ୍ଜ ଚଲାଚଲ୍ତି କର୍ତେରଇବା, ଲକ୍ମନକେ ଆଲାର୍
 କର୍ତେରଇବା, କିରିସ୍ଟକେ ବିସ୍ବାସ୍ କର୍ତେରଇବା, ପାପେ ରଅନାଇ
 । ୧୩ ମୁଇ ତର୍ଟାମେ ଆଇବା ଜାକ ବିସ୍ବାସିମନ୍ ରୁଣ୍ଡୁଲା ବେଲାଇ,
 ଜେନ୍ତୁରି କି ସବୁଲକ୍ ନିକକରି ସୁନ୍ଲାପାରା ସାସ୍ତର୍ ପଡିଦେସ୍ । ତେଇର୍
 ଅରତ୍ ସେମନ୍କେ ବୁଜାଇଦେସ୍ । ୧୪ ପର୍ମେସର୍ ତର୍ପାଇସେ ବଲିକରି
 ଜନ୍ ଦାନ୍ ଦେଲାଆଟେ, ସେ କାମେ ଲାଗିର । ଏଟା ବବିସତ୍ ବକ୍ତାମନ୍
 ଆରି ପାର୍ତିମନ୍ ତର୍ ମୁଣ୍ଡେ ଆତ୍ ସଞ୍ଜୁଇ ପାର୍ତନା କଲାବେଲେ, ତୁଇ
 ପର୍ମେସର୍ ଟାମେଅନି ପାଇରଇଲୁସ୍ । ୧୫ ଏ ସବୁ ବିସଇ ପୁରାପୁରୁନ୍
 ମନ୍ ଦିଆନ୍ ଦେଇ କର୍ । ଜେନ୍ତୁରକି, ସୁବକବର୍ ଜାନାଇବାଟାମେ ଆରି
 ସିକାଇବାଟାମେ ତୁଇ ଆଗ୍ତୁ ଆଗ୍ତୁ ଗାଲୁସ୍ନି ବଲି ଲକ୍ମନ୍ ଦେକ୍ବାଇ
 । ୧୬ ତୁଇ ଜାଗ୍ତର୍ ସଞ୍ଜୁ ଚଲାଚଲ୍ତି କର୍ । ଆରି ପର୍ମେସର୍ ବିସଇ
 ଜନ୍ଟା ସିକାଇଲୁସ୍ନି, ସେ ବିସଇଟାମେ ଜାଗ୍ତର୍ ର । ଏଟା କିରିଲାଗିର ।
 କାଇକେବଇଲେ ସେନ୍ତୁରି କଲେ, ତୁଇ ନିଜ୍ଜକେ ଆରି ତର୍ କାତା ସୁନ୍ବା
 ଲକ୍କେ ରକିଆ କର୍ସୁ ।

୫ ତର୍ଟାମେଅନି ବୟସେ ବଡ଼ ରଇବା ଲକ୍କେ ତାଟ୍ ସଞ୍ଜୁ ଦାକାପୁକା
 ଦେସ୍ନାଇ । ତାର୍ ବାଦୁଲେ ନିଜର୍ ବାବାକେ ବାବୁଜିଆ କଲାପାରା ସନ୍ମାନ୍
 ସଞ୍ଜୁ କର୍ । ବଇସେ ସାନ୍ ରଇଲା ଲକ୍ମନକେ ନିଜର୍ ବାଇ ଇସାବେ
 କାତା ଅ । ୬ ବଇସେ ବଡ଼ ରଇବା ମାଇଜିମନ୍କେ ନିଜର୍ ମାଆ ପାରା

ଆରି ଦାଢ଼ୁଡ଼ିମନ୍ତକେ ନିଜର ବଇନି ପାରା ମାନିକରି ର । ସେମନ୍ତକେ ମନେ
 ମନେ ମିସା ପାପ୍ ଇସାବେ ଦେକ୍ନାଇ । ୩ ରାଣ୍ଡିଞ୍ଜୁଣ୍ଡିମନ୍ତକେ ସନ୍ତମାନ୍
 ଦେକାଇ ଜତନ୍ କର୍ । ୪ ଜଦି କନ୍ ରାଣ୍ଡିମାଇଜିକେ ପିଲାଟକି କି ନାତିତିତି
 ରଇଲେ, ସେମନ୍ ନିଜର କୁଟୁମର୍ ଲକ୍ ଇସାବେ ତାକେ ଜତନ୍ କରତ୍
 । ସେନ୍ତୁରି ସେମନ୍ ଆୟା ବାବାମନ୍ତକେ ଆରି ଆନିଦାଦିମନ୍ତକେ ତାକର୍
 ଆଲାଦ୍ ବାଉତାଇ ଦେଅତ୍ । ଏଟା ପର୍ମେସର୍କେ ସାର୍ଦା କରାଇସି
 । ୫ ଜନ୍ ରାଣ୍ଡିମାଇଜି ଜାକେ କି ଆକାସାକା ନାଇ, ସେ ପର୍ମେସର୍କେ
 ଆସାକରିଆତେ, ସେ ଦିନ୍ରାତି ତାକେ ଗୁଆରିକଲାନି, ତାକେସେ ମଣ୍ଡୁଲିର୍
 ବିସ୍ବାସିମନ୍ ଜତନ୍ କରବାର୍ ଆତେ । ୬ ମାତର୍ ଗଟେକ୍ ରାଣ୍ଡି ମାଇଜି
 ଅବ୍କା ନିଜେ କରବା ବିସଇ ମନ୍କରି, ପର୍ମେସର୍ ତାକେ ଜନ୍ଟା କର
 ବଲି ମନ୍ କଲାନି, ସେଟା ନ କରିରଇଲେ, ସେ ବର୍ତ୍ତିରଇକରି ମିସା ମଲା
 ସମାନ୍ ଆତେ । ୭ ରାଣ୍ଡି ମାଇଜିମନ୍ତ ଜତନ୍ ପାଇ ମୁଇ ଜେଡ୍କି ଆଦେସ୍
 ଦେଲିଆତି, ସେଟା ସବୁ ମାନା ବଲି ବିସ୍ବାସିମନ୍ତକେ ତିଆର୍ । ଜେନ୍ତୁରିକି
 ସେମନ୍ତକେ କେ ମିସା ନିନ୍ତା କରି ନାପାରତ୍ । ୮ କେ ଜଦି, ତାର୍ ନିଜର୍
 ଲକ୍ମନ୍ତକେ କି କୁଟୁମର୍ ଲକ୍ମନ୍ତକେ ଲତାକେ ରଇବା ବିସଇ ନ ଦେଲେ,
 ସେ ଜନ୍ଟା ବିସ୍ବାସ୍ କଲିନି ବଲି କଇସି, ସେ ସତଇସେ ସେଟା ବିସ୍ବାସ୍
 କରେନାଇ । ସେ ବିସ୍ବାସ୍ ନ କରିରଇବା ଲକ୍ମନ୍ତାମେଅନି ଅଦିକ୍ ଇନ୍ ।
 ୯ ଗଟେକ୍ ରାଣ୍ଡି ମାଇଜି କଡେତାରି ବରସ୍ ନ ଅଇତେ, ତାକେ ରାଣ୍ଡି ବଲି
 ଲେକା କରବାର୍ ନାଇ । ସେ ଗଟେକ୍ ମୁନ୍ତୁସର୍ ସଢ଼ୁସେ ମିସିରଇବାର୍ଆତେ
 । ୧୦ ବିନ୍ ଲକ୍ ଦେକ୍ବା ଇସାବେ, ସେ ବେସି ଦରମ୍ ଅଇ, ବିନ୍ ଲକ୍କେ
 ସାଇଜ କରବାର୍ ଆତେ । ଜେନ୍ତୁରି କି ନିଜର୍ ପିଲାମନ୍ତକେ ନିକ ସଢ଼ୁ
 ବଡାଇରଇସି, ଆଇଲା ଲକ୍ମନ୍ତକେ ଗତିଆ ଇସାବେ ଡାକ୍ସି, ପର୍ମେସର୍
 ସୁକଲ୍ ଲକ୍ମନ୍ତର୍ ଗଡ୍ ଦଇଦେଇସି, ଦୁକ୍ କସ୍ଟେ ରଇବା ଲକ୍ମନ୍ତକେ
 ସାଇଜ କରସି, ଲକ୍ମନ୍ତକେ ସାଇଜ କରବାକେ ବିନ୍ ବିନ୍ କାମ୍ କରତେରଇସି
 । ୧୧ ତକ୍ରି ନ ରଇବା ରାଣ୍ଡିମନ୍ତକେ ରାଣ୍ଡି ଇସାବେ ଲେକା କର୍ ନାଇ
 । କାଇକେବଇଲେ ସେମନ୍ ରାଣ୍ଡି ଇସାବେ କିରିସ୍ଟକେ ସେବା କରବି
 ବଲି କାତା ଦେଇରଇଲେ ମିସା, ମୁନ୍ତୁସର୍ ସଢ଼ୁ ରଇବି ବଲି ମନ୍ ଆଇଲେ,
 ଆଗ୍ତୁ ଦେଇରଇବା କାତା ପାସ୍ରିଜାଇ ଆରିତରେକ୍ ବିବା ଅଇବାକେ ମନ୍
 କରବାଇ । ୧୨ ଆରିତରେକ୍ ବିବା ଅଇଲାର୍ ପାଇ ସେମନ୍ ଦସି ଅଇବାଇ ।

କାଳକେବଳେ, ସେମନ୍ ଆଗତୁ ଦେଇରଇବା କାତା ପୁରାପୁରୁନ୍ କରତ୍
 ନାଇ । ୧୩ ଏଟାର୍ ମିସ୍ତେ ସେମନ୍ ଅଲସ୍ ଅଇବାଟା ସିକ୍‌ବାଇ । ଆର୍
 ଗରେ ତାର୍ ଗରେ ଜାଇ ବେଲା ବିତାଇବାଇ । ତିପୁଲ୍ କାତା କଇ ବିନ୍
 ଲକର୍ ବିସଇ କାତାବାର୍ତା ଅଇବାଇ । ୧୪ ତେବର୍‌ପାଇ ଡକ୍‌ରି ନ ରଇବା
 ରାଣ୍ଡିମନ୍‌କେ ମୁଇ ତିଆର୍‌ଲିନି, ଆରିତରେକ୍ ଗର୍ ବସାଇ ପିଲାଟକିର୍ ଜତନ୍
 କରା । ସେନ୍ତୁରି କଲେ ଆମର୍ ବିରଦିମନ୍ ଆମ୍‌କେ ନିନ୍ତା ନ କରତ୍ । ୧୫
 କାଳକେବଳେ ସେମନ୍ ପର୍‌ମେସରର୍ ଟାନେଅନି ଦୁରିକେ ଜାଇ ସଇତାନର୍
 ସଞ୍ଜୁ ଜିଇବାକେ ଆରାମ୍ କଲାଇ ଆଚତ୍ । ୧୬ ଜଦି କନ୍‌ଆଲେ ମାଇଜି
 କିରିସ୍‌ଟକେ ବିସ୍‌ବାସ୍ କରସି, ଆରି ତାର୍ କୁଟୁମେ ରାଣ୍ଡିମାଇଜିମନ୍ ରଇବାଇ,
 ସେ ଆକା ସେମନ୍‌କେ ସାଇଜ କରବାର୍ ଆଚେ । ବିନ୍ ବିସ୍‌ବାସିମନ୍ ସେ
 ଦାଇତ୍ ନେଇ କରତ୍ ବଲି ସେ ଆସା କରବାର୍ ନାଇ । ଏଟା ଜେନ୍ତୁରିକି
 ଜାକେ ଆକାସାକା ନ ରଅତ୍ ସେମନ୍‌କେ ବିସ୍‌ବାସିମନ୍ ଜତନ୍ କରିପାରତ୍
 । ୧୭ ଜନ୍ ପାର୍‌ତିମନ୍ ମଣ୍ଡୁଲିର୍ ନେତା ଅଇ ତାକିନେଲାଇନି, ସେମନ୍
 ଦୁଇଗୁନ୍ ବୁଡି ପାଇବା ଦରକାର୍ । କାଳକେବଳେ ସୁବ୍‌କବର୍ ଜାନାଇବାଟା
 ଆରି ସିକାଇବାଟା ସେମନ୍‌କେ ଦାଇତ୍ ଇସାବେ ଦେଲାଇ ଆଚତ୍ । ୧୮
 ସାସ୍‌ତରେ ଜେନ୍ତୁ ଲେକାଅଇଲା ଆଚେ, ଗାନାଇ ଦାନ୍ ମାଣ୍ଡୁଇବାବେଲେ
 ବଲଦର୍ ଟଣ୍ଡେ କଡରା ବାନ୍ତା ନାଇ ଆରି କାମ୍ କରୁ ସାଉକାର୍‌ଟାନେଅନି
 ତାର୍ କୁଲି ପାଇସି ଆକା । ୧୯ ଗଟେକ୍ ପାର୍‌ତିନ୍ ବିରୁଦେ ନିନ୍ତା କାତା
 ଉର୍‌ଲେ, ଦୁଇ କି ତିନିଲକର୍ ସାକି ନଇଲେ, ସେଟାକେ ମାନ୍ ନାଇ । ୨୦
 ପାପେ ରଇବା ଗଟେକ୍ ପାର୍‌ତିନ୍‌କେ ସବୁର୍ ମୁଆଟେ ଲାଗ୍ । ଜେନ୍ତୁରିକି
 ବିନ୍ ପାର୍‌ତିମନ୍ ସେନ୍ତୁରି ପାପ୍ କରବାକେ ତରବାଇ । ୨୧ ଆମର୍ ବାବା
 ପର୍‌ମେସର୍ ଜିସୁକିରିସ୍‌ଟ ଆରି ସେ ବାଚିରଇବା ଦୁର୍‌ମନ୍‌କେ ସାକିକରି
 ମୁଇ ତକେ ତିଆର୍‌ଲିନି, ମୁଇ ତିଆର୍‌ଲା ଏ ସବୁ ବିସଇ କାଇ ବଡ଼ସାନ୍ ନ
 ଦେକିକରି କର୍ । ୨୨ ଗଟେକ୍ ଲକ୍‌କେ ପରିକା ନ କରବା ଜାକ ତାକେ
 ମୁକିଅ ଇସାବେ, ତର୍ ଆତ୍ ତାର୍ ମୁଣ୍ଡେ ସଞ୍ଜୁଇ, ସେବା କାମର୍ ପାଇ ସରପ୍
 ନାଇ । ନଇଲେ ତାର୍ ପାପର୍ ପାଇ, ତୁଇ ଦାଇ ଅଇସୁ । ତୁଇ ନିଜେ ପାପ୍ ନ
 କରବାକେ ଜାଗରତ୍ ର । ୨୩ ଆରି ରୁତା ପାନି ନ କାଇକରି ତର୍ ପେଟର୍
 ଲାଗି ଅଲପ୍ ଅଞ୍ଜୁର୍ ମଦ୍ ମିସା କାଆ । କାଳକେବଳେ ତୁଇତା ସବୁବେଲେ
 ନିକ ରଉସ୍ ନାଇ । ୨୪ କେତେ ଲକ୍ ସବୁର୍ ଦେକ୍‌ତେ ପାପ୍ କଲାଇନି

। ଜେନ୍ତୁକି ତୁଇ ସେଟା ଜାନିପାରୁଥିଲୁ । ସେମାନର ଚଲାଚଳିତ ପରିକା କରବା ଆଗ୍ରହ, ତୁଇ ସେଟା ଜାନ୍ସୁ । ମାତର ଆରି କେତେଲକର ପାପ ବେସି ଦିନ୍ ଅଇଲେ ମିସା ଜାନି ନଏ । ୨୫ ସେନ୍ତୁରିସେ କେତେ ଲକ୍ କରବା ନିକ ବିସଇ ସବୁକେ ଡିସସି । ସେମନ୍ କରବା ନିକ ବିସଇ ଦାପ୍ରେ ନ ଡିସଲେ ମିସା କେତେଦିନ୍ ପତେ, ସେଟା ଲକ୍ମନ୍ ଜାନ୍ବାଇ ।

୨ ଜନ୍ ବିସବାସିମନ୍ ଗତିଦାଞ୍ଜୁଡା ଇସାବେ ଗଟେକ୍ ସାଉକାର୍ ତଲେ କାମ୍ କଲାଇନି, ସେମନ୍ ତାକର୍ ସାଉକାର୍ମନେକ ଅଦିକ୍ ସନ୍ମାନ୍ ଦେବାର୍ ଆତେ । ଜେନ୍ତୁରି କି, ପର୍ମେସରର୍ ନାଉଁ ଆରି ଆମେ ସିକାଇବାଟା କେ ନିନ୍ତା ନ କରତ୍ । ୨ ଜଦି ତାକର୍ ସାଉକାର୍ମନ୍ କିରିସ୍ଟକେ ବିସବାସ୍ କଲାଇନି, ସେନ୍ତୁରାଲେ ବିସବାସି ସାଉକାର୍ମନେକେ, ବିସବାସ୍ ନ କରବା ସାଉକାର୍ମନର୍ ତେଇଅନି, କିରିସ୍ଟର୍ଗାନେ ବାଇ ଇସାବେ ସନ୍ମାନ୍ ଉନା ଦେକାଇଲେ ଅଇସି ବଲିକରି ବାବ୍ବାର୍ ନାଇ । ତାର୍ ବାଦୁଲେ ସେମନର୍ପାଇ ଅଦିକ୍ ଆବତ୍ କାମ୍ କରବାର୍ ଆତେ । କାଇକେବଇଲେ ସେମନ୍ ଜନ୍ ସାଉକାର୍ପାଇ କାମ୍ କଲାଇନି, ସେମନ୍ ମିସା ବିସବାସି ଲକ୍ । ଆରି କିରିସ୍ଟର୍ଗାନେ ବାଇ ଇସାବେ ଆଲାଦ୍ କଲାଇନି । ବିସବାସି ମନ୍କେ ଏ ସର୍ତ୍ତେ ବିସଇ ସିକାଆ । ଆରି ସେଟା କରବାକେ ସେମନ୍କେ ସାର୍ଦା କର୍ । ୩ ଜଦି କେ ବୁଲ୍ ବିସଇ ସିକାଇଲାଇନି, ଆରି ଆମର୍ ମାପ୍ତୁ ଜିୟୁକିରିସ୍ଟର୍ ସତ୍ ସିକିଆଟାନେ ରାଜି ନ ଅଅତ୍, ୪ ସେନ୍ତୁରି ଲକ୍ ବେସି ବତ୍ପନିଆ ଆରି ସେ କାଇଟା ନାଜାନେ । ସେ ସବୁବେଲେ ଦଦାପେଲା କରି କାଇ ମୁଲିଆ ନ ରଇବା ବିସଇନେଇ ଜଗ୍ତାଜାଟି କର୍ତ୍ତେରଇବାକେ ମନ୍ କର୍ସି । ଏନ୍ତୁରି କରି କରି ଲକ୍କେ ଇସା କରବାଟା, କିରଜାଟି କରବାଟା, ନିନ୍ତା କରବାଟା ଆରି କାରାପ୍ ତିନ୍ତା, ୫ ଗଟେକ୍ ଲକ୍ ଆରି ଗଟେକ୍ ଲକର୍ ସଞ୍ଜୁ କିରଜାଟି ଅଇ ଲାଗି ରଇସି । ସେନ୍ତୁରି ଲକର୍ ମନ୍ କାରାପ୍ ଅଇଲା ଆତେ ଆରି ସତ୍ ବିସଇ ତାକର୍ ମନ୍କେ ନ ଜାଏ । ସେମନ୍ ପର୍ମେସରର୍ ବିସଇ ସିକାଇତେରଇଲେ ତାବୁ ମିଲ୍ତେରଇସି ବଲି ବାବ୍ଲାଇନି । ୬ ତାର୍ ବାଦୁଲେ ଆମେ ଜେତେବେଲେ ପର୍ମେସର୍କେ ସାର୍ଦା କରାଉଁ, ଆରି ଆମ୍କେ ଜେତ୍କି ଆତେ ସେତ୍କି ସଞ୍ଜୁ ସୁସ୍ତା ସଞ୍ଜୁ ରଉଁ, ତେବେ ଆମେ ଜବର୍ ଅଇତେ ମିଲାଇଆରୁ । ୭ କାଇକେବଇଲେ ଆମେ ଜନମ୍ ଅଇଲାବେଲେ ରୁଟାଆତେ ଆଇଲୁ, ଆରି ଜେତେବେଲେ ମର୍ବୁ, ରୁଟା

ଆତେସେ ଉଟିଜିବୁ । ୮ ତେବେ ଆମ୍ଭେ ଲତାକେ ଆଇବା କାଦି ଆରି
 ପିନ୍ଧୁବାକେ ବସ୍ତର ରଇଲେ ସେତକିସଙ୍ଗ ସୁସାରେ ରଇବାର୍ ଅଇସି ।
 ୯ କେତେ କେତେ ଲକ୍ ସାଉକାର୍ ଅଇବାକେ ଏନ୍ତି ମନ୍ କରବାଇଜେ,
 ସେମନର୍ ଜିବନେ କାଲ ପରିକା ଆଇଲେ ମିସା ତେଇ ଅଦରବାଇ । ଗଟେକ୍
 ପସୁ ପାରା ପାନେ ଲାଗୁବାଇ । ଜେତକି ବିସଇ ତାକରପାଇ ଆରି ବିନ୍
 ଲକର୍ ପାଇ କାରାପ୍ ଆରି ବିପଦ୍ ଆନ୍ସି, ସେ ସବୁ ବିସଇ କରବାକେ ମନ୍
 କରବାଇ । ଏନ୍ତାରି ମନ୍ କରବାଟା ଅଦିକ୍ ଅଦିକ୍ ବାବି, ସେମନ୍ କୁରୁପ୍ନାସ୍
 ଅଇଜିବାଇ । ୧୦ କାଲକେବଇଲେ ଜନ୍ ଲକ୍ମନ୍ ତାରୁ ଆସାକରି ଆଚର୍,
 ସେ ତାରୁ ମିଲାଇବାକେ ବିନ୍ ବିନ୍ ରକାମର୍ କାରାପ୍ ବିସଇ କରବାକେ ମନ୍
 କରବାଇ । କେତେଲକ୍ କିରିସ୍ତର୍ ବିସଇଟାନେ ରଇବା ସିକିଆ ବିସ୍ବାସ୍
 କରବାଟା ଦିରେ ଦିରେ ଚାଡିଦେଇଆଚର୍ । କାଲକେବଇଲେ ସେମନ୍ ତାରୁ
 ମନ୍କଲାଇ ଆରି ନିଜେ ବୁସିଅଇଲା ଲକ୍ପାରା ବେସି ରକାମ୍ ଦୁକ୍ କସ୍ତେ
 ପଡୁଲାଆଚର୍ । ୧୧ ମାତର୍ ଏ ତିମତି, ତୁଇ ଗଟେକ୍ ପର୍ମେସରର୍ ଲକ୍
 । ତୁଇ ଏଟାମନ୍ ଚାଡିଦେସ୍ । ସର୍ ବିସଇଆକା କରବାକେ ବେସି ଆବର୍ ଅ
 । ପର୍ମେସର୍ ଜେନ୍ତି ମନ୍ କଲାନି, ସେନ୍ତାରି ଚଲାଚଲ୍ତି କର୍ । କିରିସ୍ତକେ
 ବିସ୍ବାସ୍ କର୍ । ବିନ୍ ଲକ୍ମନକେ ଆଲାଦ୍ କର୍ । ପର୍ମେସର୍ ତିଆରୁଲାଟା
 ମାନ୍ବାକେ କେ ଚାଡୁନାଇ । ଲକ୍ମନର୍ ସଙ୍ଗ୍ ରିସା ଅ ନାଇ । ୧୨ ଗଟେକ୍
 ନିକ ସଇନ ଜେନ୍ତାରି ଜୁଇଦେ ଜୁଜ୍ବାକେ କେବେ ନ ଚାଡେ, ସେନ୍ତାରିସେ
 ତୁଇ ମିସା ପର୍ମେସର୍କେ ବିସ୍ବାସ୍ କରି ତାର୍ ତିଆରୁଲାଟା ମାନ୍ବାକେ
 ଚାଡୁନାଇ । ଜନ୍ ନ ସାର୍ବା ଜିବନ୍ ପର୍ମେସରର୍ଟାନେ ଆଚେ, ସେଟା
 ତୁଇ ନିଜରପାଇ ଆନ୍ । ସେ ବିସଇ ମିଲାଇବାକେ ବେସି ଲକର୍ ମୁଆଟେ
 କାଟା ଦେଇରଇଲୁସ୍ । (aiōnios g166) ୧୩ ପର୍ମେସର୍ ମର୍ ସାକି, ଜେ କି
 ସବୁକେ ବର୍ବାକେ ଦେଇସି । ଆରି ଜିସୁକିରିସ୍ତ ଜେ କି, ପନ୍ତିଅ ପିଲାଦ୍
 ପାଚାରୁଲା ବେଲେ ସର୍ କଇଲା, ଏ ଦୁଇ ଲକର୍ ସାକି ନେଇକରି ମୁଇ ତକେ
 ତିଆରୁଲିନି, ୧୪ ଆମର୍ ମାପୁରୁ ଜିସୁକିରିସ୍ତ ବାଉଡି ଆଇବା ଜାକ ମୁଇ
 ତକେ ତିଆରିରଇବା ଜେତକି ସବୁ ବିସଇ ମାନିକରି, କାଲ ନିନ୍ତା ନ ଅଇତେ
 ର । ୧୫ ସେ ବାଉଡି ଆଇବାଟା ପର୍ମେସର୍ ଟିକ୍ କଲା ବେଲାଇ ଗର୍ସି, ସେ
 ଗଟେକ୍ ଲକ୍ସେ ସାସନ୍କାରିଆ । ସେ ସେ ରାଜାମନର୍ ଉପ୍ପେର ରଇବା ରାଜା
 ଆରି ମାପୁରୁମନର୍ ଉପ୍ପେର ରଇବା ମାପୁରୁ । ୧୬ ସେ କାଲ୍ କାଲ୍ ଜୁଗ୍ ଜୁଗ୍

ବୈଦି ଆରି ତାର୍ ଚାରିବେଟି ରଇବା ଉଜ୍ଜେଲ କେ ଆସିନାପାରତ୍ । ବୈ
 ରଇବା କେ ମିସା ତାକେ ଦେକତ୍ ନାଇ ଆରି କେବେ ମିସା ଦେକିନାପାରତ୍ ।
 ଲକ୍ମନ୍ ତାକେ ଡାକ୍ପୁଟା କରବାଇ ଆରି ତାର୍ଟାନେ ସବୁବେଲେ ବେସି ବପୁ
 ରଇସି । ଆମେନ୍ । (aiōnios g166) ୧୭ ଏ ଜିବନର୍ ବିସଇନେଇ ଜେଡକି
 ଲକ୍ମନ୍ ସାଉକାର୍ ଅଇ ଆତତ୍, ବିନ୍ ଲକ୍ମନର୍ଟାନେଅନି ସେମନ୍ ନିକ
 ବଲି ନ ବାବ୍ବାକେ ଡିଆର୍ । ଦନ୍ ସୈପତି ଉପ୍ରେ ବେସି ଆସା କରବାର୍ ନାଇ
 ବଲି ସେମନ୍କେ ସିକା । କାଇକେବଇଲେ ତାରୁ ଦାପ୍ରେ ମାୟାଅଇଜାଇସି
 । ତାର୍ ବାଦୁଲେ ସେମନ୍କେ ଲତାକେ ଲାଗ୍ବା ବିସଇ ସବୁ ଦେବାକେ
 ପର୍ମେସରଟାନେ ଆସା ରକ୍ବାକେ ସିକାଇଦେସ୍ । ସେ ଆକା ଆମର୍ପାଇ
 କାଇଟା ନ ଦେକି, ସବୁ ବିସଇ ସାର୍ଦା କରବାକେ ଦେଇସି । (aiōn g165)
 ୧୮ ଦରମ୍ ମନେ ଲକ୍ମନ୍କେ ସାଇଜ କରବାକେ ସେମନ୍କେ କଇଦେସ୍ ।
 ଅର୍କିତ୍ ଲକ୍ମନ୍କେ କାଇଟା ନ ବାବି ଦେବାକେ, ତାକର୍ ଟାନେ ରଇଲାଟା
 ସାର୍ଦା ସଞ୍ଜ ବାଟାକରବାକେ କଇଦେସ୍ । ୧୯ ଏନ୍ତାରି ତାକର୍ ନିକ କାମ୍ସବୁ
 ଗଟେକ୍ ବଡ୍ ଦନ୍ ଇସାବେ ସେମନ୍ ସର୍ଗେ ସଞ୍ଜୁଆତତ୍ । ସେନ୍ତୁର୍ ଆଲେ
 ସେମନ୍ ତାକର୍ ନିଜର୍ପାଇ ଜିବନ୍ ମିଲାଇବାଇ । ୨୦ ଏ ଡିମତି, ପର୍ମେସର୍
 ତକେ ଜନ୍ଟା କରବାକେ ଦାଇତ୍ ଦେଲାଆଟେ, ସେ ଦାଇତ୍ ନିକ ସଞ୍ଜୁ କର୍ ।
 ଆସା ନ ରଇବା ରୁଟା କାତା, କାଇ ଲତାକେ ନ ଆଇବା କାତାବାର୍ତା ଆରି
 ପର୍ମେସରର୍ ବିସଇଟାନେ ରଇବା ସତ୍ ସିକିଆ ଜନ୍ ଲକ୍ ବିରତ୍ କଲାଇନି,
 ସେମନର୍ ଟାନେଅନି ଦୁରିକେ ର । ସେଟା ସେମନ୍ ସିକ୍ବା ଗିଆନ୍ ବଲି
 ବୁଲ୍ ବୁଲ୍ଲାଇନି । ୨୧ ଏ ବୁଲ୍ ସିକିଆ କେତେଲକ୍ ମାନିକରି କିରିସ୍ଟର୍
 ବିସଇଟାନେ ରଇବା ସତ୍ ସିକିଆ ଚାଡିଦେଇଆତତ୍ । ପର୍ମେସର୍ ଜିବନ୍
 ଦୁକାଇ ଦୟା ଦେକାଇଲାଟା ତର୍ ସଞ୍ଜୁ ସବୁବେଲେ ରଅ । ଆମେନ୍!

୨ୟ ତିମତି

୧ ମୁଇ ପାଉଲ୍ ଏ ଚିଠି ଲେଖିଲିନି । ଜିସୁକିରିସ୍ଟର୍ ଗଟେକ୍ ପେରିଡ୍ ଅଇବାକେ ପର୍ମେସର୍ ମକେ ବାଟ୍ଲା ଆତେ । ନ ସାର୍ବା ଜିବନ୍ ପାଇବା ଜନ୍ ସୁର୍ କବର୍ ପର୍ମେସର୍ କାତା ଦେଇରଇଲା, ସେଟା ଜାନାଇବାକେ ମକେ ପାଟାଇଲାଆତେ । ସେ ଜିବନ୍ କିରିସ୍ଟର୍ ସଞ୍ଜୁ ମିସିରଇବା ଜିବନ୍ । ୨ ଏ ଚିଠି ତିମତି ମୁଇ ତକେ ଲେଖିଲିନି । ତୁଇ ମର୍ ଆଲାଦର୍ ପଥ ପାରା ଅଇ ଆରୁସ୍ । ଆମର୍ ବାବା ପର୍ମେସର୍ ଆରି ଆମର୍ ମାପୁରୁ ଜିସୁକିରିସ୍ଟ, ତକେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ । ୩ ମୁଇ ପର୍ମେସର୍କେ ଦନିଅବାଦ୍ ଦେଲିନି । ମର୍ ଆନିଦାଦିମନ୍ ଜେନ୍ତୁର୍ ତାକେ ସେବା କଲାଇ, ସେନ୍ତୁରି ମୁଇ ମିସା ତାକେ ସେବା କଲିନି । ମର୍ ବିବେକ୍ ମକେ ଦସ୍ ଦେଏ ନାଇ । ମୁଇ ତର୍ପାଇ ଦିନ୍ରାତି ପାର୍ତନା କଲିନି । ୪ ଆମେ ଦୁଇ ଲକ୍ ବେଗଲ୍ଲାବେଲେ ତୁଇ ଦୁକ୍ ଅଇ ଆଁସୁ ଜରାଇଲୁସ୍, ସେଟା ମର୍ ମନେଆତେ । ତେବର୍ପାଇ ତକେ ଦେକ୍ବି ବଲି ମୁଇ ବେସି ମନ୍ କଲିନି । ଜେନ୍ତୁରି କି ମୁଇ ପୁରାପୁରୁନ୍ ସାର୍ଦା ଅଇବି । ୫ ତୁଇ ସତଇସେ ଜିସୁକିରିସ୍ଟକେ ବିସ୍ବାସ୍ କରିଆରୁସ୍ ବଲି ମର୍ ମନେଆତେ । ତୁଇ ବିସ୍ବାସ୍ କର୍ବା ଆଗୁରୁ ତର୍ ଆମା ଲଇ ଆରି ତର୍ ଆୟା ଉନିସ୍ ତାକେ ବିସ୍ବାସ୍ କର୍ତେରଇଲାଇ । ସେନ୍ତୁରିସେ ତୁଇ ବିସ୍ବାସ୍ କର୍ବାଟା ଡା଼ର୍ ଆତେବଲି ମୁଇ ଜାନ୍ଲିନି । ୬ ତେବର୍ପାଇ ମୁଇ ମର୍ ଆଡ୍, ତର୍ ମୁଣ୍ଟେ ସଞ୍ଜୁଇ ପାର୍ତନା କଲାବେଲେ, ଜନ୍ ଆଡ୍ମାର୍ ଦାନ୍ ପର୍ମେସର୍ ତକେ ଦେଇରଇଲା, ସେଟା ବ଼ଟାଇକରି ସଞ୍ଜୁ ବଲି ଏତାଇଦେଲିନି । ୭ କାଇକେବଇଲେ ଜନ୍ ଆଡ୍ମା ପର୍ମେସର୍ ଆମ୍ବକେ ଦେଲାଆତେ, ସେଟା ଆମ୍ବକେ ତର୍ବାକେ ନ ଦେଏ । ତାର୍ ବାଦୁଲେ ଆଡ୍ମାଇ ବପୁ ଦେଇସି, ବିନ୍ ଲକ୍ମନ୍କେ ଆଲାଦ୍ କର୍ବାକେ ସିକାଇସି ଆରି ନିଜ୍ଜକେ ଜାଗରଡ୍ ରଇବାକେ ସିକାଇସି । ୮ ତେବର୍ପାଇ ଆମର୍ ମାପୁରୁ ଜିସୁକିରିସ୍ଟର୍ ବିସଇ, ବିନ୍ ଲକ୍କେ ଜାନାଇବାକେ ଲାଜ୍ ଅ ନାଇ । ତାର୍ ପାଇ ମୁଇ ଏବେ ବନ୍ତିଗରେ ଆତି, ମର୍ପାଇ ମିସା ଲାଜ୍ ଅ ନାଇ । ମାତର୍ ସୁର୍ କବରର୍ ଲାଗି ଦୁକ୍ କସ୍ଟ ପାଇବାକେ ମର୍ସଞ୍ଜୁ ମିସ୍ । ସେନ୍ତି କର୍ବାକେ ପର୍ମେସର୍ ତକେ ବପୁ ଦେଇସି । ପର୍ମେସର୍ ଆମ୍ବକେ ନ ସାର୍ବା ମରନେଅନି ବ଼ଟାଇକରି ଗଟେକ୍ ସୁକଲ୍ ଚଲାଚଲ୍ତି କର୍ବାକେ ଡାକିନେଲା ଆତେ । ୯ ନିକ କାମ୍ କଲାର୍ ପାଇ ସେ ଆମ୍ବକେ ବାତେନାଇ ।

ମାତର୍ ତାର୍ ନିଜର୍ ଜନ୍ମା ଇସାବେ ସେ ଆମ୍ବେ ବାଟିକରି ତାର୍ ଦୟା
 ଦେକାଇଲା ଆଚେ । ଏ ଜଗତ୍ ତିଆର୍ ନ ଅଇତେ ପର୍ମେସର୍ ଜିବନ୍
 ଦୁକାଇ, ଜିସୁକିରିସ୍ଟକେ ଆମ୍ବେଲାଗି ଏ ଜଗତେ ପାଟାଇଲା । (aiōnios
 g166) ୧୦ ଆରି ଏବେ ସେ ଜିବନ୍ ଦୁକାଇ ଦୟା ଦେକାଇଲାଟା, ପର୍ମେସର୍
 ଆମ୍ବେ ଜାନାଇଆଚେ । ଏଟା ଆମ୍ବେ ରକିଆକାରି ଜିସୁକିରିସ୍ଟ ଜେ କି
 ଆମ୍ବେଟାନେ ଆଇଲା । ମରନର୍ ବପୁକେ ସେ କୁରୁପ୍ନାସ୍ କଲା । ଆରି ସୁବ୍
 କବର୍ ଜାନ୍ଲାର୍ପାଇ ନ ସାର୍ବା ଜିବନ୍ ପାଇବାକେ ସେ ଆମ୍ବେ ବାଟ୍
 ଦେକାଇଲା । ୧୧ ଜିସୁକିରିସ୍ଟର୍ ବିସଇ ରଇବା ଏ ସୁବ୍ କବର୍ ପର୍ମେସର୍
 ମକେ ଜାନାଇବାକେ କଇଆଚେ । ଗଟେକ୍ ସିକାଇବା ଲକ୍ ଆରି ପେରିଡ୍
 ଇସାବେ, ସେ ମକେ ବାଟିଆଚେ । ୧୨ ଏଟାର୍ ଲାଗି ମୁଇ ଏ ବନ୍ଦିଗରେ ଦୁକ୍
 କସ୍ଟ ପାଇଲିନି । ପାଇଲେ ମିସା ଲାଜ୍ ଅଇନାଇ । କାଇକେବଇଲେ ମୁଇ
 ଜାକେ ବିସ୍ବାସ୍ କରିଆଟି, ତାକେ ଜାନି, ଆରି ମୁଇ ତାକେ ଜନ୍ଟା ସର୍ପି
 ଆଚେ, ସେଟା ସେ ବାଉଡି ଆଇବା ଦିନ୍ ଜାକ, ଜତନ୍ କରି ସଞ୍ଜୁଇବାକେ
 ତାର୍ ବପୁ ଆଚେ । ଏଟା ମୁଇ ତାଟ୍ ସଞ୍ଜୁ ବିସ୍ବାସ୍ କଲିନି । ୧୩ ତୁଇ
 ମର୍ଟାନେଅନି ସର୍ପି ସିକିଆ ସୁନିଆରୁସ୍ । ସେନ୍ତାରିସେ ଚଲାଚଲ୍ଡି କର୍ ।
 ଜିସୁକିରିସ୍ଟର୍ ସଞ୍ଜୁ ମିସ୍ଲାର୍ ପାଇ ଏଟା ବିସ୍ବାସ୍ ଆରି ଆଲାଦ୍ ସଞ୍ଜୁ କର୍ ।
 ୧୪ ଜନ୍ ସୁବ୍ କବର୍ ପର୍ମେସର୍ ତକେ ଦେଇଆଚେ, ସେଟାକେ ଦେକାରକା
 କର୍ । ଆମ୍ବେ ବିଟ୍ରେ ରଇବା ସୁକଲ୍ ଆଡ୍ମାର୍ ବପୁସଞ୍ଜୁ ସେଟା ଦେକାରକା
 କର୍ । ୧୫ ଆସିଆ ଦେସେ ରଇବା ବେସି ବିସ୍ବାସିମନ୍ ମକେ ଚାଡିକରି
 ଗାଲାଇ ଆଚଡ୍ ବଲି ତୁଇ ଜାନିଆରୁସ୍ । ତେଇ ପୁଗେଲ୍ ଆରି ଅର୍ମଗେନା
 ମିସା ମକେ ଚାଡି ଉଟିଗାଲାଇ । ୧୬ ଅନିସିପର୍ ଆରି ତାର୍ କୁଟୁମ୍ବେ
 ମାପ୍ଟୁ ଦୟାକର । କାଇକେବଇଲେ ମୁଇ ବନ୍ଦିଗରେ ରଇଲାବେଲେ ସେ
 ମକେ ଦେକ୍ବାକେ ଲାଜ୍ ଅଏନାଇ । ତାର୍ ବାଦୁଲେ ସେ ଚର୍କେ ଚର୍ ଆସି
 ମକେ ସାର୍ଦା କରାଇଲା । ୧୭ ସେ ରମ୍ ଦେସେ ଆଇଲା ଦାପ୍ରେ ମକେ
 ବେଟ୍ ଅଇବାଜାକ ସବୁ ଜାଗାଇ କଇଲା । ୧୮ ବଡ୍ ବିଚାର୍ନା ଦିନେ ତାକେ
 ଜେନ୍ତି ମାପ୍ଟୁ ଦୟା କର । ତୁଇ ନିଜେ ଜାନିଆରୁସ୍ ଏପିସିତେଇ ସେ ମକେ
 କେଡେକ୍ ସାଇଜ କଲା ।

୨ ଏ ମର୍ ଆଲାଦର୍ ପ । ଜିସୁକିରିସ୍ଟ ଆମ୍ବେ ଜିବନ୍ ଦୁକାଇ ଦୟା
 ଦେକାଇଲା ପାଇ ତାଟ୍ ଅଇ ର । ୨ ଜେଡ୍ କି ଲକ୍ମନ୍ ବିନ୍ ଲକ୍ମନ୍ କେ

ସିକାଇବାକେ ଅଦିକାର୍ ପାଇଆତଡ୍, ଏନ୍ତାରି ଲକ୍ମନ୍ଦକେ ସବୁ ବିସଇ
 ସର୍ପିଦେସ୍ । କେତେକ୍ କେତେକ୍ ସାକିମନ୍ଦ୍ ମୁଆଟେ ତୁଇ ମର୍ଟାନେଅନି
 ଜନ୍ ସାକି ସୁନିଆରୁସ୍, ସେନ୍ତାରି ଲକ୍ମନ୍ଦକେ ସେ ସବୁଜାକ ସର୍ପିଦେସ୍ । ୩
 କିରିସ୍ଟ ଜିସୁର୍ ଗଟେକ୍ ନିକ ସନିଅ ଅଇ, ମର୍ପାରା ଦୁକ୍ କସ୍ଟ ମୁର୍ଚିକରି
 ରଅ । ୪ ଗଟେକ୍ ସନିଅର୍ ବିସଇ ବାବିଦେକା । ସଇନ ଜୁଇଦ୍ କେ ଜିବାକେ
 ଜାଗ୍‌ରଡ୍ ଅଇବାବେଲେ, ଏ ଜଗତର୍ ବିସଇ କର୍ବାକେ ମନ୍ ନ ଦେଏ ।
 କାଇକେବଇଲେ, ସେ ତାର୍ ଉପ୍‌ରର୍ ଅଦିକାରିକେ ସାର୍ଦା କରାଇବାକେ
 ମନ୍ କର୍ସି । ୫ ସେନ୍ତାରିସେ, ଗଟେକ୍ ପାଲାଇବା ଲକ୍ମନ୍ ବିସଇ ବାବିଦେକ୍
 । ଜେ ଆରାଜିତାଟାନେ ପାଲାଇବାକେ ମନ୍ କର୍ସି, ସେ ଜଦି ଆରାଜିତାର୍
 ନିୟମ୍ ମାନିକରି ନ ପାଲାଇଲେ, ତାକେ ସେ ଇନାମ୍ ନ ମିଲେ । ୬ ଗଟେକ୍
 ଚାସିର୍ ବିସଇ ବାବିଦେକ୍, ଜନ୍ ଚାସି କସ୍ଟ କିରିଇସି, ସେ ପର୍ତୁମ୍ ପଲ୍
 ପାଇବା ଦର୍କାର୍ । ୭ ମୁଇ ଜାଇଟା କଇଲିନି, ସେଟା ବାବିଦେକ୍, ମାପ୍‌ରୁ
 ସବୁ ବିସଇଟାନେ ତକେ ଗିଆନ୍ ଦେଇସି । ୮ ମୁଇ ଜନ୍ ସୁବ୍‌କବର୍ ତକେ
 ଜାନାଇରଇଲି, ତେଇ ଜିସୁକିରିସ୍‌ଟକେ ଏତାଉଁ । ସେ ଦାଉଦର୍ କୁଟୁମେ
 ଜନମ୍ ଅଇଲା ଆରି ପର୍ମେସର୍ ତାକେ ମରନେଅନି ଉଟାଇଲା । ୯ ସେ
 ସୁବ୍‌କବରର୍ ଲାଗି ମୁଇ ଦୁକ୍ କସ୍ଟ ଅଇ ଆଇଲିନି ଆରି ଗଟେକ୍ ଦସ୍ କଲା
 ଲକ୍ମପାରା ବନ୍ଦିଗରେ ଆତି । ମାତର୍ ପର୍ମେସରର୍ ବାକିଅ ବାନ୍ଧୁଇଅଇ
 ରଏନାଇ । ୧୦ ସେନ୍ତାରିସେ ବାଟିଅଇଲା ଲକ୍ମନ୍ ମିସା କେବେ ନ ସାର୍‌ବା
 ମଇମା ସଢ୍ଘୁ ଜିସୁକିରିସ୍‌ଟ ଦେବା ମୁକ୍ତି, ପାଇବାଇ । ସେମନର୍‌ଲାଗି ଏ ସବୁ
 ବିସଇ ମୁଇ ମୁର୍ଚିକରି ରଇଲିନି । (aiōnios g166) ୧୧ ଏ ବାକିଅ ସଡ୍,
 ଜଦି ଆମେ ତାର୍ ସଢ୍ଘୁ ମରିଜାଇଆରୁ, ସେନ୍ତାର୍ ଆଲେ ଆମେ ତାର୍‌ସଢ୍ଘୁ
 ବର୍‌ରୁ ମିସା, ୧୨ ଜଦି ଆମେ ମୁର୍ଚିକରି ରଇବୁ ତେବେ ତାର୍ ସଢ୍ଘୁ ସାସନ୍
 ମିସା କର୍ବୁ । ଆମେ ଜଦି ତାକେ ନ ନାମ୍, ସେ ଆମ୍‌କେ ମିସା ନ ନାମେ
 । ୧୩ ମାତର୍ ଆମେ ବିସ୍‌ବାସ୍ କର୍ବାଟା ଏଲା କଲେ ମିସା ସେ କାତା
 ଦେଇରଇବାଟା ସବୁ କରିସାରାଇସି । କାଇକେବଇଲେ ସେ ତାର୍ କାତା
 ନ ବାଦ୍‌ଲାଏ । ୧୪ ପଦେକ୍ କାତା ନେଇ ଦଦାପେଲା ଅଇତେରଇଲେ,
 ସେଟା ରୁତାଇସେ । ସୁନ୍‌ବା ଲକ୍ମନ୍ଦକେ ନସ୍‌ଟକରି ଦେଇସି । ଏନ୍ତାରି କଇ
 ପର୍ମେସରର୍ ମୁଆଟେ ଲକ୍ମନ୍ଦକେ ତାଟ୍‌ସଢ୍ଘୁ ଆଦେସ୍ ଦେସ୍ । ୧୫ ସଡ୍
 ବାକିଅ ନିମାନ୍ ସଢ୍ଘୁ ଜାନା । ଲାଜ୍ ନଇଲା କାମ୍ କର୍ବା ଲକ୍ମପାରା ମାପ୍‌ରୁର୍

ଲଗେ ନିଜ୍ଜକେ ଅଦିକାର୍ ପାଇଲା ଲକ୍ ବଲି ଦେକାଇଅଇବାକେ ଜତନ୍ ଅ ।
 ୧୭ ମାତର୍ ଜନ୍ ଲକ୍ମନ୍ ଆସାର୍ କାତାଇ ଆରି ବକୁଆ କାତାଇ ଦିଆନ୍
 ଦେଇତେ ରଇବାଇ, ସେନ୍ତୁରି ଲକ୍ମନ୍ ଟାନେଅନି ଦୁରିକେ ର । ଜନ୍
 ଲକ୍ମନ୍ ସେନ୍ତୁରିଟାନେ ମିସ୍ବାଇ, ସେ ଲକ୍ମନ୍ ପର୍ମେସରର୍ ଟାନେଅନି
 ଦୁରିକେ ଜିବାଇ । ୧୭ ତାକର୍ କାତା ଗାଗ୍ତେ ଅଦିକ୍ ଅଦିକ୍ ଅଇବା ଗଟେକ୍
 ଗାଉପାରା ଅଇ ଲକ୍ମନ୍କେ ନସାଇସି । ସେନ୍ତୁରିସେ ଉମନାଅ ଆରି ପିଲିଡ୍
 ଲକ୍ମନ୍କେ ଏନ୍ତି ସିକିଆ ଦେଇ ବୁଲ୍ଲାଇନି । ୧୮ ସେମନ୍ ମଲାଲକ୍ ଉଟି
 ସାରିଆତେ ବଲି କଇକରି ସତ୍ତକେ ଚାଡିଦେଇଆଚଡ୍ । ଏନ୍ତୁରି କଇକରି
 କେତେ କେତେ ଲକ୍ ବସ୍ବାସ୍ ନସାଇଦେଇ ଆଚଡ୍ । ୧୯ ଅଇଲେମିସା
 ପର୍ମେସର୍ ଜନ୍ କୁନାଦି ବସାଇଆତେ, ସେଟା ଡାଟ୍ସେ ରଇସି । ସେ କୁନାଦି
 ଉପରେ ଏନ୍ତୁରି ଲେକା ଅଇଲାଆତେ, “ମାପୁରୁ ତାର୍ ନିଜର୍ ଲକ୍କେ ଜାନେ,
 ଆରି ଜେଡ୍କିଲକ୍ ସବୁ ଆମେ ମାପୁରୁ ଲକ୍ ବଲାଇଅଇଲାଇନି, ସେମନ୍
 ବୁଲ୍ କାମେ ଅନି ଦୁରିକେ ରଅଡ୍ ।” ୨୦ ଗଟେକ୍ ରାଜାର୍ ଗରେ କେତେ
 ରକାମର୍ ଗିନାକୁଡ୍କା ରଇସି, କେତେଟା ସୁନା ରୁପା ସଞ୍ଜୁ ଡିଆର୍ ଅଇଲାଟା,
 କେତେଟା ଗର୍ ଆରି ଚିକଟ୍ ମାଟିସଞ୍ଜୁ ଡିଆର୍ ଅଇଲା, କେତେଟା ବିବା ବଜି
 ବେଲର୍ପାଇ ଆରି କେତେଟା ଦିନ୍କେ ବାଇବାକେ ରଇସି । ୨୧ ଜେ ନିଜ୍ଜକେ
 ସବୁ ରକାମର୍ ପାପେଅନି ଜାଗ୍ତର୍ କରଇଇସି, ମାପୁରୁ ସେମନ୍କେ ନିକ
 କାମର୍ପାଇ ବାଇସି । କାଇକେବଇଲେ, ସେ ଦେକ୍ବା ଇସାବେ, ସେମନ୍ ନିକ
 ଲକ୍ ଆରି ସବୁ ରକାମର୍ ଦରମ୍ କାମର୍ପାଇ ନିଜେ ସର୍ପି ଅଇଲା ଅଚଡ୍
 । ୨୨ ମାତର୍ ଦାଞ୍ଜୁଡା ବଇସେ ରଇବା ଗାଗ୍ତର୍ ମନ୍କର୍ବାଟାନେଅନି
 ତୁଇ ଦୁରିକେ ର । ଟିକ୍ ବିସଇ କର୍ବାକେ ଚେସ୍ଟା କର୍ । ବିସ୍ବାସେ ଡାଁଟ୍
 ରଅ । ବିନ୍ ଲକ୍ମନ୍କେ ଆଲାଦ୍ କର୍ । ଆରି ତାକର୍ ସଞ୍ଜୁ ସାନ୍ତିସଞ୍ଜୁ ର ।
 ମନ୍କେ ସୁକଲ୍ କରଇ ଜେଡ୍କି ସବୁଲକ୍ ମାପୁରୁକେ ପୁଜା କଲାଇନି, ସେମନ୍
 ସଞ୍ଜୁ ଏ ସବୁଜାକ କର୍ । ୨୩ ଆସାର୍ କାତାଇଅନି, ରୁଚାଇ ଦଦାପେଲା
 ଅଇବା କାତାଇଅନି ଦୁରିକେ ର । କାଇକେବଇଲେ, ସେନ୍ତୁରି ଟାନେ ମିସ୍ବା
 ଲକ୍ମନ୍ ସବୁ କିରଜାଟି ଅଇକରି ସାରିଜିବାଇ । ଏଟା ତୁଇ ଜାନିଆରୁସ୍ । ୨୪
 ମାପୁରୁକେ ସେବା କର୍ବା ଏନ୍ତୁରି ଗଟେକ୍ ଲକ୍ କିରଜାଟି କର୍ବାର୍ନାଇ ।
 ତାର୍ ବାଦୁଲେ, ସେ ସବୁକେ ସୁଆଲେ ଚଲାଚଲ୍ଡି କର୍ବାର୍ । ସେ ନିକସଞ୍ଜୁ
 ସିକାଇବାକେ ଜାନ୍ବାର୍ଆତେ । ଦାପୁରେ ରିସା ନ ଅଇକରି ମୁର୍ଡି ରଇବାର୍

ଆତେ । ୨୫ ପର୍ଯ୍ୟନ୍ତ ତାର ମନ ବାଉଡ଼ାକାକେ ଦେଇସି, ସେଟା
 ଆସାଅଇ ତାର ବିରଦେ କାତା ଅଇବା ଲକ୍ଷ୍ମୀଙ୍କେ ସେ ଦରମ୍ ସଞ୍ଜୁ ସୁଆଲ୍
 କରୁବାରୁ ଆତେ । ସତ୍ ବିସଇ ଜାନ୍‌ବାକେ ସେମନ୍‌କେ ସାଇଜ କର ।
 ୨୬ ତାର ଚିନ୍ତା କରୁବାଟାନେ ସେମନ୍ ସତ୍ ବିସଇ ଅଇସି କି ନାଇ ବଲି ନ
 ବାବିକରି ରଇବାରୁ । ତାର ମନ୍ କଲାଟା ପୁରାପୁରୁନ୍ କରୁବାକେ ସଇତାନ୍
 ସେମନ୍‌କେ ବନ୍ଧିକରି ନେଲାଆତେ । ତାର ପାନେଅନି ସେମନ୍ ରକିଆ ପାଅତ୍
 ।

୩ ମାତର୍ ଜାନିର । ଜଗତର୍ ସାରାସାରି ଦିନମନ୍‌କେ ବେସି ଦୁକ୍ କସ୍‌ଟ
 ବେଲା ଆଇସି । ୨ କାଇକେବଇଲେ ଲକ୍ଷ୍ମୀନ୍ ନିଜେ ଆଲାଦ୍ ଅଇକରି
 ବିନ୍ ଲକ୍‌କେ ଆଲାଦ୍ ନ କରତ୍ । ସେମନ୍ ତାବୁକାସୁ ଆସାକରୁବା ଲକ୍,
 ନିଜର୍ ବିସଇଟାନେ ବତ୍‌ପନ୍ ଅଇବା ଲକ୍, ବିନ୍ ଲକ୍‌କେ ନିନ୍ତା କରୁବା
 ଲକ୍, ତାକର୍ ଆୟା ବାବାରୁ କାତା ନ ମାନ୍‌ବା ଲକ୍, ଦନିଅବାଦ୍ ଦେବାଟା
 ପାସରୁବା ଲକ୍, ପର୍ଯ୍ୟନ୍ତ ବିସଇକେ ସନ୍‌ମାନ୍ ନ ଦେବା ଲକ୍, ୩ ବିନ୍
 ଲକ୍‌ମନ୍‌କେ କେମା ନ ଦେବା ଲକ୍, ବିନ୍ ଲକ୍‌ର ବିସଇ ମିର୍ କଇବା ଲକ୍,
 ନିଜେ ଜାଗରତ୍ ନ ରଇବା ଲକ୍, କିରଜାଟି ଅଇବା ଲକ୍, ନିକ ବିସଇ ଚିନ୍
 କରୁବା ଲକ୍, ୪ ବିସ୍‌ବାସେ ବିସ୍ ଦେବା ଲକ୍, ବକୁଆ ବିସଇ କରୁବା ଲକ୍,
 ବିନ୍ ଲକ୍‌ଟାନେଅନି ବତ୍ ବଲାଅଇବା ଲକ୍, ପର୍ଯ୍ୟନ୍ତକେ ଆଲାଦ୍
 କରୁବା ବାଦୁଲେ ନିଜ୍‌କେ ସାର୍‌ଦା କରାଇବା ଲକ୍ । ୫ ପର୍ଯ୍ୟନ୍ତକେ ସେବା
 କଲିନି ବଲି ଦେକାଇବାଇ, ମାତର୍ ତାର ବପୁ ତାକର୍ ଜିବନ୍ ବାଦୁଲାକାକେ
 ନ ଦେଅତ୍ । ସେନ୍ତାରି ଲକ୍‌ମନର୍‌ଟାନେଅନି ଦୁରିକେ ର । ୬ କାଇକେବଇଲେ
 ଏନ୍ତାରି ଲକ୍ ବିନ୍ ଗର୍‌ମନ୍‌କେ ପୁରିଦେଇ ତେଇ ରଇବା ମାଇଜିମନ୍‌କେ
 ନାଡ଼ାଇଲାଇନି । ଏ ମାଇଜିମନ୍ ତାକର୍ ପାପର୍ ଲାଗି ନିଜ୍‌କେ ଦସ୍ ଦେଇ
 ବିନ୍ ବିନ୍ ରକାମର୍ କରାପ୍ ମନ୍‌କରୁବାଟାସଞ୍ଜୁ ପୁରାପୁରୁନ୍ ଅଇଲାଆତତ୍
 । ୭ ସେମନ୍ ସବୁବେଲେ ବିନ୍ ବିନ୍ ରକାମର୍ ସିକିଆ ସିକ୍‌ବାକେ ମନ୍
 କଲାଇନି । ମାତର୍ ତେଇର୍ ସତ୍ ବିସଇ ନାଜାନ୍‌ଲାଇନି । ୮ ଆଗର୍
 କାଲେ ଜେନ୍ତାରିକି, ଜୁନସ୍ ଆରି ଜମ୍‌ବିରିସ୍ ମସାର ବିରୁଦେ ଉର୍‌ଲାଇ,
 ସେନ୍ତାରିସେ ଏ ସିକାଉମନ୍ ମିସା ସତ୍‌କେ ବିରଦ୍ କଲାଇନି । ସେମନ୍ ମନ୍
 କରାପ୍ ଅଇଆତେ । ଆରି ବିସ୍‌ବାସର୍ କାତା ଉର୍‌ଲେ ତାକର୍‌ଟା ରୁଟାଇସେ
 । ୯ ମାତର୍ ସେମନ୍ ନିଜେ ପାଁଟିରଇବାଟା ସବୁବେଲର୍‌ପାଇ ନ ରଏ ।

କାଇକେବଇଲେ ଜାନାୟ ଆରି ଜିମିରସ୍ ବକ୍ସୁଆଟାମନ୍ ବଲି ଆଗ୍ତୁର୍ ଲକ୍
 ଜାନ୍ଲାଇ, ସେନ୍ତାରିସେ ଏବର୍ ଲକ୍ମନ୍ ମିସା ସେମନ୍ ବକ୍ସୁଆ ବଲି ଜାନ୍ବାଇ
 । ୧୦ ମାତର୍ ତିମତି ତୁଇ ମର୍ ସବୁ ବିସଇ ଜାନିଆରୁସ୍ । ମୁଇ ଲକ୍ମନ୍କେ
 କେନ୍ତାରି ସିକାଇଲିନି, କେନ୍ତାରି ଚଲାତଲ୍ତି କଲିନି, ମର୍ ଆଦେସ୍ କାଇଟା,
 ମର୍ ବିସ୍ବାସ୍ କେନ୍ତିଟା, ମୁଇ କେନ୍ତି ମୁର୍ଚିକରି ରଇଲିଆତି, ବିନ୍ ବିନ୍
 ଲକ୍ମନ୍କେ କେନ୍ତି ଆଲାଦ୍ କରିଆତି ଆରି ମକେ ଆଇଲା ଦୁକ୍ କସ୍ ମିସା
 ଜାନ୍ସୁ । ୧୧ ଲକ୍ମନ୍ ମକେ ଦୁକ୍ କସ୍ ଦେଲାଟା ଆନ୍ତିକିୟ୍, ଇକନିୟ୍
 ଆରି ଲୁସ୍ତା ନଅମ୍ମନ୍କେ କାଇ କାଇଟା ଅଇରଇଲା ଆରି କେଡେକ୍ ଅଦିକ୍
 କସ୍ ପାଇରଇଲି, ସେ ସବୁ ବିସଇ ତୁଇ ଜାନ୍ସୁ । ମାତର୍ ମାପୁରୁ ଜିସୁ ମକେ
 ସବୁ ଦୁକ୍ କସ୍ ଟାନେଅନି ରକିଆ କଲା । ୧୨ ଦେକ୍ବାକେଗାଲେ ଜେଡ୍କି
 ଲକ୍ ଜିସୁକିରିସ୍ତକେ ବିସ୍ବାସ୍ କରି ପର୍ମେସର୍ ଦେକ୍ବା ଇସାବେ ଦରମ୍
 ଚଲାତଲ୍ତି କର୍ବାକେ ମନ୍ କଲାଲିନି, ସେମନ୍ ସବୁ ବିସ୍ବାସ୍ ନ କଲା
 ଲକ୍ମନର୍ଟାନେଅନି ଦୁକ୍ କସ୍ ପାଇବାଇ । ୧୩ ମାତର୍ କରାପ୍ ଲକ୍ମନ୍
 ଆରି ନାଡାଉମନ୍ ଅଦିକ୍ ଅଦିକ୍ କରାପ୍ ଅଇଜିବାଇ । ସେମନ୍ ଲକ୍ମନ୍କେ
 ନାଡାଇକରି ନିଜେ ନାଡାଇଅଇବାଇ । ୧୪ ମାତର୍ ତୁଇ ଜେଡ୍କି ବିସଇ
 ସିକିଆରୁସ୍, ଆରି ସେଟା ସବୁ ସର୍ ବଲି ବିସ୍ବାସ୍ କରିଆରୁସ୍, ସେଟା ସବୁ
 ଡାଟ୍ ସଡ୍ଫ୍ ଦାରି ର । କାଇକେବଇଲେ, ନିକ ସିକାଇବା ଲକ୍ମନର୍ ଟାନେଅନି
 ଏ ସବୁ ସିକିଆରୁସ୍ । ୧୫ ଆରି ତୁଇ ପିଲାବେଲେ ଅନି ସୁକଲ୍ ସାସ୍ତର୍
 ଜାନିଆରୁସ୍ । କିରିସ୍ତ ଜିସୁକେ ବିସ୍ବାସ୍ କଲାର୍ ପାଇ ପର୍ମେସର୍ ତକେ
 ରକିଆ କର୍ସି ବଲି ତୁଇ ଜାନ୍ଲୁସ୍ନି । ୧୬ ସବୁ ସାସ୍ତର୍ ପର୍ମେସର୍
 ଟାନେଅନି ଆଇଲା ଆଟେ, ଆରି ସେଟା ଲକ୍ମନ୍କେ ସିକାଇବାକେ, ବୁଲ୍
 ଅଇଲାଟା ଟିକ୍ କର୍ବାକେ, ଟିକ୍ ବିସଇ କର୍ବାକେ, ଆରି ଲକ୍ମନ୍କେ
 ସିକାଇବାକେ ଆମ୍ମକେ ସାଇଜ କର୍ସି । ୧୭ ଜେନ୍ତାରି କି, ପର୍ମେସର୍କେ
 ସେବା କର୍ବା ଗଟେକ୍ ଲକ୍ ପୁରାପୁରୁନ୍ ତିଆର୍ ଅଇ, ସବୁ ଦରମ୍ କାମ୍
 କର୍ବାକେ ବପୁ ପାଇସି ।

୪ ପର୍ମେସର୍ ଆରି ଜିସୁକିରିସ୍ତ ମର୍ ସାକି । ଜେକି ମଲା ଲକ୍ମନର୍
 ଆରି ଜିବନ୍ ରଇଲା ଲକ୍ମନର୍ ବିଚାର୍ କର୍ସି । ତାର୍ ରାଇଜର୍ ଲାଗି, ସେ
 ଜଗତେ ସାସନ୍ କର୍ବାକେ ଆଇସି । ସେଟାର୍ପାଇ ମୁଇ ତମ୍ମକେ ତିଆର୍ଲିନି
 । ୨ ସୁର୍ କବର୍ ସବୁକେ ଜାନାଆ । ଲକ୍ମନ୍ ସେଟା ସୁନ୍ବାକେ ମନ୍

କଲାବେଳେ କି ନ ସୁନ୍ଦା ବେଳେ ସେଟା ଜାନାଇବାକେ ଜାଗିର । ବୁଲୁକରି
 କାରାପ୍ କାମ୍ କରବା ଲକ୍ଷ୍ମୀକେ ସେଟା ଚାଡ଼ବାକେ ଡାଟ୍ ସଞ୍ଜୁ କ । ଆସା ନ
 ଚାଡ଼ି ପର୍ଯ୍ୟେସରର୍ ବାକିଅ ସିକାଇତେର । ସେମନ୍‌କେ ନିକ କାମ୍ କରବାକେ
 ସାର୍‌ଦା କରାଆ । ୩ ଗଟେକ୍ ବେଲା ଆଇସି, ଜେତେବେଳେ ସତ୍ ସିକିଆ
 ସୁନ୍‌ବାକେ ଲକ୍ଷ୍ମୀନ୍ ମନ୍ ନ କରତ୍ । ତାର୍ ବାଦୁଲେ ସେମନ୍ ଜନ୍ କାରାପ୍
 ବିସଇ କରବାକେ ମନ୍ କରବାଇ, ସେଟା କରତେରଇବାଇ । ବିନ୍ ବିନ୍‌ଟା
 ସିକାଉମନ୍‌କେ ଡାକିକରି, ତାକର୍ ଟାନେ ଜନ୍ ସାର୍‌ଦାର୍ ବିସଇ ସୁନ୍‌ବାକେ
 ମନ୍ କରବାଇ, ସେନ୍ତାରି ଲକ୍ଷ୍ମୀକେ ଡାକିଆନ୍‌ବାଇ । ୪ ସତ୍ ବିସଇ ଦିଆନ୍
 ନ ଦେଇକରି କାତାମିମନ୍ ସୁନ୍‌ବାକେ ମନ୍ କରବାଇ । ୫ ମାତର୍ ତିମତି, ତୁଇ
 ନିଜେ ସବୁବେଳେ ଜାଗରତ୍ ଅଇ ର । ତୁକ୍ କସ୍‌ଟ ଆଇଲେ ମୁରୁଟିକରି ର ।
 ସୁବ୍‌କବର୍ ଜାନାଇତେର । ତର୍ ଦାଇତେ ରଇବା ସବୁ କାମ୍ କରତେରଇବାର୍
 । ୬ ଗଟେକ୍ ପୁଜାରି ଜେନ୍ତିକି ବେଦିଟାନେ ବଲି ଚଗାଇସି, ସେନ୍ତାରିସେ,
 ଏବେ ମର୍ ଜିବନ୍ ସର୍‌ପାଇ ଅଇବା ବେଲା କେଟିଆତେ । ତାର୍‌ଲାଗି ଏ ସବୁ
 ଆଦେସ୍ ମୁଇ ତକେ ଦେଲିନି । ୭ ଆରାଜିତାଟାନେ ମୁଇ ନିକସଞ୍ଜୁ ଜୁଇଦ୍
 କଲିଆତି । ଜେଡ୍‌କି ପାଲାଇବାର୍ ରଇଲା ମୁଇ ନିକସଞ୍ଜୁ ସାରାଇଲି । ଆରି
 ମୁଇ ମର୍ ବିସ୍‌ବାସ୍ ଆରାଇନାଇ । ୮ ଏବେ ସର୍‌ଗେ ମର୍‌ପାଇ ଜିତ୍‌ଲା
 ମୁକୁଟ୍ ସଞ୍ଜୁଆତେ । ଏ ମୁକୁଟ୍ ପର୍‌ଯ୍ୟେସରର୍ ମୁଆଟେ ମୁଇ ଦରମ୍ ସଞ୍ଜୁ
 ଚଲାଚଲ୍‌ତି କଲାପ୍‌ପାଇ ଆତେ । ମାପ୍‌ରୁ ଜେ କି କାକେ ଅନିଆଇ ନ କରି
 ବିଚାର୍ କରସି, ତାର୍ ବିଚାର୍‌ନା ଦିନେ ସେ ମୁକୁଟ୍ ମକେ ପୁରୁସ୍‌କାର୍ ଇସାବେ
 ଦେଇସି । ସେଟା ଅବ୍‌କା ମର୍‌ପାଇ ନାଇ, ମାତର୍ ଜେଡ୍‌କି ଲକ୍ ସେ ବାଉଡ଼ି
 ଆଇବାଟା ଜାଗିଆତର୍, ସେମନ୍‌କେ ସବୁକେ ଦେଇସି । ୯ ତିମତି, ଜେତେକ୍
 ଦାପ୍‌ରେ ତୁଇ ମର୍‌ଲଗେ ଆଇବାକେ ଚେସ୍‌ଟା କର୍ । ୧୦ କାଇକେବଇଲେ
 ଦିମା ଏବେ ମକେ ଚାଡ଼ିକରି ତେସଲନିକି ଗାଲାଆତେ । ସେ ଏ ଜଗତର୍
 ବିସଇ ଅଦିକ୍ ମନ୍ କଲାମି । କରସିନ୍ ଗାଲାତିଆଇ ଗାଲା, ଆରି ତିତସ୍
 ଦୁଲ୍‌ମତି ଗାଲା । (aiōn g165) ୧୧ ଲୁକ୍ ଗଟେକ୍ ଲକ୍‌ସେ ମର୍‌ସଞ୍ଜୁ ଆତେ ।
 ତୁଇ ଆଇଲାବେଳେ ମାର୍‌କକେ ତର୍ ସଞ୍ଜୁ ଡାକିଆନ୍ । କାଇକେବଇଲେ
 ଇତି ରଇଲାବେଳେ ମର୍ କାମେ ସେ ସାଇଜ କରସି । ୧୨ ତିକିକସ୍‌କେ
 ମୁଇ ଏପିସିଅ ପାଟାଇଆତି । ୧୩ ତୟସ୍ ନଅର୍ ଚାଡ଼ଲାବେଳେ କରପର୍
 ଗରେ ମୁଇ ମର୍ ଅଡ଼ବାଟା ଚାଡ଼ିଆତି । ତୁଇ ଆଇବାବେଳେ ସେଟା ଦାରିଆଉ

। ଆରି ମର୍ ବଇପତର୍ମନ୍ ଆରି ଲତାକେ ଆଇବା କାଗଜପତର୍ ମିସା
 ଦାରିଆଇ । ମେଣ୍ଟାର୍ ତାମ୍ ସଢ୍ଘ୍ ତିଆର୍ ଅଇଲାଟା ତାଦ୍‌ବାର୍ ନାଇ । ୧୪
 କିର୍ କାମ୍ କରୁ ଆଲେକ୍‌ଜାଣ୍ଟେର୍ ମକେ ବେସି ଅନିଆଇ କରି ଆଚେ । ସେ
 କଲା କାମ୍‌ପାଇ ମାପ୍‌ରୁ ତାକେ ବେସି ଡଣ୍ଟ ଦେଇସି । ୧୫ ତୁଇ ମିସା
 ତାର୍‌ଟାନେଅନି ଜାଗ୍‌ରତ୍ ରଥ । ସେ ଆମର୍ ସିକିଆ ତାଟ୍ ସଢ୍ଘ୍ ବିରତ୍
 କରିରଇଲା । ୧୬ ମୁଇ ପର୍‌ତୁମ୍‌ତର୍ ନିଜ୍‌କେ ରକିଆ କର୍‌ବାକେ ବିଚାର୍‌ନା
 ଜାଗାଇ ଗାଲାବେଲେ, ମର୍‌ବାଟେ ଅଇକରି ସାକି ଦେବାକେ କେ ନ ରଇଲାଇ
 । ତାର୍ ବାଦୁଲେ ସବୁଲକ୍ ମକେ ଚାଡ଼ିଦେଲାଇ । ଏ କାମ୍‌ପାଇ ସେମନ୍‌କେ
 ପର୍‌ମେସର୍ ଡଣ୍ଟ ନ ଦେଅ । ୧୭ ସେ ବିଚାର୍‌ନା ଜାଗାଇ ଜେଡ୍‌କି ଜିଉଦି
 ନ ଅଇଲା ଲକ୍‌ମନ୍ ରୁଣ୍ଡିରଇଲାଇ, ସେମନ୍‌କେ ସବୁକେ ଜିସୁକିରିସ୍‌ଟର୍
 ସୁକ୍‌କବର୍ ଜେନ୍ତ୍‌ରିକି ମୁଇ ପୁରାପୁରୁନ୍ ବାବେ ଜାନାଇପାର୍‌ବି, ସେଟାପାଇ
 ମାପ୍‌ରୁ ମର୍‌ସଢ୍ଘ୍ ରଇକରି ମକେ ବପୁଦେଲାଆଚେ । ସେ ବିଚାର୍‌ନାର୍
 ସାରାସାରି ମକେ କାଇବାକେ ଆସିରଇବା ଗଟେକ୍ ସିଅର୍ ଟାନେଅନି ରକିଆ
 କଲାପାରା ମାପ୍‌ରୁ ରକିଆ କଲା । ୧୮ ବିପଦେ ପାକାଇବା ସବୁ ଗର୍‌ନାଇଅନି
 ମାପ୍‌ରୁ ଜିସୁ ମକେ ରକିଆ କରି, ସର୍‌ଗେ ରଇବା ତାର୍ ରାଇଜେ କାଇଟା ନ
 ଅଇତେ ଡାକିନେଇସି । କାଲ୍ କାଲ୍ ଜୁଗ୍ ଜୁଗ୍ ସେ ଆକା ଡାକ୍‌ପୁଟା ପାଅ ।
 ଆମେନ୍! (aiōn g165) ୧୯ ପିର୍‌ସିଲାକେ ଆରି ଆକିଲାକେ ଜୁଆର୍ ଜାନାଆ ।
 ଆରି ଅନିସିପରର୍ କୁରୁମ୍‌କେ ମିସା ମର୍ ଜୁଆର୍ ଜାନାଆ । ୨୦ ଏରାସ୍‌ତ
 କରନ୍ତିଅ ନଅରେ ଆଚେ । ଆରି ତର୍‌ପିମସ୍‌କେ ଜର୍ ଅଇଲାକେ ମୁଇ ତାକେ
 ମିଲିତି ଚାଡ଼ିଦେଇ ଆସିଆଚି । ୨୧ ତୁଇ ସିଦ୍‌ଦିନ୍ ଅଇବା ଆଗ୍‌ତୁ ଆଇବାକେ
 ଚେସ୍‌ଟା କର୍ । ଇଉରୁଲ୍ ପୁଦେନ୍‌ସ୍, ଲିନ୍, କଲ୍‌ଦିଆ ଆରି ଇତିରଇବା ସବୁ
 ବିସ୍‌ବାସି ବାଇବଇନି ତକେ ଜୁଆର୍ ଜାନାଇଲାଇନି । ୨୨ ପର୍‌ମେସର୍ ଜିବନ୍
 ଦୁକାଇ ଦୟା କଲାଟା ତମର୍ ସଢ୍ଘ୍ ରଥ ।

ତିତସ୍

୧ ମୁଝ ପାଉଲ୍, ଏ ଚିଠି ଲେକ୍ଲିନି । ମୁଝ ପର୍ଯ୍ୟେସର୍ବକେ ସେବାକରି ଜିୟୁକ୍ରିସ୍ଟର୍ ଗଟେକ୍ ପେରିଡ୍ ଅଇଆତି । ଜନ୍ ଲକ୍ମନ୍କେ ତାର୍ତ୍ତାନେ ତାଟ୍ ସଞ୍ଜୁ ବିସ୍ବାସ୍ କର୍ବାକେ ପର୍ଯ୍ୟେସର୍ ବାଟ୍ଲା ଆଡେ, ଆରି ସେମନ୍ ଜେନ୍ଦ୍ରିକ୍ ଜିୟୁକ୍ରିସ୍ଟର୍ ନିକ୍ ସିକିଆ ବୁଞ୍ବାଇ, ସେନ୍ଦ୍ରି ଲକ୍ମନ୍କେ ସାଇଜ କର୍ବାକେ ମୁଝ ବାଟିଅଇଆତି । ଏ ସିକିଆ ନିକ୍ସଞ୍ଜୁ ଜାନ୍ଲେ, ପର୍ଯ୍ୟେସର୍ବକେ ସାର୍ଦା କରାଇବା ପାରା ଚଲାଚଲ୍ତି କର୍ବାକେ ସେମନ୍ ସିକ୍ବାଇ । ୨ ଏନ୍ଦ୍ରିଅଇ ସେମନ୍ କାଲ୍କାଲ୍ ଜୁଗ୍ଜୁଗ୍ ପର୍ଯ୍ୟେସର୍ବକେ ସଞ୍ଜୁ ବର୍ବାକେ ଆସା କର୍ବାଇ । କାଇକେବଇଲେ କାଇଟା ତିଆର୍ ନ ଅଇଡେ କାଲ୍କାଲ୍ ଜୁଗ୍ଜୁଗ୍ ତାର୍ ଲକ୍ ତାର୍ ସଞ୍ଜୁ ବର୍ବାଇ ବଲି ପର୍ଯ୍ୟେସର୍ କାତା ଦେଇରଇଲା । ଏଟା ପୁରାପୁରୁନ୍ ସଡ୍ ବଲି ଆମେ ଜାନ୍ଲୁନି । କାଇକେବଇଲେ ସେ କେବେ ମିର୍ ନ କଏ । (aiōnios g166) ୩ ପର୍ଯ୍ୟେସର୍ ଟିକ୍ କଲା ବେଲାଇ ମୁଝ ସୁକ୍ବର୍ବ ଜାନାଇଲିକେ, ଲକ୍ମନ୍ ସେଟା ବୁଞ୍ବକେ ସେ ବପୁଦେଲା । ଏଟା ପର୍ଯ୍ୟେସର୍ବକାମ୍ । ସେ ଆକା ଆମ୍କେ ରକିଆ କର୍ସି । ସେ ଏ ଦାଇଡ୍ ଦେଇକରି ମକେ ତିଆର୍ଲା ଆଡେ । ୪ ଏ ତିତସ୍, ତର୍ପାଇ ମୁଝ ଏ ଚିଠି ଲେକ୍ଲିନି । ଆମେ ଜିୟୁକ୍ରିସ୍ଟକେ ବିସ୍ବାସ୍ କଲାର୍ପାଇ ତୁଝ ମର୍ ନିଜର୍ ପଅପାରା ଅଇ ଆରୁସ୍ । ବାବା ପର୍ଯ୍ୟେସର୍ବକେ ଆରି ଆମର୍ ଉଦାର୍କାରିଆ ଜିୟୁକ୍ରିସ୍ଟକେ ମୁଝ ବାବୁଜିଆ କଲିନି, ସେମନ୍ ତକେ ଦୟା ଦେକାଅଡ୍ ଆରି ସାନ୍ତି ଦେଅଡ୍ । ୫ କିରଡେ ତକେ ରଇଜା ବଲି ମୁଝ କଇରଇଲି । ଜେଡ୍କି ସବୁ କାମ୍ କରିସାରାଇବାକେ ମକେ ବେଲା ନ ରଇଲା, ସେଟା କରିସାରାଇବାକେ ମୁଝ ସେନ୍ଦ୍ରି କଲି । ଏଟା ଅଇଲାନି ପର୍ତୁମ୍ ବିସଇ । କିରଡେ ରଇବା ସବୁ ଜାଗାର୍ ମଶ୍ଟୁଲିମନ୍କେ ପାର୍ଡିନ୍ ଇସାବେ ଲକ୍ମନ୍କେ ବାଟ୍ । ମୁଝ ତର୍ ସଞ୍ଜୁ ରଇଲାବେଲେ ଏ ବିସଇନେଇ ତକେ ତିଆରି ରଇଲି । ୬ ଜନ୍ ଲକ୍କେ ତୁଝ ପାର୍ଡିନ୍ ଇସାବେ ବାଟ୍ସୁ, ସେ ଏନ୍ଦ୍ରି ଲକ୍ ଅଇବାର୍ ଆଡେ, କେ ମିସା ତାକେ ବୁଲ୍ କଲାନି ବଲି ଦସ୍ ଦେଇନାପାରଡ୍ । ତାକେ ଗଟେକ୍ ସେ ମାଇଜି ରଇବାର୍ ଆଡେ । ତାର୍ ପିଲାଟକିମନ୍ କିରିସ୍ଟକେ ବିସ୍ବାସ୍ କର୍ବାର୍ ଆଡେ । ସେମନ୍ ନିକ୍ ଚଲାଚଲ୍ତି କର୍ଡେରଇବାର୍ ଆଡେ । ଜେନ୍ଦ୍ରି କି ତାକର୍ ଆୟାବାବାମନ୍କେ ମାନଡ୍ ନାଇ କି ନିଜର୍ ମନ୍ କଲା ଇସାବେ

ଚଲାଚଳ୍ପି କଲାକଳି ବଳି ସେମନ୍ତକେ କେ ଦସ୍ ଦାରି ନାପାରତ୍ । ୭ ବିନ୍
 ବିସ୍‌ବାସିମନ୍ତକେ ଜତନ୍ କରବାକେ ଦାଇତ୍ ଇସାବେ ପରମେସର୍ ଗଟେକ୍
 ପାର୍ତିନକେ ଦେଲାଆତେ । ତେବର୍ ପାଇ ଜନ୍ ମଣ୍ଡୁଲିର୍ ପାର୍ତିନକେ
 ତୁଇ ବାସ୍ତୁ, ତାକେ କାଇ ଦସ୍ ନ ରଥ । ସେ ବଡ଼ପନିଆ ନ ରଇବାର୍,
 ଦାପ୍ରେ ରିସା ନ ଅଇବାର୍, ମଦୁଆ ନ ରଇବାର୍, ବିନ୍ ଲକର୍ ସଞ୍ଜୁ କିରଜାଟି
 ନ ଅଇବାର୍, ତାବୁକେ ଆସା ନ କରବାର୍ । ୮ ସେନ୍ତୁରି ନ ଅଇକରି
 ଲକ୍ମନ୍ତକେ ତାକିନେବା ଲକ୍, ଦରମ୍ ବିସଇ କରବାକେ ମନ୍ କରବା ଲକ୍,
 ନିଜେ ଜାଗ୍‌ରତ୍ ରଇବା ଲକ୍, ବଡ଼ ସାନ୍ ଇସାବେ ନ ଦେକ୍‌ବା ଲକ୍, ସୁକଲ୍
 ଇସାବେ ଚଲାଚଳ୍ପି କରବା ଲକ୍, ନିଜେ ମନ୍‌କରବା ବିସଇଟାନେ ଜାଗ୍‌ରତ୍
 ଅଇବା ଲକ୍, ରଇବାର୍ ଆତେ । ୯ ସେ ଲକ୍ ଆମେ ସିକାଇତେରଇବା ସୁବ୍
 କବର୍ ତାଟ୍‌ସଞ୍ଜୁ ବିସ୍‌ବାସ୍ କରିରଇବାର୍ ଆତେ । ଏ କବର୍ ସତ୍ ଆରି ନ
 ବାଦ୍‌ଲେ ବଳି ସେ ଜାନ୍‌ବାର୍ ଆତେ । ଏନ୍ତୁର୍ ଆଲେ ସେ ଲକ୍ମନ୍ତକେ ସତ୍
 ବିସଇ ସିକାଇପାର୍‌ସି । ଆରି ଜନ୍ ଲକ୍ ତାର୍ ବିରୁଦେ କାତା ଅଇଲାକଳି,
 ତାକର୍ ବୁଲ୍ ଦେକାଇପାର୍‌ସି । ୧୦ ମଣ୍ଡୁଲିର୍ ପାର୍ତିନମନ୍ ଅତିକାର୍ ନ
 ନାମ୍‌ବା ଲକ୍ ବେସି ରଇଲାର୍‌ପାଇ ମୁଇ ତକେ କଇଲିନି । କାଇ ମୁଲିଅ
 ନ ରଇବା କାତା ସବୁ ସେମନ୍ତକେ ସିକାଇକରି, ସେମନ୍ତକେ ବିସ୍‌ବାସ୍
 କରାଇଲାକଳି । ଜିଉଦି ନିୟମ୍ ଇସାବେ ସବୁ ବିସ୍‌ବାସିମନ୍ ସୁନତ୍ ଅଇବାର୍
 ଆତେ ବଳି ସିକାଇଲାକଳି । ୧୧ ଏନ୍ତୁରି ଲକ୍ମନ୍ତକେ ସିକାଇବାକେ ଦେସ୍
 ନାଇ । କାଇକେବଇଲେ ନ ସିକାଇବା ବିସଇ ସିକାଇକରି ସେମନ୍ ଗୁଲାଇ
 କୁରୁମ୍‌ମନ୍ତକେ ବିସ୍‌ବାସ୍ କରାଇ, ସତ୍ ବିସଇତେଇ ଅନି ବାଉଡାଇଲାକଳି ।
 ଲକ୍ମନ୍‌ରଟାନେଅନି ତାରୁ ମିଲାଇବାକେ ମିସା ଏନ୍ତୁରି କଲାକଳି । ୧୨
 କିରତେଅନି ଆଗେ ଗଟେକ୍ ଗିଆନ୍ ରଇବା ଲକ୍ ରଇଲା । ସେ ଏନ୍ତୁରି
 କଇରଇଲା, “କିରତେରଇବା ଲକ୍ମନ୍ ବେସି ମିର୍ କଇବାଇ । ସେମନ୍
 ବନର୍ ପସୁପାରା ଚଲାଚଳ୍ପି କରବାଇ ଆରି ସେମନ୍ ବେସି ଅଲ୍‌ସିଆ ଆରି
 କାଉରାମନ୍ ।” ୧୩ କିରତେ ରଇବା ଲକ୍ ବିସଇ ସେ ବବିସତ୍‌ବକ୍ତା
 କଇଲାଟା ଏବେ ମିସା ସତ୍‌ସେ । ତେବର୍ ପାଇ ସେମନ୍ତକେ ତାଟ୍ ସଞ୍ଜୁ
 ଦମ୍‌କାଇକରି କଇବାର୍ ଆତେ । ଜେନ୍ତୁରିକି ସେମନ୍ ସତ୍ ସିକିଆ ବିସ୍‌ବାସ୍
 କରବାଇ । ୧୪ ଜିଉଦି ଲକ୍ମନ୍ ତିଆର୍‌କଲା କାତାନିମନ୍ ନ ମାନିକରି ଆରି
 ସତ୍ ସିକିଆ ନ ମାନିକରି ରଇବା ଲକ୍ମନ୍ ତିଆର୍‌କଲା ରିତିନିତି ଦିଆନ୍ ନ

କରତ୍ । ୧୫ ଜନ୍ ଲକ୍ମନ ପର୍ଯ୍ୟନ୍ତ ଦେବୀ ଇସାବେ ସୁକଲ୍ ରଇବାଇ, ସେନ୍ତାରିସେ ତାକରପାଇ ସବୁ ବିସଇ ସୁକଲ୍ ରଇସି । ମାତର୍ ଜନ୍ ଲକ୍ମନର୍ ବିବେକ୍ ସେମନ୍‌କେ ଦସି କରସି, ସେମନ୍ କାରାପ୍ ଅଇ ଜିସୁକିରିସ୍‌ଟକେ ବିସ୍‌ବାସ୍ ନ କଲେ, ତାକରପାଇ କାଇ ବିସଇ ମିସା ସୁକଲ୍ ନାଇ । ୧୬ ଏ ଲକ୍ମନ ପର୍ଯ୍ୟନ୍ତକେ ଜାନିଆରୁ ବଲି କଇ ବୁଲ୍‌ବାଇ, ମାତର୍ ତାକର୍ ଚଲାଚଲ୍‌ତିଟାଣେ ସେଟା ନ ଡିସେ । ସେମନ୍ ଗିନ୍ କରବାଲକ୍, କାତା ନ ମାନବା ଲକ୍ ଆରି କାଇ ଦରମ୍ ବିସଇ କଇବାକେ ନାପାରତ୍ ।

୨ ମାତର୍ ତିତସ୍ ତୁଇ ବିସ୍‌ବାସିମନ୍‌କେ ଜନ୍ ବିସଇ ସିକାଇଲୁସ୍‌ନି ସେଟା ଜିସୁକିରିସ୍‌ଟର୍ ସତ୍ ସିକିଆ ଇସାବେସେ ସିକା । ୨ ପରୁତୁମ୍ ତକ୍‌ରାମନ୍‌କେ ତାକର୍ ଜିବନେ ନିକ ଚଲାଚଲ୍‌ତି କରବାକେ ସିକା, ଜେନ୍ତିକି ନିଜେ ବୁଦିରସ୍‌ଢୁ ରଇ, ଲକ୍ମନର୍‌ଟାଣେଅନି ସନ୍‌ମାନ୍ ପାଇବାଲକ୍ ପାରା ଅଇ ଜାଗରତ୍ ରଇବାର୍ । ସେମନ୍ ପର୍ଯ୍ୟନ୍ତକେ ଡାକ୍‌ସଢୁ ବିସ୍‌ବାସ୍ କରି ବିନ୍ ଲକ୍ମନକେ ସତ୍‌ସଢୁ ଆଲାଦ୍ କରି ମୁରତି ରଇବାର୍ ଆଚେ । ୩ ସେନ୍ତାରିସେ ତକ୍‌ରିମନ୍‌କେ ମିସା ସିକାଆ । ଜେନ୍ତିକି, ସେମନ୍ ସୁକଲ୍ ଚଲାଚଲ୍‌ତି କରବାଇ । ତିପୁଲ୍ କାତା ନ କଇକରି, ମାତୁଆଲ୍‌ନିମନ୍ ନ ଅଇକରି, ତାର୍ ବାଦୁଲେ ବିନ୍ ଲକ୍ମନକେ ନିକ ବିସଇ ସିକାଅତ୍ । ୪ ଏନ୍ତାରି କଲେ ସେମନର୍ ଟାଣେଅନି ଦାଢୁଡିମନ୍ ନିକ ଚଲାଚଲ୍‌ତି କରବାଟା ସିକ୍‌ବାଇ । ସେମନ୍ ପରୁତୁମ୍ ନିଜର୍ ମୁନୁସ୍‌କେ ଆରି ପିଲାଟକିମନ୍‌କେ ଆଲାଦ୍ କରବାଟା ସିକତ୍ । ୫ ନିଜେ ଜାଗରତ୍ ଅଇକରି ମୁନୁସ୍‌ମନ୍‌କେ ସୁକଲ୍ ଚଲାଚଲ୍‌ତି କରି, ନିଜର୍ ଚରୁତୁଆର୍ ଚାଲାଇକରି, ବିନ୍ ଲକ୍ମନକେ ଦୟା ଦେକାଇକରି ଆରି ନିଜର୍ ମୁନୁସ୍‌ର୍ କାତା ମାନିକରି ରଇବାକେ ସିକା । ସେନ୍ତାର୍ କଲେ ପର୍ଯ୍ୟନ୍ତ ଆମ୍‌କେ ସର୍ପି ଦେଲା କବର୍ କେ ମିସା ନିନ୍ତା ନ କରତ୍ । ୬ ସେନ୍ତାର୍ ସେ ଦାଢୁଡାମନ୍‌କେ ମିସା ନିଜେ ଜାଗରତ୍ ରଇବାକେ ସିକା । ୭ ତୁଇ ନିଜେ ସବୁ ବିସଇଟାଣେ ନିକ ଚଲାଚଲ୍‌ତି କର୍ । ଜେନ୍ତାରି କି ତକେ ଦେକିଦେକି ଦାଢୁଡାମନ୍ ସେନ୍ତାରି ଅଇବାଇ । ସିକାଇଲାବେଲେ, ମନ୍ ସତ୍ ରଇକରି ଲକ୍ମନର୍ ମୁଆଟେ ସନ୍‌ମାନ୍ ପାଇଲାପାରା ପର୍ଯ୍ୟନ୍ତ ବିସଇ ସିକା । ୮ ଜେଡ୍‌କି ବିସଇ ସିକାଇଲୁସ୍‌ନି, ସେ ସବୁ ବିସଇ ସତ୍ ରଅ ଜେନ୍ତାରିକି ଲକ୍ମନ ନିନ୍ତା କରିନାପାରତ୍ । ଜେଡ୍‌କି ଲକ୍ ଜିସୁକିରିସ୍‌ଟରପାଇ ତୁଇ କରବା କାମ୍ ବିରତ୍ କଲାଇନି, ସେମନ୍ ସବୁ ଲାଜ୍ ଅଇଜିବାଇ । କାଇକେବଇଲେ ଆମ୍‌କେ

ନିନ୍ଦା କରବାକେ ତାକର୍ତ୍ତାନ୍ କାଳଟା ନ ରଏ । ୯ ତର୍ ମଣ୍ଡୁଲିମନ୍ତକେ
 ରଇବା ଗତିଦାଢ଼ୁଡ଼ାମନ୍ତକେ ତାକର୍ ସାଉକାର୍ତ୍ତମନ୍ତକେ ମାନିକରି ରଇବାକେ
 ସିକା । ତାକର୍ କରବା କାମ୍ ଦେକି ସାଉକାର୍ତ୍ତମନ୍ତ ସାର୍ଦ୍ଦା ଅଅଡ଼ ଆରି
 ସାଉକାର୍ତ୍ତମନ୍ତକେ ସେମନ୍ ଟଣ୍ଟୁ ନ ଲାଗାଅଡ଼ । ୧୦ ସାଉକାର୍ତ୍ତ କାଇ
 ଜିନିସ୍ ନ ଚରାଇକରି ସବୁବେଲେ ଦରମ୍ ଚଲାଚଲ୍ତି କର । ସେମନ୍ତକେ
 ସାଉକାର୍ ବିସ୍ବାସ୍ କରବାର୍ ଆଚେ । ତାକର୍ ନିକ ଚଲାଚଲ୍ତି କରବାଟା
 ଦେକି ଆମ୍ତକେ ମୁକ୍ତି ଦେବା ପରମେସରର୍ କବର୍ ସୁନ୍ଦବାକେ ଲକ୍ମନ୍
 ମନ୍ କରବାଇ । ୧୧ କାଇକେ ବଇଲେ ପରମେସରର୍ ଗୁଲାଇ ମୁନ୍ଦୁସ୍ଜାତିକେ
 ପାପେଅନି ମୁକ୍ତି କରବାକେ ତାର୍ ଦୟା ଦେକାଇଲା ଆଚେ । ୧୨ ସେ ଦୟା
 କଲାକେ, କାରାପ୍ ଚଲାଚଲ୍ତି କରବାଟା ଚାଡ଼ିକରି, ବିସ୍ବାସ୍ ନ କରବା
 ଲକ୍ମନ୍ କରବା ଚଲାଚଲ୍ତି ନ କରି, ସେମନ୍ ଲାଲ୍‌ସା ଅଇବା ବିସଇ ମନ୍
 ନ କରବାକେ ପରମେସର ଆମ୍ତକେ ସିକାଇଲାନି । ତାର୍ ବାଦୁଲେ ଜେଡ଼କି
 ଦିନ୍ ଆମେ ଏ ଜଗତେ ବଢ଼ିଆରୁ, ସେଡ଼କି ଦିନ୍ ନିଜେ ଜାଗରଡ଼ ରଇ, ଦରମ୍
 ଚଲାଚଲ୍ତି କରି ତାକେ ସାର୍ଦ୍ଦା କରାଇବାକେ ସେ ଆମ୍ତକେ ବପୁ ଦେଲାନି
 । (aiōn g165) ୧୩ ଜନ୍ ବଡ଼ ଦିନ୍ ଆଇବାକେ ଆମେ ଜାଗିଆରୁ, ସେଡ଼କି
 ଦିନ୍ ଜାକ ଏନ୍ଦ୍ରାରିସେ ଚଲାଚଲ୍ତି କରୁ । ସେ ଦିନେ ଜିସୁକିରିସ୍ଟ ଜେକି
 ଆମର୍ ପରମେସର ଆରି ମୁକ୍ତିକାରିଆ, ତାର୍ ସବୁ ଡାକ୍‌ପୁଟା ସଢ଼ୁ ଏ
 ଜଗତେ ବାଉଡ଼ିଆଇସି । ୧୪ ଏ ଜିସୁ କିରିସ୍ଟ ଆମର୍ ଲାଗି ମରବାକେ
 ନିଜେ ସର୍ପିଆଇଲା । ପାପର୍ ବାନ୍ଦୁନେଅନି ମୁକ୍ତଲାଇବାକେ ଆରି ତାର୍‌ପାଇ
 ସୁକଲ୍ ଲକ୍ କରାଇବାକେ ସେ ଏନ୍ତି କଲା । ସେ ଦେକ୍‌ବା ଇସାବେ, ଦରମ୍
 କାମ୍ କରବାକେ ବେସି ମନ୍ କରବା ଲକ୍ ଅଇବାକେ ମିସା । ୧୫ ଡେବର୍‌ପାଇ
 ତିଡ଼ସ୍, ତୁଇ କିରତେ ରଇବା ବିସ୍ବାସିମନ୍ତକେ, ମୁଇ ତକେ କଇରଇବା ସବୁ
 ବିସଇ ସିକାଇଦେସ୍ । ଏ ସବୁ ବିସଇ କରବାକେ ସାର୍ଦ୍ଦା କରା ଆରି ନ
 କଲେ ସେମନ୍ତକେ ଜାଗରଡ଼ କରା । ସେନ୍ଦ୍ରାରି କରବାକେ ତର୍ ଅଦିକାର୍
 ଆଚେ । ତୁଇ ସିକାଇଲା ବିସଇମନ୍ କେ ମିସା ନିର୍ ଇସାବେ ନ ନାମଡ଼ ।

୩ ସାସନ୍‌କାରିଆ ଆରି ଅଦିକାରିମନ୍ତ ତଲେ ରଇକରି ସେମନ୍ ତିଆର୍‌ଲାଟା
 ମାନିକରି ରଇବାକେ ମଣ୍ଡୁଲିର୍ ବାଇବଇନିମନ୍ତକେ ଏତାଇଦେସ୍ । ବିନ୍
 ଲକ୍‌କେ କାଇ ସାଇଜ ମିସା କରବାକେ ଜାଗରଡ଼ ଅଇରଅଡ଼ । ୨ ବିନ୍
 ଲକ୍‌ର ବିସଇ ମିର୍ ନ କଇ ସବୁର୍ ସଢ଼ୁ ସାନ୍ତିସଢ଼ୁ, ଆଲାଦେ, ମନ୍‌ବିଡ଼ରେ

ଦରମ୍ଭରଇ ମିସିବିଡ଼ି ରଅଡ଼ । ୩ କାଇକେବଇଲେ ଗଟେକ୍ ବେଲାଇ
 ଆମେମିସା ବକୁଆ ଲକର୍ପାରା ରଇ ପର୍ମେସରର୍ କାତା ନ ମାନିକରି,
 ବୁଲ୍ ବିସଇ କର୍ତେରଇଲୁ । ଆମର୍ ପାପର୍ ଗୁନ୍ତଲନ୍ ଇସାବେ ଜେଡ଼କି
 ସବୁ ବିସଇ ରଇଲା, ସେଟା ସବୁ ସାର୍ଦାସଡ଼୍ କର୍ତେରଇଲୁ । ବିନ୍ ଲକର୍
 ତିପୁଲ୍ କାତା ଗୁଲାଇବାଟେ ବିତିକରି ସେମନ୍କେ ଇସା କର୍ତେରଇଲୁ ।
 ସେମନ୍ ଆମ୍ବକେ ଗିନ୍ କର୍ତେରଇଲାଇ, ଆମେମିସା ସେମନ୍କେ ଗିନ୍
 କର୍ତେରଇଲୁ । ୪ ମାତର୍ ଆମେ ସେନ୍ତୁରି ତଲାତଲ୍ଡି କର୍ତେରଇଲେ
 ମିସା ଆମର୍ ମୁକ୍ତିକାରିଆ ପର୍ମେସର୍ ନିଜର୍ ଦୟା ଆରି ଆଲାଦ୍ ଆମ୍ବକେ
 ଦେକାଇଆଟେ । ୫ ପାପର୍ ତଣ୍ଡେଅନି ସେ ଆମ୍ବକେ ମୁକ୍ତଲାଇଲା । ଆମେ
 ଦରମ୍ କାମ୍ କଲାର୍ପାଇ ସେ ଆମ୍ବକେ ଏନ୍ତି କରେନାଇ । ମାତର୍ ସେ
 ଆମ୍ବକେ ଜିବନ୍ ଦୁକାଇ ଦୟା ଦେକାଇଲାନେସେ । ସୁକଲ୍ ଆଡ଼ମା ଦେଇକରି
 ସେ ଆମ୍ବକେ ରକିଆ କଲା । ଜେକି ଆମର୍ ସବୁ ପାପ୍ ଦଇକରି ନୁଆ ଜିବନ୍
 ଦେଲା । ୬ ଆମର୍ ରକିଆକାରି ଜିସୁକିରିସ୍ଟ କଲା କାମର୍ଲାଗି ପର୍ମେସର୍
 ଏଟା କଲା । କାଇ ମୁଲିଅ ନ ଦେଇ ଜେଡ଼କି ବଇଲେ ସେଡ଼କି ଆମ୍ବକେ
 ସୁକଲ୍ଆଡ଼ମା ଦେଲା ଆଟେ । ୭ ପର୍ମେସର୍ ଆମ୍ବକେ ତାର୍ ପିଲାଟକି
 କର୍ବାକେ ଏନ୍ତୁରି କଲା ଆଟେ । ତାର୍ସଡ଼୍ କାଲ୍କାଲ୍ ଜୁଗ୍ଜୁଗ୍ ବର୍ବାକେ
 ଆମେ ଆସା କର୍ବାର୍ ଅଇସି । ଆମର୍ପାଇ ରଇବା ତାର୍ ବଡ଼ ଦୟାର୍ଲାଗି,
 ତାର୍ ମୁଆଟେ ଦସି ଇସାବେ ନ ଦେକେ । ପର୍ମେସର୍ ଆମ୍ବକେ କାଇ ଦସ୍ ନ
 କଲା ଲକ୍ବଲି ଜାନାଇଆଟେ । (aiōnios g166) ୮ ମୁଇ ତକେ ଲେକିରଇବା ଏ
 ସବୁ ବିସଇ ସଡ଼ ବଲି ମାନିଅଇସି । ତେବର୍ପାଇ ମୁଇ ତକେ ବାବୁଜିଆକରି
 କଇଲିନି, ତୁଇ ସିକାଇବାବେଲେ ଏ ସବୁ ବିସଇ ନ ପାସ୍ରି ଏତାଇତେ ର
 । ଜେନ୍ତୁରିକି ପର୍ମେସର୍କେ ଜେଡ଼କି ଲକ୍ ବିସ୍ବାସ୍ କର୍ବାଇ, ସେମନ୍
 ସବୁ ଦରମ୍ କାମ୍ କର୍ବାକେ ମନ୍ଦିଆନ୍ ଦେବାଇ । ଏନ୍ତୁରି ସିକିଆ ଦେଲେ
 ସବୁ ଲକର୍ପାଇ ସେଟା ନିକ ଆରି କାମ୍ବକେ ଆଇସି । ୯ ମାତର୍ ଜନ୍
 ଲକ୍ମନ୍ କାଇ ଲଡାକେ ନ ଆଇବା ବିସଇର୍ପାଇ ଦଦାପେଲା ଅଇବାଇ,
 ଆରି ତାକର୍ କୁଟୁମର୍ ଆନିଦାଦିମନ୍ ବିସଇ କଇ ଲାଗିରଇବାଇ, ରୁଟାଇ
 ରୁଟାଇ ଦଦାପେଲା ଅଇବାଇ ଆରି ମସା ମିଲାଇରଇବା ରିତିନିତି ବିସଇନେଇ
 ଲାଗାଲାଗି ଅଇବାଇ, ସେନ୍ତୁରିଟାନେ ପୁର୍ନାଇ । କାଇକେବଇଲେ ଏଟା
 କାକେ ଲଡାକେ ନ ଦେଏ, ଆରି ରୁଟାଇସେ । ୧୦ ବିସ୍ବାସିମନ୍ ବିଡ଼ରେ

ଜଦି କେ ମିସା ଗଟେକ୍ ବେଗ୍ଲାଇବା ଲକ୍ ରଇଲେ, ତାକେ ତାଟ୍ ସଢ଼ୁ
 କଇକରି ତାତାଇଦେସ୍ । ସେ ନ ତାଡ଼ଲେ ଆରିତରେକ୍ ଜାଗ୍ରତା କରା ।
 ତାର୍ପତେ ମିସା ସେ କରଲାଗିରଇଲେ ତାକେ ଚାଡ଼ିଦେସ୍ । ୧୧ ଏନ୍ତୁରି ଲକ୍
 ସତ୍ ବିସଇତେଇଅନି ମନ୍ ବାଉତାଇଲା ଆଚେ ବଲି ତୁଇ ଜାନିପାରୁସ୍ ।
 ତାର୍ ପାପରୁଲାଗି ସେ ପର୍ମେସରର୍ ମୁଆଟେ ଦସ୍ କରିଆଚେ ବଲି ଲକ୍ମନ୍
 ନିକସଢ଼ୁ ଜାନ୍ବାଇ । ୧୨ ତକେ ସାଇଜ କର୍ବାକେ ମୁଇ ଆର୍ତେମସ୍କେ
 ନଇଲେ ତେକିକସ୍କେ ପାଟାଇବି । ଆକର୍ ବିତ୍ରେ କେ ଆଲେ ଆଇଲେ,
 ତୁଇ ତେଇଅନି ବାରଇ ନିକପଲି ନଅରେ ମକେ ବେଟ୍ ଅଇବାକେ ଆଉ ।
 କାଇକେବଇଲେ ସିତ୍ମାସ୍ ସାର୍ବାଜାକ ତେଇ ରଇବାକେ ମୁଇ ମନ୍ କଲିନି ।
 ୧୩ ଜିନି ନାଉର୍ ଗଟେକ୍ ଅକିଲ୍ ଆରି ଆପଲ୍ ନାଉର୍ ଆରିଗଟେକ୍ ଲକ୍
 ଜିବାକେ ବାରଇବାବେଲେ, ସେମନ୍କେ ଜେଡ଼କି ସାଇଜ ଲତା ଆଚେ, ସେଟା
 ସବୁ କରିଦେସ୍ । ସେମନ୍କେ ଲତାକେ ଆଇବାଟା ଜାଗାଇଦେସ୍ । ୧୪
 ସେଟାକେ ଚାଡ଼ି କିରତେରଇବା ଆମର୍ ସବୁ ବିସ୍ବାସି ବାଇବଇନିମନ୍,
 ଦରମ୍ କାମ୍ କର୍ବାଟା ନ ଚାଡ଼ିକରି, ପାଇଟିକାବାଡ଼ କର୍ତେରଅଡ଼ । ସେନ୍ତୁରି
 କଲେ, ଅବାବେ ରଇଲା ଲକ୍ମନ୍କେ ଦେଇପାର୍ବାଇ । ଆରି ବିସ୍ବାସିମନ୍
 ବେକାର୍ ଜିବନ୍ ନ ବିତାଅଡ଼ । ୧୫ ମର୍ ସଢ଼ୁ ରଇବା ସବୁ ବିସ୍ବାସିମନ୍ ତକେ
 ଜୁଆର୍ ଜାନାଇଲାଇନି । କିରତେରଇବା ଆମର୍ ବିସ୍ବାସି ବାଇବଇନିମନ୍
 ଜେଡ଼କିଲକ୍ ଆମ୍କେ ଆଲାଦ୍ କଲାଇନି, ସେମନ୍କେ ସବୁକେ ଆମର୍ ଜୁଆର୍
 ଜାନାଇଦେସ୍ । ପର୍ମେସର୍ ତାର୍ ଜିବନ୍ ଦୁକାଇ ତମ୍କେ ଦୟା ଦେକାଅ ।

ପିଲିମନ୍

୧ ମୁଇ ପାଉଲ୍ ଜେକି ଜିସୁକିରିସ୍ତର୍ ଲାଗି ବନ୍ଦୁ ଆତି । ଆରି ଆମର୍ ବାଇ ତିମତି । ଆମେ ମିସିକରି ଆମର୍ ମଇତର୍ ଆରି ସଙ୍ଗୁର୍ କାମକରୁ ପିଲିମନ୍କେ ଏ ଚିଟି ଲେକ୍ଲୁନି । ୨ ତର୍ ଗରେ ରୁଣ୍ଡିକରି ପାର୍ତନା କର୍ବା ମଣ୍ଡୁଲିକେ, ଆରି ଆମର୍ ବଇନି ଆପିୟାକେ, ଗଟେକ୍ ସନିଅ ପାରା ଆମର୍ ବିସ୍ବାସ୍ ଦେକାରକା କର୍ବା ଆର୍କିପସ୍କେ ମିସା ଏ ଚିଟି ଲେକ୍ଲୁନି । ୩ ଆମର୍ ବାବା ପରମେସର୍ ଆରି ମାପୁରୁ ଜିସୁ କିରିସ୍ତର୍ ତାର୍ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ । ୪ ବାଇ ପିଲିମନ୍, ମୁଇ ଜେତେବେଲେ ମିସା ପାର୍ତନା କର୍ବା ବେଲେ, ତକେ ଏତାଇକରି ପରମେସର୍କେ ଦନିଅବାଦ୍ ଦେଲିନି । ୫ କାଇକେବଇଲେ ପରମେସର୍ ଲକର୍ପାଇ ରଇବା ତମର୍ ଆଲାଦ୍ ଆରି ମାପୁରୁ ଜିସୁଟାନେ ରଇବା ତମର୍ ବିସ୍ବାସ୍ ମୁଇ ସୁନିଆତି । ୬ କିରିସ୍ତର୍ ସଙ୍ଗୁ ଆମେ ମିସ୍ଲାର୍ପାଇ ଆମର୍ ଜିବନେ ଜେତକି ସବୁ ଆସିର୍ବାଦ୍ ପାଇଆରୁ, ସେଟା ସବୁ ନିକ ସଙ୍ଗୁ ବୁଜ୍ବାକେ ଆମେ ତମର୍ ସଙ୍ଗୁ ରଇଲାବେଲେ, ବୁଜିପାର୍ବୁ ବଲି ମୁଇ ଆସା କଲିନି । ୭ ଏ ମର୍ ଆଲାଦର୍ ବାଇ, ତର୍ ଆଲାଦ୍ ମକେ ବେସି ସାର୍ଦା କରାଇଲା ଆତେ । ପରମେସର୍ ସବୁଲକର୍ ମନ୍ ମିସା ତୁଇ ସାର୍ଦା କରାଇ ଆରୁସ୍ । ୮ ତେବେ ଏଟାର୍ଲାଗି କିରିସ୍ତର୍ ପାଇ ଗଟେକ୍ ବାଇ ଇସାବେ ତକେ ତିଆର୍ବାକେ ମର୍ ପୁରାପୁରୁନ୍ ଅଦିକାର୍ ଆତେ । ୯ ମାତର୍ ମୁଇ ତକେ ଆଲାଦ୍ କଲିନି, ସେଟାର୍ଲାଗି ଅବ୍କା ବାବୁଜିଆ କର୍ବି । ମୁଇ ପାଉଲ୍ କିରିସ୍ତର୍ ଜିସୁର୍ ମୁଜିଅ କବରନେଉ ଅଇରଇଲେମିସା, ତାର୍ଲାଗି ଏବେ ମୁଇ ବନ୍ଦୁଅଇଆତି । ୧୦ ଅନିସ୍ମସ୍ ଜେକି କିରିସ୍ତର୍ ଲାଗି ମର୍ ନିଜର୍ ପଅ ପାରା ଅଇଗାଲା ଆତେ । ତାର୍ ବାଦୁଲେ ମୁଇ ତକେ ବାବୁଜିଆ କଲିନି । ଆମେ ବନ୍ଦୁଗରେ ରଇଲା ବେଲେ, ମୁଇ ତାର୍ ଆତ୍ମା ଇସାବେ ରଇବା ବାବା ପାରା ଅଇଆତି । ୧୧ ଗଟେକ୍ ବେଲାଇ ସେ ତର୍ପାଇ ଅବ୍କା ରଇଲା । ମାତର୍ ଏବେ ଆମର୍ ଦୁଇଲକର୍ ଲତାକେ ଲାଗ୍ବା ଲକ୍ ଅଇଲା । ୧୨ ମୁଇ ଏବେ ତାକେ ତର୍ ଲଗେ ପାଟାଇଲିନି । ମର୍ ଜିବନେ କାନ୍ତି କାନ୍ତି ଆତି । ୧୩ ତାକେ ବନ୍ଦୁଗରେ ମର୍ ସଙ୍ଗୁ ରଅ ବଲି ମନ୍ କର୍ତେରଇଲି । ସୁବ୍ କବରର୍ ଲାଗି ତର୍ ବାଦୁଲେ ସେ ମକେ ଇତି ସାଇଜ କର୍ତା । ୧୪ ମାତର୍ ତୁଇ ମକେ ସାଇଜ କର୍ ଆକା ବଲି ବାଦିଅ କରିନାଇ । ତୁଇ ନିଜେ ମନ୍କରି କଲେ, ମୁଇ ମନ୍ କର୍ତି । ତେବେ

ତୁଇ ରାଜି ନ ଅଇତେ ମୁଇ କାଇଟା ନ କରି । **୧୫** ଜେନ୍ତୁରିକି ଅନିସ୍ମୟ
 ଆରି ତୁଇ, ସାଉକାର୍ ଆରି ଗତିଦାଢ଼ୁଡ଼ା ପାରା ନ ଅଇ, ମର୍ବା ଜାକ ନିଜର୍
 ବାଇ ଇସାବେ ରଇବାକେ, ଚନେକର୍ପାଇ ତର୍ଟାନେଅନି ଦୁରିକେ ରଇଲା
 । **(aiōnios g166)** **୧୬** ଆରି ଏବେ ସେ ଅବ୍‌କା ଗତିଦାଢ଼ୁଡ଼ା ନଏଁ, ମାତର୍
 କିରିସ୍‌ଟର୍ ଲାଗି ଗଟେକ୍ ଆଲାଦର୍ ବାଇ ଅଇଆତେ । ମୁଇ ତାକେ ବେସି
 ଆଲାଦ୍ କଲିନି । କିରିସ୍‌ଟର୍ ଲାଗି ଗଟେକ୍ ବାଇ ଇସାବେ ଆରି ଗତିଦାଢ଼ୁଡ଼ା
 ଇସାବେ ସେ ତର୍ପାଇ କେତେକ୍ ଅଦିକ୍ ଆଲାଦର୍ ଲକ୍ ଅଇସି । **୧୭**
 ତେବର୍ପାଇ ତୁଇ ମକେ ଜଦି ସଢ଼ୁର୍କାମ୍‌କରୁ ଇସାବେ ଦେକ୍‌ଲୁସ୍‌ନି, ଜେନ୍ତି
 ତୁଇ ମକେ ଡାକିନେଇରୁସ୍, ସେନ୍ତୁରିସେ ତାକେ ମିସା ଡାକିନେ । **୧୮** ସେ
 ଜଦି ତର୍ କାଇ ପାପ୍‌ସ୍ କରି ରଇଲେ, କି କାଇଟା ଦେବାର୍ ରଇଲେ ସେଟା
 ମର୍ ରୁନ୍‌ବଲି ବାବ୍ । **୧୯** ଏବେ ମୁଇ ନିଜେ ଲେକ୍‌ଲିନି ମୁଇ ପାଉଲ୍ ତକେ
 ସୁଜ୍‌ବି । ତୁଇତା ମର୍ ରୁନି ଅଇ ଆରୁସ୍, ଏଟା ମୁଇ ତକେ ଏତାଇଦେବାକେ
 ଲତା ନାଇ । **୨୦** ତେବେ ତୁଇ ଜେକି କିରିସ୍‌ଟର୍ ଲାଗି ମର୍ ବାଇଅଇଆରୁସ୍
 । ମର୍ପାଇ ଏ ଗଟେକ୍ କାମ୍ କରି ମକେ ସାର୍‌ଦା କରାଆ । **୨୧** ଏଟା
 ଲେକ୍‌ଲାବେଲେ, ମୁଇ ତାବ୍ ସଢ଼ୁ ଜାନିଆତି, ମୁଇ ମାଢ଼ୁବା ବିସଇ ତୁଇ
 କର୍ସୁ ଆକା । ଦେକ୍‌ଲେ, ମାଢ଼ୁଲାତେଇଅନି ଅଦିକ୍ କର୍ସୁ । **୨୨** ଏଟାତାଡି
 ମର୍ପାଇ ଗଟେକ୍ ବାକ୍‌ରା ସାଜାଡି ର । କାଇକେବଇଲେ, ତୁଇ ପାର୍‌ତନା
 କଲା ଇସାବେ ମୁଇ ତର୍ଲଗେ ଦାପ୍‌ରେ କେଟିପାର୍‌ବି । **୨୩** ଏପାପ୍‌ରା ଜେକି
 କିରିସ୍‌ଟର୍ ଲାଗି ମର୍‌ସଢ଼ୁ ବନ୍ତିଅଇଆତେ, ସେ ତାର୍ ଜୁଆର୍ ଜାନାଇଲାନି ।
୨୪ ସେନ୍ତୁରିସେ, ମର୍ ସଢ଼ୁର୍ କାମ୍ କରୁମନ୍ ମାର୍‌କ, ଆରିସ୍‌ତାକସ୍, ଦିମା
 ଆରି ଲୁକ୍ ମିସା । **୨୫** ଆମର୍ ମାପ୍‌ରୁ ଜିସୁ କିରିସ୍‌ଟ ଜିବନ୍ ଦୁକାଇ ଦୟା
 ଦେକାଇଲାଟା ତମର୍ ସବୁର୍ ସଢ଼ୁ ର ।

ଏବ଼ି

୧ ପର୍ଯ୍ୟେସର୍ ପୁର୍ବେ ବିନ୍ ବିନ୍ ବେଲାଇ ଆରି ବିନ୍ ବିନ୍ ବାଟେ ବବିସତ୍ବକ୍ତା ମନ୍ଦକେ ପାଟାଇକରି, ଆମର୍ ଆନିଦାଦିମନର୍ ସଞ୍ଜ କାତା ଅଇଲା । ୨ ମାତର୍ ଏ ସେସ୍ କାଲେ ତାର୍ ପଅକେ ପାଟାଇକରି ତାର୍ କାତା ଜାନାଇ ଆଟେ । ତାର୍ଲାଗି ଏ ଜଗତ୍ ତିଆର୍ କଲାଆଟେ ଆରି ଜଗତର୍ ସବୁ ବିସଇର୍ ଉପ୍ରେ ତାକେ ଅଦିକାର୍ ଦେଲାଆଟେ । (aiōn g165) ୩ ପର୍ଯ୍ୟେସରର୍ ମଇମାର୍ ଉଜଲ୍ ମାପୁରୁ ଜିସୁର୍ଟାନେ ତିସ୍ସି । ପର୍ଯ୍ୟେସର୍ ଜେନ୍ତୁରି ଆଟେ, ତାର୍ ପଅ ସେନ୍ତୁରିସେ । ଜନ୍ ବପୁର୍ ବାକିଅ ପଅ କାତା ଅଇସି, ସେ ବାକିଅ ସଞ୍ଜ ତିଆର୍କଲାଟା ସେ ସାସନ୍ କରୁସି । ଆମର୍ ପାପର୍ ଲାଗି କେମା କରିସାରାଇଲା ପଟେ, ସେ ସର୍ଗେ ବାଅଡୁଲା । ଆରି ସବୁର୍ତ୍ତେଇଅନି ବପୁ ରଇବା ପର୍ଯ୍ୟେସରର୍ ଉଜାବାଟେ ସାସନ୍ କରୁବାକେ ବସ୍ଲା । ୪ ପର୍ଯ୍ୟେସର୍ ତାର୍ ପଅକେ ସରଗର୍ ଦୁର୍ତ୍ତମନର୍ ଟାନେଅନି ମୁକିଅ କଲା ଆରି ସେମନର୍ଟାନେଅନି ତାକେ ବଡ଼ ନାଉଁ ଦେଲା । ୫ କାଇକେବଲେ, ପର୍ଯ୍ୟେସର୍ ତାର୍ କନ୍ ଦୁର୍ତ୍ତକେ ମିସା ଏନ୍ତୁରି କଏ ନାଇ, ତୁଇ ମର୍ ପଅ, ଆଜିଅନି ମୁଇ ତର୍ ବାବା ଅଇଲି ଆତି, ତାର୍ କନ୍ ଦୁର୍ତ୍ତ ବିସଇ ଏନ୍ତୁରି କଏନାଇ, ମୁଇ ତର୍ ବାବା ଅଇବି ଆରି ସେ ମର୍ ପଅ ଅଇସି । ୬ ମାତର୍ ପର୍ଯ୍ୟେସର୍ ଜେଡେବେଲେ ତାର୍ ପଶୁଆ ପଅକେ ଏ ଜଗତେ ପାଟାଇଲା, ସେ ଏନ୍ତୁରି କଇରଇଲା, ପର୍ଯ୍ୟେସରର୍ ଦୁର୍ତ୍ତମନ୍ ତାକେ ସେବା କରୁବାଇ । ୭ ମାତର୍ ସରଗର୍ ଦୁର୍ତ୍ତମନର୍ ବିସଇନେଇ ପର୍ଯ୍ୟେସର୍ ଏନ୍ତୁରି କଇରଇଲା, ପର୍ଯ୍ୟେସର୍ ତାର୍ ଦୁର୍ତ୍ତମନ୍କେ ପବନ୍ ପାରା କଲାଆଟେ । ଆରି ତାର୍ ଦାଢୁଡାମନ୍କେ ଲାଗୁବା ଜଇପାରା କଲାଆଟେ । ୮ ତାର୍ ପଅର୍ ବିସଇ ସେ ଏନ୍ତୁରି କଇରଇଲା, “ଏ ପର୍ଯ୍ୟେସର୍ ତର୍ ରାଇଜ୍ କାଲ୍କାଲ୍ ଜୁଗ୍ଜୁଗ୍ ରଇସି, ଆରି କେବେ ନ ସାରେ । କାଇ ଅନିଆଇ ନ କରି ତର୍ ଲକ୍ମନ୍କେ ସାସନ୍ କଲୁସ୍ନି । (aiōn g165) ୯ ସଡ଼ ବିସଇ ମନ୍କରି ବିନ୍ ବିସଇ ଗିନ୍ କଲୁସ୍ନି । ତେବର୍ପାଇ ତର୍ ପର୍ଯ୍ୟେସର୍ ତକେ ବାଡୁଲାଆଟେ । ସେ ତକେ ଆଲାଦ୍ କରି ତର୍ ସଞ୍ଜାରିମନର୍ ତେଇଅନି ଅଦିକ୍ ସନ୍ମାନ୍ ଦେଇ ସାର୍ଦ୍ଦା କରାଇଆଟେ ।” ୧୦ ସେ ଏନ୍ତୁରି ମିସା କଇଲାଆଟେ, “ଏ ମାପୁରୁ ଆରାମେ ଅନି ତୁଇ ଜଗତ୍ ତିଆର୍ କରିଆରୁସ୍ । ଆରି ତର୍ ନିଜର୍ ଆଟେ ଆକାସ୍ ଆରି ତେଇ ରଇବା ସବୁଜାକ ତିଆର୍ କଲୁସ୍ । ୧୧ ସେଟା

ସବୁ ମାୟା ଅଇଜାଇସି, ମାତର୍ ତୁଇ ସବୁଦିନର୍ପାଇ ରଇସୁ । ସେଟା ସବୁ ପୁରନା ଲୁଗା ପାରା ଚିରି ଅଇଜାଇସି । ୧୨ ଲୁଗା ଦୁନାଇକରି ସଞ୍ଜୁଇଲା ପାରା ତୁଇ ସେଟାମନ୍‌କେ ସଞ୍ଜୁଇସୁ । ଆରି ଲୁଗା ପାଲଟନା କଲାପାରା ବାଦ୍‌ଲାଇସୁ । ମାତର୍ ନିଜେ ତୁଇ ନ ବାଦ୍‌ଲି କରି କାଲ୍ କାଲ୍ ଜୁଗ୍ ଜୁଗ୍ ରଇସୁ ।” ୧୩ ପର୍ମେସର୍ ତାର୍ କନ୍ ଦୁତ୍‌ମନ୍‌କେ ମିସା କଏନାଇ, “ମୁଇ ତମର୍ ଦୁତ୍‌ମନ୍‌କେ ତମର୍ ପାଦ୍‌ତଲେ ନ ସଞ୍ଜୁଇବା ଜାକ ମର୍ ଉଜାବାଟେ ବସି ରୁଆ ।” ୧୪ ତେବର୍‌ପାଇ ପିଲାମନ୍ ସବୁ ରକତ୍ ମାଉଁସ୍ ମିସି ରଇବାକେ ସେ ମିସା ନିଜର୍ ସେ ରକାମ୍ ସିତି ମିସିଗାଲା, ଆରି ତାର୍ ମରନ୍ ସଞ୍ଜୁ ମରନର୍ ଅଦିକାରି ସୟ୍‌ତାନ୍‌କେ ବିନାସ୍ କଲା ।

୨ ଆମେ ଜେନ୍ତିକି ସର୍‌ଟାନେଅନି ବିନେ ନ ବେଗ୍‌ଲୁ, ସେଟାପାଇ ଆମେ ସୁନିରଇବା ସତ୍ ବାକିଅଟାନେ ଡାଁଟ୍‌ଅଇ ରଇବା ଦରକାର୍ । ୨ କାଇକେ ବଇଲେ ପୁର୍‌ବେ ପର୍ମେସର୍ ସରଗ୍ ଦୁତ୍‌ମନର୍ ଅନି ଜାନାଇ ଆଟେ, ସେଟା ସତ୍ ବଲି ପର୍‌ମାନ୍ ଅଇଆଟେ, ଜନ୍ ଲକ୍‌ମନ୍ ସେଟା ମାନତ୍ ନାଇ, ସେମନ୍ ତଣ୍ଟୁ ପାଇଆଟତ୍ । ୩ ତେବେ ଏନ୍ତାରି ରଇବା ବତ୍ ମୁକ୍ତି ଆମେ ଏଲା କରିଦେଲେ କେନ୍ତି ରକିଆ ପାଇବାର୍ ଅଇସି? ଏ ମୁକ୍ତିର୍ ବିସଇ ପର୍‌ତମେ ମାପୁରୁ ନିଜେ ଜାନାଇ ଆଟେ ଆରି ତାର୍‌ଟାନେଅନି ସୁନିରଇବା ଲକ୍‌ମନ୍ ତେଇର୍ ସତ୍ ଆମର୍‌ଟାନେ ପର୍‌ମାନ୍ କରି ଜାନାଇ ଆଟତ୍ । ୪ ସେମନ୍ ପର୍‌ମାନ୍ କଲାଟା ସତ୍ ବଲି ପର୍‌ମେସର୍ ମିସା ସାକିଦେଲା । କାଇକେବଇଲେ ସେ ସେମନ୍‌କେ, କେତେ ରକାମର୍ ତିନ୍ ଆରି କାବାଅଇଜିବା କାମ୍‌ମନ୍, ନ ଗର୍‌ବା ଗର୍‌ନାମନ୍ କର୍‌ବାକେ ବପୁଦେଲା । ତାର୍ ମନ୍ କଲା ଇସାବେ ସୁକ୍‌ଲ୍‌ଆତ୍‌ମାର୍ ଦାନ୍ ମିସା ସେମନ୍‌କେ ବାଟାକରି ଦେଇ ରଇଲା । ୫ ପର୍‌ମେସର୍ ନୁଆ ଜଗତ୍ ତିଆର୍ କର୍‌ସି । ଆରି ଆମେ ଜନ୍ ଜଗତ୍‌ର୍ କାତା କଇଲୁନି, ତେଇର୍ ସାସନ୍ କର୍‌ବାକେ, ସେ ସରଗର୍ ଦୁତ୍‌ମନ୍‌କେ ବାଟିକରି ମିସାଏ ନାଇ । ୬ କାଇକେ ବଇଲେ ଦରମ୍‌ସାସ୍‌ତରେ ଏନ୍ତି ଲେକାଅଇଆଟେ, “ଏ ପର୍‌ମେସର୍, ମୁନୁସ୍ କେ ଜେ ତମେ ତାର୍‌ପାଇ ତିନ୍ତୁ କଲାସ୍‌ନି? ଆରି ମୁନୁସ୍ ଏତେକ୍ ଇନ୍ ଅଇଲେ ମିସା ତାକେ ଜତନ୍ କଲାସ୍‌ନି । ୭ ତମେ ତାକେ ସରଗର୍ ଦୁତ୍‌ମନର୍ ଟାନେଅନି ଅଲପ୍ ଉନା କରି ଆଟାସ୍ । ସେମନ୍‌କେ ମଇମା ଆରି ତାକ୍‌ପୁଟା କରିଆଟାସ୍ । ୮ ସବୁ ବିସଇର୍ ଉପ୍‌ରେ ସାସନ୍ କର୍‌ବାକେ ଅଦିକାର୍ ଦେଇଆଟାସ୍ ।” ଇତି ଲେକାଅଇଆଟେ, କାଇ ବିସଇ

ନ ଚାଡ଼ି ମୁନୁସ୍କେ ସବୁ ବିସଇ ଉପରେ ସାସନ୍ କରବାକେ ଦେଇଆଚେ । ଇତିଅନି ଜାନାପତି ଗାଲାନିଜେ ସବୁ ବିସଇ ତାର୍ ଅଦିକାରେ ଆଚେ । ମୁନୁସ୍କ ଏବେ ସବୁ ବିସଇର୍ ଉପରେ ଅଦିକାର୍ କରେ ନାଇତା । ଏଟା ଏବେ ଆମେ ଜାନ୍‌ଲୁନି । ୯ ଆମେ ଦେକ୍‌ଲୁନି, ଜିସୁ କେନ୍ତୁ ଚନେକର୍‌ପାଇ ସରଗର୍ ଦୁର୍‌ମନର୍ ଟାନେଅନି ତଲେ ଅଇରଇଲା । ଆରି ଜେନ୍ତିକି ସେ ପର୍‌ମେସରର୍ ଦୟା ପାଇକରି ସବୁଲକର୍ ପାଇ ଜନ୍ ଦୁକ୍ କସ୍‌ଟ ପାଇକରି ମଲା, ସେ ମରନର୍ ଲାଗି ଏବେ ଆମେ ତାକେ ମଇମା ଆରି ତାକ୍‌ପୁଟା ଅଇଲାଟା ଦେକ୍‌ଲୁନି । ୧୦ ପର୍‌ମେସର୍ ସବୁ ବିସଇ ତିଆରକରି ସଞ୍ଜୁଇଲା ଆଚେ । ସେଟାର୍‌ପାଇ ଜିସୁକେ ଦୁକ୍ କସ୍‌ଟ ପାଇବାକେ ସେ ଦେଲା । ଏନ୍ତୁରି ଅଇ ସେ ସିଦ୍ ଅଇଲା ଆରି ଆମର୍ ବିତ୍‌ରେଅନି ବେସି ଲକ୍, ତାର୍ ପଅ ଅଇଗାଲୁ । ଜେନ୍ତୁରି କି ଆମେ ମିସା ତାର୍ ମଇମା କଲାଟାନେ ମିସ୍‌ରୁ, କାଇକେବଇଲେ ଜିସୁ ପାପର୍ ତଣ୍ଡେଅନି ଆମ୍‌କେ ମୁକ୍‌ଲାଇଲା । ୧୧ ସେ ଆମ୍‌କେ ପାପେ ଅନି ସୁକଲ୍ କଲାଆଚେ । ଆରି ଆମେ ଜେ କି ସୁକଲ୍ ଅଇଆରୁ, ଆରି ଜେ କି ଆମ୍‌କେ ସୁକଲ୍ କରିଆଚେ, ନର୍‌ଲକ୍‌ମନର୍ ଗଟେକ୍ ସେ ବାବା । ଏଟାର୍‌ଲାଗି ଜିସୁ ସେମନ୍‌କେ ବାଇବଇନି ବଲିକରି କଇବାକେ ଲାଜ୍ ଅଏ ନାଇ । ମାତର୍ ତାର୍ କୁଟୁମ୍ ବଲି ତାକ୍‌ସି । ୧୨ ଜିସୁ ପର୍‌ମେସର୍କେ କଇଲା ଆଚେ, “ମୁଇ ତମର୍ ସବୁଜାକ କାମ୍ ମର୍ ବାଇମନ୍‌କେ ଜାନାଇବି । ସେମନ୍ ରୁଣ୍ଡୁଲାଟାନେ ତମ୍‌କେ ସୁମର୍‌ନା କର୍‌ବି ।” ୧୩ ସେ ଏନ୍ତୁରି ମିସା କଇଲାଆଚେ, “ପର୍‌ମେସର୍କାନେ ମୁଇ ଆସା କର୍‌ବି ।” ଆରି ସେ କଇଲା, “ପର୍‌ମେସର୍ ମକେ ଦେଲା ପିଲାଟକିମନ୍, ମର୍‌ସଞ୍ଜୁ ଆଚଡ୍ ।” ୧୪ ଇତି ଜନ୍ ଲକ୍‌ମନ୍‌କେ ପିଲାମନ୍ ବଲି ତାକ୍‌ଲାଇନି, ସେମନ୍ ବନି ମାଉଁସ୍ ରଇବା ଗାଗଡ୍ ସଞ୍ଜୁର୍ ଲକ୍‌ମନ୍ । ଜିସୁ ମିସା ସେମନର୍ ପାରା ଗଟେକ୍ ଗାଗଡ୍ ନେଲା ଆରି ତାକର୍ ଗୁନ୍‌ଚଲନ୍‌ତଇ ମିସ୍‌ଲା । ତାର୍ ମରନର୍ ଲାଗି ସେ ମରନର୍ ଉପରେ ବପୁ ରଇବା ସଇତାନ୍‌କେ ପୁରାପୁରୁନ୍ ବାବେ ଆରାଇଲା । ୧୫ ଜନ୍ ଲକ୍‌ମନ୍ ମରନ୍‌କେ ଡରିକରି ରଇଲାଇ, ସେଟାର୍ ପାଇ ସେମନ୍ ଜନମେ ଅନି ଗତିଦାଞ୍ଜୁଡା ପାରା ଅଇରଇଲାଇ । ସେମନ୍‌କେ ସେ ମରନର୍ ତଣ୍ଡେଅନି ମୁକ୍‌ଲାଇଲା । ୧୬ ଇତିଅନି ନିକ କରି ଜାନିଅଇଲାନି ଜେ, ସେ ସରଗର୍ ଦୁର୍‌ମନ୍‌କେ ସାଇଜ କରେନାଇ । ତାର୍ ବାଦୁଲେ ଆମେ ଜନ୍‌ଲକ୍‌ମନ୍ କି ଅବ୍ରାଆମର୍ ବ୍‌ସର୍ ନାତିତିତି ବଲି ଏଜାଇଅଇଲୁନି, ସେ

ଆମ୍ଭେକେ ସାଇଜ କଲାନି । ୧୭ ଡେବର୍ ପାଇ ସେଟା ଦରକାର ରଇଲା ଜେ ଆମେ ଜନ୍‌ଲକ୍‌ମନ୍‌କି ତାର ବାଇବଇନି ଅଇଲୁଆରୁ, ସେ ସମାନ୍ ଆମର୍ ପାରା ଅଇରଇବାକେ । ସେନ୍ତୁର୍ ଆଲେ ସେ ଆମର୍ ପର୍ମେସର୍ ଟାନେ ରଇବା ସତ୍‌ସତ୍ତୁ ଆରି ଦୟାସତ୍ତୁ ରଇବା ବଡ଼ ପୁଜାରି । ସେ ଆମର୍ ବଡ଼ ପୁଜାରି ଅଇଲାକେ ଆମର୍ ପାପର୍ କେମା ଅଇଲା । ୧୮ ସେ ଦୁକ୍‌କସ୍‌ଟ ପାଇଲା ଆରି ପରିକା କରାଇ ଅଇଲା, ଏବେ ଆମେ ଜେଡ଼କି ଲକ୍ ପରିକା କରାଇଅଇଲୁନି, ଆମ୍ଭେକେ ସବୁକେ ସାଇଜ କରିପାରୁସି ।

୩ ଏ ମର୍ ବିସ୍‌ବାସି ବାଇବଇନିମନ୍, ଜନ୍‌ଲକ୍‌ମନ୍‌କେ କି ପର୍ମେସର୍ ତାର ଲକ୍ ବଲି ବାଟଲା ଆଚେ, । ଆମେ ଜିସୁର୍ ବିସଇ ଅଲପ୍ ବାବିଦେକୁ । କାଇକେବଇଲେ ଜେଡ଼କି ସବୁ ବିସଇ ଆମର୍ ବିସ୍‌ବାସର୍ ଲାଗି ଆଚେ, ତାକେ ସେ ପର୍ମେସର୍ ବଡ଼ ପୁଜାରି ଇସାବେ ପାଟାଇଲା । ୨ ମସା ଜେନ୍ତୁରି ପର୍ମେସର୍ କୁଟୁମେ ସତ୍ ବାବେ କାମ୍ କଲା, ସମାନ୍ ସେନ୍ତୁରିସେ, ସେ ମିସା ସତ୍ ବାବେ ପର୍ମେସର୍ ଆଦେସ୍ ମାନ୍‌ବାକେ ସତ୍ ସତ୍ତୁ କଲା ଆରି ପର୍ମେସର୍‌ସେ ତାକେ ବାଟି ପାଟାଇରଇଲା । ୩ ଗର୍ଡେଇଅନି ଗର୍ ତିଆରକଲା ମେସ୍‌ତୁରି ଅଦିକ୍ ସମ୍‌ମାନ୍ ପାଇସି । ସେନ୍ତୁରିସେ ଜିସୁ ମସାର୍‌ଟାନେଅନି ଅଦିକ୍ ବଡ଼ ବଲି ସମ୍‌ମାନ୍ ମିଲ୍‌ସି । ୪ କାଇକେବଇଲେ ସବୁ ଗର୍ ମେସ୍‌ତୁରିସେ ତିଆର୍ କରୁସି । ମାତର୍ ପର୍ମେସର୍ ସବୁ ବିସଇ ତିଆର୍ କଲାଆଚେ । ୫ ମସା ଗତିଦାଢ୍ଢୁଡ଼ା ଇସାବେ ପର୍ମେସର୍ ଗରେ କାମ୍ କର୍ଡେରଇଲା, ଆରି ପର୍ମେସର୍ ଜନ୍‌ଟା ଆଇବା ଦିମ୍‌ମନ୍‌କେ ଜାନାଇସି, ସେଟାଆକା ସେ କଇରଇଲା । ୬ ମାତର୍ କିରିସ୍‌ଟ ଅବ୍‌କା ଗତିଦାଢ୍ଢୁଡ଼ାସେ ନ ରଇ ଗଟେକ୍ ପଅ ରଇଲା । ତାର ବାବାର୍ ଗରେ ରଇବା ସବୁ ଦାଇଡ଼ ସେ ସତ୍ ବାବେ କଲା । ଆମେ ଜଦି ମୁର୍ଚ୍ଚିରଇକରି ଆସା କଲାଟା ମିଲାଲବୁ ବଲି ଜାଗିରଇଲେ, ତାର କୁଟୁମେ ମିସ୍‌ରୁ । ୭ ସୁକଲ୍ ଆଡ଼ମା ଜେନ୍ତୁର୍ କଇଲାନି, “ଆଜି ଜଦି ତମେ ପର୍ମେସର୍‌ର କାତା ସୁନ୍‌ସା, ୮ ଜେନ୍ତୁର୍, ମରୁବାଲି ବୁର୍‌ଷ୍ ତମର୍ ଆନିଦାଦିମନ୍ ମାପ୍‌ରୁକେ ପରିକା କଲାଆ ଆରି ତାର ବିରଦେ ଚିଆ ଅଇଲାଆ, ସେ ରକାମ୍ ତମେ ନିଜର୍ ମନ୍ ଅର୍‌ କରାନାଇ ।” ୯ କାଇକେବଇଲେ ସେ ଜେଡ଼କି କରିରଇବା କାବାଅଇଜିବା କାମ୍‌ମନ୍ ଚାଲିସ୍ ବରସ୍‌ଜାକ ଦେକ୍‌ଲେ ମିସା, ସେମନ୍ ତାର ବପୁକେ ପରିକା କରିଲାଗିରଇଲା । ୧୦ ସେଟାର୍‌ପାଇ ପର୍ମେସର୍ ସେ ଲକ୍‌ମନ୍‌କେ ରିସାଅଇଲା, ଆରି

କଲଲା, ସେମନ୍ ବେଗ୍ଲିକରି ବିନ୍ ବିସଇମନ୍ କରଲଗିଆତଡ୍ । ମୁଇ
ତିଆର୍ଲାଟା କର୍ବାକେ ନିର୍ଲାଇନି । ୧୧ ସେଟାର୍ ପାଇ ମୁଇ ରିସାଅଇ
ସପଡ୍‌କରି କଲଲି, ମୁଇ ଜନ୍‌ଦେସେ ପୁଣ୍ଡୁବାକେ ଦେଇତି, ସେ ଦେସେ କେବେ
ମିସା ତମେକ୍ ପୁର୍ବାକେ ନ ଦେଇ । ୧୨ ତେବର୍ ପାଇ ଏ ମର୍ ବିସ୍‌ବାସି
ବାଇବଇନିମନ୍, ଜାଗର୍‌ତାଅଇ ରୁଆ, ଜେନ୍ତୁରିକି ତମର୍ ବିଡ୍‌ରେଅନି କେ
ମିସା କାରାପ୍ ମନ୍ ରଇକରି ପର୍ମେସର୍‌କେ ବିସ୍‌ବାସ୍ ନ କରା, ଆରି କେ
ମିସା ଜିବନ୍ ରଇବା ପର୍ମେସର୍ ଟାନେଅନି ବେଗ୍ଲି ନ ଜା । ୧୩ ତମର୍
ବିଡ୍‌ରେ କେ ମିସା ପାପର୍‌ଲାଗି ନାତାଇ ଅଇବାର୍ ନାଇ । ସେଟାର୍‌ଲାଗି
ତମର୍ ମନ୍ ଆଁଟ୍ ଅଇଜାଇସି । ଆମର୍ ଜିଇବାକାଇବା ଦିନ୍ ସାର୍‌ବାଜାକ
ଆମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଏ ବିସଇ ଜାଗର୍‌ତ୍ କରାଇବାର୍
ଆତେ । ୧୪ କାଇକେବଇଲେ ଆମେ ଜଦି ସାରାସାରି ଦିନ୍ ଜାକ ଆମର୍
ବିସ୍‌ବାସ୍ ଡାଁଟ୍ ସଢ୍ଘ୍ ଦାରିରଇବୁ, ସେନ୍ତୁର୍‌ଆଲେ ଆମେ ସବୁଲକ୍ କିରିସ୍‌ଟର୍
ସଢ୍ଘ୍ ବାଗ୍ ନେଇ ମିସିକରି ରଇବୁ । ୧୫ ଦରମ୍‌ସାସ୍‌ତରେ ଏନ୍ତୁରି ଲେକା
ଅଇଲାଆତେ “ଜଦି ତମେ ଆଜି ପର୍ମେସର୍‌ର ବାକିଅ ସୁନ୍‌ସା, ତମର୍
ଆନିଦାଦିମନ୍ ଜେନ୍ତୁ ତାକର୍ ମନ୍ ଆଁଟ୍‌କରି ତାକେ ବିରଡ୍ କଲାଇ, ସେନ୍ତୁରି
ତମର୍ ମନ୍ ଆଁଟ୍ କରାନାଇ ।” ୧୬ ପର୍ମେସର୍‌ର ବାକିଅ ସୁନିକରି ମିସା
ଜେଡ୍‌କି ଲକ୍ ତାକେ ବିରଡ୍ କଲାଇ, ସେ ଲକ୍‌ମନ୍ କେ? ଜନ୍ ଲକ୍‌ମନ୍‌କେ
ମସା ମିସର୍‌ଦେସେଅନି ବାର୍‌କରାଇ ଆନିରଇଲା ସେମନ୍ ନ ଅଅଡ୍ କି?
୧୭ ଚାଲିସ୍ ବରସ୍ ଜାକ ପର୍ମେସର୍ କନ୍ ଲକ୍‌ମନ୍‌କେ ରିସା ଅଇରଇଲା,
ସେମନ୍ କେ? ଜନ୍ ଲକ୍‌ମନ୍ କି ପାପ୍ କରିରଇଲା ଆରି ମରୁବାଲି ବୁର୍‌
ମରିଜାଇରଇଲା, ସେମନ୍ ନଅଡ୍ କି? ୧୮ ପର୍ମେସର୍ ଜେବେ ସପଡ୍‌କରି
କଇରଇଲା ଜେ, ସେମନ୍ ତାର୍ ପୁଣ୍ଡୁବାଦେସେ କେବେମିସା ପୁରି ନାପାରଡ୍,
ସେବେଲେ ସେ କନ୍ ଲକ୍‌ମନ୍‌କେ କଇରଇଲା? ଜନ୍‌ଲକ୍‌ମନ୍ ତାର୍ କାତା
ନିର୍‌ଡେ ରଇଲା ସେମନ୍‌କେସେ । ୧୯ ଆମେ ଏନ୍ତୁରି ଜାନୁ ଜେ, ସେମନ୍
ବିସ୍‌ବାସ୍ କରଡ୍ ନାଇଜେ ପର୍ମେସର୍ ତିଆର୍ କରିରଇବା ପୁଣ୍ଡୁବା ଜାଗାଇ
ସେମନ୍ ପୁରି ନାପାରଲାଇ ।

୪ ପର୍ମେସର୍ ଆମ୍‌କେ କାତା ଦେଇରଇଲାଜେ, ସେ ଆମର୍‌ପାଇ ଗଟେକ୍
ପୁଣ୍ଡୁବା ଜାଗା ତିଆର୍ କଲାଆତେ । ତେବର୍ ପାଇ ଆମେ ଜାଗରଡ୍ ରଇବାକେ
ପଡ୍‌ସି । ଜେନ୍ତୁକି ଆମର୍ ବିଡ୍‌ରେ ସେନ୍ତୁରି କେ ନ ରଅଡ୍, ଜେ କି ସେ

ଜାଗାଇ ପୁରିନାପାରତ୍ । ୨ କାଇକେବଇଲେ ଆମର୍ ଆନିଦାଦିମନର୍ପାରା
 ଆମେ ମିସା ସୁବ୍‌କବର୍ ସୁନିଆରୁ । ମାତର୍ ସେମନ୍ ସେଟା ସୁନିକରି ମିସା
 ମାନତ୍ ନାଇ, କାଇକେବଇଲେ ସେଟା ସେମନ୍ ବିସ୍‌ବାସ୍ କରତ୍ ନାଇ ।
 ୩ ଆମେ ଜେଡ୍‌କି ଲକ୍ ବିସ୍‌ବାସ୍ କର୍ବୁ, ଆମେସେ ସେ ପୁଣ୍ଡୁବା ଜାଗାଇ
 ପୁର୍ବୁ । କାଇକେବଇଲେ ତାକର୍ ବିସଇନେଇ ପର୍ମେସର୍ କଇଲାଆଚେ,
 “ମର୍ ରିସାଇ ମୁଇ ସପତ୍ କରିଆଚି । ମୁଇ ତିଆର୍ କରିରଇବା ପୁଣ୍ଡୁବା
 ଜାଗାଇ ସେମନ୍‌କେ ନ ପୁରାଇ ।” ଜଗତ୍ ତିଆର୍ ଅଇଲା ବେଲେଅନି
 ସେ ପୁଣ୍ଡୁବା ଗର୍ ତିଆର୍ ଅଇରଇଲା । ଏଲେ ମିସା ପର୍ମେସର୍ ସେନ୍ତୁରି
 କଇରଇଲା । ୪ କାଇକେବଇଲେ ଆଟର୍ ସାରାସାରି ଦିନର୍ ବିସଇ ସାସ୍‌ତରେ
 ଏନ୍ତୁରି ଲେକାଅଇଲାଆଚେ, “ପର୍ମେସର୍ ସବୁଜାକ କାମ୍‌ସାରାଇ କରି
 ଆଟର୍ ସାରାସାରି ଦିନେ, ଅଲପ୍ ପୁଣ୍ଡୁଲା ।” ୫ ଆରି ଏ ବିସଇ ବିନ୍‌ଟାନେ
 ଲେକାଅଇଲାଆଚେ । “ସେମନ୍ ମର୍ ପୁଣ୍ଡୁବା ଜାଗାଇ କେବେ ମିସା ପୁରିନାପାରତ୍
 ।” ୬ ପର୍ତମେ ଜେଡ୍‌କିଲକ୍ ସୁବ୍‌କବର୍ ସୁନିରଇଲାଇ, ନିଜେ ବିସ୍‌ବାସ୍
 କରତ୍ ନାଇ ଆରି ସେମନ୍ ସେ ପୁଣ୍ଡୁବା ଜାଗା ପାଅତ୍ ନାଇ । ତାର୍‌ପଚେ
 ପର୍ମେସର୍ ବିନ୍ ଲକ୍‌ମନ୍ ପୁର୍ବାକେ ଆଦେସ୍ ଦେଲା । ୭ ଲକ୍‌ମନ୍ ତେଇ
 ପୁର୍ବାକେ ପର୍ମେସର୍ ଆରି ଗଟେକ୍ ବେଲା ବାର୍ଲା । ସେ ବେଲା ଅଇଲାନି
 ଆଜି । ବେସି ବରସ୍ ପଚେ ପର୍ମେସର୍ ମୁଇ କଇଲା ବିସଇ ଦାଉଦର୍
 ସାସ୍‌ତରେ ଲେକାଅଇରଇଲା, “ଆଜି ଜଦି ପର୍ମେସରର୍ ସବଦ୍ ସୁନ୍‌ଲେ
 ତମର୍ ମନ୍ ଆର୍ଟ୍ କରା ନାଇ ।” ୮ ଆମେ ଏ ବିସଇ ମିସା ଜାନିଆରୁ ଜେ,
 ପର୍ମେସର୍ ଜନ୍ ବିସ୍‌ରାମ୍ ଜାଗାର୍ ପାଇ ସପତ୍ କରିରଇଲା, ସେ ଜାଗା
 ଜିଅସୁଆ ଆମର୍ ଆନିଦାଦିମନ୍‌କେ ତାକି ନେଇ ରଇବା ଜାଗା ନଏ । ଜଦି
 ସେ ଜାଗା ସେଟା ଅଇରଇତା, ତେବେ ପର୍ମେସର୍ ଆରି ଗଟେକ୍ ପୁଣ୍ଡୁବା
 ଦିନର୍ କାତା ନ କଇତା । ୯ ସେଟାର୍‌ପାଇ ଏଟା ସତ୍ ଆକା । ଆଟର୍
 ସାରାସାରି ଦିନେ ପର୍ମେସର୍ ପୁଣ୍ଡୁଲାପାରା ତାକର୍ ଲକ୍‌ମନ୍ ପାଇ ଗଟେକ୍
 ପୁଣ୍ଡୁବା ବେଲା ସଢୁଇଆଚେ । ୧୦ କାଇକେବଇଲେ ପର୍ମେସର୍ ସପତ୍
 କରିରଇବା ବିସ୍‌ରାମେ ଜେଡ୍‌କିଲକ୍ ପୁର୍ବାଇ, ସେ ବିସ୍‌ରାମ୍ କଲାପାରା,
 ତାକର୍ କାମେଅନି ବିସ୍‌ରାମ୍ କର୍ବାଇ । ୧୧ ସେଟାର୍‌ପାଇ ଆମେ ସବୁଲକ୍
 ମନ୍ ଦିଆନ୍ ଦେଇକରି, ସେ ବିସ୍‌ରାମ୍ ଜାଗାଇ ପୁର୍ବାକେ ଚେସ୍‌ଟା କରୁ
 । ଆମର୍ ଆନିଦାଦିମନ୍‌ପାରା ନ ଅଇବାକେ ଆମେ ଜାଗରତ୍ ରଉଁ ।

ପର୍ଯ୍ୟେସରୁ କଲଲାଟା ବିସ୍ଵାସ ନ କଲାରୁପାଇ, ସେମନ୍ ସେଜାଗାଇ ପୁରି
 ନାପାରୁଲାଇ । ୧୨ ପର୍ଯ୍ୟେସରୁ ବାକିଅ ଜିବନ୍‌ରଇବାଟା ଆରି ବେସି
 ବପୁରଇ ଦୁଇବାଟେ ଦାରୁରଇବା ଗଟେକ୍ ଲାଗନ୍ କାଣ୍ଡା ପାରା । ସେଟା
 ଆଡର୍ ଗଟି ଆରି ଆଡ୍ ବିତ୍‌ରେ ରଇବାଟା କାର୍‌ସି । ଗଟେକ୍ ଲକର୍ ମନ୍
 ବିତ୍‌ରେ ରଇବା ସବୁ ବିସଇ ବିତାର୍ କରିପାର୍‌ସି । ମନ୍ ବିତ୍‌ରେ ଲୁଟିରଇବା
 ସବୁ ବିସଇ ମିସା । ୧୩ ପର୍ଯ୍ୟେସରୁଟାନେ କାଇ ବିସଇ ମିସା ଲୁଟିକରି ନ
 ରଏ । ତାର୍ ଆକିଟାନେ ସବୁ ବିସଇ ଉଗାଡି ଅଇରଇଲାପାରା ଆଟେ ।
 କାଇକେବଇଲେ ସେ ସବୁ ବିସଇ, ଗଟେକ୍ ନ ଚାଡିକରି, ସବୁ ଜାନେ । ଆରି
 ତାର୍ ଲଗେ ଆମେ ଆମର୍ ନିଜର୍ ବିସଇର୍ ଇସାବ୍ ଦେବାର୍ ଆଟେ । ୧୪
 ଜିସୁ ପର୍ଯ୍ୟେସରୁ ପଅ ଅଇଲାକେ, ସେ ଆମର୍ ମନେ ଜନ୍ ବଡ୍ ପୁଜାରି
 ବଲି ବିସ୍ଵାସ୍ କରି ଦାରିକରି ଆରୁ, ସେଟା ଡାବ୍ କରୁ । ୧୫ ସେ ଆମର୍
 ବାଦୁଲେ ବଡ୍ ପୁଜାରିଅଇ ପର୍ଯ୍ୟେସରୁ ମୁଆଟେ ଗାଲାଆଟେ । ଆରି
 ଜେଡ୍‌କି ରକାମ୍ ପରିକା, ଜେଡେକ୍ କସ୍‌ଟ ଆମେ ପାଇଲୁନି, ସେଟା ଆମର୍
 ବଡ୍ ପୁଜାରି ସବୁବେଲେ ଆମର୍ ସଞ୍ଜ୍ ମିସିକରି କଲାନ୍ତି । କାଇକେବଇଲେ
 ଜେଡ୍‌କି ସବୁ ଆମେ କଲୁନି, ସେଟା ସବୁଜାକ ସେ ମିସା କଲା । ମାତର୍
 ସେ କେଡେବେଲେ ମିସା ପାପ୍ କରେ ନାଇ । ୧୬ ତେବର୍‌ପାଇ ତମେ
 ସାଆସ୍ ସଞ୍ଜ୍ ପର୍ଯ୍ୟେସରୁ ଟାନେ ଜାଇଅଇସି, ଜଦି ଆମେ ମାଞ୍ଜୁଲେ ସେ
 ଜିବନ୍ ଦୁକାଇ ଆମ୍‌କେ ଦୟା କରୁସି ଆରି ସାଇଜ ଦର୍କାର୍ ରଇବାବେଲେ,
 ଆମ୍‌କେ ସାଇଜ କରୁସି ।

୫ ଜିଉଦିମନର୍ ଜେଡ୍‌କି ବଡ୍ ପୁଜାରିମନ୍ ତାକର୍ ନିଜର୍ ଲକ୍‌ମନର୍‌ତେଇଅନି
 ବାଚାଇଅଇବାଇ । ତାକର୍‌ବାଟେଅନି ପାପ୍ କେମା କରୁବା ବଲି ଆରି
 ସର୍‌ପିଦେବା ବଲି, ଦେଇକରି ପର୍ଯ୍ୟେସରୁକେ ସେବା କରୁବାଇ । ୨
 ଜେଡେବେଲେ ତାର୍ ସଞ୍ଜ୍‌ରିମନ୍ ନାଜାନିକରି ରଇବାଇ, ଆରି ବୁଲ୍ କାମ୍
 କରିରଇବାଇ, ସେ ସେମନର୍ ସଞ୍ଜ୍ ଦୟାଦରମ୍ ଦେକାଇକରି ରଇପାର୍‌ସି ।
 କାଇକେବଇଲେ ତାର୍ ଜିବନେ ମିସା ବେସି ବୁଲ୍ ରଇସି । ୩ ଆରି ତାକେ
 ମିସା ବେସି ବୁଲ୍ ରଇଲାକେ ସେ ଅବ୍‌କା ବିନ୍ ଲକର୍ ପାପର୍ ପାଇ ବଲି
 ଦେଲେ ନଏଁ, ମାତର୍ ନିଜର୍ ପାପର୍‌ଲାଗି ମିସା ବଲି ସର୍‌ପିଦେବାକେ ପଡ୍‌ସି
 । ୪ କେ ମିସା ନିଜେ ବାଟିଅଇକରି ବଡ୍‌ପୁଜାରିର୍ ବେସି ସନ୍‌ମାନ୍ ପାଇବା
 ପଦ୍ ପାଇ ନାପାରେ । ମାତର୍ ଗଟେକ୍ ଲକ୍ ପର୍ଯ୍ୟେସର୍ ଡାକ୍‌ଲା ଇସାବେସେ

ବଡ଼ ପୁଜାରିର ପଦ ପାଇଅଇସି । ଜେନ୍ତୁରି କି କେତେ କେତେ ବରସ୍ ପୁରବେ
 ଆରଣ୍ୟକେ ବାଟିରଇଲା । ୫ ସେନ୍ତୁରିସେ କିରିସ୍ତ ବଡ଼ ପୁଜାରିର ସନ୍ମାନ
 ପାଇବାକେ ନିଜକେ ବଡ଼ କରେ ନାଇ । ମାତର ପର୍ମେସର୍ସେ ତାକେ
 ବାଚଲା । ତାର ବାଦୁଲେ ସେ ତାକେ କଇଲା, “ତୁଇ ମର୍ ପଅ, ଆଜି ମୁଇ
 ତର ବାବା ଅଇଲିଆତି ।” ୬ ଆରି ଗଟେକ୍ ଜାଗାଇ ମିସା ସେ କଇଲା, “ତୁଇ
 ପୁଜାରି ପଦ ପାଇକରି ମଲ୍‌କିସେଦକର୍ କୁଟୁମ୍ ପାରା କାଲ୍ କାଲ୍ ଜୁଗ୍ ଜୁଗ୍
 ପୁଜାରି ଅଇ ରଇସୁ ।” (aiōn g165) ୭ ଜିସୁ ଏ ଜଗତେ ରଇଲାବେଲେ, ସେ
 ଆକ୍‌ମାରି କାନ୍ତିକରି ଆରି ଆଁସୁ ଜରାଇକରି କାନ୍ତି ପର୍ମେସର୍‌କେ ପାର୍ତନା
 କରିଲାଗିରଇଲା । ମରନେଅନି ତାକେ ରକିଆ କର୍ବାକେ ପର୍ମେସର୍‌କେ
 ବପୁଆତେ ବଲି ସେ ଜାନିକରି ଏନ୍ତୁରି କଲା । ସେ ନିଜେ ଦୟାଦରମ୍
 ଦେକାଇଲାକେ ଆରି ପର୍ମେସର୍‌ କାତା ମାନ୍‌ଲାକେ, ପର୍ମେସର୍‌ ତାର୍
 ପାର୍ତନା ସୁନ୍‌ଲା । ୮ ଜିସୁ ପର୍ମେସର୍‌ ପଅ ଅଇରଇଲେ ମିସା, ସେ
 ଦୁକ୍ କସ୍‌ଟ ପାଇରଇଲାର୍ ଲାଗି, ତାର୍ କାତା ମାନ୍‌ବାକେ ସିକ୍‌ଲା । ୯
 ସେ ପର୍ମେସର୍‌ କାତା ମାନ୍‌ଲାକେ ପୁରାପୁରୁନ୍ ସିଦ୍ ଅଇଲା । ତାକେ
 ବିସ୍‌ବାସ୍ କର୍ବା ଲକ୍‌ମନ୍‌କେ କେବେ ନ ସାର୍‌ବା ମୁକ୍ତି ଦେବା ଲକ୍ ଅଇଲା
 । (aiōnios g166) ୧୦ ସେଟାର୍ ପାଇ ତାକେ ପର୍ମେସର୍‌ ମଲ୍‌କିସେଦକ୍
 ପୁଜାରିର ପାରା ବଡ଼ ପୁଜାରି କରି ବାଚଲା । ୧୧ ଏ ବିସଇ ଆରି ଅଦିକ୍
 ତମ୍‌କେ ଜାନାଇବି ବଲି ମୁଇ ମନ୍ କଲିନି । ମାତର ତମେ ଦାପ୍‌ରେ ବୁଜି
 ନାପାରାସ୍‌କେ ବୁଜାଇବାକେ କସ୍‌ଟ ଆତେ । ୧୨ ତମେ ବିସ୍‌ବାସ୍ କରି
 ବେସିଦିନ୍ ଅଇଗାଲା ଆତେ । ଆରି ଏବେ ତମେ ତମର୍ ସଞ୍ଜ୍ଠାରିମନ୍‌କେ
 ସିକାଇବାର୍ ରଇଲା । ମାତର ପର୍ମେସର୍‌ ପର୍‌ତୁମ୍ ସିକିଆ ତମ୍‌କେ ଏବେ
 ସିକାଇବାକେ ଲକର୍ ଲତାଆତେ । ତମେ ଗଟେକ୍ ଦୁଦ୍ କାଇବା ପିଲାର୍‌ପାରା
 ଆତାସ୍ । କାଇକେବଇଲେ ଆଁଟ୍‌ଟା ମନ୍ କାଚ୍‌ରି ନାପାରାସ୍ । ୧୩ ଜେ ଦୁଦ୍
 କାଇବାର୍ ଆତେ, ସେ ଏବେ ମିସା ପିଲାସେ । ସେନ୍ତୁରି ଲକ୍‌ମନ୍ ଟିକ୍ ଆରି
 ବୁଲ୍ ତଲାଚଲ୍‌ତି କର୍ବାଟା ତିନି ନାପାର୍‌ଲାଇନି । ୧୪ ତାବି ତାବି କାଇବା
 କାଦି ବଡ଼ ଲକ୍‌ମନ୍‌ପାଇ । ସେମନ୍ ନିକ ଆରି କାରାପ୍ ଚିନ୍‌ବାକେ, ନିଜେକ
 ଅବିଆସ୍ କରାଇ ଆତର୍ ।

୨ ଡେବର୍‌ପାଇ କିରିସ୍‌ଟର୍ ମୁଲେଅନି ସିକିରଇବା ବିସଇ ତର୍କେ ତର୍
 ନ ସିକିକରି ତାର୍ ଟିକିନିକି ବିସଇ ସିକୁ । ଜେନ୍ତିକି ଆମର୍ ବିସ୍‌ବାସ୍ ମିସା

ଡାଁର୍ ଅଇସି । ରୁଚାଇ କାମ୍‌ମନ୍ ଚାଡ଼ିକରି ପର୍ମେସର୍‌ଟାନେ ବାଉଡ଼ବା
 ଜନ୍‌ଟା କି ଆମର୍ ବିସ୍‌ବାସର୍ ମୁଲ୍ ପାକ୍‌ନା ରଇଲା, ତେଇ ଆରିତରେକ୍
 ସେଟାସେ କର୍‌ବାର୍ ନାଇ । ୨ ତୁବନ୍ ବିସଇର୍ ସିକିଆ ଦେବାଟା, ଆର୍
 ସଞ୍ଜୁକକରି ପାର୍‌ତନା କର୍‌ବାଟା, ମଲା ଲକ୍‌ମନ୍ ଆରିତରେକ୍ ବର୍‌ବାଟା ଆରି
 ଲକ୍‌ମନ୍‌କେ ସବୁଦିନର୍‌ପାଇ ରଇବା ପର୍ମେସର୍‌ର ନ ସାର୍‌ବା ବିଚାର୍‌ନା
 । (aiōnios g166) ୩ ଏବେ ଆମେ ଆଗ୍‌କେ ଜିବାକେ ପଡ଼ସି । ମାପ୍‌ରୁକେ
 ଆସାକରି ଆଗର୍ ବିସଇ ସିକୁ । ୪ କାଇକେବଇଲେ ଜେଡ଼କି ଲକ୍ ତାକର୍
 ବିସ୍‌ବାସ୍ ଚାଡ଼ିଆଚଡ଼, ସେମନ୍‌ର୍ ମନ୍ ପର୍ମେସର୍‌ର ଉଜଲ୍‌ସଞ୍ଜୁ ଉଗାଡ଼ି
 ଅଇ ଆଚେ । ସେ ଦେଇ ରଇବା ସୁଆର୍ ସେମନ୍ ଚାକିଆଚଡ଼ । ଆରି
 ସୁକଲ୍‌ଆର୍‌ମା ପାଇଆଚଡ଼ । ୫ ପର୍ମେସର୍‌ର ବାକିଅ କେଡେକ୍ ନିକ ବଲି
 ସେମନ୍ ଜାନିଆଚଡ଼ । ଆଇବା ଜୁଗେ ତାର୍ ଜନ୍ ବପୁ ସବୁକେ ଦେକାଇ
 ଅଇସି, ସେଟା ସେମନ୍ ଜାନିଆଚଡ଼ । (aiōn g165) ୬ ଏଟା ସବୁ ଅଇଲା
 ପଚେ ସେମନ୍ ତାକର୍ ବିସ୍‌ବାସ୍ ଆରାଇ ଆଚଡ଼ । ସେଟାର୍‌ପାଇ ସେମନ୍‌କେ
 ଆରିତରେକ୍ ମନ୍ ବାଉଡ଼ାଇବାକେ ସଅଜ୍ ନାଇ । କାଇକେବଇଲେ ସେମନ୍
 ପର୍ମେସର୍‌ର ପଅକେ ଆରିତରେକ୍ କୁର୍‌ସେ ମରାଇକରି ଗୁଲାଇ ଲକର୍
 ମୁଆଟେ ଇଜଡ଼ ଜିକ୍‌ଲାଇନି । ୭ ବର୍‌ସା ପାନି ଜମିଟାନେ ମାର୍‌ଲେ ସେ ପାନି
 ଜମି ଜିକିନେଇସି । ସେନ୍ତୁରି ଜମିକେ ପର୍ମେସର୍ ଆସିର୍‌ବାଦ୍ କର୍‌ସି ।
 ସେନ୍ତୁରି ଜମିଟାନେ ଲକ୍‌ମନ୍‌କେ ଦର୍‌କାର୍ ଅଇବା ଚାସ୍ କରିଅଇସି । ୮
 ମାଚର୍ ସେ ଜମିଟାନେ ଜଦି କାଟା ଗର୍ ଅଇସି, ଆରି ଲାଟାବୁଟା ଗାଜା ଅଇସି,
 ତେବେ ସେଟା କାଇ ଲଡାକେ ନ ଲାଗେ । ଆରି ସେଟାକେ ପର୍ମେସର୍ ଡ଼ଣ୍ଡୁ
 ଦେଇସି ଆରି ସେଟାମନ୍‌କେ ଜଇଟାନେ ପଡାଇଦେଇସି । ୯ ଏ ଆଲାଦର୍
 ମଇତର୍‌ମନ୍, ମୁଇ ଏନ୍ତୁରି କଇତେରଇଲେ ମିସା ତମେ ସେନ୍ତୁରି ନୁଆସ୍ ବଲି
 ମୁଇ ଜାନି । ତମେ ଆଗ୍‌ରୁଅନି ବିସ୍‌ବାସ୍ କଲାସ୍‌ନି ଆରି ତମର୍ ଚଲାଚଲ୍‌ତି
 ନିକ ଆଚେ । ଏ ସବୁ ତମେ ମୁକ୍ତି ପାଇରଇବା ଗଟେକ୍ ଚିନ୍ । ୧୦
 କାଇକେବଇଲେ, ପର୍ମେସର୍ ଅନିଆଇ ନ କରେ । ତମେ କରିରଇବା
 ନିକ କାମ୍ ସେ ନ ପାସ୍‌ରେ । ତାର୍‌ପାଇ ରଇବା ତମର୍ ଆଲାଦ୍ ମିସା ।
 ସେ ଆଲାଦ୍ ତମର୍ ବିସ୍‌ବାସି ବାଇବଇନିକେ ସାଇଜ କଲାର୍ ପାଇ ତମେ
 ଦେକାଇ ଆଚାସ୍ । ୧୧ ମୁଇ ଜନ୍‌ଟା ମନ୍ କଲିନି, ସେଟା ଅଇଲାନି ସାରାସାରି
 ଜାକ ପର୍ମେସର୍ ଜନ୍ କାତା ଦେଇଆଚେ, ସେଟା ପୁରାପୁରୁନ୍ ଅଇବାଜାକ

ତମରୁ ଆସା ନ ଚାଡ଼ା । ୧୭ ସେନ୍ତୁରି କଲେ ଅଲସ୍ ନଅଇ ବିସ୍‌ବାସ୍
ଆରି ମୁରୁତି ରଇବା ଲକ୍ ଅଇସା । ସେନ୍ତୁରି ଲକ୍ ପର୍ମେସର୍ ଜନ୍‌ଟା
ଦେବାକେ କାତା ଦେଇଆଡେ, ସେମନ୍ ସେଟା ପାଇବାଇ । ୧୩ ପର୍ମେସର୍
ଅବ୍ରାଆମ୍‌ଙ୍କେ କାତା ଦେଇରଇଲା ବେଲେ, ସେ ପୁରାପୁରୁନ୍ କର୍ବି ବଲି
ସପତ୍ କରିରଇଲା । ତାର୍‌ଟାନେ ଅନି ଆରି କେ ମିସା ବଡ଼ ନ ରଇଲାକେ
ନିଜର୍ ନାଉଁ ଦାରି ସପତ୍ କଲା । ୧୪ ସେ ଅବ୍ରାଆମ୍‌ଙ୍କେ କଇଲା, “ମୁଇ
ତମ୍‌କେ ବାଇଦରେ ଆସିର୍‌ବାଦ୍ କର୍ବି । ଆରି ତର୍ କୁଟୁମ୍ ଜବର୍ କର୍ବି
।” ୧୫ ଅବ୍ରାଆମ୍ ତାର୍ କାତା ଦାରି ଜାଗିରଇଲାକେ, ପର୍ମେସର୍ ସପତ୍
କଲାଟା ସେ ମିଲାଇଲା । ୧୬ ଜେଡେବେଲେ ଲକ୍‌ମନ୍ ପର୍ମାନ୍ ସଇତ୍
କର୍ବାଇ, ସେମନ୍ ବଡ଼ଲକ୍‌ମନ୍ ନାଉଁ ଦାରି ପର୍ମାନ୍ ସଇତ୍ କର୍ବାଇ
। ସେନ୍ତୁରି କଲେ ସେ ସପତ୍ ଲାଗିରଇବା ସବୁ ଦଦାପେଲାକେ ଚିଡ଼ାଇସି
। ୧୭ ଜନ୍‌ଲକ୍‌ମନ୍ ସେ କାତା ଦେଇରଇବାଟା ମିଲାଇବାଇ, ସେମନ୍ ଏ
ସବୁ ବିସଇ ଜାନତ୍ ବଲି ସେ ମନ୍ କରିରଇଲା । ତାର୍ ମନ୍ କେବେ ନ
ବାଦ୍‌ଲେ ବଲି ସବୁ ଲକ୍ ଜାନିରଅତ୍ । ସେଟାର୍‌ପାଇ ସେ ତାର୍ କାତାଦେଇ
ରଇବାଟାନେ ତାର୍ ସପତ୍ ମିସା ମିସାଇଲା । ପର୍ମେସର୍ ଦେଇରଇବା
କାତା ଆରି ତାର୍ ସପତ୍ ସଡ଼ସେ । ୧୮ ଏ ଦୁଇଟା ବିସଇ କେବେ ନ
ବାଦ୍‌ଲେ । କାଇକେବଇଲେ ପର୍ମେସର୍ ମିତ୍ ନ କଏ । ତେବର୍‌ପାଇ ଆମେ
ମୁକ୍ତି ପାଇରଇବା ଲକ୍‌ମନ୍, ଆମର୍ ମନେ ବେସି ସାଆସ୍ ଦାରିଆରୁ ।
ଆରି ତାର୍‌ଟାନେ ରଇବା ଆମର୍ ଆସା ଡାଁଟ୍ ଆଡେ । ୧୯ ଏ ଆସା ଆମର୍
ବିସ୍‌ବାସ୍ ଡାଁଟ୍ କରାଇସି । କାଇକେବଇଲେ ସେଟା ପୁରାପୁରୁନ୍ ଅଇସିଆକା
। ଅମର୍ ଆସାର୍ ଲାଗି ଆମେ ପର୍ମେସରର୍ ଜାଗାଇ ପୁରିଆରୁ । ଏଟା
ଜେନ୍ତୁରି ବଡ଼ ପୁଜାରି ମନ୍ଦିରର୍ ଅଦିକ୍ ସୁକଲ୍ ଜାଗାଇ ପୁର୍ସି । ଜନ୍ ଜାଗା କି
ପାର୍‌ଦା ବିତ୍‌ରେ ଲୁଟିରଇସି । ୨୦ ସେ ଜାଗାଇସେ ଆମର୍ ଜିସୁ ଆଗ୍‌ତୁ
ଜାଇଆଡେ । ଆରି ସବୁଦିନର୍‌ପାଇ ମଲ୍‌କିସେଦକର୍ ପୁଜାରି ପଦ୍ ପାରା ସେ
ବଡ଼ ପୁଜାରି ଅଇଲାଆଡେ । (aiōn g165)

୨ ଏ ମଲ୍‌କିସେଦକ୍ ସାଲେମ୍ ରାଇଜର୍ ରାଜା ରଇଲା । ସେ ସବୁର୍‌ଟାନେଅନି
ଉପ୍‌ରେ ରଇବା ପର୍ମେସରର୍ ପୁଜାରି ରଇଲା । ତାର୍‌ଟା ରାଜାମନ୍‌କେ
ଜୁଇଦେ ଆରାଇକରି ବାଉଡ଼ଲାବେଲେ ମଲ୍‌କିସେଦକ୍ ଅବ୍ରାଆମ୍‌ଙ୍କେ ବେଟ୍
ଅଇବାର୍ ଗାଲା ଆରି ତାକେ ଆସିର୍‌ବାଦ୍ କଲା । ସେଡ଼କିବେଲେ ଜୁଇଦେ

ଜିତିକରି ତେଇର୍ ଜେଡ଼କି କାଇକାଇଟା ନେଇକରି, ନିଜର୍ଟା କରିରଇଲା,
 ତେଇଅନି ଦସ୍‌ବାଗେ ଅନି ଗଟେକ୍‌ବାଗ୍ ଅର୍‌ରାଆମ୍ ତାକେ ଦେଲା । ୨
 ମଲ୍‌କିସେଦକ୍ ନାଉର୍ ଅରଡ଼ ଅଇଲାନି, ଦରମ୍‌ସଢ଼ୁ ରଇବା ରାଜା । ଆରି
 ସାନ୍ତିର୍ ରାଜା ମିସା । କାଇକେବଇଲେ ସାଲେମ୍ ନାଉର୍ ଅରଡ଼ ଅଇଲାନି ସାନ୍ତି
 । ୩ ମଲ୍‌କିସେଦକ୍ ଆୟା ବାବା, ଆନିଦାଦିମନର୍ ବିସଇନେଇ କାଇଟା
 ଲେକା ଅଏନାଇ । ସେନ୍ତୁରିସେ ତାର୍ ଜନମ୍ ମରନ୍ ବିସଇ ମିସା କାଇଟା
 ନାଇ । ସେଟାର୍ ପାଇ ସେ ପର୍‌ମେସରର୍ ପଅ ପାରା । ସେ ସବୁଦିନର୍‌ପାଇ
 ପୁଜାରି ଅଇରଇସି । ୪ ମଲ୍‌କିସେଦକ୍ କେଡେବଡ଼ ଲକ୍ ରଇଲାବଲି ଆମେ
 ଏତାଇଦେକୁ । ପର୍‌ତମେ ଆମେ ଜିଉଦିମନର୍ ଡାକ୍‌ପୁଟା ପାଇରଇବା
 ଆନିଦାଦି ଅର୍‌ରାଆମ୍ ମିସା ଜୁଇଦକରି ତେଇଅନି ମିଲାଇ ଆନିରଇବା
 କାଇକାଇଟା ଦସ୍ ବାଗେଅନି ଗଟେକ୍‌ବାଗ୍ ତାକେ ଦେଇରଇଲା । ୫ ମସାର୍
 ନିୟମ୍ ଇସାବେ ଜିଉଦିମନକେ ଏନ୍ତୁରି ଗଟେକ୍ ନିୟମ୍ ଆରେ । ଲେବି ବସ୍‌ର୍
 ଜେଡ଼କି ନାତି ତିତିମନ୍ ପୁଜାରିଅଇବାଇ । ତାକର୍ ସଢ଼େ ରଇବା ଜିଉଦିମନ୍
 କାମାଇ ଆନ୍‌ବା ଚାସେଅନି ଦସ୍‌ବାଗେଅନି ଗଟେକ୍ ବାଗ୍ ନେବାଇ । ସେମନ୍
 ସବୁ ଅର୍‌ରାଆମର୍ ନାତିତିତି ଅଇରଇଲେ ମିସା ଏନ୍ତୁରି କରେତରଇଲାଇ
 । ୬ ମାତର୍ ମଲ୍‌କିସେଦକ୍ ଲେବିର୍ ନାତିତିତି ନ ଅଇରଇଲେ ମିସା, ସେ
 ଅର୍‌ରାମର୍‌ଟାନେଅନି ଦସ୍‌ବାଗେଅନି ବାଗେକ୍ ନେଇତେରଇଲା । ସେବେଲେ
 ମଲ୍‌କିସେଦକ୍ ଅର୍‌ରାଆମ୍‌କେ ଆସିର୍‌ବାଦ୍ କରି ରଇଲା । ଅର୍‌ରାଆମ୍‌କେସେ
 ପର୍‌ମେସରର୍ ସବୁକାତା ଦେଇରଇଲା । ୭ ଆମେସବୁ ଜାନିଆରୁ, ଜନ୍
 ଲକ୍‌କେ ଆସିର୍‌ବାଦ୍ କର୍‌ବାକେ ଅଦିକାର୍ ଆରେ, ସେ ଆସିର୍‌ବାଦ୍ ପାଇବା
 ଲକ୍‌ଟାନେଅନି ବଡ଼ । ୮ ଲେବିର୍ ଜେଡ଼କି ନାତିତିତିମନ୍, ଦସ୍‌ବାଗେ ଅନି
 ଗଟେକ୍ ବାଗ୍ ନେଇରଇଲା, ସେମନ୍ ସବୁଲକ୍ ଜାକ ଗଟେକ୍ ଦିନ୍ ମର୍‌ବାଇ
 । ମାତର୍ ମଲ୍‌କିସେଦକ୍ ମରନ୍ ବିସଇ ସାସ୍‌ତରେ କନ୍ତି ମିସା ଲେକା
 ଅଏନାଇ । ତାର୍ ବାଦୁଲେ ତେଇ ଲେକାଅଇଲା ଆରେ, ତାର୍ ପୁଜାରି ପଦ୍ ନ
 ବାଦ୍‌ଲିକରି ସବୁ ଦିନର୍‌ପାଇ ରଇସି । ୯ ଲେବିର୍ ଜେଡ଼କି ସବୁ ନାତିତିତିମନ୍
 ଦସ୍‌ବାଗେ ଅନି ଗଟେକ୍ ବାଗ୍ ନେଇତେ ରଇଲା, ସେମନ୍ ଅର୍‌ରାଆମର୍
 ସଢ଼ୁ ମିସିକରି ମଲ୍‌କିସେଦକ୍‌କେ ଦସ୍‌ବାଗେଅନି ଗଟେକ୍ ବାଗ୍ ଦେଲାବଲି
 ଆମେ କଇଅଇସି । ୧୦ କାଇକେବଇଲେ ଜେଡେବଲ୍ ମଲ୍‌କିସେଦକ୍
 ଅର୍‌ରାମ୍‌କେ ବେଟ୍ ଅଇଲା, ସେ ଲେବି ଜନମ୍ ନ ଅଇରଇଲା, ମାତର୍

ସେ ଅବ୍ରାହାମ୍ ଗାଗ୍ତେ ରଇଲା । କାଇକେବଇଲେ ଅବ୍ରାହାମ୍ ତାର
 ଆନିଦାଦି ରଇଲା । ୧୧ ଲେବିର୍ ନାତିତିତି ପୁଜାରି ଇସାବେ ବାଲ୍ଲାର୍ପାଲ
 ପର୍ମେସର୍ ତାର୍ ନିୟ୍ମ୍ ଜିଉଦିମନ୍‌କେ ଦେଇରଇଲା । ମାତର୍ ଲେବି
 ବ୍‌ସର୍ ପୁଜାରିମନ୍ ଜଦି ସିଦ୍‌ଲକ୍ ଅଇରଇତାଇ ଆଲେ, ଆରି ଗଟେକ୍ ପୁଜାରି
 ଆଇବାକେ ଦର୍କାର୍ ନ ରଇଲା । ସେନ୍ତାର୍ ଏ ପୁଜାରି ଆରଣ୍ ଜେ କି
 ଲେବିର୍ ନାତିତିତି ରଇଲା, ତାର୍ ପୁଜାରିପଦ୍ ନ ଦାରି ମଲ୍‌କିସେଦକର୍ ପୁଜାରି
 ପଦ୍ ଦାରି ଆଇସି । ୧୨ ଜନ୍ ପୁଜାରି ଲକ୍‌ମନର୍ ବାଦୁଲେ ପର୍ମେସରର୍
 ମୁଆଟେ ଟିଆ ଅଇସି, ତାର୍ ପୁଜାରି ପଦ୍ ବାଦୁଲାଇଲେ ଜନ୍ ନିୟ୍ମ୍
 ମାନିଆଇଲାଇନି, ସେଟାମିସା ବାଦଲ୍‌ବାର୍ ଆଟେ । ୧୩ ଏ ସବୁ ବିସଇ
 ବାଦୁଲିଗାଲା ଆଟେବଲି ଆମେ ଜାନୁ । କାଇକେବଇଲେ ଆମର୍ ମାପୁରୁ
 ଜିସୁ ଜାର୍ ବିସଇନେଇ ଏ ସବୁ କାତା କଇଲୁନି, ସେ ଲେବି ବ୍‌ସର୍ ନାତିତିତି
 ନ ରଇଲା । ଜିଉଦା ବ୍‌ସେଅନି ଏବେଜାକ କେ ପୁଜାରି ବାବେ ସେବା
 କରନ୍ ନାଇ । ୧୪ ଜିଉଦା ତାର୍ ଆନିଦାଦି ରଇଲା । ମସା ଦେଇରଇବା
 କାତାଇ ମିସା ଜିଉଦାର୍ ନାତିତିତିମନ୍ ପୁଜାରି ଅଇବା ବିସଇ କାଇଟା କଏ
 ନାଇ । ୧୫ ଇତିଅନି ନିମାନ୍ ଜାନାପଦୁଲାନି ଜେ, ଆଗର୍ ରକାମ୍ ପୁଜାରି
 ଆରି ସେମନ୍ ମାନିଆଇତେରଇବା ନିୟ୍ମ୍ ଏବେ ବାଦୁଲାଇକରି ଗଟେକ୍
 ନୁଆ ରକାମ୍ ପୁଜାରି ବାରଇଆଟେ । ସେ ମଲ୍‌କିସେଦକର୍ ପୁଜାରି ପଦ୍
 ଦାରି ଆଇବାଟା । ୧୬ ଆରି ସେ ମୁନୁସ୍‌ମନର୍ ନିୟ୍ମ୍ ଆରି ରିତିନିତି
 ଇସାବେ ପୁଜାରି କରେନାଇ, ମାତର୍ କେବେ ନ ସାର୍‌ବା ଗଟେକ୍ ବପୁର୍
 ଜିବନ୍ ଲାଗି କଲାଆଟେ । ମଲ୍‌କିସେଦକର୍ ପାରା ଗଟେକ୍ ବିନ୍ ପୁଜାରି
 ବାରଇଲା । ୧୭ କାଇକେବଇଲେ ତାର୍ ବିସଇରେ ସାସ୍‌ତର୍ କଇଲାନି,
 “ମଲ୍‌କିସେଦକର୍ ପୁଜାରି ପଦ୍‌ପାରା ତୁଇ ପୁଜାରି ଅଇ ଆରୁସ୍ ।” (aiōn g165)
 ୧୮ ପୁରନା ନିୟ୍ମ୍ ବାଦୁଲାଇଲା । କାଇକେବଇଲେ, ସେଟା ଲକ୍‌ମନ୍‌କେ
 ପର୍ମେସରର୍ ଲଗେ ଆନ୍‌ବାକେ ବପୁ ନ ରଇଲା ଆରି ବେକାର୍ ରଇଲା
 । ୧୯ କାଇକେବଇଲେ ମସାର୍ ନିୟ୍ମ୍ କାଇଟା ମିସା ପୁରାପୁରୁନ୍ ସିଦ୍‌କରି
 ନାପାରୁଲା । ମାତର୍ ଏବେ ଆମ୍‌କେ ଗଟେକ୍ ବପୁର୍ ଆସା ମିଲ୍‌ଲା ଆଟେ ।
 ଜାରୁଲାଗି ଆମେ ପରମେସରର୍ ଲଗେ ଅଇବାକେ ଆସିପାରୁଲୁନି । ୨୦
 ଆରି ଆମର୍ ପାଇ ପରମେସରର୍ କାତାଦେଇ ରଇବାଟା ମିସା ଆଟେ । ବିନ୍
 ଲକର୍ ନାତିତିତିମନ୍ ପୁଜାରି ପଦେ ରଇଲାବେଲେ ସେ ଏନ୍ତି କାଇମିସା ସପର୍

କରି ନ ରଇଲା । ୨୧ ମାତର୍ କିରିସ୍ତ ପୁଜାରି ଅଇବାବେଲେ ପରମେସର୍ ତାକେ ସପତ୍ କରି କଇରଇଲା, “ମାପ୍ତୁ ଗଟେକ୍ ସପତ୍ କଲା ଆତେ ତୁଇ ସବୁଦିନର୍ପାଇ ପୁଜାରି ଅଇରଇସୁ । କଇଲା ଏ କାତା କେବେ ନ ବାଦ୍ଲାଏ । ତମେ କାଲ୍‌କାଲ୍ ଜୁଗ୍ ଜୁଗର୍ ପାଇ ପୁଜାରି ଅଇସା ।” (aiōn g165) ୨୨

କାଇକେବଇଲେ ପରମେସର୍ ଜନ୍ ସପତ୍ ତାକେ ଦେଇରଇଲା, ତାର୍ ନୁଆ ରାଜିନାମା ପୁରାପୁରୁନ୍ ଅଇସିଆକା ବଲି ଜିସୁ ଡା଼ର୍ ସତ୍ଟୁ କଇଲାନି । ୨୩

ଜିସୁର୍ ପୁଜାରି ପତ୍ ଆରି ଲେବି ବ୍ସର୍ କେତେକ୍ କେତେକ୍ ପୁଜାରି ପତ୍ ଦାରିରଇବା ବେସି ପୁଜାରିମନର୍ ବିତ୍ରେ ଏନ୍ତାରି ବିନ୍ ରଇଲା । ସେମନ୍ ସବୁ ତାକର୍ ପୁଜାରିପତ୍ କରିଲାଗି ରଅତ୍ ନାଇ । କାଇକେବଇଲେ ସେମନ୍ ସବୁଲକ୍ ମରିଗାଲା । ୨୪ ମାତର୍ ଜିସୁ କେବେ ନ ମରେ । ଆରି ପୁଜାରି ଇସାବେ ରଇବା ତାର୍ କାମ୍ ଆରି କାକେ ମିସା ଦିଆ ନ ଅଏ । (aiōn g165)

୨୫ ସେଟାର୍ ପାଇ ଜନ୍ ଲକ୍‌ମନ୍ ତାକେ ବିସ୍‌ବାସ୍ କରି ଲଗେ ଆଇବାଇ, ସେମନ୍‌କେ ସବୁବେଲର୍ପାଇ ରକିଆ କରିପାର୍ସି । କାଇକେ ବଇଲେ ସେମନର୍ ପାଇ ପରମେସର୍ ମୁଆଟେ ଗୁଆରି କର୍ବାକେ ସେ ଜୁଗ୍ ଜୁଗର୍ ପାଇ ଜିବନ୍ ଅଇକରି ଆତେ । ୨୬ ତେବର୍ପାଇ ଜିସୁ ଅଇଲାନି ଆମର୍ ବଡ୍ ପୁଜାରି । ସେ ଆମର୍ପାଇ ସମାନ୍ ଆତେ । କାଇକେବଇଲେ ସେ ସୁକଲ୍, ତାର୍‌ଟାନେ କାଇ ବୁଲ୍, କି ପାପ୍ ନାଇ । ଆମର୍ ପାପିମନର୍‌ଟାନେଅନି ସେ ପୁରାପୁରୁନ୍ ବିନ୍‌ଆତେ । ଆରି ପରମେସର୍ ତାକେ ସରଗ୍ ଜେଡ୍‌କି ଜାଇ ଉଟାଇଆତେ । ୨୭ ବିନ୍ ବଡ୍ ପୁଜାରି ମନ୍ ସବୁଦିନ୍ ପରମେସରର୍‌ଟାନେ ଦିନ୍‌କେ ବଲି ଦେବାର୍ ଆତେ । ତାର୍‌ପତେ ସେମନ୍ ଲକ୍‌ମନର୍ ପାପର୍ପାଇ ମିସା ବଲି ଦେବାର୍ ଆତେ । ମାତର୍ ଜିସୁ ଏନ୍ତାରି ନାଇ । ସେ ସବୁଲକର୍ ପାଇ ମିସ୍‌ତେ ଗଟେକ୍‌ତର୍‌ସେ ବଲି ଅଇଲା ଆତେ । ତାର୍ ସେ ମରନ୍ ସବୁଦିନର୍ପାଇ ଅଇସି । ୨୮ କାଇକେବଇଲେ ମସାର୍ ନିୟ୍‌ମ୍ ଇସାବେ, ଜନ୍‌ଲକ୍ ବଡ୍ ପୁଜାରି ପତ୍‌ପାଇରଇସି, ସେମନ୍‌କେ ମିସା ପାପ୍ ରଇସି । ମାତର୍ ଜନ୍‌ଟା ପରମେସର୍ ଗଟେକ୍ ସପତ୍ କରି କାତା ଦେଇରଇଲା, ସେଟା ନିୟ୍‌ମ୍ ପତେ ଆଇଲା । ଜନ୍ ଲକ୍ ବାତାଇଅଇରଇଲା, ତାର୍ ପଅ ରଇଲା । ସେ ସବୁଦିନର୍ପାଇ କାଇ ପାପ୍ ନ ରଇବା ପୁଜାରି ଅଇଆତେ । (aiōn g165)

୮ ଏ ସବୁ କାତାଇଅନି ତମ୍‌କେ ବୁଜଡ୍ ବଲି ମୁଇ ମନ୍ କଲିନି ଜେ, ଏ ଆମର୍ ବଡ୍ ପୁଜାରି ସରଗର୍ ସବୁର୍ ଉପ୍ରେ ପରମେସରର୍ ଉଜାବାଟେ

ବସ୍ତ୍ରା ଆଚେ । ୨ ଆରି ପର୍ଯ୍ୟେସରର୍ ଅଦିକ୍ ସୁକଲ୍ ଜାଗାଇ ସେ ବଡ଼
 ପୁଜାରି ଇସାବେ ସେବା କଲାନି । ସେ ତୁମ୍ଭକୁଡ଼ିଆ ଲକ୍ମନ୍ ତିଆର୍କଲମାଟା
 ନଏଁ, ମାତର୍ ସେଟା ମାପୁରୁ ତିଆର୍ କଲମାଆଚେ । ୩ ସବୁ ବଡ଼ପୁଜାରିମନ୍
 ଲକ୍ମନ୍ ଦେଇରଇବା ପସୁମନ୍ ଆରି ବିନ୍ ରକାମର୍ ବଲି ପର୍ଯ୍ୟେସର୍କେ
 ସର୍ପି ଦେବାକେ ବାଟ୍ଲାଲ ଆଚର୍ । ତେବର୍ପାଇ ଆମର୍ ବଡ଼ ପୁଜାରି
 ମିସା କାଇଟା ମିସା ପର୍ଯ୍ୟେସର୍କେ ସର୍ପାଇବାର୍ ଆଚେ । ୪ ମାତର୍
 ଏ ଜଗତେ ସେବା କରେନାଇ । ସେ ଜଦି ଏ ଜଗତେ ରଇତା, ତେବେ
 ସେ ଗଟେକ୍ ପୁଜାରି ନ ଅଇତା । କାଇକେ ବଇଲେ ଜିଉଦିମନ୍ ନିୟୁମ୍
 ଇସାବେ ଦାନ୍ ସର୍ପିଦେବାକେ ପୁଜାରିମନ୍ ରଇଲାଇ । ୫ ମାତର୍
 ତାକର୍ ସେବା କର୍ବା ଜାଗା ସର୍ଗେ ରଇବା ସର୍ ବିସଇ ଅବ୍କା ଗଟେକ୍
 ଚାଇପାରା । ସମାନ୍ ସେନ୍ତାରିସେ ମସାର୍ ବେଲେ ଅଇଲା । ସେ ଜେତେବଲ୍
 ଗଟେକ୍ ତୁମ୍ଭକୁଡ଼ିଆ ତିଆର୍ କର୍ବାକେ ଜାଇତେରଇଲା, ପର୍ଯ୍ୟେସର୍ ତାକେ
 ତିଆର୍କଲା, “ଜାଗ୍‌ରତ୍! ତୁଇ ସୁକଲ୍ ତୁମ୍ଭକୁଡ଼ିଆଇ ଜେଡ଼କି କର୍ସୁ ବଇଲେ,
 ମୁଇ ତକେ ସେଟା ପର୍ବତେ ଦେକାଇଲା ରକାମ୍ କର୍ବାର୍ ଆଚେ ।” ୬
 ଏ ଜଗତର୍ ପୁଜାରିମନ୍ କାମ୍‌ତେଇଅନି ଜନ୍ କାମ୍ ପର୍ଯ୍ୟେସର୍ ଜିସୁକେ
 ସର୍ପିଦେଲା, ସେ କାମ୍ ଅଦିକ୍ ଗୁର୍ତୁ ରଇବାଟା । ସେନ୍ତାରିସେ ଜନ୍
 ନୁଆ ରାଜିନାମାସଢୁ ସେ ପର୍ଯ୍ୟେସର୍ ଆରି ମନୁସ୍‌ଜାତିକେ ଆରିତରେକ୍
 ମିସାଇଲା, ସେଟା ପୁର୍ନା ରାଜିନାମାତେଇ ଅନି ନିକ । କାଇକେବଇଲେ,
 ନୁଆ ରାଜିନାମାତେଇ ରଇବା ପର୍ଯ୍ୟେସରର୍ ସପର୍ ସବୁ ବେସି ନିକ ଆଚେ
 । ୭ ପର୍ତୁମର୍ ରାଜିନାମାତେଇ ଜଦି କାଇ ବୁଲ୍ ନ ରଇତା, ତେବେ
 ପର୍ଯ୍ୟେସର୍ ସେଟା ନ ବାଦ୍‌ଲାଇତା । ୮ ମାତର୍ ସେ ରାଜିନାମା ମାନିକରି
 ରଇଲା ଲକ୍ମନ୍‌ର୍ ତଲାତଲ୍‌ତି ସଢୁ ପର୍ଯ୍ୟେସର୍ ସାର୍ଦା ନ ରଇଲା ।
 କାଇକେବଇଲେ ସାସ୍‌ତରର୍ ମାପୁରୁ ବାକିଅଟାନେ ଲେକା ଅଇଲାଆଚେ,
 “ଆଗ୍‌କେ ଗଟେକ୍ ବେଲା ଆଇଲାନି ଜେତେବେଲ୍ କି ଇସ୍‌ରାଏଲ୍‌ର୍
 ଲକ୍ମନ୍‌କେ ଆରି ଜିଉଦାର୍ ଲକ୍ମନ୍‌କେ ମର୍ ନିଜର୍ କର୍ବାକେ ମୁଇ ଗଟେକ୍
 ନୁଆ ରାଜିନାମା ଟିକ୍ କର୍ବି ।” ୯ ଏ ନୁଆ ରାଜିନାମା ଆଗର୍ ରାଜିନାମା
 ପାରା ନ ରଏ । ସେ ରାଜିନାମା ତାକର୍ ଆନିଦାଦିମନ୍‌କେ ମିସର୍‌ଦେସେଅନି
 ତାକି ଆନ୍‌ଲାବେଲେ ମୁଇ କରିରଇଲି । ଆଗର୍ ରାଜିନାମାର୍ ମର୍ ଆଦେସ୍
 ସବୁ ସେମନ୍ ମାନନ୍‌ନାଇ । ତେବର୍ପାଇ ମୁଇ ଆରି ସେମନ୍‌ବାଟେ ନ ଦେକି

। ୧୦ ମାପୁରୁ ଆରିତରେକ୍ କଇଲା, ଇସ୍ରାଏଲର ଲକ୍ମନକେ ମର୍ ନିଜର କର୍ବାକେ ମୁଇ ଜନ୍ ନୁଆ ରାଜିନାମା ତିଆରକର୍ବି ସେଟା ଏନ୍ତାରି ରଇସି । ମୁଇ ମର୍ ଆଦେସ୍ ତାକର୍ ଚିନ୍ତା କଲାଟାନେ ଦେବି ଆରି ତାକର୍ ମନ୍ ବିତ୍ରେ ଲେକ୍ବି । ଆରି ମୁଇ ତାକର୍ ପର୍ମେସର୍ ଅଇରଇବି ଆରି ସେମନ୍ ମର୍ ନିଜର୍ ଅଇରଇବାଇ । ୧୧ ଏଟାରୁଲାଗି କେ ମିସା ମର୍ ବିସଇରେ ତାର୍ ସଞ୍ଜୁର୍ ଲକ୍ମନକେ ସିକାଇବାକେ ନ ପଡେ । ଆରି ମୁଇ କେ ବଲି କେ ମିସା ତାକର୍ ବାଇମନକେ ବାତାଇବାକେ ନ ପଡେ । କାଇକେବଇଲେ, ସେବେଲେ ଗୁଲାଇ ଲକ୍ ବଡ୍ ଅଅଡ୍ କି ସାନ୍ ଅଅଡ୍ ମୁଇ କେ ବଲି ଜାନ୍ବାଇ । ୧୨ ମୁଇ ସେମନର୍ ସବୁ ପାପ୍ କେମା କର୍ବି ଆରି ସେମନ୍ କାଇ ଅନିଆଇ କଲାଟା ମିସା ମନେ ନ ଏତାଇ । ୧୩ ଏବେ ଗଟେକ୍ ନୁଆ ରାଜିନାମା ଆତେ ବଲି ପର୍ମେସର୍ କଇଲାକେ ପୁରନା ରାଜିନାମାକେ କାଇ ମୁଲିଅ ନାଇ ବଲି ଆମେ ଜାନ୍ତୁ । ଜନ୍ଟା ପୁରନା ଅଇଗାଲା ଆରି କାଇଟା ପାଇ ମିସା ଲଡାକେ ନ ଆଇଲେ, ସେଟା ବାଇରେ ପିଢ଼ିଦେବାଇ ।

୯ ପର୍ମେସରର୍ ପର୍ତୁମ୍ ରାଜିନାମାତେଇ, ତାକେ କେନ୍ତାରି ଉପାସନା କର୍ବାର୍ ଆତେ ବଲି ନିୟ୍ମ୍ ରଇଲା । ତାକେ ଏ ଜଗତେ ଉପାସନା କର୍ବାକେ ଗଟେକ୍ ତୁମ୍ ଉଟାଇରଇଲା । ୨ ଏ ତୁମ୍ଟାନେ ଦୁଇଟା ଜାଗା ରଇଲା । ପର୍ତୁମ୍ ଜାଗାକେ ସୁକଲ୍ ଜାଗା ବଲି ନାଉଁ ରଇଲା । ସେ ବିତ୍ରେ ବଡିସଞ୍ଜୁଇବା କୁଦ୍ରା ଆରି ପର୍ମେସର୍କେ ସର୍ପିଦେବାକେ ରୁଟି ସଞ୍ଜୁଇବା ଗଟେକ୍ ଟେବୁଲ୍ ରଇଲା । ୩ ସେ ଜାଗାଇ ପୁରବା ବାଟେ ଗଟେକ୍ ପାର୍ଦା ରଇଲା । ପାର୍ଦାର୍ ପର୍ବାଟେ ଜନ୍ ଜାଗା ରଇଲା, ତାକେ ବଡ୍ ସୁକଲ୍ ଜାଗା ବଲି କଇତେ ରଇଲାଇ । ୪ ସେ ବଡ୍ ସୁକଲ୍ ଜାଗାଇ ଗଟେକ୍ ଦୁପ୍ ପଡାଇବା ସୁନାର୍ ବେଦି ଆରି ସୁନାର୍ ନିୟ୍ମ୍ ପେଡି ରଇଲା । ଏ ନିୟ୍ମ୍ ପେଡି ବିତ୍ରେ, ମାନା ରଇବା ଗଟେକ୍ ସୁନାର୍ ଆଣ୍ଟି ରଇଲା । ତେଇ ପତର୍ କଅଁଲି ରଇବା ଆରଣ୍ ଦାରି ଇଣ୍ଟୁବା ଡାଙ୍ଗୁ ରଇଲା । ଆରି ପର୍ମେସରର୍ ଆଦେସ୍ ଲେକାଅଇରଇଲା ଦୁଇ କଣ୍ଟୁ ଚାତଡା ପାକ୍ନା ମିସା ରଇଲା । ୫ ପେଡିର୍ ଡାକ୍ନା ଉପ୍ରେ ପର୍ମେସର୍ ଆତେ ବଲି ଚିନ୍ ଇସାବେ କେରୁବିନ୍ ବଲି ଡାକ୍ବା ଦୁଇଟା ତେନା ରଇଲା ଜୁର୍ତ୍ତୁର୍ ମୁର୍ତ୍ତି ରଇଲା । ତାକର୍ ଉଗାଡିଅଇରଇବା ତେନା ପେଡିର୍ ଡାକ୍ନା ଉପ୍ରେ ଡାବିଅଇଜାଇରଇଲା । ତାର୍ ଉପ୍ରେ ବନି ଚିଡିଅଇରଇଲା । ଜେନ୍ତାରିକି ଲକ୍ମନର୍ ପାପ୍କେମା

ଅଇଜିବାକେ । ମାତର୍ ଏ ଟିକିନିକି ବିସଇ ବୁଜାଇବାକେ ଲତାନାଇ । ୬
 ତୁମ୍ ବିତ୍ରେ ଏ ସବୁ ବିସଇ ସାଜାଡିଅଇରଇଲା । ପୁଜାରିମନ୍ ସବୁଦିନ୍
 ତାମ୍ ଗରର୍ ବାଇରର୍ ଜାଗାଇ ପୁରି, ସେମନର୍ କାମ୍ କର୍ବାଇ । ୭
 ମାତର୍ ବିତ୍ରେ ଜାଗାଇ ବଡ଼ ପୁଜାରିସେ ଜିବାକେ ଅଦିକାର୍ ରଇଲା ।
 ସେ ସିତି ବର୍ସେକ୍କେ ତରେକ୍ ସେ ଜାଇତେରଇଲା । ସେ ନିଜର୍ ପାଇ
 ଆରି ଲକ୍ମନ୍ ନ ଜାନିକରି କରଇରବା ପାପ୍ ପାଇ ବନି ନେଇକରି ଜଦି ନ
 ପୁରଲେ ସେ ଜାଇନାପାର୍ତେ ରଇଲା । ୮ ଏ ସବୁ ବିସଇରୁଲାଗି ସୁକଲ୍
 ଆତ୍ମା ଜାନାଇଲାନି ଜେ, ପର୍ମେସରର୍ ଅଦିକ୍ ସୁକଲ୍ ଜାଗାଇ ପୁର୍ବାକେ
 ଲକ୍ମନ୍‌କେ ଅଦିକାର୍ ନ ରଇଲା । କାଇକେବଇଲେ ସୁକଲ୍ ଜାଗା ଆରି
 ଅଦିକ୍ ସୁକଲ୍ ଜାଗା ବିସଇନେଇ ରଇବା ଆଗ୍ତୁର୍ ଆଦେସ୍ ସବୁ ଲକ୍ମନ୍
 ମାନିଆଇତେ ରଇଲା । ୯ ସେ ସବୁ ବିସଇ ଗଟେକ୍ ବାନା ପାରା । ଜନ୍‌ଟା
 ସବୁ ଏବର୍ ଦିନେ ସିଦ୍ ଅଇଲା ଆତେ । କାଇକେବଇଲେ ଜନ୍ ପସୁମନ୍‌କେ
 ଉପାସନା ଇସାବେ ଲକ୍ମନ୍ ପର୍ମେସର୍‌କେ ସର୍ପି ଦେଇତେ ରଇଲାଇ,
 ସେଟା ସବୁ ଲକ୍ମନ୍‌ର ବିବେକ୍ ଦଇ ନାପାର୍ଲା । ୧୦ କାଇକେବଇଲେ
 ସେଟା ସବୁ ଗାଗଡର୍ ଲାଗି ରଇବା ନିୟମ୍ ରଇଲା । ଜେନ୍ତୁରି କି, କାଇଟା
 କାଇଅଇସି, କାଇଟା ପିଇ ଅଇସି ଆରି ସେ ସବୁ ନିକ ସଞ୍ଜ୍ ଦଇବା ବିସଇ,
 ବାଇରେ ଦେକାଅଇବା ରିତିନିତି ସେ । ପରମେସରର୍ ନୁଆ ନିୟମ୍ ଟିକ୍
 ଅଇବାଜାକ, ଏ ସବୁ କର୍ବାଟା ରଇଲା । ୧୧ ମାତର୍ ଆମେ ଜେଡ଼କିଲକ୍
 ସବୁରେଇଅନି ବଡ଼ିଆ ବିସଇ ପାଇଆରୁ, କିରିସ୍ଟ ଆମର୍ ବଡ଼ ପୁଜାରି ଅଇ
 ଆଇଲା ଆତେ । ସେ ସେବା କର୍ବା ଜାଗାର୍ ତୁମ୍ ଲଗେ ରଇବା ଅଦିକ୍
 ସୁକଲ୍ ଜାଗାଇଅନି ଅଦିକ୍ ମୁଲିଅ ରଇଲାଟା ଆରି ଅଦିକ୍ ସିଦ୍ ଆତେ ।
 କାଇକେବଇଲେ ସେଟା ଲକ୍ମନ୍ ତିଆର୍ କଲାଟା ନଏଁ, କି ଏ ନସିଜିବା
 ଜଗତର୍ଟା ମିସା ନଏଁ । ୧୨ କିରିସ୍ଟ ସେ ତାମ୍ ବାଟେଜାଇ ଏକାତରେକ୍ ସେ
 ବଡ଼ ସୁକଲ୍ ଜାଗାଇ ପୁର୍ଲା । ସେ ତେଇ ପୁର୍ବା ବେଲେ ବଲି କର୍ବାକେ
 ତେଲି କି ପସୁ ବନି ନେଇ ନ ଜାଇରଇଲା । ମାତର୍ ସେ ନିଜର୍ ବନି
 ନେଇକରି ଜନ୍ ଜନ୍‌ଟା କର୍ବାର୍ ରଇଲା, ସେଟା ପୁରାପୁରୁନ୍ କଲା ।
 ଜେନ୍ତୁରି କି ଆମ୍‌କେ ମୁକ୍‌ଲାଇକରି କାଲ୍ କାଲ୍ ଜୁଗ୍‌ଜୁଗର୍ ପାଇ ମୁକ୍ତି
 ଦେଲା । (aiōnios g166) ୧୩ ଆଗର୍ କାଲେ ତେଲି ଆରି ବଲ୍‌ଦମନର୍ ବନି
 ଆରି ପଡ଼ାଇଲା ବାତିପିଲାର୍ ଚାର୍ ଚିତ୍‌ବାଟା, ଏସବୁ ଅସୁକଲ୍ ଅଇରଇବା

ଲକ୍ଷ୍ମୀନର ଗାଗଡ଼ ଦଇବା କାମ୍ବଳେ ଥାଇଲା । ୧୪ ଏଟା ଜଦି ଲକ୍ଷ୍ମୀନର
 ଗାଗଡ଼ ଦଇପାରୁଲା, ସେନ୍ତୁଆଲେ କିରିସ୍ତର ବନିସ୍ତୁ ଆରି କେତେକ୍
 ଅଦିକ୍ କରିଅଇସି? ନ ସାର୍ବା ଆତ୍ମାର୍ପାଲ ସେ ନିଜେ ପରମେସରର୍
 ସାଇଜ ନେଇ, କାଲ ପାପ୍‌ସ୍ ନ ଅଇତେ ବିରୁ ଇସାବେ ନିଜ୍ଜେ ପୁରାପୁରୁନ୍
 ସର୍ପି ଦେଲାଆତେ । ତାର୍ ବନିରୁଲାଗି ବାନିଆ ରିତିନିତି କାମେଅନି ଜିତି
 କରି ଆମର୍ ବିବେକ୍ ସୁକଲ୍ ଅଇସି । ଆରି ଆମେ ସତଇସେ ଜିବନ୍ ରଇଲା
 ପରମେସରର୍ ସେବା କର୍ବା ଅଦିକାର୍ ପାଇଆରୁ । (aiōnios g166) ୧୫
 ଏଟାର୍ପାଲ କିରିସ୍ତସେ ନୁଆ ନିୟମ୍ ସାଦନ୍ କଲାଆତେ । ଜେନ୍ତୁରି କି,
 ଜେଡ଼ିକ୍ ଲକ୍ଷ୍ମୀନକେ ପରମେସରର୍ ତାକିଆତେ, ସେମନ୍ ପରମେସରର୍ ସପର୍
 କରି କଇରଇବା ନ ସାର୍ବା ଆସିର୍ବାଦ୍ ପାଇବାଇ । କିରିସ୍ତ୍ ମଲାର୍ପାଲ
 ଆଗର୍ ରାଜିନାମାତେଇ କରିରଇବା ସବୁ ପାପେଅନି ସେମନ୍ ମୁକଲ୍ଲାଇ ।
 (aiōnios g166) ୧୬ ଗଟେକ୍ ଲକ୍ଷ୍ମୀ ଜଦି ତାର୍ ଦନ୍ ସିପତି ବାଗ୍ ବାଟା କର୍ବା
 ବିସଇର୍ ଚିଟି କରିରଇସି । ସେଟା ଜାନାଇବାକେ ସେ ଲକ୍ଷ୍ମୀ ନାଉଁଦାରି
 ରାଜିନାମା ପାଆଟା ପତର୍ ରଇବାର୍ ଆତେ । ସେ ମରିଗାଲାପତେ ତାର୍ଟା
 ଜାନାପତ୍‌ବାର୍ ଆତେ । ୧୭ କାଇକେ ବଇଲେ ବାଗ୍‌ବାଟା ଲେକିରଇଲା
 ଲକ୍ଷ୍ମୀ ବଠି ରଇଲା ଜାକ, ବାଗ୍‌ବାଟାର୍ କାଗଜ୍ ପତରର୍ କିଟି ମୁଲିଅ ନାଇ ।
 ସେଟା ତାର୍ ମରିଗାଲା ପତେ ସେ କାମ୍ ଦେଇସି । ୧୮ ସେନ୍ତୁରିସେ, ପର୍ତୁମ୍
 ରାଜିନାମା ମିସା ବନି ଜରାଇଲାକେସେ ସେଟାର୍ ମୁଲିଅ ରଇଲା । ୧୯ ମସା
 ପର୍ତୁମ୍ ନିୟମର୍ ଆଦେସ୍ ଲକ୍ଷ୍ମୀନର ଲଗେ କଇଲା । ତାର୍ପତେ ସେ
 ବଲଦ୍ ଆରି ତେଲିମନର୍ ବନି ନେଇ ପାନି ସଙ୍ଗ୍ ମିସାଇଲା । ତାର୍ପତେ
 ଅଲପ୍ ମେଣ୍ଟୁର୍ ବାଲେ ଏସୁର୍ ନାଉଁର୍ ଗତର୍ କେନ୍ଦ୍ରିତେଇ ଗୁଡାଇଲା । ପତେ
 ସେଟା ବନିଟାନେ ବୁଡାଇ ନିୟମର୍ ବଇତେଇ ଆରି ଲକ୍ଷ୍ମୀନର ଉପ୍ରେ
 ଚିର୍ଲା । ୨୦ ସେ କଇଲା, ଜନ୍ ନିୟମ୍ ମାନବାକେ ପରମେସରର୍ ତମ୍ବେ
 ଆଦେସ୍ ଦେଲାଆତେ, ଏ ବନି ସେ ନିୟମ୍‌କେ ଚିନ୍ ମାରିଆତେ । ୨୧
 ତାର୍ପତେ ମସା ସେ ବନିନେଇ ତମ୍ବୁ ମନ୍ଦିର୍ ଆରି ପର୍ମେସର୍କେ ପାର୍ତନା
 କର୍ବାବେଲେ କାମେ ଆଇବା ସବୁ ଜିନିସ୍ ପତର୍ ଉପ୍ରେ ଚିର୍ଲା । ୨୨
 କାଇକେବଇଲେ ମସାର୍ ନିୟମ୍ ଇସାବେ ସବୁ ବିସଇ ସୁକଲ୍ କର୍ବାକେ,
 ବନି ଦର୍କାର୍ । ବନି ନ ଜରାଇଲେ ପାପ୍ କେମା ନ ଅଏ । ୨୩ ତେବର୍ପାଲ
 ଏ ସବୁ ବିସଇ ଜନ୍‌ଟା ସର୍ଗେ ରଇବା ବିସଇ ବୁଡାଇସେ ଆତେ । ଏଟା

ସବୁ ପସୁମାନର ବନିସଞ୍ଜ ସୁକଳ୍ କରାଇବାକେ ଦରକାର ରଇଲା । ମାତର ସରଗର ବିସଇମନ୍କେ ସୁକଳ୍ କରବାକେ ସରପି ଅଇବାଟା ଅଦିକ୍ ନିକ ଅଇରଇବାରୁ ରଇଲା । ୨୪ କାଇକେବଇଲେ ଲକ୍ମନରୁ ଆତେ ତିଆର ଅଇଲା ସୁକଳ୍ ଜାଗାଇ କିରିସ୍ଟ ଜାଏନାଇ । ସେଟା ସତ୍ ଜାଗାରୁ ଚାୟାସେ ରଇଲା । ମାତର ସେ ସତ୍ରେ ସର୍ଗେ ଗାଲା । ଆରି ସେ ଏବେ ତେଇ ଆତେ । ପର୍ମେସରର ମୁଆଟେ ଆମର୍ ପାଇ ଗୁଆରି କଲାନ୍ତି । ୨୫ ଜିଉଦିମନରୁ ବତ୍ ପୁଜାରି ଜେନ୍ତିକି ବରସେକ ତରେକ୍ ପସୁର ବନି ନେଇ ବତ୍ ସୁକଳ୍ ଜାଗାଇ ଜାଇସି, ସେନ୍ତୁରି କିରିସ୍ଟ ନିଜ୍ଜକେ ତରକେ ତର ସରପିଅଇକରି ତେଇ ଜାଏନାଇ । ୨୬ କାଇକେବଇଲେ, ସେ ଜଦି ସେନ୍ତୁରି କରୁଟା ଏ ଜଗତ୍ ତିଆର ଅଇଲା ଦିନେଅନି ସେ ବେସି ତର ଦୁକ୍ପାଇବାକେ ଅଇତା । ମାତର ସେ ଏ ସାରାସାରି ଦିନ୍ ମନ୍କେ ତରେକ୍ସେ ଏ ଜଗତେ ଆଇଲା ଆରି ନିଜ୍ଜକେ ସରପିଦେଇକରି ସବୁ ପାପ୍ ଦାରିଗାଲା । (aiōn g165) ୨୭ ଆମେ ସବୁ ଲକ୍ ତରେକ୍ ମରୁରୁ ଆରି ତାର୍ପତେ ପର୍ମେସରର ମୁଆଟେ ବିଚାର ଦିନେ ଟିଆଅଇବୁ । ୨୮ ସେନ୍ତୁରିସେ କିରିସ୍ଟ ମିସା ସବୁ ଲକ୍ ପାପ୍ ନିଜେ ନେବାକେ ବଲି ଇସାବେ ତରେକ୍ ସେ ସର୍ପାଇ ଅଇଲା । ସେ ଆରି ତରେକ୍ ଆଇଲାବେଲେ, ଆମର୍ ପାପ୍ପାଇ ସେ ନ ଆସେ । ମାତର ତାକେ ଜାଗି ରଇଲା ଲକ୍ମନକେ ଉଦାର କରବାକେ ଆଇସି ।

୧୦ ମସାର ନିୟମ୍ ଅବ୍କା ଗଟେକ୍ ବାନା ପାରା ରଇଲା । ଜନ୍ ନିକ ଆସିରବାଦ୍ କିରିସ୍ଟ ଆମ୍କେ ଦେଇସି, ସେ ଆସିରବାଦ୍ ଗୁନ୍ତଲନ୍ଦ୍ ତେଇ ତିସ୍ତେରଇଲା । ମାତର ସେଟା ଆସିରବାଦ୍ ସମାନ୍ ନଏ । ତେବର୍ପାଇ ନିୟମ୍ ମାଞ୍ଜୁଲା ଇସାବେ, ସେମନ୍ ସବୁ ବରସେ ବଲି ସର୍ପାଇ ଅଇତେରଇଲା । ମାତର ସେ ସବୁ ବଲି ସରପବାଟା ପର୍ମେସର୍ଟାନେ ଆଇବା ଲକ୍ମନକେ ସିଦ୍ କରିନାପାରୁଲା । ୨ ସେନ୍ତୁରି ଜନ୍ ଲକ୍ମନ୍ ପର୍ମେସର୍କେ ଉପାସନା କର୍ତ୍ତେରଇଲା, ଜଦି ସେମନ୍ ତାକର୍ ପାପେ ଅନି ସୁକଳ୍ ଅଇତାଇ, ତେବେ ସେମନ୍କେ ତାକର୍ ପାପ୍ ଦସି ନ କରାଇତା । ଆରି ସବୁ ବଲିଦେବାଟା ସାରିଜାଇତା । ୩ ମାତର ସବୁ ବରସେ ସେ ସମାନ୍ ବେଲାଇ ବଲି ସରପିଦେବାଟା କରବାକେ ପଡୁଲା । ସେମନର୍ ପାପ୍ ରଇଗାଲା ଆତେ ବଲି ସେମନ୍ ତେଇଅନି ଜାନ୍ଲା । ୪ କାଇକେବଇଲେ ବଲଦ୍ମନରୁ ଆରି ଚେଲିମନରୁ ବନି କେବେ ମିସା ଆମର୍ ପାପ୍ ଦାରି ନ ନେଏ

। ୫ ଆମେ ଜାନିଆରୁ ଜେ, କିରିସ୍ଟ ଏ ଜଗତେ ରଇଲାବେଲେ ସେ ତାର
 ବାବା ପର୍ମେସର୍‌କେ କଇ ରଇଲା, ବଲି ଆରି ସର୍‌ପିଦେବାଟା ତୁଇ ମନ୍
 କରୁସ୍ ନାଇ । ସେଟାର୍‌ପାଇ ତୁଇ ମର୍‌ପାଇ ଗଟେକ୍ ଗାଗଡ୍ ତିଆର୍ କଲୁସ୍ ।
 ୬ ବେଦିଟାନେ ପଡାଇବା ପସୁମନ୍‌କେ ତୁଇ ମନ୍ କରୁସ୍ ନାଇ । କି ପାପ୍
 ଦଇନେବା ବଲି ମିସା ନାଇ । ୭ ତାର୍‌ପଟେ ମୁଇ କଇଲି, ଏ ପର୍ମେସର୍,
 ମର୍ ବିସଇ ନିୟ୍‌ମ୍ ବଇଟାନେ ଜେନ୍ତି ଲେକାଅଇଆଟେ, ସେ ଇସାବେ ତୁଇ
 ମନ୍ କଲାଟା ପୁରାପୁରୁନ୍ କର୍‌ବାକେ ରାଜିଆତି । ୮ ସେ ପର୍‌ତୁମ୍ କଇଲା,
 ତମେ ସର୍‌ପି ଦେବାଟା, କି ବେଦିଟାନେ ପଡାଇବାଟା, କି ପାପ୍ ଦାରିନେବା
 ପସୁମନ୍‌ର ବନି ମନ୍ କରୁସ୍ ନାଇ । ଏ ସବୁ ବଲି ନିୟ୍‌ମ୍ ଇସାବେ ସର୍‌ପାଇ
 ଅଇରଇଲେ ମିସା, ସେ ଏନ୍ତାରି କଇଲା । ୯ ତାର୍ ପଟେ ସେ ଆରିତରେକ୍
 କଇଲା, ତୁଇ ଜାଜାଟା ମନ୍ କଲୁସ୍‌ନି ସେଟା ସିଦ୍ କର୍‌ବାକେ ଏ ପର୍ମେସର୍,
 ମୁଇ ଇତି ଆତି । ସେନ୍ତାରି ଆଗର୍‌ପାରା ବଲିଦେବାଟା ପର୍ମେସର୍ ମନାକରି,
 ତାର୍ ବାଦୁଲେ କିରିସ୍‌ଟର୍ ବଲି ଟିକ୍ କଲା । ୧୦ କିରିସ୍‌ଟ ପର୍ମେସର୍‌ର
 ମନ୍ କର୍‌ବାଟା ସାଦନ୍ କଲା । ସେ ତାର୍ ଗାଗଡ୍ ସର୍‌ପିଦେଇକରି ଏକାତର୍
 ସବୁବେଲର୍‌ପାଇ ଆମର୍ ପାପ୍ ଦଇଦେଲା । ୧୧ ସବୁ ଜିଉଦି ପୁଜାରିମନ୍ ସେ
 ସମାନ୍ ବଲି ସର୍‌ପିଦେଇକରି ଦିନ୍‌କେଦିନ୍ ଟିଆ ଅଇତେରଇଲା । ମାତର୍
 ଏ ବଲି ଲକ୍‌ମନ୍‌ର ପାପ୍ ନେଇ ନାପାରୁଲା । ୧୨ ମାତର୍ କିରିସ୍‌ଟ ତରେକ୍
 ସେ ନିଜ୍‌କେ ବଲିଅଇଲା, ସେଟା ଆମର୍ ପାପ୍‌କେ ଦାରିଗାଲା ଆରି ସେ
 ସର୍‌ପାଇ ଅଇଲାଟା ସବୁଦିନର୍ ପାଇ ନିକ । ସେ କରିରଇବା କାମ୍ ସାରାଇଲା
 ଇସାବେ ଗଟେକ୍ ତିନ୍ ପାରା, ପର୍ମେସର୍‌ର ଉଜାବାଟେ ବସ୍‌ଲା । ୧୩
 ସେ ଏବେ ମିସା ତେଇସେ ଜାଗିଆଟେ । ଜନ୍ ବେଲାଇ ପର୍ମେସର୍ ତାର୍
 ସବୁ ସର୍‌ତୁମନ୍‌କେ ତାର୍ ପାଦେ ଆନ୍‌ସି । ୧୪ ଗଟେକ୍ ବଲିରୁଲାଗି ଆମେ
 ଜେଡ୍‌କିଲକ୍ ପାପେଅନି ଦଇଅଇ ଆରୁ, ସେ ଆମ୍‌କେ ସବୁଦିନର୍ ପାଇ ସିଦ୍
 କରି ଆଟେ । ୧୫ ସୁକଲ୍‌ଆର୍‌ମା ମିସା ଆମ୍‌କେ ତାର୍ ସାକି ଦେଇ କଇଲାନି,
 ୧୬ “ମାପ୍‌ରୁ କଇଲାନି, ଆଇବା ଦିନ୍‌ମନ୍‌କେ, ମୁଇ ଏ ନୁଆଁ ରାଜିନାମା, ସେ
 ଲକ୍‌ମନ୍‌ରପାଇ କର୍‌ବି । ମୁଇ ମର୍ ନିୟ୍‌ମ୍ ସେମନ୍‌ର ମନେ ସଞ୍ଜୁଇବି ଆରି
 ତିନ୍ତୁ କର୍‌ବାଟାନେ ଲେକ୍‌ବି ।” ୧୭ ସେ ଆରି ତରେକ୍ କଇଲା, ତାକର୍ ପାପ୍
 ଆରି କାରାପ୍ ଗୁନ୍ ଚଲନ୍ ମୁଇ ପାସ୍‌ରି ଜିବି । ୧୮ ସେନ୍ତାରି ଏ ସବୁ ବିସଇ
 କେମା ଅଇଲାର୍ ପାଇ, ତାକର୍ ପାପ୍ ଦାରି ନେବାକେ ବଲି ଆରି ଦେବାକେ ନ

ପଡେ । ୧୯ ଏ ମର୍ ବାଇବଇନିମନ୍, ଜିସୁର୍ ମରନର୍ ଲାଗି ଆମେ ଅଦିକ୍ ସୁକଲ୍ ଜାଗାଇ ପୁର୍ବାକେ ଆମ୍ବେ ଅଦିକାର୍ ଆଚେ । ୨୦ କାଇକେବଇଲେ, ତାର୍ ଗାଗଡ୍ ସର୍ପି ଅଇଲାଇକେ ପାର୍ଦାବାଟେ ଆମ୍ବେ ନୁଆ ଆରି ଜିବନ୍ ରଇବା ବାଟ୍ ଉଗାଡିଦେଲା ଆଚେ । ୨୧ ଆରି ସେଡ୍‌କିସେ ନ'ଏ, ଆମ୍ବେ ଏବେ ଗଟେକ୍ ବଡ୍ ପୁଜାରିଆଚେ । ଜେ କି ପରମେସର୍ ଗରର୍ ଅଦିକାରେ ରଇବା ଲକ୍ । ୨୨ ସେଟାର୍‌ପାଇ ତେବେ ଆସା, ଆମେ ସତଇସେ ମନ୍‌କରି ଆରି ତାଟ୍‌ସଙ୍ଗ୍ ବିସ୍‌ବାସ୍ କରି ପର୍ମେସରର୍ ଲଗେ ଛୁ । ଆମର୍ ବିବେକ୍ ଆମ୍ବେ ଦସ୍ ନ ଦେଲାପାରା କିରିସ୍‌ଟର୍ ବନିସଙ୍ଗ୍ ଚିଡିଅଇକରି ଦଇଅଇ ରଇବାର୍ ଆଚେ । ଆରି ଆମର୍ ଗାଗଡ୍ ସୁକଲ୍ ପାନିସଙ୍ଗ୍ ଦଇଅଇଲାପାରା ରଇବାର୍ ଆଚେ । ୨୩ ଆମର୍ ଜନ୍ ଆସା ଓଁ, ବଲି ମାନିଆଇଲୁନି, ତାକେ ଡାଁଟ୍ କରୁ । ଆମେ ଅଇସି କି ନ'ଏ ଆଲେ, ବଲି ନ ବାରୁ । କାଇକେବଇଲେ ପର୍ମେସର୍ ଜନ୍ ସପଡ୍ କଲାଆଚେ, ସେଟା ସେ କର୍ସି ଆକା । ୨୪ ଆସା, ଆମେ ଦିନ୍ ଲକ୍‌ମନ୍‌କେ ମନ୍‌ଦେଇ ସେମନ୍‌କେ ସାଇଜ କରୁ । ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରି ନିକ କାମ୍ କରୁ । ୨୫ ଜେନ୍‌ଟିକି ଆରି କେତେଲକ୍ କଲାଇନି, ଆମେ ମିସିବିଡି ରଇବା ବିସ୍‌ବାସି ବାଇବଇନି ମନର୍ ସଙ୍ଗ୍ ରୁଣ୍ଟୁବାକେ ଏଲା ନ କରୁ । ତାର୍ ବାଦୁଲେ ଆମର୍ ସଙ୍ଗ୍‌ରିମନର୍ ବିସ୍‌ବାସ୍ ଡାଁଟ୍ କରାଉ । ଆମର୍ ମାପୁରୁ ଜିସୁ ଆରିତରେକ୍ ଆଇବା ଦିନ୍ ଲଗେ କେଟି ଆଇଲାନି । ୨୬ କିରିସ୍‌ଟର୍ ବିସଇତେଇ ରଇବା ସଡ୍, ଆମେ ଜାନିକରି ପାପକରି ଲାଗିରଇଲେ, ଆମର୍ ପାପ୍ ଦାରିନେବାକେ ଆରି କାଇ ବଲି ନାଇ । ୨୭ ସେନ୍ତୁର୍‌ଆଲେ ପର୍ମେସରର୍ ଜନ୍ ବଡ୍‌ବିଚାର୍ ଦିନ୍ ଆଇଲାନି, ତେଇ ତାର୍ ବେସି ତର୍ ଲାଗ୍‌ବା ବିଚାର୍‌ନାର୍‌ପାଇ ଜାଗ୍‌ବାକେ ପଡ୍‌ସି । ପରମେସରର୍ ସବୁ ବିରଦିମନ୍‌କେ କୁରୁପ୍‌ନାସ୍ କର୍‌ବା ସେ ବେସି ଲାଗ୍‌ତେରଇବା ଜଇର୍ ପାଇ ମିସା ଜାଗ୍‌ବାକେ ପଡ୍‌ସି । ୨୮ ମସାର୍ ନିୟ୍‌ମ୍ ନ ମାନ୍‌ବା ଗଟେକ୍ ଲକ୍‌କେ କାଇଟା ଅଇତେରଇଲା ବଲି ବାବିଦେକା । ଦୁଇ କି ତିନ୍ ଲକ୍ ତାର୍ ପାପର୍ ଲାଗି ସାକିଦେଲେ, ସେ କାଇମିସା ଦୟା ନ ପାଇକରି ମର୍‌ବାକେ ଆଦେସ୍ ଦେଇତେରଇଲା । ୨୯ ମସାର୍ ନିୟ୍‌ମ୍ ନ ମାନ୍‌ବା ଗଟେକ୍ ଲକ୍‌ର୍ ଦସା ସେନ୍ତୁରି ରଇଲେ, ପର୍ମେସରର୍ ପଅକେ ଇନ୍ କର୍‌ବା ଗଟେକ୍ ଲକ୍‌ର୍ ଦସା କେତେକ୍ ଅଦିକ୍ ନ ରଏ । ଜଦି ତାର୍ ରାଜିନାମାର୍ ବନିକେ କାଇ ଫୁଲିଅ ନାଇ ବଲି ଏଲାକରିଦେଲେ, ଏ ବନିର୍ ଲାଗି ସେ

ପାପେଅନି ସେ ସୁକଲ୍ ଅଇରଇଲା । ସେନ୍ତୁରି କରବା ଲକ୍ ପର୍ମେସରର୍ ଆତ୍ମା ଜେ କି ଜିବନ୍ ଦୁକାଇ ଦୟା ଦେକାଇସି, ତାକେ ମିସା ମନ୍ଦୁକ୍ କରାଇଲାନି । ତାର୍ ତଣ୍ଟୁ କେତେକ୍ ଅଦିକ୍ ନ ଅଏ । ୩୦ କାଇକେବଇଲେ ଆମେ ଜାନିଆରୁ ପର୍ମେସର୍ କଇଲା, “ବେର୍ ସୁଜାଇବାକେ ମର୍ ଅଦିକାର୍ ଆଚେ । ମୁଇସେ ବାଉଡାଇବି ।” ସେ ଏନ୍ତୁରି ମିସା କଇରଇଲା, “ମୁଇସେ ମାପ୍ତୁ ଆରି ମର୍ ଲକ୍ମନ୍‌କେ ମୁଇ ଆକା ବିଚାର୍ କର୍ବି ।” ୩୧ ଜିବନ୍ ରଇବା ଆରି ସବୁଟାନ୍‌ନେଅନି ବପୁ ରଇବା ପର୍ମେସର୍ ତଣ୍ଟୁ ପାଇବାକେ କେତେକ୍ ତର୍ ଲାଗ୍ସି । ୩୨ ଗାଲା ଦିନ୍‌ମନ୍‌କେ ତମେ କେନ୍ତୁରି ରଇଲାସ୍, ତମେ ଏତାଇଦେକା । ପର୍ମେସରର୍ ସର୍ ବିସଇର୍ ପାଇ ତମର୍ ମନ୍ ଉଗାଡି ଅଇଲାକେ, ତମ୍‌କେ ବେସି ଦୁକ୍ କସ୍ଟ ଅଇଲେମିସା, ସେଟା ସବୁ ମୁର୍ଚି କରି ରଇଲାସ୍ । ଆରିତେଇ ଆରିଜାଆସ୍ ନାଇ । ୩୩ କେତେ କେତେ ତର୍ ତମ୍‌କେ ସବୁର୍ ମୁଆଟେ ଇଜଡ୍ ଜିକ୍‌ଲାଇ ଆରି କାରାପ୍ ଇସାବେ ଦେକ୍‌ଲାଇ । କେବେ କେବେ ଜନ୍ ଲକ୍ମନ୍‌କେ ଦୁକ୍ ଆଇସି, ତାକର୍ ସମାନ୍ ଅଇତେରଇଲାସ୍ । ୩୪ ଆରି ବନ୍ତି ଗରେ ରଇବା ତମର୍ ସଙ୍ଗାରିମନ୍‌କେ ଦୟା ଦେକାଇଲାସ୍ । ତମର୍‌ଟାନ୍‌ନେ ଜେଡ୍‌କି ରଇଲାଟା ସେମନ୍ ମାର୍ଦାର୍ କରି ନେଲାବେଲେ, ତମେ ସାର୍‌ଦାସ୍‌ଟୁ ମୁର୍ଚି ରଇଲାସ୍ । କାଇକେବଇଲେ, ତମ୍‌କେ ତାର୍‌ତେଇଅନି ନିକଟା ଆରି ନ ସାର୍‌ବା ଦିନ୍ ଜାକ ରଇବା ଦନ୍‌ସ୍‌ପତି ଆଚେ ବଲି ଜାନିରଇଲାସ୍ । ୩୫ ସେଟାର୍‌ପାଇ ତମର୍ ସାଆସ୍ ଚାଡାନାଇ । ମାତର୍ ସେଟା କର୍ତ୍ତେରୁଆ । କାଇକେ ବଇଲେ ତମର୍ ଇନାମ୍ ବଡ୍ ରଇସି । ୩୬ ପର୍ମେସରର୍ ମନ୍ କଲାଟା ସାଦନ୍ କର୍ବାକେ ତମେ ମୁର୍ଚିକରି ରଇବାର୍ ଆଚେ ଆରି ସେ କାତା ଦେଇରଇବାଟା ତମେ ମିଲାଇସା । ୩୭ ଜେନ୍ତୁରିକି ସାସ୍‌ତରେ ଲେକା ଅଇଲାଆଚେ, ଚନେକ୍ ଜାଗିରୁଆ, ଜେ ଆଇବାର୍ ଆଚେ, ସେ ଆଇସି ଆକା, ସେ ଅଲ୍‌ସମ୍ ନ ଅଏ । ୩୮ ମର୍ ଜେଡ୍‌କି ଦରମ୍ ଲକ୍ ଆତଡ୍, ସେମନ୍ ବିସ୍‌ବାସ୍ କରି ବର୍ବାଇ ମାତର୍ ଜେ ଜଦି ପର୍‌କେ ବାଅଡ୍‌ଲେ ମୁଇ ତାର୍‌ଟାନ୍‌ନେ ସାର୍‌ଦା ନ ଅଇ । ୩୯ ମାତର୍ ଆମେ ପର୍ମେସର୍‌କେ ନ ମାନିକରି ତାର୍ ତେଇଅନି ବେଗ୍‌ଲି ଜିବା ଲକ୍ ନଉଁ । ମାତର୍ ଆମେ ବିସ୍‌ବାସ୍ କରି ରକିଆ ପାଇଲା ଲକ୍ମନ୍‌ର୍ ସଙ୍ଗୁ ଆରୁ ।

୧୧ ତେବେ ବିସ୍‌ବାସ୍ ଆଲେ କାଇଟା? ଜନ୍ ବିସଇର୍ ପାଇ ଆମେ ଆସା କଲୁନି, ସେଟା ସିଡ୍ ଅଇସି ଆକା ବଲି ଆମର୍ ମନେ ଜାନ୍‌ବାଟା

ଅଇଲାନି ବିସ୍ବାସ୍ । ଆରି ଜନ୍ତା ଆମେ ଦେକି ନାପାରୁ, ସତଇସେ
 ଆତେ ବଲି ଜାନ୍ବାଟା, ମିସା ବିସ୍ବାସ୍ । ୨ ପୁର୍ବେ ରଇବା ଆମର୍
 ଆନିଦାଦିମନର୍ ବିସ୍ବାସର୍ ଲାଗି ପର୍ମେସର୍ ସେମନ୍କେ ମନ୍କଲା ।
 ୩ ଆମର୍ ବିସ୍ବାସର୍ଲାଗି, ଏ ଜଗତ୍ ଆରି ତେଇ ରଇବା ସବୁଜାକ
 ପର୍ମେସର୍ ଆଦେସ୍ ଇସାବେ ତିଆର୍ ଅଇଲାଆତେ ବଲି ଆମେ ଜାନ୍ଲୁନି
 । ତେବେ ଜନ୍ତା ଦେକି ଅଇଲାନି, ସେଟା ଦେକି ନ ରଇଲା ଟାନେଅନି ତିଆର୍
 ଅଇଆତେ । (aiōn g165) ୪ ଏବଲର୍ ବିସଇ ବାବି ଦେକୁ । ତାର୍ ବିସ୍ବାସର୍
 ଲାଗି ସେ ଜନ୍ତା ପର୍ମେସର୍କେ ସର୍ପି ଦେଇରଇଲା, ତାର୍ ବାଇ କଇନ୍
 ଦେଲାଟାନେଅନି ନିକରଇଲା । ତାର୍ ବିସ୍ବାସର୍ ଲାଗି ପର୍ମେସର୍ ତାକେ
 ଦରମ୍ ବଲି ଏଜାଇଲା । ସେ ସର୍ପିଦେଲାଟା ପର୍ମେସର୍ ମାନ୍ଲାକେ ଆମେ
 ଏଟା ଜାନ୍ଲୁନି । ତେବର୍ପାଇ ଏବଲ୍ ମରିଗାଲେମିସା ତାର୍ ବିସ୍ବାସର୍
 ଲାଗି, ସେ ଆମ୍ବକେ କାଇକାଇଟା କଇଲାନି । ୫ ଆରି ଗଟେକ୍ ଲକ୍ ରଇଲା
 ଇନକ୍, ତାର୍ ବିସ୍ବାସର୍ ଲାଗି ସେ ମରେନାଇ, ମାତର୍ ଜିବନ୍ ରଇତେ
 ତାକେ ପର୍ମେସର୍ ଦାରିଗାଲା । ତେବେ ସେମନ୍ ତାକେ କଇଲାକ ମିସା
 ମିଲାକ ନାପାରୁଲା । କାଇକେବଇଲେ ପର୍ମେସର୍ ତାକେ ନେଇରଇଲା
 । ସାସ୍ତରେ ଏନ୍ତାରି ଲେକା ଅଇଲାଆତେ, ତାକେ ଦାରି ନେବା ଆଗ୍ତୁ
 ପର୍ମେସର୍ ତାକେ ମନ୍ କରଇରଇଲା । ୬ ତେବର୍ପାଇ ଜନ୍ ଲକ୍ମନ୍
 ପର୍ମେସର୍ ଲଗେ ଆଇବାକେ ମନ୍ କଲାକନି, ପର୍ମେସର୍ ଆତେ ବଲି
 ବିସ୍ବାସ୍ କର୍ବାର୍ ଆତେ । ଜେଡ୍କି ଲକ୍ମନ୍ ତାକେ କଇବାଇ, ସେ
 ସେମନର୍ ଆସା କଲାଟା ପୁରାପୁରୁନ୍ କର୍ସି । ୭ ନଅର୍ ବିସଇ ବାବିଦେକା
 । ତାର୍ ବିସ୍ବାସର୍ ଲାଗି ପର୍କେ ଅଇବା ବିସଇ ପର୍ମେସର୍ ତାକେ
 ଜାଗ୍ତୁ କରାଇଲାକେ, ସେ କାତା, ସେ ଏଲାକରେ ନାଇ । ତାର୍ ଆଗ୍ତୁ
 ସେ ସେନ୍ତାରିଟା କାଇଟା ନ ଦେକିରଇଲେ ମିସା, ସେ ବିସ୍ବାସ୍ କଲା ।
 ତାର୍ପତେ ସେ ଆରି ତାର୍ କୁଟୁମ୍ ରକିଆ ପାଇବାକେ ଗଟେକ୍ ବଡ୍ ଡ଼୍ଟା
 ତିଆର୍ କଲା । ତାର୍ ବିସ୍ବାସର୍ ଲାଗି ପର୍ମେସର୍ ତାକେ ଦରମ୍ ଲକ୍ ବଲି
 ଏଇଲା, ମାତର୍ ବିନ୍ଲକ୍ମନ୍କେ ଦସି କଲା । ୮ ଅର୍ବାଆମ୍ ମିସା ତାର୍
 ବିସ୍ବାସର୍ ଲାଗି ପର୍ମେସର୍ କାତା ମାନ୍ଲା । ପର୍ମେସର୍ ତାର୍ପାଇ
 ସଞ୍ଜୁଇରଇବା ଗଟେକ୍ ଦେସେ ଜା ବଲି କଇଲାକେ, ସେ ଦାପ୍ରେ ମାନ୍ଲା
 ଆରି ବାରଇଲା । ସେ କନ୍ତି ଗାଲିନି ବଲି ନାଜାନି ରଇଲେ ମିସା ସେ ସେନ୍ତାର୍

କଲା । ୯ ତାର ବିସ୍‌ବାସର୍ ଲାଗି ପର୍ମେସର୍ ତାକେ ଦେବି ବଲି କାତା
 ଦେଇରଇଲା ଦେସେ, ସେ ବିନ୍‌ଦେସର୍ ଲକ୍ ପାରା ତୁମ୍ ଟାନି ରଇଲା ।
 ସେନ୍ତାରିସେ ତାର ପଅ ଇସାକ୍ ଆରି ଜାକୁବ୍ ତାର ନାତି ମିସା ପର୍ମେସର୍
 କାତା ଦେଇରଇଲାଟା ମିଲାଇବାଟାନେ ମିସ୍‌ଲାଇ । ୧୦ ଅବ୍ରାଆମ୍ ସେନ୍ତାରି
 ଜାଗାଇ ମୁର୍ଚିକରି ରଇଲା । କାଇକେବଇଲେ ପର୍ମେସର୍ ତିଆର୍ କଲା
 ସବୁଦିନ୍ ରଇବା ସରଗର୍ ନଅରେ ରଇବି ବଲି ସେ ଆସାକଲା । ୧୧
 ତାର ବିସ୍‌ବାସର୍ ଲାଗି ଅବ୍ରାଆମ୍ ବେସି ତକ୍ରା ରଇଲା ମିସା ଆରି ତାର
 ମାଇଜି ସାଆରା ବାଞ୍ଚି ରଇଲେ ମିସା, ବାବା ଅଇଲା । ପର୍ମେସର୍ କାତା
 ଦେଇରଇଲାଟା ସିଦ୍ କରୁସିଆକା ବଲି ସେ ଜାନିରଇଲା । ୧୨ ଅବ୍ରାଆମ୍
 କୁଲ୍‌କୁଲା ତକ୍ରା ଅଇଲାକେ ସେ ପିଲାଜିଲା କରି ନାପାରୁଲା । ଅଇଲେମିସା
 ତାର ନାତିତିମନ୍ ବାଦଲର୍ ତାରା ପାରା ଆରି ସମ୍‌ତୁରେ ରଇବା ବାଲି
 ପାରା ଜବର୍ ଅଇଗାଲା । ୧୩ ଏ ସବୁ ଲକ୍‌ମନ୍ ସେମନ୍ ମଲାବେଲେ ମିସା
 ପର୍ମେସର୍‌କେ ବିସ୍‌ବାସ୍ କରୁତେ ରଇଲା । ପର୍ମେସର୍ ସେମନ୍‌କେ
 କାତା ଦେଇରଇଲାଟା, ସେମନ୍ ଜିବନ୍ ରଇଲାବେଲେ ନ ମିଲାଇରଇଲେ
 ମିସା, ଜନ୍‌ଟା ପାଇବାଇ, ସେଟା ଦୁରିକେଅନି ଦେକ୍‌ଲାପାରା ଦେକି ସାର୍‌ଦା
 ଅଇଲା । ଏ ଜଗତେ ସେମନ୍ ବିନ୍ ଦେସର୍ ପାରା ଆରି ନିଜର୍ ଦେସେ
 ନ ରଇଲା ଲକ୍‌ପାରା ମାନିଅଇକରି ରଇଲା । ୧୪ ସେମନ୍ ମାନିଅଇ
 ରଇଲାଟାନେ ଅନି ଆମେ ଜାନୁ ଜେ, ସେମନ୍ ନିଜର୍‌ଟା ବଲି ଜାନାଇବା
 ଗଟେକ୍ ଦେସ୍ କରୁତେ ରଇଲା । ୧୫ ସେମନ୍ ଚାଡିକରି ଆସିରଇବା
 ଦେସ୍ ବିସଇନେଇ ତିନ୍ତା କରୁନାଇ । ସେନ୍ତାରି କରୁତାଇଆଲେ, ସେମନ୍
 ବାଉଡୁବାକେ ଅଇତା । ୧୬ ସେମନ୍ ଚାଡିଆଇଲା ନଅର୍‌ତେଇଅନି ଅଦିକ୍
 ନିକ ଗଟେକ୍ ନଅରର୍ ପାଇ ତାକର୍ ଆଁକି ରଇଲା । କାଇକେବଇଲେ, ସେମନ୍
 ସରଗ୍ ଦେସ୍ ପାରାଟା କରୁତେରଇଲା । ସେମନ୍ ତାକେ ପର୍ମେସର୍ ବଲି
 ତାକ୍‌ଲାର୍ ପାଇ, ସେ ଲାଜ୍ ଅଏନାଇ । କାଇକେବଇଲେ ସେ ତାକ୍‌ପାଇ
 ଗଟେକ୍ ନଅର୍ ତିଆର୍‌କଲା ଆତେ । ୧୭ ତାର ବିସ୍‌ବାସର୍ ଲାଗି ଅବ୍ରାଆମ୍
 ଜେଡେବେଲେ ପର୍ମେସର୍ ତାକେ ପରିକା କଲା, ସେ ତାର ପଅକେ ବଲି
 ଇସାବେ ସରୁପି ଦେଲା । ମାତର୍ ପର୍ମେସର୍ କାତା ଦେଇରଇଲାଟାନେ
 ଅବ୍ରାଆମ୍ ବିସ୍‌ବାସ୍ ଡା଼ର୍ ରଇଲା । ଆରି ସେ ତାର ଗଟେକ୍ ବଲି
 ପଅ ଇସାକ୍‌କେ ବଲି ଇସାବେ ଦେବାକେ ରାଜି ରଇଲା । ୧୮ ତାର ପଅ

ଇସାକର ଲାଗି, ତାର ନାତିତିତିମନ୍ ଜବର ଅଇଜିବାଇ ବଲି ପର୍ଯ୍ୟେସର୍
 ତାକେ କାତା ଦେଇରଇଲା । ୧୯ ଜଦି ଇସାକ୍ ମରିଗାଲେ, ପର୍ଯ୍ୟେସର୍
 ତାକେ ଜିବନ୍ କରି ଉଟାଇପାରୁଥି ବଲି ଅବ୍ରାହାମ୍ ବାବିରଇଲା । ଆରି
 ସେବେଲେ ସେନ୍ତୁରିସେ ତାକେ ମଲାତେଇଅନି ଜିବନ୍ ଅଇକରି ପାଇଲା
 ପାରା ସେ ରଇଲା । ୨୦ ଇସାକ୍ ତାର ବିସ୍ବାସର୍ ଲାଗି, ତାର ପଅମନ୍
 ଜାକୁବ୍ ଆରି ଏସ୍ଅକେ ଆଇବା ଦିନମନର୍ ପାଇ ଆସିର୍ବାଦ୍ ଦେଲା । ୨୧
 ଜାକୁବ୍ ତାର ବିସ୍ବାସର୍ ଲାଗି, ସେ ମରୁବା ବେଲେ ତାର ନାତିତିତିମନ୍ ଜେ
 କି ଜସେପର୍ ପଅମନ୍‌କେ ଆସିର୍ବାଦ୍ କଲା । ସେ ଦାରିକରି ଇଶ୍ଟୁବା ଡାଢ୍ଫୁ
 ଉପରେ ଆଉଜି କରି ପର୍ଯ୍ୟେସର୍‌କେ ଉପାସନା କଲା । ୨୨ ଜସେପ୍ ତାର
 ବିସ୍ବାସର୍ ଲାଗି ସେ ମରୁବାବେଲେ ଆଇବା ଦନମନ୍‌କେ ଇସ୍ରାଏଲ୍
 ଲକ୍ମନର୍ ସବୁ ମିସର୍ ଦେସ୍ ଚାଡି ଜିବାଇ ବଲି କଇରଇଲା । ଆରି ତାର
 ମଲା ଗାଗଡ୍‌ସଢ୍ଫୁ କାଇଟା କର୍ବାର୍ ଆତେ ବଲି ସେମନ୍‌କେ ତିଆରି ରଇଲା
 । ୨୩ ମସାର୍ ଆୟାବାବାମନ୍ ତାକର୍ ବିସ୍ବାସର୍ ଲାଗି ଏବ୍ରିଅମନର୍
 ପିଲାଟକିକେ ମରାଇବାର୍ ଆତେ ବଲି ରାଜା ଆଦେସ୍ ଦେଇରଇଲା ମିସା,
 ସେମନ୍ ମସା ଜନମ୍ ଅଇଲାକେ ତାକେ ତିନମାସ୍ ଲୁଟାଇକରି ସଢ୍ଫୁଲାଇ
 । ସେ ଗଟେକ୍ ସୁନ୍ଦର୍ ପିଲା ବଲି ସେମନ୍ ଦେକ୍‌ଲା । ରାଜା ଆଦେସ୍
 କଲାଟାକେ ସେମନ୍ ତରତ୍ ନାଇ । ୨୪ ମସା ତାର ବିସ୍ବାସର୍ ଲାଗି, ସେ
 ବଡ୍ ଅଇଲାକେ ରାଜାର୍ ଜିଇର୍ ପିଲା ବଲାଅଇବାକେ ମନ୍ କରି ନ ରଇଲା
 । ୨୫ ଚନେକର୍ପାଇ ସାର୍ଦା ଦେବା ପାପ୍ କର୍ବାତେଇଅନି, ପର୍ଯ୍ୟେସରର୍
 ଲକ୍ମନର୍ ସଢ୍ଫୁ କସ୍ଟ୍ ଅଇରଇବାଟା ଅଦିକ୍ ନିକ ବଲି ସେ ବାବ୍‌ଲା ।
 ୨୬ ମସିଅର୍ ଲାଗି ଲାଜ୍‌ପାଇ ମୁର୍ତିକରି ରଇବାଟା ମିସର୍ ଦେସେଅନି
 ମିଲାଇରଇବା ବଡ୍ ଦନ୍ ସଁପତିତେଇଅନି ଅଦିକ୍ ନିକଟା ବଲି ସେ ବାବ୍‌ଲା ।
 ଆଇବା ଦିନମନ୍‌କେ ମିଲାଇବା ପୁରୁସ୍‌କାର୍‌ଟାନେ ସେ ଆଁକିପାକାଇ ରଇଲା ।
 ୨୭ ତାର ବିସ୍ବାସର୍ ଲାଗି, ସେବେଲେ ସେ ମିସର୍‌ଦେସ୍ ଚାଡିଆଇଲା ।
 କାଇକେବଇଲେ, ସେ ରାଜାର୍ ରିସା ତରେନାଇ । ଆକିସଢ୍ଫୁ ଦେକି ନାପାର୍‌ବା
 ପର୍ଯ୍ୟେସର୍‌କେ ଦେକ୍‌ଲା ପାରା ସେ ଆରି ସେ ଦେସେ ବାଉତେନାଇ । ୨୮
 ତାର ବିସ୍ବାସର୍ ଲାଗି ସେ ନିସ୍‌ତାର୍ ପରବ୍ ମାନୁଲା ଆରି ଇସ୍ରାଏଲ୍
 ଲକ୍ମନର୍ ରଇବା ଗରର୍ କାପାଟେ, ଗଟେକ୍ ମେଶ୍ଟାପିଲାର୍ ବନି ଚିର୍ବାକେ
 ଆଦେସ୍ ଦେଲା । ସେ ଏନ୍ତୁରି କଲାକେ ପର୍ଯ୍ୟେସରର୍ ଦୁଡ୍ ଇସ୍ରାଏଲ୍

ଲକ୍ଷ୍ମୀଙ୍କ ପଣ୍ଡା ପିଲାମାନଙ୍କେ ମରାଏ ନାହିଁ । ୨୯ ଇସ୍‌ରାଏଲର ଲକ୍ଷ୍ମୀଙ୍କ
 ତାଙ୍କର ବିସ୍‌ବାସର ଲାଗି ଲକ୍ଷ୍ମୀ ନାହିଁର ସମସ୍ତର ବିତରେ ସୁକ୍ଷ୍ମା ବୁଦ୍ଧିପାତ୍ରା
 ଲକ୍ଷ୍ମୀ ଲକ୍ଷ୍ମୀ ଲକ୍ଷ୍ମୀଲାଇ । ସେମାନଙ୍କେ କେଦି ଆନୁତେରଇବା ମିସର ଦେସର
 ଲକ୍ଷ୍ମୀଙ୍କ, ସେନ୍ତୁରି ଲକ୍ଷ୍ମୀଙ୍କେ ତେସ୍‌ଟା କଲାଇଜେ ସେମାନ ସବୁଲକ୍ଷ୍ମୀ
 ବୁଦ୍ଧିଗାଲାଇ । କାଇକେବଲଲେ ଜନ୍ ସମସ୍ତରେ ସେମାନ ଲକ୍ଷ୍ମୀ ବେଲେ
 ପାନି ଦୁଇବାଟ ଅଇରଇଲା, ପର୍ଯ୍ୟେସର ସେ ପାନି ମିସାଇଦେଲା । ୩୦
 ଇସ୍‌ରାଏଲର ଲକ୍ଷ୍ମୀଙ୍କ ତାଙ୍କର ବିସ୍‌ବାସର ଲାଗି ଜିରିକର ପାରୁରିତେଇ
 ଆସି ସାତ ଦିନ ଜାକ ତେଇ ବୁଲ୍‌ଲାଇକେ ତାର ପାରୁରି ବସ୍‌ଲିଗାଲା । ୩୧
 ଜେରିକର ନଅରେ ରଇବା ରାଆବ୍ ନାହିଁର ଗଟେକ୍ ବେସିଆ ମାଇଜି,
 ତାର ବିସ୍‌ବାସର ଲାଗି ପର୍ଯ୍ୟେସରକେ ନ ମାନିକରି ରଇବା ଲକ୍ଷ୍ମୀଙ୍କ ସଫ୍ଟ
 ମରେନାଇ । ଇସ୍‌ରାଏଲର କବର ନେବା ଲକ୍ଷ୍ମୀଙ୍କ ଲୁଚ୍‌ତେ ନଅରେ
 ଆଇଲାବେଲେ ରାଆବ୍ ସେମାନଙ୍କେ ସାଇଜ କଲା । ୩୨ ମୁଇ ଇତି ତେବ୍‌ବି ।
 କାଇକେବଲଲେ ମୁଇ ଆରି କଇବାଟା ଆରାମ୍ କଲେ, ଗିଦିୟନ୍, ବାରାକ୍,
 ସାମ୍‌ସନ୍, ଜେପ୍‌ତା, ସାମୁଏଲ୍, ଆରି ବସିସ୍‌ତବ୍‌କ୍‌ତାମନର ବିସ୍‌ବାସ ବିସଇ
 କାତା ଅଇବାକେ ବେଲା ନ କେଟେ । ୩୩ ତାଙ୍କର ବିସ୍‌ବାସର ଲାଗି
 କେତେକ୍ ଲକ୍ଷ୍ମୀ ରାଇଜେ ଜୁଇଦ୍ କରି ଜିଦ୍‌ଲାଇ । ବିନ୍‌ଲକ୍ଷ୍ମୀଙ୍କ ଦରମ୍
 ଚଲାଚଲ୍‌ତିକରି ପର୍ଯ୍ୟେସର କାତା ଦେଇରଇବାଟା ମିଲାଇଲାଇ । ସେମାନ
 ବାଦ୍ରା ସିଅଁମାନଙ୍କେ ଆରାଇଲାଇ । ୩୪ ବିନ୍ ଲକ୍ଷ୍ମୀଙ୍କ ତାଙ୍କର ବିସ୍‌ବାସର
 ଲାଗି ଜବର୍ ଜଇଲାବ୍‌ଲାଇ ମିସା ପତ୍ରନାଇ, । କାଣ୍ଡାତେଇଅନି ରକିଆ
 ପାଇଲାଇ । ସେମାନ ଦୁର୍‌ବଲ୍ ରଇଲାଇ । ମାତର୍ ତାଙ୍କର ବିସ୍‌ବାସର
 ଲାଗି ତାବ୍ ଅଇଲାଇ । ଜୁଇଦ୍‌କର୍‌ବାକେ ବପୁ ଅଇଲାଇ । ସର୍‌ରୁମନର
 ସଇନମାନଙ୍କେ ଆରାଇଲାଇ । ୩୫ କେତେଟା ମାଇଜିମନ୍ ମିସା ତାଙ୍କର
 ବିସ୍‌ବାସର ଲାଗି ସେମାନର କୁଟୁମ୍ବର ଲକ୍ଷ୍ମୀଙ୍କେ ମଲାତେଇଅନି ଜିବନ୍
 ଅଇତେ ମିଲାଇଲାଇ । ବିସ୍‌ବାସିମାନଙ୍କେ ବନ୍ଦିକରି ନେଲାଇ । ସେମାନ
 ମର୍‌ବାଜାକ ଦୁକ୍ କସ୍‌ଟ ପାଇଲେ ମିସା ତାଙ୍କର ବିସ୍‌ବାସ୍ ଚାତ୍ର ନାଇ ।
 ଆଇବା ଦିନମାନଙ୍କେ ଅଦିକ୍ ନିକ ଜିବନ୍ ପାଇବୁ ବଲି ସେନ୍ତୁରି ଅଇକରି
 ମଲାଇ । ୩୬ କେତେ ଲକ୍ଷ୍ମୀଙ୍କେ କିଜାଇଲାଇ, କର୍‌ତା ମାରାଇଲାଇ, ବିନ୍
 ଲକ୍ଷ୍ମୀଙ୍କେ ବାନ୍ଦିକରି ଜଇଲେ ପୁରାଇଲାଇ, ୩୭ ବିନ୍ ଲକ୍ଷ୍ମୀଙ୍କେ ପାକ୍‌ନା
 ମାରାଇ ମରାଇଲାଇ, । ଦୁଇପତାକରି କାଟାଇଲାଇ, କାଣ୍ଡା ସଫ୍ଟ ମାରାଇଲାଇ

। କେତେକ ଲକ୍ ତାକର୍ ବିସ୍ବାସ୍ ଚାତୁନାଲକେ ଅବ୍ବା ଚେଲିମେଣ୍ଣୁ
 ଚାମ୍ବେ ଲୁଗାର୍ପାଲ ରଲଲ। । ସେମନ୍ ବେସି ଅର୍କିତ୍ ରଲଲ। ।
 ସେମନ୍କେ ସାଦ୍ବାନ୍ କରି ଚାତୁନା କଲ। । ୩୮ ଏ ଜଗତର୍ କାରାପ୍
 ଲକ୍ମନ୍, ସେ ଦରମ୍ ଲକ୍ମନ୍ ସଞ୍ଜୁ ମିସ୍ବାକେ ସମାନ୍ ନ ରଲଲ। ।
 ବିନ୍ ବିସ୍ବାସିମନ୍ ନିଜର୍ ଗର୍ଦୁଆର୍ ଚାତି ଆଜିଜାଲରଲବା ଲକ୍ମନ୍
 ପାରା ମରୁବାଲି ବୁଏଁ, ଆରି କୁପ୍ଲିତେଲ ରଲବା ପାଆରେ, ଆରି କଲେ
 ରଲଲ। । ୩୯ ତାକର୍ ବିସ୍ବାସର୍ ଲାଗି ସେମନ୍ ତାକ୍ପୁଟା ଅଲଲ। ।
 ଏଲେମିସା ପର୍ମେସର୍ କାତା ଦେଲରଲବାଟା ସେମନ୍ ମିଲଅତ୍ ନାଲ । ୪୦
 କାଲକେବଲଲେ ପର୍ମେସର୍ ଗଟେକ୍ ବେସି ନିକ ଜଜ୍ନା ଆମର୍ପାଲ ଟିକ୍
 କଲ।ଆରେ । ଆମେ ସେ ଲକ୍ମନ୍ ସଞ୍ଜୁ ନ ମିସ୍ବାଜାକ, ସେ ସେମନ୍କେ
 କାତା ଦେଲରଲବାଟା ସିଦ୍ ନ କରେ ।

୧୨ ଏବେ ଆମେ ସବୁ ଆରାଜିତାଟାନେ ପାଲାଇବା ଲକ୍ମନ୍ପାରା ଆରୁ
 । ଆମର୍ ଚାରିବେଟି ଗଟେକ୍ ବଡ୍ ଦଲର୍ ସାକିମନ୍ ଦେକ୍ଲାଇନି ।
 ତେବର୍ପାଲ ଜନ୍ଟାମନ୍ ଆମ୍ବେ ବାଦା ଦେଲାନି, ଆରି ଜନ୍ ପାପ୍ମନ୍
 ଆମ୍ବେ ପର୍ବେ ଜିକ୍ଲାନି, ସେଟା ସବୁ ବେଟି ପିଢ଼ିଦେବାର୍ । ଜନ୍ ଆରାଜିତା
 ଅଲ ପାଲାଇବାଟା ପର୍ମେସର୍ ଆମର୍ ମୁଆଟେ ସଞ୍ଜୁଆରେ, ତେଲ ଆମେ
 ମୁର୍ଚିକରି ପାଲାଇ ସାରାଇଦେଉଁ । ୨ ଆମର୍ ଆଁକି ଜିସୁର୍ଟାନେ ସଞ୍ଜୁ ।
 ତାକେ ଆମେ ଆରାମେ ଅନି ସାରାସାରି ଜାକ ବିସ୍ବାସ୍ କରିଆରୁ । ଜନ୍
 ସାର୍ଦା ତାର୍ ମୁଆଟେ ସଞ୍ଜୁରଲଲ, ସେ ସାର୍ଦାର୍ଲାଗି ରଲବା ଦୁକ୍କସ୍ଟ
 ମୁର୍ଚି କରି ରଲଲ। । ଆରି ତେଲ ମର୍ବା ଲାଜର୍ ବିସଲ ମନେ ଦାରେନାଲ ।
 ପର୍ମେସର୍ ଆଜି ଜନ୍ ଜାଗାଲ ବସ୍ଲଆରେ, ତାର୍ ଉଜାବାଟେ ସେ ମିସା
 ବସ୍ଲଆରେ । ୩ ବାବିଦେକା, ସେ କେତେକ୍ ଦୁକ୍ କସ୍ଟ ପାଲଆରେ । ସେ
 ପାପିମନ୍ ଟାନେଅନି କେତେକ୍ ଉତା ସୁନିଆରେ । ଜେନ୍ତୁର୍କି ଆସା ନ କରି
 ଚାତି ଦିଆସ୍ ନାଲ । ୪ କାଲକେବଲଲେ ପାପର୍ ବିରୁଦେ ଆଲବା ଜୁଇଦେ
 ବନି ଜର୍ବା ଏଡ୍କି ତମେ କରାସ୍ ନାଲତା । ୫ ପର୍ମେସର୍ ସାସ୍ତରେ
 ଲେକା ଅଲଲ।ଟା ତମେ ପାସ୍ରିଗାଲାସ୍ କି? ସେ ତାର୍ ପିଲାଇଲମନ୍କେ
 ମନ୍ ସାର୍ଦା କରାଇ ଏନ୍ତୁରି କଇରଲଲ। । ସେ କଲଲ, ମର୍ ପଅ ମାପ୍ପୁର୍
 ସାସନ୍ କର୍ବାଟା ଏଲ କର୍ବାର୍ ନାଲ । ସେ ତମ୍ବେ ତଣ୍ଟୁ ଦେବାବେଲେ
 ଆସା ଚାତୁବାର୍ ନାଲ । ୬ କାଲକେବଲଲେ ମାପ୍ପୁ ଜେଡ୍କି ଲକ୍କେ ଆଲାସ୍

କରୁଥି, ସେତୁକି ଲକ୍ଷକେ ସେ ସାସନ କରୁଥି । ଆରି ଜେତୁକି ଲକ୍ଷକେ
 ତାର ପିଲାଜିଲା ବଲି ଏଜିଆତେ ସେ ସବୁ ଲକ୍ଷକେ ତଣ୍ଟୁ ଦେଇଥି । ୭
 ତେବର୍ପାଇ ତମର୍ ଦୁକ୍ଷକସ୍ତ ସବୁ ତମର୍ ବାବାର୍ତେଇଅନି ମିଲିରଇବା
 ତଣ୍ଟୁ ପାରା ବଲି ବାବ୍‌ବାର୍ ଆତେ । ପର୍ମେସର୍ ତମ୍‌କେ ତାର ପିଲା ଜିଲା
 ବଲି ଏଜଲାନି । ଏଟା ତମର୍ ଦୁକ୍ଷକସ୍ତ ପାଇବାତେଇଅନି ଜାନାପତ୍‌ସି
 । କାଇକେବଇଲେ, ତାର ପିଲାକେ ତଣ୍ଟୁ ନ ଦେଲା ବାବା କେ ଆତେ? ୮
 ତେବର୍ପାଇ ତାର ସବୁ ପିଲାଜିଲାପାରା ପର୍ମେସର୍ ଜଦି ତମ୍‌କେ ତଣ୍ଟୁ ନ
 ଦେଏ, ତାର ଅରତ୍ ଅଇଲାନି ସତଇସେ ତମେ ତାର ପିଲାଜିଲା ନୁଆସ୍,
 ମାତର୍ ଉପକା ପିଲାଜିଲା । ୯ ଆମ୍‌କେ ଜନମ୍ ଦେଲା ବାବାମନ୍ ତଣ୍ଟୁ
 ଦେଇରଇଲାଲ ଆରି ସେଟାର୍‌ପାଇ ଆମେ ସେମନ୍‌କେ ମାନିଅ କର୍ତେରଇଲୁ
 । ସେନ୍ତୁର୍‌ଆଲେ ସର୍ଗେ ରଇବା ଆମର୍ ବାବାକେ ଆମେ କେତେକ୍ ଅଦିକ୍
 ନିଜ୍‌କେ ସର୍ପିଅଇ ବର୍ତ୍‌ବୁ? ୧୦ ଆମର୍ ବାବାମନ୍ ସେମନ୍ ଟକ୍ ବଲି ବାବ୍‌ବା
 ଇସାବେ, ତନେକର୍‌ପାଇ ରଇବା ଏ ଜିବନେ ଆମ୍‌କେ ତଣ୍ଟୁ ଦେଇରଇଲାଲ
 । ମାତର୍ ଜେତେବେଲେ ପର୍ମେସର୍ ଆମ୍‌କେ ତଣ୍ଟୁ ଦେଇଥି, ଆମର୍
 ନିକପାଇ ଦେଇଥି । ଜେନ୍ତୁରିକି ଆମେମିସା ତାର୍‌ପାରା ସୁକଲ୍ ଅଇବୁ । ୧୧
 ଜେତେବେଲେ ତଣ୍ଟୁ ପାଇବୁ, ଆମେ ସାର୍‌ଦା ନ ଅଉଁ, ମାତର୍ ଦୁକ୍ ଅଇବୁ ।
 ସେଟା ସତ୍, ମାତର୍ ସେ ତଣ୍ଟୁ ପାଇଲାତେଇଅନି କାଇକାଇଟା ସିକ୍‌ଲା ପତେ,
 ସେଟା ନିକ ବଲି ବାବ୍‌ବୁ । କାଇକେବଇଲେ ସେଟା ଆମ୍‌କେ ସାନ୍ତିସଙ୍ଗ୍ ରଇବା
 ମନ୍ ଆରି ଗଟେକ୍ ଦରମ୍ ଚଲାଚଲ୍‌ତି କର୍‌ବାକେ ସାଇଜ କରୁଥି । ୧୨
 ତେବର୍ପାଇ ଅଦୁଆ ଅଇରଇବା ଆତ୍ ଉଟାଆ ଆରି ଲୁଡ୍‌ଗୁଡ୍ ଜାଇତେରଇବା
 ମାଣ୍ଟିମନ୍ ଡାଁଟ୍‌କରା । ୧୩ ସଲକ୍ ବାଟେ ଇଣ୍ଟିଜା । ସେନ୍ତୁର୍‌କଲେ ତମର୍
 ନ ଆଇବା ପାଦ୍ ନିକଅଇ ଡାଁଟ୍ ଅଇଥି । ୧୪ ସବୁ ଲକର୍ ସଙ୍ଗ୍ ସୁସାରେ
 ଆରି ସୁକଲ୍ ସଙ୍ଗ୍ ରଇବାକେ ଚେସ୍‌ଟା କରା, ଆରିକେ ସୁକଲ୍ ନ ଅଇକରି
 ମାପ୍‌ରୁକେ ଦେକି ନାପାରତ୍ । ୧୫ ଗଟେକ୍ ଲକ୍ ଆରିଗଟେକ୍ ଲକ୍‌କେ
 ଜାଗ୍‌ରତ୍ କରାଆ । ଜେନ୍ତୁରି କି ପର୍ମେସର୍ ଜିବନ୍ ଦୁକାଇକରି ଦୟା
 ଦେକାଇଲାଟାନେଅନି କେ ପର୍‌କେ ନ ଜାଅତ୍ । କାଇକେବଇଲେ ସେନ୍ତୁରି
 ଲକ୍ ପିତା ପଲ୍ ଦାର୍‌ବା ଗଟେକ୍ ଗର୍ ପାରା ରଇଥି ଆରି ବେସି ଲକ୍‌କେ
 ତାର୍ ବିସ୍ ସଙ୍ଗ୍ ଅଇରାନ୍ କରୁଥି । ୧୬ ଜାଗ୍‌ଟା ରୁଆ, ତମର୍ ବିତ୍‌ରେ କେ
 ମିସା ବେସିଆ କାମ୍ କରାନାଇ । ପର୍ମେସର୍‌କେ ବିସ୍‌ବାସ୍ ନ କରି ରଇବା

ଏସ୍ଥ ପାରା ନ ଉଥା । ସେ ଗଟେକ୍ କାଦିର୍ପାଇ ପର୍ମେସର୍ ସେ ପାଇସି ବଲି କାତା ଦେଇରଇବା ବଡ଼ ପିଲାର୍ ଅଦିକାର୍ ପାଲଟାଇଲା । ୧୭ ଆମେ ଜାନିଆରୁ ଜେ ସେ ସେନ୍ତୁରି କଲାପଟେ, କରିରଇବା କାମର୍ ପାଇ ଦୁକ୍ କଲା । କାଇକେବଇଲେ ବାବାର୍ ବଡ଼ ପଥ ଇସାବେ ତାର୍ ବାବାର୍ ଆସିର୍ବାଦ୍ ପାଇବାକେ ବେସି ମନ୍ କଲା । ମାତର୍ ତାର୍ ସଢ଼୍ କାନ୍ତିକରି ବାବୁଜିଆ କଲାମିସା, ସେ ମିଲାଇ ନାପାର୍ଲା କି କରିରଇବା କାମ୍ ମିସା ବାଦଲେ ନାଇ । ୧୮ ଇସ୍ରାଏଲର୍ ଲକ୍ମନ୍ ପର୍ମେସର୍ ଲଗେ ଆଇଲାପାରା ତମେ ଆସାସ୍ ନାଇ । ସେମନ୍ ଜନ୍ଟା ଦେକ୍ଲାଇ, ସେଟା ଜାନିପାର୍ଲାଇ । ସିନୟ୍ ପର୍ବତେ ରଇବା ଜଇ ଦେକ୍ଲାଇ । ବେସି ଆନ୍ତୁର୍ ଅଇଲାଟା ଆରି ଜବର୍ ପବନ୍ ଆଇଲାଟା ତେଇ ରଇକରି ଜାନିପାର୍ଲାଇ । ୧୯ ମଇରି ପୁକ୍ବାଟା ଆରି ସବଦ୍ ଅଇବାଟା ସୁନ୍ଲାଇ । ସେ ସବଦ୍ ସୁନ୍ଲାକେ ଲକ୍ମନ୍ ଆରି ନ ସୁନ୍ ବଲି ବାବୁଜିଆ କଲାଇ । ୨୦ କାଇକେବଇଲେ ତେଇ ଦେଇରଇବା ଆଦେସ୍କେ ସେମନ୍ ବେସି ଡର୍ଲାଇ । “ଗଟେକ୍ ପସୁ ମିସା ସେ ପର୍ବତେ ପାଦ୍ ମାଣ୍ଟୁଲେ ତାକେ ପାକ୍ନା ସଢ଼୍ ମାରି ମରାଇବାର୍ ଆତେ ।” ବଲି ଆଦେସ୍ ରଇଲା । ୨୧ ଜନ୍ଟା ଦେକିଅଇଲା ଆରି ସୁନି ଅଇଲା, ସେଟା ବେସି ଡର୍ ଲାଗ୍ବାଟା ରଇଲା । ଜେନ୍ତୁରି କି ମସା ମିସା କଇଲା, “ସତଇସେ ମୁଇମିସା ତର୍ତରି କରି ଡର୍ଲିନି ।” ୨୨ ମାତର୍ ଏବେ ଆମେ ସିଅନ୍ ପର୍ବତେ ଆସିଆରୁ । ସେଟା ଅଇଲାନି ସର୍ଗେ ରଇବା ଜିରୁସାଲେମ୍ । ଜିବନ୍ ରଇବା ପର୍ମେସର୍ ନଅରେ ଆଇଲୁ ଆରୁ । ଜନ୍ଟାନେ କି ଅଜାର୍ ଅଜାର୍ ଦୁର୍ମନ୍ ଆତର୍ । ୨୩ ପର୍ମେସର୍ ପଶୁଆ ପିଲାମନ୍ ସାର୍ଦାସଢ଼୍ ରୁଣ୍ଟିରଇବା ଜାଗାଇ ଆମେ ଆଇଲୁଆରୁ । ତାକର୍ ନାଉଁମନ୍ ସର୍ଗେ ଲେକାଅଇଲା ଆତେ । ଆମେ ପର୍ମେସର୍ ଲଗେ ଆଇଲୁ ଆରୁ । ସେ ସବୁକେ ବିଚାର୍ କର୍ସି । ସେ ସିଦ୍ କରିରଇବା ଦରମ୍ଲକର୍ ଆତ୍ମାମନର୍ଟାନେ ଆଇଲୁ ଆରୁ । ୨୪ ଆରି ନୁଆ ରାଜିନାମା ତିଆର୍ କରିରଇବା ଜିସୁକିରିସ୍ଟର୍ ଲଗେ ଆଇଲୁଆରୁ । ସେ ତାର୍ ବନି ଜରାଇରଇଲା । ସେଟା ଏବଲର୍ ବନିତେଇଅନି ନିକ ଆତେ । ୨୫ ଜନ୍ଟା ତମ୍କେ ପର୍ମେସର୍ କଇଲାନି, ନ ସୁନ୍ଲା ଲକ୍ପାରା ଉଥା ନାଇ । କାଇକେବଇଲେ ପର୍ମେସର୍ କାତା ନ ମାନ୍ଲାକେ ଆମର୍ ଆନିଦାଦିମନ୍ ସିନୟ୍ ପର୍ବତେ ଡଣ୍ଟୁ ପାଇରଇଲାଇ । ଜନ୍ ଲକ୍ ଆମ୍କେ ସର୍ଗେଅନି କଇଲାନି, ସେ କାତା ଆମେ ନ ସୁନିକରି ଏଲାକଲେ, କେତେକ୍

ଅଦିକ୍ ତଣ୍ଡୁ ପାଇବୁ? ୨୭ କାଲକେବଇଲେ, ସିନୟ ପରବତେ ପର୍ମେସର୍ କାତା ଅଇଲାବେଲେ, ଦରତନି ରୁଲ୍‌ବୁଲିଗାଲା । ମାତର୍ ସେ ଏବେ କାତା ଦେଇ କଇଲା ଆଚେ, “ମୁଇ ଆରିତରେକ୍ ଦରତନିକେ ରୁଲ୍‌ବୁଲାଇବି । ଅବ୍‌କା ଦରତନିସେ ନଏଁ, ଆକାସେ ରଇବା ସବୁଜାକକେ ମିସା କର୍ବି ।” ୨୭ ଜେତେବେଲେ ସେ ଆରିତରେକ୍ ବଲି କଇରଇଲା, ତାର୍ ଅରତ୍ ଅଇଲାନି ତିଆର୍ କରିରଇବା ସବୁଜାକ ରୁଲ୍‌ବୁଲାଇ କରି ସବୁଜାକ ଦାରିଜାଇସି । ଜେନ୍ତୁରି କି ନ ରୁଲ୍‌ବୁଲ୍‌ବାଟାସେ ରଇସି । ୨୮ ସେଟାର୍‌ପାଇ ଆମେ ପର୍ମେସର୍‌କେ ଦନିଅବାଦ୍ ଦେଉଁ । କାଲକେବଇଲେ ସେ ଆମ୍‌କେ ସାସନ୍ କଲାନି । ଆରି ତାର୍ ରାଇଜ୍ ନ ରୁଲ୍‌ବୁଲେ । ତାକେ ସାର୍‌ଦା କରାଇବାକେ ତରିକରି ସନ୍‌ମାନ୍ ସଢ୍ଘ ଉପାସନା କରୁ । ୨୯ କାଲକେବଇଲେ ଆମର୍ ପର୍ମେସର୍ ସବୁକେ ପତାଇକରି କୁରୁପ୍‌ମାସ୍ କର୍ବା ଜଇପାରା ଆଚେ ।

୧୩ କିରିସ୍‌ଟାଚାନେ ମିସିବିତି ରଇବା ବିସ୍‌ବାସି ବାଇବଇନି ପାରା ଆଲାଦ୍ କରାକରି ଅଇ ରୁଆ । ୨ ନ ତିନ୍‌ଲା ଲକ୍‌ମନ୍‌କେ ମିସା ତମର୍ ଗର୍ମନ୍‌କେ ଡାକିନିଆ । କାଲକେବଇଲେ କେତେଲକ୍ ନାଜାନିକରି ସେନ୍ତୁରି ଦୁର୍ତ୍ତମନ୍‌କେ ଡାକିନେଲା । ୩ ବନ୍ତି ଗରେ ରଇବା ଲକ୍‌ମନ୍‌କେ ତମେ ତାକର୍ ସଢ୍ଘ ରଇଲାପାରା ଦୟା ଦେକାଆ । ଦୁକ୍‌କସ୍‌ଟ ଅଇରଇବା ଲକ୍‌ମନ୍‌କେ ନିଜେ ତାକର୍‌ପାରା ଦୁକ୍‌କସ୍‌ଟ ପାଇଲୁନି ବଲି ଏତାଆ । ୪ ବିବା ଅଇବାଟା ସବୁଲକ୍ ନିକ ବଲି ମାନତ୍ । ସବୁ ମାଇଜିମନସ୍ ମନ୍ ଗଟେକ୍ ମାଇଜି ଆରି ଗଟେକ୍ ମନସ୍ ଅଇକରି ସତ୍‌ସଢ୍ଘ ରଇବାର୍‌ଆଚେ । ଜନ୍ ଲକ୍‌ମନ୍ ବେସିଆ କାମ୍ କରି ରଇବାଇ, ସେମନ୍‌କେ ପର୍ମେସର୍ ତଣ୍ଡୁ ଦେଇସି । ୫ ତାରୁ ଆସା ଅଇକରି ତାର୍‌ପତେ ପାଲାଆ ନାଇ । କାଲକେବଇଲେ ପର୍ମେସର୍ କଇଲାଆଚେ, “ମୁଇ ତମ୍‌କେ କେବେ ନ ପାସ୍‌ରି କି ନ ଚାଡି ।” ୬ ତେବର୍‌ପାଇ ଆମେ ସାସ୍ ଦାରି କଇପାର୍‌ବୁ ପର୍ମେସର୍ ଆକା ମକେ ସାଇଜ କର୍ସି, ମୁଇ କେବେ ନ ତରି ଲକ୍‌ମନ୍ ମକେ କାଇଟା କରି ନାପାରତ୍ । ୭ ଜନ୍ ଲକ୍‌ମନ୍ ତମ୍‌କେ ମୁକିଅ ଇସାବେ ଡାକିନେଇ ପର୍ମେସର୍‌ର ବାକିଅ ସିକାଇତେରଇଲାଇ, ସେମନ୍‌ର ବିସଇ ବାବିଦେକା । ସେମନ୍ କେନ୍ତି ଜିଇଲାଇ ଆରି ମଲାଇ? ତମେ ତାର୍ ପାରା ବିସ୍‌ବାସ୍ କରା । ୮ କାଲକେବଇଲେ, ଜିସୁକିରିସ୍‌ଟ କେବେ ନ ବାଦ୍‌ଲେ । ସେ ଆଜିର୍‌ପାଇ, କାଲିକର୍‌ପାଇ, ଆରି ସବୁଦିନର୍ ପାଇ ସମାନ୍ ସେ ରଇସି । (aiōn g165) ୯ ତେବର୍‌ପାଇ ଲକ୍‌ମନ୍ ତମ୍‌କେ

ବିନ୍ ବିନ୍ ସିକିଆ ସୁନାଇକରି ସତ୍‌ବାଟେଅନି ବିନେ ନେବାକେ ରାଜି ଉଆନାଇ ।
 । କାଇକେବଇଲେ ପର୍ମେସର୍ ଜିବନ୍ ଦୁକାଇକରି ଦୟା ଦେକାଇଲାଟା
 ଆମର୍ ମନ୍‌କେ ତାଟ୍ କରସି । କାଦିର୍ ଲାଗି ରଇବା ନିୟମ୍ ମାନ୍‌ବାଟା ନଏ
 । ସେନ୍ତୁରି ନିୟମ୍ ମାନ୍‌ବା ଲକ୍, ତେଇ ଅନି କାଇଟା ମିସା ପାଅଡ୍ ନାଇ ।
 । ୧୦ ଜିଉଦିମନର୍ ବେଦିଟାନେ ସେବା କରବା ପୁଜାରିମନ୍ ତେଇ ସର୍ପି
 ଦେଇରଇବା କାଇଟା ମିସା କାଇବାର୍ ନଏ । ୧୧ ବଡ୍ ପୁଜାରି ପସୁମନର୍
 ବନି ନେଇକରି, ପାପର୍ ବଲି ସର୍ପିଦେବାକେ ଅଦିକ୍ ସୁକଲ୍ ଜାଗାଇ ନେଇସି
 । ମାତର୍ ପଡିଜାଇରଇବା ପସୁମନର୍ ଗାଗଡ୍ ତୁମ୍ ଗର୍ ବାଇରେ ରଇସି ।
 ୧୨ ସେଟାସେ ଜିସୁକେ ଅଇରଇଲା । କାଇକେବଇଲେ, ତାକେ ନଅରର୍
 ବାଇରେ ଲକ୍‌ମନ୍ ମରାଇରଇଲା । ଆରି ତାର୍ ବନି ଗୁଲାଇ ମୁନୁସ୍ ଜାତିର୍
 ପାପ୍ ଦଇଦେଲା । ୧୩ ତେବର୍‌ପାଇ ନଅରର୍ ବାଇରେ ଛୁ । ଆରି ତାକେ
 ଆମେ ବିସ୍‌ବାସ୍ କଲାର୍‌ପାଇ, ଲକ୍‌ମନ୍ ଜେଡ୍‌କି ନିନ୍ତୁ କଲାଟା ଆମେ
 ମୁରୁତିକରି ରଉ । ୧୪ କାଇକେ ବଇଲେ ଆମେ ସବୁଦିନ୍ ଏ ଜଗତେ ନ
 ରଉ । ମାତର୍ ଆଇବା ଦିନ୍‌ମନ୍‌କେ କେବେ ନ ସାର୍‌ବା ଦିନ୍‌ଜାକ ରଇବା
 ନଅରେ ରଇବୁ ବଲି ଆମେ ଜାଗିଆରୁ । ୧୫ ତେବେ ଆସା । ଜିସୁକିରିସ୍‌ଟକେ
 ଦେଇକରି ଆମେ ସବୁବେଲେ ପର୍ମେସର୍‌କେ ବଲି ସର୍ପି ଦେଇତେ ରଉ
 । ସେଟା ଆମର୍ ଟଣ୍ଡେଅନି ଆଇବା ଉପାସନା । ସେ ଆକା ମାପ୍‌ରୁ ବଲି
 ଆମେ କଉଁ । ୧୬ ନିକ କାମ୍ କରବାକେ ପାସ୍‌ରା ନାଇ । ଗଟେକ୍ ଲକ୍
 ଆରି ଗଟେକ୍ ଲକ୍‌କେ ସାଇଜ କରା । କାଇକେବଇଲେ, ଏନ୍ତୁରି ରଇବା
 ତଲାତଲ୍‌ତି ପର୍ମେସର୍‌କେ ସାର୍‌ଦା କରାଇବା ଗଟେକ୍ ବଲି । ୧୭ ତମର୍
 ମୁକିଅ ଲକ୍‌ମନର୍ କାତା ମାନିକରି ଆଦେସ୍ ଦେଲାଟା କରା । ସେମନ୍
 ଜାଗୁଆଲ୍‌ମନର୍ ପାରା ନ ତାକିକରି ତମର୍ ଆଡ୍‌ମାମନ୍‌କେ ଜତନ୍ କଲାନ୍ତି ।
 କାଇକେବଇଲେ ସେମନ୍‌କେ ତାକର୍ କରିରଇବା କାମ୍ ପର୍ମେସର୍ କେ
 ଇସାବ୍ ଦେବାକେ ପଡ୍‌ସି । ତମେ ଜଦି ତାକର୍ କାତା ମାନ୍‌ସା, ସେମନ୍
 ସାର୍‌ଦା ସଡ୍‌ ସେବା କାମ୍ କରବାଇ । ତମେ ତାକର୍ କାତା ନ ମାନ୍‌ଲେ,
 ସେମନ୍ ଦୁକ୍ ଅଇବାଇ । ତେବେ ତମ୍‌କେ କାଇ ସାଇଜ ନଏ । ୧୮ ଆମର୍
 ପାଇ ପାର୍‌ତନା କର୍‌ତେରୁଆ । ଆମର୍ ବିବେକ୍ ଆମେ କରିରଇବା କାମ୍ ସର୍
 ବଲି ସାକିଦେଲାନ୍ତି । ୧୯ ମର୍‌ପାଇ ମିସା ପାର୍‌ତନା କରା । ଜେନ୍ତୁରି କି
 ପର୍ମେସର୍ ଦାପ୍‌ରେ ମକେ ତମର୍‌ଲଗେ ପାଟାଇସି । ୨୦ ଆମର୍ ମାପ୍‌ରୁ

ଜିସୁକେ ପର୍ମେସର୍ ମଲାତେଇଅନି ଉଟାଇଲା । ସେ ଗଟେକ୍ ଗଉଡ଼ପାରା
 ଆମ୍ଭକେ ଜାଗିରଇସି । ଆମେ ପର୍ମେସର୍ ସଞ୍ଜ ସବୁଦିନର୍ପାଇ ଗଟେକ୍
 ଅଇବାଟାକେ ତାର୍ ବନି ଜରାଇଲା । (aiōnios g166) ୨୧ ଜିସୁକିରିସ୍ଟର୍
 ଲାଗି ସାନ୍ତି ଦେବା ପର୍ମେସର୍ ତମ୍ଭକେ ସବୁ ରକାମର୍ ସାଇଜ ଦେଅ ।
 ଜେନ୍ତୁରି କି ସେ ମନ୍ କଲାଟା ତମେ ପୁରାପୁରୁନ୍ କରସା । ଆମେ କର୍ବା
 କାମ୍ ତାକେ ସାର୍ଦା ଦେଅ । ଜିସୁକିରିସ୍ଟକେ ଆମେ ନ ସାର୍ବା ଦିନ୍ଜାକ
 ଡାକ୍ପୁଟା ଦେଉଁ । (aiōn g165) ୨୨ ଏ ମର୍ ବାଇବଇନିମନ୍, ମୁଇଁ ତମ୍ଭକେ
 ବାବୁଜିଆ କଲିନି, ମୁଇଁ ତମ୍ଭକେ କଲିଲା ଏ ସବୁ କାତା ମୁର୍ଚିକରି ସୁନା ।
 କାଇକେବଇଲେ, ଏ ଚିଟି ବେସି ତେଢ଼ୁ ନାଇ । ୨୩ ଆମର୍ ବାଇ ତିମତି
 ବନିଗରେ ଅନି ମୁକ୍ଲି ଆଚେବଲି ଜାନ୍ସା । ସେ ଜଦି ସେ ଦାପ୍ରେ ଆଇସି,
 ତେବେ ମର୍ସଢ଼ୁ ତାକେ ଡାକିଆନ୍ବି । ୨୪ ତେଇ ରଇବା ତମର୍ ମୁକ୍ଲିଆ
 ଲକ୍ମନ୍କେ ଆରି ପର୍ମେସରର୍ ସବୁ ଲକ୍ମନ୍କେ ମର୍ ଜୁଆର୍ ଜାନାଇ
 ଦିଆସ୍ । ଇଟାଲିତେଇ ମର୍ ସଞ୍ଜ ରଇବା ଆମର୍ ବାଇବଇନିମନ୍ ମିସା ଜୁଆର୍
 ଜାନାଇଲାଜିନି । ୨୫ ପର୍ମେସର୍ ତମ୍ଭକେ ସବୁଲକ୍ମକେ ତାର୍ ଜିବନ୍ ଦୁକାଇ
 ଦୟା ଦେକାଅ ।

ଜାକୁବ

୧ ମୁଇ ଜାକୁବ ମାପୁରୁ ଜିସୁକିରିସ୍ଟ ଆରି ବାବା ପର୍ମେସରର ଗଟେକ୍ ଗତିଦାଢୁଡ଼ା । ଗୁଲାଇ ଜଗତେ ଚିନ୍ତତରୁ ଅଇଜାଇରଇବା ପର୍ମେସରର ବାର୍ତ୍ତା କୁଟୁମର୍ ଲକ୍ମନ୍ଦକେ ମୁଇ ଜୁଆର୍ ଜାନାଇକରି ଏ ଚିଟି ଲେକ୍ଲିନି । ୨ ଏ ମର୍ ବାଇବଇନିମନ୍ ଜିବନ୍ ବିତାଇଲାବେଲେ ତମର୍ ବିସ୍ବାସ୍ ଡାଁଟ୍ ଆଚେ କି ନାଇ ବଲି, ଜେଡ୍‌କି ଦୁକ୍ କସ୍‌ଟର୍ ପରିକା ଆଇଲେ, ଏଟା ଗଟେକ୍ ନିକ କରମର୍ ବିସଇ ବଲି ଏତାଆ । ୩ କାଇକେବଇଲେ, ଏନ୍ତାରି ଦୁକ୍ କସ୍‌ଟ୍ ଆଇଲେ ତମର୍ ବିସ୍ବାସ୍ ପରିକାକରି ଡାଁଟ୍ ଆଚେବଲି ଦେକାଇସି । ଆରି ମୁରବ୍‌ବାଟା ଅଦିକ୍ ଅଦିକ୍ ଅଇସି ବଲି ତମେ ଜାନିଆତାସ୍ । ୪ ତମେ ସାରାସାରିଜାକ ମୁରୁଚିକରି ରଇଲେ, କାଇ ବିସଇଟାନେ ମିସା ଉନା ନ ଅଇକରି ପୁରାପୁରୁନ୍ ସିଦ୍ ଅଇସା । ୫ ମାତର୍ ତମର୍ ବିତ୍ରେ ଜଦି କାକେ ଗିଆନ୍ ଉନା ରଇ, ଗିଆନ୍ ପାଇବାର୍‌ଆଲେ ପର୍ମେସରକେ ମାଢୁ । ସେ ତାର୍ ଆଡ୍ ମେଲାକରି, ଦସ୍ ନ ଦାରି ସବୁକେ ଦାନ୍ କରୁସି । ୬ ମାତର୍ ସେ ଅଇସି କି ନ ଅଏ ବଲିକରି ନ ବାବି, ବିସ୍ବାସର୍ ସଢୁ ପାର୍ତନା କରୁବାର୍‌ଆଚେ । କାଇକେ ବଇଲେ ଜେ ଅଇସି କି ନ ଅଏ ବଲିକରି ବାବ୍‌ସି, ସେ ପବନ୍‌ସଢୁ ଇଣ୍ଡୁତେ ରଇବା ସମ୍‌ଦୁରର୍ ଉଲ୍‌କା ପାନି ପାରା ଗଟେକ୍ ଲକ୍ । ୭ ସେ ରକାମ୍ ଲକ୍ ମାପୁରୁ ଟାନେଅନି କାଇଟା ଆଲେ ପାଇବି ବଲିକରି ଆସା ନ କର । ୮ ସେ ତା, ଦୁଇମନିଆ ଲକ୍, ସେ କରୁବା ସବୁ କାମ୍‌ଟାନେ ତବିର୍ ନ ରଏ । ୯ ଗଟେକ୍ କାକୁରୁତି ଅଇ ରଇବା ବିସ୍ବାସି ବାଇକେ ପର୍ମେସର୍ ସାଉକାର୍ କଲେ ସେ ସାର୍‌ଦା ଅ । ୧୦ ସେନ୍ତାରିସେ ଗଟେକ୍ ସାଉକାର୍ ବିସ୍ବାସିକେ ସେ ଅରୁକିଡ୍ କଲେ, ସେ ମିସା ସାର୍‌ଦା ଅ । କାଇକେବଇଲେ ସାଉକାର୍ ଲକ୍ ପଦାର୍ ଗାଁସର୍ ପୁଲ୍ ପାରା ଜାଉଁଲି ଜାଇସି । ୧୧ ଜେନ୍ତି କି ବେଲ୍ ଉଦିକରି ବେସି ତାତିକଲେ ଗାଁସ୍ ସୁକିଜାଇସି, ତାର୍ ପୁଲ୍ ଜଡିଜାଇସି ଆରି ତାର୍ ବାନିମୁରୁତି ନସି ଜାଇସି । ସେନ୍ତାରିସେ, ସାଉକାର୍ ଲକ୍‌ମନ୍ କାମ୍ କରି କରି ମରିଜିବାଇ । ୧୨ ଜନ୍ ଲକ୍‌ମନ୍ ପରିକା ଆଇଲେ ମିସା ମୁରୁଚି କରି ରଇବାଇ, ସେମନ୍ କେଡେକ୍ ନିକ କରମର୍ ଲକ୍ । କାଇକେବଇଲେ ସେ ସବୁ ପରିକାଇ ସେମନ୍ ଡାଁଟ୍ ସଢୁ ଚିଆଅଇଲାପଚେ, ପୁରୁସ୍‌କାର୍ ପାଇବାଇ । ପର୍ମେସର୍ ତାର୍ ନିଜର୍ ଲକ୍‌ମନ୍‌କେ ଜନ୍ ଜିବନର୍ ମୁକୁଟ୍ ଦେବାକେ ସପଡ୍ କଲାଆଚେ, ସେମନ୍

ସେଟା ପୁରୁସ୍କାର ଇସାବେ ମିଳାଇବାଇ । ୧୩ କାକେ ମିସା ଦୁକ୍‌କସ୍‌ଟ
 ପାଇବା ପରିକା ଆଇଲେ, ଏ ପରିକା ପର୍ମେସର୍ ପାଟାଆତେ ବଲିକରି
 କଇବାର୍ ନାଇ । କାଇକେବଇଲେ ପର୍ମେସର୍‌କେ କେ ମିସା ପରିକାକରି
 ନାପାରେ । ଆରି ସେ ନିଜେ କାକେ ପରିକା ନ କରେ । ୧୪ ମାତର୍ ଗଟେକ୍
 ଲକର୍ କରାପ୍ ଗୁନ୍‌ଚଲନ୍ ତାକେ ପରିକା କରାଇ ଅଇବାକେ ଡାକିନେଇସି
 । ୧୫ ତାର୍‌ପତେ ତାର୍ କାରାପ୍ ଗୁନ୍‌ଚଲନେଅନି ପାପ୍ ବାରଇସି । ଆରି
 ପାପ୍ ଅଦିକ୍ ଅଦିକ୍ ବଡ଼ିଜାଇକରି ମରନ୍ ଆଇସି । ୧୬ ଏ ମର୍ ଆଲାଦର୍
 ବାଇବଇନିମନ୍, ତମେ ନାଡ଼ାଇଆ ନାଇ । ୧୭ ସବୁ ନିକ ଆରି ସିଦ୍ ରଇବା
 ଦାନ୍ ପର୍ମେସର୍ ଦେଲା ଆତେ । ବାଦ୍‌ଲେ ଉଜଲ୍ ଅଇବା ସବୁଜାକ ସେ
 ତିଆର୍କଲା ଆତେ । ସେଟାମନ୍ ବାଦ୍‌ଲେ ବୁଲ୍‌ବାବେଲେ ବାଦ୍‌ଲ୍‌ସି ଆରି
 ଚାଇଁ ଏନେତେନେ ଅଇସି । ମାତର୍ ପର୍ମେସର୍ ଅଲପ୍ ମିସା ସେନ୍ତୁରି ନ
 କରେ । ୧୮ ତାର୍ ସର୍ ବାକିଅ ଆମ୍‌କେ ଜାନାଇକରି ତାର୍‌ତେଇଅନି ଆମ୍‌କେ
 ଜିବନ୍ ଦେବାକେ ସେ ମନ୍ କଲା । ଜେଡ୍‌କି ସବୁ ବିସଇ ସେ ତିଆର୍କଲା
 ମିସା ଆମେ ଅବ୍‌କା ତାର୍‌ପାଇସେ ଅଇବାକେ ସେ ମନ୍ କଲା । ୧୯ ଏ
 ମର୍ ଆଲାଦର୍ ବାଇବଇନିମନ୍, ମନେ ରକିରୁଆ । ତମେ ଆଗ୍‌ରୁ ନିକକରି
 ସୁନା । ମାତର୍ ବାବିଡ଼ିକରି କାତା କୁଆ । ଦାପ୍‌ରେ ରିସା ଉଆନାଇ । ୨୦
 କାଇକେବଇଲେ ମୁନ୍‌ସର୍ ରିସାର୍ ଲାଗି ପର୍ମେସର୍ ସୁକଲ୍‌ସଡ୍ ଜଜ୍‌ନା
 କଲାଟା ନସିଜାଇସି । ୨୧ ସେଟାର୍ ପାଇ ତମର୍ ଚଲାଚଲ୍‌ତି ଚାନେଅନି
 ବାରଇବା ସବୁ ରକାମର୍ କାରାପ୍ ଅବିଆସ୍ ଚାଡ଼ିଦିଆସ୍ । ପର୍ମେସର୍‌କେ
 ନିଜର୍ ମନ୍ ସର୍ପି ଦିଆସ୍ । ତମର୍ ମନ୍ ବିଡ୍‌ରେ ସେ ଜନ୍ ବାକିଅ ରପିଆତେ
 ସେଟାକେ ଦିଆନ୍ ଦିଆ । ସେ ବାକିଅ ତମ୍‌କେ ରକିଆ କରସି । ୨୨ ବାକିଅ
 ଜନ୍‌ଟା କରା ବଲି କଇଲାନି, ସେଟା କରା । ଅବ୍‌କା ସୁନିକରି ରଇବା
 ଲକ୍‌ମନର୍‌ପାରା ଉଆ ନାଇ । ଏନ୍ତାରିକଲେ ତମେ ନିଜେ ନାଡ଼ାଇ ଅଇଲାସ୍‌ନି
 । ୨୩ ଜନ୍‌ଲକ୍ ପର୍ମେସର୍‌ର ବାକିଅ ଅବ୍‌କା ସୁନ୍‌ସି, ମାତର୍ ତେଇର୍ କାତା
 ନ ନାମେ, ସେ ତାର୍ ମୁଏ ରଇବା ଆର୍‌ଲା, ଦର୍‌ପନେ ଦେକ୍‌ବା ଲକ୍ ପାରା ।
 ୨୪ ସେ ନିକ କରି ନିଜର୍ ଟାଁଇ ଦେକି ଅଇତେରଇସି । ମାତର୍ ତେଇଅନି
 ଉଟିଗାଲା ପତେ ତାର୍ ବାନିମୁର୍‌ତି ପାସ୍‌ରି ଜାଇସି । ୨୫ ମାତର୍ ମୁନ୍‌ସର୍
 ମୁକ୍‌ତି ପାଇ ଗଟେକ୍ ପୁରାପୁରୁନ୍ ନିୟ୍‌ମ୍ ଆତେ । ଜେ ସେ କାତା ସୁନିକରି ନ
 ପାସ୍‌ରେ, ଆରି ତାର୍‌ଲାଗି ସବୁ ମନ୍‌ପରାନ୍ ଦେଇକରି ନିଜର୍ ଜିବନ୍‌ତେଇ

ମାନିକରି ରଇସି ବଇଲେ ପର୍ଯ୍ୟେସର୍ ତାର୍ କରଇରଇବା ସବୁ କାମ୍ ମଞ୍ଜୁଲ୍ କରସି । ୨୭ କେ ଜଦି ମୁଇ ନିଜେ ଗଟେକ୍ ଦରମ୍ ଲକ୍ ବଲି ବାବ୍ଲାନି, ସେ ଜଦି ତାର୍ ନିଜର୍ ଜିବ୍ ଜାଗରତା କରେ ନାଇ, ସେ ନିଜେ ଆକା ନାତାଇ ଅଇଲାନି । ତାର୍ ରିତିନିତି କରବାଟା ରୁଟାଆଇସେ । ୨୭ ପର୍ଯ୍ୟେସର୍ ଦେକ୍ବା ଇସାବେ ଜନ୍ ରିତିନିତି ସତ୍ ଆରି ନିକ, ସେଟା ଅଇଲାନି ଦୁକେ ରଇବା ଚୁରାଚୁରି ପିଲାମନ୍ ଆରି ରାଣ୍ଡିଞ୍ଜୁଣ୍ଡିମନ୍ ଜତନ୍ କରବାଟା । ପତେ ଜଗତର୍ ଜଞ୍ଜାଲେଅନି ମୁକଲ୍ବାଟା, ଜେନ୍ଦାରିକି ସେ ସବୁ ତାକେ ନ ନସାଏ ।

୨ ଏ ବାଇବଇନିମନ୍ ଆମର୍ ତାକ୍ପୁଟା ମାପ୍ତୁ ଜିସୁ କିରିସ୍ଟକେ ବିସ୍ବାସ୍ କଲାର୍ଲାଗି, ଲକ୍ମନର୍ ଅଲ୍ଗା ପିନ୍ଧୁଅତା ଦେକିକରି, ନିଜର୍ ଚଲାଚଲ୍ତି ବାବ୍ଲାଇବାଟା ଟିକ୍ ନାଇ । ୨ ଜଦି ସବାଇ ଗଟେକ୍ ଲକ୍ ସୁନାର୍ ମୁନ୍ତି ଆରି ଜକ୍ମକି ଜାଇତେରଇବା ବସ୍ତର୍ ପିନ୍ଧିକରି ତମର୍ଲଗେ ଆଇସି, ଆରି ଗଟେକ୍ ଲକ୍ ମୁରକି ରଇ ଚିରୁରୁଅଇରଇବା ବସ୍ତର୍ ପିନ୍ଧିକରି ଆଇସି । ୩ ଆରି ତମେ ସୁନ୍ଦୁର୍ ବସ୍ତର୍ ପିନ୍ଧିଆସି ରଇବା ଲକ୍କେ ଅଦିକ୍ ସନ୍ମାନ୍ ଦେଇକରି କଇସା, “ଆସା ଏ ନିକ କୁର୍ଚି ଉପ୍ରେ ବସା ।” ମାତର୍ ଅର୍କିତ୍ ଲକ୍କେ କଇସା “ତେଇ ଜାଇ ଟିଆ ଅ ।” ନଇଲେ “ତଲେ ବସ୍ ।” ବଲିକରି କଇସୁ । ୪ ସେନ୍ଦାର୍ ଆଲେତା ତମେ ନିଜର୍ ନିଜର୍ ବିତ୍ରେ ବତ୍ସାନ୍ ବଲିକରି ଅଲ୍ଗା ଇସାବେ ଦେକ୍ଲାସ୍ନି । ଆରି କାରାପ୍ ଇସାବେ ମୁ ଦେକି, ବିଚାର୍ କଲାସ୍ନି । ୫ ଏ ମର୍ ଆଲାଦର୍ ମଇତର୍ମନ୍ ସୁନା, ପର୍ଯ୍ୟେସର୍ ଏ ଜଗତର୍ ଅର୍କିତ୍ ଲକ୍ମନ୍କେ ବାତି ଆତେ । ସେମନ୍ ତାକେ ବିସ୍ବାସ୍ କରବାଇ ଆରି ତାର୍ ରାଇଜେ କେଟ୍ବାଇ । ତାକେ ଆଲାଦ୍କରବା ସବୁ ଲକ୍କେ ସେ ରାଇଜ୍ ଦେବିବଲି କାତା ଦେଏ ନାଇ କି? ୬ ମାତର୍ ତମେ ଅର୍କିତ୍ ଲକ୍ମନ୍କେ ସନ୍ମାନ୍ ଦିଆସ୍ ନାଇ । ସାଉକାର୍ ଲକ୍ମନସେ ତମ୍କେ କସ୍ତ୍ ଦେଲାଇନି । ସେମନ୍ସେ ତମ୍କେ ବିଚାର୍ନା ଜାଗାଇ ଜିକି ନେଲାଇନି । ୭ ତମ୍କେ ଜନ୍ ନାଉଁ ଜିସୁ କିରିସ୍ଟ ଦିଆଅଇଆତେ, ସେ ନାଉଁ ନେଇକରି ନିନ୍ଧୁ କଲାଇନି । ୮ ନିଜ୍ଜେ ଆଲାଦ୍ କଲାପାରା ବିନ୍ ଲକ୍ମନ୍କେ ଆଲାଦ୍ କରା । ସାସ୍ତରେ ଲେକା ଅଇରଇଲାପାରା ପର୍ଯ୍ୟେସର୍ ରାଇଜର୍ ଏ ନିୟମ୍ ଜଦି ତମେ ମାନ୍ସା, ସେନ୍ଦାର୍ ଆଲେ ଟିକ୍ କଲାସ୍ନି । ୯ ମାତର୍ ତମେ ଜଦି ବତ୍ ସାନ୍ ଦେକ୍ଲାସ୍ନି, ପାପ୍ କଲାସ୍ନି । ଆରି ସେ ରିତିନିତିର୍ ଲାଗି ଦସି ବଲାଇ ଅଇଲାସ୍ନି । ୧୦ କାଇକେବଇଲେ ଜେ ମିସା ସବୁ

ନିଅମ ମାନିକରି ଗଟେକ୍ ନିୟମ୍ ଚାଡ଼ିଦେଲେ, କାଇ ନିୟମ୍ ନ ମାନିଲା
 ଲକର୍ ପାରା ଦସିଅଇ ଡଣ୍ଟୁ ପାଇସା । ୧୧ କାଇକେବଇଲେ ପର୍ମେସର୍
 କଇଲାଆତେ “ତମେ ବେସିଆ କାମ୍ କର୍ବାରନାଇ, ଆରି ନର୍ ମାର୍ବାର୍
 ନାଇ” ବଲିକରି । ତେବେ ତମେ ଜଦି ବେସିଆ କାମ୍ ନ କରି, ଲକ୍ମନ୍କେ
 ମାର୍ସା, ତେବେ ତାର୍ ନିଅମ୍ ମାନାସ୍ ନାଇ । ୧୨ ପର୍ମେସର୍ ବିଚାର୍ନା
 କର୍ସି ବଲି ଜାନିକରି ସେନ୍ତୁରି କାତା କଇ କାମ୍ କରି ଦେକାଆ । ଜନ୍ ନିୟମ୍
 ଆମ୍କେ ମୁକ୍ଲାଇସି, ସେ ନିୟମ୍ ଇସାବେ ଆମ୍କେ ବିଚାର୍ନା କର୍ସି । ୧୩
 କାଇକେବଇଲେ ଜନ୍ଲକ୍ ବିନ୍ ଲକ୍କେ ଦୟା ନ ଦେକାଏ, ପର୍ମେସର୍
 ବିଚାର୍ନା କର୍ବାବେଲେ ତାକେ ମିସା ଦୟା ନ ଦେକାଏ । ଜନ୍ ଲକ୍ମନ୍ ବିନ୍
 ଲକ୍ମନ୍କେ ଦୟା କରିଆତେ, ସେମନ୍ ବିଚାର୍ନାଟାନେ ଡର୍ବାର୍ ନାଇ ।
 ୧୪ ଏ ମର୍ ବାଇବଇନିମନ୍, ଜଦି ଗଟେକ୍ ଲକ୍ ମୁଇ ବିସ୍ବାସ୍ କଲିନି ବଲି
 କଇସି । ମାତର୍ ତାର୍ କାମ୍ କଲାଟାନେ ସେଟା ନ ଡିସେ ବଇଲେ, ତାର୍ ପାଇ
 କାଇ ମୁଲିଅ ନାଇ । ଏନ୍ତୁରି ବିସ୍ବାସ୍ ତାକେ କାଇ ମୁକ୍ତି ଦେଇ ନାପାରେ ।
 ୧୫ ଜଦି ଗଟେକ୍ ବିସ୍ବାସି ବାଇ କି ବଇନିକେ, ସେ ଦିନର୍ ପାଇ କାଇବାକେ
 କି ପିନ୍ତୁବାକେ ନ ରଇଲେ, ୧୬ ତମର୍ ବିତ୍ରେ କେଆଲେ ଗଟେକ୍ ଲକ୍
 ତାର୍ ଲଗେ ଜାଇ, ତକେ ପେଟ୍କେ କାଦି ଆରି ଗାଗଡ୍କେ ଲୁଗା ମିଲ ବଲି
 କଇସା । ତମେ ତାକେ ଲତାକେ ଲାଗ୍ବାଟା ନ ଦେଇ ଏନ୍ତୁରି କଇଲେ କାଇ
 ଲାବ୍? ୧୭ ସେନ୍ତୁରିସେ ଗଟେକ୍ ବିସ୍ବାସ୍ କର୍ବା ଲକ୍ ତାର୍ ବିସ୍ବାସ୍
 ସଢ୍ଘ୍ ନିକ କାମ୍ ମିସା ନ ଡିସ୍ଲେ ତାର୍ ବିସ୍ବାସ୍ ମରିଗାଲା ଆତେ । ୧୮
 ମାତର୍ କେ ଆଲେ ମକେ କଇସି, ଗଟେକ୍ ଲକର୍ ବିସ୍ବାସ୍ ଆତେ ଆରି
 ଗଟେକ୍ ଲକର୍ ନିକ କାମ୍ ଆତେ, ମୁଇ ତାକେ କଇବି ନିକ କାମ୍ ଚାଡ଼ି,
 ଗଟେକ୍ ଲକ୍କେ କେନ୍ତୁ ବିସ୍ବାସ୍ ଅଇସି? । ଅବ୍କା ବିସ୍ବାସ୍ କର୍ତେରଇବା
 ଲକ୍ ରଇଲେ ମକେ ଦେକାଆ । ମର୍ କର୍ବା ନିକ କାମ୍ ସଢ୍ଘ୍ ମର୍ ବିସ୍ବାସ୍
 ମୁଇ ଦେକାଇବି । ୧୯ ପର୍ମେସର୍ ଗଟେକ୍ସେ ଆଚେବଲି ତମେ ବିସ୍ବାସ୍
 କଲାସ୍ନି, ସେଟା ନିକ । ତୁମାମନ୍ ମିସା ସେନ୍ତୁରି ବିସ୍ବାସ୍ କଲାଇନି ଆରି
 ଡରିକରି ଗଜ୍ଗଜି ଜିବାଇ । ୨୦ ମାତର୍ ଏ ନିଲ୍ଜାଇ ଲକ୍ମନ୍ ତମେ
 ବୁଜିନାପାରାସ୍, ଜଦି ଗଟେକ୍ ଲକ୍ ମୁଇ ବିସ୍ବାସ୍ କଲିନି, ବଲି କଇସି ଆରି
 ନିକ କାମ୍ ନ କରେ, ସେନ୍ତୁରୁଆଲେ ତାର୍ ବିସ୍ବାସ୍ କର୍ବାଟା ରୁଚାଇସେ ।
 ୨୧ ଆମର୍ ପୁରବର୍ ଆନିଦାଦି ଅବ୍ରାଆମ୍ କେ ଦେକା, ପର୍ମେସର୍ ତାକେ

ଦରମ୍ ଲକ୍ ବଲି ଡାକ୍ଲା । ସେଟା ତାର୍ ନିକ କାମ୍ ପାଇ । ଜେଡେବେଲେ
 ନିଜର୍ ପିଲା ଇସାକ୍ କେ ବେଦିଟାନେ ବଲି ଦେବାବେଲେ ନେଇରଇଲା । ୨୨
 ତମେ ଦେକ୍ଲାସ୍ ନିଜେ, ତାର୍ ବିସ୍ବାସ୍ ଆରି କରମ୍ ମିସିକରି ରଇଲା । ସେ
 କରିରଇବା କରମର୍ ଲାଗି ବିସ୍ବାସ୍ ସିଦ୍ ଅଇଲା । ୨୩ ଏଟାର୍ ଲାଗି ଦରମ୍
 ସାସ୍ତରର୍ ଏ ବାକିଅ ପୁରାପୁରୁନ୍ ଅଇଲା । ଅବ୍ରାଆମ୍ ପର୍ମେସର୍ କେ
 ବିସ୍ବାସ୍ କଲା । ତାର୍ ବିସ୍ବାସର୍ ଲାଗି ପର୍ମେସର୍ ଦେକ୍ବା ଇସାବେ
 ଦରମ୍ ଲକ୍ ବଲି ଏଜାଇଅଇଲା । ଆରି ଲକ୍ମନ୍ ତାକେ ପର୍ମେସର୍
 ମଇତର୍ ବଲି ଡାକିରଇଲା । ୨୪ ଅବ୍ବା ବିସ୍ବାସ୍ କଲେସେ ଗଟେକ୍
 ଲକ୍ ଦରମ୍ ବଲି ନାମାଇଅଇ ନଏଁ, ମାତର୍ ତାର୍ କର୍ବା ନିକ କାମର୍
 ଲାଗି ଅଇସି । ଏଟା ତମେ ଦେକ୍ଲାସ୍ ନି । ୨୫ ସେନ୍ତୁରିସେ ବେସିଆ
 ମାଇଜି ରାଆବ୍ କେ ମିସା ଅଇଲା । ସେ ଇସ୍ରାଏଲର୍ ଦେକାଦେକି କର୍ବା
 ଲକ୍ମନ୍ କେ ଡାକିନେଲା ଆରି ବିନ୍ ବାଟେ ବାରଇଜିବାକେ ସାଇଜ କଲା ।
 ସେ ଏନ୍ତୁରି କଲାକେ ପର୍ମେସର୍ ଦେକ୍ବା ଇସାବେ ଗଟେକ୍ ଦରମ୍ ଲକ୍
 ବଲି ଜାନାଇଅଇଲା । ୨୬ ତେବେ, ଆତ୍ମା ଚାଡିଗାଲେ ଲକ୍ମନ୍ ଗାଗଡ୍
 ଜେନ୍ତିକି ମଲା ସମାନ୍, ସେନ୍ତୁରିସେ ନିକ କାମ୍ ନ କଲେ, ବିସ୍ବାସ୍ ମିସା
 ମଲା ସମାନ୍ ଆତେ ।

୩ ଏ ମର୍ ବାଇବଇନିମନ୍, ତମର୍ ବିତ୍ରେ ବାକିଅ ସିକିଆ ଦେବା ଗୁରୁ
 ଅଦିକ୍ ଉଆ ନାଇ । ଜନ୍ଲକ୍ ବିନ୍ ଲକ୍ମନ୍ କେ ସିକାଇବାଇ ସେମନ୍ ଅଦିକ୍
 ତଣ୍ଟୁ ପାଇବାଇ, ଏଟା ଜାନିରୁଆ । ୨ ଆମେ ସବୁ ତର୍କେତର୍ ବୁଲ୍ କଲୁନି ।
 ମାତର୍ ଜେ ମିସା ତାର୍ କାତାବାର୍ତା କଇଲାବେଲେ ବୁଲ୍ ନ କରେ, ତେବେ
 ସେ ସିଦ୍ ଲକ୍ । ଆରି ସେ ତାର୍ ସବୁଜାକ ମିସା ଜାଗ୍ ରକ୍ କରି ସଞ୍ଜୁ ଆତେ
 । ୩ ଗଟେକ୍ ଗଡାର୍ ବିସଇ ବାବିଦେକ୍ । ଜଦି ଗଡା ଆମର୍ କାତା ମାନ୍ବାର୍
 ଆତେ ବଇଲେ, ତାର୍ ଟଣ୍ଟେ ଲାଗନ୍ ତାବାଇଲୁନି । ଜେନ୍ତୁରିକି ଗଡାର୍
 ଗୁଲାଇ ଗାଗଡ୍ ମିସା ବୁଲାଇକରି, ଆମେ ଜନ୍ବାଟେ ମନ୍ କର୍ବୁ, ସେବାଟେ
 ନେଲୁନି । ୪ ସେନ୍ତୁରିସେ ଗଟେକ୍ ବଡ୍ ପାନିଜାଜର୍ ବିସଇ ତିନ୍ତୁ କରିଦେକା
 । ସେଟା ବେସି ବଡ୍ ରଇଲେ ମିସା ଜବର୍ ପବନ୍ ଆଇତେରଇଲେସେ ସେଟା
 ତାଲାଅଇସି । ମାତର୍ ଗଟେକ୍ ଜାଜ୍ ତାଲାଉ ସାନ୍ଟା ବୁଲାଇବା ତକା
 ମାରିକରି ସେ ଜନ୍ତି ମନ୍ କର୍ସି, ଜାଜ୍ ସେ ବାଟେ ତାଲାଇ ନେଇସି । ୫ ସେ
 ରକାମ୍ ଆକା ଆମର୍ ଟଣ୍ଟେ ରଇବା ଜିବ୍ ମିସା ଆମର୍ ଗାଗଡର୍ ଗଟେକ୍

ସାନ୍ ଜିନିସ୍, ମାତର୍ ଏଟା ବେସି ବଡ଼ବଡ଼ କାତା କଇସି । ଗଟେକ୍ ତଢ଼ୁରର୍
 ବିସଇ ବାବିଦେକା, ସେଟା ବଡେଟା ରଇଲେ ମିସା କଣ୍ଟେକ୍ ଜଇ ଇଢ଼ୁରା
 ଲାଗିକରି ସବୁ ପଡାଇଦେଇସି । ୭ ସେନ୍ତୁରି ଜିବ୍ ମିସା ଜଇପାରା, ଜିବ୍
 ବିତ୍ରେ ମିଟ୍ଟାମନ୍ ବର୍ଡିଅଇ ଆରେ । ସେଟା ଆମର୍ ଗାଗଡ଼ ବିତ୍ରେ
 ବାସାଅଇ ଆରେ । ଆମର୍ ଗୁଲାଇ ଗାଗଡ଼କେ କାରାପ୍ ତାବିଦେଇସି ।
 ଆମର୍ ଜିବନ୍ ଜଇଟାନେ ପଡାଇଲାପାରା ପଡାଇ ଦେଇସି । ଆରି ସେ ଜଇ
 ନର୍କେଅନି ଆଇସି । (Geenna g1067) ୭ କାଇକେବଇଲେ ସବୁ ରକାମର୍
 ତଢ଼ୁରର୍ ଜିବ୍, ଉଡ଼ିବୁଲ୍ବାଟାମନ୍, ରାଢ଼ିବୁଲ୍ବାଟାମନ୍ ଆରି ପାନିତେଇ
 ରଇବାଟାମନ୍, ପୁର୍ବେଅନି ଲକ୍ମନ୍ ସେଟାମନ୍କେ ମାନାଇକରି ଆଚଡ଼ ।
 ୮ ମାତର୍ ଏବେଜାକ ଜିବ୍କେ କେ ମିସା ମାନାଅଡ଼ ନାଇ । ତେଇ କାରାପ୍
 ବିସଇ ପୁରୁନ୍ ଅଇଆରେ । ସେ ତାର୍ ନିଜର୍ ମନ୍ କରବା ଇସାବେ ଜାଇସି
 । ଆରି ମରନ୍ ତାକିଆନ୍ବା ବିସ୍ ବର୍ଡି ଅଇଆରେ । ୯ ଆମେ ଜିବ୍
 ସଢ଼ୁ ମାପ୍ଟୁକେ ଆରି ବାବା ପରମେସର୍କେ ଦନିଅବାଦ୍ ଦେଲୁନି ଆରି ଏ
 ଜିବ୍ସଢ଼ୁ ପର୍ମେସର୍ ତାର୍ପାରା ତିଆର୍ କରିରଇବା ମୁନୁସ୍କେ ସାଇପ୍
 ଦେଲୁନି । ୧୦ ଗଟେକ୍ ଟଣ୍ଟେଅନିସେ ଦନିଅବାଦ୍ ଦେବାଟା ଆରି ସାଇପ୍
 ଦେବାଟା ବାରଇସି । ମର୍ ବାଇବଇନିମନ୍, ଏନ୍ତୁରି ଅଇବାଟା ଟିକ୍ ନଏଁ
 । ୧୧ ଗଟେକ୍ ରୁଆବିଲେଅନି, ଗଲାପାନି ଆରି ନିର୍ମଲ୍ପାନି ବାରଇସି
 କି? ନାଇ, ନ ବାରଏ । ୧୨ ଏ ମର୍ ବାଇବଇନିମନ୍, ତୁମ୍ବିଗେତେ ଜିବ୍ପଲ୍
 ନ ପଲେ କି କାଇ ଅଢ଼ୁର୍ ମାଲେ ତୁମ୍ବି ନ ପଲେ । ସେନ୍ତୁରିସେ ଗଟେକ୍
 ଗଲାପାନି ବାରଇବା ରୁଆଇ ଅନି ନିର୍ମଲ୍ପାନି ନ ବାରଏ । ୧୩ ତମର୍
 ବିତ୍ରେ ଗିଆନି ଆରି ବୁଲ୍ଟିକ୍ ବଲି କଇବା ଲକ୍ ଆଚଡ଼ କି? ତାର୍ ନିକକରି
 ଜିଇବାକାଇବାଟାନେଅନି ସେଟା ଦେକାଅ । ତାର୍ ଜିବନେ, ଗଟେକ୍ ଗିଆନ୍
 ରଇବା ଲକର୍ ଇସାବେ, ସବୁବିସଇ ସୁଆଲେ କଲାଆରେ ବଲି ଦେକାଅ ।
 ୧୪ ଜଡ଼ି ତମର୍ ମନ୍ବିତ୍ରେ ଇସାତଲା, କପ୍ଦାର୍ବାଟା ଆରି ସବୁବେଲେ
 ନିଜର୍ ବିସଇ ଚିନ୍ତା କରବାଟା ରଇସି, ସେନ୍ତୁରୁଆଲେ ସେ ବିସଇଟାନେ
 ବଡ଼ପନ୍ ଉଆନାଇ । ଆରି ସର୍ ବିସଇ ବୁଲ୍ ଆଚେବଲି କୁଆ ନାଇ । ୧୫
 ଏନ୍ତୁରି ଗିଆନ୍ ପର୍ମେସର୍ ଟାନେଅନି ନ ଆସେ । ସେଟା ଜଗତେଅନି
 ଆଇସି । ପର୍ମେସର୍ ଆତ୍ମା ନ ରଇବାଟାନେ ଅନି ଆଇସି । ଆରି
 ସେଟା ସଇତାନର୍ ଗିଆନେ ଅନି ଆଇସି । ୧୬ ଜନ୍ ଜାଗାଇ ଲକ୍ମନର୍

ବିତ୍ରେ ଝିଆ, ଆରି ନିଜର ବିସଇସେ ଚିନ୍ତା କରବାଟା ରଇଲେ, ସେ ଜାଗାଇ ଲାଗାଲାଗି ଆରି ସବୁ ରକାମର୍ କାରାପ୍ କାମ୍ ରଇସି । ୧୭ ମାତର୍ ପର୍ମେସର୍ ସିକାଇବା ଗିଆନ୍ ଜନ୍ଲକ୍ମନକେ ଆତେ, ତାକର୍ ଗୁନ୍ତଲନେ ସେମନ୍ ସୁକଲ୍ ଅଇରଇବାଇ, ସାନ୍ତିସଙ୍ଗ୍ ରଇବାଇ, ସୁଆଲେ ରଇବାଇ, ଦୟା ଦେକାଇବାଇ, ଜିବନ୍ଦୁକାଇବାଇ ଆରି ତାକର୍ ସବୁ କାମ୍ ନିକ ରଇସି । ସେମନ୍ ଲକ୍ମନକେ ବଡ଼ ସାନ୍ ଇସାବେ ନ ଦେକଡ଼ ଆରି ଚଲାନ୍ନିକାତା ନ କଅଡ଼ । ୧୮ ଜନ୍ ଲକ୍ମନ ସାନ୍ତିର୍ପାଇ କାମ୍ କରବାଇ, ସାନ୍ତି ସଙ୍ଗ୍ ରଇକରି ଦରମର୍ ବିଆନ୍ ବୁନ୍ବାଇ, ସେନ୍ତାରି ଲକ୍ମନ ପର୍ମେସର୍ ଦେକବା ଇସାବେ, ନିକ କାମର୍ ଦାନ୍ କାଟ୍ବାଇ ।

୪ ତମର୍ ବିତ୍ରେ ମାରାମାରି ଆରି ଲାଗାଜତା କାଇକେ ଆଇଲାନି? ତମର୍ ମନ୍ବିତ୍ରେ ତସିରଇବା କାରାପ୍ ମନ୍କଲାଟା ଉଟିକରି ତମର୍ ବିତ୍ରେ ଜୁଇଲାନି, ଏଟାର୍ ଲାଗି ଏନ୍ତାରି ଅଇଲାନି । ସେଟାର୍ପାଇ ଗଟେକ୍ ଲକ୍ ଆରିଗଟେକ୍ ଲକ୍ ସଙ୍ଗ୍ ଲାଗ୍ଲାସ୍ନି । ୨ କାଇକେବଇଲେ ତମେ ଜନ୍ଟା ମିଲାଇବାକେ ମନ୍ କଲାସ୍ନି, ସେଟା ମିଲାଇ ନାପାର୍ଲେ, ମରାଇବାକେ ମନ୍କଲାସ୍ନି । ଜନ୍ଟା ମିଲାଇବାକେ ବେସି ମନ୍ ଅଇଲାନି, ସେଟା ମିଲାଇବାକେ ତମ୍କେ ବପୁନାଇ । ସେଟାର୍ପାଇ ତମର୍ତମର୍ ବିତ୍ରେ ଲାଗାଜତା ଅଇ ମାରାମାରି ଅଇଲାସ୍ନି । ତମେ ପର୍ମେସର୍କେ ମାଙ୍ଗ୍ସ୍ ନାଇଜେ ମନ୍କଲାଟା ମିଲାଇ ନା ପାର୍ଲାସ୍ନି । ୩ ତମେ ମାଙ୍ଗ୍ତେରଇସା, ମାତର୍ ସେ ତମ୍କେ ଦେଏ ନାଇ । କାଇକେବଇଲେ ସେଟା କାରାପ୍ କରବାକେ ମାଙ୍ଗ୍ଲାସ୍ନି । ସୁକେ ରଇକରି ସାଇସାର୍ଦା ସଙ୍ଗ୍ ରଇବୁ ବଲି ମାଙ୍ଗ୍ଲାସ୍ନି । ୪ ଏ ବିସ୍ବାସେ ବିସ୍ଦେବା ଲକ୍ମନ, ତମେ କାଇ ନାଜାନାସ୍ କି ଜଗତ୍କେ ଆଲାଦ୍ କରୁମନ୍ ପର୍ମେସର୍ ସତ୍ବୁ ବଲିକରି? ଜନ୍ଲକ୍ ଏ ଜଗତ୍ ଚଲାଚଲ୍ତି ଆଲାଦ୍ କରବାଇ ସେମନ୍ ପର୍ମେସର୍ ବିରଦି । ୫ ତମେ ଦରମ୍ ସାସ୍ତରେ ଲେକାଅଇରଇବା ଏ ବାକିଅ ରୁଟାଇ ବଲିକରି ବାବ୍ଲାସ୍ନି କି? ପର୍ମେସର୍ ଜନ୍ ଆତ୍ମାକେ ଆମର୍ ବିତ୍ରେ ବାସାଅଇରଇବାକେ ଦେଲାଆତେ, ସେ ଆମ୍କେ ପୁରାପୁରୁନ୍ ଅଦିକାର୍ କରବାକେ ମନ୍ କଲାନ୍ନି । ୬ ମାତର୍ ପର୍ମେସର୍ ଜିବନ୍ ଦୁକାଇଲାଟା, ତାର୍ତେଇଅନି ଅଦିକ୍ ବପୁଆତେ । ସେଟାର୍ପାଇ ସାସ୍ତର୍ କଇଲାନି, ଆଁକ୍ରିଆମନ୍କେ ପର୍ମେସର୍ ବିରଦ୍ କରସି, ମାତର୍ ସୁଆଲେ ରଇବା ଲକ୍କେ ତାର୍ ଜିବନ୍ ଦୁକାଇ, ଦୟା କରସି

। ୭ ଡେବର୍ ପାଇ, ତମେ ପର୍ମେସର୍‌କେ ସର୍‌ପାଇଉଆ । ସଇତାନ୍‌କେ
 ଜାକି ଦିଆସ୍ । ସେନ୍ତାରି କଲେ ସଇତାନ୍ ତମର୍‌ଲଗେ ଅନି ପାଲାଇସି । ୮
 ପର୍ମେସର୍‌ର ଲଗେ ଆସା, ଡେବେ ସେ ମିସା ତମର୍ ଲଗେ ଲଗେ ରଇସି ।
 ଏ ପାପିମନ୍, କାରାପ୍ କାମ୍‌କର୍‌ବାଟା ଚାଡ଼ିଦିଆସ୍ । ଆରି ଏ ଦୁଇବାଟେ
 ମନ୍‌କରୁମନ୍ ତମର୍ ମନ୍ ନିର୍ମଲ୍ କରା । ୯ ତମର୍ ପାପର୍‌ଲାଗି ମାରିତପି
 ଅଇକରି କାନ୍ତେରୁଆ । ନ ଆଁସିକରି କାନ୍ତେରୁଆ, ସାର୍‌ଦା ନ ଅଇକରି
 ଦୁକେ ରୁଆ । ୧୦ ମାପ୍‌ରୁ ମୁଆଟେ ନିଜେ ନିଜେ ସର୍‌ପିଉଆ, ସେ ତମ୍‌କେ
 ଉଟାଇସି । ୧୧ ଏ ମର୍ ବାଇବଇନିମନ୍, ନିଜର୍ ନିଜର୍ ବିତ୍‌ରେ କୁଟ୍ କାତା
 କୁଆ ନାଇ । ଜଦି ବିସ୍‌ବାସି ବାଇମନର୍ ବିରୁଦ୍ଧେ କୁଟ୍ କାତା କଇ ତାକେ
 ଦସ୍ ଦେଇସା, ତମେ ପର୍ମେସର୍‌ର ନିୟମ୍ ବିରୁଦ୍ଧେ କାତା ଅଇଲାସ୍‌ନି ।
 ଆରି ତାର୍ ନିୟମ୍‌କେ ବିଚାର୍ କଲାସ୍‌ନି । ପର୍ମେସର୍‌ର ନିୟମ୍ ବିଚାର୍
 କଲେ, ତମେ ତାର୍ ଆଦେସ୍ ମାନାସ୍ ନାଇ । ମାତର୍ ବିଚାର୍‌କାରିଆ ଇସାବେ
 ରଇଲାସ୍‌ନି । ୧୨ ପର୍ମେସର୍‌ସେ ନିୟମ୍ ଦେଇପାର୍‌ସି । ସେ ସେ ଆମ୍‌କେ
 ବିଚାର୍ କରିପାର୍‌ସି । ସେ ସେ ଲକ୍‌ମନ୍‌କେ ରକିଆ କରିପାର୍‌ସି ଆରି ସେ
 ସେ କୁରୁପ୍‌ନାସ୍ କରିପାର୍‌ସି । ମାତର୍ ତମେ କେ ଜେ, ବିନ୍ ଲକ୍‌ର୍ ବିଚାର୍
 କରିପାରାସ୍? ୧୩ ଡେବେ ମର୍ କାତା ସୁନା । ତମର୍ ବିତ୍‌ରେ ଜନ୍ ଲକ୍‌ମନ୍
 ଏନ୍ତାରି କାତା ଅଇତେରଇସା, ଆଜି ନଇଲେ କାଲିକେ ଆମେ ଏ ନଅରେ
 କି ସେ ନଅରେ ଜିବୁ, ତେଇ ବର୍‌ସେକ୍ ରଇବୁ ଆରି ବେବାର୍ କରି ତାବୁ
 ଅରଜୁବୁ । ୧୪ ମାତର୍ କାଲିକେ କାଇଟା ଗର୍‌ସି, ସେଟା ତମେତା ନାଜାନାସ୍
 ତମର୍ ଜିବନ୍ ଦୁର୍‌ଝିରି ସମାନ୍, ଜନ୍‌ଟାକି ଚନେକର୍ ପାଇ ଡିସ୍‌ସି ଆରି ମାୟା
 ଅଇଜାଇସି । ୧୫ ତାର୍ ବାଦୁଲେ ତମେ ମାପ୍‌ରୁ ମନ୍ କଲେ ଆମେ ଜିଇକରି
 ଏନ୍ତାରି ନଇଲେ ସେନ୍ତାରି କରୁ ବଲି କଇବାର୍ ଆତେ । ୧୬ ମାତର୍ ତମେ
 ସେନ୍ତାରି କରାସ୍ ନାଇ । ଆଁକ୍‌ରିଆମନ୍ ଆରି ବଡ୍‌ପନ୍ କାତା କର୍‌ମନ୍ ।
 ଏନ୍ତାରି ବଡ୍‌ପନ୍ କାତା କଇବାଟା ବୁଲ୍‌ଆତେ । ୧୭ ଏତାଇ ରୁଆ । ଜେ ଜଦି
 ଏଟା ନିକ କାମ୍ ବଲି ଜାନେ, ମାତର୍ ସେଟା ନ କରେ ବଇଲେ, ପର୍ମେସର୍
 ଦେକ୍‌ବା ଇସାବେ ସେ ଦସ୍ କଲାଆତେ ।

୫ ଏ ସାଉକାର୍ ଲକ୍‌ମନ୍, ମର୍‌କାତା ସୁନା । ତମ୍‌କେ ଜନ୍ ଦୁକ୍‌କସ୍‌ଟ
 ଆଇଲାନ୍, ସେଟାର୍ ପାଇ ମାରିତପିଅଇ କାନ୍ତା । ୬ ତମର୍ ଦନ୍‌ସ୍‌ପତି
 କୁଇଗାଲାନ୍ ଆରି ନିକନିକ ବସ୍‌ତର୍‌ମନ୍ ଅଲ୍‌ମା କାଇଲାନ୍ । ୭ ତମର୍

ସୁନାରୁପା ଚିଲମ୍ ଦାରୁଲାନି ଆରି ଏ ଚିଲମ୍ ଦାରୁଲୀଟାକେ ନେଇକରି
 ପରମେସର୍ ତମ୍‌କେ ଦସି କର୍ସି । ଆରି ଜଇଟାମେ ପଡ଼ଲେ ଜେନ୍ତି ଗାଗଡ଼
 ନସସି, ସେନ୍ତି ତମର୍ ଗାଗଡ଼ ସେ କୁରୁପ୍‌ନାସ୍ କର୍ସି । ଏ ଜୁଗ୍ ସାର୍‌ବାକେ
 ଜାଇତେରଇଲେ ମିସା ତମେ ସବୁଲକ୍ ଦନ୍‌ସିପତି ଚୁଲିଆଇଲାସ୍‌ନି । ୪
 ତମର୍ ଜମିବାଡ଼ିଲଗେ କାମ୍‌କର୍‌ବା ବୁଡ଼ିଆର୍‌ମନ୍‌କେ ବୁଡ଼ି ଦିଆସ୍ ନାଇ ।
 ତାର୍ ବାଦୁଲେ ସେମନ୍‌କେ ନାଡ଼ାଇ ଆଟାସ୍ । ସୁନା, ସେମନ୍‌ ବୁଡ଼ି ତମର୍
 ବିରୁଦ୍‌ଦେ କାନ୍‌ଲୁପାପାରା ସୁନିଅଇଲାନି । ସେମନ୍‌ କାନ୍‌ଲୁବାଟା ସବୁର୍‌ଟାମେଅନି
 ବପୁ ରଇବା ମାପ୍‌ରୁ, ସୁନ୍‌ଲା ଆଟେ । ୫ ଏ ଜଗତେ ତମେ ସାଇସାର୍‌ବା ସଞ୍ଜୁ
 ଜିଇଲାସ୍‌ନି । ଜାଇଟା ମନ୍ କଲେ, ସେଟା କଲାସ୍‌ନି । ମାତର୍ ପରମେସରର୍
 ତଣ୍ଡୁର୍ ଦିନ୍ ଦାପ୍‌ରେ ଆଇଲାନି । ୬ ତମେ ଦସ୍ ନ କଲା ଲକ୍‌ମନ୍‌କେ ଦସି
 ବଲିକରି ମାରି ମରାଇଆଟାସ୍ । ଏଲେମିସା ସେମନ୍ ତମ୍‌କେ ଅଟ୍‌କାଅଡ଼ ନାଇ
 । ୭ ଏ ମର୍ ବାଇବଇନିମନ୍, ମାପ୍‌ରୁ ଆରିତରେକ୍ ଆଇବାଜାକ ମୁର୍ଚ୍ଚିକରି
 ରୁଆ । ଚାସିମନ୍‌ ବିସଇ ଚିନ୍ତାକରିଦେକା, ତାକର୍ ଜମିଅନି ନିକ ପସଲ୍
 ମିଲ୍‌ବା ଜାକ ସେମନ୍ ଜାଗିକରି ରଇବାଇ । ଜେନ୍ତିକି ମାଟିବିଜାଇବାକେ
 ପର୍‌ରୁମର୍ ବରିସା ଆରି ନିଞ୍ଜୁବାପାର୍‌ବା ବେଲର୍ ସାରାସାରି ବର୍‌ସାକେ
 ମୁର୍ଚ୍ଚିକରି ଜାଗି ରଇବାଇ । ୮ ସେ ରକାମ୍ ତମେମନ୍ ମିସା ମୁର୍ଚ୍ଚି ଜାଗିରୁଆ
 । ତମର୍ ମନ୍ ଡାଁଟ୍‌କରି ରୁଆ, କାଇକେବଇଲେ ମାପ୍‌ରୁ ଆଇବା ଦିନ୍ ଲଗେ
 କେଟିଆଇଲାନି । ୯ ଏ ମର୍ ବାଇବଇନିମନ୍, ନିଜର୍ ନିଜର୍ ବିତ୍‌ରେ ଦସ୍
 ଦାରାଦାରି ଉଆ ନାଇ । ସେନ୍ତିଆଲେ ମାପ୍‌ରୁ ତମ୍‌କେ ବିଚାର୍ ନ କରେ ।
 ଦେକା ବଡ଼ ବିଚାର୍‌କାରିଆ ଲଗେ ଆଟେ । ୧୦ ମର୍ ବାଇବଇନିମନ୍, ଜନ୍
 ବବିସଡ଼ବକ୍‌ତାମନ୍ ମାପ୍‌ରୁର୍ ନାଉଁ ଦାରି କାତାଦେଇ ରଇଲାଇ, ସେମନ୍‌କେ
 ଏତାଆ । ଦୁକ୍‌କସ୍‌ଟ ଆଇଲାବେଲେ । ସେମନ୍ ମୁର୍ଚ୍ଚିକରି ରଇଲାଇ ।
 ତମେମିସା ସେନ୍ତାରି ଅଇକରି ମନେ ଏତାଆ । ୧୧ ସେମନ୍ ମୁର୍ଚ୍ଚିକରି
 ରଇଲାପାଇ ବଲି କେଡେକରମର୍ ଲକ୍ ବଲି କଇଲୁନି । ସେନ୍ତାରିସେ
 ଆୟୁର୍ ବେସି ଦିନ୍‌ଜାକ ମୁର୍ଚ୍ଚିକରି ରଇଲାଟା ତମେ ସୁନି ଆଟାସ୍ ।
 ସାରାସାରି ପଟେ ମାପ୍‌ରୁ ଜନ୍‌ରକାମ୍ ତାକେ ବାଉଡ଼ାଇଦେଲାଟା ଜାନିଆଟାସ୍
 । କାଇକେ ବଇଲେ ଆମର୍ ମାପ୍‌ରୁ ଦୟାକର୍ସି ଆରି ପୁରାପୁରୁନ୍ କଲିକରମ୍
 ଦେକ୍‌ବା ମାପ୍‌ରୁ । ୧୨ ଏ ମର୍ ବାଇବଇନିମନ୍, ତମେ କାତା ଦେଲା ବେଲେ
 ରାନ୍ ନିୟମ୍ ପାକାଆ ନାଇ । ସରଗର୍ କି ଏ ଜଗତର୍ ନାଉଁ ଦାରିକରି

କାଇ ବିସଇ ରାନ୍ ପାକାଆ ନାଇ । ତମର୍ ଅଇବା କାତାଆଲେ “ଉଁ” ଆରି,
 ନ ଅଇବା କାତା ଆଲେ “ନାଇ” ବଲିକୁଆ । ସେନ୍ତୁର୍ ରଇଲେ, ତମେ
 ପର୍ମେସରର୍ ବିଚାର୍ନାଟାନେ ତଣ୍ଟୁ ନ ପାଆସ୍ । ୧୩ ତମର୍ ବିତ୍ରେ କେ
 ଜଦି ଦୁକ୍ ଜଞ୍ଜାଲେ ରଇଲେ, ସେ ପାର୍ତନା କର । କେ ଜଦି ସାର୍ଦାସଢ୍ଫୁ
 ଆଚେ ବଇଲେ, ସେ ପର୍ମେସରର୍ ତାକ୍ପୁଟାର୍ ଗିତ୍ ଗାଅ । ୧୪ କେ ଜଦି
 ଜର୍ଦୁକା ଅଇ ରଇଲେ ସେ ମଣ୍ଟୁଲିର୍ ପାର୍ତନିମନ୍ଦକେ ତାକାଆ, ସେମନ୍
 ମାପୁରୁର୍ ନାଉଁଦାରି ଚିକନ୍ ରକଇ କରି ତାକେ ଲାଗାଇ, ପାର୍ତନା କର୍ବାଇ
 । ୧୫ ବିସ୍ବାସ୍ ସଢ୍ଫୁ ସରପ୍ଲା ପାର୍ତନା ଜରର୍ ଲକ୍କେ ନିମାନ୍ କରି
 ଉଟାଇସି । ଜଦିସେ ପାପକରି ରଇସି ବଇଲେ ମାପୁରୁ ତାକେ କେମା କର୍ସି
 । ନିଜର୍ ନିଜର୍ ଲଗେ ପାପ୍ କଲାଟା ଜାନାଆ ଆରି ନିଜର୍ ନିଜର୍ ପାଇ
 ପାର୍ତନା କରା । ସେନ୍ତୁର୍ କଲେ, ତମେ ନିକ ଅଇସା । ୧୬ ଗଟେକ୍ ଦରମ୍
 ଲକ୍ ପାର୍ତନା କଲାଟା ବେସି ବପୁ ରଇସି ଆରି ସେ ପାର୍ତନାର୍ ଉତର୍
 ଦେକିଅଇସି । ୧୭ ଏଲିଅର୍ ବିସଇ ବାବିଦେକା, ସେ ମିସା ଆମର୍ ପାରାସେ
 ରଇଲା । ପୁର୍ବେ ଇସ୍ରାଏଲ୍ ଦେସେ ପାନି ନ ମାର ବଲି ସେ ମନ୍ଦିଆନ୍
 ଦେଇ ପାର୍ତନା କର୍ତେରଇଲା । ସେଟାର୍ପାଇ ସେ ଦେସେ ତିନ୍ ବରସ୍ ତ
 ମାସ୍ ଜାକ ପାନି ମାରେ ନାଇ । ୧୮ ଆରି ତରେକ୍ ପାନି ମାର ବଲି ପାର୍ତନା
 କଲାକେ ବାଦ୍ଲେଅନି ପାନି ମାରୁଲା । ତେବର୍ପାଇ ଜମିଟାନେ ତାସ୍ ଅଇଲା
 । ୧୯ ଏ ମର୍ ବାଇବଇନିମନ୍ ତମର୍ ବିତ୍ରେ ଜଦି କେ ସତ୍ ବାଟ୍ ଚାଡିକରି
 ବିନ୍ ବିନ୍ ବାଟେ ଗାଲେ, ତାକେ କେ ଆଲେ ଜାଇ ବାଉଡାଇ ଆନ୍ଲେ, ୨୦
 ଏତାଇରୁଆଜେ, କେ ଜଦି, ଗଟେକ୍ ପାପିକେ ବୁଲ୍ବାଟେଅନି ବାଉଡାଇ
 ଆନ୍ସି, ସେ ତାକେ ମରନେଅନି ରକିଆ କର୍ସି । ଆରି ସେ ଲକର୍ ଜବର୍
 ପାପ୍ ରଇଲେ ମିସା ତାକେ କେମା ଅଇସି ।

୧ ମ ପିତର

୧ ମୁଁ ପିତର, ଜିସୁକ୍ରିଷ୍ଟର ଗଣେକ ପେରିତ୍ ସିସ୍ । ପନୁ, ଗାଲାତିଅ, କାପାଦକିଆ, ଆସିଆ ଆରି ବିତୁନିଆ ରାଇଜ୍‌ମନ୍‌କେ, ବିନ୍‌ଦେସର୍ ଲକ୍‌ମନର୍‌ପାରା ତିନ୍‌ବିନ୍ ଅଇଜାଇରଇବା ପର୍‌ମେସର୍‌ର ଲକ୍‌ମନ୍‌କେ ମୁଇ ଏ ଚିଟି ଲେକ୍‌ଲିନି । ୨ ତାର୍ ଜଜ୍‌ନା ଇସାବେ ବାବା ପର୍‌ମେସର୍ ତମ୍‌କେ ଡାକ୍‌ଲା ଆତେ । ତାର୍ ସୁକଲ୍ ଆତ୍‌ମାଇ ସେ ତମ୍‌କେ ତାର୍ ସୁକଲ୍ ଲକ୍ କରାଇସି । ତମେ ଜିସୁ କ୍ରିଷ୍ଟକେ ମାନିକରି, ତାର୍ ବନିତେଇ ଦଇଅଇକରି ରଇବାକେ ସେ ଏନ୍ତାରି ଜଜ୍‌ନା କଲା । ତାର୍ ଜିବନ୍‌ଦୁକାଇଲାଟା ଆରି ସାନ୍ତି ପୁରାପୁରୁନ୍ ତମ୍‌କେ ମିଲ । ୩ ଆମର୍ ମାପୁରୁ ଜିସୁକ୍ରିଷ୍ଟର ବାବା ପର୍‌ମେସର୍‌କେ ଦନିଆବାଦ୍ ଦେଉଁ । କାଇକେବଇଲେ ସେ ଜବର୍ ଅଇତେ ଦୟା କଲାବ୍‌ପାଇ ଆମ୍‌କେ ନୁଆ ଜିବନ୍ ଦେଲା ଆତେ । ଜିସୁକ୍ରିଷ୍ଟକେ ମଲାଟାନେଅନି ଉଟାଇକରି ଏନ୍ତାରି କରିଆତେ । ଆମେ ମଲେ ମିସା ଆମ୍‌କେ ଉଟାଇସି ବଲିକରି ପୁରାପୁରୁନ୍ ଆସାଆତେ । ୪ ସେଟାର୍‌ପାଇ ପର୍‌ମେସର୍ ତାର୍ ଲକ୍‌ମନର୍‌ପାଇ ଜେଡ୍‌କି ସବୁ ଆସିର୍‌ବାଦ୍ ସର୍‌ଗେ ଜତନ୍ କରି ସଞ୍ଜୁଆତେ, ସେଟା ସବୁ ଆମର୍ ଅଇସି ବଲି ଆସାକଲୁନି । ତେଇ ସେଟା ନ ନସେ କି ଚିଲମ୍ ନ ଦାରେ କି ଉନା ମିସା ନ ଅଏ । ୫ ଏ ସବୁ ଆସିର୍‌ବାଦ୍ ଆମର୍‌ପାଇ । ତମେ ପର୍‌ମେସର୍‌କେ ବିସ୍‌ବାସ୍ କଲାବ୍‌ପାଇ, ତାର୍ ବପୁ ତମ୍‌କେ କାଇଟା ନ ଅଇତେ ସଞ୍ଜୁଇଲା ଆତେ । ସାରାସାରିଦିନେ ତାର୍ ମୁକ୍ତି ସବୁଲକ୍ ଜାନ୍‌ବା ଜାକ, ତମର୍ ଉପ୍‌ରେ ଜାଗ୍‌ତେରଇସି । ୬ ତନେକର୍‌ପାଇ ତମର୍ ଜିବନେ ବିନ୍ ବିନ୍ ଦୁକ୍‌କସ୍‌ଟ ଆଇଲାକେ ମୁର୍‌ତିକରି ରଇବାକେ ପଡ୍‌ଲେ ମିସା, ସେଟାର୍‌ପାଇ ତମେ ସାର୍‌ଦା ଅଇକରି ରୁଆ । ୭ ତମର୍ ଜିବନେ ଆଇଲା ଦୁକ୍‌କସ୍‌ଟ ସବୁ ତମର୍ ବିସ୍‌ବାସ୍ ସତ୍‌ଆତେ କି ନାଇ ବଲି ପରିକା କର୍‌ବାକେସେ । ସୁନାର୍ ବିସଇ ବାବିଦେକା, ଏ ଜଗତର୍ ସବୁ ବିସଇର୍‌ପାରା ସୁନା ମିସା ନସିଜାଇସି । ସୁନା ନିକଟା କି କାରାପୁଟା ବଲି ଜାନ୍‌ବାକେ ଜଇଟାନେ ସିଲାଇବାଇ । ତମର୍ ବିସ୍‌ବାସ୍ ସୁନାଟାନେଅନି ଅଦିକ୍ ମୁଲିଅ । ସେନ୍ତାଆଲେ ତମର୍ ବିସ୍‌ବାସ୍ ନିକଟା କି ନାଇ ବଲି ପରିକା କର୍‌ବାର୍ ଆତେ । ତମର୍ ବିସ୍‌ବାସ୍ ଜଦି ନିକଟା, ଜିସୁ କ୍ରିଷ୍ଟ ଦେକା ଅଇବା ସେ ଦିନେ ତମେ ଡାକ୍‌ପୁଟା ଆରି ମଇମା ପାଇସା । ୮ ଏବେ ତମେ ତାକେ ନ ଦେକିରଇଲେ ମିସା ଆଲାଦ୍ କଲାସ୍‌ନି

ଆରି ବିସ୍ୱାସ କଲାସ୍ତି । ସେଟାର୍ପାଇ ତମର ସାର୍ଦ୍ଦା ବେସି ବଡ଼ । ୯
 ତମେ ବିସ୍ୱାସ କଲାର୍ପାଇ ତମ୍ଭେ ସର୍ଗେ ନ ସାର୍ଦ୍ଦା ଜିବନ୍ ଆତେ
 । ୧୦ ପର୍ମେସର୍ ମୁନ୍ନୁସ୍ମନ୍ତକେ ତାକର୍ ପାପେଅନି କେନ୍ତି ମୁକ୍ତଲାୟି
 ବଲି ପୁର୍ବର ବବିସ୍ତବକ୍ତାମନ୍ ମନ୍ଦିଆନ୍ କରି ପଡ଼ଲା । ପର୍ମେସର୍
 ତମ୍ଭେ ଦେବା ଏ ଦାନ୍ ବିସଇ, ସେମନ୍ ଆଗ୍ତକେ ଗର୍ବା କାତା କଇଲା ।
 । ୧୧ କିରିସ୍ତ କେନ୍ତି ଦୁକ୍ତସ୍ତ ମୁରଲ୍ଲା, ଆରି ସବୁ ନିନ୍ନୁ ସାର୍ଲ୍ଲା
 ପତେ ସେ କେନ୍ତି ତାକ୍ପୁଟା ପାଇଲା, ସେ ବିସଇ ପର୍ମେସରର ଆତ୍ମା
 ସେମନ୍ତେ ଜାନାଇଲା । ଏଟା ସବୁ କେବେ ଅଇସି ଆରି କେନ୍ତାରି ଅଇସି,
 ସେଟା ଜାନ୍ବାକେ ସେମନ୍ ବେସି ମନ୍ କଲା । ସେଟାର୍ପାଇ ସେମନ୍
 ସେ ବିସଇ ମନ୍ଦିଆନ୍ କରି ପଡ଼ଲା । ୧୨ ମାତର୍ ଜନ୍ ଆଗ୍ତକେ ଗର୍ବା
 କାତା ସେମନ୍ କଇରଇଲା, ସେଟା ସେମନ୍ ବଲ୍ପାଇ ନାଇ ମାତର୍
 ତମର୍ ବଲ୍ପାଇ ବଲି ପର୍ମେସର୍ ସେମନ୍ତେ ଜାନାଇଲା । ଆରି ଏବେ
 ସେଟା ପୁରାପୁରୁନ୍ ଅଇଲା । କାଇକେବଇଲେ ଜନ୍ ଲକ୍ମନ୍ ତମ୍ଭେ ସୁର୍
 କବର୍ ଜାନାଇଲା ଆତର୍, ତମେ ସେ କାତା ସୁନିଆଟାସ୍ । ସର୍ଗେଅନି
 ପାଟାଇରଇବା ସୁକ୍ତଆତ୍ମା ସେମନ୍ତେ ବପୁଦେଲା । ଦୁର୍ମନ୍ ମିସା ଏ
 ବିସଇ ଜାନ୍ବାକେ ମନ୍ କଲା । ୧୩ ସେଟାର୍ପାଇ ତମେ ନିଜର୍ ନିଜର୍
 ମନେ ପର୍ମେସର୍ ମନ୍ତକଲାଟା ପୁରାପୁରୁନ୍ କର୍ବାକେ ଜାଗିରୁଆ । ଆରି
 ଜିସୁ କିରିସ୍ତ ବାଉଡ଼ି ଆଇବା ବେଲା ସେ ଜନ୍ ଆସିର୍ବାଦ୍ ତମ୍ଭେ
 ଦେଇସି, ସେଟା ମିଲ୍ସି ବଲି ପୁରାପୁରୁନ୍ ଆସା ଉଆ । ୧୪ ପର୍ମେସରର
 ଆଦେସ୍ ମାନିକରି ରୁଆ । ତାର୍ ସତ୍ ସିକିଆ ଜାନ୍ବା ଆଗ୍ତ ତମେ କେନ୍ତାରି
 ନିଜେ ମନ୍ କଲାଟା ପୁରାପୁରୁନ୍ କର୍ତେରଇଲାସ୍, ସେନ୍ତାରି ଆରି କରାନାଇ
 । ୧୫ ମାତର୍ ତମ୍ଭେ ତାକ୍ଲା ମାପ୍ତୁ ଜେନ୍ତାର୍ ସୁକଲ୍ ଆତେ, ସେନ୍ତାରିସେ
 ତମେମନ୍ ମିସା ତମର୍ ସବୁ ବିସଇଟାନେ ସୁକଲ୍ ଉଆ । ୧୬ ତେବେ
 ସାସ୍ତରେ ଲେକା ଆତେ, ପର୍ମେସର୍ କଇଲାଆତେ, ମୁଇ ଜେନ୍ତାରି ସୁକଲ୍,
 ତମେ ମିସା ସେନ୍ତାରି ସୁକଲ୍ ଉଆ । ୧୭ ପର୍ମେସର୍ ଜେତେବେଲେ
 ମୁନ୍ନୁସ୍ମନ୍ତକେ ବିଚାର୍ କରସି, ସେ କାର୍ବିତ୍ରେ ସାନ୍ ବଡ଼ ନ ଦେକେ ।
 ଗଟେକ୍ ଗଟେକ୍ ଲକ୍ତକେ ତାକର୍ କଲା କାମ୍ ଇସାବେ ସେ ବିଚାର୍ କରସି
 । ତେବେ ତମେ ପାର୍ତନା କର୍ବାବେଲେ ପର୍ମେସର୍ତକେ ବାବା ବଲି
 ତାକ୍ଲାସ୍ତି । ତମେ ଜେତ୍ତି ଦିନ୍ ଏ ଜଗତେ ବଞ୍ଚିଆଟାସ୍, ତାକେ ମାନିକରି

ରଇବାର୍‌ଆରେ । ୧୮ ତମର୍ ଆନିଦାଦିମନର୍ ଟାନେଅନି ଲତାକେ ନ ଆଇବା
 ରିତିନିତିଅନି ସେ କାଇ ମୁଲିଅ ଦେଇକରି ତମ୍‌କେ ମୁକ୍‌ଲାଆରେ, ସେଟା
 ତମେ ଜାନିଆତାସ୍ । ତମ୍‌କେ ମୁକ୍‌ଲାଆବାକେ ସେ ନସି ଜିବା ସୁନା କି ରୁପାର୍
 ମୁଲିଅ ଦେଏ ନାଇ । ୧୯ ମାତର୍ ବେସି ମୁଲିଅ ରଇବା ଜିସୁକିରିସ୍‌ଟର୍
 ବନି, ଜନ୍‌ଟା ସେ ତାର୍ ମରନେ ରକଇଦେଲା । କାଇ ଦସ୍ କି କାଇ ଅବାବ୍
 ନ ରଇବା ମେଣ୍ଟାପିଲା ପାରା ବଲିଅଇଲା । ୨୦ ଏ ଜଗତ୍ ତିଆର୍ ନ
 ଅଇବା ଆଗତ୍ ପର୍‌ମେସର୍ କିରିସ୍‌ଟକେ ବାତିରଇଲା । ମାତର୍ ଏବେ ଏ
 ସାରାସାରି ଦିନେ ସେ ତାକେ ଦେକାଇଲା ଆରେ । ଜେନ୍ତୁରି କି ସେ ଆମ୍‌କେ
 ସାଇଜକରିପାର୍‌ସି । ୨୧ ଜିସୁକିରିସ୍‌ଟର୍ ଲାଗି ତମେ ଏବେ ପର୍‌ମେସର୍‌କେ
 ବିସ୍‌ବାସ୍ କଲାସ୍‌ନି । ସେ ଆକା କିରିସ୍‌ଟକେ ମରନେଅନି ଉଟାଇକରି
 ତାକ୍‌ପୁଟା କଲା ଆରେ । ତେବର୍‌ପାଇ ତମର୍ ବିସ୍‌ବାସ୍ ଆରି ଆସା ଏବେ
 ପର୍‌ମେସର୍‌ଟାନେ ଆରେ । ୨୨ ତମେ ସତ୍ ମାନ୍‌ଲାର୍ ପାଇ, କାରାପ୍
 ଚଲାଚଲ୍‌ତି ଚାଡିକରି ତମର୍ ସଙ୍ଗର୍ ବିସ୍‌ବାସିମନ୍‌କେ ସତ୍‌ସଙ୍ଗ୍ ଆଲାଦ୍
 କଲାସ୍‌ନି । ମନ୍ ପରାନ୍ ଦେଇକରି ଗଟେକ୍‌ଲକ୍ ଆରି ଗଟେକ୍ ଲକ୍‌କେ
 ଆଲାଦ୍ କଲାସ୍‌ନି । ୨୩ ତମେ ଆରିତରେକ୍ ଜନମ୍ ଅଇଲାସ୍‌କେ ଏନ୍ତୁରି
 କଲାସ୍‌ନି । କେବେ ନ ମର୍‌ବା ବାବାମାଆର୍ ପିଲାମନର୍ ଇସାବେ । ତାର୍
 ବାକିଅ ତମ୍‌କେ ନୁଆ ଜିବନ୍ ଦେଲାଆରେ । ତାର୍ ବାକିଅ ସବୁଦିନର୍‌ପାଇ
 ରଇସି । (aiōn g165) ୨୪ ସାସ୍‌ତରେ ଲେକାଅଇଲାପାରା, ଗୁଲାଇ ମୁନୁସ୍
 ଜାତି ଗାଁସ୍ ପାରା । ତାକର୍ ବାନିମୁର୍‌ତି ଗାଁସର୍ ପୁଲ୍‌ପାରା । ଗାଁସ୍ ସୁକିଜାଇସି
 ଆରି ପୁଲ୍ ଜଡିଜାଇସି । ୨୫ ମାତର୍ ପର୍‌ମେସରର୍ ବାକିଅ ସବୁଦିନ୍ ପାଇ
 ରଇସି । ଏ ବାକିଅ ଅଇଲାନି ତମ୍‌କେ ଜାନାଇରଇବା ସୁବ୍‌କବର୍ । (aiōn
 g165)

୨ ତମେ ନୁଆ ଜିବନ୍ ପାଇଲାର୍‌ପାଇ ସବୁ କାରାପ୍ ବିସଇର୍‌ଟାନେଅନି
 ଦୁରିକେ ରୁଆ । ସବୁ ରକାମ୍ ମିର୍ କଇବାଟା, ନାଡାଇବାଟା, ଛାଁସା ଅଇବାଟା
 ଆରି ନିନ୍ତା କାତା କଇବାଟା ଚାଡିଦିଆସ୍ । ୨ ଏବେ ଜନମ୍ ଅଇଲା କଅଁଲା
 ପିଲାମନ୍ ଦୁଦ୍ କାଇବାକେ ଜେନ୍ତୁରି ମନ୍ କର୍‌ବାଇ, ସେନ୍ତୁରିସେ ତମେ
 ଆର୍‌ମାର୍ ଦୁଦ୍ କାଇବାକେ ମନ୍ କରା । ସେଟା ଅଇଲାନି ପର୍‌ମେସରର୍ ସତ୍
 ବାକିଅ । ସେଟା କାଇବାକେ ମନ୍ କଲେ, ତମର୍ ମୁକ୍‌ତି ସିଦ୍ ଅଇବାଜାକ
 ତମେ ବିସ୍‌ବାସେ ଅଦିକ୍ ଅଦିକ୍ ବଡି ଆଇସା । ୩ ସାସ୍‌ତରେ ଲେକା

ଅଇଲାପାରା “କାଲକେ ବଇଲେ, ମାପୁରୁ ଜିବନ୍ ଦୁକାଇ ଦୟା କଲାଟା
 ତମେ ଜାନିସାରାଇ ଆଚାସ୍ ।” ୪ ଡେବର୍ପାଇ କିରିସ୍ତର୍ ଲଗେ ଆସା ।
 ସେ, ଗର୍ ତାଟ୍ କରବା ଜିବନ୍ ପାକ୍ନା ପାରା ଆଚେ । ଏ ପାକ୍ନା, କାଲ
 ମୁଲିଅ ନାଇ ବଲି, ଲକ୍ମନ୍ ଚାଡ଼ିଦେଇରଇଲା । ମାତର୍ ପର୍ମେସର୍
 ସେଟାକେସେ, ବେସି ମୁଲିଅ ରଇବାଟା ବଲି ବାଟିଆଚେ । ୫ ତାର୍
 ଲଗେ ଆଇଲାର୍ପାଇ ତମେ ଜିବନ୍ ରଇବା ପାକ୍ନାପାରା ଅଇଆଚାସ୍
 । କାଲକେବଇଲେ, ତମ୍ବକେ ଜଡ଼ିକରି ଗଟେକ୍ ଆତ୍ମା ରଇବା ମଣ୍ଡୁଲି
 ତିଆର୍ ଅଇଲାନି । ଆରି ପର୍ମେସର୍ ସୁକଲ୍ ରଇବା ପୁଜାରି ଇସାବେ
 ତମେ ତାକେ ସେବା କଲାସ୍ନି । ଜିସୁକିରିସ୍ତର୍ ଲାଗି ଏ ଆତ୍ମାର୍ ସେବା
 ପର୍ମେସର୍କେ ସାର୍ଦା କରାଇସି । ୬ ସାସ୍ତରେ କଇଲାପାରା “ଦେକା,
 ମୁଇ ସବୁର୍ତ୍ତେଅନି ଅଦିକ୍ ମୁଲିଅ ରଇବା ପାକ୍ନା ବାଟିଆଚି, ସେଟା ଗର୍
 କନର୍ ମୁଲ୍ପାକ୍ନା ଇସାବେ ସିୟୁନେ ସଞ୍ଜୁଆଚି କେ ଜଦି ତାକେ ବିସ୍ବାସ୍
 କରବାଇ, ସେ କେବେ ଲାଜ୍ ନଏ ।” ୭ ତମେ ବିସ୍ବାସି ଲକ୍ମନ୍ପାଇ, ଏ
 ପାକ୍ନା ବେସି ମୁଲିଅ ରଇବାଟା । ମାତର୍ ଜେଡ଼କି ଲକ୍ ବିସ୍ବାସ୍ କରଡ଼
 ନାଇ, ସାସ୍ତରେ ଲେକା ଅଇଲା ବିସଇ ସେମନ୍ ମନେ ରକ୍ବାର୍ ଆଚେ ।
 “ଗର୍ ତିଆର୍ କରୁମନ୍ ଜନ୍ ପାକ୍ନା ଚାଡ଼ିଦେଇରଇଲା, ସେ ପାକ୍ନାକେସେ
 ପର୍ମେସର୍ ସବୁର୍ଟାନେ ଅନି ମୁଲିଅ ରଇବା ପାକ୍ନା କଲାଆଚେ ।” ୮
 ସାସ୍ତରେ ଲେକା ଅଇଲା ଆରି ଗଟେକ୍ ବିସଇ ମିସା ସେମନ୍ ଏତାଇବାର୍
 ଆଚେ । “ଏ ପାକ୍ନା କେତେ ଲକ୍ପାଇ ବାଦା ଆନ୍ସି । ତେଇ ବେସି ଲକ୍
 ଜଟିଆଇ ଅଇ ଅଦର୍ବାଇ ।” “ସେମନ୍ ପର୍ମେସର୍ ବାକିଅ ବିସ୍ବାସ୍ ନ
 କଲାର୍ପାଇ ଜଟିଆଇ ଅଇ ଅଦର୍ବାଇ । ଏଟା ତାକ୍ପାଇ ପର୍ମେସର୍
 ଜଜ୍ନା ରଇଲା ।” ୯ ମାତର୍ ତମେ, ବାଟି ଅଇରଇବା ପର୍ମେସର୍ କୁଟୁମ୍
 । ଆରି ଆମର୍ ରାଜାର୍ ପୁଜାରି ଦଲ୍ । ପର୍ମେସର୍ ଚକିଡ଼ ଅଇଜିବା କାମ୍
 ଜାନାଇବାକେ ସେ ବାଟିରଇବା ତାର୍ ନିଜର୍ ଲକ୍ ଅଇଆଚାସ୍ । ଆନ୍ତୁର୍
 ବିଡ଼ରେ ଅନି ତାର୍ କାବା ଅଇଜିବା ଉଜଲେ ଜିବାକେ ସେ ତମ୍ବକେ ତାକି
 ଆଚେ । ୧୦ ଆଗେ ତମେ ତାର୍ ନିଜର୍ ଲକ୍ ନ ରଇଲାସ୍ । ମାତର୍ ଏବେ
 ତାର୍ ନିଜର୍ ଲକ୍ ଅଇଆଚାସ୍ । ଆଗେ ତାର୍ ଦୟା ପାଇ ନ ରଇଲାସ୍, ମାତର୍
 ଏବେ ପାଇଆଚାସ୍ । ୧୧ ଏ ମର୍ ମଇତର୍ମନ୍, ତମେ ଏ ଜଗତେ ବିଦେସି
 ପାରା ଆଚାସ୍ ଆରି ଚନେକର୍ ପାଇସେ ଇତି ରଇଲାସ୍ନି । ତମର୍ ଗାଗ୍ତେ

ରଈବା ପାପର ଗୁନଚଲନେ ଅନି ଆଇବା ସବୁ ରକାମ୍ କାରାପ୍ ମନ୍କରୁବା
 ଟାନେଅନି ଦୁରିକେ ରୁଆ । ୧୭ ତମର୍ ନଅରେ ରଈବା ବିସ୍ବାସ୍ ନ କରୁବା
 ଲକ୍ମନ୍ ଦେକ୍ବା ଇସାବେ ତମର୍ ଚଲାଚଲ୍ତି ନିକ ରଈବାରୁଆଚେ ।
 ସେନ୍ତାରି ରଈଲେ ସେମନ୍ ତମର୍ ବିରୁଦେ ନିନ୍ଦା କାତା କଇଲେ ମିସା, ତମେ
 କରିରଈବା ନିକ କାମ୍ ଦେକିକରି ପର୍ମେସର୍ ବାଉଡିଆଇବା ଦିନେ ତାକେ
 ଡାକ୍ପୁଟା କରୁବାଇ । ୧୩ ତମର୍ ଉପ୍ରେ ଅଦିକାର୍ କରୁବା ଲକ୍ମନ୍କେ
 ଆମର୍ ମାପୁରୁ ଲାଗି ମାନିକରି ରୁଆ । ସବୁରୁଟାନେଅନି ଅଦିକାର୍ ରଈବା
 ସାସନ୍କାରିଆକେ ମିସା ମାନିକରି ରୁଆ । ୧୪ ସବୁରୁଟାନେଅନି ବଡ୍
 ସାସନ୍କାରିଆ, ଜେ କି କାରାପ୍ କାମ୍ କରୁବା ଲକ୍ମନ୍କେ ତଣ୍ଟୁ ଦେବାକେ
 ଆରି ନିକ କାମ୍ କରୁବା ଲକ୍ମନ୍କେ ଡାକ୍ପୁଟା କରୁବାକେ ପାଟାଇଆଚେ,
 ତାକେ ମିସା ମାନିକରି ରୁଆ । ୧୫ କାଇକେବଇଲେ, ତମେ କରିରଈବା
 ନିକ କାମ୍ଲାଗି କାଇ ଲଡାକେ ନ ଆଇବା କାତା କଇବୁଲୁବା ଲକ୍ମନ୍କେ
 ରୁପ୍ କରାଇବାକେ ପର୍ମେସର୍ ମନ୍ କଲାନି । ୧୬ ତମେ ମୁକଲ୍ଲା
 ଲକ୍ମନ୍ ବଲି ତମର୍ ଜିବନର୍ ଚଲାଚଲ୍ତିତେଇ ଦେକାଆ । ମାତର୍
 ଆମ୍କେ ମୁକ୍ତି ମିଲ୍ଲାଆଚେ ବଲି କାଇଟା ମିସା କରୁ ବଲି ନ ବାବିକରି
 ପର୍ମେସର୍କେ ସେବା କରା । ୧୭ ସବୁ ଲକ୍ମନ୍କେ ସନ୍ମାନ୍ ଦିଆସ୍ ।
 ବିସ୍ବାସି ବାଇବଇନିମନ୍କେ ଆଲାଦ୍ କରା । ପର୍ମେସର୍କେ ମାନିକରି ରୁଆ
 । ଆରି ସବୁର୍ ଉପ୍ରେ ସାସନ୍କାରିଆକେ ସନ୍ମାନ୍ ଦିଆସ୍ । ୧୮ ତମର୍
 ବିତ୍ରେ ଜେଡ୍କି ଲକ୍ ଗତିଦାଢ୍ଢୁଡା ଅଇଆଚାସ୍, ତମର୍ ସାଉକାର୍ମନର୍
 କାତା ମାନିକରି ରୁଆ ଆରି ସେମନ୍କେ ପୁରାପୁରୁନ୍ ସନ୍ମାନ୍ ଦିଆସ୍ । ଦରମ୍
 ରଈବା ସାଉକାର୍ମନ୍ ରଈଲେ, କି ଟେରା ରଈବା ସାଉକାର୍ମନ୍କେ ମିସା
 ଏନ୍ତାରି କରୁଡେରୁଆ । ୧୯ ତମର୍ କାଇ ବୁଲ୍ ନ ରଈଲେ ମିସା ମୁର୍ଚିକରି
 ରଈଲେ, ତେଇ ପର୍ମେସର୍ ସାର୍ଦା ଅଇସି । କାଇକେବଇଲେ ତମେ
 ତାର୍ ମନ୍ କଲାଟା ସିଦ୍ କଲାସ୍ନି । ୨୦ ଜଦି ବୁଲ୍ କଲାର୍ପାଇ ଦୁକ୍କସ୍ଟ
 ମୁର୍ଚି କରି ତଣ୍ଟୁ ପାଇଲେ, ତେଇ ତମେ କଲା କରମ୍ସେ ପାଇଆଚାସ୍
 । ମାତର୍ ସତ୍କାମ୍ କରି ଦୁକ୍ କସ୍ଟ ମୁର୍ଚିଲେ, ସେଟା ପର୍ମେସର୍କେ
 ସାର୍ଦା କରାଇସି । ୨୧ ସେନ୍ତାରି ଚଲାଚଲ୍ତି କରୁବାକେ ପର୍ମେସର୍
 ତମ୍କେ ଡାକ୍ଲାଆଚେ । କିରିସ୍ଟ ତମ୍ପାଇ ଦୁକ୍କସ୍ଟ ମୁର୍ଚି କରି, ତମେ
 ଚଲାଚଲ୍ତି କରୁବାଟା ଦେକାଇଆଚେ । ୨୨ ସେ କେବେ ପାପ୍କରି ନ ରଈଲା

ଆରି ତାର ଟଣ୍ଡେଅନି ଗଟେକ୍ ମିସା ମିଚ୍‌କାତା ନ ବାରଇ ରଇଲା । ୨୩
 ଲକ୍‌ମନ୍ ତାକେ କିଜାଇଲାବେଲେ ସେ ନିନ୍ଦା କାତାକଇ ଟଣ୍ଡେ ଲାଗାଏ ନାଇ ।
 ତାକେ ଦୁକ୍ କସ୍‌ଟ ଦେଲାକେ ସେ ଦମ୍‌କାଏ ନାଇ । ମାତର୍ କାଇ ଅନିଆଇ
 ନ କର୍‌ବା ପର୍‌ମେସର୍‌କେ ସବୁ ବିସଇ ଚାଡ଼ିଦେଲା । ୨୪ ଆମେ ପାପ୍
 କଲାର୍‌ପାଇ ପାଇବା ଡଣ୍ଡେ କୁରୁସ୍‌କାଟେ ମରିକରି କିରିସ୍‌ଟ ନିଜେ ବଇନେଲା
 । ପାପ୍ କର୍‌ବାଟା ଚାଡ଼ିକରି ଦରମ୍ ଚଲାଚଲ୍‌ତି କର୍‌ବାକେ ସେ ଏନ୍ତାରି
 କଲା । ତାର୍ ଗାଗ୍‌ଡେ ମାରି ରଇବା ଗାଉର୍ ଲାଗି ଆମେ ନିକ ଅଇଆରୁ
 । ୨୫ ଆଗ୍‌ତୁ ତମେ ବାଟ୍ ବାନା ଅଇଲା ମେଣ୍ଟାପାରା ରଇଲାସ୍, ମାତର୍
 ଏବେ ସେ ତମ୍‌କେ ଡାକି ଆନିଆଟେ । ସେ ଆକା ତମ୍‌କେ ଜତନ୍‌କରି ତମ୍‌ର୍
 ଆତ୍‌ମାମନ୍‌କେ ଜାଗ୍‌ଲାନ୍ତି ।

୩ ସେନ୍ତାରିସେ ତମେ ବିବାଅଇ ରଇବା ଏ ମାଇଜିମନ୍, ନିଜର୍ ନିଜର୍
 ମୁନୁସ୍‌ମନ୍ କାତାମାନିକରି ରୁଆ । କାଇକେବଇଲେ ତାକର୍ ବିତ୍‌ରେ
 କେ ଜଦି ପର୍‌ମେସର୍‌ର୍ ବାକିଅ ବିସ୍‌ବାସ୍ ନ କରିରଅର୍, ତମ୍‌ର୍ ନିକ
 ଚଲାଚଲ୍‌ତି ଦେକିକରି ସେମନ୍ ମିସା ମନ୍ ବାଦ୍‌ଲାଇବାଇ । ତମ୍‌କେ ପଦେକ୍
 କଇବାକେ ନ ପଡେ । ୧ କାଇକେବଇଲେ ତମ୍‌ର୍ ସୁଆଲ୍ ଚଲାଚଲ୍‌ତି
 ଆରି ପର୍‌ମେସର୍‌କେ ମାନିକରି ରଇବାଟା ସେମନ୍ ଦେକ୍‌ବାଇ । ୩ ବିନ୍
 ମାଇଜିମନ୍ ଜେନ୍ତାରିକି, ପିନ୍ଦାଅତା ଅଇକରି, ସୁନାବାନା ପିନ୍ଦିକରି, ଚେଣ୍ଡି
 ସାଜାଡ଼ିକରି, ନିଜେ ସୁନ୍ଦର୍ ଅଇବାଇ, ତମେ ସେନ୍ତାରି ଉଆନାଇ । ୪ ମାତର୍
 ମନ୍‌ବିତ୍‌ରେ ସୁଆଲେ ରଇକରି ଆତ୍‌ମାଇ ସୁସାରେ ରଇବା ଗଟେକ୍ ମାଇଜି
 ପର୍‌ମେସର୍‌ ଦେକ୍‌ବା ଇସାବେ ସୁନ୍ଦର୍ । ସେନ୍ତାରି ସୁନ୍ଦର୍ ରଇବାଟା ବେସି
 ମୁଲିଅ ଆରି ସବୁଦିନର୍‌ପାଇ ରଇସି । ୫ ପୁର୍‌ବେ ରଇବା ସୁକଲ୍ ମାଇଜିମନ୍
 ଏନ୍ତାରିସେ ସେମନ୍ ଆସା କର୍‌ବାଟା ପର୍‌ମେସର୍‌କେ ସର୍‌ପିଦେଇ ନିଜର୍
 ମୁନୁସ୍‌ମନ୍ କାତା ମାନିକରି ସୁନ୍ଦର୍ ଅଇତେରଇଲାଇ । ୬ ପୁର୍‌ବେ ସାରା
 ସେନ୍ତାରି କର୍‌ତେରଇଲା । ସେ ତାର୍ ମନସ୍ ଅବ୍‌ରାଆମେକ୍ ନିଜର୍ ସାଉକାର୍
 ଇସାବେ କାତା ମାନିକରି ରଇଲା । ତମେ ଜଦି ସତ୍‌କାମ୍ କରି କାଇଟାର୍ ପାଇ
 ତରି ନ ରଇଲେ, ତମ୍‌କେ ମିସା ତାର୍ ଚକିମନ୍ ଇସାବେ ଲେକା କର୍‌ସି । ୭
 ସେନ୍ତାରିସେ ତମେ ବିବାଅଇରଇବା ଏ ମୁନୁସ୍‌ମନ୍, ନିଜର୍ ମାଇଜିମନ୍ ସଢ୍ଫ
 ବୁଜାମାନା ଅଇରୁଆ । କାଇକେବଇଲେ ସେମନ୍‌କେ ତମ୍‌ର୍‌ଟାନେଅନି ଉନା
 ବପୁଆଟେ । ସେମନ୍‌କେ ସନ୍‌ମାନ୍ ଦିଆସ୍, କାଇକେବଇଲେ ପର୍‌ମେସର୍‌

ଦେବା ନ ସାର୍ବବା ଜିବନ୍ ତମର୍ ସଞ୍ଜ ସେମନ୍‌କେ ମିସା ମିଲ୍‌ସି । ତମର୍
 ପାର୍ତନା କର୍ବାଟା ବାଦା ନ ଆଇବାକେ ଏ ସବୁ ଆଦେସ୍ ମାନିକରି ରୁଆ
 । ୮ ସାରାସାରି ତମର୍ ସବୁଲକର୍ ମନ୍ ଗଟେକ୍ ଅ । ଦୁକ୍‌ସୁକ୍ ବେଲେ
 ତମର୍ ତମର୍ ବିତ୍‌ରେ ମିସିବିଡି ରୁଆ । ନିଜର୍ ନିଜର୍ ବିତ୍‌ରେ ଆଲାଦ୍
 ଅଇକରି ସୁଆଲେ ରୁଆ । ୯ ତମର୍ ବିରୁଦେ କେ କାରାପ୍ କାମ୍ କଲେ ତାକେ
 ବେର୍ଦାରି ରୁଆନାଇ । ନିନ୍ଦାକାତା କଲଲେ ଚଣ୍ଡୁ ଲାଗାଆ ନାଇ । ତାର୍
 ବାଦୁଲେ ପର୍‌ମେସର୍ ସେମନ୍‌କେ ଦୟା ଦେକାଇବାକେ ପାର୍ତନା କରା ।
 କାଇକେବଇଲେ ସେ ତମ୍‌କେ ଡାକ୍‌ଲାବେଲେ ମୁଇ ତମ୍‌କେ ଆସିର୍‌ବାଦ୍
 କର୍‌ବି । ବଲି କାତା ଦେଇରଇଲା । ୧୦ ସାସ୍‌ତରେ ଲେକା ଅଇଲାପାରା,
 “ଗଟେକ୍ ଲକ୍ ଜଦି ତାର୍ ଜିବନେ ସାର୍‌ଦାର୍ ଦିନ୍ ଆରି ମଞ୍ଜୁଲର୍ ଦିନ୍
 ଦେକ୍‌ବିବଲି ମନ୍‌କଲେ, ସେ କାରାପ୍ କାତା ନ କଅ ଆରି ମିର୍ କାତା ନ
 କଅ । ୧୧ “ସେ କାରାପ୍ କାମ୍ ଚାଡିକରି, ନିକ ବିସଇ କର୍‌ବାର୍ ଆତେ ।
 ତାର୍ ସଞ୍ଜର୍ ଲକର୍ ସଞ୍ଜ ସୁସାରେ ରଇବାର୍‌ଆତେ ।” ୧୨ କାଇକେବଇଲେ
 ଦରମ୍‌ଲକ୍‌କେ ମାପ୍‌ରୁ ଜାଗିଲାଗିରଇସି । ସେମନ୍ ପାର୍ତନା କଲାଟା ସୁନ୍‌ସି
 ଜେଡ୍‌କି ଲକ୍ କାରାପ୍ ବିସଇ କର୍‌ବାଇ ସେମନ୍‌କେ ବିରଦ୍ କର୍‌ସି । ୧୩
 ତମେ ଜଦି ନିକ କାମ୍ କର୍‌ବାକେ ମନ୍ କଲେ, ତମର୍ ବିରଦେ କେ ମିସା
 କାରାପ୍ କାମ୍ ନ କରଡ୍ । ୧୪ ସଦ୍ କାମ୍ କରି ମୁର୍ତ୍ତି ରଇଲେ ତମେ
 କେଡେକ୍ କରମର୍ ଲକ୍ । ଜନ୍ ଲକ୍‌ମନ୍ ତମ୍‌କେ କସ୍‌ଟ ଦେଲାଇନି,
 ସେମନ୍‌କେ ଡରିକରି ଚିନ୍ତା କରାନାଇ । ୧୫ ମାତର୍ କିରିସ୍‌ଟକେ ମାପ୍‌ରୁବଲି
 ଡାକ୍‌ପୁଟା କରା ଆରି ସନ୍‌ମାନ୍ ଦିଆସ୍ । ବିସ୍‌ବାସି ଇସାବେ, ତମେ ଆସା
 କର୍‌ବା ବିସଇ କେ ମିସା ପାତାର୍‌ଲେ, ସେମନ୍‌କେ ବାତାଇବାକେ ଜାଗ୍‌ରଡ୍
 ଅଇରୁଆ । ୧୬ ମାତର୍ ମନ୍‌ବିତ୍‌ରେ ସୁଆଲ୍ ରଇକରି, ସନ୍‌ମାନ୍ ଦେଇକରି
 କାତାଉଆ । ତମର୍ ବିବେକ୍ ତମ୍‌କେ ଦସି ନ କର । ଜେନ୍ତୁରିକି ତମର୍
 ନିକ ତଲାତଲ୍‌ତି ବିରୁଦେ ଜେଡ୍‌କି ଲକ୍ ନିନ୍ଦା କର୍‌ବାଇ, ତାକର୍ କାତାଇସେ
 ସେମନ୍ ଲାଜ୍ ଅଇବାଇ । ୧୭ କାଇକେବଇଲେ ତମେ ନିକ କାମ୍ କଲାର୍
 ଲାଗି ଦୁକ୍ କସ୍‌ଟ ମୁରର୍‌ବାକେ ପର୍‌ମେସର୍ ଜଦି ମନ୍ କଲେ, ସେନ୍ତୁରି
 ଅଇବାଟା ନିକ । କାରାପ୍ କରି ଦୁକ୍ କସ୍‌ଟ ମୁରର୍‌ବା ବାଦୁଲେ, ସେଟା ନିକ
 । ୧୮ କିରିସ୍‌ଟ ମିସା ଆମର୍ ପାପର୍‌ଲାଗି ଏକାତରେକ୍ ସବୁଲକର୍‌ପାଇ
 ଦୁକ୍‌କସ୍‌ଟ ଅଇ ମୁର୍ତ୍ତିକରି ମଲା । ସେ ଦରମ୍ ରଇ ପାପ୍‌କରିରଇବା

ଲକ୍ଷ୍ମୀଙ୍କ ପରମେସ୍ୱର ଲଗେ ଆନୁବାକେ ମରିଜାଇରଇଲା । ଲକ୍ଷ୍ମୀ
 ତାର ଗାଗଡ଼ ମରାଇଲା, ମାତର ତାର ଆତ୍ମା ଜିବନ୍ ଅଇଆତେ । ୧୯
 ମଲା ଲକ୍ଷ୍ମୀଙ୍କ ଆତ୍ମା ବନ୍ଧୁଅଇରଇବା ଜାଗାଇ, ଆତ୍ମାର ଇସାବେ ସେ
 ସୁର୍ କବର ଜାନାଇଲା । ୨୦ ଏ ବନ୍ଧୁ ଆତ୍ମାମନ୍ ପୁରବେ ନଅର୍ ବେଲେ
 ପରମେସ୍ୱର କାତା ନ ମାନୁଲୀଟାମନ୍ । ସେତୁକିବେଲେ ନଅ ବଡ଼ ତଢ଼ା
 ତିଆର୍ କରତେରଇଲା । ତାର କାତା ଲକ୍ଷ୍ମୀ ବିସ୍ୱାସ୍ କରବାଇ ବଲି
 ପରମେସ୍ୱର ମୁରୁଚିକରି ରଇଲା । କାଇକେବଇଲେ, ଏକାଇ ଆତ୍ ଲକ୍ଷ୍ମୀ
 ସେ ପାନିତେଇ ବୁଡ଼ନ୍ନାଇ । ସେମନ୍ ତଢ଼ା ତଗିରଇଲା ଆରି ରକିଆ
 ପାଇଲା । ୨୧ ସେ ପାନି ଆମର୍ ତୁବନ୍ ବିସଇ ଜାନାଇଲାନି । ତମେ
 ତୁବନ୍ ନେଲାକେ ତମର୍ ଗାଗଡ଼ ମୁରୁକି ଦଇଅଇଲାର୍ ପାଇ ନଏଁ, ମାତର
 ଗଟେକ୍ ନିକ ବିବେକ୍ ସଢ଼ୁ ପରମେସ୍ୱରକେ ଦେଇରଇଲା କାତାର୍ ଲାଗି
 ତମ୍ବେ ମୁକ୍ତି କରସି । ଜିସୁ କିରିସ୍ଟ ମଲାତେଇଅନି ଜିବନ୍ ଅଇକରି
 ଉର୍ଲାକେ ଏଟା ଅଇସି । ୨୨ ସେ ସର୍ଗେ ବାଉତି ଜାଇ ପରମେସ୍ୱର
 ଉଜାବାଟେ ଆତେ । ସର୍ଗେ ରଇବା ସବୁ ଦୁର୍, ଅଦିକାର୍ ଆରି ବପୁ ଉପ୍ରେ
 ସେ ସାସନ୍ କଲାନି ।

୪ କିରିସ୍ଟ ନିଜର୍ ଗାଗଡ଼େ ଦୁକ୍ତକ୍ଷ୍ମ ମୁରୁଚିକରି ଜେନ୍ତୁରି ତିନ୍ତା କରତେ
 ରଇଲା, ତମେମିସା ସେନ୍ତୁରି ତିନ୍ତାକରି ତାଟ୍ ଉଆ । କାଇକେବଇଲେ ଜେ
 ଗାଗଡ଼େ ଦୁକ୍ତକ୍ଷ୍ମ ମୁରୁସି, ସେ ଆରି ପାପ୍ କରବାକେ ମନ୍ ନ କରେ ।
 ୨ ତେବର୍ପାଇ ତମର୍ ମନ୍କେ ଜାଗରତ୍ କରା । ଜେନ୍ତୁରିକି, ଏବେ ଅନି
 ତମର୍ ମରନ୍ ଜାକ, ପରମେସ୍ୱର ମନ୍ କଲା ଇସାବେ ତଲାତଲ୍ତି କରସା
 । ତମର୍ ପାପର୍ ଗୁନ୍ ତଲନ୍ ଇସାବେ କରାନାଇ । ୩ କାଇକେବଇଲେ
 ପରମେସ୍ୱରକେ ନାଜାନ୍ଲା ଲକ୍ ଜନ୍ଟା କରବାକେ ମନ୍ କରବାଇ, ସେନ୍ତୁରି
 ତମେମିସା କରତେ ରଇଲାସ୍ । ଆରି ସେନ୍ତୁରି କରି କିରି ରୁଟାଇ ରୁଟାଇ ଦିନ୍
 ଗଲା । ତମର୍ ଗାଗଡ଼ର୍ ପାପେରଇବା ଗୁନ୍ତଲନ୍ ଇସାବେ ଲାଜର୍ ବିସଇ,
 ପାଦ୍ରା କାମ୍ କରବାକେ ମନ୍ କରବା ବିସଇ, ମାତିରଇବା ବିସଇ, କରାପ୍
 ବିସଇଟାନେ ମଜାମଜ୍ଲିସ୍ କରବା ବିସଇ ଆରି ପରମେସ୍ୱର ଗିନ୍କରବା
 ପୁଡ଼ଲା ପୁଜା କରବାଟାମନ୍ କରତେରଇଲାସ୍ । ୪ ମାତର୍ ଏବେ, ବିସ୍ୱାସ୍ ନ
 କଲା ଲକ୍ଷ୍ମୀ କାବାଅଇଗାଲାଇନି ଆରି ତମ୍ବେ ନିନ୍ତୁର୍ କାତା କଇଲାଇନି
 । କାଇକେବଇଲେ ସେମନ୍ କିରିରଇବା କାରାପ୍ ମଜାମଜ୍ଲିସ୍ ବିସଇତେଇ

ତମେ ମିସାସ୍ ନାଲ । ୫ ମାତର୍ ସେମନ୍ ନିଜେ ପର୍ମେସର୍‌କେ ଇସାବ୍
 ଦେବାକେ ପଡ଼ସି । ସେ ବଞ୍ଚିରଇବା ଆରି ମରିରଇବା ସବୁକେ ବିଚାର୍
 କର୍ବାକେ ଜାଗିଆଚେ । ୬ ସେଟାର୍‌ପାଇ ସୁବ୍‌କବର୍ ମରିରଇବା ଲକ୍‌ମନ୍‌କେ
 ମିସା ଜାନାଇରଇଲାଲ । କାଇକେବଇଲେ ସବୁଲକ୍‌ମନ୍ ପାଇବା ଡଣ୍ଟୁ
 ସେମନ୍ ପାଇରଇକରି ମରିରଇଲେ ମିସା ତାକର୍ ଆତ୍ମା ପର୍ମେସର୍‌
 ପାରା ବଞ୍ଚିବାକେ ସୁବ୍ କବର୍ ଜାନାଇରଇଲାଲ । ୭ ମାତର୍ ସବୁ ବିସଇ
 ସାର୍‌ବା ବେଲା ଲଗେ କେଟ୍‌ଲାବେ । ତେବର୍‌ପାଇ ନିଜେ ଜାଗରଡ଼ ରୁଆ
 ଏନ୍ତାରି କଲେ ତମେ ନିକସଞ୍ଜ ପାର୍‌ତନା କରିପାରାସ୍ । ୮ ସବୁର୍‌ଟାନେଅନି
 ମୁକିଅ ବିସଇ ଅଇଲାନି ତମର୍ ତମର୍ ବିତ୍ରେ ଆଲାଦ୍ କରାକରି ଅଇବାଟା
 । କାଇକେବଇଲେ, ସେନ୍ତାରି ଆଲାଦ୍ କଲେ, ତମର୍ ତମର୍ ପାପ୍ ବିସଇ
 ତିନ୍ତା ନ କରି ମୁର୍ଚିକରି କେମା ଦିଆଦିଇ ଅଇସା । ୯ ତମର୍ ବିତ୍ରେ
 ମୁର୍‌ମୁରା ନଅଇ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଗତିଆ କରି ତାକାଡାକି
 ଉଆ । ୧୦ ତାକେ ବିସ୍‌ବାସ୍ କର୍ବା ସବୁଲକ୍‌କେ ପର୍ମେସର୍ ବିନ୍ ବିନ୍
 ଦାନ୍ ସର୍‌ପିଦେଲା ଆଚେ । ଗଟେକ୍ ବିସ୍‌ବାସ୍ ରଇବା ଗତିଦାଞ୍ଜୁଡା ପାରା
 ସେ ଦେଇରଇବା ଦାନ୍ ବିନ୍ ଲକର୍ ମଞ୍ଜୁଲ୍ ଅଇବାକେ ଦିଆସ୍ । ୧୧ ଜନ୍
 ଲକ୍‌ମନ୍ କବର୍ ଜାନାଇଲାଲନି, ଆମେ ପର୍ମେସର୍‌ କବର୍ ଜାନାଇଲୁନି,
 ବଲି ଜାଗରଡ଼ ରଇବାର୍ ଆଚେ । ଜନ୍ ଲକ୍‌ମନ୍ ତାକର୍ ବାଇବଇନିମନ୍‌କେ
 ସେବା କଲାଲନି, ଆମେ ପର୍ମେସର୍ ବପୁ ଦେଲାକେସେ, ସେବାକଲୁନି
 ବଲି ଏତାଅଡ଼ । ତମେ କରିରଇବା ସବୁ କାମେ ଜିସୁକିରିସ୍‌ଟ୍‌ଟାନେଅନି
 ପର୍ମେସର୍ ଡାକ୍‌ପୁଟା ପାଅ । ସେ ଆକା କାଲ୍ କାଲ୍ ଜୁଗ୍ ଜୁଗ୍ ମଇମା ଆରି
 ବପୁ ପାଇସି । ଆମେନ୍! (aiōn g165) ୧୨ ଏ ମର୍ ମଇତର୍‌ମନ୍, ତମେ ବେସି
 ଦୁକ୍ କସ୍‌ଟ୍ ମୁର୍ଚିକରି ରଇବାବେଲେ କାବାଅଇଜିବାର୍ ନାଲ । ନ ଅଇବା
 ବିସଇ ମକେ କେନ୍ତାରି ଗଟ୍‌ଲାନି ବଲି ବାବ୍‌ବାର୍ ନାଲ । ୧୩ ତାର୍ ବାଦୁଲେ,
 କିରିସ୍‌ଟ୍ ଦୁକ୍ କସ୍‌ଟ୍ ମୁର୍ଚିକରି ରଇଲାର୍ ପାରା ତମ୍‌କେ ମୁରର୍‌ବାକେ
 ଆଇଲେ, ସାର୍‌ଦା ଉଆ । ଜନ୍ ଦିନେ ସେ ତାର୍ ଡାକ୍‌ପୁଟା ଦେକାଇସି,
 ସେ ଦିନେ ତମେ ଅଦିକ୍ ସାର୍‌ଦା ଅଇସା । ୧୪ କିରିସ୍‌ଟ୍ ସିସ୍ ଅଇଲାର୍
 ପାଇ ଲକ୍‌ମନ୍ ତମ୍‌କେ ନିନ୍ତା କଲେ, ତମେ କେଡେକ୍ କରମର୍ ଲକ୍!
 କାଇକେବଇଲେ ବେସି ମଇମା ରଇବା ପର୍ମେସର୍‌ ଆତ୍ମା ତମର୍‌ଟାନେ
 ଆଚେ ବଲି ଜାନିପାର୍‌ସା । ୧୫ ତମର୍ ବିତ୍ରେ ଜଦି କେ ମିସା ନର୍ ମାର୍‌ଲାର୍

ପାଇ ନଇଲେ ଚର୍ ଅଇଲାର୍ ପାଇ କି ନିୟମ୍ ନ ମାନିଲାର୍ପାଇ କି ବିନ୍
 ଲକର୍ ବିସଇତେଇ ମୁଣ୍ଟୁ ପୁରାଇଲାର୍ପାଇ ଦୁକ୍ କସ୍ଟ ପାଆନାଇ । ୧୭
 ମାତର୍ କିରିସ୍ଟକେ ବିସ୍ବାସକରି ଜଦି ଦୁକ୍ କସ୍ଟ ପାଇଲେ ଲାଜ୍ ନ ଅଇ
 ପର୍ମେସର୍କେ ଡାକ୍ପୁଟା କରା । କାଇକେବଇଲେ ତମ୍‌କେ କିରିସ୍ଟର୍ ଲକ୍
 ଇସାବେ ଲେକାଅଇଲା ଆଚେ । ୧୭ କାଇକେବଇଲେ ପର୍ମେସର୍ ସବୁ
 ଲକ୍‌କେ ବିଚାର୍ କରବାଦିନ୍ ଲଗେ କେଟ୍‌ଲା ଆଚେ । ଆରି ସେ ତାର୍ ନିଜର୍
 ଲକ୍‌କେ ପର୍‌ତୁମ୍ ବିଚାର୍ କରସି । ଜଦି ସେଟା ଆମର୍ ସଙ୍ଗୁ ଆରାମ୍ ଅଇଲେ,
 ତାର୍ ସୁବ୍ କବର୍ ଚାଡିଦେଲା ଲକ୍‌ମନର୍ ଦସା କେନ୍ତୁର୍ ଅଇସି? ୧୮ ଦରମ୍
 ସାସ୍ତରେ ଲେକାଅଇଲାପାରା, “ଜଦି ଦରମ୍ ଲକ୍ ମୁକ୍ତି ପାଇବାଟା ଆବଡ୍
 ପର୍ମେସର୍‌ର ବିସଇ କାଇ ଚିନ୍ତା ନ କରବା ପାପିମନର୍ ବିସଇ କେନ୍ତୁର୍
 ରଇସି?” ୧୯ ତେବର୍ପାଇ ପର୍ମେସର୍ ମନ୍ କଲାକେ ତମେ ଜଦି ଦୁକ୍
 କସ୍ଟ ମୁର୍ଚିକରି ଆଚାସ୍, ସେନ୍ତୁର୍ ଆଲେ ନିକ କାମ୍ କରବାକେ ଲାଗିରୁଆ
 ଆରି ନିଜେ ତାକେ ସର୍ପିଉଆ । ସେ କାତା ଦେଇରଇଲାଟା ସିଦ୍ କରସିଆକା
 ।

୫ ତମର୍ ମଣ୍ଟୁଲିର୍ ପାର୍‌ଚିନ୍‌ମନ୍‌କେ ଗଟେକ୍ ବିସଇ କଇବାକେ ମୁଇ
 ମନ୍ କଲିନି । କାଇକେବଇଲେ ମୁଇ ମିସା ଗଟେକ୍ ପାର୍‌ଚିନ୍ । କିରିସ୍ଟ
 ଦୁକ୍‌କସ୍ଟ ମୁରଲ୍‌ଗା ମୁଇ ଦେକିଆଚି । ଆରି ତାର୍ ଡାକ୍‌ପୁଟା ଜାନାଇବା
 ଦିନେ ମୁଇ ମିସା ତେଇ ମିସ୍‌ବି । ମୁଇ ତମ୍‌କେ ବାବୁଜିଆ କଲିନି, ୨ ତମେ
 ଦେକାରକା କରବା ବିସ୍‌ବାସିମନ୍‌କେ ଜତନ୍ କରା । କାଇକେବଇଲେ ସେମନ୍
 ପର୍ମେସର୍‌ର ମେଣ୍ଟୁରାସି ପାରା । ପର୍ମେସର୍ ସେ ଲକ୍‌ମନ୍‌କେ ତମ୍‌କେ
 ସର୍ପିଦେଇଆଚେ । ତମେ ସାର୍‌ଦାସଙ୍ଗୁ ତାକର୍ ଜତନ୍ ନେବାର୍‌ଆଚେ
 । କାଇକେବଇଲେ ସେଟା ସେ ମନ୍ କଲାନି । ତାରୁ ଆସା ଅଇକରି
 ଏ କାମ୍ କରବାର୍ ନାଇ । ତାର୍‌ବାଦୁଲେ, ପର୍ମେସର୍‌କେ ଆରି ତାର୍
 ଲକ୍‌ମନ୍‌କେ ସେବାକରବାକେ ମନ୍ କରି ସେଟା କରା । ୩ ତମେ ଦେକାରକା
 କରବା ଲକ୍‌ମନ୍‌କେ ବାଦିଅ କରାନାଇ । ତାର୍ ବାଦୁଲେ ତମର୍ ନିକ
 ତଲାଚଲ୍‌ତି ଦେକି ସେମନ୍ ସିକଡ୍ । ୪ ଆରି ଜେତେବେଲେ ଜିସୁକିରିସ୍ଟ
 ଜେ କି ସବୁ ବିସ୍‌ବାସିମନର୍ ବଡ୍ ନେତା ଦେକାଇ ଅଇସି, ଉଜଲ୍ ଉନା
 ନ ଅଇବା ଡାକ୍‌ପୁଟାର୍ ପୁରୁସ୍କାର୍ ତମ୍‌କେ ଦେଇସି । ୫ ସେନ୍ତୁରିସେ ଏ
 ଦାଢ଼ୁତାମନ୍, ତମେ ବଡ୍‌ଲକ୍‌ମନର୍ କାତା ମାନିକରିରୁଆ । ମନ୍ ବିଡ୍‌ରେ

ସୁଆଲ୍ ରଇ ଗଟେଲକ୍ ଆରି ଗଟେଲକ୍‌କେ ସେବା କରାକରି ଅଇରୁଆ ।
 । କାଇକେବଇଲେ ସାସ୍ତରେ ଲେକା ଅଇଲାଆତେ ବଡ଼ପନ୍ ଅଇବା
 ଲକ୍‌ମନ୍‌କେ ପର୍ମେସର୍ ବିରଦ୍ କର୍ସି, ମାତର୍ ମନେ ମନେ ସୁଆଲ୍
 ରଇବା ଲକ୍‌ମନ୍‌କେ ଦୟା ଦେକାଇସି । ୭ ସବୁର୍ଟାନେ ଅନି ବପୁ ରଇବା
 ପର୍ମେସର୍‌କେ ନିଜେ ସର୍ପିଉଆ । ତାର୍ ସମାନ୍ ବେଲାଇ ସେ ତମ୍‌କେ
 ଉଟାଇସି । ୭ ତମ୍‌ର୍ ସବୁଜାକ ଚିନ୍ତା କର୍ବାଟା ପର୍ମେସର୍‌କେ ସର୍ପି
 ଦିଆସ୍, କାଇକେବଇଲେ, ସେ ତମ୍‌କେ ଜତନ୍ କଲାନି । ୮ ଜାଗର୍ତା
 ଅଇକରି ଜାଗିରୁଆ, କାଇକେବଇଲେ ଆମର୍ ସତ୍‌ରୁ ସଇତାନ୍ କାକେ ମିସା
 ଗିଲ୍‌ବି ବଲି ଅଡ଼ି ବୁଲ୍‌ଲାନି । ୯ ବିସ୍‌ବାସେ ତାଟ୍ ରଇକରି ତାକେ ବିରଦ୍
 କରା । ଗୁଲାଇ ଦୁନିଆଇ ରଇବା ତମ୍‌ର୍ ବିସ୍‌ବାସି ବାଇବଇନିମନ୍, ଏନ୍ତାରି
 ଦୁକ୍ କସ୍‌ଟ୍ ପାଇ ମୁରୁଲାଇନି ବଲି ତମେ ଜାନିଆତାସ୍ । ୧୦ ଚନେକର୍
 ଆଇବା ଦୁକ୍‌କସ୍‌ଟ୍ ମୁରୁତି ସାରାଇଲେ, ତମ୍‌କେ ପର୍ମେସର୍ କାଇ ଦସ୍ ନ
 ରଇବା, ତାର୍ ସିଦ୍ ଲକ୍ କରାଇସି । ତମ୍‌ର୍ ବିସ୍‌ବାସ୍ ତାଟ୍ ଅଇବାକେ ସେ
 ତମ୍‌କେ ବପୁ ଦେଇସି । ଆରି ତମ୍‌କେ ନିକ କୁନାଦି ପାରା ତିଆର୍ କର୍ସି ।
 କିରିସ୍‌ଟର୍ ସଙ୍ଗେ ମିସ୍‌ଲାର୍‌ପାଇ, ତାର୍ ନ ସାର୍‌ବା ମଇମାତେଇ ମିସ୍‌ବାକେ
 ତମ୍‌କେ ଡାକ୍‌ଲାଆତେ । ସେ ତମ୍‌କେ ଜିବନ୍ ଦୁକାଇ ଦୟା କରି ଏ ସବୁ
 ବିସଇ କଲାଆତେ । (aiōnios g166) ୧୧ ତାକେ ସବୁର୍ଟାନେଅନି ବପୁଆତେ,
 ସେ ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କର୍ସି । ଆମେନ୍ । (aiōn g165) ୧୨
 ଏ ଅଲପ୍ ବିସଇର୍ ତିଟି ଲେକ୍‌ବାକେ ସିଲା ମକେ ସାଇଜ କିରିରଇଲା ।
 ସେ ଗଟେକ୍ ଆମର୍ ବିସ୍‌ବାସି ବାଇ । ତମ୍‌ର୍ ବିସ୍‌ବାସ୍ ତାଟ୍ କରାଇବାକେ
 ଆରି ପର୍ମେସର୍ ତାର୍ ଜିବନ୍ ଦୁକାଇ ଦୟା ଦେକାଇଲାଟା ତମେ ସତଇସେ
 ଜାନ୍‌ଲାସ୍‌ନି ବଲି ଟିକ୍ କର୍ବାକେ ମୁଇ ଏ ତିଟି ଲେକ୍‌ଲିନି । ତାର୍ ଜିବନ୍
 ଦୁକାଇଲାଟାନେ ତମେ ତାଟ୍ ସଙ୍ଗେ ରୁଆ । ୧୩ ବାବିଲନେ ରଇବା ତମ୍‌ର୍
 ବିସ୍‌ବାସି ବାଇବଇନିମନ୍ ତାକର୍ ଜୁଆର୍ ଜାନାଇଲାଇନି । ପର୍ମେସର୍
 ସେମନ୍‌କେ ବାଟ୍‌ଲାଆତେ । ମାର୍‌କ ଜାକେ କି ମର୍ ପଅ ଇସାବେ ଦେକ୍‌ଲିନି,
 ସେମିସା ତାର୍ ଜୁଆର୍ ଜାନାଇଲାନି । ୧୪ ତମ୍‌ର୍ ବିତ୍‌ରେ ଆଲାଦ୍ ଆତେ
 ବଲି ଦେକାଇବାକେ ଆତେ ଦାରି ଜୁଆର୍ କରାକରିଉଆ । କିରିସ୍‌ଟର୍‌ତେଇ
 ଜେଡ୍‌କି ଲକ୍ ମିସ୍‌ଲାଇଆତଡ୍ ସେମନ୍ ସବୁ ଲକ୍‌କେ ସାନ୍ତି ମିଲ ।

୨ ଯ ପିତର

୧ ମୁଁ ଯିମନ୍ ପିତର, ଜିସୁକିରିସ୍ତର ଗଟେକ୍ ଗତିଦାଞ୍ଜୁଡ଼ା ଆରି ପେରିତ୍ ଅଇଆତି । ଆମେ ଜେନ୍ତି ଜିସୁକିରିସ୍ତକେ ବିସ୍ବାସ୍ କରିଆରୁ, ସେନ୍ତୁରି ବିସ୍ବାସ୍ କରବା ଲକ୍ମନ୍କେ ଏ ଚିଟି ଲେକ୍ଲିନି । ସେ ଆମର୍ ପର୍ମେସର୍ ଆରି ମୁକ୍ତିକାରିଆ । ତାକେ ବିସ୍ବାସ୍ କରବାକେ ସେ ଆକା ଆମ୍ବକେ ବପୁଦେଲାଆଚେ । ସେ କରବା ସବୁ କାମ୍ ଟିକ୍ ଆରି କାଇ ଅନିଆଇ ନାଇ । । ୨ ପର୍ମେସର୍କେ ଆରି ଆମର୍ ମାପୁରୁ ଜିସୁକିରିସ୍ତକେ ତମେ ଜାନ୍ଲାର୍ ପାଇ ତାର୍ ସାନ୍ତି ଆରି ସେ ଜିବନ୍ ଦୁକାଇ ଦୟା କଲାଟା ତମ୍ବକେ ମିଲି । ୩ ତାକେ ସାର୍ଦା କରାଇଲାପାରା ଚଲାଚଲ୍ତି କରବାକେ ସେ ଆମ୍ବକେ ଲତାକେ ଆଇବା ସବୁ ବିସଇ ଦେଲାଆଚେ । ତାର୍ ବପୁର୍ଲାଗି ସେ ଆମ୍ବକେ ଏଟା ଦେଲାଆଚେ ଆରି ଆମେ ତାକେ ଜାନ୍ଲାର୍ପାଇ ମିସା । ତାର୍ ମଇମାଇ ଆରି ଦରମେ ମିସ୍ବାକେ ସେ ସେ ଆମ୍ବକେ ଡାକିଆଚେ । ୪ ତାର୍ ମଇମା ଆରି ଦରମର୍ ଲାଗି ସେ ଆମ୍ବକେ ବେସି ବଡ୍ ଆରି ବେସି ମୁଲିଅ ରଇବା ଦାନ୍ ଦେଲାଆଚେ । କିରିସ୍ତକେ ବିସ୍ବାସ୍ ନ କଲା ଲକ୍ମନ୍ ଜେନ୍ତିକି କାରାପ୍ ବିସଇ କରବାକେ ମନ୍ କରବାଇ, ସେନ୍ତୁରି ମନ୍କରବା ଟାନେଅନି ମୁକ୍ଲାଇବାକେ ସେ ଆମ୍ବକେ ଏନ୍ତୁରି କଲାଆଚେ । ଏ ସବୁ ବିସଇ ତାକର୍ ମନ୍କେ ନସାଇସି । ମାତର୍ ତମେ ପର୍ମେସର୍ ପାରା ଦରମ୍ ଅଇପାର୍ସା । ୫ ତେବେ କିରିସ୍ତକେ ବିସ୍ବାସ୍ କଲାର୍ ପାଇ ନିକ ଚଲାଚଲ୍ତି କରବାକେ ଚେସ୍ଟା କରା । ଏଟାର୍ ସଞ୍ଜ୍, ଗିଆନ୍ ସଞ୍ଜ୍ ଜିଉନାକାଉନା କରବାକେ, ୬ ଜିଉନାକାଉନା ସଞ୍ଜ୍ ନିଜେ ଜାଗ୍‌ରଡ୍ ଅଇରଇବାକେ, ଜାଗ୍‌ରଡ୍ ରଇକରି ମୁର୍ଚି ରଇବାକେ, ମୁର୍ଚିକରି ରଇ ପର୍ମେସର୍କେ ସାର୍ଦା କରବା ଗୁନ୍‌ଚଲନ୍ କରବାକେ, ୭ ଗୁନ୍‌ଚଲନ୍‌ସଞ୍ଜ୍ ବାଇବଇନିକେ ଆଲାଦ୍ କରବାକେ, ବାଇବଇନିକେ ଆଲାଦ୍ କରି ସବୁଲକ୍‌କେ ଆଲାଦ୍ କରବାକେ ଚେସ୍ଟା କରା । ୮ ତମର୍ ଚଲାଚଲ୍ତି ଜଦି ଏନ୍ତୁରି ଅଦିକ୍ ଅଦିକ୍ ଅଇ ଆଇଲେ, ଆମର୍ ମାପୁରୁ ଜିସୁକିରିସ୍ତକେ ଜାନ୍‌ବା ବିସଇତେଇ ତମେ ଅଦିକ୍ ଅଦିକ୍ ବଡିଆଇସା । ୯ ଜଦି ଗଟେକ୍ ଲକ୍ ଏନ୍ତୁରି ଜିଉନାକାଉନା ନ କଲେ, ସେ ଗଟେକ୍ ନିକ ନ ଡିସ୍ବା ଲକର୍ପାରା ଅଇଆଚେ । ସେ ପୁର୍ବେ କରିରଇଲା ପାପର୍ ଲାଗି ପର୍ମେସର୍ କେମା ଦେଲାଆଚେ ବଲି ପାସ୍‌ରିଦେଇ ଆଚେ । ୧୦ ତେବର୍ପାଇ ଏ ମର୍ ବାଇବଇନିମନ୍, ନିକ

ଚଳାଚଳୁଟି କର୍ବାକେ ଚେସ୍ଟା କରା । ସେନ୍ତ୍ରାକଲେ ପର୍ମେସର୍ ତମ୍ବେ
 ବାଟିକରି ତାର୍ ଲକ୍ ଅଇବାକେ ତାକ୍ଲାଆଚେବଲି ସବୁଲକ୍‌କେ ଡିସ୍‌ସି ।
 ଏ ସବୁ ବିସଇ କଲେ ତମେ କେବେ ମିସା ତାର୍‌ତେଇଅନି ବିନ୍‌ବାଟେ ନ
 ଜାଆସ୍ । **୧୧** ଆମର୍ ମାପ୍‌ରୁ ଜିସୁକିରିସ୍‌ଟ୍ କେବେ ନ ସାର୍‌ବା ରାଇଜେ
 ପର୍ମେସର୍ ତମ୍ବେ ସାର୍‌ଦା ସଞ୍ଜୁ ତାକିନେଇସି । (aiōnios g166) **୧୨** ଏ
 ସବୁ ବିସଇ ତମେ ଜାନିରଇଲେ ମିସା, ଆରି ପାଇଲା ସତ୍ ବିସଇଟାନେ
 ତାଟ୍ ଆତାସ୍ ମିସା, ଏ ସବୁ ବିସଇ ତମ୍ବେ ଏତାଇଦେଇତେ ରଇବି । **୧୩**
 ମୁଇ ବଠିରଇବା ଜାକ ଏ ସବୁ ବିସଇ କାତା ଅଇବାଟା ନିକ । ଜେନ୍ତୁକି
 ତମେ ସେଟା ଆରି ନ ପାସ୍‌ରାସ୍ । **୧୪** ମର୍ ଜିବନ୍ ଦାପ୍‌ରେ ସାରିଜାଇସି
 ବଲି ମୁଇ ଜାନି । କାଇକେବଇଲେ ଆମର୍ ମାପ୍‌ରୁ ଜିସୁକିରିସ୍‌ଟ୍ ମକେ
 ନିକସଞ୍ଜୁ ଜାନାଇଆଚେ । **୧୫** ଏ ସବୁ ବିସଇ ତମ୍ବେ ଏତାଇଦେବାକେ ମୁଇ
 ବେସି ଆବତ୍ ଅଇଲିନି । ଜେନ୍ତୁରିକି ମୁଇ ମଲାପତେ ମିସା ଏ ସବୁ ବିସଇ
 ଏତାଇସା । **୧୬** ଆମର୍ ମାପ୍‌ରୁ ଜିସୁକିରିସ୍‌ଟ୍ ତାର୍ ସବୁ ବପୁର୍‌ସଞ୍ଜୁ ବାଉଡି
 ଆଇସି ବଲି ତମ୍ବେ କଇରଇଲୁ । ସେଟା ବିନ୍ ଲକ୍ ତାକର୍ ତାଲାକିକରି
 ଡିଆର୍‌କଲା ଗଟେକ୍ କାତାନି ନଏ । **୧୭** ଆମେ ନିଜେ ଆଁକିସଞ୍ଜୁ ତାର୍ ମଇମା
 ଦେକ୍‌ଲୁ । ବାବା ପର୍ମେସର୍ ତାକେ ତାକ୍‌ପୁଟା କରି ମଇମା ଦେଲାବେଲେ
 ଆମେ ତେଇ ରଇଲୁ । ସେ ନିଜେ ସବୁର୍‌ଟାନେଅନି ମଇମାର୍ ପର୍ମେସର୍
 କଇରଇଲା “ଏଟା ମର୍ ଆଲାଦର୍ ପ, ତାର୍‌ଟାନେ ମୁଇ ବେସି ସାର୍‌ଦା
 ।” **୧୮** ସେ ସବତ୍ ସୁନ୍‌ଲାବେଲେ ପର୍ମେସର୍‌ର ସୁକଲ୍ ପର୍‌ବତେ ଆମେ
 ମିସା କିରିସ୍‌ଟ୍‌ର ସଞ୍ଜୁ ରଇଲୁ । **୧୯** ବବିସତ୍‌ବକ୍‌ତାମନ୍ କାତା ସତ୍
 ଆଚେ ବଲି ଆମେ ଜାନିଆରୁ । ଏ ସବୁ କାତା ତମେ ମନ୍‌ଦିଆନ୍ ଦେଇ
 ସୁନା । କାଇକେବଇଲେ ସେଟା ଆନ୍ତୁରେ ଲାଗିରଇବା ଗଟେକ୍ ବଡିର୍
 ଉଜଲ୍ ପାରା ଆଚେ । ସାକ୍‌ଲିଆ ଉଜଲ୍ ଡିସ୍‌ବା ତାରାପାରା ତମର୍
 ମନ୍‌ବିତ୍‌ରେ ଉଜଲ୍ ଦେଇସି । **୨୦** ବବିସତ୍‌ବକ୍‌ତାମନ୍ କେ ମିସା ନିଜେ
 ବାବିକରି ସାସ୍‌ତର୍‌ଟାନେ ଲେକ୍‌ତ୍‌ନାଇ । ଏଟା ତମେ ବାଇଦରେ ଜାନ୍‌ବାର୍
 ଆଚେ । **୨୧** କାଇକେବଇଲେ, ସେମନ୍ କେବେମିସା ନିଜର୍‌ତେଇଅନି କାଇ
 ବବିସତ୍ କାତା କଅଡ୍ ନାଇ । ମାତର୍ ପର୍ମେସର୍‌ଟାନେଅନି ଆଇଲା କାତା
 ସୁକଲ୍‌ଆଡ୍‌ମାର୍ ସାଇଜ ସଞ୍ଜୁ କଇରଇଲାଇ ।

୨ ପୁରବେ ପର୍ଯ୍ୟେସରର୍ ଲକ୍ମନର୍ ବିତ୍ରେ ମିର୍ କାତା କଇବା
 ବବିସ୍ତବକ୍ତାମନ୍ ମିସା ରଇଲା । ସେନ୍ତୁରିସେ ତମର୍ ବିତ୍ରେ ମିସା ମିର୍
 ସିକାଉମନ୍ ରଇବା । ପର୍ଯ୍ୟେସରର୍ ବିସଇ ସେମନ୍ ମିର୍ଟା ସିକାଇବା ।
 ଜନ୍ ଲକ୍ମନର୍ ସେ କାତା ବିସ୍ବାସ୍ କର୍ବାଇ, ସେମନ୍ ବିନାସ୍ ଅଇଜିବା ।
 ସେମନ୍କେ ମୁକ୍ତଲାଲ୍ଲା ନିଜର୍ ମୁକ୍ତିକାରିଆକେ ସେମନ୍ ଚାଡ଼ିଦେବା ।
 ସେନ୍ତୁରି କଲାର୍ ପାଇ ପର୍ଯ୍ୟେସରର୍ ସେମନ୍କେ ଦାପ୍ରେ କୁରୁପ୍ନାସ୍ କର୍ସି
 । **୨** ବିସ୍ବାସି ବଲାଇଅଇବା ବେସି ଲକ୍ମନର୍ ତାକର୍ କାରାପ୍ ତଲାତଲ୍ତି
 ଦାର୍ବାଇ ଆରି ସତ୍ ବାଟର୍ ବିସଇନେଇ କାରାପ୍ କାତା କଇ ବୁଲ୍ବାଇ । **୩**
 ଏନ୍ତୁଟା ସିକାଉମନ୍ ଲବ୍ ଅଇକରି ନିଜେ ତିଆର୍ କରିରଇବା କାତା କଇକରି
 ତମ୍କେ ନାତାଇବା । ସେନ୍ତୁରି ଲକ୍ମନ୍କେ ତଣ୍ଟୁ ଦେବି ବଲି ପର୍ଯ୍ୟେସର
 କାତା ଦେଇରଇଲା । ଆରି ସେଟା କର୍ବାକେ ସେ ଏବେ ଜାଗିଆଟେ
 । ସେ ସେମନ୍କେ କୁରୁପ୍ନାସ୍ କର୍ସି ଆକା । **୪** ପୁରବେ କେତେଟା
 ଦୁର୍ମନ୍ ଜେତେବେଲେ ପାପ୍ କରିରଇଲା, ପର୍ଯ୍ୟେସର ସେମନ୍କେ ତଣ୍ଟୁ
 ନ ଦେଇକରି ଚାଡ଼ିଦେଏ ନାଇ । ମାତର୍ ସେମନ୍କେ ନର୍କେ ପିଢ଼ିଦେଲା ।
 ସେମନ୍କେ ବିଚାର୍ କରି ତଣ୍ଟୁଦେବା ଦିନ୍ ଜାକ ସେ ସେମନ୍କେ ବନ୍ଦିକରି
 ଆନୁରେ ସଢ଼ୁଇସି । (Tartaro ୨5020) **୫** ଆଗର୍କାଲେ ବଞ୍ଚିରଇବା ଲକ୍ମନ
 ପର୍ଯ୍ୟେସର୍କେ ମାନିକରି ରଅତ୍ନାଇକେ, ସେ ସେମନ୍କେ ତଣ୍ଟୁ ନ ଦେଇକରି
 ଚାଡ଼େନାଇ । ତାର୍ବାଦୁଲେ ସେମନର୍ପାଇ ବନିଆ ଆନାଇଲା । ତେଇ
 ସବୁଲକ୍ ବୁଡ଼ିଗାଲା । ମାତର୍ ସେ ନଅ ଆରି ତାର୍ କୁଟୁମର୍ ସାତ୍ଲକ୍କେ
 ସେ ରକିଆ କଲା । ସେବେଲେ ନଅ ପର୍ଯ୍ୟେସର ଦେକ୍ବା ଇସାବେ ଟିକ୍
 ବିସଇ କର୍ବାର୍ ଆଟେ ବଲି ଲକ୍ମନ୍କେ କଇତେରଇଲା । **୬** ସଦମ୍
 ଗମରା ନଅର୍ମନ୍କେ ରଇବା ଲକ୍ମନ୍କେ ପର୍ଯ୍ୟେସର ଦସିକରି ତାକର୍
 ନଅର୍ମନ୍କେ ପତାଇକରି କୁରୁପ୍ନାସ୍ କରିଦେଲା । ସେମନ୍ ବେସି କାରାପ୍
 କାମ୍ କଲାଲ୍ଲେ ଏନ୍ତୁରି କଲା । ତାକେ ନ ମାନିକରି ରଇବା ଲକ୍ମନ୍କେ
 ଏନ୍ତୁରି ଦସା ଅଇସି ବଲି ଲକ୍ମନ୍କେ ଦେକାଇଲା । **୭** ସେ ନଅର୍ମନ
 ପତାଇବା ଆଗ୍ତୁ ସେ ଲତ୍କେ ରକିଆ କଲା । ଲତ୍ ଗଟେକ୍ ନିକଲକ୍
 ରଇଲା । ତାର୍ ନଅରର୍ ଲକ୍ମନ୍ କରିରଇବା ପାଦ୍ରାପାଦ୍ରି କାମ୍ ଆରି
 ନିୟମ୍ ନ ମାନ୍ବାଟା ଦେକି ବେସି ଦୁକ୍ କର୍ତ୍ତେରଇଲା । **୮** ସେନ୍ତୁରି
 କାରାପ୍ ଲକ୍ମନର୍ ବିତ୍ରେ ଲତ୍ ନିକ ସଢ଼ୁ ବଞ୍ଚିକରି ରଇଲା । ସେମନ୍

କରିରଇବା କାରାପ୍ କାମ୍ ସେ ଦେକ୍ତେରଇଲା ଆରି କଇତେରଇବା ସତ୍
 ନ ରଇବା ବିସଇ, ସୁନ୍ତେରଇଲା । ସେ ଗଟେକ୍ ନିକ ଲକ୍ ରଇଲାଜେ
 ଏଟାମନ୍ ସୁନି ଦୁକ୍ କର୍ତ୍ତେରଇଲା । ୯ ସେନ୍ତୁର୍ ଆଲେ ଦରମ୍ ଲକ୍ମନ୍କେ
 ପର୍ମେସର୍ ତାକର୍ ଦୁକ୍ କସ୍ଟ ତେଇଅନି ଆରି ଆଇବା ପରିକାଇ ଅନି
 ରକିଆ କର୍ସି । ଆରି କାରାପ୍ ଲକ୍ମନ୍କେ ସେ ସବୁ ଲକ୍କେ ବିଚାର୍ କର୍ବା
 ଦିନ୍ ଜାକ ତଣ୍ଡଦେଇ ସଢ୍ଲଇସି । ୧୦ ତାକର୍ ପାପର୍ ଗୁନ୍ତଲନ୍ ଇସାବେ
 ଚଲାଚଲ୍ଟିକରି ଲାଜର ବିସଇ କର୍ବା ଲକ୍ମନ୍କେ ସେ ବେସି ବଡ୍ ତଣ୍ଡ
 ଦେଇସି । ତାକର୍ ଉପ୍ରେ ସାସନ୍ କର୍ବାକେ ପର୍ମେସର୍ ଜନ୍ ଅଦିକାର୍
 ଆଚେ, ସେଟା ସେମନ୍ ନିର୍ଲାଇନି । ଏନ୍ତାରି ମିର୍ ସିକାଉ ଆକ୍ରିଆମନ୍,
 ନିଜର୍ ମନ୍କେ ଆଇଲାଟା କର୍ବାକେ ତରତ୍ ନାଇ । ସର୍ଗେ ମଇମାସଢ୍ଲ
 ରଇବାଟାମନ୍କେ ମିସା ନିନ୍ତା କର୍ବାଇ । ୧୧ ତାକର୍ଟାନେଅନି ଅଦିକ୍
 ବଡ୍‌ରଇ ବପୁ ରଇବା ଦୁର୍ମନ୍, ମାପ୍‌ରୁର୍ ମୁଆଟେ ଆକର୍ ବିସଇନେଇ
 ନିନ୍ତାକାତା କଅର୍ ନାଇ । ୧୨ ମାତର୍ ଏମନ୍ ତଢ୍ରେ ରଇବା ପସୁମନ୍‌ପାରା
 । ତାକର୍ ଗାଗଡ୍ ଜନ୍‌ଟା କର୍ବାକେ ମନ୍ କର୍ସି, ସେଟାସେ କଲାଇନି ।
 ସେନ୍ତାରି ପସୁମନ୍କେ ଲକ୍ମନ୍ ଦାରିକରି ମରାଇବାଇ । ସେମନ୍ ନାଜାନ୍‌ଲା
 ବିସଇ ନେଇକରି ନିନ୍ତାକାତା କଇବାଇ । ସେମନ୍କେ ଲକ୍ମନ୍ ମରାଇଲା
 ପାରା ପର୍ମେସର୍ କୁରୁପ୍‌ନାସ୍ କର୍ସି । ୧୩ ବିନ୍ ଲକ୍ମନ୍କେ ସେମନ୍
 ବେସି ଦୁକ୍ କସ୍ଟ ଦେଲାଇଆଚତ୍‌କେ ପର୍ମେସର୍ ମିସା ସେମନ୍କେ ଦୁକ୍
 କସ୍ଟ ଦେଇସି । ନିଜର୍ ଗାଗଡ୍ ମନ୍ କଲାଟା ପୁରାପୁରୁନ୍ କର୍ବାକେ
 ସେମନ୍ କାଇଟା ମିସା କର୍ବାଇ । ସେଟା ଦିନ୍‌ବେଲେ ମିସା କର୍ବାଇ ।
 ମାତର୍ ସେମନ୍ ତମର୍ ସଢ୍ଲ କାଇବାକେ ବସ୍‌ଲାବେଲେ ମିସା ସେନ୍ତାରି
 ଅଇତେରଇବାଇ, ଜନ୍‌ଟାକି ତମ୍‌କେ ଇଜତ୍ ଜିକି ଲାଜ୍ କରାଇସି । ୧୪
 ବେସିଆ କାମ୍ କର୍ବାକେ ସବୁବେଲେ ମନ୍ କର୍ତ୍ତେରଇବାଇ । ସେନ୍ତାରି
 କର୍ବାଟାନେଅନି ସେମନ୍ କେବେ ନ ତେବଡ୍ । ମନ୍ ବିତ୍‌ରେ ଦୁର୍ବଲ୍
 ରଇବା ଲକ୍ମନ୍କେ ନାତାଇକରି ପାପ୍‌କାମ୍ କର୍ବାଟାନେ ତାକିନେବାଇ ।
 ସେମନ୍ ବେସି ଲବି ଅଇଆଚତ୍ । ପର୍ମେସର୍ ସେମନ୍କେ ସାଇପ୍ ଦେଲା
 ଆଚେ । ୧୫ ସଲକ୍ ବାଟ୍ ଚାଡିକରି ବାଟ୍‌ବାନା ଅଇଲାଇ ଆଚତ୍ । ବେଅର୍
 ପଅ ବାଲାମ୍, ଜେ କି ଗଟେକ୍ ବବିସତ୍‌ବକ୍‌ତା ରଇଲା, ସେ ଜନ୍ ରକାମ୍
 କାମ୍‌ମନ୍ କରିରଇଲା, ଏମନ୍ ମିସା ସେନ୍ତାରି କଲାଇଆଚତ୍ । ତାରୁ ଆସାଅଇ

ବାଲାମ୍ ଏହି ରଇଲାଜେ ସେଟା ମିଲାଇବାକେ ବୁଲ୍ କାମ୍ କର୍ବାକେ ମିସା
 ତିଆର୍ ଅଇରଇଲା । ୧୭ ମାତର୍ ସେ କରିରଇବା କାରାପ୍ କାମର୍ ଲାଗି,
 ପର୍ମେସର୍ ତାକେ ଦମ୍ କାଇଲା । ତାର୍ ଗଦ ନରଲକ୍ ପାରା କାତା ଅଇଲା
 ଆରି ଜନ୍ ବାୟା କାମ୍ କର୍ବାକେ ସେ ଜାଇତେରଇଲା, ସେ କାମେଅନି
 ତାକେ ତେବାଇଲା । ୧୭ ଏ ଲକ୍ମନ୍ ପାନି ଆଁଟିଜାଇରଇବା ପାଜୁରା ପାରା ।
 ଜବର୍ ପବନ୍ ଆସି ଉଡାଇନେବା ବାଦଲ୍ ପାରା । ପର୍ମେସର୍ ସେମନର୍ପାଇ
 ପୁରାପୁରୁନ୍ ଆନ୍ତୁର୍ ରଇବା ଗଟେକ୍ ଜାଗା ସଞ୍ଜୁଆତେ । (questioned) ୧୮
 ସେମନ୍ ଲକ୍ମନ୍କେ ସିକାଇବା ବେଲେ ମୁକିଆ ବିସଇପାରା ରଇସି, ମାତର୍
 ତେଇ କାଇଟା ନ ରଏ । ଗାଗଡ୍ ମନ୍ କଲା ସବୁ ଗୁନ୍ତଲନ୍ କରିଅଇସି ବଲି
 ସେମନ୍ ସିକାଇବାଇ । ନୁଆ ନୁଆ ନିକ ଚଲାଚଲ୍ତି କରି ଆଇତେରଇବା
 ଲକ୍ମନ୍କେ ସୁତରାଇକରି ନେବାଇ । ୧୯ ତାକର୍ ସିକିଆ ମାନିକରି ରଇଲେ
 ମୁକ୍ତି ମିଲ୍ସି ବଲି ସେମନ୍ କାତାଦେବାଇ । ମାତର୍ ସେମନ୍ ନିଜେ କାରାପ୍
 ଚଲାଚଲ୍ତିର୍ ଗତିଦାଞ୍ଜୁଡା ଅଇଆତର୍ । ସେ କାରାପ୍ ଚଲାଚଲ୍ତି ସେମନ୍କେ
 କୁରୁପ୍ନାସ୍ କର୍ସି । ଜଦି ଗଟେକ୍ ଲକ୍ମକେ କାରାପ୍ ଅବିଆସ୍ ଦାରିଆତେ,
 ସେ ତାର୍ ଗତିଦାଞ୍ଜୁଡା । ୨୦ ସେନ୍ତାରି ମିର୍ ସିକାଉମନ୍ ଲକ୍ମନ୍କେ
 କୁରୁପ୍ନାସ୍ କର୍ବା କାରାପ୍ ବିସଇତେଇଅନି ରକିଆ ପାଇକରି ଆମର୍
 ମୁକ୍ତିକାରିଆ ମାପୁରୁ ଜିସୁକିରିସ୍ତକେ ଜାନିରଇଲାଇ । ମାତର୍ ଆରିତରେକ୍
 ସେ କାରାପ୍ ବିସଇମନ୍ କର୍ବାକେ ନିଜେ ସର୍ପିଅଇଲାଇ ଆତର୍ । ତାକର୍
 ଏବର୍ ଇନସ୍ତା ଆଗୁରୁ ଇନସ୍ତାଇ କେତେକ୍ ଅଦିକ୍ ଆତେ । ୨୧
 ଦରମ୍ ଚଲାଚଲ୍ତି କର୍ବା ବାଟ୍ ସେମନ୍ କେବେ ଜାନିନରଇଲେ ତାକର୍
 ପାଇ ନିକ ଅଇତା । ମାତର୍ ସେମନ୍ ଏବେ ଲକ୍ମନ୍ ସିକିଆ ପାଇରଇବା
 ପର୍ମେସରର୍ ନିୟ୍ମ୍ ଚାଡିଦେଇଆତର୍ । ୨୨ ସେମନ୍ କଲାପାରା ବିସଇ
 ଉପଦେସ୍ ବଇଟାନେ ଲେକା ଅଇଲାଆତେ । କୁକୁର୍ ଜନ୍ଟା ବାଡିକର୍ସି,
 ସେଟାସେ ଜାଇ କାଇସି, ଗୁସ୍ରିକେ ପାନି ଦୁଆଇଦେଇ ରଇଲେ ମିସା ସେ
 କାଦଲଗେସେ ଜାଇ ଚକ୍ତି ଅଇସି ।

୩ ଏ ମର୍ ଆଲାଦର୍ ବାଇବଇନିମନ୍, ଏଟା ମୁଇ ତମର୍ ଲଗେ ଦୁଇପାଲି
 ଅଇଲା ଚିଟି ଲେକ୍ଲିନି । ଏ ଦୁଇଟାଜାକ ଚିଟିତେଇ ଏ ସବୁ ବିସୟ୍
 ମନେ ଏତାଇ ତମର୍ ମନେ ସୁକଲ୍ କର୍ବାପାଇ ଚିନ୍ତା କଲିନି । ୨ ବେସି
 ଆଗେ ସୁକଲ୍ ବବିସର୍ବକ୍ତାମନ୍ ଜନ୍ସବୁ କାତା ଜାନାଇ ରଇଲାଇ ଆରି

ଉଦାର କରୁବା ମାପୁରୁ ଦେଇରଇବା ଆଦେସ୍ ତମ୍ଭେ ପେରିତ୍ ସିସ୍ମନ୍
 ଦେଇଆତଡ୍, ସେଟା ତମର୍ ମନେ ଏତାଇ ଦେବାକେ ମନ୍‌କଲିନି । ୩
 ପରତମେ ଏଟା ଜାନା ଜେ, ସାରୁଲା ଦିନ୍‌ମନ୍‌କେ ଲକ୍‌ମନ୍ ନିଜର୍ ନିଜର୍
 କାରାପ୍ ମନ୍‌କଲା ଇସାବେ ଚଲାଚଲ୍‌ତି କରୁବାଇ । ସାରାସାରି ଦିନେ ସେମନ୍
 ସତ୍‌କେ ନିସାର୍ କରି ପାଟାରୁବାଇ । ୪ ଆରି କିଜାଇକରି କଇବାଇ, “ଜିସୁ
 ଆଇବି ବଲି କାତା ଦେଇରଇଲାଟା, କେନେ ତେବେ?” କାଇକେବଇଲେ
 ପୁରୁବେଅନି ଆମର୍ ଆନିଦାଦିମନ୍ ମଲାତେଇଅନି ଏବ୍‌କେ ଜାକ ସବୁ ବିସଇ
 ଜେନ୍ତି ରଇଲା, ଏବେ ମିସା ସେନ୍ତୁରେସ୍ ଆତେ । ୫ ସେମନ୍ ଜାନି ଜାନି
 ପାସ୍‌ରିଗାଲାଇନି ଜେ ଆଗର୍ ବେଲ୍ ଆରି ବାଦଲ୍ ସବୁ ମାପୁରୁ ବାକିଅର୍
 ଲାଗି ଗଟ୍‌ଲା ଆତେ, ଦରତନି ପାନି ବିତ୍‌ରେଅନି ବାରଇଲା ଆତେ ଆରି
 ଦରତନି ଚାରିବେଟ୍‌ତି ପାନି ରଇଲା ବଲି । ୬ ତାରୁଲାଗି ସେ ସେବେଲେ
 ପୁରୁନା ଜଗତ୍ ପାନି ସଢ୍ଗୁ ବୁଡି ନସିଗାଲା । ୭ ମାତର୍ ଏବେ ରଇବା
 ବାଦଲ୍ ଆରି ଦରତନି ସେ ବାକିଅର୍ ଲାଗି, ଦରମ୍ ନଇଲା ଲକ୍‌ମନ୍‌କେ
 ବିଚାର୍ ଆରି ବିନାସର୍ ଦିନ୍ ଜାକ, ଜଇ ସଢ୍ଗୁ ନସ୍‌ଟ ଅଇବାକେ ଜମାଇକରି
 ସଢ୍ଗୁଇଲା ଆତେ । ୮ ମାତର୍ ଏ ଆଲାଦର୍ ବାଇମନ୍, ମାପୁରୁ ଦେକ୍‌ବା
 ଇସାବେ, ଗଟେକ୍ ଦିନ୍‌ଜେ ଅଜାର୍ ବରସ୍ ପାରା, ଆରି ଅଜାର୍ ବରସ୍,
 ଗଟେକ୍ ଦିନ୍ ପାରା, ଏ ମୁଲିକା ରଇଲା ବିସଇ ତମେ ପାସ୍‌ରା ନାଇ । ୯
 ଅଲସମ୍ ଅଲସି ବଲି କେତେଲକ୍ ଏତାଇଲାଇନି, ମାତର୍ ମାପୁରୁ ନିଜେ
 କାତା ଦେଲା ବିସଇ ସେନ୍ତୁର୍ ଅଲସମ୍ କରେନାଇ । ମାତର୍ କେମିସା
 ଜେନ୍ତିକି ବିନାସ୍ ନଅଡ୍, ସେମନ୍ ସବୁ ମନ୍ ବାଦ୍‌ଲାଇବାଇ, ଏଟା ସେ ମନ୍‌କରି
 ତମର୍ ପାଇ ବଲି ଅଲସମ୍ ଅଇଲାନି । ୧୦ ମାପୁରୁ ଦିନ୍ ଚର୍ ଆଇଲା
 ରକାମ୍ କେଟିଜାଇସି । ସେ ଦିନେ ବାଦଲ୍ ସବୁ ବେସି ସବଦ୍ ସଢ୍ଗୁ ନସ୍‌ଟ
 ଅଇଜାଇସି, ବାଦ୍‌ଲେ ଉଜଲ୍ ରଇବାଟାମନ୍ ସବୁ ସିଲିଜାଇସି, ପୁରୁତିବି ଆରି
 ସିତି ରଇଲା ଲକ୍‌ମନ୍ ତିଆର୍ କଲା ଜେତେକ୍ ସବୁ ଜିନିସ୍ ପଡିଜିବାଇ ।
 ୧୧ ଏ ସବୁ ବିସଇ ଏ ରକାମ୍ ଆଜିଜାଇସି, ତେବର୍ ପାଇ ତମେମନ୍ ବେସି
 ସୁକଲ୍ ଆରି ଜାଗ୍‌ରଦ୍‌ସଢ୍ଗୁ ରଇବାର୍ ଆତେ । ୧୨ ମାପୁରୁ ଆଇବା ଦିନ୍‌କେ
 ଜାଗି କରି, ସେଟାଜେନ୍ତି ଦାପ୍‌ରେ ଆଇସି, ସବୁ ବେଲେ ଦରମ୍ ଚଲାଚଲ୍‌ତି
 କରୁବାର୍ ଆତେ । ୧୩ ଆମେ ସେ କାତା ଦେଲା ଇସାବେ ନୁଆଁ ବାଦଲ୍ ଆରି
 ନୁଆଁ ପୁରୁତିବିକେ ଜାଗ୍‌ଲୁନି । ସେଟା ଦରମ୍‌ଲକର୍ ବାସା ଅଇବା ଜାଗା

ଅଇସି । **୧୪** ସେଟାର୍ ପାଇ ଏ ଆଲାଦର୍ ବାଇମନ୍, ତମେ ସେ ଦିନେକ
 ଜାଗେତରୁଆ । ପର୍ମେସର୍ ଦେକ୍ବା ଇସାବେ, କାଇ ଦସ୍ ନ ଅଇତେ,
 ସୁକଲ୍ ଲକ୍ମନର୍ ପାରା, ତାର୍ ସଞ୍ଜ୍ ସାନ୍ତିଅଇ ରଇବାକେ ଜାଗ୍‌ରତ୍ ଉଆ ।
୧୫ ଆରି, ଆମର୍ ମାପ୍‌ରୁ ବେସି ଦିନ୍ ଜାଗ୍‌ବାଟା ଆରି ରକିଆ କର୍‌ବାଟା ବଲି
 ଏତାଆ । ଆମର୍ ଆଲାଦର୍ ବାଇ ପାଉଲ୍‌କେ ମିସା ମାପ୍‌ରୁ ତାକେ ଦେଲା
 ବୁଦି ଇସାବେ ତମର୍ ଲଗେ ଏନ୍ତୁର୍ ଲେକ୍‌ଲା ଆତେ । **୧୬** ସେ ତାର୍ ସବୁ
 ଚିଟି ଲଗେ ମିସା ଏ ସମାନ୍ ବିସଇ ଲେକ୍‌ଲାଆତେ । ମାତର୍ ତେଇଅନି
 କେତେଟା ବିସଇ ଲକ୍ମନ୍‌କେ ବୁଦ୍‌ବାକେ କସ୍‌ଟ୍ ଆତେ । ଜନ୍ ଲକ୍ମନ୍ ନିକ
 ସିକତ୍‌ନାଇ ଆରି ତାକର୍ ବିସ୍‌ବାସ୍‌ଟାନେ ତାଟ୍‌ନାଇ, ଏ ସବୁ ବିସଇର୍ ଅରତ୍
 ବୁଲ୍‌ଇସାବେ ବାତାଇଲାଇନି । ପର୍ମେସରର୍ ବାକିଅତେଇରଇବା କେତେଟା
 ବିନ୍ ବିସଇମନ୍ ମିସା ଏନ୍ତୁରି ବୁଲ୍‌କରି ବାତାଇଲାଇନି । ଏନ୍ତୁରି କଲାର୍‌ପାଇ
 ପର୍ମେସର୍ ସେମନ୍‌କେ କୁରୁପ୍‌ନାସ୍ କର୍‌ସି । **୧୭** ଏ ଆଲାଦର୍ ବାଇମନ୍,
 ତମେ ଆଗେ ଅନି ଏ ସବୁ ବିସଇ ଜାନି ଜାଗ୍‌ରତା ଅଇରୁଆ । କେତେବଲ୍
 ନିୟ୍‌ମ୍ ନ ମାନ୍‌ଲା ଲକର୍ ଆସାର୍ କାମର୍ ପାନ୍‌ଲଗେ ଅଦ୍‌ରି, ତାଟ୍‌ସଞ୍ଜ୍
 ରଇବା ବିସ୍‌ବାସେ ଅନି ଉନା ଉଆନାଇ । **୧୮** ମାତର୍ ଆମର୍ ମାପ୍‌ରୁ ଆରି
 ଉଦାର୍ କର୍‌ବା ଜିସୁକ୍‌ରିସ୍‌ଟର୍ ଜିବନ୍ ଦୁକାଇଲାଟା ଆରି ଗିଆନ୍ ସଞ୍ଜ୍ ଅଦିକ୍
 ଅଦିକ୍ ବତା । ଏବେ ଆରି କାଲ୍ କାଲ୍ ଜୁଗ୍ ଜୁଗ୍ ଜାକ ସେ ତାକ୍‌ପୁଟା ପାଅ ।
 ଆମେନ୍ । (aiōn g165)

୧ ମ ଜଅନ୍

୧ ଜାକେ ଜିବନର୍ ବାକିଅ ବଲି କଇଲାଜନି, ତାର୍ ବିସଇ ତମ୍‌କେ ଲେକ୍‌ଲୁନି । କାଇଟା ତିଆର୍ ନ ଅଇତେ ପୁର୍ବେଅନି ସେ ରଇଲା । ତାର୍ ବାକିଅ ଆମେ ସୁନିଆରୁ । ସେ କରିରଇବା କାମ୍‌ମନ୍ ଆମେ ଆଁକି ସଞ୍ଜ ନିକ ଦେକି ଆରୁ । ଆରି ଆମେ ତାକେ ଆର୍ ସଞ୍ଜ ଚିଇଲୁ ଆରୁ । ୨ ଏ ଲକ୍ ସତ୍ ଜିବନ୍ ଦେଇସି । ପର୍ମେସର୍ ଏ ଲକ୍‌କେ ସବୁକେ ଦେକାଇଲା । ଆରି ଆମେ ଦେକ୍‌ଲୁ ଆରି ତାର୍ ସତ୍ ବିସଇ ତମ୍‌କେ କଇଲୁନି । ସେ ଦେଇରଇବା ନ ସାର୍‌ବା ଜିବନର୍ ବିସଇ ତମ୍‌କେ ଜାନାଇଲୁନି । ପୁର୍ବେଅନି ସେ ଆମର୍ ବାବା ପର୍ମେସର୍ ସଞ୍ଜ ରଇଲା । ମାତର୍ ପର୍ମେସର୍ ତାର୍ ବିସଇ ଆମ୍‌କେ ଜାନାଇଲାଆତେ । (aiōnios g166) ୩ ତେବର୍‌ପାଇ ଏ ଲକ୍, ଜାର୍ ବିସଇ ଆମେ ଦେକିଆରୁ ଆରି ସୁନିଆରୁ, ତାର୍ ବିସଇ ଆକା ଆମେ ତମ୍‌କେ କଇଲୁନି । ଜେନ୍ତୁରିକି ତମେ ମିସା ଆମର୍ ସଞ୍ଜ ମିସିବିଡି ରଇସା । କାଇକେବଇଲେ ଆମେ ବାବା ପର୍ମେସର୍ ସଞ୍ଜ ଆରି ତାର୍ ପଅ ଜିସୁ କିରିସ୍‌ଟର୍ ସଞ୍ଜ ମିସିବିଡି ଆରୁ । ୪ ଆମର୍ ସାର୍‌ଦା ଜେନ୍ତୁର୍ ପୁରାପୁରୁନ୍ ଅଇସି, ତେବର୍ ପାଇ ଏ ସବୁ ବିସଇ ତମ୍‌କେ ଲେକ୍‌ଲୁନି । ୫ ମାତର୍ ଜନ୍ ବିସଇ ଜିସୁକିରିସ୍‌ଟ ଆମ୍‌କେ କଇଲା, ଆରି ଜାଇଟା ତମ୍‌କେ ଆମେ ଜାନାଇ ଆରୁ, ସେଟା ଅଇଲାନି ପର୍ମେସର୍ ଉଜଲ୍ । ଆରି ତାର୍‌ଟାନେ ମୁଲ୍‌କେ ଆନ୍ତୁର୍ ନାଇ । ୬ ତେବର୍‌ପାଇ ଆମେ ପର୍ମେସର୍ ସଞ୍ଜ ମିସିବିଡି ଆରୁ ବଲି କଇକରି କାରାପ୍ କାମ୍ କରି ଆନ୍ତୁରେସେ ରଇରୁ ବଇଲେ, ଆମେ କଇବାଟା ମିର୍ । ଆରି ସତ୍ ବିସଇ ଆମେ ଚାଡିଦେଇଆରୁ ବଲି ଆମର୍ ଚଲାଚଲ୍‌ଡିଟାନେ ଜାନାପଡ୍‌ଲାନି । ୭ ମାତର୍ ଆମେ ସତ୍ କାମ୍ କରି ଉଜଲେ ରଇରୁ ଜେନ୍ତୁରି କି ପର୍ମେସର୍ ସବୁବେଲେ ଉଜଲେଆତେ । ସେନ୍ତୁର୍ ଆଲେ ଆମେ ଗଟେକ୍ ଲକ୍ ଆରି ଗଟେକ୍ ଲକର୍ ସଞ୍ଜ ମିସିବିଡି ଆରୁ । ଆରି ପର୍ମେସର୍ ପଅ ଜିସୁର୍ ବନି ଆମର୍ ସବୁ ପାପ୍‌କେ ଦଇଦେଇସି । ୮ ଆମେ କେବେମିସା ପାପ୍ କରୁନାଇ ବଲି କଇଲେ, ଆମେ ନିଜେସେ ନାଡାଇଅଇଲୁନି । ଆରି ସତ୍ ବିସଇ ଆମେ ନାଜାନ୍‌ଲୁନି । ୯ ଜଦି ଆମେ ବୁଲ୍ କରିଆରୁ ବଲି ପର୍ମେସର୍‌କେ ନ ଲୁଟାଇତେ କଇଲେ, ସେ ଆମର୍ ସବୁ ପାପ୍ କେମା କର୍ସି । ଆରି ସବୁ କାରାପ୍ କାମେଅନି ଆମ୍‌କେ ସୁକଲ୍ କର୍ସି

। ୧୦ ଜଦି ଆମେ କେବେ ମିସା ପାଠ୍ କରୁନାଇ ବଳି କଇଲେ, ପର୍ମେସର୍ ସତ୍ତା ନଏଁ ବଳି କଇଲୁନି । ଆରି ତାର୍ ବାକିଅ ମାନିକରି ରଉନାଇ ।

୨ ଏ ମର୍ ପିଲାଟକି ପାରା ଅଇରଇବା ଲକ୍ମନ୍, ତମ୍‌କେ ମୁଇ ଏଟା ଲେକ୍‌ଲିନି । ଜେନ୍ତିକି ତମେ ପାଠ୍ ନ କରାସ୍ । ମାତର୍ କେ ଜଦି ପାଠ୍ କଲେ ଆମର୍ ବାବା ପର୍ମେସର୍ ମୁଆଟେ ଟିଆଅଇରଇବା ଗଟେକ୍ ଲକ୍ ଆମର୍ ପାଇ ଗୁଆରି କଲାନି । ସେ ଅଇଲାନି ଜିସୁକିରିସ୍ଟ । ପର୍ମେସର୍ ଦେକ୍‌ବା ଇସାବେ ସେ ପୁରାପୁରୁନ୍ ସତ୍‌ଆଟେ । ୨ ଆମର୍ ବୁଲ୍ କାମର୍‌ପାଇ ଆମର୍ ବାଦୁଲେ ପର୍ମେସର୍ ଜିସୁକେ ତଣ୍ଟୁ ଦେଲା । ତାର୍‌ଲାଗି ଅକ୍‌କା ଆମର୍ ପାଠ୍‌ସେ ନଏଁ ମାତର୍ ଗୁଲାଇଟା'ନେ ରଇବା ସବୁଲକର୍ ପାଠ୍ ସେ କେମା କର୍‌ସି । ୩ ଆମେ ତାକେ ଜାନ୍‌ବା ଲକ୍ ଅଇଲୁଆରୁ । ଜଦି ଆମେ ତାର୍ ଡିଆରୁଲାଟା ମାନ୍‌ଲୁନି, ଏଟା ଡାଁଟ୍‌ସଢ୍ଗୁ ଜାନ୍‌ଲୁନି । ୪ କେ ଜଦି ମୁଇ ପର୍ମେସର୍‌କେ ଜାନିଆଟିବଲି କଇକରି, ତାର୍ ଡିଆରୁଲାଟା ନ ମାନେ, ସେ ମିର୍ କଇଲାନି ଆରି ସେ ସତ୍ ବିସଇମନ୍ ନାଜାନେ । ୫ ମାତର୍ ଜେ ଜଦି ତାର୍ ବାକିଅ ମାନ୍‌ସି, ସେନ୍ତୁର୍ ଆଲେ ପର୍ମେସର୍‌ପାଇ ରଇବା ତାର୍ ଆଲାଦ୍ ସତଇସେ ପୁରାପୁରୁନ୍ ସିଦ୍ ଅଇଆଟେ । ଆମେ ପର୍ମେସର୍‌ ସଢ୍ଗୁ ମିସ୍‌ଲୁଆରୁ ବଳି ଦେକାଇବା ବିସଇ । ୬ କେ ଜଦି ପର୍ମେସର୍‌ ସଢ୍ଗୁ ମିସିଆଟି ବଳି କଇଲେ, ଜିସୁର୍ ଚଲାଚଲ୍‌ତି ପାରା ଚଲ୍‌ବାର୍‌ଆଟେ । ୭ ଏ ମର୍ ଆଲାଦର୍ ମଇତର୍‌ମନ୍, ମୁଇଁ ତମର୍ ଲଗେ କାଇମିସା ନୁଆ ଆଦେସ୍ ଲେକିନାଇ । ତମେ ଜିସୁର୍ ସଢ୍ଗୁ ଜିବାକେ ଆରାମ୍ କଲାବେଲେଅନି, ଏ ସମାନ୍ ଆଦେସ୍ ତମେ ଜାନିଆଟାସ୍ । ସେ ପୁର୍ନା ଆଦେସ୍ ସୁନି ସାରାଇଆଟାସ୍ । ୮ ମାତର୍ ଏଟା ଗଟେକ୍ ନୁଆ ଆଦେସ୍ ପାରା ମିସା ଆଟେ । କାଇକେବଇଲେ ତେଇର୍ ସତ୍ ବିସଇ କିରିସ୍ଟ ଲଗେ ଆରି ତମର୍ ଲଗେ ଡିସ୍‌ଲାନି । ଆନ୍ତୁର୍ ଉଟିଗାଲାନି, ଆରି ସତ୍ ଉଜଲ୍ ଡିସ୍‌ଲାନି । ୯ ଜଦି କେ ମିସା ପର୍ମେସର୍ ଉଜଲ୍ ଆରି ସୁକଲ୍ ଇସାବେ ଚଲାଚଲ୍‌ତି କଲିନି ବଳି କଇକରି ତାର୍ ସଢ୍ଗୁ ମିସିବିଡି ରଇବା ବିସ୍‌ବାସି ବାଇବଇନିମନ୍‌କେ ଗିନ୍ କର୍‌ସି, ସେ ଏବେଜାକ ଆନ୍ତୁରେସେ ରଇଲାନି । ୧୦ ଜନ୍ ଲକ୍‌ମନ୍ ତାକର୍ ମିସିବିଡି ରଇବା ବିସ୍‌ବାସି ବାଇବଇନିମନ୍‌କେ ଆଲାଦ୍ କର୍‌ବାଇ, ସେମନ୍ ପର୍ମେସର୍‌ ସୁକଲ୍ ଇସାବେ ଚଲାଚଲ୍‌ତି କଲାଇନି । ସେମନ୍‌ର୍ ଜିବନେ ବିନ୍ ଲକ୍‌ମନ୍‌କେ ପାଠ୍ କରାଇବା କାଇ ବିସଇ ନାଇ । ୧୧ ମାତର୍ ଜେ ମିସା ମିସିବିଡି ରଇବା

ବିସ୍ୱାସି ବାଇବେଲିନିମନ୍ତେ ଚିନ୍ କଲେ, ସେ ଆନ୍ତରେ ଆଚେ । ସେ ବୁଲ୍
 ଟିକ୍ ନାଜାନିକରି ଚଲାଚଲ୍ତି କଲାନି । ସେ କନ୍ତି ଗାଲାନି ସେଟା ନାଜାନେ ।
 କାଇକେବଇଲେ ସେ ଆନ୍ତର୍ ତାର୍ ଆକିକେ କାଣା କରିଆଚେ । ୧୨ ଏ
 ଆଲାଦର୍ ପିଲାମନ୍, ମୁଇ ତମ୍ବେ ଲେକ୍ଲିନି । କାଇକେବଇଲେ କିରିସ୍ଟର୍
 ଲାଗି ତମର୍ ପାଠ୍ କେମା ଅଇଲାଆଚେ । ୧୩ ଏ ବଡ୍ଲକ୍ମନ୍, ମୁଇ ତମ୍ବେ
 ଲେକ୍ଲିନି, କାଇକେବଇଲେ ତମେ କିରିସ୍ଟକେ ଜାନିଆଚାସ୍ । କାଇଟା
 ତିଆର୍ ନ ଅଇବା ଆଗ୍ତୁ ସେ ରଇଲା । ଏ ଦାଢ୍ଫୁଡାଦାଢ୍ଫୁଡିମନ୍ ମୁଇ ତମ୍ବେ
 ଲେକ୍ଲିନି । କାଇକେବଇଲେ ସବୁ କାରାପ୍ କାମ୍ କରାଇବା ସଇତାନ୍ତକେ
 ତମେ ଆରାଇଆଚାସ୍ । ୧୪ ଏ ଆଲାଦର୍ ପିଲାଟକିମନ୍, ମୁଇ ତମ୍ବେ
 ଲେକ୍ଲିନି । କାଇକେବଇଲେ ତମେ ବାବା ପର୍ମେସର୍କେ ଜାନିଆଚାସ୍
 । ଏ ବଡ୍ ଲକ୍ମନ୍ ମୁଇ ତମ୍ବେ ଲେକ୍ଲିନି । କାଇକେବଇଲେ ତମେ
 କିରିସ୍ଟକେ ଜାନ୍ବା ଲକ୍ ଅଇଆଚାସ୍ । କାଇଟା ତିଆର୍ ନ ଅଇବା ଆଗ୍ତୁ
 ସେ ରଇଲା । ଏ ଦାଢ୍ଫୁଡାମନ୍ ମୁଇ ତମ୍ବେ ଲେକ୍ଲିନି, କାଇକେବଇଲେ
 ତମେ ବିସ୍ୱାସେ ତାଟ୍ ଅଇଆଚାସ୍ । ପର୍ମେସର୍ ବାକିଅ ସବୁବେଲେ
 ତମର୍ ମନେ ଆଚେ । ଆରି ସବୁ ରକାମ୍ ପାଠ୍ କାମ୍ କରାଇବା ସଇତାନ୍ତକେ
 ଆରାଇଆଚାସ୍ । ୧୫ ମୁଇ ତମ୍ବେ କଇଲିନି ଏ ଜଗତର୍ ଚଲାଚଲ୍ତି ଆରି
 ଡେଇରଇବା ସବୁ କାରାପ୍ ବିସଇ ଆଲାଦ୍ କରାନାଇ । କାଇକେବଇଲେ ଏ
 ଜଗତର୍ କାରାପ୍ ବିସଇର୍ ଆଲାଦ୍ କରି, ବାବା ପର୍ମେସର୍କେ ମିସା ଆଲାଦ୍
 କରିନାପାରେ । ୧୬ ସେ କାରାପ୍ ଚଲାଚଲ୍ତି ଡେଇ ଲକ୍ମନ୍ ଜାଇଟା ମନ୍
 କର୍ବାଇ, ଲକ୍ମନ୍ ଦେକିକରି ଲାଲ୍‌ସା ଅଇବାଟା, ସବୁ ବିସଇ ରଇଲାର୍‌ପାଇ
 ବଡ୍‌ପନ୍ ଅଇବାଟା ଏ ସବୁ ରଇସି । ଏ ରକାମ୍ ଚଲାଚଲ୍ତି ଏ କାରାପ୍
 ଜଗତର୍ ଲାଗି ଅଇଲାଆଚେ । ଆମର୍ ବାବା ପର୍ମେସର୍ ଏନ୍ତାରି କର୍ବାକେ
 ଆମ୍ବେକେ ତିଆରେନାଇ । ୧୭ ଏ କାରାପ୍ ଜଗତ୍ ଆରି ଡେଇର୍ ସବୁ ରକାମ୍
 ଚଲାଚଲ୍ତି ଦାପ୍ରେ ଉଟିଜାଇସି । ମାତର୍ ଜେ ପର୍ମେସର୍କେ ମାନ୍‌ସି,
 ସେ ନ ସାର୍‌ବା ଜିବନ୍ ପାଇସି । (aiōn g165) ୧୮ ଏ ପିଲାଟକିମନ୍, ଏ
 ଦିନ୍‌ମନ୍ ଏ ଜଗତର୍ ସାରାସାରି ଦିନ୍ । କିରିସ୍ଟକେ ବିରଦ୍ କର୍ବା ଗଟେକ୍
 ତାକ୍‌ପୁଟା ଲକ୍ ବାରଇସି ବଲି ଆମେ ତମ୍ବେ କଇରଇଲୁ, ସେଟା ମନେ
 ପାକାଆ । ଏବେମିସା କିରିସ୍ଟକେ ବିରଦ୍ କର୍ବାଟାମନ୍ ଜବର୍ ଉଟ୍‌ଲାଇ
 ଆଚତ୍ । ସେଟାର୍‌ଲାଗି ଏ ଜଗତର୍ ସାରାସାରି ଦିନ୍ ଲଗେ ଅଇଲା ବଲି

ଆମେ ଜାନ୍‌ଲୁନି । ୧୯ ଏ ବିରତ୍ କରବାଟାମନ୍ ଆମର୍ ସଞ୍ଜୁ ମିସିବିତି
 ରଇଲାଇ । ଆରି ଏବେ ସେମନ୍ ଚାଡ଼ିଦେଲାଇ । ସେମନ୍ କେବେ ମିସା
 ଆମର୍ ମିସାବିତାଟାନେ ମିସତ୍‌ନାଇ । ଜଦି ସେମନ୍ ସତଇସେ ଆମର୍
 ସଞ୍ଜୁର୍ ବିସ୍‌ବାସି ଅଇରଇଲେ, ଆମର୍ ସଞ୍ଜୁ ରଇତାଇ । ମାତର୍ ସେମନ୍
 ଚାଡ଼ଲାପାଇ ଆମର୍ ଦଲର୍ ଲକ୍ ନଅତ୍ ବଲି ଜାନାପଡ଼ଲା । ୨୦ ମାତର୍
 କିରିସ୍‌ଟ ତମ୍‌କେ ସୁକଲ୍ ଆତ୍‌ମା ଦେଲାଆତେ । ୨୧ ତମେ ସତ୍ ନାଜାନାସ୍
 ବଲିକରି ମୁଇ ତମ୍‌କେ ଲେକ୍‌ଲିନି, ସେନ୍ତୁରି ନଏଁ । ମାତର୍ ସେଟା ତମେ ନିକ
 ସଞ୍ଜୁ ଜାନାସ୍ । ଆରି ସତ୍ ସିକିଆ ସଞ୍ଜୁ ବୁଲ୍ ସିକିଆ କେବେ ନ ମିସେ । ୨୨
 ତେବେ କେ ମିତ୍ କଇଲାଇନି? ଜିସୁକେ ମସିଅ ନଏଁ ବଲି ଜେ କଇଲାନି,
 ସେ ଆକା ସବୁରଟାନେଅନି ବଡ଼ ମିରୁଆ । ସେନ୍ତୁରି ଲକ୍‌ମନ୍ କିରିସ୍‌ଟର୍
 ବିରଦି ଲକ୍‌ମନ୍ । ସେମନ୍ ଉଜେ ବାବା ପର୍‌ମେସର୍‌କେ ଆରି ତାର୍ ପଅ ଜିସୁ
 କିରିସ୍‌ଟକେ ନାମତ୍‌ନାଇ । ୨୩ ଜେ ଜଦି ପର୍‌ମେସର୍‌କେ ପଅକେ ନାମେ
 ନାଇ, ସେ ବାବା ପର୍‌ମେସର୍‌କେ ମିସା ନାମେ ନାଇ, ଜେ ପର୍‌ମେସର୍‌କେ
 ପଅକେ ନାମସି, ସେ ବାବା ପର୍‌ମେସର୍‌କେ ମିସା ନାମସି । ୨୪ ତମେ
 କିରିସ୍‌ଟର୍ ସଞ୍ଜୁ ଜିବାକେ ଆରାମ୍ ଅଇଲାତେଇଅନି ଜନ୍ କବର୍ ସୁନିଆଟାସ୍,
 ସେଟା ସବୁବେଲେ ମନେ ପାକାଆ । ଜଦି ସେ କବର୍ ତମର୍ ମନେ ରଇସି,
 ସେନ୍ତୁରୁଆଲେ ତମେ ବାବା ପର୍‌ମେସର୍ ସଞ୍ଜୁ ଆରି ତାର୍ ପଅର୍ ସଞ୍ଜୁ
 ମିସିକରି ରଇସା । ୨୫ କିରିସ୍‌ଟ ନିଜେ ଆମ୍‌କେ ନ ସାର୍‌ବା ଜିବନ୍ ଦେବି ବଲି
 କାତାଦେଇଆତେ । (aiōnios g166) ୨୬ ଜନ୍ ଲକ୍‌ମନ୍ ତମ୍‌କେ ସୁକ୍‌କବର୍
 ଜାନାଇଲୁନି ବଲି ବୁଲ୍ ସିକିଆ ଦେଇ ତମ୍‌କେ ନାତାଇବାକେ ତେସ୍‌ଟା
 କଲାଇନି, ସେମନ୍ ବିସଇ ଜାନାଇବାକେ ଏ ସବୁ ବିସଇ ମୁଇ ତମ୍‌କେ
 ଲେକ୍‌ଲିନି । ୨୭ ମାତର୍ ତମେ ନାତାଇ ନ ଉଆସ୍ । କାଇକେବଇଲେ
 କିରିସ୍‌ଟ ତାର୍ ସୁକଲ୍‌ଆତ୍‌ମା ତମ୍‌କେ ଦେଇଆତେ । ସେ ସୁକଲ୍‌ଆତ୍‌ମା
 ଏବେ ମିସା ତମର୍ ବିତ୍‌ରେ ଆତେ । ତେବର୍‌ପାଇ କେ ମିସା ବିନ୍ ଲକ୍
 ତମ୍‌କେ ସିକାଇବାକେ ଲତାନାଇ । ସୁକଲ୍‌ଆତ୍‌ମା ତମ୍‌କେ ସବୁ ବିସଇର୍
 ସତ୍ ସିକାଇସି । ତେଇ ସେ ଜନ୍‌ଟା ସିକାଇସି, ସେଟା ପୁରାପୁରୁନ୍ ସତ୍ ।
 ତେଇ କାଇ ବୁଲ୍ ବିସଇ ନ ରଏ । ତେବର୍‌ପାଇ ମୁଇ ତମ୍‌କେ କଇଲିନି,
 କିରିସ୍‌ଟର୍ ସଞ୍ଜୁ ମିସିରୁଆ । ୨୮ ଏ ଆଲାଦର୍ ପିଲାଟକିମନ୍, ମୁଇ ତମ୍‌କେ
 ଆରିତରେକ୍ କଇଲିନି କିରିସ୍‌ଟର୍ ସଞ୍ଜୁ ମିସିକରି ରୁଆ । ଜେନ୍ତୁରି କି ସେ

ଆରିତରେକ୍ ଏ ଜଗତେ ବାଉଡିଆଇଲାବେଲେ ତାକେ ବେଟ୍ ଅଇବାକେ
ତାକେ ନ ତରୁ କି ଲାଜ୍ ମିସା ନ ଉଆସ୍ । ୨୯ ଆମେ ଜାନିଆରୁ, କିରିସ୍ଟ
ଅନିଆଇ କାମ୍ ନ କରେ । ଏଟାମିସା ଜାନିଆରୁ, ଜନ୍‌ଲକ୍‌ମନ୍ ସତ୍ କାମ୍
କର୍ବାଇ, ସେମନ୍ ପର୍ମେସରର୍ ପିଲାଟକି ।

୩ ଅଲପ୍ ବାବିଦେକାପନି, ବାବା ପର୍ମେସର୍ ଆମ୍‌କେ କେଡେକ୍ ଆଲାଦ୍
କଲାନି । ତାର୍ ଏଡେକ୍ ଆଲାଦର୍ ଲାଗି ଆମେ ତାର୍ ପିଲାଜିଲା ବଲାଇ
ଅଇଲୁନି । ଆରି ସତଇସେ ଆମେ ତାର୍ ଅଇଆରୁ ବଲି ଏ ଜଗତର୍ ଲକ୍
ବୁଜୁଦ୍‌ନାଇ । କାଇକେବଇଲେ ଆମର୍ ବାବା ପର୍ମେସର୍‌କେ ସେମନ୍
ନାଜାନତ୍ । ୨ ଏ ମର୍ ଆଲାଦର୍ ମଇତର୍‌ମନ୍, ଏବେ ଆମେ ପର୍ମେସରର୍
ପିଲାଜିଲା ଅଇଆରୁ । ପର୍‌କେ ଆମେ କେନ୍ଦୁର୍ ଅଇରଇବୁ ବଲି ଏବେଜାକ
ନାଜାନୁ । ମାତର୍ ଜେଡେବେଲେ କିରିସ୍ଟ ଏଜଗତେ ବାଉଡି ଆଇସି,
ସେବେଲେ ସେ ଜେନ୍ଦୁରି ଆତେ, ସେନ୍ଦୁରି ତାକେ ଆମେ ଦେକ୍‌ବୁ । ଆମେ
ମିସା ତାର୍‌ପାରା ଅଇଜିବୁ । ଏଟା ସତ୍ । ୩ ଜେଡକି ଲକ୍ କିରିସ୍ଟର୍ ପାରା
ଅଇବୁ ବଲି ଆସା କଲାଇନି, ନିଜେ ପାପ୍ କାମ୍ ତାଡି ସୁକଲ୍ ରଇବାର୍
ଆତେ । ଜେନ୍ଦୁରିକି କିରିସ୍ଟ କେବେ ପାପ୍ ନ କରେ । ୪ ଜେ ପାପ୍
କର୍ସି, ସେ ପର୍ମେସରର୍ ନିୟ୍‌ବିରୁଦେ ଗାଲାନି । କାଇକେବଇଲେ
ନିୟ୍‌ମ୍ ନ ମାନ୍‌ବାଟା ଆକା ପାପ୍ । ୫ ଆମର୍ ପାପର୍ ତଣ୍ଟୁ ନେବାର୍‌ପାଇ
କିରିସ୍ଟ ଏ ଜଗତେ ଆଇଲା, ସେଟା ତମେ ଜାନାସ୍ । ଆରି ସେ କାଇ
ପାପ୍‌କାମ୍ ନ କରେ । ୬ ତେବେ ଜଦି ଗଟେକ୍ ଲକ୍ କିରିସ୍ଟର୍ ସଢ୍ଘୁ
ମିସିରଇଲେ, ସେ ଆରି ପାପ୍ କର୍ବାର୍ ନାଇ । ମାତର୍ ଗଟେକ୍ ଲକ୍ ଜଦି
ପାପ୍ କରିଲାଗିରଇସି, ସେ କିରିସ୍ଟକେ ଦେକେନାଇ କି ନାଜାନେ ମିସା ।
୭ ଏ ପିଲାଟକିମନ୍, ତମେ କାର୍‌ଟାନେଅନି ମିସା ନାଡାଇ ନ ଅଇବାକେ
ଜାଗ୍‌ରତ୍ ଅଇରୁଆ । ପର୍ମେସର୍ ଦେକ୍‌ବା ଇସାବେ ଜନ୍ ଲକ୍ ଦରମ୍ କାମ୍
କର୍ବାଇ, ସେମନ୍‌କେସେ ଦରମ୍ ଲକ୍ ବଲି ଡାକ୍‌ସି । ସେନ୍ଦୁରି ଲକ୍‌ମନ୍
ପର୍ମେସର୍ ଦେକ୍‌ବା ଇସାବେ ଦରମ୍ । ଜେନ୍ଦୁରିକି କିରିସ୍ଟ ଦରମ୍ ରଇଲା
। ୮ ମାତର୍ ପାପ୍‌କରି ଲାଗିରଇବା ଲକ୍‌ମନ୍ ସଇତାନର୍ । କାଇକେବଇଲେ
କାଇଟା ତିଆର୍ ନଅଇବା ଆଗ୍‌ରୁ ସଇତାନ୍ ପାପ୍ କରିଆଇଲାନି । ସଇତାନ୍
କରିରଇବା କାମ୍ କୁରୁପ୍‌ନାସ୍ କର୍ବାକେ ପର୍ମେସରର୍ ପଅ ଏ ଜଗତେ
ଆଇଲା । ୯ ପର୍ମେସରର୍ ପିଲା ଅଇରଇବା କେ ମିସା ପାପ୍‌କରିଲାଗି

ରଇବାର୍ ନାଇ । କାଇକେବଇଲେ ପର୍ମେସରର୍ ଗୁନ୍ତଲନ୍ ତାକର୍ ବିଡ୍ରେ
 ଆଚେ । ସେମନ୍ ପର୍ମେସରର୍ ପିଲାଜିଲା ଅଇଲାଇକେ, ପାପ୍କରିଲାଗି ନ
 ରଅଡ୍ । **e0** କେ କେ ସଇତାନର୍ ପିଲାମନ୍ ଆରି କେ କେ ପର୍ମେସରର୍
 ପିଲାମନ୍ ବଲି ଆମେ ଜାନୁ । ଜନ୍ ଲକ୍ମନ୍ ପର୍ମେସର୍ ଦେକ୍ବା ଇସାବେ
 ସଡ୍ କାମ୍ ନ କରଡ୍ । ଜନ୍ ଲକ୍ମନ୍ ମିସିବିଡିକରି ରଇବା ବିସ୍ବାସି
 ବାଇବଇନିମନ୍କେ ଆଲାଦ୍ ନ କରଡ୍, ସେମନ୍ ତାର୍ ପିଲାଜିଲା ନ ଅଅଡ୍
 । **ee** ଏ କବର୍ ତମେ ଆଗ୍ତୁଅନି ସୁନିଆସିଆଚାସ୍ । ସେଟା ଅଇଲାନି,
 ଆମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କର୍ବାର୍ ଆଚେ ।
e9 ଆମେ କହିନର୍ପାରା ଅଇବାର୍ ନାଇ । ସେ ଗଟେକ୍ ସଇତାନର୍ ଲକ୍
 ରଇଲା । ଜେକି ଜେଡ୍କି କାରାପ୍ କାମ୍ କରାଇସି । ସେ ତାର୍ ସାନ୍ବାଇକେ
 ମିସା ମରାଇଲା । ସେ କାଇକେ ସେନ୍ତାରି କଲା? କାଇକେବଇଲେ, ତାର୍
 ନିଜର୍ ଜେଡ୍କି କାମ୍ କାରାପ୍ ରଇଲା, ତାର୍ ବାଇ ଏବଲର୍ କାମ୍ମନ୍ ସେଡ୍କି
 ଦରମ୍ ରଇଲା । **e11** ଡେବର୍ପାଇ ଏ ମର୍ ବାଇବଇନିମନ୍, ଏଜଗତର୍
 ଲକ୍ମନ୍ ତମ୍କେ ଗିନ୍ କଲେ, କାବା ଅଇବାର୍ନାଇ । **e8** ଆମେ କିରିସ୍ଟ
 ବିସ୍ବାସି ବାଇବଇନିମନ୍କେ ଆଲାଦ୍ କର୍ବାର୍ ଲାଗି ଏଟା ଜାନ୍ଲୁନି । ଜେ
 ଆଲାଦ୍ ନ କରେ, ସେ ଏବେ ମିସା ମରନର୍ ସାସନର୍ ତଲେଆଚେ । **e8**
 କେ ଜଦି ବିନ୍ ବିସ୍ବାସି ବାଇବଇନିମନ୍କେ ଗିନ୍ କର୍ସି, ନର୍ମାର୍ବା ଲକ୍ମନ୍
 ସମାନ୍ । ଗଟେକ୍ ନର୍ମାରୁ ଲଗେ ପର୍ମେସରର୍ ନ ସାର୍ବା ଜିବନ୍ ନ
 ରଏ । ଏଟା ତମେ ଜାନିଆଚାସ୍ । (aiōnios g166) **e9** ଏଟାର୍ଲାଗି ଆଲାଦ୍
 କାଇଟା ଆମେ ଜାନ୍ଲୁନି । କିରିସ୍ଟ ଆମର୍ପାଇ ତାର୍ ନିଜର୍ ଜିବନ୍ ଦେଲା
 । ସେନ୍ତାରିସେ ଆମେମିସା ଆମର୍ ମିସିବିଡିରଇବା ବିସ୍ବାସି ବାଇବଇନି
 ମନର୍ଲାଗି ମର୍ବାକେ ତିଆର୍ ଅଇବାର୍ଆଚେ । **e9** ଜଦି କାକେମିସା
 ବର୍ବାକେ ତାର୍ ଲଡାକେ ଲାଗ୍ବାଟା ସବୁ ବିସଇଆଚେ, ଆରି ତାର୍ ବିସ୍ବାସି
 ବାଇକେ ଲଡାଆଚେ ବଲି ସେ ଜାନେ, ମାତର୍ ତାର୍ପାଇ ଜିବନ୍ ଦୁକାଏ
 ନାଇ, ସେ ମୁଇ ପର୍ମେସର୍କେ ଆଲାଦ୍ କଲିନି ବଲି କଇନାପାରେ । **e7**
 ଆଲାଦର୍ ପିଲାମନ୍, ଆମର୍ ଆଲାଦ୍ ଅବ୍କା କୁଆବଲାଇ ରଇବାର୍ ନାଇ
 । ଆମେ ସଡ୍ସଡ୍ ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କର୍ବାର୍
 ଆଚେ । ଜେନ୍ତାରିକି ପର୍ମେସର୍ ସଡ୍ସଡ୍ ଆମ୍କେ ଆଲାଦ୍ କର୍ସି ।
e6 ଆମେ ସବୁ ସେନ୍ତାରି ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍

କଲେ, ପର୍ଯ୍ୟେସରର ଲକ୍ଷ୍ୟ ଲକ୍ଷ୍ୟ ଲକ୍ଷ୍ୟ ଆକା । ଜନ୍ମଟା ସତ୍ ଆରି ଜନ୍ମଟା
 ଟିକ୍, ସେ ତାର ଲକ୍ଷ୍ୟକୁ ଦେଖାଇଛି । ଆରି ଆମେ ପର୍ଯ୍ୟେସରକୁ
 ପାର୍ତନା କଲାବେଳେ ନ ଡରୁ । ୨୦ ଆମର ବିବେକ୍ ଜଡ଼ି ଆମକୁ ପାପିବଲି
 ଦସ୍ ଦେଲେ, ଆମେ ସାନ୍ତିସନ୍ତୁ ରଇବୁ । କାଲକେବଲେ ଆମର ବିବେକ୍
 ଟାନେଅନି ଆମେ ଜାନ୍ବାତେଇଅନି ପର୍ଯ୍ୟେସର ଅଦିକ୍ ଜାନେ । ଆରି ଆମେ
 କରବା ସବୁ କାମ୍ ସେ ଜାନେ । ୨୧ ଏ ଆଲାଦର୍ ମଇତରମନ୍, ଆମର
 ବିବେକ୍ ଜଡ଼ି ଆମକୁ ଦସି ବଲି ନ ଜାନାଇଲେ, ଆମେ ପର୍ଯ୍ୟେସରକୁ
 ପାର୍ତନା କଲାବେଳେ ନ ଡରୁ । ୨୨ ଆମେ ତାକେ ଜେଡ଼ି ମାଙ୍ଗୁଲୁନି, ସେଟା
 ସବୁ ପର୍ଯ୍ୟେସର ଆମକୁ ଦେଇଛି । କାଲକେବଲେ ସେ ତିଆରୁଲାଟା
 ସବୁ ଆମେ କଲୁନି । ୨୩ ଆରି ଏଟା ଅଇଲାନି ତାର୍ ଆଦେସ୍ । ତାର୍ ପଅ
 ଜିସୁକିରିସ୍ତକେ ବିସ୍ବାସ୍ କରବାର୍ ଆରି ଜିସୁ ତିଆରୁଲାପାରା ଗଟେକ୍ ଲକ୍
 ଆରିଗଟେକ୍ ଲକ୍ ଆଲାଦ୍ କରବାର୍ । ୨୪ ଜେଡ଼ି ଲକ୍ ତାର୍ ଆଦେସ୍
 ମାନବାଇ, ସେମନ୍ ସବୁ ପର୍ଯ୍ୟେସର ସଙ୍ଗୁ ମିସ୍ଲାଇ ଆତଡ୍ । ଆରି ସେ
 ମିସା ସେନ୍ତୁରିସେ । ସେ ଆମର ବଡ଼ିରେ ଆତେ ବଲି ଏନ୍ତୁରି ଆମେ ଜାନ୍ଲୁନି
 । ଜନ୍ ସୁକଲ୍ ଆତ୍ମା ପର୍ଯ୍ୟେସର ଆମର ବିତ୍ରେ ରଇବାକେ ଦେଲାର୍ପାଇ
 ।

୪ ଏ ଆଲାଦର୍ ବାଇବଇନିମନ୍, ଜଡ଼ି କେ ମିସା ପର୍ଯ୍ୟେସର ଆତ୍ମା
 ମରଟାନେ ଆତେ, ବଲି କଇବା ଲକ୍ଷ୍ୟମନ୍ କାତା ବିସ୍ବାସ୍ କରବାର୍ ନାଇ ।
 ମାତର୍ ସେନ୍ତୁରି ଲକ୍ଷ୍ୟମନ୍ ସତଇସେ ପର୍ଯ୍ୟେସର ଆତ୍ମା ଆତେ କି
 ନାଇ ଜାନ୍ବାକେ ମନ୍ଦିଆନ୍ ଦେଇ ସେ କଇବା କାତା ପରିକା କରବାର୍
 ଆତେ । କାଲକେବଲେ ମିର୍ କାତା ସିକାଉମନ୍ ବେସି ଲକ୍ ବାରଇଆତଡ୍
 । ପର୍ଯ୍ୟେସର ଟାନେଅନି ମିଲାଇଲା କବର୍ ବଲି ସବୁବାଟେ ଗାଲାଇ
 ଆତଡ୍ । ୨ ଗଟେକ୍ ଲକ୍ଷ୍ୟମନ୍ ପର୍ଯ୍ୟେସର ଆତ୍ମା ଆତେ କି ନାଇ
 ବଲି ଏନ୍ତୁରି ତମେ ଜାନ୍ସା । ଜେ ଜିସୁକିରିସ୍ତ ନରୁପ୍ ଦାରି ଏ ଜଗତେ
 ଆଇଲା ବଲି କଇଲେ, ତାର୍ଟାନେ ପର୍ଯ୍ୟେସର ଆତ୍ମା ଆତେ । ୩
 ମାତର୍ ଜେ କି ଏ କାତା ନ ମାନେ, ତାର୍ଟାନେ ପର୍ଯ୍ୟେସର ଆତ୍ମା
 ନାଇ । ସେନ୍ତୁରି ଲକ୍ଷ୍ୟମନ୍ କିରିସ୍ତର୍ ବିରଦିର୍ ଆତ୍ମା ଆତେ
 । ଏ ଆତ୍ମା ଜଗତେ ଆଇସି ବଲି ତମେ ସୁନିଆରାସ୍ । ସେନ୍ତୁରି ସେ
 ଆତ୍ମା ଆଇଲାଆତେ । ଆରି ଏବେ ମିସା ସେଟା ଜଗତେ ଆତେ । ୪

ମାତରୁ ତମେ ପରମେସରରୁ ଲକ୍ । ଏ ଆଲାଦରୁ ପିଲାମନ୍, ସେନ୍ତୁରି ବୁଲ୍
 ସିକିଆ ଦେଉମନରୁ କାତା ମାନା ନାଇ । କାଇକେବଇଲେ ତମରୁଟାନେ
 ରଇବା ଆତ୍ମା ଏ ଜଗତରୁ ଲକ୍ମନରୁ ଆତ୍ମାତେଇଅନି ଅଦିକ୍ ବପୁଟା
 । ୫ ସେମନ୍ ଏ ଜଗତରୁ ଲକ୍ । ଆରି ଏ ଜଗତରୁ ଲକ୍ମନ୍ ତାକରୁ
 କାତା ସୁନ୍‌ବାଇ । କାଇକେବଇଲେ ସେମନରୁ ସିକିଆ ଆରି ଏ ଜଗତରୁ
 ଲକ୍ମନରୁ ସିକିଆ ସମାନ୍‌ଆତେ । ୬ ମାତରୁ ଆମେ ପରମେସରରୁ ଲକ୍
 । ଆରି ଜେତୁକି ଲକ୍ ପରମେସରୁକେ ଜାନିଆତୁ, ସେମନ୍ ସବୁ ଆମରୁ
 ସିକିଆ ମାନ୍‌ବାଇ । ମାତରୁ ଜେତୁକି ପରମେସରରୁ ଲକ୍ ନଅତୁ, ଆମରୁ
 ସିକିଆ ନ ମାନତୁ । ଏଟାରୁଲାଗି ଗଟେକ୍ ଲକ୍‌କେ ସତ୍ ଆତ୍ମା ଆତେ
 କି ସଇତାନରୁ ଆତ୍ମା ଆତେ ବଲି ଜାନିଅଇସି । ୭ ଏ ମରୁ ଆଲାଦରୁ
 ମଇତରୁମନ୍, ଆମେ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରାକରି
 ଅଉଁ । କାଇକେବଇଲେ ଆଲାଦ୍ କରବାକେ ପରମେସରୁ ଆମ୍‌କେ ସାଇଜ
 କରୁସି । ଜେ ଜଦି ବିନ୍ ଲକ୍ମନୁକେ ଆଲାଦ୍ କରୁସି, ସେ ପରମେସରରୁ
 ପିଲା ଆରି ପରମେସରୁକେ ଜାନେ । ୮ ଜେ ବିନ୍ ଲକ୍ମନୁକେ ଆଲାଦ୍
 ନ କରେ, ସେ ପରମେସରୁକେ ନାଜାନେ । କାଇକେବଇଲେ ପରମେସରୁ
 ସବୁବେଲେ ଆଲାଦ୍‌କାରିଆ । ୯ ପରମେସରୁ ଏନ୍ତୁରି ଆମରୁପାଇ ତାରୁ
 ଆଲାଦ୍ ଦେକାଇଲା । ସେ ଗଟେକ୍ ବଲି ତାରୁ ପିଲାକେ ଏ ଜଗତେ ପାଟାଇଲା
 । ଜେନ୍ତୁରିକି ତାରୁଲାଗି ଆମେ ନ ସାର୍‌ବା ଜିବନ୍ ପାଇବୁ । ୧୦ ଏନ୍ତୁରି
 ନଏଁଜେ, ଆମେ ପରମେସରୁକେ ଆଲାଦ୍ କଲୁ, ମାତରୁ ସେ ଆମ୍‌କେ ଆଲାଦ୍
 କଲା । ଆରି କୁରୁସ୍‌କାଟେ ମଲାପାଇ ଆମରୁ ତଣ୍ଟୁ ପାଇବାକେ ତାରୁ
 ପଅକେ ପାଟାଇଲା । ଏଟା ଅଇଲାନି ସତ୍‌ସତ୍ ଆଲାଦ୍ କରବାଟା । ୧୧ ଏ
 ମରୁ ଆଲାଦରୁ ମଇତରୁମନ୍, ଜେନ୍ତୁକି ପରମେସରୁ ଆମ୍‌କେ ଏତେକ୍ ଆଲାଦ୍
 କଲାପାଇ, ଆମେମିସା ଗଟେକ୍ ଲକ୍ ଆରିଗଟେକ୍ ଲକ୍‌କେ ସେନ୍ତୁରି
 ଆଲାଦ୍ କରୁବାରୁ ଆତେ । ୧୨ କେ ମିସା ପରମେସରୁକେ ଦେକତୁ ନାଇତା ।
 ମାତରୁ ଆମେ ଜଦି ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କଲେ,
 ପରମେସରୁ ଆମରୁ ସତ୍ ମିସିଆତେ । ସେ ଆମରୁଟାନେ ତାରୁ ଆଲାଦ୍
 ସିଦ୍ କରୁସି । ୧୩ ପରମେସରୁ ସତ୍ ମିସିଆରୁ ବଲି ଆମେ ଜାନୁ । ଆରି
 ସେ ମିସା ଆମରୁ ସତ୍ ମିସିଆତେ । କାଇକେବଇଲେ ସେ ତାରୁ ଆତ୍ମା
 ଆମ୍‌କେ ଦେଲାଆତେ । ୧୪ ଆରି ଆମେ ଦେକିଆରୁ ପାପରୁ ତଣ୍ଟୁଅନି

ଲକ୍ଷ୍ମୀନକେ ରକ୍ଷିଆ କରବାକେ ବାବା ପରମେସ୍ୱର ତାର୍ ପଅକେ ଏ ଜଗତେ
 ପାଟାଇଲା । ଏଟା ସତ୍ କାତା ବଲି ବିନ୍ ଲକ୍ଷ୍ମୀନକେ କଲୁନି । ୧୫
 ଜେ ମିସା ଜିସୁକେ ପରମେସ୍ୱର ପଅ ବଲି ନାମ୍ଲେ, ପରମେସ୍ୱର ସେ
 ଲକ୍ଷ୍ମୀ ସତ୍ ମିସିରଇସି । ଆରି ସେ ମିସା ପରମେସ୍ୱର ସତ୍ ରଇସି ।
 ୧୬ ପରମେସ୍ୱର ଜନ୍ ଆଲାଦ୍ ଆମର୍ପାଇ ଦେକାଇଆଟେ, ସେଟା ଆମେ
 ଜାନ୍ଲୁନି ଆରି ବିସ୍ୱାସ୍ କଲୁନି । ସେ ସବୁବେଲେ ଲକ୍ଷ୍ମୀନକେ ଆଲାଦ୍
 କରସି । ଜେତକି ଲକ୍ଷ୍ମୀ ପରମେସ୍ୱରକେ ଆରି ବିନ୍ ଲକ୍ଷ୍ମୀନକେ ଆଲାଦ୍
 କରବାଇ, ସେମନ୍ ପରମେସ୍ୱର ସତ୍ ମିସିଆତର୍ । ଆରି ସେ ମିସା ତାକର୍
 ସତ୍ ଆଟେ । ୧୭ ପରମେସ୍ୱର ଆମେକ ଦେଇ ବିନ୍ ଲକ୍ଷ୍ମୀନକେ ଆଲାଦ୍
 କରବା କାମ୍ କଲାଆଟେ । ଜେନ୍ତିକି ସେ ସବୁକେ ବିଚାରନା କରବା ଦିନେ
 ଆମେ ତରିକରି ନ ରଉଁ । କିରିସ୍ଟ ଏ ଜଗତେ ରଇଲାବେଲେ, ଜେନ୍ତି
 ଚଲାଚଲ୍ତି କର୍ତ୍ତେରଇଲା, ସେନ୍ତାରିସେ ଆମେମିସା ଚଲାଚଲ୍ତି କରୁ ।
 ଆରି ଆମେ ତରିକରି ନ ରଉଁ । ୧୮ ଜେ ପରମେସ୍ୱରକେ ଆଲାଦ୍ କରସି,
 ସେ ତାକେ ନ ତରେ । ତାର୍ ଆଲାଦ୍ ଆମର୍ ବିତ୍ରେ କାମ୍ କରସି, ଆମେ
 ତାକେ ତରିନର୍ । ସେ ସେମନ୍କେ ତଣ୍ଟୁ ଦେଇସି ବଲି ଲକ୍ଷ୍ମୀନ ତାକେ
 ତରୁଲାଇନି । ଜଦି କେ ମିସା ପରମେସ୍ୱରକେ ତରସି, ତାର୍ ଆଲାଦ୍ ସେ
 ଲକ୍ଷ୍ମୀନେ କାମ୍ କରେନାଇ ବଲି ଜାନାପଡ୍ସି । ୧୯ ଆମେ ତାକେ ଆଲାଦ୍
 କରବା ଆଗ୍ତୁ ପରମେସ୍ୱର ଆମ୍ଲେ ଆଲାଦ୍ କଲା । ସେଟାର୍ପାଇ ଆମେ
 ତାକେ ଆଲାଦ୍ କଲୁନି । ୨୦ ଜଦି କେ ମିସା ମୁଇ ପରମେସ୍ୱରକେ ଆଲାଦ୍
 କଲିନି ବଲି କଇସି, ମାତର୍ ନିଜର୍ ବିସ୍ୱାସି ବାଇବଇନିକେ ଚିନ୍ କରସି,
 ସେନ୍ତାଆଲେ ସେ ମିର୍ କଇଲାନି । କାଇକେବଇଲେ ଦୁଇଟା ଆଁକିତେଇ
 ତିସ୍ୱା ବାଇବଇନିମନ୍କେ ଆଲାଦ୍ ନ କରବା ଗଟେକ୍ ଲକ୍ଷ୍ମୀ, ନ ତିସ୍ୱା
 ପରମେସ୍ୱରକେ ଆଲାଦ୍ କରିନାପାରେ । ୨୧ ଆରି ସେ ଆମ୍ଲେ ଏ ଆଦେସ୍
 ଦେଇ ତିଆରୁଲାଆଟେ, ଜେ ପରମେସ୍ୱରକେ ଆଲାଦ୍ କରସି, ତାର୍ ମିସିବିତି
 ରଇବା ବିସ୍ୱାସି ବାଇବଇନିମନ୍କେ ମିସା ଆଲାଦ୍ କରବାର୍ ଆଟେ ।

୫ ଜେ କି ଜିସୁକେ ମସିଅ ବଲି ବିସ୍ୱାସ୍ କରସି, ସେ ପରମେସ୍ୱର ପିଲା ।
 ଆରି ଜେ କି ବାବାକେ ଆଲାଦ୍ କରସି, ସେ ତାର୍ ପିଲାକେ ମିସା ଆଲାଦ୍
 କରସି । ୨ ପରମେସ୍ୱର ପିଲାମନ୍କେ ଆମେ ଆଲାଦ୍ କଲୁନି ବଲି ଏନ୍ତାରି
 ଜାନିଅଇସି । ପରମେସ୍ୱରକେ ଆଲାଦ୍ କରି ଆରି ତାର୍ ଆଦେସ୍ ମିସା

ମାନିକରି । ୩ ଆମେ ଜଦି ସତଇସେ ପର୍ମେସର୍କେ ଆଲାଦ୍ କଲେ, ତାର୍
 ଆଦେସ୍ ସବୁ ମାନୁବୁ । ସେ ଆମ୍ବକେ ତିଆରୁଲା ବିସଇ ମାନୁବାକେ ଆମ୍ବକେ
 ଆବଡ୍ ନ ଲାଗେ । ୪ କାଇକେବଇଲେ ପର୍ମେସର୍କ ସବୁ ପିଲା ଏ ଜଗତର୍
 କାରାପ୍ ଚଲାଚଲ୍ଟି ନିତିକରି ଜିତିପାରୁସି । ଆମର୍ ବିସ୍ବାସର୍ ଲାଗି ଆମେ
 ଜଗତ୍କେ ଜିତିଅଇସି । ୫ ଏ ଜଗତ୍କେ କେ ଆରାଇପାରୁସି? ଜିସୁକେ
 ପର୍ମେସର୍କ ପଅ ବଲି ଜେ ବିସ୍ବାସ୍ କରୁସି, ସେ ଏ ଜଗତ୍କେ ଆରାଇସି
 । ୬ ଜିସୁକିରିସ୍ଟ ପର୍ମେସର୍କ ପ ବଲିକରି, ତୁବନ୍ ଦେଉ ଜଅନ୍ ତାକେ
 ପାନିତେଇ ତୁବନ୍ ଦେଲା । ଆରି ସେ ମଲାବେଲେ ତାର୍ ବନି ରକଇଅଇଲା ।
 ଏନ୍ତାରି ନଏଁ ଜେ ସେ ଅବ୍କା ପାନିସ୍ତୁ ତୁବନ୍ ଅଇଲା, ମାତର୍ ତାର୍ ମରନେ
 ତାର୍ ବନି ରକଇଅଇଲା । ଏ ସବୁ ବିସଇ ସତ୍ ବଲି ସୁକଲ୍ଆତ୍ମା ଆମ୍ବକେ
 ସାକିଦେଲାନି । କାଇକେବଇଲେ ସେ ସତ୍ ଆତ୍ମା । ୭ ତେବର୍ପାଇ
 ତିନ୍ଟା ସାକିତେଇଅନି ଆମେ ସତ୍ ଜାନ୍ଲୁନି । ୮ ସୁକଲ୍ଆତ୍ମା, ତୁବନ୍
 ଅଇରଇବା ପାନି, ଆରି ରକଇଅଇରଇବା ବନି, ତିନ୍ଟାଜାକ ସାକିତେଇ ରାଜି
 ଅଇଆତ୍ । ୯ ଜେତେବେଲେ ଲକ୍ମନ୍ ତାକର୍ ଜାନିରଇବା ବିସଇନେଇ
 ସାକିଦେବାଇ, ଆମେ ସେମନ୍କେ ବିସ୍ବାସ୍ କରୁବୁ । ମାତର୍ ପର୍ମେସର୍
 ଆମ୍ବକେ ସାକିଦେବାଟା ତାର୍ତେଇଅନି ଅଦିକ୍ ମୁକିଅ । କାଇକେବଇଲେ
 ସେଟା ପର୍ମେସର୍କ ସାକି । ସେ ତାର୍ ନିଜର୍ ପଅର୍ ବିସଇନେଇ ଆମ୍ବକେ
 ସାକିଦେଲାନି । ୧୦ କେ ମିସା ଜିସୁକେ ପର୍ମେସର୍କ ପଅ ବଲି ବିସ୍ବାସ୍
 କଲେ, ପର୍ମେସର୍କ ସାକି ତାକର୍ ମନ୍ ବିତ୍ରେ ଆତେ । ପର୍ମେସର୍
 କଇଲା କାତା ଜେ ଜଦି ବିସ୍ବାସ୍ ନ କରେ, ସେ ମିତ୍ ବଲିକରି କଇଲାନି ।
 କାଇକେବଇଲେ ତାର୍ ନିଜର୍ ପଅର୍ ବିସଇ କଇଲାଟା ସେମନ୍ ବିସ୍ବାସ୍
 କରତ୍ ନାଇ । ୧୧ ସେ ସାକିଅ ଏଟା ସେ । ପର୍ମେସର୍ ଆମ୍ବକେ ନ ସାର୍ବା
 ଜିବନ୍ ଦେଲାଆତେ । ଏ ଜିବନ୍ ଆମେ ତାର୍ ପଅର୍ଲାଗି ମିଲାଅଆରୁ
 । (aiōnios g166) ୧୨ ତାର୍ ପଅସ୍ତୁ ଜେ ମିସା ମିସିରଇବାଇ, ସେମନ୍
 ଏ ନ ସାର୍ବା ଜିବନ୍ ପାଇବାଇ । ଆରି ଜେ ତାର୍ ପଅସ୍ତୁ ମିସେନାଇ
 ସେ ଏ ଜିବନ୍ ମିସା ପାଏନାଇ । ୧୩ ତମେ ଜେତ୍କି ଲକ୍ ପର୍ମେସର୍କ
 ପଅକେ ବିସ୍ବାସ୍ କଲାସ୍ନି, ତମ୍ବକେ ଏ ଚିଟି ଲେକ୍ଲିନି । ଜେନ୍ତାରିକି
 ଆମ୍ବକେ ନ ସାର୍ବା ଜିବନ୍ ଆତେ ବଲି ତମେ ଜାନାସ୍ । (aiōnios g166)
 ୧୪ ପର୍ମେସର୍କେ ପାର୍ତନା କରୁବାବେଲେ ଆମେ ଡରିକରି ରଉନାଇ ।

କାଈକେବଈଲେ ତାର୍ ମନ୍ କଲା ଈସାବେ ଆମେ କାଈଟା ମାଢ଼ୁଲେ ମିସା
 ସେ ଆମ୍ବେ ଦେଈସି । ୧୫ ଜେଡେବେଲେ ଆମେ ତାକେ ମାଢ଼ୁଲେ, ସେ
 ଆମର୍ କାତା ସୁନ୍ସି । ଆମେ ତାକେ ପାର୍ତନାଈ ଜାଈଟା ମାଢ଼ୁଲେ ସେଟା
 ଆମ୍ବେ ଦେଈସି । ୧୬ ଜଦି ତମର୍ ସଢ଼ୁର୍ ବିସ୍ବାସି ବାଈ ପାପ୍‌କଲାନି ବଲି
 ଜାନ୍‌ଲେ, ଆରି ସେ ପାପ୍, ଲକ୍‌କେ ପର୍ମେସରର୍ ଟାନେଅନି ସବୁଦିନର୍‌ପାଈ
 ବେଗଲ୍‌ବା ପାରା ପାପ୍ ନଈଲେ, ସେ ଲକ୍‌କେ ରକ୍‌ିଆ କର ବଲି ତାକେ
 ଗୁଆରି କର୍‌ବାର୍ ଆତେ । ଆରି ପର୍ମେସର୍ ସେ ଲକ୍‌କେ କେମାକରି
 ରକ୍‌ିଆ କର୍‌ସି । ଏଟା ଜେନ୍ତୁରି ପାପ୍ ଜନ୍‌ଟା ମରନର୍ ବାଟେ ଲକ୍‌ମନ୍‌କେ
 ନ ତାକିନେଏ, ସେନ୍ତୁରି ପାପ୍ ପାଈ । ମାତର୍ ପର୍ମେସରର୍ ଟାନେଅନି
 ସବୁଦିନର୍‌ପାଈ ବେଗଲ୍‌ବା ପାରା ପାପ୍ ପାଈ, ତମେ ତାକେ ଗୁଆରି କରା
 ବଲି ମୁଈ କଈ ନାଈ । ୧୭ ସବୁ ରକାମର୍ ବୁଲ୍ କାମ୍ ପାପ୍‌ସେ । ମାତର୍
 ସବୁ ରକାମର୍ ପାପ୍ ମରନର୍ ବାଟେ ନ ତାକିନେଏ । ୧୮ ଆମେ ଜାନିଆରୁ,
 ଜେ ପର୍ମେସରର୍ ପିଲା ଅଈଗାଲା ଆତେ, ସେ ପାପ୍‌କାମ୍ କରିଲାଗି ନ
 ରଏ । କାଈକେବଈଲେ ପର୍ମେସରର୍ ପଅ ତାକେ ଦେକାରକା କର୍‌ସି ।
 ଆରି ସଈତାନ୍ ଜେ କି ସବୁ ରକାମ୍ କାରାପ୍ କାମ୍ କରାଈସି, ତାକେ କାଈଟା
 କରିନର୍ । ୧୯ ଆମେ ଜାନିଆରୁ, ଆମେ ପର୍ମେସରର୍ ପିଲାଜିଲା ଆରି ଜେ
 କି ତାକେ ନାଜାନେ, ସଈତାନ୍ ସେମନ୍‌କେ ସାସନ୍ କଲାନି । ୨୦ ଆମେ
 ଏଟା ମିସା ଜାନିଆରୁ ଜେ, ତାର୍ ପଅ ଏ ଜଗତେ ଆଈଲା ଆରି ଆମ୍ବେ
 ସର୍ ପର୍ମେସର୍‌କେ ଜାନାଈଲା । ଏ ସର୍ ପର୍ମେସରର୍ ସଢ଼ୁ ଆମେ
 ମିସିକରିଆରୁ । କାଈକେବଈଲେ ତାର୍ ପଅ ଜିସୁକିରିସ୍‌ଟର୍ ସଢ଼ୁ ଆମେ
 ମିସିଆରୁ । ସେ ସେ ସର୍ ପର୍ମେସର୍ ଆରି ସେ ସେ ଲକ୍‌ମନ୍‌କେ ନ ସାର୍‌ବା
 ଜିବନ୍ ଦେଈସି । (aiōnios g166) ୨୧ ଏ ମର୍ ଆଲାଦର୍ ପିଲାଟକିମନ୍, ମିର୍
 ପୁର୍ଲାମନର୍ ଟାନେଅନି ଦୁରିକେ ରୁଆ ।

୨ ଯୁ ଜଅନ୍

୧ ପାର୍ବତୀନ୍ ଜଅନ୍ଜେ ମୁଇ ଏ ଚିଟି ଲେକ୍ଲିନି । ଏ ଚିଟି ଆମର୍ ଆଲାଦର୍ ବଇନି ଆରି ତାର୍ ପିଲାମନର୍ପାଇ । ମୁଇ ସତଇସେ ତମ୍ବକେ ସବୁଲକ୍ମନ୍କେ ଆଲାଦ୍ କଲିନି । ଆରି ମୁଇସେ ନାଇ, ସତ୍ ବିସଇ ଜାନିରଇବା ସବୁଲକ୍ ମିସା । ୨ ଆମେ ସତ୍ ବିସଇ ଜାନିରଇଲାର୍ପାଇ ତମ୍ବକେ ଆଲାଦ୍ କଲିନି । ଆରି କାଲ୍କାଲ୍ ଜୁଗ୍ଜୁଗ୍ ପାଇ, ସେ ସତ୍ ବିସଇ ଜାନିରଇବୁ । (aiōn g165) ୩ ଆମର୍ ବାବା ପର୍ମେସର୍ ଆରି ତାର୍ ପଅ ଜିସୁକିରିସ୍ଟ ଆମ୍ବକେ ଆସିର୍ବାଦ୍ କରି ଦୟା ଦେକାଅ ଆରି ସାନ୍ତି ଆରି ସତ୍ସଢ୍ଠ ବର୍ବାକେ ଦେଅ । ତମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା । ୪ ଆମର୍ ବାବା ପର୍ମେସର୍ ଆମ୍ବକେ ତିଆର୍ଲାପାରା ତମର୍ କେତେଟା ପିଲାଟକିମନ୍ ତାର୍ ସତ୍ବାଟେ ଇଣ୍ଟୁଲାଇନି ବଲି ସୁନିକରି ମୁଇ ବେସି ସାର୍ଦା ଅଇଲି । ୫ ଏବେ ଆରି ମର୍ ଆଲାଦର୍ ବଇନି, ମୁଇ ତକେ ଗଟେକ୍ ବିସଇ କର୍ବାକେ କଇବି । ଗଟେକ୍ ନୁଆ ଆଦେସ୍ କର୍ ବଲି କଇନାଇ । ମାତର୍ କିରିସ୍ଟ ସଢ୍ଠ ଜିବାକେ ଆରାମ୍ କର୍ବା ବେଲେଅନି ଏଟା ଆମେ ସୁନି ଆଇଲୁନି । ମୁଇ ମାଢ୍ଠୁଲିନି ତମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା । ୬ ଏ ଆଲାଦର୍ ଅରତ୍ ଅଇଲାନି ଆମେ ପର୍ମେସରର୍ ଆଦେସ୍ ସବୁ ମାନ୍ବାର୍ ଆଟେ । କିରିସ୍ଟ ସଢ୍ଠ ଜିବାକେ ଆରାମ୍ କର୍ବା ବେଲେଅନି ଏଟା ଆମେ ସୁନି ଆଇଲୁନି । ତମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା । ୭ କାଇକେ ବଇଲେ ମୁଇ ଏନ୍ତିବଲି କଇଲିନିଜେ ସତ୍ ନ ରଇବା ବିସଇ ସିକାଇକରି ଲକ୍ମନ୍କେ ନାଡାଇବା ବେସି ଲକ୍ ଗୁଲାଇବାଟେ ଆଚତ୍ । ଜିସୁକିରିସ୍ଟ ନରୁପ୍ ଦାରି ଏ ଜଗତେ ଆସେନାଇ ବଲି ସେମନ୍ କଇବାଇ । ଜଦି କେ ମିସା ସେନ୍ତାରି କଇଲେ, ସେ ଲକ୍ମନ୍କେ ନାଡାଇବା କିରିସ୍ଟର୍ ବିରଦି । ୮ ଲକ୍ମନ୍ ତମ୍ବକେ ନାଡାଇ ନାପାରତ୍, ତମେ ଜାଗରତ୍ସଢ୍ଠ ରଇବାର୍ ଆଟେ । ଜେନ୍ତାରିକି ପର୍ମେସର୍କେ କର୍ବା ତମର୍ ସେବା କାମ୍ ବେକାର୍ ନ ଅ । ମାତର୍ ତମର୍ ସେବାକାମର୍ ପାଇ ପର୍ମେସର୍ ତମ୍ବକେ ପୁରାପୁରୁନ୍ ଅଇତେ ଇନାମ୍ ଦେଇସି । ୯ ଜଦି କେ କିରିସ୍ଟ ସିକାଇଲା ବିସଇ ବିସ୍ବାସ୍ ନ କରେ, ଆରି ତାର୍ ସିକିଆର୍ ସଢ୍ଠ ତାର୍ ନିଜର୍ଟା ମିସାଇଲେ, ସେ କିରିସ୍ଟର୍ ସଢ୍ଠ ମିସେନାଇ । ମାତର୍ କେ ଜଦି କିରିସ୍ଟ ସିକାଇଲା ବିସଇ ବିସ୍ବାସ୍ କର୍ତେରଇସି, ସେ ବାବା ପର୍ମେସର୍ ସଢ୍ଠ ଆରି

ତାର ପଥ ଜିସୁକିରିସ୍ତ ସଞ୍ଜ ମିସ୍ଲୀଆତେ । ୧୦ ତେବର୍ପାଇ କେ ଜଦି
ତମର୍ଗାନେ ଆସି, କିରିସ୍ତ ସିକାଇରଇବା ବିସଇତେଇଅନି ବିନ୍ ବିସଇ
କଇଲେ, ତାକେ ତମର୍ ଗରେ ମୁଲ୍‌କେ ଡାକିନିଆ ନାଇ, କି ସଞ୍ଜୁର୍ ବିସ୍‌ବାସି
ଇସାବେ ଜୁଆର୍‌ବିଆର୍ କରାନାଇ । ୧୧ ଜଦି କେ ମିସା ସେନ୍ତୁରି ଲକ୍‌କେ
ଜୁଆର୍‌ବିଆର୍ କର୍ସି, ସେ ବୁଲ୍ ସିକାଉର୍ ସଞ୍ଜ ମିସିକରି ତାର କାରାପ୍ କାମେ
ମିସ୍‌ଲାନି । ୧୨ ମୁଇ ତମ୍‌କେ ବେସି ବିସଇ ଲେକ୍‌ବାକେ ମନ୍ କଲିନି, ମାତର୍
ତିଟିଟାନେ ଲେକ୍‌ବାକେ ମନ୍ କରିନାଇ । ତାର୍‌ବାଦୁଲେ ଆସିକରି ତମର୍
ମୁଆଟେ କାତା ଅଇବି । ତେବେ ଆମେ ପୁରାପୁରୁନ୍ ସାର୍‌ଦା ଅଇବୁ । ୧୩
ପର୍‌ମେସର୍ ବାଟିରଇବା ବଇନିର୍ ପିଲାମନ୍, ତମ୍‌କେ ଜୁଆର୍ ଜାନାଇଲାଇନି
।

୩ ଯୁ ଜଅନ୍

୧ ଏ ମଣ୍ଡଳିର ପାର୍ତ୍ତିନ୍ ଇସାବେ ମୁଇ ଜଅନ୍, ଏ ଚିଟି ଆଲାଦର୍ ଗାଇସ୍, ତକେ ଲେକ୍‌ଲିନି । ମୁଇ ତକେ ସତଇସେ ଆଲାଦ୍ କଲିନି । ୨ ଏ ମର୍ ଆଲାଦର୍ ମଇତର୍, ତମେ ଗାଗଡ୍ ଇସାବେ ବପୁ ଉଆ ଆରି ତମର୍ ସବୁ କାମ୍ ନିକ ଅ ବଲି ମୁଇ ପାର୍ତ୍ତିନା କଲିନି । ଜେନ୍ତୁରିକି ମୁଇ ଜାନି, ତମେ ଆଡ଼ମାଇ ମିସା ନିକସେ ଆତାସ୍ । ୩ ପର୍ମେସରର୍ ସଡ୍ ବାଟ୍ ଇସାବେ ତମେ ତଲାଚଲ୍‌ତି କଲାସ୍‌ନି ବଲି କେତେଟା ସଞ୍ଜୁର୍ ବିସ୍‌ବାସି ବାଇମନ୍ ଇତି ଆସିକରି ଆମ୍‌କେ କଇଲାଇ । ଆରି ତମେ ସେନ୍ତୁରିସେ ତଲାଚଲ୍‌ତି କଲାସ୍‌ନି ବଲି ମୁଇ ଜାନି । ୪ ମର୍ ପିଲାମନ୍ ସଡ୍ ଇସାବେ ତଲାଚଲ୍‌ତି କଲାଇନି ବଲି ସୁନ୍‌ଲାତେଇଅନି ଆରି କାଇ ବିସଇ ମକେ ସାର୍‌ଦା ନ କରାଏ । ୫ ମର୍ ଆଲାଦର୍ ମଇତର୍, ତମର୍ ସଞ୍ଜୁ ରଇବା ବିନ୍ ଦେସର୍ ବିସ୍‌ବାସି ବାଇମନ୍‌ପାଇ ତମେ କର୍‌ବା କାମ୍ କେବେ କେବେ ନାଜାନିରଇଲେ ମିସା ସଡ଼ସଞ୍ଜୁ କଲାସ୍‌ନି । ୬ ତାକର୍ ବିତ୍‌ରେଅନି କେତେକ୍ ଲକ୍ ଇତିର୍ ମଣ୍ଡଳିର ଲକ୍‌ମନ୍‌କେ ତମର୍ ଆଲାଦର୍ ବିସଇ କାତା ଅଇଲାଆତଡ୍ । ସେନ୍ତୁରି ଲକ୍‌ମନ୍‌କେ, ଜେତେବେଲେ ତମ୍‌କେ ଚାଡି ଅଲ୍‌ଗା ଜାଗାମନ୍‌କେ ଜିବାବେଲେ, ଆଗ୍‌କେ ପଡ଼କେ କାଇଟା ନ ବାବିକରି ସାଇଜ କରାଗିରୁଆ । ୭ ଏ ଲକ୍‌ମନ୍ ଜିସୁକିରିସ୍‌ଟର୍ ସେବା କାମ୍‌ରାଗି ଗୁଲାଇବାଟେ ବୁଲ୍‌ଲାଇନି । ଆରି କିରିସ୍‌ଟକେ ବିସ୍‌ବାସ୍ ନ କର୍‌ବା ଲକ୍‌ମନ୍‌ତେଇଅନି ସେମନ୍ କାଇ ସାଇଜ ନ ମାଞ୍ଜୁ । ୮ ତେବର୍‌ପାଇ ଆମେ ତାକର୍ ସଞ୍ଜୁର୍ ବିସ୍‌ବାସିମନ୍, ସେମନ୍‌କେ ଜାଇଟା ଲଡାଆତେ ସେଟା ଦେଇତେରଉଁ । ଏନ୍ତୁରି ଲକ୍‌ମନ୍‌କେ ସଡ୍ ଜାନାଇବା କାମ୍‌ଟାନେ ଆମେ ମିସିକରି କରୁ । ୯ ତମର୍ ନଅରେ ରଇବା ମଣ୍ଡଳିର ଲକ୍‌ମନ୍‌କେ ମୁଇ ଆଗ୍‌ତୁ ଗଟେକ୍ ଚିଟି ଲେକିରଇଲି । ମାତର୍ ତାୟଟେପିସ୍ ମର୍ କାତା ଦାରେନାଇ । କାଇକେବଇଲେ ସେ ନିଜେ ମଣ୍ଡଳିର ନେତା ଅଇବି ବଲି ମନ୍‌କଲାନି । ୧୦ ତେବର୍‌ପାଇ ମୁଇ ଜେତେବେଲେ ତମର୍ ନଅରେ ଆଇବାବେଲେ ତାୟଟେପିସ୍ ଜାଇଟା କଲାନି, ସେଟାସବୁ ମଣ୍ଡଳିର ଲକ୍‌ମନ୍‌କେ, କଇଦେବି ବଲି ମନ୍ କଲି । ସେ ମର୍ ବିରୁଦେ, ନ କର୍‌ଲାଟାମନ୍ କଇବୁଲ୍‌ଲାନି । ଆରି ତାର୍‌ତେଇଅନି ଅଦିକ୍ କାରାପ୍‌ଟା ମିସା ସେ କଲାନି । ଆମର୍ ସଞ୍ଜୁର୍ ବିସ୍‌ବାସିମନ୍, ଜେକି ସୁବ୍‌କବର୍ ଜାନାଇଲାଇନି, ସେ ସେମନ୍‌କେ ତାକିନେବାକେ ନିରୁଲାନି । ଜନ୍ ଲକ୍‌ମନ୍

ସେମନ୍ତକେ ଡାକିନେବାକେ ମନ୍ କଲାଇନି, ସେମନ୍ତକେ ଡେବାଇଲାନି ।
 ସେନ୍ତୁରି ଲକ୍ଷ୍ମଣକେ ମଣ୍ଡୁଲିରୁ ସବାଡେଇ ଆଇବାକେ ମନାକଲାନି । ୧୧
 ଆଲାଦରୁ ମଇତରୁ, କାରାପ୍ କାମ୍ କରି ଚଲାଚଲ୍ତି କରୁବା ଲକ୍ଷ୍ମଣରୁ ପାରା
 ଉଆନାଇ । ତାରୁ ବାଦୁଲେ ନିକ କାମ୍ କରୁବା ଲକ୍ଷ୍ମଣରୁପାରା ଉଆ । ଜଦି
 କେ କାରାପ୍ କାମ୍ କଲେ, ତାରୁ କାମେଅନି ସେ ପର୍ମେସରୁକେ ନାଜାନେ
 ବଲି ଡିସ୍ଲାନି । ୧୨ ଡିମିତିରୁ ଗଟେକ୍ ନିକ ଲକ୍ ବଲି ମଣ୍ଡୁଲିରୁ ସବୁଲକ୍
 କଇଲାଇନି । ସେ ସର୍ ବିସଇ ଇସାବେ ଚଲାଚଲ୍ତି କଲାନି । ଡେବରୁପାଇ
 ସେ ଗଟେକ୍ ନିକ ଲକ୍ ବଲି ଆମେ ଜାନିଆରୁ । ସେ ଗଟେକ୍ ନିକ ଲକ୍
 ବଲି ମୁଇ ମିସା ସାକିଦେଲିନି । ଆରି ତମେ ଜାନାସ୍ ଆମେ ଗଟେକ୍ ଲକରୁ
 କାଇଆଲେ ବିସଇ କଇଲେ, ସେଟା ସର୍ । ୧୩ ତମ୍ବକେ ମୁଇ ବେସି ବିସଇ
 କଇବାକେ ମନ୍ କଲିନି, ମାତରୁ ଚିଟିଟାନେ ଲେକ୍ବାକେ ମନ୍ କରିନାଇ
 । ୧୪ ମୁଇ ଦାପ୍ରେ ତମ୍ବଟାନେ ଆସିକରି ତମ୍ବ ମୁଆଟେ ସବୁ କାତା
 କଇବି । ପର୍ମେସରୁ ତମ୍ବକେ ସାନ୍ତି ଦେଅ । ମଣ୍ଡୁଲିଡେଇ ରଇବା ତମ୍ବ ସବୁ
 ମଇତରୁମନ୍ ଜୁଆର୍ ଜାନାଇଲାଇନି । ତମ୍ବ ନଅରୁ ମଣ୍ଡୁଲିଡେଇ ରଇବା
 ମର୍ ସବୁ ମଇତରୁମନ୍କେ ଗଟେକ୍ ଗଟେକ୍ ଲକ୍କେ, ଜୁଆର୍ ଜାନାଆ ।

ଜିଉଦା

୧ ମୁଇ ଜିଉଦା । ଜିସୁ କିରିସ୍ତର୍ ଗଟେକ୍ ଗତିଦାଢ଼ୁଆ ଆରି ଜାକୁବର୍ ବାଇ । ଜନ୍ ଲକ୍ମନକେ ପର୍ମେସର୍ ବାଚ୍ଲାଆତେ, ସେମନର୍ପାଇ ମୁଇ ଏ ଚିଟି ଲେକ୍ଲିନି । ବାବା ପର୍ମେସର୍ ତମ୍ବକେ ଆଲାଦ୍ କଲାନି । ଆରି ତମ୍ବକେ ଜିସୁକିରିସ୍ତର୍ ଦେକାରକା କର୍ବାକେ ସଢ଼ୁଇଆତେ । ୨ ପର୍ମେସର୍ ତମ୍ବକେ ଦୟା ଦେକାଅ, ତାର୍ ସାନ୍ତି ଆରି ଆଲାଦ୍ ତମ୍ବକେ ଜବର୍ ଅଇତେ ମିଲ । ୩ ଏ ମର୍ ଆଲାଦର୍ ମଇତର୍ମନ୍, ଆମେ ପାଇରଇବା ମୁକ୍ତିର୍ ବିସଇ ତମ୍ବକେ ଲେକ୍ବି ବଲି ମନ୍ କଲିନି ମିସା, ସର୍ ବିସଇର୍ପାଇ ଚିଆ ଅଇବାକେ ତମ୍ବକେ ସାର୍ଦା କରାଇବି ବଲି ମନ୍କଲି । ତାର୍ ସୁକଲ୍ ଲକ୍ମନର୍ପାଇ ପର୍ମେସର୍ ଏ ସର୍ ସିକିଆ ଗଟେକ୍ ବେଲେ ସବୁଲକର୍ପାଇ ଦେଲାଆତେ । ୪ କାଇକେବଇଲେ ବିସ୍ବାସି ବଲି କେତେକ୍ ନାତାଇବା ଲକ୍ କେ ନାଜାନ୍ତେ ପୁରିଆତର୍ । ଏ ଲକ୍ମନ୍ ପାଇବା ତଣ୍ଟୁ ଆଗର୍ କାଲେଅନି ସାସ୍ତରେ ଲେକାଅଇଆତେ । ଏ ଲକ୍ମନ୍ ପର୍ମେସରର୍ ଅଦିକାର୍ ନାମତ୍ନାଇ । ଆମର୍ ପର୍ମେସର୍ ଦରମ୍ଟା ବଲି ଲକ୍ମନ୍ ଜେନ୍ତୁର୍ ସେନ୍ତୁର୍ ବେସିଆ କାମ୍ କଲେମିସା କାଇଟା ନଏଁ ବଲି କଇଲାଇନି । ମାପୁରୁ ଜିସୁକିରିସ୍ତର୍ସେ ଆମର୍ ମାଲିକ୍ ବଲି ସେମନ୍ ନାମତ୍ନାଇ । ୫ ଏ ସବୁ ବିସଇ ତମେ ଜାନିରଇଲେ ମିସା ମାପୁରୁ ଇସ୍ରାଏଲର୍ ଲକ୍ମନକେ ମିସର୍ ଦେସେଅନି ମୁକ୍ଲାଇକରି ଆନ୍ଲା ବିସଇ ତମ୍ବକେ ଏତାଇଦେବାକେ ମୁଇ ମନ୍ କଲିନି । ମାତର୍ ପତେ ଜେଡ୍ବି ଲକ୍ ବିସ୍ବାସ୍ କରତ୍ନାଇ, ସେମନ୍କେ ସବୁକେ କୁରୁପ୍ନାସ୍ କଲା । ୬ ସେଡ୍ବିସେ ନଏଁ ସେ ଦୁତ୍ମନକେ ମିସା ତଣ୍ଟୁ ଦେଇରଇଲା । ପର୍ମେସର୍ ସେମନ୍କେ ଜେଡ୍ବି ଅଦିକାର୍ ସର୍ପି ଦେଇରଇଲା, ସେମନ୍ ତାର୍ତେଇଅନି ଅଦିକ୍ ନେଲାଇ । ଆରି ତାକର୍ ଦେଇରଇବା ଜାଗା ଚାଡ଼ଲାଇ । ସେ ସେମନ୍କେ ବିଚାର୍ କର୍ବା ଦିନ୍ ଜାକ, ଗଟେକ୍ ଆନ୍ତୁରର୍ ଜାଗାଇ, କେ ବାଢ଼ୁଇ ନାପାର୍ଲା ପାରା, ସିକ୍ଲି ସଢ଼ୁ ବାନ୍ତିଆତେ । (aidios g126) ୭ ସଦମ୍ ଗମ୍ବରା ଆରି ତାର୍ ଚାରିବେଟ୍ଟି ରଇବା ନଅର୍ମନର୍ ବିସଇ ଏତାଇଦେକା । ନ ଲିବ୍ବା ଜଇଟାନେ ତଣ୍ଟୁ ଇସାବେ ସେମନ୍ ଜେଡ୍ବି ଦୁକ୍ କସ୍ଟ ପାଇଲାଇ, ସେଟା ସବୁଲକର୍ପାଇ ଗଟେକ୍ ଜାଗ୍ବର୍ ଅଇରଇବା ବିସଇ । ସେମନ୍ ଅବ୍ବା ପାଦ୍ରା ପାଦ୍ରି କାମ୍ସେ କରତ୍ନାଇ ମାତର୍ ମନସ୍ ମନସ୍ ବିତ୍ରେ ମାଇଜି ମାଇଜି ବିତ୍ରେ ବେସିଆ କାମ୍ କର୍ତେ ରଇଲାଇ ।

(aiōnios g166) Ἦ ସେନ୍ତୁରିସେ ଏ ଲକ୍ମନ୍ ନିଜେ ଦରସନ୍ ପାଇକରି ମିସା ପାଦରା ପାଦ୍ରି କାମ୍ କରି ନିଜର୍ ଗାଗଡ୍ ଅସୁକଲ୍ କଲାଇନି । ମାପ୍ତୁର ଅଦିକାର୍ ସେମନ୍ ଗିନ୍ କରି ସର୍ଗେ ରଇବାଟାମନ୍କେ ନିନ୍ତୁ କଲାଇନି । ୯ ମୁକିଅ ଦୁଡ୍ ମିକାଏଲ୍ ମିସା ମସାର୍ ମଲା ଗାଗଡ୍ ନେଇକରି ତପ୍ବାକେ କାର୍ ଅଦିକାର୍ ଆଚେ ବଲିକରି ସଇତାନର୍ ସଞ୍ଜ୍ ଦଦାପେଲା କର୍ତ୍ତେରଇଲା । ସେଡ୍କିବେଲେ ପର୍ମେସରର୍ ଜାଗାଇ ରଇ, ସଇତାନ୍କେ ବିତାର୍ କର୍ବା ଅଦିକାର୍ ନେବାକେ ସେ ସାଆସ୍ କରେନାଇ । ତାର୍ ବାଦୁଲେ ମାପ୍ତୁ ତକେ ଡଣ୍ଟ ଦେଇସି ବଲି କଇଲା । ୧୦ ଏଲେମିସା ଏ ଲକ୍ମନ୍ ନ ବୁଜ୍ବା ବିସଇ ନେଇ ନିନ୍ତୁ କାତା କଲାଇନି । ସେମନ୍ ଜେଡ୍କି ବିସଇ ବୁଜ୍ଲାଇନି, ସେଟା ସେମନ୍କେ ଅଦିକ୍ ବାବ୍ବାକେ ନ ପଡେ । ଜେନ୍ତୁରି, କି ପସୁମନ୍ କାଇ ବିସଇ ନ ବାବଡ୍ । ଏ ସମାନ୍ ବିସଇ ଆକା ସେମନ୍କେ କୁରୁପ୍ନାସ୍ କର୍ସି । ୧୧ ସେମନ୍ କେଡେକ୍ ଡଣ୍ଟ ପାଇବା ଲକ୍ ସେମନ୍ କଇନର୍ ବାଟ୍ ଦାର୍ଲାଇ ଆଚଡ୍ । ବିଲିଆମ୍ ପାପ୍ କଲାପାରା ସାର୍ଦା ସଞ୍ଜ୍ ପାପ୍ କଲାଆଚଡ୍ । କରା ବିରଡ୍ କଲାପାରା ସେମନ୍ ବିରଡ୍ କରି କୁରୁପ୍ନାସ୍ ଅଇବାଇ । ୧୨ ତମେ ଗଟେକ୍ତେଇ ରୁଣ୍ଟିକରି ମିସି କାଇଲାବେଲେ, ତମର୍ ସଞ୍ଜ୍ ସେମନ୍ ଲାଜ୍ ଲାଗ୍ବା କାମ୍ କଲେ ମିସା ସେମନ୍ ତମର୍ ମୁଆଟେ ଲାଜ୍ ନ ଅଇକରି ସାଆସ୍ ସଞ୍ଜ୍ କାଇଲାଇନି । ମେଣ୍ଟାମନ୍କେ ନ ଚାରାଇ ନିଜେ ଚାରାଇଅଇଲା ଗଉଡ୍ ପାରା ଅଇଲାଇନି । ପବନ୍ ଆଇଲେ ଉଡାଇନେବା ପାନି ନ ମାର୍ବା ବାଦଲ୍ପାରା ଏମନ୍ ଆଚଡ୍ । ପଲ୍ ଦେବା ବେଲାଇ କାଇପଲ୍ ନ ରଇବା ଗର୍ ଜେନ୍ତୁରି ଉପାଡିକରି ସୁକ୍ବାକେ ଚାଡ୍ଲାପାରା, ସେନ୍ତୁରି ଅଇ ସେମନ୍ ଆଚଡ୍ । ୧୩ ସେମନ୍ ସମ୍ବୁରର୍ ଲଅଡି ଜେନ୍ତି ପେପୁଲ୍ ବାକ୍କର୍ସି, ସେ ପେପୁଲ୍ପାରା ତାକର୍ ଲାଜର୍ ଚଲାଚଲ୍ଡି ଡିସ୍ସି । ଆକାସର୍ କେଡେକ୍ କେଡେକ୍ ତାରାମନ୍ ଜେନ୍ତି ତାକର୍ ପାଇ ରଇବା ଜାଗାଇ ନ କିନ୍ତୁରିକରି ବିନ୍ବାଟେ ବୁଲ୍ଡେରଇବାଇ, ସେମନ୍ ସମାନ୍ ସେନ୍ତୁରିସେ । ପର୍ମେସର୍ ସେମନ୍ପାଇ ଗଟେକ୍ ବଡ୍ ଗଇରି ରଇବା ଆନ୍ତୁରର୍ ଜାଗା ସଞ୍ଜ୍ଆଚେ । ଜନ୍ତିକି ସେମନ୍ ସବୁଦିନର୍ପାଇ ରଇବାଇ । (aiōn g165) ୧୪ ଅନକର୍ ବିସଇ ବାବିଦେକା । ସେ ଆଦମର୍ଟାନେ ଅନି ଆଇବା ସାଡ୍ ଲମର୍ ନାଡିଡିଡି । ଏନ୍ତୁରିଲକ୍ମନର୍ ବିସଇନେଇ ସେ ବବିସଡ୍ବକ୍ତା ଏନ୍ତୁରି କଇଲା, ଦେକା ମାପ୍ତୁ ତାର୍ ଅଜାର୍ ଅଜାର୍ ସୁକଲ୍ ଦୁଡ୍ମନର୍ ସଞ୍ଜ୍ ଆଇସି । ୧୫ ସେ

ସବୁଲକ୍ଷ୍ମୀଙ୍କେ ବିଚାର କରସି । ଆରି ଜେତକି ଲକ୍ଷ୍ମୀ ତାକେ ନାମଦନାଇ,
 ସେମନ୍ ସବୁଲକ୍ଷ୍ମୀଙ୍କେ ଦସି କରସି । ସେମନ୍ କରିରଇବା ସବୁ କାରାପ୍
 କାମର୍ ଲାଗି ମିସା ଦସିଅଇବାଇ । ୧୭ ଏ ଲକ୍ଷ୍ମୀନ୍ ମୁର୍ମୁରା ଅଇକରି ବିନ୍
 ଲକ୍ଷ୍ମୀଙ୍କେ ନିନ୍ଦା କରବାଇ । ନିଜର୍ କାରାପ୍ ମନ୍ କଲାଟା ପୁରାପୁରୁନ୍
 କରବାକେ ମନ୍ କରବାଇ, ନିଜର୍ ବିସଇନେଇ ବଡ଼ପନ୍ ଅଇବାଇ ଆରି
 ନିଜର୍ ଲାବ୍ ପାଇବାକେ ବିନ୍ଦୁଲକ୍ଷ୍ମୀଙ୍କେ ନିକ କାତା କଇ ସୁଦରାଇବାଇ । ୧୭
 ମାତର୍ ଏ ମର୍ ଆଲାଦର୍ ମଇତର୍ମନ୍, ଆମର୍ ମାପୁରୁ ଜିସୁ କିରିସ୍ଟର୍
 ପେରିଡ଼ ସିସ୍ମନ୍ କାଇଟା ଅଇସି ବଲି କଇଲାଟା ତମର୍ ମନେ ରଅ । ୧୮
 “ସାରାସାରି ଦିନ୍ ମନ୍କେ ମାପୁରୁକେ କିଜାଇକରି ନିଜର୍ କାରାପ୍ ମନ୍ କଲାଟା
 ପୁରାପୁରୁନ୍ କରବାକେ ମନ୍ କରବା ଲକ୍ଷ୍ମୀନ୍ ରଇବାଇ ।” ସେମନ୍ ତମ୍କେ
 ଏନ୍ତି କଇରଇଲାଇ । ୧୯ ଏନ୍ତାରି ସେମନ୍ ଲକ୍ଷ୍ମୀଙ୍କେ ବେଗ୍ଲାଇବାଇ,
 ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଇ । ସେମନ୍
 ସୁକଲ୍ଆତ୍ମା ପାଅତ୍ନାଇ । ୨୦ ମାତର୍ ତମେ ମର୍ ଆଲାଦର୍ ମଇତର୍ମନ୍,
 ଆମର୍ ବେସି ସୁକଲ୍ ରଇବା ବିସ୍ବାସେ ନିଜେ ତାବ୍ ଅଇତେରୁଆ ।
 ସୁକଲ୍ଆତ୍ମାର୍ ସାଇଜ ନେଇ ପାର୍ତନା କରତେରୁଆ । ୨୧ ମାପୁରୁ
 ଜିସୁକିରିସ୍ଟ ବାଉଡ଼ି ଆଇବା ଦିନ୍କେ ଜାଗ୍ତେରୁଆ ଆରି ପର୍ମେସର୍
 ଆଲାଦେ ବଡ଼ିଆସା । ସେନ୍ତାଆଲେ ତମେ ତାର୍ସଞ୍ଜ କାଲ୍କାଲ୍ ଜୁଗ୍ଜୁଗ୍
 ରଇସା । କାଇକେବଇଲେ ସେ ଆମ୍କେ ଦୟା ଦେକାଇଲା ଆତେ । (aiōnios
 g166) ୨୨ ଦୁଇମନିଆ ଅଇବା ଲକ୍ଷ୍ମୀଙ୍କେ ଦୟା ଦେକାଆ । ୨୩ କେବେ ନ
 ଲିବ୍ବା ଜଇଟାମେନି ତାତାଇକରି ସେମନ୍କେ ରକିଆ କରା । ତରିକରି
 ପାପ୍କରବା ଲକ୍ଷ୍ମୀଙ୍କେ ଦୟା ଦେକାଆ । ମାତର୍ ତାକର୍ ପାପ୍କାମେ ମୁର୍କି
 ରଇବା ବସ୍ତର୍ ମିସା ଗିନ୍ କରା । ୨୪ ତମେ ଜେନ୍ତାରିକି ନ ଅଦରେଡ଼,
 ପର୍ମେସର୍ ତମ୍କେ ଦେକାରକା କରସି । ସେ ଅଇଲାନି ମଇମା ପାଇବା
 ପର୍ମେସର୍ । କାଇ ଦସ୍ ନ ଦାରି ସାର୍ଦାସଞ୍ଜ ତମ୍କେ ତାର୍ ମୁଆଟେ
 ଟିଆକରାଇବାକେ ତାର୍ ବପୁଆତେ । ୨୫ ଆମର୍ ମାପୁରୁ ଜିସୁକିରିସ୍ଟର୍
 ଲାଗି ସେ ଗଟେକ୍ ସେ ପର୍ମେସର୍, ଜେ କି ଆମ୍କେ ରକିଆ କଲାଆତେ ।
 ସବୁ ତାକ୍ପୁଟା, ମଇମା, ବପୁ ଆରି ସାସନ୍ କାଇଟା ନ ଅଇତେ ତାର୍ଟାସେ
 ରଇଲା, ଏବେ ତାର୍ଟାସେ ଆତେ ଆରି କାଲ୍ କାଲ୍ ଜୁଗ୍ ଜୁଗ୍ ତାର୍ଟାସେ
 ରଇସି । ଆମେନ୍! (aiōn g165)

ପର୍କାସିତ

୧ ଜାଇ ଜାଇଟା ଦାପ୍ରେ ଗଟ୍‌ବାକେ ଗାଲାନି, ପର୍ମେସର୍ ଜିସୁ କିରିସ୍‌ଟକେ
ଜାନାଇ ରଇବା ବିସଇ ଏ ବଇଟାନେ ଲେକାଅଇ ଆଟେ । ସେ ସବୁ ବିସଇ
ତାର୍ ଦାଢ଼ୁଡ଼ାମନ୍‌କେ ଜାନାଇବାକେ ପର୍ମେସର୍ ତାକେ ଜାନାଇଲା ।
ତେବର୍‌ପାଇ ମୁଇ ଜଅନ୍ ଜେ କି ତାର୍ ସିସ୍ ଅଇଲିଆତି, ମକେ ଜାନାଇବାକେ
କିରିସ୍‌ଟ ତାର୍ ଦୁଡ଼କେ ପାଟାଇଲାଆଟେ । ୨ ଆରି ମକେ ଜେଡ଼କି ବିସଇ
ଦେକାଇରଇଲା, ମୁଇ ସେଟାମନ୍ ସବୁ ଲେକିଆତି । ଆରି ଏ ସବୁ ଜିସୁ କିରିସ୍‌ଟ
ଜାନାଇରଇବା ପର୍ମେସରର୍ ସଡ଼ ବାକିଅ ବଲି ମୁଇ ତାଟ୍ ସଢ଼ୁ କଇଲିନି ।
୩ ଏ ବଇ ପତିକରି ତେଇ ଲେକାଅଇରଇବା ଆଗ୍‌କେ ଗଟ୍‌ବା କାତାମନ୍
ବୁଢ଼ିକରି ମାନ୍‌ବା ଲକ୍‌ମନ୍ କେଡେକ୍ କରମର୍ ଲକ୍‌ମନ୍! କାଇକେବଇଲେ ଏ
ସବୁ ବିସଇ ଗଟ୍‌ବା ବେଲା କେଟ୍‌ଲା । ୪ ମୁଇ ଜଅନ୍ ଆସିଆ ରାଇଜେ
ରଇବା ସାଡ଼ଟା ମଣ୍ଡୁଲିକେ ଲେକ୍‌ଲିନି । ପର୍ମେସର୍ ଟାନେଅନି ଆସିରଇବା
ଜିବନ୍ ଦୁକାଇଲାଟା ଆରି ସାନ୍ତି ତମ୍‌କେ ମିଲ । ସେ ଏବେ ଆଟେ । ଆଗ୍‌ତୁ
ମିସା ରଇଲା ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ ବସିରଇବା ଜାଗାର୍
ମୁଆଟର୍ ସାଡ଼ଟା ଆଡ଼ମାମନର୍ ଟାନେଅନି ୫ ଆରି ଜିସୁକିରିସ୍‌ଟ ଟାନେଅନି
। ସେ ଆକା ପର୍ମେସରର୍ ବିସଇର୍ ସଡ଼ ସାକି ଦେଇପାର୍‌ସି । ମଲା
ଲକ୍‌ମନର୍‌ଟାନେଅନି ତାକେସେ ପର୍‌ତୁମ୍ ଉଟାଇରଇଲା । ଏ ଜଗତର୍
ସାସନ୍‌କାରିଆମନର୍ ଉପ୍ରେ ରଇବା ସାସନ୍‌କାରିଆ । ସେ ଆମ୍‌କେ ଆଲାଦ୍
କଲାନି । ଆମର୍‌ପାଇ ଗଟେକ୍ ବଲି ଇସାବେ ମଲାକେ ଆମର୍ ପାପେଅନି
ସେ ଆମ୍‌କେ ମୁକ୍‌ଲାଆଟେ । ୬ ତାର୍ ବାବା ପର୍ମେସର୍କେ ସେବା
କର୍‌ବାପାଇ ସେ ଆମ୍‌କେ ଗଟେକ୍ ରାଜାର୍ କୁଟୁମେ ପୁଜାରି କଲାଆଟେ ।
ସେ କାଲ୍ କାଲ୍ ଜୁଗ୍ ଜୁଗ୍ ବପୁ ଆରି ମଇମା ପାଅ । ଆମେନ୍ । (aiōn g165)
୭ ଏଦେ ଦେକା! ସେ ମେଗ୍‌ମାଲାଇ ବସି ଆଇଲାନି । ଗୁଲାଇ ଲକ୍‌ମନ୍ ତାକେ
ଦେକ୍‌ବାଇ । ତାକେ କୁରୁସ୍‌କାଟେ କୁଟି ମାରିରଇବା ଲକ୍‌ମନ୍ ମିସା ଦେକ୍‌ବାଇ
। ଏ ଜଗତେ ରଇବା ସବୁ ଲକ୍‌ମନ୍ ତାର୍‌ଲାଗି ଦୁକ୍ କର୍‌ବାଇ । ସେଟା
ସେନ୍ତାରିସେ ଅଇସି । ଆମେନ୍! ୮ ମାପ୍‌ରୁ ପର୍ମେସର୍ ସବୁର୍‌ଟାନେଅନି
ଅଦିକ୍ ବପୁର୍‌ଟା । ସେ ଏବେ ମିସା ଆଟେ । ସେ ଆଗ୍‌ତୁ ରଇଲା । ଆରି
କାଲ୍ କାଲ୍ ଜୁଗ୍ ଜୁଗ୍ ରଇସି । ସେ କଇଲାଆଟେ “ଆରାମେଅନି ସବୁ
ବିସଇ କର୍‌ବା ଲକ୍ ମୁଇ, ଆରି ସାରାଇବା ଲକ୍ ମିସା ମୁଇସେ ।” ୯

“ମୁଇ ଜଅନ୍, ତମର୍ ବିସ୍ବାସର୍ ଲାଗି ବାଇ ଅଇଲିଆତି । ଜିସୁର୍ ସଞ୍ଜୁ
 ଆମେ ମିସିଆରୁକେ, ତାର ରାଇଜେ ରଇବା ଲକ୍ମନର୍ପାଇ ଆସିରଇବା
 ସବୁ ଦୁକ୍ କସ୍ତଟାନେ ମୁଇ ତମର୍ ସଞ୍ଜୁ ମୁର୍ଚିକରି ଆତି । ଚାରିବେଟ୍ତି
 ସମ୍ବୁର୍ ରଇକରି ମଜାଇ ରଇବା ପାତ୍ମସ୍ ବଲି ଗଟେକ୍ ରାଇଜେ ମକେ
 ନେଇରଇଲା । ମୁଇ ପର୍ମେସରର୍ କାତା ଆରି ଜିସୁ ଦେଇରଇବା ସିକିଆ
 ଜାନାଇରଇଲିଜେ, ମକେ ସେନ୍ତାରି କଲା । ୧୦ ଆମେ ମିସିକରି ତାକେ
 ଆରାଦନା କର୍ବା ମାପୁରୁ ଦିନେ, ତାର୍ ଆତ୍ମା ମକେ ଦାରିରଇଲା । ଆରି
 ଜବର୍ ଅଇତେ ମଇରି ବାଜ୍ଲା ପାରା ମର୍ ପର୍ବାଟେ ସୁନ୍ଲି । ୧୧ ତୁଇ
 ଦେକ୍ଲାଟା ବଇଟାନେ ଲେକ୍ ଆରି ଏପିସିୟ, ସୁରନା, ପର୍ଗାମା, ତିଆଟିରା,
 ସାର୍ଦି, ପିଲାଦେଲ୍ପିଆ ଆରି ଲାଉଦିକିଆଇ ମଣ୍ଡୁଲିତେଇ ପାଟାଆ ବଲି
 ସେ ସବଦ୍ ସୁନ୍ଲି ।” ୧୨ ସେ ସବଦ୍ ସୁନ୍ଲାକେ, କେ କାତାଅଇଲାନ୍ତି,
 ଦେକ୍ବି ବଲି ପାସଲ୍ଲି ଆରି ସାତ୍ଟା ସୁନାର୍ ବତି ତାଣ୍ଟି ଦେକ୍ଲି । ୧୩
 ତାର୍ ମଜାଇ ନର୍ ପାରା ତିସ୍ତେରଇବା ଗଟେକ୍ ଲକ୍ମକେ ଦେକ୍ଲି । ତାର୍
 ପାଦ୍ଜାକ ଅଇବା ଗଟେକ୍ ତେଞ୍ଜୁ ଲୁଗା ପିନ୍ଧିରଇଲା । ତାର୍ ବୁକ୍ତଲେ
 ଗଟେକ୍ ସୁନାର୍ ବେଲ୍ଟୁ ବାନ୍ଧି ରଇଲା । ୧୪ ତାର୍ ମୁଣ୍ଡୁର୍ ତେଣ୍ଟି ଦଇଲା
 ଚାଉଲ୍ ଆରି ଦୁଦ୍ପାରା ଦବ୍ ରଇଲା । ଆରି ତାର୍ ଆଁକି ଲାଗ୍ତେ ରଇବା
 ଜଇ ପାରା ଗଜ୍ଗଜି ଜାଇତେ ରଇଲା । ୧୫ ତାର୍ ପାଦର୍ ରେଡି ପିତଲ୍
 ପାରା ଜଗ୍ଗଗି ଜାଇତେରଇଲା, ଜନ୍ଟାକି ଜଇଟାନେ ପରିତଲ୍ ଅଇ ସୁନ୍ଦୁର୍
 କରି ରେଡ୍ଲାପାରା । ଆରି ତାର୍ ସବଦ୍ ଅଦର୍ତେରଇବା ଜର୍ନା ପାନିର୍
 ସବଦ୍ପାରା ଜବର୍ ସବଦ୍ ଅଇତେରଇଲା । ୧୬ ସେ ତାର୍ ଉଜା ବାଟର୍
 ଆତେ ସାତ୍ଟା ତାରା ଦାରି ରଇଲା, ଆରି ତାର୍ ଟଣ୍ଟେ ଅନି ଦୁଇବାଟେ ଦାର୍
 ରଇବା ତିପ୍ତିପା କାଣ୍ଟା ବାରଇତେ ରଇଲା । ଆରି ତାର୍ ମୁଁ ମୁଇଦାନିଆର୍
 ବେଲ୍ପାରା ଜଲ୍ଲି ଜାଇତେ ରଇଲା । ୧୭ ତାକେ ଦେକିକରି ମୁଇ ମଲାପାରା
 ଅଇକରି ତାର୍ ପାଦ୍ତଲେ ଅଦ୍ରି ଗାଲି । ତାର୍ ପତେ ସେ ମର୍ ଉପ୍ରେ ତାର୍
 ଉଜା ଆତ୍ ସଞ୍ଜୁଇ କରି କଇଲା, ତର୍ନାଇ, ମୁଇସେ ଆରାମ୍ ମୁଇସେ ସେସ୍
 । ୧୮ ମୁଇସେ ଜିବନ୍ ରଇବା ଲକ୍ । କାଇକେବଇଲେ ମୁଇ ମରିରଇଲି
 ମିସା ଦେକା କାଲ୍ କାଲ୍ ଜୁଗ୍ ଜୁଗ୍ ବଞ୍ଚିକରି ଆତି । ମର୍ ଆତେ ମରନର୍
 ଆରି ପାତାଲର୍ କୁଟିକାଡି ଆତେ । ମରିରଇବା ସବୁ ଲକ୍ମନର୍ ଉପ୍ରେ
 ଆରି ମଲାଲକ୍ମନକେ କନ୍ତି ପାଟାଇବାର୍, ସେଟା ମର୍ ଅଦିକାର୍ଆତେ ।

(aiōn g165, Hadēs g86) ଏଫ ଡେବର୍ ପାଇ ତମେ ଏବେ ଜାଇଜାଇଟା ଦେକି ଆତାସ୍ ଆରି ଜାଇଜାଇଟା ଏବେ ଗର୍ଲାନି ଆରି ପର୍କେ ଗର୍ସି, ସେଟା ସବୁ ଲେକିକରି ସଞ୍ଜୁଆ । ୨୦ ମର୍ ଉଜାବାଟେ ରଇବା ସାତ୍ଟା ତାରା ଆରି, ସାତ୍ଟା ସୁନାର୍ ବତି ତାଣ୍ଟିର୍ ଅରଡ୍ ମୁଇ ତମ୍କେ କଇଦେବି । ସେ ସାତ୍ଟା ବତିତାଣ୍ଟି ଅଇଲାନି ସାତ୍ଟା ମଣ୍ଟୁଲି । ସାତ୍ଟା ତାର୍ମନ୍ ଅଇଲାଇନି, ସାତ୍ଟା ମଣ୍ଟୁଲିର୍ ଦାଇଡ୍ ନେବା ଦୁଡ୍ମନ୍ ।

୨ ସେ କଇଲା, ଏପିସସ୍ ମଣ୍ଟୁଲିକେ ଦେକାରକା କର୍ବା ଦୁଡ୍ମକେ ଲେକା । ଏ କବର୍ ମର୍ଟାନେଅନି ପାଟାଇଲିନି । ସାତ୍ଟା ତାରାକେ ମୁଇ ମର୍ ଉଜାବାଟେ ଦାରିରଇବି । ସାତ୍ଟା ସୁନାର୍ ବତିତାଣ୍ଟି ମଜାଇ ଇଣ୍ଟୁଡେରଇବି । ୨ ମୁଇ ତମର୍ ଚଲାଚଲ୍ତି ଜାନି । ତମେ ଆବଡ୍ ଅଇ ପାଇଟି କର୍ବାଟା ଆରି ଦୁକ୍ କସ୍ଟ ଆଇଲେ ମିସା ମୁର୍ଟି କରି ରଇବାଟା ମୁଇ ଜାନି । କରାପ୍ ଲକର୍ କାମ୍ ତମ୍କେ ସାର୍ଦା ନ କରାଏ ବଲି ମୁଇ ଜାନି । ଜନ୍ ଲକ୍ମନ୍ ଆମେ ପେରିଡ୍ସିସ୍ ବଲି ନାତାଇଲାଇନି, ସେମନ୍ ସଡ୍ କି ମିର୍ ବଲି ତମେ ପରିକା କରିଆତାସ୍ । ସେମନ୍ ମିର୍ କଇଲାଇନି ବଲି ତମେ ଜାନିଆତାସ୍ । ୩ ଦୁକ୍ କସ୍ଟ ଆଇଲେ ମିସା ମର୍ ଲାଗି ମୁର୍ଟିକରି ରଇଲାସ୍ନି । ଆରି ବିସ୍ବାସ୍ ଚାଡାସ୍ନାଇ । ୪ ମାତର୍ ତମର୍ ଚଲାଚଲ୍ତିଡେଇ ମକେ ଗଟେକ୍ ବିସଇ ବଲ୍ ନ ଲାଗେ । ସେଟା ଅଇଲାନି ଆଗେ ତମେ ମକେ ଜେନ୍ଟି ଆଲାଦ୍ କର୍ଡେରଇଲାସ୍, ଏବେ ସେନ୍ତାରି କରାସ୍ ନାଇ । ୫ ମର୍ପାଇ ରଇବା ତାଟ୍ ଆଲାଦ୍ ମନେ ଏତାଆ । ପାପେଅନି ବାଉଡା । ଆରି ଆଗ୍ତୁ କର୍ଡେରଇବା ନିକ କାମ୍ମନ୍ କରା । କାଇକେବଇଲେ ତମେ ପାପେଅନି ନ ବାଅଡ୍ଲେ, ମୁଇ ତମର୍ଟାନେ ଆଇବି ଆରି ତମର୍ ବତିତାଣ୍ଟି ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଗୁଚାଇଦେବି । ୬ ମାତର୍ ତମର୍ ଗଟେକ୍ ବିସଇ ମକେ ନିକ ଲାଗ୍ସି । ତମେ ନିକଲାତିଅର୍ ଲକ୍ମନ୍ କର୍ବା କାମ୍ ଗିନ୍ କର୍ସା । ଜନ୍ଟାକି ମୁଇମିସା ବେସି ଗିନ୍ କର୍ବି । ୭ ଆତ୍ମା ମଣ୍ଟୁଲିମନ୍କେ କଇବାଟା ମନ୍ଦିଆନ୍ ଦେଇକରି ସୁନା । ଜେ ଜିଡ୍ସି, ତାକେ ମୁଇ ପର୍ମେସରର୍ ବାଡେ ପଲିରଇବା ଜିବନ୍ ଗତର୍ ପଲ୍ କାଇବାକେ ଦେବି । ୮ ସୁମର୍ନା ମଣ୍ଟୁଲିକେ ଦେକାରକା କର୍ଡେରଇବା ଦୁଡ୍ମକେ ଲେକା । ଏ କବର୍ ମର୍ଟାନେଅନି ପାଟାଇଲିନି । ଆରାମେଅନି ସବୁ ବିସଇ କର୍ବା ଲକ୍ ମୁଇ ଆରି ସାରାଇବା ଲକ୍ ମିସା ମୁଇସେ । ମୁଇ ମରିରଇଲି ଆରି

ଜିବନ୍ ଅଇକରି ଉଠିଲି । ୯ ତମର୍ ଦୁକ୍‌କସ୍‌ଟ ମୁଇ ଜାନି । ତମେ ଅର୍କିଡ୍
 ବଲି ମୁଇ ଜାନି । ମାତର୍ ସତଇସେ ତମେ ସାଉକାର୍ ଲକ୍ । ଜିଉଦିମନ୍
 ତମର୍ କାରାପ୍ ବିସଇ କଇଲାଜନି ବଲି ମୁଇ ଜାନି । ମାତର୍ ସେମନ୍ ଆମେ
 ଜିଉଦି ବଲି କଇଲେମିସା ସତ୍‌ସ ସେମନ୍ ପର୍‌ମେସରର୍ ଲକ୍ ନଅଡ୍ ।
 ମାତର୍ ସଇତାନ୍ ଦଲର୍ ଲକ୍ । ୧୦ ତମେ ଜେଡ୍‌କି ଦୁକ୍ କସ୍‌ଟ ମୁର୍‌ତିକରି
 ରଇବାକେ ଗାଲାସ୍‌ନି, ସେ ବିସଇ ଚିନ୍ତା କରି ତରାନାଇ । ସୁନା ତମ୍‌କେ
 ସଇତାନ୍ ବନ୍ଦିଗରେ ପାକାଇକରି ପରିକା କର୍‌ସି, ଦସ୍‌ଦିନ୍ ଜାକ ତମେ
 କସ୍‌ଟେ ରଇସା । ମାତର୍ ମର୍‌ବାକେ ପଡ୍‌ଲେ ମିସା ମକେ ବିସ୍‌ବାସ୍ କରି
 ରୁଆ । ଆରି ଇନାମ୍ ଇସାବେ ତମ୍‌କେ ନ ସାର୍‌ବା ଜିବନ୍ ଦେବି । ୧୧ ଆତ୍‌ମା
 ମଣ୍ଡୁଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା । ଜନ୍ ଲକ୍ କାରାପ୍‌କେ
 ଆରାଇକରି ଜିଡ୍‌ସି, ପତର୍ ମରନେ ସେମନ୍ ତଣ୍ଡୁ ନ ପାଅଡ୍ । ୧୨ ପର୍‌ଗାମ
 ମଣ୍ଡୁଲିକେ ଦେକାରକା କର୍‌ବା ଦୁଡ୍‌କେ ଲେକା । ଏ କବର୍ ମର୍‌ଟା‌ନେଅନି
 ପାଟାଇଲିନି । ଦୁଇବାଟେ ଦାର୍ ରଇବା ଲାଗନ୍ କାଣ୍ଟା ମର୍‌ଟା‌ନେ ଆଡେ ।
 ୧୩ ତମେ ଜନ୍ ନଅରେ ରଇଲାସ୍‌ନି, ସେଟା ସଇତାନର୍ ସାସନର୍ ଜାଗା
 ବଲି ମୁଇ ଜାନି । ମାତର୍ ସେନ୍ତୁର୍ ଅଇଲେମିସା, ତମେ ମକେ ବିସ୍‌ବାସ୍
 କଲାସ୍‌ନି । ବିସ୍‌ବାସେ ମର୍‌କାମ୍ କର୍‌ବା ଦାଢ୍ଫୁଡା ଆନ୍ତୁପା ମର୍ ବିସଇ ସାକି
 ଦେଲାକେ ମରାଇରଇଲା । ତମେ ରଇବା ସଇତାନର୍ ନଅରେ ତାକେ
 ମରାଇରଇଲେ ମିସା ତମେ ବିସ୍‌ବାସ୍ ଚାଡାସ୍‌ନାଇ । ୧୪ ମାତର୍ ତମର୍
 ତଲାତଲ୍‌ତିଟା‌ନେ କେତଟା ବିସଇ ମର୍ ମନ୍‌କେ ଜାଏନାଇ । କାଇକେବଇଲେ
 ତମର୍ ବିଡ୍‌ରେ କେତେକ୍ ଲକ୍ ବାଲାମର୍ ସିକିଆ ମାନ୍‌ଲାସ୍‌ନି । ଇସ୍‌ରାଏଲର୍
 ଲକ୍‌ମନ୍‌କେ ପାପ୍‌ବାଟେ ତାକିନେବାକେ, ସେ ବାଲାକ୍‌କେ ସିକାଇରଇଲା
 । ସେମନ୍‌କେ ମୁର୍‌ତିମନ୍‌କେ ସର୍‌ପି ଦେଇରଇବା କାଦି କାଇବାକେ ଆରି
 ବେସିଆ କାମ୍ କର୍‌ବାକେ ସେ ସିକାଇତେରଇଲା । ୧୫ ସେନ୍ତୁରିସେ ତମର୍
 ବିଡ୍‌ରେ କେତେକ୍ ନିକଲାତିୟମନ୍‌ର୍ ସିକିଆ ମିସା ମାନ୍‌ଲାସ୍‌ନି । ୧୬
 ଏବେ ତମର୍ ପାପେଅନି ବାଉଡା । ନଇଲେ ମୁଇ ତମର୍‌ଟା‌ନେ ଦାପ୍‌ରେ
 ଆଇବି । ଆରି ମର୍ ଟଣ୍ଡେଅନି ବାରଇବା କାଣ୍ଟା ସଢ୍ଫୁ ମୁଇ ସେ ଲକ୍‌ମନ୍‌ର୍
 ବିରୁଦେ ଛୁଇଡ୍ କର୍‌ବି । ୧୭ ଆତ୍‌ମା ମଣ୍ଡୁଲିମନ୍‌କେ କଇବାଟା ମନ୍‌ଦିଆନ୍
 ଦେଇ ସୁନା । ଜେ ଜିଡ୍‌ସି, ସେମନ୍‌କେ ଲୁଟାଇକରି ସଢ୍ଫୁରଇବା ମାନା
 ଦେବି । ନୁଆ ନାଉଁ ଲେକିରଇବା ଗଟେକ୍ ଦବ୍ ପାକ୍‌ନା ମିସା ସେମନ୍‌କେ

ଦେବି । ୧୮ ତିଆଟିରା ମଣ୍ଡଳିକେ ଦେକାରକା କରବା ଦୁତ୍ତକେ ଲେକା ।
 ପର୍ଯ୍ୟେସରର୍ ପଥ ମୁଇ ଏ କବର୍ ମର୍ତ୍ତ୍ୟାନେଅନି ପାଟାଇଲିନି । ମର୍
 ଆକି ଜଇପାରା ଜଗଜଗି ଗାଲାନି ଆରି ପାଦ୍ ରେତିରଇବା ପିତଲ୍ପାରା
 ଆତେ । ୧୯ ତମର୍ ଚଲାଚଲ୍ତି ମୁଇ ଜାନି । ତମର୍ ଆଲାଦ୍, ସତ୍ ସଞ୍ଜୁ
 କାମ୍ କରବାଟା, ସେବା କରବାଟା ଆରି ମୁର୍ତିକରି ରଇବାଟା ମୁଇ ଜାନି ।
 ଆଗ୍ତୁର୍ ଟାନେଅନି ଏବେ ଅତିକ୍ ନିକ କଲାସ୍ନି ବଲି ମୁଇ ଜାନି । ୨୦
 ମାତର୍ ତମର୍ ଚଲାଚଲ୍ତିତେଇ ଗଟେକ୍ ବିସଇ ମର୍ ମନ୍ଦକେ ଜାଏନାଇ
 । ସେ ଜେଜେବଲ୍ ନାଉଁର୍ ମାଇଜିକେ ତମର୍ ଦଲେ ମିସାଇଲାସ୍ । ମୁଇ
 ନିଜେ ପର୍ଯ୍ୟେସରର୍ ଦୁତ୍ ବଲାଅଇଲାନି । ମର୍ ଗତିଦାଞ୍ଜୁଡାମନ୍ଦକେ ସେ
 ବେସିଆ କାମ୍ କରବାକେ ସିକାଇଲାନି । ମୁର୍ତିମନ୍ଦକେ ସର୍ପିଦେଇରଇବା
 କାଦି ମିସା କାଇବାକେ କଇଲାନି । ୨୧ ପର୍ଯ୍ୟେସର୍ ଟାନେ ବାଉଡ ବଲି
 ମୁଇ ତାକେ ଜାଗ୍ଲି, ମାତର୍ ତାର୍ ବେସିଆ କାମ୍ କରବାକେ ସେ ମନ୍ କଲା
 । ୨୨ ତେବର୍ପାଇ ମୁଇ ତାକେ ବତ୍ ବେମାର୍ ଦାରାଇବି । ଜେନ୍ତୁରି କି
 ସେ ସଇଲାତେଇଅନି ଉଟିନାପାରେ । ତାର୍ ସଞ୍ଜୁ ଜେଡ୍ କି ଲକ୍ମନ୍ ପାପ୍
 କରିରଇଲା, ମୁଇ ସେମନ୍ଦକେ ବେସି ଦୁକ୍ କସ୍ତ ଦେବି । ତାର୍ କରାପ୍
 ଚଲାଚଲ୍ତିଟାନେ ମିସିରଇବା ଜେଡ୍ କି ଲକ୍ମନ୍ ନ ବାଉଡ୍ଲେ, ଏ ସବୁଜାକ
 ମୁଇ ଏବେସେ କରବି । ୨୩ ତାର୍ବାଟେ ଜାଇତେରଇବା ସବୁ ଲକ୍ମନ୍ଦକେ
 ମୁଇ ମରାଇବି । ସେନ୍ତୁରି ସବୁ ଲକ୍ମନ୍ ଚିନ୍ତା ଆରି ମନ୍ ଜାନ୍ବା ଲକ୍ ମୁଇସେ
 ବଲି ସବୁ ମଣ୍ଡଳି ଜାନ୍ବାଇ । ତମେ କରିରଇବା କାମ୍ ଇସାବେ ମୁଇ ତମ୍ଦକେ
 ବାଉଡାଇବି । ୨୪ ମାତର୍ ତିଆଟିଆଇ ରଇବା, ତମେ ବାକି ଲକ୍ମନ୍ ଏ
 କରାପ୍ ସିକିଆ ମାନାସ୍ନାଇ । ସଇତାନର୍ ଟିକିନିକି ସିକିଆ ବଲି ଲକ୍ମନ୍
 ମାନ୍ବା ସିକିଆ ତମେ ମାନାସ୍ନାଇ । ତେବର୍ପାଇ ତମେ ମାନ୍ବାକେ ବେସି
 ଆଦେସ୍ ମୁଇ ନ ଦେଇ । ୨୫ ମାତର୍ ମୁଇ ଆଇବା ଜାକ ତମେ ବିସ୍ବାସ୍
 କଲାଟା ତାଟ୍ ସଞ୍ଜୁ ଦାରିରୁଆ । ୨୬ ଜେଡ୍ କି ଲକ୍ ଜିତିକରି ସାରାସାରି
 ଜାକ ରଇବାଇ, ମୁଇ ମର୍ ବାବାଟ୍ଟାନେଅନି ପାଇରଇବା ସମାନ୍ ଅଦିକାର୍
 ସେମନ୍ଦକେ ଦେବି । ୨୭ ରାଇଜ୍ମନ୍ଦକେ ଲୁଆର୍ ତାଞ୍ଜୁସଞ୍ଜୁ ସାସନ୍ କରି
 ମାଟିର୍ ଆଣ୍ଡିପାରା ବାଞ୍ଜୁଇବାକେ ମୁଇ ଅଦିକାର୍ ଦେବି । ୨୮ ଆରି ମୁଇ
 ସେମନ୍ଦକେ ସାକ୍ଲିଆ ବେଲର୍ ତାରା ଦେବି । ୨୯ ଆଦ୍ମା ମଣ୍ଡଳିମନ୍ଦକେ
 କଇବାଟା ମନ୍ ଦିଆନ୍ ଦେଇ ସୁନା ।

୩ ସାର୍ଦ୍ଧି ମଣ୍ଡଳିକେ ଦେକାରକା କରବା ଦୁତ୍ତକେ ଲେକା । ଏ କବର୍ ମୁଇ ପାଟାଇଲିନି । ପର୍ଯ୍ୟେସରର୍ ସାତ୍ତା ଆତ୍ତମା ଆରି ସାତ୍ତା ତାରା ମର୍ଲଗେ ଆତେ । ତମର୍ ଚଲାଚଲ୍ତି ମୁଇ ଜାନି । ଲକ୍ମନ୍ ଦେକ୍ବା ଇସାବେ, ତମେ ଆତ୍ତମାଇ ଜିବନ୍ ଆତାସ୍ । ମାତର୍ ପର୍ଯ୍ୟେସର୍ ଦେକ୍ବା ଇସାବେ ମରିଆତାସ୍ । ୨ ଡେବର୍ପାଇ ସଇଲାତେଇଅନି ଉଟା । ତମର୍ ଦୁର୍ବଲ୍ ବିସ୍ବାସ୍ ଡାଟ୍ କରା । ନଇଲେ ସେଟା ପୁରାପୁରୁନ୍ ମରିଜାଇସି । କାଇକେବଇଲେ ମୁଇ ଜାନି ଜେ ପର୍ଯ୍ୟେସର୍ ତମର୍ ଟାନେ ସାର୍ଦ୍ଦା ଅଇଲାପାରା ତମର୍ କାମ୍ ସିଦ୍ ଅଏନାଇ । ୩ ତମେ ଜନ୍ ସିକିଆ ସିକିଆତାସ୍, ଆରି ଜନ୍ଟା ସୁନି ଆତାସ୍, ସେଟା ଏତାଆ । ସେଟା ମାନିକରି ତମର୍ ପାପେଅନି ବାଉଡା । ସଇଲାତେଇଅନି ନ ଉଟ୍ଲେ ମୁଇ ତର୍ ପାରା ଆସି ତମ୍ବକେ ତଣ୍ଡୁ ଦେବି । ମୁଇ କେତେବେଲେ ଆଇବି, ସେଟା ତମେ ଜାନିନାପାରାସ୍ । ୪ ମାତର୍ ସାର୍ଦ୍ଧିସେ ରଇବା ତମର୍ ବିତ୍ରେ କେତେଲକ୍ ବସ୍ତର୍ ପରିଚଲ୍ କରି ଆତାସ୍ । ମୁଇ ଆଇବା ଦିନମନ୍କେ ସୁକଲ୍ ବସ୍ତର୍ ପିନ୍ଧିକରି ମର୍ ସଢ୍ଗ୍ ଇଣ୍ଡୁସା । କାଇକେ ବଇଲେ ତମେ ସେଟା କରବାକେ ଅଦିକାର୍ ପାଇ ଆରୁସ୍ । ୫ ଜେ ଜିତ୍ସି ସେ ଏ ରକାମ୍ ସୁକଲ୍ ବସ୍ତର୍ ପିନ୍ଧୁସି । ଆରି ମୁଇ ଜିବନ୍ ବଇଲଗେଅନି ଜେନ୍ତିଆଲେ ମିସା ତମର୍ ନାଉଁ ନ ଲିବାଇ । ମର୍ ବାବା ଆରି ତାର୍ ଦୁତ୍ତମନ୍ ମୁଆଟେ ତମର୍ ନାଉଁ ମର୍ ଲକ୍ମନ୍ ବଲି ସର୍ପି ଦେବି । ୬ ଆତ୍ତମା ମଣ୍ଡଳିମନ୍କେ କଇବାଟା ମନ୍ ଦିଆନ୍ ଦେଇ ସୁନା । ୭ ପିଲାଦଲ୍ପିଆ ମଣ୍ଡଳିକେ ଦେକାରକା କରବା ଦୁତ୍ତର୍ ଲଗେ ଲେକା । ଏ କବର୍ ମୁଇ ପାଟାଇଲିନି । ମୁଇ ସୁକଲ୍ ଆରି ସଦ୍ । ଦାଉଦ୍ ରାଜାର୍ କୁଟିକାତି ମର୍ଟାନେ ଆତେ । ମୁଇ ଉଗାଡ୍ଲେ, କେ ମିସା ଡାବି ନାପାରଡ୍ । ଆରି ମୁଇ ଡାବ୍ଲେ କେ ମିସା ଉଗାଡି ନାପାରଡ୍ । ୮ ମୁଇ ତମର୍ ଚଲାଚଲ୍ତି ଜାନି । ତମ୍ବକେ ଅଲପ୍ ସେ ବପୁ ଆତେବଲି ମିସା ଜାନି । ମାତର୍ ମର୍ ସିକିଆ ତମେ ମାନିଆତାସ୍ ଆରି ସଦ୍ସେ ମର୍ ସିକିଆ ମାନ୍ଲାସ୍ । ଡେବର୍ପାଇ ମୁଇ ତମର୍ ମୁଆଟେ ଗଟେକ୍ କାପାଟ୍ ଉଗାଡିଆତି । ସେଟା କେ ମିସା ଡାବିନାପାରଡ୍ । ୯ ସୁନା ତମର୍ ବିତ୍ରେ କେତେଟା ଜିଉଦିମନ୍ ସଇତାନର୍ ଦଲେ ମିସିଆତଡ୍ । ମାତର୍ ସେମନ୍ ଜିଉଦିଲକ୍ ନଅଡ୍ । ଆଇବା ଗଟେକ୍ ଦିନେ ମୁଇ ସେମନ୍କେ ତମର୍ଟାନେଅନି ମାଣ୍ଡିକୁଟା ଦିଆଇବି । ମୁଇ ତମ୍ବକେ ଆଲାଦ୍ କଲିନି ବଲି ସେମନ୍ ଜାନ୍ବାଇ । ୧୦

ଦୁକ୍ କସ୍ତ ଆଇଲାବେଲେ ମୁର୍ଚ୍ଚିକରି ରୁଆ ବଲି ମୁଇ ତିଆରୁଲାଟା ତମେ
 ମାନୁଲାସ୍ । ସେଟାପାଇ ଜଗତର୍ ସବୁ ଲକ୍‌କେ ପରିକା କର୍ବାକେ ଦୁକ୍
 କସ୍ତ ଆଇବା ବେଲାଅନି ମୁଇ ମିସା ତମ୍‌କେ କାଇଟା ନ ଆଇବାକେ
 ରକିଆ କରି ସଞ୍ଜୁଇବି । ୧୧ ମୁଇ ଦାପ୍‌ରେ ଆଇଲିନି । ଜନ୍ ସତ୍ ସିକିଆ
 ତମେ ପାଇଆଟାସ୍, ସେଟା ମାନିକରି ରୁଆ । ଜେନ୍ତୁରି କି ତମର୍ ଇନାମ୍
 କେ ମିସା ଚରାଇନେଇ ନାପାରତ୍ । ୧୨ ଜେ ଜିତ୍‌ସି, ମୁଇ ତାକେ ଆମର୍
 ପର୍ମେସରର୍ ମନ୍ଦିରର୍ ମୁଲ୍‌ତେଲି କର୍ବି । ଆରି ସେମନ୍ ତେଇଅନି କେବେ
 ମିସା ଚାଡି ନ ଜାଅତ୍ । ତାକର୍ ଉପ୍‌ରେ ମୁଇ, ମର୍ ପର୍ମେସରର୍ ନଅରର୍
 ନାଉଁ ଆରି ନୁଆ ଜିରୁସାଲମର୍ ନାଉଁ ଲେକ୍‌ବି । ସେଟା ମର୍ ପର୍ମେସରର୍
 ଟାନେଅନି ସର୍ଗେଅନି ଉତ୍‌ରି ଆଇସି । ତାକର୍ ଉପ୍‌ରେ ମିସା ମର୍ ନୁଆ
 ନାଉଁ ଲେକ୍‌ବି । ୧୩ ଆତ୍‌ମା ମଣ୍ଡୁଲିମନ୍‌କେ କଇବାଟା ମନ୍ ଦିଆନ୍ ଦେଇ
 ସୁନା । ୧୪ ଲାଉଦିକିଆ ମଣ୍ଡୁଲିକେ ଦେକାରକା କର୍ବା ଦୁତ୍‌କେ ଲେକା । ଏ
 କବର୍ ମୁଇ ପାଟାଇଲିନି । ମୁଇ ଅଇଲିନି, ଆମେନ୍ । ମୁଇ ଅଇଲିନି ସତ୍
 ବିସ୍‌ବାସର୍ ସାକି । ମର୍ଟାନେ ଅନି ପର୍ମେସର୍ ସବୁ ବିସଇ ତିଆରୁକଲା ।
 ୧୫ ମୁଇ ତମର୍ ଚଲାତଲ୍‌ତି ଜାନି । ତମେ ବେସି କାକର୍ ନାଇ କି ବେସି
 ତପ୍‌ଲାଟା ପାରା ନାଇ, ମାତର୍ ଉସୁମ୍ ପାନିପାରା ଆଟାସ୍ । ତମେ ତପତ୍
 ଉଆ, ନଇଲେ କାକର୍ ଉଆ ବଲି ମୁଇ ମନ୍ କଲିନି । ୧୬ ମାତର୍ ତମେ
 ଉସୁମ୍ ଅଇଲାର୍ ପାଇ ମୁଇ ତମ୍‌କେ ତୁକିଦେବି । ୧୭ ତମେ କଇଲାସ୍‌ନି
 ମୁଇ ସାଉକାର୍, ମକେ ଜାଇ ଜାଇଟା ଦର୍କାର୍, ସେଟା ମର୍ଲଗେ ଆଟେ ।
 ମାତର୍ ତମେ କେତେକ୍ କାକୁର୍ତି ଅଇଆଟାସ୍, ତମେ ଅର୍କିତ୍, ତୁମ୍‌ଣ୍ଡା
 ଆରି କାଶା, ସେଟା ତମେ ନାଜାନାସ୍ । ୧୮ ମୁଇ ତମ୍‌କେ ବୁଦି ସିକାଇବି ।
 ମର୍ଟାନେଅନି ସୁନା ଗେନା । ସୁନା ବଇଲେ ଅସ୍‌ଲି ସୁନା । ଜେନ୍ତୁରିକି ତମେ
 ସତଇସେ ସାଉକାର୍ ଅଇସା । ମର୍ଟାନେଅନି ସୁକଲ୍ ଲୁଗା ଗେନା । ଜେନ୍ତୁରି
 କି ତମେ ତୁମ୍‌ଣ୍ଡା ଅଇଲାର୍ ପାଇ ଲାଜ୍ ନ ଉଆସ୍ । ଲାଗାଇଅଇବା ଅସ ମିସା
 ମର୍ଟାନେଅନି ନିଆ । ସେଟା ତମର୍ ଅୌକିଟାନେ ଲାଗାଆ । ଜେନ୍ତୁରିକି
 ତମେ ଦେକିପାର୍‌ସା । ୧୯ ମୁଇ ଜେତ୍‌କି ଲକ୍‌କେ ଆଲାଦ୍ କଲିନି, ସେ
 ଲକ୍‌ମନ୍‌କେ ଦମ୍‌କାଇ କରି ତଣ୍ଡୁ ଦେଲିନି । ତେବର୍‌ପାଇ ତମର୍ ପାପେଅନି
 ବାଉଡା । ଜେନ୍ତୁରି କି ସତ୍ ବାବେ ମର୍ବାଟେ ଆଇସା । ୨୦ ଦେକା, ମୁଇ
 କାପାଟେ ଟିଆଅଇ ମାର୍‌ଲିନି । ଜେ ଜଦି ମର୍ ମାର୍‌ବା ସବଦ୍ ସୁନି କାପାଟ୍

ଉଗାଡ଼ିଲେ ମୁଇ ବିତ୍ତରେ ପୁରୁଦି ଆରି ସେମନର୍ ସଞ୍ଜୁ କାଇବି । ୨୧ ଜେ
 ଜିତ୍ତସି ମର୍ ଲଗେ ତାକେ ବସାଇ ସାସନ୍ କର୍ବାକେ ଅଦିକାର୍ ଦେବି । ମୁଇ
 ଜିତ୍ତଲି ଆରି ଏବେ ମର୍ ବାବାର୍ ଲଗେ ବସି ସାସନ୍ କଲିନି । ୨୨ ଆତ୍ମା
 ମଣ୍ଡୁଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।

୪ ସେବେଲେ ମୁଇ ଆରିଗଟେକ୍ ଦର୍ସନ୍ ଦେକ୍ଲି । ସର୍ଗେ ଗଟେକ୍
 ଉଗାଡ଼ିରଇବା କାପାଟ୍ ରଇଲା । ଆଗେ ସୁନିରଇବା ମଇରି ପାରା ସବଦ୍
 ଆରିତରେକ୍ ସୁନ୍‌ଲି । ଉପ୍ରେ ଚଗି ଆଉ, ଏଟାର୍‌ପଟେ କାଇଟା ଅଇସି
 ମୁଇ ତକେ ଜାନାଇବି । ୨ ସେ ଦାପ୍ରେ ଆତ୍ମା ମକେ ଗଟେକ୍ ସପନ୍
 ଦେକାଇଲା । ସର୍ଗର୍ ବସବାଟାନେ ଗଟେକ୍ ଲକ୍ ବସିରଇବାଟା ମୁଇ
 ଦେକ୍ଲି । ୩ ତାର୍ ମୁ ଇରା ଆରି ମୁକ୍ତା ପାରା ଜଗ୍‌ଜଗି ଜାଇତେରଇଲା
 । କାଁଟାପଡ଼ିଆ ତିସ୍‌ବାପାରା ଇରା ମୁକ୍ତାର୍ ଇନ୍ଦୁରୁଦୁ ବସବା ଜାଗାର୍
 ଚାରିବେଟ୍ଟି ଗୁଡ଼ିଆଇ ଅଇଲାପାରା ଅଇରଇଲା । ୪ ସେ ବସବା ଜାଗାର୍
 ଗୁଲ୍‌ଟି ବିତ୍ତରେ କତେ ଚାଟା ବସବା ଜାଗା ରଇଲା । ତେଇ ଦବ୍‌ଲୁଗା
 ପିନ୍‌କିରି ଆରି ସୁନାର୍ ମୁକ୍ତୁ ପିନ୍‌ କତେଚାରିଟା ପାର୍‌ତିମନ୍ ବସିରଇଲା
 । ୫ ବସବା ଜାଗାଇଅନି ବିଜ୍‌ଲି ମାର୍‌ଲା ଆରି ଗୁଡ଼ିଗାଡ଼ କରି ଗଡ଼ିଗତି
 ମାର୍‌ଲା । ବସବା ଜାଗାର୍ ମୁଆଟେ ସାଟ୍‌ଟା ଜଇଉମ୍‌ଲା ଲାଗ୍‌ତେରଇଲା
 । ସେଟା ଅଇଲାନି ପର୍‌ମେସରର୍ ସାଟ୍‌ଟା ଆତ୍ମା । ୬ ଆରି ବସବା
 ଜାଗାର୍ ମୁଆଟେ ନିର୍‌ମଲ୍ ଅଇକରି ତିସ୍‌ବା କାଁଚର୍ ସମ୍‌ଦୁର୍ ପାରା ରଇଲା
 । ବସବା ଜାଗାର୍ ଚାରିବେଟ୍ଟି ଚାରିଟା ଜିବନ୍ ରଇବା ପସୁ ରଇଲା ।
 ତାର୍ ମୁଆଟ୍ ବାଟେ ଆରି ପର୍‌ବାଟେ ଆଁକିମନ୍ ରଇଲା । ୭ ପର୍‌ତୁମର୍
 ପସୁ ସିଅଁବାଗ୍‌ପାରା ତିସ୍‌ତେ ରଇଲା । ଦୁଇ ଲମର୍‌ଟା ସଣ୍ଡୁପାରା ରଇଲା ।
 ତିନ୍ ଲମର୍‌ଟା ଲକର୍ ପାରା ବାନିମୁର୍‌ତି ରଇଲା । ଆରି ସାରାସାରିଟା
 ଉଡ଼ିବୁଲ୍‌ବା ଗିଦ୍ ପାରା ତିସ୍‌ତେ ରଇଲା । ୮ ସେ ଚାରିଟା ଜାକ ଜିବନ୍
 ରଇବା ପସୁମନ୍‌କେ ଗଟେକ୍‌କେ ଚଅଟା ଲାକା ତେନା ରଇଲା । ଆରି
 ତାକର୍‌ବାଇରେ ବିତ୍ତରେ ମିସା ଆଁକି ରଇଲା । ଦିନ୍ ରାତି ଗିଡ଼ କଇବାଟା
 ସେମନ୍ ତେବଦ୍‌ନାଇ । ସର୍‌ଗଟାନେ ଅନି ବପୁରଇବା ମାପ୍‌ରୁ ପର୍‌ମେସର୍,
 ସୁକଲ୍‌ଟା! ସୁକଲ୍‌ଟା! ସୁକଲ୍‌ ସେ! ସେ ଆଗ୍‌ରୁ ରଇଲା, ଏବେ ଆଟେ ଆରି
 ସେ କାଲ୍ କାଲ୍ ଛୁଗ୍ ଛୁଗ୍ ରଇସି! ୯ ଚାରିଟା ଜିବନ୍ ରଇବା ପସୁମନ୍ ଜେ
 ବସବା ଜାଗାଇ ବସିରଇଲା ତାର୍ ମଇମାର୍, ତାକ୍‌ପୁଟା ଆରି ଦନିଅବାଦର୍

ଗିତ୍ ସୁନାଇତେରଇଲା । ସେ କାଲ୍ କାଲ୍ ଛୁଟ୍ ଛୁଟ୍ ବଞ୍ଚି । ସେମନ୍ ସେନ୍ଦୁରି କଲାକେ (aiōn g165) ୧୦ କଡେ ଚାରିଟା ପାର୍ଟିନ୍ମନ୍ ଜେ ବସ୍ବା ଜାଗାଇ ବସିରଇଲା ତାର୍ ମୁଆଟେ ତାଣ୍ଡାସନ୍ ପଡି ତାକେ ଛୁଆର୍ କଲା । ସେ କାଲ୍ କାଲ୍ ଛୁଟ୍ ଛୁଟ୍ ବଞ୍ଚିରଇସି । ସେମନ୍ ପିନ୍ତି ରଇବା ମୁକୁଟ୍ ବସ୍ବା ଜାଗାର୍ ମୁଆଟେ ପିଢ଼ିଦେଇକରି କଇଲା, (aiōn g165) ୧୧ ଏ ଆମର୍ ମାପୁରୁ ଆରି ଆମର୍ ପର୍ମେସର୍ ସବୁ ମଇମା, ତାକ୍ପୁଟା ଆରି ବପୁ ତୁଇ ଆକା ପାଇସୁ । ତୁଇ ସବୁଜାକ ତିଆର୍ କଲାସ୍ ଆରି ତମର୍ ମନ୍ କଲା ଇସାବେ ସେମନ୍ ତିଆରିଅଇ ବଞ୍ଚିଲାନ୍ତି ।

୫ ଜେ ବସ୍ବା ଜାଗାଇ ବସିରଇଲା ତାର୍ ଉଜା ଆତେ ଗୁଡିଆଇଅଇରଇବା ଗଟେକ୍ ପୁର୍ନା କାଗଜ୍ ଦେକ୍ଲି । ସେଟା ଦୁଇବାଟେ ଲେକା ଅଇରଇଲା । ଆରି ସାତ୍ଟା ସିଲ୍ ମାରି ଡାକିରଇଲା । ୨ ଆରି ଗଟେକ୍ ବେସି ବପୁରଇବା ଦୁଡକେ ଦେକ୍ଲି । ସେ ଆଉଲିଅଇ କଇଲା “ଏ ସାତ୍ଟା ସିଲ୍ ପିଟାଇକରି କେ, ଏ କାଗଜ୍ ମେଲାକରି ପାର୍ସି?” ୩ ମାତର୍ ସର୍ଗେ କି ମର୍ପୁରେ କି ପାତାଲେ କେ ମିସା ସେ କାଗଜ୍ ମେଲାକରି ଦେକି ନାପାରୁଲା । ୪ ସେ କାଗଜ୍ ମେଲାକରି ବିତ୍ତରଟା ଦେକ୍ବାକେ କେ ନାପାରୁଲାଜେ ମୁଇ ବେସି ମନ୍ଦୁକ୍ କରି କାନ୍ଦୁଲି । ୫ ତାର୍ପତେ ଗଟେକ୍ ପାର୍ଟିନ୍ ମକେ କଇଲା, “କାନ୍ଦୁନାଇ, ଏଦେ ଦେକା! ଜିଉଦା ବଞ୍ଚେଅନି ଆଇବା ସିଅଁ, ଜେ କି ଦାଉଦର୍ ଗଟେକ୍ ତାକ୍ପୁଟାର୍ ନାତିତି, ସେ ଜିତ୍ଲାଆତେ । ସେ ସାତ୍ଟା ସିଲ୍ ବାଢ଼ୁଇସି ଆରି କାଗଜ୍ ମେଲାକରି ପାର୍ସି ।” ୬ ତାର୍ପତେ ବସ୍ବା ଜାଗାର୍ ମଜାଇ ଗଟେକ୍ ମେଣ୍ଟାପିଲା ଟିଆଅଇରଇବାଟା ଦେକ୍ଲି । ତାର୍ ଚାରିବେଟ୍ଟି ଚାରିଟା ଜିବନ୍ ରଇବା ପସୁ ଆରି ପାର୍ଟିନ୍ମନ୍ ରଇଲା । ମେଣ୍ଟାପିଲା ମରାଇରଇଲାଟା ପାରା ତିସ୍ତେରଇଲା । ତାକେ ସାତ୍ଟା ସିଢ଼ୁ ଆରି ସାତ୍ଟା ଅଁକି ରଇଲା । ସେଟା ପର୍ମେସର୍ ସାତ୍ଟା ଆତ୍ମା ରଇଲା । ପର୍ମେସର୍ ସେ ସାତ୍ଟା ଆତ୍ମାକେ ଗୁଲାଇ ଜଗତେ ପାଟାଇରଇଲା । ୭ ଜେ ବସ୍ବା ଜାଗାଇ ବସିରଇଲା, ତାର୍ ଉଜାଆତେଅନି ସେ ମେଣ୍ଟା କାଗଜ୍ ନେଲା । ୮ ସେ ସେନ୍ଦୁରି କଲାକେ ସେ ଚାରିଟା ଜିବନ୍ ରଇବା ପସୁ ଆରି କଡେଚାରିଟା ପାର୍ଟିନ୍ମନ୍ ମେଣ୍ଟାର୍ ମୁଆଟେ ତାଣ୍ଡାସନ୍ ପଡି ଛୁଆର୍ କଲା । ସେମନ୍କେ ସବୁ ଲକର୍ ଆତେ ଗଟେକ୍ ଗଟେକ୍ ତୁଡୁଢୁ ଆରି ସୁନାର୍ ଗିନାମନ୍କେ ଗନ୍ତୁରସ୍ ରଇଲା । ସେଟା ଅଇଲାନି ପର୍ମେସର୍ ଲକ୍ମନ୍

ଗୁଆରି କର୍ବାଟା । ୯ ସେମନ୍ ଗଟେକ୍ ନୁଆ ଗିଡ୍ କଇତେରଇଲା ।
 “ଗୁଡ଼ିଆଇଅଇରଇବା କାଗଜ୍ ସିଲ୍ ବାଢ଼ୁଇକରି ନେବାକେ ତୁଇସେ ପାରୁସ୍ ।
 କାଇକେବଇଲେ ତୁଇ ମରାଇଅଇଲୁସ୍ ଆରି ତର୍ ବଲି ଇସାବ୍ ମରନର୍
 ଲାଗି, ସବୁ ବସ୍ତେଅନି, ସବୁବାସାଇଅନି, ସବୁ ରାଇଜେଅନି ଆରି ଲକ୍ମନର୍
 ଦଲେଅନି ପର୍ମେସରର୍ ପାଇ ତୁଇ ଲକ୍ମନକେ ଆନ୍ଲୁସ୍ । ୧୦ ତୁଇ
 ସେମନ୍କେ ଗଟେକ୍ ପୁଜାରିମନର୍ ରାଇଜ୍ କରି ଆତୁସ୍ । ସେମନ୍ ଆମର୍
 ପର୍ମେସରକେ ସେବା କର୍ବାଇ । ଆରି ଏ ଜଗତେ ସାସନ୍ କର୍ବାଇ ।”
 ୧୧ ମୁଇ ଆରିତରେକ୍ ଦେକ୍ଲି । ତେଇ ଅଜାର୍ ଅଜାର୍ ଦୁତ୍ମନର୍ ସବଦ୍
 ସୁନ୍ଲି । ସେ ଦୁତ୍ମନ୍ ଚାରିଟା ପସୁମନର୍ ଆରି ପାର୍ତିନ୍ମନର୍ ଚାରିବେଟ୍ଟି
 ଚିଆ ଅଇଲା । ୧୨ ସେମନ୍ ଆଉଲି ଅଇକରି ଗିଡ୍ କଇତେ ରଇଲା,
 “ମରାଇଅଇରଇବା ମେଣ୍ଟାପିଲା, ସବୁ ବସ୍ତୁ, ସବୁ ଦନ୍ସପତି, ସବୁ ଗିଆନ୍,
 ସବୁ ସକ୍ତି, ଡାକ୍ପୁଟା, ମଇମା, ଆରାଦନା ପାଇବା ଅଦିକାର୍ ତର୍ ଲଗେ
 ଆଚେ ।” ୧୩ ଜଗତେ ରଇବା ସବୁ ଜିବନ୍ ରଇବାଟାମନ୍ ଜେନ୍ତାରି କି ସର୍ଗେ
 ରଇବା ସବୁଜାକ, ଜଗତେରଇବା ସବୁଜାକ, ପାତାଲେ ରଇବା ସବୁଜାକ
 ଆରି ସମୁଦ୍ରେ ରଇବାଟାମନ୍ ଗିଡ୍ ଗାଇତେରଇଲା । ଜେ ବସ୍ତୁ ଜାଗାଇ
 ବସିଆଚେ ଆରି ମେଣ୍ଟାପିଲାକେ ଆରାଦନା, ଡାକ୍ପୁଟା, ମଇମା, ଆରି ବସୁ
 କାଲ୍ କାଲ୍ ଜୁଗ୍ ଜୁଗ୍ ଅ । (aiōn g165) ୧୪ ଚାରିଟା ଜିବନ୍ ରଇବା ପସୁମନ୍
 କଇଲା, ଆମେନ୍! ଆରି ପାର୍ତିନ୍ମନ୍ ଡାଣ୍ଟାସନ୍ ପତି ଜୁଆରକଲା ।

୨ ତାର୍ପତେ ସେ ମେଣ୍ଟାପିଲା ସାତ୍ଟା ସିଲ୍ ବିଡ୍ରେ ପର୍ତୁମ୍ ସିଲ୍
 ବାଢ଼ୁଇବାଟା ମୁଇ ଦେକ୍ଲି । ଚାର୍ଟା ଜିବନ୍ ରଇବା ପସୁମନର୍ ବିଡ୍ରେଅନି
 ଗଟେକ୍ ପସୁ ଗଡ଼ଗଡ଼ି ସବଦ୍ପାରା କରି ମକେ କଇଲା “ଆଉ ।” ୨ ତେଇ
 ମୁଇ ଦେକ୍ଲି, ଆରି ଏଦେ ଦେକା! ଗଟେକ୍ ଦବ୍ଲା ଗଡା ଡିସ୍ଲା । ତାକେ
 ଚାଲାଇବା ଲକର୍ ଆତେ ଦୁନୁ ରଇଲା । ତାକେ ଗଟେକ୍ ମୁକୁଟ୍ ଦିଆ
 ଅଇଲା । ସେ ତାର୍ ସତ୍ତୁମନ୍କେ ଆରାଇବାକେ ଦାପ୍ରେ ଗାଲା । ୩ ସେ
 ମେଣ୍ଟାପିଲା ଦୁଇ ଲମର୍ ସିଲ୍ ବାଢ଼ୁଇଲା । ଆରି ସେ ଦୁଇ ଲମର୍ ଜିବନ୍
 ରଇବା ପସୁ ମକେ କଇଲା “ଆଉ ।” ୪ ଆରି ଏଦେ ଦେକା! ଆରିଗଟେକ୍
 ରଢ଼୍ଟୁ ରଇବା ଗଡା ବାରଇଲା । ଜଗତେ ଜୁଇଦ୍ କରାଇବାକେ ସେ ଗଡା
 ଚାଲାଉକେ ଦିଆଅଇରଇଲା । ଜେନ୍ତାରିକି, ଲକ୍ମନ୍ ତାକର୍ ତାକର୍ ବିଡ୍ରେ
 ମାରାମାରିଅଇ ମର୍ବାଇ । ତାକେ ଗଟେକ୍ ବଡେଟା କାଣ୍ଟା ଦିଆଅଇଲା । ୫

ତାର୍ପତେ ସେ ମେଣ୍ଟାପିଲା ତିନ୍ ଲମର୍ ସିଲ୍ ବାଢ଼ୁଇଲା । ତିନ୍ ଲମର୍ ଜିବନ୍
 ରଇବା ପସୁ ମକେ କଇଲା “ଆଉ ।” ମୁଇ ଦେକ୍ଲି ଆରି ଏଦେ ଦେକା!
 ଆରି ଗଟେକ୍ କାଲିଆ ଗଡା ଡିସ୍ଲା । ସେ ଗଡା ଚାଲାଉର୍ ଆଡେ ଗଟେକ୍
 ତୁଲ୍‌ବା କେଜି ରଇଲା । ୭ ଚାରିଟା ଜିବନ୍ ରଇବା ପସୁମନ୍ କଇତେରଇଲା
 “ଦିନେକର୍ ବୁଡିକେ ମାନେକ୍ ମୁଣ୍ଡିଆ ଆରି ଦିନେକର୍ ବୁଡିକେ ତିନ୍ ମାନ୍ ଦାନ୍
 । ମାତର୍ ଅଢ୍ଢୁର୍ ବାଡ୍ ଆରି ଜିଡ୍ ଗଡ୍ ନସାଇବାର୍‌ନାଇ ।” ୭ ତାର୍ପତେ
 ସେ ମେଣ୍ଟାପିଲା ଚାରି ଲମର୍ ସିଲ୍ ବାଢ଼ୁଇଲା । ଆରି ଚାରି ଲମର୍ ଜିବନ୍
 ରଇବା ପସୁ ମକେ “ଆଉ!” ବଲି କଇଲା । ୮ ତେଇ ମୁଇ ଦେକ୍ଲି, ଏଦେ
 ଦେକା! ଗଟେକ୍ ଚାରୁଆ ଗଡା ଡିସ୍ଲା । ଗଡା ଚାଲାଉ ଅଇଲାନି ମରନ୍ ଆରି
 ତୁମାମାନର୍ ରାଇଜ୍ । ସେ ପତେ ପତେ ଆଇତେରଇଲା । ସେମନ୍‌କେ ଏ
 ଜଗତର୍ ଚାରିବାଗେ ଅନି ଗଟେକ୍ ବାଗ୍ ଉପ୍‌ରେ ଅଦିକାର୍ ଦେଇତେରଇଲା
 । ତେଇ ଜୁଇଦର୍ ଲାଗି, ମର୍ଡିର୍ ଲାଗି, ରଗର୍ ଲାଗି ଆରି ଡ଼ଢ୍ଢୁର୍ ପସୁର୍
 ଲାଗି ମରାଇବାକେ ଅଦିକାର୍ ଦେଲା । (Hades ୨86) ୯ ତାର୍ପତେ ମେଣ୍ଟାପିଲା
 ପାଁର୍ ଲମର୍ ସିଲ୍ ବାଢ଼ୁଇଲା । ଆରି ଏଦେ ଦେକା! ବେଦିର୍ ତଲ୍‌ବାଟେ
 ସତ୍‌ବାବେ ସାକି ଦେଲାର୍‌ପାଇ ଆରି ପର୍‌ମେସରର୍ ବାକିଅ ଜାନାଇଲାର୍‌ପାଇ
 ଜନ୍ ଲକ୍‌ମନ୍ ମରାଇ ଅଇରଇଲା ତାକର୍ ଆଡ୍‌ମାମନ୍‌କେ ଦେକ୍ଲି ।
 ୧୦ ସେମନ୍ ଆଉଲି ଅଇକରି କଇଲା “ଏ ମାପ୍‌ରୁ ପର୍‌ମେସର୍ ଜେ କି
 ସବୁର୍‌ଟାନେଅନି ବପୁର୍‌ଟା । ତୁଇ ସୁକଲ୍ ଆରି ସତ୍ । ଆମ୍‌କେ ମରାଇଲା
 ଲକ୍‌କେ ବିଚାରକରି ତଣ୍ଟୁ ଦେବାକେ ଆମେ ଆରି କେତେକ୍ ଦିନ୍ ଜାଗୁ?”
 ୧୧ ସେମନ୍‌କେ ସବୁକେ ଗଟେକ୍ ଗଟେକ୍ ଦବ୍ ବସ୍‌ତର୍ ଦିଆଅଇରଇଲା ।
 ତାକର୍ ସଢ୍ଢେ ରଇବା ଦାଢ଼ୁଡାମନ୍‌କେ ଆରି ବାଇମନ୍‌କେ ତାକର୍ ପାରାସେ
 ମରାଇଅଇସି । ଜେଡ୍‌କି ଲକ୍ ଅଇବା କାତା, ସେଡ୍‌କି ଲକ୍ ପୁରାପୁରୁନ୍ ନ
 ଅଇବାଜାକ ସେମନ୍‌କେ ଆରି କେତେଦିନ୍ ପୁଣ୍ଡିରଇବାକେ କୁଆ ଅଇଲା ।
 ୧୨ ଆରି ଏଦେ ଦେକା! ମେଣ୍ଟା ପିଲା ଚଅ ଲମର୍ ସିଲ୍ ବାଢ଼ୁଇବାଟା ମୁଇ
 ଦେକ୍ଲି । ତେଇ ଦର୍‌ତନି ଜବର୍‌ଅଇତେ ରୁଲ୍‌ରୁଲ୍‌ଲା । ବେଲ୍ କାଲିଆ ଅଇ
 କର୍‌କର୍‌ସା ରଇବା ଲୁଗାପାରା ଅଇଗାଲା ଆରି ଜନ୍ ବନି ପାରା ପୁରାପୁରୁନ୍
 ରଢ୍ଢୁ ଅଇଗାଲା । ୧୩ ଜବର୍ ପବନ୍ ଆସି ଗଟେକ୍ ତୁମ୍‌ରି ଗଡ୍ ଦୁନିଅଇଲେ
 ଜେନ୍‌ଦାରି ନ ପାଚ୍‌ଲା ତୁମ୍‌ରି ତଲେ ଅଦର୍‌ସି, ସେନ୍‌ଦାରିସେ ବାଦଲ୍‌ର୍ ତାରାମନ୍
 ଦର୍‌ତନି ଉପ୍‌ରେ ଅଦର୍‌ଲାଇ । ୧୪ ବାଦଲ୍ ଦୁଇପଡା ଅଇଗାଲା ଆରି

କାଗଜପାରା ଗୁଡ଼ିଆଇଅଇଲା । ଗଟେକ୍ ଗଟେକ୍ ଡ଼ଙ୍ଗୁରୁ ଆରି ଚାରିବେଟ୍ତି ପାନିରଇ ମଜାଇ ରଇବା ସୁକ୍ଲା ଜାଗା ତାର୍ ଜାଗାଇ ଅନି ଅସକ୍ଲାଇ । ୧୫ ତାର୍ପତେ ଏ ଜଗତର୍ ରାଜାମନ୍, ସାସନ୍କାରିଆମନ୍, ସନିଅର୍ ନେତାମନ୍, ସାଉକାର୍ ଆରି ବେସି ବପୁରଇବା ଲକ୍ମନ୍, ବନ୍ଦିରଇବା ଆରି ମୁକ୍ତିରଇବା ଲକ୍ମନ୍ ସେନ୍ତାରି ସବୁଲକ୍ମନ୍ ପାଆରେ ଆରି ଡ଼ଙ୍ଗୁରେ ରଇବା ବଡ଼ ପାକ୍ନା ତଲେ ଜାଇ ଲୁହ୍ଲାଇ । ୧୬ ସେମନ୍ ଆମ୍ବକେ ଦୟା କର୍ ବଲି ବାରୁଜିଆ କଲାଇ । ଆରି ଡ଼ଙ୍ଗୁରୁମନ୍କେ ଆରି ପାକ୍ନାମନ୍କେ ଆଉଲିଅଇକରି କଇଲାଇ, “ଆମର୍ ଉପ୍ରେ ଅଦ୍‌ରା ଆରି ଆମ୍ବକେ ଆଡୁକା ଉଆ । ଜେନ୍ତାରି କି ଜେ ବସ୍‌ବା ଜାଗାଇ ବସିଆତେ, ସେ ଆମ୍ବକେ ନ ଦେକେ । ଆରି ମେଣ୍ଟାର୍ ବଡ଼ ରିସାଇଅନି ଆମେ ରକିଆ ପାଇବୁ । ୧୭ କାଇକେବଇଲେ ତାର୍ ରିସା ବେସି ରିସାର୍ ଦିନ୍ ଆଇଲାଆତେ । ଆରି ଆମେ ସେଟା ମୁର୍ଚ୍ଚିରଇ ନାପାରୁ ।”

୨ ତାର୍ପତେ ଦର୍ତ୍ତନିର୍ ଚାରିଟା କନେ ଚାରିଟା ଦୁଡ଼ ଚିଆଅଇରଇବାଟା ମୁଇ ଦେକ୍ଲି । ଜେନ୍ତାରିକି କାଇ ପବନ୍ ଦର୍ତ୍ତନି କି ସମ୍ବୁରେ କି କାଇ ଗର୍ ଉପ୍ରେ ନ ଆଇବାକେ ପବନ୍କେ ଦାରି ଅଟକାଇ ରଇଲା । ୨ ପୁରୁବ୍ ଦିଗେଅନି ଆରି ଗଟେକ୍ ଜିବନ୍ ରଇବା ପର୍ମେସରର୍ ସିଲ୍ ସଢ଼ୁ ଆଇବାଟା ମୁଇ ଦେକ୍ଲି । ସେ ଦୁଡ଼ ସେ ଚାର୍ଟା ଦୁଡ଼ମନ୍କେ ଆଉଲି ଅଇ ତାକି କଇଲା । ପର୍ମେସର୍ ସେମନ୍କେ ଦର୍ତ୍ତନି ଆରି ସମ୍ବୁର୍ ବିନାସ୍ କର୍ବାକେ ବପୁ ଦେଇରଇଲା । ୩ ସେ ଦୁଡ଼ କଇଲା ଆମର୍ ପର୍ମେସର୍କେ ସେବା କର୍ବା ଲକ୍ମନ୍‌ର କାପାଲେ ତିନ୍ ନ ଦେବା ଜାକ ଦର୍ତ୍ତନିକେ କି ସମ୍ବୁର୍କେ କି ଗର୍କେ ବିନାସ୍ ନ କରା । ୪ ସେମନ୍ ସେ ଲକ୍ମନ୍କେ ତିନ୍ କରି ସାରାଇଲା ପତେ, ସଏ ଚାଲିସ୍ ଚାରି ଅଜାର୍ ଲକ୍ମନ୍କେ ତିନ୍ ଦେଲୁ ବଲି ମକେ କଇଲା । ସେମନ୍ ଇସ୍‌ରାଏଲର୍ ବାର୍ଟା ବ୍‌ସେଅନି ରଇଲାଇ । ୫ ଜିଉଦା ବ୍‌ସେଅନି ବାରଅଜାର୍ । ସେନ୍ତାରିସେ ରୁବେନ୍‌ଅନି, ଗାଦ୍ ନାଉର୍ ଜାଗାଇଅନି ବାର ଅଜାର୍ । ୬ ଆସ୍‌ରେଅନି, ନାପ୍ତାଲିଅନି, ମାନାସେଅନି, ବାରଅଜାର୍ । ୭ ସିମ୍ବୁନ୍‌ଅନି, ଲବିଅନି, ଇସାକର୍ ତେଇଅନି ବାରଅଜାର୍ । ୮ ସବ୍‌ଲୁନେଅନି, ଜସେପେଅନି, ବନିୟମେଅନି, ବାରଅଜାର୍ ଲାକା ତିନ୍ କଲାଇ । ୯ ତାର୍ପତେ ମୁଇଦେକ୍ଲି ଏଦେ ଦେକା! ତେଇ ଏତେକ୍ ମାନୁ ଲକ୍ମକେ ଦେକ୍ଲି ଜେ ସେ ଲକ୍ମନ୍କେ କେ ମିସା ଏଜି ନାପାରଡ଼

। ସେମନ୍ ସବୁ ଜାତିଅନି, ବଞ୍ଚେଅନି, ରାଇଜେଅନି, ଆରି ବାସାଇଅନି ଆସିରଇଲା । ସେମନ୍ ବସ୍ବା ଜାଗାର୍ ମୁଆଟେ ଆରି ମେଣ୍ଟାପିଲାର୍ ମୁଆଟେ ଚିଆଅଇଲା । ସେମନ୍ ଦବ୍ ଲୁଗାପିନ୍ଧିକରି ଆରି ଆତେ କଜ୍ରି ତାଲ୍ ଦାରିରଇଲା । ୧୦ ସେମନ୍ ଆଉଲି ଅଇକରି କଇତେ ରଇଲା, “ଆମର୍ ପର୍ମେସର୍ ଜେ କି ବସ୍ବା ଜାଗାଇ ବସିଆଟେ, ତାର୍ଟାନେଅନି ଆରି ମେଣ୍ଟା ପିଲାର୍ ଟାନେଅନି ମୁକ୍ତି ମିଲ୍ସି ।” ୧୧ ସବୁ ଦୁର୍ତ୍ତମନ୍ ବସ୍ବା ଜାଗାର୍ ଆରି ପାର୍ତିନ୍ ମନର୍ ଆରି ଚାରିଟା ଜିବନ୍ ରଇବା ପସୁମନର୍ ଚାରିବେଟି ଚିଆଅଇଲା । ତାର୍ପତେ ସେମନ୍ ବସ୍ବା ଜାଗାର୍ ମୁଆଟେ ତାଣ୍ଟାସନ୍ ପତି ପର୍ମେସର୍କେ ଛୁଆର୍ କରି, ୧୨ କଇଲା, ଆମେନ୍, ଦନିଅବାଦ୍, ମଇମା, ଗିଆନ୍, ତାକ୍ପୁଟା, ବପୁ ଆରି ସକ୍ତି କାଲ୍ କାଲ୍ ଛୁଗ୍ ଛୁଗ୍ ଆମର୍ ପର୍ମେସର୍କେ ଅ । ଆମେନ୍, ବଲି କଇତେରଇଲା । (aiōn g165) ୧୩ ପାର୍ତିନ୍ ମନର୍ ବିତ୍ରେ ଅନି ଗଟେକ୍ ଲକ୍ ଆସିକରି ମକେ ପାଟାର୍ଲା, “ଏ ଲକ୍ମନ୍ କାଇକେ ଦବ୍ ଲୁଗା ପିନ୍ଧି ଆତର୍ ଆରି ସେମନ୍ କନ୍ତିଅନି ଆଇଲା?” ୧୪ ମୁଇ ତାକେ କଇଲି “ଆଗିଆ ମୁଇ ନାଜାନି, ତୁଇତା ଜାନୁସ୍ ।” ସେ ମକେ କଇଲା “ବେସି ବଡ୍ ତାଡ୍ନା ପତେ ରକିଆ ପାଇ ଆଇଲାଆତର୍ । ମେଣ୍ଟାପିଲାର୍ ବନି ସଞ୍ଜ୍ ସେମନ୍ ତାକର୍ ବସ୍ତର୍ ଦଇକରି ଦବ୍ କଲାଆତର୍ ।” ୧୫ ସେଟାର୍ ପାଇ ସେ ଲକ୍ମନ୍ ପର୍ମେସର୍ ବସ୍ବା ଜାଗାର୍ ମୁଆଟେ ରଇ ତାର୍ ମନିରେ ଦିନ୍ ରାତି ତାକେ ସେବା କଲାଜି । ଜେ ବସ୍ବା ଜାଗାଇ ବସିଆଟେ, ସେ ସେମନ୍କେ ରକିଆ କର୍ସି । ୧୬ ସେମନ୍କେ କେବେ ବୁକ୍ ନ ଲାଗେ କି ସସ୍ ନ କରେ । ବେଲ୍ କି ଅଦିକ୍ ତପି ରଇବା ତାତି ସେମନ୍କେ ପତାଇନାପାରେ । ୧୭ କାଇକେବଇଲେ ବସ୍ବା ଜାଗାର୍ ମଜାଇ ରଇବା ମେଣ୍ଟାପିଲା, ସେ ଲକ୍ମନର୍ ସେବାକାରିଆ ଅଇସି, ଆରି ଜିବନ୍ ରଇବା ଗାଡ୍ବାଟେ ସେ ଲକ୍ମନ୍କେ ବାଟ୍କାତାଇ ନେଇସି । ଆରି ପର୍ମେସର୍ ସେ ଲକ୍ମନର୍ ଆକିର୍ ଆଁସୁ ପୁଟି ଦେଇସି ।

୮ ମେଣ୍ଟାପିଲା ଜେତେବେଲେ ସାଡ୍ ତମର୍ ସିଲ୍ ବାଞ୍ଛାଇଲା, ସେଡ୍କିବେଲେ ସର୍ଗେ ସମାନ୍ ଅଦ୍ଗଟା ଜାକ ଚିମ୍ବରା ଅଇଗାଲା । ୨ ତାର୍ପତେ ପର୍ମେସର୍ ମୁଆଟେ ସାଡ୍ବା ଦୁର୍ତ୍ତମନ୍କେ ଚିଆଅଇ ରଇଲାଟା ମୁଇ ଦେକ୍ଲି । ସେ ମନ୍କେ ସାଡ୍ବା ମଇରି ଦିଆଅଇ ରଇଲା । ୩ ତେଇ

ଆରି ଗଟେକ୍ ଦୁଡ୍ ଆସିକରି ବେଦିଲଗେ ଚିଆ ଆଇଲା । ତାର୍ ଆଡେ
 ଗନ୍ଧୁରସ୍ ପଡାଇବା ଗଟେକ୍ ସୁନାର୍ ଗିନା ରଇଲା । ପର୍ମେସରର୍ ଲକ୍ମନର୍
 ପାର୍ତନା ସଞ୍ଜୁ ମିସାଇବାକେ ତାକେ ବେସି ଗନ୍ଧୁରସ୍ ଦିଆଅଇରଇଲା ।
 ତାର୍ପଡେ ସେ ସେଟା ବସ୍ବା ଜାଗାର୍ ମୁଆଟେ ରଇବା ସୁନାର୍ ବେଦି
 ଉପ୍ରେ ସରପ୍ସି । ୪ ପଡ୍ଡେରଇବା ଦୁପର୍ ଦୁଆଁ ପର୍ମେସରର୍ ଲକ୍ମନର୍
 ପାର୍ତନା ସଞ୍ଜୁ ଉପ୍ରେ ଗାଲା । ପର୍ମେସରର୍ ମୁଆଟେ ଚିଆଅଇରଇବା
 ଦୁଡ୍ ସେଟା ଦାରିରଇଲା । ୫ ତାର୍ପଡେ ସେ ଦୁଡ୍ ଦୁପ୍ ପଡାଇବା ଅର୍କି
 ନେଇକରି ବେଦିତାନର୍ ଜଇସଞ୍ଜୁ ବର୍ଡି କଲା । ସେଟା ସେ ଦର୍ତନି ଉପ୍ରେ
 ପିଞ୍ଜିଦେଲା । ତେଇ ଗୁଡ୍ଗାଡ୍ କରି ଗଡ୍ଗତି ମାର୍ଲା ଆରି ବିଜ୍ଜି ମାରି
 ଦର୍ତନି ରୁଲ୍ବୁଲ୍ଲା । ୬ ତାର୍ପଡେ ସାଡ୍ଟା ମଇରି ଦାରିରଇବା ସାଡ୍ଟା
 ଦୁଡ୍ ସେଟା ପୁକ୍ବାକେ ତିଆର୍ଅଇଲା । ୭ ପର୍ତୁମର୍ ଦୁଡ୍ ତାର୍ ମଇରି
 ପୁକ୍ଲା ଆରି ଏଦେ ଦେକା! କାରାପାକ୍ନା ଆରି ଜଇ ଜନ୍ଟା କି ବନି ସଞ୍ଜୁ
 ମିସିରଇଲା, ସେଟା ଦର୍ତନି ଉପ୍ରେ ତାଲିଅଇଲା । ଦର୍ତନି ତିନ୍ବାଗ୍
 ଅନି ଗଟେକ୍ ବାଗ୍ ପଡିଗାଲା । ତାର୍ ସଞ୍ଜୁ ତିନ୍ବାଗେ ଅନି ଗଟେକ୍ ବାଗ୍
 ଗର୍ମନ୍ ଆରି ସରୁ ଗାଁସ୍ମନ୍ ମିସା ପଡିଗାଲା । ୮ ତାର୍ପଡେ ଦୁଇଲମର୍
 ଦୁଡ୍ ମଇରି ପୁକ୍ଲା । ଆରି ଏଦେ ଦେକା! ଗଟେକ୍ ବଡ୍ କୁପ୍ଲି, ଜନ୍ଟା ଜଇ
 ଲାଗ୍ଡେରଇଲା, ସେଟା ସମ୍ପୁରୁ ବିଡ୍ରେ ପିଞ୍ଜୁ ଅଇଲା । ଆରି ସମ୍ପୁରୁ
 ପାନି ତିନ୍ବାଗେ ଅନି ଗଟେକ୍ ବାଗ୍ ବନି ଅଇଗାଲା । ୯ ଆରି ସମ୍ପୁରୁ
 ବିଡ୍ରେ ରଇବା ତିନ୍ବାଗେଅନି ଗଟେକ୍ ବାଗ୍ ଜୁଜିଆଡ୍ ମରିଗାଲା ।
 ଆରି ତିନ୍ବାଗେଅନି ଗଟେକ୍ ବାଗ୍ ପାନି ଜାଜ୍ ମିସା କୁରୁପ୍ନାସ୍ ଅଇଗାଲା
 । ୧୦ ତାର୍ପଡେ ତିନ୍ ଲମରର୍ ଦୁଡ୍ ତାର୍ ମଇରି ପୁକ୍ଲା । ଆରି ଏଦେ
 ଦେକା! ସେ ଦାପ୍ରେସେ ଆକାସେ ଅନି ଜଇଅଲା ପାରା ଲାଗ୍ଡେରଇବା
 ଗଟେକ୍ ବଡ୍ ତାରା ବାଦ୍ଲେଅନି ଅଦର୍ଲା । ସେଟା ତିନ୍ବାଗେଅନି ଗଟେକ୍
 ବାଗ୍ ଗାଡ୍ମନ୍କେ ଆରି ଜଲାମନର୍ ଉପ୍ରେ ଅଦର୍ଲା । ୧୧ ସେ ତାରାର୍
 ନାଉଁ ଅଇଲାନି ଲାଗ୍ଡେଶାଡିକ୍ତତା । ତାରା ଅଦର୍ଲାକେ ତିନ୍ବାଗେ ଅନି
 ଗଟେକ୍ବାଗ୍ ପାନି ପିତା ଅଇଗାଲା । ସେ ପିତା ପାନି କାଇକରି ବେସିଲକ୍ମନ୍
 ମରିଗାଲା । ୧୨ ତାର୍ପଡେ ତାର୍ ଲମରର୍ ଦୁଡ୍ ତାର୍ ମଇରି ପୁକ୍ଲା
 । ଆରି ଏଦେ ଦେକା! ବେଲର୍ ତିନ୍ବାଗେଅନି ଗଟେକ୍ ବାଗ୍କେ ମାଡ୍
 ଅଇଲା । ସେନ୍ଦ୍ରାସିସେ ଜନର୍ ତିନ୍ବାଗେଅନି ଗଟେକ୍ ବାଗ୍, ଆରି ତାରା

ମନରୁ ତିନିବାଣେ ଅନି ଗଟେକ୍ ବାଗ୍ ନସ୍ତ ଅଇଗାଲା । ତେବର୍ ପାଇ
 ଜନ୍ ଆରି ତାରାମନରୁ ଉଜଲ୍ ଦେବାଟା ତିନିବାଣେଅନି ଗଟେକ୍ ବାଗ୍
 ଉନା ଅଇଗାଲା । ତାର୍ପତେ ଦିନିମିଆ ତିନିବାଣେ ଅନି ଗଟେକ୍ ବାଗ୍
 ଆରି ରାତି ମିଆ ତିନିବାଣେ ଅନି ଗଟେକ୍ ବାଗ୍ ଉଜଲ୍ ନ ରଇଲା । ୧୩
 ତାର୍ପତେ ମୁଇ ଆରି ଦେକ୍ଲି ଆରି ଏଦେ ଦେକା! ଗଟେକ୍ ଗିଦ୍ ବେସି
 ଉପ୍ରେ ଉଡ୍ତେରଇଲା । ଆରି ଆଉଲି କଇତେରଇଲା, “କାଇ ଇନସ୍ତା,
 କାଇ ଇନସ୍ତା । ଜେତେବେଲେ ବାକି ତିନିଟା ଦୁର୍ମନରୁ ମଇରି ଟାନେଅନି
 ସବଦ୍ ଆଇଲାବେଲେ, ଦରୁତନି ଟାନେ ରଇବା ସବୁ ଲକ୍ମନରୁ ପାଇ
 କେତେକ୍ ଇନସ୍ତା ଅଇସି ।”

୯ ତାର୍ପତେ ପୌର୍ ଲମରୁ ଦୁର୍ ତାର୍ ମଇରି ପୁକ୍ଲା । ଆରି ଏଦେ ଦେକା!
 ବାଦଲେଅନି ଦରୁତନି ଉପ୍ରେ ଅଦ୍ରି ରଇବା ଗଟେକ୍ ତାରା ଦେକ୍ଲି । ତାକେ
 ପାତାଲ୍ କୁଟିକାଡି ଦିଆଅଇରଇଲା । (Abyssos g12) ୨ ସେ ତାରା ପାତାଲ୍
 ଉଗାଡ୍ଲା ଆରି ତେଇଅନି ଗଟେକ୍ ଜଇଲାଗ୍ବା ବାଟି ଅନି ଦୁଆଁ ବାରଇଲା
 ପାରା ବାରଇଲା । ପାତାଲେଅନି ଆଇବା ଦୁଆଁର୍ ଲାଗି ବେଲର୍ ଉଜଲ୍ ଆରି
 ପବନ୍ ଆନୁର୍ ଅଇଗାଲା । (Abyssos g12) ୩ ଦରୁତନିଟାନେ ରଇବା ଦୁଆଁର୍
 ଲାଗି, ତେଇଅନି ଚିଟ୍କାମନ୍ ବାରଇଲା । ସେଟାମନ୍କେ ବିସ୍କାକ୍ତାର୍
 ପାରା ବପୁ ଦିଆଅଇରଇଲା । ୪ ସେମନ୍କେ ଦରୁତନିର୍ ଗାଁସ୍ କି ଗର୍ କି ବିନ୍
 ବାଡ୍ ଗର୍କୁଟ୍ କେ ମାରାନାଇ ବଲି କୁଆଅଇରଇଲା । ପର୍ମେସରର୍ ସିଲ୍
 ତିନ୍, ଜନ୍ ଲକ୍ମନରୁ କାପାଲେ ନ ରଇଲା, ସେମନ୍କେ ଆକା ମାର୍ବାକେ
 ଆଦେସ୍ ରଇଲା । ୫ ଏ ଲକ୍ମନକେ ମରାଇବାକେ ଚିଟ୍କାମନ୍କେ ଆଦେସ୍
 ନ ଦେଇରଇଲା । ମାତର୍ ପୌର୍ମାସ୍ ଜାକ ସେମନ୍କେ କସ୍ତ ଦେବାକେ
 ସେମନ୍ ଜନ୍ କସ୍ତ ପାଇବାଇ, ସେଟା ଗଟେକ୍ ବିସ୍କାକ୍ତା ଚାବ୍ଲାବେଲର୍
 ଦୁକାପାରା ରଇସି । ୬ ସେ ପୌର୍ମାସ୍ ଜାକ କେନ୍ତି କରି ମର୍ବୁ ବଲି ବାଟ୍
 କଜ୍ବାଇ । ମାତର୍ ସେଟା ମିଲାଇନାପାର୍ । ସେମନ୍ ମର୍ବାକେ ବେସି
 ମନ୍ କର୍ବାଇ, ମାତର୍ ସେଟା ନ ଅଏ । ୭ ଜୁଇଦ୍ ପାଇ ତିଆର୍ ଅଇରଇବା
 ଗତାମନର୍ପାରା ସେ ଚିଟ୍କାମନ୍ ଡିସ୍ତେରଇଲା । ସେମନର୍ ମୁଣ୍ଟୁ ସୁନର୍
 ମୁକୁଟ୍ ପିନ୍ତି ରଇଲା । ସେମନର୍ ମୁ ଲକ୍ମନର୍ ମୁ ପାରା ରଇଲା । ୮
 ସେମନର୍ ତେଣ୍ଟି ମାଇଜିଟକିମନର୍ପାରା ଆରି ଦାଟ୍ ସିଅଁମନର୍ପାରା ରଇଲା
 । ତାକର୍ ବୁକେ ଲୁଆର୍ ସାଞ୍ଜୁ ଡାବିଅଇରଇଲା । ୯ ତାକର୍ ତେନାମନ୍

ଜାତୁଲେ ଛୁଇଁଦେଇ ଜିବା ଗଡ଼ାର ରତର ସବଦ ପାରା ସୁନିଅଇତେରଇଲା ।
 । ୧୦ ବିସ୍ଵକାକ୍ତା ମନର ପାରା ସେମନର ଲେଞ୍ଜୁ ଗଞ୍ଜିଆ ରଇଲା ।
 ଆରି ବିସ୍ଵକାକ୍ତା ପାରା ଚାବ୍ତେରଇଲା । ପାଁରମାସ୍ ଜାକ ଲକ୍ମନକେ
 ନସାଇବାକେ ତାକର ଲେଞ୍ଜୁର ବପୁ ରଇଲା । ୧୧ ତାକର ଉପରେ ଗଟେକ୍
 ରାଜା ସାସନ୍ କରତେରଇଲା । ସେ ପାତାଲେ ଦେକା ରକା କରବା ଦୁର୍
 । ଏବ୍ରି ବାସାଇ ତାର ନାଉଁ ଅଇଲାନି ଅବଦନ୍ । ଆରି ଗିରିକ୍ ବାସାଇ
 ଅପଲିୟନ୍ । ତାର ଅରତ୍ ଅଇଲାନି କୁରୁପ୍ନାସ୍ କରବା ଲକ୍ । (Abyssos
 g12) ୧୨ ପରତୁମ୍ବର ତର ଲାଗ୍ବା ଦୁକ୍ କସ୍ତ ସାର୍ଲା । ତାରପତେ ଆରି
 ଦୁଇଟା ଅଦିକ୍ ଦୁକ୍ କସ୍ତ ଅଇବାଟା ଆଇଲାନି । ୧୩ ତାରପତେ ଚଅ
 ଲମରର ଦୁର୍ ତାର ମଇରି ପୁକ୍ଲା । ଆରି ଏଦେ ଦେକା! ପରମେସର୍
 ମୁଆଁଟେ ରଇବା ସୁନା ବେଦିର ଚାରିଟା କନେଅନି ମୁଇ ଗଟେକ୍ ସବଦ୍ ସୁନଲି
 । ୧୪ ସେ ସବଦ୍ ଚଅ ଲମର ଦୁର୍ତ୍ତକେ କଇଲା, ବଦ୍ ଗାଡ୍ ଇଉପର୍ଟିସ୍
 ଗାଡେ, ବାନ୍ତି ସଞ୍ଜୁଇବା ଚାରିଟା ଦୁର୍ତ୍ତମନକେ ମୁକ୍ଲାଇଦେସ୍ । ୧୫ ତାରଟା
 ଦୁର୍ତ୍ତମନକେ ମୁକ୍ଲାଇଲା । ଗୁଲାଇ ମୁନୁସ୍ଜାତିର ତିନ୍ ବାଗେଅନି ଗଟେକ୍
 ବାଗ୍ତକେ ମରାଇବାକେ ସେମନକେ ତିଆର୍ କରି ସଞ୍ଜୁଇରଇଲା । ଏ ସମାନ
 ବରସର୍, ସମାନ ମାସର୍, ସମାନ ଦିନର୍, ସମାନ ଗଠାରପାଇ ସେମନକେ
 ସଞ୍ଜୁଇରଇଲା । ୧୬ ତାରପତେ ଗଟେକ୍ ବଦ୍ଦଲ୍ ଅଇକରି ଗତାଲଗେ
 ଆଇତେ ରଇବା ସନିଅମନ୍ ଜନ୍ଲକ୍ମନ କି ଦୁଇସ ଲକ୍ମିଅ ଲକ୍ମନ ଆତର୍
 ବଲି ସେମନ୍ କଇଲାଇ, ସେଟା ଦେକ୍ଲି । ୧୭ ମୁଇ ମର୍ ଦରସନେ
 ଗତାମନକେ ଆରି ତାର ଚାଲାଉମନକେ ଦେକ୍ଲି । ତାକର ସାଞ୍ଜୁମନ୍
 ଜଇପାରା ରଞ୍ଜୁ ଆରି ନିଲି ପାରା ନିଲିଆ, ଅଲ୍ଦି ପାରା ରଇଲା । ସେ ଗତା
 ମନର୍ ମୁଣ୍ଡୁ ସିଅଁମନର୍ ମୁଣ୍ଡୁ ପାରା ରଇଲା । ଆରି ତାକର ଟଣ୍ଡେଅନି ଜଇ
 ଦୁଆଁ ଆରି ରକ୍ତ ପାରାଟା ବାରଇତେରଇଲା । ୧୮ ଗୁଲାଇ ମୁନୁସ୍ ଜାତିର
 ତିନ୍ବାଗେ ଅନି ଗଟେକ୍ ବାଗ୍ ସେ ତିନ୍ଟା ମର୍ଡିରୁଲାଗି ମରିଗାଲାଇ ।
 ଗତାମନର୍ ଟଣ୍ଡେଅନି ଆଇବା ଜଇ ଦୁଆଁ ଆରି ଗନ୍ଧୁପାରା ତିନ୍ଟା ମର୍ଡି
 ଅଇଲା । ୧୯ ଗତାମନର୍ ବପୁ ତାକର ଟଣ୍ଡେ ଆରି ତାକର ଲେଞ୍ଜୁ ମିସିକରି
 ରଇଲା । ତାକର ଲେଞ୍ଜୁ ମୁଣ୍ଡୁ ରଇବା ସାଁପ୍ମନର୍ ପାରା ରଇଲା । ସେଟାସଞ୍ଜୁ
 ସେମନ୍ ଲକ୍ମନକେ ମାର୍ତ୍ତେରଇଲାଇ । ୨୦ ଏ ମର୍ଡି ଅଇଲାର୍ ପାଇ
 ଜେଡ୍କି ରଇଲା ମନସ୍ ଜାତି, ଆତେ ତିଆରକରି ରଇବାଟାକେ ଚାତ୍ତନାଇ

। ଗର୍ବସ୍ତ୍ର, ପାକ୍‌ନାସ୍ତ୍ର, ପିତଳସ୍ତ୍ର, ରୁପାସ୍ତ୍ର ଆରି ସୁନାସ୍ତ୍ର ତିଆରି କରିରଇବା ମୁର୍ତ୍ତିମନ୍ଦିର ଆରି ତୁମାମନ୍ଦିର ସେବା କରବାଟା ସେମନ୍ଦ ଚାତୁରନାଇ । ୨୧ ସେମନ୍ଦ ଚରାଇବାଟା, ବେସିଆ କାମ୍ କରବାଟା, ଜାଦୁ ମୈତରୁ କରବାଟା ଆରି ନରୁ ମରାଇବାଟା ମିସା ଚାତୁରନାଇ ।

୧୦ ତାରୁପତେ ଏଦେ ଦେକା! ସର୍ଗେଅନି ଆରି ଗଟେକ୍ ବଡ଼ ଦୁଡ଼ ଉଡ଼ରି ଆଇବାଟା ମୁଇ ଦେକଲି । ତାକେ ଗଟେକ୍ ବାଦଲ୍ ଗୁଡ଼ାଇରଇଲା ଆରି ମୁଣ୍ଡେ ଗଟେକ୍ ଇନ୍ଦୁରୁଦୁନ୍ତୁ ଗୁଡ଼ିଆଇ ଅଇରଇଲା । ତାରୁ ମୁ ବେଲ୍ ପାରା ରଇଲା । ତାରୁ ଗଡ଼ମନ୍ଦ ଜଇରୁ କୁନାଦି ପାରା ରଇଲା । ୨ ତାରୁ ଆଡେ ଉଗାଡ଼ି ଅଇରଇବା ଗଟେକ୍ ସାନ୍ ବଇ ରଇଲା । ସେ ତାରୁ ଉଜାଗଡ଼ ସମ୍ବୁରୁ ବିଡ଼ରେ ସଞ୍ଜଇଲା ଆରି ତେବ୍‌ରି ଗଡ଼ ସୁକ୍‌ଲା ବୁଏଁ ସଞ୍ଜଇଲା । ୩ ସେ ଆଉଲି ଅଇଲାକେ ସିଅଁମନ୍ଦ ଅତରୁଲା ପାରା ସୁନିଅଇଲା । ସେ ତାକ୍‌ଲା ପତେ, ସାତୁଟା ଗଡ଼ଗଡ଼ିମନ୍ଦ ଅତ୍‌ରିକରି କଇଲାଇ । ୪ ସେମନ୍ଦ କାତା ଅଇଲା ଦାପୁରେ ମୁଇ ଲେକ୍‌ବାକେ ଆରାମ୍ ଅଇରଇଲି । ମାତରୁ ସର୍ଗେଅନି ଗଟେକ୍ ସବଦ୍ ସୁନ୍‌ଲି, ସାତୁଟା ଗଡ଼ଗଡ଼ିମନ୍ଦ କଇଲାଟା କେ ନାଜାନ୍‌ଲାପାରା ସଞ୍ଜ । ସେଟା ଲେକ୍‌ନାଇ । ୫ ତାରୁପତେ ମୁଇ ଆଗତୁ ଦେକିରଇବା ଦୁଡ଼ ଜେ କି ସମ୍ବୁରେ ଆରି ସୁକ୍‌ଲା ପଦାଇ ଟିଆ ଅଇରଇଲା, ସେ ତାରୁ ଉଜା ଆଡ଼ ସରଗ୍‌ବାଟେ ଲାମାଇଲା । ୬ ପର୍ମେସରୁ ନାଉଁ ଦାରି ସେ ଗଟେକ୍ ସପଡ଼ କଲା । ପର୍ମେସରୁ କାଲ୍ କାଲ୍ ଜୁଗ୍ ଜୁଗ୍ ବୁଡ଼ିସି । ସେ ସର୍ଗେ ରଇବାଟା, ଦର୍ତ୍ତନିତେଇ ରଇବାଟା ଆରି ସମ୍ବୁରେ ରଇବା ସବୁଜାକ ତିଆରୁ କଲା । ସେ ଦୁଡ଼ କଇଲା, “ଆରି ଅଲ୍‌ସମ୍ ନ ଅଏ ।” (aiōn g165) ୭ ମାତରୁ ଜେତେବେଲେ ସାଡ଼ ଲମ୍‌ରୁ ଦୁଡ଼ ତାରୁ ମଇରି ପୁକ୍‌ସି, ସେଡ଼କିବେଲେ, ପର୍ମେସରୁ କାକେ ନ ଜାନାଇରଇବା ତାରୁ ମନ୍ଦ କଲାଟା ପୁରାପୁରୁନ୍ ସିଦ୍ କରୁସି । ଏଟା ସେ ତାରୁ ଦାଞ୍ଜୁଡ଼ାମନ୍ଦିର ଆରି ବବିସଡ଼ବକ୍‌ଡ଼ାମନ୍ଦିର ସେ ଆଗତୁ ଜାନାଇରଇଲା । ୮ ତାରୁପତେ ସର୍ଗେଅନି ଜନ୍ ସବଦ୍ ମର୍ସସ୍ତ୍ର କାତା ଅଇତେରଇଲା, ସେଟା ଆରିତରେକ୍ ମକେ କଇଲା “ଜାଆ, ସମ୍ବୁରେ ଆରି ସୁକ୍‌ଲା ଜାଗାଇ ଟିଆଅଇରଇବା ଦୁଡ଼ର୍ ଆଡେଅନି ଉଗାଡ଼ି ଅଇରଇବା କାଗଜ୍ ବେଟ୍ ।” ୯ ମୁଇ ଦୁଡ଼ର୍ ଲଗେ ଗାଲି ଆରି ସାନ୍‌ଟା କାଗଜ୍ ମକେ ଦେ ବଲି କଇଲି । ସେ ମକେ କଇଲା “ଏଟା ନେଇକରି କାଆ । ତରୁ ପେଟେ ଏଟା ପିତା ଅଇସି । ମାତରୁ ତରୁ ଟଣ୍ଡେ ସେଟା ମୁ ପାରା ମୁନ୍‌ରୁ ରଇସି ।”

୧୦ ତେଜ ମୁକ୍ତ ଦୁତର ଟାନେଅନି ସାନ୍ତା କାଗଜ୍ ନେଲି ଆରି କାଇଲି ।
 ସେଟା ମର୍ ଟଣ୍ଡେ ପାକାଇଲାକେ ମୁ ପାରା ସୁଆଦ୍ ରଇଲା । ମାତର୍ ଗିଲ୍ଲା
 ପତେ ପେଟ୍ ବିତ୍ରେ ପିତା ଅଇଗାଲା । ୧୧ ତାର୍ପତେ ମକେ କଇଲା, “ସବୁ
 ରାଜାମନର୍ ବିସଇ, ବାସାମନର୍ ବିସଇ, ବଞ୍ସର୍ ବିସଇ, ଆରି ରାଇଜର୍
 ବିସଇ, ଏ ସବୁଜାକର୍ ଉପ୍ରେ ପର୍ମେସରର୍ କବର୍ ତୁଇ ଆରିତରେକ୍
 ଜାଇ ଜାନାଇବାର୍ ଆତେ ।”

୧୧ ତାର୍ପତେ ମକେ ନାପ୍ବା ତାଙ୍ଗୁ ପାରା ତିସ୍ବା ତାଙ୍ଗୁ ଗଟେକ୍
 ଦିଆଅଇଲା । “ଜାଆ ଆରି ପର୍ମେସରର୍ ମନୁର୍ ଆରି ବେଦି ନାପ୍ । ମନୁରେ
 ପାର୍ତନା କର୍ବା ଲକ୍ମନକେ ଏଜିକରି ଆଉ ।” ୨ ମାତର୍ ମନୁର୍ ବାଇରେ
 ରଇବା ତାଣ୍ଡୁ ନାପ୍ନାଇ । କାଇକେବଇଲେ ସେ ଜାଗା ଜିଉଦି ନ ଅଇଲା
 ଲକ୍ମନକେ ଦିଆଅଇଲା ଆତେ । ସେମନ୍ ସୁକଲ୍ ନଅରେ ରଇ ୪୨ ମାସ୍
 ଜାକ ସେ ନଅକେ ଅସୁକଲ୍ କରିଦେବାଇ । ୩ ବାସ୍ତା ପିନୁରଇବା ଦୁଇଟା
 ସାକିମନକେ ମୁଇ ପାଟାଇବି । ସେ ବାରସ ସାଟେଦିନ୍ ମୁଇ ସେମନକେ
 କଇଲାଟା ଜାନାଇବାଇ । ୪ ସେ ଦୁଇଟା ସାକିମନ୍ ଜଗତର୍ ମାପ୍ପୁର୍
 ମୁଆଟେ ଚିଆଅଇବା ଜିତ୍ ଗର୍ ଆରି ଦୁଇଟା ବତି ଅଇଆତର୍ । ୫ କେ
 ଜଦି ସେମନର୍ ଅନିଆଇ ଦେକି ମାର୍ବାକେ ତେସ୍ଟା କର୍ବାଇ, ତାକର୍
 ଟଣ୍ଡେଅନି ଜଇ ବାକରାଇ ତାକର୍ ବିରଦିମନକେ ବିନାସ୍ କର୍ବାଇ ।
 ଏନ୍ତାରି ଜେ ସେମନକେ ମାର୍ବାକେ ତେସ୍ଟା କର୍ବାଇ, ସେମନ୍ ମରିଜିବାଇ
 । ୬ ସେମନ୍ ପର୍ମେସରର୍ କବର୍ ଜାନାଇବାବେଲେ ଜେନ୍ତାରି କି ବର୍ସା
 ନଅ ବଲି ବାଦଲକେ ତାବିକରି ସଙ୍ଗୁଇବାକେ ତାକର୍ ଅଦିକାର୍ ଆତେ ।
 ପାଜ୍ଝା ପାନିମନକେ ବନି କର୍ବାକେ ମିସା ତାକର୍ ଅଦିକାର୍ ରଇସି ।
 ଜେତେବେଲେ ମନକଲେ, ସେତେବେଲେ ଜନ୍ ରକାମ୍ ମର୍ଡି ଦର୍ଡନି
 ଉପ୍ରେ କେତେତର୍ ମିସା କରି ବାଦାଦେବାକେ, ସେମନର୍ ଅଦିକାର୍ ଆତେ
 । ୭ ସେମନ୍ ତାକର୍ କବର୍ ଜାନାଇଲା ପତେ, ଗଟେକ୍ ବେସି ତର୍ ଲାଗ୍ବା
 ପସୁ ପାତାଲେଅନି ବାରଇଆସି ତାକର୍ ବିରୁଦେ ଜୁଇଦ୍ କର୍ସି । ସେ
 ପସୁ ସେମନକେ ଆରାଇକରି ମରାଇଦେଇସି । (Abyssos g12) ୮ ବଡ୍
 ନଅର୍ ସାଇର୍ ମଜାଇ ତାକର୍ ମଲା ଗାଗଡ୍ ରଇସି । ସେ ବଡ୍ ନଅରେ
 ତାକର୍ ମାପ୍ପୁ କୁରୁସ୍କାଟେ ସର୍ପି ଅଇରଇଲା । ସେ ନଅର୍ ସଦମ୍ କି
 ମିସର୍ ରାଇଜ୍ ପାରା ଆତେ । ୯ ତିନ୍ ଦିନ୍ ଆରି ଅଦା ଦିନର୍ପାଇ ସବୁ

ରାଇଜର୍, ସବୁ ଦେସର୍, ସବୁ ବ୍ୟସର୍, ସବୁ ଜାତିର୍ ଆରି ସବୁ ବାସାର୍ ଲକ୍
 ଦେକ୍‌ବାଇ । ସେ ମଲା ମତାମନ୍‌କେ ତପ୍‌ବାକେ ସେମନ୍ ରାଜି ନଅଡ୍ । e୦
 ଏ ଦୁଇ ଲକ୍ ମଲାର୍‌ପାଇ, ଜଗତର୍ ଲକ୍ ସାର୍‌ଦା ଅଇବାଇ । ଏ ଦୁଇଟା
 ବବିସତ୍‌ବକ୍‌ତାମନ୍ ଜଗତେ ବେସି ଦୁକ୍‌କସ୍‌ଟ ଆନାଇଲାଇଜେ ଲକ୍‌ମନ୍
 ସାର୍‌ଦା ଅଇବାଇ ଆରି ସାଇସାର୍‌ଦା ଅଇକରି ସାର୍‌ଦା ଅଇବା ଜିନିସ୍‌ମନ୍
 ଦିଆନିଆ ଅଇବାଇ । e୧ ତିନ୍‌ତିନ୍ ଆରି ଅଦା ଦିନ୍ ପତେ ଜିବନ୍ ଦେବା
 ଗଟେକ୍ ପୁଣ୍ଡା ପର୍‌ମେସର୍ ଟାନେଅନି ଆସି ତାକର୍ ବିତ୍‌ରେ ପୁରୁଲା ।
 ଆରି ଏଦେ ଦେକା! ସେମନ୍ ଉର୍‌ଲାଇ । ସେମନ୍‌କେ ଦେକ୍‌ଲା ଲକ୍‌ମନ୍
 ବେସି ତରିଗାଲାଇ । e୨ ତାର୍‌ପତେ ସର୍‌ଗେ ଅନି ଗଟେକ୍ ଜବର୍ ସବଦ୍
 ବବିସତ୍‌ବକ୍‌ତାମନ୍‌କେ କଇଲା, “ଉପ୍‌ରେ ଆସା ।” ଆରି ତାକର୍ ବିରଦିମନ୍
 ଦେକ୍‌ବାବେଲେ ସେମନ୍ ଗଟେକ୍ ବାଦଲ୍ ଉପ୍‌ରେ ବସି ସର୍‌ଗେ ଗାଲାଇ ।
 e୩ ସେଡ୍‌କିବେଲେ, ଏଦେ ଦେକା! ବେସି ଦର୍‌ତନି ରୁଲ୍‌ବୁଲି ଗାଲା । ନଅରର୍
 ଦସ୍‌ବାଗେଅନି ଗଟେକ୍ ବାଗ୍ କୁରୁପ୍‌ନାସ୍ ଅଇଗାଲା । ଆରି ତେଇ ୭,୦୦୦
 ଲକ୍‌ମନ୍ ମରିଗାଲାଇ । ବାକି ରଇଲା ଲକ୍‌ମନ୍ ତରିକରି ସର୍‌ଗେ ରଇବା
 ପର୍‌ମେସରର୍ ବପୁକେ ତାକ୍‌ପୁଟା କଲାଇ । e୪ ବେସି ତର୍ ଅଇବା ଦୁଇ
 ଲମର୍ ଦୁକ୍‌କସ୍‌ଟ ସାରିଗାଲା । ମାତର୍ ଏବେ ଦେକା ପତର୍‌ଟା ଦାପ୍‌ରେ
 ଆଇସି । e୫ ତାର୍‌ପତେ ସାଡ୍ ଲମର୍ ଦୁଡ୍ ତାର୍ ମଇରି ପୁକ୍‌ଲା । ଆରି
 ଏଦେ ଦେକା! ସର୍‌ଗେ ଜବର୍ ଆଉଲି ଅଇବାଟା ସୁନିଅଇଲା । ଜଗତ୍‌କେ
 ସାସନ୍ କରବା ବପୁ ଆମର୍ ମାପ୍‌ରୁ ଆରି ତାର୍ ମସିଅକେ । ସେ କାଲ୍ କାଲ୍
 ଜୁର୍ ଜୁର୍ ସାସନ୍ କର୍‌ସି । (aiōn g165) e୬ ତାର୍‌ପତେ ପର୍‌ମେସରର୍
 ମୁଆଟେ ବସ୍‌ବା ଜାଗାଇ ବସିରଇବା ୨୪ ଟା ପାର୍‌ତିନ୍‌ମନ୍ ତାଣ୍ଡାସନ୍ ପଡି
 ତାକେ ଜୁଆର୍ କଲାଇ । e୭ ସେମନ୍ ଏନ୍ତାରି କଇଲାଇ “ମାପ୍‌ରୁ ପର୍‌ମେସର୍
 ସବୁର୍‌ଟାନେଅନି ଉପ୍‌ରେ ଆତେ । ସେ ସବୁବେଲେ ରଇଲା ଆରି ରଇସି
 ମିସା । ତର୍ ବଡ୍ ବପୁ ସଙ୍ଗୁ ତୁଇ ସାସନ୍ କର୍‌ବାକେ ଆରାମ୍ କଲୁସ୍ । ଆରାମ୍
 କଲାର୍‌ପାଇ ଆମେ ତକେ ଜୁଆର୍ କଲୁନି । er ଜିଉଦି ନ ଅଇଲା ଲକ୍‌ମନ୍
 ବେସି ରିସା ଅଇଜାଇରଇଲାଇ ।” କାଇକେବଇଲେ ଏବେ ରିସା ଅଇବା ପାଲି
 ତମର୍‌ଟା । ଏବେ ମଲା ଲକ୍‌ମନର୍ ବିତାର୍ ଅଇସିବେ । ବବିସତ୍‌ବକ୍‌ତାମନ୍
 ଜେ କି ତମର୍ ଦାଢ୍ଝୁଡା ଅଇରଇଲାଇ, ସେମନ୍‌କେ ପୁରୁସ୍‌କାର୍ ଦେବା
 ବେଲା କେଟ୍‌ଲା । ତକେ ଜେଡ୍‌କି ନାମ୍‌ବା ଲକ୍, ବଡ୍‌ସାନ୍ ସମାନ୍ ଅଇକରି

ଦରୁତନିକେ ବିନାୟ କରିରଇବା ଲକ୍ମନ ଏବେ ନିଜେ ବିନାୟ ଅଇବାଇ । ୧୯ ସର୍ଗେ ରଇବା ପର୍ଯ୍ୟାୟରୁ ମନୁର ଉଗାଡ଼ି ଅଇଲା ଆରି ତେଇ ରାଜିନାମାରୁ ପେଡ଼ି ତିସଲା । ତାରୁପତେ ବିଜୁଲି ଜଟକଲା, ଗଡ଼ଗଡ଼ି ମାରୁଲା ଦରୁତନି ରୁଲୁବୁଲୁଲା ଆରି ବେସି କାରାପାକନା ମିସା ମାରୁଲା ।

୧୨ ତାରୁପତେ ବାଦଲେ ଗଟେକ୍ କାବାଅଇଜିବା ତିନ୍ ତିସଲା । ଆରି ଏଦେ ଦେକା! ଜନ୍ ବିତ୍ତରେ ଗଟେକ୍ ମାଇଜି ଚିଆଅଇରଇବାଟା ତିସଲା । ତାରୁ ଲୁଗା ବେଲୁପାରା ଜକଜକି ଜାଇତେରଇଲା । ୨ ସେ ମାଇଜି ବାରୁଟା ତାରା ରଇବା ମୁକୁଟ୍ ପିନ୍ଧିରଇଲା । ସେ ନିକ ଅଇବା ବେଲା ଲଗେ କେଟିରଇଲା । ଆରି ଦୁକାୟକାରୁଲାଗି କାନ୍ଥୁତେରଇଲା । ୩ ଆରି ବାଦଲେ କେବେ ଦେକି ନ ରଇବା ବିନ୍ ରକାମ୍ ତିନ୍ ତିସଲା । ଆରି ଏଦେ ଦେକା! ସାତୁଟା ମୁଣ୍ଡୁ ଆରି ଦସୁଟା ସିଞ୍ଜୁ ରଇବା ଗଟେକ୍ ବଡ଼େଟା ଅଇ ରଞ୍ଜୁ ରଇଲା ଅସୁରୁ ସାଁପ୍ ତିସଲା । ତାରୁ ସାତୁଟା ମୁଣ୍ଡେ ସାତୁଟା ମୁକୁଟ୍ ରଇଲା । ୪ ବାଦଲେ ରଇବା ତିନ୍ ବାଗେଅନି ଗଟେକ୍ ବାଗର୍ ତାରାମନକେ ତାରୁ ଲେଞ୍ଜୁ ଜିକିନେଇକରି ଦରୁତନିଟାନେ ପିଢ଼ିଦେଲା । ସେ ମାଇଜି ନିକ ଅଇଲାଦାପ୍ରେ ତାରୁ ପିଲାକେ କାଇବି ବଲି ମାଇଜିରୁ ମୁଆଟେ ଚିଆଅଇଲା । ୫ ତାରୁପତେ ସେ ମାଇଜି ଗଟେକ୍ ପିଲାକେ ଜନମ୍ ଦେଲା । ସେ ପିଲା ଜଗତର୍ ସବୁ ରାଇଜ୍ ଗଟେକ୍ ଲୁଆର୍ ତାଞ୍ଜୁସଞ୍ଜୁ ସାସନ୍ କରସି । ମାତର୍ ତାତାଇକରି ପର୍ଯ୍ୟାୟର୍ ବସବା ଜାଗାଇ ନିଆଅଇଲା । ୬ ପର୍ଯ୍ୟାୟର୍ ତାରୁପାଇ ତିଆର୍ କରି ସଞ୍ଜୁରଇବା ମରୁରୁଇଁ ବାଟେ ସେ ମାଇଜି ପାଲାଇଲା । ତେଇ ୧,୨୬୦ ଦିନ୍ ଜାକ ତାକେ ଜତନ୍ ନିଆଅଇସି । ୭ ତାରୁପତେ ସରଗ୍ପୁରେ ଗଟେକ୍ ଜୁଇଦ୍ ଆରାମ୍ ଅଇଲା । ମିକାଏଲ୍ ଆରି ତାରୁଦୁତମନ୍ ସେ ଅସୁରୁ ଆରି ତାରୁ ଦୁତମନର୍ ସଞ୍ଜୁ ଜୁଇଦ୍ କଲାଇ । ୮ ସେମନ୍ ସେ ଅସୁରୁକେ ଆରାଇଲାଇ । ତାକେ ଆରି ତାରୁ ଦୁତମନକେ ସର୍ଗେ ରଇବାକେ ଆଦେସ୍ ନ ରଇଲା । ୯ ସେ ଅସୁରୁ ସାଁପ୍ କାଇରେ ବେଟି ପିଢ଼ିଦେଲାଇ । ସେ ଅସୁରୁସାଁପ୍ ଦିଆବଲ୍ ବଲି ଡାକ୍ ବା ସାଁପ୍ ରଇଲା । ଜେ କି ଗୁଲାଇ ଜଗତ୍ ନାତାଇରଇଲା । ତାରୁ ଦୁତମନକେ ଆରି ତାକେ ମିସ୍ତେ ଦରୁତନି ଉପ୍ରେ ପିଢ଼ିଦେଲାଇ । ୧୦ ତାରୁପତେ ସର୍ଗେ ଗଟେକ୍ ଜବର୍ ସବଦ୍ ଅଇବାଟା ମୁଇ ସୁନୁଲି । ସେ ସବଦ୍ କଲା “ଏବେ ଲକ୍ମନରୁପାଇ ଅଇରଇବା ପର୍ଯ୍ୟାୟର୍ ମୁକ୍ତି ସିଦ୍ ଅଇଲାଆଟେ । ରାଜା ଇସାବେ ତାରୁ ବପୁ ସେ ଦେକାଇଆଟେ

। ତାର ମସିଅ, ତାର ଅଦିକାର ଦେକାଇଲା ଆଚେ ।” କାଇକେବଇଲେ, ଜେ କି ପର୍ମେସରର୍ ମୁଆଟେ ଚିଆଅଇ ଆମର୍ ବାଇବଇନିମନ୍‌କେ ଦସ୍ ଦେଇତେରଇଲା, ତାକେ ସର୍ଗେଅନି ବାର୍‌କରାଇ ଦେଲାଆଚେ । ୧୧ ମେଣ୍ଟାପିଲାର୍ ବନିର୍‌ଲାଗି ଆରି ସେମନ୍ ଜାନାଇରଇବା ସତର୍ ଲାଗି ଆମର୍ ବାଇବଇନିମନ୍ ତାର୍‌ସଢ୍ଘ ଜୁଇଦ୍ କରି ଜିତ୍‌ଲାଇ । ସେମନ୍ ମରିଜିବାଜାକ ଜାନିରଇଲେ ମିସା ବିସ୍‌ବାସ୍ କର୍‌ତେରଇଲାଇ । ୧୨ ତେବର୍‌ପାଇ, ତମେ ସର୍‌ଗେ ରଇବା ଜେତ୍‌କି ଲକ୍ ସାର୍‌ଦା ଉଆ । ମାତର୍ ଦର୍‌ତନିତେଇ ଆରି ସମ୍‌ଦୁରେ ରଇବା ଲକ୍‌ମନ୍ ତମର୍‌ପାଇ କେତେ ଇନସ୍‌ତାର୍ ଦିନ୍ ଆଇସି । କାଇକେବଇଲେ ତମର୍ ବିତ୍‌ରେ ସଇତାନ୍ ଉତ୍‌ରି ଆଇଲାଆଚେ । ସେ ବେସି ରିସାଅଇଆଚେ । କାଇକେବଇଲେ ସେ ଏବେ ବେଲା ତନେକ୍‌ସେ ଆଚେବଲି ଜାନିଆଚେ । ୧୩ ଅସୁର୍‌ସାଁପ୍ ମକେ ଦର୍‌ତନିଲଗେ ପିଢ୍ଘିଦେଲାଇ ବଲି ଜାନିକରି ପିଲାକେ ଜନମ୍‌କରିରଇବା ମାଇଜିର୍ ପର୍ ପର୍ ଜିବାର୍‌ଦାର୍‌ଲା । ୧୪ ମରୁବାଲି ବୁର୍ ତାର୍ ଜାଗାଇ କେଟ୍‌ବାକେ ଗଟେକ୍ ବଡ୍ ଗିଦର୍ ଦୁଇଟା ତେନା ତାକେ ଦିଆଅଇଲା । ତେଇ ଅସୁର୍ ସାଁପ୍ ତାକେ ନ ମିଲାଇକରି କାଇଟା ନ କଲାପାରା ତିନ୍ ବରସ୍ ଅଦା ଦିନ୍ ତାର୍ ଜତନ୍ ନିଆଅଇସି । ୧୫ ତାର୍‌ପଚେ ସେ ଅସୁର୍‌ସାଁପ୍ ତାର୍ ଟଣ୍ଟେଅନି ବନିଆ ଅଇଜିବା ଏତ୍‌କି ପାନି ବାର୍‌କରାଇଲା । ଜେନ୍ତୁରି କି ସେ ପାନି ସେ ମାଇଜିକେ ବଢ୍ଘିଲାଇ ନେଇସି । ୧୬ ମାତର୍ ଦର୍‌ତନି ସେ ମାଇଜିକେ ସାଇଜ କଲା । ଅସୁର୍‌ସାଁପ୍ ଟଣ୍ଟେଅନି ଆଇଲାପାନି ତାର୍ ନିଜର୍ ଟଣ୍ଟପାଡିକରି ଗିଲିଦେଲା । ୧୭ ସେଟାର୍‌ପାଇ ସେ ଅସୁର୍‌ସାଁପ୍ ବେସି ରିସାଅଇଗାଲା । ଆରି ସେ ମାଇଜିର୍ ବାକିରଇବା ନାତିତିତି ମନର୍ ସଢ୍ଘ ଜୁଇଦ୍ କର୍‌ବାର୍ ଆଇଲା । ସେମନ୍ ପର୍‌ମେସରର୍ ଆଦେସ୍ ମାନିକରି ଜିସୁ ଜାନାଇରଇବା ସର୍ ଦାରିରଇବାଇ ।

୧୩ ଆରି ସେ ଅସୁର୍‌ସାଁପ୍ ସମ୍‌ଦୁରର୍ ବାଲିଉପ୍‌ରେ ଜାଇ ଚିଆ ଅଇଲା । ତାର୍‌ପଚେ ମୁଇ ସମ୍‌ଦୁର୍ ବିତ୍‌ରେ ଅନି ଗଟେକ୍ ପସୁକେ ବାରଇଆଇବାଟା ଦେକ୍‌ଲି । ତାକେ ଦସ୍‌ଟା ସିଢ୍ଘ ଆରି ସାତ୍‌ଟା ମୁଣ୍ଟୁ ରଇଲା । ତାର୍ ସବୁ ସିଢ୍ଘେ ଗଟେକ୍ ଗଟେକ୍ ମୁକୁଟ୍ ରଇଲା । ଆରି ମୁଣ୍ଟୁ ଉପ୍‌ରେ ପର୍‌ମେସର୍‌କେ ନିନ୍ତା କଲା ପାରା ବିନ୍ ବିନ୍ ରକାମର୍ ସାତ୍‌ଟା ନାଉଁ ରଇଲା । ୨ ସେ ପସୁ ଚିତାବାର୍ ପାରା ରଇଲା । ତାର୍‌ପାଦ୍ ବାଲୁର୍ ପାଦ୍‌ପାରା, ତାର୍ ଟଣ୍ଟୁ ସିଅର୍ ଟଣ୍ଟୁ ପାରା ରଇଲା । ଆରି ସେ ଅସୁର୍‌ସାଁପ୍, ସେ ପସୁକେ ନିଜର୍

ବସୁ, ସିଆଁସନ୍ ଆରି ତାର ବଡ଼ ଅଦିକାର ଦେଲା । ୩ ସେ ପସୁର ଦସ୍ତା
 ମୁଣ୍ଡେଅନି ଗଟେକ୍ ମୁଣ୍ଡ ବେସି ମାଡ଼ ଅଇରଇଲାପାରା ତିସ୍ତେରଇଲା ।
 ମାତର ସେଟା ନିକ ଅଇଲା । ଗୁଲାଇ ଜଗତର ଲକ୍ମନ୍ କାବାଅଇଜାଇକରି
 ତାର ପତେ ପତେ ଗାଲାଇ । ୪ ଆରି ନିଜର ଅଦିକାର ସେ ପସୁକେ ଦେଲାକେ
 ସବୁ ଲକ୍ ଅସୁର ସାପ୍ତକେ ଜୁଆର କଲାଇ । ଏନ୍ତାରି କଇକରି ମିସା ସେ
 ପସୁକେ ସେମନ୍ ଜୁଆରକଲାଇ । ଏ ପସୁର ପାରା ଆରି କେ ନାଇ । ତାର
 ବିରଦେ ଜୁଇଦ୍ କରି କେ ମିସା ଜିତି ନାପାରତ୍ । ୫ ସେ ପସୁକେ ୪୨
 ମାସ୍ତାକ ଅଦିକାର ସଞ୍ଜୁଇବାକେ ଆରି ପର୍ମେସରର ବିରୁଦେ ବଡ଼ପନ୍
 କାତା କଇବାକେ ପର୍ମେସର ଆଦେସ୍ ଦେଲା । ୬ ସେ ପସୁ ପର୍ମେସରର
 ନାଉଁକେ, ସେ ରଇବା ଜାଗାକେ ଆରି ସର୍ଗେ ରଇବା ସବୁକେ ସାଇପ୍
 ଦେବାର୍ଦ୍ଦାରଲା । ୭ ପର୍ମେସର ଲକ୍ମନର ସଞ୍ଜୁ ଜୁଇଦ୍ କରି ସେମନ୍କେ
 ଆରାଇବାକେ ତାକେ ଅଦିକାର ଦିଆଅଇଲା । ସବୁ ବସ୍ତୁ ଉପରେ, ରାଇଜର୍
 ଉପରେ, ବାସା ଉପରେ ଆରି ଜାତିର ପାଇ ତାକେ ଅଦିକାର ଦିଆଅଇଲା ।
 ୮ ଦର୍ତ୍ତନିଟାନେ ରଇବା ସବୁଲକ୍ ତାକେ ଜୁଆରକର୍ବାଇ । ଜିବନ୍ ରଇବା
 ଲକ୍ମନର ବଇଟାନେ ନାଉଁ ଲେକାଅଇରଇବା ଲକ୍ମନ୍ସେ ତାକେ ଜୁଆର ନ
 କରତ୍ । କାଇଟା ତିଆର ନ ଅଇରଇବା ଆଗ୍ତୁ ଲେକା ଅଇଜାଇରଇଲା । ସେ
 ବଇ ମରାଇଜାଇରଇବା ମେଣ୍ଡାପିଲାର୍ଟା । ୯ କାନ୍ ରଇଲା ଲକ୍ ମନ୍ଦିଆନ୍
 କରି ସୁନା । ୧୦ ପର୍ମେସରର ଜଜ୍ନା ଇସାବେ ଜାର୍ କର୍ମେ ବନ୍ଦିଗରେ
 ରଇବାର୍ ଆତେ, ସେ ବନ୍ଦିଗରେ ଜାଇସି । ପର୍ମେସରର ଜଜ୍ନା ଇସାବେ
 ଜାର୍ କର୍ମେ କାଣ୍ଡାସଞ୍ଜୁ ମର୍ବାର୍ଆତେ, ସେ କାଣ୍ଡାସଞ୍ଜୁ ମାରାଇଅଇସି
 । ମାତର ପର୍ମେସରର ଲକ୍ ବିସ୍ବାସ୍ ଦାରି ମୁରୁତିକରି ରଇବାର୍ଆତେ
 । ୧୧ ଏଦେ ଦେକା! ତାରପତେ ଦର୍ତ୍ତନି ଅନି ଆରିଗଟେକ୍ ପସୁ ବାରଇ
 ଆଇବାଟା ମୁଇ ଦେକ୍ଲି । ତାକେ ମେଣ୍ଡାପିଲାର୍ ସିଞ୍ଜୁପାରା ଦୁଇଟା ସିଞ୍ଜୁ
 ରଇଲା ଆରି ଅସୁରସାପ୍ ପାରା କାତା କଇତେରଇଲା । ୧୨ ଆଗ୍ତୁର
 ପସୁରପାରା ତାକେ ମିସା ଅଦିକାର ରଇଲା । ସେ ଅଦିକାର ସଞ୍ଜୁ ସେ
 ସେବା କର୍ତ୍ତେରଇଲା । ଜଗତେ ଆରି ଜଗତେରଇବା ସବୁ ଲକ୍ମନ୍କେ,
 ଆଗ୍ତୁର ପସୁକେ ଜୁଆର କରା ବଲି ତରାଇତେରଇଲା । ଏତ୍କି ବିତ୍ରେ
 ପର୍ତ୍ତୁମ୍ ପସୁର ଗାଊ ସୁକିଜାଇତେରଇଲା । ୧୩ ପତର ପସୁ ବଡ଼ ବଡ଼ କାବା
 ଅଇଜିବା କାମ୍ମନ୍ କଲା । ଦର୍ତ୍ତନିଟାନେ ରଇବା ସବୁଲକ୍ ଦେକ୍ଲାପାରା

ସର୍ବୋତ୍ତମ ଜିଲ୍ଲା ବାବୁରାଜାଦେବରାଜା । ୧୪ ପର୍ଯ୍ୟନ୍ତ ପସୁର ମୁଆଟେ କେତେକ୍ କେତେକ୍ କାବାଅଇଜିବା କାମ୍ପାନ କରବାକେ ତାକେ ଅଦିକାର ରଇଲା । ସେ କାବା ଅଇଜିବା କାମ୍ପାନର୍ ଲାଗି ଦର୍ତ୍ତନିତେଇ ରଇବା ସବୁ ଲକ୍ଷ୍ମୀନକେ ନାଡ଼ାଇଲା । ପର୍ଯ୍ୟନ୍ତ ପସୁ ଜେ କି କାଣ୍ଡାସଙ୍ଗ୍ ମାରି ରଇଲେ ମିସା ଜିଲ୍ଲା ରଇଲା, ତାକେ ଡାକ୍ତରୀପାଲ ଗଟେକ୍ ମୁର୍ତ୍ତି ତିଆରକରୁ ବଲି ସେ ଲକ୍ଷ୍ମୀନକେ କଇଲା । ୧୫ ପର୍ଯ୍ୟନ୍ତ ପସୁ ଆଗ୍ତୁ ତିଆର୍ କରିରଇବା ପସୁର୍ ମୁର୍ତ୍ତିତେଇ ପୁଣ୍ଡବାକେ ଅଦିକାର ପାଇଲା । ଜେନ୍ତୁରି କି ସେନ୍ତି କଲେ, ସେ ମୁର୍ତ୍ତି କାତା ଅଇକରି ତାକେ ଛୁଆର୍ ନ କରବା ସବୁଲକ୍ଷ୍ମୀନକେ ମରାଇସି । ୧୬ ସେ ପସୁ ସାନ୍ ବଡ଼ ଲକ୍ଷ୍ମୀନକେ, ସାଉକାର୍ ଆରି ଅର୍କିଡ଼ ଲକ୍ଷ୍ମୀନକେ, ବନ୍ଧୁ ଆରି ମୁକ୍ତିରଇବା ଲକ୍ଷ୍ମୀନକେ ଆରି ସବୁକେ ତାକର୍ ଉଜାଆତେ ନଇଲେ ତାକର୍ କାପାଲେ ଗଟେକ୍ ତିନ୍ ଗଦ୍‌ବାକେ ଡରାଇଲା । ୧୭ ଏ ତିନ୍ ନ ଅଇତେ କେ ମିସା ଗେନା ବିକା କରି ନାପାରୁଲା । ଏ ତିନ୍ ଅଇଲାନି, ସେ ପସୁର୍ ନାଉଁ ନଇଲେ ସେ ନାଉଁ ବାଦ୍‌ଲିରଇବା ଲମର୍ । ୧୮ ସେ ପସୁର୍ ନମରର୍ ଅରଡ଼ ଗଟେକ୍ ଗିଆନ୍ ରଇବା ଲକ୍ଷ୍ମୀନକେ ଜାନିଅଇସି । କାଇକେବଇଲେ ସେ ନମର୍ ଗଟେକ୍ ଲକ୍ଷ୍ମୀନ ନାଉଁର୍ ବାଦୁଲେ ଆତେ । ସେ ନମର୍ ଅଇଲାନି ୨୨୨ ।

୧୪ ତାର୍‌ପତେ ମୁଇ ସିୟନ୍ ପର୍ବତେ ମେଣ୍ଡାପିଲା ଚିଆଅଇରଇବାଟା ଦେକ୍ଲି । ତାର୍ ସଙ୍ଗ୍ ୧୪,୪୦୦୦ ଲକ୍ଷ୍ମୀନ ରଇଲା । ତାକର୍ କାପାଲେ ମେଣ୍ଡାପିଲାର୍ ନାଉଁ ଆରି ତାର୍ ବାବାର୍ ନାଉଁ ଲେକିରଇଲା । ୨ ଆରି ସର୍ବୋତ୍ତମ ଜିଲ୍ଲା ଗଟେକ୍ ସବଦ୍ ସୁନ୍‌ଲି । ସେଟା ଗଟେକ୍ ଜବର୍ ଗଡ଼ଗଡ଼ି ଅଇ ବଡ଼ ସବଦର୍ ପାରା ଆରି ଜବର୍ ପାନି ଅଦର୍‌ଲାପାରା ରଇଲା । ବିଶା ବାଜ୍‌ଲେ ସବଦ୍ ଅଇବା ଗିଡ଼ପାରା ସୁନି ଅଇଲା । ୩ ସେ ୧୪୪,୦୦୦ ଲକ୍ଷ୍ମୀନ ବସବା ଜାଗାର୍ ତାର୍‌ଟା ବଢ଼ିରଇବା ପସୁମନର୍, ପାର୍‌ତିନ୍‌ମନର୍ ମୁଆଟେ ଚିଆଅଇଲା । ସେମନ୍ ଗଟେକ୍ ନୁଆ ଗିଡ଼ କଇତେରଇଲା । ସେମନ୍ ଆକା ସେ ଗିଡ଼ ଜାନିରଇଲା । ସେମନ୍‌ସେ ମୁକ୍ତି ପାଇରଇବା ଲକ୍ଷ୍ମୀନ । ୪ ସେମନ୍ ନିଜେ ସୁକଲ୍ ରଇଲା । ମାଇଜି ମନର୍ ସଙ୍ଗ୍ ମିସାବିତା ଅଇକରି ନିଜ୍‌କେ ଅସୁକଲ୍ ଅଇ ନ ରଇଲା । ସେମନ୍ ପିଲାବେଣ୍ଡିଆ ପାରା ରଇଲା । ସେମନ୍ ସବୁବେଲେ ମେଣ୍ଡାପିଲାର୍ ସଙ୍ଗ୍ ଜାଇତେରଇଲା । ସେମନ୍ ମୁନୁସ୍‌ଜାତିର୍ ବିଡ଼ରେ ପର୍ଯ୍ୟନ୍ତ ତର୍ ମୁକ୍ତି ପାଇକରି ପର୍‌ମେସରର୍‌ପାଇ

ଆରି ମେଣ୍ଟାପିଲାବଦ୍ଧ ନିଜ୍ଜେ ସର୍ପି ଅଇଆଡ଼ । ୫ ସେମନ୍ କେବେ ମିସା
ମିର୍ ନ କଅଡ଼ । କେ ମିସା ସେମନ୍‌କେ ଦସ୍ ଦେଇନାପାରେ । ୬ ତାର୍‌ପତେ
ମୁଇ ଆରିଗଟେକ୍ ଦୁଡ଼କେ ଆକାସେ ଉଡ଼ି ଜିବାଟା ଦେକ୍‌ଲି । ଏ ଜଗତର୍ ସବୁ
ରାଇଜେଅନି, ବାସାଇଅନି, ବଞ୍ଚେଅନି, ଜାତିଅନି ଆଇବା ସବୁ ଲକ୍‌ମନ୍‌କେ
ଜାନାଇବା ପର୍ମେସରର୍ କେବେ ନ ସାର୍‌ବା ସୁବ୍‌କବର୍ ଜାନାଇତେରଇଲା ।
(aionios g166) ୭ ସେ ଆଉଲିଅଇକରି କଇଲା “ପର୍ମେସର୍କେ ତାକ୍‌ପୁଟା
କରା । ତାର୍ ବଡ଼ ବଡ଼ କାମର୍ ପାଇ ତାକେ ଆରାଦନା କରା । ଲକ୍‌ମନ୍‌କେ
ବିଚାର୍ କରବାକେ ତାର୍ ବେଲା କେଟ୍‌ଲାଆତେ । ସରଗ୍, ଦରୁଡ଼ନି, ସମ୍‌ଦୁର,
ଆରି ପାଜୁରା ପାନି ସବୁଜାକ ସେ ତିଆର୍କଲାଆତେ, ତାକେ ଜୁଆର୍ କରା
।” ୮ ଆରି ଗଟେକ୍ ଦୁଡ଼ ପର୍‌ତୁମର୍ ଦୁଡ଼ ପତେ ଗାଲା । ସେ କଇଲା
“କୁରୁପ୍‌ନାସ୍ ଅଇଲା । ବେସି ତାକ୍‌ପୁଟାରଇବା ବାବିଲନ୍ କୁରୁପ୍‌ନାସ୍ ଅଇଲା
।” ତେଇର୍ ଲକ୍‌ମନ୍ ବିନ୍ ଦେସର୍ ଲକ୍‌ମନ୍‌କେ ତାକର୍ ମଦ୍ କୁଆଇଲା ।
ତାର୍ ଅରଡ଼ ଅଇଲାନି, ତାକର୍ ପାରା କାରାପ୍ ଚଲାଚଲ୍‌ତି କରାଇଲା । ୯
ସେ ଦୁଇଟା ଦୁଡ଼ମନର୍ ପତେପତେ ଆରି ଗଟେକ୍ ଦୁଡ଼ ଆସିକରି ଆଉଲି
ଅଇକରି କଇବାର୍ ଦାର୍‌ଲା, ଜେ ଜଦି ପସୁକେ କି ତାର୍ ମୁର୍ତିକେ ପୁଜା
କର୍‌ସି ଆରି ନିଜର୍ କାପାଲେ କି ତାର୍ ଆତେ ତାର୍ ଚିନ୍ ଗଦାଇଅଇସି, ୧୦
ସେମନ୍ ପର୍ମେସରର୍ ମଦ୍ କାଇବାଇ । ଜନ୍‌ଟାକି ପାନି ଗାବିକରି ଚପୁରା ନ
କଲାଟା । ତାର୍ ଡର୍ ଲାଗ୍‌ବା ଡଣ୍ଟୁ ଆରି ବଡ଼ ରିସା ସେମନ୍ ମୁରୁବାଇ ।
ସେମନ୍‌କେ କାଇ ଦୟା ନ ଦେକାଅଡ଼ । ସୁକଲ୍ ଦୁଡ଼ମନର୍ ମୁଆଟେ ଆରି
ମେଣ୍ଟାପିଲାବ୍ ମୁଆଟେ ଗନ୍ଧୁଟାନେ ପଡ଼ିକରି ବେସି ଦୁକ୍ କସ୍‌ଟ ପାଇବାଇ ।
୧୧ ଜଇଟାନେଅନି ଆଇବା ଦୁଆଁ, ଜନ୍‌ଟାକି ସେମନ୍‌କେ ଦୁକ୍ କସ୍‌ଟ ଦେଲାନି,
ସେଟା କାଲ୍ କାଲ୍ ଜୁଗ୍ ଜୁଗ୍ ଉପ୍‌ରେ ଜାଇତେ ରଇସି । ପସୁକେ କି ତାର୍
ମୁର୍ତିକେ ପୁଜାକରବା ଲକ୍ ବିନ୍‌ରାତି ପୁଣ୍ଡି ନାପାରଡ଼ । ଜେନ୍ତିକି ତାର୍ ନାଉଁର୍
ନେଇରଇବା ଲକ୍‌ମନ୍‌ପାଇ ମିସା । (aion g165) ୧୨ ପର୍ମେସରର୍ ଲକ୍‌ମନ୍
ଜନ୍ ଲକ୍‌ମନ୍ କି ତାର୍ ଆଦେସ୍ ନାମ୍‌ବାଇ, ଆରି ଜିସୁକେ ବିସ୍‌ବାସ୍ କରି
ଆଡ଼, ସେମନ୍ ମୁର୍ତିକରି ରଇବାର୍ ଆତେ । ୧୩ ତାର୍‌ପତେ ସର୍‌ଗେଅନି
ମୁଇ ଏନ୍ତାରି ସୁନ୍‌ଲି । “ଏଟା ଲେକି ସଞ୍ଜୁଇର । ଏବେଅନି ମାପୁରୁଟାନେ
ମିସ୍‌ଲାପତେ ମରିଜିବାଇ ସେ ଲକ୍‌ମନ୍ କେଡେକ୍ କରମର୍ ଲକ୍ । ଉଁ ବଲି
ଆଡ଼ମା କଇଲାନି । ଏଟା ସତଇସେ ଗର୍‌ସି, ତାକର୍ ଆବଡ଼ କାମେଅନି

ଚନେକ୍ ପୁଣ୍ୟବାକେ ସେଟା ତାକର୍ ବେଲା ରଇସି । କାଇକେବଇଲେ ସେମନ୍
କରିରଇବା ନିକ କାମର୍ ଲାଗି ସେମନ୍ ପୁରୁସ୍କାର୍ ପାଇବାଇ ।” ୧୪
ତାର୍ପତେ ମୁଇ ଦେକ୍ଲି, ଏଦେ ଦେକା! ଗଟେକ୍ ଦବ୍ ବାଦଲ୍ ତିସ୍ଲା ।
ଆରି ଗଟେକ୍ ନରୁପାରା ତିସ୍ବା ବାଦଲ୍ ଉପ୍ରେ ବସିରଇଲା । ତାର୍ ମୁଣ୍ଡେ
ସୁନାର୍ ମୁକୁଟ୍ ଆରି ଆତେ ଗଟେକ୍ ଗଞିଆ ଇଲା ଦାରିରଇଲା । ୧୫ ତାର୍
ପତେ ମନୁରେଅନି ଆରି ଗଟେକ୍ ଦୁତ୍ ବାରଇ ଆଇଲା । ଆରି ବାଦଲ୍
ଉପ୍ରେ ବସିରଇଲା ଲକ୍କେ ଆଉଲିଅଇକରି କଇଲା “ବେଲା କେଟ୍ଲାବେ
।” ତମର୍ ପସଲ୍ ପାଟ୍ଲାଆତେ । ତର୍ ଇଲାସଞ୍ଜ୍ ସେଟା କାଟ୍ । ୧୬
ତାର୍ପତେ ବାଦ୍ଲେ ବସ୍ଲା ଲକ୍ ତାର୍ ଇଲା ଦରୁତନି ଉପ୍ରେ ବୁଲାଇଲା ।
ଦରୁତନିର୍ ଚାସ୍ ସବୁ କାଟାଅଇଲା । ୧୭ ସରଗର୍ ମନୁରେଅନି ଆରିଗଟେକ୍
ଦୁତ୍ ବାରଇ ଆଇବାଟା ମୁଇ ଦେକ୍ଲି । ତାର୍ ଆତେ ମିସା ଗଟେକ୍ ଲାଗନ୍
ଇଲା ରଇଲା । ୧୮ ତାର୍ପତେ ବେଦିଟାନେଅନି ଜଇ ଦେକାରକା କର୍ବା
ଆରିଗଟେକ୍ ଦୁତ୍ ଆଇଲା । ସେ ଆଉଲିଅଇକରି ଲାଗନ୍ ଇଲା ଦାରିରଇବା
ଦୁତ୍କେ କଇଲା “ଦରୁତନିଟାନେ ରଇବା ଅଢ୍ଢୁର୍ବାତର୍ ଅଢ୍ଢୁର୍ ପାଟ୍ଲାଆତେ
। ତର୍ ଇଲାଦାରି କାଟିନେ ।” ୧୯ ତେବର୍ପାଇ ସେ ଦୁତ୍ ଦରୁତନି ଉପ୍ରେ
ତାର୍ ଇଲା ବୁଲାଇଲା । ମାଲେଅନି ଅଢ୍ଢୁର୍ କାଟ୍ଲା । ଆରି ଅଢ୍ଢୁର୍ ଆଜାଦ୍ବା
କୁଣ୍ଡେ ତାଲିଦେଲା । ସେ ଜାଗା ଅଇଲାନି ପର୍ମେସରର୍ ବଡ୍ ରିସାର୍ ଜାଗା
। ୨୦ ନଗରର୍ ବାଇରେ ରଇବା କୁଣ୍ଡେ ଚକ୍ଟାଗାଲା ଜାଗାଇ, ଅଢ୍ଢୁର୍ମନ୍
ପିଚକ୍ଲାଇ ଆରି ତେଇଅନି ବନି ବାରଇଲା । ସେ ବନି ତିନ୍ସ କିଲମିଟର୍
ଲମ୍, ଆରି ଦୁଇମିଟର୍ କାଲ୍ସେଦ୍କି ବଇଗାଲା ।

୧୫ ଏଦେ ଦେକା! ତାର୍ପତେ ଆକାସେ ଆରିଗଟେକ୍ କାବା ଅଇଜିବା
ତିନ୍ ମୁଇ ଦେକ୍ଲି । ତେଇ ସାତ୍ଟା ଦୁତ୍ମନ୍କେ ସାତ୍ଟା ମର୍ତ୍ତି ସର୍ପାଇ
ଅଇରଇଲା । ଏ ସର୍ତ୍ତେ ମର୍ତ୍ତି ସାରାସାରି ବେଲର୍ଟା । କାଇକେବଇଲେ
ଏଟା ଅଇଲାନି ଦରୁତନି ଉପ୍ରେ ପର୍ମେସର୍ ଆନ୍ବା ସାରାସାରିର୍ ତଣ୍ଟୁ ।
୨ ତାର୍ପତେ କାଁର୍ ପାରା ତିସ୍ବା ସମ୍ପୁର୍ ସଞ୍ଜ୍ ଜଇ ମିସାଇଲା ପାରାଟା
ଗଟେକ୍ ଦେକ୍ଲି । ପସୁ ଆରି ତାର୍ ମୁର୍ତ୍ତି ଉପ୍ରେ ଜୁଇଦ୍ କରି ଜିତିରଇବା
ଲକ୍ମନ୍କେ ମିସା ମୁଇ ଦେକ୍ଲି । ସେ ପସୁର୍ ନାଉଁ ଗଟେକ୍ ଲମ୍ବରର୍
ବାଦୁଲେ ରଇଲା । ସେମନ୍ କାଁଟର୍ ସମ୍ପୁର୍ ପାଲିବାଟେ ଟିଆ ଅଇରଇଲାଇ
। ପର୍ମେସର୍ ସେମନ୍କେ ଦେଇରଇବା ବିଶା ତାକର୍ ଆତେ ରଇଲା । ୩

ସେ ଲକ୍ଷ୍ମୀନନ୍ଦ ମସା ଜେ କି ପର୍ଯ୍ୟେସରର୍ ଗତିଦାଢ଼ୁଡ଼ା, ତାର୍ ଗିଡ଼ ଆରି ମେଣ୍ଟୁପିଲାର୍ ଗିଡ଼ ଗାଢ଼େରଇଲାଇ । ମାପ୍‌ରୁ ପର୍ଯ୍ୟେସରର୍ ଜେ କି ସବୁର୍ ଉପ୍‌ରେ ଆଟେ, ତମେ କର୍ବା କାମ୍ ବେସି ବଡ଼ ଆରି କାବାଅଇଜିବାଟା । ତୁଇ ରାଇଜ୍‌ମନର୍ ରାଜା । ତର୍ ବାଟ୍ ସଡ଼ ଆରି ସମାନ୍ । ୪ ତମ୍‌କେ ପର୍ଯ୍ୟେସରର୍ ବଲି ନ ନାମ୍‌ବା ଲକ୍ କେ ନ ରଅଡ଼ । ତମ୍‌କେ ଡାକ୍‌ପୁଟା ନ କର୍ବା ଲକ୍ କେ ନ ରଅଡ଼ । କାଇକେବଇଲେ ତମେସେ ସୁକଲ୍ । ସବୁ ରାଇଜର୍ ଲକ୍‌ମନ୍ ତମ୍‌କେ ଜୁଆର୍ କର୍ବାକେ, ତମର୍ ମୁଆଟେ ରୁଣ୍ଟୁବାଇ । କାଇକେବଇଲେ ତମର୍ ଦରମ୍ କାମ୍‌ମନ୍ ସବୁ ସେମନ୍ ଦେକ୍‌ଲାଆତଡ଼ । ୫ ତାର୍‌ପଟେ ସୁକଲ୍ ତମ୍ ରଇବା ସରଗର୍ ମନ୍ଦିର୍ ଉଗାଡ଼ି ଅଇରଇବାଟା ମୁଇ ଦେକ୍‌ଲି । ୬ ସାଡ଼ଟା ମର୍ଡ଼ି ସର୍ପାଇ ଅଇରଇବା ସାଡ଼ଟା ଦୁଡ଼ମନ୍ ମନ୍ଦିରେ ଅନି ବାରଇଲାଇ । ସେମନ୍ ଦବ୍ ରଇକରି ଜକ୍‌ଜକି ଜାଇତେରଇବା ବସ୍‌ତର୍ ପିନ୍ଦି ରଇଲାଇ । ଆରି ସୁନାର୍ ବେଲ୍‌ଟୁ ବୁକେ ବାନ୍ଦିଅଇରଇଲାଇ । ୭ ତାର୍‌ଟା ଜିବନ୍ ରଇବା ପସ୍ତୁମନର୍ ବିଡ଼ରେ ଗଟେକ୍ ସବୁବେଲର୍ ପର୍ଯ୍ୟେସରର୍ ରିସାସଢ଼ୁ ବର୍ଡ଼ି ଅଇରଇବା ସାଡ଼ଟା ସୁନାର୍ ଗିନା, ସେ ସାଡ଼ଟା ଦୁଡ଼ମନ୍‌କେ ଦେଲା । (aiōn g165) ୮ ପର୍ଯ୍ୟେସରର୍ ବପୁ ଆରି ତାର୍ ମଇମାର୍ ଲାଗି ମନ୍ଦିର୍ ଦୁଆଁ ସଢ଼ୁ ବର୍ଡ଼ି ଅଇଲା । ସେ ସାଡ଼ଟା ଦୁଡ଼ମନ୍ ସାଡ଼ଟା ମର୍ଡ଼ି ନ ସାରାଇବା ଜାକ, ମନ୍ଦିର୍ ବିଡ଼ରେ କେ ପୁରିନାପାର୍‌ଲାଇ ।

୧୭ ତାର୍‌ପଟେ ଗଟେକ୍ ମନ୍ଦିରେଅନି ଗଟେକ୍ ଜବର୍ ସବଦ୍ ସେ ସାଡ଼ଟା ଦୁଡ଼ମନ୍‌କେ କାତା ଅଇବାଟା ମୁଇ ସୁନ୍‌ଲି । “ଜାଆ ଆରି ପର୍ଯ୍ୟେସରର୍ ରିସା ବର୍ଡ଼ି ଅଇରଇବା ସାଡ଼ଟା ଗିନା ଦର୍‌ତନି ଉପ୍‌ରେ ଆଜାଡ଼ିଦେସ୍ ।” ୨ ପର୍‌ଡୁମ୍ ଦୁଡ଼ ଗାଲା ଆରି ତାର୍ ରିସାର୍ ଗିନା ଦର୍‌ତନି ଉପ୍‌ରେ ଆଜାଡ଼ିଦେଲା । ଆରି ଏଦେ ଦେକା! ଜନ୍ ଲକ୍‌ମନ୍ ଜେ କି ପସ୍ତୁର୍ ଚିନ୍ ଗଡ଼ିଅଇରଇଲାଇ ଆରି ତାର୍ ମୁର୍ଡ଼ିକେ ଜୁଆର୍ କର୍ଡ଼େରଇଲାଇ, ତାକର୍ ଗାଗ୍‌ଡେ ମୁର୍ଡ଼ି ନାପାର୍‌ଲା ପାରା ଉଟାନ୍ ବାରଇଲା । ୩ ତାର୍‌ପଟେ ଦୁଇ ଲମର୍ ଦୁଡ଼ ତାର୍ ରିସାର୍ ଗିନା ସମ୍‌ଦୁରେ ଆଜାଡ଼ି ଦେଲା । ଆରି ଏଦେ ଦେକା! ତେଇର୍ ପାନି ମଲାଲକର୍ ବନିପାରା ଅଇଗାଲା । ଆରି ସମ୍‌ଦୁରେ ରଇବା ଜିଡ଼୍‌ଜିଆଡ଼ ମରିଗାଲା । ୪ ତାର୍‌ପଟେ ଚିନ୍ ଲମର୍ ଦୁଡ଼ ତାର୍ ରିସାର୍ ଗିନା ଗାଡ଼ମନ୍‌କେ ଆରି ପାଢ଼ରାମନ୍‌କେ ଆଜାଡ଼ିଦେଲା । ସେଟାମନର୍ ପାନି ସବୁ ବନି ଅଇଗାଲା । ୫ ତାର୍‌ପଟେ ପାନି ଦେକାରକା

କରବା ଦୁଃ ଏନ୍ତାରି କଇବାଟା ମୁଇ ସୁନ୍ଲି “ଏ ସୁକଲ୍ ରଇବା ପର୍ମେସର୍
 ତମେ ଆଗେଅନି ଆରି ଏବେ ମିସା ଆଚାସ୍ । ତମର୍ ବିଚାର୍ନା ଟିକ୍ ଆଚେ ।
 ୭ ପର୍ମେସର୍ ଲକ୍ମନର୍ ଆରି ବବିସତ୍ବକ୍ତାମନର୍ ବନି ତାଲିଦେଲାଇ ।
 ତେବର୍ପାଇ ତମେ ସେମନ୍‌କେ କାଇବାକେ ବନି ଦେଇଆଚାସ୍ । ସେମନ୍
 କରିରଇବା କାମର୍ ପଲ୍ ସେମନ୍ ଆକା ପାଇଲାଇ ଆଚତ୍ ।” ୭ ତାର୍ପଚେ
 ବେଦିଟାନ୍‌ଆନି ଗଟେକ୍ ସବଦ୍ ମୁଇ ସୁନ୍ଲି । “ମାପ୍‌ରୁ ପର୍ମେସର୍ ଜେ କି
 ସବୁର୍ ଉପ୍ରେ ଆଚେ, ତମର୍ ବିଚାର୍ନା ସମାନ୍ ଆରି ସତ୍ ।” ୮ ତାର୍ପଚେ
 ଚାରି ଲମର୍ ଦୁଃ ତାର୍ ରିସାର୍ ଗିନା ବେଲ୍ ଉପ୍ରେ ଆଜାଡ୍‌ଲା । ଆରି ଏଦେ
 ଦେକା! ତାର୍ ଅପର୍ବଲ୍ ତାତି ସଞ୍ଜ୍ ଲକ୍ମନ୍‌କେ ପଡାଇଦେବାକେ ବେଲ୍
 ଆଦେସ୍ ପାଇଲା । ୯ ସେ ଅପର୍ବଲ୍ ତାତିର୍ ଲାଗି ସେମନ୍ ପଡିଗାଲାଇ
 । ଆରି ପର୍ମେସରର୍ ନାଉଁ ଦାରି ସାଇପ୍ ଦେଲାଇ । କାଇକେବଇଲେ ଏ
 ସବୁର୍ ମର୍ଡି ଉପ୍ରେ ତାର୍‌ଆକା ଅଦିକାର୍ ରଇଲା । ମାତର୍ ସେମନ୍ ଏନ୍ତାର୍
 ଅଇଲାଇ ମସିଆ ତାକର୍ ପାପେଅନି ବାଉଡ୍‌ନାଇ । ଆରି ପର୍ମେସରର୍
 ବଡ୍ କାମ୍‌କେ ମାନଡ୍‌ନାଇ । ୧୦ ତାର୍ପଚେ ପାଁର୍ ଲମର୍ ଦୁଃ ତାର୍
 ରିସାର୍ ଗିନା ପସୁର୍ ବସ୍‌ବା ଜାଗାର୍ ଉପ୍ରେ ଆଜାଡିଦେଲା । ଆରି ଏଦେ
 ଦେକା! ପସୁର୍ ରାଇଜେ ଆନ୍ତୁର୍ ତାବିଅଇଦେଲା । ଆରି ଦୁକାର୍ ଲାଗି
 ଲକ୍ମନ୍ ନିଜର୍ ନିଜର୍ ଜିବ୍ ଚାବିଅଇଦେଲାଇ । ୧୧ ତାକର୍ ଦୁକା ଆରି
 ଉଟାନ୍‌ର୍ ଲାଗି ସରଗର୍ ପର୍ମେସର୍‌କେ ସେମନ୍ ସାଇପ୍ ଦେଲାଇ ।
 ମାତର୍ ତାକର୍ କାରାପ୍ ଚଲାଚଲ୍‌ତିର୍ ଲାଗି ସେମନ୍ ବାଉଡ୍‌ନାଇ ।
 ୧୨ ତାର୍ପଚେ ଚଅ ଲମର୍ ଦୁଃ ତାର୍ ରିସାର୍ ଗିନା ଇଉପର୍‌ଟିସ୍ ନାଉଁର୍
 ଗଟେକ୍ ବଡ୍‌ଗାତେ ଆଜାଡିଦେଲା । ଆରି ଏଦେ ଦେକା! ସେ ଗାଡ୍‌ର୍
 ପାନି ଆଁଟିଗାଲା । ସେନ୍ତାରି ପୁର୍ବେଅନି ଜନ୍ ରାଜାମନ୍ ଆରି ତାକର୍
 ସନିଅମନ୍ ଆଇବାର୍ ରଇଲା, ସେମନ୍‌ପାଇ ବାଟ୍ ତିଆର୍‌ଅଇଲା । ୧୩
 ତାର୍ପଚେ ତିନ୍‌ଟା ବେଢ୍ଫପାରା ତିସ୍‌ବା ଅସୁକଲ୍ ଆଡ୍‌ମାମନ୍‌କେ ମୁଇ ଦେକ୍‌ଲି
 । ସେମନ୍ ଅସୁର୍‌ସାଁପର୍ ଟଣ୍ଟେଅନି, ପସୁର୍ ଟଣ୍ଟେଅନି ଆରି ମିର୍ କଇବା
 ବବିସତ୍ବକ୍ତାର୍ ଟଣ୍ଟେଅନି ବାରଇ ଆଇତେରଇଲାଇ । ୧୪ ସେମନ୍
 କାବାଅଇଜିବା କାମ୍ କରବା ତୁମାମନର୍ ଆଡ୍‌ମାମନ୍ । ଏ ତିନ୍‌ଟା ଆଡ୍‌ମା
 ଜଗତେ ରଇବା ସବୁ ରାଜାମନ୍‌ଟାନ୍‌େ ଗାଲାଇ । ବେସି ବପୁ ରଇବା
 ପର୍ମେସରର୍ ବଡ୍ ଦିନର୍ ଛୁଇଦେ ସେ ଆଡ୍‌ମାମନ୍ ସବୁ ରାଜାମନ୍‌କେ

ଚୁଲିଆଇ ଆନ୍‌ବାଇ । ୧୫ ସୁନା, ମୁଇ ଚର୍ ପାରା ଆଇଲିନି । ଜନ୍
 ଲକ୍‌ମନ୍ ଜାଗର୍‌ତ୍ ରଇକରି ତାକର୍ ବସ୍‌ତର୍ ଜାଗର୍‌ତା କରି ସଞ୍ଜୁଇବାଇ,
 ସେମନ୍ କେଟେକ୍ କରମର୍ ଲକ୍‌ମନ୍ । ମୁଇ ଆଇବା ଦିନେ ସେମନ୍ ଗଟେକ୍
 ତୁମ୍‌ଶୁ ଆଇକରି ଏନେତେନେ ବୁଲ୍‌ବା ଲକ୍ ପାରା ନ ରଏ । ଆରି ସେମନ୍
 ଲକ୍‌ମନ୍‌କେ ଦେକି ଲାଜ୍ ନ ଅଅତ୍ । ୧୬ ତାର୍‌ପତେ ଆତ୍‌ମାମନ୍ ସବୁ
 ରାଜାମନ୍‌କେ ଗଟେକ୍ ଜାଗାଇ ଚୁଲିଆଇ ଆନ୍‌ଲାଇ । ଏର୍‌ରି ବାସାଇ ସେ
 ଜାଗାର୍ ନାଉଁ ଅଇଲାନି ଅମିଗର୍‌ଦନ୍ । ୧୭ ତାର୍‌ପତେ ସାତ୍ ଲମର୍ ଦୁତ୍,
 ତାର୍ ରିସାର୍ ଗିନା ପବନେ ଆଜାଡିଦେଲା । ଆରି ଏଦେ ଦେକା! ମନ୍ଦିରେ
 ରଇବା ବସ୍‌ବା ଜାଗାଇ ଅନି ଗଟେକ୍ ବତ୍ ସବତ୍ ଆଇଲା । “ସେଟା ସବୁ
 ସାରିଗାଲା!” ୧୮ ଦାପ୍‌ରେ ବିଜ୍‌ଲି ମାର୍‌ଲା, ଗଡ୍‌ଗତି ମାର୍‌ଲା ଆରି ବେସି
 ଦର୍‌ତନି ବୁଲ୍‌ବୁଲ୍‌ଲା । ମୁନୁୟ୍ ଜାତି ତିଆର୍ କଲାତେଇଅନି ଏନ୍ତାରି ଦର୍‌ତନି
 ବୁଲ୍‌ବୁଲ୍‌ବାଟା କେବେ ନ ଅଇରଇଲା । ଏଟା ସବୁର୍‌ଟାନେ ଅନି କାରାପ୍
 ରଇଲା । ୧୯ ସେ ବତ୍ ନଅର୍ ତିନ୍‌ବାଗ୍ ଅଇଗାଲା । ସବୁ ଦେସର୍, ସବୁ
 ରାଇଜର୍ ନଅର୍‌ମନ୍, ବିନାସ୍ ଅଇଗାଲା । ପର୍‌ମେସର୍ ତାକ୍‌ପୁଟା ରଇବା
 ବାବିଲନ୍‌କେ ଏତାଇଲା । ଆରି ତାର୍ ଗିନାଇଅନି ତାକେ ମତ୍ କୁଆଇଲା
 । ଏଟାର୍ ଅରତ୍ ଅଇଲାନି, ତାର୍ ରିସାଇଅନି ଆଇବା ବତ୍ ତଣ୍ଟୁ ସେମନ୍
 ପାଇବାଇ । ୨୦ ସମ୍‌ଦୁର୍ ମଜାଇ ରଇବା ସୁକ୍‌ଲା ଜାଗାମନ୍ ସବୁ କୁପ୍‌ଲି, କି
 ତଞ୍ଜୁର୍‌ମନ୍ ନ ରଇଲା । ୨୧ ଆକାସେଅନି ପଟାସ୍ କେଜି ଲାକା ରଇବା
 କାରାପାକ୍‌ନାମନ୍ ଲକ୍‌ମନର୍ ଉପ୍‌ରେ ଅଦର୍‌ଲା । କାରାପାକ୍‌ନା ଅଦର୍‌ଲା
 ବିପଦର୍‌ଲାଗି ଲକ୍‌ମନ୍ ପର୍‌ମେସର୍‌କେ ସାଇପ୍ ଦେଲାଇ । କାଇକେବଇଲେ
 ସେଟାଗଟେକ୍ ବତ୍ ବିପଦ୍ ରଇଲା ।

୧୭ ତାର୍‌ପତେ ସାତ୍‌ଟା ଗିନାଦାରିରଇବା ସାତ୍‌ଟା ଦୁତ୍‌ମନର୍ ବିତ୍‌ରେ ଅନି
 ଗଟେକ୍ ଦୁତ୍ ମକେ ଆସିକରି କଇଲା, “ଇତି ଆଉ ।” ସେ ତାକ୍‌ପୁଟାର୍
 ବେସିଆ କେନ୍ତାରି ତଣ୍ଟୁ ପାଇସି, ସେଟା ମୁଇ ତକେ ଦେକାଇବି । ବେସି
 ଗାଡ୍‌ମନ୍ ମିସିରଇବା ଜାଗାଇ ସେ ନଅର୍ ତିଆର୍ ଅଇଲାଆତେ । ୨
 ଜଗତର୍ ରାଜାମନ୍ ତାର୍ ସଞ୍ଜୁ ବେସିଆ କାମ୍ କଲାଇ । ଜଗତର୍ ଲକ୍‌ମନ୍
 ତାର୍ ମତ୍ କାଇକରି ମାଡ୍‌ଲାଇ । ତାର୍ ଅରତ୍ ଅଇଲାନି, ତାକର୍ କାରାପ୍
 ଚଲାଚଲ୍‌ତିକେ ସେମନ୍ ମାନ୍‌ଲାଇ । ୩ ମକେ ଆତ୍‌ମା ଦାରିଦେଲା ଆରି ଦୁତ୍
 ମକେ ମରୁବାଲି ବୁର୍‌ ଡାକିନେଲା । ଆରି ଏଦେ ଦେକା! ତେଇ ରଞ୍ଜୁ ପସୁର୍

ଉପରେ ଗଟେକ୍ ମାଇଜି ବସିରଇବାଟା ମୁଇ ଦେକ୍ଲି । ତାକେ ସାତ୍ଟା
 ମୁଣ୍ଡୁ ଆରି ଦସ୍ଟା ସିଢ୍ଘୁ ରଇଲା । ପର୍ମେସର୍‌କେ ନିନ୍ତୁକର୍‌ବା ନାଉଁ ସେ
 ପସୁର୍ ଉପରେ ଲେକାଅଇରଇଲା । ୪ ସେ ମାଇଜି ରଢ୍ଘୁ ଆରି ଜାମ୍‌କଲି
 ରଢ୍ଘୁର୍ ବସ୍‌ତର୍ ପିନ୍ତୁରଇଲା । ସେ ବେସି ସୁନାବାନା, ଆରି ବେସି ଦାମ୍
 ଦେଇରଇବା ଇରାନିଲା ପିନ୍ତୁରଇଲା । ତାର୍ ଆତେ ସୁନାର୍ ଗିନା ଦାରିରଇଲା
 । ସେ କରିରଇବା ବେସିଆ କାମ୍‌ମନ୍ ଆରି କାରାପ୍ କାମ୍‌ମନ୍ ସେ ଗିନାଇ
 ବର୍ତ୍ତିଅଇରଇଲା । ୫ ତାର୍ କାପାଲେ ଲେକିରଇବା ନାଉଁ କେ ନାଜାନ୍‌ବା
 ଗଟେକ୍ ଅରଡ୍ ରଇଲା । “ଏ ଡାକ୍‌ପୁଟାର୍ ବାବିଲନ୍!” ଜଗତେ କରିରଇବା
 ସବୁ ବେସିଆ କାମ୍‌ମ୍ ଆରି କରାପ୍ କାମ୍‌ମ୍ ଆୟା ତୁଇସେ । ୬ ଆରି ସେ
 ମାଇଜି ପର୍ମେସର୍‌ର ଲକ୍‌ମନ୍ ବନି କାଇ ମାଡିରଇବାଟା ମୁଇ ଦେକ୍ଲି ।
 ଜିସୁକେ ବିସ୍‌ବାସ୍ କରି ସାଦ୍‌ବାନ୍ତୁ ଅଇ ମରିଜାଇରଇବା ଲକ୍‌ମନ୍ ବନି
 କାଇକରି ମିସା ସେ ମାଡିରଇଲା । ମୁଇ ତାକେ ଦେକିକରି କାବା ଅଇଗାଲି ।
 ୭ ଦୁର୍ ମକେ ପାତାର୍‌ଲା, “କାଇକେ ତୁଇ କାବା ଅଇଗାଲୁସ୍? ଏ ମାଇଜିର୍
 ଆରି ତାକେ ଦାରିରଇବା ପସୁର୍ କେ ନାଜାନି ରଇବା ଅରଡ୍ ମୁଇ ତକେ
 କଇଦେବି ।” ସେ ପସୁକେ ସାତ୍ଟା ମୁଣ୍ଡୁ ଆରି ଦସ୍ଟା ସିଢ୍ଘୁ ରଇଲା । ୮
 ଆଗ୍‌ତୁ ତରେକ୍ ସେ ପସୁ ବ୍‌ଚିରଇଲା । ମାତର୍ ଏବେ ଆରି ସେ ନ ବ୍‌ଚେ ।
 ପାତାଲେଅନି ସେଟା ବାରଇ ଆଇସି । ତାକେ ଆରି ତରେକ୍ ସେ ଡଣ୍ଡୁ ପାଇବା
 ଜାଗାଇ ନିଆଅଇସି । ଜଗତେରଇବା ଲକ୍‌ମନ୍, ସବୁ ତିଆର୍ ନ ଅଇବା
 ଆଗ୍‌ତୁ, ଜାର୍ ନାଉଁ ଜିବନ୍‌ରଇବା ବଇଟାମେ ଲେକାଅଡ୍‌ନାଇ, ସେମନ୍ ସେ
 ପସୁକେ ଦେକି କାବାଅଇଜିବାଇ । କାଇକେବଇଲେ ସେ ଆଗ୍‌ତୁ ବ୍‌ଚିରଇଲା,
 ଏବେ ଆରି ସେଟା ବ୍‌ଚିରଏନାଇ । ମାତର୍ ସେଟା ଆରିତରେକ୍ ଆଇସି ।
(Abyssos g12) ୯ “ଗଟେକ୍ ଗିଆନ୍ ରଇବା ଆରି ଚିନ୍ତା କର୍‌ବା ଲକ୍‌ସେ ଏଟା
 ବୁଜିପାର୍‌ସି । ସେ ସାତ୍ଟା ମୁଣ୍ଡୁର୍ ଅରଡ୍ ଅଇଲାନି, ସେ ମାଇଜି ବସ୍‌ବା
 ସାତ୍ଟା କୁପ୍‌ଲି । ସେଟା ଅଇଲାନି ସାତ୍ଟା ରାଜାମନ୍ ମିସା । ୧୦ ସେ
 ସାତ୍ଟା ରାଜାମନ୍‌ର ବିତ୍‌ରେ ଅନି ପାଁଟା ରାଜା ବୁଡିଗାଲାଇ । ଗଟେକ୍
 ଏବେ ମିସା ସାସନ୍ କଲାନି । ସାରାସାରିଟା ଏବେଜାକ ଆସେନାଇତା ।
 ସେ ଆଇଲେ ଚନେକର୍‌ପାଇ ସାସନ୍ କର୍‌ବାର୍‌ଆତେ । ୧୧ ଆରି ଜନ୍ ପସୁ
 ଜେ କି ଆଗ୍‌ତୁ ବ୍‌ଚିରଇଲା, ଆରି ଏବେ ସେ ବ୍‌ଚେନାଇ, ସେ ଅଇଲାନି
 ଆର୍ ଲମର୍ ରାଜା । ସାତ୍ଟା ରାଜାମନ୍‌ର ବିତ୍‌ରେଅନି ସେ ଗଟେକ୍ ।

ଆରି ସେ ମିସା ବୁଡ଼ିଜାଇସି ।” ୧୨ ଜନ୍ ଦସ୍ତା ସିଞ୍ଜୁ ତୁଇ ଦେକିରଇଲୁସ୍, ସେଟା ଅଇଲାନି ଦସ୍ତା ରାଜା । ସେମନ୍ ଏବେଜାକ ରାଇଜେ ସାସନ୍ କରତ୍ ନାଇତା । ମାତର୍ ପସ୍ତୁସ୍ତୁ ରାଜା ଇସାବେ ଗଟେକ୍ ଗଟା ସାସନ୍ କରବାକେ ଅଦିକାର୍ ଦିଆଅଇସି । ୧୩ ଏ ସବୁ ଦସ୍ତା ରାଜାମନ୍କେ ଗଟେକ୍ ଆକା ଆଦେସ୍ ଆଚେ । ତାକର୍ ସବୁ ବପୁ ଆରି ଅଦିକାର୍ ପସ୍ତୁକେ ଦେବାଇ । ୧୪ ସେମନ୍ ମେଣ୍ଟାପିଲାର୍ ବିରୁଦେ ଜୁଇଦ୍ କରବାଇ । ମାତର୍ ମେଣ୍ଟାପିଲା ସେମନ୍କେ ଆରାଇସି । କାଇକେବଇଲେ ସେ ସବୁ ମାପୁରୁମନର୍ ଟାନେଅନି ଉଚେ ରଇବା ମାପୁରୁ । ଆରି ରାଜା ମନର୍ଟାନେ ଅନି ଉପ୍ରେ ରଇବା ରାଜା । ତାର୍ ଜେଡ୍‌କି ସିସ୍‌ମନ୍‌କେ ସେ ତାକିକରି ବାଟ୍‌ଲାଆଚେ, ଆରି ତାକେ ସତ୍ ସଞ୍ଜୁ ନାମ୍‌ବାଇ, ସେମନର୍ ସଞ୍ଜୁ ସେ ଜୁଇଦ୍ କରସି । ୧୫ ଦୁର୍ ଏନ୍ତାରି ମିସା ମକେ କଇଲା, ତୁଇ ଜନ୍ ପାନି ଉପ୍ରେ ବେସିଆ ବସିରଇବାଟା ଦେକ୍‌ଲୁସ୍, ସେଟା ଅଇଲାନି ଏ ଜଗତର୍ ରାଇଜ୍‌ମନ୍, ଲକ୍‌ମନ୍, ଜାତିମନ୍ ଆରି ବାସାମନ୍ । ୧୬ ତୁଇ ଦେକିରଇବା ଦସ୍ତା ସିଞ୍ଜୁ ଆରି ସେ ପସ୍ତୁ ବେସିଆକେ ଶିନ୍ କରବାଇ । ତାର୍‌ଟାନେ ରଇବାଟା ସବୁ ଚାଡ଼ାଇନେଇ ତୁମ୍‌ଣ୍ଟା କରବାଇ । ତାର୍ ମାଉଁସ୍ କାଇକରି ତାକେ ଜଇଟାନେ ପଡ଼ାଇଦେବାଇ । ୧୭ କାଇକେବଇଲେ ପର୍‌ମେସର୍ ତାର୍ ଜଜ୍‌ନା ପୁରାପୁରନ୍ କରବାକେ ସେମନର୍ ମନ୍‌କେ ଏ କାତାଦେଇ ପାଟାଇଆଚେ । ସେମନ୍ ଗଟେକ୍ ଅଇ କାମ୍ କରବାଇ । ପର୍‌ମେସରର୍ ବାକିଅ ସିଦ୍ ଅଇବାଜାକ ତାର୍ ରାଇଜର୍ ସାସନ୍ କରବା ବପୁ ପସ୍ତୁକେ ଦେଲାଆଚେ । ୧୮ ଆରି ଜନ୍ ମାଇଜିକେ ତୁଇ ଦେକ୍‌ଲୁସ୍, ସେ ଅଇଲାନି, ଜଗତର୍ ରାଜାମନ୍‌କେ ସାସନ୍ କରବା ସେ ବଡ୍ ନଅର୍ ।

୧୮ ତାର୍‌ପଚେ ଏଦେ ଦେକା! ସର୍‌ଗେଅନି ଆରି ଗଟେକ୍ ଦୁର୍ ଉଡ୍‌ରିଆଇବାଟା ମୁଇ ଦେକ୍‌ଲି । ତାକେ ବେସି ଅଦିକାର୍ ରଇଲା । ଆରି ତାର୍ ଉଜଲ୍ ଗୁଲାଇ ଜଗତେ ବର୍ଡି ଅଇଗାଲା । ୨ ସେ ବେସି ଆକ୍‌ମାରି କଇଲା, “ତାର୍ ଦସା ଅଇଲା ଆଚେ! ସେ ବଡ୍ ବାବିଲନ୍ ମାଟିଲଗେ ମିସି ରୁନ୍‌ରୁନା ଅଇଗାଲାବେ! ସେଟା ଏବେ ମାଟିବିତ୍‌ରେ ତପିଅଇ ଗାଲାବେ! ତାକେ ଏବେ ତୁମାମନ୍ ଆରି ଅସୁକଲ୍ ଆଡ୍‌ମାମନ୍ ବାଦାଦେଲାଇନି । ସବୁ ରକାମର୍ ଅସୁକଲ୍ ଆରି ଶିନ୍‌କରବା ଚଡ଼ଇମନ୍ ତାର୍ ବିତ୍‌ରେ ବାସା ଅଇଆଚତ୍ । ୩ କାଇକେବଇଲେ ଜଗତର୍ ସବୁ ରାଇଜ୍‌ମନ୍, ତାର୍ ମଦ୍ କାଇ ମାଡ଼ିଜାଇଆଚତ୍

। ଏଟାରୁ ଅରତ୍ ଅଇଲାନି ତାରୁ କାରାପ୍ ଚଲାଚଲ୍ତି ମାନବାକେ ସେମନ୍କେ
 ସୁତୁରାଇଲା । ଜଗତର୍ ରାଜାମନ୍ ତାରୁ ସଞ୍ଜ ବେସିଆ କାମ୍ କର୍ବାରୁ
 ଅବିଆସ୍ କଲା । ଜନ୍ ସିପତି ପାଇବା ଆସାଇଅନି ଏ ଜଗତର୍ ବେବାରମନ୍
 ସାଉକାରୁ ଅଇଗାଲା ।” ୪ ତାରୁପତେ ସର୍ଗେ ଅନି ଆରି ଗଟେକ୍ ସବଦ୍
 ଏନ୍ତୁରି କଇବାଟା ମୁଇ ସୁନ୍ଲି । “ମର୍ ଲକ୍ମନ୍ ତାରୁଟାନେଅନି ବାରଇ
 ଆସା । ତମେ ଜଦି ତାରୁ ପାପେ ମିସ୍ଲେ, ସେ ପାଇବା ଡଣ୍ଟେ ମିସ୍ସା । ୫
 କାଇକେବଇଲେ ତାରୁ ସବୁଜାକ ପାପ୍ କୁପା କୁଡାଇଲା ପାରା ସର୍ଗେ ଜାକ
 କେଟ୍ଲା ଆତେ । ଆରି ପର୍ମେସର୍ ତାକର୍ କାରାପ୍ ଚଲାଚଲ୍ତି ଏତାଇଲାନି
 । ୬ ତାରୁ କରିରଇବା କାମର୍ ଲାଗି ତାକେ ବାଉଡାଇ ଦିଆଅଇସି । ଆରି ସେ
 ସମାନ୍ ଡଣ୍ଟୁ ପାଇସି । ଲକ୍ମନ୍କେ ଦୁକ୍ତସ୍ତ ଦେବାକେ ସେ ଜାଇଜାଇଟା
 କଲାଆତେ, ସେଟା ତାକେ ଦୁଇ ଗୁନ୍ ଇସାବେ ବାଉଡାଇ ଦିଆଅଇସି । ସେ
 ଜେଡକି କାଗୁର୍ ମଦ୍ ବିନ୍ ଲକ୍ମନ୍କେ କାଇବାକେ ଦେଇତେରଇଲା, ତାରୁ
 ଦୁଇଗୁନ୍ ଅଦିକାରୁଟା ତାକେ କାଇବାକେ ଦିଆଅଇସି । ୭ ତାରୁ ଜେଡକି ଦନ୍
 ସିପତି ଆରି ବଡପନ୍ ଆତେ, ସେ ଇସାବେ ତାରୁ ଦୁକ୍ କସ୍ତ ଆରି କାକୁର୍ତି
 ରଇସି । ସେ ନିଜକେ କଇସି ‘ମୁଇ ଇତି ସାସନ୍ କର୍ବା ଗଟେକ୍ ରାନି ।’
 ରାଣ୍ଟି ଅଇଲିଆତି ଜେ ମୁଇ କାନ୍ଦୁବି? ୮ ସେଟାରୁପାଇବଲି ଦିନେକ୍ ବିଡରେ
 ତାକେ ମର୍ଡି, ରଗ୍ଦୁକା, କାକୁର୍ତି ଆରି ଇନସ୍ତା ଆଇସି । ଆରି ସେ
 ଜଇଟାନେ ପଡିଜାଇସି । କାଇକେବଇଲେ ବେସି ବପୁର୍ ମାପୁରୁ ପର୍ମେସର୍
 ତାକେ ବିଚାରୁନା କର୍ସି ।” ୯ ତାରୁ ବେସିଆ କାମେ ଆରି ଲାଲ୍ସା ଅଇ
 ମିସ୍ଲା ଜେଡକି ରାଜାମନ୍ ସେ ଜଇଲଗେ ପଡିଲାତେଅନି ବାରଇବା ଦୁଆଁ
 ଦେକିକରି ଆକ୍ମାରି କାନ୍ଦୁବାଇ । ୧୦ ସେମନ୍ ଆମେମିସା ଡଣ୍ଟୁ ପାଇରୁ ବଲି
 ଡରିକରି ଦୁରିକେ ଟିଆଅଇ କଇବାଇ, “ଏଟା କାଇ ଇନସ୍ତା, କାଇ କାକୁର୍ତି,
 ଏ ବଡ୍ ଅଇକରି ସୁନ୍ତୁ ବାବିଲନ୍ । ତୁଇ ପାଇବା ଡଣ୍ଟୁ ଅଟାଡ୍ ଅଇଗାଲା
 । କାଇକେବଇଲେ ଗଟେକ୍ ଗାଁଟା ବିଡରେ ତୁଇ କୁରୁପ୍ନାସ୍ ଅଇଗାଲୁସ୍
 ।” ୧୧ “ଏ ଜଗତର୍ ବେବାରମନ୍ ତାରୁପାରା ଦୁକ୍ ଅଇକରି କାନ୍ଦୁଲାନି
 । କାଇକେବଇଲେ ତାକର୍ ଜିନିସ୍ ଆରି କେ ନ ଗେନଡ୍ ।” ୧୨ ତାକର୍
 ସୁନାବାନା, ତାକର୍ ରୁପା, ଜବର୍ ଦାମ୍ ଦେଇରଇବା ଇରା ମଡିମନ୍, ସିଲ୍କୁ
 ଲୁଗା, ଜାମ୍କଲି ରଞ୍ଜର୍ ବସ୍ତର୍, ରଞ୍ଜୁଆ ବସ୍ତର୍, ବିନ୍ ବିନ୍ ରକାମର୍ ବେସି
 ଦାମ୍ ଦେବା ବାସ୍ନା ଗର୍, ଆଁତିର୍ ଦାତାଇଅନି ଜବର୍ ଦାମ୍ଦେବାଟାମନ୍,

ଗରେଅନି, ପିତଲେଅନି, ଲୁଆଇଅନି, ମାର୍ବଲ୍ ପାକ୍‌ନାଇ ଅନି, ତିଆର୍
କରିରଇବାଟା, ବିନ୍ ବିନ୍ ଜିନିଷ୍ କେ ମିସା ନ ଗେନଡ୍ । ୧୩ ଡାଲ୍‌ଡିନି, ବିନ୍
ବିନ୍ ରକାମର୍ ମସ୍‌ଲା, ଦୁପ୍, ବାସ୍‌ନାଦେବା ଦିନ୍‌ସ୍, ଗୁଣ୍ଡୁରି, ଅଞ୍ଜୁର୍ ମଦ୍,
ଚିକନ୍, ଅଟା, ଗାଁମ୍, ଗରୁ, ମେଣ୍ଡା, ଗଡା, ରଡ୍, ଏନ୍ତାରିକି ଗତିକଟ୍‌ବା ଦାଞ୍ଜୁଡା
ଆରି ଲକ୍‌ମନ୍‌କେ ମିସା ଜାକେ କି ସେମନ୍ ଗତିଦାଞ୍ଜୁଡା କରି ବିକ୍‌ବାଇ,
ସେମନ୍‌କେ ମିସା ଗେନି ନେବାକେ କେ ନ ବାରଅଡ୍ । ୧୪ ବେବାରିମନ୍ ତାକେ
କଇଲାଇ, “ଜନ୍ ସବୁ ଜିନିଷ୍ ତମେ ନିଜର୍ କର୍‌ବାକେ ମନ୍ କର୍‌ତେରଇଲାସ୍,
ସେଟା ସବୁ ପୁରାପୁରୁନ୍ ନସ୍‌ଟ ଅଇଗାଲା । ତମର୍ ଦନ୍ ସଁପତି ନସିଗାଲା
ଆରି ଜେଡ୍‌କି ଜିନିଷ୍ ତମ୍‌କେ ସାର୍‌ଦା କରାଇତେରଇଲା, ସେଟାମନ୍ ଆରି ନ
ଡିସେ ।” ୧୫ ସେ ନଅରେ ବେବାର୍ କରି ବେବାରିମନ୍ ଜେଡ୍‌କି ସାଉକାର୍
ଅଇଗାଲାଇ, ସେ ନଅରର୍ ତଣ୍ଟେ, ସେମନ୍‌କେ ମିସାଇବାଇ ବଲି ତରିକରି
ସେମନ୍ ଦୁରିକେ ରଇବାଇ । ସେମନ୍ ଆକ୍‌ମାରି କାନ୍‌ବାଇ । ୧୬ ଆରି
ଏନ୍ତାରି କଇବାଇ “ଏଟା କାଇ ଇନସ୍‌ତା! ଏ ବଡ୍ ନଅରର୍ ପାଇ କାଇ
କାକୁର୍‌ତି? ତେଇର୍ ଲକ୍‌ମନ୍ ଜାମ୍‌କଲିଆ ରଞ୍ଜୁର୍ ଆରି ଦବ୍ ସିଲ୍‌କୁ ଲୁଗା
ପିନ୍‌ତେରଇଲାଇ । ସେମନ୍ ସୁନା ଆରି ବେସି ଦାମ୍ ଦେବା ଇରା ମୁକ୍‌ତାମନ୍
ପିନ୍‌ତେରଇଲାଇ । ୧୭ ମାତର୍ ଗଟେକ୍ ଗାଁଟା ବିଡ୍‌ରେ ତାକର୍ ସବୁ ଦନ୍ ସଁପତି
କୁରୁପ୍‌ନାସ୍ ଅଇଗାଲା । ପାନିଜାଜ୍ ତାଲାଉମନ୍ ଆରି ଜାଜେ ଜିବାଲକ୍‌ମନ୍
ଜାଜେ କାମ୍ କର୍‌ବା ଲକ୍‌ମନ୍ ଆରି ସମ୍‌ଦୁରେ କାମ୍ କରି ଜିଉନାକାଉନା କରି
ସାଉକାର୍ ଅଇରଇଲାଇ, ସେମନ୍ ସବୁ ଦୁରିକେ ରଇକରି ଦେକ୍‌ତେରଇଲାଇ
।” ୧୮ ସେ ନଅର୍ ପଡ୍‌ଲାକେ ତେଇଅନି ଉର୍‌ଲା ଦୁଆଁ ଦେକି ସେମନ୍
ଆଉଲି ଅଇକରି କଇଲାଇ, “ଏ ନଅର ପାରା ଆରି କନ୍ ନଅର୍ ମିସା ନ
ରଇଲା ।” ୧୯ ସେମନ୍ ତାକର ମୁଣ୍ଟେ ଦୁଲି ବିଚିଅଇଲାଇ ଆରି ଆକ୍‌ମାରି
କାନ୍ତି କାନ୍ତି କଇଲାଇ, “ଏଟା କାଇ ଇନସ୍‌ତା । ଏ ବଡ୍ ନଅରର୍ ପାଇ
କାଇ କାକୁର୍‌ତି?” ସମ୍‌ଦୁରେ ଆସ୍‌ଜା ଅଇତେରଇବା ଜାଆଜ୍ ମନ୍ ତାକର୍
ଦନର୍ ଲାଗି ସାଉକାର୍ ଅଇରଇଲାଇ । ଆରି ଏବେ ଗଟେକ୍ ଗାଁଟା ବିଡ୍‌ରେ
ସେଟାସବୁ ନସିଗାଲା । ୨୦ ସେ ବଡ୍ ନଅରର୍ ଦସାର୍‌ଲାଗି ସର୍‌ଗେ ରଇବା
ଲକ୍‌ମନ୍ ସାର୍‌ଦା ଉଆ । ପର୍‌ମେସର୍ ସେ ନଅର୍‌କେ ତଣ୍ଟୁ ଦେଲାକେ
ତମେ ବବିସଦ୍‌ବକ୍‌ତାମନ୍, ପାର୍‌ତିନ୍‌ମନ୍ ଆରି ପର୍‌ମେସର୍‌କେ ବିସ୍‌ବାସ୍
କର୍‌ବା ଲକ୍‌ମନ୍ ସାର୍‌ଦା ଉଆ । ସେ ନଅରର୍ ଲକ୍‌ମନ୍ ତମ୍‌କେ ତାଡ୍‌ନା

କର୍ତ୍ତେରଇଲା । ୨୧ ତାର୍ପତେ ଏଦେ ଦେକା! ଗଟେକ୍ ବେସି ବପୁର୍ ଦୁର୍ ଗଟେକ୍ ବଡ଼ ଜତା ଏଡ଼କି ପାକ୍ନା ବେଟି ସମ୍ବୁରେ ପିଢ଼ୁଲା । ଆରି କଇଲା “ଏନ୍ତାରିସେ ବଡ଼ ନଅର୍ ବାବିଲନ୍‌କେ ଜବର୍ ଅଇତେ ପିଢ଼ୁବାଇ । ଆରି ତାର୍ ନାଉଁଗନ୍ ନ ମିଲେନି । ୨୨ ବିଶା ବାଜାଉମନ୍, ଗିତ୍‌ଗାଉମନ୍, ବାଉଁସି ପୁକୁମନ୍ ଆରି ମଇରିର୍ ସବଦ୍ କେବେ ନ ସୁନତ୍ । ସୁନ୍ତୁର୍ ଜିନିସ୍ ତିଆର୍କରୁମନ୍ ତେଇଆରି ନ ତିସତ୍ । ଲକ୍‌ମନ୍ ଜତାସଢ଼ୁ ଗର୍ବା ସବଦ୍ ମିସା ଆରି ନ ସୁନିଅଏ । ୨୩ ଏ ନଅର୍ କାଇବତିସଢ଼ୁ ମିସା ଉଜଲ୍ ନ ତିସେ । ଏବେ ବିବା ଅଇବା ଦାଢ଼ୁତା ଦାଢ଼ୁଡ଼ିର୍ କାତା ମିସା ନ ସୁନିଅଏ । ତମର୍ ବେବାର୍‌ମନ୍ ଗୁଲାଇ ଜଗତେ ତାକ୍‌ପୁଟା ଅଇଆଚତ୍ । ଆରି ତର୍ ମାୟାଜାଲେ ପତିକରି ଜଗତର୍ ଲକ୍‌ମନ୍ ସବୁ ନାଡ଼ାଇଅଇଲା ।” ୨୪ ବଡ଼ ନଅର୍ ବାବିଲନ୍ ତଣ୍ଟୁ ପାଇଆଚେ । କାଇକେବଇଲେ ବବିସତ୍‌ବକ୍‌ତାମନ୍ ଆରି ପର୍‌ମେସର୍‌ର ଲକ୍‌ମନ୍ ବନି ସେ ନଅରେ ବଇଗାଲାଆଚେ । ଆରି ଗୁଲାଇ ଜଗତେ ମରାଇଅଇରଇବା ଜେଡ଼କି ଲକ୍ ଏ ନଅରର୍ ଲାଗି ମରିଜାଇରଇଲା । ବାବବାତିମନ୍ ସାଦୁଲକ୍‌ମନ୍ ଆରି ପୁର୍‌ତିବିତେଇ ମାରା ଜାଇରଇବା ସବୁଲକ୍‌ମନ୍ ବନି ସେ ତିସି ରଇଲା ।

୧୯ ତାର୍ପତେ ସର୍‌ଗେ ଗଟେକ୍ ଜାଗାଇ ମାନ୍ତା ଲକ୍ ଆଉଲିଅଇକରି ଏନ୍ତାରି କଇବାଟା ମୁଇ ସୁନ୍‌ଲି । “ପର୍‌ମେସର୍‌କେ ଜୁଆର୍ କରା । ସେ ଆମ୍‌କେ ମୁକ୍ତି ଦେଲାଆଚେ । ଆମର୍ ପର୍‌ମେସର୍‌କେ ତାକ୍‌ପୁଟା ଆରି ବପୁ ଅ ।” ୨ ତାର୍ ବିଚାର୍‌ନା ଜାକ ସତ୍ ଆରି ଅନିଆଇ ନ ଅଇତେ ଜନ୍ ବେସିଆ ମାଇଜି ଗୁଲାଇ ଜଗତ୍‌କେ ତାର୍ କାରାପ୍ ଚଲାଚଲ୍‌ତି ସଢ଼ୁ ନସାଇତେରଇଲା, ସେ ତାକେ ଦସ୍ ଦେଲାଆଚେ । ତାର୍ ଦାଢ଼ୁତାମନ୍‌କେ ସେ ମରାଇଲାକେ ତାକେ ସେ ତଣ୍ଟୁ ଦେଲାଆଚେ । **୩** ସେମନ୍ ଆରିତରେକ୍ ଆଉଲିଅଇଲା । “ପର୍‌ମେସର୍‌କେ ଜୁଆର୍ କରା । ସେ ବଡ଼ ନଅର୍ ଜଇଲଗେ ପଡ଼ିଲାର୍‌ପାଇ ଉର୍‌ଲା ଦୁଆଁ କେବେ ନ ସାରେ ।” (aiōn g165) **୪** ୨୪ ପାର୍‌ତିନ୍‌ମନ୍ ଆରି ଚାର୍‌ଟା ଜିବନ୍ ରଇବା ପସୁମନ୍ ତାଣ୍ଟାସନ୍ ପତି ବସ୍‌ବା ଜାଗାଇ ବସିରଇବା ପର୍‌ମେସର୍‌କେ ଜୁଆର୍ କଲା । ଆମେନ୍ ପର୍‌ମେସର୍ ତାକ୍‌ପୁଟା ପାଅ । ବଇଲା । **୫** ତାର୍ପତେ ବସ୍‌ବା ଜାଗାଇଅନି ଗଟେକ୍ ସବଦ୍ ଆଇଲା । ସେଟା ଏନ୍ତାରି କଇଲା, “ଆମର୍ ପର୍‌ମେସର୍‌କେ ଜୁଆର୍ କରା । ତାର୍ ଦାଢ଼ୁତାମନ୍, ଆକେ ନାମ୍‌ବା ଜେଡ଼କି ସବୁ ବଡ଼ସାନ୍ ଲକ୍‌ମନ୍ ତାକେ ଜୁଆର୍କରା ।” ୬

ତାର୍ପତେ ଗଟେକ୍ ଜବର୍ ମାନ୍ତୁ ଲକର୍ପାଠା ଆରି ବେସି ସବଦ୍ କରି ଉପରେ
 ଅନି ଅଦର୍ତେରଇବା ଗଟେକ୍ ଜଲପାଠା ଆରି ଗୁଡ୍‌ଗୁଡ୍ ଅଇ ଆଇବା
 ଗଡ୍‌ଗଡି ପାଠା ଗଟେକ୍ ସବଦ୍ ସୁନ୍‌ଲି । ସେମନ୍ ଏନ୍ତାରି କଇତେରଇଲାଇ
 “ପର୍ମେସର୍‌କେ ଜୁଆର୍ କରା । ଆମର୍ ମାପ୍‌ରୁ ସବୁର୍‌ଟାନେଅନି ବପୁର୍‌ଟା
 । ଆମର୍ ପର୍ମେସର୍ ଅଇଲାନି ମାପ୍‌ରୁ ।” ୭ ଆସା ଆମେ ସାର୍‌ଦା ସଞ୍ଜୁ
 ଗିଡ୍‌ନାଟ୍ କରୁ ଆରି ତାର୍ କାବାଅଇଜିବା କାମର୍‌ପାଇ ତାକେ ଡାକ୍‌ପୁଟା କରୁ,
 କାଇକେବଇଲେ ମେଣ୍ଟାପିଲାର୍ ବିବା ଅଇବା ବେଲା ଲଗେ କେଟ୍‌ଲାବେ ।
 ଆରି ତାର୍ କନିଆଦାଞ୍ଜୁଡିକେ ବିବା ଅଇବାକେ ନିଜେ ତିଆର୍ କଲାଆତେ
 । ୮ ତାକେ ସୁକଲ୍ ପିର୍‌ପିରା ଅଇ ଜକ୍‌ମକିଜିବା ବସ୍‌ତର୍ ପିନ୍ଧୁବାକେ
 ଦିଆଅଇଆତେ । ପିର୍‌ପିରା ଲୁଗା ଅଇଲାନି, ପର୍ମେସର୍‌ର ଲକ୍‌ମନର୍
 ଦରମ୍ କାମ୍ । ୯ ତାର୍‌ପତେ ଦୁର୍ ମକେ କଇଲା, “ଏଟା ଲେକି ସଞ୍ଜୁଇର
 । ମେଣ୍ଟାପିଲାର୍ ବିବା ବଜିକେ ଜେଡ୍‌କି ଲକ୍‌କେ ଡାକ୍‌ରା ଅଇଲାଆତେ
 । ସେମନ୍ କେଡେକ୍ ନିକ କରମର୍ ଲକ୍ ।” ଆରି ଦୁର୍ କଇଲା, “ଏଟା
 ପର୍ମେସର୍‌ର ସଦ୍ ବାକିଅ ।” ୧୦ ମୁଇ ତାକେ ଜୁଆର୍ କର୍‌ବି ବଲି ତାର୍
 ଗତେ ଡାଣ୍ଟାସନ୍ ପଡ୍‌ଲି, ମାତର୍ ସେ ମକେ କଇଲା, “ନିରୁ, ମୁଇ ଆରି ତର୍
 ସଞ୍ଜୁର୍ ବିସ୍‌ବାସି ବାଇମନ୍ ଜେଡ୍‌କି ଲକ୍ ଆମେ ସବୁ ଜିସୁ ଜାନାଇରଇବା
 ସଦ୍ ଦାରିଆରୁ, ଆମେ ସବୁ ଅବ୍‌କା ଦାଞ୍ଜୁଡାମନ୍, ପର୍ମେସର୍‌କେ ଜୁଆର୍
 କରା । କାଇକେବଇଲେ ଜିସୁ ଜନ୍ ସଦ୍ ଜାନାଇଆତେ, ସେଟାସେ ବବିସଦ୍
 ବକ୍‌ତାମନ୍‌କେ କାତାଅଇବାକେ ବପୁଦେଲାଆତେ ।” ୧୧ ତାର୍‌ପତେ ସରଗ୍
 ଉଗାଡି ଅଇଲାଟା ମୁଇ ଦେକ୍‌ଲି । ଆରି ଏଦେ ଦେକା! ଗଟେକ୍ ଦବ୍ ଗଡା
 ଆଇବାଟା ତିସ୍‌ଲା । ଗଡା ଚାଲାଉର୍ ନାଉଁ ଅଇଲାନି ବିସ୍‌ବାସ୍ କର୍‌ବାଟା
 ଆରି ସଡ୍‌ଟା । ସେ ଅନିଆଇ ନ କରି ତାର୍ ଜୁଇଦ୍ କର୍‌ସି ଆରି ଜିଡ୍‌ସି । ୧୨
 ତାର୍ ଅକି ଲାଗ୍‌ତେ ରଇବା ଜଇପାଠା ରଇଲା । ଆରି ତାର୍ ମୁଣ୍ଡେ ବେସି
 ମୁକୁର୍ ପିନ୍ଧି ରଇଲା । ଜନ୍ ନାଉଁ ତାର୍ ଉପ୍‌ରେ ଲେକା ଅଇରଇଲା, ସେଟାକେ
 ଚାଡିଦେଲେ ଆରି କେ ନାଜାନିରଇଲା । ୧୩ ତାର୍ ବସ୍‌ତର୍ ବନିତେଇ
 ବୁଡାଇଲାପାଠା ରଇଲା । ତାର୍ ନାଉଁ ରଇଲା ପର୍ମେସର୍‌ର ବାକିଅ । ୧୪
 ସର୍‌ଗର୍ ସନିଅମନ୍ ଦବ୍ ବସ୍‌ତର୍ ପିନ୍ଧିକରି ଆରି ଦବ୍‌ଗଡାଇ ବସି ତାର୍
 ପତେ ପତେ ଜାଇତେରଇଲା । ୧୫ ତାର୍ ଟଣ୍ଡେଅନି ଗଟେକ୍ ଗଜିଆ
 କାଣ୍ଟା ବାରଇଲା । ସେଟାସଞ୍ଜୁ ସେ ଏ ଜଗତର୍ ରାଇଜ୍‌ମନ୍‌କେ ଆରାଇସି

। ସେ ତାହା ସଞ୍ଜ ତାକର ଉପରେ ସାସନ କରସି । ବେସି ବସୁ ରଇବା ପରମେସରର ରିସା ସେମନକେ ଦେକାଇସି । ସେ ତାର ସତ୍‌ରୁମନକେ ମାଣ୍ଡିକରି ରମ୍‌ଦିଦେଇସି । ଜେନ୍ତୁରିକି ଅଞ୍ଜୁର ପିଚ୍‌କିକରି ରସ୍ ବାରକରାଇସି । ୧୭ ତାର ବସ୍‌ତରେ, ଜଞ୍ଜେ, ଏ ନାଉଁ ଲେକାଅଇରଇଲା । “ସବୁରାଜାମନର ଉପରେ ରଇବା ରାଜା, ସବୁ ମାପ୍‌ରୁମନର ଉପରେ ରଇବା ମାପ୍‌ରୁ ।” ୧୭ ତାରପତେ ଏଦେ ଦେକା ବେଲ୍ ଉପରେ ଗଟେକ୍ ଦୁଡ୍ ଚିଆଅଇରଇବାଟା ମୁଇ ଦେକ୍‌ଲି । ଆକାସର ମଜାଇ ଉଡ୍‌ତେରଇବା ଜେଡ୍‌କି ସବୁ ଚତଇମନକେ ସେ ଆକ୍‌ମାରି କଇଲା “ଆସା ପରମେସରର ବଡ୍ ବଜିତେଇ ଜିବାକେ ସବୁଲକ୍ ଚୁଲ୍‌ଉଆ । ୧୮ ଆସା ଆରି ରାଜାମନର, ମୁକିଆମନର ଆରି ସଇନମନର ମାଉଁସ୍ କାଇବାକେ ଆସା । ଗଡାମନର ଆରି ତାକେ ଚାଲାଉମନର, ବଡ୍ ସାନ୍ ଲକ୍‌ମନର, ବନ୍ଧି ଆରି ମୁକ୍‌ଲି ରଇବା ଲକ୍‌ମନର ସବୁ ଲକ୍‌ର ମାଉଁସ୍ କାଇବାକେ ଆସା ।” ୧୯ ତାରପତେ ସେ ପସୁ ଜଗତର ରାଜାମନ୍ ଆରି ତାକର ସନିଅମନ୍ ଜେ ଗଡା ଚାଲାଉତେରଇଲା ଆରି ତାରସନିଅମନର ସଞ୍ଜୁ ଜୁଇଦ୍ କରବାକେ ରୁଣ୍ଡୁଲାଟା, ମୁଇ ଦେକ୍‌ଲି । ୨୦ ତେଇ ପସୁକେ ବନ୍ଧିକରି ନେଲାଇ । ତାର ସଞ୍ଜୁ ଜନ୍ ମିଚ୍ କଇବା ବବିସତ୍‌ବକ୍‌ତା, ଜେ କି ତାର ମୁଆଟେ କାବାଅଇଜିବା କାମ୍‌ମନ୍ କରତେରଇଲା, ତାକେ ମିସା ବନ୍ଧିଗରେ ନେଲାଇ । ଏ କାବାଅଇଜିବା କାମ୍‌ମନର ଲାଗି ସେ ଲକ୍‌ମନକେ ନାଡାଉରଇଲା । ଜନ୍ ଲକ୍‌ମନ୍ କି ପସୁର ଚିନ୍ ଗଦିଅଇକରି ତାର ମୁରତିକେ ଜୁଆର୍ କରତେରଇଲାଇ ସେ ପସୁ ଆରି ମିଚ୍ କଇବା ବବିସତ୍‌ବକ୍‌ତା ଦୁଇଲକ୍‌ଜାକ ଜିବନ୍ ରଇତେ ଗନ୍ଧୁ ଅଇତେରଇବା ଜଇର୍ ଗାଡେ ପିଢ୍ଘାଅଇଲା । (Limnē Pyr g3041 g4442) ୨୧ ଗଡା ଚାଲାଉର୍ ଟଣ୍ଡେଅନି ବାରଇ ଆଇବା କାଣ୍ଡା ସଞ୍ଜୁ ତାକର ସନିଅମନ୍ ମରିଗାଲାଇ । ସବୁ ଚତଇମନ୍ ତାକର ମାଉଁସ୍ ପେଟ୍‌ପୁରତେ କାଇଲାଇ ।

୨୦ ତାରପତେ ଏଦେ ଦେକା! ସର୍ଗେଅନି ଗଟେକ୍ ଦୁଡ୍ ଉଡ୍‌ରି ଆଇବାଟା ମୁଇ ଦେକ୍‌ଲି । ତାରଲଗେ ପାତାଲର୍ କୁଚିକାଡି ଆରି ଗଟେକ୍ ବଜ୍ ରଇବା ସିକ୍‌ଲି ରଇଲା । (Abyssos g12) ୨ ସେ ଅସୁର୍ ସାଁପ୍‌କେ ଦାରଲା । ଜନ୍ ଆଗର୍ କାଲେ ରଇଲା ସାଁପ୍, ସେଟା ଅଇଲାନି ସଇତାନ୍ । ତାକେ ଅଜାର୍ ବରସର୍‌ପାଇ ସିକ୍‌ଲିସଞ୍ଜୁ ବାନ୍ଧିଦେଲା । ୩ ଦୁଡ୍ ତାକେ ପାତାଲେ ପିଢ୍ଘିଦେଲା ଆରି କୁଚି ପାକାଇକରି ସିଲ୍ ମାରଲା । ଏନ୍ତାରି କଲାକେ ଅଜାର୍ ବରସ୍

ନ ସାର୍ତ୍ତେ ସେ ବିନ୍ ବିନ୍ ରାଇଜର୍ ଲକ୍ଷ୍ମୀଙ୍କେ ଆରି ନାତାଇ ନାପାରେ
 । ତାର୍ପତେ ଚନେକର୍ପାଇ ତାକେ ଚାଡ଼ିଦେବାଇ । (Abyssos g12) ✕
 ତାର୍ପତେ ମୁଇ କେତେଟା ବସ୍ତା ଜାଗାମନ୍ ଦେକ୍ଲି । ଜେଡ଼କି ଲକ୍ଷ୍ ବସ୍ତା
 ଜାଗାଇ ବସିରଇଲାଇ, ସେମନ୍‌କେ ନିଆଇ କର୍ବାକେ ବପୁ ଦିଆଅଇରଇଲା
 । ଆରି ତାଡ଼ନା ପାଇ ମରାଇଅଇରଇବା ଆଡ଼ମାମନ୍‌କେ ଦେକ୍ଲି । ଜିସୁ
 ଜାଗାଇରଇଲା ସତ୍ ଆରି ପର୍ମେସରର୍ ବାକିଅ ସେମନ୍ ଜାଗାଇରଇଲା
 । ପସୁକେ କି ତାର୍ ମୁରୁତିକେ ସେମନ୍ ଛୁଆର୍ କରଡ଼ନାଇ । ପସୁର୍ ଚିନ୍
 ତାକର୍ କାପାଲେ କି ତାକର୍ ଆତେ ଗଦିଅଅଡ଼ ନାଇ । ସେମନ୍ ଜିବନ୍
 ପାଇଲାଇ ଆରି ଅଜାର୍ ବରସ୍ତାକ କିରିସ୍‌ଟସ୍ଟ୍ଟ ରାଜା ଇସାବେ ସାସନ୍
 କଲାଇ । ✎ ଅଜାର୍ ବରସ୍ ନ ସାର୍‌ବାଜାକ ମରିଜାଇରଇବା ଜେଡ଼କି
 ବାକି ଲକ୍ଷ୍ ଜିବନ୍ ପାଅଡ଼ନାଇ । ଏଟାଆକା ପର୍ତୁମ୍ ଜିବନ୍ ପାଇବାଟା ।
 ୬ ମଲାତେଇଅନି ପର୍ତମେ ଜେଡ଼କି ଲକ୍ଷ୍‌କେ ଉଟାଇରଇଲାଇ, ସେମନ୍
 କେତେକ୍ କରମର୍ ଲକ୍ଷ୍ । ପତର୍ ମରନ୍ ତାକର୍ ଉପ୍ରେ ସାସନ୍ ନ କରେ
 । ସେମନ୍ ପର୍ମେସରର୍ ଆରି କିରିସ୍‌ଟର୍ ପୁଜାରି ଅଇବାଇ । ସେମନ୍
 ତାକର୍ ସଟ୍ଟ୍ ଅଜାର୍‌ବରସ୍ ଜାକ ସାସନ୍ କର୍ବାଇ । ୭ ଅଜାର୍ ବରସ୍
 ସାର୍‌ଲାପତେ ବନ୍ଦିଗରେଅନି ସଇତାନ୍‌କେ ମୁକ୍‌ଲାଇବାଇ । ୮ ତେଇଅନି
 ଜଗତର୍ ରାଇଜର୍‌ମନ୍‌କେ ନାତାଇବାକେ, ଗୁଲାଇ ଜଗତେ ବିତିଅଇରଇବା
 ରାଇଜର୍‌ମନ୍‌କେ ନାତାଇବାକେ ସେ ବାରଇସି । ସେଟା ଅଇଲାନି ଗର୍ ଆରି
 ମାଗର୍ । ସଇତାନ୍ ସେମନ୍‌କେ ଛୁଇଡ଼୍ କର୍ବାକେ ରୁଣ୍ଡାଇସି । ସମ୍‌ତୁରେ
 ରଇବା ବାଲି ଜେଡ଼କି ଆତେ, ସେଡ଼କି ଲକ୍ଷ୍ ସେମନ୍ ରଇବାଇ । ୯ ସେମନ୍
 ଗୁଲାଇ ଜଗତେ ବିତି ଅଇବାଇ । ଆରି ପର୍ମେସରର୍ ଲକ୍ଷ୍ ବାସାଅଇରଇବା
 ଜାଗାଇ ଆରି ସେ ମନ୍‌କର୍‌ବା ନଅରର୍ ଚାରିବେଟ୍‌ତି ଆଇବାଇ । ମାତର୍
 ଏଦେ ଦେକା! ସର୍‌ଗେଅନି ଜଇ ଅଡ଼ି ସେମନ୍‌କେ କୁରୁପ୍‌ନାସ୍ କଲା । eo
 ତାର୍ପତେ ସଇତାନ୍ ଜେ କି ସେମନ୍‌କେ ନାତାଇଲା, ଜଇ ଆରି ଗନ୍ତୁରସ୍
 ରଇବା ଗାତେ ପିଢ଼ୁଅଇଲା । ସେ ପସୁ ଆରି ମିର୍ କଇବା ବଦିସ୍‌ତ୍‌ବକ୍‌ତା
 ଆଗେଅନି ତେଇ ପିଢ଼ୁଅଇରଇଲା । ସେମନ୍ ତେଇରଇକରି ଦିନ୍ ରାତି
 କାଲ୍ କାଲ୍ ଛୁର୍ ଛୁର୍ ସେ ଲକ୍ଷ୍‌ମନ୍‌କେ କାବା କରିରଇଲା, ତାକେ ଜଇ
 ଆରି ଗନ୍ତୁତେ ରଇବା ଗାତେ ନସ୍‌ଟ କରାଇଲା, ସେ ତେଇ ସେ ପସୁ
 ଆରି ମିର୍‌ସିକିଆ ଦେଉଁ ବାବବାଦିମନ୍ ମିସା ଆତର୍, ଆରି ସେ ଲକ୍ଷ୍‌ମନ୍

ଦିନ୍ରାତିଜାକ କସ୍ତ ବର୍ବାଇ । (aiōn g165, Limnē Pyr g3041 g4442) ୧୧
 ତାର୍ପତେ ମୁଇ ଗଟେକ୍ ବଡ଼ଟା ଦବ୍ ବସ୍ବା ଜାଗା ଆରି ଜେ ତାର୍ ଉପ୍ରେ
 ବସିରଇଲା, ତାକେ ଦେକ୍ଲି । ସରଗ୍ ଆରି ଦର୍ତନି ତାର୍ ମୁଆଟେଅନି
 ପାଲାଲଲା ଆରି କେବେ ତିସତନାଇ । ୧୨ ତାର୍ପତେ ମୁଇ ଜେଡ଼କି
 ମଲା ବଡ଼ ସାନ୍ ଲକ୍କେ ଦେକ୍ଲି । ସେମନ୍ ବସ୍ବା ଜାଗାର୍ ମୁଆଟେ
 ଚିଆଅଇରଇବାଟା ମୁଇ ଦେକ୍ଲି । ବଇମନ୍ ଉଗାଡ଼ି ଅଇଲା, ଜିବନ୍ ରଇବା
 ଲକ୍ମନର୍ ବଇ ମିସା ଉଗାଡ଼ି ଅଇଲା । ସେମନ୍ କଲା କାମ୍ ଇସାବେ ମଲା
 ଲକ୍ମନ୍କେ ବିଚାର୍ କଲା । ସେମନ୍ କରିରଇବା କାମ୍ମନ୍ ବଇଟାନେ
 ଆଗ୍ରୁଅନି ଲେକା ଅଇରଇଲା । ୧୩ ତାର୍ ପତେ ସମ୍ବୁରେ ଜେଡ଼କିଲକ୍
 ମରିରଇଲା, ସେମନ୍ ବାରଇଆଇଲା । ମରନ୍ ଆରି ପାତାଲ୍ ମିସା
 ସେମନ୍ ଦାରିରଇବା ମଲାଲକ୍ମନ୍କେ ଚାଡ଼ିଦେଲା । ସେମନ୍କେ ସବୁକେ
 କରିରଇବା କାମ୍ ଇସାବେ ବିଚାର୍ନା କଲା । (Hadēs g86) ୧୪ ତାର୍ପତେ
 ମଲା ଲକ୍ମ ଜାଗାଅନି ଆଇଲା ସବୁଲକ୍ମ ଗାଗଡ଼ ଆରି ଆଡ଼ମା, ଜଇର୍
 ଗାଡେ ପିଢ଼ୁଲା । ସେ ଗାଡ଼ ଅଇଲାନି ଦୁଇ ଲମରର୍ ମରନ୍ (Hadēs g86,
 Limnē Pyr g3041 g4442) ୧୫ ସେ ବେଲେ ଜେଡ଼କି ଲକ୍ମ ନାଉଁ ଜିବନ୍
 ରଇବା ବଇଟାନେ ଲେକା ନ ଅଇରଇଲା, ସେ ସବୁଲକ୍କେ ଜଇଲାଗ୍ବା
 ଗାଡେ ପିଢ଼ୁ ଅଇଲା । (Limnē Pyr g3041 g4442)

୨୧ ତାର୍ପତେ ଏଦେ ଦେକା! ନୁଆ ସରଗ୍ ଆରି ନୁଆ ଜଗଡ଼ ଦେକ୍ଲି ।
 ପର୍ତୁମ୍ ସରଗ୍ ଆରି ପର୍ତୁମ୍ ଜଗଡ଼ ଆରି ତିସେନାଇ । ସମ୍ବୁର୍ ମିସା
 ଆରି ତିସେନାଇ । ୨ ଆରି ସେ ସୁକଲ୍ ନଅର୍ ଦେକ୍ଲି । ସେଟା ରଇଲା
 ନୁଆ ଜିରୁସାଲେମ୍ । ସର୍ଗେଅନି, ପର୍ମେସର୍ଟାନେଅନି, ସେଟା ଉଡ଼ରି
 ଆଇତେରଇଲା । ଗଟେକ୍ ଦାଢ଼ୁଡ଼ି ଦାଢ଼ୁଡ଼ାକେ ବେଟ୍ ଅଇବାକେ ଗାଲେ
 କେନ୍ଦ୍ରାଟା ପିନ୍ଧିରଇସି, ସେନ୍ଦ୍ରାରି ତିଆର୍ ପିଆର୍ ଅଇରଇଲା । ୩ ବସ୍ବା
 ଜାଗାଅନି ଗଟେକ୍ ବଡ଼ ସବଡ଼ କାତାଅଇବାଟା ମୁଇ ସୁନ୍ଲି “ସାରାସାରି
 ବେଲେ ପର୍ମେସର୍ ମୁନୁସ୍ଜାତି ସଢ଼ୁ ବାସା ଅଇବାକେ ଆଇଲାଆଟେ ।
 ସେ ତାକର୍ ସଢ଼ୁ ବାସା ଅଇସି । ଆରି ସେମନ୍ ତାର୍ ଲକ୍ ଅଇବାଇ ।
 ପର୍ମେସର୍ ନିଜେ ତାକର୍ ସଢ଼ୁ ରଇସି । ଆରି ସେ ତାକର୍ ପର୍ମେସର୍
 ଅଇସି ।” ୪ ସେ ତାକର୍ ଆଁସୁ ପୁଟିଦେଇସି । କେ ଆରି ନ ମରଡ଼ ।
 କାନ୍ଦୁବୁବା, ଦୁକାସୁକା ନ ରଏ । ପୁର୍ନା ବିସଇ ଆରି ନ ତିସେ । ୫

ତାହାପରେ ଜେ ବସ୍ତା ଜାଗାଇ ବସିରଇଲା, ସେ କଇଲା “ମୁଇ ଏବେ ସବୁ
 ବିସଇ ନୁଆ କଲିନି ।” ସେ ମକେ ଆରି କଇଲା “ଏଟା ଲେକିକରି ସଞ୍ଜୁ
 । କାଇକେବଇଲେ ଏ ବାକିଅ ସବୁ ସତ୍ । ଆରି ବିସ୍ତାସ୍ କରିଅଇସି ।”
 ୭ ସେ ଆରି କଇଲା ସେଟା ସାରିଗାଲା, ମୁଇ ଅଇଲିନି ଆରାମର୍ ଲକ୍
 ଆରି ସାରାସାରିର୍ ଲକ୍ । ମୁଇ ସେ ଆରାମ୍ ମୁଇ ସେ ସାରାସାରି । ଜାକେ
 ଜଦି ସସ୍ କରସି, ପାଜ୍‌ରାପାନି କାଇବାକେ ମୁଇ ତାକେ ଡାକିନେବି । ଏ
 ପାଜ୍‌ରାଇ ଅନି ଜନ୍ ପାନି ବାରଇସି, ସେଟା ନ ସାର୍‌ବା ଜିବନ୍ ଦେଇସି ।
 ସେମନ୍‌କେ ସେଟା ଇନାମେ ମିଲ୍‌ସି । ୭ ଜନ୍ ଲକ୍‌ମନ୍ ଛୁଇଦ୍ କରି ଜିତ୍‌ବାଇ
 ସେମନ୍‌କେ ଇନାମ୍ ଦେବି, ଆରି ତାକର୍ ପର୍‌ମେସର୍ ଅଇବି ଆରି ସେମନ୍
 ମର୍ ପିଲାଟକି ଅଇବାଇ । ୮ ମାତର୍ ଜେ ମର୍‌ସଞ୍ଜୁ ଆଇବାକେ ଡର୍‌ବାଇ,
 ଆରି ବିସ୍ତାସ୍ ନ କରଡ୍, ଜାର୍ ଚଲାଚଲ୍‌ତି କାରାପ୍, ଜେ କି ନର୍‌ମାରୁମନ୍
 ଆତଡ୍, ଜନ୍ ଲକ୍‌ମନ୍ କାରାପ୍ ରିତିନିତି ଅବିଆସ୍ କର୍‌ବାଇ, ଜନ୍‌ଲକ୍‌ମନ୍
 ମୈତର୍ ଜୈତର୍ କର୍‌ବାଇ ଆରି ଜନ୍ ଲକ୍‌ମନ୍ ମିର୍ ଦେବ୍‌ତାମନ୍‌କେ ଛୁଆର୍
 କର୍‌ବାଇ, ଆରି ଜେଡ୍‌କି ସବୁ ମିରୁଆମନ୍ ରଇବାଇ, ତାକର୍ ସେସର୍ ବେଲା
 ଏନ୍ତାରି ଅଇସି । ସେମନ୍‌କେ ଲାଗ୍‌ତେରଇବା ଗନ୍ତୁଟାମେ ପିଞ୍ଜୁ ଅଇସି ।
 ସେଟା ଅଇଲାନି ପତର୍ ମରନ୍ । (Limnē Pyr g3041 g4442) ୯ ସାତ୍‌ଟା
 ଦୁତ୍‌ମନ୍‌ର୍ ବିତ୍‌ରେ ଗଟେକ୍ ଦୁତ୍, ଜାର୍ ଆତେ ସାତ୍‌ଟା ମର୍‌ତି ରଇବା
 ଗିନା ରଇଲା, ସେ ମକେ ଆସି କଇଲା ଆଉ ମୁଇ ତକେ କନିଆ ଦାଞ୍ଜୁତିକେ
 ଦେକାଇବି । ସେ ଅଇଲାନି ମେଣ୍ଟାପିଲାର୍ ମାଇଜି । ୧୦ ସୁକଲ୍ ଆତ୍‌ମା
 ମକେ ଦାର୍‌ଲା, ଦୁତ୍ ମକେ ଗଟେକ୍ ଉର୍ ଡଞ୍ଜୁର୍ ଚିପେ ଦାରିଗାଲା । ସେ
 ମକେ ସୁକଲ୍ ନଅର୍ ଜିରୁସାଲେମ୍ ପର୍‌ମେସର୍ ଟାନେଅନି, ସର୍‌ଗେଅନି
 ଉତ୍‌ରି ଆଇବାଟା ଦେକାଇଲା । ୧୧ ସେ ନଅର୍ ପର୍‌ମେସର୍ ମଇମାସଞ୍ଜୁ
 ଜକ୍‌ମକି ଜାଇତେରଇଲା । ଗଟେକ୍ ବେସି ଦାମ୍ ରଇବା ଜାସ୍‌ପର୍ ନାଉର୍
 ଇରାପାକ୍‌ନା ପାରା ଜକ୍‌ମକି ଜାଇତେରଇଲା । ସେ ପାକ୍‌ନାଇ ଦେକ୍‌ଲେ
 ଏବାଟେ ଅନି ସେବାଟ୍‌ଟା ସବୁ ଡିସ୍‌ତେରଇଲା । ୧୨ ସେ ନଅରେ ଗଟେକ୍
 ବେସି ଉତ୍‌ର୍ କତି ରଇଲା । ତେଇ ବାର୍‌ଟା ଗେଟ୍ ରଇଲା ଆରି ବାର୍‌ଟା
 ଦୁତ୍‌ମନ୍ ସେ ଗେଟ୍‌ମନ୍‌ର୍ ଦେକାରକା କର୍‌ତେରଇଲା । ଇସ୍‌ରାଏଲ୍
 ଲକ୍‌ମନ୍‌ର୍ ବାର୍‌ଟା ବସ୍‌ର୍ ନାଉର୍‌ମନ୍ ସେ ଗେଟେ ଲେକାଅଇରଇଲା । ୧୩
 ସବୁ ଦିଗେ ତିନ୍‌ଟାଲାକା କାପାଟ୍ ରଇଲା, ଉତ୍‌ର୍ ଦିଗେ ତିନ୍‌ଟା କାପାଟ୍


ଦକିନ୍ଦିଗେ ତିନ୍ତା କାପାଟ୍ ଆରି ପତିମ୍ଦିଗେ ତିନ୍ତା କାପାଟ୍ ରଇଲା ।
 ୧୪ ବାର୍ତ୍ତା ମୁଲ୍ ପାକ୍ନାଇ ସେ ନଗରର୍ କତି ଉଟାଇରଇଲା । ଆରି
 ସେ ପାକ୍ନା ଉପରେ ମେଣ୍ଟାପିଲାର୍ ବାର୍ତ୍ତା ପେରିତ୍ ମନର୍ ନାଉଁ ଲେକା
 ଅଇରଇଲା । ୧୫ ଜନ୍ ଦୁର୍ ମର୍ସଢ୍ଫ କାତା ଅଇତେ ରଇଲା, ତାର୍ ଆତେ
 ନଗର୍କେ, ତାର୍ କାପାଟ୍ ମନ୍କେ ଆରି କତିମନ୍କେ ନାପ୍ବା, ସୁନାର୍ ନାପ୍ବା
 ତାଢ୍ଫ ରଇଲା । ୧୬ ସେ ନଅର୍ ପୁରାପୁରୁନ୍ ଚାରିକନିଆ ରଇଲା । ତାର୍
 ଲମ୍ ଆରି ଅସାର୍ ସମାନ୍ ରଇଲା । ଦୁର୍ ତାର୍ ନାପ୍ବା ତାଢ୍ଫ ସଢ୍ଫ ନଅର୍
 ନାପ୍ଲା । ସେ ନାପ୍ବା ଇସାବେ ସେଟା ଦୁଇଅଜାର୍ ଚାର୍ସ କିଲମିଟର୍
 ଲମ୍ ରଇଲା । ତାର୍ ଲମ୍ ଅସାର୍ ଆରି ଉର୍ ସମାନ୍ ରଇଲା । ୧୭ ଦୁର୍
 କତି ମିସା ନାପ୍ଲା । ସେଟା ୬୦ ମିଟର୍ ଉର୍ ରଇଲା । ୧୮ ଜାସ୍ପର୍
 ନାଉଁର୍ ଗଟେକ୍ ବେସି ଦାମର୍ ଇରା ପାକ୍ନା ସଢ୍ଫ କତି ତିଆର୍ ଅଇରଇଲା
 । ଅସ୍ଲି ସୁନା ସଢ୍ଫ ନଅର୍ ତିଆର୍ ଅଇରଇଲା । ଆରି କାଁପାରା ସବୁ
 ତିସ୍ତେରଇଲା । ୧୯ ସେ ନଅରର୍ କତିର୍ ମୁଲ୍ ପାକ୍ନାମନ୍ ବିନ୍ ବିନ୍
 ରକାମର୍ ଇରାପାକ୍ନାମନ୍ ସଢ୍ଫ ସୁନ୍ଦର୍ କରିରଇଲା । ପର୍ତୁମ୍ ମୁଲ୍
 ପାକ୍ନା ରଇଲା, ଇସ୍ପର୍ । ତାର୍ପଚର୍ ସପାୟର୍, ତାର୍ ପଚର୍ ଆଗାଟେ ।
 ତାର୍ ପଚର୍ ଏମରଲ୍ । ୨୦ ତାର୍ ପଚର୍ ଅନିକ୍ । ତାର୍ ପଚର୍ କର୍ନିଲିଅନ୍
 । ତାର୍ ପଚର୍ ଅଲ୍ଦି ରଢ୍ଫର୍ କାଟ୍, ତାର୍ ପଚର୍ ବେରିଲ୍, ତାର୍ପଚର୍
 ତପାଜ୍, ତାର୍ ପଚର୍ ଚାଲକେଦନି, ତାର୍ ପଚର୍ ଚର୍କଇ, ଆରି ସାରାସାରି
 ଆମେତି । ୨୧ ବାର୍ତ୍ତା ମୁକ୍ତାଇ ବାର୍ତ୍ତା କାପାଟ୍ ତିଆର୍ ଅଇରଇଲା ।
 ଗଟେକ୍ ଗଟେକ୍ କାପାଟ୍ ଗଟେକ୍ ଗଟେକ୍ ମୁକ୍ତାଇଅନି ତିଆର୍ ଅଇରଇଲା
 । ନଅରର୍ ବାଟ୍ ଅସ୍ଲି ସୁନାସଢ୍ଫ ତିଆର୍ ଅଇରଇଲା । କାଁପାରା, ଏନେ
 ଅନି ଦେକ୍ଲେ ତେନର୍ଟାମନ୍ ତିସ୍ତେରଇଲା । ୨୨ ସେ ନଅରେ ମୁଇ
 ଗଟେକ୍ ମିସା ମନ୍ଦିର୍ ଦେକିନାଇ । କାଇକେବଇଲେ, ତାର୍ ମନ୍ଦିର୍ ରଇଲା
 ମାପ୍ବୁ ପର୍ମେସର୍ । ଜେ କି ସବୁର୍ ଉପ୍ରେ ଆତେ, ଆରି ମେଣ୍ଟାପିଲା ।
 ୨୩ ସେ ନଅର୍ ଉପ୍ରେ ଉଜଲ୍ ଦେବାକେ ବେଲ୍ କି ଜନ୍ ଦର୍କାର୍ ନ ରଇଲା
 । କାଇକେବଇଲେ, ପର୍ମେସରର୍ ମଇମା ତେଇ ଉଜଲ୍ ଦେଇତେରଇଲା
 ଆରି ମେଣ୍ଟାପିଲା ତେଇର୍ ବତି ରଇଲା । ୨୪ ସେ ଉଜଲେ ଜଗତର୍ ଲକ୍ମନ୍
 ଇଣ୍ଡିଜିବାଇ ଆରି ରାଜାମନ୍ ତାକର୍ ଦନ୍ ସପ୍ତି ତେଇ ଆନି ସର୍ପି ଦେବାଇ
 । ୨୫ ସେ ନଅରର୍ କାପାଟ୍ମନ୍ ସବୁବେଲେ ଉଗ୍ତା ରଇସି । ସେଟା କେବେ

ମିସା ତାବିଅଇ ନ ରଏ । କାଇକେବଇଲେ ତେଇ କେବେ ରାତି ନ ଅଏ ।
 ୨୭ ରାଇଜ୍ ମନର୍ ତାକ୍‌ପୁଟା ଆରି ଦନ୍ ସଁପତି ସେ ନଅରେ ଆନ୍‌ବାଇ ।
 ୨୭ ମାତର୍ ଅସୁକଲ୍ ରଇବା କାଇ ବିସଇ ମିସା ସେ ନଅରେ ନ ପୁରେ ।
 ଲାଜ୍ ଅଇବା କାମ୍‌ମନ୍ କର୍‌ବା ଲକ୍ କି ମିର୍ କଇବା ଲକ୍ କେ ମିସା ତେଇ
 ପୁରି ନାପାରତ୍ । ମେଣ୍ଟାପିଲାର୍ ବଇଲଗେ ଜାର୍ ନାଉଁ ଲେକାଅଇଆତେ,
 ସେମନ୍‌ସେ, ସେ ନଅରେ ଜାଇପାରତ୍ ।

୨୨ ତାର୍‌ପତେ ଦୁର୍ ମକେ ଜିବନର୍ ପାନି ରଇବା ଗାଡ୍ ଦେକାଇଲା,
 ଜନ୍‌ଟା କି କାଁପାରା ତିସ୍‌ତେରଇଲା । ପର୍‌ମେସରର୍ ବସ୍‌ବା ଜାଗାଇଅନି
 ଆରି ମେଣ୍ଟାପିଲାର୍‌ଟାନେଅନି ସେ ଗାତର୍ ପାନି ଆଇତେରଇଲା । ୨ ନଅରର୍
 ବାଟର୍ ମଜାଇ ସେଟା ବଇ ଆଇତେରଇଲା । ଗାତର୍ ଦୁଇବାଟେ ଜିବନର୍
 ଗର୍ ରଇଲା । ସେ ଗର୍ ମାସ୍‌କେ ଗଟେକ୍ ତର୍ ଅଇ ବରସ୍‌କେ ବାରତର୍
 ପଲ୍ ଦାର୍‌ସି । ରାଇଜ୍‌ମନ୍ ନିକ ଅଇବାକେ ତାର୍ ପତର୍‌ମନ୍ ରଇଲା ।
 ୩ ପର୍‌ମେସରର୍ ଅବିସାପ୍ ରଇବା କାଇଟାମିସା ସେ ନଅରେ ନ ତିସେ ।
 ପର୍‌ମେସରର୍ ଆରି ମେଣ୍ଟାପିଲାର୍ ବସ୍‌ବାଜାଗା ସେ ନଅରେ ରଇସି । ଆରି
 ତାର୍ ଦାଢ୍ଘାତାମନ୍ ତାକେ ଜୁଆର୍ କର୍‌ବାଇ । ୪ ସେମନ୍ ତାକେ ଦେକ୍‌ବାଇ
 ଆରି ତାର୍ ନାଉଁ ସେମନ୍ କାପାଲେ ଲେକାଅଇ ରଇସି । ୫ ତେଇ ଆରି
 ରାତି ନ ରଏ । ବତିର୍ ଉଜଲ୍ କି ବେଲର୍ ଉଜଲ୍ ଦର୍କାର୍ ନ ପଡେ ।
 କାଇକେବଇଲେ ମାପ୍‌ରୁ ପର୍‌ମେସର୍ ତାକର୍ ଉଜଲ୍ ରଇସି । ସେମନ୍ ରାଜା
 ଇସାବେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କର୍‌ବାଇ । (aiōn g165) ୬ ତାର୍‌ପତେ
 ଦୁର୍ ମକେ କଇଲା “ଏ ବାକିଅ ସବୁ ସର୍ ଆରି ବିସ୍‌ବାସ୍ କରିଅଇସି । ମାପ୍‌ରୁ
 ପର୍‌ମେସର୍ ଜେ କି ତାର୍ ଆତ୍‌ମା ବବିସ୍‌ତ୍‌ବକ୍‌ତାମନ୍‌କେ ଦେଇରଇଲା,
 ସେ ତାର୍ ଦୁର୍‌କେ ପାଟାଇଆତେ । ଆଇବା ଦିନ୍‌ମନ୍‌କେ କାଇଟା ଅଇସି,
 ସେଟା ତାର୍ ଦାଢ୍ଘାତାମନ୍‌କେ ଦେକାଇସି ।” ୭ ଜିସୁ କଇଲାନି, “ସୁନା ମୁଇ
 ଦାପ୍‌ରେ ଆଇଲିନି । ଏ ବଇର୍, ଆଇବା ଦିନ୍‌ମନ୍‌କେ ଗର୍‌ବା କାତା, ଜେଡ୍‌କି
 ଲକ୍ ନାମ୍‌ବାଇ, ସେମନ୍ କେଡେକ୍ କରମର୍ ଲକ୍ ।” ୮ ମୁଇ ଜଅନ୍ ଏ ସବୁ
 ସୁନିଆତି ଆରି ଦେକିଆତି । ଏ ସବୁଜାକ ଦେକ୍‌ଲା ପତେ ଆରି ସୁନ୍‌ଲାପତେ
 ଜନ୍ ଦୁର୍ ମକେ ଏ ସବୁ ବିସଇ ଦେକାଇରଇଲା, ତାର୍ ପାଦେ ତାଣ୍ଟାସନ୍
 ପଡ୍‌ଲି । ମୁଇ ତାକେ ଜୁଆର୍‌କର୍‌ବାକେ ଜାଇରଇଲି । ୯ ମାତର୍ ସେ ମକେ
 କଇଲା, “ନିରୁ । କାଇକେବଇଲେ ମୁଇ ମିସା ତମ୍‌ପାରା ଗଟେକ୍ ଲକ୍‌ସେ ।

ତମର ଜେଡ଼କି ବବିସତ୍‌ବକ୍ତା ବାଇମନ୍ ଆରି ଜେଡ଼କି ବଇଟାନେ ରଇବା
 ବାକିଅମନ୍ ଆରେ, ସେଟାମନ୍ ମାନିକରି ରଇଲାଇନି । ତାକର ପାରା ମୁଇ
 ମିସା ଗଟେକ୍ ସେବାକାରିଆ । ପର୍ମେସରକେ ଛୁଆର କରା ।” ୧୦ ଆରି
 ସେ ମକେ କଇଲା, ଏ ବଇର ଜେଡ଼କି ବିସଇ ତକେ ଜାନାଇଅଇଲାଆରେ,
 ସେଟା କେ ନାଜାନ୍‌ଲା ପାରା ଲୁଟାଇ ସଞ୍ଜନାଇ । କାଇକେବଇଲେ ଏ ସବୁ
 ଗଟ୍‌ବା ବେଲା ଲଗେଆରେ । ୧୧ ଜେ କରାପ୍ ଚଲାଚଲ୍‌ତି କରି ଜିଉନା
 କାଉନା କଲାଇନି, ସେ ସେନ୍ତାରିସେ କାରାପ୍ କରତେ ରଅ । ଜେ କି ନିକ
 ଚଲାଚଲ୍‌ତିକରି ଜିଉନା କାଉନା କଲାନି, ସେ ସେନ୍ତାରିସେ ନିକ କରତେରଅ
 । ଜେ କି ସୁକଲ୍ ଆରେ, ସେ ସେନ୍ତାରିସେ ସୁକଲ୍ ରଅ । ୧୨ ଜିସୁ କଇଲାନି
 “ସୁନା ମୁଇ ଦାପ୍‌ରେ ଆଇଲିନି । ଲକ୍‌ମନ୍ କରିରଇବା କାମ୍ ଇସାବେ ମୁଇ
 ସେମନ୍‌କେ ପୁରୁସ୍‌କାର ଦେବି । ୧୩ ମୁଇ ପର୍‌ତୁମର ଲକ୍ ଆରି ସାରାସାରିର
 ଲକ୍ । ମୁଇ ଆରାମ୍ କରବି ଆରି ମୁଇସେ ସାରାଇବି ।” ୧୪ ଜେଡ଼କି ସବୁଲକ୍
 ତାକର ବସ୍‌ତର ଦଇକରି ସୁକଲ୍ କରବାଇ, ସେମନ୍ କେଡେକ୍ କରମର
 ଲକ୍! ଜିବନର୍ ଗରେଅନି ପଲ୍ କାଇକରି କାବାଟ୍‌ବାଟେ ଜାଇ କରି ନଅରେ
 ପୁରବାକେ ସେମନ୍ ଅଦିକାର୍ ପାଇବାଇ । ୧୫ ମାତର ଜନ୍ ଲକ୍‌ମନ୍ ଲାଜ୍
 ଅଇବା କାମ୍‌ମନ୍ କରବାଇ, ଜେନ୍ତିକି, ଜନ୍ତୁର୍ ମନ୍ତୁର୍ ଅବିଆସ୍ କରବାଇ,
 ବେସିଆ କାମ୍‌ମନ୍ କରବାଇ, ନର୍ ମରାଇବାଇ, ମୁର୍ତି ପୁଜା କରବାଇ, ଆରି
 କାତାଇ ଆରି କାମେ ମିର୍ କଇବାଇ, ସେମନ୍ ନଅରର୍ ବାଇରେ ରଇବାଇ
 । ୧୬ “ମୁଇ ଜିସୁ, ମଣ୍ଡୁଲିଟାନେ ରଇବା ତମ୍‌କେ ସବୁ ଲକ୍‌କେ ଏ ବିସଇ
 ଜାନାଇବାକେ ମର୍ ଦୁଡ଼କେ ପାଟାଇଆତି । ମୁଇ ଦାଉଦର୍ କୁରୁମେ ଆତି ।
 ମୁଇ କୁକ୍‌ତା ତାକ୍‌ବାବେଲେ ଉଜଲ୍‌ଦେବା ତାରା ।” ୧୭ ଆତ୍‌ମା ଆରି କନିଆ
 ଦାଢ଼ୁଡ଼ି କଇଲାନି ଆଉ, । ଜେଡ଼କି ଲକ୍ ଏଟା ସୁନ୍‌ଲାଇନି, ସେମନ୍ ମିସା
 ଆଉ, ବଲି କଇବାର୍‌ଆରେ । ଆସା ଜେଡ଼କି ଲକ୍‌କେ ସସ୍ କଲାନି, ଜିବନର୍
 ପାନି ଇନାମେ ନିଆ । ୧୮ ମୁଇ ଜଅନ୍ ସବୁକେ ଜାଗ୍‌ରଡ଼ କରାଇଲିନି,
 ଆଇବା ଦିନ୍‌ମନ୍‌କେ ଗଟ୍‌ବା ଏ ବଇର ଜେଡ଼କି ବାକିଅ ଆରେ, କେ ଜଦି ଇତି
 ଆରି କାଇ କାଲଟା ମିସାଇଲେ, ପର୍‌ମେସର୍ ଏ ବଇଟାନେ ଜନ୍ ମର୍ଡ଼ି ବିସଇ
 ଲେକ୍‌ଲାଆରେ, ସେ ତାର୍ ପାଇବା ତଣ୍ଡୁ ସଞ୍ଜ୍, ଏ ମର୍ଡ଼ି ମିସା ମିସାଇସି
 । ୧୯ ଏ ବବିସତ୍ କାତାର୍ ବଇଟାନେଅନି କେ ଜଦି କାଇ ବିସଇ ମିସା
 ଲୁଟାଇଦେଲେ, ଏ ବଇଟାନେ ଲେକାଅଇରଇବା ଜିବନର୍ ଗଟର୍ ପଲ୍ ଆରି

ସୁକଲ୍ ନଅରେଅନି ସେମନ୍ ପାଇରଇବାଟା ତାକର୍ଟାନେଅନି ଦାରିଜାଇସି ।
୨୦ ଜେ କି ଏ ସବୁ ବିସଇର୍ ପାଇ ସାକି ଦେଇସି, ସେ କଇଲାନି ଓଁ ମୁଇ
ଦାପ୍ରେସେ ଆଇଲିନି! ସେନ୍ତୁରିସେ ଅ ବେ! ମାପ୍ପୁ ଜିସୁ ଆଉ! ୨୧ ମାପ୍ପୁ
ଜିସୁ ଜିବନ୍ ଦୁକାଇଲାଟା ସବୁର୍ ଲଗେ ରଅ । ଆମେନ୍!



ଆରି ସେ ସୁକଲ୍ ନଅର୍ ଦେକଲି । ସେଟା ରଇଲା ନୁଆ ଜିରୁସାଲେମ୍ । ସର୍ଗେଅନି, ପର୍ମେସର୍ଗାନେଅନି, ସେଟା ଉର୍ବି ଆଇତେରଇଲା ।
ଗଟେକ୍ ଦାଢୁଡ଼ି ଦାଢୁଡ଼ାକେ ବେଟ୍ ଅଇବାକେ ଗାଲେ କେନ୍ଦ୍ରାଟା ପିନ୍ଧିରଇସି, ସେନ୍ଦ୍ରାରି ତିଆର୍ ପିଆର୍ ଅଇରଇଲା । ବସ୍ବା ଜାଗାଇଅନି ଗଟେକ୍
ବଡ଼ ସବଡ଼ କାତାଅଇବାଟା ମୁଇ ସୁନ୍ଲି “ସାରାସାରି ବେଲେ ପର୍ମେସର୍ ମୁରୁସ୍ଜାତି ସଢୁ ବାସା ଅଇବାକେ ଆଇଲାଆତେ । ସେ ତାକର୍ ସଢୁ
ବାସା ଅଇସି । ଆରି ସେମନ୍ ତାର୍ ଲକ୍ ଅଇବାଇ । ପର୍ମେସର୍ ନିଜେ ତାକର୍ ସଢୁ ରଇସି । ଆରି ସେ ତାକର୍ ପର୍ମେସର୍ ଅଇସି ।”

ପର୍କାସିତ ୨୧:୨-୩

Reader's Guide

ଓଡ଼ିଆ at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

ଘେଟିଆ at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aīdios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Desiya---Desiya-Bible/Noted

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. * The note placement is skipped or adjusted for verses with non-standard numbering.

Abyssos

ଲୁକ୍ ୮:୩୧
ରମିୟ ୧୦:୭
ପରୁକାସିତ ୯:୧
ପରୁକାସିତ ୯:୨
ପରୁକାସିତ ୯:୧୧
ପରୁକାସିତ ୧୧:୭
ପରୁକାସିତ ୧୭:୮
ପରୁକାସିତ ୨୦:୧
ପରୁକାସିତ ୨୦:୩

aidios

ରମିୟ ୧:୨୦
ଜିଭଦା ୧:୭

aiōn

ମାତିର ୧୨:୩୨
ମାତିର ୧୩:୨୨
ମାତିର ୧୩:୩୯
ମାତିର ୧୩:୪୦
ମାତିର ୧୩:୪୯
ମାତିର ୨୧:୧୯
ମାତିର ୨୪:୩
ମାତିର ୨୮:୨୦
ମାରୁକ ୩:୨୯
ମାରୁକ ୪:୧୯
ମାରୁକ ୧୦:୩୦
ମାରୁକ ୧୧:୧୪
ଲୁକ୍ ୧:୩୩
ଲୁକ୍ ୧:୫୫
ଲୁକ୍ ୧:୨୦
ଲୁକ୍ ୧୭:୮
ଲୁକ୍ ୧୮:୩୦
ଲୁକ୍ ୨୦:୩୪
ଲୁକ୍ ୨୦:୩୫
ଜଅନ୍ ୪:୧୪
ଜଅନ୍ ୬:୫୧
ଜଅନ୍ ୭:୫୮
ଜଅନ୍ ୮:୩୫
ଜଅନ୍ ୮:୫୧
ଜଅନ୍ ୮:୫୨
ଜଅନ୍ ୯:୩୨
ଜଅନ୍ ୧୦:୨୮
ଜଅନ୍ ୧୧:୨୭
ଜଅନ୍ ୧୨:୩୪
ଜଅନ୍ ୧୩:୮
ଜଅନ୍ ୧୪:୧୭

ପେରିର୍ ୩:୨୧
ପେରିର୍ ୧୫:୧୮
ରମିୟ ୧:୨୫
ରମିୟ ୯:୫
ରମିୟ ୧୧:୩୭
ରମିୟ ୧୨:୨
ରମିୟ ୧୭:୨୭
୧ମ କରନ୍ତିୟ ୧:୨୦
୧ମ କରନ୍ତିୟ ୨:୭
୧ମ କରନ୍ତିୟ ୨:୭
୧ମ କରନ୍ତିୟ ୨:୮
୧ମ କରନ୍ତିୟ ୩:୧୮
୧ମ କରନ୍ତିୟ ୮:୧୩
୧ମ କରନ୍ତିୟ ୧୦:୧୧
୨ୟ କରନ୍ତିୟ ୪:୪
୨ୟ କରନ୍ତିୟ ୯:୯
୨ୟ କରନ୍ତିୟ ୧୧:୩୧
ଗାଲାତିୟ ୧:୪
ଗାଲାତିୟ ୧:୫
ଏପିସିୟ ୧:୨୧
ଏପିସିୟ ୨:୨
ଏପିସିୟ ୨:୭
ଏପିସିୟ ୩:୯
ଏପିସିୟ ୩:୧୧
ଏପିସିୟ ୩:୨୧
ଏପିସିୟ ୬:୧୨
ପିଲିପିୟ ୪:୨୦
କଲସିଥ ୧:୨୭
୧ମ ତିମତି ୧:୧୭
୧ମ ତିମତି ୬:୧୭
୨ୟ ତିମତି ୪:୧୦
୨ୟ ତିମତି ୪:୧୮
ତିତସ୍ ୨:୧୨
ଏବ୍ରି ୧:୨
ଏବ୍ରି ୧:୮
ଏବ୍ରି ୫:୭
ଏବ୍ରି ୬:୫
ଏବ୍ରି ୭:୨୦
ଏବ୍ରି ୭:୧୭
ଏବ୍ରି ୭:୨୧
ଏବ୍ରି ୭:୨୪
ଏବ୍ରି ୭:୨୮
ଏବ୍ରି ୯:୨୭
ଏବ୍ରି ୧୧:୩
ଏବ୍ରି ୧୩:୮
ଏବ୍ରି ୧୩:୨୧
୧ମ ପିତର ୧:୨୩

୧ମ ପିତର ୧:୨୫
୧ମ ପିତର ୪:୧୧
୧ମ ପିତର ୫:୧୧
୨ୟ ପିତର ୩:୧୮
୧ମ ଜଅନ୍ ୨:୧୭
୨ୟ ଜଅନ୍ ୧:୨
ଜିଭଦା ୧:୧୩
ଜିଭଦା ୧:୨୫
ପରୁକାସିତ ୧:୭
ପରୁକାସିତ ୧:୧୮
ପରୁକାସିତ ୪:୯
ପରୁକାସିତ ୪:୧୦
ପରୁକାସିତ ୫:୧୩
ପରୁକାସିତ ୭:୧୨
ପରୁକାସିତ ୧୦:୭
ପରୁକାସିତ ୧୧:୧୫
ପରୁକାସିତ ୧୪:୧୧
ପରୁକାସିତ ୧୫:୭
ପରୁକାସିତ ୧୯:୩
ପରୁକାସିତ ୨୦:୧୦
ପରୁକାସିତ ୨୨:୫

aiōnios

ମାତିର ୧୮:୮
ମାତିର ୧୯:୧୭
ମାତିର ୧୯:୨୯
ମାତିର ୨୫:୪୧
ମାତିର ୨୫:୪୭
ମାରୁକ ୩:୨୯
ମାରୁକ ୧୦:୧୭
ମାରୁକ ୧୦:୩୦
ଲୁକ୍ ୧୦:୨୫
ଲୁକ୍ ୧୭:୯
ଲୁକ୍ ୧୮:୧୮
ଲୁକ୍ ୧୮:୩୦
ଜଅନ୍ ୩:୧୫
ଜଅନ୍ ୩:୧୭
ଜଅନ୍ ୩:୩୭
ଜଅନ୍ ୪:୧୪
ଜଅନ୍ ୪:୩୭
ଜଅନ୍ ୫:୨୪
ଜଅନ୍ ୫:୩୯
ଜଅନ୍ ୬:୨୭
ଜଅନ୍ ୭:୪୦
ଜଅନ୍ ୭:୪୭
ଜଅନ୍ ୭:୫୪
ଜଅନ୍ ୭:୨୮

ଜଅନ୍ ୧୦:୨୮
ଜଅନ୍ ୧୨:୨୫
ଜଅନ୍ ୧୨:୫୦
ଜଅନ୍ ୧୭:୨
ଜଅନ୍ ୧୭:୩
ଘେରିବ୍ ୧୩:୪୭
ଘେରିବ୍ ୧୩:୪୮
ରମିୟ ୨:୭
ରମିୟ ୫:୨୧
ରମିୟ ୬:୨୨
ରମିୟ ୬:୨୩
ରମିୟ ୧୭:୨୫
ରମିୟ ୧୭:୨୭
୨ୟ କରନ୍ତ୍ରିୟ ୪:୧୭
୨ୟ କରନ୍ତ୍ରିୟ ୪:୧୮
୨ୟ କରନ୍ତ୍ରିୟ ୫:୧
ଗାଲାତିୟ ୬:୮
୨ ଚେସଲନିକିୟ ୧:୯
୨ ଚେସଲନିକିୟ ୨:୧୭
୧ମ ତିମତି ୧:୧୭
୧ମ ତିମତି ୬:୧୭
୧ମ ତିମତି ୬:୧୭
୨ୟ ତିମତି ୧:୯
୨ୟ ତିମତି ୨:୧୦
ତିତସ୍ ୧:୨
ତିତସ୍ ୩:୭
ପିଲିମନ୍ ୧:୧୫
ଏସ୍ଡରି ୫:୯
ଏସ୍ଡରି ୬:୨
ଏସ୍ଡରି ୯:୧୨
ଏସ୍ଡରି ୯:୧୪
ଏସ୍ଡରି ୯:୧୫
ଏସ୍ଡରି ୧୩:୨୦
୧ ମ ପିତର ୫:୧୦
୨ ୟ ପିତର ୧:୧୧
୧ ମ ଜଅନ୍ ୧:୨
୧ ମ ଜଅନ୍ ୨:୨୫
୧ ମ ଜଅନ୍ ୩:୧୫
୧ ମ ଜଅନ୍ ୫:୧୧
୧ ମ ଜଅନ୍ ୫:୧୩
୧ ମ ଜଅନ୍ ୫:୨୦
ଜିଉଦା ୧:୭
ଜିଉଦା ୧:୨୧
ପର୍କାସିତ ୧୪:୭

eleēsē

ରମିୟ ୧୧:୩୭

Geenna

ମାତିର ୫:୨୨
ମାତିର ୫:୨୯
ମାତିର ୫:୩୦
ମାତିର ୧୦:୨୮
ମାତିର ୧୮:୯
ମାତିର ୨୩:୧୫
ମାତିର ୨୩:୩୩
ମାର୍କ ୯:୪୩

ମାର୍କ ୯:୪୫
ମାର୍କ ୯:୪୭
ଲୁକ୍ ୧୨:୫
ଜାକୂବ୍ ୩:୭

Hadēs

ମାତିର ୧୧:୨୩
ମାତିର ୧୭:୧୮
ଲୁକ୍ ୧୦:୧୫
ଲୁକ୍ ୧୭:୨୩
ଘେରିବ୍ ୨:୨୭
ଘେରିବ୍ ୨:୩୧
୧ମ କରନ୍ତ୍ରିୟ ୧୫:୫୫
ପର୍କାସିତ ୧:୧୮
ପର୍କାସିତ ୬:୮
ପର୍କାସିତ ୨୦:୧୩
ପର୍କାସିତ ୨୦:୧୪

Limnē Pyr

ପର୍କାସିତ ୧୯:୨୦
ପର୍କାସିତ ୨୦:୧୦
ପର୍କାସିତ ୨୦:୧୪
ପର୍କାସିତ ୨୦:୧୫
ପର୍କାସିତ ୨୧:୮

Sheol

Genesis ୩୭:୩୫
Genesis ୪୨:୩୮
Genesis ୪୪:୨୯
Genesis ୪୪:୩୧
Numbers ୧୬:୩୦
Numbers ୧୬:୩୩
Deuteronomy ୩୨:୨୨
1 Samuel ୨:୬
2 Samuel ୨୨:୬
1 Kings ୨:୬
1 Kings ୨:୯
Job ୭:୯
Job ୧୧:୮
Job ୧୪:୧୩
Job ୧୭:୧୩
Job ୧୭:୧୭
Job ୨୧:୧୩
Job ୨୪:୧୯
Job ୨୬:୬
Psalms ୬:୫
Psalms ୯:୧୭
Psalms ୧୬:୧୦
Psalms ୧୮:୫
Psalms ୩୦:୩
Psalms ୩୧:୧୭
Psalms ୪୯:୧୪
Psalms ୪୯:୧୫
Psalms ୫୫:୧୫
Psalms 86:୧୩
Psalms 88:୩
Psalms 89:୪୮


Psalms 116:୩
Psalms 139:୮
Psalms 141:୭
Proverbs ୧:୧୨
Proverbs ୫:୫
Proverbs ୭:୨୭
Proverbs ୯:୧୮
Proverbs ୧୫:୧୧
Proverbs ୧୫:୨୪
Proverbs ୨୩:୧୪
Proverbs ୨୭:୨୦
Proverbs ୩୦:୧୭
Ecclesiastes ୯:୧୦
Song of Solomon ୮:୭
Isaiah ୫:୧୪
Isaiah ୭:୧୧
Isaiah ୧୪:୯
Isaiah ୧୪:୧୧
Isaiah ୧୪:୧୫
Isaiah ୨୮:୧୫
Isaiah ୨୮:୧୮
Isaiah ୩୮:୧୦
Isaiah ୩୮:୧୮
Isaiah ୫୭:୯
Ezekiel ୩୧:୧୫
Ezekiel ୩୧:୧୭
Ezekiel ୩୨:୨୧
Ezekiel ୩୨:୨୭
Hosea ୧୩:୧୪
Amos ୯:୨
Jonah ୨:୨
Habakkuk ୨:୫

Tartaroō

୨ ୟ ପିତର ୨:୪

Questioned


୨ ୟ ପିତର ୨:୧୭




Abraham's Journey

ଅବ୍ରାହାମ୍ ନିଧା ତାର ବିଦ୍ୱାବସ୍ତୁ ଲାଗି ପରୁମେସରକୁ ଯାଆ ନାହିଁଲା । ପରୁମେସରୁ ତାହାପାଇଁ ସମ୍ପୂର୍ଣ୍ଣକରିବା ଗଲେକେ ତେସେ ତା ବଢ଼ି କଲିଲକେ, ସେ ପାଦରେ ମାମୁଲା ଆଣି ବାରିଲେ । ସେ କହୁଁ ଗାଲିନି ବଢ଼ି ନାଜାମି ବଲେଲେ ନିଧା ସେ ସେମ୍ପୁରୁ କଲା । - ଏବ୍ରା ୧୧:୮

Israel's Exodus



"When Pharaoh had let the people go, God didn't lead them by the way of the land of the Philistines, although that was near, for God said, 'Lest perhaps the people change their minds when they see war, and they return to Egypt'" Exodus 13:17



Jesus' Journeys



କାଳକେ ବଇଲେ ପରୁମେପରୁଟାମେଥେନି ଆସିଲେବା ମରୁପିଲା ପୁତ୍ର, ବିନ୍ କଲୁମରୁଟାମେଥେନି ମଳେ ଘେବା ମିଲ ବଲି ଆସି ମଲ, ମାତରୁ ଘେବା କରୁବାକେ ଆସି ଆତି । ଆରି ମୁଇ କିବୁ ଚେବାରୁ ଲାତି, ଚେସି ଲକ୍ ଦସି ବଲି ଏତାଲ ମ ଅଇ, ପାଠେଥେନି କେଥା ପାଇବାଇ
 - ମାତୁକ ୧୦:୪୫



ପୂଜା ପାଠ୍ୟ ଏବଂ ଲେକ୍ଚର, ପୂଜା କ୍ରିଷ୍ଚିୟନ ଚର୍ଚ୍ଚା ଯୋଜନା । ପୂଜା ପାଠ୍ୟ ଏବଂ ଲେକ୍ଚର, ପୂଜା କ୍ରିଷ୍ଚିୟନ ଚର୍ଚ୍ଚା ଯୋଜନା । ପୂଜା ପାଠ୍ୟ ଏବଂ ଲେକ୍ଚର, ପୂଜା କ୍ରିଷ୍ଚିୟନ ଚର୍ଚ୍ଚା ଯୋଜନା ।

ପୂଜା ପାଠ୍ୟ ଏବଂ ଲେକ୍ଚର, ପୂଜା କ୍ରିଷ୍ଚିୟନ ଚର୍ଚ୍ଚା ଯୋଜନା । ପୂଜା ପାଠ୍ୟ ଏବଂ ଲେକ୍ଚର, ପୂଜା କ୍ରିଷ୍ଚିୟନ ଚର୍ଚ୍ଚା ଯୋଜନା । ପୂଜା ପାଠ୍ୟ ଏବଂ ଲେକ୍ଚର, ପୂଜା କ୍ରିଷ୍ଚିୟନ ଚର୍ଚ୍ଚା ଯୋଜନା ।

Creation 4004 B.C.



Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophesies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.

New Heavens and Earth



Christ returns for his people	1956
Jim Elliot martyrdom in Ecuador	1830
John Williams reaches Polynesia	1731
Zinzendorf leads Moravian mission	1614
Japanese kill 40,000 Christians	1572
Jesuits reach Mexico	1517
Martin Luther leads Reformation	1455
Gutenberg prints first Bible	1323
Franciscans reach Sumatra	1276
Ramon Llull trains missionaries	1100
Crusades tarnish the church	1054
The Great Schism	997
Adalbert martyrdom in Prussia	864
Bulgarian Prince Boris converts	716
Boniface reaches Germany	635
Alopen reaches China	569
Longinus reaches Alodia / Sudan	432
Saint Patrick reaches Ireland	397
Carthage ratifies Bible Canon	341
Ulfilas reaches Goth / Romania	325
Niceae proclaims God is Trinity	250
Denis reaches Paris, France	197
Tertullian writes Christian literature	70
Titus destroys the Jewish Temple	61
Paul imprisoned in Rome, Italy	52
Thomas reaches Malabar, India	39
Peter reaches Gentile Cornelius	33
Holy Spirit empowers the Church	33

(Wikipedia, Timeline of Christian missions)

Resurrected 33 A.D.

What are we? ▲	Genesis 1:26 - 2:3						Mankind is created in God's image, male and female He created us					
How are we sinful? ▲	Romans 5:12-19						Sin entered the world through Adam and then death through sin					
When are we? ▼												
Where are we? ▲	Innocence			Fallen			Glory					
	Eternity Past	Creation 4004 B.C.	Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth					
	John 10:30	Genesis 1:31	1 Timothy 6:16	John 1:14	John 14:17	Luke 23:43	Acts 3:21					
	God's perfect fellowship	God's perfect fellowship with Adam in The Garden of Eden	Living in unapproachable light	John 1:14 Incarnate	John 14:17 Living in believers	Paradise	Philippians 2:11					
							Revelation 20:3					
							God's perfectly restored fellowship with all Mankind praising Christ as Lord in the Holy City					
Who are we? ▲	Eternity Past			Genesis 1:1			Matthew 25:41			Revelation 20:10		
	John 10:30	Genesis 1:31	2 Peter 2:4, Jude 6	Imprisoned in Tartarus	Revelation 20:13	Thalaasa	Lake of Fire prepared for the Devil and his Angels					
	God's perfect fellowship	God's perfect fellowship with Adam in The Garden of Eden	Imprisoned	Imprisoned in Tartarus	Revelation 19:20	Lake of Fire						
Why are we? ▲	Romans 11:25-36, Ephesian 2:7						For God has bound all over to disobedience in order to show mercy to all					

Destiny

60ଶିଖା at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you*," John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



World Nations

ଫୋଟୋ ଚମେ ସେସମାନଙ୍କେ ଚିତ୍ତକାରୀ ସବୁ ବାସୀରୁ ଲକ୍ଷମାନରୁ ଲିଖିତ ଜାଣାଇ, ସେମାନଙ୍କେ ମରୁ ସିଦ୍ଧ କରାଯାଏ । ବାବା, ସଫ ଆଜି ସୁଦ୍ଧା ଆତ୍ମମାନରୁ ନାଉଁକୋରି ସେମାନଙ୍କେ ଡୁକନ୍ ଦିଆସୁ । - ମାରିଉ ୨୮:୧୯